

# Holy Bible

*Aionian* Edition®

ଦୁଃନି ଖେରା

New Testament in Kuvi

[AionianBible.org](http://AionianBible.org)

The world's first Holy Bible untranslation

100% free to copy and print

also known as “ The Purple Bible ”

*Holy Bible Aionian Edition* ®

ପୁସ୍ତକ ଖୋଲା

New Testament in Kuv

CC Attribution NoDerivatives 4.0, 2018-2024

Source text: eBible.org

Source version: 7/13/2024

Source copyright: CC Attribution 4.0

The Word for the World International, 2020

Formatted by Speedata Publisher 4.19.18 (Pro) on 7/19/2024

100% Free to Copy and Print

TOR Anonymously

<https://AionianBible.org>

Published by Nainoia Inc

<https://Nainoia-Inc.signedon.net>

We pray for a modern public domain translation in every language

Report content and format concerns to Nainoia Inc

Volunteer help is welcome and appreciated!

*Celebrate Jesus Christ's victory of grace!*





# Preface

କୃତ୍ତି, କୃଷ୍ଣି at [AionianBible.org/Preface](http://AionianBible.org/Preface)

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Take the time to understand these eleven words. The original translation is unaltered and a note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at [eBible.org](http://eBible.org), [Crosswire.org](http://Crosswire.org), [unbound.Biola.edu](http://unbound.Biola.edu), [Bible4u.net](http://Bible4u.net), and [NHEB.net](http://NHEB.net). The Aionian Bible is copyrighted with [creativecommons.org/licenses/by-nd/4.0](http://creativecommons.org/licenses/by-nd/4.0), allowing 100% freedom to copy and print, if respecting source copyrights. Check the Reader's Guide and read online at [AionianBible.org](http://AionianBible.org), with Android, and TOR network. Why purple? King Jesus' Word is royal... and purple is the color of royalty!

# History

କୃତ୍ତି, କୃଷ୍ଣି at [AionianBible.org/History](https://AionianBible.org/History)

- 04/15/85 - Aionian Bible conceived as B. and J. pray.
- 12/18/13 - Aionian Bible announced as J. and J. pray.
- 06/21/15 - Aionian Bible birthed as G. and J. pray.
- 01/11/16 - AionianBible.org domain registered.
- 06/21/16 - 30 translations available in 12 languages.
- 12/07/16 - Nainoia Inc established as non-profit corporation.
- 01/01/17 - Creative Commons Attribution No Derivatives 4.0 license added.
- 01/16/17 - Aionian Bible Google Play Store App published.
- 07/01/17 - 'The Purple Bible' nickname begins.
- 07/30/17 - 42 translations now available in 22 languages.
- 02/01/18 - Holy Bible Aionian Edition® trademark registered.
- 03/06/18 - Aionian Bibles available in print at Amazon.com.
- 10/20/18 - 70 translations now available in 33 languages.
- 11/17/18 - 104 translations now available in 57 languages.
- 03/24/19 - 135 translations now available in 67 languages.
- 10/28/19 - Aionian Bible nursed as J. and J. pray.
- 10/31/19 - 174 translations now available in 74 languages.
- 02/22/20 - Aionian Bibles available in print at Lulu.com.
- 05/25/20 - Illustrations by Gustave Doré, La Grande Bible de Tours, Felix Just.
- 08/29/20 - Aionian Bibles now available in ePub format.
- 12/01/20 - Right to left and Hindic languages now available in PDF format.
- 03/31/21 - 214 translations now available in 99 languages.
- 11/17/21 - Aionian Bible Branded Leather Bible Covers now available.
- 12/20/21 - Social media presence on Facebook, Twitter, LinkedIn, YouTube, etc.
- 01/01/22 - 216 translations now available in 99 languages.
- 01/09/22 - StudyPack resources for Bible translation study.
- 02/14/22 - Strong's Concordance from Open Scriptures and STEP Bible.
- 02/14/23 - Aionian Bible published on the TOR Network.
- 12/04/23 - Eleēsē added to the Aionian Glossary.
- 02/04/24 - 352 translations now available in 135 languages.
- 05/01/24 - 371 translations now available in 151 languages.

# Table of Contents

## NEW TESTAMENT

ମାତି .....	11
ମାର୍କ .....	85
ଲୁକ .....	132
ଜହ .....	210
କାମା .....	272
ରମି .....	351
୧କର .....	385
୨କର .....	418
ଗାଲା .....	440
ଏପିସି .....	452
ପିଲିପି .....	463
କଲସି .....	471
୨ତେସ .....	479
୧ତିମ .....	483
୨ତିମ .....	492
ତିତସ .....	499
ପିଲିମ .....	503
ଏବୁ .....	505
ଜାକୁବ .....	530
୧ପିତ .....	539
୨ପିତ .....	549
୧ଜହ .....	555
୨ଜହ .....	564
୩ଜହ .....	566
ଜୀହୁଦା .....	568
୧୩ ବାଲୁ .....	571

## APPENDIX

Reader's Guide

Glossary

Maps

Destiny

Illustrations, Doré





# NEW TESTAMENT



ଏତିବେଳା ଜୀମ୍ମ ଏଲେଇଡେସି, “ଏ ଆଦା ଏଝାରି ଚହ ଆହୁଆନି, ଇତିହିଁ ଏଝାରି ଏନାଆଁ କହିମାନେରି ଏଦାଆଁ ପୁଞ୍ଜାହିଲଅରି ।”  
ଅଡ଼େ ଏଝାରି ଏଝାଣି ହିମ୍ପୁରି ବାଟିକହାଲି ପାଦି କିଡେରି ।  
ଲୁକ ୨୩:୩୪

# ମାତି

୧ ଅବ୍ରାହାମ ମାର୍ବସି ଅଡ଼େ ଦାସ୍ତୁଦତି ମାର୍ବସି ଜୀସୁ କ୍ରୀସ୍ତୁତି କୃତା ।  
୨ ଅବ୍ରାହାମ ମାର୍ବସି ଇସାହାକ, ଇସାହାକ ମାର୍ବସି ଜାକୁବ, ଜାକୁବ  
ମାର୍ବସି ଜୀହୁଦା ଇଚ୍ଛାଁ ତାନି ତାୟିୟାଁ, ୩ ଜୀହୁଦା ଅଡ଼େ ତାମାର ମାର୍ବସି  
ପେରସ ଅଡ଼େ ଜେରହ, ପେରସ ମାର୍ବସି ହେସ୍ରଣ, ହେସ୍ରଣ ମାର୍ବସି  
ଅରାମ, ୪ ଅରାମ ମାର୍ବସି ଅମିନାଦାବ, ଅମିନାଦାବ ମାର୍ବସି ନହସନ,  
ନହସନ ମାର୍ବସି ସଲମନ, ୫ ସଲମନ ଅଡ଼େ ରାହାବ୍ ମାର୍ବସି ବୟାଜ,  
ବୟାଜ ଅଡ଼େ ରୁତ ମାର୍ବସି ଅବେଦ, ଅବେଦ ମାର୍ବସି ଜିସି । ୬ ଜିସି  
ମାର୍ବସି ଦାସ୍ତୁଦ ରାଜା, ଦାସ୍ତୁଦ ଅଡ଼େ ଉରିୟ ଡକ୍ରିନି ତାଣାଟି ସଲମନ  
ଜାର୍ନା ଆଡେସି, ୭ ସଲମନ ମାର୍ବସି ରିହବୟାମ, ରିହବୟାମ ମାର୍ବସି  
ଅବିୟ, ଅବିୟ ମାର୍ବସି ଅସା, ୮ ଅସା ମାର୍ବସି ଜିହସାପାଟ୍, ଜିହସାପାଟ୍  
ମାର୍ବସି ଜରାମ, ଜରାମ ମାର୍ବସି ଉଜିୟ, ୯ ଉଜିୟ ମାର୍ବସି ଜତମ୍,  
ଜତମ୍ ମାର୍ବସି ଆହାଜ, ଆହାଜ ମାର୍ବସି ହିଜକିୟ, ୧୦ ହିଜକିୟ  
ମାର୍ବସି ମନସି, ମନସି ମାର୍ବସି ଆମନ, ଆମନ ମାର୍ବସି ଜସିୟ, ୧୧  
ଇସ୍ରାୟେଲଇଁ ବାବିଲନ ଦେସାତା ଦସାନା ଅନି ବେଲାତା ଜସିୟ ମାର୍ବକା  
ଜିକନିୟ ଇଚ୍ଛାଁ ତାନି ତାୟିୟାଁ ଜାର୍ନା ଆଡେରି । ୧୨ ବାବିଲନତା ଅଢ଼ିଆତି  
ଜେଚ ଜିକନିୟ ସଲ୍ଟିୟେଲଇଁ ଜାର୍ନି କିଡେସି, ସଲ୍ଟିୟେଲ ମାର୍ବସି  
ଜିରୁବାବେଲ, ୧୩ ଜିରୁବାବେଲ ମାର୍ବସି ଅବିହୁଦ, ଅବିହୁଦ ମାର୍ବସି  
ଏଲିୟାକିମ, ଏଲିୟାକିମ ମାର୍ବସି ଅସର, ୧୪ ଅସର, ମାର୍ବସି ସାଦକ,  
ସାଦକ ମାର୍ବସି ଆକିମ, ଆକିମ ମାର୍ବସି ଏଲିହୁଦ, ୧୫ ଏଲିହୁଦ ମାର୍ବସି  
ଏଲିୟାଜର, ଏଲିୟାଜର ମାର୍ବସି ମତାନ, ମତାନ ମାର୍ବସି ଜାକୁବ,  
୧୬ ଜାକୁବ ମାର୍ବସି ମରିୟମନି ତକ୍ତା ଜସେପ, ଇ ମରିୟମନି ବାଣ୍ଟିତି  
ଜୀସୁ ଜାର୍ନା ଆଡେସି, ଏଞ୍ଜାଣାଇଁ କ୍ରୀସୁ ଇଣ୍ଡି ଆହିମାନେ । ୧୭ ଇଲେଆହିଁ  
ଅବ୍ରାହାମ ତାଣାଟିଏ ଦାସ୍ତୁଦ ପାଡେକା ସଦ ଜାଣା ଆକୁୟାଁ, ଅଡ଼େ ଦାସ୍ତୁଦ  
ତାଣାଟିଏ ବାବିଲନ ଅଢ଼ିଆତି ପାଡେକା ସଦ ମାଣ୍ଡସି, ଇଚ୍ଛାଁ ବାବିଲନ ଅଢ଼ିଆତି  
ତାଣାଟିଏ ଜୀସୁ କ୍ରୀସ୍ତୁତି ଜାର୍ନା ପାଡେକା ସଦ ମାଣ୍ଡସି । ୧୮ ଜୀସୁ କ୍ରୀସ୍ତୁତି  
ଜାର୍ନା ଇଲେକିଁ ଆଡେ । ତାନି ଇୟା ମରିୟମ ଅଡ଼େ ଜସେପ ତଲେ ବାହା  
ଆହାଲି ରାସ୍ତା ଆହାମାତି ଜେଚ, ଏଢ଼ି କାଲ୍ଡି ଆଆ ନକେଏ, ଏଦି ସୁଦୁଜୀସୁ  
ତଲେ ପୁରାମାସା ଆହାମାନେ ଇଚ୍ଛାଁ ପୁଣ୍ଡି ଆଡେ । ୧୯ ଏଡେଟିଏ ତାନି ତକ୍ତା

ଜସେପ ର ଦାମ୍ଭ ଲକ୍ଷ୍ମୀ ମାତାକି, ଇଚ୍ଛା ଏଦାଣି ଲକ୍ଷ୍ମୀ ନକିତା ଦହ ଗାଟାୟି ଇଚ୍ଛା  
 ତହୁଆପେଏ ଇଚ୍ଛା ଏଦାନି ତୁକ୍‌ହାନା ପିସାଲି ତାରି କିତେସି । ୨୦ ସାମା  
 ଏଞ୍ଜିଏ ଏଲେଇଚ୍ଛା ତାରିକିତି ତାୟୁ, ମେହ୍‌ଦୁ, ମାହାପୁରୁତି ର ଦୁରୁ ଏଞ୍ଜିଶାଲ୍  
 ହାପାନାତା ଏଲେଇଚେସି, “ଆଡେ ଦାଞ୍ଜୁଦ କୁଡ଼ାତି ଜସେପ, ମରିୟମନି ତକ୍‌କି  
 କିହାଲିତାକି ଆଜାଆନି, ଏନାଆଁତାକି ଇଚିହ୍ ମାହାପୁରୁତି ସୁଦୁଜୀଞ୍ଜୁ ତଲେ  
 ପୁରାମାସା ଆହାମାନେ । ୨୧ ଏଦି ର କକାଶାଲ୍ ଜାନି କିନେ, ଅଡେ ମୀରୁ  
 ଏଞ୍ଜିଶି ଦରୁ ଜୀସୁ ଇଚ୍ଛା ଇଟାଦୁ, ଇଚିହ୍ ଏଞ୍ଜିସି ତାମି ଲକ୍ଷ୍ମୀ ତାମି ବାରେ  
 ପାପୁତି ଶେଲ୍‌ପିନେସି ।” ୨୨ ମାହାପୁରୁ ଅଶ୍‌ପୁତି ବଲୁ ଶ୍ଵେହ୍‌ନାରି ତାଶାଟି  
 ପ୍ରବୁତି ଇ କାତା ଏନିକ୍ ପୁରା ଆନେ, ଇଦାଆଁତାକି ଇ ବାରେ ଆଡେ, ୨୩  
 “ମେହ୍‌ଦୁ ର ତାଆ ମାଞ୍ଜୁ ପୁରାମାସା ଆହାନା ର କକାଶାଲ୍ ଜାନି କିନେ, ଅଡେ  
 ଲକ୍ଷ୍ମୀ ଏଞ୍ଜିଶି ଦରୁ ‘ଇମାନୁୟେଲ’ ଇଚିନେରି ।” ଇ ଦରୁତି ଅର୍ତ୍ତ “ମାହାପୁରୁ  
 ମା ତଲେ ମାନେସି ।” ୨୪ ଏମ୍ପାଟିଏ ଜସେପ ଇଦାଟି ନିଞ୍ଜିତି ତାୟୁ ପ୍ରବୁତି  
 ଦୁରୁ ଏନିକ୍ ହୁକୁମି ହାହାମାଚେସି, ଏଲେକିହ୍‌ଏ କିତେସି, ଏଞ୍ଜିସି ମରିୟମଲ୍  
 ବାହା ଆଡେସି; ୨୫ ସାମା ଏଦି କକାଶାଲ୍ ଜାନି କିଆ ପାଡେକା ଏଦାଣି  
 ତଲେ କୁଡ଼ାଆଡେସି, ଅଡେ ଏ କକାଶି ଦରୁ ଜୀସୁ ଇଚିତେରି ।

**୨** ହେରଦ ରାଜା ବେଲ୍‌ତା ଜୀହୁଦା ଦେସାତି ବେତଲିହିମ ଗାଡ଼ାତା ଜୀସୁ  
 ଜାନିଆତି ତାୟୁ, ମେହ୍‌ଦୁ, ଶ୍ଵେଡ଼ା ହ୍‌ପୁ ଞ୍ଜିକିଟି ଏତରଜାଶା ସ୍‌ଗୁପୁନାରି  
 ଜିରୁସାଲମତା ଞ୍ଜିହାନା ଶ୍ଵେଚେରି, ୨ “ଆମିନି କକାସି ଜୀହୁଦିଞ୍ଜୁ ରାଜା  
 ଆହାଲି ଜାନି ଆହାମାନାସି, ଏଞ୍ଜିସି ଆମ୍ପିୟା? ମାମୁ ଶ୍ଵେଡ଼ା ହ୍‌ପୁ ଞ୍ଜିକିଟି  
 ତାନି ହୁକା ମେସାନା ଏଞ୍ଜିଶାଲ୍ ଜହରା କିହାଲି ଞ୍ଜିହାମାନମି ।” ୩ ଇ  
 କାତା ଶ୍ଵେଞ୍ଜାନା ହେରଦ ରାଜା ଅଡେ ତାନିତଲେ ଜିରୁସାଲମତି ବାରେ ଲକ୍ଷ୍ମୀ  
 କାବାଆହାନା ଆଜିତେରି । ୪ ଅଡେ ଏଞ୍ଜିସି ଲକ୍ଷ୍ମୀ କାଜା ପୁଜେରାଞ୍ଜୁ ଇଚ୍ଛା  
 ମେରା ପୁନାରାଲ୍ କୁଡ଼ି କିହାନା, କ୍ରୀସ୍ତୁ ଏମ୍ପିୟା ଜାନି ଆନେସି, ଏଦାଆଁ ଏଞ୍ଜିରି  
 ତାଶାଟି ପୁଞ୍ଜାଲି ଅଶ୍‌ପିତେସି । ୫ ଏଞ୍ଜିରି ଏଞ୍ଜିଶାଲ୍ ଏଲେଇଚେରି, ଜୀହୁଦା  
 ଦେସାତି ବେତଲିହିମ ଗାଡ଼ାତା ମାହାପୁରୁ ଅଶ୍‌ପୁତି ବଲୁ ଶ୍ଵେହ୍‌ନାରି ତାଶାଟି  
 ଇଲେଇଚ୍ଛା ରାସ୍‌କି ଆହାମାନେ; ୬ “ଏ ଜୀହୁଦା ଦେସାତି ବେତଲିହିମ,  
 ଜୀହୁଦାତି କାଜା ନାସ୍‌କା ବିତ୍ରାଟି ନୀନୁ ଉଶା ଆଏ; ଇଚିହ୍ ଆମ୍ପାଆସି ନା  
 ଇସ୍ରାୟେଲ ଲକ୍ଷ୍ମୀ ପୁହି କିନେସି, ଏଲେତି ର ସାଲଞ୍ଜି କିନାସି ନୀ ତାଶାଟି  
 ଞ୍ଜିନେସି ।” ୭ ତାୟୁ ହେରଦ ସ୍‌ଗୁ ପୁନାରାଲ୍ ମେଶେଏ ହାଟାନା, ଏ ହୁକା

ଏଚେଲା ଚଞ୍ଚୁଆତେ ଏ କାତା ଏଞ୍ଜରି ଡାଣାଟି ନେହିଁକି ଖେଚେସି । ୮ ଇଞ୍ଚି ଏଞ୍ଜସି ଏଞ୍ଜାରାଇଁ ବେତଲିହିମତା ପାଣ୍ଡାନା ଏଲେଇଚେସି, “ମୀରୁ ହାଜାନା ଏ କକାଣି କାତା ନେହିଁକି ସିନିକିହାନା ନାଢ଼େ ଜିକେଏ ଖେସ୍ତାନ୍ତୁ, ଇଚିହିଁ ନାନୁ ଜିକେଏ ହାଜାନା ଜହରା କିକାଇଁ ।” ୯ ଏଚେଟିଏ ଏଞ୍ଜରି ରାଜା କାତା ଖେଞ୍ଜାନା ହାଚେରି; ଅଡ଼େ ମେହ୍ତୁ, ଏଞ୍ଜରି ଚଞ୍ଚୁଡ଼ା ହ୍ମପୁଞ୍ଜକି ଆମିନି ହୁକା ମେସାମାଚେରି, ଏଦି ଏଞ୍ଜରି ନକି ନକିତା ହାଜାନା, ଏମ୍ପିୟା କକାସି ମାଚେସି ଏ ଲାକ ହାଜାନା ନିଚେ । ୧୦ ଏ ହୁକା ମେସାନା ଏଞ୍ଜରି ହାଚେକା ରାହାଁତଲେ ରାହାଁ ଆଚେରି । ୧୧ ଏଞ୍ଜରି ଇଲୁ ବିତା ହ୍ମତାନା ତାମି ଇୟା ମରିୟମ ଇଞ୍ଚି କକାଣି ଡାଲୁଇଁ ମେସାନା, ଏଞ୍ଜାଣାଇଁ ମେଣ୍ଡାକୁତାନା ଜହରା କିଚେରି, ଇଞ୍ଚି ତାମୁ ତାତାମାଟି ଚେଡାୟାଁଟି ବାଂଗାରା, ଦୁପା ଦୁପ୍ପା ଅଡ଼େ ଗାନ୍ତା ନିୟୁଁ ବେଟୁ ହାଚେରି । ୧୨ ଡାୟୁ ହେରଦ ରାଜା ଡାଣା ଖେଣ୍ଡା ହାଲାଆପେରିଞ୍ଜା ଇଞ୍ଚି ମାହାପୁରୁ ଏଞ୍ଜାରାଇଁ ହାପାନାତା ହୁକୁମି ହାହାଲିଏ, ଏଞ୍ଜରି ଅର ଜିରୁଟି ତାମି ଦେସାତା ଖେଣ୍ଡାହାଚେରି । ୧୩ ଏଞ୍ଜରି ହାଚି ଡାୟୁ ମେହ୍ତୁ ମାହାପୁରୁଟି ଦୁତୁ ଜସେପଇଁ ହାପାନାତା ଏଲେଇଚେସି, “ନିଢ଼ାମୁ କକାଣି ଡାଲୁଇଁ ଅଡ଼େ ତାମି ଇୟାନି ଅହିଁ ମିସରତା ହାଲାମୁ, ନାନୁ ମିଢ଼େ ଖେସ୍ତାଆ ପାଚେକା ଏମ୍ପାଆଁ ମାଞ୍ଜୁ, ଇଚିହିଁ କକାଣି ଡାଲୁଇଁ ପାୟାଲି ହେରଦ ଅଶ୍ପିମାନେସି ।” ୧୪ ଜସେପ ନିଢ଼ାମୁ କକାଣି ଡାଲୁ ଇଞ୍ଚି ତାମି ଇୟାନି ଆସାନା ଲାଆଁ ଲାଆଁୟାଁ ମିସର ଦେସାତା ଅହିଁ ହାଚେସି, ୧୫ ହେରଦ ହାନି ପାଚେକା ଏମ୍ପାଆଁ ଏଞ୍ଜରି ଡାୟିଚେରି, ଇ ବାରେ ଗଟଞ୍ଜି ଆନାଣି ମାହାପୁରୁ ଅଶ୍ପିପୁଟି ବଲୁ ଖେହ୍ନାରି ଡାଣାଟି ଇ ମାହାପୁରୁ ଅଶ୍ପିପୁଟି ବଲୁ ପୁରା ଆନେ, “ନା ମୀରୁଏଣାଇଁ ନାନୁ ମିସର ଦେସାଟି ହାଟା ତାଚେଏଁ ।” ୧୬ ଚଞ୍ଚୁଡ଼ା ହ୍ମପୁ ଦେସାଟି ଖାହାମାଟି ସରୁପୁନାରି ଏଞ୍ଜାଣାଇଁ ନାଡ଼ିକିହାନା ହାଜାମାନେରି ଇଞ୍ଚି ପୁଞ୍ଜାନା, ହେରଦ ହାଚେକା କପା ଆଚେସି, ହୁକାଟି ଉଜେଡ଼ି ଆମିନି ବେଲାତା ଚଞ୍ଚୁଆହାମାଚେ ସରୁପୁନାରି ଡାଣାଟି ନେହିଁକି ପୁଞ୍ଜାମାଚେସି, ଏଦାଆଁ ପୁଞ୍ଜାନା ବେତଲିହିମ ଅଡ଼େ ତାନି ତାଗେ ମାଟି ନାସ୍କାଟି ରୀ ବାସାଟିଏ ଉଣା କକାରାଇଁ ପାୟାଲି ତାକି ହୁକୁମି ହାଚେସି । ୧୭ ଏଚିବେଲା ମାହାପୁରୁ ଅଶ୍ପିପୁଟି ବଲୁ ଖେହ୍ନି ଜିରିମିୟୁ ଖେସ୍ତୁ ଇ ବଲୁ ସାତା ଆଚେ, ୧୮ “ରମାତା ହାତା ଖେଢ଼ିମାନେ, ଡାକି ଅଡ଼େ ହାଚେକା ଦୁକୁଟି ଗିୟାଁ ରାହେଲ ତାନି ମୀରୁକା ତାକି ଡାହିମାଚେ; ଅଡ଼େ ଏଞ୍ଜରି ବାରେ ହାହାହାଚେରି ଇଞ୍ଚି, ଏଦି ଦୁକୁ ଡୁକୁହାଲି ମନ କିହି ହିଲାଆଚେ

।” ୧୯ ହେରଦ ହାତି ଡାୟୁ ମେହ୍ନୁ ପ୍ରବୁତି ର ଦୂରୁ ମିସରତା ଜସେପଇଁ ହାପାନାତା ଚଞ୍ଚାଆହାନା ଏଲେଇଚେସି, ୨୦ “ନିଢ଼ାମୁ କକାଣାଇଁ ଅଡ଼େ ତାମି ଇୟାନି ତଲେ ଇସ୍ରାୟେଲ ଡେସାତା ହାଲାମୁ, ଇତିହିଁ ଆମ୍ବାଆରି କକାଣି ଜୀଞ୍ଜୁ ଅହାଲି ତାକି ଅଶ୍ୱପିମାଚେରି ଏଞ୍ଜାରି ହାହାମାନେରି ।” ୨୧ ଏଚେଟିଏ ଜସେପ ନିଢ଼ାମା କକାଣାଇଁ ଇଞ୍ଜିଁ ତାମି ଇୟାନି ଆସାନା ଇସ୍ରାୟେଲ ଡେସାତା ଖାଚେସି । ୨୨ ସାମା ହେରଦ ଚାୟୁତା ତାନି ମାର୍‌ଏସି ଆର୍‌ଲାଇୟ ଜୀହୁଦାତି ରାଜା ଆହାମାନେସି ଇଞ୍ଜିଁ ଖେଞ୍ଜାନା ଏଞ୍ଜାସି ଏମ୍ବାଆଁ ହାଜାଲି ଆଜିଚେସି; ସାମା ହାପାନାତା ହୁକୁମି ବେଟାଆହାନା ଏଞ୍ଜାସି ଗାଲିଲି ରାଜି ଖାକି ହାଚେସି, ୨୩ ଇଞ୍ଜିଁ ନାଜରିତତି ଗାଡାତା ହାଜାନା ଡୟିଚେରି, ଏନିକିହିଁ ମାହାପୁରୁ ଅଶ୍ୱପୁତି ବଲୁ ଖେହ୍ନାରି ରାଚିତି କାତା ସାତା ଆନେ, “ଏଞ୍ଜାସି ନାଜରିତତାସି ଇଞ୍ଜିଁ ଖେଢ଼ିନେସି ।”

**୩** ଏ ବେଲୀତା ବାପ୍ତିସ୍ତା ହାନି ଜହନ ଜୀହୁଦା ଡେସାତି ବାଃଲି ବାଟାଟି ଖାହାନା ବଲୁ ଖେକହାଲି ମାଟ୍‌ହେସି । ୨ “ପାପୁ ପିସାନା ମନ ଖେଚ୍‌ହା କତାଦୁ, ଇତିହିଁ ଲାକପୁରୁ ରାଜି ଏଗାଞ୍ଜାହିମାନେ ।” ୩ ମାହାପୁରୁ ଅଶ୍ୱପୁତି ବଲୁ ଖେହ୍ନି ଜିସାୟ ଡାଶାଟି ଇ ହାତା ଖେସ୍‌ପି ଆହାମାଚେ, ଏଞ୍ଜାସିଏ ଇଞ୍ଜାସି; “ରଅଣି ହାତା ଲକୁ ହିଲାଆ ଚାୟୁତା ଖେଢ଼ିମାନେ, ପ୍ରବୁ ତାକି ଜିରୁ ତିୟି କିଦୁ ।” ୪ ଜହନ ଉଚୁ ବାଶାୟିଁ ତଲେ କେପିତି ହିମ୍ବିକା ତୁରହିମାଚେସି, ଇଞ୍ଜିଁ ତାନି ଚେତେଲିତା ର ଚଲୁତି ବୁଡ଼୍‌ପା ମାଡା ଦସା କଡ଼ିଚେସି, ଗପ୍‌ଏରିକା ଅଡ଼େ ଜାଡାତି କ୍ରିୟିଁ ଏଞ୍ଜାଣି କାଡି ମାଚେ । ୫ ଏଚିବେଲୀତା ଜିରୁସାଲମ ଗାଡା ଇଞ୍ଜିଁ ବାରେ ଜୀହୁଦା ଡେସା ଅଡ଼େ ଜର୍ଦନ ଦାରିତି ନାସ୍‌କାତି ବାରେ ଲକୁ ତାନି ଡାଶା ଖାହାଲି ମାଟ୍‌ହେରି, ୬ ଏଞ୍ଜାରି ଜାହାରା ପାପୁ ଖେସାନା ଜହନ ଡାଶାଟି ଜର୍ଦନ କାତାତା ବାପ୍ତିସ୍ତା ଅଚେରି । ୭ ସାମା ହାରେକା ପାରୁସିୟିଁ ଅଡ଼େ ସାଦୁକିୟିଁ ବାପ୍ତିସ୍ତା ଅହାଲି ଖାହିମାନାଣି ମେସାନା ଏଞ୍ଜାରାଇଁ ଏଲେଇଚେସି, “ଅଡ଼େ ରାସ୍‌କା କୁଡାତାଚେରି ମାହାପୁରୁ ଡାଶାଟି ଖାହିମାନି କପାଟି ପିସ୍‌ପି କିହାକତାଲି ଆମ୍ବାଆସି ମିଢ୍ଢେ ସେଡନା ହିୟାଚେସି । ୮ ଇଦାଆଁତାକି ମନ ଖେଚ୍‌ହାମାନାଣି ନେହିଁ କାମାତା ଡହ୍‌ଦୁ, ୯ ଅଡ଼େ ଅବ୍ରାହାମ ମା ଆବା ଇଞ୍ଜିଁ ମୀ ମନ ବିତ୍ରା ଅଶ୍ୱପାଆଦୁ, ଏନାଆଁତାକି ଇତିହିଁ ନାନୁ ମିଢ୍ଢେ ଖେସିମାଞ୍ଜାଇଁ, ମାହାପୁରୁ ଇ ଖାଲ୍‌କାଟି ଜିକେଏ ଅବ୍ରାହାମତି ମାର୍‌କାଣି ଗାଡ଼ି କିହାଲି ଆଡିମାନେସି । ୧୦ ଅଡ଼େ ନୀଏଁ ଜିକେଏ ମାର୍‌ନୁ ତାକିତା କାଃଆଲି



ଆତ୍ମାମାନେ, ଆମିନି ମାର୍‌ନୁ ନେହିଁ ପାଡ଼େୟି ଆୟେଏ, ଏଦାନି ଚୂଣ୍ଡାହାନା ହିରୁତା ମେତ୍‌ପି ଆନେ । ୧୧ ନାନୁୟାଁ ମିଡ୍ଡେ ପାପୁଟି ପିସ୍‌ପି କିହାଲି ଇଞ୍ଜିଁ ମନ ଖେଟ୍‌ପି କିହାଲି ଏୟୁତଲେ ବାପ୍ତିସ୍ତ ହାହିମାଞ୍ଜୁଇଁ, ସାମା ନା ଡାୟୁ ରଅସି ଖାହିମାନେସି ଏଝାସି ନା କିହାଁ ହାରେକା ବାଡ଼ୟୁ ଗାଟାସି, ଏଝାଣି ସେପୁୟାଁ ହୁକ୍‌ହାଲି ଜିକେଏ ନାନୁ ପାଡ଼ାଆଅଁ; ଏଝାସି ମିଡ୍ଡେ ସୁଦୁଜୀଝୁ ଇଞ୍ଜିଁ ହିରୁତଲେ ବାପ୍ତିସ୍ତ ହିୟାନେସି । ୧୨ ଏଝାସି ତାନି କ୍ଳାନୁତି ନେହିଁକି ତାସାହାଁ, ତାନି ଆନାତି କ୍ଳସାହାଁ ଗାଦେୟିତା ଇଟାଲି ଏଝାଣି କେୟୁତା ହେତି ମାନେ, ସାମା ଟାଟା ପଡୁତି ଏରେଲା ତୁମ୍ବାଆଗାଟି ହିରୁତା ହୁଡା ତୁହ୍‌ନେସି ।” ୧୩ ଏତିବେଲା ଜୀସୁ ଗାଲିଲିଟି ଖାହାନା ବାପ୍ତିସ୍ତ ଅହାଲି ତାକି ଜର୍ଦନ କାତାତା ଜହନ ଡାଣା ଖାଡେସି । ୧୪ ସାମା ଜହନ ଜୀସୁଇଁ କାହି କିହାଲି ଅଶ୍‌ପାନା ଏଲେଇରେସି, “ନୀ ଡାଣାଟି ନାନୁ ବାପ୍ତିସ୍ତ ଅନାୟି ନା ଲଡାମାନେ, ଇଞ୍ଜିଁ ନାନୁ ନା ଡାଣା ଖାହାମାଞ୍ଜୁ?” ୧୫ ସାମା ଜୀସୁ ଏଝାଣାଇଁ ଏଲେଇରେସି, “ନା ହାଡା ଆହ୍‌ମ୍ବୁ, ଏନାଆଁତାକି ଇତିହିଁ ଇଲେ ତଲେ ମାହାପୁରୁ ଦାମ୍‌ପୁତି କାମା କିନାୟିମାନେ ।” ଏରେଟିଏ ଜହନ ମାନଝି ଆଡେସି । ୧୬ ଜୀସୁ ବାପ୍ତିସ୍ତ ଅତି ଦେବୁଣିଏ ଏୟୁଟି ନିଝୁ ଖାଡେସି । ଏରେଟିଏ ହାଗୁ ଦେପିଆଡେ, ଇଞ୍ଜିଁ ମାହାପୁରୁତି ସୁଦୁଜୀଝୁ ପାର୍‌ଝା ପଟାଲେହେଁ ଜୀସୁ ଲାକ ରେଟା ଖାହିମାଟାଣି ଜହନ ମେସ୍‌ସେସି । ୧୭ ଅଡେ ମେହ୍‌ଦୁ, ହାଗୁଟି ଇ ହାଡା ଆଡେ, “ଇଝାସି ନା ଜୀଝୁଟି ମାର୍‌ଏସି ଇଝାଣି ଡାଣା ନା ହାରେକା ରାହାଁ ମାନେ ।”

**୪** ଏତିବେଲା ଜୀସୁ ସୟତାନ ଡାଣାଟି ତାୟିପାରି କିଝି ଆହାଲି ସୁଦୁଜୀଝୁ ଲକ୍‌କୁ ହିଲାଆ ଟାୟୁତା ଅଡେ । ୨ ଜୀସୁ ରୀ କଡ଼ି ଦିନା ଲାଆଁୟାଁ ମାଦେନା ଏନାଆଁ ତିନାଆନା ଉପାସା କିହାଁ ହାକି ଆଡେସି । ୩ ଏତିବେଲା ସୟତାନ ତାନି ଦାରିତା ଖାହାନା ଏଲେଇରେ, “ନୀନୁ ମାହାପୁରୁ ମାର୍‌ଏଶାତି ଇତିସାରେ ଇ ଖାଲ୍‌କାଣି ରୁଟି ଆହାଲି ହୁକୁମି ହୀମ୍ବୁ ।” ୪ ସାମା ଜୀସୁ ଏଲେଇରେସି, “ଦାମ୍‌ସି ସାସ୍‌ସେରିତା ରାସ୍‌କି ଆହାମାନେ ମାଶ୍‌ସି ଖାର୍‌ଇ ରୁଟି ତିଞ୍ଜାନା ନୀତଅସି, ସାମା ମାହାପୁରୁ ଗୁଟିଟି ହୁଟିମାନି ବଲ୍‌ଲୁ ତଲେ ନୀତିନେସି ।” ୫ ଡାୟୁ ସୟତାନ ଜୀସୁଇଁ ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଇଲୁ ତୁଡ଼ିୟା ଲାକ ନିପ୍‌ହାନା, ୬ ଏଲେଇରେ, “ନୀନୁ ମାହାପୁରୁ ମାର୍‌ଏଶାତି ଇତିହିଁ ଇମ୍ବାଟି ଡ଼ଇକା ଗେମ୍ବାମ୍ବୁ,” ଦାମ୍‌ସି ସାସ୍‌ସେରିତା ରାସ୍‌କି ଆହାମାନେ, ନିଝୁ ଜାଡ଼ନ୍‌କୁ କିହାଲିତାକି ମାହାପୁରୁ ତାନି ଦୂତୁୟାଁଇଁ ହୁକୁମି ହୀନେସି; “ନୀ କଡାୟାଁ ଏନିକି

ଖଲ୍‌କାଣା ଆଡ଼ାଉ ଇଚ୍ଛା ଦୁରୁୟା ନିତ୍ତୁ କେସ୍ନାତଲେ ପେରୁହା ଆସ୍ତାନୁ ।” ୭  
 ଜୀସୁ ଏଦାନି ଏଲେଇରେସି, “ଦୀର୍ଘ ସାସ୍ତେରିତା ରାସ୍‌କି ଆହାମାନେ, ନୀନୁ  
 ପ୍ରବୁ ନୀ ମାହାପୁରୁଷ୍ଟି ତାୟିପାରି କିଆନି ।” ୮ ଅଡ଼େ ଖେଣ୍ଟେ ସୟତାନ  
 ଜୀସୁଙ୍କ କାଜା ହରୁ ଲାକ ଅହାନା ଦାର୍ତ୍ତିତ ବାରେ ରାଜି ଅଡ଼େ ଏମ୍ପାତି ବାରେ  
 ଅଜୁ ଅଡ଼େ ଜୁପ୍‌କା ତସାନା ଏଲେଇରେ, ୯ “ନୀନୁ ନାଡ଼େ ମେଣ୍ଟାକୁତାନା  
 ଜହରା କିୟତି ଇଚିହିଁ ନୀନୁ ଇ ବାରେ ନିତ୍ତୁ ହିୟାଙ୍କ ।” ୧୦ ଏମ୍ପାତିଏ ଜୀସୁ  
 ଏଲେଇରେସି, “ଏ ସୟତାନ ନା ଡାଣାଟି ହେକ ହାଲାମ୍ପା! ଦୀର୍ଘ ସାସ୍ତେରିତା  
 ରାସ୍‌କି ଆହାମାନେ, ‘ଖାରୁଇ ନୀ ପ୍ରବୁ ମାହାପୁରୁଷ୍ଟି ଜହରା କିଦି ଅଡ଼େ  
 ଖାରୁଇ ତାଡ଼େଏ ସେବା କିଦି ।” ୧୧ ଏ ଦେବୁଣିଏ ସୟତାନ ଜୀସୁଙ୍କ  
 ପିସାନା ହାଜାତୁସ୍ତେ; ଅଡ଼େ ଦୁରୁୟା ଖାହାନା ଏଖାଣି ସେବା କିତୁ । ୧୨  
 ଜହନଙ୍କ କାୟିଦି ଇଲୁତା ଇଚିତେରି ଇଚ୍ଛା ଖେଞ୍ଜାନା ଜୀସୁ ଏମ୍ପାତିଏ ଗୁତା  
 ଆହାନା ଗାଲିଲିତା ଖାତେସି; ୧୩ ଏଖାସି ନାଜରିତତା ତୟାଆତେସି, ସାମା  
 କପରନାହୁମତା ତୟାଲି, ସୁବୁଲୁନ୍ ଅଡ଼େ ନପୁଲିତା ମାନି ର ଗାଲିଲି ସାମ୍‌ଦୁରି  
 ଗାଟୁତା ମାନି ଗାଡ଼ାତା ହାତେସି । ୧୪ ଏନିକିହିଁ ମାହାପୁରୁ ଅଣ୍‌ପୁତି ବଲୁ  
 ଖେହ୍‌ନି ଜିସାୟତି ହାତା ସାତା ଆନେ, ଏଖାସି ଏଲେଇଚ୍ଛାମାରେସି; ୧୫  
 “ସୁବୁଲୁନ୍ ଦେସା ଅଡ଼େ ନପୁଲି ଦେସା ସାମ୍‌ଦୁରି ତାଗେ ଇଚ୍ଛା ଜର୍ଦନ କାତା  
 ଆତାଲାଖାକିତି, ଜୀହୁଦିଆଆତି ଗାଲିଲି! ୧୬ ଆନେରିତା ବାସା କିହିମାନି ଲକୁ  
 କାଜା ଉଜେଡ଼ି ମେସ୍ତେରି ହାକିତି ନାସ୍‌କା ଅଡ଼େ ସାହଡ଼ାତା ମାନି ଲକୁତାକି  
 ଉଜେଡ଼ି ତୁଞ୍ଜାଆନେ ।” ୧୭ ଏ ବେଲାଟିଏ ଜୀସୁ ତାନି କାତା ଡ଼େକ୍‌ହାଲି  
 ମାଟ୍‌ହେସି, “ମୀ ପାପୁ ପିସାନା ମନ ଖେଟ୍‌ହା କତାତୁ, ଏନାଆଁତାକି ଇଚିହିଁ  
 ଲାକପୁରୁ ରାଜି ଏଗାଖାହିମାନେ ।” ୧୮ ଜୀସୁ ଗାଲିଲି ସାମ୍‌ଦୁରି ଗାଟୁତି  
 ହାଜିମାଟାଟି ସିମନ ଇନି ପିତର ଅଡ଼େ ତାନି ତାୟି ଆନ୍ଫିୟ, ଇ ତାୟି ରିଆରି  
 ସାମ୍‌ଦୁରିତା ଜାଲା ମେଡ୍‌ହି ମାଟାଣି ମେସ୍ତେସି, ଏନାଆଁତାକି ଇଚିହିଁ ଏଖାରି  
 ମୀଣ୍‌କା ଆହ୍‌ନାରି ମାତେରି । ୧୯ ଜୀସୁ ଏଖାରାଙ୍କ ଏଲେଇରେସି, “ନା ଜେତ  
 ଖାତୁ ନୀନୁ ନିତ୍ତୁ ଲକୁଣି ଆହ୍‌ନାଣି ଜାପ୍‌ହାଙ୍କ ।” ୨୦ ଏଚେଟିଏ ଏଖାରି  
 ଦେବୁଣିଏ ଜାଲା ପିସାନା ଏଖାଣି ଜେତ ହାତେରି । ୨୧ ଏମ୍ପାତିଏ ଜୀସୁ ନକିତା  
 ହାଜାନା ଜେବଦି ମୀର୍କା ଜାକୁବ ଅଡ଼େ ଏଖାଣି ତାୟି ଜହନ ଦରୁଗାଟାସି  
 ଇଚ୍ଛା ଅଡ଼େ ରିଆରି ତାୟିୟା ତାନି ଆବା ଜେବଦି ତଲେ ତଂଗତା ଜାଲା ମୁଦା  
 କିହିମାଟାଣି ମେସାନା ଏଖାରାଙ୍କ ଜିକେଏ ହାଟିତେସି । ୨୨ ଏଚେଟିଏ ଏଖାରି

ଏ ଦେବୁଣିଏ ଓଂଗ ଅଡ଼େ ତାମି ଆବାଇଁ ପିସାନା ଜୀସୁ ଜେଚ ହାଚେରି । ୨୩  
 ଡାୟୁ ଜୀସୁ ଗାଲିଲି ଦେସାତା ରେଜି ରେଜିହିଁ ଜୀହୁଦି ଲକ୍ଷୁତି କୁଟମି ଇଲ୍‌କାଣା  
 ଜାପୁହିହିଁ, ମାହାପୁରୁ ରାଜିତି ନେହିଁ କାରୁ ଖେସିହିଁ ରଗଗାଟି ଲକ୍ଷୁଣି ନେହିଁ  
 କିହାଲି ମାଟୁହେସି, ୨୪ ଅଡ଼େ ଏଞ୍ଜାଣି କାତା ଦେସାତି ସାରିଞ୍ଜାକି ଇଞ୍ଜିଁ ସିରିୟା  
 ଦେସାତା ଜିକେଏ ଡ଼େଢ଼ାହାଚେ, ଇଞ୍ଜିଁ ଲକ୍ଷୁ ବୃତୁୟାଁ ଆଲ୍‌ଗା ମାତାରାଇଁ,  
 କାଟିଞ୍ଜେତାରାଇଁ, ଇଞ୍ଜିଁ ଟଟ ଖାୟିତାରାଇଁ; ଇଲେତି ହାରେକା ରଗଟି କସୁ  
 ଆହିମାନାରାଇଁ ଜୀସୁ ନକିତା ତାଚେରି, ଇଞ୍ଜିଁ ଏଞ୍ଜାସି ଏଞ୍ଜାରାଇଁ ନେହିଁ କିତେସି  
 । ୨୫ ଅଡ଼େ ଗାଲିଲି, ଦସଗଟା ନାସକା, ଜିରୁସାଲମ, ଜୀହୁଦା ଅଡ଼େ ଜର୍ଦନତି  
 ଏ ଗାଗୁତା ମାନି ନାସକାଟି ହାରେକା ଲକ୍ଷୁ ଜୀସୁ ଜେଚ ହାଚେରି ।

**୫** ଜୀସୁ ହାରେକା ଲକ୍ଷୁଇଁ ମେସାନା ର ହରୁ ଲାକ ହାଜାନା କୁରିତେସି, ଇଞ୍ଜିଁ  
 ସୀୟୁୟାଁ ଏଞ୍ଜାଣି ତାଗେ ଖାଚେରି । ୧ ଏମ୍ପାଟିଏ ଏଞ୍ଜାସି ଗୁତି ଏକ୍‌ହାନା  
 ଜାପୁହାଲି ମାଟୁହେସି । ୩ ଆମ୍ପାଆରି ଜୀସୁତା ଏନାଆଁ ହିଲିଆ ଗାଟାରାକି  
 ନେହେଁ, ଏନିଇତିହିଁ ଲାକପୁରୁ ରାଜି ଏଞ୍ଜାରି ଖାଇଁ । ୪ ଆମ୍ପାଆରି ଦୁକୁତା  
 ଡାହିମାନି ଲକ୍ଷୁତାକି ନେହେଁ, ଏନାଆଁତାକି ଇତିହିଁ ମାହାପୁରୁ ଏଞ୍ଜାରି ଦୁକୁ  
 ତୁକ୍‌ନେସି । ୫ କପା ହିଲିଆ ଗାଟାରି ନେହେଁ, ଏନାଆଁତାକି ଇତିହିଁ ଦାର୍ତ୍ତିତା  
 ଏଞ୍ଜାରି ଅଦିକାରା ଆନେରି । ୬ ମାହାପୁରୁ ଦାମ୍ପୁତି କାମା କିହାଲି ହାକି  
 ଏସକି ଗାଟାରି ଏଞ୍ଜାରାକି ନେହେଁ, ଏନାଆଁତାକି ଇତିହିଁ ମାହାପୁରୁ ଏଞ୍ଜାରାକି  
 ଲଡ଼ାମାନାଣି ବାରେ ହୀନେସି । ୭ ଏଟକା ଲକ୍ଷୁଣି କାର୍ମା ମେହ୍‌ନେରି,  
 ଏଞ୍ଜାରାକି ନେହେଁ, ଏନିଇତିହିଁ ମାହାପୁରୁ ଏଞ୍ଜାରାଇଁ କାର୍ମା ମେହ୍‌ନେସି,  
 ୮ ଆମ୍ପାଆରି ସୁଦୁ ହିୟାଁ ଗାଟାରି ଏଞ୍ଜାରାକି ନେହେଁ, ଏନିଇତିହିଁ ଏଞ୍ଜାରି  
 ମାହାପୁରୁଇଁ ମେହ୍‌ନେରି । ୯ ହିଡ଼ି ଗାଟି ଲକ୍ଷୁ ନେହେଁ, ଏନିଇତିହିଁ ଏଞ୍ଜାରି  
 ମାହାପୁରୁତି ମୀରକା ଇଞ୍ଜିଁ ଖେଡ଼ିନେରି । ୧୦ ମାହାପୁରୁ ଦାମ୍ପୁ କାତାତାକି ଦୁକୁ  
 ବେଟାଆନାରି ଏଞ୍ଜାରାକି ନେହେଁ, ଏନିଇତିହିଁ ଲାକପୁରୁ ରାଜି ଏଞ୍ଜାରିଖାୟି ।  
 ୧୧ ଏରିବେଲା ଲକ୍ଷୁ ମିଡ଼ୁ ନା ତାକି ନିନ୍ଦା କି ଲାଜା କିୟାନେରି, ଅଡ଼େ ନା  
 ତାକି ଉଜେ ଉଜେଏ ମୀ କପାଟି ମିତି କାତା ଜୁଲାନେରି, ଆତିହିଁ ମିଡ଼େ ତାକି  
 ନେହେଁ । ୧୨ ରାହାଁ ଆହାନା ଏନ୍ଦାଦୁ, ଏନାଆଁତାକି ଇତିହିଁ ଲାକପୁରୁତା ମୀ  
 ତାକି ହାରେକା ଦାନା ମାନେ; ଏଲେକିହିଁଏ, ମୀ ନକିତି ମାହାପୁରୁ ଅଣ୍‌ପୁତି  
 ବଲୁ ଖେହ୍‌ନାରାଇଁ ଜିକେଏ ଇଲେକିହିଁ ନିନ୍ଦା କିହାମାଚେରି । ୧୩ ମୀରୁ ବାରେ  
 ଦାର୍ତ୍ତିତ ହାରୁ ଲେହେଁ, ସାମା ହାରୁ ମୁଆତିହିଁ, ଅଡ଼େ ଏଦାଆଁ ଏମ୍ପିୟା ଜିକେଏ

ଲେମ୍ବୁଲି ଆଏ, ଇଚ୍ଛା ଏଦି ଏନି କାମାତା ପାଡ଼ା ଆଏ, ଲକ୍ଷ୍ମୀ ଏଦାଆଁ କର୍ତ୍ତା ଡ଼ଇ  
 ଝିସା ହାନେରି । ୧୪ ମୀରୁ ଦାର୍ତ୍ତିତ ଉଜେଡ଼ି ତେରି, ଆମିନି ଗାଡ଼ା ହରୁ ଲାକ  
 କେପି ଆହାମାନେ, ଏଦି ଏଚେଲା ତୁଗାନା ଡ଼ୟାଲି ଆଡେଏ । ୧୫ ଅଡ଼େ ଦୀର୍ଘ  
 ଡ଼ାସାନା ଆମ୍ବାଆରି ମାଣା ପୁକ୍‌ହାନା ଇଚେଅରି, ସାମା ଏଦାନି ଦୀର୍ଘ ସ଼ଡ଼ାତା  
 ଇଚିନେରି, ଆତିହିଁ ଇଲୁତା ଝାନି ବାରେ ଲକ୍ଷ୍ମୀ ଉଜେଡ଼ି ମେହ୍‌ନେରି । ୧୬  
 ଏଲେକିହିଁଏ ମୀ ଉଜେଡ଼ି ଲକ୍ଷ୍ମୀ ନକିତା ନେହିଁକିଁ ଡ଼ଞ୍ଜାଆପେ, ଏନିକିଁ ଏଝାରି ମୀ  
 ନେହିଁ କାମା ମେସାନା ଲାକପୁରୁତି ଆବାତି ଗାଞ୍ଜୁରମି କିନେରି । ୧୭ ନାଢ଼େ  
 ମସାତି ମେରା ଅଡ଼େ ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ମେରାତି ମ୍ଲେକ୍‌ହାଲି  
 ଝାହାମାନେସି ଇଚ୍ଛା ଅଣ୍‌ପାଆଦୁ: ନାନୁ ମ୍ଲେକ୍‌ହାଲି ଝାହାହିଲଅଁ ସାମା ଇ  
 ବାରେ ପୁରା କିହାଲି ଝାହାମାଲ୍ । ୧୮ ଏନାଆଁତାକି ଇଚିହିଁ ନାନୁ ମିଢ଼େ ସାତା  
 ଝେସିମାଞ୍ଜାଲ୍, ହାଗୁପାକା ଅଡ଼େ ଦାର୍ତ୍ତି ମେଶ୍‌ଢ଼ାଆ ପାତେକା ଇଚ୍ଛା ଇ ବାରେ  
 ଆଆପାତେକା ମସା ମେରାତି ଇଚାୟି ସିନା ଜିକେଏ ମେଶ୍‌ଢ଼େଏ । ୧୯  
 ଏନାଆଁତାକି ଇଚିହିଁ ଆମ୍ବାଆସି ଇ ହୁକୁମିଚି ର ଉଣା ହୁକୁମି ମାନଝି ଆଅସି  
 ଅଡ଼େ ଲକ୍ଷ୍ମୀ ଏଲେକିହିଁଏ ଜାପ୍‌ନେସି, ଏଝାସି ଲାକପୁରୁ ରାଜିତା ଉଣା ଇଚ୍ଛା  
 ଝେଢ଼ିନେସି; ସାମା ଆମ୍ବାଆସି ମାନଝି ଆନେସି ଅଡ଼େ ଜାପ୍‌ନେସି ଏଝାସି  
 ଲାକପୁରୁ କାଜାସି ଇଚ୍ଛା ଝେଢ଼ିନେସି । ୨୦ ଏନାଆଁତାକି ଇଚିହିଁ ନାନୁ ମିଢ଼େ  
 ଝେସିମାଞ୍ଜାଲ୍, ମୀ ଦାମ୍‌ ମେରା ପୁନାରି ଅଡ଼େ ପାରୁସିୟାଁ ଦାମ୍‌ କିହାଁ ମୀ ନାନୁ  
 ହାରେକା ଆଆତିହିଁ, ମୀରୁ ଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅତେରି  
 । ୨୧ “ମୀରୁ ଝେଞ୍ଜାମାଞ୍ଜେରି, ତଲିକାଲାତି ଲକ୍ଷ୍ମୀ ଝେସ୍‌ପିଆହାମାଚେ,  
 ‘ଲକ୍ଷ୍ମୀ ପାୟାଆଦୁ, ଆମ୍ବାଆରି ଲକ୍ଷ୍ମୀ ପାୟିନେରି, ଏଝାସି ନାହାଁୟି ପାଢ଼ାତା  
 ତଣ୍ଡୁ ବେଟା ଆନେସି ।” ୨୨ ସାମା ନାନୁ ମିଢ଼େ ଝେସିମାଞ୍ଜାଲ୍, ଆମ୍ବାଆସି  
 ତାମି ତାୟି ଲାକ କପାଆନେସି, ଏଝାସି ନାହାଁୟି ପିଣ୍ଡାତା ତଣ୍ଡୁ ବେଟା  
 ଆନେସି, ଇଚ୍ଛା ଆମ୍ବାଆସି ତାମି ତାୟି କାର୍‌ବିଗାଟାତି ଇଚ୍ଛା ଇନେସି, ଏଝାସି  
 ବେରଣିମାଣ୍ଡାତା ତଣ୍ଡୁ ବେଟା ଆନେସି; ଅଡ଼େ ଆମ୍ବାଆସି ପଲ୍‌ଆଗାଟାତି ଇଚ୍ଛା  
 ଇନେସି, ଏଝାସି ହିରୁ ଗାଡ଼୍‌ୟୁତା ମେଡ଼ପି ଆନେସି । (Geenna g1067) ୨୩  
 ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା ତାତିମାନାତି ମୀ ତାୟି କପାତି ଏନି  
 ହାତା ମାନେ ଇଚ୍ଛା ଏମ୍ବାଆଁ ଅଣ୍‌ପୁ ଝାନେ, ୨୪ ଆତିହିଁ ଏଦିଏମ୍ବାଆଁ ପୂଜା  
 ପିଣ୍ଡାତା ମୀ ଦାନା ପିସାନା ହାଜୁ, ଇଚ୍ଛା ମୀ ତାୟିତଲେ ଆଣ୍ଡିତି ଜେଚ ଝେଣ୍ଡା  
 ଝାହାନା ମାହାପୁରୁ ନକିତା ଏ ଦାନା ହେର୍‌ପାଦୁ । ୨୫ ନାନୁ ଗଡ଼୍‌ହା ଆତାଣି

ତଲେ ନୀହାୟି କିନାଣି ଡାଣା ହାନିବେଲୀତା ଜିରୁତେଏ କାଲ୍‌ଝି ଆୟାଲି  
 ଅର୍ଥାପାୟା, ଆଆର୍ଡ଼ି ଏଝାସି ନିଢ୍ଢେ ନୀହାୟି କିନାଣି ଡାଣା ହେର୍ପାନେସି,  
 ଅଡ଼େ ନୀହାୟି କିନାସି ନିଢ୍ଢେ ଜାମାନାଢ୍ଢା କେୟୁତା ହେର୍ପାନେସି, ଅଡ଼େ  
 ଏଝାରି କାୟିଦି ଇଲୁତା ସୁଣ୍ଠାନେରି । ୨୭ ନାନୁ ମିଢ୍ଢେ ସାତା ଝେସିମାଞ୍ଜାଲ୍ ମୀ  
 ତାକି କିଝିଆହାମାନି ର କାନି ଜିକେଏ ହୀଆପାତାକା ଏମ୍ପାଟି ଏନିଜିକେଏ  
 ହ୍ରାଝାହାଲି ଆତଅତେରି । ୨୭ ମୀରୁ ଝେଞ୍ଜାମାଞ୍ଜେରି, ଇଲେଇଞ୍ଜି ରାସ୍‌କି  
 ଆହାମାନେ, ଦାରିକାମା କିଆଦୁ । ୨୮ ସାମା ନାନୁ ମିଢ୍ଢେ ଝେସିମାଞ୍ଜାଲ୍,  
 ଆମ୍ପାଆସି ର ଇୟାନି ଲାଗେଏତି ଅର୍ଥାପାୟା ତଲେ ସିନିକିନେସି, ଇଞ୍ଜି ଏଝାସି  
 ଏଦାନିତଲେ ମନ ମନତା ଦାରିକାମା କିତେସିଏ । ୨୯ ଅଡ଼େ ମୀ ଚିଝନି କାନୁ  
 ମିଢ୍ଢେ ପାପୁ କିଝିକିୟାନେ ଇଚିହିଁ ଏ କାନୁ ଡେଝା କୁତାଦୁ, ଇଚିହିଁ ମୀ ବାରେ  
 ଆଢ୍ଢା ନର୍କତା ରିନି କିହାଁ, ଆଢ୍ଢାଟି ର ବାଗା ହିଲିଆଗାଟାଇ ନେହେଁ । (Geenna  
 g1067) ୩୦ ଇଞ୍ଜି ମୀ ଚିଝନି କେୟୁ ମିଢ୍ଢେ ପାପୁ କିଝିକିୟାନେ ଇଚିହିଁ ଏଦାଆଁ  
 ଜାଗାନା କୁତାଦୁ, ଇଚିହିଁ ମୀ ବାରେ ଆଢ୍ଢା ନର୍କତା ରିନିବାଟା ଆଢ୍ଢାଟି ର କେୟୁ  
 ହିଲିଆଗାଟାୟି ନେହେଁ । (Geenna g1067) ୩୧ ଅଡ଼େ ରାସ୍‌କି ଆହାମାନେ,  
 ଆମ୍ପାଆସି ତାନି ତକ୍‌କିନି ପିହ୍‌ନେସି, ଇଚିହିଁ ଏଝାସି ଏଦାନାକି ପିହ୍‌ନି ଆକୁ  
 ରାତାନା ହୀପେସି । ୩୨ ସାମା ନାନୁ ମିଢ୍ଢେ ଝେସିମାଞ୍ଜାଲ୍, ଆମ୍ପାଆସି  
 ତାନି ତକ୍‌କିନି ଦାରି କାମାଟି ଦହ ହିଲିଆନା ତକ୍‌କିନି ପିହ୍‌ନେସି, ଏଝାସି  
 ଏଦାନି ଦାରେଣି କିନେସି; ଅଡ଼େ ଆମ୍ପାଆସି ପିସ୍ତି ଇୟାନି ବୀହା ଆନେସି,  
 ଏଝାସି ଜିକେଏ ଦାରେଲୀ ଆନେସି । ୩୩ ଅଡ଼େ ମୀରୁ ଝେଞ୍ଜାମାଞ୍ଜେରି,  
 ତଲିକାଲୀତି ଲକ୍‌କିଣି ଝେସ୍‌ପି ଆହିମାଟେ, ମୀରୁ ମିଚି ପାର୍‌ମାଣା କିଆଦୁ,  
 ସାମା ପାର୍‌ମାଣା କିହାମାନାଣି ଡିକ୍‌ଆନି, ମାହାପୁରୁ ନକିତା ପୁରା କିଦୁ । ୩୪  
 ସାମା ନାନୁ ମିଢ୍ଢେ ଝେସିମାଞ୍ଜାଲ୍ ପାର୍‌ମାଣା କିଝୁଏ କିଆଦୁ: ପାର୍‌ମାଣା କିନି  
 ବେଲୀ ଲାକପୁରୁତି ଦରୁତଲେ ପାର୍‌ମାଣା କିଆଦୁ, ଏନାଆଁତାକି ଇଚିହିଁ ଏଦି  
 ମାହାପୁରୁତି ସିଂଗାସାଣି; ୩୫ ଅଡ଼େ ଦାର୍‌ତିତି ଦରୁତଲେ ପାର୍‌ମାଣା କିଆଦୁ,  
 ଏନାଆଁତାକି ଇଚିହିଁ ଏଦି ମାହାପୁରୁତି କତାୟିଁ ଇଚିନି ଟାୟୁ: ଜିରୁସାଲମ  
 ଦରୁତଲେ ପାର୍‌ମାଣା କିଆଦୁ, ଏଦି ଆହିମାନେ କାଜା ରାଜାଟି ଗାଡ଼ା; ୩୬  
 ଇଞ୍ଜି ମୀ ଡାୟିଁତି ପାର୍‌ମାଣା କିଆଦୁ, ଇଚିହିଁ ମୀ ଡାୟିଁତି ର ବାଗା କାଡ଼ିୟା  
 ଆଆର୍ଡ଼ି ଦବ୍‌ଲା କିହାଲିତାକି ମୀ ବାଡ଼ିୟୁ ହିଲେଏ, ୩୭ ସାମା ମୀଦି ହାଅ ଇନି  
 କାତା ହାଅ ଆପେ, ଇଞ୍ଜି ଆଏ ଇନି କାତା ଆଏ ଆପେ; ଇଦାଆଁ ପିସ୍‌ପେ

ଏନାଆଁ ଇତାଣି ଆଗାଡ଼ା କାଲୁହିଁ ଏଦି ଲାଗେଏ ତାଣାଟି ଝାନେ । ୩୮  
 ମୀରୁ ଇ କାତା ଝେଞ୍ଜାମାଞ୍ଜେରି, ରାସ୍‌କି ଆହାମାନେ, କାନୁତି ବାଦୁଲି କାନୁ,  
 ପାଲୁତି ବାଦୁଲି ପାଲୁ । ୩୯ ସାମା ନାନୁ ମିଢ୍ଢେ ଝେସିମାଞ୍ଜାଲ୍, ମିଢ୍ଢେ ଲାଗେଏ  
 କିୟାନାଣାଲ୍ ବାଦୁଲି ଅଥାଦୁ, ସାମା ଆମ୍ବାଆସି ନୀ ଚିଃନି ଗେଏଲାତା ସାପ୍‌ଡ଼ା  
 ଝେତାନେସି, ଏଝାଣାକି ଅର ଗେଏଲା ଜିକେଏ ଡ଼ହୁଦୁ । ୪୦ ଇଞ୍ଜି ଆମ୍ବାଆସି  
 ନୀହାୟି ପାଢ୍ଢାତା ମୀ ସକା ଅହାଲି ମନ କିତିହିଁ ଏଝାଣାକି ମୀ ହିମ୍ପରି ଜିକେଏ  
 ହୀଦୁ । ୪୧ ଆମିନି ଚେସା ସାଲଝି କିନାସି ମିଢ୍ଢେ ବଢୁ ତେକାନା ତାନିତଲେ  
 ର କିଲମିଟର ହାଜାଲିତାକି ଏଲେଇଞ୍ଜାନେସି, ଏଝାଣିତଲେ ରୀ କିଲମିଟର  
 ହାଜୁ । ୪୨ ଆମ୍ବାଆସି ମିଢ୍ଢେ ରୀସ୍ତାନେସି, ଏଝାଣାକି ହୀଦୁ, ଅଡ଼େ ଆମ୍ବାଆସି  
 ମୀ ତାଣାଟି ରୀଶା ଅହାଲି ମନ କିନେସି ଏଝାଣାଲ୍ ଆଏ ଇନାଆଦୁ । ୪୩  
 ମୀରୁ ଝେଞ୍ଜାମାଞ୍ଜେରି, ରାସ୍‌କି ଆହାମାନେ, ମୀ ପାଡ଼ିତାଣାଲ୍ ଜୀଝୁନୁ ଇଞ୍ଜି  
 ସାତୁୟାଣି ଅପାଆଦୁ । ୪୪ ସାମା ନାନୁ ମିଢ୍ଢେ ଝେସିମାଞ୍ଜାଲ୍, ମୀ ସାତୁୟାଲ୍  
 ଜୀଝୁନୁ, ଇଞ୍ଜି ଆମ୍ବାଆସି ମିଢ୍ଢେ ନିନ୍ଦା କିୟାନେରି, ଏଝାରି ତାକି ପ୍ରାତାନା  
 କିଦୁ । ୪୫ ଏନିକି ମୀରୁ ମୀ ଲାକପୁରୁ ଆବାତି ମୀର୍କା ଆଦେରି; ସାମା  
 ମାହାପୁରୁ ନେହାରି ଅଡ଼େ ଲାଗେଏ ପଲେଏତି ବାରେ ଲକୁତାକି ଝେଡ଼ା  
 ଉଜେଡ଼ି ହୀନାସି ଅଡ଼େ ଦାମ୍ବୁଗାଟାରି ଅଡ଼େ ଦାମ୍ବୁ ହିଲାଆ ଗାଟାରାକି ଜିକେଏ  
 ପିୟୁ ହୀନେସି । ୪୬ ଇଞ୍ଜି ଆମ୍ବାଆସି ମିଢ୍ଢେ ଜୀଝୁ ନୟାନେରି ଏ ଲକୁଇଁଦେଁ  
 ଜୀଝୁ ନତିହିଁ ଏନାୟି ମେଡ଼ାଆୟାନେ? ସିସୁ ରୀହ୍‌ନାରି ଜିକେଏ ଏଦାଆଁ  
 କିଅରିକି? ୪୭ ଅଡ଼େ ମୀରୁ ମୀ ତାୟିୟାଲ୍ ଜହରା କିଦେରି, ଏମ୍ବାଟିଏ ଅଡ଼େ  
 ଏନି କାମା କିଦେରି? ଜୀହୁଦିଆଆତାରି ଜିକେଏ ଏଦାଆଁ କିଅରିକି? ୪୮  
 ଏଦାଆଁତାକି ମୀ ଲାକପୁରୁତି ଆବା ଏନିକି ବାରେକିହାଁ ନେହାସି ମୀରୁ ଜିକେଏ  
 ଏଲେକି ନେହିଁ ଆଦୁ ।

୨ ଲକୁ ମେସ୍ତାପେରିଝା ଇଞ୍ଜି ଲକୁ ନକିତା ଦାମ୍ବୁତି କାମା କିଆଦୁ, ଏଦାଆଁତାକି  
 ମୀରୁ ଜାଗ୍ରାତା ଆଦୁ, ଆଆତିହିଁ ମୀ ଲାକପୁରୁତି ଆବା ନକିତା ମିଢ୍ଢେ ଦାନା  
 ହିଲେଏ । ୨ ଏଦାଆଁତାକି ଦାନା ହୀନାଟି କୁଟୁ ଗାଟାରିଲେହେଁ ଜାହାରା ନକିତା  
 ତୀତ୍ରି ଉକାଆଦୁ: ଏଝାରି ଲକୁ ତାଣାଟି ମାନି ବେଟାଆହାଲି ଜୀହୁଦି ଲକୁତି  
 କୁଟମି ଇଲୁତା ଅଡ଼େ ମାଦି ଆଂଗେଣିତା ଏଲେକିନେରି, ନାନୁ ମିଢ୍ଢେ ସାତା  
 ଝେସିମାଞ୍ଜାଲ୍ ଏଝାରି ତାମି ଦାନା ବେଟାଆହାମାନେରି । ୩ ସାମା ମୀରୁ ଦାନା  
 ହୀନାଟି ମୀ ଚିଃନି କେୟୁ ଏନାଆଁ କିହିମାନେ ମୀ ଚେବ୍ରି କେୟୁ ପୁନାଆପେ, ୪



ଏନିକିଁ ମୀ ଦାନା ହୀତାୟି ପୁନାଆରେଟୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେଟୁ ମେହ୍ନାସି, ଏଞ୍ଜାସି ମିଢ୍ଢେ ଦାନା ହିୟାନେସି । ୫ ପ୍ରାତାନା କିନାଟି କୁଟୁ ଗାଟାରିଲେହେଁ ଆଆଦୁ, ଏନାଆଁତାକି ଇଚିହିଁ ଏଞ୍ଜାରି ଲକୁଣି ତସାଲି ତାକି, ଜୀହୁଡି ଲକୁଡି କୁଟମି ଇଲୁତା ଅଡେ ଡେଡା ଜିରୁତି କନତା ନିତାନା ପ୍ରାତାନା କିହାଲି ରାହାଁ ଆନେରି; ନାନୁ ମିଢ୍ଢେ ସାତା ଝେସିମାଞ୍ଜାଇଁ, ଏଞ୍ଜାରି ତାମି ଦାନା ବେଟାଆହାମାନେରି । ୬ ସାମା ମୀରୁ ପ୍ରାତାନା କିନାଟି ମୀ ଇଲୁ ବିଡା ହାଲୁ, ଇଞ୍ଜାଁ ଦାରା ସୁଣ୍ଠା କତାଦୁ ଅଡେ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା ପ୍ରାତାନା କିଦୁ: ଅଡେ ମୀ ଆବା ଆମ୍ବାଆସି ତୁଗାନା ମେସ୍ତାନେସି ଏଞ୍ଜାସି ମିଢ୍ଢେ ଦାନା ହିୟାନେସି । ୭ ମୀରୁ ପ୍ରାତାନା କିନାଟି ଜୀହୁଡିଆଆତାରି ଲେହେଁ ଉଜେ ଉଜେଏ ପେରେପେରେ ଜଲିଆଦୁ, ଏନାଆଁତାକି ଇଚିହିଁ ଏଞ୍ଜାରି ଅଣ୍ପିନେରି, ହାରେକା ପ୍ରାତାନା କିତିସାରେ ମା ପ୍ରାତାନା ମାହାପୁରୁ ଝେଞ୍ଜାନେସି । ୮ ଏଦାଆଁତାକି ଏଞ୍ଜାରିଲେହେଁ ଆଆଦୁ, ଏନାଆଁତାକି ଇଚିହିଁ ମିଢ୍ଢେ ଏନାୟି ଲଡାମାନେ, ରୀହ୍ଆ ନକେଏ ଏଦାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି । ୯ ଅଡେ ମୀରୁ ଇଲେକିହିଁ ପ୍ରାତାନା କିଦୁ: ଏ ମା ଲାକପୁରୁତି ଆବା, ନୀ ଦରୁ ନେହାୟି ଇଞ୍ଜାଁ ମାନଞ୍ଜି ଆପେ; ୧୦ ନୀ ରାଜି ଖାପେ; ଲାକପୁରୁତି ଲେହେଁ ଦାର୍ତତା ଜିକେଏ ନୀ କାତେଏ ଆପେ, ୧୧ ନୀଞ୍ଜୁ ମାଢ୍ଢେ ଲଡା ଆନି ରାନୁ ହିୟାମୁ, ୧୨ ମା କପାତଲେ ଦହ କିହାମାନି ଲକୁଣି ମାମୁ ଏନିକିହିଁ ଦହ ଆହ୍ଅମି, ଏଲେକିହିଁ ମା ଦହ ବାରେ ମ୍ଳେକ୍‌ହାମୁ । ୧୩ ମାଢ୍ଢେ ପାନ୍ତାତା ମେଡ୍‌ହାଆନି ଲାଗେଏ ପଲେଏ ତାଣାଟି ପିସ୍‌ପି କିୟାମୁ, ଏନିଇଚିହିଁ ରାଜି ବାଡ୍‌ୟୁ କାଜାପାଣା କାଲା କାଲାତାକି ନାଦିଏ ଆପେ । ଆମେନ୍ । ୧୪ ଇଚିହିଁ ମୀରୁ ଏଟ୍‌କା ଲକୁଡି ପାପୁ ବାରେ ମ୍ଳେକ୍‌ହିସାରେ, ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମ୍ଳେକ୍‌ହାନେସି; ୧୫ ସାମା ମୀରୁ ଲକୁଡି ପାପୁ ମ୍ଳେକ୍‌ଆସାରେ, ମୀ ଆବା ଜିକେଏ ମୀ ପାପୁ ମ୍ଳେକ୍‌ହଅସି । ୧୬ ଉପାସା କିନାଟି କୁଟୁ ଗାଟାରିଲେହେଁ ମୀ ମୁମୁଡି ଖଡ଼ି କିଆଦୁ, ଏନାଆଁତାକି ଇଚିହିଁ ଏଞ୍ଜାରି ଉପାସା କିହିମାନେରି ଇଞ୍ଜାଁ ଲକୁଣି ତସାଲି ତାମି ମୁମୁ ଖଡ଼ି କିନେରି; ନାନୁ ମିଢ୍ଢେ ସାତା ଝେସିମାଞ୍ଜାଇଁ ଏଞ୍ଜାରି ତାମି ଦାନା ବେଟାଆହାମାନେରି । ୧୭ ସାମା ମୀରୁ ଉପାସା କିନାଟି, ମୀ ତାୟିତା ନିୟୁଁ ଉହ୍‌ଦୁ ଅଡେ ମୁମୁ ନରହା କତାଦୁ । ୧୮ ଏନିକିଁ ମୀରୁ ଉପାସା କିହିମାନେରି ଇଞ୍ଜାଁ ଲକୁ ନକିତା ତଞ୍ଜା ଆଆନା,

ପୁନାଆରେରୁ ମାନି ମୀ ଲାକପୁରୁତି ଆବା ନକିତା ଚଞ୍ଚା ଆଦେରି; ଅଡ଼େ  
 ମୀ ଆବା ପୁନାଆରେରୁ ମେସାନା ମିଢ୍ଢେ ଦାନା ହିୟାନେସି । ୧୯ “ଏମ୍ପିୟା  
 ସୀରୁନେ ଇଞ୍ଚି ଲୀମୁ ତିନେ ଅଡ଼େ ସରକା କାତି ତୁକ୍‌ହାନା ସରୁ କିହା ଅନେରି,  
 ଇଲେତି ଦାର୍ତତା ମିଢ୍ଢେତାକି ଦନ କୁଡ଼ିକିହାଁ ଇଟାଆଦୁ । ୨୦ ସାମା ଆମ୍ପିୟା  
 ସୀରୁଏ ଇଞ୍ଚି ଲୀମୁ ତିନେଏ ଅଡ଼େ ସରକା କାତି ତୁକ୍‌ହାନା ମାଣ୍ଡା ଅଅରି  
 ଇଲେତି ଲାକପୁରୁ ମିଢ୍ଢେତାକି ଦନ କୁଡ଼ି କିପୁ, ୨୧ ଇତିହିଁ ଆମ୍ପିୟା ମୀ ଦନ  
 ଏମ୍ପେଏ ମୀ ମନ ଜିକେଏ ମାନେ ।” ୨୨ କାନୁ ଆଢ୍ଘାତି ଦୀଞ୍ଚି ଲେହେଁ, ଇତିହିଁ  
 ମୀ କାନୁ ନେହିଁ ମାନେ, ଆତିହିଁ ମୀ ବାରେ ଆଢ୍ଘା ଉଜେଡ଼ି ଆନେ । ୨୩  
 ସାମା ମୀ କାନୁ ଲାଗେଏ ମାନେ, ଆତିହିଁ ମୀ ବାରେ ଆଢ୍ଘା ଜିକେଏ ଆନେରି  
 ଆନେ । ଏନାଆଁତାକି ଇତିହିଁ ମୀ ଆଢ୍ଘାତି ଉଜେଡ଼ି ଆନେରି ଆତିହିଁ ଏ  
 ଆନେରି ଏଚେକା ଆଜିନାୟି ଆନେ । ୨୪ ଆମ୍ପାଆସି ଜିକେଏ ରୀ ସାଞ୍ଜୁକାରି  
 ତାଣା ହଲେଏସି ଆହାଲି ଆଡ଼ଅସି; ଏନାଆଁତାକି ଇତିହିଁ ଏଞ୍ଜାସି ରଅଣାଈ  
 ଜୀଞ୍ଜୁ ନନେସି, ଅଡ଼େ ରଅଣାଈ ଅପଅସି, ରଅଣାଈ ମାନି କିନେସି ଅଡ଼େ  
 ରଅଣାଈ ମାନଞ୍ଜି ଆସି, ମୀରୁ ମାହାପୁରୁ ଅଡ଼େ ଦନତି ହଲିୟାଢ୍ଘା ଆହାଲି  
 ଆଡ଼ଅଚେରି । ୨୫ ଏଦାଆଁତାକି ନାନୁ ମିଢ୍ଢେ ଖେସିମାଞ୍ଜାଈ, ଏନାଆଁ ତିନାୟି  
 ଏନାଆଁ ଗହନାୟି, ଏଲେକିଁ ମୀ ଜୀଞ୍ଜୁତାକି, ଏନାଆଁ ତୁରନାୟି ଇଲେକିଁ ମୀ  
 ଆଢ୍ଘା ତାକି ଅଣ୍ଡାଆଦୁ, ରାନ୍ଧୁକିହା ଜୀଞ୍ଜୁ, ହିମ୍ପରିକା କିହାଁ ଆଢ୍ଘା କାଜାୟି  
 ଆଏକି? ୨୬ ପଟାୟିଣି ସିନିକିପୁ, ଏଞ୍ଜି ମାଟାର କି ଦାଉ କି ଗାଦେୟିତା  
 କୁଡ଼ିକିହାଁ ଇଟାର, ଏଲେଆତିଞ୍ଜା ଲାକପୁରୁତି ଆବା ଏଞ୍ଜାସିକାକି ତାମି ରାନ୍ଧୁ  
 ହାହିମାନେସି, ଏଞ୍ଜାସିକା କିହାଁ ମୀରୁ କାଜାଚେରି ଆଏକି? ୨୭ ଅଡ଼େ ମୀ  
 ବିତ୍ରାତି ଆମ୍ପାଆସି ତାନି ଗାତି ଅଣ୍ଡାପୁ ତଲେ ତାନି ଜୀଞ୍ଜୁତି ଆଗାଡ଼ା ପାତିକିହାଲି  
 ଆଡ଼ିମାନେସି? ୨୮ ହିମ୍ପରିକା ତାକି ଏନାଆଁତାକି ଅଣ୍ଡାପିମାଞ୍ଜେରି? ଜାଡ଼ାତି  
 ପୁଞ୍ଜାଣି ସିନିକିହାଁ ଅଣ୍ଡାପାନା ଜାପାଦୁ, ଏଞ୍ଜି ଏନିକିଁ ପାତାଆନ୍ତୁ; ଏଞ୍ଜି କସୁ କିଉ  
 କି ଲୁଲୁ ଦାଉ, ୨୯ ଆତିଜିକେଏ ନାନୁ ମିଢ୍ଢେ ଖେସିମାଞ୍ଜାଈ, ରାଜା ସଲମନ  
 ଗାତି ଦାରାତି ହିମ୍ପରିକା ହୁଡ଼ିମାତିହିଁ ଜିକେଏ ଏ ପୁଞ୍ଜା ବିତ୍ରାତି ର ପୁୟୁ ଲେହେଁ  
 ଅଜା ହିଲାଆଚେସି । ୩୦ ସାମା ଗୁଡ଼ିୟାତା ଡ଼ୟିନି ଗାକି ଜାଡ଼ା ନୀଞ୍ଜୁ ମାନେ  
 ଞ୍ଜିଏ ହଲୁତା ହୁଡ଼ିଆନେ, ଏଦାନାକି ମାହାପୁରୁ ଇଚେକା ନେହିଁ ଅଜୁ ହାତିହିଁ,  
 ଏ ନାମୁ ହିଲାଆଗାଟାଚେରି ମିଢ୍ଢେ ହାରେକା ଗାତି ହିମ୍ପରିକା ହିୟଅସିକି? ୩୧  
 ଏଦାଆଁତାକି ଏନାଆଁ ତିନମି, ଏନାଆଁ ଗହନମି, ଏନାଆଁ ପରନମି ଏଲେକିହିଁ

ଅର୍ଥପାଆନ୍ତୁ । ୩୨ ଇତିହାସ ଜୀବିତାଆଆତି ଲକ୍ଷ୍ମୀ ଇ ବାରେ ପାରିନେରି, ଅଡ଼େ ଇ ବାରେ ମିଡ଼େ ଲଡ଼ାମାନେ ଇଚ୍ଛା ମୀ ଲାକପୁରୁତି ଆବା ପୁଞ୍ଜାମାନେସି । ୩୩ ସାମା ମୀରୁ ନକେଏ ମାହାପୁରୁତି ରାଜି ଅଡ଼େ ଦାମୁତି ପାରାନ୍ତୁ, ଆତିହାସ ମୀ ଲଡ଼ାମାନି ବାରେ ହୀପକିଆନେ । ୩୪ ଇତିହାସ ଝିଏତାକି ଅର୍ଥପାଆନ୍ତୁ, ଏନାଆଁତାକି ଇତିହାସ ଝିଏତି ଅର୍ଥପୁ ଝିଏ ମୀରୁ ମିଡ଼େତାକି ଅର୍ଥପଦେରି, ଇତିହାସ ନୀଞ୍ଜୁତି କସୁ ନୀଞ୍ଜୁତାକି ସାରି ।

୨ ମୀରୁ ଏନିକି ନୀହାୟି କିଝି ଆଅତେରି, ଏଦାଆଁତାକି ମୀରୁ ଆମ୍ବାଆରାଇଁ ନୀହାୟି କିଆନ୍ତୁ । ୨ ଇତିହାସ ମୀରୁ ଏନିକି ଲକ୍ଷ୍ମୀ ନୀହାୟି କିଦେରି, ଏଲେକିହାସ ମୀରୁ ଜିକେଏ ନୀହାୟି କିଝିଆଦେରି; ଅଡ଼େ ଆମିନି ମାଣାତଲେ ଲାରିଦେରି ଏ ମାଣା ତଲେ ମିଡ଼େ ଲାଟା ହିୟାନେରି । ୩ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନେ, ଏଦାଆଁ ଅର୍ଥପି ହିଲଅତି କି? ୪ ଅଡ଼େ ନୀନ୍ତୁ ଏନିକି ମୀ ତାୟିକି ଏଲେକିଞ୍ଜି ଝାମ୍ବୁ, ନୀ କାନୁତି ଲାଟା ଡେଝାଇଁ, ଅଡ଼େ ମେହମ୍ବୁ ନୀ କାନୁତେଏ କାଜା ଲାଟା ମାନେ! ୫ ଆଡ଼େ କୁଟୁ ଗାଟାତି ତଲିଏ ନୀ କାନୁତି ଲାଟା ଡେଝା କତାମ୍ବୁ, ଆତିହାସ ମୀ ତାୟି କାନୁତି ଲାଟା ଡେଝାଲି ନେହିକି ମେସାଲି ଆଡ଼ିଦି । ୬ “ନେହି ଆସ୍ତିତି ନେସକାକି ହୀଆନ୍ତୁ, ଏଝି ଝେଣ୍ଡେ ତିରୁଝାହିଁ କାଟାନ୍ତୁ ଇଚ୍ଛା ବାଂଗାରା କିହାଁ ଆଗାଡ଼ା ଦାରାଗାଟି ହୀଞ୍ଜୁ ପାଜିୟାଁ ନକିତା ମେଡ଼ିଆନ୍ତୁ, ଏଝି ଏଦାନି କାଦତା ତୁଡ଼ବିନ୍ତୁ ।” ୭ “ରୀହନ୍ତୁ ଆତିହାସ ମିଡ଼େ ହୀପକିଆନେ; ପାରାନ୍ତୁ ଆତିହାସ ମିଡ଼େ ମେଡ଼ାଆୟାନେ; ଦୁଝେରିତା ଝେନ୍ତୁ, ଏଚେଟିଏ ମିଡ଼େତାକି ଦୁଝେରି ଦେପିଆନେ । ୮ ଇତିହାସ ଆମ୍ବାଆସି ରୀହନେସି, ଏଝାସି ବେଟାଆନେସି; ଆମ୍ବାଆସି ପାରିନେସି, ଏଝାସି ମେଡ଼ାଆନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଝାଶାକି ଦାରା ଦେପିଆନେ । ୯ ଇତିହାସ ମୀ ବିତ୍ରା ଆମ୍ବାଆସି ଇଲେତି ମାଣସି ମାନେସି, ତାନି ମୀରୁଏସି ରୁତି ରୀସ୍ତିସାରେ ଏଝାଶାକି ଝାଲକା ହୀନେସି, ୧୦ ଅଡ଼େ ମୀନ୍ତୁ ରୀସ୍ତିସାରେ ଏଝାଶାକି ରୀରୁ ହୀନେସି? ୧୧ ଏଦାଆଁତାକି ମୀରୁ ଲାଗେଏ ପଲେଏତି ଲକ୍ଷ୍ମୀ ଆତିଜିକେଏ ମୀ ମୀରୁକା ମାସକାକି ନେହାଁଣି ହୀହିମାଞ୍ଜେରି, ଆତିହାସ ମୀ ଲାକପୁରୁତି ଆବା ନକିତା ରୀହନି ଲକ୍ଷ୍ମୀକି ଏଚେକା ନେହା ନେହାଁଣି ହୀଅସି!” ୧୨ “ଏଦାଆଁତାକି ଲକ୍ଷ୍ମୀ ମିଡ଼େ ତାକି ଏନିକି ଲେମ୍ବାପେରି ଇଚ୍ଛା ମୀରୁ ଅର୍ଥପମାଞ୍ଜେରି, ମୀରୁ ଜିକେଏ ଏଝାରାଇଁ ଏଲେକିହିଁ କିଦୁ, ଏନାଆଁତାକି ଇତିହାସ ଇଦିଏ ମସାତି

ମେରା ଅଡ଼େ ମାହାପୁରୁ ଅଣ୍ଟପୁତି ବଲୁ ଖେହୁନି ଦାମ୍ନୁ ପତିତି କାତା ।” ୧୩  
 ଜାକ୍ଣି ଦୁଖେରିତି ହାଲୁ, ଏନାଆଁତାକି ଇତିହିଁ ନକଟା ହାନି ଜିରୁ ଅସାରା ଅଡ଼େ  
 ଉସାସା, ଏ ଜିରୁ ନାସା ଆନିଖାକି ଅନାୟି, ଏ ଜିରୁଟି ହାରେକା ଲକୁ ହାନେରି ।  
 ୧୪ ଅଡ଼େ ଜୀବୁତା ଅନି ଦୁଖେରି ଜାକ୍ଣି ଇଞ୍ଜି ଏମ୍ପାଆଁ ହାନି ଜିରୁ କସ୍ତାଗାୟି  
 ଏ ଜିରୁଟି ହାନି ଲକୁ ହାରେକା ଉଣା । ୧୫ “ମାହାପୁରୁ ବଲୁ ଖେହୁନାତମି ଇଞ୍ଜି  
 ଖେସାନା ମିତି କାତା ଖେହୁନାରି ତାଣାଟି ଜାଗ୍ରାତା; ଏଖାରି ମେଣ୍ଡାୟିଁ ଖାଣା  
 ଆସାନା ମୀ ତାଣା ଖାନେରି, ସାମା ଏଖାରି ହିୟିତା କାରବି ଆତି କ୍ଷାନ୍ନି! ୧୬  
 ଏଖାରି କାମା ମେସାନା ମୀରୁ ଏଖାରାଇଁ ପୁଞ୍ଜାଲି ଆଡିଦେରି, ଲକୁ ହାପକା  
 ମାରୁନୁତା ଅଢୁରି ପାଡ଼େୟି ଆଆତିହିଁ ଅଣ୍ଟୁ ମାରୁନୁତା ତୟା ପାଡ଼େୟି  
 ଏହୁନେରି? ୧୭ ଏଲେକିହିଁଏ ନେହିଁ ମାରୁନୁତା ବାରେ ନେହିଁ ପାଡ଼େୟି ଅଡ଼େ  
 ଲାଗେଏତି ମାରୁନୁତା ବାରେ ଲାଗେଏତି ପାଡ଼େୟି ଆୟିନେ । ୧୮ ନେହିଁ  
 ମାରୁନୁ ଲାଗେଏତି ପାଡ଼େୟି ଆୟାଲି ଆଡେଏ, ଅଡ଼େ ଲାଗେଏତି ମାରୁନୁ  
 ନେହିଁ ପାଡ଼େୟି ଆୟାଲି ଆଡେଏ । ୧୯ ଆମିନି ମାରୁନୁ ନେହିଁ ପାଡ଼େୟି  
 ଆୟେଏ, ଏଦାନି ଚୁଣ୍ଡି ଆହାନା ହିରୁତା ମେଡ଼ପି ଆନେ । ୨୦ ଏଲେକିହିଁଏ  
 ମିତି ମାହାପୁରୁ ବଲୁ ଖେହୁନାରାଇଁ ତାମା କାମା ତଲେ ପୁଞ୍ଜାଲି ଆଡିନାୟି ।”  
 ୨୧ “ନାଢ଼େ ‘ପ୍ରବୁ, ପ୍ରବୁ’ ଇଞ୍ଜି ହାଟାନେରି, ଏଲେତି ବାରେଜାଣା ଲାକପୁରୁ  
 ରାଜିତା ହାଲଅରି, ସାମା ଆମ୍ପାଆରି ନା ଲାକପୁରୁଟି ଆବା ଖେସି କାତା  
 ମାନଖି ଆନେରି, ଏଖାରି ହାଜାଲି ଆଡିନେରି । ୨୨ ଏ ଦିନା ହାରେକା ନାଢ଼େ  
 ଏଲେଇଞ୍ଜାନେରି, ଏ ପ୍ରବୁ ଏ ପ୍ରବୁ ମାମୁ ନୀ ଦରୁତଲେ ମାହାପୁରୁ ଅଣ୍ଟପୁତି  
 ବଲୁ ଖେହୁଆତମି କି? ଅଡ଼େ ନୀ ଦରୁତଲେ ବୁଡୁୟାଁଇଁ ପିସପି କିଆତମି  
 କି? ଅଡ଼େ ନୀ ଦରୁତଲେ ହାରେକା କାବାଆନି କାମା କିଆତମି କି? ୨୩  
 ଏତିବେଲା ନାନୁ ଏଖାରାଇଁ ତୀରେତଲେ ଏଲେଇଇଁ ‘ଏ ଲାଗେଏ ପଲେଏ  
 ଗାଟାତେରି, ନା ତାଣାଟି ହେକ ଆଦୁ, ନାନୁ ମିଢ଼େ ଏରେଲାଖା ପୁଞ୍ଜାମାଞ୍ଜୁଆଁ  
 ।” ୨୪ “ଇଞ୍ଜି ଆମ୍ପାଆସି ଇ ନା ହାତା ଖେନେସି ଅଡ଼େ ମାନଖି ଆନେସି,  
 ଏଖାସି ପାକା ଖାଲି ଲାକ ଇଲୁ କିନି ର ବୁଦିଗାଟି ଲକୁ ଲେହେଁତାସି । ୨୫  
 ଗାଡି ପିୟୁ ରାତେ ଖାଲୁ ଖାତେ ଅଡ଼େ ଗାଲି ଆଡେ, ଏ ଇଲୁଟି ଗୁପିତେ, ସାମା  
 ଏ ଇଲୁ ରିଆଡେ, ଇତିହିଁ ଏଦି ପାକାତା କାନ୍ତା କାରହାନା ପୁନାଦି ଦସାମାତାୟି  
 ।” ୨୬ “ଅଡ଼େ ଆମ୍ପାଆସି ଇ ନା ହାତା ଖେଞ୍ଜାନା ମାନଖି ଆଅସି ଏଖାସି ବାଞ୍ଜି  
 ଲାକ ଇଲୁ କେପା ତୟିନି ବୁଦି ହିଲାଆଗାଟି ଲକୁ ଲେହେଁତାସି । ୨୭ ଗାଡି

ପିୟୁ ରୀତେ, ଝାରୁ ଝାତେ ଅଡ଼େ ଗାଲି ଆତେ, ଏ ଇଲୁତି ଗୁପିତେ ଏମ୍ବାଟିଏ ଇଲୁ ତରଗାହାଜା ବୃମିତା ଆଣ୍ଡିତେ ।” ୨୮ ଜୀସୁ ଇ ବାରେ କାତା ରାଫ୍ହି ଜେତ ତାନି କାତା ଝେଚାରି କାବା ଆତେରି । ୨୯ ଇତିହିଁ ଏଝାସି ତାନି ବୁଦି ଗାଟାରିଲେହେଁ ଜାପ୍ଆନା ଅଦିକାରା ବେଟାଆହାମାନି ମାଣ୍ଡିଲେହେଁ ଜାପ୍ହି ମାଚେସି ।

୮ ଜୀସୁ ହରୁ ଲାକଟି ରେଚା ଝାତି ତାୟୁ ମାନ୍ୟୁ ଲକୁ ତାନି ଜେତ ହାଚେରି । ୨ ଏଚିବେଲା ର କାଜା ରଗ ଗାଟାସି ତାନି ନକିତା ଝାହିଁ ମେଣ୍ଡାକୁତାନା ଜହରା କିହିଁ ଏଲେଇଚେସି, “ପ୍ରବୁ ନୀନୁ ମନ କିତିହିଁ ନାଢ୍ଫେ ନେହିଁ କିହାଲି ଆଡାଦି ।” ୩ ଏଚେଟିଏ ଜୀସୁ କେୟୁ ଦାସାହିଁ ତାଡ୍ଫୁ ତୀଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହିଁଆମୁ ।” ଏ ଦେବୁଣିଏ କାଜା ରଗ ଗାଟାସି ନେହିଁଆଚେସି । ୪ ଏଚେଟିଏ ଜୀସୁ ଏଝାଣାଇଁ ଏଲେଇଚେସି, “ଜାଗ୍ରାତା ଆମ୍ବାଆରାଇଁ ଝେହ୍ଆନି, ସାମା ନୀନୁ କାଜା ପୂଜେରା ତାଣା ହାଜାନା ନିଢ୍ଫୁ ତସାକତାମୁ, ଅଡ଼େ ମସା ଆମିନି ମେରା ହାହାମାନେସି ଏଦାଆଁ ଲକୁ ନକିତା ସାକି ହାନିଲେହେଁ ହେର୍ପାମୁ ।” ୫ ଜୀସୁ କପର୍ନାହୁମ ଗାଡାତା ହାଜାଲିଏ ର ରମିୟୁ ପାସାକଡ଼ି କସ୍‌କା ମୁହେଁ କାଜାସି ଏଝାଣି ତାଣା ଝାହାନା ବାତିମାଲିହିଁ ଏଲେଇଚେସି, ୬ “ଏ ପ୍ରବୁ, ନା ହଲେଏସି ଚଟଝାୟାନା ହାରେକା କସ୍ତୁ ଆହିଁ ଇଜ କାଚେଲିତା ତୁରାମାନେସି ।” ୭ ଜୀସୁ ଏଝାଣାଇଁ ଏଲେଇଚେସି, “ନୀନୁ ଝାହାନା ଏଝାଣାଇଁ ନେହିଁ କିଇଁ ।” ୮ ସାମା ପାସାକଡ଼ି କସ୍‌କା ମୁହେଁ କାଜାସି ଏଲେଇଚେସି, “ଆଏ, ପ୍ରବୁ ନୀନୁ ନା ଇଜ ପାଝୁଲି ଇଚିଦି, ଏଲେତି ଜଗେ ଆଏ; ସାମା ନୀନୁ ର ପଦୁ ଝେସା ପାଣ୍ଡାମୁ, ନା ହଲେଏସି ନେହିଁ ଆନେସି । ୯ ଇତିହିଁ ନୀନୁ ରଅଣି ତାଣା କାମା କିନି ମାଣ୍ଡିସି ଆତିହିଁ ଜିକେଏ ନା ଅଦିକାରାତା ଅଡ଼େ କସ୍‌କା ମାନେରି; ନୀନୁ ରଅଣାଇଁ ହାଲାମୁ ଇତିହିଁ ଏଝାସି ହାନେସି; ଅଡ଼େ ରଅଣାଇଁ ଝାମୁ ଇତିହିଁ ଝାନେସି; ଅଡ଼େ ନା ହଲେଏଣାଇଁ ଇଦାଆଁ କିମୁ ଇତିହିଁ ଏଦାଆଁ କିନେସି ।” ୧୦ ଜୀସୁ ଇ ବାରେ କାତା ଝେଞ୍ଜାନା କାବା ଆଚେସି, ଅଡ଼େ ତାନି ଜେତ ଝାହିମାତି ଲକୁଣି ଏଲେଇଚେସି, ନୀନୁ ମିଢ୍ଫେ ସାତା ଝେସିମାଞ୍ଜାଇଁ, ଇସାୟେଲ ବିତ୍ରା ଆମ୍ବାଆରି ତାଣା ଇଚେକା କାଜା ନାମୁ ମେସାହିଲଅଁ । ୧୧ ସାମା ନୀନୁ ମିଢ୍ଫେ ଝେସିମାଞ୍ଜାଇଁ, ହାରେକା ଲକୁ ଝେଡ଼ା ହପୁ ଝାକିଟି ଅଡ଼େ ଝେଡ଼ା କୂଡ୍‌ନି ଝାକିଟି ଝାହାନା ଅବ୍ରାହାମ, ଇସାହାକ ଅଡ଼େ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁଗିନେରି ।

୧୭ ସାମା ରାଜିତି ମାର୍କାଣି ପାଞ୍ଜୁତି ଆନ୍ଦେରିତା ମେତ୍‌ପି ଆନେ ଏମ୍‌ଆଁ  
 ଏଞ୍ଜାରି ପାଲ୍‌କା ଟୀଟି କିହିଁ ଡ଼ାନେରି । ୧୩ ଅଡ଼େ ଜୀସୁ ଏ କାଜାଣାଙ୍ଗ୍  
 ଏଲେଇରେସି, ଇଜ ହାଲ୍‌ମାମ୍, ଏନିକିହିଁ ନାମାମାଞ୍ଜୁ ନିଢ୍ଢେଟାକି ଏଲେକିହିଁ  
 ଆପେ । ଏ ଦେବୁଣିଏ ଏ ହଲେଏସି ନେହିଁଆଡେସି । ୧୪ ଡ଼ାୟୁ ଜୀସୁ  
 ପିତର ଇଜ ଖାହାନା ପିତରତି ପୟା ନମେରି ତାକି କାଟେଲିତା ତୁରାମାନାଣି  
 ମେସ୍ତେସି । ୧୫ ଏଚେଟିଏ ଜୀସୁ ତାନି କେୟୁ ଡ଼ାଗାଲିଏ ନମେରି ପିସ୍ତେ,  
 ଅଡ଼େ ନିଢ୍ଢାନା ଏଞ୍ଜାଣି ସେବା କିହାଲି ମାଟ୍‌ହେ । ୧୬ ମିଡ଼ିଆଲ୍‌ ଆହାଲିଏ ଲକ୍‌କୁ  
 ହାରେକା ବୁଡୁ ଆଲ୍‌ଗାମାତି ଲକ୍‌କୁଣି ଜୀସୁ ଡ଼ାଣା ତାଡେରି, ଏଚେଟିଏ ଜୀସୁତି  
 ର ବଲ୍‌କୁ ତାକି ବୁଡୁୟାଁ ଏଞ୍ଜାରି ଡ଼ାଣାଟି ହୁଡ଼ାହାରୁ, ଅଡ଼େ ହାରେକା ନମେରି  
 ଗାଟାରାଙ୍ଗ୍ ନେହିଁ କିଡେସି । ୧୭ ଏନିକିହିଁ ମାହାପୁରୁ ଅଶ୍‌ପୁତି ବଲ୍‌କୁ ଖେହ୍‌ନି  
 ଜିସାୟତି କାତା ସାତା ଆନେ, “ଏଞ୍ଜାସି ଡ଼ାନୁଏ ମା ନମେରି ଦୁକା ଅଡେସି  
 ଅଡ଼େ ମା ରଗତି ଡେକିଡେସି ।” ୧୮ ଜୀସୁ ତାନି ସାରିଞ୍ଜାକି ଲକ୍‌କୁଣି ମେସାନା,  
 ସୀସୁୟାଁୟାଁ ସାମ୍‌ଦୁରି ଆତାଲା ହାଜାଲି ହୁକୁମି ହୀଡେସି । ୧୯ ର ଫେରା  
 ଜାପ୍‌ନାସି ଖାହାନା ଜୀସୁଙ୍ଗ୍ ଏଲେଇରେସି, “ଗୁରୁ, ନୀନୁ ଆମ୍‌ମିୟା ହାଜି, ନୀନୁ  
 ଜିକେଏ ନୀ ତଲେ ଖାଙ୍ଗ୍ ।” ୨୦ ଏଚେଟିଏ ଜୀସୁ ଏଞ୍ଜାଣାଙ୍ଗ୍ ଏଲେଇରେସି,  
 “ନାକାୟାଁକି ଡ଼ୟିନି ପାଞ୍ଜୁୟାଁ ମାନୁ, ହାଗୁ ଲାକ ଉମ୍‌ମିନି ପଟାୟାଁକି ବାସାଟାୟୁ  
 ମାନେ, ସାମା ମାଣ୍‌ସି ମାର୍‌ଏଣାକି ଡ଼ାୟୁଁ ନେଟ୍‌ହାଲି ବାସାଟାୟୁ ହିଲେଏ ।”  
 ୨୧ ଇଞ୍ଜିଁ ସୀସୁୟାଁ ବିଡ଼ାଟି ଅଡ଼େ ରଅସି ଜୀସୁଙ୍ଗ୍ ଏଲେଇରେସି “ପ୍ରବୁ, ନକେଏ  
 ହାଜାନା ନା ଆବାଙ୍ଗ୍ ମାହ୍‌ଣିଣା ମୁସାଲି ହେଲ ହିୟାମୁ ।” ୨୨ ସାମା ଜୀସୁ  
 ଏଞ୍ଜାଣାଙ୍ଗ୍ ଏଲେଇରେସି, “ନା ଜେଚ ଖାମ୍, ହାତାରାଙ୍ଗ୍ ତାମି ହାତି ଲକ୍‌କୁଣି  
 ମୁସାଲି ପିହ୍‌ଦୁ ।” ୨୩ ଜୀସୁ ଡ଼ଂଗତା ହୁଚାଲିଏ ସୀସୁୟାଁ ତାନି ଜେଚ ହାଚେରି  
 । ୨୪ ଅଡ଼େ ମେହ୍‌ଦୁ ଦେବୁଣିଏ ସାମ୍‌ଦୁରିତା କାଜା ଗାଲି ଆଡେ, ଇଞ୍ଜିଁ ଡ଼ଂଗ  
 ଏୟୁଡ଼ା ମୁଞ୍ଜାଲି ମାଟ୍‌ହେ, ସାମା ଜୀସୁ ଡ଼ଂଗତା ତୁରାମାଚେସି । ୨୫ ଏମ୍‌ପାଟିଏ  
 ଏଞ୍ଜାରି ତାଗେ ଖାହାଁ ନିକ୍‌ହାନା ଏଲେଇଚେରି, “ପ୍ରବୁ, ମାଢ୍‌ଗୁ ଗେଲ୍‌ପାମ୍,  
 ଆଆଟିଁ ମାମ୍‌ ହାହିମାନମି ।” ୨୬ ଜୀସୁ ଏଞ୍ଜାରାଙ୍ଗ୍ ଏଲେଇରେସି, “ଏ ଉଣା  
 ନାମ୍‌ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି?” ଏମ୍‌ପାଟିଏ ଜୀସୁ  
 ନିଢ୍ଢାନା ଗାଲି ଅଡ଼େ ଖାଡିମାତି ସାମ୍‌ଦୁରିତି ଦାକା ହାଡେସି, ଇଞ୍ଜିଁ ଦେବୁଣିଏ  
 ସାପିଆଡେ । ୨୭ ଏମ୍‌ପାଟିଏ ଏଞ୍ଜାରି କାବା ଆହାଁ ଏଲେଇଚେରି, “ଇଞ୍ଜାସି  
 ଏନିଲେହେଟି ମାଣ୍‌ସି? ଗାଲି ଅଡ଼େ ସାମ୍‌ଦୁରି ଜିକେଏ ଇଞ୍ଜାଣି ହାତା ମାନଞ୍ଜି



ଆହିମାନେ ।” ୨୮ ଡାୟୁ ଜୀସୁ ସାମୁଦ୍ଧର ଆତାଲାଖାକିତି ଗଦରିୟ ନାସକାଣୀ ଏଗାହାଜାଲିଏ ରୀ ବୃତୁୟା ଆଲ୍ଗା ମାତାରି ମାଡ଼ହା ମୁହନି ଚାୟୁଟି ଖାହାନା ଜୀସୁ ବେଟାଆତେରି, ଏଝାରି ଇଲେତି ଆଜିହପେତି ଲକୁ ମାତେରି, ଏ ଜିରୁଟି ଲକୁ ରେଜାଲି ଆଡିହିଲାଆତେରି । ୨୯ ଇଞ୍ଜି ମେହଦୁ ଏଝାରି କିରଡିହି ଏଲେଇରେରି, “ଏ ମାହାପୁରୁ ମୀରୁଏଶାତି! ନୀ ତଲେ ନାଢ୍ଫେ ଏନାୟି ମାନେ? ମା ବେଲା ଖାଆନେଏ ମାଢ୍ଫେ କସ୍ତୁ ହିୟାଲି ଇମ୍ପାଆଁ ଖାତିକି?” ୩୦ ଇଞ୍ଜି ଏଝାରି ତାଶାଟି ହେକ ର ମାନ୍ସ ପାଜିୟା ମେୟିମାରୁ । ୩୧ ଏ ଲକୁ ବିତ୍ରାତି ବୃତୁୟା ଜୀସୁଇଁ ବାତିମାଲିହି ଏଲେଇରୁ, “ମାଢ୍ଫେ ପେରହାଦି ଇତିହି, ଏ ପାଜିୟା ମାନ୍ସ ବିତ୍ରା ପାଣ୍ଡାମୁ ।” ୩୨ ଜୀସୁ ଏଝାସିକାଶି ଏଲେଇରେସି, “ହାକୁ ।” ବୃତୁୟା ଏ ଦେବୁଶିଏ ଲକୁଇଁ ପିସାନା ପାଜିୟା ମାନ୍ସ ବିତ୍ରା ହୁଚୁ: ଏ ପାଜିୟା ହୁଚୁ କାଡ଼ବିତି ଦାବଡି ହଟାନା ଦାରିତି ସାମୁଦ୍ଧରିତା ମେଦାନା ହାହାହାରୁ । ୩୩ ପାଜିୟା ମେତିମାତି ଗଡ଼କା ହଟିହି ହାଜାନା ଗାଡ଼ାତା ବାରେ କାବୁ ଇଞ୍ଜି ବୃତୁୟା ଆଲ୍ଗା ମାତାରି ଏନି ଆତେରି ଏ ବାରେ ହାତା ଖେସ୍ପେରି । ୩୪ ଅଡ଼େ ନାସକାତି ବାରେ ଲକୁ ଜୀସୁଇଁ ମେସାଲି ଖାତେରି, ଇଞ୍ଜି ଜୀସୁଇଁ ମେସାନା ତାମି ହାନ୍ତିଟି ହାଜାଲି ବାତିମାଲିତେରି ।

ଏମ୍ପାଟିଏ ଜୀସୁ ତଂଗତା ହଟାନା ସାମୁଦ୍ଧରି ଗାଶ୍ଟାହାଁ ତାନ୍ସ ବାସାଆହାମାନି ଗାଡ଼ାତା ଖାତେସି । ୨ ଅଡ଼େ ମେହଦୁ କାଟେଲିତା ତୁରାମାତି ର ଟଟଝାୟିତି ଲକୁଇଁ ତେକାନା ତାନି ତାଶା ତାତେରି, ଇଞ୍ଜି ଏଝାରି ନାମୁ ମେସାନା ଜୀସୁ ଏ ଟଟ ଝାୟିତାଶାଇଁ ଏଲେଇରେସି, “ଏ ମୀରୁଏଶା, ସାସା ଆହ୍ମୁ ନୀ ପାପୁ ବାରେ ମେଶ୍ଟୁହାତେ ।” ୩ ଏଚେକା ମେରା ଜାପୁନାରି ଇ ହାତା ଖେଞ୍ଜାନା ଏଝାରି ଖେସ୍ପି ଆତେରି, “ଇ ମାଶ୍ସି ମାହାପୁରୁଇଁ ନିନ୍ସା କିହିମାନେସି ।” ୪ ଜୀସୁ ଏଝାରି ମନତି ହାତା ପୁଞ୍ଜାନା ଏଲେଇରେସି, “ମୀରୁ ମୀ ମନତା ଏନାଆଁତାକି ଇଚେକା ଲାଗେଏତି ଅଶ୍ପୁ ଅଶ୍ପିମାଞ୍ଜେରି? ୫ ଇତିହି ଏନାଆଁ ଇନାୟି ଉସାସା, ନୀ ପାପୁ ମେଶ୍ଟୁହାତେ, ଆଆତି ନିଢ୍ଫାନା ତାକାମୁ? ୬ ସାମା ଦାର୍ତିତି ପାପୁ ମେକ୍ହାଲି ତାକି ମାଶ୍ସି ମୀରୁଏଶାକି ଅଦିକାରା ମାନେ, ଇଦାଆଁ ଏନିକି ପୁଞ୍ଜାଲି ଆଡିନେରି,” ଏଦାଆଁତାକି ଜୀସୁ ଟଟ ଝାୟିତାଶାଇଁ ଏଲେଇରେସି, “ନିଢ୍ଫାମୁ ନୀ କାଟେଲି ତେକାନା ଇଜ ହାଲାମୁ ।” ୭ ଏମ୍ପାଟିଏ ଏଝାସି ନିଢ୍ଫାନା ତାମି ଇଜ ହାରେସି । ୮ ଇଦାଆଁ ମେସାନା ଲକୁ ଆଜିତେରି, ଅଡ଼େ ଆମିନି ମାହାପୁରୁ ମାଶ୍ସିୟାକି ଇଲେତି ଅଦିକାରା ହାହାମାନେସି

ଇଚ୍ଛୁଛି ଏ ମାହାପୁରୁଷ ଗାଞ୍ଜୁରମି କିତେରି । ୯ ଜୀସୁ ଏମ୍ବାଟି ହାଜି ହାଜିହିଁ  
 ମାତିୟୁ ଦରୁଗାଟି ର ସିସୁ ରାହନାସି ତାନି ସିସୁ ରାହନି ଚାୟୁତା କୁଗାମାନାଣି  
 ମେସାନା ହାଟାନା ଏଲେଇଚେସି, “ନା ଜେଚ ଖାମୁ ।” ଏମ୍ବାଟିଏ ମାତିୟୁ  
 ନିଢୁମାନା ତାନି ଜେଚ ହାଚେସି । ୧୦ ଇଚ୍ଛୁଛି ଜୀସୁ ମାତିୟୁ ଇଜ ତାନି ବେଲା  
 ଏଚେକା ସିସୁ ରାହନାରି ଅଡେ ପାପୁଗାଟି ଲକୁ ତାମି ସୀସୁୟାଁ ତଲେ ଚିଞ୍ଚୁଲି  
 କୁଗିଚେରି । ୧୧ ପାରୁସିୟାଁ ଇଦାଆଁ ମେସାନା ସୀସୁୟାଁଇଁ ଏଲେଇଚେରି, “ମୀ  
 ଗୁରୁ ଏନାଆଁତାକି ସିସୁ ରାହନାରି ଅଡେ ପାପୁ ଗାଟାରି ତଲେ ଚିଞ୍ଚୁ ମାନେସି  
 ।” ୧୨ ସାମା ଜୀସୁ ଏଖାରି ହାଡା ଖେଞ୍ଜାନା ଏଲେଇଚେସି, “ନେହିଁ ଲକୁତାକି  
 ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ । ୧୩ ଇଦାଆଁତାକି  
 ମୀରୁ ହାଜାନା ଇଦାନି କାତା ଜାପାଦୁ, ସାମା ପୂଜା ହୀନାୟି ଲଡ଼ାଆଏ,  
 ସାମା ଲକୁଣି କାର୍ମାମେହନାୟି ନେହେଁ; ଇଚିହିଁ ନାନୁ ଦାର୍ମୁ ଗାଟାରାଇଁ ଆଏ  
 ସାମା ପାପୁ ଗାଟାରାଇଁ ହାଟାଲି ଖାହାମାଇଁ ।” ୧୪ ଏଚିବେଲାତା ବାପ୍ତିସ୍ତ  
 ହାନି ଜହନତି ସୀସୁୟାଁ ଜୀସୁଇଁ ଖାହାନା ଖେଚେରି, “ମୀସୁ ଅଡେ ପାରୁସିୟାଁ  
 ଉପାସା କିହିମାନମି, ସାମା ମୀ ସୀସୁୟାଁ ଏନାଆଁତାକି ଉପାସା କିଅରି?”  
 ୧୫ ଜୀସୁ ଏଖାରାଇଁ ଏଲେଇଚେସି, “ବୀହା ହନେଏସି ଡ଼ୟିନି ପାଚେକା  
 ବୀହା ଲକୁ ଦୁକୁ ଆଅରି, ସାମା ଦିନା ଖାନେ, ଏଚିବେଲା ବୀହା ହନେଶାଇଁ  
 ଅନେରି, ଏଚିବେଲା ଏଖାରି ଉପାସା କିନେରି ।” ୧୬ “ଆମ୍ବାଆସି ପୁଃଇ  
 ହିମ୍ବରିତା ପୁଃନି ପାସକି ତାଚଅସି, ଏନାଆଁତାକି ଇଚିହିଁ ଏ ପାସକି ପୁଃଇ  
 ହିମ୍ବରିତି ଗେସାଅନେ, ଇଚ୍ଛୁଛି ଏଦି ହାରେକା କାଜାୟି ଆହିଁ ଗେଞ୍ଜିନେ । ୧୭  
 ଅଡେ ଲକୁ ପୁଃନି ଅଢୁରି ରାସା ପୁଃଇ ଡ଼କାତା ଇଚଅରି; ଇଚିହିଁ ଏ ଡ଼କା  
 ଡ଼ାୟାହାନେ ଅଢୁରି ରାସା ବହାହାନେ, ସାମା ପୁଃନି ଅଢୁରି ରାସା ପୁଃନି  
 ଡ଼କାତା ଇଚିନେରି, ଆଚିହିଁ ଅଢୁରି ରାସା ଅଡେ ଡ଼କା ନେହିଁ ଡ଼ୟିନେ ।”  
 ୧୮ ଏଚିବେଲା ଇ ବାରେ କାତା ଜୀସୁ ଏଖାରାଇଁ ଖେସିମାଟି ବେଲାତା ର  
 ଜୀହୁଦି କାଜାପାଣା ଗାଟାସି ତାଗେ ଖାହାନା ମେଶ୍ଟାକୁତାନା ଜହରା କିହିଁ  
 ଏଲେଇଚେସି, “ନା ମାଞ୍ଜୁ ନୀଏଁ ହାହାହାଚେ, ସାମା ନୀନୁ ଖାହାନା ତାନି ଲାକ  
 କେୟୁ ଇଚିଚିହିଁ ଏଦି ନୀଡିନେ ।” ୧୯ ଏମ୍ବାଟିଏ ଜୀସୁ ନିଢୁମାନା ତାନି ସୀସୁୟାଁ  
 ତଲେ ଏଖାଣି ଜେଚ ହାଚେରି । ୨୦ ଅଡେ ମେହ୍ଦୁ ବାର ବାର୍ଯ୍ୟା ପାଚେକା  
 ନେଚେରି ଖାଢୁନି ରଗଗାଟି ର ଇୟା ଡ଼ାୟୁଖାକିଟି ଖାହାନା ଜୀସୁଚି ହିମ୍ବରି କୁଢୁ  
 ଡ଼ାଗିଚେ । ୨୧ ଇଚିହିଁ ଏ ଇୟା ମନତା ଅଶ୍ପିମାଚେ, “ଖାରୁଇ ତାନି ହିମ୍ବରି

ଡାକିଦେଇ ନାନୁ ନେଇ ଆଇଁ ।” ୨୨ ସାମା ଜୀମୁ ଖେଣ୍ଡେ ଡାୟୁଖାକି ସିନିକିହାନା  
 ଏଲେଇଚେସି, “ମାଡ୍ଲା ସାସା ଆହ୍ମୁ, ନୀ ନାମୁ ନିଢ୍ଫେ ନେହିଁ କିହାମାଞ୍ଜାନେ”  
 ଏ ଦେବୁଣିଏ ଏ ଇୟା ନେହିଁ ଆଡେ । ୨୩ ଡାୟୁ ଜୀମୁ ଏ କାଜାପାଣା ଗାଟାରି  
 ଇଜ ହାଚେସି, ଏମ୍ପାଆଁ ପୀରୁଡ଼ି ଉକିନାରାଇଁ ଅଡେ ଡାହିଁ କାଲ୍‌ଖି ଆହିମାଟି  
 ଲୁକୁଣି ମେସାନା ଏଲେଇଚେସି, ୨୪ ବାରେ ଇମ୍ପାଟି ପାଡ୍ଲାତା ହାଲୁ, ପଦା  
 ହାହାହିଲେଏ, ସାମା ତୁରାମାନେ, ଏଚେଟିଏ ତାନି ହାତା ଖେଞ୍ଜାନା ଏଞ୍ଜାରି  
 କାକହେରି । ୨୫ ସାମା ବାରେ ଲୁକୁ ପାଡ୍ଲାତା ହାଜାଲିଏ, ଜୀମୁ ଇଜ ବିତ୍ରା  
 ହାଜାନା ପଦାନି କେୟୁ ଆସାନା ନିକହେସି ଅଡେ ଏ ଦେବୁଣିଏ ନିଢ୍ଫିଡେ । ୨୬  
 ଇଞ୍ଜିଁ ଇ କାରୁ ଏ ଦେସାତି ସାରିଖାକି ଖେଡ୍ଡିଡେ । ୨୭ ଜୀମୁ ଏମ୍ପାଟି ହାଜିମାଟି  
 ବେଲତା ରିଆରି କାଣାୟାଁ କାଜା ଗିୟାଁତଲେ ହାଚିହିଁ ଏଲେଇଚେରି, “ଏ  
 ଦାସ୍ତଦ ମୀରୁଏଣାତି ମାଡ୍ଲା କାର୍ମା ମେସ୍ତାମୁ ।” ୨୮ ଇଞ୍ଜିଁ ଜୀମୁ ଇଲୁ ବିତ୍ରା  
 ହାଜାଲିଏ ଏ କାଣାୟାଁ ଜିକେଏ ଏଞ୍ଜାଣି ତାଗେ ଖାଚେରି, ଇଞ୍ଜିଁ ଜୀମୁ ଏଞ୍ଜାରାଇଁ  
 ଏଲେଇଚେସି, ମାଡ୍ଲେ ନେହିଁ କିହାଲି ଆତାନେସି ଇଞ୍ଜିଁ ମୀରୁ ନାମିମାଞ୍ଜେରି?  
 ଏଞ୍ଜାରି ଏଲେଇଚେରି “ହାଅ ପ୍ରବୁ ।” ୨୯ ଏଚେଟିଏ ଜୀମୁ ଏଞ୍ଜାରି କାଶ୍‌କା  
 ଡାଗାନା ଏଲେଇଚେସି, “ମୀ ନାମିନି ଲେହେଁ ମିଢ୍ଫେଡାକି ଆପେ ।” ୩୦  
 ଏଚେଟିଏ ଏଞ୍ଜାରି ମେସାଲି ଆଡିଚେରି, ଅଡେ ଜୀମୁ ଏଞ୍ଜାରାଇଁ ଜାଣ୍ଡେ ହୁକୁମି  
 ହାହାନା ଏଲେଇଚେସି, “ହେଣୁ ଇ ହାତା ଆମ୍ପାଆରି ଜିକେଏ ପୁନଅରି  
 ।” ୩୧ ସାମା ଏଞ୍ଜାରି ପାଡ୍ଲାତା ହାଜାନା ଜୀମୁତି ହାତା ଦେସାତି ସାରିଖାକି  
 ଖେସ୍ତେରି । ୩୨ ଏଞ୍ଜାରି ହତା ହାଜିମାଟି ଲୁକୁ ର୍ ଜଲାଇ ଆତାଆଗାଟି ବୃତୁ  
 ଆଲ୍‌ଗା ମାତାଣାଇଁ ଜୀମୁ ନକିତା ତାଚେରି । ୩୩ ଜୀମୁ ବୃତୁଇଁ ପେରହା  
 ପାଣ୍ଡିତି ଦେବୁଣିଏ ଏଞ୍ଜାସି ଜଲାଇ ଆଡିଚେସି, ଏଚେଟିଏ ଲୁକୁ କାବାଆହାନା  
 ଏଲେଇଚେରି, “ଇସ୍ତାୟେଲ ଦେସାତା ମାମୁ ଇଲେତି କାବାଆନି କାମା  
 ଏଚେଲା ମେସାହିଲାଆତମି ।” ୩୪ ଏଚିବେଲା ପାରୁସିୟାଁ ଖେଚେରି, ଏଞ୍ଜାରି  
 ଏଲେଇଚେରି, “ଇଞ୍ଜାସି ବୃତୁୟାଁ ପିସ୍‌ପି କିହିମାନେସି” ଏନାଆଁତାକି ଇଚିହିଁ  
 ଏଞ୍ଜାସିକାଣି ସାଲ୍‌ଖି କିହିମାନି ବାଲ୍‌ପେନୁ ଏଞ୍ଜାଣାକି ବାଡ୍‌ୟୁ ହାହିମାନେ  
 ଲାକା ଆଡିମାନେସି । ୩୫ ଏମ୍ପାଟିଏ ଜୀମୁ ଏଞ୍ଜାରି ଜାହୁଡି ଲୁକୁଡି କୁଟମି  
 ଇଲ୍‌କାଣା ଜାପୁହିଁ ମାହାପୁରୁ ରାଜିତି ନେହିଁ କାରୁ ଖେସିହିଁ ବାରେଲେହେଁତି  
 ରଗ ନମେରି ଦୁକାଟି ନେହିଁ କିହିହିଁ, ବାରେ ଗାଡାୟାଁ ଇଞ୍ଜିଁ ନାସ୍‌କାଣାଁ ରେଜାଲି  
 ମାଟ୍‌ହେସି । ୩୬ ଅଡେ ବାରେ ଲୁକୁଣି ମେସାନା ଏଞ୍ଜାସି କାର୍ମା ଆଡେସି,

ଇତିହିଁ ଏଝାରି ଗଡୁ ହିଲାଆ ମେଣ୍ଡାୟଁ ଲେହେଁ କାକୁଲିଟି ଇତାଲା ଆତାଲା  
 ଆହିମାଚେରି । ୩୭ ଏଡିବେଲା ଜୀସୁ ତାମି ସୀସୁୟାଁଙ୍କ ଏଲେଇଚେସି, “ପାଟି  
 ହାରେକା ସାମା ଦାଃଆନାରି ଉଣା ଜାଣା । ୩୮ ଏଦାଆଁତାକି ପାଟି ଜାତାଲି,  
 ଲକ୍ଷ୍ମଣି ପାଣ୍ଡାଲିତାକି ଗୁଡିୟାତି ସାଝୁକାରିଙ୍କ ବାତିମାଲାଦୁ ।”

**୧୦** ଏମ୍ପାଟିଏ ଜୀସୁ ତାମି ବାରଜାଣା ସୀସୁୟାଁଙ୍କ ତାଗେ ହାଟାନା ବୁଡୁୟାଁ  
 ପିସ୍ପି କିହାଲି, ଇଞ୍ଜି ବାରେ ରଗ କସ୍ତୁଟି ନେହଁ କିହାଲି ଏଝାରାକି ଅଦିକାରା  
 ହାଚେସି । ୨ ଏ ବାରଜାଣା ପାଣ୍ଡୁଆତି ସୀସୁୟାଁ ଦରକା ଆରୁ, ସିମନ,  
 ଆମ୍ପାଆରାଙ୍କ ପିତର ଇନେରି, ଅଡେ ତାମି ତାୟି ଆନ୍ଝିୟ, ଜେବଦି ମୀର୍ସସି  
 ଜାକୁବ ଅଡେ ତାମି ତାୟି ଜହନ, ୩ ପିଲିପ ଅଡେ ବାର୍ତଲମି, ତମା ଅଡେ ସିସୁ  
 ରାହନି ମାତିୟୁ, ଆଲେପି ମୀର୍ସସି ଜାକୁବ ଅଡେ ତଦିୟ, ୪ ଦେସାତି ଜୀଝୁ  
 ନନି ସିମନ ଅଡେ ଇସ୍ପାରିୟତ ଜୀହୁଦା ଆମ୍ପାଆସି ଜୀସୁଙ୍କ ସାତୁ କେୟୁତା  
 ହେର୍ପିଚେସି । ୫ ଜୀସୁ ଇ ବାରଜାଣାତି ପାଣ୍ଡାନା ହୁକୁମି ହାହାଁ ଏଲେଇଚେସି,  
 ମୀରୁ ଜୀହୁଦିଆଆତି ଲକ୍ଷ୍ମଣା ହାଲାଆଦୁ, ଅଡେ ଆମିନି ସମିରଣି ନାସକାଣାଁ  
 ହଡୁଆଦୁ, ୬ ସାମା ଜାଢ୍ଫାମାନି ମେଣ୍ଡାୟଁ ଇତିହିଁ ଇସ୍ପାୟେଲ ଲକ୍ଷ୍ମଣା ହାଜୁ  
 । ୭ ଏଝାରିତାଣା ହାଜୁ ଅଡେ ଝେକ୍ଦୁ ଲାକପୁରୁ ରାଜି ଏଗାଝାହିମାନେ  
 । ୮ ଅଡେ ନମେରି ଗାଟାରାଙ୍କ ନେହଁ କିଦୁ, ହାତାରାଙ୍କ ନିକ୍ଦୁ, କାଜା  
 ରଗ ଗାଟାରାଙ୍କ ନେହଁ କିଦୁ, ବୁଡୁୟାଁଙ୍କ ପେର୍ଦୁ । ମୀରୁ ଉଜେଏ ବେଟା  
 ଆହାମାଞ୍ଜେରି ଏଦାଆଁ ଉଜେଏ ହାଦୁ । ୯ ମୀ ତଲେ ବାଂଗାରା ଝେଣ୍ଟି କି  
 ଅଚଡିତା ଟାକାୟାଁ ଅଆଦୁ, ୧୦ ଅଡେ ହାନାଟି ଲେଟା କଡିନି ମାଣା, ରୀ ଜଡୁ  
 ସକାୟାଁ କି ସେପୁୟାଁ କି କୁତା ବାଡୁଗା ଜିକେଏ ପାରାଆଦୁ, କାମାକିନାସି  
 ତାନି ରାନ୍ତା ବେଟା ଆନେସି । ୧୧ ଅଡେ ମୀରୁ ଆମିନି ନାୟୁତା କି ଗାଡାତା  
 ହାଜେରି ଏମ୍ପାଆଁ ନେହାଁଣାଙ୍କ ପାରାଦୁ, ଅଡେ ଏମ୍ପାଟି ଝେଣ୍ଟାହାନି ପାଚେକା  
 ଏଝାଣି ଇଜ ଡୟାଦୁ । ୧୨ ଅଡେ ଇଜ ହଡନାଟି ଏଝାରାଙ୍କ ହିଡଡି ଜୀଝୁ ମିଢ୍ଫେ  
 ଆୟାପେ ଇଞ୍ଜୁ; ୧୩ ଏଝାରି ଇଜତାରି ନେହାଁରି ଇତିହିଁ ଏଝାରିତଲେ ମୀ ହିଡଡି  
 ଡୟାପେ, ସାମା ଏଝାରି ନେହାଁରି ଆଆଟିଁ ମୀ ହିଡଡି ମିଢ୍ଫେ ଝେଣ୍ଟା ଝାପେ ।  
 ୧୪ ଅଡେ ଆମିନି ଇଲୁତାକି ନାସକାଣାଁ ମିଢ୍ଫେ ଲକ୍ଷ୍ମଣ୍ଡୁ ଅପଅରି, ମୀ କାତାତି  
 ଝେନଅରି, ଏ ଇଲୁଟି କି ଏ ଗାଡାଟି ହଡାଝାନାଟି ମୀ କତାତି ଦୁଡି ହାଣ୍ଡା  
 କତାନା ଏ ଟାୟୁ ପିହ୍ଦୁ । ୧୫ ନାନୁ ମିଢ୍ଫେ ସାତା ଝେସିମାଞ୍ଜାଙ୍କ, ମାହାପୁରୁତି  
 ନୀହାୟି ଦିନାତା ଏ ଗାଡାଟି ତଣ୍ଡୁ କିହାଁ ସଦମ ଅଡେ ଗମରା ଦେସାତି ତଣ୍ଡୁ

ଉଣା କିଞ୍ଚିଆନେ । ୧୭ ହେଣୁ ଚେଣ୍ଡାୟାଣି କ୍ଷୁଣ୍ଡନୟା ବିତ୍ତା ପାଣ୍ଡିନିଲେହେଁ ନାନୁ  
 ମିଢ୍ଢେ ପାଣ୍ଡିମାଞ୍ଜୁଳ, ଏଦାଆଁତାକି ମୀରୁ ରାରୁ ଲେହେଁ ବୁଦି ଗାଟାତେରି, ଅଡ଼େ  
 ପାର୍ଞା ପଟାଲେହେଁ କପା ହିଲାଆ ଗାଟାତେରି ଆଦୁ । ୧୭ ସାମା ମାଣ୍ଡିୟା  
 ତାଣାଟି ଜାଗ୍ରାତା ଆହାନା ଡୟାଦୁ, ଏନାଆଁତାକି ଇଚିହିଁ ଏଞ୍ଜାରି ମିଢ୍ଢେ ଆସାନା  
 ନୀହାୟି କିନି ତାଣା ହେରପାନେରି, ଇଞ୍ଜା ଜୀହୁଦି ଲକୁଡି କୁଟେମି ଇଲକାଣା  
 ଏଞ୍ଜାରି ମିଢ୍ଢେ ସାଟ୍ଟି ତଲେ ଝେତାନେରି, ୧୮ ଅଡ଼େ ମୀରୁ ନା ତାକି ରାଜା  
 ଅଡ଼େ ସାଲଞ୍ଜି କିନି ଲକୁଡାଣା ଅହାନା ନୀହାୟି କିଞ୍ଚିଆଦେରି; ଏଦି ଏଞ୍ଜାରାକି  
 ଅଡ଼େ ଜୀହୁଦିଆଆତି ଲକୁକି ମାହାପୁରୁତି ନେହିଁ କାରୁ ଝେସାଲି ସାକି ଆନେ ।  
 ୧୯ ସାମା ଏଚିବେଲା ଏଞ୍ଜାରି ମିଢ୍ଢେ ହେରପାନେରି, ମୀରୁ ନୀହାୟି ଆନିବେଲା  
 ଏନାଆଁ ଜଲିଦେରି ଅଡ଼େ ଏନିକି ଜଲିଦେରି, ଏ କାତା ଅଣ୍ଡପାଆଦୁ, ଇଚିହିଁ  
 ମୀରୁ ଏନାଆଁ ଜଲିଦେରି ଏ ବେଲାତେଏ ମିଢ୍ଢେ ଝେସ୍ତାନେସି । ୨୦ । ଇଚିହିଁ  
 ମୀରୁ ଜଲିନାତେରି ଆଏ, ଆବା ମାହାପୁରୁତି ସୁଦୁଜୀଞ୍ଜୁ ମୀ ଗୁଡି ହୀହାନା  
 ହାତା ଜଲିନେ, ଏଦି ଜଲିନାୟି । ୨୧ ତାୟି ତାୟିଲି ଆବା ମୀରୁଏଣାଲି  
 ପାୟାଲି ହେରପାନେସି, ମାସକା, ମୀରୁକା ଏଞ୍ଜାରି ତାମି ଇୟା ଆବା କପାଟି  
 ହତାନା, ଏଞ୍ଜାରାଲି ପାୟିନେରି । ୨୨ ଅଡ଼େ ନା ଦରୁ ତାକି ମୀରୁ ବାରେତାଣା  
 ଅପାଆ ଗାଟାତେରି ଆଦେରି, ସାମା ଆମ୍ବାଆସି ରାନି ପାତେକା ସାସା ତଲେ  
 ମାନେସି ଏଞ୍ଜାସି ଗେଲପି ଆନେସି । ୨୩ ସାମା ଏଞ୍ଜାରି ଏଚିବେଲା ର ଗାଡାତା  
 ମିଢ୍ଢେ ନିନ୍ଦା କିୟାନେରି, ଏଚିବେଲା ଏଟକା ଗାଡାତା ହାଜୁ, ଇଚିହିଁ ନାନୁ  
 ମିଢ୍ଢେ ସାତା ଝେସିମାଞ୍ଜୁଳ, ମୀରୁ ଇସାୟେଲତି ବାରେ ଗାଡାୟାତା କାମା  
 ରାପ୍ତା ନକେଏ ମାଣ୍ଡିୟା ମୀରୁଏସି ଝାନେସି । ୨୪ “ସୀସୁ ତାନି ଗୁରୁ କିହାଁ  
 ହଲେଏସି ସାଞ୍ଜୁକାରି କିହାଁ କାଜାସି ଆଏ । ୨୫ ସୀସୁ ତାନି ଗୁରୁ ଅଡ଼େ  
 ହଲେଏସି ତାନି ସାଞ୍ଜୁକାରି ଲେହେଁ ଆଚିହିଁ ଏଞ୍ଜାରାକି ସମାନା ଆନେ, ଏଞ୍ଜାରି  
 ଇଲୁଡି ସାଞ୍ଜୁକାରିଲି ବାଲଜିବୁଲ ଇନେରି ଇଚିହିଁ ଏଞ୍ଜାଣି ଇଲୁଡି ଲକୁବାକାଆଁ  
 ହାରେକା ପଲ୍‌ଆ କାତା ଜଲିନେରି!” ୨୬ “ଏଦାଆଁତାକି ଲକୁଲି ଆଜାଆଦୁ:  
 ଇଚିହିଁ ତୁଗାମାନାୟି ଏନାୟିଞ୍ଜା ର ଦିନା ତଞ୍ଜାଆନେ, ଏଲେକି ତଞ୍ଜାଆଆନା  
 ତୁଗାମାନାୟି ଏନାୟିଞ୍ଜା ହିଲେଏ, ଇଞ୍ଜା ପୁଣ୍ଡି କିଞ୍ଚିଆଆଗାଟାୟି ଇଲେକି  
 ଏନାୟି ତୁଗା ହିଲେଏ । ୨୭ ନାନୁ ମିଢ୍ଢେ ଏନାଆଁ ଆନେରିତା ଝେସ୍ତାଲି ଏଦାଆଁ  
 ଉଜେଡିତା ଝେହ୍‌ଦୁ, ଅଡ଼େ ଏନାଆଁ ତୁଗାନା ଝେଞ୍ଜେରି ଏଦାଆଁ ଇଲୁ ତୁଡିୟା  
 ଲାକ ହତାନା ଝେହ୍‌ଦୁ । ୨୮ ଅଡ଼େ ଆମ୍ବାଆରି ଝାରୁଲ ଆଞ୍ଜୁଡି ପାୟିନେରି,

ସାମା ଜୀବୁତି ପାୟାଲି ଆଡ଼ଅରି, ଏଞ୍ଜରାଇଁ ଆଜାଆଦୁ; ସାମା ଆମ୍ବାଆସି ମୀ  
 ଜୀବୁ ଅଡ଼େ ଆଡ୍ଡା ବାରେତି ନକିତା ନାସା କିହାଲି ଆଡ଼ିମାନେସି ଏଞ୍ଜାଣାଇଁ  
 ଆଜାଦୁ । (Geenna g1067) ୨୯ ରୀ ଜେତା ପଟାୟି ର କାନି ତାକି ପାର୍ବି  
 ଆଡ଼ କି? ଅଡ଼େ ମୀ ଲାକପୁରୁତି ଆବା ହେଲ ହୀଆତି ଏଞ୍ଜାସିକା ବିତ୍ରାଟି ରଣ୍ଡି  
 ଜିକେଏ ଡ଼ଇ ତର୍ଗେଏ । ୩୦ ସାମା ମୀ ଡାୟିତି ବାରେ ବାଣାୟି ଜିକେଏ  
 ଏଜିକିଞ୍ଜି ଆହାମାନୁ । ୩୧ ଏଦାଆଁତାକି ଆଜାଆଦୁ, ମୀରୁ ହାରେକା ଜେତା  
 ପଟାୟି ଡାଣାଟି ମୀ ଦାରା ହାରେକା ।” ୩୨ “ଅଡ଼େ ଆମ୍ବାଆସି ଲକୁ ନକିତା  
 ନାଡ଼େ ଆବାନେସି, ଇଞ୍ଜି ନାନୁ ଜିକେଏ ନା ଲାକପୁରୁତି ଆବା ନକିତା ଆବିଇଁ  
 । ୩୩ ସାମା ଆମ୍ବାଆସି ଲକୁ ନକିତା ନାଡ଼େ ଆବଅସି, ନାନୁ ଜିକେଏ ନା  
 ଲାକପୁରୁତି ଆବା ନକିତା ଆବଅଁ ।” ୩୪ “ନାନୁ ବାର୍ତିତା ହିଡ଼ି ହୀହାଲି  
 ଝାହାମାଇଁ ଇଞ୍ଜି ମନ କିଆଦୁ; ହିଡ଼ି ହୀହାଲି ଝାଆନା, କାଣ୍ଡା ହୀହାଲି  
 ଝାହାମାଇଁ । ୩୫ ଇତିହିଁ ନାନୁ ଆବା କପାଟି ମୀରୁଏଣାଇଁ, ଅଡ଼େ ଇୟାନି  
 କପାଟି ମାଡ୍ଡା ଇଞ୍ଜି ପୟାନି କପାଟି କୁଡ଼ିୟାନି ଗଡ଼ହା କିହାଲି ଝାହାମାଇଁ ।  
 ୩୬ ଅଡ଼େ ମାଣ୍ଡିତି ତାମି ଇଲୁତି ଲକୁଏ ବାରେଜାଣା ତାନି ସାତୁ ଆନେରି  
 ।” ୩୭ “ଆମ୍ବାଆସି ଆବା କି ଇୟାନି ନା କିହିଁ ହାରେକା ଜୀବୁ ନନେସି,  
 ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି, ଅଡ଼େ ଆମ୍ବାଆସି ନିଜେତି ମାଡ୍ଡା କି  
 ମୀରୁଏଣାଇଁ ହାରେକା ଜୀବୁ ନନେସି ଏଞ୍ଜାସି ନା ସୀସୁ ଆୟାଲି ପାଡ଼ାଆଅସି ।  
 ୩୮ ଆମ୍ବାଆସି ନିଜେତି କୁସ ଡେକାନା ନା ଜେଚ ଝାଅସି, ଏଞ୍ଜାସି ନା ସୀସୁ  
 ଆୟାଲି ପାଡ଼ାଆଅସି । ୩୯ ଆମ୍ବାଆସି ନିଜେତି ଜୀବୁ ନୀଟ୍‌ହା କତିନେସି  
 ଏଞ୍ଜାସି ହାନେସି, ଅଡ଼େ ଆମ୍ବାଆସି ନା ତାକି ନିଜେତି ଜୀବୁ ହାନେସି, ଏଞ୍ଜାସି  
 ନୀତିନେସି ।” ୪୦ “ଆମ୍ବାଆସି ମିଡ଼େ ଆବାନେସି, ଏଞ୍ଜାସି ନାଡ଼େ ଆବାନେସି;  
 ଆମ୍ବାଆସି ନାଡ଼େ ଆବାନେସି, ଏଞ୍ଜାସି ନାଡ଼େ ପାଣ୍ଡାତାଣାଇଁ ଆବିନେସି  
 । ୪୧ ଆମ୍ବାଆସି ମାହାପୁରୁ ଅଣ୍ଡୁତି ବଲୁ ଝେହ୍‌ନାରାଇଁ, ମାହାପୁରୁ ବଲୁ  
 ଝେହ୍‌ନାରି ଇଞ୍ଜି ଆବିନେସି, ଏଞ୍ଜାସି ଏ ବଲୁ ଝେହ୍‌ନାରି ଦାନା ବେଟା ଆନେସି,  
 ଅଡ଼େ ଆମ୍ବାଆସି କି ତାରିଗାଟାରାଇଁ, ତାରିଗାଟାସି ଇଞ୍ଜି ଆବିନେସି ଏଞ୍ଜାସି  
 ତାରିଗାଟାରି ଦାନା ବେଟା ଆନେସି । ୪୨ ଅଡ଼େ ଆମ୍ବାଆସି ନା ସୀସୁୟି  
 ବିତ୍ରାଟି ରଅଣାଇଁ ନା ସୀସୁ ଇଞ୍ଜି ଗିନାତା ଏୟୁ ଗସାଲି ହାନେସି, ନାନୁ ମିଡ଼େ  
 ସାତା ଝେସିମାଞ୍ଜାଇଁ, ଏଞ୍ଜାସି ତାନି ଦାନାତି ଜାକ୍‌ଅସି ।”



୧୧ ଜୀବୁ ତାନି ବାରଜାଣା ସୀସୁୟାଁଇଁ ଇ ବାରେ ହେଲ ହାତି ଡାୟୁ ଗାଲିଲି ଦାରିତା ମାନି ନାସକାଣାଁ ହାଜାନା ମାହାପୁରୁତି ହାତା ଜାପୁହିହିଁ ଝେସିହିଁ ଏ ଟାୟୁଟି ହାରେସି । ୨ ଏତିବେଲା ବାପୁସ୍ତୁ ହାନି ଜହନ କାୟିଦିତା ମାଞ୍ଜାନା କ୍ରୀସୁତି କାମା କିହିମାନାଣି ଝେଞ୍ଜାନା ଏ ବାରେ ପୁଞ୍ଜାଲି ତାନି ସୀସୁୟାଁଣି ଜୀବୁ ତାଣା ପାଣ୍ଡିତେସି । ୩ ଏଞ୍ଜାରି ହାଜାନା ଜୀସୁଇଁ ଝେଚେରି, “ଆମିନି ଲକୁ ଝାନେସି ଇଞ୍ଜି ଜହନ ଝେସାମାରେସି, ନାନୁ କି ଏଞ୍ଜାତି? କି ଅଡ଼େ, ଆମ୍ବାଆରି ତାକି କାତାନା ଡ଼ୟିନମି?” ୪ ଜୀବୁ ଏଞ୍ଜାରାଇଁ ଏଲେଇରେସି, “ମୀରୁ ଝେଣ୍ଡା ହାଜାନା ଏନାଆଁ ଝେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଇଁ ଝେହୁଦୁ । ୫ କାଣାୟାଁ ମେସିମାନେରି, ସଟାୟାଁ ତାକି ମାନେରି, କାଜା ରଗ ଗାଟାରି ନେହିଁ ଅହିମାନେରି, ବେରାୟାଁ ଝେଞ୍ଜାମାନେରି, ହାତାରି ନିଢ଼ିମାନେରି ଅଡ଼େ କାଢ଼ାଲା ଗାଟାରି ନେହିଁ କାରୁ ଝେଞ୍ଜାମାନେରି; ୬ ନା ତାଣା ଆମ୍ବାଆରି ଆନାମାନା ଆଅରି ଏଞ୍ଜାରି ନେହେଁ ।” ୭ ଜହନତି ସୀସୁୟାଁ ଝେଣ୍ଡାହାଜିମାତି ବେଲା ଜୀବୁ ଲକୁଇଁ ଜହନତି କାତା ଏଲେଇରେସି, “ମୀରୁ ଲକୁ ହିଲାଆ ରାଜିତା ଏନାଆଁ ମେସାଲି ହାଜାମାରେରି? ଗାଲିତା ଦାଢ଼ିନି ତାଣ୍ଡି ଆକୁ? ୮ ଏଦାଆଁ ଆଆତିହିଁ ଏନାଆଁ ମେସାଲି ହାଜାମାରେରି? ନେହିଁ ଅଜିତି ପାତାଡ଼ା ହିମ୍ବୁରି ହୁତାମାନି ର ଲକୁଇଁ? ମେହୁଦୁ ଅଜିତି ହିମ୍ବୁରି ହୁଚିତି ଲକୁ ରାଜା ଗାଡ଼ାତା ଡ଼ୟିନେରି । ୯ ଏଦାଆଁ ଆଆତି ଏନାଆଁ ମେସାଲି ହାଜାମାରେରି? ଏନାଆଁ ର ମାହାପୁରୁ ଅଣ୍ଟପୁତି ବଲୁ ଝେହୁନାଣାଇଁ? ନାନୁ ମିଢ଼େ ସାତା ଝେସିମାଞ୍ଜାଇଁ, ମାହାପୁରୁ ଅଣ୍ଟପୁତି ବଲୁ ଝେହୁନାରି କିହାଁ ହାରେକା କାଜାଣାଇଁ; ୧୦ ଇତିହିଁ ଏ ଜହନତି କାତା ରାସକି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନାନୁ ନକେଏ ନା ଦୂରୁଇଁ ପାଣ୍ଡାଇଁ, ଏଞ୍ଜାସିଏ ଇ ମାଣ୍ଡସି । ୧୧ ନାନୁ ମିଢ଼େ ସାତା ଝେସିମାଞ୍ଜାଇଁ, ନୀଞ୍ଜୁ ପାତେକା ଇ ଦାର୍ତତିତା ଏଚେକା ଜାନ୍ନାଁ ଆହାମାନେରି, ଏ ବାରେଜାଣା କିହାଁ ବାପୁସ୍ତୁ ହାନି ଜହନ କାଜାସି; ଆତିଜିକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଉଣା, ଏଞ୍ଜାସି ଜହନ କିହାଁ କାଜାସି । ୧୨ ବାପୁସ୍ତୁ ହାନି ଜହନତି କାତା ଝେହୁନି ଦିନାଟିଏ ନୀଞ୍ଜୁପାତେକା ଲାକପୁରୁ ରାଜି ବାଡ଼ୟୁ ତଲେ ପାତାଆହିମାନେ; ଇଞ୍ଜି ବାଡ଼ୟୁଟି ଆସାମାନାରି ଏଦାଆଁ ବେଟାଆହାଲି ଅଣ୍ଟପିମାନେରି । ୧୩ ଇତିହିଁ ବାରେ ମସାତି ମେରାତା ଅଡ଼େ ମାହାପୁରୁ ଅଣ୍ଟପୁତି ବଲୁ ଝେହୁନାରି ତାଣା ଜହନତି ଝାନି ଦିନା ପାତେକା ଝେସପି ଆହାମାତେ । ୧୪ ଅଡ଼େ ମୀରୁ ଏଞ୍ଜାରି କାତା ଆସାଲି ମୀ ମନ

ମାଟିହିଁ ଆମିନି ଏଲିୟୁ ଖାନାୟି ମାତେ ଜହନଏ ଏଝାସି । ୧୫ ଆମ୍ବାଆରି କୀର୍କୀ ମାନୁ ଏଝାସି ଝେଣ୍ଡମ୍ବାସି ।” ୧୬ “ସାମା ନାନୁ ଆମ୍ବାରିତଲେ ଇ ଜୁଗୁତି ଲକୁଣି ତୁକ୍‌ଇଁ, ଆମିନି ହାଟା ମାଦି କୁଗାନା କାହି ତ୍‌ୟିନି କକାରି ଲେହେଁ, ର ଗଚିତି କକାରି ଅର ଗଚିତି ଏଲେଇନେରି, ୧୭ ମାମୁ ମୀ ନକିତା ପୀରୁଡି ଉକିତମି, ସାମା ମୀରୁ ଏନୁଆତେରି; ମାମୁ ଦୁକୁତି ପାରୁ ପାଚିତମି ସାମା ମୀରୁ ଡୀଆତେରି, ନୀଏଁତି ଲକୁ ଏଲେତାରି । ୧୮ ଇତିହିଁ ଜହନ ଖାହାନା ରାନୁ ତିନାଆତେସି ଅଡେ ଲକୁ ଏଝାଣାଇଁ ଏଲେଇତେରି ବୁରୁ ଆଲ୍‌ଗାମାନାସି । ୧୯ ସାମା ମାଣ୍‌ସି ମୀରୁଏସି ଖାହାନା ରାନୁ ତିତେସି ଉତେସି, ଇଞ୍ଜି ଲକୁ ବାରେଜାଣା ଏଲେଇତେରି, ଇଝାସି ଚିଣ୍ଡିକାଞ୍ଜୁ, କାଦୁବୁରୁ ଏଝାସି ସିସୁ ରାହ୍‌ନାରି ଅଡେ ପାପୁ ଗାଟାରି ତ୍‌ଣେଏସି; ସାମା ମାହାପୁରୁତି ବୁଦି ଏଝାଣି କାମାଟି ସାତା ଇଞ୍ଜି ଝେଡ୍‌ଜିନେ ।” ୨୦ ଏଚିବେଲା ଆମିନି ଗାଡାତା ହାରେକା କାବାଆନି କାମା କିଝି ଆହାମାତେ, ଏ ଗାଡାତି ଲକୁ, ତାମି ପାପୁଟି ତାମା ମନ ଝେଡ୍‌ହା ହିଲାଆତେରି, ଇଞ୍ଜି ଜୀସୁ ଏ ଗାଡାୟିତି ଲକୁଇଁ ଦାକା ହୀହାନା ଏଲେଇତେସି, ୨୧ ଆୟତା ତଣ୍ଡୁ ପାଣ୍‌ନି କରାଜିନ୍ ଅଡେ ବେତ୍‌ସାୟିଦା, ଏନାଆଁତାକି ଇତିହିଁ ମୀ ତାଣା ଆମିନି ବାଡ୍‌ୟୁତି କାମା କିଝିଆହାମାନେ, ଏ ବାରେ ସର ଅଡେ ସିଦନତା କିଝି ଆହାମାଟିହିଁମା; ଏମ୍ବାତି ଲକୁ ଆଞ୍ଜୁତା ବାସ୍ତାୟି ପରହାନା ଦାର୍‌ମୁତା କୁଗାନା ମନ ଝେଡ୍‌ହାଲି ଅଣ୍‌ପିତେରିମା ୨୨ ଆତିଜିକେଏ ନାନୁ ମିଡ୍ରେ ଝେସିମାଞ୍ଜାଇଁ, ମାହାପୁରୁତି ନୀହାୟି ଦିନାତା ମୀ ତଣ୍ଡୁ କିହାଁ ସର ଅଡେ ସିଦନତି ତଣ୍ଡୁ ଅର୍‌ହିନାୟି ଆନେ । ୨୩ ଏ କପରନାହୁମ, ନାନୁ ଏନାଆଁ ଲାକପୁରୁ ପାତେକା ପାତାଆଦି? ନାନୁ ହାତାରି ମାନି ରାଜିତା ଅଝିଆଦି, ନୀ ତାଣା ଆମିନି ବାଡ୍‌ୟୁତି କାମା କିଝିଆହାମାନେ, ଏଦାଆଁ ସଦମତା କିଝିଆତିହିଁମା, ଏ ଗାଡା ନୀଞ୍ଜୁପାତେକା ତ୍‌ୟିତେମା । (Hadēs ୨86) ୨୪ ଆତିଜିକେଏ ନାନୁ ମିଡ୍ରେ ଝେସିମାଞ୍ଜାଇଁ “ମାହାପୁରୁତି ନୀହାୟି ଦିନାତା ମୀ ତଣ୍ଡୁ କିହାଁ ସଦମ ଦେସାତି ତଣ୍ଡୁ ଅର୍‌ହିନାୟି ଆନେ ।” ୨୫ ଏ ବେଲାତା ଜୀସୁ ପ୍ରାତାନା କିହିଁ ଏଲେଇତେସି; “ଏ ଆବା, ଲାକପୁରୁ ଅଡେ ଦାର୍‌ତିତି ପ୍ରୁ, ଇ ବାରେ ହାତା ନାନୁ ବୁଦି ଅଡେ ପୁନି ଲକୁଡାଣାଟି ତୁକ୍‌ହା ଇଟାନା, ଇ ବାରେ କାତା ପୁନାଆଗାଟି ଲକୁଡାଣା ତ୍‌ସିମାନାକି ନାନୁ ନିଡ୍ରେ ଜହରା କିହିମାଞ୍ଜାଇଁ । ୨୬ ହାଅ ଆବା, ଇଦି ନୀ ନକିତା ରାହାଁତି କାତା ଆହିମାନେ ।” ୨୭ “ନା ଆବା ନାଡ୍ରେ ବାରେ ହୀହାମାଞ୍ଜାନେସି, ଆବା ପିସ୍‌ପେ

ଆତ୍ମାଆରି ମାର୍ବଣାଣ୍ ପୁନଅରି ଅଡ଼େ ମାର୍ବଣା ପିସ୍‌ପେ ଆତ୍ମାଆରି ଆବାଇଁ  
 ପୁନଅରି, ମାର୍ବଣସି ଆତ୍ମାଆରି ତାଣା ଡହ୍‌ନେସି ଏଝାସି ପୁନେସି ।” ୨୮ “ଏ  
 ଝାନ୍ତୁ ରାତା ଗାଟି ଲୁକୁ, ବାରେ ନା ତାଣା ଝାନ୍ତୁ ନାନୁ ମିଡ଼େ ଜମିକିୟାଇଁ । ୨୯  
 ନା ଜୁଝେଡ଼ି ମୀ ବମିତା ଡେକାନା ନା ତାଣାଟି ଜାପାଦୁ, ଇଚିହିଁ ନାନୁ କପା  
 କାର୍‌ବି ହିଲାଆନା ସୁଦୁ ହିୟାଁ ଗାଟାଚେଏଁ, ଇଞ୍ଜାଁ ମୀରୁ ନା ତାଣାଟି ମୀ ଜୀଝୁତା  
 ଜମିଦେରି; ୩୦ ଇଚିହିଁ ନା ଜୁଝେଡ଼ି ଉସାସା ଅଡ଼େ ବଜୁ ଉଣା ମାନେ ।”

**୧୨** ଏଚରଦିନା ଡାୟୁ ର ଜମିନି ଦିନାତା ଜୀସୁ ଗହଁ ଗୁଡ଼ିୟାଟି ହାଜିମାଚେସି,  
 ଇଞ୍ଜାଁ ତାନି ସୀସୁୟାଁ ହାକି ଆହାମାଚାକି ଗହଁ ଜେକା ତାପହାନା ତିଞ୍ଜାଲି  
 ମାଟ୍‌ହେରି । ୨ ସାମା ପାରୁସିୟାଁ ଏଦାଆଁ ମେସାନା ଜୀସୁଇଁ ଏଲେଇଚେରି,  
 “ମେହ୍‌ମୁ ଜମିନି ଦିନାତା ଏନାଆଁ କିନି ମେରା ହିଲେଏ, ଏଦାଆଁ ମୀ ସୀସୁୟାଁ  
 କିହିମାନେରି ।” ୩ ସାମା ଜୀସୁ ଏଝାରାଇଁ ଏଲେଇଚେସି, “ର ଦିନା  
 ଦାଝୁଦ ଅଡ଼େ ତାନି ତଣେସିଡ଼୍ଠା ହାକି ଆହାଲିଏ ଏନାଆଁ କିହାମାଚେରି,  
 ମୀରୁ ସାସ୍ତେରିତା ପଡ଼ଝି ଆହାହିଲଅଚେରି?” ୪ ଏଝାସି ଏନିକିଁ ମାହାପୁରୁ  
 ଇଲୁତା ହତାନା ଆମିନି ମାହାପୁରୁକି ହେର୍‌ପାମାନି ରୁଟି ପୁଜେରାଡ଼୍ଠା ପିସ୍‌ପେ  
 ଆତ୍ମାଆରି ତିନାଆଗାଟି ମେରା ମାଚେ, ସାମା ଦାଝୁଦ ଅଡ଼େ ତାନି ତଣେସିଡ଼୍ଠା  
 ତିନାଆଗାଟାୟି ମାଚେ, ଏଦାଆଁ ଏଝାରି ତିଚେରି । ୫ ଅଡ଼େ ଜମିନି ଦିନାତା  
 ମାହାପୁରୁ ଇଲୁ ବିତ୍ରା ପୁଜେରାଡ଼୍ଠା ମେରା ଉରିତି ଜିକେଏ ଦହଗାଟାରି ଆଅରି,  
 ମୀରୁ ଏନି ଏଦାଆଁ ପଡ଼ଝି ଆହାହିଲଅଚେରି କି? ୬ ସାମା ନାନୁ ମିଡ଼େ ସାତା  
 ଝେସିମାଞ୍ଜାଇଁ, ଇ ଚାୟୁତା ମାହାପୁରୁ ଇଲୁ କିହାଁ ହାରେକା କାଜାୟି ଇମ୍‌ପାଆଁ  
 ମାନେ । ୭ “ସାସ୍ତେରି ଝେସିମାନେ, ସାମା ପୁଜା ହୀନାୟି ଲଡ଼ାଆଏ, ସାମା  
 ଲୁକୁଣି କାର୍‌ମାମେହ୍‌ନାୟି ନେହେଁ, ଇଦାଣି କାତା ମୀରୁ ପୁଞ୍ଜାମାଟିହିଁମା ଇ ଦହ  
 ହିଲାଆ ଗାଟାଣାଇଁ ଦହ କିଆଚେରିମା; ୮ ଇଚିହିଁ ମାଣ୍‌ସି ମାର୍ବଣସି ଜମିନି  
 ଦିନାଟି ପ୍ରୁ ଆନେସି ।” ୯ ଜୀସୁ ଏମ୍‌ପାଟି ହାଜାନା ଜୀହୁଦି ଲୁକୁତି କୁଟମି  
 ଇଲୁତା ହାଚେସି । ୧୦ ଅଡ଼େ ମେହ୍‌ଦୁ ଏମ୍‌ପାଆଁ ରଅସି ମାଚେସି, ଏଝାଣି  
 ର କେୟୁ ଝାୟୁହାଜାମାଚେ, ଜୀସୁଇଁ ଦହ ଆସାଲି ଏଚେକା ଲୁକୁ ଏମ୍‌ପାଆଁ  
 କାଚାମାଚେରି, ଏଝାରି ଜୀସୁଇଁ ଝେଚେରି, “ଜମିନି ଦିନାତା ନେହିଁକିନାୟି  
 ମେରା ମାନେକି?” ୧୧ ସାମା ଜୀସୁ ଏଝାରାଇଁ ଏଲେଇଚେସି, “ମୀ ବିତ୍ରା  
 ରଅଣାକି ର ମେଣ୍ଡା ମାନେ, ଏମ୍‌ପାଟିଏ ଜମିନି ଦିନାତା ଏ ମେଣ୍ଡା ଗାଡ଼୍‌ୟୁତା  
 ତର୍‌ଗିନେ, ଇଞ୍ଜାଁ ଆତ୍ମାଆସି ଏଦାନି ନିକ୍‌ଅସି, ଇଲେତି ଲୁକୁ ଆତ୍ମାଆସି

ମୀ ବିଦ୍ରା ମାନେସି? ୧୭ ଆତିହିଁ ର ମେଣ୍ଡାତି ଦାରା କିହାଁ ମାଣ୍ଡିତି ଦାରା ହାରେକା । ଏଦାଆଁତାକି ଜମିନି ଦିନାତା ନେହିଁ କାମା କିନାୟି ମେରାତି କାମା ।” ୧୩ ଏତିବେଲା ଏଖାସି କେୟୁ ଖାୟିତାଣାଇଁ ଏଲେଇଚେସି, “କେୟୁ ଦାହ୍ମୁ ।” ଇଞ୍ଜି ଏଖାସି ଏ କେୟୁ ଦାସ୍ତେସି ଏମ୍ପାଟିଏ ଏ କେୟୁ ଅର କେୟୁଲେହେଁ ନେହିଁ ଆଚେ । ୧୪ ସାମା ପାରୁସିୟାଁ ପାଞ୍ଜାତା ହାଜାନା ଜୀସୁଇଁ ପାୟାଲି ଏଖାଣି କପାଟି ପାରୁ ପାରାଚେରି । ୧୫ ଜୀସୁ ଏଦାଆଁ ପୁଞ୍ଜାନା ଏମ୍ପାଟି ଏବ୍‌କା ଆହାନା ହାହାଚେସି, ଇଞ୍ଜି ହାରେକା ଲକୁ ତାନି ଚେଚ ହାଚେରି, ଅଡେ ଏଖାସି ବାରେଜାଣାତି ରଗଟି ନେହିଁ କିଚେସି । ୧୬ ଇଞ୍ଜି ତାଢ୍ଢେ ଲକୁଇଁ ଖେକ୍‌ଆଦୁ ଇଞ୍ଜି ହୁକୁମି ହୀଚେସି । ୧୭ ଏନିକିହିଁ ମାହାପୁରୁ ଅଣ୍ଟୁତି ବଲୁ ଖେହ୍‌ନି ଜିସାୟତି କାତା ସାତା ଆନେ, ୧୮ “ମେହ୍‌ଦୁ ନା ହଲେଏସି, ଆମ୍ପାଆରାଇଁ ନାନୁ ଆଚାମାଇଁ; ଏଖାସି ନା ଜୀଞ୍ଜୁତି ମାର୍‌ଏସି, ଆମ୍ପାଆରିତାଣା ନା ହାରେକା ରାହାଁ ମାନେ; ନାନୁ ଏଖାଣିଲକ ନା ସୁଦୁଜୀଞ୍ଜୁ ହୀଇଁ, ଅଡେ ଏଖାସି ଜୀହୁଦିଆଆତି ଲକୁତାଣା ନାହାଁୟିତି କାତା ଖେକନେସି । ୧୯ ଏଖାସି ଗଡ୍‌ହା କିଅସିକି କାଲ୍‌ଝି ଆଅସି, ଇଞ୍ଜି ଆଂଗେଣିତା ଏଖାଣି ହାତା ଆମ୍ପାଆରି ଖେନଅରି । ୨୦ ନାହାଁୟିତା ଜୀଣା ଆଆପାଚେକା, ଏଖାସି ଖାୟିତି ତାଣ୍ଡିତି ଡିକ୍‌ଅସି ବୟି ଆହିଁ ଡାଞ୍ଜିମାନି ଦୀଞ୍ଜିତି ତୁପଅସି । ୨୧ ଅଡେ ଏଖାଣି ଦରୁତା ଜୀହୁଦିଆଆତି ଲକୁ ବାସୁଁ ଇଟିନେରି ।” ୨୨ ର ଦିନା ଲକୁ ବୁତୁ ଆଲ୍‌ଗାମାତି ର କାଣାଇଁ ତାଚେରି ଏଖାଣାଇଁ ବୁତୁ ଆଲ୍‌ଗା ମାଚାକି ଗୁଲା ଆହାମାଚେସି । ଜୀସୁ ଏଖାଣାଇଁ ନେହିଁ କିଚେସି; ଇଞ୍ଜି ଏଖାସି ମେସାଲି ଅଡେ ଜଲାଇଁ ଆତିଚେସି । ୨୩ ଇଞ୍ଜି ଲକୁ ବାରେ କାବାଆହାନା ଏଲେଇଚେରି, “ଇଖାସି ଏନାଆଁ ଏ ଦାଞ୍ଜୁଦ କୁଡାତାସି ଆଏକି?” ୨୪ ପାରୁସିୟାଁ ଇ କାତା ଖେଞ୍ଜାନା ଏଲେଇଚେରି, ଇ ମାଣ୍ଡିସି ବୁତୁୟାଁ କିହାଁ କାଜା ବାଲ୍‌ଜିବୁଲ୍ ବୁତୁ ହିଲିଆନା ବୁତୁୟାଁ ଯେରଅସି । ୨୫ ସାମା ଜୀସୁ ପାରୁସିୟାଁ ମନତି ଅଣ୍ଟୁ ପୁଞ୍ଜାନା ଏଖାରାଇଁ ଏଲେଇଚେସି, “ର ରାଜି ତାନୁ ତାନୁଏ ଆସ୍‌ପି ଆହାନା ରୀ ବାଗା ତାନି ବାଗା ଆତିସାରେ ଏ ରାଜି ଅଡେ ତୀରିତଲେ ମାଞ୍ଜାଲି ଆଡେଏ, ଇଞ୍ଜି ର ଗାଡା କି ର ଇଲୁ କୁଟମି ତାମୁ ତାମୁଏ ଆସ୍‌ପି ଆହାନା ବାଗା ଆତିସାରେ ତୀରିତଲେ ମାଞ୍ଜାଲି ଆଡେଏ । ୨୬ ଇଞ୍ଜି ସୟତାନ ସୟତାନଇଁ ପିସ୍‌ପି କିନେ ଆତିହିଁ ଏଦି ବାଗା ଆହାନା ତାନି କପାଟି ନିଢ୍ଢିଚେୟିଏ, ଆତିହିଁ ଏଦାନି ରାଜି ଏନିକିଁ ତୀରିଆହାଁ ଡୟିନେ? ୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ

ପଲ୍ଲୀ ବୃତ୍ତ୍ୟା ବାଲ୍ଲୀବୁଲ୍ ତଲେ ବୃତ୍ତ୍ୟା ପିସ୍ପି କିହିମାଲ୍, ଆତିହିଁ ମୀ ମୀର୍କା ଆମ୍ବାଆରି ବାଡ଼୍‌ୟୁ ତଲେ ବୃତ୍ତ୍ୟା ପେର୍‌ନେରି । ଇଦାଆଁତାକି ଏଞ୍ଜାରିଏ ମୀ ନୀହାୟି କିୟାନାରି ଆନେରି । ୨୮ ସାମା ନାନୁ ମାହାପୁରୁ ଜୀଞ୍ଜୁତି ବାଡ଼୍‌ୟୁ ତଲେ ବୃତ୍ତ୍ୟା ପେର୍‌ହି ମାଲ୍, ଆତିହିଁ ମାହାପୁରୁତି ରାଜି ମୀ ତାଣା ଏଦାତେୟିଏ ।” ୨୯ “ଇଞ୍ଜାଁ ଆମ୍ବାଆସି ର ବାଡ଼୍‌ୟୁଗାଟି ଲକୁଇଁ ତଲିଏ ଦହୁଆନା, ଏନିକିହିଁ ଏଞ୍ଜାଣି ଇଜ ହତାନା ତାନି ଇଲୁ କାଣ୍ଡା ବାରେ ସରୁ ଅୟାଲି ଆତିନେସି? ଏଞ୍ଜାଣାଲ୍ ତଲିଏ ଦସ୍ତିହିଁଦେ ଏଞ୍ଜାଣି ଇଲୁ କାଣ୍ଡା ସରୁ ଆହାଲି ଆତିନେସି ।” ୩୦ “ଆମ୍ବାଆସି ନା ଖାକିଟି ଆଆଗାଟାସି, ଏଞ୍ଜାସି ନା ସାରୁ, ଇଞ୍ଜାଁ ଆମ୍ବାଆସି ନା ତଲେ କୁଡ଼ି କିଅସି ଏଞ୍ଜାସି ଆଲାରା କିନେସି । ୩୧ ଇଦାଆଁତାକି ନାନୁ ମିଡ୍ରେ ଖେସିମାଞ୍ଜାଲ୍, ମାଣ୍‌ସି ଲକୁତି ବାରେ ପାପୁ ଅଡେ ଲାଗେଏ ପଲେଏଟି ଲକୁଣି ନିନ୍ୟା କାତା ଜଲମାନାଣି ମେକହା ତୁସ୍ପିଆନେ, ସାମା ମାହାପୁରୁତି ସୁଦୁଜୀଞ୍ଜୁ ଦରୁତଲେ ଜଲିନାଣା ପାପୁ ମେଣ୍ଡୁଟ୍ଟି କିଞ୍ଜିଆଏ । ୩୨ ଅଡେ ଆମ୍ବାଆସି ମାଣ୍‌ସି ମୀରୁଏଣା କପାଟି ଜଲିନେସି, ଏଞ୍ଜାଣି ପାପୁ ମେଣ୍ଡୁଟ୍ଟି କିଞ୍ଜିଆନେ, ସାମା ଆମ୍ବାଆସି ମାହାପୁରୁତି ସୁଦୁଜୀଞ୍ଜୁଟି କପାଟି ଜଲିନେସି, ଇ କାଲ୍ୟାତା କି ତାୟୁ କାଲ୍ୟାତା ଜିକେଏ ଏଞ୍ଜାଣି ପାପୁ ମେଣ୍ଡୁଟ୍ଟି କିଞ୍ଜିଆଏ ।” (aiōn g165) ୩୩ “ମାର୍‌ନୁତି ନେହାୟି ଇଞ୍ଜୁ ଅଡେ ତାନି ପାଡେୟିତି ନେହାୟି ଇଞ୍ଜୁ, ଆଆଟିଁ ମାର୍‌ନୁତି ଲାଗେଏତାୟି ଇଞ୍ଜୁ ଅଡେ ତାନି ପାଡେୟିତି ଲାଗେଏତାୟି ଇଞ୍ଜୁ, ଇତିହିଁ ପାଡେୟି ତଲେ ମାର୍‌ନୁତି ପୁଣ୍ଡି ଆନେ । ୩୪ ଆଡେ ରାସ୍‌କା କୁଡାତେରି, ମୀରୁ ପଲ୍ଲୀ ଗାଟାତେରି ଆହାଁ ଏନିକିଁ ମୀରୁ ନେହିଁ ହାତା ଖେସାଲି ଆତିଦେରି? ଇତିହିଁ ହିୟାତା ମାନି କାତା ଗୁତି ଜଲିମାନେ । ୩୫ ନେହିଁ ଲକୁ ନେହିଁ ମନ ବିତ୍ରାଟି ନେହିଁ କାତା ହସ୍‌ନେସି, ଇଞ୍ଜାଁ ପଲ୍ଲୀ ଗାଟାସି ପଲ୍ଲୀ ମନ ବିତ୍ରାଟି ପଲ୍ଲୀ କାତା ହସ୍‌ନେସି ।” ୩୬ “ସାମା ନାନୁ ମିଡ୍ରେ ସାତା ଖେସିମାଞ୍ଜାଲ୍, ବାରେଜାଣା ତାମୁ ଖେସାମାନି ଉଜେଏତି କାତାତାକି ବିତାରା କିନି ଦିନାତା ଏମ୍ବାତି କାତା ଜଲିନେରି; ୩୭ ଇଦାଆଁତାକି ମୀ ଗୁତିତି ହାତାତଲେ ନୀହାୟି ଦିନାତା ମୀରୁ ଦହ ଗାଟାତେରି ଅଡେ ଦହ ହିଲ୍ୟାଆଗାଟାତେରି ଆଦେରି ।” ୩୮ ଏତିବେଲା ମେରା ପୁନାରି ଅଡେ ପାରୁସିୟାଁ ବିତ୍ରାଟି ଏଚରଜାଣା ଜୀସୁଇଁ ଏଲେଇତେରି, “ଗୁରୁ, ମାମୁ ନୀ ତାଣାଟି ର କାବାଆନି ସିନା ମେସାଲି ଅଣ୍‌ସିମାନମି ।” ୩୯ ସାମା ଜୀସୁ ଏଞ୍ଜାରାଲ୍ ଏଲେଇତେସି, “ପଲ୍ଲୀ ଗାଟାରି ଅଡେ ମାହାପୁରୁଇଁ

ନାମାଆ ଗାଟାରିଦେହେଁ ସିନାୟାଁ ପାରିନେରି, ସାମା ମାହାପୁରୁ ଅଣ୍ଟପୁଟି ବଲୁ  
 ଖେହ୍ନି ଜୁନସତି ସିନା ପିସ୍‌ପେ ଏଝାରାକି ଏନି ସିନା ହାପକି ଆଏ । ୪୦  
 ଇଚିହିଁ ଜୁନସ ଏନିକିଁ ତାନିଦିନା ତାନି ଲାଆଁୟାଁ କାଜା ମାନୁ ବାଣ୍ଡି ବିତ୍ରା  
 ମାରେସି, ଏଲେକିଁ ମାଣ୍ଡିସି ମାର୍‌ଏସି ଜିକେଏ ବୁମି ବିତ୍ରା ତାନିଦିନା ତାନି  
 ଲାଆଁୟାଁ ଡୟିନେସି । ୪୧ ନୀହାଁୟାଁ ଦିନାତା ନିନିବିତି ଲକୁ ଇ କାଲାତି ଲକୁ  
 ନକିତା ନିଚାନା ଏଝାରାଇଁ ଦହ କିନେରି, ଇଚିହିଁ ଏଝାରି ଜୁନସ ଖେସ୍ତି କାତା  
 ଆସାନା ପାପୁଟି ମନ ଖେଟ୍‌ହା ମାରେରି, ଅଡେ ମେହ୍‌ଦୁ ଜୁନସକିହିଁ କାଜାସି  
 ଇମ୍‌ଆଁ ମାନେସି । ୪୨ ନୀହାଁୟାଁ ଦିନାତା ସିବା ଦେସାତି ରାଣି ଇ କାଲାତି  
 ଲକୁ ନକିତା ନିଚାନା ଏଝାରାଇଁ ଦହ କିନେ, ଇଚିହିଁ ସଲମନତି ବୁଦିତିକାତା  
 ଖେଞ୍ଜାଲି ଦାର୍‌ତିତି ହେକ ଦେସାତି ଝାହାମାରେ, ଇଞ୍ଜିଁ ମେହ୍‌ଦୁ ସଲମନକିହିଁ  
 କାଜା କାତା ଇମ୍‌ଆଁ ମାନେ ।” ୪୩ “ର ପଲ୍‌ଆ ବୁରୁ ର ମାଣ୍ଡିସି ତାଣାଟି  
 ହୁଚା ହାଜାନା ଏୟୁ ହିଲାଆ ଚାୟୁ ବାରେ ରେଜିହିଁ ଜମାଲି ଚାୟୁ ପାରାତେ,  
 ଇଞ୍ଜିଁ ଏଦାଆଁ ପୁଞ୍ଜାଆତେ, ୪୪ ଏଚେଟିଏ ଏଦି ଏଲେଇନେ, ନାନୁ ଆମିନି  
 ଇଲୁଟି ହୁଚା ଝାହାମାଇଁ, ନା ଏ ଇଲୁତା ଖେଣ୍ଡେ ହାଇଁ; ଇଞ୍ଜିଁ ଖେଣ୍ଡା ଝାହାନା  
 ଝାରିଆଣି ଇଞ୍ଜିଁ ଅଜିତାଣି ମେହ୍‌ନେ । ୪୫ ଏଚିବେଲା ଏଦି ହାଜାନା ତାନିକିହିଁ  
 ଆଗାଡା ପଲ୍‌ଆଗାଟି ସାତାଗଟା ଜୀଝୁୟାଁ ଆସାନା ଝାନେ, ଇଞ୍ଜିଁ ଏଝି ବାରେ  
 ଏମ୍‌ଆଁ ହୁତାନା ବାସା କିନୁ, ଅଡେ ଏ ଲକୁତି ତଲିତି କସ୍ତି କିହିଁ ତାୟୁତି କସ୍ତି  
 ହାରେକା ଆନେ, ଇ କାଲାତି ପଲ୍‌ଆ ଗାଟାରାକି ଜିକେଏ ଏଲେଆହିଁଏ ଆନେ  
 ।” ୪୬ ଜୀସୁ ବାରେ ଲକୁଇଁ ହାତା ଆହିମାଚାଟି ତାନି ଇୟା ଅଡେ ତାୟିୟାଁ  
 ପାଢ୍ଫାତା ନିଚାନା ହାତା ଆହାଲି ମନ କିହିମାରୁ । ୪୭ ଏଚେଟିଏ ରଥସି  
 ଝାହାନା ଜୀସୁଇଁ ଏଲେଇଚେସି, “ମେହ୍‌ମୁ, ମୀ ଇୟା ଅଡେ ନୀ ତାୟିୟାଁ  
 ପାଢ୍ଫାତା ନିଚାନା ହାତା ଆହାଲି ମନ କିହିମାନେରି ।” ୪୮ ସାମା ଇ କାତା  
 ଖେସ୍ତିଗାଣି ଜୀସୁ ଏଲେଇଚେସି, “ଆମ୍‌ଆୟି ମା ଇୟା ଇଞ୍ଜିଁ ଆମ୍‌ଆରି ନା  
 ତାୟିୟାଁ?” ୪୯ ଅଡେ ସୀସୁୟାଁ ଝାକି କେୟୁ ଦାସାନା ଏଲେଇଚେସି, “ମେହ୍‌ଦୁ  
 ମାୟା ଇଞ୍ଜିଁ ମା ତାୟିୟାଁ, ୫୦ ଇଚିହିଁ ଆମ୍‌ଆୟି ଜିକେଏ ନା ଲାକପୁରୁତି  
 ଆବା କାତା ଆହ୍‌ନେସି ଏଝାସି ନା ତାୟି ଏଦି ନା ତାଢ୍ଢି ଅଡେ ମା ଇୟା ।”

**୧୩** ଏ ଦିନା ଜୀସୁ ଇଲୁଟି ହୁଚା ହାଜାନା ସାମ୍‌ଦୁରି ତାକିତା ଲକୁଇଁ  
 ଜାପ୍‌ହାଲି କୁରିଚେସି । ୧ ଏଚେଟିଏ ହାରେକା ଲକୁ କୂଡା ଆହାଲିଏ,  
 ଏଝାସି ହାଜାନା ର ତଂଗତା କୁରିଚେସି, ଇଞ୍ଜିଁ ଲକୁ ବାରେ ସାମ୍‌ଦୁରି ଗାଟୁତା

ନିରାମାତ୍ରେର । ୩ ଅଡ଼େ ଜୀସୁ ପୁଣ୍ଡିକିନି କାତା ହାରେକା ଖେସ୍ତେସି, ଏଞ୍ଜିସି  
 ଏଲେଇରେସି । “ମେହ୍ତୁ ର ବିଚା ମାଟିନାସି ମାଟାଲି ହ୍ରେତେସି । ୪ ଏଞ୍ଜିସି  
 ବିଚା ମାଟିନି ବେଲା କରେକା ବିଚା ଜିରୁତା ରୀତେ ଇଞ୍ଜି ପଟାୟ୍ ଝାହାନା ଏ  
 ପାଡ଼େୟି ପେରହା ତିରୁ । ୫ ଅଡ଼େ କରେକା ବିଚା ଝାଲ୍‌କାତି ପାତାଡ଼ା ବୁମିତା  
 ରୀତେ, ଇଞ୍ଜି ଇରଥା ଗାତି ହିଲାଆତାକି ପାଡ଼େୟି ତବେ ଗଜା ଆତେ ।  
 ୬ ସାମା ଝେଡ଼ା ହ୍ରେଚାଲିଏ, ଗଜା ଆହାମାଟାୟି ଝେହା ହାରେ, ଇଞ୍ଜି ତାନି  
 ହୀରୁ ଗାତି ଡ଼ଇକା ହାଲାଆତାକି ଝାୟାହାରେ । ୭ ଅଡ଼େ କରେକା ବିଚା  
 ହାପ୍‌କା ବୁଟା ଡ଼ଇ ରୀତେ, ଇଞ୍ଜି ହାପ୍‌କା ବୁଟାୟି ବାରେ ପାତାଆହାନା  
 ଆନି ତାକିତି ପୁଣ୍ଡିହାତୁସ୍ତେ । ୮ ଅଡ଼େ କରେକା ବିଚା ନେହିଁ ବୁମିତା ରୀତେ,  
 ଇଞ୍ଜି କାମ୍‌ନା ର ପାଡ଼େୟିଟିଏ ପାସାକଡ଼ି, ତାନିକଡ଼ି ଇଞ୍ଜି କଡ଼େଦସ  
 ପାଡ଼େୟିକା କାମ୍‌ନିରୁ ।” ୯ “ଆମ୍‌ଆରାକି କୀର୍କା ମାନୁ ଏଞ୍ଜିସି ଝେଶ୍‌ମାସି ।”  
 ୧୦ ଏମ୍‌ପାଟିଏ ସୀୟୁୟି ଜୀସୁ ତାଣା ଝାହାନା ଝେରେରି, “ଲକୁଣି ଜାପ୍‌ନାଟି  
 ନୀନୁ ଏନାଆଁତାକି ପୁଣ୍ଡିକିନି କାତାୟି ଝେସିହିଁ ଜାପ୍‌ହିମାଞ୍ଜି?” ୧୧ ଜୀସୁ  
 ଏଲେଇରେସି, “ଏନାଆଁତାକି ଇତିହିଁ ଲାକପୁରୁ ରାଜିତି ବାରେ ତୁଗାମାନି  
 ହାତା ପୁଞ୍ଜାଲି ମିଡ୍ରେ ବାଡ଼୍‌ୟୁ ହାପ୍‌କି ଆହାମାଞ୍ଜାନେ, ସାମା ଏଞ୍ଜିରାକି ହାପ୍‌କି  
 ଆହା ହିଲେଏ । ୧୨ ଇଞ୍ଜି ଏମ୍‌ଆରାକି ମାନେ, ଏଞ୍ଜିରାକି ହାପ୍‌କିଆନେ  
 ଅଡ଼େ ଏଞ୍ଜିଶାକି ଗାତିଆନେ; ସାମା ଆମ୍‌ଆରାକି ହିଲେଏ ତାନିତାଣା ଏନାୟି  
 ମାନେ, ଏଦାଆଁ ଜିକେଏ ଅଢ଼ିଆନେ ।” ୧୩ ଏଞ୍ଜିରି ମେସି ମେସିହିଁ ମେସାଲି  
 ଆତଅରି, ଅଡ଼େ ଝେଞ୍ଜିଝେଞ୍ଜି ଝେନଅରି କି ପୁନଅରି; ଏଦାଆଁତାକି ନୀନୁ  
 ଏଞ୍ଜିରାକି ପୁଣ୍ଡିକିନି କାତାତଲେ ଝେସିମାଇଁ । ୧୪ ଅଡ଼େ ମାହାପୁରୁ ବଲୁ  
 ଝେହ୍‌ନି ଜିସାୟିତି ଇ କାତା ଏଞ୍ଜିରାକି ସାତା ଆନେ । ଇ ଲକୁ ଝେଞ୍ଜିଝେଞ୍ଜିହିଁ  
 ଝେନେରି, ଏନାଆଁ ତେଲ୍‌ହଅରି, ମେସି ମେସିହିଁ ମେହ୍‌ନେରି ସାମା ଏନାଆଁ  
 ପୁନଅରି; ୧୫ ଇତିହିଁ ଇ ଲକୁତି ହିୟିଁ ଅଶ୍‌ପାଲି ଆତାଆ ଗାଟାୟି, ଏଞ୍ଜିରି  
 କସ୍ତୁଟି କୀର୍କା ତଲେ ଝେରେରି, ଇଞ୍ଜି ତାନି କାଶ୍‌କା ପଟିତେରି, ଏନିକିଁ  
 ଏଞ୍ଜିରି କାଶ୍‌କା ତଲେ ମେହ୍‌ଅରି, ଅଡ଼େ କୀର୍କା ତଲେ ଝେନଅରି, ଅଡ଼େ  
 ହିୟିଁ ତଲେ ତେଲ୍‌ହଅରି ଇଞ୍ଜି ଏଞ୍ଜିରି ନା ତାଣା ଝେଶ୍‌ ଝାଅରି, ଅଡ଼େ  
 ନୀନୁ ଏଞ୍ଜିରାକି ନେହିଁ କିଅଁ । ୧୬ “ସାମା ନେହେଁ ମୀ କାଶ୍‌କା ଇତିହିଁ ଏଞ୍ଜି  
 ମେସି ମାନୁ, ନେହେଁ ମୀ କୀର୍କା ଇତିହିଁ ଏଞ୍ଜି ଝେଞ୍ଜିମାନୁ । ୧୭ ଇତିହିଁ ନୀନୁ  
 ମିଡ୍ରେ ସାତା ଝେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି, ଏ ବାରେ

ହାରେକା ମାହାପୁରୁ ଅଶ୍ୱପୁତି ବଲୁ ଖେହ୍ନାରି ଇଚ୍ଛାଁ ତାରିଗାଟାରି ମେସାଲି  
 ମନ କିତେରି, ସାମା ମେସାଲି ଆତାଆତେରି; ଅଡ଼େ ମୀରୁ ଏନା ଏନାଆଁ  
 ଖେଞ୍ଜିମାଞ୍ଜେରି, ଏ ବାରେ ଏଝାରି ଖେଞ୍ଜାଲି ମନ କିତେରି, ସାମା ଖେଞ୍ଜାଲି  
 ଆତାଆତେରି ।” ୧୮ ଆତିହିଁ ମୀରୁ ବିଚା ମାଟିନି ପୁଶ୍ମିକିନି କାତା ଖେଞ୍ଜୁ ।  
 ୧୯ ଆମ୍ବାଆସି ମାହାପୁରୁ ରାଜିତି କାତା ଖେଞ୍ଜାନା ପୁନାଆ ଗାଟାସି, ଏଝାଣି  
 ହିୟାଁତା ଖେସାମାନି ମାହାପୁରୁ ବଲୁ ସୟତାନ ଝାହାନା ମାଞ୍ଜୁ ଅନେସି, ଏଝାସି  
 ଜିରୁ ଦାରି ମାଟାମାନି ବିଚା ଲେହେଁତାସି । ୨୦ ଅଡ଼େ ଆମ୍ବାଆସି ଝାଲ୍‌କା  
 ବୁମିତା ମାଟିତି ବିଚା ଏଝାସି ଇଲେତାସି, ଆମ୍ବାଆସି ମାହାପୁରୁତି କାତା  
 ଖେଞ୍ଜାନା ରାହାଁତଲେ ନାମିନେସି, ୨୧ ସାମା ଏଝାଣି ତାଣା ହୀରୁ ଜୀଆତାକି  
 ଗାଡ଼େକେଏ ତାରିଆହାନା ମାନେସି, ତାୟୁ ମାହାପୁରୁ କାତାତାକି ବାଦା ଅଡ଼େ  
 ନିନ୍ଦା ବେଟାଆତିସାରେ ଏ ବାରେ ପିସାରୁହ୍ନେସି, ଏଝାସି ଝାଲ୍‌କା ବୁମିତା  
 ରିତି ବିଚା ଲେହେଁତାସି । ୨୨ ଆମ୍ବାଆସି ମାହାପୁରୁତି କାତା ଖେନେସି, ଇଚ୍ଛାଁ  
 ଦାରୁତିତି ଅଶ୍ୱପୁ ଦନତି ଜୁପ୍‌କା ଏଝାସି ଖେଞ୍ଜାମାନି କାତାତି ପୁକ୍‌ହା ତୁସାଲିଏ,  
 ତାନି ଜୀଝୁତା ପାଡ଼େୟି କାମ୍ବାଆତେ, ଏଝାସି ହାପ୍‌କା ବୁଟା ଡ଼ଇ ରିତି ବିଚା  
 ଲେହେଁତାସି । (aiṭṭṇ ୨165) ୨୩ ସାମା ଆମିନିଗାଟାସି କାତାତି ଖେନେସି ଇଚ୍ଛାଁ  
 ନେହିଁକି ପୁନେସି, ଅଡ଼େ ନେହିଁ ପାଡ଼େୟି କାମ୍ବିନେସି, ଆମ୍ବାଆସି ପାସାକଡ଼ି,  
 ଆମ୍ବାଆସି ତାନିକଡ଼ି, ଆମ୍ବାଆସି କଡ଼େଦସ ପାଡ଼େୟିକା, ଏଝାସି ନେହିଁ ବୁମିତା  
 ରିତି ବିଚା ଲେହେଁତାସି । ୨୪ ଜୀସୁ ଏଝାରାଇଁ ଅଡ଼େ ର ପୁଶ୍ମିକିନି କାତା  
 ଖେସ୍ତେସି, ଲାକପୁରୁ ରାଜି ରଅସି ତାନି ଗୁଡ଼ିୟାତା ନେହିଁ ବିଚା ମାଟାମାନି  
 ମାଣ୍‌ସିଲେହେଁ; ୨୫ ସାମା ଲକୁ ତୁରାମାନାଟି ତାନି ସାତୁ ଝାହାନା ଏ ଗହଁୟାଁ  
 ବିତ୍ରା ଟଲି ଜାଡ଼ାତି ବିଚା ମାଟାମାନା ହାଚେସି । ୨୬ ଏତିବେଲା ଗହଁୟାଁ  
 ପାତାଆହାନା ଜେକା ଆନିବେଲା ଟଲି ଜାଡ଼ା ଜିକେଏ ଡ଼ଞ୍ଜାଆତେ । ୨୭  
 ଏଚେଟିଏ ସାଝୁକାରିତି ହୁଲିୟାଞ୍ଜୁ ତାନି ତାଣା ଝାହାନା ଏଲେଇଚେରି, ବାବୁ  
 ନୀନୁ ଏନାଆଁ ନୀ ଗୁଡ଼ିୟାତା ନେହିଁ ବିଚା ମାଟା ହିଲାଆତି? ସାମା ଇ ଟଲି  
 ଜାଡ଼ା ବାରେ ଏମ୍ବିତି ଝାଚେ? ୨୮ ଏଝାସି ଏଝାରାଇଁ ଏଲେଇଚେସି, ର ସାତୁ  
 ଇଦାଆଁ କିହାମାନେସି । ଅଡ଼େ ହୁଲିୟାଞ୍ଜୁ ଏଝାଣାଇଁ ଏଲେଇଚେରି, ନୀ  
 ମନ ଏନାୟି, ମାମୁ ହାଜାନା ଟଲି ରେଜାନା କୁଡ଼ି କିନମି, ୨୯ ସାମା ଏଝାସି  
 ଏଲେଇଚେସି, ଆଏ ଏଚେତା ମୀରୁ ଟଲି ଜାଡ଼ା ରେଜି ରେଜିହିଁ ଗହଁୟାଁ  
 ଜିକେଏ ରେଜେରି । ୩୦ ଗହଁ ଦାଃନି ପାଚେକା ଗହଁ ଅଡ଼େ ଟଲି ଜାଡ଼ା ରହେଁଏ



ପାତାଆପୁ, ଅଡ଼େ ଆର୍ନା ଦାଃନି ବେଲତା ଦାଃଆନାରାଇଁ ନାନୁ ଏଲେଇଇଁ,  
 ତଲିଏ ଟଲି ଜାଡ଼ା ଦାତାନା ହୃତାଲିତାକି ପେଣ୍ଡାୟଁ ଏଟକା କିଦୁ, ସାମା  
 ଗହଁୟଁ କୁଡ଼ି କିହାନା ନା ଗାଦେୟିତା ଇଟାଦୁ । ୩୧ ଜୀସୁ ଏଞ୍ଜାରାଇଁ ଅଡ଼େ ର  
 ପୁଣ୍ଡିକିନି କାତା ଖେସ୍ତେସି, ଲାକପୁରୁ ରାଜି ର ହାର୍ସୁ ପାଡ଼େୟି ଲେହେଁତାୟି,  
 ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି । ୩୨ ଏ ପାଡ଼େୟି ବାରେ  
 ପାଡ଼େୟିକା କିହଁ ଉଣା, ସାମା ଏଡ଼ି ପାତା ଆଡ଼ିସାରେ ବାରେ କୁଟା କିହଁ  
 କାଜାୟି ଆହଁ ଇଲେତି ମାରୁନୁ ଆନେ, ଇଞ୍ଜି ହାଗୁତା ଉମ୍ପିମାନି ପଟାୟି  
 ଖାହାନା ଏଦାନି କମାତା ବଣ କିହାନା ବାସା କିନୁ । ୩୩ ଜୀସୁ ଏଞ୍ଜାରାଇଁ ଅଡ଼େ  
 ର ପୁଣ୍ଡିକିନି କାତା ଖେସ୍ତେସି, ଲାକପୁରୁ ରାଜି ର ପୁଲା ଏୟୁଲେହେଁତାୟି; ର  
 ଇୟା ଗହଁୟଁ ଗୁଣ୍ଡାତା ପୁଲାଏୟୁ କାଲହାନା ଇଟିତେ, ଏଚେଟିଏ ଏ ଗୁଣ୍ଡା  
 ପଢ଼ୁନା ବାରେ ପୁଲା ଆତେ । ୩୪ ଇ ବାରେ ପୁଣ୍ଡିକିନି କାତାତଲେ ଜୀସୁ  
 ଲକ୍ଷୁଣି ଖେସ୍ତେସି, ଇଞ୍ଜି ପୁଣ୍ଡିକିନି କାତା ଆଟଆନା ଏନାଆଁଖା ଲକ୍ଷୁଣି ଖେସି  
 ହିଲାଆତେସି, ୩୫ ଏନିକିଁ ମାହାପୁରୁ ଅଣ୍ଟପୁଡ଼ି ବଲୁ ଖେହ୍ନାଣି ତାଣାଟି ଇ  
 କାତା ସାତା ଆନେ, “ନାନୁ ନା ଗୁଡ଼ି ଏକହାନା ପୁଣ୍ଡିକିନି କାତାତଲେ ଖେହ୍ନଇଁ;  
 ଦାର୍ଡି ଗାଡ଼ି ଆଡ଼ି ଦିନାଟିଏ ତୁଗାମାନି କାତା ବାରେ ଖେହ୍ନଇଁ ।” ୩୬ ତାୟୁ  
 ଜୀସୁ ମାନ୍ୟ ଲକ୍ଷୁଣି ପିସାନା ଇଲୁ ବିତ୍ରା ହାଚେସି, ଇଞ୍ଜି ତାନି ସୀସୁୟଁ ତାଗେ  
 ଖାହାନା ଏଲେଇଚେରି, “ଗୁଡ଼ିୟାଡ଼ି ଟଲି ଜାଡ଼ାଡ଼ି ପୁଣ୍ଡି କିନି କାତା ମାଡ଼େ  
 ନେହ୍ନିକିଁ ଖେସ୍ତାମୁ ।” ୩୭ ଜୀସୁ ଏଲେଇଚେସି, “ନେହ୍ନି ବିଚା ମାଟିନାସି ଏଞ୍ଜାସି  
 ମାଣ୍ଡସି ମୀରଏସି; ୩୮ ଇ ଦାର୍ଡି ଆହିମାନେ ଗୁଡ଼ିୟା, ନେହ୍ନି ବିଚା ମାହାପୁରୁ  
 ରାଜିତି ମୀରକା ମାସକା; ଟଲି ଜାଡ଼ା ସୟତାନତି ମୀରକା ମାସକା; ୩୯  
 ଆମିନି ସାତୁ ଏଦାଆଁ ମାଟିତେସି ଏଞ୍ଜାସି ସୟତାନ; ଆର୍ନା ଦାଃନି ଦିନା ଇତିହଁ  
 ଜୁଗୁ ରାନି ଦିନା, ଇଞ୍ଜି ଆର୍ନା ଦାଃଆନାରି ମାହାପୁରୁଡ଼ି ଦୂତୁୟଁ । (aiōn g165)  
 ୪୦ ଇତିହଁ ଟଲି ଜାଡ଼ାଡ଼ି ଏନିକିଁ ର ତାଣା କୁଡ଼ି କିହାନା ହିରୁତା ହୃଡ଼ିନାୟି,  
 ଜୁଗୁ ରାନି ଦିନାତା ଜିକେଏ ଏଲେକିହ୍ନି ଆନେ । (aiōn g165) ୪୧ ମାଣ୍ଡସି  
 ମୀରଏସି ତାନି ଦୂତୁୟଁଣି ପାଣ୍ଡିନେସି, ଇଞ୍ଜି ଏଞ୍ଜାରି ତାନି ରାଜିତି ବାରେ  
 ଲାଣେଏ ପଲେଏତାରାଇଁ ଅଡ଼େ ପାପୁ ଗାଟାରାଇଁ ରୁଣ୍ଡା କିନେରି । ୪୨ ଅଡ଼େ  
 ଏଞ୍ଜାରାଇଁ ହିରୁ ଗାଡ଼ୁୟୁତା ମେଡ଼ନେରି, ଏମ୍ପାଆଁ ଏଞ୍ଜାରି ତାହଁ ପାଲକା ଟୀଟି  
 କିନେରି । ୪୩ ଏଡ଼ିବେଲା ତୀରିଗାଟାରି ତାନି ଆବା ରାଜିତା ଖେଡ଼ାଲେହେଁ  
 ତାଞ୍ଜିହଁ ତଞ୍ଜାଆନେରି । ଆମ୍ପାଆରାକି କୀର୍କା ମାନୁ ଏଞ୍ଜାରି ଖେଣ୍ଡମ୍ପାରି ।” ୪୪

“ଲାକପୁରୁ ରାଜି ଗୁଡ଼ିୟାତା ତୁଗାମାନି ଦନ ଲେହେଁତାୟି, ରଥସି ଏଦାଆଁ  
 ମେସାନା ତୁକ୍ତା ଇତିତେସି, ଅଡେ ରାହାଁଟି ହାଜାନା ତାନି ଇସିତାସି ଆସ୍ତି  
 ପାର୍ତାନା ଖେଣ୍ଡେ ହାଜାନା ଏ ଗୁଡ଼ିୟାତି କଡିତେସି ।” ୪୫ “ଅଡେ ଲାକପୁରୁ  
 ରାଜି ନେହଁ ଅପ୍ତନି ଖାଲି ପାରିମାନି ର ବେବାରା କିନାଣିଲେହେଁ । ୪୬ ର  
 ଦାରାଗାଟି ଅପ୍ତନି ଖାଲି ମେସାନା ଏଖାସି ହାଜାନା ତାନି ଇସିତାସି ଆସ୍ତି  
 ପାର୍ତାନା ଏ ଅପ୍ତନି ଖାଲିତି କଡିତେସି ।” ୪୭ “ଅଡେ ଜିକେଏ ଲାକପୁରୁ ରାଜି  
 ସାମ୍ବୁରତା ବାରେ କୁଡ଼ାତି ମୀଶକା ଆସାଲି ମେଦ୍ତନି ଜାଲା ଲେହେଁତାୟି ।  
 ୪୮ ଏ ଜାଲା ନେଞ୍ଜାଲିଏ ମୀଶକା ଆହ୍ନାରି ଏଦାଆଁ ସାମ୍ବୁରି ଗାରୁତା ରେଜା  
 ତାନେରି, ଇଞ୍ଜା କୁଗାନା ନେହଁଆଁ ବାରେ ରୁଣ୍ଡା କିହାନା ତିରିତା ଇତିନେରି,  
 ସାମା ଲାଗେଏ ପଲେଏ ଗାଟାଆଁ ବାରେ କୁଡ଼ା ତୁହ୍ନେରି । ୪୯ ଜୁଗୁ ରାନି  
 ଦିନାତା ଏଲେକିହଁ ଆନେ; ଦୂରୁୟାଁ ହତାଖାହାନା ତାରିଗାଟାରି ତାଣାଟିଏ  
 ଲାଗେଏ ପଲେଏତାରାଇଁ ଏଟ୍ଟକା କିନେରି । (aīōn g165) ୫୦ ଅଡେ ଏଖାରାଇଁ  
 ହିରୁ ଗାଡ଼୍ତୁତା ମେଦ୍ତହା ତୁହ୍ନେରି, ଏମ୍ପାଆଁ ତାନାୟି ଅଡେ ପାଲ୍‌କା ଟୀଟି  
 କିନାୟି ଆନେ ।” ୫୧ ଜୀସୁ ସୀସୁୟାଁଇଁ ଖେତେସି, “ମୀରୁ ଇ ବାରେ କାତା  
 ପୁରେରି?” ଏଖାରି ଏଲେଇତେରି, “ହାଅ ପ୍ରବୁ ।” ୫୨ ଏତେଟିଏ ଜୀସୁ  
 ଏଖାରାଇଁ ଏଲେଇତେସି, “ଆତିହଁ ଆମିନି ଇଲୁଗାଟାସି ତାନି ଇଲୁଟି ପୁଃନାଣି  
 ପୁଃଆଣି ହୁଏନେସି, ଲାକପୁରୁ ରାଜିତି ସୀସୁ ଆହାମାନି ବାରେ ମେରା ପୁନାରି  
 ଏଖାଣି ଲେହେଁତାରି ।” ୫୩ ଜୀସୁ ଇ ବାରେ ପୁଣ୍ଡିକିନି କାତା ଖେସାଲି  
 ଆତାଲିଏ, ତାୟୁ ଏମ୍ପାଟିଏ ହାତେସି । ୫୪ ଇଞ୍ଜା ଏଖାସି ତାନୁ ପାତାଆତି  
 ନାୟୁତା ଖାହାନା ଲକୁଣି ତାମି ଜୀହୁଦି ଲକୁଡି କୁଟମି ଇଲୁତା ଇଲେକିହଁ  
 ଜାପ୍ତହେସି, ଇଞ୍ଜା ଏଖାରି କାବାଆହାନା ଏଲେଇତେରି, “ଇଖାଣାକି ଇଲେତି  
 ବୁଦି ଇଞ୍ଜା ଇଲେତି କାବାଆନି କାମା କିହାଲି ଆମ୍ପିଟି ବାଡ଼୍ତୁ ବେଟାଆତେସି?  
 ୫୫ ଇଖାସି ଏ ବାଡ଼ିୟାତି ମୀର୍‌ଏସି ଆଏକି? ଇଖାଣି ଇୟା ମରିୟମ ଆଏ?  
 ଅଡେ ଇଖାଣି ତାୟୁୟାଁ ଦରକା ଜାକୁବ, ଜସେପ, ସିମନ ଇଞ୍ଜା ଜୀହୁଦା ଆଏ?  
 ୫୬ ଅଡେ ଇଖାଣି ତାଡ଼୍ଡିୟା ମା ତଲେ ହିଲାତ? ଇଞ୍ଜାହଁ ଇଖାସି ଏ ବାରେ  
 ଆମ୍ପିଟି ମେଡାଆତେସି?” ୫୭ ଇଞ୍ଜା ଏଖାରି ଜୀସୁଇଁ ଅପାଆତେରି । ସାମା  
 ଜୀସୁ ଏଖାରାଇଁ ଏଲେଇତେସି, “ମାହାପୁରୁ ଅଣ୍ଡପୁତି ବଲୁ ଖେହ୍ନାରି ନିଜେତି  
 ନାୟୁତା ଇଞ୍ଜା ନିଜେତି ଇଲୁ କୁଟମିତା ମାନି ପୁଃଆରି ।” ୫୮ ଅଡେ ଏଖାରି  
 ନାମାଆତାକି ଏଖାସି ଏମ୍ପାଆଁ ହାରେକା କାବାଆନି କାମା କିଆତେସି ।

୧୪ ଏତିବେଲାତା ଗାଲିଲିତି ସାଲଝି କିନି ରାଜା ହେରଦ ଜୀସୁତି କାରୁ  
 ଖେରେସି, ୨ ଅଡେ ତାନି ହଲିୟାଢ୍ଫାଣି ଏଲେଇରେସି, “ଇଖାସି ବାପ୍ତିସ୍ତା ହୀନି  
 ଜହନ ଏଖାସି ହାତାରି ତାଣାଟି ନିଢ୍ଫାମାନେସି, ଏଦାଆଁତାକି ଇ ବାରେ ବାଡ଼ୟୁ  
 ଏଖାଣି ତାଣା କାମା କିହିମାନେ ।” ୩ ଇରିହିଁ ତଲି ହେରଦ ତାମି ତାୟି  
 ପିଲିପ ତକ୍ତି ହେରଦିୟାନି ତାକି ଜହନଇଁ ଦସ୍‌ପା ତାତାନା କାୟିଦି ଇଲୁତା  
 ଇଟାମାରେସି । ୪ ଇରିହିଁ ଜହନ ତାଡ୍ଫୁ ଏଲେଇଢ୍ଫାମାରେସି, ହେରଦିୟାନି  
 ଇଟିନାୟି ନୀ ଫେରା ହିଲେଏ । ୫ ଅଡେ ହେରଦ ଏଖାଣାଇଁ ପାୟାଲି  
 ମନ କିତି ଜିକେଏ ଲକ୍ଫୁଣି ଆଜିମାରେସି, ଏଦାଆଁତାକି ଇରିହିଁ ଏଖାଣାଇଁ ର  
 ମାହାପୁରୁ ଅଣ୍ଟପୁତି ବଲୁ ଖେହ୍‌ନାସି ଇଢ୍ଫୁଁ ମାନି କିହିମାରେରି । ୬ ସାମା  
 ହେରଦତି ଜାର୍ନା ଦିନା ଖାହାଲିଏ, ହେରଦିୟାତି ମାଡ୍ଫୁ ରୁଣ୍ଡା ଆହାମାତି  
 ଲକ୍ଫୁ ନକିତା ଏନ୍ୟାନା ହେରଦଇଁ ରାହାଁ କିଝିକିତେ । ୭ ଏଚେଟିଏ ଏଖାସି  
 ପାର୍‌ମାଣା କିହାନା ଆଞ୍ଜିତେସି, ନୀନୁ ନାଡ୍ଫେ ଏନାଆଁ ରୀସ୍ତାତିହିଁ ଏଦି ନିଢ୍ଫୁ  
 ହୀପକିଆନେ । ୮ ଇଢ୍ଫୁଁ ଏଦି ତାମି ଇୟାନି କାତା ଆସାହାଁ ଏଲେଇରେ,  
 “ବାପ୍ତିସ୍ତା ହୀନି ଜହନତି ତାୟୁଁ ନୀଏଁ ଇମ୍ପାଆଁ ର ସାଡ଼୍‌ଖାତା ନାଡ୍ଫେ ହିୟାମୁ  
 ।” ୯ ଇଦାଆଁ ଖେଞ୍ଜାନା ରାଜା ଦୁକୁ ଆତିହିଁ ଜିକେଏ ତାନୁ ପାର୍‌ମାଣା କିହାଁ  
 ଆଞ୍ଜାମାଚାକି ଅଡେ ତାନିତଲେ ବଜିତା କୁଗାମାଚାରି ନକିତା ଆଞ୍ଜାମାଚାକି  
 ଏଦାନି ମନଲେହେଁ ହୀହାଲି ହୁକୁମି ହୀତେସି । ୧୦ ଇଢ୍ଫୁଁ ଲକ୍ଫୁଣି ପାଣ୍ଡାନା  
 କାୟିଦି ଇଲୁତା ଜହନତି ତାୟୁଁ ଦାପିକିତେସି, ୧୧ ଅଡେ ଏଖାଣି ତାୟୁଁ ର  
 ସାଡ଼୍‌ଖାତା ତାତାନା ଏ ପଦାକି ହୀତେରି, ଇଢ୍ଫୁଁ ଏଦି ଅହାନା ତାମି ଇୟାନି  
 ତାଣା ଅଡେ । ୧୨ ଏଚେଟିଏ ଜହନତି ସୀସୁୟାଁ ଖାହାନା ମାଡ଼୍‌ହା ଅହାନା  
 ମୁସ୍ତେରି, ଅଡେ ହାଜାନା ଜୀସୁଇଁ ଖେସ୍ତେରି । ୧୩ ଜହନ ହାତି କାରୁ ଖେଞ୍ଜାନା,  
 ଜୀସୁ ର ତଂଗତା କୁଗାନା ଲକ୍ଫୁ ହିଲାଆ ଟାୟୁତା ହୀତେସି, ଲକ୍ଫୁ ଇ କାତା  
 ଖେଞ୍ଜାନା ଗାଡ଼ାୟାଁଟି ଖାହାନା ତାକି ତାକିହିଁ ଏଖାଣି ଜେଚ ହୀତେରି; ୧୪  
 ଅଡେ ଏଖାସି ତଂଗଟି ରେଚାନା ମାନୁ ଲକ୍ଫୁଣି ମେସାନା କାର୍ନା ଆହାନା ଏଖାରି  
 ରଗ ଗାଟାରାଇଁ ନେହିଁ କିତେସି । ୧୫ ଟ୍ଫେଡ଼ା ହାଜାଲିଏ ତାନି ସୀସୁୟାଁ ତାନି  
 ତାଣା ଖାହାନା ଏଲେଇରେରି, “ଇ ଟାୟୁ ଲକ୍ଫୁ ହିଲାଆ ଟାୟୁ ଇଢ୍ଫୁଁ ଆନେରି  
 ଜିକେଏ ଆହିମାନେ; ଏଦାଆଁତାକି ବାରେ ଲକ୍ଫୁ ଏନିକିଁ ନାସ୍‌କାଣାଁ ହାଜାନା  
 ତାମ୍‌ଡ୍ଫେ ତାକି ଲହଡ଼ି ପାରିନେରି, ଏଦାଆଁତାକି ଏଖାରାଇଁ ହାଜାଲି ହେଲ  
 ହୀମୁ ।” ୧୬ ସାମା ଜୀସୁ ଏଖାରାଇଁ ଏଲେଇରେସି, “ଏଖାରି ହାନି ଲଡ଼ା

ଆଏ, ମୀରୁ ଏଞ୍ଜରାକି ତିଞ୍ଜୁଲି ହୀଦୁ ।” ୧୭ ଏଞ୍ଜରି ଏଞ୍ଜାଣାଇଁ ଏଲେଇଚେରି,  
 “ମାଡ୍ଡେ ଇମ୍ପାଆଁ ପାସାଗଟା ରୁଟି ଇଞ୍ଜିଁ ରୀ ମୀଶକା ମାନୁ ।” ୧୮ ଜୀସୁ  
 ଏଞ୍ଜରାଇଁ ଏଲେଇଚେସି, “ଏଞ୍ଜାଆଁ ଇମ୍ପାଆଁ ନା ତାଣା ତାଦୁ ।” ୧୯ ଅଡେ  
 ଏଞ୍ଜାସି ଲକ୍ଷୁଣି ଗାକି ଜାଡା ଲାକ କୁଗାଲି ହୁକୁମି ହୀଡେସି, ଅଡେ ଏ ପାସାଗଟା  
 ରୁଟି ଇଞ୍ଜିଁ ରୀ ମୀଶକାଣି ଅହାନା ଲାକପୁରୁ ଖାକି ସିନିକିହାନା ମାହାପୁରୁଇଁ  
 ଜହରା କିଡେସି, ଇଞ୍ଜିଁ ରୁଟି ଡିକ୍‌ହାନା ତାମି ସୀସୁୟାଁକି ହୀଡେସି, ଏଚେଟିଏ  
 ସୀସୁୟାଁ ବାରେ ଲକ୍ଷୁକି ହୀଡେରି । ୨୦ ଏଚେଟିଏ ବାରେଜାଣା ତିଞ୍ଜୁନା  
 ପାଞ୍ଜିଡେରି, ଇଞ୍ଜିଁ ସୀସୁୟାଁ ହାରାମାଟି ରୁଟି ଗାଣ୍ଡାୟାଁ କୁଡି କିହାନା ବାରଗଟା  
 ତାଲିତା ନେଞ୍ଜିକିଡେରି । ୨୧ ରାନ୍ନୁ ତିଟି ଲକ୍ଷୁ ଇୟାସିକା ଇଞ୍ଜିଁ କକାରି ପୁଦାଁଣି  
 ପିସାନା ବାରେ ପାସାମାଣା ଆବାୟାଁ ମାଚେରି । ୨୨ ଏ ଦେବୁଣିଏ ଜୀସୁ ତାମି  
 ସୀସୁୟାଁଣି ତଂଗତା ଏକ୍‌ହାନା ସାମ୍‌ଦୁରି ଆତାଲାଖାକି ତାମି ନିକିତା ହାଜାଲି  
 ଏଲେଇଚେସି, ଏଚେଟିଏ ବାରେ ଲକ୍ଷୁଣି ହାଜାଲି ହେଲ ହୀଡେସି । ୨୩  
 ଜୀସୁ ଲକ୍ଷୁଣି ହେଲ ହୀଡି ତାୟୁ ପ୍ରାତାନା କିହାଲି ହୁରୁ ଲାକ ହାଚେସି, ଇଞ୍ଜିଁ  
 ମିଡୁଅଲା ଆହାଲିଏ ଏଞ୍ଜାସି ଏମ୍ପାଆଁ ରଅସିଏ ମାଚେସି । ୨୪ ସାମା ଏଚିବେଲା  
 ତଂଗ ସାମ୍‌ଦୁରି ଗାଟୁଟିଏ ହାରେକା ହେକ ମାଚେ, ଇଞ୍ଜିଁ ସାମ୍‌ଦୁରିତା ଗାଲି  
 ଝେଚାଲିଏ ଏ ତଂଗ ଖାଡିମାଚେ । ୨୫ ସାମା ଝେୟା ନେକେରି ଜୀସୁ ଏୟୁ  
 ଲାକ ତାକି ତାକିହିଁ ସୀସୁୟାଁ ତାଗେ ହାଚେସି । ୨୬ ଅଡେ ସୀସୁୟାଁ ଏଞ୍ଜାଣାଇଁ  
 ଏୟୁ ଲାକ ତାକି ମାନାଣି ମେସାନା ଆଜାହାଚେରି, ଇଞ୍ଜିଁ ଏଲେଇଚେରି,  
 “ଇଦି ର ବୁରୁ!” ଇଞ୍ଜିଁ ଆଜିତାକି କିରୁଡିଚେରି । ୨୭ ସାମା ଜୀସୁ ଦେବୁଣିଏ  
 ଏଞ୍ଜରାଇଁ ଏଲେଇଚେସି, “ସାସା ଆହୁଦୁ ଆଜାଆଦୁ ନାନୁ ଜୀସୁଚେସା!” ୨୮  
 ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାତେଏ ନୀନୁ ଇଚିହିଁ ଏୟୁଲାକଟି  
 ତାକିହିଁ ନୀପ ଖାହାଲି ହୁକୁମି ହିୟାମୁ ।” ୨୯ ଜୀସୁ ଏଲେଇଚେସି “ଝାମ୍ପା!”  
 ଏଚେଟିଏ ପିତର ତଂଗଟି ରେତାନା ଜୀସୁ ତାଣା ଏୟୁଲାକଟି ତାକିହିଁ ହାଚେସି  
 । ୩୦ ସାମା ଗାଲି ମେସାନା ଆଜିଚେସି, ଇଞ୍ଜିଁ ଏୟୁଣାଁ ମୁଞ୍ଜିହିଁ ଏଲେଇଚେସି,  
 “ଏ ପ୍ରବୁ ନାଡ୍ଡେ ଗେଲ୍‌ପାମୁ ।” ୩୧ ଏ ଦେବୁଣିଏ ଜୀସୁ କେୟୁ ଦାସାନା  
 ପିତରଇଁ ଆସାନା ଏଲେଇଚେସି, “ଏ ଉଣା ନାମୁ ଗାଟାତି! ଏନାଆଁ ତାକି  
 ଆନାମାନା ଆଡି?” ୩୨ ଅଡେ ଏଞ୍ଜାରି ତଂଗତା ହୁଚାଲିଏ ଗାଲି ତୁଢୁଟିଚେ ।  
 ୩୩ ଏଚେଟିଏ ତଂଗତା ମାଟି ସୀସୁୟାଁ ଜୀସୁଇଁ ଜହରା କିହାନା ଏଲେଇଚେରି,  
 “ନୀନୁ ସାତେଏ ମାହାପୁରୁ ମୀରୁଏଶାତି ।” ୩୪ ଏଞ୍ଜାରି ସାମ୍‌ଦୁରି ଗାଣ୍ଡତାନା

ଗେନେସର ରାଜିତା ଏତେରି । ୩୫ ଅଡ଼େ ଏମ୍ବାତି ଲକୁ ଜୀସୁଇଁ ପୁଞ୍ଜାନା ସାରିଖାକି ମାନି ବାରେ ରାଜିତା କାରୁ ପାଣ୍ଡିତେରି, ଇଞ୍ଜି ଲକୁ ବାରେ ରଗ ଗାଟାରାଇଁ ଜୀସୁ ଡାଣା ତାତେରି; ୩୬ ଅଡ଼େ ରଗ ଗାଟାରି ଜୀସୁତି ହିମ୍ବୁରି କୁଡୁ ତାଗିନେରି, ଏଦାଆଁତାକି ଜୀସୁଇଁ ବାତିମାଲିତେରି, ଇଞ୍ଜି ଏଚେକା ଲକୁ ତାଗିତେରି ବାରେ ନେହିଁ ଆତେରି ।

**୧୫** ଏତିବେଲାତା ଜିରୁସାଲମଟି ପାରୁସିୟାଁ ଇଞ୍ଜି ମେରାପୁନାରି ଜୀସୁ ଡାଣା ଖାହାନା ଏଲେଇଚେରି, ୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପୁହି ମେରା ମାନି କିହିଲିଲଅରି? ଇତିହିଁ ରାନ୍ଦୁ ତିନାଟି କେସ୍ତା ନରଅରି ।” ୩ ଜୀସୁ ଏଖାରାଇଁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣାପାଗୁ ମେରାତାକି ମାହାପୁରୁତି ହୁକୁମି ମାନଖି ଆହି ହିଲଅତେରି?” ୪ ମାହାପୁରୁ ଏଲେଇଞ୍ଜି ମାନେସି ଇୟା ଆବାଇଁ ମାନି କିପୁ, ଇଞ୍ଜି ଆମ୍ବାଆସି ଇୟା କି ଆବାଇଁ ବାକା ଇତିନେସି ଏଖାସି ହାନି ତଣ୍ଡ ବେଟା ଆନେସି । ୫ ସାମା ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ଆପେସି ତାନି ଇୟା କି ଆବାଇଁ ଏଲେଇନେସି, ନା ଡାଣାଟି ମିଡ୍ରେ ଏନାଆଁ ହିୟାତିହିଁ ନେହିଁ ଆତେମା, ଏ ବାରେ ମାହାପୁରୁକି ହେରପି ଆହାମାନେ, ୬ ଏଖାସି ସାତେଏ ତାନି ଇୟା ଆବାଇଁ ମାନି କିଅସି । ଇଲେକିହିଁ ମୀରୁ ମୀ ପାଣାପାଗୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି । ୭ ଆଡ଼େ କୁରୁ ଗାଟାତେରି, ମାହାପୁରୁ ଅଣ୍ଡପୁତି ବଲୁ ଖେହନି ଜିସାୟ ମିଡ୍ରେତାକି ନେହିଁକି ଇ କାତା ଖେସାମାନେସି । ୮ ଇ କୃଡାତାରି ଖାରଇ ଗୁତି ତଲେ ସେବା କିୟାନେରି, ସାମା ଏଖାରି ହିୟାଁ ନା ଡାଣାଟି ହେକ ଡିୟିନେ । ୯ ଏଖାରି ମାଣ୍ଡି କେପିତି ପାଣା ପାଗୁତି ଦାମୁତି ନେହିଁ କାତା ଇଞ୍ଜି ଜାପୁହାନା, ଉଜେଏ ନାଡ୍ରେ ସେବା କିହିମାଞ୍ଜାନେରି । ୧୦ ଅଡ଼େ ଜୀସୁ ଲକୁଣି ତାଗେ ହାଟାନା ଏଖାରାଇଁ ଏଲେଇଚେସି, “ଖେଞ୍ଜୁ ଇଞ୍ଜି ପୁଞ୍ଜୁ ।” ୧୧ ମାଣ୍ଡି ଗୁତି ବିତ୍ରା ଏନାୟି ହୁଡ୍ନେ ଏଡି ଏଖାଣାଇଁ ଲାଗେଏ କିଏ, ସାମା ଗୁତି ବିତ୍ରାଟି ଏନାୟି ହୁନେ ଏଡି ମାଣ୍ଡିଇଁ ଲାଗେଏ କିନେ । ୧୨ ଏତିବେଲା ସୀସୁୟାଁ ଜୀସୁ ଡାଣା ଖାହାନା ଏଲେଇଚେରି, ପାରୁସିୟାଁ ଇ କାତା ଖେଞ୍ଜାନା କସୁ ବେଟାଆହି ମାନେରି ଇଦାଆଁ ନୀନୁ ପୁଞ୍ଜା ମାଞ୍ଜିକି? ୧୩ ସାମା ଜୀସୁ ଏଲେଇଚେସି, “ନା ଲାକପୁରୁତି ଆବା ଆମିନି ମାର୍ନୁ ଉହା ହିଲଅସି ଏ ବାରେ ରେଖି ଆନୁ ।” ୧୪ ପାରୁସିୟାଁ କାତା ଖେନାଆଦୁ, ଏଖାରି କାଣାୟାଁ ଆହାନା କାଣାୟାଁଇଁ ଜିରୁ ଡିହନେରି, ଇଞ୍ଜି କାଣା ଅର କାଣାଇଁ ଜିରୁ ଡିପୁହିଁ ରିଆରି ଜିକେଏ

ଗାଡ଼ମୁତା ଚରୁଗିନେରି । ୧୫ ପିତର ଏଲେଇରେସି, “ଏ ପୁଣ୍ଡିକିନି କାତା  
 ମାଡ୍ଡେ ଖେସ୍ତାମୁ ।” ୧୬ ଜୀସୁ ଏଲେଇରେସି, “ମୀରୁ ଜିକେଏ ନୀଏଁ ପାତେକା  
 ପୁନାଆ ଗାଟାଚେରି?” ୧୭ ଏନାୟି ଗୁଡିଟି ହୁଡ୍ନେ ଏଦି ବାଣ୍ଡିତା ହାଜାନା  
 ଏଦି ବାଣ୍ଡିହାନିଲେହେଁ ହୁଚା ହାନେ, ଇଦାଆଁ ପୁଞ୍ଜି ହିଲଅତେରି? ୧୮ ସାମା  
 ଗୁଡିଟି ଏନାୟି ହୁଡିମାନେ ଏଦି ହିୟାଁଟି ହୁଡିମାନେ ଏଦିଏ ମାଣ୍ଡିଇଁ ଲାଗେଏ  
 କିହିମାନେ । ୧୯ ଇଡିହିଁ ହିୟାଁଟି ଲାଗେଏତି ଅଣ୍ଡୁ ହୁନେ, ଇଡିହିଁ ଲକୁଣି  
 ପାୟିନାୟି, ଦାରି କାମା କିୟାଲି, ଲାଗେଏ ପୁଲେଏ କାମା କିହାଲି, ସରୁ କାମା  
 କିହାଲି, ମିଟି ସାକି ହାହାଲି ଇଞ୍ଜିଁ ନିନ୍ତୁ କାତା ଜଲାଇ; ୨୦ ଇ ବାରେ କାମା  
 ମାଣ୍ଡିଇଁ ଲାଗେଏ କିନେ, ସାମା କେୟୁ ନରୁଆନା ତିନାୟି ମାଣ୍ଡିଇଁ ଲାଗେଏ  
 କିଏ । ୨୧ ଜୀସୁ ଏ ଗାୟୁ ପିସାନା ସର ଅଡେ ସିଦନ ରାଜିତା ହାଚେସି । ୨୨  
 ଅଡେ ମେହୁଦୁ ଏ ହାନ୍ତିଟି କିଶାନ ଦେସାତି ର ଇୟା ଖାହାନା କାଜା ଗିୟାଁତଲେ  
 ଏଲେଇଚେ, “ଏ ପ୍ରବୁ ଦାଖୁଦ ମୀରୁଏଶାତି ନାଡ୍ଡେ କାର୍ମା ମେସ୍ତାମୁ ଇଡିହିଁ  
 ନା ମାଡ୍ଡୁନି ହାରେକା ଆଜିହୁପେତି ବୁରୁ ଆସାନା କସ୍ତୁ ଆହିମାନେ ।” ୨୩  
 ସାମା ଜୀସୁ ଏଦାନି ର ପଦୁ ଜିକେଏ ଜଲାଇଆଚେସି । ଇଞ୍ଜିଁ ତାନି ସୀସୁୟାଁ  
 ଖାହାନା ଏଖାଶାଇଁ ଏଲେଇଚେରି, “ଇଦାନି ହେଲ ହାହାନା ପାଣ୍ଡାବୁହୁମୁ,  
 ଏନାଆଁତାକି ଇଡିହିଁ ଇଦି ମା ଜେଚ କାଲ୍ଡି ଆହିମାନେ!” ୨୪ ସାମା ଜୀସୁ  
 ଏଲେଇଚେସି, “ନାନୁ ଇସ୍ତାୟେଲ କୁଡାତା ଜାଡ୍ଡୁମାନି ମେଣ୍ଡାୟାଁ ପିସ୍ପେ  
 ଅଡେ ଆମ୍ବାଆରି ତାଶା ପାଣ୍ଡୁଞ୍ଜି ଆହାହିଲଅଁ ।” ୨୫ ଏ ଇୟା ଖାହାନା ଜହରା  
 କିହାନା ଏଲେଇଚେ, “ଏ ପ୍ରବୁ ନାଡ୍ଡେ କାର୍ମା ମେସ୍ତାମୁ ।” ୨୬ ସାମା ଜୀସୁ  
 ଏଲେଇଚେସି, “ମୀରୁକା ମାସ୍କା କାଦି ଅହାନା ନେସ୍କା ତାଗେ ମେଡ୍ନାୟି  
 ନେହେଁ ଆଏ ।” ୨୭ ଏ ଇୟା ଏଲେଇଚେ, “ହାଅ ପ୍ରବୁ ଇଡିହିଁ ନେସ୍କା  
 ତାନି ସାଖୁକାରିୟାଁ ତାଶାଟି ତରୁଗାମାନି ଜୁଟା ରାନ୍ତା ପେରୁହା ତିନୁ ।” ୨୮  
 ଏଚେଟିଏ ଜୀସୁ ଏ ଇୟାନି ଏଲେଇଚେସି, “ଏ ଇୟା ନୀଦି ହାରେକା କାଜା  
 ନାମୁ ନୀ ମନ ଲେହେଁଏ ନିଡ୍ଡୁ ଆୟାପେ ।” ଏ ଦେବୁଣିଏ ତାନି ମାଡ୍ଡୁ ନେହେଁ  
 ଆଚେ । ୨୯ ଜୀସୁ ଏମ୍ବାଟିଏ ହାଜାନା ଗାଲିଲି ସାମ୍ବୁରି ତାଗେ ଖାଚେସି,  
 ଅଡେ ହରୁ ଲାକ ହାଜାନା କୁରିଚେସି । ୩୦ ଅଡେ ହାରେକା ଲକୁ ସଟାୟାଁ,  
 ଚୁଡୁଖାୟାଁ, କାଶାୟାଁ, ଗୁଲାଇୟାଁ, ହାରେକା ଲକୁଇଁ ତାମିତଲେ ତାତାନା ଜୀସୁ  
 କଡ଼ାଁ ଡ଼ଇ ଇଡିଚେରି, ଅଡେ ଏଖାସି ଏଖାରାଇଁ ନେହିଁ କିଚେସି । ୩୧ ଇଲେକିହିଁ  
 ବେବ୍ଡାୟାଁ ଜଲିମାନେରି, ଚୁଡୁଖାୟାଁ ନେହିଁ ଆହିମାନେରି, ସଟାୟାଁ ତାକି

ମାନେରି ଅଡ଼େ କାଣାୟାଁ ମେସିମାନେରି; ଇ ବାରେ ମେସାନା ଲକୁ କାବା  
 ଆଡେରି, ଇଞ୍ଜିଁ ଇସ୍ରାୟେଲତି ମାହାପୁରୁଇଁ ଜହରା କିଡେରି । ୩୨ ଅଡ଼େ  
 ଜୀସୁ ତାନି ସୀସୁୟାଁଇଁ ତାଗେ ହାଟାନା ଏଲେଇରେସି, “ଇ ବାରେ ଲକୁତାକି  
 ନାଡ଼େ କାର୍ମା ହୁଡିମାଞ୍ଜାନେ, ଏନାଆଁତାକି ଇତିହିଁ ଇଖାରି ତାନିଦିନା ଆଡେରିଏ  
 ନା ତଲେ ମାଞ୍ଜାମାନେରି, ଅଡ଼େ ଇଖାରି ଚାଣା ଏନାୟିସା ତିଞ୍ଜାଲି ହିଲେଏ;  
 ଇଖାରି ହାନାଟି ଜୀସୁ ହୁଡା ହାତିଲେହେଁ ଜିରୁତା ତରୁଗିନେରି, ଏନାଆଁତାକି  
 ହାକିଟି ପାଣ୍ଡାଲି ନା ମନ ହିଲେଏ ।” ୩୩ ସୀସୁୟାଁ ଏଖାଣାଇଁ ଏଲେଇରେରି,  
 “ଇରେକା ଲକୁତାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲାଆ ଟାୟୁତା ଏମ୍ପିଟି  
 ରୁଟି ପାଣ୍ଡନାୟି ।” ୩୪ ଜୀସୁ ଏଖାରାଇଁ ଖେରେସି, “ମୀ ଚାଣା ଏଚରଗଟା ରୁଟି  
 ମାନୁ?” ଏଖାରି ଏଲେଇରେରି, “ସାତାଗଟା ଇଞ୍ଜିଁ ଏଚରଗଟା ଉଣା ମୀଣ୍ଡକା  
 ମାନୁ ।” ୩୫ ଏଚେଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହୀଡେସି, ୩୬  
 ଅଡ଼େ ଜୀସୁ ଏ ସାତାଗଟା ରୁଟି ଇଞ୍ଜିଁ ମୀଣ୍ଡକାଣି ମାହାପୁରୁ ଚାଣା ଜହରା  
 କିହାନା ସୀସୁୟାଁକି ହୀଡେସି; ଏଖାରି ଲକୁତାକି ହୀଡେରି । ୩୭ ଅଡ଼େ ଲକୁ  
 ତିଞ୍ଜାମା ପାଞ୍ଜିତି ଡାୟୁ, ତୀଗିତି ରୁଟି ସାତା ତାଲି ହାରିତାଣି କୁଡ଼ି କିଡେରି ।  
 ୩୮ ରୁଟି ତିତି ଲକୁ ଇୟାସିକା ଅଡ଼େ ଉଣା କକାରି ପଦାଣି ପିସାନା ସାରି ମାଣା  
 ଆବାୟାଁ ମାରେରି । ୩୯ ଏଚେଟିଏ ଏଖାସି ଲକୁଣି ହେଲ ହୀହାନା ତଂଗତା  
 ହୁଚାନା ମଗଦାନ ହାନୁଡ଼ା ଖାଡେସି ।

**୧୭** ଏଚେକା ପାରୁସି ଅଡ଼େ ସାଦୁକିୟାଁ ଜୀସୁ ଚାଣା ଖାହାନା ତାୟିପାରି  
 କିହାଲି, ମାଡ଼େ ହାଗୁ ଲାକଟି ର ସିନା ତସ୍ତାମୁ ଇଞ୍ଜିଁ ବାଡିମାଲିଡେରି । ୨  
 ସାମା ଜୀସୁ ଏଖାରାଇଁ ଏଲେଇରେସି, “ମିଡୁଆଲା ବେଲା ଏଲେଇଞ୍ଜେରି,  
 ଓଏ କାରା ଆନେ, ଇତିହିଁ ହାଗୁ ଗାଦ୍‌ଗା ଆହାମାନେ ।” ୩ ଅଡ଼େ ଲାଇ  
 ବେଲା ଏଲେଇଞ୍ଜେରି, ନୀଞ୍ଜୁ ପିୟୁ ଆନେ, ଇତିହିଁ ହାଗୁ ଗାଦ୍‌ଗା ଅଡ଼େ  
 ଦୁନ୍ନା ମୁଚାମାନେ । ମୀରୁ ହାଗୁଡି ପାଗା ମେସାନା ନକିତି କାତା ପୁଞ୍ଜାଲି  
 ଆଡି ମାଞ୍ଜେରି, ସାମା ନୀଏଁତି କାତା ଅଡ଼େ ସିନାୟାଁ ପୁଞ୍ଜି ହିଲଅଡେରି ।  
 ୪ ପଲ୍‌ଆ ଗାଗାରି ଇଞ୍ଜିଁ ମାହାପୁରୁଇଁ ଅଣ୍ଡାଆଗାଟି କୁଡ଼ାତାରି ସିନାୟାଁ  
 ପାରିନେରି, ସାମା ଜୁନସତି ସିନା ପିସ୍‌ପେ ଅଡ଼େ ଏଚକାତି ସିନା ଏଖାରାକି  
 ହୀପକି ଆଏ, ଇଞ୍ଜିଁ ଏଖାସି ଏଖାରାଇଁ ପିସାନା ହାଡେସି । ୫ ସୀସୁୟାଁ  
 ସାମ୍‌ଦୁରି ଆତାଲା ହାଜାନା ସିନିକିଡେରି, ଏଖାରି ରୁଟି ଅହାଲି ବାଣା ଆହା  
 ହାଜାମାନେରି । ୬ ଜୀସୁ ଏଖାରାଇଁ ଏଲେଇରେସି, “ଜାଗ୍ରାତା ଆଦୁ, ପାରୁସିୟାଁ

ଅଡ଼େ ସାଦୁକିୟାଁ ପୁଲା ଏୟୁଟି ଜାଗ୍ରାତା ଆହାଁ ମାଞ୍ଜୁ ।” ୭ ଏମ୍ପାଟିଏ ଏଞ୍ଜାରି  
 ତାମ୍ବୁ ତାମ୍ବୁଏ ଜଲ୍‌କି ଆହାଲି ମାଟ୍‌ହେରି, “ମାର ରୁଟି ତାତା ହିଲାଆୟି  
 ଇଞ୍ଜି ଏଞ୍ଜାସି ଏଲେଇଞ୍ଜିମାଞ୍ଜୁନେସି ।” ୮ ସାମା ଜୀସୁ ଏଦାଆଁ ପୁଞ୍ଜାନା  
 ଏଲେଇଚେସି, “ଆଡ଼େ ଉଣା ନାମ୍ବୁ ଗାଟାଚେରି, ମୀ ବିତ୍ରା ରୁଟି ହିଲେଏ  
 ଇଞ୍ଜି ଏନାଆଁତାକି ଖେସ୍‌ପି ଆହିମାଞ୍ଜେରି? ୯ ମୀରୁ ନୀଏଁ ପାଚେକା ପୁଞ୍ଜି  
 ହିଲଅଚେରି? ଏ ପାସାମାଣା ଲକ୍ଷୁତି ପାସାଗଟା ରୁଟି ଡିକ୍‌ହାନା ହୀହା  
 ମାଚେଏଁ, ଇଞ୍ଜି ମୀରୁ ଏଚର ତାଲି ହାରିତାଣି କୁଡ଼ି କିଚେରି, ୧୦ ଇଞ୍ଜି ଏ  
 ସାରି ମାଣା ଲକ୍ଷୁତି ସାତା ଗଟା ରୁଟି, ଇଞ୍ଜି ଏଚର ତାଲି ହାରିତାଣି କୁଡ଼ି  
 କିଚେରି, ଏ ବାରେ ମିଢ୍ଢେ ଅଣ୍‌ପୁ ହିଲେଏ? ୧୧ ନୀନ୍ତୁ ମିଢ୍ଢେ ରୁଟି କାତା  
 ଖେସାମାଞ୍ଜୁଆଚେଏଁ, ଇଦାଆଁ ଏନିକିଁ ପୁଞ୍ଜି ହିଲଅଚେରି? ସାମା ପାରୁସିୟାଁ  
 ଅଡ଼େ ସାଦୁକିୟାଁ ପୁଲା ଏୟୁଟି ଜାଗ୍ରାତା ଆହାନା ମାଞ୍ଜୁ ।” ୧୨ ଏଞ୍ଜାସି ରୁଟି  
 ତାକି ଲଡ଼ାମାନି ପୁଲା ଏୟୁଟାକି ଜାଗ୍ରାତା ଆହାନା ମାଞ୍ଜୁଲି ଖେହ୍‌ଆନା,  
 ପାରୁସିୟାଁ ଅଡ଼େ ସାଦୁକିୟାଁ ଜାପ୍‌ନି ତାଣାଟି ଜାଗ୍ରାତା ଆହାଁ ମାଞ୍ଜୁଲି ଏଞ୍ଜାରାଇଁ  
 ଖେସାମାଚେସି, ଏଦାଆଁ ଏଞ୍ଜାରି ଏଚିବେଲା ପୁଚେରି । ୧୩ ତାୟୁ ଜୀସୁ  
 କାୟିସରିୟା ପିଲିପି ରାଜିତା ଖାହାନା ତାନି ସୀସୁୟାଁଇଁ ଖେଚେସି, “ମାଣ୍‌ସି  
 ମୀର୍‌ଏସି ଆମ୍ପାଆସି ଇଞ୍ଜି ଲକ୍ଷୁ ଖେସିମାନେରି?” ୧୪ ଏଚେଟିଏ ଏଞ୍ଜାରି  
 ଏଲେଇଚେରି, “ଆମ୍ପା ଆମ୍ପାଆରି ବାପ୍‌ପୁସ୍ତ ହାନି ଜହନ, ଆମ୍ପା ଆମ୍ପାଆରି  
 ଏଲିୟ, ଅଡ଼େ ଆମ୍ପା ଆମ୍ପାଆରି ଜିରିମିୟ ଆଆଟିଁ ମାହାପୁରୁ ଅଣ୍‌ପୁତି ବଲୁ  
 ଖେହ୍‌ନାରି ତାଣାଟି ରଅସି ।” ୧୫ ଜୀସୁ ଏଞ୍ଜାରାଇଁ ଖେଚେସି, “ସାମା ନୀନ୍ତୁ  
 ଆମ୍ପାଆଚେଏଁ ଇଞ୍ଜି ମୀରୁ ଖେସିମାଞ୍ଜେରି?” ୧୬ ସିମନ ପିଚର ଏଲେଇଚେସି,  
 “ନୀନ୍ତୁ କ୍ରୀସ୍ତ, ଜୀଞ୍ଜୁଗାଟି ମାହାପୁରୁ ମୀର୍‌ଏଗାଟି ।” ୧୭ ଏଚେଟିଏ ଜୀସୁ  
 ଏଞ୍ଜାଣାଇଁ ଏଲେଇଚେସି, “ଏ ଜୁନସ ମୀର୍‌ଏଗାଟି ସିମନ, ନୀନ୍ତୁ ନେହେଁ,  
 ଇଚିହିଁ ମାଣ୍‌ସି ନୀ ତାଣାଟି ଇଦାଆଁ ଖେକ୍‌ହାମାଞ୍ଜୁଅସି, ସାମା ନା ଲାକପୁରୁତି  
 ଆବା ଖେକ୍‌ହାମାଞ୍ଜୁନେସି । ୧୮ ଅଡ଼େ ନୀନ୍ତୁ ଜିକେଏ ନିଢ୍ଢେ ଖେସିମାଞ୍ଜୁଇଁ,  
 ନୀନ୍ତୁ ପିଚରତି, ଇଞ୍ଜି ଇ ଖାଲି ଲାକ ନୀନ୍ତୁ ନା କୁଲମିତି କେପିଇଁ, ଅଡ଼େ  
 ହାକିତି ବାଡ଼୍‌ୟୁ ଏଦାଆଁ ମ୍ଲୋକ୍‌ହାଲି ଆଡେଏ । (Hades ୨86) ୧୯ ନୀନ୍ତୁ ନିଢ୍ଢେ  
 ଲାକପୁରୁତି କୁଟିକାଡ଼ି ହିୟାଇଁ, ଅଡ଼େ ନୀନ୍ତୁ ଦାର୍‌ତିତା ଏନାଆଁ ସୁଣ୍ଡି, ଏଦି  
 ଲାକପୁରୁ ରାଜି ଜିକେଏ ସୁଣ୍ଡି ଆନେ, ଅଡ଼େ ଦାର୍‌ତିତା ଏନାଆଁ ଦେଏଦି  
 ଏଦି ଲାକପୁରୁ ଜିକେଏ ଦେପି ଆନେ ।” ୨୦ ଏଚିବେଲା ଏଞ୍ଜାସିଏ କ୍ରୀସ୍ତ ଇଞ୍ଜି



ଆତ୍ମାଆରାଜ୍ଞି ଖେଦୁଆଦୁ ଇଚ୍ଛା ଏହାସି ତାନି ସୀୟୁୟାଣି ଜାଣେ କିହିଁ ହୁକୁମି ହୀତେସି । ୨୧ ଏତିବେଲାଟିଏ ଜୀସୁ ତାନି ସୀୟୁୟାଣି ଖେସାଲି ମାଟ୍‌ହେସି, ନାନୁ ଜିରୁସାଲମତା ହାନାୟିମାନେ, ଇଚ୍ଛା ପ୍ରାତିନାଟ୍ଟା, କାଜା ପୁଜେରାଟ୍ଟା ଅଡ଼େ ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଚ୍ଛା ତାନି ଦିନାଟିଏ ଖେଣ୍ଡେ ନିଢ଼ୁନାୟି ମାନେ । ୨୨ ଏଚେଟିଏ ପିତର ଏହାଣାଇଁ ଅରଖାକି ଅହାନା ଲାଗାନା ଏଲେଇଚେସି, “ଏ ପ୍ରବୁ ମାହାପୁରୁ ନିଢ଼ୁ କାର୍ମା ଆୟାପେସି, ଇଲେତାୟି ନିଢ଼େ ଏଚେଲାଖା ଆୟାଆପେ ।” ୨୩ ସାମା ଜୀସୁ ଡାୟୁଖାକି ସିନିକିହାନା ପିତରଇଁ ଏଲେଇଚେସି, “ଏ ସୟତାନ ନା ତାଣାଟି ହେକ ଆମ୍ବୁ ନାନୁ ନା ସାରୁ ଲେହେଁ, ଇଚିହିଁ ନାନୁ ମାହାପୁରୁ କାତା ଅଶ୍‌ପାଆନା ମାଣ୍‌ସିତି କାତା ଅଶ୍‌ପିମାଞ୍ଜି ।” ୨୪ ଏତିବେଲା ଜୀସୁ ତାନି ସୀୟୁୟାଣି ଏଲେଇଚେସି, “ଆତ୍ମାଆସି ନା ଜେଚ ତାକାଲି ମନ କିଚିହିଁ, ଏହାସି ତାନୁଏ ତାଢ଼େ ଅପାକତାଆନା ତାନି କୁସ ଡେକାନାହିଁ ନା ଜେଚ ତାକାପେସି । ୨୫ ଇଚିହିଁ ଆତ୍ମାଆସି ତାନି ଜୀସୁ ନୀଟ୍‌ହା କତାଲି ମନ କିନେସି, ଏହାସି ହାଞ୍ଜି କିନେସି; ସାମା ଆତ୍ମାଆସି ନା ତାକି ତାନି ଜୀସୁ ହାନେସି ଏହାସି ନୀଟ୍‌ହା କତିନେସି । ୨୬ ଅଡ଼େ ମାଣ୍‌ସି ଇ ଦାର୍‌ତିତା ମାନାଣି ବାରେ ମେଡ଼ି କିହାନା ତାନି ଜୀସୁତି ହାଞ୍ଜି କିନେସି, ଆତିହିଁ ଏହାଣାକି ଏନି ଲାବା, ଇଚ୍ଛା ମାଣ୍‌ସି ତାନି ଜୀସୁତି ବାଦୁଲି ଏନାଆଁ ହାନେସି? ୨୭ ଇଚ୍ଛା ମାଣ୍‌ସି ମୀର୍‌ସସି ତାନି ଆବାତି ଗାଞ୍ଜୁରମିତି ତାନି ଦୂତୁୟାଁ ତଲେ ଖାନେସି, ଏତିବେଲା ଏହାସି ବାରେ ଲକୁକି ତାନି କାମାତି ଲେକା ତଲେ ପାଡ଼େୟି ହାନେସି । ୨୮ ନାନୁ ମିଢ଼େ ସାତା ଖେସିମାଞ୍ଜାଇଁ, ମାଣ୍‌ସି ମୀର୍‌ସସି ତାନି ରାଜିତା ରାଜାଆହିଁ ଖାନାଣି ମେହ୍‌ଆ ପାତେକା ଇମ୍‌ପାଆଁ ମାନି ଲକୁ ବିତ୍ରାଟି ଏଚରଜାଣା ହାଅରି ।”

**୧୭** ଜୀସୁ ସ୍‌ ଦିନା ଡାୟୁ ପିତର, ଜାକୁବ, ଅଡ଼େ ତାନି ତାୟି ଜହନଇଁ ଏଚ୍‌କା କିହାନା ଏହାଣାଇଁ ର ପାତାଆତି ହ୍‌ରୁ ଲାକ ଅତେସି । ୧ ଅଡ଼େ ଏହାସି ଏହାରି ନକିତା ତାନି ଖାଣା ବାଦ୍‌ଲଖି ଆହାନା ତାନି ମୁମୁ ଖେଡ଼ାଲେହେଁ ଉଜେଡ଼ି ଇଚ୍ଛା ତାନି ହିମ୍‌ରି ଉଜେଡ଼ି ଲେହେଁ ଦବ୍‌ଲା ଆତେ । ୩ ଇଚ୍ଛା ମେହ୍‌ଦୁ ମସା ଅଡ଼େ ଏଲିୟୁ ଜୀସୁତଲେ କାତା ଆହିମାଚାଣି ମେସ୍‌ପେରି । ୪ ଏମ୍‌ପାଟିଏ ପିତର ଜୀସୁଇଁ ଏଲେଇଚେସି, “ଏ ପ୍ରବୁ ମାର ଇ ଟାୟୁତା ମାନାୟି ନେହେଁ; ନୀ ମନ ଆତିହିଁ ନାନୁ ଇମ୍‌ପାଆଁ ତାନିଗଟା ଗୁଡ଼ାୟାଁ କେପିଇଁ, ନିଢ଼େତାକି ରଣ୍ଡାଆଁ ମସାକି ରଣ୍ଡାଆଁ ଇଚ୍ଛା ଏଲିୟୁକି ରଣ୍ଡାଆଁ ।” ୫ ଇ କାତା ଖେସ୍‌ପନିଏ

ମେହଦୁ ଇଚାୟି ହାଗୁ ଖାହାନା ଏଞ୍ଜରାଇଁ ପୁକ୍‌ହେ, ଇଞ୍ଜି ଏ ହାଗୁଟି ଇ  
 ହାତା ଖେଢ଼ିତେ, “ଇଞ୍ଜାସି ନା ଜୀଞ୍ଜୁଟି ମୀରୁଏସି ଇଞ୍ଜାଣି ତାଣେଏ ନା ରାହାଁ  
 ମାନେ, ଇଞ୍ଜାଣି ବଲୁ ଖେଞ୍ଜୁ ।” ୭ ଇ ହାତା ଖେଞ୍ଜୁହାଁ ସୀସୁୟାଁ ମୁନୁ କୁଟିହିଁ  
 ରୀତେରି ଇଞ୍ଜି ହାରେକା ଆଜିତେରି । ୮ ଏମ୍ପାଟିଏ ଜୀସୁ ଖାହାନା ଏଞ୍ଜରାଇଁ  
 ତୀଗାନା ଏଲେଇରେସି, “ନିଢ଼ୁଦୁ ମୀରୁ ଆଜାଆଦୁ ।” ୮ ଇଞ୍ଜି ଏଞ୍ଜାରି ଲାକ  
 ସିନିକିହାଲିଏ ଜୀସୁ ପିସ୍‌ପେ ଆମ୍ପାଆରାଇଁ ମେହୁଆତେରି । ୯ ଏଞ୍ଜାରି ହୁରୁ  
 ଲାକଟି ରେତା ଖାହିମାତାଟି ଜୀସୁ ଏଞ୍ଜରାଇଁ ହୁକୁମି ହାହାନା ଏଲେଇରେସି,  
 “ମାଣ୍‌ସି ମୀରୁଏସି ହାତାରି ତାଣାଟି ନିଢ଼ୁଆ ପାତେକା ଇ ମେସାମାନି କାତା  
 ଆମ୍ପାଆରାଇଁ ଖେହୁଆତେରି ।” ୧୦ ଏଦାଆଁତାକି ସୀସୁୟାଁ ଏଞ୍ଜାଣାଇଁ ଖେରେରି,  
 “ଆତିହିଁ ନକେଏ ଏଲିୟୁ ଖାନାୟି ମାନେ ଇଞ୍ଜି ମେରାପୁନାରି ଏନାଆଁତାକି  
 ଖେସିମାନେରି?” ୧୧ ଏଞ୍ଜାସି ଏଲେଇରେସି, “ଏଲିୟୁ ଖାହାନା ବାରେ ଅଡ଼େ  
 ଖେଣ୍ଡେ ଇତିନାୟି ସାତା” ୧୨ ସାମା ନାନୁ ମିଢ଼େ ଖେସିମାଞ୍ଜାଇଁ, “ଏଲିୟୁ ଖାହା  
 ରାତେସିଏ, ସାମା ଲକୁ ଏଞ୍ଜାଣାଇଁ ପୁନାଆନା ଏନିକିହାଲି ମନ ଏଲେକିତେରି  
 । ଏଲେକିହିଁଏ ମାଣ୍‌ସି ମୀରୁଏସି ଜିକେଏ ଏଞ୍ଜାରି କେୟୁତା ଦୁକୁ ବେଟାଆହାଲି  
 ହାଜିମାନେସି ।” ୧୩ ଏତିବେଲା ଏଞ୍ଜରାଇଁ ବାପୁସ୍ତ ହାନି ଜହନତି କାତା  
 ଖେସିମାନେସି, ଏତିବେଲା ସୀସୁୟାଁ ପୁରେରି । ୧୪ ତାୟୁ ଏଞ୍ଜାରି ଲକୁତାଣା  
 ଖାହାଲିଏ, ରଅସି ଜୀସୁ ତାଣା ଖାହାଁ ମେଣ୍ଡାକୁତାନା ଏଲେଇରେସି, ୧୫  
 “ପ୍ରବୁ ନା କକାଣାଇଁ କାର୍ମା ମେହୁମୁ, ଇତିହିଁ ଏଞ୍ଜାସି କାଟିଖେନି ନମେରି  
 ତାକି ହାରେକା କସୁ ଆହିମାନେସି, ଏଞ୍ଜାସି ଏଚର ପାଲି ହିରୁତା ଅଡ଼େ  
 ଏୟୁଣାଁ ତରୁଣା ହାଜିମାନେସି । ୧୬ ନାନୁ ମୀ ସୀସୁୟାଁ ତାଣା ଏଞ୍ଜାଣାଇଁ  
 ତାତାମାରେଏଁ, ସାମା ଏଞ୍ଜାରି ଏଞ୍ଜାଣାଇଁ ନେହିଁ କିହାଲି ଆତାଆତେରି ।”  
 ୧୭ ଜୀସୁ ଏଲେଇରେସି, “ଆଡ଼େ ନାମାଆଗାଟି ଲାଣେଏ ପଲେଏ କାମା  
 କିନି କୁଡ଼ାତାତେରି, ଏଚର କାଲା ପାତେକା ନାନୁ ମୀ ତଲେ ଡ଼ୟିଇଁ? ଏଚର  
 କାଲା ମୀ ଲେମ୍ପାନାଣି ଅର୍‌ହିଇଁ? କକାଣାଇଁ ଇମ୍ପାଆଁ ନା ତାଣା ତାଦୁ ।”  
 ୧୮ ଅଡ଼େ ଜୀସୁ ବୁରୁଇଁ ଦାକା ହାହାଲିଏ, ବୁରୁ ଏଞ୍ଜାଣାଇଁ ପିସା ହାତୁସ୍ତେ,  
 ଏ ଦେବୁଣିଏ କକାସି ନେହିଁଆତେସି । ୧୯ ଏଚେଟିଏ ସୀସୁୟାଁ ମେଣେଏ  
 ଜୀସୁ ତାଣା ଖାହାନା ଏଲେଇରେରି, “ମାମୁ ଏନାଆଁତାକି ଏ ବୁରୁ ପିସ୍‌ପି  
 କିହାଲି ଆତାଆତମି?” ୨୦ ଏଞ୍ଜାସି ଏଞ୍ଜରାଇଁ ଏଲେଇରେସି, “ମୀ ଉଣା ନାମୁ  
 ତାକି, ଇତିହିଁ ନାନୁ ମିଢ଼େ ସାତା ଖେସିମାଞ୍ଜାଇଁ, ର ହାସୁଁ ପାଡ଼େୟି ସମାନା ମୀ

ନାମୁ ମାଟିହିଁ, ଇ ହରୁତି ଇମ୍ମାଟି ଏମ୍ମାଆଁ ଗୁରାଆମୁ ଇତିହିଁ, ଏଦି ଗୁରାଆନେ,  
 ଅଡ଼େ ଏନାୟି ଜିକେଏ ଆଆଗାଟାୟି ହିଲେଏ । ୨୧ ସାମା ପ୍ରାତାନା ଅଡ଼େ  
 ଉପାସା ପିସ୍‌ପେ ଅଡ଼େ ଏନି ଉପେୟିଟି ଇଲେତି ବୁରୁ ହତା ହାଲେଏ ।” ୨୨  
 ଅଡ଼େ ଏଞ୍ଜାରି ଗାଲିଲିତା ରୁଣ୍ଡା ଆଡି ବେଲ୍‌ତା ଜୀସୁ ଏଞ୍ଜାରାଇଁ ଖେସ୍‌ସେସି,  
 “ମାଣ୍ଡସି ମୀରୁଏସି ମାଣ୍ଡସିୟିଁ କେୟୁତା ହେରୁପି ଆହାଲି ହାଜିମାନେସି, ୨୩  
 ଇଞ୍ଜିଁ ଏଞ୍ଜାରି ଏଞ୍ଜାଣାଇଁ ପାୟିନେରି; ଅଡ଼େ ତାନି ଦିନାଟିଏ ଏଞ୍ଜାସି ଖେଣ୍ଡେ  
 ନିଢ୍ଢିନେସି ।” ଏଚେଟିଏ ଏଞ୍ଜାରି ହାରେକା ଦୁକୁ ଆଡେରି । ୨୪ ଏମ୍ମାଟିଏ  
 ଏଞ୍ଜାରି କପରୁନାହୁମତା ଖାହାଲିଏ ମାହାପୁରୁ ଇଲୁତି ସିସୁ ରାହ୍‌ନାରି ପିତରଇଁ  
 ଖାହାନା ଖେଚେରି, “ମୀ ଗୁରୁ ମାହାପୁରୁ ଇଲୁତାକି ସିସୁ ହାଅସିକି?” ୨୫  
 ପିତର ଏଲେଇଚେସି, “ହାଅ ହାନେସି ।” ଅଡ଼େ ଏଞ୍ଜାସି ଇଜ ଖାହାଲିଏ ଜୀସୁ  
 ନକେଏ ଏଞ୍ଜାଣାଇଁ ଏଲେଇଚେସି, “ସିମନ ନୀ ଅଣ୍‌ପୁ ଏନାୟି, ଦାରୁତିତି  
 ରାଜାୟିଁ ଆମ୍ମାଆରି ତାଣାଟି ସିସୁ ରାହ୍‌ନେରି, ଏଞ୍ଜାରି ମୀରୁକା ତାଣାଟି କି  
 ଏଟ୍‌କା ଦେସାତି ଲକୁ ତାଣାଟି?” ୨୬ ଏଞ୍ଜାସି ଏଟ୍‌କା ଦେସାତି ଲକୁ ତାଣାଟି  
 ଏଲେଇଞ୍ଜାଲିଏ, ଜୀସୁ ଏଞ୍ଜାଣାଇଁ ଏଲେଇଚେସି, “ଆତିହିଁ ମୀରୁକା ହିୟାଲି  
 ଲଡ଼ାଆଏ ।” ୨୭ ସାମା ମାର ଏନିକିଁ ଏଞ୍ଜାରାକି ବାଦା ହାନାଟାୟି ଆଆୟି,  
 ଏଦାଆଁତାକି ସାମ୍‌ଦୁରିତା ହାଜାନା କାଟା ମେଟ୍‌ମୁ, ଇଞ୍ଜିଁ ତଲିଏ ଆମିନି ମୀନୁ  
 ଆହ୍‌ଦି, ଏଦାଣି ଆସାନା ତାନି ଗୁଡି ଏକ୍‌ହିସାରେ ର ଖେଣ୍ଡି ଟାକା ବେଟାଆଦି;  
 ଏଦାଆଁ ଅହାନା ନାଡ଼େ ଅଡ଼େ ନିଢ୍ଢେତାକି ଏଞ୍ଜାରାକି ହୀମୁ ।

**୧୮** ଏଚିବେଲ୍‌ ସୀସୁୟିଁ ଜୀସୁ ତାଣା ଖାହାନା ଖେଚେରି, “ଆତିହିଁ ଲାକପୁରୁ  
 ରାଜିତା ଆମ୍ମାଆସି କାଜାସି?” ୧ ଏଞ୍ଜାସି ର ଉଣା କକାଣାଇଁ ତାଗେ ହାଟାହାଁ  
 ନିପ୍‌ହାନା ଏଲେଇଚେସି, ୩ “ନାନୁ ମିଢ୍ଢେ ସାତା ଖେସିମାଞ୍ଜାଇଁ, ମୀରୁ  
 ଖେଣ୍ଡେ ର ଉଣା କକାଣି ଲେହେଁ ଆଆତିହିଁ, ଏନିଜିକେଏ ଲାକପୁରୁ ରାଜିତା  
 ହତାଲି ଆଡଅଡେରି । ୪ ଇଦାଆଁତାକି ଆମ୍ମାଆସି ଇ ଉଣା କକାଣି ଲେହେଁ  
 ତାଡ଼େତାକି ଉଣା କିହାକତିନେସି, ଏଞ୍ଜାସି ଲାକପୁରୁ ରାଜିତା କାଜାସି । ୫  
 ଅଡ଼େ ଆମ୍ମାଆସି ଜିକେଏ ନା ଦରୁତି ଇ ଉଣା କକାଣାଇଁ ଆବିନେସି, ଏଞ୍ଜାସି  
 ନାଡ଼େ ଆବାନେସି ।” ୬ “ସାମା ଆମ୍ମାଆସି ଜିକେଏ ନା ତାଣା ନାମାମାନି ଇ  
 ଉଣାୟିଁ ବିତ୍ରାଟି ରଅଣାଇଁ ତାୟିପାରି କିହାଲି ପାପୁ କିଞ୍ଜି କିନେସି, ଏଞ୍ଜାଣି  
 ହେରୁକିତା ର କାଜା ଜେତାଖାଲି ଦସାନା ସାମ୍‌ଦୁରିତି କୁରୁନି ଏୟୁଣାଁ ମେଟ୍‌ହିଁ  
 ଏଞ୍ଜାଣାକି ନେହେଁ ଆଡେମା । ୭ ଆୟୁତା, ଦାରୁତିତି ଲାଗେଏ କିନାକି ତଣ୍ଡୁ

ବେଟା ଆନାଦେରି; ଲାଗେଏ ଆନାୟି ସାତେଏ ଆନେ, ଆୟତା ଆମିନି ଲକ୍ଷ୍ମ  
ତାଣାଟି ଲାଗେଏ ଆନେ ଏଞ୍ଜାସି ତଣ୍ଡ ବେଟା ଆନେସି।” ୮ “ମୀ କେୟୁ କି  
କତା ମିଡ୍ରେ ପାପୁ କିଞ୍ଜିକିୟାନେ, ଇତିହିଁ ଏଦାଆଁ ରାତ୍‌ହାନା କୁତାନ୍ତୁ, ରୀ  
କେୟା ଅଡେ ରୀ କତାୟି ଆସାନା କାଲାକାଲା ଡ଼ାଞ୍ଜିମାନି ହିରୁତା ହଡ୍‌ନି  
କିହିଁ କଲା ଅଡେ ସଟା ଆହାନା କାଲେଏତି ଜୀଞ୍ଜୁ ବେଟାଆହାନା ମାହାପୁରୁ  
ରାଜିତା ହାନାୟି ମିଡ୍ରେତାକି ନେହେଁ । (aiōnios g166) ୯ ଅଡେ ମୀ କାନୁ  
ମିଡ୍ରେ ଲାଗେଏ କିଞ୍ଜିକିୟାତିହିଁ, ଏଦାଆଁ ଡେଞ୍ଜା କୁତାନ୍ତୁ: ରୀ କାଶ୍‌କା ଆସାନା  
କାଲେଏ ଡ଼ାଞ୍ଜିମାନି ହିରୁ ଗାଡ୍‌ୟୁତା ମେଦିନି କିହିଁ ର କାନୁ ତଲେ କାଲେଏତି  
ଜୀଞ୍ଜୁ ବେଟାଆହାନା ମାହାପୁରୁ ରାଜିତା ହାନାୟି ମିଡ୍ରେତାକି ନେହେଁ ।”  
(Geenna g1067) ୧୦ “ହେଣ୍ଡୁ ଇ ଉଣା କକାରି ବିତ୍ରାଟି ରଅଣାଲ୍ ଜିକେଏ  
ହୀଣି ମେହ୍‌ଆନ୍ତୁ, ଇତିହିଁ ନାନୁ ମିଡ୍ରେ ସାତା ଝେସିମାଞ୍ଜାଲ୍, ଲାକପୁରୁ ମାନି  
ଏଞ୍ଜାରି ଦୁରୁୟି ବାରେଦିନା ଲାକପୁରୁଟି ମା ଆବାତି ମୁମୁ ମେସେ ମାନୁ । ୧୧  
ଇତିହିଁ ଏନାୟି ଜାଢ୍ଝାମାନେ ଏଦାଆଁ ପାରାନା ଗେଲ୍‌ପାଲି ମାଣ୍‌ସି ମୀରୁଏସି  
ଞ୍ଜାହାମାନେସି ।” ୧୨ “ମୀରୁ ଏନାଆଁ ଅଶ୍‌ପିମାଞ୍ଜେରି? ରଅଣାକି ପାସାକଡ଼ି  
ମେଣ୍ଡାୟି ମାତିହିଁ, ଏଞ୍ଜାସିକା ବିତ୍ରାଟି ରଣ୍ଡି ଜାଢ୍ଝାହାନେ, ଇଞ୍ଜା ରଣ୍ଡି ଉଣା  
ପାସାକଡ଼ି ମେଣ୍ଡାୟି ହରୁତା ପିସାନା ଏଞ୍ଜାସି ହାଜାନା ଏ ଜାଢ୍ଝାମାନି ମେଣ୍ଡାଟି  
ପାରଅସି? ୧୩ ଅଡେ ଏଞ୍ଜାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଡ୍ରେ  
ସାତା ଝେସିମାଞ୍ଜାଲ୍, ଜାଢ୍ଝା ହିଲାଆଗାଟି ରଣ୍ଡି ଉଣା ପାସାକଡ଼ି ମେଣ୍ଡାୟି  
କିହିଁ ଜାଢ୍ଝାମାନି ର ମେଣ୍ଡା ତାକି ହାରେକା ରାହିଁ କିନେସି । ୧୪ ଏଲେକିହିଁଏ  
ଇ ଉଣାୟି ବିତ୍ରାଟି ରଣ୍ଡି ଜିକେଏ ନସ୍ତୁ ଆଆପେ ଇଞ୍ଜା ମୀ ଲାକପୁରୁଟି  
ଆବାତି ମାନ ।” ୧୫ “ନୀ ତାୟି ପାପୁ କିତିହିଁ, ନୀରୁ ଏଞ୍ଜାଣାଲ୍ ମେଣେଏ  
ଏଲେକିଆନି ଇଞ୍ଜା ଝେସାନା ତାନି ପାପୁ ତହ୍‌ମୁ: ଏଞ୍ଜାସି ନୀ କାତା ଆସିହିଁ ନୀରୁ  
ଏଞ୍ଜାଣାଲ୍ ନୀ ତାୟିଲେହେଁ ଝେଣ୍ଡେ ବେଟାଆଦି । ୧୬ ସାମା ଏଞ୍ଜାସି ନୀ କାତା  
ଝେନାଆତିହିଁ, ନୀ ତଲେ ରଅଣାଲ୍ କି ରିଆରାଲ୍ ଅହିହିଁ ହାଲାମୁ, ଏନିକିହିଁ  
ରିଆରି କି ତାନି ଜାଣା ସାକିୟି ନକିତା ବାରେ କାତା ତାରି ଆନେ । ୧୭  
ଏଞ୍ଜାସି ଏଞ୍ଜାରି କାତା ଜିକେଏ ଆହ୍‌ଆତିହିଁ କୁଲମିତି ଝେହ୍‌ମୁ, ଅଡେ ଜିକେଏ  
କୁଲମି କାତା ଝେନଅସି, ଆତିହିଁ ଏଞ୍ଜାସି ମୀ କାନୁତା ଜୀହୁଦିଆଆତାରି କି  
ସିସୁ ରୀହ୍‌ନାରି ଲେହେଁ ଆପେସି ।” ୧୮ “ନାନୁ ମିଡ୍ରେ ସାତା ଝେସିମାଞ୍ଜାଲ୍,  
ମୀରୁ ଦାର୍‌ତିତା ଏନାଆଁ ସୁଣ୍ଡିଦେରି, ଲାକପୁରୁ ଜିକେଏ ସୁଣ୍ଡିକିଆନେ, ଅଡେ

ଦାର୍ତ୍ତିତା ଏନାଆଁ ହେଲ ହୃଦେରି, ଲାକପୁରୁ ଜିକେଏ ହେଲ ହୃଦିଆନେ  
 ।” ୧୯ “ଅଡ଼େ ମିଢ଼େ ସାତା ଝେସିମାଞ୍ଜାଲ୍, ଦାର୍ତ୍ତିତା ମୀ ବିଦ୍ରାଟି ରିଆରି  
 ରଣ୍ଡିଏ ମନ ଆହାନା ଏନାଆଁ ଜିକେଏ ରାସ୍ତିହ୍ ଏଦି ଲାକପୁରୁଟି ଆବା ଡାଣାଟି  
 ଏଞ୍ଜାରାକି ହୃଦିଆନେ । ୨୦ ଇତିହ୍ ଏମ୍ବିୟା ରିଆରି କି ତାନି ଜାଣା ନା  
 ଦରୁତଲେ ରୁଣ୍ଡା ଆନେରି ଏମ୍ବିଆଁ ନାନୁ ଏଞ୍ଜାରିତଲେ ମାଇଁ ।” ୨୧ ଏତିବେଲା  
 ପିତର ଜୀସୁ ତାଣେ ଝାହାନା ଝେରେସି, “ଏ ପ୍ରବୁ ନା ତାୟି ଏତର ପାଲି  
 ନା କପାଟି ପାପୁ କିତିସାରେ ନାନୁ ଏଞ୍ଜାଣି ପାପୁ ମ୍ଲେକ୍‌କ୍‌?” ୨୨ ସାତା  
 ଦେବା ପାତେକା କି? ଜୀସୁ ଏଞ୍ଜାଣାଇଁ ଏଲେଇରେସି, ଝାରୁଇ ସାତା ଦେବା  
 ପାତେକା ଆଏ, ସାତା ଗୁଣୁ ତାନିକଡ଼ି ଦସ ଦେବା ପାତେକା ମ୍ଲେକ୍‌ନାୟି  
 ମାନେ । ୨୩ ଇତିହ୍ ଲାକପୁରୁ ରାଜି ତାନି ହ୍ଲିୟାଢ଼ା ତଲେ ରୀଣା ଲେକା  
 କିନି ର ରାଜା ଲେହେଁତାୟି । ୨୪ ଏଞ୍ଜାସି ଲେକା କିହାଲି ମାଟ୍‌ହାଲିଏ,  
 ତାନି ଗାରୁହା ଦସ ମାଣା ଚାକାୟି ରୀଣା ଆହାମାନି ର ହ୍ଲେଏଣାଇଁ  
 ଏଞ୍ଜାଣାଇଁ ଡାଣା ତାତେରି । ୨୫ ସାମା ଏ ବାରେ ଡିକ୍‌ହାଲି ଏଞ୍ଜାଣି ଡାଣା  
 ଏନାୟି ହିଲାଆତାକି ଏ ସାଞ୍ଜୁକାରି ଏଞ୍ଜାଣାଇଁ ଅଡ଼େ ତାନି ତକ୍‌ନି ଇଞ୍ଜିଁ ତାନି  
 କକାରି ପଦାଣି ଇଞ୍ଜିଁ ତାନି ଇଲୁଟି ଆସ୍ତି ପାର୍‌ତାନା ରୀଣା ଡିକ୍‌ହାଲି ହୁକୁମି  
 ହୃଦେସି । ୨୬ ଏତେଟିଏ ଏ ହ୍ଲେଏସି ମେଣ୍ଡାକୁତାନା ଜହରା କିହାନା  
 ଏଲେଇରେସି, ନାନୁ କାର୍‌ମାମେସାନା କାତାମୁ, ନାନୁ ନିଢ଼େ ବାରେ ଡିକ୍‌ହା  
 ତୁସ୍ତାଇଁ । ୨୭ ଏତେଟିଏ ସାଞ୍ଜୁକାରି ଏ ହ୍ଲେଏଣାଇଁ କାର୍‌ମାମେସାନା ତାନି  
 ରୀଣା ପିସ୍‌ପି କିଞ୍ଜିଆତେ ଇଞ୍ଜିଁ ତାନି ରୀଣା ମେଣ୍ଡାହାତେ । ୨୮ ସାମା ଏ  
 ହ୍ଲେଏସି ଏମ୍ବିଆଁ ପାଢ଼ୁତା ହାଜାନା ତାନିଡାଣାଟି ରୀ କଡ଼ି ଦସଟାକା ରୀଣା  
 ଅହାମାନି ତାନି ତଲେଟି ର ହ୍ଲେଏଣାଇଁ ମେସାନା ଏଞ୍ଜାଣି ହେରୁକିତା ଆସାନା  
 ଏଲେଇରେସି, ନାନୁ ଅହାମାନି ରୀଣା ଡିକ୍‌ହା ତୁସ୍ତାମୁ । ୨୯ ଏତେଟିଏ ତାନି  
 ତଲେଟି ହ୍ଲେଏସି ମେଣ୍ଡାକୁତାନା ଜହରା କିହ୍ ଏଲେଇରେସି, ନାନୁ ନାଢ଼େ  
 କାର୍‌ମାମେସାନା କାତାମୁ ନାନୁ ନିଢ଼େ ବାରେ ଡିକ୍‌ହାଇଁ ୩୦ ସାମା ଏଞ୍ଜାସି  
 ରାଜି ଆଆତେସି, ଇଞ୍ଜିଁ ରୀଣା ଡିକ୍‌ଆ ପାତେକା ଏଞ୍ଜାଣାଇଁ କାୟିଦି ଇଲୁତା  
 ସୁଣ୍ଡିତେସି । ୩୧ ଇଞ୍ଜିଁ ତାନି ତଲେଟି ହ୍ଲିୟାଢ଼ା ଏଦାଆଁ ମେସାନା ହାରେକା  
 ଦୁକୁ କିତେରି ଅଡ଼େ ହାଜାନା ସାଞ୍ଜୁକାରିଇଁ ବାରେ କାତା ଝେସ୍ତେରି । ୩୨  
 ଏମ୍ବିଆଁ ସାଞ୍ଜୁକାରି ଏଞ୍ଜାଣାଇଁ ତାଣେ ହାତାନା ଏଲେଇରେସି, ଆଡ଼େ କାମାତା  
 ଝାଆଗାଟି ହ୍ଲେଏଣାଟି ନାନୁ ନାଢ଼େ ବାତିମାଲିଏ ନାନୁ ନୀ ବାରେ ରୀଣା

ପିସ୍ତାତେଏଁ; ୩୩ ନାନୁ ଏନିକି ନିଢ୍ଢେ କାର୍ମା ଆୟାତେଏଁ, ଏଲେକିହିଁଏ ନୀନୁ ଜିକେଏ ନୀ ତଲେତି ହଲେଏଶାଲ୍ କାର୍ମାମେହ୍ନାୟି ମାତେ । ୩୪ ଅଡେ ତାନି ପୁରୁ ହାରେକା କପା ଆହାନା ବାରେ ରୀଶା ତିକ୍‌ଆ ପାତେକା ଏ ହଲେଏଶାଲ୍ କସ୍ତୁ ହୀନି ଲକୁ କେୟୁତା ହେର୍‌ପିତେସି । ୩୫ ମୀରୁ ବାରେତେରି ମୀ ବାରେ ହିୟ୍‌ତି ମୀ ତାୟିଲ୍ ତାନି ପାପୁ ମ୍ଳେକ୍‌ଆତିହିଁ ଲାକପୁରୁତି ମୀ ଆବା ଜିକେଏ ମିଢ୍ଢେ ଏଲେ କିୟାନେସି ।

**୧୯** ଜୀସୁ ଇ ବାରେ କାତା ଖେସାଲି ରାପ୍‌ହି ଡାୟୁ ଗାଲିଲି ରାଜି ପିସାନା ଜର୍ଦନ କାତା ଆତାଲାତି ଜୀହୁଦା ରାଜିତି ହାନୁତା ଏତେସି । ୨ ଇଞ୍ଜି ହାରେକା ଲକୁ ତାନି ଜେତ ହାତେରି, ଅଡେ ଏଞ୍ଜାସି ଏମ୍‌ଆଁ ଏଞ୍ଜାରି ରଗତି ନେହିଁ କିତେସି । ୩ ଏମ୍‌ଆଁଟିଏ ପାରୁସିୟ୍‌ୟ୍ ଏଞ୍ଜାଶି ତାଶା ଖାହାନା ଏଞ୍ଜାଶାଲ୍ ତାୟିପାରିକିହିଁ ଖେତେରି, “ରଅସି ଜାହାରା ତକ୍‌ନି ଏନି କାତାତାକି ଜିକେଏ ପିସାଲି ମେରା ମାନେକି?” ୪ ଜୀସୁ ଏଲେଇଚେସି, “ମୀରୁ ପଡ଼଼ି ଆହାହିଲଅତେରି? ଗାଡ଼ି କିନାସି ନକେଏଟିଏ ଏଞ୍ଜାରାଲ୍ ଇୟା ଅଡେ ଆବା କିହିଁ ଗାଡ଼ିକିତେସି, ୫ ଅଡେ ଏଦାଆଁତାକି ତକ୍‌ତା ତାଲି ତାଞ୍ଜିଲ୍ ପିସାନା ତାନି ତକ୍‌ତଲେ ଆଶ୍ଟିନେସି, ଅଡେ ଏଞ୍ଜାରି ରଶ୍ଟିଏ ଆଡ୍‌ଗ୍‌ଆନେରି, ୬ ଏଦାଆଁତାକି ଏଞ୍ଜାରି ରିଆରି ଆଏ, ସାମା ରଶ୍ଟିଏ ଆଡ୍‌ଗ୍‌ଆନେରି । ଇଞ୍ଜି ମାହାପୁରୁ ଏନାଆଁ ଆଶ୍ଟି କିହାମାନେସି, ମାଶ୍‌ସି ଏଦାଆଁ ଏଟ୍‌କା କିଆପେସି ।” ୭ ପାରୁସିୟ୍‌ୟ୍ ଏଞ୍ଜାଶାଲ୍ ଖେତେରି, “ଆତିହିଁ ମସା ଏନାଆଁତାକି ପିହିନି ଆକୁ ରାତାନା ତକ୍‌ନି ପିସାଲି ହେଲ ହାହାମାନେସି?” ୮ ଜୀସୁ ଏଞ୍ଜାରାଲ୍ ଏଲେଇଚେସି, “ଇତିହିଁ ମୀ ଆଟ୍‌ଞ୍ଜା ହିୟ୍‌ତି ମେସାନା ମସା ମିଢ୍ଢେ ମୀ ତକ୍‌ସିକାଶି ପିସାଲି ହେଲ ହିୟାତେସି, ସାମା ଗାଡ଼ିକିତି ଦିନାଟିଏ ଏଲେକିହିଁ ହିଲାଆତେ । ୯ ସାମା ନାନୁ ମିଢ୍ଢେ ଖେସିମାଞ୍ଜାଲ୍, ଆମ୍‌ଆସି ତାନି ତକ୍‌ନି ଦାରି ଦହ ହିଲାଆନା ଏନି କାତାତାକି ପିସାନା ଅର ତକ୍‌ନି ତାତିହିଁ, ଏଞ୍ଜାସି ଦାରିକାମା କିନେସି ।” ୧୦ ସୀସୁୟ୍‌ୟ୍ ଏଞ୍ଜାଶାଲ୍ ଏଲେଇଚେରି, “ତକ୍‌ନି ତଲେ ମାଶ୍‌ସିକି ଇଲେତାୟି ମାତିହିଁ, ଏଞ୍ଜାସି ବୀହା ଆଆତିହିଁ ନେହେଁ ଆତେମା ।” ୧୧ ଜୀସୁ ଏଞ୍ଜାରାଲ୍ ଏଲେଇଚେସି, “ବାରେଜାଶା ଇ କାତାତି ଆସାଲି ଆତଅରି, ଇତିହିଁ ଆମ୍‌ଆରାକି ମାହାପୁରୁ ବାଡ଼୍‌ୟୁ ହାହାମାନେସି, ଖାରୁଇ ଏଞ୍ଜାରିଦେହେଁ ଆସାଲି ଆତିନେରି । ୧୨ ଇତିହିଁ ଆମ୍‌ଆ ଆମ୍‌ଆରି ଇୟାନି ବାଶ୍ଟିଟିଏ ବୀହା ଆହାଲି ଆତାଆରେଟୁ ଜାର୍‌ନା ଆହାମାନେରି; ଇଞ୍ଜି ଆମ୍‌ଆ ଆମ୍‌ଆରି ଲକୁ ତାଶାଟି ଏଲେକିଞ୍ଜି

ଆହାମାନେରି, ଅଡ଼େ ଆମ୍ବା ଆମ୍ବାଆରି ଲାକପୁରୁ ରାଜିତାକି ତାମ୍ବା ତାମ୍ବାଏ  
 ଏଲେ ଆହାମାନେରି, ଆମ୍ବାଆସି ଏ କାତାତି ଆସାଲି ଆଡିନାସି ଆସ୍‌ପାସି  
 ।” ୧୩ ଏଚିବେଲା ଜୀସୁ କକାରି ପଦାୟା ମୁହେଁ କେୟୁ ଇଟାନା ପ୍ରାତାନା  
 କିନେସି, ଏଦାଆଁତାକି ଲକ୍ଷ୍ମି ଏଞ୍ଜରାଲ୍ ତାନି ତାଣା ତାତେରି, ସାମା ସୀସୁୟା  
 ତାତିମାତି ଲକ୍ଷ୍ମି ଦାକା ହୀତେରି । ୧୪ ସାମା ଜୀସୁ ଏଲେଇଚେସି, “କକାରି  
 ପଦାଣି ନା ତାଣା ଖିହାଲି ହୀଦୁ, ଏଞ୍ଜରାଲ୍ ଆଂଗାଆଦୁ, ଏନାଆଁତାକି ଇଚିହୁଁ  
 ଲାକପୁରୁ ରାଜି ଏଲେତାରିଖାୟି ।” ୧୫ ଅଡ଼େ ଏଞ୍ଜାସି ଏଞ୍ଜାରି ଲାକ କେୟୁ  
 ଇଟାନା ଏମ୍ବାଟି ହାଚେସି । ୧୬ ଅଡ଼େ ମେହ୍‌ଦୁ ରଅସି ଜୀସୁ ତାଣା ଖିହାନା  
 ଖେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଆମିନି ନେହୁଁ  
 କାମା କିଇଁ?” (aiōnios g166) ୧୭ ଜୀସୁ ଏଞ୍ଜାଣାଲ୍ ଏଲେଇଚେସି, “ନେହାୟି  
 ଇନି କାତାତି ନାଡ୍ରେ ଏନାଆଁତାକି ଖେଞ୍ଜିମାଞ୍ଜିଦି? ଖାର୍‌ଇ ରଅସିଏ ନେହୁଁସି;  
 ସାମା ନାନୁ ଜୀସୁ ବେଟାଆହାଲି ମନ କିଚିହୁଁ, ବାରେ ହୁକୁମି ମାନଖି ଆମ୍ବା  
 ।” ୧୮ ଏଞ୍ଜାସି ଜୀସୁଲ୍ ଏଲେଇଚେସି, “ଏନିଲେହେଁତି ହୁକୁମି?” ଜୀସୁ  
 ଏଲେଇଚେସି, “ଲକ୍ଷ୍ମି ପାୟାଆନି, ଦାରିକାମା କିଆନି, ସରୁ କିଆନି, ମିତି  
 ସାକି ହୀଆନି, ୧୯ ତାଲି ତାଞ୍ଜି କାତା ଆହ୍‌ମୁ, ନୀ ପାଡ଼ିତି ଲକ୍ଷ୍ମି ନୀ ଜୀସୁ  
 ଲେହେଁ ଜୀସୁ ନମ୍ବା ।” ୨୦ ଏ ଦାଂଗ୍‌ଶେଏସି ଜୀସୁଲ୍ ଏଲେଇଚେସି, “ନାନୁ ଇ  
 ବାରେ ମାନଖି ଆହାମାଲ୍, ନାଡ୍ରେ ଅଡ଼େ ଏନଖା ଉଣା ମାନେ?” ୨୧ ଜୀସୁ  
 ଏଞ୍ଜାଣାଲ୍ ଏଲେଇଚେସି, “ନାନୁ ନେହୁଁତି ଆହାଲି ମନ କିଚିହୁଁ, ହାଜାନାହୁଁ  
 ନୀ ବାରେ ଦନ ପାର୍‌ତାନାହୁଁ ହିଲାଆ ଗାଟାରାକି ଦାନା ହୀମୁ, ଇଞ୍ଜା ନା  
 ଜେଚ ଖାମୁ, ଏଚେଟିଏ ଲାକପୁରୁ ନାନୁ ଦନ ବେଟାଆଦି ।” ୨୨ ଇ କାତା  
 ଖେଞ୍ଜାନା ଦାଂଗ୍‌ଶେଏସି ଦୁକୁ ଆହାନା ହାଚେସି, ଇଚିହୁଁ ଏଞ୍ଜାଣାକି ହାରେକା  
 ଦନ ମାଚେ । ୨୩ ଏଚେଟିଏ ଜୀସୁ ତାନି ସୀସୁୟାଲ୍ ଏଲେଇଚେସି, “ନାନୁ  
 ମିଡ୍ରେ ସାତା ଖେସିମାଞ୍ଜାଲ୍, ଦନ ଗାଟାରି ଲାକପୁରୁ ରାଜିତା ହୁଡାଲି ହାରେକା  
 କସ୍ତୁ ଆନେ । ୨୪ ଅଡ଼େ ଖେଣ୍ଟେ ନାନୁ ମିଡ୍ରେ ଖେସିମାଞ୍ଜାଲ୍, ମାହାପୁରୁତି  
 ରାଜିତା ଦନଗାଟାରି ହାନି କିହୁଁ ଉଟୁ ସୁଜା କାଣିଟି ହୁଡା ହାନାୟି ଉସାସା  
 ଆନେ ।” ୨୫ ସୀସୁୟା ଇ କାତା ଖେଞ୍ଜାନା କାବାଆହାନା ଏଲେଇଚେରି,  
 “ଆଡିହୁଁ ଆମ୍ବାଆସି ଗେଲ୍‌ପି ଆହାଲି ଆଡିନେସି?” ୨୬ ଜୀସୁ ଏଞ୍ଜରାଲ୍  
 ସିନିକିହାନା ଏଲେଇଚେସି, “ଇଦି ମାଣ୍‌ସିତାକି ଆଆଗାଟାୟି, ସାମା ମାହାପୁରୁ  
 ତାକି ବାରେ ଆନେ ।” ୨୭ ଏଚେଟିଏ ପିତର ଏଲେଇଚେସି, “ମେହ୍‌ମୁ ମାମୁ

ବାରେ ପିସାନା ନୀ ଜେତ ଖାହାମାନମି; ଆତିହିଁ ମାମୁ ଏନାଆଁ ବେଟାଆନମି?”

୨୮ ଜୀମୁ ଏଝାରାଇଁ ଏଲେଇଚେସି, ନାନୁ ମିଢ୍ଫେ ସାତା ଝେସିମାଞ୍ଜାଇଁ, ପୁଝନି ଛୁଗୁ ଆନାଟି ଏଚେତା ମାଣ୍ଠସି ମୀରୁଏସି ତାନି ଗାଞ୍ଜୁରମିତି କାଜାପାଣା ତଲେ ସିଂଗାସାଣିତା କୁଗିନି ଦିନା ନୀ ଜେତ ଖାହାମାନାତେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସ୍ରାୟେଲତି ବାର କୂଡ଼ାତି ସାଲଝି କିଦେରି

। ୨୯ ଇଞ୍ଜି ଆମ୍ବାଆସି ନୀ ଦରୁ ତାକି ଇଲୁ କାଣ୍ଡା, କି ତାୟି ତାଢ଼ିସ୍ତା, ତାଲି ତାଞ୍ଜି, କକାରି ପଦାୟି, ଇଞ୍ଜି ବୁମି ବାଡ଼ା ପିସାମାନେସି, ଏଝାସି ଏ ବାରେକିହିଁ ହାରେକା ଗାତି ବେଟା ଆନେସି, ଇଞ୍ଜି କାଲାକାଲାତି ଜୀଝୁତି ବେଟା ଆନେସି

। (aiōnios g166) ୩୦ ସାମା ନକିତା ମାନି ହାରେକା ଲକୁ ଡାୟୁ ଆନେରି, ଇଞ୍ଜି ଡାୟୁତା ମାନି ହାରେକା ଲକୁ ନକିତା ଆନେରି ।

୨୦ ଇତିହିଁ ଲାକପୁରୁ ରାଜି ଇଲେତି ର ସାଞ୍ଜୁକାରି ଲେହେଁତାୟି, ଲାକ ଝେୟାଲିଏ ତାନି ଅଢ଼ୁରି ବାଡ଼ାତା କୂଲି କାମା କିଝିକିହାଲି ହାରେସି । ୨ ଅଡ଼େ ଏଝାସି କୂଲି ଗାଟାରାଇଁ ଦିନାତାକି ର ଝେଣ୍ଡି ଟାକା ହିୟାଇଁ ଇଞ୍ଜି ଏଝାରାଇଁ ତାନି ଅଢ଼ୁରି ବାଡ଼ାତା ପାଣ୍ଡିତେସି । ୩ ଅଡ଼େ ନ ଗଟା ବେଲାତା ଏଝାସି ପାଢ଼ୁତା ହାଜାନା ଏଟକାତାରି କାମା ପୁଝଆନା ନିତାମାତାଣି ମେସାନା ଏଝାରାଇଁ ଜିକେଏ ଏଲେଇଚେସି, ୪ ମୀରୁ ଜିକେଏ ଅଢ଼ୁରି ବାଡ଼ାତା ହାଜାନା କାମା କିଦୁ, ଇଞ୍ଜି ଏନିକି ତୀରି ଆହାମାନେ, ଏଲେକିହିଁ ମିଢ୍ଫେ ହିୟାଇଁ; ଇଞ୍ଜି ଏଝାରି ହାରେରି । ୫ ଅଡ଼େ ମାଦେନା ବାର ଗଟା ଇଞ୍ଜି ତାନି ଗଟା ବେଲାତା ପାଢ଼ୁତା ହାଜାନା ଏଲେକିତେସି । ୬ ଇଞ୍ଜି ମିଡ଼ୁଅଲା ପାସା ଗଟା ବେଲାତା ପାଢ଼ୁତା ହାଜାନା ଏଚରଜାଣା ନିତାମାନାଣି ମେସାନା ଝେଚେସି, ମୀରୁ ଏନାଆଁତାକି ମାଦେନା ଝେଡ଼ାଡ଼ୁମ୍ବେ କାମା କିଆନା ଉଜେଏ ନିତାମାଞ୍ଜେରି? ୭ ଏଝାରି ଏଝାଣାଇଁ ଏଲେଇଚେରି, ଆମ୍ବାଆରି ମାଢ୍ଫେ କାମା ହେର୍ପା ମାଞ୍ଜୁଅରି । ଏଝାସି ଏଝାରାଇଁ ଏଲେଇଚେସି ମୀରୁ ଜିକେଏ ଅଢ଼ୁରି ବାଡ଼ାତା ହାକୁ । ୮ ଡାୟୁ ମିଡ଼ୁଅଲା ଆହାଲିଏ, ଅଢ଼ୁରି ବାଡ଼ାତି ସାଞ୍ଜୁକାରି ତାନି ଗୁମୁସାଇଁ ଏଲେଇଚେସି, କୂଲି ଗାଟାରାଇଁ ହାଟାନା ଡାୟୁ ଝାତି ଲକୁ ଡାଣାଟିଏ ମାଟହାନା ନକିତା ଝାତି ଲକୁ ପାତେକା କୂଲି ହୀମୁ । ୯ ଏଚେଟିଏ ଆମିନି ଗାଟାରି ପାସା ଗଟା ବେଲାତା କାମାତା ପାଣ୍ଡି ଆହାମାଚେରି, ଏଝାରି ଖାହାନା ର ଝେଣ୍ଡି ଟାକା ଲାକା ବେଟାଆଚେରି । ୧୦ ଇଞ୍ଜି ନକେଏ କାମାତା ପାଣ୍ଡି ଆହାମାନାରି ଖାହାନା ଗାତି ବେଟାଆନେରି ଇଞ୍ଜି ଅଣ୍ଡିଚେରି; ସାମା ଏଝାରି



ଜିକେଏ ଏ ର ଖେଣ୍ଡି ଟାକା ଲାକା ବେଟାଆତେରି । ୧୧ ସାମା ଏଲେକି  
 ବେଟାଆହାନା ଏଞ୍ଜାରି ସାଞ୍ଜୁକାରିଇଁ କପା ଆହାନା ଲାଗିତେରି । ୧୨ ଇ  
 ଡାୟୁତି ଲକୁ ଖାରଇ ର ଗଂଟା କାମା କିତେରି, ଇଞ୍ଜି ମାୟୁ ଚେଡ଼ା ଦୁମ୍ପେ ଖାନ୍ତୁ  
 ଆହିଁ କାରା ଖେହିଁ କାମା କିତିହିଁ ଜିକେଏ ନୀନୁ ଏଞ୍ଜାରାକି ମା ସମାନା କିତି ।  
 ୧୩ ଏଞ୍ଜାରି ବିତ୍ରାଟି ରଅଣାଇଁ ସାଞ୍ଜୁକାରି ଏଲେଇଚେସି ଏ ଡ଼ଣେ, ଖେନାୟୁ,  
 ନୀନୁ ନିଢ୍ଢେ ନାଡ଼ି କିହିମାଞ୍ଜୁଅଁ; ନୀନୁ ନା ତଲେ ର ଖେଣ୍ଡି ଟାକା ତାକି ରାଜି  
 ଆହାହିଲାଆତି କି? ୧୪ ନୀନୁ ଏଚେକା ପାଣ୍ଡନାୟି ମାନେ ଏଚେକା ଆସାନା  
 ହାଜାତୁହ୍ମୁ, ସାମା ଇ ଡାୟୁତି ଲକୁକି ଜିକେଏ ନୀ ଲେହେଁକି ହିୟାଲି ନା  
 ମନ । ୧୫ ନା ଦନତି ନା ମନ ଲେହେଁ ଲେମ୍ପାଲି ନା ଅଦିକାରା ହିଲେଏ କି?  
 ନୀନୁ କାର୍ମାମେସାନା ହିୟାଲିଏ ନୀନୁ ଏନାଆଁତାକି ଡାହାରା ଆହିମାଞ୍ଜୁଦି  
 । ୧୬ ଏଲେକିହିଁଏ ଡାୟୁ ମାନି ଲକୁ ନକିତା ଆନେରି, ଇଞ୍ଜି ନକିତା ମାନି  
 ଲକୁ ଡାୟୁ ଆନେରି । ୧୭ ଜୀସୁ ଜିରୁସାଲମତା ହାଜିମାତାଟି ବାରଜାଣାଟି  
 ସୀୟୁୟାଁଇଁ ଏଚ୍ଚକା କିହାନା, ଜିରୁତା ଏଞ୍ଜାରାଇଁ ଏଲେଇଚେସି, ୧୮ ମେହ୍ତୁ  
 ମାର ଜିରୁସାଲମତା ହାଜିମାନାୟି, ମାଣ୍ଡସି ମୀର୍ସସି କାଜା ପୂଜେରାଢ୍ଢୁ ଅଡ଼େ  
 ମେରାପୁନାରି କେୟୁତା ହେର୍ପିଆନେସି, ୧୯ ଅଡ଼େ ଏଞ୍ଜାରି ଏଞ୍ଜାଣାଇଁ ହାନି  
 ତଣ୍ଡ ହୀହାନା ଏଚ୍ଚକା କୁଡ଼ାତାରି କେୟୁତା ହେର୍ପିନେରି, ଏଚେଟିଏ ଏଞ୍ଜାରି  
 ଏଞ୍ଜାଣାଇଁ କିଜି କିନେରି, ସାଚ୍ଚଣି ଡ଼ରିତଲେ ଚେନେରି, ଅଡ଼େ ପାସି ମୁଣ୍ଡାତା  
 ଏକ୍ହାନା ପାୟିନେରି, ଇଞ୍ଜି ତାନି ଦିନାଟିଏ ହାକିଟି ଖେଣ୍ଡେ ନିଢ୍ଢିନେସି । ୨୦  
 ଏଚିବେଲା ଜେବଦି ତକ୍ତି ତାନି ରୀ ମୀର୍ଚ୍ଚକା ତଲେ ଜୀସୁ ତାଣା ଖାହାନା ଜହରା  
 କିହାନା ଏଞ୍ଜାଣି ତାଣା ବାଡ଼ିମାଲିହିଁ ଏଲେଇଚେ । ୨୧ ଏଚେଟିଏ ଜୀସୁ ଏଦାନି  
 ଖେଚେସି, “ନୀନୁ ଏନାଆଁ ମନ କିହିମାଞ୍ଜୁ?” ଏଦି ଏଲେଇଚେ, “ନୀ ରାଜିତା  
 ନା ରୀ ମୀର୍ଚ୍ଚକା ବିତ୍ରାଟି ରଅସି ନୀ ଚିଃନିଞ୍ଜାକି ଅଡ଼େ ରଅସି ନୀ ଚେବିଞ୍ଜାକି  
 କୁଟିନେରି ଇଞ୍ଜି ହୁକୁମି ହୀୟୁ ।” ୨୨ ସାମା ଜୀସୁ ଏଲେଇଚେସି, “ମୀରୁ  
 ଏନାଆଁ ରୀସିମାଞ୍ଜେରି ଏଦାଆଁ ପୁଞ୍ଜିହିଲଅତେରି । ନୀନୁ ଆମିନି ସଲାତା  
 ଗସାଲି ହାଜିମାଇଁ, ଏଦାଆଁ ମୀରୁ ଗସାଲି ଆଡିଦେରି?” ଏଞ୍ଜାରି ଏଞ୍ଜାଣାଇଁ  
 ଏଲେଇଚେରି, “ଆଡିନମି ।” ୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ନା  
 ସଲାତା ଗହ୍ଦେରି ସାତା, ସାମା ନା ଚିଃନି କି ଚେବିଞ୍ଜାକି କୁଗାଲି ହାନି ନା  
 ଅଦିକାରାଟି କାତା ଆଏ, ଇତିହିଁ ଆମିନି ଗାଟାରାକି ନା ଆବା ତାଣାଟି ଚାୟୁ  
 କିଞ୍ଜିଆହାମାନେ ଏଞ୍ଜାରି କୁଟିନେରି ।” ୨୪ ଏଚ୍ଚକାଟି ଦସ ଜାଣା ଇ କାତା

ଖେଞ୍ଜାନା ଏ ତାୟି ରିଆରାଇଁ କପା ଆଚେରି । ୨୫ ସାମା ଜୀସୁ ଏଞ୍ଜାରାଇଁ  
 ତାଗେ ହାଟାନା ଏଲେଇଚେସି, “ଏଚ୍‌କା କୁଡ଼ାତାରି ସାଲଞ୍ଜି କିନାରି କାଜା  
 ବାଡ଼୍‌ମୁ ତଲେ ତାମି କାଜାପାଣା ଡ଼ହ୍‌ନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି ।  
 ୨୬ ମୀ ବିତ୍ରା ଏଲେକିହିଁ ଆଏ, ସାମା ମୀ ବିତ୍ରା ଆମ୍ବାଆସି କାଜାସି ଆହାଲି  
 ଅଶ୍‌ପିନେସି, ଏଞ୍ଜାସି ମୀ ସେବା କିନାସି ଆପେସି; ୨୭ ଅଡ଼େ ଆମ୍ବାଆସି  
 କାଜାପାଣା ବେଟାଆହାଲି ମନ କିନାସି ଏଞ୍ଜାସି ମୀ ହ୍‌ଲେଏସି ଆପେସି,  
 ୨୮ ଏନିକିଁ ମାଶ୍‌ସି ମୀର୍‌ଏସି ଜିକେଏ ସେବା ବେଟାଆହାଲି ଖାହାହିଲଅସି,  
 ସାମା ସେବା କିହାଲି ଅଡ଼େ ହାରେକା ଲକୁଣି ଗେଲ୍‌ପାଲି ଜୀସୁ ହାହାଲି  
 ଖାହାମାନେସି ।” ୨୯ ଜୀସୁ ଅଡ଼େ ତାନି ସୀସୁୟାଁ ଜିରିହ୍‌ଟି ହାଜିମାଟାଟି  
 ହାରେକା ମାନୁ ଲକୁ ତାନି ଜେଚ ହାଚେରି । ୩୦ ଅଡ଼େ ଜିରୁ ଦାରିତା ରିଆରି  
 କାଣାୟାଁ ଜୀସୁ ଏ ଜିରୁଟି ହାଜିମାନେସି ଇଞ୍ଜି ଖେଞ୍ଜାନା, କାଜା ଗିୟାଁତଲେ  
 ଏଲେଇଚେରି, “ଏ ପ୍ରବୁ ଦାସୁଦ ମୀର୍‌ଏଶାତି! ମାଢ୍‌ଜେ କାର୍‌ମା ମେସ୍ତାମୁ!” ୩୧  
 ସାମା ଲକୁ ଏଞ୍ଜାରାଇଁ ପାଲେଏ ଆହାଲି ଦାକା ହାଚେରି, ସାମା ଏଞ୍ଜାରି ଅଡ଼େ  
 କାଜା ଗିୟାଁତଲେ ଏଲେଇଚେରି, “ଏ ପ୍ରବୁ ଦାସୁଦ ମୀର୍‌ଏଶାତି! ମାଢ୍‌ଜେ  
 କାର୍‌ମା ମେସ୍ତାମୁ!” ୩୨ ଏମ୍ବାଟିଏ ଜୀସୁ ନିଚାନା ଏଞ୍ଜାରାଇଁ ହାଟାନା ଖେଚେସି,  
 “ନାନୁ ମିଢ୍‌ଜେତାକି ଏନାଆଁ କିଇଁ ଇଞ୍ଜି ମୀରୁ ଅଶ୍‌ପିମାଞ୍ଜେରି?” ୩୩ ଏଞ୍ଜାରି  
 ଏଞ୍ଜାଣାଇଁ ଏଲେଇଚେରି, “ଏ ପ୍ରବୁ ଏନିକିଁ ମା କାଶ୍‌କା ଦେପି ଆନୁ ।” ୩୪  
 ଅଡ଼େ ଜୀସୁ କାର୍‌ମା ଆହାନା ଏଞ୍ଜାରି କାଶ୍‌କା ଡାଗିଚେସି, ଇଞ୍ଜି ଏ ଦେବୁଣିଏ  
 ଏଞ୍ଜାରି ମେସ୍ତେରି ଇଞ୍ଜି ଏଞ୍ଜାଣି ଜେଚ ହାଚେରି ।

**୨୧** ଏଚିବେଲା ଜୀସୁ ଅଡ଼େ ତାନି ସୀସୁୟାଁ ଜିରୁସାଲମ ତାଗେ ଆହାନା  
 ଜୀତ ଇନି ହ୍‌ରୁ ଦାରିତି ବେଡ଼୍‌ପାଗି ଏଜାଲିଏ ଏଚିବେଲା ଜୀସୁ ତାନି ରୀ  
 ସୀସୁୟାଁଣି ଏଲେଇଞ୍ଜା ପାଣ୍ଡିଚେସି । ୨ “ମୀରୁ ନକିତା ମାନି ନାୟାଁତା ହାଜୁ,  
 ଇଞ୍ଜି ହାଲ୍‌ଖିନିଏ ଦସାମାନି ର ଗାଡ଼୍‌ଦେ ଇଞ୍ଜି ଡାଲୁ ମେହ୍‌ଦେରି; ଏଞ୍ଜାଆଁ  
 ହୁକ୍‌ହାନା ନା ଡାଣା ତାଦୁ । ୩ ଅଡ଼େ ଆମ୍ବାଆରି ଏନାଆଁ ଇଞ୍ଜାତିହିଁ, ଖେହ୍‌ଦୁ,  
 ଇଞ୍ଜାସିକା ଡାଣା ମା ପ୍ରବୁକି ଲଡ଼ାମାନେ, ଏ ଦେବୁଣିଏ ଏଞ୍ଜାସିକାଣି ପାଣ୍ଡାନେସି  
 ।” ୪ ମାହାପୁରୁ ଅଶ୍‌ପୁତି ବଲୁ ଖେହ୍‌ନାରି କାତା ଏନିକିଁ ସାତା ଆନେ,  
 ଏଦାଆଁତାକି ଇ ବାରେ ଆଚେ; ୫ “ସିୟନତି ଗାଡ଼ାଇଁ ଖେହ୍‌ଦୁ ମେହ୍‌ମୁ ନୀ  
 ରାଜା ନୀ ଡାଣା ଖାହାମାନେସି! ଏଞ୍ଜାସି ସୁଦୁଗାଟାସି ଇଞ୍ଜି ଗାଡ଼୍‌ଦେ ଲାକ  
 କୁଗାମାନେସି ଇତିହିଁ ଗାଡ଼୍‌ଦେ ଡାଲୁ ଲାକ କୁଗାମାନେସି ।” ୬ ଏମ୍ବାଟିଏ

ସୀମୁୟାଁ ହାଜାନା ଜୀସୁ ଖେପୁଲେହେଁ କାମା କିତେରି, ୭ ଅଡ଼େ ଗାଡ଼ଦେ  
 ଇଞ୍ଜିଁ ତାଲୁତି ତାତାନା ଏଞ୍ଜାସିକା ଲାକ ହିମ୍ପରିକା ପାସ୍ତେରି, ଇଞ୍ଜିଁ ଜୀସୁଇଁ  
 କୁଟିକିତେରି । ୮ ଅଡ଼େ ହାରେକା ଲକୁ ତାମି ହିମ୍ପରିକା ଜିରୁତା ପାସ୍ତେରି,  
 ଅଡ଼େ ଏଚେକା ଲକୁ ମାର୍କାତି ଗଚାୟାଁ ତାତାନା ଜିରୁତା ପାସ୍ତେରି । ୯  
 ଅଡ଼େ ଜୀସୁତି ଡାୟୁତା ନକିତା ହାଜିମାତି ଲକୁ ବାରେ କାଜା ଗିୟାଁତଲେ  
 ଏଲେଇଚେରି, “ହସାନା ଦାସୁଦ ମାର୍‌ଏସି! ମାହାପୁରୁ ଦରୁଟି ଖାହିମାନେସି  
 ନେହାଁସି! ମାହାପୁରୁ ଏଞ୍ଜାଶାଇଁ ବର ହାପାସି, ଲାକପୁରୁ ହସାନା!” ୧୦  
 ଅଡ଼େ ଏଞ୍ଜାସି ଜିରୁସାଲମତା ହତାଲିଏ, ଗାଡ଼ାତାରି ବାରେଜାଣା “ଇଞ୍ଜାସି  
 ଆମ୍ବାଆସି?” ଇଞ୍ଜିଁ କାବାଆହାନା ଏଲେଇଚେରି । ୧୧ ଏଚେଟିଏ ବାରେ  
 ଲକୁ ଏଲେଇଚେରି, “ଇଞ୍ଜାସି ଗାଲିଲି ଦେସାତା ମାନି ନାଜରିତତି ମାହାପୁରୁ  
 ଅଶ୍‌ପୁତି ବଲୁ ଖେହ୍‌ନି ଜୀସୁ ।” ୧୨ ଡାୟୁ ଜୀସୁ ମାହାପୁରୁ ଇଲୁତା ହତାନା  
 ଏ ଗାୟୁତା ଏମ୍ବାଆଁ ଆସ୍ତି ମାସ୍କି ମାଚାରାଇଁ ବାରେତି ପାଞ୍ଜୁତା ପେର୍‌ହା  
 ପାଣ୍ଡିଚେସି, ଇଞ୍ଜିଁ ଟାକାୟାଁ ବେବାରା ଗାଟାରି କୁଟିୟାଁ ଅଡ଼େ ପାର୍‌ଖା ପଟାୟାଁ  
 ବେବାରା ଗାଟାରି ଜମ୍ବାୟାଁ ତିରିମ୍ପୁସ୍‌ହେସି, ୧୩ ଅଡ଼େ ଏଞ୍ଜାସି ଏଞ୍ଜାରାଇଁ  
 ଏଲେଇଚେସି, ମାହାପୁରୁ ଦାମ୍‌ପତିତା ରାସ୍କି ଆହାମାନେ, “ନା ଇଲୁ ପ୍ରାତାନା  
 ଇଲୁ ଇଞ୍ଜିଁ ଖେଟ୍‌ନେ, ସାମା ମୀରୁ ଏଦାଆଁ ତଂଗାୟାଁ ପାସୁ ମ୍ପୁସ୍‌ହା ମାଞ୍ଜେରି ।”  
 ୧୪ ଇଞ୍ଜିଁ ମାହାପୁରୁ ଇଲୁତା କାଶାୟାଁ, ସଟାୟାଁ ତାନି ତାଣା ଖାତେରି ଇଞ୍ଜିଁ  
 ଏଞ୍ଜାରାଇଁ ନେହଁ କିତେସି । ୧୫ ସାମା କାଜା ପୁଜେରାଞ୍ଜୁ ଅଡ଼େ ମେରାପୁନାରି  
 ତାନୁ କିହିମାନି କାବାଆନି କାମା ମେସାନା ଅଡ଼େ “ମାହାପୁରୁ ଇଲୁତା ହସାନା  
 ଦାସୁଦ ମାର୍‌ଏସି” ଇଞ୍ଜିଁ କାଜା ଗିୟାଁତଲେ କକାରି ଜଲିମାନାଣି ଖେଞ୍ଜାନା  
 କପା ଆଚେରି । ୧୬ ଏଞ୍ଜାରି ଜୀସୁଇଁ ଖେଚେରି, “ଇଞ୍ଜାରି ଏନାଆଁ ଇଞ୍ଜିଁ  
 ମାନେରି, ନୀନୁ ଏଦାଆଁ ଖେଞ୍ଜିମାଞ୍ଜି?” ଜୀସୁ ଏଞ୍ଜାରାଇଁ ଏଲେଇଚେସି,  
 “ହାଅ, ଖେଞ୍ଜିମାଇଁ, ମୀରୁ କକାରି ଇଞ୍ଜିଁ ପାଲୁ ଗହ୍‌ନରାଇଁ ନିଞ୍ଜୁ ଜହରା  
 ପାରୁ ପାଚାଲି ଜାପ୍‌ହାମାଞ୍ଜି, ଦାମ୍‌ପୁ ପତିତି ଇ କାତାତି ମୀରୁ ଏଚେଲା ପଡ଼ଞ୍ଜି  
 ଆହାହିଲଅଚେରି?” ୧୭ ଅଡ଼େ ଏଞ୍ଜାସି ଏଞ୍ଜାରାଇଁ ପିସାନା ଗାଡ଼ାତି ହତାନା  
 ବେଚନିୟାଁତା ହାଜାନା ଏମ୍ବାଆଁ ଲାଆଁୟାଁ ଡୟିଚେସି । ୧୮ ଜୀସୁ ଗାଡ଼ାତା  
 ଖେଣ୍ଡା ହାଜିମାତାତି ହାକି ଆଚେସି, ୧୯ ଅଡ଼େ ଜିରୁ ଦାରିତା ର ଡୟା  
 ମାର୍‌ନୁ ମେସାନା ଦାରିତା ହାଚେସି, ଇଞ୍ଜିଁ ଖାର୍‌ଇ ଆକା ପିସ୍‌ପେ ଏମ୍ବାଆଁ  
 ଏନାଆଁ ମେହ୍‌ଆଚେସି ଇଞ୍ଜିଁ ଏଦାନି ବାକା ଇଟାନା ଏଲେଇଚେସି, “ନୀ

ତାଣା ଏତେଲା ପାଦେୟି ଆୟାଆପେ” ଇଚ୍ଛା ଏ ଦେବୁଣିଏ ଏ ଚୟା ମାର୍ନୁ  
 ଝାୟାହାଚେ । (aiōn g165) ୨୦ ସୀୟୁୟି ଏଦାଆଁ ମେସାନା କାବାଆହାନା  
 ଏଲେଇଚେରି, “ଚୟା ମାର୍ନୁ ଏନିକି ଏ ଦେବୁଣିଏ ଝାୟା ହାଚେ ।” ୨୧ ଜୀୟୁ  
 ଏଝାରାଇଁ ଏଲେଇଚେସି, “ନାନୁ ମିଡ୍ରେ ସାତା ଝେସିମାଞ୍ଜାଇଁ, ମୀ ନାମୁ ମାଚିହିଁ,  
 ଅଡେ ମୀରୁ ଆନାମାନା ଆଆନା, ଇ ଚୟା ମାର୍ନୁତି ଏନି କିଝିଆହାମାନେ,  
 ଏଲେକିହିଁଏ କିଦେରି ଏଦି ଆଏ, ‘ସାମା ଇ ହରୁଡି ଜିକେଏ ନୀନୁ ନିଢ୍ଵାନା  
 ସାମ୍ବୁରିତା ଚର୍ଗାମୁ’ ଇଚ୍ଛେରି, ଆଚିହିଁ ଏଦି ଆନେ । ୨୨ ଇଚ୍ଛା ନାମୁତଲେ  
 ପ୍ରାତାନାତା ଏନାଆଁ ରୀହ୍‌ଦେରି ଏ ବାରେ ମିଡ୍ରେ ମେଡାଆୟାନେ ।” ୨୩  
 ତାୟୁ ଜୀୟୁ ମାହାପୁରୁ ଇଲୁତା ହତାନା ଜାପୁହିଁ ମାଚାଟି, କାଜା ପୂଜେରାଢ୍ଵା  
 ଅଡେ ଲକ୍ଷୁତି କାଜାରି ଏଝାଣି ତାଣା ଝାହାନା ଝେଚେରି, “ନୀନୁ ଆମିନି  
 ଅଦିକାରା ତଲେ ଇ ବାରେ କାମା କିହିମାଞ୍ଜି? ନିଡ୍ରେ ଏ ଅଦିକାରା ଆମ୍ବାଆସି  
 ହିୟାଚେସି?” ୨୪ ଜୀୟୁ ଏଝାରାଇଁ ଏଲେଇଚେସି, “ନାନୁ ଜିକେଏ ମିଡ୍ରେ ର  
 କାତା ଝେଞ୍ଜାଇଁ, ମୀରୁ ଏଦାଆଁ ଝେଣ୍ଡେ ଝେସୁାଚିହିଁ, ନାନୁ ଆମିନି ଅଦିକାରା  
 ତଲେ ଇ ବାରେ କାମା କିହିମାଇଁ, ନାନୁ ଜିକେଏ ମିଡ୍ରେ ଝେସୁାଇଁ । ୨୫ ଜହନ  
 ବାପୁସ୍ତୁ ହାହାଲି ଆମ୍ବାଆରି ତାଣାଟି ବେଟା ଆହାମାଚେସି, ଲାକପୁରୁଟି କି  
 ଲକ୍ଷୁ ତାଣାଟି?” ଏଚେଟିଏ ଏଝାରି ତାମୁ ତାମୁଏ ଜଲକି ଆଚେରି, “ମାହାପୁରୁ  
 ତାଣାଟି ଇଚ୍ଛା ଝେସୁହିଁ, ଏଝାସି ମାଡ୍ରେ ଏଲେଇଚ୍ଛାନେସି, ‘ମୀରୁ ଏନାଆଁତାକି  
 ଏଝାଣାଇଁ ନାମାଆଚେରି?’ ୨୬ ସାମା ମାଣ୍‌ସିୟିଁ ତାଣାଟି ଇନାୟି, ଲକ୍ଷୁତାକି  
 ଆଜି, ଇଚିହିଁ ବାରେ ଲକ୍ଷୁ ଜହନଇଁ ମାହାପୁରୁ ଅଣ୍‌ପୁଡି ବଲୁ ଝେହ୍‌ନାସି ଇଚ୍ଛାହିଁ  
 ମାନଝି ଆହିମାନେରି ।” ୨୭ ଏଦାଆଁତାକି ଏଝାରି ଜୀୟୁଇଁ ଏଲେଇଚେରି,  
 “ମୀମୁ ପୁଞ୍ଜାହିଲଅମି ।” ଏଝାସି ଜିକେଏ ଏଝାରାଇଁ ଏଲେଇଚେସି, “ଆଚିହିଁ  
 ନାନୁ ଜିକେଏ ଆମିନି ଅଦିକାରା ତଲେ ଇ ବାରେ କିହିମାଇଁ, ଏଦାଆଁ ନାନୁ  
 ଜିକେଏ ମିଡ୍ରେ ଝେସୁଅଁ ।” ୨୮ ମୀରୁ ଏନାଆଁ ଅଣ୍‌ପିମାଞ୍ଜେରି? ରଅଣାକି ରୀ  
 ମୀର୍କା ମାଚେରି, ଏଝାସି କାଜା ମୀର୍କଏଣି ତାଣା ଝାହାନା ଏଲେଇଚେସି,  
 “ମୀର୍କଏଣା ନୀଞ୍ଜୁ ଅଢ୍ଵୁରି ବାଡାତା ହାଜାନା କାମା କିମୁ ।” ୨୯ ଏଝାସି  
 ଏଲେଇଚେସି, “ନାଡ୍ରେ କାମା କିହାଲି ମନ ହିଲେଏ” ସାମା ତାୟୁ ଏଝାସି  
 ଅଣ୍‌ପାନା କାମା କିହାଲି ହାଚେସି । ୩୦ ଇଚ୍ଛା ଉଣା ମୀର୍କଏଣା ତାଣା ଝାହାନା  
 ଏଲେଇଚ୍ଛା ଝେସୁେସି, ଏଝାସି ଏଲେଇଚେସି, “ହାଅ ଆବା ନାନୁ ହାଜିମାଇଁ,  
 ସାମା ଏଝାସି ହାଲାଆଚେସି । ୩୧ ଇ ରିଆରି ବିତ୍ରାଟି ଆମ୍ବାଆସି ଆବା

ମନ ଲେହେଁ କିତେସି?” ଏଞ୍ଜରୀ ଏଲେଇଚେରି “କାଜାସି ।” ଜୀସୁ ଏଞ୍ଜରୀରାଲ୍ ଏଲେଇଚେସି, ନାନୁ ମିଡ୍ରେ ସାତା ଖେସିମାଞ୍ଜାଲ୍, ସିସୁ ରୀହ୍ନାରି ଇଞ୍ଜି ଦାରେଣିସିକା ମୀ ନକେଏ ମାହାପୁରୁ ରାଜିତା ହୁଡ୍ନୁ । ୩୨ ବାପ୍ତିସ୍ତ ହାନି ଜହନ ଖାହାନା ମୀ ତାଣା ଦାମ୍ବିତି ଜିରୁ ତସ୍ତାଚେସି, ଅଡେ ମୀରୁ ଏଞ୍ଜରୀରାଲ୍ ନାମାଆଚେରି, ସାମା ସିସୁ ରୀହ୍ନାରି ଇଞ୍ଜି ଦାରେଣିସିକା ଏଞ୍ଜରୀରାଲ୍ ନାମିରୁ, ସାମା ମୀରୁ ଏନିକି ନାମିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟା ବାଦ୍ଲି କିଆଚେରି । ୩୩ ଅଡେ ର ପୁଣ୍ଡିକିନି କାତା ଖେଞ୍ଜୁ, ର ବୁମି ଗାଟାସି ମାଚେସି, ଏଞ୍ଜସି ର ଅଡ୍ରେରି ବାଡ଼ା କିହାନା ସାରିଞ୍ଜାକି ବେୟି ଗୁରୁଚେସି, ଇଞ୍ଜି ଅଡ୍ରେରି ପାଡେୟି ପୀତାଲି ର ଗାଡ୍ମୁ କାରହାନା ର ଗାଣା ହଲୁଲେହେଁ କିତେସି, ଇଞ୍ଜି କାଃଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଗା ହାହାନା ହେକ ଦେସାତା ହାଚେସି । ୩୪ ତାୟୁ ପାଡେୟି କାମ୍ପି ବେଲା ଆୟାଲିଏ, ଏଞ୍ଜସି ତାନି ପାଡେୟି ବାଗା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହୁଲିୟାଞ୍ଜାଣି ପାଣ୍ଡିଚେସି । ୩୫ ସାମା କାମାକିନାରି ତାନି ହୁଲିୟାଞ୍ଜାଣି ଆସାନା ରଅଣାଲ୍ ଖେଚେରି ଇଞ୍ଜି ଅର ରଅଣାଲ୍ ପାୟିଚେରି, ଅଡେ ରଅଣାଲ୍ ଖାଲ୍କା ଚେତାନା ପାୟି କୁତାରୁସ୍ତେରି । ୩୬ ଅଡେ ଏଞ୍ଜସି ତଲିତି କିହା ହାରେକା ଜାଣା ହୁଲିୟାଞ୍ଜାଣି ପାଣ୍ଡିଚେସି, ଅଡେ ଏଞ୍ଜରୀ ଏଞ୍ଜରୀରାଲ୍ ଜିକେଏ ଏଲେକିଚେରି । ୩୭ ସାମା ନା ମୀରୁଏଣାଲ୍ ଏଞ୍ଜରୀ ମାନି କିନେରି ଇଞ୍ଜି ଅଶ୍ପାନା, ଏଞ୍ଜସି ତାୟୁ ତାନି ମୀରୁଏଣାଲ୍ ଏଞ୍ଜରୀତାଣା ପାଣ୍ଡିଚେସି । ୩୮ ସାମା ଏ କାମାକିନାରି ମୀରୁଏଣାଲ୍ ମେସାନା ତାୟୁ ତାୟୁଏ ଖେସ୍ପି ଆଚେରି, ଇଞ୍ଜସିତ ବାଡ଼ାତି ଅଦିକାରା ଗାଟାସି; ଖାଦୁ ଇଞ୍ଜରୀରାଲ୍ ପାୟାନା ଅଡ୍ରେରି ବାଡ଼ାତି ଅଦିକାରା କିହାକଡିନ । ୩୯ ଇଞ୍ଜି ଏଞ୍ଜରୀ ଏଞ୍ଜରୀରାଲ୍ ଅଡ୍ରେରି ବାଡ଼ା ଆତାଲା ମେଡହାନା ପାୟିଚେରି । ୪୦ ଜୀସୁ ଏଞ୍ଜରୀରାଲ୍ ଖେଚେସି, “ଇତିହୁଁ ଏଚିବେଲା ଏ ଅଡ୍ରେରି ବାଡ଼ାତି ସାସ୍ତୁକାରି ଖାନେସି, ଏଚିବେଲା ଏ କାମା କିନାରାଲ୍ ଏନାଆଁ କିନେସି ।” ୪୧ ଏଞ୍ଜରୀ ଏଞ୍ଜରୀରାଲ୍ ଏଲେଇଚେରି, “ଏ ଲାଗେଏ ପଲେଏତି କାମା କିନାରାଲ୍ କସୁ ହାହିଁ ପାୟିନେସି, ଇଞ୍ଜି ଏଞ୍ଜରୀରାଲ୍ କାମ୍ପିନିସାରି ବାଗା ହାନି ଏବ୍କାତି କାମା କିନାରାକି ଅଡ୍ରେରି ବାଡ଼ାତି ହେର୍ପିନେସି ।” ୪୨ ଜୀସୁ ଏଞ୍ଜରୀରାଲ୍ ଏଲେଇଚେସି, “ମୀରୁ ଦାମ୍ବି ପତିତି ଇ କାତା ଏଚେଲାଖା ପଡ଼ି ଆହାହିଲଅଚେରି କି?” ଇଲୁ ଦହ୍ନାରି ଆମିନି ଖାଲିତି ମିଶ୍ଏ ଇଞ୍ଜି କୁଚେରି, ଏଦିଏ ଇଲୁ କନତି ମୁଲୁ ଖାଲି ଆଚେ; ମାହାପୁରୁ ତାଣାଟି ଇଦି ଆଚେ,

ଇଞ୍ଜି ଏଦି ମା କାନୁତାକି କାବା ଆନାୟି । ୪୩ “ଏଦାଆଁତାକି ନାନୁ ମିଢ୍ଫେ  
 ଖେସିମାଞ୍ଜାଇଁ, ମାହାପୁରୁତି ରାଜି ମୀ ତାଣାଟି ମୀଞ୍ଜା ଅଞ୍ଜିଆନେ, ଇଞ୍ଜି ଆମିନି  
 ଜାତିତି ଲକୁ ନେହଁ ପାଡ଼େୟି କାମ୍ପି କିନେରି ଏଞ୍ଜାରାକି ହୀନେସି । ୪୪ ଅଡ଼େ  
 ଆମ୍ବାଆସି ଇ ଖାଲି ଲାକ ରିନେସି ଏଞ୍ଜାସି କାଣ୍ଡାମୁକା ଆନେସି, ଇଞ୍ଜି ଇ ଖାଲି  
 ଆମ୍ବାଆରି ଲାକ ରିନେ ଏଦି ଏଞ୍ଜାଣାଇଁ ନାସାକିନେ ।” ୪୫ କାଜା ପୁଜେରାଢ୍ଫା  
 ଅଡ଼େ ପାରୁସିୟାଁ ଇଞ୍ଜାଣି ଇ ବାରେ ପୁଣ୍ଡିକିନି କାତା ଖେଞ୍ଜାନା, ଏଞ୍ଜାସି ଏଞ୍ଜାରି  
 କାତା ଖେସିମାନେସି ଇଞ୍ଜି ପୁଚେରି, ୪୬ ଇଞ୍ଜି ଏଞ୍ଜାରି ଏଞ୍ଜାଣାଇଁ ଆସାଲି  
 ଅଣ୍ଡିମାଚେରି, ସାମା ଲକୁଇଁ ଆଜିଚେରି, ଏନାଆଁତାକି ଇଚିହଁ ଏଞ୍ଜାଣାଇଁ ର  
 ମାହାପୁରୁ ଅଣ୍ଡିପୁତି ବଲୁ ଖେହ୍ନାସି ଇଞ୍ଜି ମାନି କିହିମାଚେରି ।

**୨୨** ଅଡ଼େ ଖେଣ୍ଡେ ଜୀସୁ ପୁଣ୍ଡିକିନି କାତାତଲେ ଏଲେଇଚେସି, ୨  
 ଲାକପୁରୁତି ରାଜି ଇଲେତାୟି, ର ରାଜା ଲେହେଁ, ଏଞ୍ଜାସି ତାନି ମୀରୁଏଣା  
 ବୀହା ବଜି କିଚେସି, ୩ ଇଞ୍ଜି ଏ ବୀହା ବଜିତା ହାଟାମାନି ଲକୁଣି ବଜିତା  
 ଖାପେରିଖା ଇଞ୍ଜି ତାନି ହଲିୟାଢ୍ଫାଣି ପାଣ୍ଡିଚେସି, ସାମା ଏଞ୍ଜାରି ଖାହାଲି ମନ  
 କିଆଚେରି । ୪ ଅଡ଼େ ଖେଣ୍ଡେ ଏଚ୍ଚକାତି ହଲିୟାଢ୍ଫାଣି ପାଣ୍ଡାନା ଏଲେଇଚେସି,  
 ହାଟି କିହାମାନି ଲକୁଣି ଖେହ୍ନୁ ମେହ୍ନୁ ନାନୁ ନା ବଜି ଖାଜା ମାଇଁ, ଆଢ୍ଫା  
 ଆତି କଡ଼ିୟାଁ ପାୟୁଞ୍ଜି ଆହାମାନୁ, ବାରେ ରାନ୍ଦୁ ଆଚେୟିଏ, ମୀରୁ ବୀହା  
 ବଜିତା ଖାଦୁ । ୫ ସାମା ଏଞ୍ଜାରି ଏଦାଆଁ ଅଣ୍ଡିପାଆନା ଆମ୍ବାଆରି ତାନି ତାସା  
 କାମାତା ହାଚେରି, ଇଞ୍ଜି ଆମ୍ବା ଆମ୍ବାଆରି ତାନି ବେବାରା କିୟାଲି ହାଚେରି,  
 ୬ ଅଡ଼େ ଏଚରଜାଣା ଲକୁ ତାନି ହଲିୟାଢ୍ଫାଣି ଆସାନା ପାୟିଚେରି । ୭  
 ସାମା ରାଜା କପା ଆହାନା ତାନି କସକାଣି ପାଣ୍ଡାନା ଏ ପାୟିତାରାଇଁ ପାୟି  
 କିଚେସି ଇଞ୍ଜି ଏଞ୍ଜାରି ନାସକା ମ୍ଫେକହା ତୁସ୍ତେରି । ୮ ଏମ୍ବାଟିଏ ଏଞ୍ଜାସି  
 ତାନି ହଲିୟାଢ୍ଫାଣି ଏଲେଇଚେସି, ବୀହା ବଜି ଆହାମାନେ, ସାମା ହାଚ୍ଚକି  
 ଆହାମାନି ଲକୁ ପାଡ଼ା ଆଆତାରି, ୯ ଏଦାଆଁତାକି ନୀଏଁ ମୀରୁ ଗାଡ଼ାତି  
 କାଜା ତାଣ୍ଡେଣାଁ ହାଜାନା, ଏଚରଜାଣାଟି ମେହ୍ନେଦେରି, ଏଞ୍ଜାରାଇଁ ବୀହା  
 ବଜିତା ହାଟା ତାଦୁ । ୧୦ ଏମ୍ବାଟିଏ ଏ ହଲିୟାଢ୍ଫା କାଜା ତାଣ୍ଡେଣାଁ ହାଜାନା  
 ଲାଗେଏ ପୁଲେଏତାରାଇଁ ଇଞ୍ଜି ଏଚେକା ନେହାଁରାଇଁ ମେସ୍ତେରି, ଏ ବାରେତି  
 ରୁଣ୍ଡି କିହାନା ବୀହା ଇଲୁତା ତାଚେରି, ଇଞ୍ଜି ଖାହାମାନି ଲକୁ ବୀହା ଇଲୁତା  
 ନେଞ୍ଜିଚେରି । ୧୧ ସାମା ରାଜା ବୀହା ବଜିତା ଖାହାମାନି ଲକୁଣି ସିନିକିହାଲି  
 ବିତା ଖାହାନା ଏମ୍ବାଆଁ ବୀହା ହିମ୍ପୁରି ହୁତାଆନା କୁଗାମାନି ରଅଣାଇଁ ମେସାନା

ଏଖଣ୍ଡାକ୍ଷ ଏଲେଇରେସି, ୧୭ ଏ ଡ଼େଶ, ନୀନୁ ବୀହା ହିମ୍ବର ହୁତାଆନା ଏନିକ୍  
 ଇମ୍ପାଆଁ ଖାତି? ସାମା ଏଖାସି ଏନି ହାତା ଆଆନା ଡ଼ୟିତେସି । ୧୩ ଏମ୍ପାଟିଏ  
 ରାଜା ଏମ୍ପାଆଁ ହୁଲିୟାଡ଼୍ଫାକ୍ ଏଲେଇରେସି, ଇଖାଣି କେପ୍ପା କଡ଼ାୟି ଦସାନା  
 ପାଢ଼୍ଫାଟି ଆନେରିତା ମେଡ଼ହା ତୁହ୍ତୁ, ଏମ୍ପାଆଁ ଡ଼ାହ୍ନି ପାଲ୍‌କା ଟୀଟି କିନେସି ।  
 ୧୪ ଇତିହ୍ନି ହାଡ଼କି ଆତି ଲକୁ ହାରେକା ଜାଣା ସାମା ଆତିତି ଲକୁ ହାରେକା  
 ଉଣା ଜାଣା । ୧୫ ଏତିବେଲା ପାରୁସିୟି ହାଜାନା ଜୀସୁକ୍ ତାନି ଖେସ୍ତି କାତାଟି  
 ଦହ ଦସାଲି ପାରୁ ପାରାତେରି । ୧୬ ଇଞ୍ଜି ଏଖାରି ହେରଦ ଗତି ବିତ୍ରାଟି  
 ଏରେକା ଲକୁତଲେ ତାନି ସୀସୁୟିକ୍ ଜୀସୁ ଡ଼ାଣା ଖେସା ପାଣ୍ଡିତେରି, “ଏ ଗୁରୁ  
 ମାମୁ ପୁଞ୍ଜାମାନମି ନୀନୁ ସାତା ଖେହନାତି ଇଞ୍ଜି ସାତା କିହ୍ନି ମାହାପୁରୁତି ଜିରୁ  
 ଜୀପନାତି, ଇଞ୍ଜି ଆମ୍ପାଆରାକ୍ ଆଜଅତି ଅଡ଼େ ଆମ୍ପାଆରି ପାର୍ଡ଼ା ବାଟିକିହ୍ନି  
 ଜଲିନାତି ଆଏ । ୧୭ ଇଦାଆଁତାକି ନୀନୁ ମାଢ଼୍ଫେ ଖେସ୍ତିମୁ, ନୀ ଅଣ୍ଡ଼ପୁତା  
 ଏନାୟି ମାନେ? କାୟିସରକି ସିସୁ ହୀନାୟି ମେରା କି ଆଏ?” ୧୮ ସାମା  
 ଜୀସୁ ଏଖାରି କାର୍ବି ପୁଞ୍ଜାନା ଏଲେଇରେସି, “ଆଡ଼େ କୁଟୁ ଗାଟାତେରି ନାଢ଼୍ଫେ  
 ଏନାଆଁତାକି ତାୟିପାରି କିହିମାଞ୍ଜାଦେରି? ୧୯ ଏ ସିସୁ ହୀନି ଟାକା ନାଢ଼୍ଫେ  
 ହିୟାଦୁ ।” ଏମ୍ପାଟିଏ ଏଖାଣି ଡ଼ାଣା ର ଟାକା ଆଦ୍‌ଲି ହୀତେରି । ୨୦ ଜୀସୁ  
 ଏଖାରାକ୍ ଖେରେସି, “ଇ ଆଦ୍‌ଲି ଲାକ ଆମ୍ପାଆରି ଦରୁ ଅଡ଼େ ଡ଼ାୟି ବମା  
 ମାନେ?” ୨୧ ଏଖାରି ଏଲେଇରେସି, “କାୟିସରଖାୟି ।” ଜୀସୁ ଏଖାରାକ୍  
 ଏଲେଇରେସି, “ଆତିହ୍ନି ଆମିନାୟି କାୟିସରଖାୟି ଏଦାଆଁ କାୟିସରକି ହୀଦୁ,  
 ଅଡ଼େ ଆମିନାୟି ମାହାପୁରୁଖାୟି ଏଦାଆଁ ମାହାପୁରୁକି ହୀଦୁ ।” ୨୨ ଏଖାରି  
 ଏଦାଆଁ ଖେଞ୍ଜାନା କାବାଆହାନା ଏଖାଣାକ୍ ପିସାଁ ହାଜାତୁସେରି । ୨୩ ହାକିଟି  
 ଖେଣ୍ଡେ ନିଢ଼୍ଫିନାୟି ହିଲେଏ ଇଞ୍ଜିମାନି ଏଚରଜାଣା ସାଦୁକିୟି ଏ ଦିନା ଜୀସୁ  
 ଡ଼ାଣା ଖାହାନା ଖେରେରି । ୨୪ “ଏ ଗୁରୁ ମସା ଖେସାମାଞ୍ଜାନେସି, ରଅସି ପଦି  
 ପଦା ଆଆନା ହାତିହ୍ନି ତାନି ତାୟି ତାନି ତକ୍ରିନି ଇଟାନା ଏ ହାତାଣି କୁଡ଼ା  
 ଏପାକିନେସି । ୨୫ ମେହ୍‌ମୁ ମା ଡ଼ାଣା ସାତା ଜାଣା ତାୟିୟି ମାରେରି; ତଲି  
 ମୁଲୁ ତାସି ବୀହା ଆହାନା ହାହାହାରେସି, ଇଞ୍ଜି କକାରି ପଦାୟି ହିଲାଆତାକି  
 ଏଖାସି ତାନି ତକ୍ରିନି ତାନି ତାୟିକି ପିସାହାରେସି; ୨୬ ଏଖାଣି ଜେଚତାସି  
 ଅଡ଼େ ଏଖାଣି ଜେଚତାସି ଏଲେକିହ୍ନି ସାତା ଜାଣା ଜିକେଏ ହାତେରି । ୨୭  
 ବାରେତି ଡ଼ାୟୁ ଏ ଇୟାଟି ଜିକେଏ ହାତେ । ୨୮ ଆତିହ୍ନି ଖେଣ୍ଡେ ନିଢ଼୍ଫିନାଟି  
 ଏ ସାତା ଜାଣା ବିତ୍ରା ଆମ୍ପାଆରି ତକ୍ରି ଆନେ? ଇତିହ୍ନି ବାରେଜାଣା ଏଦାନି

ବୀହା ଆହାମାରେରି ।” ୨୯ ଜୀସୁ ଏଞ୍ଜରାଲ୍ ଏଲେଇରେସି, “ମୀରୁ ଦୀର୍ଘ  
 ସାସ୍ତେରି ଅଡେ ମାହାପୁରୁତି ବାଡ଼୍‌ୟୁ ପୁନାଆନା ନାଡ଼ି ଆହିମାଞ୍ଜେରି । ୩୦  
 ଇତିହିଁ ହାହାନା ଖେଣ୍ଡେ ନିଢ଼ିସାରେ ଲକୁ ବୀହା ଆଅରି, କି ବୀହା ହାଅରି,  
 ସାମା ଲାକପୁରୁତି ଦୁରୁୟାଲେହେଁ ଆନେରି । ୩୧ ସାମା ହାତାରି ଖେଣ୍ଡେ  
 ନିଢ଼ିନି କାତା ମାହାପୁରୁ ମିଢ଼େ ଏନାଆଁ ଖେସାମାଞ୍ଜାନେସି ଏଦାଆଁ ମୀରୁ ପଡ଼଼ି  
 ଅହାହିଲଅତେରି? ୩୨ ନାନୁ ଅବ୍ରାହାମତି ମାହାପୁରୁ, ଇସାହାକତି ମାହାପୁରୁ,  
 ଅଡେ ଜାକୁବତି ମାହାପୁରୁତେଏଁ, ଏଞ୍ଜାସି ହାତି ଲକୁତି ମାହାପୁରୁ ଆଏ ସାମା  
 ଜୀଞ୍ଜୁଗାଟାରି ମାହାପୁରୁ ।” ୩୩ ଲକୁ ବାରେ ଏଞ୍ଜାଣି ଜୀପ୍‌ନାଣି ଖେଞ୍ଜାନା କାବା  
 ଆହାହାରେରି । ୩୪ ଜୀସୁଇଁ ସାଦୁକିୟାଁ ଖେଣ୍ଡେ ଖେସାଲି ଆଡି ହିଲଅରି ଇଞ୍ଜି  
 ପୁଞ୍ଜାନା ପାରୁସିୟାଁ ବିତ୍ରାଟି ରୁଣ୍ଡା ଆତେରି, ୩୫ ଅଡେ ଏଞ୍ଜାରି ବିତ୍ରାଟି ମେରା  
 ପୁନାସି ରଅସି ଜୀସୁଇଁ ତାୟିପାରିକିହିଁ ଖେରେସି, ୩୬ “ଗୁରୁ ବାରେ ହୁକୁମିକା  
 ବିତ୍ରାଟି ଆମିନି ହୁକୁମି କାଜାୟି?” ୩୭ ଜୀସୁ ଏଞ୍ଜାଣାଲ୍ ଏଲେଇରେସି, ନୀନୁ  
 ନୀ ବାରେ ହିୟାଁ, ନୀ ବାରେ ଜୀଞ୍ଜୁ ବାରେ ଅଣ୍ଡପୁ ତଲେ ପ୍ରୁ ନୀ ମାହାପୁରୁଇଁ  
 ଜୀଞ୍ଜୁ ନମୁ । ୩୮ ଇଦିଏ ବାରେ ହୁକୁମିକା କିହାଁ କାଜାୟି ଇଞ୍ଜି ତଲିତି ହୁକୁମି ।  
 ୩୯ ଏଞ୍ଜାଣି ଜେଚତି ହୁକୁମି ଜିକେଏ ଏଲେକିହିଁଏ, ନୀନୁ ନୀ ପାଡ଼ିତି ଲକୁଣି ନୀ  
 ଜୀଞ୍ଜୁତି ଜୀଞ୍ଜୁ ନହାଁ କତିନି ଲେହେଁ ଜୀଞ୍ଜୁ ନମୁ । ୪୦ ଇ ରୀ ହୁକୁମିତା ମସାତି  
 ବାରେ ମେରା, ଅଡେ ମାହାପୁରୁ ଅଣ୍ଡପୁତି ବଲୁ ଖେହନାରି କାତା ମାଞ୍ଜାମାନେ  
 । ୪୧ ପାରୁସିୟାଁ ରୁଣ୍ଡା ଆହାମାଟାଟି ଜୀସୁ ଏଞ୍ଜରାଲ୍ ଖେରେସି, ୪୨ “କ୍ରୀସୁଇଁ  
 ମୀରୁ ଆମ୍ବାଆସି ଇଞ୍ଜି ମୀରୁ ଅଣ୍ଡପିମାଞ୍ଜେରି? ଏଞ୍ଜାସି ଆମ୍ବାଆରି ମୀରୁଏସି?”  
 ଏଞ୍ଜାରି ଏଞ୍ଜାଣାଲ୍ ଏଲେଇରେସି “ଦାଞ୍ଜୁଦ ମୀରୁଏସି ।” ୪୩ ଜୀସୁ ଏଞ୍ଜରାଲ୍  
 ଏଲେଇରେସି, “ଆତିହିଁ ଦାଞ୍ଜୁଦ ଏନିକିଁ ସୁଦୁଜୀଞ୍ଜୁ ତଲେ ଏଞ୍ଜାଣାଲ୍ ପ୍ରୁ ଇଞ୍ଜି  
 ମାରେସି?” ଦାଞ୍ଜୁଦ ଏଲେଇରେସି, ୪୪ “ପ୍ରୁ ନା ପ୍ରୁଇଁ ଖେସ୍ତେସି, ନାନୁ ନୀ  
 ସାରୁୟାଣି ନୀ କତାୟାଁ ଡ଼ଇ ଇଟାଆ ପାତେକା ନା ଚିଷିନି ଟେଟା କୁଗାମାନାମୁ  
 । ୪୫ ଇତିହିଁ ଦାଞ୍ଜୁଦ ତାନୁଏ ଏଞ୍ଜାଣାଲ୍ ପ୍ରୁ ଇତିହିଁ, କ୍ରୀସୁ ଏନିକିଁ ଦାଞ୍ଜୁଦ  
 ମୀରୁଏସି ଆନେସି?” ୪୬ ଏମ୍ବାଟି ଆମ୍ବାଆସି ଜିକେଏ ଏଞ୍ଜାଣାଲ୍ ଖେଣ୍ଡେ  
 ଖେସାଲି ଅତାଆତେସି, ଅଡେ ଏ ନେରୁଟିଏ ଆମ୍ବାଆସି ଜିକେଏ ଜୀସୁଇଁ ଏନି  
 କାତା ଖେଞ୍ଜାଲି ସାସା କିଆତେରି ।

**୨୩** ଏଡିବେଲାତା ଜୀସୁ ବାରେ ଲକୁଇଁ ଇଞ୍ଜି ତାନି ସୀସୁୟାଁଲ୍ ଏଲେଇରେସି,  
 ୨ ମେରାପୁନାରି ଅଡେ ପାରୁସିୟାଁ ମସାତି ମେରା ଜୀପ୍‌ହାଲି ପାଣା



ବେଟାଆହାମାନେରି । ୩ ଏଦାଆଁତାକି ଏଝାରି ମିଢ଼େ ଏନାଆଁ ଝେସ୍ତାତିହିଁ  
 ଏଦାଆଁ ମାନଝି ଆଦୁ, ଅଡ଼େ ଏଝାରି ଝେସ୍ତାଲେହେଁ କିଦୁ, ସାମା ଏଝାରି  
 କାମା କିନିଲେହେଁ କାମା କିଆଦୁ, ଇତିହିଁ ଏଝାରି ଏନାଆଁ କିନାୟିମାନେ ଇଞ୍ଜି  
 ଝେହ୍ନେରି ସାମା ଏଝାରି କିଅରି । ୪ ଏଝାରି ବଜୁଗାଟି କାସ୍ତକା ଦସାନା ଲକ୍ଷୁ  
 ବମିତା ଏକ୍ନେରି ସାମା ତାମୁ ତାମି ରୁ ଝାଞ୍ଜୁ ତଲେ ଜିକେଏ ପେରୁହାଲି ମନ  
 କିଅରି । ୫ ଏଝାରି ଲକ୍ଷୁଣି ତସାଲି ତାମି କିନି କାମା ବାରେ କିନେରି, ଇତିହିଁ  
 ଏଝାରି ପାଟାୟିଣା ଦାମ୍ବୁ ପତିତି କାତା ରାତାନା ମପା ଅଡ଼େ ମୁଞ୍ଜୁତା ଦସା  
 କଡ଼ିନେରି, ଇଞ୍ଜି ତାମି ହିମ୍ବୁରିକାତି ପୁରୁଡ଼େୟାଁ କାଜା କାଜାଆଁ କିନେରି, ୬  
 ଅଡ଼େ ବଜିତା ନେହିଁ ଟାୟୁ ଇଞ୍ଜି ଜୀହୁଦି ଲକ୍ଷୁତି କୁଟମି ଇଲୁତା ନେହିଁ କାଜା  
 ଟାୟୁ ପାରିନେରି, ୭ ଇଞ୍ଜି ହାଟା ବାଜାରାତା ଜହରା ବେଟାଆହାଲି ଅଡ଼େ  
 ଲକ୍ଷୁ ତାଣାଟି ଗୁରୁ ଇଞ୍ଜି ମାନି ବେଟାଆହାଲି ନେହାୟି ଇଞ୍ଜି ଅଶ୍ପିନେରି  
 । ୮ ସାମା ମୀରୁ ଗୁରୁ ଇଞ୍ଜି ମାନି ବେଟାଆହାଲି ଅଶ୍ପାଆଦୁ, ଇତିହିଁ ମୀ  
 ଗୁରୁ ରଅସି ମାନେସି, ଇଞ୍ଜି ମୀରୁ ବାରେତାୟି ତାୟିୟାତେରି । ୯ ଅଡ଼େ  
 ଦାର୍ତ୍ତିତା ଆମ୍ବାଆରାଇଁ ଜିକେଏ ଆବା ଇଞ୍ଜି ମାନି କିଆଦୁ, ଇତିହିଁ ମୀ ଆବା  
 ରଅସିଏ ଲାକପୁରୁ ମାନେସି । ୧୦ ଅଡ଼େ ମୀରୁ ସାଲଝି କିନାତମି ଇଞ୍ଜି ମାନି  
 ପୁଞ୍ଜୁଆଦୁ, ଇତିହିଁ ମିଢ଼େ ସାଲଝି କିୟାନାସି ରଅସିଏ ଏଝାସି କ୍ରୀସୁ । ୧୧  
 ସାମା ମୀ ବିତ୍ରା ଆମ୍ବାଆସି କାଜାସି ଏଝାସି ମୀ ସେବା କିନାସି ଆନେସି । ୧୨  
 ଅଡ଼େ ଆମ୍ବାଆସି ତାଡ଼େ କାଜାତେଏଁ ଇଞ୍ଜି ଇଞ୍ଜି କଡ଼ିନେସି, ଏଝାଣାଇଁ ଉଣା  
 କିଝିଆନେ, ଇଞ୍ଜି ଆମ୍ବାଆସି ତାଡ଼େ ଉଣା କିହାକଡ଼ିନେସି, ଏଝାଣାଇଁ କାଜାସି  
 କିଝିଆନେ । ୧୩ ଆୟତା ତଣ୍ଡୁ ପାଣ୍ଡି କୁରୁଗାଟି ପାରୁସିୟାଁ ଅଡ଼େ ମେରା  
 ପୁନାତେରି, ଇତିହିଁ ମୀରୁ ଲକ୍ଷୁତାକି ଲାକପୁରୁ ରାଜିତି ଦାରା ସୁଣ୍ଡିଦେରି;  
 ମୀରୁ ମୀରୁଏ ଏମ୍ବାଆଁ ହଡ଼ି ହିଲଅତେରି, ଇଞ୍ଜି ହଡ଼ାଲି ମନ ଗାଟି ଲକ୍ଷୁଣି  
 ଜିକେଏ ହଡ଼ାଲି ହାହି ହିଲଅତେରି । ୧୪ ଆୟତା ତଣ୍ଡୁ ପାଣ୍ଡି କୁରୁଗାଟି  
 ମେରା ପୁନାତେରି ଅଡ଼େ ପାରୁସିୟାଁତେରି, ଇତିହିଁ ମୀରୁ ଉଜେ ଉଜେଏ  
 ଲାମ୍ବା ପ୍ରାତାନା କିହାନା ରାଣ୍ଡେଣିସିକା ଇଲକା ସେନ୍ଦିନାତେରି; ଏଦାଆଁତାକି  
 ମୀରୁ ହାରେକା ତଣ୍ଡୁ ବେଟାଆଦେରି । ୧୫ ଆୟତା ତଣ୍ଡୁ ପାଣ୍ଡି କୁରୁଗାଟି  
 ପାରୁସିୟାଁ ଅଡ଼େ ମେରା ପୁନାତେରି, ଇତିହିଁ ମୀରୁ ରଅଣାଇଁ ଜୀହୁଦି ଦାମ୍ବୁତା  
 ଆହ୍‌ହାଲି ସାମ୍ବୁରି ଆତାଲା ଗାଣ୍ଡାନା ଦେସା ରେଜେରି, ଇଞ୍ଜି ଏଚିବେଲା  
 ଏଝାସି ଆଣ୍ଡାନେସି, ଏଚିବେଲାତା ମୀରୁ ଏଝାଣାଇଁ ମୀ କିହାଁ ହାରେକା

ଆଗାଡ଼ା ନର୍କତା ମେତ୍ସି ଆନାସି କିହାନା ଲାଗେଏ କିଦେରି । (Geenna  
g1067) ୧୭ ଆୟତା ଡଣ୍ଡ ବେଟା ଆନାତେରି କାଣାୟାଁଇଁ ଜିରୁ ଡହ୍ନାତେରି,  
ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁତି ପାର୍ମାଣା କିତିହିଁ  
ଏନାୟି ହିଲେଏ, ସାମା ଆମ୍ବାଆସି ଇଲୁତି ବାଂଗାରାତି ପାର୍ମାଣା କିତିହିଁ  
ଏଞ୍ଜାସି ପାର୍ମାଣା କିତିଲେହେଁ ତାପାଆନା କାମା କିନାୟିମାନେ । ୧୭ ଆଡ଼େ  
କାଣାୟାଁ ଅଡ଼େ ବୁଡ଼ି ହିଲିଆଗାଟାତେରି ବାଂଗାରା କି ଏ ବାଂଗାରାତି ସୁଦୁ  
କିହାମାନି ଦେଖୁଡ଼ି, ଇ ରୀ ବିତ୍ରାତି ଆମିନାୟି କାଜାୟି? ୧୮ ଅଡ଼େ ମୀରୁ  
ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁ ପିଣ୍ଡାତି ପାର୍ମାଣା କିତିହିଁ  
ଏନାୟି ଆଏ, ସାମା ଆମ୍ବାଆସି ପୂଜାପିଣ୍ଡା ଲାକ ମାନି ଦାନାତି ପାର୍ମାଣା  
କିତିହିଁ, ପାର୍ମାଣା କିତିଲେହେଁ ତାପାଆନା କାମା କିନାୟିମାନେ । ୧୯  
ଆଡ଼େ କାଣାୟାଁତେରି, ଦାନା କି ଏ ଦାନାତି ସୁଦୁ କିହିମାନି ମାହାପୁରୁ ଇଲୁତି  
ପୂଜାପିଣ୍ଡା, ଇ ରୀ ବିତ୍ରାତି ଆମିନାୟି କାଜାୟି? ୨୦ ଏଦାଆଁତାକି ଆମ୍ବାଆସି  
ଦାନାହାନି ପିଣ୍ଡାତି ପାର୍ମାଣା କିନେସି, ଏଞ୍ଜାସି ଏ ପିଣ୍ଡା ଅଡ଼େ ପିଣ୍ଡାତା ମାନି  
ଦାନାତି ପାର୍ମାଣା କିହିମାନେସି; ୨୧ ଅଡ଼େ ଆମ୍ବାଆସି ମାହାପୁରୁ ଇଲୁତି  
ପାର୍ମାଣା କିନେସି, ଏଞ୍ଜାସି ମାହାପୁରୁ ଇଲୁ ଇଞ୍ଜାଁ ଏମ୍ବାଆଁ ବାସାଆହାମାନି  
ମାହାପୁରୁଇଁ ପାର୍ମାଣା କିନେସି; ୨୨ ଅଡ଼େ ଆମ୍ବାଆସି ଲାକପୁରୁତି ପାର୍ମାଣା  
କିନେସି, ଏଞ୍ଜାସି ମାହାପୁରୁତି ସିଂଗାସାଣି ଇଞ୍ଜାଁ ଏମ୍ବାଆଁ କୁଗାମାନି ମାହାପୁରୁଇଁ  
ପାର୍ମାଣା କିନେସି । ୨୩ ଆୟତା ଡଣ୍ଡ ପାଣ୍ଡି କୁଚୁଗାଟି ମେରା ପୁନାତେରି  
ଇଞ୍ଜାଁ ପାରୁସିୟାଁ, ଇତିହିଁ ମୀରୁ କୁମୁରି କୁଟା, ରାୟି, ଜିରା ଇନି ଡଣା ଡାସା  
ବିତ୍ରାତି ଜିକେଏ ଦସ ବାଗାଟି ର ବାଗା ହୀହିମାଞ୍ଜେରି, ଅଡ଼େ ମସା ମେରାତି  
କାଜା କାତାୟାଁ ଇତିହିଁ ସାତା ନୀହାୟି କିନାୟି, କାର୍ମା ଡହ୍ନାୟି, ଇଞ୍ଜାଁ ନାମ୍ବୁ,  
ଇ ବାରେ ପିସାମାଞ୍ଜେରି; ସାମା ଇ ବାରେ ମାନଞ୍ଜି ଆହାନା ଅଡ଼େ ଏ ବାରେ  
ପିହୁଆୟି ମାନେ । ୨୪ ଆଡ଼େ କାଣାୟାଁ ଜିରୁ ଡହ୍ନାତେରି, ମୀରୁ ଞ୍ଜାହାଁତି  
ହାଣି କିଦେରି ସାମା ଡରୁଇଁ ଗୁହ୍ଦେରି । ୨୫ “ଆୟତା ଡଣ୍ଡ ପାଣ୍ଡି କୁଚୁଗାଟି  
ମେରା ପୁନାତେରି ଇଞ୍ଜାଁ ପାରୁସିୟାଁତେରି, ଇତିହିଁ ମୀରୁ ଗିନା ଅଡ଼େ ସାଡ଼ଞ୍ଜାତି  
ପାଞ୍ଜାତା ନରୁହି ମାଞ୍ଜେରି, ସାମା ଏ ବିତ୍ରା ଜୁପକା ଆହାଁ ସରୁ କିତି ଆସି  
ବାରେ ନେଞ୍ଜି କିହାମାଞ୍ଜେରି । ୨୬ ଆଡ଼େ କାଣ୍ଡକା ମେହୁଆଗାଟି ପାରୁସିୟାଁ,  
ନକେଏ ଗିନାତି ବିତ୍ରାତାଣି ନରୁଦୁ, ଏନିକିଁ ପାଞ୍ଜାତା ଜିକେଏ ନରୁଞ୍ଜି ଆନେ  
।” ୨୭ ଆୟତା ଡଣ୍ଡ ପାଣ୍ଡି କୁଚୁଗାଟି ମେରା ପୁନାତେରି ଇଞ୍ଜାଁ ପାରୁସିୟାଁ,

ଏନାଆଁତାକି ଇତିହିଁ ମୀରୁ ହୁନୁ ଉତ୍ପତ୍ତି ମାତ୍ତ୍ୱା ମୁହନି ଚାୟୁଲେହେଁ ତାତେରି  
 । ଏଦି ପାଞ୍ଜୁତା ଅଜିକିଁ ତଞ୍ଜାଆନେ, ସାମା ବିତ୍ରା ହାତାରି ପେଶକା ଇଞ୍ଜି  
 ସୀରତାୟି ନେଞ୍ଜାମାନେ; ୨୮ ଏଲେକିହିଁଏ ମୀରୁ ଜିକେଏ ପାଞ୍ଜୁତି ଲକୁ  
 ନକିତା ଦାମ୍ବୁଗାଟାତେରି ଲେହେଁ ତଞ୍ଜା ଆଦେରି, ସାମା ମୀ ହିୟାଁ ବିତ୍ରା କୁଚୁ  
 ଅଡେ ପାପୁ ନେଞ୍ଜାମାନେ । ୨୯ ଆୟତା ତଣ୍ଡ ପାଣି କୁଚୁଗାଟି ଚେରା  
 ପୁନାତେରି ଇଞ୍ଜି ପାରୁସିୟାଁ, ଇତିହିଁ ମୀରୁ ମାହାପୁରୁ ଅଣ୍ଡୁତି ବଲୁ ଖେହନାରି  
 ମାତ୍ତ୍ୱା ମୁହନି ଚାୟୁ ଚେପାନା, ଦାମ୍ବୁଗାଟାରି ମାତ୍ତ୍ୱା ମୁହନି ଚାୟୁତି ମୁଣ୍ଡା  
 ଅଜିକିଁ କିହାନା ଏଲେଇଞ୍ଜିମାଞ୍ଜେରି; ୩୦ ମାମୁ ମା ଆକୁ ଆବାୟାଁ ବେଲତା  
 ମାତିହିଁମା, ମାହାପୁରୁ ଅଣ୍ଡୁତି ବଲୁ ଖେହନାରାଇଁ ପାୟାଲି ଆଣ୍ଡାଆତମିମା ।  
 ୩୧ ଏଦାଆଁତାକି ମୀରୁଏ ମାହାପୁରୁ ଅଣ୍ଡୁତି ବଲୁ ଖେହନାରାଇଁ ପାୟାମାନି  
 ଲକୁତି ମୀରୁକାତେରି, ଏ କାତାତାକି ମୀରୁଏ ମିଢ୍ଫେ ସାକି ହାହା କଡିମାଞ୍ଜେରି  
 । ୩୨ ମୀରୁ ହାଜାନା ମୀ ଆକୁ ଆବାୟାଁ କିତି କାମା ରାପଦୁ । ୩୩ ଆଡେ  
 ରାସକାତେରି, ଇଞ୍ଜି ବୀସା ଗାଟି ରାସକା କୁଡାତି ମୀରୁକାତେରି, ମୀରୁ  
 ବିରା ଦିନାତା ଏନିକିଁ ହିରୁ ଗୁଡ଼ଖାତି ତଣ୍ଡୁଟି ପିସ୍ପି ଆଦେରି? (Geenna  
 g1067) ୩୪ ଏଦାଆଁତାକି ମେହମୁ ନାନୁ ମୀ ତାଣା ମାହାପୁରୁ ଅଣ୍ଡୁତି  
 ବଲୁ ଖେହନାରାଇଁ, ରୁଦି ଗାଟାରାଇଁ, ଇଞ୍ଜି ଜାପନି ଗୁରୁକାଇଁ ପାଣ୍ଡିମାଞ୍ଜାଇଁ;  
 ଏଖାରି ବିତ୍ରାଟି ଆମ୍ବା ଆମ୍ବାଆରାଇଁ ପାୟିଦେରି, ପାସି ମୁଣ୍ଡାତା ଏକହାନା  
 ପାୟିଦେରି, ଅଡେ ଆମ୍ବା ଆମ୍ବାଆରାଇଁ ଜାହୁଦି ଲକୁତି କୁଚମି ଇଲୁତା ସାଟି  
 ତ୍ତେତଲେ ଖେଦେରି, ଇଞ୍ଜି ଗାଡାତାକି ଗାଡା ଗଡ଼ହା ନିନ୍ଦା କିଦେରି । ୩୫  
 ଏନିକିଁ ଦାମ୍ବୁଗାଟି ହେବଲାଇଁ ପାୟିତି ଦିନାଟିଏ, ମାହାପୁରୁ ଇଲୁ ପିଣ୍ଡା ଦାରିତା  
 ବେରିକିୟ ମୀରୁଏସି ଜିକରିୟାଇଁ ପାୟିତି ପାତେକା, ଦାରୁତିତା ଏତେକା  
 ନେହାଁରାଇଁ ପାୟାମାଞ୍ଜେରି, ଏ ବାରେ କାମାତି ତଣ୍ଡୁ ମୀ ମୁହେଁ ଖାନେ । ୩୬  
 ନାନୁ ମିଢ୍ଫେ ସାତା ଖେସିମାଞ୍ଜାଇଁ, ଇ କାଲାତି ଲକୁ ମୁହେଁ ଇ ବାରେ ତଣ୍ଡୁ ରିନେ  
 । ୩୭ ଏ ଜିରୁସାଲମ, ଏ ଜିରୁସାଲମ! ମାହାପୁରୁ ଅଣ୍ଡୁତି ବଲୁ ଖେହନାରାଇଁ  
 ପାୟିନାତି ନୀ ତାଣା ପାଣ୍ଡି ଆତାରାଇଁ ଖାଲକାତଲେ ଖେନାତି, କୟୁ ଏନିକିଁ  
 ତାନି ହୀପାୟାଣି କୁଡି କିହାନା ମାରାୟାଁ ତଲ ପୁକହାନା ଜଢ଼ିନେ, ନାନୁ ନୀ  
 ଲକୁଇଁ ଏତର ପାଲି ଏଲେକିଁ କୁଡିକିହାଲି ମନ କିତେଏଁ, ସାମା ଏଖାରି ମନ  
 ହୀଆତେରି । ୩୮ ଅଡେ ମେହଦୁ ମୀ ମାହାପୁରୁ ଇଲୁ ମୀ କେୟୁତା ହୀପକି  
 ଆହାମାଞ୍ଜାନେ । ୩୯ ଇତିହିଁ ନାନୁ ମିଢ୍ଫେ ଖେସିମାଞ୍ଜାଇଁ, ମାହାପୁରୁ ଦରୁତି

ଆତ୍ମାଆସି ଝାହିମାନେସି, ଏଝାସି ନେହାଁସି, ମୀରୁ ଏ କାତା ଜଲଆ ପାତେକା  
ନୀଞ୍ଜୁଟିଏ ନାଡ଼େ ଅଡ଼େ ମେସୁଅତେରି ।

**୨୪** ଜୀସୁ ମାହାପୁରୁ ଇଲୁଟି ହତା ହାଜିମାଚାଟି ତାନି ସୀସୁୟାଁ ମାହାପୁରୁ  
ଇଲୁଟି ବାରେ ଇଲକାଣି ତସାଲି ତାନି ତାଣା ଝାତେରି, ୨ ସାମା ଜୀସୁ  
ଏଝାରାଇଁ ଏଲେଇଚେସି, “ମୀରୁ ଇ ବାରେ ମେସି ହିଲଅତେରି? ନାନୁ ମିଡ଼େ  
ସାତା ଝେସିମାଞ୍ଜାଇଁ, ଇମ୍ପାଆଁ ମାନି ର ଝାଲି ଅର ଝାଲି ଲାକ ତୟେଏ, ଇ  
ବାରେଏ ମେଶ୍ଟାହାନୁ ।” ୩ ତାୟୁ ଜୀସୁ ଜୀତ ହରୁ ଲାକ କୁଗାଲିଏ, ତାନି  
ସୀସୁୟାଁ ମେଶେଏ ଝାହାନା ଝେଚେରି, “ଇ ବାରେ ଏଚେଲା ଆନେ, ଅଡ଼େ  
ନାନୁ ଝାନାୟି ଇଞ୍ଜା ଜୁଗୁ ରାନି ଦିନାଟି ସିନା ଏନାୟି ଏଦାଆଁ ମାଡ଼େ ଝେସ୍ତାମୁ  
।” (aiōn g165) ୪ ଏମ୍ପାଟିଏ ଜୀସୁ ଏଝାରାଇଁ ଏଲେଇଚେସି, “ଜାଗ୍ରାତା ଏନିକିଁ  
ଆତ୍ମାଆରି ମିଡ଼େ ନାଡ଼ି କିୟଅରି । ୫ ଇଚିହିଁ ହାରେକା ନା ଦରୁଟି ଝାହାନା  
ନାନୁ କ୍ୱାସୁତେଏଁ ଇଞ୍ଜା ଝେସାନା ହାରେକା ଲକ୍ଷୁଇଁ ନାଡ଼ି କିନେରି । ୬ ଅଡ଼େ  
ମୀରୁ ଜୁଜୁଟି କାତା ଇଞ୍ଜା ଜୁଜୁତା କାଲଝି ଆହିମାନି ଲକ୍ଷୁଟି ହାତା ଝେଞ୍ଜେରି;  
ଜାଗ୍ରାତା କିଲିବିଲି ଆଆଦୁ । ଏନାଆଁତାକି ଇଚିହିଁ ଇ ବାରେ ଆନାୟି ମାନେ,  
ସାମା ଏ କାଲା ଜୁଗୁ ରାନାୟି ଆଏ । ୭ ଇଚିହିଁ ଦେସା କପାଟି ଦେସା, ଅଡ଼େ  
ରାଜି କପାଟି ରାଜି ଗଡ଼ହା ନିଢ଼ିନେ, ଇଞ୍ଜା ଆମ୍ବି ଆମ୍ବିୟା କାର୍ଖୁ ଆନେ, ଅଡ଼େ  
ବୁମି ଝାଡ଼ିନେ । ୮ ସାମା ଇ ବାରେ କକାରି ପଦାୟାଁ ବେଟାଆନାଟି ତଲିଏ  
ଲୁଞ୍ଜିନି ବୀସାଲେହେଁତାୟି ।” ୯ “ଏଚିବେଲାତା ଲକ୍ଷୁ ମିଡ଼େ କସୁ ହିୟାଲି  
ହେର୍ପାନେରି, ଇଞ୍ଜା ମିଡ଼େ ପାୟାନେରି, ଇଞ୍ଜା ନା ଦରୁ ତାକି ମୀରୁ ବାରେ  
କୂଡ଼ାଟି ଲକ୍ଷୁ ତାଣା ଅପାଆ ଗାଟାତେରି ଆଦେରି । ୧୦ ଏଚିବେଲା ହାରେକା  
ଲକ୍ଷୁ ତାନି ନାମୁଟି ପିହ୍ନେରି, ଅଡ଼େ ରଅସି ରଅଶାଇଁ ଆସ୍ପି କିଝି କିନେରି,  
ଅଡ଼େ ରଅସି ରଅଶାଇଁ ଅପ୍ଝି ଆଅରି, ୧୧ ଅଡ଼େ ହାରେକା ମାହାପୁରୁଟି ମିଟି  
ବଲୁ ଝେହ୍ନାରି ନିଢ଼ୁନା ହାରେକା ଲକ୍ଷୁଇଁ ନାଡ଼ି କିନେରି, ୧୨ ଅଡ଼େ ଲାଗେଏ  
ପଲେଏ କାମା ଗାଡ଼ି ଆଡ଼ିସାରେ, ହାରେକା ଲକ୍ଷୁଟି ତାନି ଜୀଝୁନନାୟି ଉଶା  
ଆନେ । ୧୩ ସାମା ଆତ୍ମାଆସି ରାନି ପାତେକା ସାସା ଆସାନା ତୟିନେସି  
ଏଝାସି ଗେଲ୍ପି ଆନେସି । ୧୪ ଅଡ଼େ ବାରେ ଲକ୍ଷୁ ନକିତା ସାକି ଆହାଲିତାକି,  
ମାହାପୁରୁ ରାଜିତି ଇ ନେହିଁ କାବୁ ବାରେ ଦାର୍ତତା ଝେପକିଆନେ, ତାୟୁ  
ଜୁଗୁ ରାନେ ।” ୧୫ “ଏଦାଆଁତାକି ମୀରୁ ଏଚିବେଲା ମାହାପୁରୁ ଅଶ୍ପୁଟି  
ବଲୁ ଝେହ୍ନି ଦାନିୟେଲ ଝେସ୍ତି କାତାଲେହେଁ ନାସାକିନି ଅପାଆଗାଟି ଆସ୍ପୁଟି

ସୁଦୁ ଚାୟୁତା ଇଟାମାନାଣି ମେହ୍‌ଦେରି” ପୃତ୍ଵି ଆନାସି ଜାଗ୍ରାତା ଆହାନା ପୁଣ୍ଡେସି ୧୭ ଏଚିବେଲା ଆମ୍ବାଆରି ଜୀହୁଦା ରାଜିତା ମାନେରି, ଏଝାରି ହୁର୍କା ଲାକ ହଣ୍ଡାରି; ୧୭ ଆମ୍ବାଆସି ଇଲୁ ଲାକ ମାନେସି, ଏଝାସି ତାନି ଇଲୁ ବିତ୍ରା ଆସ୍ତି ତାକାହାଜାଲି ରେଚା ଝାଆପେସି; ୧୮ ଅଡେ ଆମ୍ବାଆସି ରୁତିୟାତା ମାନେସି, ଏଝାସି ତାନି ହିମ୍ପୁରି ଅହାଲି ଝେଣ୍ଡେ ହାଲାଆପେସି । ୧୯ ଏଚିବେଲାତା ପୁରାମାସା ଆହାମାନାଇ ଇଞ୍ଜି ପାଲୁ ଉର୍‌ହିମାନାଇ ଆୟତା ଏଝି ଉଣେଏ କସ୍ତୁ ପାଣ୍ଡୁ, ୨୦ ସାମା ମୀ ହଣ୍ଡାୟି ପେନି ବେଲାତା କି ଜମିନି ଦିନାତା ଆଆପେ, ଏଦାଆଁତାକି ପ୍ରାତାନା କିଦୁ । ୨୧ ଇଚିହିଁ ଏଚିବେଲାତା ଇଲେତି କସ୍ତୁ ଆନେ, ମାହାପୁରୁ ଦାର୍‌ତିଚି ଗାଡ଼ିକିଚି ଦିନାଟିଏ ନୀଞ୍ଜୁପାତେକା ଏଲେକିଁ ଆହା ହିଲେଏ, ଇଞ୍ଜି ଏଲେକିଁ ଏଚେଲାଝା ଆଏ । ୨୨ ଅଡେ ମାହାପୁରୁ ଏ ବେଲାତି ଉଣା କିହା ହିଲାଆତିହିଁମା; ଦାର୍‌ତିତା ଆମ୍ବାଆସି ଜିକେଏ ଗେଲ୍‌ପି ଆଆଡେସିମା, ସାମା ତାନି ଆଡିତି ଲକୁତାକି ଏ କସ୍ତୁ ଉଣା କିନେସି । ୨୩ “ଏଚିବେଲା, ‘ମେହ୍‌ଦୁ କ୍ରୀସ୍ତୁ ଇମ୍ବାଆଁ ମାନେସି ଆଆଡିଁ ଏମ୍ବାଆଁ ମାନେସି’ ଇଞ୍ଜି ଆମ୍ବାଆସି ମିଡ୍ଡେ ଏଲେକିହିଁ ଝେସ୍ତାନେସି ଇଚିହିଁ ଏଦାଆଁ ନାମାଆଦୁ । ୨୪ ଇଚିହିଁ ନାଡ଼ିକିନି କ୍ରୀସ୍ତୁୟି ଅଡେ ମାହାପୁରୁ ବଲୁ ମିଚି ଝେହ୍‌ନାରି ନିଢ୍ଠାନା ହାରେକା କାଜା ସିନା ଅଡେ କାବାଆନି କାମାୟି ତୁହ୍‌ନେରି, ଆଡିତିହିଁ ଆଡ଼ିଆତି ଲକୁଣି ଜିକେଏ ନାଡ଼ି କିନେରି । ୨୫ ମେହ୍‌ଦୁ ନାନୁ ମିଡ୍ଡେ ତଲିଏ ଝେସାମାଞ୍ଜାଇ ।” ୨୬ “ଇଦାଆଁତାକି ‘ମେହ୍‌ଦୁ ଏଝାସି ବାଟାତା ମାନେସି’ ଇଞ୍ଜି ଲକୁ ଝେସ୍ତାତିହିଁ ହାଲାଆଦୁ: ‘ମେହ୍‌ଦୁ ବିତ୍ରା ବାକ୍ରାତା ମାନେସି’ ଇଞ୍ଜି ଝେସ୍ତାତିହିଁ ଏଦାଆଁ ନାମାଆଦୁ । ୨୭ ଇଚିହିଁ ହାଗୁ ମିହ୍‌ନି ବେଲାତି ଉଜେଡ଼ି ଏନିକିଁ ଝେଡ଼ା ହୁପୁ ଝାକିଚି ହୁଚାନା ଝେଡ଼ା କୁଡ଼ିନି ପାତେକା ତଞ୍ଜୁଆନେ, ଏଲେଆହିଁଏ ମାଣ୍‌ସି ମୀର୍‌ଏସି ଝାନେସି ।” ୨୮ ଏମ୍ପିୟା ମାଡ଼ହା ରିହାମାନେ ଏମ୍ବାଆଁ ରାମଣାୟି ରୁଣ୍ଡା ଆନୁ । ୨୯ “ସାମା ଏଚିବେଲାତି କସ୍ତୁ ତାୟୁ ଦେବୁଣିଏ ଝେଡ଼ା ଆନେରି ଆନେ, ଅଡେ ଲେଞ୍ଜୁ ଉଜେଡ଼ି ହୀଏ, ଅଡେ ହାଗୁଟି ହୁକାୟି ତରଗିନୁ, ଇଞ୍ଜି ହାଗୁ ଲାକତି ବାଡ଼୍‌ୟୁ ବାରେ ଝାଡିନେ । ୩୦ ଏଚିବେଲା ହାଗୁ ଲାକତି ମାଣ୍‌ସି ମୀର୍‌ଏଣି ସିନା ତଞ୍ଜୁଆନେ, ଇଞ୍ଜି ମାଣ୍‌ସି ମୀର୍‌ଏଣାଇଁ କାଜା ବାଡ଼୍‌ୟୁ ଅଡେ ଗାଞ୍ଜୁରମିଗାଟି ଉଜେଡ଼ି ତଲେ ହାଗୁଟି ଦୁନ୍‌କାଟି ଝାନାଣି ମେସାନା ଦାର୍‌ତିଚି ବାରେ କୁଡ଼ାତି ଲକୁ ହାରେକା ଦୁକୁ ତଲେ ତ୍ରୀନେରି । ୩୧ ଅଡେ ଏଝାସି ତାତ୍ରି ମହ୍‌ରି ହାଡାତଲେ ତାନି

ଦୁରୁୟାଣି ପାଣ୍ଡିନେସି ଇଚ୍ଛା ଏଝାରି ଦାର୍ତ୍ତି ମୁର୍ଦ୍ଦେତି ହାନ୍ତିଟିଏ ହାଗୁଲକତି ମୁର୍ଦ୍ଦେ ହାନ୍ତି ପାତେକା ସାରିଝାକିଟି ତାନି ଆତାମାନି ଲକ୍ଷ୍ମଣ ରୁଣ୍ଡା କିନେରି ।”

୩୨ “ତୟା ମାର୍ଦ୍ଦୁ ପୁଣ୍ଡି କିନି କାତାଟି ଜାପାଦୁ: ଏତିବେଲା କମାତା ଆକା ଗାଲ୍‌ନାଣି ମେସ୍ତିହିଁ କାରାୟାଁ ଝେଡ଼ା ଝାତେ ଇଚ୍ଛା ପୁଞ୍ଜେରି । ୩୩ ଏଲେକିହିଁଏ ମୀରୁ ଜିକେଏ ଇ ବାରେ ମେସ୍ତିସାରେ ଏଝାସି ଦୁଝେରି ତାଗେ ମାନେସି ଇଚ୍ଛା ପୁଞ୍ଜେରି । ୩୪ ନାନୁ ମିଢ୍ଢେ ସାତା ଝେସିମାଞ୍ଜାଲ୍, ଇ ବାରେ ଗଟଝି ଆଆପାତେକା ଇ କାଲାତି ଲକ୍ଷ୍ମଣ ଏନିଜିକେଏ ମେଶ୍ଢୁଅରି । ୩୫ ହାଗୁପାକା ଦାର୍ତ୍ତି ବାରେ ମେଶ୍ଢୁନେ, ସାମା ନା ବଲୁ ଏତେଲାଝା ମେଶ୍ଢୁଏ ।” ୩୬ ସାମା ଏ ଦିନା ତଣ୍ଡି କାତା ଆମ୍ବାଆସି ପୁନଅସି, ଲାକପୁରୁତି ଦୁରୁୟାଁ କି ମୀରୁଏସି ଜିକେଏ ପୁନଅସି, ଝାରୁଇ ଆବାଦେ ପୁନେସି । ୩୭ ଅଡ଼େ ନହ ବେଲାତା ଏନିକି ଆହାମାତେ, ମାଶ୍ଵି ମୀରୁଏସି ଝାନି ବେଲାତା ଏଲେକି ଆନେ । ୩୮ ଇତିହିଁ ଝାରୁ କୁପ୍‌ନି ନକେଏ, ନହ ତଂଗତା ହଡ଼ିନି ଦିନା ପାତେକା ଲକ୍ଷ୍ମଣ ଏନିକି ତିଚ୍ଛା ଉଣ୍ଡିହିଁ, ବୀହା କିୟାଲି ବୀହା ହିୟାଲି ହେରାମାତେରି, ୩୯ ଇଚ୍ଛା କାଜା ପିୟୁତଲେ ଝାରୁ ଝାହାନା କୁପ୍‌ହା ଅନି ପାତେକା ଏନିକି ଏଝାରି ପୁଞ୍ଜାହିଲାଆତେରି, ମାଶ୍ଵି ମୀରୁଏଶା ଝାନାୟି ଜିକେଏ ଏଲେଆହିଁଏ ଆନେ । ୪୦ ଏତିବେଲାତା ରିଆରି ଗୁଡ଼ିୟାତା ମାନେରି, ରଅସି ଅଝିଆନେସି ରଅସି ଏମ୍ବାଆଁ ଡ଼ୟିନେସି । ୪୧ ରୀ ଇୟାସିକା ଜେତାତା ନୁୟିମାନୁ ରଣ୍ଡି ଅଝିଆନେ ଅଡ଼େ ରଣ୍ଡି ଏମ୍ବାଆଁ ଡ଼ୟିନେ । ୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏନାଆଁତାକି ଇତିହିଁ ମୀ ପ୍ରୁ ଆମିନି ଦିନା ଝାନେସି, ଏଦାଆଁ ମୀରୁ ପୁଞ୍ଜାହିଲଅତେରି । ୪୩ ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ନେକେରିତା ସରୁ ଝାନେସି, ଏଦାଆଁ ସାଝୁକାରି ପୁଞ୍ଜାମାତିହିଁମା, ଜାଗ୍ରାତା ଆହାନା ତାନି ଇଲୁତି କାତି ତୁରୁହାଲି ହୀଆତେସିମା । ୪୪ ଏଦାଆଁତାକି ମୀରୁ ଜିକେଏ କାତାନା ମାଞ୍ଜୁ, ଇତିହିଁ ଆମିନି ବେଲାତା ମୀରୁ ଅଶ୍ଵା ହିଲଅତେରି, ଏ ବେଲାତା ମାଶ୍ଵି ମୀରୁଏସି ଝାନେସି । ୪୫ ସାଝୁକାରି, ତାନି ଇଲୁତି ଲକ୍ଷ୍ମଣକି, ରାନ୍ଦୁ କାଗୁତା ରାନ୍ଦୁ ହୀହାଲି, ତାନି ଗୁମୁସ୍ତା ପାଶା ଆମ୍ବାଆରାକି ହୀହାମାନେସି, ଇଲେତି ନାମ୍ବା ଅଡ଼େ ବୁଦିଗାଟି ଗୁମୁସ୍ତା ଆମ୍ବାଆସି, ୪୬ ପ୍ରୁ ଝାହାନା ତାନି ଆମିନି ହଲେଏଶାଲ୍ ଏଲେକିହିଁ ମାନାଶାଲ୍ ମେହ୍‌ନେସି, ଏଝାସି ନେହ୍‌ସି! ୪୭ ନାନୁ ମିଢ୍ଢେ ସାତା ଝେସିମାଞ୍ଜାଲ୍, ଏଝାସି ଏଝାଶାଲ୍ ତାନି ବାରେ ଦନତି ମୁହେଁ ଗୁମୁସ୍ତା କିନେସି । ୪୮ ସାମା ଏ ହଲେଏସି ଲାଗେଏ ପଲେଏତାସି

ଆହାନା, ନା ସାଧୁକାରି ଖାନାୟି ମାନେୟିଏ ଇଞ୍ଜି ତାନି ମନତା ଅଣ୍ଠପାନା, ୪୯  
 ଏଝାସି ତାନି ତଲେତି ହଲିୟାଢ଼ାଣି ଖେଚିହିଁ, କାତୁ ଗହନାରି ତଲେ ତିଞ୍ଜିହିଁ  
 ଗସିହିଁ ମାନେସି, ୫୦ ଆତିହିଁ ଆମିନି ନେରୁ ହଲେଏସି କାଚାହିଲଅସି ଅଡ଼େ  
 ଏମିନି ବେଲା ପୁଞ୍ଜାହିଲଅସି ଏ ଦିନା ଏ ବେଲାତା ତାନି ପ୍ରବୁ ଖାନେସି । ୫୧  
 ଇଞ୍ଜି ଏଝାଣାଇଁ ରୀ ବାଗା କିହିଁ ଦାତାନା କୁରୁ ଗାଟାରି ତଲେ ତାନି ବାଗା  
 କିନେସି; ଏମ୍ପାଆଁ ତାନାୟି ଅଡ଼େ ପାଲ୍‌କା ଟୀଟି କିନାୟିମାନେ ।

**୨୫** ଏତିବେଲା ଲାକପୁରୁତି ରାଜି ଦସ ଜାଣା ଡାଆ ପଦାୟି ଲେହେଁ ଆନେ;  
 ଏଝି ତାନି ଦୀଝିୟାଁ ଆସାନା ବୀହା ହନେଏଣାଇଁ ବେଟାଆହାଲି ହାରୁ । ୨  
 ଏଝାସିକା ବିତ୍ରା ପାସା ଜାଣା ବୁଦି ହିଲାଆଗାଟାଇ ଇଞ୍ଜି ପାସା ଜାଣା ବୁଦି  
 ଗାଟାଇ ମାରୁ । ୩ ବୁଦି ହିଲାଆଗାଟାଇ ତାନି ଦୀଝିୟାଁ ଅଡ଼େ ସାମା ଏବ୍‌କା  
 ନିୟୁଁ ଅଥାରୁ, ୪ ସାମା ବୁଦି ଗାଟାଇ ତାନି ଦୀଝିୟାଁ ତଲେ ଗାଜୁତା ନିୟୁଁ ଅହିଁ  
 ହାରୁ । ୫ ବୀହା ହନେଏସି ଖାନାୟି ଖେଡ଼ା ଆୟାଲିଏ, ବାରେଜାଣା କଟଣି  
 ହଚିହିଁ ତୁରାତୁସୁ । ୬ ସାମା ମାଦି ଲାଆଁୟାଁ ମେହଦୁ ବୀହା ଦାଂଗ୍‌ଶେଏସି  
 ଖାହିମାନେସି, ବେଟାଆହାଲି ଖାଦୁ ଇଞ୍ଜି ର କାଜା ହାଡା ଆଡେ! ୭ ଏମ୍ପାଟିଏ  
 ଡାଆସିକା ନିଢ଼ାନା ତାନି ଦୀଝିୟାଁ ପ୍ରତ୍‌ହୁ । ୮ ସାମା ବୁଦି ହିଲାଆଗାଟାଇ  
 ବୁଦିଗାଟି ଡାଆସିକାଣି ଏଲେଇରୁ, ମୀ ନିୟୁଁ ଇଚାଣି ଲାକା ମାଢ଼େଁ ହିୟାବୁ,  
 ଇଚିହିଁ ମା ଦୀଝିୟାଁ ତୁମ୍ପାହାଜିମାନୁ । ୯ ସାମା ବୁଦିଗାଟାୟି ଏଲେଇରୁ ଆଏ  
 ମିଢ଼େ ଅଡ଼େ ମାଢ଼େଟାକି ନିୟୁଁ ଏଦେଏ, ବାଜାରାତା ହାଜାନା ମିଢ଼େଟାକି  
 ନିୟୁଁ କତା ତାଦୁ । ୧୦ ସାମା ଏଝି ନିୟୁଁ କତାଲି ହାଜିମାଟାଟି ହନେଏସି  
 ଖାଡେସି; ଇଞ୍ଜି ଆମିନି ଗାଟାଇ ତିୟାରା ଆହାନା କାଚାମାରୁ, ଏଝି ହନେଏଣି  
 ତଲେ ବୀହା ବଜି ଇଲୁତା ହରୁ, ଅଡ଼େ ଦାରା ସୁଣ୍ଡିତେରି । ୧୧ ଏଚେଟିଏ  
 ଡାୟୁ ଅର ଡାଆ ପଦାୟାଁ ଜିକେଏ ଖାହାନା ଏଲେଇରୁ, ଏ ପ୍ରବୁ ଏ ପ୍ରବୁ  
 ମାଢ଼େଟାକି ଦାରା ଦେତାମୁ ଇଞ୍ଜି ହାଟିତୁ । ୧୨ ଏଚେଟିଏ ବୀହା ହନେଏସି  
 ଏଲେଇଚେସି, “ନାନୁ ମିଢ଼େ ସାତା ଖେସିମାଞ୍ଜାଇଁ, ନାନୁ ମିଢ଼େ ପୁଞ୍ଜାମାଞ୍ଜୁଅଁ ।”  
 ୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ତଣ୍ଡୁ ଆମ୍ପାଆରି ପୁନଅରି ।  
 ୧୪ ଲାକପୁରୁ ରାଜି ଇଲେତାୟି, ଇଚିହିଁ ହେକ ରାଜି ହାଜିମାନି ର ମାଣ୍‌ସି,  
 ଏଝାସି ତାନି ହଲିୟାଢ଼ାଣି ହାଟାନା ତାନି ଦନତି ହେରପିଚେସି । ୧୫ ଏଝାସି  
 ରଅଣାକି ପାସାମାଣା, ଅଡ଼େ ରଅଣାକି ରୀ ମାଣା, ଇଞ୍ଜି ଅଡ଼େ ରଅଣାକି ର  
 ମାଣା ଇଲେକିହିଁ ବାରେଟାକି ତାନି ଆତିନି ବାଡ଼୍‌ୟୁ ତଲେ ହୀହାନା ହେକ

ରାଜିତା ହାରେସି । ୧୭ ଆମିନିଗାଟାସି ପାସାମାଣା ବେଟା ଆହାମାରେସି,  
 ଏଞ୍ଜାସି ଏଞ୍ଜାଆଁ ଅହାନା ବେବାରା କିହାନା ଅଡେ ପାସାମାଣା ଲାବା କିଡେସି  
 । ୧୭ ଏଲେକିହିଁଏ ଆମିନିଗାଟାସି ରୀ ମାଣା ବେଟା ଆହାମାଟାସି ଏଞ୍ଜାସି  
 ଜିକେଏ, ଅଡେ ରୀ ମାଣା ଲାବା କିଡେସି । ୧୮ ସାମା ଆମିନିଗାଟାସି ର  
 ମାଣା ବେଟା ଆହାମାରେସି, ଏଞ୍ଜାସି ହାଜାନା ବୁମି କାର୍‌ହାନା ତାନି ସାଞ୍ଜୁକାରି  
 ଟାକାୟାଣି ମୁସାନା ତୁକ୍‌ହା ଇଟିଡେସି । ୧୯ ହାରେକା ଦିନା ହାଟି ଡାୟୁ ଏ  
 ହୁଲିୟାଞ୍ଜୁତି ସାଞ୍ଜୁକାରି ଖାହାନା, ଏଞ୍ଜାରିତଲେ ଲେକା କିଡେସି । ୨୦ ଅଡେ  
 ଆମିନିଗାଟାସି ପାସାମାଣା ବେଟା ଆହାମାରେସି, ଏଞ୍ଜାସି ଅଡେ ପାସାମାଣା  
 ତାତାନା ଏଲେଇରେସି, ପ୍ରୁ ନୀନୁ ନାଢ୍ଢେ ପାସାମାଣା ହାହାମାଞ୍ଜୁତି; ମେହ୍‌ମୁ  
 ନୀନୁ ଅଡେ ପାସାମାଣା ଲାବା କିହାମାଲ୍ । ୨୧ ତାନି ସାଞ୍ଜୁକାରି ତାଢ୍ଢେ  
 ଏଲେଇରେସି, ଆୟାଲେତା ନେହିଁ ଟିକାଣାଗାଟି ହୁଲେଏଣାଟି, ନୀନୁ ଉଣା  
 କାମାତା ନାମୁ ଗାଟାଟି ଆହାମାଞ୍ଜୁ, ନୀନୁ ନିଢ୍ଢେ ହାରେକା କାଜା କାମାତା  
 ହେର୍‌ପାଲ୍, ନୀନୁ ନା ତଲେ ରାହାଁ କିହାଲି ଖାମୁ । ୨୨ ଅଡେ ଆମିନିଗାଟାସି  
 ରୀ ମାଣା ବେଟା ଆହାମାରେସି, ଏଞ୍ଜାସି ଜିକେଏ ଖାହାନା ଏଲେଇରେସି, ଏ  
 ପ୍ରୁ ନୀନୁ ନାଢ୍ଢେ ରୀ ମାଣା ହାହାମାଞ୍ଜୁତି; ମେହ୍‌ମୁ ନୀନୁ ଅଡେ ରୀ ମାଣା  
 ଲାବା କିହାମାଲ୍ । ୨୩ ତାନି ସାଞ୍ଜୁକାରି ଏଞ୍ଜାଣାଲ୍ ଜିକେଏ ଏଲେଇରେସି,  
 ଆୟାଲେତା ନେହିଁ ଇଞ୍ଜା ଟିକାଣାଗାଟି ହୁଲେଏଣାଟି, ନୀନୁ ଉଣା କାମାତା  
 ନାମୁ ଗାଟାଟି ଆହାମାଞ୍ଜୁ, ନୀନୁ ନିଢ୍ଢେ ହାରେକା କାଜା କାମାତା ହେର୍‌ପାଲ୍,  
 ନୀନୁ ନା ତଲେ ରାହାଁ କିହାଲି ଖାମୁ । ୨୪ ଡାୟୁ ର ମାଣା ଟାକାୟାଁ ଅହାମାଟି  
 ହୁଲେଏସି ଏଲେଇରେସି, ସାଞ୍ଜୁକାରି, ନୀନୁ ପୁଞ୍ଜାମାଲ୍, ନୀନୁ ର ଆର୍‌ଏ  
 ହିୟାଁ ଗାଟାଟି । ମାଟାଆତି ବୁମିତା ନୀନୁ ଦାଃଆନାଟି । ବିଟା ମାଟାଆନା  
 ଆର୍‌ନା କୁଡ଼ି କିନାଟି । ୨୫ ଏଦାଆଁତାକି ଆଜାହାଁ ନୀନୁ ନୀ ଟାକାୟାଁ ବୁମିତା  
 ମୁସାନା ତୁକ୍‌ହା ଇଟିଡେସି; ମେହ୍‌ମୁ ନୀ ଦନ ନୀନୁ ବେଟାଆତି । ୨୬ ସାମା  
 ତାନି ସାଞ୍ଜୁକାରି ଏଞ୍ଜାଣାଲ୍ ଏଲେଇରେସି, ଆଡେ ଲାଗେଏ ଅଡେ ନିସୁଗାଟି  
 ହୁଲେଏଣାଟି, ନୀନୁ ଆମ୍ବିୟା ମାଟା ହିଲଅଁ ଏମ୍ବାଆଁ ଦାଃଆନାଡେସି, ଇଞ୍ଜା  
 ଆମ୍ବିୟା ଆର୍‌ନା ଉପ୍‌ହା ହିଲଅଁ ଏମ୍ବାଆଁ କୁଡ଼ି କିନାଡେସି, ଇଦାଆଁ ନୀନୁ  
 ପୁଞ୍ଜାମାଟି? ୨୭ ଆତିହିଁ ବେବାରା କିନାରି ଡାଣା ନା ଟାକାୟାଁ ନୀନୁ ଇଟିନାୟି  
 ମାରେ; ଆତିହିଁ ନୀନୁ ଖାହାନା ଅଡିତଲେ ନା ଦନ ନୀନୁ ବେଟାଆଡେସିମା ।  
 ୨୮ ଇଦାଆଁତାକି ଇଞ୍ଜାଣି ଡାଣାଟି ଇ ଟାକାୟାଁ ଅହାନା ଆମିନି ଗାଟାଣାକି ଦସ



ମାଣା ମାନୁ ଏଞ୍ଜାଣାକି ହୀଦୁ । ୨୯ ଇତିହାସ ଆତ୍ମାଆରାକି ମାନୁ, ଏଞ୍ଜାଣାକି ହୀଦକିଆନେ, ଇଞ୍ଜି ଏଞ୍ଜାଣିଞ୍ଜାୟି ହାରେକା ଗାଡ଼ିଆନେ; ସାମା ଆତ୍ମାଆରି ତାଣା ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜିଆନେ । ୩୦ ଅଡ଼େ ମୀରୁ ଇ କାମା କିଆଗାଟି ହଲେଏଶାଈଁ ପାଞ୍ଜୁତି ଆନେରିତା ମେଡ଼ହା ତୁହୁଦୁ, ଏମ୍ପାଆଁ ଡ଼ାହିଁ ପାଲକା ଟୀଟି କିନେସି । ୩୧ ମାଣସି ମୀରୁଏସି ଏଡ଼ିବେଲା ବାରେ ଦୂରୁୟାଁ ତଲେ ତାନି କାଜାପାଣାଟି ଖାନେସି, ଏଡ଼ିବେଲା ଏଞ୍ଜାସି ତାନି ଗାଞ୍ଜୁରମିଗାଟି ସିଂଗାସାଣିତା କୁଗିନେସି, ୩୨ ଇଞ୍ଜି ତାନି ନକିତା ବାରେ କୁଡ଼ାତି ଲକୁଣି କୁଡ଼ି କିଞ୍ଜିଆନେ, ଇଞ୍ଜି ମେଣ୍ଡାୟାଁ ଗତୁ ଏନକିଁ ଗରିୟାଁ ତାଣାଟି ମେଣ୍ଡାୟାଁଣି ଏଟକା କିନେସି, ଏଲେକିହିଁ ଏଞ୍ଜାସି ଏଞ୍ଜାରାଇଁ ଏଟକା କିହାନା, ୩୩ ମେଣ୍ଡାୟାଁଣି ତାନି ଟିଝନି ଟଟତା ଇଞ୍ଜି ଗରିୟାଁଣି ତାନି ଟେବୁ ଟଟତା ଇଟିନେସି । ୩୪ ଏଡ଼ିବେଲା ରାଜା ତାନି ଟିଝନି ଟଟତି ଲକୁଣି ଏଲେଇନେସି, ଖାଦୁ ନା ଆବାତି ବର ବେଟା ଆନାତେରି, ମିଞ୍ଜେତାକି ଦାର୍ତ ଗାଡ଼ି ଆତି ଦିନାଟିଏ ଆମିନି ରାଜି ଗାଡ଼ି କିଞ୍ଜିଆହାମାନେ ଏମ୍ପାତି ଅଦିକାରା ଆଦୁ । ୩୫ ଇତିହାସ ନାନୁ ହାକିଟି ମାରେଏଁ, ମୀରୁ ନାଞ୍ଜେ ତିଞ୍ଜାଲି ହିୟାତେରି; ଏସକିଟି ମାରେଏଁ, ନାଞ୍ଜେ ଗସାଲି ଏୟୁ ହିୟାତେରି; ଏଟକା ମାରେଏଁ ନାଞ୍ଜେ ଆଟହାତେରି; ୩୬ ନାଗଡ଼ାଟି ମାରେଏଁ ନାଞ୍ଜେ ହିମ୍ପୁରି ହୁଟି କିୟାତେରି; ନମେରି ମାରେଏଁ ନାଞ୍ଜେ କେରୁହାତେରି; କାୟିଦିତା ମାରେଏଁ ନାଞ୍ଜେ ବେଟି ଖାତେରି । ୩୭ ଏମ୍ପାଟିଏ ଦାମ୍ପୁଗାଟାରି ଏଞ୍ଜାଣାଇଁ ଏଲେଇନେରି, ଏ ପ୍ରୁ ଏରେଲା ହାକିଟି ମାନାଣି ମେସାନା ନିଞ୍ଜେ ତିଞ୍ଜାଲି ହିୟାଆତମି? ଏରେଲା ଏସକି ଆତାଣି ମେସାନା ଏୟୁ ହିୟାଆତମି? ୩୮ ଅଡ଼େ ଏରେଲା ଏଟକା ମାତାଣି ମେସାନା ଆଟହାତମି? ଏରେଲା ନାଗଡ଼ା ମେସାନା ହିମ୍ପୁରି ହୁଟି କିୟାଆତମି? ୩୯ ଅଡ଼େ ଏରେଲା ନମେରିତା ଇଞ୍ଜି କାୟିଦି ମାନାଣି ମେସାନା ନୀ ତାଣା ଖାତମି? ୪୦ ଇଞ୍ଜି ରାଜା ଏଞ୍ଜାରାଇଁ ଏଲେଇନେସି, ନାନୁ ମିଞ୍ଜେ ସାତା ଖେସିମାଞ୍ଜାଇଁ, ମୀରୁ ନା ଇ ଉଣା ତାୟିୟାଁଇଁ ରଅଣାଇଁ ଏନାଆଁ କିହାମାଞ୍ଜେରି ଏ ବାରେ ନାଞ୍ଜେତାକି କିହାମାଞ୍ଜାଦେରି । ୪୧ ଏମ୍ପାଟିଏ ତାନି ଟେବୁ ଦାରିତି ଲକୁଣି ଜିକେଏ ଏଲେଇନେସି, ଆଡ଼େ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜି ତାନି ଦୂରୁୟାଁକି କିହାମାନି କାଲାକାଲା ଡ଼ାଞ୍ଜିମାନି ହିରୁ ଗାଡ଼ୟୁତା ହାଜୁ । (aiōnios g166) ୪୨ ଇତିହାସ ନାନୁ ହାକିଟି ମାରେଏଁ ନାଞ୍ଜେ ତିଞ୍ଜାଲି ହିୟାଆତେରି;

ଏସ୍କିଟି ମାତେଏଁ ନାଟ୍ରେ ଗସାଲି ଏୟୁ ହିୟାଆତେରି; ୪୩ ଏଟ୍‌କା ମାତାଟି ନାଟ୍ରେ ଆଟ୍‌ହାଆତେରି; ନାଗ୍‌ଡା ମାତାଟି ନାଟ୍ରେ ହିମ୍‌ପିଟି ହୁଟି କିୟାଆତେରି; ନମେରି ଇଞ୍ଜି କାୟିଦିତା ମାତାଟି ନାଟ୍ରେ କେର୍‌ହାଆତେରି । ୪୪ ଏମ୍‌ପାଟିଏ ଏଝାରି ଜିକେଏ ଏଲେଇନେରି, ଏ ପ୍ରୁ ଏତେଲା ମାମୁ ନିଟ୍ରେ ହାକି କି ଏସ୍କି, ଏଟ୍‌କା କି ନାଗ୍‌ଡା, ନମେରି କି କାୟିଦିତା ମାନାଣି ମେସାନା ନିଟ୍ରେ ଯେବା କିୟାଆତମି? ୪୫ ଏତେଟିଏ ରାଜା ଏଝାରାଇଁ ଏଲେଇନେସି, “ନାନୁ ମିଟ୍ରେ ସାତା ଝେସିମାଞ୍ଜାଇଁ, ନା ଇ ଉଣା ଲକୁ ବିତ୍ରାଟି ରଅଣାଇଁ କିହାହିଲାଆକି ନାଟ୍ରେ କିହାମାଞ୍ଜଅତେରି । ୪୬ ଅଡେ ଇଝାରି କାଲାକାଲାତି ସାସ୍ତି ବେଟାଆନେରି, ସାମା ତାରିଗାଟାରି କାଲାକାଲାତି ଜୀଝୁ ବେଟାଆନେରି ।” (aiōnios g166)

**୨୭** ଜୀସୁ ଇ ବାରେ କାତା ରାପ୍‌ହାନା ତାନି ସୀସୁୟିଇଁ ଏଲେଇଚେସି, ୨ “ରାଇନି ଜେଚ ପିସ୍‌ପିଆନି ପାର୍‌ବୁ ଆନେ, ଇଦାଆଁ ମୀରୁ ପୁଞ୍ଜାମାଞ୍ଜେରି, ଇଞ୍ଜି ମାଣ୍‌ସି ମୀର୍‌ଏସି ପାସି ମୁଣ୍ଡାତା ହାୟାଲି ହେର୍‌ପିଆନେସି ।” ୩ ଏଚିବେଲାତା କାଜା ପୂଜେରାଞ୍ଜା ଅଡେ ଲକୁଟି କାଜାରି କୟାପା ଦରୁଗାଟି କାଜା ପୂଜେରା ଆଂଗେଣିତା ରୁଣ୍ଡା ଆତେରି, ୪ ଅଡେ ଜୀସୁଇଁ ଆସାନା ପାୟାଲି ପାରୁ ପାରାତେରି; ୫ ସାମା ଏଝାରି ଏଲେଇଚେରି, “ପାର୍‌ବୁ ବେଲାତା ଆଏ ଇଚିହିଁ ଏଚେତା ଲକୁ ଗଡ୍‌ହା କିନେରି ।” ୬ ଜୀସୁ ବେତନିୟିତା କାଜା ରଗଗାଟି ସିମନ ଇଜ ଡିଞ୍ଜାଲି କୁଗାମାଟାଟି, ୭ ର ଇୟା ର ଗାଜୁତା ହାରେକା ଦାରାଗାଟି ଗାନ୍‌ ନିୟି ତାତାନା ଜୀସୁ ତାୟିତା ଝାକ୍‌ହେ । ୮ ସାମା ଏଦାଆଁ ମେସାନା ସୀସୁୟି କ୍‌ପା ଆହାନା ଏଲେଇଚେରି, “ଇଚେକା ଉଜେଏ ଏନାଆଁତାକି କାର୍‌ବୁ? ୯ ଇଦାଆଁ ହାରେକା ଟାକାୟିତାକି ପାର୍‌ପି ଆହାନା କାକୁଲି ଗାଟାରାକି ହିୟାଲି ଆତେମା ।” ୧୦ ଜୀସୁ ଏଦାଆଁ ପୁଞ୍ଜାନା ଏଝାରାଇଁ ଏଲେଇଚେସି, “ଇ ଇୟାନି ଏନାଆଁତାକି କସ୍ତୁ ହାହିମାଞ୍ଜେରି? ଏଦି ନାଟ୍ରେତାକି ହାରେକା ନେହିଁ କାମା କିହାମାନେ । ୧୧ କାକୁଲି ଗାଟାରି କାଲେଏ ମୀ ତାଣା ମାନେରି, ସାମା ନାନୁ କାଲେଏ ମୀ ତାଣା ମାନଅଁ । ୧୨ ଇଞ୍ଜି ଏଦି ନା ଆଢ୍ଘାତା ନକେଏ ନିୟି ଝାକ୍‌ହାନା ମୁସାଲି ତାକି ନକେଏ ତିୟାରା କିହିମାନେ । ୧୩ ନାନୁ ମିଟ୍ରେ ସାତା ଝେସିମାଞ୍ଜାଇଁ, ବାରେ ଦାର୍‌ତିତା ଆମିନି ଟାୟିତା ଇ ନେହିଁ କାବୁ ଝେସ୍‌କି ଆନେ, ଏମ୍‌ପାଆଁ ଏ ଇୟାନି ଅଶ୍‌ପାଲି ଏଦାନି ଇ କାମା ଜିକେଏ ଝେସ୍‌ପି ଆନେ ।” ୧୪ ଏଚିବେଲା ବାରଜାଣା ବିତ୍ରାଟି ଇସ୍‌ପାରିୟତ ଜୀହୁଦା ଦରୁଗାଟାସି କାଜା ପୂଜେରାଞ୍ଜା ତାଣା ହାଜାନା ଏଲେଇଚେସି, ୧୫ “ନାଟ୍ରେ

ଏନାଆଁ ହିୟାଦେରି ଖେସ୍ତାନ୍ତୁ? ନାନୁ ଜୀସୁଇଁ ଆସ୍‌ପି କିୟାଇଁ ।” ଏମ୍ପାଟିଏ ଏଞ୍ଜାରି ଏଞ୍ଜାଣାକି କଡେଦସ ଗଟା ଖେଣ୍ଡି ଚାକାୟାଁ ଏଜିକିହାନା ହୀତେରି । ୧୭ ଅଡେ ଏ ଦିନାଟିଏ ଏଞ୍ଜାସି ଜୀସୁଇଁ ଏଞ୍ଜାରିତାଣା ହେର୍ପାଲି ତାକି ପାରୁ ପାରାଲି ମାଟ୍‌ହେସି । ୧୭ ଡାୟୁ ପୁଲ୍ୟାୟୁ ଆଣ୍ଡାଆତି ରୁଟି ତିନି ପାରୁଟି ତଲିତି ଦିନାତା ସୀସୁୟାଁ ଜୀସୁ ତାଣା ଖାହାନା ଖେରେରି, “ମୀମ୍ପୁ ଆମିନି ଚାୟୁତା ନିଢ୍ଢେତାକି ପିସ୍‌ପିଆନି ପାରୁଟି ବଜି କିନମି ଇଞ୍ଜି ନୀନୁ ଅଣ୍ଡିମାଞ୍ଜି?” ୧୮ ଜୀସୁ ଏଲେଇରେସି, “ମୀରୁ ଗାଡ଼ାତା ପାଲାଣା ଗାଟାଣି ତାଣା ହାଜାନା ଏଲେଇଞ୍ଜି, ମା ଗୁରୁ ଏଲେଇଞ୍ଜି ଖେସା ପାଣ୍ଡାତେସି, ନା କାଗୁ ଏଦାତେୟିଏ, ନାନୁ ନା ସୀସୁୟାଁ ତଲେ ମୀ ଇଜ ପିସ୍‌ପିଆନି ପାରୁଟି ବଜି କିନମି ।” ୧୯ ଏମ୍ପାଟିଏ ସୀସୁୟାଁ ଜୀସୁଟି ହୁକୁମି ତଲେ କାମା କିହାନା ପିସ୍‌ପିଆନି ପାରୁଟି ବଜି କିତେରି । ୨୦ ଡାୟୁ ମିଡ୍‌ଅଲା ଆୟାଲିଏ ଜୀସୁ ବାରଜାଣା ସୀସୁୟାଁ ତଲେ ବଜିତା କୁଗିତେସି । ୨୧ ଏଞ୍ଜାରି ତିଞ୍ଜିମାଟି ବେଲାତା ଜୀସୁ ଏଲେଇରେସି, “ନାନୁ ମିଢ୍ଢେ ସାତା ଖେସିମାଞ୍ଜାଇଁ, ମୀ ବିତ୍ରାଟି ରଅସି ନାଢ୍ଢେ ସାତୁୟାଁ କେୟୁତା ହେର୍ପାନେସି ।” ୨୨ ଏମ୍ପାଟିଏ ଏଞ୍ଜାରି ହାରେକା ଦୁକୁ ଆହାନା ରଅ ରଅସି ଜୀସୁଇଁ ଖେରେରି, “ଏ ପ୍ରୁରୁ ଏଞ୍ଜାତେଏଁ ନାନୁ କି?” ୨୩ ଜୀସୁ ଏଲେଇରେସି, “ନା ତଲେ ଆମ୍ପାଆସି ସାଡ଼ଞ୍ଜାତା କେୟୁ ପାରୁକି ମାନେସି, ଏଞ୍ଜାସି ନାଢ୍ଢେ ସାତୁୟାଁ କେୟୁତା ହେର୍ପାନେସି । ୨୪ ମାଣ୍ଡିସି ମୀରୁଏଣି କାତା ଏନିକିଁ ରାସ୍‌କି ଆହାମାନେ ଏଲେକିଁ କିହିମାନେସି ସାତା; ସାମା ଆମିନି ଲକୁ ଡାଣାଟି ସାତୁ କେୟୁତା ହେର୍ପି ଆହିମାନେସି, ଆୟୁତା ଏରେକା ତଣ୍ଡୁ ବେଟା ଆନେସି; ଏଞ୍ଜାସି ଜାର୍ନା ଆହାହିଲାଆତିହିଁ ଏଞ୍ଜାଣାକି ନେହେଁ ଆତେମା ।” ୨୫ ଏରେଟିଏ ଆମିନି ଜୀହୁଦା, ସାତୁୟାଁ କେୟୁତା ହେର୍ପିତେସି, ଏଞ୍ଜାସି ଏଲେଇଞ୍ଜି ଇରେସି, “ଏ ଗୁରୁ ଏଞ୍ଜାତେଏଁ ନାନୁ କି?” ଜୀସୁ ଏଞ୍ଜାଣାଇଁ ଏଲେଇରେସି, “ନୀନୁତ ଏଲେ ଇଞ୍ଜିମାଞ୍ଜି ।” ୨୬ ଅଡେ ଏଞ୍ଜାରି ତିଞ୍ଜିମାଟି ବେଲାତା, ଜୀସୁ ରୁଟି ଅହାନା ମାହାପୁରୁଇଁ ଜହରା କିତେସି, ଇଞ୍ଜିଁ ରୁଟି ଡିକ୍‌ହାନା ସୀସୁୟାଁକି ହୀହାନା ଏଲେଇରେସି, “ଇଦାଆଁ ଅଦୁ ଇଞ୍ଜିଁ ତିଞ୍ଜି ଇଦି ନା ଆଡ୍ଡା ।” ୨୭ ଅଡେ ଏଞ୍ଜାସି ଗହ୍‌ନି ସଲା ଆସାନା ମାହାପୁରୁଇଁ ଜହରା କିତେସି ଇଞ୍ଜିଁ ସୀସୁୟାଁକି ହୀହାନା ଏଲେଇରେସି; “ଇଦାଆଁ ବାରେତେରି ଗହଦୁ” ୨୮ “ଇତିହିଁ ଆମିନି ନେତେରିତି ରାଜିମାନା ହାରେକା ଲକୁତାକି ପାପୁଟି ମ୍ଳେକ୍‌ହାଲି ଖାକ୍‌ହାମାନି ଇଦି ଏ ନା ନେତେରି । ୨୯ ସାମା ନାନୁ

ମିତ୍ରେ ଖେସିମାଞ୍ଜାଇଁ, ଆମିନି ଦିନା ନା ଆବାତି ରାଜିତା ମୀ ତଲେ ପୁଃନି  
 ଅଢୁରି ରାସା ଗହୁଆ ପାତେକା ନୀଞ୍ଜୁଟିଏ ଏରେଲାଖା ଅଢୁରି ରାସା ଗହୁଅଁ ।”  
 ୩୦ ଅଡ଼େ ଏଝାରି ଜହରା ପାରୁ ପାଟିତି ଡାୟୁ ଜୀତ ହରୁତା ହତା ହାଚେରି  
 । ୩୧ ଏତିବେଲା ଜୀସୁ ଏଝାରାଇଁ ଏଲେଇଚେସି, “ନୀଞ୍ଜୁ ଲାଆଁୟଁ ମୀରୁ  
 ବାରେଚେରି ନାଢ଼େ ପିସାନା ହାଜାଦେରି, ଇତିହଁ ରାସକି ଆହାମାନେ, ନାନୁ  
 ମେଣ୍ଡାୟଁ ଗଡୁଇଁ ଖେଇଁ ଅଡ଼େ ମାନୁତି ମେଣ୍ଡାୟଁ ଆଲାରା ଆହାହାନୁ । ୩୨  
 ସାମା ନାନୁ ହାହାନା ନିଢୁତି ଡାୟୁ ମୀ ନକିତା ଗାଲିଲିତା ହାଇଁ ।” ୩୩ ସାମା  
 ପିତର ଜୀସୁଇଁ ଏଲେଇଚେସି, “ବାରେଜାଣା ନିଢ଼େ ପିସୁତିହଁ ଜିକେଏ, ନାନୁ  
 କଡ଼େ ନିଢ଼େ ଏରେଲାଖା ପିସୁଅଁ ।” ୩୪ ଜୀସୁ ପିତରଇଁ ଏଲେଇଚେସି, “ନାନୁ  
 ନିଢ଼େ ସାତା ଖେସିମାଞ୍ଜାଇଁ, ନୀଞ୍ଜୁ ଲାଆଁୟଁ କୟୁ କେଣ୍ଡା ନକେଏ ନୀନୁ  
 ନାଢ଼େ ତାନିପାଲି ନାନୁ ପୁଞ୍ଜାହିଲଅଁ ଇଞ୍ଜି ଖେହୁଦି ।” ୩୫ ପିତର ଏଝାଣାଇଁ  
 ଏଲେଇଚେସି, “ନାନୁ ନୀ ତଲେ ହାହାଲି ଆତି ଜିକେଏ ନାନୁ ନିଢ଼େ ଏରେଲା  
 ପୁଞ୍ଜାହିଲଅଁ ଇଞ୍ଜି ଇନଅଁ” ଇଞ୍ଜି ବାରେ ସୀସୁୟଁ ଜିକେଏ ଏଲେଇଚେରି । ୩୬  
 ଏଚେଟିଏ ଜୀସୁ ତାନି ସୀସୁୟଁ ତଲେ ଗେଡ଼ସିମନି ଇନି ର ଟାୟୁତା ହାଜାନା  
 ଏଝାରାଇଁ ଏଲେଇଚେସି, “ନାନୁ ଏମ୍ପାଆଁ ହାଜାନା ପ୍ରାତାନା କିନି ପାତେକା  
 ମୀରୁ ଇମ୍ପାଆଁ କୁଗା ମାଞ୍ଜୁ ।” ୩୭ ଅଡ଼େ ଏଝାସି ପିତର ଇଞ୍ଜି ଜେବଦିତି  
 ରୀ ମୀରକାଣି ଅହାନା ହିୟଁତା କିଲିବିଲି ଆଚେସି, ୩୮ ଇଞ୍ଜି ଏତିବେଲା  
 ଏଝାରାଇଁ ଏଲେଇଚେସି, “ନା ଜୀସୁ ହାନିଲେହେଁ ହାରେକା କିଲିବିଲି ହୁତି  
 ମାଞ୍ଜାନେ, ମୀରୁ ଇମ୍ପାଆଁ ଡ଼ୟାନା ନା ତଲେ କାଚିହଁ ମାଞ୍ଜୁ ।” ୩୯ ଇଞ୍ଜି  
 ଏଝାସି ହିରେ ହେକ ହାଜାନା ମୁନୁ କୁତାନା ପ୍ରାତାନା କିହିହଁ ଏଲେଇଚେସି,  
 “ଏ ନା ଆବା ଆତିହଁ ଇ ନା ଦୁକୁ କସୁଗାଟି ସଲାତି ହେକ କିମ୍ପୁ; ସାମା ନା  
 ମନ କଡ଼େ ଆଏ ନୀ କାତେଏ ଆପେ ।” ୪୦ ଅଡ଼େ ଏଝାସି ସୀସୁୟଁତାଣା  
 ଝାହାନା ଏଝାରାଇଁ ଇଦା କିତାଣି ମେସ୍ତେସି ଇଞ୍ଜି ପିତରଇଁ ଏଲେଇଚେସି,  
 “ମୀରୁ ନା ତଲେ ଗାଡ଼େକା ଜିକେଏ କାଚାଲି ଆତାଆଚେରି? ୪୧ ପାନୁତା  
 ଏନିକିଁ ହେରୁଅଚେରି, ଏଦାଆଁତାକି କାଚାହାଁ ପ୍ରାତାନା କିହେମାଞ୍ଜୁ; ଇତିହଁ  
 ମନ ମାନେ ସାମା ଆଢ଼ୁତା ବାଡ଼ୟୁ ହିଲେଏ ।” ୪୨ ଅଡ଼େ ର ପାଲି ହାଜାନା  
 ପ୍ରାତାନା କିହିହଁ ଏଲେଇଚେସି, “ଏ ନା ଆବା ଇ ନା ଦୁକୁ କସୁଗାଟି ସଲା  
 ନା ତାଣାଟି ହେକ ଆହାଲି ଆତାଆତି, ନାନୁ ଏଦାଆଁ ଗହୁଇଁ ନା ମନ କଡ଼େ  
 ଆଏ ନୀ କାତେଏ ଆପେ ।” ୪୩ ଅଡ଼େ ଏଝାସି ଝାହାନା ଏଝାରାଇଁ ଇଦା

କିହାମାନାଣି ମେସ୍ତେସି; ଇତିହିଁ ଏଞ୍ଜର କଟଣି ହୁତି ମାରେରି । ୪୪ ଏମ୍ବାଟିଏ  
 ଏଞ୍ଜସି ଏଞ୍ଜରାଇଁ ପିସାନା ଅଡେ ଖେଣ୍ଟେ ହାଜାନା ଅଡେ ଏ ପ୍ରାତାନା ତାନିପାଲି  
 ତାକି କିରେସି । ୪୫ ଡାୟୁ ସୀୟୁୟିଁ ତାଣା ଖାହାନା ଏଲେଇରେସି, “ଗାଡେକା  
 ତୁରାନା ଜମାଦୁ, ଇତିହିଁ ମାଣ୍ଡସି ମୀରୁଏସି ପାପୁ ଗାଟାରି ତାଣା ହେରୁପି  
 ଆନିବେଲା ଏଦାତେୟିଏ । ୪୬ ନିଞ୍ଜୁଦୁ ମାର ହାନ, ଇଞ୍ଜିଁ ମେହୁଦୁ ଆମ୍ବାଆସି  
 ନାଢ୍ଢେ ସାତୁୟିଁ କେୟୁତା ହେରୁପାନେସି, ଏଞ୍ଜସି ତାଣେ ଖାଡେସିଏ!” ୪୭  
 ଜୀସୁ ଇ କାତା ଖେସିମାଟି ବେଲାତା, ମେହୁଦୁ ବାରଜାଣା ସୀୟୁୟିଁ ବିତ୍ରାଟି  
 ଜୀହୁଦା ଦରୁଗାଟାସି ରଅସି ଇଞ୍ଜିଁ ଏଞ୍ଜଣିତଲେ କାଜା ପୂଜେରାଢ୍ଢା ଅଡେ  
 ଲୁକୁତି କାଜାରି ତାଣାଟି ପାଣ୍ଡୁଖିଆହାମାନି ହାରେକା ଲୁକୁ କାଣ୍ଡାୟିଁ ଅଡେ  
 ବାଡୁଗାୟିଁ ଆସାନା ଖାଡେରି । ୪୮ ଜୀସୁଇଁ ସାତୁୟିଁ କେୟୁତା ହେରୁପିନାସି  
 ଏଞ୍ଜରାଇଁ ଇ ସିନା ଖେସାମାରେସି, “ନାନୁ ଆମ୍ବାଆରାଇଁ ନଣ୍ଡିଇଁ ଏଞ୍ଜସିଏ  
 ଏଞ୍ଜସି, ଏଞ୍ଜାଣାଇଁ ଆହୁଦେରି ।” ୪୯ ଇଞ୍ଜିଁ ଏଞ୍ଜସି ଏ ଦେବୁଣିଏ ଜୀସୁ ତାଣା  
 ଖାହାନା, “ଏ ଗୁରୁ ଜହରା ଇରେସି” ଅଡେ ଏଞ୍ଜାଣାଇଁ ହାରେକା ନଣ୍ଡିତେସି  
 । ୫୦ ସାମା ଜୀସୁ ଏଞ୍ଜାଣାଇଁ ଏଲେଇରେସି, “ଏ ତାଣେ ଏନାଆଁ କିହାଲି  
 ଖାହାମାଞ୍ଜି ଏଦାଆଁ କିମ୍ପୁ ।” ଏମ୍ବାଟିଏ ଏଞ୍ଜରି ତାଣେ ଖାହାନା ଜୀସୁଇଁ ଆସ୍ତେରି  
 । ୫୧ ଅଡେ ମେହୁଦୁ, ଜୀସୁତଲେ ମାଟାରି ବିତ୍ରାଟି ରଅସି କାଣ୍ଡା ହୁପୁହେସି  
 ଇଞ୍ଜିଁ କାଜା ପୂଜେରା ହୁଲେଏଣାଇଁ କିୟୁଁ ରାଡୁହେସି । ୫୨ ଏମ୍ବାଟିଏ ଜୀସୁ  
 ଏଞ୍ଜାଣାଇଁ ଏଲେଇରେସି, “ନୀ କାଣ୍ଡା ଖେଣ୍ଟେ ନୀ ପାଡୁକାତା ଇଟାମ୍ପୁ, ଇତିହିଁ  
 ଆମ୍ବାଆରି କାଣ୍ଡା ଆହୁନେରି ଏଞ୍ଜରି କାଣ୍ଡା ତଲେଏ ହାନେରି । ୫୩ ନୀନୁ  
 ଏନାଆଁ ଅଣ୍ଡପିମାଞ୍ଜି, ନାନୁ ନା ଆବାଇଁ ବାଡିମାଲିତିହିଁ ଇ ଦେବୁଣିଏ ବାର ଗତି  
 ରିଜାରି କସକା କିହାଁ ହାରେକା ଦୂରୁୟିଁଇଁ ପାଣ୍ଡୁଅସି?” ୫୪ ଇତିହିଁ ଇଲେକିଁ  
 ସାତେଏ ଆନେ ଇଞ୍ଜିଁମାନି ଦାମ୍ପୁଁ ପତିତି କାତା ଏନିକିଁ ସାତା ଆନେ? ୫୫  
 ଏଚେଟିଏ ଜୀସୁ ମାନ୍ଦୁ ଲୁକୁଣି ଏଲେଇରେସି, ତଂଗା ଗାଟାରାଇଁ ଆହୁନିଲେହେଁ  
 କାଣ୍ଡାୟିଁ ଅଡେ ଚେଢ୍ଢାୟିଁ ଆସାନା ମୀରୁ ନାଢ୍ଢେ ଆସାଲି ଖାହାମାଞ୍ଜେରି?  
 ନାନୁ ବାରେଦିନା ମାହାପୁରୁ ଇଲୁତା କୁଗାନା ଜାପୁହି ମାଚେଏଁ, ସାମା ମୀରୁ  
 ନାଢ୍ଢେ ଆସୁଆତେରି! ୫୬ ସାମା ମାହାପୁରୁ ଅଣ୍ଡପୁତି ବଲୁ ଖେହୁନାରି ରାତିତି  
 ସାସ୍ତେରି କାତା ଏନିକିଁ ସାତା ଆନେ, ଏଦାଆଁତାକି ଇ ବାରେ ଆହିମାନେ  
 । ଏଡିବେଲା ବାରେଜାଣା ସୀୟୁୟିଁ ଏଞ୍ଜାଣାଇଁ ପିସାନା ହଟାତୁସ୍ତେରି । ୫୭  
 ଡାୟୁ ଏମିନିଗାଟାରି ଜୀସୁଇଁ ଆସାମାରେରି, ଏଞ୍ଜରି ଜୀସୁଇଁ କୟାପା ଇନି

କାଜା ପୂଜେରା ନକିତା ଅତେରି; ଏ ଟାୟୁତା ମେରାପୁନାରି ଅତେ ଲକୂତି  
 କାଜାରି ରୁଣ୍ଡା ଆହାମାରେରି । ୫୮ ସାମା ପିତର ହେକ ଡୟାନା କାଜା  
 ପୂଜେରା ଆଂଗେଣି ପାତେକା ଏଝାରି ଚେତ ହାରେସି, ଇଞ୍ଜି ଡାୟୁ ଏନି ଆନେ,  
 ଏଦାଆଁ ସିନିକିହାଲି ଏଝାସି ବିତ୍ରା ହାଜାନା ଜାମାନାଢୁ ତଲେ କୁଗାମାରେସି ।  
 ୫୯ ଏମ୍ବାଟିଏ କାଜା ପୂଜେରାଢୁ ଅତେ ବାରେ ବେରଣି ମାଣ୍ଡାତାରି ଜୀସୁଇଁ  
 ପାୟାଲି ଏଝାଣି କପାଟି ମିଟି ସାକିୟାଁ ପାରାତେରି, ୬୦ ଇଞ୍ଜି ହାରେକା  
 ସାକିୟାଁ ଖେସୁ ଜିକେଏ, ଏଝାଣି ଏନି ଦହ ପୁଃଆତେରି । ଇଞ୍ଜି ଡାୟୁ ରିଆରି  
 ନିରାନା ଖେସୁରି, ୬୧ ଇଝାସି ଏଲେଇଞ୍ଜାମାରେସି, “ନାନୁ ମାହାପୁରୁତି ଇଲୁ  
 ଡିକହାନା ତାନି ଦିନାଟିଏ ଚେପାଲି ଆଡିଇଁ ।” ୬୨ ଏମ୍ବାଟିଏ କାଜା ପୂଜେରା  
 ନିଢୁଆନା ଏଲେଇରେସି, “ନୀ କପାଟି ଜଲିମାନାରାକି ଖେଣ୍ଡେ ଖେସାଲି ନୀ ଏନି  
 କାତା ହିଲେଏ କି?” ୬୩ ସାମା ଜୀସୁ ପାଲେଏ ଆହାନା ଡୟିତେସି । ଏମ୍ବାଟିଏ  
 କାଜା ପୂଜେରା ଜୀସୁଇଁ ଏଲେଇରେସି, “ନାନୁ ଜୀସୁତି ମାହାପୁରୁ ଦରୁତଲେ  
 ପାରମାଣା କିଝି କିହାନା ଖେଞ୍ଜିମାଞ୍ଜାଇଁ, ନାଢ୍ଢେ ଖେସ୍ତାମ୍ବା ନୀନୁ ସାତେଏ  
 ମାହାପୁରୁ ମୀର୍ଏଣାଟି କ୍ରୀସୁତିକି?” ୬୪ ଜୀସୁ ଏଝାଣାଇଁ ଏଲେଇରେସି,  
 “ନୀନୁତ ଖେସିମାଞ୍ଜି; ଅତେ ନାନୁ ନିଢ୍ଢେ ଖେସିମାଞ୍ଜାଇଁ, ନୀଞ୍ଜୁଟିଏ ମୀରୁ  
 ମାଣ୍ଡସି ମୀର୍ଏଣାଇଁ ବାଡ଼ୟୁଗାଟି ମାହାପୁରୁ ଚିଃନିଝାକି ନିରାମାନାଣି ଅତେ  
 ହାଗୁ ଦୁନ୍ଧୁଟି ଝାନାଣି ମେହ୍ଦେରି!” ୬୫ ଏମ୍ବାଟିଏ କାଜା ପୂଜେରା ତାନି  
 ହିମ୍ବୁରି ଗେସାନା ଏଲେଇରେସି, “ଇଝାସି ମାହାପୁରୁ ନିନ୍ଦୁ କିହିମାନେସି,  
 ଇଞ୍ଜି ମାଢ୍ଢେ ଅତେ ଏନି ସାକିୟାଁ ଲଡ଼ାମାନେ? ମେହ୍ଦୁ ନୀଏଁ ଜିକେଏ  
 ମାହାପୁରୁ ନିନ୍ଦୁ କିତାଣି ଖେରେରି, ୬୬ ମୀ ଅଶ୍ପୁତା ଏନାୟି ମାନେ?”  
 ଏମ୍ବାଟିଏ ଏଝାରି ଏଲେଇରେରି ଏଝାସି ହାନି ତଣ୍ଡ ପାଣ୍ଡନାୟି ମାନେ! ୬୭  
 ଏରିବେଲା ଏଝାରି ଏଝାଣି ମୁମୁତା ହୁପିତେରି, ବିଦା ଖେତେରି; ଇଞ୍ଜି ଆମ୍ବା  
 ଆମ୍ବାଆରି ସାପ୍ତା ଖେତାନା ଏଲେଇରେରି, ୬୮ “ଏ କ୍ରୀସୁ ନୀନୁଆଁ ମାହାପୁରୁ  
 ଅଶ୍ପୁତି ବଲୁ ଖେହ୍ନାଟି, ମାଢ୍ଢେ ଖେସ୍ତାମ୍ବା ନିଢୁ ଆମ୍ବାଆସି ଖେତାତେସି ।”  
 ୬୯ ଏମ୍ବାଟିଏ ପିତର ପାଢୁତି ଆଂଗେଣିତା କୁଗାମାରେସି, ଇଞ୍ଜି ର ହଲେଣି  
 ପିତର ତାଗେ ଝାହାନା ଏଲେଇରେ, “ନାନୁ ଜିକେଏ ଗାଲିଲିତି ଜୀସୁତଲେ  
 ମାଟି ।” ୭୦ ସାମା ଏଝାସି ବାରେତି ନକିତା “ନାନୁ ଏଝାଣାଇଁ ପୁଞ୍ଜିହିଲଅଁ  
 ନୀନୁ ଏନାଆଁ ଖେସିମାଞ୍ଜି ନାନୁ ପୁଞ୍ଜିହିଲଅଁ ।” ୭୧ ଅତେ ପିତର ଆଂଗେଣି  
 ଦୁଝେରିତା ହାଜାଲିଏ ଅତେ ର ହଲେଣି ଏଝାଣାଇଁ ମେସାନା ଏ ଟାୟୁତି ଲକୂଣି

ଏଲେଇରେ, “ଇଖାସି ନାଜରିତ ଜୀସୁତଲେ ମାରେସି ।” ୭୨ ପିତର ପାର୍ମାଣା କିହାନା ଅଡେ ଏଲେଇରେସି, “ନାନୁ ଏଖାଣାଇଁ ପୁଞ୍ଜାହିଲଅଁ ।” ୭୩ ଅଡେ ର ଗାଡେକା ହାଜାଲିଏ ଦାରିତା ନିତାମାଚାରି ପିତର ତାଗେ ଖାହାନା ଏଖାଣାଇଁ ଏଲେଇରେରି, “ନାନୁ ଜିକେଏ ସାତେଏ ଏଖାରି ବିତ୍ରାଟି ରଅତି, ଇତିହିଁ ନୀ ହାତାଟି ପୁଣ୍ଡି ଆହିମାନେ ।” ୭୪ ଏମ୍ବାଟିଏ ପିତର ପାର୍ମାଣା ଅଡେ ବାକା ଇତିହିଁ ଏଲେଇରେସି, “ନାନୁ ଏଖାଣାଇଁ ପୁଞ୍ଜାହିଲଅଁ ।” ଏ ଦେବୁଣିଏ କୟୁ କେଶ୍‌ତେ । ୭୫ ଏରେଟିଏ “କୟୁ କେଶ୍‌ଆ ନକେଏ ନାଡ୍ରେ ତାନି ପାଲି ପୁଞ୍ଜାହିଲଅଁ ଇଞ୍ଜାଦି” ଇଞ୍ଜି ଜୀସୁ ଖେସ୍ତି ଇ କାତା ପିତର ଅଶ୍‌ପୁତା ଖାତେ, ଇଞ୍ଜି ଏଖାସି ପାଟ୍ଟାତା ହାଜାନା ହାରେକା କିଲିବିଲି ଦୁକୁଆହିଁ ଡୀତେସି ।

**୨୭** ଲାଇ ଖେୟାଲିଏ ବାରେ କାଜା ପୁଜେରାଟ୍ଟା, ଇଞ୍ଜି ଲକ୍ଷୁତି କାଜାରି ଜୀସୁଇଁ ପାୟାଲି ଏଖାଣି କପାଟି କାତା ଆତେରି, ୨ ଇଞ୍ଜି ଏଖାରି ଏଖାଣାଇଁ ଦସା ଅହାନା ପିଲାତ ଇନି ସାଲଖି କିନାଣି ତାଣା ହେର୍ପିତେରି । ୩ ଏରିବେଲା ଜୀସୁଇଁ ସାତୁ କେୟୁତା ହେର୍ପିତି ଜୀହୁଦା, ଜୀସୁ ହାନି ତଣ୍ଡ ବେଟା ଆହାମାନେସି ଇଞ୍ଜି ପୁଞ୍ଜାନା, ଜୀସୁତା ଅଶ୍‌ପାନା କାଜା ପୁଜେରାଟ୍ଟା ଅଡେ ଲକ୍ଷୁତି କାଜାରି ତାଣା ଏ କଡେଦସ ଟାକା ଖେଣ୍ଡେ ତାତାନା ଏଲେଇରେସି, ୪ “ନାନୁ ଦହ ହିଲାଆଗାଟାଣି ନେତେରି ହେର୍ପାନା ପାପୁ କିହାମାଇଁ ।” ସାମା ଏଖାରି ଏଲେଇରେରି, “ମାଦି ଏମ୍ବାଆଁ ଏନାୟି ମାନେ? ଏଦାଆଁ ନାନୁ ଅଶ୍‌ପାମୁ ।” ୫ ଏମ୍ବାଟିଏ ଏଖାସି ଟାକାୟାଣି ମାହାପୁରୁ ଇଲୁ ବିତ୍ରା କୁତାତୁସାନା ହାତେସି, ଇଞ୍ଜି ହାଜାନା ହେର୍କି ଲେଜା ହାତେସି । ୬ ସାମା କାଜା ପୁଜେରାଟ୍ଟା ଏ ଟାକାୟାଁ ଅହାନା ଏଲେଇରେରି, “ଇଖାଆଁ ମାହାପୁରୁ ଇଲୁତି ଦନ ତଲେ ଇତିନାୟି ମେରା ହିଲେଏ, ଇତିହିଁ ଇଖି ନେତେରିତି ଟାକାୟାଁ ।” ୭ ଇଞ୍ଜି ଏଖାରି କାତା ଆହାନା ଏବକା ଦେସାତି ଲକ୍ଷୁତି ମାଡ୍‌ହା ମୁହ୍‌ନି ଟାୟୁ ତାକି ଏ ଟାକାୟାଁ ହାହାନା ର କୁମ୍ପେଏଣା ବୁମି କଡିତେରି । ୮ ଏଦାଆଁତାକି ନୀଞ୍ଜୁପାତେକା ଏଦାନି “ନେତେରି ବୁମି” ଇଞ୍ଜି ଇନେରି । ୯ ଏମ୍ବାଟିଏ ମାହାପୁରୁ ଅଶ୍‌ପୁତି ବଲୁ ଖେହ୍‌ନି ଜିରିମିୟ ତାଣାଟି ରାଟିତି ଇ କାତା ସାତା ଆତେ, ଇସ୍ରାୟେଲ ମୀର୍କା ଆମ୍ବାଆରି ତାକି ଏରେକା ଲେକା ହୀନାୟି ମାନେ, ଏଖାଣି ଲେକାତଲେ ଏ କଡେଦସ ଟାକା ଅହାନା, ୧୦ ନା ତାକି ମାହାପୁରୁତି ହୁକୁମି ଲେହେଁ କୁମ୍ପେଏଣା ବୁମି ତାକି ହାତେରି । ୧୧ ଏମ୍ବାଟିଏ ସାଲଖି କିନାଣି ନକିତା ଜୀସୁଇଁ ନିପ୍‌ହେରି, ଇଞ୍ଜି ସାଲଖି କିନାସି

ଏଖାଣାଇଁ ଖେରେସି, “ନୀନୁ ଜୀହୁତି ଲକ୍ଷ୍ମି ରାଜାତି?” ଜୀସୁ ଏଲେଇରେସି,  
 “ନୀନୁତ ଏଲେ ଇଞ୍ଜିମାଞ୍ଜି ।” ୧୭ ସାମା କାଜା ପୂଜେରାଞ୍ଜା ଇଞ୍ଜି ଲକ୍ଷ୍ମି  
 କାଜାରି ଏଖାଣି କପାଟି ଖେସାଲିଏ, ଜୀସୁ ଏନାଆଁ ଇନାଆତେସି । ୧୩  
 ଏଚେଟିଏ ପିଲାତ ଏଖାଣାଇଁ ଏଲେଇରେସି, “ଇଖାରି ନୀ କପାଟି ହାରେକା  
 କାତା ଖେସିମାନେରି, ଏଦାଆଁ ଖେଞ୍ଜି ହିଲଅତି କି?” ୧୪ ସାମା ଏଖାସି ର  
 କାତା ଜିକେଏ ଏଖାଣାଇଁ ଜଳାଆତେସି, ଏମ୍ପାଟିଏ ସାଲଖି କିନାସି ହାରେକା  
 କାବା ଆତେସି । ୧୫ ପିସ୍‌ପିଆନି ପାରୁ ବେଲାତା ଲକ୍ଷ୍ମି, ଆମିନି କାୟିଦିତା  
 ଇଟାମାନାରେଇଁ ରାସିମାଚେରି ଏଖାଣାଇଁ ପିସାଲି ସାଲଖି କିନାଣି ମେରା ମାଚେ  
 । ୧୬ ଏଚିବେଲା ଏଖାରି ଜୀସୁ-ବାରବା ଦରୁଗାଟି ର କାଜା ଖେଞ୍ଜି କାୟିଦି  
 ଗାଟାସି ମାଚେସି । ୧୭ ଏଦାଆଁତାକି ଏଖାରି ରୁଣ୍ଡା ଆହାମାନି ବେଲାତା  
 ପିଲାତ ଏଖାଣାଇଁ ଖେରେସି, ନୀନୁ ମିଢ୍ଢେତାକି ଆମ୍ପାଆରାଇଁ ପିସାହିୟାଇଁ ଇଞ୍ଜି  
 ମୀରୁ ମନ କିହିମାଞ୍ଜେରି? ବାରବାଇଁ କି ଆମ୍ପାଆରାଇଁ କ୍ରୀସ୍ତ ଇଞ୍ଜି ମାଞ୍ଜେରି  
 ଏ ଜୀସୁଇଁ? ୧୮ ଇତିହିଁ ଏଖାରି ଏଖାଣାଇଁ କପାଟି ହେର୍‌ପା ମାନେରି ଇଞ୍ଜି  
 ପିଲାତ ପୁଞ୍ଜାମାଚେସି । ୧୯ ଇଞ୍ଜି ପିଲାତ ନୀହାୟି କିନି ଟାୟୁତା କୁଗାମାଚାଟି  
 ତାନି ତକ୍ତି ତାନି ତାଣା ଖେସା ପାଣ୍ଡିତେ, “ଏ ଦାମ୍ପୁଗାଟି ମାଣ୍ଡିଇଁ ଏନାଆଁ  
 କିଆନି, ଇତିହିଁ ଏଖାଣି ତାକି ନୀଞ୍ଜି ଲାଆଁୟାଁ ହାପାନାତା ହାରେକା କସ୍ତ  
 ଆହାମାଇଁ ।” ୨୦ ସାମା କାଜା ପୂଜେରାଞ୍ଜା ଅଡ଼େ ଲକ୍ଷ୍ମି କାଜାରି, ବାରବାଇଁ  
 ରାସାଲି ଇଞ୍ଜି ଜୀସୁଇଁ ନାସା କିହାଲି ଲକ୍ଷ୍ମି ଜୀସୁହେରି । ୨୧ ସାମା ପିଲାତ  
 ଏଖାଣାଇଁ ଏଲେଇରେସି, “ନୀନୁ ଇ ରିଆରି ବିତାଟି ଆମ୍ପାଆରାଇଁ ପିସାହିୟାଇଁ  
 ଇଞ୍ଜି ମୀରୁ ମନ କିହିମାଞ୍ଜେରି?” ଏଖାରି ଏଲେଇରେରି, “ବାରବାଇଁ ।” ୨୨  
 ପିଲାତ ଏଖାଣାଇଁ ଖେରେସି, ଆତିହିଁ ଆମ୍ପାଆରାଇଁ କ୍ରୀସ୍ତ ଇନେରି ଏ ଜୀସୁଇଁ  
 ନୀନୁ ଏନାଆଁ କିଇଁ? ଏଖାରି ବାରେଜାଣା ଏଲେଇରେରି, “ଏଖାଣାଇଁ ପାସି  
 ମୁଣ୍ଡାତା ଏକ୍‌ଦୁ ।” ୨୩ ସାମା ପିଲାତ ଖେରେସି, “ଏନାଆଁତାକି, ଏଖାସି ଏନି  
 ଦହ କିହାମାନେସି?” ସାମା ଏଖାରି ହାରେକା କାଲଖି ଆହିଁ ଏଲେଇରେରି,  
 “ଏଖାଣାଇଁ ପାସି ମୁଣ୍ଡାତା ଏକ୍‌ଦୁ ।” ୨୪ ଏଚିବେଲା ପିଲାତ ଏନାଆଁ କିହାଲି  
 ଆଡ଼ିହିଲଅସି, ଇଞ୍ଜି ହାରେକା ଗଡ଼ହା ଆହିମାନାଣି ମେସାନା, ଏଚିବେଲା  
 ଲକ୍ଷ୍ମି ନକିତା ଏମ୍ପୁ ଅହାନା କେସ୍ତା ନରୁହାଁ ଏଲେଇରେସି, “ଇଖାଣି ପାୟିନି  
 ତାଣା ନା ଦହ ହିଲେଏ, ମୀରୁ ଏଦାଆଁ ପୁଞ୍ଜା ।” ୨୫ ଏମ୍ପାଟିଏ ବାରେ ଲକ୍ଷ୍ମି  
 ଏଲେଇରେରି, “ଏଖାଣି ନେଚେରିତି ତଣ୍ଡା ମା ଲାକ ଇଞ୍ଜି ମା ମୀରୁକା ମୁହେଁ



ଖାପେ ।” ୨୬ ଏମ୍ବାଟିଏ ପିଲାଟ ଏଞ୍ଜରାକି ବାରବାଇଁ ପିସା ହୀତେସି, ଇଞ୍ଜି  
 ଜୀସୁଇଁ ସାବୁଣି ଝେତାନା ପାସି ମୁଣ୍ଡାତା ଏକହାଲି ହେରପିତେସି । ୨୭  
 ଏମ୍ବାଟିଏ ସାଲଝି କିନାଣି କସକା ଜୀସୁଇଁ ମେଡ଼ା ଇଲୁ ବିତ୍ରା ଅହାନା ବାରେ  
 କସକା ଏଞ୍ଜାଣି ନକିତା କୁଡ଼ା ଆତେରି । ୨୮ ଇଞ୍ଜି ଏଞ୍ଜାରି ଏଞ୍ଜାଣି ହିମ୍ବରି  
 ହୁକହାନା ଏଞ୍ଜାଣାଇଁ ହେୟାଁ ଖାଣାଗାଟି ହିମ୍ବରି ହୁଟକିତେରି, ୨୯ ଇଞ୍ଜି ହାପକା  
 ଚପେରି ଆଲାନା ଏଞ୍ଜାଣି ଡାୟୁଟା ଇଟିତେରି ଅଡ଼େ ଏଞ୍ଜାଣି ଚିଃନି କେୟୁତା ର  
 ବାଡ଼ଗା ଆସପି କିତେରି, ଇଞ୍ଜି ଏଞ୍ଜାଣି ନକିତା ମେଣ୍ଡା କୁଟିହଁ “ଏ ଜୀହୁଦି  
 ଲକ୍ଷୁଡି ରାଜା ଜହରା” ଇଞ୍ଜି ଲାଜାକିହଁ କାକହେରି । ୩୦ ଅଡ଼େ ଏଞ୍ଜାଣିଲକ  
 ହୁପିତେରି, ଅଡ଼େ ଏ ବାଡ଼ଗା ଆସାନା ଏଞ୍ଜାଣି ଡାୟୁଟା ଝେତେରି । ୩୧  
 ଅଡ଼େ ଏଞ୍ଜାରି ଏଞ୍ଜାଣାଇଁ ଲାଜାକିହଁ କାକହି ଡାୟୁ, ଏ ହିମ୍ବରି ହୁକହା ଅହାନା  
 ତାନି ହିମ୍ବରି ହୁଟକିତେରି, ଇଞ୍ଜି ଏଞ୍ଜାଣାଇଁ ପାସି ମୁଣ୍ଡାତା ଏକହାଲି ଅତେରି  
 । ୩୨ ଏଞ୍ଜାରି ହାଜିମାତାଟି ସିମନ ଦରୁଗାଟି ର କୁରିଣି ଦେସାତି ଲକ୍ଷୁଇଁ  
 ମେସାନା ଜୀସୁଟି ପାସିମୁଣ୍ଡା ଡେକାଲି ଏଞ୍ଜାଣାଇଁ ବାଲାମାତମି କିତେରି । ୩୩  
 ଇଞ୍ଜି ଏଞ୍ଜାରି ଗଲଗତା ଇନି ଟାୟୁଟା ଇଟିହଁ ଏମିନାଣି ଡାୟୁଗିର୍ପା ଇନେରି  
 ଏମ୍ବାଆଁ ଅତେରି । ୩୪ ଏମ୍ବାଆଁ ଏଞ୍ଜାରି ଏଞ୍ଜାଣାକି କାମେଲି ଏୟୁ ଆବୁହି  
 ଅଡ଼ୁରି ରାସା ଗସାଲି ହୀତେରି, ସାମା ଏଞ୍ଜାସି ଏଞ୍ଜାଆଁ ଖାଣ୍ଡାନା ଗସାଲି ମନ  
 କିଆତେସି । ୩୫ ଡାୟୁ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା ଏକହାନା ତାନି  
 ହିମ୍ବରିକା ପାଦି କିହାନା ତାନି ବିତ୍ରା ବାଟି କିହା ଅତେରି, ୩୬ ଇଞ୍ଜି ଏମ୍ବାଆଁ  
 କୁଗାନା ଏଞ୍ଜାଣାଇଁ କାଟିମାତେରି । ୩୭ ଇଞ୍ଜି ଏଞ୍ଜାରି ଏଞ୍ଜାଣି ଡାୟୁ ଲାକଟି  
 ଇଲେଇଞ୍ଜି ରାତାନା ଲେତେରି, “ଇଞ୍ଜାସି ଜୀହୁଦି ଲକ୍ଷୁଡି ରାଜା ଜୀସୁ ।” ୩୮  
 ଏଟିବେଲା ତାନି ଚିଃନିଞ୍ଜାକି ରଅସି ଇଞ୍ଜି ତାନି ଚେବୁଞ୍ଜାକି ରଅସି ଇଲେକିହଁ  
 ରୀ ସରକାଣି ତାନିତଲେ ପାସି ମୁଣ୍ଡାତା ଏକହେରି । ୩୯ ଇଞ୍ଜି ଏ ଜିରୁଟି  
 ହାଜିମାନି ଲକ୍ଷୁ ତାନି ଡାକା ଗୁଟକିକିହଁ ଏଞ୍ଜାଣାଇଁ ନିନ୍ଦୁକିହଁ ଏଲେଇତେରି,  
 ୪୦ “ଆଡ଼େ ମାହାପୁରୁ ଇଲୁ ଡିକନାତି ଇଞ୍ଜି ତାନି ଦିନାଟିଏ ଏଦାଆଁ ଝେଣ୍ଡେ  
 କେପିନାତି, ନୀନୁ ମାହାପୁରୁ ମୀରୁଏଣାତି ଇଟିହଁ, ନୀନୁ ନିଡ଼େ ଗେଲ୍ପା  
 କତାନା ପାସି ମୁଣ୍ଡାଟି ରେତା ଖାମୁ ।” ୪୧ କାଜା ପୁଜେରାଡ଼୍ଡା ଜିକେଏ  
 ଏଲେକିହଁଏ ମେରାପୁନାରି ଇଞ୍ଜି ଲକ୍ଷୁଡି କାଜାରି ତଲେ କିଜଞ୍ଜିକିହଁ କାକହଁ  
 ଏଲେଇତେରି, ୪୨ “ଏଞ୍ଜାସି ଏବକା ଲକ୍ଷୁଣି ପିସପି କିତେସି ତାଡ଼େ ଗେଲ୍ପାଲି  
 ଆଡ଼ିହିଲଅସି । ଏଞ୍ଜାସିତ ଇସ୍ରାୟେଲତି ରାଜା, ଏଞ୍ଜାସି ଦେବୁଣିଏ ପାସି ମୁଣ୍ଡାଟି

ରେଚା ଖାପେସି, ଆତିହିଁ ମାର ଏଞ୍ଜାଣି ତାଣା ନାମିନ । ୪୩ ଏଞ୍ଜାସି ମାହାପୁରୁ  
ତାଣା ନାମା ମାନେସି; ମାହାପୁରୁ ଏଞ୍ଜାଣାଇଁ ଜୀଝୁ ନହାଁ ମାନେସି, ଆତିହିଁ ଏ  
ଦେବୁଣିଏ ଏଞ୍ଜାଣାଇଁ ଗେଲ୍‌ପାପେସି, ଏଞ୍ଜାସି ଝେସାମାଚେସି ନାନୁ ମାହାପୁରୁ  
ମାର୍‌ଏଣାଚେସି ।” ୪୪ ଇଞ୍ଜିଆମିନି ସର୍କା ତାନିତଲେ ପାସି ମୁଣ୍ଡାତା ଏକହା  
ମାଚେରି, ଏଞ୍ଜାରି ଜିକେଏ ଏଲେକିଁ ନିନ୍ୟୁ କିହାଲି ମାଟ୍‌ହେରି । ୪୫ ତାୟୁ  
ବାର ଗଂଟାଟିଏ ତାନି ଗଂଟା ପାଚେକା ଦେସା ବାରେ ଆନେରି ଆହାହାଚେ  
। ୪୬ ମିଡୁଅଲା ତାନି ଗଂଟା ବେଲାତା ଜୀସୁ କାଜା ଗିୟାଁତଲେ ହାଟାନା  
ଏଲେଇଚେସି, “ଏଲି, ଏଲି, ଲାମା ସାବକ୍‌ତାନି?” ଇତିହିଁ “ଏ ନା ମାହାପୁରୁ  
ଏ ନା ମାହାପୁରୁ ନାନୁ ନାଟ୍ଟେ ଏନାଆଁତାକି ପିସ୍ତାତି?” ୪୭ ଇ ହାତା ଝେଞ୍ଜାନା  
ଦାରିତା ନିତାମାଟି ଲକୁ ଏଲେଇଚେରି, “ଇଞ୍ଜାସି ଏଲିୟୁଇଁ ହାଟି ମାନେସି ।”  
୪୮ ଅଡେ ଏ ଦେବୁଣିଏ ରଅସି ଏଞ୍ଜାରି ବିତ୍ରାଟି ହଟିହିଁ ହାଜାନା ର ଦ୍ରାଃଆଲି  
ପୁଲା ଅଢୁରି ରାସାତା ମୁସାନା ଏଦାଆଁ ର ବାଡୁଗାତା ଦସାନା ଜୀସୁକି ଗସାଲି  
ହାଚେସି । ୪୯ ସାମା ଏଚେକା ଲକୁ ଏଲେଇଚେରି, “ହେଣ୍ଡୁ, ଏଲିୟୁ ଇଞ୍ଜାଣାଇଁ  
ଗେଲ୍‌ପାଲି ଖାହିମାନେସି କି ଆଏ ସିନିକିନ ।” ୫୦ ସାମା ଜୀସୁ ଅଡେ ଝେଣ୍ଡେ  
କାଜା ଗିୟାଁତଲେ ହାଟାନା ହାଚେସି । ୫୧ ଇଞ୍ଜିା ମେହ୍‌ଦୁ ମାହାପୁରୁ ଇଲୁତା  
ଲେଚାମାନି ହିମ୍ପୁରି ଲାକଟିଏ ଡଇ ପାଚେକା ଗେଞ୍ଜାନା ରୀ ବାଗା ଆଚେ,  
ଇଞ୍ଜିା ବୁମି ବାରେ ଖାତିଚେ ଅଡେ ଖାଲ୍‌କା ଅୟାହାରୁ, ୫୨ ଇଞ୍ଜିା ମାଡୁହା  
ମୁହ୍‌ନି ଚାସ୍ଲା ବାରେ ଦେପିଆଡୁ, ଅଡେ ହାହାମାଟି ହାରେକା ସୁଦୁ ଲକୁଟି  
ଆଢୁ ମାଡୁହା ମୁହ୍‌ନି ଚାୟୁଟି ନିଢୁନା ଖାଚେରି, ୫୩ ଇଞ୍ଜିା ଜୀସୁ ଝେଣ୍ଡେ  
ନିଢୁଟି ତାୟୁ ଏଞ୍ଜାରି ମାଡୁହା ମୁହ୍‌ନି ଚାୟୁଟି ହଚାନା ସୁଦୁ ଗାଡାତା ହାଜାନା  
ହାରେକା ଜାଣାତି ଚଞ୍ଜାଆଚେରି । ୫୪ ପାସାକଡ଼ି କସକା ମୁହ୍‌ନି କାଜାସି ଇଞ୍ଜିା  
ତାନିତଲେ ଜୀସୁଇଁ କାଚାମାଚାରି, ଏଞ୍ଜାରି ବୁମି ଖାତିତାଣି ଅଡେ ଏମ୍ପାଆଁ  
ଗଚଞ୍ଜି ଆତାଣି ମେସାନା ହାରେକା ଆଜାନା ଏଲେଇଚେରି, “ସାଚେଏ ଇଞ୍ଜାସି  
ମାହାପୁରୁ ମାର୍‌ଏସି ମାଚେସି!” ୫୫ ଅଡେ ହାରେକା ଇୟାସିକା ଜିକେଏ  
ଏମ୍ପାଆଁ ମାଞ୍ଜାନା ହେକଟି ସିନିକିହିମାରୁ; ଏଞ୍ଜିା ଜୀସୁଟି ସେବା କିହିଁ ଗାଲିଲିଟି  
ଏଞ୍ଜାଣିତଲେ ଖାହାମାରୁ; ୫୬ ଏଞ୍ଜାସିକା ବିତ୍ରାଟି ମଗ୍‌ଦଲିନି ମରିୟମ, ଜାକୁବ  
ଅଡେ ଜସେପ ତାନି ଇୟା ମରିୟମ, ଅଡେ ଜେବଦି ତାନି ଇୟା ମାରୁ ।  
୫୭ ଝେଡ଼ା ହାଜିମାଚାଟି ହାରାମାତିୟା ଜସେପ ଦରୁଗାଟି ହାରାମାତିୟାଟି  
ର ଦନ ଗାଟାସି ଖାଚେସି, ଏଞ୍ଜାସି ଜିକେଏ ଜୀସୁଟି ର ସୀସୁ ଆହାମାଚେସି

। ୫୮ ଏଝାସି ପିଲାତ ଡାଣା ହାଜାନା ଜୀସୁତି ଆଢ୍ଘା ରାସ୍ତେସି, ପିଲାତ ଜୀସୁତି ମାଡ଼ହା ଏଝାଣାକି ହେରପାଲି ହୁକୁମି ହାତେସି । ୫୯ ଜସେପ ମାଡ଼ହା ଆଢ୍ଘାତି ଅହାନା ନେହିଁ ପୁଃନି ପାତାଡ଼ା ଦବ୍‌ଲା ହିମ୍ବରି ରୁପିତେସି, ୬୦ ଇଞ୍ଜିଁ ତାନୁ ତାଢ୍ଘେଟାକି ହରୁତା କାର୍‌ଝି କିହାମାନି ମାଡ଼ହା ମୁହ୍‌ନି ପୁଃନି ଚାୟୁତା ମାଡ଼ହାତି ଇତିତେସି, ଇଞ୍ଜିଁ ମାଡ଼ହାତି ମୁହ୍‌ନି ଚାୟୁତି ଦୁଝେରିତା ର କାଜା ଖାଲି ପିକ୍‌ହାନା ହାଜାରୁସ୍ତେସି । ୬୧ ମଗ୍‌ଦଲିନି ମରିୟମ ଅଡ଼େ ଏବ୍‌କାତି ମରିୟମ ଏ ମାଡ଼ହା ମୁହ୍‌ନି ଚାୟୁତା କୁଗା ଡ଼ୟିରୁ । ୬୨ ତାନି ଅର ଦିନା, ଇତିହିଁ ତିୟାରା ଆନି ଦିନାତି ଡାୟୁତି ଦିନା କାଜା ପୁଜେରାଢ୍ଘା ଅଡ଼େ ପାରୁସିୟାଁ ପିଲାତ ଡାଣା ରୁଣ୍ଡା ଆହାନା ଏଲେଇଚେରି, ୬୩ “ବାବୁ, ଏ ନାଡ଼ି କିନାସି ଜୀଝୁତା ମାତାଟି, ‘ନାନୁ ତାନି ଦିନାଟିଏ ଝେଣ୍ଡେ ନିଡ଼ିଲି’ ଇଞ୍ଜିଁ ଝେସାମାତାଣି ନୀଏଁ ମାମୁ ଅଣ୍ଡିପାନମି । ୬୪ ଏଦାଆଁତାକି ତାନିଦିନା ପାତେକା ଏ ମାଡ଼ହା ମୁହ୍‌ନି ଚାୟୁତା କାଚାଲି ତାକି ହୁକୁମି ହୀମୁ, ଆଆଟିଁ ତାନି ସୀସୁୟାଁ ଝାହାନା ମାଡ଼ହାତି ତଂଗା ଆହାଁ ଏଝାସି ହାକିତି ନିଢ୍ଘାମାନେସି ଇଞ୍ଜିଁ ଲକୁଣି ଝେହ୍‌ନେରି; ଆଡ଼ିହିଁ ତଲି ନାଡ଼ି କିତାଣି କିହାଁ ଡାୟୁତି ନାଡ଼ିକିନାୟି ହାରେକା ଆଗାଡ଼ା ଆନେ ।” ୬୫ ପିଲାତ ଏଝାରାଇଁ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ଆଡ଼ିନି ପାତେକା କାଃଆଦୁ ।” ୬୬ ଏଦାଆଁତାକି ଏଝାରି ହାଜାନା କାଃଆନାରି ତଲେ ଏ ଝାଲି ଗୁତା ଆଆପେଝା ଇଞ୍ଜିଁ ଝାଲିତି ଜାଣି କିହିଁ ସୀଲି ଝେତାନା ମାଡ଼ହା ମୁହ୍‌ନି ଚାୟୁତା କାଃନାରାଇଁ କାପି କିତେରି ।

**୨୮** ଜମିନି ଦିନା ରାତି ଡାୟୁ ଝାରାତି ତଲିତି ଦିନାତା ଲାଇ ଲାଇସିଏ ମଗ୍‌ଦଲିନି ମରିୟମ ଅଡ଼େ ଏବ୍‌କାତି ମରିୟମ ମାଡ଼ହା ମୁହ୍‌ନି ଚାୟୁତି ସିନିକିହାଲି ହାରୁ । ୨ ଅଡ଼େ ମେହ୍‌ଦୁ ଏ ଦେରୁଣିଏ ବୁମି ଝାଡ଼ିତେ, ଇତିହିଁ ମାହାପୁରୁତି ର ଦୂରୁ ଲାକପୁରୁଟି ରେଚାଝାହାନା ଏ ଝାଲିତି ଗୁତି କିହାନା ଏଦାଣି ଲାକ କୁଗିତେସି । ୩ ତାନି ଝାଣା ମିଶ୍‌ସିମାନି ହାଗୁଲେହିଁ ମାତେ ଅଡ଼େ ତାନି ହିମ୍ବରି ପେଣ୍ଡିଲେହିଁ ଦବ୍‌ଲା ମାତେ । ୪ ଇଞ୍ଜିଁ କାଃଆନାରି ଆଜିତାକି ତାର୍‌ରିହିଁ ହାତିଲେହିଁ ଆତେରି । ୫ ସାମା ଦୂରୁ ଇୟାସିକାଣି ଏଲେଇଚେସି, “ମୀରୁ ଆଜାଆଦୁ, ଇତିହିଁ ମୀରୁ ପାସି ମୁଣ୍ଡାତା ହାତି ଜୀସୁଇଁ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାଇଁ ।” ୬ ଏଝାସି ଇମ୍‌ଆଁ ହିଲଅସି; ଇତିହିଁ ଏଝାସି ଏନିକିଁ ଝେସାମାତେସି, ଏଲେକିହିଁଏ ନିଢ୍ଘାମାନେସି, ଝାଦୁ ଏଝାସି ଆମିନି ଚାୟୁତା ତୁରାମାତେସି ଏ ଚାୟୁତି ସିନିକିଦୁ । ୭ ଅଡ଼େ ମୀରୁ ତବେ ହାଜାନା ତାନି

ସୀସୁୟାଣି ଖେଦୁ, ଏଞ୍ଜାସି ହାତାରି ତାଣାଟି ନିଢ଼ୁମାନେସି, ଅଡ଼େ ମେହୁଦୁ  
 ଏଞ୍ଜାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍ପାଆଁ ମୀରୁ ଏଞ୍ଜାଣାଙ୍ଗ  
 ମେହୁଦେରି; ନାନୁ ଖେସ୍ତାତାଣି ଅଣ୍ପାଦୁ । ୮ ଏମ୍ପାଟିଏ ଆଜି ଅଡ଼େ ରାହାଟି  
 ମାହୁଣି ମାଣ୍ଡାଟି ତବେ ହାଜାନା ତାମି ସୀସୁୟାଣି ଖେସାଲି ଦାବ୍ଡ଼ି ହରୁ । ୯  
 ଅଡ଼େ ମେହୁଦୁ ଜୀସୁ ଏଞ୍ଜାସିକାଣି ବେଟାଆହାନା ଏଲେଇଚେସି, “ମିଢ଼େ ହିଡ଼ି  
 ଆୟାପେ” ଏମ୍ପାଟିଏ ଏଞ୍ଜି ତାଗେ ଖାହାନା ଏଞ୍ଜାଣି କତାୟା ଆସାନା ଏଞ୍ଜାଣାଙ୍ଗ  
 ଜହରା କିରୁ । ୧୦ ଏଚେଟିଏ ଜୀସୁ ଏଞ୍ଜାସିକାଣି ଏଲେଇଚେସି, “ଆଜାଆରୁ,  
 ମୀରୁ ହାଜାନା ନା ତାୟାୟାଙ୍ଗ ଖେହୁଦୁ, ଏଞ୍ଜାରି ଗାଲିଲିତା ହାଲାପେରି; ଏମ୍ପାଆଁ  
 ଏଞ୍ଜାରି ନାଢ଼େ ମେସ୍ତାନେରି ।” ୧୧ ଆୟାସିକା ହାଜିମାତାଟି, କାପୁ କାତାମାଟି  
 କସ୍‌କା ବିତ୍ରାଟି ଏତରଜାଣା ଗାଡ଼ାତା ହାଜାନା ଏ ବାରେ ଗଟଞ୍ଜି ଆତାଣି  
 କାଜା ପୁଜେରାଢ଼ାଣି ଖେସ୍ତେରି । ୧୨ ଏଞ୍ଜାରି ଲୁକୁଟି କାଜାରି ତଲେ ରୁଣ୍ଡା  
 ଆହାନା ଅଣ୍ପିହିଁ କାତା ତୀରିକିତି ତାୟା, ଏ କସ୍‌କାକି ହାରେକା ଟାକାୟା  
 ହାହାନା ଏଲେଇଚେରି, ୧୩ “ମୀରୁ ଏଲେଇଞ୍ଜୁ, ମୀସୁ ତୁରାମାଟି ବେଲାତା  
 ତାମି ସୀସୁୟାଁ ଲାଆଁୟାଁ ଖାହାନା ଏଞ୍ଜାଣାଙ୍ଗ ସରୁ ଆହାନା ଅଡ଼େରି । ୧୪  
 ଅଡ଼େ ଇ କାତା ସାଲଞ୍ଜି କିନାଣି କିୟୁତା ହାଟିହିଁ, ମୀସୁ ଏଞ୍ଜାଣାଙ୍ଗ ନେହିଁକି  
 ଖେସାନା ମୀ ଅଣ୍ପାପୁଟି ପିସ୍‌ପି କିୟାନମି ।” ୧୫ ଏଞ୍ଜାରି ଟାକାୟା ଆହାନା  
 ଏନିକି ହୁକୁମି ବେଟାଆହା ମାଚେରି, ଏଲେକିହିଁ କିଚେରି । ଏଦାଆଁତାକି  
 ଇ କାତା ଜୀହୁଡ଼ି ଲୁକୁଡ଼ାଣା ଖେଡ଼ୁ ହାଜାନା ନୀଏଁ ପାଚେକା ମାନେ । ୧୬  
 ସାମା ଏଗାର ଜାଣା ସୀସୁୟାଁ ଗାଲିଲିତା ହାଜାନା, ଜୀସୁ ଆମିନି ହରୁ କାତା  
 ଏଞ୍ଜାଣାଙ୍ଗ ଖେସାମାଚେସି, ଏ ହରୁତା ହାଚେରି । ୧୭ ଅଡ଼େ ଏଞ୍ଜାରି ଏଞ୍ଜାଣାଙ୍ଗ  
 ମେସାନା ଜହରା କିଚେରି, ସାମା ଆମ୍ପା ଆମ୍ପାଆରି ନାମାଆଚେରି । ୧୮ ଇଞ୍ଜୁ  
 ଜୀସୁ ଏଞ୍ଜାରି ତାଗେ ଖାହାନା ଏଲେଇଚେସି, “ଲାକପୁରୁ ଅଡ଼େ ଦାର୍ଡ଼ିତି  
 ଅଦିକାରା ନାଢ଼େ ମେଡ଼ା ଆହାମାଞ୍ଜାନେ । ୧୯ ଏଦାଆଁତାକି ମୀରୁ ହାଜାନା  
 ବାରେ କୁଡ଼ାଟି ଲୁକୁଣି ଆବା, ମୀରୁଏସି ଅଡ଼େ ସୁଦୁଜୀଞ୍ଜୁ ଦରୁଟି ବାପୁସ୍ତ  
 ହାହାନା, ୨୦ ନାନୁ ମିଢ଼େ ହାହାମାଞ୍ଜାନି ହୁକୁମି ବାରେ ମାନଞ୍ଜି ଆହାଲି  
 ଜାପ୍‌ହାନା ଏଞ୍ଜାଣାଙ୍ଗ ନା ସୀସୁୟାଁ କିଦୁ; ମେହୁଦୁ ଜୁରୁ ରାନି ପାଚେକା ନାନୁ  
 ବାରେବେଲା ମୀ ତଲେ ମାଞ୍ଜେ ମାଞ୍ଜାଇଁ ।” (aiōn g165)

# ମାର୍ଚ୍ଚ

୧ ମାହାପୁରୁ ମାର୍ବଣସି ଜୀସୁ କ୍ରୀସ୍ତତି ନେହିଁ କାବୁ ଇଲେକିଁ ଆଡେ, ୨ ମାହାପୁରୁ ଅଣ୍ଟପୁତି ବଲୁ ଖେହ୍ନି ଜିସାୟ ସାସ୍ତେରିତା ଏନିକିଁ ରାସ୍କି ଆହାମାନେ; “ମାହାପୁରୁ ଏଲେଇଞ୍ଜି ମାନେସି, ମେହ୍ମୁ ନାନୁ ନା କାବୁ ଖେହ୍ନାଣାଇଁ ନୀ ନକିତା ପାଣ୍ଟିମାଞ୍ଜାଇଁ, ଏଞ୍ଜାସି ନିଢ୍ଢେତାକି ଜିରୁ ତିୟାରା କିନେସି; ୩ ଲକୁ ହିଲାଆ ଟାୟୁତା ରଅଣି ହାଡା ଖେଡ୍ଡିମାନେ, ପ୍ରବୁତି ଜିରୁ ତିୟାରା କିଦୁ, ଏଞ୍ଜାସି ତାକାଲି ତାକି ଜିରୁ ତିୟି କିଦୁ ।” ୪ ଏମ୍ପାଟିଏ ବାପ୍ତିସ୍ତ ହାନି ଜହନ ଲକୁ ହିଲାଆ ଟାୟୁତା ଖାହାନା ବଲୁ ଖେକ୍ହେସି, ଅଡେ ବାପ୍ତିସ୍ତ ହାହାନା ଏଲେଇଡେସି, “ଜାହାରା ପାପୁତି ପିସ୍ପି ଆୟାଲିତାକି ମନ ଖେହ୍ନାହାନା ବାପ୍ତିସ୍ତ ଅଦୁ, ଆତିହିଁ ମାହାପୁରୁ ମୀ ପାପୁ ମ୍ଲେକ୍ହାନେସି ।” ୫ ଏମ୍ପାଟିଏ ଜୀହୁତା ଦେସା ଇଞ୍ଜି ଜିରୁସାଲମ ଗାଡାତି ବାରେ ଲକୁ ତାନି ତାଣା ଖାହାଲି ମାଟ୍ହେସି, ଇଞ୍ଜି ତାମୁ ତାନି କିତି ପାପୁତି ଖେସାନା ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ତ ଅଡେରି । ୬ ଜହନ ଉଟୁ ବାଣାୟାଁ ତଲେ କେପିତି ହିମ୍ପରିକା ତୁରହିମାଡେସି, ଅଡେ ଟେଡେଲିତା ର ତଲୁତି ବୁଡ୍ପା ମାଡା କିହାଁ ଦସା କଡ୍ଡିଡେସି, ଗପ୍ବରିକା ଅଡେ ଜାଡାତି କିୟାଁ ଏଞ୍ଜାଣି କାଦି ମାଡେ । ୭ ଜହନ ଏଲେଇଞ୍ଜି ଖେକ୍ହାଲି ମାଟ୍ହେସି, “ଆମ୍ପାଆସି ନା କିହାଁ ହାରେକା ବାଡ୍ମୁ ଗାଟାସି ଏଞ୍ଜାସି ନା ତାୟୁ ଖାହିମାନେସି; ନାନୁ ମେଣ୍ଟାକୁତାନା ଏଞ୍ଜାଣି ସେପୁୟାଁତି ତକା ଜିକେଏ ହୁକ୍ହାଲି ପାଡାଆଅଁ । ୮ ନାନୁ ମିଢ୍ଢେ ଏୟୁତଲେ ବାପ୍ତିସ୍ତ ହାହିମାଞ୍ଜାଇଁ, ସାମା ଏଞ୍ଜାସି ମିଢ୍ଢେ ସୁଦୁଜୀସୁ ତଲେ ବାପ୍ତିସ୍ତ ହିୟାନେସି ।” ୯ ଏତିବେଲାତା ଜୀସୁ ଗାଲିଲିତି ନାଜରିତତି ଖାହାନା ଜର୍ଦନ କାତାତା ଜହନ ତାଣାଟି ବାପ୍ତିସ୍ତ ଅଡେସି । ୧୦ ଜୀସୁ ଏୟୁତି ନିଢ୍ଢା ଖାହିମାଟାଟି ଦେବୁଣିଏ ଲାକପୁରୁ ଦେପି ଆଡେ ଇଞ୍ଜି ସୁଦୁଜୀସୁ ପାଋଖା ପଟାଲେହେଁ ତାନି ଲାକ ରେତା ଖାହିମାଟାଣି ମେସ୍ତେସି । ୧୧ ଅଡେ ଲାକପୁରୁଟି ଇ ହାଡା ଆଡେ, “ନାନୁ ନା ଜୀସୁତି ମାର୍ବଣାଟି, ନୀ ତାଣେଏ ନା ହାରେକା ରାହାଁ ମାନେ ।” ୧୨ ଏ ଦେବୁଣିଏ ସୁଦୁଜୀସୁ ଏଞ୍ଜାଣାଇଁ ଲକୁ ହିଲାଆ ଟାୟୁତା ଅଡେ, ୧୩ ଜୀସୁ ଲକୁ ହିଲାଆ ଟାୟୁତା ରା କଡି ଦିନା ପାଡେକା ତୟାନା ସୟତାନ ତାଣାଟି ତାୟିପାରି କିଞ୍ଜିଆଡେସି; ଏଞ୍ଜାସି ଜାଡାତି ଜନ୍ତୁ ତଲେ ତୟିଡେସି, ଇଞ୍ଜି ଲାକପୁରୁତି ଦୂତୁୟାଁ ଖାହାନା ଏଞ୍ଜାଣି ସେବା କିହିମାରୁ । ୧୪ ଜହନଇଁ କାୟିଦି ଇଲୁତା ଇଟାଲିଏ ଜୀସୁ ଗାଲିଲିତା ଖାଡେସି ଇଞ୍ଜି ମାହାପୁରୁତି ନେହିଁ କାବୁ

ଖେଳୁହେଉ । ୧୫ “କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଝାହିମାନେ,  
 ପାପୁତି ପିସାନା ମନ ଖେଟ୍ତୁ ଇଞ୍ଜି ମାହାପୁରୁତି ନେହିଁ କାବୁତି ନାମାଦୁ  
 ।” ୧୬ ଜୀସୁ ଗାଲିଲି ସାମୁରୁତି ଗାଟୁଟି ହାଜିମାଚାଟି ସିମନ ଅଡ଼େ ତାମି  
 ତାୟି ଆନ୍ନିୟୁଇଁ ସାମୁରୁତିତା ମୀଶକା ଜାଲା ମେଡ଼ହି ମାଚାଣି ମେସ୍ତେସି,  
 ଇତିହିଁ ଏଝାରି ମୀଶକା ଆହୁନାରି ମାଚେରି । ୧୭ ଜୀସୁ ଏଝାରାଇଁ ହାଟାନା  
 ଏଲେଇଚେସି, “ନା ଜେଚ ଝାଦୁ ନାନୁ ମିଡ୍ରେ ଲକ୍ଷୁଣି ଆହୁନାଣି ଜାପହାଇଁ  
 ।” ୧୮ ଏଝାରି ଦେବୁଣିଏ ଜାଲାୟିଁ ପିସାନା ଜୀସୁତି ଜେଚ ହାଚେରି । ୧୯  
 ଏଚେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀରକା ଜାକୁବ ଇଞ୍ଜି ତାମି  
 ତାୟି ଜହନଇଁ ତଂଗତା ଜାଲା ମୁଦା କିହିମାଚାଣି ମେସ୍ତେସି । ୨୦ ମେସ୍ତେସିଏ  
 ଜୀସୁ ଏଝାରାଇଁ ହାଟିଚେସି, ଇଞ୍ଜି ଏଝାରି ତାମି ଆବା ଜେବଦିଇଁ ହୁଲିୟାଡ୍ଡା  
 ତଲେ ତଂଗତା ପିସାନା ଜୀସୁ ଜେଚ ହାଚେରି । ୨୧ ଜୀସୁ ଅଡ଼େ ତାମି ସୀସୁୟିଁ  
 କପରନାହୁମ ଗାଡ଼ାତା ଝାଚେରି, ଇଞ୍ଜି ଅର ନେଚୁ ଜମିନି ଦିନା ମାଚାକି ଜୀସୁ  
 ଜୀହୁଦି ଲକ୍ଷୁତି କୁଟମି ଇଲୁତା ହାଜାନା ଜାପହାଲି ମାଟ୍ତହେସି । ୨୨ ଲକ୍ଷୁ ତାନି  
 ଜାପହାଣି ଖେଞ୍ଜାନା କାବା ଆହାହାଚେରି; ଇତିହିଁ ଏଝାସି ସାସ୍ତେରି ଖେହନାରି  
 ଲେହେଁ ଜାପହାଣି ଅଦିକାରା ବେଟାଆହାମାନି ଲେହେଁ ଜାପହାଣି ମାଚେସି । ୨୩  
 ଜୀସୁ ଜାପହାଣି ମାଚିବେଲାତା ଜୀହୁଦି ଲକ୍ଷୁତି କୁଟମି ଇଲୁଟି ର ବୃତୁ ଆଲଗା  
 ମାଚାସି କାଲଝି ଆହିଁ ଏଲେଇଚେସି, ୨୪ “ଏ ନାଜରିତତି ଜୀସୁ ନୀ ତଲେ  
 ମାଡ୍ରେ ଏନି କାମା ମାନେ, ନାନୁ କି ମାଡ୍ରେ ନାସା କିହାଲି ଇମ୍ପାଆଁ ଝାହାମାଞ୍ଜି?  
 ନାନୁ ଆମ୍ପାଆତି ନାନୁ ପୁଞ୍ଜାମାଇଁ; ନାନୁ ମାହାପୁରୁ ତାଣାଟି ଝାହାମାନି ଏ ସୁଦୁ  
 ମାଣ୍ଡସିତି ।” ୨୫ ଜୀସୁ ଏଦାନି ଦାକା ହାହାନା ଏଲେଇଚେସି, “ପାଲେଏ ଆମ୍ପୁ  
 ଇଞ୍ଜି ଇଝାଣି ତାଣାଟି ହଚାହାଲାମୁ ।” ୨୬ ଏଚେଟିଏ ଏ ପଲ୍‌ଆ ବୁରୁ ଏଝାଣାଇଁ  
 ମୁଡୁମାଡ଼ା କିହାନା, କାଜା ଗିୟାତଲେ କିର୍ଡ଼ିହିଁ ଏଝାଣି ତାଣାଟି ହଚାହାଚେ ।  
 ୨୭ ଏମ୍ପାଟିଏ ବାରେଜାଣା ହାରେକା କାବା ଆଚେରି, ଇଞ୍ଜି ଇଲେକିଁ ଜଲ୍‌କି  
 ଆଚେରି, “ଇଦି ଏନିଲେହେଁତାୟି? ଇଦି ଅଦିକାରା ବେଟାଆହାମାନି ଲେହେଁତି  
 ପୁଞ୍ଜି ଜାପହାଣି, ଏଝାସି ପଲ୍‌ଆ ବୁରୁୟିଁଇଁ ଜିକେଏ ହୁକୁମି ହାହିମାନେସି,  
 ଅଡ଼େ ଏଝି ଏଝାଣି କାତା ଆସିମାନୁ ।” ୨୮ ଏମ୍ପାଟିଏ ଏଝାସି କିତି କାମାତି  
 କାବୁ ଏ ରେଟୁଏ ଗାଲିଲି ରାଜିତି ସାରିଝାକିତି ନାସକାଣି ଖେଡ୍ଡାହାଚେ । ୨୯  
 ଏମ୍ପାଟିଏ ଏଝାରି ଜୀହୁଦି ଲକ୍ଷୁତି କୁଟମି ଇଲୁଟି ହଚାନା ଜାକୁବ ଅଡ଼େ ଜହନ  
 ତଲେ ଏ ଦେବୁଣିଏ ସିମନ ଇଞ୍ଜି ଆନ୍ନିୟୁ ଇଜ ହାଚେରି । ୩୦ ସିମନ ପୟା



ହତାଳି ଆତାଆତେସି, ସାମା ପାଢ଼ାତା ଲକ୍ଷ୍ମୀ ହିଲାଆ ଚାମ୍ପାଣୀ ଡ଼ୟିତେସି;  
ଅଡ଼େ ସାରି ଖାକିଟି ଲକ୍ଷ୍ମୀ ଜୀସୁ ତାଣା ଖାହାଲି ମାଟ୍‌ହେରି ।

**୨** ଏଚରଦିନା ଆୟାଲିଏ ଜୀସୁ କପରନାହୁମତା ଖେଣ୍ଡେ ହାଚେସି, ଇଞ୍ଜି  
ଏଞ୍ଜାସି ଇଜ ମାନେସି ଇଞ୍ଜି ସାରିଖାକି ଖେଣ୍ଡାହାଚେ । ୨ ଏମ୍ପାଆଁ ଇଚେକା  
ଲକ୍ଷ୍ମୀ ରୁଣ୍ଡା ଆତେରି ଇଞ୍ଜି ଦୁଖେରିତା ଜିକେଏ ଚାୟୁ ହିଲାଆତେ, ଇଞ୍ଜି  
ଏଞ୍ଜାସି ଏଞ୍ଜାରାଈଁ ମାହାପୁରୁ କାତା ଖେକ୍‌ହେସି । ୩ ଏମ୍ପାଟିଏ ସାରି ଡାଣା  
ର ଟଟ ଖାୟିତାଣାଈଁ କାଚେଲିତା ଜୀସୁ ତାଣା ଡେକା ତାତେରି । ୪ ସାମା  
ହାରେକା ଲକ୍ଷ୍ମୀ ମାତାକି ଏଞ୍ଜାଣି ତାଣା ତାତାଲି ଆତାଆତେରି, ଇଞ୍ଜି ଆମିନି  
ଚାୟୁତା ଜୀସୁ ମାଚେସି, ଏମ୍ପାଆଁ ଇଲୁଡି ଡେପରି ରିକ୍‌ହେରି, ଇଞ୍ଜି ଏ ଟଟ  
ଖାୟିତାଣାଈଁ କାଚେଲି ଖେଣ୍ଡେଏ ଇଲୁ ବିତ୍ରା ରେପ୍‌ହେରି । ୫ ଜୀସୁ ଏଞ୍ଜାରି ନାମୁ  
ମେସାନା, ଏ ଟଟ ଖାୟିତାଣାଈଁ ଏଲେଇଚେସି, “ଏ ମାର୍‌ଏଣା ନୀ ପାପୁ ବାରେ  
ମେଣ୍ଡୁହାଚେ ।” ୬ ସାମା ଏମ୍ପାଆଁ ମାଟି ଏଚେକା ମେରା ଜାପନାରି କୁଗାନା  
ତାମି ମନତା ଅଣ୍ଡିପିହିଁ କାତାବାର୍ତା ଆହିମାଚେରି, ୭ “ଇଞ୍ଜାସି ଏନାଆଁତାକି  
ଏଲେଇଞ୍ଜି ମାନେସି? ଇଞ୍ଜାସି ମାହାପୁରୁଈଁ ନିନ୍ଦା କିହିମାନେସି; ମାହାପୁରୁ  
ପିସ୍‌ପେ ଆମ୍ପାଆସି ପାପୁ ମେକ୍‌ହାଲି ଆଡିନେସି?” ୮ ଏଞ୍ଜାରି ମନତା ଇଲେକିଁ  
ଅଣ୍ଡିପିମାନାଣି ଜୀସୁ ଦେବୁଣିଏ ଜୀସୁତା ପୁଞ୍ଜାନା ଏଞ୍ଜାରାଈଁ ଏଲେଇଚେସି,  
“ମୀରୁ ମୀ ମନ ବିତ୍ରା ଏନାଆଁତାକି ଇଲେକିଁ ଅଣ୍ଡିପିମାଞ୍ଜେରି? ୯ ଏନାଆଁ  
ଇନାୟି ଉସାସା? ଏ କାଜା ରଗ ଗାଟାଣାଈଁ ‘ନୀ ପାପୁ ମେଣ୍ଡୁଡିତେ ଇନାୟି  
କି ନିଞ୍ଜାମୁ ନୀ କାଚେଲି ଡେକାନା ତାକାମୁ ଇନାୟି ଉସାସା?’ ୧୦ ସାମା  
ଦାର୍‌ଡିତା ପାପୁ ମେକ୍‌ହାଲି ମାଣ୍‌ସି ମାର୍‌ଏଣା ଅଦିକାରା ମାନେ, ଏଦାଆଁ ନୀଏଁ  
ମୀରୁ ପୁଞ୍ଜାଲି ଆଡିଦେରି ।” ଏଦାଆଁତାକି ଏ ଟଟ ଖାୟିତାଣାଈଁ ଏଲେଇଚେସି,  
୧୧ “ନାନୁ ନିଞ୍ଜେ ଖେସିମାଞ୍ଜାଈଁ ନିଞ୍ଜାନା ନୀ କାଚେଲି ଡେକାନା ନୀ ଇଜ  
ହାଲାମୁ ।” ୧୨ ଏଚେଟିଏ ଏଞ୍ଜାସି ଦେବୁଣିଏ ନିଞ୍ଜାନା କାଚେଲି ଡେକାନା  
ବାରେଜାଣା ନିକିଟି ହତାହାଚେସି; ଏଚେଟିଏ ବାରେଜାଣା କାବାଆହାନା  
ମାହାପୁରୁଡି ଜହରା କିହିଁ ଏଲେଇଚେରି, “ମାମୁ ଇଲେଡି କାବାଆନି କାମା  
ଏଚେଲା ଜିକେଏ ମେସାହିଲାଆତମି ।” ୧୩ ଜୀସୁ ଅଡ଼େ ଖେଣ୍ଡେ ସାମ୍‌ଦୁରି  
ଗାଟୁତା ହାଚେସି, ଇଞ୍ଜି ଲକ୍ଷ୍ମୀ ଏଞ୍ଜାଣି ତାଣା ଖାହାଲିଏ, ଏଞ୍ଜାରାଈଁ ଜାପ୍‌ହାଲି  
ମାଟ୍‌ହେସି । ୧୪ ଅଡ଼େ ଜିରୁଟି ହାଜି ହାଜିହିଁ ଜୀସୁ ଆଲେପି ମାର୍‌ଏସି ଲେବିଈଁ  
ସିସୁ ରୀହ୍‌ନି ତାଣା କୁଗାମାନାଣି ମେସେସି, ଇଞ୍ଜି ଏଞ୍ଜାଣାଈଁ ଏଲେଇଚେସି,



“ନା ଜେତ ଖାମୁ” ଏବେଟିଏ ଲେବି ନିଢ଼ାନା ଏଝାଣି ଜେତ ହାରେସି । ୧୫  
 ଅଡ଼େ ଜୀସୁ ଲେବି ଇଜ ରାନ୍ତା ତିଞ୍ଜାଲି କୁଗାମାଚାଟି ହାରେକା ସିସୁ ରାହନାରି  
 ଇଞ୍ଜି ପାପୁ ଗାଟାରି ତାନି ସୀସୁୟାଁ ତଲେ କୁଗିତେରି; ଇତିହିଁ ଏଝାରି ହାରେକା  
 ମାଚେରି ଇଞ୍ଜି ଏଝାଣି ଜେତ ହାଜିମାଚେରି । ୧୬ ଜୀସୁ ପାପୁ ଗାଟାରି ଇଞ୍ଜି  
 ସିସୁ ରାହନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗତିତି  
 ମେରାପୁନାରି ତାନି ସୀସୁୟାଁଣି ଏଲେଇଚେରି, “ଏଝାସି ଏନାଆଁତାକି ପାପୁ  
 ଗାଟାରି ଅଡ଼େ ସିସୁ ରାହନାରି ତଲେ ରାନ୍ତା ତିଞ୍ଜି ମାନେସି?” ୧୭ ଜୀସୁ ଇ  
 କାତା ଖେଞ୍ଜାନା ଏଝାରାଇଁ ଏଲେଇଚେସି, “ନେହିଁ ଲକୁତାକି ଅସଗୁରୁ ଲଡ଼ା  
 ହିଲେଏ, ସାମା ରଗ ଗାଟାରାକି ଲଡ଼ାମାନେ; ନାନୁ ଦାମୁଁ ଲକୁତାକି ଖାହାହିଲଅଁ  
 ସାମା ପାପୁ ଗାଟାରାକି ଖାହାମାଇଁ ।” ୧୮ ଜହନତି ସୀସୁୟାଁ ଇଞ୍ଜି ପାରୁସିୟାଁ  
 ଉପାସା କିହିମାଚାଟି, ଏଚେକା ଲକୁ ଜୀସୁ ଡାଣା ଖାହାନା ଏଲେଇଚେରି,  
 “ଜହନତି ସୀସୁୟାଁ ଇଞ୍ଜି ପାରୁସିୟାଁତି ସୀସୁୟାଁ ଉପାସା କିନେରି, ସାମା ନୀ  
 ସୀସୁୟାଁ ଏନାଆଁତାକି ଉପାସା କିଅରି?” ୧୯ ଜୀସୁ ଏଝାରାଇଁ ଏଲେଇଚେସି,  
 “ବୀହା ଲକୁତଲେ ବୀହା ହନେଏସି ମାନି ପାଚେକା ବୀହା ଲକୁ ହାକିତି  
 ମାଞ୍ଜାଲି ଆଡିନେରିକି? ବୀହା ହନେଏସି ଏଝାରିତଲେ ମାନି ପାଚେକା ଏଝାରି  
 ଉପାସା କିଅରି । ୨୦ ସାମା ଦିନା ଖାନେ ଏଚିବେଲା ଏଝାରି ଡାଣାଟି ବୀହା  
 ହନେଏଶାଇଁ ହୁପୁହା ଅଡିସାରେ ଏଚିବେଲା ଏଝାରି ଉପାସା କିନେରି ।” ୨୧  
 “ଆମ୍ବାଆସି ପୁଞ୍ଜଇ ହିମ୍ବିରିତା ପୁଞ୍ଜି ପାସ୍କି ତାଚଅସି; ତାଚିସାରେ ପୁଞ୍ଜଇ  
 ହିମ୍ବିରିତି ପୁଞ୍ଜି ପାସ୍କି ମୁଦା ଆହାଁ ଗାଡି ଗେଞ୍ଜିକିନେ । ୨୨ ଆମ୍ବାଆସି ପୁଞ୍ଜି  
 ଅଡ଼ୁରି ରାସା ପୁଞ୍ଜଇ ଡକାତା ଇଟଅସି; ଇଟିସାରେ ଡକା ଡାୟାହାନେ, ଇଞ୍ଜି  
 ଅଡ଼ୁରି ରାସା ଅଡ଼େ ଡକା ରିଶ୍ଟିଖା ନସୁ ଆନୁ, ଏଦାଆଁତାକି ପୁଞ୍ଜି ଅଡ଼ୁରି  
 ରାସା ପୁଞ୍ଜି ଡକାତା ଇଟିନାୟି ମାନେ ।” ୨୩ ର ପାଲି ଜୀସୁ ଜମିନି ଦିନା  
 ତାନି ସୀସୁୟାଁ ତଲେ ଗହଁ ଗୁଡିୟାଟି ହାଜିମାଚେସି, ତାନି ସୀସୁୟାଁ ହାଜି  
 ହାଜିହିଁ ଗହଁୟାଁ ଜେକା ତାପହାଲି ମାଟ୍‌ହେରି । ୨୪ ଏମ୍ବାଟିଏ ପାରୁସିୟାଁ  
 ଜୀସୁଇଁ ଏଲେଇଚେରି, “ମେହ୍‌ମୁ ଜମିନି ଦିନାତା ଏନାଆଁ କିନାୟି ମେରା  
 ହିଲେଏ, ନୀ ସୀସୁୟାଁ ଏନାଆଁତାକି କିହିମାନେରି?” ୨୫ ଜୀସୁ ଏଝାରାଇଁ  
 ଏଲେଇଚେସି, “ଦାଖୁଦ ଅଡ଼େ ତାନି ଡ଼େସିଢ଼ା ହାକି ଆହାମାଚାଟି ଏଝାରି  
 ଏନାଆଁ କିହାମାଚେରି, ଏଦାଆଁ ମୀରୁ ଏଚେଲା ପଡ଼଼ି ଆହାହିଲଅଡ଼େରି, ୨୬  
 ଅବିୟତର କାଜା ପୁଜେରା ମାଚିବେଲାତା ଏଝାସି ଏନିକିଁ ମାହାପୁରୁ ଇଲୁତା

ହତାନା ଆମିନି ମାହାପୁରୁକି ହେର୍ପିତି ରୂଟି କାଜା ପୁଜେରାଢ଼ା ପିସ୍ପେ  
 ଆମ୍ବାଆରି ତିନାଆଗାଟି ମେରା ମାରେ, ସାମା ଏଦାଆଁ ଦାଝୁଦ ତିଞ୍ଜା ମାରେସି  
 ଇଞ୍ଜାଁ ତାନି ଆର୍ହୁ ତାରାକି ଜିକେଏ ତିଞ୍ଜାଲି ହାହାମାରେସି ।” ୨୭ ତାୟୁ  
 ଜୀସୁ ଏଝାରାଇଁ ଏଲେଇରେସି, “ଜମିନି ଦିନା ମାଣ୍ଡିତାକି ଆହାମାନେ;  
 ସାମା ମାଣ୍ଡି ଜମିନି ଦିନାତାକି ଆହାହିଲଅସି ।” ୨୮ ଏଦାଆଁତାକି ମାଣ୍ଡି  
 ମାର୍ଏସି ଜମିନି ଦିନାତି ପ୍ରବୁ ଆନେସି ।

**୩** ଜୀସୁ ଅଡେ ଝେଣ୍ଡେ ଜୀହୁଦି ଲକ୍ଷୁତି କୁଟମି ଇଲୁତା ହାରେସି, ଏମ୍ବାଆଁ  
 ରଅସି ମାରେସି, ଏଝାଣି ର କେୟୁ ଝାୟାହାଜାମାରେ । ୨ ଜୀସୁ ଏଝାଣାଇଁ  
 ଜମିନି ଦିନାତା ନେହିଁ କିନେସିକି ଆଏ, ଏଝାଣି କପାଟି ଦହ ଦସାଲିତାକି  
 ଗୁରି କିହାନା ସିନକିହିମାରେରି । ୩ ଏମ୍ବାଟିଏ ଜୀସୁ ଆମିନି ଲକ୍ଷୁତି କେୟୁ  
 ଝାୟାହାଜାମାରେ, ଏଝାଣାଇଁ ଜୀସୁ ଏଲେଇରେସି, “ଝାମୁ ମାଦି ନିମୁ ।” ୪  
 ଇଞ୍ଜାଁ ଜୀସୁ ଏଝାରାଇଁ ଏଲେଇରେସି, “ଜମିନି ଦିନାତା ଏନାଆଁ କିନାୟି ମେରା  
 ମାନେ? ନେହିଁକିନାୟି କି ଲାଗେଏ କିନାୟି? ଜୀଝୁତି ଗେଲ୍ପିନାୟି କି ନାସା  
 କିନାୟି?” ସାମା ଏଝାରି ଝେଣ୍ଡେ ହାତା ଆୟାଲି ଆତାଆତେରି । ୫ ଏମ୍ବାଟିଏ  
 ଜୀସୁ ଏଝାରି ଆର୍ଝା ହିୟୁତି ମେସାନା ଦୁକୁ ଆତେସି, ଇଞ୍ଜାଁ କପାଟି ସାରିଝାକି  
 ଏଝାରାଇଁ ସିନକିହାନା ଏଲେଇରେସି, “କେୟୁ ଲାକ ଦାହମୁ” ଏଝାସି ତାନି  
 କେୟୁ ଦାସ୍ପନିଏ ଏଦି ନେହିଁ ଆହାହାରେ । ୬ ଏରେଟିଏ ପାରୁସିୟାଁ ହତା  
 ହାଜାନା ଜୀସୁଇଁ ପାୟାଲି ତାକି ହେରଦ ଗତିତି ଲକ୍ଷୁତଲେ କାଲ୍ହାନା କାତା  
 ଆତେରି । ୭ ଜୀସୁ ଅଡେ ତାନି ସୀସୁୟାଁ ଗାଲିଲି ସାମ୍ବୁରି ଗାଟୁତା ହାରେରି,  
 ଇଞ୍ଜାଁ ହାରେକା ଲକ୍ଷୁ ଏଝାଣି ଜେଚ ହାରେରି; ଏଝାରି ଜୀହୁଦା, ୮ ଗାଲିଲି,  
 ଜିରୁସାଲମ, ଇଦମ, ଜର୍ଦନ ଅରଝାକି, ସର ଅଡେ ସିଦନ ଗାଡ଼ା ଝାକିତି  
 ଲକ୍ଷୁ ତାନି ବାରେ କିତି କାମାତି କାତା ଝେଞ୍ଜାନା ତାନି ତାଣା ଝାତେରି । ୯  
 ଏମ୍ବାଆଁ ଇରେକା ମାନ୍ୟ ଲକ୍ଷୁ ଆତେରି ଏ ମାନ୍ୟ ଏନିକିଁ ଏଝାଣିଲାକ ଝିହୁଅରି,  
 ଏଦାଆଁତାକି ଏଝାସି ତାନି ସୀସୁୟାଁଣି ତାଢ଼େତାକି ର ଉଣା ତଂଗ ପାରା ଇଟାଲି  
 ଝେସ୍ପେସି; ୧୦ ଏଝାସି ହାରେକା ଲକ୍ଷୁଣି ନେହିଁ କିହାମାତାକି ରଗ ଗାଟାରି  
 ବାରେ ଏଝାଣାଇଁ ତୀଗାଲି ଏଝାଣି ମୁହେଁ ମୁହେଁ ଆହିମାରେରି । ୧୧ ଇଞ୍ଜାଁ  
 ପଲ୍ଥା ବୁଡୁୟାଁ ଆସାମାନାରି ଏଝାଣାଇଁ ମେସ୍ପନିଏ, ଏଝାଣି ନକିତା ରିହାନା  
 କାଲଝି ଆହିଁ ଏଲେଇଞ୍ଜାଁ ମାରୁ, “ନୀନୁଏ ମାହାପୁରୁ ମାର୍ଏଶାତି ।” ୧୨ ଏଝାସି  
 ଆମ୍ବାଆସି ଇ କାତା ଆମ୍ବାଆରାଇଁ ଝେହୁଆଦୁ ଇଞ୍ଜାଁ ଜୀସୁ ପଲ୍ଥା ବୁଡୁୟାଁଇଁ

ଦାକା ହାହାନା ହୁକୁମି ହୀତେସି । ୧୩ ଜୀସୁ ହରୁ ଲାକ ହାଜାନା ଆମିନି  
ଗାଟାରାଇଁ ମନ କିତେସି ଏଝାରାଇଁ ତାଗେ ହାଟିତେସି, ଇଞ୍ଜି ଏଝାରି ତାଗେ  
ଝାତେରି । ୧୪ ଇଞ୍ଜି ଏଝାସି ବାରଜାଣାତି ଆଚାନା ପାଣ୍ଡୁଝି ଆଚାରି ଇଞ୍ଜାନା,  
ଏଝାରାଇଁ ଏଲେଇତେସି, “ନା ତଲେ ଡୟାଲି ନାନୁ ମିଢ୍ଫେ ଆଚାମାଞ୍ଜାଇଁ, ଇଞ୍ଜି  
ଝେକ୍‌ହାଲି ପାଣ୍ଡାଇଁ । ୧୫ ଇଞ୍ଜି ମୀରୁ ବୁରୁୟାଁ ପେରୁହାଲି ଜିକେଏ ଅଦିକାରା  
ବେଟାଆଦେରି ।” ୧୬ ଜୀସୁ ଇ ବାରଜାଣାତି ଆଡିତେସି, ଏଝାରି ଆତେରି  
ସିମନ ଆମ୍ବାଆରାଇଁ ଜୀସୁ ପିତର ଇଞ୍ଜି ଇଟିତେସି; ୧୭ ଜେବଦି ରୀ ମୀରୁକା  
ଜାକୁବ ଅଡେ ତାନି ତାୟି ଜହନ ଆମ୍ବାଆରାଇଁ ବିନେରିଗସ୍ ଇଚିହିଁ ଗୁଣ୍‌ହିମାନି  
ହାଗୁତି ମୀରୁକା ଇଞ୍ଜିହିଁ ଦରୁ ଇଟିତେସି; ୧୮ ଆନ୍ଫିୟ, ପିଲିପ, ବାର୍ତଲମି,  
ମାତିୟୁ, ଡମା, ଆଲେପି ମୀରୁଏସି ଜାକୁବ, ତଦିୟ, ଦେସାତି ଜୀସୁ ନିନି  
ସିମନ, ୧୯ ଅଡେ ଇସ୍ତାରିୟତ ଜୀହୁଦା, ଆମ୍ବାଆସି ଜୀସୁଇଁ ସାବୁୟାଁ କେୟୁଡା  
ହେର୍ପିତେସି । ୨୦ ଡାୟୁ ଜୀସୁ ଇଜ ଝାତେସି; ଅଡେ ଝେଣ୍ଟେ ଇଚେକା ଲକୁ  
ରୁଣ୍ଡା ଆତେରି ଜୀସୁ ଇଞ୍ଜି ତାନି ସୀସୁୟାଁକି ତିଞ୍ଜାଲି ଜିକେଏ ଆଆତେ ।  
୨୧ “ଜୀସୁ ବାୟା ଆତେସି” ଇଞ୍ଜି ଲକୁ ଏଲେଇନାଣି ଝେଞ୍ଜାନା ତାନି କୁଟମି  
ଜୀସୁଇଁ ଅହାଲି ଝାତେରି । ୨୨ ଅଡେ ଜିରୁସାଲମତି ଝାହାମାନି ମେରାପୁନାରି  
ଏଲେଇତେରି, “ଇଝାଣାଇଁ ବାଲ୍‌ଜିବୁଲ୍ ବୁତୁ ଆଲ୍‌ଗାମାନେ, ଲାକା ଇଝାସି  
ବୁରୁୟାଁଣି ପିସ୍‌ପି କିହିମାନେସି ।” ୨୩ ଏମ୍ବାଟିଏ ଜୀସୁ ଏଝାରାଇଁ ତାଗେ  
ହାଚାନା ପୁଣ୍‌ମିକିନି କାତାତଲେ ଝେସ୍ତେସି, “ସୟତାନ ଏନିକିଁ ସୟତାନଇଁ  
ପେରୁହାଲି ଆଡିନେ? ୨୪ ର ରାଜି ବାଗା ଆହାନା ତାନି କପାଟି ନିଢ୍ଫିନେ,  
ଇଚିହିଁ ଏ ରାଜି ଅଡେ ତୀରିତଲେ ଡୟାଲି ଆଡେଏ । ୨୫ ଇଞ୍ଜି ର ଇଲୁ  
କୁଟମିତାରି ବାଗା ଆହାନା ଡାମୁ ତାନି କପାଟି ନିଢ୍ଫିନେରି ଇଚିହିଁ ଏ ଇଲୁତାରି  
ତୀରିତଲେ ଡୟାଲି ଆଡଅରି । ୨୬ ଏଲେକିହିଁଏ ସୟତାନ ବାଗା ଆହାନା  
ତାନି କପାଟି ନିଢ୍ଫାମାନେ, ଆଡିହିଁ ଏଦି ଅଡେ ତୀରିତଲେ ଡୟାଲି ଆଡେଏ,  
ସାମା ଏଦାନି ବାରେ ନାସା ଆହିମାନେ ।” ୨୭ “ସାମା ଆମ୍ବାଆସି ନକେଏ  
ବାଡ୍‌ୟୁ ଗାଟାଣାଇଁ ଦହ୍‌ଆଡିହିଁ ତାନି ଇଜ ହତାନା ତାନି ଇଜତି ଆସ୍ତି ସରୁ  
କିହାଲି ଆଡଅସି; ଏଝାଣାଇଁ ତଲିଏ ଦସ୍ତିହିଁଦେ ଏଝାସି ଏଝାଣି ଇଜତାଣି  
ସରୁ କିନେସି ।” ୨୮ “ନାନୁ ମିଢ୍ଫ ସାତା ଝେସିମାଞ୍ଜାଇଁ, ଲକୁତି ବାରେ ପାପୁ  
ଇଞ୍ଜି ଏଝାରି ଏଚେକା ନିନ୍ଦା କାତାତଲେ ମାହାପୁରୁ ନିନ୍ଦା କିନେରି ଏ ବାରେ  
ପାପୁ ମେଣ୍‌ଡିନେ । ୨୯ ସାମା ଆମ୍ବାଆସି ସୁରୁଜୀସୁ କପାଟି ନିନ୍ଦା କାତା

ଜଳିନେସି, ଏଞ୍ଜାଣି ଆମିନି କାଲାତା ଜିକେଏ ଦହ ମେଣ୍ଡେନ୍ସ, ସାମା ଏଞ୍ଜାସି କାଲାକାଲାତି ପାପୁତି ଦହଗାଟାସି ଆନେସି ।” (aiōn g165, aiōnios g166) ୩୦ ଜୀସୁଇଁ ବୃତୁ ଆଲ୍‌ଗାମାନେ ଇଞ୍ଜି ଏଚେକା ଲକୁ ଏଲେଇଞ୍ଜାଲିଏ ଜୀସୁ ଇ କାତା ଝେସ୍ତେସି । ୩୧ ଏତିବେଲା ଜୀସୁତି ଇୟା ଅଡେ ତାୟିୟାଁ ଝାହାନା ଇଲୁ ପାଢ୍ଘାତା ନିଚାନା ଜୀସୁଇଁ ହାଟି କିଚେରି । ୩୨ ଏମ୍ପାଟିଏ ସାରିଝାକି କୁଗାମାତି ଲକୁ ଏଲେଇଚେରି, “ମେହ୍‌ମୁ ମୀ ଇୟା, ତାୟିୟାଁ ଅଡେ ତାଢ୍ଘିସ୍ତା ପାଢ୍ଘାତା ନିଚାନା ନିଢ୍ଘେ ପାରିମାଞ୍ଜାନେରି ।” ୩୩ ଜୀସୁ ଏଞ୍ଜାରାଇଁ ଏଲେଇଚେସି, “ନା ଇୟା ଇଞ୍ଜି ନା ତାୟି ତାଢ୍ଘିସ୍ତା ଆମ୍ପାଆୟି?” ୩୪ ଇଞ୍ଜି ଏଞ୍ଜାସି ତାନି ସାରିଝାକି କୁଗାମାନି ଲକୁଣି ସିନିକିହାନା ଏଲେଇଚେସି, “ମେହ୍‌ଦୁ ନା ଇୟା ଅଡେ ନା ତାୟି ତାଢ୍ଘିସ୍ତା । ୩୫ ଆମ୍ପାଆସି ମାହାପୁରୁତି କାତା ଆହ୍‌ନେସି ଏଞ୍ଜାସିଦେଁ ନା ତାୟି, ତାଢ୍ଘି ଅଡେ ନା ଇୟା ।”

**୪** ଜୀସୁ ଗାଲିଲି ସାମ୍‌ଦୁରି ଗାରୁତା ଅଡେ ଝେଣ୍ଡେ ଜାପ୍‌ହାଲି ମାଟ୍‌ହେସି, ଅଡେ ହାରେକା ଲକୁ ଏଞ୍ଜାଣି ତାଣା ରୁଣ୍ଡା ଆଚେରି ଇଞ୍ଜି ଜୀସୁ ସାମ୍‌ଦୁରିତା ମାନି ର ତଂଗତା ହାଜାନା କୁଚିଚେସି ଇଞ୍ଜି ଲକୁ ସାମ୍‌ଦୁରି ଗାରୁତା ନିଚାମାଚେରି । ୨ ଏମ୍ପାଟିଏ ଜୀସୁ ଏଞ୍ଜାରାଇଁ ହାରେକା ପୁଣ୍ଡିକିନି କାତା ଜାପ୍‌ହୁହିଁ ଏଲେଇଚେସି । ୩ “ଝେଞ୍ଜୁ, ମେହ୍‌ଦୁ ର ବିଚା ମାଟିନାସି ବିଚା ମାଟାଲି ହୁଚେସି । ୪ ଇଞ୍ଜି ଏଞ୍ଜାସି ମାଟିମାଟାଟି କଚେକା ବିଚା ଜିରୁତା ରୀଚେ, ଇଞ୍ଜି ପଟାୟାଁ ଝାହାନା ଏ ପାଡେୟି ପେରହା ତିରୁ । ୫ ଅଡେ କଚେକା ବିଚା ଇଚାୟି ଇର୍‌ଆ ମାନି ଝାଲ୍‌କା ଲାକ ରୀଚେ, ଇଞ୍ଜି ଉଶା ଇର୍‌ଆ ମାଟାକି ଗାଡେକେଏ ନେୟିଚେ, ୬ ସାମା ଝେଡ଼ା ଆଡାଲିଏ ନେୟାଁ ମାଟାୟି ଝେହା ହାଚେ ଇଞ୍ଜି ହୀରୁ ଜୀଆତାକି ଝାୟାନା ହାହାହାଚେ । ୭ ଅଡେ କଚେକା ବିଚା ହାପ୍‌କା ବୃଟାତା ରୀଚେ, ଇଞ୍ଜି ହାପ୍‌କା ବୃଟା ପାତାଆହାନା ଆର୍‌ନା ତାକିତି ପୁକ୍‌ହାତୁସ୍ତେ ଇଞ୍ଜି ପାଡେୟି ଆୟାଆଚେ । ୮ ଅଡେ କଚେକା ବିଚା ନେହିଁ ବୃନିତା ରୀଚେ, ଏଦି ନେୟାହାଁ ପାତାଆହାନା, କଡେଦସ, ତାନିକଡ଼ି, ପାସାକଡ଼ି ପାଡେୟି କାମ୍ପିଚେ ।” ୯ ଅଡେ ଏଞ୍ଜାସି ଏଲେଇଚେସି, “ଝେଞ୍ଜୁଲି ଆମ୍ପାଆରାକି କୀର୍‌କା ମାନୁ ଏଞ୍ଜାସି ଝେଣ୍ଡମ୍ପାସି ।” ୧୦ ଜୀସୁ ରଅସିଏ ମାଟାଟି ତାନି ତଲେତି ଏଚରଜାଣା ଇଞ୍ଜି ବାରିଜାଣା ସୀସୁୟାଁ ତଲେ ଏ ପୁଣ୍ଡିକିନି କାତା ଏନାୟି ଇଞ୍ଜି ଝେଚେରି । ୧୧ ଏମ୍ପାଟିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, ମାହାପୁରୁ ରାଜିତି ତୁଗାମାନାଣି ପୁଞ୍ଜାଲି ମିଢ୍ଘେ ବାଡ଼ୟୁ ହୀପ୍‌କି

ଆହାମାନେ, ସାମା ପାଢ଼ୁଡ଼ି ବାରେ ଲକ୍ଷ୍ମୀକାକି ଇ ପୁଣ୍ଡିକିନି କାତାତଲେ  
 ଖେସ୍ପି ଆହିମାନେ, ୧୭ ଏନିକି, “ଏଝାରି ମେସି ମେସିହିଁ, ମେହ୍‌ଅରି; ଇଞ୍ଜି  
 ଖେଞ୍ଜିଖେଞ୍ଜିହିଁ, ତେଲ୍‌ହଅରି, ଏଝାରି ମାହାପୁରୁ ତାଣା ଖେଣ୍ଡା ଖାତିହିଁମା, ପାପୁଟି  
 ପିସ୍‌ପି ଆତେରିମା ।” ୧୩ ଜୀସୁ ଅଡ଼େ ଖେଣ୍ଡେ ଏଝାରାଇଁ ଏଲେଇଚେସି,  
 “ମୀରୁ ଇ ପୁଣ୍ଡି କିନାଣି ପୁଞ୍ଜି ହିଲଅଚେରି? ଆତିହିଁ ନା ପୁଣ୍ଡିକିନି କାତା  
 ଏନିକି ପୁଞ୍ଜେରି? ୧୪ ଆମ୍ବାଆସି ମାହାପୁରୁ ବଲୁ ଖେହ୍‌ନାସି ଏଝାସି ବିତା  
 ମାଟିନାସି । ୧୫ ଆମିନି ଗାଟାରି ଖେନେରି, ଇଞ୍ଜି ଖେଟି ଦେବୁଣିଏ ସୟତାନ  
 ଝାହାନା ଏଝାରିତାଣା ଖେଣ୍ଡି ଆହାମାନି ବଲୁ ମୀଞ୍ଜିଅନେ, ଏଝାରି ଜିରୁ  
 ଦାରିତା ରିତି ବିଚାଲେହେଁତାରି । ୧୬ ଏଲେକିହିଁଏ ଝାଲି ଲାକ ରିହାମାନି  
 ବିଚାଲେହେଁତାରି, ଏ ବଲୁ ଖେଣ୍ଡିଏ ରାହାଟି ନାମିନେରି, ୧୭ ସାମା  
 ଏଝାରିତାଣା ହୀରୁ ଜୀଆତାକି ଗାଡ଼େକା ତାକି ତୀରି ମାନେରି, ତାୟୁ ମାହାପୁରୁ  
 ବଲୁ ତାକି କସୁ ବାଦା ଖାତିସାରେ ଦେବୁଣିଏ ପିହ୍‌ନେରି, ଏଝାରି ଉଣା ଇର୍‌ଆ  
 ମାନି ଝାଲକା ଲାକତି ବିଚାଲେହେଁତାରି । ୧୮ ହାପ୍‌କା ବୁଟାତା ମାଟିତି  
 ବିଚା ଏଝାରି, ଆମ୍ବାଆସି ବଲୁତି ଖେନେରି, ୧୯ ଦାର୍‌ତିତି ଅଣ୍‌ପୁ ଦନତି  
 ବାରେ ଜୁପ୍‌କା ହତାନା ଏଝାରାଇଁ ପୁକ୍‌ହାତୁହ୍‌ନେ, ଇଞ୍ଜି ଏଦି ପାଡ଼େୟି  
 ଆୟାଲି ଆଡେଏ । (aiōn g165) ୨୦ ଅଡ଼େ ଆମିନି ଗାଟାରି କାତା ଖେନେରି,  
 ଇଞ୍ଜି ନାମିନେରି, ଅଡ଼େ କଡ଼େଦସ, ତାନିକଡ଼ି, ଇଞ୍ଜି ପାସାକଡ଼ି ପାଡ଼େୟି  
 କାମ୍ପିନେରି, ଏଝାରି ନେହିଁ ବୁମିତା ମାଟିତି ବିଚାଲେହେଁତାରି ।” ୨୧ ଜୀସୁ  
 ଅଡ଼େ ଖେଣ୍ଡେ ଏଝାରାଇଁ ଏଲେଇଚେସି, “ଆମ୍ବାଆସି ଦୀଝିଁ ତୀସାନା ମାଣା  
 ପୁକ୍‌ହାନା କି କାଟେଲି ତଇ ଇଟିନେସି? ଏଦାଆଁ ଏନାଆଁ ଦୀଝିଁ ସଡ଼ାତା  
 ଇଟଅସି? ୨୨ ଇତିହିଁ ତୁଞ୍ଜା ଆଆଗାଟାୟି ଏନାୟି ଜିକେଏ ତୁଗାନା ତୟେଏ;  
 ଏନାୟି ତୁଗାନା ଆହାମାନେ, ଏଦି ତୁଞ୍ଜାଆହାଲି ତୁଗାମାନେ । ୨୩ ଇତିହିଁ  
 ଆମ୍ବାଆରାକି ଖେଞ୍ଜାଲି କୀର୍‌କା ମାନୁ ଏଝାସି ଖେଣ୍ଡାସି ।” ୨୪ ଜୀସୁ ଅଡ଼େ  
 ଏଲେଇଚେସି, “ଏନାଆଁ ଖେଞ୍ଜି ମାଞ୍ଜେରି ଏ କାତାତା ଜାଗ୍ରାତା, ଆମିନି ମାଣା  
 ତଲେ ଲାଟିଦେରି, ଏ ମାଣା ତଲେ ମିଡ଼େ ଲାତା ହିୟାନେରି, ଅଡ଼େ ମୀରୁ  
 ହାରେକା ବେଟାଆଦେରି । ୨୫ ଇତିହିଁ ଆମ୍ବାଆରାକି ମାନେ ଏଝାଣାକି ହୀପ୍‌କି  
 ଆନେ; ଅଡ଼େ ଆମ୍ବାଆରାକି ହିଲେଏ, ଏଝାଣି ତାଣା ଏନାୟି ମାନେ, ଏଦାଆଁ  
 ଜିକେଏ ଏଝାଣି ତାଣାଟି ଅଞ୍ଜିଆନେ ।” ୨୬ ଜୀସୁ ଅଡ଼େ ଏଲେଇଚେସି,  
 “ମାହାପୁରୁ ରାଜି ଇଲେତାୟି, ଏନିକି ର ମାଣ୍‌ସି ବୁମିତା ବିଚା ମାଟିନେସି;

୨୭ ଇଚ୍ଛା ଲାଆଁୟିଁ ଇଦା କିନେସି ଅଡ଼େ ମାଦେନା ଚେଃଏଲିନେସି, ଅଡ଼େ  
 ବିଚା ଏନିଆହିଁ ଗଜା ଆହାଁ ପାତାଆନେ ଏଦାଆଁ ଏଞ୍ଜାସି ପୁନଅସି । ୨୮ ଗହଁ  
 ବୁମ୍ବିଟି ତାନ୍ତୁଏ ନେୟିନେ, ତଲିଏ ଆକୁ ଆନେ ତାୟୁ ଜେଡୁ ଅଡ଼େ ତାୟୁ  
 ଜେଡୁଟି ପାଡ଼େୟି ଆନେ । ୨୯ ସାମା ଆର୍ନା କାମ୍ବିସାରେ ମାଟିତାସି ଏ ଆର୍ନାଟି  
 କଚାତଞ୍ଜେଲି ତଲେ ଦାଃଆନେସି ।” ୩୦ ଅଡ଼େ ଜୀସୁ ଏଲେଇଚେସି, “ମାର  
 ମାହାପୁରୁ ରାଜି ଏନାଆଁତଲେ ତୁକ୍ନାୟି? ଇଚ୍ଛାଁ ଏନିଲେହେଁଟି ପୁଣ୍ଡିକିନି  
 କାତାତଲେ ଖେହ୍ନାୟି? ୩୧ ଏଦି ର ହାସ୍ତୀ ପାଡ଼େୟି ଲେହେଁ; ବୁମ୍ବିତା ମାଟିନି  
 ବେଲାତା ଏଦି ଦାର୍ଡିତି ବାରେ ପାଡ଼େୟି କିହାଁ ଉଣା, ୩୨ ସାମା ମାଟିତି  
 ଜେଚ ପାତାଆହାନା ବାରେ କୁଚା କିହାଁ କାଜାୟି ଆନେ, ଇଚ୍ଛାଁ ଏଦାନି କମାୟି  
 ଇଲେକିଁ କାଜାଇ ଆନୁ, ଇଚ୍ଛାଁ ହାଗୁ ଲାକ ଉମ୍ବିନି ପଟାୟିଁ ଝାହାନା ଏଦାନି  
 କମାଣାଁ ବଣ ଦସାଁ ବାସାଆନୁ ।” ୩୩ ଜୀସୁ ଇଲେକିହିଁ ହାରେକା ପୁଣ୍ଡିକିନି  
 କାତା ଖେସିହିଁ ଏଞ୍ଜାରି ପୁନିଲେହେକିଁ ମାହାପୁରୁ କାତା ଖେସିମାଚେସି, ୩୪  
 ଅଡ଼େ ପୁଣ୍ଡିକିନି କାତା ଆବ୍‌ଆନା ଜୀସୁ ଏନାଆଁଞ୍ଜା ଖେସି ହିଲାଆଚେସି,  
 ସାମା ଲକୁ ହିଲାଆ ବେଲାତା ତାମି ସୀସୁୟାଣି ବାରେ ପୁଣ୍ଡି କିହିମାଚେସି ।  
 ୩୫ ଏ ଦିନା ମିଡୁଅଲା ବେଲା ଜୀସୁ ତାମି ସୀସୁୟାଁଇଁ ଏଲେଇଚେସି, “ଝାଦୁ  
 ମାର ସାମ୍‌ଦୁରି ଆତାଲା ହାନ ।” ୩୬ ଏମ୍‌ପାଟିଏ ଏଞ୍ଜାରି ଲକୁଣି ପିସାନା ଏଞ୍ଜାସି  
 ଏନିକିଁ ତଂଗତା ମାଚେସି ଏଲେକିହିଁଏ ଅଚେରି, ଇଚ୍ଛାଁ ଏମ୍‌ପାଆଁ ଏଚରଗଟା  
 ତଂଗାୟିଁ ଜିକେଏ ମାରୁ । ୩୭ ଇଚ୍ଛାଁ ଦେବୁଣିଏ ହାରେକା କାଜା ଗାଲି ଆଚେ,  
 ଇଚ୍ଛାଁ ତଂଗ ସାମ୍‌ଦୁରିତି ଗାଲିତାକି ମୁଞ୍ଚାଲି ମାଟ୍‌ହେ । ୩୮ ଏଚିବେଲା ଜୀସୁ  
 ତଂଗତି ତାୟୁଞ୍ଜାକି ର ମୁଲାତା ତାର୍‌ପୁ ଆଂଗାନା ଇଦା କିହାମାଚେସି; ଇଚ୍ଛାଁ  
 ସୀସୁୟାଁ ଏଞ୍ଜାଣାଇଁ ନିକ୍‌ହାନା ଏଲେଇଚେରି, “ଏ ଗୁରୁ ମାର ହାନାୟିଦେଁ  
 ନିଡ଼େ ଅଣ୍ଡୁ ହିଲେଏ କି?” ୩୯ ଏମ୍‌ପାଟିଏ ଜୀସୁ ନିଡ଼୍ଠାନା ଗାଲିତି ଦାକା  
 ହୀହାନା ଏଲେଇଚେସି, “ତୁଡ଼୍ଠାମୁ” ଇଚ୍ଛାଁ ସାମ୍‌ଦୁରିତି ଏଲେଇଚେସି, “ସାପି  
 ଆମୁ” ଏମ୍‌ପାଟିଏ ଗାଲି ପାଲେଏ ଆଚେ ଇଚ୍ଛାଁ ବାରେ ସୁସ୍ତି ଆଚେ । ୪୦ ଇଚ୍ଛାଁ  
 ଜୀସୁ ଏଞ୍ଜାଣାଇଁ ଏଲେଇଚେସି, “ମୀରୁ ଏନାଆଁତାକି ଇଚେକା ଆଜିମାଞ୍ଜେରି?  
 ମୀ ନାମୁ ହିଲେଏ କି?” ୪୧ ଏମ୍‌ପାଟିଏ ଏଞ୍ଜାରି ହାରେକା ଆଜାନା ତାମୁ ତାମୁଏ  
 କାତା ଆଚେରି, “ଈଞ୍ଜାସି ଆମ୍‌ପାଆସି? ଗାଲି ଅଡ଼େ ସାମ୍‌ଦୁରି ଜିକେଏ ଈଞ୍ଜାଣି  
 ହାତା ମାନଞ୍ଜି ଆହିମାନୁ ।”

୫ ଡାୟୁ ଜୀସୁ ଅଡ଼େ ସୀସୁୟାଁ ଗାଲିଲି ଆତାଲାତି ଗରାସିୟ ରାଜିତା ଏଗାହାରେରି । ୬ ଜୀସୁ ତଂଗଟି ରେପନିଏ ର ବୃତୁ ଆଲ୍‌ଗା ମାତାସି ମାଡ଼ହା ମୁହନି ଟାୟୁଟି ହୁତାଝାହାନା ଜୀସୁଇଁ ବେଟାଆତେସି । ୭ ଏଝାସି ମାଡ଼ହା ମୁହନି ଟାୟୁତା ବାସା କିହିମାରେସି, ଇଞ୍ଜି ଆମ୍ବାଆସି ଜିକେଏ ଏଝାଣାଇଁ ହିକ୍‌ଶିୟାଁ ତଲେ ଦସାଲି ଆଡିହିଲିଆତେରି; ୪ ଇତିହିଁ ଏଝାଣାଇଁ ହାରେକା ଦେବା ହିକ୍‌ଶିୟାଁ ତଲେ ଦସାମାରେରି, ସାମା ଏ ହିକ୍‌ଶିୟାଁ ତାପ୍‌ହାନା କୁରୁକୁଟା କିତେସି, ଇଞ୍ଜି ଏଝାଣାଇଁ ଦସା ଇଟାଲି ଆମ୍ବାଆରାକି ଜିକେଏ ବାଡ଼ୟୁ ହିଲିଆତେ । ୫ ଏଝାସି ଲାଆଁୟାଁ ମାଦେନା ବାରେବେଲା ମାଡ଼ହା ମୁହନି ଟାୟୁତା ଅଡ଼େ ହୁରୁତା ଡ଼ୟାନା କିରଡ଼ି ମାରେସି, ଇଞ୍ଜି ଖଲ୍‌କାତଲେ କଡ଼ହା କଡ଼ିହିଁ ରାଶାରାକା କିହା କଡ଼ିମାରେସି । ୬ ଏଝାସି ହେକଟିଏ ଜୀସୁଇଁ ମେସାନା ହୁତି ହୁତିହିଁ ଝାହାନା ଏଝାଣି କଡାଣା ରିହାଁ ଜହରା କିତେସି, ୭ ଅଡ଼େ କାଜା ଗିୟାଁତଲେ କିରଡ଼ିହିଁ ଏଲେଇରେସି, “ଏ ବାଡ଼ୟୁଗାଟି ମାହାପୁରୁ ମୀର୍‌ଏଗାଟି ଜୀସୁ, ନୀ ତଲେ ନାଡ଼େ ଏନାୟି ମାରେ? ନିଡ଼େ ମାହାପୁରୁ ଦରୁତଲେ ପାର୍‌ମାଣା କିହିମାଞ୍ଜାଇଁ, ନାଡ଼େ କସ୍ତୁ ହିୟାଆନି ।” ୮ ଏନାଆଁତାକି ଇତିହିଁ ଜୀସୁ ଏଝାଣାଇଁ ଏନାଆଁ ଇଞ୍ଜିଲି ହାଜିମାରେସି, “ଏ ପଲ୍‌ଆ ବୁରୁତି ଇଝାଣି ତାଣାଟି ହୁତାହାଲାମୁ ।” ୯ ଜୀସୁ ଏଝାଣାଇଁ ଝେରେସି, “ନୀ ଦରୁ ଏନାୟି?” ଏଝାସି ଏଲେଇରେସି, “ନୀ ଦରୁ ‘ମାନ୍ୟା’ ଇତିହିଁ ମାନ୍ୟା ହାରେକା ଜାଣାତମି ।” ୧୦ ଇଞ୍ଜି ଜୀସୁ ଏନିକିଁ ଏ ପଲ୍‌ଆ ବୁରୁୟାଁଣି ଏ ରାଜିଟି ଅର ରାଜିତା ପାଣ୍ଡୁଅସି, ଏଦାଆଁତାକି ଏଝି ଜୀସୁଇଁ ହାରେକା ବାତିମାଲିରୁ । ୧୧ ଏମ୍ବାଆଁ ହୁରୁ ଦାରିତା ର ମାନ୍ୟା ପାଜିୟାଁ ମେୟିମାରୁ । ୧୨ ଅଡ଼େ ଏ ବୁରୁୟାଁ ବାତିମାଲିହିଁ ଏଲେଇରୁ, “ମାଡ଼େ ଏ ପାଜିୟାଁ ମାନ୍ୟାତା ହୁତାଲି ପାଣ୍ଡାମୁ ।” ୧୩ ଏଝାସି ଏଝାରାଇଁ ହୁକୁମି ହାହାଲିଏ, ଏ ପଲ୍‌ଆ ବୁରୁୟାଁ ଏଝାଣି ତାଣାଟି ହୁତାନା ପାଜିୟାଁ ମାନ୍ୟା ବିତ୍ରା ହୁବୁ: ଏମ୍ବାଟିଏ ମାନ୍ୟା ପାଜିୟାଁ ତବେ ହୁତାନା ତାଗେ ମାଟି ସାମ୍‌ଦୁରିତା ମେଦାନା ହାହାହାରୁ, ବାରେ ରା ମାଣା ପାଜିୟାଁ ମାରୁ । ୧୪ ଏ ପାଜିୟାଁ ମେଟିମାଟି ଗଡ଼କା ଗାଡ଼ାତା ଅଡ଼େ ନାସ୍‌କାଣାଁ ଏ କାତା ଝେସ୍‌କା ହାରେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜି ସିନିକିହାଲି ଝାତେରି । ୧୫ ଅଡ଼େ ଏଝାରି ଜୀସୁ ତାଗେ ଝାହାନା, ଏ ବୃତୁ ଆଲ୍‌ଗା ମାତାଣାଇଁ ଇତିହିଁ ଆମ୍ବାଆରାକି ନକେଏ ମାନ୍ୟା ବୁରୁୟାଁ ଆସାମାରୁ, ଏଝାଣାଇଁ ହିମ୍ବୁରି ହୁତାନା ନେହିଁ ମନତଲେ କୁଗାମାତାଣି ମେସାନା ଆଜିତେରି । ୧୬ ଆମ୍ବାଆରି

ମେସାମାରେ, ବୃତ୍ତ ଆଲଗା ମାତାସି ଏନିକି ନେହିଁଆଡେସି, ଅଡ଼େ ପାଜିୟା  
 ଏନିକି ନାସା ଆତୁ ଏ ବାରେ ଖେସ୍ତେରି । ୧୭ ଏମ୍ପାଟିଏ ଏଞ୍ଜରି ଜୀସୁଇଁ ତାମି  
 ହାନ୍ତିଟି ହାଜାଲି ବାତିମାଲିତେରି । ୧୮ ତାୟୁ ଜୀସୁ ତଂଗତା ହୁତିମାତାଟି  
 ଆମିନି ଗାଟାଣାକି ବୃତ୍ତ ଆଲଗାମାରେ, ଏଞ୍ଜସି ତାମିତଲେ ଡ଼ୟାଲି ତାକି  
 ବାତିମାଲିତେସି । ୧୯ ସାମା ଜୀସୁ ହେଲ ହୀଆନା ଏଞ୍ଜାଣାଇଁ ଏଲେଇରେସି,  
 “ନୀ ଇଜ ନୀ ଲକ୍ଷ୍ମଣା ହାଲ୍ୟା, ଇଞ୍ଜି ପ୍ରବୁ ନିଢ୍ଢେତାକି ଏନି କାମା ଅଡ଼େ  
 ନିଢ୍ଢେତାକି ଏମିନି କାର୍ମା କିହାମାଞ୍ଜାନେସି, ଏ ବାରେ ଏଞ୍ଜରାଇଁ ଖେହ୍ମୁ ।”  
 ୨୦ ଏମ୍ପାଟିଏ ଏଞ୍ଜସି ହାଜାନା, ଜୀସୁ ଏଞ୍ଜାଣାକି ଏନି କାମା କିହାମାରେସି,  
 ଏଞ୍ଜସି ଦେକାପଲିତା ଡ଼େକ୍‌ହାଲି ମାଟ୍‌ହେସି; ଏମ୍ପାଟିଏ ବାରେଜାଣା କାବା  
 ଆଡେରି । ୨୧ ଜୀସୁ ତଂଗଟି ଗାଣ୍‌ତାନା ଅରଞ୍ଜାକି ଖେଣ୍ଡେ ଖାଡେସି, ମାନ୍ଦୁ  
 ଲକ୍ଷ୍ମ ଏଞ୍ଜାଣି ତାଣା ରୁଣ୍ଡା ଆଡେରି; ଇଞ୍ଜି ଏଞ୍ଜସି ସାମନ୍ତୁରି ଗାଟୁତା ଡ଼ୟିତେସି  
 । ୨୨ ଏରିବେଲା ଜୀହୁଦି ଲକ୍ଷ୍ମି କୁଟମି ଇଲୁଟି କାଜାରି ବିତ୍ରାଟି ଜାୟିରସ  
 ଦରୁଗାଟାସି ରଅସି ଜୀସୁଇଁ ମେସାମା ଏଞ୍ଜାଣି କତାଣା ରୀତେସି, ୨୩ ଇଞ୍ଜି  
 ହାରେକା ବାତିମାଲିହିଁ ଏଲେଇରେସି, “ନା ମାଢ୍ଢୁ ହାନିହ୍‌ଗେ ଆହାମାନେ;  
 ଏଦି ଏନିକି ନେହିଁ ଆହାନା ନୀତିନେ, ଏଦାଆଁତାକି ନୀନୁ ଖାହାନା ଏଦାନି  
 ଲାକ କେୟୁ ଇଟାମୁ ।” ୨୪ ଏମ୍ପାଟିଏ ଜୀସୁ ଏଞ୍ଜାଣିତଲେ ହାରେସି, ଇଞ୍ଜି  
 ହାରେକା ଲକ୍ଷ୍ମ ଏଞ୍ଜାଣିତଲେ ହାଜାଲି ମାଟ୍‌ହେରି, ଇଞ୍ଜି ଏଞ୍ଜାଣି ମୁହେଁ ମୁହେଁ  
 ଡ଼ିସ୍‌ପି ଆହିମାରେରି । ୨୫ ଏରିବେଲାତା ର ଇୟା ବାର ବାର୍ଯ୍ୟା ପାତେକା  
 ନେତେରି ଖାଢ୍ଢିନି ରଗତା ନେତେରି ତୁଢ୍ଢୁଆନା ନେହିଁ ଆହି ହିଲାଆଡେ, ୨୬  
 ଇଞ୍ଜି ଅସଗୁରୁ ତାଣା ହାଜାନା ଜିକେଏ ହାରେକା ଟାକାୟଁ କାରୁଁ କିହାମାରେ,  
 ଅଡ଼େ ଜିକେଏ ନେହିଁ ଆହାହିଲାଆଡେ, ସାମା ହାରେକା କସୁ ବେଟାଆହି  
 ମାରେ । ୨୭ ଏଦି ଜୀସୁଟି କାତା ଖେଞ୍ଜାନା ଲକ୍ଷ୍ମ ମାନ୍ଦୁତା ଖାହାନା ତାୟୁ  
 ଖାକିଟି ଏଞ୍ଜାଣି ହିମ୍ପୁରି ତାଗିତେ; ୨୮ ଇତିହିଁ ଏଦି ଏଲେ ଇଞ୍ଜିମାରେ, “ଏଞ୍ଜାଣି  
 ହିମ୍ପୁରି ତାଗିତିହିଁ ନେହିଁ ଆଇଁ ।” ୨୯ ଏ ଦେବୁଣିଏ ଏଦାଣି ନେତେରି ବନାୟି  
 ତୁଢ୍ଢିତେ, ଇଞ୍ଜି ଏଦି ରଗଟି ନେହିଁ ଆହାମାନେ ଏଦାଆଁ ତାନି ଆଢ୍ଢୁତା ପୁଞ୍ଜା  
 କଡିତେ । ୩୦ ଦେବୁଣିଏ ଜୀସୁ ତାନି ଆଢ୍ଢୁଟି ବାଡ଼୍‌ୟୁ ହାଟାଣି ହିୟାତା  
 ପୁଞ୍ଜାନା, ଲକ୍ଷ୍ମ ମାନ୍ଦୁତା ଖେଣ୍ଡେ ସିନିକିହାନା ଏଲେଇରେସି, “ଏମ୍ପାଆୟି ନା  
 ହିମ୍ପୁରି ତାଗାତେ?” ୩୧ ଏମ୍ପାଟିଏ ତାନି ସୀସୁୟାଁ ଏଲେଇରେରି, “ନୀନୁତ  
 ମେସିମାଞ୍ଜି ଲକ୍ଷ୍ମ ଏନିକି ନୀ ମୁହେଁ ଆହିମାନେରି, ଅଡ଼େ ଏଲେ ଇଞ୍ଜିମାଞ୍ଜି



ଆମ୍ଭାଆୟି ନାଢ଼େ ତୀଗାତେ?” ୩୭ ସାମା ଏମ୍ଭାଆୟି ତାଢ଼େ ତୀଗିତେ ଏଦାଆଁ ମେସାଲି ଜୀସୁ ସାରିସୁଟୁ ସିନିକିତେସି । ୩୩ ଏମ୍ଭାଟିଏ ଏ ଇୟା ଝାହାନା ତାଢ଼େତାକି ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତୀରୁଗିହିଁ ଝାହଁ ତାନି କତାଣା ରିହାନା ବାରେ ସାତା କାତା ଏଝାଣାଲ୍ ଝେସ୍ତେ । ୩୪ ଏମ୍ଭାଟିଏ ଜୀସୁ ଏ ଇୟାନି ଏଲେଇରେସି, “ଆଲ ମାଢ଼୍ଠା ନୀ ନାମୁ ନିଢ଼େ ନେହିଁ କିହାମାଞ୍ଜାନେ; ହିଡ଼ି ତଲେ ହାଲାମୁ ଇଞ୍ଜି ନୀ ରଗଟି ନେହିଁଆମୁ ।” ୩୫ ଜୀସୁ ଇ କାତା ଝେସିମାଚାଟି, ଜୀହୁଦି ଲକ୍ଷୁତି କୁଟମି ଇଲୁତି କାଜାଣା ଇଜଟି ରଥସି ଝାହାନା ଏଲେଇରେସି, “ନୀ ମାଢ଼୍ଠା ହାତେୟିଏ ଗୁରୁଇଁ ଅଡ଼େ ଏନାଆଁତାକି କସ୍ତୁ ହାହିମାଞ୍ଜି?” ୩୬ ସାମା ଜୀସୁ ଏ କାତା ଝେଞ୍ଜାନା ଝେନାଆତିଲେହେଁ ଅହାନା ଜାୟିରସଲ୍ ଏଲେଇରେସି, “ଆଜାଆନି ସାମା ନାମାମୁ ।” ୩୭ ଅଡ଼େ ଏଝାସି ପିତର, ଜାକୁବ, ଅଡ଼େ ତାନି ତାୟି ଜହନ ପିସ୍ତେ ଆମ୍ଭାଆରାଲ୍ ତାନିତଲେ ଅଥାତେସି । ୩୮ ଏଝାରି ଜାୟିରସ ଇଜ ଏଜାଲିଏ, ଏମ୍ଭାଆଁ ହାରେକା କାଲ୍ଝି ଆହିଁ ଡ଼ାହିମାନାଣି ମେସ୍ତେସି, ୩୯ ଇଞ୍ଜି ବିତ୍ରା ହାଜାନା ଏଝାସିକାଣି ଏଲେଇରେସି, “ଏନାଆଁତାକି କାଲ୍ଝି ଆହିଁ ଡ଼ାହି ମାଞ୍ଜେରି, ଇ ପଦା ହାହାହିଲେଏ ସାମା ଇଦା କିହାମାନେ” ଏମ୍ଭାଟିଏ ଏଝାରି ଏଝାଣାଲ୍ କାକ୍ହେରି । ୪୦ ଏଝାରି ଏଝାଣାଲ୍ ଲାଜା କିହାନା କାକ୍ହେରି, ସାମା ଏଝାସି ବାରେଟି ପାଢ଼୍ଠାତା ପାଣ୍ଡାନା ପଦାନି ଇୟା ଆବା ଅଡ଼େ ତାନି ତାନି ଜାଣା ସୀସୁୟାଁ ତଲେ ଏ ପଦା ମାଟି ତାଣା ହାରେରି, ୪୧ ଇଞ୍ଜି ଏ ପଦାନି କେୟୁ ଆସାନା ଏଦାନି ଏଲେଇରେସି, “ଚଲିତା କୁମ୍” ଇଚିହିଁ “ଆଲ ମାଢ଼୍ଠା ନାମୁ ନିଢ଼େ ଝେସିମାଞ୍ଜାଲ୍ ନିଢ଼୍ଠାମୁ ।” ୪୨ ଏ ଦେବୁଣିଏ ପଦା ନିଢ଼୍ଠାନା ତାକିତେ (ଇଚିହିଁ ଏଦି ବାର ବାର୍ଯ୍ୟା ଆହାମାଚେ) ଏମ୍ଭାଟିଏ ଏଝାରି ହାରେକା କାବା ଆଡ଼େରି । ୪୩ ଇଞ୍ଜି ଇ କାତା ଏନିକିଁ ଆମ୍ଭାଆରି ପୁନଅରି, ଏଦାଆଁତାକି ଏଝାସି ଏଝାରାଲ୍ ଜାଣେ ହୁକୁମି ହୀତେସି, ଇଞ୍ଜି “ପଦାନାକି ଏନାଆଁ ତିଞ୍ଜାଲି ହୀଦୁ” ଇଚେସି ।

୨ ଜୀସୁ ଏ ଟାୟୁ ପିସାନା ତାନୁ ପାତାଆତି ନାୟୁଁତା ହାଚେସି ଇଞ୍ଜି ତାନି ସୀସୁୟାଁ ତାନି ଜେଚ ହାଚେରି । ୨ ଜମିନି ଦିନା ଝାହାଲିଏ, ଏଝାସି ଜୀହୁଦି ଲକ୍ଷୁତି କୁଟମି ଇଲୁତା ଜାପ୍ହାଲି ମାଚ୍ହେସି; ଇଞ୍ଜି ହାରେକା ତାନି କାତା ଝେଞ୍ଜାନା କାବା ଆହଁ ଏଲେଇରେରି, “ଇଝାଣାକି ଇ ବାରେ ଏମ୍ଭାଟି ଆଡ଼େ? ଇଝାସି ଇଲେଟି ବୁଦି ଏନିକିଁ ପୁଚେସି? ଇଞ୍ଜି ଇଲେଟି କାବାଆନି କାମା

ଏନି ବାଡ଼୍‌ମୁ ତଲେ କିହିମାନେସି?” ୩ ଇଖାସି ଏ ବାଡ଼ିୟାତି ମୀରୁଏସି  
ଆଏକି? ଇଖାସି ମରିୟୁମନି ମୀରୁଏସି ଇଞ୍ଜି ଜାକୁବ, ଜସି, ଜୀହୁଦା ଇଞ୍ଜି  
ସିମନତି ତାୟି ଆଏକି? ଇଞ୍ଜି ତାମି ତାଡ଼ିସ୍ତା ଇମ୍ପାଆଁ ମା ତଲେ ହିଲାଡ  
କି? ଅଡେ ଏଞ୍ଜାରି ଏଞ୍ଜାଣାଇଁ ଅପାଆତେରି । ୪ ଏମ୍ପାଟିଏ ଜୀସୁ ଏଞ୍ଜାରାଇଁ  
ଏଲେଇରେସି, “ମାହାପୁରୁ ଅଣ୍ଟପୁତି ବଲୁ ଖେହ୍‌ନାରି ଏଟ୍‌କା ଲକୁ ଡାଶାଟି  
ମାନି ବେଟାଆନେରି ସାମା ତାମି ନାୟୁତି ଲକୁ ଇଞ୍ଜି ତାମି ଲକୁ କୁଟମିତି  
ଲକୁ ଏଞ୍ଜାଣାଇଁ ମାନି କିଅରି ।” ୫ ଇଞ୍ଜି ଏଚରଜାଣା ରଗ ଗାଟାରାଇଁ କେୟୁ  
ଇଟାନା ନେହିଁ କିନାଣି ପିସ୍‌ପେ ଏ ଟାୟୁତା ଏନି ବାଡ଼୍‌ମୁତି କାମା କିହାଲି  
ଆତାଆତେସି । ୬ ଇଞ୍ଜି ଏଞ୍ଜାରି ନାମାଆତାକି ଜୀସୁ ହାରେକା କାବା ଆତେସି  
ଏମ୍ପାଟି ବାରେ ନାୟକାଣାଁ ହାଜାନା ଜାପ୍‌ହେସି । ୭ ଡାୟୁ ଏଞ୍ଜାସି ନାୟକା  
ନାୟକାଣାଁ ରେଜି ରେଜିହିଁ ଜାପ୍‌ହାଲି ମାଟ୍‌ହେସି, ଏମ୍ପାଟିଏ ବାରଜାଣାତି  
ତାଗେ ହାଟାନା ଏଞ୍ଜାରାଇଁ ରିଆରି ଲାକା କିହାନା ପାଣ୍ଡାଲି ମାଟ୍‌ହେସି ଇଞ୍ଜି  
ଲାଗେଏ ପୁଲେଏତି ଜୀଝୁୟାଁ ଲାକ ଏଞ୍ଜାରାକି ଅଦିକାରା ହାତେସି, ୮ ଅଡେ  
ହାଜାଲିତାକି ବାଡ଼୍‌ଗା ପିସ୍‌ପେ, ଲହଡ଼ି କି ମାଣା କି ଅଟଡ଼ିତା ଟାକାୟାଁ ଅଥାଦୁ  
ଇଞ୍ଜି ହୁକୁମି ହାତେସି; ୯ ସାମା ଏଞ୍ଜାରାଇଁ କତାତା ସେପୁୟାଁ ତୁରହାଲି  
ଏଲେଇରେସି, ଇଞ୍ଜି ରୀ ସକାୟାଁ ତୁରହାଲି କାହି କିତେସି । ୧୦ ଇଞ୍ଜି ଜୀସୁ  
ଏଞ୍ଜାରାଇଁ ଏଲେଇରେସି, “ମିଟ୍ଟୁ ଆମିନି ଇଲୁତା ହାଟାନେରି, ଏମ୍ପାଟି ଖେଣ୍ଡା  
ଝାଆ ପାତେକା ଏମ୍ପାଆଁ ଡୟାଦୁ । ୧୧ ସାମା ଆମିନି ଟାୟୁତି ଲକୁ ମିଟ୍ଟୁ  
ଆବଅରି, କି ମୀ କାତା ଖେନଅରି, ଏମ୍ପାଟି ଖେଣ୍ଡା ଝାନାଟି ଏଞ୍ଜାରି ନକିତା ସାକି  
ହାହାଲି ତାକି ମୀ କତାତି ଦୁଡ଼ି ହାଟ୍‌ଦୁ ।” ୧୨ ଏମ୍ପାଟିଏ ଏଞ୍ଜାରି ରେଜି ରେଜିହିଁ  
ପାପୁ ପିସାମା ମନ ଖେଟ୍‌ନି କାତା ଟ୍ରେକ୍‌ହେରି, ୧୩ ଇଞ୍ଜି ହାରେକା ବୁଡୁଣି  
ପିସ୍‌ପି କିତେରି, ଇଞ୍ଜି ହାରେକା ରଗ ଗାଟାରାଇଁ ନିୟୁଁ ରୁବାନା ନେହିଁ କିତେରି  
। ୧୪ ଏମ୍ପାଟିଏ ଜୀସୁ ଦରୁ ସାରି ଝାକି ଟ୍ରେଞ୍ଜା ହାଜାଲିଏ ହେରଦ ରାଜା ଏଞ୍ଜାଣି  
କାତା ଖେରେସି, ଇଞ୍ଜି ଲକୁ ଏଲେଇଞ୍ଜିମାତେରି, “ବାପ୍ତିସ୍ତ ହୀନି ଜହନ ହାଟାରି  
ଡାଶାଟି ନିଟ୍ଟୁମାନେସି, ଏଦାଆଁତାକି ଇ ବାରେ କାବାଆନି ବାଡ଼୍‌ମୁତି କାମା  
ଏଞ୍ଜାଣି ଡାଶା ଆହିମାନେ ।” ୧୫ ସାମା ଏଟ୍‌କାତାରି ଏଲେଇଞ୍ଜିମାତେରି,  
“ଇଖାସି ଏଲିୟୁ ।” ଇଞ୍ଜି ଅଡେ ଏଚରଜାଣା ଏଲେଇଞ୍ଜିମାତେରି, “ମାହାପୁରୁ  
ଅଣ୍ଟପୁତି ବଲୁ ଖେହ୍‌ନାରି ଲେହେଁ ଇଖାସି ଜିକେଏ ମାହାପୁରୁ ଅଣ୍ଟପୁତି ବଲୁ  
ଖେହ୍‌ନାସି ।” ୧୬ ସାମା ହେରଦ ଇଦାଆଁ ଖେଞ୍ଜାଣା ଏଲେଇରେସି, “ଆମିନି

ଜହନତି ଡାୟୁଁ ନାନୁ ଦାପି କିହାମାଲ୍, ଏଞ୍ଜାସି ନିଢ଼ାମାନେସି! ୧୭ ଇତିହିଁ  
 ହେରଦ ତାନି ତାୟି ପିଲିପ ତକ୍ରି ହେରଦିୟାନି ବାହା ଆହାମାଚାକି, ଏଦାନି  
 ତାକି ତାନୁ ଲକ୍ଷୁଣି ପାଣ୍ଡାନା ଜହନଇଁ ଦସ୍‌ପା ତାଚାନା କାୟିଦିତା ଇଟାମାଚେସି  
 । ୧୮ ଇତିହିଁ ଜହନ ହେରଦଇଁ ଏଲେଇଞ୍ଜାମାଚେସି, “ନୀ ତାୟି ତକ୍ରିନି  
 ଇଟିନାୟି ନୀ ମେରା ହିଲାଆଚେ ।” ୧୯ ଏମ୍ପାଟିଏ ହେରଦିୟା କାର୍ବି  
 ଆହାନା ଜହନଇଁ ପାୟାଲି ମନ କିହିମାଚେ ସାମା ଏଦି ଏନାଆଁ କିହାଲି  
 ଆଡିହିଲାଆଚେ । ୨୦ ଇତିହିଁ ହେରଦ ଜହନଇଁ ର ଦାମ୍ବୁଗାଟାସି ଅଡ଼େ  
 ସୁଦୁଗାଟାସି ଇଞ୍ଜି ଆଜିମାଚେସି, ଇଞ୍ଜି ଏଞ୍ଜାଣାଇଁ ଗେଲ୍‌ପାଲି ଅଣ୍‌ପିମାଚେସି,  
 ଏଞ୍ଜାଣି କାତା ଖେଞ୍ଜାନା ଆଜିତିହିଁ ଜିକେଏ ଏଞ୍ଜାଣି କାତା ଖେଞ୍ଜାଲି ମନ  
 କିହିମାଚେସି । ୨୧ ଡାୟୁ ହେରଦିୟାକି ର ପାରୁ ମେଡାଆଚେ, ହେରଦ ତାନି  
 ଜାର୍ନା ଦିନାତା କାଜା କାଜା ମନ୍ଦିୟାଣି ଇଞ୍ଜି ଗାଲିଲିତି କାଜା କାଜାରାଇଁ ଲାଆଁ  
 ବେଲାତା ର ବଜିତା ହାଟିଚେସି; ୨୨ ଇଞ୍ଜି ହେରଦିୟାନି ମାଢ଼ା ବିତ୍ରା ହାଜାନା  
 ଏନ୍ଦୁହାଁ ହେରଦ ଇଞ୍ଜି ତାନିତଲେ ବଜିତା କୁଗାମାତି ଲକ୍ଷୁଣି ରାହାଁ କିଞ୍ଜିକିଚେ,  
 ଏମ୍ପାଟିଏ ରାଜା ଏ ପଦାନି ଏଲେଇଚେସି, “ଏନାଆଁ ମନ କିହିମାଞ୍ଜି ରାସ୍ତାମୁ  
 ନାନୁ ଏଦାଆଁ ନିଢ଼େ ହିୟାଇଁ ।” ୨୩ ଇଞ୍ଜି ଏଞ୍ଜାସି ପଦା ନକିତା ପାର୍‌ମାଣା  
 କିଚେସି, “ନାନୁ ନାଢ଼େ ଏନାଆଁ ରାସ୍ତାଦି, ରାଜିତି ଆଦା ଜିକେଏ ନାନୁ ନିଢ଼େ  
 ହିୟାଇଁ!” ୨୪ ଏମ୍ପାଟିଏ ଏ ପଦା ହାଜାନା ତାନି ଇୟାନି ଖେଚେ, “ନାନୁ  
 ଏନାଆଁ ରାହଇଁ?” ଏମ୍ପାଟିଏ ଏଦି ଏଲେଇଚେ, “ବାପ୍ତିସ୍ତ ହାନି ଜହନତି ଡାୟୁଁ  
 ।” ୨୫ ଏ ଦେବୁଣିଏ ରାଜା ତାଣା ତବେ ଖାହାନା ଏଲେଇଞ୍ଜି ରାସ୍ତେ, “ନାଢ଼େ  
 ନାନୁ ବାପ୍ତିସ୍ତ ହାନି ଜହନତି ଡାୟୁଁ ର ସାଡ଼୍‌ଖାତା ନାଏଁ ନାଢ଼େ ହିୟାମୁ ।” ୨୬  
 ଏମ୍ପାଟିଏ ରାଜା ହାରେକା ଦୁକୁ ଆଡିହିଁ ଜିକେଏ, ତାନୁ କିତି ପାର୍‌ମାଣା ଅଡ଼େ  
 ବଜିତା କୁଗାମାଚାରି ତାକି ଆଏ ଇଞ୍ଜାଲି ଆଡାଆଚେସି । ୨୭ ଏଦାଆଁତାକି  
 ରାଜା ଦେବୁଣିଏ ର କହ୍‌ଏଁଣାଇଁ ପାଣ୍ଡାନା ତାନି ଡାୟୁଁ ତାଚାଲି ହୁକୁମି ହାଚେସି,  
 ଏମ୍ପାଟିଏ ଏଞ୍ଜାସି ହାଜାନା କାୟିଦି ଇଲୁତା ତାନି ଡାୟୁଁ ଦାଚେସି; ୨୮ ଅଡ଼େ  
 ଏଦାଆଁ ର ସାଡ଼୍‌ଖାତା ତାଚାନା ପଦାନାକି ହାଚେସି, ଇଞ୍ଜି ପଦା ଏଦାଆଁ  
 ଅହାନା ତାନି ଇୟାନାକି ହାଚେ । ୨୯ ଇଞ୍ଜି ଜହନତି ସୀସୁୟାଁ ଏ କାତା  
 ଖେଞ୍ଜାନା ଖାଚେରି, ଇଞ୍ଜି ତାନି ମାଡ଼୍‌ହାତି ଅହାନା ମାଡ଼୍‌ହା ଇଟିନି ଡାୟୁତା  
 ଇଟିଚେରି । ୩୦ ଡାୟୁ ପାଣ୍ଡୁଞ୍ଜି ଆହାମାଚାରି ଜୀସୁ ତାଣା ଖାଚେରି, ଇଞ୍ଜି  
 ଏଞ୍ଜାରି ଏନା ଏନାଆଁ କିହାମାଚେରି, ଇଞ୍ଜି ଏନା ଏନାଆଁ ଜାପ୍‌ହା ମାଚେରି, ଏ

ବାରେ ଏଞ୍ଜେଲ୍ ଶ୍ରେୟେରି । ୩୧ ଏମ୍ପାଟିଏ ଜୀବୁ ଏଞ୍ଜେରାଲ୍ ଏଲେଇରେସି,  
 “ମାର ଇମ୍ପାଟି ଲକୁ ହିଲିଆ ଚାୟୁତା ହାନ, ଏମ୍ପାଆଁ ମୀରୁ ଗାଡେକା ଜମାଦୁ  
 ।” ଇତିହିଁ ହାରେକା ଲକୁ ହାଜି ଖାହି ଆହିମାଚାକି ଏଞ୍ଜେରାକି ତିଞ୍ଜୁଲି ଜିକେଏ  
 ମିଥାତେ । ୩୨ ଏମ୍ପାଟିଏ ଏଞ୍ଜେରି ଏଚ୍‌କା ଆହାନା ର ଡଂଗତା ହଚାନା ଲକୁ  
 ହିଲିଆ ଚାୟୁତା ହାଚେରି । ୩୩ ସାମା ହାରେକା ଲକୁ ଏଞ୍ଜେରି ହଚା ହାଚାଣି  
 ମେସ୍ତେରି ଅଡେ ପୁଚେରି, ଇଞ୍ଜିଁ ଲକୁ ବାରେ ଗାଡାୟିତି ଡାକିହିଁ ହାଜାନା  
 ଏଞ୍ଜେରି ନକିତା ଏଗାହାଚେରି । ୩୪ ଏଞ୍ଜେସି ଡଂଗତି ରେଚାନା ହାରେକା ଲକୁଣି  
 ମେସାନା ଏଞ୍ଜେରାଲ୍ କାର୍ମା ଆଡେସି, ଇତିହିଁ ଏଞ୍ଜେରି ଗଡୁ ହିଲିଆ ମେଣ୍ଡାୟି  
 ଲେହେଁ ମାଚେରି; ଇଞ୍ଜିଁ ଏଞ୍ଜେସି ଏଞ୍ଜେରାଲ୍ ହାରେକା କାତା ଜାପୁହେସି । ୩୫  
 ଗାଡି ଶ୍ରେଡାଆୟାଲିଏ ତାନି ସୀସୁୟିଁ ତାନି ଡାଣା ଖାହାନା ଏଲେଇଚେରି,  
 “ଇ ଚାୟୁ ଲକୁ ହିଲିଆ ଚାୟୁ ଇଞ୍ଜିଁ ଆନେରି ଜିକେଏ ଆହିମାନେ; ୩୬ ଲକୁ  
 ଏନିକିଁ ସାରିଖାକି ମାନି ଖାଲହାଖାଡ଼ି ଅଡେ ଗାଡାତା ହାଜାନା ତାମ୍‌ଡେଁ ତାକି  
 ତିଞ୍ଜୁଲି ରାନ୍ତୁ କତାପେରିଖା, ଏଦାଆଁତାକି ଏଞ୍ଜେରାଲ୍ ହେଲ ହାହାନା ପାଣ୍ଡାମୁ  
 ।” ୩୭ ସାମା ଜୀବୁ ତାନି ସୀସୁୟିଁଲ୍ ଏଲେଇଚେସି, “ମୀରୁ ଏଞ୍ଜେରାକି ତିଞ୍ଜୁଲି  
 ହୀଦୁ ।” ଏଞ୍ଜେରି ଏଲେଇଚେରି, “ମାର ରୀ ଖାଞ୍ଜା ଶ୍ରେଣ୍ଡି ଟାକାୟିତି ରୁଟି  
 ତାଚାନା ଇଞ୍ଜେରାକି ତିଞ୍ଜୁଲି ହୀନାୟି କି?” ୩୮ ଜୀବୁ ଏଞ୍ଜେରାଲ୍ ଏଲେଇଚେସି,  
 “ମୀ ଡାଣା ଏଚରଗଟା ରୁଟି ମାନୁ? ହାଜାନା ସିନିକିଦୁ ।” ଏଞ୍ଜେରି ଶ୍ରେଞ୍ଜା  
 ଖାହାନା ଜୀବୁଲ୍ ଏଲେଇଚେରି, “ପାସାଗଟା ରୁଟି ଇଞ୍ଜିଁ ରୀ ମୀଣ୍‌କା ମାନୁ ।”  
 ୩୯ ଇଞ୍ଜିଁ ଜୀବୁ ତାନି ସୀସୁୟିଁଲ୍ ଏଲେଇଚେସି, ବାରେ ଲକୁଲ୍ ଗତି ଗତି କିହିଁ  
 କୃଗି ଜାଡା ଲାକ କୁଗିକିହାଲି ଶ୍ରେୟେସି । ୪୦ ଏଚେଟିଏ ଏଞ୍ଜେରି ପାସାକଡ଼ି  
 ଜାଣା ରୀ କଡ଼ି ଦସ ଜାଣା ଲାକା ମାନୁ ମାନୁ ଆହିଁ କୁଗିଚେରି । ୪୧ ଡାୟୁ  
 ଜୀବୁ ଏ ପାସାଗଟା ରୁଟି ଇଞ୍ଜିଁ ରୀ ମୀଣ୍‌କା ଅହାନା ଲାକପୁରୁ ଖାକି ସିନିକିହାଁ  
 ମାହାପୁରୁଲ୍ ଜହରା କିଚେସି, ଅଡେ ରୁଟି ଡିକ୍‌ହାନା ଲକୁତାକି ବାଟି କିହା  
 ହୀହାଲି ତାନି ସୀସୁୟିଁକି ହୀଚେସି, ଇଞ୍ଜିଁ ରୀ ମୀଣ୍‌କା ଜିକେଏ ଏଲେକିହିଁଏ  
 ବାଗା କିହାନା ହୀଚେସି । ୪୨ ଏମ୍ପାଆଁ ବାରେଜାଣା ତିଞ୍ଜୁନା ପାଞ୍ଜିଚେରି, ୪୩  
 ଇଞ୍ଜିଁ ଏଞ୍ଜେରି ହାରାମାଟି ରୁଟି ଅଡେ ମୀଣ୍‌କା କୁଡ଼ି କିହାନା ବାରଗଟା ତାଲିତା  
 ନେଞ୍ଜିକିଚେରି । ୪୪ ରୁଟି ତିତି ଲକୁ ପାସାମାଣା ଖାରୁଇ ଆବାୟିଁ ମାଚେରି ।  
 ୪୫ ଏ ଦେବୁଣିଏ ଏଞ୍ଜେସି ତାନି ସୀସୁୟିଁଣି ଡଂଗତା ହଚାନା ଆତାଲାଖାକି  
 ମାନି ବେଦ୍‌ସାୟିଦା ଗାଡାତା ହାଜାଲି ତାନି ନକେଏ ପାଣ୍ଡିଚେସି, ଏମ୍ପାଟିଏ

ବାରେ ଲକ୍ଷ୍ମଣୀ ହାଜାଲିତାକି ହେଲ ହାହାଁ ପାଣ୍ଡିତେସି । ୪୬ ଏଞ୍ଜରି ଡାଣାଟି  
 ହେଲ ଅତି ଡାୟୁ ଏଞ୍ଜସି ପ୍ରାତାନା କିହାଲି ହରୁତା ହାରେସି । ୪୭ ମିଡ଼ିଆଲ  
 ଆହାଲିଏ ଡଂଗ ସାମ୍ବୁରି ମାଦିଏ ମାରେ, ଇଞ୍ଜି ଜୀସୁ ସାମ୍ବୁରି ଗାବୁତା  
 ରଅସିଏ ମାରେସି । ୪୮ ଏମ୍ପାଟିଏ ହାରେକା ଗାଲି ଏଞ୍ଜରି ଖାକି ଖେଟିମାଟାକି  
 ଡଂଗ ତାକି କିହାଲି କସୁ ଆହିମାଟାଣି ମେସାନା ଏଞ୍ଜସି ଚ୍ଵେୟା ନେକେରି  
 ସାମ୍ବୁରି ଏୟୁ ଲାକ ଡାକିହୁଁ ଏଞ୍ଜରି ତାଗେ ଖାତେସି, ଇଞ୍ଜି ଏଞ୍ଜରି ତାଗେଟି  
 ଆଗାଡ଼ା ହାଜାଲି ଅଣ୍ଡପାମାରେସି, ୪୯ ସାମା ଏଞ୍ଜରି ଏଞ୍ଜାଣାଲ୍ ସାମ୍ବୁରି  
 ଲାକ ଡାକି ମାନାଣି ମେସାନା ବୁତୁ ଇଞ୍ଜି ଅଣ୍ଡପାମା କାଲ୍ଵି ଆତେରି । ୫୦  
 ଇତିହୁଁ ବାରେଜାଣା ଏଞ୍ଜାଣାଲ୍ ମେସାନା ଆଜାହାଜା ମାରେରି । ସାମା ଜୀସୁ  
 ଦେବୁଣିଏ ଏଞ୍ଜରିତଲେ କାତା ଆହାନା ଏଞ୍ଜରାଲ୍ ଏଲେଇରେସି, “ସାସା  
 ଆହୁ ନାନୁଏ ଏଞ୍ଜାତେଏ, ଆଜାଆଦୁ ।” ୫୧ ଇଞ୍ଜି ଏଞ୍ଜସି ଏଞ୍ଜରିଡାଣା  
 ହାଜାନା ଡଂଗତା କୁଗିତେସି, ଇଞ୍ଜି ଗାଲି ଡୁଡୁଡେ, ଏମ୍ପାଟିଏ ଏଞ୍ଜରି ମନ  
 ମନତା ହାରେକା କାବା ଆତେରି । ୫୨ ଇତିହୁଁ ଏଞ୍ଜରି ରୁଟିୟୁଁ କାତା ପୁଣ୍ଡୁଏ  
 ପୁଞ୍ଜୁହିଲାଆତେରି, ଏନାଆଁତାକି ଇତିହୁଁ ଏଞ୍ଜରି ହିୟୁଁ ଆର୍ଘା ଆହାମାରେ ।  
 ୫୩ ଏଞ୍ଜରି ସାମ୍ବୁରି ଗାଣ୍ଡାନା ଗେନେସର ରାଜିତା ଏଜାନା କାତା ଗାବୁତା  
 ଡଂଗତି ଦସ୍ତେରି । ୫୪ ଅଡେ ଏଞ୍ଜରି ଡଂଗଟି ରେଚାଲିଏ, ଦେବୁଣିଏ ଲକ୍ଷ୍ମ  
 ଏଞ୍ଜାଣାଲ୍ ପୁଞ୍ଜାନା, ୫୫ ଏ ରାଜିତି ସାରିଖାକି ହାରେରି, ଏଞ୍ଜରି ଆମିନି  
 ଚାୟୁତା ମାନେରି ଇଞ୍ଜି ଖେରେରି, ଅଡେ ଜୀସୁ ମାନି ଚାୟୁତା ରଗ ଗାଟାରାଲ୍  
 କାଟେଲିତା ଡେକା ତାତାଲି ମାଟ୍ଢହେରି । ୫୬ ଇଞ୍ଜି ଏଞ୍ଜସି ଆମିନି ନାସକା,  
 ଅଡେ ଗାଡ଼ାତା ହାରେସି, ଲକ୍ଷ୍ମ ଏ ବାରେ ଚାୟୁତି ହାଟା ବାଜାରାଟି ରଗ  
 ଗାଟାରାଲ୍ ଏଞ୍ଜାଣି ନକିତା ଏଞ୍ଜରାଲ୍ ଇତିତେରି, ଏଞ୍ଜରି ଏନିକ୍ ଏଞ୍ଜାଣି ହିମ୍ପୁରି  
 କୁଡୁ ତାଗିନେରି, ଏନାଆଁତାକି ଏଞ୍ଜାଣାଲ୍ ବାଡିମାଲିତେରି; ଇଞ୍ଜି ଏରେକା  
 ଲକ୍ଷ୍ମ ଏଞ୍ଜାଣାଲ୍ ତାଗିତେରି ଏଞ୍ଜରି ବାରେ ନେହିଁ ଆତେରି ।

**୨** ଡାୟୁ ପାରୁସିୟୁଁ ଅଡେ ଜିରୁସାଲମଟି ଖାହାମାନି ଏଚରଜାଣା ମେରାପୁନାରି  
 ଜୀସୁ ଡାଣା ରୁଣ୍ଡା ଆତେରି । ୨ ଏଞ୍ଜରି ସୀସୁୟୁଁ ବିତ୍ରାଟି ଏଚରଜାଣାଟି  
 କେସ୍ତା ନରୁଆନା ତିଞ୍ଜି ମାଟାଣି ମେସ୍ତେରି । ୩ ପାରୁସିୟୁଁ ଅଡେ ବାରେ  
 ଜୀହୁଦି ଲକ୍ଷ୍ମ ଆକୁ ଆବାୟୁଁ ଇଟାମାନି ମେରାତି ମାନଖି ଆହାନା ନେହିଁକି  
 କେୟୁ ନରୁଆସାରେ ତିଞ୍ଜି ହିଲାଆତେରି, ୪ ଇଞ୍ଜି ହାଟା ବାଜାରାଟି ଖାହାନା  
 ତାମି ଲାକ ଏୟୁ ଡାଞ୍ଜା କତାଆନା ତିଞ୍ଜି ହିଲାଆତେରି; ଅଡେ ଗିନା ମୁତା

ଇଚ୍ଛା ପିତାତା ଡକାୟି, ପାସ୍‌ପନି ନରୁନାୟି, ଇଲେତି ହାରେକା ଫେରା  
 ମାନଞ୍ଜି ଆହାଲି ହୁକୁମି ବେଟା ଆହାମାନେରି । ୫ ଏଦାଆଁତାକି ପାରୁସିୟା  
 ଅଡ଼େ ଫେରାପୁନାରି ଜୀସୁଇଁ ଖେଚେରି, “ନୀ ସୀସୁୟାଁ ତଲିତି ଆକୁ ଆବାୟା  
 ଫେରା ତଲେ ତାକାଆନା ଏନାଆଁତାକି କେସ୍ତା ନରୁଆନା ତିନେରି?” ୬ ଜୀସୁ  
 ଏଖାରାଇଁ ଏଲେଇଚେସି, “ଆଡ଼େ କୁଟୁ ଗାଟାଚେରି, ମାହାପୁରୁ ଅଣ୍ଟୁତି ବଲୁ  
 ଖେହ୍ନି ଜିସାୟ ନେହିଁକିଁ ଇ କାତା ଖେସାମାନେସି, ଏନିକିଁ ରାସ୍‌କି ଆହାମାନେ;  
 ଇ କୁଡ଼ାତାରି ଖାରଇ ଗୁଡ଼ି ତଲେ ନାଡ଼େ ସେବା କିୟାନେରି, ସାମା ଏଖାରି  
 ହିୟାଁ ନା ତାଣାଟିଏ ହାରେକା ହେକ ଡ଼ୟିନେ । ୭ ଏଖାରି ମାଣ୍ଡିୟାଁ କେପିତି  
 ଫେରାତି ଦାମୁତି ନେହିଁ କାତା ଇଚ୍ଛା ଜୀପୁହାନା, ଉଜେଏ ନା ସେବା କିୟାନେରି  
 । ୮ ମୀରୁ ମାହାପୁରୁତି ହୁକୁମି ପିସାନା ମାଣ୍ଡିୟାଁ ଫେରାତି ଆସାମାଞ୍ଜେରି ।”  
 ୯ ଅଡ଼େ ଜୀସୁ ଏଖାରାଇଁ ଏଲେଇଚେସି, “ମାହାପୁରୁତି ହୁକୁମି ପିସାନା ମୀ  
 ଜୀପୁହାମାଞ୍ଜନାଣି ଆସାଲି ତାକି ମୀରୁ ହୁକୁମି ମାନି କିହିହିଲଅଚେରି । ୧୦  
 ଇତିହିଁ ମସା ଏଲେଇଚ୍ଛା ମାନେସି, ‘ତାଲି ତାଞ୍ଜିଇଁ ଜୀଞ୍ଜନୁ, ଇଚ୍ଛା ଆମ୍ବାଆସି  
 ତାଲି କି ତାଞ୍ଜିଇଁ ବାକା ଇତିନେସି, ଏଖାସି ହାନି ତଣ୍ଡ ବେଟା ଆନେସି ।’  
 ୧୧ ମୀରୁ ଜୀପୁହି ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଇଁ ଏଲେଇନେସି, ନା  
 ତାଣାଟି ଏନାଆଁ ହିୟାତିହିଁ ନିଡ଼େ ନେହେଁ ଆଡେମା, ଏଦି କର୍ବାନ ଇତିହିଁ  
 ମାହାପୁରୁ ତାକି ହେରୁପି ଆହାମାନାୟି । ୧୨ ଇଚ୍ଛା ମୀରୁ ଏଲେକିହିଁ ତାମି  
 ଇୟା କି ଆବାଇଁ ଏନି ସାୟେମି କିହାଲି ହୀହି ହିଲଅଚେରି; ୧୩ ଏଲେକିହିଁଏ  
 ମୀରୁ ମୀ ତାଣା ମାନି ଫେରା ତଲେ ମାହାପୁରୁତି ବଲୁ ଉଜେଏ କିହିମାଞ୍ଜେରି,  
 ଇଚ୍ଛା ଏଲେକିହିଁ ହାରେକା କାମା କିହିମାଞ୍ଜେରି ।” ୧୪ ଜୀସୁ ଅଡ଼େ ଖେଣ୍ଡେ  
 ଲୁକୁଣି ତାଗେ ହାଟାନା ଏଖାରାଇଁ ଏଲେଇଚେସି, “ମୀରୁ ବାରେ ନା କାତା  
 ଖେଞ୍ଜୁ ଅଡ଼େ ତେଲହାଦୁ । ୧୫ ମାଣ୍ଡିତି ପାଞ୍ଜୁତା ଇଲେତି ଏନାୟି ହିଲେଏ,  
 ଏଦି ମାଣ୍ଡି ବିତ୍ରା ହତାନା ଏଖାଣାଇଁ ଲାଗେଏ କିହାଲି ଆଡିନେ, ସାମା ଏନା  
 ଏନାୟି ମାଣ୍ଡି ତାଣାଟି ହୁଡ଼ିମାନେ, ଏ ବାରେ ଏଖାଣାଇଁ ଲାଗେଏ କିହିମାନେ  
 ।” ୧୬ ଖେଞ୍ଜୁଲି କୀର୍କା ମାନାସି ଖେଣ୍ଡାସି । ୧୭ ଅଡ଼େ ଏଖାସି ଲୁକୁ ତାଣାଟି  
 ଇଲୁ ବିତ୍ରା ଖାହାଲିଏ ତାନି ସୀସୁୟାଁ ଏଖାଣାଇଁ ପୁଣ୍ଡିକିନି କାତାତି ଅର୍ଡ  
 ଖେଚେରି । ୧୮ ଏମ୍ବାଟିଏ ଜୀସୁ ଏଖାରାଇଁ ଏଲେଇଚେସି, “ମୀରୁ ଜିକେଏ  
 ଏଲେକିହିଁଏ ପୁନାଆ ଗାଟାଚେରି? ଏନାୟି ପାଞ୍ଜୁଟି ମାଣ୍ଡି ବିତ୍ରା ହୁଡ଼ିହିଁ  
 ଏଦି ଏଖାଣାଇଁ ଲାଗେଏ କିହାଲି ଆଡେଏ, ୧୯ ଇତିହିଁ ଏଦି ଏଖାଣି ହିୟାତା

ହୃଦ୍‌ଆନା ବାଣ୍ଟିତା ହୃଦ୍‌ନେ ଇଚ୍ଛା ବାଣ୍ଟିହାନିଲେହେଁ ହୃତାହାନେ ଇଲେଆହିଁ  
 ବାରେ ରାନ୍ତୁ ଅର୍ହୁ ଆହିମାନେ, ଇଦାଆଁ ପୁଞ୍ଜି ହିଲଅତେରି?” ୨୦ ଅତେ  
 ଏଞ୍ଜିଏ ଏଲେଇରେସି, “ଏନାୟି ମାଣ୍ଡି ଚାଣାଟି ହୃତମାନେ ଏଦି ଏଞ୍ଜାଣାକ୍  
 ଲାଗେଏ କିହିମାନେ । ୨୧ ଇଚିହିଁ ମାଣ୍ଡି ହିୟାଁ ବିତ୍ରାଟି ଲାଗେଏତି ଅଣ୍ଡୁ  
 ହନେ, ଦାରି କିୟାଲି, ସରୁ କିୟାଲି, ଲକ୍ଷୁଣି ପାୟିନାୟି, ୨୨ ଜୁପକା, ଲାଗେଏ  
 ପଲେଏ କାମା, ନାଡ଼ିକିନାୟି, ଡାହାରା, ନିନ୍ତା କିନାୟି, ଡାହାରା ଆନାୟି,  
 କାର୍‌ବି ଆନାୟି; ୨୩ ଏଲେତି ଲାଗେଏତାୟି ବିତ୍ରାଟି ହୃତାଞ୍ଜାହାନା ମାଣ୍ଡିକ୍  
 ଲାଗେଏ କିହିମାନେ ।” ୨୪ ଏମ୍ପାଟିଏ ଜୀସୁ ଏ ଚାୟୁ ପିସାନା ସରତି ହାନ୍ତି  
 ଝାକି ହାରେସି, ଇଚ୍ଛା ର ଇଲୁତା ହୃତାନା ଏନିକ୍ ଆମ୍ପାଆରି ପୁନଅରି ଇଚ୍ଛା  
 ଅଣ୍ଡିମାରେସି, ସାମା ଏଞ୍ଜାସି ତୁଗାନା ଡୟାଲି ଆଡାଆତେସି । ୨୫ ଏ  
 ଦେବୁଣିଏ ର ଇୟା, ଆମ୍ପାଆରି ମାଞ୍ଜୁନି ବୃତୁ ଆଲ୍‌ଗାମାରେ, ଏଦି ଜୀସୁ  
 କାତା ଝେଞ୍ଜାନା ଝାହାଁ ଏଞ୍ଜାଣି କତାଣା ରୀତେ । ୨୬ ଏ ଇୟା ସୁରପୟିନିକି  
 ଜାତିତି ର ଗ୍ରାକ୍ ଇୟା ମାରେ, ତାନି ମାଞ୍ଜୁନି ଚାଣାଟି ବୃତୁ ପିସପି କିହାଲି ଏଦି  
 ଜୀସୁକ୍ ବାଡ଼ିମାଲିତେ । ୨୭ ଏମ୍ପାଟିଏ ଜୀସୁ ଏଦାନି ଏଲେଇରେସି, “ତଲିଏ  
 କକାରି ପଦାଣି ପାଞ୍ଜି କିଦୁ, ଇଚିହିଁ କକାରି ପଦାୟାଁ ରାନ୍ତୁ ଅହାନା ନେସକା  
 ନକିତା ମେଡ୍‌ନାୟି ନେହେଁ ଆଏ ।” ୨୮ ସାମା ଏଦି ଏଞ୍ଜାଣାକ୍ ଏଲେଇରେ,  
 “ହାଅ ପ୍ରବୁ ନେସକା ଜିକେଏ କକାରି ପଦାୟାଁ ଟ୍ରକ୍‌ହାମାନି ଲିତାତି ପେରୁହା  
 ତିନୁ ।” ୨୯ ଏମ୍ପାଟିଏ ଜୀସୁ ଏଲେଇରେସି, “ଇ କାତାତାକି ନୀ ମାଞ୍ଜୁନି  
 ଚାଣାଟି ବୃତୁ ହୃତା ହାରେୟିଏ, ହାଲାମୁ ।” ୩୦ ଇଚ୍ଛା ଏଦି ଇଜ ହାଜାନା  
 ତାନି ମାଞ୍ଜୁ ପାସ୍‌ପନିତା ହୁଞ୍ଜାମାନାଣି ଇଚ୍ଛା ବୃତୁ ହୃତା ହାଜା ମାନାଣି ମେସ୍ତେ  
 । ୩୧ ଅତେ ଝେଣ୍ଡେ ଏଞ୍ଜାସି ସର ହାନ୍ତିଟି ହାଜାନା ସିଦନ ଅତେ ଦସଗଟା  
 ନାସକା ହାନ୍ତି ହାହାନା ଗାଲିଲି ସାମ୍‌ତୁରି ତାଗେ ଝାତେସି । ୩୨ ଇଚ୍ଛା ଲକ୍ଷୁ ର  
 ବେରା ଅତେ ଗୁଲାକ୍ ଏଞ୍ଜାଣି ନକିତା ତାତାନା ଏଞ୍ଜାଣିଲାକ କେୟୁ ଇଟାଲି  
 ବାଡ଼ିମାଲିତେରି । ୩୩ ଜୀସୁ ଲକ୍ଷୁ ଚାଣାଟି ରଅଣାକ୍‌ଏ ଏଟ୍‌କା କିହା ଅହାନା  
 ଏଞ୍ଜାଣି ରୀ କାର୍‌କାଣା ତାନି ଝାସକା ଇଚିତେସି ଅତେ ହୃପାନା ଏଞ୍ଜାଣି ଝେନ୍ତୁରି  
 ତାଗିତେସି, ୩୪ ଅତେ ଲାକପୁରୁ ଝାକି ସିନିକିହାନା ଗାଡ଼ିକିହିଁ ନେଞ୍ଜାନା  
 ଏଞ୍ଜାଣାକ୍ ଏଲେଇରେସି, “ଇପ୍‌ପତ” ଇଚିହିଁ “ଦେପି ଆମୁ ।” ୩୫ ଏମ୍ପାଟିଏ  
 ଏଞ୍ଜାଣି କାର୍‌କା ଦେପିଆତୁ, ଇଚ୍ଛା ଝେନ୍ତୁରିତି ଜାଲା ଏ ଦେବୁଣିଏ ଗୁରାଆତେ,  
 ଇଚ୍ଛା ଏଞ୍ଜାସି ନେହିଁକି ଜଲଲି ଆଡ଼ିତେସି । ୩୬ ଇଚ୍ଛା ଏ କାତା ଆମ୍ପାଆରାକ୍

ଝେହୁଆଦୁ ଇଞ୍ଜି ଏଝାରାଇଁ ଗାଡକିହିଁ ହୁକୁମି ହୀତେସି; ସାମା ଏଝାସି ଏଝାରାଇଁ ଏତେକା କାହି କିତେସି, ଏଝାରି ଏତେକା ଗାଡି ଝେକହେରି । ୩୭ ଅଡେ ଲକୁ କାବାଆହାନା ଏଲେଇଚେରି, “ଏଝାସି ବାରେ କାମା ନେହିଁକି କିହିମାନେସି; ଏଝାସି ବେରାୟାଈଁ ଝେଞ୍ଜାଲି ଗୁଲାଇଁ ଜଲିନି ବାଡ଼ୟୁ ଜିକେଏ ହାହିମାନେସି ।”

୮ ଏଚିବେଲା ହାରେକା ମାନୁ ଲକୁ ରୁଣ୍ଡା ଆତେରି, ଅଡେ ଏଝାରିତାଣା ତିନାୟି ଉନାୟି ଏନାୟି ହିଲାଆତାକି ଜୀସୁ ସୀସୁୟାଣି ତାଗେ ହାଚାନା ଏଝାରାଇଁ ଏଲେଇଚେସି, ୨ “ଲକୁତାକି ନାଢ୍ଫେ କାର୍ମା ହଚିମାଞ୍ଜାନେ, ଇଚିହିଁ ଇଝାରି ତାନିଦିନା ଆତେରିଏ ନା ତଲେ ମାଞ୍ଜାମାନେରି, ଅଡେ ଇଝାରି ତାଣା ଏନାୟି ତିନାୟି ହିଲେଏ । ୩ ଏଝାରାଇଁ ତାହୁଆନାଁ ପାଣ୍ଡିସାରେ, ଝେଣ୍ଡାହାନାଟି ଏଝାରି ହାହା ଜିକେଏ ହାନେରି । ଏଝାରି ବିତ୍ରାଟି ଏଚରଜାଣା ହେକଟି ଝାହାମାନେରି ।” ୪ ସୀସୁୟାଁ ଏଝାଣାଇଁ ଏଲେଇଚେରି, “ଇମ୍ପାଆଁ ଇ ଲକୁ ହିଲାଆ ଟାୟୁତା ଆମ୍ପାଆସି ଆମ୍ପିଟି ରୁଟି ତାଚାନା ଇଝାରାଇଁ ପାଞ୍ଜି କିନେସି?” ୫ ଜୀସୁ ଏଝାରାଇଁ ଝେଚେସି, “ମୀ ତାଣା ଏଚରଗଟା ରୁଟି ମାନୁ?” ଏଝାରି ଏଲେଇଚେରି, “ସାତାଗଟା ।” ୬ ଏମ୍ପାଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହୀତେସି; ଅଡେ ଏଝାସି ସାତାଗାଟା ରୁଟି ଅହାନା ଜହରା କିହାନା ଏ ବାରେ ଡିକହାନା ବାଟି କିହାଲି ତାନି ସୀସୁୟାଁକି ହୀତେସି, ଅଡେ ଏଝାରି ଲକୁତାକି ବାଟି କିହା ହୀତେରି । ୭ ଇଞ୍ଜି ଏଝାରିତାଣା ଏଚରଗଟା ଉଣା ମୀଶ୍ଟକା ମାବୁ; ଏ ବାରେଟି ଜିକେଏ ଜୀସୁ ମାହାପୁରୁ ତାଣା ଜହରା କିହାନା ବାଟି କିହା ହୀହାଲି ସୀସୁୟାଁକି ଏଲେଇଚେସି । ୮ ଏମ୍ପାଟିଏ ଏଝାରି ତିଞ୍ଜାନା ପାଞ୍ଜିତେରି ଇଞ୍ଜି ହାରିତାଣି ସାତା ତାଲି କୁଡି କିତେରି । ୯ ଏଝାରି ବାରେ ସାରି ମାଣା ଲକୁ ମାଚେରି । ଏଚେଟିଏ ତାୟୁ ଏଝାରାଇଁ ହେଲ ହୀତେସି, ୧୦ ଇଞ୍ଜି ଦେବୁଣିଏ ତାନି ସୀସୁୟାଁ ତଲେ ତଂଗଟା ହଚାନା ଦଲ୍‌ମନୁ ଗାଡ଼ାତା ହାଚେରି । ୧୧ ତାୟୁ ପାରୁସିୟାଁ ଝାହାନା ଜୀସୁତଲେ ବାଦିବାଦା କିହାଲି ମାଟହେରି ଇଞ୍ଜି ଏଝାଣାଇଁ ତାୟିପାରି କିହାଲିତାକି ହାଗୁ ଲାକଟି ର ସିନା ରୀସ୍ତେରି । ୧୨ ଜୀସୁ ଜୀସୁତା କିଲିବିଲି ଆହାନା ଗାଡି ନେଞ୍ଜାନା ଝେସ୍ତେସି, “ଇ ଜୁଗୁଡି ଲକୁ ଏନାଆଁତାକି ସିନା ପାରିମାନେରି? ନାନୁ ମିଢ୍ଫେ ସାତା ଝେସିମାଞ୍ଜାଇଁ, ନୀସିତି ମାଶ୍ଟକି ଏନି ସିନା ହୀପକି ଆଏ ।” ୧୩ ଅଡେ ଏଝାସି ଏଝାରାଇଁ ପିସାନା ଅଡେ ଝେଣ୍ଡେ ତଂଗଟା ହଚାନା ଆତାଲାଝାକି ହାଚେସି । ୧୪ ଏଚିବେଲାତା ସୀସୁୟାଁ ରୁଟି



ଅହାଲି ବାଣୀଆତେରି; ଡଂଗତା ଏଞ୍ଜାରିତାଣା ରଣ୍ଡିଏ ରୁଟି ମାତେ । ୧୫ ଡାୟୁ  
 ଜୀସୁ ଏଞ୍ଜାରାଇଁ ଜାଣ୍ଟେ ହୁକୁମି ହୀତେସି, “ଜାଗ୍ରାତା ଆଦୁ, ପାରୁସିୟାଁ ଅଡେ  
 ହେରଦତି ପୁଲାରୁଣ୍ଡାଟି ଜାଗ୍ରାତା ଆହାନା ମାଞ୍ଜୁ ।” ୧୬ ଏଚେଟିଏ ଏଞ୍ଜାରି  
 ତାମୁ ତାମୁଏ ଷ୍ଟେସ୍ପିଆହିଁ ଏଲେଇଞ୍ଜାଲି ମାଟ୍‌ହେରି, “ମା ତାଣା ରୁଟି ହିଲେଏ  
 ଇଞ୍ଜିଁ ଏଞ୍ଜାସି ମାଡ୍ଟେ ଏଲେଇଞ୍ଜିମାଞ୍ଜାନେସି ।” ୧୭ ଜୀସୁ ଏଦାଆଁ ପୁଞ୍ଜାନା  
 ଏଞ୍ଜାରାଇଁ ଏଲେଇଚେସି, “ମୀ ତାଣା ରୁଟି ହିଲେଏ ଇଞ୍ଜିଁ ଏନାଆଁତାକି ମୀରୁ  
 ମୀରୁ ଷ୍ଟେସ୍ପି ଆହିମାଞ୍ଜେରି? ମୀରୁ ନୀଏଁ ପାତେକା ପୁଞ୍ଜି ହିଲଅତେରି କି  
 ତେଲ୍‌ହି ହିଲଅତେରି? ୧୮ କାଣ୍‌କା ମାଞ୍ଜାନା ମେସି ହିଲଅତେରି? ଅଡେ,  
 କୀର୍କା ମାଞ୍ଜାନା ଷ୍ଟେଞ୍ଜି ହିଲଅତେରି? ମୀରୁ ଇଦାଣି ଅଣ୍ଡି ହିଲଅତେରି? ୧୯  
 ଏ ପାସାମାଣା ଲକୁ ବିତ୍ରା ନାନୁ ଏଚିବେଲା ପାସାଗଟା ରୁଟି ଡିକ୍‌ହା ମାଚେଏଁ,  
 ଏଚିବେଲା ମୀରୁ ଏଚର ତାଲି ହାରିତାଣି କୁଡି କିତେରି, ଏଦି ମୀ ଅଣ୍ଡପୁତା  
 ହିଲେଏ କି?” ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ବାର ତାଲି ।” ୨୦ “ଅଡେ  
 ଏ ସାରି ମାଣା ଲକୁ ବିତ୍ରା ନାନୁ ଏଚିବେଲା ସାତାଗଟା ରୁଟି ଡିକ୍‌ହା ମାଚେଏଁ,  
 ଏଚିବେଲା ମୀରୁ ଏଚର ତାଲି କୁଡି କିହାମାଚେରି?” ଏଞ୍ଜାରି ଏଲେଇଚେରି,  
 “ସାତା ତାଲି ।” ୨୧ ଏଚିବେଲା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ  
 ଏନାଆଁ ନୀଏଁ ପାତେକା ତେଲ୍‌ହାଲି ଆଡିହିଲଅତେରି?” ୨୨ ଡାୟୁ ଏଞ୍ଜାରି  
 ବେତ୍‌ସାୟିଦାତା ଖାତେରି, ଅଡେ, ଲକୁ ର କାଣାଇଁ ଏଞ୍ଜାଣି ତାଣା ତାତାନା  
 ଏଞ୍ଜାଣାଇଁ ତୀଗାଲି ତାକି ଜୀସୁଇଁ ବାତିମାଲିଚେରି । ୨୩ ଏଦାଆଁତାକି ଜୀସୁ  
 କାଣାତି କେୟୁ ଆସାନା ଏଞ୍ଜାଣାଇଁ ନାୟୁଁ ପାଞ୍ଜାତା ଅଡେସି, ଇଞ୍ଜିଁ ଏଞ୍ଜାଣି  
 କାଣ୍‌କାଣାଁ ହୁପ୍‌କା ରୁବାନା ଅଡେ ଏଞ୍ଜାଣିଲାକ କେୟୁ ଇଟାନା ଏଞ୍ଜାଣାଇଁ  
 ଷ୍ଟେଚେସି, “ନୀନୁ ଏନାଆଁ ମେସାଲି ଆଡିମାଞ୍ଜି କି?” ୨୪ ଏଞ୍ଜାସି ସିନିକିହାନା  
 ଏଲେଇଚେସି, “ନାନୁ ମାଣ୍‌ସିୟାଁଇଁ ମେସିମାଇଁ, ଇଚିହିଁ ନାନୁ ମାର୍‌କା ଲେହେଁ  
 ଏନାଇ ତାକି ମାନାଣି ମେସିମାଇଁ ।” ୨୫ ଡାୟୁ ଜୀସୁ ଅଡେ ଷ୍ଟେଣ୍ଟେ ଏଞ୍ଜାଣି  
 କାଣ୍‌କାଣାଁ କେୟୁ ଇଚିଚେସି; ଏମ୍ପାଟିଏ ଏଞ୍ଜାସି ନେହିଁକିଁ ମେସାଲି ଆଡିଚେସି,  
 ନେହିଁ ଆହାନା ବାରେ ତୀରିତଲେ ସିନିକିହାଲି ମାଟ୍‌ହେସି । ୨୬ ଡାୟୁ  
 ଜୀସୁ ଏଞ୍ଜାଣାଇଁ ତାନି ଇଜ ପାଣ୍ଡାନା ଏଲେଇଚେସି, “ଏ ନାୟୁଁ ବିତ୍ରା ଜିକେଏ  
 ଷ୍ଟେଣ୍ଟେ ହାଲାଆନି ।” ୨୭ ଏଚେଟିଏ ଜୀସୁ ଅଡେ ତାନି ସୀୟୁୟାଁ କାୟିସରିୟା  
 ପିଲିପି ରାଜିତି ନାସ୍‌କାଖାକି ହାଚେରି, ଅଡେ ଜିରୁତା ଏଞ୍ଜାସି ତାନି ସୀୟୁୟାଁଇଁ  
 ଷ୍ଟେଚେସି, “ନାନୁ ଆମ୍ପାଆଚେଏଁ ଇଞ୍ଜିଁ ଲକୁ ଏଲେଇଞ୍ଜି ମାଞ୍ଜାନେରି?” ୨୮

ଏମ୍ବାଟିଏ ଏଞ୍ଜାରି ଏଞ୍ଜାଣାଲ୍ ଏଲେଇଚେରି, “ବାପୁସ୍ତୁ ହାନି ଜହନ, ଅଡ଼େ ଆମ୍ବା ଆମ୍ବାଆରି ଏଲିୟ, ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍ଡପୁତି ବଲୁ ଖେହ୍ନାରି ବିତ୍ରାଟି ରଅସି ।” ୨୯ ଏଞ୍ଜାସି ଏଞ୍ଜାରାଲ୍ ଖେଚେସି, “ସାମା ନାନୁ ଆମ୍ବାଆଚେଏଁ ଇଞ୍ଜି ମୀରୁ ଏଲେଇଞ୍ଜି ମାଞ୍ଜାଦେରି?” ପିତର ଏଞ୍ଜାଣାଲ୍ ଏଲେଇଚେସି, “ନୀନୁ କ୍ରୀସ୍ତୁଟି ।” ୩୦ ଏମ୍ବାଟିଏ ଜୀସୁ ଏଞ୍ଜାରାଲ୍ ତାନି କାତାଟି ଆମ୍ବାଆରାଲ୍ ଏନାଆଁ ଖେହ୍ନାଦୁ ଇଞ୍ଜି ଜାଣ୍ଡେ କିହିଁ ହୁକୁମି ହୀଚେସି । ୩୧ ଅଡ଼େ, ଜୀସୁ ଏଞ୍ଜାରାଲ୍ ଜାପୁହାଲି ମାଟ୍‌ହେସି, “ଇଚିହିଁ ମାଣ୍ଡସି ମୀରୁଏସି ହାରେକା ଦୁକୁ କସ୍ତୁ ବେଟାଆନାୟି ମାନେ ଇଞ୍ଜି ପ୍ରାଚିନାଢ୍ଫା, କାଜା ପୁଜେରାଢ୍ଫା, ଇଞ୍ଜି ମେରାପୁନାରି ତାଣାଟି ଅପାଆଗାଟାସି ଆହାନା ପାୟୁଞ୍ଜି ଆନାୟି ମାନେ, ଅଡ଼େ ତାନିଦିନା ଜେଚ ଖେଣ୍ଡେ ନିଢ୍ଫିନାୟି ମାନେ ।” ୩୨ ଇ କାତା ଏଞ୍ଜାସି ତୀରୁପୁତଲେ ଖେସ୍ତେସି । ଏମ୍ବାଟିଏ ପିତର ଏଞ୍ଜାଣାଲ୍ ଅରଞ୍ଜାକି ଅହାନା ଦାକା ହୀହାନା ଲାଗାଲି ମାଟ୍‌ହେସି । ୩୩ ସାମା ଏଞ୍ଜାସି ତାୟୁଞ୍ଜାକି ତିରୁଞ୍ଜାହାଁ ତାନି ସୀସୁୟାଁଣି ସିନିକିହାନା ପିତରଲ୍ ଦାକା ହୀହାନା ଏଲେଇଚେସି, “ସୟତାନ, ନା ନକିଟି ହେକ ହାଲାମ୍ବୁ, ଇଚିହିଁ ନୀନୁ ମାହାପୁରୁ କାତା ଅଣ୍ଡପାଆନା ମାଣ୍ଡସିୟାଁ କାତା ଅଣ୍ଡପିମାଞ୍ଜି ।” ୩୪ ଏମ୍ବାଟିଏ ଜୀସୁ ତାନି ସୀସୁୟାଁ ତଲେ ଲକ୍‌ଣି ହାଟାନା ଏଲେଇଚେସି, “ଆମ୍ବାଆସି ନା ଜେଚ ଖାହାଲି ମନ କିନେସି, ଆତିହିଁ ଏଞ୍ଜାସି ଜାହାରାଲ୍ ପିସ୍‌ପେସି, ଇଞ୍ଜି ଏଞ୍ଜାସି ତାନି କୁସ ଡେକାନା ନା ଜେଚ ଖାପେସି । ୩୫ ଇଚିହିଁ ଆମ୍ବାଆସି ତାନି ଜୀସୁ ଗେଲ୍‌ପାଲି ମନ କିନେସି, ଏଞ୍ଜାସି ଏଦାଆଁ ହାଞ୍ଜି କିନେସି; ସାମା ଆମ୍ବାଆସି ନା ତାକି ଇଞ୍ଜି ନେହିଁ କାରୁତାକି ତାନି ଜୀସୁ ହୀନେସି, ଏଞ୍ଜାସି ଏଦାଆଁ ନୀଟ୍‌ନେସି । ୩୬ ଅଡ଼େ, ମାଣ୍ଡସି ଇ ଦାରୁତିତା ମାନାଣି ବାରେ ମେଡ଼ି କିହାନା ତାନି ଜୀସୁତି ହାଞ୍ଜି କିନେସି, ଆତିହିଁ ଏଞ୍ଜାଣାକି ଏନି ଲାବା? ୩୭ ଅଡ଼େ, ମାଣ୍ଡସି ତାନି ଜୀସୁତି ବାଦୁଲି ଏନାଆଁ ହୀହାଲି ଆତିନେସି? ୩୮ ଏଦାଆଁତାକି ଆମ୍ବାଆସି ଇ କାଲାଟି ଦାରି କିନାରି ଅଡ଼େ ପାପୁଗାଟି ଲକ୍‌କୁ ବିତ୍ରା ନାଢ୍ଫେ ଅଡ଼େ ନା ବଲୁ ତାକି ଲାଜା ଆନେସି, ମାଣ୍ଡସି ମୀରୁଏସି ଏଚିବେଲ୍ଲା ସୁଦୁ ଦୂରୁୟାଁ ତଲେ ତାନି ଆବାତି ଗାଞ୍ଜୁରମି ତଲେ ଖାନେସି, ଏଚିବେଲ୍ଲା ଏଞ୍ଜାସି ଜିକେଏ ଏଞ୍ଜାଣି କାତାତାକି ଲାଜା ଆନେସି ।”

**C** ଅଡ଼େ ଜୀସୁ ତାନି ସୀସୁଣି ଏଲେଇଚେସି, “ନୀନୁ ମିଢ୍ଫେ ସାତା ଖେସିମାଞ୍ଜାଲ୍, ଇମ୍ବାଆଁ ଏଚରଜାଣା ମାନେରି ମାହାପୁରୁତି ରାଜି ବାଡ଼୍‌ୟୁ ତଲେ ଖାନାଣି

ମେହୁଆ ପାତେକା ହୁଅନ୍ତି ।” ୨ ଯ ଦିନା ଡାୟୁ ଜୀସୁ ଖାର୍‌ଇ ପିତର, ଜାକୁବ  
 ଅଡେ ଜହନଇଁ ତାନିତଲେ ଏଟ୍‌କା କିହାନା ଏଞ୍ଜାରାଇଁ ର ପାତାଆଡି ହରୁତା  
 ଅଡେସି । । ୩ ଅଡେ ଏଞ୍ଜାସି ଏଞ୍ଜାରି ନକିତା ଅର ଖାଣା ଆଡେସି, ଏଞ୍ଜାଣି  
 ହିମ୍ବିରି ଇଲେକିଁ ଉଜେଡି ଆହାନା ହାରେକା ଦବ୍‌ଲା ଆଡେ, ଇ ଦାର୍‌ତିତା  
 ଆମ୍ବାଆସି ଏଲେତି ଦବ୍‌ଲା କିହାଲି ଆଡଅସି । ୪ ମସା ଅଡେ ଏଲିୟୁ  
 ଜୀସୁତଲେ ହାତାକାତା ଆହିମାତାଣି ତାନି ଜାଣା ସୀସୁୟାଁ ମେସ୍ତେରି । ୫  
 ଏମ୍ବାଟିଏ ପିତର ଜୀସୁଇଁ ଏଲେଇଡେସି, “ଏ ଗୁରୁ ମାର ଇ ଡାୟୁତା ମାନାୟି  
 ହାରେକା ନେହାୟି; ମାର ତାନିଗଟା ଗୁଡାୟାଁ କେପିନ, ନିଢ୍ଫେତାକି ରଣ୍ଡାଆଁ,  
 ମସାକି ରଣ୍ଡାଆଁ ଅଡେ ଏଲିୟୁକି ରଣ୍ଡାଆଁ ।” ୬ ପିତର ଏନାଆଁ ଜଲାଇ  
 ଆନେ ଇଞ୍ଜି ପୁଞ୍ଜା ହିଲାଆଡେସି, ଏନାଆଁତାକି ଇଚିହିଁ ଏଞ୍ଜାରି ହାରେକା  
 ଆଜାମାରେରି । ୭ ଇଞ୍ଜି, ଇଚାୟି ଦୁନ୍ଧା ଖାହାନା ଏଞ୍ଜାରାଇଁ ପିକ୍‌ହେ, ଅଡେ  
 ଏ ଦୁନ୍ଧାଟି ଇ ହାତା ଖାଡେ, “ଇଞ୍ଜାସି ନା ଜୀସୁତି ମାର୍‌ଏସି, ଇଞ୍ଜାଣି ବଲୁ  
 ଖେଞ୍ଜୁ ।” ୮ ଦେବୁଣିଏ ଏଞ୍ଜାରି ସାରିଞ୍ଜାକି ସିନିକିଡେରି, ତାମିତଲେ ଜୀସୁଇଁ  
 ପିସ୍‌ପେ ଆମ୍ବାଆରାଇଁ ମେହୁଆଡେରି । ୯ ଏଞ୍ଜାରି ହରୁଟି ରେତା ଖାହି  
 ମାତାଟି ଜୀସୁ ଏଞ୍ଜାରାଇଁ ଜାଣ୍ଡେ ହୁକୁମି ହାହାନା ଏଲେଇଡେସି, “ମୀରୁ  
 ଏନାଆଁ ମେସାମାଞ୍ଜେରି, ଏ ବାରେ ହାତାରି ବିତ୍ରାଟି ମାଣ୍‌ସି ମାର୍‌ଏସି ଖେଣ୍ଡେ  
 ନିଢ୍ଫୁଆ ପାତେକା ଆମ୍ବାଆରାଇଁ ଖେହୁଆରୁ ।” ୧୦ ଏମ୍ବାଟିଏ ଏଞ୍ଜାରି ଏ କାତା  
 ଆସାନା “ହାତାରି ବିତ୍ରାଟି ଖେଣ୍ଡେ ନିଢ୍ଫୁନାୟି ଏନାୟି?” ଏ କାତାଟି ତାମି  
 ବିତ୍ରା ଖେସ୍‌ପି ଆଡେରି । ୧୧ ଅଡେ ଏଞ୍ଜାରି ଜୀସୁଇଁ ଖେଚେରି, “ନକେଏ  
 ଏଲିୟୁ ଖାନାୟି ଆନେ, ମେରାପୁନାରି ଏନିକିଁ ଇ କାତା ଖେହୁନେରି?” ୧୨  
 ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଡେସି, “ଏଲିୟୁ ନକେଏ ଖାହାନା ବାରେ  
 ମେରା ଅଡେ ଖେଣ୍ଡେ ଇଚିନାୟି ସାତା, ସାମା ମାଣ୍‌ସି ମାର୍‌ଏସି ହାରେକା ଦୁକୁ  
 ବେଟାଆହାନା ଅପାଆଗାଟାସି ଆନେସି, ଇଦି ଏନିକିଁ ଏଞ୍ଜାଣି କାତା ରାସ୍‌କି  
 ଆହାମାନେ? ୧୩ ସାମା ନାନୁ ମିଢ୍ଫେ ଖେସିମାଞ୍ଜାଇଁ, ଏଲିୟୁ ଖାଡେସିଏ,  
 ଅଡେ ଏଞ୍ଜାଣି କାତା ଏନିକିଁ ରାସ୍‌କି ଆହାମାନେ, ଏଲେକିହିଁ ଏଞ୍ଜାରି ଏଞ୍ଜାଣାଇଁ  
 ଜିକେଏ ଏନାଆଁ ମନ ଏଦାଆଁ କିହାମାନେରି ।” ୧୪ ଡାୟୁ ଏଞ୍ଜାରି ସୀସୁୟାଁ  
 ତାଣା ଖାହାନା ମେସ୍ତେରି, ଏଞ୍ଜାରି ସାରିଞ୍ଜାକି ହାରେକା ମାନୁ ଲକୁ ଅଡେ  
 ମେରାପୁନାରି ଏଞ୍ଜାରିତଲେ ବାଦିବାଦା ଆହିମାନେରି । ୧୫ ଲକୁ ବାରେ  
 ଏଞ୍ଜାଣାଇଁ ମେସ୍‌ପନିଏ ହାରେକା କାବାଆହାନା ଅଡେ ଦାବ୍‌ଡି ଖାହାନା ଜହରା

କିତେରି । ୧୭ ଏମ୍ବାଟିଏ ଜୀସୁ ଏଞ୍ଜରାଲ୍ ଖେରେସି, “ମୀରୁ ଏଞ୍ଜରିତଲେ  
 ଏନାଆଁତାକି ବାଦିବାଦା ଆହିମାଞ୍ଜେରି?” ୧୭ ଲକୁ ବିତ୍ରାଟି ରଅସି ଏଞ୍ଜାଣାଲ୍  
 ଏଲେଇରେସି, “ଏ ଗୁରୁ, ନାନୁ ନା ମୀରୁଏଣାଲ୍ ନା ଡାଣା ତାତାମାରେଏ;  
 ଏଞ୍ଜାଣାଲ୍ ର ଗୁଲ୍ଲା ବୁତୁ ଆଲ୍‌ଗାମାନେ । ୧୮ ଏମିନି ଟାୟୁତା ଏଦି ଏଞ୍ଜାଣାଲ୍  
 ଆହୁନେ, ଏଞ୍ଜାଣାଲ୍ ଡକ୍ ଡକ୍‌ନେ, ଇଞ୍ଜି ଏଞ୍ଜାଣି ଗୁଡିଟି ପମ୍‌ଲି ହୁନେ, ଅଡେ  
 ଏଦି ପାଲ୍‌କା ଟାଟି କିନେ, ଇଞ୍ଜି ଏଞ୍ଜାସି ଖାୟୁହାଜି ମାନେସି; ଏଞ୍ଜାଣାଲ୍ ପିସ୍‌ପି  
 କିହାଲି ନାନୁ ନା ସୀୟୁୟାଲ୍ ଏଲେଇରେଏ, ସାମା ଏଞ୍ଜାରି ଆତାଆତେରି ।”  
 ୧୯ ଜୀସୁ ଏଞ୍ଜରାଲ୍ ଏଲେଇରେସି, “ଆଡେ ନାମାଆଗାଟି କୁଡ଼ାତାତେରି,  
 ଏତରଦିନା ନାନୁ ମୀ ତଲେ ଡୟିଲ୍? ଏତରଦିନା ମୀ ଲେମ୍‌ନାଣି ଅରୁହିଲ୍?  
 କକାଣାଲ୍ ନା ଡାଣା ତାତୁ ।” ୨୦ ଏମ୍ବାଟିଏ ଏଞ୍ଜାଣାଲ୍ ଜୀସୁ ଡାଣା ତାତେରି  
 । ଅଡେ, ଜୀସୁଲ୍ ମେସ୍‌ପନିଏ ଏ ବୁତୁ ଏଞ୍ଜାଣାଲ୍ ହାରେକା ତିରୁଞ୍ଜି କିତେ  
 ଇଞ୍ଜି ବୁମିତା ତରଗାନା ଗୁଡିଟି ପମ୍‌ଲି ହୁପ୍‌ହାନା ଉସାଲି ମାଟ୍‌ହେସି । ୨୧  
 ଏଡିବେଲ୍ଲା ଜୀସୁ ତାନି ଆବାଲ୍ ଖେରେସି, “ଏତରଦିନା ଆତେ ଇଞ୍ଜାଣାଲ୍  
 ଇଲେ କିହିମାନେ?” ଏଞ୍ଜାସି ଏଲେଇରେସି, “ଉଣା ଖେଡ଼ାଟିଏ ୨୨ ଏଦି  
 ଏଞ୍ଜାଣାଲ୍ ହାଞ୍ଜି କିହାଲି ଏତେ ଏତେତା ହିରୁତା ଅଡେ ଏୟୁଣା ମେଡ଼ହାମାନେ;  
 ସାମା ନାନୁ ଏନାଆଁ କିହାଲି ଆଡିଟି, ମାଡେ କାର୍ମା ଆହାନା ମା ସାୟେମି  
 ଆୟାମ୍‌ ।” ୨୩ ଏମ୍ବାଟିଏ ଜୀସୁ ଏଞ୍ଜାଣାଲ୍ ଏଲେଇରେସି, “ଏନାଆଁ ଇଡି?  
 ଇଡିହି କିହାଲି ଆଡିଟି! ଆମ୍ବାଆସି ନାମିନେସି ଏଞ୍ଜାଣାକି ବାରେଏ ଆନେ ।”  
 ୨୪ ଏ ଦେବୁଣିଏ କକାଣି ତାନି ଆବା କାଜା ଗିୟୁତଲେ ଏଲେଇରେସି, “ନାନୁ  
 ନାମିମାଲ୍ ନା ନାମାଆଗାଟାଣି ଗୁଡି କିହାଲି ସାୟେମି କିୟାମ୍‌ ।” ୨୫ ଡାୟୁ  
 ମାନ୍‌ ଲକୁ ରହେଏ ହଡିହିଁ ଖାହି ମାତାଣି ମେସାନା, ଜୀସୁ ଏ ପଲ୍‌ଆ ବୁତୁଡି  
 ଦାକା ହୀହାନା ଏଲେଇରେସି, “ଆଡେ ଗୁଲ୍ଲା ଅଡେ ବେରା ବୁତୁଡି, ନାନୁ  
 ନିଡେ ହୁକୁମି ହୀହିମାଞ୍ଜାଲ୍, ଇଞ୍ଜାଣି ଡାଣାଟି ହତାହାଲ୍ଲାମ୍‌, ଇଞ୍ଜି ଏତେଲ୍ଲା  
 ଜିକେଏ ଇଞ୍ଜାଣି ଡାଣା ହଡ୍‌ଆନି ।” ୨୬ ଏମ୍ବାଟିଏ ଏଦି ହାରେକା କିରୁଡିହିଁ  
 କକାଣାଲ୍ ତିରୁଞ୍ଜି କିହାନା ବୁମିତା ଡକ୍‌ହାନା ହତାହାତେ, ଅଡେ କକାସି  
 ହାଡିଲେହେଁ ଆତେସି, ଇଲେକିହିଁ ହାରେକା ଲକୁ ଏଲେଇଞ୍ଜିମାରେରି, “କକାସି  
 ହାତେସି ।” ୨୭ ସାମା ଜୀସୁ ଏଞ୍ଜାଣି କେୟୁ ଆସାନା ନିକ୍‌ହେସି, ଇଞ୍ଜି ଏଞ୍ଜାସି  
 ନିତେସି । ୨୮ ଇଞ୍ଜି ଜୀସୁ ଇଜ ଖାହାଲିଏ ତାନି ସୀୟୁୟା ମେଶେଏ ଖେରେରି,  
 “ମାମ୍‌ ଏନାଆଁତାକି ଏଞ୍ଜାଣାଲ୍ ପିସ୍‌ପି କିହାଲି ଆତାଆତମି?” ୨୯ ଜୀସୁ

ଏଖାରାଇଁ ଏଲେଇଚେସି, “ପ୍ରାଚୀନା କିଆନା ଅଡ଼େ ଏନିକିଁ ଜିକେଏ ଇଲେତି  
 ବୁଡୁ ପେରହାଲି ଆତାଆୟି ।” ୩୦ ଏଖାରି ଏ ଚାୟୁଟି ହାଜାନା ଗାଲିଲି ମାଦିଟି  
 ହାଚେରି, ଇଞ୍ଜି ଆମ୍ବାଆସି ପୁନାଆପେସି ଇଞ୍ଜି ଏଖାଣି ମନ ହିଲାଆତେ; ୩୧  
 ଇଚିହିଁ ଜୀସୁ ତାନି ସୀସୁୟାଣି ଇ କାତା ଖେସିହିଁ ଜାପହି ମାଚେସି, “ମାଣ୍ଡସି  
 ମୀରୁଏସି ମାଣ୍ଡସିୟାଁ କେୟୁତା ହେରପିଆନେସି, ଅଡ଼େ ଏଖାରି ଏଖାଣାଇଁ  
 ପାୟିନେରି, ଇଞ୍ଜି ଏଖାସି ହାତି ଡାୟୁ ତାନିଦିନା ଜେଚ ଖେଣ୍ଡେ ନିଢ଼ିନେସି ।”  
 ୩୨ ସାମା ଏଖାରି ଏ କାତାଚି ଡେଲହାଆଚେରି, ସାମା ଏଖାଣାଇଁ ଖେଞ୍ଜାଲି  
 ଆଜିମାଚେରି । ୩୩ ଡାୟୁ ଏଖାରି କପରନାହୁମତା ଖାଚେରି । ଜୀସୁ ଇଜ  
 ଏଜାନା ସୀସୁୟାଣି ଖେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି?”  
 ୩୪ ସାମା ଏଖାରି ହାତା ଆଆନା ପାଲେଏ ଡୟିଚେରି, ଇଚିହିଁ ଆମ୍ବାଆସି  
 କାଜାସି ଇ କାତା ଆସାନା ଜିରୁତା କାତା ଆହିମାଚେରି । ୩୫ ଏମ୍ବାଟିଏ  
 ଜୀସୁ କୁଗାନା ବାର ଜାଣାଇଁ ହାଟିଚେସି ଇଞ୍ଜି ଏଖାରାଇଁ ଏଲେଇଚେସି,  
 “ଇଚିହିଁ ଆମ୍ବାଆସି କାଜାସି ଆହାଲି ମନ କିନେସି, ଆତିହିଁ ଏଖାସି ବାରେତି  
 କିହାଁ ଉଣା ଅଡ଼େ ବାରେତି ସେବା କିନାସି ଆପେସି ।” ୩୬ ଅଡ଼େ ଏଖାସି ର  
 ଉଣା କକାଣାଇଁ ଅହାନା ଏଖାରି ମାଦି ନିପହେସି ଇଞ୍ଜି ଏଖାଣାଇଁ ପମାନା  
 ଏଖାରାଇଁ ଏଲେଇଚେସି, ୩୭ “ଆମ୍ବାଆସି ନା ଦରୁ ତାକି ଇଲେତି ଉଣା  
 କକାରି ବିତ୍ରାଟି ରଅଣାଇଁ ଆବିନେସି, ଏଖାସି ନାଢ଼େ ଆବାନେସି; ଅଡ଼େ  
 ଆମ୍ବାଆସି ନାଢ଼େ ଆବାନେସି, ଏଖାସି ଖାରୁଇ ନାଢ଼େ ଆବଅସି, ସାମା ନାଢ଼େ  
 ପାଣ୍ଡାତାଣାଇଁ ଜିକେଏ ଆବିନେସି ।” ୩୮ ଜହନ ଏଖାଣାଇଁ ଏଲେଇଚେସି, “ଏ  
 ଗୁରୁ ମା ଗଚିତା ହିଲାଆଗାଟାସି ରଅସି ନା ଦରୁତଲେ ବୁଡୁଣି ପେରହି ମାଚାଣି  
 ମେସୁମି, ଇଞ୍ଜି ଏଖାସି ମା ଗଚିତା ହିଲାଆତାକି ଏଖାଣାଇଁ କାହିକିତମି ।” ୩୯  
 ସାମା ଜୀସୁ ଏଲେଇଚେସି, “ଏଖାଣାଇଁ କାହିକିଆଦୁ: ଇଚିହିଁ ନା ଦରୁତଲେ  
 କାବାଆନି କାମା କିହାନା ଖେଣ୍ଡେ ନାଢ଼େ ନିନ୍ଦା କିୟାନେସି, ଇଲେତି ଲକୁ  
 ଆମ୍ବାଆସି ହିଲଅସି; ୪୦ ଇଚିହିଁ ଆମ୍ବାଆସି ମା କପାଟି ନିଢ଼ାଆ ଗାଟାସି ଏଖାସି  
 ମା ତଲେଚାସି । ୪୧ ନାନୁ ମିଢ଼େ ସାତା ଖେସିମାଞ୍ଜାଇଁ, ମୀରୁ କ୍ରୀସ୍ତୁଟି ଲକୁ  
 ଇଞ୍ଜି ଆମ୍ବାଆସି ଜିକେଏ ମିଢ଼େ ଜାଚେକା ଏୟୁ ଗସାଲି ହିୟାନେସି, ଏଖାସି  
 ଏନିଜିକେଏ ତାନି ଦାନାତି ଜାକଅସି ।” ୪୨ ଅଡ଼େ ଆମ୍ବାଆସି ନାମାମାନି  
 ଇ ଉଣାୟାଁ ବିତ୍ରାଟି ରଅଣାଇଁ ପାପୁ କିଞ୍ଜି କିନେସି, ଏଖାଣି ହେରକିତା କାଜା  
 ଜେତାଖାଲି ଦସାନା ଏଖାଣାଇଁ ସାମ୍ବୁରିତା ମେଡ଼ହିଁ ନେହେଁ ଆଚେମା । ୪୩

ମୀ କେୟୁ ମିଢ଼େ ପାପୁ କିଞ୍ଚିକିୟାନେ, ଇଚିହିଁ ଏଦାଆଁ ଜାତାନା କୁତାଦୁ: ରୀ କେୟା ମାଞ୍ଜାନା ନର୍ଚ୍ଚ ଇଚିହିଁ ତୁମ୍ପାଆଗାଟି ହିରୁ ଗାଡ଼୍‌ୟୁତା ମେଡ଼୍‌ପି ଆନି ବାଟା କଲା ଆହାନା ଜୀଞ୍ଜୁତା ହଡ଼ନାୟି ମିଢ଼େ ତାକି ନେହେଁ । (Geenna g1067)

୪୪ ଇଚିହିଁ ନର୍ଚ୍ଚତା ଏମ୍ପାଟି ପିଡ଼୍‌କା ଏଚେଲା ହାଉ, ଅଡ଼େ ହିରୁ ଏଚେଲା ତୁମ୍ପେଏ । ୪୫ ଅଡ଼େ ମୀ କତା ମିଢ଼େ ପାପୁ କିଞ୍ଚିକିୟାନେ, ଏଦାଣି ରାଡ଼୍‌ହା କୁତାଦୁ, ରୀ କତାୟି ନେହେଁ ମାଞ୍ଜାନା ନର୍ଚ୍ଚତା ମେଡ଼୍‌ପି ଆନି ବାଟା ସଟା ଆହାନା ଜୀଞ୍ଜୁତା ହଡ଼ନାୟି ମିଢ଼େ ତାକି ନେହେଁ । (Geenna g1067) ୪୬

ଇଚିହିଁ ନର୍ଚ୍ଚତା ଏମ୍ପାଟି ପିଡ଼୍‌କା ଏଚେଲା ହାଉ, ଅଡ଼େ ହିରୁ ଏଚେଲା ତୁମ୍ପେଏ । ୪୭ ଇଞ୍ଜିଁ ମୀ କାନୁ ମିଢ଼େ ପାପୁ କିଞ୍ଚିକିୟାନେ ଇଚିହିଁ ଏଦାନି ଡ଼େଖା କୁତାଦୁ, ରୀ କାଶ୍‌କା ନେହେଁ ମାଞ୍ଜାନା ନର୍ଚ୍ଚତା ମେଡ଼୍‌ପି ଆନି କିହିଁ ର କାନୁ ତଲେ ମାହାପୁରୁ ରାଜିତା ହଡ଼ନାୟି ମିଢ଼େ ତାକି ନେହେଁ । (Geenna g1067) ୪୮

ଇଚିହିଁ ନର୍ଚ୍ଚତା ଏମ୍ପାଟି ପିଡ଼୍‌କା ଏଚେଲା ହାଉ, ଅଡ଼େ ହିରୁ ଏଚେଲା ତୁମ୍ପେଏ । ୪୯ “ହାରୁ ତଲେ ଏନିକିଁ ପୁଜା ହୀନାୟି ସୁନୁ ଆନେ, ଏଲେକିହିଁଏ ହିରୁତଲେ ବାରେ ସୁଦୁ କିଞ୍ଚିଆନେ ।” ୫୦ “ହାରୁ ନେହାୟି, ସାମା ହାରୁ ମୁଆସାରେ ଆତିହିଁ ଏନିକିଁ ମୁପି କିନାୟି ଆନେ? ମୀରୁ ମୀ ତାଣା ହାରୁ ଲେହେଁ ଆଦୁ, ଅଡ଼େ ରଅତେରି ରଅଶାକି ହିଡ଼ି ଜୀଞ୍ଜୁତଲେ ନେହିଁ ଆହିଁ ଡ଼ୟାଦୁ ।”

୧୦ ଏ ଗାୟୁଟି ଜୀସୁ ହାଜାନା ଜୀହୁଦା ରାଜିତି ହାନି ଅଡ଼େ ଜର୍ଦନ କାତା ଆତାଲାଞ୍ଜାକି ଖାତେସି; ଇଞ୍ଜିଁ ଲକୁ ଅଡ଼େ ଖେଣ୍ଡେ ଏଞ୍ଜାଣି ତାଣା ରୁଣ୍ଡା ଆହାଲିଏ, ଏଞ୍ଜାସି ତାନି ମେରା ଲେହେଁ ଏଞ୍ଜାରାଇଁ ଅଡ଼େ ଜାପୁହାଲି ମାଡ଼୍‌ହେସି । ୧ ଏମ୍ପାଟିଏ ପାରୁସିୟାଁ ଏଞ୍ଜାଣି ତାଣା ଖାହାନା ଏଞ୍ଜାଣାଇଁ ତାୟିପାରିକିହିଁ ଖେଚେରି, “ଜାହାରା ତକ୍‌କିନି ପିସାଲି ଆବାୟିକି ମେରା କି?” ୩ ଜୀସୁ ଏଞ୍ଜାରାଇଁ ଏଲେଇଚେସି, “ମସା ମିଢ଼େ ଏନି ହୁକୁମି ହୀହାମାଞ୍ଜାନେସି?” ୪ ଏଞ୍ଜାରି ଏଲେଇଚେରି, “ପିହିନି ଆକୁ ରାତାନା ତକ୍‌କିନି ପିସାଲି ମସା ହେଲ ହୀହାମାଞ୍ଜାନେସି ।” ୫ ଏମ୍ପାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମୀ ଆଡ଼୍‌ଞ୍ଜା ହିୟିତି ମେସାନା ଏଞ୍ଜାସି ମିଢ଼େତାକି ଇ ହୁକୁମି ରାତାମାନେସି । ୬ ସାମା ମାଶ୍‌ସି ଗାଡ଼ି ଆଡି ବେଲାଟିଏ ଏଞ୍ଜାସି ଏଞ୍ଜାରାଇଁ ଇୟା ଅଡ଼େ ଆବା କିହିଁ ମାହାପୁରୁ ଗାଡ଼ିକିଚେସି । ୭ ଏଦାଆଁତାକି ଆବା ତାଲି ତାଞ୍ଜିଇଁ ପିହିନେସି, ଇଞ୍ଜିଁ ତାନି ତକ୍‌କି ତଲେ ଆଣ୍ଡିନେସି, ୮ ଇଞ୍ଜିଁ ଏଞ୍ଜାରି ରିଆରି ଆଏ, ସାମା ରଣ୍ଡିଏ ଆଡ୍‌ଆ ଆନେରି । ୯ ଇଞ୍ଜିଁ ମାହାପୁରୁ ଏନାଆଁ ଆଣ୍ଡି କିହାମାନେସି, ମାଶ୍‌ସି

ଏଦାଆଁ ଏଟ୍‌କା କିଆପେସି ।” ୧୦ ଡାୟୁ ସୀସୁୟାଁ ଇଜ ଇ କାତାତି ଜୀସୁଇଁ  
ଅଡ଼େ ଖେଣ୍ଡେ ଖେରେରି । ୧୧ ଏମ୍ପାଟିଏ ଜୀସୁ ଏଝାରାଇଁ ଏଲେଇରେସି,  
“ଆମ୍ପାଆସି ତାନି ତକ୍ରିନି ପିସାନା ଏଟ୍‌କାତାଣି ବୀହା ଆନେସି, ଏଝାସି ତଲିତି  
ତକ୍ରିନି କ୍‌ପାଟି ଦାରିକାମା କିନେସି । ୧୨ ଅଡ଼େ ତକ୍ରି ତାନି ତକ୍ରିଇଁ ପିସାନା  
ଏଟ୍‌କାତାଣାଇଁ ବୀହା ଆନେ, ଆତିହୁଁ ଏଦି ଦାରିକାମା କିନେ ।” ୧୩ ଏଝାସି  
ଏନିକିଁ କକାରି ପୁଦାଁଣି ତାଣିନେସି, ଏଦାଆଁତାକି ଲକ୍‌କୁ ଏଝାରାଇଁ ଜୀସୁ ତାଣା  
ତାତାଲି ମାଟ୍‌ହେରି; ସାମା ସୀସୁୟାଁ ଏଝାରାଇଁ ଦାକା ହୀତେରି । ୧୪ ଜୀସୁ  
ଏଦାଆଁ ମେସାଁ କାର୍‌ବି ଆହାନା ଏଝାରାଇଁ ଏଲେଇରେସି, “କକାରି ପୁଦାଁଣି  
ନା ତାଣା ଝାହାଲି ହୀଦୁ, ଏଝାରାଇଁ ଆଂଗାଆଦୁ: ଇତିହୁଁ ମାହାପୁରୁତି ରାଜି  
ଇଲେତି ଲକ୍‌କୁତାୟି । ୧୫ ନାନୁ ମିଟ୍‌ସାତା ଖେସିମାଞ୍ଜାଇଁ, ଆମ୍ପାଆସି କକାରି  
ପୁଦାୟାଁ ଲେହେଁ ମାହାପୁରୁତି ରାଜି ଆବଅସି, ଏଝାସି ଏନିଜିକେଏ ଏମ୍ପାଆଁ  
ହୁତାଲି ଆତଅସି ।” ୧୬ ଇଞ୍ଜାଁ ଏଝାସି ଏଝାରାଇଁ କତାଣା ଜୁଟ୍‌ନା ଏଝାରି  
ଲାକ କେୟୁ ଇଟାନା ବର ହୀତେସି । ୧୭ ଜୀସୁ ଅଡ଼େ ଖେଣ୍ଡେ ହାଜିମାତାଟି  
ରଅସି ଦାବ୍‌ଡ଼ି ଝାହାନା ଏଝାଣି ନକିତା ମେଣ୍ଡାକୁତାନା ଏଝାଣାଇଁ ଖେରେସି, “ଏ  
ନେହୁଁ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ?” (aiōnios  
g166) ୧୮ ଏମ୍ପାଟିଏ ଜୀସୁ ଏଝାଣାଇଁ ଏଲେଇରେସି, “ନାଟ୍‌ଲେ ନେହୁଁତି ଇଞ୍ଜାଁ  
ଏନାଆଁତାକି ଏଲେଇଞ୍ଜାଁ ମାଞ୍ଜାଦି? ରଅଣି ପିସପେ ଇତିହୁଁ ମାହାପୁରୁ ପିସପେ  
ଅଡ଼େ ଆମ୍ପାଆସି ନେହୁଁସି ହିଲଅସି । ୧୯ ନାନୁ ସାସ୍ତେରିତି ବାରେ ହୁକୁମିକା  
ପୁଞ୍ଜାମାଞ୍ଜା, ଲକ୍‌କୁଣି ପାୟାଆଦୁ, ଦାରିକାମା କିଆଦୁ, ସରୁ କିଆଦୁ, ମିତି ସାକି  
ଜଲିଆଦୁ, ଲକ୍‌କୁଣି ନାଡ଼ି କିଆଦୁ, ଇଞ୍ଜାଁ ତାଲି ତାଞ୍ଜାଇଁ ଜୀସୁନଦୁ ।” ୨୦ ଏଝାସି  
ଏଝାଣାଇଁ ଏଲେଇରେସି, “ଏ ଗୁରୁ ଇ ବାରେ ନାନୁ ଉଣା ଡ଼େଡ଼ାଟିଏ ମାନଝି  
ଆହିମାଇଁ ।” ୨୧ ଜୀସୁ ଏଝାଣାଇଁ ତାରେ ସିନିକିହୁଁ ଜୀସୁ ନଡ଼େସି ଇଞ୍ଜାଁ  
ଏଲେଇରେସି, “ନାନୁ ର କାମାତା ଉଣା ମାଞ୍ଜା, ନାନୁ ହାଜାନା ନୀ ଦନ ବାରେ  
ପାର୍‌ଚାନାହୁଁ ହିଲାଆ ଗାଟାରାକି ଦାନା ହୀମ୍ପୁ, ଅଡ଼େ ନା ଜେଚ ଝାମ୍ପୁ, ଇଞ୍ଜାଁ  
ନାନୁ ଲାକପୁରୁ ଦନ ବେଟାଆଦି ।” ୨୨ ସାମା ଇ କାତାତା ଏଝାଣି ମୁମ୍ପୁ  
ହାପ୍‌ଲି ଆହାହାରେ, ଇଞ୍ଜାଁ ଏଝାସି ଦୁକୁ ଆହାନା ହାରେସି, ଇତିହୁଁ ଏଝାଣାକି  
ହାରେକା ଦନ ମାଟେ । ୨୩ ଏମ୍ପାଟିଏ ଜୀସୁ ସାରିଝାକି ସିନିକିହାନା ତାନି  
ସୀସୁୟାଁଣି ଏଲେଇରେସି, “ଦନ ଗାଟାରି ହାରେକା କସ୍ତଲେ ମାହାପୁରୁ  
ରାଜିତା ହୁଡ଼ନେରି ।” ୨୪ ଏଝାଣି କାତା ଖେଞ୍ଜାନା ସୀସୁୟାଁ କାବା ଆତେରି,

ସାମା ଜୀସୁ ଅଡ଼େ ଖେଣ୍ଡେ ଏଞ୍ଜରାଲ୍ ଏଲେଇଚେସି, “ଆଡ଼େ କକାଚେରି  
 ମାହାପୁରୁ ରାଜିତା ହୁଡ଼ନାୟି ହାରେକା କସ୍ତ । ୨୫ ମାହାପୁରୁତି ରାଜିତା  
 ଦନ ଗାଟାରି ହୁଡ଼ନି କିହ୍ନା ସୁଜା କାଣିଟି ଉରୁ ହୁଡ଼ନାୟି ଉସାସା ।” ୨୬  
 ଏମ୍ବାଟିଏ ଏଞ୍ଜରି ହାରେକା କାବାଆହାନା ତାମୁ ତାମୁଏ କାତା ଆଚେରି,  
 “ଆତିହ୍ନି ଆମ୍ବାଆସି ଗେଲ୍ପି ଆହାଲି ଆତିନେସି?” ୨୭ ଜୀସୁ ଏଞ୍ଜରାଲ୍  
 ତୀରିତଲେ ସିନିକିହାନା ଏଲେଇଚେସି, “ଇଦି ମାଣ୍ଡିକି ଆତାଆଗାଟାୟି,  
 ସାମା ମାହାପୁରୁକି ଆଏ; ଇତିହ୍ନି ମାହାପୁରୁ ବାରେ କିହାଲି ଆତିନେସି ।” ୨୮  
 ପିତର ଏଞ୍ଜରାଲ୍ ଏଲେଇଚେସି, “ମେହ୍ତୁ ମାମୁ ବାରେ ପିସାନା ନୀ ଜେତ  
 ଖାହାମାନମି ।” ୨୯ ଜୀସୁ ଏଲେଇଚେସି, “ନାନୁ ମିଡ୍ଡେ ସାତା ଖେସିମାଞ୍ଜାଲ୍,  
 ଆମିନି ଲକ୍ତୁ ନା ନେହ୍ନି କାରୁତାକି ଇଲୁ କି ତାୟିକି ତାଡ୍ଡି କି ତାଲି, ତାଞ୍ଜି,  
 କକାରି ପଦାଣି କି ବୁମି ବାଡ଼ା ପିସାମାନେରି, ୩୦ ଅଡ଼େ ଇ କାଲାତା କସ୍ତ  
 ବେଟାଆହ୍ନି, ଖାଞ୍ଜା ଗୁଣ୍ଡୁତି ଇଲ୍ଲକା, ତାୟି, ତାଡ୍ଡି, ତାଲି ତାଞ୍ଜି, କକାରି ପଦାୟି  
 ଅଡ଼େ ବୁମି ବାଡ଼ା, ଇଞ୍ଜି ଖାନି ଜୁଗୁତା କାଲାକାଲାତି ଜୀସୁ ବେଟାଆସି,  
 ଇଲେତି ଲକ୍ତୁ ଆମ୍ବାଆସି ହିଲଅସି । (aiōn g165, aiōnios g166) ୩୧ ସାମା  
 ନକିତା ମାନି ହାରେକା ଲକ୍ତୁ ତାୟି ଆନେରି, ଇଞ୍ଜି ତାୟି ମାନି ହାରେକା ଲକ୍ତୁ  
 ନକିନେରି ।” ୩୨ ଏଞ୍ଜରି ଜିରୁସାଲମତା ହାଜିମାଟାଟି ଜିରୁତା ମାଚେରି ଇଞ୍ଜି  
 ଜୀସୁ ଏଞ୍ଜରି ନକି ନକିତା ହାଜିମାଚେସି, ଅଡ଼େ ଏଞ୍ଜରି କାବାଆହାନା ତାୟି  
 ଖାହିମାନି ଲକ୍ତୁ ଆଜାମାଚେରି, ଇଞ୍ଜି ଏଞ୍ଜସି ଖେଣ୍ଡେ ବାରଜାଣାତି ଏଟ୍ଟକା  
 କିହାନା ତାଡ୍ଡେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଞ୍ଜରାଲ୍  
 ଖେସାଲି ମାଟ୍ଟହେସି । ୩୩ ଜୀସୁ ଏଲେଇଚେସି, “ମେହ୍ତୁ ମାର ଜିରୁସାଲମତା  
 ହାଜିମାନାୟି; ମାଣ୍ଡିସି ମାର୍ଏସି କାଜା ପୁଜେରାଞ୍ଜା ଅଡ଼େ ମେରାପୁନାରି  
 କେୟୁତା ହେର୍ପିଆନେସି, ଅଡ଼େ ଏଞ୍ଜରି ଏଞ୍ଜରାଲ୍ ହାନି ତଣ୍ଡୁ ହାହାନା  
 ଏଟ୍ଟକା କୁଡ଼ାତାରି କେୟୁତା ହେର୍ପିନେରି, ୩୪ ଇଞ୍ଜି ଏଞ୍ଜରି ଏଞ୍ଜରାଲ୍ କିଜଞ୍ଜି  
 କିନେରି, ଏଞ୍ଜାଣିଲକା ହୁପିନେରି, ଏଞ୍ଜରାଲ୍ ସାଟ୍ଟି ତଲେ ଖେନେରି, ଇଞ୍ଜି  
 ପାୟିନେରି, ଅଡ଼େ ତାନି ଦିନାଟିଏ ଖେଣ୍ଡେ ନିଡ୍ଡିନେସି ।” ୩୫ ତାୟି ଜେବଦି  
 ମାର୍କା ଜାକୁବ ଅଡ଼େ ଜହନ ଜୀସୁ ତାଣା ଖାହାନା ଏଲେଇଚେରି, “ଏ ଗୁରୁ  
 ମା ଅଣ୍ଡୁ ମାମୁ ନୀ ତାଣାଟି ଏନାଆଁ ରୀହ୍ନମି ଏଦାଆଁ ମା ତାକି ନାନୁ  
 କିମୁ ।” ୩୬ ଇଞ୍ଜି ଜୀସୁ ଏଞ୍ଜରାଲ୍ ଖେଚେସି, “ନାନୁ ମୀ ତାକି ଏନାଆଁ କିଲ୍  
 ଇଞ୍ଜି ମୀରୁ ଅଣ୍ଡିମାଞ୍ଜେରି?” ୩୭ ଏଞ୍ଜରି ଏଞ୍ଜରାଲ୍ ଏଲେଇଚେରି, “ନାନୁ



ଗାଝୁରମିଗାଟି ରାଜିତା କୁଗିସାରେ ଏନିକିଁ ମା ବିତ୍ରାଟି ରଅତମି ନୀ ଚିଃନି ଟଟ  
 ଅଡ଼େ ରଅତମି ନୀ ଟେବ୍ରି ଟଟ କୁଗିନମି ଇ ବର ମାଡ଼େ ହିୟାମୁ ।” ୩୮  
 ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ  
 ପୁଞ୍ଜୁହିଲଅତେରି । ନାନୁ ଆମିନି ସଲୀତା ଗସିମାଇଁ, ଏମ୍ପାଆଁ ମୀରୁ ଗସାଲି  
 ଆଡିଦେରି? ଇଞ୍ଜିଁ ନାନୁ ଆମିନି ବାପ୍ତିସ୍ତା ବାପ୍ତିସ୍ତ ଅହିମାଇଁ ଏମ୍ପାଆଁ ମୀରୁ  
 ବାପ୍ତିସ୍ତ ଆହାଲି ଆଡିଦେରି?” ୩୯ ଏଞ୍ଜାରି ଏଲେଇଚେରି, “ଆଡିନମି ।” ଜୀସୁ  
 ଏଞ୍ଜାରାଇଁ ଏଲେଇଚେସି, “ନାନୁ ଆମିନି ସଲୀତା ଗସିମାଇଁ ଏମ୍ପାଆଁ ଗସାଲି  
 ଆଡିଦେରି, ଇଞ୍ଜିଁ ନାନୁ ଆମିନି ବାପ୍ତିସ୍ତା ବାପ୍ତିସ୍ତ ଅହିମାଇଁ ମୀରୁ ଏମ୍ପାଆଁ  
 ବାପ୍ତିସ୍ତ ଆଦେରି; ୪୦ ସାମା ନା ଚିଃନି ଅଡ଼େ ଟେବ୍ରିଞ୍ଜାକି କୁଗାଲି ହୀହାଲି  
 ନା ଅଦିକାରାଟି କାତା ଆଏ, ଆମ୍ପାଆରାକି ମାହାପୁରୁ ଟାୟୁ କେପାମାନେସି  
 ଏଞ୍ଜାରି କୁଗିନେରି ।” ୪୧ ଏଟ୍‌କାଟି ଦସ ଜାଣା ଇଦାଆଁ ଖେଞ୍ଜାନା ଜାକୁବ  
 ଅଡ଼େ ଜହନଇଁ କାର୍‌ବି ଆହାଲି ମାଟ୍‌ହେରି । ୪୨ ଏମ୍ପାଟିଏ ଜୀସୁ ଏଞ୍ଜାରାଇଁ  
 ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଟ୍‌କା କୂଡ଼ାଟି ସାଲଞ୍ଜି  
 କିନାରି ଲେହେଁ ଆହାମାନେରି, ଏଞ୍ଜାରି ଲାକ ସାଲଞ୍ଜି କିନେରି, ଅଡ଼େ ଏଞ୍ଜାରି  
 କାଜାପାଣା ଗାଟାରି ଏଞ୍ଜାରି ମୁହେଁ ସାଲଞ୍ଜି କିନେରି, ଇଦାଆଁ ମୀରୁ ପୁଞ୍ଜୁ । ୪୩  
 ସାମା ମୀ ବିତ୍ରା ଏଲେକିହିଁ ଆଏ; ସାମା ମୀ ବିତ୍ରା ଆମ୍ପାଆସି କାଜାସି ଆହାଲି  
 ମନ କିନେସି, ଏଞ୍ଜାସି ମୀ ସେବା କିପେସି, ୪୪ ଅଡ଼େ ମୀ ବିତ୍ରା ଆମ୍ପାଆସି  
 କାଜାସି ଆହାଲି ମନ କିନେସି, ଏଞ୍ଜାସି ବାରେଟି ହ୍‌ଲେଏସି ଆପେସି । ୪୫  
 ଇଡିହିଁ ମାଣ୍‌ସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା  
 ସେବା କିହାଲି ଇଞ୍ଜିଁ ହାରେକା ଲକୁଣି ପାପୁଟି ପିସ୍‌ପି କିହାଲିତାକି ତାନି ଜୀଝୁ  
 ହୀହାଲି ଖାହାମାନେସି ।” ୪୬ ଡାୟୁ ଏଞ୍ଜାରି ଜିରିହତା ଏଗାତେରି, ଅଡ଼େ  
 ଏଞ୍ଜାସି ତାନି ସୀସୁୟାଁ ଇଞ୍ଜିଁ ମାନୁ ଲକୁତଲେ ଜିରିହଟି ହାଜିମାନି ବେଲୀତା  
 ଟିମାୟ ମୀରୁଏସି ବାଟିମୟ ଦରୁଗାଟି ର କାଣା, ରୀସ୍‌ପାଲି ଜିରୁ ଦାରିତା  
 କୁଗାମାରେସି । ୪୭ ଏଞ୍ଜାସି ନାଜରିତତି ଜୀସୁ, ଇମ୍ପାଟି ହାଜିମାନେସି ଇଞ୍ଜିଁ  
 ଖେଞ୍ଜାନା ଏଞ୍ଜାସି କାଜା ଗିୟାଁତଲେ ଏଲେଇଚେସି, “ଏ ଦାଝୁଦ ମୀରୁଏଶାଟି  
 ଜୀସୁ ନାଡ଼େ କାର୍‌ମା ମେସ୍ତାମୁ ।” ୪୮ ଏମ୍ପାଟିଏ ହାରେକା ଲକୁ ଏଞ୍ଜାଶାଇଁ  
 ପାଲେଏ ଆହାଲି ଦାକା ହୀତେରି, ସାମା ଏଞ୍ଜାସି ଅଡ଼େ କାଜା ହାତାତଲେ  
 ଏଲେଇଚେସି, “ଏ ଦାଝୁଦ ମୀରୁଏଶାଟି ଜୀସୁ ନାଡ଼େ କାର୍‌ମା ମେସ୍ତାମୁ ।” ୪୯  
 ଏମ୍ପାଟିଏ ଜୀସୁ ନିତାନା ଏଲେଇଚେସି, “ଏଞ୍ଜାଶାଇଁ ହାଟାଦୁ ।” ଏଞ୍ଜାରି ଏ

କାଣାଇଁ ହାତୀନା ଏଲେଇଚେରି, “ସାସା ଆହାନା ନିଢ଼ୁମୁ, ଏଝାସି ନିଢ଼େ ହାଟିମାଞ୍ଜନେସି ।” ୫୦ ଏମ୍ବାଟିଏ ଏଝାସି ନିଢ଼ୁମା ତାନି ହିମ୍ବରି କୁତାନା ଜୀସୁ ତାଣା ଖାତେସି । ୫୧ ଜୀସୁ ଏଝାଣାଇଁ ଏଲେଇଚେସି, “ନାନୁ ନିଢ଼େତାକି ଏନାଆଁ କିଇଁ ଇଞ୍ଜି ନାନୁ ଅଗ୍ପିମାଞ୍ଜି?” ଏ କାଣା ଏଝାଣାଇଁ ଏଲେଇଚେସି, “ଏ ଗୁରୁ ନାନୁ ଏନିକିଁ ମେସାଲି ଆଡିଇଁ ।” ୫୨ ଜୀସୁ ଏଝାଣାଇଁ ଏଲେଇଚେସି, “ହାଲାମୁ ନୀ ନାମୁ ନିଢ଼େ ନେହିଁ କିୟାତେ ।” ଏ ଦେବୁଣିଏ ଏଝାସି ମେସାଲି ଆଡିଚେସି, ଇଞ୍ଜି ଏଝାରି ଜେଚ ଜେଚ ହାଚେସି ।

**୧୧** ଏଚିବେଲା ଏଝାରି ଜିରୁସାଲମ ତାଗେ ଆହାନା ଜୀତ ହରୁ ତାଗେ ବେତ୍ପାଗି ଇଞ୍ଜି ବେତନିୟଁ ତାଗେ ଖାତେରି, ଏଚିବେଲା ଏଝାସି ତାନି ସୀସୁୟଁ ବିତ୍ରାଟି ରିଆରାଇଁ ଇ କାତା ଝେସା ପାଣ୍ଡିଚେସି, ୨ “ମୀ ନକିତା ମାନି ଏ ନାୟୁତା ହାଲୁ: ଏ ନାୟୁତା ହୁଡ଼୍ଝନିଏ ଆମିନି ଲାକ ଆମ୍ବାଆରି ଏଚେଲା ହୁଡ଼ା ହିଲଅରି ଇଲେଚି ର ଗାଡ଼୍ଦେ ଡାଲୁଚି ଦସାମାନାଣି ମେହ୍ଦେରି; ଏଦାନି ହୁକ୍‌ହାନା ତାଦୁ । ୩ ଅଡେ ଆମ୍ବାଆସି ଏନାଆଁ କିହିମାଞ୍ଜେରି ଇଞ୍ଜି ମିଢ଼େ ଝେଞ୍ଜାନେସି, ଆଡିହିଁ ଏଲେଇଞ୍ଜି ଇଦାଣି ତାଣା ମା ପ୍ରବୁକି ଲଡ଼ାମାନେ, ଅଡେ ଝେଣ୍ଡେ ଇଦାଣି ଝେଡ଼ାକିଆନା ପାଣ୍ଡାନେସି ।” ୪ ଏଝାରି ହାଜାନା ଦୁଝେରିଦାରି ଆଂଗେଣିତା ର ଗାଡ଼୍ଦେ ଡାଲୁଚି ଦସାମାନାଣି ମେସାନା ଏଦାଣି ହୁକ୍‌ହେରି, ୫ ଏମ୍ବାଟିଏ ଏମ୍ବାଆଁ ନିଚାମାଟି ଲକୁ ବିତ୍ରାଟି ଏଚରଜାଣା ଝେଚେରି, “ଗାଡ଼୍ଦେ ଡାଲୁଚି ପିସାନା ଏନାଆଁ କିହିମାଞ୍ଜେରି?” ୬ ଜୀସୁ ଏନିକିଁ ଝେସାମାଚେସି, ଏଝାରି ଏଲେକିଁ ଏଝାରାଇଁ ଏଲେଇଚେରି; ଏମ୍ବାଟିଏ ଏଝାରି ଏଝାରାଇଁ ହେଲ ହାଚେରି । ୭ ଜୀସୁ ନକିତା ଗାଡ଼୍ଦେ ଡାଲୁଚି ତାଚାନା ଏଝାରି ଏଦାଣି ଲାକ ତାନି ହିମ୍ବରିକା ପାସ୍ତେରି, ଅଡେ ଜୀସୁ ଏଦାନିଲେକ କୁଚିଚେସି । ୮ ଅଡେ ହାରେକା ଜିରୁତା ତାନି ହିମ୍ବରିକା ପାସ୍ତେରି ଅଡେ ଏଚକାତାରି ଜାଡ଼ାଟି ଗଚାୟଁ ଚୁଣ୍ଡା ତାଚାନା ପାସ୍ତେରି । ୯ ଇଞ୍ଜି ନକିତା ଡାୟୁଝାକି ହାଜିମାନି ଲକୁ କାଜା ହାତାତଲେ ଏଲେଇଚେରି, “ହସାନା ମାହାପୁରୁ ଦରୁଚି ଆମ୍ବାଆସି ଖାହିମାନେସି, ଏଝାସି ନେହଁସି । ୧୦ ମା ଆକୁ ଦାସୁଦତି ଆମିନି ରାଜି ଖାହିମାନେ, ଏଦି ଜହରା, ଲାକପୁରୁଚି ହସାନା ।” ୧୧ ଡାୟୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଚେସି, ଇଞ୍ଜି ସାରିଝାକି ମାନାଣି ବାରେ ସିନିକିହାନା ମିଡ଼୍‌ଅଲା ଆହାଲିଏ ବାରଜାଣା ସୀସୁୟଁ ତଲେ ବେତନିୟଁତା ହାଚେସି । ୧୨ ତାନି ଅର ଦିନା ବେତନିୟଁଟି ଖାହିମାଚାଟି

ଜୀସୁ ହାକି ଆଡେସି; ୧୩ ଇଚ୍ଛା ହେକଟି ଆକା ମାନି ର ଚୟା ମାର୍ନୁତି  
 ଆକା ମେସାନା ଏମ୍ପାଆଁ ପାଡେୟି ବେଟାଆନି ଆସା ତଲେ ତାଗେ ହାଡେସି ।  
 ସାମା ତାଗେ ଖାହାନା ଏଝାସି ଆକା ପିସପେ ଅଡେ ଏନାଆଁ ପୁଃଆଡେସି,  
 ଇଚିହିଁ ଏଦି ଚୟା ଆୟିନି ଝେଡା ହିଲାଆଡେ । ୧୪ ଏମ୍ପାଟିଏ ଜୀସୁ ଏଦାଣି  
 ଏଲେଇଚେସି, “ନୀ ପାଡେୟି ଲକୁ ଏଚେଲା ତିନାଆପେରି ।” ଏଝାଣି କାତା  
 ତାମି ସୀସୁୟାଁ ଝେଞ୍ଜାମାଚେରି । (aiōn g165) ୧୫ ଡାୟୁ ଏଝାରି ଜିରୁସାଲମତା  
 ଖାଡେରି, ଅଡେ ଜୀସୁ ମାହାପୁରୁ ଇଲୁତା ହଡାନା ଏ ଟାୟୁତା ବେବାରା  
 କିହିମାଟି ଲକୁଣି ପାଢ୍ଫାତା ପେରହାଲି ମାଟ୍‌ହେସି, ଇଚ୍ଛା ଟାକାୟାଁ ବେବାରା  
 ଗାଟାରି କୁର୍ଚିୟାଁ ଅଡେ ପଟାୟାଁ ବେବାରା କୁର୍ଚିୟାଁ ତିରିମ୍ବୁପ୍‌ହେସି । ୧୬  
 ଇଚ୍ଛା ପ୍ରାତାନା ଇଲୁ ବିତ୍ରାଟି ଆମ୍ପାଆରାକି ଏନାଆଁ ଅହାଲି ତାଚାଲି ହେଲ  
 ହାଆଡେସି, ୧୭ ଡାୟୁ ଜୀସୁ ଏଝାରାଇଁ ଜାପ୍‌ହିହିଁ ଏଲେଇଚେସି, “ଦାମ୍‌  
 ପତିତା ରାସକି ଆହାମାନେ, ନା ଇଲୁ ବାରେ କୁଡାତି ଲକୁତାକି ପ୍ରାତାନା ଇଲୁ  
 ଇଚ୍ଛା ଝେଢ୍ଫୁନେ? ସାମା ମୀରୁ ଏଦାଆଁ ତଂଗାୟାଁ ପାଝୁ କିହାମାଞ୍ଜେରି ।” ୧୮ ଇ  
 କାତା ଝେଞ୍ଜାନା କାଜା ପୁଜେରାଢ୍ଫା ଅଡେ ମେରାପୁନାରି ଏଝାଣାଇଁ ଏନିକିଁ ନାସା  
 କିହାଲି ଆଡିନେରି, ଏଦାଆଁ ପାରୁ ପାରାଲି ମାଟ୍‌ହେରି; ଇଚିହିଁ ଲକୁ ଏଝାଣି  
 ଜାପ୍‌ନି ତାଣା କାବା ଆହିମାତାକି ଏଝାରି ଏଝାଣାଇଁ ଆଜିମାଚେରି । ୧୯ ଏ  
 ଦିନା ମିଡ୍‌ଅଲ୍‌ମା ବେଲା ଜୀସୁ ଅଡେ ସୀସୁୟାଁ ଗାଡାଟି ହାଚେରି । ୨୦ ଅର  
 ଦିନା ଲାଈଏ ଏ ଜିରୁଟି ହାଜିମାତାଟି ଏଝାରି ଚୟା ମାର୍ନୁ ତାକିଟିଏ ଝାୟିତାଣି  
 ମେସ୍ତେରି । ୨୧ ଏମ୍ପାଟିଏ ପିତର ତଲିତି କାତା ଅଣ୍‌ପାନା ଏଲେଇଚେସି,  
 “ଏ ଗୁରୁ ମେହ୍‌ମୁ ନୀନୁ ଆମିନି ଚୟା ମାର୍ନୁତି ବାକା ହାହାମାଟି ଏଦି  
 ଝାୟାହାଚେୟିଏ ।” ୨୨ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ତାଣା  
 ନାମାଦୁ । ୨୩ ନୀନୁ ମିଢ୍ଫେ ସାତା ଝେସିମାଞ୍ଜାଇଁ, ଆମ୍ପାଆସି ଇ ହରୁତି ନୀନୁ  
 ନିଢ୍ଫାନା ସାମ୍‌ଦୁରିତା ତରଗାମୁ ଇନେସି, ଇଚ୍ଛା ତାନି ହିୟାତା ଆନାମାନା  
 ଆଆନା, ଏନାଆଁ ଜଲିମାଇଁ ଏଦି ଆନେ ଇଚ୍ଛା ନାମିନେସି, ଏଝାଣାକି ଏଦି  
 ଆନେ । ୨୪ ଏଦାଆଁତାକି ନୀନୁ ମିଢ୍ଫେ ଝେସିମାଞ୍ଜାଇଁ, ମୀରୁ ଏନାଆଁ ପ୍ରାତାନା  
 କିଦେରି ଅଡେ ରାହ୍‌ଦେରି, ଏ ବାରେ ମିଢ୍ଫେ ମେଡା ଆୟାତେ ଇଚ୍ଛା ନାମାଦୁ,  
 ଏଚେଟିଏ ଏ ବାରେ ସାଚେଏ ବେଟାଆଦେରି । ୨୫ ଇଚ୍ଛା ମୀରୁ ଆମିନି  
 ବେଲାତା ପ୍ରାତାନା କିହାଲି ନିଦେରି, ଇଚ୍ଛା ଆମ୍ପାଆରି କ୍‌ପାଟି ଏନି କାତା  
 ମାଟିହିଁ, ଏଝାଣି ପାପୁ ମ୍ଳେକ୍‌ଦୁ, ଏନିକିଁ ମୀ ଲାକପୁରୁତି ଆବା ଜିକେଏ ମୀ

ପାପୁଟି ମ୍ଳେକ୍‌ହାନେସି । ୨୭ ସାମା ମୀରୁ ଏଞ୍ଜାଣି ପାପୁ ମ୍ଳେକ୍‌ଅତେରି, ଆତିହିଁ ମୀ ଲାକପୁରୁତି ଆବା ଜିକେଏ ମୀ ବାରେ ପାପୁଟି ମ୍ଳେକ୍‌ହଅସି ।” ୨୭ ଡାୟୁ ଏଞ୍ଜାରି ଅଡେ ଝେଣ୍ଟେ ଜିରୁସାଲମତା ଝାତେରି; ଇଞ୍ଜିଁ ଏଞ୍ଜାସି ପ୍ରାତାନା ଇଲୁଡା ହଡିମାଟି ବେଲତା କାଜା ପୁଜେରାଡ୍ଡା ମେରାପୁନାରି ଇଞ୍ଜିଁ ପ୍ରାତିନାଡ୍ଡା ଏଞ୍ଜାଣି ତାଣା ଝାହାନା ଝେତେରି, ୨୮ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି? ଇଞ୍ଜିଁ ଇ ବାରେ କିହାଲି ଆମ୍ବାଆସି ଇ ଅଦିକାରା ହିୟାତେସି?” ୨୯ ସାମା ଜୀସୁ ଏଞ୍ଜାରାଇଁ ଏଲେଇତେସି, “ନୀନୁ ମିଡ୍ରେ ର କାତା ଝେଞ୍ଜାଇଁ, ନାଡ୍ରେ ଝେସ୍ତାଦୁ, ଆତିହିଁ ନୀନୁ ଆମିନି ଅଦିକାରା ତଲେ କିହିମାଇଁ, ଏଦାଆଁ ମିଡ୍ରେ ଝେସ୍ତାଇଁ । ୩୦ ଜହନତି ବାପୁସ୍ତ ଲାକପୁରୁଟି କି ମାଣ୍‌ସିୟାଁ ତାଣାଟି ଆହାମାତେ? ଏଦାଆଁ ନାଡ୍ରେ ଝେସ୍ତାଦୁ ।” ୩୧ ଏତେଟିଏ ଏଞ୍ଜାରି ତାମୁ ତାମୁଏ କାତା ଆହାଲି ମାଟ୍‌ହେରି, “ଲାକପୁରୁଟି ଇନାୟି, ଆତିହିଁ ଏଞ୍ଜାସି ଏଲେଇଞ୍ଜାନେସି ମୀରୁ ଏନାଆଁତାକି ଏଞ୍ଜାଣାଇଁ ନାମାଆତେରି? ୩୨ ଅଡେ ମାଣ୍‌ସି ତାଣାଟି ଇନାୟି, ଏଞ୍ଜାରି ଲକ୍‌ଶି ଆଜିମାତେରି; ଇତିହିଁ ବାରେଜାଣା ଜହନ ସାତା ମାହାପୁରୁ ଅଣ୍‌ପୁଟି ବଲୁ ଝେହ୍‌ନାସି ଇଞ୍ଜିଁ ମାନଝି ଆହିମାତେରି ।” ୩୩ ଏଦାଆଁତାକି ଜୀସୁଇଁ ଏଞ୍ଜାରି ଏଲେଇତେରି, “ମୀମୁ ପୁଞ୍ଜାହିଲଅମି ।” ଜୀସୁ ଏଞ୍ଜାରାଇଁ ଏଲେଇତେସି, “ନୀନୁ ଆମିନି ଅଦିକାରା ତଲେ କିହିମାଇଁ ଏଦାଆଁ ନୀନୁ ଜିକେଏ ମିଡ୍ରେ ଝେସ୍ତାଆଁ ।”

**୧୨** ଏମ୍ବାଟିଏ ଏଞ୍ଜାସି ଏଞ୍ଜାରାଇଁ ପୁଣ୍‌ମ୍‌କିନି କାତାତଲେ ଝେସାଲି ମାଟ୍‌ହେସି, “ରଅସି ର ଅଡ୍ରେ ବାଡ଼ା କିହାନା ବାଡ଼ା ସାରିଝାକି ବେୟିଁ ଗୁର୍‌ତେସି, ଇଞ୍ଜିଁ ଅଡ୍ରେ ପାଡେୟି ପୀତାଲି ର ଗାଡ୍‌ୟୁ କାର୍‌ହାନା ଏମ୍ବାଆଁ କାଃଆନାରାକି କାଃଆନି ଇଲୁ କେପିତେସି, ଇଞ୍ଜିଁ କାମା କିନାରାକି ଏ ବାଡ଼ା ବାଗା ହୀହାନା ହେକ ରାଜି ହାତେସି । ୨ ଡାୟୁ କାମାକିନାରି ତାଣାଟି ଅଡ୍ରେ ବାଡ଼ାଟି ପାଡେୟି ବାଗା ବେଟାଆହାଲି ଏଞ୍ଜାସି ର ହଲେଏଣାଇଁ ପାଡେୟି କାମ୍‌ନିଝେଡ଼ା ଏଞ୍ଜାରିତାଣା ପାଣ୍ଡିତେସି । ୩ ସାମା ଏଞ୍ଜାରି ଏଞ୍ଜାଣାଇଁ ଆସାନା ଝେତେରି ଇଞ୍ଜିଁ ଝାରୁଇ କେୟୁଟି ପାଣ୍ଡିତେରି । ୪ ଏଞ୍ଜାସି ଅଡେ ଏଞ୍ଜାରିତାଣା ଅଡେ ର ହଲେଏଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ତାୟିଁ ତାୟେ ଝେତାନା ହୀଣି କିତେରି । ୫ ଏଞ୍ଜାସି ଅଡେ ରଅଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ପାୟିତେରି, ଏମ୍ବାଟିଏ ଏଞ୍ଜାସି ଅଡେ ହାରେକା ଜାଣାଟି ପାଣ୍ଡିତେସି; ଏଞ୍ଜାରି ବିତ୍ରାଟି ଏଚରଜାଣାଟି ଝେତେରି ଇଞ୍ଜିଁ ଏଚରଜାଣାଟି ପାୟିତେରି ।

୭ ତାନି ଚାଣା ରଅସିଏ ଡ଼ୟିତେସି, ଏଝାସି ତାନି ଜୀଝୁତି ମୀରୁଏସି, ଡାୟୁ  
 ଅଣ୍ଠିତେସି ‘ଏଝାରି ନା ମୀରୁଏଶାଲ୍ ମାନି କିନେରି’ ଇଞ୍ଜି ଏଝାସି ଏଝାଶାଲ୍  
 ପାଣ୍ଡିତେସି । ୭ ସାମା ଏ କାମାକିନାରି ଡାୟୁ ଡାୟୁ କାତା ଆତେରି, ‘ଇଝାସିତ  
 ଅଦିକାରା ଗାଟାସି, ଝାଡୁ ଇଝାଶାଲ୍ ପାୟିନ; ଆତିହିଁ ବାଡ଼ାତି ଅଦିକାରା ମାଦି  
 ଆନେ ।’ ୮ ଏମ୍ପାଟିଏ ଏଝାରି ଏଝାଶାଲ୍ ଆସାନା ପାୟିତେରି ଇଞ୍ଜି ଅଢୁରି  
 ବାଡ଼ାତି ପାଢୁଡା ମେଡ଼ହାଡୁସ୍ତେରି । ୯ ଜୀସୁ ଏଝାରାଲ୍ ଝେରେସି, “ଝେସ୍ତାଡୁ  
 ଇଦାଆଁ ଡାୟୁ ଏ ଅଢୁରି ବାଡ଼ାତି ସାଝୁକାରି ଏନାଆଁ କିନେସି? ଏଝାସି ଝାହାନା  
 କାମା କିନାରାଲ୍ ନାସା କିନେସି ଇଞ୍ଜି ଏଡ଼କାତି କାମା କିନାରାକି ଏ ଅଢୁରି  
 ବାଡ଼ା ହୀନେସି । ୧୦ ମୀରୁ ଦାମ୍ପୁ ପତିତା ଇ କାତା ପଡ଼ଝି ଆହାହିଲଅତେରି?  
 ଇଲୁ କେପିନାରି ଆମିନି ଝାଲିତି ମିଶ୍ ଏ ଇଞ୍ଜି ଅପାଆତେରି, ଏଦିଏ ଇଲୁତି ମୁଲୁ  
 ଝାଲି ଆତେ । ୧୧ ମାହାପୁରୁ ଡାଶାଟି ଇଦି ଆତେ, ଇଞ୍ଜି ଏଦି ମା କାନୁଡାକି ର  
 କାବା ଆନାୟି ।” ୧୨ ଏତେଟିଏ ଜୀହୁଦି ଲକ୍ଷୁତି କାଜାରି ଏଝାଶାଲ୍ ଆସାଲି  
 ଅଣ୍ଠିମାତେରି, ସାମା ଏଝାରି ଲକ୍ଷୁଣି ଆଜିତେରି; ଇତିହିଁ ଏ ପୁଣ୍ଡିମିକିନି କାତା  
 ଏଝାରାଲ୍ ସିନିକିହାନା ଝେସିମାତେସି ଇଞ୍ଜି ପୁତେରି, ଇଞ୍ଜି ଏଝାରି ଏଝାଶାଲ୍  
 ପିସାନା ହାଜାଡୁସ୍ତେରି । ୧୩ ଡାୟୁ ଜୀସୁ କାତାତି ଦହ ଆସାଲି ତାକି ଏଝାରି  
 ପାରୁସି ଅଡ଼େ ହେରଦ ଗତିତି ଏତେକା ଲକ୍ଷୁଣି ଏଝାଣି ଡାଶା ପାଣ୍ଡିତେରି । ୧୪  
 ଏଝାରି ଝାହାନା ଏଝାଶାଲ୍ ଏଲେଇତେରି, “ଏ ଗୁରୁ ମାୟୁ ପୁଞ୍ଜାମାନମି, ନୀନୁ  
 ସାତା କାତା ଝେହ୍ନାତି ଅଡ଼େ ଆମ୍ପାଆରାଲ୍ ଆଜାଆ ଗାଟାତି; ଇତିହିଁ ନୀନୁ  
 ମାଣ୍ଠିତି ମୁମୁ ମେସାନା ଜଲାଆ ଗାଟାତି ଇଞ୍ଜି ସାତା ତଲେ ମାହାପୁରୁତି  
 ଜିରୁ ଜାପ୍ନାତି, କାୟିସରକି ସିସୁ ହୀନାୟି ମେରା କି ଆଏ, ମାୟୁ ହୀନମି କି  
 ଆଏ?” ୧୫ ସାମା ଏଝାସି ଏଝାରି କାର୍ବିତି ପୁଞ୍ଜାନା ଏଝାରାଲ୍ ଏଲେଇତେସି,  
 “ଏନାଆଁତାକି ନାଡ଼େ ତାୟିପାରି କିହିମାଞ୍ଜାଦେରି? ର ଝେଣ୍ଡି ଟାକା ନା ଡାଶା  
 ତାଦୁ ନୀନୁ ଏଦାଆଁ ସିନିକିଲ୍ ।” ୧୬ ଏତେଟିଏ ଏଝାରି ଏଦାଆଁ ତାତେରି,  
 ଏଝାସି ଏଝାରାଲ୍ ଝେରେସି, “ଇ ବମା ଅଡ଼େ ଦରୁ ଆମ୍ପାଆରାଝାୟି?” ଏଝାରି  
 ଏଝାଶାଲ୍ ଏଲେଇତେରି, “କାୟିସରଝାୟି ।” ୧୭ ଏମ୍ପାଟିଏ ଜୀସୁ ଏଝାରାଲ୍  
 ଏଲେଇତେସି, “କାୟିସରଝାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜି  
 ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହୀଦୁ ।” ଏତେଟିଏ ଏଝାରି  
 ଏଝାଣି କାତାତାକି କାବା ଆତେରି । ୧୮ ଏମ୍ପାଟିଏ ହାକିଟି ଝେଣ୍ଡେ ନିଢୁନାୟି  
 ହିଲେଏ ଇଞ୍ଜିମାନି ସାଦୁକି ଲକ୍ଷୁ ଜୀସୁ ଡାଶା ଝାହାନା ଝେରେରି, ୧୯ “ଏ ଗୁରୁ

ମସା ମାଢ଼େଟାକି ରାତାମାନେସି, ଇତିହାସ ଆମ୍ଭାଆରି ତାୟି ହାନେସି ଇଞ୍ଜି ତାନି  
 ତକ୍ତି ନୀତାମାନେ ଇଞ୍ଜି ଏଦାନି ଏନି କକାରି ପଦାୟି ହିଲାଉ ଆତିହାସ ତାନି  
 ତାୟି ତାନି ତକ୍ତିନି ଇଟାନା ତାନି ତାୟିକି କୂଡ଼ା ଏପାକିନେସି । ୨୦ ମେହ୍ମୁ  
 ସାତା ଜାଣା ତାୟିୟା ମାଚେରି; କାଜାସି ର ଆୟାନି ବୀହା ଆଚେସି, ଇଞ୍ଜି  
 କକାରି ପଦା ଆଆନା ହାଚେସି; ୨୧ ଏଞ୍ଜାଣି ଚେଚତାସି ଏ ଇୟାନି ଇଚିଚେସି  
 ଇଞ୍ଜି କକାରି ପଦା ଆଆନା ହାଚେସି; ଅଡ଼େ ଚେଚତାସି ଏଲେକିଚେସି,  
 ୨୨ ଇଞ୍ଜି ସାତା ଜାଣା ଜିକେଏ କକାରି ପଦା ଆଆନା ହାଚେରି; ବାରେଚି  
 ତାୟି ଏ ଇୟା ଜିକେଏ ହାଚେ । ୨୩ ଖେଶ୍ଟେ ନିଢ଼ିନି ବେଲାତା ଏଚିବେଲା  
 ଏଞ୍ଜାରି ନିଢ଼ିନେରି, ଏଚିବେଲା ଏଞ୍ଜାରି ବିତ୍ରାଟି ଆମ୍ଭାଆରି ତକ୍ତି ଆନେ?  
 ସାତା ଜାଣା ଜିକେଏ ଇଟାମାଚେରି ।” ୨୪ ଜୀସୁ ଏଞ୍ଜାରାଇଁ ଏଲେଇଚେସି,  
 “ମିଢ଼େ ହାରେକା ନାଡ଼ିକିନି ଅଣପୁ ମାନେ । ଦାର୍ମ୍ବ ସାସ୍ତେରି, ଇଞ୍ଜି ମାହାପୁରୁତି  
 ବାଡ଼୍‌ୟୁତି କାତା ପୁଞ୍ଜାହିଲଅଚେରି । ୨୫ ଏନାଆଁତାକି ଇଚିହା ହାତାରି ନିଢ଼ିତି  
 ତାୟି ଲକୁ ବୀହା ଆଆରି କି ବୀହା ହାଆରି, ସାମା ଲାକପୁରୁତି ଦୁରୁୟାଲେହେଁ  
 ତୟିନେରି । ୨୬ ଇଞ୍ଜି ହାତାରି ନିଢ଼ିନେରି ଏ କାତାତି ମୀରୁ ମସା ରାଚିତି  
 ପତିତା ଖେହିମାନି ବୁଟାଚି କାବୁ ପଡ଼ି ଆହାହିଲଅଚେରି କି? ମାହାପୁରୁ  
 ଏନିକି ଏଲେଇଞ୍ଜା ମାନେସି, ‘ନାନୁ ଅବ୍ରାହାମତି ମାହାପୁରୁ, ଇସାହାକତି  
 ମାହାପୁରୁ, ଅଡ଼େ ଜାକୁବତି ମାହାପୁରୁଚେଏ ।’ ୨୭ ଏଞ୍ଜାସି ହାତାରି ମାହାପୁରୁ  
 ଆଏ, ସାମା ଜୀଞ୍ଜାଗାଟାରି ମାହାପୁରୁ ମୀରୁ ହାରେକା ନାଡ଼ିକିଞ୍ଜି ଆହାମାଞ୍ଜାରି  
 ।” ୨୮ ଏଚିବେଲା ର ମେରା ଜାପୁନାସି ତାଗେ ଖାହାନା ଏଞ୍ଜାରି ବାଦିବାଦା  
 ଆହିମାଚାଣି ଖେଞ୍ଜାନା ଅଡ଼େ ଜୀସୁ ସାଦୁକି ଲକୁଇଁ ସମାନା କାତା ଖେଶ୍ଟେ  
 ଖେସିମାଚାଣି ଖେଞ୍ଜାନା ଜୀସୁଇଁ ଖେଚେସି, “ଆମିନି ହୁକୁମି ଦାର୍ମ୍ବପତିତା  
 ବାରେକିହାଁ କାଜାୟି?” ୨୯ ଜୀସୁ ଏଲେଇଚେସି, “କାଜା ହୁକୁମି ଇଦି ‘ଏ  
 ଇସାୟେଲ ଖେଞ୍ଜା; ପ୍ରବୁ ମା ମାହାପୁରୁ ରଣ୍ଡିଏ ପ୍ରବୁ ମାନେସି; ୩୦ ଅଡ଼େ  
 ନୀନୁ ନୀ ବାରେ ହିୟାଁ ବାରେ ଜୀଞ୍ଜୁ ମନ ହାହାନା ଅଡ଼େ ବାରେ ବାଡ଼୍‌ୟୁ  
 ତଲେ ପ୍ରବୁ ନୀ ମାହାପୁରୁଇଁ ଜୀଞ୍ଜୁ ନମୁ ।” ୩୧ ଅଡ଼େ ରଣ୍ଡି ଇଦି ନୀନୁ ନୀ  
 ପାଡ଼ିତାଣାଇଁ ନୀ ଜାହାରାଲେହେଁ ଜୀଞ୍ଜୁ ନମୁ । ଇ ହୁକୁମିକା ପିସ୍‌ପେ ଅଡ଼େ  
 ଆମିନି କାଜା ହୁକୁମି ହିଲେଏ । ୩୨ ଏମ୍ପାଟିଏ ଏ ମେରା ପୁନାସି ଜୀସୁଇଁ  
 ଏଲେଇଚେସି, “ଏ ଗୁରୁ ଏଦି ସାତା ମାହାପୁରୁ ରଅସିଏ ଇଞ୍ଜି ଏଞ୍ଜାଣି ପିସ୍‌ପେ  
 ଅଡ଼େ ଆମ୍ଭାଆସି ହିଲଅସି, ଏଦାଆଁ ନୀନୁ ନେହିଁକି ଖେସ୍ତାଚି; ୩୩ ଇଞ୍ଜି ବାରେ

ହିୟାଁ, ବାରେ ବୁଦି, ବାରେ ବାଡ଼ୁୟୁ ହୀହାନା ଏଞ୍ଜାଣାଇଁ ଜୀଞ୍ଜନନାୟି ଇଞ୍ଜି ପାଡ଼ିତାଣାଇଁ ମା ଜାହାରାଲେହେଁ ଜୀଞ୍ଜନନାୟି ବାରେ ଜନ୍ତୁତି ପୂଜା ହୀନି କିହାଁ କାଜାୟି ।” ୩୪ ଏଞ୍ଜାସି ବୁଦିତଲେ ଜଲମାଞ୍ଜାନେସି ଇଞ୍ଜି ମେସାନା ଜୀସୁ ଏଞ୍ଜାଣାଇଁ ଏଲେଇଚେସି, “ମାହାପୁରୁତି ରାଜିଟି ନୀନୁ ହେକ ହିଲଅତି । ଏଚେଟିଏ ଆମ୍ବାଆସି ଜୀସୁଇଁ ଏନାଆଁ ଖେଞ୍ଜାଲି ସାସା କିଆଚେସି ।” ୩୫ ସାମା ଜୀସୁ ପ୍ରାତାନା ଇଲୁତା ଜାପୁହି ମାଚିବେଲାତା ଏଲେଇଚେସି, “କ୍ରୀସ୍ତ ଦାଞ୍ଜୁଦ ମୀରୁଏସି, ଇଦାଆଁ ମେରାପୁନାରି ଏନିକିଁ ଏଲେଇନେରି? ୩୬ ତାନୁଏ ଦାଞ୍ଜୁଦ ମାହାପୁରୁତି ସୁଦୁଜୀଞ୍ଜୁ ବେଟାଆହାନା ଖେସାମାଚେସି, ‘ପ୍ରବୁ ନା ପ୍ରବୁଇଁ ଏଲେଇଚେସି, ନୀନୁ ଏଚେ ପାଚେକା ନୀ ସାଦୁୟାଁଇଁ ନୀ କଡ଼ାଁ ତୁଇ କିହାହିଲଅଁ, ଏଚେ ପାଚେକା ନା ଚିଞ୍ଜନିଞ୍ଜାକି କୁଗାମାନାମୁ ।’ ୩୭ ଦାଞ୍ଜୁଦ ତାନୁଏ ଏଞ୍ଜାଣାଇଁ ପ୍ରବୁ ଇଞ୍ଜିମାନେସି; ଆତିହିଁ ଏଞ୍ଜାସି ଏନିକିଁ ଦାଞ୍ଜୁଦ ମୀରୁଏସି ।” । ୩୮ ମାନୁ ଲକୁ ରାହାଁଟି ତାନି କାତା ଖେଞ୍ଜିମାଚେରି, ଅଡ଼େ ଖେଣ୍ଡେ ଏଞ୍ଜାସି ତାନି ଜାପୁହି ମାଚି କାତାତା ଏଲେଇଚେସି, “ମେରାପୁନାରି ତାଣାଟି ଜାଗ୍ରାତା, ଏଞ୍ଜାରି ଲାମ୍ବା ହିମ୍ବୁରିକା ହୁଚାନା ରେଜାଲି ଇଞ୍ଜି ହାଟା ବାଜାରାତା ଜହରା ବେଟାଆହାଲି ରାହାଁ ଆନେରି, ୩୯ ଜୀହୁଦି ଲକୁତି କୁଟି ଇଲୁତା କାଜା କୁଟି, ବଜିତା ନେହିଁ ଟାୟୁତା କୁଗାଲି ପାରିନେରି; ୪୦ ଏଞ୍ଜାରି ରାଣ୍ଡେଣିସିକା ଇଲକା ସେନୁନେରି, ଲକୁଣି ତସାଲି ଲାମ୍ବା ପ୍ରାତାନା କିନେରି; ଏଞ୍ଜାରି ହାରେକା ତଣ୍ଡୁ ବେଟାଆନେରି ।” ୪୧ ତାୟୁ ଜୀସୁ ମାହାପୁରୁ ଇଲୁତି ଦାନା ପେଡ଼ା ତାଗେ କୁଗାନା ଲକୁ ଏମ୍ବାଆଁ ଏନିକିଁ ଦାନା ହାହିମାନେରି, ଏଦାଆଁ ସିନିକିହିମାଚେସି । ଏଚିବେଲାତା ହାରେକା ଦନ ଗାଟାରି ଗାଡ଼ି ମେଡ଼ହେରି; ୪୨ ଅଡ଼େ ର ହାକି କାକୁଲିଗାଟି ରାଣ୍ଡେଣି ଇୟା ଖାହାନା ରୀ ଉଣା ତାମ୍ବାତି ଆଦଲି ଏ ପେଡ଼ାତା ମେଡ଼ହେ । ୪୩ ଏଚେଟିଏ ଜୀସୁ ତାନି ସୀସୁଣି ତାଗେ ହାଟାନା ଏଲେଇଚେସି, “ନୀନୁ ମିଞ୍ଜେ ସାତା ଖେସିମାଞ୍ଜାଇଁ, ଦାନା ପେଡ଼ାତା ଟାକାୟାଁ ମେଡ଼ହିମାନି ବାରେ ଲକୁ କିହାଁ ଇ ହାକି କାକୁଲିଗାଟି ରାଣ୍ଡେଣି ଇୟା ଗାଡ଼ି ମେଡ଼ହାମାନେ; ୪୪ ଇତିହିଁ ବାରେଜାଣା ତାନି ହାରେକା ଦନଟି ଇଚାଣି ମେଡ଼ହା ମାନେରି, ସାମା ଇଦି ତାନି ହିଲାଆବେଲାତା ତାଞ୍ଜେ ନୀତାଲି ତାଞ୍ଜେ ଏନାୟି ମାଚେ, ଏ ବାରେ ମେଡ଼ହାମାନେ ।”

**୧୩** ଜୀସୁ ମାହାପୁରୁ ଇଲୁତି ହାଜିମାଚାଟି ତାନି ସୀସୁୟାଁ ବିତ୍ରାଟି ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମେହ୍ମୁ ଏନିଲେହେଁଟି ଅଜିତି ଖାଲକା

ଅଡ଼େ ଏନିଲେହେଁତି ଅଜିତି ମେଡ଼ା ଇଲ୍ଲକା!” ୨ ଏଚେଟିଏ ଜୀୟୁ ଏଞ୍ଜାଣାଲ୍  
 ଏଲେଇଚେସି, “ନୀନୁ ଏନାଆଁ ଇ କାଜା ମେଡ଼ା ମେସିମାଞ୍ଜି? ର ଖାଲି ଅର  
 ଖାଲି ଲାକ ଡ଼ୟେଏ, ବାରେ ମେଶ୍ଟୁହାନୁ ।” ୩ ଡାୟୁ ପ୍ରାତାନା ଇଲ୍ଲୁ ନକିତା  
 ମାନି ଜୀତ ହରୁ ଲାକ କୁଗାଲିଏ ପିତର, ଜାକୁବ, ଜହନ, ଅଡ଼େ ଆନ୍ନିୟୁ  
 ତାନି ତାଣା ମେଶେଏ ଖାହାନା ଖେଚେରି, “ଇ ବାରେ ଏଚେଲା ଆନେ, ୪  
 ଅଡ଼େ ଆମିନି ବେଲାତା ଇ ବାରେ ଗଟ୍ଠି ଆନେ ଏ ବେଲାତି ସିନା ଏନାୟି,  
 ଏଦାଆଁ ମାଡ୍ରେ ଖେସ୍ତାମୁ ।” ୫ ଏମ୍ପାଟିଏ ଜୀୟୁ ଏଞ୍ଜାରାଲ୍ ଏଲେଇଚେସି,  
 “ଜାଗ୍ରାତା, ଆମ୍ପାଆସି ଏନିକିଁ ମିଡ୍ରେ ନାଡ଼ି କିୟଅସି । ୬ ହାରେକା ନା  
 ଦରୁତଲେ ଖାହାନା, ‘ନୀନୁ ଏଞ୍ଜାଚେଏ’ ଇଞ୍ଜି ହାରେକା ଲକୁଣି ନାଡ଼ି କିନେରି ।  
 ୭ ସାମା ମୀରୁ ଏଚିବେଲା ଉଜୁତି କାତା ଅଡ଼େ ଗଡ଼ହାତି ହାଡ଼ା ଖେଞ୍ଜେରି,  
 ଏଚିବେଲା କିଲିବିଲି ଆଆଦୁ; ଏ ବାରେ ଆନାୟି ମାନେ, ସାମା ଏ କାଲା  
 ଜିକେଏ ଉଗୁ ରାନାୟି ଆଏ । ୮ ଇଚିହିଁ ଦେସା କପାଟି ଦେସା, ରାଜି  
 କପାଟି ରାଜି ନିଡ୍ଡିନେ, ବାରେଖାକି ବୃମି ଖୀଡିନେ ଅଡ଼େ କାତାରା ଆନେ; ଇ  
 ବାରେ କକାରି ପଦାୟି ଆନାଟି ଲୁଞ୍ଜିନି ବୀସା ଲେହେଁ ।” ୯ ସାମା ମୀରୁ  
 ମିଡ୍ରେ ତାକି ଜାଗ୍ରାତା ଆହାମାଞ୍ଜି; ଲକୁ ମିଡ୍ରେ ନୀହାୟି କିନି ତାଣା ଦସାନା  
 ଅୟାନେରି, ଅଡ଼େ ମିଡ୍ରେ ଜୀହୁଡି ଲକୁଡି କୁଟମି ଇଲ୍ଲକାଣା ଖେତାନେରି,  
 ଇଞ୍ଜି ନା ତାକି ସାଲଖି କିନାରି ତାଣା ରାଜାୟି ନକିତା ନିଦେରି, ଏଞ୍ଜାରି  
 ନକିତା ସାକି ଆଦେରି । ୧୦ ଇଞ୍ଜି ବାରେ କୁଡ଼ା ନକିତା ନେହିଁ କାବୁ ନକେଏ  
 ଖେସ୍ପି ଆନେ । ୧୧ ଇଞ୍ଜି ଏଚିବେଲା ଲକୁ ମିଡ୍ରେ ଅହାନା ହେରପାନେରି,  
 ଏଚିବେଲା ମୀରୁ ଏନାଆଁ ଜଲିଦେରି, ଏ କାତା ନକେଏ ଅଶ୍ପାଆଦୁ ସାମା ଏ  
 ବେଲାତା ମିଡ୍ରେ ଏନାଆଁ ଜଲାଲି ହୀପ୍ପକିଆନେ ଏଦାଆଁ ଖେହ୍ଦୁ; ଇଚିହିଁ ମୀରୁ  
 ଜଲିନାଚେରି ଆଏ ସାମା ସୁଦୁଜୀଖୁ ଜଲିନାୟି । ୧୨ ତାୟି ତାୟିଲ୍ ଅଡ଼େ  
 ତାଞ୍ଜି ମୀରୁଏଣାଲ୍ ହାହାଲି ତାକି ହେରପାନେରି; ଇଞ୍ଜି ମୀରୁକା ତାଲି ତାଞ୍ଜି  
 କପାଟି ନିଡ୍ଡାନା ଏଞ୍ଜାରାଲ୍ ପାୟିନେରି; ୧୩ ଅଡ଼େ ନାଡ୍ରେତାକି ବାରେ ଲକୁ  
 ମିଡ୍ରେ ଅପଅରି; ସାମା ଆମ୍ପାଆସି ରାନି ପାଚେକା ସାସା ଆସାନା ଡ଼ୟିନେସି  
 ଏଞ୍ଜାସି ଗେଲ୍ପି ଆନେସି । ୧୪ ମୀରୁ ଏଚିବେଲା ଏ ନାସାକିନି ଅପାଆଗାଟି  
 ଆସ୍ତି ଆମିନି ତାଣା ଡ଼ୟିନି କାତା ହିଲେଏ, ଏମ୍ପାଆଁ ଡ଼ୟାମାନାଣି ମେହ୍ଦେରି  
 (ପଡ଼ଢ଼ି ଆନାରି ତେଲ୍ହାପେରି) ଏଚିବେଲା ଆମ୍ପାଆରି ଜୀହୁଦା ଦେସାତା  
 ମାନେରି, ଏଞ୍ଜାରି ହୁରକାଣା ହଶ୍ପେରି; ୧୫ ଆମ୍ପାଆସି ଇଲ୍ଲୁ ଲାକ ମାନେସି,



ଏଖାସି ଇଲୁ ବିତ୍ରା ଖାହାନା ଏନି ଦିଶ୍ଵୁ ଅହାଲି ରେତା ଖାଆପେସି କି ବିତ୍ରା ହାଲାଆପେସି; ୧୭ ଇଞ୍ଜି ଆମ୍ବାଆସି ବାଡ଼ାତା ମାନେସି, ଏଖାସି ତାନି ହିମ୍ବୁରି ଅହାଲି ଖେଣ୍ଟେ ଖାଆପେସି । ୧୭ ଏ ବେଲାତା ଆମିନି ଗାଟାଇ ପୁରାମାସା ଅହାମାନୁ ଇଞ୍ଜି ପାଲୁ ଉଚ୍ଚିମାନୁ, ଏ ଦିନା ଆୟତା ଏଞ୍ଜି ଏଚେକା କସ୍ତୁ ବେଟାଆନୁ । ୧୮ ସାମା ଏଦି ଏନିକି ପେନି ବେଲାତା ଆଏ ଏଦାଆଁତାକି ପ୍ରାତାନା କିଦୁ । ୧୯ ଇତିହିଁ ଏ କାଲାତା ଇଲେତି କସ୍ତୁ ଖାନେ, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକି ଆହା ହିଲେଏ, ଇଞ୍ଜି ଏଲେକି ଏଚେଲାଖା ଆଏ । ୨୦ ସାମା ପ୍ରବୁ ଏ ଲାଗେଏତି କାଲାଇଁ ଉଣା କିହାମାନେସି । ଏଲେ କିହାହିଲାଆଟିମା, ଏଦି ଏମ୍ବାଟି ଆମ୍ବାଆରି ଗେଲ୍ପି ଆଆଚେରିମା । ତାନି ଆର୍ଞ୍ଜିଆତି ଲକୁତାକି ଏ କାଲା ଉଣା କିହାମାନେସି । ୨୧ “ଏଚିବେଲା ‘ମେହ୍ଦୁ କ୍ରୀସ୍ତୁ ଇମ୍ବାଆଁ’ ଅଡ଼େ ‘ଏମ୍ବାଆଁ’ ଇଞ୍ଜି ଲକୁ ମିଢ୍ଵେ ଖେସ୍ତାନେରି, ଆତିହିଁ ମୀରୁ ଏଦାଆଁ ନାମାଆଦୁ । ୨୨ ନାଡ଼ିକିନି କ୍ରୀସ୍ତୁ ଅଡ଼େ ମାହାପୁରୁ ବଲୁ ମିତି ଖେହ୍ନେରି ନିଞ୍ଜୁନା ଇଲେତି ସିନା ଅଡ଼େ କାବାଆନି କାମାୟାଁ ତହ୍ନେରି, ଆଡ଼ିତିହିଁ, ଆର୍ଞ୍ଜିଆତି ଲକୁଣି ଜିକେଏ ନାଡ଼ି କିନେରି । ୨୩ ସାମା ମୀରୁ ଜାଗ୍ରାତା ଆହାମାଞ୍ଜୁ; ନାନୁ ମିଢ୍ଵେ ତଲିଏ ବାରେ ଖେସିମାଞ୍ଜୁଇଁ । ୨୪ ସାମା ଏ ବେଲାତି ଏ କସ୍ତୁ ଡାୟୁ ଖେଡ଼ା ଆନେରି ଆନେ ଅଡ଼େ ଲେଞ୍ଜୁ ଉଜେଡ଼ି ହାଏ, ୨୫ ହୁକାୟାଁ ହାଗୁଟି ତରଗାଲି ମାନ୍ଦୁ ଅଡ଼େ ହାଗୁ ଲାକତି ବାଡ଼ୟୁ ବାରେ କିଲିବିଲି ଆନେ । ୨୬ ଏଚିବେଲା ଲକୁ ମାଣ୍ଡିଏ ମୀରୁଏଣାଇଁ କାଜା ବାଡ଼ୟୁଟି କାଜାପାଣା ତଲେ ହାଗୁ ଲାକତି ଖାନାଣି ମେହ୍ନେରି । ୨୭ ଏଚିବେଲା ଏଖାସି ଦୂତୁୟାଁଣି ପାଶ୍ତାନା ଦାର୍ତ୍ତି ମୁଟ୍ପେତି ସାରିଖାକିଟି ତାନି ଆଚାମାନି ଲକୁଣି ରୁଣ୍ଡା କିନେସି । ୨୮ ତୟା ମାର୍ଦ୍ଦୁ ପୁଣ୍ଡି କିନି କାତାଟି ଜାପାଦୁ । ଏଚିବେଲାତା ଏ ମାର୍ଦ୍ଦୁତା କଡ଼ି କମାୟାଁ ଅଡ଼େ ଗଖେଡ଼ି ଗାଲ୍ଦୁ, କାରା କାଲମି ଖାତେ ଇଞ୍ଜି ପୁଞ୍ଜେରି । ୨୯ ଏଲେକିହିଁଏ ମୀରୁ ଜିକେଏ ଇ ବାରେ ମେସ୍ତିସାରେ ଏଖାସି ଦୁଖେରି ତାଗେ ମାନେସି ଇଞ୍ଜି ପୁଞ୍ଜେରି । ୩୦ ନାନୁ ମିଢ୍ଵେ ସାତା ଖେସିମାଞ୍ଜୁଇଁ ଇ ବାରେ ଆଆପାତେକା ଇ କାଲାତି ଲକୁ ଏନିଜିକେଏ ମେଶ୍ଟୁଅରି । ୩୧ ହାଗୁପାକା ଦାର୍ତ୍ତି ବାରେ ମେଶ୍ଟୁନେ, ସାମା ନା ବଲୁ ଏଚେଲାଖା ମେଶ୍ଟୁଏ ।” ୩୨ ସାମା ଏ ଦିନା କି କାଲାତି କାତା ଆମ୍ବାଆରି ପୁନଅରି, ଲାକପୁରୁତି ଦୂତୁୟାଁ କି ମୀରୁଏସି ଜିକେଏ ପୁନଅସି, ଖାର୍ଲ ଆବାଦେଁ ପୁନେସି । ୩୩ ମୀରୁ ଜାଗ୍ରାତା ଆହାନା ମାଞ୍ଜୁ, କାତାନା

ମାଞ୍ଜୁ: ଇତିହାସ ଏ ବେଳା ଏତେଲା ଆନେ ଏଦାଆଁ ମୀରୁ ପୁନଅତେରି । ୩୪ ଏଦି ଇଲେକିହିଁ, ର ମାଣ୍ଡି ତାନି ଇଲୁ ପିସାନା ହେକ ରାଜିତା ହାନେସି, ଅଡ଼େ ତାନି ହୁଲିୟାଢ଼ାଣି ବାରେ କାମାତି ଅଦିକାରା ହୀତେସି ଇଞ୍ଜି ଦୁଝେରିତା କାଚାଲି ଜିକେଏ ହୁକୁମି ହୀତେସି । ୩୫ ଏଦାଆଁତାକି କାଚାନା ଡ଼ୟାମୁ: ଇତିହିଁ ନୀନୁ ପୁଞ୍ଜାହିଲଅତି ଇଲୁତି ସାଞ୍ଜୁକାରି ଏତେଲା ଝାନେସି, ମିଡ଼ୁଅଲା କି ମାଦି ଲାଆଁୟାଁ, ଝେୟାଆ ନକେଏ କି ଝେଡ଼ା ହନି ବେଲାତା ଏଝାସି ଝାନେସି । ୩୬ ଏଝାସି ଦେବୁଣିଏ ଝାତିସାରେ ମୀରୁ ହୁଞ୍ଜାମାନାଣି ମେସ୍ତାଆପେସି । ୩୭ ନୀନୁ ମିଡ଼େ ଏନାଆଁ ଝେସିମାଞ୍ଜୁଇଁ, ଏଦାଆଁ ବାରେତି ଝେସିମାଞ୍ଜୁ, ଜାଗ୍ରାତା ମାଞ୍ଜୁ ।

**୧୪** ପିସପିଆନି ପାରୁ ଇଞ୍ଜି ପୁଲାଏୟୁ ଆଣ୍ଡାଆତି ରୁଟି ତିନି ପାରୁ ଆହାଲି ରୀ ଦିନା ମାଚେ । ଏତିବେଲାତା କାଜା ପୂଜେରାଢ଼ା ଇଞ୍ଜି ମେରା ପୁନାରି ଏନିକି ଏଝାଣାଇଁ ନାଡ଼ିକିହାଁ ଆସାନା ପାୟିନେରି ଏଦାଆଁତାକି ପାରୁ ପାରିମାଚେରି । ୧ ଇତିହିଁ ଏଝାରି ଏଲେଇଚେରି, “ପାରୁ ବେଲାତା ଆଏ ଏଚେତା ଲକୁ ଗଡ଼ହା କିନେରି ।” ୩ ଜୀସୁ ବେତନିୟାତା କାଜା ରଗଗାଟି ସିମନ ଇଜ ତିଞ୍ଜାଲି କୁଗାମାଚାଟି ର ଇୟା ର ଗାଜୁତା ହାରେକା ଦାରାତି ଗାନ୍ଧୁ ନିୟୁଁ ତାଚାନା ଗାଜୁତି ଦେଚାନା ଜୀସୁ ତାୟୁଁତା ଝାକହାଲି ମାଟ୍‌ହେ । ୪ ସାମା ଏଚେକା ଲକୁ କାର୍‌ବି ଆହାନା, ତାମୁ ତାମୁଏ ଝେସପି ଆଚେରି, “ନିୟୁଁ ଏନାଆଁତାକି ନସ୍ତୁ ଆଚେ? ୫ ଇ ନିୟୁଁ ସାତାକଡ଼ି ଦସଟାକା କିହାଁ ଆଗାଡ଼ା ପାରୁପି ଆହାନା ହାକି ଗାଟାରାକି ହୀପକି ଆହାଲି ଆଡିଚେମା” ଏଦାଆଁତାକି ଏଝାରି ଏ ଇୟାନି ଲାଗାଲି ମାଟ୍‌ହେରି । ୬ ସାମା ଜୀସୁ ଏଲେଇଚେସି, “ଏଦାନି ପିହୁଦୁ: ଏନାଆଁତାକି କସ୍ତୁ ହାହିମାଞ୍ଜେରି? ଏଦି ନାଢ଼େଟାକି ନେହିଁ କିହାମାନେ । ୭ ଇତିହିଁ ହାକି ଗାଟାରି କାଲେଏ ମୀ ଡ଼ାଣା ମାନେରି, ଅଡ଼େ ମିଡ଼େ ଏଚେତା ମନ ଏଚେତା ଏଝାରି ସାୟେମି କିହାଲି ଆଡିଚେରି; ସାମା ନୀନୁ କାଲେଏ ମୀ ଡ଼ାଣା ଡ଼ୟୁଅଁ । ୮ ଏଦି ଏନାଆଁ ଆଡିନାୟି ମାନେ ଏଦାଆଁ କିହାମାନେ; ଏଦି ନା ଆଢ଼ୁତି ମୁସାଲି ତାକି ତଲିଏ ନିୟୁଁ ଝାକହାନା ତିୟାରା କିହାମାନେ । ୯ ନୀନୁ ମିଡ଼େ ସାତା ଝେସିମାଞ୍ଜୁଇଁ, ବାରେ ଦାରୁତିତା ଆମ୍ବିୟା ଜିକେଏ ନେହିଁ କାବୁ ଝେକ୍‌ନେରି, ଏ ଗାୟୁତା ଇ ଇୟାନି ଅଶ୍‌ପାଲିତାକି ଏଦାନି ଇ କାମାତି କାତା ଜିକେଏ ଝେସପି ଆନେ ।” ୧୦ ଏମ୍ବାଟିଏ ବାରଜାଣା ବିତ୍ରାଟି ଇସ୍ତାରିୟୁତ ଜୀହୁଦା ଦରୁଗାଟାସି ରଅସି ଜୀସୁଇଁ କାଜା ପୂଜେରାଢ଼ା କେୟୁତା ହେର୍‌ପାଲି ଏଝାରିତାଣା ହାଚେସି । ୧୧ ଏଝାରି ଏଦାଆଁ ଝେଞ୍ଜାନା ରାହାଁ ଆଚେରି,

ଇଚ୍ଛା ଏଞ୍ଜଣାକି ଟାକାୟାଁ ହାହାଲି ଆଜ୍ଞାଚେରି, ଏମ୍ପାଟିଏ ଏଞ୍ଜାସି ଏଞ୍ଜାଣାଲ୍  
 ଆସ୍ପି କିହାଲି ନେହଁ ପାରୁ ପାରିଚେସି । ୧୨ ଡାୟୁ ପୁଲାରୁଣ୍ଡା ଆଣ୍ଡାଆତି  
 ରୁଟି ତିନି ପାରୁଟି ମୁଲୁ ଦିନାତା ଆମିନି ନେରୁ ପିସ୍ପିଆନି ପାରୁଟି ଚେଣ୍ଡା  
 ଡାଲୁଟି ହେରୁପିଆନେ, ଏ ଦିନା ତାନି ସୀସୁୟାଁ ଏଞ୍ଜାଣାଲ୍ ଖେଚେରି, “ମାମୁ  
 ହାଜାନା ଆମିନି ଟାୟୁତା ନିଢ୍ଢେଟାକି ପିସ୍ପିଆନି ପାରୁଟି ବଜି କିନମି ଇଚ୍ଛା  
 ନାନୁ ଅଣ୍ଡିମାଜ୍ଜି?” ୧୩ ଏମ୍ପାଟିଏ ଏଞ୍ଜାସି ତାନି ସୀସୁୟାଁ ବିତ୍ରାଟି ରିଆରାଲ୍  
 ଏଲେଇଚ୍ଛା ପାଣ୍ଡିଚେସି, “ମୀରୁ ଗାଡ଼ାତା ହାଲୁ ଇଚ୍ଛା ଏୟୁ ଡକା ଅହିମାନି  
 ରଅସି ମିଢ୍ଢେ ବେଟାଆୟାନେସି; ଏଞ୍ଜାଣି ଜେଚ ଜେଚ ହାଲୁ: ୧୪ ଏଞ୍ଜାସି  
 ଆମିନି ଇଜ ହୁଡନେସି, ଏ ଇଲୁ ଗାଟାଣାଲ୍ ଖେଜ୍ଜୁ, ‘ଗୁରୁ ଖେଜ୍ଜିମାଜ୍ଜାନେସି,  
 ନାନୁ ନା ସୀସୁୟାଁ ତଲେ ଆମିନି ଟାୟୁତା ପିସ୍ପିଆନି ପାରୁଟି ବଜି କିହାଲି  
 ଆନେ ଏ ବାକ୍ସା ଆମିନାୟି?’ ୧୫ ଏଚେଟିଏ ଏଞ୍ଜାସି ମିଢ୍ଢେ ନେହଁକି ତିୟାରା  
 ଅହାମାନି ଲାକନି ପାରୁଟି ର କାଜା ବାକ୍ସା ଡସ୍ତାନେସି; ଏମ୍ପାଆଁ ମାଢ୍ଢେଟାକି  
 ରାନ୍ତା ଖାଜାଦୁ ।” ୧୬ ଏମ୍ପାଟିଏ ସୀସୁୟାଁ ହାଜାନା ଗାଡ଼ାତା ହୁଚେରି, ଇଚ୍ଛା  
 ଏଞ୍ଜାସି ଏଞ୍ଜାଣାଲ୍ ଏନିକି ଖେସାମାଚେସି, ଏଲେକି ମେସାନା ପିସ୍ପିଆନି  
 ପାରୁଟି ବଜି ଖାଜିଚେରି । ୧୭ ମିଡ଼ୁଆଲା ଅହାଲିଏ ଜୀସୁ ବାରଜାଣା ସୀସୁୟାଁ  
 ତଲେ ଖାଚେସି । ୧୮ ଏଞ୍ଜାରି କୁଗାନା ରାନ୍ତା ତିଜ୍ଜି ମାଚାଟି ଜୀସୁ ଏଲେଇଚେସି,  
 “ନାନୁ ମିଢ୍ଢେ ସାତା ଖେସିମାଜ୍ଜାଲ୍, ମୀ ବିତ୍ରାଟି ରଅଚେରି ନାଢ୍ଢେ ସାତୁ  
 କେୟୁତା ହେରୁପାଦେରି ।” ୧୯ ଏମ୍ପାଟିଏ ଏଞ୍ଜାରି ଦୁକୁ ଅହାଜାନା ରଅ ରଅରି  
 ଏଞ୍ଜାଣାଲ୍ ଖେଜ୍ଜାଲି ମାଟ୍‌ହେରି, “ନାନୁ ଏଞ୍ଜାଚେଏଁ କି?” ୨୦ ଜୀସୁ ଏଞ୍ଜାଣାଲ୍  
 ଏଲେଇଚେସି, “ବାରଜାଣା ବିତ୍ରାଟି ରଅସି, ଆମ୍ପାଆସି ନା ତଲେ ସାଡ଼଼ାତା  
 କେୟୁ ମେଡ଼ୁହି ମାନେସି । ୨୧ ମାଣ୍ଡିସି ମୀରୁଏଣା କାତା ଏନିକି ରାସ୍‌କି  
 ଅହାମାନେ, ଏଲେକିହଁଏ ହାନେସି ସାତା, ସାମା ଆମିନି ଲକୁ ଡାଣାଟି ମାଣ୍ଡିସି  
 ମୀରୁଏସି ସାତୁ କେୟୁତା ହେରୁପିଆନେସି, ଆୟୁତା ଏଞ୍ଜାଣି ତଣ୍ଡା ଏ ଲକୁଟି  
 ଜାର୍ନା ଅହାହିଲିଆତିହଁ ଏଞ୍ଜାଣାକି ନେହଁ ଆଚେମା ।” ୨୨ ଏଞ୍ଜାରି ତିଜ୍ଜି  
 ମାଚାଟି ଜୀସୁ ରୁଟି ଅହାଜାନା ମାହାପୁରୁଲ୍ ଜହରା କିହାନା ଏଦାଆଁ ଡିକ୍‌ହା  
 ହାହାଜାନା ଏଲେଇଚେସି, “ଅଦୁ ତିଜ୍ଜି, ଇଦି ନା ଆଡ୍ଡା ।” ୨୩ ଇଚ୍ଛା ଏଞ୍ଜାସି  
 ଗହ୍‌ନି ସଲା ଆସାନା ମାହାପୁରୁଲ୍ ଜହରା କିହାଁ ଏଞ୍ଜାଣାକି ହାଚେସି, ଇଚ୍ଛା  
 ବାରଜାଣା ଏଦାଆଁ ଗସ୍ତେରି । ୨୪ ଇଚ୍ଛା ଜୀସୁ ଏଞ୍ଜାଣାଲ୍ ଏଲେଇଚେସି,  
 “ଆମିନି ରାଜିମାନା ନେଚେରି ହାରେକା ଲକୁଟାକି ଖାଡ୍ଡାମାନେ, ଇଦି ଏ ନା

ନେତେରି । ୨୫ ନାନୁ ନିଢ଼େ ସାତା ଝେସିମାଞ୍ଜାଲ୍, ଆମିନି ଦିନା ମାହାପୁରୁତି  
 ରାଜିତା ପୁଝନି କିହିଁ ଅଢ଼ୁରି ପାଡ଼େୟିତି ରାସା ଗହ୍ଲ୍ ଏ ଦିନା ପାତେକା ଇଦାଆଁ  
 ଅଡ଼େ ନାନୁ ଏଚେଲା ଗହ୍ ଅଁ ।” ୨୬ ଇଞ୍ଜିଁ ଏଝାରି ଜହରା ପାରୁ ପାଚିତି ଡାୟୁ  
 ଜୀତ ହରୁତା ହଠା ହାଚେରି । ୨୭ ଏଚିବେଲା ଜୀସୁ ଏଝାରାଲ୍ ଏଲେଇଚେସି,  
 “ମୀରୁ ବାରେ ପିସା ହାଜାଦେରି, ଇଚିହିଁ ରାସ୍ କି ଆହାମାନେ, ନାନୁ ମେଣ୍ଟା  
 ଚଢ଼ୁଲ୍ ପାୟିଲ୍ ଇଞ୍ଜିଁ ମେଣ୍ଟାୟି ଆଲାରା ଅହାହାନୁ । ୨୮ ସାମା ନାନୁ  
 ହାହାନା ଝେଣ୍ଟେ ନିଢ଼ୁତି ଡାୟୁ ମୀ ନକିତା ଗାଲିଲିତା ହାଲ୍ ।” ୨୯ ଏମ୍ପାଟିଏ  
 ପିତର ଏଲେଇଚେସି, “ବାରେଜାଣା ପିସା ହାଜାନେରି ନାନୁ କଡ଼େ ନିଢ଼େ  
 ଏଚେଲା ପିସୁଅଁ ।” ୩୦ ଜୀସୁ ପିତରଲ୍ ଏଲେଇଚେସି, “ନାନୁ ନିଢ଼େ ସାତା  
 ଝେସିମାଞ୍ଜାଲ୍, ନୀଞ୍ଜୁ ଇ ଲାଆଁୟି କୟୁ ରୀ ଦେବା କେଶ୍ ଆ ମାନାଟିଏ, ନାନୁ  
 ଏଝାଣାଲ୍ ପୁଞ୍ଜୁହିଲଅଁ ଇଞ୍ଜିଁ ତାନିପାଲି ଏଲେଇଞ୍ଜି ।” ୩୧ ସାମା ପିତର ଆଢ଼ୁ  
 ତଲେ ଏଲେଇଚେସି, “ନାଢ଼େ ନୀ ତଲେ ହାହାଲି ଆଡି ଜିକେଏ ନାନୁ ନିଢ଼େ  
 ଏଚେଲା ପୁଞ୍ଜୁହିଲଅଁ ଇଞ୍ଜିଁ ।” ଇଞ୍ଜିଁ ବାରେଜାଣା ଜିକେଏ ଏଲେଇଚେରି  
 । ୩୨ ଡାୟୁ ଏଝାରି ଗେଡ଼ସିମନି ଇନି ର ଟାୟୁତା ଝାଚେରି, ଇଞ୍ଜିଁ ଜୀସୁ  
 ତାନି ସୀସୁୟିଲ୍ ଏଲେଇଚେସି, “ନାନୁ ପ୍ରାତାନା କିହିମାନି ପାତେକା ଇମ୍ପାଆଁ  
 କୁଗାନା ମାଞ୍ଜୁ ।” ୩୩ ଇଞ୍ଜିଁ ଏଝାସି ପିତର, ଜାକୁବ ଅଡ଼େ ଜହନଲ୍ ତାନିତଲେ  
 ଅଡ଼େସି । ଏଝାସି ହାରେକା ଦୁକୁତି କସ୍ତ ତାକି କିଲିବିଲି ଆଡେସି । ୩୪  
 ଏଚେଟିଏ ଜୀସୁ ଏଝାରାଲ୍ ଏଲେଇଚେସି, “ନା ଜୀସୁ ହାନିଲେହେଁ ହାରେକା  
 କିଲିବିଲି ହୁତିମାଞ୍ଜାନେ; ମୀରୁ ଇମ୍ପାଆଁ ଚେଝଏଲାନା କାଚାମାଞ୍ଜୁ ।” ୩୫ ଜୀସୁ  
 ନକିତା ହାଜାନା ବୁମିତା ମୁନୁ କୁଚିଚେସି, ଅଡ଼େ ଆହାଲି ଆଡିତିହିଁ, ଏ ଦୁକୁ  
 ଏଝାଣି ତାଣାଟି ଏନିକିଁ ହେକ ଆନେ, ଏଦାଆଁତାକି ପ୍ରାତାନା କିଚେସି । ୩୬  
 ଇଞ୍ଜିଁ ଜୀସୁ ଏଲେଇଚେସି, “ଆବା, ନୀନୁ ବାରେଏ କିହାଲି ଆଡିଦି; ଇ କସ୍ତ  
 ବାଦା ନା ତାଣାଟି ହେକ କିମ୍ପୁ; ଆଡିଜିକେଏ ନା କାତା ଆଏ ନୀ କାଚେଏ  
 ଆପେ ।” ୩୭ ଇଞ୍ଜିଁ ଏଝାସି ଝାହାନା ସୀସୁୟି ଇଦା କିତାଣି ମେସ୍ତେସି, ଇଞ୍ଜିଁ  
 ପିତରଲ୍ ଏଲେଇଚେସି, “ସିମନ ନୀନୁ ଡୁରିଚିକି? ଗାଡ଼େକା ଜିକେଏ କାଚାଲି  
 ଆଡାଆଡେରି? ୩୮ ଏଦାଆଁତାକି କାଚାନା ପ୍ରାତାନା କିଦୁ: ଏନିକିଁ ମୀରୁ  
 ପାନ୍ତାତା ହେର୍ଅଚେରି, ମନ ମାନେ ସାତା, ଆଢ଼ୁତା ବାଡ଼ୁୟୁ ହିଲେଏ ।” ୩୯  
 ଏଝାସି ଅଡ଼େ ଝେଣ୍ଟେ ହାଜାନା ତଲିତିଲେହେଁ ପ୍ରାତାନା କିଚେସି । ୪୦ ଅଡ଼େ  
 ଝେଣ୍ଟେ ଝାହାନା ଏଝାସି ଏଝାରାଲ୍ ଇଦା କିହାମାନାଣି ମେସ୍ତେସି, ଇଚିହିଁ ଏଝାରି

କାଣ୍ଡକା ପଞ୍ଚମି ଆହିମାରୁ, ଇଚ୍ଛା ଏଝାରି ଏଝାଣାଇଁ ଏନାଆଁ ଜଳିନେରି ପୁଞ୍ଜାଲି  
 ଅତାଆତେରି । ୪୧ ଜୀସୁ ତାନି ଦେବା ଖାହାନା ସୀସୁୟାଁଇଁ ଏଲେଇରେସି,  
 “ମୀରୁ ଗାଡ଼େକା ତୁରାନା ଜମାତୁ: ହାରେକା ବେଲା ଆତେୟିଏ, ଏ ବେଲା  
 ଏଗାଝାହିମାନେ; ମେହ୍ତୁ ମାଣ୍ଡିଏ ମୀର୍ଏସି ସାତୁୟାଁ କେୟୁତା ହେର୍ପି  
 ଆହିମାନେସି । ୪୨ ନିଞ୍ଜାତୁ, ମୀର ହାନ, ମେହ୍ତୁ ଆମ୍ବାଆସି ନାଢ଼େ ସାତୁୟାଁ  
 କେୟୁତା ହେର୍ପାନେସି ଏଝାସି ଏଗାଝାତେସିଏ ।” ୪୩ ଏ ଦେବୁଣିଏ ଜୀସୁ  
 ଝେସିମାଟି ବେଲାତା, ବୀରଜାଣା ବିତ୍ରାଟି ଜୀହୁଦା ଦରୁଗାଟାସି ରଅସି ଇଚ୍ଛା  
 ତାନିତଲେ କାଜା ପୂଜେରାଢ଼ା, ମେରା ପୁନାରି ଇଚ୍ଛା ଲକ୍ଷୁତି କାଜାରି ତାଣାଟି  
 କାଣ୍ଡା ଚେଢ଼ା ଆସାନା ଝାତେରି । ୪୪ ଜୀସୁଇଁ ସାତୁୟାଁ କେୟୁତା ହେର୍ପିନାସି  
 ଏଝାରାଇଁ ଇ ସିନା ଝେସାମାରେସି, “ନୀନୁ ଆମ୍ବାଆରାଇଁ ନଶ୍ଚିଇଁ ଏଝାସିଏ  
 ଏଝାସି । ଏଝାଣାଇଁ ଦସାନା ଜାଗ୍ରାତା ତଲେ ଅନୁ ।” ୪୫ ଇଚ୍ଛା ଏଝାସି ଏ  
 ଦେବୁଣିଏ ଏଝାଣି ତାଗେ ହାଜାନା, “ଏ ଗୁରୁ” ଇଚ୍ଛାନା ଏଝାଣାଇଁ ନଶ୍ଚିତେସି  
 । ୪୬ ଏମ୍ବାଟିଏ ଏଝାରି ଏଝାଣାଇଁ ଆସାନା ଦସା ଅତେରି । ୪୭ ସାମା  
 ତାଗେ ନିରାମାଟି ଲକ୍ଷୁ ବିତ୍ରାଟି ରଅସି କାଣ୍ଡା ହ୍ପହେସି ଇଚ୍ଛା କାଜା ପୂଜେରା  
 ହ୍ପଲେଏଣା କିୟୁଁ ଦାତେସି । ୪୮ ଜୀସୁ ଏଝାରାଇଁ ଏଲେଇରେସି, “ସରୁଇଁ  
 ଆସାଲି ହାନିଲେହେଁ କାଣ୍ଡା ଅଡ଼େ ଚେଢ଼ା ଆସାନା ମୀରୁ ନାଢ଼େ ଆସାଲି  
 ଝାତେରି? ୪୯ ନୀନୁ ବାରେଦିନା ମୀ ତଲେ ପ୍ରାତାନା ଇଲୁତା ମାଞ୍ଜାନା ଜାପ୍ତୁ  
 ମାଞ୍ଜାତେଏଁ, ସାମା ମୀରୁ ନାଢ଼େ ଆସ୍ତାଆତେରି; ସାମା ଦାମ୍ବୁ ପତିତି ରାସ୍କି  
 ଆତି ବଲୁ ଏନିକିଁ ସାତା ଆନେ, ଏଦାଆଁତାକି ଇ ବାରେ ଆହିମାନେ ।”  
 ୫୦ ଏଚିବେଲା ବାରେଜାଣା ସୀସୁୟାଁ ଏଝାଣାଇଁ ପିସାନା ହାଚେରି । ୫୧ ର  
 ଦାଂଗଣା କକାସି ର ହିମ୍ପୁରି ପିଡ଼ଗାହାଁ ଜୀସୁ ଜେଚ ଜେଚ ହାଜିମାଚେସି;  
 ଏଝାରି ଏଝାଣାଇଁ ଆସାଲି ହାଜାଲିଏ, ୫୨ ଏଝାସି ଏ ପାତାଡ଼ା ହିମ୍ପୁରି ପିସାନା  
 ଝାରୁଇ ଆଞ୍ଜାଟି ହଟାତୁସ୍ତେସି । ୫୩ ତାୟୁ ଏଝାରି ଜୀସୁଇଁ କାଜା ପୂଜେରା  
 ନକିତା ଅତେରି, ଇଚ୍ଛା କାଜା ପୂଜେରା, ଲକ୍ଷୁତି କାଜାରି ଅଡ଼େ ମେରା ପୁନାରି  
 ବାରେ ଝାହାନା ରୁଣ୍ଡା ଆତେରି । ୫୪ ପିତର ହେକ ମାଞ୍ଜାନା ଏଝାଣି ଜେଚ  
 ଜେଚ କାଜା ପୂଜେରା ଆଂଗେଣି ବିତ୍ରା ହାଚେସି ଇଚ୍ଛା ଜାମାନାଢ଼ା ତଲେ  
 କୁଗାନା ହିରୁ କେର୍ଚ୍ଚି ମାଚେସି । ୫୫ ଏମ୍ବାଟିଏ କାଜା ପୂଜେରାଢ଼ା ଇଚ୍ଛା  
 ବେରଣି ମାଣ୍ଡାଟି ବାରେଜାଣା ଜୀସୁଇଁ ପାୟାଲି ଏଝାଣି କପାଟି ସାକିୟାଁ  
 ପାରିତେରି, ସାମା ଏନି ଦହ ବେଟାଆଆତେରି; ୫୬ ଇଚିହିଁ ହାରେକା ଏଝାଣି

କପାଟି ମିଟି ସାକିୟାଁ ହାଟି ଜିକେଏ ଏଞ୍ଜାରି ହାଟି ସାକି ଆଣ୍ଡାଆତେ । ୫୭  
 ଡାୟୁ ଏଚରଜାଣା ହରାନା ଏଞ୍ଜାଣି କପାଟି ମିଟି ସାକି ହାହାନା ଏଲେଇଚେରି,  
 ୫୮ “ମାୟୁ ଇଞ୍ଜାଣାଇଁ ଇ କାତା ଝେସିମାଚାଣି ଝେଞ୍ଜାମାନମି, ନାନୁ ଇ କେୟୁଟି  
 କେପିତି ପ୍ରାତାନା ଇଲୁତି ତିକହାନା ଚାନିଦିନା ବିତ୍ରା ଅଡ଼େ ମାଣ୍ଡି କେପାଆତି  
 ପ୍ରାତାନା ଇଲୁ କେପିଇଁ । ୫୯ ସାମା ଏମ୍ପାଆଁ ଜିକେଏ ସାକି ଆଣ୍ଡାଆତେ  
 ।” ୬୦ ଏଚେଟିଏ କାଜା ପୂଜେରା ମାଦିଏ ନିଚାନା ଜୀସୁଇଁ ଝେଚେସି, “ନୀ  
 କପାଟି ଇଞ୍ଜାରି ଆମିନି ସାକି ହାହିମାନେରି, ଝେଣ୍ଡେ ଜଲଲି ଏନି କାତା  
 ହିଲେଏ କି?” ୬୧ ସାମା ଏଞ୍ଜାସି ପାଲେଏ ଆହାନା ଏନି କାତା ଜଲଲିଆତେସି,  
 କାଜା ପୂଜେରା ଅଡ଼େ ଝେଣ୍ଡେ ଏଞ୍ଜାଣାଇଁ ଝେଚେସି, “ନୀନୁ କି ମାନିଗାଟି  
 ମାହାପୁରୁ ମୀରୁଏଣାଟି କ୍ରୀସୁ?” ୬୨ ଜୀସୁ ଏଲେଇଚେସି, “ନୀନୁ ଏଞ୍ଜାତେସି,  
 ମୀରୁ ମାଣ୍ଡି ମୀରୁଏଣାଇଁ ବାଡ଼ୟୁଗାଟି ଚିଃନିଞ୍ଜାକି କୁଗାମାନାଣି ମେହ୍ଦେରି  
 ଇଞ୍ଜାଁ ହାଗୁ ଦୁନ୍ନାଟି ଝେଣ୍ଡେ ଝାନାଣି ମେହ୍ଦେରି ।” ୬୩ ଏଚେଟିଏ କାଜା  
 ପୂଜେରା ତାନି ହିମ୍ପୁରି ଗେସାନା ଏଲେଇଚେସି, “ମାଡ଼େ ଅଡ଼େ ଏନି ସାକିୟାଁ  
 ଲଡ଼ା ହିଲେଏ । ୬୪ ମୀରୁ ମାହାପୁରୁ ନିନ୍ଦୁ ଝେଚେରି; ମୀ ଅଣ୍ଡୁ ଏନାୟି?”  
 ଏମ୍ପାଟିଏ ବାରେଜାଣା ଏଞ୍ଜାସି ହାନି ତଣ୍ଡୁ ବେଟାଆପେସି ଇଞ୍ଜାଁ ଏଲେଇଚେରି  
 । ୬୫ ଇଞ୍ଜାଁ ଆମ୍ପା ଆମ୍ପାଆରି ଏଞ୍ଜାଣିଲକ ହୁପିଚେରି ଇଞ୍ଜାଁ ଏଞ୍ଜାଣି କାଣ୍ଡକା  
 ପଜାନା ଏଞ୍ଜାଣାଇଁ ଝେଚାନା ଝେଚେରି, “ମାହାପୁରୁ ଅଣ୍ଡୁଟି ବଲୁ ଝେହ୍ନାଟି  
 ଆମ୍ପାଆସି ନିଡ଼େ ଝେଚାତେସି, ଝେସ୍ତାମ୍ପା!” ଜାମାନାଟ୍ଟା ଜିକେଏ ଆସାନା  
 ସାପ୍ତା ଝେଚିହିଁ ଅଚେରି । ୬୬ ଏମ୍ପାଟିଏ ପିତର ଆଂଗେଣିତା ମାଟିବେଲୀତା  
 କାଜା ପୂଜେରା ହଲେଣି ଝାହାନା ପିତର ହିରୁ କେରୁଞ୍ଜା ମାଚାଣି ମେସ୍ତେ, ୬୭  
 ଇଞ୍ଜାଁ ପିତରଇଁ ସିନିକିହାନା ଏଲେଇଚେ, “ନୀନୁ ଜିକେଏ ନୀଜରିତ ଜୀସୁତଲେ  
 ମାଟି ।” ୬୮ ସାମା ଏଞ୍ଜାସି, ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ, ନୀନୁ ଏନାଆଁ  
 ଝେସିମାଞ୍ଜି ନୀନୁ ପୁଞ୍ଜାହିଲଅଁ, ଡାୟୁ ଏଞ୍ଜାସି ଆଂଗେଣି ଦୁଝେରିତା ହାଚେସି,  
 ରେରୁଏ କୟୁ କେଣ୍ଡେ । ୬୯ ଇଞ୍ଜାଁ ଏ ହଲେଣି ଏଞ୍ଜାଣାଇଁ ମେସାନା ଦାରିତା  
 ନିଚାମାନି ଲକୁଣି ଅଡ଼େ ଝେଣ୍ଡେ ଝେସାଲି ମାଟ୍ ହେ, “ଇଞ୍ଜାସି ଏଞ୍ଜାରି ବିତ୍ରାଟି  
 ରଅସି ।” ୭୦ ସାମା ଏଞ୍ଜାସି ଅଡ଼େ ଝେଣ୍ଡେ ପୁଞ୍ଜାହିଲଅଁ ଇଚେସି, ଅଡ଼େ  
 ଗାଡ଼େକା ଆହାଲିଏ ଦାରିତା ମାଟି ଲକୁ ପିତରଇଁ ଏଲେଇଚେରି, “ନୀନୁ  
 ସାତେଏ ଏଞ୍ଜାରି ବିତ୍ରାଟି ରଅତି, ଇଚିହିଁ ନୀନୁ ର ଗାଲିଲି ଲକୁଟି ।” ୭୧  
 ସାମା ଏଞ୍ଜାସି ପାର୍ମାଣା ଇଞ୍ଜାଁ ବାକା ଇଚାନା ଏଲେଇଚେସି, ମୀରୁ ଆମିନି

ଲକ୍ଷ୍ମି କାତା ଖେସିମାଞ୍ଜେରି, ନାନୁ ଏଝାଣାଇଁ ପୁଞ୍ଜାହିଲଅଁ । ୭୭ ଏ ଦେବୁଣିଏ କୟୁ ରୀ ଦେବା କେଣ୍ଡେ । ଏମ୍ପାଟିଏ କୟୁ ରୀ ଦେବା କେଣ୍ଡା ନକେଏ ନାନୁ ନାଞ୍ଜେ ଚାନି ଦେବା ନାନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜୀସୁ ପିତରଇଁ ଏଲେଇଞ୍ଜାମାରେସି, ଏଦି ଏଝାଣି ମନତା ଝାତେ, ଇଞ୍ଜାଁ ଏଝାସି ଏ କାତା ଅଣ୍ପିହିଁ ହାରେକା ଡ଼ାହାଲି ମାଟ୍‌ହେସି ।

**୧୫** ଲାଇ ଖେୟାଲିଏ ବେରଣି ମାଣ୍ଡାତାରି, ଇତିହିଁ ଲକ୍ଷ୍ମି କାଜାରି ଇଞ୍ଜାଁ ମେରା ପୁନାରି ତଲେ କାଜା ପୁଜେରାଞ୍ଜା ବେରଣି କିହାନା କାତା ଆତେରି । ଜୀସୁଇଁ ଦସ୍‌ପା ଅହାନା ପିଲାତ କେୟୁତା ହେର୍‌ପିତେରି । ୨ ପିଲାତ ଏଝାଣାଇଁ ଖେରେସି, “ନାନୁ କି ଜୀହୁଦି ଲକ୍ଷ୍ମି ରାଜା?” ଜୀସୁ ଏଝାଣାଇଁ ଏଲେଇରେସି, “ନାନୁଏ ଏଲେ ଇଞ୍ଜାମାଞ୍ଜି ।” ୩ ଇଞ୍ଜାଁ କାଜା ପୁଜେରାଞ୍ଜା ଜୀସୁ କପାଟି ହାରେକା କାତାୟାଁ ଖେସ୍ତେରି । ୪ ଏମ୍ପାଟିଏ ପିଲାତ ଅଡ଼େ ଖେଣ୍ଡେ ଏଝାଣାଇଁ ଖେରେସି, “ନାନୁ ଏନାଆଁତାକି ଖେସିମାଞ୍ଜୁଅତି? ମେହ୍‌ମୁ ଇଝାରି ନୀ କପାଟି ହାରେକା କାତା ଜଲିମାନେରି ।” ୫ ସାମା ଜୀସୁ ଏନି ହାତା ଜଲିଆତେସି, ଏରେଟିଏ ପିଲାତ କାବା ଆତେସି । ୬ ସାମା ପାର୍ବୁ ବେଲାତା ଲକ୍ଷ୍ମି ଆମିନି କାୟିଦିତା ମାତାଣାଇଁ ରାସିମାରେରି, ଏଝାଣାଇଁ ପିଲାତ ଏଝାରି ତାକି ପିସିମାରେସି । ୭ ଆମିନି ଗଡ୍‌ହା ଗାଟାରି ଗଡ୍‌ହା ବେଲାତା ଲକ୍ଷ୍ମି ପାୟାମାରେରି, ଏଝାରିତଲେ ବାରବା ଦରୁଗାଟାସି କାୟିଦିତା ମାରେସି । ୮ ଏଦାଆଁତାକି ତାନି ମେରା ଲେହେଁ କିହାଲି ପିଲାତଇଁ ବାତିମାଲିତେରି । ୯ ଏମ୍ପାଟିଏ ପିଲାତ ଏଝାଣାଇଁ ଏଲେଇରେସି, “ମୀରୁ ଏନାଆଁ ଅଣ୍ପିମାଞ୍ଜେରି? ନାନୁ ମିଞ୍ଜେତାକି ଜୀହୁଦି ଲକ୍ଷ୍ମି ରାଜାଇଁ ପିସାହିୟାଇଁ?” ୧୦ ଇତିହିଁ କାଜା ପୁଜେରାଞ୍ଜା ଏଝାଣାଇଁ ଡ଼ାହାରା ତଲେ ହେର୍‌ପାମାରେରି, ଏଦାଆଁ ଏଝାସି ପୁରେସି । ୧୧ ସାମା ଏଝାସି ଏନିକିଁ ଏଝାରି ତାକି ବାରବାଇଁ ପିହ୍‌ନେସି, ଏଦାଆଁତାକି କାଜା ପୁଜେରାଞ୍ଜା ଲକ୍ଷ୍ମି ଖେସ୍ତେରି । ୧୨ ସାମା ପିଲାତ ଖେଣ୍ଡେ ଏଝାଣାଇଁ ଏଲେଇରେସି, “ଆତିହିଁ ଆମ୍ପାଆରାଇଁ ଜୀହୁଦି ଲକ୍ଷ୍ମି ରାଜା ଇଞ୍ଜାଁ ମାଞ୍ଜେରି, ଜୀସୁଇଁ ନାନୁ ଏନାଆଁ କିଇଁ?” ୧୩ ଲକ୍ଷ୍ମି ବାରେ କାଲ୍‌ଝି ଆହାନା ଏଲେଇରେରି, “ଏଝାଣାଇଁ ପାସି ଏକ୍‌ଦୁ ।” ୧୪ ଏମ୍ପାଟିଏ ପିଲାତ ଏଝାଣାଇଁ ଖେରେସି, “ଏନାଆଁତାକି ଏଝାସି ଏନି ଦହ କିହାମାନେସି?” ସାମା ଏଝାରି ଗାତି କାଲ୍‌ଝି ଆହାନା ଏଲେଇରେରି, “ଏଝାଣାଇଁ ପାସି ଏକ୍‌ଦୁ ।” ୧୫ ଏରେଟିଏ ପିଲାତ ଲକ୍ଷ୍ମି ରାହାଁ କିହାଲି ମନ କିହାନା ଏଝାରି ତାକି

ବାରବାଙ୍କ ପିଣ୍ଡେସି, ଇଚ୍ଛା ଜୀମୁଇଁ ସାବୁଣି ତଲେ ଝେପି କିହାନା ପାସି ମୁଣ୍ଡାତା  
 ଏକହାଲି ହେରପିତେସି । ୧୭ ଏମ୍ପାଟିଏ କସକା ଜୀମୁଇଁ ଆଂଗେଣିଟି ମେଡ଼ା  
 ଇଲୁ ବିତ୍ରା ଅହାନା ବାରେ କସକାଣି ହାଟାନା ରୁଣ୍ଡା କିତେରି । ୧୭ ଏଝାରି  
 ଏଝାଣାଇଁ ହେୟାଁ ଝାଣା ହିମ୍ପୁରି ହୁଟକିତେରି ଇଚ୍ଛା ହାପକା ଟପେରି ଆଲାନା  
 ଏଝାଣି ଡାୟୁଟା ଦୁର୍ଝି କିତେରି; ୧୮ ଅଡେ “ଏ ଜୀହୁଦି ଲକ୍ଷୁତି ରାଜା  
 ଜହରା” ଇଚ୍ଛା ଏଝାଣାଇଁ ନିନ୍ଦୁକିତେରି । ୧୯ ଇଚ୍ଛା ଏଝାରି ର ବାଡ଼ଗା ଆସାନା  
 ଏଝାଣି ଡାୟୁଟା ଝେତେରି ଇଚ୍ଛା ମେଣ୍ଡାକୁତାନା ଜହରା କିତେରି । ୨୦  
 ଏଝାରି ଏଝାଣାଇଁ ଲାଜାକିହିଁ କାକ୍‌ହି ଡାୟୁ, ଏ ହେୟାଁ ଝାଣାଗାଟି ହିମ୍ପୁରି  
 ହୁକ୍‌ହା ଅହାନା ତାନି ହିମ୍ପୁରି ହୁଟକିତେରି । ଇଚ୍ଛା ଏଝାରି ଏଝାଣାଇଁ ପାସି  
 ମୁଣ୍ଡାତା ଏକହାଲି ପାଢ଼ାତା ଅଡେରି । ୨୧ ଏଡିବେଲା ଆଲେକ୍‌ଜାଣ୍ଡାର ଇଚ୍ଛା  
 ରୁପତାମି ଆବା ସିମନ ଦରୁଗାଟି ର କୁରିଣିୟ ଲକ୍ଷୁ ନାୟୁଟି ଝାହାନା ଏ ଜିରୁଟି  
 ହାଜିମାରେସି; ଏଝାରି ଏଝାଣାଇଁ ଜୀମୁଟି ପାସିମୁଣ୍ଡା ଡେକାଲି ବାଲାମାତମି  
 କିତେରି । ୨୨ ଇଚ୍ଛା ଏଝାରି ଏଝାଣାଇଁ ଗଲ୍‌ଗତା ଇତିହିଁ “ଡାୟୁଟିପା” ଇନି  
 ଡାୟୁଟା ତାତେରି । ୨୩ ଇଚ୍ଛା ଏଝାରି ଏଝାଣାକି ପୁଲା ଆଣ୍ଡିତି ଅଢ଼ୁରି ରାସା  
 ଗସାଲି ହାତେରି, ସାମା ଏଝାସି ଏଝାଆଁ ଗହୁଆତେସି । ୨୪ ଏରେଟିଏ ଏଝାରି  
 ଏଝାଣାଇଁ ପାସି ମୁଣ୍ଡାତା ଏକହେରି, ଇଚ୍ଛା ଆମ୍ପାଆସି ଏନାଆଁ ବେଟା ଆନେସି,  
 ଏଦାଆଁ ପାଦି କିହାନା ତାନି ହିମ୍ପୁରିକା ଡାମୁ ଡାମୁ ବାଟି କିହାନା ଅଡେରି । ୨୫  
 ଦିନା ନ ଗଂଟା ବେଲାତା ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି । ୨୬  
 ଇଚ୍ଛା ଏଝାଣିଲାକ ଇଲେଇଚ୍ଛା ରାସକି ଆହାମାରେ, “ଇଝାସି ଜୀହୁଦି ଲକ୍ଷୁତି  
 ରାଜା ।” ୨୭ ଇଚ୍ଛା ଏଝାଣି ଚିଃନିଝାକି ରଅଣାଇଁ ଅଡେ ଚେବିଝାକି ରଅଣାଇଁ,  
 ଇଲେକିହିଁ ରୀ ସର୍କାଣି ଏଝାରି ଏଝାଣିତଲେ ପାସି ମୁଣ୍ଡାତା ଏକହେରି । ୨୮  
 ଏରେଟିଏ ଦାମ୍ପୁ ପତିତି କାତା ସାତା ଆଡେ, ଏଝାସି ପାପୁ ଗାଟାରି ତଲେ  
 ଲେକା କିଝିଆତେସି । ୨୯ ଏ ଜିରୁଟି ହାଜିମାନି ଲକ୍ଷୁ ତାନି ଡାକା ଗୁଟକିକିହିଁ  
 ଏଝାଣାଇଁ ନିନ୍ଦୁକିହିଁ ଏଲେଇଚେରି, “ଆବା, ମାହାପୁରୁ ଇଲୁଟି ଡିକ୍‌ନାତି ଇଚ୍ଛା  
 ତାନି ଦିନାଟିଏ ଏଦାଆଁ କେପିନାତି, ୩୦ ପାସି ମୁଣ୍ଡାଟି ରେଟାଝାହାନା ନିଢ଼େ  
 ଗେଲ୍‌ପା କଡାମୁ ।” ୩୧ କାଜା ପୂଜେରାଢ଼ା ଜିକେଏ ଏଲେକିଁ ମେରାପୁନାରି  
 ତଲେ ଡାମୁ ଡାମୁ ଏଝାଣାଇଁ ନିନ୍ଦୁକିହିଁ ଏଲେଇଚେରି, “ଏଝାସି ଅର ଲକ୍ଷୁଇଁ  
 ଗେଲ୍‌ପିତେସି, ସାମା ତାଢ଼େ ଗେଲ୍‌ପାଲି ଆଡିହିଲଅସି । ୩୨ ଇସ୍ରାୟେଲତି  
 ରାଜା କ୍ରୀସ୍ତୁତି ଇତିହିଁ ଦେବୁଣିଏ ପାସି ମୁଣ୍ଡାଟି ରେଟା ଝାମୁ, ଏନିକିଁ ମାମୁ



ଏଦାଆଁ ମେସାନା ନାମାନମି ।” ଇଞ୍ଜି ଆମିନି ଗାଟାରାଇଁ ଜୀସୁତଲେ ପାସି ମୁଣ୍ଡାତା ଏକହା ମାଚେରି, ଏଝାରି ଜିକେଏ ଏଝାଣାଇଁ ନିନ୍ଦୁକିତେରି । ୩୩ ବାର ଗଂଟା ବେଲା ଏ ଦେସା ଆନେରି ଆହାନା ତାନି ଗଂଟା ପାତେକା ତୟିତେ । ୩୪ ତାନି ଗଂଟା ବେଲାତା ଜୀସୁ କାଜା ହାତାତଲେ ହାଟାନା ଏଲେଇଚେସି, “ଏଲହି ଏଲହି ଲାମା ସାବକ୍ତାନି?” ଇତିହିଁ “ଏ ନା ମାହାପୁରୁ ଏ ନା ମାହାପୁରୁ ନାନୁ ନାଟ୍ଟେ ଏନାଆଁତାକି ପିସ୍ତାତି?” ୩୫ ଇ ହାତା ଖେଞ୍ଜାନା ଦାରିତା ନିଚାମାନି ଲକୁ ଆମ୍ବା ଆମ୍ବାଆରି ଏଲେଇଚେରି, “ମେହ୍ତୁ ଏଝାସି ଏଲିୟୁଇଁ ହାଟି ମାନେସି ।” ୩୬ ଇଞ୍ଜି ରଅସି ହଟିହିଁ ହାଜାନା ରୁ ତ୍ରାଃଆଲି ପୁଲା ଅଢୁରି ରାସାତା ମେତ୍ତହାନା ଏଦାଆଁ ରୁ ବାଡ଼ଗାତା ରୁପାନା ଏଝାଣାକି ଗସାଲି ହାହାନା ଏଲେଇଚେସି, “ହେଣୁ ଏଲିୟୁ ଇଝାଣାଇଁ ଗେଲ୍ପାଲି ଝାହିମାନେସି କି ଆଏ ସିନିକିନ ।” ୩୭ ସାମା ଜୀସୁ କାଜା ଗିୟ୍ତଲେ ଜଲାନା ହାତେସି । ୩୮ ଇଞ୍ଜି ମାହାପୁରୁ ଇଲୁତା ଲେଚାମାନି ହିମ୍ପରି ଲାକଟିଏ ତୁଇ ପାତେକା ଗେଞ୍ଜାନା ରୀ ବାଗା ଆତେ । ୩୯ ଏଝାଣି ନକିତା ନିଚାମାନି ପାସାକଡ଼ି କସକା ମୁହେଁ କାଜାସି ଏଝାଣି ଇଲେତି ହାତାଣି ମେସାନା ଏଲେଇଚେସି, “ସାତେଏ, ଇଝାସି ମାହାପୁରୁତି ମାର୍ଏସି ମାଚେସି ।” ୪୦ ଏଚେକା ଇୟାସିକା ଜିକେଏ ହେକଟି ସିନିକିହିମାରୁ: ଏଝାସିକା ବିତ୍ରାଟି ମଗ୍ଦଲିନି ମରିୟମ, ଓଣା ଜାକୁବ ଇଞ୍ଜି ଜସିତି ଇୟା ମରିୟମ, ଅଡ଼େ ସାଲମି ମାରୁ: ୪୧ ଏଝାସି ଗାଲିଲିତା ମାଚାଟି ଏଝି ଏଝାଣି ଜେଚ ହାଜାନା ଏଝାଣି ସେବା କିହିମାରୁ: ଏଝାସିକା ତଲେ ଜିରୁସାଲମତା ଝାହାମାନି ହାରେକା ଇୟାସିକା ସିନିକିହିମାରୁ । ୪୨ ଝେଡ଼ା ହାଜିମାଚାଟି, ଏ ଦିନା ତିୟାରା ଆନି ଦିନା ଇତିହିଁ ଜମିନି ଦିନାତି ନକିତି ଦିନା ମାଚାକି, ୪୩ ହାରାମାତିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନି ଗାଟାସି ମାଚେସି, ଇଞ୍ଜି ଆମିନିଗାଟାସି ତାନୁଏ ମାହାପୁରୁତି ରାଜି କାଟିମାଚେସି, ଏଝାସି ସାସାତଲେ ପିଲାତ ତାଣା ହାଜାନା ଜୀସୁତି ଆଢୁ ରାସେସି । ୪୪ ସାମା ଏଝାସି ହାତେସିଏ ଇ କାତା ପିଲାତ ଖେଞ୍ଜାନା କାବା ଆତେସି, ଇଞ୍ଜି ପାସାକଡ଼ି କସକା ମୁହେଁ କାଜାଣାଇଁ ତାଗେ ହାଟାନା ଝେଚେସି, “ଏଝାସି ହାହାନା ହାରେକା ବେଲା ଆତେୟିଏ?” ୪୫ ପାସାକଡ଼ି କସକା ମୁହେଁ କାଜାଣି ତାଣାଟି ଏ କାତା ପୁଞ୍ଜାନା ଆଢୁତି ଅହାଲି ଜସେପଇଁ ହେଲ ହାତେସି । ୪୬ ଏଝାସି ରୁ ପାତାଡ଼ା ହିମ୍ପରି କତାନା ଏଝାଣାଇଁ ରେପ୍ତହା ତାଚାନା ଏ ହିମ୍ପରି ରୁପିତେସି ଇଞ୍ଜି ହରୁତା କାର୍ହାମାନି ମାଡ଼ହା ମୁହ୍ନି

ଚାୟାତା ଏଞ୍ଜେଲ୍ ଇଟାନା ଦୁଃଖିତା ର କାଜା ଖାଲି ଉସି କିତେରି । ୪୭  
ଏଞ୍ଜେଲ୍ ଆମିନି ଚାୟାତା ଇଚ୍ଚି ଆହାମାନେ, ଏଦାଆଁ ମଗ୍ଦଲିନି ମରିୟମ  
ଇଞ୍ଜି ଜସି ତାମି ଇୟା ମରିୟମ ମେସାମାରୁ ।

**୧୭** ଜମିନି ଦିନା ରାୟାଲିଏ ମଗ୍ଦଲିନି ମରିୟମ, ଜାକୁବ ତାମି ଇୟା  
ମରିୟମ, ଇଞ୍ଜି ସାଲମି ଗାନ୍ତାଗାଟି ନିୟୁଁ କଡିତୁ ଏନିକିଁ ଏଞ୍ଜି ହାଜାନା ଜୀସୁ  
ଆଢ୍ଗାତା ରୁବାଲି ଆଡିନୁ । ୨ ଏଞ୍ଜି ଖାରାତି ମୁଲୁ ଦିନା ଲାଇ ଷେଡ଼ା ହନି  
ବେଲାତା ମାହ୍ଣି ମାଣ୍ଡାତା ହାରୁ । ୩ ଏଞ୍ଜି ତାମୁ ତାମୁ ଷେସ୍ପି ଆହିମାରୁ,  
“ଆମ୍ବାଆସି ମାଢ୍ଗେତାକି ମାହ୍ଣି ମାଣ୍ଡା ଦୁଃଖିତ ଖାଲି ଉସିକିହା ହିୟାନେସି?”  
ଏନାଆଁତାକି ଇଚିହିଁ ଏ ଖାଲି ହାରେକା କାଜାୟି ମାତେ । ୪ ସାମା ଏଞ୍ଜି  
ଏମ୍ବାଆଁ ସିନିକିନି ବେଲାତା, ଖାଲି ଉସିକିଞ୍ଜି ଆହାମାତେ । ୫ ଏଞ୍ଜି ମାହ୍ଣି  
ମାଣ୍ଡାତା ହତାନା ଦବ୍‌ଲା ହିମ୍ପୁରି ହୁତାମାନି ର ଦାଂଗ୍‌ଶେଏଶାଲ୍ ଚିଃନିଞ୍ଜାକି  
କୁଗାମାନାଣି ମେସାନା ହାରେକା କାବାଆତୁ । ୬ ଏମ୍ବାଟିଏ ଏଞ୍ଜାସି ଏଞ୍ଜାସିକାଣି  
ଏଲେଇରେସି, “ଆଜାଆତୁ: ମୀରୁ ପାସି ମୁଣ୍ଡାତା ହାହାମାନି ନାଜରିତ ଜୀସୁଇଁ  
ପାରିମାଞ୍ଜେରି; ଏଞ୍ଜାସି ନିଢ୍ଗାମାନେସି, ଏଞ୍ଜାସି ଇମ୍ବାଆଁ ହିଲଅସି, ସିନିକିଦୁ  
ଇମ୍ବାଆଁ ଏଞ୍ଜେଲ୍ ଇଟାମାତେରି । ୭ ସାମା ମୀରୁ ହାଜାନା ତାମି ସୀସୁୟାଁ  
ଇଞ୍ଜି ପିତରଇଁ ଷେହ୍‌ଦୁ, ଏଞ୍ଜାସି ମୀ ନକି ନକିତା ଗାଲିଲିତା ହାଜିମାନେସି;  
ଏଞ୍ଜାସି ମିଢ୍ଗେ ଏନିକିଁ ଷେସାମାଞ୍ଜାତେସି, ଏଲେକିହିଁଏ ମୀରୁ ଏଞ୍ଜେଲ୍ ଏମ୍ବାଆଁ  
ମେହ୍‌ଦେରି ।” ୮ ଏମ୍ବାଟିଏ ଏଞ୍ଜି ମାହ୍ଣି ମାଣ୍ଡାଟି ହଟୁ, ଇଚିହିଁ ଏଞ୍ଜି କାବା  
ଆହାନା ଆଜିତାକି ତୀର୍‌ଗିମାରୁ, ଇଞ୍ଜି ଆମ୍ବାଆରାଇଁ ଏନାଆଁ ଷେହ୍‌ଆତୁ

। **୯** (note: The most reliable and earliest manuscripts do not include  
Mark 16:9-20.) ଖାରାତି ମୁଲୁତି ଦିନା ଲାଇସିଏ ଏଞ୍ଜାସି ଷେଶ୍‌ଶେ ନିଢ୍ଗାମାନା,  
ଆମିନିଗାଗାଣି ସାତାଗଟା ବୁତୁୟାଁ ପିସ୍ପି କିହାମାତେସି, ଏ ମଗ୍ଦଲିନି  
ମରିୟମନି ତଲିଏ ଡଞ୍ଜାଆତେସି । ୧୦ ଏଦି ହାଜାନା ଆମିନି ଗାଟାରି  
ତାମିତଲେ ମାତେରି, ଏଞ୍ଜାରାଇଁ ଷେସ୍‌ସେ; ଇଚିହିଁ ଏଞ୍ଜାରି ଦୁକୁଟି ଡ଼ାହି ମାତେରି  
। ୧୧ ଜୀସୁ ନୀତାମାନେସି, ଇଞ୍ଜି ଏଦାନି ଡଞ୍ଜା ଆହାମାନେସି, ଇଦାଆଁ  
ଞ୍ଜେଞ୍ଜାନା ଏଞ୍ଜାରି ନାମାଆତେରି । ୧୨ ଏଚେଟିଏ ଇ ବାରେ ଆଡି ଡ଼ାୟୁ  
ଏଞ୍ଜାରି ବିତ୍ରାଟି ରୀ ସୀସୁୟାଁ ର ନାୟୁତା ହାଜିମାତାଟି ଏଞ୍ଜାସି ଅର ଖାଣା  
ତଲେ ଏଞ୍ଜାରାଇଁ ଡଞ୍ଜାଆତେସି, ୧୩ ଇଞ୍ଜି ଏଞ୍ଜାରି ହାଜାନା ଏବ୍‌କା ତାରାଇଁ  
ଞ୍ଜେସ୍‌ସେରି; ସାମା ଏଞ୍ଜାରି କାତା ଜିକେଏ ଏଞ୍ଜାରି ନାମାଆତେରି । ୧୪ ଏମ୍ବାଟିଏ

ଏଗାର ଜାଣା ସୀସୁୟାଁ ତିଞ୍ଜୁଲି କୁଗାମାତାଟି ଜୀସୁ ଏଞ୍ଜାରାଇଁ ଚଞ୍ଜୁଆତେସି  
 ଇଞ୍ଜାଁ ଏଞ୍ଜାରି ନାମିହିଲାଆତାକି ଇଞ୍ଜାଁ ହିୟାଁତି ଆର୍ଘାତାକି ଏଞ୍ଜାରାଇଁ ଦାକା  
 ହୀତେସି, ଇତିହିଁ ଆମିନି ଗାଟାରି ଏଞ୍ଜାଣି ଖେଣ୍ଡେ ନିଢ଼ିତାଣି ମେସାମାତେରି,  
 ଏଞ୍ଜାରି କାତା ଏଞ୍ଜାରି ନାମା ହିଲାଆତେରି । **୧୫** ଇଞ୍ଜାଁ ଜୀସୁ ଏଞ୍ଜାରାଇଁ  
 ଏଲେଇତେସି, “ମୀରୁ ବାରେ ଦାର୍ତତା ହାଜାନା ବାରେ କୁଡ଼ାତି ଲକୁଡ଼ାଣା  
 ନେହିଁ କାରୁ ଖେହ୍ଦୁ । **୧୬** ଆମ୍ବାଆସି ନାମାନା ବାପୁସ୍ତ ଅନେସି ଏଞ୍ଜାସି  
 ଗେଲ୍ପି ଆନେସି; ସାମା ଆମ୍ବାଆସି ନାମଅସି ଏଞ୍ଜାସି ତଣ୍ଡ ବେଟାଆନେସି ।  
**୧୭** ଇଞ୍ଜାଁ ନାମିନାରାକି ଇ ସିନାୟାଁ ଆନୁ, ଏଞ୍ଜାରି ନା ଦରୁତଲେ ବୁରୁୟାଁ ପିସ୍ପି  
 କିନେରି, ପୁଃନି ପୁଃନି ହାତାତଲେ ଜଲିନେରି, **୧୮** କେସ୍ତାତଲେ ରାସ୍ତକା  
 ଆହ୍ନେରି, ଇଞ୍ଜାଁ ହାନି ଅସ ଗସ୍ତିହିଁ ଜିକେଏ ଏଞ୍ଜାରି ଏନାଆଁ ଆଅରି; ଏଞ୍ଜାରି  
 ନମେରି ଦୁକା ଗାଟାରି ଲାକ କେୟୁ ଇତିତିହିଁ ଏଞ୍ଜାରି ନେହିଁ ଆନେରି ।” **୧୯**  
 ଇଲେକିହିଁ ଏଞ୍ଜାରାଇଁ ବାରେ କାତା ଖେସ୍ତି ତାୟୁ ଜୀସୁ ଲାକପୁରୁ ଅଞ୍ଜିଆହାନା  
 ମାହାପୁରୁତି ଚିଃନିଞ୍ଜାକି କୁଗିତେସି । **୨୦** ସାମା ଏଞ୍ଜାରି ହାଜାନା ବାରେଞ୍ଜାକି  
 କାରୁ ଖେସ୍ତେରି, ଇଞ୍ଜାଁ ପ୍ରବୁ ଜୀସୁ ଏଞ୍ଜାରିତଲେ କାମା କିହାନା ତାନି ବାରେ  
 ସିନାୟାଁ ତଲେ ଏଞ୍ଜାରି ଡ଼େକ୍‌ହାମାନାଣି ସାତା ଇଞ୍ଜାଁ ତସ୍ତେସି ।

# ଲୁକ

୧ ମୂଲୁଟିଏ ଆମ୍ବାଆରି ତୀରେ ମେସ୍ତାରି ଇଞ୍ଜି ବଲୁ ଖେକ୍ନାରି, ଏଝାରି ମାଢ୍ଫେ ହେରପା ମାଞ୍ଜାନି ଲେହେଁ, ୨ ମା ବିତ୍ରା ଆହାମାନି କାମା ବାରେ ହାରେକା ନେହିଁକି ରାତାଲି ଜାଗ୍ରାତା ଆହାମାନେରି । ୩ ଜୀଝୁତି ତିୟପିଲ, ମୂଲୁଟିଏ ବାରେ କାତା ନେହିଁକି ସିନିକିହାନା ଏମ୍ବାଆଁ ଏନାୟି ମାନେ ଏଦାଆଁ ନିଢ୍ଫେତାକି ରାତାଲି ନାନୁ ଜିକେଏ ନେହେଁ ଇଞ୍ଜି ଅଶ୍ପିତେଏଁ । ୪ ଏନିକିଁ ନାନୁ ଏ ବାରେ କାତା ଜାପାମାଞ୍ଜି, ଏଦି ସାତା ଇଞ୍ଜି ପୁଞ୍ଜାଲି ଆତିଦି । ୫ ଜୀହୁଦା ଦେସାତି ରାଜା ହେରଦ ବେଲାତା ଅବିୟ କୁଡ଼ାତି ଜିକରିୟ ଦରୁଗାଟି ର ପୂଜେରା ମାତେସି; ତାନି ତକ୍ତି ହାରଣ କୁଡ଼ାତି ମାଢ୍ଫା, ଏଦାନି ଦରୁ ଏଲିସାବେତ । ୬ ଜିକରିୟ ଅଡେ ଏଲିସାବେତ ମାହାପୁରୁତି ହୁକୁମି ଇଞ୍ଜି ମେରା ତଲେ ଦହ ହିଲାଆଗାଟାଇ ଆହାନା ମାହାପୁରୁ ନକିତା ଦାର୍ମି ଗାଟାଇ ମାରୁ । ୭ ସାମା ଏଝାଣାକି କକାରି ପଦାୟାଁ ହିଲାଆତୁ, ଇତିହିଁ ଏଲିସାବେତ ବାଞ୍ଜେଣି ମାତେ, ଅଡେ ତକ୍ତି ତକ୍ତା ରିଆରି ଜିକେଏ ଗାତି ବୁଡ଼ୁହି ବୁଡ଼ୁହା ଆହାମାତେରି । ୮ ର ଦିନା ଜିକରିୟ ତାନି ଗତିତି ପାଲି ଏଜାଲିଏ ମାହାପୁରୁ ନକିତା ପୂଜେରା କାମା କିନି ବେଲାତା, ୯ ପୂଜେରା କାମାତି ମେରା ତଲେ ଆର୍ଝି ଆହାନା ଏଝାଣାକି ମାହାପୁରୁ ଇଲୁତା ହତାନା ଦୁପ୍ପି ହାହାଲି ଆତେ, ୧୦ ଇଞ୍ଜି ଦୁପ୍ପି ହାନି ବେଲାତା ବାରେ ଲକୁ ପାଢ୍ଫାତା ପ୍ରାତାନା କିହିମାତେରି । ୧୧ ଏତିବେଲା ମାହାପୁରୁତି ର ଦୁତୁ ଦୁପ୍ପି ପିଣ୍ଡା ଟିଝନିଝାକି ନିତାନା ଏଝାଣାକି ଡଞ୍ଜାଆତେ । ୧୨ ଜିକରିୟ ଏଦାଣି ମେସାନା କାବାଆହାନା ଆଜିତେସି । ୧୩ ସାମା ଦୁତୁ ଏଝାଣାକି ଏଲେଇତେ, “ଜିକରିୟ, ଆଜାଆନି, ଇତିହିଁ ମୀ ଗହାରା ଖେଣ୍ଡି ଆହାମାନେ, ଇଞ୍ଜି ନୀ ତକ୍ତି ଏଲିସାବେତ ନିଢ୍ଫେତାକି ର କକାଣାକି ଜାନି କିନେ, ଇଞ୍ଜି ଏଝାଣି ଦରୁ ଜହନ ଇଞ୍ଜି ହୀଦେରି । ୧୪ ଇତିହିଁ ଏଝାସି ମୀ ରାହାତି ରାହାଁ ଆନେସି, ଇଞ୍ଜି ହାରେକା ଏଝାଣି ଜାନୀତା ରାହାଁ କିନେରି । ୧୫ ଇଞ୍ଜି ଏଝାସି ମାହାପୁରୁ ନକିତା କାଜାସି ଆନେସି; ଏଝାସି ଅଢ୍ଫୁରି ରାସା କି କାତୁ ଏଚେଲାଝା ଗହଅସି, ଇଞ୍ଜି ତାଲିନି ବାଣ୍ଡିଟିଏ ସୁଦୁଜୀଝୁତା ବେଟାଆନେସି, ୧୬ ଏଝାସି ଇସ୍ରାୟେଲ ମୀର୍କା ବିତ୍ରାଟି ହାରେକା ଲକୁଇଁ ମାହାପୁରୁ ଝାକି ଖେଟ୍‌ହା ତାନେସି । ୧୭ ତାଞ୍ଜିୟାଁ ହିୟାଁ ମୀର୍କା ଝାକି ଇଞ୍ଜି କାତା ମାନଝି ଆଆଗାଟାରାଇଁ ତୀରିଗାଟି ବୁଦିତା ତାକାଲି ଖେଟ୍‌ହା ତାତାଲି ଇଞ୍ଜି ମାହାପୁରୁ ତାକି ତିୟରା ଆହାମାନି ର

ଲକ୍ଷ୍ମୀ କୁଲମି ଜାଗ୍ରାତା କିହାଲି ବାପୁସ୍ତ୍ର ହାନି ଜହନ ଏଲିୟତି ଜୀଞ୍ଜୁ ଅଡ଼େ  
 ବାଡ଼ୁୟୁ ତଲେ ପ୍ରବୁତି ନକିତା ତାକିନେସି ।” ୧୮ ଏଚେଟିଏ ଜିକରିୟୁ ଦୁରୁଇଁ  
 ଏଲେଇଚେସି, “ନାନୁ ଆମିନି ସିନା ତଲେ ପୁଇଁ? ଇଚିହିଁ ନାନୁ ବୁଡ଼ହାତେସି,  
 ଇଞ୍ଜି ନା ଡକ୍ରିନି ବାସୀ ଗାଡ଼ି ଆତେୟିଏ ।” ୧୯ ଦୁରୁ ଏଞ୍ଜାଣାଇଁ ଏଲେଇଚେ,  
 “ନାନୁ ଗାବ୍ରିୟେଲ, ନାନୁ ମାହାପୁରୁ ନକିତା ନିତା ଡ଼ୟିନାତେସି, ଇଞ୍ଜି ନିଢ୍ଢେ  
 ଖେସାଲି ଅଡ଼େ ଇ ନେହିଁ କାରୁ ପୁଣ୍ଡି କିହାଲି ନାନୁ ପାଣ୍ଡୁଞ୍ଜି ଆହାମାଇଁ  
 । ୨୦ ମେହ୍ନୁ ଇ ବାରେ ଆଆପାତେକା ନାନୁ ବେବ୍ଡା ଆହାନା ଡ଼ୟିଦି,  
 ଇଚିହିଁ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆତି ।” ୨୧  
 ଏମ୍ବାଟିଏ ଲକ୍ଷ୍ମୀ ଜିକରିୟୁଇଁ କାଟିମାଚେରି, ଇଞ୍ଜି ମାହାପୁରୁ ଇଲୁତା ଇଚେକା  
 ଖେଡ଼ା ଆତାକି କାବା ଆହିମାଚେରି । ୨୨ ସାମା ଏଞ୍ଜାସି ପାଢ଼ୁତା ଖାହାନା  
 ଏଞ୍ଜାରାଇଁ କାତା ଆହାଲି ଆତାଆତେସି; ଏମ୍ବାଟିଏ ଏଞ୍ଜାସି ମାହାପୁରୁ ଇଲୁତା  
 ଏନାଆଁ ମେସାମାନେସି ଇଞ୍ଜି ଏଞ୍ଜାରି ପୁଚେରି, ଇଞ୍ଜି ଏଞ୍ଜାସି ଏଞ୍ଜାରାଇଁ କେୟୁ  
 ହୁଚିହିଁ ଡ଼ସାଲି ମାବ୍‌ହେସି ଇଞ୍ଜି ବେବ୍ଡା ଆହାନା ଡ଼ୟିଚେସି । ୨୩ ତାୟୁ  
 ମାହାପୁରୁ ଇଲୁତି ସେବା କାମା ରାୟାଲିଏ, ଏଞ୍ଜାସି ତାମି ଇଜ ହାଚେସି । ୨୪  
 ଏଚରଦିନା ହାଚି ତାୟୁ ତାନି ଡକ୍ରି ଏଲିସାବେତ ପୁରାମାସା ଆତେ ଅଡ଼େ  
 ଏଦି ପାସା ଲେଞ୍ଜୁ ପାତେକା ଲକ୍ଷ୍ମୀ ଡ଼ଞ୍ଜା ଆଆତେ । ୨୫ ଏଦି ଏଲେଇଚେ,  
 “ନାଏଁ ନାଢ୍ଢେ ପ୍ରବୁ କାର୍ମାମେସାନା ଲକ୍ଷ୍ମୀ ନାଢ୍ଢେ ଲାଜା କିହିମାଞ୍ଜାତାଣି ପିସ୍‌ପି  
 କିହାଲି ନାଢ୍ଢେ ଇଲେକିଁ କିହାମାଞ୍ଜାନେସି!” ୨୬ ଏଲିସାବେତ ପୁରାମାସା  
 ଆହାନା ସ ଲେଞ୍ଜୁ ଆହାଲିଏ ଗାବ୍ରିୟେଲ ଦୁରୁ ମାହାପୁରୁ ତାଣାଟି ଗାଲିଲିତି  
 ନାଜରିତ ଗାଡ଼ାତି ର ଡ଼ାଆ ପଦାନି ତାଣା ପାଣ୍ଡୁଞ୍ଜିଆତେ; ୨୭ ଏ ଡ଼ାଆ ପଦାନି  
 ଦାଞ୍ଜୁଦ କୃଡ଼ାତି ଜସେପ ଇନାଣାକି ରାସା ମାଚେରି; ଏ ଡ଼ାଆ ପଦା ଦରୁ  
 ମରିୟୁମ । ୨୮ ଦୁରୁ ପଦା ତାଣା ଖାହାନା ଏଲେଇଚେ, “ଆଲ ମାହାପୁରୁତି  
 କାର୍ମା ମେହ୍ନାତି ନିଢ୍ଢେ ହିଚ୍‌ଡ଼ି ଆୟାପୋ!” ୨୯ ମରିୟୁମ ଏ ହାତା ଖେଞ୍ଜାନା  
 ଇଦି ଏନିଲେହେଟି କାତା ଇଞ୍ଜି ଆଜାନା ମନତା ଅଶ୍‌ପିଚେ । ୩୦ ଏମ୍ବାଟିଏ  
 ଦୁରୁ ଏଲେଇଚେ, “ଆଲ ମରିୟୁମ ଆଜାଆନି; ନିଢ୍ଢେ ମାହାପୁରୁ କାର୍ମା  
 ମେସାମାଞ୍ଜାନେସି । ୩୧ ନାନୁ ପୁରାମାସା ଆହାନା ର ମାର୍‌ଏଶାଇଁ ବେଟାଆଦି  
 ଏଞ୍ଜାଣି ଦରୁ ଜୀସୁ ଇଞ୍ଜି ଇଚିଦେରି । ୩୨ ଏଞ୍ଜାସି କାଜାସି ଆନେସି ଇଞ୍ଜି  
 ମାହାପୁରୁ ମାର୍‌ଏସି ଇଞ୍ଜି ଖେଞ୍ଜାନେସି; ପ୍ରବୁ ମାହାପୁରୁ ଏଞ୍ଜାଣାକି ତାମି  
 ଆକୁ ଦାଞ୍ଜୁଦତି ସିଂଗାସାଣି ହାନେସି, ୩୩ ଏଞ୍ଜାସି ଜାକୁବ କୃଡ଼ାତା ଜୁଗୁ

ଜୁଗୁତାକି ରାଜି କିନେସି, ଇଞ୍ଜି ଏଞ୍ଜାଣି ରାଜି ଏରେଲାଞ୍ଜା ରାଏ!" (aiōn  
 g165) ୩୪ ସାମା ମରିୟମ ଦୁରୁଇଁ ଏଲେଇରେ, "ଇଦି ଏନିକିଁ ଆନେ? ନାନୁ  
 ତକ୍ରାଇଁ ଜିକେଏ ପୁଞ୍ଜାହିଲଅଁ ।" ୩୫ ଦୁରୁ ଏଲେଇରେ, "ସୁଦୁଜୀଞ୍ଜୁ ନୀ ଲାକ  
 ରେରାଞ୍ଜାନେ ଅଡେ ମାହାପୁରୁତି ବାଡ଼୍‌ୟୁ ଞ୍ଜାନେ, ଏଦାଆଁତାକି ନୀ ତାଣାଟି  
 ଜାର୍ନା ଆନେସି, ଏଞ୍ଜାସି ମାହାପୁରୁତି ମୀରୁଏସି ଇଞ୍ଜି ଚେଞ୍ଜିନେସି । ୩୬  
 ଅଡେ ମେହ୍‌ମୁ ନୀ କୁଡାତି ଏଲିସାବେତ ଜିକେଏ ବୁଡ଼୍‌ହି ବେଲାତା ପୁରାମାସା  
 ଆହାମାନେ । ଆମିନି ଇୟା ବାଞ୍ଜେଣି ଇଞ୍ଜି ଚେଞ୍ଜିମାନେ, ଏଦି ନୀଏଁ ସ୍‌ ଲେଞ୍ଜୁ  
 ଆହାମାନେ; ୩୭ ଇତିହିଁ ମାହାପୁରୁତି ବଲୁ ବାଡ଼୍‌ୟୁ ହିଲାଆଗାଟାୟି ଆଏ  
 ।" ୩୮ ଏମ୍ପାଟିଏ ମରିୟମ ଏଲେଇରେ, "ନାନୁତ ପ୍ରବୁତି ହଲେଣିତେଏଁ; ନୀ  
 କାତେଏ ନାଞ୍ଜେତାକି ଆୟାପେ ।" ଏମ୍ପାଟିଏ ଦୁରୁ ଏଦାନି ତାଣାଟିଏ ହାରେ ।  
 ୩୯ ଏମ୍ପାଟିଏ ମରିୟମ ନିଞ୍ଜାମା ଜୀହୁଦା ଚେସାତି ହରକା ରାଜିତି ର ଗାଡାତା  
 ତବେ ହାରେ, ୪୦ ଅଡେ ଜିକରିୟ ଇଜ ହାଜାନା ଏଲିସାବେତନି ଜହରା  
 କିତେ । ୪୧ ଅଡେ ଏଲିସାବେତ ମରିୟମନି ଜହରା ଶେଣ୍‌ମ୍‌ନିଏ ତାନି ବାଣ୍ଡିତି  
 ମୀଲା ଖାଡିତେ, ଇଞ୍ଜି ଏଲିସାବେତ ସୁଦୁଜୀଞ୍ଜୁଟି, ୪୨ କାଜା ଗିୟାତଲେ  
 ଏଲେଇରେ, "ଇୟାସିକା ବିତ୍ରାଟି ନାନୁ ହାରେକା ନେହାଁତି, ଇଞ୍ଜି ନୀ ବାଣ୍ଡିତି  
 ମୀଲା ଜିକେଏ ନେହାୟି! ୪୩ ଅଡେ ନୀ ପ୍ରବୁତି ଇୟା ନୀ ତାଣା ଞ୍ଜାନେ ଇ କାର୍ମା  
 ନାଞ୍ଜେ ଏମ୍ପିଟି ଞ୍ଜାତେ? ୪୪ ଇତିହିଁ ନୀ ଜହରା ହାତା ନୀ କିୟୁଁ ଶେଣ୍‌ମ୍‌ନିଏ ନୀ  
 ବାଣ୍ଡିତି ମୀଲା ରାହାଁଟି ଖାଡିତେ ୪୫ ଆମିନି ଗାଟାୟି ନାମିତେ ଏଦାନାକି  
 ନେହେଁ, ଇତିହିଁ ପ୍ରବୁ ତାଣାଟି ଏଦାନାକି ଏନାଆଁ ଶେସ୍‌ପି ଆହାମାନେ ଏ ବାରେ  
 ପୁରା ଆନେ!" ୪୬ ଏରେଟିଏ ମରିୟମ ଏଲେଇରେ, "ନୀ ଜୀଞ୍ଜୁ ପ୍ରବୁତି ଜହରା  
 କିହିମାନେ; ୪୭ ଅଡେ ନୀ ଜୀଞ୍ଜୁ ନାଞ୍ଜେ ଗେଲ୍‌ପାନି ମାହାପୁରୁ ତାଣା ରାହାଁ  
 ଆହିମାନେ, ୪୮ ଇତିହିଁ ଏଞ୍ଜାସି ତାନି ହଲେଣିନି କାର୍ମା କାକୁଲି ମେସାମାନେସି  
 । ଏନିଇତିହିଁ ନୀଞ୍ଜୁଟିଏ ବାରେ ଲକୁ ନାଞ୍ଜେ ନେହାୟି ଇଞ୍ଜି ଜଲାନେରି, ୪୯  
 ଇତିହିଁ ଆମ୍ପାଆସି ବାରେକିହାଁ ବାଡ଼୍‌ୟୁଗାଟି ମାହାପୁରୁ ଏଞ୍ଜାସି ନୀ ତାକି କାଜା  
 କାମା କିହାମାନେସି, ଏଞ୍ଜାଣି ଦରୁ ସୁଦୁ; ୫୦ ଇଞ୍ଜି ତାଞ୍ଜେ ଆଜିନାରାକି ପାଟୁ  
 ପାଟୁ ତାକି ତାନି କାର୍ମାମେହ୍‌ନାୟି ଡ଼ୟିନେ । ୫୧ ଏଞ୍ଜାସି ତାନି ବାଡ଼୍‌ୟୁଗାଟି  
 କେୟୁଟି କାଜା କାମା କିହାମାନେସି, ତାହାରା ଗାଟାରାଇଁ ଏଞ୍ଜାରି ହିୟାଁତି  
 ଅଶ୍‌ପୁତା ମାନାଣି ଗୁଟି କିହାମାନେସି; ୫୨ ଏଞ୍ଜାସି ସାଲଞ୍ଜି କିନାରାଇଁ ତାମି  
 ରାଜା ଗାଦି ପିସ୍‌ପି କିହାମାନେସି, କାକୁଲି ଗାଟାରାଇଁ ନିକ୍‌ହାମାନେସି, ୫୩

ଏଝାସି ହାକି ଗାଟାରାଇଁ ନେହିଁ ଆସ୍ତି ହୀହାନା ପାଞ୍ଜି କିହାମାନେସି, ଇଞ୍ଜି ଦନ  
 ଗାଟାରାଇଁ ଝାରୁଇ କେୟୁଟି ପାଣ୍ଡାମାନେସି । ୫୪ କାଲାକାଲା ତାକି ଅଶ୍ପାଲି  
 ତାନି ହୁଲେଏସି ଇସ୍ତାୟେଲତି କାର୍ମା ଆହାମାନେସି । ୫୫ କାଲାକାଲା  
 ତାକି ଅବ୍ରାହାମ ଅଡେ ତାନି ବାରେ କୁଡ଼ାତାରାଇଁ କାର୍ମାମେହନାଣି ବାଣା  
 ଆହାହିଲଅସି ।” (aiōn g165) ୫୬ ଅଡେ ମରିୟମ ତାନି ଚେଞ୍ଜୁ ଏଲିସାବେତ  
 ତଲେ ଡୟନା ତାନି ଇଜ ଝାଡେ । ୫୭ ଡାୟୁ ଏଲିସାବେତ ପୁରାମାସା  
 ଏଜାଲିଏ ର କକାସି ଜାର୍ନା ଆଡେସି, ୫୮ ଅଡେ ମାହାପୁରୁ ଏଦାନି ହାରେକା  
 କାର୍ମା ମେସାମାନାଣି ଝେଞ୍ଜାନା ତାନି କୁଡ଼ାତାରି ଇଞ୍ଜି ଅଡେ ଆବ୍‌ହିତାରି  
 ଏଦାନିତଲେ ହାରେକା ରାହାଁ କିଡେରି । ୫୯ କକାସି ଝାରେକା ଆହାଲିଏ,  
 ଏଝାରି ତଲୁ ଦାତାଲି ଝାହାନା ତାନି ଆବା ଦରୁଲେହେଁ ତାନି ଦରୁ ଜିକରିୟ  
 ଇଟାଲି ମନ କିଡେରି । ୬୦ ସାମା ତାନି ଇୟା ଏଲେଇଡେ, “ଆସ! ଏଝାଣି  
 ଦରୁ ଜହନ ଆନେ ।” ୬୧ ଏଝାରି ଏଲେଇଡେରି, “ମୀ କୁଡ଼ାତା ଆମ୍ବାଆରାକି  
 ଏଲେତି ଦରୁ ହିଲେଏ!” ୬୨ ଏମ୍ବାଟିଏ ଏଝାରି ତାଞ୍ଜିଗାଟାଣାଇଁ କେୟୁ ହୁଟାନା  
 କକାଣାଇଁ ଏନି ଦରୁ ଇଟିନାୟି ଇଞ୍ଜି ଝେଡେରି । ୬୩ ଜିକରିୟ ର ରାତିନି  
 ପାଟା ରୀସାନା ଏଝାଣି ଦରୁ ଜହନ ଇଞ୍ଜି ରାତିଡେସି, ଏଦାଆଁ ମେସାନା  
 ବାରେଜାଣା କାବା ଆଡେରି! ୬୪ ଅଡେ ଏ ଦେବୁଣିଏ ଏଝାଣି ଗୁଡି ଅଡେ  
 ଝେନ୍ଦୁରି ପିସ୍ପି ଆଡେ ଅଡେ ଏଝାସି ଜଲିହିଁ ମାହାପୁରୁତି ଜହରା କିଡେସି  
 । ୬୫ ଏମ୍ବାଟିଏ ତାନି ଲକୁ ବାରେ ଆଜାହାରେରି, ଅଡେ ଇ କାତା ଜୀହୁଦା  
 ଦେସାତି ହୁରକା ରାଜିତା ବାରେଝାକି ଝେଡ଼ିଡେ, ୬୬ ଇଞ୍ଜି ଝେନି ବାରେ  
 ଲକୁ ଏ କାତା ତାନି ମନତା ଇଟାନା ଏଲେଇଡେରି, “ଆତିହିଁ ଇ କକାସି  
 ଏନିଲେହେଁତାସି ଆନେସି?” ଏନିଇତିହିଁ ପୁରୁ ଇଝାଣି ତଲେ ମାନେସି ଇଞ୍ଜି  
 ପୁରେରି । ୬୭ ଅଡେ ଜିକରିୟ ସୁଦୁଜୀଝୁ ତଲେ ଇ ଡାୟୁ ଆନି କାତା  
 ଏଲେଇଡେସି, ୬୮ ଇସ୍ତାୟେଲତି ମାହାପୁରୁ ଜହରା! ଏନିଇତିହିଁ ଏଝାସି ତାନି  
 ଲକୁଣି କାର୍ମାମେସାନା ଗେଲ୍‌ପି କିହାମାନେସି; ୬୯ ଏଝାସି ତାନି ହୁଲେଏସି  
 ଦାଝୁଦ କୁଡ଼ାଟି ମା ତାକି ର ଗେଲ୍‌ପିନାଣାଇଁ ହୀହାମାଞ୍ଜାନେସି । ୭୦ ତଲି  
 କାଲାଟିଏ ତାନି ନେହିଁ ମାହାପୁରୁ ଅଶ୍ପାପୁଡି ବଲୁ ଝେହନାରି ଗୁଡି ତଲେ ଏନିକିଁ  
 ଜଲା ମାଡେରି, (aiōn g165) ୭୧ ଏଲେକିହିଁଏ ମାଡ୍ଡେ ମା ସାତୁୟାଁ ଡାଣାଟି  
 ଅଡେ ମାଡ୍ଡେ ଅପାଆଗାଟାରି ଡାଣାଟି ଗେଲ୍‌ପି କିହାମାଞ୍ଜାନେସି, ୭୨ ଏଝାସି  
 ଏଲେ ଇଞ୍ଜିମାନେସି, ଏଝାସି ମା ଆକୁୟାଁଣି କାର୍ମା ମେସାମାଇଁ ଅଡେ ତାନି

ସୁଦୁଗାଟି ରାଜିମାନାତି ଅଣ୍ଠିପିନେସି । ୭୩ ମା ଆବା ଅବାହାମ ଚାଣା ଏନିମି ପାରମାଣା କିହ୍ନା ଆଞ୍ଜାମାନାଣି ଅଣ୍ଠିପାନା ପୂରା କିହାମାନେସି, ୭୪ ଅଡେ ମା ସାଦୁୟ୍ ଚାଣାଟି ଗେଲ୍ପି ଆହାନା, ଆଜାଆନା କାଲେଏ ତାଢ୍ଢେ ସେବା କିହାଲି ଆଡିନାୟି, ୭୫ ତାନି ନକିତା ମାର ନୀତାମାନି ପାତେକା ସୁଦୁ ଅଡେ ଦାମ୍ବୁ ଗାଟାତାୟି ଆହାନା ଡୟିନାୟି । ୭୬ ଏ ନା ମୀରୁଏଣାଟି ନୀନୁ ବାରେତି କିହ୍ନା ବାଡ୍‌ୟୁଗାଟି ମାହାପୁରୁ ଅଣ୍ଠିପୁଡି ବଲୁ ଖେହ୍‌ନାଟି ଇଞ୍ଜି ଖେଢ୍ଢିଦି; ୭୭ ପାପୁ ମ୍ନେପକି ଆହାନା ଏଞ୍ଜାରି ଗେଲ୍ପି ଆନାଣି ବେଟାଆନେରି, ଏ କାତା ପୁଣ୍ଡି କିହାଲି ତାକି ତାନି ଲକ୍ଷ୍ମୀଚାଣା ହାଜି । ୭୮ ଇଞ୍ଜି ମାଢ୍ଢେ ହିଡ଼ି ଜିରୁତା ତାତାଲି ମା ମାହାପୁରୁଟି ଜୀଞ୍ଜୁନି କାର୍ମାତଲେ ଲାକପୁରୁଟି ମାଢ୍ଢେତାକି ଖେଡ଼ା ହଡ଼ିମାନି ଲେହେଁ ଆନେ, ୭୯ ଆମ୍ବାଆରି ହାନିଲେହେଁଟି ଚାଣା ବାସା କିନେରି, ହିଡ଼ି ଜିରୁତା ଅହାଲି ତାକି ଏଞ୍ଜାସି ବାରେତି ଲାକ ଲାକପୁରୁଟି ଉଜେଡ଼ି ହାନେସି । ୮୦ ଇଞ୍ଜି ଏ କକାସି ଆଢ୍ଢାତା ଜୀଞ୍ଜୁତା ପାତାଆହାନା ଇସ୍ରାୟେଲ ଲକ୍ଷ୍ମୀଚାଣା ଖେଡ୍ଡାଆ ପାତେକା ଲକ୍ଷ୍ମି ହିଲିଆ ଚାୟୁତା ଡୟିତେସି ।

**୯** ଏଚିବେଲୀତା ରମ୍ ଦେସାତି ବାରେ ଲକ୍ଷ୍ମି ଦରୁ ରାତି କିହାଲି କାୟିସର ଅଗସ୍ତସ୍ ଚାଣାଟି ହୁକୁମି ଆଡେ । ୨ ସିରିୟାତି ସାଲଖି କିନାସି କୁରିଣିୟ ବେଲୀତା ତଲି ମୁଲୁ ଦରୁ ରାସ୍‌କି ଆହାମାତେ । ୩ ଏଦାଆଁତାକି ବାରେଜାଣା ଦରୁ ରାତି କିହାଲି ନାୟୁଟିଏ ଜାହାରା ଗାଡ଼ାତା ହାଚେରି । ୪ ଜସେପ ଜିକେଏ ଦରୁ ରାତି କିହାଲି ମରିୟମିନି ତଲେ ଗାଲିଲିତି ନାଜରିତ ଗାଡ଼ାଟି ଜୀହୁଦା ରାଜିତି ବେତଲିହିମ ଇନି ଦାଞ୍ଜୁଦ ଗାଡ଼ାତା ହାଚେସି, ଇତିହ୍ ଏଞ୍ଜାସି ଦାଞ୍ଜୁଦ କୁଡ଼ା ଇଞ୍ଜାହାଁ ଏ ଗତିତାସି ମାଚେସି; ୫ ଏଞ୍ଜାସି ଦରୁ ରାତି କିୟାଲି ମରିୟମିନି ତଲେ ହାଚେସି, ଏଦି ଏଞ୍ଜାଣାକି ବୀହା ଆହାଲି ରାସ୍‌ପି ଆହାମାତେ ଅଡେ ଏଦି ପୂରାମାସା ଆହାମାତେ । ୬ ଅଡେ ଏ ଲକ୍ଷ୍ମି ବେତଲିହିମତା ମାନିବେଲା, ଏଦାନାକି ଜାନିକିନି କାଗୁ ଏଗାଞ୍ଜାତେ, ୭ ଇଞ୍ଜି ଏଦି ତାନି ପାଣ୍ଡା ମୀରୁଏଣାଲ୍ ଜାନିକିତେ ଇଞ୍ଜି ହିମ୍ପରି ପୁକ୍‌ହାନା କଡିୟାଁ ଗହ୍‌ନି ତଂଗତା ତ୍ରିପ୍‌ହେ, ଇତିହ୍ ଏ ଲକ୍ଷ୍ମିତାକି ବାସାଚାୟୁ ହିଲିଆତେ । ୮ ଏ ଦାରିମାରି ନାସ୍କାଣାଁ ମେଣ୍ଡା ଗଡ଼କା ଲାଆଁୟାଁ ପାଢ୍ଢାତା ଡୟିନା ମେଣ୍ଡାୟାଁ କାଚିମାଚେରି । ୯ ପ୍ରବୁତି ର ଦୁରୁ ଏଞ୍ଜାରିଚାଣା ଖାତେ ଇଞ୍ଜି ପ୍ରବୁତି ଗାଞ୍ଜୁରମିତି ଉଜେଡ଼ି ଏଞ୍ଜାରି ସାରିଖାକି ଡଞ୍ଜାଆତେ, ଅଡେ ଏଞ୍ଜାରି ହାରେକା ଆଜିତେରି । ୧୦ ଏମ୍ବାଟିଏ ଦୁରୁ ଏଞ୍ଜାରିଲ୍ ଏଲେଇଚେ, “ମୀରୁ ଆଜାଆଦୁ! ନୀନୁ ମୀ ବାରେ



ଲକ୍ଷ୍ମୀତାକି ହାରେକା ରାହାଁତି କାରୁ ମିଢ଼େ ଖେସିମାଞ୍ଜାଇଁ, ୧୧ ଇତିହିଁ ନୀଞ୍ଜୁ  
 ଦାଞ୍ଜୁଦ ଗାଡ଼ାତା ମିଢ଼େ ଗେଲ୍‌ପାନାସି ଜାର୍ନା ଆହାମାନେସି, ଏଞ୍ଜାସି କ୍ରୀସ୍ତ  
 ପ୍ରଭୁ । ୧୨ ଅଡ଼େ ଇତି ମିଢ଼େତାକି ସିନାଲେହେଁ ଆନେ, ମୀରୁ ର କକାଣାଇଁ  
 ହିମ୍ପରି ପୁକ୍‌ହାନା କଡ଼ିୟାଁ ଗହ୍‌ନି ଡ଼ଂଗତା ତୁରାମାନାଣି ମେହ୍‌ଦେରି ।” ୧୩  
 ଦେବୁଣିଏ ଏ ଦୁତୁ ତଲେ ଲାକପୁରୁତି ହାରେକା ଦୁରୁୟାଁ ଖାହାନା ମାହାପୁରୁଇଁ  
 ଜହରା ପାରୁ ପାଟିତୁ, ୧୪ “ଲାକପୁରୁ ମାହାପୁରୁତି ଗାଞ୍ଜୁରମି, ଅଡ଼େ ଦାର୍‌ତିତା  
 ଏଞ୍ଜାଣି ରାହାଁ ଇଞ୍ଜାଁ ମାଣ୍‌ସିୟାଁ ବିତ୍ରା ହିଡ଼ି ।” ୧୫ ଦୁରୁୟାଁ ଏମ୍ପାଟି ଲାକପୁରୁ  
 ହାଜାଲିଏ ମେଣ୍ଡା ଗଡ଼କା ତାମୁ ତାମୁ କାତା ଆଡେରି, “ମୀର ବେତଲିହିମ  
 ପାଡେକା ହାଜାନା ପ୍ରଭୁ ମାଢ଼େ ଆମିନି କାତା ଖେସାମାଞ୍ଜାନେସି ଏଦାଆଁ ସିନି  
 କିକାନ ।” ୧୬ ଏମ୍ପାଟିଏ ତବେ ହାଜାନା ପାରାନା ମରିୟମ ଅଡ଼େ ଜସେପ  
 ଇଞ୍ଜାଁ କଡ଼ିୟାଁ ଗହ୍‌ନି ଡ଼ଂଗତା ପୁଠନି ଜାର୍ନାଆତି କକାଣାଇଁ ତୁରାମାନାଣି  
 ମେସ୍ତେରି । ୧୭ ଏଞ୍ଜାରି ଇ ବାରେ ମେସାନା ଏ କକାଣି କାତା ଏନାଆଁ  
 ଇଣ୍‌ମ୍ପି ଆହାମାଡେ ଏଦାଆଁ ଝେକ୍‌ହେରି । ୧୮ ଅଡ଼େ ଏରେକା ଲକ୍ଷ୍ମୀ ମେଣ୍ଡା  
 ଗଡ଼କା ତାଣାଟି ଏ ବାରେ କାତା ଖେରେରି, ଏଞ୍ଜାରି ବାରେ ଏ କାତାତାକି  
 କାବା ଆଡେରି । ୧୯ ସାମା ମରିୟମ ଇ ବାରେ କାତା ହିୟାଁତା ଇଟାନା  
 ହାରେକା ଅଣ୍‌ପାଲି ମାଟ୍‌ହେ । ୨୦ ଅଡ଼େ ମେଣ୍ଡା ଗଡ଼କାକି ଏନିକିଁ ଖେସ୍‌ପି  
 ଆହାମାଡେ, ଏଲେକିହିଁଏ ଏଞ୍ଜାରି ଏନା ଏନାଆଁ ଖେରେରି ଇଞ୍ଜାଁ ମେସ୍ତେରି  
 ଏ ବାରେତାକି ମାହାପୁରୁତି ଗାଞ୍ଜୁରମି ଅଡ଼େ ଜହରା କିହିଁ ଖେଣ୍ଡା ହାଡେରି  
 । ୨୧ ଏଞ୍ଜାଣାକି ଆଟାଦିନା ଆଡେ ଅଡ଼େ ତଲୁ ଦାଠନି ଦିନା ଖାଡେ ଇଞ୍ଜାଁ  
 ଏଞ୍ଜାଣି ଦରୁ ଜୀସୁ ଇଞ୍ଜାଁ ଇଟିଡେରି; ଇ ଦରୁ ତାନି ପୁରାମାସା ଆନି ନକେଏ  
 ଦୁତୁ ତାଣାଟି ଖେସ୍‌ପି ଆହାମାଡେ । ୨୨ ଅଡ଼େ ଏରେତା ମସାଟି ମେରା  
 ତଲେ ଏଞ୍ଜାରି ଅଟ୍‌ହା କଡ଼ିନି ଦିନା ଏଗାଞ୍ଜାଡେ, ଏରେଟିଏ ଜସେପ ଅଡ଼େ  
 ମରିୟମ ଜୀସୁଇଁ ମାହାପୁରୁ ନକିତା ଜିରୁସାଲମତା ଅହିଁ ହାଡେରି । ୨୩  
 ଏନିକିଁ ମାହାପୁରୁତି ସାସ୍ତେରିତା ରାସ୍‌କି ଆହାମାନେ, “ବାରେ ପାଣ୍‌ଖା ମୀର୍କା  
 ପ୍ରଭୁ ତାକି ସୁଦୁଗାଟାରି ଇଞ୍ଜାଁ ଝେଢ଼ିନେରି ।” ୨୪ ଅଡ଼େ ମେରାତା ରାସ୍‌କି  
 ଆହାମାନି ଇ ମେରା ତଲେ ରା କୁଗୁରି ପଟାୟାଁ ଆଆଟିଁ ରା ପାର୍‌ଖା ପଟାୟାଁ  
 ମାହାପୁରୁ ନକିତା ପୂଜା କିହାଲି ଏଞ୍ଜାଣାଇଁ ଜିରୁସାଲମତା ଅଡେରି । ୨୫  
 ଏରିବେଲା ଜିରୁସାଲମତା ସିମିୟନ ଦରୁଗାଟି ର ମାଣ୍‌ସି ମାଡେସି; ଏଞ୍ଜାସି ର  
 ଦାର୍‌ମୁଗାଟାସି ଅଡ଼େ ମାହାପୁରୁଇଁ ଆଜିନାସି ମାଡେସି, ଅଡ଼େ ଇସ୍ରାୟେଲ ଲକ୍ଷ୍ମୀ

ବାସ୍ତୁ ବେଟାଆନାଣି କାଟିମାରେସି, ଇଚ୍ଛୁଁ ସୁଦୁଜୀଝୁ ଏଝାଣି ତାଣା ମାରେ । ୨୭  
 ମାହାପୁରୁ ପାଣ୍ଡାନି କ୍ରୀସୁଇଁ ମେହୁଆ ପାତେକା ଏଝାସି ହାଅସି ଇଚ୍ଛୁଁ ସୁଦୁଜୀଝୁ  
 ତଲିଏ ଝେସାମାରେ । ୨୭ ସିମିୟନ ସୁଦୁଜୀଝୁଟି ମାହାପୁରୁ ଇଚ୍ଛୁତା ଝାତେସି;  
 ଅଡ଼େ ତାଲି ତାଞ୍ଜି ମସାତି ମେରାଲେହେଁ କିହାଲି ଜୀସୁଇଁ ବିତ୍ରା ତାଡୁ, ୨୮  
 ଏତିବେଲା ସିମିୟନ କକାଣାଇଁ ପମାନା ମାହାପୁରୁଇଁ ଜହରା କିତେସି; ୨୯ “ଏ  
 ପ୍ରଭୁ ନୀଏଁ ନୀନୁ ଝେସୁଲେହେଁ ନୀ ହଲେଏଣା ଜୀଝୁ ହିଡ଼ିତଲେ ଅମ୍ବୁ: ୩୦ ନା  
 କାନୁ ନୀ ଗେଲ୍ପିନାଣାଇଁ ମେସାମାନେ । ୩୧ ଏନିଇତିହିଁ ବାରେ ଲକ୍ଷୁତାକି  
 କେପାମାନି ୩୨ ଜୀହୁଦିଆଆତାରାକି ସାତା ତହନି ର ଉଜେଡ଼ି ଆନେସି,  
 ଅଡ଼େ ନୀ ଇସ୍ରାୟେଲ ଲକ୍ଷୁତି ଗାଝୁରମି ଲେହେଁ କିହାମାଞ୍ଜି ।” ୩୩ ଇଚ୍ଛୁଁ ତାମି  
 ଇୟା ଅଡ଼େ ଆବା ଏଝାଣି ତାକି ଝେସ୍ପି ଆହିମାନି ବାରେ କାତାତାକି କାବା  
 ଆହିମାରେରି । ୩୪ ଏରେଟିଏ ସିମିୟନ କକାଣାଇଁ ବର ହୀହାନା ତାମି ଇୟା  
 ମରିୟମନି ଏଲେଇତେସି, “ମେହୁ ଇଝାସି ଇସ୍ରାୟେଲତି ହାରେକା ଲକ୍ଷୁଣି  
 ନାସା କିହାଲି ଅଡ଼େ ଗେଲ୍ପାଲି ଆର୍ଝି ଆହାମାନେସି, ଆମ୍ବାଆରି କପାଟି  
 ହାରେକା ଜଲିନେରି । ଏଝାସି ମାହାପୁରୁ ତାଣାଟି ର ସିନାଲେହେଁ ଆନେସି  
 । ୩୫ ଆଆତିଁ ନୀ ଜୀଝୁତା ଜିକେଏ କାଣ୍ଡାତଲେ ଗ୍ଲାକ୍‌ହିସାରେ ହତାହାନି  
 ଲେହେଁ, ଏ କସୁ ନୀ ହିୟାଁତା ଆୟାନେ ।” ୩୬ ଅଡ଼େ ହାନା ଦରୁଗାଟି ର  
 ମାହାପୁରୁ ଅଣପୁତି ବଲୁ ଝେହନାୟି ମାରେ; ଏଦି ଆସେର୍ କୁଡ଼ାତି ପନୁଏଲ  
 ମାଞ୍ଜୁ । ଏଦାନାକି ହାରେକା ବାର୍ସା ଆହାମାରେ; ଏଦି ତାଆ ଆତି ଜେତ ସାତା  
 ବାର୍ସା ତକ୍ରାତଲେ ବାସା କିହାମାରେ, ଅଡ଼େ ସାରିକଡ଼ି ସାରି ବାର୍ସା ରାଣ୍ଡେଣି  
 ଆହାନା ନୀତାମାରେ । ୩୭ ଏଦି ମାହାପୁରୁ ଇଚ୍ଛୁ ପିହୁଆନା ବାତିମାଲିହିଁ  
 ଲାଆଁ ମାଦେନା ରାନ୍ଧୁ ତିନାଆନା ପ୍ରାତାନା କିହିମାରେ । ୩୮ ଏ ଦେବୁଣିଏ  
 ଏଦି ଝାହାନା ମାହାପୁରୁଟି ଜହରା କିହିଁ ଜିରୁସାଲମତି ଗେଲ୍ପିନାଣାଇଁ କାଟି  
 ମାନାରାଇଁ ଏଝାଣି କାତା ଝେସାଲି ମାଟ୍‌ହେ । ୩୯ ତାୟୁ ଜସେପ ଅଡ଼େ  
 ମରିୟମ ମାହାପୁରୁଟି ମେରା ତଲେ ବାରେ କାମା ରାପ୍‌ହାନା ଗାଲିଲିତି ତାମି  
 ଗାଡ଼ା ନାଜରିତତା ଝେଣ୍ଡା ଝାତେରି ୪୦ ଅଡ଼େ ଜୀସୁ ଆଞ୍ଜୁତା ବୁଦିତା ଅଡ଼େ  
 ବାଡ଼୍‌ୟୁତା ପାତା ଆତେସି, ଅଡ଼େ ମାହାପୁରୁଟି କାର୍ମା ଏଝାଣିଲାକ ମାରେ ।  
 ୪୧ ତାମି ଇୟା ଆବା ବାରେ ବାର୍ସା ପିସ୍‌ପିଆନି ପାର୍ବୁତାକି ଜିରୁସାଲମତା  
 ହାଜିମାରେରି । ୪୨ ଜୀସୁ ବାର ବାର୍ସା ଆହାଲିଏ ଏଝାରି ପାର୍ବୁତି ମେରାଲେହେଁ  
 ଜିରୁସାଲମତା ହାରେରି । ୪୩ ଅଡ଼େ ପାର୍ବୁତି ଦିନା ରାପ୍‌ହାନା ଏରେତା

ଏଞ୍ଜରି ଖେଣ୍ଡା ଖାନ୍ଦିମାରେରି, ଏତିବେଲାତା ଉଣା କକାସି ଜୀସୁ ଜିରୁସାଲମତା ଡୟାହାରେସି, ସାମା ତାମି ଇୟା ଆବା ପୁଞ୍ଜାହିଲଆତେରି; ୪୪ ସାମା ଏଞ୍ଜରି ତାମିତଲେ ଖାନ୍ଦାମାତି ଲକୁତଲେ ମାନେସି ଇଞ୍ଜି ଅଣ୍ପାନା ର ଦିନାତି ଜିରୁ ହାରେରି, ଅଡେ ତାମି ଲକୁ ଇଞ୍ଜି ପୁଚି ଲକୁଡାଣା ପାରାଲି ମାଟ୍‌ହେରି, ୪୫ ଇଞ୍ଜି ଏଞ୍ଜାଣାଲ୍ ମେଡା ଆଆନା ପାରି ପାରି ଜିରୁସାଲମତା ଖେଣ୍ଡା ହାରେରି । ୪୬ ତାନିଦିନା ଡାୟୁ ଏଞ୍ଜରି ଏଞ୍ଜାଣାଲ୍ ମାହାପୁରୁ ଇଲୁତା ବେଟାଆତେରି; ଏଞ୍ଜାସି ମେରାପୁନାରି କାତା ଖେଞ୍ଜିହିଁ ଏଞ୍ଜାଣାଲ୍ ଖେଣ୍ଡେ କାତା ଖେଞ୍ଜିମାରେସି, ୪୭ ଅଡେ ଏଚେକା ଲକୁ ଏଞ୍ଜାଣି କାତା ଖେଞ୍ଜିମାରେରି, ବାରେଜାଣା ଏଞ୍ଜାଣି ବୁଦିତା ଅଡେ ଖେହ୍ନି କାତାତା କାବା ଆହିମାରେରି । ୪୮ ଏତିବେଲା ତାମି ଇୟା ଆବା କକାଣାଲ୍ ମେସାନା କାବାଆତୁ ଇଞ୍ଜି ତାମି ଇୟା ଏଞ୍ଜାଣାଲ୍ ଏଲେଇଚେ, “ମୀରୁଏଣା ମାଢ୍ଢେ ଏନାଆଁତାକି ଇଚେକା ଦୁକୁ ହିୟାତି? ମେହ୍‌ମୁ ନାନୁ ଅଡେ ମୀ ଆବା ଏଚେକା ଦୁକୁଆହିଁ ନିଢ୍ଢେ ପାରିମାଞ୍ଜାନମି ।” ୪୯ ଏମ୍ପାଟିଏ ଜୀସୁ ଏଲେଇଚେସି, “ମୀରୁ ନାଢ୍ଢେ ଏନାଆଁତାକି ପାରିମାଞ୍ଜାଦେରି? ନା ଆବା ଇଜ ନାନୁ ମାନାଣି ମୀରୁ ପୁଞ୍ଜାହିଲଅତେରି?” ୫୦ ସାମା ଏଞ୍ଜାସି ଆମିନି କାତା ଜଲିଚେସି, ତାମି ଇୟା ଆବା ପୁଞ୍ଜାଲି ଆତାଆତେରି । ୫୧ ଡାୟୁ ଜୀସୁ ତାମି ଇୟା ଆବା ତଲେ ଖେଣ୍ଡେ ନାଜରିତତା ଖାତେସି, ଇଞ୍ଜି ଏଞ୍ଜାରି କାତା ମାନଖି ଆହାନା ଡୟିଚେସି, ଅଡେ ତାମି ଇୟା ଇ ବାରେ କାତା ଜାଗ୍ରାତା ତଲେ ମନତା ଇଟାମାଚେ । ୫୨ ଅଡେ ଜୀସୁ ଆଢ୍ଢାତା, ବୁଦିତା ଇଞ୍ଜି ମାହାପୁରୁ ଅଡେ ମାଣ୍‌ସିୟାଁ କାର୍ମାଟି ପାତା ଆତେସି ।

**୩** ଡିବିରିୟା କାୟିସରତି ସାଲଖି କିନି ପନୁର ବାସୀ ଆୟାଲିଏ, ଏତିବେଲା ପନ୍ଦିୟ ପିଲାତ ଜୀହୁଦା ରାଜିତି ସାଲଖି କିନାସି ଅଡେ ହେରଦ ଗାଲିଲି ରାଜିତି ରାଜା ମାଚେସି, ଅଡେ ତାମି ତାୟି ପିଲିପ ଇଡୁରିୟା ଅଡେ ତ୍ରାକନିତି ରାଜି ଅଡେ ଲୁସାନିୟା ଅବିଲିନିତି ରାଜା ମାଚେସି । ୨ ହାନାନ ଅଡେ କୟାପା କାଜା ପୂଜେରା ମାଚେରି, ଏତିବେଲାତା ମାହାପୁରୁତି ବଲୁ ଲକୁ ହିଲଆ ଟାୟୁତା ଜିକରିୟ ମୀରୁଏସି ଜହନ ଡାଣା ଖାତେ । ୩ ଏମ୍ପାଟିଏ ବାପ୍ତିସ୍ତ ହାନି ଜହନ ଜର୍ଦନ ଦାରିତି ବାରେ ନାସ୍କାଖାକି ହାଜାନା ପାପୁ ମ୍ପେପ୍‌କି ଆହାଲି ମନ ଖେଟ୍‌ହାନା ବାପ୍ତିସ୍ତ ଅନି କାତା ଟ୍ରେକ୍‌ହାଲି ମାଟ୍‌ହେସି, ୪ ଏନିଇତିହିଁ ମାହାପୁରୁ ଅଣ୍ପୁଚି ବଲୁ ଖେହ୍ନି ଜିସାୟ ପତିତା ରାସ୍କି ଆହାମାନେ, “ଲକୁ ହିଲଆ ଟାୟୁତା ରଅଣି ହାତା ଟ୍ରେଢ୍ଢିମାନେ; ପ୍ରବୁତି ଜିରୁ ନେହିଁ କେପାୟୁ;

ଅଡ଼େ ଏଞ୍ଜାଣି କାଜା ଆଂଗେଣି ତିୟି କିଦୁ! ୫ ବାରେ ଗାଡ଼୍‌ଘ୍ଟା ନେଞ୍ଜି କିଞ୍ଚିଆନ୍ତୁ,  
 ବାରେ ହର୍କା ମେଟାୟି ଉଣା କିଞ୍ଚିଆନ୍ତୁ, ଡଂଗିତି ଜିରୁ ତିୟି କିଞ୍ଚିଆନେ,  
 କାଡ଼୍‌ଦି ତେପା ବୁମିତି ବାରେ ସମାନା କିଞ୍ଚିଆନେ । ୬ ବାରେ ଦାର୍‌ଡିତି ଲକୁ  
 ମାହାପୁରୁତି ଗେଲ୍‌ପିନାଣି ମେହ୍‌ନେରି ।” ୭ ଏଲେକିହିଁ, ଜହନ ଡାଣାଟି  
 ବାପ୍ତିସ୍ତ ଅହାଲି ଝାହିମାନି ଲକୁଣି ମେସାନା ଏଞ୍ଜାରାଇଁ ଏଲେଇଚେସି, “ଆଡ଼େ  
 ରାସ୍କା କୁଡ଼ାତାତେରି ମାହାପୁରୁ ପାଣ୍ଡାମାଞ୍ଜାନି କପାଟି ପିସ୍‌ପି ଆହାଲି ମାଢ୍ଫେ  
 ଆମ୍ବାଆସି ସେଡନା ହିୟାଚେସି? ୮ ଏଦାଆଁତାକି ମନ ଝେଟ୍‌ହାକଡିତି ନେହିଁ  
 କାମା ତହ୍‌ଦୁ: ଅଡ଼େ ଅବ୍ରାହାମ ମା ଆବା ଇଞ୍ଜିହିଁ ଅଶ୍‌ପାଆଦୁ, ନାନୁ ମିଢ୍ଫେ  
 ଝେସିମାଞ୍ଜାଇଁ, ମାହାପୁରୁ ଇ ଖାଲ୍‌କାଟି ଜିକେଏ ଅବ୍ରାହାମତି ମୀର୍କାଣି ଗାଡ଼ି  
 କିହାଲି ଆଡିମାନେସି! ୯ ଅଡ଼େ ନୀଏଁ ଜିକେଏ ମାର୍‌ନୁ ଡାକିତା କାଃଆଲି  
 ଆଟାମାନେ; ଆମିନି ମାର୍‌ନୁ ନେହିଁ ପାଡ଼େୟି ଆୟେଏ ଏଦାନି ଚୁଣ୍‌ହାନା  
 ହିରୁତା ମେଡ୍‌ପି ଆନେ ।” ୧୦ ଏମ୍ବାଟିଏ ଲକୁ ଏଞ୍ଜାଣାଇଁ ଝେରେରି, “ଆଡିହିଁ  
 ମାମ୍ବା ଏନାଆଁ କିନମି?” ୧୧ ଏଞ୍ଜାସି ଏଲେଇଚେସି, “ଆମ୍ବାଆରାକି ଜଡ଼େକା  
 ସକାୟି ମାନୁ, ଏଞ୍ଜାସି ଆମ୍ବାଆରାକି ହିଲାଉ ଏଞ୍ଜାଣାକି ରଣ୍ଡାଆଁ ହାପେସି;  
 ଇଞ୍ଜି ଆମ୍ବାଆରାକି କାଦି ମାନେ ଏଞ୍ଜାସି ଜିକେଏ ଏଲେକିପାସି ।” ୧୨  
 ସିସୁ ରାହ୍‌ନାରି ଜିକେଏ ବାପ୍ତିସ୍ତ ଅହାଲି ଝାହାନା ଏଲେଇଚେରି, “ଏ ଗୁରୁ  
 ମାମ୍ବା ଏନାଆଁ କିନମି?” ୧୩ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମିଢ୍ଫେତାକି  
 ଏଚେକା ମେରା ମାନେ ଏଚେକାଟିଏ ଆଗାଡ଼ା ରାହ୍‌ଆଦୁ ।” ୧୪ ଏଚରଜାଣା  
 ରିଜାରି କସ୍କା ଝାହାନା ଏଲେଇଚେରି, “ମାମ୍ବା ଏନାଆଁ କିନମି?” ଏଞ୍ଜାସି  
 ଏଞ୍ଜାରାଇଁ ଏଲେଇଚେସି, “ବାଡ଼୍‌ୟୁଟି କି ନାଡ଼ିକିହାନା ଆମ୍ବାଆରି ଦନ ମାଞ୍ଜା  
 ଅଆଦୁ, ଅଡ଼େ ମୀରୁ ଏଚେକା ବେଟାଆଦେରି ଏଚେକା ତଲେଏ ନୀଡାଦୁ  
 ।” ୧୫ ଲକୁ ମସିହାଇଁ କାଟିମାଚେରି, ଇଞ୍ଜି ଜହନଏ କ୍ରୀସ୍ତ ହାବୁଲା ଇଞ୍ଜି  
 ଅଶ୍‌ପାନା ବାରେଜାଣା ତାମି ମନତା କାତା ଆହିମାଚାକି, ୧୬ ଜହନ ଏଞ୍ଜାରାଇଁ  
 ଏଲେଇଚେସି, “ନାନୁୟାଁ ଏୟୁତଲେ ବାପ୍ତିସ୍ତ ହାହିମାଞ୍ଜାଇଁ, ସାମା ନା କିହାଁ  
 ଆମ୍ବାଆସି ବାଡ଼୍‌ୟୁ ଗାଟାସି ଏଞ୍ଜାସି ଝାହିମାନେସି, ଏଞ୍ଜାଣି ସେପୁୟିତି ଡ଼ର୍କା  
 ଜିକେଏ ହୁକ୍‌ହାଲି ନାନୁ ପାଡ଼ାଆଅଁ; ଏଞ୍ଜାସି ମିଢ୍ଫେ ସୁଦୁଜୀଝୁ ଅଡ଼େ ହିରୁତଲେ  
 ବାପ୍ତିସ୍ତ ହିୟାଚେସି । ୧୭ ତାନି କ୍ଲାନୁତି ତାସାଲି ଅଡ଼େ ତାନି ଆନାତି କୁସାହାଁ  
 କୁଡ଼ି କିହାନା ଗାଦେୟିତା ଇଟାଲି ଏଞ୍ଜାଣି କେୟୁତା ହେଡି ମାନେ, ଇଞ୍ଜି  
 ଟାଟା ପଡୁତି ଏଚେଲା ଦୁମ୍ବାଆଗାଟି ହିରୁତା ହୁଡା ଦୁହ୍‌ନେସି ।” ୧୮ ଏଞ୍ଜାସି

ଇଲେତି ହାରେକା କାତା ଖେସିହିଁ ଅଡ଼େ ରାହାଁତି କାତା ଜଲିହିଁ ଲକ୍ଷ୍ମୀତାଣା  
 ନେହିଁ କାରୁ ଖେକ୍‌ହି ମାରେସି; ୧୯ ସାମା ରାଜା ହେରଦ ତାମି ତାୟି ତକ୍ତି  
 ହେରଦିୟାନ୍ତି କାତା ଅଡ଼େ ତାନୁ କିହାମାନି ବାରେ ଲାଗେଏତି କାମାତାକି  
 ଜହନ ତାଣାଟି ଲାଗି ବେଟା ଆହାମାତାକି, ୨୦ ହେରଦ ଜହନଇଁ ଦସ୍‌ପାନା  
 କାୟିଦିତା ଇଟାନା ହାରେକା ଲାଗେଏତି କାମା କିତେସି । ୨୧ ବାରେ ଲକ୍ଷ୍ମୀ  
 ବାପ୍ତିସ୍ତୁ ଅତି ତାୟୁ ଜାୟୁ ଜିକେଏ ବାପ୍ତିସ୍ତୁ ଅହାନା ପ୍ରାତାନା କିହିମାତାଟି  
 ହାଗୁ ଦେପିଆଡେ, ୨୨ ଅଡ଼େ ସୁଦୁଜୀଞ୍ଜୁ ପାର୍‌ଖା ପଟାଲେହେଁ ଏଞ୍ଜାଣିଲକ  
 ରେତାଖାଡେ; ଇଞ୍ଜାଁ ହାଗୁଟି ଇ ହାତା ଆଡେ, “ନାନୁ ନା ଜୀଞ୍ଜୁତି ମୀର୍‌ଏଣାଟି  
 ନୀ ତାଣା ନା ରାହାଁ ମାନେ ।” ୨୩ ଜୀୟୁ ସେବା କାମା ମାଟ୍‌ହି ବେଲୀତା  
 ଏଞ୍ଜାଣାକି କଡ଼େଦସ ବାସୀ ଆହାମାଡେ; ଲକ୍ଷ୍ମୀ କାତାତଲେ ଏଞ୍ଜାସି ଜସେପ  
 ମୀର୍‌ଏସି; ଜସେପ ଏଲି ମୀର୍‌ଏସି, ୨୪ ଏଲି ମତାତ ମୀର୍‌ଏସି, ମତାତ  
 ଲେବି ମୀର୍‌ଏସି, ଲେବି ମଲ୍‌କି ମୀର୍‌ଏସି, ମଲ୍‌କି ଜନୟ ମୀର୍‌ଏସି, ଜନୟ  
 ଜସେପ ମୀର୍‌ଏସି, ୨୫ ଜସେପ ମତିତିୟା ମୀର୍‌ଏସି, ମତିତିୟା ଆମସ  
 ମୀର୍‌ଏସି, ଆମସ ନାହୁମ ମୀର୍‌ଏସି, ନାହୁମ ହେସ୍‌ଲି ମୀର୍‌ଏସି, ହେସ୍‌ଲି  
 ନଗୟ ମୀର୍‌ଏସି, ୨୬ ନଗୟ ମହତ ମୀର୍‌ଏସି, ମହତ ମତିତିୟାସ୍‌ ମୀର୍‌ଏସି,  
 ମତିତିୟାସ୍‌ ସିମିୟୁ ମୀର୍‌ଏସି, ସିମିୟୁ ଜସେକ ମୀର୍‌ଏସି, ଜସେକ ଜଦା  
 ମୀର୍‌ଏସି, ୨୭ ଜଦା ଜହନ ମୀର୍‌ଏସି, ଜହନ ରେସା ମୀର୍‌ଏସି, ରେସା  
 ଜିରୁବାବେଲ ମୀର୍‌ଏସି, ଜିରୁବାବିଲ ସଲ୍‌ଟିୟେଲ୍ ମୀର୍‌ଏସି, ସଲ୍‌ଟିୟେଲ୍  
 ନେରି ମୀର୍‌ଏସି, ୨୮ ନେରି ମଲ୍‌କି ମୀର୍‌ଏସି, ମଲ୍‌କି ଅଦ୍‌ଦି ମୀର୍‌ଏସି, ଅଦ୍‌ଦି  
 କସାମ ମୀର୍‌ଏସି, କସାମ ଏଲୀଦାନ ମୀର୍‌ଏସି, ଏଲୀଦାନ ଏର ମୀର୍‌ଏସି,  
 ୨୯ ଏର ଜିହସ୍‌ୟୁ ମୀର୍‌ଏସି, ଜିହସ୍‌ୟୁ ଏଲିୟାଜର ମୀର୍‌ଏସି, ଏଲିୟାଜର  
 ଜରିମ ମୀର୍‌ଏସି, ଜରିମ ମତାତ ମୀର୍‌ଏସି, ମତାତ ଲେବି ମୀର୍‌ଏସି, ୩୦  
 ଲେବି ସିମିୟୁନ ମୀର୍‌ଏସି, ସିମିୟୁନ ଜୀହୁଦା ମୀର୍‌ଏସି, ଜୀହୁଦା ଜସେପ  
 ମୀର୍‌ଏସି, ଜସେପ ଜନାମ ମୀର୍‌ଏସି, ଜନାମ ଏଲିୟାକିମ ମୀର୍‌ଏସି, ୩୧  
 ଏଲିୟାକିମ ମଲାହ ମୀର୍‌ଏସି, ମଲାହ ମନ୍‌ନା ମୀର୍‌ଏସି, ମନ୍‌ନା ମତତା  
 ମୀର୍‌ଏସି, ମତତା ନାତନ ମୀର୍‌ଏସି, ନାତନ ଦାଞ୍ଜୁଦ ମୀର୍‌ଏସି, ୩୨ ଦାଞ୍ଜୁଦ  
 ଜିସି ମୀର୍‌ଏସି, ଜିସି ଅବେଦ ମୀର୍‌ଏସି, ଅବେଦ ବୟାଜ ମୀର୍‌ଏସି, ବୟାଜ  
 ସେଲହ ମୀର୍‌ଏସି, ସେଲହ ନହସନ ମୀର୍‌ଏସି, ୩୩ ନହସନ ଅମିନାଦାବ  
 ମୀର୍‌ଏସି, ଅମିନାଦାବ ଅଦ୍‌ମିନି ମୀର୍‌ଏସି, ଅଦ୍‌ମିନି ଅର୍‌ନି ମୀର୍‌ଏସି,

ଅର୍ଚ୍ଚନା ହେପ୍ରଣ ମାର୍ବସି, ହେପ୍ରଣ ପେରସ ମାର୍ବସି, ପେରସ ଜୀହୁଦା ମାର୍ବସି, ୩୪ ଜୀହୁଦା ଜାକୁବ ମାର୍ବସି, ଜାକୁବ ଇସାହାକ ମାର୍ବସି, ଇସାହାକ ଅବ୍ରାହାମ ମାର୍ବସି, ଅବ୍ରାହାମ ଡେରହ ମାର୍ବସି, ଡେରହ ନାହର ମାର୍ବସି, ୩୫ ନାହର ସରୁଗ ମାର୍ବସି, ସରୁଗ ରଗୁ ମାର୍ବସି, ରଗୁ ପେଲଗ ମାର୍ବସି, ପେଲଗ ଏବର ମାର୍ବସି, ଏବର ସେଲହ ମାର୍ବସି, ୩୬ ସେଲହ କେନାନ ମାର୍ବସି, କେନାନ ଅର୍ପକ୍ୟଦ ମାର୍ବସି, ଅର୍ପକ୍ୟଦ ସେମ ମାର୍ବସି, ସେମ ନହ ମାର୍ବସି, ନହ ଲେମକ ମାର୍ବସି, ୩୭ ଲେମକ ମତୁସେଲହ ମାର୍ବସି, ମତୁସେଲହ ହନକ ମାର୍ବସି, ହନକ ଜେରଦ ମାର୍ବସି, ଜେରଦ ମହଲଲେଲ ମାର୍ବସି, ମହଲଲେଲ କେନାନ ମାର୍ବସି, ୩୮ କେନାନ ଏନସ ମାର୍ବସି, ଏନସ ସେତ ମାର୍ବସି, ସେତ ଆଦମ ମାର୍ବସି, ଆଦମ ମାହାପୁରୁ ମାର୍ବସି ।

**୪** ଜୀସୁ ସୁଦୁଜୀଝୁ ବେଟାଆହାନା ଜର୍ଦନ କାତାଟି ଖେଣ୍ଡାଝାଡେସି ଇଞ୍ଜି ରୀ କଡ଼ି ଦିନା ପାଡେକା ସୁଦୁଜୀଝୁ ତଲେ ଲକୁ ହିଲାଆ ଚାୟୁତା ହାଡେସି । ୨ ଏମ୍ପାଆଁ ଏଝାସି ସୟତାନ ଡାଣାଟି ଡାୟିପାରି କିଝିଆଡେସି । ଇ ରୀ କଡ଼ି ଦିନା ଏଝାସି ଏନାଆଁ ତିନାଆଡେସି, ଅଡେ ଏ ରୀ କଡ଼ି ଦିନା ରାହାଲିଏ ଏଝାସି ହାକି ଆଡେସି । ୩ ଏମ୍ପାଟିଏ ସୟତାନ ଏଝାଣାଈ ଏଲେଇଡେ, “ନୀନୁ ମାହାପୁରୁ ମାର୍ବସଣାଟି ଇତିହିଁ ଇ ଝାଲକାଣି ରୁଟି ଆହାଲି ହୁକୁମି ହୀମୁ ।” ୪ ସାମା ଜୀସୁ ଏଲେଇଡେସି, “ଦାମ୍ବୁ ସାସ୍ତେରିତା ରାସ୍କି ଆହାମାନେ, ମାଣ୍ସି ଝାରୁଇ ରୁଟି ତିଞ୍ଜାମା ନୀତଅସି ।” ୫ ଅଡେ ସୟତାନ କାଜା ହୁରୁ ଲାକ ଅହାନା ଗାଡେକା ତାକି ଦାରୁଟି ବାରେ ରାଜି ଏଝାଣାଈ ଡସ୍ତେ । ୬ ଇଞ୍ଜି ସୟତାନ ଏଝାଣାଈ ଏଲେଇଡେ, “ନୀନୁ ନିଢ୍ଢେ ଇ ବାରେ ଦନତି ଅଦିକାରା କିୟାଈ, ଏନାଆଁତାକି ଇତିହିଁ ବାରେ ନାଢ୍ଢେ ହେରପି ଆହାମାଞ୍ଜାନେ, ଅଡେ ନୀନୁ ଆମ୍ପାଆରାକି ମନ ଏଝାଣାକି ହୀଈ । ୭ ଇଦାଆଁତାକି ନୀନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇତିହିଁ ଇ ବାରେ ନୀଦି ଆନେ ।” ୮ ଜୀସୁ ଏଲେଇଡେସି, “ରାସ୍କି ଆହାମାନେ, ‘ନୀନୁ ନୀ ମାହାପୁରୁଈ ଜହରା କିଦି, ଅଡେ ଝାରୁଇ ଏଝାଣି ସେବା କିଦି ।” ୯ ଅଡେ ସୟତାନ ଏଝାଣାଈ ଜିରୁସାଲମତା ଅହାନା ମାହାପୁରୁ ଇଲୁ ତୁଡିୟା ଲାକ ନିପହାନା ଏଲେଇଡେ, “ନୀନୁ ମାହାପୁରୁଟି ମାର୍ବସଣାଟି ଇତିହିଁ ଇମ୍ପାଟି ଡଈକା ଗେମ୍ପାମ୍ପା: ୧୦ ଇତିହିଁ ରାସ୍କି ଆହାମାନେ, ‘ନିଢ୍ଢେ ଗେଲ୍ପାଲିତାକି ମାହାପୁରୁ ତାନି ଦୁତୁୟାଈ ହୁକୁମି ହୀନେସି ।’ ୧୧ ଅଡେ

ରାସ୍ତାକୁ ଆହାମାନେ, ‘ନୀ କତାୟାଁ ଏନିକିଁ ଖାଲକାଣା ଆତାର ଏଦାଆଁତାକି ଏଞ୍ଜି ନିଢ୍ଢେ କେସ୍ତାତଲେ ପେରହା ଆସ୍ତାନୁ ।” ୧୭ ସାମା ଜୀସୁ ଏଦାନି ଏଲେଇଚେସି, “ଦାର୍ମ୍ବି ସାସ୍ତେରିତା ରାସ୍ତାକୁ ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି ।” ୧୩ ସୟତାନ ଜୀସୁଇଁ ବାରେ ତାୟିପାରି କିନାଣି ରାପହାନା ଗାଡ଼େକା ତାକି ଏଞ୍ଜାଣାଇଁ ପିସାନା ହାଚେ । ୧୪ ଏ ତାୟୁ ଜୀସୁ ସୁଦୁଜୀଞ୍ଜିତ ବାଡ଼ୟୁ ତଲେ ଗାଲିଲିତା ଖାଚେସି, ଅଡ଼େ ସାରିଞ୍ଜାକି ଏଞ୍ଜାଣି କାତା ଝେଢ଼ିତେ । ୧୫ ଅଡ଼େ ଏଞ୍ଜାସି ଏଞ୍ଜାରି ଜୀହୁଦି ଲକ୍ଷୁତି କୁଟମି ଇଲକାଣା ଜାପୁହିଁ ବାରେ ଲକ୍ଷୁ ତାଣାଟି ଗାଞ୍ଜୁରମି ବେଟାଆଚେସି । ୧୬ ଅଡ଼େ ଏଞ୍ଜାସି ଆମିନି ନାଜରିତତା ପହିପାତି ଆହାମାଚେସି, ଏଚେତା ଏ ଚାୟୁତା ହାଚେସି ଅଡ଼େ ତାନି ମେରାଲେହେଁ ଜମିନି ଦିନାତା ଜୀହୁଦି ଲକ୍ଷୁତି କୁଟମି ଇଲୁତା ହାଚେସି ଇଞ୍ଜାଁ ପଡ଼ଞ୍ଜି ଆହାଲି ନିଚେସି, ୧୭ ଏମ୍ପାଟିଏ ମାହାପୁରୁ ଅଶ୍ପୁତି ବଲୁ ଝେହ୍ନି ଜିସାୟତି ପତି ହୀଚେରି, ଜୀସୁ ଏଦାଆଁ ଏକହାନା ଏମିନିତାଣା ଇ କାତା ରାସ୍ତାକୁ ଆହାମାନେ ଏ କାତା ବେଟାଆଚେସି; ୧୮ “ପ୍ରବୁତି ଜୀସୁ ନା ତାଣା ମାନେ, ଏନିଇଚିହିଁ ହିଲିଆ ଗାଟାରି ତାଣା ନେହିଁ କାରୁ ଝେକହାଲି ଏଞ୍ଜାସି ନାଢ୍ଢେ ଆଚାମାଞ୍ଜାନେସି; କାୟିଦିତା ମାନାରାଇଁ ପିସ୍ପି ଆନାଣି ଝେକହାଲି, କାଣ୍ଟା ମେହ୍ଆଗାଟାରାଇଁ ମେସ୍ପି କିହାଲି, ଦୁକୁ ବେଟାଆହି ମାନାରାଇଁ ଗେଲ୍ପାଲି, ୧୯ ଇଞ୍ଜାଁ ମାହାପୁରୁ କାର୍ମା ମେସ୍ତାନି ବେଲାତି କାତା ଝେକହାଲି ପ୍ରବୁ ନାଢ୍ଢେ ପାଣ୍ଡାମାଞ୍ଜାନେସି ।” ୨୦ ଏମ୍ପାଟିଏ ଜୀସୁ ପତିତି ମୁଦା କିହାନା ସେବା କିନାଣି କେୟୁତା ହୀହାନା କୁଟିଚେସି । ଅଡ଼େ ଜୀହୁଦି ଲକ୍ଷୁତି କୁଟମି ଇଲୁତା କୁଗାମାନି ବାରେ ଲକ୍ଷୁ ଜୀସୁ ଖାକି ସିନିକିଚେରି । ୨୧ ଇଞ୍ଜାଁ ଜୀସୁ ଏଞ୍ଜାରାଇଁ ଏଲେଇଚେସି, “ନୀଞ୍ଜୁଟିଏ ଦାର୍ମ୍ବି ପତିତି ଇ କାତା ମୀରୁ ଝେଶ୍ମନିଏ ପୁରା ଆଚେ ।” ୨୨ ଅଡ଼େ ବାରେଜାଣା ତାନି କାତାତାକି ସାକି ହୀଚେରି, ଅଡ଼େ ତାନି ଗୁଟିଟି ହୁଟିମାନି କାର୍ମାଟି ବଲୁତା କାବା ଆଚେରି ଇଞ୍ଜାଁ ଏଲେଇଚେରି, “ଇଞ୍ଜାସି ଏନାଆଁ ଜସେପ ମୀରୁଏସି ଆଏକି?” ୨୩ ଏମ୍ପାଟିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ସାଚେଏ ନାଢ୍ଢେ ଏଲେ ଇଞ୍ଜାଦେରି, ଏ ଅସଗୁରୁ ନୀନୁଏ ନିଢ୍ଢେ ନେହିଁ କିହାକତାମ୍ବୁ: କପରନାହୁମତା ଏନା ଏନାଆଁ କିହାମାଞ୍ଜି ଇଞ୍ଜାଁ ମାମୁ ଝେଞ୍ଜାମାନମି ଏଲେକିଁ ମୀ ଆକୁ ଆବାୟାଁ ନାୟୁତା ଜିକେଏ କିମ୍ବୁ ।” ୨୪ ଅଡ଼େ ଏଞ୍ଜାସି ଏଲେଇଚେସି, “ନୀନୁ ମିଢ୍ଢେ ସାତା ଝେସିମାଞ୍ଜାଇଁ, ମାହାପୁରୁ ଅଶ୍ପୁତି ବଲୁ ଝେହ୍ନାରି ତାନୁ ପାତାଆତି ନାୟୁତି

ଲକୁ ଅପଅରି । ୨୫ ସାମା ନାନୁ ମିଢ଼େ ସାତା ଖେସିମାଞ୍ଜାଲ୍, ଏଲିୟ ବେଲୀତା  
 ଏନିକିଁ ତାନି ବାସୀ ସ୍ତ ଲେଞ୍ଜୁ ପାତେକା ହାଗୁଟି ପିୟୁ ରିଆତାକି ବାରେ ଦେସା  
 କାର୍ତ୍ତୁ ଆହାମାତେ, ଏତିବେଲୀତା ଇସ୍ରାୟେଲତା ହାରେକା ରାଣ୍ଡେଶିସିକା  
 ମାଟିହିଁ ଜିକେଏ; ୨୬ ଏଲିୟ ଏଞ୍ଜାସିକା ତାଣା ପାଣ୍ଡୁଞ୍ଜି ଆଆନା ସିଦନ ଦେସାତି  
 ସାରିପତ ନାୟୁତି ର ରାଣ୍ଡେଶିନି ତାଣା ପାଣ୍ଡୁଞ୍ଜି ଆତେସି । ୨୭ ଅଡ଼େ ମାହାପୁରୁ  
 ଅଶ୍ପୁତି ବଲୁ ଖେହ୍ନି ଏଲିସାୟ ମାଟାଟି ଇସ୍ରାୟେଲ ବିତ୍ରା ହାରେକା କାଜା  
 ରଗ ଗାଟାରି ମାରେରି; ଆତିଜିକେଏ ଏଞ୍ଜାରି ବିତ୍ରାଟି ରଅସି ଜିକେଏ ନେହିଁ  
 ଆଆତେସି, ସାମା ସିରିୟା ଦେସାତି ନାମାନ ନେହିଁ କିଞ୍ଜିଆତେସି ।” ୨୮  
 ଜୀହୁଦି ଲକୁତି କୁଟମି ଇଲୁତା ଇ ବାରେ କାତା ଖେଞ୍ଜାନା ବାରେଜାଣା କାର୍ବି  
 ଆତେରି, ୨୯ ଅଡ଼େ ଏଞ୍ଜାରି ନିଢ଼୍ଠାନା ଏଞ୍ଜାଣାଲ୍ ଗାଡ଼ାଟି ପାଢ଼୍ଠାତା ପେରହେରି  
 ଇଞ୍ଜିଁ ଏଞ୍ଜାରି ଏମିନି ଗାଡ଼ା ହୁରୁଲେକ ଦସାମାରେରି ଏ ହୁରୁ ଲାକଟି ଡ଼ଇକା  
 ମେଡ଼ହାଲି ଏଞ୍ଜାଣାଲ୍ ଅତେରି; ୩୦ ସାମା ଏଞ୍ଜାସି ଏଞ୍ଜାରି ମାଦିଟି ହୁଚାହାରେସି  
 । ୩୧ ଜୀସୁ କପରନାହୁମ ଦରୁଗାଟି ଗାଲିଲିତି ର ଗାଡ଼ାତା ଖାତେସି, ଇଞ୍ଜିଁ  
 ଜମିନି ଦିନା ଲକୁଣି ଜାପୁହିଁ ମାରେସି, ୩୨ ଅଡ଼େ ଏଞ୍ଜାରି ଏଞ୍ଜାଣି ଜାପୁନି ତାଣା  
 କାବା ଆତେରି, ଏନାଆଁତାକି ଇତିହିଁ ଏଞ୍ଜାଣି ଜଲିନାୟି ଅଦିକାରା ଗାଟାୟି  
 ଲେହେଁ ମାରେ । ୩୩ ର ଦିନା ଜୀହୁଦି ଲକୁତି କୁଟମି ଇଲୁତା ର ପଲ୍‌ଆ  
 ବୁରୁ ଆଲ୍‌ଗାମାଟି ଲକୁ ମାରେସି; ଏଞ୍ଜାସି କିର୍ଡ଼ିହିଁ ଏଲେଇରେସି, ୩୪ “ଏ  
 ନାଜରିତତି ଜୀସୁ ନୀ ତଲେ ମାଢ଼େ ଏନାୟି ମାନେ? ନୀନୁ ମାଢ଼େ ନାସା  
 କିହାଲି ଖାହାମାଞ୍ଜି କି? ନୀନୁ ଆମ୍ବାଆତି ନୀନୁ ପୁଞ୍ଜାମାଲ୍; ନୀନୁ ମାହାପୁରୁତି  
 ସୁଦୁ ମାଣ୍‌ସିତି ।” ୩୫ ଜୀସୁ ଏଦାନି ଦାକା ହାହାନା ଏଲେଇରେସି, “ପାଲେଏ  
 ଆମ୍ବା ଇଞ୍ଜିଁ ଇଞ୍ଜାଣି ତାଣାଟି ହୁଚାହାଲୀମ୍ବା ।” ଏମ୍ବାଟିଏ ଏ ବୁରୁ ଏଞ୍ଜାଣାଲ୍  
 ମାଦିଏ ତ୍ରକ୍‌ହାନା ଏଞ୍ଜାଣାଲ୍ ଏନାଆଁ କିଆନା ହୁଚାହାରେ । ୩୬ ଏମ୍ବାଟିଏ  
 ବାରେଜାଣା କାବାଆହାନା ଏଲେଇଶ୍ମି ଆତେରି, “ଇଦି ଏନିଲେହେଁତି କାତା?  
 ଏଞ୍ଜାସି ବୁରୁୟାଲ୍ ଅଦିକାରା ଅଡ଼େ ବାଡ଼ୟୁଟି ହୁକୁମି ହାହିମାନେସି ଇଞ୍ଜିଁ ଏଞ୍ଜି  
 ହୁଚା ହାଜିମାନ୍ବା!” ୩୭ ଏମ୍ବାଟିଏ ଏଞ୍ଜାଣି ହାଡ଼ାତି କାରୁ ଦେସାତି ସାରିଖାକି  
 ଖେଢ଼୍ଠାହାରେ । ୩୮ ଏମ୍ବାଟିଏ ଜୀସୁ ଜୀହୁଦି ଲକୁତି କୁଟମି ଇଲୁତି ହୁଚାନା  
 ସିମନ ଇଜ ହାରେସି । ସିମନ ପୟା ଗାତି ନମେରି ଆହାମାରେ, ଅଡ଼େ ଏଞ୍ଜାରି  
 ଇ କାତା ଜୀସୁଲ୍ ଏଲେଇରେରି । ୩୯ ଏମ୍ବାଟିଏ ଏଞ୍ଜାସି ଏଦାନି ତାଗେ  
 ନିଚାନା ନମେରିତି ଦାକା ହାତେସି, ଇଞ୍ଜିଁ ଏଦାନାକି ନମେରି ପିସ୍ତେ, ଏଦି



ଏ ଦେବୁଣିଏ ନିଢ଼ାନା ଏଝାରି ଯେବା କିତେ । ୪୦ ଚଢ଼ା କୂଡ଼ି ମାତାଟି ଆମ୍ବାଆରି ତାଣା ଏନିଲେହେଁଟି ରଗ ମାରେ, ଏଲେତି ରଗ ଲକୁଣି ଜୀସୁ ତାଣା ତାରେରି, ଇଞ୍ଜି ତାମି ତାକାଣା କେୟୁ ଇଚାନା ବାରେତି ନେହିଁ କିତେସି । ୪୧ ଅଡ଼େ ବୁଡୁୟାଁ ଜିକେଏ କିର୍ଡ଼ିହିଁ ହାରେକା ଲକୁ ତାଣାଟି ଏଲେଇଞ୍ଜି ହତାହାରୁ, “ନାନୁ ମାହାପୁରୁ ମାର୍ଏଣାତି ।” ଅଡ଼େ ଜୀସୁ ଏ ବାରେତି କାତା ଆହାଲି ହୀଆନା ଦାକା ହାତେସି, ଇତିହିଁ ଏଝାସି କ୍ରୀସୁ ଇଦାଆଁ ଏଝି ପୁଞ୍ଜାମାରୁ । ୪୨ ଲାଇ ଷ୍ଟେୟାଲିଏ ଏଝାସି ହତାନା ଲକୁ ହିଲାଆ ଚାୟୁତା ହାରେସି; ଅଡ଼େ ଲକୁ ଏଝାଣାଇଁ ପାରି ପାରିହିଁ ଏଝାଣି ତାଣା ଝାତେରି, ଅଡ଼େ ଏଝାସି ଏନିକିଁ ଏଝାରି ତାଣାଟି ହାଲଅସି, ଏଦାଆଁତାକି ଏଝାଣାଇଁ ମାଞ୍ଜାଲି ବାତିମାଲିତେରି । ୪୩ ସାମା ଏଝାସି ଏଝାରାଇଁ ଏଲେଇତେସି, “ଏଚ୍ଚକା ଗାଡ଼ାତା ଜିକେଏ ନାନୁ ମାହାପୁରୁ ରାଜିତି ନେହିଁ କାରୁ ଷ୍ଟେକନାୟି ମାନେ, ଇତିହିଁ ଏଦାଆଁତାକି ନାନୁ ପାଣୁଝି ଆହାମାଇଁ ।” ୪୪ ଇଞ୍ଜି ଏଝାସି ଜୀହୁଦା ଦେସାତି ଜୀହୁଦି ଲକୁତି କୁଟମି ଇଲକାଣା ହାଜାନା ନେହିଁ କାରୁ ଷ୍ଟେକହେସି ।

**୫** ର ଦିନା ଜୀସୁ ଶେନେସର ବାନ୍ଧୁ ଗାଟୁତା ନିଚାମାତାଟି ହାରେକା ଲକୁ ମାହାପୁରୁତି କାତା ଷ୍ଟେଞ୍ଜାଲି ଏଝାଣି ସାରିସୁରୁ ରୁଣ୍ଡା ଆତେରି । ୬ ଇଞ୍ଜି ଏଝାସି ବାନ୍ଧୁ ଗାଟୁତା ରୀ ତଂଗାୟାଁ ମାନାଣି ମେସେସି; ଏମ୍ବାଟି ମୀଶ୍ଚକା ଆହନାରି ଏମ୍ବାଟି ରେତାନା ତାମି ଜାଲାୟାଁ ନରୁହି ମାରେରି । ୭ ଏ ତଂଗ ବିତ୍ରାଟି ଏମିନାୟି ସିମନଖାୟି ମାରେ, ଏ ତଂଗତା କୁଗାନା ଗାଟୁଟିଏ ହିରେ ହେକ ହାଜାଲି ବାତିମାଲିତେସି; ଇଞ୍ଜି ଏଝାସି କୁଗାନା ଲକୁଣି ଜୀପହେସି । ୪ ଏଝାସି ତାନି କାତା ରାପ୍ତହାଲିଏ ସିମନଇଁ ଏଲେଇତେସି, “ମୀଶ୍ଚକା ଆସାଲି କୁଡ଼ିନି ଏୟୁଝାକି ହାଜାନା ମୀ ଜାଲାୟାଁ ମେଡ଼ୁ ।” ୫ ଏମ୍ବାଟିଏ ସିମନ ଏଲେଇତେସି, “ଏ ଗୁରୁ ମାମୁ ଲାଆଁ ଷ୍ଟେୟେ କସ୍ତ କିତିଝା ର ମୀନୁ ଜିକେଏ ବେଟାଆଆତମି; ସାମା ନୀ କାତା ଆସାନା ଜାଲା ମେଡ଼ଇଁ ।” ୬ ଇଞ୍ଜି ଏଝାରି ଜାଲା ମେଡ଼ହାଲିଏ ଏମ୍ବାଆଁ ଜାଲା ନେଞ୍ଜେ ମୀଶ୍ଚକା ହୁଟୁ, ଇଞ୍ଜି ଏଝାରି ଜାଲା ତାମାଲି ମାଟ୍ହେ । ୭ ଏମ୍ବାଟିଏ ଏଝାରି ଆମିନି ଡ଼ୁଗାଟାରି ଅର ତଂଗତା ମାରେରି, ଏଝାରି ଏନିକିଁ ଝାହାନା ସାୟେମି କିନେରି, ଏଦାଆଁତାକି ଏଝାରି ଏଝାରାଇଁ କେୟୁ ଜୀଞ୍ଜିତେରି, ଏମ୍ବାଟିଏ ଏଝାରି ଝାହାନା ରୀ ତଂଗାଣା ମୀଶ୍ଚକା ନେଞ୍ଜି କିୟାଲିଏ ଏ ତଂଗାୟାଁ ମୁଞ୍ଜିମାରୁ । ୮ ସାମା ସିମନ ପିତର ଏଦାଆଁ ମେସାନା ଜୀସୁ କତାଣା ରିହାନା ଏଲେଇତେସି, “ଏ ପ୍ରବୁ ନା ତାଣାଟି ହାଜାତୁହୁମ୍ବୁ ଏନାଆଁତାକି ଇତିହିଁ ନାନୁ

ପାପୁଗାଟି ମାଣ୍ଡିତେଏଁ!” ୯ ଇତିହାସ ଖଣ୍ଡର ହାରେକା ମାଣ୍ଡିକା ଆସାମାତାକି  
 ତାନୁ ଅଡ଼େ ତାନିତଲେ ମାତାରି କାବା ଆହାହାରେରି; ୧୦ ଜେବଦିତି ରୀ  
 ମୀର୍କା ଜାକୁବ ଅଡ଼େ ଜହନ, ଆମ୍ବାଆରି ସିମନ ଆଡ଼ିତାରି ମାରେରି,  
 ଖଣ୍ଡରି ଜିକେଏ କାବା ଆହାହାରେରି । ଅଡ଼େ ଜୀସୁ ସିମନଇଁ ଏଲେଇରେସି,  
 “ଆଜାଆନି ନୀଜୁଟିଏ ନୀନୁ ଲୁକୁଣି ଆହୁଦି ।” ୧୧ ଏରେଟିଏ ଖଣ୍ଡରି ତଂଗାୟା  
 ଗାଟୁତା ତାତାନା ଏମ୍ବାଆଁ ବାରେ ପିସାନା ଜୀସୁ ଜେଚ ହାରେରି । ୧୨  
 ଜୀସୁ ର ଗାଡ଼ାତା ମାତାଟି ମେହୁଦୁ ଏମ୍ବାଆଁ ଗୁଡ଼ା ଆଜ୍ଞା କାଜା ରଗ ଗାଟାସି  
 ମାରେସି; ଖଣ୍ଡସି ଜୀସୁଇଁ ମେସାନା ମୁନୁ କୁତାନା ଏଖାଣାଇଁ ଏଲେଇରେସି,  
 “ଏ ପ୍ରଭୁ ନୀନୁ ମନ କିତିହୁଁ ନାଡ଼େ ନେହିଁ କିହାଲି ଆଡ଼ାଦି ।” ୧୩ ଏରେଟିଏ  
 ଖଣ୍ଡସି କେୟୁ ଦାସାହାଁ ତୀଗାନା ଏଲେଇରେସି, “ନୀନୁ ମନ କିହିମାଇଁ ନୀନୁ  
 ନେହିଁଆମୁ ।” ଏ ଦେରୁଣିଏ କାଜା ରଗଟି ଖଣ୍ଡସି ନେହିଁଆଡ଼େସି । ୧୪ ଜୀସୁ  
 ଏଖାଣାଇଁ ହୁକୁମି ହୀହାନା ଏଲେଇରେସି, “ଆମ୍ବାଆରାଇଁ ଖେହୁଆନି, ସାମା  
 ହାଜାନା ପୁଜେରାଜ୍ଞାଣି ଡ଼ହୁମୁ, ଅଡ଼େ ମସାତି ମେରାଲେହେଁ ନୀନୁ ନେହିଁ  
 ଆତାଣି ସାକି ହୀହାଲି ପୁଜା ହୀମୁ ।” ୧୫ ସାମା ଏଖାଣି କାତା ହାରେକା  
 ଖେଜୁହାରେ, ଅଡ଼େ ହାରେକା ଲକୁ ଖେଜୁଲିତାକି ଅଡ଼େ ରଗଟି ନେହିଁ  
 ଆହାଲିତାକି ରୁଣ୍ଡା ଆଡ଼େରି । ୧୬ ସାମା ଜୀସୁ ଲକୁ ହିଲାଆ ଚାୟୁତା ହାଜାନା  
 ପ୍ରାତାନା କିହିମାରେସି । ୧୭ ର ଦିନା ଜୀସୁ ମାତାଟି, ଗାଲିଲି ଦେସାତି  
 ବାରେ ନାସକାଟି, ଜୀହୁଦା ଦେସା ଇଜ୍ଞା ଜିରୁସାଲମଟି ଖାହାମାନି ପାରୁସିୟା  
 ଅଡ଼େ ମେରାପୁନାରି ଜୀସୁ ତାଣା କୁଗାମାରେରି, ଇଜ୍ଞା ଖଣ୍ଡସି ଏନିକିଁ ନେହିଁ  
 କିନେସି ଇଦାଆଁତାକି ପ୍ରବୁତି ନେହିଁକିନି ବାଡ଼ୁୟୁ ଜୀସୁ ତାଣା ମାରେ । ୧୮  
 ଏଚରଜାଣା ଲକୁ ର ଟଟ ଖାୟିତାଣାଇଁ କାଚେଲିତା ଡ଼େକା ତାତାନା ଜୀସୁ  
 ନକିତା ବିତ୍ରା ଅହାଲି ଅଣ୍ଡିପିରେରି । ୧୯ ସାମା ଏମ୍ବାଆଁ ହାରେକା ଲକୁ  
 ମାତାକି ଜିରୁ ବେଟାଆଆଡ଼େରି, ଇଜ୍ଞା ଖଣ୍ଡରି ଇଲୁ ଡ଼େପରିତା ଡ଼େକା ଅହାନା  
 ତୁଡ଼ିୟାତି ଚାୟିଲି ହୁକ୍‌ହାନା କାଚେଲି ତଲେ ଜୀସୁ ନକିତା ରେପ୍‌ହେରି ।  
 ୨୦ ଜୀସୁ ଖଣ୍ଡରି ନାମୁ ମେସାନା ଟଟ ଖାୟିତାଣାଇଁ ଏଲେଇରେସି, “ଡ଼ଣେ  
 ନୀ ପାପୁ ବାରେ ମେଣ୍ଡୁମାନେ ।” ୨୧ ଏରେଟିଏ ମେରା ଜୀସୁନାରି ଅଡ଼େ  
 ପାରୁସିୟା କାତା ଆହିଁ ଏଲେଇଣ୍ଡି ଆଡ଼େରି, “ଇଖାସି ମାହାପୁରୁ ନିନ୍ଦା  
 କିହିମାନେସି, ଇଖାସି ଆମ୍ବାଆସି! ମାହାପୁରୁ ପିସ୍‌ପେ ଅଡ଼େ ଆମ୍ବାଆସି ପାପୁ  
 ମ୍ଳେକ୍‌ହାଲି ଆଡ଼ିମାନେସି!” ୨୨ ସାମା ଜୀସୁ ଖଣ୍ଡରି କାତାବାର୍ତ୍ତା ଆହିମାନାଣି

ପୁଞ୍ଜନା ଏଝାରାଇଁ ଏଲେଇରେସି, “ମୀରୁ ମୀ ମନତା ଏନାଆଁତାକି ଏଲେକିଁ ଅଣ୍ଠିମାଞ୍ଜେରି? ୨୩ ଏନାଆଁ ଇନାୟି ଉସାସା ‘ନୀ ପାପୁ ବାରେ ମେଣ୍ଡୁଡ଼ିତେ ଇନାୟି କି ନିଞ୍ଜନା ତାକାମୁ ଇନାୟି?’ ୨୪ ଦାର୍ତତା ପାପୁ ମେଣ୍ଡୁକହାଲି ମାଣ୍ଠିସି ମୀରୁଏଣାକି ଅଦିକାରା ମାନେ, ଇଦାଆଁ ମୀରୁ ଏନିକିଁ ପୁଞ୍ଜାଲି ଆଡିଦେରି” ଇଦାଆଁତାକି ଚଟ ଝାୟିତାଣାଇଁ ଏଲେଇରେସି, “ନାନୁ ନିଞ୍ଜେ ଝେସିମାଞ୍ଜାଇଁ, ନିଞ୍ଜନା ନୀ କାଚେଲି ତେକାନା ନୀ ଇଜ ହାଲାମୁ!” ୨୫ ଏଚେଟିଏ ଏଝାସି ଏ ଦେବୁଣିଏ ଏଝାରି ନକିତା ନିଞ୍ଜନା ଆମିନି କାଚେଲିତା ତୁରାମାଚେସି, ଏଦାଆଁ ତେକାନା ମାହାପୁରୁଇଁ ଜହରା କିହିଁ ତାମି ଇଜ ହାଚେସି । ୨୬ ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିଚେରି, ଅଡେ ଆଜିତଲେ ଏଲେଇଚେରି, “ନୀଞ୍ଜୁ ମାମୁ କାବାଆନି କାମା ମେସୁମି ।” ୨୭ ଏମ୍ବାଟିଏ ଜୀସୁ ପାଞ୍ଜୁତା ହାଜାନା ଲେବି ଦରୁଗାଟି ର ସିସୁ ରୀହନାସି ସିସୁ ରୀହନି ଚାୟୁତା କୁଗାମାନାଣି ମେସାନା ଏଝାଣାଇଁ ଏଲେଇଚେସି, “ନା ଜେଚ ଝାମୁ ।” ୨୮ ଏମ୍ବାଟିଏ ଏଝାସି ବାରେ ପିସାନା ନିଞ୍ଜନା ଏଝାଣି ଜେଚ ହାଚେସି । ୨୯ ଅଡେ ଲେବି ତାମି ଇଜ ର କାଜା ବଜି କିଚେସି, ଇଞ୍ଜିଁ ହାରେକା ସିସୁ ରୀହନାରି ଅଡେ ଏଟକାଟି ଲକୁ ବାରେ ଏଝାରିତଲେ ଚିଞ୍ଜାଲି କୁଗିଚେରି । ୩୦ ଏଚେଟିଏ ପାରୁସିୟାଁ ଅଡେ ଏଝାରି ଗଟିଚି ମେରାପୁନାରି ତାମି ସୀସୁୟାଁଇଁ ଏଲେଇଚେରି, “ମୀରୁ ଏନାଆଁତାକି ସିସୁ ରୀହନାରି ଅଡେ ପାପୁ ଗାଟାରି ତଲେ ଚିଞ୍ଜି ଉଣ୍ଡି ମାଞ୍ଜେରି?” ୩୧ ଜୀସୁ ଏଝାରାଇଁ ଏଲେଇଚେସି, “ନେହିଁ ମାନାରାକି ଅସଗୁରୁ ଲଡା ହିଲେଏ, ସାମା ରଗ ଗାଟାରାକି ଲଡାମାନେ । ୩୨ ନାନୁ ତାରିଗାଟାରାଇଁ ହାଟାଲି ଝାହାହିଲଅଁ, ସାମା ମନ ଝେଟ୍ପି କିହାଲି ପାପୁ ଗାଟାରାଇଁ ହାଟାଲି ଝାହାମାଇଁ ।” ୩୩ ଏଚେକା ଲକୁ ଜୀସୁଇଁ ଝେଚେରି, “ଜହନତି ସୀସୁୟାଁ ଅଡେ ପାରୁସିୟାଁତି ସୀସୁୟାଁ ଅଲେ ଅଲେ ଉପାସା ଅଡେ ପ୍ରାତାନା କିହିମାନେରି, ସାମା ନୀ ସୀସୁୟାଁ ଚିଞ୍ଜି ଉଣ୍ଡି ମାନେରି ।” ୩୪ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ବୀହା ଲକୁତଲେ ହନେଏସି ମାନି ପାଚେକା ବୀହା ଲକୁ ଉପାସା ମାଞ୍ଜାଲି ଆଡିନେରି? ୩୫ ସାମା ର ଦିନା ଝାନେ; ଏଝାରି ତାଟାଟି ହନେଏସି ହାନେସି, ଏଚେଟିଏ ଏଝାରି ଉପାସା କିନେରି ।” ୩୬ ଇଞ୍ଜିଁ ଏଝାସି ର ପୁଣ୍ଡିକିନି କାତା ଜିକେଏ ଝେସ୍ପେସି, “ଆମ୍ବାଆସି ପୁଞ୍ଜଇ ହିମ୍ବିଚିତା ପୁଞ୍ଜି ପାସ୍କି ତାଚଅସି; ତାଚିତିଝା ଏ ପୁଞ୍ଜି ପାସ୍କି ଗେହନେ ଇଞ୍ଜିଁ ପୁଞ୍ଜି ପାସ୍କି ପୁଞ୍ଜଇ ପାସ୍କି ତଲେ ଆଣ୍ଡେଏ । ୩୭ ଅଡେ ଆମ୍ବାଆସି ପୁଞ୍ଜି ଅଢୁରି

ରାସା ପୁଞ୍ଜର ଡକାତା ଇଟଅସି; ଇଟିଟିହିଁ ଅଢୁରି ରାସା ଡକାତି ଅୟି କିହାନା ବହାହାନେ ଅଡେ ଡକା ଜିକେଏ ନସ୍ତୁ ଆନେ, ୩୮ ସାମା ପୁଞ୍ଜନି ଅଢୁରି ରାସା ପୁଞ୍ଜନି ଡକାତା ଇଟିନାୟି ମାନେ । ୩୯ ଆମ୍ବାଆରି ପୁଞ୍ଜର ଅଢୁରି ରାସା ଗସ୍ତି ଡାୟୁ ପୁଞ୍ଜନି ଅଢୁରି ରାସା ଗହ୍ ଅତେରି । ପୁଞ୍ଜଆୟି ନେହେଁ ଇଞ୍ଜେରି ।”

୨ ର ଜମିନି ଦିନା ଜୀସୁ ତାନି ସୀସୁୟାଁ ତଲେ ଗହଁ ଗୁଡିୟାଟି ହାଜିମାତାଟି ସୀସୁୟାଁ ଗହଁ ଜେକା ଡାପ୍‌ହାନା କେୟୁତଲେ ରାକ୍‌ହା ଡିଞ୍ଜିମାରେରି । ୨ ସାମା ପାରୁସିୟାଁ ବିତ୍ରାଟି ଏଚରଜାଣା ଏଲେଇଚେରି, “ଜମିନି ଦିନାତା ଏନାଆଁ କିନାୟି ମେରା ହିଲେଏ ମୀରୁ ଏନାଆଁତାକି କିହିମାଞ୍ଜେରି ।” ୩ ଜୀସୁ ଏଞ୍ଜାରାଇଁ ଏଲେଇଚେସି, “ଦାସ୍ତୁଦ ଅଡେ ତାନି ଡ଼େସିୟାଁ ହାକି ମାତାଟି ଏନାଆଁ କିହାମାରେରି, ଏଦାଆଁ ମୀରୁ ଏଚେଲା ପଡ଼ି ଆହାହିଲଅତେରି? ୪ ଏଞ୍ଜାସି ମାହାପୁରୁ ଇଲୁତା ହତାନା ଆମିନି ହେର୍‌ପିଆହାମାନି ରୁଟି ପୁଜେରାଢ୍ଘା ପିସ୍‌ପେ ଆମ୍ବାଆରି ତିନି ମେରା ହିଲାଆତେ ଏଦାଆଁ ତିଚେସି ଇଞ୍ଜାଁ ତାନି ଡ଼େସିୟାଁକି ଜିକେଏ ହାତେସି ।” ୫ ଅଡେ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମାଣ୍‌ସି ମୀର୍‌ଏସି ଜମିନି ଦିନାତି ପ୍ରୁ ଆନେସି ।” ୬ ଏଞ୍ଜାସି ରୁ ଜମିନି ଦିନାତା ଜୀହୁଦି ଲକ୍‌କୂଟି କୁଟି ଇଲୁତା ହାଜାନା ଜାପ୍‌ହି ମାରେସି; ଏମ୍ବାଆଁ ରଅସି ମାରେସି ଏଞ୍ଜାଣି ଟିଞ୍ଜନି କେୟୁ ଝାୟାହାଜାମାତେ । ୭ ଅଡେ ଏଞ୍ଜାସି ଜମିନି ଦିନାତା ନେହିଁ କିନେସିକି ଆଏ ଏଦାଆଁ ସିନିକିହାଲି ମେରାପୁନାରି ଅଡେ ପାରୁସିୟାଁ କୁଗାନା ସିନିକିହିମାରେରି, ଏନିକିଁ ଏଞ୍ଜାଣାଇଁ ଦହ ଆସାଲି ପାରୁ ବେଟାଆନେରି । ୮ ସାମା ଏଞ୍ଜାସି ଏଞ୍ଜାରି ହିୟାଁତି ଅଣ୍‌ପୁ ପୁଞ୍ଜାନା ଆମିନି ଲକ୍‌କୂଟି କେୟୁ ଝାୟାହାଜାମାତେ ଏଞ୍ଜାଣାଇଁ ଏଲେଇଚେସି, “ନିଢ୍ଘାମୁ ମାଦି ନିମୁ ।” ଏଚେଟିଏ ଏଞ୍ଜାସି ନିଚେସି । ୯ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଢ୍ଘେ ଝେଞ୍ଜିମାଞ୍ଜାଇଁ ଜମିନି ଦିନାତା ଏନାଆଁ କିନାୟି ମେରା ମାନେ? ନେହିଁକିନାୟି କି ଲାଗେଏ କିନାୟି? ଜୀସୁଟି ଗେଲ୍‌ପିନାୟି କି ନାସା କିନାୟି?” ୧୦ ଅଡେ ଏଞ୍ଜାସି ସାରିଞ୍ଜାକି ଲକ୍‌କୂଟି ସିନିକିହାନା ଏଞ୍ଜାଣାଇଁ ଏଲେଇଚେସି, “ନୀ କେୟୁ ଦାହ୍‌ମୁ ।” ଏମ୍ବାଟିଏ ଦାସ୍ତେସି, ଇଞ୍ଜାଁ ଏଞ୍ଜାଣି କେୟୁ ନେହିଁ ଆହାହାତେ । ୧୧ ଏଦାଆଁ ମେସାନା ଏଞ୍ଜାରି କାର୍‌ବି ଆହାହାତେରି ଅଡେ ଜୀସୁଇଁ ଏନିକିହାଲି ଆନେ ଇଞ୍ଜାଁ ତାମୁ ତାମୁଏ କାତା ଆତେରି । ୧୨ ଏଚିବେଲାତା ଏ ଦିନା ପ୍ରାତାନା କିହାଲି ହରୁ ଲାକ ହାଚେସି ଇଞ୍ଜାଁ ଲାଆଁ ଝେୟେ ମାହାପୁରୁ ଡାଣା ପ୍ରାତାନା କିଚେସି । ୧୩ ଲାଇ ଝେୟାଲିଏ ଏଞ୍ଜାସି

ତାନି ସୀସୁୟାଁ ତାଗେ ହାଟାନା ଏଞ୍ଜରି ବିତ୍ରାଟି ବାରଜାଣାତି ଆତିତେସି; ଇଞ୍ଜି ଏଞ୍ଜରାଇଁ ପାଣ୍ଡୁଞ୍ଜି ଆତାରି ଇଞ୍ଜି ଦରୁ ଇତିତେସି, ୧୪ ଏଞ୍ଜରି ଆତେରି ସିମନ ଆମ୍ବାଆରାଇଁ ଏଞ୍ଜସି ପିତର ଦରୁ ହାତେସି, ଅଡେ ତାନି ତାୟି ଆନ୍ନିୟ, ଜାକୁବ ଅଡେ ଜହନ, ପିଲିପ, ବାର୍ତଲମି, ୧୫ ମାତିୟୁ ଅଡେ ତମା, ଆଲେପି ମାର୍‌ଏସି ଜାକୁବ ଅଡେ ସିମନ, ଆମିନି ଗାଟାଣାଇଁ ତାନି ଦେସାତି ଜୀଝୁ ନନାସି ଇନେରି, ୧୬ ଜାକୁବ ମାର୍‌ଏସି ଜୀହୁଦା ଅଡେ ଇସ୍ପାରିୟତ ଜୀହୁଦା, ଆମ୍ବାଆସି ଜୀସୁଇଁ ସାରୁ କେୟୁତା ହେର୍‌ପିତେସି । ୧୭ ଅଡେ ଏଞ୍ଜସି ଏଞ୍ଜରିତଲେ ରେଟାଞ୍ଜହାନା ନିମା ଗାଟି ଚାୟୁତା ନିତେସି, ଇଞ୍ଜି ତାନି ହାରେକା ସୀସୁୟାଁ ଅଡେ ବାରେ ଜୀହୁଦା ଦେସା ଜିରୁସାଲମ ଇଞ୍ଜି ସର ଅଡେ ସିଦନ ଦାରିଟି ହାରେକା ଖାତେରି । ୧୮ ଏଞ୍ଜରି ଜୀସୁତି କାତା ଖେଞ୍ଜାଲି ଅଡେ ତାନି ରଗଟି ନେହିଁ ଆହାଲି ଖାହାମାତେରି, ଅଡେ ଆମିନି ଗାଟାରି ବୃତୁୟାଁ ତାଣାଟି କସ୍ତୁ ବେଟାଆହି ମାତେରି, ଏଞ୍ଜରି ଜିକେଏ ନେହିଁ ଆତେରି; ୧୯ ବାରେଜାଣା ଏଞ୍ଜାଣାଇଁ ତୀଗାଲି ମନ କିହିମାତେରି, ଇତିହିଁ ଏଞ୍ଜାଣି ତାଣାଟି ବାଡ଼ୟୁ ହଟାନା ବାରେଜାଣାତି ନେହିଁ କିହିମାତେ । ୨୦ ଏଚିବେଲାତା ଜୀସୁ ତାନି ସୀସୁୟାଣି ସିନିକିହାନା ଏଲେଇତେସି, “ହିଲାଆଗାଟାତେରି ମୀରୁ: ମିଟ୍ଟେ ନେହେଁ, ଇତିହିଁ ମାହାପୁରୁ ରାଜି ମୀଦିଏ । ୨୧ ନୀଏଁ ହାକି ଗାଟାତେରି ମୀରୁ: ମିଟ୍ଟେ ନେହେଁ, ଇତିହିଁ ମୀରୁ ଡାୟୁ ପାଞ୍ଜିଦେରି । ନୀଏଁ ଡାହିମାନାତେରି ମୀରୁ: ମିଟ୍ଟେ ନେହେଁ, ଇତିହିଁ ମୀରୁ ଡାୟୁ କାକ୍‌ଦେରି ।” ୨୨ “ଏଚେତା ଲକୁ ମିଟ୍ଟେ ଅପଅରି ଅଡେ ମାଣ୍‌ସି ମାର୍‌ଏଣା ତାକି ଏଟ୍‌କା କିୟାନେରି, ଅଡେ ନିନ୍ତା କିୟାନେରି ଇଞ୍ଜି ମୀ ଦରୁତି ଲାଗେଏତାୟି ଇଞ୍ଜି ଅପଅରି, ଆତିହିଁ ମୀରୁ ନେହେଁ । ୨୩ ଏ ଚେଲାତା ରାହାଁତଲେ ଏନ୍ତାୟୁ, ଏନିଇତିହିଁ ଲାକପୁରୁ ମିଟ୍ଟେତାକି ହାରେକା ଦାନା ମାନେ; ଅଡେ ଏଲେକିହିଁଏ ଏଞ୍ଜରି ଆକୁ ଆବାୟାଁ ମାହାପୁରୁ ଅଣ୍‌ପୁତି ବଲୁ ଖେହ୍‌ନାରାଇଁ କିହିମାତେରି ।” ୨୪ “ସାମା ଆୟୁତା ତଣ୍ଡୁ ବେଟାଆନି ଦନ ଗାଟାତେରି ମୀରୁ: ମୀରୁ ମୀ ଅଣ୍‌ପିମାତି ସୁକୁ ବେଟା ଆହାମାଞ୍ଜେରି! ୨୫ ଆୟୁତା ତଣ୍ଡୁ ବେଟାଆନାତେରି ନୀଏଁ ପାଞ୍ଜାମାନାତେରି ମୀରୁ: ଇତିହିଁ ଡାୟୁ ମୀରୁ ହାକି ଆଦେରି । ଆୟୁତା ନୀଏଁ କାକ୍‌ହି ମାନାତେରି ମୀରୁ: ଇତିହିଁ ଡାୟୁ ମୀରୁ ଦୁକୁ ଆହାନା ଡାଦେରି ।” ୨୬ “ଏଚିବେଲା ବାରେ ଲକୁ ମିଟ୍ଟେ ନେହାଁତେରି ଇଞ୍ଜାନେରି, ଏଚିବେଲା ଆୟୁତା ତଣ୍ଡୁ ବେଟା ଆନାତେରି; ଏଲେକିହିଁଏ ଏଞ୍ଜରି ଆକୁ ଆବାୟାଁ ମିତି ବଲୁ ଖେହ୍‌ନାରାଇଁ

କିହିମାତେରି ।” ୨୭ ସାମା ମୀରୁ ଖେଞ୍ଜିମାଞ୍ଜେରି, ନୀରୁ ମିଢ୍ଫେ ଖେସିମାଞ୍ଜାଇଁ,  
 ମୀ ସାତୁୟୁଁଇଁ ଜୀଝୁନଦୁ: ଆମ୍ବାଆରି ମିଢ୍ଫେ ଅପଅରି ଏଝାରି ନେହିଁ କିଦୁ: ୨୮  
 ଆମ୍ବାଆରି ମିଢ୍ଫେ ବାକା ଇଟାନେରି, ଏଝାରାଇଁ ବର ହୀଦୁ: ଆମ୍ବାଆରି ମିଢ୍ଫେ  
 ଲାଗେଏ କିହିଁ ଲେମ୍ବାନେରି ଏଝାରି କସମି ପ୍ରାତାନା କିଦୁ । ୨୯ ଆମ୍ବାଆସି  
 ମିଢ୍ଫେ ର ଗେଏଲାତା ସାପ୍ତା ଝେତାନେସି, ଏଝାଶାକି ଅର ଗେଏଲା ଜିକେଏ  
 ଅଗାହୀଦୁ: ଇଞ୍ଜି ଆମ୍ବାଆସି ମୀ ହିମ୍ବୁରି ଅନେସି ଏଝାଶାଇଁ ମୀ ସକା ଜିକେଏ  
 ଅହାଲି କାହିକିଆଦୁ । ୩୦ ଆମ୍ବାଆସି ମିଢ୍ଫେ ରୀସ୍ତାନେସି, ଏଝାଶାକି ହୀଦୁ:  
 ଇଞ୍ଜି ଆମ୍ବାଆସି ଦନ ଅନେସି, ଏଝାଶାଇଁ ଝେଶ୍ଵେ ରୀହୁଆଦୁ । ୩୧ ଲକୁ  
 ମିଢ୍ଫେ ଏନିକିଁ ଲେମ୍ବାପେରି ଇଞ୍ଜି ଅଶ୍ଵିମାଞ୍ଜେରି, ମୀରୁ ଜିକେଏ ଏଝାରାଇଁ  
 ଏଲେକିହିଁ ଲେମ୍ବାଦୁ । ୩୨ ଇଞ୍ଜି ଆମ୍ବାଆରି ମିଢ୍ଫେ ଜୀଝୁ ନୟୁନେରି, ଏଝାରାଇଁ  
 ଜୀଝୁ ନତିହିଁ ଏନି ବର ବେଟାଆଦେରି? ଇତିହିଁ ପାପୁ ଗାଟାରି ଜିକେଏ  
 ତାମ୍ବେ ଜୀଝୁ ନନାରାଇଁ ଜୀଝୁ ନନେରି । ୩୩ ଅଡେ ଆମ୍ବାଆରି ମିଢ୍ଫେତାକି  
 ନେହିଁ କିୟାନେରି, ମୀରୁ ଏଝାରି ନେହିଁ କିଦେରି, ଆତିହିଁ ମୀରୁ ଏନି ବର  
 ବେଟାଆଦେରି? ଇତିହିଁ ପାପୁ ଗାଟାରି ଜିକେଏ ଏଲେକିନେରି । ୩୪ ଇଞ୍ଜି  
 ଆମ୍ବାଆରି ଡାଶାଟି ବେଟାଆହାଲି ଆସା ମାନେ, ଏଝାରାକି ରୀଶା ହାତିସାରେ  
 ମୀରୁ ଏନି ବର ବେଟାଆଦେରି? ପାପୁ ଗାଟାରି ଜିକେଏ ସମାନା ଲେକାତଲେ  
 ବେଟାଆହାଲି ପାପୁ ଗାଟାରାକି ରୀଶା ହୀନେରି । ୩୫ ସାମା ମୀ ସାତୁୟୁଁଶି  
 ଜୀଝୁନଦୁ ଇଞ୍ଜି ଏଝାରି ନେହିଁ କିଦୁ, ଝେଶ୍ଵେ ବେଟାଆହାଲି ଆସା କିଆନା  
 ଉଦାରା ହୀଦୁ: ଆତିହିଁ ମିଢ୍ଫେତାକି କାଜା ଦାନା ମାନେ, ଇଞ୍ଜି ମୀରୁ କାଜା  
 ମାହାପୁରୁତି ମୀରୁକା ଆଦେରି, ଇତିହିଁ ଏଝାସି ଜୀଝୁ ନଆଗାଟାରାଇଁ ଅଡେ  
 ପାପୁ ଗାଟାରାଇଁ ଜିକେଏ ଜୀଝୁ ନନାସି । ୩୬ ମୀ ଲାକପୁରୁତି ଆବା ଏନିକିଁ  
 କାର୍ମା ମେହନାସି ମୀରୁ ଜିକେଏ ଏଲେକିହିଁଏ କାର୍ମା ମେହନାତେରି ଆଦୁ ।  
 ୩୭ “ଅଡେ ନୀହାୟି କିଆଦୁ, ଆତିହିଁ ମୀରୁ ମାହାପୁରୁ ଡାଶା ନୀହାୟି କିଝି  
 ଆଅତେରି; ଦହ ଦହୁଆଦୁ, ଆତିହିଁ ମୀରୁ ମାହାପୁରୁ ଡାଶା ଦହ ଗାଟାତେରି  
 ଆଅତେରି; ଦହ ମ୍ଫେକ୍‌ଦୁ, ଆତିହିଁ ମାହାପୁରୁ ମୀ ଦହ ଜିକେଏ ମ୍ଫେକ୍‌ହାନେସି;  
 ୩୮ ହୀଦୁ ଆତିହିଁ ମିଢ୍ଫେ ଜିକେଏ ହୀପ୍‌କିଆନେ; ଲକୁ ମାଶାଟି ନେଞ୍ଜିକିହାନା  
 ଏଦାନି ନାବ୍‌ଗାନା ଦାକ୍‌ହାନା ତେଲି କିହାନା ମୀ ଅଟଡିତା ହିୟାନେରି;  
 ଇତିହିଁ ଆମିନି ମାଶାତଲେ ଲାଡିଦେରି, ମିଢ୍ଫେ ଜିକେଏ ଏ ମାଶା ତଲେଏ  
 ଲାତା ହିୟାନେରି ।” ୩୯ ଏଝାସି ଏଝାରାଇଁ ର ପୁଶ୍‌ମ୍‌କିନି କାତା ଜିକେଏ

ଏଲେଇଚେସି, “ର କାଣା ଅର କାଣାଇଁ ଜିରୁ ଚଢ଼ାଲି ଆଡ଼ିନେସିକି? ଏଝାରି ରିଆରି ଜିକେଏ ରହେଏ ଗାଡ଼୍‌ୟୁଡ଼ା ଚରଣଅରି କି? ୪୦ ସୀସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀସୁୟାଁ ନେହୁଁକିଁ ଜାପାଲି ଆଡ଼ିସାରେ ତାନି ଗୁରୁ ସମାନା ଆନେରି ।” ୪୧ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆଁତାକି ଅଣ୍ଡି ହିଲଅତି? ୪୨ ନୀନୁ ନୀ କାନୁତା ମାନି କାଜା ଲାଟା ଅଣ୍ଡାଆନା, ଏନିକିଁ ନୀ ତାୟିକିଁ ଏଲେଇଞ୍ଜାଲି ଆଡ଼ିଦି, ତାୟି ଝାମୁ ନୀ କାନୁତା ମାନି ଲାଟା ଡେଝାଇଁ, ଆଡ଼େ କୁଟୁ ଗାଟାତି ତଲିଏ ନୀ କାନୁତି କାଜା ଲାଟା ଡେଝା କଡ଼ାମୁ, ଡାୟୁ ମୀ ତାୟି କାନୁତି ଲାଟା ନେହୁଁକିଁ ମେସାଲି ଆଡ଼ିଦି । ୪୩ “ଇତିହୁଁ ଇଲେତି ଏନି ର ନେହୁଁ ମାରୁନୁ ହିଲେଏ, ଏମିନାୟି ଲାଗେଏତି ପାଡ଼େୟି ଆୟିନେ, ଅରଝାକି ଇଲେତି ଏନି ମାରୁନୁ ହିଲେଏ ଏମିନାୟି ନେହୁଁ ପାଡ଼େୟି ଆୟିନେ । ୪୪ ଇତିହୁଁ ବାରେ ମାରକାଣି ତାନି ପାଡ଼େୟି ତଲେ ପୁନାୟି; ହାପକା ମାରୁନୁଟି ଲକୁ ଚୟା ପାଡ଼େୟି ଏହଅରି, ଇଞ୍ଜାଁ ହାପକା ବୁଟାଟି ଅଢୁରି ପାଡ଼େୟି ଏହଅରି । ୪୫ ନେହୁଁ ଲକୁ ନେହୁଁ ମନ ବିତ୍ରାଟି ନେହୁଁ କାତା ହପନେସି, ଇଞ୍ଜାଁ ପଲ୍‌ଆ ଗାଟାସି ପଲ୍‌ଆ ମନ ବିତ୍ରାଟି ପଲ୍‌ଆ କାତା ହପନେସି; ଇତିହୁଁ ହିୟାଁ ବିତ୍ରା ମାନାଣି ଗୁଡ଼ିଟି ଜଲିନେସି । ୪୬ ଅଡ଼େ ମୀରୁ ଏନାଆଁତାକି ନାଢ଼େ ପ୍ରବୁ ପ୍ରବୁ ଇଞ୍ଜାଁ ମାଞ୍ଜାଦେରି, ସାମା ନା କାତା ମାନଝି ଆହି ହିଲଅଡେରି? ୪୭ ଆମ୍ବାଆସି ନା ତାଣା ଝାହାନା ନା କାତା ଝେଞ୍ଜାନା ବାରେ ମାନଝି ଆନେସି, ଏଝାସି ଏନିଲେହେଁତାସି, ନାନୁ ମିଢ଼େ ଝେସୁଇଁ । ୪୮ ଏଝାସି ଇଲେତି ର ଇଲୁ ଦହନିଲେହେତି ଲକୁ, ଏମିନିଗାଟାସି ଗାଡ଼ି ଗାଡ଼୍‌ୟୁ କାରୁହାନା ପୁନାଦି ଝାଲକାତଲେ କାତି ନିପନେସି; କାଜା କାତା ଝାହାନା ଏ ଇଲୁତି ଗୁପିଡେ, ଝାଲକାତଲେ ଇଲୁ ଦସାମାଟାକି କାତା ଇଲୁତି ଦାକ୍‌ହାଲି ଆଡ଼ାଆଡେ । ୪୯ ସାମା ଆମ୍ବାଆସି ଝେଞ୍ଜାନା ମାନଝି ଆଅସି ଏଝାସି ଗାଡ଼୍‌ୟୁଟିଏ ପୁନାଦି କିଆନା ଲାକ ଲାକ ଇର୍‌ଆ ଲାକ ଇଲୁ କିହାମାନି ଲକୁ ଲେହେଁତାସି; କାଜା କାତା ଝାହାନା ଇଲୁତି ଗୁପାଲିଏ ଦେବୁଣିଏ ଇଲୁ ରିହା ହାଚେ ଇଞ୍ଜାଁ କୁଡ଼୍‌ପୁନାସା ଆହାହାଚେ ।”

୯ ଜୀସୁ ଲକୁ ନକିତା ବାରେ କାତା ଝେସାଲି ରାପ୍‌ହାଲିଏ କପରନାହୁମ ଗାଡ଼ାତା ହାଚେସି । ୨ ଏତିବେଲାତା ରଅସି ପାପାକଡ଼ି କସକା ମୁହେଁ କାଜାଣା ହଲେଏସି ହାନିଲେହେଁ ନମେରି ଆହାମାଚେସି; ଏ ହଲେଏଣାଇଁ ଏଝାସି

ହାରେକା ଜୀଝୁ ନହଁମାଚେସି । ୩ ଏଝାସି ଜୀସୁ କାତା ଝେଞ୍ଜାନା, ଏଝାସି ଏନିକି  
 ଝାହାନା ତାନି ହଲେଏଶାଲି ନେହିଁ କିନେସି, ଇଦାଆଁତାକି ଜୀହୁଦି ଲକୁଡି  
 କାଜାରି ବିଦ୍ରାଟି ଏଚରଜାଣାତି ଏଝାଣି ତାଣା ପାଣ୍ଡାନା ବାତିମାଲିଚେସି । ୪  
 ଏଝାରି ଜୀସୁ ତାଣା ଝାହାନା ହାରେକା ବାତିମାଲିହିଁ ଝେସ୍ତେରି, “ଏଝାସି ନୀ  
 ତାଣାଟି ହାରେକା ସାୟେମି ବେଟାଆହାଲି ପାଡ଼ା ଆନାସି; ୫ ଇଚିହିଁ ଏଝାସି  
 ମା ଜୀହୁଦି ଲକୁଣି ଜୀଝୁ ନନେସି ଅଡେ ତାନୁଏ ମାଢ୍ଢେତାକି ଜୀହୁଦି ଲକୁଡି  
 କୁଟମି ଇଲୁ କିହାମାନେସି ।” ୬ ଏମ୍ପାଟିଏ ଜୀସୁ ଏଝାରିଚଲେ ହାଚେସି,  
 ଏଝାସି କାଜାଣି ଇଲୁଟିଏ ହିରେ ହେକ ମାଚାଟିଏ ତାନି ଡ଼ଣେସିଢ୍ଢାଣି ଝେସା  
 ପାଣ୍ଡିଚେସି, “ଏ ପ୍ରଭୁ ନୀନୁ ଅଡେ କସ୍ତୁ ପୁଃଆନିଦେ; ଇଚିହିଁ ନୀନୁ ନା ଇଜ  
 ପାଝୁଲି ଇଚିଦି ଇଲେକିଁ ପାଡ଼ାଆଆତାଚେଏ; ୭ ଇଦାଆଁତାକି ନାନୁ ନୀ ତାଣା  
 ଝାହାଲି ପାଡ଼ାଆଅଁ ଇଞ୍ଜି ଅଣ୍ପିଚେଏ; ସାମା ନୀନୁ ର ପଦୁ ଝେସା ପାଣ୍ଡାମୁ  
 ନା ହଲେଏସି ନେହିଁ ଆନେସି । ୮ ଇଚିହିଁ ନାନୁ ରଅଣି ତାଣା କାମା କିନି  
 ମାଣ୍ଡିସି ଆଚିହିଁ ଜିକେଏ ନା ଅଦିକାରାତା ଅଡେ କସକା ମାନେରି; ଅଡେ  
 ନାନୁ ରଅଣାଲି ହାଲାନୁ ଇଚିହିଁ ହାନେସି; ରଅଣାଲି ଝାମୁ ଇଚିହିଁ ଝାନେସି;  
 ଇଞ୍ଜି ନା ହଲେଏଶାଲି ଇଦାଆଁ କିମୁ ଇଚିହିଁ ଏଝାସି କିନେସି ।” ୯ ଜୀସୁ ଇ  
 ବାରେ କାତା ଝେଞ୍ଜାନା କାବା ଆଚେସି, ଅଡେ ଜେଚ ଝାହିମାନି ଲକୁଝାକି  
 ସିନିକିହାନା ଏଲେଇଚେସି, “ନାନୁ ମିଢ୍ଢେ ଝେସିମାଞ୍ଜାଲି ଇସାୟେଲ ଲକୁ  
 ବିଦ୍ରା ଜିକେଏ ନାନୁ ଇଲେଟି ନାମୁ ମେସାହିଲଅଁ ।” ୧୦ ଅଡେ ପାଣ୍ଡୁଝି  
 ଆହାମାଟି ଲକୁ ଇଜ ଝାହାନା ହଲେଏସି ନେହିଁ ଆହାମାନାଣି ମେସ୍ତେରି  
 । ୧୧ ଏମ୍ପାଟିଏ ନାଇନ ଦରୁଗାଟି ଗାଡ଼ାତା ହାଚେସି, ତାନି ସୀସୁୟାଁ ଇଞ୍ଜି  
 ହାରେକା ଲକୁ ଏଝାଣିଚଲେ ହାଜିମାଚେରି । ୧୨ ଏଝାସି ଗାଡ଼ାଟି ଗଲିମୁଟାତା  
 ଏଜାଲିଏ ଲକୁ ର ମାଡ଼ହାଟି ପାଢ୍ଢାତା ଡେକା ତାଟି ମାଚେରି, ଏଝାସି ତାମି  
 ଇୟାନି ରଣ୍ଡିଏ ମୀରୁଏସି ମାଚେସି, ଇଞ୍ଜି ଏ ଇୟା ରାଣ୍ଡେଣି ମାଚେ; ଅଡେ  
 ଗାଡ଼ାଟି ହାରେକା ଲକୁ ଏଦାନିଚଲେ ମାଚେରି । ୧୩ ଏଦାନି ମେସାନା  
 ଜୀସୁ ହାରେକା କାର୍ମା ଅଣ୍ପାଦାନା ଏଦାନି ଏଲେଇଚେସି, “ଡ଼ୀଆନି ।” ୧୪  
 ଅଡେ ଏଝାସି ତାଗେ ହାଜାନା ଡେକାମାଟି ଚେଚେଣିଟି ଡ଼ୀଗିଚେସି, ଇଞ୍ଜି  
 ଡେକା ଅହିମାଟି ଲକୁ ନିଚାଲିଏ ଜୀସୁ ଏଲେଇଚେସି, “ଆଡେ ଦାଂଗ୍‌ଶେଣୀଟି!  
 ନାନୁ ଏଲେଇଞ୍ଜିମାଞ୍ଜାଲି ନିଢ୍ଢାମୁ!” ୧୫ ଏଚେଟିଏ ହାହାମାଟି ଦାଂଗ୍‌ଶେଣିଏସି  
 ନିଢ୍ଢାମୁ କୁଟିଚେସି ଇଞ୍ଜି ଜଲିଚେସି, ଇଞ୍ଜି ଏଝାସି ତାମି ଇୟାନି କେୟୁତା



ହେଉଥିବେ । ୧୭ ଏବେଟିଏ ବାରେଜାଣା ଆଜିତାକି ମାହାପୁରୁଙ୍କ ଜହରା କିଛି ଏଲେଇଚେରି; “ମା ବିତ୍ରା ର ମାହାପୁରୁ ଅଣ୍ଟପୁତି ବଲୁ ଖେହ୍ନାସି ହୁତାମାନେସି, ଇତିହିଁ ମାହାପୁରୁ ତାନି ଲକ୍ଷ୍ମଣି କାର୍ମା ମେସାମାନେସି!” ୧୭ ଇଞ୍ଜି ଜୀସୁ କିତି ଇ କାତା ବାରେ ଜୀହୁଦା ଦେସାତା ଅଡ଼େ ସାରିସୁଟୁ ମାନି ରାଜିତା ଝେଢ଼ୁହାଚେ । ୧୮ ଡାୟୁ ବାପ୍ତିସ୍ତ ହାନି ଜହନତି ସୀସୁୟାଁ ଇ ବାରେ କାତା ଏଞ୍ଜାଣାଇଁ ଝେସୁଚି । ୧୯ ଏବେଟିଏ ଜହନ ତାନି ରୀ ସୀସୁୟାଁଙ୍କ ତାଗେ ହାତାନା ପୁରୁ ଡାଣା ଏଲେଇଞ୍ଜା ପାଣ୍ଡିଚେସି, “ଆମ୍ବାଆସି ଖାନାୟି ମାଚେ, ନୀନୁଏ ଏଞ୍ଜାତିକି, ଆଆତିଁ ମାମୁ ଅର ରଅଣାଇଁ କାଃଆନମି?” ୨୦ ଏଞ୍ଜାରି ଜୀସୁ ଡାଣା ଖାହାନା ଏଲେଇଚେରି, “ବାପ୍ତିସ୍ତ ହାନି ଜହନ ମାଢ଼େ ଏଲେଇଞ୍ଜା ପାଣ୍ଡାଚେସି, ଆମ୍ବାଆସି ଖାନାୟି ମାଚେ ଏଞ୍ଜାତି ନୀନୁଏ କି ଆଆତିଁ ମାମୁ ଅର ରଅଣାଇଁ କାଃଆନମି?” ୨୧ ଏଚିବେଲା ଏଞ୍ଜାସି ହାରେକା ରଗ, କସୁ ଅଡ଼େ ପଲ୍‌ଆ ବୃତୁୟାଁ ଡାଣାଟି ହାରେକା ଲକ୍ଷ୍ମଣି ନେହିଁ କିଚେସି, ଇଞ୍ଜି ହାରେକା କାଶ୍‌କା ମେହ୍‌ଆଗାଟାରାଇଁ ମେହ୍‌ନି ବାଡ଼ୁୟାଁ ହାଚେସି । ୨୨ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ହାଜାନା ଏନା ଏନାଆଁ ମେସାମାଞ୍ଜେରି ଅଡ଼େ ଝେଞ୍ଜାମାଞ୍ଜେରି, ଏ ବାରେ ଜହନଇଁ ଝେହ୍‌ଦୁ: କାଶ୍‌କା ମେହ୍‌ଆଗାଟାରି ମେସାଲି ଆଡ଼ିମାନେରି, ସଚାୟାଁ ଡାକାଲି ଆଡ଼ିମାନେରି, କାଜା ରଗ ଗାଟାରି ନେହିଁ ଆହିମାନେରି, ବେରାୟାଁ ଝେଞ୍ଜାମାନେରି, ହାତାରି ନୀଡ଼ିମାନେରି, ଅଡ଼େ ହିଲାଆ ଗାଟାରି ନେହିଁ କାରୁ ଝେଞ୍ଜାମାନେରି; ୨୩ ନା ଡାଣା ଆମ୍ବାଆରି ଆନାମାନା ଆଆନା ନାମାନେରି, ତାମ୍‌ଢ଼େଏ ନେହେଁ ।” ୨୪ ଜହନ ସୀସୁୟାଁ ହାଜାଲିଏ, ଜୀସୁ ଲକ୍ଷ୍ମଣି ଜହନତି କାତା ଏଲେଇଚେସି, “ଏଚିବେଲା ବାଃଲି ବାଟାତା ମୀରୁ ହାଜାମାଚେରି, ଏମ୍ବାଆଁ ଏନାଆଁ ମେସାଲି କାତାମାଚେରି? ଏନାଆଁ ଗାଲି ତଲେ ଖାଲିମାନି ତାଣ୍ଡିତି? ୨୫ ଏଦାଆଁ ଆଆତିହିଁ ଏନାଆଁ ମେସାଲି ହାଜାମାଚେରି? ନେହିଁ ଅଜିତି ପାତାଡ଼ା ହିମ୍ବୁରି ହୁଚାମାନି ର ମାଶ୍‌ସିଇଁ? ମେହ୍‌ଦୁ ଆମ୍ବାଆରି ନେହିଁ ନେହିଁ ହିମ୍ବୁରିକା ହୁଚାନା ସୁକୁ ତଲେ ଡ଼ୟିନାରି ଏଞ୍ଜାରି ରାଜା ଗାଡ଼ାତା ଡ଼ୟିନେରି! ୨୬ ଏଦାଆଁ ଆଆତିଁ ଏନାଆଁ ମେସାଲି ହାଜାମାଚେରି? ଏନାଆଁ ର ମାହାପୁରୁ ଅଣ୍ଟପୁତି ବଲୁ ଝେହ୍‌ନାଣାଇଁ? ନାନୁ ମିଢ଼େ ସାତା ଝେସିମାଞ୍ଜାଇଁ, ମାହାପୁରୁ ବଲୁ ଝେହ୍‌ନାରି କିହିଁ କାଜାଣାଇଁ । ୨୭ ଆମ୍ବାଆରି କାତା ରାସ୍‌କି ଆହାମାନେ, ‘ହେଶୁ ନାନୁ ନା କାରୁ ଝେହ୍‌ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଞ୍ଜାସି ନୀ ନକିତା ଜିରୁ ତିୟାରା

କିନେସି, ଏଞ୍ଜିସି ଏ ମାଣ୍ଡସି ।’ ୨୮ ନାନୁ ମିଢ୍ଢେ ସାତା ଖେସିମାଞ୍ଜାଲ୍ ଇୟାନି  
 ବାଣ୍ଡିଟି ଜାନା ଆହାମାନାରି ବିତ୍ରା ଜହନ ବାରେକିହାଁ କାଜାସି; ଆତିଜିକେଏ  
 ମାହାପୁରୁ ରାଜିତା ଆମ୍ବାଆସି ଉଣା ଏଞ୍ଜିସି ଏଞ୍ଜିସି କିହାଁ କାଜାସି ।” ୨୯  
 ବାରେଜାଣା ଇ କାତା ଖେଞ୍ଜାନା, ସିସୁ ରୀହନାରି ଜିକେଏ ଜହନ ତାଣାଟି  
 ବାପ୍ତିସ୍ତୁ ଅହାମାଚାକି ମାହାପୁରୁଲ୍ ସାତା ଇଞ୍ଜି ଇରେରି; ୩୦ ସାମା ପାରୁସିୟା  
 ଅଡେ ମେରାପୁନାରି ଏଞ୍ଜିସି ତାଣାଟି ବାପ୍ତିସ୍ତୁ ପୁଞ୍ଜିଆନାହାଁ ତାମ୍ଡେ ତାକି  
 ମାହାପୁରୁ ଅଣ୍ପିମାଚାଣି କୁଚେରି । ୩୧ “ଇ କାଲାତି ଲକୁଣି ଆମ୍ବାଆରି  
 ତଲେ ତୁକ୍‌ଇ, ଇଞ୍ଜି ଏଞ୍ଜିସି ଆମ୍ବାଆରି ଲେହେଁ? ୩୨ ଏମିନି କକାରି  
 ହାଟା ବାଜାରାତା କୁଗାନା ତାମ୍ବା ଏଲେଇଣ୍ଡି ଆନେରି, ‘ମାମ୍ବା ମିଢ୍ଢୁତାକି  
 ପୀରୁଡ଼ି ଉକିତମି, ମୀରୁ ଏନ୍ଦୁଆତେରି; ମାମ୍ବା ଦୁକୁ ତଲେ ତୀତମି ମୀରୁ  
 ତୀଆତେରି!’ ଏଞ୍ଜିସି ଇଲେତାରି ଇଞ୍ଜି ଜୀସୁ ଖେସ୍ତେସି । ୩୩ ଇତିହାଁ ବାପ୍ତିସ୍ତୁ  
 ହାନି ଜହନ ଖାହାନା ରାନ୍ଦୁ ତିନାଆତେସି କି ଅଢ୍ଢୁରି ରାସା ଗହ୍‌ଆତେସି,  
 ଅଡେ ମୀରୁ ଏଲେଇଚେରି, ‘ଏଞ୍ଜିଶାଲ୍ ବୁତୁ ଆଲ୍‌ଗାମାଚେ ।’ ୩୪ ମାଣ୍ଡସି  
 ମୀରୁଏସି ଖାହାନା ରାନ୍ଦୁ ତିଚେସି ଉଚେସି, ଅଡେ ମୀରୁ ଏଲେ ଇଞ୍ଜିମାଞ୍ଜେରି,  
 ‘ମେହ୍‌ଦୁ ଇଞ୍ଜିସି ଚିଣ୍ଡିକାସ୍ତୁ କାତୁବୁତୁ, ସିସୁ ରୀହନାରି ଅଡେ ପାପୁ ଗାଟାରି  
 ତଣେଏସି ।’ ୩୫ ମାହାପୁରୁଡ଼ି ବୁଦି ତାନି ବାରେ ମୀର୍କା ତାଣାଟି ସାତା  
 ଇଞ୍ଜି ଡ଼ଞ୍ଜିଆନେ ।” ୩୬ ଅଡେ ପାରୁସିୟା ବିତ୍ରାଟି ରଅସି ଜୀସୁଲ୍ ତାନି  
 ଇଜ ତିଞ୍ଜାଲି ଏଲେଇଚେସି, ଏମ୍ବାଟିଏ ଜୀସୁ ଏ ପାରୁସି ଇଜ ହତାନା ରାନ୍ଦୁ  
 ତିଞ୍ଜାଲି କୁଗିଚେସି । ୩୭ ମେହ୍‌ଦୁ ଏ ଗାଡ଼ାତା ପାପୁଗାଟି ର ଇୟା ମାଚେ;  
 ଜୀସୁ ପାରୁସିୟା ଇଜ ତିଞ୍ଜାଲି କୁଗାମାନେସି ଇଞ୍ଜି ପୁଞ୍ଜାନା ଏଦି ର ଗାଜୁତା  
 ଗାନ୍ଦୁଗାଟି ନିୟୁଁ ତାଚାନା, ୩୮ ତାୟୁଞ୍ଜାକି ଜୀସୁ କତାୟାଦାରି ନିଚାନା ତୀହି  
 ତୀହି କାଣ୍ଡୁ ବକ୍‌ହାନା ଏଞ୍ଜିସି ପାଞ୍ଜିଆନାୟା ଉଦି କିହାନା ତାନି ତାୟୁଁ ବାଣାୟା  
 ତଲେ ଜୀସୁ ପାଞ୍ଜିଆନାୟା ଚେଜିହାଁ ଏଞ୍ଜିସି ପାଞ୍ଜିଆନାୟା ନଣ୍ଡିଚେ ଅଡେ ଗାନ୍ଦୁ  
 ନିୟୁଁ ରୁବିଚେ । ୩୯ ଏବାଆଁ ମେସାନା ଆମିନି ପାରୁସି ହାଟାମାଚେସି, ଏଞ୍ଜିସି  
 ମନ ମନତା ଅଣ୍ପିଚେସି, “ଇଞ୍ଜିସି ମାହାପୁରୁ ଅଣ୍ପିଚି ବଲୁ ଖେହ୍‌ନାସି  
 ଆହାମାଚିହାଁମା, ତାଢ୍ଢେ ତୀଗିମାନି ଇୟାଟି ଏନିଲେହେଁତାୟି ପୁଚେସିମା,  
 ଇତିହାଁ ଏଦି ପାପୁ ଗାଟାୟି ।” ୪୦ ଜୀସୁ ଏଞ୍ଜିଶାଲ୍ ଏଲେଇଚେସି, “ଆଡେ  
 ସିମନ ନାନୁ ନିଢ୍ଢେ ର କାତା ଖେସ୍ତାନାୟିମାନେ ।” ଏଞ୍ଜିସି ଏଲେଇଚେସି,  
 “ହାଅ ପ୍ରବୁ ଖେସ୍ତାମ୍ବା ।” ୪୧ “ର ସାଞ୍ଜୁକାରି ତାଣା ରିଆରି ରୀଶାଗାଟାରି

ମାରେଇ; ରଥସି ପାସାଖାଞ୍ଜା ଅଡ଼େ ରଥସି ରୀ କଡ଼ି ଦସଟାକା ରୀଶା ଗାଟାସି ।  
 ୪୭ ଏଝାରି ରୀଶା ଡିକହାଲି ଆଡାଆଲିଏ, ଏଝାରି ସାଞ୍ଜୁକାରି ରିଆରି ରୀଶାଟି  
 ଜିକେଏ ପିସାତୁସ୍ତେସି । ଇଞ୍ଜି ଏଝାରି ବିତ୍ରାଟି ଆମ୍ବାଆସି ଏଝାଶାଈଁ ହାରେକା  
 ଜୀଞ୍ଜୁ ନନେସି?” ୪୩ ସିମନ ଏଲେଇରେସି, “ନା ଅଶ୍ପୁତା ଆମ୍ବାଆରାକି  
 ଗାଡି ରୀଶା ପିସ୍ପିଆଡେ ଏଝାସି ।” ଜୀସୁ ଏଲେଇରେସି, “ନୀନୁ ନେହିଁ  
 ଅଶ୍ପାମାଞ୍ଜି ।” ୪୪ ଅଡ଼େ ଏଝାସି ଏ ଇୟାନିଝାକି ସିନିକିହାନା ସିମନଈଁ  
 ଏଲେଇରେସି, “ଇ ଇୟାନି ମେସିମାଞ୍ଜି? ନୀନୁ ମୀ ଇଜ ଝାଡେଏଁ, ନା କଡାୟଁ  
 ତାକି ଏୟୁ ହିୟାଆଡି, ସାମା କାଶ୍ଚୁତଲେ ନା ପାଠଆନାୟଁ ଉଦି କିହାନା  
 ତାନି ତାୟଁ ବାଶାୟଁ ତଲେ ଜେଜାଡେ । ୪୫ ନୀନୁ ନାଡ଼େ ନଶ୍ଚାଆଡି?  
 ସାମା ନୀନୁ ବିତ୍ରା ଝାଞ୍ଜନିଏ ନା ପାଠଆନାୟଁ ନଶ୍ଚାଲି ପିସିମାଞ୍ଜେଏ । ୪୬  
 ନୀନୁ ନା ତାୟଁତା ନିୟଁ ରୁବାଆଡି? ସାମା ଇଦି ନା ପାଠଆନାଶାଁ ଗାନ୍ଧୁ ନିୟଁ  
 ରୁବାଡେ । ୪୭ ଇଦାଆଁତାକି ନୀନୁ ନିଡ଼େ ଝେସିମାଞ୍ଜାଈଁ, ଇଦାନି ହାରେକା  
 ପାପୁ ମେଶ୍ଚୁମାନେ ଏଦାଶିତାକି ଏଦି ହାରେକା ଜୀଞ୍ଜୁନହିଁ ମାଞ୍ଜାନେ; ସାମା  
 ଆମ୍ବାଆରାକି ଉଶା ପାପୁ ମେଶ୍ଚୁନେ ଏଝାସି ଉଶା ଜୀଞ୍ଜୁ ନନେସି ।” ୪୮  
 ଅଡ଼େ ଜୀସୁ ଏ ଇୟାନି ଏଲେଇରେସି, “ନୀ ପାପୁ ବାରେ ମେଶ୍ଚୁମାନେ ।”  
 ୪୯ ଏମ୍ବାଟିଏ ଏଝାଶିତଲେ ଡିଞ୍ଜାଲି କୁଗାମାତାରି ମନ ମନତା ଏଲେଇରେରି,  
 “ପାପୁ ଜିକେଏ ମେଶ୍ଚୁ କିହିମାନେସି ଇଝାସି ଆମ୍ବାଆସି?” ୫୦ ସାମା ଜୀସୁ  
 ଏ ଇୟାନି ଏଲେଇରେସି, “ନୀ ନାମୁ ନିଡ଼େ ଗେଲ୍ପାମାଞ୍ଜାନେ; ହିଡ଼ି ତଲେ  
 ହାଲାମୁ ।”

୮ ଏଚରଦିନା ଡାୟୁ ଜୀସୁ ଗାଡାତାକି ଗାଡା ନାୟଁ ତାକି ନାୟଁ ରେଜିହିଁ  
 ମାହାପୁରୁ ରାଜିତି ନେହିଁ କାରୁ ଟେକହେସି, ଅଡ଼େ ବାରଜାଶା ସୀସୁୟାଁ  
 ଏଝାଶିତଲେ ମାରେରି, ୨ ଅଡ଼େ ଏମିନିଗାଟି ଇୟାସିକା ପଲ୍‌ଆ ବୃତୁୟାଁ  
 ତାଶାଟି ରଗଟି ନେହିଁ କିଞ୍ଚି ଆହାମାରୁ, ଇଡିହିଁ ମଗ୍‌ଦଲିନି ମରିୟମ, ଆମ୍ବାଆରି  
 ତାଶାଟି ସାତାଗାଟା ବୃତୁୟାଁ ହତାହାଜାମାରୁ, ୩ ହେରଦ ଇଜଡି ଗୁମ୍‌ସ୍ତା କୁଜା  
 ଅଡ଼େ ତାନି ତକ୍ତି ଜହାନା, ସସାନା ଅଡ଼େ ହାରେକା ଇୟାସିକା ଏଝାଶିତଲେ  
 ମାଞ୍ଜାନା ତାମି ଦନ ହୀହାନା ଏଝାରି ସେବା କିହିମାରୁ । ୪ ଲକୁ ବାରେ  
 ଗାଡାୟଁଟି ଝାହିମାତାକି ହାରେକା ଲକୁ ଏଝାଶି ତାଶା ଗୁଣ୍ଡା ଆଡେରି ଇଞ୍ଜି  
 ଏଝାସି ଏଝାରାଈଁ ପୁଶ୍‌ମିକିନି କାତାତଲେ ଝେସ୍ତେସି । ୫ “ରଥସି ବିତା  
 ମାଟିନାସି ବିତା ମାଟାଲି ହଡେସି । ଏଝାସି ମାଟି ମାଟିହିଁ କଚେକା ବିତା ଜିରୁତା

ରୀତେ ଏଦାଆଁ ଲକ୍ଷ୍ମୀ ଖିସାତୁସ୍ତେରି, ଅଡ଼େ ହାଗୁ ଲାକ ଉନ୍ମିନି ପଟା କାଟି  
 ପେରୁହା ତିରୁ । ୬ ଅଡ଼େ କଚେକା ଖାଲକା ଲାକ ରୀତେ, ଇଞ୍ଜି ନେୟ୍ନା ବୁମି  
 ଅଲୁ ହିଲାଆତାକି ଖାୟାହାଚେ । ୭ ଅଡ଼େ କଚେକା ହାପକା ବୁଟାତା ରୀତେ,  
 ଇଞ୍ଜି ହାପକା ବୁଟା ପାତାଆହାନା ଆର୍ନା ତାକିତି ପୁକ୍ତହାତୁସ୍ତେ । ୮ ଅଡ଼େ  
 କଚେକା ବିଚା ନେହିଁ ବୁମିତା ରୀତେ, ଇଞ୍ଜି ପାତାଆହାନା ପାସାକଡ଼ି ପାଡ଼େୟି  
 ଆୟିତେ । ୯ ଏଚେଟିଏ ଜୀସୁ କାଜା ଗିୟ୍ନାତଲେ ଏଲେଇଚେସି, “ଆମ୍ବାଆରାକି  
 ଖେଞ୍ଜାଲି କୀର୍ନା ମାନୁ ଏଞ୍ଜାରି ଖେଶ୍ମାରି ।” ୧୦ ତାମି ସୀସୁୟାଁ ଇ ପୁଶ୍ମିକିନି  
 କାତାତି ଅର୍ତ୍ତ ଏନାୟି ଇଞ୍ଜି ଖେଚେରି, ୧୧ ଏଞ୍ଜାସି ଏଲେଇଚେସି, “ମାହାପୁରୁ  
 ରାଜିତି କାତା ପୁଞ୍ଜାଲି ମିଢ୍ଢେ ବାଡ଼୍ମୁ ହାପକି ଆହାମାନେ, ସାମା ଏଚ୍ଚକା  
 ତାରାଇଁ ପୁଶ୍ମିକିନି କାତାତଲେ ଖେସ୍ପିଆନେ, ଇଚିହିଁ ଏଞ୍ଜାରି ମେସି ମେସିହିଁ  
 ମେହ୍ଅରି ଅଡ଼େ ଖେଞ୍ଜିଖେଞ୍ଜି ଚେଲ୍‌ହଅରି ।” ୧୧ ପୁଶ୍ମିକିନି କାତା ଅର୍ତ୍ତ ଇତି,  
 ବିଚା ମାହାପୁରୁ ବଲୁ, ୧୨ ଜିରୁ ଦାରିତି ପାଡ଼େୟି ଇଲେତାରି, ଏଞ୍ଜାରି ମାହାପୁରୁ  
 କାତା ଖେନେରି; ତାୟୁ ସୟତାନା ଖାହାନା ଏଞ୍ଜାରି ଏନିକ୍ ନାମାଆପେରିଖା  
 ଅଡ଼େ ଶେଲ୍‌ପି ଆଆପେରିଖା ଇଞ୍ଜି ଏଞ୍ଜାରି ହିୟ୍ନାତା ଖେଞ୍ଜାମାନାଣି ମାଞ୍ଜାଅନେ  
 । ୧୩ ଖାଲକା ବୁମିତା ରିତି ଲକ୍ଷ୍ମୀ ଇଲେତାରି, ଏଞ୍ଜାରି କାତା ଖେଞ୍ଜାନା ରାହାଟି  
 ଆହ୍‌ନେରି; ଏଞ୍ଜାରିତାଣା ହୀରୁ ଜୀଆତାକି ଗାଡ଼େକା ତାକି ନାମିନେରି, ଅଡ଼େ  
 ତାୟିପାରି କିନାୟି ଖାତିସାରେ ମାହାପୁରୁଇଁ ପିସା ତୁହ୍‌ନେରି । ୧୪ ଅଡ଼େ  
 ହାପକା ବୁଟାତା ରିତି ଲକ୍ଷ୍ମୀ ଇଲେତାରି ଆମିନି ଗାଟାରି ମାହାପୁରୁ କାତା  
 ଖେଞ୍ଜାନା ଦାର୍ତ୍ତିତି ତୁକୁ କାକୁଲି, ଦନତି ଜୁପକା ଅଡ଼େ ଦାର୍ତ୍ତିତି ରାହାଁ  
 ଏଞ୍ଜାରାଇଁ ପୁକ୍ତହାତୁସାମାନାକି ନେହିଁକି କାମ୍ବାଲି ଆଡ଼ଅରି । ୧୫ ନେହିଁ  
 ବୁମିତା ରିତି ପାଡ଼େୟି ଇଲେତାରି, ଏମିନିଗାଟାରି ନେହିଁ ସୁତୁଜୀସୁ ହିୟ୍ନାଟି  
 କାତା ଖେଞ୍ଜାନା ଆହ୍‌ନେରି, ଅଡ଼େ ବାରେ ଅର୍‌ହାନା କାମା କିହାନା ପାଡ଼େୟି  
 ଆୟିନେରି । ୧୬ ଦୀଞ୍ଜି ଡ଼ୀସାନା ଆମ୍ବାଆରି ମାଣା ପୁକ୍ତହାନା କି କାଟେଲି  
 ଡ଼ଇକା ଇଚଅରି, ସାମା ଦୀଞ୍ଜି ସଡ଼ାତା ଇଚିନେରି, ଏନିକ୍ ଇଜଖାନି ଲକ୍ଷ୍ମୀ  
 ଉଜେଡ଼ି ମେହ୍‌ନେରି । ୧୭ ତୁଗାମାନାୟି ଏନାୟିଖା ହିଲେଏ, ଏନାୟି ଡ଼ଞ୍ଜା  
 ଆଏ ଇଲେକି ଏନାୟି ଜିକେଏ ହିଲେଏ, ଖେସ୍ପି ଆହାନା ଡ଼ଞ୍ଜା ଆଏ ଇଲେତି  
 ତୁଗାମାନାୟି ଏନାୟି ହିଲେଏ । ୧୮ ଏନିକ୍ ଖେଞ୍ଜାମାଞ୍ଜେରି ଏଦାଆଁତାକି  
 ଜାଗ୍ରାତା; ଇଚିହିଁ ଆମ୍ବାଆରାଖାୟି ମାନେ ଏଞ୍ଜାଣାକି ହାପକିଆନେ, ଅଡ଼େ  
 ଆମ୍ବାଆରାଖାୟି ହିଲେଏ ଏଞ୍ଜାସି ନାଦି ମାନେ ଇଞ୍ଜି ଅଶ୍ପିମାନେସି, ଏଦାଆଁ

ଜିକେଏ ଅଞ୍ଚିଆନେ । ୧୯ ଜୀସୁଟି ଇୟା ଅଡ଼େ ତାନି ତାୟିୟାଁ ଏଞ୍ଜାଣି ତାଣା  
 ଝାତେରି, ସାମା ଲକ୍ଷୁ ମାନ୍ନୁ ମାତାକି ଏଞ୍ଜାଣି ତାଣା ହାଜାଲି ଆତାଆତେରି  
 । ୨୦ ଏମ୍ବାଟିଏ ଜୀସୁଇଁ ଖେସ୍ତେରି, “ମୀ ଇୟା ଅଡ଼େ ମୀ ତାୟିୟାଁ ନିଢ୍ଫେ  
 ମେସାଲି ପାଢ୍ଫାତା ନିରାମାନେରି ।” ୨୧ ସାମା ଏଞ୍ଜାସି ବାରେଡି ଏଲେଇଚେସି,  
 “ମାୟା ଅଡ଼େ ମା ତାୟିୟାଁ ଏଞ୍ଜାରି, ଆମ୍ବାଆରି ମାହାପୁରୁଟି କାତା ଖେନେରି  
 ଅଡ଼େ ମାନଞ୍ଜି ଆନେରି ।” ୨୨ ର ଦିନା ଜୀସୁ ଅଡ଼େ ତାନି ସୀସୁୟାଁ ତଂଗତା  
 କୁଟିଚେରି, ଇଞ୍ଜାଁ ଜୀସୁ ଏଞ୍ଜାରାଇଁ ଏଲେଇଚେସି, “ଝାଦୁ ମାର ସାମ୍ବୁରି  
 ଆତାଲା ହାନ ।” ଏମ୍ବାଟିଏ ଏଞ୍ଜାରି ତଂଗଟି ହାଚେରି । ୨୩ ସାମା ଏଞ୍ଜାରି  
 ତଂଗତା ହାଜିମାନି ବେଲାତା ଜୀସୁ ତୁରୀଚେସି । ଏତିବେଲା ସାମ୍ବୁରିତା  
 କାଜା ଗାଲି ଆତେ, ଅଡ଼େ ଏୟୁ ତଂଗତା ହୁଡିମାତାକି ଏଞ୍ଜାରି ହାରେକା କସ୍ତ  
 ଆଚେରି ଇଞ୍ଜାଁ ଆଜିଚେରି । ୨୪ ଏଚେଟିଏ ସୀସୁୟାଁ ତାଗେ ଝାହାନା ନିକ୍ହାଁ  
 ଏଲେଇଚେରି, “ଏ ଗୁରୁ ଏ ଗୁରୁ ମାର ହାହିମାନାୟା” ଏମ୍ବାଟିଏ ଏଞ୍ଜାସି  
 ନିଢ୍ଫାମା କାଜା ଗାଲିତି ଦାକା ହାଚେସି, ଇଞ୍ଜାଁ ଏ ବାରେ ସାପି ଆହାନା ସୁସ୍ତି  
 ଆତେ । ୨୫ ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ନାମୁ ଆମ୍ବିୟା?”  
 ସାମା ଏଞ୍ଜାରି ଆଜି ଅଡ଼େ କାବାଆହାନା ତାମୁ ଏଲେଇଶ୍ଟି ଆଚେରି, “ଇଞ୍ଜାସି  
 ଏନିଲେହେଟାସି ଇତିହୁଁ ଗାଲି ଅଡ଼େ ଝାଡିମାନି ଏୟୁଣି ଜିକେଏ ହୁକୁମି  
 ହାହିମାନେସି ।” ୨୬ ତାୟୁ ଏଞ୍ଜାରି ଗାଲିଲି ନକିତି ଆତାଲାଞ୍ଜାକି ଗରାସିୟୁ  
 ଦେସାତା ଏଚେରି । ୨୭ ଜୀସୁ ତଂଗଟି ରେତାନା ଗାରୁତା ଝାହାଲିଏ, ଏ ଗାଡାତି  
 ର ବୁରୁ ଆଲ୍ଗା ମାତାସି ଝାହାନା ଏଞ୍ଜାଣାଇଁ ବେଟାଆଚେସି; ଏଞ୍ଜାସି ଗାଡୁ  
 ଦିନାଟିଏ ହିମ୍ବୁରିକା ହୁଚାଆନା ଅଡ଼େ ଇଜ ମାନାଆନା ମାଡୁହା ମୁହ୍ନି ଚାୟୁତା  
 ଡୟିମାଚେସି । ୨୮ ଏଞ୍ଜାସି କିର୍ଡିହୁଁ ଜୀସୁ କତାଣା ରିହାନା କାଜା ଗିୟାତଲେ  
 ଏଲେଇଚେସି, “ଏ ବାଡ଼ୟୁଗାଟି ମାହାପୁରୁ ମୀର୍ଏଣାଟି ଜୀସୁ ନୀ ତଲେ  
 ନାଢ୍ଫେ ଏନାୟି ମାନେ? ନାନୁ ବାତିମାଲିମାଞ୍ଜାଇଁ ନାଢ୍ଫେ ଅଡ଼େ କସ୍ତ ହିୟାଆନି  
 ।” ୨୯ ଇତିହୁଁ ଜୀସୁ ଏ ପଲ୍ଆ ବୁଡୁତି ଏ ମାଶ୍ସି ତାଣାଟି ହୁଚା ହାଜାଲି  
 ହୁକୁମି ହାହାଲି ହାଜିମାଚେସି । ଏ ପଲ୍ଆ ବୁରୁ ହାରେକା ପାଲି ଏଞ୍ଜାଣାଇଁ  
 ଆଲ୍ଗାମାଚେ, ଇଞ୍ଜାଁ ଲକ୍ଷୁ ଏଞ୍ଜାଣାଇଁ କେସ୍ତା କତାଣା ହିକ୍ଣିୟାଁ ତଲେ ଦସ୍ପା  
 ଇତିମାଚେରି, ସାମା ଏ ଦସ୍ପା ମାତାଣି ତାପୁହାନା ବୁରୁ ତଲେ ବାୟା ଆହାନା  
 ଲକ୍ଷୁ ହିଲାଆ ଚାୟୁତା ହୁଚିମାଚେସି । ୩୦ ଜୀସୁ ଏଞ୍ଜାଣାଇଁ ଏଲେଇଚେସି, “ମୀ  
 ଦରୁ ଏନାୟି?” “ନା ଦରୁ ମାନ୍ନୁ” ଇଞ୍ଜାଁ ଇଚେସି, ଏନାଆଁତାକି ଇତିହୁଁ ହାରେକା

ବୃତ୍ତୁୟା ଆଲଗାମାରୁ । ୩୧ ଇଚ୍ଛା ଜୀମୁ ଏଞ୍ଜାସିକାଣି ଚାଡ଼େପୁରୁ ପାଣ୍ଡାଲି  
 ହୁକୁମି ହୀଅସି, ଇଦାଆଁତାକି ଏଞ୍ଜାଣାଇଁ ବାତିମାଲିତୁ । (Abyssos ୧12) ୩୨  
 ଏମ୍ପାଆଁ ହରୁ ଦାରିତା ର ମାନ୍ୟ ପାଜିୟାଁ ମେୟିମାରୁ, ଇଚ୍ଛା ଜୀମୁଇଁ ଏ ବୃତ୍ତୁୟାଁ  
 ପାଜିୟାଁ ମାନ୍ୟ ବିତ୍ରା ହାଜାଲି ହେଲ ରାସୁ । ୩୩ ଏଞ୍ଜାସି ହେଲ ହୀହାଲିଏ,  
 ବୃତ୍ତୁୟାଁ ଏ ମାଣସି ତାଣାଟି ହରା ହାଜାନା ପାଜିୟାଁ ବିତ୍ରା ହୁଗୁ; ଏଚେଟିଏ  
 ଏ ପାଜିୟାଁ ଏ ହରୁଟି ଦାବ୍ଡି ହାଜାନା ଦାରିତା ମାଟି ସାମ୍ବୁରିତା ମେଦା  
 ହାହାହାରୁ । ୩୪ ଏ ପାଜିୟାଁ ମାନ୍ୟ ମେଟିମାଟି ଗୁଡ଼କା ଏଦାଆଁ ମେସାନା  
 ହଚେରି ଇଚ୍ଛା ଗାଡ଼ା ଅଡ଼େ ନାସକାଣାଁ ଏ କାତା ଖେସ୍ତେରି । ୩୫ ଏନାୟି  
 ଆହାମାନେ ଏଦାଆଁ ମେସାଲି ଲକୁ ହରାଞ୍ଜାଚେରି; ଇଚ୍ଛା ଏଞ୍ଜାରି ଜୀମୁ ତାଗେ  
 ଞ୍ଜାହାନା, ଆମିନି ମାଣସି ତାଣାଟି ବୃତ୍ତୁୟାଁ ହରା ହାଜାମାରୁ, ଏଞ୍ଜାଣାଇଁ ନେହିଁ  
 ହିମ୍ପୁରିକା ହୁଚାନା ନେହିଁ ମନତଲେ ଜୀମୁ କର୍ତ୍ତା ତଲ କୁଗାମାତାଣି ମେସାନା  
 ଆଜିଚେରି । ୩୬ ଅଡ଼େ ଆମିନି ଗାଟାରି ମେସାମାଚେରି ଏଞ୍ଜାରି ଏ ବୃତ୍ତୁ  
 ଆଲଗା ମାଚାସି ଏନିକିଁ ନେହିଁଆଚେସି, ଏଦାଆଁ ଏଞ୍ଜାରାଇଁ ଖେସ୍ତେରି । ୩୭  
 ଏମ୍ପାଟିଏ ଗରାସିୟ ବାରେ ନାସକାଟି ସାରିଞ୍ଜାକି ବାରେ ଲକୁ ଜୀମୁଇଁ ତାମି  
 ଦେସାଟି ହାଜାଲି ବାତିମାଲିଚେରି, ଇଚିହିଁ ଏଞ୍ଜାରି ହାରେକା ଆଜିମାଚେରି ।  
 ଇଚ୍ଛା ଏଞ୍ଜାସି ର ତଂଗତା ହୁଚାନା ଖେଣ୍ଡାହାଚେସି । ୩୮ ସାମା ଏମିନିଗାଟାଣି  
 ତାଣାଟି ବୃତ୍ତୁୟାଁ ହରା ହାଜାମାରୁ, “ନାଡ୍ଡେ ନୀ ତଲେ ହାଜାଲି ହେଲ ହିୟାମୁ”  
 ଇଚ୍ଛା ବାତିମାଲିଚେସି; ୩୯ ସାମା ଜୀମୁ ଏଞ୍ଜାଣାଇଁ ହେଲ ହୀହାନା, “ମୀ ଇଜ  
 ଖେଣ୍ଡା ହାଲାମୁ, ଇଚ୍ଛା ମାହାପୁରୁ ନିଡ୍ଡେତାକି ଆମିନି କାମା କିହାମାଞ୍ଜାନେସି ଏ  
 କାତା ଖେକ୍ମୁ ।” ଏଚେଟିଏ ଏଞ୍ଜାସି ହାଜାନା ଜୀମୁ ତାଡ୍ଡେତାକି ଆମିନି କାମା  
 କିହାମାଚେସି, ଏ ବାରେ ଗାଡ଼ାତା ଚ୍ଵେକ୍‌ହେସି । ୪୦ ଜୀମୁ ଖେଣ୍ଡା ଞ୍ଜାହାଲିଏ  
 ମାନ୍ୟ ଲକୁ ଏଞ୍ଜାଣାଇଁ ରାହାଁତଲେ ବେଟାଆଚେରି, ଇଚିହିଁ ଏଞ୍ଜାରି ବାରେଜାଣା  
 ଏଞ୍ଜାଣାଇଁ କାଟିମାଚେରି । ୪୧ ଏମ୍ପାଟିଏ ଜାୟିରସ ଦରୁଗାଟାସି ଞ୍ଜାଚେସି;  
 ଏଞ୍ଜାସି ଜୀହୁଡ଼ି ଲକୁଟି କୁଚମି ଇଲୁଟି କାଜାସି ମାଚେସି । ଏଞ୍ଜାସି ଜୀମୁ  
 କତାଣା ରିହାନା ତାମି ଇଜ ହାଜାଲି ବାତିମାଲିଚେସି, ୪୨ ଇଚିହିଁ ଏଞ୍ଜାଣାକି  
 ବାର ବାର୍ସାଟି ରଣ୍ଡିଏ ମାଡ୍ଡା ମାଚେ, ଏଡ଼ି ହାନିଲେହେଁ ନମେରି ଆହାମାଚେ ।  
 ସାମା ଏଞ୍ଜାସି ହାଜିମାଚାଟି ଲକୁ ଏଞ୍ଜାଣି ମୁହେଁ ମୁହେଁ ଆହିମାଚେରି । ୪୩  
 ଏଚିବେଲାତା ବାର ବାର୍ସା ପାଚେକା ନେଚେରି ଞ୍ଜାଡ୍ଡିନି ରଗାଟାଟି ର ଇୟା,  
 ଏମିନି ଗାଟାୟି ଆମ୍ପାଆରି ତାଣାଟି ଜିକେଏ ନେହିଁ ଆହାଲି ଆଡ଼ିହିଲାଆଚେ,

୪୪ ଏହି ଡାୟୁ ଖାକିଟି ଖାହାନା ଜୀମୁତି ହିମ୍ବରି କୁଟୁ ତୀଗିତେ, ଏ ଦେବୁଣିଏ ଏଦାନି ନେତେରି ବନାୟି ପିସ୍ତେ । ୪୫ ଏମ୍ବାଟିଏ “ନାଡ୍ଡେ ଆମ୍ବାଆୟି ତୀଗାତେ” ଇଞ୍ଜି ଜୀମୁ ଖେରେସି? ସାମା ବାରେଜାଣା ଆଏ ଇଞ୍ଜାଲିଏ, ପିତର ଏଲେଇରେସି, “ଏ ଗୁରୁ ଲକୁ ବାରେ ମୁହେଁ ମୁହେଁ ଆହିମାନେରି ।” ୪୬ ସାମା ଜୀମୁ ଏଲେଇରେସି, “ନାଡ୍ଡେ ଆମ୍ବାଆୟିମା ତୀଗାତେ, ଇତିହୁଁ ନା ତୀଗାଟି ର ବାଡ୍ଡୁୟୁ ହତାକି ନାନୁ ପୁରେଏ ।” ୪୭ ଏମ୍ବାଟିଏ ଏ ଇୟା ଖାହାନା ଅଣ୍ପିତେ ନାନୁ ଅଡେ ତୁଗାନା ମାଞ୍ଜାଲି ଆଡଅଁ ଇଞ୍ଜି ଅଣ୍ପାମା ଆଜିତାକି ତାରା ତାରା ଆହିଁ ଜୀମୁ କତାଣା ରିହାନା, ଏନାଆଁତାକି ତୀଗିତେ ଇଞ୍ଜି ଦେବୁଣିଏ ଏନିକିଁ ନେହିଁ ଆଡେ, ବାରେ ଲକୁ ନକିତା ଖେସ୍ତେ । ୪୮ ଏମ୍ବାଟିଏ ଜୀମୁ ଏଦାନି ଏଲେଇରେସି, “ମାଡ୍ଡା ନୀ ନାମୁ ନିଡ୍ଡେ ନେହିଁ କିହାମାଞ୍ଜାନେ, ହିଡ୍ଡିଟି ହାଲାମୁ ।” ୪୯ ଜୀମୁ ଇ କାତା ଖେସିମାଟି ବେଲାତା ଜୀହୁଡି ଲକୁଡି କୁଟି ଇଲୁଡି କାଜାଣା ଇଜଟି ରଅସି ଖାହାନା ଜାୟିରସଇଁ ଏଲେଇରେସି, “ନୀ ମାଡ୍ଡା ହାହାହାରେୟିଏ ଗୁରୁଇଁ ଅଡେ କସ୍ତୁ ହୀଆନିଦେହେଁ ।” ୫୦ ସାମା ଜୀମୁ ଏ କାତା ଖେଞ୍ଜାନା ଏଖାଣାଇଁ ଏଲେଇରେସି, “ଆଜାଆନି ନାମାମୁ ଏଦି ନୀଡିନେ ।” ୫୧ ଅଡେ ଜୀମୁ ଇଜ ଖାହାନା ପିତର, ଜହନ ଅଡେ ଜାକୁବ ଇଞ୍ଜି ପଦାନି ତାନି ଆବା ଇୟାନି ପିସ୍ତେ ଆମ୍ବାଆରାଇଁ ବିତ୍ରା ହାଜାଲି ହୀଆତେସି । ୫୨ ସାମା ବାରେଜାଣା ଡାହିଁ ଡାହିଁ ବକତା ଡେଟା କଡିମାରୁ । ଏମ୍ବାଟିଏ ଜୀମୁ ଏଲେଇରେସି, “ଡୀଆଦୁ: ଏଦି ହାହାହିଲେଏ, ସାମା ତୁରାମାନେ ।” ୫୩ ସାମା ପଦା ହାହାମାନାଣି ପୁଞ୍ଜାନା ଏଞ୍ଜି ଏଖାଣାଇଁ କାକ୍ତୁ । ୫୪ ସାମା ଜୀମୁ ପଦାନି କେୟୁ ଆସାନା ହାଟାହିଁ ଏଲେଇରେସି, “ଆକେ ପଦା, ନିଡ୍ଡାମୁ ।” ୫୫ ଏମ୍ବାଟିଏ ପଦାନି ଜୀମୁ ଖେଣ୍ଡା ଖାତେ ଅଡେ ଏ ଦେବୁଣିଏ ନିଡ୍ଡିତେ, ଇଞ୍ଜି ଇଚାଣି ଡିଞ୍ଜାଲି ହୀଦୁ ଇରେସି । ୫୬ ଏମ୍ବାଟିଏ ତାନି ତାଲି ତାଞ୍ଜି କାବାଆଦୁ: ସାମା ଇ ପଦା ନେହିଁ ଆତାଣି ଆମ୍ବାଆରାଇଁ ଖେହ୍‌ଆଦୁ ଇଞ୍ଜି ଏଖାସିକାଣି ହୁକୁମି ହୀତେସି ।

୯ ଏରେଟିଏ ଜୀମୁ ବାରେଜାଣାଟି ହାଟାନା ରୁଣ୍ଡା କିହାନା ଏଖାଣାଇଁ ବାରେ ବୁଡୁୟୁଁ ଲାକ ଅଡେ ରଗଟି ନେହିଁ କିହାଲି ବାଡ୍ଡୁୟୁ ଅଡେ ଅଦିକାରା ହୀତେସି । ୨ ଅଡେ ଏଖାସି ଏଖାଣାଇଁ ମାହାପୁରୁତି ରାଜିତି କାତା ଖେକ୍‌ହାଲି ଅଡେ ରଗ ଗାଟାରାଇଁ ନେହିଁ କିହାଲି ପାଣ୍ଡିତେସି ୩ ଇଞ୍ଜି ଏଖାଣାଇଁ ଏଲେଇରେସି, “ମୀରୁ ହାଜାଲିତାକି କୁତା ବାଡ୍‌ଗା କି ମଣା କି ରୁଟି କି ଏନି ଟାକାୟି ଜିକେଏ

ଅଥାତ୍, ଅଡ଼େ ଜଡ଼େକା ସକାୟାଁ ଜିକେଏ ଅଥାତ୍ । ୪ ଅଡ଼େ ମୀରୁ ଆମିନି  
 ଇଜ ହାଜେରି, ଏମ୍ପାଟି ଖେଣ୍ଡାହାନି ପାତେକା ଏମ୍ପାଆଁ ଡ଼ୟାଦୁ; ୫ ଅଡ଼େ  
 ଏଚେକା ଲକୁ ମିଡ଼େ ଆବଅରି ଏଞ୍ଜାରି କପାଟି ସାକି ହାହାଲି ଏ ଗାଡ଼ାଟି ହୁଡ଼ା  
 ଖାନାଟି ମୀ କଡ଼ାଟି ଦୁଡ଼ି ହାଣ୍ଡ଼ାନା ଖାଦୁ ।” ୬ ଏମ୍ପାଟିଏ ଏଞ୍ଜାରି ହାଜାନା  
 ସାରିଖାକି ନେହିଁ କାବୁ ଖେକ୍‌ହିହିଁ ରଗ ଗାଟାରାଇଁ ନେହିଁ କିହିଁ ନାୟୁଁ ନାୟୁଁତା  
 ରେଚେରି । ୭ ଏମ୍ପାଟିଏ ଏ ଦେସାଟି ରାଜା ହେରଦ ଇ ବାରେ କାତା ଖେଞ୍ଜାନା  
 କାବା ଆଡ଼େସି, ଇତିହିଁ ବାପୁସ୍ତ ହାନି ଜହନ ହାତାରି ତାଣାଟି ନିଢ଼ୁମାନେସି  
 ଇଞ୍ଜି ଆମ୍ପା ଆମ୍ପାଆରି ଏଲେଇଞ୍ଜିମାଚେରି; ୮ ଅଡ଼େ ଆମ୍ପା ଆମ୍ପାଆରି ଏଲିୟ  
 ଡ଼ଞ୍ଜା ଆହାମାନେସି ଇଞ୍ଜି ଏଚ୍‌କାତାରି ତଲିକାଲାତି ମାହାପୁରୁ ଅଣ୍ଟୁତି  
 ବଲୁ ଖେହ୍‌ନାରି ବିତ୍ରାଟି ରଅସି ନିଢ଼ୁମାନେସି ଇଞ୍ଜି ଖେସିମାନେରି । ୯  
 ସାମା ହେରଦ ଏଲେଇଚେସି, “ଜହନତି ଡ଼ାୟୁଁ ମାରତ ଦାତା ମାନାୟି, ସାମା  
 ଆମ୍ପାଆରି କାତା ମାର ଖେଞ୍ଜିମାନାୟି ଏଞ୍ଜାସି ଆମ୍ପାଆସି?” ଅଡ଼େ ଏଞ୍ଜାସି  
 ଏଞ୍ଜାଣାଇଁ ମେସାଲି ମନ କିହିମାଚେସି । ୧୦ ଡ଼ାୟୁ ପାଣ୍ଡୁଖି ଆହାମାଚାରି  
 ଖାହାନା ଏନା ଏନାଆଁ କିହାମାଚେରି, ଏ ବାରେ ଏଞ୍ଜାଣାଇଁ ଖେସ୍ତେରି । ଅଡ଼େ  
 ଏଞ୍ଜାସି ଏଞ୍ଜାରିତଲେ ଏଚ୍‌କା ଆହାନା ବେଦ୍‌ସାୟିଦା ଦରୁଗାଟି ଗାଡ଼ାତା  
 ହାଚେରି । ୧୧ ସାମା ଲକୁ ଏଦାଆଁ ପୁଞ୍ଜାନା ଏଞ୍ଜାଣି ଜେଚ ଜେଚ ହାଚେରି;  
 ଇଞ୍ଜି ଏଞ୍ଜାସି ଏଞ୍ଜାରାଇଁ କାର୍ମା ଆହାଁ ଆବାନା ମାହାପୁରୁ ରାଜିତି କାତା  
 ଖେସ୍ତେସି, ଅଡ଼େ ଏମିନିଗାଟାରି ରଗଟି ନେହିଁ ଆନାୟି ମାଚେ, ଏଞ୍ଜାରାଇଁ ନେହିଁ  
 କିଚେସି । ୧୨ ଏଚେତା ମିଡ଼ଅଲା ଆହାଲି ମାଚ୍‌ହେ; ଏଚେଟିଏ ବାରଜାଣା  
 ସୀୟୁୟୁଁ ତାନି ତାଣା ଖାହାନା ଏଲେଇଚେରି, “ଲକୁ ଏନିକିଁ ନାୟକା ଅଡ଼େ  
 ଗାଡ଼ାତା ହାଜାନା ବାସାଟାୟୁ ଅଡ଼େ ତିଞ୍ଜାଲି କାଦି ପାରିନେରି, ଏଦାଆଁତାକି  
 ଏଞ୍ଜାରାଇଁ ହେଲ ହୀମୁ ଇତିହିଁ ମାର ଲକୁ ହିଲାଆ ଟାୟୁତା ମାନାୟି ।” ୧୩  
 ସାମା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ଏଞ୍ଜାରାକି ତିଞ୍ଜାଲି ହୀଦୁ  
 ।” ଏଞ୍ଜାରି ଏଲେଇଚେରି, “ମା ତାଣା ପାସାଗଟା ରୁଟି ଇଞ୍ଜି ରୀ ମୀଶ୍‌କା  
 ପିସ୍‌ପେ ଆଗାଡ଼ା ହିଲାଡ଼; ଏନାଆଁ ମାର ହାଜାନା ଇ ବାରେତାକି କାଦି  
 କଡ଼ିନାୟି?” ୧୪ ଇତିହିଁ ଏଞ୍ଜାରି ପାସାମାଣା ଆବାୟୁଁ ମାଚେରି । ଇଞ୍ଜି ଏଞ୍ଜାସି  
 ତାନି ସୀୟୁଣି ଏଲେଇଚେସି, “କଡ଼େଦସ ଜାଣା ଲାକା କୁଟିକିଦୁ ।” ୧୫  
 ଏଚେଟିଏ ଏଞ୍ଜାରି ଏଲେକିହିଁଏ ବାରେଡ଼ି କୁଟିକିଚେରି । ୧୬ ଅଡ଼େ ଏଞ୍ଜାସି  
 ପାସାଗଟା ରୁଟି ଅଡ଼େ ରୀ ମୀଶ୍‌କାଣି ଆସାନା ଲାକପୁରୁ ଖାକି ସିନିକିହାନା



ବର ହୀତେସି, ଇଚ୍ଛା ରୂଟି ଡିକ୍‌ହାନା ଲକ୍ଷ୍ମି ହାସ୍‌ପାଲି ସୀୟୁୟିକି ହୀତେସି  
 । ୧୭ ଏଚେଟିଏ ବାରେଜାଣା ତିଜ୍ଞା ପାଞ୍ଜିଚେରି, ଅଡେ ହାରିତାଣି ବାର  
 ତାଲି ରୂଟି କୁଡି କିଚେରି । ୧୮ ର ଦିନା ଜୀୟୁ ରଅସିଏ ପ୍ରାତାନା କିନି  
 ବେଲାତା ସୀୟୁୟି ଏଞ୍ଜାରିତଲେ ମାଚେରି, ଅଡେ ଏଞ୍ଜାସି ଏଞ୍ଜାରାଇଁ ଖେଚେସି,  
 “ନାନୁ ଆମ୍ବାଆତେଏଁ ଇଚ୍ଛା ଲକ୍ଷ୍ମି ଏଲେଇଚ୍ଛାମାନେରି?” ୧୯ ଏଚେଟିଏ ଏଞ୍ଜାରି  
 ଏଲେଇଚେରି, “ଆମ୍ବାଆରି ବାପ୍ପିସ୍ତୁ ହୀନି ଜହନ, ଆମ୍ବାଆରି ଏଲିୟୁ, ଅଡେ  
 ଆମ୍ବାଆରି ତଲିକାଲାତି ମାହାପୁରୁ ଅଣ୍ଟପୁତି ବଲୁ ଖେହନାରି ବିତ୍ରାଟି ରଅସି  
 ନିତ୍ତୁମାନେସି ।” ୨୦ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ଆମ୍ବାଆତେଏଁ  
 ମୀରୁ ଏନାଆଁ ଇଚ୍ଛା ମାଚେରି?” ପିତର ଏଲେଇଚେସି, “ନୀନୁ ମାହାପୁରୁତି  
 କ୍ରୀସ୍ତୁ ।” ୨୧ ଏଚେଟିଏ ଏଞ୍ଜାସି ଏଞ୍ଜାରାଇଁ ଆମ୍ବାଆରାଇଁ ଖେହ୍‌ଆଦୁ ଇଚ୍ଛା  
 ଜାଣ୍ଟେ କିହିଁ ହୁକୁମି ହୀତେସି, ୨୨ “ମାଣ୍ଡି ମୀରୁଏସି ହାରେକା ଦୁକୁ ପାଣ୍ଡନାୟି  
 ମାନେ ଇଚ୍ଛା ଲକ୍ଷ୍ମି କାଜାରି, କାଜା ପୂଜେରାଜ୍ଞା ଇଚ୍ଛା ମେରାପୁନାରି ତାଣାଟି  
 ଅପାଆନା ଏଞ୍ଜାଣାଇଁ ପାୟିନେରି, ଇଚ୍ଛା ତାନି ଦିନାଟିଏ ନିତ୍ତୁନେସି ।” ୨୩  
 ଏଚେଟିଏ ଏଞ୍ଜାସି ବାରେତି ଏଲେଇଚେସି, “ଆମ୍ବାଆସି ନା ଜେଚ ତାକାଲି  
 ମନ କିନେସି, ଏଞ୍ଜାସି ତାଡ୍ଡେ ଅପାଆନା ବାରେଦିନା ତାନି କୁସ ଚେକାନାହାଁ  
 ନା ଜେଚ ତାକାପେସି । ୨୪ ଇଚିହିଁ ଆମ୍ବାଆସି ଜାହାରା ଜୀସୁ ଗେଲ୍‌ପାଲି ମନ  
 କିନେସି ଏଞ୍ଜାସି ନାସା କିନେସି; ସାମା ଆମ୍ବାଆସି ନା ତାକି ନିଜେତି ଜୀସୁ ନାସା  
 କିନେସି ଏଞ୍ଜାସି ଗେଲ୍‌ପି କିହାକଡିନେସି । ୨୫ ଅଡେ ମାଣ୍ଡି ଇ ବାର୍‌ତିତା  
 ମାନାଣି ବାରେ ମେଡି କିହାନା ତାନି ଜୀସୁତି ନାସା କିନେସି, ଇଚିହିଁ ଏଞ୍ଜାଣାକି  
 ଏନି ଲାବା? ୨୬ ଇଚିହିଁ ଆମ୍ବାଆସି ନାଡ୍ଡେତାକି ଅଡେ ନା କାତାତାକି ଲାଜା  
 ଆନେସି, ମାଣ୍ଡି ମୀରୁଏସି ତାନି କାଜାପାଣା ତଲେ ଇଚ୍ଛାହାଁ ମାହାପୁରୁ ଆବା  
 ଅଡେ ତାନି ସୁଦୁଗାଟି ଦୁରୁୟି ତଲେ କାଜାପାଣାଟି ଖାନେସି ଏଚିବେଲା  
 ଏଞ୍ଜାସି ଜିକେଏ ଏଞ୍ଜାଣି ତାକି ଲାଜା ଆନେସି । ୨୭ ସାମା ନାନୁ ମିଡ୍ଡେ ସାତା  
 ଖେସିମାଞ୍ଜାଇଁ, ମାହାପୁରୁତି ରାଜି ମେହ୍‌ଆ ପାଚେକା ଇମ୍ବାଆଁ ନିଚାମାନାରି  
 ଏଚରଜାଣା ହାଅରି ।” ୨୮ ଇ କାତା ଖେସାନା ଆଟାଦିନା ହାଜାଲିଏ ପିତର,  
 ଜହନ ଅଡେ ଜାକୁବଇଁ ଅହିଁ ହାଜାନା ପ୍ରାତାନା କିହାଲି ହରୁତା ହାଚେସି । ୨୯  
 ଅଡେ ଏଞ୍ଜାସି ପ୍ରାତାନା କିହିମାଚାଟି ତାନି ମୁମୁତି ଖାଣା ତିରିମ୍ପିହେ ଇଚ୍ଛା ତାନି  
 ହିମ୍ପରି ଦବ୍‌ଲା ଆହାନା ହାରେକା ଉଜେଡି ଆଚେ । ୩୦ ମସା ଅଡେ ଏଲିୟୁ  
 ଏଞ୍ଜାଣିତଲେ କାତା ଆହିମାଚେରି; ୩୧ ଏଞ୍ଜାରି ଗାସ୍ତୁରମିଟି ଚିଜ୍ଞାଆହାନା ଜୀୟୁ

ଜିରୁସାଲମତା ହାନିକାତା ଜଳକି ଆହିମାଚେରି । ୩୨ ଏଚିବେଲା ପିତର  
 ଅଡେ ତାନି ଡ଼େସିଡ୍ଵାକି ଗାଡ଼ି ଇଦାକାଣକା ହୁଚିମାରୁ: ସାମା ଏଝାରି ଇଦାଟି  
 ନିଡ୍ଵାଲିଏ ତାନି ଗାଝୁରମି ଇଞ୍ଜି ଏଝାଣିତଲେ ରିଆରି ନିଚାମାନାଣି ମେସ୍ତେରି  
 । ୩୩ ଇଞ୍ଜି ଏଝାରି ଡାଣାଟି ହାଜିମାଚାଟି ପିତର ଜୀସୁଇଁ ଏଲେଇଚେସି,  
 “ଗୁରୁ ମାମୁ ଇମ୍ପାଆଁ ମାନାୟି ନେହେଁ; ମାମୁ ଇମ୍ପାଆଁ ତାନିଗଟା ଗୁଡାୟାଁ  
 କେପିନମି, ନିଡ୍ଵେତାକି ରଣ୍ଡାଆଁ, ମସାକି ରଣ୍ଡାଆଁ ଅଡେ ଏଲିୟକି ରଣ୍ଡାଆଁ  
 ।” ସାମା ତାନୁ ଏନାଆଁ ଇଞ୍ଜିମାଚେସି ତାନୁଏ ପୁଞ୍ଜି ହିଲାଆଚେସି । ୩୪  
 ଏଝାସି ଏଲେଇଞ୍ଜି ମାଚାଟି ଇଚାୟି ହାଗୁ ଦୁନ୍ନା ଝାହାନା ଏଝାରାଇଁ ପୁକ୍‌ହେ,  
 ଇଞ୍ଜି ଏଝାରି ଦୁନ୍ନାତା ହୁଡ଼ି ମାଚାଟି ଆଜିଚେରି । ୩୫ ଇଞ୍ଜି ଏ ଦୁନ୍ନାଟି ଇ  
 ହାଡା ଝାଡେ, “ଇଝାସି ନା ମୀରୁଏସି, ନାନୁ ଆଚିତାସି, ଇଝାଣି ବଲୁ ଝେଞ୍ଜୁ  
 ।” ୩୬ ଏଲେଇଞ୍ଜି ଝେସି ତାୟୁ ଜୀସୁ ରଅସିଏ ଡ଼ଞ୍ଜାଆଚେସି । ଏଝାରି ଇ  
 କାତାତାକି ପାଲେଏ ମାଞ୍ଜାନା, ଏନା ଏନାଆଁ ମେସାମାଚେରି ଏ ବେଲାତା  
 ଆମ୍ପାଆରାଇଁ ଜିକେଏ ଝେହୁଆଚେରି । ୩୭ ଅଡେ ର ନେରୁ ହୁରୁଟି ରେତା  
 ଝାହାଲିଏ ହାରେକା ଲକୁ ଏଝାଣାଇଁ ବେଟା ଆୟାଲି ଝାଡେରି । ୩୮ ଅଡେ ଏ  
 ମାନୁ ଲକୁ ବିତ୍ରାଟି କାଜା ଗିୟାତଲେ ହାଟାନା ଏଲେଇଚେସି, “ଏ ଗୁରୁ ନାନୁ  
 ବାତିମାଲିମାଞ୍ଜାଇଁ ନା ମୀରୁଏଣାଇଁ କାର୍ମା ଆମ୍ପୁ, ଇଚିହିଁ ଏଝାସି ନା ରଣ୍ଡିଏ  
 ମୀରୁଏସି; ୩୯ ଏଝାଣାଇଁ ର ବୁତୁ ଆଲ୍‌ଗିମାନେ, ଇଞ୍ଜି ଏଝାସି ପେଦରାହାଁ  
 ଦେବୁଣିଏ କିରୁଡ଼ି ମାନେସି, ଇଞ୍ଜି ଏଝାଣାଇଁ ଇଲେକିଁ ବୁମିତା ତ୍ରକ୍‌ହାନା  
 ଗୁଡ଼ିଟି ପମ୍ପଲି ହୁପୁହି ମାନେ, ଇଞ୍ଜି ଏଝାଣାଇଁ ଗାଡ଼ି ବାଦା କିହାନା ଏଝାଣି  
 ଡାଣାଟି କାକୁଲିଟି ହୁଚାହାନେ । ୪୦ ନାନୁ ବୁତୁଟି ପିସ୍‌ପି କିହାଲି ନା ସୀସୁୟାଁ  
 ବାତିମାଲିଚେସି, ସାମା ଏଝାରି ପିସ୍‌ପି କିହାଲି ଆଡାଆଚେରି ।” ୪୧ ଜୀସୁ  
 ଏଲେଇଚେସି, “ଆଡେ ନାମାଆଗାଟି ଏଟ୍‌କା ଜିରୁ ଆହୁନି କୁଡା, ନାନୁ ଅଡେ  
 ଏଚେକା ମୀ ତଲେ ମାଞ୍ଜାନା ମୀ କାତା ଅର୍‌ହାଇଁ? ନୀ ମୀରୁଏଣାଇଁ ଇମ୍ପାଆଁ  
 ତାମୁ ।” ୪୨ ବୁତୁ ଆଲ୍‌ଗାମାଟି କକାସି ଝାହିମାଚାଟି ବୁତୁ ଏ କକାଣାଇଁ  
 ବୁମିତା ଡାଡ଼ି କିହାନା ତ୍ରେପ୍‌ହାତୁସ୍ତେ, ସାମା ଜୀସୁ ଏ ପଲ୍‌ଆ ବୁତୁଟି ଦାକା  
 ହାଡେସି ଇଞ୍ଜି କକାଣାଇଁ ନେହିଁ କିହାନା ତାମି ଆବା କେୟୁତା ହେର୍‌ପିଚେସି  
 । ୪୩ ଏଚେଟିଏ ବାରେ ଲକୁ ମାହାପୁରୁଟି ବାଡ୍‌ୟୁ ମେସାନା ଜାଗଲା  
 ଆଚେରି । ସାମା ଏଝାସି କିହାମାନି ବାରେ କାମାତାକି ଜାଗଲା ଆହିମାଚାକି  
 ଜୀସୁ ତାନି ସୀସୁୟାଁଇଁ ଏଲେଇଚେସି । ୪୪ “ଇ ବାରେ କାତା ମୀ କାର୍ମା

ଅତୀତା ଖେଳୁ; ଇତିହାସ ମାଣ୍ଡି ମୀରୁଏସି ସାତୁୟାଁ କେୟୁତା ହେରୁପିଆନେସି ।” ୪୫ ସାମା ଏଝାରି ଏ କାତା ତେଲହାଆତେରି, ଏଝାରି ତେଲହାଲି ଆତାଆରେଟୁ ଏଝାରି ଚାଣାଟି ତୁଗାମାତେ, ଇଞ୍ଜି ଏଝାରି ଏ କାତା ଜିକେଏ ଜୀସୁଇଁ ଖେଜ୍ଜାଲି ଆଜିମାତେରି । ୪୬ ଏଝାରି ବିତ୍ରାଟି ଆମ୍ବାଆସି କାଜାସି, ଇ କାତାତାକି ଏଝାରି ବିତ୍ରା ବାଦିବାଦା ଆତେରି । ୪୭ ସାମା ଜୀସୁ ଏଝାରି ବିତ୍ରା ବାଦିବାଦା ଆହିମାନାଣି ପୁଞ୍ଜାନା, ର ଉଣା କକାଣାଇଁ ତାନି ନକିତା ନିପହାନା ଏଝାରାଇଁ ଏଲେଇତେସି, ୪୮ “ଆମ୍ବାଆସି ନା ଦରୁଟି ଇ ଉଣା କକାଣାଇଁ ଆବିନେସି, ଏଝାସି ନାଟ୍ରେ ଆବାନେସି, ଅଡେ ଏଝାସି ନାଟ୍ରେ ପାଣ୍ଡାତାଣାଇଁ ଆବିନେସି; ଇତିହାସ ମୀ ବିତ୍ରାଟି ଆମ୍ବାଆସି ବାରେକିହାଁ ଉଣା ଏଝାସି କାଜାସି ।” ୪୯ ଏତେଟିଏ ଜହନ ଏଲେଇତେସି, “ଗୁରୁ, ମାମୁ ନୀ ଦରୁଟି ବୃତୁୟାଁ ପେରୁହି ମାଚାଣି ମେସୁମି ଇଞ୍ଜି ଏଝାସି ମା ତଲେ ନୀ ଜେତ ଝାଆଲିଏ କାହିକିତମି ।” ୫୦ ସାମା ଜୀସୁ ଏଝାରାଇଁ ଏଲେଇତେସି, “କାହିକିଆଦୁ, ଇତିହାସ ଆମ୍ବାଆସି ମୀ କପାଟି ନିଞ୍ଜୁ ହିଲଅସି ଏଝାସି ମୀ ତଲେତାସି ।” ୫୧ ଏତିବେଲା ଜୀସୁ ଲାକପୁରୁ ହାନି ବେଲା ଏଗାଝାହିମାତାକି ଏତିବେଲା ଜୀସୁ ଜିରୁସାଲମତା ହାଜାଲି ମନତି ତୀରି କିତେସି । ୫୨ ଅଡେ ତାନି ନକେଏ କସକାଣି ପାଣ୍ଡିତେସି, ଏଝାରି ହାଜାନା ର ସମିରଣ ନାୟୁତା ଜୀସୁ ଝାନେସି ଇଞ୍ଜି ଜାଗ୍ରାତା କିହାନା କାତେରି; ୫୩ ସାମା ଏଝାସି ଜିରୁସାଲମତା ହାଜାଲି ମନ କିହାମାନେସି ଇଞ୍ଜି ପୁଞ୍ଜାନା ଏଝାଣାଇଁ ଆବାଆତେରି । ୫୪ ଇଦାଆଁ ମେସାନା ଜାକୁବ ଅଡେ ଜହନ ଇ ରୀ ସୀସୁୟାଁ ଏଲେଇତେରି, “ଏ ପ୍ରବୁ ଏଲିୟୁ ଏନିକିଁ ଏଲେଇଞ୍ଜାମାତେସି, ଏଲେକିହୁଁଏ ହାଗୁଲାକଟି ହିରୁ ରିହାନା ଏଝାରାଇଁ ନାସା କିପେ, ଏଲେଇଞ୍ଜାଲି ନୀ ମନ ମାନେକି?” ୫୫ ସାମା ଏଝାସି ଖେଣ୍ଡେ ସିନିକିହାନା ଏଝାରାଇଁ ଲାଗାନା ଏଲେଇତେସି, “ମୀରୁ ଏନିଲେହେଁତି ଜୀସୁ ଗାଟାତେରି, ମୀରୁ ପୁଞ୍ଜାହିଲଅତେରି ମାଣ୍ଡି ମୀରୁଏସି ମାଣ୍ଡିୟାଁତି ଜୀସୁ ନାସା କିହାଲି ଝାଆନା ଗେଲ୍ପାଲି ଝାହାମାନେସି । ୫୬ ଏତେଟିଏ ଏଝାରି ଅର ନାୟୁତା ହାତେରି ।” ୫୭ ଏଝାରି ଜିରୁତା ହାଜିମାତାଟି ରଅସି ଝାହାନା ଜୀସୁଇଁ ଏଲେଇତେସି, “ନୀନୁ ଆମ୍ବିୟା ହାଜି, ନୀନୁ ଜିକେଏ ନୀ ତଲେ ଝାଇଁ ।” ୫୮ ଜୀସୁ ଏଝାଣାଇଁ ଏଲେଇତେସି, “ନାକାୟାକି ଡୟିନି ପାଝୁୟାଁ ମାନୁ, ହାଗୁ ଲାକ ଉମ୍ବିନି ପଟାୟାକି ବାସାଟାୟୁ ମାନେ, ସାମା ମାଣ୍ଡି ମୀରୁଏଶାକି ଚାୟୁଁ ନେଟ୍‌ହାଲି ଚାୟୁଁ ହିଲେଏ ।” ୫୯ ଇଞ୍ଜି ଏଝାସି ଅଡେ

ରଥଶାଳ୍ ଏଲେଇରେସି, “ନା ଚେଚ ଖାମୁ ।” ସାମା ଏଝାସି ଏଲେଇରେସି,  
 “ପ୍ରବୁ ନକେଏ ହାଜାନା ନା ଆବାଇଁ ମାହୁଣିଶା ମୁସାଲି ହେଲ ହିୟାମୁ ।”  
 ୨୦ ଜୀସୁ ଏଲେଇରେସି, “ହାତାରାଇଁ ତାମି ହାତି ଲକୁଣି ମୁସାଲି ପିହୁଦୁ,  
 ସାମା ମାରୁ ହାଜାନା ମାହାପୁରୁ ରାଜିତି କାତା ଖେହୁ ।” ୨୧ ଅଡେ ରଥସି  
 ଖାହାନା ଏଲେଇରେସି, “ପ୍ରବୁ ନାନୁ ଚେଚ ଖାଇଁ ସାମା ନକେଏ ଇଜତି ଲକୁ  
 ତାଶାଟି ହେଲ ଅହାଲି ହିୟାମୁ ।” ୨୨ ସାମା ଜୀସୁ ଏଝାଶାଲ୍ ଏଲେଇରେସି,  
 “ଆମ୍ବାଆସି ନାଢ୍ଢେଲି କେୟୁତା ଆସାନା ତାୟୁଖାକି ସିନିକିନେସି ଏଝାସି  
 ମାହାପୁରୁ ରାଜିତା ପାଡ଼ା ଆଥସି ।”

**୧୦** ଏମ୍ବାଟିଏ ପ୍ରବୁ ଅଡେ ତାନିକଡ଼ି ବାରଜାଶାତି ଆଚାନା ତାନୁ ଆମିନି  
 ଗାଡ଼ା ଅଡେ ନାସକାଶାଁ ହାଜାଲି ମନ କିହାମାରେସି, ଏ ନାସକା ଅଡେ  
 ଗାଡ଼ାୟାଶା ରିଆରି ଲାକା କିହାଁ ପାଣ୍ଡିତେସି । ୨ ଇଞ୍ଜିଁ ଏଝାସି ଏଝାରାଇଁ  
 ଏଲେଇରେସି, “ପାଟି ହାରେକା ସାମା ଦାଃଆନାରି ଉଶା ଜାଶା; ଇଦାଆଁତାକି  
 ଗୁଡ଼ିୟାତା କାମା କିନାରାଇଁ ପାଣ୍ଡାଲିତାକି ଗୁଡ଼ିୟାତି ସାଞ୍ଜୁକାରିଇଁ ବାଡ଼ିମାଲାଦୁ  
 । ୩ ମୀରୁ ହାଜୁ: ନାନୁ ମିଢ୍ଢେ କୁଃନିୟାଁ ବିତ୍ରା ମେଶ୍ଵା ତାଲକା ଲେହେଁ ମିଢ୍ଢେ  
 ପାଣ୍ଡିମାଞ୍ଜାଇଁ । ୪ ତାବୁୟାଁ, ମଶା କି ସେପୁୟାଁ ଜିକେଏ ଅଆଦୁ, ଅଡେ ଜିରୁତା  
 ଆମ୍ବାଆରାଇଁ ଜହରା କିଆଦୁ । ୫ ଅଡେ ମୀରୁ ଆମିନି ଇଲୁତା ହୁଡ଼ଦେରି  
 ନକେଏ ଇ ଇଲୁତାକି ହିଡ଼ଡ଼ି ଆପେ ଇଞ୍ଜୁ । ୬ ଅଡେ ଏ ଇଜ ହିଡ଼ଡ଼ିତି ମାଶ୍ଵି  
 ରଥସି ମାଟିହୁଁ ମୀ ହିଡ଼ଡ଼ି ଏଝାଶାକି ଆପେ; ଅଡେ ହିଲାଆତିହୁଁ ମୀ ହିଡ଼ଡ଼ି  
 ମିଢ୍ଢେ ଖେଶ୍ଵେ ଖାନେ । ୭ ଇଞ୍ଜିଁ ଏଝାରିତାଶା ଏନାୟି ମାନେ ଏଦାଆଁ ତିଞ୍ଜା  
 ଉଶ୍ଵାନା ଏ ଇଜ ମାଞ୍ଜୁ, ଇତିହୁଁ କାମାକିନାସି ତାନି କାମାତି ବୁଡ଼ି ମେଡ଼ା ଆନାୟି  
 ମାନେ । ଏ ଇଜ ପିସାନା ଅର ଇଜ ହାଲାଆଦୁ । ୮ ଅଡେ ଆମିନି ଗାଡ଼ାତା  
 ହାଜେରି ଅଡେ ଲକୁ ମିଢ୍ଢେ ଅପାନେରି ଅଡେ ଏମ୍ବାଆଁ ଏନାଆଁ ତିଞ୍ଜାଲି  
 ହିୟାନେରି ଏଦାଆଁ ତିଞ୍ଜୁ । ୯ ଏମ୍ବାଆଁ ମାନି ରଗ ଗାଟାରାଇଁ ନେହିଁ କିଦୁ,  
 ଅଡେ ଏଝାରାଇଁ ଏଲେଇଞ୍ଜୁ ‘ମାହାପୁରୁତି ରାଜି ମୀ ତାଶା ଏଦାତେୟିଏ ।’ ୧୦  
 ସାମା ମୀରୁ ଆମିନି ଗାଡ଼ାତା ହାଜେରି ଇଞ୍ଜିଁ ଲକୁ ମିଢ୍ଢେ ଅପଅରି, ଏମ୍ବାତି  
 ଆଂଗେଶିକାଟି ପାଞ୍ଜୁତା ହାଜାନା ଏଲେଇଞ୍ଜୁ, ୧୧ ‘ମୀ ଗାଡ଼ାତି ଆମିନି ଦୁଡ଼ି  
 ମା କତାୟାଶା ଆଟାମାରେ, ଏଦାଆଁ ଜିକେଏ ମିଢ୍ଢେ ତାକି ହାଶ୍ଵି ମାନମି;  
 ସାମା ମାହାପୁରୁତି ରାଜି ଏଗାଝାହିମାନେ ଇଦାଆଁ ପୁଞ୍ଜୁ ।’ ୧୨ ନାନୁ ମିଢ୍ଢେ  
 ଖେସିମାଞ୍ଜାଇଁ, ନୀହାୟି ଦିନାତା ଏ ଗାଡ଼ାତି ତଶ୍ଵ କିହାଁ ସଦମତି ଗାଡ଼ାତି ତଶ୍ଵ

ଉଣା କିଞ୍ଚିଆନେ । ୧୩ ଆୟତା ତଣ୍ଡ ପାଣି କରାଜିନ୍ ଅଡ଼େ ବେତ୍‌ସାୟିଦା  
 ଇଚିହିଁ ମୀ ତାଣା ଆମି ଆମିନି କାବାଆନି କାମାୟିଁ କିଞ୍ଚିଆହାମାନୁ, ଏ ବାରେ  
 ସର ଅଡ଼େ ସିଦନତା କିଞ୍ଚି ଆହାମାଚିହିଁମା, ଏଞ୍ଜାରି ହାରେକା ଦିନା ନକେଏ  
 ବାସ୍ତାୟିଁ ପର୍ହାଁ ଦାର୍‌ମୁତା କୁଗାନା ମନ ଖେଟ୍‌ହେରିମା । ୧୪ ଆତିଜିକେଏ  
 ନୀହାୟି ଦିନାତା ସର ଅଡ଼େ ସିଦନତି ତଣ୍ଡ ଉଣା କିଞ୍ଚିଆନେ । ୧୫ ଏ  
 କପର୍‌ନାହୁମ ନୀନୁ ଲାକପୁରୁ ପାତେକା ପାତାଆଦି? ହାତାରି ମାନି ରାଜିତା  
 ମେତ୍‌ପି ଆଦି ।” (Hadēs ୨86) ୧୬ ଜୀସୁ ଏଲେଇଚେସି “ଆମ୍ବାଆସି ମୀ  
 କାତା ଖେନେସି, ଏଞ୍ଜାସି ନା କାତା ଖେନେସି, ଇଞ୍ଜି ଆମ୍ବାଆସି ମିଡ୍ରେ ଅପଅସି  
 ଏଞ୍ଜାସି ନାଡ୍ରେ ଅପଅସି, ଅଡ଼େ ଆମ୍ବାଆସି ନାଡ୍ରେ ଅପଅସି ଏଞ୍ଜାସି ନାଡ୍ରେ  
 ପାଣ୍ଡାତାଣାଲ୍ ଅପଅସି ।” ୧୭ ଏମ୍ବାଟିଏ ତାନିକଡ଼ି ବାରଜାଣା ଖେଣ୍ଡା ଖାହାନା  
 ରାହାଟି ଏଲେଇଚେରି, “ପ୍ରୁ ବୁରୁୟିଁ ଜିକେଏ ନୀ ଦରୁଟି ମା ଡ଼ଇକା ହେର୍‌ପି  
 ଆହିମାନୁ ।” ୧୮ ସାମା ଜୀସୁ ଏଞ୍ଜାରାଲ୍ ଏଲେଇଚେସି, “ହାଗୁ ମୁହ୍‌ନିଲେହେଁ  
 ଲାକଟି ସୟତାନ ରିହିମାନାଣି ମେସ୍ତେସି । ୧୯ ମେହ୍‌ଦୁ ନୀନୁ ମିଡ୍ରେ ରାସକା,  
 କାତାକୁପିୟିଁ ମୁହେଁ ତାକାଲି ଅଡ଼େ ସାତୁଟି ବାରେ ବାଡ୍‌ୟୁ ମୁହେଁ ଜିକେଏ  
 ଅଦିକାରା ହାହିମାଞ୍ଜାଲ୍, ଅଡ଼େ ଏନାୟି ଜିକେଏ ମିଡ୍ରେ ନସ୍ତୁ କିହାଲି ଆଡେଏ  
 । ୨୦ ସାମା ପଲ୍‌ଆ ବୁରୁୟିଁ ବାଡ୍‌ୟୁ ମୀ ଡ଼ଇକା ମାନେ ଇଞ୍ଜି ରାହାଁ ଆଆରୁ,  
 ସାମା ମୀ ଦରୁ ଲାକପୁରୁ ରାସକି ଆହାମାନେ ଏଦାଆଁତାକି ରାହାଁ କିଦୁ  
 ।” ୨୧ ଏଚିବେଲା ଜୀସୁ ସୁଦୁଜୀଖୁ ତଲେ ରାହାଁ ଆହାନା ଏଲେଇଚେସି,  
 “ଆବା ଲାକପୁରୁ ଅଡ଼େ ଦାର୍‌ତତି ପ୍ରୁ, ନୀନୁ ବୁଦିଗାଟି ଲକୁତାଣା ଇ ବାରେ  
 କାତା ତୁକ୍‌ହାନା ଉଣା କକାରି ତାଣା ତସାମାଞ୍ଜି, ଇଦାଆଁତାକି ନିଡ୍ରେ ଜହରା  
 କିହିମାଞ୍ଜାଲ୍; ଏ ଆବା ଇଦିଏ ନୀ ନକିତା ନେହାୟି ଆଡେ ।” ୨୨ “ନା ଆବାତି  
 ବାରେ ଅଦିକାରା ନାଡ୍ରେ ହେର୍‌ପି ଆହାମାନେ; ଅଡ଼େ ମୀର୍‌ଏସି ଆମ୍ବାଆସି,  
 ଇଦାଆଁ ଆବା ପିସ୍‌ପେ ଆମ୍ବାଆସି ପୁନଅସି, ଅଡ଼େ ଆବା ଆମ୍ବାଆସି ଇଦାଆଁ  
 ମୀର୍‌ଏଣା ପିସ୍‌ପେ ଆମ୍ବାଆସି ପୁନଅସି, ଇଞ୍ଜି ମୀର୍‌ଏସି ଆମ୍ବାଆସି ତାଣା  
 ଏଞ୍ଜାଣାଲ୍ ତସାଲି ମନ କିନେସି, ଏଞ୍ଜାସିଦେଁ ପୁନେସି ।” ୨୩ ଅଡ଼େ ଜୀସୁ  
 ତାୟୁ ସିନିକିହାନା ତାମି ସୀସୁୟିଁଲ୍ ଏଟ୍‌କେଏ ଏଲେଇଚେସି, “ହାରେକା  
 ନେହେଁ ଏ କାଣ୍ଡା ଏମିନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି ।  
 ୨୪ ଇଚିହିଁ ନୀନୁ ମିଡ୍ରେ ଖେସିମାଞ୍ଜାଲ୍, ମୀରୁ ଏନା ଏନାଆଁ ମେସିମାଞ୍ଜେରି ଏ  
 ବାରେ ହାରେକା ମାହାପୁରୁ ଅଣ୍ଡୁତି ବଲୁ ଖେହ୍‌ନାରି ଅଡ଼େ ରାଜାୟିଁ ମେସାଲି

ମନ କିହାମାତେରି, ସାମା ମେସାଲି ଆତାଆତେରି; ଅଡ଼େ ମାରୁ ଏନା ଏନାଆଁ  
 ଖେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଖେଞ୍ଜାଲି ମନ କିତେରି ସାମା ଖେଞ୍ଜାଲି  
 ଆତାଆତେରି ।” ୨୫ ମେହ୍‌ଦୁ ର ମସାତି ମେରା ଜାପ୍‌ନାସି ଖାହାନା ଜୀସୁଇଁ  
 ତାୟିପାରିକିହିଁ ଖେରେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ  
 ଏନାଆଁ କିଇଁ?” (aiōnios g166) ୨୬ ଏତେଟିଏ ଜୀସୁ ଏଲେଇରେସି, “ମସାତି  
 ମେରାତା ଏନାଆଁ ରାସ୍‌କି ଆହାମାନେ, ନାନୁ ଏନିକିଁ ପଡ଼଼ି ଆହିମାଞ୍ଜି?”  
 ୨୭ ଏଞ୍ଜାସି ଏଲେଇରେସି, “ନାନୁ ନୀ ବାରେ ହିୟାଁ, ବାରେ ଜୀସୁ, ବାରେ  
 ବାଡ଼୍‌ୟୁ ଅଡ଼େ ବାରେ ମନ ହୀହାନା ପ୍ରବୁ ନୀ ମାହାପୁରୁଇଁ ଜୀସୁନମ୍; ଅଡ଼େ  
 ପାଡ଼ିତି ଲୁକୁଣି ନୀ ଜୀସୁ ଲେହେଁ ଜୀସୁ ନମ୍ ।” ୨୮ ଏତେଟିଏ ଜୀସୁ ଏଞ୍ଜାଶାଇଁ  
 ଏଲେଇରେସି, “ନାନୁ ନେହିଁକିଁ ଖେସାମାଞ୍ଜି; ଏଲେଏ କିମ୍ପୁ ଆତିହିଁ ଏ ଜୀସୁ  
 ମେଡ଼ା ଆଡ଼ି ।” ୨୯ ସାମା ଏଞ୍ଜାସି ତାଡ଼େ ତୀରିତାସି କିହାକତାଲି ମନ କିହାନା  
 ଜୀସୁଇଁ ଖେରେସି, “ଆତିହିଁ ନା ପାଡ଼ିତାସି ଆମ୍ପାଆରି?” ୩୦ ଜୀସୁ ଏ କାତା  
 ଆସାନା ଏଲେଇରେସି, “ର ଲୁକୁ ଜିରୁସାଲମତିଏ ଜିରିହତା ହାଜିମାତାଟି  
 ସର୍କା ତାଶା ହେରହେସି । ଏଞ୍ଜାରି ଏଞ୍ଜାଶି ହିମ୍ପରିଦୁକି ମୀଞ୍ଜାନା ହାନିଲେହେଁ  
 ମାତା ଖେଚାନା ପିସା ହାରେରି । ୩୧ ଏତିବେଲାତା ର ପୁଜେରା ଏ ଜିରୁଟି  
 ହାଜିମାରେସି, ଇଞ୍ଜାଁ ଏଞ୍ଜାସି ଏଞ୍ଜାଶାଇଁ ମେସାନା ଜିରୁ ପିସାନା ଅର ଜିରୁଟି  
 ହାରେସି । ୩୨ ଏଲେକିହିଁଏ ର ଲେବି କୁଡ଼ାତାସି ଜିକେଏ ଏ ଜିରୁଟି ଖାହାନା  
 ଏଞ୍ଜାଶାଇଁ ମେସାନା ଅର ଜିରୁ ହାହାନା ହାରେସି । ୩୩ ସାମା ର ସମିରଶ  
 ଲୁକୁ ଏ ଜିରୁଟି ହାଜିମାରେସି, ଇଞ୍ଜାଁ ଏଞ୍ଜାଶାଇଁ ମେସାନା ହାରେକା କାର୍ମା  
 ଆତେସି, ୩୪ ଅଡ଼େ ତାଗେ ହାଜାନା ଏଞ୍ଜାଶି ଗାହାଁୟାଁ ବାରେ ନିୟୁଁ ଅଡ଼େ  
 ଅଡ଼୍‌ରି ରାସା ରୁବାନା ଗାହାଁୟାଁଶା ଦସ୍‌ପାନା ଏଞ୍ଜାଶାଇଁ ର ଗାଡ଼୍‌ଦେ ଲାକ  
 କୁଗିକିହାନା ର ସେବାକିନି ଇଲୁତା ଅହାନା ଏଞ୍ଜାଶି ସେବା କିତେସି । ୩୫  
 ଅର ଦିନା ସେବାକିନି ଇଲୁ ଗାଟାଶାକି ରୀ କାନି ହୀହାନା ଏଲେଇରେସି,  
 ‘ଇଞ୍ଜାଶି ସେବା କିମ୍ପୁ ଅଡ଼େ ଏରେକା ଗାଡ଼ି କାର୍ତୁ ଆନୁ, ଖେଶ୍ଟା ଖାନାଟି ବାରେ  
 ହିୟାଁ ।” ୩୬ ଜୀସୁ ଏଲେଇରେସି, “ଇ ତାନି ଜାଶାତି ବିତ୍ରା ଆମ୍ପାଆସି  
 ସର୍କାତାଶା ହେରହା ମାତାଶି ପାଡ଼ିତାସି ଇଞ୍ଜାଁ ଅଶ୍‌ପିମାଞ୍ଜେରି?” ୩୭ ଏ  
 ମେରା ଜାପ୍‌ନାସି ଏଲେଇରେସି, “ଆମ୍ପାଆସି ଏଞ୍ଜାଶାଇଁ କାର୍ମା ଆତେସି ଏଞ୍ଜାସି  
 ।” ଜୀସୁ ଏଲେଇରେସି, “ହାଲାମ୍ପୁ ନାନୁ ଜିକେଏ ଏଲେଏ କିମ୍ପୁ ।” ୩୮ ଏଞ୍ଜାରି  
 ହାଜିମାନି ବେଲାତା ର ନାୟୁତା ହାରେରି, ଇଞ୍ଜାଁ ମାର୍ତା ଦରୁଗାଟି ର ଇୟା

ଜୀସୁଙ୍କ ତାମି ଇଜ ହାଟିତେ । ୩୯ ଏଦାନାକି ର ତାଡ଼ି ମାତେ ଏଦାନି ଦରୁ ମରିୟମ, ଏଦି ପ୍ରବୁତି କର୍ତ୍ତା ତରୁ କୁଗାନା ଏଝାଣି କାତା ଷ୍ଟେଞ୍ଜିମାତେ । ୪୦ ସାମା ମାର୍ତୀ ରାନୁ ଖଜାଲି ହାରେକା କଲିବିଲି ଆହିମାତେ; ଇଦାଆଁତାକି ଜୀସୁ ତାଣା ଖାହାନା ଏଲେଇତେ, “ଏ ପ୍ରବୁ ନା ତାଡ଼ି ଖଜିନି କାମା ବାରେ ନା ଲାକ ହେରୁପା ମାଞ୍ଜାନେ ଇଦାଆଁ ଅଣ୍ଡି ହିଲଅତି କି? ଇଦାଆଁତାକି ନାଡ଼େ ସାୟେମି କିହାଲି ଏଲେଇନାମୁ ।” ୪୧ ସାମା ପ୍ରବୁ ଏଲେଇତେସି, “ମାର୍ତୀ, ମାର୍ତୀ ନୀନୁ ହାରେକା କାମାତା ଅଣ୍ଡିହିଁ କଲିବିଲି ଆହିମାଞ୍ଜି, ୪୨ ସାମା ଖାରୁଇ ର କାତା ଲଡ଼ାମାନେ । ମରିୟମ ଏ ନେହିଁ କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଞ୍ଜି ଆଏ ।”

**୧୧** ର ଦିନା ଜୀସୁ ର ଗାୟୁତା ପ୍ରାତାନା କିହିମାତେସି; ଏଝାସି ପ୍ରାତାନା କିହାଲି ରାପହାଲିଏ, ତାନି ସୀସୁୟାଁ ବିତ୍ରାଟି ରଅସି ଏଲେଇତେସି, “ଏ ପ୍ରବୁ ଜହନ ଏନିକିଁ ତାନି ସୀସୁୟାଁଙ୍କ ପ୍ରାତାନା କିହାଲି ଜାପହି ମାତେସି, ନୀନୁ ଜିକେଏ ମାଡ଼େ ଏଲେକିହିଁଏ ପ୍ରାତାନା କିହାଲି ଜାପହାମୁ ।” ୨ ଏତେଟିଏ ଜୀସୁ ଏଝାରାଇଁ ଏଲେଇତେସି, “ଏତିବେଲା ମୀରୁ ଏଲେଇଞ୍ଜି ପ୍ରାତାନା କିଦୁ; ଏ ଆବା ନୀ ଦରୁ ନେହାୟି ଇଞ୍ଜି ମାନଞ୍ଜି ଆପେ; ନୀ ରାଜି ଖାପେ । ୩ ବାରେଦିନା ମାଡ଼େ ଲଡ଼ା ଆନି ରାନୁ ହିୟାମୁ । ୪ ମା ଦହ ବାରେ ମ୍ଲେକହାମୁ, ଇତିହିଁ ମାମୁ ଜିକେଏ ମା ଦହ କିତାରାଇଁ ମ୍ଲେକନମି । ମାଡ଼େ ପାନୁତା ମେତହାଆନି ।” ୫ ଅଡ଼େ ଏଝାସି ଏଝାରାଇଁ ଏଲେଇତେସି, “ମୀ ତାଣା ଆମ୍ବାଆସି ଇଲେତି ତଣେଏସି ମାନେସି, ଆମ୍ବାଆରି ତାଣା ମାଦି ଲାଆଁୟାଁ ହାଜାନା ଏଲେଇନେସି, ଏ ତଣେ ନାଡ଼େ ତାନିଗଟା ରୁଟି ହିୟାମୁ, ୬ ଇତିହିଁ ନା ଗତାଗାଟି ତଣେଏସି ନା ତାଣା ଖାହାମାନେସି, ଏଝାଣାକି ତିଞ୍ଜାଲି ହାହାଲି ନା ତାଣା ଏନାୟିଖା ହିଲେଏ!” ୭ ଅଡ଼େ ବିତ୍ରାଟି ଏଲେଇନେସି, ‘ନାଡ଼େ କସ୍ତୁ ହିୟାଆନି; ଦାରା ପୁଣ୍ଡିକି ଆତେୟିଏ, ଇଞ୍ଜି ନା ମୀରକା ନା ତଲେ ତୁରା ମାନେରି; ନାନୁ ନିଞ୍ଜାନା ହାହାଲି ଆଡ଼ଅଁ ।’ ୮ ନାନୁ ମିଡ଼େ ଷ୍ଟେସିମାଞ୍ଜାଇଁ, ଏଝାସି ତାନି ତଣେଏସି ଆହାମାନାକି ଲାଜା ପିସାନା ଅଲେ ଅଲେ ରୀସ୍ତାକି ଏଝାସି ନିଞ୍ଜାନା ଏଝାଣି ଲଡ଼ାମାନି ପାତେକା ଏଝାସି ଏଝାଣାକି ହାନେସି ।” ୯ ନାନୁ ଜିକେଏ ମିଡ଼େ ଷ୍ଟେସିମାଞ୍ଜାଇଁ, ରୀହଦୁ ଆତିହିଁ ମିଡ଼େ ହୀପକିଆନେ; ପାରାଦୁ ଆତିହିଁ ମେଡ଼ା ଆଦେରି; ଦୁଝେରିତା ଝେଦୁ ଆତିହିଁ ମିଡ଼େତାକି ଦାରା ଦେପି ଆନେ । ୧୦ ଇତିହିଁ ଆମ୍ବାଆସି ରୀହନେସି ଏଝାସି ବେଟାଆନେସି; ଆମ୍ବାଆସି ପାରିନେସି

ଏଝାସି ମେଡ଼ାଆନେସି; ଅଡ଼େ ଆମ୍ବାଆସି ଦୁଝେରିତା ଝେନେସି ଏଝାଣି ତାକି  
 ଦାଋ ଦେପିଆନେ । ୧୧ “ଅଡ଼େ ମୀ ତାଣା ଇଲେତି ଆମିନି ଆବା ମାନେସି,  
 ତାନି ମୀରୁଏସି ମୀନୁ ରୀସ୍ତିସାରେ ଏଝାସି ମୀନୁତି ବାଦୁଲି ରାତୁ ହୀନେସି?  
 ୧୨ ଅଡ଼େ ଗୁତୁ ରୀସ୍ତିସାରେ ଏଝାଣାକି କାଚାକୁପି ହୀନେସି? ୧୩ ଇଦାଆଁତାକି  
 ମୀରୁ ଲାଗେଏ ପଲେଏତି ଲକୁ ଆତିଜିକେଏ ମୀ ମୀରୁକା ମାୟକାକି ନେହାଁଣି  
 ହୀହିମାଞ୍ଜେରି, ଆତିହିଁ ଆମିନି ଆବା ଲାକପୁରୁତି ହୀହିମାଞ୍ଜାନେସି, ଏଝାସି  
 ତାନି ତାଣା ରୀହୁନି ଲକୁକି ଏତେ ହାରେକା ସୁତୁଜୀଝୁ ହୀଅସି!” ୧୪ ଜୀସୁ  
 ର ପାଲି ବୁତୁ ଡେରୁହି ମାରେସି ଏ ବୁତୁ ଗୁଲା । ବୁତୁ ଏଝାଣି ତାଣାଟି ହତା  
 ହାଜାଲିଏ ଏ ଗୁଲା ଜଲିତେସି; ଏମ୍ବାଟିଏ ଲକୁ ବାରେ କାବା ଆଡେରି । ୧୫  
 ସାମା ଏଝାରି ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଏଝାସି ପଲ୍‌ଆ ବୁତୁୟାଁ  
 କାଜା ଡେନୁ ବାଲ୍‌ଜିବୁଲ୍ ବୁତୁ ତଲେ ବୁତୁୟାଁ ପିସ୍‌ପି କିହିମାନେସି ।” ୧୬ ଇଞ୍ଜାଁ  
 ଏଟ୍‌କାତାରି ଏଝାଣାଇଁ ତାୟିପାରି କିହାଲିତାକି ଏଝାଣି ତାଣାଟି ହାଗୁଟି ର  
 ସିନା ରୀସ୍ତିସାରେ । ୧୭ ସାମା ଏଝାସି ଏଝାରି ମନତି ଅଣ୍‌ପୁ ପୁଞ୍ଜାନା ଏଝାରାଇଁ  
 ଏଲେଇଚେସି, ଆମିନି ରାଜି ବାଗା ଆହାନା ତାନି କପାଟି ନିଢୁନେ ଏଦି ନାସା  
 ଆହାହାନେ ଇଞ୍ଜାଁ ଇଲୁ ଲାକ ବାରେ ରିହାହାନେ । ୧୮ ଇଞ୍ଜାଁ ସୟତାନ ବାଗା  
 ଆହାନା ଜାହାରା କପାଟି ନିଢୁନେ, ଇତିହିଁ ତାନି ରାଜି ଏନିକିଁ ତାରିଆହାନା  
 ଡୟିନେ? ନୀନୁ ପଲ୍‌ଆ ବୁତୁୟାଁ ବାଲ୍‌ଜିବୁଲ୍ ତଲେ ବୁତୁୟାଁ ପିସ୍‌ପି କିହିମାଇଁ  
 ଇଞ୍ଜିମାଞ୍ଜେରି । ୧୯ ସାମା ନୀନୁ ପଲ୍‌ଆ ବୁତୁୟାଁ ବାଲ୍‌ଜିବୁଲ୍ ତଲେ ବୁତୁୟାଁ  
 ପିସ୍‌ପି କିହିମାଇଁ, ଆତିହିଁ ମୀ ମୀରୁକା ଆମ୍ବାଆରି ବାଡ୍‌ୟୁ ତଲେ ପିସ୍‌ପି  
 କିନେରି? ଇଞ୍ଜାଁ ଏଝିଏ ମିଡ୍‌ଜେ ନୀହାୟି କିୟାନ୍ତୁ । ୨୦ ସାମା ନୀନୁ ମାହାପୁରୁ  
 ବାଡ୍‌ୟୁ ତଲେ ବୁତୁୟାଁ ପିସ୍‌ପି କିହିମାଇଁ ଇତିହିଁ ମାହାପୁରୁତି ରାଜି ମୀ ତାଣା  
 ଏଗାଝାତେୟିଏ । ୨୧ ବାଡ୍‌ୟୁଗାଟି ଲକୁ ଏଡେପାତେକା ଆସ୍ତି ଆସାନା ତାନି  
 ଗାଡ଼ାତି ଗେଲ୍‌ପିନେସି, ଏତିବେଲା ପାତେକା ତାନି ଦନ ଗେଲ୍‌ପିଆହାନା  
 ଡୟିନେ; ୨୨ ସାମା ଏତିବେଲା ଏଝାଣି କିହାଁ ହାରେକା ବାଡ୍‌ୟୁଗାଟି ଲକୁ  
 ଏଝାଣିତଲେ ଲକୁ କିହାନା ଜୀଣା ଆନେସି, ଏତିବେଲା ଏଝାସି ଆମିନି ଆସ୍ତିତି  
 ବାସ୍‌ସୁ କିହାମାଚେସି, ଏ ବାରେ ଏଝାସି ମୀଞ୍ଜା ଅନେସି, ଇଞ୍ଜାଁ ମୀଞ୍ଜା ଅହାମାନି  
 ଦନ ବାଟିକିହା ଅନେରି । ୨୩ ଆମ୍ବାଆସି ନା ଝାକିଟି ଆଆଗାଟାସି ଏଝାସି ନା  
 ସାତୁ; ଇଞ୍ଜାଁ ଆମ୍ବାଆସି ନା ତଲେ କୁଡ଼ି କିଅସି ଏଝାସି ଆଲାଋ କିନସି । ୨୪  
 “ର ପଲ୍‌ଆ ବୁତୁ ର ମାଣ୍‌ସି ତାଣାଟି ହତା ହାଜାନା ଏୟୁ ହିଲାଆ ଝାୟିତି



ଚାୟୁତା ଜମାଲି ପାରିନେ, ଇଚ୍ଛା ମେଡ଼ି କିଆନା ଏଲେଇନେ, ‘ନାନୁ ଆମିନି  
 ଇଲୁଟି ହୁଚା ଖାହାମାଚେଏ, ଏ ଇଲୁତା ଖେଣ୍ଟା ହାଇଁ ।’ ୨୫ ଇଚ୍ଛା ଏଦି ଖେଣ୍ଟା  
 ଖାହାନା ଏଦାଆଁ ଅଜିହିଁ ନେହିଁ ଆହାମାନାଣି ମେହ୍ନେ । ୨୬ ଏଚିବେଲା  
 ଏଦି ହାଜାନା ତାନିକିହିଁ ହାରେକା ପଲ୍‌ଆଗାଟି ସାତାଗଟା ବୃତୁୟା ଆସାନା  
 ଖାନେ, ଅଡେ ବାରେଜାଣା ଏମ୍ପାଆଁ ହୁତାନା ବାସା କିନୁ, ଇଚ୍ଛା ଏ ମାଣ୍‌ସିତି  
 ତଲିତି କସ୍ତୁ କିହିଁ ଡାୟୁତି କସ୍ତୁ ହାରେକା ଆନେ ।” ୨୭ ଜୀସୁ ଇ ବାରେ କାତା  
 ଖେସିମାଗାଟି ଲକୁ ମାନ୍ତା ବିତ୍ରାଟି ର ଇୟା କାଜା ଗିୟାତଲେ ଏଲେଇଚେ,  
 “ଆମିନିଗାଟି ଇୟା ନିଢ୍ଫେ ଜାନ୍ କିହାନା ପାଲୁ ଉଚ୍‌ହାତେ ଏ ଇୟା ହାରେକା  
 ନେହିଁ ।” ୨୮ ସାମା ଜୀସୁ ଏଲେଇଚେସି, “ଆମ୍ପାଆରି ମାହାପୁରୁତି ବଲୁ  
 ଖେନେରି ଅଡେ ମାନଖି ଆନେରି ଏଖାରାକିଦେହିଁ ନେହିଁ ।” ୨୯ ଲକୁ ମାନ୍ତା  
 ମାନ୍ତା ଆହାନା ଏଖାଣି ଡାଣା ରୁଣ୍ଡା ଆହାଲିଏ ଜୀସୁ ଏଖାରାଇଁ ଖେସ୍ତେସି, “ଇ  
 କାଲାତି ଲକୁ ହାରେକା ଲାଗେଏତାରି; ଇଖାରି ବାରେ ସିନାୟା ପାରିନେରି,  
 ସାମା ଏଖାରାକି ଜୁନସତି ସିନା ପିସ୍‌ପେ ଏନି ସିନା ହାପକିଆଏ । ୩୦  
 ଇଚିହିଁ ଜୁନସ ଏନିକି ନିନିବି ଲକୁତାକି ର ସିନାଲେହିଁ, ମାଣ୍‌ସି ମାର୍‌ସିସି  
 ଜିକେଏ ଏଲେକିହିଁଏ ଇ ଜୁଗୁତି ଲକୁତାକି ଆନେ । ୩୧ ନୀହାୟି ଦିନାତା ସିବା  
 ଦେସାତି ରାଣି ଇ କାଲାତି ଲକୁ ନକିତା ନିଚାନା ଏଖାରି କପାଟି ସାକିହୀନେ,  
 ଇଚିହିଁ ଏଦି ସଲମନତି ବୁଦିତିକାତା ଖେଜ୍ଜାଲି ଦାର୍‌ତିତି ହେକ ଦେସାତି  
 ଖାହାମାଚେ; ମେହ୍‌ଦୁ ସଲମନକିହିଁ କାଜାସି ଇମ୍ପାଆଁ ମାନେସି । ୩୨ ନୀହାୟି  
 ଦିନାତା ନିନିବି ଗାଡାଟି ଲକୁ ନିଚାନା ଏଖାରି କପାଟି ସାକି ହାନେରି, ଇଚିହିଁ  
 ଏଖାରି ଜୁନସ ଖେସ୍ତି କାତା ଖେଜ୍ଜାନା ଅଣ୍‌ପା କତାନା ମନ ଖେଚ୍‌ହେରି;  
 ମେହ୍‌ଦୁ ଜୁନସକିହିଁ ହାରେକା କାଜାସି ଇମ୍ପାଆଁ ମାନେସି ।” ୩୩ “ଆମ୍ପାଆସି  
 ଦୀଝି ଡାସାନା ତୁକ୍‌ନି ଚାୟୁତା କି ମାଣା ପୁକ୍‌ହାନା ଇଚଅରି, ସାମା ଦୀଝି  
 ସଡାତା ଇଚିନେରି, ଏନିକି ଇଲୁ ବିତ୍ରା ଖାନି ଲକୁ ଉଜେଡ଼ି ମେହ୍‌ନେରି । ୩୪  
 ମୀ କାଣ୍‌କା ଆଡ୍ପାତି ଦୀଝି ଏଚେତା ମୀ କାଣ୍‌କା ନେହିଁ ମାନୁ ଏଚିବେଲା  
 ପାତେକା ମୀ ଆଡ୍ପା ବାରେ ଉଜେଡ଼ି ଆନେ; ସାମା ଏଚେତା ମୀ କାଣ୍‌କା ନେହିଁ  
 ହିଲାଉ ଇଚିହିଁ ଏଚେତା ମୀ ଗୁଡା ଆଡ୍ପା ଜିକେଏ ଆନେରି ଆନେ । ୩୫  
 ଇଦାଆଁତାକି ଜାଗ୍ରାତା ଏନିକି ମୀ ହିୟାତା ମାନି ଉଜେଡ଼ି ଆନେରି ଆଏ । ୩୬  
 ଏନାଆଁତାକି ଇଚିହିଁ ମୀ ଗୁଡା ଆଡ୍ପା ବାରେ ଉଜେଡ଼ି ଆନେ ଇଚ୍ଛା ଏମ୍ପାଆଁ ଏନି  
 ଆନେରି ଡ଼ୟେଏ, ଆତିହିଁ ଦୀଝି ଏନିକି ମିଢ୍ଫେ ତାହାଣା ଉଜେଡ଼ିତା ଉଜେଡ଼ି

କିୟାନେ, ଏଲେକିହିଁଏ ମୀ ଗୁଡ଼ା ଆଡ଼୍ଠା ଉଜେଡ଼ି ଆନେ ।” ୩୭ ଜୀସୁ ଇ  
 କାତା ଖେସ୍ତି ଡାୟୁ ର ପାରୁସି ଏଝାଣାଇଁ ତାନି ଇଜ ତିଞ୍ଜାଲି ଏଲେଇଚେସି;  
 ଇଞ୍ଜିଁ ଏଝାସି ଇଜ ହାଜାନା ତିଞ୍ଜାଲି କୁଗିଚେସି । ୩୮ ସାମା ତିଞ୍ଜାଲି କୁଗିନି  
 ନକେଏ ଏଝାସି କେସ୍ତା କତାୟିଁ ନରହା ହିଲାଆଚେସି, ଇଦାଆଁ ମେସାନା  
 ଏ ପାରୁସି କାବା ଆଚେସି । ୩୯ ଏଚେଟିଏ ପ୍ରବୁ ଏଝାଣାଇଁ ଏଲେଇଚେସି,  
 “ମୀ ପାରୁସିୟାଁଚେରି ଗିନାୟିଁ ଅଡେ ସାଡ଼ଝାୟିଁ ପାଡ଼୍ଠାତା ନରହି ମାଞ୍ଜେରି,  
 ସାମା ମୀ ବିତ୍ରା ଜୁପକା ଅଡେ ଲାଗେଏତାୟି ନେଞ୍ଜାମାନେ । ୪୦ ଆଡେ ବୁଦି  
 ହିଲାଆଗାଟାଚେରି, ଆମ୍ବାଆସି ପାଡ଼୍ଠାତାଣି ଗାଡ଼ିକିଚେସି, ଏଝାସି ବିତ୍ରାତାଣି  
 ଜିକେଏ ଗାଡ଼ି କିହାହିଲଅସି କି? ୪୧ ସାମା ମୀ ସାଡ଼ଝାୟିଁ ଅଡେ ଗିନାୟିଁଣା  
 ମାନାଣି ହିଲାଆ ଗାଟାରାକି ହାଡିହିଁ ମିଡ଼େଟାକି ବାରେଏ ଅବହାୟି ଆନେ ।”  
 ୪୨ ସାମା ଆୟତା ତଣ୍ଡ ପାଣ୍ଡିନି ପାରୁସିୟାଁଚେରି, ଇଚିହିଁ ମୀରୁ ହାୟିଁ, ରାୟି  
 ଇଞ୍ଜିଁ ବାରେ କୁଚାତି ଦସ ବାଗାଟି ର ବାଗା ହାହିମାଞ୍ଜେରି, ସାମା ନୀହାୟିତା  
 ଅଡେ ମାହାପୁରୁତି ଜୀଝୁ ନି ତାଣା ଅଶ୍ପି ହିଲଅଚେରି; ସାମା ଇ ବାରେ  
 ମାନଝି ଆହାନା ଏବକାତାଣି ହେଲା ଆନାୟି ହିଲେଏ । ୪୩ “ଆୟତା ତଣ୍ଡ  
 ପାଣ୍ଡିନି ପାରୁସିୟାଁଚେରି, ଇଚିହିଁ ମୀରୁ ମାହାପୁରୁ ଇଲୁତା କାଜା ଚାୟୁ ଇଞ୍ଜିଁ  
 ହାଟା ବାଜାରାତା ଜହରା ବେଟାଆହାଲି ନେହେଁ ଅଶ୍ପିଦେରି । ୪୪ ଆୟତା  
 ମୀରୁ ତଣ୍ଡ ବେଟା ଆନାଚେରି, ଇଚିହିଁ ମୀରୁ ଚଞ୍ଜା ଆଆଗାଟି ମାଡ଼ହା ମୁହ୍ନି  
 ଚାୟୁଲେହେଁ ତାଚେରି; ଇଚିହିଁ ପୁନାଆନା ଲକୁ ଲାକ ତାକି ମାନେରି ।” ୪୫  
 ଏଚେଟିଏ ମସାତି ମେରାପୁନାରି ବିତ୍ରାଟି ରଅସି ଏଲେଇଚେସି, “ଏ ଗୁରୁ ନୀନୁ  
 ଏଲେଇଞ୍ଜି ମାଡ଼େ ଲାଜା କିହିମାଞ୍ଜାଦି ।” ୪୬ ଜୀସୁ ଏଲେଇଚେସି, ଆୟତା  
 ମସାତି ମେରା ପୁନାଚେରି ମୀରୁ, ମୀରୁ ଜିକେଏ ତଣ୍ଡ ବେଟାଆଦେରି, ଇଚିହିଁ  
 ମୀରୁ ମାଣ୍ଡିୟାଁ ଲାକ ବଜୁଗାଟି କାସ୍କା ଏକ୍ହି ମାଞ୍ଜେରି ଅଡେ ଏ ବଜୁତି  
 ମୀରୁ ର ଝାଞ୍ଜୁ ତଲେ ଜିକେଏ ତୀଗଅଚେରି । ୪୭ ଆୟତା ତଣ୍ଡ ବେଟା  
 ଆନାଚେରି ମୀରୁ ମାହାପୁରୁ ଅଶ୍ପୁତି ବଲୁ ଖେହନାରାଇଁ ପାୟାନା ଏଝାରି  
 ମାଡ଼ହା ମୁହ୍ନି ଚାୟୁ ତିୟାରା କିହିମାଞ୍ଜେରି । ୪୮ ଇଚିହିଁ ମୀରୁ ମୀ ଆକୁ  
 ଆବାୟିଁ କାମାତା ସାକି ଡସି ମାଞ୍ଜେରି ଇଞ୍ଜିଁ ଏଝାରିଲେହେଁ ଆହିମାଞ୍ଜେରି;  
 ଇଚିହିଁ ଏଝାରିୟାଁ ଏଝାରିାଇଁ ପାୟାମାଚେରି, ସାମା ମୀରୁ ଏଝାରି ମୁହ୍ନି  
 ଚାୟୁତି କାତିୟାଁ ନିପ୍ହି ମାଞ୍ଜେରି । ୪୯ ଇଦାଆଁତାକି ମାହାପୁରୁ ଜିକେଏ ତାନି  
 ବୁଦିତଲେ ଏଲେଇଞ୍ଜା ମାନେସି, ନୀନୁ ଏଝାରି ନକିତା ମାହାପୁରୁ ଅଶ୍ପୁତି ବଲୁ

ଶ୍ଵେଦନାରାଜ୍ ଅଡ଼େ ପାଣ୍ଡୁଞ୍ଚି ଆହାମାନାରାଜ୍ ପାଣ୍ଡୁଇଁ; ଏଞ୍ଚାରି ବିତ୍ରାଟି ଆମ୍ବା  
 ଆମ୍ବାଆରାଜ୍ ପାୟିନେରି ଇଞ୍ଚି ନିନ୍ଦା କିନେରି, ୫୦ ଇ ଜୁଗୁତି ଲକୁ ଦାର୍ତ୍ତି  
 ଗାଡ଼ି ଆତି ନକେଏଟିଏ ବାରେ ମାହାପୁରୁ ଅଣ୍ଟପୁତି ବଲୁ ଶ୍ଵେଦନାରି ପାୟିତାକି  
 ତଣ୍ଡ ବେଟାଆନେରି, ୫୧ ଏନିକିଁ ହେବଲଇଁ ପାୟିତି ଦିନାଟିଏ ଜିକରିୟ  
 ପାତେକା ଆମ୍ବାଆରାଜ୍ ମାହାପୁରୁ ଇଲୁତି ଡାକିନି ପିଣ୍ଡା ଅଡ଼େ ସୁଦୁ ବାକ୍ତା  
 ମାଦିଏ ପାୟିଞ୍ଚି ଆହାମାରେ । ହାଅ, ନାନୁ ମିଡ୍ରେ ସାତା ଶ୍ଵେଦିମାଞ୍ଚାଇଁ, ଏଦାନି  
 ବାଦୁଲି ଇ ଜୁଗୁତି ଲକୁ ଏ ବାରେତାକି ତଣ୍ଡ ବେଟାଆନେରି । ୫୨ ଆୟତା ତଣ୍ଡ  
 ପାଣ୍ଡି ନେରା ପୁନାତେରି ମୀରୁ, ଇତିହିଁ ବୁଦି ଦେନି କୁଚିତି ଅହାମାଞ୍ଚେରି;  
 ମୀରୁତ ହଡ଼ି ହିଲଅତେରି ସାମା ହଡ଼ାଲି ଅଣ୍ଟି ମାନାରାଜ୍ ଆଂଗିମାଞ୍ଚେରି  
 । ୫୩ ଜୀସୁ ଏ ଇଜତି ହାଜାଲିଏ ପାରୁସିୟାଁ ଅଡ଼େ ନେରାପୁନାରି ହାରେକା  
 ଡାହାରା ଆହାନା । ୫୪ ଏଞ୍ଚାଣି ଜଲିନି ହାଡାତା ଦହ ଆସାଲି ଏଞ୍ଚାଣାଇଁ  
 ହାରେକା କାତା ଶ୍ଵେତେରି ।

**୧୨** ଏଚିବେଲୀତା ମାଣା ମାଣା ଲକୁ ରୁଣ୍ଡା ଆହାନା ଡିସ୍ପି ଆହିମାଚେରି;  
 ଏଚିବେଲୀ ଏଞ୍ଚାସି ନକେଏ ତାନି ସୀସୁୟାଁଇଁ ଏଲେଇଚେସି, ପାରୁସିୟାଁ  
 ଲାଗେଏତି କୁଗୁଗାଟି ଡାଣାଟି ଜାଗ୍ରାତା ଆହାନା ମାଞ୍ଚୁ । ୨ ସାମା ଏନାୟି  
 ତଞ୍ଚା ଆଏ, ଇଲେକିଁ ପିପ୍ପକି ଆହା ହିଲେଏ, ଅଡ଼େ ଏନାୟି ପୁନାଆରେଗୁ  
 ଇଲେକିଁ ତୁଗାମାନାୟି ଏନାୟି ହିଲେଏ । ୩ ଇତିହିଁ ମୀରୁ ଏନା ଏନାଆଁ  
 ଆନେରିତା ଶ୍ଵେଦାମାଞ୍ଚେରି, ଏ ବାରେ ଉଜେଡ଼ିତା ଶ୍ଵେଦ୍ମିଆନେ, ଏନା  
 ଏନାଆଁ ପୁନାଆ ରେଗୁ ଇଲୁ ବିତ୍ରା ତୁଗାନା ଶ୍ଵେଦାମାଞ୍ଚେରି, ଏଦାଆଁ ଇଲୁ  
 ତୁଡ଼ିୟାତା ଶ୍ଵେଦ୍ମି ଆନେ । ୪ ଇତିହିଁ ନା ତଣ୍ଡେସିଦ୍ମାତେରି ମୀରୁ, ନାନୁ  
 ମିଡ୍ରେ ଶ୍ଵେଦିମାଞ୍ଚାଇଁ, “ଆମ୍ବାଆରି ଆଡ୍ମାତି ପାୟିନେରି ସାମା ଡାୟୁ ଏନାଆଁ  
 କିହାଲି ଆଡଅରି, ଏଞ୍ଚାରାଇଁ ଆଜାଆଦୁ । ୫ ସାମା ଆମ୍ବାଆରାଜ୍ ଆଜିଦେରି  
 ଏଦାଆଁ ମିଡ୍ରେ ଶ୍ଵେଦ୍ମାଞ୍ଚାଇଁ; ପାୟିତି ଜେତ ହିରୁ ଗାଡ଼୍ମୁତା ମେଡ଼ହାଲି ଆମ୍ବାଆରି  
 ଅଦିକାରା ମାନେ, ଏଞ୍ଚାଣାଇଁ ଆଜାଦୁ; ହାଅ ନାନୁ ମିଡ୍ରେ ସାତା ଶ୍ଵେଦିମାଞ୍ଚାଇଁ,  
 ଏଞ୍ଚାଣାଇଁ ଆଜାଦୁ ।” (Geenna g1067) ୬ ପାସାଗଟା ଜେତା ପଟାୟାଁ ରୀ  
 କାନି ତାକି ପାର୍ପି ଆଉ କି? ଆତିଜିକେଏ ଏଞ୍ଚାସିକା ବିତ୍ରାଟି ରଣ୍ଡାଣି ଜିକେଏ  
 ମାହାପୁରୁ ବାଣା ଆଅସି । ୭ ସାମା ମୀ ତାୟିତି ବାରେ ବାଣାୟାଁ ଜିକେଏ  
 ଏଜିକିଞ୍ଚି ଆହାମାନୁ । ଆଜା ଆଦୁ; ଏନାଆଁତାକି ଇତିହିଁ ମୀରୁ ଜେତା ପଟାୟାଁ  
 କିହାଁ ହାରେକା ଦାରା ଗାଟାତେରି । ୮ “ଅଡ଼େ, ନାନୁ ମିଡ୍ରେ ଶ୍ଵେଦିମାଞ୍ଚାଇଁ,

ଆମ୍ବାଆସି ଲକ୍ଷ୍ମୀ ନକିତା ନାଟ୍ରେ ଝେକ୍‌ହାନେସି, ମାଣ୍ଡସି ମୀରୁଏସି ଜିକେଏ  
 ମାହାପୁରୁତି ଦୂରୁୟାଁ ନକିତା ଝେକ୍‌ନେସି । ୯ ସାମା ଆମ୍ବାଆସି ଲକ୍ଷ୍ମୀ ନକିତା  
 ନାଟ୍ରେ ଝେକ୍‌ହଅସି, ଏଞ୍ଜାଣାଈ ଜିକେଏ ମାହାପୁରୁ ଦୂରୁୟାଁ ନକିତା ଝେକ୍‌ଅସି  
 । ୧୦ ଇଞ୍ଜାଁ ଆମ୍ବାଆସି ମାଣ୍ଡସି ମୀରୁଏଣା କପାଟି ଜଲିନେସି, ଏଞ୍ଜାଣି ପାପୁ  
 ମେଣ୍ଡୁଟ୍ଟିନେ; ସାମା ଆମ୍ବାଆସି ସୁଦୁଜୀଞ୍ଜୁ କପାଟି ନିନ୍ଦା କାତା ଜଲିନେସି,  
 ଏଞ୍ଜାଣି ପାପୁ ମେଣ୍ଡୁଟ୍ଟେଏ । ୧୧ ଏତିବେଲା ଏଞ୍ଜାରି ମିଟ୍ଟେ ଜୀହୁଡ଼ି ଲକ୍ଷ୍ମୀ  
 କୁଟମି ଲକ୍ଷ୍ମୀକାଣା, ସାଲଞ୍ଜି କିନାରି ଚାଣା ଇଞ୍ଜାଁ ଅଦିକାରା ବେଟା ଆହାମାନାରି  
 ଚାଣା ଅହାନା ନିପ୍‌ହାନେରି ଏତିବେଲା ନା ଞ୍ଜାକିଟି ଆହାନା ଏନା ଏନାଆଁ  
 ଜଲିନମି ଇଞ୍ଜାଁ ଅଣ୍ଡାଆଦୁ; ୧୨ ଇତିହୁଁ ଏନାଆଁ ଜଲିନାୟି ମାନେ, ଏଦାଣି  
 ଏତିବେଲାତେଏ ସୁଦୁଜୀଞ୍ଜୁ ମିଟ୍ଟେ ଜାପ୍‌ହାନେସି ।” ୧୩ ଲକ୍ଷ୍ମୀ ମାନ୍ଦା ବିତ୍ରାଟି  
 ରଅସି ଜୀସୁଇଁ ଏଲେଇଚେସି, ଏ ଗୁରୁ ନା ତାୟିଇଁ ମା ଆବାତି ଦନ ବାଟି  
 କିହାଲି ଏଲେଇଞ୍ଜା ହିୟାମୁ । ୧୪ ସାମା ଜୀସୁ ଏଲେଇଚେସି, ଏ ତାୟି  
 ଆମ୍ବାଆସି ନାଟ୍ରେ ମୀ ମୁହେଁ ନୀହାୟି କିହାଲି ମାଦି କିହାନା ଆଚାମାଞ୍ଜାନେସି?  
 ୧୫ ଇଞ୍ଜାଁ ଏଞ୍ଜାସି ଏଞ୍ଜାରାଈ ଏଲେଇଚେସି, ଜାଗ୍ରାତା, ବାରେଞ୍ଜାକିଟି ଜୁପ୍‌କାଟି  
 ମିଟ୍ଟେ ଗୋଲ୍‌ପିକିହା କତାଦୁ, ଇତିହୁଁ ର ମାଣ୍ଡସିତି ଜୀଞ୍ଜୁ ତାନି ଦନତି ବାସୁଁ  
 କିନେ । ୧୬ ଜୀସୁ ଏଞ୍ଜାରାଈ ଇ ପୁଣ୍ଡିକିନି କାତା ଝେସେସି, “ର ସାଞ୍ଜୁକାରିକି  
 ବୁମିତା ଗାଡ଼ି ଚାସା କାମ୍ପିତେ । ୧୭ ଏମ୍ପାଟିଏ ଏଞ୍ଜାସି ମନ ମନତା ଅଣ୍ଡାପାନା  
 ଏଲେଇଚେସି, ‘ନୀନୁ ନୀଏଁ ଏନାଆଁ କିଇଁ? ନା ଆନାଁ କୁଡ଼ି କିହାନା ଇଟାଲି  
 ଚାୟୁ ହିଲେଏ ।’ ୧୮ ଅଡ଼େ ଏଲେଇଚେସି; ‘ନୀଏଁ ଇଲେ କିଇଁ ମାନି  
 ଗାଦେୟିକା ରିକ୍‌ହାନା କାଜାଆଁ କିହାନା ଏମ୍ପାଆଁ ଗହୁଁୟାଁ ଇଞ୍ଜାଁ ଏନି ଏନି  
 ଆନାଁ କୁଡ଼ି କିହାନା ଇତିଇଁ, ୧୯ ଅଡ଼େ ନା ଜୀଞ୍ଜୁତି ଏଲେଇଇଁ, ଏ ଜୀଞ୍ଜୁ  
 ହାରେକା ବାସାଁ ତାକି ନିଟ୍ଟେ ତାକି ଗାଡ଼ି ଆନାଁ କୁଡ଼ି କିଞ୍ଜିଆହାମାନେ, ନୀଏତି  
 ଜମାନା ମନକିଟି ଲେହେଁ ତିଞ୍ଜା ଉଣ୍ଡାନା ରାହାଁ କିମୁ ।’ ୨୦ ସାମା ମାହାପୁରୁ  
 ଏଞ୍ଜାଣାଈ ଏଲେଇଚେସି, ଆଡ଼େ ବୁଦି ହିଲାଆଗାଟାଟି, ନୀଞ୍ଜୁ ଲାଆଁୟାଁ ନୀ  
 ଜୀଞ୍ଜୁ ନୀ ଚାଣାଟି ଅଞ୍ଜିଆନେ; ଏଚେଟିଏ ନୀନୁ କୁଡ଼ିକିହା ଇଟାମାନି ବାରେ ଦନ  
 ଆମ୍ବାଆରାଞ୍ଜାୟି ଆନେ ।” ୨୧ ଜୀସୁ ଏଲେଇଚେସି, “ଆମ୍ବାଆସି ତାଟ୍ଟେତାକି  
 ଦନ କୁଡ଼ି କିନେସି, ସାମା ମାହାପୁରୁ ଚାଣା ଦନଗାଟାସି ଆଅସି, ଏଞ୍ଜାସି ଇଞ୍ଜାଣି  
 ଲେହେଁତାସି ।” ୨୨ ଜୀସୁ ତାନି ସୀସୁୟାଣି ଏଲେଇଚେସି, ଇଦାଆଁତାକି ମିଟ୍ଟେ  
 ଝେସିମାଞ୍ଜାଈ, ଏନାଆଁ ତିନାୟି, ଇଲେକିଁ ମୀ ଜୀଞ୍ଜୁତାକି, ଏନାଆଁ ତୁରୁନାୟି

ଇଲେକ୍ଟ୍ରିକ୍ ମା ଆଢ଼ୁ ତାକି ଜିକେଏ ମୀରୁ ଅଣ୍ଟାଆଡୁ । ୨୩ ଇତିହିଁ ରାନ୍ଧୁ  
 କିହାଁ ଜୀଝୁ କାଜାୟି ଅଡେ ହିମ୍ବରକା କିହାଁ ଆଢ଼ୁ କାଜାୟି । ୨୪ ପଟାୟିଣି  
 ସିନିକିଦୁ, ଏଝି ମାଟାଉ କି ଦାଉ, ଇଞ୍ଜି ଏଝାସିକା ଗାଦେୟିକା ହିଲାଉ, ଅଡେ  
 ମାହାପୁରୁ ଏଝାସିକାକି ତିନି କାଦି ହାନେସି; ମୀରୁ ପଟାୟି କିହାଁ ଏଚେକା  
 କାଜାଚେରି! ୨୫ ଅଡେ ମୀ ବିତ୍ରାଟି ଆମ୍ବାଆଚେରି ଅଣ୍ଟି ଅଣ୍ଟିହିଁ ମୀ ଜୀଝୁତି  
 ଆଗାଡ଼ା ପାଡିକିହାଲି ଆଡିଦେରି? ୨୬ ମୀରୁ ର ଉଣା କାମାତି କିହାଲି  
 ଆଡିହିଲଅଚେରି, ଆତିହିଁ ଏଚକାତି କାତା ଏନାଆଁତାକି ଗାଡି ଅଣ୍ଟିମାଞ୍ଜେରି?  
 ୨୭ ଜାଡ଼ାତି ପୁଢ଼ୁଣି ସିନିକିହାଁ ଅଣ୍ଟାପାଦୁ, ଏଝି ଏନି କାମା କିଉ; ଆଡିଜିକେଏ  
 ନାନୁ ମିଢ଼େ ଝେସିମାଞ୍ଜାଇଁ, ସଲମନକି ବାରେ ଅଜିତାୟି ମାତିହିଁ ଜିକେଏ  
 ଏଝାଣାକି ଇ ପୁଢ଼ୁ ଏଚେକା ଅଜିତି ହିମ୍ବରକା ହିଲାଆଡୁ । ୨୮ ଆମିନି ଜାଡ଼ା  
 ନୀଞ୍ଜୁ ମାନେ, ଝିଏ ଝାୟା ହାନେ ଅଡେ ହଲୁଡା ହୁଡକିଆନେ, ମାହାପୁରୁ ଏ  
 ଜାଡ଼ାତି ଇଲେତି ଝାଣା ହାନେସି, ଏନାଆଁ ଏଝାସି ମିଢ଼େ ହିମ୍ବରକା ପରଝି  
 କିୟଅସି? ମୀ ନାନୁ ଏଚେକା ଉଣା! ୨୯ ଏଦାଆଁତାକି ଏନାଆଁ ତିନାୟି  
 ଏନାଆଁ ଗହନାୟି, ଏଦାଆଁ ମୀରୁ ପାରିହିଁ ରେଆଦୁ କି ଅଣ୍ଟାଆଡୁ, ୩୦ ଇତିହିଁ  
 ଦାରୁତି ଜୀହୁଦିଆଆତାରି ଏ ବାରେ ପାରିହିଁ ରେନେରି; ସାମା ଇ ବାରେ  
 ମୀ ଲଡ଼ାମାନେ ଏଦାଆଁ ମୀ ଲାକପୁରୁତି ଆବା ପୁଞ୍ଜାମାନେସି । ୩୧ ମୀରୁ  
 ମାହାପୁରୁତି ରାଜି ପାରାଦୁ, ଆତିହିଁ ଇ ବାରେ ମିଢ଼େ ହାପକିଆନେ । ୩୨  
 ଏ ଉଣା ମେଣ୍ଡା ମାନୁଚେରି ଆଜାଆଦୁ, ଇତିହିଁ ମିଢ଼େ ଏ ରାଜିତି ହାହାଲି  
 ମୀ ଲାକପୁରୁତି ଆବାକି ଏଚେକା ରାହାଁ । ୩୩ ମୀରୁ ମୀ ଦନତି ପାରୁତାନା  
 ହିଲାଆ ଗାଟାରାକି ହାଦୁ: ମୀରୁ ମିଢ଼େତାକି ଇଲେତି ବଚ୍ଝା କେପାଦୁ: ଇତିହିଁ  
 ଏମ୍ବିୟା ସରୁ ଝାଅସି ଅଡେ ଲୀମୁ ତିନେଏ ଇଲେତି ଲାକପୁରୁ ଦନ କୁଡି କିଦୁ,  
 ୩୪ ଇତିହିଁ ଆମ୍ବିୟା ଦନ ଏମ୍ବେଏ ଜିକେଏ ମୀ ମନ ମାଞ୍ଜେମାନେ । ୩୫ “ମୀ  
 ଟେଡେଲି ଦସା କତାନା ମାଞ୍ଜୁ ଅଡେ ମୀ ଦୀଝିୟା ଡ଼ାଞ୍ଜିହିଁ ମାଣ୍ଡୁ: ୩୬ ଅଡେ  
 ପ୍ରବୁ ବୀହା ଇଜ ହାଜାନା ଝେଣ୍ଡା ଝାନାଟି ଏଝାଣାଇଁ ଦାରା ଦେନମିଝା ଇଞ୍ଜି  
 କାଟାମାନାରି, ମୀରୁ ଜିକେଏ ଏଝାରିଲେହେଁ କାଟାହାଁ ମାଞ୍ଜୁ । ୩୭ ପ୍ରବୁ ଝାହାନା  
 ଆମିନି ହିଲିୟାଢ଼ୁଣି ଜାଗ୍ରାତା ମାନାଣି ମେହ୍ନେସି, ଏଝାରି ନେହେଁ; ନାନୁ  
 ମିଢ଼େ ସାତା ଝେସିମାଞ୍ଜାଇଁ, ଏଝାସି ତାନି ଟେଡେଲି ରୁପାନା ଏଝାଣାଇଁ ତିଞ୍ଜାଲି  
 କୁଟି କିହାଁ ତାଗେ ହାଜାନା ସେବା କିନେସି । ୩୮ ଅଡେ ଏଝାସି ମାଦି ଲାଆଁୟା  
 କି ଝେୟା ନେକେରିତା ଜିକେଏ ଝାହାନା ଏଝାଣାଇଁ ଏଲେକ୍ଟ୍ରିକ୍ କାଟାମାନାଣି

ମେହନେସି ଏ ହଲିୟାଡ଼୍ଫା ନେହେଁ । ୩୯ ସାମା ଇଦାଆଁ ପୁଞ୍ଜାମାଞ୍ଜୁ ଆମିନି  
 ବେଲାତା ସରୁ ଖାନେସି, ଇଦାଆଁ ଇଲୁଗାଟାସି ପୁଟିହେଁ ଏଝାସି ତାନି କୁଡୁ  
 ତୁହାଲି ହୀଆତେସିମା । ୪୦ ମୀରୁ ଜିକେଏ ଜାଗ୍ରାତା ଆହାନା ମାଞ୍ଜୁ  
 ଇଚିହେଁ ମୀରୁ ଆମିନି ବେଲାତା ଅଶ୍ଵା ହିଲଅତେରି, ଏଚିବେଲାତା ମାଶ୍ଵି  
 ମୀରୁଏସି ଖାନେସି ।” ୪୧ ଏଚେଟିଏ ପିତର ଏଲେଇଚେସି, “ଏ ପ୍ରବୁ ନୀନୁ  
 ପୁଣ୍ଠିକିନି କାତା ମାଡ୍ଢେ କି ବାରେତାକି ଖେସିମାଞ୍ଜୁ?” ୪୨ ପ୍ରବୁ ଏଲେଇଚେସି,  
 “ସାଞ୍ଜୁକାରି ତାନି ଇଲୁଚି ଲକୁତାକି ତାନି ରାନ୍ତା କାରୁତା ରାନ୍ତା ହୀହାଲି  
 ତାନି ଗୁମୁସ୍ତା ପାଶା ହେର୍ପିନେସି, ଇଲେଚି ଚିକାଶାଗାଟି ଅଡେ ବୁଦିଗାଟି  
 ହଲେଏସି ଆମ୍ବାଆସି?” ୪୩ ପ୍ରବୁ ଖାହାନା ତାନି ଆମିନି ହଲେଏଶାଈଁ  
 ଏଲେ କିହିମାନାଣି ମେହନେସି ଏଝାସି ନେହେଁ । ୪୪ ନୀନୁ ମିଡ୍ଢେ ସାତା  
 ଖେସିମାଞ୍ଜୁଈଁ, ଏଝାସି ଏଝାଶାଈଁ ତାନି ବାରେ ଦନତି ମୁହେଁ ଗୁମୁସ୍ତା କିହା  
 ଇଚିନେସି । ୪୫ ସାମା ଏ ହଲେଏସି ନା ସାଞ୍ଜୁକାରି ଖାନାୟି ମାନେୟିଏ ଇଞ୍ଜି  
 ମନତା ଅଶ୍ଵାମାନା ହଲିୟାଡ଼୍ଫା ହଲେଣିସିକାଣି ଖେଚାଲି ଇଞ୍ଜି ଚିଞ୍ଜି ଉଣ୍ଡିହେଁ  
 କାଡୁ ହଚାଲି ମାଟ୍ଢନେସି, ୪୬ ଆଚିହେଁ ଏମିନି ଦିନା ହଲେଏସି କାଚାହିଲଅସି  
 ଇଞ୍ଜି ଏମିନି ବେଲା ଏଝାସି ପୁଞ୍ଜାହିଲଅସି, ଏ ଦିନା ଏ ବେଲାତା ତାନି ପ୍ରବୁ  
 ଖାନେସି, ଇଞ୍ଜି ଏଝାସି ଏଝାଶାଈଁ ରୀ ବାଗା କିହାନା ନାମୁ ହିଲାଆଗାଟାରି  
 ତଲେ ଏଝାଶାଈଁ କାଲ୍ଲନେସି । ୪୭ ଅଡେ ଆମିନି ହଲେଏସି ତାନି ସାଞ୍ଜୁକାରିଚି  
 ମନ ଅଶ୍ଵାମାନା ଜାଗ୍ରାତା ଆସି କି ଏଝାଣି ମନତଲେ କାମା କିଅସି, ଏଝାସି  
 ଗାଡି ମାଡା ବେଟା ଆନେସି; ୪୮ ସାମା ଆମ୍ବାଆସି ପୁନାଆନା ମାଡା ପାଶ୍ଵି  
 କାମା କିନେସି, ଏଝାସି ଉଶା ମାଡା ବେଟା ଆନେସି । ଆମ୍ବାଆରାକି ଗାଡି  
 ହୀପୁକି ଆହାମାନେ, ଏଝାଣି ତାଶାଟି ହାରେକା ରୀହନାୟି ମାନେ; ଇଞ୍ଜି  
 ଲକୁ ଆମ୍ବାଆରାକି ଗାଡି ହୀହାମାନେରି ଏଝାଣି ତାଶାଟି ହାରେକା ଆଗାଡା  
 ରୀହନେରି । ୪୯ “ନୀନୁ ଇ ଦାର୍ତତିତା ହିରୁ ପ୍ରତ୍ଢାଲି ଖାହାମାଈଁ, ଇଦି ନୀଏଁ  
 ଗୁଦୁ ଗୁଦୁ ଆହିମାନେ ଆଚିହେଁ ନାଡ୍ଢେ ଏନି ଅଶ୍ଵପୁ? ୫୦ ସାମା ନୀନୁ ର ବାପୁସ୍ତ  
 ପାଶ୍ଵନାୟି ମାନେ, ଅଡେ ଏଦି ରାଆ ପାତେକା ନାଡ୍ଢେ ଏଚେକା କସୁ ହଚି  
 ମାଞ୍ଜାନେ । ୫୧ ନୀନୁ ଦାର୍ତତିତା ହିଚ୍ଢି ହୀହାଲି ଖାହାମାଈଁ ଇଞ୍ଜି ମୀରୁ  
 ଅଶ୍ଵପିମାଞ୍ଜୁରି? ନୀନୁ ମିଡ୍ଢେ ଖେସିମାଞ୍ଜୁଈଁ, ଆଏ, ବାଗା କିହାଲି ଖାହାମାଈଁ ।  
 ୫୨ ଇଚିହେଁ ର ଇଜ ପାସାଜାଶା ମାନେରି, ରିଆରି କପାଟି ତାନିଜାଶା ଅଡେ  
 ତାନିଜାଶା କପାଟି ରିଆରି ଏଚ୍ଢକା ଆନେରି । ୫୩ ମୀରୁଏଶା କପାଟି ତାଞ୍ଜି,

ତାଙ୍କୁ କ୍ଷମା ଦିଅନ୍ତୁ, ମାଝୁ କ୍ଷମା ଦିଅନ୍ତୁ, ତାଲି କ୍ଷମା ଦିଅନ୍ତୁ, କୁଡ଼ିୟାନ୍ କ୍ଷମା ଦିଅନ୍ତୁ, ଅଡ଼େ ପୟା କ୍ଷମା ଦିଅନ୍ତୁ ଏବଂ ଆନୁ ।” ୫୪ ଇଚ୍ଛା ଏହାକୁ ଲକ୍ଷ୍ୟ କରି ଏଲେକ୍ଟ୍ରୋନିକ୍ସ, “ଝେଡ଼ା କୁଡ଼ିୟାନ୍ ହାଗୁ ନିଜ୍ଞ ମାନାଣି ମେସ୍ତ୍ରୋରେ ଦେବୁଣିଏ ଏଲେକ୍ଟ୍ରୋନିକ୍ସ ପିୟୁ ଝାନେ, ଅଡ଼େ ଏଲେକ୍ଟ୍ରୋନିକ୍ସ ଆନେ; ୫୫ ଅଡ଼େ ଚିଝନି ଝାକିତି ଗାଲି ଝେନାଣି ମେସ୍ତ୍ରୋରେ ମୀରୁ ଏଲେକ୍ଟ୍ରୋନିକ୍ସ, ଗାଡ଼ି କାରା ଆନେ, ଅଡ଼େ ଏଲେକ୍ଟ୍ରୋନିକ୍ସ ଆନେ । ୫୬ ଆଡ଼େ କୁରୁ ଗାଟାଡ଼େରି, ମୀରୁ ଦାର୍ଡି ଅଡ଼େ ହାଗୁଡ଼ି ସିନାୟ୍ ପୁଞ୍ଜିମାଞ୍ଜେରି, ସାମା ଇ କାଲାଡ଼ି ସିନାୟ୍ ଏନିଲେହେଡ଼ାଲ ପୁଞ୍ଜି ହିଲଅଡ଼େରି?” ୫୭ ଏନାଆଁ କିନାୟିମାନେ ଇଚ୍ଛା ମୀରୁ ଏନାଆଁତାକି ମୀ ବିତ୍ରା ନୀହାୟି କିହିହିଲଅଡ଼େରି? ୫୮ ଇଡ଼ିହି ମୀ ଗଡ଼ହା ଆଡ଼ାଣି ତଲେ ନୀହାୟି କିନାଣି ଡ଼ାଣା ହାନିବେଲାଡ଼ା ଜିରୁଡ଼େଏ କାଲ୍ଡ଼ିଆନି ଉପେୟି ଅଣ୍ଡ଼ାପାୟୁ ଏଲାଆଆଡ଼ିହି ଏହାୟି ନିଜ୍ଞେ ଅଡ଼େ ଝେଣ୍ଡେ ନୀହାୟି କିନାଣି ଡ଼ାଣା ରେଜା ଅୟାନେସି, ଅଡ଼େ ନୀହାୟି କିନାସି କସ୍‌କା କେୟୁଡ଼ା ହେରୁପାନେସି, ଅଡ଼େ କସ୍‌କା ନିଜ୍ଞେ କାୟିତି ଇଲୁଡ଼ା ଇଟାନେରି । ୫୯ ନାନୁ ମିଜ୍ଞେ ଝେସିମାଞ୍ଜାଇ, “ମୀରୁ ର କାନି ଜିକେଏ ପିହ୍‌ଆନାହା ହୀଡ଼ିହିଦେଁ ଏମ୍ପାଟି ହିଡ଼ା ଝାହାଲି ଆଡ଼ିଦେରି ।”

**୧୩** ଏଡ଼ିବେଲାଡ଼ା ଏଡ଼େକା ଲକ୍ଷ୍ୟ ଝାହାନା, ପିଲାଡ଼ ଏମିନି ଗାଲିଲି ଲକ୍ଷ୍ୟ ନେଡ଼େରି ଏହାରି ପୂଜା ତଲେ ଆହ୍‌ହାମାଡ଼େସି, ଏ କାଡ଼ା ଜୀୟୁଇଁ ଝେସ୍ତେରି । ୧ ଏମ୍ପାଟିଏ ଜୀୟୁ ଏହାରାଇଁ ଏଲେକ୍ଟ୍ରୋନିକ୍ସ, “ଏ ଗାଲିଲିଡ଼ାରି ଡ଼ଣ୍ଡୁ ବେଟାଆହାଲିଏ ଏହାରି ଅର ଗାଲିଲିଡ଼ାରି କିହିଁ ହାରେକା ପାପୁ ଗାଟାରି ଇଚ୍ଛା ମୀରୁ ଅଣ୍ଡ଼ିପିମାଞ୍ଜେରି? ୩ ନାନୁ ମିଜ୍ଞେ ଝେସିମାଞ୍ଜାଇ, ଏଲେକ୍ଟ୍ରୋନିକ୍ସ ଆଏ, ସାମା ମୀରୁ ମନ ଝେଡ଼ିଆଡ଼ିହି ବାରେଜାଣା ଡ଼େରି ଏହାରିଲେହେଁ ହାଡ଼େରି । ୪ ସିଲହଡ଼ା ଆମିନି ଅଟର ଜାଣାଡ଼ି ଲାକ ପାଡ଼ାଆଡ଼ି କଟା ଇଲୁ ରିହାନା ହାଡ଼େରି, ଏହାରି ବାରେଜାଣା ଜିରୁସାଲମତି ଲକ୍ଷ୍ୟ କିହିଁ ହାରେକା ପାପୁ ଗାଟାରି ଇଚ୍ଛା ମୀରୁ ଅଣ୍ଡ଼ିପିମାଞ୍ଜେରି? ୫ ନାନୁ ମିଜ୍ଞେ ଝେସିମାଞ୍ଜାଇ, ଏଲେକ୍ଟ୍ରୋନିକ୍ସ ଆଏ, ମୀରୁ ମନ ଝେଡ଼ିଆଡ଼ିହି ବାରେଜାଣା ଡ଼େରି ଏଲେକ୍ଟ୍ରୋନିକ୍ସ ନାସା ଆଡ଼େରି ।” ୬ ଜୀୟୁ ଇ ପୁଣ୍ଡିକିନି କାଡ଼ା ଝେସ୍ତେସି, ରଅଣି ଅଞ୍ଜୁରି ବାଡ଼ାଡ଼ା ର ଡ଼ୟା ମାର୍‌ନୁ ଉହି ଆହାମାଡ଼େ । ଏହାସି ଝାହାନା ପାଡ଼େୟି ପାରୀଡ଼େସି ସାମା ମେଡ଼ାଆଆଡ଼େସି । ୭ ଇଚ୍ଛା ଏହାସି କାମା କିନାଣାଇଁ ଏଲେକ୍ଟ୍ରୋନିକ୍ସ, “ମେହ୍‌ମୁ ନାନୁ ଡ଼ାନି ବାର୍ସା ଆଡ଼େୟିଏ ଇ ଡ଼ୟା ମାର୍‌ନୁଡ଼ା ଝାହାନା ପାଡ଼େୟି ପାରିମାଇଁ,

ସାମା ମେଡ଼ା ଆହି ହିଲଅଁ; ଏଦାଣି ଚୁଣ୍ଡା ଚୁହ୍ମୁ, ଇଦି ଏନାଆଁତାକି ବୁମିତି  
 ପାଡ଼ିୟା କିନେ? ୮ ସାମା କାମାକିନାସି ଏଲେଇଚେସି, “ପ୍ରବୁ ଇଦି ଇୟନା  
 ତାକି ମାଣ୍ଡେ, ନାନୁ ଇଦାଣି ସାରିସୁଟୁ କାରହାନା ଗାତା ହାଇଁ, ୯ ଅଡ଼େ ଡାୟୁ  
 ପାଡ଼େୟି ଆୟିତିହିଁ ନେହେଁ ଆୟାଆତିହିଁ ଏଦାଣି ଚୁଣ୍ଡା ଚୁହ୍ମୁ ।” ୧୦ ର  
 ଦିନା ଜୀସୁ ଜମିନି ଦିନା ର ଜୀହୁଦି ଲକ୍ଷୁତି କୁଟମି ଇଲୁତା ଜାପ୍ତା ମାଚେସି ।  
 ୧୧ ଏମ୍ପାଆଁ ର ଇୟା ମାଚେ, ଏଦି ଅଟର ବାର୍ଯ୍ୟା ପାଚେକା ପଲ୍‌ଆ ବୁଡୁ ତଲେ  
 କସ୍ତୁ ଆହିମାଚେ, ଏଦି ଚୁଡୁଖା ଆହାନା ସଲ୍‌କେ ଆହିଁ ଡାକାଲି ଆତିହିଲିଆଚେ  
 । ୧୨ ଜୀସୁ ଏଦାନି ମେସାନା ତାଗେ ହାଟାନା ଏଲେଇଚେସି, “ଏ ଇୟା  
 ନାନୁ ନୀ ଆତାଆ କସ୍ତୁଟି ନେହିଁ ଆତି ।” ୧୩ ଅଡ଼େ ଏଞ୍ଜାସି ଏଦାନିଲେକ  
 କେୟୁ ଇଚିଚେସି, ଏମ୍ପାଟିଏ ଏଦି ଏ ଦେବୁଣିଏ ସଲ୍‌କେ ଆହାନା ମାହାପୁରୁତି  
 ଜହରା କିଚେ । ୧୪ ସାମା ଜୀସୁ ଜମିନି ଦିନାତା ନେହିଁ କିହିମାତାକି ଜୀହୁଦି  
 ଲକ୍ଷୁତି କୁଟମି ଇଲୁତି କାଜାସି କାର୍‌ବି ଆହାନା ଲକ୍ଷୁଣି ଏଲେଇଚେସି, “କାମା  
 କିହାଲି ସ୍ତ ଦିନା ମିଡ୍ରେ ମାନେ; ଏଦାଣିତାକି ସ୍ତ ଦିନା ନେହିଁ ଆହାଲି ଖାଦୁ,  
 ଜମିନି ଦିନାତା ଖାଆଦୁ ।” ୧୫ ସାମା ପ୍ରବୁ ଏଞ୍ଜାଣାଇଁ ଏଲେଇଚେସି, “ଆଡ଼େ  
 କୁଟୁ ଗାଟାଚେରି, ମୀରୁ ବାରେଜାଣା ଚେରି ଜମିନି ଦିନାତା ମୀ କଡି କି  
 ଗାଡ଼ଦେତି ହାଃଆଲାଟି ଆହାନା ଏୟୁ ଉଚ୍‌ହିଁ ହିଲଅଚେରି କି? ୧୬ ଅଟର  
 ବାର୍ଯ୍ୟା ପାଚେକା ସୟତାନ ତାଣାଟି ଦସ୍‌ପି ଆହାମାନି ଅବ୍ରାହାମ କୁଡାତି ଇ  
 ଇୟାନି ଜମିନି ଦିନାତା ନେହିଁକିନାୟି ହିଲଅଆଚେ କି?” ୧୭ ଏଞ୍ଜାସି ଇ ବାରେ  
 କାତା ଖେସାଲିଏ, ତାନି ସାତୁୟିଁ ବାରେ ଲାଜା ବେଟାଆଚେରି, ସାମା ଜୀସୁ  
 କିହାମାନି କାମା ମେସାନା ଲକ୍ଷୁ ରାହାଁ ଆଚେରି । ୧୮ ଜୀସୁ ଏଲେଇଚେସି,  
 “ମାହାପୁରୁ ରାଜି ଏନିଲେହେଁତାୟି? ଆମ୍ପାରିତଲେ ଏଦାନି ଚୁକ୍‌ଇଁ? ୧୯  
 ଏଦି ଇଲେତି ର ହାର୍‌ସୁ ପାଡ଼େୟି ଲେହେଁ, ଏଦାଆଁ ଅହାନା ରଅସି ତାନି  
 ବାଡାତା ମାଟିଚେସି, ଅଡ଼େ ଏଦି ପାତାଆହାନା ର ମାର୍‌ନୁ ଆଚେ, ଅଡ଼େ  
 ହାଗୁ ଲାକ ଉମ୍‌ନି ପଟାୟିଁ ଖାହାନା ଏ କମାତା ବାସା କିତୁ ।” ୨୦ ଜୀସୁ  
 ଅଡ଼େ ଏଲେଇଚେସି, “ନାନୁ ଆମ୍ପାରିତଲେ ମାହାପୁରୁତି ରାଜି ଚୁକ୍‌ଇଁ? ୨୧  
 ଏଦି ପୁଲା ଏୟୁଲେହେଁତାୟି, ର ଇୟା ତାନିମାଣା ଗୁଣ୍ଡାତା କାଲ୍‌ହା ଇଚିଚେ,  
 ଡାୟୁ ବାରେ ଗୁଣ୍ଡା ପୁଲା ଆଚେ ।” ୨୨ ଡାୟୁ ଜୀସୁ ଗାଡାତାକି ଗାଡା ନାୟିଁ  
 ତାକି ନାୟିଁ ରେଜିହିଁ ଜାପ୍‌ହିଁ ଜିରୁସାଲମ ଖାକି ହାଜିମାଚେସି । ୨୩ ରଅସି  
 ଏଞ୍ଜାଣାଇଁ ଖେଚେସି, “ପ୍ରବୁ ଗେଲ୍‌ପି ଆନାରି ଖାର୍‌ଇ ଇଚରା ଜାଣାକି?”



ଜୀମୁ ଏଝାରାଇଁ ଏଲେଇଚେସି, ୨୪ “ଜୀଝୁ ତୁଯାନା ଜାକ୍‌ଣି ଦୁଝେରିଟି ହାଲୁ:  
 ଇଚିହିଁ ନାନୁ ମିଢ୍ଢେ ଝେସିମାଞ୍ଜାଇଁ, ହାରେକା ହତାଲି ଅଶ୍‌ପିନେରି, ସାମା  
 ହତାଲି ଆତଅରି । ୨୫ ଇଲୁଗାଟାସି ନିଢ୍ଢାନା ଦାରା ପୁଣ୍ଡିତି ଡାୟୁ ଏଚେତା  
 ମୀରୁ ପାଢ୍ଢାତା ନିଚାନା ଦାରା ତୀ ତୀ ଝେଚିହିଁ ‘ଏ ପ୍ରବୁ ମାଢ୍ଢେତାକି ଦାରା  
 ଦେତାମୁ’ ଇଞ୍ଜି ହାଟିଦେରି, ଏଚେତା ଏଝାସି ମିଢ୍ଢେ ଏଲେଇଞ୍ଜାନେସି, ‘ମୀରୁ  
 ଏମ୍ପିତାଚେରି ନାନୁ ପୁଞ୍ଜାମାଞ୍ଜାଅଁ ।’ ୨୬ ଏଚିବେଲା ମୀରୁ ଏଲେଇଞ୍ଜେରି,  
 ‘ଏ ପ୍ରବୁ ମାମୁ ନୀ ତଲେ ତିଚା ଉଚାତମି, ଅଡେ ନୀନୁ ମା ଆଂଗେଣିକାଣା  
 ଜାପ୍‌ହିମାଞ୍ଜାତି ।’ ୨୭ ଅଡେ ଏଝାସି ମିଢ୍ଢେ ଏଲେଇଞ୍ଜାନେସି, ‘ମୀରୁ ଆମିନି  
 ଚାୟୁତି ଲକୁଚେରି ନାନୁ ପୁଞ୍ଜାମାଞ୍ଜାଅଁ; ଏ ଲାଗେଏ ପଲେଏ ତାଚେରି ନା  
 ତାଣାଟି ହେକ ଆଦୁ ।’ ୨୮ ଏଚିବେଲା ମୀରୁ ଅବାହାମ, ଇସାହାକ, ଜାକୁବ  
 ଇଞ୍ଜି ବାରେ ମାହାପୁରୁ ଅଶ୍‌ପୁତି ବଲୁ ଝେହ୍‌ନାରାଇଁ ମାହାପୁରୁ ରାଜିତା  
 ମାନାଣି ଅଡେ ମିଢ୍ଢେ ପାଢ୍ଢାତା କୁତା ମାଞ୍ଜାନାଣି ଅଶ୍‌ପାନା ପାଲ୍‌କା ଟୀଟି କିହିଁ  
 ଡୀଦେରି । ୨୯ ଅଡେ ହାରେକା ଲକୁ ଝେଡ଼ା ହୁପୁ ଝାକିଟି ଅଡେ ଝେଡ଼ା କୃତ୍‌ନି  
 ଝାକିଟି, ଚିଃନି ଝାକିଟି ଚେବୁ ଝାକିଟି ଝାହାନା ମାହାପୁରୁତି ରାଜିତି ବଜିତା  
 କୁଚିନେରି । ୩୦ ଅଡେ ମେହ୍‌ଦୁ ଡାୟୁତା ମାନି କଚେକା ନକିତା ଆନେରି  
 ଅଡେ ନକିତା ମାନି କଚେକା ଡାୟୁତା ଆନେରି ।” ୩୧ ଏଚିବେଲାତେଏ  
 ଏଚରଜାଣା ପାରୁସିୟାଁ ଝାହାନା ଜୀମୁଇଁ ଝେସ୍‌ପେରି, “ନୀନୁ ଇ ଚାୟୁ ପିସାନା  
 ହାଜାତୁହ୍‌ମୁ ଏନାଆଁତାକି ଇଚିହିଁ ହେରଦ ନିଢ୍ଢେ ପାୟାଲି ଅଶ୍‌ପିମାନେସି ।”  
 ୩୨ ଜୀମୁ ଏଝାରାଇଁ ଏଲେଇଚେସି, “ମୀରୁ ହାଜାନା ଏ ନାକାଇଁ ଝେହ୍‌ଦୁ,  
 ‘ମେହ୍‌ମୁ ନାନୁ ନୀଞ୍ଜୁ ଅଡେ ଝିଏ ବୁତୁୟାଁ ପିସ୍‌ପି କିହିମାଇଁ ଅଡେ ନେହିଁ  
 କିହିମାଇଁ ଇଞ୍ଜି ତାନି ଦିନାଟିଏ ନା କାମା ରାପ୍‌ଇଁ ।’ ୩୩ ଏନିଜିକେଏ ନୀଞ୍ଜୁ  
 ଝିଏ ଅଡେ ମାଏଁ ନାଢ୍ଢେ ଡାକିହିଁ ହାଜାଲି ଆନେ, ଇଚିହିଁ ମାହାପୁରୁ ଅଶ୍‌ପୁତି  
 ବଲୁ ଝେହ୍‌ନାସି ଜିରୁସାଲମ ପିସ୍‌ପେ ପାଢ୍ଢାତା ହାନାୟି ନେହେଁ ଆଏ ।”  
 ୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଶ୍‌ପୁତି ବଲୁ ଝେହ୍‌ନାରାଇଁ  
 ପାୟିନାତି ଅଡେ ନୀ ଡାଣା ପାଣ୍ଡୁଝି ଆହାମାନାରାଇଁ ଝାଲ୍‌କାତଲେ ଝେନାତି,  
 ତାଲି କୟୁ ଏନିକିଁ ତାନି ହାପାୟାଣି ତାନି ମାରାୟାଁ ଡଇ ଜଢ୍ଢିନେ, ଏଲେକିଁ  
 ଏଚର ଦେବା ନୀ ପ୍‌ଡି ପଦାତି ପୁକ୍‌ହାନା ଇଚିଇଁ ଇଞ୍ଜି ଅଶ୍‌ପିମାଚେଏଁ ସାମା  
 ମୀରୁ ଏଲେକିହାଲି ହିୟାଆଚେରି । ୩୫ ମେହ୍‌ଦୁ ମୀ ଇଲୁ ମୀ କେୟୁତା  
 ହାପ୍‌କି ଆହିମାଞ୍ଜାନେ; ଅଡେ ନାନୁ ମିଢ୍ଢେ ଏଲେଇଞ୍ଜିମାଞ୍ଜାଇଁ ମାହାପୁରୁ

ଦରୁଟି ଆତ୍ମାଆସି ଖାହିମାନେସି ଏଞ୍ଜାସି ନେହାଁସି ଇଞ୍ଜି ଏମିନି ନେରୁ ଇ କାତା ଏଲେଇଞ୍ଜେରି ଏ ଦିନା ଖାଆ ପାତେକା ମୀରୁ ଅଡେ ନାଢ୍ଫେ ମେସୁଅତେରି ।”

**୧୪** ଜୀସୁ ର ଜମିନି ଦିନା ରାନ୍ତା ତିଞ୍ଜାଲି ପାରୁସିୟାଁ ବିତ୍ରାଟି ର କାଜାଣି ଇଜ ହତାଲିଏ ଏଞ୍ଜାରି ଏଞ୍ଜାଣାଇଁ ଦହ ଦସାଲି ପରୁହି ମାତେରି । ୨ ଅଡେ ମେହୁଦୁ ଏଞ୍ଜାଣି ନକିତା କେସ୍ତା କଡାୟାଁ ପଂଗିତାସି ରଅସି ମାତେସି । ୩ ଏମ୍ପାଟିଏ ଜୀସୁ ମସାତି ମେରାପୁନାରି ଅଡେ ପାରୁସିୟାଁଇଁ ଏଲେଇଚେସି, “ଜମିନି ଦିନାତା ରଅଣାଇଁ ନେହୁଁକିନି ମେରା ମାନେକି ଆଏ?” ୪ ଏମ୍ପାଟିଏ ବାରେଜାଣା ପାଲେଏ ଆତେରି । ଇଞ୍ଜି ଜୀସୁ ଏଞ୍ଜାଣାଇଁ ତୀଗାହାଁ ନେହୁଁ କିହାନା ମୀ ଇଜ ହାଲମୁ ଇଞ୍ଜି ହେଲ ହୀତେସି । ୫ ଇଞ୍ଜି ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ବିତ୍ରାଟି ଆତ୍ମାଆସି ମୀରୁଏସି କି କଡି ଜମିନି ଦିନାତା କୁହିତା ରିତିହିଁ ଏ ଦେବୁଣିଏ ଦେଞ୍ଜା କଡଅସି କି?” ୬ ଅଡେ ଏଞ୍ଜାରି ଇ ବାରେ କାତା ଖେଞ୍ଜାନା ଏନାଆଁ ଜଲାଇଁ ଆତାଆତେରି । ୭ ବଜିତା ହାବ୍‌କି ଆହାମାଚାରି ନେହୁଁ ନେହୁଁ ଚାୟୁତା କୁଗାଲି ବାଟି କିହିମାଚାଣି ମେସାନା, ଏଞ୍ଜାରାଇଁ ର ପୁଣ୍ଡିକିନି କାତା ଖେସ୍ତେସି, ୮ “ଏଚିବେଲା ରଅସି ମିଢ୍ଫେ ବୀହା ବଜିତା ହାଚାନେସି, ଏମ୍ପାଆଁ ନେହୁଁ ଚାୟୁତା କୁଗାଆଦୁ, ଇଚିହିଁ ଏମ୍ପାଆଁ ନୀ କିହାଁ କାଜାସି ଜିକେଏ ହାବ୍‌କି ଆହାଡ଼ୟିନେସି, ୯ ଏଚେତା ନିଢ୍ଫେ ଅଡେ ଏଞ୍ଜାଣାଇଁ ହାଚା ମାନାସି, ଏଞ୍ଜାସି ଖାହାନା ଇଞ୍ଜାଣାକି ଇ ଚାୟୁ ପିସାହୀମୁ ଇଞ୍ଜାନେସି, ଏଚେତା ନୀନୁ ଲାଜାତଲେ ଉଣା ଚାୟୁତା କୁଗିଦି । ୧୦ ସାମା ଏଚିବେଲା ନୀନୁ ହାବ୍‌କି ଆହାମାନି ତାଣା ହାଜାନା ତୁଇତି ଚାୟୁତା କୁଗାମୁ, ଏଚେଟିଏ ନିଢ୍ଫେ ହାଟି କିହାମାଞ୍ଜାନାସି, ଏ ତଣେ ନୀନୁ ଇ ନେହୁଁ ଚାୟୁତା କୁଗାମୁ ଇଞ୍ଜି ହାଚାସାରେ ଏଚିବେଲା କୁଡ଼ା ଆହାମାନି ଲକୁ ନକିତା ଗାଡି ମାନି ବେଟାଆଦି । ୧୧ ଇଚିହିଁ ଆତ୍ମାଆସି ନୀନୁ କାଜାତେଏଁ ଇଞ୍ଜି ଇଞ୍ଜି କତିନାଣାଇଁ ଉଣା କିଞ୍ଜିଆନେ, ଅଡେ ଆତ୍ମାଆସି ତାଢ୍ଫେ ଉଣା କିହାକଡିନେସି ଏଞ୍ଜାଣାଇଁ କାଜାସି କିଞ୍ଜିଆନେ ।” ୧୨ ଇଞ୍ଜି ଜୀସୁ ତାଢ୍ଫେ ହାଟି କିହା ମାଚାଣାଇଁ ଜିକେଏ ଏଲେଇଚେସି, “ନୀନୁ ବଜି ହୀନାଟି ନୀ ତଣେସିଢ୍ଫାଣି, ତାୟିୟାଁ, ସାମ୍‌ନ୍ତିୟାଁ କି ନୀ ନୀୟୁତା ମାନି ଦନ ଗାଚାରାଇଁ ହାଚାଆନି, ଇଚିହିଁ ଏଞ୍ଜାରି ଜିକେଏ ନିଢ୍ଫେ ହାଗାଲି ଆତାନେରି ଅଡେ ନୀନୁ ଖେଣ୍ଡେ ବେଟାଆଦି । ୧୩ ସାମା ବଜି କିତିସାରେ ହିଲାଆ ଗାଚାରି, କଲାଇଁ, ସଚାୟାଁ, କାଣାୟାଁଣି ହାଚାମୁ: ଆଚିହିଁ ନୀନୁ ନେହାଁତି ଆଦି, ୧୪ ଆଚିହିଁ ନିଢ୍ଫେତାକି ନେହୁଁ, ଇଚିହିଁ ନିଢ୍ଫେ ଖେଣ୍ଡେ

ହାହାଲି ଏଝାରିତାଣା ଏନାୟି ହିଲେଏ; ଇଞ୍ଜି ତାରିଗାଟାରି ଖେଣ୍ଡେ ନିଢ଼ିନାଟି  
 ମାହାପୁରୁ ନିଢ଼େ ଖେଣ୍ଡେ ହିୟାନେସି ।” ୧୫ ଇ କାତା ଖେଞ୍ଜାନା ଏଝାଣିତଲେ  
 ତିଞ୍ଜାଲି କୁଗାମାଟାରି ବିତ୍ରାଟି ରଅସି ଜୀୟୁଇଁ ଏଲେଇଚେସି, “ଆମିନିଗାଟାସି  
 ମାହାପୁରୁ ରାଜିତା ବଜି ତିନାସି ଏଝାସି ନେହାଁସି ।” ୧୬ ସାମା ଜୀୟୁ ଏଝାଣାଇଁ  
 ଏଲେଇଚେସି, “ରଅସି ର କାଜା ବଜି ଲକୁକି ହାଇଁ ଇଞ୍ଜି ଅଣ୍ଡାପାନା ହାରେକା  
 ଲକୁଇଁ ହାଟିଚେସି; ୧୭ ଅଡେ ତିନି କାଟୁ ଆୟାଲିଏ, ଏଝାସି ହାଟାମାନି  
 ଲକୁତାଣା ତାନି ହଲେଏଣାଇଁ ପାଣ୍ଡାନା ଏଲେଇଚେସି, ‘ବାରେ ଆଚେୟିଏ  
 ନୀଏଟି ମୀରୁ ତିଞ୍ଜାଲି ଝାଦୁ ।’ ୧୮ ସାମା ବାରେଜାଣା ଏଝାଣାଇଁ ରଣ୍ଡିଏ  
 କାତା ଏଲେଇଚେରି, ରଅସି ଖେସ୍ତେସି, ‘ନାନୁ ଇଚାଣି ବୁନି କତାମାଇଁ ଏଦାଆଁ  
 ସିନିକିହାଲି ହାନାୟିମାନେ; ଏଦାଆଁତାକି ନାଢ଼େ କାର୍ମା ଅଣ୍ଡାପାମୁ ନାନୁ ଝାହାଲି  
 ଆଡଅଁ ।’ ୧୯ ଅଡେ ରଅସି ଏଲେଇଚେସି, ‘ନାନୁ ପାସା ହେରୁ କଡିୟାଁ  
 କତାମାଇଁ, ନାନୁ ଏଝାସିକାଣି ମାଡନାୟି ମାନେ ଏଦାଣିତାକି ନାଢ଼େ କାର୍ମା  
 ଅଣ୍ଡାପାମୁ ନାନୁ ଝାହାଲି ଆଡଅଁ ।’ ୨୦ ଅଡେ ରଅସି ଏଲେଇଚେସି, ‘ନାନୁ  
 ନୀଞ୍ଜୁ ବୀହା ଆହାମାଇଁ ଏଦାଆଁତାକି ନାନୁ ଝାହାଲି ଆଡଅଁ ।’ ୨୧ ଇଞ୍ଜି  
 ଏ ହଲେଏସି ଝାହାନା ବାରେ ତାନି ସାଞ୍ଜୁକାରିଇଁ ଖେସ୍ତେସି । ଏଚେଟିଏ ଏ  
 କାତା ଖେଞ୍ଜାନା ଏଝାସି କାର୍ବି ଆହାନା ତାନି ହଲେଏଣାଇଁ ଏଲେଇଚେସି,  
 ନାନୁ ତବେ ଗାଡାଟି ସାହଡାୟାଁ ଅଡେ ତାଣ୍ଡେଣାଁ ହାଜାନା ହିଲାଆଗାଟାରାଇଁ,  
 କଲାୟାଁ, ସଟାୟାଁ ଇଞ୍ଜି କାଣାୟାଁ ଇମ୍ପାଆଁ ହାଟାତାମୁ । ୨୨ ତାୟୁ  
 ଏ ହଲେଏସି ଏଲେଇଚେସି, ‘ଏ ପ୍ରୁ ନୀ କାତାତଲେ ବାରେ କିତମି ସାମା  
 ଇଲୁ ନେଞ୍ଜା ହିଲେଏ ।’ ୨୩ ଏମ୍ପାଟିଏ ସାଞ୍ଜୁକାରି ହଲେଏଣାଇଁ ଟାଣ୍ଡିଚେସି,  
 ‘କାଜା ଆଂଗେଣି ଅଡେ ମାର୍ନୁ ଡଇ ହାଜାନା ନା ଇଲୁ ଏନିକିଁ ନେଞ୍ଜିନେ  
 ଏଦାଆଁତାକି ଲକୁଣି ଝାହାଲି ଏଲେଇନାମୁ । ୨୪ ନାନୁ ଖେସିମାଞ୍ଜାଇଁ ତଲି  
 ହାଟାମାଟାରି ବିତ୍ରାଟି ରଅସି ଜିକେଏ ନା ବଜି ଝାଣ୍ଡାଲି ବେଟାଆଅସି ।”  
 ୨୫ ମାନୁ ଲକୁ ଜୀୟୁତଲେ ହାଜିମାଚେରି, ଏଝାସି ତାୟୁଝାକି ସିନିକିହାନା  
 ଏଝାଣାଇଁ ଏଲେଇଚେସି, ୨୬ “ଆମ୍ପାଆସି ନା ତାଣା ଝାହାନା ତାନି ତାଲି,  
 ତାଞ୍ଜି, ତକ୍ରି, ମୀର୍କା, ମାସ୍କା, ତାୟି ତାଢ଼ିସ୍ତାଣି ଅଡେ ତାନି ଜୀଞ୍ଜୁଟି ଜିକେଏ  
 ଅପଅସି ଏଝାସି ନା ସୀୟୁ ଆୟାଲି ଆଡଅସି । ୨୭ ଆମ୍ପାଆସି ତାନି କୁସ  
 ଡେକାନା ନା ଜେଚ ଜେଚ ଝାଅସି, ଏଝାସି ନା ସୀୟୁ ଆୟାଲି ଆଡଅସି  
 । ୨୮ ମୀ ବିତ୍ରାଟି ଆମ୍ପାଆସି ପାଡିକିହିଁ କଟା ଇଲୁ ଦସାଲି ଅଣ୍ଡିନେସି,

ଦହନି କାମା ରାଘୁହାଲି ଟାକାୟାଁ ଏନୁ କି ଏଉ ଇଞ୍ଜିହିଁ ଏମ୍ବାତି ଲେକା କିଅସିକି? ୨୯ ଏତେତା ଏଞ୍ଜାସି ପୁନାଦି ନିପହାନା ରାଘୁହାଲି ଆଡାଆସାରେ, ଏତେକା ଲୁକୁ ଏଦାଆଁ ମେହ୍ନେରି, ବାରେଜାଣା ଏଞ୍ଜାଣାଇଁ କାକ୍ନେରି, ୩୦ ଲୁକୁ ଏଞ୍ଜାଣାଇଁ ଲାଜାକିହିଁ ଏଲେଇନେରି, ଇଞ୍ଜାସି ଇଲୁ ଦସାଲି ମାଟ୍‌ହେସି ରାଘୁହାଲି ଆଡାଆତେସି । ୩୧ ର ରାଜା ଅର ରାଜା କପାଟି ଜୁଜୁ କିହାଲି ହାଜିମାନାଟି ଦସ ମାଣା କସ୍‌କା ଏଞ୍ଜାଣି କଡେ ମାଣା କସ୍‌କା କପାଟି ଜୁଜୁ କିହାଲି ଆଡିନେରିକି ଆଏ ଇଞ୍ଜି ଅଣ୍‌ପଅସିକି? ୩୨ ଆଡାଆଲେହେଁ ଇତିହିଁ ଏ ରାଜା ହେକ ମାନାଟିଏ ଏଞ୍ଜାସି ରାଜିମାନା ଆୟାଲି କସ୍‌କାଣି ହିଡ଼ି ତାକି ଏଲେଇଞ୍ଜା ପାଣ୍ଡିନେସି । ୩୩ ଏଲେକିହିଁଏ ମୀ ବିତ୍ରାଟି ଜିକେଏ ଆମ୍ବାଆସି ତାନି ବାରେ ପିହ୍‌ଆତିହିଁ ଏଞ୍ଜାସି ନା ସୀସୁ ଆୟାଲି ଆଡଅସି ।” ୩୪ “ହାରୁତ ନେହାୟି; ସାମା ହାରୁ ମୁଆସାରେ ଏଦାଆଁ ଏନିକିଁ ଅଡେ ଏନାଆଁତଲେ ହାରୁ ଲେହେଁ ମୁପି କିନାୟି? ୩୫ ଏଦି ବୁମିତା କି ଗାତା କରୁତା କୁତୁସାଲି ଜିକେଏ ଜଗେ ଆଏ । ଲୁକୁ ଏଦାନି ପାଞ୍ଜୁତା କୁତା ରୁହ୍‌ନେରି । ଆମ୍ବାଆରି ଖେଞ୍ଜାଲି କୀର୍କା ମାଟିହିଁ, ଖେଞ୍ଜୁ ।”

**୧୫** ର ଦିନା ସିସୁ ରାହ୍‌ନାରି ଅଡେ ପାପୁ ଗାଟାରି ବାରେଜାଣା ତାନି କାତା ଖେଞ୍ଜାଲି ଖିମାତେରି । ୨ ଏତେଟିଏ ପାରୁସିୟାଁ ଅଡେ ମେରାପୁନାରି ଜୀସୁଇଁ ଗୁରୁମୁରୁ ଆହିଁ ଏଲେଇତେରି, “ଇଞ୍ଜାସି ପାପୁ ଗାଟାରାଇଁ ଆବିମାନେସି, ଇଞ୍ଜିଁ ଏଞ୍ଜାରିତଲେ ତିଞ୍ଜି ଉଣ୍ଡି ମାନେସି!” ୩ ଏମ୍ବାଟିଏ ଜୀସୁ ଏଞ୍ଜାରାଇଁ ଇ ପୁଣ୍ଡିକିନି କାତା ଖେସ୍‌ସେସି । ୪ “ମୀ ବିତ୍ରାଟି ଆମ୍ବାଆତେରି ଇଲେତି ଲୁକୁ ମାଞ୍ଜେରି, ଏଞ୍ଜାଣାକି ପାସାକଡ଼ି ମେଣ୍ଡାୟାଁ ମାଟିହିଁ, ଏଞ୍ଜାସିକା ବିତ୍ରାଟି ରଣ୍ଡି ଜାଢ଼ିତିହିଁ ଏଞ୍ଜାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଟାତା ପିସାନା ଜାଞ୍ଜୁମାନି ମେଣ୍ଡା ପାଣ୍ଡି ପାତେକା ପାରଅସି କି? ୫ ଇଞ୍ଜିଁ ବେଟାଆଡିସାରେ ରାହ୍‌ତଲେ ତେକାନା ଇଜ ତାନେସି, ୬ ଇଞ୍ଜିଁ ତାନି ତଣେସିଞ୍ଜାଣି ଅଡେ ନାୟୁତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହ୍‌ କିପୁ, ଏନାଆଁତାକି ଇତିହିଁ ଜାଞ୍ଜୁମାଟି ନା ମେଣ୍ଡା ବେଟାଆତେଏଁ । ୭ ନାନୁ ମିଢ୍ଢେ ଖେସିମାଞ୍ଜାଇଁ, ଏଲେକିହିଁଏ ମନ ଖେଟ୍‌ହାଲି ଲଡ଼ା ଆଆଗାଟି ରଅସି ଉଣା ପାସାକଡ଼ି ତାରିଗାଟାରି କିହିଁ ପାପୁ ଗାଟାସି ରଅସି ତାନି ମନ ଖେଟ୍‌ହା କଡିତିହିଁ, ଏଞ୍ଜାଣି କସମି ଲାକପୁରୁ ହାରେକା ରାହ୍‌ ଆନେ ।” ୮ “ଅଡେ ଇଲେତି ଆମିନି ଇୟା ମାନେ, ଏ ଇୟାନାକି ଦସଗଟା ଖେଣ୍ଡି ଟାକା

ମାଟିହିଁ ରଣୁଆଁ ଜାକହିଁହିଁ ଏଦି ଏନାଆଁ କିନେ, ଦୀଝିଁ ତୁସାନା ଇଲୁ ହେପାନା  
 ଏ ଜାକହିଁ ଟାକା ପାଣ୍ଡି ପାତେକା ଜାତୁନୁ ତଲେ ପାରେଏକି? ୯ ଇଞ୍ଜୁଆଁ ଏ  
 ଟାକା ବେଟାଆତିସାରେ ଏଦି ତାନି ତୁଲୁ ଲକୁଣି ଇଞ୍ଜୁଁ ନାୟକାତି ଲକୁଣି ରୁଣ୍ଡି  
 କିହାନା ଏଲେଇନେ ନା ତଲେ ରାହାଁ କିଦୁ, ଏନାଆଁତାକି ଇତିହିଁ ଜାକହାମାତି  
 ଟାକା ବେଟାଆତେଏଁ । ୧୦ ନାନୁ ମିଢୁ ଖେସିମାଞ୍ଜାଇଁ, ଏଲେକିହିଁ ଆମ୍ବାଆସି  
 ମନ ଖେବ୍ନେସି, ଇଲେତି ପାପୁ ଗାଟାରାକି ମାହାପୁରୁତି ଦୂରୁୟାଁ ନକିତା  
 ରାହାଁ ଆନେ ।” ୧୧ ଜୀୟୁ ଅଡ଼େ ଏଲେଇରେସି, ରଥଣାକି ରିଆରି ମୀର୍କା  
 ମାରେରି । ୧୨ ଏଞ୍ଜାରି ବିତ୍ରାଟି ଉଣା ମୀର୍କସି ଆବାଇଁ ଏଲେଇରେସି, ଆବା  
 ଇଲୁତି ଦନ ବାଟି କିହାନା ନାଢ଼େ ଆୟାନି ବାଗା ହିୟାମୁ । ଏରେଟିଏ ତାମି  
 ଆବା ତାନି ଦନ ବାଟି କିହାନା ରୀ ମୀର୍କକାକି ହୀତେସି । ୧୩ ଏମ୍ବାଟିଏ  
 ଏଚରଦିନା ହାଜାଲିଏ ଇତି ମୀର୍କସି ଇଲୁ ବାଗା ହୀହାମାତାଣି ପାରୁତାହାଁ  
 ଟାକାୟାଁ ଆସାହାଁ ହେକରାଜି ହାଜାତୁସେସି, ଇଞ୍ଜୁଁ ଲେନିପନିଏ ତାୟୁ ଏସକି  
 ଅଶ୍ୱାଆନା ଲାଗେଏତି କାମାତା ତାନି ଦନ ରାପୁହେସି । ୧୪ ସାମା ବାରେ  
 ଦନ ରାପୁହିଁ ଜେଚ ଏ ଦେସାତା କାରୁଖୁ କାତାରା ଆହାଲିଏ ଏଞ୍ଜାସି କାକୁଲି  
 ଆତେସି । ୧୫ ଏରେଟିଏ ଏଞ୍ଜାସି ହାଜାନା ଏ ଦେସାତି ର ସାଖୁକାରି ତାଣା  
 ଗତି ତୁୟିତେସି, ଏଞ୍ଜାସି ଏଞ୍ଜାଣାକି ପାଜିୟାଁ ମେଚାଲି ଗୁଡିୟାତା ପାଣ୍ଡିତେସି;  
 ୧୬ ଇଞ୍ଜୁଁ ପାଜିୟାଁ ଆମିନି କାଢ଼ା ସାଲିୟାଁ ତିଞ୍ଜୁ ମାରୁ, ଏଞ୍ଜାଆଁ ତିଞ୍ଜୁଲି ମନ  
 କିତେସି, ସାମା ଆମ୍ବାଆରି ଏଞ୍ଜାଣାକି ତିଞ୍ଜୁଲି ହୀହିଁ ହିଲିଆତେରି । ୧୭ ର  
 ଦିନା ତୀରୁପୁ ଆହାନା ଅଶ୍ୱପିତେସି, ମା ଆବା ତାଣାତି ଗତି ବୁତି ତିନି ରାନ୍ଦେଏ  
 ହାରା ହାଜିମାନେ, ସାମା ନାନୁ ଇମ୍ବାଆଁ ହାକି ତାକି ହାହିମାଇଁ । ୧୮ ନାନୁ  
 ନିଢୁନା ମା ଆବା ତାଣା ହାଇଁ ଇଞ୍ଜୁଁ ଏଞ୍ଜାଣାଇଁ ଖେହୁଇଁ, “ଲକପୁରୁତି ଆବା  
 କପାଟି ଅଡ଼େ ନୀ ନକିତା ନାନୁ ପାପୁ କିତେଏଁ; ୧୯ ନୀ ମୀର୍କସଣାତେଏଁ ଇଞ୍ଜୁଁ  
 ନାନୁ ଅଡ଼େ ପାଡ଼ା ଆଅଁ; ନାଢ଼େ ର ହଲେଏଣା ଲେହେଁ ଇଟାମୁ ।” ଏମ୍ବାଟିଏ  
 ଏଞ୍ଜାସି ନିଢୁନା ତାମି ଆବା ଖାକି ହାତେସି । ୨୦ ସାମା ଆବା ତାନି ମୀର୍କସଣା  
 ଖାହିମାନାଣି ହେକଟିଏ ମେସାନା କାର୍ମା ଆହାନା ହଟି ହଟିହିଁ ହାଜାନା ପମାହାଁ  
 ନଶ୍ୱିତେସି । ୨୧ ଏମ୍ବାଟିଏ ମୀର୍କସ ଗାଟାସି ଏଲେଇରେସି, “ଲକପୁରୁ ଆବା  
 କପାଟି ଅଡ଼େ ନୀ ନକିତା ନାନୁ ପାପୁ କିତେଏଁ, ନୀ ମୀର୍କସଣାତେଏଁ ଆୟାଲି  
 ପାଡ଼ା ଆଅଁ ।” ୨୨ ସାମା ଆବା ତାନି ହଲିୟାଢ଼ାଣି ଏଲେଇରେସି, “ଅଜିତି  
 ହିମ୍ବୁରି ତବେ ତାତାନା ଇଞ୍ଜାଣାଇଁ ହୁତି କିଦୁ, ଇଞ୍ଜାଣି କେୟୁତା ମୁଦି ଅଡ଼େ

କତାୟଣା ସେପୁୟାଁ ତୁରଞ୍ଜି କିଦୁ, ୨୩ ଇଞ୍ଜାହାଁ ଆଢ଼ୁ ଆତି କଡ଼ି ଡାଲୁ  
 ତାକା ହାଜାନା ପାୟାଦୁ: ମାର ତିଞ୍ଜା ଉଣ୍ଡାନା ରାହାଁ କିନ, ୨୪ ଇତିହିଁ ନା  
 ମାରୁଏସି ହାହା ହାଜାମାରେସି, ଖେଣ୍ଡେ ନୀତାମାନେସି; ଜାଢ଼ୁ ହାଜାମାରେସି  
 ଅଡ଼େ ମେଡ଼ା ଆୟାତେସି ।” ଏମ୍ପାଟିଏ ଏଞ୍ଜାରି ରାହାଁ କିହିମାରେରି । ୨୫  
 ଏତିବେଲୀତା କାଜା ମାରୁଏସି ଗୁଡ଼ିୟାତା ମାରେସି, ଏଞ୍ଜାସି କାମା କିହାଁ  
 ଇଲୁ ତାଗେ ଖାୟାଲିଏ, ତାମି ଇଜ ବାଜାଗାଜା ଅଡ଼େ ରାହାଁ କିହିମାନି  
 ହାଲି ଖେଞ୍ଜାନା, ୨୬ ର ହଲେଏଶାଈଁ ହାଟାନା ଖେରେସି, “ମାଜ ଏନାଆଁ  
 କିହିମାନେରି ।” ୨୭ ଏଞ୍ଜାସି ଏଞ୍ଜାଶାଈଁ ଏଲେଇରେସି, “ନୀ ଉଶା ତାୟି ଖେଣ୍ଡା  
 ଖାହାମାନେସି, ଅଡ଼େ ଏଞ୍ଜାସି ନେହିଁ ଆଢ଼ୁ ତଲେ ଖେଣ୍ଡା ଖାତାଣି ମେସାନା  
 ମୀ ଆବା ଆଢ଼ୁ ଆତି କଡ଼ି ପାୟାମାନେସି ।” ୨୮ ଏମ୍ପାଟିଏ କାଜା ତାୟି  
 କାର୍ବି ଆହାନା ଇଜ ହାଲାଆତେସି; ସାମା ତାମି ଆବା ପାଢ଼ୁତା ଖାହାନା  
 ଏଞ୍ଜାଶାଈଁ କାହିବା କପା ଆଆନି ଇଜ ଖାମୁ ଇଞ୍ଜି ବାତିମାଲିତେସି । ୨୯  
 ଇଞ୍ଜି ଏଞ୍ଜାସି ତାମି ଆବାଈଁ ଏଲେଇରେସି, “ମେହ୍ମୁ ନାନୁ ଇଚର ବାସୀ  
 ଆତେ ନୀ ହଲେଏଶା ଲେହେଁ କାମା କିହିମାଈଁ, ଏରେଲା ଜିକେଏ ନୀ ହୁକୁମି  
 ଉରାହିଲଅଁ, ଆତିଜିକେଏ ନା ତୁଣେସିଢ଼ୁ ତଲେ ବଜି କିହାଲି ନୀନୁ ନାଢ଼େ ର  
 ଗରି ଡାଲୁ ଜିକେଏ ହାହାମାଞ୍ଜୁଅତି; ୩୦ ସାମା ଇ ନୀ ମାରୁଏସି ଇଲୁତି ବାରେ  
 ଦନ ଅହାନା ସାନେଣିସ୍ତାତଲେ ମାଞ୍ଜାନା ବାରେ ରାପୁହେସି, ଏଚେତା ଇଞ୍ଜାସି  
 ଖେଣ୍ଡାଖାତେସି, ଏଚେତା ଏଞ୍ଜାଶାକି ଆଢ଼ୁ ଆତି କଡ଼ି ପାୟାମାଞ୍ଜି ।” ୩୧  
 ଏଚେଟିଏ ତାଞ୍ଜି ଗାଟାସି ଏଲେଇରେସି, “ମାରୁଏଶା ନୀନୁତ କାଲେଏ ନା  
 ତଲେ ମାଞ୍ଜୁମାଞ୍ଜି, ଅଡ଼େ ଏନା ଏନାୟି ନାଦି ଏ ବାରେତ ନୀଦି; ୩୨ ସାମା ଇ  
 ନୀ ତାୟି ହାହା ହାଜାମାରେସି, ଖେଣ୍ଡେ ନୀତାମାନେସି, ଜାଢ଼ୁ ହାଜାମାରେସି,  
 ମେଡ଼ା ଆୟାତେସି, ଏଦାଆଁତାକି ରାହାଁ କିନାୟି ମାରେ ।”

**୧୭** ଜୀସୁ ତାନି ସୀସୁୟାଁଈଁ ଏଲେଇରେସି, “ର ଦନଗାଟାସି ମାରେସି;  
 ଏଞ୍ଜାଶାକି ର ଗୁମୁସ୍ତା ମାରେସି, ଏଞ୍ଜାସି ତାନି ଦନତି ଆଲାରା କିହାମାନାଣି  
 ପୁଞ୍ଜାନା, ୨ ଏଞ୍ଜାସି ଏଞ୍ଜାଶାଈଁ ହାଟାନା ଏଲେଇରେସି, ‘ନାନୁ ନୀ କାତା  
 ଖେରେଏଁ ନୀନୁ ନୀ ଗୁମୁସ୍ତା କାମା ଏନି କିହିମାଞ୍ଜି ଲେକା ତସ୍ତାମୁ, ଇତିହିଁ ନୀନୁ  
 ଅଡ଼େ ଗୁମୁସ୍ତା ଆହା ମାଞ୍ଜୁଲି ଆତଅତି ।’ ୩ ଏମ୍ପାଟିଏ ଏ ଗୁମୁସ୍ତା ଅଶ୍ୱା  
 କଡ଼ିତେସି, ‘ନା ସାଞ୍ଜୁକାରି ନା ଗୁମୁସ୍ତା କାମା ପିସ୍ପି କିହିମାଞ୍ଜାନେସି, ନାନୁ  
 ଏନାଆଁ କିଇଁ? ଇରଥା କାର୍ହାଲି ନାଢ଼େ ବପୁ ହିଲେଏ, ଅଡ଼େ ରୀସ୍ୱା ତିଞ୍ଜାଲି

ଲାଜା ହୁତି ମାଞ୍ଜାନେ । ୪ ନୀର୍ଦ୍ଦେଶ୍ୟୁ, ନାଢ଼େ ଗୁମୁସ୍ତା ପାଣାଟି ପିସ୍ପି  
 କିୟାତି ଡାୟୁ ଲକ୍ଷୁ ନାଢ଼େ ତାମି ଇଲକାଣା ଆବାନିଲେହେଁ କିଲ୍ । ୫ ଇଞ୍ଜି  
 ଏଞ୍ଜାସି ତାମି ସାଞ୍ଜୁକାରି ତାଣାଟି ରୀଣା ଅହାମାତାରାଇଁ ହାଟାନାହାଁ ତଲିତାଣାଇଁ  
 ଝେରେସି, ‘ନା ସାଞ୍ଜୁକାରି ତାଣା ନୀ ରୀଣା ଏରେକା ମାନେ?’ ୬ ଏଞ୍ଜାସି  
 ଏଲେଇରେସି, ‘ପାସାକଡ଼ି ଡାବା ନିୟୁଁ ଗୁମୁସ୍ତା ଏଞ୍ଜାଣାଇଁ ଏଲେଇରେସି, ‘ନୀନୁ  
 ତବେ ଇମ୍ପାଆଁ କୁଗାନା ରୀ କଡ଼ି ଦସ ଇଞ୍ଜି ରାତାମୁ ।’ ୭ ଡାୟୁ ଅଡ଼େ ରଅଣାଇଁ  
 ଝେରେସି, ‘ନୀନୁ ଏରେକା ରୀଣା ଅହାମାଞ୍ଜି?’ ଏଞ୍ଜାସି ଏଲେଇରେସି, ‘ର  
 ମାଣା ବାସ୍ତା ଗହ୍ମୟାଁ ଗୁମୁସ୍ତା ଏଞ୍ଜାଣାଇଁ ଏଲେଇରେସି, ‘ନୀନୁ ତବେ ଇମ୍ପାଆଁ  
 କୁଗାନା ଆଟା ଝାଞ୍ଜା ଇଞ୍ଜି ରାତାମୁ ।’ ୮ ଏ ଲାଗେଏତି ଗୁମୁସ୍ତା ବୁଦିତଲେ  
 କାମା କିହାମାନାକି ସାଞ୍ଜୁକାରି ଏଞ୍ଜାଣାଇଁ ନୀନୁ ନେହିଁ କାମା କିହାମାଞ୍ଜି  
 ଇରେସି; ଏନାଆଁତାକି ଇଚିହିଁ ଉଜେଡ଼ିତି ମୀରୁକା କିହାଁ ଇ ଦାର୍ତ୍ତିତାରି ତାମି  
 କାମାତା ହାରେକା ବୁଦିଗାଟାରି ।” (aiōn g165) ୯ ନୀନୁ ଜିକେଏ ମିଢ଼େ  
 ଝେସିମାଞ୍ଜାଇଁ, “ମୀରୁ ଦାର୍ତ୍ତିତି ଲାଗେଏତି ଦନ ତଲେ ତଣେ ଦହୁ, ଏଦି  
 ରାଡ଼ିସାରେ ମିଢ଼େ କାଲାକାଲାତି ବାସା ଟାୟୁତା ମିଢ଼େ ଆବାନେରି । (aiōnios  
 g166) ୧୦ ଆମ୍ପାଆସି ଉଣା କାମାତା ନାମୁଗାଟାସି ଆନେସି ଏଞ୍ଜାସି କାଜା  
 କାମାତା ଜିକେଏ ନାମୁଗାଟାସି ଆନେସି, ଇଞ୍ଜି ଆମ୍ପାଆସି ଉଣା କାମାତା  
 ନାମୁଗାଟାସି ଆଆସାରେ ଏଞ୍ଜାସି କାଜା କାମାତା ଜିକେଏ ନାମୁଗାଟାସି ଆଅସି  
 । ୧୧ ଲାଗେଏତି ଦନତା ନାମୁ ଗାଟାତେରି ଆହାହିଲଅତେରି, ଆଡ଼ିହିଁ  
 ଆମ୍ପାଆସି ମିଢ଼େ ନାମାହାଁ ସାତା ଦନ ମୀ କେୟୁତା ହେର୍ପାନେସି? ୧୨  
 ମୀରୁ ଏଚ୍ଚକାତାଣା ଦନତି ନାମୁତଲେ ଚେମ୍ପା ହିଲାଆସାରେ ମିଢ଼େ ମୀ  
 ଲଡ଼ାମାନାଣି ଆମ୍ପାଆସି ହିୟାନେସି?” ୧୩ “ର ହଲେଏସି ରୀ ସାଞ୍ଜୁକାରି  
 ତାଣା ହଲେଏସି ଆହାଲି ଆଡ଼ଅସି; ଇଚିହିଁ ରଅଣାଇଁ ଜୀଞ୍ଜୁ ନନେସି ରଅଣାଇଁ  
 ଜୀଞ୍ଜୁ ନନେସି, ଆଆଡ଼ି ରଅଣାଇଁ ମାନଞ୍ଜି ଆନେସି ରଅଣାଇଁ ଅପଅସି ।  
 ମୀରୁ ମାହାପୁରୁ ଅଡ଼େ ଦନତି ହଲିୟାଞ୍ଜା ଆହାଲି ଆଡ଼ଅତେରି ।” ୧୪  
 ଇ ବାରେ କାତା ଝେଞ୍ଜାନା ଦନ ଜୁପକା ପାରୁସିୟାଁ ଜୀସୁଇଁ କାକ୍‌ହେରି ।  
 ୧୫ ଏରେଟିଏ ଜୀସୁ ଏଞ୍ଜାରାଇଁ ଏଲେଇରେସି, “ଆମ୍ପାଆରି ମାଣ୍ଡି ନକିତା  
 ତାରିଗାଟାରି ଇଞ୍ଜି ତସା କଡ଼ିମାନେରି, ମୀରୁ ଏଲେତି ଲକ୍ଷୁ ସାମା ମାହାପୁରୁ  
 ମୀ ହିୟାଡ଼ି ପୁନାସି ଇଚିହିଁ ଏନାୟି ମାଣ୍ଡି ଅଶ୍‌ପୁତା କାଜାୟି ଲେହେଁ ତଞ୍ଜା  
 ଆନେ, ଏଦି ମାହାପୁରୁ ନକିତା ଅପାଆଗାଟାୟି ।” ୧୬ “ମସାତି ମେରା ଅଡ଼େ

ମାହାପୁରୁ ଅଶ୍ୱତ୍ୱତି ବଳୁ ଖେଦନାରି ରାତିତି ପତି ଜହନ ପାତେକା ସାଲଖି  
 ଆହିମାରୁ: ଏତିବେଲାଟିଏ ମାହାପୁରୁ ରାଜିତି ନେହିଁ କାବୁ ଖେକ୍‌ହି ମାନେରି  
 ଇଞ୍ଜି ବାରେଜାଣା ତାମି ବାଡ଼୍‌ୟୁ ତଲେ ମାହାପୁରୁ ରାଜିତା ହୁଡ଼ିମାନେରି । ୧୭  
 ହାଗୁପାକା ଅଡ଼େ ଦାର୍‌ତି ବାରେ ମେଶ୍‌ଡ଼ିନେ ସାମା ମେରାତି ଇଚାୟି ସିନା  
 ଜିକେଏ ମେଶ୍‌ଡ଼ିନେ ।” ୧୮ “ଆମ୍ବାଆସି ତାନି ତକ୍‌ନି ପିସାନା ଏବ୍‌କାତାଣି  
 ବାହା ଆନେସି, ଏଞ୍ଜାସି ଦାରି କିନେସି; ଇଞ୍ଜି ଆମ୍ବାଆସି ପିସୁ ତକ୍‌ନି ବାହା  
 ଆନେସି, ଏଞ୍ଜାସି ଦାରେଲ୍‌ଆନେସି ।” ୧୯ “ର ଦନ ଗାଟାସି ମାରେସି, ଏଞ୍ଜାସି  
 ହାରେକା ଅଜିତି ହିମ୍ବିରଦୁକି ହୁତାନା ନେହିଁ ରାନ୍ଦା ତିଞ୍ଜିହିଁ ହାରେକା ରାହାତଲେ  
 ଡ଼ୟିମାରେସି । ୨୦ ସାମା ଏଞ୍ଜାଣି ଦୁଞ୍ଜେରି ଦାରିତା ଲାଜର ଦରୁଗାଟି ରାସ୍‌ପା  
 ତିନାସି ଡ଼ୟିମାରେସି, ୨୧ ଗୁଡ଼ା ଆଞ୍ଜା ଗାହାୟି ଆହାମାରେସି; ଏ ଦନ  
 ଗାଟାଣି ଲୁଟା ଲିତା ତିଞ୍ଜାନା ତାନି ବାଣ୍ଡି ପାଞ୍ଜିକିହାଲି ଆସା କିହିମାରେସି;  
 ଇଞ୍ଜି ନେସ୍‌କା ଖାହି ତାନି ଗାହାୟି ନାକିମାରୁ । ୨୨ ର ଦିନା କାର୍‌ମାଗାଟି  
 ଲାଜର ହାହାହାରେସି ଇଞ୍ଜି ଲାକପୁରୁତି ଦୁରୁୟି ତଲେ ଅବ୍ରାହାମ ମାତିତାଣା  
 ଅଞ୍ଜିଆଡେସି; ତାୟୁ ଏ ଦନ ଗାଟାସି ଜିକେଏ ହାହାହାରେସି ଇଞ୍ଜି ମାହୁଣି  
 ମାଣ୍ଡାତା ମୁସ୍‌ପି ଆଡେସି, ୨୩ ଅଡ଼େ ଏଞ୍ଜାସି ହାତାରି ମାନି ରାଜିତି କସ୍ତୁତଲେ  
 କିଲିବିଲି ଆହି ଲାକ ସିନିକିହାଲିଏ ହେକଟି ଅବ୍ରାହାମ ଅଡ଼େ ତାନିତଲେ  
 ଲାଜରଇଁ ମେସ୍ତେସି । (Hades ୨86) ୨୪ ଏଚେଟିଏ ଏଞ୍ଜାସି ହାଟିଡେସି, ‘ଏ  
 ଆବା ଅବ୍ରାହାମ, ନାଡ଼େ କାର୍‌ମା ଅଶ୍‌ପାନା ଲାଜରଇଁ ନା ତାଣା ପାଣ୍ଡାମୁ, ଏଞ୍ଜାସି  
 ତାନି ଖାଞ୍ଜୁତା ଏୟୁ ବନ୍ଦୁ ତାତାନା ନା ଖେନ୍ଦୁରିତି ହିଡ଼ି କିୟାପେସି, ଇଚିହିଁ  
 ନାନୁ ଇ ହିରୁତା କିଲିବିଲି ଆହିମାଇଁ ।’ ୨୫ ସାମା ଅବ୍ରାହାମ ଏଲେଇଚେସି,  
 ‘ମାର୍‌ଏଣା ନାନୁ ନୀତାମାଟି ବେଲାତା ନୀ ନେହାଣି ବେଟାଆତି, ଇଞ୍ଜି ଲାଜର  
 ଏଲେକିହିଁଏ ପଲ୍‌ଆ ଗାଟାଣି ବେଟାଆଡେସି, ଇଦାଆଁ ଅଶ୍‌ପାମୁ: ସାମା ନୀଏଁ  
 ଏଞ୍ଜାସି ଇମ୍ବାଆଁ ସୁକୁ ବେଟାଆହି ମାନେସି, ଅଡ଼େ ନାନୁ କିଲିବିଲି ଆହିମାଞ୍ଜି ।  
 ୨୬ ଅଡ଼େ ର କାତା ମୀ ମାଦି ମା ମାଦି ର କାଜା ଗାଡ଼୍‌ୟୁ ମାନେ, ଆମ୍ବାଆରି ଇ  
 ଚାୟୁଟି ମୀ ତାଣା ହାଜାଲି ମନ କିନେରି, ଏଞ୍ଜାରି ହାଜାଲି ଆଡ଼ଅରି ଆଆଟି  
 ଏ ଚାୟୁଟି ଇ ଚାୟୁତା ଗାଟାଣା ଖାୟାଲି ଆଡ଼ଅରି ।’ ୨୭ ଏମ୍ବାଟିଏ ଦନ  
 ଗାଟାସି ଏଲେଇଚେସି, ‘ଏ ଆବା, ଆତିହିଁ ନାନୁ ନିଡ଼େ ବାତିମାଲିମାଞ୍ଜାଇଁ,  
 ଲାଜରଇଁ ମା ଆବା ଇଜ ପାଣ୍ଡାମୁ, ୨୮ ଇଚିହିଁ ନା ପାସାଜାଣା ତାୟିୟି  
 ମାନେରି; ଏଞ୍ଜାରି ଜିକେଏ ଏନିକି ଇ କସ୍ତୁଗାଟି ଚାୟୁତା ଖାଅରି, ଏଦାଆଁତାକି



ଏଞ୍ଜି ସଞ୍ଜରିତାଣା ସାକି ହୀନେସି ।' ୨୯ ସାମା ଅବ୍ରାହାମ ଏଲେଇରେସି,  
 'ଏଞ୍ଜିରିତାଣା ମସା ଅଡେ ମାହାପୁରୁ ଅଶ୍ୱପୁତି ବଲୁ ଝେହ୍ନାରି ପତିୟାଁ ମାନୁ,  
 ଏଞ୍ଜିରି ଏ କାତାତି ଝେଶ୍ୱାମାରି ।' ୩୦ ଏମ୍ବାଟିଏ ଦନ ଗାଟାସି ଏଲେଇରେସି,  
 'ଏ ଆବା ଅବ୍ରାହାମ, ଏରେକେଏ ସାରି ଆଏ, ସାମା ହାତାରି ବିତ୍ରାଟି ରଥସି  
 ଏଞ୍ଜିରିତାଣା ହାନେସି ଆତିହ୍ନି ଏଞ୍ଜିରି ମନ ଝେଟ୍ନେରି ।' ୩୧ ସାମା ଅବ୍ରାହାମ  
 ଏଲେଇରେସି, ଏଞ୍ଜିରି ମସା ଅଡେ ମାହାପୁରୁ ଅଶ୍ୱପୁତି ବଲୁ ଝେହ୍ନାରି କାତା  
 ଝେନଅରି, ଆତିହ୍ନି ହାତାରି ବିତ୍ରାଟି ଝେଶ୍ୱେ ନିଢ୍ଢିଟି ଜିକେଏ ଏଞ୍ଜାଣି କାତା  
 ନାମଅରି ।"

**୧୭** ଜୀମୁ ତାନି ସୀସୁୟାଁଇଁ ଏଲେଇରେସି, "ଏମିନି ତାୟିପାରି କିନି ତାଣାଟି  
 ଲକୁ ପାପୁତା ହେର୍ନେରି, ଏ ବାରେ ପିଟଞ୍ଜି ଆଏ, ସାମା ତାୟିପାରି କିଞ୍ଜି  
 କିନାସି ଆୟୁତା ଏଞ୍ଜାସି ଗାଡି ତଣ୍ଡୁ ବେଟାଆନେସି; ୨ ଉଣା କକାରି ବିତ୍ରାଟି  
 ରଥଣାଇଁ ତାୟିପାରି କିନିବାଟା ତାନି ହେର୍କିତା କାଜା ଜେତାଞ୍ଜାଲି ଦସାନା  
 ସାମ୍ବୁରିତା ମେଡ୍‌ହିହିଁ ଏଞ୍ଜାଣାକି ନେହ୍ନେ ଆଡେମା । ୩ ମୀରୁ ମୀ ତାକି  
 ଜାଗ୍ରାତା ଆହାମାଞ୍ଜୁ ।" "ନୀ ତାୟି ପାପୁ କିନେସି, ଆତିହ୍ନି ଏଞ୍ଜାଣାଇଁ ଲାଗାମୁ:  
 ଏଞ୍ଜାସି ନାନୁ ପାପୁ କିଡେଏଁ ଇଞ୍ଜି ମନ ଝେଟ୍ନେହିଁ, ଏଞ୍ଜାଣି ପାପୁ ମ୍ଲେକ୍‌ହା  
 ତୁହ୍‌ମୁ । ୪ ଅଡେ ଏଞ୍ଜାସି ସାତା ପାଲି ନୀ କପାଟି ପାପୁ କିନେସି ଅଡେ ସାତା  
 ପାଲି ନୀ ତାଣା ଝେଶ୍ୱା ଝାହାନା ନାନୁ ମନ ଝେଟ୍ନେହିଁମାଇଁ ଇଞ୍ଜି ଇଞ୍ଜାନେସି  
 ଆତିହ୍ନି ଏଞ୍ଜାଣି ପାପୁ ମ୍ଲେକ୍‌ହା ତୁହ୍‌ମୁ ।" ୫ ଏରେଟିଏ ପାଶୁଞ୍ଜି ଆହାମାନାରି  
 ପ୍ରବୁଇଁ ଏଲେଇରେସି, "ମା ନାମୁତି ପାଡି କିୟାମୁ ।" ୬ ପ୍ରବୁ ଏଲେଇରେସି,  
 "ର ହାସ୍‌ସି ପାଡେୟି ଏରେକା ମୀ ନାମୁ ମାଡିହିଁମା, ଇ ତୁତୁକଲି ମାର୍‌ନୁତି  
 ହୀରୁତଲେ ମେଗାହାଜାନା ସାମ୍ବୁରିତା ଉହି ଆମୁ ଇତିହିଁ ଏଦି ମୀ କାତା  
 ମାନଞ୍ଜି ଆନେ ।" ୭ "ସାମା ମୀ ବିତ୍ରାଟି ଇଲେତାସି ଆମ୍ବାଆସି ମାନେସି,  
 ତାନି ହ୍ଲେଏସି ହେରୁ ତୁହାନା କି କଡିୟାଁ ମେତାନା ଝାଡିସାରେ ଏଞ୍ଜାସି  
 ଏଞ୍ଜାଣାଇଁ ଜୁରୁୟାଁ ଗହ୍‌ମୁଡେଁ ଇନେସି? ୮ ନାଢ୍ଢେ ତିଞ୍ଜାଲି ହିୟାମୁ, ନାନୁ  
 ତିଞ୍ଜାଲି ଆତାଆ ପାଡେକା ଟେଡେଲି ହିମ୍ବରି ରୁପାନା ନା ସେବା କିୟାମୁ, ଇଞ୍ଜି  
 ତାୟୁ ନାନୁ ତିନାମୁ ଇଞ୍ଜି ଏଞ୍ଜାଣାଇଁ ଏଲେଇନଅସି? ୯ ର ହ୍ଲେଏସି ସାଞ୍ଜୁକାରି  
 କାତା ମାନଞ୍ଜି ଆହାନା କାମା କିନାକି ଏଞ୍ଜାଣାଇଁ ଜହରା କିନେସିକି? ୧୦  
 ଏଲେକିହିଁଏ ମୀରୁ ଜିକେଏ ହୁକୁମି ତଲେ କାମା କିତି ତାୟୁ 'ମାମୁ ପାଡା ଆଆ  
 ହ୍ଲିୟାଞ୍ଜାତମି; ଏନାୟି ମାମୁ କିନାୟି ମାତେ ଏଦାଆଁ କିହାମାନମି' ଇଞ୍ଜେରି ।"

୧୧ ଜୀମୁ ଜିରୁସାଲମତା ହାଜିମାତାଟି ଗାଲିଲି ଅଡ଼େ ସମିରଣି ଦେସା ମାଦିଟି  
 ହାଜିମାରେସି । ୧୨ ଏମ୍ପାଟିଏ ଏଞ୍ଜାସି ର ନାୟୁତା ଏଗାହାଜାଲିଏ ଦସଜାଣା  
 କାଜା ରଗ ଗାଟାରି ଏଞ୍ଜାଣାଇଁ ବେଟାଆଡେରି; ୧୩ ଏଞ୍ଜାରି ହେକ ନିତାନା  
 କାଜା ଗିୟୁତଲେ ଏଲେଇରେରି, “ଏ ଜୀମୁ ଗୁରୁ ମାଡ଼େ କାର୍ମା ମେସ୍ତାମ୍ପା!”  
 ୧୪ ଜୀମୁ ଏଞ୍ଜାରାଇଁ ମେସାନା ଏଲେଇରେସି, “ମୀରୁ ହାଜାନା ପୁଜେରାଢ୍ଫା  
 ତାଣା ତଞ୍ଜା ଆକାଦୁ ।” ଅଡ଼େ ଏଞ୍ଜାରି ହାଜି ହାଜିହିଁ ନେହିଁ ଆଡେରି । ୧୫  
 ସାମା ଏଞ୍ଜାରି ବିତାଟି ରଅସି ତାନୁ ନେହିଁ ଆତାଣି ମେସାନା କାଜା ଗିୟୁତଲେ  
 ମାହାପୁରୁତି ଜହରା କିହିଁ କିହିଁ ଖେଣ୍ଡା ଖାହାନା, ୧୬ ଜୀମୁତି କତାୟୁଁ ଡ଼ଇ ମୁନୁ  
 କୁତାନା ଜହରା କିତେସି; ଏଞ୍ଜାସି ସମିରଣି ଲକୁ ମାରେସି । ୧୭ ଏଡେଟିଏ  
 ଜୀମୁ ଏଲେଇରେସି, “ଦସଜାଣା ନେହିଁ ଆଆଡେରିକି? ଅଡ଼େ ନ ଜାଣା ଏମ୍ପିୟା  
 ମାନେରି? ୧୮ ମାହାପୁରୁଇଁ ଜହରା କିହାଲି ଇ ଜୀହୁଦିଆଆତି ଲକୁ ପିସ୍ପେ  
 ଆମ୍ପାଆସି ଖେଣ୍ଡା ଖାଆଡେସି?” ୧୯ ଇଞ୍ଜିଁ ଜୀମୁ ଏଞ୍ଜାଣାଇଁ ଏଲେଇରେସି,  
 “ନିଢ୍ଫୁନା ହାଲାନୁ ନୀ ନାମୁ ନିଢ୍ଫେ ନେହିଁ କିହାମାଞ୍ଜାନେ ।” ୨୦ ମାହାପୁରୁତି  
 ରାଜି ଏରେଲା ଖାହିମାନେ, ଇ କାତା ପାରୁସିୟାଁ ଖେଞ୍ଜାଲିଏ ଏଞ୍ଜାସି ଏଞ୍ଜାରାଇଁ  
 ଏଲେଇରେସି, “ମାହାପୁରୁତି ରାଜି ତଞ୍ଜା ଆହିଁ ଖାଏ; ୨୧ ଇମ୍ପାଆଁ ମାନେକି  
 ଏମ୍ପାଆଁ ମାନେ ଇଞ୍ଜିଁ ଲକୁ ଖେସୁଅରି; ଇରିହିଁ ମାହାପୁରୁତି ରାଜି ମୀ ବିତ୍ରେଏ  
 ମାନେ ।” ୨୨ ଇଞ୍ଜିଁ ଜୀମୁ ତାନି ସୀସୁୟାଁ ଏଲେଇରେସି, “ଇଲେତି ବେଲା  
 ଖାନେ, ଏଡିବେଲା ମାଣ୍ଠସି ମୀର୍ଏଣାତି ର ଦିନା ମେସାଲି ମନ କିତିହିଁ ଜିକେଏ  
 ମେହୁଅଡେରି । ୨୩ ଏଡିବେଲା ଲକୁ ମିଢ୍ଫେ ଖେସ୍ତାନେରି, ଏଞ୍ଜାସି ଇମ୍ପାଆଁ  
 ମାନେସି ଏମ୍ପାଆଁ ମାନେସି; ସାମା ଏଞ୍ଜାରି କାତା ଆହୁଆଦୁ କି ଏଞ୍ଜାରିତଲେ  
 ତାକାଆଦୁ । ୨୪ ଏନିଇତିହିଁ ହାଗୁ ମୁହ୍ନାଟି ର କନଟି ଅର କନଞ୍ଜାକି ଉଜେଡି  
 ଆନେ, ଏଲେକିହିଁଏ ମାଣ୍ଠସି ମୀର୍ଏଣା ଦିନାତା ଆନେ । ୨୫ ସାମା ଏଞ୍ଜାସି  
 ଗାତି କସ୍ତ ପାଣ୍ଠନାୟି ମାନେ, ଇଞ୍ଜିଁ ଇ କାଲାତି ଲକୁ ଏଞ୍ଜାଣାଇଁ ଅପଅରି । ୨୬  
 ଅଡ଼େ ନହ ବେଲାତା ଏନିକିଁ ଆହାମାତେ, ମାଣ୍ଠସି ମୀର୍ଏଣାସି ଖାନି ଦିନାତା  
 ଜିକେଏ ଏଲେକିହିଁଏ ଆନେ; ୨୭ ନହ ଜାଜାତା ହୁଡ୍ନି ଦିନା ପାତେକା ଲକୁ  
 ତିଞ୍ଜି ଉଣ୍ଡିହିଁ ବୀହା କିୟାଲି ବୀହା ହିୟାଲି ହେରାମାରେରି, ଏଡିବେଲା କାଜା  
 ପିୟୁ ଖାତେ ଇଞ୍ଜିଁ ବାରେତି କୁପୁହାତୁସ୍ତେ । ୨୮ ଲଟ ବେଲାତା ଜିକେଏ  
 ଏଲେଏ ଆତେ, ଲକୁ ତିଞ୍ଜି ଉଣ୍ଡି ମାରେରି, କଡି ମାରେରି, ପାର୍ଟି ମାରେରି,  
 ମାର୍କା ଉହି ମାରେରି ଅଡ଼େ ଇଲକା କିହାଲି ହେରାମାରେରି, ୨୯ ସାମା

ଲଟ ସଦମ ଗାଡ଼ାଟି ହଟା ହାଲୁକିନିଏ, ଲାକପୁରୁଟି ହିରୁ ଅଡ଼େ ଗାନ୍ଧାରୁଣ୍ଡା  
 ଝାହାନା ବାରେଡି ନାସା କିଡେ । ୩୦ ମାଣ୍ଡି ମାରୁଣ୍ଡି ଝାନି ଦିନାତା ଜିକେଏ  
 ଏଲେଆହିଁଏ ଆନେ ।” ୩୧ “ଏ ଦିନା ଆମ୍ବାଆସି ଇଲୁ ଲାକ ମାନେସି, ଏଝାସି  
 ଇଲୁ ବିତ୍ରାମାନି ତାନି ଆସ୍ତି ଅହାଲି ରେଟା ଝାଆପେସି; ଏଲେକିହିଁଏ ଆମ୍ବାଆସି  
 ନେଝଏଲାତା ମାନସି ଇଜ ଝେଣ୍ଡା ଝାଆପେସି । ୩୨ ଲଟ ତକ୍ତିନି କାତା  
 ଅଶ୍ୱାଦୁ! ୩୩ ଆମ୍ବାଆସି ତାନି ଜୀଝୁତି ନୀଟହାଲି ମନ କିନାସି, ଏଝାସି  
 ନାସା ଆନେସି, ଅଡ଼େ ଆମ୍ବାଆସି ତାନି ଜୀଝୁତି ଆସା କିଆଗାଟାସି ଏଝାସି  
 ନୀଡିନେସି । ୩୪ ନାନୁ ମିଡ୍ରେ ଝେସିମାଞ୍ଜାଇଁ, ଏ ଲାଆଁୟାଁ ରିଆରି କାଚେଲିତା  
 ତୁରା ଡ଼ୟିନେରି, ରଅସି ଅଝିଆନେସି ଅଡ଼େ ରଅସି ଏମ୍ବାଆଁ ଡ଼ୟିନେସି । ୩୫  
 ରୀ ଇୟାସିକା ରଣ୍ଡିଏ ତାଣା ନୁୟିମାନୁ, ରଣ୍ଡି ଅଝିଆନେ ରଣ୍ଡି ଏମ୍ବାଆଁ ଡ଼ୟିନେ  
 । ୩୬ ରିଆରି ନେଝଏଲାତା ମାନେରି, ରଅସି ଅଝିଆନେସି, ରଅସି ଏମ୍ବାଆଁ  
 ଡ଼ୟିନେସି ।” ୩୭ ଏଚେଟିଏ ସୀସୁୟାଁ ଏଲେଇଚେରି, “ଏ ପ୍ରବୁ ଏମ୍ବିୟା?”  
 ଜୀସୁ ଏଲେଇଚେସି, “ମାଡ଼ହା ଏମ୍ବିୟାମାନେ ଏମ୍ବାଆଁ ରାମ୍ବାଣାୟାଁ ରୁଣ୍ଡା ଆନୁ  
 ।”

**୧୮** ଝାହାଆନା ଅଲେ ଅଲେ ପ୍ରାତାନା କିନାୟିମାନେ, ଇ କାତାତି ଜୀସୁ  
 ସୀସୁୟାଁୟାଁ ପୁଣ୍ଡିକିନି କାତାତଲେ ଝେସ୍ତେସି ୨ “ର ଗାଡ଼ାତା ର ନୀହାୟି  
 କିନାସି ମାଚେସି, ଏଝାସି ମାହାପୁରୁଇଁ ଆଜି ହିଲାଆଚେସି କି ମାଣ୍ଡିୟାଁୟାଁ  
 ଜିକେଏ ଅଶ୍ୱପି ହିଲାଆଚେସି । ୩ ଏ ଗାଡ଼ାତା ର ରାଣ୍ଡେଣି ମାଚେ, ଏଦି  
 ନୀହାୟି କିନାସି ତାଣା ଅଲେ ଅଲେ ହାଜିହିଁ ନାନୁ ନେହିଁ ନୀହାୟି କିହିଁ  
 ନା କ୍ୱାଟି ନିଝୁମାଞ୍ଜାନାଣା ତାଣାଟି ଗେଲ୍ପାମୁ ଇଞ୍ଜି ବାତିମାଲିମାଚେ ।  
 ୪ ଅଡ଼େ ଏଝାସି ଏଦାନି କାତା ଝେଞ୍ଜି ହିଲାଆଚେସି; ତାୟୁ ଏଝାସି ମନ  
 ମନତା ଅଶ୍ୱପିଚେସି, ନାନୁ ମାହାପୁରୁଇଁ ଆଜିହିଲଅଁ କି ମାଣ୍ଡିୟାଁୟାଁ ଅଶ୍ୱପି  
 ହିଲଅଁ, ୫ ଆଡିଜିକେଏ ଇ ରାଣ୍ଡେଣି ନାଡ୍ରେ କସ୍ତ ହାହିମାଞ୍ଜାନାକି ନାନୁ ତାନି  
 କ୍ୱାଟି ନିଝୁମାନି ନୀହାୟି ଡିକହାତୁହୁଇଁ, ଆଆଡିଁ ଏଦି ନାଡ୍ରେ ବାରେବେଲା  
 ଗିଜିଗିଜା କିହେମାଞ୍ଜାନେ ।” ୬ ଏମ୍ବାଟିଏ ପ୍ରବୁ ଏଲେଇଚେସି, “ଇ ଲାଗେଏଡି  
 ନୀହାୟି କିନାସି କାତା ଅଶ୍ୱପାଦୁ । ୭ ଆଡିହିଁ ମାହାପୁରୁ ଆଡିତି ଲୁକୁ ଲାଆଁ  
 ମାଦେନା ଏଝାଣାଇଁ ହାଟିହିଁ ଡ଼ୟିନେରି, ଏଝାସି କି ଏଝାରି ନୀହାୟି କିଅସି?  
 ଆଡିଜିକେଏ ଏଝାସି ଏଝାରି ସାତୁୟାଁକି ହାରେକା ଅର୍ହନାସି ଆନେସି କି?  
 ୮ ନାନୁ ମିଡ୍ରେ ଝେସିମାଞ୍ଜାଇଁ, ଏଝାସି ତବେ ଏଝାରି ତାକି କିଝି ଆହାମାନି

ପଲ୍ଲୀ କାମାତି ନାହାଁନ୍ତି କିନେସି, ଆଡିଜିକେଏ ମାଣ୍ଡି ମୀରୁଏସି ଦାର୍ତ୍ତିତା  
 ଖହାନା ନାମୁତି ମେହ୍ନେସିକି?" ୯ ତାମ୍ବେ ତାରିଗାତମି ଇଞ୍ଜି ଅଣ୍ଡାମା  
 ଏଟ୍ଟା ତାରାଈଁ ହାଣି କିନି ଲୁକୁଣି ଜୀସୁ ଇ ପୁଣ୍ଡିକିନି କାତା ଖେସ୍ତେସି,  
 ୧୦ ରିଆରି ପ୍ରାତାନା କିହାଲି ର ପ୍ରାତାନା ଇଲୁତା ହାରେରି, ରଅସି ପାରୁସି  
 ଅଡେ ରଅସି ସିସୁ ରାହ୍ନାସି । ୧୧ ପାରୁସି ନିତାନା ଇଲେକିହିଁ ପ୍ରାତାନା  
 କିତେସି, "ଏ ମାହାପୁରୁ ନାନୁ ନିଟ୍ଟେ ଜହରା କିହିମାଞ୍ଜାଇଁ, ନାନୁ ଏଟ୍ଟା  
 ଲୁକୁ ଲେହେଁ ଦାମ୍ବୁ ହିଲୀଆ ଗାଟାତେଏଁ ଆଏ, ସରୁ, ଦାରି ଗାଟାତେଏଁ ଆଏ  
 କି ଇ ସିସୁ ରାହ୍ନାଣି ଲେହେଁ ଜିକେଏ ଆଏ; ୧୨ ନାନୁ ଖାରା ତାକି ରା  
 ଦେବା ଉପାସା କିହିମାଈଁ, ଅଡେ ନାନୁ ବେଟାଆହି ମାନାଣି ବାରେ ଦସ  
 ବାଗାଟି ର ବାଗା ହାହିମାଈଁ ।" ୧୩ ସାମା ସିସୁ ରାହ୍ନାସି ହେକ ନିତାନା  
 ତାନି କାନୁ ଲାକପୁରୁ ଖାକି ଜିକେଏ ପେରୁହାଁ ସିନିକିହାଲି ସାସା କିଆତେସି,  
 ସାମା ତାନି ବକତା ଖେଟା କତାନା ଏଲେଇତେସି, "ଏ ମାହାପୁରୁ ନାନୁ ପାପୁ  
 ଗାଟାତେଏଁ ନାଟ୍ଟେ କାମା ମେସ୍ତାମୁ ।" ୧୪ "ନାନୁ ମିଟ୍ଟେ ଖେସିମାଞ୍ଜାଇଁ, ଏଖାସି  
 ଆଏ ସାମା ସିସୁ ରାହ୍ନାସି ତାରିଗାତାସି ଆହାନା ତାନି ଇଜ ହାରେସି;  
 ଏନିଇତିହିଁ ଆମ୍ବାଆସି ନାନୁ କାଜାତେଏଁ ଇଞ୍ଜି କତିନେସି, ଏଖାଣାଇଁ ଉଣା  
 କିଞ୍ଜିଆନେ, ସାମା ଆମ୍ବାଆସି ନାନୁ ଉଣାତେଏଁ ଇନେସି, ଏଖାଣାଇଁ କାଜାସି  
 କିଞ୍ଜିଆନେ ।" ୧୫ ଏଖାସି ଏନିକି କକାରି ପଦାଣି ତାଗିନେସି, ଏଦାଆଁତାକି  
 ଲୁକୁ ଏଖାଣାଇଁ ଜୀସୁ ତାଣା ତାତାଲି ମାଟ୍ଟହେରି; ସାମା ସୀସୁୟାଁ ଏଦାଆଁ  
 ମେସାନା ଏଖାଣାଇଁ ଦାକା ହାତେରି । ୧୬ ସାମା ଜୀସୁ କକାରି ପଦାଣି ତାଗେ  
 ହାଟାନା ଏଲେଇତେସି, "କକାରି ପଦାଣି ନା ତାଗେ ଖାହାଲି ହୀଦୁ, ଏଖାଣାଇଁ  
 କାହିକିଆଦୁ: ଏନିଇତିହିଁ ମାହାପୁରୁତି ରାଜି ଇଲେତାରାଖାୟି । ୧୭ ନାନୁ ମିଟ୍ଟେ  
 ସାତା ଖେସିମାଞ୍ଜାଇଁ, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଜି  
 ଆହ୍‌ଅସି ଏଖାସି ଏନିକି ଜିକେଏ ଏମ୍ବାଆଁ ହତାଲି ଆଡଅସି ।" ୧୮ ଜୀହୁଦି  
 ଲୁକୁ ବିତ୍ରାଟି କାଜାସି ଜୀସୁଈଁ ଖେରେସି, "ଏ ନେହିଁ ଗୁରୁ କାଲାକାଲାତି ଜୀସୁ  
 ବେଟାଆହାଲି ନାନୁ ଏନାଆଁ କିଈଁ?" (aiōnios g166) ୧୯ ଜୀସୁ ଏଖାଣାଇଁ  
 ଏଲେଇତେସି, "ନାଟ୍ଟେ ନେହାଁତି ଇଞ୍ଜି ଏନାଆଁତାକି ଏଲେଇଞ୍ଜିମାଞ୍ଜି? ଇତିହିଁ  
 ମାହାପୁରୁ ରଅସିଏ ନେହାଁସି ମାନେସି ଏଖାଣି ପିସ୍‌ପେ ଆମ୍ବାଆସି ନେହାଁସି  
 ହିଲଅସି । ୨୦ ହୁକୁମିକା ପୁଞ୍ଜାମାଞ୍ଜି, 'ଦାରି କିଆନି, ଲୁକୁଣି ପାୟାଆନି,  
 ସରୁ କିଆନି, ମିତିସାକି ହୀଆନି, ତାଲି ତାଞ୍ଜି କାତା ମାନି କିମୁ ।" ୨୧

ଦନଗାଟାସି ଏଲେଇରେସି, “ନାନୁ ଇ ବାରେ ଉଣାଝେଡ଼ାଟିଏ କିହିମାଇଁ ।”  
 ୨୨ ଜୀସୁ ଇ କାତା ଝେଞ୍ଜାନା ଏଞ୍ଜାଣାଇଁ ଏଲେଇରେସି, “ନାନୁ ର କାମା  
 କିନାୟିମାନେ; ନାନୁ ନୀ ତାଣା ମାନି ବାରେ ଦନବିତି ପାର୍ତନାହାଁ ହିଲୀଆ  
 ଗାଟାରାକି ଦାନା ହୀମୁ, ଇଞ୍ଜି ତାୟୁ ନୀନୁ ଲାକପୁରୁତା ଦନ ବେଟାଆଦି;  
 ଏରେଟିଏ ନା ଜେତ ଜେତ ଝାମୁ ।” ୨୩ ସାମା ଏଞ୍ଜାସି ଇ ବାରେ କାତା  
 ଝେଞ୍ଜାନା ହାରେକା ଦୁକୁ ଆଡେସି, ଇଚିହିଁ ଏଞ୍ଜାସି ବାଡ଼କୁ ଗାଟାସି ମାରେସି ।  
 ୨୪ ଏରେଟିଏ ଜୀସୁ ଏଞ୍ଜାଣାଇଁ ମେସାନା ଏଲେଇରେସି, “ଆମ୍ବାଆରି ଦନ  
 ମାନେ, ଏଞ୍ଜାରି ହାରେକା କସ୍ତଲେ ମାହାପୁରୁତି ରାଜିତା ହୁଡ଼ନେରି! ୨୫  
 ଇଚିହିଁ ମାହାପୁରୁତି ରାଜିତା ଦନଗାଟାସି ହୁଡ଼ନି କିହାଁ ଉଟୁ ସୁଜା କାଣିଟି  
 ହୁରାହାନାୟି ଉସାସା ।” ୨୬ ଏ କାତା ଝେଞ୍ଜିମାଚାରି ଏଲେଇରେରି, “ଆତିହିଁ  
 ଆମ୍ବାଆସି ଗେଲ୍ପି ଆହାଲି ଆଡିନେସି?” ୨୭ ଜୀସୁ ଏଲେଇରେସି, “ଏନାଆଁ  
 ଲକୁ କିୟାଲି ଆତାଆଗାଟାଣି ମାହାପୁରୁ କିହାଲି ଆଡିମାନେସି ।” ୨୮  
 ଏରେତା ପିତର ଜୀସୁଇଁ ଝେରେସି, “ମେହୁମୁ ମାମୁ ବାରେ ପିସାନା ନୀ  
 ଜେତ ଝାହିମାନମି ।” ୨୯ ଜୀସୁ ଏଞ୍ଜାରାଇଁ ଝେସ୍ତେସି, “ନାନୁ ମିଡ୍ରେ ସାତା  
 ଝେସିମାଞ୍ଜାଇଁ, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ତକ୍ରିନି,  
 ତାୟି, ତାଲି ତାଞ୍ଜି, ଅଡେ ମାର୍କା ମାସ୍କାଣି ପିସାମାନେରି, ୩୦ ଏଞ୍ଜାରି ଇ  
 ଜୁଗୁତା ହାରେକା ଆଗାଡ଼ା ବେଟାଆହାନା, ଝାନି ଜୁଗୁତା କାଲାକାଲାତି ଜୀସୁ  
 ବେଟା ଆନେସି ।” (aiōn g165, aiōnios g166) ୩୧ ଜୀସୁ ତାନି ବାରଜାଣା  
 ସୀସୁୟାଁଇଁ ହାଟାନା ଝେସ୍ତେସି, “ମେହୁମୁ ମାର ଜିରୁସାଲମତା ହାଜିମାନାୟି,  
 ଏମ୍ବାଆଁ ମାଣ୍ଡସି ମାର୍ଏଣି ତାକି ମାହାପୁରୁ ଅଣ୍ପୁତି ବଲୁ ଝେହନାରି ଏନା  
 ଏନାଆଁ ରାତାମାନେରି, ଏ ବାରେ ମାଣ୍ଡସି ମାର୍ଏଣା ତାଣା ସାତା ଆନେ;  
 ୩୨ ଇଚିହିଁ ଏଞ୍ଜାଣାଇଁ ଏଟ୍ଟକା କୁଡ଼ାତାରି କେୟୁତା ହେର୍ପିଆନେସି, ଇଞ୍ଜି  
 ଏଞ୍ଜାରି ଏଞ୍ଜାଣାଇଁ କାକ୍ନେରି, ଏଞ୍ଜାଣାଇଁ ହୀଣି କିହାନା ହୁପିନେରି, ୩୩  
 ଏଞ୍ଜାଣାଇଁ ସାଟ୍ଟି ତ୍ରିତଲେ ଝେଟାନା ପାୟିନେରି, ଇଞ୍ଜି ତାନି ଦିନାଟିଏ  
 ନିଡ୍ଡିନେସି ।” ୩୪ ସାମା ସୀସୁୟାଁ ଇ ବାରେ କାତା ପୁଞ୍ଜାଲି ଆତାଆତେରି; ଇ  
 କାତା ଏଞ୍ଜାରିତାଣା ତୁଗାନା ମାରେ, ଏନାଆଁ ଝେସ୍ପି ଆହିମାରେ ଏ ବାରେ  
 ପୁଞ୍ଜିହିଲୀଆତେରି । ୩୫ ଜୀସୁ ଜିରିହ ଗାଡ଼ାତା ଏଜିମାଚାଟି ର କାଣା ଜିରୁତା  
 କୁଗାନା ରୀସ୍ପିମାରେସି । ୩୬ ଏଞ୍ଜାସି ଲକୁତି ହାଜିମାନି ହାତା ଝେଞ୍ଜାନା,  
 “ଇଦି ଏନାୟି ଆହିମାନେ ଇଞ୍ଜି ଝେରେସି ।” ୩୭ “ନାଜରିତତି ଜୀସୁ ଇମ୍ବାଟି

ହାଜିମାନେସି” ଇଚ୍ଛୁଁ ଖେସ୍ତେରି । ୩୮ ଏଚେଟିଏ କାଣା କାଜା ଗିୟ୍ତଲେ ଏଲେଇଚ୍ଛୁ ଇଚେସି, “ଏ ଜୀସୁ ଦାଖୁଦ ମୀରୁଏଶାତି ନାଢ୍ଫେ କାର୍ମା ମେସ୍ତାମୁ ।” ୩୯ ସାମା ନକିତା ହାଜିମାଚାରି ଏଞ୍ଜାଣାଲ୍ ପାଲେଏ ମାଞ୍ଜାଲି ଦାକା ହାଚେରି, ସାମା ଏଞ୍ଜାସି ଅଡ଼େ କାଜା ଗିୟ୍ତଲେ ଏଲେଇଚେସି, “ଏ ଜୀସୁ ଦାଖୁଦ ମୀରୁଏଶାତି ନାଢ୍ଫେ କାର୍ମା ମେସ୍ତାମୁ ।” ୪୦ ଏଚେଟିଏ ଜୀସୁ ଏମ୍ପାଆଁ ନିଚାନା କାଣାଲ୍ ତାନି ଦାରିତା ତାଚାଲି ଚାଣ୍ଡିଚେସି; ଏଚେତା କାଣା ତାଗେ ଖାଚେସି ଇଚ୍ଛୁଁ ଜୀସୁ ଏଞ୍ଜାଣାଲ୍ ଖେଚେସି, ୪୧ “ନାନୁ ନିଢ୍ଫେତାକି ଏନାଆଁ କିଇଁ ଇଚ୍ଛୁଁ ମନ କିହିମାଞ୍ଜୁ?” କାଣା ଏଲେଇଚେସି, “ଏ ପ୍ରବୁ ନାନୁ ଏନିକିଁ ମେସାଲି ଆଡିଇଁ ।” ୪୨ ଜୀସୁ ଖେସ୍ତେସି, “ନାନୁ ମେହ୍ମୁ, ନୀ ନାନୁ ନିଢ୍ଫେ ନେହିଁ କିୟାଚେ ।” ୪୩ ଏ ଦେବୁଶିଏ ଏଞ୍ଜାସି ମେସାଲି ଆଡିଚେସି ଇଚ୍ଛୁଁ ମାହାପୁରୁତି ଜହରା କିହିଁ କିହିଁ ଜୀସୁ ଜେଚ ହାଚେସି, ଅଡ଼େ ଲକୁ ଏଦାଆଁ ମେସାନା ମାହାପୁରୁଇଁ ଜହରା କିଚେରି ।

**୧୯** ଜୀସୁ ଜିରିହତା ହତାନା ଗାଡ଼ା ମାଦିଟି ହାଜିମାଚେସି । ୨ ଏମ୍ପାଆଁ ଜକିୟୁ ଦରୁଗାଗାସି ରଅସି ମାଚେସି, ଏଞ୍ଜାସି ସିସୁ ରୀହ୍ନାରି ବିତ୍ରାଟି କାଜାସି ଅଡ଼େ ଏଞ୍ଜାଶାକି ହାରେକା ଦନ ମାଚେ । ୩ ଜୀସୁ ଏନିଲେହେଟାସି ଇଚ୍ଛୁଁ ଏଞ୍ଜାଣାଲ୍ ମେସାଲି ହାରେକା ମନ ମାଚେ, ସାମା ହାରେକା ଲକୁ ମାଚାକି ମେସାଲି ଆଡିହିଲିଆଚେସି, ଏନାଆଁତାକି ଇଚିହିଁ ଏଞ୍ଜାସି କୁଜା ମାଚେସି । ୪ ଏମ୍ପାଟିଏ ଏଞ୍ଜାସି ନକିତା ହଟି ହଟି ହାଜାନା ଜୀସୁ ହାନି ଜିରୁତା ଏଞ୍ଜାଣାଲ୍ ମେସାଲି ର ତୟା ମାର୍ନୁତା ହଚେସି, ଇଚିହିଁ ଜୀସୁ ଏ ଜିରୁତି ହାନାୟି ମାଚେ । ୫ ଜୀସୁ ଏମ୍ପାଆଁ ଏଜାନା ଲାକ ସିନିକିହାନା ହାଚିଚେସି, “ଆଡ଼େ ଜକିୟୁ ତବେ ରେଚାଖାମୁ ଇଚିହିଁ ନୀଞ୍ଜୁ ନାନୁ ମୀ ଇଜ ଗତା ଖାନାୟି ମାନେ ।” ୬ ଏଞ୍ଜାସି ତବେ ରେଚାଖାହାନା ଏଞ୍ଜାଣାଲ୍ ରାହାଟି ତାମି ଇଜ ହାଚିଚେସି । ୭ ଇଦାଆଁ ମେସାନା ବାରେ ଲକୁ ମୁରୁ ମୁରୁ ଆହିଁ କାତା ଆଚେରି, “ଇଞ୍ଜାସି ର ପାପୁ ଗାଟାରି ଇଜ ଗତା ହାଜିମାନେସି ।” ୮ ସାମା ଜକିୟୁ ନିଚାନା ପ୍ରବୁଇଁ ଏଲେଇଚେସି, “ଏ ପ୍ରବୁ ନାନୁ ନା ଦନତି ର ବାଗା ହିଲିଆ ଗାଟାଚାକି ହାଲ୍, ଅଡ଼େ ନାନୁ ଆମ୍ପାଆରି ତାଶାଟି ଏନାଆଁ ତାଚାମାଚିହିଁ ସାରି ବାଗା ଆଗାଡ଼ା ଖେଚ୍ଚଇଁ ।” ୯ ଏମ୍ପାଟିଏ ଜୀସୁ ଏଲେଇଚେସି, “ନୀଞ୍ଜୁ ଇ ଇଜତି ଲକୁତାକି ଗେଲ୍ପିନାୟି ଖାହାମାନେ, ଇଚିହିଁ ଇଞ୍ଜାସି ଜିକେଏ ଅବ୍ରାହାମତି କୁଡ଼ାଚାସି । ୧୦ ଇଚିହିଁ ଏନାୟି ଜାଞ୍ଜୁ ହାଜାମାନେ ଏଦାଆଁ

ପାରାମା ଗେଲ୍‌ପାଲି ମାଣ୍ଡି ମୀରୁଏସି ଖାହାମାନେସି ।” ୧୧ ଲୁକୁ ଇ କାତା  
ଖେଞ୍ଜି ମାଟାଟି ଏଝାସି ଅଡେ ର ପୁଣ୍ଡିକିନି କାତା ଖେସ୍ତେସି, ଇତିହ୍ ଏଝାସି  
ଜିରୁସାଲମ ତାଗେ ଆହାମାରେସି, ଇତିହ୍ ମାହାପୁରୁ ରାଜି ତବେ ଡଞ୍ଜାଆନେ  
ଇଞ୍ଜି ଅଣ୍ଡିମାରେରି । ୧୨ ଏଝାସି ଏଲେଇରେସି, “ର କାଜା କୁଡାତାସି  
ରାଜା ପାଣା ବେଟାଆହାଁ ଖେଣ୍ଡା ଖାଇଁଝା ଇଞ୍ଜି ର ହେକ ରାଜି ହାରେସି । ୧୩  
ଏଝାସି ତାନି ଦସଜାଣା ହଲିୟାଢ଼ାଣି ହାଟାନା ଏଝାରାକି ଦସଗଟା ଖେଣ୍ଡି  
ଟାକା ଲାକା ହାହାନା ଏଲେଇରେସି, ‘ନାନୁ ଖେଣ୍ଡା ଖାନି ପାତେକା ମୀରୁ  
ଇ ଟାକା ତଲେ ବେବାରା କିଦୁ ।’ ୧୪ ସାମା ତାନି ଦେସାତାରି ଏଝାଣାଇଁ  
ଅପିହିଲାଆରେରି, ‘ଇଝାସି ମାଢ଼େଟାକି ରାଜା ଆୟାଆପେସି’ ଇଞ୍ଜି ତାନି  
ଜେଟଏ କସକାଣି କାବୁ ଖେସା ପାଣ୍ଡିତେରି ।” ୧୫ ଡାୟୁ ଏଝାସି ରାଜା  
ପାଣା ବେଟାଆହାନା ତାନି ରାଜିତା ଖେଣ୍ଡାଝାରେସି, ଇଞ୍ଜି ଡାୟୁ ଟାକାୟାଁ  
ହାହାମାଟି ହଲିୟାଢ଼ା ବେବାରା କିହାଁ ଏରେକା ଲାବା କିହାମାନେରି ଏଦାଆଁ  
ପୁଞ୍ଜାଲି ଏଝାରାଇଁ ହାଟିକିତେସି, ଇଞ୍ଜି ଖେରେସି । ୧୬ ତଲିତାସି ଖାହାନା  
ଏଲେଇରେସି, “ବାବୁ ନୀନୁ ହାହାମାଞ୍ଜାଟି ର ଟାକା ତଲେ ବେବାରା କିହାନା  
ଦସଟାକା ଲାବା କିହାମାଇଁ ।” ୧୭ ଏଝାସି ଏଝାଣାଇଁ ଏଲେଇରେସି, “ନେହିଁ  
ଟିକାଣାଗାଟି ନାମୁଟି ହଲେଏଣାଟି, ନୀନୁ ଉଣା କାମାତାକି ନେହିଁ କାମା  
କିହାମାନାକି ନାନୁ ନିଢ଼େ ଦସଗଟା ଗାଡାୟାଁ ସାଲଝି କିନି ଅଦିକାରା କିମୁ  
।” ୧୮ ଅଡେ ରଅସି ଖାହାନା ଏଲେଇରେସି, “ବାବୁ ନୀନୁ ହାହାମାଞ୍ଜାଟି  
ଟାକା ତଲେ ପାସାଗଟା ଲାବା କିହାମାଇଁ ।” ୧୯ ଏଝାସି ଏଝାଣାଇଁ ଜିକେଏ  
ଏଲେଇରେସି, “ନୀନୁ ଜିକେଏ ପାସାଗଟା ଗାଡାୟାଁ ମୁହେଁ ଅଦିକାରା ଆମୁ  
।” ୨୦ ଅଡେ ରଅସି ଖାହାନା ଏଲେଇରେସି, “ପ୍ରବୁ ମେହ୍‌ମୁ ଇଦି ନୀନୁ  
ହାହାମାଞ୍ଜାଟି ଟାକା; ଇଦାଆଁ ନାନୁ ଦ୍ରାଃଆଲିତା ରୁପାନା ଇଟାମାରେସି ।  
୨୧ ଇତିହ୍ ନାନୁ ନିଢ଼େ ଆଜାତେସି, ନୀନୁ ର ଗିରିଗିରା ଗାଟାଟି, ଇଟା  
ହିଲାଆଗାଟାଣି ପାରିନାଟି, ମାଟା ହିଲାଆଡାଣା ଦାଃଆନାଟି ।” ୨୨ ଏଝାସି  
ଏଝାଣାଇଁ ଏଲେଇରେସି, ଆଡେ ପଲ୍‌ଆଗାଟି ହଲେଏଣାଟି, ନୀ ଗୁଟିତି  
ହାଡାତଲେ ନୀ ନୀହାଁୟି କିୟାଇଁ, ନାନୁ ଗିରିଗିରା ଗାଟାତେସି, ଇଟାହିଲାଆ  
ଡାଣା ପାରିନାତେସି ମାଟାଆତି ଡାଣା ଦାଃଆନାତେସି ଇଦାଆଁ ପୁଞ୍ଜାମାଟି?  
୨୩ ଆତିହିଁ ଏନାଆଁତାକି ନା ଟାକାଟି ରୀଣା ଅନାରାକି ହାଆତି, ନାନୁ ଖାହାନା  
ଅତିତଲେ ବେଟାଆତେସିମା । ୨୪ ଇଞ୍ଜି ଦାରିତା ନିଚାମାଚାରାଇଁ ଖେସ୍ତେସି,

“ଇଖଣି ତାଣାଟି ଏ ଟାକା ମଞ୍ଜୁ ଅହାନା ଆତ୍ମାଆରିକି ଦସଟାକା ମାନୁ  
 ଏଖଣାକି ହୀଦୁ ।” ୨୫ ଏଚେଟିଏ ଏଖାରି ଖେସ୍ତେରି, “ପ୍ରଭୁ ଏଖଣାକି  
 ଦସଟାକା ମାନୁ ।” ୨୬ ନାନୁ ମିଢ୍ଢେ ଖେସିମାଞ୍ଜୁଇଁ, “ଆମିନିଗାଟାଣାକି ମାନେ,  
 ଏଖଣାକି ଗାଡି ହୀପକିଆନେ । ସାମା ଆତ୍ମାଆରାଖାୟି ହିଲେଏ ଏଖଣି ତାଣା  
 ଏନାୟି ମାନେ ଏଦାଆଁ ଜିକେଏ ଏଖଣି ତାଣାଟି ଅଞ୍ଜିଆନେ । ୨୭ ସାମା  
 ନାଢ୍ଢେ ତାମି ରଜା ଆହାଲି କୁହାମାଞ୍ଜାନି ସାତୁୟିଇଁ ଇମ୍ପାଆଁ ଟାକା ହାଜାନା  
 ଏଖାରେଇଁ ନା ନକିତା ଚୁଣ୍ଡାହାତୁହୁ ।” ୨୮ ଇ ବାରେ କାତା ଖେସ୍ତି ଡାୟୁ ଜୀସୁ  
 ଜିରୁସାଲମ ଖାକି ହାଚେସି । ୨୯ ଏଖାସି ଜୀତ ହରୁ ଦାରିତା ମାନି ବେତନିୟି  
 ଅଡେ ବେତ୍ପାଗି ନାସକାଣାଁ ଏଜାନା ତାନି ସୀସୁୟି ବିତ୍ରାଟି ରିଆରାଇଁ  
 ଇ କାତା ଖେସା ପାଣ୍ଡିତେସି । ୩୦ “ମୀରୁ ହାଜାନା ମୀ ନକିତି ନାୟିତା  
 ହୁଡୁ ଇଞ୍ଜିଁ ଲକୁ ଏଚେଲା ହତା ହିଲଅରି; ଇଲେତି ର ଗାଡ୍ଦେ ଡାଲୁତି  
 ଦସାମାନାଣି ମେହ୍ଦେରି; ଏଦାଆଁ ଦାଞ୍ଜି ହୁକହା ନା ତାଣା ତାଟିହିଁ ଖାଦୁ । ୩୧  
 ଆତ୍ମାଆସି ଏନାଆଁତାକି ହୁକହିମାଞ୍ଜେରି ଇଞ୍ଜିଁ ଖେଞ୍ଜାଟିହିଁ, ଇଦାନି ମା ପ୍ରଭୁକି  
 ଲଡ଼ାମାନେ ଇଞ୍ଜିଁ ଖେହୁ ।” ୩୨ ଏମ୍ପାଟି ଜୀସୁ ପାଣ୍ଡାମାଚାରି ଏଖାସି ଏନିକିଁ  
 ଖେସାମାଚେସି, ଏଲେହେଁ ମେସ୍ତେରି । ୩୩ ଇଞ୍ଜିଁ ଏଖାରି ଗାଡ୍ଦେ ଡାଲୁତି  
 ଦାଞ୍ଜି ହୁକହିମାଚାଟି ଗାଡ୍ଦେ ସାଞ୍ଜୁକାରିୟି “ଏନାଆଁତାକି ହୁକହିମାଞ୍ଜେରି ଇଞ୍ଜିଁ  
 ଖେଚେରି?” ୩୪ ଏଖାରି ଏଲେଇଚେରି, “ଇଦାନି ମା ପ୍ରଭୁକି ଲଡ଼ାମାନେ ।”  
 ୩୫ ଏମ୍ପାଟିଏ ଗାଡ୍ଦେ ଜୀସୁ ତାଣା ତାଚାନା ଏଦାନିଲେକ ହିମ୍ପରିକା ପାସାନା  
 ଜୀସୁଇଁ ଲାକ କୁଟିକିଚେରି । ୩୬ ଅଡେ ଏଖାସି ନକିତା ହାଜିମାଚାଟି ଲକୁ  
 ଜିରୁତା ତାମି ହିମ୍ପରିକା ପାସ୍ତେରି । ୩୭ ଇଞ୍ଜିଁ ଏଖାସି ଜିରୁସାଲମ ତାଗେ  
 ମାନି ଜୀତ ହରୁଟି ଖାନି ବେଲାତା ଏଖାସି ଇଞ୍ଜିଁ ତାମି ସୀସୁୟି ଜୀସୁ କିତି  
 ବାଡ୍ଦୁତି କାମାତାକି ମାହାପୁରୁଇଁ ଜହରା କିହିହିଁ ରାହାଟି ପାରୁ ପାଟିଚେରି  
 । ୩୮ “ପ୍ରଭୁଟି ଦରୁଟି ଆମିନି ରଜା ଖାହିମାନେସି ଏଖଣାକି ନେହେଁ ।  
 ଲାକପୁରୁ ହିଡ୍ଡି ଅଡେ ଲାକପୁରୁଟି ମାହାପୁରୁଇଁ ଗାଞ୍ଜୁରମି ଆପେ ।” ୩୯  
 ଏଚେଟିଏ ଲକୁ ମାନୁଟି ଏଚରଜାଣା ପାରୁସିୟି ଜୀସୁଇଁ ଏଲେଇଚେରି, “ଏ  
 ଗୁରୁ ନୀ ସୀସୁୟିଇଁ ଲାଗାମୁ ।” ୪୦ ନାନୁ ମିଢ୍ଢେ ଖେସିମାଞ୍ଜୁଇଁ, “ଇଖାରି  
 ପାଲେଏ ଆଡିସାରେ, ଖାଲକା ହାଲେହେଁ କାଜା ଗିୟିତଲେ ଜଲିତୁମା ।”  
 ୪୧ ଅଡେ ଏଚେତା ଗାଡ଼ା ତାଗେ ଖାଚେସି, ଏଚିବେଲା ଗାଡ଼ାଟି ମେସାନା  
 ଡାହିହିଁ ଏଲେଇଚେସି, ୪୨ “ନୀନୁ ହାଅ, ନୀନୁ ନୀଞ୍ଜୁ ହିଡ୍ଡି ଜିରୁ ପୁଟିହିଁ



ଅଜିତେମା! ସାମା ଏଦି ନୀ ଡାଣାଟି ତୁଗାମାନେ! ୪୩ ଏତିବେଲା ମାହାପୁରୁ ନିଢ଼େ ଶେଲ୍‌ପାଲି ଅଶ୍‌ପାମାଞ୍ଜାତେସି ଏଦାଆଁ ପୁନାଆତାକି ଏତିବେଲାତା ନୀ ସାରୁୟାଁ ନୀ ସାରିସୁଟୁ କାଜା କଟା ଦସାନା ମୁଚାନେରି, ୪୪ ଇଞ୍ଜି ନିଢ଼େ ଅଡ଼େ ନୀ ଡାଣା ମାନି ନୀ ମୀରକାଣି କୁଡ଼ପୁନାସା କିୟାନେରି, ଅଡ଼େ ର ଖାଲିତି ଅର ଖାଲି ଲାକ ତୀରି ଆହାଲି ହିୟଅରି, ଇଲେତି ଦିନା ଖାହିମାନେ ।” ୪୫ ଏମ୍ପାଟିଏ ଜୀସୁ ମାହାପୁରୁ ଇଲୁତା ହତାନାହାଁ ବେବାରା କିନାରାଇଁ ଏମ୍ପାଟି ହାସା ପେରହାତୁସ୍ତେସି, ୪୬ ଦାମ୍ପୁପତିତା ରାସକି ଆହାମାନେ, “ନା ଇଲୁ ପ୍ରାତାନା ଇଲୁ ଆନେ, ସାମା ମୀରୁ ଏଦାଆଁ ତଂଗାୟାଁ ପାଞ୍ଜୁ ମୁଁପହାତୁସ୍ତେରି ।” ୪୭ ଅଡ଼େ ଜୀସୁ ଦିନାତାକି ଦିନା ପ୍ରାତାନା ଇଲୁତା ଜାପହି ମାଚେସି, ସାମା କାଜା ପୁଜେରାଢ଼ା ଅଡ଼େ ମେରାପୁନାରି ଲକୁଡ଼ି କାଜାରି ତଲେ ଜୀସୁଇଁ ପାୟାଲି ଅଶ୍‌ପିମାଚେରି, ୪୮ ସାମା ଲକୁ ରାହାଁଟି ଏଖାଣି ଜାପନାଣି ଖେଞ୍ଜିମାତାକି ଏଖାରି ଏନିକିହାଲି ଆନେ ପାରୁ ବେଟାଆହି ହିଲାଆଚେରି ।

**୨୦** ର ଦିନା ଜୀସୁ ମାହାପୁରୁ ଇଲୁତା ଲକୁଣି ଜାପହି ମାଚେସି, ଅଡ଼େ ନେହିଁ କାରୁ ଖେକ୍‌ହି ମାଚେସି, ଏତିବେଲା କାଜା ପୁଜେରାଢ଼ା ଅଡ଼େ ମେରାପୁନାରି ପ୍ରାତିନାଢ଼ା ତଲେ ଖାହାନା ଖେଚେରି, ୧ “ନୀନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି, ଏଲେକିହାଲି ଆମ୍ପାଆସି ଅଦିକାରା ହୀହାମାଞ୍ଜାନେସି, ମାଢ଼େ ଖେସ୍ତାମୁ ।” ୩ ସାମା ଜୀସୁ ଏଖାରାଇଁ ଏଲେଇଚେସି, “ନୀନୁ ଜିକେଏ ର କାତା ଖେଞ୍ଜାଇଁ, ନାଢ଼େ ଖେସ୍ତାତୁ ୪ ଜହନଇଁ ବାପୁସ୍ତ ହୀମୁ ଇଞ୍ଜି ଆମ୍ପାଆସି ଚାଣ୍ଡିତେସି, ଲାକପୁରୁଟି କି ମାଶ୍‌ସି ଡାଣାଟି?” ୫ ଏଚେଟିଏ ଏଖାରି ତାମୁ ତାମୁ ଜଲ୍‌କି ଆଚେରି, “ଲାକପୁରୁଟି ଇନାୟି, ଆତିହିଁ ଏଖାସି ଏଲେଇଞ୍ଜାନେସି ଏନାଆଁତାକି ଏଖାଣାଇଁ ନାମାଆଚେରି? ୬ ସାମା ମାଶ୍‌ସି ଡାଣାଟି ଇନାୟି, ଇଞ୍ଜି ଲକୁ ମାଢ଼େ ଖାଲକାତଲେ ପାୟାନେରି, ଇତିହିଁ ଜହନଇଁ ମାହାପୁରୁ ଅଶ୍‌ପୁତି ବଲୁ ଖେହ୍‌ନାରି ଡାଣାଟି ରଅସି ଇଞ୍ଜି ହାରେକା ନାମାମାନେରି ।” ୭ ଏଖାରି ଏଲେଇଚେରି, “ମାମୁ ପୁଞ୍ଜାହିଲଅମି ଏଦି ଏମ୍ପିଟି ଆହାମାନେ ।” ୮ ଜୀସୁ ଏଖାରାଇଁ ଏଲେଇଚେସି, “ଆତିହିଁ ନୀନୁ ଆମିନି ଅଦିକାରା ତଲେ କିହିମାଞ୍ଜି ନୀନୁ ଜିକେଏ ଖେସ୍ତାଆଁ ।” ୯ ଏମ୍ପାଟିଏ ଜୀସୁ ଇ ପୁଶ୍‌ମ୍ପିକିନି କାତା ଖେସ୍ତେସି, “ରଅସି ର ଅଢ଼ୁରି ବାଡ଼ା କିହାନା କାମା କିନାରାକି ବାଗା ହୀହାନା ହାରେକା ଦିନାତାକି ଅର ଦେସାତା ହାଚେସି । ୧୦ ଅଢ଼ୁରି ପାଡ଼େୟି କାମ୍ପି ବେଲା ଏଖାସି ତାନି ବାଗା ବେଟାଆହାଲି ର ହଲେଏଶାଇଁ ପାଣ୍ଡିତେସି, ସାମା

ଅଙ୍ଗୁରି ବାଡ଼ାତା କାମାକିନାରି ଏଞ୍ଜାଣାଇଁ ମାତା ଝେରାନା ଖାରୁଇ କେୟୁଟି  
 ପେରୁହାତୁସ୍ତେରି । ୧୧ ଏଞ୍ଜାସି ଅଡ଼େ ର ହଲେଏଣାଇଁ ପାଣ୍ଡିତେସି; ଏଞ୍ଜାରି  
 ଏଞ୍ଜାଣାଇଁ ଜିକେଏ ଝେରାନା ନିନ୍ନା କିହ୍ନା ଖାରୁଇ କେୟୁଟି ପେରୁହା ପାଣ୍ଡିତେରି;  
 ୧୨ ତାୟୁ ଅଡ଼େ ରଅଣାଇଁ ପାଣ୍ଡିତେସି, ସାମା ଏଞ୍ଜାଣାଇଁ ଜିକେଏ ରାଣାରାକା  
 କିହାନା ବାଡ଼ାତି ପାଞ୍ଜୁତା ମେଡ଼ହାତୁସ୍ତେରି । ୧୩ ଏମ୍ବାଟିଏ ଅଙ୍ଗୁରି ବାଡ଼ାତି  
 ସାଞ୍ଜୁକାରି ନୀଏଟି ଏନାଆଁ କିଇଁ ଇଞ୍ଜି ଅଣ୍ପାମା, ନା ଜୀଞ୍ଜୁଟି ମୀରୁଏଣାଇଁ  
 ପାଣ୍ଡିଇଁ ଆତିହିଁ ଏଞ୍ଜାଣାଇଁ ମାନି କିନେରି । ୧୪ ସାମା କାମାକିନାରି ଏଞ୍ଜାଣାଇଁ  
 ମେସାନା ତାମୁ ତାମୁ ଏଲେଇଣ୍ଡି ଆତେରି ‘ଇଞ୍ଜାସି ଅଦିକାରା ଗାଟାସି,  
 ଇଞ୍ଜାଣାଇଁ ପାୟାତୁହନ, ଆତିହିଁ ଇ ଅଙ୍ଗୁରି ବାଡ଼ା ମାଡ଼େ ଆୟାନେ ।’ ୧୫ ଅଡ଼େ  
 ଏଞ୍ଜାଣାଇଁ ଅଙ୍ଗୁରି ବାଡ଼ା ପାଞ୍ଜୁତା ମେଡ଼ହାନା ପାୟିତେରି । “ଆତିହିଁ ଅଙ୍ଗୁରି  
 ବାଡ଼ାତି ସାଞ୍ଜୁକାରି ଏଞ୍ଜାଣାଇଁ ଏନାଆଁ କିନେସି? ୧୬ ଏଞ୍ଜାସି ଖାହାନା ଇ କାମା  
 କିନାରାଇଁ ପାୟାତୁହନେସି, ଅଡ଼େ ଏକାତାରାକି ଏ ଅଙ୍ଗୁରି ବାଡ଼ା ହୀନେସି  
 ।” ଲୁକୁ ଇ କାତା ଖେଞ୍ଜାନା ଏଲେଇଚେରି, “ଏଲେକିହିଁ ଆଞ୍ଜୁଏ ଆଆପେ ।”  
 ୧୭ ସାମା ଜୀମୁ ଏଞ୍ଜାଣାଇଁ ଖେସ୍ତେସି, “ଆତିହିଁ ରାତାମାନି ଇ ବଲୁ ଏନାୟି?  
 ଇଲୁ କେପିନାରି ଆମିନି ଖାଲିତି କୂତେରି, ଏଦି ଇଲୁ କନତି ମୁଲୁ ଖାଲି ଆତେ  
 । ୧୮ ଆମ୍ବାଆସି ଏ ଖାଲି ଲାକ ତରୁଗିନେସି, ଏଞ୍ଜାସି କାଣ୍ଡାମୁକା ଆନେସି;  
 ଇଞ୍ଜି ଏ ଖାଲି ଆମ୍ବାଆରି ମୁହେଁ ତରୁଗିନେ ଏଞ୍ଜାଣାଇଁ ଗୁଣ୍ଡୁଗୁଣ୍ଡା କିନେ ।” ୧୯  
 ଏଚେଟିଏ ମେରାପୁନାରି ଅଡ଼େ କାଜା ପୂଜେରାଞ୍ଜା ଦେରୁଣିଏ ଜୀମୁଇଁ ଆସାଲି  
 ଅଣ୍ପିତେରି, ସାମା ଲୁକୁ ମାନ୍ତୁତି ଆଜିତେରି, ଇତିହିଁ ଏଞ୍ଜାସି ଏ ପୁଣ୍ଡିକିନି  
 କାତା ଏଞ୍ଜାଣାଇଁ ସିନିକିହାନା ଖେସାମାଚେସି ଇଞ୍ଜି ଏଞ୍ଜାରି ପୁତେରି । ୨୦  
 ଏମ୍ବାଟିଏ ଏଞ୍ଜାରି ଜୀମୁଇଁ ପାଣା ଅଡ଼େ ବାଡ଼ୁୟୁଗାଟି ସାଲଖି କିନାରି କେୟୁତା  
 ଏଞ୍ଜାଣାଇଁ ହେରୁପାଲି ପାରୁ ପାରାତେରି, ଇଞ୍ଜି ଏଚରଜାଣା ତାମୁ ତାମ୍ବେ  
 ଦାମ୍ବୁଗାଟାରି ଇଞ୍ଜି ତସା କତିନି ନାଡ଼ିକିନାରି ଜୀମୁଇଁ ତାନି ଖେହ୍ନି କାତାତା  
 ଦହ ଦସାଲି ଏଞ୍ଜାଣି ତାଣା ପାଣ୍ଡିତେରି । ୨୧ ଏଞ୍ଜାରି ଜୀମୁଇଁ ଖେଚେରି, “ଗୁରୁ,  
 ମାମୁ ପୁଞ୍ଜାମାନମି, ନୀନୁ ଏନାଆଁ ଖେସାମାଞ୍ଜି ଅଡ଼େ ଜାପହାମାଞ୍ଜି ଏଦି ସାତା,  
 ଅଡ଼େ ଆମ୍ବାଆରାଇଁ ପାରଡ଼ା ବାଚି କିଅତି, ସାମା ସାତା ମାହାପୁରୁଟି ଜିରୁଟି  
 କାତା ଜାପଦି । ୨୨ ଆତିହିଁ କାୟିସରକି ସିସୁ ହୀନାୟି ମେରା ମାନେକି ଆଏ  
 ।” ୨୩ ସାମା ଜୀମୁ ଏଞ୍ଜାରି ନାଡ଼ିକିନି ଅଣ୍ପୁଟି ପୁଞ୍ଜାନା ଏଞ୍ଜାଣାଇଁ ଖେସ୍ତେସି,  
 “ନାଡ଼େ ର ଖେଣ୍ଡି ଟାକା ହିୟାଦୁ ।” ୨୪ ଏ ଖେଣ୍ଡି ଟାକାତା ଆମ୍ବାଆରି ବମା

ଅଡ଼େ ଦରୁ ମାନେ, ଏଞ୍ଜାରି ଖେସ୍ତେରି, “କାୟିସରଖାୟି ।” ୨୫ ଏଚେଟିଏ ଜୀସୁ  
 ଏଞ୍ଜାରାଇଁ ଖେସ୍ତେସି, “ଆତିହିଁ କାୟିସରଖାୟି ଏନାୟି ଏଦାଆଁ କାୟିସରକି  
 ହୀଦୁ: ଇଞ୍ଜାଁ ମାହାପୁରୁଖାୟି ଏନାୟି ଏଦାଆଁ ମାହାପୁରୁକି ହୀଦୁ ।” ୨୬  
 ଏଚେଟିଏ ଏଞ୍ଜାରି ଲକୁ ନକିତା ଏଞ୍ଜାଣାଇଁ ଏନି ଦହ ଦସାଲି ଆଡାଆଚେରି,  
 ଇଞ୍ଜାଁ ଏଞ୍ଜାରି ଜୀସୁ ଖେସ୍ତେ କାତାତାକି ଆଡାଜାକା ଆହାନା ପାଲେଏ ମାଚେରି  
 । ୨୭ ଏମ୍ପାଟିଏ ହାତାରି ଖେଶ୍ତେ ନିଢ୍ଫିନାଣି ନାମିହିଲାଆଗାଟି ଏଚରଜାଣା  
 ସାଦୁକିୟାଁ ଜୀସୁତାଣା ଖାହାନା ଖେଚେରି, ୨୮ “ଏ ଗୁରୁ ମସା ମାଢ୍ଫେତାକି  
 ରାତାମାନେସି, ରଅସି ବୀହା ଆହାଁ କକାରି ପଦାଁ ଆଆନା ହାତିହିଁ, ଏଞ୍ଜାଣି  
 ତାୟି ତାନି ତକ୍ତିନି ଇଟାନା ଏଞ୍ଜାଣି କୂଡ଼ା ଏପିକିୟାଲି ଆନେ । ୨୯ ସାତା  
 ଜାଣା ତାୟିୟାଁ ମାଚେରି; କାଜାସି ବୀହା ଆହାନା କକାରି ପଦାଁ ଆଆନା  
 ହାତେସି; ୩୦ ତାୟୁ ଏଞ୍ଜାଣି ଚେଚତାସି ଇଟିଚେସି, ଅଡ଼େ ଏଞ୍ଜାଣି ଚେଚତାସି  
 ଇଟିଚେସି; ୩୧ ଏଲେକିହିଁଏ ସାତା ଜାଣା ଜିକେଏ କକାରି ପଦାଁ ଆଆନା  
 ହାତେରି । ୩୨ ତାୟୁ ଏ ଇୟା ଜିକେଏ ହାତେ । ୩୩ ଆତିହିଁ ଖେଶ୍ତେ ନିଢ୍ଫିନି  
 ଦିନା ଏଞ୍ଜାରି ବିତ୍ରାଟି ଏ ଇୟା ଆମ୍ପାଆରି ତକ୍ତି ଆନେ? ଇତିହିଁ ସାତା ଜାଣା  
 ଜିକେଏ ଏଦାନି ଇଟାମାଚେରି ।” ୩୪ ଜୀସୁ ଏଞ୍ଜାରାଇଁ ଏଲେଇଚେସି, “ଇ  
 ଦାର୍ତ୍ତିତି ଲକୁ ବୀହା କିନେରି ଅଡ଼େ ଆନେରି, (aiōn g165) ୩୫ ସାମା ଖାନି  
 ଜୁଗୁତାକି ଇଞ୍ଜାଁ ହାକିଟି ନିଢ୍ଫାଲିତାକି ପାଡ଼ା ଆନାରି ବୀହା ଆଅରି କି ବୀହା  
 ହୀଅରି; (aiōn g165) ୩୬ ଇତିହିଁ ଏଞ୍ଜାରି ଦୁରୁୟାଲେହେଁ ଆହାନା ଏଚେଲାଖା  
 ହୀଅରି, ଇଞ୍ଜାଁ ହାକିଟି ନିଢ୍ଫାମାନାକି ଏଞ୍ଜାରି ମାହାପୁରୁତି ମୀର୍କା ଆନେରି  
 । ୩୭ ସାମା ହାତାରି ସାତେଏ ନିଢ୍ଫିନେରି ଇଞ୍ଜାଁ ମସାଇଁ ଜିକେଏ ଖେହିମାନି  
 ବୁଟାଟି କାରୁତଲେ ନେହିଁକି ତସାମାଚେସି, ଇତିହିଁ ଏଞ୍ଜାସି ପ୍ରବୁଇଁ ଅଗ୍ରାହାମତି  
 ମାହାପୁରୁ ଇସାହାକତି ମାହାପୁରୁ ଅଡ଼େ ଜାକୁବତି ମାହାପୁରୁ ଇଞ୍ଜାମାଚେସି ।  
 ୩୮ ଏଞ୍ଜାସି ହାତାରି ମାହାପୁରୁ ଆଏ ସାମା ଜୀଞ୍ଜାଗାଟାରି ମାହାପୁରୁ: ଇତିହିଁ  
 ମାହାପୁରୁ ନକିତା ବାରେଜାଣା ନୀତାମାନେରି ।” ୩୯ ଏମ୍ପାଟିଏ ମେରାପୁନାରି  
 ବିତ୍ରାଟି ଏଚରଜାଣା ଏଲେଇଚେରି, “ହାଅ, ଗୁରୁ ନୀନୁ ଅଜେ ଖେସ୍ତାଟି ।” ୪୦  
 ଇତିହିଁ ଏଞ୍ଜାଣାଇଁ ଅଡ଼େ ଏନାଆଁ ଖେଞ୍ଜାଲି ଏଞ୍ଜାରାକି ସାସା ହିଲାଆଚେ । ୪୧  
 ଏମ୍ପାଟିଏ ଜୀସୁ ଏଞ୍ଜାରାଇଁ ଖେଚେସି, କ୍ରୀସୁ ଦାଞ୍ଜୁଦ ମୀର୍କଏସି, ଲକୁ ଏନିକି  
 ଏଲେଇନେରି? ୪୨ ଇତିହିଁ ଦାଞ୍ଜୁଦ ତାନୁଏ ପାତୁ ପତିତା ଏଲେଇଞ୍ଜା ମାନେସି,  
 ପ୍ରବୁ ନା ପ୍ରବୁଇଁ ଖେସ୍ତେସି, ୪୩ ନାନୁ ନୀ ସାତୁୟାଣି ନୀ କତାୟାଁ ତୁଇ ଇଟାଆ

ପାତେକା, ନୀନୁ ନା ଚିଃନିଝାକି କୁଗାମାନାମୁ । ୪୪ ଦାଝୁଦ ଡାନ୍ଧୁଏ ଏଝାଣାଈଁ ପ୍ରବୁ ଇଞ୍ଜି ମାଦେସି; ଆତିହିଁ କ୍ରୀସ୍ତୁ ଏନିକିଁ ଏଝାଣି ମୀରୁଏସି? ୪୫ ଡାୟୁ ବାରେ ଲକୁ ନକିତା ସୀୟୁୟାଁଇଁ ଝେସ୍ତେସି, ୪୬ “ମେରା ଜାପୁନାରି ଡାଣାଟି ଜାଗ୍ରାତା! ଇତିହିଁ ଏଝାରି ଲାମ୍ବା ଲାମ୍ବା ହିମ୍ପୁରିକା ହୁତାନା ଡିରୁଝିହିଁ ରେଜାଲି, ଅଡେ ହାଟା ବାଜାରାତା ଜହରା ବେଟାଆହାଲି, ପ୍ରାତାନା ଇଲକାଣା ନେହିଁ ନେହିଁ କୁର୍ଚିୟାଁ ଅଡେ ବଜିତା ନେହିଁ ଚାୟୁ ବେଟାଆହାଲି ଅଶ୍ପିନେରି; ୪୭ ଏଝାରି ରାଣ୍ଡେଣିସିକା ଇଲୁ ସେନୁନେରି ଅଡେ ଉଜେ ଉଜେଏ ଲାମ୍ବା ଲାମ୍ବା ପ୍ରାତାନା କିନେରି; ଏଝାରି ହାରେକା ତଣ୍ଡୁ ବେଟାଆନେରି ।”

**୨୧** ଏଚିବେଲା ଦନଗାଗାରି ଦାନା ପେଡ଼ାତା ତାମି ଦାନା ମେଡୁହି ମାଚାଣି ଜୀସୁ ସିନିକିହିମାରେସି, ୨ ଅଡେ ରୁ କାର୍ମାଗାଟି ରାଣ୍ଡେଣି ଝାହାନା ଏମ୍ପାଆଁ ରୀ ଉଣା ତାମ୍ପାତି ଆଦଲି ମେଡୁହାଣି ମେସାନା ଏଲେଇରେସି, ୩ “ନୀନୁ ମିଡୁଁ ସାତା ଝେସିମାଞ୍ଜୁଇଁ ଇ କାର୍ମାଗାଟି ରାଣ୍ଡେଣି ଗାଡି ଦାନା ହାହାମାନେ, ୪ ଇତିହିଁ ଦନ ଗାଗାରି ତାମି ଗାଡି ଦନଟି ଇଚାଣି ତାତାନା ବେଗୁ ହାହାମାନେରି, ସାମା କାର୍ମାଗାଟି ରାଣ୍ଡେଣି ତାନି ହିଲାଆବେଲାତା ତାଢ୍ଢେ ନୀତାଲିତାକି ଏନାୟି ମାଚେ ଏ ବାରେ ହାହାମାନେ ।” ୫ ଅଡେ ଆମ୍ବା ଆମ୍ବାଆରି ମାହାପୁରୁ ଇଲୁ ଅଜି ଅଜିତି ଝାଲକା ଅଡେ ଦାନା ହାନାଣି ତଲେ ଅଜିକିଁ ଆଜାମାନେ ଇଞ୍ଜି ଇଞ୍ଜାଲିଏ ଜୀସୁ ଏଲେଇରେସି, ୬ “ମୀରୁ ନୀଏଁ ଏନା ଏନାଆଁ ମେସିମାଞ୍ଜେରି, ଦିନା ଝାନେ, ଏଚିବେଲା ରୁ ଝାଲି ଅର ଝାଲି ଲାକ ଡୟେଏ, ଇ ବାରେ ମେଶ୍ଟୁହାନେ ।” ୭ ଏଚିବେଲା ଏଝାରି ଏଝାଣାଈଁ ଝେରେରି, “ଏ ଗୁରୁ ଆତିହିଁ ଇ ବାରେ ଏଚେଲା ଆନେ? ଇଞ୍ଜି ଇ ବାରେ ଆମିନି ବେଲାତା ଆନେ, ଏ ବେଲାତି ସିନା ଏନାୟି?” ୮ ଜୀସୁ ଏଲେଇରେସି, “ଜାଗ୍ରାତା ମୀରୁ ଏନିକିଁ ଆନ୍ତୁ ଆଅତେରି; ଇତିହିଁ ହାରେକା ନା ଦରୁଟି ଝାହାନା ନୀନୁ ଏଝାଡେଏଁ ଅଡେ ଏ ଦିନା ଏଦାଡେୟିଏ ଇଞ୍ଜି ଇଞ୍ଜାନେରି; ଏଝାରି ଜେଚ ହାଲାଆଦୁ । ୯ ଇଞ୍ଜି ମୀରୁ ଏଚେତା ଜୁଜୁ ଇଞ୍ଜି ମେଲି ଆହିମାନାଣି ଝେଚିସାରେ ଆଜାଆଦୁ; ଏନିଇଚିହିଁ ଇ ବାରେ ନକେଏ ଆୟାଲି ଆନେ, ଆତିଜିକେଏ ଏଚିବେଲା ଜୁଗୁ ରାଏ ।” ୧୦ ଡାୟୁ ଏଝାରାଈଁ ଏଲେଇରେସି, “ଦେସା କପାଟି ଦେସା, ରାଜି କପାଟି ରାଜି ମେଲି ନିଢୁନେ, ୧୧ ଇଞ୍ଜି ଇମ୍ପାଆଁ ଏମ୍ପାଆଁ ବୁମି ଝାଡିନେ, ହାରେକା ଚାୟୁତା ମରୁଡି ଇଞ୍ଜି କାରୁଝୁ ଝାନେ, ଅଡେ ହାଗୁ ପାକାତା ଆଜିହୁପେତି ସିନାୟାଁ ତଞ୍ଜା ଆନୁ । ୧୨ ସାମା ଇ ବାରେ ଆଆ

ନକେଏ ଲକ୍ଷ୍ମି ମିତ୍ରେ ଆସାନା ନା ଦରୁ ତାକି ନିନ୍ଦା କିହାନା ଜୀହୁଦି ଲକ୍ଷ୍ମି  
 କୁଟମି ଇଲକାଣା, କାୟିଦି ଇଲକାଣା, ରାଜା ଇଚ୍ଛା ନୀହାୟି କିନାରି ତାଣା  
 ହେରପାନେରି; ୧୩ ଇଦି ମିତ୍ରେତାକି ସାକି ଆନେ । ୧୪ ଇଚ୍ଛା ଏନାଆଁ ଜଲିଇଁ  
 ଏନାଆଁ ଖେହଇଁ ଇଚ୍ଛା ତଲିଏ ମନତା ଅଶ୍ଵାଆଦୁ: ୧୫ ଏନାଆଁତାକି ଇଚିହିଁ  
 ମୀ ସାଦୁୟାଁ ମିତ୍ରେ ଖେଣ୍ଡେ ଜଲଲି କି ଖେସାଲି ଆତାଆପେରିଖା ଇଚ୍ଛା ନାନୁ  
 ମିତ୍ରେ ଏଚିବେଲାତା ନେହିଁ ବୁଦି ଅଡେ ସୁଖା ହିୟାଇଁ । ୧୬ ସାମା ମୀ ତାଲି  
 ତାଚ୍ଛା ତାୟିୟାଁ ସାମ୍ବନ୍ଧିୟାଁ ଇଚ୍ଛା ମୀ ଡଣେସିଦ୍ଦା ଜିକେଏ ମିତ୍ରେ ହେରପାନେରି,  
 ଅଡେ ମୀ ବିତ୍ରାଟି ଆମ୍ବା ଆମ୍ବାଆରାଇଁ ଇରହାନା ପାୟିନେରି, ୧୭ ଇଚ୍ଛା  
 ନା ଦରୁ ତାକି ବାରେ ଲକ୍ଷ୍ମିତାଣା ଲାଜା ବେଟାଆଦେରି ଅଡେ ଅପଅରି ।  
 ୧୮ ସାମା ମୀ ତାୟିୟାଁ ର ବାଣା ଜିକେଏ ନସ୍ତୁ ଆଏ; ୧୯ ଅରହିନି ତାଣାଟି  
 ମୀରୁ ମୀ ଜୀଷ୍ଠି ଗେଲ୍ପିକିହା କଡିଦେରି ।” ୨୦ “ସାମା ମୀରୁ ଏଚିବେଲା  
 ସାଦୁୟାଁ ଜିରୁସାଲମ ଗାଡାତା ମୁତାମାନାଣି ମେହ୍ଦେରି, ଏଚିବେଲା ଏଦି  
 ନାସା ଆନି କାଲା ଏଦାତେ ଇଚ୍ଛା ପୁଞ୍ଜୁ । ୨୧ ଏଚିବେଲା ଏମିନିଗାଟାରି  
 ଜୀହୁଦା ଦେସାତା ମାନେରି, ଏଖାରି ହରକାଣା ହଶ୍ପାରି; ଇଚ୍ଛା ଏମିନିଗାଟାରି  
 ଗାଡା ବିତ୍ରା ମାନେରି, ଏଖାରି ହତା ହାଲବେରି; ଏମିନିଗାଟାରି ନାସକାଣା  
 ମାନେରି, ଏଖାରି ଗାଡାତା ହଡ଼ଆପେରି; ୨୨ ଏନିଇଚିହିଁ ମାହାପୁରୁ ପତିତା  
 ରାସକି ଆହାମାନି ବାରେ କାତାଲେହେଁ ଆୟାଲିତାକି ଏଦି ତଣ୍ଡୁ ହାନି କାଲା  
 । ୨୩ ଆୟତା ଏଚିବେଲା ପୁରାମାସା ଆହାମାନୁ କି ପାଲୁ ଉଚ୍ଚିମାନୁ ଏଞ୍ଜି  
 ଉଶେଏ କସ୍ତୁ ପାଣ୍ଡୁକି! ଏନିଇଚିହିଁ ଏଚିବେଲା ଇ ଦାର୍ତ୍ତିତା କାଜା ତଣ୍ଡୁ  
 ଅଡେ ଇ ଲକ୍ଷ୍ମିତାକି ମାହାପୁରୁଟି କପା ଆନେ, ୨୪ ଏଚରଜାଣା କାଣ୍ଡାତଲେ  
 ଚୁଣ୍ଡି ଆନେରି, ଇଚ୍ଛା ଏଚର ଜାଣାଇଁ ଦସ୍ପି କିହାଁ ଏଚକା କୃତାଟି ଲକ୍ଷ୍ମିତାଣା  
 ଅନେରି, ଇଚ୍ଛା ଏଚକା ଜାତିଟି ଲକ୍ଷ୍ମି କଲା ଏଆ ପାତେକା ଏଖାରି କଡାୟାଁ  
 ଡଇ ଜିରୁସାଲମ ଗାଡା ଝିସ୍ପିଆହିଁ ଡୟିନେ ।” ୨୫ “ଏମ୍ବାଟିଏ ଚେଡ଼ା ଲେଞ୍ଜୁ  
 ଅଡେ ହୁକାୟାଁ ବିତ୍ରାଟି ଏନି ଏନି ସିନାୟାଁ ଡଞ୍ଜାଆନେ, ସାମ୍ବନ୍ଧି ଗାଜିନାଣି  
 ଇଚ୍ଛା ଏୟୁ ନିଢ଼ିନାଣି ମେସାନା ଦାର୍ତ୍ତିତା ବାରେ ଦେସାଟି ଲକ୍ଷ୍ମି ଆତାଜାକା  
 ଆନେରି, ୨୬ ଇଚ୍ଛା ଦାର୍ତ୍ତିତା ଏନା ଏନାୟି ଗଟଞ୍ଜି ଆହିମାନେ ଇଚ୍ଛା କାଚାନା  
 ଲକ୍ଷ୍ମି ଆଜିତାକି ଜୀଷ୍ଠି ପିସ୍ତୁଲେହେଁ ଆନେରି, ଏନିଇଚିହିଁ ହାଗୁ ପାକାଟି ବାଡ଼ୟୁ  
 ବାରେ ଖୀଡିନେ । ୨୭ ଏଚିବେଲା ମାଣ୍ଡିଏ ମୀରୁଏସି କାଜା ବାଡ଼ୟୁ ଅଡେ  
 ଗାସ୍ତୁରମି ତଲେ ହାଗୁ ଲାକତି ଦୁନ୍ଧାଟି ଖାନାଣି ମେହ୍ଦେରି । ୨୮ ସାମା ଇ

ବାରେ ଗଚ୍ଠି ଆୟାଲି ମାବୁହିସାରେ ମୀରୁ ଲାକ ସିନିକିଦୁ ଏନିଇଚିହିଁ ମିଢ୍ଫେ  
 ଗେଲ୍‌ସିନି କାତା ଏଜିମାଞ୍ଜାନେ ।” ୨୯ ଅଡ଼େ ଜୀସୁ ଏଞ୍ଜାରାଇଁ ର ପୁଣ୍ଡିକିନି  
 କାତା ଖେସ୍ତେସି, “ଡୟା ମାର୍‌ନୁ ଅଡ଼େ ବାରେ ମାର୍କାଣି ସିନିକିଦୁ: ୩୦  
 ଏଚିବେଲା ଏଞ୍ଜି ଗଞ୍ଜେଡ଼ି ଗାଲ୍‌ନୁ, ଏ ଗଞ୍ଜେଡ଼ି ଗାଲ୍‌ନାଣି ମେସାନା କାରା  
 ଖେଡ଼ା ଖାତେ ଇଞ୍ଜି ମୀରୁ ପୁଞ୍ଜେରି; ୩୧ ଏଲେକିହିଁଏ ମୀରୁ ଇ ବାରେ ମେସାନା  
 ମାହାପୁରୁତି ରାଜି ଏଜିମାଞ୍ଜାନେ ଇଞ୍ଜି ପୁଞ୍ଜେରି ।” ୩୨ “ନୀନୁ ମିଢ୍ଫେ ସାତା  
 ଖେସିମାଞ୍ଜାଇଁ, ଇ ବାରେ ଆଆପାତେକା ଇ କାଲାତି ଲକୁ ଏନିଜିକେଏ  
 ମେଣ୍ଡୁଅରି । ୩୩ ହାଗୁପାକା ଦାର୍‌ତି ବାରେ ମେଣ୍ଡୁନେ, ସାମା ନା ବଲୁ  
 ଏଚେଲାଖା ମେଣ୍ଡୁଅର ।” ୩୪ “ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ  
 ଆଆତିହିଁ ତିନାଣି ଉନାଣି ଅଡ଼େ ବାଡ଼କିନି ଅଣ୍ଡୁ ମୀ ହିୟାଁତା ନେଞ୍ଜିନେ ଅଡ଼େ  
 ଏ ଦିନା ଦେବୁଣିଏ ପାନ୍ତୁଲେହେଁ ମୀ ମୁହେଁ ଖାନେ; ୩୫ ଏନିଇଚିହିଁ ଏଦି  
 ପାନ୍ତୁ ଲେହେଁ ଦାର୍‌ତି ବାରେ ଜାତିତି ଲକୁ ମୁହେଁ ଖାନେ । ୩୬ ସାମା ମୀରୁ  
 ଏନିକି ଇ ବାରେ ଖାହିମାନି ଡଣ୍ଡୁଟି ଗେଲ୍‌ସି ଆହାଲି ଅଡ଼େ ମାଣ୍ଡିସି ମୀରୁଏଣି  
 ନକିତା ନିଚାଲି ଆଡ଼ିଦେରି, ଏଦାଆଁତାକି ବାରେବେଲା କାତାନା ପ୍ରାତାନା  
 କିହେମାଞ୍ଜୁ ।” ୩୭ ଜୀସୁ ଏଚିବେଲା ପ୍ରାତାନା ଇଲୁତା ଜାପୁହି ମାତେସି, ଇଞ୍ଜି  
 ଲାଆଁୟାଁ ଗାଡ଼ାଟି ହଚା ହାଜାନା ଜାତ ଇନି ହରୁତା ମାଣ୍ଡିତେସି । ୩୮ ଅଡ଼େ  
 ବାରେ ଲକୁ ପ୍ରାତାନା ଇଲୁତା ଜୀସୁ କାତା ଖେଞ୍ଜାଲି ଲାଇ ଲାଇସିଏ ରୁଣ୍ଡା  
 ଆହିମାଚେରି ।

**୨୨** ପିସ୍‌ପିଆନି ପାର୍‌ବୁ ଦରୁଗାଟି ପୁଲାଏୟୁ ଆଣ୍ଡାଆତି ରୁଟି ତିନି ପାର୍‌ବୁ ତାଗେ  
 ଆହିମାଚେ । ୧ ଇଞ୍ଜି କାଜା ପୁଜେରା ଅଡ଼େ ମେରାପୁନାରି, ଜୀସୁଇଁ ଏନିକି  
 ପାୟାଲି ଆଡ଼ିନେରି, ଏଦାଆଁତାକି ପାରୁ ପାରିମାଚେରି, ସାମା ଏଞ୍ଜାରି ଲକୁଣି  
 ଆଜିମାଚେରି । ୨ ଏଚିବେଲା ବାରଜାଣା ସୀସୁୟାଁ ବିତ୍ରାମାନି ଇସ୍ପାରିୟତ  
 ଦରୁଗାଟି ଜୀହୁଦା ହିୟାଁତା ସୟତାନ ହଚେ; ୪ ଅଡ଼େ ଜୀହୁଦା ହାଜାନା ଏନିକି  
 କାଜା ପୁଜେରାଞ୍ଜୁ ଅଡ଼େ ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସ୍‌ପି  
 କିନେସି, ଏଦାଆଁତାକି ଏଞ୍ଜାରିତଲେ କାତାବାର୍ତ୍ତା ଆତେସି । ୫ ଏମ୍ପାଟିଏ ଏଞ୍ଜାରି  
 ରାହାଁ ଆହାନା ଏଞ୍ଜାଣାକି ଟାକାୟାଁ ହାହାଲି ଆଞ୍ଜିତେରି । ୬ ଅଡ଼େ ଜୀହୁଦା  
 ରାଜି ଆହାନା ଲକୁ ହିଲାଆବେଲାତା ଜୀସୁଇଁ ଏଞ୍ଜାରି କେୟୁତା ହେର୍‌ପାଲି  
 ପାରୁ ପାରାତେସି । ୭ ଡାୟୁ ଆମିନି ଦିନା ପୁଲାଏୟୁ ଆଣ୍ଡାଆତି ରୁଟି ତିନି  
 ପିସ୍‌ପିଆନି ପାର୍‌ବୁତାକି ମେଣ୍ଡା ଡାଲ୍‌କାଣି ପୁଜା କିନି ଦିନା ଏତେ; ୮ ଏଚେଟିଏ

ଜୀମୁ ପିତର ଅଡ଼େ ଜହନଇଁ ଇ କାତା ଖେସା ପାଣ୍ଡିତେସି, “ମୀରୁ ହାଜାନା  
 ମାଢ଼େତାକି ପିସ୍‌ପିଆନି ପାର୍ବୁତାକି ରାନ୍ତୁ ଖାଜାଦୁ ମାର ତିନଖା ।” ୯ ଏମ୍ପାଟିଏ  
 ଏଖାରି ଜୀମୁଇଁ ଖେଚେରି, “ମୀମୁ ଆମ୍ବିୟା ହାଜାନା ରାନ୍ତୁ ଖାଜିହାଲାପାରି  
 ଇଞ୍ଜି ନୀନୁ ଅଶ୍‌ପିମାଞ୍ଜି?” ୧୦ ଏଖାସି ଏଖାରାଇଁ ଏଲେଇଚେସି, “ମୀରୁ  
 ଗାଡ଼ା ହଟିସାରେ ଡ଼କାତା ଏୟୁ ଅହିମାନାଣାଇଁ ମେହ୍‌ଦେରି; ଏଖାଣି ଜେଚ  
 ଜେଚ ହାଜାନା ଏଖାସି ଆମିନି ଇଜ ହଡ଼୍‌ନେସି ଇଲୁ ଗାଟାଣାଇଁ ଖେହ୍‌ଦୁ,  
 ୧୧ ଗୁରୁ ନିଢ଼ୁ ଇଲେଇଞ୍ଜି ଖେସା ପାଣ୍ଡାମାଞ୍ଜାନେସି, ନୀନୁ ନୀ ସୀସୁୟାଁ ତଲେ  
 ପିସ୍‌ପିଆନି ପାର୍ବୁତି ବଜି ଏମିନି ଇଲୁତା ତିଇଁ ଏ ବାକ୍ରା ଆମିନାୟି ଡ଼ସ୍ତାମୁ?  
 ୧୨ ଏମ୍ପାଟିଏ ଏଖାସି ନେହିଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ରା  
 ଡ଼ସ୍ତାନେସି; ଏମ୍ପାଆଁ ମାଢ଼େତାକି ରାନ୍ତୁ ଖାଜାଦୁ ।” ୧୩ ଏଖାରି ହାଜାନା ଜୀମୁ  
 ଏଖାରାଇଁ ଏନିକିଁ ଖେସାମାଚେସି, ଏଲେକିଁ ମେସାନା ପିସ୍‌ପିଆନି ପାର୍ବୁତି ରାନ୍ତୁ  
 ଖାଜିଚେରି । ୧୪ ପିସ୍‌ପିଆନି ପାର୍ବୁତି ବେଲା ଆୟାଲିଏ, ଜୀମୁ ଅଡ଼େ ତାନି  
 ପାଣ୍ଡି ଆତି ସୀସୁୟାଁ ତଲେ ତିଞ୍ଜାଲି କୁଗିଚେରି । ୧୫ ଅଡ଼େ ଏଖାସି ଏଖାରାଇଁ  
 ଏଲେଇଚେସି, “ନୀନୁ ଦୁକୁ କସ୍ତୁ ପୁଞ୍ଜାଆ ନକେଏ ମୀ ତଲେ ଇ ପିସ୍‌ପିଆନି  
 ପାର୍ବୁତି ବଜି ତିଞ୍ଜାଲି ହାରେକା ଅଶ୍‌ପାମାଚେସାଁ! ୧୬ ଏନିଇଚିହିଁ ନୀନୁ ମିଢ଼େ  
 ଖେସିମାଞ୍ଜାଇଁ, ମାହାପୁରୁ ରାଜିତା ଇ କାତା ବାରେ ପୁରା ଆଆପାଚେକା ନୀନୁ  
 ଅଡ଼େ ଏଚେଲାଖା ଏଦାଆଁ ତିନଅଁ ।” ୧୭ ଇଞ୍ଜି ଏଖାସି ର ସଲା ଆସାନା  
 ମାହାପୁରୁଇଁ ଜହରା କିହାନା ଏଲେଇଚେସି, “ମୀରୁ ଇଦାଆଁ ଅହାନା ମୀ ବିତ୍ରା  
 ବାଟିକିଦୁ । ୧୮ ଇଚିହିଁ ନୀନୁ ମିଢ଼େ ଖେସିମାଞ୍ଜାଇଁ, ମାହାପୁରୁ ରାଜି ଖାଆ  
 ପାଚେକା ନୀନୁ ନୀଞ୍ଜୁଟିଏ ଅଢ଼ୁରି ରାସା ଏଚେଲାଖା ଗହ୍‌ଅଁ ।” ୧୯ ଅଡ଼େ  
 ଏଖାସି ରୁଟି ଅହାନା ମାହାପୁରୁଇଁ ଜହରା କିହାଁ ଡ଼ିକ୍‌ହାନା ହାହାଁ ଏଲେଇଚେସି,  
 “ମିଢ଼େତାକି ହୀପ୍‌କି ଆହାମାନି ନୀ ଆଢ଼ା ଇଦି; ନାଢ଼େ ଅଶ୍‌ପାଲି ଇଦାଆଁ କିଦୁ  
 ।” ୨୦ ଏଲେକିହିଁଏ ତିତି ଡ଼ାୟୁ ଏଖାସି ଗହ୍‌ନି ସଲା ଆସାନା ଏଲେଇଚେସି,  
 “ଇ ସଲାତା ମିଢ଼େତାକି ଖାକ୍‌ହିମାନି ନୀ ନେଚେରିତି ପୁଞ୍ଜି ରାଜିମାନା ।” ୨୧  
 “ସାମା ମେହ୍‌ଦୁ ଆମ୍ପାଆସି ନାଢ଼େ ସାରୁ କେୟୁତା ହେର୍‌ପିମାଞ୍ଜାନେସି, ଏଖାସି  
 ନୀ ତଲେ ବଜିତା କୁଗାମାନେସି । ୨୨ ଏନିଇଚିହିଁ ମାହାପୁରୁ ତାରି କିହାମାତି  
 ଲେହେଁ ମାଣସି ମୀର୍‌ଏସି ହାନେସି, ସାମା ଏଖାଣାଇଁ ସାରୁ ଡ଼ାଣା ହେର୍‌ପିନେସି  
 ଆୟୁତା ଏଖାସି ଉଣେଏ ଡ଼ଣୁ ବେଟା ଆନେସି ।” ୨୩ ଏମ୍ପାଟିଏ ଏଖାରି ମୀ  
 ବିତ୍ରାଟି ଆମ୍ପାଆସି ଇଲେତି କାମା କିନେସି ଇଞ୍ଜି ଡ଼ାୟୁ ଡ଼ାୟୁଏ ଜଲ୍‌କି ଆଚେରି

। ୨୪ ଇଚ୍ଛା ଏହାରି ବିତ୍ରାଟି ଆତ୍ମାଆସି କାଜାସି ଆନେସି ଇଚ୍ଛା ସୀସୁୟାଁ  
 ବିତ୍ରା ଆସ୍‌ପି ଆତେରି । ୨୫ ଏମ୍ବାଟିଏ ଜୀସୁ ଏହାରାଇଁ ଏଲେଇଚେସି,  
 “ଏଟ୍‌କା କୃତ୍‌ତି ରାଜାୟାଁ ଏହାରି ମୁହେଁ ସାଲଖି କିନେରି, ଅଡ଼େ ଆମିନି  
 ଗାଟାରି ଏହାରାଇଁ ସାଲଖି କିନେରି, ଏହାରି ଲକ୍ଷ୍ମଣା ନେହାଁରି ଇଚ୍ଛା ଖେଡ୍‌ଲି  
 ଅଶ୍‌ପିନେରି । ୨୬ ସାମା ମୀ ବିତ୍ରା ଏଲେଆଆନୁ ଇଚିହଁ ମୀ ବିତ୍ରା ଆତ୍ମାଆସି  
 କାଜାସି ଏହାସି ଉଶା ଆପେସି, ଇଚ୍ଛା ଆତ୍ମାଆସି ସାଲଖି କିନାସି ଏହାସି  
 ସେବା କିନାସି ଆପେସି । ୨୭ ଆତ୍ମାଆସି କାଜାସି? ତିଚ୍ଛାଲି କୁଗିନାସି କାଜାସି  
 କି ସେବା କିନାସି କାଜାସି? ତିଚ୍ଛାଲି କୁଗିନାସି କାଜାସି ଆଏକି? ସାମା ନାନୁ  
 ମୀ ବିତ୍ରା ସେବା କିନାଚେଏଁଲେହେଁ ଆହାମାଇଁ ।” ୨୮ “ସାମା ମୀରୁ ନା ବାରେ  
 କସ୍ତା ନା ତଲେ ମାଜ୍ଜାମାଜ୍ଜେରି; ୨୯ ଇଚ୍ଛା ନା ଆବା ଏନିକିଁ ନାଡ୍‌ଲେ ସାଲଖି  
 କିହାଲି ପାଶା ହୀହାମାଜ୍ଜାନେସି, ନାନୁ ଜିକେଏ ଏଲେକିହଁଏ ମିଡ୍‌ଲେ ହିୟାଇଁ,  
 ୩୦ ଏନିକିଁ ମୀରୁ ନା ରାଜିତା ନା ତଲେ କୁଗାନା ତିଚ୍ଛେରି, ଇଚ୍ଛା ସିଂଗାସାଣିତା  
 କୁଗାନା ଇସ୍‌ପାୟେଲତି ବାର କୃତ୍‌ତି ସାଲଖି କିଦେରି ।” ୩୧ “ସିମନ, ସିମନ  
 ମେହ୍‌ମୁ ସୟତାନ ଗୁହଁ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ  
 ବେଟାଆହାମାନେ; ୩୨ ସାମା ନୀ ନାନୁ ଏନିକିଁ ମେଶ୍‌ଡ୍‌ଲେଏ, ଇଦାଆଁତାକି  
 ନାନୁ ନୀ ତାକି ପ୍ରାତାନା କିଚେଏଁ; ଇଚ୍ଛା ନାନୁ ନେହଁ ଆହାନା ଖେଶ୍‌ଟାସାରେ  
 ନୀ ତାୟିୟାଣି ତୀର୍‌ପୁକିମୁ ।” ୩୩ ସାମା ପିତର ଏଲେଇଚେସି, “ଏ ପ୍ରୁ  
 ନାନୁ ନୀ ତଲେ କାୟିଦିତା ହାଜାଲି ଅଡ଼େ ହାହାଲି ଜିକେଏ ଆଶ୍‌ଟାଇଁ ।” ୩୪  
 ସାମା ଜୀସୁ ଏଲେଇଚେସି, “ଏ ପିତର ନାନୁ ଏଲେଇଚ୍ଛାମାଜ୍ଜାଇଁ, ନୀଚ୍ଛା କୟୁ  
 କେଶ୍‌ଆ ନକେଏ ନାନୁ ନାଡ୍‌ଲେ ତାନିପାଲି ପୁଜ୍ଜାହିଲଅଁ ଇଚ୍ଛା ଖେହ୍‌ଦି ।” ୩୫  
 ଜୀସୁ ଏହାରାଇଁ ଏଲେଇଚେସି, “ଏଚିବେଲା ନାନୁ ମିଡ୍‌ଲେ ତାରୁୟାଁ ମଶା ଇଚ୍ଛା  
 ସେପୁୟାଁ ଅଆନା ହାଲୁ ଇଚ୍ଛା ପାଶ୍‌ଟା ମାଜ୍ଜାଚେଏଁ ଏ ବେଲା ମିଡ୍‌ଲେ ଏନାୟି ଉଶା  
 ଆୟାଚେକି?” ଏହାରି ଏଲେଇଚେରି, “ଏନାୟି ଆଏ ।” ୩୬ ଏମ୍ବାଟିଏ ଜୀସୁ  
 ଏଲେଇଚେସି, “ସାମା ନୀଏଁ ଆତ୍ମାଆରାକି ତାରୁୟାଁ ମାନୁ ଏହାସି ଏହାଆଁ  
 ଆପେସି, ଏଲେକିହଁଏ ମଶା ଜିକେଏ ଅପେସି, ଅଡ଼େ ଆତ୍ମାଆରାକି କାଶ୍‌ଟା  
 ହିଲେଏ ଏହାସି ତାନି ହିମ୍ପରି ପାର୍‌ତାନା କତାପେସି । ୩୭ ଇଚିହଁ ନାନୁ ମିଡ୍‌ଲେ  
 ଖେସିମାଜ୍ଜାଇଁ, ମାହାପୁରୁ ପତିତା ରାସ୍‌କି ଆହାମାନାୟି ସାଚେଏ ନାଡ୍‌ଲେତାକି  
 ଆନାୟି ମାନେ, ଏହାସି ପାପୁ ଗାଟାରି ତଲେ ଲେକା ଆନେସି, ଏଲେଆହିଏ  
 ଏ ବାରେ ନାଡ୍‌ଲେ ଏଜାତାଟିମାନେ ।” ୩୮ ଏମ୍ବାଟିଏ ଏହାରି ଏଲେଇଚେରି,



“ଏ ପ୍ରଭୁ ଇମ୍ପାଆଁ ରୀ କାଣ୍ଡା ମାନୁ ।” ଇଞ୍ଜି ଏଝାସି ଏଲେଇରେସି, “ହାଅ, ଏଝିଏ ସାରି ଆନୁ ଇରେସି ।” ୩୯ ଏଝାସି ଗାଡ଼ାଟି ହୁଚା ହାଜାନା ତାନୁ ହାଲ୍‌ଝିତିଲେହେଁ ଜୀତ ହୁରୁତା ହାରେସି, ଅଡ଼େ ସୀସୁୟାଁ ଜିକେଏ ଏଝାଣି ଜେଚ ହାରେରି । ୪୦ ଏମ୍ପାଆଁ ଏଜାନା ଏଝାସି ତାନି ସୀସୁୟାଁଙ୍କ ଖେସ୍ତେସି, “ମୀରୁ ଏନିକିଁ ପାନ୍ନାତା ହେର୍‌ଝି ଆଅତେରି, ଇଦାଆଁତାକି ପ୍ରାତାନା କିଦୁ ।” ୪୧ ଅଡ଼େ ଏଝାସି ଏଝାରି ତାଣାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାତାନା କିହିଁ ଖେସ୍ତେସି, ୪୨ “ଏ ଆବା ନୀନୁ ମନ କିତିହିଁ ଇ ଦୁକୁ କସ୍ତୁ ନା ତାଣାଟି ଗୁଡ଼ି କିମ୍ପୁ; ସାମା ନା ମନ କଡ଼େ ଆଏ ନୀ କାତେଏ ଆପେ ।” ୪୩ ଅଡ଼େ ଲାକପୁରୁଡ଼ି ର ଦୁରୁ ଚଞ୍ଚାଆହାନା ଏଝାଣାକି ବାଡ଼୍‌ୟୁ ହୀତେ । ୪୪ ଏରେଟିଏ ଏଝାସି ହାରେକା ଦୁକୁ ତଲେ ଅଡ଼େ ଗାଡ଼ିକିହିଁ ପ୍ରାତାନା କିତେସି, ଇଞ୍ଜି ଏଝାଣି ଗାମା ନେତେରିଲେହେଁ ବୃମିତା ତର୍‌ଗିମାତେ । ୪୫ ଅଡ଼େ ଏଝାସି ପ୍ରାତାନାଟି ନିଢ୍ଫା ଖାହାନା ତାନି ସୀସୁୟାଁଣି ଦୁକୁ ତଲେ ଇଦା କିତାଣି ମେସ୍ତେସି; ୪୬ ଇଞ୍ଜି ଏଝାସି ଏଝାରାଇଁ ଏଲେଇରେସି, “ଏନାଆଁତାକି ତୁରାମାଞ୍ଜେରି? ପାନ୍ନାତା ଏନିକିଁ ହେର୍‌ଝିଆତେରି ଏଦାଆଁତାକି ନିଢ୍ଫା ପ୍ରାତାନା କିଦୁ ।” ୪୭ ଏଝାସି ଜଲିମାତାଟି ର ମାନ୍ନା ଲକୁ ଏମ୍ପାଆଁ ଏଗା ଖାତେରି, ଅଡ଼େ ବାରଜାଣା ସୀସୁୟାଁ ବିତ୍ରାଟି ଜୀହୁଦା ଦରୁଗାଟାସି ଏଝାରି ନକିତା ଖାହାନା ଜୀସୁଇଁ ନଶ୍ତାଲି ତାନି ତାଣା ହାରେସି । ୪୮ ସାମା ଜୀସୁ ଏଝାଣାଇଁ ଏଲେଇରେସି, “ଏ ଜୀହୁଦା ନଶ୍ତାନା ମାଣ୍‌ସି ମୀର୍‌ଏଣାଇଁ ସୀତୁୟାଁ କେୟୁତା ହେର୍‌ପିମାଞ୍ଜି?” ୪୯ ଏମ୍ପାଟିଏ ଜୀସୁତଲେ ମାତାରି ଇଦି ଏନାୟି ଇଞ୍ଜି ପୁଞ୍ଜାନା ଜୀସୁଇଁ ଏଲେଇରେରି, “ଏ ପ୍ରଭୁ ମାୟୁ ଇଝାରାଇଁ କାଣ୍ଡାତଲେ ପାୟିନମି କି?” ୫୦ ଅଡ଼େ ଏଝାରି ରଅସି କାଜା ପୂଜେରା ହୁଲେଏଣାଇଁ ଇର୍‌ହାନା ତାନି ଚିଃନି କିୟୁଁ ଦାତାତୁସ୍ତେସି । ୫୧ ସାମା ଜୀସୁ ଏଲେଇରେସି, “ଇଚେକେଏ ଆତେ” ଇଞ୍ଜାନା ଏଝାଣି କିୟୁଁ ତୀଗାନା ନେହିଁ କିତେସି । ୫୨ ଅଡ଼େ ଜୀସୁ ତାଢ୍ଫେ ଆସାଲି ଖାହାମାଟି କାଜା ପୂଜେରା, ମାହାପୁରୁ ଇଲୁଡ଼ି କାପୁଗାଟାରି ଅଡ଼େ ଲକୁଡ଼ି କାଜାରାଇଁ ଏଲେଇରେସି, “ମୀରୁ ସରୁଇଁ ଆହ୍‌ନିଲେହେଁ ଇଟା କାଣ୍ଡା ଅଡ଼େ ଟେଢ୍ଫାୟାଁ ଆସାନା ଖାହାମାଞ୍ଜେରି? ୫୩ ନାନୁ କାଲେଏ ମୀ ତଲେ ମାହାପୁରୁ ଇଲୁଡ଼ା ମାରେଏଁ, ଏଚିବେଲା ମୀରୁ ନାଢ୍ଫେ ଆସୁଆତେରି; ସାମା ଇ ଦିନା ମୀଦିଏ ଅଡ଼େ ଆନେରିଡ଼ି ବାଡ଼୍‌ୟୁ ରାଜିକିନି ଦିନା ।” ୫୪ ତାୟୁ ଏଝାରି ଏଝାଣାଇଁ ଅହାନା କାଜା ପୂଜେରା ଇଜ ତାତେରି; ସାମା ପିତର ହେକ

ମାଞ୍ଜୁନା ଜେତ ଜେତ ହାରେସି । ୫୫ ଅଡ଼େ ଏଝାରି ଆଂଗେଣିତା ହିରୁ ତାସାନା  
 ହିରୁ ସାରିସୁରୁ କୁଗିତେରି, ଇଞ୍ଜି ପିତର ଜିକେଏ ଏଝାରିତଲେ କୁଗିତେସି  
 । ୫୬ ଏମ୍ବାଟିଏ ର ହଲେଣି ପିତର ହିରୁ ମାଣ୍ଡାତା କୁଗାମାନାଣି ମେସାନା,  
 ଏଝାଣାଇଁ ସିନିକିହାନା ଏଲେଇରେ, “ଇଝାସି ଜିକେଏ ଏଝାଣିତଲେ ମାତାସି  
 ।” ୫୭ ସାମା ପିତର ଏଲେଇରେସି, “ଆଏକା ନାନୁ କଡ଼େ ଏଝାଣାଇଁ ପୁଣ୍ଡୁଏ  
 ପୁଞ୍ଜୁହିଲଅଁ ।” ୫୮ ଅଡ଼େ ଗାଡ଼େକା ହାଜାଲିଏ ଅଡ଼େ ରଅସି ଏଲେଇରେସି,  
 “ନାନୁ ଜିକେଏ ଏଝାରି ବିତ୍ରାଟି ରଅତି ।” ସାମା ପିତର ଏଲେଇରେସି, “ଆଏ  
 ତାୟି ନାନୁ କଡ଼େ ଆଏ ।” ୫୯ ଅଡ଼େ ର ଗଂଟା ହାଜାଲିଏ ଅର ରଅସି  
 ଏଲେଇରେସି, “ସାତେଏ ଇଝାସି ଏଝାରିତଲେ ମାତାସି, ଏନିଇତିହିଁ ଇଝାସି  
 ଗାଲିଲି ଦେସାତାସି ।” ୬୦ ସାମା ପିତର ଏଲେଇରେସି, “ନାନୁ ଏନାଆଁ  
 ଇଞ୍ଜିମାଞ୍ଜି ତାୟି ନାନୁ ଏଦାଆଁ ପୁଞ୍ଜୁହିଲଅଁ ।” ଏ ଦେବୁଣିଏ କୟୁ କେଶ୍ୱତେ; ୬୧  
 ଏମ୍ବାଟିଏ ପ୍ରୁ ମୁମୁ ପେରହାନା ପିତରଇଁ ସିନିକିତେସି; ଏମ୍ବାଟିଏ ନୀଞ୍ଜୁ କୟୁ  
 କେଶ୍ୱା ନକେଏ ନାନୁ ପୁଞ୍ଜୁହିଲଅଁ ଇଞ୍ଜୁଦି, ପ୍ରୁ କ୍ଷେସ୍ତି ଇ କାତା ତାନି ମନତା  
 ଝାଡ଼େ, ୬୨ ଇଞ୍ଜି ଏଝାସି ପାଡ଼ୁତା ହାଜାନା ଗାଡ଼ି ଦୁକୁ ଆହାନା ଡ଼ାତେସି ।  
 ୬୩ ଅଡ଼େ ଆମିନିଗାଟାରି ଜୀସୁଇଁ ଆସା ଇଟାମାତେରି, ଏଝାରି ଏଝାଣାଇଁ  
 ଝେଚି ଝେଚିହିଁ କାକ୍‌ହେରି, ୬୪ ଅଡ଼େ ଏଝାଣି ମୁମୁତା ହିମ୍ପରି ପୁକ୍‌ହାନା  
 ଝେଚେରି, “ନାନୁସାଁ ମାହାପୁରୁ ଅଶ୍‌ପୁତି ବଲୁ ଝେହ୍‌ନାତି! ଝେସ୍ତାମୁ ନିଢ୍ଢେ  
 ଆମ୍ବାଆସି ଝେତାତେସି?” ୬୫ ଅଡ଼େ ଏଝାରି ହାରେକା କାତା ଏଝାଣି କପାଟି  
 ଜଲାନା ଏଝାଣି ନିନ୍ଦୁକିତେରି । ୬୬ ଲାଇ ଝେୟାଲିଏ ଲକୁତି କାଜାରି, କାଜା  
 ପୂଜେରାଡ଼ୁ ଅଡ଼େ ମେରାପୁନାରି ରୁଣ୍ଡା ଆହାନା ତାମି ବେରଣିମାଣ୍ଡାତା ଜୀସୁଇଁ  
 ଅହାନା ଝେଚେରି, ୬୭ “ନାନୁ କ୍ରୀସ୍ତୁତିକି ମାଢ୍ଢେ ଝେସ୍ତାମୁ ।” ସାମା ଏଝାସି  
 ଏଝାଣାଇଁ ଏଲେଇରେସି, “ନାନୁ ମିଢ୍ଢେ ଝେସ୍ତାସାରେ ମୀରୁ ନାମଅତେରି; ୬୮  
 ଅଡ଼େ ନାନୁ ଝେଞ୍ଜୁତିହିଁ ମୀରୁ ଝେସାଲି ଆତଅତେରି । ୬୯ ସାମା ନୀଏଁଟିଏ  
 ମାଣ୍ଡସି ମୀରୁଏସି ବାଡ଼୍‌ୟୁଗାଟି ମାହାପୁରୁ ଚିଃନି ଚଟତା କୁଗିନେସି ।” ୭୦  
 ଏମ୍ବାଟିଏ ବାରେଜାଣା ଝେଚେରି, “ଆତିହିଁ ନାନୁ ମାହାପୁରୁ ମୀରୁଏଣାତିକି?”  
 ଏଝାସି ଏଝାଣାଇଁ ଏଲେଇରେସି, “ମୀରୁତ ଝେସିମାଞ୍ଜାଦେରି, ନାନୁ ଏଝାତେଏଁ  
 ।” ୭୧ ଏଚେଟିଏ ଏଝାରି ଏଲେଇରେସି, “ମାଢ୍ଢେ ଅଡ଼େ ଏନି ସାକି ଲଡ଼ା,  
 ମାରତ ଇ କାତା ତାନି ଗୁଡ଼ିଟିଏ ଝେଚାୟି ।”

**୨୩** ଏତେଟିଏ ଡାୟୁ ବାରେଜାଣା ନିଢ଼ୁନା ଜୀସୁଇଁ ପିଲାତ ନକିତା ଅତେରି । ୨ ଇଞ୍ଜି ଏଞ୍ଜାରି ଜୀସୁ କପାଟି ଦହ ଦସାନା ଏଲେଇରେରି, “ମୀସୁ ପୁତମି ଇଞ୍ଜାସି ମା କୁଡାତି ଲକୁଣି ପଲଆ ଜାପୁହିମାନେସି, ଇଚିହିଁ ଇଞ୍ଜାସି କାୟିସରକି ସିସୁ ହାଆଦୁ, ତାନୁ ନାନୁଏ କ୍ରୀସୁ ଅଡେ ରାଜାତେଏଁ ଇଞ୍ଜି ଖେସା କଡିମାନେସି ।” ୩ ଏତେଟିଏ ପିଲାତ ଜୀସୁଇଁ ଖେରେସି, “ନୀନୁ କି ଜୀହୁଦି ଲକୁଡି ରାଜାତି?” ଜୀସୁ ଖେସୁସି, “ନୀନୁତ ଖେସିମାଞ୍ଜି ।” ୪ ଏତେଟିଏ ପିଲାତ କାଜା ପୁଜେରା ଅଡେ ବାରେ ଲକୁଣି ଏଲେଇରେସି, “ନୀନୁ ଇଞ୍ଜାଣି ତାଣା ଏନି ଦହ ପୁଃଆତେଏଁ ।” ୫ ସାମା ଏଞ୍ଜାରି ଗାଡିକିହିଁ ଜଲିତେରି, “ଇଞ୍ଜାସି ଗାଲିଲିଟିଏ ମାହୁହାନା ଇମ୍ମା ପାତେକା ବାରେ ଜୀହୁଦା ଦେସାତି ଲକୁଣି ଜାପୁହାନା ଲାଗେଏ କିହିମାନେସି ।” ୬ ସାମା ପିଲାତ ଇ କାତା ଖେଞ୍ଜାନା ଖେରେସି, “ଇଞ୍ଜାସି ଗାଲିଲିତାସିକି?” ୭ ଇଞ୍ଜି ଏଞ୍ଜାସି ହେରଦ ରାଜା ରାଜି ତାସି ଇଞ୍ଜି ପୁଞ୍ଜାନା ଏଞ୍ଜାଣାଇଁ ହେରଦ ତାଣା ପାଣ୍ଡିତେସି, ଏନିଇଚିହିଁ ଏତିବେଲା ହେରଦ ଜିରୁସାଲମତା ମାରେସି । ୮ ହେରଦ ଜୀସୁଇଁ ମେସାନା ହାରେକା ରାହାଁ ଆତେସି, ଏନିଇଚିହିଁ ଏଞ୍ଜାସି ଏଞ୍ଜାଣି କାତା ଖେଞ୍ଜା ମାତାକି ଏଞ୍ଜାଣାଇଁ ହାରେକା ଦିନାଟିଏ ମେସାଲି ମନ କିହିମାରେସି, ଇଞ୍ଜି ଏଞ୍ଜାଣି ତାଣାଟି ଏନି କାବାଆନି କାମାକିନାଣି ମେହୁଇଁ ଇଞ୍ଜି ଆସା କିହିମାରେସି । ୯ ହେରଦ ଜୀସୁଇଁ ଏନି ଏନି କାତାୟଁ ଖେରେସି, ସାମା ଜୀସୁ ଏଞ୍ଜାଣାଇଁ ଏନି କାତାଞ୍ଜା ଖେଣ୍ଡେ ଖେହୁଆତେସି । ୧୦ ସାମା କାଜା ପୁଜେରାଟ୍ଟୁ ଅଡେ ମେରାପୁନାରି ନିତାନା ଏଞ୍ଜାଣି କପାଟି ଆଜିହୁପେତି କାତାୟଁ ଜଲିମାରେରି । ୧୧ ଏତେଟିଏ ହେରଦ ତାନି କସକା ତଲେ ଏଞ୍ଜାଣାଇଁ କାକ୍‌ହି କାକ୍‌ହିହିଁ ନିନୁକିତେରି ଏତେଟିଏ ର ପାଟୁ ହିମ୍ପୁରି ଏଞ୍ଜାଣାଇଁ ହୁଡି କିହାନା ପିଲାତ ତାଣା ଖେଣ୍ଡେ ପାଣ୍ଡିତେରି । ୧୨ ଏ ଦିନାଟିଏ ପିଲାତ ଅଡେ ହେରଦ ତଣେ ଆତେରି; ଏଞ୍ଜାରି ନକେଏ ସାତୁୟଁଲେହେଁ ମେସପି ଆଞ୍ଜିତେରି । ୧୩ ଏମ୍ମାଟିଏ ପିଲାତ କାଜା ପୁଜେରା ଜୀହୁଦି ଲକୁଡି କାଜାରି ଅଡେ ବାରେ ଲକୁଇଁ ହାଟି କିହାନା ଏଞ୍ଜାଣାଇଁ ଏଲେଇରେସି, ୧୪ “ଇଞ୍ଜାସି ଲକୁଣି ପଲଆ ଜାପୁହିମାନେସି ଇଞ୍ଜି ମୀରୁ ନା ତାଣା ତାତେରି; ସାମା ନୀନୁ ଏଞ୍ଜାଣାଇଁ ମୀ ନକିତା ତାୟିପାରି କିତେଏଁ ଇଞ୍ଜି ମୀରୁ ଖେସାମାଞ୍ଜାତି ଏନି ଦହ ଏଞ୍ଜାଣି ତାଣା ପୁଃଆତେଏଁ, ଇଞ୍ଜି ହେରଦ ଜିକେଏ ପୁଃଆତେସି, ୧୫ ଏନିଇଚିହିଁ ହେରଦ ଅଡେ ଖେଣ୍ଡେ ନା ତାଣା ପାଣ୍ଡାତେସି; ଇଞ୍ଜି ମେହୁଦୁ ଇଞ୍ଜାସି ହାନି ତଣ୍ଡୁ ପାଣ୍ଡି ଏନି ଦହଞ୍ଜା କିହାହିଲଅସି; ୧୬ ଏଦାଆଁତାକି

ନାନୁ ଇଖାଣାଇଁ ସାତ୍‌ଣି ତଲେ ଝେଚାନା ପିହ୍‌ଇଁ ।” ୧୭ ପିସ୍‌ପିଆନି ପାର୍ବୁ  
 ବେଲା କାୟିଦି ମାନାରି ବିତ୍ରାଟି ରଅଣାଇଁ ଏଞ୍ଜାରାକି ପିସାଲି ମେରା ମାଚେ  
 । ୧୮ ସାମା ଏଞ୍ଜାରି ରହେଁଏ ଗାଡିକିହିଁ ଏଲେଇଚେରି, “ଇଖାଣାଇଁ ପାୟାଦୁ  
 ବାରବାଇଁ ମାଡ୍‌ଜେ ପିସାହିୟାମ୍‌!” ୧୯ ଇ ବାରବାଇଁ ଗାଡାଡି ଗଡ୍‌ହା ତାକି ଇଞ୍ଜି  
 ରଅଣାଇଁ ପାୟାମାଚାକି କାୟିଦି ଇଟାମାଚେରି । ୨୦ ସାମା ପିଲାତ ଜୀସୁଇଁ  
 ପିସାଲି ଅଣ୍‌ପାନା ଲକୁ ମାନ୍‌ଡାଡି ଅଡେ ପୁଣ୍‌ମ୍‌ କିହାଲି ଝେସ୍‌ସେସି । ୨୧ ସାମା  
 ଏଞ୍ଜାରି କାଜା ହାତାତଲେ ଏଲେଇଚେରି, “ଏଞ୍ଜାଣାଇଁ ପାସି ମୁଣ୍ଡାତା ଏକ୍‌ଦୁ  
 ପାସି ମୁଣ୍ଡାତା ଏକ୍‌ଦୁ ଇଞ୍ଜି ଇଚେରି ।” ୨୨ ଇଞ୍ଜି ଏଞ୍ଜାସି ଅଡେ ତାନି ପାଲି  
 ଝେସ୍‌ସେସି, “ଏନାଆଁତାକି, ଏଞ୍ଜାସି ଏନି ଦହ କିହାମାନେସି? ନାନୁ ଏଞ୍ଜାଣି  
 ତାଣା ଏନି ହାନିହ୍‌ଗେଡି ଦହ ପ୍ଲାଞ୍ଜାତେଏଁ; ଏଦାଆଁତାକି ନାନୁ ଏଞ୍ଜାଣାଇଁ  
 ସାସି ହାହାନା ପିହ୍‌ଇଁ ।” ୨୩ ସାମା ଏଞ୍ଜାରି କାଜା ଗିୟ୍‌ତଲେ ଏଞ୍ଜାଣାଇଁ  
 ପାସି ମୁଣ୍ଡାତା ଏକ୍‌ହାଲି ଝେସ୍‌ସେରି, ତାୟୁ ଏଞ୍ଜାରି ଝେସ୍‌ସାୟିଏ ଆଡେ । ୨୪  
 ଇଞ୍ଜି ଏଞ୍ଜାରି ଝେସ୍‌ସିଲେହେଁଏ କିୟାଲି ପିଲାତ ହୁକୁମି ହାତେସି; ୨୫ ସାମା  
 ଆନିନିଗାଟାସି ଗଡ୍‌ହା ଅଡେ ଲକୁଣି ପାୟାଲିଏ କାୟିଦିତା ଇଟାମାଚାଣାଇଁ  
 ରାସା ମାଚେରି ପିସ୍‌ସେସି, ଅଡେ ଜୀସୁଇଁ ଏଞ୍ଜାସି ଏଞ୍ଜାରି ଅଣ୍‌ପିତି ଲେହେଁ  
 କିୟାଲି ଏଞ୍ଜାରିତାଣା ହେର୍‌ପିତେସି । ୨୬ ଏଞ୍ଜାରି ଜୀସୁଇଁ ଅହିମାଚାଟି  
 ସିମନ ଦରୁଗାଟି କୁରିଣି ଦେସାଟି ର ନାୟ୍‌ଟି ଝାହିମାଚେସି, ଏଞ୍ଜାରି ଏଞ୍ଜାଣାଇଁ  
 ପାସିମୁଣ୍ଡା ତେକି କିହାନା ଜୀସୁ ଜେଚ ଜେଚ ଅଡେରି । ୨୭ ମାନ୍‌ଲୁ ଲକୁ  
 ଜୀସୁ ଜେଚ ହାଜିମାଚେରି ଅଡେ ତାନି ତାକି ବକତା ଝେଚା କଡିହିଁ ତାହି  
 ତାହି ଏଚରଜାଣା ଇୟାସିକା ଜିକେଏ ଏଞ୍ଜାଣି ଜେଚ ହାଜିମାଚୁ । ୨୮ ସାମା  
 ଜୀସୁ ଏଞ୍ଜାସିକାଞ୍ଜାକି ସିନିକିହାନା ଏଲେଇଚେସି, “ଆଲ, ଜିରୁସାଲମତି  
 ମାସ୍‌କାଚେରି ନା ତାକି ତାଆଦୁ ସାମା ମୀ ତାକି ଅଡେ ମୀ କକାରି ପଦାଁ  
 ତାକି ତାଦୁ: ୨୯ ହେଣ୍ଡୁ ଇଲେତି ଦିନା ଝାହିମାନେ, ଆମ୍‌ଆୟି ବାଞ୍ଜେଣିସିକା,  
 ଆମ୍‌ଆୟି ଏଚେଲା ପୁରାମାସା ଆହାହିଲାର ଅଡେ ପାଲୁ ଉର୍‌ହା ହିଲାର ଲକୁ  
 ଏଞ୍ଜାସିକାଣି ମିଡ୍‌ଜେଏ ନେହେଁ ଇଞ୍ଜାନେରି । ୩୦ ଏଚିବେଲା ଲକୁ ହର୍‌କାଣି  
 ଏଲେଇଚେରି ମା ଲାକ ତର୍‌ଗାଦୁ ଅଡେ ଉଣା ହର୍‌କାଣି ଏଲେଇଚେରି ମାଡ୍‌ଜେ  
 ପିକ୍‌ହାନା ଦୁକ୍‌ହାଦୁ । ୩୧ ଏନିଇଚିହିଁ ଲକୁ ହିଲିଲି ମାର୍‌ନୁଡି ଏଲେକିଡିହିଁ,  
 ଏଦି ଝାୟିସାରେ ଏଦାଆଁ କିହାଁ ଆଗାଡା କିଅରିକି?” ୩୨ ଦହଗାଚାରି ରିଆରି  
 ଜିକେଏ ପାସି ଏକ୍‌ହାଲି ଜୀସୁତଲେ ଅଞ୍ଜିଆଚେରି । ୩୩ ଏମ୍‌ପାଟିଏ ଏଞ୍ଜାରି

ତାହୁଁଗିର୍ବା ଇନି ଟାୟୁତା ଏଜାନା ଏମ୍ବାଆଁ ଜୀୟୁଇଁ ପାସି ମୁଣ୍ଡାତା ଏକହାନା  
 ଏ ରୀ ଦହଗାଟାରି ବିତ୍ରାଟି ରଥଣାଇଁ ଏଖାଣି ଚିଃନିଖାକି ଅଡ଼େ ରଥଣାଇଁ  
 ଏଖାଣି ଚେବୁଖାକି ପାସି ଏକହେରି । ୩୪ ଏଚିବେଲା ଜୀୟୁ ଏଲେଇଚେସି, “ଏ  
 ଆବା ଏଖାରି ଦହ ଆହୁଆନି, ଇଚିହିଁ ଏଖାରି ଏନାଆଁ କିହିମାନେରି ଏଦାଆଁ  
 ପୁଞ୍ଜୁହିଲଅରି ।” ଅଡ଼େ ଏଖାରି ଏଖାଣି ହିମ୍ପରି ବାଟିକିହାଲି ପାଦି କିଚେରି ।  
 ୩୫ ଇଞ୍ଜିଁ ଲକୁ ବାରେ ନିଚାନା ସିନିକିହିମାଚେରି, ଏଖାରି ବିତ୍ରାଟି କାଜାରି  
 ଜିକେଏ ନିନ୍ଦୁକିହିଁ ଏଲେଇଚେରି, “ଏଖାସି ଏଟ୍‌କା ଲକୁଣି ଗେଲ୍‌ପିଚେସି;  
 ଏଖାସି ମାହାପୁରୁ ଆଚିଟି କ୍ରୀସ୍ତୁ ଇଚିହିଁ ତାନୁଏ ତାଡ଼େ ଗେଲ୍‌ପିକିହା କତାପେସି  
 ।” ୩୬ କସକା ଜିକେଏ ଏଖାଣି ତାଗେ ହାଜାନା ପୁଲାଏୟୁ ଗସାଲି ହାହାଁ  
 ଏଖାଣାଇଁ କାକିହିଁ ଏଲେଇଚେରି, ୩୭ “ନୀନୁ ଜୀହୁଡ଼ି ଲକୁଡ଼ି ରାଜାଟି ଇଚିହିଁ  
 ନୀନୁଏ ନିଡ଼େ ପିସ୍‌ପି କିହାକତାମୁ ।” ୩୮ ଇଞ୍ଜିଁ ଏଖାଣି ପାସିମୁଣ୍ଡା ଲାକ  
 ଇଲେଇଞ୍ଜିଁ ରାସକି ଆହାମାଚେ, “ଇଖାସି ଜୀହୁଡ଼ି ଲକୁଡ଼ି ରାଜା ।” ୩୯ ଅଡ଼େ  
 ପାସି ମୁଣ୍ଡାତା ପାସି ଏକହାମାଚି ଦହଗାଟାରି ବିତ୍ରାଟି ଜିକେଏ ରଥସି ଏଖାଣାଇଁ  
 ନିନ୍ଦୁକିହିଁ ଏଲେଇଚେସି, “ନୀନୁ କ୍ରୀସ୍ତୁଟି ଆଏକି? ନିଡ଼େ ଅଡ଼େ ମାଡ଼େ ପିସ୍‌ପି  
 କିୟାମୁ ।” ୪୦ ସାମା ଅଡ଼େ ରଥସି ଏଖାଣାଇଁ ଦାକା ହାହାନା ଏଲେଇଚେସି,  
 “ନୀନୁ ଏଖାଣିଲେହେଁ ତଣ୍ଡୁ ବେଟାଆହିଁ ଜିକେଏ ନିଡ଼େ ମାହାପୁରୁଇଁ ଆଜି  
 ହିଲେଏ? ୪୧ ଅଡ଼େ ମାରସା ନୀହାୟି ତଲେ ତଣ୍ଡୁ ବେଟାଆହି ମାନାୟି, ଇଚିହିଁ  
 ମା କିଚି କାମାଟି ପାଡ଼େୟି ବେଟାଆହି ମାନାୟି; ସାମା ଇଖାସି ଏନି ଦହ  
 କିହାହିଲଅସି ।” ୪୨ ଇଞ୍ଜିଁ ଏଖାସି ଜୀୟୁଇଁ ଏଲେଇଚେସି, “ଏ ଜୀୟୁ ନୀନୁ  
 ନୀ ରାଜିତା ହାଚିସାରେ ନାଡ଼େ ଅଶ୍‌ପାମୁ ।” ୪୩ ଏମ୍ବାଟିଏ ଜୀୟୁ ଏଖାଣାଇଁ  
 ଏଲେଇଚେସି, “ନୀନୁ ନିଡ଼ୁ ସାତା ଖେସିମାଞ୍ଜୁଇଁ, ନୀଞ୍ଜୁ ନୀନୁ ଲାକପୁରୁତା  
 ନା ତଲେ ମାଞ୍ଜୁ ।” ୪୪ ଏଚିବେଲା ସମାନା ବାରଗଂଟା ଆହାମାଚେ, ଅଡ଼େ  
 ଖେଡ଼ା ଉଜେଡ଼ି ହାଆତାକି ତାନି ଗଂଟା ପାଚେକା ଡେସା ବାରେ ଆନେରି  
 ଆହାମାଚେ, ୪୫ ଇଞ୍ଜିଁ ମାହାପୁରୁ ଇଲୁତା ଲେଚାମାନି ହିମ୍ପରି ରୀ ବାଗା ଆହିଁ  
 ଗେଞ୍ଜୁ ହାଚେ । ୪୬ ଅଡ଼େ ଜୀୟୁ କାଜା ଗିୟାତଲେ ହାଚିହିଁ ଏଲେଇଚେସି,  
 “ଏ ଆବା ନୀ କେୟୁତା ନା ଜୀସ୍ତୁଟି ହେର୍‌ପିମାଞ୍ଜୁଇଁ!” ଏଲେଇଞ୍ଜିଁ ଜଲାନା  
 ତାନି ଜୀସ୍ତୁ ହାଚେ । ୪୭ ଏଦାଆଁ ମେସାନା ପାସାକଡ଼ି କସକା ମୁହେଁ କାଜାସି  
 ମାହାପୁରୁଇଁ ଜହରା କିହିଁ ଏଲେଇଚେସି, “ଇଖାସି ସାଚେଏ ତାରିଗାଟାସି  
 ମାଚେସି ।” ୪୮ ଇଞ୍ଜିଁ ଏଖାଣାଇଁ ମେସାଲି ରୁଣ୍ଡା ଆହାମାଚି ବାରେ ଲକୁ

ଇ ବାରେ ମେସାନା ବକତା ଝେଟା କଡିହିଁ ଝେଣ୍ଡା ହାଚେରି । ୪୯ ସାମା  
 ଜୀସୁଇଁ ପୁଞ୍ଜାମାତି ବାରେ ଲକୁ ଇଞ୍ଜି ଗାଲିଲିଟି ରହେଁଏ ଆଣ୍ଡାନା ତାନି ଜେଚ  
 ଜେଚ ଝାହାମାତି ଇୟାସିକା ହେକ ନିତାନା ଏ ବାରେ ସିନିକିହିମାରୁ । ୫୦  
 ଇଞ୍ଜି ଜୀହୁଦି ଦେସାତି ହାରାମାତିୟା ଇନି ଗାଡ଼ାତି ଜସେପ ଇନାସି ଜୀହୁଦି  
 ଲକୁତି କାଜା କୁଲମିତି ରଅସି ମାରେସି; ଏଝାସି ନେହାଁସି ଇଞ୍ଜି ତୀରିଗାଟାସି  
 ମାରେସି । ୫୧ ଜୀହୁଦାତି ହାରାମାତିୟା ଇନି ନାୟୁତି ଜସେପ ଇନାସି ର  
 ମାଣ୍ଡସି ମାରେସି । ଏଝାସି ଦାମୁଗାଟାସି ଇଞ୍ଜି ମାନି ଗାଟାସି ମାରେସି ଅଡ଼େ  
 ମାହାପୁରୁତି ରାଜି ଝାନାଣି କାତିମାରେସି । କାଜା ବେରଣିତି ମାଣ୍ଡସି ମାତିହିଁ  
 ଜିକେଏ, ଏଝାସି ଏଝାରି କାତା ଅଡ଼େ କାମାତା ଆଣ୍ଡିହିଲିଆତେସି । ୫୨  
 ଏଝାସି ପିଲାତ ତାଣା ହାଜାନା ଜୀସୁ ମାଡ଼ହାତି ରାସ୍ତେସି, ୫୩ ଇଞ୍ଜି ମାଡ଼ହାତି  
 ରେପହାନା ନେହିଁ ପାତାଡ଼ା ହିମ୍ପରି ରୂପାନା ଏମ୍ପାଆଁ ହରୁତା କାରହାମାତି  
 ଏଚେଲା ଆମ୍ପାଆରି ମୁସାହିଲିଆ ମାଡ଼ହା ମୁହନି ଚାୟୁତା ଏଝାଣାଇଁ ମୁସ୍ତେରି  
 । ୫୪ ଏ ଦିନା ତିୟାରା ଆନି ଦିନା ମାଚେ ଅଡ଼େ ଜମିନି ଦିନା ଏଗା ଝାହିମାଚେ  
 । ୫୫ ଅଡ଼େ ଗାଲିଲିଟି ଝାହାମାନି ଇୟାସିକା ଜେଚ ଜେଚ ହାଜାନା ମାହଣି  
 ମାଣ୍ଡା ଅଡ଼େ ତାନି ମାଡ଼ହା ଏନିକି ମୁସାମାଟାଣି ମେସୁ, ୫୬ ଇଞ୍ଜି ଏଝି ଝେଣ୍ଡା  
 ହାଜାନା ଗାନ୍ତା ନିୟୁଁ ଇଞ୍ଜି ଗାନ୍ତାଗାଟି ଆସ୍ତି ତିୟାରା କିତୁ । ଇଞ୍ଜି ଜମିନି  
 ଦିନାତା ତାନି ମେରାଲେହେଁ ଜମିତୁ ।

**୨୪** ଅଡ଼େ ଜମିନି ଦିନାତି ମେରା ତଲେ ଜମିତୁ, ସାମା ଝାରାତି ତଲିତି  
 ଦିନାତା ଜୁଲୁପୁଲୁ ଝେୟାଲିଏ ଏଝି ତାମୁ କିହାମାତି ଗାନ୍ତାନିୟୁଁ ଆସାନା ମାହଣି  
 ମାଣ୍ଡାତା ହାରୁ । ୧ ଇଞ୍ଜି ମାହଣି ମାଣ୍ଡାତା ପିକହାମାତି ଝାଲି ଗୁତା ଆହାମାନାଣି  
 ମେସୁ । ୩ ସାମା ଏଝି ବିତ୍ରା ହାଜାନା ପ୍ରବୁ ଜୀସୁତି ମାଡ଼ହା ଏମ୍ପାଆଁ ମେହୁଆତୁ  
 । ୪ ଏଝି ଏଦାଆଁତାକି ବିଲ୍ଲକି ଆହିମାତି ଦେବୁଣିଏ ମୁହନି ହିମ୍ପରି ହୁତାମାତି  
 ରିଆରି ଏଝାସିକା ନକିତା ନିତାମାନେରି । ୫ ଏମ୍ପାଟିଏ ଏଝି ଆତାଜାକା  
 ଆହାନା ବୁନିତା ତାର୍କା ଲେସୁ ଇଞ୍ଜି ଏଝାରି ଏଝାସିକାଣି ଏଲେଇଚେରି,  
 “ମୀରୁ ଏନାଆଁତାକି ହାତାରି ବିତ୍ରାଟି ନୀତାମାନାରାଇଁ ପାରିମାଞ୍ଜେରି? ୬  
 ଏଝାସି ଇମ୍ପାଆଁ ହିଲଅସି, ଏଝାସି ନିଞ୍ଜୁମାନେସି, ଏଝାସି ଗାଲିଲିତା ମାଟାଟି  
 ଝେସାମାଞ୍ଜାତାଣି ଅଣ୍ଡାଦୁ । ୭ ମାଣ୍ଡସି ମୀରୁଏସି ପାସି ମୁଣ୍ଡାତା ହାୟାଲି  
 ପାପୁ ଗାଟାରି ତାଣା ହେରୁପି ଆନାୟି ମାନେ ଇଞ୍ଜି ତାନି ଦିନାଟିଏ ହାକିତି  
 ଝେଣ୍ଡେ ନିଞ୍ଜୁନେସି ।” ୮ ଏମ୍ପାଟିଏ ଏଝି ଏଝାଣି ଝେସ୍ତି କାତା ଅଣ୍ଡପିତୁ, ୯

ଇଚ୍ଛା ଏହି ମାହଣି ମାଣ୍ଡାଟି ଖେଣ୍ଟା ହାଜାନା ଏଗାର ଜାଣା ସାମୁୟାଁ ଅଡ଼େ  
 ଏଟ୍‌କା ତାରାଇଁ ଇ ବାରେ କାତା ଖେସୁ । ୧୦ ଏହି ମଗ୍‌ଦଲିନି ମରିୟମ,  
 ଜହାନା, ଜାକୁବ ତାମି ଇୟା ମରିୟମ ଅଡ଼େ ଏଝାସିକାତଲେ ମାଟି ଏଟ୍‌କାଟି  
 ଇୟାସିକା; ଇହି ପାଣ୍ଡୁଡ଼ି ଆହାମାନାରାଇଁ ଇ ବାରେ କାତା ଖେସୁ । ୧୧ ସାମା  
 ଇ ବାରେ କାତା ଏଝାରି ନକିତା ମନତା ଗାଡ଼ିକିତି ର ପୁସ୍‌ପନି ଲେହେଁ ଆଡେ,  
 ଅଡ଼େ ଏଝାରି ଏଝାସିକାଣି ନାମାଆଡେରି । ୧୨ ସାମା ପିତର ନିଢ୍ଫାନା ମାଡ଼ହା  
 ମୁହ୍‌ନି ଟାମୁତା ହଟି ହଟିହୁଁ ହାରେସି, ଇଚ୍ଛା କାପାନା ସିନିକିଡେସି ଏମ୍‌ଆଁ  
 ପାତାଡ଼ା ହିମ୍‌ରିକା ମେସ୍‌ସେସି, ଇଚ୍ଛା ଇଦି ଏନି ଆଡେ ଇଚ୍ଛା କାବାଆହାନା ତାମି  
 ଇଜ ହାରେସି । ୧୩ ଏ ନେରୁ ଏଝାରି ବିତ୍ରାଟି ରିଆରି ଜିରୁସାଲମଟିଏ ଏଗାର  
 କିଲମିଟରଲେହେଁ ହେକ ମାଟି ଇମାୟୁ ଇନି ନାୟୁତା ହାଜିମାଡେରି । ୧୪  
 ଅଡ଼େ ହାଜି ହାଜିହୁଁ ଇ ବାରେ କାତା ଜଲ୍‌କି ଆହିମାଡେରି । ୧୫ ଏଲେକିଁ  
 ଖେସ୍‌ପି ଆହିଁ ତାମୁ ତାମୁଏ ଜଲ୍‌କି ଆହିମାଟାଟି ଜୀସୁ ତାମୁଏ ଏଝାରିତାଣା  
 ଝାହାନା ଏଝାରିତଲେ ହାରେସି; ୧୬ ସାମା ଏଝାରି ଏଝାଣାଇଁ ମେସ୍‌ସି ଜିକେଏ  
 ପୁଞ୍ଜାଲି ଆତାଆଡେରି । ୧୭ ଜୀସୁ ଏଝାରାଇଁ ଖେରେସି, “ମୀରୁ ହାଜି ହାଜିହୁଁ  
 ଏନା ଏନାଆଁ ଜଲ୍‌କି ଆହିମାଞ୍ଜେରି?” ଏମ୍‌ଆଁଏ ଏଝାରି ମୁମୁ ଝାଡ଼ି କିହାନା  
 ନିଡେରି । ୧୮ ଅଡ଼େ ଏଝାରି ବିତ୍ରାଟି କ୍ଲେୟାପା ଇନାସି ରଅସି ଏଝାଣାଇଁ  
 ଖେସ୍‌ସେସି, “ଇ ଝାରା ବିତ୍ରା ଜିରୁସାଲମତା ଏନା ଏନାୟି ଆଡେ ଏମ୍‌ଆଁ  
 ମାନାରି ବିତ୍ରାଟି ନୀରୁ ରଅତିଏ ପୁଞ୍ଜାହିଲଅତିକି?” ୧୯ ଏଝାସି ଏଝାରାଇଁ  
 ଖେରେସି, “ଏନା ଏନାୟି ଆଡେ?” ଏଝାରି ଏଝାଣାଇଁ ଖେସ୍‌ସେରି, “ନାଜରିତ  
 ଜୀସୁଟି କାତା; ମାହାପୁରୁ ନକିତା ଅଡ଼େ ବାରେ ଲକୁ ନକିତା ଏ ଜୀସୁ କାମାତା  
 ଅଡ଼େ କାତାତା ର ବାଡ଼୍‌ମୁଗାଟି ମାହାପୁରୁ ଅଣପୁଟି ବଲୁ ଖେହ୍‌ନାସି ମାରେସି,  
 ୨୦ ଅଡ଼େ ମା କାଜା ପୁଜେରାଢ୍ଫା ଅଡ଼େ ସାଲଖି କିନାରି ଏଝାଣାଇଁ ହାକି  
 ଡଣ୍ଡୁ ହାହାଲି ହେରପାନା ଏଝାଣାଇଁ ପାସି ମୁଣ୍ଡାତା ଏକହାନା ପାୟିତି କାତା  
 । ୨୧ ସାମା ଏଝାସି ଇସ୍ରାୟେଲ ଲକୁଣି ପିସ୍‌ପି କିନାସି ଇଚ୍ଛା ମାମୁ ଆସା  
 କିହାମାତମି; ସାମା ଇ ବାରେ ଆହାନା ନୀଞ୍ଜୁଟିଏ ତାନିଦିନା ଆହିମାନେ ।  
 ୨୨ ଅଡ଼େ ଜିକେଏ ମା ବିତ୍ରାଟି ଏତରଜାଣା ଇୟାସିକା ମାଡ଼୍ଫେ ଆତାଜାକା  
 କିହାମାଞ୍ଜାନ୍ତୁ; ଏହି ଲାଇସିଏ ମାଡ଼ହା ମୁହ୍‌ନି ଟାମୁତା ହାଜାମାଡୁ, ୨୩ ଏମ୍‌ଆଁ  
 ଏହି ଏଝାଣି ମାଡ଼ହା ମେହ୍‌ଆନା ଝାହାନା ଖେସ୍‌ସାଡୁ, ଇଚ୍ଛା ଦୂରୁୟାଁ ଡଞ୍ଜାଆହାନା  
 ଖେସ୍‌ସାଡେରି, ଏଝାସି ନୀତାମାନେସି । ୨୪ ଅଡ଼େ ମା ବିତ୍ରାଟି ଏତରଜାଣା

ମାତୃହା ମୁହନି ଚାୟୁତା ହାଜାନା ଇୟାସିକା ଖେସ୍ତିଲେହେଁଏ ମେସ୍ତେରି ସାମା ଏଞ୍ଜାଣାଲ୍ ମେହ୍‌ଆତେରି ।” ୨୫ ଏମ୍ପାଟିଏ ଜୀସୁ ଏଞ୍ଜାରାଲ୍ ଏଲେଇରେସି, “ଆଡେ ବୁଦି ହିଲାଆଗାଟାତେରି, ଅଡେ ମାହାପୁରୁ ଅଶ୍‌ପୁତି ବଲୁ ଖେହ୍‌ନାରି ବାରେ କାତାତି ନାମାଲି ଆଡାଆଲେହେଁତି ହିୟାଁ ଗାଟାତେରି, ୨୬ ଜୀସୁ ଇ ବାରେ କସ୍ତୁ ବେଟାଆହାନା ତାନି ଗାଞ୍ଜୁରମିତା ହୁଡନାୟି ହିଲାଆତେ କି?” ୨୭ ମସା ଇଞ୍ଜାଁ ବାରେଜାଣା ମାହାପୁରୁ ଅଶ୍‌ପୁତି ବଲୁ ଖେହ୍‌ନାରି ଡାଣାଟି ମାତୃହାନା ଦାମ୍‌ସୁ ସାସ୍ତେରିତା ତାନି ତାକି ରାସ୍‌କି ଆହାମାନି ବାରେ କାତା ଏଞ୍ଜାସି ଏଞ୍ଜାରାଲ୍ ପୁଶ୍‌ମ୍ପି କିତେସି । ୨୮ ଏଞ୍ଜାରି ହାଜିମାଟି ନାୟୁଁ ତାଗେ ଏଜାଲିଏ ଜୀସୁ ଅଡେ ନକିତା ହାନି ଅଶ୍‌ପୁ ତସ୍ତେସି । ୨୯ ସାମା ଏଞ୍ଜାରି ଏଞ୍ଜାଣାଲ୍ ଆଂଗିହିଁ ଏଲେଇରେସି, “ମା ତଲେ ଡୟାହାଲାମୁ ଏନିଇଟିହିଁ ଆନେରି ଆହିମାନେ, ଖେଡାହାରେୟିଏ ।” ଏମ୍ପାଟିଏ ଏଞ୍ଜାସି ଏଞ୍ଜାରିତଲେ ଡୟାଲି ଇଲୁ ବିଡା ହାରେସି । ୩୦ ଅଡେ ଏଞ୍ଜାରିତଲେ ରାନ୍ତା ତିଞ୍ଜାଲି କୁଗିତି ତାୟୁ ଏଞ୍ଜାସି ରୁଟି ଆସାଁ ମାହାପୁରୁଲ୍ ଜହରା କିତେସି, ଇଞ୍ଜାଁ ଡିକହାନା ଏଞ୍ଜାରାକି ହାତେସି । ୩୧ ଏମ୍ପାଟିଏ ଏଞ୍ଜାରି କାଶ୍‌କା ଦେପିଆତୁ ଇଞ୍ଜାଁ ଏଞ୍ଜାରି ଏଞ୍ଜାଣାଲ୍ ପୁରେରି; ଅଡେ ଏ ଦେବୁଣିଏ ଏଞ୍ଜାସି ଏଞ୍ଜାରି କାଶ୍‌କାତା ତଞ୍ଜା ଆଆତେସି । ୩୨ ଏଚେଟିଏ ଏଞ୍ଜାରି ତାମୁ ତାମୁଏ ଏଲେଇରେସି, “ଏଚିବେଲା ଜିରୁତା ଏଞ୍ଜାସି ମାଡ୍ରେ ଜିରୁତା କାତାବାଟା ଆହିମାରେସି ଅଡେ ମାଡ୍ରେ ଦାମ୍‌ସୁ ସାସ୍ତେରି ତେଲ୍‌ହି କିହିମାଞ୍ଜାତେସି, ଏଚିବେଲା ମା ହିୟାଁ କାଡି ମାଞ୍ଜାଆତେ କି?” ୩୩ ଅଡେ ଏଞ୍ଜାରି ଦେବୁଣିଏ ନିଢ୍ଫାନା ଜିରୁସାଲମତା ଖେଣ୍ଡା ହାଜାନା କୃଡା ଆହାମାଲ୍ ଏଗାର ଜାଣା ସାୟୁୟାଁ ଅଡେ ଏଞ୍ଜାରି ଆହ୍‌ହିତାରାଲ୍ ମେସ୍ତେରି; ୩୪ ଏଞ୍ଜାରି ଏଲେଇଞ୍ଜିମାରେସି, “ପ୍ରବୁ ସାତେଏ ନିଢ୍ଫାମାନେସି ଅଡେ ସିମନଲ୍ ତଞ୍ଜାଆତେସି ।” ୩୫ ଅଡେ ଏଞ୍ଜାରି ଜିକେଏ ଜିରୁଟି ବାରେ କାତା ଅଡେ ରୁଟି ଡିକହାଟିଏ ଏଞ୍ଜାରି ପୁଞ୍ଜାଲି ଆଡିତମି ଇଞ୍ଜାଁ ଏଞ୍ଜାରି ଖେସ୍ତେରି । ୩୬ ସାମା ଏଞ୍ଜାରି ଇ ବାରେ କାତା ଜଲ୍‌କି ଆହିମାଟାଟି ଜୀସୁ ଏଞ୍ଜାରି ମାଦି ନିଚାନା ଏଲେଇରେସି, “ମିଡ୍ରେ ହିଡ୍‌ଡି ଆୟାପେ ।” ୩୭ ଏମ୍ପାଟିଏ ଏଞ୍ଜାରି ବୃତୁ ମେସ୍ତମି ଇଞ୍ଜାଁ ଅଶ୍‌ପାନା ଆଡାଜାକା ଆତେରି । ୩୮ ଏଚେଟିଏ ଏଞ୍ଜାସି ଏଞ୍ଜାରାଲ୍ ଏଲେଇରେସି, “ମା ହିୟାଁତା ଏନାଆଁତାକି ଆଜିମାଞ୍ଜେରି, ଇଞ୍ଜାଁ ମା ହିୟାଁ ଏନାଆଁତାକି ଆନାମାନା ଆହିମାନେ? ୩୯ ନାନୁଏ ଏଞ୍ଜାତେଏଁ ନା କେସ୍ତା କତାୟାଁ ମେହ୍‌ଦୁ, ନାଡ୍ରେ ଡାଗାଦୁ ମାରୁ ନାଡ୍ରେ ଉଞ୍ଜା ପେଶ୍‌କା ମାନାଣି



ମେସିଲେହେଁ ବୃତ୍ତୁକି ହିଲାଉ ।” ୪୦ ଅଡ଼େ ଏଝାସି ଏଲେଇଞ୍ଜାନା ଏଝାରାଇଁ  
 ତାନି କେସ୍ଲା କଡାୟ୍ ତସ୍ତେସି । ୪୧ ଏଲେଜିକେଏ ଏଝାରି ରାହାଁତାକି ନାମାଲି  
 ଆଡାଆନା ଆନାମାନା ଆହାଁ କାବା ଆହିମାତାକି ଜୀସୁ ଏଲେଇଚେସି, “ମିଢ୍ଫେ  
 ଇମ୍ପାଆଁ ଏନି ରାନ୍ନା ମାନେକି?” ୪୨ ଏମ୍ପାଟିଏ ଏଝାରି ଏଝାଣାକି ର ଝାସ୍ତି ମୀନୁ  
 ହୀତେସି, ୪୩ ଅଡ଼େ ଏଝାସି ଏଦାଆଁ ଆସାନା ଏଝାରି ନକିତା ତିଚେସି ।  
 ୪୪ ଇଞ୍ଜାଁ ଏଝାସି ଏଝାରାଇଁ ଏଲେଇଚେସି, “ମସାତି ମେରା ପତିତା ଇଞ୍ଜାଁ  
 ମାହାପୁରୁ ଅଶପୁତି ବଲୁ ଝେହ୍ନାରି ପତିତା ଅଡ଼େ ପାରୁ ପତିତା ନାଢ୍ଫେତାକି  
 ଏନାୟି ରାସ୍କି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମୀ  
 ତଲେ ମାତାଟି ଇ ବାରେ ଝେସାମାଞ୍ଜାତେଏଁ ।” ୪୫ ଏଚେଟିଏ ଏଝାରି ଏନିକି  
 ଦାମ୍ପୁଁ ସାସ୍ତେରି ତେଲହାଲି ଆଡିନେରି, ଏଦାଆଁତାକି ଏଝାରି ହିୟାଁତି ଦାରା  
 ଦେଚେସି; ୪୬ ଅଡ଼େ ଏଝାସି ଏଝାରାଇଁ ଏଲେଇଚେସି, “ଏଲେଆହିଁ ରାସ୍କି  
 ଆହାମାନେ, କ୍ରୀସ୍ତ ଦୁକୁ କସ୍ତ ବେଟା ଆନେସି ଅଡ଼େ ତାନି ଦିନାଟିଏ ହାତାରି  
 ତାଣାଟି ଝେଣ୍ଡେ ନିଢ୍ଫେନେସି, ୪୭ ଇଞ୍ଜାଁ ଜିରୁସାଲମଟିଏ ମାଟ୍‌ହାନା ବାରେ  
 କୂଡ଼ା ତାଣା ଏଝାଣି ଦରୁଟି ପାପୁ ମେପ୍‌କି ଆୟାଲି ମନ ଝେଟ୍‌ନି କାତା  
 ଝେକ୍‌ନାୟି ମାନେ । ୪୮ ମୀରୁ ଇ ବାରେତାକି ସାକି ଆଦେରି । ୪୯ ଅଡ଼େ  
 ହେଣ୍ଡୁ ଆବା ଏନାଆଁ ଆଞ୍ଜାମାନେସି ଏଦାଆଁ ନାନୁ ମୀ ତାଣା ପାଣ୍ଡିମାଞ୍ଜାଇଁ,  
 ସାମା ଲାକପୁରୁଟି ବାଡ୍‌ୟୁ ପୁଞ୍ଜାଆ ପାତେକା ମୀରୁ ଇ ଗାଡ଼ାତେଏ ମାଞ୍ଜୁ ।”  
 ୫୦ ଏମ୍ପାଟିଏ ଜୀସୁ ଏଝାରାଇଁ ବେତନିୟାଁ ପାତେକା ଅଡେସି ଇଞ୍ଜାଁ ତାନି  
 କେସ୍ଲା ପେରହାନା ଏଝାରାଇଁ ବର ହୀତେସି । ୫୧ ଇଞ୍ଜାଁ ଏଝାରାଇଁ ବର  
 ହୀହି ହୀହିଁ ଏଝାସି ଏଝାରି ତାଣାଟି ଏଟ୍‌କା ଆହାନା ଲାକପୁରୁ ଅଢ଼ିଆଡେସି  
 । ୫୨ ଏଚେଟିଏ ଏଝାରି ଏଝାରାଇଁ ଜହରା କିହାନା ହାରେକା ରାହାଁତଲେ  
 ଜିରୁସାଲମତା ଝେଣ୍ଡା ହାଚେରି, ୫୩ ଇଞ୍ଜାଁ ଏ ଦିନାଟିଏ କାଲେଏ ମାହାପୁରୁ  
 ଇଲୁତା ମାଞ୍ଜାନା ମାହାପୁରୁଇଁ ଜହରା କିହେମାଚେରି ।

## ଜହ

୧ ମୂଲ୍ୟ ବଲ୍ଲୁ ମାତେ, ବଲ୍ଲୁ ମାହାପୁରୁ ତଲେ ମାତେ, ଏ ବଲ୍ଲୁଏ ମାହାପୁରୁ ମାତେସି । ୨ ମୂଲ୍ୟ ଏ ବଲ୍ଲୁ ମାହାପୁରୁ ତଲେ ମାତେ । ୩ ଏ ବଲ୍ଲୁ ତଲେ ମାହାପୁରୁ ବାରେ ଗାଡ଼ିକିତେସି; ଅଡ଼େ ଏନାୟି ବାରେ ଗାଡ଼ି ଆହାମାନେ, ଏ ବିତ୍ରାଟି ରଣ୍ଡି ଜିକେଏ ଏ ବଲ୍ଲୁ ପିସ୍‌ପେ ରାତି ଆହା ହିଲେଏ । ୪ ଏ ବଲ୍ଲୁତା ଜୀଝୁ ମାତେ ଅଡ଼େ ଏ ଜୀଝୁ ମାଣ୍ଡିୟିତି ଉଜେଡ଼ି । ୫ ଏ ଉଜେଡ଼ି ଆନେରିତା ଡ଼ାଞ୍ଜିହିଁ ଖାହିମାନେ, ଇଞ୍ଜି ଆନେରି ଏଦାଆଁ ଏଚେଲା ଜିକେଏ ଅପାହିଲେଏ । ୬ ମାହାପୁରୁ ଡ଼ାଣାଟି ତାନି କାବୁ ଝେହ୍‌ନାଣାଲ୍ ପାଣ୍ଡାତେସି; ଏଖାଣି ଦରୁ ଜହନ । ୭ ଏଖାସି ଉଜେଡ଼ିତ କାତା ଲକୁଇଁ ଝେସାଲି ଖାତେସି, ଅଡ଼େ ଏନିକିହିଁ ବାରେଜାଣା ଏଖାଣି ଡ଼ାଣାଟି ନାମିନେରି, ଏଦାଆଁତାକି ଏଖାସି ସାକି ହାହାଲି ଖାତେସି । ୮ ଏଖାସିଏ ଡ଼ାନ୍ଧୁଏ ଉଜେଡ଼ି ହିଲାଆତେସି; ସାମା ଏଖାସି ଏ ଉଜେଡ଼ିତ କାତା ଝେସାଲି ଖାତେସି । ୯ ଏମିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହୀନେ, ଏଖାସି ଦାର୍‌ତତା ଖାତେସି । ୧୦ ଏଖାସି ଦାର୍‌ତତା ମାତେସି ଅଡ଼େ ଏଖାଣି ଡ଼ାଣାଟି ଦାର୍‌ତି ବାରେ ରାତି ଆତେ, ଆଡ଼ିଜିକେଏ ଇ ଦାର୍‌ତି ଏଖାଣାଲ୍ ପୁଞ୍ଜାଲି ଆତାଆତେ । ୧୧ ଏଖାସି ତାନି ରାଜିତା ଖାତେସି, ଆଡ଼ିଜିକେଏ ତାନି ଜାହାରା ଲକୁ ଏଖାଣାଲ୍ ଆବାଆତେରି । ୧୨ ଆମ୍ବାଆରି ଏଖାଣାଲ୍ ଆବିତେରି ଇଞ୍ଜି ଏଖାଣି ଡ଼ାଣା ନାମିତେରି; ଏଖାସି ଏଖାଣାଲ୍ ମାହାପୁରୁତି ମୀର୍କା ମାସ୍କା ଆହାଲି ଅଦିକାରା ହୀତେସି । ୧୩ ମାଣ୍ଡିତି ଡ଼ାଞ୍ଜିୟି ଡ଼ାଣାଟି ଜାନା ଆତାକି ଏଖାରି ମାହାପୁରୁତି ମୀର୍କା ଆହାହିଲଅରି, ମାହାପୁରୁ ଡ଼ାନ୍ଧୁଏ ଏଖାରି ଡ଼ାଞ୍ଜି ଆତେସି । ୧୪ ଅଡ଼େ, ଏ ବଲ୍ଲୁ ମାଣ୍ଡି ଖାଣା ଆତେ, ମାହାପୁରୁତି କାର୍ମା ଇଞ୍ଜି ସାତା ତଲେ ମା ଡ଼ାଣା ବାସା କିତେସି, ଅଡ଼େ ଆବା ଡ଼ାଣାଟି ଖାହାମାନି ରଣ୍ଡିଏ ମୀର୍କାଣାଟି ଗାଝୁରମି ଲେହେଁ ମୀର ଏଖାଣି ଗାଝୁରମି ମେସ୍ତାୟି । ୧୫ ଜହନ ଏଖାଣି କାତାତି ସାକି ହୀହାନା କାଜା ଗିୟିତଲେ ଏଲେଇଚେସି, “ଆମ୍ବାଆସି ନା ଡ଼ାୟୁ ଖାହିମାନେସି, ଏଖାସି ନା କିହାଁ କାଜାସି, ଏନାଆଁତାକି ଇତିହିଁ ଏଖାସି ନାନୁ ଜାନାଆଡ଼ି ନକେଏ ମାତେସି, ଇଞ୍ଜି ଏଖାଣି କାତା ନାନୁ ତଲିଏ ଏଲେଇଞ୍ଜି ଝେସାମାଞ୍ଜାତେସି, ଏଖାସିଏ ଇଖାସି ।” ୧୬ ଏଦାଆଁତାକି ଡ଼ାନ୍ଧୁ ପୁରା କିନି ଡ଼ାଣାଟି ମୀର ବାରେ ଜାଣାତାୟି ବାରେ ବେଟାଆହାନା, କାର୍ମା ମୁହେଁ କାର୍ମାମେହ୍‌ନାଣି ବେଟାଆହାମାନାୟି । ୧୭ ମାହାପୁରୁ ମସା ଡ଼ାଣାଟି ମେରା ହିୟାତେସି, ସାମା ଜୀସୁ କ୍ରୀସୁ ଡ଼ାଣାଟି

କାର୍ମାମେହନାୟି ଅଡ଼େ ସାତା ଝାଡ଼େ । ୧୮ ଆତ୍ମାଆସି ଏରେଲା ମାହାପୁରୁଇଁ  
 ମେସାହିଲଅସି, ତାନିତଲେ ମାନି ରଣ୍ଡିଏ ମାର୍‌ଏସି ଏଝାସି ମାହାପୁରୁ ଆବାଇଁ  
 ପୁଣ୍ଡି କିହାମାଞ୍ଜାନେସି । ୧୯ ନାନୁ ଆତ୍ମାଆତି ଇଞ୍ଜି ଜହନଇଁ ଝେଞ୍ଜାଲି  
 ଜୀହୁଦିୟାଁ ଏରିବେଲା ଜିରୁସାଲମଟି କାଜା ପୁଜେରାଢ଼ା ଇଞ୍ଜି ଲେବିୟାଢ଼ାଣି  
 ଜହନ ତାଣା ପାଣ୍ଡିତେରି, ଏଝାସି ଇ କାତା ଝେସ୍ତେସି । ୨୦ ଜହନ ସାତା  
 କାତା ଝେସ୍ତେସି, ଆଏ ଇଞ୍ଜି ଇନାଆତେସି, ତାର୍‌ପୁତଲେ ଝେସ୍ତେସି, “ନାନୁ  
 ମସିହା ଆଏ ।” ୨୧ ଏଝାରି ଏଝାଣାଇଁ ଝେରେରି, ଆତିହିଁ “ନାନୁ ଆତ୍ମାଆତି?  
 ନାନୁ ଏନାଆଁ ଏଲିୟତି କି?” ଜହନ ଏଲେଇରେସି, “ନାନୁ ଏଲିୟତେଏଁ ଆଏ  
 ।” ଏଝାରି ଝେରେରି, “ନାନୁ ଏନାଆଁ ମାହାପୁରୁ ଅଣ୍ଟପୁତି ବଲୁ ଝେହନାତି  
 କି?” ଏଝାସି ଏଲେଇରେସି, “ନାନୁ ଆଏ ।” ୨୨ ଏମ୍ପାଟିଏ ଏଝାରି ଏଝାଣାଇଁ  
 ଏଲେଇରେରି, “ମାଢ଼େ ଝେସ୍ତାମୁ, ମାମୁ ମାଢ଼େ ପାଣ୍ଡା ମାଞ୍ଜାନାରାଇଁ ଏନି  
 କାତା ଝେହନମି । ନାନୁ ଆତ୍ମାଆତେଏଁ ଇଞ୍ଜି ଝେସାକତିମାଞ୍ଜି?” ୨୩  
 ଜହନ ଏଲେଇରେସି, “ମାହାପୁରୁ ଅଣ୍ଟପୁତି ବଲୁ ଝେହନି ଜିସାୟ ଏନିକିଁ  
 ଜଲାମାରେସି, ‘ନାନୁ ଲକୁ ହିଲାଆ ଟାୟୁତା କାଜା ଗିୟାତଲେ କାଲଝି  
 ଆହିମାନି ରଅଣି ହାତାଲେହେଁ ତାତେଏଁ, ପ୍ରବୁତି ଜିରୁ ସଲକେ କିନୁ ।” ୨୪  
 ଅଡ଼େ, ପାରୁସିୟାଁ ବିତ୍ରାଟି ଏଚରଜାଣା ପାଣ୍ଡି ଆହାମାରେରି, ୨୫ ଏଝାରି  
 ଜହନଇଁ ଝେରେରି, “ନାନୁ କ୍ରୀସ୍ତ କି ଏଲିୟ କି ମାହାପୁରୁ ଅଣ୍ଟପୁତି ବଲୁ  
 ଝେହନାତି ଆଏ, ଆତିହିଁ ନାନୁ ଏନାଆଁତାକି ବାପ୍ତିସ୍ତ ହାହିମାଞ୍ଜି?” ୨୬ ଜହନ  
 ଏଝାରାଇଁ ଏଲେଇରେସି, “ନାନୁ ଏୟୁତା ବାପ୍ତିସ୍ତ ହାହିମାଞ୍ଜି; ଆତ୍ମାଆରାଇଁ  
 ମାରୁ ପୁଞ୍ଜାହିଲଅତେରି, ଏଝାସି ମୀ ବିତ୍ରା ମାନେସି । ୨୭ ଏଝାସି ନା ଡାୟୁ  
 ଝାହିମାନେସି, ନାନୁ ଏଝାଣି ସେପୁୟାଁତି ଡ଼କା ଜିକେଏ ହୁକହାଲି ଜଗେ ଆଏ  
 ।” ୨୮ ଏମିନି ଜର୍ଦନ କାତାଟି ଝେଡ଼ା ହପୁଝାକିତି ବେତନିୟାତା ଜହନ  
 ବାପ୍ତିସ୍ତ ହାହିମାରେସି, ଏ ଟାୟୁତା ଇ ବାରେ ଆହାମାରେ । ୨୯ ଏ ଅର  
 ନେରୁ ଜହନ ଜୀସୁଇଁ ତାନି ଝାକି ଝାହିମାନାଣି ମେସାନା ଏଲେଇରେସି,  
 “ସିନିକିନୁ ମାହାପୁରୁତି ମେଣ୍ଡା ଡାଲୁ, ଆମିନିଗାଟାସି ଇ ଦାର୍‌ତିତି ପାପୁ  
 ବାରେ ଡେକା ଅନେସି । ୩୦ ଇଝାସିଏ ଏଝାସି, ଆତ୍ମାଆରି କାତା ନାନୁ  
 ଝେସାମାଞ୍ଜାତେଏଁ, ‘ର ମାଣ୍ଡିସି ନା ଡାୟୁ ଝାହିମାନେସି, ସାମା ଏଝାସି ନା  
 କିହାଁ କାଜାସି, ଇଞ୍ଜି ଏଝାସି ନାନୁ ଜାର୍‌ଆତି ନକେଏ ମାରେସି ।’ ୩୧ ନାନୁ  
 ଜିକେଏ ଏଝାଣାଇଁ ପୁଞ୍ଜା ହିଲାଆତେଏଁ, ସାମା ଏଝାସି ଏନିକିହିଁ ଇସ୍ରାୟେଲ

ଲକ୍ଷ୍ମୀ ନିକିତା ଚଞ୍ଚୁଆନେସି, ଇଦାଆଁତାକି ନାନୁ ଏୟୁତା ବାପ୍ତିସ୍ତ ହାହାଲି  
 ଝାହାମାଲ୍ ।” ୩୨ ଅଡେ ଜହନ ସାକି ହାହାନା ଝେସ୍ତେସି, “ନାନୁ ସୁଦୁଜୀସୁ  
 ପାର୍ଝା ପଟାଲେହେଁ ଲାକପୁରୁଟି ରେଚା ଝାହିମାନାଣି ମେସ୍ତେସି, ଇଞ୍ଚିଁ ଏଦି  
 ଏଝାଣିଲାକ କୁଟିତେ । ୩୩ ନାନୁ ଜିକେଏ ଏଝାଣାଲ୍ ପୁଞ୍ଜା ହିଲାଆତେସି,  
 ସାମା ଆମ୍ବାଆସି ନାଡ୍ଡେ ଏୟୁତା ବାପ୍ତିସ୍ତ ହାହାଲି ପାଣ୍ଡାମାଞ୍ଜାନେସି, ଏଝାସି  
 ନାଡ୍ଡେ ଝେସ୍ତାତେସି, ‘ଆମିନିଗାଟାଣି ଲାକ ସୁଦୁଜୀସୁ ରେଚା ଝାନାଣି ଅଡେ  
 କୁଟିନାଣି ମେହ୍ଦି, ଆମ୍ବାଆସି ସୁଦୁଜୀସୁ ତଲେ ବାପ୍ତିସ୍ତ ହାନେସି, ଏଝାସି  
 ଏ ମାଣ୍ଡସି ।” ୩୪ ଜହନ ଏଲେଇରେସି, “ନାନୁ ଏଦାଆଁ ମେସାମାଲ୍,  
 ଏଦାଆଁତାକି ନାନୁ ମିଟ୍ଟୁ ଝେସିମାଞ୍ଜାଲ୍, ଏଝାସି ମାହାପୁରୁ ମୀରୁଏସି ।”  
 ୩୫ ତାନି ଅର ନେରୁ ଜହନ ତାନି ରୀ ସୀସୁୟାଁ ତଲେ ନିଚାମାରେସି; ୩୬  
 ଏଝାସି ଜୀସୁଲ୍ ଏ ଜିରୁଟି ହାଜିମାନାଣି ମେସାନା ଏଲେଇରେସି, “ସିନିକିଦୁ  
 ମାହାପୁରୁଟି ମେଣ୍ଡା ଡାଲୁ!” ୩୭ ଏ ରୀ ସୀସୁୟାଁ ଏଝାଣି ହାଡା ଝେଞ୍ଜାନା ଜୀସୁ  
 ଜେଚ ଜେଚ ହାରେରି । ୩୮ ଜୀସୁ ଝେଣ୍ଡେ ତିରୁଝାନା ଏଝାରାଲ୍ ତାନି ଜେଚ  
 ଜେଚ ହାଜିମାନାଣି ମେସାନା ଝେରେସି, “ମୀରୁ ଏନାଆଁ ପାରିମାଞ୍ଜେରି?”  
 ଏଝାରି ଝେରେରି, “ରାବି ନାନୁ ଆମ୍ବିୟା ଡୟିମାଞ୍ଜି?” ୩୯ ଜୀସୁ ଏଝାରାଲ୍  
 ଏଲେଇରେସି, ଝାଦୁ ମେହ୍ଦେରି । ଏମ୍ବାଟିଏ ଏଝାରି ହାଜାନା ତାନି ଡୟିନି  
 ଚାୟୁ ମେସ୍ତେରି, ଇଞ୍ଚିଁ, ଏ ଦିନା ଏଝାଣିତଲେ ଡୟିତେରି; ଏନାଆଁତାକି  
 ଇଚିହ୍ଁ ଏଚିବେଲା ଲାଲତି ଦସ ଗଂଟା ଆହାମାଚେ । ୪୦ ଜହନତି କାତା  
 ଝେଞ୍ଜାନା ଆମିନି ରିଆରି ଜୀସୁ ଜେଚ ଜେଚ ହାଜାମାରେରି, ଏଝାରି ବିତ୍ରା  
 ରଅସି ସିମନ ପିତରତି ତାୟି ଆନ୍ଦିୟ ମାଚେସି । ୪୧ ଏଝାସି ତଲିଏ ତାନି  
 ତାୟି ସିମନଲ୍ ମେସାନା ଏଲେଇରେସି, “ମୀୟୁ ମସିହାଲ୍ ମେସ୍ତମି ।” ୪୨  
 ଆନ୍ଦିୟ ସିମନଲ୍ ଜୀସୁ ଡାଣା ତାଚେସି । ଜୀସୁ ଏଝାଣାଲ୍ ଆଚେ ସିନିକିହାନା  
 ଏଲେଇରେସି, “ନାନୁ ଜହନ ମୀରୁଏଣା ସିମନତି । ନାନୁ କେପା ଦୁରୁଟି  
 ଝେଢ୍ଢିଦି ।” ୪୩ ଅର ନେରୁ ଜୀସୁ ଗାଲିଲିତା ହାଜାଲି ଅଣ୍ଡପିତେସି, ଏଝାସି  
 ପିଲିପଲ୍ ମେସାନା ଏଲେଇରେସି, “ନା ଜେଚ ଝାମ୍ବା!” ୪୪ ପିଲିପ ବେଡ୍‌ସାୟିଦା  
 ଗାଡାତାସି ମାଚେସି, ଏଦି ଆନ୍ଦିୟ ଇଞ୍ଚିଁ ପିତରତି ଗାଡା ମାଚେ । ୪୫  
 ପିଲିପ ନିଚନିୟେଲଲ୍ ମେସାନା ଏଝାଣାଲ୍ ଏଲେଇରେସି, “ଆମ୍ବାଆରି କାତା  
 ମସାତି ମେରାତା ରାଚାମାନେରି, ଅଡେ, ମାହାପୁରୁ ଅଣ୍ଡପୁଟି ବଲୁ ଝେହ୍ନାରି  
 ଜିକେଏ ରାଚାମାନେରି, ମୀୟୁ ଏଝାଣାଲ୍ ବେଟାଆହାମାନମି । ଏଝାସି ଜସେପ

ମୀରଂସି ନାଜରିତତି ଜୀସୁ ।” ୪୭ ନିତନିୟେଲ ଏଞ୍ଜେଲ୍ ଖେରେସି,  
 “ନାଜରିତତା କି ଏନି ନେହିଁ କାମା ଆହିମାନେ?” ପିଲିପ ଏଲେଇରେସି,  
 “ଝାହାନା ସିନକିମୁ ।” ୪୭ ଜୀସୁ ନିତନିୟେଲ୍ ତାନି ତାଣା ଝାହିମାନାଣି  
 ମେସାନା ଜୀସୁ ଏଞ୍ଜେଲି କାତା ଖେସ୍ତେସି, “ମେହ୍ତୁ ଇଝାସି ସାତା ତଲେ  
 ଇସ୍ରାୟେଲତି ଲକ୍ତୁ: ଇଝାଣି ତାଣା ଏନାୟି ନାଡ଼ିକିନି ବୁଦି ହିଲେଏ!” ୪୮  
 ନିତନିୟେଲ ଜୀସୁଲ୍ ଖେରେସି, “ନୀନୁ ନାଡ୍ରେ ଏନିକିହିଁ ପୁଞ୍ଜାତି?” ଜୀସୁ  
 ଏଲେଇରେସି, “ପିଲିପ ନିଡ୍ରେ ହାଟାତି ନକେଏ ନୀନୁ ଡୟା ମାର୍ନୁ ଡଇ ମାତି,  
 ଏରେତା ନୀନୁ ନିଡ୍ରେ ମେସାମାଞ୍ଜାତେଏଁ ।” ୪୯ ନିତନିୟେଲ ଏଲେଇରେସି, “ଏ  
 ଗୁରୁ ନୀନୁ ମାହାପୁରୁ ମୀରଂସାତି! ନୀନୁଏ ଇସ୍ରାୟେଲ ରାଜାତି ।” ୫୦ ଜୀସୁ  
 ଏଲେଇରେସି, “ନୀନୁ ନିଡ୍ରେ ଡୟା ମାର୍ନୁ ଡଇ ମେସ୍ତାତେଏଁ ଇଞ୍ଜିଁ ଖେସାଲିଏ  
 ନୀନୁ ନାମିମାଞ୍ଜି?” ନୀନୁ ଇଦାଆଁ କିହାଁ ହାରେକା କାଜା କାମାୟାଁ ମେହ୍ଦି ।  
 ୫୧ ଜୀସୁ ନିତନିୟେଲ୍ ଏଲେଇରେସି, “ନୀନୁ ନିଡ୍ରେ ସାତା ଖେସିମାଞ୍ଜାଲ୍  
 ନୀନୁ ଲାକପୁରୁ ଦେପିଆହାମାନାଣି ଇଞ୍ଜିଁ ମାଣ୍ଡିସି ମୀରଂସା ତାଣା ମାହାପୁରୁତି  
 ଦୁରୁୟାଁ ଲାକ ହାଜିମାନାଣି ଅଡେ ଡଇ ଝାହିମାନାଣି ମେହ୍ଦି ।”

**୨** ତାନି ଦିନା ଜେତ ଗାଲିଲିତି କାନା ଗାଡ଼ାତା ର ବୀହା ମାରେ, ଜୀସୁ ତାନି  
 ଇୟା ମରିୟମ ଜିକେଏ ଏମ୍ବାଆଁ ମାରେ; ୨ ଜୀସୁ ଜିକେଏ ତାନି ସୀସୁୟାଁ  
 ତଲେ ବୀହାତା ହାଜାଲି ହାବ୍‌କି ଆହାମାରେସି । ୩ ଏଡିବେଲ୍‌ଆ ଅଢ୍ଢୁରି  
 ରାସା ରାହାହାରୁ ଜୀସୁଲ୍ ତାନି ଇୟା ଏଲେଇରେ, “ଏଞ୍ଜେରି ଅଢ୍ଢୁରି ରାସା  
 ରାହାହାରୁ ।” ୪ ଏମ୍ବାଟିଏ ଜୀସୁ ତାନି ଇୟାନି ଏଲେଇରେସି, “ଇୟା,  
 ନୀନୁ ନାଡ୍ରେ ଏନାଆଁ କିନାୟିମାନେ ଏନାଆଁକି ଖେସିମାଞ୍ଜାଦି? ନା କାଲା  
 ନୀଏଁ ପାତେକା ଝାହାହିଲେଏ ।” ୫ ଜୀସୁ ତାନି ଇୟା କାମା କିନାରାଲ୍  
 ଏଲେଇରେ, “ଏଞ୍ଜେସି ମିଡ୍ରେ ଏନାଆଁ ଖେସ୍ତାନେସି ଏଲେକିହିଁଏ କିଦୁ ।” ୬  
 ଅଡେ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନର୍ନି ମେରାତାକି ସ ଗଟା କାଜା  
 ଝାଲ୍‌କାତି ଏୟୁ ଗୁନାୟାଁ ମାରୁ । ୭ ଜୀସୁ ହଲିୟାଢ୍ଢୁଣି ଏଲେଇରେସି, “ଇ  
 ଗୁନାୟାଁଣା ଏୟୁ ନେଞ୍ଜିକିଦୁ ।” ଏଞ୍ଜେରି ଏମ୍ବାଆଁ ନେଞ୍ଜିକିତେରି । ୮ ଜୀସୁ  
 ଏଞ୍ଜେରାଲ୍ ଏଲେଇରେସି, “ଇମ୍ବାଟି ଇଚରା ଅହାନା ବଜିତି ଗୁମୁସ୍ତାକି ହୀଦୁ  
 ।” ଏମ୍ବାଟିଏ ଏଞ୍ଜେରି ଅଡେରି । ୯ ବଜିତି ଗୁମୁସ୍ତା ଅଢ୍ଢୁରି ରାସା ଆହାମାନି  
 ଏ ଏୟୁତି ଝାଣ୍ଡାହାଁ ଏଞ୍ଜି ଏମ୍ବାଟି ତାପିଆରୁ ପୁଞ୍ଜା ହିଲାଆତେସି । ସାମା ଏ  
 ହଲିୟାଢ୍ଢୁ ଏୟୁ ଝାକ୍‌ହା ମାଚାରି ପୁଞ୍ଜାମାରେରି ଏଦାଆଁତାକି ହନେଏଣାଲ୍

ହାତୀହାଁ ଏଲେଇଚେସି । ୧୦ ବାରେଜାଣା ତଲିଏ ନେହିଁ ଅଢ଼ୁରି ରାସା  
 ହାନେରି ଅଡ଼େ ଏମ୍ପାଆଁ ଖାହାଡ଼ୟିନି ଲକୁ ହଚିସାରେ ଡାୟୁ ଲାଗେଏତି ଅଢ଼ୁରି  
 ରାସା ହାନେରି; ସାମା ମୀରୁ ବାରେ ନେହିଁ ଅଢ଼ୁରି ରାସା ନୀଏଁ ପାଚେକା  
 ଇଟାମାଞ୍ଜେରି । ୧୧ ଜୀସୁ ଇଲେକିଁ ଗାଲିଲିତି କାନା ଗାଡ଼ାତା କାବାଆନି  
 କାମା ମାଟ୍‌ହାନା ତାନି ଗାଞ୍ଜୁରମି ଡ଼ସ୍ତେସି, ଅଡ଼େ ସୀସୁୟାଁ ଏଞ୍ଜାଣି ଡାଣା  
 ନାମିତେରି । ୧୨ ଏଦାଆଁ ଡାୟୁ ଜୀସୁ ତାମି ଇୟା, ତାୟିୟାଁ ଅଡ଼େ ସୀସୁୟାଁ  
 ତଲେ କପରନାହୁମତା ହାରେରି; ଇଞ୍ଜାଁ ଏମ୍ପାଆଁ ହାରେକା ଦିନା ଡ଼ୟାଆଚେରି  
 । ୧୩ ଏଚିବେଲୀତା ଜୀହୁଦିୟାଁ ପିସ୍‌ପିଆନି ପାର୍ଟୁ ତାଗେ ଆହାମାଚେ, ଅଡ଼େ  
 ଜୀସୁ ଜିରୁସାଲମତା ହାଚେସି । ୧୪ ଏମ୍ପାଆଁ ଜୀସୁ ମେସ୍ତେସି, ମାହାପୁରୁ ଇଲୁ  
 ବିତ୍ରା ଲକୁ କଡ଼ିୟାଁ ମେଣ୍ଡାୟାଁ ଅଡ଼େ ପଟାୟାଁ ବେବାରା କିନାରି ଅଡ଼େ ତାରୁୟାଁ  
 ବେବାରା କିନାରି କୁଗାମାଚେରି; ୧୫ ଏମ୍ପାଟିଏ ଜୀସୁ ଡ଼ରିତି ସାଟ୍‌ଣି କେପାନା  
 କଡ଼ିୟାଁ, ମେଣ୍ଡାୟାଁ ମାହାପୁରୁ ଇଲୁଟି ପାଢ଼ୁଟା ପେର୍‌ହା ପାଣ୍ଡାନା ଟାକାୟାଁ  
 ବେବାରା ଗାଟାରି କୁର୍ଟିୟାଁ ତିରିମ୍ବୁହାନା ଟାକାୟାଁ ବାରେ ଡ଼ାଞ୍ଜିଚେସି । ୧୬  
 ପଟାୟାଁ ବେବାରା ଗାଟାରାଇଁ ଏଲେଇଚେସି, “ଇ ବାରେତି ଇମ୍ପାଟି ଅହାଡ଼ହୁଡୁ,  
 ନା ଆବା ଇଲୁଟି ବେବାରା ଇଲୁ କିଆଡୁ ।” ୧୭ ଇଦାଆଁ ମେସାନା ସାସ୍ତେରିତା  
 ରାସକି ଆହାମାନି ର କାତା ସୀସୁୟାଁ ମନତା ଖାଚେ, “ନୀ ଇଲୁତାକି ନା  
 ରାହାଁ ନାଢ଼େ ହାରେକା ନାସା କିୟାନେ ।” ୧୮ ଜୀହୁଦିୟାଁ ଜୀସୁଇଁ ଖେଚେରି,  
 “ନୀନୁ ଇ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ପାଟି  
 ସିନା ମାଢ଼େ ଏନାଆଁ ଡ଼ସିମାଞ୍ଜାଦି?” ୧୯ ଜୀସୁ ଏଲେଇଚେସି, “ଇ ଦେଞ୍ଜୁଡ଼ିତି  
 ନାସା କିଦୁ, ଅଡ଼େ ତାନି ଦିନାଟିଏ ନୀନୁ ଏଦାଆଁ ଖେଣ୍ଡେ କେପିଇଁ ।” ୨୦  
 ଏଚେଟିଏ ଜୀହୁଦି ଲକୁ ଏଲେଇଚେରି, “ଏନାଆଁ ତାନିଦିନା ବିତ୍ରା ନୀନୁ  
 ଇଦାଆଁ କେପାଲି ଆଡ଼ିଦି? ଇ ଦେଞ୍ଜୁଡ଼ି କିହାଲିତାକି ରୀ କଡ଼ି ସ ବାର୍ସା  
 ଆହାମାନେ ।” ୨୧ ସାମା ଜୀସୁ ଜାହାରା ଆଢ଼ୁ ଲେହେଁତି ଦେଞ୍ଜୁଡ଼ିତି ଡ଼ସାନା  
 ଇଦାଆଁ ଖେସାମାଚେସି । ୨୨ ଇଦାଆଁତାକି ଜୀସୁ ହାହାନା ନିଢ଼ୁଲିଏ ତାନି  
 ସୀସୁୟାଁ ଜୀସୁ ଇ କାତା ଖେସାମାଚେସି ଇଞ୍ଜାଁ ଅଣ୍ଡିଚେରି; ଅଡ଼େ ଦାର୍ଣୁ  
 ସାସ୍ତେରି ଅଡ଼େ ଜୀସୁ ଖେସାମାଟି କାତାଟି ନାମିତେରି । ୨୩ ପିସ୍‌ପିଆନି ପାର୍ଟୁ  
 ଆହିମାଟି ବେଲୀତା ଜିରୁସାଲମତା ଜୀସୁ ମାଟାଟି ହାରେକା ତାନି କାବାଆନି  
 କାମା ମେସାନା ତାନି ଦରୁତା ହାରେକା ଜାଣା ନାମିତେରି । ୨୪ ସାମା ଜୀସୁ  
 ଏ ଲକୁଣି ନାମାଆନା ଏଞ୍ଜାରି ଡାଣାଟି ଏଟ୍‌କା ଡ଼ୟିଚେସି, ଏନାଆଁତାକି ଇଚିହିଁ

ଏଞ୍ଜରାଉଁ ନେହିଁକି ପୁଞ୍ଜାମାରେସି । ୨୫ ଅଡ଼େ ଆମ୍ବାଆସି ମାଣ୍ଡସି କାତା ସାକି ହୀନେସି, ଇଦି ଏଞ୍ଜାଣାକି ଲଡ଼ା ହିଲାଆତେ, ଇଚିହିଁ ମାଣ୍ଡସି ବିତ୍ରା ଏନାୟି ମାନେ ଏଞ୍ଜାସି ତାନୁଏ ପୁଞ୍ଜାଲି ଆଡ଼ିମାରେସି ।

**୩** ପାରୁସିୟାଁ ଗଚିଚି ନିକଦିମ ଇଞ୍ଜି ର ମାଣ୍ଡସି ମାରେସି, ଏଞ୍ଜାସି ଜୀହୁଦି ଲକୁଣି ସାଲଖି କିନାସି ମାରେସି । ୨ ଏଞ୍ଜାସି ଲାଆଁ ବେଲାତା ଜୀସୁ ତାଣା ଖାହାନା ଏଲେଇଚେସି, “ଏ ରାବି, ମୀମୁ ପୁଞ୍ଜାମାନମି ନୀନୁ ମାହାପୁରୁ ପାଣ୍ଡାମାଞ୍ଜାନି ଗୁରୁ । ନୀନୁ ଆମିନି ବାରେ କାବାଆନି କାମା କିହିମାଞ୍ଜି, ମାହାପୁରୁ ସାୟେମି ହିଲାଆସାରେ ଏଦାଆଁ ଆମ୍ବାଆରି କିହାଲି ଆଡ଼ଅରି ।” ୩ ଜୀସୁ ଏଞ୍ଜାଣାଉଁ ଏଲେଇଚେସି, ସାତା ସାତା ନୀନୁ ନିଢୁ ଖେସିମାଞ୍ଜାଉଁ, ଅଡ଼େ ଖେଣ୍ଟେ ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜି ମେସାଲି ଆଡ଼ଅସି । ୪ ନିକଦିମ ଏଞ୍ଜାଣାଉଁ ଖେଚେସି, “ରୁଡ଼ହା ଆଡ଼ିସାରେ ମାଣ୍ଡସି ଅଡ଼େ ଖେଣ୍ଟେ ଏନିକିଁ ଜାର୍ନା ଆହାଲି ଆଡ଼ିନେସି? ତାଲିନି ବାଣ୍ଟିତା ହତାନା ଏଞ୍ଜାସି ଖେଣ୍ଟେ ଜାର୍ନା ଆହାଲି ଆଡ଼ିନେସି?” ୫ ଜୀସୁ ଏଲେଇଚେସି; “ସାତା ସାତା ନୀନୁ ନିଢୁ ଖେସିମାଞ୍ଜାଉଁ” ଏୟୁ ଅଡ଼େ ସୁଦୁଜୀଞ୍ଜୁଟି ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜିତା ହତାଲି ଆଡ଼ଅସି । ୬ ଆଢ୍ଫାଟି ଏନାୟି ଜାର୍ନା, ଏଦି ଆଢ୍ଫା; ଅଡ଼େ ସୁଦୁଜୀଞ୍ଜୁଟି ଏନାୟି ଜାର୍ନା ଆନେ, ଏଦି ସୁଦୁଜୀଞ୍ଜୁ । ୭ ନିଢେ ଖେଣ୍ଟେ ଜାର୍ନା ଆନାୟି ଲଡ଼ାମାନେ ଇଞ୍ଜି ନୀନୁ ନିଢୁ ଖେସୁତେସି, ଏଦାଆଁତାକି କାବା ଆଆନି । ୮ ଗାଲି ଆମ୍ବିୟାଖାକି ମନ କିନେ, ଏତାଲା ଖାକି ହାନେ, ଅଡ଼େ ନୀନୁ ଖାରୁଇ ଏଦାନି ହାତା ଖେଞ୍ଜାଲି ଆଡ଼ିଦି, ସାମା ଏଦି ଏମିନି ତାଣାଟି ଖାନେ ଅଡ଼େ, ଏମ୍ବିୟା ହାନେ, ଏଦାଆଁ ପୁନଅଡ଼ି; ସୁଦୁଜୀଞ୍ଜୁଟି ଜାର୍ନା ଆହାମାନି ବାରେଜାଣା ଏଲେକିହିଁଏ । ୯ ନିକଦିମ ଏଞ୍ଜାଣାଉଁ ଏଲେଇଚେସି, “ଏଦି ଏନିକିଁ ଆହାଲି ଆଡ଼ିନେ?” ୧୦ ଜୀସୁ ଏଞ୍ଜାଣାଉଁ ଏଲେଇଚେସି; “ନୀନୁ ଇସ୍ତାୟେଲଚି ଗୁରୁ ଆହାନା ଜିକେଏ, ଇ ବାରେ ତେଲୁହିଁ ହିଲଅଡ଼ି କି? ୧୧ ନୀନୁ ନିଢୁ ସାତା ଖେସିମାଞ୍ଜାଉଁ, ନୀନୁ ଏନାଆଁ ପୁଞ୍ଜାମାଉଁ, ଏଦାନି କାତା ଖେସିମାଞ୍ଜାଉଁ, ଏନାଆଁ ମେସାମାଉଁ, ଅଡ଼େ ନୀନୁ ନୀ କାତା ନାମିହିଲଅଡ଼ି । ୧୨ ନୀନୁ ଦାର୍ଡି କାତାଡ଼ି ଖେସୁସାରେ ନୀନୁ ନାମଅଡ଼ି, ଆଡ଼ିହିଁ ଲାକପୁରୁଡ଼ି ହାତା ଖେସୁସାରେ ଏନିକିଁ ନାମିଦି? ୧୩ ଆମିନି ମାଣ୍ଡସି ମୀରୁଏସି ଲାକପୁରୁଡ଼ି ରେତା ଖାଚେସି, ଏଞ୍ଜାଣି ପିସ୍‌ପେ ଅଡ଼େ ଆମ୍ବାଆସି ଲାକପୁରୁ ହାଜାହିଲଅସି ।” ୧୪ ଅଡ଼େ, ମସା ଏନିକିଁ ଲକୁ ହିଲାଆ ଗାୟୁତା ପିତାଡ଼ା ରାବୁଡ଼ି ଲାକ ପେରୁହା

ମାତେସି, ମାଣ୍ଡି ମୀରୁଏସି ଜିକେଏ ଏଲେକିହିଏ ଲାକ ପେରୁଞ୍ଚି ଆନେସି ।  
**୧୫** ଏନିଇତିହିଁ ଆମ୍ବାଆସି ତାନି ଡାଣା ନାମିନେସି, ଏଞ୍ଜାସି କାଲାକାଲାତି ଜୀଝୁ  
ବେଟା ଆନେସି । (aiōnios g166) **୧୬** ଇତିହିଁ ମାହାପୁରୁ ଦାର୍ତ୍ତିତି ଏରେକା  
ଜୀଝୁ ନୂତେସି, ଏଞ୍ଜାସି ତାନି ରଣ୍ଡିଏ ମୀରୁଏଶାଲ୍ ଦାନା ହୀତେସି, ଏନିଇତିହିଁ  
ଏଞ୍ଜାଣି ଡାଣା ନାମିନାସି ନାସା ଆଆନା କାଲାକାଲାତି ଜୀଝୁ ବେଟା ଆନେସି  
। (aiōnios g166) **୧୭** ଇତିହିଁ ଦାର୍ତ୍ତିତା ନୀହାୟି କିହାଲିତାକି ମାହାପୁରୁ  
ତାନି ମୀରୁଏଶାଲ୍ ଦାର୍ତ୍ତିତା ପାଣ୍ଡାଆନା, ଦାର୍ତ୍ତି ଏନିକିଁ ତାନିଡାଣାଟି  
ଗେଲ୍‌ପିଆନେ, ଏଦାଆଁତାକି ତାନି ମୀରୁଏଶାଲ୍ ପାଣ୍ଡାତେସି । **୧୮** ଆମ୍ବାଆସି  
ତାନି ଡାଣା ନାମିନେସି, ଏଞ୍ଜାସି ନୀହାୟି କିଞ୍ଚି ଆଅସି ଆମ୍ବାଆସି ନାମଅସି,  
ଏଞ୍ଜାସି ନୀହାୟି କିଞ୍ଚି ଆତେସିଏ, ଏନାଆଁତାକି ଇତିହିଁ ମାହାପୁରୁତି ରଣ୍ଡିଏ  
ମୀରୁଏଶା ଦରୁତି ନାମାହିଲଅସି । **୧୯** ଅଡେ ଏ ନୀହାୟି ଇଦି, ଇ ଦାର୍ତ୍ତିତା  
ଉଜେଡ଼ି ଡଞ୍ଜା ଆହାମାନେ, ଅଡେ ଲକୁ ଉଜେଡ଼ି ପିସାନା ଆନେରିତି ଜୀଝୁ  
ନୂତେରି, ଏଦାଆଁତାକି ଏଞ୍ଜାରି ବାରେ କାମା ଲାଗେଏତାୟି । **୨୦** ଇତିହିଁ  
ଆମ୍ବାଆରି ଲାଗେଏତି କାମାକିନାରି, ଉଜେଡ଼ିତି ଅପଅରି, ଅଡେ ଏରେତା  
ତାମି ପାପୁ କାମା ଡଞ୍ଜାଆନେ, ଏଦାଆଁତାକି ଉଜେଡ଼ିତା ଝାଅରି । **୨୧** ସାମା  
ଆମ୍ବାଆରି ସାତା କାମା କିନେରି, ଏଞ୍ଜାରି ଉଜେଡ଼ିତା ଝାନେରି, ଏନିକିଁ ତାମି  
କାମା ବାରେ ମାହାପୁରୁ ଡାଣାଟି ତାରି ଆତାୟି ଇଞ୍ଚି ଡଞ୍ଜାଆନେ । **୨୨** ଇଦାଆଁ  
ଡାୟୁ ଜୀଝୁ ଅଡେ ତାନି ସୀସୁୟାଁ ଜୀହୁଦା ରାଜିତା ହାଚେରି, ଅଡେ ଏଞ୍ଜାସି ଏ  
ଟାୟୁଡା ଡୟାନା ବାପ୍ତିସ୍ତ ହାହାଲି ମାଟ୍‌ହେସି । **୨୩** ଜହନ ଜିକେଏ ସାଲମତି  
ତାଗେ ଏନନ୍‌ତା ବାପ୍ତିସ୍ତ ହାହିମାତେସି, ଇତିହିଁ ଏମ୍ବାଆଁ ଗାଡି ଏୟୁ ମାରୁ,  
ଅଡେ ଲକୁ ଝାହାନା ବାପ୍ତିସ୍ତ ଅହିମାଚେରି । **୨୪** ଏତିବେଲା ପାତେକା ଜହନ  
କାୟିଦିତା ହାଜାହିଲାଆତେସି । **୨୫** ଏମ୍ବାଟିଏ ଜହନତି ଏଚରଜାଣା ସୀସୁୟାଁ  
ରୁ ଜୀହୁଦି ତଲେ ମେରାତାକି ନରୁନି କାତାତାକି ବାଦିବାଦା ଆଚେରି । **୨୬**  
ଏଞ୍ଜାରି ଜହନଲ୍ ଏଲେଇଚେରି, “ଗୁରୁ ଆମ୍ବାଆସି ଜର୍ଦନ କାତାତି ଅରଞ୍ଜାକି  
ନୀ ତଲେ ମାତେସି, ଆମ୍ବାଆରି କାତା ନୀନୁ ସାକି ହୀହାମାଞ୍ଜାତି, ମେହ୍‌ମୁ  
ଏଞ୍ଜାସି ବାପ୍ତିସ୍ତ ହାହିମାନେସି ଅଡେ ବାରେଜାଣା ଏଞ୍ଜାଣି ଡାଣା ହାଜିମାନେରି  
।” **୨୭** ଜହନ ଏଲେଇଚେସି, “ଲାକପୁରୁତି ମାହାପୁରୁ ହୀଆସାରେ ମାଣ୍ଡି  
ଏନାଆଁ ମେଡାଆହାଲି ଆଡଅସି । **୨୮** ନୀନୁ କ୍ରୀସ୍ତତେଏଁ ଆଏ, ସାମା ଏଞ୍ଜାଣି  
ନକିତା ପାଣ୍ଡୁଞ୍ଚି ଆହାମାଲ୍, ଇ କାତା ନୀନୁ ମିଡ୍ରେ ଝେସାମାଞ୍ଜାତେଏଁ ଇଞ୍ଚି



ମୀରୁ ନା ସାକି । ୨୯ ମାଞ୍ଜୁନି ଅନାସି, ଏଞ୍ଜାସି ହନେଏସି, ସାମା ହନେଏଣି ଏମିନି ଡ଼ୁ ନିତାନା ତାନି ହାତା ଖେନେସି, ଏଞ୍ଜାସି ହନେଏଣି ହାତା ଖେଞ୍ଜାନା ହାରେକା ରାହାଁ ଆନେସି । ଏଲେକିହିଁଏ ନା ରାହାଁ ଜିକେଏ ପୁରା ଆଡେ । ୩୦ ସାଡେଏ ଏଞ୍ଜାସି କାଜାସି ଆନାୟି ମାନେ, ଅଡେ ନାଡେ଼ ଉଣା ଆନାୟି ମାନେ ।” ୩୧ ଆମ୍ବାଆସି ଲାକପୁରୁଟି ଖାନେସି, ଏଞ୍ଜାସି ବାରେକିହାଁ କାଜାସି, ଆମ୍ବାଆସି ଦାରୁଟି ଜାର୍ନା ଆନେସି, ଏଞ୍ଜାସି ଦାରୁଟି କାତା ଖେହ୍ନେସି; ଆମ୍ବାଆସି ଲାକପୁରୁଟି ଖାନେସି ଏଞ୍ଜାସି ବାରେଜାଣା କିହାଁ କାଜାସି । ୩୨ ଏଞ୍ଜାସି ଏନାଆଁ ମେସାମାନେସି ଅଡେ ଏନାଆଁ ଖେଞ୍ଜାମାନେସି, ଏଦାଆଁ ଏଞ୍ଜାସି ସାକି ହାହିମାନେସି, ସାମା ଆମ୍ବାଆସି ତାନି ହାତାତି ଅପଅସି । ୩୩ ଇଞ୍ଜାଁ ଆମ୍ବାଆସି ତାନି କାତାତି ଅପିନେସି, ଏଞ୍ଜାସି ମାହାପୁରୁ ସାତା ଇଞ୍ଜାଁ ଏ କାତାତି ଆବା ମାନେସି । ୩୪ ସାମା ମାହାପୁରୁ ଆମ୍ବାଆରାଈଁ ପାଣ୍ଡାମାଞ୍ଜାନେସି, ଏଞ୍ଜାସି ମାହାପୁରୁ ବଲୁ ଖେହ୍ନେସି, ଏଞ୍ଜାଣାକି ମାହାପୁରୁ ସୁଦୁଜୀଞ୍ଜୁ ହାନେସି । ୩୫ ଆବା ମାର୍‌ଏଣାଈଁ ଜୀଞ୍ଜୁ ନନେସି, ଅଡେ ବାରେ ତାନି କେୟୁତା ହେର୍‌ପା ମାନେସି । ୩୬ ଆମ୍ବାଆସି ମାର୍‌ଏଣାଈଁ ନାମିନେସି, ଏଞ୍ଜାସି କାଲାକାଲାତି ଜୀଞ୍ଜୁ ବେଟାଆହାମାନେସି, ସାମା ଆମ୍ବାଆସି ମାର୍‌ଏଣାଈଁ ଅପଅସି, ଏଞ୍ଜାସି ଜୀଞ୍ଜୁ ଜିକେଏ ମେହ୍‌ଅସି, ସାମା ଏଞ୍ଜାସି ମାହାପୁରୁଟି ଡ଼ଣ୍ଡୁତା ଡ଼ୟିନେସି ।

(aiōnios g166)

**୪** ପାରୁସିୟାଁ ଖେରେରି, ଜୀସୁ ଜହନ କିହାଁ ଗାତି ସୀସୁୟାଁ କିହିମାନେସି ଅଡେ ବାପ୍ତିସ୍ତ ହାହିମାନେସି । ୨ ଜୀସୁ ତାନୁ ବାପ୍ତିସ୍ତ ହାହିହିଲାଆଡେସି, ସାମା ତାନି ସୀସୁୟାଁ ବାପ୍ତିସ୍ତ ହାହିମାରେରି, ଇ କାତା ପାରୁସିୟାଁ ଖେଞ୍ଜାମାନେରି ଇଞ୍ଜାଁ ପୁରୁ ଏରେତା ପୁରେସି, ୩ ଏରେତା ଜୀହୁଦା ଦେସା ପିସାନା ଅଡେ ଖେଣ୍ଡେ ଗାଲିଲିତା ହାରେରି । ୪ ସାମା ତାଡେ଼ ସମିରଣ ଜିରୁଟି ହାଜାଲି ଲାଗିତେ । ୫ ଅଡେ ଏଞ୍ଜାସି ହାଜାନା ଜାକୁବ ତାନି ମାର୍‌ଏସି ଜସେପକି ଏମିନି ବୁମି ହାହାମାରେସି ଏ ତାଗେ ସମିରଣତି ସୁକାର ଡ଼ରୁଗାଟି ର ନାୟୁତା ଏଗାହାରେସି । ୬ ଏ ଟାୟୁତା ଜାକୁବତି କୁହି ମାରେ, ଇଞ୍ଜାଁ ଜୀସୁ ଖାହାହାଜାମାଚାକି ଏ କୁହି ତାଗେ କୁରିତେସି । ଏରେତା ମାଦେନା ଆହାମାରେ । ୭ ଅଡେ ର ସମିରଣ ଇୟା ଏୟୁ ଅହାଲି ଖାଡେ । ଜୀସୁ ଏଦାନି ଏଲେଇରେସି “ନାଡେ଼୍‌ ଏୟୁ ଗସାଲି ହିୟାମୁ ।” ୮ ତାନି ସୀସୁୟାଁ କାଦି କତାଲି ଗାଡ଼ାତା ହାଜାମାରେରି । ୯ ଏମ୍ବାଟିଏ ସମିରଣ ଇୟା ଜୀସୁଈଁ ଏଲେଇରେ, “ନୀନୁ ର ଜୀହୁଦି ଲକୁ

ଆହାଁ, ନାନୁ ସମିରଣ ଆୟାତେଏଁ, ଏନିକିଁ ନା କେୟୁଟି ଏୟୁ ଗସାଲି ରୀସି ମାଞ୍ଜୁଦି?" ଏନିକିଟିହିଁ ଜୀହୁଦିୟାଁ ତଲେ ସମିରଣ ଲକ୍ଷୁଟି ଲେମ୍ବିନାୟି ହିଲେଏ । ୧୦ ଜୀସୁ ଏଦାନି ଏଲେଇଚେସି, "ମାହାପୁରୁତି ଦାନା ଅଡେ ନାଡ୍ରେ ଗସାଲି ହିୟାମୁ ଇଞ୍ଜି ଆମ୍ବାଆସି ନିଡ୍ରେ ଏଲେଇଞ୍ଜିମାଞ୍ଜାନେସି, ଏଝାସି ଆମ୍ବାଆସି, ଇଦାଆଁ ନାନୁ ପୁଟିହିଁମା, ନାନୁ ଏଝାଣାଲ୍ ରୀସିମା, ଅଡେ ଏଝାସି ନିଡ୍ରେ ଜୀହୁଟି ଏୟୁ ହିୟାତେସିମା ।" ୧୧ ଏ ଆୟାଟି ଏଲେଇଚେ, "ଗୁରୁ ନୀ ତାଣା ଏୟୁ କତାଲି ତାକି ନକି ହିଲେଏ, ଅଡେ ଇ କୁହି କୁହାମାନେ; ଆତିହିଁ ନାନୁ ଏମ୍ବିଟି ଏ ଜୀହୁଗାଟି ଏୟୁ ବେଟାଆହାମାଞ୍ଜି? ୧୨ ମା ଆକୁୟାଁତି ଆବା ଜାକୁବ ଇ କୁହି ମାଡ୍ରେ ହାହାମାଞ୍ଜାତେସି, ଅଡେ, ତାନି ମୀରକା ଅଡେ ତାନି କଡି ଗରି ଇମ୍ବାତି ଏୟୁ ଗସିମାରୁ, ଏଝାଣି କିହାଁ ନାନୁ କି କାଜାତି?" ୧୩ ଜୀସୁ ଏଲେଇଚେସି, "ଆମ୍ବାଆସି ଇ ଏୟୁ ଗହ୍ନେସି, ଅଡେ ଝେଣ୍ଡେ ଏସ୍କି ଆନେସି; ୧୪ ସାମା ନାନୁ ଏମିନି ଏୟୁ ହିୟାଲ୍, ଏଝାଆଁ ଆମ୍ବାଆସି ଗହ୍ନେସି, ଏଝାସି ଏଚେଲାଝା ଏସ୍କି ଆଅସି, ଇତିହିଁ ନାନୁ ଏମିନି ଏୟୁ ହାଲ୍, ଏଦି କାଲାକାଲାତି ଜୀହୁଟି ଉସା ଲେହେଁ ଏଝାଣି ତାଣାଟି ଚେଲାବୟା ହାନୁ ।" (aiōn g165, aiōnios g166) ୧୫ ଆୟାଟି ଏଲେଇଚେ, "ଗୁରୁ, ନାଡ୍ରେ ଏନିକିଁ ଏସ୍କି ଆୟେଏ, ଅଡେ ଏୟୁତାକି ଇଚେକା ହେକ ଇ କୁହିତା ଝାୟାଲି ଆଏ, ଏଦାଆଁତାକି ଏ ଏୟୁ ନାଡ୍ରେ ହିୟାମୁ ।" ୧୬ ଜୀସୁ ଏଦାନି ଏଲେଇଚେସି, "ହାଲାମୁ, ନୀ ତକ୍ରାଲ୍ ହାଟାତାମୁ ।" ୧୭ ଏ ଆୟାଟି ଏଲେଇଚେ, "ନୀ ତକ୍ରା ହିଲଅସି ।" ଜୀସୁ ଏଦାନି ଏଲେଇଚେସି "ନୀ ତକ୍ରା ହିଲଅସି ଇଞ୍ଜି ସାତା ଝେସାମାଞ୍ଜି । ୧୮ ନିଡ୍ରେ ପାସାଜାଣା ତକ୍ରାୟାଁ ମାଚେରି, ଅଡେ ନୀଏଁ ନୀ ତଲେ ଆମ୍ବାଆସି ମାନେସି ଏଝାସି ନୀ ତକ୍ରା ଆଏ ଇଦାଆଁ ସାତା ଝେସାମାଞ୍ଜି ।" ୧୯ ଆୟାଟି ଏଲେଇଚେ, "ଗୁରୁ, ନାନୁ ପୁଞ୍ଜିମାଲ୍ ନାନୁ ର ମାହାପୁରୁ ଅଣ୍ପୁଟି ବଲୁ ଝେହ୍ନାତି, ଇଦାଆଁ ନାନୁ ପୁଞ୍ଜିମାଲ୍ । ୨୦ ମା ଆକୁ ଆବାୟାଁ ଇ ହୁରୁ ଲାକ ପ୍ରାତାନା କିହିମାଚେରି; ଅଡେ ମୀ ଜୀହୁଦି ଲକ୍ଷୁ ଏଲେଇଚେରି, ପ୍ରାତାନା କିନି ଚାୟୁ ଆହିମାନେ ଜିରୁସାଲମ ।" ୨୧ ଜୀସୁ ଏଦାନି ଏଲେଇଚେସି, "ଇୟା ନା ହାତାତି ନାମାମୁ, ଏମିନି ବେଲାତା ମୀରୁ ଇ ହୁରୁତା କି ଜିରୁସାଲମତା ଆବା ତାଣା ପ୍ରାତାନା କିଅଚେରି ଇଲେତି କାଲମି ଝାନେ । ୨୨ ଆମ୍ବାଆରାଲ୍ ମୀରୁ ପୁଞ୍ଜିହିଲଅଚେରି, ଏଝାଣାଲ୍ ପ୍ରାତାନା କିହିମାଞ୍ଜେରି; ଆମ୍ବାଆରାଲ୍ ମୀର ପୁଞ୍ଜିମାନାୟି, ଏଝାଣାଲ୍ ପ୍ରାତାନା କିହିମାନାୟି, ଇତିହିଁ ଗେଲ୍ପିନାୟି ଜୀହୁଦି

ଲକ୍ଷ୍ମୀ ଡାକି ଖାନେ । ୨୩ ସାମା ଏମିନି କାଲମିତା ସାତା ତଲେ ପ୍ରାତାନା କିନି  
 ଲକ୍ଷ୍ମୀ ଜୀବୁତଲେ ଅଡେ ସାତା ତଲେ ଆବାଇଁ ପ୍ରାତାନା କିନେରି, ଇଲେତି  
 କାଲମି ଖାହିମାନେ; ଅଡେ, ନୀର୍ବି ଜିକେଏ ମାନେ; ଇତିହିଁ ଆବା ଇଲେତି  
 ପ୍ରାତାନା କିନାରାଇଁ ପାରିମାନେସି । ୨୪ ମାହାପୁରୁ ସୁଦୁଜୀବୁ ଗାଟାସି, ଅଡେ  
 ଆମ୍ବାଆରି ତାନି ପ୍ରାତାନା କିନେରି, ଏଖାରି ଜୀବୁ ଇଞ୍ଜିଁ ସାତା ତଲେ ତାନି  
 ପ୍ରାତାନା କିନାୟିମାନେ ।” ୨୫ ଏ ଆୟାତି ଜୀବୁଇଁ ଏଲେଇରେ, “ନାନୁ  
 ପୁଞ୍ଜାମାଇଁ, ମସିହା, ଆମ୍ବାଆରାଇଁ କ୍ରୀସୁ ଇନେରି, ଏଖାସି ଖାନେସି; ଏରେତା  
 ଏଖାସି ଖାନେସି ମାଡ୍ରେ ବାରେ କାତା ପୁଣ୍ଡି କିୟାନେସି ।” ୨୬ ଜୀବୁ  
 ଏଦାନି ଏଲେଇରେସି, “ନୀର୍ବି ନୀ ତଲେ ହାତା ଆହିମାନାତେର୍ବି ନାନୁ, ନାନୁ  
 ଏଖାତେର୍ବି ।” ୨୭ ଏତିବେଲାତା ତାନି ସୀସୁୟାଁ ଖାହାନା ତାନୁ ର ଆୟାତି  
 ତଲେ ହାତା ଆହିମାନାଣି ମେସାନା କାବା ଆତେରି, ଆତିଜିକେଏ ନାନୁ  
 ଏନାଆଁ ମନ କିହିମାଞ୍ଜି, ଆଆତିଁ ଏନାଆଁତାକି ଏଦାନିତଲେ ହାତା ଆହିମାଞ୍ଜି  
 ଇଞ୍ଜିଁ? ଆମ୍ବାଆରି ଖେନାଆତେରି । ୨୮ ଏମ୍ବାତିଏ ଆୟାତି ଏମ୍ବାଆଁ ତାନି  
 ଏୟୁ ଡକା ପିସାନା ଗାଡ଼ାତା ହାଜାନା ଲକ୍ଷ୍ମୀ ଖେସ୍ତେ, “ଖାଦୁ, ରଅଣାଇଁ  
 ମେହ୍ଦେରି, ୨୯ ନାନୁ ଏନା ଏନାଆଁ ନା ଜୀବୁତା କିହାମାଇଁ, ଏଖାସି ନାଡ୍ରେ  
 ବାରେ ଖେସ୍ତାତେସି; ଏଖାସି ମସିହା ଆହାଡ଼ୟିନେସି?” ୩୦ ଏମ୍ବାତିଏ ଏମ୍ବାତି  
 ଲକ୍ଷ୍ମୀ ଗାଡ଼ାତି ହତାନା ଜୀବୁ ତାଣା ହାରେରି । ୩୧ ଏତିବେଲାତା ସୀସୁୟାଁ  
 ବାତିମାଲିହିଁ ଏଲେଇରେରି, “ଏ ଗୁରୁ, ତିନାମୁ ।” ୩୨ ସାମା ଜୀବୁ ଏଖାରାଇଁ  
 ଏଲେଇରେସି, “ତିଞ୍ଜାଲି ତାକି ଏମିନି କାଦି ନା ତାଣା ମାନେ, ମୀରୁ ଏ କାଦିତି  
 କାତା ପୁଞ୍ଜାହିଲଅତେରି ।” ୩୩ ସୀସୁୟାଁ ତାମୁ ତାମୁ ହାତାକାତା ଆତେରି,  
 “ଆମ୍ବାଆୟି ତାଡ୍ରେତାକି କାଦି ତାତା ହାହାମାନେ ହାବୁଲା?” ୩୪ ଜୀବୁ  
 ଏଖାରାଇଁ ଏଲେଇରେସି, “ନାଡ୍ରେ ପାଣ୍ଡାମାଞ୍ଜାନାଣା ଅଣ୍ଡୁ ଅଡେ ତାନି କାମା  
 ରାପ୍ନାୟି ଏଦିଏ ନା କାଦି । ୩୫ ଆର୍ନା ଦାତାଲି ଅଡେ ସାରି ଲେଞ୍ଜୁ ମାନେ, ଇ  
 କାତା ମୀରୁ ଖେସିହିଲଅତେରି ସାମା ନାନୁ ମିଡ୍ରେ ଖେସିମାଞ୍ଜାଇଁ, ଗୁଡ଼ିୟାକା  
 ବାରେ ସିନକିଦୁ ଏ ବାରେ ଦାତାଲି ତାକି କାମ୍ବାହାତେୟିଏ । ୩୬ ନୀର୍ବି ଜିକେଏ  
 ଦାଃଆନାରାକି କୁଲି ହୀପ୍ତି ଆହିମାନେ ଅଡେ କାଲାକାଲାତି ଜୀବୁତାକି  
 ପାଡେୟି କୁଡ଼ି କିହିମାନେରି, ଏନକିହିଁ ଦାଃଆନାସି ଅଡେ କୁଡ଼ିକିନାସି ରହେଁଏ  
 ରାହାଁ କିନେରି । (aiōnios g166) ୩୭ ଏନାଆଁତାକି ଇତିହିଁ ରଅସି ମାଟିନେସି  
 ଅଡେ ଅର ରଅସି ଦାଃଆନେସି ଇ କାତା ସାତା । ୩୮ ମୀରୁ ଏନାଆଁତାକି କାମା

କିହାହିଲଅତେରି, ଏଦାଆଁ ଦାତାଲି ତାକି ନାନୁ ପାଣ୍ଡାଦେଏଁ; ଏବୁକାତାରି କାମା  
 କିହାମାନେରି, ଅଡେ ମୀରୁ ଏଞ୍ଜାରି କାମାତି ଲାବା ବେଟାଆହିମାଞ୍ଜେରି ।” ୩୯  
 “ନାନୁ ଏନା ଏନାଆଁ କିହାମାଇଁ, ଏ କାତା ଏଞ୍ଜାସି ନାଢ୍ଢେ ବାରେ ଖେସ୍ତାଦେସି”  
 ଇଞ୍ଜି ଏମିନି ଆୟାତି ସାକି ହୀହାମାତେ, ଏଦାନି କାତାତାକି ଏ ଗାଡ଼ାତି  
 ସମିରଣ ଲକୁ ବିତ୍ରାତି ହାରେକା ଜୀସୁଇଁ ନାମିତେରି । ୪୦ ଅଡେ ସମିରଣ  
 ଲକୁ ଜୀସୁ ତାଣା ଖାହାନା ତାମିତଲେ ଡୟାଲି ତାକି ତାଢ୍ଢେ ବାତିମାଲିତେରି  
 ଜୀସୁ ଏଞ୍ଜାରିତଲେ ଅଡେ ରୀ ଦିନା ଡୟିତେସି । ୪୧ ଜୀସୁତି ବଲୁ ଖେଞ୍ଜାନା  
 ହାରେକା ଲକୁ ନାମିତେରି । ୪୨ ଏଞ୍ଜାରି ଏ ଆୟାତିଇଁ ଏଲେଇତେରି, “ଝାରୁଇ  
 ନାନୁ ଏଲେଇଞ୍ଜାତାକି ମାମୁ ନାମାହିଲଅମି, ସାମା ମାମୁ ଖେଞ୍ଜାମାନମି, ଅଡେ,  
 ଇଞ୍ଜାସି ସାତେଏ ବାରୁତିତି ଗେଲୁପିନାସି, ଇଦାଆଁ ମାମୁ ପୁଞ୍ଜାମାନମି ।” ୪୩  
 ରୀ ଦିନା ଡାୟୁ ଜୀସୁ ଏମ୍ପାଟି ହୁତାନା ଗାଲିଲିତା ହାରେସି । ୪୪ ଇତିହିଁ  
 ଜୀସୁ ତାଢ୍ଢେତାକି ସାକି ହାହିଁ ଏଲେଇତେସି, “ମାହାପୁରୁ ଅଶ୍ପୁତି ବଲୁ  
 ଖେହୁନାରି ଜାହାରା ଦେସାତା ମାନି ବେଟାଆଅରି ।” ୪୫ ଅଡେ ଏଞ୍ଜାସି  
 ଗାଲିଲିତା ଏଜାଲିଏ ଏ ଗାଲିଲିତାରି ଏଞ୍ଜାଣାଇଁ ଆବିତେରି, ଇତିହିଁ ପିସ୍ପିଆନି  
 ପାରୁଁ ବେଲୀତା ଜୀସୁ ଜିରୁସାଲମତା ଏନା ଏନାଆଁ କିହାମାତେସି ବାରେ  
 ମେସାମାରେରି ଏଞ୍ଜାରି ଜିକେଏ ପାରୁତା ହାଜାମାତେରି । ୪୬ ଏମ୍ପାଟିଏ  
 ଜୀସୁ ଗାଲିଲିତି କାନା ଗାଡ଼ାତା ଖେଣ୍ଡେ ହାରେସି, ଏମ୍ପିୟା ଜୀସୁ ଏୟୁଣି  
 ଅଢ୍ଢୁରି ରାସା କିହାମାତେସି, ଏମ୍ପାଆଁ ପାସାକଡ଼ି କସକା ମୁହେଁ କାଜାସି  
 ରଅସି ମାରେସି, ତାନି ମୀରୁଏସି କପରୁନାହୁମତା ଆତିହିଲିଆତେସି ।  
 ୪୭ ଜୀସୁ ଜୀହୁଦା ଗାଡ଼ାତି ଗାଲିଲିତା ଖାହାମାନେସି ଇଞ୍ଜି ଖେଞ୍ଜାନା, ତାନି  
 ତାଣା ହାଜାନା ଏଞ୍ଜାସି ଖାହାନା ଏନିକିଁ ତାନି ମୀରୁଏଣାଇଁ ନେହିଁ କିନେସି  
 ଏଦାଆଁତାକି ବାତିମାଲିତେସି, ଇତିହିଁ ଏଞ୍ଜାସି ହାନିହୁଗେ ଆହାମାତେସି ୪୮  
 ଜୀସୁ ଏଞ୍ଜାଣାଇଁ ଏଲେଇତେସି, “ସିନା ଅଡେ କାବାଆନି କାମାୟାଁ ମେହୁଆତିହିଁ  
 ମୀରୁ ଏନିଜିକେଏ ନାମଅତେରି ।” ୪୯ ଏ ସାଲଞ୍ଜି କିନାସି ଏଲେଇତେସି, “ଏ  
 ପ୍ରବୁ, ନା ମୀରୁଏସି ହାନି ନକେଏ ନା ତଲେ ଖାମୁ ।” ୫୦ ଜୀସୁ ଏଞ୍ଜାଣାଇଁ  
 ଏଲେଇତେସି, “ହାଲୀମୁ, ନୀ ମୀରୁଏସି ନୀଡିନେସି ।” ଏ ମାଣ୍ଡସିଇଁ ଜୀସୁ  
 ଏମିନି ହାଡା ଖେସ୍ତେସି, ଏଞ୍ଜାସି ଏଦାଆଁ ନାମାନା ହାରେସି । ୫୧ ଅଡେ,  
 ଏଞ୍ଜାସି ହାଲୁଞ୍ଜନିଏ ତାନି ହଲିୟାଢ୍ଢୁ ଜିରୁତେଏ ନୀ ମୀରୁଏସି ନୀଡିତେସି  
 ଇଞ୍ଜି ଖେସ୍ତେରି । ୫୨ ଏତିବେଲୀତା କକାସି ନେହିଁଆତେସି, ଏଦାଆଁ ଏଞ୍ଜାସି

ଝେରେସି । ଏମ୍ବାଟିଏ ଏଞ୍ଜାରି ଏଲେଇରେସି, “ରେଝଏନି ସାତା ଗଂଟା ଚେଲ୍ଲାତା ନମେରି ପିସ୍ତେ ।” ୫୩ ଏମ୍ବାଟି ତାନି ଆବା ପୁରେସି ଜୀସୁ ଆନିନି ବେଲ୍ଲାତା “ନୀ ମୀର୍ସସି ନୀଡିରେସି” ଇଞ୍ଜିଁ ଝେସାମାରେସି, ଏତିବେଲ୍ଲାତେଏ ଏଡି ଗଟଝି ଆତେ । ଏମ୍ବାଟିଏ, ଏଞ୍ଜାସି ଅଡେ ତାନି ଇଜତି ବାରେ ଇଲୁ କୁଚମି ଜୀସୁ ତାଣା ନାମିରେସି । ୫୪ ଜୀହୁଦାଟିଏ ଗାଲିଲିତା ଝେଣ୍ଡା ଝାହାଁ, ଜୀସୁ ରୀ ପାଲି ତାକି ଇ କାବାଆନି କାମା କିତେସି ।

**୫** ଇଦାଣି ତାୟୁ ଜୀହୁଦି ଲକ୍ଷୁତି ର ପାର୍ବୁ ଆତେ, ଅଡେ ଜୀସୁ ଜିରୁସାଲମତା ହାରେସି । ୬ ଜିରୁସାଲମତି ମେଣ୍ଡାୟାଁ ଦୁଝେରି ତାଗେ ର ବାନ୍ତା ମାନେ; ଏବ୍ରି ହାତାତଲେ ବେତ୍ସାୟିଦା ଇନେରି, ଏ ବାନ୍ତାତା ପାସାଗଟା ପିଣ୍ଡାୟାଁ ମାନୁ । ୭ ଏମ୍ବାଆଁ କାଣାୟାଁ, ସଟାୟାଁ ଅଡେ ଆଢ୍ଫା ଝାୟିତି ରଗ ଗାଟାରି ହାରେକା ଜାଣା ନେହିଁ ଆୟାଲି କାଟାହାଁ ମାଣ୍ଡିତେରି; ୪ ଇଚିହିଁ ଏତିବେଲ୍ଲାତା ପ୍ରବୁତି ର ଦୁତୁ ବାନ୍ତାତା ରେଚାନା ଏୟୁ ଝାଟ୍‌ହିସାରେ, ଅଡେ ଏୟୁ ଝାଡିତି ତାୟୁ ଆମ୍ବାଆସି ତଲିଏ ହଡ୍‌ନେସି, ଏଞ୍ଜାଣାକି ଏନି ରଗ ଆହାମାତି ଜିକେଏ ନେହିଁ ଆହିମାରେସି । ୫ କଡେ ଅଚର ବାର୍ସା ପାତେକା ରଗ ଗାଟାସି ରଅସି ଏମ୍ବାଆଁ ମାରେସି । ୬ ଜୀସୁ ଏଞ୍ଜାଣାଲ୍ ଡୟାମାନାଣି ମେସାନା ଗାତୁ ଦିନାତି ରଗ ଗାଟାସି ଇଞ୍ଜିଁ ପୁଞ୍ଜାହାଁ ଏଞ୍ଜାଣାଲ୍ ଝେରେସି, “ନୀନୁ ଏନାଆଁ ନେହିଁ ଆହାଲି ମନ କିହିମାଞ୍ଜି?” ୭ ରଗ ଗାଟାସି ଏଞ୍ଜାଣାଲ୍ ଏଲେଇରେସି, “ବାବୁ ଏୟୁ ଝାଡିନାଟି ନାଡ୍ଫେ ବାନ୍ତାତା ଅହାଲି ତାକି ଆମ୍ବାଆସି ହିଲଅସି; ଅଡେ, ନୀନୁ ହାନିବେଲ୍ଲାତା ଅଡେ ରଅସି ନା ନକେଏ ହଡାହାନେସି ।” ୮ ଜୀସୁ ଏଞ୍ଜାଣାଲ୍ ଏଲେଇରେସି, “ନିଢ୍ଫାମୁ, ନୀ ପାସ୍‌ପନି ତେକାହାଁ ତାକାମୁ ।” ୯ ଏ ଦେବୁଣିଏ ଏଞ୍ଜାସି ନେହିଁ ଆଡେସି ଅଡେ ତାନି ପାସ୍‌ପନି ତେକାନା ତାକାଲି ମାଟ୍‌ହେସି । ଏ ଦିନା ଜମିନି ଦିନା ମାଚେ । ୧୦ ଇଦାଆଁତାକି, ଜୀହୁଦିୟାଁ ନେହିଁ ଆହାମାନି ମାଣ୍ଡିଲ୍ ଏଲେଇରେସି, “ନୀଞ୍ଜୁ ଜମିନି ଦିନା, ପାସ୍‌ପନି ତେକା ଅହାଲି ନିଢ୍ଫେତାକି ମେରା ଆଏ ।” ୧୧ ସାମା, ଏଞ୍ଜାସି ଏଞ୍ଜାଣାଲ୍ ଏଲେଇରେସି, “ଆମ୍ବାଆସି ନାଡ୍ଫେ ନେହିଁ କିୟାତେସି, ଏଞ୍ଜାସି ନାଡ୍ଫେ ଏଲେଇଞ୍ଜାତେସି, ନୀ ପାସ୍‌ପନି ତେକାନା ତାକାମୁ ।” ୧୨ ଏଞ୍ଜାରି ଏଞ୍ଜାଣାଲ୍ ଝେରେସି, “ନୀ ପାସ୍‌ପନି ତେକାନା ତାକାମୁ ଇଞ୍ଜିଁ ଏଲେଇଞ୍ଜାତାସି, ଏଞ୍ଜାସି ଆମ୍ବାଆସି?” ୧୩ ସାମା ଏଞ୍ଜାସି ଆମ୍ବାଆସି, ଏ ନେହିଁ ଆତାସି ପୁଞ୍ଜା ହିଲାଆତେସି, ଇଚିହିଁ ଏମ୍ବାଆଁ ଲକ୍ଷୁ ମାନ୍ତା ମାଚାକି ଜୀସୁ ମେହ୍‌ଆରେରୁ ହାଜାମାରେସି । ୧୪ ଇଦାଆଁ ତାୟୁ

ଜୀସୁ ମାହାପୁରୁ ଇଲୁତା ଏଞ୍ଜାଣାଇଁ ମେସାନା ଏଲେଇଚେସି, “ମେହ୍ମୁ ନୀନୁ  
 ନେହିଁ ଆହାମାଞ୍ଜି, ଅଡେ ପାପୁ କିଆନି, ଏନିକିଁ ନିଢ୍ଢେତାକି ଗାଡି କସ୍ତୁ ଖାଏ  
 ।” ୧୫ ଏ ମାଣ୍ଡି ଖେଣ୍ଟା ହାଜାନା, ଆମ୍ବାଆସି ତାଢ୍ଢେ ନେହିଁ କିହାମାଚେସି,  
 ଏଞ୍ଜାସି ଜୀସୁ ଇଞ୍ଜି ଜୀହୁଦିଢ୍ଢାଣି ଖେସ୍ତେସି । ୧୬ ଇଦାଆଁତାକି ଜୀସୁ ଜମିନି  
 ଦିନାତା ଇଦାଆଁ କିହିମାଚାକି ଜୀହୁଦିଢ୍ଢା ଏଞ୍ଜାଣାଇଁ ନିନ୍ତୁ କିହାଲି ମାଟ୍‌ହେରି ।  
 ୧୭ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନା ଆବା ନୀଏଁ ପାଡେକା କାମା  
 କିହିମାନେସି, ଅଡେ ନାନୁ ଜିକେଏ କାମା କିହିମାଇଁ ।” ୧୮ ଇ ହାତା ତାକି  
 ଜୀହୁଦିଢ୍ଢା ଜୀସୁଇଁ ପାୟାଲି ତାକି ଅଡେ ଗାଡି ଅଣ୍ଡିଚେରି, ଏଞ୍ଜାସି ଜମିନି  
 ଦିନାତି ମେରାତି ଉରିଚେସି ଖାରୁଇ ଏଦି ଆଏ, ସାମା ମାହାପୁରୁଇଁ ନା ଆବା  
 ଇଞ୍ଜି ଖେସାନା ତାଢ୍ଢେ ମାହାପୁରୁ ତଲେ ସମାନା କିହିମାଚେସି । ୧୯ ଜୀସୁ  
 ଏଞ୍ଜାରାଇଁ ଏଲେଇଚେସି, “ସାତା ସାତା ନାନୁ ମିଢ୍ଢେ ଖେସିମାଞ୍ଜାଇଁ, ମୀରୁଏସି  
 ଆବାଇଁ ଏନାଆଁ କିହିମାନାଣି ମେହ୍‌ନେସି, ଏଦାଆଁ ପିସ୍‌ପେ ଏଞ୍ଜାସି ତାନୁଏ  
 ଏନାଆଁ କିହାଲି ଆଡଅସି । ଇଚିହିଁ ଆବା ଏନା ଏନାଆଁ କିନେସି, ମୀରୁଏସି  
 ଜିକେଏ ଏଦାଆଁ ବାରେ ଏଲେକିହିଁଏ କିନେସି । ୨୦ ଇଚିହିଁ ଆବା ମୀରୁଏଶାଇଁ  
 ଜୀଝୁ ନନେସି, ଅଡେ ଏଞ୍ଜାସି ତାନୁ ଏନା ଏନାଆଁ କିନେସି, ଏଦାଆଁ ବାରେ  
 ମୀରୁଏଶାଇଁ ତହ୍‌ନେସି, ଅଡେ ମୀରୁ ଏନିକିଁ କାବା ଆଦେରି, ଏଦାଆଁତାକି  
 ଏଞ୍ଜାସି ଏଞ୍ଜାଣି ତାଣାଟି ଇଦାନି କିହାଁ ଆଡେ କାଜା କାଜା କାମା ତହ୍‌ନେସି  
 । ୨୧ ଆବା ଏନିକିଁ ହାଡି ଲକୁଣି ନିକହାନା ଜୀଝୁ ହୀନେସି, ଏଲେକିହିଁଏ  
 ମୀରୁଏସି ଜିକେଏ ଆମ୍ବା ଆମ୍ବାଆରାଇଁ ମନ କିନେସି ଏଞ୍ଜାରାଇଁ ଜୀଝୁ ହୀନେସି  
 । ୨୨ ଆବା ତାନୁଏ ଆମ୍ବାଆରାଇଁ ନୀହାୟି କିଅସି, ସାମା ବାରେଜାଣା ଏନିକିଁ  
 ଆବାଇଁ ମାନି କିହିମାନେରି, ଏଲେକିହିଁଏ ମୀରୁଏଶାଇଁ ଜିକେଏ ମାନି କିନେରି,  
 ଏଦାଆଁତାକି ମୀରୁଏଶାକି ବାରେ ନୀହାୟି କିହାଲି ଅଦିକାରା ହୀହାମାନେସି ।  
 ୨୩ ଆମ୍ବାଆସି ମୀରୁଏଶାଇଁ ମାନି କିଅସି, ଏଞ୍ଜାସି ତାଢ୍ଢେ ପାଣ୍ଡାତି ଆବାଇଁ  
 ଜିକେଏ ମାନି କିଅସି ।” ୨୪ “ନାନୁ ମିଢ୍ଢେ ସାତା ଖେସିମାଞ୍ଜାଇଁ, ଆମ୍ବାଆସି  
 ନା ବଲୁ ଖେଞ୍ଜାନା ନାଢ୍ଢେ ପାଣ୍ଡାତାଣାଇଁ ନାମିନାସି, ଏଞ୍ଜାସି କାଲାକାଲାତି  
 ଜୀଝୁ ବେଟା ଆହାମାନେସି, ଅଡେ, ଏଞ୍ଜାସି ନୀହାୟି କିଞ୍ଜିଆଆନା ହାକିତି  
 ଜୀଣାଆହାନା ରାଆଗାଟି ଜୀଝୁତା ହତାମାନେସି । (aiōnios g166) ୨୫ ନାନୁ  
 ମିଢ୍ଢେ ସାତା ଖେସିମାଞ୍ଜାଇଁ, ର ଦିନା ଖାନେ ନୀଏଁ ଜିକେଏ ଏଦାଡେୟିଏ,  
 ଏମିନି ଦିନାତା ହାତାରି ମାହାପୁରୁ ମୀରୁଏଣି ହାତାତି ଖେନେରି ଅଡେ

ଆତ୍ମାଆରି ଖେନାରି ଏଞ୍ଜାରି ନୀତିନେରି । ୨୭ ଇତିହାସ ଆବା ଏନିକିଁ ତାନୁଏ  
 ଜୀଝୁ ଗାଟାସି, ଏଲେକିହିଁଏ ଏଞ୍ଜାସି ମୀରୁଏଣାକ୍ ଜିକେଏ ଜୀଝୁ ଗାଟାସି  
 ଆହାଲି ହୀହାମାନେସି । ୨୭ ଅଡେ, ଏଞ୍ଜାସି ମାଣ୍ଡସି ମୀରୁଏସି ଆହାମାନାକି  
 ଏଞ୍ଜାସି ଏଞ୍ଜାଣାକି ନୀହାୟି କିନି ଅଦିକାରା ହୀଡେସି । ୨୮ ଇଦାଆଁତାକି କାବା  
 ଆଆନ୍ତୁ, ଇତିହିଁ ଏଡିବେଲା ହାଡି ଲକୁ ମାହୁଣି ମାଣ୍ଡାଟି ତାନି ଗିୟିଁ ଖେନେରି  
 ଅଡେ ଆତ୍ମାଆରି ସାତା କାମା କିହାମାନେରି, ୨୯ ଏଞ୍ଜାରି ଜୀଝୁତା ଖେଣ୍ଡେ  
 ନୀତାଲିତାକି ଅଡେ ଆତ୍ମାଆରି ଲାଗେଏଡି କାମା କିହାମାନେରି, ଏଞ୍ଜାରି  
 ନୀହାୟିଡି ତଣ୍ଡୁ ତାକି ଖେଣ୍ଡେ ନିଝୁ ଖାନେରି, ଇଲେଡି ଦିନା ଖାହିମାନେ ।” ୩୦  
 “ନାନୁ ନା ତାଣାଟି ଏନାଆଁ କିହାଲି ଆଡଅଁ; ନାନୁ ଏନିକିଁ ଖେଇଁ, ଏଲେକିହିଁଏ  
 ନୀହାୟି କିଇଁ, ଅଡେ ନା ନୀହାୟି ଟିକ୍‌ଣାତାୟି, ଇତିହିଁ ନାନୁ ନା ମନତଲେ  
 କିହାଲି ଅଣ୍ଡାଆନା, ନାଢ୍ଢେ ପାଣ୍ଡାତାଣା ମନ ଲେହେଁ କିହାଲି ଅଣ୍ଡାମାଇଁ ।”  
 ୩୧ “ନାନୁ ନାଢ୍ଢେତାକି ସାକି ହୀଇଁ, ଆଡିଜିକେଏ ନା ସାକି ସାତା ଆଏ ।  
 ୩୨ ନା କାତାଡି ଆତ୍ମାଆସି ସାକି ହୀନେସି, ଏଞ୍ଜାସି ଅର ରଅସି; ଅଡେ, ନା  
 କାତାତାକି ଏଞ୍ଜାଣି ସାକି ସାତା, ଏଦାଆଁ ନାନୁ ପୁଞ୍ଜାମାଇଁ । ୩୩ ମୀରୁ ଜହନ  
 ତାଣା ଲକୁଣି ପାଣ୍ଡାମାଞ୍ଜେରି ଅଡେ ଏଞ୍ଜାସି ସାତା ତାକି ସାକି ହୀହାମାନେସି  
 । ୩୪ ସାମା ନାଢ୍ଢେ ମାଣ୍ଡସି ତାଣାଟି ସାକି ଲଡା ଆଏ, ସାମା ମୀରୁ ଏନିକିଁ  
 ଗେଲପି ଆଦେରି, ଏଦାଆଁତାକି ଇ ବାରେ ଖେସିମାଞ୍ଜାଇଁ । ୩୫ ଜହନ ଡୀଞ୍ଜିଡି  
 ମିଣ୍ଡସିମାନି ଦୀଝିଁ ମାରେସି, ଇଞ୍ଜିଁ ମୀରୁ ଏଞ୍ଜାଣି ଉଜେଡିତା ଗାଡେକା ତାକିଏ  
 ରାହାଁ ଆହାଁ ମାଞ୍ଜାଲି ମନ କିହାମାରେରି । ୩୬ ସାମା ଜହନଡି ସାକି କିହାଁ ନା  
 ତାଣା ହାରେକା କାଜା ସାକି ମାନେ, ଏନାଆଁତାକି ଇତିହିଁ ଆବା ନାଢ୍ଢେ ଏନି  
 ଏନି କାମା ରାପୁହାଲି ହୀହାମାଞ୍ଜାନେସି, ନାନୁ ଏମିନି କାମା କିହିମାଇଁ, ଆବା  
 ନାଢ୍ଢେ ପାଣ୍ଡାମାଞ୍ଜାନେସି ଇଞ୍ଜିଁ ଏ ବାରେ ନା ଖାକିଟି ସାକି ହୀହିମାନେସି । ୩୭  
 ଅଡେ ଏମିନି ଆବା ନାଢ୍ଢେ ପାଣ୍ଡାତେସି, ଏଞ୍ଜାସି ନା ତାକି ସାକି ହୀହାମାନେସି  
 । ମୀରୁ ଏଚେଲା ଏଞ୍ଜାଣି ହାଡା ଖେଞ୍ଜା ହିଲଅତେରି କି ତାନି ମୁମୁ ମେସା  
 ହିଲଅତେରି । ୩୮ ଅଡେ ଏଞ୍ଜାଣି ବଲୁ ମୀ ହିୟିତା ଇଟାହିଲଅତେରି, ଇତିହିଁ  
 ଏଞ୍ଜାସି ଆତ୍ମାଆରାଇଁ ପାଣ୍ଡାତେସି ମୀରୁ ଏଞ୍ଜାଣାଇଁ ନାମିହିଲଅତେରି । ୩୯  
 ମୀରୁ ଦାମୁଁ ପଡିଡି କାତା ପାରିମାଞ୍ଜେରି, ଇତିହିଁ ଏମୁଆଁ କାଲାକାଲାଡି ଜୀଝୁ  
 ବେଟାଆହାମାନମି ଇଞ୍ଜିଁ ଅଣ୍ଡାମାଞ୍ଜେରି ଅଡେ ଏ ଦାମୁଁ ପଡି ନା ଖାକିଟି ସାକି  
 ହୀହିମାନେ । (aiōnios g166) ୪୦ ସାମା ମୀରୁ ଜୀଝୁ ବେଟାଆହାଲି ତାକି

ନା ତାଣା ଖାହାଲି ମନ କିହିଲିଅତେରି ।” ୪୧ “ନାନୁ ମାଣସିୟାଁ ତାଣାଟି ଗାଝୁରମି ପାରିଲିଅଁ । ୪୨ ସାମା ନାନୁ ମିଢ୍ଫେ ପୁଞ୍ଜାମାଞ୍ଜାଲ୍, ମୀ ହିୟାଁତା ମାହାପୁରୁତି ଜୀଞ୍ଜନନାୟି ହିଲେଏ । ୪୩ ନାନୁ ନା ଆବା ଦରୁଟି ଖାହାମାଲ୍, ଅଡ଼େ ମୀରୁ ନାଢ୍ଫେ ଅପିମାଞ୍ଜାଅତେରି; ଅର ରଅସି ତାନି ଦରୁଟି ଖାତିହିଁ, ମୀରୁ ଏଞ୍ଜାଣାଲ୍ ଅପିଦେରି । ୪୪ ମୀରୁ ଏନିକିଁ ନାମିମାଞ୍ଜେରି? ମୀରୁ ମୀ ତାଣାଟି ଗାଝୁରମି ବେଟାଆହି ମାଞ୍ଜେରି, ଅଡ଼େ ଏମିନି ରଣ୍ଡିଏ ମାହାପୁରୁ ତାଣାଟି ଗାଝୁରମି ଏଦାଆଁ ବେଟାଆହାଲି ମନ କିହିଲିଅତେରି ୪୫ ନାନୁ ଆବା ନକିତା ମୀ କପାଟି ଦହ ଦସ୍ତାଲ୍, ଏଲେଇଞ୍ଜି ଅଶ୍ଵାଆଦୁ: ଆମିନି ମସା ତାଣା ମୀରୁ ବାସୁଁ ଇଟାମାଞ୍ଜେରି, ଏଞ୍ଜାସିଏ ମୀ କପାଟି ଦହ ଦସି ମାଞ୍ଜାନେସି । ୪୬ ଇତିହିଁ ମୀରୁ ମସାଲ୍ ନାମା ମାଟିହିଁ, ନାଢ୍ଫେ ଜିକେଏ ନାମାତେରିମା, ଇତିହିଁ ଏଞ୍ଜାସି ନା କାତେଏ ରାତାମାନେସି । ୪୭ ସାମା ମୀରୁ ଏଞ୍ଜାଣି ରାତାମାନି କାତା ନାମା ହିଲଅତେରି, ଆତିହିଁ ନା କାତା ଏନିକିଁ ନାମିଦେରି?”

୨ ଇଦାଆଁ ତାୟୁ ଜୀସୁ ଗାଲିଲି ସାମ୍ବୁରି, ଇତିହିଁ ତିବିରିୟା ସାମ୍ବୁରି ଆତାଲାଞ୍ଜାକି ହାରେସି । ୨ ଅଡ଼େ ଏଞ୍ଜାସି ରଗ ଗାଟାଲାଲ୍ ଏନି ଏନି କାବାଆନି କାମା କିହାମାତେସି, ଏ ବାରେ ମେସାନା ହାରେକା ଲକୁ ଏଞ୍ଜାଣି ଜେଚ ଜେଚ ହାରେରି । ୩ ଏମ୍ପାଟିଏ ଜୀସୁ ସୀସୁୟାଁ ତଲେ ର ହରୁ ଲାକ ହାଜାନା କୁରିତେସି । ୪ ଏତିବେଲା ଜୀହୁଡ଼ି ଲକୁତି ପିସ୍ପିଆନି ପାର୍ବୁ ତାଗେ ଆହାମାତେ । ୫ ହାରେକା ଲକୁ ତାନି ତାଣା ଖାହିମାନାଣି ମେସାନା, ଜୀସୁ ପିଲିପଲ୍ ଏଲେଇଚେସି, “ଇଞ୍ଜାରାକି ତିଞ୍ଜାଲି ମାର ଆମ୍ପିଟି ରାନୁ କଡିନାୟି?” ୬ ସାମା ଏଞ୍ଜାସି ପିଲିପଲ୍ ତାୟିପାରି କିୟାଲି ଏଲେଇଚେସି, ଇତିହିଁ ଏଞ୍ଜାସି ଏନାଆଁ କିନାୟିମାନେ, ଏଦାଆଁ ତାନୁଏ ପୁଞ୍ଜାମାତେସି । ୭ ପିଲିପ ଏଞ୍ଜାଣାଲ୍ ଏଲେଇଚେସି, “ବାରେ ଲକୁତାକି ଇଚା ଇଚାଣି ତିଞ୍ଜାଲି ରୀ ଖାଞ୍ଜାଟିଏ ଆଗାଡ଼ା ଖେଣ୍ଡି ଟାକାୟାଁତି ରୁଟି ଜିକେଏ ହାଲାଉ ।” ୮ ତାନି ସୀସୁୟାଁ ବିତ୍ରାଟି, ସିମନ ପିତର ତାୟି ଆନ୍ଫିୟୁ ଦରୁଗାଟାସି ଜୀସୁଲ୍ ଏଲେଇଚେସି, ୯ “ଇମ୍ପାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜାଁ ଖାଜିତି ମୀଶକା ରିଣ୍ଡି ମାନୁ, ସାମା ଇଚେକା ଲକୁତାକି ଏଞ୍ଜି ହାଲିନୁ କି?” ୧୦ ଜୀସୁ ଏଲେଇଚେସି, “ଲକୁଣି କୁପକି କିଦୁ ।” ଏ ଟାୟୁତା ହାରେକା ଗାକି ଜାଡ଼ା ମାତେ । ଏମ୍ପାଆଁ ପାସାମାଣା ଆବାୟାଁ କୁରିତେରି । ୧୧ ଏମ୍ପାଟିଏ ଜୀସୁ ରୁଟି ଆସାନା ମାହାପୁରୁଲ୍ ଜହରା ହୀହାନା ଏମ୍ପାଆଁ କୁଗାମାନାରାକି ଏଦାଆଁ



ବାଟିକିହାଁ ହୀତେରି, ମୀଶ୍ଟକା ଜିକେଏ ଏଲେକିହିଁଏ ବାଟିକିତେରି, ଏଚେକା  
 ମନ କିତେରି ଏଞ୍ଜରାକି ଏଚେକା ହୀତେରି । ୧୨ ଅଡ଼େ ଏଞ୍ଜରି ବାରେ ପାଞ୍ଜିତି  
 ଡାୟୁ ଜୀସୁ ତାନି ସୀସୁୟାଁଇଁ ଏଲେଇଚେସି, “ଏଚେକା ହୀରାମାନେ, ଏଦାଆଁ  
 ବାରେ କୃଡ଼ି କିଦୁ ଏନିକିଁ ଇଚାୟି ଜିକେଏ ନସ୍ତୁ ଆଏ ।” ୧୩ ଏଚେଟିଏ ଲକୁ  
 ତିତି ଡାୟୁ ପାସାଗଟା ରୁଟି ବିତ୍ରାଟି ହୀରାମାଟି ମୁକାୟାଁ ବାର ତାଲି କୃଡ଼ି  
 କିତେରି । ୧୪ ଜୀସୁତି ଇ କାବାଆନି କାମା ମେସାନା ଲକୁ ଏଲେଇଚେରି,  
 “ଆମିନି ମାହାପୁରୁ ଅଶ୍ଟପୁତି ବଲୁ ଚେକନାସି ଦାର୍ତତା ଖାନାୟି ମାଚେ,  
 ଏଞ୍ଜସି ସାତେଏ ଇଞ୍ଜସି ।” ୧୫ ଏଦାଆଁତାକି ଏଞ୍ଜରି ଖାହାନା ରାଜା କିୟାଲି  
 ବାଲ୍ମିତି ଆସା ଅୟାନେରି ଇଞ୍ଜି ପୁଞ୍ଜାନା ଜୀସୁ ଏଚ୍ଚକା ଆହାନା ରଅସିଏ  
 ଦାରିତା ମାଟି ହରୁ ଲାକ ହଚାହାଚେସି । ୧୬ ମିଡ଼ୁଆଲା ଅହାଲିଏ ତାନି  
 ସୀସୁୟାଁ ସାମ୍ବୁରି ଗାଟୁତା ହାଚେରି । ୧୭ ଅଡ଼େ ସାମ୍ବୁରି ଆତାଲା ମାନି  
 କପର୍ନାହୁମ ଖାକି ହାଜାଲି ତଂଗତା ହଚେରି । ଆନେରି ଆହାହାଚେ, ଅଡ଼େ,  
 ଜୀସୁ ଏଚିବେଲା ପାଚେକା ଏଞ୍ଜରିତାଣା ଖାହା ହିଲାଆଚେସି । ୧୮ ଇଞ୍ଜି  
 କାଜା ଗାଲି ଖେଟିମାଚାକି ସାମ୍ବୁରିତା ଆଜିହପେତି ଏୟୁ ଉଣ୍ଡାୟାଁ ନିଢ଼ିମାଟୁ ।  
 ୧୯ ଏଚିବେଲା ଏଞ୍ଜରି ସ୍ତ କିଲମିଟର ହେକ ହାଜାଲିଏ ଜୀସୁ ସାମ୍ବୁରିତା  
 ତାକିହିଁ ତଂଗ ଖାକି ଖାହିମାନାଣି ମେସାନା ଆଜିତେରି । ୨୦ ସାମା ଜୀସୁ  
 ଏଞ୍ଜରାକି ଏଲେଇଚେସି, “ଆଜାଆଦୁ ଇଞ୍ଜାଚେଏଁ ନାନୁ ।” ୨୧ ଏମ୍ବାଟିଏ  
 ଏଞ୍ଜରି ଏଞ୍ଜାଣାକି ତଂଗତା ଅହାଲି ମନ କିତେରି, ଅଡ଼େ, ଏମିନି ସାମ୍ବୁରି  
 ଗାଟୁତା ହାଜିମାଚେରି, ଦେବୁଣିଏ ଏ ଚାୟୁତା ତଂଗ ଏଚେ । ୨୨ ଏ ଚାୟୁତା  
 ର ତଂଗ ପିସ୍ତେ ଏଚ୍ଚକାତି ତଂଗୟାଁ ହିଲାଆତୁ, ଅଡ଼େ ଏମ୍ବାଆଁ ଜୀସୁ ତାନି  
 ସୀସୁୟାଁ ତଲେ ହାଜାହିଲାଆଚେସି, ସାମା ଖାର୍ଇ ସୀସୁୟାଁ ହାଜାମାଚେରି,  
 ଇଦାଆଁ ଆମିନି ଲକୁ ତାନି ଅର ନେରୁ ସାମ୍ବୁରି ଆତାଲା ନିଚାମାଚେରି ଏଞ୍ଜରି  
 ମେସାମାଚେରି । ୨୩ ଆମିନି ତାଣା ଜୀସୁ ଜହରା କିହାନା ଲକୁଣି ରୁଟି ତିଞ୍ଜାଲି  
 ହୀହାମାଚେସି, ତିବିରିୟାଟି ଅଡ଼େ ଏଚରଗଟା ତଂଗାୟାଁ ଏ ଚାୟୁତା ଖାତୁ ।  
 ୨୪ ଇଞ୍ଜି ଜୀସୁ ତାନି ସୀସୁୟାଁ ଏମ୍ବାଆଁ ହିଲାଆଚେରି, ଇଦାଆଁ ମେସାନା ବାରେ  
 ଲକୁ ଇ ତଂଗତା ହଚାନା ଜୀସୁକି ପାରି ପାରିହିଁ କପର୍ନାହୁମତା ଖାଚେରି  
 । ୨୫ ଏଞ୍ଜରି ସାମ୍ବୁରି ଆତାଲା ଜୀସୁକି ବେଟାଆହାନା ଖେଚେରି, ଏ  
 “ଗୁରୁ, ନାନୁ ଏଚିବେଲା ଇମ୍ବାଆଁ ଖାତି?” ୨୬ ଜୀସୁ ଏଞ୍ଜରାକି ଏଲେଇଚେସି,  
 “ନାନୁ ମିଡ଼େ ସାତା ଖେସିମାଞ୍ଜାକି, ନା କାବାଆନି କାମା ମେସାକି ନାଡ଼େ

ପାରିମାଞ୍ଜୁଦେରି ଏଦି ଆଏ, ସାମା ରୁଟି ତିଞ୍ଜା ପାଞ୍ଜିତାକି ମୀରୁ ନାଢ୍ଢେ ପାରିମାଞ୍ଜୁଦେରି । ୨୭ ସୀରୁନି ରାନ୍ତା ତାକି କାମା କିଆନା, କାଲାକାଲାତି ଜୀଞ୍ଜୁତାକି ଡ଼ୟିନି ରାନ୍ତା ତାକି କାମା କିଦୁ, ଏ ରାନ୍ତା ମାଣ୍ଠସି ମୀରୁଏସି ମିଢ୍ଢେ ହିୟାନେସି, ଇଚିହିଁ ତାନି ଆବା ମାହାପୁରୁ ଏଞ୍ଜାଣାକି ଅଦିକାରା ହାହାମାନେସି ।” (aiōnios g166) ୨୮ ଏମ୍ପାଟିଏ ଏଞ୍ଜାରି ଏଞ୍ଜାଣାଇଁ ଖେଚେରି, “ମାହାପୁରୁତି ବାରେ କାମା କିହାଲିତାକି ମାଢ୍ଢେ ଏନାଆଁ କିହାଲି ଆନେ?” ୨୯ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଆମ୍ପାଆରାଇଁ ପାଣ୍ଡାମାଞ୍ଜୁନେସି, ଏଞ୍ଜାଣି ତାଣା ନାମିନାୟି ମାହାପୁରୁତି କାମା ।” ୩୦ ଏଚେଟିଏ ଏଞ୍ଜାରି ଏଞ୍ଜାଣାଇଁ ଖେଚେରି, “ଆତିହିଁ ନୀନୁ ସିନାଲେହେଁ ଏନାଆଁ କିହିମାଞ୍ଜୁ, ଏଦାଆଁ ମେସାନା ମାମୁ ନିଢ୍ଢେ ନାମାନମି? ୩୧ ମା ଆକୁ ଆବାୟାଁ ଲକୁ ଡ଼ୟାଆ ଟାୟୁତା ‘ମାନା’ ତିଞ୍ଜା ମାଚେରି, ଦାମ୍ପୁପତିତା ରାସ୍ତକି ଆହାମାନେ, ତିଞ୍ଜାଲି ଏଞ୍ଜାସି ଏଞ୍ଜାରାକି ଲାକପୁରୁଟି ରାନ୍ତା ହାତେସି ।” ୩୨ ଏଚେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ସାତା ସାତା ନାନୁ ମିଢ୍ଢେ ଖେସିମାଞ୍ଜୁଇଁ, ମସା ମିଢ୍ଢେ ଲାକପୁରୁଟି ରାନ୍ତା ହାହାମାଞ୍ଜୁଅସି, ସାମା ନା ଆବା ମିଢ୍ଢେ ଲାକପୁରୁଟି ସାତା ରାନ୍ତା ହିୟାନେସି; ୩୩ ଇଚିହିଁ ଆମିନି ରାନ୍ତା ଲାକପୁରୁଟି ଖାହାନା ଦାରୁତି ଲକୁଣି ଜୀଞ୍ଜୁ ହୀନେ, ଏଦି ମାହାପୁରୁ ହିୟାତି ରାନ୍ତା ।” ୩୪ ଏଞ୍ଜାରି ଜୀସୁଇଁ ଏଲେଇଚେରି, “ପୁରୁ ମାଢ୍ଢେ ବାରେଦିନା ଏ ରାନ୍ତା ହିୟାମୁ ।” ୩୫ ଏମ୍ପାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁଏ ଜୀଞ୍ଜୁତି ରାନ୍ତାଚେଏଁ; ଆମ୍ପାଆସି ନା ତାଣା ଖାନେସି, ଏଞ୍ଜାସି ଏଚେଲା ହାକି ଆଅସି, ଅଡେ ନା ତାଣା ନାମିନାସି, ଏଚେଲା ଏସ୍ତକି ଆଅସି । ୩୬ ସାମା ନାନୁ ମିଢ୍ଢେ ଖେସିମାଞ୍ଜୁଇଁ, ମୀରୁ ନାଢ୍ଢେ ମେସ୍ତାତି ଜିକେଏ ନାମିମାଞ୍ଜୁଅଚେରି । ୩୭ ଆବା ନାଢ୍ଢେ ଆମ୍ପାଆରାଇଁ ହିୟାନେସି, ଏଞ୍ଜାରି ବାରେଜାଣା ନା ତାଣା ଖାନେରି; ଅଡେ ନା ତାଣା ଖାନାଣାଇଁ, ନାନୁ ଏଚେଲାଖା ପାଢ୍ଢାତା ପିହିଅଁ । ୩୮ ଇଚିହିଁ ନାନୁ ଅଣ୍ଠପିନି ଲେହେଁ କିହାଲି ଖାହାହିଲଅଁ, ସାମା ନାଢ୍ଢେ ପାଣ୍ଡାତାଣା ଅଣ୍ଠପୁ ତଲେ କିହାଲି ଲାକପୁରୁଟି ଖାହାମାଇଁ । ୩୯ ଅଡେ ନାଢ୍ଢେ ପାଣ୍ଡାମାଞ୍ଜୁନାସି ଆମିନି ଗାଟାରାଇଁ ନାଢ୍ଢେ ହିୟାନେସି, ଏଞ୍ଜାରି ବିତ୍ରାଟି ଆମ୍ପାଆରାଇଁ ଜିକେଏ ଏନିକିଁ ନାନୁ ଜାକ୍ଅଁ, ସାମା ରାନି ଦିନାତା ଏଞ୍ଜାରାଇଁ ହାତାରି ତାଣାଟି ନିକ୍ଢଇଁ, ଇଦି ଏଞ୍ଜାଣି ଅଣ୍ଠପୁ । ୪୦ ଇଚିହିଁ ଆମ୍ପାଆସି ମୀରୁଏଣାଇଁ ମେସାନା ଏଞ୍ଜାଣି ତାଣା ନାମିନେସି, ଏଞ୍ଜାସି ଏନିକିଁ କାଲାକାଲାତି ଜୀଞ୍ଜୁ ବେଟା ଆନେସି, ଇଦି ନା ଆବାତି ଅଣ୍ଠପୁ, ଅଡେ

ନାନୁ ଏଖାଣାଇଁ ରାନ୍ତି ଦିନତା ହାତାରି ତାଣାଟି ନିକ୍‌ଇଁ ।” (aiōnios g166) ୪୯  
ନାନୁ ଲାକପୁରୁଟି ରେତା ଖାହାମାନି ରାନ୍ତାତେଏଁ ଇଞ୍ଜି ଏଖାସି ଏଲେଇଞ୍ଜାଲିଏ  
ଜୀହୁଦିୟାଁ ଏଖାଣି କପାଟି ଏଲେଇଞ୍ଜି ଜଳକି ଆତେରି । ୪୭ “ଇଖାସି ଜସେପ  
ମୀରୁଏସି ଜୀସୁ ଆଏକି, ଅଡେ ମାର ଇଖାଣି ଇୟା ଆବାତି ପୁଞ୍ଜାହିଲାଆୟି  
କି? ଆତିହିଁ ନାନୁ ଲାକପୁରୁଟି ରେତା ଖାହାମାଇଁ ଇଞ୍ଜି ଏଖାସି ନୀଏଁ ଏନିକି  
ଝେସିମାନେସି?” ୪୩ ଜୀସୁ ଏଖାରାଇଁ ଏଲେଇତେସି, “ମୀରୁ ମୀରୁ ମୁରୁମୁର  
ଜଳକି ଆଆୟୁ ।” ୪୪ ନାଡ୍ରେ ପାଣ୍ଡାମାଞ୍ଜାନି ଆବା ଆମ୍ବାଆରାଇଁ ରେଜା  
କତିନେସି, ଏଖାସିଦେଁ ନା ତାଣା ଖାହାଲି ଆତିନେସି, ଅଡେ ନାନୁ ରାନ୍ତି  
ଦିନତା ଏଖାଣାଇଁ ହାତାରି ତାଣାଟି ନିକ୍‌ଇଁ । ୪୫ ମାହାପୁରୁ ଅଣ୍ଟୁତି ବଲୁ  
ଝେହ୍‌ନାରି ଦାମ୍‌ପତିତା ରାସ୍‌କି ଆହାମାନେ, “ବାରେଜାଣା ମାହାପୁରୁ ତାଣାଟି  
ଜାପିନେରି । ଆମ୍ବାଆସି ଆବାତି କାତା ଝେଞ୍ଜାନା ଜାପାମାନେସି, ଏଖାସି  
ନା ତାଣା ଖାନେସି । ୪୬ ଆମ୍ବାଆସି ଆବାଇଁ ମେସାହିଲଅସି, ଆମ୍ବାଆସି  
ମାହାପୁରୁ ତାଣାଟି ଖାହାମାନାସି, ଖାରୁଇ ଏଖାସି ମେସାମାନେସି । ୪୭ ନାନୁ  
ମିଡ୍ରେ ସାତା ଝେସିମାଞ୍ଜାଇଁ, ଆମ୍ବାଆସି ନାମିନେସି, ଏଖାସି କାଲାକାଲାତି  
ଜୀସୁ ବେଟା ଆହାମାନେସି । (aiōnios g166) ୪୮ ନାନୁ ଜୀସୁତି ରାନ୍ତାତେଏଁ ।  
୪୯ ମୀ ଆକୁ ଆବାୟାଁ ଲକୁ ଡୟାଆ ଚାୟୁତା ମାନା ତିଞ୍ଜାନା, ହାତେରି । ୫୦  
ଆମ୍ବାଆସି ଏନିକି ରାନ୍ତା ତିଞ୍ଜାନା ହାଅରି, ଏଦାଆଁତାକି ଲାକପୁରୁଟି ଖାନି ରାନ୍ତା  
ଇଦି । ୫୧ ନାନୁ ଲାକପୁରୁଟି ଖାହାମାନି ଏ ଜୀସୁଟାଟି ରାନ୍ତାତେଏଁ, ଆମ୍ବାଆସି  
ଏ ରାନ୍ତା ତିନେସି, କାଲାକାଲା ତାକି ନୀତିନେସି; ହାଅ, ନାନୁ ଏମିନି ରାନ୍ତା  
ହାଇଁ, ଏଞ୍ଜି ନା ଉଢ୍ପା, ନାନୁ ଏଖାଆଁ ଦାର୍‌ତିତି ଜୀସୁତାକି ହାଇଁ ।” (aiōn g165)  
୫୨ ଇ ହାତା ଝେଞ୍ଜାନା ଜୀହୁଦିୟାଁ କାର୍‌ବି ଆହାନା ଏଲେଇଣ୍ଡି ଆତେରି,  
“ଇଖାସି ଏନିକି ମାଡ୍ରେ ତାନି ଉଢ୍ପା ତିଞ୍ଜାଲି ହିୟାଲି ଆତାନେସି?” ୫୩ ଜୀସୁ  
ଏଖାରାଇଁ ଏଲେଇତେସି, “ନାନୁ ସାତା ଝେସିମାଞ୍ଜାଇଁ, ମାଣ୍ଡିସି ମୀରୁଏଣି ଉଢ୍ପା  
ତିନାଆସାରେ ଅଡେ ତାନି ନେତେରି ଗହ୍‌ଆସାରେ, ମୀ ତାଣା ଜୀସୁ ହିଲେଏ ।  
୫୪ ଆମ୍ବାଆସି ନା ଉଢ୍ପା ତିନେସି ଅଡେ ନା ନେତେରି ଗହ୍‌ନେସି, କାଲାକାଲାତି  
ଜୀସୁ ବେଟା ଆନେସି, ଅଡେ ନାନୁ ଏଖାଣାଇଁ ରାନ୍ତି ଦିନତା ହାତାରି ତାଣାଟି  
ନିକ୍‌ଇଁ । (aiōnios g166) ୫୫ ଇତିହିଁ ନା ଉଢ୍ପା ସାତା ରାନ୍ତା ଅଡେ ନା ନେତେରି  
ସାତା ଗହ୍‌ନାୟି । ୫୬ ଆମ୍ବାଆସି ନା ଉଢ୍ପା ତିନେସି ଅଡେ ନା ନେତେରି  
ଗହ୍‌ନେସି, ଏଖାସି ନା ତାଣା ଡୟିନେସି ଅଡେ ନାନୁ ଏଖାଣି ତାଣା ଡୟିଇଁ ।

୫୭ ଜୀଝୁତି ଆବା ନାଢ୍ଢେ ଏନିକିଁ ପାଣ୍ଡାମାଞ୍ଜାନେସି ଅଡ଼େ ନାନୁ ତାନିତାଣାଟି ନୀତାମାଈ, ଏଲେକିହିଁଏ ଆମ୍ବାଆସି ନାଢ୍ଢେ ତିଞ୍ଜାନେସି, ଏଝାସି ଜିକେଏ ନା ତାଣାଟି ନୀତିନେସି । ୫୮ ଆମିନି ରାନୁ ଲାକପୁରୁଟି ଝାହାମାନେ, ଏଦି ଇଦି; ମୀ ଆକୁ ଆବାୟିଁ ଏନିକିଁ ତିଞ୍ଜାନା ହାତେରି, ଇଦି ଏଲେତାୟି ଆଏ, ଆମ୍ବାଆସି ଇ ରାନୁ ତିନାସି ଏଝାସି କାଲାକାଲା ତାକି ଜୀଝୁତଲେ ଡ଼ୟିନେସି ।” (aiōn g165) ୫୯ ଜୀସୁ କପରନାହୁମତି ର ଜୀହୁଦି ଲକୂତି କୁଟମି ଇଲୁତା ମାହାପୁରୁ ବଲୁ ଝେସିମାଟାଟି ଇ ବାରେ କାତା ଝେସୁସି । ୬୦ ଜୀସୁତି ସୀସୁୟିଁ ବିତ୍ରାଟି ହାରେକା ଇ ବାରେ କାତା ଝେଞ୍ଜାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଝେଞ୍ଜାଲି ଆଡିନେସି?” ୬୧ ଏଝାରି ଇ କାତାତାକି ଝେସୁସି ଆହିମାନେରି ଇଞ୍ଜି ଜୀସୁ ପୁଞ୍ଜାନା ସୀସୁୟିଁ ଏଲେଇଚେସି, “ଇ କାତା ମିଢ୍ଢେ ଅପାଆଗାଟାୟି ଆହିମାନେ କି? ୬୨ ଆତିହିଁ ମାଣ୍ଠସି ମୀରୁଏସି ତଲିଏ ମାତି ଚାୟୁତା, ଝେଶ୍ଠେ ହାନାଣି ମେସିହିଁ, ଏନାଆଁ ଇଞ୍ଜେରି? ୬୩ ମାହାପୁରୁଟି ଜୀଝୁ ନୀତାଲି ହାନାୟି; ମାଣ୍ଠସିତି ଆଢ୍ଢା ଏନାଆଁ କିୟାଲି ଆଡେଏ; ନାନୁ ମିଢ୍ଢେ ଝେସୁସି ବଲୁ ବାରେ, ସୁଦୁଜୀଝୁ ଅଡ଼େ ନୀତିନି ବଲୁ । ୬୪ ସାମା ମୀ ବିତ୍ରାଟି ଏଚରଜାଣା ନାମିହିଲଅରି” ଇଚିହିଁ ଆମ୍ବାଆରି ନାମି ହିଲାଆଚେରି ଅଡ଼େ ଆମ୍ବାଆସି ଏଝାଣାଈଁ ସାତୁ କେୟୁତା ହେର୍ପିନେସି ଏଦାଆଁ ଜୀସୁ ତଲିଏ ପୁଞ୍ଜାମାଚେସି । ୬୫ ଅଡ଼େ ଏଝାସି ଏଲେଇଚେସି, “ଏଦାଆଁତାକି ନାନୁ ମିଢ୍ଢେ ଝେସିମାଞ୍ଜାଈଁ, ଆବା ହେଲ ହୀଆତିହିଁ ଆମ୍ବାଆସି ନା ତାଣା ଝାୟାଲି ଆଡଅସି ।” ୬୬ ଏ ଦିନାଟିଏ ତାନି ସୀସୁୟିଁ ବିତ୍ରାଟି ହାରେକା ଜାଣା ଅପାଆନାହାଁ ହାଜାତୁସେରି, ଇଞ୍ଜି, ଏଝାଣିତଲେ ଅଡ଼େ ହାଲାଆଚେରି । ୬୭ ଏମ୍ବାଟିଏ ଜୀସୁ ବାରଜାଣା ସୀସୁୟିଁ ଝେଚେସି, “ମୀରୁ ଜିକେଏ ହାଜାଲି ମନ କିହିମାଞ୍ଜେରି କି?” ୬୮ ସିମନ ପିତର ଏଝାଣାଈଁ ଏଲେଇଚେସି, “ପ୍ରବୁ ଆମ୍ବାଆରି ତାଣା ହାନମି? କାଲାକାଲାଟି ଜୀଝୁତି ବଲୁ ନୀ ତାଣା ମାନେ । (aiōnios g166) ୬୯ ନାନୁ, ମାହାପୁରୁ ତାଣାଟି ଝାହାମାନି ଏ ସୁଦୁ ମାଣ୍ଠସିତି ଇଦାଆଁ ମାମୁ ନାମା ମାନମି ଅଡ଼େ ପୁଞ୍ଜାମାନମି ।” ୭୦ ଜୀସୁ ଏଝାରାଈଁ ଏଲେଇଚେସି, “ନାନୁ ଏନାଆଁ ମୀ ବାରଜାଣାଚେରି ମିଢ୍ଢେ ଆତାମାଞ୍ଜାଆଁ କି? ଅଡ଼େ ମୀ ବିତ୍ରାଟି ରଅସି ସୟତାନ ।” ୭୧ ଏଝାସି ଇସ୍ଵାରିୟତ ସିମନ ମୀରୁଏସି ଜୀହୁଦାଈଁ ସିନିକିହାନା ଏଲେଇଚେସି, ଇଚିହିଁ ଏଝାସି ବାରଜାଣା ସୀସୁୟିଁ ବିତ୍ରାଟି ରଅସି, ଅଡ଼େ ଏଝାସି ଜୀସୁଈଁ ସାତୁ କେୟୁତା ହେର୍ପାଲି ହାଜିମାଚେସି ।

୭ ଇଦାଆଁ ଡାୟୁ ଜୀସୁ ଗାଲିଲିତା ରେଜିମାତେସି, ଇତିହିଁ ଜୀହୁଦିୟ୍ ଷଝାଣାଇଁ ପାୟୁଲି ଅଶ୍ପି ମାତାକି ଷଝାସି ଜୀହୁଦା ରାଜିତା ରେଜାଲି ମନ କିହି ହିଲାଆତେସି । ୨ ସାମା ଜୀହୁଦି ଲକ୍ଷୁତି “ଗତାୟ୍ ଗୁଡାତା ବାସାଆନି” ପାର୍ବୁ ତାଗେ ଝାହିମାତାକି । ୩ ଜୀସୁତି ତାୟ୍ ଷଝାଣାଇଁ ଏଲେଇଚେରି, “ନୀନୁ କିହିମାନି କାମାୟ୍, ନୀ ସୀସୁୟ୍ ଜିକେଏ ମେହ୍ନେରି ଇଦାଆଁତାକି ନୀନୁ ଇମ୍ପାଟି ହତା ହାଜାନା ଜୀହୁଦା ରାଜିତା ହାଲାମୁ । ୪ ଇତିହିଁ ଲକ୍ଷୁଡାଣା ଝେଢ୍ଫାଲି ମନ କିନାସି ତାନି କାମା ତୁଗାହାଁ କିଅସି । ନୀନୁ ଇ ବାରେ କାମା କିହିମାଞ୍ଜି, ଆତିହିଁ ନୀନୁ ଦାର୍ତ ନକିତା ତସାକତାମୁ ।” ୫ ଇତିହିଁ ତାନି ତାୟ୍ ଜିକେଏ ତାଢ୍ଫେ ନାମି ହିଲାଆତେରି । ୬ ଏମ୍ପାଟିଏ ଜୀସୁ ଷଝାରାଇଁ ଏଲେଇଚେସି, “ନୀଏଁ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଲେଏ ମାନେ ।” ୭ ଦାର୍ତତାରି ମିଢ୍ଫେ ଅପାନେରି ସାମା ନାଢ୍ଫେ ଅପଅରି ଏନାଆଁତାକି ଇତିହିଁ ତାନି କାମା ବାରେ ଲାଗେଏତାୟ୍ ଇଞ୍ଜି ନୀନୁ ସାକି ହାହାନା ତସିମାଇଁ । ୮ ମୀରୁ ଇ ପାର୍ବୁତା ହାଜୁ, ନୀନୁ ନୀଏଁ ଇ ପାର୍ବୁତା ହାଜିହିଲଅଁ, ଇତିହିଁ ନା ଦିନା ଝାହାହିଲେଏ । ୯ ଏଝାସି ଏଝାରାଇଁ ଇ ବାରେ କାତା ଝେସାମା ଗାଲିଲିତା ତୟ୍ତେସି । ୧୦ ଜୀସୁତି ତାୟ୍ ଏ ପାର୍ବୁତା ହାତି ଡାୟୁ ଜୀସୁ ଜିକେଏ ହାଚେସି ସାମା ଲକ୍ଷୁ ମେହ୍ଆରେତୁ ମେଶେଏ ହାଚେସି । ୧୧ ପାର୍ବୁ ବେଲାତା ଜୀହୁଦି ଲକ୍ଷୁ ଷଝାଣାଇଁ ପାରି ପାରିହିଁ, “ଏଝାସି ଏମ୍ପିୟା ମାନେସି ଇଞ୍ଜି ଝେଚେରି?” ୧୨ ବାରେ ଲକ୍ଷୁ ଏଝାଣି ତାକି କିଲିବିଲି ଆହିମାଚେରି, ଏଚରଜାଣା “ଏଝାସି ନେହିଁ ମାଶ୍ପି” ଇଚେରି; ଅଡେ ଏଚରଜାଣା “ଆଏ, ଏଝାସି ଲକ୍ଷୁଣି ନାଡ଼ି କିହିମାନେସି” ଇଞ୍ଜି ଇଚେରି । ୧୩ ସାମା ଜୀହୁଦିୟ୍ ଆଜିତାକି ଆମ୍ପାଆରି ତାନି କାତା ପାଢ୍ଫାଝେଢ୍ଫେ ଝେସି ହିଲାଆତେରି । ୧୪ ସାମା ପାର୍ବୁତି ମାଦି ପାତେକା ରାହାଲିଏ, ଜୀସୁ ମାହାପୁରୁ ଇଲୁତା ହାଜାନା ଜାପ୍ହାଲି ମାଟ୍ହେସି । ୧୫ ଏମ୍ପାଟିଏ ଜୀହୁଦିୟ୍ କାବାଆହାନା ଏଲେଇଚେରି, “ଇଝାସି ପାଟା ଜାପାଆନାହାଁ ଏନିକିଁ ଇଚେକା ବୁଦି ପୁଚେସି?” ୧୬ ଜୀସୁ ଏଝାରାଇଁ ଏଲେଇଚେସି, “ନୀନୁ ଜାପ୍ହିମାନାୟ୍ ନା ତାଣାଟି ଆଏ, ସାମା ନାଢ୍ଫେ ପାଣ୍ଡାତାଣାଝାୟ୍ । ୧୭ ଆମ୍ପାଆସି ତାନି ଅଶ୍ପୁ ତଲେ କିହାଲି ଅଶ୍ପିନେସି, ଆତିସାରେ ଇ ଜାପ୍ନାୟ୍ ମାହାପୁରୁ ତାଣାଟି ଝାହାମାନେ, କି, ନା ତାଣାଟି ଝେସିମାଇଁ, ଏଦାଣି ଏଝାସି ପୁନେସି । ୧୮ ଆମ୍ପାଆସି ନାଦିଏ ଇନେସି, ଏଝାସି ତାନି ଗାଝୁରମି ପାରିନେସି, ସାମା

ଆତ୍ମାଆସି ତାହେଁ ପାଣ୍ଡାମାଞ୍ଜୁନାଣା ଗାଧୁରମି ପାରିନେସି, ଏଝାସି ସାତା, ଅଡ଼େ ଏଝାଣି ତାଣା ଏନାୟି ଲାଗେଏ କିନାୟି ହିଲେଏ । ୧୯ ମସା ମିଡ଼େ ମେରା ହାହାମାଞ୍ଜୁଅସି କି? ଆତିଜିକେଏ ମୀ ବିତ୍ରାଟି ଆତ୍ମାଆତେରି ମେରାତି ମାନଝି ଆହି ହିଲଅତେରି, ମୀରୁ ଏନାଆଁତାକି ନାଡ଼େ ପାୟାଲି ଅଶ୍ପିମାଞ୍ଜୁଦେରି?”

୨୦ ଲକ୍ଷୁ ବାରେ ଏଲେଇଚେରି, “ନିଡ଼େ ବୁଡୁ ଆଲ୍‌ଗାମାଞ୍ଜୁନେ, ନିଡ଼େ ଆତ୍ମାଆସି ପାୟାଲି ଅଶ୍ପି ମାଞ୍ଜୁନେସି?” ୨୧ ଜୀସୁ ଏଝାରାଇଁ ଏଲେଇଚେସି, “ନାନୁ ର କାବାଆନି କାମା କିତେଏଁ, ଅଡ଼େ ମୀରୁ ବାରେ କାବା ଆତେରି । ୨୨ ଇଦାଆଁତାକି ମସା ମିଡ଼େ ତଲୁ ଦାପି କିନି ମେରା ହାହାମାଞ୍ଜୁନେସି, ଇ ମେରା ମସା ତାଣାଟି ଆହାମାନେ, ଏଦି ଆଏ, ସାମା ଆକୁ ଆବାୟିଁ ତାଣାଟି, ଇଞ୍ଜିଁ ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜୁରି? ୨୩ ଜମିନି ଦିନାତା ର କକାଣି ତଲୁ ଦାପି କିନାଣିତାକି ମସାତି ମେରା ଉରିହିଲଅତେରି, ଆତିହିଁ ନାନୁ ଜମିନି ଦିନାତା ର ମାଶ୍‌ସିତି ଗୁଡ଼ା ଆଢ଼ା ନେହିଁ କିୟାଲିଏ ମୀରୁ ନାଡ଼େ ଏନାଆଁତାକି କପା ଆହିମାଞ୍ଜୁଦେରି? ୨୪ ଖାରଇ ଲାକ ଲାକ କାତା ମେସାନା ନୀହାଁୟି କିଆଦୁ ସାତା ତଲେ ନୀହାଁୟି କିଦୁ ।” ୨୫ ଏଚେଟିଏ ଜିରୁସାଲମତା ମାନାରି ବିତ୍ରାଟି ଏଚରଜାଣା ଝେସ୍‌ପି ଆତେରି, “ଆତ୍ମାଆରାଇଁ ଇଝାରି ପାୟାଲି ଅଶ୍ପିମାନେରି ଇଝାସି ଏଝାସି ଆଏକି? ୨୬ ଅଡ଼େ ମେହ୍‌ଦୁ, ଏଝାସି ଲକ୍ଷୁ ପୁଣ୍ଡେ କାତା ଝେସିମାନେସି, ଇଞ୍ଜିଁ ଏଝାଣାଇଁ ସାଲଝି କିନାରି ଏନାଆଁ କିହିହିଲଅରି । ଏଝାସି କ୍ରୀସ୍ତ ଇଞ୍ଜିଁ ଏଝାରି ଏନାଆଁ ସାତା ତଲେ ପୁଚେରି କି? ୨୭ ଆତିହିଁ ଏଝାସି, ଆମ୍ବିଟି ଝାହାମାନେସି, ଇଦାଆଁ ମୀର ପୁଞ୍ଜାମାନାୟି, ସାମା କ୍ରୀସ୍ତ ଏଚିବେଲା ଝାନେସି, ଏଚିବେଲାତା ଆତ୍ମାଆସି ପୁନଅସି, ଇଚିହିଁ ଏଝାସି ଆମ୍ବିଟି ଝାହାମାନେସି ।” ୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ଝେସି ଝେସିହିଁ କାଜା ଗିୟାଁତଲେ ଏଲେଇଚେସି, “ମୀରୁ ସାତେଏ ନାଡ଼େ ପୁଞ୍ଜାମାଞ୍ଜୁଦେରି ଅଡ଼େ ନାନୁ ଏମ୍ବିଟି ଝାହାମାଇଁ ଏଦାଆଁ ସାତେଏ ପୁଞ୍ଜାମାଞ୍ଜୁରି; ନାନୁ ନା ଅଶ୍‌ପୁ ତଲେ ଝାହାହିଲଅଁ, ସାମା ନାଡ଼େ ପାଣ୍ଡାତାସି ଏଝାସି ସାତା, ମୀରୁ ଏଝାଣାଇଁ ପୁଞ୍ଜାହିଲଅତେରି । ୨୯ ନାନୁ ଏଝାଣାଇଁ ପୁଞ୍ଜାମାଇଁ, ଇଚିହିଁ ନାନୁ ଏଝାଣି ତାଣାଟି ଝାହାମାଇଁ, ଅଡ଼େ ଏଝାସି ନାଡ଼େ ପାଣ୍ଡାଚେସି ।” ୩୦ ଏମ୍ବାଟିଏ ଜୀସୁଇଁ ଆସାଲି ତାକି ଅଶ୍‌ପିଚେରି; ସାମା ଆତ୍ମାଆରି କେୟୁ ଏଝାଣି ମୁହେଁ ଏଆତେ, ଇଚିହିଁ ଏଝାଣାଇଁ ଆହିନି କାଗୁ ଏଚେତା ଏଜାହିଲଆତେ । ୩୧ ସାମା ଲକ୍ଷୁ ବିତ୍ରାଟି ହାରେକା ଏଝାଣି

ତାଣା ନାମାନା ଏଲେଇରେରି, “ଇଝାସି ଏନି ଏନି କାବାଆନି କାମା ବାରେ କିହିମାନେସି, କ୍ରୀସ୍ତୁ ଝାହାନା ଇଝାଣି କିହ୍ନା ଏନାଆଁ ଆଗାଡ଼ା କିନେସି?” ୩୨ ଲକୁ ଜୀସୁ କାତା ତାନି ବିତ୍ରା ଝେସ୍ପି ଆହିମାଚାଣି ପାରୁସିୟାଁ ଝେରେରି ଅଡ଼େ ପାରୁସିୟାଁ ଅଡ଼େ କାଜା ପୂଜେରାଢ଼୍ଠା ଜୀସୁଇଁ ଦସାଲି ଜାମାନାଢ଼୍ଠାଣି ପାଣ୍ଡିତେରି । ୩୩ ଏମ୍ବାଟିଏ ଜୀସୁ ଏଲେଇରେସି, “ନାନୁ ମୀ ତଲେ ଗାଡ଼େକା ତାକି ଡ଼ୟାହ୍ନାଁ ନାଢ଼େ ପାଣ୍ଡାତାଣା ତାଣା ହାଇଁ । ୩୪ ମୀରୁ ନାଢ଼େ ପାରାଦେରି, ସାମା ମେଡ଼ାଆୟଅତେରି; ଅଡ଼େ, ନାନୁ ଏମ୍ବିୟା ମାଇଁ, ମୀରୁ ଏମ୍ବାଆଁ ଝାହାଲି ଆଡ଼ଅତେରି ।” ୩୫ ଜୀହୁଦିୟାଁ ତାମୁ ତାମୁଏ ଝେସ୍ପି ଆଡ଼େରି, “ଇଝାସି ଆମ୍ବିୟା ହାଜିମାନେସି, ମୀର ଏଝାଣାଇଁ ବେଟାଆହାଲି ଆଡ଼ାଆୟି ଏନାଆଁ ଇଝାସି ଇତାଲା ଆତାଲା ଜାଢ଼୍ଠାହାଜାମାନି ଗ୍ରିକ୍ ଲକୁଇଁ ଜାପ୍ତାଲି ହାଜିମାନେସି କି?” ୩୬ “ମୀରୁ ନାଢ଼େ ପାରାଦେରି, ସାମା ବେଟାଆୟଅତେରି, ଅଡ଼େ ନାନୁ ଏମ୍ବିୟା ମାଇଁ, ମୀରୁ ଏମ୍ବାଆଁ ଝାହାଲି ଆଡ଼ଅତେରି, ଇଞ୍ଜିଁ ଏଝାସି ଝେସ୍ତାତି ଇ କାତା ଏନାୟି ଇଞ୍ଜିଁ ଝେସ୍ପି ଆଡ଼େରି?” ୩୭ ରାନି ଦିନା, ଇତିସାରେ ପାରୁଟି କାଜା ଦିନା, ଜୀସୁ ନିଚାନା କାଜା ଗିୟାଁତଲେ ଏଲେଇରେସି, ଆମ୍ବାଆସି ଏସ୍କି ଆଡ଼ିହ୍ନାଁ, ଏଝାସି ନା ତାଗେ ଝାହାନା ଗସ୍ପେସି । ୩୮ ଅଡ଼େ ଆମ୍ବାଆସି ନା ତାଣା ନାମିନେସି, “ଦାମ୍ବୁଁ ପତିତା ରାସ୍କି ଆହାମାନି ଲେହେଁ, ଏଝାଣି ହିୟାଁଟି ଜୀଝୁତି ଜାର୍ଣା ଏୟୁ ହୁନୁ ।” ୩୯ ଜୀସୁ ସୁଦୁଜୀଝୁତି କାତା ଝେସିମାରେସି, ଆମିନି ଗାଟାରି ଜୀସୁ ତାଣା ନାମି ମାରେରି, ଏଝାରି ସୁଦୁଜୀଝୁ ବେଟାଆନାୟି ମାରେ, ଜୀସୁ ଗାଝୁରମି ବେଟାଆହା ହିଲାଆତାକି ଏଝାରାକି ଏଚେତା ସୁଦୁଜୀଝୁ ହାପ୍କି ଆହାହିଲାଆଡ଼େ । ୪୦ ଏଚେତା, ଲକୁ ଏ କାତା ଝେରେରି, ଏଝାରି ବିତ୍ରାଟି ଏଚେରଜାଣା ଏଲେଇରେରି, “ଇଝାସି ସାତେଏ ମାହାପୁରୁ ଅଣ୍ଡପୁଟି ବଲୁ ଝେହ୍ନାସି ।” ୪୧ ଏଚ୍କାତାରି ଏଲେଇରେରି, “ଏଝାସି ମସିହା!” ସାମା ଆମ୍ବା ଆମ୍ବାଆରି ଏଲେଇରେରି, “ମସିହା! ଏନାଆଁ ଗାଲିଲିଟି ଝାନେସି କି? ୪୨ ଦାମ୍ବୁଁ ସାସ୍ତେରିତା ରାସ୍କି ଆହାମାନେ, କ୍ରୀସ୍ତୁ ଦାଝୁଦ ରାଜା କୁଡ଼ାଟି ଇଞ୍ଜିଁ ଦାଝୁଦ ଏମିନି ଟାୟୁଡା ବାସା ଆହାମାରେସି, ଏ ବେତଲିହିମ ନାୟୁଟି ଝାନେସି ।” ୪୩ ଇଦାଆଁତାକି ଲକୁ ତାନି ବିତ୍ରାଟି ଏଝାଣି ତାକି ବାଗା ଆଡ଼େରି; ୪୪ ଅଡ଼େ, ତାନି ବିତ୍ରାଟି ଆମ୍ବା ଆମ୍ବାଆରି ଏଝାଣାଇଁ ଆସାଲି ଅଣ୍ଡି ମାରେରି, ସାମା ଆମ୍ବା ଆମ୍ବାଆରି ତାନି ଲାକ କେୟୁ ଇଟାଲି ଆଡ଼ାଆଡ଼େରି । ୪୫ ଏଚେଟିଏ ଜାମାନାଢ଼୍ଠା କାଜା ପୂଜେରା ଅଡ଼େ ପାରୁସିୟାଁ ତାଣା ଝେଣ୍ଡା ହାଚେରି, ଅଡ଼େ

ଏଞ୍ଜରୀ ଏଞ୍ଜରୀରାଈଁ ଖେଚେରି, “ଏଞ୍ଜରୀରାଈଁ ଏନାଆଁତାକି ଆସା ତାଆଚେରି?”

୪୭ ଜାମାନାଢ଼ୁ ଏଞ୍ଜରୀରାଈଁ ଏଲେଇଚେରି, “ଇ ମାଣ୍ଡି ଏନିକିଁ ହାତା ଖେହ୍ନାସି, ଏଲେକିହିଁ ଏମିନି ମାଣ୍ଡି ଏଚେଲା ଖେସାହିଲଅସି ।” ୪୭ ପାରୁସିୟାଁ ଏଞ୍ଜରୀରାଈଁ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଞ୍ଜି ଆଚେରି? ୪୮ ପାରୁସିୟାଁ ବିତ୍ରାଟି କି ସାଲଞ୍ଜି କିନାରି ବିତ୍ରାଟି ଆମ୍ବାଆରି ଏଞ୍ଜରୀ ତାଣା ନାମାମାନେରି କି? ୪୯ ସାମା ଇ ଏମିନି ଲକୁ ମସାତି ମେରା ପୁଞ୍ଜାହିଲଅରି, ଏଦାଆଁତାକି ଇଞ୍ଜରୀ ବାକା ଗାଟି ଲକୁ ।” ୫୦ ଏମିନି ନିକଦିମ ଇଦାଆଁ ନକେଏ ଜୀସୁଇଁ ମେସାଲି ତାକି ଖାହାମାଚେସି ଇଞ୍ଜିଁ ଏଞ୍ଜାସି ଏଞ୍ଜରୀ ବିତ୍ରାଟି ପାରୁସି ମାଚେସି, ଏଞ୍ଜାସି ଏଞ୍ଜରୀରାଈଁ ଖେଚେସି, ୫୧ “ରଅଣି ତାଣାଟି ନକେଏ ଖେନାଆନା ଇଞ୍ଜିଁ ତାନି ମାଣ୍ଡିକି ପୁନାଆନା ମା ମସାତି ମେରା ଏନାଆଁ ଏଞ୍ଜରୀରାଈଁ ଦହ କିନେ?”

୫୨ ଏଞ୍ଜରୀ ଏଞ୍ଜରୀରାଈଁ ଏଲେଇଚେରି, “ନୀନୁ ଜିକେଏ ଏନାଆଁ ଗାଲିଲି ଲକୁ କି? ଗାଲିଲିଟି ଏନି ମାହାପୁରୁ ଅଣ୍ଡପୁଟି ବଲୁ ଖେହ୍ନାରି ଏଚେଲା ଖାହାଲି ଆଡଅରି, ଇଦାଆଁ ସାସ୍ତେରିତା ସିନିକିମୁ ।” ୫୩ ଅଡେ ଏଞ୍ଜରୀ ବାରେଜାଣା ଜାହାରା ଇଜ ହାଚେରି ।

୮ ସାମା ଜୀସୁ ଜୀତ ହରୁତା ହାଚେସି । ୨ ଅର ଦିନା ଲାଇ ଏଞ୍ଜାସି ମାହାପୁରୁ ଇଲୁତା ଖେଣ୍ଡା ଖାଚେସି, ଅଡେ, ବାରେ ଲକୁ ଏଞ୍ଜରୀ ତାଣା ଖାହାଲିଏ, ଏଞ୍ଜାସି କୁତାନା ଜାପହାଲି ମାଟହେସି । ୩ ମେରା ଜାପନାରି ଅଡେ ପାରୁସିୟାଁ ଦାରି କାମାତା ଆସ୍ପି ଆହାମାନି ର ଇୟାନି ତାଚେରି, ବାରେଜାଣା ନକିତା ନିପହାନା ଜୀସୁଇଁ ଏଲେଇଚେରି । ୪ “ଗୁରୁ, ଇ ଇୟା ଦାରିକାମା କିହିମାଚାଟି ଆସ୍ପି ଆଚେ । ୫ ଇଲେଟି ଇୟାସିକାଣି ଖାଲ୍ଲକା କୁତାନା ଖେଚାଲିତାକି ମସା ମା ମେରାତା ହୁକୁମି ହାହାମାଞ୍ଜାନେସି; ଆତିହିଁ ନୀନୁ ଏନାଆଁ ଖେସିମାଞ୍ଜାଦି?”

୬ ଏଞ୍ଜରୀ ଜୀସୁଇଁ ଏନିକିଁ ପାନୁତା ମେଟହାଲି ଆତିନେରି, ଇଦାଆଁତାକି ଏଞ୍ଜରୀ ଏଞ୍ଜରୀରାଈଁ ତାୟିପାରି କିହାଲି ଖେଚେରି, ସାମା ଜୀସୁ ମୁନୁକାପାନା ଖାଞ୍ଜୁ ତଲେ ବୁମିତା ରାଚାଲି ମାଟହେସି । ୭ ଏଞ୍ଜରୀ ଏମ୍ବାଆଁ ନିତାନା ଖେଣ୍ଡେ ଖେଞ୍ଜାଲିଏ, ଜୀସୁ ତାୟିଁ ପେଟହାନା ଏଞ୍ଜରୀରାଈଁ ଏଲେଇଚେସି, “ମୀ ବିତ୍ରାଟି ଆମ୍ବାଆସି ଏଚେଲା ଏନି ପାପୁ କିହାହିଲଅସି, ଏଞ୍ଜାସି ମୁଲୁ ଖାଲି କୁତାପେସି ।” ୮ ଅଡେ ଖେଣ୍ଡେ ଜୀସୁ ମୁନୁକାପାନା ବୁମିତା ରାଚାଲି ମାଟହେସି । ୯ ଜୀସୁଟି ହାତା ଖେଞ୍ଜାନା ଏଞ୍ଜରୀ କାଜାରିଟିଏ ମାଟହାଁ ରଅଣି ଜେଚ ରଅସି ହାଜାଲି ମାଟହେରି, ଏମ୍ବାଆଁ ଖାର୍ଇ ଜୀସୁ ଅଡେ ମାଦି ମାନି ଏ ଇୟା



ଡ଼ିଆରେ । ୧୦ ଜୀସୁ ଚାୟୁଁ ପେରୁହାନା ଏଦାନି ଏଲେଇରେସି, “ଏ ଇୟା  
 ଏଝାରି ଏମ୍ବିୟା? ଆମ୍ବାଆରି ନିଢ୍ଢେ ଡ଼ଣ୍ଡ ହାହାଲି ହିଲଅରି କି?” ୧୧ ଏଦି  
 ଏଲେଇରେ, “ଆଏ, ପ୍ରବୁ, ଆମ୍ବାଆରି ହିଲଅରି ।” ଏମ୍ବାଟିଏ ଜୀସୁ ଏଦାନି  
 ଏଲେଇରେସି; “ନାନୁ ଜିକେଏ ନିଢ୍ଢେ ଡ଼ଣ୍ଡ ହିୟଅଁ; ହାଲାମ୍ବୁ, ସାମା ଅଡ଼େ ପାପୁ  
 କିଆନି ।” ୧୨ ଜୀସୁ ଖେଣ୍ଡେ ପାରୁସିୟାଁଇଁ ଏଲେଇରେସି, “ନାନୁ ଦାରୁତିତି  
 ଉଜେଡ଼ି, ଆମ୍ବାଆସି ନା ଜେତ ଝାନେସି, ଏଝାସି ଜୀସୁତି ଉଜେଡ଼ି ବେଟା  
 ଆନେସି ଅଡ଼େ ଏରେଲା ଜିକେଏ ଆନେରିତା ଡାକଅସି ।” ୧୩ ପାରୁସିୟାଁ  
 ଏଝାଣାଇଁ ଏଲେଇରେରି, “ନୀଏଁ ନାନୁ ନିଢ୍ଢେଡାକି ସାକି ହାହିମାଞ୍ଜି, ନାନୁ  
 ଏନାଆଁ ଏଲେ ଇଞ୍ଜିମାଞ୍ଜି ଏଦି ସାତା ପାରୁମାଣା ହିଲାଆଗାଟାୟି ।” ୧୪  
 ଜୀସୁ ଏଝାରାଇଁ ଏଲେଇରେସି, “ଆଏ ନାନୁ ନା ଡାକି ସାକି ହାତି ଜିକେଏ,  
 ନାନୁ ଏନାଆଁ ଖେସିମାଞ୍ଜାଇଁ ଏଦି ସାତା, ଇତିହିଁ ନାନୁ ଆମ୍ବିଟି ଝାହାମାଇଁ  
 ଅଡ଼େ ଏମ୍ବିୟା ହାଜିମାଇଁ ଏଦାଆଁ ପୁଞ୍ଜାମାଇଁ, ମୀରୁ ପୁଞ୍ଜାହିଲଅତେରି ଏମ୍ବାଟି  
 ଝାଇଁ ଅଡ଼େ ଏମ୍ବିୟା ହାଇଁ । ୧୫ ମୀରୁ ଝାରୁଇ ମାଣ୍ଡିସିୟାଁ ଲେହେଁ ବିଚାରା  
 କିହିମାଞ୍ଜେରି, ନାନୁ ଆମ୍ବାଆରି ବିଚାରା କିଅଁ । ୧୬ ସାମା ନାନୁ ବିଚାରା  
 କିଇଁ, ଆତିଜିକେଏ ନା ବିଚାରା ସାତା; ଇତିହିଁ ନାନୁ ରଅତେଏଁ ଆଏ ସାମା  
 ଏମିନି ଆବା ନାଢ୍ଢେ ପାଣ୍ଡାମାଞ୍ଜାନାସି ନା ତଲେ ମାନେସି । ୧୭ ମୀ ମସାତି  
 ମେରାତା ରାସକି ଆହାମାନେ, ରିଆରି ସାକି ହାଡା ରଲେଏ ଆତିସାରେ,  
 ଏଝାରି ଏନାଆଁ ଇନେରି ଏଦି ସାତା । ୧୮ ନାନୁ ନାଢ୍ଢେଡାକି ସାକି ହାହିମାଇଁ,  
 ଅଡ଼େ, ନାଢ୍ଢେ ପାଣ୍ଡାମାଞ୍ଜାନି ଆବା ଜିକେଏ ନା ଝାକିଟି ସାକି ହାହିମାନେସି ।”  
 ୧୯ ଏଝାଣାଇଁ ଏଝାରି ଖେରେରି, “ନୀ ଆବା ଏମ୍ବିୟା?” ଜୀସୁ ଏଲେଇରେସି,  
 “ନାଢ୍ଢେ କି ନା ଆବାଇଁ ମୀରୁ ପୁଞ୍ଜାହିଲଅତେରି; ନାଢ୍ଢେ ପୁଞ୍ଜାତିହିଁମା, ନା  
 ଆବାଇଁ ଜିକେଏ ପୁରେରିମା ।” ୨୦ ମାହାପୁରୁ ଇଲୁଡ଼ି ଦାନା ଇଟିନି ବାକ୍ରାତା  
 ଜୀସୁ ଏ ବାରେ କାତା ଜାପୁହିମାରେସି, ସାମା ଆମ୍ବାଆରି ଜିକେଏ ଏଝାଣାଇଁ  
 ଆହୁଆତେରି ଏନାଆଁଡାକି ଇତିହିଁ ତାନି ବେଲା ଝାହା ହିଲାଆତେ । ୨୧  
 ଜୀସୁ ଅଡ଼େ ଖେଣ୍ଡେ ଏଝାରାଇଁ ଏଲେଇରେସି, “ନାନୁ ହାଜିମାଇଁ, ମୀରୁ ନାଢ୍ଢେ  
 ପାରାଦେରି, ଅଡ଼େ ମୀରୁ ମୀ ପାପୁତା ହାଦେରି । ନାନୁ ଏମ୍ବିୟା ହାଜିମାଇଁ,  
 ଏମ୍ବାଆଁ ମୀରୁ ହାଜାଲି ଆଡଅତେରି ।” ୨୨ ଇଞ୍ଜି ଜୀହୁଦିୟାଁ ଏଲେଇରେରି,  
 “ଇଝାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଇଁ ମୀରୁ  
 ଏମ୍ବାଆଁ ହାଜାଲି ଆଡଅତେରି?” ୨୩ ଜୀସୁ ଏଝାରାଇଁ ଏଲେଇରେସି, “ମୀରୁ

ଇ ଡ଼ଇପୁରୁତି ଜାର୍ନା ଆହାମାଞ୍ଜେରି, ସାମା ନାନୁ ଲାକଟି ଝାହାମାଞ୍ । ମୀରୁ ଇ  
 ଦାର୍ତ୍ତିତି, ନାନୁ ଇ ଦାର୍ତ୍ତିତି ଆଏ । ୨୪ ଏଦାଆଁତାକି ନାନୁ ଝେସିମାଞ୍ଜାଇଁ,  
 ମୀରୁ ମୀ ପାପୁ ତଲେ ହାଦେରି । ନାନୁ ଏଝାତେଏଁ ଇଞ୍ଜିଁ ଝେସ୍ତାସାରେ ମୀରୁ  
 ନାମାଆସାରେ, ମୀ ପାପୁତା ହାଦେରି ।” ୨୫ ଏମ୍ବାଟିଏ ଏଝାରି ଏଝାଣାଇଁ  
 ଝେରେରି, “ନୀନୁ ଆମ୍ବାଆତି?” ଜୀସୁ ଏଝାରାଇଁ ଏଲେଇରେସି, “ଇ ହାତା  
 ନାନୁ ମୂଲୁଟିଏ ଝେସାମାଞ୍ଜାଇଁ । ୨୬ ମିଢ୍ଢେତାକି କାତା ଜଲାଇ ଅଡ଼େ ବିଚାରା  
 କିହାଲି ନା ତାଣା ହାରେକା କାତା ମାନେ; ସାମା ନାଢ୍ଢେ ପାଣ୍ଡାମାଞ୍ଜାନାସି,  
 ଏଝାସି ସାତା, ଅଡ଼େ ନାନୁ ଏନାଆଁ ଝେଞ୍ଜାମାଞ୍ଜାଇଁ; ଏ ବାରେ ଦାର୍ତ୍ତିତି ଝେସିମାଞ୍ଜାଇଁ  
 ।” ୨୭ ଏଝାସି ମାହାପୁରୁ ଆବା କାତା ଝେସିମାରେସି, ଏଝାରି ତେଲହାଲି  
 ଆତାଆତେରି । ୨୮ ଏଦାଆଁତାକି ଜୀସୁ ଏଲେଇରେସି; “ଏରେତା ମୀରୁ  
 ମାଣ୍ଡସି ମୀରୁଏଣାଇଁ ଗାଝୁରମି ହାଦେରି, ଏରେତା ନାନୁ ଏ ମାଣ୍ଡସିତେଏଁ  
 ଅଡ଼େ ନାନୁ ଜାହାରାଝାଣି ଏନାଆଁ କିଆନା, ଆବା ନାଢ୍ଢେ ଏନିକିଁ ଜାପହା  
 ମାଞ୍ଜାନେସି, ଏଲେକିଁ ଇ ବାରେ କାତା ଝେସିମାଞ୍ଜାଇଁ ଇଦାଆଁ ମୀରୁ ପୁଞ୍ଜାଲି  
 ଆଡ଼ିଦେରି । ୨୯ ଆମ୍ବାଆସି ନାଢ୍ଢେ ପାଣ୍ଡାମାଞ୍ଜାନାସି ଏଝାସି ନା ତଲେ  
 ମାନେସି, ଏଝାସି ନାଢ୍ଢେ ରଅତେଏଁ କିହିଁ ପିସାମାଞ୍ଜଅସି, ଇତିହିଁ ନାନୁ ତାନି  
 ରାହାଁ ଆନି କାମା କିଇଁ ।” ୩୦ ଜୀସୁ ଇ ବାରେ ହାତା ଝେଞ୍ଜାନା ହାରେକା ଜାଣା  
 ତାନି ତାଣା ନାମିତେରି । ୩୧ ଏମ୍ବାଟିଏ ଜୀସୁ ତାନି ତାଣା ନାମିତି ଜୀହୁଦିଢ୍ଢାଣି  
 ଏଲେଇରେସି, “ନା ବଲୁତା ତାରିଆହାଁ ଡ଼ୟିଦେରି, ଆତିହିଁ ମୀରୁ ସାତେଏ ନା  
 ସୀୟୁୟାଁତେରି । ୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଢ୍ଢେ ଗେଲ୍ପାନେ  
 ।” ୩୩ ଏଝାରି ଏଝାଣାଇଁ ଏଲେଇରେରି, “ମାମୁ ଅବ୍ରାହାମତି କୁଡ଼ାତମି,  
 ଅଡ଼େ ଏରେଲା ଆମ୍ବାଆରି ହୁଲିୟା ଆହାହିଲଅମି, ଆତିହିଁ ମୀରୁ ମୁକ୍ଲଝି  
 ଆଦେରି ଇଞ୍ଜିଁ ଏନିକିଁ ଝେସିମାଞ୍ଜାଦି?” ୩୪ ଜୀସୁ ଏଝାରାଇଁ ଏଲେଇରେସି,  
 “ନାନୁ ମିଢ୍ଢେ ସାତା ଝେସିମାଞ୍ଜାଇଁ, ଆମିନିଗାଟାସି ପାପୁ କିନେସି, ଏଝାସି  
 ପାପୁତି ହୁଲେଏସି । ୩୫ ହୁଲେଏସି କାଲେଏ ତାକି ଇଲୁ କୁଟମିତା ଡ଼ୟିଅସି,  
 ମୀରୁଏସି ଇଲୁ କୁଟମିତା କାଲେଏ ତାକି ଡ଼ୟିନେସି । (aiōn g165) ୩୬  
 ମୀରୁଏସି ମିଢ୍ଢେ ମୁକ୍ଲଝି କିୟାନେସି, ମୀରୁ ସାତେଏ ମୁକ୍ଲଝି ଆଦେରି ।  
 ୩୭ ମୀରୁ ଅବ୍ରାହାମତି କୁଡ଼ାତାତେରି ନାନୁ ପୁଞ୍ଜାମାଞ୍ଜାଇଁ; ସାମା ନା ବଲୁ ମୀ  
 ହିୟାଁତି ଗାୟୁତା ହିଲାଆକି ମୀରୁ ନାଢ୍ଢେ ପାୟାଲି ଅଣ୍ଡିମାଞ୍ଜେରି । ୩୮  
 ନା ଆବା ତାଣା ନାନୁ ଏନାଆଁ ମେସାମାଞ୍ଜାଇଁ, ଏ ବାରେ ନାନୁ ଝେସିମାଞ୍ଜାଇଁ ।

ଏଦାଆଁତାକି ମୀରୁ ଜିକେଏ ମୀ ଆବା ତାଣାଟି ଏନାଆଁ ଖେଞ୍ଜାମାଞ୍ଜେରି ଏ ବାରେ କିଦୁ ।” ୩୯ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଅବ୍ରାହାମ ମୀ ଆବା ।” ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଅବ୍ରାହାମତି ମୀର୍କା ମାସ୍କାଚେରି, ଆଡିହିଁ ଅବ୍ରାହାମ କିହାମାତି କାମା କିଦୁ: ୪୦ ମାହାପୁରୁ ତାଣାଟି ଖେଞ୍ଜାମାନି ସାତାତି ମିଢ୍ଢେ ଖେସିମାଞ୍ଜାଇଁ, ନାନୁ ଇଲେତି ଲକ୍ତୁ ମୀରୁ ନାଢ୍ଢେ ପାୟାଲି ତାକି ଅଶ୍ଵିମାଞ୍ଜାଦେରି; ଅବ୍ରାହାମ ଇଲେତି କାମା କିଆଚେସି । ୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି ।” ଏଞ୍ଜାରି ଜୀସୁଇଁ ଏଲେଇଚେରି; “ମୀମୁ ଦାରିକାମାଟି ଜାର୍ନା ଆହାହିଲଅମି; ମୀ ରଣ୍ଡିଏ ଆବା, ଏଞ୍ଜାସି ମାହାପୁରୁ ।” ୪୨ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ସାଚେଏ ମୀ ଆବା ଆଡିହିଁମା, ମୀରୁ ନାଢ୍ଢେ ଜୀସୁ ନୟାଚେରିମା, ଇଡିହିଁ ନାନୁ ମାହାପୁରୁ ତାଣାଟି ଖାହାମାଇଁ; ନାନୁ ନା ତାଣାଟି ଖାହାହିଲଅଁ, ସାମା ଏଞ୍ଜାସି ନାଢ୍ଢେ ପାଣ୍ଡାଚେସି । ୪୩ ନାନୁ ଏନାଆଁ ଖେସିମାଞ୍ଜାଇଁ, ମୀରୁ ଏନାଆଁତାକି ନା ହାତାତି ତେଲ୍‌ହାଲି ଆଡିହିଲଅଚେରି? ଇଦାନି କାତା ଆହିମାନେ ମୀରୁ ନା ବଲୁତି ଖେଞ୍ଜାଲି ଆଡିହିଲଅଚେରି । ୪୪ ମୀରୁ ମୀ ଆବା ସୟତାନତି ମୀର୍କା ମାସ୍କାଚେରି, ଅଡେ ମୀରୁ ମୀ ଆବାତି କାମା କିହାଲି ମୀ ଅଶ୍ଵ । ଏଞ୍ଜାସି ମୁଲୁଟିଏ ଲକ୍ତୁଣି ପାୟିନାସି, ଅଡେ ଏଞ୍ଜାସି ସାତାତା ଡୟଅସି, ଇଡିହିଁ ଏଞ୍ଜାଣି ତାଣା ସାତା ହିଲେଏ । ଏଡିବେଲା ଏଞ୍ଜାସି ମିତି ଜଲିନେସି, ଏଚେତା ତାନିତାଣାଟି ଜଲିନେସି; ଇଡିହିଁ ଏଞ୍ଜାସି ମିତି ଗାଟାସି ଇଞ୍ଜା ମିତିତି ତାଞ୍ଜି । ୪୫ ସାମା ନାନୁ ସାତା ଜଲିମାନକି, ମୀରୁ ନାଢ୍ଢେ ନାମିମାଞ୍ଜୁଅଚେରି । ୪୬ ନାନୁ ପାପୁ ଗାଟାଚେଏଁ ଇଞ୍ଜା ମୀ ବିତ୍ରାଟି ଆମ୍ବାଆଚେରି ପାର୍‌ମାଣା କିହାଲି ଆଡିଦେରି? ନାନୁ ସାତା ଖେସ୍ତାସାରେ, ନାଢ୍ଢେ ମୀରୁ ଏନାଆଁତାକି ନାମିମାଞ୍ଜୁଅଚେରି? ୪୭ ଆମ୍ବାଆସି ମାହାପୁରୁ ତାଣାଟି ଖାହାମାନେସି, ଏଞ୍ଜାସି ମାହାପୁରୁତି ବଲୁ ଖେନେସି; ମୀରୁ ମାହାପୁରୁ ତାଣାଟି ଖାହାହିଲଅଚେରି, ଏଦାଆଁତାକି ଇ ବଲୁ ଖେଞ୍ଜିହିଲଅଚେରି ।” ୪୮ ଜୀହୁଦିୟାଁ ଜୀସୁଇଁ ଏଲେଇଚେରି, “ନାନୁ ସମିରଣତି ଇଞ୍ଜା ନିଢ୍ଢେ ବୃତୁ ଆଲ୍‌ଗାମାଞ୍ଜାନେ, ଏଦାଆଁ ମୀମୁ ସାତା ଖେସି ହିଲଅମି କି?” ୪୯ ଜୀସୁ ଏଞ୍ଜାରାଇଁ ଏଲେଇଚେସି; “ନାଢ୍ଢେ ବୃତୁ ଆଲ୍‌ଗା ମାଞ୍ଜେଏ, ନାନୁ ନା ଆବାଇଁ ମାନି କିହିମାଇଁ, ସାମା ମୀରୁ ନାଢ୍ଢେ ଲାଜା କିହିମାଞ୍ଜାଦେରି । ୫୦ ନାନୁ ନା ଗାଞ୍ଜୁରମି କିହାଲି ଅଶ୍ଵି ହିଲଅଁ; ରଅସି ଅଶ୍ଵିମାନେସି ଏଞ୍ଜାସି ନା ଖାକିଟି ବିଚାରା କିନେସି । ୫୧ ନାନୁ ସାତା

ଝେସିମାଞ୍ଜୁଇଁ, ଆମ୍ବାଆସି ନା ବଲୁତି ମାନଝି ଆନେସି, ଏଝାସି ଏରେଲା ହାଅସି  
 ।” (aiōn g165) ୫୭ ଜୀହୁଦିୟାଁ ଏଝାଶାଇଁ ଏଲେଇରେରି, “ନୀଏଁ ମାମୁ ପୁରମି,  
 ନିଢ୍ଢେ ବୁରୁ ଆଲ୍‌ଗାମାଞ୍ଜୁନେ, ଅବ୍ରାହାମ ଅଡ଼େ ମାହାପୁରୁ ଅଣ୍‌ପୁତି ବଲୁ  
 ଝେହ୍‌ନାରି ବାରେଜାଶା ହାତେରି, ଅଡ଼େ ନୀନୁ ଝେସିମାଞ୍ଜୁ, ଆମ୍ବାଆସି ନା ବଲୁ  
 ମାନଝି ଆନେସି, ଏଝାସି ଏରେଲା ଜିକେଏ ହାଅସି । (aiōn g165) ୫୩ ମା ଆକୁ  
 ଅବ୍ରାହାମ ହାତେସି, ନୀନୁ ଏନାଆଁ ଅବ୍ରାହାମ କିହାଁ କାଜାତି ଇଞ୍ଜି ଅଣ୍‌ପିମାଞ୍ଜୁ?  
 ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ଜିକେଏ ହାତେରି; ନୀନୁ ଆମ୍ବାଆତି ଇଞ୍ଜି  
 ଝେସିମାଞ୍ଜୁ?” ୫୪ ଜୀସୁ ଏଲେଇରେସି, “ନୀନୁ ନା ଗାଝୁରମି କିହିମାଇଁ, ଆତିହୁଁ  
 ନା ଗାଝୁରମି ଏନାୟି ଆଏ; ଆମ୍ବାଆସି ନାଢ୍ଢେ ଗାଝୁରମି କିୟାନେସି ଏଝାସି  
 ନା ଆବା ଆମ୍ବାଆରାଇଁ ମୀରୁ ମୀ ମାହାପୁରୁ ଇଞ୍ଜି ଏଲେ ଇଞ୍ଜିମାଞ୍ଜେରି; ୫୫  
 ମୀରୁ ଏଝାଶାଇଁ ଏରେଲା ପୁଞ୍ଜୁହିଲଅତେରି, ସାମା ନୀନୁ ଏଝାଶାଇଁ ପୁଞ୍ଜୁମାଇଁ  
 । ଏଝାଶାଇଁ ପୁଞ୍ଜୁହିଲଅଁ ଇଞ୍ଜି ନୀନୁ ଝେସିହୁଁ, ମୀ ଲେହେଁ ନୀନୁ ଜିକେଏ ମିତି  
 ଗାଟାତେଏଁ ଆଇଁ, ସାମା ନୀନୁ ଏଝାଶାଇଁ ପୁଞ୍ଜୁମାଇଁ ଅଡ଼େ ତାନି ବଲୁତି ମାନଝି  
 ଆଇଁ । ୫୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା କିହାନା ରାହାଁ  
 କିତେସି, ଅଡ଼େ ଏଦାଆଁ ମେସାନା ଏଝାସି ରାହାଁ ଆତେସି ।” ୫୭ ଜୀହୁଦିୟାଁ  
 ଏଝାଶାଇଁ ଏଲେଇରେରି, “ନିଢ୍ଢେ ରୀ କଡ଼ି ଦସ ବାର୍ସା ଆହାମାଞ୍ଜେଏ, ନୀନୁ  
 ଏନାଆଁ ଅବ୍ରାହାମାଇଁ ମେସାମାଞ୍ଜୁ?” ୫୮ ଜୀସୁ ଏଝାରାଇଁ ଏଲେଇରେସି,  
 “ନୀନୁ ମିଢ୍ଢେ ସାତା ଝେସିମାଞ୍ଜୁଇଁ, ଅବ୍ରାହାମତି ଜାର୍ନା ନକେଏ ନୀନୁ ମାଇଁ ।”  
 ୫୯ ଏଝାରି ଏଝାଶାଇଁ ଝେଚାଲିତାକି ଝାଲ୍‌କା ପେର୍‌ହା କଡ଼ିତେରି, ସାମା ଜୀସୁ  
 ମାହାପୁରୁ ଇଲୁତି ମେହ୍‌ଆରେଟୁ ହତାହାରେସି ।

**୯** ଜୀସୁ ହାଜିମାଟାଟି ରୁ ଜାର୍ନାଟିଏ କାଶାଇଁ ବେଟାଆତେସି । ୨ ତାନି  
 ସୀସୁୟାଁ ଝେରେରି, “ଗୁରୁ, ଆମ୍ବାଆସି ପାପୁ କିହାଲିଏ ଇଝାସି କାଶା ଆହାନା  
 ଜାର୍ନା ଆତେସି, ତାନୁ କି ତାନି ଇୟା ଆବା ପାପୁ କିତାକି?” ୩ ଜୀସୁ  
 ଏଲେଇରେସି, “ଇଝାସି କି ତାନି ଇୟା ଆବା ପାପୁ କିତାକି ଆଏ, ସାମା  
 ମାହାପୁରୁତି କାମା ଏନିକିଁ ଇଝାଶି ତାଶାଟି ତସ୍‌ପିଆନେ, ଏଦାଆଁତାକି ଇଦି  
 ଆହାମାନେ । ୪ ଦିନା ମାଞ୍ଜୁ ମାଞ୍ଜୁନା, ନାଢ୍ଢେ ପାଣ୍ଡାମାଞ୍ଜୁନାଶି କାମା  
 କିନାୟିମାନେ; ଏମିନି ବେଲାତା ଆମ୍ବାଆସି କାମା କିହାଲି ଆତଅସି, ଇଲେତି  
 ଲାଆଁ ଝାହିମାନେ । ୫ ନୀନୁ ଏଡ଼େପାତେକା ଦାର୍‌ତିତା ମାଇଁ, ଏଡ଼େପାତେକା  
 ନୀନୁ ଦାର୍‌ତିତି ଉଜେଡ଼ିତେଏଁ ।” ୬ ଇ କାତା ଏଲେଇଞ୍ଜୁନା, ଜୀସୁ ଇର୍‌ଆତା

ହୁପାନା ହୁପକା ତଲେ କାଦ କିତେସି; ଅଡ଼େ ତାନି ରୀ କାଶ୍‌କାଣୀ ରୁବିତେସି  
 ଅଡ଼େ ଏଞ୍ଜାଣାଙ୍କ ଏଲେଇରେସି, ୭ ହାଲାନୁ “ସିଲହ ବାନୁତା ମୁମୁ ନରହା  
 ଖାମୁ ।” ଏମ୍ପାଟିଏ ଏଞ୍ଜାସି ହାଜାନା ନରହା କତାନା ଷ୍ଟେଣ୍ଡା ଖାହିମାଟାଟି  
 ମେସାଲି ଆଡିତେସି । ୮ ତାନି ପାଡ଼ିତାରି, ଅଡ଼େ ଏମିନିଗାଟାରି ଏଞ୍ଜାଣାଙ୍କ  
 ନକେଏ ରୀସ୍‌ପି ମାଟାଣି ମେସାମାରେରି, ଏଞ୍ଜାରି ଷ୍ଟେରେରି, “ଇଞ୍ଜାସି ଏନାଆଁ  
 କୁଗାନା ରୀସ୍‌ପି ମାରେସି ଏଞ୍ଜାସି ଆଏକି?” ୯ ଏଚରଜାଣା ଏଲେଇରେରି,  
 “ଇଞ୍ଜାସିଏ ଏଞ୍ଜାସି;” ଅଡ଼େ ଏଚରଜାଣା ଏଲେଇରେରି, “ଆଏ, ଏଞ୍ଜାଣିଲେହେଁ  
 ତାସି ।” ଏଞ୍ଜାସି ଏଲେଇରେସି, “ନାନୁଏ ଏଞ୍ଜାତେଏଁ ।” ୧୦ ଲକୁ ଏଞ୍ଜାଣାଙ୍କ  
 ଷ୍ଟେରେରି, “ଆଡିହୁଁ, ନାନୁ ନୀଏଁ ଏନିକିଁ ମେସାଲି ଆଡିମାଞ୍ଜି?” ୧୧ ଏଞ୍ଜାସି  
 ଏଲେଇରେସି, “ଆମ୍ପାଆରାଙ୍କ ଜୀସୁ ଇନେରି, ଏଞ୍ଜାସି ଇରୁଆଡି କାଦ କିହାନା  
 ନା କାଶ୍‌କାଣୀ ରୁବାତେସି ଅଡ଼େ ସିଲହତା ହାଜାହାଁ ମୁମୁ ନରହା କତାମୁ  
 ଏଲେଇଞ୍ଜାତେସି; ଏଚେଟିଏ ନାନୁ ହାଜାନା ମୁମୁ ନରହାଲିଏ ମେସାଲି  
 ଆଡିତେଏଁ ।” ୧୨ “ଏଞ୍ଜାସି ଆମ୍ପିୟା?” ଇଞ୍ଜି ଏଞ୍ଜାଣାଙ୍କ ଷ୍ଟେରେରି, ଏଞ୍ଜାସି  
 ଏଲେଇରେସି, “ନାନୁ ପୁଞ୍ଜାହିଲଅଁ ।” ୧୩ ଆମ୍ପାଆସି ନକେଏ କାଣା ମାରେସି,  
 ଏଞ୍ଜାଣାଙ୍କ ପାରୁସିୟାଁ ଡାଣା ତାତେରି । ୧୪ ଜୀସୁ ଏମିନି ଦିନା କାଦ କିହାନା  
 ତାନି କାଶ୍‌କା ନେହୁଁ କିହାମାରେସି, ଏ ଦିନା ଜମିନି ଦିନା ମାରେ । ୧୫  
 ପାରୁସିୟାଁ ଏଞ୍ଜାଣାଙ୍କ ଷ୍ଟେରେରି, ଏନିକିଁ ଏଞ୍ଜାସି ମେସାଲି ଆଡିତେସି? ଏଞ୍ଜାସି  
 ଏଲେଇରେସି, “ନା କାଶ୍‌କାଣୀ ଏଞ୍ଜାସି ଇଟାଣି କାଦ ରୁବାତେସି, ନାନୁ ହାଜାନା  
 ମୁମୁ ନରହାନା ଖାତେଏଁ ଅଡ଼େ ମେସାଲି ଆଡିମାଙ୍କ ।” ୧୬ ପାରୁସିୟାଁ ତାନି  
 ବିତ୍ରାଟି ଏଚରଜାଣା ଏଲେଇରେରି, “ଏଞ୍ଜାସି ମାହାପୁରୁ ଡାଣାଟି ଖାହାହିଲଅସି,  
 ଇଡିହୁଁ ଏଞ୍ଜାସି ଜମିନି ଦିନାତି ମାନଞ୍ଜି ଆହିହିଲଅସି ।” ଅଡ଼େ ଏଚରଜାଣା  
 ଏଲେଇରେରି, “ପାପୁ ଲକୁ ଆହାନା ଇଲେତି କାବାଆନି କାମା ଏନିକିଁ କିହାଲି  
 ଆଡିନେସି?” ଇଲେଆହୁଁ ଏଞ୍ଜାରି ତାନି ବିତ୍ରା ବାଗା ଆତେ? ୧୭ ପାରୁସିୟାଁ  
 ଅଡ଼େ ଷ୍ଟେଣ୍ଡେ ଏ କାଣାଙ୍କ ଷ୍ଟେରେରି, “ଏଞ୍ଜାସି ନୀ କାଶ୍‌କା ନେହୁଁ କିୟାତେସି,  
 ଏଞ୍ଜାଣି କାତା ନାନୁ ଏନାଆଁ ଇଞ୍ଜିମାଞ୍ଜି?” ଏଞ୍ଜାସି ଏଲେଇରେସି “ଏଞ୍ଜାସି  
 ର ମାହାପୁରୁ ଅଣ୍ଟପୁଡି ବଲୁ ଷ୍ଟେହ୍‌ନାସି ।” ୧୮ ଏଞ୍ଜାସି ଜାର୍ନାଟିଏ କାଣା  
 ମାରେସି ଅଡ଼େ ନୀଏଁ, ଇ ହାତା ତାନି ଇୟା ଆବାତି ଷ୍ଟେନାଆ ପାତେକା,  
 ଜୀହୁଦିୟାଁ ନାମାଆତେରି । ୧୯ ଏଞ୍ଜାରି ତାନି ଇୟା ଆବାତି ଷ୍ଟେରେରି, “ମୀ  
 ଆମିନି ମୀରୁଏସି କାଣା ଆହାନା ଜାର୍ନା ଆହାମାରେସି ଇଞ୍ଜି ଏଲେଇଣ୍ଡିତେରି

ଈଶାସି ଏନାଆଁ ଏ ମୀ ମୀରୁଏସି? ଆତିହିଁ ଏଶାସି ନୀଏଁ ଏନିକିଁ ମେସାଲି  
 ଆତିମାନେସି? ୨୦ ଏମ୍ପାଟିଏ ତାନି ଇୟା ଆବା ଏଲେଇରୁ, “ହାଅ, ଏଶାସି  
 ମୀ ମୀରୁଏସି, ଏଶାସି କାଶା ଆହାନା ଜାର୍ନା ଆହାମାଚେସି ଏଦାଆଁ ମୀମୁ  
 ପୁଞ୍ଜାମାନମି; ୨୧ ସାମା ଏଶାସି ନୀଏଁ ଏନିକିଁ ମେସାଲି ଆତିମାନେସି, ଏଦାଆଁ  
 ମୀମୁ ପୁଞ୍ଜାହିଲଅମି, ଅଡେ ଆମ୍ପାଆସି ଏଶାଶାଲିଁ ମେସପି କିହାମାନେସି,  
 ମୀମୁ ଏଦାଆଁ ଜିକେଏ ପୁଞ୍ଜାହିଲଅମି; ଏଶାଶାଲିଁ ଖେଞ୍ଜୁ, ଏଶାସି କାଜାସି  
 ଆଚେସିଏ, ଏଶାସି ତାନି କାତା ତାନୁଏ ଖେସାଲି ଆତିନେସି ।” ୨୨ ଏଶାଶି  
 ତାନି ଇୟା ଆବା ଜୀହୁଦି ଲକ୍ଷୁତି କାଜାରାଲିଁ ଆଜିମାଚାକି ଇ ବାରେ କାତା  
 ଖେସୁ, ଏନାଆଁଚାକି ଇତିହିଁ ଆମ୍ପାଆସି ଜୀସୁଲିଁ କ୍ରୀସୁ ଇଞ୍ଜିଁ ଇନେସି, ଏଶାଶାଲିଁ  
 ଜୀହୁଦି ଲକ୍ଷୁତି କୁଟମି ଇଲୁଟି ପେରୁଝି ଆନେ ଇଞ୍ଜିଁ ଜୀହୁଦି ଲକ୍ଷୁ ଏ ନକେଏ  
 କାତା ଆହାମାଚେରି । ୨୩ ଏଦାଆଁଚାକି ତାନି ଇୟା ଆବା ଏଲେଇରୁ,  
 “ଏଶାସି କାଜାସି ଆଚେସିଏ, ଏଶାଶାଲିଁ ଖେଞ୍ଜୁ ।” ୨୪ ପାରୁସିୟାଁ ଏ ଜାର୍ନାଟିଏ  
 କାଶାଲିଁ ଅଡେ ଖେଶ୍ଟେ ହାଟାନା ଏଲେଇଚେରି, “ମାହାପୁରୁଲିଁ ଗାଝୁରମି  
 କିହାନା ଏଲେଇନାମୁ, ଆମ୍ପାଆସି ନିଡ୍ରେ ନେହିଁ କିହାମାଞ୍ଜାନେସି, ଏଶାସି ର  
 ପାପୁ ଗାଟାସି ଇ କାତା ମୀମୁ ପୁଞ୍ଜାମାନମି ।” ୨୫ ଏଶାସି ଏଲେଇଚେସି,  
 “ଏଶାସି ପାପୁ ଗାଟାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଲି;  
 ନାନୁ କାଶା ମାଚେଏଁ, ନୀଏଁ ମେସାଲି ଆତିମାଲି ।” ୨୬ ଏଶାରି ଏଶାଶାଲିଁ  
 ଏଲେଇଚେରି, “ଏଶାସି ନିଡ୍ରେ ଏନାଆଁ କିୟାଚେସି? ଏନିକିଁ ଏଶାସି ନୀ  
 କାଶକା ଦେପି କିୟାଚେସି?” ୨୭ ଏଶାସି ଏଲେଇଚେସି, “ନକେଏ ଖେସା  
 ରାହାମାଞ୍ଜାଲିଁ, ଅଡେ ମୀରୁ ଖେନାଆଚେରି; ଅଡେ ଖେଶ୍ଟେ ଏନାଆଁଚାକି  
 ଖେଞ୍ଜାଲି ଅଶ୍ପିମାଞ୍ଜେରି? ମୀରୁ ଜିକେଏ ଏନାଆଁ ତାନି ସୀସୁ ଆହାଲି  
 ଅଶ୍ପିମାଞ୍ଜେରି ।” ୨୮ ଏଶାରି ଏଶାଶାଲିଁ ଲାଗାନା ଏଲେଇଚେରି, “ନୀନୁ ତାନି  
 ସୀସୁଟି, ସାମା ମୀମୁ ମସାତି ସୀସୁୟାଁତମି । ୨୯ ମୀମୁ ପୁଞ୍ଜାମାନମି, ମାହାପୁରୁ  
 ମସାଲିଁ କାତା ଆହାମାଚେସି, ସାମା ଇ ମାଶ୍ପି ଆମ୍ପିଟି ଖାହାମାନେସି, ଏଦାଆଁ  
 ମୀମୁ ପୁଞ୍ଜାହିଲଅମି ।” ୩୦ ଏଶାସି ଏଶାରାଲିଁ ଏଲେଇଚେସି, “ଇଦି ରଣ୍ଡି  
 କାବାଆନି କାତା ଏଶାସି ଏମ୍ପିଟି ଖାହାମାନେସି, ମୀରୁ ପୁଞ୍ଜାହିଲଅଚେରି,  
 ସାମା ଏଶାସି ନାଡ୍ରେ କାଶକା ଦେପି କିୟାଚେସି । ୩୧ ମୀମୁ ପୁଞ୍ଜାମାନମି,  
 ମାହାପୁରୁ ପାପୁଗାଟି ଲକ୍ଷୁତି ହାତା ଖେନଅସି, ଆନିନି ଗାଟାରି ମାହାପୁରୁଲିଁ  
 ମାନି କିନେରି ଅଡେ ତାନି ଅଶ୍ପୁ ତଲେ କାମା କିନେରି, ଏଶାରି ହାତାତି

ଏଖାସି ଖେନେସି । ୩୨ ତଲି କାଲାଟିଏ ଆମ୍ବାଆସି ଜାର୍ନା କାଶାଲ୍ ମେସ୍ପିକିଟି  
କାତା ଏରେଲା ଖେର୍ମି ଆହାହିଲିଆତେ । (aiōn g165) ୩୩ ଇଖାସି ମାହାପୁରୁ  
ତାଶାଟି ଖାହା ହିଲିଆଟି, ଏନାଆଁ କିହାଲି ଆତାଆତେସିମା ।” ୩୪ ଏଖାରି  
ଏଖାଶାଲ୍ ଏଲେଇରେରି, “ପାପୁ ତଲେ ନୀନୁ ଜାର୍ନା ଆହାନା ପାପୁ ତଲେ  
ପାତାଆତି, ନୀନୁ ମାଡ୍ରେ ଜାପୁହି ମାଞ୍ଜୁଦି?” ଏଦାଆଁତାକି ଏଖାରି ଏଖାଶାଲ୍  
ଜୀହୁଦି ଲକୁଡି କୁଟମି ଇଲୁଟି ପେରହାତୁସ୍ତେରି । ୩୫ ଏଖାରି ଏଖାଶାଲ୍  
ପେରହା ମାନେରି, ଇଞ୍ଜି ଜୀସୁ ଇ କାତା ଖେଞ୍ଜାନା, ଏଖାଶାଲ୍ ମେସାନା  
ଏଲେଇରେସି, “ନୀନୁ ଏନାଆଁ ମାଶ୍ସି ମୀରୁଏଣି ତାଶା ନାମିମାଞ୍ଜୁ?” ୩୬  
ଏଖାସି ଏଖାଶାଲ୍ ଏଲେଇରେସି, “ପ୍ରବୁ, ଖେସ୍ତାମୁ ଏଖାସି ଆମ୍ବାଆସି, ଆତିହିଁ  
ନୀନୁ ଏଖାଶାଲ୍ ନାମିଲ୍ ।” ୩୭ ଜୀସୁ ଏଖାଶାଲ୍ ଏଲେଇରେସି, “ନୀନୁ  
ଏଖାଶାଲ୍ ମେସାମାଞ୍ଜୁ, ନୀ ତଲେ ଆମ୍ବାଆସି ନୀଏଁ କାତା ଆହିମାନେସି,  
ଏଖାସିଏ ।” ୩୮ ଏମ୍ବାଟିଏ ଏଖାସି ଏଲେଇରେସି, “ନୀନୁ ନାମିମାଲ୍, ପ୍ରବୁ!”  
ଇଞ୍ଜି ଜୀସୁ ନକିତା ମେଶ୍ଟାକୁତାନା ଜହରା କିତେସି । ୩୯ ଜୀସୁ ଏଲେଇରେସି,  
“ମେହ୍ଆଗାଟି ଲକୁ ଏନିକି ମେହ୍ନେରି ଇଞ୍ଜି ମେହ୍ନି ଲକୁ ଏନିକି କାଶା  
ଆନେରି, ଇ ବିଚାରା କିହାଲି ନୀନୁ ଦାର୍ତତା ଖାହାମାଲ୍ ।” ୪୦ ଏମ୍ବାଆଁ  
ମାଟି ଏତରଜାଶା ପାରୁସିୟାଁ ଇ କାତା ଖେଞ୍ଜାନା, ଏଖାଶାଲ୍ ଏଲେଇରେରି,  
“ମାମୁ ଜିକେଏ ଏନାଆଁ କାଶାୟାଁତମି?” ୪୧ ଜୀସୁ ଏଖାରାଲ୍ ଏଲେଇରେସି,  
“କାଶାୟାଁ ଆହାମାଟିହିଁ ମୀରୁ ଦହ ହିଲିଆଗାଟାତେରି ଆତେରିମା, ସାମା  
ମେସାଲି ଆତିମାନମି ଇଞ୍ଜିମାନାକି ମୀରୁ ହାରେକା ପାପୁତା ମାଞ୍ଜେରି ।”

**୧୦** ଜୀସୁ ଏଲେଇରେସି, “ନୀନୁ ମିଡ୍ରେ ସାତା ଖେସିମାଞ୍ଜୁଲ୍, ଆମ୍ବାଆସି  
ଦାରା ଖାକିଟି ମେଶ୍ଟାୟାଁ ମାନୁତା ହୁଡ୍ଅସି, ସାମା ଅର ଖାକିଟି ତେଖିନା  
ହୁଡ୍ନେସି, ଏଖାସି ସରୁ ଇଞ୍ଜି ତଂଗେଏସି; ୨ ସାମା ଆମ୍ବାଆସି ଦାରା ଖାକିଟି  
ହୁଡ୍ନେସି, ଏଖାସି ମେଶ୍ଟା ଗତୁ । ୩ ଦାରାତା କାଃଆନାସି ଏଖାଶାକି ଦାରା  
ଦେତା ହାନେସି, ଅଡେ, ଏଖାସି ତାନି ମେଶ୍ଟାୟାଁ ଦରୁ ଆସାନା ହାଟିନେସି,  
ଏଞ୍ଜି ତାନି ହାଟିନାଣି ଖେନୁ ଅଡେ ଏଖାସି ଏ ମାନୁତି ପାଢ୍ପାତା ଜିରୁ ନକି  
କିହାନା ଅନେସି । ୪ ମେଶ୍ଟାୟାଁଣି ପାଢ୍ପାତା ଅନାଟି ମେଶ୍ଟାୟାଁ ଗତୁ ନକି  
ନକିତା ତାକିନେସି, ଅଡେ ମେଶ୍ଟାୟାଁ ତାନି ଜେତ ଜେତ ତାକିନୁ, ଇତିହିଁ ଏଞ୍ଜି  
ଏଖାଣି ଗିୟାଁ ତେଲ୍ହାଉ । ୫ ସାମା ଏଞ୍ଜି ପୁନାଆତି ଲକୁ ଜେତ ଏରେଲା  
ଜିକେଏ ତାକାଉ, ସାମା ଏଖାଣି ଦାରି ଦାରିଟି ହଟାତୁହନୁ, ଇତିହିଁ ଏଞ୍ଜି

ପୁନାଆତାରି ଗିୟଁ ତେଲ୍‌ହିନ୍ଦୁ ।” ୭ ଜୀସୁ ଏଝାରାଇଁ ଇ ପୁଣ୍ଡିକିନି କାତା  
 ଝେସାନା ଏଲେଇଚେସି, ସାମା ଏଝାସି ଏନା ଏନାଆଁ ଝେସିମାଚେସି, ଏ ବାରେ  
 ଏନାୟି ଇଞ୍ଚି ଏଝାରି ପୁନାଆଚେରି । ୭ ଜୀସୁ ଅଡେ ଝେଣ୍ଡେ ଏଲେଇଚେସି,  
 “ସାତା ସାତା ନାନୁ ମିଡ୍ରେ ଝେସିମାଞ୍ଜାଇଁ, ନାନୁ ମେଣ୍ଡାୟି ଦୁଝେରିଚେସି । ୮  
 ଏଚରଜାଣା ନା ନକିତା ଝାହାମାନେରି, ଏଝାରି ବାରେ ସର୍କା ଅଡେ ଡଂଗାୟି,  
 ସାମା ମେଣ୍ଡାୟି ଏଝାରି କାତା ଝେନାଆତୁ । ୯ ନାନୁ ଆହିମାଇଁ ଦାରା ।  
 ଆମ୍ବାଆସି ନା ଡାଣାଟି ହୁଡ୍‌ନେସି, ଏଝାସି ଗେଲ୍‌ପି ଆନେସି ଇଞ୍ଚି ବିତ୍ରା  
 ଝାହାନା ଅଡେ ପାଞ୍ଜାତା ହାଜାନା ହାରା ବେଟାଆନେସି । ୧୦ ସରୁ ଝାର୍‌ଇ  
 ସରୁ କିହାଲି, ପାୟାଲି ଅଡେ ନାସା କିହାଲି ଝାନେସି; ଏଝାରି ଏନିକିଁ ଜୀଝୁ  
 ବେଟାଆନେରି ଅଡେ ହାରେକା ବେଟାଆନେରି ଏଦାଆଁତାକି ନାନୁ ଝାହାମାଇଁ  
 ।” ୧୧ “ନାନୁ ନେହିଁ ମେଣ୍ଡାୟି ଗଡୁଚେସି; ନେହିଁ ମେଣ୍ଡାୟି ଗଡୁ ମେଣ୍ଡାୟି  
 ତାକି ତାନି ଜୀଝୁ ହାନେସି । ୧୨ ଆମ୍ବାଆସି ମେଣ୍ଡାୟି ଗଡୁ ଆଏ, ଗତି  
 ଦାଂଗ୍‌ଶେସି, ଜାହାରା ମେଣ୍ଡାୟି ହିଲାତ ଏଝାସି କ୍ଲୁଝନି ଝାନାଣି ମେସାନା  
 ମେଣ୍ଡାୟି ପିସା ହେନେସି ଅଡେ କ୍ଲୁଝନି ଝାହାନା ଏ ବାରେତି ସିନାସାତ୍ରା କିନେ,  
 ୧୩ ଇତିହିଁ ଏଝାସି ଗତି ଦାଂଗ୍‌ଶେସି, ଇଞ୍ଚି ମେଣ୍ଡାୟିକି ଅଶ୍‌ପୁ ହିଲେଏ,  
 ୧୪ ନାନୁ ନେହିଁ ମେଣ୍ଡାୟି ଗଡୁ । ଆବା ଏନିକିଁ ନାଡ୍ରେ ପୁଞ୍ଜାମାଞ୍ଜାନେସି  
 ଅଡେ ନାନୁ ଆବାଇଁ ପୁଞ୍ଜାମାଇଁ, ୧୫ ଏନିକିଁ ଆବା ନାଡ୍ରେ ପୁଞ୍ଜାମାଞ୍ଜାନେସି,  
 ଅଡେ ନାନୁ ଆବାଇଁ ପୁଞ୍ଜାମାଇଁ, ଏଲେକିହିଁଏ ନାନୁ ନା ମେଣ୍ଡାୟିକି ପୁଇଁ,  
 ଅଡେ ନା ମେଣ୍ଡାୟି ଜିକେଏ ନାଡ୍ରେ ପୁଞ୍ଜାନୁ, ଅଡେ ମେଣ୍ଡାୟି ତାକି ନାନୁ  
 ନା ଜୀଝୁ ହାଇଁ । ୧୬ ଏମିନି ମେଣ୍ଡାୟି ଇ ମାନୁତାଇ ଆଏ, ନା ଇଲେତି  
 ମେଣ୍ଡାୟି ମାନୁ, ଏଝାଆଁ ଜିକେଏ ନାଡ୍ରେ ତାନାୟି ଆନେ, ଅଡେ ଏଝି ନା  
 ହାତା ତେଲ୍‌ହିନ୍ଦୁ: ଏମ୍ବାଟିଏ ରଣ୍ଡିଏ ମାନୁ ଅଡେ ରଣ୍ଡିଏ ଗଡୁ ଆନେସି ।” ୧୭  
 “ନାନୁ ନା ଜୀଝୁ ହାନାକି ଆବା ନାଡ୍ରେ ଜୀଝୁ ନୟିନେସି, ଅଡେ ନାନୁ ନା  
 ଜୀଝୁ ଝେଣ୍ଡେ ଅହାକତାଲି ନାନୁ ଏଦାଆଁ ହାଇଁ । ୧୮ ନା ଜୀଝୁ ଏଚକାତାରି  
 ଆମ୍ବାଆରି ଅହାଲି ଆଡଅରି, ଏଦାଆଁ ନାନୁ ନା ଅଶ୍‌ପୁ ତଲେ ହାଇଁ, ନା  
 ଜୀଝୁ ହାହାଲିତାକି ଅଡେ ଏଦାଆଁ ଝେଣ୍ଡେ ଅହାକତାଲି ତାକି ନା ଅଦିକାରା  
 ମାନେ । ଇଦାଆଁ କିହାଲି ଆବା ମାହାପୁରୁ ନାଡ୍ରେ ହୁକୁମି ହାହାମାଞ୍ଜାନେସି ।”  
 ୧୯ ଜୀସୁତି ଇ ବାରେ କାତାତାକି ଜୀହୁଡି ଲକୁଡାଣା ଗଡୁହା ହୁଡେ । ୨୦  
 ଏଝାରି ବିତ୍ରାଟି ଏଚରଜାଣା ଏଲେଇଚେରି, “ଏଝାଣାଇଁ ବୃତୁ ଆଲ୍‌ଗାମାନେ,



ଏଝାସି ବାୟା ଆହାମାନେସି, ଏନାଆଁତାକି ଏଝାଣି କାତା ଝେଞ୍ଜିମାଞ୍ଜେରି?”

୨୧ ଏଟ୍‌କାତାରି ଏଲେଇଚେରି, “ଇ ବାରେ କାତା ବୃତୁ ଆଲ୍‌ଗାମାନାରି କାତା ଆଏ; ବୃତୁ ଏନାଆଁ କାଣାତି କାଣ୍‌କା ମେସ୍‌ପି କିହାଲି ଆଡିନେ ।” ୨୨ ଏଚିବେଲା ଜିରୁସାଲମତା ମାହାପୁରୁ ଇଲୁଚି ମାହାପୁରୁ ଦରୁଟି ହେର୍‌ପିନି ପାର୍‌ଆତେ; ଏଦି ପେନିବେଲା ମାଚେ, ୨୩ ଜୀସୁ ମାହାପୁରୁ ଇଲୁଚି ସଲମନ ପିଶ୍ତାତା ରେଜିମାଚେସି । ୨୪ ଏମ୍‌ପାଟିଏ ଜୀହୁଦି ଲକୁ ସାରିଝାକି ମୁତାନା ଝେଞ୍ଜାଲି ମାଟ୍‌ହେରି, “ଏଚରଦିନା ପାଚେକା ମା ମନତା ଆନାମାନା କିୟାଦି? ନୀନୁ କ୍ରୀସ୍ତୁଚି ଇଚିହିଁ ମାଡ୍‌ଜେ ନେହିଁକିଁ ଝେସ୍ତାମୁ ।” ୨୫ ଜୀସୁ ଏଝାରାଇଁ ଏଲେଇଚେସି, “ନୀନୁ ମିଡ୍‌ଜେ ଝେସାମାଞ୍ଜାଇଁ, ସାମା ମୀରୁ ନାମିହିଲଅଚେରି; ନା ଆବା ଦରୁଟି ନୀନୁ ଏମିନି ବାରେ କାମା କିହିମାଇଁ, ଏ ବାରେ ନା ଝାକିଟି ସାକି ହାହିମାନେ; ୨୬ ଆଡିଜିକେଏ ମୀରୁ ନାମିହିଲଅଚେରି, ଇଚିହିଁ ମୀରୁ ନା ମେଶ୍ତାୟାଚେରି ଆଏ । ୨୭ ନା ମେଶ୍ତାୟା ନା ହାତା ଝେନୁ ଅଡେ ନୀନୁ ଏଝାଆଁ ପୁଇଁ, ଅଡେ ଏଝି ନା ଜେଚ ଜେଚ ତାକିନୁ, ୨୮ ଅଡେ ନୀନୁ ଏଝାସିକାକି କାଲାକାଲାତି ଜୀସୁ ହାଇଁ, ଅଡେ ଏଝି ଏଚେଲା ଜିକେଏ ନାସା ଆଉ, ଆମ୍‌ଆସି ନା କେୟୁଟି ଏଝାଆଁ ମୀଞ୍ଜା ଅୟଅସି । (aiōn g165, aiōnios g166) ୨୯ ନା ଆବା ନାଡ୍‌ଜେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଟାୟି, ଇଞ୍ଜି ଆବା ତାଣାତି ଆମ୍‌ଆସି ମୀଞ୍ଜାଲି ଆଡଅସି । ୩୦ ଆବା ଅଡେ ନୀନୁ ରଅଡମିଏ ।” ୩୧ ଜୀହୁଦି ଲକୁ ଏଝାଣାଇଁ ଝେଚାଲି ଅଡେ ଝେଶ୍ତେ ଝାଲ୍‌କା ଚାଚିହିଁ ଝାଚେରି । ୩୨ ଜୀସୁ ଏଝାରାଇଁ ଏଲେଇଚେସି, “ନୀନୁ ଆବା ତାଣାତି ହାରେକା ନେହିଁ କାମାୟା ମିଡ୍‌ଜେ ଝସାମାଞ୍ଜାଇଁ; ଏ ବାରେ କାମାୟା ବିତ୍ରାଟି ଏମିନି କାମାତାକି ନାଡ୍‌ଜେ ଝାଲ୍‌କା ଝେଚି ମାଞ୍ଜାଦେରି?” ୩୩ ଜୀହୁଦିୟାଁ ଏଝାଣାଇଁ ଏଲେଇଚେରି, “ନେହିଁ କାମାତାକି ନିଡ୍‌ଜେ ଝାଲ୍‌କା ଝେଚିମାଞ୍ଜାଅମି, ସାମା ମାହାପୁରୁ ନିନ୍ତୁ କିହିମାନାକି, ନୀନୁ ମାଣ୍‌ସି ଆହାନା ମାହାପୁରୁଚେଏଁ ଇଞ୍ଜିମାନାକି ।” ୩୪ ଜୀସୁ ଏଝାରାଇଁ ଏଲେଇଚେସି, “ମୀ ମସା ମେରାତା ରାସ୍‌କି ଆହାହିଲେଏ, ନୀନୁ ଏଲେଇଞ୍ଜାଚେଏଁ ‘ମୀରୁ ମାହାପୁରୁୟାଚେରି ।’ ୩୫ ଆମ୍‌ଆରି ତାଣା ମାହାପୁରୁଚି ବଲୁ ଚଞ୍ଜାଆଚେ, ଏଝାରି ମାହାପୁରୁୟାଁ ଇଚିହିଁ ଦାମ୍‌ସି ସାସ୍ତେରି ଉଜେଏ କିହାଲି ଆଡଅସି, ୩୬ ଆବା ମାହାପୁରୁ ନାଡ୍‌ଜେ ସୁଦୁ କିହାନା ଦାର୍‌ଚିତା ପାଶ୍ତାମାଞ୍ଜାନେସି । ଇଞ୍ଜି ନୀନୁ ନାଡ୍‌ଜେ ମାହାପୁରୁ ମାର୍‌ଏଶାଚେଏଁ ଇଞ୍ଜିମାନାକି ମାହାପୁରୁ ନିନ୍ତୁ କିହିମାଞ୍ଜି ଇଞ୍ଜି ଏନିକିଁ

ଏଲେଇଞ୍ଜି ମାଞ୍ଜାଦେରି? ୩୭ ନାନୁ ନା ଆବାତି ବାରେ କାମା କିହା ହିଲାଆତିହିଁ ନାଢ୍ଢେ ନାମାଆଦୁ: ୩୮ ସାମା ନାନୁ କିହିମାଇଁ, ଆତିହିଁ ମୀରୁ ନାଢ୍ଢେ ନାମି ମାଞ୍ଜାଅତେରି, ଆତିଜିକେଏ ଆବା ନା ଡାଣା ମାନେସି ଅଡ଼େ ନାନୁ ଆବା ଡାଣା ମାଇଁ, ଇଦାଆଁ ମୀରୁ ଏନିକିଁ ପୁଞ୍ଜେରି ଅଡ଼େ ତେଲ୍‌ହିଦେରି, ଇଦାଆଁତାକି ବାରେ କାମାତି ନାମାଦୁ ।” ୩୯ ଏମ୍ବାଟିଏ ଏଞ୍ଜାରି ଜୀସୁଇଁ ଆସାଲି ଅଣ୍ଡିତେରି, ସାମା ଏଞ୍ଜାସି ଏଞ୍ଜାରି କେୟୁଡା ହେର୍ପି ଆଆନା ଏମ୍ବାଟି ହୁରାହାଚେସି । ୪୦ ଏମ୍ବାଟି ଏଞ୍ଜାସି ଅଡ଼େ ଖେଣ୍ଡେ ଜର୍ଦନ ଆତାଲା ହାଜାନା, ତଲି ଜହନ ଏମିନି ଟାୟୁଡା ବାପ୍ତିସ୍ତା ହାହିମାଚେସି, ଏ ଟାୟୁଡା ଖାହାନା ଡୟିତେସି । ୪୧ ଅଡ଼େ ହାରେକା ଲକୁ ଏଞ୍ଜାଣି ଡାଣା ଖାହାନା ଏଲେଇଚେରି, “ଜହନ ଏନି କାବାଆନି କାମା କିଆତେସି, ସାମା ଇ ମାଣ୍ଡସି କାତା ଜହନ ଏନା ଏନାଆଁ ଖେସାମାଚେସି, ଏ ବାରେ ସାତା ।” ୪୨ ଏମ୍ବାଆଁ ହାରେକା ଲକୁ ଏଞ୍ଜାଣି ଡାଣା ନାମିତେରି ।

**୧୧** ବେତନିୟୁତି ଲାଜର ଡରୁଗାଟାସି ରଅସି ନମେରି ଆହାମାଚେସି; ତାନି ତାଡ୍ଡିସ୍ତା ମରିୟମ ଅଡ଼େ ମାର୍ତା ଏ ନାୟୁଡା ଡୟିମାରୁ । ୨ ଏମିନି ଇୟା ପ୍ରବୁଇଁ ନିୟୁଁ ଖାକ୍‌ହାନା ତାନି ତାୟୁଁ ବାଣାୟୁଁ ତଲେ ଏଞ୍ଜାଣି ପାଃଆନାୟୁଁ ଜେଜା ମାଚେ, ଇଦି ଏ ମରିୟମ; ତାନି ତାୟି ଲାଜର ନମେରି ଆହାମାଚେସି । ୩ ଏଦାଆଁତାକି ଏ ତାଡ୍ଡିସ୍ତା ଜୀସୁ ଡାଣା କାରୁ ପାଣ୍ଡିତୁ, “ପ୍ରବୁ, ନାନୁ ଆମ୍ବାଆରାଇଁ ଜୀସୁ ନହିଁମାଞ୍ଜି ଏଞ୍ଜାସି ନମେରି ଆହାମାନେସି ।” ୪ ସାମା ଜୀସୁ ଇ କାତା ଖେଞ୍ଜାନା ଏଲେଇଚେସି, “ଇ ନମେରି ହାହାଲି ତାକି ଆଏ, ସାମା ମାହାପୁରୁତି ଗାଞ୍ଜୁରମି ତାକି, ଏନିକିଁ ଏମ୍ବାଟି ମାହାପୁରୁତି ମୀର୍‌ଏସି ଗାଞ୍ଜୁରମି ବେଟା ଆନେସି ।” ୫ ଜୀସୁ ମାର୍ତା, ତାନି ତାଡ୍ଡି ମରିୟମଇଁ ଅଡ଼େ ଲାଜରଇଁ ଜୀସୁ ନହିଁମାଚେସି । ୬ ଏଚେତା ଏଞ୍ଜାସି ନମେରି ଆହାମାନେସି ଇଞ୍ଜି ଖେଚେସି, ଏଚେତା ଏଞ୍ଜାସି ଏମିନିଡାଣା ମାଚେସି, ଏ ଟାୟୁଡା ରୀ ଦିନା ଡୟିତେସି । ୭ ଏଚେଟିଏ ଏଞ୍ଜାସି ସୀସୁୟାଁଇଁ ଏଲେଇଚେସି, “ଜୀଦୁ ମୀର ଖେଣ୍ଡେ ଜୀହୁଦା ରାଜିତା ହାନ ।” ୮ ସୀସୁୟାଁ ଏଞ୍ଜାଣାଇଁ ଏଲେଇଚେରି, “ଏ ଗୁରୁ ଜୀହୁଦିୟାଁ ନୀଏଁ ନିଢ୍ଢେ ଖାଲ୍‌କାତଲେ ଖେତାଲି ଅଣ୍ଡି ମାଞ୍ଜାତେରି, ଅଡ଼େ ଖେଣ୍ଡେ ନାନୁ ଏମ୍ବାଆଁ ହାଜିମାଞ୍ଜି?” ୯ ଜୀସୁ ଏଲେଇଚେସି, “ଦିନାତାକି ବୀର ଗଂଟା ହିଲେଏ? ଆମ୍ବାଆସି ମାଦେନା ତାକିସାରେ ପୁଟିକିଅସି, ଇତିହିଁ ଏଞ୍ଜାସି ଦାର୍‌ତିତି ଉଜେଡ଼ି; ୧୦ ସାମା ଲାଆଁୟାଁ ତାକିସାରେ ଏଞ୍ଜାସି ପୁଟିକିନେସି, ଇତିହିଁ ଏଞ୍ଜାଣି ହିୟାଁତା ଉଜେଡ଼ି ହିଲେଏ ।” ୧୧ ଇ ବାରେ କାତା ଖେସ୍ତି ଡାୟୁ

ଏଞ୍ଜରାଲ୍ ଅଡ଼େ ଏଲେଇରେସି, “ମା ଚଣେ ଲାଜର ଇଦା କିହାମାନେସି,  
 ସାମା ଏଞ୍ଜରାଲ୍ ଇଦାଟି ନିକ୍ତାଲି ନାନୁ ହାଜିମାଲ୍ ।” ୧୭ ଏମ୍ପାଟିଏ ସାମୁୟା  
 ଏଞ୍ଜରାଲ୍ ଏଲେଇରେସି, “ପ୍ରଭୁ ଏଞ୍ଜାସି ତୁରାନା ଇଦା କିହାମାଟିହିଁ ନେହିଁ  
 ଅନେସି ।” ୧୩ ଜୀସୁ ଲାଜର ହାହାମାନାକି ଏ କାତା ଏଲେଇରେସି, ସାମା  
 ଏଞ୍ଜାଣି ଇଦା କିହାମାନି କାତା ଖେସ୍ତାତେସି ଇଞ୍ଜି ଅଣ୍ଟିମାରେରି । ୧୪  
 ଏରିବେଲା ଜୀସୁ ତୀରେତଲେ ଏଲେଇରେସି, “ଲାଜର ହାହାମାନେସି; ୧୫  
 ଅଡ଼େ ନାନୁ ଏମ୍ପାଆଁ ହିଲାଆତେଏଁ, ଏଦାଆଁତାକି ମୀ ତାକି ରାହାଁ କିହିମାଲ୍,  
 ଏନିକିଁ ମୀରୁ ନାମିଦେରି; ସାମା ଜାଦୁ ମାର ଏଞ୍ଜାଣି ତାଣା ହାନ ।” ୧୬  
 ଏମ୍ପାଟିଏ ଚମା, ଆମ୍ପାଆରାଲ୍ ଦିଦୁମ ଇଞ୍ଜି ଇନେରି, ଏଞ୍ଜାସି ତାମି ଚଣେ  
 ସାମୁୟାଲ୍ ଏଲେଇରେସି, “ଜାଦୁ, ମାର ଜିକେଏ ହାଜାନା ଏଞ୍ଜାଣିତଲେ ହାନ  
 ।” ୧୭ ଜୀସୁ ବେତନିୟାତା ଏଜାନା ଖେରେସି, ଏଞ୍ଜାସି ସାରି ଦିନା ଆତେସି  
 ମାହୁଣି ମାଣ୍ଡାତା ଇଟାମାନେରି । ୧୮ ବେତନିୟା ଜିରୁସାଲମଟି ରୀ କିଲମିଟର  
 ହେକ ମାରେ, ୧୯ ଅଡ଼େ ଜୀହୁଦିୟା ବିତ୍ରାଟି ହାରେକା ମାର୍ତ୍ତା ଇଞ୍ଜି ମରିୟମଲ୍  
 ତାମି ତାୟିତି ଦୁକୁ ତୁକ୍ତାଲି ଏମ୍ପାଆଁ ଖାହାମାରେରି । ୨୦ ଜୀସୁ ଖାହିମାନେସି  
 ଇଞ୍ଜି ଏରେତା ମାର୍ତ୍ତା ଖେରେ, ଏରେତା ମାର୍ତ୍ତା ଏଞ୍ଜରାଲ୍ ବେଟାଆୟାଲି ହାରେ,  
 ସାମା ମରିୟମ ଇଜ କୁଶାନା ଡ଼ୟିତେ । ୨୧ ମାର୍ତ୍ତା ଜୀସୁଲ୍ ଏଲେଇରେ,  
 “ପ୍ରଭୁ ନାନୁ ଇମ୍ପାଆଁ ମାଟିହିଁମା, ନା ତାୟି ହାଆତେସିମା, ୨୨ ସାମା ନାନୁ  
 ମାହାପୁରୁଲ୍ ଏନାଆଁ ରାହୁଦି, ମାହାପୁରୁ ନିଢ୍ଢେ ଏଦାଆଁ ହିୟାନେସି, ଏଦାଆଁ  
 ନୀଏଁ ଜିକେଏ ପୁଞ୍ଜାମାଲ୍ ।” ୨୩ ଜୀସୁ ଏଦାନି ଏଲେଇରେସି, “ନୀ ତାୟି  
 ଅଡ଼େ ଖେଣ୍ଡେ ନିଢ୍ଢିନେସି ।” ୨୪ “ମାର୍ତ୍ତା ଜୀସୁଲ୍ ଏଲେଇରେ, ଏଞ୍ଜାସି  
 ତାୟୁ ଖେଣ୍ଡେ ନିଢ୍ଢିନି ଦିନାତା ନିଢ୍ଢିନେସି, ଇଦାଆଁ ନାନୁ ପୁଞ୍ଜାମାଲ୍ ।” ୨୫  
 ଜୀସୁ ଏଦାନି ଏଲେଇରେସି, “ନାନୁ ଖେଣ୍ଡେ ନିଢ୍ଢିନାତେଏଁ ଅଡ଼େ ଜୀସୁତେଏଁ;  
 ଆମ୍ପାଆସି ନାଢ୍ଢେ ନାମାନେସି, ଏଞ୍ଜାସି ହାତି ଜିକେଏ ନୀତିନେସି, ୨୬  
 ଆମ୍ପାଆସି ନୀତିନେସି ଅଡ଼େ ନାମାନେସି, ଏଞ୍ଜାସି ଏରେଲା ଜିକେଏ ହାଅସି; ଇ  
 କାତା ନାମିମାଞ୍ଜି?” (aiōn g165) ୨୭ ମାର୍ତ୍ତା ଏଲେଇରେ, “ଏ ପ୍ରଭୁ ଆମ୍ପାଆସି  
 ଦାର୍ତ୍ତତା ଖାନାୟି ମାରେ, ନାନୁ ଏ କ୍ରୀସ୍ତୁ ମାହାପୁରୁ ମାର୍ଏଣାତି, ଇ କାତା  
 ନାମିମାଲ୍ ।” ୨୮ ଇ କାତା ଖେସାନା ମାର୍ତ୍ତା ହାଜାନା ତାମି ତାଢ୍ଢି ମରିୟମଲ୍  
 ଏଟ୍ଟକା ହାଟାନା ଏଲେଇରେ, “ଗୁରୁ ଖାତେସିଏ ନିଢ୍ଢେ ପାରିମାଞ୍ଜାନେସି ।”  
 ୨୯ ମରିୟମ ଇ କାତା ଖେଞ୍ଜାନା ଦାପେ ନିଢ୍ଢାନା ଏଞ୍ଜାଣି ତାଣା ହାରେ । ୩୦

ଏତିବେଳା ଜୀସୁ ନାୟୁଁ ବିତ୍ରା ଖାହାହିଲାଆଡେସି, ସାମା ମାର୍ତ୍ତା ଏଞ୍ଜାଣାଙ୍କ ଏମିନି ଚାୟୁତା ବେଟାଆହାମାରେ, ଏଡେପାଡେକା ଏ ଚାୟୁଡେଏ ମାରେସି । ୩୧ ଏମିନି ଜୀହୁଦିୟାଁ ଏଦାନିତଲେ ଏ ଇଲୁତା ଦୁକୁ ତୁକ୍‌ହିମାରେରି, ଏଞ୍ଜାରି ମରିୟମ ଦାପେ ନିଢ୍ଫାନା ପାଢ୍ଫାତା ହାଚାଣି ମେସାନା, ଏଦି ମାହୁଣି ମାଣ୍ଡାତା ଡ଼ାହାଲି ହାଜିମାନେ, ଇ କାତା ଅଣ୍ଠପାନା ଏଦାନି ଜେଚ ଜେଚ ହାରେରି । ୩୨ ଏମ୍ପାଟିଏ ଜୀସୁ ଏମିନି ଚାୟୁତା ମାରେସି, ମରିୟମ ଏ ଚାୟୁତା ହାଜାନା ଏଞ୍ଜାଣାଙ୍କ ମେସାନା ଏଞ୍ଜାଣି କଡାୟାଁ ଡ଼ଇ ରିହାନା ଏଲେଇରେ, “ପ୍ରବୁ ନୀନୁ ଇମ୍ପାଆଁ ମାତିହିଁମା ନା ତାୟି ହାଆଡେସିମା ।” ୩୩ ଜୀସୁ ମରିୟମ ଅଡେ ତାନିତଲେ ଖାହାମାନି ଜୀହୁଦି ଲକୁ ଡ଼ାହିମାନାଣି ମେସାନା ଜୀଝୁତା ହାରେକା ଦୁକୁ ଆହାନା ଝେରେସି, ୩୪ “ଏଞ୍ଜାଣାଙ୍କ ଆମ୍ପିୟା ଇଟାମାଞ୍ଜେରି?” ଏଞ୍ଜାରି ଏଲେଇରେରି, “ପ୍ରବୁ, ଖାହାନା ସିନିକିମୁ?” ୩୫ ଜୀସୁ ଡ଼ାଡେସି । ୩୬ ଏଚେଟିଏ ଜୀହୁଦି ଲକୁ ଏଲେଇଣ୍ଡିମ୍ପି ଆଡେରି, “ଏଞ୍ଜାସି ଏଞ୍ଜାଣାଙ୍କ ଏରେକା ଜୀଝୁ ନୁହିଁମାରେସି ।” ୩୭ ସାମା ଏଞ୍ଜାରି ବିତ୍ରାଟି ଏଚରଜାଣା ଏଲେଇରେରି, “ଇ ମାଣ୍ଡିଏ ଏ କାଣାଙ୍କ ମେସ୍‌ପି କିହାମାରେସି, ଏଞ୍ଜାସି ଇଞ୍ଜାଣାଙ୍କ ହାକିଟି ଗେଲ୍‌ପାଲି ଆଡିଡେସିମା?” ୩୮ ଏମ୍ପାଟିଏ ଜୀସୁ ଦୁକୁ ଆହାନା ମାହୁଣି ମାଣ୍ଡା ତାଗେ ଖାଡେସି; ଏଦି ର ପାଝୁ ମାରେ, ଇଞ୍ଜାଁ ପାଝୁ ଦୁଝେରିତା ର କାଜା ଖାଲି ମାରେ । ୩୯ ଜୀସୁ ଏଲେଇରେସି, “ଇ ଖାଲି ଗୁଟି କିଦୁ ।” ହାଚାଣି ତାଢ୍ଫି ମାର୍ତ୍ତା ଏଲେଇରେ, “ପ୍ରବୁ, ଏଞ୍ଜାସି ଗାନ୍ତୁ ଆହାହାଡେସିଏ, ଇତିହିଁ ହାହାନା ସାରି ଦିନା ଆଡେସିଏ ।” ୪୦ ଜୀସୁ ଏଦାନି ଏଲେଇରେସି, “ନୀନୁ ନାମିଦି, ଆଡିହିଁ ମାହାପୁରୁଟି ଗାଝୁରମି ମେହ୍‌ଦି, ଇ କାତା ନୀନୁ ନିଢ୍ଫେ ଝେସାମାଞ୍ଜାଆଡେଏଁ?” ୪୧ ଅଡେ ଏଞ୍ଜାରି ଖାଲି ଗୁଟି କିଡେରି । ଅଡେ ଜୀସୁ ଲାକଖାକି ସିନିକିହାନା ଏଲେଇରେସି, “ଆବା ନା ପ୍ରାତାନା ଝେଟି ଇଞ୍ଜାଁ ନୀନୁ ନିଢ୍ଫେ ଜହରା କିହିମାଞ୍ଜାଈ । ୪୨ ନୀନୁ କାଲେଏ ନା ପ୍ରାତାନା ଝେଞ୍ଜିମାଞ୍ଜି, ଇ କାତା ନୀନୁ ପୁଞ୍ଜାମାଈ; ସାମା ଏମିନି ଲକୁ ସାରିସୁଟୁ ନିଚାମାନେରି, ନୀନୁ ନାଢ୍ଫେ ପାଣ୍ଡାମାଞ୍ଜାଦି ଇଞ୍ଜାଁ ଏଞ୍ଜାରି ଏନିକିଁ ନାମିନେରି, ଏଦାଆଁତାକି ଏଞ୍ଜାରି ତାକି ନୀନୁ ଏଲେଇରେଏଁ ।” ୪୩ ଏଞ୍ଜାସି ଏଲେଇଞ୍ଜାନା କାଜା ଗିୟାଁତଲେ ଏଲେଇରେସି, “ଲାଜର ପାଢ୍ଫାତା ହୁଚା ଝାମୁ ।” ୪୪ ଦେବୁଣିଏ ଲାଜର ପାଢ୍ଫାତା ହୁଚାଝାଡେସି; ତାନି କେସ୍ତା କଡାଣା ମାହୁଣି ମାଣ୍ଡାଟି ହିମ୍ପୁରିକା ତଲେ ରୁପି ଆହାମାରୁ, ଇଞ୍ଜାଁ ତାନି ମୁମୁତା ଇଚାୟି ପାସ୍‌କି ପିଡ଼ିଗିଞ୍ଜି ଆହାମାରେ ।

ଜୀସୁ ଏଞ୍ଜେଲ୍ ଏଲେଇରେସି, “ହିମ୍ବରିକା ହୁକ୍‌ଦୁ ଏଞ୍ଜେଲ୍ ଡାକାପେସି ।” ୪୫  
 ହାରେକା ଜୀହୁଦି ଲକ୍ଷ୍ମ, ଇତିହାସ ଆମ୍ବାଆରି ମରିୟମ ଡାଣା ଖାହାମାରେରି  
 ଅଡ଼େ ଜୀସୁଟି କାମା ମେସାମାରେରି, ଏଞ୍ଜେଲ୍ ଏଞ୍ଜେଲ୍ ନାମିରେରି । ୪୬  
 ଅଡ଼େ ଏଞ୍ଜେଲ୍ ବିତ୍ରାଟି ଆମ୍ବା ଆମ୍ବାଆରି ପାରୁସିୟା ଡାଣା ହାଜାନା ଜୀସୁ ଏନା  
 ଏନାଆଁ କିହାମାରେସି ଏ ବାରେ ଏଞ୍ଜେଲ୍ ଖେସ୍ତେରି । ୪୭ ଇ କାତା ଖେଞ୍ଜାନା  
 ପାରୁସିୟା ଅଡ଼େ କାଜା ପୁଜେରାଡ୍ଡା କାଜା ବେରଣିମାଣ୍ଡାତା ଏଲେଇରେରି,  
 “ମାର ଏନି କିନାୟି ଇ ମାଣ୍ଡି ହାରେକା କାବାଆନି କାମାୟାଁ କିହିମାନେସି ।  
 ୪୮ ମାର ଏଞ୍ଜେଲ୍ ଏଲେକିହୁଁ ପିସ୍ତିହୁଁ ବାରେ ଲକ୍ଷ୍ମ ଏଞ୍ଜେଲ୍ ଡାଣା ନାମିନେରି,  
 ଅଡ଼େ ରମିୟ ଲକ୍ଷ୍ମ ଖାହାନା ଇ ଟାୟୁ କୁଡ଼ା ବାରେତି ନାସା କିନେରି ।” ୪୯  
 ସାମା ଏଞ୍ଜେଲ୍ ବିତ୍ରାଟି ର କାଜା ପୁଜେରା, ଇତିହାସ କୟାପା ଏ ବାସୀତି କାଜା  
 ପୁଜେରା ଏଞ୍ଜେଲ୍ ଏଲେଇରେସି, “ମାରୁ ଏନାଆଁ ପୁଞ୍ଜାହିଲଅଡ଼େରି? ୫୦  
 ବାରେ କୁଡ଼ାତାରି ନାସା ଆନି କିହାଁ ବାରେ ଲକ୍ଷ୍ମ ତାକି ରଅସି ହାନାୟି ମିଢ୍ଢେ  
 ତାକି ନେହେଁ, ଇଦାଆଁ ମାରୁ ଅଣ୍ଡି ହିଲଅଡ଼େରି ।” ୫୧ ଏଞ୍ଜେଲ୍ ତାନିଡାଣାଟି  
 ଏଲେଇଞ୍ଜା ହିଲଆଡ଼େସି, ସାମା ଏଞ୍ଜେଲ୍ ଏ ବାସୀତି କାଜା ପୁଜେରା ମାତାକି  
 ଇ ଡାୟୁ ଆନି କାତା ତାନି ଗୁଡିଟି ହୁଡାମାରେ, ଜୀସୁ ଏ କୁଡ଼ାଟି ଲକ୍ଷ୍ମ ତାକି,  
 ୫୨ ଅଡ଼େ ଖାର୍‌ଇ ଏ କୁଡ଼ା ତାକି ଆଏ, ସାମା ମାହାପୁରୁଟି ଇତାଲା ଆତାଲା  
 ଆହାମାନି ମାର୍କାଣି ଜିକେଏ କୁଡ଼ି କିହାନା ରଣ୍ଡିଏ କିହାଲିତାକି ହାହାଲି  
 ହାଜିମାନେସି, ଇଦାଆଁତାକି ଇ କାତା ଖେକ୍‌ହେସି । ୫୩ ଇଞ୍ଜାଁ ଏ ଦିନାଟିଏ  
 ଏଞ୍ଜେଲ୍ ପାୟାଲି ତାକି ପାରୁ ପାରିରେରି । ୫୪ ଏଦାଆଁତାକି ଜୀସୁ ଜୀହୁଦି  
 ଲକ୍ଷ୍ମ ବିତ୍ରା ପାଞ୍ଜାଖେଡ୍ଡେ ରେଆଡ଼େସି, ସାମା ଏଞ୍ଜେଲ୍ ଏ ଟାୟୁଟି ହୁଡା ହାଜାନା  
 ଲକ୍ଷ୍ମ ହିଲଆ ଟାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡ଼ାତା ହାଡ଼େସି,  
 ଅଡ଼େ ସାୟୁୟା ତଲେ ଏମ୍ବାଆଁ ଡ଼ୟିଡ଼େସି । ୫୫ ଏରିବେଲା ଜୀହୁଦି ଲକ୍ଷ୍ମଟି  
 ପିସ୍‌ପିଆନି ପାରୁ ତାଗେ ମାରେ, ଅଡ଼େ ନାସ୍‌କାଟି ହାରେକା ଲକ୍ଷ୍ମ ଜାହାରାଲ୍  
 ଅର୍‌ହା କତାଲି ପିସ୍‌ପିଆନି ପାରୁ ନକେଏ ଜିରୁସାଲମତା ହାଡ଼େରି । ୫୬  
 ଏମ୍ବାଟିଏ ଏଞ୍ଜେଲ୍ ଜୀସୁଲ୍ ପାରି ପାରିହୁଁ ମାହାପୁରୁ ଇଲୁଡା ନିଗାମାତାଟି ତାମ୍ବା  
 ତାମ୍ବା ଏଲେଇଣ୍ଡି ଆଡ଼େରି, “ମାରୁ ଏନାଆଁ ଅଣ୍ଡିମାଞ୍ଜେରି? ଏଞ୍ଜେଲ୍ କି  
 ପାରୁଡ଼ା ଖାଅସି?” ୫୭ କାଜା ପୁଜେରାଡ୍ଡା ଅଡ଼େ ପାରୁସିୟା ଏଞ୍ଜେଲ୍ ଆସାଲି  
 ତାକି, ଏଞ୍ଜେଲ୍ ଏମ୍ବିୟା ମାନେସି, ଇ କାତା ଆମ୍ବାଆସି ପୁଞ୍ଜାମାନେସି, ଏ କାତା  
 ଖେସାଲି ତାକି ହୁକୁମି ହାହାମାରେରି ।

୧୨ ଏମ୍ବାଟିଏ ଜୀସୁ ପିସ୍‌ପିଆନି ପାର୍ବୁଟି ସ ଦିନା ନକେଏ ବେତନିୟାତା  
 ଖାତେସି; ଏମିନି ଲାଜରଇଁ ହାତାରି ତାଣାଟି ନିକ୍‌ହା ମାରେସି, ଏଞ୍ଜସି ଏ  
 ଚାୟୁତା ମାରେସି । ୧ ଏଦାଆଁତାକି ଏଞ୍ଜାରି ଏଞ୍ଜାଣାକି ଏ ଚାୟୁତା ଲାଆଁୟାଁ ର  
 ବଜି କିତେରି; ମାର୍ତା ବାଟି କିହିମାରେ, ଅଡ଼େ ଆମିନି ଗାଟାରି ଏଞ୍ଜାଣିତଲେ  
 ତିଞ୍ଜାଲି କୁଗାମାରେରି, ଲାଜର ଏଞ୍ଜାରି ବିତ୍ରାଟି ରଅସି ମାରେସି । ୩ ଏଚିବେଲା  
 ମରିୟୁମ ଆଦା ଗାନ୍ତୁ ଗାନ୍ତୁ ନିୟୁଁ ତାତାନା ଜୀସୁ କତାଣା ରୁବାନା ତାନି ତାୟୁଁ  
 ବାଣାୟାଁ ତଲେ ତାନି କତାଣି ଚେତେ, ଅଡ଼େ ବାରେ ଇଲୁତା ନିୟୁଁ ଗାନ୍ତୁ  
 ଅଡ଼େ । ୪ ସାମା ତାନି ସୀସୁୟାଁ ବିତ୍ରାଟି ଇସ୍ପାରିୟତ ଜୀହୁଦା ଆମିନି ସୀସୁ  
 ଜୀସୁଇଁ ସାତୁୟାଁ କେୟୁତା ହେରପାଲି ହାଜିମାରେସି, ଏଞ୍ଜସି ଏଲେଇରେସି,  
 ୫ “ଇ ନିୟୁଁ ତାନି ଖାଞ୍ଜା ଟାକାୟାଁ ତାକି ପାର୍‌ପି ଆହାନା ଏନାଆଁତାକି କାକୁଲି  
 ଗାଟାରାକି ହୀପକି ଆଆତେ?” ୬ ଏଞ୍ଜସି କାକୁଲି ଗାଟାରାଇଁ ଅଣ୍ଡିପାରେସି  
 ଇଞ୍ଜି ଏଲେଇରେସି, ଏଦି ଆଏ, ସାମା ଏଞ୍ଜସି ର ସରୁ ଅଡ଼େ ଏଞ୍ଜାଣି ତାଣା  
 ଟାକାୟାଁ ମାଣା ମାତାକି, ଏମ୍ବାଆଁ ଏନା ଏନାଆଁ ଇଟ୍‌କି ଆହିମାରେ, ଏଦାଆଁ  
 ସରୁ କିହିମାରେସି । ୭ ସାମା ଜୀସୁ ଏଲେଇରେସି, “ଇଦାଆଁ ପିହ୍‌ଦୁ ଏନିକିଁ  
 ନା ମାଡ଼ହା ମୁହ୍‌ନି ଦିନାତାକି ଏଦି ଏଦାଆଁ ଇଟାଲି ଆଡିନେ । ୮ କାକୁଲି  
 ଗାଟାରି ବାରେଦିନା ମୀ ତାଣା ମାନେରି, ସାମା ନାନୁ ବାରେବେଲା ମୀ ତଲେ  
 ମାନଅଁ ।” ୯ ଏଚେଟିଏ ହାରେକା ଜୀହୁଦି ଲକୁ ଏଞ୍ଜସି ଏମ୍ବାଆଁ ମାନେସି  
 ଇଞ୍ଜି ପୁଞ୍ଜାନା ଖାରଇ ଜୀସୁ ତାକି ଆଏ, ସାମା ଏମିନି ଲାଜରଇଁ ଏଞ୍ଜସି  
 ହାକିଟି ନିକ୍‌ହା ମାରେସି, ଏଞ୍ଜାଣାଇଁ ମେସାଲି ଖାତେରି । ୧୦ ସାମା ଲାଜରଇଁ  
 ଜିକେଏ ପାୟାଲି କାଜା ପୂଜେରାଢ୍ଘା ପାରୁ ପାରିତେରି, ୧୧ ଇଚିହିଁ ଏଞ୍ଜାଣି  
 ତାକି ଜୀହୁଦିୟାଁ ବିତ୍ରାଟି ହାରେକା ହାଜାନା ଜୀସୁ ତାଣା ନାମି ମାରେରି ।  
 ୧୨ ତାନି ଅର ଦିନା ପାର୍ବୁତା ଖାହାମାନି ହାରେକା ଲକୁ ଜୀସୁ ଜିରୁସାଲମତା  
 ଖାହାମାନେସି ଇଞ୍ଜି ଖେଚେରି ୧୩ ଇଞ୍ଜି କାକୁରି ମାଟାୟାଁ ଆସାନା ଜୀସୁଇଁ  
 ବେଟାଆହାଲି ଖାତେରି ଅଡ଼େ କାଜା ଗିୟାଁତଲେ ଏଲେଇରେରି, “ହସାନା ।  
 ପ୍ରବୁଟି ଦରୁତଲେ ଆମ୍ବାଆସି ଖାହିମାନେସି, ଏଞ୍ଜସି ନେହେଁ; ଇସ୍ରାୟେଲତି  
 ରାଜାଇଁ ମାହାପୁରୁ ବର ହୀପାସି ।” ୧୪ ଜୀସୁ ର ଗାଡ଼ଦେ ତାଲୁ ଲାକ କୁଗାନା  
 ଖାହିମାରେସି, ଏନିକିଁ ରାସକି ଆହାମାନେ, ୧୫ “ଆକେ ସିୟନତି ମାସକା,  
 ଆଜାଆଦୁ ମେହ୍‌ଦୁ ମୀ ରାଜା ଖାହିମାନେସି, ଏଞ୍ଜସି ଗାଡ଼ଦେ ତାଲୁ ଲାକ  
 କୁଗାନା ଖାହିମାନେସି ।” ୧୬ ଏଚିବେଲା ସୀସୁୟାଁ ଏଦାନି କାତା ପୁଞ୍ଜାଲି

ଆତାଆତେରି, ସାମା ଜୀସୁ ଗାଞ୍ଜୁରମିଟି ଖେଣ୍ଡେ ନିଢ଼ୁଲିଏ ଏଞ୍ଜାରି ଅଣ୍ଡପୁତା  
 ଖାତେ, ଇ ବାରେ କାତା ସାସ୍ତେରିତା ରାସ୍କି ଆହାମାନେ, ଇତିହିଁ ଏଲେକିହିଁଏ  
 ଏଞ୍ଜାରି କାମା କିହାମାତେରି । ୧୭ ଜୀସୁ ହାତି ଲାଜରଇଁ ମାହୁଣି ମାଣ୍ଡାଟି  
 ହାତୀନା ନିକହାମାଟି ବେଲମାତା ଏମିନିଗାଟାରି ଏଞ୍ଜାଣିତଲେ ମାତେରି, ଏଞ୍ଜାରି  
 ଇ ବାରେ କାତା ସାରିଖାକି ଟ୍ରେକହା ମାତେରି । ୧୮ ଇଦାଆଁତାକି ଲକୁ ବାରେ  
 ଏଞ୍ଜାଣାଇଁ ବେଟାଆହାଲି ହାଜାମାତେରି, ଅଡ଼େ ଏଞ୍ଜାସି ଇ କାବାଆନି କାମା  
 କିହାମାତେସି ଇଞ୍ଜି ଖେଞ୍ଜାମାତେରି । ୧୯ ଇଦାଆଁ ମେସାନା ପାରୁସିୟାଁ ତାମି  
 ବିତ୍ରା କାତା ଆତେରି, “ମେସିମାଞ୍ଜେରି ମାର ଏନାଆଁ କିହାଲି ଆଡିହିଲିଆୟି;  
 ଦାରୁତି ବାରେ ଲକୁ ଏଞ୍ଜାଣି ଜେତ ହାଜିମାନେରି ।” ୨୦ ପାରୁ ବେଲମାତା  
 ପ୍ରାତୀନା କିହାଲି ଜିରୁସାଲମତା ଖାହାମାନି ଲକୁ ବିତ୍ରା ଏଚେକା ଗ୍ରିକ୍ ଲକୁ  
 ମାତେରି । ୨୧ ଏଞ୍ଜାରି ଗାଲିଲିତି ବେଡ଼ସାୟିଦାତି ପିଲିପ ତାଣା ଖାହାନା  
 ବାଡିମାଲିହିଁ ଏଲେଇଚେରି, “ବାବୁ, ମାମୁ ଜୀସୁଇଁ ମେସାଲି ଅଣ୍ଡପିମାନମି ।”  
 ୨୨ ପିଲିପ ହାଜାନା ଆନ୍ଫିୟଇଁ କାରୁ ହାତେସି ଅଡ଼େ ରିଆରି ହାଜାନା ଜୀସୁଇଁ  
 ଖେସ୍ତେରି । ୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମାଣ୍ଡସି ମାରୁଏସି ଗାଞ୍ଜୁରମି  
 ଆନି ବେଲମା ଖାହାମାନେ । ୨୪ ନାନୁ ମିଢ୍ଢେ ସାତା ଖେସିମାଞ୍ଜାଇଁ ଗହଁ ପାଡ଼େୟି  
 ବୁଫିତା ରିହାନା ହାନି ପାତେକା ଏଡି ରଣ୍ଡିଏ ପାଡ଼େୟି ଆହାନା ଡ଼ୟିନେ,  
 ସାମା ଏଡି ହାତିସାରେ ଏମ୍ପାଟି ହାରେକା ପାଡ଼େୟିକା ଆନୁ । ୨୫ ଆମ୍ପାଆସି  
 ଜାହାରା ଜୀଞ୍ଜୁତି ଜୀଞ୍ଜୁ ନନେସି, ଏଞ୍ଜାସି ଏଦାଆଁ ହାରଖି କିନେସି, ଆମ୍ପାଆସି  
 ଜାହାରା ଜୀଞ୍ଜୁତି ଇ ଦାରୁତିତା ଅପଅସି, ଏଞ୍ଜାସି ଏଦାଆଁ କାଲାକାଲା ତାକି  
 ଗେଲ୍ପିନେସି । (aiōnios g166) ୨୬ ଆମ୍ପାଆସି ନା ସେବା କାମାକିନାସି  
 ଆନେସି, ଆତିହିଁ ଏଞ୍ଜାସି ନା ଜେତ ଖାପେସି; ଅଡ଼େ ନାନୁ ଆମ୍ପିୟା ଡ଼ୟିଇଁ,  
 ନା ସେବା କାମାକିନାସି ଜିକେଏ ଏମ୍ପାଆଁ ଡ଼ୟିନେସି; ଆମ୍ପାଆସି ନା ସେବା  
 କିନେସି, ଆତିହିଁ ଆବା ଏଞ୍ଜାଣାଇଁ ମାନି କିନେସି । ୨୭ ନୀଏଁ ନା ଜୀଞ୍ଜୁ  
 କିଲିବିଲି ଆହିମାନେ, ଇଞ୍ଜି ନାନୁ ଏନାଆଁ ଇଞ୍ଜାଇଁ? ଆବା ଇ ଲାଗେଏ  
 ତାଣାଟି ଗେଲ୍ପାମୁ, ସାମା ଏଦାଆଁତାକି ନାନୁ ଇ ଟାୟୁତା ଖାହାମାଇଁ । ୨୮  
 ଆବା ନୀ ଦରୁ ଗାଞ୍ଜୁରମି ଆପେ ।” ଏଚିବେଲମାତା ହାଗୁ ଲାକଟି ଇ ହାତା  
 ଆତେ ନାନୁ ଏଞ୍ଜାଣାଇଁ ଗାଞ୍ଜୁରମି କିହାମାଇଁ ଅଡ଼େ ଗାଞ୍ଜୁରମି କିଇଁ । ୨୯  
 ଇଞ୍ଜି ଏମ୍ପାଆଁ ଦାରି ନିଚାମାଟି ଲକୁ ବାରେ ଇ ହାତା ଖେଞ୍ଜାନା ଏଲେଇଚେରି,  
 “ଇଡି ହାଗୁ ଗୁଣ୍ଡିମାନେ ।” ଅଡ଼େ ଏଟ୍ଟକାତାରି ଏଲେଇଚେରି, “ଲାକପୁରୁତି

ଦୂରୁ ଏଞ୍ଜାଣିତଲେ କାତା ଆହିମାନେ ।” ୩୦ ଜୀସୁ ଏଲେଇଚେସି, “ଇ ହାତା ନାଢ୍ଢେଟାକି ଆହା ହିଲେଏ, ସାମା ଇ ହାତା ମିଢ୍ଢେଟାକି ଆହାମାନେ । ୩୧ ନୀଏଁ ଇ ଦାର୍ତ୍ତି ବିଚାରା କିନି ଦିନା; ନୀଏଁ ଇ ଦାର୍ତ୍ତିତି ସାଲଞ୍ଜି କିନାଇ ଡଲ ମେଡ଼ପିଆନୁ । ୩୨ ନାନୁ ଏଚିବେଲା ଦାର୍ତ୍ତିଟି ଲାକପୁରୁ ଅଞ୍ଜିଆଇଁ, ଏଚିବେଲା ବାରେତି ନା ତାଣା ରେଜା ଅଇଁ ।” ୩୩ ଏଞ୍ଜାସି ଏନିକିଁ ହାହାଲି ହାଜିମାନେସି, ଏଞ୍ଜାସି ଇ କାତାତା ଏଲେଇଚେସି । ୩୪ ଲକୁ ଏଞ୍ଜାଣାଇଁ ଏଲେଇଚେରି, “ମସିହା କାଲେଏ ଡୟିନେସି ଇଞ୍ଜିଁ ମାନୁ ମସାତି ମେରାତା ୱେଞ୍ଜାମାନମି, ଆତିହିଁ ମାଣ୍ଠି ମୀରୁଏସି ଲାକ ପେରୁଞ୍ଜି ଆନେସି ଇଞ୍ଜିଁ ନୀନୁ ଏନିକିଁ ଏଲେ ଇଞ୍ଜିମାଞ୍ଜି? ଏ ମାଣ୍ଠି ମୀରୁଏସି ଆମ୍ବାଆସି?” (aiōn g165) ୩୫ ଜୀସୁ ଏଞ୍ଜାରାଇଁ ଏଲେଇଚେସି, “ଅଡ଼େ ଗାଡ଼େକା ତାକି ଉଜେଡ଼ି ମୀ ତାଣା ମାନେ । ଆନେରି ମିଢ୍ଢେ ଏନିକିଁ ଗୁସ୍ତେଏ, ଏଦାଆଁତାକି ମୀ ତାଣା ଉଜେଡ଼ି ମାଞ୍ଜା ମାଞ୍ଜାନା ତାକାଦୁ: ଆମ୍ବାଆସି ଆନେରିତା ତାକିନେସି, ଏଞ୍ଜାସି ଆମ୍ବିୟା ହାଜିମାନେସି ପୁଞ୍ଜାଲି ଆଡ଼ଅସି । ୩୬ ମୀରୁ ଏନିକିଁ ଉଜେଡ଼ିତି ମୀରୁକା ମାସକା ଆଦେରି, ଏଦାଆଁତାକି ଉଜେଡ଼ି ମୀ ତାଣା ମାଞ୍ଜା ମାଞ୍ଜାନା ଉଜେଡ଼ିତା ନାମାଦୁ ।” ଜୀସୁ ଇ ବାରେ କାତା ୱେସାନା ହାଚେସି ଇଞ୍ଜିଁ ଏଞ୍ଜାରି ତାଣାଟି ତୁଗାନା ଡୟିଚେସି । ୩୭ ଏଞ୍ଜାରି ନକିତା ଏଚେକା କାବାଆନି କାମାୟିଁ କିହାମାଚେସି, ଆତିଜିକେଏ ଏଞ୍ଜାରି ଏଞ୍ଜାଣି ତାଣା ନାମା ହିଲାଆଚେରି, ୩୮ ଏନିକିଁ ମାହାପୁରୁ ଅଶ୍ଵପୁତି ବଲୁ ୱେହ୍ନି ଜିସାୟ ଡାଣାଟି ରାଚାମାନି କାତା ପୁରା ଆନେ, “ପ୍ରବୁ ମା ହାତା ୱେଞ୍ଜାମାନା ଆମ୍ବାଆସି ନାମା ମାନେସି? ଆମ୍ବାଆରି ତାଣା ପ୍ରବୁ ତାନି ବାଡ଼ୟୁ ଡସାମାନେସି?” ୩୯ ଇଦାଆଁତାକି ଏଞ୍ଜାରି ନାମାଲି ଆଡ଼ିହିଲିଆଚେରି, ଇଞ୍ଜିଁ ଜିସାୟ ଏଲେଇଞ୍ଜାମାଚେସି, ୪୦ ସାଚେଏ ମାହାପୁରୁ ଏଞ୍ଜାରି କାଶକା କାଣା କିହାମାନେସି । ଏଦାଆଁତାକି ଏଞ୍ଜାରି ହିୟିତା ଏନାଆଁ ମେସାଲି ଆଡ଼ଅରି, ଇଞ୍ଜିଁ ହିୟିତା ଏନାଆଁ ଡେଲହାଲି ଆଡ଼ଅରି ମାହାପୁରୁ ଏଲେଇଞ୍ଜି ମାନେସି, “ନେହିଁ ଆହାଲିତାକି ଏଞ୍ଜାରି ନା ତାଣା ୱେଣ୍ଡା ୱାହିହିଲଅରି ।” ୪୧ ଜିସାୟ ଜୀସୁ କ୍ରୀସ୍ତୁତି ଗାଞ୍ଜୁରମି ମେସ୍ତେସି ଏଦାଆଁତାକି ଏଞ୍ଜାସି ଏଞ୍ଜାଣି କାତା ୱେସ୍ତେସି । ୪୨ ଆତିଜିକେଏ ଜୀହୁଦି ଲକୁଡ଼ି କାଜାରି ହାରେକା ଏଞ୍ଜାଣି ତାଣା ନାମିଚେରି, ସାମା ଏଚେତା ଜୀହୁଦି କୁଲମିଟି ପେରୁହାନେରି ଇଞ୍ଜିଁ ପାରୁସିୟିଁ ଆଜିତାକି ବାରେଡାଣା ଏ କାତାବାର୍ତ୍ତା ଆହି ହିଲାଆଚେରି, ୪୩ ଇଚିହିଁ ଏଞ୍ଜାରି ମାହାପୁରୁ ତାଣାଟି ଗାଞ୍ଜୁରମି କିହିଁ ମାଣ୍ଠିୟିଁ ତାଣାଟି ଗାଞ୍ଜୁରମି



ଜୀଝୁ ନୁହଁମାଚେରି । ୪୪ ଜୀସୁ କାଜା ଗିୟାଁତଲେ ଏଲେଇଚେସି, “ଆମ୍ବାଆସି ନା ତାଣା ନାମିନେସି, ଏଝାସି ନା ତାଣା ନାମଅସି, ସାମା ନାଡ୍ରେ ପାଣ୍ଡାତାଣାଣାଁ ନାମିନେସି; ୪୫ ଆମ୍ବାଆସି ନାଡ୍ରେ ମେସ୍ତାନେସି, ଏଝାସି ନାଡ୍ରେ ପାଣ୍ଡାତାଣାଣାଁ ମେହ୍ନେସି । ୪୬ ଆମ୍ବାଆସି ନା ତାଣା ନାମିନେସି, ଏଝାସି ଏନିକିଁ ଆନେରିତା ବାସା କିଅସି, ଏଦାଆଁତାକି ନାନୁ ଦାର୍ତତିତା ଉଜେଡ଼ି ଆହାନା ଝାହାମାଈ । ୪୭ ଆମ୍ବାଆସି ନା ବଲୁ ଝେଞ୍ଜାନା ମାନଝି ଆଅସି, ଆତିହିଁ ନାନୁ ଏଝାଣି ବିଚାରା କିଅଁ; ଇତିହିଁ ନାନୁ ଦାର୍ତତିତା ବିଚାରା କିହାଲି ଝାଆନା ଦାର୍ତତି ଗେଲ୍ପାଲି ଝାହାମାଈ । ୪୮ ଆମ୍ବାଆସି ନାଡ୍ରେ ଅପଅସି ଅଡେ ନା ବଲୁତି ଆବଅସି, ନାନୁ ଏମିନି ବଲୁ ଜଲମାଈ, ନା ଗୁତିତି ବଲୁ ଡାୟୁତି ଦିନାତା ଏଝାଣି ବିଚାରା କିନେ; ୪୯ ଇତିହିଁ ନାନୁ ନା ତାଣାଟି ଜଲ ହିଲଅଁ, ସାମା ନାନୁ ଏନାଆଁ ଜଲିଈଁ ଅଡେ ଏନାଆଁ ଝେକଇଁ, ଏଦାଆଁ ନାଡ୍ରେ ପାଣ୍ଡାମାଞ୍ଜାନି ଆବା ହୁକୁମି ହୀହାମାଞ୍ଜାନେସି ୫୦ ଇଞ୍ଜିଁ ନାନୁ ପୁଞ୍ଜାମାଈ ତାନି ହୁକୁମି କାଲାକାଲାତି ଜୀଝୁ ହୀନେ । ନା ଆବା ନାଡ୍ରେ ଏନାଆଁ ଜଲଲି ହୁକୁମି ହୀହାମାଞ୍ଜାନେସି, ଝାରୁଇ ଏଲେକିହିଁଏ ଝେହ୍ଲଇଁ ।” (aiōnios g166)

**୧୩** ପିସ୍ପିଆନି ପାରୁଁ ନକେଏ ଜୀସୁ ଇ ଦାର୍ତତି ଆବା ତାଣା ହାନି କାଟୁ ଆହାଲିଏ, ଦାର୍ତତିତା ମାନି ତାନି ଲୁକୁଣି ଏଝାସି ଜୀଝୁ ନୁହଁମାଚେସି, ଏଝାଠାଈଁ ହାରେକା ଜୀଝୁ ନୁନାଣି ତସାମାଚେସି । ୧ ଜୀସୁ ତାନି ସୀସୁୟାଁ ତଲେ ଲାଆଁୟାଁ ତିନି ବେଲାତା ସୟତାନ ସିମନ ମୀର୍ଏସି ଇସ୍ପାରିୟତ ଜୀହୁଦା ହିୟାଁତା ଜୀସୁଈଁ ସାତୁ କେୟୁତା ହେର୍ପାଲି ଅଣ୍ଡି କିହାମାଚେ । ୩ ଏତିବେଲା ଆବା ତାନି କେୟୁତା ବାରେ ହେର୍ପା ମାନେସି ଅଡେ ଏଝାସି ମାହାପୁରୁ ତାଣାଟି ଝାହାମାନେସି, ଅଡେ ମାହାପୁରୁ ତାଣା ହାଜିମାନେସି, ୪ ଇଦାଆଁ ପୁଞ୍ଜାନା ରାନୁ ତିନି ତାଣାଟି ନିଢ୍ଫାନା, ତାନି ହିମ୍ପରି ଇତିଚେସି ଇଞ୍ଜିଁ ରୁ ତୁଝାଲା ତାନି ଟେଡେଲିତା ରୁପା କତିଚେସି । ୫ ଡାୟୁ ଏଝାସି ମୁତାତା ଏୟୁ କତିଚେସି, ଅଡେ ସୀସୁୟାଁତି କତାୟାଁ ନରହାନା ତାନି ଟେଡେଲିତା ମାନି ତୁଝାଲା ତଲେ ଜେଜାଲି ମାଟ୍‌ହେସି । ୬ ଏତିବେଲା ଜୀସୁ ସିମନ ପିତର ଦାରିତା ଝାଚେସି; ଏଝାସି ଏଝାଣାଈଁ ଏଲେଇଚେସି, “ପୁରୁ ନାନୁ ନା କତାୟାଁ ନରହିଁ ମାଞ୍ଜାଦି?” ୭ ଜୀସୁ ଏଝାଣାଈଁ ଏଲେଇଚେସି, “ନାନୁ ଏନାଆଁ କିହିମାଈଁ ନାନୁ ନୀଏଁ ଏଦାଆଁ ପୁଞ୍ଜାଲି ଆତଅତି, ଡାୟୁ ପୁଞ୍ଜି ।” ୮ ପିତର ଏଲେଇଚେସି, “ଆଏ, ନା କତାୟାଁ ଏରେଲାଝା ନରହଅତି ।” ସାମା ଜୀସୁ ଏଲେଇଚେସି, “ନାନୁ ନୀ

କତାୟି ନରହାଆତିହିଁ ନାନୁ ଅଡ଼େ ନା ସୀସୁ ଆୟାଲି ଆଡ଼ଅତି ।” (aiōn  
 g165) ୯ ସିମନ ପିତର ଏଲେଇରେସି, “ପ୍ରଭୁ, ଆତିହିଁ କତାୟି ଏନାଆଁକି, ନା  
 କେସ୍ତା ଅଡ଼େ ଡାୟୁଁ ଜିକେଏ ନରହାମୁ ।” ୧୦ ଜୀସୁ ଏଖାଣାଇଁ ଏଲେଇରେସି,  
 “ଆମ୍ବାଆସି ଏୟୁ ମୀହାମାନେସି, ଏଖାଣି କତାୟି ନରନି କିହିଁ ଏନାୟି ଲଡ଼ା  
 ହିଲେଏ, ମୀରୁ ଅଡ଼଼ି ଆହାମାଞ୍ଜେରି; ସାମା ବାରେଜାଣା ଆଏ ।” ୧୧ ଇତିହିଁ  
 ଆମ୍ବାଆସି ଏଖାଣାଇଁ ସାତୁୟି କେୟୁତା ହେର୍ପିନେସି ଜୀସୁ ତଲିଏ ଏଖାଣାଇଁ  
 ପୁଞ୍ଜାମାରେସି; ଏଦାଆଁତାକି ଏଖାସି ଏଲେଇରେସି, “ମୀରୁ ବାରେଜାଣା ଅଡ଼଼ି  
 ଆହାହିଲଅରି ।” ୧୨ ଡାୟୁ ଜୀସୁ ଏଖାରି କତାୟି ନରହାନା ତାନି ହିମ୍ପରି  
 ପରହାନା ଖେଣ୍ଡେ ତିଞ୍ଜାଲି କୁଗିତେସି ଇଞ୍ଜି ଖେରେସି, “ନାନୁ ମିଢ୍ଢେ ତାକି  
 ଏନାଆଁ କିହାମାଇଁ ମୀରୁ ପୁଞ୍ଜାଲି ଆଡ଼ିତେରି କି? ୧୩ ମୀରୁ ନାଢ୍ଢେ ଗୁରୁ ଇଞ୍ଜି  
 ହାଟିମାଞ୍ଜାଦେରି, ଏଦି ସାତା; ଇତିହିଁ ନାନୁ ଏଖାତେଏ । ୧୪ ମୀ ଗୁରୁ ଅଡ଼େ  
 ପ୍ରଭୁତେଏ ନାନୁ, ନାନୁ ମୀ କତାୟି ନରହାମାଞ୍ଜାଇଁ ଆତିହିଁ ମୀରୁ ଜିକେଏ  
 ରଅତେରି ରଅଣି କତାୟି ନରନାୟି ମାନେ । ୧୫ ଇତିହିଁ ନାନୁ ମିଢ୍ଢେତାକି  
 ଏନିକିଁ କିହାମାଇଁ ମୀରୁ ଜିକେଏ ଏଲେକିହିଁ କିଦୁ, ଇଦାଆଁତାକି ଇଦାଆଁ  
 ତସାମାଞ୍ଜାଇଁ । ୧୬ ସାତା ସାତା ନାନୁ ମିଢ୍ଢେ ଖେସିମାଞ୍ଜାଇଁ, ହଲେଏସି ତାନି  
 ସାଖୁକାରି କିହିଁ କାଜାସି ଆଏ, ଅଡ଼େ ପାଣ୍ଡୁ଼ି ଆତାସି ତାନି ପାଣ୍ଡୁତାଣା କିହିଁ  
 କାଜାସି ଆଏ । ୧୭ ମୀରୁ ଇ ବାରେ ପୁଞ୍ଜାନା ଏଲେକିଁ କିଦେରି ଇତିହିଁ ମୀରୁ  
 ନେହାଁତେରି ।” ୧୮ “ନାନୁ ମୀ କାତା ଖେସିହିଲଅଁ; ଏନିଲେହେଁତି ଲକୁଣି  
 ନାନୁ ଆତାମାଇଁ, ଏ କାତା ନାନୁ ପୁଞ୍ଜାମାଇଁ; ସାମା ଦାମ୍ବୁଁ ପତିତି ଇ ବଲୁ  
 ଏନିକିଁ ପୁରା ଆନେ, ଇଦାଆଁତାକି ଇ ବାରେ ଆହିମାନେ, ‘ଆମ୍ବାଆସି ନା  
 କାଦି ତିନେସି ଏଖାସି ନା କପାଟି ନିଢ୍ଢେତେସି ।’ ୧୯ ଏଦି ଗଟ଼ି ଆନାଟି ନାନୁ  
 ଏଖାତେଏଁ ଇଞ୍ଜି ମୀରୁ ନାମିଦେରି, ଏଦାଆଁତାକି ଗଟ଼ି ଆନି ନକେଏ ନାନୁ  
 ମିଢ୍ଢେ ଖେସିମାଞ୍ଜାଇଁ । ୨୦ ସାତା ସାତା ନାନୁ ମିଢ୍ଢେ ଖେସିମାଞ୍ଜାଇଁ, ଆମ୍ବାଆସି  
 ନା ତାଣାଟି ପାଣ୍ଡୁ଼ି ଆତାଣାଇଁ ଆବିନେସି, ଏଖାସି ନାଢ୍ଢେ ଆବାନେସି, ଅଡ଼େ  
 ଆମ୍ବାଆସି ନାଢ୍ଢେ ଆବାନେସି ଏଖାସି ନାଢ୍ଢେ ପାଣ୍ଡୁତାଣାଇଁ ଆବିନେସି ।”  
 ୨୧ ଜୀସୁ ଇ ବାରେ କାତା ଖେସି ଡାୟୁ ଜୀସୁତା ହାରେକା ଦୁକୁ ଆହାନା  
 ବାରେତି ନକିତା ଖେକହେସି, “ନାନୁ ମିଢ୍ଢେ ସାତା ଖେସିମାଞ୍ଜାଇଁ ମୀ ବିତ୍ରାଟି  
 ରଅସି ନାଢ୍ଢେ ସାତୁୟି କେୟୁତା ହେର୍ପାନେସି ।” ୨୨ ଏଖାସି ଆମ୍ବାଆରି  
 କାତା ଏଲେଇରେସି, ପୁନାଆନା କାବାଆହାନା ସୀସୁୟି ତାମୁ ତାମୁ ସିନିକି଼ି

ଆତେରି । ୨୩ ଏଝାରି ବିତ୍ରାଟି ଏମିନି ସୀସୁଇଁ ଜୀସୁ ହାରେକା ଜୀସୁ  
 ନହିଁମାରେସି, ଏଝାସି ଜୀସୁଟି ଟିଝନିଝାକି କୁଗାନା ଚିଞ୍ଜିମାରେସି । ୨୪ ସିମନ  
 ପିତର ଏଝାଣାଇଁ କେୟୁତଲେ ଏଲେଇରେସି, “ଏଝାସି ଆମ୍ବାଆରି କାତା  
 ଏଲେଇଞ୍ଜି ମାନେସି, ଏଦାଆଁ ଖେଞ୍ଜୁ ।” ୨୫ ଏ ସୀସୁ ଅଡ଼େ ତାଗେ ଆହାନା  
 ଜୀସୁଇଁ ଖେରେସି, “ଏଝାସି ଆମ୍ବାଆସି ପ୍ରଭୁ ।” ୨୬ ଜୀସୁ ଏଲେଇରେସି, “ଇ  
 ରୁଟି ଗିନାତା କୁଟି କିହାନା ହାଇଁ ଏଝାସି ।” ଏଲେଇଞ୍ଜାନା ଜୀସୁ ରୁଟି ଗିନାତା  
 କୁଟି କିହାନା ସିମନ ମାର୍‌ଏସି ଇସ୍ତାରିୟତ ଜୀହୁଦାକି ହାତେସି । ୨୭ ରୁଟି  
 ରାସାଲିଏ ସୟତାନା ଏଝାଣି ହିୟାତା ହୁଟେ । ଏଚେଟିଏ ଜୀସୁ ଏଲେଇରେସି,  
 “ଏନାଆଁ କିନାୟିମାନେ ତବେ କିମ୍ପୁ ।” ୨୮ ଜୀସୁ ଏଝାଣାଇଁ ଇ କାତା  
 ଏନାଆଁତାକି ଏଲେଇରେସି ଏଚ୍‌କାତାରି ଆମ୍ବାଆରି ପୁଞ୍ଜାଲି ଆତାଆତେରି  
 । ୨୯ ଜୀହୁଦା କେୟୁତା ଟାକାୟାଁ ମଣା ମାଚାକି, ପାରୁତାକି ଏନା ଏନାଆଁ  
 ଲଡ଼ାମାନେ, ଏଦାଆଁ କତାଲି ଆଆଟିଁ କାକୁଲି ଗାଟାରାକି ହାହାଲିତାକି  
 ଜୀସୁ ଏଝାଣାଇଁ ଏଲେଇରେସି ଇଞ୍ଜି ଆମ୍ବା ଆମ୍ବାଆରି ଅଶ୍‌ପିତେରି । ୩୦  
 ରୁଟି ଚିଞ୍ଜାନା ଜୀହୁଦା ଏ ଦେରୁଣିଏ ପାଢ୍ପାତା ହାରେସି, ଏଚେତା ଲାଆଁୟାଁ  
 ଆହାମାରେ । ୩୧ ଜୀହୁଦା ପାଢ୍ପାତା ହାଜାଲିଏ ଜୀସୁ ଏଲେଇରେସି, “ନୀଏଁ  
 ମାଣ୍‌ସି ମାର୍‌ଏସି ଗାଝୁରମି ଆନି ବେଲା ଝାହାମାନେ; ଅଡ଼େ ତାନିତାଣାଟି  
 ମାହାପୁରୁ ଗାଝୁରମି ଆନେସି । ୩୨ ମାହାପୁରୁ ମାଣ୍‌ସି ମାର୍‌ଏଣା ତାଣାଟି  
 ଗାଝୁରମି ଆତିହିଁ, ମାହାପୁରୁ ତାନୁଏ ଗାଝୁରମିଟି ମାଣ୍‌ସି ମାର୍‌ଏଣାଇଁ ଗାଝୁରମି  
 କିନେସି । ତବେ ଏଝାଣାଇଁ ଗାଝୁରମି କିହାଲି ହାଜିମାନେସି । ୩୩ କକାତେରି  
 ନାନୁ ଅଡ଼େ ଗାଡି ଦିନା ଡୟଅଁ, ମୀରୁ ନାଢ୍ଢେ ପାରାଦେରି, ସାମା ନାନୁ ଆମ୍ପିୟା  
 ହାଜିମାଇଁ ମୀରୁ ଏମ୍ପାଆଁ ହାଜାଲି ଆତଅତେରି, ଇ କାତା ଜୀହୁଦି ଲକୁଟି  
 କାଜାରାଇଁ ଏଲେଇଞ୍ଜା ମାରେଏଁ ଏଲେକିହିଁ ମିଢ୍ଢେ ଜିକେଏ ଖେସିମାଞ୍ଜାଇଁ ।  
 ୩୪ ମୀରୁ ରଅତେରି ରଅଣାଇଁ ଜୀସୁନଦୁ, ଇ ପୁଝନି ମେରା ମିଢ୍ଢେ ହାସିମାଞ୍ଜାଇଁ;  
 ନାନୁ ଏନିକିଁ ମିଢ୍ଢେ ଜୀସୁନହାଁମାଞ୍ଜାଇଁ, ମୀରୁ ଜିକେଏ ଏଲେକିହିଁଏ ରଅତେରି  
 ରଅଣାଇଁ ଜୀସୁନଦୁ । ୩୫ ମୀ ତାଣା ରଅସି ରଅଣାଇଁ ଜୀସୁନନାୟି ମାନେ,  
 ଆତିହିଁ ମୀରୁ ନା ସୀସୁୟାତେରି, ଇ କାତା ବାରେଜାଣା ପୁନେସି ।” ୩୬  
 ସିମନ ପିତର ଏଝାଣାଇଁ ଖେରେସି, “ପ୍ରଭୁ ନାନୁ ଆମ୍ପିୟା ହାଜିମାଞ୍ଜି?” ଜୀସୁ  
 ଏଲେଇରେସି, “ନାନୁ ଆମ୍ପିୟା ହାଜିମାଇଁ, ନାନୁ ନୀଏଁ ନା ଜେଚ ଜେଚ  
 ହାଜାଲି ଆତଅତି, ସାମା ତାୟୁ ହାଜି ।” ୩୭ ପିତର ଏଝାଣାଇଁ ଏଲେଇରେସି,

“ପ୍ରଭୁ ନୀର୍ଦ୍ଦେଶନା ନାହିଁ ଏବଂ ନାହିଁ କି ହାଜାରି ଆଡ଼େ? ନାନୁ ନୀ ତାକି ନା ଜୀବୁ ଜିକେଏ ହାଲ୍ ।” ୩୮ ଜୀବୁ ଏଲେଇରେସି, “ଏନାଆଁ ନାନୁ ନା ତାକି ନୀ ଜୀବୁ ହାଦି? ନାନୁ ନିଜ୍ଞେ ସାତା ଖେସିମାଞ୍ଜାଲ୍, କୟୁ କେଶିଆ ନକେଏ ନାନୁ ନାଜ୍ଞେ ତାନିପାଲି ପୁଞ୍ଜାହିଲଅଁ ଇଞ୍ଜି ଇଞ୍ଜାଦି ।”

**୧୪** “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ଡାଶା ନାମାଦୁ, ଅଡ଼େ ନା ଡାଶା ଜିକେଏ ନାମାଦୁ । ୨ ନା ଆବାତି ଇଜ ହାରେକା ବାସାଟାୟୁ ମାନେ; ବାସାଟାୟୁ ହିଲଆତିହିଁମା ନାନୁ ମିଜ୍ଞେ ଖେସୁଆତେଏଁମା, ନାନୁ ମିଜ୍ଞେତାକି ଟାୟୁ ତିୟାରା କିହାଲି ହାଜିମାଲ୍; ୩ ଅଡ଼େ ନାନୁ ହାଜାନା ମିଜ୍ଞେତାକି ଟାୟୁ କେପିତି ଡାୟୁ, ଖେଶ୍ଟେ ଖାଲ୍, ଅଡ଼େ ନାନୁ ଆମ୍ବିୟା ମାଲ୍, ମୀରୁ ଜିକେଏ ଏନିକି ଏ ଟାୟୁତା ଡିୟେଦେରି, ଏଦାଆଁତାକି ମିଜ୍ଞେ ଏ ଟାୟୁତା ଅହିଁ ହାଜାଲ୍ । ୪ ନାନୁ ଆମ୍ବିୟା ହାଜିମାଲ୍ ଏ ଜିରୁ ପୁଞ୍ଜାମାଞ୍ଜେରି ।” ୫ ଡ଼ମା ଏଲେଇରେସି, “ପ୍ରଭୁ, ନାନୁ ଆମ୍ବିୟା ହାଜିମାଞ୍ଜି, ମୀପୁ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁତି ଏନିକି ପୁନମି?” ୬ ଜୀବୁ ଏଲେଇରେସି, “ନାନୁ ଜିରୁ, ସାତା ଅଡ଼େ ଜୀବୁତେଏଁ; ନା ଡାଶାଟି ଡାକାଆସାରେ ଆମ୍ବାଆସି ଆବା ଡାଶା ହାଜାଲି ଆଡ଼ଅସି । ୭ ମୀରୁ ନାଜ୍ଞେ ପୁଞ୍ଜାତିହିଁମା, ନା ଆବାଲ୍ ଜିକେଏ ପୁରେରିମା; ନୀର୍ଦ୍ଦେଶନା ଏଖାଣାଲ୍ ପୁଞ୍ଜାମାଞ୍ଜେରି ଅଡ଼େ ଏଖାଣାଲ୍ ମେସାମାଞ୍ଜେରି ।” ୮ ପିଲିପ ଏଖାଣାଲ୍ ଏଲେଇରେସି, “ପ୍ରଭୁ, ମାଜ୍ଞେ ଆବାଲ୍ ଡ଼ସ୍ତାୟୁ, ଏରେକେଏ ମାଜ୍ଞେତାକି ସାରି ।” ୯ ଜୀବୁ ଏଲେଇରେସି, “ପିଲିପ ଇଚର ଦିନା ନାନୁ ମୀ ତଲେ ଡିୟାମାଲ୍, ମୀରୁ ଏନାଆଁ ନାଜ୍ଞେ ପୁଞ୍ଜାଆତେରି? ଆମ୍ବାଆସି ନାଜ୍ଞେ ମେସାମାଞ୍ଜାନେସି ଏଖାସି ଆବାଲ୍ ମେସାମାନେସି; ମାଜ୍ଞେ ଆବାଲ୍ ଡ଼ସ୍ତାୟୁ ଇଞ୍ଜି ଏନିକି ଏଲେ ଇଞ୍ଜିମାଞ୍ଜି? ୧୦ ନାନୁ ଆବା ଡାଶା ଅଡ଼େ ଆବା ନା ଡାଶା ମାନେସି, ଇ କାତା ଏନାଆଁ ମୀରୁ ନାମିହିଲଅତେରି? ନାନୁ ମିଜ୍ଞେ ଏମିନି କାତା ଖେସିମାଞ୍ଜାଲ୍, ଏ ବାରେ ନା ଡାଶାଟି ଖେସିମାଞ୍ଜାଅଁ, ସାମା ଆବା ନା ଡାଶା ମାଞ୍ଜାନା ତାନି କାମା କିହିମାନେସି । ୧୧ ନାନୁ ଆବା ଡାଶା ମାଲ୍ ଅଡ଼େ ଆବା ନା ଡାଶା ମାନେସି ଇ କାତା ନାମାଦୁ, ଆଆତି କାମାଟି ମେସାନା ନାମାଦୁ । ୧୨ ନାନୁ ମିଜ୍ଞେ ସାତା ଖେସିମାଞ୍ଜାଲ୍, ଆମ୍ବାଆସି ନା ଡାଶା ନାମିନେସି, ନାନୁ ଏନି ଏନି କାମା କିହିମାଲ୍, ଏଖାସି ଜିକେଏ ଏ ବାରେ କିନେସି, ଅଡ଼େ ଏ ବାରେକିହିଁ ହାରେକା କାଜା କାମା କିନେସି, ଇଚିହିଁ ନାନୁ ଆବା ଡାଶା ହାଜିମାଲ୍ । ୧୩ ଆବା ଏନିକି ମୀରୁଏଶା ଡାଶା ଗାଞ୍ଜୁରିମି ଆନେସି, ଏଦାଆଁତାକି ମୀରୁ ନା ଡ଼ରୁତି ଏନାଆଁ

ରାହୁଦେରି, ଏ ବାରେ ନାନୁ ହିୟାକ୍ । ୧୪ ମାରୁ ନା ଦରୁତି ଏନାଆଁ ନାଢ୍ଢେ  
 ରାସ୍ତାଦେରି, ନାନୁ ମିଢ୍ଢେ ଏ ବାରେ ହିୟାକ୍ ।” ୧୫ “ମାରୁ ନାଢ୍ଢେ ଜୀଢ୍ଢୁନହିଁ  
 ମାଞ୍ଜାଦେରି, ଆତିହିଁ ନା ହୁକୁମି ମାନଢ୍ଢି ଆନୁ । ୧୬ ଅଡେ ନାନୁ ନା ଆବାକ୍  
 ବାଡିମାଲିକ୍, ଅଡେ ମୀ ତଲେ କାଲେଏ ଡୟାଲି ତାକି ଏଞ୍ଢାସି ମିଢ୍ଢେ ଅଡେ ର  
 ସାୟେମି କିନାଶାକ୍, (aiōn g165) ୧୭ ଇତିହିଁ ଏ ସାତା ଜୀଢ୍ଢୁତି ହିୟାନେସି ।  
 ଦାରୁତି ଏଦାଣି ଆବାଲି ଆଡେଏ, ଇତିହିଁ ଦାରୁତି ଏଦାଣି ମେସା ହିଲେଏ କି  
 ପୁଞ୍ଜା ହିଲେଏ; ମାରୁ ଏଦାଣି ପୁଞ୍ଜାମାଞ୍ଜେରି, ଇତିହିଁ ଏଦି ମୀ ତଲେ ମାନେ,  
 ଅଡେ ଏଦି ମୀ ହିୟାତା ଡୟିନେ ।” ୧୮ “ନାନୁ ମିଢ୍ଢେ କାର୍ମା କିହା ହାଜଅଁ,  
 ନାନୁ ମୀ ତାଶା ଖେଶ୍ଢା ଖାକ୍ । ୧୯ ଗାଡେକା ଡେତ ଦାରୁତି ଅଡେ ନାଢ୍ଢେ  
 ମେସାଲି ଆଡେଏ; ସାମା ମାରୁ ନାଢ୍ଢେ ମେସାଦେରି, ଇତିହିଁ ନାନୁ ନୀତାମାକ୍,  
 ଅଡେ ମାରୁ ଜିକେଏ ନୀତାନା ଡୟିଦେରି । ୨୦ ନାନୁ ନା ଆବା ତାଶା ଅଡେ  
 ମାରୁ ନା ତାଶା ଅଡେ ନାନୁ ମୀ ତାଶା ଡୟିକ୍, ଇଦାଆଁ ଏ ଦିନା ମାରୁ ପୁଞ୍ଜେରି  
 ।” ୨୧ “ଆମ୍ବାଆସି ନା ହୁକୁମି ଆବାହାଁ ମାନଢ୍ଢି ଆନେସି, ଏଞ୍ଢାସି ନାଢ୍ଢେ  
 ଜୀଢ୍ଢୁ ନୟାଁନେସି, ଅଡେ ଆମ୍ବାଆସି ନାଢ୍ଢେ ଜୀଢ୍ଢୁ ନୟାଁନେସି, ନା ଆବା  
 ଏଞ୍ଢାଶାକ୍ ଜୀଢ୍ଢୁ ନେସି, ଅଡେ ନାନୁ ଏଞ୍ଢାଶାକ୍ ଜୀଢ୍ଢୁ ନକ୍ ଅଡେ ଏଞ୍ଢାଣି  
 ତାଶା ଡସାକଡିକ୍ ।” ୨୨ ଜୀହୁଦା ଏଞ୍ଢାଶାକ୍ ଏଲେଇରେସି, “ଏ ପ୍ରବୁ, ଏନାଆଁ  
 ଆତେ, ନାନୁ ଦାରୁତିତା ନିଢ୍ଢେ ଡସା କତାଆନା ମା ତାଶା ଡସିମାଞ୍ଜାଦି?” ୨୩  
 ଜୀସୁ ଏଞ୍ଢାଶାକ୍ ଏଲେଇରେସି, “ଆମ୍ବାଆସି ନାଢ୍ଢେ ଜୀଢ୍ଢୁ ନୟାଁନେସି ଆତିହିଁ  
 ଏଞ୍ଢାସି ନା ବଲୁତି ମାନଢ୍ଢି ଆନେସି, ଅଡେ ନା ଆବା ଏଞ୍ଢାଶାକ୍ ଜୀଢ୍ଢୁ ନେସି,  
 ଅଡେ ନାନୁ ଏଞ୍ଢାଣି ତାଶା ଖାହାନା ଏଞ୍ଢାଣିତଲେ ବାସା କିକ୍ । ୨୪ ଆମ୍ବାଆସି  
 ନାଢ୍ଢେ ଜୀଢ୍ଢୁ ନୟାଁଅସି, ଏଞ୍ଢାସି ନା ବଲୁତି ମାନଢ୍ଢି ଆଅସି, ଅଡେ ମାରୁ ଏମିନି  
 ବଲୁ ଖେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଢ୍ଢେ ପାଶ୍ଢାମାଞ୍ଜାନି ଆବା  
 ମାହାପୁରୁଞ୍ଢାୟି ।” ୨୫ “ନାନୁ ମୀ ତାଶା ମାଞ୍ଜା ମାଞ୍ଜାନା ମିଢ୍ଢେ ଇ କାତା  
 ଖେସ୍ତାଡେଏ । ୨୬ ସାମା ଏ ସାୟେମି କିନାୟି, ଇତିହିଁ ଏମିନି ସୁଦୁଜୀଢ୍ଢୁ ଆବା  
 ନା ଦରୁତି ହିୟାନେସି, ଏଦି ମିଢ୍ଢେ ବାରେ ଜାପହାନେ, ଅଡେ ନାନୁ ମିଢ୍ଢେ  
 ଏନା ଏନାଆଁ ଖେସାମାଞ୍ଜାକ୍, ଏ ବାରେ ମିଢ୍ଢେ ଅଶ୍ଢି କିୟାନେ ।” ୨୭ “ନାନୁ  
 ମିଢ୍ଢେ ହିଡଡି ହାହାନା ହାଜିମାକ୍, ନା ହିଡଡି ମିଢ୍ଢେ ଦାନା କିହିମାଞ୍ଜାକ୍;  
 ଦାରୁତି ଏନିକ୍ ଦାନା କିନେ ନାନୁ ମିଢ୍ଢେ ଏଲେକ୍ ଦାନା କିହିହିଲଅଁ, ମୀ  
 ହିୟାଁ କିଲିବିଲି ଅଡେ ଆଜି ଗାଟାୟି ଆଆପେ । ୨୮ ନାନୁ ହାଜିମାକ୍ ଅଡେ

ମୀ ତାଣା ଖେଣ୍ଡା ଖାଇ, ଇ ନା କାତା ଖେଣ୍ଡାମାଞ୍ଜେରି । ମୀରୁ ନାଢ଼େ ଜୀଝୁ ନୟାତିହିଁମା, ନାନୁ ନା ଆବା ତାଣା ହାଜିମାଇଁ ଇଞ୍ଜି ରାହାଁ କିତେରିମା, ଇତିହିଁ ଆବା ନା କିହାଁ କାଜାସି । ୨୯ ଏନାୟି ବାରେ ଗଟଝି ଆନାୟି ମାନେ, ଏ ନକେଏ ନାନୁ ମିଢ଼େ ଖେସ୍ତାତେଏଁ । ଏ ବାରେ ଗଟଝି ଆତିସାରେ ମୀରୁ ନାଢ଼େ ନାମାଦେରି । ୩୦ ନାନୁ ମୀ ତଲେ ହାରେକା କାତା ଆୟୁଅଁ, ଇତିହିଁ ଦାର୍ତ୍ତିତି ସାଲଝି କିନାୟି ଖାହିମାନେ; ଅଡେ ନା ତାଣା ତାନିଖାୟି ଏନାୟି ହିଲେଏ; ୩୧ ସାମା ଆବା ନାଢ଼େ ଏନିକିଁ ହୁକୁମି ହୀହାମାଞ୍ଜାନେସି, ଏଲେକିହିଁ ନାନୁ କାମା କିଇଁ । ଆତିହିଁ ନାନୁ ଆବାଇଁ ଜୀଝୁ ନହିଁମାଇଁ ଇଞ୍ଜି ଦାର୍ତ୍ତି ପୁନେ ।” “ଖାଦୁ ମାର, ଇମ୍ପାଟି ହାନ ।”

**୧୫** “ନାନୁ ସାତା ଅଢ଼ୁରି ମାଡ଼ା, ଅଡେ ନା ଆବା କାମାକିନାସି । ୨ ନା ତାଣା ମାନି ଏନିନି କମା ପାଡେୟି ଆୟେଏ, ଏଦାନି ଏଖାସି ଗୁଣ୍ଡାତୁହ୍ନେସି; ଅଡେ ଏନିନି କମା ପାଡେୟି ଆୟିନେ, ଗାତି ପାଡେୟି ଆୟାଲି ତାକି ଜାଡ଼ନୁ କିନେସି । ୩ ନାନୁ ମିଢ଼େ ଏନିନି ବଲୁ ଖେସାମାଞ୍ଜାଇଁ, ଏଦାଆଁତାକି ଜାଡ଼ନୁ ଆହାମାଞ୍ଜେରି । ୪ ନା ତାଣା ଡୟାଦୁ ଆତିହିଁ ନାନୁ ମୀ ତାଣା ଡୟିଇଁ । କମା ଏନିକିଁ ଅଢ଼ୁରି ମାଡ଼ାତା ଡୟାଆସାରେ ତାନିତାଣାଟି ପାଡେୟି ଆୟାଲି ଆଡେଏ, ଏଲେକିହିଁଏ ମୀରୁ ଜିକେଏ ନା ତାଣା ଡୟାଆସାରେ ପାଡେୟି ଆୟାଲି ଆଡଅଡେରି ।” ୫ “ନାନୁ ଅଢ଼ୁରି ମାଡ଼ା ମୀରୁ କମାୟାଁ, ଆମ୍ପାଆସି ନା ତାଣା ଡୟିନେସି ଅଡେ ନାନୁ ଆମ୍ପାଆରି ତାଣା ଡୟିଇଁ, ଏଖାସି ହାରେକା ପାଡେୟି ଆୟିନେସି; ଇତିହିଁ ନା ପିସପେ ମୀରୁ ଏନାଆଁ କିହାଲି ଆଡଅଡେରି । ୬ ଆମ୍ପାଆସି ନା ତାଣା ଡୟଅସି, ଆତିହିଁ ଏଖାସି କମା ଲେହେଁ ପାଢ଼ାତା ମେଡ଼ପି ଆନେସି ଅଡେ ଖାୟା ହାନେସି, ଇଞ୍ଜି ଲକୁ ଏଖାଆଁ କୁଡ଼ି କିହାନା ହିରୁତା ମେଡ଼ନେରି ଅଡେ ଏଝି ବାରେ ଖେହାହାନୁ । ୭ ମୀରୁ ନା ତାଣା ଡୟିଦେରି, ଅଡେ ନା ବଲୁ ମୀ ତାଣା ଡୟିନେ, ଆତିହିଁ ମୀରୁ ଏନାଆଁ ମନ କିଦେରି, ଏଦାଆଁ ରାହ୍‌ଦୁ, ଆତିହିଁ ଏଡି ମିଢ଼େତାକି କିଝିଆନେ । ୮ ମୀରୁ ହାରେକା ପାଡେୟି ଆୟିସାରେ ନା ଆବା ଗାଝୁରମି ଆନେସି, ଅଡେ ମୀରୁ ନା ସାତା ସୀସୁ ଆଦେରି । ୯ ଏନିକିଁ ଆବା ନାଢ଼େ ଜୀଝୁ ନହିଁମାଞ୍ଜାନେସି, ନାନୁ ଜିକେଏ ଏଲେକିହିଁଏ ମିଢ଼େ ଜୀଝୁନହିଁମାଞ୍ଜାଇଁ; ନା ଜୀଝୁ ନଝୁତା ତୀରିଆହାନା ଡୟାଦୁ । ୧୦ ନାନୁ ଏନିକିଁ ନା ଆବାତି ହୁକୁମି ମାନଝି ଆହାନା ତାନି ଜୀଝୁ ନଝୁତା ତୀରିଆହାନା ଡୟିମାଇଁ, ଏଲେକିହିଁଏ ମୀରୁ ଜିକେଏ ନା କାତା ମାନଝି

ଆଦେରି, ଆତିହିଁ ନା ଜୀଝୁ ନଝୁତା ତାରିଆହାନା ଡ଼ୟିଦେରି ।” ୧୧ “ଏନିକିଁ ନା  
 ରାହାଁ ମୀ ତାଣା ଡ଼ୟିନେ, ଅଡ଼େ ମୀ ରାହାଁ ଏନିକିଁ ପୁରାଆନେ, ଏଦାଆଁତାକି  
 ଇ ବାରେ ମିଡ଼େ ଖେସ୍ତାତେଏ । ୧୨ ନାନୁ ଏନିକିଁ ମିଡ଼େ ଜୀଝୁନହାଁମାଞ୍ଜାଇଁ,  
 ମୀରୁ ଜିକେଏ ଏଲେକିହିଁଏ ରଅତେରି ରଅଣାଇଁ ଜୀଝୁନଦୁ ଇଦି ନା ହୁକୁମି ।  
 ୧୩ ଜାହାରା ତଣେସିଡ଼୍ଡା ତାକି ଜୀଝୁହାନି କିହାଁ ଅଡ଼େ କାଜା ଜୀଝୁନନାୟି  
 ହିଲେଏ । ୧୪ ନାନୁ ମିଡ଼େ ଆମିନି ହୁକୁମି ହୀହାମାଞ୍ଜାଇଁ, ଏଦାଆଁ ମୀରୁ  
 ମାନଖି ଆଦେରି ଆତିହିଁ ମୀରୁ ନା ତଣେସିଡ଼୍ଡା । ୧୫ ନାନୁ ମିଡ଼େ ଅଡ଼େ  
 ହଲେଏସି ଇଞ୍ଜିଁ ମାଞ୍ଜୁଅଁ, ଇତିହିଁ ସାଝୁକାରି ଏନାଆଁ କିନେସି, ହଲେଏସି  
 ଏଦାଆଁ ପୁନଅସି, ସାମା ନାନୁ ମିଡ଼େ ତଣେ ଇଞ୍ଜିମାଞ୍ଜାଇଁ, ଇତିହିଁ ନାନୁ ନା  
 ଆବା ତାଣାଟି ଏନା ଏନାଆଁ ଖେଞ୍ଜାମାଇଁ, ଏ ବାରେ ମିଡ଼େ ଖେସାମାଞ୍ଜାଇଁ ।  
 ୧୬ ମୀରୁ ନାଡ଼େ ଆଚା ମାଞ୍ଜୁଅତେରି, ସାମା ନାନୁ ମିଡ଼େ ଆଚାମାଞ୍ଜାଇଁ, ଅଡ଼େ  
 ମୀରୁ ଏନିକିଁ ପାଡ଼େୟି ଆୟାଲି ଆଡ଼ିଦେରି ଅଡ଼େ ମୀ ପାଡ଼େୟି ତାରିଆହାନା  
 ଡ଼ୟିନେ, ଏଦାଆଁତାକି ମିଡ଼େ ଆଚାମାଞ୍ଜାଇଁ । ଏଚେଟିଏ ମୀରୁ ନା ଦରୁତଲେ  
 ଆବାଇଁ ଏନାଆଁ ରୀହଦେରି ଏଝାସି ମିଡ଼େ ହିୟାନେସି । ୧୭ ମୀରୁ ଏନିକିଁ  
 ରଅତେରି ରଅଣାଇଁ ଜୀଝୁ ନଦେରି, ଏଦାଆଁତାକି ନାନୁ ଇ ବାରେ ହୁକୁମି  
 ହୀହିମାଞ୍ଜାଇଁ ।” ୧୮ “ଦାର୍ତ୍ତି ମିଡ଼େ ଅପେଏ, ଆତିହିଁ ମିଡ଼େ ଅପାଆ ନକେଏ  
 ନାଡ଼େ ଅପାମାଞ୍ଜେଏ, ଇଦାଆଁ ପୁଞ୍ଜାମାଞ୍ଜୁ । ୧୯ ମୀରୁ ଦାର୍ତ୍ତିତାତେରି  
 ଆହାମାଡ଼ିହିଁମା, ଦାର୍ତ୍ତି ମିଡ଼େ ନା ଲକୁ ଇଞ୍ଜିଁ ପୁଞ୍ଜାମା ଜୀଝୁ ନୟାତେମା; ମୀରୁ  
 ଦାର୍ତ୍ତିଟି ଝାହା ହିଲଅତେରି, ସାମା ନାନୁ ମିଡ଼େ ଦାର୍ତ୍ତିଟି ଆଚାମାଞ୍ଜାଇଁ,  
 ଏଦାଆଁତାକି ଦାର୍ତ୍ତି ମିଡ଼େ ଅପେଏ । ୨୦ ହଲେଏସି ସାଝୁକାରି କିହାଁ କାଜାସି  
 ଆଏ, ନାନୁ ମିଡ଼େ ଏମିନି ବଲୁ ଖେସାମାଞ୍ଜାଇଁ, ଏଦାଆଁ ଅଣ୍ପାଦୁ । ଏଝାରି  
 ନାଡ଼େ ସାସ୍ତି ହୀହାମାଞ୍ଜାନେରି, ଆତିହିଁ ମିଡ଼େ ଜିକେଏ ସାସ୍ତି ହିୟାନେରି;  
 ଅଡ଼େ ଏଝାରି ନା ବଲୁତି ମାନଖି ଆହାମାନେରି, ଆତିହିଁ ମୀ ବଲୁ ଜିକେଏ  
 ମାନଖି ଆନେରି । ୨୧ ସାମା ଏଝାରି ନାଡ଼େ ପାଣ୍ଡାତାଣାଇଁ ପୁଞ୍ଜାହିଲଆକି,  
 ନା ଦରୁ ତାକି ମିଡ଼େ ଇ ବାରେ ଆନେ । ୨୨ ନାନୁ ଝାହାନା ଏଝାରାଇଁ  
 ଖେହୁଆଡ଼ିହିଁ, ଏଝାରି ପାପୁ ଗାଟାରି ଆଆତେରିମା; ସାମା ନୀଏଁ ଇ ପାପୁ ତାକି  
 ଏନି ମିତି କାତା ଖେସାଲି ଆଡ଼ଅରି ୨୩ ଆମ୍ବାଆସି ନାଡ଼େ ଅପଅସି, ଏଝାସି  
 ନା ଆବାଇଁ ଜିକେଏ ଅପଅସି । ୨୪ ନାନୁ ଏଝାରିତାଣା ଏନି କାବାଆନି  
 କାମା କିହାହିଲଆଡ଼ି, ଏଝାରି ପାପୁ ଗାଟାରି ଇଞ୍ଜିଁ ଏଜିକିଝି ଆଆତେରିମା ।

ସାମା ନା ବାରେ କାମା ମେସାନା ଜିକେଏ ଏଞ୍ଜାରି ନାଡ୍ରେ ଅଡ଼େ ନା ଆବାଇଁ  
 ଅପାହିଲଅରି । ୨୫ ସାମା ଏଞ୍ଜାରି ନାଡ୍ରେ ଉଜେଏ ଅପାମାଞ୍ଜୁଅରି, ମସା  
 ମେରାତା ରାସକି ଆହାମାନାୟି ଏନିକି ପୁରା ଆନେ ଇଦାଆଁତାକି ଇ ବାରେ  
 ଆହିମାନେ ।” ୨୬ “ଆବା ତାଣାଟି ନାନୁ ମୀ ତାଣା ଏମିନି ସାୟେମି କିନାଣି  
 ପାଣ୍ଡାଇଁ, ଆବା ତାଣାଟି ଖାନି ଏ ସାତା ଜୀଞ୍ଜୁ ଖାତିହିଁ ନା କାତା ସାକି ହିୟାନେ;  
 ୨୭ ମୀରୁ ଜିକେଏ ନା କାତାତାକି ସାକି ହୀଦେରି, ଇତିହିଁ ମୁଲୁଟିଏ ମୀରୁ  
 ବାରେ ନା ତଲେ ମାଚେରି ।”

**୧୭** “ମୀ ନାମୁଟି ଏନିକି ପିହୁଅଚେରି, ଇଦାଆଁତାକି ଇ ବାରେ କାତା  
 ଖେସାମାଞ୍ଜୁଇଁ । ୧ ଏଞ୍ଜାରି ମିଡ୍ରେ କୁଲମଟି ହୁପୁହାନେରି, ଇଲେତି ଦିନା  
 ଖାହିମାନେ, ଏଚେତା ଆମ୍ବାଆସି ମିଡ୍ରେ ପାୟାନେସି, ଏଞ୍ଜାସି ମାହାପୁରୁ  
 ତାକି ଜହରାତି ପୂଜା କିହିମାଇଁ ଇଞ୍ଜି ଅଶ୍ପିନେସି । ୩ ଲକୁ ଇ ବାରେ  
 କିୟାନେରି, ଇତିହିଁ ଏଞ୍ଜାରି ଆବା ଆଆର୍ଟି ନାଡ୍ରେ ପୁଞ୍ଜାମାଞ୍ଜୁଅରି । ୪ ଇ ବାରେ  
 ଗଚ୍ଢି ଆତିସାରେ, ନାନୁ ମିଡ୍ରେ ଖେସାମାଞ୍ଜୁଚେଏଁ ଇ କାତା ମୀରୁ ଏନିକି  
 ଅଶ୍ପିଦେରି, ଇଦାଆଁତାକି ଇ ବାରେ କାତା ମିଡ୍ରେ ଖେସାମାଞ୍ଜୁଇଁ । ନାନୁ ମୀ  
 ତଲେ ମାତାକି ମୁଲୁଟିଏ ଇ ବାରେ କାତା ମିଡ୍ରେ ଖେସାମାଞ୍ଜୁଅଁ ।” ୫ “ସାମା  
 ନାନୁ ନୀଏଁ ନା ପାଣ୍ଡାତାଣା ତାଣା ହାଜିମାଇଁ, ଅଡ଼େ ମୀରୁ ଆମ୍ବିୟା ହାଜିମାଞ୍ଜୁ  
 ଇଞ୍ଜି ମୀ ବିତ୍ରାଟି ଆମ୍ବାଆଚେରି ନାଡ୍ରେ ଖେଞ୍ଜି ମାଞ୍ଜୁଅଚେରି । ୬ ସାମା ନାନୁ ଇ  
 ବାରେ କାତା ଖେସାମାଞ୍ଜୁନାକି ମୀ ହିୟାଁ ହାରେକା ଦୁକୁ ଆହିମାନେ । ୭  
 ସାମା ନାନୁ ମିଡ୍ରେ ସାତା ଖେସିମାଞ୍ଜୁଇଁ, ନାନୁ ହାନାୟି ମିଡ୍ରେତାକି ନେହେଁ,  
 ଇତିହିଁ ନାନୁ ହାଲଆସାରେ ଏ ସାୟେମି କିନାୟି ମୀ ତାଣା ଖାଏ, ସାମା ନାନୁ  
 ହାତିସାରେ ଏଦାଣି ମୀ ତାଣା ପାଣ୍ଡାଇଁ । ୮ ଏଦି ଖାହାନା ପାପୁ, ଦାମ୍ବୁ ଅଡ଼େ  
 ମାହାପୁରୁଟି ବିଚାରାତି କାତା ଇ ଦାର୍ତତି ଲକୁଣି ଖେହନେ; ୯ ପାପୁଟି କାତା,  
 ଇତିହିଁ ଏଞ୍ଜାରି ନା ତାଣା ନାମା ହିଲଅରି; ୧୦ ଦାମ୍ବୁଟି କାତା, ଇତିହିଁ ନାନୁ  
 ଆବା ତାଣା ହାଜିମାଇଁ ମୀରୁ ଅଡ଼େ ନାଡ୍ରେ ମେସୁଅଚେରି; ୧୧ ବିଚାରାତି  
 କାତା, ଇତିହିଁ ଇ ଦାର୍ତ ସାଲଖି କିନାରି ବିଚାରା କିଖି ଆହାମାନେରି ।” ୧୨  
 “ମିଡ୍ରେ ନାନୁ ଅଡ଼େ ହାରେକା କାତା ଖେସୁନାୟିମାନେ, ସାମା ନୀଏଁ ମୀରୁ  
 ଏ ବାରେ ଅରୁହାଲି ଆଡଅଚେରି ୧୩ ସାମା ସାତାତି ଜୀଞ୍ଜୁ ଖାତିସାରେ,  
 ଏଦି ବାରେ ସାତାତି ତେଲହାଲି ବାଡ଼ୟୁ ହିୟାନେ, ଏଦି ମିଡ୍ରେ ଜିରୁ ତସାନା  
 ତାନିତାଣାଟି ଏନାଆଁ ଖେହଏ, ମାହାପୁରୁ ତାଣାଟି ଏନା ଏନାଆଁ ଖେଞ୍ଜାମାନେ



ଖାରୁଇ ଏତେକେଏ ଖେହ୍ନେ, ଅଡ଼େ ଏନାୟି ଆହାଲି ହାଜିମାନେ ଏଦାଆଁ  
 ଏଦି ଖେସ୍ତାନେ । ୧୪ ଏଖାସି ନାଡ଼େ ଗାଖୁରମି କିୟାନେସି, ଇଚିହିଁ ନା ଡାଶାଟି  
 ବାରେ କାତା ପୁଞ୍ଜାନା ଏଦି ଏଦାଆଁ ମୀ ଡାଶା ଖେସ୍ତାନେ । ୧୫ ଏନା ଏନାୟି  
 ଆବାଖାୟି, ଏ ବାରେ ନାଦି; ଇଦାଆଁତାକି ନାନୁ ଏଲେଇଞ୍ଜାତେଏଁ, ଏଖାସି  
 ନା କାତା ଅହାନା ମିଡ଼େ ଖେସ୍ତାନେସି ।” ୧୬ “ଗାଡ଼େକା ଜେଚ ମୀରୁ ଅଡ଼େ  
 ନାଡ଼େ ମେସ୍ତୁଅତେରି, ସାମା ଏଚରଦିନା ଜେଚ ମେସ୍ତାଦେରି ।” ୧୭ ଏତେଟିଏ  
 ତାନି ସୀସୁୟାଁ ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଗାଡ଼େକା ଜେଚ  
 ନାଡ଼େ ମେସ୍ତୁଅତେରି, ଅଡ଼େ ଏଚରଦିନା ହାଚି ଡାୟୁ ନାଡ଼େ ମେସ୍ତାଦେରି,  
 ନାନୁ ଆବା ଡାଶା ହାଜିମାଲ୍, ଏଖାସି ଏମିନି କାତା ମାଡ଼େ ଖେସ୍ତାତେସି, ଇଦି  
 ଏନାୟି?” ୧୮ ଏଖାରି ଏଲେଇଚେରି, “ଗାଡ଼େକା ଇଞ୍ଜିଁ ଏନାଆଁ ଏଲେଇଞ୍ଜି  
 ମାନେସି? ଏଖାସି ଏନାଆଁ ଏଲେଇଞ୍ଜି ମାନେସି ମାନୁ ତେଲହାଲି ଆଡିହିଲଅମି  
 ।” ୧୯ ସୀସୁୟାଁ ତାଡ଼େ ଖେଞ୍ଜାଲି ଅଶ୍ପିମାନେରି ଇଞ୍ଜିଁ ପୁଞ୍ଜାନା ଜୀସୁ ଏଖାରାଲ୍  
 ଏଲେଇଚେସି, “ଗାଡ଼େକା ଜେଚ ନାଡ଼େ ମେସ୍ତୁଅତେରି, ଅଡ଼େ ଏଚରଦିନା  
 ହାଚି ଡାୟୁ ନାଡ଼େ ମେସ୍ତାଦେରି, ନାନୁ ଇ ଏମିନି କାତା ମିଡ଼େ ଖେସ୍ତାତେଏଁ, ଏ  
 କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି? ୨୦ ନାନୁ ମିଡ଼େ  
 ସାତା ଖେସିମାଞ୍ଜାଲ୍, ମୀରୁ ଦୁକୁଆହିଁ ଡାଦେରି, ସାମା ଦାର୍ତ୍ତି ରାହାଁ କିନେ;  
 ମୀରୁ ଦୁକୁ ଆଦେରି, ସାମା ମୀ ଦୁକୁ ରାହାଁତା ତିରି ମୀଶ୍ନେ । ୨୧ ଜାନିକିନି  
 ବେଲା ଖାତିସାରେ ଇୟା ଦୁକୁ ବେଟାଆନେ; ସାମା ଏଦି କକାଶାଲ୍ ଜାନି  
 କିଚି ଡାୟୁ ଦାର୍ତ୍ତିତା ର ମାଶ୍ସି ଜାନା ଆହାମାନେସି, ଇ ରାହାଁତାକି କସ୍ତୁତି  
 ଅଶ୍ପେଏଦେଁ । ୨୨ ଏଲେକିହିଁଏ ମୀରୁ ନୀଏଁ ଦୁକୁ ବେଟାଆହିମାଞ୍ଜେରି,  
 ସାମା ନାନୁ ଅଡ଼େ ଖେଶ୍ଟେ ମିଡ଼େ ଡ଼ଞ୍ଜା ଆୟାଲ୍, ଅଡ଼େ ମୀ ହିୟାଁ ରାହାଁ ଆନେ  
 ଅଡ଼େ ଆମ୍ବାଆସି ମୀ ଡାଶାଟି ମୀ ରାହାଁ ମୀଞ୍ଜା ଅୟଅସି ।” ୨୩ “ଏ ଦିନା  
 ମୀରୁ ନାଡ଼େ ଏନାଆଁ ଖେଞ୍ଜାଅତେରି । ନାନୁ ମିଡ଼େ ସାତା ଖେସିମାଞ୍ଜାଲ୍,  
 ମୀରୁ ଆବାଲ୍ ଏନାଆଁ ରୀହ୍ଦେରି, ଏଖାସି ନା ଦରୁତଲେ ମିଡ଼େ ହିୟାନେସି  
 । ୨୪ ନୀଏଁ ପାତେକା ନା ଦରୁତଲେ ଏନାଆଁ ରୀସା ହିଲଅତେରି; ରୀହ୍ଦୁ  
 ଏନିକିଁ ମୀ ରାହାଁ ଗାଡ଼ି ଆନେ, ଏଦାଆଁତାକି ମୀରୁ ଏଦାଆଁ ବେଟାଆଦେରି ।”  
 ୨୫ “ନାନୁ ମିଡ଼େ ପୁଶ୍ପିକିନି କାତାତଲେ ଇ ବାରେ ଖେସାମାଞ୍ଜାଲ୍; ଦିନା  
 ଖିହିମାନେ, ଏଚିବେଲା ନାନୁ ଅଡ଼େ ପୁଶ୍ପିକିନି କାତାତଲେ ମିଡ଼େ ଖେସ୍ତୁଅଁ,  
 ଆବାତି କାତା ତୀରେତଲେ ଖେସ୍ତାଲ୍ । ୨୬ ଏ ଦିନା ମୀରୁ ନା ଦରୁତଲେ

ରୀହଦେରି; ଅଡେ ନାନୁ ମୀ ଖକିଟି ଆବାଇଁ ବାତିମାଲିଇଁ, ଇ କାତା ନାନୁ ମିଡ୍ରେ ଖେସିମାଞ୍ଜୁଅଁ; ୨୭ ଇଚିହିଁ ଆବା ତାନୁଏ ମିଡ୍ରେ ଜୀଝୁ ନହାଁମାଞ୍ଜୁନେସି, ମୀରୁ ନାଡ୍ରେ ଜୀଝୁନହିଁ ମାଞ୍ଜୁଦେରି ଅଡେ ନାନୁ ମାହାପୁରୁ ତାଣାଟି ଖାହାମାଇଁ, ଏଦାଆଁ ମୀରୁ ନାମାମାଞ୍ଜେରି । ୨୮ ନାନୁ ଆବା ତାଣାଟି ଦାର୍ତତା ଖାହାମାଇଁ; ଦାର୍ତ ପିସାନା ଖେଣ୍ଡେ ଆବା ତାଣା ହାଜିମାଇଁ ।” ୨୯ ଇ ହାତା ଖେଞ୍ଜାନା ସୀସୁୟାଁ ଏଖାଣାଇଁ ଏଲେଇଚେରି, “ନୀଏଁ ନାନୁ ପୁଣ୍ଠିକିନି କାତା ଲେମ୍ପାଆନା ତୀରେତଲେ ଖେସିମାଞ୍ଜୁ । ୩୦ ନାନୁ ବାରେ କାତା ପୁଞ୍ଜାମାଞ୍ଜୁ, ଆମ୍ପାଆସି ନିଡ୍ରେ ଖେଞ୍ଜାନାୟି ଲଡ଼ା ହିଲେଏ, ଏଦାଆଁ ନୀଏଁ ମାମୁ ପୁଚମି; ମାହାପୁରୁ ତାଣାଟି ଖାହାମାଞ୍ଜୁ ଇଞ୍ଜିଁ ମାମୁ ଇ କାତା ନାମି ମାନମି ।” ୩୧ ଜୀସୁ ଏଖାଣାଇଁ ଏଲେଇଚେସି, “ମୀରୁ ଏନାଆଁ ନୀଏଁ ନାମିମାଞ୍ଜେରି? ୩୨ ମେହ୍ଦୁ ଦିନା ଖାହିମାନେ, ଏ ବେଲା ଖାତେୟିଏ, ଏତିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡେ ନାଡ୍ରେ ରଅତେଏଁ କିୟାଦେରି; ଆତିଜିକେଏ ନାନୁ ରଅତେଏଁ ଆଏ, ଇଚିହିଁ ଆବା ନା ତଲେ ମାନେସି । ୩୩ ମୀରୁ ଏନିକିଁ ନା ତାଣାଟି ହିଡ଼ି ବେଟାଆଦେରି, ଏଦାଆଁତାକି ନାନୁ ମିଡ୍ରେ ଇ ବାରେ କାତା ଖେସାମାଞ୍ଜୁଇଁ । ଦାର୍ତତା ମିଡ୍ରେତାକି ହାରେକା ସାସ୍ତି ମାନେ, ସାମା ସାସା ଆହ୍ଦୁ; ଇଚିହିଁ ନାନୁ ଦାର୍ତତି ଜୀଣା ଆହାମାଇଁ ।”

**୧୭** ଜୀସୁ ଇ ବାରେ କାତା ଏଲେଇଞ୍ଜିଁ ଲାକପୁରୁ ଖାକି ସିନିକିହାନା ଏଲେଇଚେସି, “ଆବା, ବେଲା ଆତେୟିଏ; ନୀ ମୀରୁଏଣାଇଁ ଗାଝୁରମି କିମ୍ପୁ, ଏନିକିଁ ମୀରୁଏସି ନିଡ୍ରେ ଗାଝୁରମି କିୟାନେସି । ୨ ନାନୁ ଏଖାଣାଇଁ ବାରେ ମାଣ୍ଡି କୁଡ଼ାତି ମୁହେଁ ଅଦିକାରା ହାହାମାଞ୍ଜୁ । ଅଡେ ଆମ୍ପାଆରାଇଁ ଏଖାଣି କେୟୁତା କାଲାକାଲାତି ଜୀଝୁ ହାହାଲିତାକି ହେରୁପାମାଞ୍ଜୁ ଏଖାଣାକି ବାଡ଼ୟୁ ହାହାମାଞ୍ଜୁ । (aiōnios g166) ୩ ଅଡେ ରଣ୍ଡିଏ ସାତା ମାହାପୁରୁତି ନାନୁ, ନିଡ୍ରେ ଅଡେ ନୀ ତାଣାଟି ପାଣୁଝିଆହାମାନି ଜୀସୁ କ୍ରୀସ୍ତୁଇଁ ପୁନାୟି ଆହିମାନେ କାଲାକାଲାତି ଜୀଝୁ । (aiōnios g166) ୪ ନାନୁ ନାଡ୍ରେ ଏନିନି କାମା କିହାଲି ହାହାମାଞ୍ଜୁଦି, ଏଦାଆଁ ନାନୁ ରାପ୍ତହାନା ଦାର୍ତତା ନିଡ୍ରେ ଗାଝୁରମି କିହାମାଞ୍ଜୁଇଁ । ୫ ଏ ଆବା ଦାର୍ତତି ଗାଡ଼ି ଆଆ ନକେଏ ନୀ ତଲେ ନା ଏନିନି ଗାଝୁରମି ମାଚେ, ଏମ୍ପାଟି ନାନୁ ନାଡ୍ରେ ନୀ ତଲେ ଗାଝୁରମି କିୟାମୁ ।” ୬ “ନାନୁ ନାଡ୍ରେ ଦାର୍ତ ବିତ୍ରାଟି ଏନିନି ଲକୁଣି ନାଡ୍ରେ ହାହାମାଞ୍ଜୁଦି, ନାନୁ ନୀ ଦରୁ ଏଖାରି ନକିତା ତସାମାଇଁ; ଏଖାରି ନୀ ଲକୁ ମାଚେରି ଅଡେ ନାନୁ

ଏଖରାଇଁ ନାଟ୍ଟେ ହାହାମାଞ୍ଜୁତି, ଏଖରି ନୀ ବଲୁତି ମାନଞ୍ଜି ଆହାମାନେରି । ୭  
 ନୀନୁ ନାଟ୍ଟେ ଏନା ଏନାଆଁ ହାହାମାଞ୍ଜୁତି, ଏ ବାରେ ନୀ ଚାଣାଟି ଖାହାମାନେ,  
 ଇଦାଆଁ ନୀଏଁ ଏଖରି ପୁଞ୍ଜାମାନେରି । ୮ ଇତିହିଁ ନୀନୁ ନାଟ୍ଟେ ହାହାମାଞ୍ଜୁତି  
 ବଲୁ ନୀନୁ ଏଖରାକି ହାହାମାଇଁ, ଅଡେ ଏଖରି ଆବା ମାନେରି ଇଞ୍ଜି ନୀନୁ ନୀ  
 ଚାଣାଟି ଖାହାମାଇଁ, ଏଦାଆଁ ସାତା ତଲେ ପୁଞ୍ଜାମାନେରି, ଅଡେ ନୀନୁ ନାଟ୍ଟେ  
 ପାଣ୍ଡାମାଞ୍ଜୁତି ଇଞ୍ଜି ଏଖରି ନାମାମାନେରି । ୯ “ନୀନୁ ଏଖରି ତାକି ପ୍ରାତାନା  
 କିହିମାଇଁ; ଦାର୍ତ୍ତି ତାକି ପ୍ରାତାନା କିହିହିଲଅଁ, ସାମା ନୀନୁ ନାଟ୍ଟେ ଏମିନି  
 ଗାଟାରାଇଁ ହାହାମାଞ୍ଜୁତି, ଏଖରି ତାକି ପ୍ରାତାନା କିହିମାଇଁ, ଇତିହିଁ ଏଖରି ନୀ  
 ଲକ୍ଷ୍ମ: ୧୦ ଏନା ଏନାୟି ନୀଦି ମାନେ ଏ ବାରେ ନୀଦି, ଅଡେ ଏନା ଏନାୟି ନୀଦି  
 ମାନେ, ଏ ବାରେ ନୀଦି ଅଡେ ଏଖରି ଚାଣାଟି ନୀନୁ ଗାଞ୍ଜୁରିମି ଆହିମାଇଁ । ୧୧  
 ନୀନୁ ଅଡେ ଇ ଦାର୍ତ୍ତିତା ଦୁୟିହିଲଅଁ, ସାମା ଇଖରି ଦାର୍ତ୍ତିତା ଦୁୟିମାନେରି,  
 ଇଞ୍ଜି ନୀନୁ ନୀ ଚାଣା ଖାହିମାଇଁ; ସୁଦୁଗାଟି ଆବା ଆମିନି ଗାଟାରାଇଁ ନୀ ଦରୁତି  
 ବାଦୁୟି ତଲେ ନାଟ୍ଟେ ହେରପା ମାଞ୍ଜୁତି ଏଖରାଇଁ ଗେଲପାମ୍, ନୀନୁ ଅଡେ  
 ନୀନୁ ଏନିକିଁ ରଣ୍ଡିଏ ଆହାମାନାୟି ଏଲେକିହିଁଏ ଏଖରାଇଁ ଜିକେଏ ରଣ୍ଡିଏ  
 କିହାଲି ସାୟେମି କିମ୍ । ୧୨ ଏଖରିତଲେ ମାଟିବେଲୀତା ନୀନୁ ଏଖରାଇଁ  
 ନୀ ଦରୁତଲେ ଗେଲପାମାଇଁ, ଆମିନି ଦରୁ ନୀନୁ ନାଟ୍ଟେ ହାହାମାଞ୍ଜୁତି,  
 ଅଡେ ନୀନୁ ଏଖରାଇଁ ଜାଗ୍ରାତା ତଲେ ଗେଲପାମାଇଁ, ଦାମ୍ ପତି ଏନିକିଁ ପୁରା  
 ଆନେ, ଏଦାଆଁତାକି ଏଖରି ନୀସା ଆନାୟି ମାଟି ଜିକେଏ, ରଅସି ଜିକେଏ  
 ନୀସା ଆହାହିଲଅସି । ୧୩ ସାମା ନୀଏଁ ନୀନୁ ନୀ ଚାଣା ଖାହିମାଇଁ, ଅଡେ  
 ଦାର୍ତ୍ତିତା ମାଞ୍ଜା ମାଞ୍ଜାନା ନୀ ରାହାଁତା ଏଖରି ହିୟାଁ ଏନିକିଁ ରାହାଁ ଆନେ,  
 ଏଦାଆଁତାକି ନୀନୁ ଇ ବାରେ କାତା ଷେସିମାଞ୍ଜୁତି । ୧୪ ନୀନୁ ଏଖରାକି ନୀ  
 ବଲୁ ହାହାମାଇଁ, ଏଦାଆଁତାକି ଦାର୍ତ୍ତି ଏଖରାଇଁ ଅପିହିଲେଏ, ନୀନୁ ଏନିକିଁ  
 ଦାର୍ତ୍ତିଟି ଖାହାହିଲଅଁ ଏଖରି ଜିକେଏ ଇ ଦାର୍ତ୍ତିତାରି ଆଏ । ୧୫ ନୀନୁ  
 ଏଖରାଇଁ ଇ ଦାର୍ତ୍ତିଟି ଅହିଁ ହାଲାମ୍ ଇଞ୍ଜି ବାଟିମାଲି ମାଞ୍ଜୁଅଁ, ସାମା ଏଖରାଇଁ  
 ଲାଗେଏତି ପାନ୍ତାଟି ଗେଲପାମ୍ ଇଞ୍ଜି ବାଟିମାଲିମାଞ୍ଜୁତି । ୧୬ ନୀନୁ ଏନିକିଁ  
 ଦାର୍ତ୍ତିଟି ଖାହାହିଲଅଁ, ଏଖରି ଏଲେକିଁ ଦାର୍ତ୍ତିଟି ଖାହାହିଲଅରି । ୧୭ ସାତା  
 ତଲେ ଏଖରାଇଁ ସୁଦୁ କିମ୍, ଇତିହିଁ ନୀ ବଲୁଏ ସାତା । ୧୮ ନୀନୁ ଏନିକିଁ ନାଟ୍ଟେ  
 ଦାର୍ତ୍ତିତା ପାଣ୍ଡାମାଞ୍ଜୁତି, ନୀନୁ ଜିକେଏ ଏଖରାଇଁ ଦାର୍ତ୍ତିତା ପାଣ୍ଡାମାଇଁ ।  
 ୧୯ ଅଡେ ଏଖରି ଜିକେଏ ଏନିକିଁ ସାତା ତଲେ ସୁଦୁ ଆନେରି, ଏଦାଆଁତାକି

ନାନୁ ଏଝାରି ତାକି ନାଡ଼େ ସୁଦୁ କିହିମାଇଁ ।” ୨୦ “ନାନୁ ଖାର୍‌ଇ ଏଝାରି ତାକି ପ୍ରାତାନା କିହିହିଲଅଁ, ଏଝାରି ବଲୁ ଖେଞ୍ଜାନା ଆମ୍ବାଆସି ନା ତାଣା ନାମିନେସି, ଏଝାରି ତାକି ଜିକେଏ ପ୍ରାତାନା କିହିମାଇଁ । ୨୧ ଏନିକିଁ ଏଝାରି ବାରେ ରଣ୍ଡିଏ ଆନେରି; ଏ, ଆବା ନାନୁ ଏନିକିଁ ନା ତାଣା ମାଞ୍ଜି ଅଡେ ନାନୁ ନା ତାଣା ମାଇଁ, ଏଝାରି ଜିକେଏ ଏଲେକିହିଏ ମା ତାଣା ଡୟାପେରି, ଏନିକିଁ ନାନୁ ନାଡ଼େ ପାଣ୍ଡାତି ଇଞ୍ଜି ଦାର୍‌ତି ନାମିନେ । ୨୨ ଅଡେ ନାନୁ ନାଡ଼େ ଏମିନି ଗାଝୁରମି ହାହାମାଞ୍ଜାଦି, ନାନୁ ଏଦାଆଁ ଏଝାରାକି ହାହାମାଇଁ, ମାର ଏନିକିଁ ରଣ୍ଡିଏ ଏଝାରି ଏଲେକିଁ ରଣ୍ଡିଏ ଆନେରି; ୨୩ ନାନୁ ଏନିକିଁ ନା ତାଣା ନାନୁ ଏଲେକିହିଁ ଏଝାରିତାଣା ଡୟିଇଁ । ଏନିକିଁ ଏଝାରି ମାନି ତଲେ ରଣ୍ଡିଏ ଆନେରି, ଇଞ୍ଜି ଦାର୍‌ତି ପୁନେ କି ନାନୁ ନାଡ଼େ ପାଣ୍ଡାମାଞ୍ଜାଦି, ନାଡ଼େ ଏନିକିଁ ଜୀଝୁ ନହଁମାଞ୍ଜାଦି ଏଝାରାଇଁ ଜିକେଏ ଏଲେକିହିଏ ଜୀଝୁ ନହଁମାଞ୍ଜା ।” ୨୪ “ଏ ଆବା! ନାନୁ ଏଝାରାଇଁ ନା କେୟୁତା ହାହାମାଞ୍ଜାଦି । ନାନୁ ଆମ୍ବିୟା ଡୟିଇଁ, ଏଝାରି ଜିକେଏ ଏନିକିଁ ଏମ୍ବାଆଁ ଡୟିନେରି ଅଡେ ଦାର୍‌ତି ଗାଡ଼ି ଆଆ ନକେଏ ନାନୁ ନାଡ଼େ ଜୀଝୁ ନହଁମାଞ୍ଜାନାକି ନାଡ଼େ ଏମିନି ଗାଝୁରମି ହାହାମାଞ୍ଜାଦି, ନା ଏ ଗାଝୁରମି ଏନିକିଁ ଏଝାରି ମେସାଲି ଆଡିନେରି ଇଦି ନା ଅଣପୁ । ୨୫ ଏ ଦାମ୍ବୁଗାଟି ଆବା, ଦାର୍‌ତି ନିଡ଼େ ପୁଞ୍ଜାମାଞ୍ଜେଏ, ସାମା ନାନୁ ନିଡ଼େ ପୁଞ୍ଜାମାଞ୍ଜାଇଁ; ଅଡେ ନାନୁ ନାଡ଼େ ପାଣ୍ଡାମାଞ୍ଜାଦି, ଏଦାଆଁ ଇଝାରି ପୁଞ୍ଜାମାଞ୍ଜାନେରି; ୨୬ ନାନୁ ନାଡ଼େ ଏମିନି ଜୀଝୁ ନଝୁଟି ଜୀଝୁ ନହଁମାଞ୍ଜାଦି, ଏଦି ଏନିକିଁ ଏଝାରିତାଣା ଡୟିନେ ଅଡେ ନାନୁ ଏଝାରିତାଣା ଡୟିଇଁ, ଏଦାଆଁତାକି ନାନୁ ଏଝାରାଇଁ ଖେସାମାଇଁ ଅଡେ ଖେହ୍‌ଇଁ ।”

**୧୮** ଜୀସୁ ଇ ପ୍ରାତାନା ରାପ୍‌ହି ଡାୟୁ ତାନି ସୀସୁୟାଁ ତଲେ କିଦ୍ରଣ କାତା ଆତାଲା ହାରେରି, ଏମ୍ବାଆଁ ର ବାଡ଼ା ମାଚେ, ଇଞ୍ଜି ଏଝାସି ତାନି ସୀସୁୟାଁ ତଲେ ଏମ୍ବାଆଁ ହଚେରି । ୨ ଏମିନି ଜୀହୁଦା ଏଝାଣାଇଁ ସାରୁୟାଁ କେୟୁତା ହେର୍‌ପିତେସି, ଏଝାସି ଜିକେଏ ଏ ଟାୟୁଟି ପୁଞ୍ଜାମାଚେସି, ଇତିହିଁ ଜୀସୁ ହାରେକା ପାଲି ସୀସୁୟାଁ ତଲେ ଏ ଟାୟୁତା ହାଜାମାଚେସି । ୩ ଏଦାଆଁତାକି ଜୀହୁଦା ଜାମାନାଞ୍ଜା ଇଞ୍ଜି କାଜା ପୁଜେରା ଅଡେ ପାରୁସିୟାଁ ତାଣାଟି ମାହାପୁରୁ ଇଲୁତି ଜାମାନାଞ୍ଜା ଲକୁ ଦୀଝିଁ, ହିରୁ ବନ୍ଧୁୟାଁ ଅଡେ ଚେଡ଼ା ବାଲାୟାଁ ଆସାନା ଏମ୍ବାଆଁ ଖାଚେରି । ୪ ଏମ୍ବାଟିଏ ଜୀସୁ ତାଡ଼େତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଝାରାଇଁ ଖେଚେସି, “ମୀରୁ

ଆମ୍ଭାଆରାଙ୍କ ପାରିମାଞ୍ଜେରି?” ୫ ଏଝାରି ଏଲେଇଚେରି, “ନାଜରିତତି ଜୀସୁ  
 ।” ଜୀସୁ ଏଝାରାଙ୍କ ଏଲେଇଚେସି, “ନାନୁ ଏଝାଚେଏଁ?” ଏମିନି ଜୀହୁଦା  
 ଏଝାଣାଙ୍କ ସାତୁୟ୍ କେୟୁତା ହେରପିଚେସି, ଏଝାସି ଜିକେଏ ଏଝାରିତଲେ  
 ଏମ୍ପାଆଁ ନିଚାମାଚେସି । ୬ ଜୀସୁ ଏଚିବେଲା ଏଝାରାଙ୍କ ଏଲେଇଚେସି, “ନାନୁ  
 ଏଝାଚେଏଁ” ଏଚିବେଲା ଏଝାରି ଡାୟୁଝାକି ଗୁଚା ଆହାନା ବୁମିତା ଚରୁଗା  
 ହାଚେରି । ୭ ଜୀସୁ ଝେଶ୍ଟେ ଝେଚେସି, “ମୀରୁ ଆମ୍ଭାଆରାଙ୍କ ପାରିମାଞ୍ଜେରି?”  
 ଏଝାରି ଏଲେଇଚେରି, “ନାଜରିତତି ଜୀସୁଙ୍କ ।” ୮ ଜୀସୁ ଏଲେଇଚେସି,  
 “ନାନୁ ଝେସାମାଞ୍ଜାଙ୍କ, ନାନୁ ଏଝାଚେଏଁ । ମୀରୁ ନାଢ୍ଫେ ପାରିମାଞ୍ଜାଦେରି  
 ଇଚିହିଁ ଇଝାରାଙ୍କ ପିହୁଦୁ । ୯ ଆମ୍ଭାଆରାଙ୍କ ନାଢ୍ଫେ ହୀହାମାଞ୍ଜାଦି, ଏଝାରି  
 ବିତ୍ରାଟି ରଥାଣାଙ୍କ ଜିକେଏ ଜାକହା ହିଲଅଁ ।” ଏନିକିଁ ଦାମ୍ବୁ ପତିତି କାତା  
 ସାତା ଆନେ ଏଦାଆଁତାକି ଏଲେ ଇଚେସି । ୧୦ ସିମନ ପିତର ତାନି ଡାଣା  
 କାଣ୍ଡା ମାତାକି ଏଝାସି କାଜା ପୂଜେରା ହଲେଏଣା ଟିଝନି କିୟୁଁ ଦାଚେସି,  
 ଏଝାଣି ଦରୁ ମାଲକସ୍ । ୧୧ ଏଚେଟିଏ ଜୀସୁ ପିତରଙ୍କ ଏଲେଇଚେସି,  
 “କାଣ୍ଡା, କାଣ୍ଡା ଇଚିନି ଚାୟୁତା ଇଚାମ୍ପୁ; ନାନୁ ଏନାଆଁ ଅଶ୍ପିମାଞ୍ଜି, ଆବା  
 ମାହାପୁରୁ ନାଢ୍ଫେ ହୀହାମାଞ୍ଜାନି ଦୁକୁତି ସଲାତା ଗସାଲି ଆଡଅଁ କି?” ୧୨  
 ଏମ୍ପାଟିଏ ରମିୟ କସକା, ଇଞ୍ଜି ରିଜାରି କସକା ମୁହେଁ କାଜାସି, ଅଡେ ଜୀହୁଦି  
 ଲକୁତି କସକା ଜୀସୁଙ୍କ ଆସାନା ଦସ୍ପିଚେରି । ୧୩ ଏଝାଣାଙ୍କ ଦସ୍ପାନା  
 ମୂଲୁଏ ହାନାନ ଡାଣା ଅଚେରି, ଇଚିହିଁ ଏଝାସି ଏ ବାସୀତି କାଜା ପୂଜେରା  
 କୟାପାତି ପଡଲେଏସି ମାଚେସି । ୧୪ ଏ କୟାପା ବାରେ ଲକୁ ତାକି  
 ରଥାସି ହାନାୟି ମିଢ୍ଫେ ତାକି ନେହେଁ ଇଞ୍ଜି ଜୀହୁଦି ଲକୁଣି ଝେସାମାଚେସି  
 । ୧୫ ସିମନ ପିତର ଅଡେ ର ସୀସୁ ଜୀସୁତି ଜେଚ ଜେଚ ହାଜିମାଚେରି  
 । ଏ ସୀସୁ କାଜା ପୂଜେରା ତଲେ ପୁଶ୍ମି ଆହାମାଚେରି ଅଡେ ଜୀସୁତଲେ  
 କାଜା ପୂଜେରା ଆଂଗେଣିତା ହାଚେସି; ୧୬ ସାମା ପିତର ପାଢ୍ଫାତି ଦୁଝେରି  
 ଦାରିତା ନିଚାନା ଡୟିଚେସି । ସାମା ଏମିନି ସୀସୁ କାଜା ପୂଜେରା ତଲେ  
 ପୁଶ୍ମି ଆହାମାଚେରି, ଏଝାସି ପାଢ୍ଫାତା ହାଜାନା ଦୁଝେରିତା କାଃଆନାଣାଙ୍କ  
 ଏଲେଇଞ୍ଜାନା ପିତରଙ୍କ ବିତ୍ରା ଅଚେସି । ୧୭ ଏମ୍ପାଟିଏ ଦୁଝେରିତା କାଃଆନାଣି  
 ହଲେଣି ପିତରଙ୍କ ଏଲେଇଚେ, “ନାନୁ ଜିକେଏ ଏନାଆଁ ଇ ଲକୁତି ସୀସୁୟ୍  
 ବିତ୍ରାଟି ରଅତି ଆଏକି?” ପିତର ଏଲେଇଚେସି, “ନାନୁ ଏଝାଚେଏଁ ଆଏ ।”  
 ୧୮ ଏଚିବେଲାତା ପେନି ଆହିମାତାକି ହଲିୟାଢ୍ଫା ଅଡେ କାଃଆନାରି ହିରୁ

ତାସାନା ସାରିଖାକି ନିତାନା କେରୁଞ୍ଜି ମାରେରି; ପିତର ଜିକେଏ ଏଞ୍ଜାରିତଲେ  
ନିତାନା ହିରୁ କେରୁଞ୍ଜି ମାରେସି । ୧୯ କାଜା ପୂଜେରା ଜୀସୁଇଁ ତାନି ଜୀପ୍ନାଣି  
ଇଞ୍ଜି ସୀସୁୟାଁତି କାତା ଖେରେସି । ୨୦ ଜୀସୁ ଏଲେଇରେସି, “ନାନୁ ବାରେ  
ଦାରୁତି ନିକିତା ତସାନା ଜୀପ୍ନାହାମାଇଁ, ଆମ୍ବିୟା ବାରେ ଜୀହୁଦି ଲକୁ କୁଡ଼ା  
ଆନେରି, ମାହାପୁରୁ ଇଲୁତା ଅଡ଼େ ଜୀହୁଦି ଲକୁତି କୁଟମି ଇଲକାଣା,  
ଲକୁ କୁଡ଼ା ଆହାମାନି ବେଲୀତା ନାନୁ ଜୀପ୍ନାହାମାଇଁ, ତୁକ୍‌ହାନା ଏନାଆଁ  
କିହାହିଲଅଁ । ୨୧ ନାଡ୍ରେ ଏନାଆଁତାକି ଖେଞ୍ଜିମାଞ୍ଜାଦି? ନାନୁ ଏଞ୍ଜାରାଇଁ ଏନାଆଁ  
ଏଲେଇଞ୍ଜାମାଇଁ, ଆମ୍ବାଆରି ଖେଞ୍ଜାମାନେରି ଏଞ୍ଜାରାଇଁ ଖେନାମ୍ବୁ: ନାନୁ ଏନା  
ଏନାଆଁ ଏଲେଇଞ୍ଜାମାଇଁ, ଏଞ୍ଜାରି ବାରେ ପୁଞ୍ଜାମାନେରି ।” ୨୨ ଜୀସୁ ଏଲେ  
ଇଞ୍ଜିମାନାଣି ଖେଞ୍ଜାନା ଦାରିତା ନିତାମାତି ମାହାପୁରୁ ଇଲୁ ଜୀମାନାଞ୍ଜା ବିତ୍ରାତି  
ରଅସି ଏଞ୍ଜାଣାଇଁ ସାପ୍ତା ଖେଚାନା ଏଲେଇରେସି, “ନିଡ୍ରେ ଇଚେକା ସାସା  
କାଜା ପୂଜେରାଇଁ ଏଲେ ଇଞ୍ଜିମାଞ୍ଜା?” ୨୩ ଜୀସୁ ଏଞ୍ଜାଣାଇଁ ଏଲେଇରେସି,  
“ନାନୁ ଲାଗେଏ ଜଳାମାତିହିଁ, ଏ ଲାଗେଏତି ପାର୍‌ମାଣା ହିୟାତୁ: ନେହିଁ  
ଜଳାମାଇଁ ଇଚିହିଁ ଏନାଆଁତାକି ନାଡ୍ରେ ଖେଚିମାଞ୍ଜାଦି?” ୨୪ ଏମ୍ବାଟିଏ ହାନାନ  
ଜୀସୁଇଁ ଏଲେକିହିଁଏ ଦସ୍‌ପି ଆହାମାନାଣାଇଁ କାଜା ପୂଜେରା କୟାପା ତାଣା  
ପାଣ୍ଡିତେସି । ୨୫ ସିମନ ପିତର ହିରୁ ତାଗେ ନିତାନା ହିରୁ କେରୁଞ୍ଜି ମାରେସି,  
ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଖେରେରି, “ନାନୁ ଜିକେଏ ଏଞ୍ଜାଣି ସୀସୁୟାଁ ବିତ୍ରାତି  
ରଅତି ଆଏକି?” ପିତର ଏଲେଇରେସି, “ନାନୁ ଆଏ ।” ୨୬ ପିତର, ଏମିନି  
କାଜା ପୂଜେରା ହୁଲିୟାଞ୍ଜା ବିତ୍ରାତି ରଅଣି କିୟୁଁ ଦାତା ମାରେସି, ଏଞ୍ଜାଣି  
କୁଟମିତାସି ଏଲେଇରେସି, “ନାନୁ ନିଡ୍ରେ ବାଡ଼ାତା ଏଞ୍ଜାଣିତଲେ ମାଚାଣି  
ମେସାମାଞ୍ଜାଆତେଏଁ କି?” ୨୭ ପିତର ଅଡ଼େ ଖେଣ୍ଡେ ଏଲେଇରେସି, “ଆଏ  
ପୁଞ୍ଜାହିଲଅଁ ।” ଏଚିବେଲୀତା କୟୁ କେଶ୍‌ତେ । ୨୮ ତାନି ଅର ନେରୁ ଲାଲ  
ଏଞ୍ଜାରି ଜୀସୁଇଁ କୟାପା ଇଲୁତି ଅହାନା ରମିୟ ରାଜି ସାଲଖି କିନାଣି ମେଡ଼ା  
ଇଲୁତା ଏତେରି, ଜୀହୁଦି ଲକୁ ମେଡ଼ା ଇଲୁ ବିତ୍ରା ହାଲାଆତେରି, ଇଚିହିଁ  
ଏଦାଆଁ ତଲେ ପିସ୍‌ପିଆତି ପାରୁତି ବଜି ତାକି ତାମ୍‌ଡ୍ରେ ଲାଗେଏ କିହାକତାଲି  
ଅଶ୍‌ପି ହିଲାଆତେରି । ୨୯ ଏଦାଆଁତାକି ସାଲଖି କିନି ପିଲାତ ଏଞ୍ଜାରିତାଣା  
ପାଞ୍ଜାତା ଖାହାନା ଖେରେସି, “ଇ ମାଣ୍ଡସି କପାତି ମୀ ଏନିଲେହେଁତି ଦାଞ୍ଜା  
ମାନେ?” ୩୦ ଏଞ୍ଜାରି ଏଞ୍ଜାଣାଇଁ ଏଲେଇରେରି, “ଇ ମାଣ୍ଡସି ଲାଗେଏତି  
କାମା କିହା ହିଲାଆତିହିଁମା, ମାମ୍ବା ଏଞ୍ଜାଣାଇଁ ନୀ ତାଣା ତାଆତମିମା ।” ୩୧

ପିଲାଟ ଏଞ୍ଜରାଉଁ ଏଲେଇଚେସି, “ଆତିହିଁ ଇଞ୍ଜାଣାଉଁ ଅହାନା ମୀ ଚେରା ତଲେ ନୀହାୟି କିଦୁ ।” ଜୀହୁଦିୟାଁ ଏଞ୍ଜାଣାଉଁ ଏଲେଇଚେରି, “ଆମ୍ବାଆରାଉଁ ହାନି ତଣ୍ଡୁ ହୀହାଲି ମା ଅଦିକାରା ହିଲେଏ ।” ୩୨ ଜୀସୁ ଏନିକିଁ ହୀହାଲି ହାଜିମାନେସି, ଏ କାତା ଜୀସୁ ଏନାଆଁ ଏଲେଇଞ୍ଜାମାଚେସି, ଏଦି ଏନିକିଁ ପୁରା ଆନେ, ଏଦାଆଁତାକି ଏଞ୍ଜାରି ଏଲେଇଚେରି । ୩୩ ପିଲାଟ ଖେଣ୍ଡା ଚେଡ଼ା ଇଲୁ ବିତ୍ରା ହାଜାନା ଜୀସୁଇଁ ଖେଚେସି, “ଏନାଆଁ ନୀନୁ ଜୀହୁଦି ଲକ୍ଷୁତି ରାଜାତି?” ୩୪ ଜୀସୁ ଏଲେଇଚେସି, “ଇ କାତା ନୀ ମନଟି ଖେଞ୍ଜିମାଞ୍ଜୁଦି କି ଏଚ୍‌କାତାରି ନା କାତାତି ନିଢ୍ଢେ ଏନାଆଁ ଏଲେଇଞ୍ଜା ମାଞ୍ଜାନେରି?” ୩୫ ପିଲାଟ ଏଲେଇଚେସି, “ନୀନୁ ଏନାଆଁ ଅଣ୍ଡାମାଞ୍ଜି, ନୀନୁ ର ଜୀହୁଦିଚେଏଁ? ନୀ କୁଡ଼ାତି ଲକ୍ଷୁ ଇଞ୍ଜାଁ କାଜା ପୁଜେରାଢ୍ଢା ନିଢ୍ଢେ ତାଚାନା ନା କେୟୁତା ହେର୍ପା ମାଞ୍ଜାନେରି । ଖେସ୍ତାମୁ ନୀନୁ ଏନାଆଁ କିହାମାଞ୍ଜି?” ୩୬ ଜୀସୁ ଏଲେଇଚେସି, ନା ରାଜି ଇ ଦାର୍ତ୍ତିତାୟି ଆଏ; ନା ରାଜି ଦାର୍ତ୍ତିତାୟି ଆତିହିଁମା, ନୀନୁ ଜୀହୁଦି ଲକ୍ଷୁତାଣା ହେର୍ପି ଆଆରେଚ୍ଚୁ ନାଢ୍ଢେ ସେବା କିୟାନାରି ନା ତାକି ଲୁକୁ କିଚେରିମା, ସାମା ନା ରାଜି ସାଚେଏ ଇ ଦାର୍ତ୍ତିତାୟି ଆଏ । ୩୭ ପିଲାଟ ଏଞ୍ଜାଣାଉଁ ଖେଚେସି, “ଆତିହିଁ ନୀନୁ ଜୀହୁଦି ଲକ୍ଷୁତି ରାଜାତି?” ଜୀସୁ ଏଲେଇଚେସି, “ନୀନୁ ଏଲେ ଇଞ୍ଜିମାଞ୍ଜି ନୀନୁ ର ରାଜାଚେଏଁ । ନୀନୁ ସାତା ଖାକିଟି ସାକି ହୀହାଲି ଜାନାଁ ଆହାମାଉଁ ଅଡ଼େ ଦାର୍ତ୍ତିତା ଖାହାମାଉଁ । ଆମ୍ବାଆସି ସାତାତି ମୀରୁଏସି ଏଞ୍ଜାସି ନା କାତା ଖେନେସି ।” ୩୮ ପିଲାଟ ଖେଚେସି, “ସାତା ଏନାୟି?” ପିଲାଟ ପାଢ୍ଢାତା ହାଜାନା ଜୀହୁଦି ଲକ୍ଷୁଣି ଏଲେଇଚେସି, “ନୀନୁ ଇଞ୍ଜାଣି ତାଣା ଏନି ଦହ ବେଟାଆହି ହିଲଅଁ । ୩୯ ସାମା ନୀନୁ ପିସ୍‌ପିଆନି ପାରୁଁ ବେଲାତା ମିଢ୍ଢେତାକି କାୟିଦିତା ମାନାରାଉଁ ରଅଣାଉଁ ପିସାଲି ତାକି ମୀ ଚେରା ମାନେ, ଏଦାଆଁତାକି ଜୀହୁଦି ଲକ୍ଷୁତି ରାଜାଉଁ ମାଢ୍ଢେତାକି ପିସା ହିୟାପେସି ଇଞ୍ଜି ମୀ ମନ ମାନେକି?” ୪୦ ଏମ୍ବାଟିଏ ଏଞ୍ଜାରି କାଲଞ୍ଜି ଆହିଁ ଏଲେଇଚେରି, “ଇଞ୍ଜାଣାଉଁ ଆଏ, ସାମା ବାରବାଉଁ ପିସାହିୟାମୁ ।”

**୧୯** ଡାୟୁ ପିଲାଟ ଜୀସୁଇଁ ଅହାନା ସାର୍‌ଣି ମାତା କିଞ୍ଜି କିଚେସି । ୨ ଅଡ଼େ ରିଜାରି କସ୍‌କା ହାପ୍‌କା ଚ୍ଚପେରି ଆଲାନା ଜୀସୁ ତାୟୁଁତା ଇଚିଚେରି, ଅଡ଼େ ଏଞ୍ଜାଣାଉଁ ହେୟାଁ ଖାଣା ହିମ୍ପୁରି ହୁଚିକିଚେରି; ୩ ଏଞ୍ଜାରି ଏଞ୍ଜାଣି ତାଣା ଖାହାନା ଏଲେଇଚେରି, “ଏ ଜୀହୁଦିୟାଁ ରାଜା ଜହରା;” ଇଞ୍ଜାଁ ଏଞ୍ଜାରି ଏଞ୍ଜାଣାଉଁ ସାପ୍‌ଡ଼ା ଖେଚେରି । ୪ ପିଲାଟ ଖେଣ୍ଡେ ପାଢ୍ଢାତା ହାଜାନା ଏଲେଇଚେସି, “ନୀନୁ

ଏଖାଣି ତାଣା ଏନି ଦହ ବେଟାଆହି ହିଲଅଁ, ଇଦାଆଁ ଏନିକିଁ ମୀରୁ ପୁଞ୍ଜେରି,  
 ଇଦାଆଁତାକି ନାନୁ ଏଖାଣାଇଁ ମୀ ତାଣା ତାଟିମାଇଁ ।” ୫ ଏମ୍ବାଟିଏ ଜୀସୁ ଏ  
 ହାପୁକା ଟପେରି ଅଡେ ହେୟାଁ ଖାଣା ହିମ୍ବରି ପରହାନା ପାଞ୍ଜୁତା ଖାତେସି,  
 ପିଲାତ ଏଖାରାଇଁ ଏଲେଇଚେସି, “ମେହ୍ଦୁ ଇଖାସି ଏ ମାଣ୍ସି ।” ୬ ଏମ୍ବାଟିଏ  
 କାଜା ପୁଜେରାଢ୍ଵା ଅଡେ ମାହାପୁରୁ ଇଲୁ କାଃଆନି ଜାମାନାଢ୍ଵା ଏଖାଣାଇଁ  
 ମେସାନା କାଲଖି ଆହିଁ ଏଲେଇଚେରି, “ଏଖାଣାଇଁ ପାସି ଏକ୍ଦୁ ପାସି ଏକ୍ଦୁ  
 ।” ପିଲାତ ଏଖାରାଇଁ ଏଲେଇଚେସି, “ମୀରୁ ଏଖାଣାଇଁ ଅହାନା ପାସି ଏକ୍ଦୁ,  
 ଇଚିହିଁ ନାନୁ ଏଖାଣି ତାଣା ଏନି ଦହ ବେଟାଆହି ହିଲଅଁ ।” ୭ ଜୀହୁଦି  
 ଲୁକୁ ଏଖାଣାଇଁ ଏଲେଇଚେରି, “ଇଚିହିଁ ମାଢ୍ଵେ ରଣ୍ଡିଏ ମେରା ମାନେ, ଏ  
 ମେରାଲେହେଁଏ ଏଖାସି ହାନି ତଣ୍ଡୁ ବେଟାଆନାୟି ମାନେ, ଇଚିହିଁ ଏଖାସି  
 ତାଢ୍ଵେ ମାହାପୁରୁତି ମୀରୁଏସି ଇଞ୍ଜିଁ ଖେସାମାନେସି ।” ୮ ଏମ୍ବାଟିଏ ପିଲାତ ଇ  
 କାତା ଖେଞ୍ଜାନା ଗାଡି ଆଜିତେସି । ୯ ଖେଣ୍ଡେ ମେଡ଼ା ଇଲୁତା ହାଜାନା, ଜୀସୁଇଁ  
 ଖେଚେସି, “ନାନୁ ଆମ୍ବିଟି ଖାହାମାଞ୍ଜି?” ସାମା ଜୀସୁ ସାପି ଆହାନା ତୁୟିତେସି  
 । ୧୦ ପିଲାତ ଏଲେଇଚେସି, “ନାଢ୍ଵେ ଜଲିମାଞ୍ଜିଅତି? ନିଢ୍ଵେ ଗେଲ୍ପାଲି ନା  
 ଅଦିକାରା ମାନେ ଅଡେ ପାସିତା ଏକ୍ଦୁଲି ନା ଅଦିକାରା ମାନେ ଇ କାତା  
 ନାନୁ ପୁଞ୍ଜାହିଲଅତି?” ୧୧ ଜୀସୁ ଏଲେଇଚେସି, “ମାହାପୁରୁ ତାଣାଟି ନିଢ୍ଵେ  
 ଅଦିକାରା ହାଆତିହିଁ, ନା ଲାକ ନୀ ଏନି ଅଦିକାରା ହିଲାଆତେମା; ଇଞ୍ଜିଁ  
 ଆମ୍ବାଆସି ନାଢ୍ଵେ ନୀ କେୟୁତା ହେରପା ମାଞ୍ଜାନେସି ଏଖାଣି ପାପୁ ହାରେକା  
 ।” ୧୨ ଇ କାତା ଖେଞ୍ଜାନା ପିଲାତ ଜୀସୁଇଁ ପିସାଲି ତାକି ଅଣ୍ଡିପତେସି,  
 ସାମା ଜୀହୁଦି ଲୁକୁ କାଲଖି ଆହିଁ ଏଲେଇଚେରି, “ନାନୁ ଇଖାଣାଇଁ ପିହ୍ଦି  
 ଆତିହିଁ ନାନୁ କାୟିସରତି ତୁଣେତି ଆଏ; ଆମ୍ବାଆସି ଜାହାରାଇଁ ରାଜା ଇନେସି  
 ଏଖାସି କାୟିସର କପାଟି କାତା ଜଲିମାନେସି ।” ୧୩ ପିଲାତ ଇ କାତା  
 ଖେଞ୍ଜାନା ଜୀସୁଇଁ ପାଞ୍ଜୁତା ଖାଲକାତି ବେରଣିମାଣ୍ଡା ତାତେରି । ଏମିନାଣି  
 ଏବି ହାତାତଲେ “ଗବ୍ବତା” ଇଞ୍ଜିଁ ଇନେରି, ଏ ଟାୟୁଟି ବିଚାରା କିନି ଟାୟୁତା  
 କୁଗିତେସି । ୧୪ ଏ ଦିନା ପିସ୍ପିଆନି ପାର୍ବୁତି ତଲିତି ଦିନା ମାଚେ, ଏତିବେଲା  
 ଲାଇ ସ ଗଂଟା ଆହାମାଚେ । ଇଞ୍ଜିଁ ଏଖାସି ଜୀହୁଦି ଲୁକୁଣି ଏଲେଇଚେସି,  
 “ଇଖାସି ମେହ୍ଦୁ ମୀ ରାଜା ।” ୧୫ ଏମ୍ବାଟିଏ ଏଖାରି ଏଲେଇଚେରି, “ଏଖାଣାଇଁ  
 ପାୟାଦୁ, ପାୟାଦୁ, ପାସି ଏକ୍ଦୁ ।” ପିଲାତ ଏଖାରାଇଁ ଏଲେଇଚେସି, “ନାନୁ  
 ମୀ ରାଜାଇଁ ପାସିତା ଏକ୍ଦୁ?” କାଜା ପୁଜେରାଢ୍ଵା ଏଲେଇଚେରି, “କାୟିସର



ପିସ୍ତେ ମା ରାଜା ଆମ୍ବାଆସି ହିଲଅସି ।” ୧୭ ଡାୟୁ ପିଲାତ ଜୀସୁଇଁ ପାସି ମୁଣ୍ଡାତା ଏକହାଲି ତାକି ଏଞ୍ଜାରି କେୟୁତା ହେର୍ପିତେସି, ଇଞ୍ଜି ଡାୟୁ ଏଞ୍ଜାରି ଜୀସୁଇଁ ଅହିଁ ହାତେରି । ୧୭ ଏଚେଟିଏ ଏଞ୍ଜାରି ଜୀସୁଇଁ ଅତେରି; ଅଡେ ଜୀସୁ ଜାହାରା ପାସିମୁଣ୍ଡା ଡେକାନା “ଡାୟୁଗିର୍ପା” ଇନି ଡାୟୁତା, ଇଚିହିଁ ଏମିନାଣି ଏକ୍ରି ହାତାତଲେ “ଗଲଗତା” ଇଞ୍ଜି ଇନେରି ଏମ୍ବାଆଁ ହାତେସି । ୧୮ ଏମ୍ବାଆଁ ଏଞ୍ଜାରି ଜୀସୁଇଁ ପାସି ମୁଣ୍ଡାତା ଏକହେରି, ଏଞ୍ଜାଣିତଲେ ଅଡେ ରିଆରାଇଁ ପାସି ମୁଣ୍ଡାତା ଏକହେରି, ରିକଞ୍ଜାକି ରିଆରି ଅଡେ ମାଦିଏ ଜୀସୁ । ୧୯ ଅଡେ ପିଲାତ ର ଆକୃତା ରାତାନା ପାସିମୁଣ୍ଡା ଲାକ ଆଟିକିତେସି, ଏମ୍ବାଆଁ ରାସ୍କି ଆହାମାରେ, “ନାଜରିତତି ଜୀସୁ ଜୀହୁଦିୟାଁ ରାଜା ।” ୨୦ ଜୀହୁଦିୟାଁ ବିତ୍ରାଟି ହାରେକା ଏ ଆକୃତି ପଡ଼ଞ୍ଜି ଆତେରି, ଇଚିହିଁ ଜୀସୁଇଁ ଏମିନିଡାଣା ପାସି ଏପକି ଆହାମାରେ, ଏଦି ଗାଡ଼ା ତାଗେ ମାରେ; ଇଞ୍ଜି ଏ ଆକୁ ଏକ୍ରି, ଲାଟିନ୍ ଅଡେ ଗ୍ରିକ୍ ହାତାତଲେ ରାସ୍କି ଆହାମାରେ । ୨୧ ଜୀହୁଦି ଲକୃତି କାଜା ପୂଜେରାଞ୍ଜୁ ପିଲାତଇଁ ଏଲେଇଚେରି, “ଜୀହୁଦିୟାଁ ରାଜା ଇଞ୍ଜି ରାତାଆନା, ନାନୁ ଜୀହୁଦି ଲକୃତି ରାଜା ଇଞ୍ଜିମାଚେସି ଇଞ୍ଜି ରାତାମୁ ।” ୨୨ ସାମା ପିଲାତ ଏଲେଇଚେସି, “ନାନୁ ଏନାଆଁ ରାତାମାଇଁ ଏଲେକିହିଁଏ ଡୟିନେ ।” ୨୩ ରିଜାରି କସକା ଜୀସୁଇଁ ପାସିତା ଏକ୍ରି ଜେତ ଏଞ୍ଜାଣି ହିମ୍ପରିକା ଅହାନା ସାରି ବାଗା କିତେରି, ର ର କହ୍‌ଏଣାକି ରଣ୍ଡାଲାକା, ଅଡେ ଏଞ୍ଜାଣି ଲାମ୍ବା ସକା ଜିକେଏ ଅତେରି । ଏ ଲାମ୍ବା ସକା ତାତାନା ହେର୍କି ଟିଏ ପାଠଆନା କଡାୟାଁ ପାତେକା କିଞ୍ଜି ଆହାମାରେ । ୨୪ ଏଦାଆଁତାକି ଏଞ୍ଜାରି ଏଲେଇଚେରି, “ଇଦାଆଁ ଗେହ୍‌ଆପ, ସାମା ଇଦି ଆମ୍ବାଆରାଞ୍ଜାୟି ଆନେ, ଏଦାଆଁତାକି ପାଦି କିନ ।” ଏନିକିଁ ଦାମ୍ବୁ ପତିତି କାତା ପୁରା ଆନେ, “ଏଞ୍ଜାରି ତାମି ବିତ୍ରା ନା ହିମ୍ପରିକା ବାଗା କିତେରି, ଅଡେ ନା ଲାମ୍ବା ସକାତାକି ପାଦି କିତେରି ।” ରିଜାରି କସକା ସମାନା ଏଲେକିହିଁଏ କିତେରି । ୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଢ଼ି, କୁପାତି ତକ୍ତି ମରିୟମ ଅଡେ ମର୍ଦଲିନି ମରିୟମ ନିତାମାରୁ । ୨୬ ଜୀସୁ ତାମି ଇୟା ଅଡେ ଏମିନି ସୀସୁଇଁ ଜୀସୁ ନହିଁମାଚେସି, ଏଞ୍ଜାସି ତାଗେ ନିତାମାନାଣି ମେସାନା ଏଲେଇଚେସି, “ଏ ଇୟା ମେହ୍‌ମୁ ନୀ ମୀରୁଏସି!” ୨୭ ଡାୟୁ ଜୀସୁ ଏ ସୀସୁଇଁ ଏଲେଇଚେସି, “ଇଦି ମୀ ଇୟା ।” ଏ ଦିନଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅତେସି । ୨୮ ଡାୟୁ ଜୀସୁ ଦାମ୍ବୁ ପତିତି ବଲୁ ଏନିକିଁ ପୁରା ଆନେ, ଏଦାଆଁତାକି ବାରେ ରାହାମାନେ

ଇଚ୍ଛୁ ପୁଞ୍ଜନା ଏଲେଇରେସି, “ନାଦେଃ ଏସକି ହୃତିମାଞ୍ଜାନେ ।” ୨୯ ଏମ୍ପାଆଁ  
 ପୁଲ୍ୟାୟୟ ନେଞ୍ଜାମାନି ର ଡକା ମାରେ; ଏଞ୍ଜାରି ଏମ୍ପାଆଁ ର ଡ୍ରାଃଆଲି ମୁସାନା  
 ବାଲ୍ୟାତି ମୁନୁତା ରୂପାନା ଜୀସୁତି ଗୁତିତା ହାତେରି । ୩୦ ଏଚେଟିଏ ଜୀସୁ  
 ଏ ପୁଲ୍ୟାୟୟ ଗସାନା ଏଲେଇରେସି, “ରାହାହାଚେ” ଏଲେଇଚ୍ଛୁନା ତାୟ୍  
 ଲେସାନା ହାତେସି । ୩୧ ପାସି ଏପକି ଆହାମାନାରି କତାୟ୍ ଡିକ୍‌ହାନା  
 ଏଞ୍ଜାରି ହାତି ମାଡ୍‌ହାତି ପାସି ମୁଣ୍ଡାଟି ରେପ୍‌ହା ତାଚାଲି ଜୀହୁଦି ଲକ୍‌କୁଟି କାଜାରି  
 ପିଲାତଇଁ ବାତିମାଲିତେରି, ଇତିହିଁ ଏ ଦିନା ସୁକ୍ତି ତାନି ଅର ଦିନା ସୁଦୁ ଜମିନି  
 ଦିନାତା ହାତି ମାଡ୍‌ହା ପାସିମୁଣ୍ଡା ଲାକ ପିସାଲି ଏଞ୍ଜାରି ମନ କିହିହିଲାଆତେରି  
 । ୩୨ ଇଚ୍ଛୁ ରିଜାରି କସକା ଖାହାନା ଜୀସୁତଲେ ପାସି ମୁଣ୍ଡାତା ଏକ୍‌ହାମାତି  
 ରିଆରି କତାୟ୍ ଡିକ୍‌ହେରି । ୩୩ ସାମା ଏଞ୍ଜାରି ଜୀସୁ ତାଣା ଖାହାନା ଏଞ୍ଜାସି  
 ହାହାମାନାଣି ମେସ୍‌ସେରି, ଏଦାଆଁତାକି ଏଞ୍ଜାରି ଏଞ୍ଜାଣି କତାୟ୍ ଡିକ୍‌ଆତେରି  
 । ୩୪ ଆଡିଜିକେଏ କସକା ବିତ୍ରାଟି ରଅସି ଜୀସୁତି ପାଡ୍‌କା ଟଟତା ବାଲା  
 ତଲେ ଗ୍ଲ୍ୟାକ୍‌ହେସି ଇଚ୍ଛୁ ଦେବୁଣିଏ ଏମ୍ପାଟି ଏୟୁ ଅଡେ ନେତେରି ହୃତେ । ୩୫  
 ଆମ୍ପାଆସି ମେସାମାନେସି, ଏଞ୍ଜାସି ସାକି ହାହାମାନେସି, ଏନିକିଁ ମାରୁ ଜିକେଏ  
 ନାମିଦେରି; ଇଚ୍ଛୁ ଏଞ୍ଜାଣି ସାକି ସାତା, ଏଞ୍ଜାସି ସାତା ଷେସାମାନେସି ଇ କାତା  
 ଏଞ୍ଜାସି ପୁଞ୍ଜାମାନେସି । ୩୬ ଇତିହିଁ ଦାମ୍‌ ପତିତି କାତା ପୂରା ଆହାଲିତାକି ଇ  
 ବାରେ ଆତେ, “ଏଞ୍ଜାଣି ର ଡୁମ୍‌ ଜିକେଏ ଡିକ୍‌ଅରି ।” ୩୭ ଦାମ୍‌ ପତିତି ଅର  
 କାତା ଇଦି, “ଏଞ୍ଜାରି ଆମ୍ପାଆରାଇଁ ବାଲା ତଲେ ଗ୍ଲ୍ୟାକ୍‌ହା ମାଚାରି ଜିକେଏ  
 ଏଞ୍ଜାଣାଇଁ ସିନିକିନେରି ।” ୩୮ ଇଦାଆଁ ତାୟ୍ ହାରାମାତିୟାତି ଜସେପ ଇନାସି  
 ପିଲାତ ତାଣା ହାଜାନା ଜୀସୁତି ଆଡ୍‌ସୁ ଅହାଲି ବାତିମାଲିତେସି । ଇ ଜସେପ  
 ଜୀସୁତି ର ସୀସୁ ମାରେସି, ସାମା ଜୀହୁଦି ଲକ୍‌କୁଟି କାଜାରି ଆଜିତାକି ଡୁଗାନା  
 ମାରେସି, ପିଲାତ ଏଞ୍ଜାଣାଇଁ ହେଲ ହାହାଲିଏ ଏଞ୍ଜାସି ଜୀସୁତି ଆଡ୍‌ସୁ ମୁସାଲି  
 ଅତେସି । ୩୯ ଏଞ୍ଜାଣିତଲେ ନିକଦିମ ମାରେସି । ଇ ନିକଦିମ ର ଦିନା  
 ଲାଆଁୟ୍ ଜୀସୁତଲେ କାତା ଆହାଲି ଖାହାମାରେସି, ଏ ନିକଦିମ କଡେଦସ  
 କେଜି ଗାନ୍ତା ନିୟ୍ ତାତିହିଁ ଖାହାମାରେସି । ୪୦ ଏଞ୍ଜାରି ଜୀସୁତି ଆଡ୍‌ସୁ ଅହାନା  
 ଜୀହୁଦି ଲକ୍‌କୁଟି ମୁହ୍‌ନି ମେରା ତଲେ ଏଦାଆଁ ଗାନ୍ତା ନିୟ୍‌ତଲେ ପାତାଡା ହିମ୍‌ପୁରି  
 ରୁପିତେରି । ୪୧ ଜୀସୁ ଏମିନି ଟାୟ୍‌ତା ପାସି ମୁଣ୍ଡାତା ଏପକି ଆହାମାରେସି ଏ  
 ଦାରିତା ର ବାଡା ମାରେ, ଏ ବିତ୍ରା ର ପୁଃନି ମାହ୍‌ଣି ମାଣ୍ଡା ମାରେ, ଏମ୍ପାଆଁ  
 ନକେଏ ଆମ୍ପାଆରାଇଁ ଇଚ୍ଛୁ ଆହାହିଲାଆତେ । ୪୨ ଏ ଦିନା ଜୀହୁଦି ଲକ୍‌କୁଟି

ଜମିନି ଦାନାତି ନକିତି ଦିନା ମାତାକି, ଗାତି ହେକ ହାଲାଆନା ଏଝାରି ଜୀସୁତି  
ଆଢ଼ା ଅହାନା ମାହଣି ମାଣ୍ଡାତା ଇଟିତେରି ।

**୨୦** ଝାରାତି ମୁଲୁ ଦିନା ଲାଇ ଲାଇ ଆନେରି ମାଞ୍ଜା ମାଞ୍ଜାନା ମଗ୍ଦଲିନି  
ମରିୟମ ମାହଣି ମାଣ୍ଡା ଦାରିତା ଝାହାନା ଏମ୍ପାତି ଝାଲି ଗୁଡା ଆହାମାନାଣି  
ମେସ୍ତେ । ୨ ଇଞ୍ଜି ଏଦି ହଟି ହଟି ହାଜାନା ସିମନ ପିତର ଆମ୍ପାଆରାଇଁ  
ଜୀସୁ ଜୀସୁ ନହଁମାରେସି, ଏ ସୀସୁୟାଁଇଁ ଏଲେଇଚେ, “ଆମ୍ପାଆରି ପ୍ରବୁଇଁ  
ମାହଣି ମାଣ୍ଡାଟି ଅହାମାନେରି, ଇଞ୍ଜି ଆମ୍ପିୟା ଇଟାମାନେରି ଏଦାଆଁ ମାମ୍ପୁ  
ପୁଞ୍ଜାହିଲଅମି ।” ୩ ଇ କାତା ଝେଞ୍ଜାନା ପିତର ଅଡେ ଅର ସୀସୁ ମାହଣି ମାଣ୍ଡା  
ଝାକି ହରେରି । ୪ ଏଝାରି ରିଆରି ରହେଁଏ ହରେରି, ଅର ସୀସୁ ପିତରଇଁ  
ଡାୟୁ ପିସାନା ତଲିଏ ମାହଣି ମାଣ୍ଡା ଏତେସି । ୫ ଏଝାସି ବଢ଼ାହାଁ ଏମିନି  
ପାତାଡ଼ା ହିମ୍ପୁରି ଆଢ଼ାତା ରୁପା ମାରେରି ଏମ୍ପାଆଁ ରିହାମାତାଣି ମେସ୍ତେସି,  
ସାମା ବିତ୍ରା ହାଲାଆତେସି । ୬ ଡାୟୁ ସିମନ ପିତର ଜିକେଏ ଝାତେସି ଇଞ୍ଜି  
ମାହଣି ମାଣ୍ଡା ବିତ୍ରା ହତାନା ସିନିକିତେସି ଏମ୍ପାଆଁ ପାତାଡ଼ା ହିମ୍ପୁରିକା ମାନ୍, ୭  
ଇଞ୍ଜି ତାନି ଡାୟୁତା ଦସାମାଟି ଏ ପାତାଡ଼ା ହିମ୍ପୁରିକା ତଲେ ହିଲାଆତେ ଏଦି  
ଏବ୍‌କା ମାରେ । ୮ ଏତିବେଲା ଏମିନି ସୀସୁ ତଲିଏ ମାହଣି ମାଣ୍ଡା ତାଗେ  
ଝାହାମାରେସି, ଏଝାସି ଜିକେଏ ବିତ୍ରା ହତାନା ମେସ୍ତେସି ଅଡେ ନାମିତେସି; ୯  
ଇଟିହିଁ ହାତାରି ବିତ୍ରାଟି ଏଝାଶାକି ନିଢ଼ାଲି ଆନେ, ଦାମ୍ପୁ ପତିତି ଇ ବଲୁ ଏଚେ  
ପାତେକା ତେଲହା ହିଲାଆତେରି । ୧୦ ଡାୟୁ ସୀସୁୟାଁ ଝେଣ୍ଡେ ଇଜ ହାଚେରି  
। ୧୧ ସାମା ମରିୟମ ଡ଼ାହି ଡ଼ାହି ପାଢ଼ାତା ନିଚା ଡ଼ାୟିତେ; ଇଞ୍ଜି ଡ଼ାହି ଡ଼ାହି  
ବଢ଼ାହାଁ ମାହଣି ମାଣ୍ଡା ବିତ୍ରା ସିନିକିତେ, ୧୨ ଜୀସୁତି ଆଢ଼ା ଏମିନି ଚାୟୁତା  
ଇବ୍‌କି ଆହାମାରେ, ଏମ୍ପାଆଁ ଡାୟୁଁ ଝାକି ରଅସି ଅଡେ କଡାୟାଁ ଝାକି ରଅସି  
ଦବ୍‌ଲା ହିମ୍ପୁରିକା ପରହାନା ରିଆରି ଦୁରୁୟାଁ କୁଗାମାନାଣି ମେସ୍ତେ । ୧୩  
ଏଝାରି ଏଦାନି ଏଲେଇଚେରି, “ଏ ଇୟା ଏନାଆଁତାକି ଡ଼ାହିମାଞ୍ଜି?” ଏଦି  
ଏଝାରାଇଁ ଏଲେଇଚେ, “ଆମ୍ପାଆରି ନା ପ୍ରବୁଇଁ ଅହାମାନେରି, ଅଡେ ଏଝାଶାଇଁ  
ଆମ୍ପିୟା ଇଟାମାନେରି ପୁଞ୍ଜାହିଲଅଁ ।” ୧୪ ଏଦି ଏଲେଇଞ୍ଜାନା ଡାୟୁଝାକି  
ସିନିକିହାନା ଜୀସୁଇଁ ମେସ୍ତେ, ସାମା ଏଝାସି ଜୀସୁ ପୁଞ୍ଜାଲି ଆତାଆତେ । ୧୫  
ଜୀସୁ ଏଦାନି ଏଲେଇଚେସି, “ଏ ଇୟା ଏନାଆଁତାକି ଡ଼ାହିମାଞ୍ଜି? ଆମ୍ପାଆରାଇଁ  
ପାରିମାଞ୍ଜି?” ଏଦି ଏଝାଶାଇଁ ବାଡ଼ା ଗାଟାସି ଇଞ୍ଜି ଅଶ୍‌ପାନା ଏଲେଇଚେ,  
“ବାବୁ ନାନୁ ଏଝାଶାଇଁ ଅହାମାଞ୍ଜି ଇଟିହିଁ ଆମ୍ପିୟା ଇଟାମାଞ୍ଜି, ନାଢ଼େ ଝେସ୍ତାମୁ

ନାନୁ ଅଇଁ ।” ୧୭ ଜୀସୁ ଏଦାନି ଏଲେଇରେସି, “ମରିୟମା!” ମରିୟମ ଏଝାଣି  
 ଝାକି ସିନିକିହାନା ଏବ୍ରି ହାତାତଲେ ଏଲେଇରେ, “ରାବୁରୁନି” ଇଚିହିଁ ଏ ଗୁରୁ  
 । ୧୭ ଜୀସୁ ଏଦାନି ଏଲେଇରେସି, “ନାଡ୍ରେ ଆସା ଇଟାଲି ଅଣ୍ଟାଆନି,  
 ଇଚିହିଁ ନାନୁ ନାଏଁ ପାତେକା ଆବା ତାଣା ହାଜାହିଲଅଁ; ସାମା ନା ତାୟିୟା  
 ତାଣା ହାଜାନା କାବୁ ହୀମ୍ବୁ, ନାନୁ ନା ଆବା ମୀ ଆବା ନା ମାହାପୁରୁ ମୀ  
 ମାହାପୁରୁ ତାଣା ହାଜିମାଇଁ ।” ୧୮ ମଗ୍ଦଲିନି ମରିୟମ ହାଜାନା, ନାନୁ  
 ପ୍ରବୁଇଁ ମେସାମାଇଁ ଏଝାସି ନାଡ୍ରେ ଇ ବାରେ କାତା ଝେସାମାଞ୍ଜାନେସି ଇଞ୍ଜି  
 ସୀସୁୟାଁଇଁ କାବୁ ହୀତେ । ୧୯ ଏ ଦିନା ଇଚିହିଁ ଝାରାତି ତଲିତି ଦିନା ମିଡ୍‌ଅଲା  
 ବେଲା ଏରେତା ସୀସୁୟାଁ ଏମିନି ଇଲୁତା ଜୀହୁଦି ଲୁକ୍‌ତି ଆଜିତାକି ଦାରାୟା  
 ସୁଣ୍ଡାମାରେରି, ଏଚିବେଲା ଜୀସୁ ଝାହାନା ମାଦିଏ ନିତାନା ଏଲେଇରେସି,  
 “ମିଡ୍ରେ ହିଡ୍‌ଡି ଆୟାପେ ।” ୨୦ ଏଝାସି ଏଲେଇଞ୍ଜାନା ତାନି କେସ୍‌ସା, ପାଡ୍‌କା  
 ଡ଼ଇକା ଡ଼ସ୍‌ସେସି, ଏମ୍ପାଟିଏ ସୀସୁୟାଁ ପ୍ରବୁଇଁ ମେସାନା ରାହାଁ ଆତେରି ।  
 ୨୧ ଜୀସୁ ଝେଣ୍ଡେ ଏଲେଇରେସି, “ମିଡ୍ରେ ହିଡ୍‌ଡି ଆୟାପେ ଆବା ଏନିକି  
 ନାଡ୍ରେ ପାଣ୍ଡାମାଞ୍ଜାନେସି, ନାନୁ ଜିକେଏ ମିଡ୍ରେ ଏଲେକିହିଁଏ ପାଣ୍ଡାମାଞ୍ଜାଇଁ  
 ।” ୨୨ ଏଲେଇଞ୍ଜାନା ଏଝାରି ଲାକ ନେଞ୍ଜାନା ଏଲେଇରେସି, “ସୁଦୁଜୀସୁଇଁ  
 ଆବାକତାଦୁ, ୨୩ ମୀରୁ ମାଣ୍‌ସିୟାଁ ପାପୁ ମ୍ଲେକ୍‌ହିସାରେ, ମାହାପୁରୁ ଜିକେଏ  
 ଏଝାରି ପାପୁ ମ୍ଲେକ୍‌ନେସି; ଇଞ୍ଜି ଆମ୍ପାଆରି ପାପୁ ମ୍ଲେକ୍‌ଅତେରି, ଇଚିହିଁ  
 ଏଝାଣି ପାପୁ ମେଣ୍‌ଡ୍ରେଏ ।” ୨୪ ସାମା ଜୀସୁ ଏଚିବେଲା ଝାହାମାରେସି,  
 ଏଚିବେଲାତା ବାରଜାଣା ବିତ୍ରା ତମା ଆମ୍ପାଆରାଇଁ ଦିଦୁମ ଇନେରି, ଏଝାସି  
 ଏଝାରିତଲେ ହିଲାଆତେସି । ୨୫ ଏବ୍‌କାତି ସୀସୁୟାଁ ଏଲେଇରେରି, “ମାମୁ  
 ଜୀସୁଇଁ ମେସୁମି ।” ଇଞ୍ଜି ଏଝାସି ଏଝାରାଇଁ ଏଲେଇରେସି, “ଏଝାଣି କେୟୁତି  
 କୁଟିୟାଁ ସିନା ମେହ୍‌ଆତିହିଁ ଅଡେ ଏ ବାରେ ତାଣା ନା ଝାଞ୍ଜୁ ଉହ୍‌ଆନା ଇଞ୍ଜି  
 ଏଝାଣି ପାଡ୍‌କା ଡ଼ଇକା ତୀଗାଆନା ନାନୁ ଏରେଲା ଜିକେଏ ନାମଅଁ ।” ୨୬  
 ଆତାଦିନା ଜେଚ ତାନି ସୀସୁୟାଁ ଏ ଇଲୁତେଏ ମାରେରି, ଅଡେ ତମା ଜିକେଏ  
 ଏଝାରିତଲେ ମାରେସି, ଦାରାୟାଁ ସୁଣ୍ଡକି ଆହାମାରୁ, ସାମା ଜୀସୁ ଝାହାନା  
 ଏଝାରି ମାଦି ନିତାନା ଏଲେଇରେସି, “ମିଡ୍ରେ ହିଡ୍‌ଡି ଆୟାପେ ।” ୨୭ ତାୟୁ  
 ଏଝାସି ତମାଇଁ ଏଲେଇରେସି, “ଇମ୍ପାଆଁ ନୀ ଝାଞ୍ଜୁ ଉସାନା ସିନିକିମ୍ବୁ, କେୟୁ  
 ଦାସାନା ନା ପାଡ୍‌କା ଡ଼ଇକା ତୀଗାମ୍ବୁ: ଆନାମାନା ଆଆନା ନାମାମୁ ।” ୨୮  
 ତମା ଜୀସୁଇଁ ଏଲେଇରେସି, “ନା ପ୍ରବୁ ନା ମାହାପୁରୁ ।” ୨୯ ଜୀସୁ ଏଝାଣାଇଁ

ଏଲେଇଚେସି, “ନୀନୁ ନାଡ଼େ ମେସାନା ନାମିମାଞ୍ଜୁଦି, ଆମ୍ବାଆରି ମେହ୍‌ଆନା ନାମିନେରି ଏଞ୍ଜାରି ନେହେଁ ।” ୩୦ ଜୀସୁ ସୀସୁୟାଁ ନକିତା ହାରେକା କାବାଆନି କାମାୟାଁ କିହାମାଚେସି, ଏଞ୍ଜି ବାରେ ଇ ପତତା ରାସ୍‌କି ଆହାହିଲାତ; ୩୧ ସାମା ମୀରୁ ଏନିକିଁ ନାମିଦେରି, ଜୀସୁ ମାହାପୁରୁ ମୀର୍‌ଏସି ମସିହା, ଇ କାତା ନାମାହାଁ ଏନିକିଁ ମୀରୁ ଏଞ୍ଜାଣି ଦରୁଟି ଜୀସୁ ବେଟାଆଦେରି, ଏଦାଆଁତାକି ଇ ବାରେ ରାସ୍‌କି ଆହାମାନେ ।

**୨୧** ଇଦାଆଁ ଡାୟୁ ଜୀସୁ ଚିବିରିୟା ସାମ୍‌ଦୁରି ଗାରୁତା ସୀସୁୟାଁକିଁ ଖେଣ୍ଟେ ତଞ୍ଜାଆଚେସି; ୨ ଏମ୍ବାଆଁ ସିମନ ପିତର ତମା ଆମ୍ବାଆରାଇଁ ଦିଦୁମ ଇନେରି, ଗାଲିଲିତି କାନା ଗାଡ଼ାତି ନିତନିୟେଲ, ଜେବଦିତି ମୀର୍କା ଅଡ଼େ ତାନି ସୀସୁୟାଁ ବିତ୍ରାଟି ରିଆରି କୁଡ଼ା ଆହାମାଚେରି । ୩ ସିମନ ପିତର ଏଞ୍ଜାରାଇଁ ଏଲେଇଚେସି, “ନୀନୁ ମୀଶ୍‌କା ଆସାଲି ହାଜିମାଇଁ ।” ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାମୁ ଜିକେଏ ନୀ ତଲେ ଖାନମି ।” ଏଞ୍ଜାରି ହାଜାନା ତଂଗତା ହୁଚେରି, ଏ ଲାଆଁୟାଁ ଏଞ୍ଜାରି ଏନାଆଁ ଜିକେଏ ବେଟାଆଆଚେରି । ୪ ସାମା ଜୁଲୁପୁଲୁ ଆହାଲିଏ ଜୀସୁ ଗାରୁତା ନିଚେସି; ଆତିଜିକେଏ ଏଞ୍ଜାସି ଜୀସୁ ଇଞ୍ଜିଁ ସୀସୁୟାଁ ପୁନାଆଚେରି । ୫ ଜୀସୁ ଏଞ୍ଜାରାଇଁ ଏଲେଇଚେସି, “ଏ କକାଚେରି ମୀ ତାଣା ଏନାଆଁ ମୀଶ୍‌କା ମାନୁ କି?” ଏଞ୍ଜାରି “ଆଏ” ଇଚେରି । ୬ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ତଂଗତି ଚିଃନିଞ୍ଜାକି ଜାଲା ମେଦ୍‌ଦୁ, ଆତିହିଁ ମୀରୁ ବେଟାଆଦେରି ।” ଏମ୍ବାଟିଏ ଏଞ୍ଜାରି ଜାଲା ମେଦ୍‌ହେରି, ଏମ୍ବାଆଁ ଇଚେକା ମୀଶ୍‌କା ଖାତୁ ଏଞ୍ଜାରି ଏଦାଆଁ ରେଜାଲି ଆତାଆଚେରି । ୭ ଏମ୍ବାଟିଏ ଜୀସୁ ଏମିନି ସୀସୁୟାଁ ଜୀସୁ ନିହିଁମାଚେସି, ଏ ପିତରଇଁ ଏଲେଇଚେରି, “ଇଞ୍ଜାସିତ ପ୍ରୁ ।” ସିମନ ପିତର ଇ କାତା ଖେଞ୍ଜାନା ତୁମ୍‌ଶ୍ଟା ମାତାକି ତାନି ସକା ତୁରହାନା ସାମ୍‌ଦୁରିତା ଡେଞ୍ଜିଚେସି; ୮ ସାମା ଏବ୍‌କାତି ସୀସୁୟାଁ ନେଞ୍ଜାମାନି ମୀଶ୍‌କା ଜାଲାତି ରେଜି ରେଜି ତଂଗତି ଗାରୁତା ତାଚେରି, ଇଚିହିଁ ଏଞ୍ଜାରି ଗାରୁଟିଏ ହାରେକା ହେକ ହାଜା ହିଲାଆଚେରି । ୯ ଏଞ୍ଜାରି ସାମ୍‌ଦୁରି ଗାରୁତା ରେଚାନା, ଏମ୍ବାଆଁ ରୀଞ୍ଜାୟାଁତି ହିରୁ ଇଞ୍ଜାଁ ହିରୁ ଲାକ ମୀଶ୍‌କା ଅଡ଼େ ରୁଟି ଇଟାମାନାଣି ମେସ୍‌ପେରି । ୧୦ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ନୀଏଁ ଏମିନି ମୀଶ୍‌କା ଆସାମାଞ୍ଜେରି ଏମ୍ବାଟି ଇଚରା ତାଚିହିଁ ଖାତୁ ।” ୧୧ ସିମନ ପିତର ହାଜାନା ସାତାକଡ଼ି ଡେରଗଟା ମୀଶ୍‌କା ମାତି ଜାଲାତି ଗାରୁତା ରେଜା ତାଚେସି; ଇଚେକା ମୀଶ୍‌କା ତାକି ଜିକେଏ ଜାଲା ତାମ୍ବାଆଚେ । ୧୨ ଜୀସୁ

ଏଖାରାଇଁ ଏଲେଇରେସି, “ଝାନ୍ଦୁ ତିଜ୍ଞୁ ।” ସୀସୁୟାଁ ବିଚାଟି ଆମ୍ବାଆରି ଏଖାଣାଇଁ  
 ନୀନୁ ଆମ୍ବାଆତି ଇଞ୍ଜି ଖେଞ୍ଜାଲି ସାସା କିଆତେରି, ଇତିହିଁ ଏଖାସି ପ୍ରବୁ ଇ  
 କାତା ଏଖାରି ପୁଞ୍ଜାମାରେସି । ୧୩ ଜୀସୁ ଝାହାନା ରୁଟି ଅହାନା ହାତେସି,  
 ଇଞ୍ଜି ମୀଶ୍ଟକା ଜିକେଏ ଏଲେକିହିଁଏ ହାତେସି । ୧୪ ଜୀସୁ ହାକିଟି ନିଢୁଟି  
 ଡାୟୁ ଇଦି ତାନି ପାଲି ତାକି ସୀସୁୟାଁ ଡଞ୍ଜାଆତେସି । ୧୫ ଏଖାରି ତିଜ୍ଞାଲି  
 ଆଡିତି ଜେଚ ଜୀସୁ ସିମନ ପିତରଇଁ ଖେରେସି, “ଏ ଜହନତି ମୀର୍ଏଶା  
 ସିମନ ଏନାଆଁ ନୀନୁ ନାଢ୍ଢେ ଇଖାରି କିହା ହାରେକା ଜୀସୁ ନହିଁମାଞ୍ଜାଦି?”  
 ଏଖାସି ଏଲେଇରେସି, “ଏ ପ୍ରବୁ ନୀନୁ ନିଢ୍ଢେ ଜୀସୁନହିଁ ମାଞ୍ଜାଇଁ ନୀନୁ ଏଦାଆଁ  
 ପୁଞ୍ଜାମାଞ୍ଜି ।” ଜୀସୁ ଏଖାଣାଇଁ ଏଲେଇରେସି, “ନା ମେଶ୍ଟା ଡାଲକାଣି ତୀହ୍ମୁ  
 ।” ୧୬ ଜୀସୁ ଖେଶ୍ଟେ ରୀ ପାଲି ତାକି ଖେରେସି, “ଏ ଜହନତି ମୀର୍ଏଶା  
 ସିମନ ଏନାଆଁ ନୀନୁ ନାଢ୍ଢେ ଜୀସୁ ନହିଁମାଞ୍ଜାଦି?” ଏଖାସି ଏଲେଇରେସି,  
 “ଏ ପ୍ରବୁ ନୀନୁ ନିଢ୍ଢେ ଜୀସୁନହିଁ ମାଞ୍ଜାଇଁ ନୀନୁ ଏଦାଆଁ ପୁଞ୍ଜାମାଞ୍ଜି ।” ଏଖାସି  
 ଏଖାଣାଇଁ ଏଲେଇରେସି, “ନା ମେଶ୍ଟାୟାଁଣି ପୁହିକିମୁ ।” ୧୭ ଜୀସୁ ଅଡେ ତାନି  
 ପାଲି ତାକି ଖେରେସି, “ଏ ଜହନତି ମୀର୍ଏଶା ସିମନ ଏନାଆଁ ନୀନୁ ନାଢ୍ଢେ  
 ଜୀସୁ ନହିଁମାଞ୍ଜାଦି?” ଏଲେଇଞ୍ଜି ତାନି ପାଲି ଖେଞ୍ଜାଲିଏ ଏଖାସି ଦୁକୁ ଆହାନା  
 ଏଲେଇରେସି, “ଏ ପ୍ରବୁ ନୀନୁ ବାରେ ପୁଞ୍ଜାମାଞ୍ଜି; ନୀନୁ ନିଢ୍ଢେ ଜୀସୁନହିଁ  
 ମାଞ୍ଜାଇଁ, ଏଦାଆଁ ନୀନୁ ପୁଞ୍ଜାମାଞ୍ଜି ।” ଜୀସୁ ଏଖାଣାଇଁ ଏଲେଇରେସି, “ନା  
 ମେଶ୍ଟାୟାଁଣି ଜାଡ୍ନୁ ଅମୁ ।” ୧୮ ନୀନୁ ମିଢ୍ଢେ ସାତା ଖେସିମାଞ୍ଜାଇଁ, ନୀନୁ  
 ଦାଂଗଣା ମାନି ବେଲାତା ନୀ ଟେଡେଲି ରୁପା କତାନା ଆମ୍ବିୟାଖାକି ନୀ ମନ  
 ଏନିକା ରେଜିମାଟି, ସାମା ବୁଡ୍‌ହା ଆଡିହିଁ ନୀନୁ ନୀ କେସ୍ତା ଦାହ୍‌ଦି ଇଞ୍ଜି ଅର  
 ରଅସି ନୀ ଟେଡେଲିତା ଦସାନା ଆମ୍ବିୟା ନୀ ମନ ହିଲେଏ ଏନିକା ରେଜା  
 ଅୟାନେସି । ୧୯ ପିତର ଏନିଲେହେଟି ହାକି ତଲେ ମାହାପୁରୁଇଁ ଗାସୁରମି  
 କିନେସି, ଏଦାଆଁ ପୁଶ୍ଟି କିହାଲି ଏଲେଇଞ୍ଜାମାରେସି । ଏଲେଇତି ଡାୟୁ  
 ଏଖାସି ଏଖାଣାଇଁ ଏଲେଇରେସି, “ନା ଜେଚ ଝାମୁ ।” ୨୦ ଜୀସୁ ଏମିନି ସୀସୁଇଁ  
 ଜୀସୁ ନହିଁମାରେସି, ଅଡେ ଲାଆଁୟାଁ ବଜି ବେଲାତା ତାନି ବକତା ଲାବାନା  
 ପ୍ରବୁ ନିଢ୍ଢେ ଆମ୍ବାଆସି ସାତୁୟାଁ କେୟୁତା ହେର୍ପାନେସି ଇଞ୍ଜି ଖେଞ୍ଜାମାରେସି,  
 ଏ ସୀସୁ ଜେଚ ଝାହିମାନାଣି ପିତର ଖେଶ୍ଟେ ତିର୍‌ଖାନା ମେସ୍ତେସି । ୨୧  
 ପିତର ଏଖାଣାଇଁ ମେସାନା ଜୀସୁଇଁ ଖେରେସି, “ପ୍ରବୁ ଇଖାଣି କାତା ଏନାଆଁ  
 ଇଞ୍ଜିମାଞ୍ଜି?” ୨୨ ଜୀସୁ ଏଖାଣାଇଁ ଏଲେଇରେସି, “ନା ଝାନି ଦିନା ପାତେକା

ଡୟାପେସି ଇଚ୍ଛୁ ନାନୁ ମନ କିଇଁ, ଆତିହିଁ ଏମାଆଁ ନୀଦି ଏନାୟି ମାନେ?  
ନୀନୁ ନା ଜେତ ଖାମୁ ।” ୨୩ ଏମାଟିଏ ଏ ସୀସୁ ହାଅସି, ଇ କାତା ତାୟିୟାଁ  
ବିତ୍ତା ଚେଡ଼ୁହାରେ, ସାମା ଏଖାସି ହାଅସି ଇଚ୍ଛୁ ଜୀସୁ ଏଖାଣାଇଁ ଏଲେଇଚ୍ଛୁ  
ହିଲାଆତେସି, ସାମା ନା ଖାନି ଦିନା ପାତେକା ଏଖାସି ଡୟାପେସି ଇଚ୍ଛୁ ନାନୁ  
ମନ କିଇଁ, ଆତିହିଁ ଏମାଆଁ ମୀ ଏନାୟି ମାନେ ଇଚ୍ଛୁ ସେସାମାଚେସି । ୨୪  
ଆମାଆସି ଇ ବାରେ ସାକି ହାହିମାନେସି, ଅଡ଼େ ଇ ବାରେ ରାଚାମାନେସି,  
ଏଖାସି ଏ ସୀସୁ: ଅଡ଼େ ଏଖାଣି ସାକି ସାତା ଇଦାଆଁ ମାମୁ ପୁଞ୍ଜାମାନମି । ୨୫  
ଜୀସୁ ହାରେ ହାରେକା କାମାୟାଁ କିହାମାଚେସି; ଏ ବାରେ ରଣ୍ଡା ରଣ୍ଡାଆଁ କିହିଁ  
ରାଚିଚିହିଁମା, ଇଚେକା ପତିୟାଁ ରାସକି ଆତୁମା, ଇଚିହିଁ ନା ଅଣପୁତା ବାରେ  
ଦାର୍ତ୍ତିତା ଜିକେଏ ଏ ବାରେ ଇଟାଲି ଟାୟୁ ଆଆତେମା ।

# କାମା

୧ ଏ ଜୀବୁତି ତିୟପିଲ, ନା ମୁଲୁତି ପତିତା ଇ ବାରେ କାତା ରାତାମାଲ୍, ଜୀସୁ ଏମିନି କାମା ମାଟ୍‌ହେସି ଅଡେ ଜାପ୍‌ହେସି, ୨ ଏ ଦିନା ପାତେକା ଏଝାସି ପାଣ୍ଡୁଝି ଆତାରାଇଁ ଆତାମାତେସି, ସୁଦୁଜୀଝୁ ତଲେ ହୁକୁମି ହୀହାନା ଲାକପୁରୁ ଅଝି ଆହାମାତେସି । ୩ ଏରେଟିଏ ଜୀସୁ ତାନି ଦୁକୁ ବେଟାଆତି ଡାୟୁ ହାରେକା ଦିନା ଏଝାସି ଜୀବୁତଲେ ମାତେସି ଇଦାଆଁ ପାଣ୍ଡୁଝି ଆହାମାନାରି ତାଣା ପାର୍‌ମାଣା କିତେସି, ଇଞ୍ଜାଁ ରୀ କଡ଼ି ଦିନା ପାତେକା ହାରେକା ଦେବା ତଞ୍ଜାଆହାନା ମାହାପୁରୁ ରାଜିତି କାତା ଜାପ୍‌ହେସି । ୪ ର ଦିନା ଏଝାରି ରଣ୍ଡିଏ ତାଣା ତିଞ୍ଜାଲି କୁଡ଼ା ଆହାମାତି ବେଲାତା ଜୀସୁ ଏଝାରାକି ଇ ହୁକୁମି ହୀତେସି; “ମୀରୁ ଜିରୁସାଲମ ପିସାଁ ଆମ୍ବିୟା ହାଲାଆଦୁ, ସାମା ମୀରୁ ମାହାପୁରୁ ଆବାତି ଆଞ୍ଜାମାନାଣି ନା ତାଣାଟି ଖେଞ୍ଜା ମାଞ୍ଜେରି, ଏଦାଆଁ ପାଣ୍ଡୁଝି ପାତେକା କାତାନା ତୟାଦୁ: ୫ ଇତିହିଁ ଜହନ ଏୟୁତା ବାପ୍‌ସୁ ହୀତେସି ସାତା, ସାମା ମୀରୁ ଏଚରଦିନା ଜେଚ ସୁଦୁଜୀଝୁ ତଲେ ବାପ୍‌ସୁ ବେଟାଆଦେରି ।” ୬ ର ଦିନା ପାଣ୍ଡୁଝି ଆତାରି ରୁଣ୍ଡା ଆହାମାତି ବେଲା ଜୀସୁଲ୍ ଖେଚେରି, “ପ୍ରବୁ, ନୀନୁ ଏନାଆଁ ନୀଏଁ ଇସାୟେଲ କେୟୁତା ଅଡେ ଖେଣ୍ଡେ ଇ ରାଜିତି ହେର୍‌ପିଦି?” ୭ ଜୀସୁ ଏଝାରାଇଁ ଏଲେଇତେସି, “ଆମିନି ଦିନା ଅଡେ କାଲା ନା ଆବା ତାନି ଅଦିକାରାତା ଇଟାମାନେସି, ଏ ବାରେ ମିଡ୍‌ଜେ ପୁଞ୍ଜାଲି ଲଡ଼ା ଆଏ । ୮ ସାମା ସୁଦୁଜୀଝୁ ମୀ ତାଣା ଝାତିସାରେ, ମୀରୁ ବାଡ୍‌ୟୁ ବେଟାଆଦେରି, ଇଞ୍ଜାଁ ଜିରୁସାଲମ ବାରେ ଜୀହୁଦା ଦେସା ଇଞ୍ଜାଁ ସମିରଣତା ଅଡେ ବୃମି ମୁର୍‌ପେ ତାକି ନା ସାକି ଆଦେରି ।” ୯ ଏଝାସି ଇ ବାରେ କାତା ଖେସ୍ତି ଡାୟୁ ଏଝାରି ମେସ୍‌ପନିଏ ଜୀସୁ ଲାକପୁରୁ ହାତେସି, ଅଡେ ଇତାୟି ଦୁନ୍ନା ଏଝାଣାଇଁ ଏଝାରି ତାଣାଟି ଅହିଁ ହାଚେ, ଏଝାରି ଅଡେ ଏଝାଣାଇଁ ମେହ୍‌ଆତେରି । ୧୦ ଏଝାସି ଲାକପୁରୁ ହାଜାଲିଏ ଜିକେଏ ଏଝାରି ହାଗୁଝାକି ମୁମୁ କିହାନା ସିନିକିହିଁ ମାନେରି; ଏତିବେଲା ଦବ୍‌ଲା ହିମ୍‌ପୁରିକା ହୁଚାମାନି ରିଆରି ଦେବୁଣିଏ ଏଝାରି ନକିତା ନିତେରି, ୧୧ ଇଞ୍ଜାଁ ଏଝାରି ଏଲେଇତେରି “ଏ ଗାଲିଲିତି ଲକୁତେରି, ଏନାଆଁତାକି ହାଗୁଝାକି ମୁମୁ କିହାନା ନିତାମାଞ୍ଜେରି? ଇ ଆମିନି ଜୀସୁ ମୀ ତାଣାଟି ଲାକପୁରୁ ଅଝିଆତେସି, ଏଝାଣାଇଁ ଏନିକିଁ ଲାକପୁରୁ ହାତାଣି ମୀରୁ ମେସ୍‌ପେରି, ଅଡେ ଏଲେକିହିଁଏ ଖେଣ୍ଡେ ଝାନାଣି ମେହ୍‌ଦେରି ।” ୧୨ ଏମ୍‌ପାଟିଏ ଡାୟୁ ଏଝାରି ଜୀତ ଇନି ହୁରୁ ଲାକଟି ଜିରୁସାଲମତା



ଖେଣ୍ଡାଖାତେରି, ଏ ଜୀତ ହରୁଟିଏ ଜିରୁସାଲମ ର କିଲମିଟର ହେକ ମାତେ ।  
 ୧୩ ଇଚ୍ଛା ଏଞ୍ଜାରି ପିତର, ଜହନ, ଜାକୁବ, ଆନ୍ନିୟ, ପିଲିପ, ତମା, ବାର୍ତଲମି,  
 ମାତିୟୁ ଆଲେପି ମାର୍ସସି ଜାକୁବ, ଦେସାତି ଜୀସୁ ନି ସିମନ ଅଡେ  
 ଜାକୁବ ମାର୍ସସି ଜୀହୁଦା, ଗାଡାତା ଏଜାନା, ଏମିନି ଲାକନି ଇଲୁତା ବାସା  
 ଆହାମାତେରି, ଏମ୍ପାଆଁ ହାତେରି । ୧୪ ଏଞ୍ଜାରି ବାରେଜାଣା ଇୟସିକା ତଲେ  
 ଇଚ୍ଛା ଜୀସୁତି ଇୟା ମରିୟମ ଅଡେ ତାମି ତାୟିୟା ତଲେ ରଣ୍ଡିଏ ଅଣ୍ଟୁ ତଲେ  
 ପ୍ରାତାନା କିହିଁ ରୁଣ୍ଡା ଆହାମାତେରି । ୧୫ ଏଚରଦିନା ଡାୟୁ ନାମିତାରି କୁଡା  
 ଆହାମାତେରି, ଏମ୍ପାଆଁ ସ କଡ଼ି ଜାଣା ଲକୁ କୁଡା ଆହାମାତେରି, ପିତର  
 ତାୟିୟା ବିତ୍ରାଟି ନିଗାନା ଏଲେଇତେସି, ୧୬ “ଜୀସୁତି ତାୟିୟା ଅଡେ ତାଡ଼ିସ୍ତା,  
 ଆମିନି ଇସ୍ପାରିୟତ ଜୀହୁଦା ଜୀସୁଇଁ ସାତୁୟା କେୟୁତା ଆସ୍ପି କିହାଲିତାକି  
 ଜିରୁ ତସାମାତେସି, ଏଞ୍ଜାଣି ତାକି ସୁଦୁଜୀସୁ ନକେଏ ଦାସୁଦ ଗୁଡିଟି ଏନାଆଁ  
 ଖେସାମାତେସି, ଏ ଦାମ୍ବୁ ସାସ୍ତେରି ପୁରା ଆନାୟି ମାତେ; ୧୭ ଇତିହିଁ ଏଞ୍ଜାସି ମା  
 ବିତ୍ରାଟି ରଅସି ଇଚ୍ଛା ଏଜିକିଞ୍ଜି ଆହିମାତେସି, ଅଡେ ଇ ସେବା କାମାତା ପାଣା  
 ବେଟାଆହା ମାତେସି ।” ୧୮ ଇ ଇସ୍ପାରିୟତ ଜୀହୁଦା ଲାଗେଏ କାମା କିତି  
 ତାୟିୟା ତଲେ ରଚାଣି ବୁନି କଡ଼ି ଆହାମାତେ, ଅଡେ ଏଞ୍ଜାସି ହାତି ତାଣା  
 ତାୟିୟା ତଲେ କିହିଁ ତରଗାଲିଏ ତାନି ବାଣ୍ଡି ତାୟାହାତେ ଇଚ୍ଛା ଖାହିୟା ହଚାହାତୁ  
 । ୧୯ ଅଡେ, ଇଦାଆଁ ଜିରୁସାଲମ ଗାଡାତା ବାସା କିହିମାନି ଲକୁ ବାରେ  
 ପୁଞ୍ଜାଲିଏ ଏ ବୁନିଟି ଏଞ୍ଜାରି ହାତାତଲେ “ହକଲଦାମା” ଇତିହିଁ “ନେତେରି  
 ବୁନି” ଇଚ୍ଛା ଖେଡ଼ିତେ । ୨୦ ଅଡେ ପାରୁ ପତିତା ରାସ୍କି ଆହାମାନେ, “ଏଞ୍ଜାଣି  
 ବାସାଗାୟୁ ଖାରଆୟି ଆପେ; ଏମ୍ପାଆଁ ଆମ୍ପାଆରି ବାସା କିଆପେରି ।” ଅଡେ  
 ଜିକେଏ ରାସ୍କି ଆହାମାନେ; “ଏଞ୍ଜାଣି କାମାତି ପାଣା ଅର ରଅସି ବେଟା  
 ଆପେସି ।” ୨୧ “ଏଦାଆଁତାକି, ପ୍ରବୁ ଜୀସୁ ଖେଣ୍ଡେ ନିଡ଼ିଟି କାତା ସାକି ଆହାଲି  
 ଅର ରଅସି ମା ତଲେ ଆଣ୍ଡାୟି ମାନେ । ୨୨ ଜୀସୁ ଜହନ ତାଣାଟି ବାପୁସୁ  
 ଅତି ବେଲାଟିଏ ଲାକପୁରୁ ହାନି ପାତେକା ପ୍ରବୁ ଜୀସୁ ମା ତଲେ ନୀତାମାତି  
 ବେଲାତା, ଆମିନି ଲକୁ ମା ଗତିତା ମାତେରି, ଏଞ୍ଜାରି ତାଣାଟି ରଅସି ଖେଣ୍ଡେ  
 ନିଡ଼ିନି ସାକି ଆନାୟି ମାନେ ।” ୨୩ ଏତେଟିଏ ଏଞ୍ଜାରି ରିଆରାଲ୍ ଇତିହିଁ  
 ଜପେପଇଁ, ଆମ୍ପାଆରାଇଁ ବସିବା ଇନେରି ଅଡେ ଆମ୍ପାଆରି ହାଟା ଦରୁ ଲୁସୁ  
 ଏଞ୍ଜାଣାଇଁ ଇଚ୍ଛା ମତିୟଇଁ ବାତି କିହାନା, ୨୪ ଇ ପ୍ରାତାନା କିତେରି, “ପ୍ରବୁ  
 ନୀନୁ ବାରେତି ହିୟାତି ଅଣ୍ଟୁ ପୁନାତି, ଜୀହୁଦା ଏମିନି ଚାୟୁତା ତାୟିୟା

ମାନେ ଏଝାସି ହାଜାଲିଏ, ଏଝାଣି ଟାୟୁତା ଇ ରିଆରି ବିତ୍ରାଟି ନୀ ଡାଣାଟି  
 ଆଡିତାସି ଆମ୍ବାଆସି, ୨୫ ଏ ପାଣୁଝି ଆହାମାନାରି ସେବା କାମା କିହାଲି  
 ଆମ୍ବାଆରାଇଁ ଜୀହୁଦା ପାଣାତା ବାଟି କିହାମାଞ୍ଜି ଡ଼ସ୍ତାମୁ ।” ୨୬ ଅଡ଼େ ଏଝାରି  
 ଏ ରିଆରି ତାକି ପାଡି କିହାଲିଏ ମତିୟ ଡ଼ରୁତଲେ ଆଡେ; ଅଡ଼େ ଏଝାସି  
 ଏଗାର ଜାଣା ପାଣୁଝି ଆହାମାନାରି ଗତିତା ଆଣ୍ଟିଡେସି ।

**୨** ପେନ୍ତିକସ୍ତୁ ଦିନାତା କ୍ରୀସ୍ତୁଇଁ ନାମିତି ବାରେଜାଣା ର ଟାୟୁତା ରୁଣ୍ଡା  
 ଆହାମାରେରି । ୨ ଏ ଦେବୁଣିଏ କାଜା ଗାଲି ଝାହିମାନି ଲେହେଁ ର ହାତା  
 ଲାକପୁରୁଟି ଝାହାଁ, ଆମିନି ଇଲୁତା ଏଝାରି କୁଗାମାରେରି, ଏ ଇଲୁଟି ବାରେଝାକି  
 ଝେଢ଼ିଡ଼େ । ୩ ଇଞ୍ଜିଁ ହିରୁ ଗୁଦ୍‌ଝା ଲେହେଁ ଡ଼ଞ୍ଜାଆହାନା ଏଝାରି ନକିତା ରଣ୍ଡି ରଣ୍ଡି  
 ଆହିଁ ଏ ବାରେଜାଣାଟି ଲାକ ରେତାଝାଡ଼େ । ୪ ଏମ୍ବାଟିଏ ଏଝାରି ବାରେଜାଣା  
 ସୁଦୁଜୀଝୁ ବେଟାଆହାନା ଏ ଜୀଝୁ ଏନିକିଁ ଜଲାଇ ବାଡ଼ୟୁ ହାତେ, ଏଲେକିଁ  
 ଏଝାରି ଏଟ୍‌କା ଏଟ୍‌କା ହାତାତଲେ ଜଲାଇ ମାଟ୍‌ହେରି । ୫ ଏତିବେଲାତା  
 ପେନ୍ତିକସ୍ତୁ ପାର୍ବୁତାକି ହାଗୁ ଡ଼ଇତି ଏଟ୍‌କା ଏଟ୍‌କା ଦେସାଟି ଝାହାମାଟି  
 ଜୀହୁଦି ଲକୁ ଜିରୁସାଲମତା ଡ଼ୟା ମାରେରି; ୬ ଅଡ଼େ, ଏ ହାତା ଝେଞ୍ଜାଲିଏ,  
 ହାରେକା ଲକୁ କୁଡ଼ା ଆହାନା ବାରେଜାଣା ଜାହା ଜାହାରା ହାତାତଲେ  
 ଏଝାରି ଜଲିମାନାଣି ଝେଞ୍ଜାମା କାବା ଆହାହାରେରି । ୭ ଇଞ୍ଜିଁ ଏଝାରି  
 ଆତାଜାକା ଅଡ଼େ କାବାଆହାନା ଏଲେଇରେରି, “ମେହଦୁ ଇ ଆମିନି ଲକୁ  
 ହାତା ଜଲିମାନେରି, ଏଝାରି ବାରେ ଗାଲିଲିତାରି ଆଏକି? ୮ ଆତିହିଁ, ମାର  
 ଏନିକିଁ ବାରେଜାଣା ଜାହା ଜାହାରା ଜାନା ଟାୟୁତି ହାତାତଲେ ଜଲିମାନାଣି  
 ଝେଞ୍ଜାମାନାୟି? ୯ ପାଟିୟ, ମାଦିୟ, ଏଲାମିୟ, ଅଡ଼େ ମେସପଟାମିୟା,  
 ଜୀହୁଦା ଦେସା, କାପାଦକିୟା; ପନୁ ଅଡ଼େ ଆସିୟା, ୧୦ ପୁର୍ଗିୟା, ପଂପୁଲିୟା,  
 ମିସର ଇଞ୍ଜିଁ କୁରିଣି ଦାରିତା ଡ଼ଇନି ଲିବିୟା ନାସକାଣାଁ ବାସା କିନାରି, ଇଞ୍ଜିଁ  
 ରମ୍‌ଟି ଝାହାମାନି ଜୀହୁଦି, ୧୧ ଅଡ଼େ ଏଟ୍‌କା କୁଡ଼ାଟି ଲକୁ ଜୀହୁଦି ଦାମ୍‌ଟି  
 ନାମାହାଁ ଡ଼ୟାମାନାରି; ଅଡ଼େ କିତି ଇଞ୍ଜିଁ ଆରବିୟ ଦେସାଟି ଲକୁତାୟି ମାର,  
 ମାର ଜାହା ଜାହାରା ହାତାତଲେ ମାହାପୁରୁଟି କାଜା କାଜା କାମାଟି କାତା  
 ଜଲିମାନାଣି ଝେଞ୍ଜାମାନାୟି ।” ୧୨ ଅଡ଼େ ବାରେଜାଣା ଆତାଜାକା ଅଡ଼େ  
 କାବାଆହାନା ଡ଼ାମୁ ଡ଼ାମୁ ହାତାକାତା ଆଡେରି, “ଇଦାଣି ଅର୍ଡି ଏନାୟି?”  
 ୧୩ ସାମା ଏଟ୍‌କାତାରି ଲାଜାକିହିଁ ଏଲେଇରେରି, “ଇଝାରି ପୁଃନି ଡ଼ାକ୍‌ହି  
 ଅଡ଼ୁରି ରାସା ଗସାନା ହୁତା ହାଜାମାନେରି ।” ୧୪ ସାମା ପିତର ଏଗାର

ଜାଣା ସାସୁୟାଁ ତଲେ ନିତାନା କାଜା ଗିୟାଁତଲେ ଏଲେଇତେସି, “ଜୀହୁଦି  
 ତାୟାୟାଁ ଅଡ଼େ ଜିରୁସାଲମତା ବାସା କିହିମାନାତେରି, ମୀରୁ ନା କାତାତି  
 ଖେଜ୍ଜାନୁ ଅଡ଼େ ଇଦାଆଁ ପୁଜ୍ଜୁ । ୧୫ ଇତିହିଁ ମୀରୁ ଏନିକିଁ ଅଶ୍ୱପିମାଜ୍ଜେରି,  
 ଇଖାରି ଏଲେକିହିଁ ଅଢ୍ଫୁରି ରାସା ଗସାହାଁ ହୁତା ହିଲଅରି; ଇଦି ଆଡେ ଲାଈତି  
 ନ ଗଂଟା ଆହାମାନେ । ୧୬ ସାମା ମାହାପୁରୁ ଅଶ୍ୱପୁତି ବଲୁ ଖେହ୍ନି ଆମିନି  
 ଜୟେଲ ତାଣାଟି ରାସ୍ୱକି ଆହାମାନେ ଇଦି ଆହିମାନେ ଏଦି; ୧୭ ‘ମାହାପୁରୁ  
 ଖେସିମାନେସି ରାନି ଦିନାତା ଇ ବାରେ ଗଟଞ୍ଜି ଆନେ, ନାନୁ ବାରେ ଲକୁତାକି  
 ନା ଜୀହୁ ପାଣ୍ଡାଈ, ଏତେଟିଏ ମୀ ମୀରୁକା ମାସ୍ୱକା ମାହାପୁରୁ ଅଶ୍ୱପୁତି  
 ବଲୁ ଖେହ୍ନେରି, ମୀ ଦାଂଗଣାୟାଁ କାବା ଆନାଣି ମେହ୍ନେରି, ଅଡ଼େ ମୀ  
 ବୁଡ଼ହାୟାଁ ହାପାନା ହେଣ୍ନେରି । ୧୮ ହାଅ, ଏ କାଲାତା ନା ହଲିୟାଢ୍ଫୁ ଇଞ୍ଜି  
 ହଲେଣିସିକା ଲାକ, ନାନୁ ନା ଜୀହୁତି ଏଖାରି ଲାକ ଖାକ୍ଇ, ଏତେଟିଏ ଏଖାରି  
 ମାହାପୁରୁ ଅଶ୍ୱପୁତି ବଲୁ ଖେହ୍ନେରି । ୧୯ ନାନୁ ହାଗୁ ଲାକ କାବାଆନି  
 କାମା; ଅଡ଼େ ତୁଇ ଦାର୍ତ୍ତତା କାବାଆନି ସିନାୟାଁ, ଏମ୍ପାଆଁ ନେତେରି, ହିରୁ  
 ଇଞ୍ଜି ହାରେକା ବୟାଁ ତହଇଁ; ୨୦ ପ୍ରବୁତି କାଜା ଗାଝୁରିମି ଦିନା ଖାନି ନକେଏ,  
 ଖେଡ଼ା ଆନ୍ଦେରି ଆନେ, ଅଡ଼େ ଲେଜ୍ଜୁ ନେତେରିଲେହେଁ ଆନେ । ୨୧ ଅଡ଼େ  
 ଇଲେକିହିଁ ଆନେ, ଆମ୍ପାଆସି ପ୍ରବୁ ଦରୁ ଆସାନା ପ୍ରାତାନା କିନେସି, ଏଖାସି  
 ଗେଲ୍ପି ଆନେସି ।” ୨୨ “ଇସ୍ରାୟେଲ ଲକୁତେରି, ଇ ବାରେ କାତା ଖେଜ୍ଜୁ  
 ନାଜରିତ ଜୀସୁ ହାରେକା ବାଡ଼ୟୁତି କାମା, କାବାଆନି କାମା ଇଞ୍ଜି ସିନାୟାଁ  
 ତଲେ ମୀ ନକିତା ମାହାପୁରୁତି ପାଣ୍ଡୁଞ୍ଜି ଆତାସି ଇଞ୍ଜି ପାର୍ମାଣା ଆହାମାନେସି,  
 ଏଖାଣି ତାଣାଟି ମାହାପୁରୁ ମୀ ତାଣା ଇ ବାରେ କାମା କିହାମାନେସି, ଇଦାଆଁ  
 ମୀରୁ ପୁଜ୍ଜାମାଜ୍ଜେରି । ୨୩ ଏ ଜୀସୁ ମାହାପୁରୁ କିହାମାନି ଅଶ୍ୱପୁ ଅଡ଼େ ତଲିତି  
 କାତାତଲେ ହେରପି ଆହାଲିଏ, ମୀରୁ ଏଖାଣାଈ ପାପୁ ଗାଟାରି କେୟୁଟି ପାସି  
 ମୁଣ୍ଡାତା ଏକହାନା ପାୟାମାରେରି । ୨୪ ସାମା ମାହାପୁରୁ ଏଖାଣାଈ ହାକିତି  
 ବାଡ଼ୟୁଟି ଗେଲ୍ପାନା ନୀଟ୍‌ହା ମାରେସି, ଇତିହିଁ ଏଖାସି ହାକିତା ଦସ୍‌ପି ଆହା  
 ତୟିନେସି ଏଦି ଆହାଲି ଆଡେଏ ।” ୨୫ ଦାଝୁଦ ଏ କାତାତି ଖେସାମାନେସି,  
 “ନାନୁ ବାରେବେଲା ନା ନକିତା ପ୍ରବୁଇଁ ମେସିମାଡେଏଁ; ଇତିହିଁ ନାନୁ ଏନିକିଁ  
 କିଲିବିଲି ଆଅଁ, ଏଦାଆଁତାକି ଏଖାସି ନା ଚିଃନି ଟଟତା ମାନେସି । ୨୬  
 ଏଦାଆଁତାକି ନା ହିୟାଁ ରାହାଁ ଅଡ଼େ ନା ଖେନ୍ଦୁରି ରାହାଁ ଆଡେ, ଅଡ଼େ ନା ଆଢ୍ଫା  
 ଜିକେଏ ବାସୁଁ ତଲେ ବାସା କିନେ, ୨୭ ଇତିହିଁ ନାନୁ ନା ଜୀହୁତି ହାକିପୁରୁତା

ପିତୃଅତି; ଅତେ ନୀ ନାନୁ ଅତେ ସୁରୁ ଗାଟାଣାଇଁ ମାହୁଣି ମାଣ୍ଡାତା ସୀରୁହାଲି ହୀଅତି । (Hadēs ୮୬) ୨୮ ନୀନୁ ନାଡ଼େ ଜୀଝୁତି ଜିରୁ ଡ଼ସାମାଞ୍ଜାଦି, ଅତେ ନୀନୁ ନାଡ଼େ ନୀ ନକିତା ରାହାଁତା ନେଞ୍ଜିକିୟାଦି ।” ୨୯ “ଇସ୍ରାୟେଲତି ତାୟିୟାଁ ଅତେ ତାଡ଼ିସ୍ନାତେରି, ମା ଆକୁ ଦାଝୁଦତି କାତା ନାନୁ ମିଡ଼େ କାଜା ହାତାତଲେ ଖେସାଲି ଆତାଇଁ, ଇତିହିଁ ଏଝାସି ହାତେସି ଇଞ୍ଜାଁ ମୁସ୍‌ସି ଆତେସି, ଇଞ୍ଜାଁ ଏଝାଣି ମାହୁଣି ମାଣ୍ଡା ନାଏଁ ପାତେକା ଇମ୍‌ଆଁ ମା ବିତ୍ରା ମାନେ । ୩୦ ରାଜା ଦାଝୁଦ ର ମାହାପୁରୁ ଅଣପୁତି ବଲୁ ଖେହନାସି ଲେହେଁ, ତାନି ନେତେରି ତଲେ ଜାନିଁ ଆତାଣାଇଁ ମାହାପୁରୁ ତାନି ସିଂଗାସାଣିତା କୁଗିକିହାଲି ତାନି ତାଣା ଆଞ୍ଜାମାତେସି ଇଞ୍ଜାଁ ପୁଞ୍ଜାମାତେସି । ୩୧ ଦାଝୁଦ ଇଦାଆଁ ପୁଞ୍ଜାମାତାକି, କ୍ରୀସୁତି ଖେଣ୍ଡେ ନିଡ଼ୁନି କାତା ଖେସାମାତେସି ।” “ଇତିହିଁ ଏଝାସି ହାତାରି ତାଣା ଡ଼ୟାଆତେସି; ଇଞ୍ଜାଁ ଏଝାଣି ଆଡ଼୍ଠା ମାହୁଣି ମାଣ୍ଡାତା ସୀରୁଆତେ ।” (Hadēs ୮୬) ୩୨ ମାହାପୁରୁ ଇ ଜୀସୁଇଁ ଅତେ ଖେଣ୍ଡେ ହାକିଟି ନିକ୍‌ହାମାନେସି ଇଦାଣି ତାକି ମାନୁ ବାରେ ସାକି । ୩୩ ଏଦାଆଁତାକି ଆବା ମାହାପୁରୁ ଜୀସୁଇଁ କାଜାସି କିହାନା ତାନି ଚିଃନିଝାକି କୁଗିକିହାନା ତାନିତଲେ ସାଲଝି କିହାଲି ହୀତେସି, ଇଞ୍ଜାଁ ଏଝାସି ମାଡ଼େ ଆଞ୍ଜାମାତି ସୁଦୁଜୀଝୁ ହିୟାତେସି, ଇଦି ମୀରୁ ବାରେ ଆମିନିଗାଟାଣି ମେସିମାଞ୍ଜେରି ଇଞ୍ଜାଁ ଖେଞ୍ଜିମାଞ୍ଜେରି । ୩୪ ଇତିହିଁ ଦାଝୁଦ ଲାକପୁରୁ ହାଜାହିଲାଆତେସି; ଏଝାସି ତାନୁଏ ଖେସାମାତେସି, “ପ୍ରୁ ନା ପ୍ରୁଇଁ ଏଲେଇତେସି; ୩୫ ନାନୁ ନୀ ସାତୁୟାଁଣି ନୀ କତାୟାଁ ଡ଼ଇ ଇଟାଆ ପାତେକା, ନୀନୁ ନା ଚିଃନିଝାକି କୁଗାମାନାମୁ ।” ୩୬ “ଇଦାଆଁତାକି ବାରେ ଇସ୍ରାୟେଲତି ଲକୁ ସାତେଏ ପୁନାପେରି, ଇତିହିଁ ଆମିନି ଜୀସୁଇଁ କୁସତା ପାୟିତେରି, ସାତେଏ ଏଝାଣାଇଁ ମାହାପୁରୁ, ପ୍ରୁ ଅତେ ମସିହା ପାଣା ହୀତେସି ।” ୩୭ ଇ କାତା ଖେଞ୍ଜାମା ଲକୁତି ହିୟାଁ ତୀହାହାତେ, ଇଞ୍ଜାଁ ଏଝାରି ପିତର ଅତେ ଏମ୍‌ଆଁ ମାତି ପାଣ୍ଡୁଝି ଆତାରାଇଁ ଏଲେଇତେରି, “ତାୟିୟାଁ ମାନୁ ଏନାଆଁ କିନମି?” ୩୮ ପିତର ଏଝାରାଇଁ ଏଲେଇତେସି, “ମୀରୁ ମୀ ହିୟାଁ ଖେଟ୍‌ହା କତାଦୁ, ଅତେ ଜାହାରା ପାପୁତି ମ୍ଲେକ୍‌ହାଲି ବାରେଜାଣା ଜୀସୁ କ୍ରୀସୁ ଡ଼ରୁତଲେ ବାପ୍ତିସ୍ନ ଅଦୁ: ଆତିହିଁଦେଁ ମୀରୁ ସୁଦୁଜୀଝୁତି ଦାନା ବେଟାଆଦେରି । ୩୯ ଇତିହିଁ ମାହାପୁରୁ ଆଞ୍ଜାମାନାୟି ମିଡ଼େତାକି, ଇଞ୍ଜାଁ ମୀ ମୀର୍କା ମାସ୍କା ତାକି, ଅତେ ହେକତି ଏତେକା ଲକୁ ମା ପ୍ରୁ ମାହାପୁରୁ ତାନି ତାଣା ହାଟିନେସି, ଏ ବାରେ ଲକୁତାକି ଆନେ ।” ୪୦ ଅତେ ପିତର ଏଝାରାଇଁ ହାରେକା କାତାତଲେ

ବାତିମାଲିହିଁ ଅଡ଼େ ଏଝାରାଇଁ ଜାପନି ହାତା ଖେସିହିଁ ସାକି ହାତେସି, “ଇ କୁରୁଗାଟି କୁଡ଼ାଟି ଲକ୍ଷ୍ମିଏ ମୀରୁ ଗେଲ୍‌ପି ଆଦୁ ।” ୪୧ ହାରେକା ଲକ୍ଷ୍ମିଏ ଏଝାଣି ହାତା ନାମିତେରି ଇଞ୍ଜି ବାପ୍ତିସ୍ତ ଅତେରି, ଅଡ଼େ ଏ ଦିନା ବାରେ ତାନି ମାଣା ଲକ୍ଷ୍ମି କୁଲମି ତଲେ ଆଣ୍ଟିତେରି । ୪୨ ଏ ଦିନାଟିଏ ଏଝାରି ପାଣ୍ଡୁଝି ଆତାରି ଜାପନି ତାଣା, ଏଝାରିତଲେ ଆଣ୍ଡାନା ରୁଟି ଡିକ୍‌ହାଲି, ପ୍ରାତାନା କିହାଲି ଆଣ୍ଡୁଝି ଆହାଁ ଡ଼ୟିତେରି । ୪୩ ପାଣ୍ଡୁଝି ଆତାରି ତାଣାଟି ହାରେ ହାରେକା କାବାଆନି କାମା ଇଞ୍ଜି ସିନାୟଁ ଡ଼ଞ୍ଜାଆହାଲି ମାଟ୍‌ହେ; ଅଡ଼େ, ଲକ୍ଷ୍ମି ବାରେ ଆଜାଲି ମାଟ୍‌ହେରି । ୪୪ ସାମା ବାରେ ନାମିତାରି, ଏଝାରି ବାରେଜାଣା ରଣ୍ଡିଏ ତାଣା ଡ଼ୟାନା ବାରେ ଦନତି ବାରେତାୟି ଇଞ୍ଜି ଅଣ୍ଡିପିତେରି, ୪୫ ଅଡ଼େ ଏଝାରି ଜାହାରା ଦନତି ଆସ୍ତି ମାତାଣି ପାର୍‌ଚାନା, ଆମ୍ବାଆରାକି ଏନାୟି ଲଡ଼ାମାନେ, ଏଲେକିହିଁ ବାରେତାକି ବାଟିକିହିଁ ହାହାଲି ମାଟ୍‌ହେରି । ୪୬ ଅଡ଼େ, ଏଝାରି ରଣ୍ଡିଏ ହିୟଁ ଆହାଁ ବାରେଦିନା ପ୍ରାତାନା ଇଲୁତା ରୁଣ୍ଡା ଆହାନା ଡ଼ୟିମାରେରି, ଇଞ୍ଜି ଇଲୁତାକି ଇଲୁ ରୁଟି ଡିକ୍‌ହିଁ ରାହାଁ ଅଡ଼େ ହିଡ଼ି ହିୟଁ ତଲେ ତିଞ୍ଜି ଉଣ୍ଡିହିଁ, ୪୭ ମାହାପୁରୁତି ଜହରା କିହିମାରେରି ଇଞ୍ଜି ବାରେ ଲକ୍ଷ୍ମିଟି ଜୀଝୁ ନନାରି ଆହିମାରେରି । ଅଡ଼େ ପ୍ରୁ ତାଣା ଗେଲ୍‌ପି ଆହିମାନି ଲକ୍ଷ୍ମି ବାରେଦିନା କୁଲମି ତଲେ କାଲ୍‌ହାଲି ମାଟ୍‌ହେରି ।

**୩** ପିତର ଅଡ଼େ ଜହନ ର ଦିନା ପ୍ରାତାନା କିନି କାରୁତା ଇତିହିଁ ତାନି ଗଂଟା ବେଲାତା ପ୍ରାତାନା ଇଲୁତା ହାଜିମାରେରି । ୧ ଏତିବେଲାତା ଜାର୍ନାଟିଏ ସଟା ରଅସି ତେକି କିଝି ଆହାଁ “ଅଜିତି” ଦୁରୁଗାଟି ଦୁଝେରିତା ଇଟ୍‌ଝି ଆହିମାରେସି; ଇଞ୍ଜି ଏଝାସି ପ୍ରାତାନା ଇଲୁତା ଝାନି ଲକ୍ଷ୍ମି ରାସିମାରେସି । ୩ ଅଡ଼େ ଏଝାସି ପିତର ଇଞ୍ଜି ଜହନଇଁ ପ୍ରାତାନା ଇଲୁ ବିତ୍ରା ହାଜିମାନାଣି ମେସାନା ଏଝାରାଇଁ ରାସାଲି ମାଟ୍‌ହେସି । ୪ ପିତର ଅଡ଼େ ଜହନ ଏଝାଣାଇଁ ଆଟେ ସିନିକିତେରି, ଇଞ୍ଜି ପିତର ଏଲେଇରେସି “ମା ଝାକି ସିନିକିୟାମୁ ।” ୫ ଏମ୍ବାଟିଏ ଏଝାସି ଏଝାରି ତାଣାଟି ଇତାଣି ବେଟାଆହାଲି ଏଝାରି ଝାକି ସିନିକିତେସି । ୬ ସାମା ପିତର ଏଲେଇରେସି, “ନା ତାଣା ବାଂଗାରା କି ଝେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାଇଁ; ନାଜରିତ ଜୀସୁ କ୍ରୀସ୍ତ ଦରୁତଲେ ଦୁକୁମି ହାହିମାଞ୍ଜାଇଁ ନିଞ୍ଜାନା ତାକାମୁ!” ୭ ଅଡ଼େ, ଏଝାସି ଏଝାଣି ଚିଝନି କେୟୁ ଆସାନା ଏଝାଣାଇଁ ନିକ୍‌ହେସି, ଏଚେଟିଏ ଏ ଦେବୁଣିଏ ଏଝାଣି କଡ଼ାୟଁତି ହାନ୍ତୁଲିକା ବାଡ଼୍‌ମୁ ଆଦୁ: ୮ ଏଝାସି ଡେଝିଁ ଡେଝିଁ ତାନି କଡ଼ାତଲେ ନିତେସି,

ଅଡ଼େ ଡାକାଲି ମାଟ୍ ହେସି । ଏତେଟିଏ ଏଞ୍ଜାସି ଏଞ୍ଜାରିତଲେ ପ୍ରାତାନା ଇଲୁଡା  
 ଡାକହଁ ଅଡ଼େ ଡେଞ୍ଜିହଁ ଇଞ୍ଜି ମାହାପୁରୁଇଁ ଗାଞ୍ଜୁରମି କିହଁ ହାଚେସି । ୯  
 ଏମ୍ବାଆଁ ମାନି ଲକୁ ବାରେ ଏଞ୍ଜାଣି ଡାକିନାଣି ଅଡ଼େ ମାହାପୁରୁତି ଗାଞ୍ଜୁରମି  
 କିହିମାନାଣି ମେସ୍ତେରି; ୧୦ ଅଡ଼େ ଆମିନିଗାଟାସି ପ୍ରାତାନା ଇଲୁଡି ଅଜିଡି  
 ଦୁଞ୍ଜେରିତା କୁଗାନା ରାସିମାଚେସି, ଏଞ୍ଜାସିଏ ଇଞ୍ଜାସି ଇଞ୍ଜି ପୁଚେରି, ଏଞ୍ଜାଣାକି  
 ଏନାଆଁ କିଞ୍ଜି ଆହାମାଚେ ଏଦାଆଁ ମେସାନା ଆଡାଜାକା ଆହାନା କାବା  
 ଆଚେରି । ୧୧ ଏଞ୍ଜାସି ପିତର ଇଞ୍ଜି ଜହନ ତଲେ ସଲମନତି ପିଣ୍ଡାତା ମାନାଣି  
 ମେସାନା, ବାରେ ଲକୁ ଆଡାଜାକା ଆହାନା ଏଞ୍ଜାରି ତାଗେ ହଟାଚେରି । ୧୨  
 ପିତର ଏଞ୍ଜାରାଇଁ ମେସାନା ଏଲେଇଚେସି, “ଇସ୍ରାୟେଲ ଲକୁଚେରି, ମୀରୁ  
 ଏନାଆଁତାକି ଆଡାଜାକା ଆହିମାଞ୍ଜେରି? ମାମୁ ମା ବାଡ଼୍‌ୟୁ କି ମାହାପୁରୁ  
 ଆଜିତଲେ ଇଞ୍ଜାଣାକି ଡାକାଲି ବାଡ଼୍‌ୟୁ ହାହାମାନମି, ଏଦାଆଁ ଅଶ୍‌ପାନା ମାଢ୍ଫେ  
 ରଣ୍ଡିଏ ଅଶ୍‌ପୁ ତଲେ ଏନାଆଁତାକି ସିନିକିହିମାଞ୍ଜାଦେରି? ୧୩ ଅବ୍ରାହାମ,  
 ଇସାହାକ ଅଡ଼େ ଜାକୁବତି ମାହାପୁରୁ, ମା ଆକୁ ଆବାୟିତି ମାହାପୁରୁ, ତାନି  
 ହଲେଏସି ଜୀସୁଇଁ ମାହାପୁରୁତି ଗାଞ୍ଜୁରମି ହାହାମାନେସି । ସାମା ଜୀସୁଇଁ  
 ମୀରୁଏ ସାଲଞ୍ଜି କିନାରି କେୟୁତା ହେରୁପିଚେରି, ଏଚିବେଲା ପିଲାତ ଜୀସୁଇଁ  
 ପିସାଲି ଅଶ୍‌ପା ମାଚିହଁ ଜିକେଏ, ଏଞ୍ଜାଣାଇଁ ମୀରୁ ପିଲାତ ନକିତା ଅପାଆଚେରି  
 । ୧୪ ଏଞ୍ଜାସି ସୁଦୁ ଅଡ଼େ ଦାମ୍‌ଗାଟାସି ମାଚେସି, ସାମା ମୀରୁ ଏଞ୍ଜାଣାଇଁ  
 ଅପାଆଚେରି, ଅଡ଼େ ଏଞ୍ଜାଣି ଟାୟୁତା ର ଲକୁଣି ପାୟିନାଣାଇଁ ପିସାଲି  
 ପିଲାତଇଁ ବାତିମାଲିଚେରି, ୧୫ ଆମ୍ବାଆସି ଜୀଞ୍ଜୁତି ଜିରୁ ଚହନାସି ଏଞ୍ଜାଣାଇଁ  
 ମୀରୁ ପାୟିଚେରି; ଏଞ୍ଜାଣାଇଁ ମାହାପୁରୁ ହାତାରି ଡାଶାଟି ନିକହାମାନେସି, ମାମୁ  
 ଇଦାଣି ସାକି । ୧୬ ଏଞ୍ଜାଣି ଦରୁତି ବାଡ଼୍‌ୟୁ ଇ ସଟାଇଁ ନେହଁ କିହାମାନେ, ମୀରୁ  
 ଏନାଆଁ ମେସାନା ସାତା ଇଞ୍ଜି ପୁଞ୍ଜାମାଞ୍ଜେରି, ଏଞ୍ଜାଣି ଦରୁତଲେ ନାମିତାକି  
 ଆହାମାନେ । ଜୀସୁଇଁ ନାମିତାକି ଏଞ୍ଜାସି ନେହଁ ଆହାମାନେସି ଇଦାଆଁ  
 ମୀରୁ ମେସାମାଞ୍ଜେରି ।” ୧୭ “ଅଡ଼େ ନୀଏଁ ଇସ୍ରାୟେଲତି ତାୟିୟାଁ ଅଡ଼େ  
 ତାଢ଼ିସ୍ନାଚେରି, ମୀ କାଜାରି ଏନିକିଁ, ମୀରୁ ଜିକେଏ ଏଲେକିଁ ବୁଦି ହିଲାଆକି  
 ଇଦାଆଁ କିହାମାନେରି ଇଞ୍ଜି ନାନୁ ପୁଞ୍ଜିମାଇଁ । ୧୮ ତଲି କାଲାଟିଏ ମାହାପୁରୁ  
 ଅଶ୍‌ପୁତି ବଲୁ ଖେହନାରି ଡାଶାଟି ମାହାପୁରୁ ଖେସାମାଚେସି ମସିହାତି ଦୁକୁ  
 ପାଶ୍‌ନାୟି ମାନେ; ଏ ବାରେ ଏଞ୍ଜାସି ଇଲେକିଁ ପୁରା କିହାମାନେସି । ୧୯  
 ଇଚିହଁ, ଏନିକିଁ ମୀ ପାପୁ ମେଶ୍‌ଡ଼ିନେ, ଏଦାଆଁତାକି ମନ ଖେହନା ମାହାପୁରୁ

ତାଣା ଖେଣ୍ଟା ଖାନ୍ତୁ, ୨୦ ପ୍ରଭୁ ତାଣାଟି ମୀରୁ ଜୀଝୁତି ବାଡ଼ୁୟୁ ବେଟାଆଦେରି,  
 ମାହାପୁରୁ ମିଢ଼େଟାକି ତଲିଏ ଆଚାମାନି ମସିହା ଜୀସୁଇଁ ପାଣ୍ଟାନେସି । ୨୧  
 ବାରେ କାତାଟି ଖେଣ୍ଟେ କିନାଣି ଆମିନି ବେଲାତି କାତା ତଲି କାଲାଟିଏ  
 ମାହାପୁରୁ ତାନି ସୁଦୁ ମାହାପୁରୁ ଅଣ୍ଟୁତି ବଲୁ ଖେହ୍ନାରି ତାଣାଟି ଖେକ୍ହା  
 ମାଚେସି, ଏ କାଲା ଖାଆ ପାଚେକା ଏଖାଣାକି ସାଚେଏ ଲାକପୁରୁ ହାଜାଲି  
 ଆନେ । (aiōn g165) ୨୨ ମସା ଖେସାମାଚେସି, ‘ପ୍ରଭୁ ମାହାପୁରୁ ମୀ ତାୟିୟାଁ  
 ବିତ୍ରାଟି ମିଢ଼େଟାକି ନା ଲେହେଁକି ର ମାହାପୁରୁ ଅଣ୍ଟୁତି ବଲୁ ଖେହ୍ନାଣାଇଁ  
 ନିକ୍ନେସି; ଏନା ଏନାଆଁ ମିଢ଼େ ଖେସ୍ତାନେସି, ଏ ବାରେ ମୀରୁ ଏଖାଣି କାତା  
 ଖେଞ୍ଜେରି । ୨୩ ଆମିନିଗାଟାସି ମାହାପୁରୁ ଅଣ୍ଟୁତି ବଲୁ ଖେହ୍ନାରି କାତା  
 ନାମଅରି ଏଖାରି ମାହାପୁରୁଟି ଲକୁ ତାଣାଟି ଏଚ୍ଚକା କିଞ୍ଚିଆନେରି ଅଡ଼େ ନାସା  
 କିଞ୍ଚିଆନେରି ।’ ୨୪ ସାମୁୟେଲ ଇଞ୍ଜାଁ ତାନି ତାୟୁତି ଏଚରଜାଣା ମାହାପୁରୁ  
 ଅଣ୍ଟୁତି ବଲୁ ଖେହ୍ନାରି ଖେସାମାନେରି, ଏଖାରି ବାରେ ଇ କାଲାତା ଆହିମାନି  
 କାତା ଖେସାମାନେରି । ୨୫ ମାହାପୁରୁଟି ଆଞ୍ଜାମାନି ମାହାପୁରୁ ଅଣ୍ଟୁତି  
 ବଲୁ ଖେହ୍ନାରି ତାଣାଟି ମିଢ଼େଟାକି ନେହେଁ, ମାହାପୁରୁ ମୀ ଆକୁ ଆବାୟାଁ  
 ତଲେ କିତି ରାଜିମାନା ମୀରୁ କିହିମାଞ୍ଜେରି । ଏନିକିଁ ଏଖାସି ଅବାହାମଇଁ  
 ଏଲେଇଚେସି, ‘ନାନୁ ମୀ କୁଡ଼ାଟି ବାରେ ଦାର୍ତ୍ତିତି ଲକୁକି ବର ହୀଇଁ ।’ ୨୬  
 ମାହାପୁରୁ ତଲିଏ ତାନି ହଲେଏଣାଇଁ ମିଢ଼େଟାକି ବାତି କିହାନା ପାଣ୍ଟାଚେସି,  
 ଏନିକିଁ ଏଖାସି ମୀ ବାରେଜାଣା ଚେରି ମିଢ଼େ ଲାଗେଏ ଜିରୁଟି ଖେଚ୍ହାନା ବର  
 ହିୟାନେସି ।”

**୪** ପିତର ଅଡ଼େ ଜହନ ଲକୁ ନକିତା ଖେସିମାଟି ବେଲାତା ପୁଜେରାଢ଼ା,  
 ମାହାପୁରୁ ଇଲୁତି କାଜାରି ଇଞ୍ଜାଁ ସାଦୁକିୟାଁ ଏଖାରି ନକିତା ଖାଚେରି । ୨  
 ଏଖାରି କପା ଆହିମାଚେରି, ଇଚିହିଁ ପାଣ୍ଟୁଞ୍ଚି ଆହାମାନାରି ଲକୁଣି ଜାପୁହି  
 ମାଚେରି, ଇଞ୍ଜାଁ ଜୀସୁତି କାତା ଆସାନା ହାତାରି ବିତ୍ରାଟି ଖେଣ୍ଟେ ନିଢ଼ୁତି କାତା  
 ଖେକ୍ହା ମାଚେରି । ୩ ଏତିବେଲା ମିଡ଼ୁଆଲା ଆହିମାଚେ, ଏଦାଆଁତାକି ଏଖାରି  
 ସୀସୁୟାଁଣି ଦସ୍ପାମା ଅର ନେରୁ ପାଚେକା କାୟିତି ଇଲୁତା ଇଚିଚେରି ।  
 ୪ ସାମା ଏଚେକା ଲକୁ ବଲୁ ଖେଚାରି ନାମିଚେରି, ଇଞ୍ଜାଁ ଖାରୁଇ ଆବାୟାଁ  
 ପାସାମାଣା ଆଚେରି । ୫ ତାନି ଅର ଦିନା ଜୀହୁଦିଢ଼ୁତି କାଜାରି, ଇଞ୍ଜାଁ  
 ପ୍ରାତିନାଢ଼ା, ଜାପୁନାରି ଅଡ଼େ ମେରାପୁନାରି ଜିରୁସାଲମତା କୁଡ଼ା ଆଚେରି ।  
 ୬ ଏମ୍ବାଆଁ କାଜା ପୁଜେରା ହାନାନ, କୟାପା, ଜହନ, ଆଲେକ୍ଜାଣ୍ଡାରତି

କାଜା ପୁଜେରାଢ଼ା କୁଡ଼ାତି ବାରେ ଲକ୍ଷ୍ମ କୁଡ଼ା ଆଡ଼େରି । ୭ ଏଝାରି ପାଣ୍ଡୁଞ୍ଜି  
 ଆଡ଼ାରାଇଁ ମାଦିଏ ନିପହାନା ଖେତେରି, “ଏନିକିହିଁ କିତେରି? ଏନି ବାଡ଼ୟୁ  
 ଇଞ୍ଜି ଆମ୍ବାଆରି ଦରୁତଲେ ମୀରୁ ଇ ବାରେ କାମା କିହିମାଞ୍ଜେରି?” ୮  
 ଏମ୍ବାଟିଏ ପିତର ସୁଦୁଜୀଝୁତା ନେଞ୍ଜାନା ଏଝାରାଇଁ ଏଲେଇଚେସି, “ଲକ୍ଷ୍ମତି  
 କାଜାତେରି ଇଞ୍ଜି ପ୍ରାଚିନାଢ଼ାତେରି, ୯ ନୀଞ୍ଜୁ ମାମୁ ସଟାକି କିହାମାନି ନେହିଁ  
 କାମାତାକି ମୀରୁ ଖେଞ୍ଜି ମାଞ୍ଜାଦେରି, ଏଝାସି ଏନିକିହିଁ ନେହିଁଆଡେସି ଇଞ୍ଜି  
 ପୁଞ୍ଜାଲି ଅଣ୍ଡିପିମାଞ୍ଜେରି, ୧୦ ଆତିହିଁ ମୀରୁ ବାରେଜାଣା ତେରି ପୁନିକାତା,  
 ଇସ୍ତାୟେଲତି ବାରେ ଲକ୍ଷ୍ମ ପୁନାୟିମାନେ, ଆମିନି ନାଜରିତ ଜୀସୁ କ୍ରୀସ୍ତାଇଁ  
 ମୀରୁ କୁସତା ପାୟିତେରି, ଆମ୍ବାଆରାଇଁ ମାହାପୁରୁ ହାକିଟି ନିକହାମାନେସି  
 ଏ ଜୀସୁ ଦରୁତି ଇ ମାଣ୍ଡିସି ନେହିଁ ଆହାନା ମୀ ନକିତା ନିତାମାନେସି ।”  
 ୧୧ ଜୀସୁ ରଅସିଏ, ଦାମ୍ବୁ ସାସ୍ତେରି ଖେସିମାଞ୍ଜାନେ, “ଇଲୁ କେପିନାତେରି  
 ମୀରୁ, ମୀ ତାଣାଟି ଆମିନି ଖାଲି ଲାଗେଏତାୟି ଆହାମାଚେ, ସାମା ଆମିନାୟି  
 କନତି କାଜା ଖାଲି ଆଡେ, ଏଝାସି ଏ ଖାଲି ।” ୧୨ ଏଝାଣି ପିସ୍ତେ ଅଡ଼େ  
 ଆମ୍ବାଆରି ତାଣା ଗେଲ୍ପିନାୟି ହିଲେଏ; ଇଚିହିଁ ଆମ୍ବାଆରି ତାଣାଟି ମାର  
 ଗେଲ୍ପି ଆନାୟି ଆନେ, ହାଗୁ ଡ଼ଇ ମାଣ୍ଡିସିୟି ବିତ୍ରା ଏନି ଦରୁ ହାପକି ଆହା  
 ହିଲେଏ । ୧୩ ଏଝାରି ପିତର ଅଡ଼େ ଜହନତି ସାସା ମେସାନା ଇଞ୍ଜି ଏଝାରି  
 ଏନାଆଁ ପୁନାଆଡାରି ଅଡ଼େ ବୁଦି ହିଲାଆ ଲକ୍ଷ୍ମ ଇଦାଆଁ ପୁଞ୍ଜାନା ଆତାଜାକା  
 ଆହାହାଚେରି, ଇଞ୍ଜି ଏଝାରି ଜୀସୁତଲେ ମାଚେରି ଇଞ୍ଜି ପୁଚେରି, ୧୪ ସାମା  
 ଏ ନେହିଁ ଆହାମାଚାସି ଜହନ ଇଞ୍ଜି ପିତର ତଲେ ନିତାମାଚାଣି ମେସାନା  
 ଏଝାରି କପାଟି ଏନାଆଁ ଜଲାଇଁ ଆଡାଆଡେରି । ୧୫ ତାୟୁ ଏଝାରାଇଁ ବେରଣି  
 ମାଣ୍ଡାଟି ହଟା ହାଜାଲି ହୁକୁମି ହୀହାନା ଏଝାରି ତାମୁ ତାମୁଏ ଖେସ୍ପି ଆଡେରି  
 ୧୬ “ଇ ଲକ୍ଷ୍ମଣି ଏନାଆଁ କିନାୟି?” ଏଝାରି ଏଲେଇଚେରି, “ଇଚିହିଁ ଇଝାରି  
 ତାଣାଟି କାବାଆନି କାମା କିଞ୍ଜିଆହାମାନେ, ଇଦି ଜିରୁସାଲମତି ବାରେଜାଣା  
 ନକିତା ତଞ୍ଜା ଆହାମାନେ, ଇଞ୍ଜି ମାର ଏଦାଆଁ ଆଏ ଇଞ୍ଜାଲି ଆଡାଆୟି; ୧୭  
 ସାମା ଇ କାତା ଲକ୍ଷ୍ମତାଣା ଏନିକିଁ ଗାଡି ଖେଞ୍ଜେଏ, ଏଦାଆଁତାକି ଏଝାରାଇଁ  
 ଜୀସୁ ଦରୁ ଏଚେଲା ଆମ୍ବାଆରି ନକିତା ଆସାଲି ଏଝାରାଇଁ କାହିକିନାୟି  
 ମାନେ ।” ୧୮ ତାୟୁ ଏଝାରି ଜହନ ଅଡ଼େ ପିତରଇଁ ହାଟାନା ଜୀସୁତି ଦରୁ  
 ଖେହ୍‌ଆଦୁ କି ଜାପ୍‌ଆଦୁ ଇଞ୍ଜି ହୁକୁମି ହୀତେରି । ୧୯ ସାମା ପିତର ଅଡ଼େ  
 ଜହନ ଏଝାରାଇଁ ଏଲେଇଚେରି, “ମାହାପୁରୁ କାତା ଖେନିକିହିଁ ମୀ କାତା



ଖେନାୟି ମାହାପୁରୁ ନକିତା ନେହେଁ କି ଆଏ, ଏଦାଆଁ ମୀରୁ ଅଣ୍ଠା କତାଦୁ  
 । ୨୦ ଇଚିହିଁ ମାପୁ ଏନାଆଁ ମେସାମାନମି ଇଞ୍ଜି ଖେଞ୍ଜାମାନମି, ଏ ବାରେ  
 ଖେହୁଆନା ତୁୟାଲି ଆତଅମି ।” ୨୧ ସାମା ଏ ବେରଣି ମାଣ୍ଡାତାରି ଏଞ୍ଜାରାକ୍  
 ଅଡେ ହାରେକା ଆଜି କିହାନା ପିସ୍ତେରି, ଏଞ୍ଜାରାକ୍ ତଣ୍ଡୁ ହାହାଲି ଆଏ ଇଞ୍ଜି  
 ଏଞ୍ଜାରି ପୁରେରି, ଏନାଆଁତାକି ଇଚିହିଁ ଏ କାମାତାକି ଲକୁ ବାରେ ମାହାପୁରୁକ୍  
 ଜହରା କିତେରି । ୨୨ ଇଚିହିଁ ଆମିନିଗାଟାଣି ତାଣା କାବାଆନି ନେହିଁ କାମା  
 କିଞ୍ଚି ଆହାମାରେ, ଏଞ୍ଜାସି ରୀ କଡ଼ି ବାସୀଟିଏ ଲାକ ମାରେସି । ୨୩ ପିତର  
 ଅଡେ ଜହନ ପିସ୍ପିଆତି ଦେବୁଣିଏ ତାମି ତଣ୍ଡେସିଞ୍ଜା ତାଣା ହାରେରି ଇଞ୍ଜି  
 କାଜା ପୁଜେରାଞ୍ଜା ଅଡେ ପ୍ରାତିନାଞ୍ଜା ଏନାଆଁ ଖେସାମାରେରି, ଏ ବାରେ  
 ଏଞ୍ଜାରାକ୍ ଖେସ୍ତେରି । ୨୪ ଏଞ୍ଜାରି ଏଦାଆଁ ଖେଞ୍ଜାନା ରଣ୍ଡିଏ ହିୟାଁ ତଲେ  
 ମାହାପୁରୁ ନକିତା କାଜା ହାତାତଲେ ପ୍ରାତାନା କିହିଁ ଏଲେଇଚେରି, “ପ୍ରବୁ  
 ନୀନୁ ହାଗୁ, ଦାର୍ତି, ସାମ୍ବୁରି ଇଞ୍ଜି ଏ ବାରେ ତାଣା ମାନାଣି ବାରେ ଗାଡ଼ି  
 କିହାମାଞ୍ଜା ୨୫ ସୁଦୁଜୀଞ୍ଜୁ ତଲେ ନୀନୁ ମା ଆକୁ ଦାଞ୍ଜୁଦ ନୀ ହଲେଏଣା ଗୁଡ଼ିଟି,  
 ଇ କାତା ଖେସାମାଟି; ‘ଜୀହୁଦିଆଆତାରି ଏନାଆଁତାକି କାର୍ବି ଆତେରି;  
 ଇଞ୍ଜି ଲକୁ ଏନାଆଁତାକି ଉଜେଏତାଣି ଅଣ୍ଠପିତେରି? ୨୬ ପ୍ରବୁ ଅଡେ ତାନି  
 ବର ବେଟାଆହାମାନି ମସିହା କପାଟି, ଦାର୍ତିଟି ରାଜାୟାଁ ନିଞ୍ଜୁଚେରି, ଇଞ୍ଜି  
 ସାଲଞ୍ଚି କିନାରି କୁଡ଼ା ଆତେରି ।” ୨୭ ଇଚିହିଁ ନୀ ସୁଦୁଗାଟି ହଲେଏସି  
 ଜୀସୁକ୍ ବର ହାଟି, ସାତେଏ ଏଞ୍ଜାଣି କପାଟି ହେରଦ ଅଡେ ପନ୍ଦିୟ ପିଲାତ ଇ  
 ରିଆରି ଜୀହୁଦିଆଆତାରି ଅଡେ ଇସ୍ରାୟେଲ ଲକୁତଲେ ଇ ଗାଡ଼ାତା ପାରୁ  
 ପାରିଚେରି, ୨୮ ମୀ ଅଣ୍ଠା ତଲେ ଏନାୟି ବାରେ ଗଟିଞ୍ଜି ଆନେ ଇଞ୍ଜି ତଲିଟିଏ  
 କିଞ୍ଚି ଆହାମାରେ, ଏଦାଆଁ କିହାଲି କୁଡ଼ା ଆତେରି । ୨୯ ଅଡେ ନୀଏଁ, ଏ ପ୍ରବୁ  
 ଏଞ୍ଜାରି ମାଞ୍ଜେ ଆଜି କିହାମାଞ୍ଜାଣା ସିନିକିୟାମୁ: ଅଡେ ନୀ ହଲିୟାଞ୍ଜାଣି  
 ହାରେକା ସାସାତଲେ ନୀ ବଲୁ ଖେସାଲି ବାଡ଼୍ଯୁ ହୀମୁ, ୩୦ ଇଞ୍ଜି ଏଦାଆଁ  
 ତଲେ ନୀ ସୁଦୁ ହଲେଏସି ଜୀସୁତି ଦରୁତଲେ ନେହିଁ କିହାଲି ଅଡେ ସିନାୟାଁ  
 ଇଞ୍ଜି କାବାଆନି କାମାୟାଁ କିହାଲିତାକି ନୀ କେୟୁ ଦାସା ତୁୟାମୁ । ୩୧ ଏଞ୍ଜାରି  
 ପ୍ରାତାନା ରାପ୍ହି ତାୟୁ, ଆମିନି ଚାୟୁତା ରୁଣ୍ଡା ଆହାମାରେରି, ଏଦି ଖୀଡ଼ିତେ ।  
 ଇଞ୍ଜି ବାରେଜାଣା ସୁଦୁଜୀଞ୍ଜୁ ତଲେ ନେଞ୍ଜାନା ବାଡ଼୍ଯୁ ତଲେ ମାହାପୁରୁତି ବଲୁ  
 ଖେକ୍ହାଲି ମାଟ୍ହେରି । ୩୨ ନାମୁଗାଟି ଲକୁ ରଣ୍ଡିଏ ହିୟାଁ ରଣ୍ଡିଏ ମନତଲେ  
 ମାରେରି; ଏଞ୍ଜାରି ବିତ୍ରାଟି ଆମ୍ବାଆରି ଜିକେଏ ତାମି ଦନତି ମାଦି ଇଞ୍ଜି ଅଣ୍ଠପି

ହିଲାଆଡେରି, ସାମା ଏଞ୍ଜରିଝାୟି ବାରେ ସମାନା ଇଞ୍ଜି ଅଶ୍ଵପିମାରେରି ।  
 ୩୩ ପାଣ୍ଡୁଞ୍ଜି ଆହାମାନାରି ଗାଡି ବାଡ଼ୟୁ ତଲେ ପ୍ରବୁ ଜୀସୁତି ଖେଣ୍ଡେ ନିଞ୍ଜିତି  
 କାତା ଖେସାଲି ମାଟ୍‌ହେରି, ଇଞ୍ଜି ବାରେତି ଲାକ ମାହାପୁରୁତି ହାରେକା  
 କାର୍ମା ମାରେ । ୩୪ ଇତିହିଁ ଏଞ୍ଜରି ବିତ୍ରା ଆମ୍ବାଆରାକି ଏନାୟି ଉଣା ଆହି  
 ହିଲାଆଡେ, ଇତିହିଁ ଏରେକା ଲକ୍ଷୁତି ବୁମି ଇଞ୍ଜି ଇଲକା ମାରୁ ପାର୍‌ତି ମାରେରି  
 ୩୫ ଅଡେ ପାଣ୍ଡୁଞ୍ଜି ଆତାରି କଡ଼ା ତଲକା ଏ ତାରୁୟାଁ ହାହିମାରେରି, ଅଡେ  
 ବାରେ ଲକ୍ଷୁତାକି ତାମି ଲଡ଼ାମାନି ଲେହେଁ ଏ ତାରୁୟାଁ ବାଟିକିଞ୍ଜି ଆହିମାରେ ।  
 ୩୬ କୁପ୍ର ଇନି ଚାୟୁତା ଜାର୍ନା ଆହାମାତି ଲେବି କୁଡ଼ାତି ଜସେପ, ଆମିନାଣାଈ  
 ପାଣ୍ଡୁଞ୍ଜି ଆତାରି ବର୍ନବା ଇଞ୍ଜି ମାରେରି, ଇ ଦରୁ ଅର୍ତ୍ତ “ବାର୍‌ସୁଁ ହାନାସି,” ୩୭  
 ଏଞ୍ଜାଣିଝାୟି ଇଚାୟି ବୁମି ମାରେ, ଏଞ୍ଜାସି ଏଦାଆଁ ପାର୍‌ଚାନା ଏମ୍ବାତି ଟାକାୟାଁ  
 ତାଚାନା ପାଣ୍ଡୁଞ୍ଜି ଆତାରି କତାୟାଁ ତଲ ଇତିତେସି ।

**୫** ହନନିୟୁ ଦରୁଗାଟାସି ରଅସି ମାରେସି, ଏଞ୍ଜାସି ତାନି ତକ୍ତି ସପିରା ତଲେ  
 ଇଚାଣି ବୁମି ପାର୍‌ତେସି । ୬ ହନନିୟୁ ତାନି ତକ୍ତି ତଲେ ଏ ଟାକାୟାଁ ବିତ୍ରାତି  
 କଚେକା ତୁକ୍‌ହା ଇଚାନା କଚେକା ତାଚାନା ପାଣ୍ଡୁଞ୍ଜି ଆତାରାକି ହାତେସି । ୭  
 ପିତର ଏଞ୍ଜାଣାଈ ଏଲେଇରେସି, “ହନନିୟୁ, ସୁଦୁଜୀଞ୍ଜୁ ନକିତା ମିତି ଜଲାଇ  
 ଇଞ୍ଜି ବୁମି ପାର୍‌ଚାନା କଚେକା ତୁକ୍‌ହା ଇଚାଲି ସୟତାନ ଏନାଆଁତାକି ମୀ  
 ହିୟାଁତି ଲକ୍‌ହାମାନେ? ୪ ପାର୍‌ନି ନକେଏ ଏଦି ନୀ ଅଦିକାରାତା ହିଲାଆଡେ  
 କି? ପାର୍‌ତି ତାୟୁ ଜିକେଏ ଏମ୍ବାତି ଟାକାୟାଁ ଜିକେଏ ନୀଞ୍ଜି ଆହାହିଲାଆତୁ  
 କି? ଆତିହିଁ ନୀନୁ ଏନିକିଁ ନୀ ହିୟାଁତା ଇ ଅଶ୍ଵପୁ ଅଶ୍ଵପିତି? ଏଦାଆଁ ନୀନୁ  
 ମାଣ୍ଡସି ନକିତା ମିତି ଜଲିମାଞ୍ଜି ଏଦି ଆଏ, ସାମା ମାହାପୁରୁ ନକିତା ମିତି  
 ଜଲିମାଞ୍ଜି!” ୫ ହନନିୟୁ ଇ ହାତା ଖେଣ୍ଡମ୍‌ନିଏ ତଲ ତରଗାନା ହାହାହାରେସି;  
 ଏମ୍ବାଆଁ ଏରେକା ଲକ୍ଷୁ ଇ କାତା ଖେରେରି, ଏଞ୍ଜାରି ବାରେ ହାରେକା ଆଜିତେରି  
 । ୬ ଅଡେ, ଦାଂଗଣାୟାଁ ବିତ୍ରା ଖାହାନା ହିମ୍ପରି ପୁାକ୍‌ହେରି ଇଞ୍ଜି ପାଞ୍ଜାତା  
 ଅହାନା ମାହଣି ମାଣ୍ଡାତା ମୁସ୍ତେରି । ୭ ତାନି ଗଂଟା ତାୟୁ ତାନି ତକ୍ତି ଖାତେ,  
 ସାମା ଏନାଆଁ ଆହାମାନେ, ଏଦାଆଁ ଏଦି ପୁଞ୍ଜା ହିଲାଆଡେ । ୮ ପିତର  
 ଏଦାନି ଖେରେସି, “ନୀନୁ ଅଡେ ନୀ ତକ୍ତା ଇଚେକା ଟାକାୟାଁତାକି କି ମୀ ବୁମି  
 ପାର୍‌ତେରି?” ଏଦି ଏଲେଇରେ, “ହାଆ ଏରେକା ତାକିଏ ।” ୯ ପିତର ଏଦାନି  
 ଏଲେଇରେସି, “ପ୍ରବୁତି ଜୀଞ୍ଜୁତି ତାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ  
 କାତା ଆଡେରି? ମେହ୍‌ମୁ ଆମିନି ଗାଗାରି ନୀ ତକ୍ତାଈ ମୁସାନା ଖାହିମାନେରି,

ଏଖାରି ଦୁଖେରିତା ଝାଡେରିଏ, ଇଞ୍ଜି ଏଖାରି ନିଢ୍ଫେ ପାଢ୍ଫାତା ଡେକା ଅୟାନେରି  
 ।” ୧୦ ଏ କାତା ଝେଣ୍ଢନିଏ ଏଦି ପିତର କଡ଼ା ଡ଼ଇ ଚରଗାନା ହାହାହାରେ,  
 ଇଞ୍ଜି ଦାଂଗଣାୟି ବିତ୍ରା ଝାହାନା ହାହାମାନାଣି ମେସ୍ତେରି ଇଞ୍ଜି ପାଢ୍ଫାତା  
 ଡେକା ଅହାନା ତାନି ଡକ୍ରା ଟଟତା ମୁସ୍ତେରି । ୧୧ ଏମ୍ପାଟିଏ ବାରେ କୁଲମି  
 ଇଞ୍ଜି ଏଡେକା ଲକ୍ଫୁ ଇ ବାରେ କାତା ଝେଡେରି, ଏଖାରି ବାରେ ହାରେକା  
 ଆଜିଡେରି । ୧୨ ପାଣ୍ଡୁଝି ଆତାରି ଡାଣାଟି ହାରେକା କାବାଆନି କାମାୟି  
 ଅଡେ ସିନାୟି ଆହାଲି ମାଟ୍‌ହେ, ଇଞ୍ଜି ବାରେ ନାମିତାରି ରଣ୍ଡିଏ ଅଣ୍ଡୁ  
 ତଲେ ସଲମନତି ପିଣ୍ଡାତା କୁଡ଼ା ଆହିମାଡେରି, ୧୩ ସାମା ଏଟ୍‌କାଟି ଲକ୍ଫୁ  
 ଆମ୍ପାଆରି ଏଖାରିତଲେ କୁଡ଼ାଲି ସାସା କିହିହିଲୀଆଡେରି; ଆତିଜିକେଏ  
 ଲକ୍ଫୁ ଏଖାରି ଗାଝୁରମି କିହିମାଡେରି, ୧୪ ଇଞ୍ଜି, ହାରେ ହାରେକା ଇୟସିକା  
 ଅଡେ ଆବାୟି ନାମାହାଁ ପ୍ରବୁ ଡାଣା କୁଡ଼ାଲି ଆଣ୍ଡିଡେରି, ୧୫ ପାଣ୍ଡୁଝି ଆତାରି  
 କାମା ଦିନାତାକି ଦିନା ପାତାଆଡେ, ଇଲୀଆହି, କି ପିତର ଝାନି ବେଲୀତା  
 ଏନିକି ତାନି ସାୟି ରଗ ଗାଟାରି ଲାକ ଆତିନେ, ଏଦାଆଁତାକି ରଗ ଗାଟାରାଇଁ  
 ଆଂଗେଣିତା ଡେକା ତାତାନା କାଟେଲି ଇଞ୍ଜି ପାସ୍‌ପନିତା ଇଟିମାଡେରି । ୧୬  
 ଜିରୁସାଲମତି ସାରିସୁଟୁ ଗାଡ଼ାୟିତି ହାରେକା ଲକ୍ଫୁ ରଗ ଗାଟାରାଇଁ ଅଡେ  
 ବୃତୁୟି ଆଲ୍‌ଗିତାରାଇଁ ତାଟିହି ଝାଡେରି, ଅଡେ ଏଖାରି ବାରେଜାଣା ନେହିଁ  
 ଆଡେରି । ୧୭ ଏଡେଟିଏ କାଜା ପୂଜେରାଢ୍ଫା ଅଡେ ଏଖାଣି ବାରେ ଡୁକୁ ଲକ୍ଫୁ  
 ନାୟିତି ସାଦୁକିୟି ଗରିତାରି ପାଣ୍ଡୁଝି ଆତାରାଇଁ ଡାହାରା ଆହାନା ଏଖାରି  
 କପାଟି ନିଢ୍ଫେଡେରି । ୧୮ ଏଖାରି ପାଣ୍ଡୁଝି ଆହାମାନାରାଇଁ ଆସାନା କାୟିଦି  
 ଇଲୁତା ଇଟିଡେରି । ୧୯ ସାମା ଲାଆୟି ବେଲୀତା ପ୍ରବୁତି ର ବୃତୁ କାୟିଦି  
 ଇଲୁତି ଦାରାୟି ବାରେ ଦେତାରୁସ୍ତେ, ଇଞ୍ଜି ଏଖାରାଇଁ ପାଢ୍ଫାତା ତାତାନା  
 ଏଲେଇଡେ, ୨୦ “ହାଜୁ, ଇଞ୍ଜି ମାହାପୁରୁ ଇଲୁତା ନିତାନା ଲକ୍ଫୁଣି ଇ ଜୀଝୁତି  
 ବାରେ କାତା ଝେହ୍‌ଦୁ ।” ୨୧ ଇ କାତା ଝେଞ୍ଝାନା ଏଖାରି ଲାଲଅଲି ମାହାପୁରୁ  
 ଇଲୁତା ହତାନା ଜାପ୍‌ହାଲି ମାଟ୍‌ହେରି । ଏମ୍ପାଟିଏ କାଜା ପୂଜେରାଢ୍ଫା ଅଡେ  
 ତାମି ଡ଼େସିଢ୍ଫା ଝାହାନା କୁଟମିତି କାଜାରାଇଁ ଅଡେ ଇସ୍ରାୟେଲ ଲକ୍ଫୁତି  
 ପ୍ରାତିନାଢ୍ଫାଣି ହାଟାନା କୁଡ଼ି କିଡେରି; ଇଞ୍ଜି ପାଣ୍ଡୁଝି ଆତାରାଇଁ ତାତାଲି  
 କାୟିଦି ଇଲୁତା ଲକ୍ଫୁଣି ପାଣ୍ଡିଡେରି । ୨୨ ସାମା କାମାକିନାରି ହାଜାନା  
 କାୟିଦି ଇଲୁତା ପାଣ୍ଡୁଝି ଆତାରାଇଁ ବେଟାଆଆନା ଝେଣ୍ଡା ଝାହାନା ବେରଣି  
 ମାଣ୍ଡାତାରାଇଁ ଝେସ୍ତେରି, ୨୩ “ମାମୁ କାୟିଦି ଇଜ ହାଜାନା ସିନିକିଡମି,

କାହିଁକି ଇଚ୍ଛୁ ଦାଋ ଆର୍ଘ୍ୟ ତଳେ ସୁଶୁଦ୍ଧିଆହାମାତେ; ଇଚ୍ଛୁ ଦୁଃଖେରିକାଣା  
 କାତାମାତି କସ୍ତକା ନିତାମାତେରି, ସାମା ଦାଋ ଦେତାଲିଏ ବିତ୍ରା ଆମ୍ବାଆରାଉଁ  
 ଜିକେଏ ବେଟାଆଆତମି!” ୨୪ ଇ ହାତା ଖେଞ୍ଜାନା କାଜା ପୂଜେରାଢ଼ା ଅଡ଼େ  
 ମାହାପୂରୁ ଇଚ୍ଛୁତି କସ୍ତକା ମୁହେଁ କାଜାସି ପାଣ୍ଡୁଢ଼ି ଆତାରାକି ଏନାଆଁ ଆତେ  
 ଅଶ୍ୱାମା ଏଞ୍ଜାରି କାତାତା ଆତାଜାକା ଆହାହାତେରି । ୨୫ ଏତିବେଲା  
 ରଅସି ଖାହାନା ଏଞ୍ଜାରାଉଁ ଏଲେଇତେସି, “ମେହ୍ତୁ ମୀରୁ ଆମିନି ଗାଟାରାଉଁ  
 କାହିଁକି ଇଚ୍ଛୁତା ଇଟାମାତେରି, ଏଞ୍ଜାରି ମାହାପୂରୁ ଇଚ୍ଛୁତା ଜାପୁହିମାନେରି  
 ।” ୨୬ ଏତେଟିଏ କସ୍ତକା ମୁହେଁ କାଜାସି, କାମାକିନାରି ତଳେ ହାଜାନା  
 ପାଣ୍ଡୁଢ଼ି ଆତାରାଉଁ ଖେଣ୍ଡେ ହାଟା ତାତେରି, ସାମା ବାଢ଼ୁୟୁ ତଳେ ଆଏ, ଇଚ୍ଛୁ  
 ଲକ୍ଷୁ ଖାଲକାତଳେ ଖେତାନେରି ଜିକେଏ ଇଚ୍ଛୁ ଆଜିମାତେରି । ୨୭ ଏଞ୍ଜାରି  
 ଏଞ୍ଜାରାଉଁ ତାତାନା କୁଲମି ପାଢ଼ୁତା ନିପୁହେରି, ଏମ୍ବାଟିଏ କାଜା ପୂଜେରା  
 ଏଞ୍ଜାରାଉଁ ଖେତେସି । ୨୮ “ଇ ମାଶ୍ୱସି ଦରୁତଳେ ଆମ୍ବାଆରାଉଁ ଜିକେଏ  
 ଖେହ୍ତାଦୁ ଇଚ୍ଛୁ ମାମୁ ଜାଣ୍ଡେ ହୁକୁମି ହୀହାମାଞ୍ଜାତମି, ସାମା ସିନିକିଦୁ, ମୀରୁ  
 ଏନାଆଁ କିହାମାଞ୍ଜେରି! ଜିରୁସାଲମତି ସାରିଖାକି ମୀରୁ ଏ କାତା ଜାପୁହି  
 ମାଞ୍ଜେରି ଇଚ୍ଛୁ ଏଞ୍ଜାଣାଉଁ ନେତେରିତି ଦହ ମା ମୁହେଁ ଏକହାଲି ଅଶ୍ୱପିମାଞ୍ଜେରି  
 ।” ୨୯ ସାମା ପିତର ଇଚ୍ଛୁ ଏଟକାତି ପାଣ୍ଡୁଢ଼ି ଆହାମାନାରି ଏଲେଇତେରି,  
 “ମାଶ୍ୱସିୟାତି ହୁକୁମି ମାନି କିନି କିହାଁ ମାହାପୂରୁତି ହୁକୁମି ମାନି କିନାୟିମାନେ  
 । ୩୦ ଆମିନି ଜୀସୁଇଁ ମୀରୁ ପାସି ମୁଣ୍ଡାତା ଏକହାନା ପାୟାମାତେରି, ମା  
 ଆକୁ ଆବାୟାତି ମାହାପୂରୁ ଏଞ୍ଜାଣାଉଁ ଖେଣ୍ଡେ ନିକହାମାନେସି । ୩୧ ଇଚ୍ଛୁ  
 ଏଞ୍ଜାସି ଏନିକିଁ ଇସ୍ରାୟେଲତି ମନ ଖେଟ୍ପି କିହାଁ ପାପୁ ମେଶ୍ୱଡ଼ି କିନେସି,  
 ଏଦାଆଁତାକି ମାହାପୂରୁ ତାନି ଚିଃନି କେୟୁତଳେ ଏଞ୍ଜାଣାଉଁ କାଜାପାଣା ଇଚ୍ଛୁ  
 ଗେଲ୍ପିନାଣା ଲେହେଁ କାଜାସି କିହାମାନେସି । ୩୨ ଅଡ଼େ, ମାମୁ ଇ ବାରେତି  
 ସାକି, ଇଚ୍ଛୁ ଆମିନି ସୁଦୁଜୀଞ୍ଜୁଇଁ ମାହାପୂରୁ ତାନି ହୁକୁମି ମାନି ଆନାରାକି  
 ହୀହାମାଞ୍ଜାନେସି, ଏତି ଜିକେଏ ସାକି ।” ୩୩ ଇ କାତା ଖେଞ୍ଜାନା କୁଟମିତି  
 କାଜାରି ହାରେକା କାର୍ବି ଆହାହାତେରି, ଇଚ୍ଛୁ ଏଞ୍ଜାରାଉଁ ପାୟାଲି ତାକି  
 କାତା ଆତେରି । ୩୪ ସାମା ଗମଲିୟେଲ ଦରୁଗାଟି ର ମାନିଗାଟି ପାରୁସି,  
 ଆମିନିଗାଟାସି ମସାତି ମେରା ଜାପୁନାସି ମାତେସି, ଏଞ୍ଜାସି ବେରଣିମାଣ୍ଡାତା  
 ନିତାନା ପାଣ୍ଡୁଢ଼ି ଆହାମାନାରାଉଁ ଗାଡ଼େକା ତାକି ପାଢ଼ୁତା ପାଣ୍ଡାଲି ହୁକୁମି  
 ହୀତେସି । ୩୫ ଇଚ୍ଛୁ ଏଞ୍ଜାସି ଏଞ୍ଜାରାଉଁ ଏଲେଇତେସି “ଏ ଇସ୍ରାୟେଲ

ଲକ୍ଷ୍ମଣେ, ଇଶ୍ଵରୀ ତାକି ମୀରୁ ଏନାଆଁ କିହାଲି ଅଶ୍ଵପିମାଞ୍ଜେରି, ଏ କାତାତା  
 ଜାଗ୍ରାତା ଆହାମାଞ୍ଜୁ । ୩୭ ଇତିହ୍ଵିଁ ଇଦାଆଁ ନକେଏ ତିସ୍ଵଦା ଇନାସି ହୁଚାନା  
 ତାନୁ ର କାଜା ମାଶ୍ଵି କିହା କଡିତେସି, ଇଞ୍ଜିଁ ସ୍ଵାରି ଖାଞ୍ଜା ଲକ୍ଷ୍ମଣ ଏଞ୍ଵାଣିତଲେ  
 ଆଶ୍ଵିତେରି; ଏଞ୍ଵାସି ପାୟ୍ଵି ଆତେସି, ଇଞ୍ଜିଁ ଏଚେକା ଲକ୍ଷ୍ମଣ ଏଞ୍ଵାଣି ତାଣା  
 ବାୟ୍ଵି କିହାମାଚେରି, ଏଞ୍ଵାରି ବାରେ ଇତାଲା ଆତାଲା ଆହାଁ ଏନି କାମାତା  
 ହୀଆତେରି । ୩୭ ଏ ଲକ୍ଷ୍ମଣି ଜେଚ ଲକ୍ଷ୍ମଣି ଏଜିକିନି ବେଲାତା ଗାଲିଲିତି  
 ଜୀହୁଦା ଇନାସି ହୁଚାନା ଲକ୍ଷ୍ମଣି ତାନି ଖାକି ରେଜା ଅହାନା ତାନି ସୀୟୁୟ୍ଵା  
 କିତେସି; ଏଞ୍ଵାସି ଜିକେଏ ପାୟ୍ଵି ଆତେସି, ଇଞ୍ଜିଁ ଏଚେକା ଲକ୍ଷ୍ମଣ ଏଞ୍ଵାଣି ଜେଚ  
 ଆଶ୍ଵାମାଚେରି, ଏଞ୍ଵାରି ବାରେ ଇତାଲା ଆତାଲା ଆହାହାଚେରି । ୩୮ ଇଞ୍ଜିଁ  
 ନୀୟ୍ଵି ନାନୁ ମିଢ୍ଵେ ଖେସିମାଞ୍ଜାଲ୍, ମୀରୁ ଇ ଲକ୍ଷ୍ମଣି ଏନାଆଁ କିଆନା ଏଞ୍ଵାରିଲ୍  
 ପିସାତୁହୁଦୁ, ଇତିହ୍ଵିଁ ଇ କାତା କି କାମା ମାଶ୍ଵି ତାଣାଟି ଆହାମାନେ, ଇତିହ୍ଵିଁ  
 ଏଦି ଉଜେଏ ଆନେ; ୩୯ ସାମା ଏଦି ମାହାପୁରୁ ତାଣାଟି ଆହାମାନେ, ଇତିହ୍ଵିଁ  
 ମୀରୁ ଏଞ୍ଵାରିଲ୍ ଜୀଣା ଆନି ସାସା ହିଲେଏ, ଇତିହ୍ଵିଁ ମୀରୁ ମାହାପୁରୁ କପାଟି  
 ଜୁଜୁ କିହାମାଞ୍ଜେରି ଇଞ୍ଜିଁ ତଞ୍ଜା ଆଦେରି!” ଏ ବାରେ କୁଟମି ଗମଲିୟେଲ  
 କାତାଟି ଖେଚେରି । ୪୦ ଇଞ୍ଜିଁ ପାଶ୍ଵି ଆତାରାଲ୍ ବିତ୍ରା ହାଟାନା ସାଟ୍ଵି ମାତା  
 ଖେଚାନା ଜୀସୁ ଦରୁତି କାତା ଖେହ୍‌ଆଦୁ ଇଞ୍ଜିଁ ହୁକୁମି ହୀହାନା ପିସ୍ଵେରି । ୪୧  
 ମାହାପୁରୁ ନକିତା ଏଞ୍ଵାରି ଜୀସୁ ଦରୁ ତାକି ଲାଜା ବେଟାଆହାଲି ଜଗେ ଇଞ୍ଜିଁ  
 ଅଶ୍ଵାମାଚେରି, ଏଦାଆଁତାକି ଏଞ୍ଵାରି ରାହାଁ କିହ୍ଵିଁ କୁଟମି ବିତ୍ରାଟି ହୁଞ୍ଵାତେରି;  
 ୪୨ ଅଡେ, ଏଞ୍ଵାରି ଦିନାତାକି ଦିନା ମାହାପୁରୁ ଇଲୁତା ଇଞ୍ଜିଁ ଇଲୁତାକି ଇଲୁ  
 ଜାପ୍ଵାଲି ଇଞ୍ଜିଁ ଜୀସୁଏ ମସିହା, ଇ ନେହ୍ଵିଁ କାବୁ ଖେକ୍‌ହାଲି ଉଣା ଆଆତେରି  
 ।

୨ ଏମ୍ପାଟିଏ ସୀୟୁୟ୍ଵା ହାରେ ହାରେକା ଜାଣା ଆହାଲି ମାଟ୍‌ହେରି, ଗ୍ରିକ୍ ଜଲିନି  
 ଜୀହୁଦି ଲକ୍ଷ୍ମଣ ଏବ୍ଵି ଜଲିନି ନାମିତି ଲକ୍ଷ୍ମଣି ଲାଜା କିହାଲି ମାଟ୍‌ହେରି, ଏନାଆଁତାକି  
 ଇତିହ୍ଵିଁ ଦିନାତାକି ଦିନା କାଦିକଣ୍ଠା ବାଟିକିନି ବେଲାତା ରାଶ୍ଵେଣିସିକାକି ହୀହି  
 ହିଲାଆତେରି । ୨ ଏମ୍ପାଟିଏ ବାରଜାଣା ସୀୟୁୟ୍ଵା ବାରେ ନାମିତି ଲକ୍ଷ୍ମଣ ର  
 ତାଣା କୁଡ଼ି କିହାନା ଏଲେଇଚେରି, “ମାହାପୁରୁତି ବଲୁ ଖେକ୍‌ହାଲି ପିସାହାଁ  
 ବାଟି କିହାଲି ହିକିତିହ୍ଵିଁ ନେହ୍ଵିଁ ଆଏ । ୩ ଇଦାଆଁତାକି ଏ ତାୟ୍ଵିୟ୍ଵା ଅଡେ  
 ତାଢ୍ଵିସ୍ଵା, ମୀ ବିତ୍ରାଟି ନେହ୍ଵିଁର ଇଞ୍ଜିଁ ଖେଢ୍ଵିତି ସୁଦୁଜୀସୁ ତଲେ ନେଞ୍ଜାମାନି  
 ବୁଦିଗାଟି ସାତା ଜାଣାଲ୍ ଆତାଦୁ, ଏଞ୍ଵାରିକି ଇ ବାଟିକିନି କାମା ହେର୍‌ପାଦୁ ।

୪ ଆତିହିଁ ମାମୁ ପ୍ରାତାନାତା ଇଞ୍ଚି ବଲୁ ଖେହ୍ନି ସେବା କାମାତା ରଣ୍ଡିଏ ଅଣ୍ଟୁ ତଲେ ଡ଼ୟିନମି ।” ୫ ଇ କାତା ବାରେ ଲକ୍ଷ୍ମି କାନୁତା ନେହିଁ ଡ଼ଞ୍ଚାଆତେ, ଇଞ୍ଚି ଏଞ୍ଚାରି ନାମୁ ଅଡ଼େ ସୁଦୁଜୀଞ୍ଚୁତା ନେଞ୍ଚାମାନି ସ୍ତ୍ରୀପାନ ଦରୁ ଗାଟାଣାଇଁ ଇଞ୍ଚି ପିଲିପ, ପ୍ରକର, ନିକାନର, ତିମନ, ପାର୍ମନା, ଅଡ଼େ ଆନ୍ତିୟକିୟାତି ତଲି ଜୀହୁଦି ଦାମ୍ବୁତା ଆଣ୍ଡାମାତି ନିକଲାଇଁ ଆତିତେରି, ୬ ଏଞ୍ଚାରି ଏଞ୍ଚାରାଇଁ ପାଣ୍ଡୁଞ୍ଚି ଆତାରି ତାଣା ତାତେରି, ଇଞ୍ଚି ଏଞ୍ଚାରି ଲାକ କେସ୍ଲା ଇଟାନା ପ୍ରାତାନା କିତେରି । ୭ ଏଚେଟିଏ ମାହାପୁରୁତି ବଲୁ ହାରେକା ଡ଼େଞ୍ଚିତେ, ଇଞ୍ଚି ଜିରୁସାଲମତା ସୀସୁୟାଁ ହାରେକା ପାତାଆହାଲି ମାଟ୍‌ହେରି; ଅଡ଼େ ପୂଜେରାଞ୍ଚା ବିତ୍ରାଟି ହାରେକା ଜାଣା କ୍ରୀସୁଇଁ ନାମାଲି ମାଟ୍‌ହେରି । ୮ ସ୍ତ୍ରୀପାନ ମାହାପୁରୁତି କାର୍ମା ଇଞ୍ଚି ବାଡ଼ୟୁ ବେଟାଆହାନା ଲକ୍ଷ୍ମି ବିତ୍ରା କାଜା କାଜା କାବାଆନି କାମା ଅଡ଼େ ସିନାୟାଁ କିହାଲି ମାଟ୍‌ହେସି । ୯ ସାମା ଲିବର୍ତନ, କୁରିଣି ଅଡ଼େ ଆଲେକ୍‌ଜାଣ୍ଡିୟା ଗାଡ଼ାୟାଁଣା ବାସା କିହାମାନି ଦରୁତା ଡ଼େଞ୍ଚାମାନି ଜୀହୁଦି ଲକ୍ଷ୍ମି ପ୍ରାତାନା ଇଲୁତି ଏଚେକା ଲକ୍ଷ୍ମି ଅଡ଼େ କିଲିକିୟା ଇଞ୍ଚି ଆସିୟା ଦେସାତି ଏଚ୍‌କା ଜୀହୁଦିଞ୍ଚା ନିଞ୍ଚାମା ସ୍ତ୍ରୀପାନ ତଲେ ବାଦିବାଦା ଆତେରି । ୧୦ ସାମା ଏଞ୍ଚାସି ଆମିନି ସୁଦୁଜୀଞ୍ଚୁ ଅଡ଼େ ବୁଦିତଲେ ଜଲିମାଚେସି, ଏଞ୍ଚାରି ଏ କାତାତି ଖେଣ୍ଡେ ଜଲାଇଁ ସାସା କିହିହିଲଆତେରି । ୧୧ ଏଚେଟିଏ ଏଞ୍ଚାରି ଏଚରଜାଣାତି ମାତଞ୍ଚି କିହାନା ଏଲେଇଞ୍ଚି ଖେସାଲି ଜାପ୍‌ହେରି, “ମାମୁ ଇଞ୍ଚାଣି ତାଣାଟି ମସା ଅଡ଼େ ମାହାପୁରୁ ନିନ୍ଦା କାତା ଜଲିମାତାଣି ଡ଼େଞ୍ଚାମାନମି ।” ୧୨ ଅଡ଼େ, ଏଞ୍ଚାରି ବାରେ ଲକ୍ଷ୍ମି, ଇଞ୍ଚି ପ୍ରାତିନାଞ୍ଚାଣି ଅଡ଼େ ମେରା ପୁନାରାଇଁ କାର୍‌ବି କିହାନା ଏଞ୍ଚାଣାଇଁ ବାଡ଼ୟୁ ତଲେ ଆସାନା ବେରଣିମାଣ୍ଡାତା ତାତେରି, ୧୩ ଇଞ୍ଚି ମିତି ସାକି ହୀନାରାଇଁ ନିପ୍‌ହାନା; ଏଞ୍ଚାରାଇଁ ଏଲେଇଚେରି, “ଇଞ୍ଚାସି ଇ ସୁଦୁ ପ୍ରାତାନା ଇଲୁ ଇଞ୍ଚି ମସା ମେରାତି କପାଟି ଜଲାଇଁ ଉଣା ଆହିହିଲଅସି, ୧୪ ଇତିହିଁ ନାଜରିତ ଜୀସୁ ମାହାପୁରୁ ଇଲୁତି ମ୍ଳେକ୍‌ନେସି, ଇଞ୍ଚି ମସା ମାଞ୍ଚେ ଆମିନି ମେରା ହୀହାମାଞ୍ଚାମେସି, ଏ ବାରେ ତିରିମ୍ଳେକ୍‌ନେସି ଇଞ୍ଚି ଖେସିମାତାଣି ମାମୁ ଡ଼େଞ୍ଚାମାନମି ।” ୧୫ ଏତିବେଲା ବେରଣିମାଣ୍ଡାତା କୁଗାମାତି ବାରେ ଲକ୍ଷ୍ମି ସ୍ତ୍ରୀପାନଇଁ ଆଟେ ସିନିକିତେରି, ଏଞ୍ଚାଣି ମୁମୁ ଦୁତୁତି ମୁମୁ ଲେହେଁ ଉଜେଡ଼ି ଡ଼ଞ୍ଚାଆତେ ।

୭ ଏଚେଟିଏ କାଜା ପୂଜେରା ସ୍ତ୍ରୀପାନଇଁ ଖେଚେସି, “ଇ ବାରେ କାତା ସାତା କି?” ୭ ସ୍ତ୍ରୀପାନ ଏଲେଇଚେସି, “ତାୟାଁ ଅଡ଼େ ଆବାୟାଁତେରି ଡ଼େଞ୍ଚା

ମା ଆବା ଅବ୍ରାହାମ ହାରଣତା ବାସାଆନି ନକେଏ ଏତିବେଲା ଏଝାସି  
ମେସପଟାମିୟାଁ ଦେସାତା ମାରେସି, ଏତିବେଲା ଗାଝୁରମିଗାଟି ମାହାପୁରୁ  
ଏଝାଣାଇଁ ତଞ୍ଜାଆତେସି, ୩ ଅଡେ ଏଲେଇରେସି ‘ନାନୁ ମା ଇଲୁ କୁଟମି ଇଞ୍ଜି  
ମା ଦେସାଟି ହତା ଝାମୁ, ଇଞ୍ଜି ନାନୁ ଆମିନି ଦେସା ତସ୍ତାଇଁ ଏ ଦେସାତା  
ହାଲାମୁ ।’ ୪ ଏରେଟିଏ ତାନି କଲ୍ଦିୟାଁ ଦେସାଟି ହତାଝାହାନା ହାରଣତା  
ବାସା କିତେସି, ଇଞ୍ଜି ଅବ୍ରାହାମତି ଆବା ହାଟି ତାୟୁ ଏମ୍ପାଟିଏ ମୀରୁ ନୀଏଁ  
ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଝାଣାଇଁ  
ତାଟିହିଁ ଝାତେସି, ୫ ଅଡେ, ମାହାପୁରୁ ଅବ୍ରାହାମକି ଏମ୍ପାଆଁ ଏନି ଅଦିକାରା  
ହୀଆତେସି, ଅଡେ ର ପାଝୁଲି ଝିହ୍ନି ବୃମିଗାରି ଜିକେଏ ହୀଆତେସି, ଇଞ୍ଜି  
ଏତିବେଲା ଏଝାଣାକି ପଦି ପଦା ହିଲାଆତି ଜିକେଏ ଏଝାସି ଏଝାଣାଇଁ ଇଞ୍ଜି  
ତାନି ଝାହିମାନି କୃତାତାରିକି ଏଦାଆଁ ଅଦିକାରା କିହାଲିତାକି ହୀଇଁ ଇଞ୍ଜି  
ଆଞ୍ଜିତେସି । ୬ ଇଞ୍ଜି ମାହାପୁରୁ ଇଲେଇଞ୍ଜି ଝେସ୍ତେସି, ‘ତାନି କୃତାତାରି  
ଏଟ୍ଟକା ଦେସାତା ବାସା କିନେରି ଇଞ୍ଜି ଏ ଟାୟୁଟି ଲକୁ ଏଝାରାଇଁ ସାରି ଝାଞ୍ଜା  
ବାସା ପାତେକା ହଲିୟାଡ୍ଡା କିହାଁ ଏଝାରାଇଁ ଝେଟି କାମା କିଝି କିହାନା ସାସ୍ତି  
ହୀନେରି ।’ ୭ ଅଡେ ମାହାପୁରୁ ଏଲେଇରେସି, ନାନୁ ଏଝାରାଇଁ ହଲିୟା  
କାମା କିଝିକିନାରାଇଁ ବିଚାରା କିଇଁ; ଅଡେ ତାୟୁ ମା କୃତାତାରି ଏ ଦେସାଟି  
ହତା ଝାନେରି ଅଡେ ଇ ଟାୟୁତା ନାଢ୍ଫେ ପ୍ରାତାନା କିୟାନେରି । ୮ ଅଡେ  
ମାହାପୁରୁ ଅବ୍ରାହାମକି ତଲୁ ଦାଝନି ରାଜିମାନା ସିନାତି ହୀତେସି, ଇଞ୍ଜି  
ଏଲେକିହିଁଏ ଅବ୍ରାହାମ ଇସାହାକଇଁ ଜାନି କିହାନା ଆଟାଦିନା ଆହାଲିଏ  
ଏଝାଣି ତଲୁ ଦାତେସି; ଇସାହାକ ଜାକୁବଇଁ, ଅଡେ ଜାକୁବ ବାରଜାଣା ଝେଟ୍ଟିତି  
ଆକୁ ଆବାୟାଣି ଜାନି କିହାନା ତଲୁ ଦାପିକିତେସି ।” ୯ “ଜାକୁବ ମୀରୁଏସି  
ଜସେପଇଁ ତାନି ତାୟୁଁ ତାହାରା ଆହାନା ମିସର ଦେସାତା ଅଝିଆୟାଲି  
ଏଝାଣାଇଁ ପାର୍ତେରି; ସାମା ମାହାପୁରୁ ଏଝାଣିତଲେ ମାରେସି, ୧୦ ଅଡେ  
ବାରେ କସ୍ତୁଟି ଜସେପଇଁ ଗେଲ୍ପାହାଁ ମିସରତି ପାର ରାଜା ନକିତା ମାହାପୁରୁ  
କାର୍ମା ତସାହାଁ ବୁଦି ହୀତେସି; ଏମ୍ପାଟିଏ ପାର ଜସେପଇଁ ମିସର ଦେସା ଇଞ୍ଜି  
ତାନି ଇଲୁଟି ସାଲଝି କିହାଲି ଅଦିକାରା ହୀତେସି । ୧୧ ତାୟୁ ମିସର ଇଞ୍ଜି  
କିଶାନ ଦେସାତା କାର୍ଝୁ କାତାରା ଆତେ, ଲକୁ ହାରେକା କସ୍ତୁ ଆତେରି,  
ମା ଆକୁ ଆବାୟାଁ ତିଞ୍ଜାଲି କାଦିକଣ୍ଡା ବେଟାଆଆତେରି, ୧୨ ସାମା ମିସର  
ଦେସାତା ଆନା ମାନେ ଇଞ୍ଜି ଝେଞ୍ଜାନା, ଜାକୁବ ତାନି ମୀର୍କା ଇତିହିଁ ମା

ଆକୁ ଆବାୟାଣି ତଲିଏ ପାଣ୍ଡିତେସି । ୧୩ ଏଞ୍ଜାରି ଅର ଦେବା ହାଜାଲିଏ  
 ଜସେପ ତାନି ତାୟିୟାଁ ଡାଣା ପୁଣ୍ଡି କିହା କଡିତେସି, ଇଞ୍ଜି ମିସରତି ରାଜା  
 ପାର ଜସେପ କୁଡାତାରି ଇଞ୍ଜି ପୁଚେସି । ୧୪ ଏମ୍ବାଟିଏ ଜସେପ ତାନି ଆବା  
 ଜାକୁବ ଇଞ୍ଜି ତାନିକଡି ପନୁର ଡାଣା ତାନି କୁଟମିତି ହାଟାଲି ପାଣ୍ଡିତେସି,  
 ୧୫ ଏମ୍ବାଟିଏ ଜାକୁବ ମିସର ଡେସାତା ହାଚେସି; ଇଞ୍ଜି ଏଞ୍ଜାସି ଅଡେ ତାନି  
 ମାର୍କା ଏମ୍ବାଆଁ ହାଚେରି । ୧୬ ଇଞ୍ଜି ଏଞ୍ଜାରି ମାଡୁହା ସିକିମତା ଅଞ୍ଜିଆଡେ,  
 ଇଞ୍ଜି ଅବାହାମ ଏମ୍ବାଆଁ ହମର ମାର୍କା ଡାଣାଟି ଆମିନି ମାହୁଣି ମାଣ୍ଡା  
 ଟାକାୟାଁ ହାହାଁ କଡାମାଚେସି, ଏମ୍ବାଆଁ ମୁସ୍ପି ଆଚେରି ।” ୧୭ “ସାମା,  
 ମାହାପୁରୁ ଅବାହାମ ନକିତା ଆଞ୍ଜାମାଟି ଲେହେଁ, ଏ ଆଞ୍ଜାମାନାୟି ପୁରା ଆନି  
 କାଲା ଖାହାଲିଏ ମା ଲକୁ ମିସର ଡେସାତା ହାରେକା ଗାଡି ପାଡା ଆଚେରି  
 । ୧୮ ଡାୟୁ ମିସର ଡେସାତା ଅଡେ ର ରାଜା ଆଚେସି, ଏଞ୍ଜାସି ଜସେପଇଁ  
 ପୁଞ୍ଜା ହିଲାଆଚେସି । ୧୯ ଏଞ୍ଜାସି ମା ଆକୁ ଆବାଣି ଝେପିକିତେସି ଅଡେ  
 ସାସି ହାଚେସି, ତାନି କକାରି ହାପାରିଖା ଇଞ୍ଜି ଇଲୁଟି ପାଢ୍ଫାତା କୁଡୁସାଲି  
 ହୁକୁମି ହାଚେସି । ୨୦ ଏଚିବେଲାତା ମସା ଜାର୍ନା ଆଚେସି, ଏଞ୍ଜାସି ମାହାପୁରୁ  
 ନକିତା ହାରେକା ଅଜିତାସି ଇଞ୍ଜି ତାନି ଲେଞ୍ଜୁ ପାଚେକା ତାନି ଆବା ଇଜ  
 ପହିକିଞ୍ଜି ଆଚେସି । ୨୧ ଡାୟୁ ଏଚିବେଲା ଏଞ୍ଜାସି ପାଢ୍ଫାତା ମେଟ୍ପି ଆଚେସି,  
 ଏଚିବେଲା ପାର ରାଜା ମାଢ୍ଫା ଏଞ୍ଜାଣାଇଁ ଅହାନା ତାନି ମାର୍କାଣା ଲେହେଁ  
 ପହିକିତେ । ୨୨ ଅଡେ ମସା ମିସର ଲକୁଡି ବାରେ ବୁଡି ଜାପାନା କାତାତା  
 ଅଡେ କାମାତା ଝେଢ୍ଫିତେସି ।” ୨୩ “ମସାକି ରୀ କଡି ବାର୍ଯା ଆୟାଲିଏ ତାନି  
 ତାୟିୟାଁ ଇଚିହଁ ଇସ୍ରାୟେଲ ଲକୁଡି ମାସ୍କା ମାର୍କାଣା ଏନିକିହଁ ଲେମୁଞ୍ଜି  
 ଆହିମାନେ ଇଞ୍ଜି ପୁଞ୍ଜାଲି ଅଣ୍ପିତେସି । ୨୪ ଏଞ୍ଜାସି ରଅଣାଇଁ ମିସରତାସି  
 ଗଡୁହା କିହିମାଚାଣି ମେସ୍ତେସି, ଏଞ୍ଜାଣାଇଁ ସାୟେମି କିହାଲି ହାଚେସି ଅଡେ  
 ବାଦୁଲି ଅହାନା ଏଞ୍ଜାଣାଇଁ ପାୟିତେସି । ୨୫ ଏଞ୍ଜାଣି କେୟୁଟି ମାହାପୁରୁ  
 ତାନି ତାୟିୟାଁଣି ଗେଲ୍ପି ମାନେସି, ଇଦାଆଁ ଏଞ୍ଜାରି ପୁଞ୍ଜାଲି ଆଡିନେରି ଇଞ୍ଜି  
 ଅଣ୍ପିମାଚେସି, ସାମା ଏଞ୍ଜାରି ପୁଞ୍ଜାଲି ଆଡାଆଚେରି । ୨୬ ତାନି ଅର ଦିନା  
 ଇସ୍ରାୟେଲ ଲକୁ ରିଆରି ମାଡା ଆହିମାଚାଣି ମେସ୍ତେସି, ଇଞ୍ଜି ଏଞ୍ଜାଣାଇଁ  
 ଆଣ୍ଡି କିହାଲି ମାଦି ଆହାଁ ଏଲେଇଚେସି, ‘ଆଡେ, ମାରୁଟ ଇସ୍ରାୟେଲ  
 ତାୟିୟାଁଚେରି; ଏନାଆଁତାକି ଇଲେଆହିଁ ଗଡୁହା ଆହିମାଞ୍ଜେରି?’ ୨୭ ସାମା  
 ଆମିନିଗାସି ପାଡିତାଣାଇଁ ଲାଗେଏ କିହିମାଚେସି, ଏଞ୍ଜାସି ମସାଇଁ ମେଡାନା



ଏଲେଇଚେସି, ‘ଆମ୍ବାଆସି ନିଢ୍ଢେ ମା ଲାକ ସାଲଖି କିହାଲି ଅଡ଼େ ନୀହାୟି  
 କିହାଲି ହିୟାଚେସି?’ ୨୮ ‘ରେଃଏନି ଏନିକିଁ ମିସର ତାଣାଲ୍ ପାୟାମାଟି,  
 ଏଲେକିହିଁ କି ନାନୁ ନାଢ୍ଢେ ପାୟାଲି ଅଣ୍ଠିପିମାଞ୍ଜାଦି?’ ୨୯ ଇ କାତା ଖେଞ୍ଜାନା  
 ମସା ମିଦିୟନ ଦେସାତା ହାଜାନା ବାସା କିଚେସି; ଇଞ୍ଜିଁ ଏମ୍ବାଆଁ ରୀ ମାର୍କା  
 ଜାର୍ନା ଆଚେରି ।” ୩୦ ଡାୟୁ ରୀ କଡ଼ି ବାର୍ସା ଆୟାଲିଏ, ସିନୟ ହରୁ ତାଗେତି  
 ଜାଡ଼ାତା ର ଦୁରୁ ର ବୁଟାତା ହିରୁ ଡ଼ାଞ୍ଜାନା ଡ଼ାଞ୍ଜାଆଚେସି । ୩୧ ମସା  
 ଏଦାଆଁ ମେସାନା ଆତାଜାକା ଆଚେସି, ଇଞ୍ଜିଁ ନେହିଁକିଁ ସିନିକିହାଲି ତାଗେ  
 ହାଜିମାଟି ବେଲାତା ପ୍ରବୁତି ଇ ହାତା ଖେଚେସି, ୩୨ “ନାନୁ ମୀ ଆକୁ ଆବାୟାଁ  
 ମାହାପୁରୁ, ଅବ୍ରାହାମତି, ଇସାହାକ ଅଡ଼େ ଜାକୁବତି ମାହାପୁରୁ” ଏଚେଟିଏ  
 ମସା ଆଜିତାକି ନେହିଁକିଁ ସିନିକିହାଲି ସାସା କିଆଚେସି । ୩୩ ପ୍ରବୁ ଏଞ୍ଜାଣାଲ୍  
 ଏଲେଇଚେସି, “ନୀ କତାତି ସେପୁୟାଁ ହୁକୁମି, ଇଚିହିଁ ନୀନୁ ଆମିନି ଚାୟୁତା  
 ନିରାମାଞ୍ଜି ଏଦି ସୁଦୁଗାଟି ଚାୟୁ । ୩୪ ମିସରତା ନା ଆମିନି ଲକୁ ମାନେରି,  
 ନାନୁ ଏଞ୍ଜାରି କସ୍ତୁ ମେସାମାଲ୍, ଅଡ଼େ ଏଞ୍ଜାରି ଡ଼ାହିମାନାଣି ଖେଞ୍ଜାମାଲ୍,  
 ଇଞ୍ଜିଁ ଏଞ୍ଜାରାଲ୍ ଗେଲ୍ପାଲି ରେଚା ଖାହାମାଲ୍; ଇଞ୍ଜିଁ ନୀଏଁ ଖାମୁ ନାନୁ ନିଢ୍ଢେ  
 ମିସର ଦେସାତା ପାଣ୍ଡାଲ୍ ।” ୩୫ “ମସାଲ୍ ଇସ୍ରାୟେଲତି ଲକୁ ଅପାଆଚେରି ।  
 ଏଞ୍ଜାରି ଏଞ୍ଜାଣାଲ୍ ଏଲେଇଚେରି, ‘ମାଢ୍ଢେ ସାଲଖି କିହାଲି ଅଡ଼େ ନୀହାୟି  
 କିହାଲି ଆମ୍ବିତି ଅଦିକାରା ବେଟାଆତି? ଏଞ୍ଜାଣାଲ୍ ମାହାପୁରୁ ଲକୁଣି ସାଲଖି  
 କିହାଲି ଅଡ଼େ ମୁକ୍ଲଖି କିହାଲି ଦୁରୁତି ସାୟେମି ତଲେ ହିରୁ ଡ଼ାଞ୍ଜିମାନି  
 ବୁଟାତା ଡ଼ାଞ୍ଜାଆହାନା ପାଣ୍ଡାଚେସି । ୩୬ ଏଞ୍ଜାସି ଲକୁଣି ମିସର ଦେସାଟି,  
 ସୁପ ସାମ୍ବୁରି, ଇଞ୍ଜିଁ ରୀ କଡ଼ି ବାର୍ସା ପାଚେକା ବାଟାତା ହାରେକା କାବାଆନି  
 କାମା ଅଡ଼େ ସିନାୟାଁ ଡ଼ସାହାଁ ଏଞ୍ଜାରାଲ୍ ହୁପହା ତାଚେସି । ୩୭ ଏ ମସା  
 ତାନୁଏ ଇସ୍ରାୟେଲ ମାର୍କାଣି ଏଲେଇଚେସି, ମାହାପୁରୁ ମୀ ତାୟାୟାଁ ବିତ୍ରାଟି  
 ମିଢ୍ଢେତାକି ନା ଲେହେଁକି ର ମାହାପୁରୁ ଅଣ୍ଠିପୁତି ବଲୁ ଖେହ୍ନାଣାଲ୍ ହିୟାନେସି  
 ।’ ୩୮ ଏ ମସା ବାଃଲି ବାଟାତା କୁଡ଼ା ଆହାମାନି ଇସ୍ରାୟେଲ ଲକୁତଲେ  
 ମାଚେସି । ସିନୟ ହରୁତା ତାନିତଲେ କାତା ଆହିମାଟି ଦୁରୁ ଇଞ୍ଜିଁ ମା ଆକୁ  
 ଆବାୟାଁ ବିତ୍ରା ମାଦିତାସି ମାଚେସି; ଏଞ୍ଜାସି ମିଢ୍ଢେ ହାହାଲିତାକି ମାହାପୁରୁ  
 ତାଣାଟି ଜାଞ୍ଜୁତି ବଲୁ ବେଟାଆଚେସି ।” ୩୯ “ସାମା ମା ଆକୁ ଆବାୟାଁ ଏଞ୍ଜାଣି  
 କାତା ଆହୁଆନା ଏଞ୍ଜାଣାଲ୍ ଅପାଆଚେରି, ଅଡ଼େ ମିସର ଦେସାତା ଖେଣ୍ଡା  
 ହାଜାଲି ମନ କିଚେରି, ୪୦ ଏଦାଆଁତାକି ଏଞ୍ଜାରି ହାରଣାଲ୍ ଏଲେଇଚେରି ।

‘ମା ନକି ନକିତା ହାଜାଲି ମାଢ଼େଟାକି ପେଣ୍ଠାକାଣି କେପାମୁ, ଇତିହାସ ମାଢ଼େ ମିସର ଦେସାଟି ହୁଏତା ତାତାଟି ମସାକି ଏନାଆଁ ଆତେ ମାମୁ ପୁଞ୍ଜାହିଲଅମି ।’ ୪୧ ଅତେ, ଏତିବେଲାତା ଏଞ୍ଜାରି ର କଡ଼ି ଡାଲୁଟି ବମା କେପାନା ଏ ବମା ତାକି ପୂଜା ହାହାନା ତାମି କେୟୁଟି କେପିଟି ଆସ୍ତି ତାକି ରାହାଁ କିତେରି । ୪୨ ସାମା ମାହାପୁରୁ ଏଞ୍ଜାରି ତାଣାଟି ଏଟକା ଆହାନା ଏଞ୍ଜାରାଇଁ ହାଗୁଲକତି ହୁକାୟାଣି ସେବା କିୟାଲି ପିସ୍ତେସି, ଏନିକିଁ ମାହାପୁରୁ ଅଣ୍ଟପୁଟି ବଲୁ ଝେହନାରି ପତିତା ରାସକି ଆହାମାନେ; ‘ଏ ଇସ୍ରାୟେଲ କୃତାତେରି, ବାଟାତା ରୀ କଡ଼ି ବାର୍ସା ପାତେକା ମୀରୁ ନାଢ଼େଟାକି କଡ଼ି ଗରି ପୂଜା କିହାହିଲାଆତେରି । ୪୩ ମୀରୁ ପୂଜା କିହାଲି ଆମିନି ବମାୟାଁ କେପାମାତେରି, ଏ ମଲକ ପେନୁଟି ତୁମୁ ଅତେ ରମ୍ପାନ୍ ପେନୁଟି ହୁକାଟି ମୀରୁ ଆସାନା ସେବା କିତେରି, ଏଦାଆଁତାକି ନାନୁ ମିଢ଼େ ବାବିଲନ ଆତାଲା ବାସା ଆୟାଲି ପାଣ୍ଡାଇଁ ।’” ୪୪ “ନୀନୁ ଏନିକିଁ ମେସାମାଞ୍ଜି, ଏଲେକିହିଏ ସାକି ହାନି ତୁମୁ ଇଲୁ କେପାମୁ ଇଞ୍ଜିଁ ମସାକି ଆମ୍ବାଆସି ଝେସାମାତେସି, ଏଞ୍ଜାଣି ହୁକୁମି ତଲେ ମା ଆକୁୟାଁ ବାଟାତା ସାକି ହାନି ତୁମୁ ଇଲେ କେପାମାତେରି । ୪୫ ତାୟୁ ମା ଆକୁ ଆବାୟାଁ ଏଦାଆଁ ତାମି ଆବାୟାଁ ତାଣାଟି ବେଟାଆତେରି ଇଞ୍ଜିଁ ଜିହସ୍ତୟ ତଲେ ତାକିମାଟିବେଲା ଏଞ୍ଜାରି ଏଦାଆଁ ତେକା ଅତେରି, ଏମ୍ପାଟିଏ ମାହାପୁରୁ ଏଞ୍ଜାରି ନକିତା ମାଟି ବାରେ କୃତାଟି ଲକୁଣି ପେରହା ତୁସାଲିଏ, ଇସ୍ରାୟେଲ ଲକୁ ଇଞ୍ଜାରି ଦେସା ଜୀଣାଆହାନା ଇ କୃତାଆନି ତୁମୁ ଇଲୁ ଏମ୍ପାଆଁ ତାତାନା ଇଟିତେରି, ଇଞ୍ଜିଁ ଏଦି ଦାସ୍ତଦ ରାଜା ପାତେକା ଏମ୍ପାଆଁ ତୟିତେ । ୪୬ ଦାସ୍ତଦ ମାହାପୁରୁ ନକିତା କାର୍ମା ବେଟାଆହାନା, ଜାକୁବତି ମାହାପୁରୁକି ର ବାସାଟାୟୁ କିହାଲି ପ୍ରାତାନା କିତେସି । ୪୭ ସାମା ସଲମନ ମାହାପୁରୁକି ଏ ଇଲୁ କେପିତେସି ।” ୪୮ “ସାମା ବାତୟୁ ଗାଟି ମାହାପୁରୁ ମାଣ୍ଡସି କେୟୁତଲେ କେପିଟି ଇଲୁତା ବାସା କିଅସି; ଏନିକିଁ ମାହାପୁରୁ ଅଣ୍ଟପୁଟି ବଲୁ ଝେହନାରି ଝେସାମାନେରି ।” ୪୯ ପ୍ରବୁ ଏଲେଇଞ୍ଜା ମାନେସି, “ଲାକପୁରୁ ନା ସିଂଗାସାଣି, ଦାର୍ତ ନା କଡ଼ା ଇଟିନି ଟାୟୁ ମୀରୁ ନା ତାକି ଏନିଲେହେଟି ଇଲୁ କେପିଦେରି? ଇଞ୍ଜିଁ ନା ଜମିନି ଟାୟୁ ଏମ୍ପିୟାମାନେ? ୫୦ ନା କେୟୁ ଇ ବାରେ ଗାଡ଼ି କିହାହିଲେଏ କି?” ୫୧ ସ୍ତ୍ରୀପାନ ଏଲେଇତେସି, “ମୀରୁ ଏତେକା ମୁଣ୍ଡି ଗାଟାତେରି, ଇଞ୍ଜିଁ ଅଟହା କଡ଼ାଆତି ହିୟାଁ ଗାଟାତେରି ଅତେ ମାହାପୁରୁଟି ବଲୁ ତାକି କାର୍ମା ଝେନାଆ ଗାଟାତେରି, ମୀରୁ କାଲେଏ ସୁଦୁଜୀଞ୍ଜୁଟି କସ୍ତ ହାହିମାଞ୍ଜେରି; ମୀ ଆକୁ ଆବାୟାଁ ଏନିକିଁ

ମୀରୁ ଜିକେଏ ଏଲେତାତେରି । ୫୨ ମାହାପୁରୁ ଅଶ୍ଵତ୍ଠି ବଲୁ ଖେନ୍ଦନାରାଇଁ  
ଆମ୍ବାଆରାଇଁ ଜିକେଏ ମୀ ଆକୁ ଆବାୟ୍ ନିନ୍ନୁ କିହାହିଲିଆତେରି? ଆମିନି  
ଗାଟାରି ଏ ଦାମ୍ବୁଗାଟାସି ଖାନି କାତା ନକେଏ ଖେସାମାତେରି, ଏଖାରାଇଁ ଏଖାରି  
ପାୟିତେରି; ନୀଏଁ ମୀରୁ ଏଖାଣାଇଁ ସାତୁୟ୍ କେୟୁତା ହେରପାନା ପାୟିତେରି ।  
୫୩ ମୀରୁ ମାହାପୁରୁଟି ମେରା ବେଟାଆହା ମାତେରି, ଏ ମେରା ଦୂତୁୟ୍ ଡାଣାଟି  
ହୀପକ୍ ଆହାମାତେ, ଆତିଜିକେଏ ମୀରୁ ଏଦାଆଁ ନାମାଆତେରି ।” ୫୪  
ସ୍ତ୍ରୀପାନ ବେରଣିମାଣ୍ଡାତା କୁଗାମାତି ଲକୁଇଁ ଇ ବାରେ କାତା ଖେସ୍ତେସି, ଏମ୍ବାଆଁ  
ମାତି ପାରୁସି ଇଞ୍ଚି ବାରେ କୂଡ଼ା ଆହାମାତାରି କାର୍ବି ଆହାଁ ପାଲ୍‌କା ଟୀଟି  
କିହାଲି ମାଟ୍‌ହେରି । ୫୫ ସାମା ସ୍ତ୍ରୀପାନ ସୁତୁଜୀସୁ ତଲେ ନେଞ୍ଜାନା ଲାକପୁରୁ  
ଖାକି ସିନିକିତେସି, ଇଞ୍ଚି ମାହାପୁରୁଟି ଗାଞ୍ଜୁରମି ଅଡ଼େ ଜୀସୁଇଁ ମାହାପୁରୁଟି  
ଟିଝନିଖାକି ନିଚାମାନାଣି ମେସାନା ଏଲେଇତେସି । ୫୬ “ମେହ୍‌ଦୁ ନୀନ୍ନୁ  
ଲାକପୁରୁ ଦେପିଆହାମାନାଣି ଅଡ଼େ ମାଣ୍‌ସି ମୀରୁଏସି ମାହାପୁରୁଟି ଟିଝନିଖାକି  
ନିଚାମାନାଣି ମେସିମାଇଁ” ୫୭ ଏ କାତା ଖେନାଆପ ଇଞ୍ଚି କାଲିଝି ଆହାଁ  
ବେରଣି ମାଣ୍ଡାତାରି କୀର୍କା ମୁଚାକତିତେରି । ଡାୟୁ ବାରେଜାଣା ରୁଣ୍ଡା ଆହାନା  
ଏଖାଣାଇଁ ମୁଚିତେରି । ୫୮ ଅଡ଼େ ଏଖାରି ଏଖାଣାଇଁ ଗାଡ଼ାଟିଏ ପାଞ୍ଜୁତା  
ରେଜା ଅହାନା ଏଖାଣାଇଁ ଖାଲ୍‌କାତଲେ ଖେଚାଲି ମାଟ୍‌ହେରି; ଅଡ଼େ ସାକିୟ୍  
ବିତ୍ରାଟି ସାଞ୍ଜୁଲ କତାୟ୍ ଡ଼ଇ ହିମ୍ପୁରିକା କାତିମାତେସି । ୫୯ ଏତିବେଲା  
ଏଖାରି ସ୍ତ୍ରୀପାନଇଁ ଖାଲ୍‌କା ଖେଚି ମାତେରି, ଏତିବେଲା ଏଖାସି ମାହାପୁରୁ ଡାଣା  
ପ୍ରାଚାନା କିହାନା ଏଲେଇତେସି, “ପ୍ରୁ ଜୀସୁ, ନୀ ଜୀସୁଟି ଅହାକତାମ୍ବା!” ୬୦  
ଇଞ୍ଚି ଏଖାସି ମେଣ୍ଡାକୁତାନା କାଜା ଗିୟ୍‌ତଲେ ଏଲେଇତେସି, “ପ୍ରୁ! ଇ ପାପୁ  
ଇଖାରି ଡାଣା ଲେକା କିଆନି” ଏଲେଇଞ୍ଚୁହାଁ ହାତେସି ।

୮ ସ୍ତ୍ରୀପାନଇଁ ପାୟିତାୟି ନେହେଁ ଆତେ ଇଞ୍ଚି ସାଞ୍ଜୁଲ ଅଶ୍ଵପିମାତେସି । ଏ  
ଦିନାଟିଏ ଜିରୁସାଲମତା ମାନି କୁଲମିକାକି ହାରେକା ନିନ୍ନୁ ସାସ୍ତି ଖାତେ;  
ଏମ୍ବାଟିଏ ପାଣ୍ଡୁଝି ଆହାମାନାରି ପିସ୍‌ପେ ବାରେ ନାମିତାରି, ଜୀହୁଦା ଦେସା  
ଇଞ୍ଚି ସମିରଣ ନାସ୍‌କା ସାରିସୁଗୁ ଇତାଲା ଆତାଲା ଆତେରି । ୨ ଆତିଜିକେଏ  
ଏରେକା ନାମୁଗାଟି ଲକୁ ସ୍ତ୍ରୀପାନଇଁ ମୁସ୍ତେରି ଇଞ୍ଚି ହାରେକା ଦୁକୁ ତଲେ  
ଡ଼ୀତେରି । ୩ ସାମା ସାଞ୍ଜୁଲ କୁଲମିତା ହାଜିହିଁ ଇଲୁତାକି ଇଲୁ ହ୍‌ଡିହିଁ ନାମିତି  
ଆୟସିକା, ଆବାଣି ରେଜା ତାଚାନା କାୟିଦି ଇଲୁତା ହେରପିହିଁ କୁଲମିତି  
ନାସା କିହାଲି ମାଟ୍‌ହେସି । ୪ ଏମ୍ବାଟିଏ ଆମିନି ଗାଟାରି ଇତାଲା ଆତାଲା

ଆହାମାଚେରି, ଏଞ୍ଜରି ସାରିସୁରୁ ରେଜି ରେଜି ନେହିଁ କାବୁ ଝେକ୍‌ହେରି । ୫  
 ଇଞ୍ଜି ପିଲିପ ସମିରଣତି କାଜା ଗାଡ଼ାତା ହାଜାନା ଲକୁ ନକିତା ମସିହାତି କାତା  
 ଝେକ୍‌ହେସି । ୬ ଅଡ଼େ, ଲକୁ ବାରେ ପିଲିପ ହାଡ଼ା ଝେଚେରି ଇଞ୍ଜି ଏଞ୍ଜସି  
 କିହାମାନି କାବାଆନି କାମା ମେସାନା ରଣ୍ଡିଏ ହିୟାଁ ତଲେ ଏଞ୍ଜାଣି କାତାତି  
 ଝେକ୍‌ହେମାଚେରି । ୭ ଇତିହିଁ ଆଲ୍‌ଗାମାତି ପଲ୍‌ଆ ବୁରୁ ହାରେକା ଲକୁ ଡ଼ାଣାଟି  
 କାଜା ଗିୟାଁତଲେ କିର୍ଡ଼ିହିଁ ହଚାହାରୁ, ଇଞ୍ଜି ଟେ ଝାୟିତାରି ଅଡ଼େ ସଚାୟାଁ  
 ହାରେକା ଜାଣା ନେହିଁ ଆଚେରି । ୮ ଏଦାଆଁତାକି ଏ ଗାଡ଼ାତା ହାରେକା  
 କାଜା ରାହାଁ ଆଚେ । ୯ ସାମା ସିମନ ଦରୁଗାଟାସି ରଅସି ଇ ନକେଏ  
 ଏ ଗାଡ଼ାତା ଗାର୍ଡ଼ି କିହିଁ ନାନୁ କାଜାଚେଏଁ ଇଞ୍ଜି ଝେସା କଡ଼ିହିଁ ସମିରଣତି  
 ଲକୁଣି କାବା କିହିମାଚେସି । ୧୦ ମାହାପୁରୁତି ଆମିନି ବାଡ଼୍‌ୟୁତି କାଜାୟି  
 ଇଞ୍ଜି ଇଣ୍ଡି ଆନେ, ଉଣାଟିଏ କାଜାରି ପାଚେକା ବାରେଜାଣା ଇଞ୍ଜାସିଏ  
 ଏଞ୍ଜସି ଇଞ୍ଜି ଏଞ୍ଜାଣାକ୍ ମାନି କିହିମାଚେରି । ୧୧ ଏଞ୍ଜାରି ଏଞ୍ଜାଣାକ୍ ମାନି  
 କିହିମାନାୟି ଆଚେ, ହାରେକା ଦିନାଟିଏ ତାନି ଗାର୍ଡ଼ି କାମା ତଲେ ଏଞ୍ଜାରାକ୍  
 କାବା କିହିମାଚେସି । ୧୨ ସାମା ପିଲିପ ମାହାପୁରୁତି ରାଜି ଇଞ୍ଜି ଜୀସୁ  
 କ୍ରୀସୁ ଦରୁତି ନେହିଁ କାବୁ ଝେକ୍‌ହାଲିଏ ଏଞ୍ଜାରି ଏତିବେଲା ଏଞ୍ଜାଣି କାତାତା  
 ନାମିଚେରି, ଇଞ୍ଜି ଆୟାସିକା ଅଡ଼େ ଆବାୟାଁ ବାପ୍ତିସ୍ତ ଅହାଲି ମାଟ୍‌ହେରି । ୧୩  
 ଅଡ଼େ ସିମନ ତାନୁଏ ନାମିଚେସି ଇଞ୍ଜି ବାପ୍ତିସ୍ତ ଅଚେସି, ଇଞ୍ଜି ପିଲିପ ତଲେ  
 ଡ଼ୟିଚେସି, ଅଡ଼େ ହାରେକା ସିନାୟାଁ ଇଞ୍ଜି ହାରେକା ବାଡ଼୍‌ୟୁତି କାବାଆନି  
 କାମାୟାଁ ମେସାନା କାବା ଆହାହାଚେସି । ୧୪ ସମିରଣତି ଲକୁ ଜିକେଏ  
 ମାହାପୁରୁ ବଲୁତି ନାମିମାନେରି, ଇଞ୍ଜି ଜିରୁସାଲମତା ମାନି ପାଣ୍ଡୁଞ୍ଜି ଆଡ଼ାରି  
 ଝେଚେରି, ଏମ୍ବାଟିଏ ଏଞ୍ଜାରି ପିତର ଅଡ଼େ ଜହନକ୍ ଏଞ୍ଜାରିତାଣା ପାଣ୍ଡୁଚେରି  
 । ୧୫ ଏଞ୍ଜାରି ଏଗାହାଜାନା, ଏଞ୍ଜାରି ଏନିକ୍ ସୁଦୁଜୀସୁ ବେଟାଆନେରି,  
 ଏଦାଆଁତାକି ଏଞ୍ଜାରି ତାକି ପ୍ରାତାନା କିଚେରି । ୧୬ ଇତିହିଁ ନାଏଁ ପାଚେକା  
 ଏଞ୍ଜାରିତାଣା ଆମ୍ବାଆରି ଲାକ ସୁଦୁଜୀସୁ ରେଟା ହିଲାଆଚେ, ଇତିହିଁ ଏଞ୍ଜାରି  
 ଝାରକ ପ୍ରବୁ ଜୀସୁ ଦରୁତଲେ ବାପ୍ତିସ୍ତ ଅହାମାଚେରି । ୧୭ ପିତର ଅଡ଼େ ଜହନ  
 ଏଞ୍ଜାରି ଲାକ କେୟୁ ଇତିଚେରି ଇଞ୍ଜି ଏଞ୍ଜାରି ସୁଦୁଜୀସୁ ବେଟାଆଚେରି । ୧୮  
 ପାଣ୍ଡୁଞ୍ଜି ଆଡ଼ାରି କେୟୁ ଇତିସାରେ ସୁଦୁଜୀସୁ ଝାହିମାନାଣି ମେସାନା, ସିମନ  
 ଏଞ୍ଜାରିକି ଟାକାୟାଁ ହାହାନା ଏଲେଇଚେସି, ୧୯ “ନାଟ୍ଟେ ଜିକେଏ ଇ ବାଡ଼୍‌ୟୁ  
 ହିୟାୟୁ, ଏନିକ୍ ନାନୁ ଆମିନିଗାଟାଣି ଲାକ କେୟୁ ଇତିକ୍ ଏଞ୍ଜାସି ସୁଦୁଜୀସୁ

ବେଟାଆନେସି ।” ୨୦ ସାମା ପିତର ଏଞ୍ଜେଲ୍ ଏଲେଇରେସି “ନୀ ଟାକାୟ୍  
 ନୀ ତଲେ ନସ୍ତୁ ଆପୁ, ଇଚିହିଁ ନୀନୁ ଟାକାୟ୍ ହୀହାନା ମାହାପୁରୁତି ଦାନା  
 କତାଲି ଅଣ୍ପିତି । ୨୧ ଇ କାମାତା ନୀଦି ଏନି ବାଗା କି ଅଦିକାରା ହିଲେଏ,  
 ଇଚିହିଁ ମାହାପୁରୁ ତାଣା ନୀ ହିୟ୍ ଟିକାଣା ହିଲେଏ । ୨୨ ଇଦାଆଁତାକି ନୀ  
 ଲାଗେଏତି ଅଣ୍ପୁତି ମନ ଖେବ୍‌ହାଁ ପ୍ରୁ ତାଣା ପ୍ରାତାନା କିମ୍ପୁ, ଏନିଆତିହିଁ ନୀ  
 ହିୟ୍‌ତା ମାନି ଲାଗେଏତି ଅଣ୍ପୁ ମେକ୍‌ନେସି; ୨୩ ଇଚିହିଁ ନୀନୁ ମେସିମାଞ୍ଜା  
 ନୀ ହିୟ୍ ବିତ୍ରା ତାହାରା ଆନାୟି ମାନେ, ନୀନୁ ଲାଗେଏତି ପାନୁତା ଦସ୍‌ପି  
 ଆହାମାଞ୍ଜି ।” ୨୪ ଏରେଟିଏ ସିମନ, ପିତର ଅଡ଼େ ଜହନଇଁ ଏଲେଇରେସି,  
 “ମୀରୁ କାର୍ମା ଅଣ୍ପାଦାନା ନା ତାକି ପ୍ରୁ ତାଣା ପ୍ରାତାନା କିମ୍ପୁ, ମୀରୁ ଏନାଆଁ  
 ଜଲିତେରି ଏ ବାରେ ଏନିକିଁ ନାଡ଼େତାକି ଏଲେଆହିଁ ଆଏ ।” ୨୫ ଇଲେକିହିଁ  
 ପିତର ଅଡ଼େ ଜହନ ସାକି ହୀହିଁ ପ୍ରୁତି ବଲୁ ଖେସିହିଁ, ହାରେକା ସମିରଣ  
 ନାସ୍‌କାଣାଁ ନେହିଁ କାରୁ ଖେସି ଖେସିହିଁ ଜିରୁସାଲମତା ଖେଣ୍ଟା ହାରେରି ।  
 ୨୬ ତାୟୁ ପ୍ରୁତି ର ଦୁରୁ ପିଲିପଇଁ ଏଲେଇରେସି, “ନିଞ୍ଜୁମୁ ଇଞ୍ଜିଁ ଟିଠନି  
 ଖାକିତି ଆମିନି ଜିରୁ ଜିରୁସାଲମଟିଏ ଗଜା ଖାକି ମାନେ ଏ ଜିରୁତା ହାଲୀମୁ  
 ।” ଏ ଜିରୁତି ଅଡ଼େ ଲକୁ ତାକିହିଲଅରି । ୨୭ ଏମ୍ବାଟିଏ ଏଞ୍ଜାସି ନିଞ୍ଜୁନା  
 ହାରେସି, ଇତିୟପିୟା ଦେସାତି କାଣ୍ଟାକି ଦରୁଗାଟି ରାଣିନି ତୁଇ ର କାଜାପାଣା  
 ବେଟାଆହାମାନି ପେଲୁ ଆମିନିଗାଟାସି ଇତିୟପିୟା ରାଣିନି ବାରେ ଦନତି  
 ଗୁମୁସ୍ତା ମାରେସି, ଏଞ୍ଜାସି ମାହାପୁରୁ ତାଣା ପ୍ରାତାନା କିହାଲି ଜିରୁସାଲମତା  
 ଖାହାମାରେସି; ୨୮ ଏଞ୍ଜାସି ମାହାପୁରୁ ଅଣ୍ପୁତି ବଲୁ ଖେହ୍‌ନି ଜିସାୟତି ପତି  
 କାଜା ଗିୟ୍‌ତଲେ ପଡ଼଼ି ଆହିଁ ରାତାତା କୁଗାନା ଖେଣ୍ଟା ହାଜିମାରେସି ।  
 ୨୯ ଏତିବେଲା ସୁଦୁଜୀଞ୍ଜୁ ପିଲିପଇଁ ଏଲେଇରେ, “ନକିତା ହାଜାନା ରାତାତା  
 ହାଜିମାନାଣି ତାଣା ହାଲୀମୁ;” ୩୦ ଏରେଟିଏ ପିଲିପ ହଟି ହଟି ହାଜାନା  
 ଜିସାୟତି ପତି କାଜା ଗିୟ୍‌ତଲେ ମାହାପୁରୁ ଅଣ୍ପୁତି ବଲୁ ପଡ଼଼ି ଆହିମାନାଣି  
 ଖେଞ୍ଜାନା ଖେରେସି, “ନୀନୁ ଆମିନିଗାଟାଣି ପଡ଼଼ି ଆହିମାଞ୍ଜି ଏଦାଆଁ ପୁଞ୍ଜାଲି  
 ଆତିମାଞ୍ଜି କି?” ୩୧ ପେଲୁ ଏଲେଇରେସି, “ଆମ୍ବାଆସି ନାଡ଼େ ଖେସ୍ତାଆସାରେ  
 ନୀନୁ ଏନିକିଁ ପୁଇଁ?” ଇଞ୍ଜିଁ ଏଞ୍ଜାସି ପିଲିପଇଁ ରାତାତା ହରାନା ତାନିତଲେ  
 କୁଗାଲି ଏଲେଇରେସି । ୩୨ ଏଞ୍ଜାସି ଦାମ୍ବୁ ପତିତା ପଡ଼଼ି ଆହିମାତି କାତା ଇଦି;  
 “ଏଞ୍ଜାସି ପାୟିଞ୍ଜିଆନି ମେଣ୍ଟା ତାଲୁ ଲେହେଁ ଅଞ୍ଜିଆତେସି, ଇଞ୍ଜିଁ ମେଣ୍ଟା ତାଲୁ  
 ବାଣାୟ୍ ଦାଠନି ବେଲାତା ମେଣ୍ଟା ତାଲୁ ଏନିକିଁ ତୀଆନା ପାଲେଏ ତୁୟିନେ,

ଏଲେକିହିଁଏ ଏଞ୍ଜିସି ତାନି ଗୁଡ଼ି ଏକ୍‌ଆତେସି । ୩୩ ଏଞ୍ଜିଣାଲ୍ ଉଣା କିହ୍ନା ନୀହ୍ନାୟି କିଆତେରି, ଏଞ୍ଜିଣା କୁଡ଼ାତି କାତା ଆମ୍ବାଆସି ଝେସାଲି ଆଡ଼ଅସି, ଇଚିହିଁ ତାନି ଜୀଞ୍ଜୁ ଦାର୍ତ୍ତିତା ରାତେ ।” ୩୪ ଏ ପେଜୁ ପିଲିପଇଁ ଏଲେଇରେସି, “ନାଡ୍ରେ ଝେସ୍ତାମ୍, ମାହାପୁରୁ ଅଣ୍‌ପୁଡ଼ି ବଲୁ ଝେହ୍‌ନାସି ଆମ୍ବାଆରି କାତା ଝେସିମାନେସି? ତାନି କାତା କି ଅର ରଅଣି କାତା?” ୩୫ ଏମ୍ବାଟିଏ ପିଲିପ ଗୁଡ଼ି ଦେତାନା ଦାମ୍ବୁ ସାସ୍ତେରିଟିଏ ମାଟ୍‌ହାନା ଏଞ୍ଜିଣା ତାଣା ଜୀସୁଡ଼ି ନେହିଁ କାରୁ ଝେସ୍ତେସି । ୩୬ ଏଞ୍ଜିରି ଜିରୁତା ହାଜିମାତାଟି ଏୟୁ ମାନି ର ଚାୟୁତା ଏଗାହାରେରି; ଏରେଟିଏ ପେଜୁ ଏଲେଇରେସି, ୩୭ “ଇମ୍ବାଆଁ ଏୟୁ ମାନୁ, ଏନାଆଁ ନାନୁ ବାପ୍ତିସ୍ତୁ ଅହାଲି ଆଡ଼ିଇଁ?” ୩୮ ଇଞ୍ଜିଁ ଏଞ୍ଜିସି ରାତା ନିପହାଲି ହୁକୁମି ହୀତେସି, ଇଞ୍ଜିଁ ପିଲିପ ଅଡ଼େ ପେଜୁ ଏୟୁଣାଁ ରେତେରି, ଇଞ୍ଜିଁ ପିଲିପ ଏଞ୍ଜିଣାଲ୍ ବାପ୍ତିସ୍ତୁ ହୀତେସି । ୩୯ ଏଞ୍ଜିରି ଏୟୁଟି ହତା ଝାଡ଼ି ତାୟୁ ପ୍ରବୁଡ଼ି ସୁଦୁଜୀଞ୍ଜୁ ପିଲିପଇଁ ଅହିଁ ହାତେ, ଇଞ୍ଜିଁ ପେଜୁ ଅଡ଼େ ଏଞ୍ଜିଣାଲ୍ ମେହ୍‌ଆତେସି; ଆଡ଼ିଜିକେଏ ରାହ୍ନାଁ କିହିଁ ତାନି ଜିରୁତା ହାତେସି । ୪୦ ସାମା ପିଲିପ ଅସଦ୍‌ ଗାଡ଼ାତା ଡଞ୍ଜୁଆତେସି; ଇଞ୍ଜିଁ ଏଞ୍ଜିସି ଗାଡ଼ାତାକି ଗାଡ଼ାତା ହାଜାହ୍ନାଁ ନେହିଁ କାରୁ ଝେସ୍ତେସି ଇଞ୍ଜିଁ କାୟିସରିୟାତା ଏଗାହାରେସି ।

**C** ସାମା ସାଞ୍ଜୁଲ ନାଏଁ ପାତେକା ପ୍ରବୁଡ଼ି ସୀସୁୟାଁ କପାଟି ଆଜି ତସାନା ଅଡ଼େ ଜୀଞ୍ଜୁ ନାସାକିନି କାତାୟାଁ ଜଲିହିଁ କାଜା ପୁଜେରାଞ୍ଜୁ ତାଣା ହାତେସି । ୧ ଅଡ଼େ ପ୍ରବୁ ଜିରୁଟି ତାକିମାନି ଆମିନି ଇୟସିକା ଆବାୟାଁଣି ମେସ୍ତୁହିଁ, ବାରେଜାଣାତି ଦସ୍‌ପାନା ଜିରୁସାଲମତା ତାଚାଲି ଆଡ଼ିମାନେସି, ଏଦାଆଁତାକି ଏଞ୍ଜିସି କାଜା ପୁଜେରାଞ୍ଜୁ ତାଣା ହାଜାନା ଦମେସକତା ମାନି ଜୀହୁଡ଼ି ଲକୁଡ଼ି କୁଟମି ଇଲକାଣା ହିୟାଲି ଏଞ୍ଜିରି ତାଣାଟି ଆକୁ ରାସ୍ତେସି । ୩ ସାଞ୍ଜୁଲ ଦମେସକ ତାଗେ ଝାହିମାତାଟି ଦେବୁଣିଏ ର ଉଜେଡ଼ି ହାଗୁଲକଟି ତାନି ସାରିଞ୍ଜାକି ମ୍ଲିସ୍ତେ । ୪ ଏମ୍ବାଟିଏ ଏଞ୍ଜିସି ବୁମିତା ତର୍‌ଗା ହାତେସି ଇଞ୍ଜିଁ ତାଡ୍ରେତାକି ଇ ହାତା ଝେରେସି, “ଏ ସାଞ୍ଜୁଲ, ଏ ସାଞ୍ଜୁଲ! ନୀନୁ ଏନାଆଁତାକି ନାଡ୍ରେ ନିନ୍ଦା କିହିମାଞ୍ଜୁଡ଼ି?” ୫ ଏଞ୍ଜିସି ଏଲେଇରେସି, “ପ୍ରବୁ, ନୀନୁ ଆମ୍ବାଆଡ଼ି?” ଏଞ୍ଜିସି ଏଲେଇରେସି, “ନୀନୁ ଆମ୍ବାଆରାଇଁ ନିନ୍ଦା କିହିମାଞ୍ଜୁ ଏ ଜୀସୁତେଏଁ ନାନୁ । ୬ ସାମା ନିଞ୍ଜୁମୁ ଇଞ୍ଜିଁ ଗାଡ଼ାତା ହାଲାନୁ, ଏନାଆଁ କିହାଲି ଆନେ, ଏମ୍ବାଆଁ ନିଡ୍ରେ ଝେସ୍‌ପି ଆୟାନେ ।” ୭ ଏଞ୍ଜିଣିତଲେ ଆମିନି ଲକୁ ହାଜିମାରେରି, ଏଞ୍ଜିରି ଏ ହାତା ଝେଞ୍ଜୁନା ଆମ୍ବାଆରାଇଁ ମେହ୍‌ଆତେରି, ଇଞ୍ଜିଁ ଆତାଜାକା

ଆହାହାରେରି । ୮ ଅଡ଼େ ସାଖୁଲ ବୁମିଟି ନିଢ଼ୁନା ତାନି କାଣକା ଦେତେସି,  
 ସାମା ଏଝାସି ଏନାଆଁ ମେସାଲି ଆଡାଆତେସି । ଇଞ୍ଜି ଏଝାରି ତାନି କେୟୁ  
 ଆସାନା ଦମେସକତା ଅଡ଼େରି । ୯ ଅଡ଼େ ତାନିଦିନା ପାତେକା ଏଝାସି ଏନାଆଁ  
 ମେସାଲି ଆଡାଆତେସି, ଅଡ଼େ ଏନାଆଁ ତିନାଆତେସି ଏନାଆଁ ଗହୁଆତେସି ।  
 ୧୦ ଦମେସକତା ହନନିୟୁ ଦରୁଗାଟାସି ର ସୀସୁ ମାରେସି; ପ୍ରବୁ ଏଝାଣାଇଁ  
 ତଞ୍ଜାଆହାଁ ଏଲେଇରେସି, “ଏ ହନନିୟା” ଏଝାସି ଏଲେଇରେସି, “ଏ ପ୍ରବୁ  
 ନାଢ଼େ ଖେସ୍ତାମୁ ।” ୧୧ ଏତେଟିଏ ପ୍ରବୁ ଏଝାଣାଇଁ ଏଲେଇରେସି, “ତିୟାରା  
 ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀହୁଦା ଇଲୁତା ତାର୍ସ ଗାଡାତି ସାଖୁଲ  
 ଇନାଣାଇଁ ପାରାମୁ: ଇତିହିଁ ଏଝାସି ପ୍ରାତାନା କିହିମାନେସି; ୧୨ ଅଡ଼େ, ଏଝାସି  
 ସେୟାଣା ହାପାନା ମେସାମାନେସି, ହନନିୟୁ ଇନାସି ର ମାଣ୍ଡସି ଖାହାନା ତାନି  
 ଲାକ କେୟୁ ଇତିମାନେସି, ଏନିକିଁ ଏଝାସି ମେସାଲି ଆଡିମାନେସି ।” ୧୩  
 ହନନିୟୁ ଏଲେଇରେସି, “ପ୍ରବୁ, ଜିରୁସାଲମତା ମାହାପୁରୁ ଲକ୍ଷୁଇଁ ଇଝାସି  
 ଏତେକା ନିନ୍ତୁ କିହାମାନେସି ଇଞ୍ଜି ନାନୁ ହାରେକା ଲକ୍ଷୁ ଡାଣାଟି ଇ ଲକ୍ଷୁତି  
 କାତା ଖେଞ୍ଜାମାଇଁ । ୧୪ ଅଡ଼େ ଇ ଟାୟୁତା ନୀ ଦରୁଟି ପ୍ରାତାନା କିହିମାନାରାଇଁ  
 ବାରେଜାଣାତି ଦସା ଅୟାଲି ଏଝାସି କାଜା ପୁଜେରାଢ଼ା ଡାଣାଟି ଅଦିକାରା ଆକୁ  
 ବେଟାଆହାମାନେସି ।” ୧୫ ସାମା ପ୍ରବୁ ଏଝାଣାଇଁ ଏଲେଇରେସି, “ହାଲାମୁ:  
 ଇତିହିଁ ଏଝାସି ଏଟ୍ଟକା କୁଡାତି ରାଜାୟାଁ ଅଡ଼େ ଇସାୟେଲ ଲକ୍ଷୁତି ମାୟକା  
 ମୀର୍କା ନକିତା ନା ଦରୁ ଖେକ୍ହାଲି ନାନୁ ଏଝାଣାଇଁ ନା ସେବା କିନାସି କିହାନା  
 ଆଟାମାଇଁ; ୧୬ ଅଡ଼େ ନା ଦରୁ ତାକି ଏଝାସି ଏତେକା ଦୁକୁ ବେଟାଆନେସି,  
 ଏଦାଆଁ ନାନୁ ଏଝାଣାଇଁ ଖେହୁଇଁ ।” ୧୭ ଏତେଟିଏ ହନନିୟୁ ହାଜାନା, ଏ  
 ଇଲୁତା ହୁଟେସି, ଇଞ୍ଜି ତାନି ଲାକ କେୟୁ ଇଟାନା ଏଲେଇରେସି, “ତାୟି  
 ସାଖୁଲ, ଇମ୍ପାଆଁ ଖାନି ଜିରୁତା ଆମିନି ପ୍ରବୁ ଜୀସୁ ନିଢ଼େ ତଞ୍ଜା ଆୟାତେସି,  
 ଏଝାସି ନାଢ଼େ ପାଣ୍ଡାମାଞ୍ଜାନେସି, ନୀନୁ ଏନିକିଁ ଖେଣ୍ଡେ ମେହ୍ମୁ ଇଞ୍ଜି ସୁଦୁଜୀଝୁ  
 ବେଟାଆମୁ ।” ୧୮ ଏ ଦେବୁଣିଏ ଏଝାଣି କାଣକାଟି ମୀନୁ ହିପି ଲେହେଁତାୟି  
 ତୁଲିତେ, ଇଞ୍ଜି ଏଝାସି ଖେଣ୍ଡେ ମେସାଲି ଆଡିତେସି, ଅଡ଼େ ନିଢ଼ୁନା ବାପୁସୁ  
 ଅଡ଼େସି, ୧୯ ଅଡ଼େ ଏଝାସି ତିଞ୍ଜା ଉଣ୍ଡାନା ବାଡ଼ୟୁ ବେଟାଆତେସି, ଏତେଟିଏ  
 ସାଖୁଲ ଏତରଦିନା ସୀସୁୟାଁ ତଲେ ଦମେସକତା ଡ଼ୟିତେସି । ୨୦ ଅଡ଼େ,  
 ଜୀସୁ ମାହାପୁରୁତି ମୀର୍କସି ଇଞ୍ଜି ଆଟ୍ଟା ତଲେ ଜୀହୁଦି ଲକ୍ଷୁତି କୁଟମି  
 ଇଲକାଣା ଖେସାଲି ମାଟ୍ଟହେସି । ୨୧ ଅଡ଼େ, ଆମିନି ଗାଟାରି ତାନି ହାଡା

ଖେଚେରି, ଏଝାରି କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାତାନା  
 କିନି ଲକ୍ଷୁଣି ଆମ୍ବାଆସି ଜିରୁସାଲମତା ପାୟି କିହିମାଚେସି, ଅଡ଼େ ଏଝାରାଇଁ  
 ଦସ୍‌ପାହାଁ କାଜା ପୁଜେରାଞ୍ଜୁ ଡାଣା ଅହାଲି ତାକି ଇମ୍ବାଆଁ ଝାହାମାଚେସି,  
 ଏଝାସି କି ଇଝାସି ଆଏ?” ୨୨ ସାମା, ସାଝୁଲତି ଝେକ୍‌ନାୟି ହାରେକା ବାଡ଼୍‌ୟୁ  
 ଗାଟାୟି ମାଚେ, ଅଡ଼େ ଏଝାସି ପାର୍‌ମାଣା କିହାଁ ଝେସ୍‌ସେସି ଜୀସୁ ଏ ମସିହା,  
 ଇଦାଣି ଦମେସକତା ବାସା କିହାମାନି ଜୀହୁଦି ଲକ୍ଷୁଣି ଝେଣ୍ଡେ ଝେସାଲି  
 ଆଡାଆଚେରି । ୨୩ ଏଚରଦିନା ହାତି ଡାୟୁ ଜୀହୁଦିୟାଁ ରୁଣ୍ଡା ଆହାନା  
 ଏଝାଣାଇଁ ପାୟାଲି କାତା ଆଚେରି; ୨୪ ସାମା ଏଝାରି କାତା ଆହିମାଚାଣି  
 ସାଝୁଲ କିୟୁଁତା ହାଚେ, ଅଡ଼େ ଏଝାରି ଏନିକିଁ ସାଝୁଲଇଁ ପାୟାଲି ଆଡିନେରି,  
 ଏଦାଆଁତାକି ଲାଆଁ ମାଦେନା ଗାଡ଼ାତି ଦୁଝେରିକାଣା କାଟିହିଁ ଡ଼ୟିଚେରି । ୨୫  
 ସାମା ସାଝୁଲତି ସୀୟୁୟାଁ ଲାଆଁୟାଁ ବେଲାତା ଏଝାଣାଇଁ ର ଡାଲିତା ରସାହାଁ  
 କଟା କାଟିଚି ଡ଼ଲ ରେପ୍‌ହେରି । ୨୬ ଡାୟୁ ଏଝାସି ଜିରୁସାଲମତା ହାଜାନା  
 ସୀୟୁୟାଁ ତଲେ ଆଣ୍ଡାଲି ଅଣ୍ଡପିମାଚେସି; ସାମା ଏଝାସି ର ସୀୟୁ ଇଞ୍ଜିଁ ଏଝାରି  
 ଇଚାଣି ନାମାଆନା, ବାରେଜାଣା ଏଝାଣାଇଁ ଆଜିମାଚେରି । ୨୭ ସାମା  
 ବର୍ନବା ଏଝାଣାଇଁ ଆସାନା ପାଣ୍ଡୁଝି ଆଚାରି ଡାଣା ଡାଚେସି, ଇଞ୍ଜିଁ ଜିରୁତା  
 ଏଝାସି ଏନିକିଁ ପ୍ରବୁଇଁ ମେସ୍‌ସେସି ଇଞ୍ଜିଁ ପ୍ରବୁ ଏନାଆଁ ତାଡ଼େ ହାତା ଆଚେସି,  
 ଦମେସକତା ଜୀସୁ ଦରୁତି ସାସାତଲେ ସାଝୁଲ ଏନିକିଁ ଝେସାମାଚେସି, ଇ  
 ବାରେ କାତା ଏଝାରି ନକିତା ଝେସ୍‌ସେସି । ୨୮ ଅଡ଼େ ସାଝୁଲ ଏଝାରିତଲେ  
 ଡ଼ୟିଚେସି ଅଡ଼େ ଜିରୁସାଲମତି ବାରେଝାକି ହାଜାନା ସାସାତଲେ ପ୍ରବୁତି  
 ଦରୁ ଝେକ୍‌ହେସି । ୨୯ ଇଞ୍ଜିଁ ଏଝାସି ଗ୍ରିକ୍ ଜଲିନି ଜୀହୁଦି ଲକ୍ଷୁତଲେ  
 ବାଦିବାଦା କିହିମାଚେସି, ସାମା ଏଝାରି ଏଝାଣାଇଁ ପାୟାଲି ପାରୁ ପାରିମାଚେରି  
 । ୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ, ସାଝୁଲଇଁ କାୟିସରିୟାତା ଅହାନା  
 ଏମ୍ବାଟି ଏଝାଣାଇଁ ତାର୍‌ସତା ପାଣ୍ଡିଚେରି । ୩୧ ଇଲେଆହିଁ ଏ ବାରେ ଜୀହୁଦା  
 ରାଜି, ଗାଲିଲି ଅଡ଼େ ସମିରଣତି କୁଲମି ବାସୁଁ ଆହାନା ପ୍ରବୁଇଁ ଆଜାନା  
 ହିଡ଼ି ଜୀଝୁତଲେ ମାଚେରି, ଇଞ୍ଜିଁ ସୁରୁଜୀଝୁତି ସାୟେମି ତଲେ ପାତାଆହାଲି  
 ମାଟ୍‌ହେରି । ୩୨ ଏଚେଟିଏ ପିତର ବାରେ ରାଜିତା ରେଜି ରେଜିହିଁ ଲୁଦତା  
 ଡ଼ୟିନି ମାହାପୁରୁ ଲକ୍ଷୁଣି ଆଣ୍ଡାଲି ହାଚେସି । ୩୩ ଏମ୍ବାଆଁ ଏଝାସି ଏନିୟୁ  
 ଦରୁଗାଟି ରଅଣାଇଁ ବେଟାଆଚେସି, ଏଝାସି ଆଟା ବାର୍‌ସା ପାଚେକା ଟଟ  
 ଝାୟିତି ରଗ ଆହାନା କାଚେଲିଟି ନିଞ୍ଜାଲି ଆଡିହିଲାଆଚେସି । ୩୪ ପିତର



ଏଖାଣାଇଁ ଏଲେଇରେସି, “ଏନିୟ, ଜୀସୁ କ୍ରୀସ୍ତ ନିଢ଼େ ନେହିଁ କିହାମାଞ୍ଜାନେସି; ନିଢ଼ାମୁ ନୀ ପାସ୍‌ପନି ମୁଦା କିମୁ” ଏରେଟିଏ ଏଖାସି ଏ ଦେବୁଣିଏ ନିଢ଼ିତେସି । ୩୫ ଏରେଟିଏ ଲୁଦ ଇଞ୍ଜିଁ ସାରଣତା ବାସା କିହାମାନି ଲୁକୁ ଏଖାଣାଇଁ ମେସାନା, ପ୍ରବୁ ତାଣା ହିୟିଁ ଖେଟ୍‌ହେରି । ୩୬ ଜାପତା ଟାବିତା ଦରୁଗାଟି ମାହାପୁରୁଇଁ ନାମିତି ର ଇୟା ମାରେ, ଗ୍ରିକ୍ ତଲେ ଦର୍କା ଇତିସାରେ ତାନି ଦରୁ “ର କୁହୁଁ ।” ଏଦି ବାରେବେଲା ନେହିଁ କାମା କିହିଁ, ହିଲାଆ ଗାଟାରାକି ସାୟେମି କିହିମାରେ । ୩୭ ଏତିବେଲାତା ଏଦି ନମେରି ଆହାନା ହାହାହାରେ, ଲୁକୁ ଏଦାନି ଏୟୁ ମୀତହାନା ଲାକନି ପାରୁତି ର ବାକ୍ରାତା ତ୍ରିପୁହୁ । ୩୮ ଇଞ୍ଜିଁ ଲୁଦ ଜାପ ତାଗେ ମାଚାକି ସୀୟୁୟିଁ ପିତର ଜାପତା ମାନେସି ଇଞ୍ଜିଁ ଖେଞ୍ଜାନା, ରୀ ଲୁକୁଣି ଏଖାଣି ତାଣା ପାଣ୍ଡାନା ଇ କାତା ବାତିମାଲିତେରି, “ମା ତାଣା ଖାହାଲି ଖେଡ଼ା କିଆନି ।” ୩୯ ପିତର ନିଢ଼ାନା ଏଖାରିତଲେ ହାରେସି, ଏମ୍ପାଆଁ ଏଖାସି ଖାହାଲିଏ ଏଖାଣାଇଁ ଲାକନି ପାରୁତି ବାକ୍ରାତା ଅତେରି, ଅଡ଼େ ରାଣ୍ଡେଣିସିକା ସାରିସୁଟୁ ମୁତାନା ଡ଼ାହି ଡ଼ାହିଁ ଦର୍କା ନୀତାମାଟି ବେଲାତା କେପାମାଟି ହିମ୍ପରିକା ବାରେ ଏଖାଣାଇଁ ତସୁ । ୪୦ ସାମା ପିତର ବାରେଜାଣାଟି ପାଞ୍ଜାତା ପାଣ୍ଡାନା ମେଣ୍ଡାକୁତାନା ପ୍ରାତାନା କିତେସି; ଇଞ୍ଜିଁ ମାଡ଼ହା ଖାକି ତିରୁଖାନା ଏଲେଇରେସି, “ଟାବିତା, ନିଢ଼ାମୁ” ଏରେଟିଏ ଏଦି କାଶ୍‌କା ଦେଚାନା ପିତରଇଁ ମେସ୍ତେ ଇଞ୍ଜିଁ ନିଢ଼ାନା କୁଗିତେ । ୪୧ ଇଞ୍ଜିଁ ପିତର କେୟୁ ଦାସାନା ଦର୍କାଇଁ ନିକ୍‌ହେସି, ଇଞ୍ଜିଁ ମାହାପୁରୁ ଲୁକୁ ଅଡ଼େ ରାଣ୍ଡେଣିସିକାଣି ହାଟାନା ଏଦାନି ନୀତାମାନାଣି ତସ୍ତେସି । ୪୨ ଇ କାତା ଜାପତି ସାରିସୁଟୁ ଖେଞ୍ଜାହାରେ ଅଡ଼େ ହାରେକା ଲୁକୁ ପ୍ରବୁଇଁ ନାମିତେରି । ୪୩ ଅଡ଼େ, ପିତର ହାରେକା ଦିନା ପାତେକା ଜାପତି ସିମନ ଦରୁଗାଟି ତଲ୍‌କା କାମାକିନାଣି ଇଜ ତୟିତେସି ।

**୧୦** କାୟିସରିୟା ଗାଡ଼ାତା କର୍ନଲିୟୁ ଦରୁଗାଟାସି ର ଲୁକୁ ମାରେସି, ଏଖାସି ଇତାଲିକ ଦରୁଗାଟି ରମିୟ ରିଜାରି କସ୍‌କାଟି ପାସାକଡ଼ି କସ୍‌କା ମୁହେଁ କାଜାସି ମାରେସି । ୨ ଏଖାସି ର ଦାମ୍‌ସୁ ଲୁକୁ ମାରେସି; ତାମି ଇଲୁ କୁଟମି ତଲେ ମାହାପୁରୁଇଁ ଆଜିମାରେସି, ଏଖାସି କାକୁଲି ଲୁକୁତାକି ଦାନା ହାହିମାରେସି, ଅଡ଼େ ମାହାପୁରୁ ତାଣା କାଲେଏ ପ୍ରାତାନା କିହିମାରେସି । ୩ ର ଦିନା ମିଡ଼ୁଅଲା ତାନି ଗଂଟା ବେଲାତା ଏଖାସି ସେୟିଁଣା ହାପାନାତା ତୀରୁପୁତଲେ ମେସ୍ତେସି, ର ମାହାପୁରୁତି ଦୁତୁ ଖାହାନା ଏଖାଣାଇଁ ଖେସ୍ତେସି “କର୍ନଲିୟା” ୪ ଏଖାସି ଆଜିତଲେ ଦୁତୁ ଖାକି ସିନିକିତେସି ଅଡ଼େ ଖେରେସି, “ଇଦି ଏନାୟି ପ୍ରବୁ?” ଦୁତୁ

ଏଖଣ୍ଡାକ୍ଷ ଏଲେଇରେ, “ନୀ ପ୍ରାତାନା ଅଡ଼େ ଦାନା ହୀନାୟି ଲାକ ମାହାପୁରୁ  
 ନକିତା ଏଜାମାନେ । ୫ ନୀଏଁ ନୀନୁ ଜାପତା ଲକୁଣି ପାଶ୍ତାନା ସିମନ ପିତର  
 ଦରୁଗାଟି ଲକୁକ୍ଷ ହାଟାତାମ୍, ଏଖଣି ହାଟା ଦରୁ ପିତର ଇନେରି; ୬ ଏଖସି  
 ସିମନ ଦରୁଗାଟି ର ତଲକା କାମାକିନାଣି ଇଜ ଗତାଗାଟାସି ଆହାମାନେସି,  
 ଏଖଣି ଇଲୁ ସାମ୍ବୁରି ଗାଟୁତା ।” ୭ ତାନିତଲେ କାତା ଆହିମାଟି ଦୂରୁ  
 ହାଜାଲିଏ, ଏଖସି ତାନି ଇଜ କାମା କିନି ରୀ ହଲିୟାଫ୍ଟାଣି ଇଞ୍ଜି ତାଫ୍ଟେ  
 ସେବାକିନି ରିଜାରି କସକା ବିତ୍ରାଟି ର ଦାମ୍ବୁଟି କହ୍‌ଏଁଶାକ୍ ହାଟିତେସି, ୮  
 ଅଡ଼େ ଏଖସି ଏଖରାକ୍ ଏମ୍ପାଆଁ ଆହାମାଟି ବାରେ କାତା ଖେସାନା ଜାପତା  
 ପାଣ୍ଡିତେସି । ୯ ଅର ଦିନା ଏଖାରି ହାଜି ହାଜିହିଁ ଏ ଗାଡ଼ାତି ତାଗେ ଆତେରି,  
 ଏଚିବେଲା ପିତର ମାଦେନା ବାର ଗଂଟା ବେଲାତା ପ୍ରାତାନା କିହାଲି ଇଲୁ  
 ଲାକ ହାତେସି, ୧୦ ଏଖସି ହାକି ଆତେସି ଅଡ଼େ ଏନାଆଁ ତିଞ୍ଜାଲି ମନ  
 କିତେସି; ସାମା ଏଖାରି ରାନ୍ତୁ ଖାଜିମାଟି ବେଲାତା, ଏଖସି ସେୟାଁଶା ହାପାନା  
 ମେସ୍ତେସି, ୧୧ ଲାକପୁରୁ ଦେପିଆହାମାନେ, ଇଞ୍ଜି ଏନିକ୍ ର ହିମ୍ପୁରିତି ସାରି  
 କନତା ଆସ୍‌ପି ଆହାନା ଦାର୍‌ତି ଲାକ ରେଟା ଖାହିମାନେ; ୧୨ ଏମ୍ପାଆଁ  
 ଦାର୍‌ତିତି ବାରେ କୁଡ଼ାତି ସାରିଗଟା କତା ଗାଟି ଜନ୍ତୁ ଜିଞ୍ଜେଡ଼ିକା, ରାସକା  
 ତ୍ରରିୟାଁ ଅଡ଼େ ହାଗୁତି ପଟାୟାଁ ମାନୁ । ୧୩ ଇଞ୍ଜି ଏଖଣାକି ଇ ହାତା ଆତେ,  
 “ପିତର; ନିଞ୍ଜାମ୍, ପାୟାନା ତିନାମ୍!” ୧୪ ସାମା ପିତର ଏଲେଇରେସି, “ଆଏ  
 ପ୍ରବୁ, ନାନୁ ଏରେଲାଖା ଏନି ଲାଗେଏ ପଲେଏତି ଦିଶ୍‌ସୁ ତିଞ୍ଜାହିଲିଆଁ ।” ୧୫  
 ଅଡ଼େ ର ପାଲି ଇ ହାତା ଆତେ, “ମାହାପୁରୁ ଏନାଆଁ ସୁଦୁ କିହାମାନେସି,  
 ଏଦାଆଁ ନାନୁ ଲାଗେଏତାୟି ଇନାଆନି ।” ୧୬ ଇଲେକିହିଁ ତାନି ପାଲି ଆତେ,  
 ତାୟୁ ଏ ହିମ୍ପୁରି ଲାକପୁରୁ ଅଢ଼ିଆତେ । ୧୭ ପିତର ଏନାଆଁ ସେୟାଁଶା ହାପାନା  
 ହେଶ୍ତାମାତେସି, ଏଦି ଏନାୟି, ଇଞ୍ଜି ଅଶ୍‌ପିହିଁ ଆତାଜାକା ଆହାମାନି ବେଲାତା,  
 କର୍ନିଲିୟୁ ତାଣାଟି ପାଶ୍ତୁଞ୍ଜି ଆହାମାନାରି ସିମନ ଇଲୁ ପାରିହିଁ ଦୁଞ୍ଜେରିତା ନିକା  
 ଖାତେରି, ୧୮ ଇଞ୍ଜି ଏଖାରି ଖେରେରି, “ସିମନ ଇନି ପିତର ଦରୁଗାଟାସି  
 ରଅସି ଇମ୍ପାଆଁ ଗତେଏସି ମାନେସି କି?” ୧୯ ପିତର ଏ ସେୟାଁଶା ହାପାନା  
 ହେଟାଣି ଅଶ୍‌ପିମାଟି ବେଲାତା ଜୀଞ୍ଜୁ ଏଖଣାକ୍ ଏଲେଇରେ, “ମେହ୍‌ମ୍!  
 ତାନି ଜାଣା ଲକୁ ନିଞ୍ଜେ ପାରିମାଞ୍ଜାନେରି । ୨୦ ଏଦାଆଁତାକି ତିୟାରା ଆମ୍  
 ଅଡ଼େ ତଇ ହାଲାମ୍, ଅଡ଼େ ଆନାମାନା ଆଆନା ଏଖାରିତଲେ ହାଲାମ୍,  
 ଏନାଆଁତାକି ଇଚିହିଁ ନାନୁ ଏଖରାକ୍ ପାଶ୍ତାମାଞ୍ଜାକ୍ ।” ୨୧ ଏରେଟିଏ

ପିତର ଏ ଲକ୍ଷ୍ମୀତାଣା ରେତାଝାହାନା ଏଲେଇଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି, ନାନୁ ଏଝାତେଏଁ । ମୀରୁ ଏନାଆଁତାକି ଝାହାମାଞ୍ଜେରି?” ୨୨ ଏଝାରି ଏଲେଇଚେରି, “କର୍ନଲିୟ ଦରୁଗାଟି ପାସାକଡ଼ି କସକା ମୁହେଁ କାଜାସି ମାଡ୍ରେ ପାଣ୍ଡାମାଞ୍ଜାନେସି, ଏଝାସି ର ସୁଦୁ ଦାମ୍ବୁଗାଟାସି ଇଞ୍ଜି ମାହାପୁରୁଇଁ ଆଜିନାସି, ଅଡେ ବାରେ ଜୀହୁଦି କୁଡାତା ଝେଞ୍ଜିତାସି, ଏଝାସି ନିଡ୍ରେ ତାମି ଇଜ ହାଟାନା ନୀ ଜାପ୍ନାଣି ଝେଞ୍ଜିଲିତାକି ମାହାପୁରୁତି ଦୁଦୁ ତାଣାଟି ହୁକୁମି ବେଟା ଆହାମାନେସି ।” ୨୩ ପିତର ବିତ୍ରା ହାଟା ଅହାନା ଏଝାରାଇଁ ସେବା କିଚେସି । ଅର ନେରୁ ନିଢ୍ଫାନା ତିୟାରା ଅହାନା ଏଝାରିତଲେ ହାଚେସି; ଜାପତି ଏଚରଜାଣା ନାମିତି ତାୟିୟାଁ ଏଝାରିତଲେ ହାଚେରି । ୨୪ ଅର ନେରୁ ଏଝାରି କାୟିସରିୟାତା ଏଚେରି, ଏମ୍ବାଆଁ କର୍ନଲିୟ ତାନି କୁଟମି ଇଞ୍ଜି ଅଡେ ଜାଗୁତି ତୁଣେସିଢ୍ଫାଣି ହାଟାହାଁ କୁଡ଼ି କିହାନା ଏଝାରାଇଁ କାଟିମାଚେରି । ୨୫ ପିତର ବିତ୍ରା ହାଜାଲିଏ କର୍ନଲିୟ ଏଝାଣି କଡ଼ାଁ ତୁଇ ମୁନୁ କୁତାନା ଜହରା କିଚେସି । ୨୬ ସାମା ପିତର ତାଡ୍ରେ ନିକହାନା ଏଲେଇଚେସି, “ନିଢ୍ଫାମ୍ବୁ ନାନୁ ଜିକେଏ ର ମାଣ୍ଡସିତେଏଁ ।” ୨୭ ଏଚେଟିଏ ପିତର କର୍ନଲିୟ ତଲେ କାତା ଆହିଁ ଆହିଁ ଇଲୁ ବିତ୍ରା ହାଜାନା ଏମ୍ବାଆଁ ହାରେକା ଲକୁ ରୁଣ୍ଡା ଆହାମାନାଣି ମେସ୍ତେସି । ୨୮ ଅଡେ ଏଝାସି ଏଝାରାଇଁ ଏଲେଇଚେସି, “ଏଟକା କୁଡାତି ଏନି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜୀହୁଦି ଲକୁତାକି ଏନିକିହିଁ ମେରା ହିଲେଏ, ଏଦାଆଁ ମୀରୁ ନେହିଁକିଁ ପୁଞ୍ଜାମାଞ୍ଜେରି ଆଡିଜିକେଏ ଆମିନି ଲକୁଇଁ ସୁଦୁ ହିଲାଆ ଗାଟାରି କି ଲାଗେଏତାରି ଇଞ୍ଜିହିଁ ଇନାଆନି ଇଞ୍ଜି ମାହାପୁରୁ ନାଡ୍ରେ ତସାମାଞ୍ଜାନେସି । ୨୯ ଏଦାଆଁତାକି ହାଟନିଏ ନାନୁ ଏନାଆଁ ଅଣ୍ଡପାଆନା ଝାତେଏଁ । ଇଦାଆଁତାକି ନାନୁ ଝେଞ୍ଜିମାଞ୍ଜାଇଁ, ଏନାଆଁ କିହାଲି ମୀରୁ ନାଡ୍ରେ ହାଟାଚେରି?” ୩୦ କର୍ନଲିୟ ଏଲେଇଚେସି, “ତାନିଦିନା ନକେଏ ଇ ବେଲାତା ମିଡୁଅଲା ତାନି ଗଂଟା ବେଲା ନାନୁ ନା ଇଜ ପ୍ରାତାନା କିହିମାଚେଏଁ; ମେହ୍ମୁ ଏମ୍ବାଆଁ ଉଜେଡ଼ିଗାଟି ଦବ୍ଲା ହିମ୍ପରିକା ତୁରହାମାନି ର ଲକୁ ନା ନକିତା ନିଚେସି, ୩୧ ଅଡେ ଏଝାସି ଏଲେଇଞ୍ଜାଚେସି, ‘କର୍ନଲିୟା ମାହାପୁରୁ ନୀ ପ୍ରାତାନା ଝେଞ୍ଜାମାନେସି; ଇଞ୍ଜି ହିଲାଆ ଗାଟାରାକି ନୀ ଦାନା ହାନାୟି ବାରେ ମାହାପୁରୁ ନକିତା ନେହିଁ ତୁଞ୍ଜା ଆହାମାନେ । ୩୨ ଇଦାଆଁତାକି ସିମନ ଦରୁଗାଟି ପିତରଇଁ ହାଟା ତାଚାଲି ଜାପତା ଲକୁଇଁ ପାଣ୍ଡାମ୍ବୁ ଏଝାସି ସାମ୍ବୁରି ଗାଟୁତା ତୁୟିନି ତୁଲକା କାମା କିନି ସିମନ ଇଜ

ଗତାଗାତାସି ଆହାମାନେସି ।’ ୩୩ ଏଦାଆଁତାକି ଝେଡ଼ାକିଆନା ନାନୁ ନୀ ତାଣା ଲକୁ ପାଣ୍ଡାତେଏଁ, ଅଡ଼େ ନୀନୁ ଝାହାମାଞ୍ଜି ନେହିଁ କିହାମାଞ୍ଜି, ଇତିହିଁ ପ୍ରଭୁ ନିଢ଼େ ଏନାଆଁ ହୁକୁମି ହାହାମାଞ୍ଜାନେସି, ଏଦାଆଁ ଝେଞ୍ଜାଲିତାକି ମାମୁ ବାରେ ମାହାପୁରୁ ନକିତା କୁଡ଼ା ଆହାମାନମି ।” ୩୪ ଏତେଟିଏ ପିତର ଗୁତି ଏକହାନା ଏଲେଇରେସି, “ମାହାପୁରୁ ସାତେଏ ବାରେ ଲକୁଣି ପାର୍ଡ଼ା ବାତି କିଅସି, ୩୫ ଆମିନି ଲକୁ ଏଝାଣାଈ ଆଜିନେରି ଅଡ଼େ ଏଝାସି ଅପିନି ଲେହେଁ ନେହିଁ କାମା କିନେରି ଏଝାରି ଆମିନି କୁଡ଼ାତାରି ଇତିହିଁ ଜିକେଏ, ଏଝାସି ଆବିନେସି । ୩୬ ଏଝାସି ଜୀସୁ କ୍ରୀସୁ ତାଣାଟି ହିଡ଼ଡ଼ିତି ନେହିଁ କାରୁ ଝେସାନା ଇସ୍ତାୟେଲ ମୀରକା ନକିତା ଇ ବଲୁ ପାଣ୍ଡିତେସି; ଏ ଜୀସୁ କ୍ରୀସୁ ବାରେତି ପ୍ରଭୁ । ୩୭ ମୀରୁ ପୁଞ୍ଜାମାଞ୍ଜେରି ଜହନ ବାପ୍ତିସ୍ମ କାତା ଝେକ୍‌ହି ତାଣାଟିଏ ଏ ନେହିଁ କାରୁ ଗାଲିଲିଟିଏ ମାହାନା ବାରେ ଜୀହୁଦା ରାଜିତି ଲକୁଡ଼ାଣା ଝେଡ଼ାମାନେ, ୩୮ ଇତିହିଁ ନାଜରିତ ଜୀସୁତି କାତା ପୁଞ୍ଜାମାଞ୍ଜେରି, ଏନିକିଁ ମାହାପୁରୁ ଏଝାଣାକି ସୁଦୁଜୀଝୁ ଇଞ୍ଜି ବାଡ଼୍‌ୟୁ ହାହାନା ବର ହାତେସି, ଇଞ୍ଜି ନେହିଁ କାମା କିହିଁ ସୟତାନ ପାନ୍ଦାତା ଦସ୍‌ପି ଆହାମାନି ଲକୁଣି ନେହିଁ କିହିଁ ବାରେଝାକି ରେରେସି, ଇତିହିଁ ମାହାପୁରୁ ଏଝାଣିତଲେ ମାତେସି । ୩୯ ଏଝାସି ଜୀହୁଦି ଲକୁତି ଦେସାତା ଅଡ଼େ ଜିରୁସାଲମତା ଏନା ଏନାଆଁ କିତେସି, ମାମୁ ଏ ବାରେତି ସାକି; ଏଝାରି ଏଝାଣାଈ ପାସି ମୁଣ୍ଡାତା ଏକହାନା ପାୟିତେରି । ୪୦ ସାମା ମାହାପୁରୁ ଏଝାଣାଈ ତାନି ଦିନାତା ନିକ୍‌ହେସି ଅଡ଼େ ତଞ୍ଜାଆଝି କିତେସି; ୪୧ ବାରେଜାଣା ତାକି ଆଏ, ଝାରୁଇ ମାହାପୁରୁ ଆତିତି ସାକି, ଇତିହିଁ ମା ନକିତା ତଞ୍ଜାଆତେସି । ମାହାପୁରୁ ଏଝାଣାଈ ହାକିତି ନିକ୍‌ହି ଜେତ ମାମୁ ଏଝାଣିତଲେ ତିତମି ଉତମି । ୪୨ ଅଡ଼େ ଲକୁ ନକିତା ଇ ନେହିଁ କାରୁ ଝେକ୍‌ହାଲି, ଇଞ୍ଜି ହାତାରି ଅଡ଼େ ଜୀଝୁତା ନୀତାମାନାରି ନୀହାୟି କିନାସି ଆହାଲି ମାହାପୁରୁ ଏଝାଣାଈ ଆତାମାନେସି ଇଞ୍ଜି ସାକି ହାହାଲି ଏଝାସି ମାଡ଼େ ହୁକୁମି ହିୟାତେସି । ୪୩ ଆମ୍ବାଆସି ଏଝାଣି ତାଣା ନାମିନେସି, ଏଝାସି ଏଝାଣି ଦରୁତଲେ ପାପୁ ମ୍ବେପ୍‌କି ଆନେସି, ଇଦାଆଁ ବାରେ ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ଏଝାଣି କାତାତି ସାକି ହାହାମାନେରି ।” ୪୪ ପିତର ଇ ବାରେ କାତା ଝେସିମାତି ବେଲାତା ଆମିନି ଗାଟାରି ତାନି ବଲୁ ଝେଞ୍ଜିମାତେରି, ଏ ବାରେଜାଣାଟି ମୁହେଁ ସୁଦୁଜୀଝୁ ରେତାଝାତେ । ୪୫ ଜୀହୁଦିଆଆତି ଲକୁଡ଼ାଣା ଜିକେଏ ସୁଦୁଜୀଝୁ ରେତା ଝାତାଣି ମେସାନା ପିତର ତଲେ ଜାପଟି ଝାହାମାତି

ଡଲୁ ଦାପି ଆତି ନାମିତି ଜୀହୁଦିୟାଁ, ଏଞ୍ଜାରି ବାରେଜାଣା କାବା ଆତେରି । ୪୭ ଇତିହିଁ ଏଞ୍ଜାରି ଏଟ୍‌କା ଏଟ୍‌କା ହାତାତଲେ କାତା ଆହିମାଚାଣି ଇଞ୍ଜିଁ ମାହାପୁରୁତି ଜହରା କିହିମାନାଣି ଖେଚେରି । ଏଚିବେଲା ପିତର ଏଲେଇଚେସି । ୪୭ “ଇଞ୍ଜାରି ଆମିନି ଲକୁ ମା ଲେହେଁ ସୁଦୁଜୀଞ୍ଜୁ ବେଟାଆହାମାନେରି, ଇଞ୍ଜାରି ଏୟୁତଲେ ବାପ୍ତିସ୍ତ ବେଟାଆହାଲି ଆମ୍ବାଆସି କାହି କିୟାଲି ଆତିମାନେସି?” ୪୮ ଇଞ୍ଜିଁ, ଏଞ୍ଜାସି ଏଞ୍ଜାରାଇଁ ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ତ ହାହାଲି ହୁକୁମି ହାତେସି, ଡାୟୁ ଏଞ୍ଜାରି ଏଚରଦିନା ଡୟାଲି ଏଞ୍ଜାଣାଇଁ ବାତିମାଲିଚେରି ।

**୧୧** ଜୀହୁଦିଆଆତାରି ଜିକେଏ ମାହାପୁରୁତି ବଲୁ ନାମିତେରି, ଇ କାତା ପାଣ୍ଡୁଞ୍ଜି ଆତାରି ଇଞ୍ଜିଁ ଜୀହୁଦା ରାଜିତା ମାନି ତାୟିୟାଁ ଖେଚେରି । ୧ ପିତର ଏଚିବେଲା ଜିରୁସାଲମତା ଖାତେସି, ଏଚିବେଲା ଡଲୁ ଦାପି ଆତି ସୀସୁୟାଁ ପିତର ତଲେ ବାଦିବାଦା ଆତେରି, ୩ “ନୀନୁ ଜୀହୁଦିଆଆତି ଲକୁ ଇଲକାଣା ହାଜାନା ଏଞ୍ଜାରିତଲେ ଡିଞ୍ଜାମାଞ୍ଜି!” ୪ ସାମା ପିତର ଇ ବାରେ କାତାତି ମୁଲୁଟିଏ ଖେସାଲି ମାଟ୍‌ହାନା ଏଲେଇଚେସି । ୫ “ନୀନୁ ଜାପ ଗାଡାତା ପ୍ରାତାନା କିହିମାଚେସି, ଇଞ୍ଜିଁ ସେୟାଣା ହାପାନାତା ମେସ୍ତେସି, ଏନିକିଁ ର କାଜା ହିମ୍ବରିତି ସାରି କନତା ଆସାହାଁ ଲାକପୁରୁଟି ଡଇ ରେଟା ଖାହିମାଚେ, ଅଡେ ଏଦି ନା ପାତେକା ଖାତେ; ୬ ନୀନୁ ଏମ୍ବାଆଁ ସିନିକିହାନା ଅଶ୍‌ପାଲି ମାଟ୍‌ହେସି, ଏମ୍ବାଆଁ ଦାର୍‌ତିତି ସାରିଗଟା କତାୟାଁ ତଲେ ଡାକିନି ନାସକାତି ଜନ୍ତୁ ଇଞ୍ଜିଁ ଜାଡାତି ଜନ୍ତୁ ଡ୍ରଗିୟାଁ ରାସକା ଅଡେ ହାଗୁଡି ପଟାୟାଁ ମେସ୍ତେସି, ୭ ଅଡେ ନାଡେ ଖେସାମାଞ୍ଜାନି ଇ ହାତା ଜିକେଏ ଖେଚେସି, ‘ପିତର; ନିଞ୍ଜାମ୍ବା ପାୟାନ୍ନା ତିନାମ୍ବା!’ ୮ ସାମା ନୀନୁ ଏଲେଇଚେସି, ‘ଆଏ ପ୍ରୁ! ଡାଗାଆଗାଟି ଲାଗେଏ ପଲେଏତି କାଦି ନୀନୁ ଏଚେଲାଞ୍ଜା ନା ଗୁଡିତା ଅହାହିଲଅଁ ।’ ୯ ସାମା ଅର ଦେବା ଲାକପୁରୁଟି ଇ ହାତା ଖେସ୍ତାତେ, ‘ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନୀନୁ ଲାଗେଏତାୟି ଇନାଆନି ।’ ୧୦ ଇଲାଆହିଁ ତାନି ପାଲି ଆତେ, ଅଡେ ଡାୟୁ ଏ ବାରେ ଖେଣ୍ଡେ ଲାକପୁରୁ ଅଞ୍ଜିଆତେ । ୧୧ ଅଡେ ମେହ୍‌ଦୁ, ଦେବୁଣିଏ ତାନି ଜାଣା ଲକୁ ମାମ୍ବା ଆମିନି ଇଲୁତା ମାତମି ଏମ୍ବାଆଁ ଖାହାନା ନିଚେରି, ଏଞ୍ଜାରି କାୟିସରିୟାଟିଏ ନା ଡାଣା ପାଣ୍ଡୁଞ୍ଜି ଆହାମାଚେରି । ୧୨ ଇଞ୍ଜିଁ ଆନାମାନା ଆଆନା ଏଞ୍ଜାରିତଲେ ହାଜାଲି ଜୀଞ୍ଜୁ ନାଡେ ଖେସ୍ତାତେ, ଅଡେ ଇ ସ୍‌ ଜାଣା ତାୟିୟାଁ ଜିକେଏ ନା ତଲେ ଜାପଟି କାୟିସରିୟାତା ଖାତେରି, ଇଞ୍ଜିଁ ମାମ୍ବା ଏ କର୍ନିଲିୟ ଇଜ ହାତମି । ୧୩ ଏଞ୍ଜାସି

ଏନିକିଁ ର ଦୁରୁଇଁ ସେୟିଁଣା ହାପାନାତା ମେସାମାତେସି, ଏଦାଆଁ ମାଡ୍ରେ  
 ଖେସ୍ତାତେସି, ଏ ଦୁରୁ ଏନିକିଁ ଏଖାଣି ଇଜ ନିତାନା ଖେସ୍ତେ, ଜାପତା ଲକୁଣି  
 ପାଣ୍ଡାନା ପିତର ଇନି ସିମନଇଁ ହାଟାତାମ୍: ୧୪ ଏଖାସି ମିଡ୍ରେ ଖେସ୍ତାନି  
 କାତାତଲେ 'ମୀରୁ ଅଡେ ମୀ ବାରେ କୁଟମି ଗେଲ୍ପି ଆଦେରି ।' ୧୫ ଡାୟୁ  
 ନାନୁ ଜଲାଇ ମାଟ୍‌ହାଲିଏ ସୁଦୁଜୀଖୁ ମା ଲାକ ଏନିକିଁ ରେଟାଖାତେ, ଏଲେକିଁ  
 ଏଖାରି ଲାକ ଜିକେଏ ରେଟାଖାତେ । ୧୬ ଏଚିବେଲା ପ୍ରବୁ ଖେସ୍ତି ଇ ହାତା ନା  
 ଅଶ୍‌ପୁତା ଖାତେ; 'ଜହନ ଏୟୁତଲେ ବାପ୍ତିସ୍ତ ହାତେସି ସାତା, ସାମା ମୀରୁ  
 ସୁଦୁଜୀଖୁ ତଲେ ବାପ୍ତିସ୍ତ ଆଦେରି ।' ୧୭ ଇଚିହିଁ ମାର ପ୍ରବୁ ଜୀସୁ କ୍ରୀସ୍ତ ଡାଣା  
 ନାମିତି ବେଲାତା ମାହାପୁରୁ ଏନିକିଁ ମାଡ୍ରେ ଆମିନି ଦାନା ହାହାମାଞ୍ଜାତେସି,  
 ଏଲେକିହିଁଏ ଏଖାରାକି ଜିକେଏ ସମାନା ଦାନା ହାତେସି; ନାନୁ ଆମ୍ବାଆତେଏଁ  
 ମାହାପୁରୁଇଁ କାହି କିହାଲି ଆଡିଇଁ!" ୧୮ ଏଖାରି ଇ ବାରେ କାତା ଖେଞ୍ଜାଲିଏ  
 ଏଖାରି ପାଲେଏ ଆତେରି, ଇଞ୍ଜାଁ ମାହାପୁରୁଇଁ ଜହରା କିହିଁ ଏଲେଇତେରି,  
 "ଆଡିହିଁ ମାହାପୁରୁ ଜୀହୁଦିଆଆତି ଲକୁକି ଜିକେଏ ହିୟାଁ ଖେଟ୍‌ହାଲି ଅଡେ  
 ନୀଡାଲି ପାରୁ ହାହାମାନେସି ।" ୧୯ ଏଚେଟିଏ ସ୍ତିପାନ ହାତି ଡାୟୁ ଏଚେକା  
 ନାମୁଗାଟାରି କସ୍ତ ନିନ୍ତା ଆତାକି ଆଲାରା ଆହାମାଟାରି ବିତ୍ରାଟି, ପୟିନିକିୟା,  
 କୁପ୍ ଅଡେ ଆନ୍ତିୟକିୟା ପାତେକା ରେଜାନା ଖାର୍‌ଇ ଜୀହୁଦି ଲକୁ ପିସ୍‌ପେ  
 ଅଡେ ଆମ୍ବାଆରି ଡାଣା ନେହିଁ କାରୁ ଖେସିହିଲିଆତେରି । ୨୦ ସାମା ଏଖାରି  
 ବିତ୍ରାଟି ଏଚରଜାଣା କୁପ୍ ଅଡେ କୁରିଣିୟ ଲକୁ ଆନ୍ତିୟକିୟା ଖାହାନା ଗ୍ରିକ୍  
 ଲକୁଡାଣା ଜିକେଏ କାତା ଖେସିହିଁ ପ୍ରବୁ ଜୀସୁତି ନେହିଁ କାରୁ ଖେକ୍‌ହେରି  
 । ୨୧ ଅଡେ, ଏଖାରିତଲେ ପ୍ରବୁତି ବାଡ୍‌ୟୁ ମାତେ, ଅଡେ ହାରେ ହାରେକା  
 ଲକୁ ନାମାହାଁ ପ୍ରବୁ ଖାକି ଖେଶ୍ଟାଖାତେରି । ୨୨ ଏଖାରି ହାତା ଜିରୁସାଲମତି  
 କୁଲମିତା ଏଗାହାଚେ, ଏମ୍ବାଟିଏ ଏଖାରି ଆନ୍ତିୟକିୟା ପାତେକା ବର୍ନବାଇଁ  
 ପାଣ୍ଡାତେରି । ୨୩ ଏଖାସି ଏମ୍ବାଆଁ ଏଜାନା ମାହାପୁରୁତି କାର୍ମାମେସାନା  
 ରାହାଁ ଆତେସି, ଇଞ୍ଜାଁ ଏଖାରି ଏନିକିଁ ହିୟାଁତା ରଣ୍ଡିଏ ରାହାଁତଲେ ପ୍ରବୁ ଡାଣା  
 ମାନାପେରି ଇଞ୍ଜାଁ ଏଖାରାକି ବାସ୍‌ହାତେସି । ୨୪ ବର୍ନବା ର ନେହିଁ ଲକୁ  
 ନାମୁତା ଇଞ୍ଜାଁ ସୁଦୁଜୀଖୁ ବେଟାଆହାମାନାସି ମାତେସି, ଇଞ୍ଜାଁ ଇଲେତି ବଲୁ  
 ଖେକ୍‌ନି ଡାଣା ହାରେକା ଲକୁ ପ୍ରବୁ ଡାଣା ଆଣ୍ଡିତେରି । ୨୫ ଡାୟୁ ବର୍ନବା  
 ସାଖୁଲଇଁ ପାରାଲି ତାର୍ସି ଗାଡାତା ହାତେସି, ୨୬ ଇଞ୍ଜାଁ, ଏଖାସି ଏଖାଣାଇଁ  
 ବେଟାଆହାନା ଆନ୍ତିୟକିୟାତା ତାଡିହିଁ ଖାତେସି, ଏଖାରି ର ବାର୍ସା ପାତେକା

କୁଲମି ତଳେ ମାଞ୍ଜନା ହାରେକା ଲକ୍ଷ୍ମଣି ଜାପୁହେରି, ଅଡ଼େ ଆନ୍ତ୍ରିୟକିୟାତି  
 ସୀୟୁୟାଁ ତଲିଏ କ୍ରୀସ୍ତାନା ଇଞ୍ଜି ଖେଡ଼ିତେରି । ୨୭ ଏତିବେଲାତା ଏତରଜାଣା  
 ମାହାପୁରୁ ଅଣ୍ଟପୁତି ବଲୁ ଖେହ୍ନାରି ଜିରୁସାଲମତି ଆନ୍ତ୍ରିୟକିୟାତା ଖାତେରି ।  
 ୨୮ ଏଖାରି ବିତ୍ରାଟି ଆଗାବ ଦରୁଗାଟି ର ଲକ୍ଷ୍ମ ନିଢ଼୍ଠାନା ବାରେ ଦାର୍ତ୍ତିତା କାଜା  
 କାତାରା ଆନେ ଇଞ୍ଜି ଜୀଞ୍ଜୁତି ବାଡ଼ୟୁ ତଳେ ଖେସ୍ତେସି; ଏଦି କ୍ଲାଞ୍ଜୁଦିୟା ସାଲଖି  
 କିନାଣି ବେଲାତା ଆତେ । ୨୯ ଏମ୍ପାଟିଏ ସୀୟୁୟାଁ ତାମୁ ତାମି ଆଡିନି ଲେହେଁ  
 ଜୀହୁଦା ରାଜିତା ମାନି ନାମିତି ତାୟିୟାଁକି ସାୟେମି କିୟାଲି ତାରି କିତେରି,  
 ୩୦ ଅଡ଼େ, ଏଖାରି ଜିକେଏ ଟାକାୟାଁ କୃଡ଼ି କିହାନା ଏ କୁଲମିତି ପ୍ରାତିନାଢ଼୍ଠା  
 କେୟୁତା ହାହାଲି ବର୍ନବା ଅଡ଼େ, ସାଞ୍ଜୁଲ କେୟୁତା ଟାକାୟାଁ ପାଣ୍ଡିତେରି ।

**୧୨** ଏତିବେଲାତା ରାଜା ହେରଦ କୁଲମିତି ଏତର ଜାଣାଇଁ ସାସ୍ତି ହାହାଲି  
 ମାଟ୍‌ହେସି । ୨ ଏଖାସି ଜହନତି ତାୟି ଜାକୁବଇଁ କାଣ୍ଡାତଲେ ପାୟି କିତେସି ।  
 ୩ ଅଡ଼େ, ଜୀହୁଦି ଲକ୍ଷ୍ମ ଏଖାଣି ତାକି ରାହାଁ ଆହାମାନାଣି ମେସାନା ଏଖାସି  
 ପିତରଇଁ ଜିକେଏ ଆସ୍ତେସି, ଏତିବେଲାତା ପୁଲା ଆଣ୍ଡାଆତି ରୁଟି ତିନି ପାର୍ବୁ  
 ମାରେ । ୪ ଏତେଟିଏ ଏଖାସି ପିତରଇଁ ଦସ୍‌ପାନା କାୟିଦି ଇଲୁତା ଇଟିତେସି,  
 ଇଞ୍ଜି ପିସ୍‌ପିଆନି ପାର୍ବୁ ରାତି ତାୟୁ ଏଖାଣାଇଁ ବାରେ ଲକ୍ଷ୍ମ ନକିତା ତାତାଲି  
 ଅଶ୍‌ପାନା ଏଖାଣାଇଁ କାତାଲି ସାରି ଜାଣା ଲାକା ସାରି ଗତି କସ୍‌କା କେୟୁତା  
 ହେରପିତେସି । ୫ ପିତରଇଁ କାୟିଦିତା ସୁଣ୍ଡିତେରି, ସାମା ଏଖାଣି ତାକି କୁଲମି  
 ରଣ୍ଡିଏ ହିୟାଁ ତଳେ ମାହାପୁରୁ ତାଣା ପ୍ରାତାନା କିହିମାରେରି । ୬ ତାୟୁ ହେରଦ  
 ଆମିନି ଦିନା ପିତରଇଁ ହ୍‌ପହାଲି ଅଶ୍‌ପାମାରେସି, ଏ ନେରୁ ଲାଆଁୟାଁ ପିତର  
 ରୀ ହିକ୍‌ଶିୟାଁ ତଳେ ଦସ୍‌ପି ଆହାନା ରୀ କସ୍‌କା ମାଦି ତୁରାମାରେସି, ଅଡ଼େ  
 କାଃଆନାରି କାୟିଦି ଇଲୁ ଦୁଖେରିତା କାତାମାରେରି । ୭ ଅଡ଼େ ମେହ୍‌ଦୁ,  
 ଦେବୁଣିଏ ପ୍ରବୁତି ର ଦୁତୁ ଏମ୍ପାଆଁ ତଞ୍ଜାଆତେ, ଇଞ୍ଜି ଇଲୁ ବିତ୍ରା ଉଜେଡ଼ି  
 ଆହାହାରେ, ଅଡ଼େ ପିତରଇଁ ବମିତା ତୀଗାହାଁ ନିକ୍‌ହାନା ଏଲେଇରେ, “ତବେ  
 ନିଢ଼୍ଠାମୁ,” ଏମ୍ପାଟିଏ ଏଖାଣି କେସ୍‌ଗାତି ହିକ୍‌ଶିୟାଁ ହୁଢ଼ାହାରୁ । ୮ ଏତେଟିଏ ଦୁତୁ  
 ଏଖାଣାଇଁ ଏଲେଇରେ, “ଟେଡେଲି ରୁପା କତାମୁ ଇଞ୍ଜି ସେପୁୟାଁ ତୁର୍ମୁ” ଇଞ୍ଜି  
 ପିତର ଏଲେକିତେସି, ଅଡ଼େ ଦୁତୁ ଏଲେଇରେ, “ନୀ ହିମ୍ପୁରି ପର୍‌ହାନା ନା  
 ଜେଚ ଜେଚ ଖାମୁ ।” ୯ ପିତର ହ୍‌ତାନା ଏଖାଣି ଜେଚ ଜେଚ ହାରେସି; ସାମା  
 ଦୁତୁ ତାଣାଟି ଏନାଆଁ କିଞ୍ଜିଆତେ, ଏଦି ସାତେଏ ଏଦାଆଁ ପୁନାଆନା ଏଖାସି  
 ହାପାନା ହେଣ୍ଡିମାଇଁ ଇଞ୍ଜି ଅଶ୍‌ପିମାରେସି । ୧୦ ଏତିବେଲାତା ଏଖାରି ନକିତି

ଅଡ଼େ ଏଦାଣି ଡାୟୁ କାତାମାତାରାଇଁ ଗାଣ୍ଡଚାନା ଆମିନି ଲହ ଦୁଖେରି ହୀହାନା  
 ଗାଡ଼ାତା ହଡ଼ାଲି ଆନେ, ଏଦାଆଁ ତାଗେ ଖାହାଲିଏ, ଏଡେତା ଏ ଦୁଖେରି  
 ତାନୁ ତାନୁଏ ଏଖାରାକି ଦେପି ଆହାହାଚେ, ଅଡ଼େ ଏଖାରି ହଡ଼ା ହାଜାନା ର  
 ଆଂଗେଣି ମୁଟ୍‌ହାମାନି ପାତେକା ହାଚେରି, ଇଞ୍ଜି ଦେବୁଣିଏ ଏ ଦୂତୁ ଏଖାଣାଇଁ  
 ପିସା ହାଚେ । ୧୧ ଏଡେଟିଏ ପିତର ସେଡ଼ନା ଆହାନା ଏଲେଇଚେସି, “ପ୍ରବୁ  
 ତାନି ଦୂତୁଇଁ ପାଣ୍ଡାନା ହେରଦ କେୟୁଟି ଅଡ଼େ ବାରେ ଜୀହୁଦି ଲକୁ ଅଶ୍‌ପିମାତି  
 ତାଣାଟି ପିସ୍‌ପି କିହାଁ ମାଞ୍ଜାନେସି, ଇଦାଆଁ ନୀଏଁ ନାନୁ ସାତେଏ ପୁଚେଏଁ ।”  
 ୧୨ ଏଖାସି ଇ କାତା ଅଶ୍‌ପିହିଁ ମାର୍କ ଦରୁଗାଟି ଜହନ ତାମି ଇୟା ମରିୟୁମନି  
 ଇଜ ହାଚେସି; ଏମ୍‌ଆଁ ହାରେକା ଲକୁ ରୁଣ୍ଡା ଆହାନା ପ୍ରାତାନା କିହିମାଚେରି  
 । ୧୩ ପିତର ପାଟ୍ଟାଟି ଦୁଖେରିତା ଝେଚାଲିଏ, ରଦା ଦରୁଗାଟି ର ହଲେଣି  
 ଆମ୍‌ଆତେରି ଇଞ୍ଜି ଝେଞ୍ଜାଲି ହାଚେ । ୧୪ ଏଦି ପିତରତି ହାଡ଼ା ଝେଞ୍ଜାନା  
 ରାହାଁତାକି ଦାରା ଦେଃଆନା ବିତ୍ରା ଦାବ୍‌ଡ଼ି ହାଜାନା ଦାରା ତାକିତା ପିତର  
 ନିଚାମାନେସି ଇଞ୍ଜି ଝେସ୍ତେ । ୧୫ ଏଖାରି ଏଦାନି ଏଲେଇଚେରି, “ନୀନୁ ବାୟା  
 ଆଡିକି ଇଞ୍ଜି ଇଚେରି,” ସାମା ଏଦି ଏଦାଆଁ ସାତା ଇଞ୍ଜି ଗାଡିକିହିଁ ଝେସ୍ତେ,  
 ଇଞ୍ଜି ଏଖାରି ଏଲେଇଚେରି, “ଏଦି ଏଖାଣି ଦୂତୁ ।” ୧୬ ସାମା ପିତର ଦାରାତା  
 ଅଲେ ଅଲେ ଝେଡିମାତାକି, ଏଖାରି ଦାରା ଦେଚାନା ଏଖାଣାଇଁ ମେସାନା  
 କାବା ଆଚେରି । ୧୭ ସାମା ଏଖାସି ଏଖାରାଇଁ ପାଲେଏ ମାଞ୍ଜାଲି କେୟୁ  
 ଜୀଞ୍ଜିଚେସି, ଇଞ୍ଜି ପ୍ରବୁ ଏଖାଣାଇଁ ଏନିକିଁ କାୟିଦି ଇଲୁଟି ହୁପ୍‌ହା ତାତେସି  
 ଏଖାରାଇଁ ଝେସ୍ତେସି, ଅଡ଼େ ଏଖାସି ଏଲେଇଚେସି “ଇ ବାରେ କାତା ଜାକୁବ  
 ଅଡ଼େ ବାରେ ନାମିତି ତାୟିୟାଁଇଁ ଝେହୁଦୁ,” ଇଞ୍ଜି ଏଖାସି ଡାକିହିଁ ଅର ଚାୟୁତା  
 ହାଜାତୁସ୍ତେସି । ୧୮ ଲାଲ ଝେୟାଲିଏ ପିତର ଆମ୍‌ୟା ହାଚେସି ଇଞ୍ଜି କାପୁ  
 କାଃଆନି କସକା କାବାଆହାନା ହାରେକା ବିଲ୍‌କି ଆଚେରି? ୧୯ ଅଡ଼େ,  
 ହେରଦ ଏଖାଣାଇଁ ପାରି କିହାନା ପୁାଃଆଲିଏ, କାପୁ କାଃନାରାଇଁ ଝେଡି ଡାୟୁ  
 ଏଖାରାଇଁ ପାୟାଲି ହୁକୁମି ହାଚେସି । ଏଦାଆଁ ଡାୟୁ ହେରଦ ଜୀହୁଦା ରାଜିଟି  
 କାୟିସରିୟାତା ହାଜାନା ଏମ୍‌ଆଁ ଡ଼ୟିଚେସି । ୨୦ ଏଡିବେଲା ହେରଦ ସର  
 ଅଡ଼େ ସିଦନତି ଲକୁତାକି ଆଜିହୁପେଟି କପା ଆହାମାଚେସି, ଅଡ଼େ ଏଖାରି  
 ରଣ୍ଡିଏ କାତା ଆହାନା ଏଖାଣି ତାଣା ଝାଚେରି, ଇଞ୍ଜି ରାଜା ଇଲୁଟି ବ୍ଲୁସ୍‌ସ୍ ଇନି  
 ସାଲଝି କିନାଣାଇଁ ତାମି ଝାକି କିହାନା, ରାଜାଇଁ ହିଡ଼ି ତାକି ବାଡିମାଲିଚେରି,  
 ଇଚିହିଁ ହେରଦ ରାଜା ଦେସାଟି ସର ଅଡ଼େ ସିଦନ ଦେସାତା ଆର୍ନା ହାଜିମାଚେ



। ୨୧ ଏତେଟିଏ ହେଉଦ ତୀରିକିତି ଦିନାତା ରାଜା ହୁଟିନି ହିମ୍ବରକା ହୁଟାନା  
 ସିଂଗାସାଣିତା କୁଗାନା ଲକୁ ନକିତା ର କାତା ଖେସ୍ତେସି; ୨୨ ଏତେଟିଏ  
 ଲକୁ କାଲଖି ଆହିଁ ଏଲେଇଚେରି, “ଇଦି ମାହାପୁରୁତି ଗିୟାଁ, ମାଣସିତି ଗିୟାଁ  
 ଆସା!” ୨୩ ଏ ଦେବୁଣିଏ ପ୍ରବୁତି ର ଦୂତୁ ହେଉଦଇଁ ତୀଗିତେ, ଇତିହିଁ ଏଖାସି  
 ମାହାପୁରୁଇଁ ଜହରା କିଆତେସି, ଇଞ୍ଜିଁ ଏଖାଣାଇଁ ପିତ୍ତୁଲି ତିଞ୍ଜାଲିଏ ଏଖାସି  
 ହାତେସି । ୨୪ ସାମା ମାହାପୁରୁତି ବଲୁ ପାତାଆହାନା ହାରେକା ଖେଟ୍ଟିତେ ।  
 ୨୫ ତାୟୁ ବର୍ନବା ଅଡେ ସାଞ୍ଜୁଲ ତାମି ସେବା କାମା ରାପହାନା ଜହନ ଇନି  
 ମାର୍କଇଁ ତଡୁ କିହାନା ଜିରୁସାଲମତି ଖେଣ୍ଟା ହାଚେରି ।

**୧୩** ଏତିବେଲା ଆନ୍ତିୟକିୟାତି କୁଲମିତା ବର୍ନବା, ସିମିୟନ କାଡ଼ିୟା ଇନାସି,  
 କୁରିଣି ଦେସାତି ଲୁକିୟ, ହେଉଦ ରାଜା ତାୟିଲେହେଁ ପାତାଆତି ମନହେମ  
 ଅଡେ ସାଞ୍ଜୁଲ, ଆନ୍ତିୟକିୟାତା ମାତି କୁଲମିତା ମାହାପୁରୁ ଅଣ୍ଟପୁତି ବଲୁ  
 ଖେହ୍ନାରି ଅଡେ ଜାପନାରି ମାଚେରି । ୨ ଏଖାରି ପ୍ରବୁତି ସେବା ଅଡେ ଉପାସା  
 କିହିମାଚାଟି, ସୁଦୁଜୀଞ୍ଜୁ ଏଖାରାଇଁ ଏଲେଇଚେ, “ନାନୁ ଆମିନି କାମାତାକି  
 ବର୍ନବା ଅଡେ ସାଞ୍ଜୁଲଇଁ ହାଟାମାଇଁ, ଏ କାମାତାକି ଏଖାରାଇଁ ଏଟକା କିଦୁ ।”  
 ୩ ଏତେଟିଏ ଏଖାରି ଉପାସା ଅଡେ ପ୍ରାତାନା କିତି ତାୟୁ ଏଖାରି ତାର୍କାଣା  
 କେସ୍ତା ଇଟାନା ଏଖାରାଇଁ ହେରପାନା ପାଣ୍ଡିତେରି । ୪ ଇଲେଆହିଁ ବର୍ନବା  
 ଅଡେ ସାଞ୍ଜୁଲ ସୁଦୁଜୀଞ୍ଜୁ ତଲେ ପାଣ୍ଡି ଆହାନା ସେଲୁକିୟାତା ହାଚେରି; ଇଞ୍ଜିଁ  
 ର ସାମଦୁରି ଜାଜାତା ହଟାନା କୁପ୍ରତା ହାଚେରି । ୫ ଏଖାରି ସାଲମି ଗାଡ଼ାତା  
 ଏଗାହାଜାଲିଏ ଜୀହୁଡି ଲକୁତି ବାରେ ଜୀହୁଡି ଲକୁତି କୁଟମି ଇଲକାଣା  
 ମାହାପୁରୁତି ବଲୁ ଖେକହାଲି ମାଟହେରି; ଅଡେ, ଜହନ ମାର୍କ ଜିକେଏ  
 ସାୟେମି କିୟାଲି ଏଖାରିତଲେ ମାଚେସି । ୬ ଇଞ୍ଜିଁ ଏଖାରି ଏ ଦେସା ମାଦିତି  
 ରେଜିହିଁ ପାପସ୍ ଗାଡ଼ାତା ହାଚେରି; ଏମ୍ପାଆଁ ଏଖାରି ବାର୍-ଜୀସୁ, ଦରୁଗାଟି  
 ର ଜୀହୁଡି ଗାର୍ଡ଼ି ଗାଟାଣାଇଁ ବେଟାଆତେରି, ଏଖାସି ମିତି ମାହାପୁରୁ ବଲୁ  
 ଖେହ୍ନାସି । ୭ ଏ ଦେସା ସାଲଖି କିନି ସେର୍ଗିୟ ପାଞ୍ଜୁଲ ତଲେ ମାଚେସି,  
 ଏ ସାଲଖି କିନାସି ର ବୁଦିଗାଟାସି, ଏଖାସି ସାଞ୍ଜୁଲ ଅଡେ ବର୍ନବାଇଁ ହାଟି  
 କିହାନା ମାହାପୁରୁତି କାତା ଖେଞ୍ଜାଲି ଅଣ୍ଟପିମାଚେସି । ୮ ସାମା ଏ ଗାର୍ଡ଼ିଗାଟି  
 “ଏଲିମା” ଇଦି ଗ୍ରିକ୍ ଦରୁ ଏ ସାଲଖି କିନାଣାଇଁ ନାମୁଟି ପିସ୍ପିକିନି ଅଣ୍ଟପୁ  
 ତଲେ ଏଖାରାଇଁ ବାଦା ହାଚେସି । ୯ ସାମା ସାଞ୍ଜୁଲ ଆମ୍ପାଆରାଇଁ ପାଞ୍ଜୁଲ  
 ଜିକେଏ ଇନେରି, ସୁଦୁଜୀଞ୍ଜୁଟି ନେଞ୍ଜାନା; ଏଲିମାଇଁ ସିନକିତେସି, ୧୦ ଅଡେ

ଏଲେଇଚେସି, “ଆଡେ ସୟତାନ ମୀରୁଏଣାତି, ବାରେଲେହେଁତି ନାଡ଼ିକିନି  
ଲାଗେଏତି ଅଣ୍ଟପୁତା ନେଞ୍ଜାମାନାତି, ଅଡେ ବାରେ ନେହଁ କାମାତି ସାତୁ, ନୀନୁ  
ପ୍ରବୁତି ସଲକ ଜିରୁତି ଲାଗେଏ କିହାଲି ପିହୁଅତି କି? ୧୧ ଅଡେ ନୀଏଁ ମେହୁମୁ  
ପ୍ରବୁତି କେୟୁ ନୀ ଲାକ ମାନେ; ଇଞ୍ଜିଁ ନୀନୁ କାଣା ଆହାନା ଗାଡେକା ତାକି  
ଝେଡ଼ାତି ଉଜେଡ଼ି ମେହୁଅତି ।” ଏ ଦେବୁଣିଏ ଏଲିମା କାଣକାତା ଦୁନ୍ନା ପଜିତି  
ଲେହେଁ ଆଡେ ଇଞ୍ଜିଁ ତାନି କେୟୁ ଆସାଁ ଜିରୁ ଡସାଲି ରଅଣାଲ୍ ପାରାଡେସି ।  
୧୨ ଇଦାଆଁ ମେସାନା ସାଲଝି କିନାସି ପ୍ରବୁତି ଜାପୁନାଣି ଝେଞ୍ଜାନା କାବାଆହାନା  
ନାମିଡେସି । ୧୩ ଡାୟୁ ପାଝୁଲ ଅଡେ ତାନି ଡଶେସିଢ୍ଘା ପାପସ୍ତିଏ ସାମ୍ବୁରି  
ଜିରୁତି ହାଜାନା ପଂପୁଲିୟା ଗାଡ଼ାତି ପଗିତା ଝାଡେରି; ସାମା ଜହନ ମାର୍କ  
ଏଝାରାଲ୍ ପିସାନା ଜିରୁସାଲମତା ଝେଶ୍ଟାହାଡେସି । ୧୪ ଏଝାରି ପଗିତି ହାଜାନା  
ପିସିଦିୟାତି ଆନିୟକିୟାତା ଏଗାହାରେରି, ଅଡେ ଜମିନି ଦିନା ଜୀହୁଦି ଲକ୍ଷୁତି  
କୁଚମି ଇଲୁତା ହାଜାନା କୁଗିଡେରି । ୧୫ ଅଡେ, ମସା ରାଚିତି ମେରା ଇଞ୍ଜିଁ  
ମାହାପୁରୁ ଅଣ୍ଟପୁତି ବଲୁ ଝେହୁନାରି ପତି ପଡ଼ଝି ଆତି ଡାୟୁ ପ୍ରାତାନା ଇଲୁତି  
କାଜାରି ଏଝାରିଡାଣା ଏଲେଇଞ୍ଜିଁ ଝେସା ପାଣ୍ଡିଡେରି; “ତାୟିୟାଁ, ଲକ୍ଷୁତାକି ବାସୁଁ  
ହାନି କାତା ମାଚିହଁ ଝେହୁନୁ ।” ୧୬ ଏଚେଟିଏ ପାଝୁଲ ନିତାନା ଲକ୍ଷୁଣି କେୟୁ  
ଡସିହଁ ଏଲେଇଚେସି; “ଇସ୍ରାୟେଲ ଲକ୍ଷୁଡେରି ଇଞ୍ଜିଁ ଜୀହୁଦିଆଆତି ଲକ୍ଷୁଡେରି  
ଅଡେ ମାହାପୁରୁଲ୍ ଆଜିନେରି ନା କାତା ଝେଞ୍ଜୁ ।” ୧୭ ଇ ଇସ୍ରାୟେଲ କୁଡ଼ାତି  
ମାହାପୁରୁ ମା ଆକୁ ଆବାୟାଣି ଆଚିଡେସି, ଅଡେ ଏଝାରି ମିସର ଦେସାତା  
ବାସା କିହାମାନି ବେଲାତା, ଏଝାରାଲ୍ ପାତି କିଡେସି, ଇଞ୍ଜିଁ ବାଡ଼ୁୟୁ ଗାଟି  
କେୟୁତଲେ ଏଝାରାଲ୍ ହୁପହା ତାଡେସି, ୧୮ ଡାୟୁ ରୀ କଡ଼ି ବାସାଁ ପାଡେକା  
ବାଝଲି ବାଟାତା ଏଝାସି ଏଝାରି ଲେମ୍ବିନାଣି ଅରୁହିଡେସି । ୧୯ ଏଝାସି କିଶାନ  
ଦେସାତି ସାତାଗଟା କୁଡ଼ାତି ଲକ୍ଷୁଣି ନାସା କିହାନା ତାନି ଆଚାମାନି ଲକ୍ଷୁକି ଏ  
ଦେସାତି ଅଦିକାରା ହୀଡେସି । ୨୦ ସାରି ଝାଞ୍ଜା ରୀ କଡ଼ି ଦସ ବାସାଁ ବିତ୍ରା ଇ  
ବାରେ ଆଡେ । ଏଚେଟିଏ ମାହାପୁରୁ ଅଣ୍ଟପୁତି ବଲୁ ଝେହୁନି ସାମୁୟେଲ  
ପାଡେକା ବିଚାରା କିନାରାଲ୍ ଆଚିଡେସି । ୨୧ ଏମ୍ବାଟିଏ ଏଝାରି ର ରାଜାଲ୍  
ହିୟାମୁ ଇଞ୍ଜିଁ ରାସାଲିଏ ମାହାପୁରୁ ରୀ କଡ଼ି ବାସାଁ ପାଡେକା ବିନ୍ୟାମିନ୍ କୁଡ଼ାତି  
କିସ୍ ମୀରୁଏସି ସାଝୁଲଲ୍ ରାଜା ଆହାଲି ହୀଡେସି । ୨୨ ଡାୟୁ ମାହାପୁରୁ  
ଏଝାଣାଲ୍ ରାଜା ପାଣା ପିସ୍ପି କିହାନା, ଏଝାରି ରାଜା ଆହାଲିତାକି ଦାଝୁଦଲ୍  
ଆଚିଡେସି, ମାହାପୁରୁ ଜିକେଏ ଏଝାଣି କାତା ସାକି ହୀହାନା ଏଲେଇଚେସି;

“ନାନୁ ଜିସି ମାର୍ବସି ଦାଝୁଦଇଁ ବେଟାଆହାମାଇଁ, ଏଝାସି ନା ହିୟାଁତି ଅଶ୍ପୁ  
 ଲେହେଁତାସି, ଏଝାସି ବାରେ କାତାତା ନା କାତା ମାନଝି ଆନେସି ।” ୨୩  
 ଏଝାଣି କୁଡ଼ାଟି ମାହାପୁରୁ ଆଞ୍ଜାମାଟି ଲେହେଁ ଇସାୟେଲ ଲକୁଡାକି ର  
 ଗେଲ୍ପିନାଣାଇଁ ଇତିହାଁ ଜୀସୁଇଁ ଜାନ୍ କିହାମାନେସି । ୨୪ ଜୀସୁ ତାନି କାମା  
 ମାଟ୍ରି ନକେଏ, ଜହନ ଇସାୟେଲତି ବାରେ ଲକୁ ନକିତା ପାପୁଟି ଝେଣ୍ଡିନି  
 କାତା ଅଡେ ବାପୁସୁ ଅନି କାତା ଝେକ୍ହା ମାରେସି । ୨୫ ଅଡେ ଜହନ ତାନି  
 କାମା ରାପୁହିମାଟି ବେଲତା ଲକୁଣି ଏଲେଇରେସି, “ନାଢ୍ଢେ ମୀରୁ ଆମ୍ବାଆସି  
 ଇଞ୍ଜି ଅଶ୍ପିମାଞ୍ଜାଦେରି ନାନୁ ଏଝାତେଏଁ ଆଏ, ସାମା ମେହ୍ଦୁ ନା ଡାୟୁ ରଅସି  
 ଝାହିମାନେସି, ଏଝାଣି କତାତି ସେପୁୟାଁ ହୁକ୍ହାଲି ନାନୁ ଜଗେ ଆଅଁ ।” ୨୬ ଏ  
 ତାୟି ତାଢ୍ଢିସ୍ତା, ଅବ୍ରାହାମ କୁଡ଼ାଟି ମୀର୍କା ମାସ୍କାତେରି, ଅଡେ ମୀ ଡାଶାଟି  
 ମାହାପୁରୁଇଁ ଆଜିମାନି ଜୀହୁଦିଆଆତି ଲକୁତେରି; ମା ଡାଶା ଇ ଗେଲ୍ପିଆନି  
 ବଲୁ ପାଶୁଝି ଆହାମାଞ୍ଜାନେ । ୨୭ ସାମା ଏଝାସି ଗେଲ୍ପିନାସି, ଜିରୁସାଲମତା  
 ମାନାରି ଅଡେ ତାନି ବାରେ କାଜାରି ଏଦାଆଁ ପୁଞ୍ଜାହିଲାଆତେରି, ଅଡେ  
 ବାରେ ଜମିନି ଦିନା ପଡ଼ଝି ଆହିମାନି ମାହାପୁରୁ ଅଶ୍ପୁତି ବଲୁ ଝେହ୍ନାରି  
 କାତା ପୁଞ୍ଜାହିଲାଆତେରି, ଆତିଜିକେଏ ଜୀସୁଇଁ ଦହ କିହାନା ମାହାପୁରୁ ବଲୁ  
 ଝେହ୍ନାରି କାତା ପୁରା କିତେରି । ୨୮ ଅଡେ ଏଝାଣାକି ହାନି ତଣ୍ଡୁତି ଏନି ଦହ  
 ପୁଞ୍ଜାଆତି ଜିକେଏ ଏଝାଣାଇଁ ପାୟାଲି ପିଲାତଇଁ ବାତିମାଲିତେରି । ୨୯ ଏଝାଣି  
 ତାକି ଦାମ୍ପୁଁ ସାସ୍ତେରିତା ବାରେ କାତା ରାସ୍କି ଆହାମାନେ, ଏଲେଆହିଁ ବାରେ  
 ଗଟଝି ଆତି ଜେତ ଏଝାରି ଏଝାଣାଇଁ ପାସି ମୁଣ୍ଡାଟି ରେପହା ତାତାନା, ମାଡ଼ହା  
 ଇତିନି ଚାୟୁତା ଇତିତେରି । ୩୦ ସାମା ମାହାପୁରୁ ଏଝାଣାଇଁ ହାତାରି ଡାଶାଟି  
 ନିକ୍ହେସି, ୩୧ ଅଡେ ଆମିନି ଗାଟାରି ଗାଲିଲିଟି ଜିରୁସାଲମତା ତାନିତଲେ  
 ଝାହାମାରେରି, ଏଝାରି ହାରେକା ଦିନା ପାତେକା ଏଝାଣାଇଁ ମେସ୍ତେରି; ଏଝାରି  
 ଇସାୟେଲ ଲକୁଡାଶା ନୀଏଁ ଏଝାରି ସାକି । ୩୨ ଅଡେ ଆକୁ ଆବାୟାଁ ନକିତା  
 ମାହାପୁରୁ ଆଞ୍ଜାମାନାଣି ମାପୁ ମିଢ୍ଢେ ଇ ନେହିଁ କାରୁ ଝେସିମାଞ୍ଜାନି; ୩୩  
 ଜୀସୁଇଁ ମାହାପୁରୁ ନିକ୍ହାନା ଏଝାରି ମୀର୍କାତାୟି ମାର, ମାଢ୍ଢେତାକି ଏ  
 ଆଞ୍ଜାମାନାଣି ପୁରା କିହାମାନେସି, ଏନିକିଁ ରୀ ଲମ୍ବର ପାରୁ ପତିତା ରାସ୍କି  
 ଆହାମାନ, “ନାନୁ ନା ମାର୍ବସାଟି; ନୀଞ୍ଜୁଟିଏ ନାନୁ ନୀ ଆବାତେଏଁ ।”  
 ୩୪ ଏଝାସି ହାତାରି ଡାଶାଟି ଝେଣ୍ଡେ ନିକ୍ହାମାନେସି, ଏଝାସି ସୀରୁନି ଡାଶା  
 ହାଲଅସି ଇଞ୍ଜି ମାହାପୁରୁ ଝେସାମାନେସି; “ନାନୁ ଦାଝୁଦ ନକିତା ଆଞ୍ଜାମାନି

ସୁଦ୍ଧ ଇଚ୍ଛା ତୀରି ଆନି ବର ମିତ୍ତେ ସାତେଏ ହିୟାଇ ।” ୩୫ ଇଚ୍ଛା ଏଞ୍ଜାସି  
ଅଡେ ର ପତିତା ଏଲେଇଚ୍ଛା ମାନେସି, “ନୀନୁ ନୀ ତୀରି ଗାଟାଣାଇଁ ସୀର୍ହାଲି  
ହୀଅତି ।” ୩୬ ଦାଞ୍ଜୁଦ ତାନୁ ରାଜି କିହିମାଟି ବେଲାତା ଲକୁ ବିତ୍ରା ମାହାପୁରୁ  
ଅଶ୍ୱପୁ ତଲେ ସେବା କାମା କିତି ଡାୟୁ ହାତେସି, ଇଚ୍ଛା ତାମି ଆକୁ ଆବାୟା  
ଚଟତା ମୁସ୍ତପି ଆହାନା ସୀର୍ହେସି । ୩୭ ସାମା ମାହାପୁରୁ ଆମ୍ବାଆରାଇଁ  
ହାକିଟି ନିକହାମାନେସି ଏଞ୍ଜାସି ସୀର୍ହା ହିଲଅସି । ୩୮ ଇଦାଆଁତାକି ଏ  
ତାୟିୟାଁ ଇଦାଆଁ ପୁଞ୍ଜୁ, ଇ ଜୀସୁ ତାଣାଟି ମୀ ନକିତା ପାପୁତି ମ୍ଲେକ୍ନି କାତା  
ଖେସ୍ତପି ଆହାମାନେ; ୩୯ ଅଡେ ମସାତି ଆମିନି ମେରାତି ବାରେ ତାଣାଟି  
ମୀରୁ ପିସ୍ତପି ଆହାଁ ଦାମ୍ବୁଗାଟାତେରି ଆହାଲି ଆତାଆତେରି, ଇଚ୍ଛା ନାମିମାନି  
ବାରେ ଲକୁ ଏଞ୍ଜାଣି ତାଣାଟି ଏ ବାରେ ତାଣାଟି ପିସ୍ତପି ଆହାନା ଦାମ୍ବୁଗାଟାରି  
ଆନେରି । ୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଶ୍ୱପୁତି ବଲୁ ଖେହ୍ନାରି  
ସାସ୍ତେରିତା ଏନାୟି ଖେସ୍ତପି ଆହାମାନେ, ଏଦି ଏନିକିଁ ମିତ୍ତେତାକି ଆୟେଏ;  
୪୧ “ମାହାପୁରୁଇଁ ଅପାଆ ଗାଟାତେରି ମୀରୁ ମେସାନା, କାବା ଆହାଁ, ନାସା  
ଆଦୁ; ଇତିହିଁ ମୀ ବେଲାତା ମାମୁ ର କାମା କିହିମାନମି, ଅଡେ ଏ କାମାଟି  
ଆମ୍ବାଆସି ମୀ ନକିତା ଖେସ୍ତାନେସି, ଏଦାଆଁ ମୀରୁ ଏନିଜିକେଏ ନାମଅତେରି  
।” ୪୨ ପାଞ୍ଜୁଲ ଅଡେ ବର୍ନବା ଜୀହୁଦି ଲକୁଟି କୁଟମି ଇଲୁଟି ହତାହାନି  
ବେଲାତା ଖାନି ଜମିନି ଦିନାତା ମାଡ୍ଡେ ଇ ବାରେ କାତା ଅଡେ ଖେସ୍ତାଦୁ ଇଚ୍ଛା  
ଲକୁ ଏଞ୍ଜାରାଇଁ ବାତିମାଲିତେରି । ୪୩ ବେରଣି ରାତି ଡାୟୁ ଏତେକା ଜୀହୁଦି  
ଅଡେ, ଜୀହୁଦି ଦାମ୍ବୁ ନାମିତି ଏଟକା କୁଡାତି ଲକୁ ବିତ୍ରାଟି ହାରେକା ପାଞ୍ଜୁଲ  
ଅଡେ ବର୍ନବା ଜେତ ହାତେରି; ପାଣ୍ଡୁଞ୍ଜି ଆତାରି ଏଞ୍ଜାରିତଲେ କାତାବାର୍ତା ଆହିଁ  
ମାହାପୁରୁ କାମାଟା ତୀର୍ପୁ ଆହିଁ ମାଞ୍ଜୁଲି ଏଞ୍ଜାରାଇଁ ଖେସ୍ତେରି । ୪୪ ଇଚ୍ଛା ଅର  
ଜମିନି ଦିନାତା ଗାଡାତି ବାରେ ଲକୁ ମାହାପୁରୁ ବଲୁ ଖେଞ୍ଜାଲି ରୁଣ୍ଡା ଆତେରି  
। ୪୫ ସାମା ଜୀହୁଦିୟାଁ ଲକୁ ମାନ୍ୟାତି ମେସାନା ଡାହାରା ଆତେରି, ଇଚ୍ଛା  
ପାଞ୍ଜୁଲ କାତା କପାଟି ନିନ୍ଦୁକିହିଁ ବାଦିବାଦା ଆତେରି । ୪୬ ଏଚେଟିଏ ପାଞ୍ଜୁଲ  
ଅଡେ ବର୍ନବା ସାସା ଆସାନା ଖେସ୍ତେରି, “ତଲିଏ ମୀ ତାଣା ମାହାପୁରୁତି ବଲୁ  
ଖେସ୍ତାନାୟି ମାତେ, ମୀରୁ ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜୀଞ୍ଜୁ  
ବେଟାଆହାଲି ପାଡା ଆଅମି ଇଚ୍ଛା ଅଶ୍ୱପି ମାନକି ମେହ୍ନୁ ମାମୁ ମିତ୍ତେ ପିସାନା  
ଜୀହୁଦିଆଆତି ଲକୁତାଣା ହାଜିମାନମି । (aiōnios g166) ୪୭ ଇତିହିଁ ପ୍ରବୁ  
ମାଡ୍ଡେ ଇ ହୁକୁମି ହୀହାମାଞ୍ଜାନେସି; ‘ନୀନୁ ମିତ୍ତେ ଜୀହୁଦିଆଆତି ଲକୁତାକି

ଉଜେଡ଼ି ଲେହେଁ କିହାମାଞ୍ଜୁଇଁ, ଆତିହଁ ବାରେ ଦାର୍ତ୍ତି ଗେଲ୍‌ପିଆନେ ।” ୪୮  
 ଜୀହୁଦିଆଆତାରି ଇ ହାଡା ଖେଞ୍ଜାନା ରାହଁ ଆତେରି; ଅଡେ ମାହାପୁରୁତି  
 ବଲୁତି ଗାଞ୍ଜୁରମି କିହାଲି ମାଟ୍‌ହେରି, ଅଡେ ଏତେକା ଲକୁ କାଲାକାଲାତି  
 ଜୀହୁତାକି ଆଡ଼ି ଆହାମାତେରି, ଏଝାରି ନାମିତେରି । (aiōnios g166) ୪୯  
 ଇଞ୍ଜି ପ୍ରବୁତି ବଲୁ ଏ ରାଜିତା ବାରେଝାକି ଏଜାହାତେ । ୫୦ ସାମା ଜୀହୁଦି  
 ଲକୁ ଗାଡାତି ଆବାୟାଣି ଅଡେ ମାହାପୁରୁଇଁ ମାନି କିହିମାନି ପାଞ୍ଜୁଝେଞ୍ଜେତି  
 ଆୟାସିକାଣି ରୁଣ୍ଡି କିହାନା ପାଞ୍ଜୁଲ ଅଡେ ବର୍ନବାଇଁ ସାସ୍ତି ହାହାନା ତାମି ରାଜିତି  
 ପେରହାତୁସ୍ତେରି । ୫୧ ଏତେଟିଏ ପାଣୁଝି ଆତାରି ଜାହାରା କଡାୟାତି ଦୁଡ଼ି  
 ଏଝାରି କପାଟି ହାଣ୍ଡାଣା ଇକନିୟତା ହାତେରି । ୫୨ ଅଡେ ଆନ୍ତ୍ରିୟକିୟାତି  
 ସୀୟୁୟାଁ ସୁଦୁଜୀଝୁ ବେଟାଆହାନା ରାହଁତଲେ ଡୟିତେରି ।

**୧୪** ଇକନିୟତା ଜିକେଏ ଏଲେଆହିଏ ଆତେ; ପାଞ୍ଜୁଲ ଅଡେ ବର୍ନବା ଜୀହୁଦି  
 ଲକୁତି ଜୀହୁଦି ଲକୁତି କୁଟମି ଇଲୁତା ହାଜାନା ଇଲେକିଁ ଝେସ୍ତେରି, ଇଞ୍ଜି  
 ଜୀହୁଦି ଅଡେ ଜୀହୁଦିଆଆତି ଲକୁ ବିତ୍ରାଟି ହାରେକା ନାମିତେରି । ୧ ସାମା  
 ଆମିନି ଜୀହୁଦିଞ୍ଜା ନାମାଆତେରି, ଜୀହୁଦିଆଆତି ଲକୁତି ମନତି କିଲିବିଲି  
 କିହାନା, ଏଝାରାଇଁ ନାମିତି ତାୟାୟାଁ କପାଟି ଲାଗେଏତି ଅଣ୍ଡୁ ଅଣ୍ଡି କିତେରି  
 । ୩ ପାଞ୍ଜୁଲ ଅଡେ ବର୍ନବା ହାରେକା ଦିନା ପାତେକା ଏ ଟାୟୁତା ଡୟାନା ପ୍ରବୁ  
 ତାଣା ବାସ୍ତି ଇକାନା ସାସାତଲେ ପ୍ରବୁତି କାତା ଝେସ୍ତେରି; ଇଞ୍ଜି ଏଝାରି ତାଣାଟି  
 ହାରେକା ସିନାୟାଁ ଅଡେ କାବାଆନି କାମାୟାଁ କିହାନା ତାନି କାମାଟି ବଲୁ  
 ସାତା ଇଞ୍ଜି ସାକି ହାତେରି । ୪ ସାମା ଗାଡାତି ଲକୁ ରୀ ବାଗା ଆତେରି ର  
 ବାଗା ଜୀହୁଦି ଲକୁ ଝାକି ଅଡେ ର ବାଗା ପାଣୁଝି ଆହାମାନାରି ଝାକି ଆତେରି  
 । ୫ ଏତିବେଲା ଜୀହୁଦିଆଆତି ଲକୁ ଅଡେ ଜୀହୁଦି ଲକୁ ତାମି କାଜାରି ତଲେ  
 ଆଣ୍ଡାନା, ପାଣୁଝି ଆହାମାନାରାଇଁ ଲାଗେଏ କିୟାଲି ଅଡେ ଝାଲ୍‌କାତଲେ  
 ଇରହାଲି ଅଣ୍ଡିପତେରି, ୬ ଏତିବେଲା ପାଞ୍ଜୁଲ ଅଡେ ବର୍ନବା ଏଦାଆଁ ପୁଞ୍ଜାନା  
 ଲୁକାୟନିୟା ଦେସାତି ଲୁସ୍ତା ଅଡେ ଦର୍ବି ଗାଡା ଅଡେ ସାରିଝାକିତି ନାସ୍‌କାଣାଁ  
 ହତେରି, ୭ ଅଡେ ଏଝାରି ଏମ୍‌ଆଁ ନେହଁ କାରୁ ଝେକ୍‌ହାଲି ମାଟ୍‌ହେରି ।  
 ୮ ଲୁସ୍ତାତା ର ଲକୁ ମାତେସି, ଏଝାସି ସଟା ମାତେସି, ଏଝାସି ଜାର୍ନାଟିଏ  
 ସଟା, ଏଝାସି ଏତେଲାଝା ତାକା ହିଲାଆତେସି । ୯ ଏଝାସି ପାଞ୍ଜୁଲ ଝେହ୍‌ନି  
 କାତା ଝେଞ୍ଜିମାତେସି, ଏଝାସି ହିୟାତା ନାମା ମାନେସି ଇଞ୍ଜି ଏଝାସି ନେହଁ  
 ଆହାଲି ଆତିମାନେସି ଇଞ୍ଜି ପୁଞ୍ଜାନା ଆଟେ ସିନକିତେସି, ୧୦ ଏଝାଣାଇଁ

କାଜା ଗିୟାଁତଲେ ଏଲେଇଚେସି, “ନୀ କଡାତି ବାଡ଼୍‌ୟୁ ହୀହାନା ସଲ୍‌କେ ନିମୁ” ଏଚେଟିଏ ଏଞ୍ଜାସି ଡେଞ୍ଜିହିଁ ଡାକାଲି ମାଟ୍‌ହେସି । ୧୧ ପାଞ୍ଜୁଲ ଏନାଆଁ କିହାମାନେସି, ଲକୁ ବାରେ ଏଦାଆଁ ମେସାନା ଲୁକାୟନିୟା କାଜା ହାଡାତଲେ ଏଲେଇଞ୍ଜାଲି ମାଟ୍‌ହେରି, “ମାହାପୁରୁୟାଁ ମା ଡାଶା ରେଚା ଝାହାମାନୁ ।” ୧୨ ଏଞ୍ଜାରି ବର୍ନବାଇଁ ବୁହସ୍‌ପତି ଇଞ୍ଜି ଇଚେରି, ଅଡେ ପାଞ୍ଜୁଲ ଗାତି କାତା ଝେହ୍‌ନାସି ମାଚାକି ଏଞ୍ଜାଶାଇଁ ବୁଦ ଇଞ୍ଜି ଇଚେରି । ୧୩ ଗାଡ଼ା ଡାଗେ ମାନି ବୁହସ୍‌ପତି ଦେଞ୍ଜୁଡିତି ପୁଜେରାଞ୍ଜା ଏଚେକା ଡୁକି କଡିୟାଁ ଇଞ୍ଜି ପୁଞ୍ଜା ପେତାୟାଁ ଗାଡ଼ା ଦୁଝେରିତା ତାଚାହାଁ ଏଞ୍ଜାସି ବାରେ ଲକୁତଲେ ଆଶ୍ୱାନା ପାଶୁଞ୍ଜି ଆଚାରି ନକିତା ପୁଜା ହୀହାଲି ଅଶ୍‌ପିମାଚେସି । ୧୪ “ସାମା ପାଶୁଞ୍ଜିଆହାମାନି ବର୍ନବା ଅଡେ ପାଞ୍ଜୁଲ, ଇଦାଆଁ ଝେଞ୍ଜାନା ତାମି ହିମ୍‌ପୁରିକା ଗେସାନା ଲକୁ ମାଦିତି ହଚି ହଚି ହାଜାନା କାଜା ଗିୟାଁତଲେ ଏଲେଇଚେରି, ୧୫ ଏ ମାନିଗାଟି ଲକୁଚେରି, ଏନାଆଁତାକି ଇ ବାରେ କିହିମାଞ୍ଜେରି, ମାମୁ ଜିକେଏ ମୀ ଲେହେଁତି ମାଶ୍‌ସିୟାଁତମି, ମୀ ଡାଶା ଇ ନେହିଁ କାରୁ ଝେସିମାଞ୍ଜାନମି, ଏନିକିଁ ମୀରୁ ଇ ବାରେ ଉଜେଏତି ପେଶ୍‌କା ବମାୟାଁତି ହେକ ଆହାନା ଜାଞ୍ଜୁଗାଟି ମାହାପୁରୁ ଡାଶା ଝେଶ୍ୱା ଝାଦେରି, ଏଞ୍ଜାସି ହାଗୁପାକା ଦାର୍‌ତି, ସାମ୍‌ଦୁରି ଅଡେ ଏମ୍‌ଆଁ ମାନି ବାରେତି ରାତି କିହାମାନେସି; ୧୬ ମାହାପୁରୁ ତଲିଏ ବାରେ ଲକୁଶି ତାମି ମନତଲେ ଡୟାଲି ପିସାମାଚେସି । ୧୭ ସାମା ଏଞ୍ଜାସି ବାରେ ନେହିଁ କାମାଟି ଏଞ୍ଜାସି କାଲେଏ ତାନି ଗୁଶୁତି ଡସାମାନେସି; ଏଞ୍ଜାସି ହାଗୁଟି ପିୟୁ ଅଡେ ସମାନା ବେଲାତା ଆନାଁ ହିୟାନାସି, କାଦି ଅଡେ ମୀ ହିୟାଁତା ରାହାଁ ହିୟାନାସି ।” ୧୮ ଇ ବାରେ କାତା ଝେସାନା ପାଶୁଞ୍ଜି ଆହାମାନାରି ଲକୁ ମାନ୍‌ଡୁତି ହାରେକା କସ୍ତତଲେ ତାମ୍‌ଡେ ତାକି ପୁଜା କିହାଲି କାହି କିହାଲି ଆଡିଚେରି । ୧୯ ସାମା ପିସିଦିୟାତି ଆନ୍ତିୟକିୟା ଅଡେ ଇକନିୟତି ଏଚେକା ଜାହୁଦି ଏମ୍‌ଆଁ ଝାଚେରି, ଏଞ୍ଜାରି ଲକୁ ମାନ୍‌ଡୁତି ତାମି ଝାକି କିହାନା ପାଞ୍ଜୁଲଇଁ ଝାଲ୍‌କାତଲେ ଇର୍‌ହାନା ଏଞ୍ଜାସି ହାହାହାଚେସି ଇଞ୍ଜି ଅଶ୍‌ପାନା ଗାଡ଼ାତି ପାଞ୍ଜାତା ରେଜା ଅଚେରି । ୨୦ ସାମା ନାମିତି ସୀସୁୟାଁ ସାରି ଝାକିଟି ନିଚାମାଚାକି ଏଞ୍ଜାସି ନିଞ୍ଜାମା ଗାଡ଼ା ବିତ୍ରା ହାଚେସି, ଅର ନେରୁ ବର୍ନବା ତଲେ ଦର୍ବିତା ହାଚେସି । ୨୧ ପାଞ୍ଜୁଲ ଅଡେ ବର୍ନବା ଦର୍ବିତା ନେହିଁ କାରୁ ଝେସାହାଁ ହାରେକା ସୀସୁୟାଁ କିତି ଡାୟୁ ଏଞ୍ଜାରି ଲୁସ୍ତା, ଇକନିୟ ଅଡେ ପିସିଦିୟାତି ଆନ୍ତିୟକିୟାତା ଝେଶ୍ୱାହାଚେରି । ୨୨ ଅଡେ, ଏ ଗାୟୁତି ନାମିତି ସୀସୁୟାଁ ମନତି ସୁସ୍ତି କିହାନା

ନାମୁତା ଗାଡ଼ିକିହିଁ ଆର୍ତ୍ତା ତଲେ ଡ଼ୟାଲି ବାସୁଁ ହୀହାନା ଏଲେଇଚେରି,  
 “ମାହାପୁରୁ ରାଜିତା ହତାଲି ତାକି ହାରେକା କସ୍ତୁ ପାଣ୍ଡନାୟି ମାନେ ।” ୨୩  
 ଅଡ଼େ, ବାରେ କୁଲମିତା ଏଞ୍ଜାରି ପ୍ରାଚିନାଢ଼ୁଣି ଆତାନା ଉପାସା ତଲେ ପ୍ରାତାନା  
 କିଚେରି, ଅଡ଼େ ଆମିନି ପ୍ରବୁ ତାଣା ନାମା ମାଚେରି, ଏଞ୍ଜାଣି କେୟୁତା ଏଞ୍ଜାରାଇଁ  
 ହେର୍ପିଚେରି । ୨୪ ତାୟୁ ଏଞ୍ଜାରି ପିସିଦିୟା ନାୟକାଟି ପଂପୁଲିୟାତା ଖାଚେରି,  
 ୨୫ ଅଡ଼େ ପର୍ଗିତା ନେହିଁ କାବୁ ଖେସାନା ଆତାଲିୟାତା ହାଚେରି । ୨୬ ଏମ୍ପାଟି  
 ଏଞ୍ଜାରି ଜାଜାତା ହତାନା ଆନ୍ତିୟକିୟାତା ହାଚେରି; ଏଞ୍ଜାରି ଆମିନି କାମା  
 କିହାମାଚେରି, ଏଦାଆଁ କିହାଲି ମାହାପୁରୁତି କାର୍ମାତା ହେର୍ପି ଆହାନା ଏମ୍ପାଟି  
 ହାଚେରି । ୨୭ ଏଚିବେଲା ଏଞ୍ଜାରି ଆନ୍ତିୟକିୟାତା ଏଗାହାଜାନା କୁଲମିତି  
 ଲକୁଣି କୁଡ଼ି କିଚେରି; ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା କିହାମାଟି  
 କାମାତାକି, ଅଡ଼େ ଜୀହୁଦିଆଆତି ଲକୁ ନାମାଲି ଦୁଖେରି ଦେତାମାତାଣି ବାରେ  
 ଏଞ୍ଜାରାଇଁ ଖେସ୍ତେରି । ୨୮ ଅଡ଼େ ଏଞ୍ଜାରି ନାମିତି ସୀସୁୟାଁ ତଲେ ହାରେକା  
 ଦିନା ଡ଼ୟିଚେରି ।

**୧୫** ଏମ୍ପାଟିଏ ଏଚରଜାଣା ଲକୁ ଜୀହୁଦା ରାଜିତି ଆନ୍ତିୟକିୟାତା ଖାହାନା  
 ନାମିତି ତାୟିୟାଣି ଇ କାତା ଖେସିହିଁ ଜାପୁହେରି, “ମସାତି ମେରା ଲେହେଁ  
 ମୀ ତଲୁ ଦାପି ଆଆତିହିଁ ମୀରୁ ଗେଲ୍ପିଆୟାଲି ଆଡ଼ଅଚେରି ।” ୧  
 ଏମ୍ପାଟିଏ ପାଞ୍ଜୁଲ ବର୍ନବା ତଲେ ହାରେକା ଆସ୍ପି ଆହାନା ବାଦିବାଦା  
 ଆୟାଲିଏ ପାଞ୍ଜୁଲ, ବର୍ନବା ଅଡ଼େ ଆନ୍ତିୟକିୟାତି ଏଚରଜାଣା ତାୟିୟାଁ  
 ଇ କାତା ଆସାନା ଜିରୁସାଲମତା ମାନି ପାଣ୍ଡୁଞ୍ଜି ଆତାରି ଇଞ୍ଜାଁ କୁଲମିତି  
 ପ୍ରାଚିନାଢ଼ୁ ତାଣା ହାଲ୍ବେରି ଇଞ୍ଜାଁ ତାୟିୟାଁ ତୀରି କିଚେରି । ୩ ଏଚେଟିଏ  
 କୁଲମି ଏଞ୍ଜାରାଇଁ ପାଣ୍ଡାଲି ଜିରୁ ଡ଼ସ୍ତି ଚେଚ, ଏଞ୍ଜାରି ପୟିନିକିୟା ଅଡ଼େ  
 ସମିରଣ ଖାକି ହାଜି ହାଜିହିଁ ଜୀହୁଦିଆଆତି ଲକୁ ହିୟାଁ ଖେଚ୍‌ହାମାଟି କାତା  
 ଖେସିହିଁ ବାରେ ତାୟିୟାଁ ହାରେକା ରାହାଁ କିଚେରି । ୪ ତାୟୁ ଏଞ୍ଜାରି  
 ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜାଁ, ପାଣ୍ଡୁଞ୍ଜି ଆତାରି ଅଡ଼େ ପ୍ରାଚିନାଢ଼ୁ  
 ଏଞ୍ଜାରାଇଁ ଆବିଚେରି, ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା ଆମିନି  
 କାମା କିହାମାଚେସି, ଏ ବାରେ କାତା ଏଞ୍ଜାରାଇଁ ଖେସ୍ତେରି । ୫ ସାମା  
 ପାରୁସିୟାଁ ଗଚିଟି ଏଚେକା ନାମୁଗାଟାରି ନିତାନା ଏଲେଇଚେରି, “ନାମାମାନି  
 ଜୀହୁଦିଆଆତାରି ତଲୁ ଦାପି କିନାୟିମାନେ, ଅଡ଼େ ମସାତି ମେରା ମାନଞ୍ଜି  
 ଆୟାଲି ଏଞ୍ଜାରାଇଁ ହୁକୁମି ହୀନାୟି ମାନେ ।” ୬ ତାୟୁ ଇ କାତା, କାତା

ଆହାଲିତାକି ପାଣ୍ଡୁଞ୍ଜି ଆତାରି ଅଡ଼େ ପ୍ରାଚିନାଞ୍ଜୁ ରୁଣ୍ଡା ଆତେରି । ୭ ହାରେକା  
 ଜଲ୍ଲକି ଆତି ତାୟୁ ପିତର ନିଞ୍ଜାନା ଏଞ୍ଜାରାଇଁ ଏଲେଇଚେସି, “ତାୟିୟାଁ ଅଡ଼େ  
 ତାଢ଼ିୟାଁ ମୀରୁ ପୁଞ୍ଜାମାଞ୍ଜେରି, ନା ଗୁଚିଟି ଜୀହୁଦିଆଆତାରି ନେହିଁ କାରୁ  
 ଖେଞ୍ଜାନା ନାମାପେରିଖା ଇଞ୍ଜିଁ ହାରେକା ଦିନା ନକେଏ ମାହାପୁରୁ ନାଢ଼େ  
 ଆତାମାଞ୍ଜାତେସି । ୮ ବାରେ ଲକ୍ଷୁତି ହିୟାଁ ପୁନି ମାହାପୁରୁ ମାଢ଼େ ଏନିକିଁ  
 ସୁଦୁଜୀଞ୍ଜୁ ହୀହାମାଞ୍ଜାନେସି, ଜୀହୁଦିଆଆତି ଲକ୍ଷୁକି ଜିକେଏ ଏଲେକିହିଁ  
 ହୀହାନା ଏଞ୍ଜାରି ତାକି ସାକି ହୀହାମାନେସି । ୯ ଅଡ଼େ ଏଞ୍ଜାସି, ମା ବିତ୍ରା ଅଡ଼େ  
 ଏଞ୍ଜାରି ବିତ୍ରା ଏନି ପାର୍ଡ଼ା ବାଚି କିହାମାଞ୍ଜାଅସି; ଇଞ୍ଜିଁ ନାମୁତଲେ ଏଞ୍ଜାସି  
 ଏଞ୍ଜାରି ହିୟାଁ ସୁଦୁ କିହାମାନେସି । ୧୦ ଇଦାଆଁତାକି ଆମିନି ଜୁଞ୍ଜେଡ଼ି ମା ଆକୁ  
 ଆବାୟାଁ ଅଡ଼େ ମାର ଡେକାଲି ଆତାଆତାୟି, ଏ ଜୁଞ୍ଜେଡ଼ି ସୀସୁୟାଁ ବମିତା  
 ଏକହାନା ମୀରୁ ଏନାଆଁତାକି ମାହାପୁରୁଇଁ ତାୟିପାରି କିହିମାଞ୍ଜେରି? ୧୧  
 ଇଦି ନେହେଁ ଆଏ, ସାମା ଏଞ୍ଜାରି ଏନିକିହିଁ ନାମାହାଁ ଗେଲ୍ପି ଆହାମାନେରି  
 ମାର ଜିକେଏ ଏଲେକିହିଁଏ ନାମାହାଁ ପ୍ରୁ ଜୀସୁତି କାର୍ମାମେହ୍ନାଣି ତଲେ  
 ଗେଲ୍ପି ଆହାମାନାୟି ।” ୧୨ ଏଚେଟିଏ ଏମ୍ପାଆଁ ରୁଣ୍ଡା ଆହାମାଚାରି ବାରେ  
 ଲକ୍ଷୁ ପାଲେଏ ଆତେରି, ଇଞ୍ଜିଁ ପାଞ୍ଜୁଲ ଅଡ଼େ ବର୍ନବା ତାଣାଟି ଜୀହୁଦିଆଆତି  
 ଲକ୍ଷୁଡ଼ାଣା ମାହାପୁରୁ ତାଣାଟି ଆହିମାନି ସିନାୟାଁ ଅଡ଼େ କାବାଆନି କାମାୟାଁ  
 କିହାଁ ମାଚେସି ଏଞ୍ଜାଆଁ ଏଞ୍ଜାରି ତାଣାଟି ଖେଞ୍ଜାଲି ମାଟ୍‌ହେରି । ୧୩ ଏଞ୍ଜାରି  
 କାତା ରାତି ତାୟୁ ଜାକୁବ ନିଞ୍ଜାନା ଏଲେଇଚେସି; “ତାୟିୟାଁ ଅଡ଼େ ତାଢ଼ିୟାଁ,  
 ନା କାତା ଖେଞ୍ଜୁ ୧୪ ମାହାପୁରୁ ତଲିଏ ତାନି ଦରୁ ତାକି ଜୀହୁଦିଆଆତି ଲକ୍ଷୁ  
 ବିତ୍ରାଟି ତାନି ଲକ୍ଷୁ କିୟାଲି ଏଞ୍ଜାରାଇଁ କାର୍ମାମେସାନା ଆତାମାନେସି ଇଞ୍ଜିଁ  
 ସିମନ ଖେସାମାଞ୍ଜାନେସି । ୧୫ ଅଡ଼େ, ମାହାପୁରୁ ଅଶ୍‌ପୁତି ବଲୁ ଖେହ୍ନାରି  
 କାତାତଲେ ଆଣ୍ଡିମାନେ, ଏନିକିଁ ଦାମ୍ପୁଁ ସାସ୍ତେରିତା ରାସ୍‌କି ଆହାମାନେ  
 ।” ୧୬ ପ୍ରୁ ଏଲେଇଞ୍ଜି ମାନେସି, “ତାୟୁ ନାନୁ ଖେଣ୍ଡା ଖାହାନା, ଦାସୁଦ  
 ବାସାଟାୟୁ ଖେଣ୍ଡେ ଗେଲ୍ପିଇଁ, ଇଞ୍ଜିଁ ଏମ୍ପାଟି ବିଡ୍‌ହାମାନି କାତିୟାଁ ବାରେ  
 ଖେଣ୍ଡେ କେପାନା ଆଟ୍‌ଖା କିଇଁ, ୧୭ ଏନିକିଁ ତ୍‌ୟାମାଟି କୁଡ଼ାଟି ଲକ୍ଷୁ ଅଡ଼େ  
 ଏଚେକା ଜୀହୁଦିଆଆତାରି ନା ଦରୁଟି ଖେଞ୍ଜାମାନେରି, ଏଞ୍ଜାରି ବାରେ ପ୍ରୁଇଁ  
 ପାରିନେରି, ବାରେ ଗାଡ଼ିକିତି ପ୍ରୁ ଏଲେ ଇଞ୍ଜିମାନେସି । ୧୮ ପ୍ରୁ ଇ କାତା  
 ଏଲେଇଞ୍ଜା ମାନେସି, ଆମ୍ପାଆସି ତଲି କାଲାଟିଏ ଇ କାତା ତ୍‌ସାମାନେସି ।”  
 (aiōn g165) ୧୯ ଜାକୁବ ଅଡ଼େ ଜିକେଏ ଏଲେଇଚେସି, “ନା ଅଶ୍‌ପୁ ଇଦି,



ଜୀହ୍ୱିଆଆତି ଲକ୍ଷ୍ମି ବିଦ୍ରାତି ଆମ୍ବାଆରି ମାହାପୁରୁ ଖାକି ଖେଣ୍ଡା ଖାନେରି,  
 ଏଖାରାକି ମାର ବଜୁ ହୀଆପ; ୨୦ ସାମା ଏଖାରାକି ଇଲେକି ଆକୁ ରାତାନା  
 ଖେହନ, ପେଶକା ବମାୟା ତାକି ପୂଜା କିହାମାନି ଲାଗେଏତାଣି ତିନାଆଦୁ;  
 ଦାରିକାମାଟି ଏଟକା ଆଦୁ: ହେରକି ଦାଆନା ପାୟିତି ଜନ୍ତୁତି ଉଠ୍ଟା ଅଡେ  
 ନେତେରି ତିନାଆଦୁ । ୨୧ ଏନାଆଁତାକି ଇତିହିଁ ତଲି କାଲାଟିଏ ବାରେ  
 ଗାଡାଣା ମାସା ମେରାତି କାତା ଖେକ୍ନାରି ମାନେରି, ଇଞ୍ଜି ବାରେ ଜମିନି  
 ଦିନାତା ଜୀହ୍ୱି ଲକ୍ଷ୍ମି କୁଟମି ଇଲକାଣା ଏଖାଣି ମେରାତି କାତା ପଡ଼ଞ୍ଜି  
 ଆହିମାନେ ।” ୨୨ ଏଚିବେଲା ପାଣ୍ଡୁଞ୍ଜି ଆହାମାନାରି ଅଡେ ପ୍ରାଚିନାଢ଼ା ବାରେ  
 କୁଲମି ତଲେ ତାମି ବିଦ୍ରାତି ଲକ୍ଷ୍ମି, ଇତିହିଁ ତାୟିୟା ବିଦ୍ରାତି ମାନିଗାଟି  
 ବର୍ଦିବା, ଦରୁଗାଟି ଜୀହ୍ୱି ଇଞ୍ଜି ସିଲାଇଁ ଆତାନା ପାଞ୍ଜୁଲ ଅଡେ ବର୍ଦିବା  
 ତଲେ, ଆନ୍ତିୟକିୟାତା ପାଣ୍ଡୁଲି ତାରି କିତେରି । ୨୩ ନାମିତାରି ତାଣାଟି  
 ରାସକି ଆହାମାନି ଆକୁ ଏ ରିଆରି କେୟୁତା ପାଣ୍ଡୁତେରି “ମାମୁ, ପାଣ୍ଡୁଞ୍ଜି  
 ଆତାତମି ଅଡେ ପ୍ରାଚିନାଢ଼ା, ମୀ ତାୟିୟାତମି ମା ବାରେ ଜୀହ୍ୱିଆଆତି  
 ତାୟିୟା ଆମିନି ଗାଟାରି ଆନ୍ତିୟକିୟା, ସିରିୟା ଅଡେ କିଲିକିୟାତା ମାନେରି  
 ଏଖାରାକି ଜହରା । ୨୪ ମାମୁ ଖେଞ୍ଜାମାନମି, ମାମୁ ଆମିନି ଲକ୍ଷ୍ମି ଏନି ହୁକୁମି  
 ହୀହାହିଲଅମି, ମା ତାଣାଟି ଏଲେତି ଏତେକା ଲକ୍ଷ୍ମି ମୀ ତାଣା ଖାହାନା ତାମି  
 କାତାତଲେ ମୀ ମନତି ଏଟକା କିହାନା କିଲିବିଲି କିହାମାଞ୍ଜାନେରି; ୨୫  
 ଅଡେ ମାମୁ ବାରେଜାଣା ରୁଣ୍ଡା ଆହାନା ରଣ୍ଡିଏ ହିୟା ତଲେ ଏଚରଜାଣାଟି  
 ଆତାନା ମୀ ତାଣା ପାଣ୍ଡୁଲି ତାରି କିହାମାନମି, ଏଖାରି ମା ଜୀହ୍ୱିତି ତଣେ  
 ବର୍ଦିବା ଅଡେ ପାଞ୍ଜୁଲ ତଲେ ହାନେରି । ୨୬ ଏଖାରି ଇଲେତି ମାଣ୍ଡିୟା  
 ମା ପ୍ରବୁ ଜୀମୁ କ୍ରୀସୁ ଦରୁ ତାକି ଜୀହ୍ୱି ତୂସାନା କାମା କିହାମାନେରି । ୨୭  
 ଏଦାଆଁତାକି ମାମୁ ଜୀହ୍ୱି ଅଡେ ସିଲାଇଁ ମୀ ତାଣା ପାଣ୍ଡୁମାଞ୍ଜାନମି । ମାମୁ  
 ଏନାଆଁ ରାତାମାନମି, ଏଖାରି ମିଢ୍ଢେ ଖେସ୍ତାନେରି । ୨୮ ଏଚରଗଟା ଲଡ଼ାମାନି  
 ମେରା ପିସ୍ପେ ମୀ ଲାକ ଅଡେ ଏନି ବଜୁ ହେରପାଲି ମାମୁ ସୁଦୁଜୀହ୍ୱିତି  
 ହୁକୁମି ବେଟାଆହାମାନମି । ୨୯ ଏ ମେରାୟା ଆହିମାନ୍ତୁ, ପେଶକା ବମାୟାକି  
 ହେରପିଆହାମାନି ରାନ୍ତା ତିନାଆଦୁ, ନେତେରି ତିନାଆଦୁ, ହେରକି ଦାଆନା  
 ପାୟିତି ଆହାମାନି ଜନ୍ତୁତି ଉଠ୍ଟା ତିନାଆଦୁ, ଦାରି କିଆଦୁ, ଇ ବାରେ କାମାଟି  
 ହେକ ଆହାଲି ଜାଗ୍ରାତା ମାଟିହିଁ ମିଢ୍ଢେ ନେହେଁ ଆନେ । ନେହିଁକି ମାଞ୍ଜୁ ।”  
 ୩୦ ଏଚେଟିଏ କାରୁ ଅନାରାଇଁ ପାଣ୍ଡୁଲିଏ ଆନ୍ତିୟକିୟାତା ହାଚେରି, ଇଞ୍ଜି

ବାରେ ନାମିତାରାଇଁ ରୁଣ୍ଡି କିହାନା ଏ ଆକୁ ହାତେରି । ୩୧ ଏ ଲକୁ ବାରେ  
 ଏଦାଆଁ ପଡ଼଼ି ଆହାନା ବାସ୍ ବେଟାଆହାନା ରାହାଁ ଆତେରି । ୩୨ ଜୀହୁଦା  
 ଅଡ଼େ ସିଲା ତାମୁ ଜିକେଏ ମାହାପୁରୁ ଅଶ୍ପୁତି ବଲୁ ଖେହ୍ନାରି ମାତାକି  
 ହାରେକା କାତାତଲେ ତାୟିୟାଁ ବାସ୍ ହାହାନା ସୁସ୍ତି କିତେରି । ୩୩ ଅଡ଼େ,  
 ଏଝାରି ଏମ୍ପାଆଁ ଏତରଦିନା ମାତି ତାୟୁ ଏଝାରାଇଁ ପାଣ୍ଡାମାତି ଲକୁଡ଼ାଣା  
 ଖେଣ୍ଡୁହାଜାଲି ତାୟିୟାଁ ତାଣାଟି ହେଲ ବେଟାଆହାନା ହିଡ଼ି ଜୀହୁତଲେ  
 ଖେଣ୍ଡୁ ହାତେରି । ୩୪ ସାମା ସିଲା ଏମ୍ପାଆଁ ଡ଼ୟାଲି ତାରି କିହାମାତେସି  
 । ୩୫ ପାଝୁଲ ଅଡ଼େ ବର୍ନବା ଆନ୍ତିୟକିୟାତା ମାଞ୍ଜାନା ଏଟକାତି ଏଚେକା  
 ଲକୁଡ଼ାଣା ଜିକେଏ ପ୍ରବୁତି ନେହିଁ ବଲୁ ଜାପହାନା ଖେକହାଲି ମାଟହେରି ।  
 ୩୬ ଏତରଦିନା ହାଜାଲିଏ ପାଝୁଲ ବର୍ନବାଇଁ ଏଲେଇଚେସି, “ଝାମୁ, ମାର  
 ପ୍ରବୁତି ବଲୁ ଖେକହାମାନି ବାରେ ଗାଡ଼ାୟାଁଣା ଖେଣ୍ଡୁ ହାଜାନା, ତାୟିୟାଁ ନୀଏଁ  
 ଏନିଆହିଁ ମାନେରି ଇଞ୍ଜି ବେଟିହାନ ।” ୩୭ ଏଚେଟିଏ ଜହନ ଇନି ମାର୍କିଇଁ  
 ଜିକେଏ ତାମିତଲେ ଅୟାଲି ବର୍ନବା ଅଶ୍ପିମାତେସି । ୩୮ ସାମା ଏଝାସି  
 ଏଝାରାଇଁ ପିସାନା ପଂପୁଲିୟାଟି ଖେଣ୍ଡୁହାଚାସି ଅଡ଼େ କାମା ରାନି ପାତେକା  
 ଏଝାରିତଲେ ମାନାଆତାକି ତାମିତଲେ ଅୟାଲି ପାଝୁଲ କୂତେସି । ୩୯  
 ଏମ୍ପାଟିଏ ଏଝାରି ହାରେକା ବାଦିବାଦା ଆୟାଲିଏ ତାମୁ ଏଟକା ଆତେରି, ଇଞ୍ଜି  
 ବର୍ନବା ଜହନ ମାର୍କିଇଁ ତାନିତଲେ ଅହିଁ ଜାଜାତା ହତାନା କୁପ୍ରତା ହାତେରି, ୪୦  
 ସାମା ପାଝୁଲ ସିଲାଇଁ ଆତାନା ତାୟିୟାଁ ତାଣାଟି ପ୍ରବୁତି କାର୍ମାତଲେ ହେର୍ପି  
 ଆହାନା ହାତେରି, ୪୧ ଅଡ଼େ ଏଝାସି ସିରିୟା ଅଡ଼େ କିଲିକିୟାଟି ହାଜାହାଁ  
 ବାରେ କୁଲମିକାଣି ନାମୁତା ଆଟ୍ଝା କିତେସି ।

**୧୭** ତାୟୁ ପାଝୁଲ ଦର୍ବି ଅଡ଼େ ଲୁସ୍ତାତା ହାଚେସି, ଏମ୍ପାଆଁ ତିମତି ଦରୁଗାଚାସି  
 ର ସାସୁ ମାଚେସି, ଏଝାସି ର ନାମିତି ଜୀହୁଦି କ୍ରାସ୍ତାନା ଇୟାନି ମାର୍ସସି  
 ମାଚେସି, ସାମା ତାମି ଆବା ର ଗ୍ରିକ୍ ଲକୁ । ୨ ଲୁସ୍ତା ଅଡ଼େ ଇକନିୟତା  
 ମାନି ବାରେ ନାମିତି ତାୟିୟାଁ ଏଝାଣାଇଁ ନେହାଁସି ଇଞ୍ଜି ଏଲେଇଚେରି ।  
 ୩ ପାଝୁଲ ତାନିତଲେ ତିମତିଇଁ ଅହାଲି ଅଶ୍ପିତେସି, ଅଡ଼େ ଏ ନାସ୍କାଣାଁ  
 ମାନି ଜୀହୁଦି ଲକୁତାକି ଏଝାଣି ତଲୁ ଦାପିକିତେସି; ଇତିହିଁ ତାମି ଆବା ଗ୍ରିକ୍  
 ଲକୁ ଇଞ୍ଜି ବାରେ ପୁଞ୍ଜାମାଚେରି । ୪ ଇଞ୍ଜି ଏଝାରି ଗାଡ଼ାୟାଁଟି ହାଜି ହାଜିହିଁ  
 ଜିରୁସାଲମତି ପାଣ୍ଡୁଝି ଆତାରି ଅଡ଼େ ପ୍ରାତିନାଞ୍ଜୁ ତାଣାଟି କିଝି ଆହାମାନି  
 ମେରା ମାନଝି ଆହାଲି ଏଝାରିତାଣା ହେର୍ପି ମାଚେସି । ୫ ଏଲେକିହିଁ

କୁଲମିକା ବାରେ ନାମୁତା ଆର୍ତ୍ତା ଆହାନା ଦିନାତାକି ଦିନା ପାତା ଆରୁ ।  
 ୭ ଏଞ୍ଜାରି ଆସିୟାତା ମାହାପୁରୁ କାତା ଖେସାଲି ସୁଦୁଜୀଝୁ କାହି କିୟାଲିଏ,  
 ଏଞ୍ଜାରି ପୁର୍ଣ୍ଣିୟା ଅଡ଼େ ଗାଲାତିୟ ରାଜି ମାଦିଟି ରେଜିହିଁ ହାଚେରି । ୭  
 ଅଡ଼େ, ଏଞ୍ଜାରି ମୁସିଆ ରାଜି ତାଗେ ଏଗାହାଜାନା ବେତନିୟାତା ହାଜାଲିତାକି  
 ଅଶ୍ପିତେରି, ସାମା ଜୀସୁତି ଜୀଝୁ ଏଞ୍ଜାରାଇଁ ହାଜାଲି ହେଲ ହୀଆତେ ।  
 ୮ ଏଞ୍ଜାରି ମୁସିଆ ମାଦିଟି ହାଜାନା ତ୍ରୟାତା ଖାଚେରି । ୯ ଅଡ଼େ ଲାଆଁ  
 ବେଲାତା ପାଝୁଲ ର ସେୟାଁଣା ହାପାନା ହେଚେସି, ମାକିଦନିୟାତି ର ଲକୁ  
 ନିଚାନା ଏଞ୍ଜାଣାଇଁ ବାତିମାଲିହିଁ ଏଲେଇଚେସି, “ମାଡ୍ଡେ ସାୟେମି କିୟାଲି  
 ମାକିଦନିୟାତା ଗାଣତା ଖାମୁ ।” ୧୦ ଏଞ୍ଜାସି ସେୟାଁଣା ହାପାନାତା ମେସାଲିଏ  
 ମାମୁ ଦେବୁଣିଏ ମାକିଦନିୟାତା ହାଜାଲି ତିୟାରା ଆତମି, ଇତିହିଁ ଏଞ୍ଜାରିତାଣା  
 ନେହିଁ କାରୁ ଖେସାଲି ତାକି ମାହାପୁରୁ ମାଡ୍ଡେ ହାଟାମାଞ୍ଜାନେସି ଇଞ୍ଜିଁ ମାମୁ  
 ପୁଚମି । ୧୧ ଏଚେଟିଏ ମାମୁ ତ୍ରୟାଟି ଜାଜାତା ହଚାନା ତିୟିତି ଜିରୁଟି  
 ହାଜାନା ସାମତ୍ରାକିତା ଅଡ଼େ ଅର ନେରୁ ନୟାପଲିତା ଏଗାହାଚମି । ୧୨  
 ଏମ୍ପାଟିଏ ପିଲିପିତା ହାଚମି, ଇଦି ମାକିଦନିୟା ଜିଲାତି ର କାଜା ଗାଡ଼ା,  
 ଇଞ୍ଜିଁ ରମ୍ ଦେସାତାରି ତ୍ରିୟିନି ଟାୟୁ ମାଚେ; ଏ ଗାଡ଼ାତା ମାମୁ ଏଚରଦିନା  
 ମାଚମି । ୧୩ ଜମିନି ଦିନାତା ମାମୁ ଗାଡ଼ାଟି ହଚାନା କାତା ତାଗେ ହାଚମି,  
 ଏମ୍ପାଆଁ ପ୍ରାତାନା କିନି ଟାୟୁ ମାନେ ଇଞ୍ଜିଁ ଅଶ୍ପାମାଚମି, ଅଡ଼େ ମାମୁ କୁଗାନା  
 ରୁଣ୍ଡା ଆହାମାଟି ଇୟାସିକା ତଲେ କାତା ଆତମି । ୧୪ ଅଡ଼େ, ତ୍ରୟାତିରା  
 ଗାଡ଼ାଟି ହେୟାଁ ଖାଣା ହିମ୍ପରିକା ପାର୍ଦନି ଲୁଦିୟା ଦରୁଗାଟି ର ଇୟା ମା  
 କାତା ଖେଞ୍ଜିମାଚେ, ଏଦି ମାହାପୁରୁ ସେବା କିନାୟି, ଏଦି ଏନିକିଁ ପାଝୁଲତି  
 କାତାତି ମନ ହାନେ ଏଦାଆଁତାକି ପ୍ରବୁ ଏଦାନି ହିୟାଁ ଦେଚାମାଚେସି ।  
 ୧୫ ଅଡ଼େ ଏଦି ଇଞ୍ଜିଁ ତାମି କୁଚମି ବାପ୍ତିସ୍ମ ଅତି ଡାୟୁ ମାଡ୍ଡେ ବାତିମାଲିହିଁ  
 ଏଲେଇଞ୍ଜାଚେ, “ମାରୁ ନାଡ୍ଡେ ପ୍ରବୁ ତାଣା ନାମୁଗାଟାୟି ଇଞ୍ଜିଁ ଅଶ୍ପିମାଚିହିଁ,  
 ନା ଇଜ ଖାହାନା ବାସା ଆଦୁ” ଇଞ୍ଜିଁ ବାଲାମାଚମି କିହିଁ ହାଟା ଅୟାତେ  
 । ୧୬ ର ଦିନା ମାମୁ ପ୍ରାତାନା ଟାୟୁତା ହାନିବେଲାତା ର ହଲେଣି ପଦାଇଁ  
 ବେଟାଆତମି ଏଦି ପଲ୍‌ଆ ପେନୁ ଆଲ୍‌ଗାନା ଡାୟୁ ଆନି କାତାୟାଁ ଖେସାଲି  
 ଆତିମାଚେ । ଡାୟୁ ଆନି କାତାୟାଁ ଖେସାନା ତାନି ସାଝୁକାରିକି ହାରେକା  
 ତାରୁୟାଁ କୁଡ଼ି କିହିମାଚେ । ୧୭ ଏଦି ପାଝୁଲ ଅଡ଼େ ମା ଜେଚ ଜେଚ ଖାହାନା  
 କିର୍ଡ଼ିହିଁ ଏଲେଇଞ୍ଜାଲି ମାଡ଼ହେ, “ଇ ଲକୁ ବାରେକିହିଁ କାଜା ମାହାପୁରୁତି

ହଲିୟାଡ଼ା, ଏଝାରି ମିଡ୍ରେ ଗୋଲ୍‌ପିଆନି ଜିରୁତି ଝେକ୍‌ହି ମାଞ୍ଜାନେରି ।” ୧୮ ଏଦି ହାରେକା ଦିନା ପାତେକା ଏଲେକିୟାତେ, ସାମା ପାଞ୍ଜୁଲ କପା ଆହାନା ଝେଣ୍ଡେ ସିନିକିହାନା ଏ ବୃତୁଇଁ ଏଲେଇରେସି, “ଏଦାନି ତାଣାଟି ହୃତା ହାଜାଲି ନାନୁ ନିଡ୍ରେ ଜୀସୁ କ୍ରୀସୁ ଦରୁତଲେ ହୁକୁମି ହାହିମାଞ୍ଜାଇଁ,” ଏ ଦେବୁଣିଏ ଏଦି ହୃତାହାରେ । ୧୯ ସାମା ଏଦାନି ସାଞ୍ଜୁକାରିୟାଁ ତାମି ଲାବା ପାଣିନି ଆସା ହାରେ, ଇଞ୍ଜି ପୁଞ୍ଜାନା ପାଞ୍ଜୁଲ ଅଡେ ସିଲାଇଁ ଦସାନା ବେରଣିମାଣ୍ଡାତା ସାଲଞ୍ଜି କିନାରି ତାଣା ରେଜା ଅତେରି । ୨୦ ଅଡେ, ଏଝାରି ରମିୟ ସାଲଞ୍ଜି କିନାରି ତାଣା ତାଚାନା ଏଲେଇରେସି, “ଇଝାରି ଜୀହୁଦି ଲକୁ ମା ଗାଡ଼ାତା ଗଡ଼ହା କିହିମାନେରି । ୨୧ ମାର ରମିୟ ଲକୁତି ମେରା ପାଣାପାଟୁ ଆବାଲି କି ମାନଞ୍ଜି ଆହାଲି ମେରା ହିଲେଏ, ଏଦାଆଁ ଇଝାରି ଝେସିମାନେରି ।” ୨୨ ଏମ୍ପାଟିଏ ବାରେ ଲକୁ ପାଞ୍ଜୁଲ ଅଡେ ସିଲା କପାଟି ନିଡ୍ରେତେରି । ଅଡେ ନୀହାଁୟି କିନାରି ପାଞ୍ଜୁଲ ଅଡେ ସିଲା ହିମ୍ପୁରିକା ହୁକ୍‌ହାନା ଏଝାରାଇଁ ବାଡ଼ଗା ତଲେ ଝେଚାଲି ହୁକୁମି ହୀତେରି । ୨୩ ଏଝାରି ଏଝାରାଇଁ ହାରେକା ଝେତି ତାୟୁ କାୟିଦି ଇଲୁତା ଇଚିତେରି, ଇଞ୍ଜି ଏଝାରାଇଁ ଜାଗ୍ରାତା କିହିଁ କାପୁ କାଚାଲି କାୟିଦି ଇଲୁତି କାଃଆନାଣାଇଁ ହୁକୁମି ହୀତେରି । ୨୪ କାୟିଦି କାଃଆନାସି ଇଲେତି ହୁକୁମି ବେଟାଆହାନା ଏଝାରାଇଁ କାୟିଦି ଇଲୁତି ବାରେକିହିଁ ବିତ୍ରାତି ବାକ୍ରାତା ମେଡ଼ହାନା ଏଝାରି କତାଣା ବଜୁଗାଟି ମାର୍‌ନୁ କୁଡୁଲିକା ଦସା ପିସ୍ତେସି । ୨୫ ସାମା ମାଦି ଲାଆଁୟାଁ ପାଞ୍ଜୁଲ ଅଡେ ସିଲା ମାହାପୁରୁ ତାଣା ପ୍ରାତାନା ଅଡେ ଜହରା ପାରୁ ପାଟିମାଚେରି, ଇଞ୍ଜି ଏଝାରିତଲେ କାୟିଦି ଇଲୁତା ମାଚାରି ବାରେ ଝେଞ୍ଜିମାଚେରି । ୨୬ ଏଚିବେଲାତା ଦେବୁଣିଏ ବୃମି ଝୀଡିତେ, ଇଞ୍ଜି କାୟିଦି ଇଲୁତି ପୁନାଦି ଜିକେଏ ଝୀଡାଲିଏ ବାରେ ଦୁଝେରିକା ଦେପି ଆହାହାରୁ, ଇଞ୍ଜି ବାରେଜାଣାଟି ଦସାମାଟି ହିକ୍‌ଶିୟାଁ ହୁଡ୍ପାହାରୁ । ୨୭ ଏଚେଟିଏ କାୟିଦି ଇଲୁ କାଃଆନାସି ଇଦାଟି ନିଡ୍ପାନା, ଦାରାୟାଁ ଦେପିଆହାମାନାଣି ମେସାନା, କାୟିଦିଚାରି ହର୍‌ପି ଆତେରି ଇଞ୍ଜି ଅର୍‌ପାନା, କାଣ୍ଡା ହୃପ୍‌ହାନା ଗ୍ଲାକ୍‌ହା କଡିମାଚେସି । ୨୮ ସାମା ପାଞ୍ଜୁଲ କାଜା ଗିୟାଁତଲେ ହାଟାନା ଏଲେଇରେସି, “ନୀନୁ ନିଡ୍ରେ ନାସା କିହା କତାଆନି, ଏନାଆଁତାକି ଇଚିହିଁ ମାୟୁ ବାରେତମି ଇମ୍ପାଆଁ ମାନମି ।” ୨୯ କାୟିଦି ଇଲୁ କାଃଆନାସି ଦୀଞ୍ଜି ତାଚାଲି ଏଲେଇରେସି, ତବେ ବିତ୍ରା ହାଚେସି ଇଞ୍ଜି ତାର୍‌ଗି ତାର୍‌ଗିହିଁ ପାଞ୍ଜୁଲ ଅଡେ ସିଲା କତାୟାଁ ଡ଼ଇ ରୀତେସି । ୩୦ ଅଡେ ଏଝାରାଇଁ ପାଞ୍ଜୁତା ତାଚାନା ଏଲେଇରେସି, “ବାବୁୟାଁ

ଗେଲ୍‌ପିଆୟାଲି ନାନୁ ଏନାଆଁ କିଇଁ?” ୩୧ ଏଞ୍ଜାରି ଏଲେଇଚେରି, “ପ୍ରଭୁ ଜୀସୁ ତାଣା ନାମାଦୁ, ଆତିହିଁ ନାନୁ ଅଡେ ନୀ ଇଲୁ କୁଟମି ବାରେ ଗେଲ୍‌ପି ଆଦେରି ।” ୩୨ ତାୟୁ ଏଞ୍ଜାରି ଏଞ୍ଜାଣାଇଁ ଅଡେ ଏଞ୍ଜାଣି ଇଜ ମାତି ବାରେ ଲକୁଣି ମାହାପୁରୁତି ବଲୁ ଖେସ୍ତେରି । ୩୩ ଅଡେ, ଏ କାୟିଦି ଇଲୁ କାଃଆନାସି ଏଞ୍ଜାରାଇଁ ଏ ଲାଆଁୟାଁ ବେଲୀତା ଅହାନା ଏଞ୍ଜାରି ଗାହାଁୟାଁ ନରହେସି, ଇଞ୍ଜାଁ ଏଞ୍ଜାସି ଅଡେ ଏଞ୍ଜାଣି ଇଲୁ କୁଟମି ବାରେ ଏ ଦେବୁଣିଏ ବାପ୍ତିସ୍ତ ଅଡେରି । ୩୪ ଏଚେଟିଏ ଏଞ୍ଜାସି ଏଞ୍ଜାରାଇଁ ତାମି ଇଜ ଅହାନା ତିଞ୍ଜାଲି ରାନ୍ତା ବାଟିକିହାଁ ହୀତେସି, ଅଡେ ବାରେ କୁଟମି ମାହାପୁରୁ ତାଣା ନାମାନା ହାରେକା ରାହାଁ ଆଡେରି । ୩୫ ଲାଇ ଝେୟାଲିଏ ରମିୟ ଲକୁତି କାଜାରି ରିଜାରି କସକାଣି ଇଲେଇଞ୍ଜାଁ ଝେସା ପାଣ୍ଡିତେରି, “ଏ ଲକୁଣି ପିସାତୁହୁଦୁ ।” ୩୬ ଏଚେଟିଏ କାୟିଦି ଇଲୁ କାଃଆନାସି ପାଞ୍ଜୁଲଇଁ ଇ କାତା ଝେସ୍ତେସି, “ନୀହାଁୟି କିନାରି ନିଢ୍ଢେ ଅଡେ ସିଲାଇଁ ପିସାଲି କାବୁ ପାଣ୍ଡା ମାଞ୍ଜାନେରି, ଇଞ୍ଜାଁ ନୀଏଁ ହୁରାଞ୍ଜାହାନା ହିଡ଼ି ତଲେ ହାଲୁ ।” ୩୭ ସାମା ପାଞ୍ଜୁଲ କସକାଣି ଏଲେଇଚେସି, “ମାମୁ ରମିୟ ଦେସାତି ଲକୁଟମି, ମାଢ୍ଢେ ନୀହାଁୟି କିଆନା ଝେତାତି ତାୟୁ କାୟିଦି ଇଲୁତା ସୁଣ୍ଡାତେରି, ଅଡେ ନୀଏଁ ତୁକହାନା ପିସିମାଞ୍ଜାନେରି, ଏଦି ମିଶ୍‌ଏ, ସାମା ଏଞ୍ଜାରି ତାମ୍‌ଏ ଞ୍ଜାହାନା ମାଢ୍ଢେ ପାଢ୍ଢାତା ଅୟାପେରି ।” ୩୮ ଏଚେଟିଏ କସକା ହାଜାନା ନୀହାଁୟି କିନାରାଇଁ ବାରେ କାତା ଝେସ୍ତେରି, ଇଞ୍ଜାଁ ଇଞ୍ଜାରି ରମିୟ ଲକୁ ଇଞ୍ଜାଁ ପୁଞ୍ଜାନା ଆଜିତେରି, ୩୯ ଏମ୍‌ପାଟିଏ ଏଞ୍ଜାରି ଞ୍ଜାହାନା ମାମୁ ପୁନାଆନା ଏଲେକିତମି ଇଞ୍ଜାଁ ବାତିମାଲିହିଁ ଏଞ୍ଜାରାଇଁ ପାଢ୍ଢାତା ହୁପହା ତାତାନା, ଗାଡ଼ା ପିସାନା ହାଜାଲି ବାତିମାଲିତେରି । ୪୦ ଏଚେଟିଏ ପାଞ୍ଜୁଲ ଅଡେ ସିଲା କାୟିଦି ଇଲୁଟି ହୁତାନା ଲୁଦିୟା ଇଜ ହାଚେରି, ଅଡେ ତାୟିୟାଁ ତଲେ ଆଣ୍ଡାନା ଏଞ୍ଜାରାଇଁ ବାସ୍‌ ହୀହାନା ହାଜାତୁସ୍ତେରି ।

**୧୭** ତାୟୁ ଏଞ୍ଜାରି ଆପିପଲି ଅଡେ ଆପଲନିୟା ହୀହାନା ତେସଲନିକିତା ଞ୍ଜାତେରି; ଏମ୍‌ଆଁ ଜୀହୁଦି ଲକୁତି ର ଜୀହୁଦି ଲକୁତି କୁଟମି ଇଲୁ ମାଚେ । ୨ ଅଡେ, ପାଞ୍ଜୁଲ ତାନି ଫେରା ଲେହେଁ ଜୀହୁଦି ଲକୁତି କୁଟମି ଇଲୁତା ହାଚେସି, ଇଞ୍ଜାଁ ତାନିଗଟା ଜମିନି ଦିନା ପାଚେକା ଦାମ୍‌ ପତିତି କାତା ଆସାନା ଲକୁତଲେ ଜଲକି ଆଚେସି, ୩ ଦାମ୍‌ ସାସ୍ତେରି ତେଲ୍‌ହି କିହାନା ଏ କାତା ଇଦି ଇଞ୍ଜାଁ ଇଚେସି, ମସିହା ସାସ୍ତି ପାଣ୍ଡନାୟି ଅଡେ ହାକିଟି ନିଢ୍ଢିନାୟି ଲଡ଼ାମାନେ । ପାଞ୍ଜୁଲ ଏଲେଇଚେସି, “ଆମିନି ଜୀସୁତି କାତା ଝେସିମାଞ୍ଜାଇଁ, ଏଞ୍ଜାସି ଏ

ମସିହା ।” ୪ ଏମ୍ବାଟିଏ ଏଞ୍ଜରି ବିତ୍ରାଟି ଏଚରଜାଣା ନାମାହାଁ ପାଞ୍ଜୁଲ ଅଡ଼େ ସିଲା କାତାତା ଆଣ୍ଡିତେରି; ଅଡ଼େ, ଜୀହୁଦି ଦାମ୍ବୁ ନାମାମାନି ଗ୍ରିକ୍ ଲକ୍ଷୁ ବିତ୍ରାଟି ହାରେକା ଲକ୍ଷୁ ଅଡ଼େ ମାନିଗାଟି ହାରେକା ଇୟାସିକା ବିତ୍ରାଟି ଏଞ୍ଜରିତଲେ ମାହାପୁରୁ ସେବାତା ଆଣ୍ଡିତୁ । ୫ ସାମା ଜୀହୁଦିୟାଁ ଡାହାରା ଆହାନା ଏରେକା ଲାଗେଏତାରାଇଁ ପାହେରିତା କୁଡ଼ି କିତେରି, ଇଞ୍ଜିଁ ଲକ୍ଷୁଣି ମାନ୍ୟା କିହାନା ଗାଡ଼ାତା ଗଡ଼ହା ହୁପ୍‌ହେରି, ଇଞ୍ଜିଁ ପାଞ୍ଜୁଲ ଅଡ଼େ ସିଲାଇଁ ସାଲଞ୍ଜି କିନାରି ନକିତା ହୁପ୍‌ହାତାଚାଲି ଏଞ୍ଜରି ହାଜାନା ଜାସନ ଇଲୁଡି ମୁଚାନା ପାରିତେରି । ୬ ସାମା ଏଞ୍ଜରାଇଁ ବେଟାଆଆଲିଏ ଏଞ୍ଜରି ଜାସନ ଅଡ଼େ ଏରେକା ତାୟିୟାଁଇଁ ଗାଡ଼ାଟି ସାଲଞ୍ଜି କିନାରି ନକିତା ରେଜା ତାତାନା କାଜା ଗିୟାଁତଲେ କାଲଞ୍ଜି ଆହିଁ ଏଲେଇରେରି, “ଆମିନି ଲକ୍ଷୁ ଦାର୍ତ୍ତିତି ଇତାଲା ଆତାଲା କିହିମାନେରି, ଏଞ୍ଜରି ଇମ୍ବାଆଁ ଜିକେଏ ଖାହାମାନେରି; ୭ ଜାସନ ଏଞ୍ଜରାଇଁ ଆବାମାନେସି, ଜୀସୁ ଦରୁଗାଟି ଅଡ଼େ ର ରାଜା ମାନେସି ଇଞ୍ଜିଁ ଖେସାନା ଇଞ୍ଜରି ବାରେଜାଣା କାୟିସରତି ହୁକୁମିତି ମାନଞ୍ଜି କିହିହଲଅରି ।” ୮ ଇ କାତା ଆସାନା ଲକ୍ଷୁ ଅଡ଼େ ସାଲଞ୍ଜି କିନାରି ବିତ୍ରା ହାରେକା କାର୍ବି ଆତେରି ଅଡ଼େ ଗଡ଼ହା ଆତେ । ୯ ଡାୟୁ ସାଲଞ୍ଜି କିନାରି ଜାସନ ଅଡ଼େ ଏଟ୍‌କା ଲକ୍ଷୁଣି ତାବୁୟାଁ ରୀସାନା ଜାମ୍‌ଲି ତଲେ ଏଞ୍ଜରାଇଁ ପିସ୍ତେରି । ୧୦ ଅଡ଼େ, ତାୟିୟାଁ ଖେଡ଼ାକିଆନା ପାଞ୍ଜୁଲ ଅଡ଼େ ସିଲାଇଁ ଲାଆଁ ବେଲାତା ବେରିୟାତା ପାଣ୍ଡିତେରି; ଏଞ୍ଜରି ଏମ୍ବାଆଁ ଏଜାନା ଜୀହୁଦି ଲକ୍ଷୁଡି ଜୀହୁଦି ଲକ୍ଷୁଡି କୁଚମି ଇଲୁଡା ହାରେରି । ୧୧ ତେସଲନିକିତା ମାନି ଜୀହୁଦି ଲକ୍ଷୁ କିହାଁ ଇଞ୍ଜରି ସାତାପାଣା ଗାଟାରି ମାରେରି, ଇଞ୍ଜରି ହାରେକା ରାହାଁତଲେ ମାହାପୁରୁ କାତା ଖେତେରି, ଅଡ଼େ ପାଞ୍ଜୁଲ ଖେସୁ କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ବୁ ପତି ପଡ଼ଞ୍ଜି ଆହିମାରେରି । ୧୨ ଇଦାଆଁତାକି ଏଞ୍ଜରି ବିତ୍ରାଟି ହାରେକା ଲକ୍ଷୁ ନାମିତେରି ଅଡ଼େ ଗ୍ରିକ୍ ଲକ୍ଷୁଡି କାଜାରି ବିତ୍ରାଟି ହାରେକା ଇୟାସିକା ଅଡ଼େ ଆବାୟାଁ ଜିକେଏ ନାମିତେରି । ୧୩ ସାମା ଏଡିବେଲା ତେସଲନିକିତି ଜୀହୁଦିଞ୍ଜା ପୁରେରି, କି ବେରିୟାତା ଜିକେଏ ପାଞ୍ଜୁଲ ତାଣାଟି ମାହାପୁରୁଡି ବଲୁ ଖେସୁପି ଆହିମାନେ, ଏଡିବେଲା ଏଞ୍ଜରି ଏମ୍ବାଆଁ ଜିକେଏ ଖାହାନା ଲକ୍ଷୁ ମାନ୍ୟାଟି ନିକ୍‌ହାନା ଗଡ଼ହା କିଞ୍ଜିକିତେରି । ୧୪ ଏଚେଟିଏ ତାୟିୟାଁ ଖେଡ଼ାକିଆନା ପାଞ୍ଜୁଲଇଁ ସାମ୍‌ଦୁରି ଖାକି ହାଜାଲି ପାଣ୍ଡିତେରି; ଇଞ୍ଜିଁ ସିଲା ଅଡ଼େ ତିମତି ବେରିୟାତା ଡ଼ୟିତେରି । ୧୫ ସାମା ଆମ୍ବାଆରି ପାଞ୍ଜୁଲଇଁ ଇଟିହାଚାରି ଏଞ୍ଜରି

ଆଦିନି ପାତେକା ହାରେରି, ଇଞ୍ଜି ସିଲା ଅଡ଼େ ତିମତି ତବେ ନା ଡାଣା ଖାପେରି  
 ଇଞ୍ଜି ପାଞ୍ଜୁଲ ଡାଣାଟି ହୁକୁମି ବେଟାଆହାନା ଏଞ୍ଜାରି ବେରିୟାତା ଖେଣ୍ଡେ  
 ଖାତେରି । ୧୬ ଆଦିନିତା ପାଞ୍ଜୁଲ, ସିଲା ଅଡ଼େ ତିମତିଇଁ କାତିମାତେସି,  
 ଏଞ୍ଜାସି ଏ ଗାଡ଼ାତା ହାରେକା ପେଶକା ବମାୟ୍ ମାନାଣି ମେସାନା ତାନି  
 ଜୀଞ୍ଜୁ ହାରେକା ଖାତିତେ । ୧୭ ଏଦାଆଁତାକି ଏଞ୍ଜାସି ଜୀହୁଦି ଲକୁତି କୁଟେମି  
 ଇଲୁତା ଜୀହୁଦି ଲକୁତଲେ ମାହାପୁରୁଇଁ ନାମାମାନି ଜୀହୁଦିଆଆତି ଲକୁତଲେ  
 ଇ କାତା ବାରେଦିନା ଝେକ୍‌ହେସି । ଗାଡ଼ାତି ଜିରୁ ଗାଟାତା ହାଜି ଖାହିମାନି  
 ଲକୁତଲେ ଏ କାତାତି ଝେସେସି । ୧୮ ଏଚରଜାଣା ଏପିକୁରିୟା ଇଞ୍ଜି  
 ସୁୟିକ୍ ଜାପ୍‌ନି ଗୁରକା ତଲେ ଏଞ୍ଜାରି ରୁଜୁବାଡ଼ି ଆତେ । ଏଞ୍ଜାରି ବିତ୍ରାଟି  
 ଏଚରଜାଣା ଏଲେଇଚେରି, “ଇ ବୁଦି ହିଲାଆ ହାଡ଼ାକାଣ୍ଟୁ ଏନାଆଁ ଝେସାଲି  
 ଅଶ୍‌ପିମାନେସି?” ଅଡ଼େ ଏଚରଜାଣା ଏଲେଇଚେରି, “ଏଞ୍ଜାସି ପୁନାଆତି  
 ପେଶକାତି କାତା ଝେହ୍‌ନିଲେହେଁ ଝେସିମାନେସି;” ଇତିହୁଁ ଏଞ୍ଜାସି ଜୀସୁ  
 ଅଡ଼େ ତାନି ଝେଣ୍ଡେ ନିଢ଼ୁତି କାତାତି ନେହୁଁ କାରୁ ଝେକ୍‌ହି ମାତେସି । ୧୯  
 ଏଦାଆଁତାକି ଏଞ୍ଜାରି ପାଞ୍ଜୁଲଇଁ ଆରିୟପାଗ ଗାଡ଼ାତି ବେରଣି ନକିତା ତାତେରି,  
 “ନୀନୁ ଆମିନି ପୁଞ୍ଜି କାତା ଜାପ୍‌ହିମାଞ୍ଜି ଏଦି ଏନାୟ୍ ଇଞ୍ଜି ମାମୁ ପୁଞ୍ଜାଲି  
 ଆଡ଼ିନମି କି? ୨୦ ଇତିହୁଁ ନୀନୁ ଏଚେକା କାବାଆନି କାତା ମାଢ଼େ ଝେଶ୍‌ମି  
 କିହିମାଞ୍ଜାଦି; ଇ ବାରେ କାତା ଏନାୟ୍ ଏଦାଆଁ ମାମୁ ପୁଞ୍ଜାଲି ଅଶ୍‌ପିମାନମି ।”  
 ୨୧ ଆଦିନି ଗାଡ଼ାତି ଲକୁ ଅଡ଼େ ଏମାଆଁ ବାସାଆହାମାନି ଏଟ୍‌କା ଦେସାତି  
 ଲକୁ ପୁଞ୍ଜି କାତା ଝେସାଲି ଇଞ୍ଜି ଝେଞ୍ଜାଲି ରାହାଁ ଆହିମାତେରି । ଏମାଆଁ  
 ଏଞ୍ଜାରି ଦିନା ରାପ୍‌ହି ମାତେରି । ୨୨ ଏଚେଟିଏ ପାଞ୍ଜୁଲ ଆରିୟପାଗତି  
 ବେରଣି ମାଦିଏ ନିତାନା ଏଲେଇଚେସି, “ଏ ଆଦିନିତି ଲକୁ, ମୀରୁ ବାରେ  
 ଗାଡ଼ି ଦାମ୍‌ଗାଟାତେରି, ଇଞ୍ଜି ହାରେକା ପେଶକାଣି ସେବା କିନାତେରି, ଏଦାଆଁ  
 ନୀନୁ ମେସିମାଇଁ । ୨୩ ଇତିହୁଁ ନୀନୁ ମୀ ଗାଡ଼ାତି ହାଜିମାତେସି, ଅଡ଼େ ମୀରୁ  
 ପୂଜା କିନି ଟାୟୁତା ସିନିକିତେସି, ନୀନୁ ପୂଜା ପିଶ୍ଟାତା ମେସେସି ଏମାଆଁ  
 ରାସ୍‌କି ଆହାମାନେ, ‘ପୁନାଆତି ମାହାପୁରୁ ।’ ଆମିନିଗାଟାଣି ମୀରୁ ପୂଜା  
 କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲାଆତିହୁଁ ଜିକେଏ, ଏଦେଏ ନୀନୁ ମିଢ଼େ  
 ଝେସିମାଞ୍ଜାଇଁ । ୨୪ ଆମିନି ମାହାପୁରୁ ଦାର୍‌ତି ଅଡ଼େ ଏମାଆଁ ମାନି ବାରେ  
 ରାତି କିହିମାନେସି, ଏଞ୍ଜାସି ଲାକପୁରୁ ଅଡ଼େ ଦାର୍‌ତିତି ପ୍ରବୁ ଆହାମାନାକି  
 ମାଶ୍‌ସି କେୟୁଟି କେପିତି ଦେଞ୍ଜୁଡ଼ିତା ବାସା କିଅସି । ୨୫ ଇତିହୁଁ ଏଞ୍ଜାଶାକି

ଏନାୟି ଲଡ଼ା ମାନାୟି ହିଲାଆକି ମାଣସି କେୟୁଟି ଯେବା ଆଅସି, ଇଚିହିଁ ଏଞ୍ଜି ତାନ୍ଦୁଏ ବାରେତାକି ଜୀଞ୍ଜୁ, ନେଞ୍ଜାଲି ଇଞ୍ଜି ବାରେ ଲଡ଼ାମାନାଣି ଇନେସି । ୨୭ ର ମାଣସି ତାଣାଟି ଏଞ୍ଜିସି ବାରେ ଲକୁ ବାକାଇଁ ରାତି କିହାମାନେସି; ଇଞ୍ଜି ଏଞ୍ଜାଣି ହୁକୁମି ତଲେ ଏଞ୍ଜାରି ଦାର୍ତତି ବାରେଞ୍ଜାକି ବାସା କିହାମାନେରି । ଆମିନି ବେଲାତା, ଆମ୍ବାଆସି ଆମିନି ତାଣା ବାସା କିନେସି, ମାହାପୁରୁ ମୂଲୁଟିଏ ଏଦାଆଁ ତାରି କିହାମାନେସି । ୨୭ ମାହାପୁରୁଟି ଅଶ୍ପୁ ମାତେ, ବାରେଜାଣା ଏନିକିହିଁ ଏଞ୍ଜାଣାଇଁ ପାରାମା ବେଟାଆନେରି । ସାମା ମାହାପୁରୁ ଆମ୍ବାଆରି ତାଣାଟି ହେକ ହିଲଅସି ।” ୨୮ ଏନିଇଚିହିଁ ରଅସି ଝେସାମାନେସି, “ଏଞ୍ଜାଣି ତାଣା ମାର ନୀତିନାୟି, ତାକିନାୟି ଅଡେ ତୟିନାୟି । ଇଞ୍ଜି ମୀ ବିତ୍ରାଟି ଜିକେଏ ଏଚରଜାଣା ଝେସାମାନେରି, ମାର ଜିକେଏ ଏଞ୍ଜାଣି ମୀର୍କା ମାସକା ।” ୨୯ “ଇଚିହିଁ ମାର ମାହାପୁରୁଟି ମୀର୍କା ମାସକା ଆତାକି ଇ ମାହାପୁରୁ ଲେହେଁ ମାଣସି ବୁଦି ଅଡେ ଅଶ୍ପୁ ତଲେ କେପିତି ବାଂଗାରା, ଝେଣ୍ଡି କି ଝାଲକାତି ବମା ଲେହେଁ ଅଶ୍ପିନାୟି ଆଏ । ୩୦ ଲକୁ ମାହାପୁରୁଇଁ ପୁଞ୍ଜା ହିଲାଆ ବେଲାତା ଏଞ୍ଜାସି ଦହ ଆସା ହିଲାଆତେସି, ସାମା ନୀଏଁ ଏଞ୍ଜାସି ବାରେଜାଣାଟି ବାରେଞ୍ଜାକି ତାମି ପାପୁ ଜିରୁଟି ଝେଣ୍ଡା ଝାହାଲି ଝେସିମାନେସି । ୩୧ ଇଚିହିଁ ଆମିନି ଦିନା ତାନୁ ଆଚିତି ମାଣସି ତାଣାଟି ଦାମୁତଲେ ଦାର୍ତତି ନୀହାୟି କିନେସି, ଇଲେତି ର ଦିନା ତାରି କିହାମାନେସି, ଇଞ୍ଜି ଇ ବାରେ ସାତା ଇଞ୍ଜି ତସାଲି ଏଞ୍ଜାସି ଏଞ୍ଜାଣାଇଁ ହାତାରି ତାଣାଟି ନିକ୍ହାମାନେସି ।” ୩୨ ପାଞ୍ଜୁଲ ତାଣାଟି ହାତାରି ଝେଣ୍ଡେ ନିଢୁନି କାତା ଝେଞ୍ଜାମା ଏଚରଜାଣା ଲାଜା କିତେରି, ଅଡେ ଏଚରଜାଣା ଏଲେଇଚେରି, “ମାଡେଁ ଅଡେ ଝେଣ୍ଡେ ଝେସ୍ତାମୁ ନୀ ତାଣାଟି ଇ କାତା ଝେନମି ।” ୩୩ ଏଚେଟିଏ ପାଞ୍ଜୁଲ ବେରଣିଟି ହୁଚାହାଚେସି । ୩୪ ଏରିୟପାଗିୟ ଦିୟନୁସିୟ ଗଚିତି ଦାମାରି ଇନି ର ଇୟା ଇଞ୍ଜି ଅଡେ ଏଚେକା ଲକୁ ନାମିତେରି ଇଞ୍ଜି ଏଞ୍ଜାଣିତଲେ ଆଣ୍ଡିତେରି ।

**୧୮** ଏମ୍ବାଟିଏ ପାଞ୍ଜୁଲ ଆତିନି ଗାଡ଼ା ପିସାନା କରନ୍ତିତା ହାଚେସି । ୨ ଇଞ୍ଜି ଏଞ୍ଜାସି ଆକ୍ଞିଲା ଦରୁଗାଟି ର ଜୀହୁଦି ଲକୁଇଁ ବେଟାଆତେସି, ପନୁ ଏଞ୍ଜାଣି ଜାର୍ନା ଚାୟୁ: ଏଚରଦିନା ନକେଏ ଏଞ୍ଜାସି ତାନି ତକ୍ତି ପିସିଲା ତଲେ ଇଟାଲିଟି ଝାହାମାଚେସି, ଇଚିହିଁ କ୍ଲାଞ୍ଜୁଦିୟା ବାରେ ଜୀହୁଦି ଲକୁଇଁ ରମ୍ ପିସା ହାଜାଲି ହୁକୁମି ହାହାମାଚେସି, ପାଞ୍ଜୁଲ ଏଞ୍ଜାସିକାଣି ବେଟି ହାଚେସି, ୩ ଅଡେ ଏଞ୍ଜାରି ଏଞ୍ଜାଣିଲେହେଁ ତୁମୁ ବେବାରା କିନାରି ମାତାକି ଏଞ୍ଜାରିତଲେ



ଡ଼ୟିତେସି, ଅଡ଼େ ଏଝାରି କାମା କିହାଲି ମାଟ୍‌ହେରି, ଏନାଆଁତାକି ଇତିହିଁ  
 ବେବାରାତା ଏଝାରି ତୁମୁ କିନାରି ମାତେରି । ୪ ଅଡ଼େ ବାରେ ଜମିନି ଦିନାତା  
 ଏଝାସି ଜୀହୁଦି ଲକ୍ଷୁତି କୁଟମି ଇଲୁତା ଜଲ୍‌କି ଆହିଁ ଜାପ୍‌ହେସି, ଜୀହୁଦି ଅଡ଼େ  
 ଗ୍ରାକ୍ ଲକ୍ଷୁଣି ନାମି କିଞ୍ଜିକିହାଲି ଅଣ୍‌ପିମାରେସି । ୫ ଏତିବେଲା ସିଲା ଅଡ଼େ  
 ତିମତି ମାକିଦନିୟାତି ଝାତେରି, ଏତିବେଲା ପାଝୁଲ ନେହିଁ ବଲ୍ଲୁ ଝେକ୍‌ନି କାମା  
 ଜମାଆନା କିହିମାରେସି, ଅଡ଼େ ଜୀହୁଇଁ ମସିହା ଇଞ୍ଜିଁ ଜୀହୁଦି ଲକ୍ଷୁତାଣା ସାକି  
 ହାହିମାରେସି । ୬ ସାମା ଏଝାରି ଅପାଆନା ନିନ୍ତୁ କିହାଲିଏ ଏଝାସି ତାନି  
 ହିମ୍ପରି ହାଣ୍‌ହାଁନା ଏଲେଇଚେସି, “ମୀରୁ ନାସା ଆତିହିଁ ଏନାଆଁତାକି ମୀରୁ  
 ଦାୟି ଆଦେରି । ଏନାଆଁତାକି ନାନୁ ଦାୟି ଆଏ, ନୀଏଁ ନାନୁ ଜୀହୁଦିଆଆତି  
 ଲକ୍ଷୁତାଣା ହାଜିମାଇଁ ।” ୭ ଏମ୍ପାଟିଏ ଏଝାସି ଏ ଚାୟୁଟି ହୁଚା ହାଜାନା  
 ତିତସ ଜୁସ୍ତ ଇନି ଜୀହୁଦିଆଆତି ମାହାପୁରୁ ସେବା କିନାସି ଏଝାଣି ଇଜ  
 ହାଚେସି, ଏଝାଣି ଇଲୁ ଜୀହୁଦି ଲକ୍ଷୁତି କୁଟମି ଇଲୁ ତାଗେ ମାଚେ । ୮  
 ସାମା ଜୀହୁଦି ଲକ୍ଷୁତି କୁଟମି ଇଲୁତି କାଜାସି କ୍ରିସ୍‌ପ ବାରେ ଇଲୁ କୁଟମି  
 ତଲେ ପ୍ରବୁ ତାଣା ନାମିତେରି, ଅଡ଼େ କରନ୍ତି ଗାଡ଼ାତି ଲକ୍ଷୁ ବିତ୍ରାଟି ହାରେକା  
 ପାଝୁଲତି କାତା ଝେଞ୍ଜାନା ନାମିତେରି ଅଡ଼େ ବାପ୍ତିସ୍ତ ଅଚେରି । ୯ ଅଡ଼େ  
 ପ୍ରବୁ ଲାଆଁୟାଁ ବେଲାତା ସେୟାଁଣା ହାପାନାତା ପାଝୁଲଇଁ ଏଲେଇଚେସି,  
 “ଆଜାଆନି, ସାପି ଡ଼ୟାଆନା ଜଲ୍‌ମା, ୧୦ ଇତିହିଁ ନାନୁ ନୀ ତଲେ ମାଇଁ,  
 ଆମିନି ଲକ୍ଷୁ ଜିକେଏ ନୀ କପାଟି ନିଢ୍ଘାନା ନିଢ୍ଘେ ନାସା କିହାଲି ଆଡ଼ଅସି,  
 ଇତିହିଁ ଇ ଗାଡ଼ାତା ହାରେକା ନା ଲକ୍ଷୁ ମାନେରି ।” ୧୧ ଇଞ୍ଜିଁ ପାଝୁଲ  
 ଏଝାରିତାଣା ମାହାପୁରୁତି କାତା ଜାପ୍‌ହିହିଁ ର ବାସୀ ସ ଲେଞ୍ଜୁ ଡ଼ୟିତେସି । ୧୨  
 ସାମା ଗାଲିୟୁ ଆକାୟାତି ରମିୟୁ ସାଲଞ୍ଜି କିନାସି ମାତିବେଲାତା, ଜୀହୁଦି  
 ଲକ୍ଷୁ ପାଝୁଲ କପାଟି ନିଢ୍ଘାନା ଏଝାଣାଇଁ ନୀହାଁୟି କିନାରି ତାଣା ଦସା ଅହାନା  
 ଏଲେଇଚେରି, ୧୩ “ଇଝାସି ମସାତି ମେରା କପାଟି ଅର ରଲେକିଁ ମାହାପୁରୁତି  
 ସେବା କିହାଲି ଲକ୍ଷୁଣି ଜାପ୍‌ହିମାନେସି ।” ୧୪ ସାମା ପାଝୁଲ ଗୁତି ଏକ୍‌ହାନା  
 ଜଲ୍‌ଲି ମାଟ୍‌ହି ମାଚାଟି, ଗାଲିୟୁନ ଜୀହୁଦି ଲକ୍ଷୁଣି ଏଲେଇଚେସି, “ଆଡ଼େ  
 ଜୀହୁଦି ଲକ୍ଷୁତେରି ଏନିଲେହେଁତି ଦହ କି ଲାଗେଏତି କାମା ଆତିହିଁମା ସୁସ୍ତି  
 ତଲେ ମୀ କାତା ଝେନାୟି ନାଢ୍ଘେତାକି ନେହେଁ ଆତେମା, ୧୫ ସାମା ଇଦି  
 ଝାର୍‌ଇ ବଲ୍ଲୁ ଅଡ଼େ ଦରୁ ଅଡ଼େ ମୀ ମେରାତି କାତା ମୀରୁଏ ଇଦାଆଁ ସୁସ୍ତି କିଦୁ  
 । ଇଲେତି କାତାତି ନାନୁ ନୀହାଁୟି କିଆଁ!” ୧୬ ଏଲେଇଞ୍ଜାନା ଏଝାସି ଏଝାରିଇଁ

ନୀହାୟି କିନି ତାଣାଟି ପେରୁହା ତୁସ୍ତେସି । ୧୭ ଏତେଟିଏ ବାରେଜାଣା ସସ୍ତାନ  
 ଇନି ଜୀହୁଦି ଲକ୍ଷୁତି କୁଟମି ଇଲୁତି କାଜାଣାଇଁ ଆସାନା ନୀହାୟି ପାଢ଼ାତା  
 ଖେତେରି; ସାମା ଗାଲିୟନ ଏ ବାରେ କାତାତା ମନ ହାଆତେସି । ୧୮  
 ପାଢ଼ୁଲ କରନ୍ତିତା ନାମିତି ତାୟି ତାଢ଼ିସ୍ତା ତଲେ ହାରେକା ଦିନା ଡ଼ୟାନା  
 ତାୟିୟାଁ ତାଣାଟି ହେଲ ବେଟାଆହାନା ଏୟୁ ଜାଜାଟି ସିରିୟାତା ହାଚେସି,  
 ପ୍ରିସ୍ତାଲି ଅଡେ ଆକ୍ଷିଲା ତାନିତଲେ ହାଚେରି, ତାନି ଆଞ୍ଜିତାୟି ମାଚାକି  
 ଏଞ୍ଜାସି କେଢ଼େୟାତା ତାନି ତାୟି ହିଣ୍ଡେସି । ୧୯ ତାୟୁ ଏଞ୍ଜାରି ଏପିସିୟାତା  
 ଖାଚେରି, ଅଡେ ଏଞ୍ଜାସି ଏ ଟାୟୁତା ଆକ୍ଷିଲା ଅଡେ ପ୍ରିସ୍ତାଲି ହେଲ ହାହାନା  
 ପାଢ଼ୁଲ ରଅସିଏ ଜୀହୁଦି ଲକ୍ଷୁତି କୁଟମି ଇଲୁତା ହତାନା ଜୀହୁଦିୟାଁ ତଲେ  
 ହାତାକାତା ଆଚେରି । ୨୦ ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ହାରେକା ଦିନା ଡ଼ୟାଲି  
 ବାତିମାଲିତିହିଁଞ୍ଜା ଏଞ୍ଜାସି ଡ଼ୟାଲି କୁଟେସି । ୨୧ ସାମା ଏଞ୍ଜାରି ତାଣାଟି ହେଲ  
 ଅହାନା ଏଲେଇଚେସି, “ମାହାପୁରୁତି ମନ ଆତିହିଁ ଅଡେ ର ଦେବା ମୀ ତାଣା  
 ଖେଣ୍ଡା ଖାଇ,” ଇଞ୍ଜାଁ ଏଞ୍ଜାସି ଏପିସିୟାଟି ହାଚେସି । ୨୨ କାୟିସିରିୟାତା  
 ଏଗାହାଜାନା ଏମ୍ବାଟି ଜିରୁସାଲମତା ହାଚେସି, ଅଡେ କୁଲମିତି ଜହରା କିହାନା  
 ଏମ୍ବାଟିଏ ଆନ୍ତିୟକିୟାତା ହାଚେସି । ୨୩ ଏମ୍ବାଆଁ ଏଚରଦିନା ଡ଼ୟିତି ଡାୟୁ,  
 ଏଞ୍ଜାସି ଅଡେ ଖେଣ୍ଡେ ହାଜାନା ଗାଲାତିୟ ଇଞ୍ଜାଁ ପୁର୍ଗିୟା ନାସକା ହାହାନା  
 ହାଚେସି, ଅଡେ ଜିରୁତା ସୀସୁୟାଣି ତାନି ନାମୁତା ଆର୍ଘା ତଲେ ଡ଼ୟାଲି  
 ରାହାଁ ହାଚେସି । ୨୪ ଏମ୍ବାଟିଏ ଆପଲ ଦରୁଗାଟି ର ଜୀହୁଦି ଏପିସିୟାତା  
 ଖାଚେସି, ଏଞ୍ଜାସି ଆଲେକଜାଣ୍ଡ୍ରିୟାତା ଜାର୍ନା ଆହାମାଚେସି, ଏଞ୍ଜାସି ନେହିଁକି  
 ଖେସାଲି ଆଡିନାସି ଅଡେ ଦାମ୍ବୁ ପତିତି କାତା ଗାଡି ପୁନାସି ମାଚେସି । ୨୫  
 ଇଞ୍ଜାସି ପୁରୁ ଜିରୁତି କାତା ନେହିଁକି ଜାପାମାଚେସି, ଇଞ୍ଜାଁ ଜୀଞ୍ଜୁତଲେ ବାଡ଼ୟୁ  
 ବେଟାଆହାନା ଜୀସୁତି କାତା ନେହିଁକି ଜାପୁହି ମାଚେସି, ଏଞ୍ଜାସି ଖାର୍ଇ  
 ଜହନତି ବାପ୍ତିସ୍ତା କାତା ପୁଞ୍ଜାମାଚେସି । ୨୬ ଏଞ୍ଜାସି ସାସାତଲେ ଜୀହୁଦି ଲକ୍ଷୁତି  
 କୁଟମି ଇଲୁତା ଜଲାଇ ମାଚୁହେସି, ସାମା ଆକ୍ଷିଲା ଅଡେ ପ୍ରିସ୍ତାଲି ଏଞ୍ଜାଣି  
 କାତା ଖେଞ୍ଜାନା ଏଞ୍ଜାଣାଇଁ ତାନି ଇଜ ଅହାନା ଏମ୍ବାଆଁ ହାରେକା ନେହେଁ  
 ମାହାପୁରୁ ଜିରୁତି କାତା ପୁଣ୍ଡିକିତୁ । ୨୭ ତାୟୁ ଆପଲ ଆକାୟା ଦେସାତା  
 ହାଜାଲି ମନ କିହାଲିଏ ଏପିସିୟାଟି ନାମିତି ତାୟିୟାଁ ଏଞ୍ଜାଣାଇଁ ସାୟେମି  
 କିଚେରି, ଇଞ୍ଜାଁ ଏଞ୍ଜାଣାଇଁ ରାହାଁତଲେ ଆବାଲି ଆକାୟାତା ମାନି ସୀସୁୟାକି ର  
 ଆକୁ ରାଚିଚେରି, ଏଞ୍ଜାସି ଏମ୍ବାଆଁ ଏଗାହାଜାନା ମାହାପୁରୁ କାର୍ମାଟି ନାମା

ମାନାରାଜି ହାରେକା ସାୟେମି କିତେସି । ୨୮ ଇତିହାଁ ଜୀସୁଏ ମସିହା ଇଞ୍ଜି  
ଦାମ୍ବୁ ପଚିଟି ନେହିଁକି ତସାହାଁ ଏଝାସି ବାରେଜାଣା ନକିତା ତାନିତଲେ ଆସ୍ପି  
ଆହିମାନି ଜୀହୁଦି ଲକ୍ଷୁଣି ହାରେଝି କିତେସି ।

**୧୯** ଆପଲ କରନ୍ତିତା ମାଚିବେଲାତା ପାଞ୍ଜୁଲ ଝେଡ଼ା ହୁପୁଞାକିତି ରାଜି  
ରେଜାନା ଏପିସିୟ ଗାଡ଼ାତା ଏଗାଝାତେସି । ଏମ୍ପାଆଁ ଏଚରଜାଣା ସୀସୁୟାଣି  
ବେଟାଆତେସି, ୨ ଏଝାସି ଏଝାରାଇଁ ଝେଚେସି, “ମୀରୁ ନାମିତି ରେଟୁଏ  
ସୁଦୁଜୀଝୁ ବେଟାଆହା ମାଚେରି କି?” ଏଝାରି ଏଲେଇଚେରି, “ଆଏ ସୁଦୁଜୀଝୁ  
ମାନେ ଇଞ୍ଜି ମାମୁ ଝେଞ୍ଜା ଜିକେଏ ହିଲଅମି ।” ୩ ପାଞ୍ଜୁଲ ଏଝାରାଇଁ ଝେଚେସି,  
“ଆତିହିଁ ମୀରୁ ଏନିଲେହେଟି ବାପ୍ତିସ୍ତା ବେଟାଆହା ମାଚେରି ।” ଏଝାରି  
ଏଲେଇଚେରି, “ମାମୁ ଜହନତି ବାପ୍ତିସ୍ତା ଅହାମାଚମି ।” ୪ ଏମ୍ପାଟିଏ ପାଞ୍ଜୁଲ  
ଏଲେଇଚେସି, “ଜହନତି ବାପ୍ତିସ୍ତା ହିୟାଁ ଝେଟ୍ପି କିଞ୍ଜିକିନି ବାପ୍ତିସ୍ତା; ଜହନ  
ଇସ୍ତାୟେଲ ଲକ୍ଷୁଣି ବାପ୍ତିସ୍ତା ହୀହାନା ଏଲେଇଚେସି, ନା ଜେଚ ଆମ୍ପାଆସି  
ଝାହିମାନେସି, ଏଝାଣାଇଁ ଇତିହିଁ ଜୀସୁଇଁ ନାମାଦୁ ଇଞ୍ଜି ଝେସିମାଚେସି ।” ୫  
ଇଦାଆଁ ଝେଞ୍ଜାମା ଏଝାରି ପ୍ରବୁ ଜୀସୁ ଦରୁତଲେ ବାପ୍ତିସ୍ତା ଅଚେରି । ୬ ଅଡ଼େ  
ପାଞ୍ଜୁଲ ଏଝାରି ଲାକ କେସ୍ତା ଇଟାଲିଏ ସୁଦୁଜୀଝୁ ଏଝାରି ଲାକ ରେଟାଝାତେ,  
ଇଞ୍ଜି ଏଝାରି ଏଟ୍‌କା ଏଟ୍‌କା ହାତାତଲେ କାତା ଜଲାନା ମାହାପୁରୁତି ତାୟୁ  
ଆନି କାତା ଜିକେଏ ଝେକ୍‌ହେରି । ୭ ଏଝାରି ବାରେ ବାରେଜାଣା ଆବାୟାଁ  
ମାଚେରି । ୮ ତାୟୁ ପାଞ୍ଜୁଲ ଜୀହୁଦି ଲକ୍ଷୁଣି ଜୀହୁଦି ଲକ୍ଷୁଣି କୁଟମି ଇଲୁତା  
ହାଜାନା ତାନି ଲେଞ୍ଜୁ ପାଚେକା ସାସାତଲେ ମାହାପୁରୁ ରାଜିତି କାତା ଝେକ୍‌ହିହିଁ  
ଲକ୍ଷୁଣି ମନତି ନାମି କିହାଲି ଅଶ୍ପିତେସି । ୯ ସାମା ଏଚିବେଲା ଏଚେକା ଲକ୍ଷୁ  
ଆଟ୍‌ଝା ହିୟାଁ ଅଡ଼େ ମୁଣ୍ଡି ଆହାନା ଲକ୍ଷୁ ନକିତା ପ୍ରବୁ ଜିରୁ କପାଟି ନିଞ୍ଜାମା ନିନ୍ଦା  
କାତା ଝେସ୍ତେରି, ଏଚିବେଲା ପାଞ୍ଜୁଲ ଏଝାରାଇଁ ପିସାନା ସୀସୁୟାଁ ଏଟ୍‌କା  
କିତେସି, ଇଞ୍ଜି ତୁରାନନ୍ ଇନି ଜାପ୍‌ନି ଇଲୁତା ବାରେଦିନା ଜାପ୍‌ହି ମାଚେସି ।  
**୧୦** ଇଲେଆହିଁ ରୀ ବାସୀ ପାଚେକା ଆତେ; ଏଚେଟିଏ ଆସିୟା ଦେସାତା  
ବାସାଆହାମାନି ହାରେକା ଜୀହୁଦି ଅଡ଼େ ଜୀହୁଦିଆଆତି ଲକ୍ଷୁ ବାରେଜାଣା  
ପ୍ରବୁତି କାତା ଝେଚେରି । ୧୧ ଅଡ଼େ, ମାହାପୁରୁ ପାଞ୍ଜୁଲ ତାଣାଟି ହାରେକା  
ବାଡ଼୍‌ୟୁତି କାମାୟାଁ କିହିମାଚେସି । ୧୨ ଇଲାଆହିଁ ପାଞ୍ଜୁଲ ଲେମ୍ପିମାନି ପାଞ୍ଜୁତା  
ତୁରନି ସକା କି ତୁଞ୍ଜାଲା ରଗ ଗାଟାରି ତାଣା ତାତିସାରେ ଏଝାରି ତାଣାଟି ରଗ  
ପିସିମାଚେ ଅଡ଼େ ବୃତୁୟାଁ ହଟା ହାଜିମାରୁ । ୧୩ ସାମା ରେଜି ରେଜିହିଁ ବୃତୁୟାଁ

ପେରନ୍ ଜୀହୁଦିୟ ବିଦ୍ରାଠି ଏଚରଜାଣା ପଲ୍‌ଆ ବୁରୁୟ୍ ଆସାମାନାରି ଲାକ  
 ପ୍ରବୁ ଜୀସୁ ଦରୁ ଆସାନା ପେରହାଲି ଅଣ୍‌ପାନା ଏଲେଇଚେରି, “ପାଖୁଲ ଆମିନି  
 ଜୀସୁଇଁ ଝେକ୍‌ହି ମାନେସି ନାନୁ ଏଝାଣି ଦରୁଟି ନିଢ୍ଢେ ହୁକୁମି ହାହିମାଞ୍ଜୁଇଁ  
 ।” ୧୪ ସ୍ଲୋବା ଦରୁଗାଟି ର ଜୀହୁଦି କାଜା ପୂଜେରାତି ସାତା ଜାଣା ମୀର୍କା  
 ଏଲେ କିହିମାଚେରି । ୧୫ ସାମା ପଲ୍‌ଆ ବୁରୁୟ୍ ଏଝାରାଇଁ ଏଲେଇରୁ, “ନାନୁ  
 ଜୀସୁଇଁ ପୁଞ୍ଜାମାଇଁ ଅଡେ ପାଖୁଲଇଁ ପୁଞ୍ଜାମାଇଁ; ସାମା ମୀରୁ ଆମ୍ବାଆଚେରି?”  
 ୧୬ ଏଚେଟିଏ ଏ ପଲ୍‌ଆ ବୁରୁ ଆଲ୍‌ଗା ମାତାସି ଏଝାରି ଲାକ ଡେଝାଁନା  
 ଏଝାରାଇଁ ଇର୍‌ହାଲିଏ ଏଝାରି ନାଗଡ଼ା ଉଗଡ଼ା ରାଣାରାକା ଆହାନା ଏ ଇଲୁଟି  
 ହଚେରି । ୧୭ ଇ କାତା ଏପିସିୟତା ମାନି ଜୀହୁଦି ଅଡେ ଜୀହୁଦିଆଆତି ଲକୁ  
 ବାରେଜାଣା ପୁଚେରି, ଇଞ୍ଜି ବାରେଜାଣା ଆଜିଚେରି, ଅଡେ ଏମ୍ବାଆଁ ପ୍ରବୁ  
 ଜୀସୁଟି ଦରୁ ହାରେକା ଗାଝୁରମି କିଚେରି । ୧୮ ଅଡେ ନାମୁଗାଟାରି ବିଦ୍ରାଠି  
 ହାରେକା ଝାହାନା ତାମୁ କିହାମାନି ପଲ୍‌ଆ କାମାତି ଝେସ୍ତେରି । ୧୯ ଅଡେ  
 ଗାର୍‌ଡ଼ି କାମା କିହିମାତି ହାରେକା ଜାଣା ତାମୁ ତାମି ପତିୟ୍ ତାତିହିଁ ରୁଣ୍ଡା  
 କିହାନା ବାରେଜାଣା ନକିତା ହୁଡିଚେରି; ଏଝାରି ଏ ବାରେତି ଲେକା କିହାଲିଏ  
 ରୀ କଡ଼ି ଦସ ମାଣା ଝେଣ୍ଡି ଟାକାୟ୍‌ତି ପତିୟ୍ ମାରୁ । ୨୦ ଇଲେଆହିଁ  
 ପ୍ରବୁଟି ବଲୁ ବାଡ଼୍‌ୟୁ ତଲେ ପାତାଆତେ ସାରିସୁରୁ ଝେଢ୍ଢିଚେ । ୨୧ ଇ ବାରେ  
 କାତା ରାତି ତାୟୁ ପାଖୁଲ ମାକିଦନିୟା ଅଡେ ଆକାୟା ମାଦିଟି ଜିରୁସାଲମତା  
 ହାଜାଲି ମନତା ତାରି କିଚେସି । ଏଝାସି ଏଲେଇଚେସି, “ଏମ୍ବାଆଁ ହାତି  
 ତାୟୁ ନାନୁ ରମତା ଜିକେଏ ହାନାୟିମାନେ ।” ୨୨ ଅଡେ ଆମ୍ବାଆରି ଏଝାଣି  
 ସେବା କିହିମାଚେରି, ଏଝାରି ବିଦ୍ରାଠି ତିମତି ଅଡେ ଏରାସୁ ଇ ରିଆରାଇଁ  
 ମାକିଦନିୟାତା ପାଣ୍ଡାଣା ଏଝାସି ଏଚରଦିନା ପାଚେକା ଆସିୟାତା ତୁୟିଚେସି  
 । ୨୩ ଏତିବେଲାତା ପ୍ରବୁ ତସାମାନି ଜିରୁଟି କାତା ଅହାନା ଏପିସିୟତା  
 ହାରେକା ଗଡ଼୍‌ହା ଆତେ । ୨୪ ଦିମିତ୍ରିୟ ଦରୁଗାଟି ର ଝେଣ୍ଡି କାମାକିନାସି  
 ଆର୍ଚେମି ପେନୁଟି ର ଝେଣ୍ଡିଟି ଦେଝୁଡ଼ି କିହିମାଚେସି, ଇଞ୍ଜି ଏଝାଣି ଇ ବେବାରା  
 କାମା କିନାରାକି ହାରେକା ଲାବା ଆହିମାଚେ । ୨୫ ଏମ୍ବାଟିଏ ଏଝାସି ଇଞ୍ଜି  
 ଏଝାରିଲେହେଁ କାମା କିନାରାଇଁ ହାଟାନା ଏଲେଇଚେସି, “ବାବୁୟ୍ ଇ କାମାଟି  
 ମାର ଦନ ବେଟାଆହି ମାନାୟି ଇଞ୍ଜି ମୀରୁ ବାରେ ପୁଞ୍ଜାମାଞ୍ଜେରି; ୨୬  
 ଅଡେ, କେସ୍‌ମାତଲେ କେପିତି ପେଶ୍‌କା ମାହାପୁରୁ ଆଏ ଇଞ୍ଜି ଝେସାନା ପାଖୁଲ  
 ଝାରଇ ଏପିସିୟତା ଆଏ, ସାମା ବାରେ ଆସିୟାତା ଜିକେଏ ହାରେକା ଲକୁଣି

ଜାପାନୀ ଏମ୍ପାଟି ମାତ୍ର କିହିମାନେସି, ଇଦାଆଁ ମୀରୁ ମେସାମାଜ୍ଞେରି ଅଡ଼େ  
 ଖେଜ୍ଞାମାଜ୍ଞେରି । ୨୭ ଇଦାଆଁ ଖାର୍‌ଇ ମା ବେବାରା କାମା ଲାଗେଏ ଆନେ,  
 ଏଦି ଆଏ, ସାମା ଆମିନି କାଜା ଡେନୁ ଆର୍ଡେମିଇଁ ବାରେ ଆସିୟା ଅଡ଼େ  
 ଦାର୍‌ଡିତି ଲକୁ ପୂଜା କିହିମାନେରି, ଏଦାନି ଦେଖୁଡିତି ଜିକେଏ ଲକୁ ମାନି  
 କିଅରି, ଇଜ୍ଞା ଆର୍ଡେମି ଡେନୁଡି ଦରୁ କାଜା ଦରୁ ଇଜ୍ଞା ଝେଜ୍ଞେଏ ।” ୨୮ ଇ  
 କାତା ଖେଜ୍ଞାମା ବାରେଜାଣା କାର୍‌ବି ଆହାନା କାଜା ଗିୟାତଲେ ଏଲେଇଚେରି,  
 “ଏପିସିୟ ଲକୁଡି ଆର୍ଡେମିଏ କାଜା ଡେନୁ ।” ୨୯ ଏଚେଟିଏ ଗାଡ଼ା ବାରେ  
 ଗଡ଼ହା ଆଡେ, ଇଜ୍ଞା ଲକୁ ବାରେ କାଲଖି ଆହାନା ପାଖୁଲ ତଲେ ହାଜିମାତି  
 ମାନିଦନିୟାତି ଗାୟ ଅଡ଼େ ଆରିସ୍ତାକିଇଁ ଦସାନା କାହିନି ବାଟାତା ହଚେରି ।  
 ୩୦ ଏମ୍ପାଟିଏ ପାଖୁଲ ଲକୁ ମାନୁ ବିତ୍ରା ହାଜାଲି ଅଶ୍‌ପିଡେସି, ସାମା ସୀସୁୟା  
 ଏଖାଣାଇଁ ହାଜାଲି ହୀଆଚେରି । ୩୧ ଅଡ଼େ ଆସିୟାତି ସାଲଖି କିନାରି ବିତ୍ରାଟି  
 ଜିକେଏ ଏଖାରି ତଡୁ ଗାଟାରି ମାଟାକି କାହିନି ବାଟା ମାଦି ହାଲାଆପେସି ଇଜ୍ଞା  
 ଲକୁଣି ଝେସା ପାଶ୍ଟାମା ଏଖାଣାଇଁ ବାଟିମାଲିଚେରି । ୩୨ ଏଚିବେଲା ହାରେକା  
 ଗଡ଼ହା ଆହିମାଚେ, ଇଜ୍ଞା ଲକୁ ମାନୁ ମାନୁ ଆହିଁ ଏଚରଜାଣା ଇ କାତା ଅଡ଼େ  
 ଏଚରଜାଣା ଏ କାତା ଇଜ୍ଞା କାଲଖି ଆହିମାଚେରି, ଅଡ଼େ ଏଖାରି ଏନାଆଁଟାକି  
 ରୁଣ୍ଡା ଆହାମାନେରି ହାରେକା ଲକୁ ପୁଞ୍ଜାହିଲାଆଚେରି । ୩୩ ଲକୁ ବିତ୍ରାଟି  
 ଏଚରଜାଣା ଏଲେଇଚେରି, ଆଲେକ୍‌ଜାଣ୍ଡାର ଇଦାଆଁଟାକି ଦାୟି, ଇଚିହିଁ  
 ଜୀହୁଦି ଲକୁ ଏଖାଣାଇଁ ନକିତା ନିପ୍‌ହା ମାଚେରି, ଆଲେକ୍‌ଜାଣ୍ଡାର କେୟୁ  
 ପେରହାନା ଲକୁଣି ପାଲେଏ ଆହାଲି କେୟୁ ଜୀଜ୍ଞିଚେସି, ଅଡ଼େ ନାମୁଗାଟାରି  
 ଖାକିଟି ଝେସାଲି ଅଶ୍‌ପିଡେସି । ୩୪ ସାମା ଏଖାସି ରୁ ଜୀହୁଦି ଇଜ୍ଞା ଏଚିବେଲା  
 ଏଖାରି ପୁଚେରି; ଏଚିବେଲା ବାରେଜାଣା କାଜା ଗିୟାତଲେ ରୀ ଗଂଟା  
 ପାଚେକା କାଲଖି ଆହାନା ଏଲେଇଚେରି, “ଆର୍ଡେମିଏ ଏପିସିୟ ଲକୁଡି କାଜା  
 ଡେନୁ ।” ୩୫ ଡାୟୁ ଗାଡ଼ାତି କାଜାସି ଲକୁଣି ସୁସ୍ତି କିହାଲି ଝେସୁସ୍ତି, “ଏ  
 ଏପିସିୟତା ମାନି ତାୟିୟାଚେରି ବାରେଜାଣା ପୁଞ୍ଜାମାନେରି ଏପିସିୟ ଗାଡ଼ାତି  
 କାଜା ଡେନୁ ଆର୍ଡେମିତି ଦେଖୁଡି ଇଜ୍ଞା ହାଗୁଲାକଟି ରେଟା ଖାହାମାନି ସୁଦୁଡି  
 ବମା ଗେଲ୍‌ପିକିଖି ଆହାମାନେ । ୩୬ ଆମ୍ପାଆସି ଇଦାଆଁ ଆଏ ଇଜ୍ଞାଲି  
 ଆଡଅସି, ଏଦାଆଁଟାକି ମୀରୁ ବାରେ ସୁସ୍ତି ଆଦୁ, ଏନି ରୁଦି ହିଲାଆ କାମା  
 କିଆଦୁ । ୩୭ ଇଚିହିଁ ଇ ଆମିନି ଲକୁଇଁ ମୀରୁ ଦସା ତାଟାମାଜ୍ଞେରି, ଇଖାରି  
 ଦେଖୁଡିତି ସରୁ କିହାହିଲଅରି, ଇଜ୍ଞା ମା ଡେଶକା କପାଟି ଏନି ନିନ୍ଦା କାତା

ଜଳା ହିଲଅରି । ୩୮ ଏଦାଆଁତାକି ଦିମିତ୍ରିୟ ଅଡ଼େ ଏଞ୍ଜାଣିତଲେ କାମାକିନାରି  
 ଆମ୍ବାଆରି କପାଟି ଏନି କାତା ମାଟିହିଁ, ନୀହାୟି କିହାଲି ନୀହାୟି ଇଲୁ  
 ଦେପିଆହାମାନେ, ଇଞ୍ଜିଁ ନୀହାୟି କିନାରି ମାନେରି, ଏଞ୍ଜାରି ନକିତା ତାମୁ ତାମି  
 ଦାଞ୍ଜା କିପେରି । ୩୯ ଇଦାଣିକିହିଁ ଆଗାଡ଼ା ଅଶ୍ୱପିମାଟିହିଁ, ଲକୁ ତାଣାଟି ମେରା  
 କିଞ୍ଜି ଆହାମାନି ନୀହାୟି କିନି ତାଣା ଏଦାଆଁ ତିକ୍ନାୟି ଆନେ । ୪୦ ଇତିହିଁ  
 ସାତେଏ ନୀଞ୍ଜୁତି ଗଡ଼ହା ତାକି ମା କପାଟି ଦାଞ୍ଜା ଆନାୟି ମାନେ; ଏନିଇତିହିଁ ଏ  
 ଗଡ଼ହା ଏନାଆଁତାକି ହୁତେ ଏଦାଆଁ ମାର ଏନି କାତାତଲେ ତସାଲି ଆଡାଆୟି  
 ।” ୪୧ ଇ ବାରେ କାତା ଖେସାନା ଲକୁଣି ସୁସ୍ତି କିହାନା ନୀହାୟି ତୁକ୍ହେସି ।

**୨୦** ଏ ଗଡ଼ହା ତୁଢ଼ିତି ତାୟୁ ପାଞ୍ଜୁଲ ସୀସୁୟାଣି କୁଡ଼ି କିହାନା ଏଞ୍ଜାରାଇଁ  
 ବାସୁତି କାତା ଖେସେସି, ଏଞ୍ଜାରି ତାଣାଟି ହେଲ ଅହାନା ମାକିଦନିୟାତା  
 ହାଚେସି । ୧ ଏଞ୍ଜାସି ବାରେ ନାସକାଟି ହାଜିହିଁ, ହାରେକା ସୀସୁୟାଣି ବାସୁ  
 ହୀହାନା ଗ୍ରିସ୍ ଦେସାତା ହାଚେସି । ୩ ଏମ୍ବାଟିଏ ଏଞ୍ଜାସି ଏମ୍ବାଆଁ ତାନି  
 ଲେଞ୍ଜୁ ତୟିତେସି, ଏଞ୍ଜାସି ସିରିୟାତା ହାଜାଲି ତିୟାରା ଆହିମାଟି ବେଲମାତା,  
 ଜୀହୁତି ଲକୁ ଏଞ୍ଜାଣାଇଁ ପାୟାଲି ତୀରି କିହାମାନେରି ଇଞ୍ଜିଁ କାବୁ ପୁଞ୍ଜାନା  
 ମାକିଦନିୟା ଖାକିଟି ଖେଣ୍ଡେ ହାଜାଲି ତୀରି କିତେସି । ୪ ଅଡ଼େ ବେରିୟା  
 ତାସି ପୁରୁତି ମାରୁଏସି ସପାତର, ଅଡ଼େ ତେସଲନିକି ଗାଡ଼ାଟି ଆରିସ୍ତାର୍କ,  
 ସେକୁନ୍, ଦର୍ବିତି ଗାୟ, ତିମତି ଅଡ଼େ ଆସିୟାତି ଲକୁ ବିତ୍ରାଟି ତୁକିକ ଅଡ଼େ  
 ତ୍ରପିମ ଏଞ୍ଜାଣିତଲେ ହାଚେରି । ୫ ଏଞ୍ଜାରି ବାରେଜାଣା ନକେଏ ହାଜାନା  
 ତ୍ରୟାତା ମାଡ଼େ କାଟିମାଞ୍ଜାଚେରି । ୬ ଅଡ଼େ ପୁଲା ଗୁଣ୍ଡା ଆଣ୍ଡାଆତି ରୁଟି  
 ତିନି ପାରୁଁ ତାୟୁ ମାମୁ ପିଲିପିଟି ଏୟୁ ଜାଜାଟି ହାଚନି, ଇଞ୍ଜିଁ ପାସା ଦିନା  
 ତାୟୁ ତ୍ରୟାତା ଏଞ୍ଜାରାଇଁ ବେଟାଆହାନା; ଏମ୍ବାଆଁ ର ଖାବା ତୟିତମି । ୭  
 ଖାବାତି ମୁଲୁ ଦିନାଟି ମିଡ଼ଅଲ୍ଲା ରାନ୍ଦା ତିଞ୍ଜୁଲି ରୁଣ୍ଡା ଆହାମାଚମି, ପାଞ୍ଜୁଲ ଅର  
 ନେରୁ ହାନାୟି ମାତାକି ଏଞ୍ଜାସି ଲକୁଣି ମାଦି ନେକେରି ପାତେକା ନେହିଁ କାତା  
 ଖେସିମାଚେସି । ୮ ମାମୁ କୁଡ଼ା ଆହାମାନି ଲାକନି ପାରୁତି ଇଲୁତା ଏମ୍ବାଆଁ  
 ହାରେକା ଦୀଞ୍ଜୁୟାଁ ତାଞ୍ଜିମାରୁ । ୯ ଅଡ଼େ ଇଞ୍ଜୁତୁକ ଇନି ର ଦାଂଗ୍ରେଏସି  
 କିଡ଼କି ଲାକ କୁଗାମାଚେସି, ଏଞ୍ଜାଣାକି ହାରେକା ଇଦା ଖାହିମାଚେ; ଇଞ୍ଜିଁ  
 ପାଞ୍ଜୁଲ କାତା ହାରେକା ଲାମ୍ବା କିହିଁ ଖେସିମାତାକି ଇଞ୍ଜୁତୁକ ତାନି ପାରୁ ଗାଟି  
 ଇଲୁ ଲାକଟି ତଇ ରୀତେସି, ଏତିବେଲା ଏଞ୍ଜାରି ଇଞ୍ଜୁତୁକଇଁ ନିକ୍ହେରି,  
 ଏଞ୍ଜାସି ହାହାମାଚେସି । ୧୦ ସାମା ପାଞ୍ଜୁଲ ତଇ ରେତାଞ୍ଜାହାନା ଏଞ୍ଜାଣି ମୁହେଁ

ମାର୍ହାନା ଏଞ୍ଜାଣାଇଁ ପମାନା ଏଲେଇରେସି, “ଆଜାଆନ୍ତୁ ଇତିହିଁ ଇଞ୍ଜାଣି ଡାଣା ଜୀଞ୍ଜୁ ମାନେ ।” ୧୧ ଡାୟୁ ଲାକ ହାଜାନା ରୁଟି ବାଟିକିହିଁ ତିରେରି, ଇଞ୍ଜାଁ ଲାଇ ଡେୟିନି ପାତେକା ହାତାକାତା ଆହାନା ପାଞ୍ଜୁଲ ହାରେସି । ୧୨ ଅଡେ ଲକୁ ଏ ଦାଂଗ୍ଣା କକାଣାଇଁ ଜୀଞ୍ଜୁତଲେ ଇଜ ଅହିଁ ହାରେରି ଇଞ୍ଜାଁ ଏଞ୍ଜାରି ହାରେକା ବାସ୍ତୁ ବେଟାଆତେରି । ୧୩ ସାମା ମାମୁ ନକେଏ ଜାଜାତା ହତାନା ଆସସ୍ତା ହାତମି, ଏମ୍ପାଟିଏ ମାମୁ ପାଞ୍ଜୁଲଇଁ ଅହାଲି ଅଶ୍ପାମାତମି, ଇତିହିଁ ଏଞ୍ଜାସି ତାନୁଏ ତାକିହିଁ ହାଜାଲି ତାରି କିହାମାରେସି । ୧୪ ଏତିବେଲା ଏଞ୍ଜାସି ଆସସ୍ତା ମାଡ୍ରେ ବେଟା ଆୟାଲିଏ, ମାମୁ ଜାଜାତା ଏଞ୍ଜାଣାଇଁ ମିତିଲିନିତା ତାତିହିଁ ଖାତମି, ୧୫ ଅଡେ ଏମ୍ପାଟି ହାଜାନା ଏ ଅର ନେରୁ କିଅସତା ଏଗାହାତମି, ଅଡେ ର ଦିନାତି ଜେତ ସାମସ୍ତା ଏଜାହିଁ, ତାନି ଅର ନେରୁ ମିଲିତତା ଏଗାହାତମି । ୧୬ ଇତିହିଁ ପାଞ୍ଜୁଲ ଆସିୟା ରାଜିତା ହାରେକା ଦିନା ଡୟାଆନା, ଇଦାଆଁତାକି ଏଞ୍ଜାସି ଏପିସିୟ ପିସାନା ହାଜାଲି ତାରି କିହାମାରେସି, ଆତିସାରେ ପେନ୍ତିକସ୍ତୁ ଦିନା ଜିରୁସାଲମତା ଏଗାହାଜାଲି ଦାଗା ଅହିମାରେସି । ୧୭ ମିଲିତଟିଏ ପାଞ୍ଜୁଲ ଏପିସିୟ କୁଲମିତି କାଜା ଲକୁଣି କାବୁ ପାଣ୍ଡାନା ହାଟିକିତେସି । ୧୮ ଏଞ୍ଜାରି ତାମି ଡାଣା ଖାୟାଲିଏ, ଏଞ୍ଜାସି ଏଞ୍ଜାରାଇଁ ଏଲେଇରେସି, “ଆସିୟାତା ନାନୁ ଏଦାତି ଦିନାଟିଏ ମୀ ତଲେ ଏନିକିହିଁ ମାରେସି ମୀରୁ ପୁଞ୍ଜାମାଞ୍ଜେରି, ୧୯ ପ୍ରବୁତି ହଲେଏଣା ଆହାନା ଜାହାରାଇଁ ଉଣା କିହିଁ ଅଡେ କାଣୁ ବକ୍ହିଁ ନାଡ୍ରେ ସାସ୍ତି ଖାତାଟି ନାନୁ ପ୍ରବୁତି ସେବା କିତେସି, ଏନାଆଁତାକି ଇତିହିଁ ଏଚରଜାଣା ଜୀହୁଦି ଲକୁତି ପାରୁ ପାରିମାତାକି । ୨୦ ମୀରୁ ପୁଞ୍ଜାମାଞ୍ଜେରି, ନାନୁ ପାଞ୍ଜାଞ୍ଜେଡ୍ରେ ଲକୁଡାଣା ଖେହନାଟି ଅଡେ ମିଡ୍ରେତାକି ଇଲୁତା ଖେସ୍ତାନି ବେଲାତା ମୀ ନେହେଁ ଆନିଲେହେଁତି ଏନାଆଁ ଜିକେଏ ଡୁକ୍ହା ହିଲାଆତେସି, ୨୧ ଜୀହୁଦି ଅଡେ ଜୀହୁଦିଆଆତି ଲକୁ ନକିତା ଜାଗ୍ରାତା କିହିଁ ସାକି ହାହାନା ଖେସାମାରେସି, ଏଞ୍ଜାରି ପାପୁଟି ଏବ୍‌କା ଆହାନା ମାହାପୁରୁ ଖାକି ମନ ଖେବ୍‌ହା କତାନା ମା ପ୍ରବୁ ଜୀସୁଇଁ ନାମିନେରି । ୨୨ ନୀସି ମେହ୍‌ରୁ, ନାନୁ ସୁରୁଜୀଞ୍ଜୁଇଁ ମାନଞ୍ଜି ଆହାନା ଜିରୁସାଲମତା ହାଜିମାଇଁ, ଏମ୍ପାଆଁ ନାଡ୍ରେତାକି ଏନାଆଁ ଆନେ ନାନୁ ପୁଞ୍ଜାହିଲଅଁ; ୨୩ ସୁରୁଜୀଞ୍ଜୁ ନାଡ୍ରେ ଜାଗ୍ରାତା କିହିଁ ସାକି ହାହିମାଞ୍ଜାନେ, ଗାଡାତାକି ଗାଡା କାୟିଦି ଆହାନା କସ୍ତୁ ବେଟାଆଇଁ । ୨୪ ସାମା ନାନୁ ଏନିକି ନା ତାରିଆହାମାନି ଚାୟୁ ପାତେକା ହଚାଲି ଆଡିଇଁ, ଅଡେ ମାହାପୁରୁତି କାର୍ମାଟି ନେହିଁ କାବୁତାକି

ସାକି ହୀହାଲିତାକି ଜୀସୁ ଡାଣାଟିଏ ଏମିନି ଯେବା କାମା ବେଟାଆହାମାଲ୍,  
 ଏଦାଆଁ ଏନିକି ରାଠହାଲି ଆଡିଲ୍, ଏଦାଆଁତାକି ନା ଜୀସୁତି କାଜାୟି ଇଞ୍ଜି  
 ଅଣ୍ଡିପି ହିଲଅଁ ।” ୨୫ “ଅଡେ ନୀଏଁ ନାନୁ ପୁଞ୍ଜିମାଲ୍ ମୀରୁ ଅଡେ ନାଢେ ଖେଣ୍ଡେ  
 ମେସୁଅଡେରି । ନାନୁ ମୀ ବାରେ ଡାଣା ମାହାପୁରୁ ରାଜିତି କାତା ରେଜିହିଁ  
 ଖେସାମାଞ୍ଜାଲ୍ । ୨୬ ଏଦାଆଁତାକି ନାନୁ ନୀଞ୍ଜୁତି ଇ ପାରୁତାକି ଆର୍ଘା ତଲେ  
 ଖେସିମାଲ୍, ମୀ ବିତ୍ରାଟି ଆମ୍ବାଆସି ନାସା ଆଡିହିଁ ଏମ୍ବାତି ଦାୟି ନାନୁ ଆଏ ୨୭  
 ଇତିହିଁ ମାହାପୁରୁ ଅଣ୍ଡିପିମାନାଣି ବାରେ ମିଢେ ଖେସାଲି ନାନୁ ପିସା ହିଲଅଁ  
 । ୨୮ ମୀରୁ ମିଢେ ଜାହାରା କାତା ଅଡେ ଆମିନି କୁଲମିତି ମାହାପୁରୁ ତାନି  
 ନେତେରି ତଲେ କତାମାନେସି, ତାନି ଏ କୁଲମିତି ପୁହି ପାଡିକିହାଲିତାକି  
 ସୁଦୁଜୀସୁ ବାରେ ମାନୁ ବିତ୍ରାଟି ଗୁମୁସା କିହାଁ ମିଢୁ ଆତାମାଞ୍ଜାନେସି, ଏଞ୍ଜାରାଲ୍  
 ଜାଗ୍ରାତା କିଦୁ । ୨୯ ନାନୁ ହାତି ଡାୟୁ ଆଜିହପେତି ଗାଡ୍ଦେ କ୍ଷାଠନି ଖାନୁ,  
 ଅଡେ ମେଣ୍ଡାୟି ମାନୁଟି ରାଣାରାକା କିଆନା ପିହ୍ଡ, ୩୦ ଦିନା ଖାନେ,  
 ଏତିବେଲା ମୀ ଗତିତି ଏଚେକା ସୀସୁୟି ନିଢୁନା ନାନୁ ଗାଟାରାଲ୍ ମିତି କାତା  
 ଖେସାନା ଏଟକା ଜିରୁତା ଅନେରି, ୩୧ ଏତିବେଲା ଜାଗ୍ରାତା ଡାୟୁ, ନାନୁ  
 ଲାଆଁ ମାନେନା କାଣୁ ଖାକ୍ହିହିଁ ତାନି ବାର୍ଯା ପାତେକା ବାରେତେରି ମିଢେ  
 ଜାପହା ମାଞ୍ଜାଲ୍, ଇ କାତା ଅଣ୍ଡପୁତା ଇଟାଦୁ ।” ୩୨ ନୀଏଁ ନାନୁ ମିଢେ  
 ମାହାପୁରୁ ଇଞ୍ଜି ତାନି କାର୍ମାମେହନି ବଲୁ ନକିତା ହେରପିମାଞ୍ଜାଲ୍, ଇ କାର୍ମାତି  
 କାତା ମିଢେ ବାଡ୍ଦୟୁ ତଲେ ପାଡିକିହାଲିତାକି ଅଡେ ସୁଦୁ ଆହାମାନି ବାରେ  
 ଲକୁ ବିତ୍ରା ଅଦିକାରା ହୀହାଲି ଆତାନେସି । ୩୩ ନାନୁ ଆମ୍ବାଆରି ବାଂଗାରା,  
 ଖେଣ୍ଡି କି ହିମ୍ପରିକା ଜୁପକା ଆହାହିଲିଆଡେଏଁ । ୩୪ ମୀରୁ ପୁଞ୍ଜିମାଞ୍ଜେରି ଇ  
 ନା ରୀ କେସ୍ତାତଲେ କାମା କିହାନା ନାଢେ ଅଡେ ନା ଡୁଲୁ ଲକୁତି ବାରେ  
 ଲଡ଼ାମାନାଣି ବେଟାଆହାମାଲ୍ । ୩୫ ଇଲେକିହିଁ କସୁ କିହାନା ଆତାଆ ଗାଟାରି  
 ସାୟେମି କିନାୟି, “ଇତିହିଁ ରୀହନି କିହାଁ ହୀନାୟି ହାରେକା ନେହାୟି” ପ୍ରୁ  
 ଜୀସୁ ଡାୟୁ ଇ କାତା ଖେସାମାଞ୍ଜାନେସି, ଇ କାତା ମୀରୁ ଅଣ୍ଡିପିନାୟି ମାନେ,  
 ଇ ବାରେ କାତାତଲେ ମିଢେ ପୁଣ୍ଡି କିହିମାଞ୍ଜାଲ୍ । ୩୬ ଇ ବାରେ କାତା  
 ଖେସାଲି ରାପ୍ହି ଡାୟୁ ପାଞ୍ଜୁଲ ମେଣ୍ଡାକୁତାନା ବାରେଜାଣା ତଲେ ପ୍ରାତାନା  
 କିଡେସି । ୩୭ ଅଡେ, ଏଞ୍ଜାରି ବାରେଜାଣା ଡାହି ଡାହିଁ ପାଞ୍ଜୁଲ୍ ପମାହାଁ  
 ନଶ୍ଚିତେରି । ୩୮ ଏଞ୍ଜାରି ଅଡେ ତାନି ମୁମୁ ଖେଣ୍ଡେ ମେସାଲି ଆଡଅରି, ଏଞ୍ଜାସି



ଝେସାମାଟି କାତାତାକି ହାରେକା ଦୁକୁ କିତେରି, ଡାୟୁ ଏଝାରି ଏଝାଶାଉଁ ଏୟୁ  
ଜାଜା ପାତେକା ଇଟି ହାରେରି ।

**୨୧** ଏଝାରି ତାଶାଟି ହେଲ ବେଟାଆହାନା ମାମୁ ଏୟୁ ଜାଜାତା ହତାହାଁ  
ସଲ୍‌କେ ଜିରୁଟି କସ୍‌ତା ଝାତମି, ତାନି ଅର ନେରୁ ରଦାତା, ଇଞ୍ଜି ଏମ୍‌ପାଟିଏ  
ପାତାରାତା ଝାତମି । ୨ ଏମ୍‌ପାଟିଏ ପୟିନିକିୟା ହାନି ଏୟୁ ଜାଜା ବେଟାଆହାନା  
ଏମ୍‌ପାଆଁ ହତାହାଁ ହାତମି । ୩ ଡାୟୁ କୁପ୍‌ତ ଡଞ୍ଜା ଆହାଲିଏ ତାନି ଚେବିଝାକି  
ପିସାନା ମାମୁ ସିରିୟାତା ହାଜାନା ସରତା ଏଗାତମି, ମାମୁ ଗାୟରତା ଜାଜାଟି  
ରେତମି, ଇଟିହଁ ଏମ୍‌ପାଆଁ ଜାଜାଟି ଆସ୍ତି ରେପ୍‌ନାୟି ମାରେ । ୪ ଏମ୍‌ପାଆଁ ନାନିତି  
ସୀୟୁୟିଶି ପାରାନା ଏଝାରାଉଁ ବେଟାଆହାନା ଏମ୍‌ପାଆଁ ସାତା ଦିନା ଡ଼ୟିତମି;  
ଇଞ୍ଜି ପାଝୁଲ ଏନିକି ଜିରୁସାଲମତା ହାଲଅସି ଏଦାଆଁତାକି ଏଝାରି ସୁଦୁଜୀଝୁ  
ତଲେ ବାତିମାଲିତେରି । ୫ ମାମୁ ସାତା ଦିନା ଡ଼ୟିତି ଡାୟୁ ଏଝାରାଉଁ ପିସାନା  
ଜାହାରା ଜିରୁତା ହାତମି, ଅଡେ ମାଡ୍ରେ ହେଲ ହିୟାଲି ଏଝାରି ବାରେଜାଶା  
ଇୟାସିକା କକାରି ପଦାୟି ତଲେ ଗାଡ଼ାତି ପାଞ୍ଜାତା ମାନି ସାମ୍‌ଦୁରି ଗାଟୁ  
ପାତେକା ଇଟି ଝାତେରି, ଏମ୍‌ପାଆଁ ମେଶ୍ଟାକୁତାନା ମାମୁ ବାରେତମି ପ୍ରାତାନା  
କିତମି, ୬ ଡାୟୁ ମାମୁ ବାରେଜାଶାଟି ହେଲ ହୀହାନା; ଜାଜାତା ହତମି, ଇଞ୍ଜି  
ଏଝାରି ତାନି ଇଜ ଝେଶ୍ଟା ହାତେରି । ୭ ମାମୁ ସର ଗାଡ଼ାତି ପତଲମାୟିତା  
ଏଗାହାତମି, ଇଞ୍ଜି ଏମ୍‌ପାଆଁ ତାୟିୟିଶି ଜହରା କିହାନା ଏମ୍‌ପାଆଁ ର ଦିନା  
ଏଝାରିତଲେ ଡ଼ୟିତମି । ୮ ଅଡେ ଅର ନେରୁ ହାଜାନା କାୟିସରିୟାତା  
ଏଗାହାତମି, ଏମ୍‌ପାଆଁ ମାମୁ ନେହିଁ ବଲୁ ଝେକ୍‌ନି ପିଲିପ ଇଜ ହାଜାନା ଡ଼ୟିତମି,  
ଜିରୁସାଲମତା ସେବା କାମା କିହାଲି ଆତାମାନି ସାତା ଜାଶା ବିତ୍ରାଟି ଏଝାସି  
ରଅସି ମାରେସି । ୯ ଏଝାଶାକି ସାରି ଜାଶା ଡ଼ାଆ ମାସକା ମାରୁ, ଏଝି ବାରେ  
ମାହାପୁରୁ ଅଶ୍‌ପୁତି ବଲୁ ଝେହ୍‌ନାଇ ମାରୁ । ୧୦ ଏମ୍‌ପାଆଁ ହାରେକା ଦିନା  
ଡ଼ୟିତି ଡାୟୁ ଆଗାବ ଦରୁଗାଟି ର ମାହାପୁରୁ ଅଶ୍‌ପୁତି ବଲୁ ଝେହ୍‌ନାସି ଜୀହୁଦା  
ଦେସାଟି ଝାତେସି । ୧୧ ଏଝାସି ମା ତାଶା ଝାହାନା ପାଝୁଲଟି ଜାଟି ଡ଼ରି ଅହାନା  
ତାନି କେସ୍ତା କତାଶା ଦସା କତାନା ଏଲେଇରେସି, “ସୁଦୁଜୀଝୁ ଏଲେଇଞ୍ଜି  
ଝେସିମାଞ୍ଜାନେ, ଇଦାଆଁ ଦସା କତିନି ଜାଟି ଡ଼ରି ଗାଟାଶାଉଁ ଜିରୁସାଲମତି  
ଜୀହୁଦି ଲକୁ ଇଲେକିଁ ଦସାନା ଜୀହୁଦିଆଆତି ଲକୁତି କେୟୁତା ହେର୍‌ପିନେରି  
।” ୧୨ ଇ ବାରେ କାତା ଝେଞ୍ଜାନା ଜିରୁସାଲମତା ହାଲଆନି ଇଞ୍ଜି ମାମୁ ଅଡେ  
ଏମ୍‌ପାଟି ଲକୁ ବାତିମାଲିତମି । ୧୩ ସାମା ପାଝୁଲ ଏଲେଇରେସି, “ମୀରୁ ଡ଼ାହି

ଡାହଁ ଏନାଆଁତାକି ନା ହିୟାଁତି କାଡି କିହିମାଞ୍ଜେରି, ଏନିଇତିହିଁ ନାନୁ ପ୍ରବୁ  
 ଜୀସୁ ତାକି ଜିରୁସାଲମତା ଦସ୍ପି ଆହାଲି ଆଏ ସାମା ହାହାଲି ଜିକେଏ  
 ଅଣ୍ଡିମାଇଁ, ଇଞ୍ଜି ଇରେସି ।” ୧୪ ଏଞ୍ଜିସି ମା କାତା ମାନଞ୍ଜି ଆଆତାକି ମାମୁ  
 ବାରେ ପାଲେଏ ଆତମି, ଇଞ୍ଜି “ପ୍ରବୁତି କାତେଏ ଆପେ” ଇଞ୍ଜି ଇଚମି ।  
 ୧୫ ଏମ୍ପାଆଁ ଏଚରଦିନା ମାତି ଡାୟୁ ମାମୁ ମା ଆସ୍ତି ଆସାନା ଜିରୁସାଲମତା  
 ହାଚମି । ୧୬ ଅଡେ କୁପ୍ରତି ମନାସନ ଦରୁଗାଟି ର ନାମୁଗାଟାସି ଅଡେ  
 କାୟିସରିୟାତି ଏଚରଜାଣା ସୀସୁୟାଁ ମା ତଲେ ହାରେରି; ମନାସନ ଇଜ  
 ମାମୁ ଡୟିନାୟି ମାଚେ । ୧୭ ମାମୁ ଜିରୁସାଲମତା ଏଗାହାଜାଲିଏ ନାମିତି  
 ତାୟିୟାଁ ମାଞ୍ଜେ ରାହାଁତି ହାଟା ଅୟାଚେରି । ୧୮ ଏ ଅର ଚେରୁ ପାଞ୍ଜୁଲ  
 ମା ତଲେ ଜାକୁବ ଇଜ ହାରେସି; ଅଡେ ବାରେ ପ୍ରାଚିନାଞ୍ଜୁ ଏମ୍ପାଆଁ କୁଡ଼ା  
 ଆଚେରି । ୧୯ ପାଞ୍ଜୁଲ ଏଞ୍ଜାରାଇଁ ଜହରା କିତି ଡାୟୁ ମାହାପୁରୁ ତାନି ସେବା  
 କାମାତା ଜୀହୁଦିଆଆତି ଲକୁଡ଼ାଣା ଏନି ଏନି କାମା କିହାମାନେସି ଏ ବାରେ  
 ଖେସ୍ତେସି । ୨୦ ଏଞ୍ଜାରି ଏଦାଆଁ ଖେଞ୍ଜାନା ମାହାପୁରୁତି ଜହରା କିଚେରି, ଅଡେ  
 ଏଞ୍ଜାଣାଇଁ ଏଲେଇଚେରି, “ଏ ତାୟି, ପାଞ୍ଜୁଲ ନୀଏଁ ମେସିମାଞ୍ଜି ଜୀହୁଦିୟାଁ  
 ବିତ୍ରାଟି ମାଣା ମାଣା ଲକୁ ନାମିମାନେରି, ଏଞ୍ଜାରି ବାରେଜାଣା ଚେରାତି ମାନଞ୍ଜି  
 ଆହିମାନେରି । ୨୧ ଏଞ୍ଜାରି କାବୁ ବେଟାଆହା ମାନେରି, ନାନୁ ଏଚ୍ଚକା  
 କୁଡ଼ାଚାରି ତାଣା ବାସା ଆହାମାନି ବାରେ ଜୀହୁଦି ଲକୁଣି ମସାତି ଚେରା  
 ପିସାଲି, ଏଞ୍ଜାରି କକାରି ତଲୁ ଦାଦୁ, ଅଡେ ଜୀହୁଦି ଲକୁଡ଼ି ପାଣାପାଗୁ ମାନଞ୍ଜି  
 ଆଆଦୁ ଇଞ୍ଜି ଜାପୁହିମାଞ୍ଜି । ୨୨ ନାନୁ ଇମ୍ପାଆଁ ଖାହାମାନି କାବୁ ସାତେଏ  
 ଏଞ୍ଜାରି ଖେନେରି, ଆତିହିଁ ଏନି କିନାୟି? ୨୩ ଏଦାଆଁତାକି ମାମୁ ନିଞ୍ଜେ  
 ଏନାଆଁ ଖେସିମାଞ୍ଜାନମି ଏଦାଆଁ କିମୁ, ମା ତାଣା ସାରି ଜାଣା ମାନେରି, ଏଞ୍ଜାରି  
 ପାର୍ମାଣା କିହାମାନେରି; ୨୪ ଏଞ୍ଜାରିତଲେ ହାଲାମୁ ଇଞ୍ଜି ଏଞ୍ଜାରିତଲେ  
 ଆଣ୍ଡାନା ନିଞ୍ଜେ ଅଚ୍ଚା କତାମୁ, ଇଞ୍ଜି ଏଞ୍ଜାରି ତାର୍କା ହିଶ୍ନି କାରୁଁ ହୀମୁ,  
 ଆତିହିଁ ବାରେ ଲକୁ ମେସାନା ଏଞ୍ଜାରି ନୀ କପାଟି ଖେସାମାନି କାତା ଏନି  
 ସାତା ହିଲେଏ, ସାମା ନାନୁ ଜିକେଏ ମସା ଚେରା ମାନଞ୍ଜି ଆହିମାଞ୍ଜି ଇଞ୍ଜି  
 ପୁଞ୍ଜାମାନେରି । ୨୫ ସାମା ଆମିନି ଏଚ୍ଚକା କୁଡ଼ାଚାରି ନାମାମାନେରି, ଏଞ୍ଜାରି  
 ପେଶକା ବମାୟାଁକି ପୂଜା ହୀହାମାନି ବଗୁ, ନେଚେରି ଇଞ୍ଜି ହେର୍କି ତିଶ୍ଚାନା  
 ପାୟିତି ଜନ୍ତୁତି ଉଞ୍ଜା ତିନାଆଦୁ, ଇଞ୍ଜି ଦାରିକାମାଟି ଏଚ୍ଚକା ଆଦୁ, ଇଞ୍ଜି  
 ମାମୁ ତାରିକିହାଁ ଏଞ୍ଜାରାକି ର ଆକୁ ରାଚାମାନମି ।” ୨୬ ଏମ୍ପାଟିଏ ପାଞ୍ଜୁଲ

ଅର ଦିନା ଏଞ୍ଜରତଲେ ହାଜାନା ଅହ୍‌ହା କଡିନି ଫେରା ମାନଞ୍ଜି ଆଡେସି,  
 ଇଞ୍ଜି ମାହାପୁରୁ ଇଲୁତା ହାଜାନା ତାମି ଅହ୍‌ହା କଡିନି ଦିନାୟ୍‌ ଏରେଲା  
 ରାନେ ଅଡେ ବାରେଜାଣା ତାକି ଏନି ଏନି ପୁଜା କିନାୟିମାନେ ଏ ବାରେ  
 ଖେସେସି । ୨୭ ଏ ସାତା ଦିନା ପୁରା ଆହିମାତାଟି ଆସିୟା ଦେସାଟି ଏରେକା  
 ଜୀହୁଦି ଲକୁ ମାହାପୁରୁ ଇଲୁତା ପାଞ୍ଜୁଲଇଁ ମେସାନା ଏଞ୍ଜାରି ଏମ୍‌ଆଁ କୁଡ଼ା  
 ଆହାମାନି ମାନ୍‌ ଲକୁଣି ମାତଞ୍ଜି କିତେରି, ଅଡେ ଏଞ୍ଜାଣାଇଁ ଆସାନା କାଲଞ୍ଜି  
 ଆହିଁ ଏଲେଇଚେରି । ୨୮ “ଏ ଇସ୍ରାୟେଲତି ଲକୁ ସାୟେମି କିୟାଦୁ: ଇଞ୍ଜାସି  
 ସାରିଞ୍ଜାକି ହାଜାନା ଇସ୍ରାୟେଲ ଲକୁତି କପାଟି ଅଡେ ମସା ହୀତି ଫେରା  
 ଇଞ୍ଜି ଇ ମାହାପୁରୁ ଇଲୁ କପାଟି ଜାପୁହିମାନେସି । ଇଞ୍ଜି ନୀଏଁ ଏଚରଜାଣା  
 ଜୀହୁଦିଆଆତି ଲକୁଣି ମାହାପୁରୁ ଇଲୁତା ତାଚାନା ସୁଦୁ ଚାୟୁତି ପଲଆ  
 କିହିମାନେସି ।” ୨୯ ଇତିହିଁ ଏଞ୍ଜାରି ଗାଡ଼ାତା ଏପିସିୟତି ତ୍ରପିମଇଁ ପାଞ୍ଜୁଲ  
 ତଲେ ମେସାମାଚେରି, ଅଡେ ଏଞ୍ଜାଣାଇଁ ମାହାପୁରୁ ଇଲୁତା ତାଚାମାନେସି  
 ଇଞ୍ଜି ଅଶ୍‌ପିମାଚେରି । ୩୦ ଏମ୍‌ପାଟିଏ ବାରେ ଗାଡ଼ା କିଲିବିଲି ଆଡେ, ଇଞ୍ଜି  
 ଲକୁ ମାନ୍‌ ମାନ୍‌ ଆହିଁ ହଚାନା ପାଞ୍ଜୁଲଇଁ ଆସାନା ମାହାପୁରୁ ଇଲୁତି ରେଜା  
 ତାଚେରି; ଇଞ୍ଜି ଏ ଦେବୁଣିଏ ମାହାପୁରୁ ଇଲୁତି ଦାରାୟ୍‌ ସୁଣ୍ଡିଚେରି । ୩୧  
 ଅଡେ ଏଞ୍ଜାରି ପାଞ୍ଜୁଲଇଁ ପାୟାଲି ଅଶ୍‌ପିଚେରି, ଇଞ୍ଜି ଜିରୁସାଲମତା କାଜା  
 ଗଡ଼ହା ଆହାମାନେ ଇଞ୍ଜି ରିଜାରି କସକାତି କାଜାଣି ତାଣା କାବୁ ହୀଚେରି  
 । ୩୨ ଏମ୍‌ପାଟିଏ ଏଞ୍ଜାସି ଦେବୁଣିଏ ରିଜାରି କସକା ଇଞ୍ଜି ପାସାକଡ଼ି କସକା  
 ମୁହେଁ କାଜାରାଇଁ ଆସାନା ଏଞ୍ଜାରିତାଣା ଦାବଡ଼ି ହାଚେସି, ଲକୁ ରିଜାରି  
 କସକା ଅଡେ କସକା ମୁହେଁ କାଜାରାଇଁ ମେସାନା ଏଞ୍ଜାରି ପାଞ୍ଜୁଲଇଁ ଖେଚାଲି  
 ପିସ୍ତେରି । ୩୩ ଏମ୍‌ପାଟିଏ କସକା ମୁହେଁ କାଜାସି ପାଞ୍ଜୁଲ ତାଗେ ହାଜାନା  
 ଏଞ୍ଜାଣାଇଁ ଆସାନା ରୀ ହିକ୍‌ଣିୟ୍‌ ତଲେ ଦସାଲି ହୁକୁମି ହୀଚେସି, ଅଡେ  
 “ଇଞ୍ଜାସି ଆମ୍‌ଆସି? ଏନାଆଁ କିହାମାନେସି ଇଞ୍ଜି ଖେଚେସି?” ୩୪ ଏଚେଟିଏ  
 ଲକୁ ବାରେ ଆମ୍‌ଆସି ଇ କାତା ଆମ୍‌ଆସି ଏ କାତା ଇଞ୍ଜି କାଲଞ୍ଜି ଆଡେରି,  
 ଇଞ୍ଜି ଏନାଆଁ ଆହାମାନେ ଇଞ୍ଜି ତୀରପୁତି କାତା ପୁନାଆନା ପାଞ୍ଜୁଲଇଁ କଟା  
 ଇଲୁତା ଅହାଲି କସକାଣି ହୁକୁମି ହୀଚେସି । ୩୫ ଏଚିବେଲା ଏଞ୍ଜାସି ପାଞ୍ଜୁଜି  
 ପିଶ୍ତାଣା ଏଗାହାଜାଲିଏ, ଲକୁତି ମାନ୍‌ କାର୍‌ବିଟି କାଲଞ୍ଜି ଆୟାଲିଏ କସକା  
 ପାଞ୍ଜୁଲଇଁ ଇଲୁ ବିତା ଡେକା ଅଡେରି । ୩୬ ଇତିହିଁ ମାନ୍‌ ମାନ୍‌ ଲକୁ ଜେଚ  
 ଖିହିଁ “ଏଞ୍ଜାଣାଇଁ ପାୟାଦୁ” ଇଞ୍ଜି କାଲଞ୍ଜି ଆହିମାଚେରି । ୩୭ ଏଞ୍ଜାରି

ପାଞ୍ଚଲକ୍ଷ କଟା ଇଲୁ ବିଦ୍ରା ଅହିମାଚାଟି ଏଝାସି କସକା ମୁହେଁ କାଜାଣାଇଁ ଏଲେଇଚେସି, “ନାନୁ ନିଢ୍ଢେ ର କାତା ଖେସାଲି ଆତାଇଁ କି?” ଏମ୍ବାଟିଏ କାଜାସି ଏଲେଇଚେସି “ନାନୁ ଗ୍ରିକ୍ ହାତା ପୁଞ୍ଜି କି? ୩୮ ଆତିହୁଁ ଇଦାଆଁ ନକେଏ ଏମିନି ମିସରତି ଲକୁ ଗଡ଼ହା ହପହାନା ସାରି ମାଣା କାଗଂରାଣି ଲକୁ ହିଲାଆ ଚାୟୁତା ଅହାମାଚାଟି ନାନୁ ଏଝାଟି ଆଏ କି?” ୩୯ ଏମ୍ବାଟିଏ ପାଞ୍ଚଲ ଏଲେଇଚେସି “ନାନୁତ ର ଜୀହୁଦି କିଲିକିୟା ଦେସାଟି ତାର୍ସ ଇଞ୍ଜିହୁଁ ଖେଢ୍ଢିତି ଗାଡ଼ାତା ଜାର୍ନା ଆତାଚେସି; ଇ ଲକୁଣି କାତା ଖେସାଲି ନାଢ୍ଢେ ହେଲ ହିୟାମୁ ।” ୪୦ ଏ କାଜାସି ହେଲ ହିୟାଲିଏ, ପାଞ୍ଚଲ ପାଞ୍ଚଜକାଣା ନିତାନା ଲକୁଣି କେୟୁଚଲେ ସାପି କିଚେସି; ଇଞ୍ଜି ବାରେଜାଣା ସାପି ଆହାଲିଏ ଏଝାସି ଏବ୍ରି ହାତାତଲେ ଏଝାରାଇଁ ଏଲେଇଚେସି ।

**୨୨** “ଏ ତାୟିୟାଁ ଅଡ଼େ ତାଞ୍ଜିୟାଁଚେରି, ନାନୁ ନୀସଁ ମୀ ନକିତା ନା ଖାକିଟି କାତା ଖେସିମାଞ୍ଜାଇଁ, ଖେଞ୍ଜାଦୁ!” ୧ ପାଞ୍ଚଲ ଏଝାରି ନକିତା ଏବ୍ରି ହାତାତଲେ ଜଲିମାନାଣି ଖେଞ୍ଜାନା; ଏଝାରି ହାତା ଆଆନା ପାଲେଏ ଆଚେରି, ଅଡ଼େ ପାଞ୍ଚଲ ଜଲଲି ମାଟହେସି । ୩ ଏମ୍ବାଟିଏ ଏଝାସି ଏଲେଇଚେସି, “ନାନୁ ର ଜୀହୁଦି ଲକୁଚେସି, କିଲିକିୟାଟି ତାର୍ସତା ନା ଜାର୍ନା, ସାମା ନାନୁ ଇ ଜିରୁସାଲମ ଗାଡ଼ାତା ପହିପାତି ଆହାମାଇଁ, ଗମଲିୟେଲ ତାଣା କୁଗାନା ଜାପାମାଇଁ, ମା ଆକୁ ଆବାୟାଁତି ମେରାଟି ନେହୁଁକଁ ଜାପାମାଇଁ; ମୀରୁ ଏନିକଁ ମାହାପୁରୁତି ସେବା କିହିମାଞ୍ଜେରି ନାନୁ ଜିକେଏ ଏଲେକିହିଁ ମାନସି ଆନାଚେସି ମାଚେସି; ୪ ନାନୁ ଇ ଜିରୁତା ତାକିମାନି ଇୟାସିକା ଆବାୟାଁଣି ହାନି ପାଚେକା ସାସ୍ତି କିହିମାଚେସି, ଅଡ଼େ ଦସ୍ପାନା କାୟିଦି ଇଲକାଣା ହେର୍ପିମାଚେସି । ୫ ନା ଇ କାତା ସାତା, କାଜା ପୂଜେରାଞ୍ଜୁ ଅଡ଼େ କାଜା ବେରଣି ମାଣ୍ଡାତାରି ନା ସାକି; ନାନୁ ଏଝାରି ତାଣାଟି ତାୟିୟାଁକି ଆକୁ ରୀସାନା ଲକୁଣି ହିକ୍ଣିୟାଁ ତଲେ ଦସ୍ପାନା ଜିରୁସାଲମତା ତାଚାଲି ତାକି ନାନୁ ଦମେସକତା ମାନି ଜୀହୁଦି ଲକୁତାଣା ହାଜାମାଚେସି ।” ୬ “ନାନୁ ଦମେସକ ତାଗେ ଏଜିମାଚାଟି ମାଦେନା ବେଲାତା ଦେବୁଣିଏ ନା ସାରିଖାକି ହାଗୁଲାକଟି ର ତାର୍ହାଣା ଉଜେଡ଼ି ତାଞ୍ଜିଚେ । ୭ ଏମ୍ବାଟିଏ ନାନୁ ବୁମିତା ତରୁଗିଚେସି, ଇଞ୍ଜି ନାଢ୍ଢେ ତାକି ଖେସିମାଟି ଇ ହାତା ଖେଚେସି, ‘ସାଞ୍ଚଲ, ସାଞ୍ଚଲ ଏନାଆଁତାକି ନାଢ୍ଢେ ସାସ୍ତି ହାହିମାଞ୍ଜାଦି?’ ୮ ନାନୁ ଏଲେଇଚେସି, ‘ପ୍ରବୁ ନାନୁ ଆମ୍ବାଆତି?’ ଏମ୍ବାଟିଏ ଏଝାସି ନାଢ୍ଢେ ଏଲେଇଞ୍ଜାଚେସି, ‘ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜା

ନାଜରିତତି ଜୀୟୁତେଏଁ ନାନୁ ।' ୯ ନା ତଲେ ମାତି ଲକୁ ଏ ଉଜେଡ଼ି  
 ମେସ୍ତେରି ସାତା, ସାମା ନାଡ୍ରେ ଖେସ୍ତାତି ହାଡା ଖେନାଆତେରି । ୧୦ ଏତେଟିଏ  
 ନାନୁ ଏଲେଇଚେଏଁ, 'ପ୍ରବୁ ନାନୁ ଏନାଆଁ କିଇଁ?' ଏତେଟିଏ ପ୍ରବୁ ନାଡ୍ରେ  
 ଖେସ୍ତାତେସି, 'ନିଢ୍ଗୁନା ଦମେସକତା ହାଲାମୁ, ଅଡେ ନିଡ୍ରେ ଏନାଆଁ କିହାଲି  
 ଆନେ ଏଦାଆଁ ଏମ୍ପାଆଁ ଖେସ୍ତାଇଁ ।' ୧୧ ଏ ଉଜେଡ଼ି ମିଶ୍ସି ମାତାକି ନାନୁ  
 କାଣା ଆହାହାଚେଏ, ଇଞ୍ଜି ନା ତଲେ ଖିହିମାଚାରି ନାଡ୍ରେ କେୟୁ ଆସାନା  
 ଦମେସକତା ଅୟାଚେରି ।' ୧୨ "ଏ ଗାଡ଼ାତା ହନନିୟ ଇଞ୍ଜିହିଁ ର ଦାମ୍ବୁଗାଟାସି  
 ମାଚେସି, ଏଖାସି ମା ମେରାତି ମାନଖି ଆନାସି, ଇଞ୍ଜି ଦମେସକତି ଜୀହୁଦି  
 ଲକୁଡ଼ାଣା ମାନି ଗାଟାସି ଅଡେ ଡେଡ୍ଡିଟାସି ମାଚେସି । ୧୩ ଏଖାସି ନା  
 ଡାଣା ଖାହାନା ଦାରିତା ନିତାନା ନାଡ୍ରେ ଏଲେଇଞ୍ଜାତେସି, 'ଏ ସାଞ୍ଜୁଲ ତାୟି  
 ମେହ୍ମୁ' ଏ ଦେବୁଣିଏ ନା କାଣକା ଦେପିଆରୁ ଇଞ୍ଜି ନାନୁ ଏଖାଣାଇଁ ମେସାଲି  
 ଆଡିତେଏଁ । ୧୪ ଏଖାସି ଏଲେଇଞ୍ଜାତେସି, 'ମା ଆକୁ ଆବାୟିତି ମାହାପୁରୁ  
 ତାନି କାତା ପୁଞ୍ଜାଲି ଅଡେ ଏ ତାରି ଗାଟାଣାଇଁ ମେସାଲି, ଅଡେ ତାନି ଗୁଟିଟି  
 ହରିମାନି ହାଡା ଖେଞ୍ଜାଲି ଆଚାମାଞ୍ଜାତେସି । ୧୫ ଇତିହିଁ ନାନୁ ଏନାଆଁ  
 ମେସାମାଞ୍ଜି ଇଞ୍ଜି ଖେଞ୍ଜାମାଞ୍ଜି, ଏ ବାରେତାକି ବାରେ ଲକୁଡ଼ାଣା ଖେସାଲି  
 ନାନୁ ସାକି ଆଦି । ୧୬ ଅଡେ ନୀଏଁ ଏନାଆଁତାକି ଖେଡ଼ା କିହିମାଞ୍ଜି, ନିଢ୍ଗୁମୁ  
 ବାପୁସ୍ତୁ ଆହାନା ତାନି ଡାଣା ପ୍ରାତାନା କିହାନା ନୀ ପାପୁ ବାରେ ନରୁଖି  
 କିହାକତାମୁ ।' ୧୭ "ଏମ୍ପାଟିଏ ନାନୁ ଜିରୁସାଲମତା ଖେଶ୍ତା ଖାହାନା ମାହାପୁରୁ  
 ଇଲୁଡା ପ୍ରାତାନା କିହିମାଚାଟି, ସେୟିଣା ହାପାନାତା ମେସ୍ତେଏଁ, ୧୮ ନାନୁ  
 ସେୟିଣା ହାପାନାତା ପ୍ରବୁଇଁ ମେସ୍ତେଏଁ, ଏଖାସି ନାଡ୍ରେ ଏଲେଇଞ୍ଜାତେସି,  
 'ତବେ ଜିରୁସାଲମ ପିହ୍ମୁ, ଇତିହିଁ ଇମ୍ପାତି ଲକୁ ନା ସାକି ହୀନାଟି ନୀ କାତା  
 ଆହୁଅରି ।' ୧୯ ଏମ୍ପାଟିଏ ନାନୁ ଏଲେଇଚେଏଁ 'ପ୍ରବୁ ନାନୁ ଜୀହୁଦି ଲକୁଡି  
 କୁଟି ଇଲକାଣା ହାଜାନା ନିଡ୍ରେ ନାମାନାରାଇଁ ଖେଚାନା କାୟିଦି ଇଲୁଡା  
 ସୁଶ୍ଟିମାଚାଣି ଏଖାରି ନେହିଁକି ପୁଞ୍ଜାମାନେରି; ୨୦ ଅଡେ ଏତିବେଲା ନୀ ସାକି  
 ସୁପାନଇଁ ପାୟିତେରି, ନାନୁଏ ଏମ୍ପାଆଁ ମାଚେଏଁ; ଇଞ୍ଜି ବେଲେଏ ହାପେସି  
 ଇଞ୍ଜି ଅଶ୍ପିମାଚେଏଁ, ଅଡେ ପାୟିମାଚାରି ହିମ୍ପୁରିକା କାଟିମାଚେଏଁ ।' ୨୧  
 ସାମା ପ୍ରବୁ ନାଡ୍ରେ ଏଲେଇଞ୍ଜାତେସି, 'ହାଲାମୁ ଇତିହିଁ ନାନୁ ନିଡ୍ରେ ହେକ  
 ଦେସାତି ଜୀହୁଦିଆଆତି ଲକୁଡ଼ାଣା ପାଣ୍ଟାଇଁ ।' ୨୨ ପାଞ୍ଜୁଲ ଏଲେଇଞ୍ଜି  
 ଖେହ୍ନି ପାତେକା ଲକୁ ଖେଞ୍ଜାମାଚେରି, ସାମା ଏ ଦେବୁଣିଏ ଏଖାରି କାଜା

ଗିୟାତଲେ କାଲିଝି ଆହାନା ଏଲେଇଚେରି, “ଏଝାଣାଇଁ ପାଞ୍ଜାତା ତାତାହାଁ ପାୟାନା ଦାର୍ତ୍ତିଚି ମେକ୍‌ହା ତୁହ୍‌ଦୁ, ଏଝାସି ନୀତାଲି ପାଡ଼ାଆଅସି ।” ୨୩ ଅଡ଼େ ଏଚିବେଲା ଏଝାରି କିଲଡ଼ି କିହଁ ତାମି ହିମ୍ବିରକା କୁଡ଼ିହଁ ଲାକଝାକି ଦୂଡ଼ି ଡାଞ୍ଜିଚେରି, ୨୪ ଏଚିବେଲା ପାସାକଡ଼ି କସକା ମୁହେଁ କାଜାସି ପାଞ୍ଜୁଲଇଁ କଟା ଇଲୁ ବିତ୍ରା ଅହାଲି ହୁକୁମି ହୀତେସି, ଅଡ଼େ ଜୀହୁଡ଼ି ଲକୁ ଏନାଆଁତାକି ଏଝାଣି କପାଟି ଗଡ଼ହା କିହିମାନେରି, ଏଦାଆଁ ପୁଞ୍ଜାଲି ପାଞ୍ଜୁଲଇଁ ସାଟ୍‌ଣି ତଲେ ଝେଚାନା ଝେଞ୍ଜୁ ଇଞ୍ଜି ହୁକୁମି ହୀତେସି । ୨୫ ସାମା ଏଝାରି ଏଝାଣାଇଁ ସାଟ୍‌ଣି ତଲେ ଝେଚାଲି ଡ଼ରିତଲେ ଦସାଲିଏ, ପାଞ୍ଜୁଲ ଦାରିତା ମାଟି ପାସାକଡ଼ି କସକା ମୁହେଁ କାଜାଣାଇଁ ଏଲେଇଚେସି, “ଏମିନି ଦହତା ନୀହାଁୟି କିଝି ଆହାହିଲାଆ ର ରମ୍ ଦେସା ତାଣାଇଁ ସାଟ୍‌ଣି ତଲେ ଝେଚାଲି ଏନି ମେରା ମାନେ କି?” ୨୬ ଇଦାଆଁ ଝେଞ୍ଜାନା କହ୍‌ସିଏ ପାସାକଡ଼ି କସକା ମୁହେଁ କାଜାଣା ତାଣା ହାଜାନା ଏଲେଇଚେସି, “ନୀନୁ ଏନାଆଁ କିହାଲି ହାଜିମାଞ୍ଜି, ଇଚିହଁ ଇଝାସି ରମିୟୁ ଲକୁ ।” ୨୭ ଏମ୍ବାଟିଏ ପାସାକଡ଼ି କସକା ମୁହେଁ କାଜାସି ଝାହାନା ପାଞ୍ଜୁଲଇଁ ଝେଚେସି, “ନୀନୁ ନାଡ଼େ ଝେସ୍ତାମୁ ନୀନୁ ରମ୍ ଦେସାତାତି କି?” ପାଞ୍ଜୁଲ ଏଲେଇଚେସି “ହାଅ ।” ୨୮ ଏମ୍ବାଟିଏ ପାସାକଡ଼ି କସକା ମୁହେଁ କାଜାସି ଏଲେଇଚେସି, “ନୀନୁ ହାରେକା ଟାକାୟାଁ ହୀହାନା ରମ୍ ଦେସାତାତେଏଁ ଆହାମାଇଁ ।” ସାମା ପାଞ୍ଜୁଲ ଏଲେଇଚେସି, “ନୀନୁତ ଜାନୀଟିଏ ।” ୨୯ ଏମ୍ବାଟିଏ ଆମ୍ବାଆରି ପାଞ୍ଜୁଲଇଁ ଝେଞ୍ଜାଲି ତିୟାରା ଆହାମାଚେରି, ଦେବୁଣିଏ ଗୁତା ଆହାହାଚେରି, ଇଚିହଁ ପାଞ୍ଜୁଲ ରମ୍ ଦେସାତାସି ଇଞ୍ଜି ପୁଞ୍ଜାନା ର ମାଣା କସକା ମୁହେଁ କାଜାସି ଏଝାଣାଇଁ ହିକ୍‌ଣିୟାଁ ତଲେ ଦସ୍‌ପି କିହାମାଚାକି ତାନୁଏ ଆଜିଚେସି । ୩୦ ଜୀହୁଡ଼ି ଲକୁ ପାଞ୍ଜୁଲ କପାଟି ଏନି ଦାଝା କିହାମାନେରି, ଏଦାଆଁ ସାତା ତଲେ ପୁଞ୍ଜାଲିତାକି ର ମାଣା କସକା ମୁହେଁ କାଜାସି ତାନି ଅର ନେରୁ ପାଞ୍ଜୁଲତି ହିକ୍‌ଣିୟାଁ ହୁକୁହାନା କାଜା ବେରଣିମାଣ୍ଡାତି ବାରେଜାଣାତି କୁଡ଼ିକିହାଲି ପୁଜେରାଢ଼ାଣି ହୁକୁମି ହୀତେସି । ତାୟୁ ପାଞ୍ଜୁଲଇଁ ଏଝାରି ନକିତା ନିପହେସି ।

**୨୩** ପାଞ୍ଜୁଲ ଜୀହୁଡ଼ି ଲକୁତି କାଜା ବେରଣିମାଣ୍ଡାତା କୁଗାମାନି ଲକୁଣି ଆଚେ ସିନିକିହାନା ଏଲେଇଚେସି, “ଏ ଇସାୟେଲ ତାୟିୟାଁଚେରି ନୀନୁ ନୀଞ୍ଜୁପାଚେକା ମାହାପୁରୁ ନକିତା ନେହଁ ଅଶ୍‌ପୁ ତଲେ ନୀତାମାଇଁ, ଏଦାଆଁତାକି ନା ହିୟାଁ ହାରେକା ଅଡ଼ିତାୟି ।” ୨ ଇ କାତା ଝେଞ୍ଜାନା କାଜା ପୁଜେରା

ହାନାନ ପାଞ୍ଚଲ ଦାରିତା ନିଚାମାନି ଲକ୍ଷ୍ମୀ ତାନି ଗୂଢ଼ିତା ଝେଦୁ ଇଚ୍ଛୁ ହୁକୁମି  
 ହୀତେସି । ୩ ପାଞ୍ଚଲ ଏଞ୍ଜାଣାଇଁ ଏଲେଇଚେସି, “ଏ ହୁନୁ ଉସ୍ପତି ଦବ୍‌ଲ  
 କାଚି ମାହାପୁରୁ ନିଢ୍ଫେ ଝେତାନେସି, ନୀନୁ ମସାତି ଚେରା ଲେହେଁ ନାଢ୍ଫେ  
 ନୀହାୟି କିହାଲି କୁଗାମାଚି ଜିକେଏ, ନୀନୁ ନାଢ୍ଫେ ଝେଚାଲି ହୁକୁମି ହୀହାନା  
 ନୀନୁଏ ମସାତି ଚେରା ଉରିମାଞ୍ଜି!” ୪ ଏଚେଟିଏ ଦାରିତା ନିଚାମାଚି ଲକ୍ଷ୍ମୀ  
 ପାଞ୍ଚଲଇଁ ଏଲେଇଚେରି, “ନୀନୁ ମାହାପୁରୁଟି କାଜା ପୁଜେରାଇଁ ଲାଜା କିହିମାଞ୍ଜି  
 ।” ୫ ପାଞ୍ଚଲ ଏଲେଇଚେସି, “ଏ ଇସ୍ରାୟେଲ ତାୟିୟାଚେରି ଏଞ୍ଜାଣାଇଁ  
 ନୀନୁ କାଜା ପୁଜେରା ଇଚ୍ଛୁ ପୁଞ୍ଜା ହିଲାଆଚେଏ; ଇଚିହିଁ ଦାମ୍‌ପତିତା ରାସ୍‌କି  
 ଆହାମାନେ, ‘ମୀରୁ ମୀ ସାଲଝି କିନାରାଇଁ ବାକା ଇଟାଆନୁ ।’” ୬ ସାମା  
 ପାଞ୍ଚଲ ର ବାଗା ସାଦୁକିୟାଁ ଅଡେ ର ବାଗା ପାରୁସିୟାଁ ମାନେରି ଇଚ୍ଛୁ ପୁଞ୍ଜାନା,  
 କାଜା ବେରଣିମାଣ୍ଡାତା କାଜା ଗିୟାତଲେ ଏଲେଇଚେସି, “ଏ ଇସ୍ରାୟେଲ  
 ତାୟିୟାଚେରି ନୀନୁ ର ପାରୁସିଚେଏଁ ଇଚ୍ଛୁ ପାରୁସି ମୀରୁଏଣାଚେଏ; ଇଚ୍ଛୁ  
 ହାତାରି ଝେଣ୍ଡେ ନିଢ୍ଫେନେରି ଇଚ୍ଛୁ ଆସା କିହିମାନାକି ମୀରୁ ନାଢ୍ଫେ ନୀହାୟି  
 କିହିମାଞ୍ଜାଦେରି ।” ୭ ଏଞ୍ଜାସି ଇ କାତା ଏଲେଇଶ୍‌ମୁନିଏ ପାରୁସି ଅଡେ ସାଦୁକି  
 ଲକ୍ଷ୍ମୀ ବିତ୍ରା ଗଡ୍‌ହା ହୁଡେ, ଇଚ୍ଛୁ କାଜା ବେରଣି ମାଣ୍ଡାତାରି ଗତି ଗତି ଆହାଁ ରୀ  
 ବାଗା ଆଚେରି । ୮ ଇଚିହିଁ ସାଦୁକିୟାଁ ଝେଣ୍ଡେ ନିଢ୍ଫେନାୟି ହିଲେଏ, ଦୂତୁୟାଁ  
 ଅଡେ ଜୀଝୁୟାଁ ହିଲାଉ ଇନେରି, ସାମା ପାରୁସିୟାଁ ଏ ବାରେତି ନାମିନେରି  
 । ୯ ଏମ୍‌ପାଟିଏ କାଜା ଗଡ୍‌ହା ଆଡେ, ଅଡେ ପାରୁସିୟାଁ ବିତ୍ରାଟି ଏଚରଜାଣା  
 ଫେରାପୁନାରି ନିଢ୍ଫେନା ଏଲେଇଚେରି; “ମୀନୁ ଇଞ୍ଜାଣି ତାଣାଟି ଏନି ଦହ  
 ବେଟାଆଆତମି, ସାତେଏ ଏଞ୍ଜାଣି ତାଣାଟି ର ଜୀଝୁ ଆଆଟି ଲାକପୁରୁଟି  
 ଦୂରୁ କାତା ଝେସାମାନେ ।” ୧୦ ଇଲେଆହିଁ କାଜା ଗଡ୍‌ହା ଆହାଲିଏ,  
 ପାଞ୍ଚଲଇଁ ଏଞ୍ଜାରି କାଣ୍ଡାମୁକା କିନେରି ଇଚ୍ଛୁ ଆଜିତାକି ର ମାଣା କସ୍‌କା ମୁହେଁ  
 କାଜାସି ପାଞ୍ଚଲଇଁ ଏଞ୍ଜାରି ତାଣାଟି ଗେଲ୍‌ପାନା ବାଲ୍‌ମିଟି କଟା ଇଲୁ ବିତ୍ରା  
 ଅହାଲି କସ୍‌କାଣି ହୁକୁମି ହୀତେସି । ୧୧ ଏ ନେରୁ ଲାଆଁୟାଁ ପ୍ରବୁ ପାଞ୍ଚଲଇଁ  
 ଏଲେଇଚେସି, “ଆଜାଆନି, ସାସା ଆହ୍‌ମୁ ଇଚିହିଁ ନୀନୁ ଜିରୁସାଲମତା ଏନିକି  
 ନା ସାକି ହୀତି, ରମ୍ ଗାଡାତା ଜିକେଏ ଏଲେକିହିଁ ନା ସାକି ହୀନାୟି ମାନେ ।”  
 ୧୨ ଅର ଦିନା ଲାଲ, ଜୀହୁଦିୟାଁ ଜାଗୁ ଆହାନା ପାଞ୍ଚଲଇଁ ପାୟାଆ ପାତେକା  
 ଏନି ରାନ୍ଦା କି ଏୟୁ ତୀଗାଆପ ଇଚ୍ଛୁ ତାମୁ ତାମୁଏ ପାର୍‌ମାଣା କିହାମାଚେରି  
 । ୧୩ ଏଲେଇଚ୍ଛୁ ଅଶ୍‌ପି ମାତାରି ରୀ କଡ଼ି ଜାଣାଟିଏ ଆଗାଡ଼ା ମାଚେରି ।

୧୪ ଏଞ୍ଜର କାଜା ପୂଜେରାଢ଼ୁ ଅଡ଼େ ପ୍ରାଚିନାଢ଼ୁ ଡ଼ାଣା ଖାହାଁ ଏଲେଇଚେରି,  
 “ମାମୁ ପାଞ୍ଜୁଲଇଁ ପାୟାଲି ଆତାଆ ପାତେକା ଏନାଆଁ ତିନଅମି କି ତୀଗଅମି  
 ଇଞ୍ଜିଁ ମାମୁ ମାଢ଼େତାକି ପାର୍ମାଣା କିହାମାନମି । ୧୫ ଏଦାଆଁତାକି କାଜା  
 ବେରଣିମାଣ୍ଡାତି କାଜାରି ହାଜାନା, ର ମାଣା କସକା ମୁହେଁ କାଜାଣାଇଁ ନାଡ଼ି  
 କିହିଁ ଏଲେଇଞ୍ଜୁ, ମାମୁ ପାଞ୍ଜୁଲ ଏନାଆଁ କିହାମାନାଣି ନେହିଁକିଁ ଖେନମି ଇଞ୍ଜିହିଁ  
 ମୀ ଡ଼ାଣା ହାଟିକିଦୁ, ଏଚେଟିଏ ଏଞ୍ଜସି ମୀ ଡ଼ାଣା ଏଗାଞ୍ଜାଆ ନକେଏ ପାୟାଲି  
 ଜାଗ୍ରାତା ଆହା ଡ଼ୟିନମି ।” ୧୬ ସାମା ପାଞ୍ଜୁଲ ତାମି ବାଣ୍ଠୁ କସକା  
 ଜଲକି ଆହିମାଟି କାତା ତୁଗାନା ଖେଚେସି; ଇଞ୍ଜିଁ କଟା ଇଲୁ ବିଦ୍ରା ଖାହାନା  
 ପାଞ୍ଜୁଲଇଁ ଇ ବାରେ କାତା ଖେସ୍ତେସି । ୧୭ ଏଚେଟିଏ ପାଞ୍ଜୁଲ ର ରମିୟ  
 କହୁଏଣାଇଁ ହାଟାନା ଏଲେଇଚେସି, “ଇ ଦାଂଗ୍‌ଶେଣାଇଁ ର ମାଣା କସକା  
 ମୁହେଁ କାଜାଣି ଡ଼ାଣା ଅମୁ, ଇଚିହିଁ ଇଞ୍ଜସି ର କାତା ଏଞ୍ଜାଣାଇଁ ଖେହନାୟି  
 ମାନେ ।” ୧୮ ଏଚେଟିଏ ଏଞ୍ଜସି ର ମାଣା କସକା ମୁହେଁ କାଜାଣି ଡ଼ାଣା  
 ଅହାନା ଏଲେଇଚେସି, “କାୟିଦିତା ମାନି ପାଞ୍ଜୁଲ ନାଢ଼େ ହାଟାନା ନୀ ଡ଼ାଣା ଇ  
 ଦାଂଗ୍‌ଶେଣାଇଁ ତାଚାଲି ବାଡ଼ିମାଲାତେସି, ନିଢ଼େ ଖେସାଲି ଇଞ୍ଜାଣାକି ର କାତା  
 ମାନେ ।” ୧୯ ର ମାଣା କସକା ମୁହେଁ କାଜାସି ଏଞ୍ଜାଣି କେୟୁ ଆସାନା ଲକୁ  
 ହିଲାଆ ଡ଼ାଣା ଅହାନା ଖେଚେସି, “ନାଢ଼େ ନୀନୁ ଏନାଆଁ ଖେସ୍ତାନାୟିମାନେ  
 ଖେସ୍ତାମୁ ।” ୨୦ ଏଞ୍ଜସି ଏଲେଇଚେସି, “ପାଞ୍ଜୁଲ ଏନାଆଁ କିହାମାନେସି  
 ଏଦାଆଁ ନେହିଁକିଁ ପୁଞ୍ଜାଲି ଏଞ୍ଜାଣାଇଁ ଖିଏ କାଜା ବେରଣିମାଣ୍ଡାତା ମା ଡ଼ାଣା  
 ତାମୁ ଇଞ୍ଜିଁ ଜୀହୁଡ଼ି ଲକୁଡ଼ି କାଜାରି ନାଡ଼ିକିହାନା ନିଢ଼େ ବାଡ଼ିମାଲାନେରି,  
 ୨୧ ସାମା ନୀନୁ ଏଞ୍ଜରି କାତା ମାନଖି ଆଆନି, ଇଚିହିଁ ଏଞ୍ଜାଣାଇଁ ପାୟାଲି  
 ଆତାଆ ପାତେକା ରାନ୍ଧୁ ତିଚିହିଁ କି ତୀଗିତିହିଁ ମାଢ଼େ ବାକା ଆଟାପେ ଇଞ୍ଜିଁ  
 ମାନି କିହାନା ରୀ କଡ଼ିଟିଏ ଆଗାଡ଼ା ଲକୁ ତୁଗାହାଁ କାତାମାନେରି, ନୀଏଁ  
 ଏଞ୍ଜରି ନୀ ଡ଼ାଣାଟି ହେଲ ବେଟାଆହାଲି କାଡ଼ିମାନେରି ।” ୨୨ ଏଚେଟିଏ ର  
 ମାଣା କସକା ମୁହେଁ କାଜାସି ଏଲେଇଚେସି, “ନୀନୁ ନାଢ଼େ ଖେସ୍ତାତି କାତା  
 ଆମ୍ବାଆରାଇଁ ଖେହଆନି” ଇଞ୍ଜିଁ ଖେସାନା ଏ ଦାଂଗ୍‌ଶେଣାଇଁ ପାଣ୍ଡିଚେସି । ୨୩  
 ର ମାଣା କସକା ମୁହେଁ କାଜାସି ତାନି ଡ଼ଇ କାମା କିନି ପାସାକଡ଼ି କସକା ମୁହେଁ  
 କାଜାରାଇଁ ରିଆରାଇଁ ହାଟାନା ଏଲେଇଚେସି, “ନୀଞ୍ଜୁ ଲାଆୟିଁ ନ ଗଟା  
 ବେଲାତା କାୟିସରିୟାତା ହାଜାଲିତାକି ତାନିକଡ଼ି ଦସ ଜାଣା ଗଡ଼ାତା ହାନାରି  
 ଅଡ଼େ ରୀ ଖାଞ୍ଜୁ ବାଲାଁ ଗାଟାରି ତଲେ ରୀ ଖାଞ୍ଜୁ କସକାଣି ତିୟାରା କିଦୁ । ୨୪



ଅଡ଼େ ଏଝାରି ଏନିକିଁ ପାଞ୍ଜୁଲଇଁ ଗଡ଼ା ଲାକ କୁଟିକିହାନା ସାଲଝି କିନି ପେଲିକସ୍  
 ତାଣା ଜାଗ୍ରାତା ତଲେ ଅନେରି, ଏଦାଆଁତାକି ବାରେ କିହାଲି ହୁକୁମି ହୀତେସି  
 ।” ୨୫ ରୁ ମାଣା କସକା ମୁହେଁ କାଜାସି ଇଲେଇଞ୍ଜିଁ ରୁ ଆକୁ ରାତିତେସି; ୨୬  
 “ଏ ମାନିଗାଟି ଦେସା ସାଲଝି କିନି ପେଲିକସ୍ କୁଞ୍ଜୁଦିୟା ଲୁସିୟାତି ଜହରା ।  
 ୨୭ ଜୀହୁଦିୟାଁ ଇ ଲକୁଇଁ ଆସାନା ପାୟାଲି ଅଶ୍ୱପିମାତି ବେଲାତା, ଏଝାସି ରୁ  
 ରମିୟା ଲକୁ ଇଞ୍ଜିଁ ପୁଞ୍ଜାନା, ନାନୁ କସକା ତଲେ ହାଜାନା ଏଝାଣାଇଁ ପିସ୍ପି  
 କିତେସି । ୨୮ ଏଝାସି ଏଝାରି କପାଟି ଏନି ଦହ କିହାମାନେସି ପୁଞ୍ଜାଲି ନାନୁ  
 ଏଝାଣାଇଁ ତାନି କାଜା ବେରଣିମାଣ୍ଡାତା ଅହାମାତେସି । ୨୯ ସାମା ଏଝାସି  
 ହାନି ତଣ୍ଡୁ କି କାୟିଦି ତଣ୍ଡୁ ବେଟାଆନି ଲେହେଁଟି ଏନି ଦହ କିହାହିଲଅସି ଇଞ୍ଜିଁ  
 ନାନୁ ପୁତେସି, ତାନି କପାଟି ଝାରୁଇ ତାନି ମେରାତି କାତାତାକି ଏଝାଣାଇଁ ଦହ  
 ଦସାମାନେରି । ୩୦ ଏଝାରି ନାଡ଼ିକିହାଁ ଏଝାଣାଇଁ ପାୟାଲି ଅଶ୍ୱପିମାନେରି ଇଞ୍ଜିଁ  
 ନାଡ଼େ କାବୁ ହିୟାଲିଏ ନାନୁ ଇଝାଣାଇଁ ଝେଡ଼ାକିଆନା ନୀ ତାଣା ପାଣ୍ଡାତେସି;  
 ଏଝାଣାଇଁ ଦହ ଦସାମାନାରାଇଁ ଜିକେଏ ନୀ ନକିତା ଏଝାଣି କପାଟି ସାକି  
 ହୀହାଲି ଝେସା ପାଣ୍ଡାତେସି ।” ୩୧ ଏମ୍ପାଟିଏ କସକା ହୁକୁମି ବେଟାଆହାନା  
 ପାଞ୍ଜୁଲଇଁ ଅହାନା ଲାଆଁୟାଁ ବେଲାତା ଏଝାଣାଇଁ ଆନୁପାତ୍ରିତା ତାତେରି । ୩୨  
 ଅର ଦିନା ଗଡ଼ାୟାଁ ଗାଟାରାଇଁ ଏଝାଣିତଲେ ହାଜାଲି ପିସାନା, କସକା କଟା  
 ଇଲୁତା ଝେଣ୍ଡା ଝାତେରି । ୩୩ ଗଡ଼ାୟାଁ ଗାଟାରି କାୟିସରିୟାତା ଝାହାନା,  
 ସାଲଝି କିନି ପେଲିକସ୍ କି ଆକୁ ହୀହାନା ପାଞ୍ଜୁଲଇଁ ଏଝାଣି ତାଣା ହେର୍ପିତେରି  
 । ୩୪ ଏଝାସି ଏ ଆକୁ ପଡ଼ଝି ଆତି ଡାୟୁ ନାନୁ ଏମିନି ରାଜିତାତି ଇଞ୍ଜିଁ  
 ଝେତେସି; ଅଡ଼େ ଏଝାସି କିଲିକିୟାତି ଲକୁ ଇଞ୍ଜିଁ ପୁତେସି, ୩୫ ଇଞ୍ଜିଁ ଏଝାସି  
 ଏଲେଇତେସି, “ନିଡ଼େ ଦହ ଦସାମାଞ୍ଜାନାରି ଇମ୍ପାଆଁ ଝାତିସାରେ ନାନୁ ନୀ  
 କାତା ଝେଞ୍ଜାଇଁ” ଅଡ଼େ ଏଝାସି ପାଞ୍ଜୁଲଇଁ ହେରଦତି ଇଜ ଇଟାଲି ହୁକୁମି  
 ହୀତେସି ।

**୨୪** ପାସା ଦିନା ଡାୟୁ କାଜା ପୁଜେରା ହାନାନ, ଏତେକା ପ୍ରାତିନାଟ୍ଟା ଅଡ଼େ  
 ତରୁତୁଲ ଦରୁଗାଟି ଅକିଲା ତଲେ କାୟିସରିୟାତା ଝାତେରି, ଅଡ଼େ ଏଝାରି  
 ପାଞ୍ଜୁଲ କପାଟି ସାଲଝି କିନି ପେଲିକସ୍ ତାଣା ଦାଝା କିତେରି । ୨ ପାଞ୍ଜୁଲଇଁ  
 ଏମ୍ପାଆଁ ତାଚାଲିଏ, ତରୁତୁଲ ଏଝାଣି କପାଟି ଏଲେଇତେସି, “ଏ ମାନିଗାଟି  
 ପେଲିକସ୍ ନୀ ତାଣାଟି ମାମୁ ହାରେକା ଦିନାଟିଏ ହିଡ଼ି ବେଟାଆହି ମାନମି,  
 ଇଞ୍ଜିଁ ନାନୁ ମା ଦେସାତାକି କିହାମାନି କାମା ବାରେ ଇ କୁଡ଼ା ତାରାକି ହାରେକା

ନେହେଁ ଆହାମାନେ । ୩ ଇଦାଆଁ ମାମୁ ବାରେଜାଣା ତଲେ ବାରେ ଡାଣା  
 ହାରେକା ମାନିତଲେ ପେଲିକସ୍‌ଇଁ ମାନଖି ଆହିମାନମି । ୪ ସାମା ନାନୁ ନିଡ୍ଡେ  
 ଏନିକିଁ ହାରେକା ବିଚିବିତା କିୟୁଅଁ, ଇଦାଆଁତାକି ନାନୁ ନାଡ୍ଡେ କାର୍ମାମେସାନା  
 ମା ଏରରଗଟା କାତା ଖେଞ୍ଜାଲିତାକି ନିଡ୍ଡେ ବାତିମାଲିମାଞ୍ଜାଲି । ୫ ଇଚିହିଁ ଇ  
 ମାଣ୍ଡି ଆଜିହୁପେତି ଗଡ୍‌ହା ଗାଟାସି, ଏଖାସି ଦାରୁତିତି ବାରେଖାକି ମାନି  
 ଜୀହୁଦିୟାଁ ଡାଣା ଗଡ୍‌ହା ହୁପ୍‌ନାସି, ଅଡେ ନାଜରିତ ଗତିତି ର କାଜାସି ଇଞ୍ଜି  
 ମାମୁ ପୁଞ୍ଜାମାନମି; ୬ ଅଡେ ଜିକେଏ ମାହାପୁରୁ ଇଲୁତି ଲାଗେଏ କିହାଲି  
 ଅଶ୍‌ପାମାରେସି, ଏଚିବେଲା ମାମୁ ଇଖାଣାଇଁ ଆସୁମି, ଅଡେ ମା ମେରାତି  
 ଲେହେଁ ଇଖାଣାଇଁ ନୀହାଁୟି କିୟାଲି ଅଶ୍‌ପାମାତମି । ୭ ସାମା ର ମାଣା କସକା  
 ମୁହେଁ କାଜାସି ଲୁସିୟା ଖାହାନା ଏଖାଣାଇଁ ମା ଡାଣାଟି ବାଡ୍‌ୟୁ ତଲେ ମାଞ୍ଜା  
 ଅୟାରେସି, ୮ ଅଡେ ଇଖାଣାଇଁ ଦହ ଦସିମାନାରାଇଁ ନୀ ଡାଣା ଖାହାଲି ହୁକୁମି  
 ହୀତେସି, ଇ ବାରେ କାତାତାକି ନାନୁ ଇଖାଣାଇଁ ଖେଚିହିଁ ମାମୁ ଏଖାଣି କପାଟି  
 ଦାଖା କିହାମାନାଣି ପୁଞ୍ଜାଲି ଆଡିଦି । ୯ କୂଡା ଆହାମାତି ଜୀହୁଦିୟାଁ ଜିକେଏ  
 ଦାଖା କିହାମାନାରି ତଲେ ଆଣ୍ଡାନା ଇ ବାରେ କାତା ସାତା ଇଞ୍ଜି ଇଚେରି । ୧୦  
 ଏଚେଟିଏ ସାଲଖି କିନାସି ଖାଞ୍ଜୁ ହୁଟାନା ପାଞ୍ଜୁଲଇଁ ଜଲାଇଁ ହେଲ ହୀତେସି,  
 ଇଞ୍ଜି ପାଞ୍ଜୁଲ ଏଲେଇଚେସି, “ନାନୁ ହାରେକା ବାର୍ଯ୍ୟା ଆଡେ ଇ କୂଡାତାରାଇଁ  
 ନୀହାଁୟି କିନାତି ଆହାମାଞ୍ଜି ଇଞ୍ଜି ପୁଞ୍ଜାନା, ନାନୁ ସାସାତଲେ ନା ଖାକିଟି  
 ଖେସିମାଞ୍ଜାଇଁ । ୧୧ ବାର ଦିନାଟିଏ ଆଗାଡା ଆଏ, ନାନୁ ମାହାପୁରୁତି ସେବା  
 କିହାଲି ଜିରୁସାଲମତା ହାଜାମାଚେଏଁ, ଇଦାଆଁ ନାନୁ ଖେଞ୍ଜାନା ପୁଞ୍ଜାଲି ଆଡିଦି  
 । ୧୨ ଅଡେ ଇଖାରି ମାହାପୁରୁ ଇଲୁତାକି ଜୀହୁଦି ଲକୁଡି କୁଟମି ଇଲୁତା କି  
 ଗାଡାତି ଆମିନି ଟାୟୁତା ଆମ୍ବାଆରି ତଲେ ବାଦିବାଦା କିତାଣି କି ଗଡ୍‌ହା  
 ହୁପ୍‌ହାଣି ଇଞ୍ଜି ଜୀହୁଦିୟାଁଣି ମାତଖି କିହିମାତାଣି ଇଖାରି ମେସାମାଞ୍ଜାଅରି,  
 ୧୩ ଇଞ୍ଜି ନୀଏଁ ନା କପାଟି ତାତାମାନି ଦହ ତାକି, ଏଖାରି ନୀ ନକିତା ଏନି  
 ପାର୍‌ମାଣା ଡସାଲି ଆଡଅରି । ୧୪ ସାମା ନାନୁ ନିଡ୍ଡେ ଇଦାଆଁ ଖେସିମାଞ୍ଜାଇଁ;  
 ଇଖାରି ଏମିନି ଜିରୁତି ମିତି ଇଞ୍ଜିମାନେରି, ଏ ଜିରୁ ଡାକାନା ନାନୁ ମା ଆକୁ  
 ଆବାୟାଁତି ମାହାପୁରୁଇଁ ଜହରା କିହିମାଇଁ, ସାମା ନାନୁ ଜିକେଏ ମସାତି ମେରା  
 ଅଡେ ମାହାପୁରୁ ଅଶ୍‌ପୁତି ବଲୁ ଖେହ୍‌ନାରି ପତିତା ଏନାୟି ରାସକି ଆହାମାନେ  
 ଏ ବାରେ ନାମିମାଇଁ; ୧୫ ଇଖାରି ଲେହେଁ ମାହାପୁରୁ ଡାଣା ନା ଏ ରଣ୍ଡିଏ  
 ଆସା ମାନେ ଦାର୍‌ମୁଗାଟାରି ଅଡେ ଦାର୍‌ମୁ ହିଲାଆ ଗାଟାରି ବାରେ ଲକୁ ହାତାରି

ତାଣାଟି ଖେଣ୍ଡେ ନିଢ଼ିନେରି ଇଞ୍ଜି ନୀ ନକିତା ଖେସିମାଞ୍ଜାଇଁ । ୧୭ ଏଦାଆଁତାକି ନାନୁ ଜିକେଏ ମାହାପୁରୁ ଅଡ଼େ ଲକୁ ନକିତା ବାରେଦିନା ନେହିଁ ଅଣ୍ଟୁ ତଲେ ଡ଼ୟାଲି ଅଣ୍ଟପିମାଇଁ ।” ୧୭ “ହାରେକା ବାସୀ ଜେତ ନାନୁ ମା ଲକୁତାଣା ଦାନା ତାତାଲି ଅଡ଼େ ମାହାପୁରୁ ତାଣା ପୁଜା କିୟାଲି ଜିରୁସାଲମତା ଖାହାମାରେଏଁ । ୧୮ ଏତିବେଲାତା ନାନୁ ମାହାପୁରୁ ଇଲୁତା ଅଟ୍ଟହା କତିନି ମେରା ରାପୁହିମାତି ବେଲାତା ଇଖାରି ନାଢ଼େ ମାହାପୁରୁ ଇଲୁତା ମେସ୍ତାତେରି; ଏତିବେଲା ନା ତଲେ ମାନୁ ଲକୁ ହିଲାଆତେରି କି ଏମ୍ପାଆଁ ଏନି ଗଡ଼ହା ହିଲାଆତେ, ୧୯ ସାମା ଆସିୟାତି ଏତରଜାଣା ଜୀହୁଦିୟାଁ ଏମ୍ପାଆଁ ମାତେରି; ନା କପାଟି ଏଖାରି ଏନି କାତା ମାତିହିଁ ଏଖାରି ନୀ ନକିତା ଖାହାନା ଦାଖା କିତିହିଁ ନେହେଁ ଆତେମା । ୨୦ ନାନୁ କାଜା ବେରଣିମାଣ୍ଡା ନକିତା ନିତାମାତି ବେଲାତା ଏନି ଦହ ମେସାମାତିହିଁ ଇମ୍ପାଆଁ ମାନି ଇ ଲକୁ ନାଢ଼େ ଖେସ୍ତାପେରି, ୨୧ ନାନୁ ରଣ୍ଡିଏ କାତା ଖେସାମାରେଏଁ ଏଖାରି ନକିତା ନିତାମାତି ବେଲାତା ନାନୁ ଆଟ୍ଟାତଲେ ଏଲେଇଞ୍ଜା ମାରେଏଁ, ‘ହାତାରି ଖେଣ୍ଡେ ନିଢ଼ିନେରି ଇଞ୍ଜି ନାନୁ ନାମାମାନାକି ନୀଞ୍ଜୁ ମୀ ତାଣାଟି ନୀହାଁୟି କିଞ୍ଜି ଆହିମାଇଁ ।” ୨୨ ସାମା ପେଲିକସ୍ ଏ ଜିରୁତି କାତା ପୁଞ୍ଜାମାତାକି ନୀହାଁୟି କିହାଲି ବାୟିଦା କିହାନା ଏଲେଇରେସି, “ର ମାଣା କସକା ମୁହେଁ କାଜାସି ଲୁସିୟା ଖାତିଦେହେଁ ନାନୁ ମୀ ନୀହାଁୟି ଡିକହାଇଁ,” ଇଞ୍ଜି ଖେସା ପାଣ୍ଡିତେସି । ୨୩ ଏଖାସି ପାସାକଡ଼ି କସକା ମୁହେଁ କାଜାଣାଇଁ ଏଲେଇରେସି, ତାନି ଲକୁ ଅଡ଼େ ଡ଼ଣେସିଢ଼ା ତାନି ସେବା କିହାଲି କାହି କିଆନି, ଅଡ଼େ ତାନି କାୟିଦିତା ମାନାସି ଇଞ୍ଜି ଗେଲ୍ପାନା ଏଖାଣାଇଁ ହିଡ଼ଡ଼ି ତଲେ ଲେମ୍ପାଲି ଏଲେଇରେସି । ୨୪ ଏତରଦିନା ଡ଼ାୟୁ ପେଲିକସ୍ ଦୁସିଲା ଦରୁଗାଟି ଜୀହୁଦି ତାନି ତକ୍ତି ତଲେ ଖାତେସି, ଏଖାସି ପାଞ୍ଜୁଲଇଁ ହାଟି କିହାନା କ୍ରୀସ୍ତ ଜୀସୁ ତାଣା ନାମିନି କାତା ଏଖାଣି ତାଣାଟି ଖେତେସି । ୨୫ ସାମା ପାଞ୍ଜୁଲ ଦାମ୍ପୁତି କାତା, ତୀରୁପୁ ହିୟାଁ ଅଡ଼େ ଖାହିମାନି ନୀହାଁୟି ଦିନାତି କାତା ଖେସିମାତାକି, ପେଲିକସ୍ ଆଜାନା ଏଲେଇରେସି, “ନୀଏଁ ନାନୁ ହାଲାମୁ ବେଲା ସିନିକିହାନା ଅଡ଼େ ର ଦିନା ହାଟି କିୟାଇଁ ।” ୨୬ ପାଞ୍ଜୁଲ ନାଢ଼େ ଚାକାୟାଁ ହିୟାନେସି ଇଞ୍ଜି ଏଖାସି ଆସା କିହାମାରେସି, ଏଦାଆଁତାକି ଏଖାସି ଅଲେ ଅଲେ ଏଖାଣାଇଁ ହାଟି କିହାନା ଏଖାଣିତଲେ କାତା ଆଞ୍ଜିତେସି । ୨୭ ଏଲେକିହିଁ ରୀ ବାସୀ ଆତି ଡ଼ାୟୁ ପକ୍ତିୟୁ ପେସ୍ତସ୍, ପେଲିକସ୍ ଡ଼ାୟୁତା ସାଲଞ୍ଜି

କିନାସି ଆଚେସି, ଅଡ଼େ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜି ଇଞ୍ଜାପେରିଝା  
ଇଞ୍ଜି ଅଶ୍‌ପାନା ପାଞ୍ଜୁଲଇଁ କାୟିଦିତା ଇଟାନା ହାଚେସି ।

**୨୫** ଏମ୍ପାଟିଏ ପେସ୍ତସ୍ ଇ ରାଜିତା ଖାହାନା ତାନିଦିନା ଆୟାଲିଏ  
କାୟିସରିୟାଟି ଜିରୁସାଲମତା ହାଚେସି, ୨ ଅଡ଼େ ଏମ୍ପାଆଁ କାଜା ପୁଜେରାଢ୍ଫା  
ଇଞ୍ଜି ଜୀହୁଦି ଲକ୍ଷୁଡି କାଜାରି ପାଞ୍ଜୁଲ କପାଟି ପେସ୍ତସ୍ ତାଣା ଝେଣ୍ଡେ ଦାଝା  
କିଚେରି, ୩ ଅଡ଼େ ଏଝାସି ଏନିକିଁ ପାଞ୍ଜୁଲଇଁ ଜିରୁସାଲମତା ହାଟା ପାଣ୍ଡାନେସି,  
ଏଦାଆଁତାକି ଗହାରା କିହାନା ଏଝାଣି କପାଟି କାର୍ମାଆନି ଲେହେଁ ପେସ୍ତସ୍ଇଁ  
ବାତିମାଲିଚେରି; ଇଞ୍ଜି ଏଝାରି ଜିରୁତା ତୁଗାହାଁ ପାୟାଲି ଅଶ୍‌ପିମାଚେରି ।  
୪ ପେସ୍ତସ୍ ଏଲେଇଚେସି, “ପାଞ୍ଜୁଲ କାୟିସରିୟାତା କାୟିଦିତା ମାନେସି,  
ଇଞ୍ଜି ନାନୁ ଜିକେଏ ତବେ ଏମ୍ପାଆଁ ଝେଣ୍ଡା ହାଜିମାଇଁ, ୫ ଏଝାସି ଏନି ଦହ  
କିହାମାନେସି, ଆତିହୁଁ ମୀ କାଜାରି ନା ତଲେ କାୟିସରତା ହାଲାପେରି ଅଡ଼େ  
ଏଝାଣି କପାଟି ତାନି ଦାଝା କିପାରି ।” ୬ ପେସ୍ତସ୍ ଏମ୍ପାଆଁ ଆଟା କି ଦସ  
ଦିନା ଏଝାରିତଲେ ଡୟାହାଁ କାୟିସରିୟାତା ଝେଣ୍ଡେ ହାଚେସି, ଏ ଅର ନେରୁ  
ନୀହାଁୟି କିନି ଟାୟୁତା କୁଗାନା ପାଞ୍ଜୁଲଇଁ ତାତାଲି ହୁକୁମି ହୀଚେସି । ୭  
ପାଞ୍ଜୁଲ ଖାହାଲିଏ ଜିରୁସାଲମଟି ଖାହାମାନି ଜୀହୁଦିୟାଁ ତାନି ସାରିସୁରୁ ନିଚାନା  
ଏଝାଣି କପାଟି ହାରେକା ଦହ ଦସାଲି ମାଟ୍‌ହେରି, ସାମା ଏଝାରି ଏ ବାରେତି  
ପାର୍‌ମାଣା କିହାଲି ଆତାଆଚେରି । ୮ ଏଚେଟିଏ ପାଞ୍ଜୁଲ ତାନି ଝାକିଟି  
ଝେସାକତାନା ଏଲେଇଚେସି, “ଜୀହୁଦିୟାଁ ମେରା କପାଟି ଆଆତିଁ ମାହାପୁରୁ  
ଇଲୁ କପାଟି କି କାୟିସର କପାଟି ଜିକେଏ ନାନୁ ଏନି ଦହ କିହାହିଲଅଁ ।” ୯  
ସାମା ପେସ୍ତସ୍, ଜୀହୁଦି ଲକ୍ଷୁ ନକିତା ନେହାଁସି ଆୟାଲି ପାଞ୍ଜୁଲଇଁ ଝେଚେସି,  
“ନାନୁ ଜିରୁସାଲମତା ହାଜାନା ଏମ୍ପାଆଁ ନା ନକିତା ଇ ବାରେତାକି ନୀହାଁୟି  
ଆୟାଲି ମନ କିହିମାଞ୍ଜି କି?” ୧୦ ସାମା ପାଞ୍ଜୁଲ ଏଲେଇଚେସି, “ନାନୁ  
କାୟିସର ନକିତା ନୀହାଁୟି କିନି ଟାୟୁତା ନିଚାମାଇଁ, ଏମ୍ପାଆଁ ନା ନୀହାଁୟି  
ଆନାୟି ମାନେ, ନାନୁ ଜୀହୁଦିୟାଁ କପାଟି ଏନି ଲାଗେଏ କାମା କିହାହିଲଅଁ,  
ଏଦାଆଁ ନାନୁ ଜିକେଏ ନେହିଁକିଁ ପୁଞ୍ଜାମାଞ୍ଜି । ୧୧ ମେରା ମାନି କିଆନା  
ଲାଗେଏତି କାମା କିହାମାଟିହିଁ, ନାନୁ ହାହାଲି ଆଜିହିଲଅଁ; ସାମା ଇଝାରି ନା  
କପାଟି ଆମିନି ବାରେ ଦାଝା କିହିମାନେରି, ଏ ବାରେ ବିତ୍ରାଟି ଆମିନି ର ପଦୁ  
ଜିକେଏ ସାତା ଆଆତିହିଁ, ଆମ୍ପାଆସି ଏଝାରି କେୟୁତା ନାଡ୍ଡେ ହେର୍‌ପାଲି  
ଆଡଅସି, ନାନୁ କାୟିସର ନକିତା ନୀହାଁୟି କିଝିଆୟାଲି ଗହାରା କିହିମାଇଁ

।” ୧୨ ଏମ୍ବାଟିଏ ପେସ୍ତସ୍ ତାନି ନୀହାୟିତି କାଜାରି ତଲେ ଜଲକି ଆହାନା ଏଲେଇରେସି, “ନାନୁ କାୟିସର ନକିତା ନୀହାୟି କିଞ୍ଚିଆୟାଲି ରୀସିମାଞ୍ଜି, ଆତିହିଁ ନାନୁ କାୟିସର ତାଣେଏ ହାଜି ।” ୧୩ ଏଚରଦିନା ତାୟୁ ରାଜା ଆଗ୍ରିପା ଅଡେ ବନିକି କାୟିସରିୟାତା ଖାହାନା ପେସ୍ତସ୍ ଆଶ୍ଟାଲି ହାଚେରି । ୧୪ ଏଝାରି ଏମ୍ବାଆଁ ଏଚରଦିନା ତୟିତି ତାୟୁ, ପେସ୍ତସ୍ ରାଜା ନକିତା ପାଞ୍ଜୁଲ କାତା ଝେସ୍ତେସି, “ପେଲିକସ୍ କାୟିଦିତା ଇଟାମାନାସି ରଅସି ଇମ୍ବାଆଁ ମାନେସି; ୧୫ ନାନୁ ଏଚିବେଲା ଜିରୁସାଲମତା ହାଜାମାଚେଏଁ ଏଚିବେଲାତା ଜୀହୁଦି ଲକ୍ଷୁତି କାଜା ପୂଜେରାଢ୍ଗୁ ଅଡେ ପ୍ରାଚିନାଢ୍ଗୁ ଏଝାଣି କପାଟି ଝେସାନା ଏଝାଣାଇଁ ତଣ୍ଡୁ ହାହାଲି ନାଢ୍ଗେ ବାତିମାଲି ମାଞ୍ଜାଚେରି । ୧୬ ସାମା ନାନୁ ଏଝାରାଇଁ ଏଲେଇଚେଏଁ, ଦହଗାଟାସି ତାନି ଦହ ଦସାମାନାରା ନକିତା ନିଆ ପାଚେକା ଇଞ୍ଜିଁ ତାଢ୍ଗେ ତାନି ଝାକିଟି ଜଲାଇଁ ହାଆ ପାଚେକା ଏଝାଣାଇଁ ତଣ୍ଡୁ ହାହାଲି ମା ରମ୍ ଲକ୍ଷୁତି ମେରା ହିଲେଏ । ୧୭ ଏଝାରି ନା ତଲେ ଇମ୍ବାଆଁ ଝାୟାଲିଏ, ନାନୁ ଝେଡାକିଆନା ତାନି ଅର ନେରୁ ନୀହାୟି କିନି ତାଣା କୁଗାନା, ଏଝାଣାଇଁ ତାଚାଲି ହୁକୁମି ହାଚେଏଁ । ୧୮ ଏଝାଣାଇଁ ଦହ ଦସାମାନାରି ଝାହାନା ନିଚେରି, ସାମା ଏଝାରି ଏନିଲେହେଁତି ଦାଝା କିନେରି ଇଞ୍ଜିଁ ନାନୁ ଅଶ୍ପିମାଚେଏଁ, ଏଝାରି ଏନି ଦହ ଏଝାଣି କପାଟି ଝେସ୍ତାଆଚେରି । ୧୯ ଏଝାରି ଝାରୁଇ ତାନି ଦାମ୍ବୁତି କାତା ଇଞ୍ଜିଁ ଜୀସୁ ଦରୁଗାଟି ଏମିନି ହାତାଣାଇଁ ପାଞ୍ଜୁଲ ନୀତାମାନେସି ଇଞ୍ଜିଁ ଝେସିମାନେସି, ତାନି କାତାତାକି ଆସ୍ପି ଆଚେରି । ୨୦ ଇ ବାରେ କାତା ନେହଁକି ପୁଞ୍ଜାଲିତାକି ଏନାଆଁ କିହାଲି ଆନେ, ଏନାଆଁ ତାରି କିହାଲି ଆତାଆନା ଇ ଦାଝା ତାକି ନୀହାୟି ଆହାଲିତାକି ପାଞ୍ଜୁଲ ଜିରୁସାଲମତା ହାନେସି କି ଆଏ ଏଦାଆଁ ନାନୁ ଝେଚେଏଁ । ୨୧ ସାମା ପାଞ୍ଜୁଲ ସାଲଝି କିନି କାୟିସର ନକିତା ନୀହାୟି କିଞ୍ଚିଆୟାଲି ନାନୁ ହାଇଁ ଇଞ୍ଜିଁ ଝେସିମାଚାକି, ନାନୁ ଏଝାଣାଇଁ କାୟିସର ତାଣା ପାଣ୍ଡିନି ପାଚେକା କାୟିଦିତା ଇଟାଲି ହୁକୁମି ହାଚେଏଁ ।” ୨୨ ଆଗ୍ରିପା ପେସ୍ତସ୍ ଏଲେଇଚେସି, “ନାନୁ ଜିକେଏ ଇଝାଣି କାତା ଝେଞ୍ଜାଲି ମନ କିହିମାଇଁ । ହାଅ ଝିଏ ନାନୁ ଏଝାଣି କାତା ଝେଞ୍ଜିଁ” ଇଞ୍ଜିଁ ପେସ୍ତସ୍ ଏଲେଇଚେସି । ୨୩ ତାନି ଅର ଦିନା ଆଗ୍ରିପା ଇଞ୍ଜିଁ ବନିକି କାଜାପାଣା ଅଡେ ଗାଞ୍ଜୁରମିଗାଟି କସକା ଇଞ୍ଜିଁ ଗାଡାତି କାଜାରି ତଲେ ହାଜାନା ନୀହାୟି କିନି ଚାୟୁତା ଝାଚେସି, ଏମ୍ବାଟିଏ ପେସ୍ତସ୍ ହୁକୁମି ତଲେ ପାଞ୍ଜୁଲ ଏମ୍ବାଆଁ ତାପିଆଚେସି । ୨୪ ଏମ୍ବାଟିଏ ପେସ୍ତସ୍ ଏଲେଇଚେସି,

“ଏ ରାଜା ଆଗ୍ନିପା ଅଡ଼େ ଇମ୍ପାଆଁ ମାନି ମାନିଗାଟି କାଜାତେରି, ମୀରୁ ବାରେ ଇଞ୍ଜାଣାଇଁ ମେସିମାଜ୍ଜେରି; ଇଞ୍ଜାଣି କପାଟି ଜିରୁସାଲମ ଇଞ୍ଜାଁ ଇମ୍ପାଆଁ ମାନି ଜୀହୁଦି ଲକୁ ନା ତାଣା ଦାଞ୍ଜା କିହାମାନେରି, ଇଞ୍ଜାସି ନୀତାମାନାୟି ଲଡ଼ା ହିଲେଏ ଇଞ୍ଜାଁ ବାରେଜାଣା କାଲଞ୍ଜି ଆତେରି । ୨୫ ସାମା ଇଞ୍ଜାସି ହାନିଲେହେଁଟି ଏନି ଦହ କିହାମାନାଣି ନାନୁ ମେସାହିଲଅଁ ଇଞ୍ଜାଁ ଏଞ୍ଜାସି ତାନୁଏ କାୟିସର ତାଣା ନାହାଁୟି କିଞ୍ଜିଆୟାଲି ବାତିମାଲାତାକି ନାନୁ ଏଞ୍ଜାଣାଇଁ ଏମ୍ପାଆଁ ପାଣ୍ଡାଲି ତାକି ତାରି କିତେଏଁ । ୨୬ ସାମା ରାଜା କାୟିସର ତାଣା ଏଞ୍ଜାଣି ତାକି ରାତାଲି ନାଡ଼େ ଏନି କାତା ହିଲେଏ, ଏଦାଆଁତାକି ନାନୁ ଏଞ୍ଜାଣାଇଁ, ବାରେକିହାଁ ରାଜା ଆଗ୍ନିପା ନୀ ତାଣା ଏଞ୍ଜାଣାଇଁ ତାତାମାଇଁ, ଏନିକିଁ ଏଞ୍ଜାଣି କାତା ଖେଞ୍ଜାମା, ପୁରିତାୟୁ ନାନୁ ଏଞ୍ଜାଣାକି ଇତାଣି ରାତାଲି ଆଡ଼ିଇଁ । ୨୭ ଇତିହାଁ ର କାୟିଦି ଗାଟାଣାଇଁ ପାଣ୍ଡିନି ବେଲାତା ତାନି କପାଟି କିହାମାନି ଦାଞ୍ଜା ନେହିଁକିଁ ତହୁଆନା ପାଣ୍ଡାଲି ନେହେଁ ଆଏ ଇଞ୍ଜାଁ ନାନୁ ଅଣ୍ଟିମାଇଁ ।”

**୨୭** ଆଗ୍ନିପା ପାଞ୍ଜୁଲଇଁ ଏଲେଇତେସି, “ନିଡ଼େ ନୀ ଞ୍ଜାକିଟି କାତା ଜଲଲି ହେଲ ହୀପକିଆତେ” ଏମ୍ପାଟିଏ ପାଞ୍ଜୁଲ କେୟୁ ଦାସାନା ତାନି ଞ୍ଜାକିଟି ଏଲେଇତେସି । ୧ “ରାଜା ଆଗ୍ନିପା, ଜୀହୁଦିୟାଁ ନା କପାଟି ଏନି ଦହ ଦସାମାଜ୍ଜାନେରି, ଏଦାଆଁ ନୀଞ୍ଜୁ ନୀ ନକିତା ଖେସାଲି ନାନୁ ହେଲ ବେଟାଆହାମାନାକି ନାନୁ ନାଡ଼େ କପଲ ଗାଟାତେଏଁ ଇଞ୍ଜାଁ ଅଣ୍ଟା କଡ଼ିମାଇଁ, ୩ ଏନାଆଁତାକି ଇତିହାଁ, ନାନୁ ଜୀହୁଦିୟାଁ ପାଣାପାଗୁ ଅଡ଼େ କାତା ନେହିଁକିଁ ପୁଞ୍ଜାମାଞ୍ଜି; ଏଦାଆଁତାକି ନା କାତା ସାସାତଲେ ଖେଞ୍ଜାଲି ନିଡ଼େ ବାତିମାଲିମାଞ୍ଜାଇଁ ।” ୪ “ନା ଦାଂଗ୍ଗା ଖେଡ଼ାଟିଏ ନୀଏଁ ପାତେକା ନାନୁ ତଲି ମା କୁଡ଼ାତାରି ତଲେ ଅଡ଼େ ଜିରୁସାଲମତା ଏନିଆହିଁ ନୀତା ମାତେଏଁ ଏଦାଆଁ ଜୀହୁଦିୟାଁ ବାରେ ନେହିଁକିଁ ପୁଞ୍ଜାମାନେରି; ୫ ନାନୁ ମା ମାହାପୁରୁତି ମେରା ହାରେକା ନେହିଁକିଁ ମାନଞ୍ଜି ଆହିମାନି ପାରୁସିୟାଁ ଗତିତା ମାତେଏଁ, ଏଞ୍ଜାରି ନାଡ଼େ ତଲିଟିଏ ପୁଞ୍ଜାମାଞ୍ଜାନେରି, ଏଞ୍ଜାରି ମନ କିତିହାଁ ସାକି ହାହାଲି ଆଡ଼ିନେରି । ୬ ମାହାପୁରୁ ମା ଆକୁ ଆବାୟାଁଣି ଏନିନି କାତା ଆଞ୍ଜାମାତେସି, ଏ କାତା ହାହାମାନାଣି ବାସୁଁ କିହାମାନାକି ନୀଞ୍ଜୁ ନାନୁ ଇମ୍ପାଆଁ ନୀହାଁୟି କିଞ୍ଜିଆୟାଲି ନିତାମାଇଁ ୭ ମା ଲକୁତି ବାର କୁଡ଼ାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ ରଣ୍ଡିଏ କାତା ବେଟାଆହାଲି ତାକି ଆସା କିନେରି, ଏ ରାଜା, ନା ଏ ବାସୁଁ ତାକି ଜୀହୁଦିୟାଁ ନାଡ଼େ ଦହ କିହିମାଞ୍ଜାନେରି

। ୮ ମାହାପୁରୁ ହାତାରାଇଁ ନିକ୍ନେସି, ଇଦାଆଁ ନାମାଲି ଆଡାଆ ଗାଟାୟି  
 ଇଞ୍ଜି ମୀରୁ ଏନାଆଁତାକି ଅଶ୍ଵିମାଞ୍ଜେରି?” ୯ “ନାଜରିତ ଜୀସୁ ଦରୁ କପାଟି  
 ନାଢ୍ଢେ ହାରେକା କାମା କିନାୟିମାନେ ଇଞ୍ଜି ନାନୁ ଅଶ୍ଵିମାଚେଏ । ୧୦  
 ଜିରୁସାଲମତା ନାନୁ ଏଲେଜିକେଏ କିତେଏ । କାଜା ପୁଜେରାଢ୍ଢା ଡାଶାଟି  
 ଅଦିକାରା ଆକୁ ବେଟାଆହାନା, ମାହାପୁରୁ ଲକୁ ଡାଶାଟି ହାରେକା ଜାଣାଇଁ  
 କାୟିଦିତା ସୁଶ୍ଵିକିହାମାଚେଏ ଇଞ୍ଜି ଏଞ୍ଜାରାଇଁ ପାୟିନାଟି ନାନୁ ଜିକେଏ  
 ଆଶ୍ଵିମାଚେଏ । ୧୧ ହାରେକା ଦେବା ଜୀହୁଦି ଲକୁଡି କୁଟମି ଇଲକାଶା ନାନୁ  
 ଏଞ୍ଜାରାଇଁ ଲାଜାକିହିଁ ତଣ୍ଡୁ ହାହିମାଚେଏ ଇଞ୍ଜି ଏଞ୍ଜାରି ନାମୁଡି ଏଟ୍ଟକା କିହାଲି  
 ଅଶ୍ଵାମାଚେଏ, ନାନୁ ଏଞ୍ଜାରି କପାଟି ହାରେକା କାର୍ବି ଆହାମାଚେଏ,  
 ଏଞ୍ଜାରାଇଁ ସାସ୍ତି ହାହାଲି ଏଟ୍ଟକା ଦେସାତା ଜିକେଏ ହାଜାମାଚେଏ ।” ୧୨  
 ଇଦାଆଁତାକି କାଜା ପୁଜେରାଢ୍ଢା ଡାଶାଟି ଅଦିକାରା ଆକୁ ଅଡେ ହୁକୁମି  
 ବେଟାଆହାନା ନାନୁ ଦମେସକ ହାଜାମାଚେଏ । ୧୩ ଏ ରାଜା ଆଗ୍ରିପା, ର  
 ଦିନା ମାଦେନା ବେଲା ଜିରୁତା ହାଗୁଲାକଟି ଡେଡାକିହିଁ ହାରେକା ଉଜେଡି  
 ମେସ୍ତେଏ, ଏ ଉଜେଡି ନାଢ୍ଢେ ଅଡେ ନା ତଲେ ହାଜିମାଚାରି ସାରିଞ୍ଜାକି  
 ଡଞ୍ଜାଆଡେ । ୧୪ ମାମୁ ବାରେଜାଶା ବୁମିତା ତରଗାଲିଏ, ଏବ୍ରି ହାତାତଲେ  
 ନାଢ୍ଢେଡାକି ଇ ହାତା ଞ୍ଜେଚେଏ, “ଆଡେ ସାଞ୍ଜୁଲ ଆଡେ ସାଞ୍ଜୁଲ ଏନାଆଁତାକି  
 ନାଢ୍ଢେ ସାସ୍ତି ହାହିମାଞ୍ଜାଦି? ଏନିକିଁ ତୁକି କଡି ହେରୁ ତୁନାଣି ହୁତୁ ବାଡ଼ଗାତା  
 ଦୟିନେ ଏଲେକିହିଁ ନାନୁ ଡାୟୁଞ୍ଜାକି ଦୟିହିଁ ଜାହାରା କତାତା ଗାଣ୍ଡି ମାଞ୍ଜି  
 ।” ୧୫ ଏମାଟିଏ ନାନୁ ଞ୍ଜେଚେଏ, “ପୁରୁ ନାନୁ ଆମ୍ବାଆତି?” ଏଚେଟିଏ ପୁରୁ  
 ଏଲେଇଞ୍ଜାଚେସି “ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାନୁ ଏ ଜୀସୁଚେଏ  
 । ୧୬ ସାମା ନିଢ୍ଢାମୁ କତାତା ବାଡ଼ୟୁ ହାହାନା ନିମୁ, ଇଚିହିଁ ନାନୁ ନିଢ୍ଢେ  
 ନା ସେବା କାମା କିହାଲିତାକି ଡଞ୍ଜା ଆହାମାଞ୍ଜାଇଁ, ନୀଞ୍ଜୁ ନାନୁ ଏନାଆଁ  
 ମେସାମାଞ୍ଜି ଡାୟୁ ନାନୁ ନିଢ୍ଢେ ଏନାଆଁ ଡ଼ସ୍ତାଇଁ ଏ କାତା ଏଟ୍ଟକା ତାରାଇଁ ସାକି  
 ହାଦି । ୧୭ ଜୀହୁଦି ଅଡେ ଜୀହୁଦିଆଆଡି ଲକୁଡାଶା ନାନୁ ନିଢ୍ଢେ ପାଣ୍ଡାଇଁ,  
 ଏଞ୍ଜାରି ଡାଶାଟି ନାନୁ ନିଢ୍ଢେ ଗେଲ୍ପାଇଁ । ୧୮ ନିଢ୍ଢେ ଏଞ୍ଜାରି କାଶକା ଦେଚାଲି  
 ଆନେ, ଅଡେ ଏଞ୍ଜାରାଇଁ ଆନେରିଟି ଉଜେଡିତା ଅଡେ ସୟତାନ ପାନ୍ତାଟି  
 ମାହାପୁରୁ ଡାଶା ଞ୍ଜେହା ତାନାୟି ଆନେ, ଏନିକିଁ ନା ଡାଶା ନାମିନି ଡାଶାଟି  
 ସୁଦୁ କିଞ୍ଜି ଆହାନା ଏଞ୍ଜାରି ପାପୁ ମେଶ୍ଵିନେ ଅଡେ ମାହାପୁରୁ ଆଡିଡି ଲକୁ  
 ବିତ୍ତା ଏଞ୍ଜାରି ଚାୟୁ ବେଟାଆନେରି ।” ୧୯ “ରାଜା ଆଗ୍ରିପା, ଏ ଲାକପୁରୁଟି

ମେସ୍ତାଣି ନାନୁ ଉରାଆଡେଏଁ, ୨୦ ତଲିଏ ଦମେସକତା ଇଞ୍ଜି ଜିରୁସାଲମତି ଲକୁଡ଼ାଣା ଡାୟୁ ଜୀହୁଦା ରାଜିତି ବାରେ ନାସକାଣାଁ, ଅଡ଼େ ଜୀହୁଦିଆଆତି ଲକୁଡ଼ାଣା ଜିକେଏ ଡେକହେଏଁ, ଏନିକି ଏଞ୍ଜାରି ମନ ଖେଟ୍‌ହାନା ମାହାପୁରୁ ଡାଣା ଖାନେରି, ଇଞ୍ଜି ଏଞ୍ଜାରି ମନ ଖେଟ୍‌ହା କତାମାନେରି, ଏଦାଆଁ କାମାତା ଡହ୍‌ନେରି । ୨୧ ଏଦାଆଁତାକି ନାନୁ ମାହାପୁରୁ ଇଲୁତା ମାଚାଟି ଜୀହୁଦିୟାଁ ନାଡ଼େ ଆସାନା ପାୟାଲି ଅଶ୍‌ପି ମାଞ୍ଜାତେରି । ୨୨ ସାମା ନୀଞ୍ଜୁପାତେକା ମାହାପୁରୁ ନାଡ଼େ ସାୟେମି କିହାମାଞ୍ଜାନେସି, ଏଦାଆଁତାକି ନୀଞ୍ଜୁ ନାନୁ ଉଣା କାଜାରି ବାରେତି ନକିତା ସାକି ହାହାଲି ନିଚାମାଲ୍ । ମାହାପୁରୁ ଅଶ୍‌ପୁତି ବଲୁ ଖେହ୍‌ନାରି ଅଡ଼େ ମସା ଏନାଆଁ ଆନେ ଇଞ୍ଜି ଖେସାମାନେସି ନାନୁ ଏ କାତା ଖେସିମାଲ୍, ୨୩ ଇତିହ୍‌ ମସିହା ସାତେଏ ଦୁକୁ ବେଟାଆହାନା ହାତାରି ବିତ୍ରାଟି ତଲିଏ ନିଢ଼ୁନା ଜୀହୁଦି ଲକୁ ଇଞ୍ଜି ଜୀହୁଦିଆଆତି ଲକୁ ନକିତା ଗେଲ୍‌ପିନି ଉଜେଡ଼ି ଡହ୍‌ନେସି ।” ୨୪ ପାଞ୍ଜୁଲ ଇଲେକିହ୍‌ ତାନି ଖାକିଟି ଜଲିମାଚାଟି ପେସ୍‌ସ୍‌ କାଜା ଗିୟାଁତଲେ ଏଲେଇଚେସି, “ପାଞ୍ଜୁଲ ନାନୁ ବାୟା ଆତି; ଗାଡି ଜାପିତାକି ନାନୁ ବାୟା ଆହାମାଞ୍ଜି ।” ୨୫ ସାମା ପାଞ୍ଜୁଲ ଏଲେଇଚେସି, “ଏ ମାନିଗାଟି ପେସ୍‌ସ୍‌ ନାନୁ ବାୟା ଆହାହିଲଅଁ; ସାମା ନାନୁ ଏନାଆଁ ଜଲିମାଲ୍ ଏଡି ସାତା, ତାରି ବୁଦିତଲେ ଖେସିମାଲ୍ । ୨୬ ରାଜା ଆଗ୍ରିପା ନାନୁ ଇ ବାରେ ପୁଞ୍ଜାମାନାକି, ନାନୁ ନୀ ନକିତା ସାସାତଲେ କାତା ଜଲିମାଲ୍, ନାନୁ ସାତେଏ ନାମିମାଲ୍, ଇ ବାରେ ନାନୁ ପୁନାଆରେଚୁ ଆହା ହିଲେଏ; ଅଡ଼େ ଇ ବାରେ କାତା ତୁଗାନା ଚେଣେଏ ଆହାହିଲେଏ । ୨୭ ଏ ରାଜା ଆଗ୍ରିପା, ନାନୁ ମାହାପୁରୁ ଅଶ୍‌ପୁତି ବଲୁ ଖେହ୍‌ନାରି କାତା ନାମିମାଞ୍ଜି କି? ହାଅ ନାନୁ ନାମିମାଞ୍ଜି ଇଞ୍ଜି ନାନୁ ପୁଞ୍ଜାମାଲ୍ ।” ୨୮ ଆଗ୍ରିପା ପାଞ୍ଜୁଲଇଁ ଏଲେଇଚେସି, “ନାନୁ ନାଡ଼େ ଗାଡ଼େକେଏ କ୍ରୀସ୍ତାନା କିଇଁ ଇଞ୍ଜି ଅଶ୍‌ପିମାଞ୍ଜାଦି?” ୨୯ ପାଞ୍ଜୁଲ ଏଲେଇଚେସି, “ଗାଡ଼େକା ତାକି ଆପେ କି ଗାଡିତାକି ଆପେ ମାହାପୁରୁ ଡାଣା ଇଚେକେଏ ନା ପ୍ରାତାନା, ନାନୁ, ଅଡ଼େ ଏଚରଜାଣା ନୀଞ୍ଜୁ ନା କାତା ଖେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା ନାଲେହେଁ ହିକ୍‌ଶିୟାଁ ତଲେ ଦସ୍‌ପି ଆପେରି ଇଞ୍ଜି ନାନୁ ଖେସିମାଞ୍ଜାଆଁ ।” ୩୦ ଏଚେଟିଏ ରାଜା, ସାଲଖି କିନାସି ଅଡ଼େ ବନିକି ଇଞ୍ଜି ଏଟ୍‌କାତାରି ବାରେ ହାଜାଲି ନିଢ଼ିତେରି, ୩୧ ଏଞ୍ଜାରି ହାନିବେଲାତା ଡାମୁ ଡାମୁଏ ଜଲ୍‌କି ଆଡେରି, “ଇ ମାଶ୍‌ସି ଇଲେତି ଏନି କାମା କିହାହିଲଅସି ଏନାଆଁତାକି ଏଞ୍ଜାସି ଦସ୍‌ପି ଆନେସି କି ପାୟାଖି



ଆନେସି ।” ୩୨ ଅଡ଼େ ଆଗ୍ରିପା ପେସ୍ତୁସ୍‌ଙ୍କ ଏଲେଇରେସି, “ଇ ମାଣ୍ଟସି କାୟିସର ତାଣା ନାହାଁୟି କିଞ୍ଚିଆୟାଲି ବାତିମାଲାଆତିହିଁମା ମାମୁ ଏଞ୍ଜାଣାଙ୍କ ପିସାଲି ଆତିତମିମା ।”

**୨୭** ମାମୁ ଇଟାଲି ଦେସାତା ଏୟୁ ଜାଜା ତଲେ ହାଜାଲି ତୀରି କିଞ୍ଚିଆତି ତାୟୁ ପାଞ୍ଜୁଲ ଅଡ଼େ ଏଚରଜାଣା କାୟିଦିତା ମାତାରାଙ୍କ, ରାଜାତି କସକା ଜୁଲିୟସ୍ ଦରୁଗାଟି ପାସାକଡ଼ି କସକା ମୁହେଁ କାଜାଣି କେୟୁତା ହେରପିତେରି । ୨ ଏମ୍ପାଟିଏ ମାମୁ ଆସିୟା ଦେସାତି ଏଟକା ଏଟକା ଚାୟୁତା ହାନି ଏୟୁ ଜାଜା ନିନି ଚାୟୁଟି ଆଦ୍ରାମୁତିୟ ଜାଜାତା ହତମି; ଇଞ୍ଜିଂ ମାକିଦନିୟା ଦେସାତି ତେସଲନିକି ଗାଡ଼ାତି ଆରିସ୍ତାର୍କ ମା ତଲେ ମାଚେସି । ୩ ତାନି ଅର ନେରୁ ମାମୁ ସିଦନତା ଏଗାତମି, ଅଡ଼େ ଜୁଲିୟସ୍ ପାଞ୍ଜୁଲଙ୍କ କାର୍ମା ଆହାନା ତାନି ତଂଶେସିଞ୍ଜୁ ତାଣା ହାଜାନା ଲଡ଼ାମାନାଣି ସେବା ବେଟାଆହାଲି ହେଲ ହୀତେସି । ୪ ଏମ୍ପାଟି ଜାଜାତା ହତମାଚାଟି ମା ଖାକି ଗାଲି ଝେଟାଲିଏ ମାମୁ କୁପ୍ର ଦାରି ଦାରିଟି ହାତମି, ୫ କିଲିକିୟା ଅଡ଼େ ପଂପୁଲିୟା ନକିତା ମାନି ସାମ୍ବୁରି ଗାଣ୍ଡାନା ଲୁକିୟାତି ମୁରାତା ଖାତମି । ୬ ଏମ୍ପାଆଁ ପାସାକଡ଼ି କସକା ମୁହେଁ କାଜାସି, ଇଟାଲିତା ହାଜିମାନି ର ଆଲେକ୍‌ଜାଣ୍ଡ୍ରିୟା ଏୟୁ ଜାଜା ବେଟାଆହାନା ମାଡ୍ରେ କୁଗି କିୟାତେସି । ୭ ତାୟୁ ହାରେକା ଦିନାତାକି ଦୀରେ ଦୀରେ ହାଜାନା କସ୍ତୁତଲେ କ୍ଲିଦ ଗାଡ଼ା ତାଗେ ହାତମି । ନକିତି ଗାଲି ମାଡ୍ରେ ନକିତା ହାଜାଲି ହିୟାଆଲିଏ ସାଲ୍‌ମନିତି ଅରଖାକି କ୍ରିତି ଦାରି ଦାରିଟି ହାତମି । ୮ ଅଡ଼େ କସ୍ତୁତଲେ ଗାଟୁ ଗାଟୁଟି ହାଜାନା “ଅଜିତି ବାନ୍ୟା” ଇନି ଚାୟୁତା ହାତମି, ଏଦି ଲାସାୟା ଗାଡ଼ାତି ତାଗେ ମାଚେ । ୯ ଇଲ୍ୟାଆହିଁ ହାରେକା ଦିନା ଆହାହାଚେ, ଇଞ୍ଜିଂ ସାମ୍ବୁରିଟି ହାନାୟି କସ୍ତୁ ଆହାହାଚେ, ଇତିହିଁ ଏଟିବେଲା ଉପାସା ପାର୍ବୁ ରାହାମାଚେ, ଏଦାଆଁତାକି ପାଞ୍ଜୁଲ ଜାଗ୍ରାତା କିହାନା ଏଲେଇରେସି । ୧୦ “ବାବୁୟାଁତେରି ଇ ସାମ୍ବୁରିଟି ହାନାଟି ଜାଜାତି ଆସ୍ତି ଅଡ଼େ ଏୟୁ ଜାଜା ନସ୍ତୁ ଆନେ ଏଦି ଆଏ, ସାମା ଜାଜାତା ହାଜିମାନାରି ଜୀଞ୍ଜୁ ଜିକେଏ ନସ୍ତୁ ଆନେ ନାନୁ ପୁଞ୍ଜିମାଙ୍କ ।” ୧୧ ସାମା ପାସାକଡ଼ି କସକା ମୁହେଁ କାଜାସି, ପାଞ୍ଜୁଲତି କାତା କିହାଁ ଜାଜାତି ସାଲଞ୍ଜି କିନାଣାଙ୍କ ଇଞ୍ଜିଂ ସାଞ୍ଜୁକାରି କାତାତି ହାରେକା ନାମିତେସି । ୧୨ ଇ ବାନ୍ୟାତା ପେନିଞ୍ଜେଡ଼ା ତୟାଲି ନେହେଁ ହିଲାଆଚେ, ଇଦାଆଁତାକି ଜାଜାତା ହାଜିମାଚାରି ହାରେକା ସାମ୍ବୁରିଟି ହାଜାନା ପିନିକ୍‌ସ୍‌ତା ପେନିବେଲା ରାପ୍‌ହାଲି ଅଣ୍ଡିପିମାଚେରି, ଏ ପିନିକ୍‌ସ୍ କ୍ରିତିତି ର ଜାଜାୟି ନିନି

କାଜା ଚାୟୁ ମାତେ, ଏଦି ଚେଡ଼ା କୁଡ଼ିନି ଚିଃନିଝାକି ଅଡ଼େ, ଚେଡ଼ା କୁଡ଼ିନି  
 ଚେବିଝାକି ମୁମୁ କିହାମାତେ । ୧୩ ଏଚିବେଲା ଚିଃନି ଝାକିତି ଗାଲି ଦୀରେ  
 ଦୀରେ ଝାତେ, ହାଜିମାଚାରି ନୀଏଟି ମା ଅଣ୍ଠପିମାତି ଲେହେଁ ଆତେ ଇଞ୍ଜି  
 ଅଣ୍ଠପିତେରି, ଜାଜା ନିପହାମାତି କାଜା ଲହତି ରେଜାନା କ୍ରିତିତି ଗାଟୁ ଗାଟୁତି  
 ହାଜାଲି ମାଟ୍‌ହେରି, ୧୪ ସାମା ଗାଡ଼େକା ହାଜାଲିଏ ଇୟୁରକ୍‌ଝିଲ୍ ଇନି  
 ଆଜିହପେତି କାଜା ଗାଲି ଚେଡ଼ା ହନି ଚେବି ଝାକିତି ହଚାନା ଜାଜା ମାତିଝାକି  
 ଝାତେ । ୧୫ ଗାଲି ଜାଜାତି ଚେଡ଼ାଲିଏ, ଜାଜାତି ଗାଲିଝାକି ଅୟାଲି ଆତାଆନା  
 ଜାଜାତି ଗାଲି ତଲେ ଅଞ୍ଜିଆୟାଲି ପିସୁମି । ୧୬ ମାମୁ କ୍ଲାସୁଦାତି ସାମ୍‌ଦୁରି  
 ମାଦି ମାନି ଉଣା ବୁମିତି ଜମିନି ଚାୟୁ ବେଟାଆତମି । ଏମ୍‌ପାଟି ହାରେକା କସୁତି  
 ଏୟୁ ଜାଜାତି ଉଣା ତଂଗ ତଲେ ଗେଲ୍‌ପି ଆତମି । ୧୭ ଜାଜା ସାଲଞ୍ଜି କିନାରି  
 ଏଦାଆଁ ଜାଜା ଲାକ ଅତି ଚାୟୁ ଡ଼କା ତଲେ ଜାଜା ସାରିସୁଟୁ ଦସ୍ତେରି, ଇଞ୍ଜି  
 ଜାଜା ଲିବିୟାତି ସୁରତି ଇନି ବାଃଲି ତିବାତା ଗୁପିନେ ଇଞ୍ଜି ଆଜିତାକି ଜାଜା  
 ସାଲଞ୍ଜି କିନାରି ଜାଜାତା ଗଞ୍ଜାମାତି ହିମ୍‌ପୁରିକା ହୁକ୍‌ହାନା ଜାଜାତି ଗାଲି ତଲେ  
 ସାମ୍‌ଦୁରି ବିତ୍ରା ଡ଼ୟାଲି ପିସ୍ତେରି । ୧୮ କାଜା ଗାଲି ପିୟୁ ତାକି ହାରେକା କସୁ  
 ଆହାଲିଏ ତାନି ଅର ନେରୁ ଜାଜାତି ସାଲଞ୍ଜି କିନାରି ଜାଜାତା ମାତି ଆସ୍ତିତି  
 ସାମ୍‌ଦୁରିତା ମେଡ଼ହାଲି ମାଟ୍‌ହେରି, ୧୯ ଅଡ଼େ ତାନିଦିନା ନେରୁ ଏଝାରି  
 ତାନି ଜାଜାତି କଚେକା କାଣ୍ଡା ମୁଣ୍ଡା ଏୟୁଣାଁ ମେଡ଼ହେରି । ୨୦ ହାରେକା  
 ଦିନା ପାତେକା ଚେଡ଼ା କି ହୁକାୟାଁ ମେସାଲି ଆତାଆତମି, ଅଡ଼େ ହାରେକା  
 ଗାଲି ପିୟୁ ପିହ୍‌ଆଲିଏ ମାମୁ ଇମ୍‌ପାଟି ଗେଲ୍‌ପିଆନି ଆସା ପିସାତୁସୁମି । ୨୧  
 ବାରେଜାଣା ହାରେକା ଦିନା ପାତେକା ରାନ୍ତୁ ତିନାଆନା ଡ଼ୟିତି ଡ଼ାୟୁ ପାଞ୍ଜୁଲ  
 ଏଝାରି ବିତ୍ରା ନିତାନା ଏଲେଇଚେସି, “ବାବୁୟାଁ ନା କାତା ଆସାନା କ୍ରିତିତି  
 ସାମ୍‌ଦୁରି ଜାଜା ହୁକ୍‌ହା ହିଲିଆତିହିଁ ମାଦି ଏନାୟିଝା ନସୁ ଆଆତେମା ।  
 ୨୨ ସାମା ନୀଏଁ ନାନୁ ମିଡ୍ରେ ଝେସିମାଞ୍ଜାଲ୍, ସାସା ଆହ୍‌ଦୁ, ଇତିହିଁ ମୀ ବିତ୍ରା  
 ଆମ୍‌ପାଆରି ଜୀଞ୍ଜୁ ଜିକେଏ ନାସା ଆଏ; ଝାର୍‌ଇ ଜାଜାଦେ ନସୁ ଆନେ । ୨୩  
 ଇତିହିଁ ନାନୁ ଏମିନି ମାହାପୁରୁତି ସେବା କିହିମାଲ୍, ନୀଞ୍ଜୁ ଲାଆଁୟାଁ ଏଝାଣି  
 ର ଲାକପୁରୁତି ଦୂରୁ ନା ତାଗେ ଝାହାନା ଏଲେଇଞ୍ଜାତେ, ୨୪ ଏ ପାଞ୍ଜୁଲ  
 ‘ଆଜାଆନି; ନାନୁ ସାଲଞ୍ଜି କିନି କାୟିସର ନକିତା ନିନାୟି ମାନେ, ମାହାପୁରୁ  
 ନିଡ୍ରେ କାର୍ମା ଆହାମାଞ୍ଜାନାକି ନୀ ତଲେ ଝାହିମାନି ବାରେତି ଜୀଞ୍ଜୁ ଏଝାସି  
 ଗେଲ୍‌ପିନେସି ।’ ୨୫ ଏଦାଆଁତାକି ଏ ବାବୁୟାଁତେରି ସାସା ଆହ୍‌ଦୁ ଇତିହିଁ

ନାନୁ ମାହାପୁରୁ ଡାଣା ନା ନାନୁ ମାନେ, ନାଢ଼େ ଏନିକିଁ ଖେସ୍‌ପି ଆହାମାନେ,  
 ଏଲେଆହିଏ ଆନେ । ୨୭ ସାମା ମାଢ଼େ ର ସାମ୍‌ଦୁରି ମାଦିଏ ମାନି ଦେସାତା  
 ଏଗାହାନାୟି ମାନେ ।” ୨୭ ଇଲେକିହିଁ ମାନୁ ଆଦିଆ ସାମ୍‌ଦୁରି ଇତାଲା  
 ଆତାଲା ଆହିଁ ରୀ ଖାରା ଆୟାଲିଏ, ମାଦି ଲାଆଁୟିଁ ଜାଜା ସାଲଖି କିନାରି ର  
 ବୁମି ଦାରିତା ଏଜିମାନାୟି ଇଞ୍ଜି ଅଣ୍‌ପିମାରେରି । ୨୮ ଏମ୍‌ପାଟିଏ ଏଞ୍ଜାରି ଏୟୁଣି  
 ଲାତାଲିଏ ପନୁର ହାତା ଏୟୁ କୁଡ଼ହା ମାରୁ, ଇଞ୍ଜି ଅଡ଼େ ନକିତା ହାଜାନା  
 ଖେଣ୍ଡେ ଲାତାଲିଏ ଏଗାର ହାତା ଏୟୁ କୁଡ଼ହା ମାରୁ । ୨୯ ମାର ହାଜାନା  
 ଜାଜା ଖାଲକା ବୁମିତା ଗୁପିକିନାୟି ଇଞ୍ଜି ଅଣ୍‌ପାମା ଆଜିତାକି ଏଞ୍ଜାରି ଜାଜାତି  
 ଡାୟୁଖାକି ସାରିଗଟା ବଜୁ ଗାଟି ଲହ ମୁଣ୍ଡାୟିଁ ରେପ୍‌ହାନା ଏଚେଲା ଡେୟିନେ  
 ଇଞ୍ଜି ପ୍ରାତାନା କିହିମାରେରି । ୩୦ ଇଞ୍ଜି ଜାଜାତି ସାଲଖି କିନାରି ଜାଜାତି  
 ରେଚାନା ହଟାତୁସାଲି ଅଣ୍‌ପାମା ନାଡ଼ିକିହିଁ ଜାଜାତି ନକିଖାକି ଲହ ମୁଣ୍ଡାୟିଁ  
 ରେପ୍‌ନି ଲେହେଁ ଉଣା ଡ଼ଗତି ସାମ୍‌ଦୁରିତା ରେପ୍‌ହେରି । ୩୧ ସାମା ପାଞ୍ଜୁଲ  
 ପାସାକଡ଼ି କସକା ମୁହେଁ କାଜାଣାଇଁ ଇଞ୍ଜି କସକାଣି ଏଲେଇଚେସି, “ଜାଜା  
 ସାଲଖି କିନାରି ଜାଜାତା ମାନାଆତିହିଁ ମୀରୁ ଗେଲ୍‌ପିଆନି ଆସା ହିଲେଏ ।”  
 ୩୨ ଏମ୍‌ପାଟିଏ ଜାମାନାଢ଼ା ଉଣା ଡ଼ଗତି ଡ଼କା ଦାଚାନା ସାମ୍‌ଦୁରିତା ପିସ୍ତେରି  
 । ୩୩ ଲାଲ ଉଲୁପୁଲୁ ଡେୟି ମାଚାଟି ପାଞ୍ଜୁଲ ଏଞ୍ଜାରାଇଁ ଏନି ରାନ୍ତା ମାତିହିଁ  
 ତିଞ୍ଜୁଲି ବାସୁଁ ହୀହାନା ଏଲେଇଚେସି, “ନୀଞ୍ଜୁଟିଏ ରୀ ଖାରା ଆତେ ମୀରୁ  
 ଏନାଆଁ ତିନାଆନାହିଁ ହାକିଟିଏ ମାଞ୍ଜାମାଞ୍ଜେରି । ୩୪ ବାତିମାଲିମାଞ୍ଜାଇଁ,  
 ନୀଏଁ ଇଚାଣି ତିଞ୍ଜୁ ମୀ ଜୀଞ୍ଜୁ ଗେଲ୍‌ପାଲିତାକି ତିନାୟିମାନେ, ଆଜାଆତୁ,  
 ମୀ ଡ଼ାକାଟି ର ବାଣା ଜିକେଏ ନାସା ଆଏ ।” ୩୫ ପାଞ୍ଜୁଲ ଇ ବାରେ କାତା  
 ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି  
 ଡ଼ିକ୍‌ହାନା ତିଞ୍ଜୁଲି ମାଟ୍‌ହେସି । ୩୬ ଏମ୍‌ପାଟିଏ ଏଞ୍ଜାରି ବାରେଜାଣା ବାସୁଁ  
 ବେଟାଆହାନା ବାରେଜାଣା କାଦି ତିଚେରି । ୩୭ ମାନୁ ଜାଜାତା ରୀ ଖାଞ୍ଜା  
 ତାନିକଡ଼ି ସଡ଼ ଜାଣାତମି ମାଚମି । ୩୮ ଏଞ୍ଜାରି ପାଞ୍ଜେ ତିତି ଡାୟୁ ଜାଜାତି  
 ବଜୁ ଉଣା ଆପେଞ୍ଜା ଇଞ୍ଜି ଜାଜାତି ବାରେ ଗହଁୟିଁ ସାମ୍‌ଦୁରିତା ମେଟ୍‌ହେରି ।  
 ୩୯ ଅର ନେରୁ ଲାଲ ଡେୟାଲିଏ ଏଞ୍ଜାରି ଏମିନି ଦେସାତି ଚାୟୁତା ଖାତେରି  
 ପୁଞ୍ଜୁଲି ଆତାଆତେରି, ସାମା ଏଞ୍ଜାରି ଗାରୁ ଦାରି ର ବାଃଲି ଚାୟୁ ମେସାନା  
 ଏନିକିଁ ଜିକେଏ ଏମ୍‌ପାଆଁ ଜାଜାତି ନିପ୍‌ହାଲି ଅଣ୍‌ପିଚେରି । ୪୦ ଏଦାଆଁତାକି  
 ଏଞ୍ଜାରି ଲହ ମୁଣ୍ଡାୟିଁତି ଡ଼କା ଦାଚାନା ସାମ୍‌ଦୁରିତା ମୁଞ୍ଜୁଲି ପିସ୍ତେରି, ଇଞ୍ଜି

ଦେବୁଣିଏ ଏୟୁ ଜାଜାତି ହାଟଂ ବାଡ଼ଗାୟାତି ଡ଼କା ବାରେ ହୁକ୍‌ହାନା ଜାଜା ନକିତା ଗାଲିଖାକି ହିମ୍ବରକା ଗଞ୍ଜାନା ଗାଟୁଖାକି ହାଜାଲି ଅଣ୍ପିତେରି । ୪୧ ସାମା ଏଞ୍ଜାରି ରୀ ସାମ୍ବୁରିକା କାଲ୍‌ଞ୍ଜି ଆହିମାନି ଚାୟୁତା ଏଜାଲିଏ ଜାଜା ସାମ୍ବୁରି ଗାଟୁତି ର ବାଠଲି ତିବାତା ଗୁପିତେ, ଜାଜାତି ନକି ଖାକିତାୟି ଜାଶ୍ଟାନା ଡ଼ୟାହାରେ, ସାମା ଡ଼ାୟୁତାୟି ସାମ୍ବୁରିତି ଏୟୁ ଉଣ୍ଡାୟା ଗୁପାଲିଏ ତୀହାଲି ମାଟ୍‌ହେ । ୪୨ କାୟିଦି ଗାଟାରି ସାମ୍ବୁରି ଗାଟୁତି ପର୍‌ହ୍‌ ପର୍‌ହ୍‌ ହଣ୍‌ନେରି ଇଞ୍ଜି ଅଣ୍ପାନା କସ୍‌କା ଏଞ୍ଜାରାଇଁ ପାୟାଲି ଅଣ୍ପିତେରି । ୪୩ ସାମା ପାସାକଡ଼ି କସ୍‌କା ମୁହେଁ କାଜାସି ପାଞ୍ଜୁଲାଇଁ ଗେଲ୍‌ପାଲି ମନ କିହାନା, ଏଞ୍ଜାରି ଅଣ୍ପୁତି କାହି କିହାନା ଏଲେଇଞ୍ଜି ହୁକୁମି ହୀତେସି, ଆମ୍ବାଆସି ପର୍‌ହାଲି ପୁନାସି ଏଞ୍ଜାସି ସାମ୍ବୁରିତା ତେଞ୍ଜାନା ତଲିଏ ଗାଟୁତା ହାଲାପେରି; ୪୪ ଡ଼ୟାମାନାରି ଜାଜାତି ମାଟ୍‌କା ପାଟାୟା ଇଞ୍ଜା ଏନି ଏନି ତୀତି ମୁକାୟା ଆସାନା ହାଲାପେରି ଇଞ୍ଜାଲିଏ, ଇଲେକିହିଁ ବାରେଜାଣା ନେହିଁ ଆହିଁ ଗାଟୁତା ଏତେରି ।

**୨୮** ମାମୁ ଏମ୍ବାଟି ଗେଲ୍‌ପିଆତି ଡ଼ାୟୁ ସାମ୍ବୁରି ମାଦି ମାନି ଚାୟୁ ମେଲିତି ଇଞ୍ଜିହିଁ ପୁଟମି । ୨ ଏମ୍ବାଆଁ ବାସାଆହାମାନି ପାଞ୍ଜୁତି ଲକୁ ମାଡ୍‌ଡେ ତ୍‌ଶେସିଡ୍‌ଡା ଲେହେଁ କାର୍ମା ଆୟାତେରି, ଇତିହିଁ ପିୟୁ ଇଞ୍ଜା ପେନି ଆହିମାତାକି ଏଞ୍ଜାରି ମାଡ୍‌ଡେ ହିରୁ ତାସାନା କେରଞ୍ଜାଲି ହିୟାତେରି । ୩ ସାମା ପାଞ୍ଜୁଲ ର ପେଣ୍ଡା ଝେସ୍‌କା ହିରୁତା କୁମ୍ବାଲିଏ, ଉସମି ତାକି ର ରାଟୁ ହତାନା ପାଞ୍ଜୁଲ କେୟୁତା କାଟାହିଁ ଆଟା ଡ଼ୟିତେ । ୪ ଏମ୍ବାଆଁ ବାସା ଆହାମାତି ପାଞ୍ଜୁତି ଲକୁ ପାଞ୍ଜୁଲ କେୟୁତା ଏ ରାଟୁ ଲେଜା ମାନାଣି ମେସାନା ତାମୁ ତାମୁ ଝେସ୍‌ପି ଆତେରି, “ଇ ମାଣ୍ଡି ସାତେଏ ଲକୁଣି ପାୟିନାସି, ସାମ୍ବୁରିତି ଗେଲ୍‌ହାଲିଏ ଜିକେଏ ଦାମ୍‌ ନୀତାଲି ହାହି ହିଲେଏ ।” ୫ ସାମା ପାଞ୍ଜୁଲ ଏ ରାଟୁତି ହିରୁତା ହାଣ୍ଡାଁନା ମେଟ୍‌ହା ତୁସେସି, ଇଞ୍ଜା ଏଞ୍ଜାଣାକି ଏନି ନସୁ ଆଆତେ । ୬ ଏଞ୍ଜାଣି ଆଞ୍ଜା ପଞ୍ଜା ହାନେ ଆଆତି ଦେବୁଣିଏ ହାନେସି ଇଞ୍ଜି କାଟିମାତେରି; ସାମା ହାରେକା ବେଲା ଆତି ଡ଼ାୟୁ ଏଞ୍ଜାଣାକି ଏନି ନସୁ ଆଆତାଣି ମେସାନା ଏଞ୍ଜାରି ତାମି ହିୟାଁ ଝେଟ୍‌ହାନା ଏଲେଇତେରି, “ଇଞ୍ଜାସି ର ମାହାପୁରୁ ।” ୭ ଏ ଚାୟୁ ତାଗେ ପୁରୁଣ୍ଡ ଦରୁଗାତି ଏ ଚାୟୁତି କାଜାଣି ଇଲୁ ଅଡେ ବୁମି ମାତେ; ଏଞ୍ଜାସି ମାଡ୍‌ଡେ ହାଟା ଅହାନା ତାନିଦିନା ପାତେକା କାର୍ମା ଆହାନା ରାହିଁଟି ସେବା କିୟାତେସି । ୮ ଏତିବେଲାତା ପୁରୁଣ୍ଡ ତାମି ଆବା ନମେରି ଇଞ୍ଜା ନେତେରି ବାଣ୍ଡି ତାକି ପାସ୍‌ପନିତା ତୁରାମାତେସି, ଇଞ୍ଜା ପାଞ୍ଜୁଲ ତାନି ବାକ୍ରାତା ହାଜାନା ପ୍ରାତାନା

କିହାନା ତାନି ଲାକ କେୟୁ ଇଟାନା ନେହିଁ କିତେସି । ୯ ଇଦି ଆତି ତାୟୁ  
 ଏମ୍ପାଆଁ ମାନି ରଗ ଗାଟାରି ବାରେ ପାଞ୍ଜୁଲ ତାଣା ଝାହାନା ନେହିଁ ଆତେରି;  
 ୧୦ ଏଞ୍ଜାରି ମାଡ୍ରେ ଜିକେଏ ହାରେକା ମାନି ତଲେ ଜୀଞ୍ଜୁ ନୟ୍ତେରି, ଅଡ୍ରେ  
 ମାମୁ ହାଜିମାଟାଟି ମା ଲଡ଼ାମାନାଣି ହୀହାନା ପାଣ୍ଡାତେରି । ୧୧ ତାନି ଲେଞ୍ଜୁ  
 ଜେଚ ମାମୁ ର ଆଲେକ୍‌ଜାଣ୍ଡ୍ରିୟାତି ଏୟୁ ଜାଜାତା ହୁଚାନା ହାଚମି, ଏୟୁ  
 ଜାଜା ପେନିବେଲ୍ଲା ହାଲ୍‌ଝେ ଏ ଟାୟୁତା ଡୟାମାତେ, ଏଦାନି ଦରୁ “ଜାଣ୍‌ଝା  
 ପେଣ୍‌କା,” ଇଞ୍ଜିମାତେରି । ୧୨ ସୁରାକୁସା ଗାଡ଼ାତା ଏଜାନା ଏମ୍ପାଆଁ ମାମୁ  
 ତାନିଦିନା ମାଚମି । ୧୩ ଅଡ୍ରେ ଏମ୍ପାଟି ଏୟୁ ଜାଜା ତଲେ ହାଜାନା ରେଗିୟା  
 ଗାଡ଼ାତା ଏଚମି, ତାନି ଅର ଦିନା ଟିଃନି ଝାକିଟି ଗାଲି ଝେଚାଲିଏ ଅଡ୍ରେ ରୀ  
 ଦିନା ତାୟୁ ପୁତେଅଲି ଗାଡ଼ାତା ଏଚମି; ୧୪ ଏମ୍ପାଆଁ ମାମୁ ଏଚେକା କ୍ରୀସ୍ତାନା  
 ତାୟୁୟ୍ ଅଡ୍ରେ ତାଢ୍ଢିସ୍ତାଣି ବେଟାଆଚମି, ଏଞ୍ଜାରିତଲେ ର ଝାଚା ଡୟାଲି  
 ମାଡ୍ରେ ବାତିମାଲାତେରି; ଇଲାଆହିଁ ମାମୁ ରମ୍‌ତା ଏଗାଚମି । ୧୫ ରମ୍‌ତା  
 ମାନି ତାୟୁୟ୍ ଅଡ୍ରେ ତାଢ୍ଢିସ୍ତା ମା କାରୁ ପୁଞ୍ଜାନା ଏମ୍ପାଟିଏ ଅପିୟତି ହାଟା ଇଞ୍ଜି  
 ତାନିଗଟା ବାଡ଼ା ଇଲ୍‌କା ପାତେକା ମାଡ୍ରେ ମେସାଲି ଝାତେରି, ଇଞ୍ଜି ପାଞ୍ଜୁଲ  
 ଏଞ୍ଜାଚାଲ୍ ମେସାନା ମାହାପୁରୁଇଁ ଜହରା କିହାନା ବାସ୍ତୁ ବେଟାଆତେସି । ୧୬  
 ମାମୁ ରମ୍ ଏଜାଲିଏ, ପାଞ୍ଜୁଲଇଁ କାଃଆନି କସ୍‌କା ତଲେ ତାନି ମନତଲେ ବାସା  
 ଆୟାଲି ହେଲ ହୀପ୍‌କିଆତେ । ୧୭ ତାନିଦିନା ତାୟୁ ପାଞ୍ଜୁଲ ଜୀହୁଦିୟ୍‌ତି  
 କାଜାରାଇଁ ହାଟାନା କୁଡ଼ି କିତେସି, ଅଡ୍ରେ ଏଞ୍ଜାରି ରୁଣ୍ଡା ଆୟାଲିଏ, ପାଞ୍ଜୁଲ  
 ଏଞ୍ଜାଚାଲ୍ ଏଲେଇଚେସି, “ଏ ଇସ୍ରାୟେଲ ତାୟୁୟ୍‌ତେରି ନାନୁ ମା ଲକୁ  
 କପାଟି କି ମା ଆକୁ ଆବାୟ୍‌ତି ପାଣାପାଟୁ କପାଟି ଏନାଆଁ କିହା ହିଲାଆତି  
 ଜିକେଏ ଜିରୁସାଲମତା ଦସ୍‌ପି ଆହାନା ରମ୍ ଦେସାତି ଲକୁଡ଼ାଣା ହେର୍‌ପି  
 ଆହାମାଇଁ । ୧୮ ଏଞ୍ଜାରି ନାଡ୍ରେ ନୀହାୟ୍ କିହାନା ନା ତାଣାଟି ହାନି ତଣ୍ଡୁ  
 ପାଣ୍ଡି ଏନି ଦହ ବେଟାଆଆଲିଏ ନାଡ୍ରେ ପିସାଲି ଅଣ୍‌ପାମାତେରି; ୧୯ ସାମା  
 ଜୀହୁଦିୟ୍ ଏଦାଣି କପାଟି ଝେସାଲିଏ ନାନୁ କାୟିସର ନକିତା ନୀହାୟ୍ କିୟାଦୁ  
 ଇଞ୍ଜି ବାତିମାଲିତେସ୍; ଏଲେଆତି ଜିକେଏ ନାଡ୍ରେ ମା ଲକୁ କପାଟି ଏନି  
 କାତା ଝେସାଲି ହିଲାଆତେ, ଏଦି ଆଏ । ୨୦ ଏଦାଆଁତାକି ନାନୁ ମିଡ୍ରେ ନା  
 ତଲେ ବେଟାଆହାନା ଜଲ୍‌କି ଆହାଲି ବାତିମାଲାତେସ୍, ଏନାଆଁତାକି ଇତିହିଁ  
 ଆମ୍ପାଆରି ଲାକ ଇସ୍ରାୟେଲ ଲକୁ ବାସ୍ତୁ କିହାମାନେରି, ଏଞ୍ଜାରି ତାକି ନାନୁ  
 ନୀଞ୍ଜୁ ଇ ହିକ୍‌ଣିୟ୍ ତଲେ ଦସ୍‌ପି ଆହାମାଇଁ ।” ୨୧ ଏଞ୍ଜାରି ଏଲେଇଚେରି,

“ମାମୁ ଜାହୁଦା ଦେସାଟି ନୀ କପାଟି ଏନି ଆକୁ ବେଟାଆହା ହିଲଅମି, ଅଡ଼େ  
 ନୀ କାରୁ ଆସାନା କି ନୀ କପାଟି ଦହ ଦସାନା ଝେସାଲି ମା ତାୟିୟାଁ ବିତ୍ରାଟି  
 ଆମ୍ବାଆରି ଇମ୍ବାଆଁ ଝାହାହିଲଅରି । ୨୨ ସାମା ନୀ ଅଶ୍ପୁ ଏନାୟି ଏଦାଆଁ  
 ମାମୁ ନୀ ତାଣାଟି ଝେଞ୍ଜାଲି ମନ କିହିମାନମି, ଇଚିହିଁ ବାରେଖାକିତି ଲକୁ ଇ  
 ଗତି କପାଟି କାତା ଝେସିମାନେରି ଇଞ୍ଜିଁ ମାମୁ ପୁଞ୍ଜିମାନମି ।” ୨୩ ଏଚେଟିଏ  
 ଏଝାରି ର ଦିନା ତୀରି କିହାନା ହାରେକା ଲକୁ ପାଝୁଲ ମାଟି ଇଲୁତା ଝାଚେରି,  
 ଅଡ଼େ ଏଝାସି ଲାଈଟିଏ ଲାଆଁ ପାଚେକା ଏଝାରି ନକିତା ମାହାପୁରୁତି ରାଜିତି  
 କାତାତାକି ସାକି ହାଚେସି, ଅଡ଼େ ମସାଟି ମେରା ଇଞ୍ଜିଁ ମାହାପୁରୁ ଅଶ୍ପୁତି  
 ବଲୁ ଝେହନାରି କାତା ଆସାନା ଏଝାସି ଜୀସୁଇଁ ନାମି କିଝି କିୟାଲି ଅଶ୍ପିଚେସି  
 । ୨୪ ଏମ୍ବାଟିଏ ଆମ୍ବା ଆମ୍ବାଆରି ତାନି ଝେସ୍ତି କାତାଟି ନାମିଚେରି ଇଞ୍ଜିଁ ଆମ୍ବା  
 ଆମ୍ବାଆରି ନାମାଆଚେରି । ୨୫ ଏ କାତାତାକି ଏଝାରି ତାନି ବିତ୍ରା ରଣ୍ଡିଏ  
 କାତା ଆଆଲିଏ ହେଲ ଅଚେରି; ଏଝାରି ହାନି ନକେଏ ପାଝୁଲ ର କାତା  
 ଝେସ୍ତିସି, “ସୁଦୁଜୀଝୁ ମୀ ଆକୁ ଆବାୟାଣି ମାହାପୁରୁ ଅଶ୍ପୁତି ବଲୁ ଝେହନି  
 ଜିସାୟ ତାଣାଟି ଝେସାମାଚେସି ।” ୨୬ ଏଝାସି ଏଲେଇଞ୍ଜିଁ ମାନେସି, “ଇ  
 ଲକୁତାଣା ହାଜାନା ଝେହମୁ, ମୀରୁ ଝେଞ୍ଜିଝେଞ୍ଜି ଝେଞ୍ଜେରି, ସାମା ଏନାଆଁ  
 ଚେଲ୍‌ହଅ ଚେରି, ଇଞ୍ଜିଁ ମୀରୁ ମେସି ମେସି ମେହ୍‌ଦେରି, ସାମା ଏନାଆଁ ପୁଞ୍ଜାଲି  
 ଆଡଅଚେରି, ୨୭ ଇଚିହିଁ ଇ ଲକୁ ହିୟାତା ଉଣା ବୁଦିଗାଟାରି, ଏଝାରି ଜାହା  
 ଜାହାରା କୀର୍କା କାଶ୍‌କା ମୁଚା କତାମାନେରି, ଏଲେଆହାଁ ହିଲଆତିହିଁମା,  
 ଏଝାରି କାଶ୍‌କା ଦେତାନା ମେସାଲି ଆଡିଚେରିମା, ଅଡ଼େ କୀର୍କା ଚଲେ ଝେଞ୍ଜାଲି  
 ଆଡିଚେରିମା । ଏଝାରି ହିୟାତା ଚେଲ୍‌ହାଲି ଆଡିନି ବାଡ୍‌ୟୁ ଡିୟିଚେମା;  
 ଏଝାରି ମାହାପୁରୁ ଝାକି ଝେଶ୍ଟା ଝାଚେରିମା, ଅଡ଼େ ନାନୁ ଏଝାରାଇଁ ନେହିଁ  
 କିଚେଏମା ।” ୨୮ ତାୟୁ ପାଝୁଲ ଏଲେଇଚେସି, “ଏଦାଆଁତାକି ମାହାପୁରୁତି ଇ  
 ଗେଲ୍‌ପିନାଣି ଏଟ୍‌କା କୁଡାଟି ଲକୁତାଣା ପାଶ୍ଟି ଆହାମାନେ, ଇଦାଆଁ ମୀରୁ  
 ପୁଞ୍ଜି; ଏଝାରି ଜିକେଏ ଝେନେରି ।” ୨୯ ପାଝୁଲ ଇ ବାରେ କାତା ଝେସାଲିଏ,  
 ଜାହୁଦିୟାଁ ତାମୁ ତାନି ବିତ୍ରା ବାଦିବାଦା ଆହିଁ ହାଚେରି । ୩୦ ପାଝୁଲ ରୀ ବାର୍ସା  
 ପାଚେକା ତାନି ବାଡା ଇଲୁତା ଡିୟିଚେସି, ଅଡ଼େ ଏଚେକା ଲକୁ ଏଝାଣି ତାଣା  
 ଝାହିମାଚେରି, ବାରେତି ଇଜ ହାଟା ଅହିମାଚେସି । ୩୧ ଇଞ୍ଜିଁ ସାସାତଲେ  
 ନୀରାସା ଆଆନା ମାହାପୁରୁ ରାଜିତି କାତା ଝେସିମାଚେସି, ଇଞ୍ଜିଁ ପ୍ରବୁ ଜୀସୁ  
 କ୍ରୀସ୍ତୁଟି କାତା ଜାପୁହିଁ ମାଚେସି ।

# ରମି

୧ କ୍ରୀସୁ ଜୀସୁତି ହଲେଏସି ଅଡେ ମାହାପୁରୁ ହାହାମାନି ନେହିଁ ବଲୁ ଝେକ୍‌ହାଲି ପାଣ୍ଡୁଝି ଆହାଁ ଆଚାନା ହାଟ୍‌କି ଆହାମାନି ସୀସୁ ପାଞ୍ଜୁଲତି ଆକୁ । ୨ ଦାମ୍‌ ସାସ୍ତେରିତା ରାସ୍‌କି ଆହାମାନି ଲେହେଁ ଇ ନେହିଁ କାବୁତି କାତା ତଲି କାଲ୍ୟାଟିଏ ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ତାଣାଟି ଆଞ୍ଜାମାତେସି । ୩ ଇଦି ମାହାପୁରୁ ମାର୍‌ଏଣାଟି କାତା, ମା ପ୍ରବୁ ଜୀସୁ କ୍ରୀସୁ ମାଣ୍‌ସି ଆହାଁ ଏଞ୍ଜାସି ଦାଞ୍ଜୁଦ କୁଡାତା ଜାର୍‌ନା ଆତେସି । ୪ ସାମା ତାନି ଲାକପୁରୁତି ସୁରୁଜୀଞ୍ଜୁ ତାକି, କାଜା ହାକିଟି ନିଞ୍ଜାନା ଏଞ୍ଜାସି ବାଡ୍‌ୟୁ ତଲେ ଜୀସୁ ମାହାପୁରୁତି ମାର୍‌ଏସି ମସିହା ଇଞ୍ଜି ଝେଞ୍ଜିତେସି, ୫ କ୍ରୀସୁ ତାକି, ମାହାପୁରୁ ନାଢ୍ଢେ ପାଣ୍ଡୁଝିଆହାମାନି ସୀସୁ ଲେହେଁ ହାଟାନା, ବାରେ କୁଡାତି ଲକୁଡାଣା ନେହିଁ ବଲୁ ଝେକ୍‌ହାଲି ପାରୁ ହାହାମାଞ୍ଜାନେସି, ଏନିକିହିଁ ଏଞ୍ଜାରି କ୍ରୀସୁ ଜୀସୁ ତାଣା ନାମାନା ତାଢ୍ଢେ ମାନଞ୍ଜି ଆହାନା ଡ୍‌ୟିନେରି । ୬ ରମ୍‌ ଗାଡାତା ବାସାଆହାମାନି ଲକୁଡେରି, ମୀରୁ ଜିକେଏ ଜୀସୁ କ୍ରୀସୁତି ଲକୁ ଆହାଲି ହାଟ୍‌କି ଆହାମାଞ୍ଜେରି । ୭ ରମ୍‌ତି ଆମିନି ଲକୁଣି ମାହାପୁରୁ ଜୀଞ୍ଜୁ ନହାମାନେସି ଇଞ୍ଜି ତାନି ଲକୁ ଆହାଲିତାକି ହାଟାମାନେସି, ଏ ବାରେ ଲକୁଡାକି ନାନୁ ଇ ଆକୁ ରାତିମାଈ, ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସୁ ତାଣାଟି ମିଢ୍ଢେ କାର୍‌ମାମେହ୍‌ନାୟି ଅଡେ ହିଡ୍‌ଡି ଆୟାପେ । ୮ ମ୍‌ଲୁଏ, ମୀ ନାମୁତି ନେହିଁ ହାତା ବାରେ ଦାର୍‌ତିତା ଝେଞ୍ଜିମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜୀସୁ କ୍ରୀସୁ ତାଣାଟି ନା ମାହାପୁରୁଈ ଜହରା କିହିମାଈ । ୯ ନା ବାରେ ହିୟାଁ ଜୀଞ୍ଜୁତଲେ ନାନୁ ଆମିନି ମାହାପୁରୁତି ସେବା କିହିମାଈ ଇଞ୍ଜି ଆମିନି ମାହାପୁରୁତି ମାର୍‌ଏଣାଟି ନେହିଁ କାବୁ ଝେକ୍‌ହିମାଈ, ଏ ମାହାପୁରୁ ନା ସାକି । ୧୦ ପ୍ରାତାନା କିନାଟି ନାନୁ କାଲେଏ ମିଢ୍ଢେ ଅଣ୍‌ପାଈ ଇଞ୍ଜି ମୀ ତାଣା ଝାହାଲି ନାଢ୍ଢେ ପାରୁ ହିୟାନି ମାହାପୁରୁ ତାଣା ବାତିମାଲିମାଈ । ୧୧ ଇତିହିଁ ନାନୁ ମିଢ୍ଢେ ଆଣ୍ଡାଲି ହାରେକା ମନ କିହିମାଈ, ଇଞ୍ଜି ମିଢ୍ଢେ ର ଜୀଞ୍ଜୁତି ବର ହିୟାଈ, ଏନିକିଁ ମୀରୁ ତାରିଆହାନା ମାଞ୍ଜେରି । ୧୨ ଇଦାଆଁ ତଲେ ମାର ରଅତଞ୍ଜି ରଅଣା ନାମୁତି ଆର୍‌ଞ୍ଜା କିହାଲି ଆଡିନାୟି । ୧୩ ଏ ତାୟିୟାଁ ଅଡେ ତାଢ୍ଢିସ୍ତାତେରି, ମୀ ତାଣା ଝାହାଲି ତାକି ନାନୁ ହାରେକା ଦେବା ଅଣ୍‌ପାମାଈ, ସାମା ହାରେକା ବାଦା ବେଟାଆତାକି, ନୀଏଁ ପାତେକା ଝାହାଲି ଆଡାଆତେଏଁ । ଏଟ୍‌କା କୁଡାତି ଲକୁଡାଣା ଜିକେଏ ବଲୁ ଝେକ୍‌ହାନା ଏନିକିହିଁ ପାଡେୟି ବେଟାଆହାମାଈ,

ମୀ ତାଣା ଜିକେଏ ଏଲେକିହାଲି ନା ଅଣ୍ଟା । ୧୪ ଏନାଆଁତାକି ଇତିହିଁ  
 ବୁଦିଗାଟାରି ଅଡେ ପାଢ୍ଘାଟାରି ଜାପିତାରି ଅଡେ ଜାପାଆତି ଲକୁ ବାରେ ଗତିତି  
 ଲକୁତାକି ନା ଦାୟିପତି ମାନେ । ୧୫ ଏନାଆଁତାକି ରମ୍ ଗାଡ଼ା ତାତେରି  
 ମୀରୁ, ମୀ ତାଣା ଜିକେଏ ନେହିଁ ବଲୁ ଝେକ୍‌ହାଲି ନା ଅଣ୍ଟା । ୧୬ ଇତିହିଁ  
 ନାନୁ ନେହିଁ କାରୁ ଝେକ୍‌ହାଲି ଲାଜା ଆଅଁ, ଏଦି ନାମିମାନି ବାରେ ଲକୁତାକି  
 ଗେଲ୍‌ପି ଆହାଲିତାକି ମାହାପୁରୁତି ବାଡ଼୍‌ୟୁ, ମୂଲୁଏ ଜାହୁଦି ଅଡେ ତାୟୁ  
 ଜାହୁଦିଆଆତି ନାମିତି ଲକୁତାକି । ୧୭ ମାଣ୍‌ସି ଏନିକିହିଁ ମାହାପୁରୁ ନକିତା  
 ଦାମ୍‌ଗାଟାସି ଇଞ୍ଜି ଚଞ୍ଜାଆନେସି, ଏ ଉପେୟି ଏମ୍‌ଆଁ ଚସ୍‌ପି ଆହାମାନେ ।  
 ମୂଲୁଟିଏ ରାନି ପାତେକା ଗେଲ୍‌ପିଆନାଣି ବେଟାଆନି ଉପେୟି ନାମୁ । ଦାମ୍‌  
 ସାସ୍ତେରିତା ରାସ୍‌କି ଆହାମାନେ, “ଦାମ୍‌ଗାଟାସି ନାମୁତଲେ ନୀତିନେସି ।” ୧୮  
 ଆମିନି ଲକୁ ବାରେ ଲାଗେଏ କାମାଟି ସାତାଲ୍ ଆଡ଼ିମାନେରି, ଏଝାରି କପାଟି  
 ଲାକପୁରୁତି ମାହାପୁରୁତି କାର୍‌ବି ଚଞ୍ଜା ଆହାମାନେ । ୧୯ ଏନାଆଁତାକି ଇତିହିଁ  
 ମାହାପୁରୁତି କାତା ଏନାଆଁ ପୁନାୟି ମାତେ, ଏଦାଆଁ ଏଝାରି ପୁଞ୍ଜାମାନେରି,  
 ମାହାପୁରୁ ଏଝାରି ନକିତା ଏଦାଆଁ ଝେସାମାନେସି । ୨୦ ମାହାପୁରୁ ଦାର୍‌ତି  
 ଗାଡ଼ିକିତି ତାଣାଟିଏ, ତାନି ଚଞ୍ଜା ଆଆଗାଟି ଗୁଣ୍‌ୟାଁ, ତାନି ରାଆଗାଟି ବାଡ଼୍‌ୟୁ  
 ଅଡେ ଲାକପୁରୁତି ଗୁଣ୍, ନେହିଁକି ଚଞ୍ଜା ଆହିମାନୁ; ତାନି ଗାଡ଼ିକିତାଆଁ ବାରେ  
 ଏଝାଆଁ ମେସାଲି ଆଡିନାୟି । ଏଦାଆଁତାକି ଏଝାରି ପୁଞ୍ଜାହିଲଅମି ଇଞ୍ଜି  
 ଇଞ୍ଜାଲି ଆଡଅରି । (aidios g126) ୨୧ ଏଝାରି ମାହାପୁରୁଇଁ ପୁଞ୍ଜା ଜିକେଏ  
 ଏଝାଣାଇଁ ଗାଞ୍ଜୁରମି କିଆତେରି କି ଏଝାଣାଇଁ ଜହରା କିଆତେରି । ସାମା  
 ଏଝାରି ଅଣ୍ଟା ବାରେ ଉଜେଏତି ଅଣ୍ଟା ଅଡେ ଏଝାରି ତେଲ୍‌ହାଆଗାଟି  
 ମନ ଆନେରି ଆହାମାନେ । ୨୨ ଏଝାରି ଜାହାରାଇଁ ବୁଦିଗାଟାତମି ଇଞ୍ଜି  
 ଇନେରି, ସାମା ସାତା ତଲେ ଏଝାରି ବୁଦି ହିଲିଆ ଗାଟାରି; ୨୩ ଅଡେ ନାସା  
 ଆଆଗାଟି ମାହାପୁରୁତି ଗାଞ୍ଜୁରମିତି ନାସା ଆନି ମାଣ୍‌ସି, ସାରିଗଟା କତାୟାଁ  
 ଗାଟି ଜନ୍, ପଟାୟାଁ ଅଡେ ରାସ୍‌କା କୁଡ଼ାତି ବମାୟାଁ କିହାନା ଏଝାଆଁତି ପୂଜା  
 କିହିମାନେରି । ୨୪ ଏଦାଆଁତାକି ମାହାପୁରୁ ଏଝାରାଇଁ ହିୟାଁତି ଲାଗେଏତି  
 ଜୁପ୍‌କାତାକି ଏଝାରାଇଁ ଲାଗେଏତି ତାଣା ହେର୍‌ପିତେସି, ଏନିକିହିଁ ଏଝାରି  
 ଆଢ୍ଘା ରଅସି ରଅଣି ତଲେ ଲାଜାଗାଟି କାମା କିହିମାନେରି । ୨୫ ଏଝାରି  
 ମାହାପୁରୁ କାତାତି ସାତା ପିସାନା ମିତିତି ବାସ୍‌ କିହିମାନେରି । ଗାଡ଼ିକିତି  
 ମାହାପୁରୁଇଁ ପୂଜା କିଆନା, ଗାଡ଼ିଆତି ଦିଶ୍‌ସୁ ପୂଜା କିହିମାନେରି; ଏ ଗାଡ଼ି



କିତାଣାଇଁ କାଳାକାଳାତାକି ଜହରା । ଆମେନ୍ । (aiōn g165) ୨୭ ଏଝାରି ଏଲେକିତାକି ମାହାପୁରୁ ଏଝାରାଇଁ ଲାଜାଗାଟି ପାପୁ କାମାତା ହେର୍ପିତେସି, ଇତିହିଁ ଏଝାରି ତକ୍ତିସିକା ତକ୍ତିୟାଁ ତଲେ କୁଡ଼ାଲି ପିସାନା ଏଝି ଡାମୁ ଡାମୁଏ କିଆଗାଟି ଲାଜା କାମାୟାଁ କିତୁ ୨୭ ଏଲେକିହିଁଏ ଆବାୟାଁ ଜିକେଏ ଜାହାରା ତକ୍ତି ତଲେ କୁଡ଼ାଆନା ଜାହା ଜାହାରା ବିତ୍ରା ଲାଗେଏତି କାମା କିତେରି । ଆବା ଆବାୟାଁ ତଲେ ଲାଜା ଆନି କାମା କିତେରି, ଏଦାଆଁତାକି ଏଝାରି ଲାଗେଏ କାମାତି ତଣ୍ଡ ବେଟା ଆହିମାନେରି । ୨୮ ଅଡ଼େ ଏନିକିଁ ଏଝାରି ମାହାପୁରୁତି ବୁଦିତି କୁହାଲିଏ, ଏଲେକିହିଁଏ ମାହାପୁରୁ କିଆଗାଟି କାମା କିହାଲି ଏଝାରାଇଁ ଲାଗେଏତି ଅଣ୍ଡୁତା ହେର୍ପିତେସି । ୨୯ ଏଝାରି ଦାମୁଁ ହିଲାଆଗାଟାୟି, ଲାଗେଏ ପଲେଏ, ଜୁପକା ଅଡ଼େ ଇର୍ସା, ଲକୁଇଁ ପାୟିନାୟି, ଗଡ଼ହା କିନାୟି, ନାଡ଼ିକିନାୟି ଅଡ଼େ ଲାଗେଏତି କାମା ନେଞ୍ଜାମାନେ; ୩୦ ଏଝାରି ଉଡୁପାତି, ନିନ୍ଦା କିନାରି, ମାହାପୁରୁଇଁ ଅପାଆଗାଟାୟି, ଲାଗେଏତି କାମା କିନାୟି, ଏଝାରି ଲାଗେଏ କାମା କିହାଲି ପାରୁ ପାରିନେରି; ଏଝାରି ତାଲି ତାଞ୍ଜିଇଁ ମାନି କିଆଗାଟାରି, ୩୧ ଏଝାରି ବୁଦି ହିଲାଆ ଗାଟାରି, ଜାହାରା ହାତିକାତା ଆହୁଅରି । ଇଞ୍ଜିଁ ଏଟ୍‌କାତାରାକି ଇଚାଣି କାର୍ମା ହିଲେଏ । ୩୨ ଏଝାରି ପୁଞ୍ଜାମାନେରି, ମାହାପୁରୁତି ମେରା ଲେହେଁ ଇଲେତି ଲକୁ ହାନି ତଣ୍ଡ ପାଣ୍ଡନାୟି ମାନେ, ଇଦାଆଁ ପୁଞ୍ଜାହାଁ ଜିକେଏ ଏଝାରି ଏଲେକିହିଁଏ ଲାଗେଏତି କାମା କିହେମାନେରି, ଅଡ଼େ ଏଲେତି କାମା କିହିମାନି ଲକୁତଲେ ରାହାଁତଲେ ଆଣ୍ଟିନେରି ।

**୨** ଏ ତାୟି ଅଡ଼େ ତାଡ଼ି, ମୀମୁ ଏନାଆଁ ଏଟ୍‌କା ଲକୁଣି ନୀହାୟି କିହିମାଞ୍ଜେରି? ମୀରୁ ଆମ୍ବାଆତେରି ଆତିଜିକେଏ, ଇଲେ କିନାୟି ମିଡ଼େ ତାକି ନେହେଁ ଆଏ, ଏଟ୍‌କା ଲକୁଣି ଦହ ଦସାନା ମୀମୁଏ ଏଲେତି କାମା କିହାନା ଏମ୍ବାତି ମୀରୁଏ ଦହ କିହିମାଞ୍ଜେରି । ୨ ଆମିନି ଗାଟାରି ଇଲେତି କାମା କିନେରି, ମାହାପୁରୁ ଏଲେତି ଲକୁଣି ସାତା ତଲେ ନୀହାୟି କିନେସି, ଇଦାଆଁ ମୀମୁ ପୁଞ୍ଜାମାନମି । ୩ ଏ ତାୟି ଅଡ଼େ ତାଡ଼ି, ଆମିନି ଗାଟାରି ଲାଗେଏତି କାମା କିନେରି, ଏଝାରାଇଁ ନୀହାୟି କିହାନା, ମୀମୁଏ ଏଲେତି କାମା କିହିମାଞ୍ଜେରି, ମୀରୁ ମାହାପୁରୁତି ନୀହାୟିତି ଜୀଣା ଆନାୟି ଇଞ୍ଜିଁ ଅଣ୍ଡୁପିମାଞ୍ଜେରି କି? ୪ ଆଆଡ଼ି, ମାହାପୁରୁତି ହାରେକା କାର୍ମାମେହ୍‌ନାୟି ମୀ ହିୟାଁ ବାଦ୍‌ଲି କିନି ଝାକି ଅହାଲି ଅଣ୍ଡୁପିନେ, ଇଦାଆଁ ପୁନାଆନା ମୀରୁ କି ତାନି କାର୍ମାମେହ୍‌ନାଣି,

ସାସା, ଅରହାନା ଡ଼ୟିନି ଲେହେଁତି ଦନଇଁ ଅପିହିଲଅତେରି କି? ୫ ସାମା  
 ମୀରୁ ମୀ ଆର୍ଘା ଅଡେ ବାଦଲଞ୍ଜି ଆଆଗାଟି ହିୟାଁ ଲେହେଁ, ଆମିନି ଦିନା  
 ମାହାପୁରୁତି ନୀହାଁୟି ଡ଼ଞ୍ଜାଆନେ, ଏ କାର୍ବିତି ଦିନାତାକି ଜାହାରାତାକି  
 କାର୍ବି କୁଡ଼ି କିହିମାଞ୍ଜେରି; ୬ ଏଞ୍ଜାସି ବାରେ ଲକୁତାକି ତାମି କିହିମାନି କାମାତି  
 ପାଡେୟି ହାନେସି; ୭ ଆମିନି ଗାଟାରି ସାସାତଲେ ନେହଁ କାମା କିହିନା  
 ଗାଞ୍ଜୁରମି, ମାନି ଇଞ୍ଜାଁ ହାଆଗାଟାଣି ପାରିନେରି, ଏଞ୍ଜାରାକି କାଲକାଲାତି ଜୀଞ୍ଜୁ  
 ହାନେସି, (aiōnios g166) ୮ ଆମ୍ବାଆରି ଖାରଇ ତାମ୍ଡେ ଅଣ୍ପିନେରି, ଇଞ୍ଜାଁ  
 ସାତାତି ମାନଞ୍ଜି ଆଅରି, ସାମା ଲାଗେଏତାଣି ମାନଞ୍ଜି ଆନେରି; ଏଞ୍ଜାରାକି  
 କାର୍ବି ଅଡେ କପା ଖାନେ, ୯ ଆମ୍ବାଆରି ଲାଗେଏତି କାମା କିହିମାନେରି  
 ଏଞ୍ଜାରାକି କାକୁଲି ଅଡେ କସୁତି ଦିନା ଖାହିମାନେ, ମୂଲୁଏ ଜୀହୁଦି ଲକୁତାକି  
 ଇଞ୍ଜାଁ ଡାୟୁ ଜୀହୁଦିଆଆତି ଲକୁତାକି ଆନେ । ୧୦ ସାମା ମୂଲୁଏ ଜୀହୁଦି  
 ଲକୁକି ଅଡେ ଜିକେଏ ଜୀହୁଦିଆଆତି ଲକୁତାକି, ନେହଁ କାମା କିହିମାନି  
 ବାରେଜାଣା ତାକି ଗାଞ୍ଜୁରମି, ମାନି ଇଞ୍ଜାଁ ହିଡ଼ି ହିୟାନେସି । ୧୧ ଇତିହଁ  
 ମାହାପୁରୁ ତାଣା ପାରଡା ବାତି କିନାୟି ହିଲେଏ । ୧୨ ଜୀହୁଦିଆଆତି ଲକୁକି  
 ମସାତି ମେରା ହିଲାଆନା ପାପୁ କିହିମାନେରି; ଏଞ୍ଜାରି ଜିକେଏ ମସାତି  
 ମେରା ହିଲାଆନା ନାସା ଆନେରି, ଅଡେ ଏତେକା ଜୀହୁଦି ଲକୁକି ମସାତି  
 ମେରା ପୁଞ୍ଜାମାନକି; ଏଞ୍ଜାରି ପାପୁ କିହିମାନେରି ଅଡେ ଏ ମେରା ତଲେ  
 ନୀହାଁୟି କିଞ୍ଜିଆନେରି । ୧୩ ଇତିହଁ ମେରାତି ଖେଞ୍ଜାନା ଲକୁ ମାହାପୁରୁ  
 ନକିତା ଦାମ୍ବୁଗାଟାରି ଆଅରି, ସାମା ମେରାତି ମାନଞ୍ଜି ଆତିସାରେ ଦାମ୍ବୁଗାଟାରି  
 ଆନେରି । ୧୪ ଜୀହୁଦିଆଆତି ଲକୁକି ମେରା ହିଲାଆତିହଁ ଜିକେଏ ଏତିବେଲା  
 ଏଞ୍ଜାରି ମେରାତା ମାନି ଲେହେଁ କାମା କିନେରି, ଏତିବେଲା ଏଞ୍ଜାରି ମେରା  
 ବେଟା ଆଆତିହଁ ଜିକେଏ ତାମ୍ଡେ ମେରା ଲେହେଁ ଆନେ; ୧୫ ଏଞ୍ଜାରି  
 କିହିମାନି କାମାଟି ଇତି ନେହଁତଲେ ଡ଼ଞ୍ଜା ଆହିମାନେ, ମେରାତି ମାନି ଏଞ୍ଜାରି  
 ହିୟାଁତା ରାସ୍‌କି ଆହାମାନେ । ଇ କାତାତି ସାତା ଏଞ୍ଜାରି ଅଣ୍ପୁତା ଜିକେଏ  
 ପାରମାଣା ସାତା ତଲେ ଅଣ୍ପିନାଟି ଅଣ୍ପିନି ଅଣ୍ପୁ ଏଞ୍ଜାରି କାତାତା ରାଜି  
 ଆହିମାନେ, ସାତା ଅଣ୍ପୁ ଅଣ୍ପିନାଟି ଅଣ୍ପୁ ଏଞ୍ଜାରାଇଁ ନେହାଁରି କିନେ,  
 ଲାଗେଏତି ଅଣ୍ପୁ ଅଣ୍ପିନାଟି ଦହ କିହିମାନେ । ୧୬ ଏମିନି ଦିନା ମାହାପୁରୁ  
 କ୍ରୀସ୍ତୁ ଜୀସ୍ତୁ ତାଣାଟି ମାଣ୍ଡିତି ତୁଗାମାନି କାତା ବାରେ ନୀହାଁୟି କିନେସି, ଏ  
 ଦିନା ନାନୁ ଖେକ୍‌ହିମାନି ନେହଁ କାରୁ ଲେହେଁ ଇ ବାରେ ଆନେ । ୧୭ ମୀରୁ

ଜାହାରାଙ୍କ ଜୀହ୍ୱାଦିପି ଇଚ୍ଛାକତିମାଣ୍ଡେରି; ଫେରାତି ବାସ୍ତୁ ଇଚ୍ଛାମାଣ୍ଡେରି  
 ଅଡ଼େ ମାହାପୁରୁ ଚାଣା ବଡ଼ପଣ କିହିମାଣ୍ଡେରି; ୧୮ ଅଡ଼େ ମସାତି ଫେରାତି  
 ଜାପାନା ଏଞ୍ଜାଣି ଅଣ୍ଡୁ ପୁଞ୍ଜିମାଣ୍ଡେରି, ଇଚ୍ଛା ନେହାଣି ଲାଗେଏତାଣି ବାତି  
 କିହିମାଣ୍ଡେରି, ୧୯ ସାତେଏ ମୀରୁ ନେହାଁ କିହି ପୁଞ୍ଜିମାଣ୍ଡେରି, ମୀରୁ କାଣାୟାଣି  
 ଜିରୁ ଡ଼ହନାତେରି, ଆନେରିତା ମାନି ଲକୁଡାକି ଉଜେଡ଼ି ଲେହେଁ, ୨୦ ବୁଦି  
 ହିଲାଆ ଲକୁଣି ଖେହନାତେରି, ପୁନାଆତି ଲକୁଣି ଜାପନାତେରି । ମୀ ନାମୁ,  
 ଫେରାତି ମୀରୁ ସାତା ଅଡ଼େ ବୁଦି ଫେଡ଼ା ଆହାମାଣ୍ଡେରି । ୨୧ ମୀରୁ ଏଡ଼କାତି  
 ଲକୁଣି ଜାପୁହି ମାଣ୍ଡେରି, ସାମା ଜାହାରାଙ୍କ ଏନାଆଁତାକି ଜାପୁହି ହିଲଅତେରି?  
 ସରୁ କିଆରୁ ଇଚ୍ଛା ଜାପୁହାନା ମୀରୁଏ ଏନାଆଁତାକି ସରୁ କିହିମାଣ୍ଡେରି? ୨୨  
 ଦାରି କିଆରୁ ଇଚ୍ଛା ଇଚ୍ଛାନା ମୀରୁଏ ଦାରି କିହିମାଣ୍ଡେରି? ମୀରୁ ପେଣ୍ଡକା  
 ବମାୟା ପୁଜା ଅପାଆନା ଦେଖୁଡ଼ିକାତି ଦିଶସୁ ମାଣ୍ଡତି ହିଲଅତେରି କି? ୨୩  
 ମୀରୁ ମାହାପୁରୁତି ଫେରା ବେଟା ଆହାମାନମି ଇଚ୍ଛା ବଡ଼ପଣ ଆହିମାଣ୍ଡେରି,  
 ସାମା ଏଦାଆଁ ମାନି କିଆନା ମାହାପୁରୁଙ୍କ ଲାଜା ପାଣ୍ଡି କିହିମାଣ୍ଡେରି କି? ୨୪  
 ସାସ୍ତେରିତା ରାସକି ଆହାମାନେ, “ମିଡ଼େ ତାକି ଜୀହ୍ୱାଦିଆଆତି ଲକୁଡ଼ାଣା  
 ମାହାପୁରୁ ଡ଼ରୁ ନିନ୍ଦା ବେଟା ଆହିମାନେ ।” ୨୫ ମୀରୁ ଫେରାତି ମାନି  
 କିହିମାତିସାରେ, ମୀ ଡ଼ଲୁ ଦାପିଆନାୟି ଲାବା ମାନେ । ସାମା ଫେରାତି ମାନି  
 କିଆସାରେ, ମୀ ଡ଼ଲୁ ଦାପି ଆତାୟି ଡ଼ଲୁ ଦାପିଆଆତି ଲକୁଡ଼ଲେ ସମାନା ।  
 ୨୬ ର ଜୀହ୍ୱାଦିଆଆତି ଲକୁ ଫେରାତି ହୁକୁମିକା ମାନି କିତିସାରେ ମାହାପୁରୁ  
 ଏଞ୍ଜାଣାଙ୍କ ଡ଼ଲୁ ଦାପି ଆତାସି ଲେହେଁ ଇନଅସି କି? ୨୭ ଏଦାଆଁତାକି ଆଢ଼ୁ  
 ତଲେ ଡ଼ଲୁ ଦାପିଆଆତି, ଆମିନି ଜୀହ୍ୱାଦିଆଆତାରି ମସାତି ଫେରା ମାନି  
 କିନେରି, ଆତିହିଁ ମସା ରାତିତି ଫେରା ଅଡ଼େ ଡ଼ଲୁ ଦାପି ଆତିଜିକେଏ ଫେରା  
 ମାନି କିହିହିଲଅତେରି, ଏଞ୍ଜାରି ମିଡ଼େ ବିଚାରା କିୟାନେରି । ୨୮ ଖାରୁଲ  
 ଆଢ଼ୁ ତଲେ ଡ଼ଲୁ ଦାପି ଆହାନା ପାଢ଼ୁତା ଜୀହ୍ୱାଦି ଇଚ୍ଛାହିଁ ଡ଼ସାକତିମାନି ଲକୁ  
 ଜୀହ୍ୱାଦି ଆଏ । ୨୯ ଆମ୍ବାଆସି ହିୟାଁ ବିତ୍ରା ଜୀହ୍ୱାଦି, ଏଞ୍ଜାସି ସାତା ତଲେ  
 ଜୀହ୍ୱାଦି, ଅଢ଼ୁରି ତଲେ ଆଏ, ଜୀଞ୍ଜୁ ଅଡ଼େ ହିୟାଁ ତଲେ ଆମ୍ବାଆସି ଡ଼ଲୁ ଦାପି  
 ଆତାସି, ଏଦି ସାତା ଡ଼ଲୁ ଦାପି ଆନାୟି । ଏଲେତି ଲକୁ ମାଣ୍ଡି ଚାଣାତି ମାନି  
 ବେଟାଆଅସି, ସାମା ମାହାପୁରୁ ଚାଣାତି ମାନି ବେଟା ଆନେସି ।

**୩** ଆତିହିଁ ଜୀହ୍ୱାଦିଆଆତି ଲକୁ କିହିଁ ଜୀହ୍ୱାଦି ଲକୁକି ଏନାୟି ଗାତି ଲାବା  
 ମାନେ? ଡ଼ଲୁ ଦାଃନାୟି ଏନି ଲଡ଼ାମାନେ? ୨ ହାରେକାତି, ମୂଲୁଏ ମାହାପୁରୁ

ତାନି ନେହିଁ କାରୁ ଖେକ୍‌ହାଲି ଦାୟିପତି ଜୀହୁଦି ଲକ୍ଷ୍ମି ହେଉପିତେସି । ୩  
 ଆତିହିଁ ଏନାୟି? ଜୀହୁଦିଢ଼ା ଡାଣାଟି ଏତରଜାଣା ନାମାଆସାରେ, ଏଝାରି  
 ମାନି କିଆଗାଟାୟି ଏନାଆଁ ମାହାପୁରୁ ନାମୁତି ଉଜେଏ କିନେ? ୪ ଏଲେଆହିଁ  
 ଅଥାପେ, ଲକ୍ଷ୍ମି ବାରେଜାଣା ମିତିତାରି ଆତିହିଁ ଜିକେଏ ମାହାପୁରୁ ସାତା ।  
 ସାସ୍ତେରିତା ରାସ୍‌କି ଆହାମାନେ; “ନୀ ବଲୁ ତଲେ ନୀନୁ ଦାମ୍‌ଗାଟା ଇଞ୍ଜି  
 ଖେଡ଼ିଦି, ନାହାୟି ଆନି ବେଲତା ନୀନୁ ଜୀଣା ଅଦି ।” ୫ ମା ଲାଗେଏତି  
 କାମା ମାହାପୁରୁତି ନେହିଁ କାମାତି ପାର୍‌ମାଣା କିନେ, ଆତିହିଁ ମାର ଏନାଆଁ  
 ଇନାୟି? ଆମିନି ମାହାପୁରୁ ଲାଗେଏତି କାମାତାକି ତଣ୍ଡ ହୀନେସି, ଏଝାସି  
 କି ଦାମ୍‌ଗାଟାୟି? ନୀନୁ ମାଣ୍‌ସିଲେହେଁ ଖେସିମାଇଁ । ୬ ଏଲେଆହିଁ  
 ଅଏ । ମାହାପୁରୁ ଦାମ୍‌ଗାଟାସି ଅଥାତିହିଁ, ଏଝାସି ଏନିକିହିଁ ଦାର୍‌ତିତି  
 ନୀହାୟି କିନେସି? ୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି  
 ଗାଝୁରମି ତାକି ହାରେକା ଗାତି ଅତେ, ଆତିହିଁ ନୀନୁ ପାପୁ ଗାଟାତେଏଁ ଇଞ୍ଜି  
 ଏନାଆଁତାକି ନୀହାୟି କିଝି ଆଇଁ? ୮ ମାର ଏନାଆଁତାକି ଏଲେଇନାଆୟି,  
 “ଝାଦୁ ମାର ଲାଗେଏତି କାମା କିନ, ଆତିହିଁ ମାଢ଼େତାକି ନେହେଁ ଅାନେ?”  
 ନୀନୁ ଇଲେତି କାତା ଖେସିମାନାକି ଦାଝା କିହାନା ଏତେକା ଲକ୍ଷ୍ମି ନାଢ଼େ  
 ନିନୁ କିହିମାଞ୍ଜାନେରି, ଏଝାରି ଇଦାଆଁତାକି ଆମିନି ତଣ୍ଡ ପାଣ୍‌ନାୟି ମାନେ,  
 ସାତାତଲେ ବେଟାଆନେରି । ୯ ଆତିହିଁ ଜୀହୁଦି ଲକ୍ଷ୍ମି ଜୀହୁଦିଆଆତି  
 ଲକ୍ଷ୍ମି କିହାଁ ହାରେକା ନେହାଁରି ମାନେରି? ଏତେଲାଝା ଅଏ, ନୀନୁ ନକେଏ  
 ଖେସାମାଞ୍ଜାଇଁ ଜୀହୁଦି ଅଡ଼େ ଜୀହୁଦିଆଆତି ଲକ୍ଷ୍ମି ପାପୁତି ବାଡ଼୍‌ମୁତା ମାନେରି,  
 ୧୦ ଦାମ୍‌ଗାଟାୟି ସାସ୍ତେରିତା ରାସ୍‌କି ଆହାମାନେ; “ଦାମ୍‌ଗାଟାସି ଆମ୍‌ଆସି ହିଲଅସି,  
 ରଅସି ଜିକେଏ ହିଲଅସି, ୧୧ ରଅସି ଜିକେଏ ବୁଦିଗାଟାସି ହିଲଅସି; କି  
 ମାହାପୁରୁଇଁ ପାରିନାସି ହିଲଅସି । ୧୨ ଏଝାରି ବାରେଜାଣା ମାହାପୁରୁ  
 ଡାଣାଟିଏ ହେକ ହାଜାମାନେରି; ଏଝାରି ବାରେଜାଣା ଲାଗେଏ ଜିରୁତା  
 ହାଜାମାନେରି; ଆମ୍‌ଆସି ଜିକେଏ ରଅସି ସାତାପାଣାଟି କାମାକିନାସି ହିଲଅସି  
 । ୧୩ ଏଝାରି ହାତା ଦେପିଆତି ମାଡ଼୍‌ହା ମୁହ୍‌ନି ଟାୟୁ, ଏଝାରି ଗୁଡିତି ମିତି  
 କାତା ହୁତିମାନେ, ଲୁଡା ତୁଇ ଅଟୁ କାତାମାନି ରାବୁତି ବୀସାମାନେ । ୧୪  
 ଏଝାରି ଗୁଡିତି କାତା କାମ୍‌ଲି ଗାଟାୟି ଇଞ୍ଜି ବାକା ତଲେ ନେଞ୍ଜାମାନେ  
 । ୧୫ ଏଝାରି ଇର୍‌ହାଲି ଅଡ଼େ ପାୟାଲି ଦେବୁଣିଏ ହୁନେରି । ୧୬ ଏଝାରି  
 ଆମ୍‌ୟାଝାକି ହାନେରି, ଏମ୍‌ଆଁ ନାସା ଇଞ୍ଜି ସାସ୍ତି ବେଟାଆନେରି । ୧୭

ଏଞ୍ଜରି ହିତ୍ତତି ଜିରୁ ପୁଞ୍ଜାହିଲଅରି, ୧୮ ମାହାପୁରୁଇଁ ଆଜିନାୟି ଏଞ୍ଜରିତାଣା ହିଲେଏ ।” ୧୯ ମାର ପୁଞ୍ଜାମାନାୟି, ମେରା ମାନି କିହିମାନେରି, ଏମ୍ବାତି ବାରେ ହୁକୁମିଇଁ ଏଞ୍ଜରି ମାନି କିନାୟିମାନେ । ମାହାପୁରୁ ଏତିବେଲା ବାରେ ଦାର୍ତ୍ତି ବିଚାରା କିନେସି, ମେରାତି ମାନି କିଆଗାଟି ଲକୁ ଜାହାରାଇଁ ଦହ ହିଲାଆ ଗାଟାତମି ଇଞ୍ଜି ଇଞ୍ଜାଲି ଆଡଅରି । ୨୦ ସାମା ମେରା ତଲେ କିନି କାମା ମାନି କିହାଁ ଆମ୍ବାଆସି ଜିକେଏ ମାହାପୁରୁ ନକିତା ଦାମ୍ବୁଗାଟାସି ଆହାଲି ଆଡଅସି । ଇତିହିଁ ମେରାଟି ମାଣ୍ଡସି ଖରଇ ପାପୁତି ପୁଞ୍ଜାଲି ଆଡିମାନେସି । ୨୧ ମାହାପୁରୁ ମାଣ୍ଡସିଇଁ ତାନିତଲେ ନେହିଁକିଁ ଆଣ୍ଡାଲି ତାକି ମେରା ପିସ୍ପେ ଏନାଆଁ କିହାମାନେସି, ଏଦି ନୀଏଁ ତଞ୍ଜା ଆହିମାନେ । ଏ କାତା ମସାତି ମେରା ଇଞ୍ଜି ମାହାପୁରୁ ଅଣ୍ଡପୁତି ବଲୁ ଖେହନାରି ଜିକେଏ ସାକି ହାହାମାନେରି । ୨୨ ଖରଇ ଜୀସୁ କ୍ରୀସୁ ତାଣା ନାମିତାକି ଲକୁ ମାହାପୁରୁ ନକିତା ଦାମ୍ବୁଗାଟାରି ଆନେରି । ମାହାପୁରୁ ଆମ୍ବାଆରାଇଁ ପାର୍ଡା ବାତି କିଆନା କ୍ରୀସୁଇଁ ନାମିତି ବାରେ ଜାଣାକି ର ପାରୁ ହୀନେସି । ୨୩ ବାରେଜାଣା ପାପୁ କିହାମାନେରି ଅଡେ ମାହାପୁରୁଟି ଗାଞ୍ଜୁରମିଟି ହେକ ଆହାମାନେରି । ୨୪ ସାମା, ଏଞ୍ଜରି ଉଜେଏ ମାହାପୁରୁଟି କାର୍ମାମେହନି ଦାନା ତଲେ କ୍ରୀସୁ ଜୀସୁ ତାଣା ଆମିନି ଗେଲ୍ପି ଆନାୟି ମାନେ, ଏଦାଆଁ ତଲେ ଦାମ୍ବୁଗାଟାରି ଆନେରି । ୨୫ ମାହାପୁରୁ ଜୀସୁଇଁ ଦାନା ହୀତେସି, ଏନିକିଁ ଏଞ୍ଜାଣି ହାକି, ଏଞ୍ଜାଣି ତାଣା ନାମାମାନି ଲକୁତାକି ପାପୁ ମେଣ୍ଡିନି ଉପେୟି ଆନେ । ମାହାପୁରୁ ଅର୍ହାନା ଲକୁ କିହାମାନି ତଲିତି ପାପୁତି ତସାହିଲଅସି । ୨୬ ସାମା ନୀଏଁ ଏଞ୍ଜାସି ଜାହାରା ଦାମ୍ବୁ ଗାଟାଣି ତସାଲି ତାକି ପାପୁ ମେକ୍ନି ମେରା କିହାମାନେସି । ଇଦାଆଁ ତଲେ ମାହାପୁରୁ ତସାମାନେସି, ଏଞ୍ଜାସି ତାନୁଏ ଦାମ୍ବୁଗାଟାସି ଇଞ୍ଜି ଆମ୍ବାଆସି ଜୀସୁ ତାଣା ନାମିନେସି, ଏଞ୍ଜାସି ବାରେଜାଣାଟି ଦାମ୍ବୁ ଗାଟାରିଲେହେଁ ଆବିନେସି । ୨୭ ଆତିହିଁ ଆମିନି କାତାତା ମାର ବତପଣ ଆନାୟି? ଆଏ, ଏଲେତି କାତା ଏନାୟି ହିଲେଏ । ବତପଣ ଆହାଲିତାକି ମା ତାଣା ଏନାୟି ମାନେ? ମାର ବାରେ ହୁକୁମି ମାନଞ୍ଜି ଆହିମାନାୟି ଇଞ୍ଜିହିଁ କି? ଆଏ, ଖରଇ ନାମୁଏ ମା ବତପଣ ଆନେ । ୨୮ ମାର ନେହିଁକିଁ ତେଲ୍ହାଲି ଆଡିନାୟି ରଅସି ଖରଇ ତାନି ନାମୁତଲେ ମାହାପୁରୁ ନକିତା ଦାମ୍ବୁଗାଟାସି ଇଞ୍ଜି ଖେଡ୍ଡିନେସି, ମେରାତି ମାନି କିତିସାରେ ଆଏ । ୨୯ ମାହାପୁରୁ ଖରଇ ଜୀହୁଦି ଲକୁତି ମାହାପୁରୁକି? ଏଞ୍ଜାସି ଜୀହୁଦିଆଆତି ଲକୁତି ମାହାପୁରୁ ଆଏକି? ସାତେଏ ଏଞ୍ଜାସି ବାରେ

ଲକ୍ଷ୍ମି ମାହାପୁରୁ । ୩୦ ଏନାଆଁତାକି ଇତିହାସ, ମାହାପୁରୁ ରଥସିଏ, ଅଡ଼େ ଏଝାସି ଜାହୁଦି ଇଞ୍ଜି ଜାହୁଦିଆଆତି ଲକ୍ଷ୍ମି ନାମୁ ତାକି ଏଝାସି ଏଝାରାଈଁ ଦାମ୍ବୁ ଗାଟାରିଲେହେଁ ଆବିନେସି । ୩୧ ଆତିହାସ, ମାର କି ନାମୁତଲେ ମସାତି ମେରା ମେକ୍‌ହି ମାନାୟି? ଏଦି ଏତେଲା ଜିକେଏ ଆଆପେ, ସାମା ମାର ନାମୁତଲେ ମସାତି ମେରାଈଁ ଜାଣେ ତାରି କିହିମାନାୟି ।

**୪** ଆତିହାସ ଆଞ୍ଜୁ ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜିହାଁ ମାର ଏଲେଇନାୟି? ୨ ଅବ୍ରାହାମ ତାନି ଜାହାରା କାମାଟି ମାହାପୁରୁ ତାଣା ଦାମ୍ବୁଗାଟାସି ଆହା ମାତିହାଁମା, ଏଝାଣାକି ବଡ଼ପଣ କିନି କାତା ମାତେ । ସାମା ମାହାପୁରୁ ଝାକିଟି ଏଦି ଆହାହିଲାଆତେ । ୩ ଦାମ୍ବୁ ସାସ୍ତେରି ଲେହେଁ, “ଅବ୍ରାହାମ ମାହାପୁରୁଈଁ ନାମିତେସି, ଅଡ଼େ ଏ ନାମୁତାକି ମାହାପୁରୁ ଏଝାଣାଈଁ ଦାମ୍ବୁ ଗାଟାଣି ଲେହେଁ ଅପିତେସି ।” ୪ ଆମ୍ବାଆସି କାମା କିନେସି, ଏଝାଣାକି ତାନି କୁଲି ମେଡ଼ାଆନେ, ଏଦି ଦାନା ହାନାୟି ଆହାଲି ଆତେଏ, ଏଦି କାମାଟି ପାଡ଼େୟି ଇଞ୍ଜି ଇଣ୍ଡି ଆନେ । ୫ ସାମା ଆମ୍ବାଆସି ତାନି କାମାତା ଆସା କିଆନା, ଦାମ୍ବୁ ହିଲାଆଗାଟାଣାଈଁ ଏମିନି ମାହାପୁରୁ ଦାମ୍ବୁଗାଟାସି ଇଞ୍ଜି ଆବିନେସି, ଏଝାଣି ତାଣା ନାମିନେସି, ଏଝାଣି ନକିତା ଏଝାଣି ନାମୁ ଦାମ୍ବୁଗାଟାୟି ଇଞ୍ଜି ଝେଢ଼ିନେ । ୬ ଆମିନି ଲକ୍ଷ୍ମି କାମା ଲଡ଼ାତି ସିନି କିଆନା ମାହାପୁରୁ ଏଝାଣାଈଁ ଦାମ୍ବୁଗାଟାସି ଇଞ୍ଜି ଆବିନେସି, ଏଝାଣାଈଁ ନେହାଁସି ଇଞ୍ଜି ଦାଝୁଦ ଏଲେଇଞ୍ଜା ମାନେସି; ୭ “ଆମ୍ବାଆରି ଦହ ମେଣ୍ଡୁ କିଝିଆହାମାନେ, ଆମ୍ବାଆରି ପାପୁ ମେଣ୍ଡୁ କିଝିଆହାମାନେ, ଏଝାରାକି ନେହେଁ । ୮ ପ୍ରବୁ ଆମ୍ବାଆରି ପାପୁ ଆହୁଅସି, ଏଝାଣାକି ନେହେଁ!” ୯ ଇମ୍ବାଆଁ ଦାଝୁଦ ଆମ୍ବାଆରାଈଁ ନେହେଁ ଇଞ୍ଜି ଝେସାମାନେସି, ଏଝାରି କି ଝାରୁଇ ତଲୁ ଦାପି ଆତି ଲକ୍ଷ୍ମି ମାତେରି? କି, ତଲୁ ଦାପିଆଆତି ଲକ୍ଷ୍ମି ଜିକେଏ ନେହାଁରି ଆହାଲି ଆତିନେରି । ମାର ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାମ୍ବୁଗାଟାସି ଇଞ୍ଜି ଝେଢ଼ିତେସି ।” ୧୦ ଆତିହାସ ଏଦି ଏତେଲା ଆହାମାତେ? ଅବ୍ରାହାମ ତଲୁ ଦାପି ଆତି ତାୟୁ କି, ତାନି ନକେଏ? ତଲୁ ଦାପି ଆଆନକେଏ, ତାୟୁ ଆଏ । ୧୧ ତଲୁ ଦାପି ଆତି ନକେଏ ଅବ୍ରାହାମ ନାମୁ ତାକି ମାହାପୁରୁ ଏଝାଣାଈଁ ଦାମ୍ବୁ ଗାଟାଣା ଲେହେଁ ଆବା ମାତେସି । ଇଦାଆଁ ପୁଣ୍ଡି କିହାଲିତାକି ର ସିନାଲେହେଁ ଅବ୍ରାହାମ ଇ ତଲୁ ଦାପିଆନି ମେରା ବେଟାଆହା ମାତେସି, ଇତିହାସ, ଆମିନି ଗାଟାରି ତଲୁ ଦାପି ଆଆନା ଜିକେଏ ମାହାପୁରୁ ତାଣାଟି

ଦାର୍ମିଗାଟାସି ଇଚ୍ଛୁହିଁ ଆବିତାସି, ସୁଦୁ ମାଣକିଟି ଅବ୍ରାହାମ ଏଞ୍ଜରି ତାଞ୍ଜି ।  
 ୧୭ ଆବା ଅବ୍ରାହାମ ତଲୁ ଦାପି ଆତି ନକେଏଟିଏ ଆମିନି ନାମୁତି କାତା  
 ତସାମାଚେସି, ତଲୁ ଦାପିଆଆତି ଲକୁ ଜାହାରା ଜୀଝୁତା ଏଲେତି ନାମୁ ତସାଲି  
 ଆତିସାରେ, ଅବ୍ରାହାମ ଏଞ୍ଜରାକି ଜିକେଏ ତାଞ୍ଜି ଆନେସି । ୧୩ ଅବ୍ରାହାମ  
 ଫେରାତି ମାନି କିହାମାନାକି ଆଏ । ଝାର୍‌ଇ ତାନି ନାମୁ ତାକି ମାହାପୁରୁ  
 ତାଣାଟି ଦାର୍ମିଗାଟାସି ଇଚ୍ଛୁ ଝେଢୁମାଚେସି ଇଚ୍ଛୁ ଏଦାଆଁତାକି ତାନି ମୀର୍କା  
 ମାସ୍କା ଦାର୍ତତି ଅଦିକାରା ବେଟାଆନେରି ଇଚ୍ଛୁ ମାହାପୁରୁ ଆଞ୍ଜାମାଚେସି ।  
 ୧୪ ଆମ୍ବାଆରି ଫେରାତି ମାନି କିନାରି, ଝାର୍‌ଇ ଏଞ୍ଜରି ମାହାପୁରୁତି ଦାନା  
 ବେଟାଆନେରି ଇତିସାରେ, ମାଣସିତି ନାମୁ ଉଜେଏ, ମାହାପୁରୁ ଆଞ୍ଜାମାନାୟି  
 ଜିକେଏ ଉଜେଏତାୟି ଆନେ । ୧୫ ଇତିହିଁ ମସାତି ଫେରା ଉରିନି ତାଣାଟି  
 ମାହାପୁରୁତି କାର୍‌କି ଗାଟାସି ଆନେସି, ସାମା ଆମ୍ବିୟା ଫେରା ହିଲେଏ, ଏମ୍ବାଆଁ  
 ଫେରା ଉରିନି କାତା ହିଲେଏ । ୧୬ ଏଦାଆଁତାକି ମାହାପୁରୁତି ଆଞ୍ଜାମାନାୟି  
 ନାମୁ ଅଡେ କାର୍‌ମାତି ଲାକ ଇଚ୍‌କି ଆହାମାନେ । ଆମିନି ଗାଟାରି ଫେରାତି  
 ମାନି କିନେରି, ଝାର୍‌ଇ ଏଞ୍ଜରାକିଦେହେଁ ମାହାପୁରୁତି ଆଞ୍ଜାମାନାୟି ଆଏ ।  
 ଅବ୍ରାହାମ ଲେହେଁ ନାମିମାନି ବାରେ ଲକୁତାକି ଜିକେଏ ଆନେ, ଏନାଆଁତାକି  
 ଇତିହିଁ ଅବ୍ରାହାମ ଏଞ୍ଜରି ସୁଦୁ ମାଣକିଟି ତାଞ୍ଜି; ୧୭ ଆମିନି ମାହାପୁରୁଇଁ  
 ଅବ୍ରାହାମ ନାମିମାଚେସି, ଆମ୍ବାଆସି ହାତାରାଇଁ ଝେଣ୍ଡେ ଜୀଝୁ କିନେସି, ଅଡେ  
 ହିଲାଆଗାଟି ଦିଶସୁତି ମାନି ଲେହେଁ ହାଟିନେସି, ଏ ମାହାପୁରୁ ନକିତା ଏଞ୍ଜସି  
 ମା ତାଞ୍ଜି ଆହାମାନେସି, ଇ କାତା ଦାର୍ମି ସାସ୍ତେରିତା ରାସ୍କି ଆହାମାନେ,  
 “ନିଢ୍ଢେ ହାରେକା କୁଡାତି ଲକୁତି ତାଞ୍ଜି କିହାମାଞ୍ଜାନମି ।” ୧୮ ଆସା କିନାୟି  
 ଏନାୟି ହିଲାଆତି ଜିକେଏ ଅବ୍ରାହାମ ନାମିଚେସି ଇଚ୍ଛୁ ଆସା ଇତିଚେସି,  
 ଏଦାଆଁତାକି “ହାରେକା କୁଡାତି ତାଞ୍ଜି” ଆଚେସି । ଦାର୍ମି ସାସ୍ତେରିତା ରାସ୍କି  
 ଆହାମାନେ, “ନୀ କୁଡା ହୁକାୟିଁ ଲେହେଁ ଏପାଆନେରି ।” ୧୯ ଏଞ୍ଜାଣାକି  
 ଏଚିବେଲା ପାସାକଡ଼ି ବାସୀ ଆହାମାଚାକି ଏଞ୍ଜସି ତାନି ଆଢୁତି ହାତାୟି ଇଚ୍ଛୁ  
 ସାରା ଅଡେ କକାରି ପୁଦାଁ ଆନି ଗାରା ଜିକେଏ ହାତାୟି ଇଚ୍ଛୁ ଅଣପିତି ଜିକେଏ  
 ନାମୁତା ଉଣା ଆଆଚେସି । ୨୦ ଏଞ୍ଜସି ତାନି ନାମୁ ପିହୁଆଚେସି, କି ମାହାପୁରୁ  
 ଆଞ୍ଜାମାନାଣି ଆନାମାନା ଆଆଚେସି । ଏଞ୍ଜସି ନାମୁତା ବାଡ଼ୁୟି ଆଚେସି ଇଚ୍ଛୁ  
 ମାହାପୁରୁଇଁ ଜହରା କିଚେସି । ୨୧ ମାହାପୁରୁ ଏନାଆଁ ଆଞ୍ଜାମାଚେସି, ଏଞ୍ଜସି  
 ଏଦାଆଁ ମାନି କିନେସି ଇଚ୍ଛୁ ଏଞ୍ଜାଣାକି ଜାଣ୍ଡେ ନାମୁ ମାଚେ । ୨୨ ଏଦାଆଁତାକି

ତାନି ନାମୁତଲେ ଅବ୍ରାହାମ, “ମାହାପୁରୁ ତାଣାଟି ଦାମ୍ଭୁଗାଟାସି ଆହାମାତେସି  
 ।” ୨୩ “ଅବ୍ରାହାମ ଦାମ୍ଭୁଗାଟାସି ଇଞ୍ଜି ଖେଢ଼ୁମାଟି” କାତା ଖାର୍‌ଇ ଏଞ୍ଜାଣି  
 ତାକିଏଦେଁ ରାସ୍‌କି ଆହାହିଲେଏ । ୨୪ ସାମା ଇ କାତା ମାଢ଼େତାକି ଜିକେଏ  
 ରାସ୍‌କି ଆହାମାନେ; ଇତିହିଁ ଆମ୍ବାଆସି ମା ପ୍ରବୁ ଜୀସୁଇଁ ହାତାରି ତାଣାଟି  
 ନିକ୍‌ହାମାନେସି, ଏଞ୍ଜାଣି ତାଣା ମାର ନାମିମାନାୟି, ମାଢ଼େତାକି ଜିକେଏ ଏଦି  
 ଆନେ । ୨୫ ଏ ପ୍ରବୁ ଜୀସୁ ମା ପାପୁଟି ବାଦୁଲି ହାହାଲି ହେର୍‌ପିଆହା ମାତେସି  
 ଇଞ୍ଜି ମାହାପୁରୁ ନକିତା ମାଢ଼େ ଦାମ୍ଭୁ ଗାଟାତାୟି କିହାଲି ଖେଣ୍ଟେ ନିଢ଼ିତେସି ।

**୫** ନୀଏଁ ନାମୁତଲେ ମାର ମାହାପୁରୁ ନକିତା ଦାମ୍ଭୁ ଗାଟାତାୟି ଆହାମାନାୟି  
 ଇଞ୍ଜି ପ୍ରବୁ ଜୀସୁ କ୍ରୀସୁ ତାଣାଟି ମାହାପୁରୁ ତଲେ ମାର ହିଡ଼ି ତଲେ ମାନାୟି;  
 ୨ ଏମିନି କାର୍ମାତା ମାର ମାଞ୍ଜାମାନାୟି, ଏମ୍ବାଟି ଏଞ୍ଜାଣି ତାଣାଟି ନାମୁତା  
 ଜିକେଏ ମାନାୟି; ଇଞ୍ଜି ମାର ମାହାପୁରୁଟି ଗାଞ୍ଜୁରମିତି ବାସ୍‌ତା ବତପଣ  
 କିହିମାନାୟି । ୩ ଖାର୍‌ଇ ଏଦି ଆଏ, ବାରେ ଦୁକୁ କସ୍ତା ଜିକେଏ ମାର ରାହାଁ  
 କିହିମାନାୟି, ଇତିହିଁ କସ୍ତା ସାସା ଖାନେ, ୪ ସାସାଟି ବାଡ଼୍‌ୟୁ ମାଣ୍‌କି ଖାନେ  
 ଇଞ୍ଜି ବାଡ଼୍‌ୟୁ ମାଣ୍‌କିଟି ବାସ୍‌ ଖାନେ । ୫ ବାସ୍‌ ମାଢ଼େ ହାଣି ଆହାଲି ହିୟେଏ,  
 ଏନାଆଁତାକି ଇତିହିଁ ମାହାପୁରୁ ମାଢ଼େ ସୁଦୁଜୀଞ୍ଜୁ ହାହାନା ମା ହିୟାଁତା ତାନି  
 ଜୀଞ୍ଜୁ ନନାଣି ହାହାମାଞ୍ଜାନେସି । ୬ ଏତିବେଲାତା ମାର ଏନି ଉପେୟି  
 ହିଲାଆଗାଟାତାୟି ମାତାୟି, ଏତିବେଲା ମାହାପୁରୁ ତାରି କିହାମାଟି ବେଲାତା  
 କ୍ରୀସୁ ପାପୁ ଲକୁତାକି ହାତେସି । ୭ ଦାମ୍ଭୁଟି ଲକୁତାକି ଆମ୍ବାଆସି ଜିକେଏ  
 ହାଅସି, ନେହିଁ ଲକୁତାକି ଆମ୍ବାଆସି ଜୀଞ୍ଜୁ ହାହାଲି ଅଣ୍‌ପିନେସି । ୮ ସାମା  
 ମାର ପାପୁଗାଟି ଲକୁ ମାଟାଟି ଜିକେଏ କ୍ରୀସୁ ମା ତାକି ତାନି ଜୀଞ୍ଜୁ ହାତେସି,  
 ଇଦାଆଁ ତଲେ ମାହାପୁରୁ ମାଢ଼େ ଏଚେକା ଜୀଞ୍ଜୁନହିଁ ମାଞ୍ଜାନେସି, ଏଦାଆଁ  
 ତସାମାଞ୍ଜାନେସି । ୯ ଏଦାଆଁତାକି ଇ କାତା ସାତା, ମାର ନୀଏଁ ଏଞ୍ଜାଣି  
 ନେତେରି ତଲେ ଦାମ୍ଭୁ ଗାଟାତଞ୍ଜି ଆହାମାନାକି ଏଞ୍ଜାଣି ତାଣାଟି ମାହାପୁରୁଟି  
 କପାଟି ଗେଲ୍‌ପି ଆହାଲି ଆଡିନାୟି । ୧୦ ମାର ମାହାପୁରୁଟି ସାତୁୟାଁ ମାତାୟି,  
 ସାମା ମାର ତାନି ମାର୍‌ଏଣା ହାକିଟି ତାନିତଲେ ଆଣ୍ଡିତାୟି, ନୀଏଁ ମାର  
 ମାହାପୁରୁ ତଲେ ଆଣ୍ଡାନା କ୍ରୀସୁଟି ଜୀଞ୍ଜୁତଲେ ଗେଲ୍‌ପି ଆନାୟି । ୧୧ ଖାର୍‌ଇ  
 ଏଚେକା ଆଏ, ସାମା ପ୍ରବୁ ଜୀସୁ କ୍ରୀସୁଟି ତାକି ମାର ନୀଏଁ ମାହାପୁରୁ ତଲେ  
 ଆଣ୍ଡାମାନାୟି; ଏଞ୍ଜାଣି ତାଣାଟି ମାର ମାହାପୁରୁ ତାଣା ବତପଣ ଜିକେଏ  
 ଆହିମାନାୟି । ୧୨ ରଅଣି ତାଣାଟି ପାପୁ ଦାବ୍‌ତିତା ଖାତେ ଅଡ଼େ ପାପୁ ତଲେ



ହାକି ଝାଡେ, ବାରେଜାଣା ପାପୁ କିତାକି ହାକି ବାରେ ମାଣ୍ଡିତାକି ଝାଡେ, ଇଞ୍ଜି  
 ବାରେଜାଣା ପାପୁ କିତେରି । ୧୩ ମେରା ହାପ୍‌କି ଆତି ନକେଏ ଦାର୍‌ତିତା  
 ପାପୁ ମାଡେ; ସାମା ମେରା ହିଲାଆଟି ପାପୁତି ଏଜିକିଝି ଆହି ହିଲାଆଡେ ।  
 ୧୪ ଆଦମ ତାଣାଟିଏ ମସା ପାଡେକା ଆମ୍ବାଆସି ଜିକେଏ ଆଦମ ଲେହେଁ  
 ହୁକୁମି ମାନି କିଆନା ପାପୁ କିହାହିଲାଆଟି ଜିକେଏ ବାରେଜାଣା ହାକିତି ତୁଇ  
 ମାଡେରି; ଆମିନିଗାଟାସି ଝାନାୟି ମାଡେ, ଆଦମ ଏଝାଣି ର ଝାଣା । ୧୫ ସାମା  
 ଦହ ଏନିକି, ମାହାପୁରୁତି କାର୍ମା ଜିକେଏ ଏଲେକି, ଏଦି ଆଏ, ଇତିହିଁ ରଅଣି  
 ଦହ ତାକି ହାରେକା ଲକୁତି ହାକି ଆଡେ, ଆତିହିଁ ମାହାପୁରୁତି କାର୍ମା ଅଡେ ର  
 ମାଣ୍ଡି ଇତିହିଁ ଜୀସୁ କ୍ରୀସୁ ହାତି କାର୍ମାତି ଦାନା ହାରେକା ଲକୁତାକି ହାରେକା  
 ଗାତି ଆଡେ । ୧୬ ର ମାଣ୍ଡି ପାପୁ କିତାକି ଏନିକି ପାଡେୟି ଆଡେ, ଇ  
 ଦାନତି ପାଡେୟି ଏଲେକି ଆଏ, ଇତିହିଁ ରଅଣି ତାକି ଏମିନି ନାହାୟି, ଏମ୍ବାତି  
 ପାଡେୟି ତଣୁ ଆଡେ, ସାମା ହାରେକା ଲକୁତି ଦହ ତାକି ଏମିନି କାର୍ମାତି  
 ଦାନା, ଏମ୍ବାତି ପାଡେୟି ଦହ ହିଲାଆଗାଟାୟି ଆଡେ । ୧୭ ର ମାଣ୍ଡିତି ପାପୁ  
 ତାକି, ହାକି ସାଲଝି କିତେ; ସାମା ଅର ରଅସି ଇତିହିଁ ଜୀସୁ କ୍ରୀସୁ ଏନାଆଁ  
 କିହାମାନେସି, ଏଦି ଏଡେକା କାଜାୟି । ଆମିନି ବାରେଜାଣା ମାହାପୁରୁତି  
 ହାରେକା କାର୍ମାମେହ୍‌ନାୟି ଉଜେଏ ମେଡା ଆନାଣି ତଲେ ମାହାପୁରୁତି ନକିତା  
 ଦାମ୍ବୁଗାଟାରି ଇଞ୍ଜି ଝେଢୁନେରି, ଏଝାରି କ୍ରୀସୁ ତଲେ ଜୀଣାଆହାନା ନୀତିନେରି  
 । ୧୮ ରଅଣି ପାପୁ ଏନିକିହିଁ ବାରେ ମାଣ୍ଡି କୁଡାଇଁ ତଣୁ ବେଟା ଆଝିକିତେ,  
 ଏଲେକିହିଁଏ ରଅଣି ଦାମ୍ବୁତି କାମା ବାରେ ମାଣ୍ଡି କୁଡା ତାକି ଗେଲ୍‌ପି ଆନାଣି  
 ଇଞ୍ଜି ରାଆଗାଟି ଜୀସୁ ତାତାହାଡେ । ୧୯ ରଅସି ମାନି କିଆତାକି ଏନିକିହିଁ  
 ହାରେକା ଲକୁ ପାପୁ ଗାଟାରି ଆଡେରି, ଏଲେକିହିଁଏ ରଅଣି ମାନି କିନାଣି  
 ତଲେ ବାରେଜାଣା ମାହାପୁରୁ ନକିତା ଦାମ୍ବୁଗାଟାରି ଆନେରି । ୨୦ ଇଦାଆଁ  
 ପିସ୍‌ପେ ମେରା ଜିକେଏ ଝାଡେ, ଏନିକି ଦହ ହାରେକା ଗାତିଆନେ; ସାମା  
 ଆମ୍ବିୟା ପାପୁ ପାଡାଆଡେ, ଏମ୍ବାଆଁ ମାହାପୁରୁତି କାର୍ମାମେହ୍‌ନାୟି ଜିକେଏ  
 ହାରେକା ପାଡାଆଡେ । ୨୧ ଏନିକିହିଁ ପାପୁ ହାକି ତଲେ ସାଲଝି କିତେ,  
 ଏଲେକିହିଁଏ ମାହାପୁରୁତି କାର୍ମାମେହ୍‌ନାୟି ଜୀସୁ କ୍ରୀସୁ ତାଣାଟି ମାଡେଁ ଦାମ୍ବୁ  
 ଗାଟାତାୟି କିହାଁ ରାଆଗାଟି ଜୀସୁ ହିୟାଡେ । (aiōnios g166)

୨ ଆତିହିଁ ମାର ଏନାଆଁ ଇନାୟି? ମାହାପୁରୁତି କାର୍ମାମେହ୍‌ନାୟି ଏନିକିହିଁ  
 ହାରେକା ଆନେ, ଏଦାଆଁତାକି କି ପାପୁଡେଏ ମାଞ୍ଜେମାନାୟି? ୨ ଏଦି ଏଡେଲା

ଜିକେଏ ଆଆପେ । ପାପୁ ତାକି ମାର ହାହାମାନାୟ, ଏନିକିହିଁ ଏମାଆଁ ଅଡ଼େ  
 ମାର ନୀଡିନାୟି? ୩ ମାର ଏତେକା ଲକୁତାୟି କ୍ରୀସୁ ଜୀସୁ ତାଣା ବାପୁସ୍ତ  
 ଅହାମାନାୟି, ବାରେ ଜାଣାତାୟି ତାନି ହାକିତା ବାପୁସ୍ତ ଅହାମାନାୟି, ଇଦାଆଁ  
 କି ମୀରୁ ପୁଞ୍ଜାହିଲଅତେରି? ୪ ଏଦାଆଁତାକି ମାର ବାପୁସ୍ତ ଅହାମାନା ହାକିତା  
 ତାନିତଲେ ମୁସ୍ପି ଅହାମାନାୟି, କ୍ରୀସୁ ଏନିକିହିଁ ଆବାତି ଗାସ୍ତୁରମି ତଲେ  
 ହାତାରି ତାଣାଟି ଖେଣ୍ଟେ ନିଢ୍ଫୁତେସି, ମାର ଜିକେଏ ଏଲେକିହିଁଏ ପୁଃନି ଜୀସୁତି  
 ମାଣ୍ଡକି ତଲେ ନୀଡିନ । ୫ ଏନାଆଁତାକି ଇତିହିଁ ମାର ଏଖାଣି ହାକିତା ଆଣ୍ଡାମା  
 ଏଖାଣିତଲେ ରଣ୍ଡିଏ ଅହାମାନାୟି, ଆତିହିଁ ସାତେଏ ଏଖାସି ଖେଣ୍ଟେ ନିଢ୍ଫୁତି  
 ଲେହେଁ ମାର ଜିକେଏ ନିଢ୍ଫୁମା ଏଖାଣିତଲେ ରଣ୍ଡିଏ ଆନାୟି । ୬ ମାର  
 ପୁଞ୍ଜାମାନାୟି, ପାପୁତି ହଲିୟାଢ୍ଫା ଆଆପ, ଇଦାଆଁତାକି ପାପୁତି ଆଢ୍ଫା ନାସା  
 କିହାଲିତାକି ମା ପୁଃଇ ମାଣ୍ଡକି ତାନିତଲେ ପାସି ମୁଣ୍ଡାତା ହାହାମାନେ । ୭  
 ଏନାଆଁତାକି ଇତିହିଁ ମାଣ୍ଡସି ହାତିସାରେ, ପାପୁତି ବାଡ୍‌ମୁଟି ଗେଲ୍‌ପି ଆନେସି  
 । ୮ ସାମା ମାର କ୍ରୀସୁ ତଲେ ହାତାକି, ତାନିତଲେ ମାର ଜିକେଏ ନୀଡିନାୟି  
 ଇଞ୍ଜି ନାମାମାନାୟି । ୯ ମାର ପୁଞ୍ଜାମାନାୟି, କ୍ରୀସୁ ହାକିତି ନିଢ୍ଫୁମାନାକି,  
 ଏଖାସି ଅଡ଼େ ଖେଣ୍ଟେ ହାଅସିଦେଁ, ଏଖାଣାଢ୍ଫା ଅଡ଼େ ହାକି ସାଲଞ୍ଜି କିହାଲି  
 ଆତେଏ । ୧୦ ଏଖାସି ଆମିନି ହାକିତା ହାତେସି, ଏଦାଆଁ ତଲେ ପାପୁତି  
 ବାଡ୍‌ମୁଟି ରଣ୍ଡିଏ ଦେବେଏ ଜୀଣା ଆତେସି । ଅଡ଼େ ନାଏଁ ଆମିନି ଜୀସୁତଲେ  
 ନୀତାମାନେସି, ଏଦି ମାହାପୁରୁ ତଲେ ଆଣ୍ଡିତି ଜୀସୁ । ୧୧ ଏଲେକିହିଁଏ ମୀରୁ  
 ଜିକେଏ ପାପୁତା ହାହାମାଞ୍ଜେରି ଇଞ୍ଜି ଅଣ୍ଡାଦୁ । ସାମା କ୍ରୀସୁ ଜୀସୁ ତାଣାଟି  
 ଆଣ୍ଡାମା ମାହାପୁରୁ ତାକି ଜୀସୁ ଗାଟାତମି ଇଞ୍ଜୁ । ୧୨ ମୀ ହାନି ଆଢ୍ଫାତା ପାପୁ  
 ସାଲଞ୍ଜି କିୟାଆପେ; ମୀରୁ ଅଡ଼େ ଆଢ୍ଫାତି ଲାଗେଏତି ଅଣ୍ଡାପୁ ତଲେ ତାକାଆଦୁ  
 । ୧୩ ମୀ ଆଢ୍ଫା ଉଡ଼େଲିତି ଲାଗେଏ କାମାତି ଛୁତି ଲେହେଁ ପାପୁ କାମାତା  
 ହେର୍‌ପାଆଦୁ, ସାମା ହାତାରି ତାଣାଟି ନୀତାମାନି ଲେହେଁ ଜାହା ଜାହାରାଢ୍ଫା  
 ମାହାପୁରୁ ନକିତା ହେର୍‌ପା କତାଦୁ, ଇଞ୍ଜି ଜାହା ଜାହାରା ଆଢ୍ଫା ଉଡ଼େଲିତି  
 ଦାମ୍‌ପୁତି ଛୁତି ଲେହେଁ ମାହାପୁରୁ ନକିତା ହେର୍‌ପାଦୁ । ୧୪ ପାପୁ ମିଢ୍ଫେ ସାଲଞ୍ଜି  
 କିୟାଆପେ, ମୀରୁ ଅଡ଼େ ମସାତି ମେରା ଡ଼ଇ ହିଲଅତେରି, ସାମା ମାହାପୁରୁତି  
 କାର୍ମାତି ଡ଼ଇ ମାଞ୍ଜେରି । ୧୫ ଆତିହିଁ ଏନାଆଁ? ମାର ମସାତି ମେରା ଡ଼ଇ  
 ହିଲାଆୟି, ସାମା ମାହାପୁରୁତି କାର୍ମାମେହ୍‌ନି ଡ଼ଇ ମାନାୟି, ଇଦାଆଁତାକି  
 କି ପାପୁ କିନାୟି? ଏଲେଆହିଁ ଏତେଲା ଜିକେଏ ଆଆପେ । ୧୬ ମୀରୁ

ସାତେଏ ପୁଞ୍ଜାମାଞ୍ଜେରି, ମୀରୁ ରଥାଣି ହୁଲିୟାଢ଼୍ଠା ଆହାନା ଏଞାଣି କାତା  
 ମାନଞ୍ଜି ଆତିସାରେ, ଆତିହୁଁ ମୀରୁ ଏଞାଣି ହୁଲିୟାଢ଼୍ଠାତେରି, ପାପୁତି ହୁଲିୟାଢ଼୍ଠା  
 ଆତିସାରେ, ପାପୁ ମାଣ୍ଡକିଟି ହାକି ଖାନେ; ଦାମୁତି ଚେଚ ହାତିସାରେ, ଜୀଞ୍ଜୁ  
 ବେଟାଆଦେରି । ୧୭ ସାମା ମାହାପୁରୁଢ଼୍ଠା ଜହରା କିହିମାଢ଼୍ଠା, ମୀରୁ ର ଦିନା  
 ପାପୁତି ହୁଲିୟାଢ଼୍ଠାତେରି ମାତେରି, ମୀରୁ ନୀଏଁ ନେହୁଁ ବଲୁତି ଜାପୁନି ଚାଣା  
 ହେରୁପିଆହା ମାଞ୍ଜେରି, ଅଡ଼େ ହିୟାଁ ତଲେ ଏମ୍ପାତି ମାନି କିହିମାଞ୍ଜେରି  
 । ୧୮ ପାପୁତି ପିସ୍ପି ଆହାନା ଦାମୁତି ହୁଲିୟାଢ଼୍ଠା ଆହାମାଞ୍ଜେରି । ୧୯  
 ମୀ ଆଢ଼୍ଠାତି ବାଡ଼୍ଠା ହିଲିଆକି ମାଣ୍ଡକିଟି ହାତାତଲେ ଖେସିମାଞ୍ଜେରି; ମୀରୁ  
 ଏନିକିହୁଁ ଲାଗେଏତି କାମାତାକି ଜାହାରା ଆଢ଼୍ଠା ଉଡ଼େଲିତି ପଲେଏତି ଇଞ୍ଜି  
 ଦାମୁଁ ହିଲିଆତାଣା ହୁଲିୟାଢ଼୍ଠା ଲେହେଁ ହେରୁପାମାତେରି, ଏଲେକିହିଏ ନୀଏଁ  
 ଜାହାରା ଆଢ଼୍ଠା ଉଡ଼େଲିତି ସୁଦୁଜୀଞ୍ଜୁ ତାକି ଦାମୁତି ନକିତା ହୁଲିୟାଢ଼୍ଠା ଲେହେଁ  
 ହେରୁପାଦୁ । ୨୦ ମୀରୁ ପାପୁତି ହୁଲିୟାଢ଼୍ଠା ମାତାଟି, ଦାମୁତାକି ମେଲା ପିସ୍ପି  
 ଆହାମାତେରି । ୨୧ ଆତିହୁଁ ନୀଏଁ ମିଢ଼େ ଆମିନି କାମା କିହାଲିତାକି ଲାଜା  
 ହୁତିମାଞ୍ଜାନେ, ଏତିବେଲା ବାରେ କିହିମାତେରି, ଏଦି ଏମ୍ପାତି ଏନାଆଁ ଲାବା  
 ବେଟାଆତେରି? ଏ ବାରେ କାମାତି ପାଡ଼େୟି ହାକି । ୨୨ ସାମା ନୀଏଁ ମୀରୁ  
 ପାପୁତି ପିସ୍ପି ଆହାନା ମାହାପୁରୁତି ହୁଲିୟାଢ଼୍ଠା ଆହାମାଞ୍ଜେରି । ଇଦାଆଁତି  
 ଲାବା ଆହିମାନେ, ମାହାପୁରୁ ଚାଣା ସୁଦୁଜୀଞ୍ଜୁ ତଲେ ହେରୁପି ଆନାୟି ଇଞ୍ଜି  
 ରାଆଗାଟି ଜୀଞ୍ଜୁ ବେଟାଆନାୟି । (aiōnios g166) ୨୩ ଏନାଆଁତାକି ଇତିହୁଁ  
 ପାପୁତି କୂଲି ହାକି, ସାମା ମାହାପୁରୁତି କାର୍ମାମେହୁନି ଦାନା ମା ପ୍ରୁ ଜୀସୁ  
 କ୍ରୀସ୍ତ ତଲେ ଆଣ୍ଡିନି ଚାଣା ରାଆଗାଟି ଜୀଞ୍ଜୁ ମାନେ । (aiōnios g166)

**୭** ତାୟି ତାଢ଼୍ଠାତେରି, ନୀଏଁ ଏନାଆଁ ଖେସାଲି ଅଣ୍ଡିମାଢ଼୍ଠା, ଏଦାଆଁ ମୀରୁ  
 ତେଲ୍‌ହେଦେରି, ଏନାଆଁତାକି ଇତିହୁଁ ମୀରୁ ପୁଞ୍ଜାମାଞ୍ଜେରି, “ମେରା” ଏନାୟି  
 । ମାଣ୍ଡକି ଖାରୁଇ ତାନି ନୀତାମାନି ପାତେକା ମେରାତି ତୁଇ ତୁୟିନେସି ।  
 ୨ ତକ୍ରା ନୀତାମାନି ପାତେକା ତାନି ତକ୍ରା ଏଞାଣିତଲେ ବାହା ମେରା ତଲେ  
 ଦସ୍ପି ଆହାନା ତୁୟିନେ । ସାମା ତକ୍ରା ହାତିସାରେ, ଏଞାଣି ତକ୍ରା ଇ ମେରାତି  
 ପିସ୍ପି ଆନେ । ୩ ତକ୍ରା ନୀତା ମାନାଟିଏ, ତକ୍ରା ଅର ରଥାଣାକି ବାହା  
 ଆତିସାରେ, ଏଦାନି ଦାରେଣି ଇଞ୍ଜି ଇନେରି; ସାମା ତକ୍ରା ହାତି ତାୟି ମେରାତି  
 ପିସ୍ପି ଆନେ, ଅଡ଼େ ଏଦି ଅର ରଥାଣାକି ବାହା ଆତିସାରେ, ଏଦି ଦାରେଣି  
 ଆଏ । ୪ ଇଦାଆଁତାକି ତାୟି ତାଢ଼୍ଠାତେରି, କ୍ରୀସ୍ତ ଆଢ଼୍ଠା ତଲେ ମୀରୁ

ଜିକେଏ ଚେରାତାକି ହାହାମାଞ୍ଜେରି, ଏନକିହିଁ ମାରୁ ଏଟକାତାରି ତଲେ  
 ଆଣ୍ଡିଦେରି, ଇଚିହିଁ ମା ମାହାପୁରୁ ତାକି ପାଡେୟି ଆୟାଲି ଆମ୍ବାଆସି ହାତାରି  
 ତାଣାଟି ନୀତାମାନେସି, ଏଞାଣିତଲେ ଆଣ୍ଡାଦୁ । ୫ ଏଚରଦିନା ପାତେକା  
 ମାର ଆଞ୍ଜାତି ମାଣ୍ଡକି ତଲେ ମାଚାୟି, ଏଚରଦିନା ପାତେକା ମସା ମେରାଟି  
 ପାପୁତି ଜୁପକା ମା ଆଞ୍ଜା ବିତ୍ରା ଜୀଞ୍ଜୁତି ହାଞ୍ଜି କିହାଲି କାମା କିହିମାତେ ।  
 ୬ ସାମା ଏନାଆଁତଲେ ଦସ୍ପି ଆହାମାଚାୟି, ଏମ୍ବାଟି ହାହାନା ନୀଏଁ ମାର  
 ମେରାଟି ଅଦିକାରାଟି ମୁକ୍ଲଞ୍ଜି ଆହାମାନାୟି; ମାର ଅଡେ ତଲିତିଲେହେଁ  
 ରାସ୍କି ଆହାମାନି ମେରାଟି ସେବା କିହି ହିଲାଆୟି, ସୁଦୁଜୀଞ୍ଜୁ ତସାମାଞ୍ଜାନି  
 ପୁଞ୍ଜି ଜିରୁତା ନୀଏଁ ତାକି ମାନାୟି । ୭ ଆତିହିଁ ଏନାଆଁ ଇନାୟି, ଚେରା  
 ପାପୁ ଗାଟାୟି? ଏଦି ଏଚେଲାଞ୍ଜା ଆଏ । ସାମା ପାପୁ ଏନାୟି, ଏଦାଆଁ ମେରା  
 ନାଞ୍ଜେ ଞେସା ମାଞ୍ଜାନେ, “ଏଟକା ଲକ୍ଷୁତି ଦିଶସୁ ଜୁପକା ଆଆଦୁ” ଇ ହୁକୁମି  
 ମେରା ଞେସା ମାଞ୍ଜାଆତିହିଁମା, ଜୁପକା ଏନାୟି, ନାନୁ ପୁନାଆତେଏଁମା । ୮  
 ସାମା ପାପୁ ପାରୁ ବେଟାଆହାନା ହୁକୁମି ତଲେ ନା ତାଣା ବାରେଲେହେଁତି  
 ଜୁପକା କିନାଣି ହିୟାତେ, ମେରା ପିସ୍ପେ ପାପୁ ହାତାୟି । ୯ ର ଦିନା ନାନୁ  
 ମେରା ପୁନାଆନା ନୀତିମାତେଏଁ, ସାମା ହୁକୁମି ଞାହାଲିଏ ପାପୁ ନୀତିତେ,  
 ଇଞ୍ଜାଁ ନାନୁ ହାତେଏଁ; ୧୦ ଆମିନି ମେରା ଜୀଞ୍ଜୁ ହାହାଲିତାକି ଚିକାଣା ତାୟି  
 ମାତେ, ଏଦି ନା ଜୀଞ୍ଜୁତା ହାକି ଞାତେ । ୧୧ ଇଚିହିଁ ପାପୁ ପାରୁ ବେଟାଆହାନା  
 ହୁକୁମିଟି ନାଞ୍ଜେ ନୀତି କିୟାତେ ଇଞ୍ଜାଁ ଏମ୍ବାଟି ନାଞ୍ଜେ ପାୟାତେ । ୧୨ ମେରା  
 ସୁଦୁଗାଟାୟି, ଏଦାଣି ହୁକୁମିକା ବାରେ ସୁଦୁ ଗାଟାଇ, ଦାର୍ମୁଗାଟାୟି ଇଞ୍ଜାଁ  
 ନେହାୟି । ୧୩ ଆତିହିଁ, ଏନାୟି ନେହାୟି, ଏଦି କି ନାଞ୍ଜେ ହାଞ୍ଜି କିୟାତେ?  
 ଏଦି ଏଚେଲାଞ୍ଜା ଆଆପେ, ପାପୁଏ ଏଦାଆଁ କିତେ, ନେହିଁ ମେରାଟି ଲେମ୍ବାନା  
 ପାପୁ ନାଞ୍ଜେ ହାଞ୍ଜି କିୟାତେ, ଏଦାଆଁ ତଲେ ପାପୁତି ସାତା ଞାଣା ଚଞ୍ଜାଆତେ,  
 ଏଦାଆଁତାକି ମେରା ତଲେ ପାପୁ ହାରେକା ଆଜିହପେତାୟି ପୁଣ୍ଡିଆତେ ।  
 ୧୪ ମସାଟି ମେରା ସୁଦୁଜୀଞ୍ଜୁ ଗାଟାୟି, ଇଦାଆଁ ମାର ପୁଞ୍ଜାମାନାୟି; ସାମା  
 ନାନୁ ପାପୁତି ଆଞ୍ଜାତା କଡ଼ଞ୍ଜିଆତି ହଲେଏଣାତେଏଁ । ୧୫ ନାନୁ ଏନାଆଁ  
 କିହିମାଇଁ, ଏଦାଆଁ ନାନୁ ପୁଞ୍ଜିହିଲଅଁ; ଏନାଆଁ କିହାଲି ନା ଅଶ୍ପୁ, ଏଦାଆଁ  
 ନାନୁ କିଅଁ; ସାମା ଏନାଆଁ ଅପଅଁ, ଏଦାଆଁ କିଇଁ । ୧୬ ସାମା ଏନାଆଁ ନାନୁ  
 ଅଶ୍ପଅଁ, ଏଦାଆଁ କିତିସାରେ, ଆତିହିଁ ମସାଟି ମେରା ନେହାୟି ଏଦାଆଁ ନାନୁ  
 ଜଲିମାଇଁ । ୧୭ ଏଦାଆଁତାକି ଏ କାମା ସାତେଏ ନାନୁ କିଆନା ନା ବିତ୍ରାମାନି

ପାପୁଏ ଏଦାଆଁ କିହିମାନେ । ୧୮ ନାନୁ ପୁଞ୍ଜାମାଇଁ, ନା ବିତ୍ରା ଇତିହିଁ ମାଣ୍ଡି  
ମାଣ୍ଡିକିତା ନେହାୟି ଏନାୟି ଜିକେଏ ହିଲେଏ, ଇତିହିଁ ନେହିଁ କାମା କିହାଲି  
ନାଡ୍ରେ ଅଣ୍ଡୁ ମାତିହିଁ ଜିକେଏ ଏଦାଆଁ କିହାଲି ଆଡଥଁ । ୧୯ ଇତିହିଁ ଏମିନି  
ନେହିଁ କାମା କିହାଲି ନାନୁ ମନ କିଇଁ, ଏଦାଆଁ କିଅଁ, ସାମା ଏମିନି ଲାଗେଏତି  
କାମା କିହାଲି ନାନୁ ମନ କିଅଁ, ଏଦାଆଁ କିଇଁ । ୨୦ ନାନୁ ଏନାଆଁ ଅଣ୍ଡି  
ହିଲଅଁ, ଏଦାଆଁ କିହିମାଇଁ, ଆତିହିଁ ଏଦାଆଁ ନାନୁ ଅଡେ କିଅଁ, ସାମା ନା ଡାଣା  
ବାସା କିହାମାନି ପାପୁ ଏଦାଆଁ କିନେ । ୨୧ ଏଦାଆଁତାକି ନାନୁ ନେହିଁ କାମା  
କିହାଲି ମନ କିହିମାଇଁ, ଏତିବେଲା ନା ଡାଣା ଖାର୍‌ଇ ଲାଗେଏତାୟି ଡଞ୍ଜା  
ଆହିମାନେ, ଇଦାଆଁ ମେରାତା ମେସିମାଇଁ । ୨୨ ଇତିହିଁ ହିୟାଁତା ଅଣ୍ଡିମି  
ମାଣ୍ଡିଲେହେଁ, ମାହାପୁରୁତି ମେରା ମାନି କିହାଲି ନାଡ୍ରେ ରାହାଁ, ୨୩ ସାମା  
ନାନୁ ନା ଆଡ୍ଡାତା ଅର ରଲେତି ମେରା ଡଞ୍ଜା ଆହିମାନେ, ଏତି ନା ମନତି  
ମେରା କପାଟି ଜୁଜୁ କିହିମାନେ, ଅଡେ ନା ଆଡ୍ଡାତା ଏମିନି ପାପୁତି ମେରା  
ମାନେ, ନାଡ୍ରେ ଏମ୍ପାଆଁ ଦସ୍‌ପାନା । ୨୪ ଆୟତା, କାର୍ମା କପଲ ହିଲାଆଗାଟି  
ମାଣ୍ଡିତେଏଁ ନାନୁ! ଇ ହାଞ୍ଜିକିନି ଆଡ୍ଡାଟି ନାଡ୍ରେ ଆମ୍ପାଆସି ଗେଲ୍‌ପାନେସି?  
୨୫ ମା ପୁରୁ ଜୀସୁ କ୍ରୀସୁ ଡାଣାଟି ଗେଲ୍‌ପି ଆହାମାନାକି ମାହାପୁରୁଇଁ ଜହରା  
ଆପେ । ଏନାଆଁତାକି ଇତିହିଁ ନାନୁଏ ନା ମନତଲେ ମାହାପୁରୁତି ମେରାତି  
ହଲେଏଣାତେଏଁ, ସାମା ଆଡ୍ଡା ତଲେ ପାପୁ ମେରାତି ହଲିୟା ଆହାମାନେ ।

୮ ଆମିନି ଗାଗାରି କ୍ରୀସୁ ଜୀସୁତଲେ ଆଶ୍ୱାନା ନୀତିମାନେରି, ଏଞ୍ଜରାକି ନୀଏଁ  
ଏନି ତଣ୍ଡୁ ହିଲେଏ । ୨ ଇତିହିଁ ଜୀସୁ ହିୟାନି ଜୀସୁତି ମେରା କ୍ରୀସୁ ଜୀସୁ ଡାଣା  
ଆଶ୍ୱାନା ମିଡ୍ରେ ପାପୁ ଅଡେ ହାଞ୍ଜିକିନି ମେରାଟି ମୁକ୍‌ଲଞ୍ଜି କିହାମାଞ୍ଜାନେ । ୩  
ମାଣ୍ଡିତି ଆଡ୍ଡାତା ବାଡ୍‌ୟୁ ହିଲାଆକି ମସା ହାହାମାନି ମେରା ଏନାଆଁ କିହାଲି  
ଆଡାଆଡେ, ମାହାପୁରୁ ଏଦାଆଁ ତାନି ମାର୍‌ଏଣାଇଁ ପାପୁଗାଟି ମାଣ୍ଡିଲେହେଁ  
ପାପୁଇଁ ନାସା କିହାଲି ପାଶ୍ୱାନା ଆଡ୍ଡାତି ପାପୁତି ତଣ୍ଡୁ ହାହାଲି କିତେସି । ୪  
ଏଦାଆଁତାକି ମାର ମାଣ୍ଡିତି ମାଣ୍ଡିକିତା ମାନାଆନା ସୁଦୁଜୀସୁତି ମାଣ୍ଡିକିତା  
ମାଞ୍ଜାନା ଇଞ୍ଜା ଇଦାଆଁ ତଲେ ମାର ମେରାତି ପାଶାପାଟୁ ମାନି କିହିମାନାୟି ।  
୫ ଆମିନି ଗାଗାରି ଆଡ୍ଡାତି ମାଣ୍ଡିକି ତଲେ ନୀତିନାରି ଏଞ୍ଜରି ଆଡ୍ଡାତି ମାଣ୍ଡିକିତି  
କାତାତା ମନ ହୀନେରି, ସାମା ଆମିନି ଗାଗାରି ସୁଦୁଜୀସୁତି ମାଣ୍ଡିକି ତଲେ  
ନୀତିନେରି, ଏଞ୍ଜରି ହିୟାଁ ସୁଦୁଜୀସୁତି କାତାତା ମନ ହୀନେରି । ୬ ଇତିହିଁ  
ଆଡ୍ଡାତି ମାଣ୍ଡିକିତି ମନ ହାଞ୍ଜିକିନେ; ସାମା ସୁଦୁଜୀସୁତି ମାଣ୍ଡିକିତି ମନ ଜୀସୁ

ଇଚ୍ଛା ହିତ୍ ହିୟାନେ । ୭ ଇତିହ୍ ଆତ୍ମାତି ମନତଲେ ନୀତିନାସି ମାହାପୁରୁ  
 କପାଟି ସାତୁ ଆନେସି; ଇତିହ୍ ଏଞ୍ଜାସି ମାହାପୁରୁ ମେରାତି ମାନି କିଅସି; ଇଚ୍ଛା  
 ଏଞ୍ଜାସି ମାନଞ୍ଜି ଆହାଲି ଆତଅସି । ୮ ଆମିନି ଗାଟାରି ଆତ୍ମାତି ମାଣ୍ଡକି ତଲେ  
 କାମା କିନେରି, ଏଞ୍ଜାରି ମାହାପୁରୁଇଁ ରାହାଁ କିହାଲି ଆତଅସି । ୯ ମାହାପୁରୁତି  
 ସୁଦୁଜୀଞ୍ଜୁ ସାତା ତଲେ ମୀ ତାଣା ମାତିସାରେ, ମୀରୁ ଅଡେ ଆତ୍ମାତି ମାଣ୍ଡକି  
 ଲେହେଁ ନୀତଅତେରି, ସାମା ସୁଦୁଜୀଞ୍ଜୁତି ହୁକୁମି ମାନି କିହିମାଞ୍ଜେରି । କ୍ରୀସ୍ତତି  
 ଜୀଞ୍ଜୁ ଆମ୍ବାଆରି ତାଣା ହିଲେଏ, ଏଞ୍ଜାସି ଏଚେଲା ଜିକେଏ ଏଞ୍ଜାଣି ଲକୁ  
 ଆହାଲି ଆତଅସି । ୧୦ ସାମା କ୍ରୀସ୍ତ ମୀ ତାଣା ମାତିସାରେ, ମୀ ଆତ୍ମା ପାପୁ  
 ତାକି ନାସା ଆହାଲି ହାଜିମାତିହ୍ ଜିକେଏ, ସୁଦୁଜୀଞ୍ଜୁ ମିଡ୍ରେ ଜୀଞ୍ଜୁ ହୀୟାନେ,  
 ଏନାଆଁତାକି ଇତିହ୍ ମାହାପୁରୁ ନକିତା ମୀରୁ ଦାମ୍ବୁଗାଟାତେରି ଆହାମାଞ୍ଜେରି ।  
 ୧୧ ଆମ୍ବାଆସି ହାତାରି ତାଣାତି ଜୀସୁଇଁ ନିକ୍ହେସି, ଏଞ୍ଜାଣି ଜୀଞ୍ଜୁ ମୀ ତାଣା  
 ମାତିସାରେ, ଆତିହ୍ ଆମ୍ବାଆସି ହାତାରି ତାଣାତି କ୍ରୀସ୍ତ ଜୀସୁଇଁ ନିକ୍ହେସି,  
 ଏଞ୍ଜାସି ମୀ ତାଣା ମାନି ତାନି ଜୀଞ୍ଜୁତଲେ ମୀ ହାତି ଆତ୍ମାତି ଜିକେଏ ନୀଟ୍ନେସି  
 । ୧୨ ଏଦାଆଁତାକି, ତାୟି ତାଢ଼ିସ୍ନାତେରି, ମାର ରୀଶାଗାଟାତାୟି, ସାମା  
 ଆତ୍ମାତି ମାଣ୍ଡକି ତଲେ ନୀତାଲି ଆଏ । ୧୩ ଇତିହ୍ ଆତ୍ମାତି ମାଣ୍ଡକି ତଲେ  
 ମୀରୁ ନୀତିଦେରି, ଆତିହ୍ ସାତେଏ ହାଦେରି, ସାମା ସୁଦୁଜୀଞ୍ଜୁତି ସାୟେମି  
 ତଲେ ଆତ୍ମାତି କାମା ବାରେ ନାସା କିଦେରି, ଆତିହ୍ ନୀତିଦେରି । ୧୪  
 ଆମିନି ଗାଟାରି ମାହାପୁରୁତି ସୁଦୁଜୀଞ୍ଜୁ ତଲେ ତାକିନେରି, ଏଞ୍ଜାରି ମାହାପୁରୁତି  
 ମୀରୁକା । ୧୫ ଇତିହ୍ ମୀରୁ ଖେଣ୍ଡେ ଆଜାଲି ହୁଲିୟାତ୍ମାତି ଜୀଞ୍ଜୁ ବେଟାଆହା  
 ହିଲଅତେରି, ସାମା ମୀରୁଏଶାତି ଜୀଞ୍ଜୁ ବେଟାଆହାମାଞ୍ଜେରି; ଏମ୍ବାଟି ମାର  
 “ଆବା ତାଞ୍ଜି” ଇଚ୍ଛା ହାତିମାନାୟି । ୧୬ ମାର ମାହାପୁରୁତି ମୀରୁକା ମାସ୍‌କା  
 ଇଚ୍ଛା ଏ ଜୀଞ୍ଜୁଏ ମା ଜୀଞ୍ଜୁତଲେ ଆଶ୍ଟାନା ସାକି ହାହିମାନେ । ୧୭ ଏନାଆଁତାକି  
 ଇତିହ୍ ମାର ମାହାପୁରୁତି ମୀରୁକା ମାସ୍‌କାତାୟି, ତାନି ଲକୁତାକି ଲଡ଼ାମାନି  
 ବରତି ବାଗା ପାଶ୍‌ନାୟି, ଇଚ୍ଛା କ୍ରୀସ୍ତ ତଲେ ଗାଞ୍ଜୁରମି ବେଟାଆହାଲି ମାର  
 ଜିକେଏ ଏଞ୍ଜାଣିତଲେ ଦୁକୁ କସ୍ତୁ ପାଶ୍‌ନାୟି ମାନେ, ଆତିହ୍ ମାହାପୁରୁତି ବରତି  
 ବାଗା ଅଡେ କ୍ରୀସ୍ତ ତଲେ ବାଗାତା ଆଶ୍ଟାଲି ଆତିନାୟି । ୧୮ ଅଶ୍‌ପାଦୁ, ଆମିନି  
 ଗାଞ୍ଜୁରମିତା ଖାହିମାନି ଦିନାତା ମାର ଏଗାହାନାୟି, ଏଦାଆଁ କିହାଁ ନୀସ୍‌ତି  
 ଦୁକୁ କାକୁଲି ଇଚାୟି ଜିକେଏ ଆଏ, ଏତିବେଲାତା ମାହାପୁରୁ ତାନି ମୀରୁକା  
 ମାସ୍‌କାଣି ତୁହ୍‌ନେସି । ୧୯ ମାହାପୁରୁ ତାନି ମୀରୁକା ମାସ୍‌କାଣି ତୁଞ୍ଜୁଆନାଣି

ମେସାଲି ବାରେ ଗାଡ଼ି ଆତାୟି କାପୁ କାଟାମାନେ । ୨୦ ଏନାଆଁତାକି ଇତିହିଁ  
 ଗାଡ଼ିଆତାୟି ମାହାପୁରୁ ତାଣାଟି ବାକା ବେଟାଆହାନା ତାନି ଏଗାହାନି ଚାୟୁ  
 ବାଣା ଆହାମାନେ । ଆତିଜିକେଏ ତାନି ଆସା ମାନେ, ୨୧ ଅଡ଼େ ଏଦି ବାସୁ  
 ବେଟାଆଡ଼େ, ଇଞ୍ଜି ଗାଡ଼ି ଆତାୟି ତାନ୍ଦୁଏ ଜିକେଏ ମାହାପୁରୁତି ମାର୍କା  
 ଗାଝୁରମି ତାକି ପିସ୍ପି ଆହାଲିତାକି ନାସା ଆନି ହୁଲିୟାଟି ପିସ୍ପି ଆନେ ୨୨  
 ସାମା ନାଏଁ ପାଡେକା ବାରେ ଦାର୍ତ୍ତି ଜାର୍ନା କିନି ବାସା ତଲେ କସ୍ତୁ ପାଣ୍ଡି  
 ଲେହେଁ କସ୍ତୁ ତାକି ଡାହିମାନେ । ୨୩ ସାମା ମାର ମୁଲୁତି ପାଡ଼େୟି ଲେହେଁ  
 ସୁଦୁଜାଝୁତି ବେଟାଆହାମାନାୟି, ଆତିହିଁ ଜିକେଏ ମାର ମାହାପୁରୁତି ମାର୍କା  
 ଇତିହିଁ ଜାହା ଜାହାରା ଆଞ୍ଜୁଟି ବାରେଜାଣା ଗେଲ୍ପି ଆୟାଲିତାକି କାପୁ  
 କାଟାନା ମା ହିୟାଁତା ଡାହି ମାନାୟି । ୨୪ ଏନାଆଁତାକି ଇତିହିଁ ବାସୁଟି ମାର  
 ଗେଲ୍ପି ଆହାମାନାୟି; ସାମା ଏନାୟି ଚଞ୍ଜା ଆନାୟି, ଏଦାଆଁତାକି ବାସୁ  
 ଇତିନାୟି ଏଦି ସାତାତି ବାସୁ ଆଏ, ଇତିହିଁ ଏନାଆଁ ମେସିମାନାୟି ଏଦାଆଁତାକି  
 ଏନାଆଁତାକି ବାସୁ ଇତିନାୟି? ୨୫ ସାମା ମାର ଏନାଆଁ ମେସି ହିଲିଆୟି  
 ଏଦାଆଁତାକି ବାସୁ ଇତିନାୟି, ଆତିହିଁ ମାଡ଼େ ସାସାତଲେ କାପୁ କାଝଆନାୟି  
 ମାନେ । ୨୬ ମାର ବାଡ଼ୟୁ ହିଲିଆଗାଟାତାୟି, ସାମା ସୁଦୁଜାଝୁ ମାଡ଼ୁ  
 ସାୟେମି କିୟାନେ; ଏନିକିହିଁ ପ୍ରାତାନା କିନାୟି, ଏଦାଆଁ ମାର ପୁଞ୍ଜାହିଲିଆୟି,  
 ଏଦାଆଁତାକି ସୁଦୁଜାଝୁ ଜଲିନି ହାତାତଲେ ମା ତାକି ମାହାପୁରୁଇଁ ଗହାରା  
 କିନେ; ୨୭ ଆମ୍ବାଆସି ମା ହିୟାଁ ବିତ୍ରା ମାନାଣି ପୁନାସି, ଏଝାସି ସୁଦୁଜାଝୁତି  
 ଅଣ୍ପୁ ଏନାୟି ଏଦାଆଁ ପୁନେସି, ଇତିହିଁ ଏଝାସି ମାହାପୁରୁତି ଅଣ୍ପୁ ତଲେ  
 ମାହାପୁରୁ ଲକ୍ତାକି ଗହାରା କିନେସି । ୨୮ ମାର ପୁଞ୍ଜାମାନାୟି, ଆମିନି  
 ଗାଟାରି ମାହାପୁରୁଇଁ ଜାଝୁ ନନେରି ଇଞ୍ଜି ମାହାପୁରୁତି ଲଡ଼ା ତାକି ବାତି  
 କିଞ୍ଜି ଆହାମାନେରି, ଏଝାରାକି ବାରେ ନେହାୟି ଆନେ । ୨୯ ଆମ୍ବାଆରାଇଁ  
 ମାହାପୁରୁ ହାଟାମାନେସି, ଏଝାରାକି ତାନି ମାର୍‌ଏଣା ଖାଣା ଲେହେଁ ଆହାଲି  
 ତଲିଟିଏ ତାରି କିହାମାନେସି, ଆତିହିଁ ମାହାପୁରୁତି ମାର୍‌ଏସି, ଏନିକିହିଁ  
 ଏଝାସି ହାରେକା ତାୟି ତାଞ୍ଜିସ୍ତା କିହାଁ ମୁଲୁ ଜାର୍ନା ଆତାସି ଆନେସି । ୩୦  
 ଆମ୍ବାଆରାଇଁ ନକେଏ ଆଟାମାଟେସି, ଏଝାରାଇଁ ଏଝାସି ହାଟିତେସି, ଏଝାରି  
 ମାହାପୁରୁ ନକିତା ଦାର୍ମୁଗାଟାରି ଇଞ୍ଜି ଚଞ୍ଜି କିତେସି, ଅଡ଼େ ଆମିନି ଗାଟାରାଇଁ  
 ଦାର୍ମୁଗାଟାରି ଇଞ୍ଜି ଚଞ୍ଜି କିତେସି ଏଝାରାଇଁ ଜିକେଏ ଏଝାସି ଗାଝୁରମି କିତେସି  
 । ୩୧ ଆତିହିଁ ଇ ବାରେତି ମେସାନା ମାର ଏନାଆଁ ଇନାୟି? ମାହାପୁରୁ ମା

ଖାକି ମାତିସାରେ, ଆତ୍ମାଆସି ମା କପାତଲେ ନିଢ଼ୁନେସି? ୩୨ ଆତ୍ମାଆସି ତାନି  
 ମୀରୁଏଣାଲ୍ ଜିକେଏ ଗେଲ୍‌ପାଆତେସି, ସାମା ମା ବାରେତାକି ଏଞ୍ଜାଣାଲ୍  
 ହେରୁପିତେସି, ଏଞ୍ଜାସି ଏନିକ୍ ଏଞ୍ଜାଣିତଲେ ମାଢ଼େ ଜିକେଏ ବାରେ କାର୍ମାତି  
 ଦାନା ହିୟୁଅସିକି? ୩୩ ମାହାପୁରୁ ହାଟାମାନି ଲକ୍ଷୁ କପାତଲେ ଆତ୍ମାଆସି ଦହ  
 ଦସାଲି ଆତିନେସି? ଏଞ୍ଜାରି ଦହ ହିଲାଆ ଗାଟାରି ଇଞ୍ଜି ମାହାପୁରୁ ତାନୁଏ  
 ଝେକ୍‌ହା ମାନେସି । ୩୪ ଆତ୍ମାଆସି ତଣ୍ଡୁ ହାନେସି? କ୍ରୀସ୍ତ ଜୀସୁ ହାଟାରି  
 ତାଣାଟି ଝେଣ୍ଡେ ନିଢ଼ୁନା ମାହାପୁରୁତି ଚିଃନି ଚଟତା ମାଞ୍ଜାନା ମାଢ଼େତାକି  
 ଗହାରା କିହିମାନେସି । ୩୫ ଆତିହିଁ ଆତ୍ମାଆସି ମାଢ଼େ କ୍ରୀସ୍ତୁତି ଜୀସୁ ନିନି  
 ତାଣାଟି ଏଟ୍‌କା କିୟାନେସି? ଦୁକ୍ଷୁ, କସ୍ତୁ, କାକୁଲି କି କାଟାରା, ହାକି, ଏସ୍‌କି,  
 ସନି କି କାଣ୍ଡା, ଏନାୟି ଜିକେଏ ଏଦାଆଁ କିହାଲି ଆତେଏ । ୩୬ ସାସ୍ତେରିତା  
 ରାସ୍‌କି ଆହାମାନେ; “ମିଢ଼େ ତାକି ମାମୁ ବାରେଦିନା ହାକିତି ନକିତା, ହାହାଲି  
 ହାଜିମାନି ମେଣ୍ଡା ଲେହେଁ ମାମୁ ତଞ୍ଜା ଆହିମାନମି ।” ୩୭ ଆତିଜିକେଏ  
 ଆତ୍ମାଆସି ମାଢ଼େ ଜୀସୁ ନୟିତେସି, ଏଞ୍ଜାଣି ସାୟେମି ତଲେ ମାର ଇ ବାରେତି  
 ଲାକ ଜୀଣା ଆହାମାନାୟି । ୩୮ ନାନୁ ସାତେଏ ନେହିଁକି ପୁଞ୍ଜାମାଲ୍ ତାନି  
 ଜୀସୁ ନିନି ତାଣାଟି ମାର ଏଚେଲା ଜିକେଏ ଏଟ୍‌କା ଆଆୟି, ହାକି କି ଜୀସୁ  
 ଲାକପୁରୁତି ଦୁଡୁୟି କି ସାଲଖି କିହିମାନାଇ କି ବାଡ଼ୟୁ ଗାଟାଇ, ନୀଏଁ କି ଖାନି  
 ଦିନା କି ଏନି ବାଡ଼ୟୁ, ୩୯ ଲାକପୁରୁତି କାତା କି ତୁଲପୁରୁତି କାତା ଏନାୟି  
 ଜିକେଏ; ବାରେ ଗାଡ଼ିଆତି ଦିଶ୍‌ସୁ ପ୍ରବୁ କ୍ରୀସ୍ତୁ ଜୀସୁ ତାଣାଟି ତଞ୍ଜାଆହାମାନି  
 ମାହାପୁରୁତି ଜୀସୁ ନିନି ତାଣାଟି ମାଢ଼େ ଏଟ୍‌କା କିୟାନେ ।

**୯** ନାନୁ କ୍ରୀସ୍ତୁତି ଲକ୍ଷୁ ଆହାମାନାକି ସାତା ଝେସିମାଲ୍, ମିତି ଝେସିହିଲଅଁ ।  
 ସୁଦୁଜୀସୁତି ସେଦ୍‌ନା ହାନାଣି ତଲେ ନା ଅଶ୍‌ପୁ ଇଦାଣିତି ସାକି । ୨ ନାନୁ  
 ଏଚେକା ଦୁକ୍ଷୁ ଅଡେ କସ୍ତୁତଲେ ନା ହିୟିତା ଏଚେକା ବଜୁ ଆହାମାନେ,  
 ଇଦାଆଁ ନାଡ଼ିକିହାଁ ଝେସିହିଲଅଁ । ୩ ନା ଜାହାରା କୁଡ଼ାତି ତାୟିୟିକି ନାନୁ  
 କ୍ରୀସ୍ତୁ ତାଣାଟି ଏଟ୍‌କା ଆହାନା ମାହାପୁରୁ ତାଣାଟି ବାକା ବେଟାଆହାଲି ନା  
 ଅଶ୍‌ପୁ ଇତିହିଁ ଏଞ୍ଜାରି ମାହାପୁରୁତି ଲକ୍ଷୁ । ୪ ଏନାଆଁତାକି ଇତିହିଁ ଏଞ୍ଜାରି  
 ଇସ୍ତାୟେଲ ଲକ୍ଷୁ; ତାନି ମୀର୍କା ଲେହେଁ ଆବାନା ଏଞ୍ଜାରି ନକିତା ତାନି  
 ଗାସ୍ତୁରମି ତସାମାଚେସି; ଏଞ୍ଜାରିତଲେ ରାଜିମାନା ଆହାନା ଏଞ୍ଜାରାକି ମେରା  
 ହାହାମାଚେସି, ଏଞ୍ଜାରି ସାତା ତଲେ ସେବା କିନାରି; ଏଞ୍ଜାରି ମାହାପୁରୁ ତାଣାଟି  
 ଆଞ୍ଜାମାନାଣି ବେଟାଆହାମାନେରି; ୫ ଏଞ୍ଜାରି ବାରେଜାଣା ଝେଢ଼ୁମାନି ଆକୁ



ଆବାୟିତ ମୀର୍କା ଇଞ୍ଜି ମାଣ୍ଠି ଖାଣାଟି କ୍ରୀସ୍ତ ଏଞ୍ଜାରି ତାଣାଟି ଜାର୍ନା  
 ଆହାମାରେସି; ବାରେ ଅଦିକାରାଣାଟି ମାହାପୁରୁକି କାଲକାଲତାକି ଜହରା  
 ଆପେ । ଆମେନ୍ । (aiōn g165) ୨ ମାହାପୁରୁତି ବଲୁ ଉଜେଏ ଆହାମାନେ  
 ଇଞ୍ଜି ନାନୁ ଖେସିହିଲଅଁ, ଇତିହିଁ ଇସ୍ରାୟେଲ କୃତାତି ବାରେ ଲକୁ ମାହାପୁରୁତି  
 ଲକୁ ଆଏ, ୩ ଅବ୍ରାହାମ କୃତାତି ବାରେ ଲକୁ ମାହାପୁରୁ ମୀର୍କା ମାୟକା  
 ଏଦି ଆଏ; ମାହାପୁରୁ ଅବ୍ରାହାମଇଁ ଖେସାମାରେସି, “ଇସାହାକ ତାଣାଟି  
 ନୀ କୃତା ଖେଟ୍ଟିନେରି ।” ୮ ଇଦାଣି କାତା ଇଦି, ମାଣ୍ଠି ମୀର୍କା ମାୟକା  
 ମାହାପୁରୁ ମୀର୍କା ମାୟକା ଆହାଲି ଆଡଅରି, ମାହାପୁରୁତି ଆଞ୍ଜାମାନି  
 ଲେହେଁ ଜାର୍ନା ଆହାମାନି ମୀର୍କା ମାୟକା ମାହାପୁରୁ ନକିତା ସାତା ମୀର୍କା  
 ମାୟକା ଲେହେଁ ଆନେରି । ୯ ମାହାପୁରୁ ଇଦାଆଁ ଆଞ୍ଜାମାରେସି, “ଇ  
 କାଲମିତା ମାମୁ ଖେଣ୍ଟେ ଖାନମି, ଏତିବେଲାତା ସାରା ର ମୀର୍କାଣାଇଁ ଜାର୍ନା  
 କିହାମାଣ୍ଠିନେ ।” ୧୦ ଅଡେ ଖାର୍ଲ ଏରେକା ଆଏ, ରିବିକାନି ତାଣା ଜିକେଏ  
 ଜାଣ୍ଠା ମୀର୍କା ର ତାଞ୍ଜି ଇସାହାକ ତାଣାଟି ଜାର୍ନା ଆହାମାରେରି, ୧୧  
 ଏଞ୍ଜାରି ଜାର୍ନା ଆନି ନକେଏ, ଅଡେ ଏଞ୍ଜାରି ନେହାଁଣି ଲାଗେଏତାଣି କିନି  
 ନକେଏ, ଇଞ୍ଜାରି ବିତ୍ରାଟି ରଅସି ମାହାପୁରୁ ଲଡା ତାକି ବାତି କିଞ୍ଜିଆଡେସି,  
 ୧୨ ରିବିକାଇଁ ମାହାପୁରୁ ଏଲେଇଞ୍ଜାମାରେସି, “କାଜା ତାୟି ଉଣା ତାୟିତି  
 ସେବା କିନେସି ।” ମାହାପୁରୁ ଏଦାଆଁ ଖେସାମାରେସି ଏଞ୍ଜାରି କାମା କିତି  
 ତାଣାଟି ଆଏ, ଖାର୍ଲ ମାହାପୁରୁ ଆତିତାକି ଏଞ୍ଜାରି ହାଟ୍‌କି ଆଡେରି । ୧୩  
 ସାସ୍ତେରିତା ରାସ୍‌କି ଆହାମାନେ, “ନାନୁ ଜାକୁବଇଁ ଜୀଞ୍ଜୁ ନଡେଏଁ, ସାମା  
 ଏସାଞ୍ଜୁଇଁ ଅପାଆଡେଏଁ ।” ୧୪ ଆତିହିଁ ଏନାଆଁ ଇନାୟି, ମାହାପୁରୁ ଲାଗେଏତି  
 କାମାକିନାସି କି? ଏଦି ଏରେଲା ଜିକେଏ ଆଆପେ । ୧୫ ଏଦାଆଁତାକି ମସାଇଁ  
 ଏଲେଇଡେସି, “ଆମ୍ବାଆରାଇଁ ନା କାର୍ନା ଆନାୟି ମାନେ ଏଞ୍ଜାଣାଇଁ କାର୍ନା  
 ଆଇଁ, ଆମ୍ବାଆରାଇଁ ସାୟେମି କିନାୟିମାନେ ଏଞ୍ଜାଣାଇଁ ନାନୁ ସାୟେମି କିଇଁ ।”  
 ୧୬ ଏଦାଆଁତାକି ଆମ୍ବାଆସି ମନ କିନେସି, ଆଆଡିଁ ଆମ୍ବାଆସି ପାରିନାସି  
 କି କିନାସି, ଏଞ୍ଜାଣି ତାଣାଟି ଏନାୟି ଆହାଲି ଆଡେଏ, ସାମା କାର୍ନାମେହ୍‌ନି  
 ମାହାପୁରୁ ତାଣାଟି ଆନେ । ୧୭ ଦାମ୍‌ସା ସାସ୍ତେରିତା ରାସ୍‌କି ଆହାମାନି ଲେହେଁ,  
 ମାହାପୁରୁ ମିସରତି ରାଜା ପାରଇଁ ଏଲେଇଡେସି, “ନୀ ତାଣାଟି ନା ବାଡ୍‌ୟୁ  
 ତସାଲି ଇଞ୍ଜି ବାରେ ଦାର୍‌ତିତା ନା ଗାଞ୍ଜୁରମି ତସାଲି ତାକି ନାନୁ ନିଞ୍ଜେ ରାଜା  
 କିହାମାଞ୍ଜୁଇଁ ।” ୧୮ ଏଦାଆଁତାକି ମାହାପୁରୁତି ଅଶ୍‌ପୁ ଲେହେଁ ଆମ୍ବାଆରାଇଁ

କାର୍ମା ମେହ୍ନେସି ଇଚ୍ଛା ଆତ୍ମାଆରାଜ୍ ଆତ୍ମା ହିୟାଁ କିନେସି । ୧୯ ଏମ୍ବାଟିଏ  
 ନୀନୁ ନାଡ଼େ ଏଲେଇଚ୍ଛାଦି, “ମାହାପୁରୁ ଏନାଆଁତାକି ଦହ ଆହ୍ନେସି?  
 ଆତ୍ମାଆସି ମାହାପୁରୁତି କପାତଲେ ଏନାଆଁ କିହାଲି ଆଡିମାନେସି?” ୨୦  
 ସାମା ଏ ସୟି, ନୀନୁ ଆତ୍ମାଆତି, ମାହାପୁରୁଇଁ ଖେଣ୍ଡେ ଖେସାଲି ନିଡ଼େ ସାସା  
 ମାନେକି, ଗାଡ଼ି ଆତି ଆସ୍ତି ଗାଡ଼ି କିତାଣାଇଁ “ନାଡ଼େ ଏନାଆଁତାକି ଇଲେକି  
 ଗାଡ଼ି କିୟାତି ଇଚ୍ଛା ଏଲେଇଚ୍ଛାଲି ଆଡିନେ କି?” ୨୧ ର ଇରଥା ତେପଲାଟି  
 ଜାହାରା ଇତା ତଲେ ଡକା ଚେପାଲି କୁମ୍ପେଏଶାକି ବାରେ ଅଦିକାରା ମାନେ,  
 ରଣ୍ଡୁଆଁ ବାରେ କାମାତି ଦିନାତା ଲେମ୍ପାଲି ଅଡ଼େ ରଣ୍ଡୁଆଁ ଉଜେଏ ଦିନାତା  
 ଲେମ୍ପାଲି ତାକି । ୨୨ ମାହାପୁରୁ ଜିକେଏ ଏଲେକି କିହାମାନେସି, ତାନି  
 କାର୍ବି ତସାଲି ଇଚ୍ଛା ବାଡ଼ିୟୁତି ପୁଣ୍ଡି କିହାଲି ଅଶ୍ଵିମାରେସି, ସାମା ଆମିନି  
 ଗାଟାରି ଏଖାଣି କପାତଲେ ନାସା ଆନାୟି ମାତେ, ଏଖାରି ତାକି ମାହାପୁରୁ  
 ହାରେକା କାର୍ମା ଆହାନା ଅର୍ହା ମାନେସି । ୨୩ ଅଡ଼େ ଗାଞ୍ଜୁରମି ତାକି  
 ତାନିତାଣାଟି ନକେଏ ଆହାମାନି ସାୟେମିତି ଲକୁ ମାର ଇତିହିଁ, ମା ତାଣା  
 ତାନି ଗାଞ୍ଜୁରମିତି ଦନ ତସାଲି କିହାମାନେସି, ଆତିହିଁ ନୀନୁ ଏନାଆଁ ଇଚ୍ଛା?  
 ୨୪ ଏନାଆଁତାକି ଏଖାସି ଖାରଇ ଜୀହୁଦି ଲକୁ ତାଣାଟି ମାଡ଼େ ହାଟା ମାଞ୍ଜୁଅସି,  
 ସାମା ଜୀହୁଦିଆଆତି ଲକୁ ତାଣାଟି ଜିକେଏ ମାଡ଼େ ହାଟାମାଞ୍ଜୁନେସି, ୨୫  
 ଇ କାତାତି ହସେୟ ପତିତା ମାହାପୁରୁ ଖେସାମାନେସି; “ଆତ୍ମାଆରି ମା  
 ଲକୁ ହିଲାଆତେରି, ଏଖାରାଇଁ ‘ମା ଲକୁ’ ଲେହେଁ ହାଟା କତିତମି; ଆମିନି  
 କୁଡ଼ାତାରାଇଁ ଜୀଞ୍ଜୁ ନହାଁ ହିଲାଆତମି ଏଖାରାଇଁ ମା ‘ଜୀଞ୍ଜୁତି ଲକୁ’ ଇତମି, ୨୬  
 ଆମିନି ଚାୟୁତା ଏଖାରାଇଁ ଖେସାମାତମି, ‘ମାରୁ ମା ଲକୁ ଆଏ’ ଏମ୍ବାଆଁ ଏଖାରି  
 ଜୀଞ୍ଜୁଗାଟି ମାହାପୁରୁତି ମାର୍କା ଇଚ୍ଛା ଖେଡ଼ିନେରି ।” ୨୭ ଇଚ୍ଛା ଇସାୟେଲ  
 ଲକୁତି କାତା ଜିସାୟ କାଜା ଗିୟାତଲେ ଖେସାମାନେସି, “ଇସାୟେଲତି  
 ଲକୁ ସାମ୍ବୁରିତି ଏଜିକିହାଲି ଆତାଆଗାଟି ବାଝଲି ଲେହେଁ ଆତିହିଁ ଜିକେଏ,  
 ଏଖାରି ବିତ୍ରାଟି ଏତର ଜାଣାଦେଁ ଗେଲ୍ପି ଆନେରି; ୨୮ ଏନାଆଁତାକି ଇତିହିଁ  
 ପ୍ରୁ ତବେ ଦାର୍ତତିତା ବାରେ ନୀହାୟି ବିତାରା କିନେସି ।” ୨୯ ଏନିକିହିଁ  
 ଜିସାୟ ତଲିଏ ଅଡ଼େ ଖେସାମାରେସି, “ବାରେ ବାଡ଼ିୟୁ ଗାଟି ପ୍ରୁ ଏଚେକା  
 ମା କୁଡ଼ାତି ଲକୁଣି ଗେଲ୍ପାଆତିମାଁ, ସଦମ ଅଡ଼େ ଗମରାତି ଲକୁଲେହେଁ  
 ମାଡ଼େ ଜିକେଏ ଆୟାତେମା ।” ୩୦ ଏନାଆଁତାକି ଜୀହୁଦିଆଆତି ଲକୁତି  
 କାତାତା ଇଲେ ଇଚ୍ଛାଲି ଆଡିନାୟି, ଏଖାରି ଦାମ୍ବୁଗାଟାରି ଆହାଲି ଅଶ୍ଵି

ହିଲାଆଡେରି, ସାମା ଏଞ୍ଜରି ନାମୁ ତାକି ଦାମ୍ଭୁଗାଟାରି ଆଡେରି । ୩୧ ସାମା  
 ଇସ୍ରାୟେଲ ଲକ୍ଷୁ ଦାମ୍ଭୁଗାଟାରି ଆହାଲି ଅଶ୍ଵାନା ମେରା ତଲେ ଦାମ୍ଭୁଗାଟାରି  
 ଆହାଲି ଆଡାଆଡେରି । ୩୨ ଏନାଆଁତାକି? ଇତିହିଁ ଏଞ୍ଜରି ନାମୁତଲେ  
 ଏଦାଆଁ ପାରାଆନା, କାମା ତଲେ ପାରିମାଡେରି । ଏଦାଆଁତାକି ଏଞ୍ଜରି  
 ଆଡ୍ଢିମାନି ଖାଲିତା ପୁଟି କିହାନା ତରୁଗିଡେରି । ୩୩ ସାସ୍ତେରିତା ରାସ୍ଵକି  
 ଆହାମାନେ; “ସିନିକିଦୁ, ମାମୁ ସିୟନତା ର ପୁଟିକିନି କଟା ଖାଲି ଇଞ୍ଜି ଆଡ୍ଢିନି  
 ପାକା ଖାଲି ଚେପାମାନମି, ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା  
 ବେଟାଆଅସି ।”

**୧୦** ଏ ତାୟି ତାଡ୍ଢିସ୍ତାଡେରି, ମା ଲକ୍ଷୁ ଏନିକିହିଁ ଗେଲ୍ପି ଆନେରି, ଏଦି ନା  
 ହିୟ୍ଡି ଅଶ୍ଵୁ, ଇଞ୍ଜି ଏଞ୍ଜାରି ତାକି ମାହାପୁରୁ ତାଣା ରଣ୍ଡିଏ ଅଶ୍ଵୁ ତଲେ ନା  
 ପ୍ରାତାନା । ୨ ଇତିହିଁ ମାହାପୁରୁ ସେବା କିହାଲି ଏଞ୍ଜାରିକି ହାରେକା ମନ ଅଡେ  
 ରାହାଁ ମାନେ, ଇଦାଆଁ ନାମୁ ଏଞ୍ଜାରି ଖାକିଟି ଝେସିମାଲ୍, ସାମା ଏ ମନ ଅଡେ  
 ରାହାଁ ବୁଦିଗାଗାୟି ଆଏ । ୩ ମାହାପୁରୁ ହାତି ଦାମ୍ଭୁତି ଜିରୁ ପୁନାଆନା ଜାହାରା  
 ତୀରି କିହାମାନି ଦାମ୍ଭୁତି ଜିରୁଟି ତାକାନା ମାହାପୁରୁ ହାତି ଦାମ୍ଭୁତି ଜିରୁଟି  
 ଆସିହିଲଅରି । ୪ କ୍ରୀସ୍ତୁ ମେରାତି ରାପ୍ନାସି, ଖାର୍ଜ ଏଞ୍ଜାଣି ତାଣା ନାମିସାରେ  
 ମାଶ୍ଵି ମାହାପୁରୁ ନକିତା ଦାମ୍ଭୁଗାଟାସି ଆନେସି । ୫ ମସା ରାତାମାନେସି,  
 “ଆମିନି ମାଶ୍ଵି ମେରା ମାନି କିହାନା ଦାମ୍ଭୁଗାଟାସି ଆନେସି, ଏଞ୍ଜାସି ଏମ୍ବାଟି  
 ନୀତିନେସି ।” ୬ ସାମା ନାମୁତଲେ ଦାମ୍ଭୁ ଗାଟାତାୟି ଆନାୟି ଇଞ୍ଜି ସାସ୍ତେରିତା  
 ରାସ୍ଵକି ଆହାମାନେ, “କ୍ରୀସ୍ତୁଲ୍ ରେପ୍ହା ତାତାଲି ତାକି ଆମ୍ବାଆସି ଲାକପୁରୁ  
 ହାଜାଲି ଆଡିନେସି?” ମୀରୁ ଇ କାତା ଏଲେଇନାଆଦୁ । ୭ ଇଞ୍ଜି “କ୍ରୀସ୍ତୁଲ୍  
 ହାତାରି ତାଣାଟି ନିକ୍ହା ତାତାଲି, ଆମ୍ବାଆସି ତାଡେପୁରୁ ହାନେସି? ଇ କାତା  
 ଜିକେଏ ମୀରୁ ଏଲେଇନାଆଦୁ ।” (Abyssos g12) ୮ ଏନାଆଁତାକି ଇତିହିଁ  
 ସାସ୍ତେରିତା ରାସ୍ଵକି ଆହାମାନି ଲେହେଁ, “ମାହାପୁରୁଟି ବଲୁ ମୀ ତାଣା ମାନେ,  
 ଅଡେ ମୀ ଗୁଟି ଇଞ୍ଜି ହିୟ୍ଡିତା ମାନେ, ଆମିନି ନାମୁଟି ବଲୁ ମାମୁ ଝେକ୍‌ହି  
 ମାନମି, ଏ ବଲୁ ।” ୯ ମୀରୁ ଜୀସୁଲ୍ ଗୁଟି ତଲେ ପ୍ରୁ ଇଞ୍ଜି ଜଲିଦେରି,  
 ଇଞ୍ଜି ମାହାପୁରୁ ଏଞ୍ଜାଣାଲ୍ ହାତାରି ତାଣାଟି ନିକ୍ହାମାନେସି ଇଞ୍ଜି ହିୟ୍ଡି ତଲେ  
 ନାମିସାରେ, ଆଡିହିଁ ମୀରୁ ଗେଲ୍ପି ଆଦେରି; ୧୦ ଇତିହିଁ ଦାମ୍ଭୁଗାଟି ଲକ୍ଷୁ  
 ଆହାଲି ମାଶ୍ଵି ହିୟ୍ଡି ତଲେ ନାମିନେସି, ଇଞ୍ଜି ଗେଲ୍ପି ଆହାଲି ଗୁଟି ତଲେ  
 ଜଲିନେସି । ୧୧ ଦାମ୍ଭୁ ସାସ୍ତେରିତା ରାସ୍ଵକି ଆହାମାନେ, “ଆମ୍ବାଆସି ଜିକେଏ

ତାନି ତାଣା ନାମିନେସି, ଏଞ୍ଜାସି ଲାଜା ବେଟାଆଅସି ।” ୧୨ ଜୀହୁଦି ଇଞ୍ଜି ଜୀହୁଦିଆଆତାରି ବିତ୍ରା ପାର୍ତ୍ତା ବାଟି କିନାୟି ହିଲେଏ; ବାରେଜାଣା ତାକି ରଣ୍ଡିଏ ପ୍ରବୁ ଏଚେକା ଲକୁ ଏଞ୍ଜାଣି ତାଣା ପ୍ରାତାନା କିନେରି, ବାରେ ଜାଣାକି ଏ କାର୍ମାମେହ୍ନାୟି ଆନେ । ୧୩ “ଆମ୍ବାଆସି ପ୍ରବୁ ଦରୁ ଆସାନା ପ୍ରାତାନା କିନେସି, ଏଞ୍ଜାସି ଗେଲ୍ପି ଆନେସି ।” ୧୪ ସାମା ଆମ୍ବାଆରାଇଁ ନାମା ହିଲଅରି ଏନିକିହିଁ ଏଞ୍ଜାରି ଏଞ୍ଜାଣି ତାଣା ପ୍ରାତାନା କିନେରି? ଇଞ୍ଜି ଏଞ୍ଜାଣି ନେହିଁ ବଲୁ ଖେନାଆନା ଏଞ୍ଜାରି ଏନିକିହିଁ ନାମିନେରି? ଝେକ୍ନାରି ଝେକ୍ନାଆସାରେ ଏ ବଲୁ ଏଞ୍ଜାରି ଏନିକିହିଁ ଝେନେରି? ୧୫ ଅଡେ ବଲୁ ଝେକ୍ନାଲି ତାକି ପାଣ୍ଡୁଝି ଆଆସାରେ ରଅସି ଏନିକିହିଁ ବଲୁ ଝେକ୍ନେସି? ଇ କାତା ସାସ୍ତେରିତା ରାସ୍କି ଆହାମାନେ, “ଆମିନି ଗାଟାରି ନେହିଁ ବଲୁଟି କାରୁ ତାନେରି ଏଞ୍ଜାରି କତାୟି ଏଚେକା ଅଜିତାଇ!” ୧୬ ସାମା ବାରେଜାଣା ଏ ନେହିଁ ବଲୁ ଆବା ହିଲଅରି, ଏଦାଆଁତାକି ଜିସାୟ ଏଲେଇଞ୍ଜି ମାନେସି, “ପ୍ରବୁ ମା ହାତା ଝେଞ୍ଜାନା ଆମ୍ବାଆସି ନାମା ମାନେସି?” ୧୭ ଏନିକିହିଁ ନାମୁ ଝେନି ତାଣାଟି ଝାନେ, ଅଡେ ଝେନାୟି କ୍ରାସ୍ତତି ନେହିଁ ବଲୁଟି । ୧୮ ସାମା ନାନୁ ଏଲେଇଇଁ, ଏଞ୍ଜାରି ଏନାଆଁ ଏ ବଲୁ ଝେଞ୍ଜାହିଲଅରି କି? ଝେଞ୍ଜାମାନେରି, ଏନାଆଁତାକି ଇତିହିଁ ସାସ୍ତେରିତା ରାସ୍କି ଆହାମାନେ; “ଏଞ୍ଜାରି ହାତା ବାରେ ଦାର୍ତ୍ତିତା ଝେଞ୍ଜାମାନେ, ଏଞ୍ଜାରି କାତା ବାରେ ଦାର୍ତ୍ତି ମୁବ୍ପୁଲି ପାଚେକା ଝେଞ୍ଜାମାନେ ।” ୧୯ ଅଡେ ର ଦେବା ନାନୁ ଝେଞ୍ଜାଲି ଅଣ୍ପିମାଇଁ, ଇସାୟେଲ ଲକୁ ଏଦାଆଁ ତେଲ୍ହାଲି ଆତାଆଚେରି କି? ହାରେକା ବାର୍ସା ନକେଏ ମସା ଇ କାତା ଝେସାମାନେସି, “ମା ଲକୁଣି କାର୍ବି କିହାଲିତାକି ର ଉଣା କୁଡାତି ଲେମ୍ପିନମି, ଏଲେକିହିଁ ଏ ବୁଦି ହିଲଆଗାଟି କୁଡା ତଲେ ଏଞ୍ଜାରାଇଁ କାର୍ବି କିଝି କିନମି ।” ୨୦ ଅଡେ ଜିସାୟ ସାସାତଲେ ଝେସାମାନେସି, “ଆମିନି ଗାଟାରି ମାଢ୍ଫେ ପାରିମାଞ୍ଜାଆଚେରି, ଏ ଲକୁ ମାଢ୍ଫେ ବେଟାଆୟାଚେରି; ଆମିନି ଗାଟାରି ମା କାତା ଝେଞ୍ଜାମାଞ୍ଜାଆଚେରି, ଏଞ୍ଜାରି ନକିତା ମାମୁ ତଞ୍ଜାଆତମି ।” ୨୧ ସାମା ଏଞ୍ଜାସି ଇସାୟେଲ ଲକୁଟି କାତା ଝେସାମାନେସି, “ର ମାନି କିଆନା ନା କପାଟି ନିଢ୍ଫୁନି କୁଡାତି ନାନୁ ଝେଡା ତୁମ୍ପେ କେୟୁ ଦାସା ମାଇଁ ।”

୧୧ ଅଡେ ନାନୁ ଝେଞ୍ଜାଲି ଆଡିଇଁ, ଆଡିହିଁ ମାହାପୁରୁ ତାନି ଲକୁଣି ପିସାମାନେସି କି? ଏଲେଆହିଁ ଏଚେଲ୍ଲା ଜିକେଏ ଆଆପେ, ଏନାଆଁତାକି ଇତିହିଁ ନାନୁ ଜିକେଏ ଅବ୍ରାହାମତି କୁଡାତା ଜାର୍ନାଆଡି ବିନ୍ୟାମିନ୍ ଗତିତି

ଇସ୍ରାୟେଲ ଲକ୍ଷ୍ମଣେ । ୨ ମାହାପୁରୁ ତଲିଟିଏ ବାତି କିହାଁ ହାଟାମାନି ତାନି  
 ଲକ୍ଷ୍ମଣି ଏତେଲା ଜିକେଏ ପିସାହିଲଅସି, ମୀରୁ ଦାର୍ମୁ ସାସ୍ତେରିତା ପଡ଼଼ି  
 ଆହାହିଲଅତେରି? ଏନିକିହିଁ ଏଲିୟ ମାହାପୁରୁ ନକିତା ଇସ୍ରାୟେଲ ଲକ୍ଷ୍ମଣ  
 କପାତଲେ କାତା ଜଲମାତେସି, ୩ “ପ୍ରବୁ ଏଞ୍ଜାରି ମାହାପୁରୁ ଅଣ୍ଟପୁତି ବଲୁ  
 ଖେହନାରାଇଁ ଏନିକିହିଁ ପାୟାମାନେରି ଇଞ୍ଜା ପୂଜା ପିଣ୍ଡାଣି ଡିକହାନା ନାସ଼ି  
 କିହାମାନେରି, ଖାରଇ ନାନୁ ରଅତେଏଁ ଗେଲ୍ପି ଆହାମାଇଁ; ଏଞ୍ଜାରି ନା  
 ଜୀ଼ୁ ଜିକେଏ ଅହାଲି ଅଣ୍ଟପିମାଞ୍ଜାନେରି ।” ୪ ଏଲିୟଇଁ ମାହାପୁରୁ ଖେଣ୍ଡେ  
 ଏନାଆଁ ଏଲେଇତେସି, “ନାଡ଼ିକିନି ବାଲ୍ ଯେନୁ ପୂତଲ୍ ନକିତା ମେଣ୍ଡା  
 କୁତା ହିଲଅରି ଇଲେତି ସାତା ମାଣା ଲକ୍ଷ୍ମଣି ମାଢ୍ଢେତାକି ଇଟାମାନମି ।” ୫  
 ଏଲେକିହିଁଏ ନାଏଁ ଜିକେଏ କାର୍ମାମେସାନା ଆଟାମାତେସି, ଏଞ୍ଜାରି ବିତ୍ରାଟି  
 ଏତର ଜାଣାଦେଁ ମାନେରି । ୬ ସାମା ତାନି କାର୍ମାମେହ୍ନି ଡାଣାଟି ଆତିହିଁ, ଏଦି  
 କାମାଲଡ଼ା ତାକି ଆହାଲି ଆତେଏ; ଇଞ୍ଜା ତାନି କାର୍ମାମେହ୍ନାୟି ସାତା ତଲେ  
 କାର୍ମାମେହ୍ନାୟି ଆଏ । ୭ ଆତିହିଁ ଏନାଆଁ ଆତେ? ଇସ୍ରାୟେଲତି ଲକ୍ଷ୍ମଣ ଏନାଆଁ  
 ପାରିମାତେରି, ଏଦାଆଁ ବେଟାଆତେରି; ଖାରଇ ମାହାପୁରୁ ଆଟାମାନି  
 ଏତରଜାଣା ଲକ୍ଷ୍ମଣ ଏଦାଆଁ ବେଟାଆତେରି, ଏଟକାତାରି ଆମ୍ବାଆରି ଜିକେଏ  
 ମାହାପୁରୁ ହାଟାମାନାଣି ମନ ହାଆତେରି । ୮ ସାସ୍ତେରିତା ରାସ୍କି ଆହାମାନେ,  
 “ମାହାପୁରୁ ନୀଞ୍ଜୁପାତେକା ଏଞ୍ଜାରାକି ଆ଼ଞ୍ଜା ଜୀ଼ୁ ହାହାମାନେସି, ଅଡ଼େ  
 ଇଲେତି କାଣ୍ଟା ହାହାମାନେସି, ଏନିକିଁ ଏଞ୍ଜାରି ମେସାଲି ଆତି ହିଲଅରି,  
 ଅଡ଼େ ଇଲେତି କାର୍ମା ହାହାମାନେସି ଏଞ୍ଜାରି ଖେଞ୍ଜାଲି ଆତିହିଲଅରି ।” ୯  
 ଏଞ୍ଜାରି କାତା ଦା଼ୁଦ ରାଟାମାନେସି, “ଏଞ୍ଜାରି ପାର୍ବୁତି ରାନ୍ନା ତିନା ଉନାଟି  
 ପାନ୍ନାତା ରିପାରି, ଏଞ୍ଜାରି ତରଗାନା ତଣ୍ଡୁ ବେଟାଆପେରି । ୧୦ ଏଞ୍ଜାରି  
 ଏନିକିଁ ମେସାଲି ଆଡ଼ଅରି, ଏଦାଆଁତାକି ଏଞ୍ଜାରି କାଣାୟି ଆପେରି, କାଲେଏ  
 ଦୁକୁ କସ୍ତୁ ବେଟାଆହାନା ଏଞ୍ଜାରି ଟେଡେଲି ଚୁଡ଼ୁଞ୍ଜା ଆପେ ।” ୧୧ ନାନୁ  
 ଏଲେ ଇଞ୍ଜାମାଇଁ, ଏଞ୍ଜାରି ନାସ଼ି ଆହାଲି ପୁଟି କିହା ମାନେରି କି? ଆଏ  
 ଏତେଲା ଜିକେଏ ଆଆପେ, ସାମା ଏଞ୍ଜାରି ପାପୁ କିତାକି, ଏଞ୍ଜାରାଇଁ କାର୍ବି  
 କିହାଲିତାକି ଜୀହୁଦିଆଆତାରି ନକିତା ଗେଲ୍ପିଆନି ଅଦିକାରା ମେଡ଼ାଆତେ ।  
 ୧୨ ଜୀହୁଦି ଲକ୍ଷ୍ମଣି ପାପୁ ଦାର୍ତତି ବାରେ ଲକ୍ଷ୍ମଣାକି ହାରେକା ବାଡ଼କୁ ଲେହେଁ  
 ଆହାମାନେ, ଜୀହୁଦି ଲକ୍ଷ୍ମଣି ରିତାକି ଜୀହୁଦିଆଆତି ଲକ୍ଷ୍ମଣାକି ବର ହାରେଏ  
 ଗାତି ଲାବା କିହାମାନେରି, ଇଞ୍ଜା ବାରେ ଜୀହୁଦି କୁତା ଗେଲ୍ପି ଆତିହିଁମା

ଏମ୍ବାଟି ଏତେକା ଗାତି ବର ବେଟାଆଅରି! ୧୩ ଜୀହୁଦିଆଆତି ଲକୁଣି ନାନୁ ଏଲେ ଇଞ୍ଜିମାଲ୍, ନାନୁ ଜୀହୁଦିଆଆତି ଲକୁଟାକି ପାଣ୍ଡୁଞ୍ଜି ଆହାମାନାକି ନା ସେବା କାମାତି ପାଣା ତାକି ନାନୁ ବତପଣ ଆହିମାଲ୍ । ୧୪ ଏନିକିହିଁ ଆପେ ଜାହାରା କୁଡ଼ାତି ଲକୁଣି ରାହାଁ କିଞ୍ଜିକିହାନା ଏଞ୍ଜାରି ତାଣାଟି ଏତର ଜାଣାଲ୍ ଗେଲ୍ପାଲି ଆତିଲ୍ । ୧୫ ଏନାଆଁତାକି ଇତିହିଁ ଏଞ୍ଜାରି ପିସ୍ପିଆତାକି ଦାର୍ତି ତଣେ ଆତେ । ଆତିହିଁ, ମାହାପୁରୁ ବାରେ ଜୀହୁଦି କୁଡ଼ାତି ଆବିସାରେ, ଏଦାଆଁତି ପାଡ଼େୟି ଏନାଆଁ ଆନେ? ଏଦି ହାତି ମାଣ୍ଡି ଜୀହୁ ବେଟାଆତି ଲେହେଁ । ୧୬ ରଚାଣି ରୁଟି ମାହାପୁରୁ ଦରୁତଲେ ହେର୍ପି ଆହାମାତିହିଁ, ବାରେ ରୁଟି ଜିକେଏ ହେର୍ପି ଆହାମାନେ ଇଞ୍ଜି ଇନାୟି; ର ମାର୍ନୁତି ହୀରୁ ହେର୍ପି ଆହାମାତିହିଁ, ଏଦାଣି କମା କାନ୍ତି ଜିକେଏ ହେର୍ପି ଆହାମାନୁ ଇଞ୍ଜି ଅଣ୍ଡିନାୟି । ୧୭ ସାମା ଏତେକା କମାୟି ରାତ୍ପି ଆରୁ ଅଡ଼େ ମୀରୁ ଜାଡ଼ାତି ଜାତ ମାର୍ନୁତି କମାୟି ଆଡ଼ିଜିକେଏ ଏ ବିତ୍ରା ଦୁସ୍ପିଆତେରି, ଅଡ଼େ ଏଞ୍ଜାରିତଲେ ଜାତ ମାର୍ନୁତି ତାକିତି ରାସାତା ଆଣ୍ଡିତେରି । ୧୮ ଆତିହିଁ ଏ କମାୟି କପାତଲେ ବତପଣ ଆଆଦୁ: ସାମା ମୀରୁ ବତପଣ କିଦେରି, ମୀରୁ ମାର୍ନୁତି ତାକିତି ଆସା ହିଲଅତେରି, ସାମା ତାକି ମିଡ୍ରେ ଆସାମାଞ୍ଜାନେ, ଇଦାଆଁ ମୀରୁ ପୁଞ୍ଜା ଡ଼ୟାଦୁ । ୧୯ ଆତିହିଁ ମୀରୁ ଏଲେଇଞ୍ଜାଲି ଆଡ଼ିଦେରି, “ନାଡ୍ରେ ଟାୟୁ ହୀହାନା ଦୁର୍ସାଲି ତାକି ଏ କମାଣି ରାତ୍ପି ଆହାମାରୁ ।” ୨୦ ଏଦି ସାତା, ଏଞ୍ଜାରି ନାମାଆଲିଏ ରାତ୍ପି ଆତେରି, ମୀରୁ ଖାର୍ଇ ନାମାଲିଏ ଏ ଟାୟୁ ଅଦିକାରା କିହାମାଞ୍ଜେରି, ସାମା ବତପଣ ଆଆନା ଆଜାଦୁ: ୨୧ ମାର୍ନୁତା ଗାଲ୍ହାମାନି କମାୟି ଲେହେଁ ଜୀହୁଦି ଲକୁଣି ମାହାପୁରୁ ତଣ୍ଡୁ ହୀଆନା ପିସାହିଲଅସି ଇତିସାରେ, ଏଞ୍ଜାସି ମିଡ୍ରେ ଜିକେଏ ପିସ୍ପୁଅସି । ୨୨ ଇମ୍ବାଆଁ ସିନିକିନି କାତା, ମାହାପୁରୁ ଏନିକିହିଁ କାର୍ମା ମେହ୍ନାସି ଇଞ୍ଜି କାର୍ବି ଆନାସି; ଆମ୍ବାଆରି ପାପୁତା ତରୁଗା ମାନେରି, ଏଞ୍ଜାରାଲ୍ ଏଞ୍ଜାସି କାର୍ବି ଆନେସି; ସାମା ଏତରଦିନା ପାତେକା ତାନି କାର୍ମାମେହ୍ନି ତାଣା ଡ଼ୟିଦେରି, ଏତରଦିନା ମିଡ୍ରେତାକି କାର୍ମା ମେସ୍ତାନାସି, ତାନି କାର୍ମାମେହ୍ନାଣି ଜାକ୍ହିସାରେ; ମୀରୁ ଜିକେଏ ରାତ୍ପି ଆଦେରି । ୨୩ ଜୀହୁଦି ଲକୁ ଏଞ୍ଜାରି ନାମୁତି ପିହ୍ଅରି, ଆତିହିଁ ଏଞ୍ଜାରି ତଲିମାତି ଟାୟୁତା ଖେଣ୍ଡେ ତାରି ଆନେରି । ମାହାପୁରୁ ଇଦାଆଁ କିହାଲି ଆଡ଼ିମାନେସି । ୨୪ ଜୀହୁଦିଆଆତି ଲକୁ ଜାଡ଼ାତି ଜାତ ମାର୍ନୁତି ଗମାୟି ଲେହେଁ । ଏଞ୍ଜି ରାତ୍ପି ଆହାନା ଏମ୍ବାତାଇ ଆଆତି

ଜିକେଏ ବାଡ଼ାତା ପାତିକିହାମାନି ଜୀତ ମାର୍ନୁ ତଲେ ଦୁସ୍‌ପି ଆହାମାନୁ  
 । ଜୀହୁଦି କୁଡ଼ାତି ଲକୁ ବାଡ଼ାତା ପାତିକିହାମାନି ଜୀତ ମାର୍ନୁ ଲେହେଁ ।  
 ଇ ମାର୍ନୁତି ରାଦ୍‌ପି ଆହାମାନି ଗମାଣି ଖେଣ୍ଟେ ମାର୍ନୁ ତଲେ ଦୁର୍‌ସାଲି  
 ମାହାପୁରୁ ଆଡ଼ିନେସି । ୨୫ ଏ ତାୟି ତାଢ଼ିସ୍ତାତେରି, ମୀରୁ ଏନିକିଁ ମିଢ଼େତାକି  
 ମୀରୁଏ ବୁଦିଗାଟାତମି ଇଞ୍ଜି ଅଣ୍‌ପଅତେରି, ଇଦାଆଁତାକି ମୀରୁ ଇ ଦୁଗାମାନି  
 କାତାତି ପୁନାଆନା ମାଣ୍‌ମେରି ଇଞ୍ଜି ନା ମନ ହିଲେଏ, ଇତିହିଁ ଜୀହୁଦିଆଆତି  
 ଲକୁ ବାରେ ହୁଡ଼ାଆ ପାତେକା ଇସ୍ତାୟେଲତି ଏତେକା ଲକୁ ନାମାଆନା  
 ଡ଼ୟିନେରି; ୨୬ ଇଲେଆହିଁ ବାରେ ଇସ୍ତାୟେଲ ଲକୁ ଗେଲ୍‌ପି ଆନେରି,  
 ଏନିକିଁ ରାସ୍‌କି ଆହାମାନେ, “ଗେଲ୍‌ପି କିନାସି ସିୟନଟି ଝାନେସି, ଜାକୁବ  
 କୁଡ଼ାତା ମାନି ବାରେ ଲାଗେଏତାଣି ହେକ କିନେସି । ୨୭ ଏତିବେଲା ନାନୁ  
 ଏଝାରି ପାପୁ ବାରେ ହେକ କିଇଁ, ଏତିବେଲା ଏଝାରିତଲେ ଇ ରାଜିମାନା  
 କିନମି ।” ୨୮ ନେହିଁ କାରୁତି ଆହୁଆ ଜୀହୁଦି ଲକୁ ମିଢ଼େତାକି ମାହାପୁରୁକି  
 ସାତୁୟିଁ ଆହାମାନେରି, ସାମା ମାହାପୁରୁ ଆଗାମାନି ଆକୁ ଆବାୟିଁ ତାକି  
 ଏଝାରି ମାହାପୁରୁକି ଜୀଝୁ ନନାରି ଆହାମାନେରି । ୨୯ ଇତିହିଁ ମାହାପୁରୁ  
 ଆଗାମାନାୟି ଅଡ଼େ ତାନି କାର୍ମାତି ଦାନା ଏତେଲାଝା ଉଜେଏ ଆଏ । ୩୦  
 ଜୀହୁଦିଆଆତି ଲକୁତେରି ତଲି ମୀରୁ ମାହାପୁରୁଇଁ ମାନି କିହାହିଲାଆତେରି;  
 ସାମା ନୀଏଁ ଜୀହୁଦି ଲକୁ ମାନି କିଆତାକି ମାହାପୁରୁତି କାର୍ମାମେହନାଣି  
 ବେଟାଆତେରି, ୩୧ ଏଲେଆହିଁଏ ଏଝାରି ଜିକେଏ ନୀଏଁ ମାନି କିହାହିଲଅରି,  
 ଏନିକିହିଁ ମିଢ଼େତାକି ଡ଼ଞ୍ଜାଆହାମାନି କାର୍ମାମେହନାଣି ତଲେ ଏଝାରି ଜିକେଏ  
 ନୀଏଁ କାର୍ମାମେହନାଣି ବେଟାଆନେରି । ୩୨ ଏନିଇତିହିଁ ମାହାପୁରୁ ବାରେ  
 ଜାଣାଇଁ କାର୍ମା ମେସାଲି ତାକି ମାହାପୁରୁ ବାରେଜାଣାତି ମାନି କିଆରେଟୁ  
 ହେର୍‌ପା ମାନେସି । (e1e5e g1653) ୩୩ ଅହତା! ମାହାପୁରୁତି ବୁଦି ଇଞ୍ଜି ପୁନି  
 ବାଡ଼ୁୟୁ ଏତେକା କାଜାୟି! ତାନି ଅଣ୍‌ପୁତି ଆମ୍ବାଆସି ତେଲ୍‌ହି କିୟାନେସି?  
 ଇଞ୍ଜି ତାନି ଜିରୁତି ଆମ୍ବାଆସି ପୁଞ୍ଜାଲି ଆଡ଼ିମାନେସି? ୩୪ ସାସ୍ତେରିତା ରାସ୍‌କି  
 ଆହାମାନେ; “ଆମ୍ବାଆସି ମାହାପୁରୁତି ଅଣ୍‌ପୁତା ମାନାଣି ତେଲ୍‌ହିନେସି?  
 ଆମ୍ବାଆସି ଏଝାଣାଇଁ ଖେସାଲି ଆଡ଼ିନେସି? ୩୫ ମାହାପୁରୁକି ଆମ୍ବାଆସି  
 ଏତେଲା ଏନାଆଁ ହାହାମାନେସି, ଏଦାଆଁତାକି ଏଝାଣାକି ଏଝାସି ଖେଣ୍ଟେ  
 ହାନାୟି ମାନେ?” ୩୬ ବାରେ ଗାଡ଼ି ଆତାୟି ତାନିଡ଼ାଣାଟି, ତାନି କେୟୁତଲେ,

ଅଡ଼େ ତାଡ଼େତାକି ଆହାମାନେ; କାଲାକାଲା ତାକି ଏଞ୍ଜାଣାକି ଗାଞ୍ଜୁରମି ଆପେ।  
ଆମେନ୍ । (aiōn g165)

**୧୨** ଇଦାଆଁତାକି ତାୟି ତାଢ଼ିସ୍ତାତେରି, ମାଡ଼େତାକି ମାହାପୁରୁତି ହାରେକା  
କାର୍ମାମେହନାଣି ତାକି ମିଡ଼େ ନାନୁ ବାତିମାଲିମାଞ୍ଜାଈ, ମୀରୁ ମୀ ଆଡ଼୍ଠାତି  
ଜୀଞ୍ଜୁ, ସୁଦୁ ତଲେ ଇଞ୍ଜାଁ ମାହାପୁରୁ ଅପିନି ଲେହେଁତି ପୂଜା ହୀଦୁ, ଇଦିଏ  
ମାହାପୁରୁତି ସାତା ସେବା । ୨ ମୀରୁ ଇ ଜୁରୁତି ମାଣ୍ଡକିତା ମାନାଆଦୁ,  
ସାମା ଏନିକିହିଁ ମାହାପୁରୁତି ଅଶ୍ଵପୁ ଏନାୟି, ଇତିହିଁ ନେହାୟି, ଅପିନାୟି  
ଇଞ୍ଜାଁ ଟିକ୍ଠାତାୟି ଏନାୟି, ଇଦାଆଁ ତାୟିପାରି କିହାନା ପୁଞ୍ଜାଲି ଆତିଦେରି,  
ଇଦାଆଁତାକି ମୀ ହିୟାଁତି ପୁଞ୍ଜି କିହାନା ବାଦ୍ଠଲି କିଦୁ । (aiōn g165) ୩

ମାହାପୁରୁ ନାଡ଼େ କାର୍ମାମେହନାଣି ହୀହାମାଞ୍ଜାନାକି ବାରେଜାଣା ତେରି  
ମିଡ଼େ ନାନୁ ଝେସିମାଞ୍ଜାଈ, ଆମ୍ବାଆତେରି ଜିକେଏ ମୀ ତାକି ମୀରୁ ଏନିକି  
ଅଶ୍ଵିନାୟି ମାନେ ଏଦାଆଁ କିହାଁ କାଜାତମି ଇଞ୍ଜାଁ ଅଶ୍ଵପାଆଦୁ: ସାମା ମାହାପୁରୁ  
ଆମ୍ବାଆରାକି ଏତେକା ନାମୁ ହୀହାମାନେସି, ଏଲେକିହିଁଏ ବାରେଜାଣା  
ପୁଞ୍ଜାକତିନି ଲେହେଁ ମୀ ତାକି ମୀରୁ ଅଶ୍ଵପା କତାଦୁ । ୪ ଇତିହିଁ ଏନିକିଁ ମୀ  
ଆଡ଼୍ଠାତା ହାରେକା ଆଡ଼୍ଠା ଅଡ଼େଲିକା ମାନୁ, ସାମା ବାରେ ଆଡ଼୍ଠା ଉଡ଼େଲିକାତି  
କାମା ରଲେଏତାୟି ଆଏ । ୫ ଏଲେଆହିଁଏ, ମୀର ହାରେକା ଜାଣାତାୟି,  
ସାମା ବାରେଜାଣା କ୍ରୀସ୍ତ ତଲେ ଆଣ୍ଠାମାନାକି, ମୀର ରଣ୍ଡିଏ ଆଡ଼୍ଠା ଇଞ୍ଜାଁ  
ଆଡ଼୍ଠାତି ଆଡ଼୍ଠା ଉଡ଼େଲିକା ଲେହେଁ ମୀର ରଅସି ରଅଣା ତଲେ ଆଣ୍ଠାମାନାୟି ।  
୬ ଏଦାଆଁତାକି ମାଡ଼େ ମାହାପୁରୁ ହୀହାମାଞ୍ଜାନି କାର୍ମାତଲେ ହାରେକା ଦାନା  
ବେଟା ଆହାମାନାୟି, ମୀର ମାହାପୁରୁତି ବଲୁ ଝେକ୍ଠାଲି ତାକି ବାଡ଼୍ଠୟୁ ବେଟା  
ଆହାମାନାୟି, ମୀର ଆବ୍ଝା ନାମୁତଲେ ଏ କାମା କିନାୟିମାନେ; ୭ ଏଦାଆଁ  
ସେବା କାମା କିହାଲି ବାଡ଼୍ଠୟୁ ବେଟାଆହାମାନାୟି, ଆତିହିଁ ମୀର ସେବା କାମା  
କିନାୟିମାନେ; ଜାପ୍ଠାଲି ବାଡ଼୍ଠୟୁ ବେଟାଆହାମାନାୟି, ଆତିହିଁ ଜାପ୍ଠାୟି  
ମାନେ; ୮ ବାସ୍ଠିତି କାତା ଝେସାଲି ବାଡ଼୍ଠୟୁ ବେଟାଆହାମାତିହିଁ, ବାସ୍ଠିତି କାତା  
ଝେସ୍ଵାସି; ଦାନା କିହାଲି ବାଡ଼୍ଠୟୁ ବେଟାଆହାମାନି ମାଣ୍ଡସି ରାହାଁତଲେ ଦାନା  
ହୀପେସି । ଏବ୍ଠକା ଲୁକୁତି କାମାତି ସିନିକିହାଲି ଅଦିକାରା ବେଟାଆହାମାତିହିଁ  
ଝାହୁତଲେ କାମା କିନାୟିମାନେ; ଆମ୍ବାଆସି କାର୍ମା ମେହନାସି, ରାହାଁ ମନତଲେ  
ସାୟେମି କିପାସି । ୯ ଜୀଞ୍ଜୁନାୟି କୁଟୁ ହିଲାଆଗାତାୟି ଆପେ; ଏନାୟି  
ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି ଏଦାଆଁ ଆହୁଦୁ; ୧୦



କ୍ରୀସ୍ତ ନାମୁତି ତାୟି ତାଢ଼ି ଲେହେଁ ରଥତେରି ରଥଣାଈଁ ଜୀସୁ ନଦୁ: ଇଞ୍ଜି  
 ରଥତେରି ରଥଣାଈଁ ମାନି କିହାଲି ରାହାଁ ଆଦୁ: ୧୧ ରାହାଁତା ଉଣା ଆଆଦୁ:  
 ସୁଦୁଜୀସୁତା ପାର୍ଯ୍ୟାତା ଆହାଁ ଡ଼ୟାଦୁ: ହିୟାଁ ଜୀସୁ ହୀହାନା ପ୍ରବୁଈଁ ସେବା  
 କିଦୁ । ୧୨ ବାସୁଁ ଇଟାନା ରାହାଁ କିଦୁ: ଦୁକୁ କସ୍ତ ବେଲତା ସାସା ଆହଦୁ:  
 ଜମାଆନା ପ୍ରାତାନା କିଦୁ: ୧୩ ମାହାପୁରୁ ଲକୁକି ଲଡ଼ାମାନାଣି ସାୟେମି କିଦୁ:  
 ଇଜ ଖାନି ଗତାୟାଣି ସେବା କିଦୁ । ୧୪ ଆମ୍ବାଆରି ମିଢ଼େ ସାସୁ ହିୟାନେରି,  
 ଏଖାରି ନେହେଁତାକି ମାହାପୁରୁ ତାଣା ପ୍ରାତାନା କିଦୁ: ଏଖାରାକି ବର ହୀଦୁ:  
 ବାକା ଇଟାଆଦୁ । ୧୫ ଆମିନି ଗାଟାରି ରାହାଁ କିନେରି ଏଖାରିତଲେ ରାହାଁ  
 କିଦୁ: ଆମ୍ବାଆରି ଡ଼ାନେରି ଏଖାରିତଲେ ଡ଼ୀଦୁ । ୧୬ ବାରେଜାଣା ରଣ୍ଡିଏ  
 ଅଣ୍ପୁ ଅଣ୍ପାଦୁ, ଖାରୁଇ କାଜାରି ତଲେ ଡ଼ଣେ ଦହ୍‌ଆନା ଇଟାରି ତଲେ  
 ଜିକେଏ ଆଣ୍ଡ଼ି ଆହାନା ମାଞ୍ଜୁ । ମୀରୁ ମୀ ବୁଦିତଲେ ବୁଦିଗାଟାତମି ଇଞ୍ଜି  
 କଡ଼ାଆଦୁ । ୧୭ ଆମ୍ବାଆସି ମିଢ଼େ ଲାଗେଏ କିୟାତିହିଁ, ଏଖାଣାଈଁ ଲାଗେଏ  
 କିଆଦୁ: ବାରେ ଲକୁ ନକିତା ଏନାୟି ନେହାୟି, ଏଦାଆଁ କିଦୁ । ୧୮ ଆତିତିହିଁ  
 ବାରେଜାଣା ତଲେ ହିଡ଼ି ତଲେ ନୀତାବାଡ଼କାଲି ତାକି ଏନି କିନାୟିମାନେ  
 ଏଲେକିଦୁ । ୧୯ ଏ ଜୀସୁତି ଡ଼ଣେସିଢ଼ା, ମୀରୁ ଆମ୍ବାଆରି କପାତି ବାଦୁଲି  
 ଆଆଦୁ । ମାହାପୁରୁତି କପାତି ଲକୁ ଆହାଲି ପିସାଡୁହଦୁ । ଏନାଆଁତାକି ଇତିହିଁ  
 ସାସ୍ତେରିତା ରାସକି ଆହାମାନେ, ପ୍ରବୁ ଏଲେଇଞ୍ଜି ମାନେସି, “ବାଦୁଲି ଅନାୟି  
 ନା ଅଦିକାରା, ନାନୁ ତାମି କାମାତି ପାଡ଼େୟି ହାଇଁ ।” ୨୦ ଅଡ଼େ ଜିକେଏ,  
 “ମୀ ସାଡୁ ହାକି ଆହାମାତିସାରେ, ଏଖାଣାକି ତିଞ୍ଜାଲି ହୀଦୁ: ଏଖାସି ଏସକି  
 ଆହାମାତିସାରେ ଗସାଲି ହୀଦୁ: ଇଲେ କିତିସାରେ ଏଖାଣିଲାକ ଡ଼ାଞ୍ଜିମାନି  
 ହିରୁତି ରାଢ଼ାୟାଁ ଏକହି ମାଞ୍ଜେରି ।” ୨୧ ଲାଗେଏତି କାମା ତଲେ ଜୀଣା  
 ଆଆନା, ନେହିଁ କାମା ତଲେ ଲାଗେଏତି କାମାତି ଜୀଣା ଆଦୁ ।

**୧୩** ବାରେଜାଣା ସାଲଖି କିନାରାଈଁ ମାନି କିନାୟିମାନେ, ଏନାଆଁତାକି  
 ଇତିହିଁ ମାହାପୁରୁତି ହେଲ ଆଆତିହିଁ ଆମ୍ବାଆସି ଜିକେଏ ସାଲଖି କିନି ପାଣା  
 ବେଟାଆଆସି, ପାଣାତା ମାନି, ସାଲଖି କିନାରି ମାନେରି; ଏଖାରି ମାହାପୁରୁ  
 ତାଣାଟି ଆଡ଼ି ଆହାମାନେରି । ୨ ଏଦାଆଁତାକି ଆମ୍ବାଆସି ପାଣାତା  
 ମାନି ସାଲଖି କିନାରି କପାତଲେ ନିଢ଼ିନେସି, ଏଖାସି ମାହାପୁରୁ ମେରାତି  
 କପାତଲେ ନିଢ଼ିନେସି; ଆମ୍ବାଆରି ଏଲେକିନେରି ଏଖାରି ତାମୁ ତାମ୍‌ଡ଼େ ଡ଼ଣୁ  
 ବେଟାଆହାଲି ତାକି କିନେରି । ୩ ଇତିହିଁ ସାଲଖି କିନାରି ନେହିଁ କାମାତାକି

ଆଜିଗାଟାରି ଆଏ, ସାମା ଲାଗେଏତି କାମାତାକି ଆଜିଗାଟାରି ଆନେରି । ସାଲଝି କିନାରାଇଁ ଆଜାଆନା ଡୟାଲି ମନ ମାନେକି? ଆତିହିଁ ନେହିଁ କାମା କିଦୁ, ଆତିହିଁ ଏଞ୍ଜାରି ତାଣାଟି ନେହିଁ ବେଟାଆଦେରି, ୪ ମୀ ନେହିଁ ତାକି ଏଞ୍ଜାସି ମାହାପୁରୁତି ସେବା କାମା କିନାସି ଅହାମାନେସି । ସାମା ମୀରୁ ଲାଗେଏତି କାମା କିଦେରି, ଆତିହିଁ ସାଲଝି କିନାଣାଇଁ ଆଜାଦୁ, ଏନାଆଁତାକି ଇତିହିଁ ଏଞ୍ଜାସି ଉଜେଏ କାଣ୍ଡା ଆହୁଅସି, ଏନିଇତିହିଁ ଏଞ୍ଜାସି ମାହାପୁରୁତି ସେବା କିନାସି, ଇତିହିଁ ଏଞ୍ଜାସି ତାନି କପାତଲେ ଲାଗେଏତି କାମା କିନାରାକି ତଣ୍ଡ ହୀନାସି । ୫ ଏନିଇତିହିଁ, ଖାର୍‌ଇ କାର୍‌ବିତି ଆଜିତାକି ଆଏ, ସାମା ମା ହିୟାତା ମାନି ଅଶ୍‌ପୁ ପୁଞ୍ଜାହାଁ ସାଲଝି କିନାରି କାତା ମାନି କିନାୟିମାନେ । ୬ ଇଦାଆଁତାକି ମୀରୁ ସିସୁ ଜିକେଏ ହୀହିମାଞ୍ଜେରି, ଏନାଆଁତାକି ଇତିହିଁ ମାହାପୁରୁତି ସେବା କିନେରି ଲେହେଁ ଆହାନା ସାଲଝି କିନି କାମା ଜିକେଏ କିନେରି । ୭ ଏଦାଆଁତାକି ଏଞ୍ଜାରି ଏନାଆଁ ବେଟାଆନାୟି ମାନେ, ଏଦାଆଁ ହୀଦୁ: ଆମ୍ବାଆରାକି ସିସୁ ହୀନାୟି ମାନେ ଏଞ୍ଜାଣାକି ସିସୁ ହୀଦୁ: ଆମ୍ବାଆରାକି ଆସ୍‌ଲି ହୀନାୟି ମାନେ ଏଞ୍ଜାଣାକି ଆସ୍‌ଲି ହୀଦୁ: ଆମ୍ବାଆରାଇଁ ଆଜିନାୟି ମାନେ ଏଞ୍ଜାଣାଇଁ ଆଜାଦୁ: ଆମ୍ବାଆରାଇଁ ମାନି କିନାୟିମାନେ ଏଞ୍ଜାଣାଇଁ ମାନି କିଦୁ । ୮ ରଅତେରି ରଅଣାଇଁ ଜୀଝୁ ନଝିଆନି ପିସ୍‌ପେ ଅଡେ ଏନଞ୍ଜା ଆମ୍ବାଆରି ତାଣା ଜିକେଏ ରୀଣା ଆଆଦୁ: ଏନାଆଁତାକି ଇତିହିଁ ଆମ୍ବାଆସି ଏଟ୍‌କାତାଣାଇଁ ଜୀଝୁ ନନେସି, ଏଞ୍ଜାସି ମସାତି ମେରା ମାନଝି ଆହିମାନେସି । ୯ “ଦାରି କିଆଦୁ, ଲକ୍‌ଣି ପାୟାଆଦୁ, ସରୁ କିଆଦୁ, ଏଟ୍‌କା ଲକ୍‌କୁତି ଦିଶ୍‌ସୁତି ଜୁପ୍‌କା ଆଆଦୁ.” ଇ ବାରେ ହୁକୁମି ର ହୁକୁମିତା ମାନେ, “ପାଡ଼ିତି ଲକ୍‌କୁଇଁ ମୀ ଜୀଝୁତି ଜୀଝୁ ନହାଁ କତିନି ଲେହେଁ ଜୀଝୁନଦୁ ।” ୧୦ ଜୀଝୁନନାୟି ପାଡ଼ିତି ଲକ୍‌କୁତି ଲାଗେଏ କିଏ; ଏନିଇତିହିଁ ଜୀଝୁନନାୟି ମସାତି ମେରା ପୁରା କିନେ । ୧୧ ଇତିହିଁ ଇଦାତି ତେ୪ଏଲିନି ବେଲା ଏଦାତେୟିଏ, ଇଦାଆଁ ପୁଞ୍ଜା ନୀଏଁ ମୀରୁ ଇ ବାରେ କିଦୁ: ଇତିହିଁ ମାର ନାମିତି ଦିନାଟିଏ ଗେଲ୍‌ପି ଆନାୟି ତଲିତି କିହାଁ ହାରେକା ତାଗେ ଖାତେୟିଏ । ୧୨ ଆନେରି ହାଜିମାନେ, ଲାଇ ଝେୟିମାନେ । ଏଦାଆଁତାକି ଖାଦୁ ମାର ଆନେରିତି କାମା ବାରେ ପିସାନା ଉଜେଡ଼ିତା ଜୁଜୁ କିହାଲି ଟିକାଣାତି ସାଜୁ ତୁରନ । ୧୩ କାଦୁ ଗସାହାଁ ମନକିତି ରାହାଁ, କାଦୁ ଗସାହାଁ ହୁତିନାୟି, ମାନି ହିଲାଆଗାଟାୟି, ଲାଗେଏତି ମାଶ୍‌କି, ତାହାରା, ଗଡ଼ହା କିନିତାଣା କାମାତା ଆଣ୍ଡାଆନା ଖାଦୁ, ଉଜେଡ଼ିତି କାମାତା

ମାନି ଲକ୍ଷ୍ମୀ ଲେହେଁ ନେହଁ ମାଣ୍ଡକି ତଲେ ମାନ । ୧୪ ପ୍ରଭୁ ଜୀମୁ କ୍ରୀସୁଇଁ ମୀରୁ ହିମ୍ବରିଲେହେଁ ପରୁଦୁ, ପାପୁ ଇଞ୍ଜି ଆଞ୍ଜୁତି ଲାଗେଏତି ଅଣ୍ଡୁ ତଲେ ରାହାଁ କିହାଲିତାକି ହିୟାଁତା ଅଣ୍ଡୁଆଦୁ ।

**୧୪** ନାମୁତା ଆଦ୍ୱା ହିଲାଆଗାଟାରାଇଁ ଆବାଦୁ, ସାମା ତାନି କାତାତି ଅଣ୍ଡୁ ତାକି ତାନିତଲେ ବାଦ୍‌ହାରା କିଆଦୁ । ୨ ବାରେ ତିଞ୍ଜାଲି ତାକି ରଥଣାକି ନାମୁ ମାନେ, ସାମା ଆମ୍ବାଆସି ନାମୁତା ଉଣା ମାନେସି ଏଞ୍ଜାସି ଖାରୁଇ ଜାୟୁ କୁଟା ତିନାପେସି । ୩ ଆମ୍ବାଆସି ବାରେ ତିନେସି, ଏଞ୍ଜାସି ତିନାଆଗାଟାଣାଇଁ ହୀଣି କିଆପେସି; ଇଞ୍ଜି ତିନାଆଗାଟାସି ତିନାଣାଇଁ ନୀହାଁୟି କିଆପେସି, ଏନିଇତିହଁ ମାହାପୁରୁ ଏଞ୍ଜାଣାଇଁ ଆବା ମାନେସି । ୪ ନୀନୁ ଆମ୍ବାଆତି ଅର ରଥଣି ହୁଲେଏଣାଇଁ ନୀହାଁୟି କିହିମାଞ୍ଜି? ଏଞ୍ଜାସି ତାନି ସାଞ୍ଜୁକାରି ତାଣା ତୀରି ଆନେସି କି ତୀରି ଆଅସି; ଏଞ୍ଜାଣାଇଁ ତୀରିକିହାଁ ଇଟାଲି ପ୍ରଭୁ କେୟୁତା ବାଡ୍‌ୟୁ ମାନେ । ୫ ରଥସି ର ଦିନାତି କିହାଁ ଅର ଦିନାତି ହାରେକା ମାନି କିନେସି, ଅଡେ ରଥସି ବାରେ ଦିନାତି ରଲେଏତାଇଁ ଇଞ୍ଜି ଅଣ୍ଡୁପିନେସି, ବାରେଜାଣା ତାନି ମନତା ତୀରି କିହାନା ମାନଞ୍ଜି ଆପେରି । ୬ ଆମ୍ବାଆସି ର ଦିନାତି ହାରେକା ନେହାୟି ଇଞ୍ଜି ଅଣ୍ଡୁପିମାନେସି, ମାହାପୁରୁତି ଗାଞ୍ଜୁରମି ତାକି ଏଲେଇଞ୍ଜି ଅଣ୍ଡୁଆପେସି । ଆମ୍ବାଆସି ବାରେ ତିନେସି, ମାହାପୁରୁ ଦରୁତଲେ ତିନେସି ଇଞ୍ଜି ମାହାପୁରୁଇଁ ଜହରା କିନେସି; ଆମ୍ବାଆସି ତିଞ୍ଜାଲି କୁନେସି, ଏଞ୍ଜାସି ମାହାପୁରୁ ଦରୁତଲେ କୁନେସି ଇଞ୍ଜି ମାହାପୁରୁଇଁ ଜହରା କିନେସି । ୭ ଆମ୍ବାଆସି ତାଞ୍ଜେତାକି ନୀତଅସି, କି ଆମ୍ବାଆସି ତାଞ୍ଜେତାକି ହାଅସି । ୮ ମାର ନୀତାମାନାୟି ଇତିସାରେ, ପ୍ରଭୁ ତାକି ନୀତାମାନାୟି ଇଞ୍ଜି ହାତିସାରେ ପ୍ରଭୁ ତାକି ହାନାୟି । ଏଦାଆଁତାକି ନୀତିନାୟି କି ହାନାୟି ମାର ପ୍ରଭୁତି ଲକ୍ଷ୍ମୀ । ୯ ଏନାଆଁତାକି ଇତିହଁ କ୍ରୀସୁ ହାହାନା ଖେଣ୍ଟେ ନିଞ୍ଜାମାନି ତାଣାଟି ନୀତାମାନାରି ଇଞ୍ଜି ହାତାରି ବାରେଜାଣାତି ପ୍ରଭୁ ଆହାମାନେସି । ୧୦ ନୀନୁ ଏଦାଆଁତାକି ମୀ ତାୟିଇଁ ବେରଣି କିହିମାଞ୍ଜି? ଏନାଆଁତାକି ମୀ ତାୟିଇଁ ହୀଣି କିହିମାଞ୍ଜି? ମାର ବାରେଜାଣା ବେରଣି ଆହାଲି ମାହାପୁରୁ ନକିତା ନିନାୟି । ୧୧ ଏନାଆଁତାକି ଇତିହଁ ସାସ୍ତେରିତା ରାସ୍‌କି ଆହାମାନେ; “ପ୍ରଭୁ ଖେସିମାନେସି, ଇତିହଁ ନୀନୁ ଜୀଞ୍ଜୁଗାଟି ମାହାପୁରୁ, ବାରେଜାଣା ନା ନକିତା ମେଣ୍ଡା କୁତିନେରି, ବାରେଜାଣା ନାଞ୍ଜେ ମାହାପୁରୁ ଇଞ୍ଜି ଜଲିନେରି ।” ୧୨ ମାର ବାରେଜାଣା ମାହାପୁରୁ ନକିତା ମାର କିତି କାମାତି ଲେକା ହୀନାୟି । ୧୩ ଏଦାଆଁତାକି ରଥତେରି ରଥଣାଇଁ

ବିଚାରା କିଆରୁ: ଇଲେକିହିଁ ଏନାଆଁ ଜିକେଏ କିଆରୁ, ଏନିକିଁ ମୀ ତାୟି ପୁଟି କିହାନା ପାପୁଟି ପାନ୍ତାତା ରିଅସି । ୧୪ ପ୍ରଭୁ ଜୀସୁ ତାଣାଟି ପୁଞ୍ଜନା ସାତା ତଲେ ଖେସିମାଞ୍ଜାଇଁ, ଏନି କାଦି ତାନ୍ତୁଏ ଲାଗେଏତାୟି ଆଏ । ସାମା ଆମ୍ବାଆସି ଏନି କାଦିତି ଲାଗେଏତାୟି ଇଞ୍ଜି ଅଣ୍ଟିନେସି, ଏଞ୍ଜାଣାକି ଏଦି ଲାଗେଏତାୟି ଆନେ । ୧୫ ମୀରୁ ଏନି କାଦି ତିନି ତାଣାଟି ର ତାୟି ଅଣ୍ଟପୁତା କସ୍ତ ହାହିମାଞ୍ଜେରି, ଆତିହିଁ ଏଞ୍ଜାଣାଇଁ ମୀରୁ ଜୀସୁନୁଷ୍ଟା ତାକି ହିଲଅତେରି, ଆମିନି ତାୟି ତାକି କ୍ରୀସ୍ତ ହାତେସି, ଏ କାଦି ତାକି ଏଞ୍ଜାଣାଇଁ ଲାଗେଏ କିଆରୁ । ୧୬ ମୀରୁ ଏନାଆଁ ନେହାୟି ଇଞ୍ଜି ଅଣ୍ଟିମାଞ୍ଜେରି, ଏଦାଆଁତାକି ମୀରୁ ଲାଗେଏତାତେରି ଆଆରୁ: ୧୭ ମାହାପୁରୁତି ରାଜି ତିନାୟି ଉନାୟି ଆଏ । ସାମା ଏଦି ଦାମ୍ବୁ, ହିତ୍ତି ଇଞ୍ଜି ସୁଦୁଜୀସୁ ହାତି ରାହାଁଗାତାୟି । ୧୮ ଆମ୍ବାଆସି ଇଲେକିହିଁ କ୍ରୀସ୍ତୁଟି ଯେବା କିନେସି; ଏଞ୍ଜାସି ମାହାପୁରୁ ନକିତା ନେହାସି ଇଞ୍ଜି ମାଣ୍ଟିୟାଁ ନକିତି ତାୟିପାରିତା ଜୀଣା ଆତାସି ତଞ୍ଜାଆନେସି । ୧୯ ଏଦାଆଁତାକି ଖାବୁ, ଏନା ଏନାୟି ହିତ୍ତି ଗାଟାୟି, ଅଡେ ଏନା ଏନାଆଁତଲେ ରଅସି ରଅଣାକି ବାସୁଁ ହାନେସି, ଏ ବାରେତି ମାର ଅଣ୍ଟିନ ୨୦ ଏ ଉଜେଏତି କାଦି ତାକି ମାହାପୁରୁତି କାମାଇଁ ନାସଞ୍ଜି କିଆରୁ, ବାରେଏ ସୁଦୁ କିଞ୍ଜିଆହାମାନେ, ସାମା ଏନି କାଦି ତିନି ତାଣାଟି ମୀରୁ ଏଟ୍ଟକା ଲକ୍ଷୁଣି କସ୍ତ ହାହିମାଞ୍ଜେରି, ଆତିହିଁ ଏ କାଦି ତିନାଆରୁ । ୨୧ ମୀରୁ ଉଞ୍ଜା ତିନାୟି, ଅଢ୍ଢୁରି ରାସା ଗହନି ତାଣାଟି ମୀ ତାୟିକି କସ୍ତ ଆହିମାଟିସାରେ ତିନି ଉନି ତାଣାଟି ହେକ ଆନାୟି ନେହେଁ । ୨୨ ମୀ ଏମିନି ନାମୁ ମାନେ, ଏଦାଆଁ ମୀରୁ ମୀ ହିୟାଁତା ମାହାପୁରୁଇଁ ନକିତା ଇଟାଦୁ, ଆମ୍ବାଆସି ଏନାଆଁ ନେହାୟି ଇଞ୍ଜି ଅଣ୍ଟିନେସି, ଏଞ୍ଜାସି ଏମ୍ବାଆଁ ତାଢ୍ଢେ ଦହଗାଟାସି କିଅସି, ଆତିହିଁ ଏଞ୍ଜାସି ନେହାସି । ୨୩ ସାମା ଆମ୍ବାଆସି ଆନାମାନା ଆହାନା ରାନ୍ତୁ ତିନେସି, ଏଞ୍ଜାସି ମାହାପୁରୁ ନକିତା ଦହଗାଟାସି ଆନେସି, ଇତିହିଁ ଏଞ୍ଜାସି ନାମୁତଲେ ତିଞ୍ଜା ହିଲଅସି; ଅଡେ ଏନାୟି ନାମୁତଲେ ଆଏ, ଏଦି ପାପୁ ।

**୧୫** ମାର ନାମୁତା ଆଟ୍ଟା ଗାଟାତାୟି, ବାଡ୍ଟୁ ହିଲଆଗାଟି ଲକ୍ଷୁଣି ମାର ସାସା ହାନାୟି ମାନେ, ଆମ୍ବାଆସି ଜିକେଏ ଜାହାରାଇଁ ରାହାଁ କିହାଲି ଅଣ୍ଟପାଆପେସି । ୨ ସାମା ଏଟ୍ଟକା ଲକ୍ଷୁଟି ନେହେଁତାକି ଇଞ୍ଜି ଏଞ୍ଜାରି ନାମୁଟି ଆଟ୍ଟା କିହାଲିତାକି ଏଞ୍ଜାରିଆଇଁ ରାହାଁତଲେ ଇତିନାୟି ମା କାମା । ୩ କ୍ରୀସ୍ତୁ ଜିକେଏ ତାନି ସୁକୁ ତାକି ଏନାଆଁ କିହି ହିଲଆତେସି; ସାମା ସାସ୍ତେରିତା

ରାସ୍ତା ଆହାମାନି ଲେହେଁ, “ମିତ୍ତେ ନିନ୍ଦା କିୟତାରା ନିନ୍ଦା ନା ମୁହେଁ ଖାତେ ।”

୪ ସାସ୍ତେରିତି ଜାପ୍ନାଇ ବାରେ ମା ନେହେଁତାକି ଲଡ଼ା ଆନୁ । ବାସୁଁ ତଲେ  
 ତୀରିଆହାଁ ଡ଼ୟାଲି ତାକି ସାସ୍ତେରି ମାତ୍ତେ ସାସା ଇଞ୍ଜି ରାହାଁ ହାହିମାଞ୍ଜାନେ ।

୫ ଆବଂଖା ଅଡ଼େ ଦୁକୁ ଡ଼ୁକ୍‌ହାନି ମାହାପୁରୁ ମିତ୍ତେ କ୍ରୀସ୍ତ ଜୀସୁତି ମାଣ୍ଡକି ତଲେ  
 ବାରେତେରି ମିତ୍ତେ ରଣ୍ଡିଏ ମନ ଆହାଲି ହିୟାପେସି, ୬ ବାରେଜାଣା ଆଣ୍ଡି  
 ଆହାନା ରଣ୍ଡିଏ ହିୟାଁ ରଣ୍ଡିଏ ଗୁଡ଼ି ତଲେ ପ୍ରବୁ ଜୀସୁ କ୍ରୀସ୍ତ ଆବା ମାହାପୁରୁତି  
 ଜହରା କିତେରି । ୭ ମାହାପୁରୁତି ଗାଞ୍ଜୁରମି ତାକି କ୍ରୀସ୍ତ ଏନିକିହିଁ ମିତ୍ତେ ଆବା  
 ମାଞ୍ଜାନେସି, ମୀରୁ ଜିକେଏ ଏଲେକିହିଁ ରଥତେରି ରଥଣାଇଁ ଆବାଦୁ । ୮ ଇତିହିଁ  
 ନାନୁ ଏଲେ ଇଞ୍ଜିମାଇଁ, କ୍ରୀସ୍ତ ମାହାପୁରୁତି ସାତା ତାକି ତଲୁ ଦାପି ଆତି ଲକୁତି  
 ସେବା କିନାସି କିଞ୍ଚିଆହା ମାରେସି, ଏନିକିଁ ଏଞ୍ଚାସି ଆକୁ ଆବାୟାକି ଆଞ୍ଜାନା  
 ହାହାମାନାଣି ତୀରି କିନେସି, ୯ ଅଡ଼େ ମାହାପୁରୁତି କାର୍ମାମେହନାଣି ତାକି  
 ଜୀହୁଦିଆଆତି ଲକୁ ଜିକେଏ ଏଞ୍ଚାଣି ଗାଞ୍ଜୁରମି କିନେରି; ଇ କାତା ସାସ୍ତେରିତା  
 ରାସ୍ତା ଆହାମାନେ; “ଇଦାଆଁତାକି ଜୀହୁଦିଆଆତି ଲକୁତାଣା ନୀ ଜହରା  
 କିଇଁ, ବାରେଦିନା ନୀ ପାରୁ ପାଚିଇଁ ।” ୧୦ ଅଡ଼େ ଜିକେଏ ଏଲେଇଞ୍ଜି ମାନେସି,  
 “ଜୀହୁଦିଆଆତି ଲକୁ ମାହାପୁରୁତି ଲକୁତଲେ ରାହାଁ କିଦୁ!” ୧୧ ଅଡ଼େ ଜିକେଏ,  
 “ଜୀହୁଦିଆଆତି ଲକୁ ବାରେ ପ୍ରବୁଇଁ ଜହରା କିଦୁ, ଅଡ଼େ ବାରେ ଲକୁ ଏଞ୍ଚାଣି  
 ପାରୁ ପାଚାପେରି!” ୧୨ ଅଡ଼େ ଖେଣ୍ଡେ ଜିସାୟ ଖେସାମାନେସି, “ଜିସି କୁଡ଼ାଟି  
 ରଥସି ତଞ୍ଜାଆନେସି, ଏଞ୍ଚାସି ଜୀହୁଦିଆଆତି ଲକୁଣି ସାଲଞ୍ଚି କିନେସି ଇଞ୍ଜି  
 ଜୀହୁଦିଆଆତାରି ଏଞ୍ଚାଣି ତାଣା ବାସୁଁ ଇତିନେରି ।” ୧୩ ବାରେ ବାସୁଁଗାଟି,  
 ମାହାପୁରୁ ମୀ ନାମୁ ତାକି ମିତ୍ତେ ରାହାଁ ଇଞ୍ଜି ହିଡ଼ି ହିୟାପେସି । ଏନିକିଁ  
 ସୁଦୁଜୀଞ୍ଜୁତି ବାଡ଼୍‌ୟୁ ତଲେ ମୀ ବାସୁଁ ପାତାଆନେ । ୧୪ ତାୟି ତାଢ଼ିସ୍ନାତେରି,  
 ମୀରୁ ବାରେ ନେହିଁ ଗୁଣ୍ଡୁ, ଏନିକିହିଁ ବାରେ ବୁଦିତଲେ ଇଞ୍ଜି ରଥତେରି  
 ରଥଣାଇଁ ଜାପ୍‌ହାଲି ତାକି ଆତିଦେରି ନା ନାମୁ ମାନେ । ୧୫ ଆତିଜିକେଏ  
 ମାହାପୁରୁ ହାହାମାଞ୍ଜାନି କାର୍ମାତି ବାଡ଼୍‌ୟୁତି ନାନୁ ମିତ୍ତେ ଅଣ୍ଡି କିହାଲି  
 ହାରେକା ସାସାତଲେ ମୀ ତାଣା ଇ ଆକୁ ରାତିମାଞ୍ଜାଇଁ । ୧୬ ଏନାଆଁତାକି  
 ଇତିହିଁ କ୍ରୀସ୍ତ ଜୀସୁତି ହଲେଏଣା ଲେହେଁ ଜୀହୁଦିଆଆତି ଲକୁତାକି କାମା  
 କିହାଲି ମାହାପୁରୁ ନାତ୍ତେ ପାରୁ ହାହାମାଞ୍ଜାନେସି । ମାହାପୁରୁତି ନେହିଁ କାରୁ  
 ଖେକ୍‌ହାଲି ତାକି ନାନୁ ର ପୁଜେରାତି କାମା କିହିମାଇଁ । ଜୀହୁଦିଆଆତି ଲକୁ  
 ସୁଦୁଜୀଞ୍ଜୁ ତଲେ ହେରପିଆତି ଲେହେଁ ମାହାପୁରୁ ତାଣା ଆବିନାରି ଆପେରି,

ଇତି ନା ଅଶ୍ୱପୁ । ୧୭ କ୍ରୀସ୍ତ ଜୀସ୍ତତଲେ ଆଶ୍ୱାନା ମାହାପୁରୁ ତାକି ଇ ଯେବା  
 କାମା କିହାମାନାକି ନାନୁ ବଡପଣ ଆହିମାଇଁ । ୧୮ ଇତିହିଁ ଜୀହୁଦିଆଆତି  
 ମାହାପୁରୁ ତାଣା ତାତାଲି କ୍ରୀସ୍ତ ନା ତାଣାଟି ବଲୁତା ଅଡେ କାମାତା ଇତିହିଁ  
 ହାରେକା ସିନାୟାଁ କାବାଆନି କାମାୟାଁ ତଲେ, ସୁଦୁଜୀସ୍ତୁଟି ବାଡ଼ୟୁଟି ଏନା  
 ଏନାଆଁ କିହାହିଲଅସି, ଇଲେତି ଏନି କାମା କିହାଲି ସାସା କିହିଲଅଁ ।  
 ୧୯ ସିନା ଅଡେ କାବାଆନି କାମାଟି ବାଡ଼ୟୁଟି ଅଡେ ମାହାପୁରୁ ସୁଦୁଜୀସ୍ତୁଟି  
 ବାଡ଼ୟୁଟି ନା ତାଣାଟି କିହାମାନେସି । ଏନିକିଁ ନାନୁ ଜିରୁସାଲମ ଟଟ ସାରିଖାକି  
 ଇଞ୍ଜିଁ ଇଲୁରିକମ ପାତେକା କ୍ରୀସ୍ତୁଟି ନେହିଁ କାରୁ ଝେକହାମାଇଁ । ୨୦ ଆମ୍ବିୟା  
 ଲକୁ କ୍ରୀସ୍ତୁଟି କାତା ଝେଞ୍ଜାହିଲଅରି, ଏମ୍ବାଆଁ ଏଖାଣି ବଲୁ ଝେକହାଲି ନା  
 ଅଶ୍ୱପୁ, ଏନାଆଁତାକି ଇତିହିଁ ଏଟକାଟି ଲକୁ କିହାମାନି ପୁନାଦି ଲାକ ଇଲୁ  
 କିହାଲି ନାନୁ ଅଶ୍ୱପି ହିଲଅଁ । ୨୧ ସାସ୍ତେରିତା ଏନିକିହିଁ ରାସକି ଆହାମାନେ;  
 “ଆମିନି ଗାଟାରି ଏଖାଣି ବଲୁ ବେଟାଆହା ହିଲଅରି, ଏଖାରି ମେହ୍ନେରି;  
 ଆମ୍ବାଆରି ଝେଞ୍ଜାହିଲଅରି, ଏଖାରି ତେଲ୍ହିନେରି ।” ୨୨ ହାରେକା ଦେବା  
 ମୀ ତାଣା ଝାହାଲି ତାକି ନା ଅଶ୍ୱପୁ ଉଜେଏତାୟି ଆଡେ । ୨୩ ସାମା ଇ  
 ରାଜିତା ନା ଯେବା କାମା ରାହାମାନେ ଅଡେ ନା ଆସା, ମିଡ୍ଡେ ମେସାଲି  
 ତାକି ନା ହାରେକା ବାସୀତି ଅଶ୍ୱପୁ ନୀଏଁ ପୁରା ଆନେ । ୨୪ ନାନୁ ସ୍ତେନ୍  
 ଦେସା ହାନିବେଲାତା ମୀ ତାଣା ଝାଇଁ; ଇତିହିଁ ଜିରୁତା ମୀ ତଲେ ତଲିଏ  
 ଆଶ୍ୱାନା କାତା ଆହାଁ ଏତରଦିନା ଡୟିତି ଡାୟୁ ଏ ଟାୟୁତା ହାଜାଲି ଜିରୁତା  
 ଇତିଝାୟାଦେରି ଇଞ୍ଜିଁ ଆସା କିହିମାଇଁ । ୨୫ ନୀଏଁ ମାହାପୁରୁ ଲକୁଟି ଯେବା  
 କିହାଲି ନାନୁ ଜିରୁସାଲମତା ହାଜିମାଇଁ । ୨୬ ଜିରୁସାଲମତା ମାହାପୁରୁ  
 ଲକୁ ଆମ୍ବାଆରି ହିଲାଆ ଗାଟାରି ମାନେରି, ଏଖାରି ତାକି ମାକିଦନିୟା ଅଡେ  
 ଆକାୟାତି କୁଲମିକା ଆଶ୍ୱାଲି ତାବୁୟାଁ କୁଡ଼ିକିହାଲି ତୀରି କିହାମାନେରି ।  
 ୨୭ ହାଅ ଏଖାରି ଏଦାଆଁ ନେହେଁ ଅଶ୍ୱପା ମାନେରି ସାତା, ଆତିହିଁ ଏଖାରି  
 ଏଖାରିତାଣା ରୀଣା ଜିକେଏ ଆହାମାନେରି; ଜୀହୁଦିଆଆତାରି ଏଖାରି ଦାମ୍ବୁତି  
 ଜୀସ୍ତୁତା ଆଶ୍ୱାମାନେରି ଇତିହିଁ, ଏଖାରି ଦାର୍ତତି କାମାତା ଜିକେଏ ଯେବା  
 କିହାଲି ରୀଣା ଆହାମାନେରି । ୨୮ ଜିରୁସାଲମତା ଏ ତାବୁୟାଁ ଲକୁକି  
 ହାହାନା ନା କାମା ରାସ୍ତୁହି ଡାୟୁ, ନାନୁ ସ୍ତେନ୍ ଦେସାତା ହାନାଟି ଏ ଜିରୁଟିଏ  
 ମିଡ୍ଡେ ବେଟି ଝାଇଁ । ୨୯ ନାନୁ ପୁଞ୍ଜାମାଇଁ, କ୍ରୀସ୍ତ ତାଣାଟି ହାରେପୁରେ ବର  
 ବେଟାଆହାନା ନାନୁ ମୀ ତାଣା ଝାଇଁ । ୩୦ ଜୀସ୍ତୁଟି ତାୟି ତାଡ଼ି, ନାନୁ ମା ପ୍ରୁ

ଜୀସୁ କ୍ରୀସ୍ତ ଦରୁତଲେ ଇଚ୍ଛା ସୁଦୁଜୀସୁ ହୀହାମାଜ୍ଞାନି ଜୀସୁ ନନାଣି ତାକି ମିଡ୍ରେ ବାତିମାଲିମାଜ୍ଞାଇଁ, ନାଡ୍ରେ ତାକି ମାହାପୁରୁ ତାଣା ରଣ୍ଡିଏ ଅଣ୍ଡୁ ତଲେ ପ୍ରାତାନା କିଦୁ । ୩୧ ନାନୁ ଜୀହୁଦା ଦେସାତି ନାମାଆତି ଲକୁ ତାଣାଟି ଏନିକିହିଁ ଗେଲ୍‌ପି ଆଇଁ ଇଚ୍ଛା ଜିରୁସାଲମତା ନା ଏମିନି ସେବା କାମା, ଏଦିଏମ୍‌ଆଁ ମାହାପୁରୁ ଲକୁ ଅପିନେରି, ଏଦାଆଁତାକି ପ୍ରାତାନା କିହେମାଜ୍ଞୁ । ୩୨ ମାହାପୁରୁ ଅଣ୍ଡୁ ତଲେ, ନାନୁ ମୀ ତାଣା ହାରେକା ରାହାଁତଲେ ଝାଇଁ ଇଚ୍ଛା ମୀ ତଲେ ଏତରଦିନା ପାତେକା ତୟାନା ନା ହିୟାଁତା ରାହାଁ ବେଟାଆଇଁ । ୩୩ ବାରେ ହିଡ଼ି ହିୟାନି ମାହାପୁରୁ ମୀ ତଲେ ମାଣ୍ଡେସି । ଆମେନ୍ ।

**୧୭** କେଡ୍ରେୟା କୁଲମିତା ସେବା କାମା କିହିମାନି ମା ତାଡ୍ରେ ପୟିବିଇଁ ମୀ ତାଣା ପାଣ୍ଡିମାଜ୍ଞାଇଁ, ୨ ପ୍ରବୁତି ଦରୁତଲେ ଏଦାନି ଆବାଦୁ ମାହାପୁରୁ ଲକୁ ଲେହେଁ ଲେମ୍‌ଦାଦୁ । ତାନି ଲଡ଼ାମାନି ଲେହେଁ ସାୟେମି କିଦୁ । ଏଦି ନାଡ୍ରେତାକି ଅଡେ ହାରେକା ଲକୁତି ସାୟେମି ତଡୁ । ୩ କ୍ରୀସ୍ତ ଜୀସୁତି ସେବା କାମାତା ନା ତଲେ କାମା କିହିମାନି ପ୍ରିସ୍ତିଲା ଇଚ୍ଛା ଆକ୍‌ଝିଲାଇଁ ନା ଜହରା ଝେହ୍‌ଦୁ । ୪ ଏ ଲକୁ ନା ତାକି ତାମି ଜୀସୁତା କସ୍ତୁ ଆହାମାନେ । ଝାର୍‌ଇ ନାନୁ ଆଏ, ବାରେ ଜୀହୁଦିଆଆତି କୁଲମି ତାମି ତାଣା ଜହରା । ୫ ଏ ଲକୁତି ଇଜ ରୁଣ୍ଡା ଅହିମାନି କୁଲମିତି ଲକୁଣି ଜିକେଏ ନା ଜହରା ଝେସିମାଇଁ । ନା ଜୀସୁତି ତଡୁ ଏପାୟିନେତଇଁ ନା ଜହରା ଝେହ୍‌ଦୁ । ଆସିୟା ଦେସାତି ଏଝାସି ରଅସି ମୁଲୁଏ କ୍ରୀସ୍ତଇଁ ନାମିତାସି । ୬ ମୀ ନେହେଁତାକି ଜମାଆନା କାମା କିହିମାନି ମରିୟମଇଁ ନା ଜହରା । ୭ ଆନୁନିକ ଇଚ୍ଛା ଜୁନିୟାଇଁ ନା ଜହରା । ଇ ରିଆରି ଜୀହୁଦିୟାଁ ନା ତଲେ କାୟିଦି ଇଲୁତା ମାଚେରି । ନା ନକେଏ କ୍ରୀସ୍ତଇଁ ନାମା ମାଚେରି ଇଚ୍ଛା ପାଣ୍ଡିଆତି ସୀସୁ ତାଣାଟି ଏଝାରି ପୁଣ୍ଡି ଆତାରି । ୮ ପ୍ରବୁ ତାଣା ନା ଜୀସୁତି ତଡୁ ଆମ୍ବିୟାତଇଁ ଜହରା । ୯ କ୍ରୀସ୍ତତି ସେବା କାମାତା ନାଡ୍ରେ ସାୟେମି କିହିମାଜ୍ଞାନି ଉର୍ବାନ ଇଚ୍ଛା ଜୀସୁତି ତଡୁ ସ୍ତାକିୟଇଁ ଜିକେଏ ନା ଜହରା । ୧୦ କ୍ରୀସ୍ତତି ମାନି ତଲେ କାମା କିନି ଆପେଲା ଇଚ୍ଛା ଆରିସ୍ତୁଲ କୁଟମିତି ବାରେ ଜାଣାଇଁ ନା ଜହରା ଝେହ୍‌ଦୁ । ୧୧ ନା କୁଡ଼ାତି ହେରଦିୟନ ଇଚ୍ଛା ନାକିସ କୁଟମିତି କ୍ରୀସ୍ତତି ତାୟିୟାଣି ଜିକେଏ ନା ଜହରା । ୧୨ ପ୍ରବୁତି ସେବା କାମାତା ମାନି ତ୍ରିପେନା ଇଚ୍ଛା ତ୍ରିପସାଇଁ ଇଚ୍ଛା ପ୍ରବୁ ତାକି ହାରେକା କାମା କିହିମାନି ଜୀସୁତି ପସିସଇଁ ନା ଜହରା । ୧୩ ପ୍ରବୁ ଆତାମାନି ରୁପସ ଇଚ୍ଛା ନା ତାଲି ଲେହେଁତି ତାନି ଇୟାନି ଜିକେଏ ନା ଜହରା

। ୧୪ ଅସୁକ୍ରିତ, ପ୍ଲେଗନ, ହର୍ମିସ, ପାତ୍ରବା, ହର୍ମିସ ଇଞ୍ଜି ଏଞ୍ଜାରିତଲେ ମାନି  
 ବାରେ କ୍ରୀସ୍ତୁଇଁ ନାମିମାନି ତାୟି ତାଢ଼ିଇଁ ଜହରା ଖେହ୍ନୁ । ୧୫ ପିଲଲଗ  
 ଇଞ୍ଜି ଜୁଲିୟା, ନିରୁସ୍ ଇଞ୍ଜି ତାନି ତାଢ଼ି ଅଡ଼େ ଅଲୁମ୍ବା ଅଡ଼େ ଏଞ୍ଜାରିତଲେ  
 ମାନି ବାରେ ମାହାପୁରୁ ଲକ୍ଷ୍ମଣି ନା ଜହରା ଖେହ୍ନୁ । ୧୬ ସୁଦୁ ହିୟାଁ ତଲେ  
 ନଶ୍ଚି ଆହାନା ଜହରା ଖେହ୍ନୁ । କ୍ରୀସ୍ତୁତି ବାରେ କୁଲମିକା ମିଢ଼େ ଜହରା  
 କିହିମାଞ୍ଜାନୁ । ୧୭ ତାୟି ତାଢ଼ିସ୍ନାତେରି, ମୀରୁ ଆମିନି କାତା ଜାପାମାଞ୍ଜେରି,  
 ଏ କାତାତି ପିସାନା ଗତି ଗତି କିନାସି ଅଡ଼େ ଲାଗେଏ କିୟାନେସି ଏଞ୍ଜାରାଇଁ  
 ପୁଞ୍ଜା ଡ଼ୟାଦୁ, ଏଞ୍ଜାରି ତାଣାତି ଏଚ୍ଚକା ଆୟାଲି ନାନୁ ବାତିମାଲିମାଞ୍ଜାଇଁ ।  
 ୧୮ ଇତିହିଁ ଇଲେତି ଲକ୍ଷ୍ମ ମା ପ୍ରବୁ କ୍ରୀସ୍ତୁତି ହଲିୟାଢ଼ା ଆଏ, ସାମା ତାମି  
 ବାଣ୍ଡିତି ହଲିୟାଢ଼ା ଆହାମାନେରି, ଅଡ଼େ ସୁଞ୍ଜାଲା ହାତାତଲେ ଲକ୍ଷ୍ମ ମନତି  
 ନାଡ଼ି କିନେରି । ୧୯ ନେହିଁ ବଲୁ ତାକି ମୀ ତୀରୁପୁ କାମା ବାରେ ଲକ୍ଷ୍ମ  
 ଖେଞ୍ଜାମାନେରି, ଇଦାଆଁତାକି ନାନୁ ହାରେକା ରାହାଁ । ନାନୁ ଅଶ୍ଚିମାଇଁ, ମୀରୁ  
 ସାତା କାତାତା ବୁଦି ଗାଟାତେରି ଆଦୁ ଇଞ୍ଜି ଉଜେଏତି କାତାତା ଆଣ୍ଡାଆଦୁ  
 । ୨୦ ଆତିହିଁ ହିଡ଼ଡ଼ି ହିୟାନି ମାହାପୁରୁ ତବେ ସୟତାନଇଁ ମୀ କଡ଼ା ଡ଼ଇ  
 କିନେସି । ମା ପ୍ରବୁ ଜୀସ୍ତୁତି କାର୍ମାମେହ୍ନାୟି ମୀ ତଲେ ମାଣ୍ଡମ୍ । ୨୧ ନା  
 ତଲେ କାମା କିହିମାନି ତିମତି ଇଞ୍ଜି ମା ଜୀହୁଦି ତାୟିୟାଁ ଲୁକିୟ, ଜାସନ ଇଞ୍ଜି  
 ସସିପାତ୍ର ମିଢ଼େ ଜହରା କିହିମାଞ୍ଜାନେରି । ୨୨ ଇ ଆକୁ ରାତାମାନି ତଡ଼ିୟ,  
 ପ୍ରବୁତି ଦରୁତଲେ ମିଢ଼େ ଜହରା କିହିମାଞ୍ଜାଇଁ । ୨୩ ନାଢ଼େ ଅଡ଼େ କୁଲମିତି  
 ସେବା କିନି ଗାୟସ ମିଢ଼େ ଜହରା କିହିମାଞ୍ଜାନେସି, ଅଡ଼େ ଇ ଗାଡ଼ାତି ଗୁମ୍ବୁସ୍ତା  
 ଏରାସ୍ତୁ ଇଞ୍ଜି ତାୟି କ୍ୱାର୍ଡ ଜିକେଏ ମିଢ଼େ ଜହରା କିହିମାଞ୍ଜାନେରି । ୨୪  
 ପ୍ରବୁ ଜୀସ୍ତୁତି କାର୍ମାମେହ୍ନାୟି ମୀ ବାରେ ଜାଣାକି ଆପେ । ୨୫ ଖାଦୁ, ମୀର  
 ମାହାପୁରୁତି ଗାଞ୍ଜୁରମି କିନ । ନାନୁ ଖେକ୍ହାମାନି ଜୀସ୍ତୁ କ୍ରୀସ୍ତୁତି ନେହିଁ ବଲୁ  
 ଇଞ୍ଜି ତଲି କାଲାଟିଏ ତୁଗାମାନି ସାତା ଲେହେଁ ମୀ ନାମ୍ ତୀରିକିହାଁ ଇଟାଲି  
 ମାହାପୁରୁ ଆତିନେସି । (aiōnios g166) ୨୬ ଏ ତୁଗାମାନି ସାତା ମାହାପୁରୁ  
 ଅଶ୍ଚିପୁତି ବଲୁ ଖେହ୍ନାରି ସାସ୍ତେରିତା ରାସ୍ଚକି ଆହାମାନେ ଅଡ଼େ ଏଦି ନୀଏଁ  
 କାଲାକାଲାତି ପ୍ରବୁ ମାହାପୁରୁ ତାଣାତି ବାରେ କୃତା ବିତ୍ରା ଖେପ୍ଚକି ଆହିମାନେ  
 । ଇଦାଆଁ ତଲେ ବାରେଜାଣା ନାମାନା ମାହାପୁରୁଇଁ ମାନି କିହାଲି ଆତିନେରି ।  
 (aiōnios g166) ୨୭ ବାରେ କାତା ପୁନି ମାହାପୁରୁ ପ୍ରବୁ ଜୀସ୍ତୁ ତାଣା କାଲାକାଲା  
 ତାକି ଗାଞ୍ଜୁରମି ବେଟାଆପେସି । ଆମେନ୍ । (aiōn g165)



## ୧କର

୧ ନାନୁ ପାଞ୍ଚଲ, ମାହାପୁରୁତି ମନତଲେ କ୍ରୀସୁ ଜୀସୁ ତାଣାଟି ଆତାନା ପାଣ୍ଡୁଞ୍ଚି ଆହାମାନାତେଏଁ, ଅଡେ ମା ତାୟି ସସ୍ତୁନା ତଲେ, ୨ କରନ୍ତି ଗାଡ଼ାତା ମାନି ମାହାପୁରୁ କୁଲମିତାକି ଇ ଆକୁ ରାତିମାନେରି; ଆମିନି ବାରେଜାଣା ଏଞ୍ଜାରିତାଣା, ପ୍ରବୁ ଜୀସୁ କ୍ରୀସୁ ଦରୁତଲେ ପ୍ରାତାନା କିହିମାନେରି, ଏଞ୍ଜାରିତଲେ କ୍ରୀସୁ ଜୀସୁ ତାଣା ସୁଦୁ ଆହାନା ହାଟ୍‌କି ଆହାମାନି ମାହାପୁରୁ ଲକୁଡେରି ମୀରୁ । ୩ ମିଡ୍ରେତାକି ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସୁ ତାଣାଟି କାର୍ମାମେହନାୟି ଅଡେ ହିଡ଼ଡି ଆପେ । ୪ କ୍ରୀସୁ ଜୀସୁ ତାଣାଟି ମିଡ୍ରେ ହାହାମାଞ୍ଜାନି ମାହାପୁରୁତି ଆମିନି କାର୍ମାମେହନାୟି, ଏଦାଆଁତାକି ନାନୁ କାଲେଏ ମିଡ୍ରେତାକି ମାହାପୁରୁଇଁ ଜହରା କିହିମାଇଁ, ୫ ଏନାଆଁତାକି ଇତିହିଁ ଏଞ୍ଜାଣି ତାଣା ବାରେ କାତାତା, ହାରେକା କିହିଁ ବାରେଲେହେଁତି ଜାପ୍‌ନି ତାଣା ଅଡେ ବାରେଲେହେଁତି ବୁଦିତା ମୀରୁ ଗାଡି ବାଟ୍‌କା ମାଞ୍ଜେରି; ୬ ଇଲେଆହିଁ କ୍ରୀସୁତି ସାକି ମୀ ତାଣା ତାରି ଆହାମାନେ । ୭ ଇଦାଆଁତାକି ମୀରୁ ମା ପ୍ରବୁ ଜୀସୁ କ୍ରୀସୁତି ତଞ୍ଜା ଆହାଲିତାକି କାପୁ କାତାନା ଏନି କାର୍ମାତି ଦାନାତା ଉଣା ଆହାହିଲଅତେରି; ୮ ମା ପ୍ରବୁ ଜୀସୁ କ୍ରୀସୁତି ଦିନାତା ଏନିକିଁ ମୀରୁ ଦହ ହିଲାଆଗାଟାତେରି ଆଦେରି, ଇଦାଆଁତାକି ଏଞ୍ଜାସି ମିଡ୍ରେ ରାନି ଦିନା ପାତେକା ତାରିକିହା ଇଟାନେସି । ୯ ମାହାପୁରୁ ନାମୁଗାଟାସି, ଆମ୍ବାଆରି ତାଣାଟି ମୀରୁ ତାନି ମୀର୍‌ଏସି ଜୀସୁ କ୍ରୀସୁ, ମା ପ୍ରବୁ ତାଣା ଆଣ୍ଡିନାଣାକି ହାଟ୍‌କି ଆହାମାଞ୍ଜେରି । ୧୦ ଏ ତାୟିୟାଁ ଅଡେ ତାଡ୍ଡିସ୍ତାତେରି, ମା ପ୍ରବୁ ଜୀସୁ କ୍ରୀସୁ ଦରୁତଲେ ନାନୁ ମିଡ୍ରେ ବାତିମାଲିମାଞ୍ଜାଇଁ, ଏନିକିଁ ମୀରୁ ବାରେଜାଣା ତେରି ରଣ୍ଡିଏ କାତା ଜଲିଦେରି, ଅଡେ ମୀ ବିତ୍ରା ଗତି ଆଅତେରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣ୍‌ପୁ ତଲେ କାଲ୍‌ଞ୍ଚି ଆଦୁ । ୧୧ ଇତିହିଁ, ଏ ନା ତାୟିୟାଁ ଅଡେ ତାଡ୍ଡିସ୍ତାତେରି, କୁୟିତି କୁଟମିତି ମୀ କାତା ନା ତାଣା ଇଦି ତଞ୍ଜା ଆହାମାନେ, ମୀ ବିତ୍ରା ଗଡ୍‌ହା ମାନେ । ୧୨ ନାନୁ ଖେସ୍ତାନି କାତା ଇଦି, ମୀ ବିତ୍ରାଟି ଆମ୍ବା ଆମ୍ବାଆରି ଏଲେଇନେରି, ନାନୁ ପାଞ୍ଚଲ ଖାକି ତାତେଏଁ, ଇଞ୍ଜା ଆମ୍ବାଆରି ନାନୁ ଆପଲ ଖାକି ତାତେଏଁ, ନାନୁ କେପା ଖାକି ତାତେଏଁ ଅଡେ ଏତରଜାଣା ନାନୁ କ୍ରୀସୁ ଖାକି ତାତେଏଁ ଇଞ୍ଜା ମାନେରି । ୧୩ କ୍ରୀସୁ ବାଗା ଆହାମାନେସି କି? ମିଡ୍ରେତାକି ପାଞ୍ଚଲ କି ପାସି ମୁଣ୍ଡାତା ହାହାମାନେସି? ଆଆତିଁ ମୀରୁ କି ପାଞ୍ଚଲ ଦରୁତଲେ ବାପ୍ତିସ୍ତ ଅହାମାଞ୍ଜେରି?

୧୪ ଇଦାଆଁତାକି କ୍ରିସ୍ତ ଅଡ଼େ ଗାୟ ପିସ୍‌ପେ ମୀ ବିତ୍ରା ଆମ୍ବାଆରାଇଁ ଜିକେଏ  
 ବାପ୍ତିସ୍ତ ହୀହାହିଲଅଁ ଇଞ୍ଜି ନାନୁ ମାହାପୁରୁଇଁ ଜହରା କିହିମାଇଁ, ୧୫ ଏଚେତା  
 ମୀରୁ ନୀ ଦରୁତଲେ ବାପ୍ତିସ୍ତ ଅହାମାଇଁ ଇଞ୍ଜି ଆମ୍ବାଆରି ଏଲେଇଞ୍ଜିଅରି ।  
 ୧୬ ଅଡ଼େ ସ୍ତିପାନତି କୁଟମିଇଁ ଜିକେଏ ବାପ୍ତିସ୍ତ ହୀହାମାଇଁ; ଇୱାରି ପିସ୍‌ପେ  
 ନାନୁ ଅଡ଼େ ଆମ୍ବାଆରାଇଁ ବାପ୍ତିସ୍ତ ହୀହାମାଇଁ ଇଞ୍ଜି ନା ଅଣ୍‌ପୁତା ହିଲେଏ  
 । ୧୭ ଇତିହିଁ କ୍ରୀସ୍ତ ନାଟ୍ରେ ବାପ୍ତିସ୍ତ ହୀହାଲିତାକି ପାଣ୍ଡାମାଞ୍ଜିଅସି, ସାମା  
 ନେହିଁ କାରୁ ୱେପାଲି ପାଣ୍ଡାମାଞ୍ଜିନେସି; ଏଦି ଜିକେଏ ବଲୁତି ରାହାଁ କିନି  
 ତାଣା ଆଏ, ଏଚେତା ପାଟେ କ୍ରୀସ୍ତତି ପାସିମୁଣ୍ଡା ଉଜେଏ ଆନେ । ୧୮  
 ଇତିହିଁ ନାସା ଆହିମାନି ଲକ୍ଷ୍ମତାକି ପାସି ମୁଣ୍ଡାତି କାତା ଉଜେଏତାୟି, ସାମା  
 ଗେଲ୍‌ପି ଆହିମାନି ମା ବାରେଜାଣା ତାକି ଏଦି ମାହାପୁରୁତି ବାଡ଼୍‌ୟୁ । ୧୯  
 ଇଦାଆଁତାକି ରାସ୍‌କି ଆହାମାନେ, “ନାନୁ ବୁଦିଗାଟାରି ବୁଦି ନାସଞ୍ଜି କିଇଁ,  
 ଅଡ଼େ ବୁଦିଗାଟାରି ବୁଦି ଅପଅଁ ।” ୨୦ ବୁଦିଗାଟାରି ଆମ୍ବିୟା? ମେରା  
 ଜାପ୍‌ନାରି ଆମ୍ବିୟା? ଇ ଜୁଗୁତି କାତା କାଟଞ୍ଜିକିହାଁ ୱେହ୍‌ନାରି ଆମ୍ବିୟା?  
 ମାହାପୁରୁ କି ଦାର୍‌ତିତି ବୁଦିଇଁ ଉଜେଏତାୟି ଇଞ୍ଜି ୱେସାହିଲଅସି? (aiōn  
 g165) ୨୧ ଇତିହିଁ ମାହାପୁରୁତି ବୁଦି ତଞ୍ଜାଆହାମାତି ଜିକେଏ ଦାର୍‌ତି ଜାହାରା  
 ବୁଦିତଲେ ମାହାପୁରୁଇଁ ପୁନାଆତାକି ମାମୁ ୱେକ୍‌ହାମାନି କାତା ଉଜେଏତାୟି,  
 ଆତିଜିକେଏ ନାମୁ ଗାଟାରାଇଁ ଗେଲ୍‌ପାଲିତାକି ମାହାପୁରୁ ଅଣ୍‌ପିତେସି । ୨୨  
 ଇତିହିଁ ଜୀହୁଦିଞ୍ଜି ସିନା ପାରିନେରି, ସାମା ଗ୍ରିକ୍ ଲକ୍ଷ୍ମ ବୁଦିତି ପାରିନେରି ।  
 ୨୩ ସାମା ମାମୁ ପାସି ମୁଣ୍ଡାତା ହାତି କ୍ରୀସ୍ତତି କାତା ୱେକ୍‌ହି ମାନମି, ଏୱାସି  
 ଜୀହୁଦି ଲକ୍ଷ୍ମତାକି ସାତୁ ଲେହେଁତାସି ଅଡ଼େ ଜୀହୁଦିଆଆତି ଲକ୍ଷ୍ମତାକି ବୁଦି  
 ହିଲାଆଲେହେଁ । ୨୪ ସାମା ଜୀହୁଦି ଆପାରି କି ଜୀହୁଦିଆଆତାରି ଆପାରି,  
 ଆମ୍ବାଆରି ହାଟ୍‌କି ଆତାରି, ଏୱାରାକି କ୍ରୀସ୍ତ ମାହାପୁରୁତି ବାଡ଼୍‌ୟୁ ଅଡ଼େ  
 ମାହାପୁରୁତି ବୁଦି ଲେହେଁ । ୨୫ ଇତିହିଁ ମାହାପୁରୁତି ବୁଦି ହିଲାଆଗାଟାୟି  
 ମାଣ୍‌ସିୟାତି ବୁଦି କିହାଁ ହାରେକା ବୁଦି, ଅଡ଼େ ମାହାପୁରୁତି ଆତାଆ ଗାଟାୟି  
 ମାଣ୍‌ସିୟାତି ବାଡ଼୍‌ୟୁ କିହାଁ ହାରେକା ବାଡ଼୍‌ୟୁ ଗାଟାୟି । ୨୬ ଏ ତାୟିୟା  
 ଅଡ଼େ ତାଞ୍ଜିସ୍ତା ମିଞ୍ଜେ ହାଟାମାନି କାତା ଅଣ୍‌ପାତୁ, ଦାର୍‌ତିତି ଲକ୍ଷ୍ମତି ଅଣ୍‌ପୁ  
 ଲେହେଁ ହାରେକା ବୁଦିଗାଟାରି, ହାରେକା ବାଡ଼୍‌ୟୁ ଗାଟାରି, କି କାଜା କୁଡ଼ା  
 ଗାଟାରି ହାଟ୍‌କି ଆହାହିଲଅରି; ୨୭ ଏଦାଆଁତାକି ମାହାପୁରୁ ବୁଦି ଗାଟାରାଇଁ  
 ଲାଜା କିହାଲିତାକି ଦାର୍‌ତିତି ବୁଦି ହିଲାଆଗାଟାଣି ଆତିତେସି, ଅଡ଼େ ବାଡ଼୍‌ୟୁ

ଗାଟାଣି ଲାଜା କିହାଲିତାକି ମାହାପୁରୁ ଦାର୍ତ୍ତିତ ଦାଡ଼୍‌ୟୁ ହିଲାଆଗାଟାରାଇଁ  
 ଆଡିତେସି । ୨୮ ଅଡେ ଏନାୟି ଦାର୍ତ୍ତି ନକିତା ମାନି ଗାଟାୟି, ଏ ବାରେ  
 ଉଜେଏ କିହାଲି, ମାହାପୁରୁ ଦାର୍ତ୍ତିତ ହୀଣି, ଇଞ୍ଜି ଅପାଆଗାଟାଣି, ହାଅ,  
 ମାନି ହିଲାଆଗାଟାଣି ଆଡିତେସି । ୨୯ ଅଡେ ଏନାୟି ଦାର୍ତ୍ତି ନକିତା ମାନି  
 ଗାଟାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାର୍ତ୍ତିତ ଉଣା ଅଡେ  
 ଅପାଆଗାଟାଣି ହାଅ ଉଜେଏତାଣି ଆଡିତେସି । ୩୦ ସାମା ଏଞ୍ଜାଣି ତାକି ମୀରୁ  
 କ୍ରୀସୁ ଜୀସୁ ତାଣା ମାଞ୍ଜେରି, ଏଞ୍ଜାସି ମାହାପୁରୁ ତାଣାଟି ମାଞ୍ଜେତାକି ବୁଦି,  
 ଇଚିହିଁ ଦାର୍ମୁଗାଟାସି, ସୁଦୁଗାଟାସି ଅଡେ ଗେଲ୍‌ପିନି ଲେହେଁ ଆହାମାନେସି ।  
 ୩୧ ଇଦାଆଁତାକି, ଦାର୍ମୁପତିତା ରାସ୍‌କି ଆହାମାନେ, “ଆମ୍ବାଆସି ବତପଣ  
 ଆନେସି, ଏଞ୍ଜାସି ମାହାପୁରୁ ତାଣା ବତପଣ ଆପାସି ।”

୨ ଏଦାଆଁତାକି ଏ ତାୟିୟାଁ ଅଡେ ତାଢ଼ିସ୍ତାତେରି, ଏଡେତା ନାନୁ ମୀ ତାଣା  
 ହାଜାମାଚେଏଁ, ଏଡିବେଲା ମାହାପୁରୁତି ତୁଗାମାନି ସାତା କାତାତି ଗାଡି ବୁଦି  
 ଗାଟାରିଲେହେଁ ମୀ ତାଣା ଡ଼େକ୍‌ହାମାଚେଏଁ ଏଲେକିଁ ଆଏ । ୨ ଇଚିହିଁ ଜୀସୁ  
 କ୍ରୀସୁ, ଇଚିହିଁ ପାସି ମୁଣ୍ଡାତା ହାଡି ଜୀସୁ କ୍ରୀସୁ ପିସ୍‌ପେ ମୀ ତାଣା ଅଡେ ଏନାଆଁ  
 ଜିକେଏ ପୁଞ୍ଜାଲି ଅଣ୍ଡାଆଚେଏଁ । ୩ ଅଡେ, ନାନୁ ବାଡ଼୍‌ୟୁ ହିଲାଆନା, ଆଜି  
 ଅଡେ ତୀରୁଣି ତୀରୁଣିହିଁ ମୀ ତାଣା ମାଚେଏଁ; ୪ ଇଦାଆଁତାକି ନା ଜାପ୍‌ନାୟି  
 ଅଡେ ଡ଼େକ୍‌ନାୟି ମାଣ୍‌ସି ବୁଦିତି ନେହିଁ ହାତାଲେହେଁ ଆଆନା ମାହାପୁରୁତି  
 ସୁଦୁଜୀଞ୍ଜୁତି ବାଡ଼୍‌ୟୁ ତସ୍‌ପି ଆହାମାନେ । ୫ ମୀ ନାମୁ ଏନିକିଁ ମାଣ୍‌ସିୟାଁତି  
 ବୁଦିତା ତୀରି ଆଆନା ମାହାପୁରୁତି ବାଡ଼୍‌ୟୁତା ତୀରି ଆନେ । ୬ ଆଡିଜିକେଏ  
 ମାମୁ ସୁଦୁଜୀଞ୍ଜୁତା ପାତାଆନି ବୁଦିଗାଟି ଲକ୍‌ତାଣା ବୁଦିତିକାତା ଖେହ୍‌ନମି,  
 ସାମା ଏଦି ଇ ଜୁଗୁତି ବୁଦି ଆଏ, ଅଡେ ଇ ଜୁଗୁତି ଗାଡେକା ତାକି ନାସା  
 ଆନି ସାଲଞ୍ଜି କିନାରି ବାଡ଼୍‌ୟୁତି ହାରିଞ୍ଜି କିନାରି ବୁଦି ଆଏ । (aiōn g165) ୭  
 ସାମା ନାନୁ ତୁଗାମାନି ଲେହେଁତି ମାହାପୁରୁତି ବୁଦିତିକାତା ଖେସିମାଇଁ; ଏ  
 ତୁଗାମାନି ମାହାପୁରୁ ବୁଦି ମା ଗାଞ୍ଜୁରିନି ତାକି ଦାର୍ତ୍ତିତ ଗାଡି ଆଆ ନକେଏ  
 ଆଗାନା ଇଟ୍‌କି ଆହାମାଚେ । (aiōn g165) ୮ ଇ ଜୁଗୁତି ସାଲଞ୍ଜି କିନାରି  
 ଜିକେଏ ଆମ୍ବାଆରି ଏଦାଆଁ ପୁଞ୍ଜାହିଲଅରି, ଏନାଆଁତାକି ଇଚିହିଁ ଏଞ୍ଜାରି  
 ଏଦାଆଁ ପୁଞ୍ଜାମାଡିହିଁମା ଗାଞ୍ଜୁରିନିଗାଟି ପ୍ରବୁଇଁ କୁସତା ପାୟାଆଚେରିମା ।  
 (aiōn g165) ୯ ସାମା ଏନିକିହିଁ ଦାର୍ମୁପତିତା ରାସ୍‌କି ଆହାମାନେ, “କାନୁ  
 ଏନିନାଣି ମେସା ହିଲେଏ, କିୟୁଁ ଏନିନାଣି ଖେଞ୍ଜା ହିଲେଏ, ଅଡେ ମାଣ୍‌ସିୟାଁ

ହିୟାତା ଏମିନାଣି ଅଶ୍ୱା ହିଲଅରି, ଏ ବାରେତି ମାହାପୁରୁ ତାଙ୍ଗେ ଜୀଝୁ ନନାରାକି କିହାମାନେସି ।” ୧୦ ସାମା ମାହାପୁରୁ ମାଙ୍ଗେତାକି ସୁଦୁଜୀଝୁ ତଲେ ବାରେ ଡ଼ସାମାଞ୍ଜାନେସି; ଏନିକି ଏ ସୁଦୁଜୀଝୁ ବାରେ କାତା, ହାଅ, ମାହାପୁରୁତି ତୁଗାମାନି କାତା ଜିକେଏ ପାରିନେସି । ୧୧ ମାଣ୍ଡିତି କାତା ବାରେ ମାଣ୍ଡି ଡ଼ାଣା ମାନି ଜୀଝୁ ପିସ୍‌ପେ ଅଡ଼େ ଆମ୍ବାଆସି ପୁନେସି? ଏଲେକିହିଏ ମାହାପୁରୁ କାତା ବାରେ ମାହାପୁରୁ ଜୀଝୁ ପିସ୍‌ପେ ଆମ୍ବାଆସି ପୁନଅସି । ୧୨ ଏନିକି ମାହାପୁରୁ ଡ଼ାଣାଟି ମାଙ୍ଗେ କାର୍ମାମେହ୍‌ନି ଡ଼ାଣାଟି ହାପକି ଆହାମାନି କାତା ବାରେ ମାର ପୁଞ୍ଜାଲି ଆଡିନାୟି, ଏଦାଆଁତାକି ମାର ଦାର୍‌ତିତି ଜୀଝୁ ପୁଞ୍ଜାଆନା ମାହାପୁରୁତି ଜୀଝୁ ବେଟା ଆହାମାନାୟି । ୧୩ ଏ ବାରେ କାତା ଜିକେଏ ମାର ମାଣ୍ଡିତି ବୁଦିଟି ଜାପାମାନି ବଲୁ ତଲେ ଝେସିହିଲାଆୟି, ସାମା ସୁଦୁଜୀଝୁତି କାତା ବାରେ ସୁଦୁଜୀଝୁତି କାତାତଲେ ତେଲ୍‌ହି କିହାନା ସୁଦୁଜୀଝୁ ତଲେ ଜାପାମାନି ବଲୁ ତଲେ ଝେସିମାନାୟି । ୧୪ ସାମା ଦାର୍‌ତିତି ମାଣ୍ଡି ମାହାପୁରୁତି ସୁଦୁଜୀଝୁତି କାତା ବାରେ ଅପଅସି, ଏନାଆଁତାକି ଇତିହି ଏ ବାରେ ତାନି ନକିତା ଉଜେଏତାୟି, ଅଡ଼େ ଏଝାସି ଏ ବାରେତି ତେଲ୍‌ହାଲି ଆଡଅସି, ଇତିହି ଏ ବାରେ ସୁଦୁଜୀଝୁ ତଲେ ନାହାୟି କିଝିଆନେ । ୧୫ ସାମା ଆମ୍ବାଆରାକି ସୁଦୁଜୀଝୁ ମାନେ, ଏଝାସି ବାରେ କାତା ନେହିକି ଅଶ୍‌ପିନେସି, ଆଡିଜିକେଏ ଆମ୍ବାଆସି ଏଝାଣାଇଁ ଅଶ୍‌ପଅସି । ୧୬ ଏନାଆଁତାକି ଇତିହି, “ଆମ୍ବାଆସି ମାହାପୁରୁତି ଅଶ୍‌ପୁ ପୁଞ୍ଜାମାନେସି, ଇଞ୍ଜି ଏଝାସି ଏଝାଣାଇଁ ଜାପହାଲି ଆଡିନେସି?” ସାମା ମାମୁ କ୍ରୀସ୍ତୁତି ମନ ବେଟା ଆହାମାନମି ।

**୩** ଏ ନା ତାୟିୟା ଅଡ଼େ ତାଙ୍ଗିସ୍ତାତେରି ନାନୁ ସୁଦୁଜୀଝୁ ବେଟାଆହାମାନି ଲକୁଣି ଝେହ୍‌ନିଲେହେଁ ମିଙ୍ଗେ ଝେସାଲି ଆଡାଆଡେଏଁ, ସାମା ଆଙ୍ଗୁ ତଲେ ମାନି ଲକୁ ଅଡ଼େ କ୍ରୀସ୍ତ ଡ଼ାଣା ନାମୁଡି କକାରି ପଦାଣି ଝେହ୍‌ନିଲେହେଁ ମିଙ୍ଗେ ଝେସ୍ତାଡେଏଁ । ୨ ନାନୁ ମିଙ୍ଗେ ପାଲୁ ଉଚ୍‌ହାନା ଆଚ୍‌ଝା ରାନୁ ହିୟାଆଡେଏଁ, ଏନାଆଁତାକି ଇତିହି ଏଲେତି ରାନୁ ତିଞ୍ଜାଲି ଆଡିହିଲାଆଡେରି, ଅଡ଼େ ନୀଏଁ ଜିକେଏ ଆଡଅଡେରି, ୩ ନୀଏଁ ପାଡେକା ମାରୁ ଦାର୍‌ତିତି ନାମାଆଡି ଲକୁ ମାଣ୍ଡି ତଲେ ମାଙ୍ଗେରି, ଏନାଆଁତାକି ଇତିହି ମୀ ବିଡ୍ରା ଡ଼ାହାରା ଅଡ଼େ ଗଡ଼ହା କିନାୟିମାନେ, ଏଦାଆଁତାକି ମାରୁ ଦାର୍‌ତିତି ନାମାଆଡି ଲକୁଡେରି ଆଏକି ଇଞ୍ଜି ମାଣ୍ଡି ନୀଡିନି ଲେହେଁ ନୀଡି ହିଲଅଡେରି? ୪ ଏଡେତା ରଅସି ଏଲେଇନେସି, “ନାନୁ ପାଞ୍ଜୁଲ ଡ଼ାଣା ତାଡେଏଁ” ଅଡ଼େ ରଅସି ଏଲେଇନେସି

“ନାନୁ ଆପଲ ଡାଣା ଡାଟେଏଁ” ଏତେଟିଏ ମୀରୁ ଦାର୍ତ୍ତି ନାମାଆତି ଲକୁଡେରି  
 ଆଏକି? ୫ ଆପଲ ଆମ୍ବାଆସି? ଦାଞ୍ଜୁଲ ଆମ୍ବାଆସି? ଏଞ୍ଜାରି ଖାର୍ଲ ସେବା  
 କିନାରି, ଆମ୍ବାଆରି ଡାଣାଟି ବାରେଡାକି ପ୍ରୁ ଏନିକି ହୀହାମାନେସି ଏଲେକି  
 ମୀରୁ ନାମାମାଞ୍ଜେରି । ୬ ନାନୁ ଉହାମାଇଁ, ଆପଲ ଏୟୁ ହୀହାମାନେସି,  
 ସାମା ମାହାପୁରୁ ପାତି କିହାମାନେସି । ୭ ଇତିହିଁ ଆମ୍ବାଆସି ଉହିନେସି ଇଞ୍ଜି  
 ଆମ୍ବାଆସି ଏୟୁ ହୀନେସି ଏଞ୍ଜାସି ଏନାସି ଆଏ, ସାମା ଆମ୍ବାଆସି ପାତି କିନି  
 ମାହାପୁରୁ ଏଞ୍ଜାସି କାଜାସି । ୮ ଆମ୍ବାଆସି ଉହିନେସି ଅଡେ ଆମ୍ବାଆସି ଏୟୁ  
 ହୀନେସି ଏଞ୍ଜାରି ରିଆରି ରଲେଏଡାରି, ସାମା ବାରେଡାଣା ତାନି କସ୍ତୁତି  
 ଲେକାତଲେ କୁଲି ବେଟାଆନେରି । ୯ ଇତିହିଁ ମାମୁ ମାହାପୁରୁ ତଲେ ଆଣ୍ଡାନା  
 କାମା କିନାତମି, ମୀରୁ ମାହାପୁରୁତି ତାସା ବୁମି ଅଡେ ମାହାପୁରୁତି ଇଲୁ । ୧୦  
 ନାଡ୍ରେ ହୀପକି ଆହାମାଞ୍ଜାନି ମାହାପୁରୁତି କାର୍ମାତଲେ ନାନୁ ର ବୁଦିଗାଟି  
 ଇଲୁ ଦହିନି ଲକୁ ଲେହେଁ ପୁନାଦି କିହାମାଇଁ, ଅର ରଅସି ଏଦାଣି ଲାକ  
 ଇଲୁ ଦସି ମାନେସି, ସାମା ବାରେଡାଣା ତାନି ଲାକ ଏନିକି ଦସି ମାନେରି  
 ଏଦାଆଁତାକି ଜାଗ୍ରାତା ଆପେରି । ୧୧ ଇତିହିଁ ଆମିନି ପୁନାଦି କିଞ୍ଜିଆହାମାନେ,  
 ଏଦାଣି ପିସପେ ଏଟକାତି ପୁନାଦି ଆମ୍ବାଆସି କିହାଲି ଆଡଅସି, ଏ ପୁନାଦି  
 ଜୀସୁ କ୍ରୀସୁ । ୧୨ ସାମା ଆମ୍ବାଆସି ଏ ପୁନାଦି ଲାକ ବାଂଗାରା, ଖେଣ୍ଡି,  
 ଗାତି ଦାରାଗାଟି ଖାଲୁକା, ମାର୍କା, ଜାଡା, ଅଡେ ଡିକା ତଲେ କିନେସି, ୧୩  
 ଆତିହିଁ ଆମ୍ବାଆରି କାମା ଏନିଲେହେଁତାୟି ଏଦି ତଞ୍ଜାଆନେ, ଇତିହିଁ ଏ ନେରୁ  
 ଏଦି ତହିନେ, ଏ ନେରୁ ହିରୁତଲେ ତଞ୍ଜାଆନେ, ଇଞ୍ଜି ବାରେଡାଣାଟି କାମା  
 ଏନିଲେହେଁତାୟି ଏ ହିରୁ ତାୟିପାରି କିନେ । ୧୪ ଆମ୍ବାଆସି ଏନିକି ଇଲୁ  
 ଦସା ମାନେସି ଏଞ୍ଜାଣି କାମା ଏଲେକି ତୟିତିହିଁ ଏଞ୍ଜାସି ଏ ଦାନା ବେଟା  
 ଆନେସି । ୧୫ ଇଞ୍ଜି ଆମ୍ବାଆରି କାମା ଖେହାହାନେ, ଏଞ୍ଜାଣିଞ୍ଜାୟି ନାସଞ୍ଜି  
 ଆନେ, ଆତିଜିକେଏ ଏଞ୍ଜାସି ଗେଲୁପି ଆନେସି, ସାମା ଏଦି ହିରୁ ବିତ୍ରାଟି ହୁଡା  
 ହାତି ସମାନା ଆନେ । ୧୬ ମୀରୁ ପୁଞ୍ଜାହିଲଅତେରି କି ମୀରୁ ମାହାପୁରୁତି  
 ଇଲୁତେରି, ଅଡେ ମାହାପୁରୁତି ସୁରୁଜୀଞ୍ଜୁ ମୀ ହିୟାତା ବାସା କିନେ । ୧୭  
 ଆମ୍ବାଆସି ମାହାପୁରୁ ଲକୁଇଁ ନାସା କିନେସି, ମାହାପୁରୁ ଏଞ୍ଜାଣାଇଁ ନାସା  
 କିନେସି, ଇତିହିଁ ମାହାପୁରୁତି ଇଲୁ ଅଟ୍‌ହାୟି ଇଞ୍ଜି ମୀରୁଏ ଏଞ୍ଜାଣି ଇଲୁ  
 । ୧୮ ଆମ୍ବାଆସି ତାନୁଏ ତାଡ୍ରେ ନାଡିକିହା କତାଆପେସି, ଆମିନି ଲକୁ  
 ଇ ଦାର୍ତ୍ତିତା ବୁଦି ଗାଟାଟେଏଁ ଇଞ୍ଜି ଅଣ୍ପିନେସି, ଆତିହିଁ ଏଞ୍ଜାସି ଏନିକି

ବୁଦ୍ଧିଗାଟାସି ଆନେସି ଏଦାଆଁତାକି ଦାର୍ତ୍ତି ଲକ୍ଷ୍ମୀତାଣା ବୁଦ୍ଧି ହିଲାଆଗାଟି  
 ଲକ୍ଷ୍ମୀ ଲେହେଁ ଆପେସି । (aiōn g165) ୧୯ ଇତିହିଁ ଇ ଦାର୍ତ୍ତି ବୁଦ୍ଧି ମାହାପୁରୁ  
 ନକିତା ବୁଦ୍ଧି ହିଲାଆଗାଟାୟି, ଏଦାଆଁତାକି ରାସ୍ତକି ଆହାମାନେ, “ମାହାପୁରୁ  
 ବୁଦ୍ଧି ଗାଟାରାଇଁ ତାମି ସୁତ୍ରମି ତଲେ ପାନ୍ତାତା ଆହନେସି;” ୨୦ ଅଡେ ରାସ୍ତକି  
 ଆହାମାନେ “ବୁଦ୍ଧିଗାଟାରି ଅଶ୍ୱପୁ ବାରେ ଉଜେଏତାୟି ଇଚ୍ଛୁଁ ପ୍ରବୁ ପୁଞ୍ଜାମାନେସି  
 ।” ୨୧ ମାଣସି ତାଣା ଆମ୍ବାଆସି ବତପଣ ଆଆପେସି, ଇତିହିଁ ବାରେ ମାଦିଏ  
 । ୨୨ ପାସ୍ତଲ, ଇଚ୍ଛୁ କି ଆପଲ, ଇଚ୍ଛୁ କେପା, ଇଚ୍ଛୁ ଅଡେ ଦାର୍ତ୍ତି ଇଚ୍ଛୁ କି  
 ଜୀସ୍ତ ଇଚ୍ଛୁ କି ହାନାୟି ଆପେ, ନାଏଁ ତାୟି ଆପେ, କି ତାୟିତାୟି ଆପେ, ଏ  
 ବାରେଏ ମାଦି । ୨୩ ସାମା ମୀରୁ କ୍ରୀସ୍ତତି ଲକ୍ଷ୍ମୀତେରି ଅଡେ କ୍ରୀସ୍ତ ମାହାପୁରୁ  
 ତାଣାତାସି ।

**୪** ଲକ୍ଷ୍ମୀ ମାଡ୍ରେ କ୍ରୀସ୍ତତି ସେବା କିନାରି, ଅଡେ ମାହାପୁରୁତି ତୁଗାମାନି ଇଲୁତି  
 ଗୁମୁସ୍ତା ଇଚ୍ଛୁ ଅଶ୍ୱପାପେରି । ୨ ଇଲେଆହିଁ ଗୁମୁସ୍ତା ବେଟାଆହାମାନି ମାଣସି  
 ଜାହାରା ପ୍ରବୁ ତାଣା ମାନି ଗାଟାସି ତୁଞ୍ଜା ଆପାସି । ୩ ସାମା ମୀ ତାଣାଟି  
 ଆପେ କି ଆମିନି ନୀହାୟି କିନି ତାଣା ନୀହାୟି କିଞ୍ଚି ଆନାୟି ନା ତାକି ଏଦି  
 କାଜା କାତା ଆଏ, ଇଲେକିଁ ନାନୁ ଜାହାରାଇଁ ନୀହାୟି କିହା କତଅଁ । ୪  
 ଇତିହିଁ ନାନୁ ନା କପାଟି ଏନାଆଁ ପୁଞ୍ଜାହିଲଅଁ, ଆତିଜିକେଏ ନାନୁ ଇମ୍ପାଆଁ  
 ଦହ ହିଲାଆ ଗାଟାତେଏଁ ଇଚ୍ଛୁଁ ତୁଞ୍ଜା ଆହାହିଲଅଁ, ସାମା ଆମ୍ବାଆସି ନା  
 ନୀହାୟି କିୟାନେସି, ଏଞ୍ଚାସି ପ୍ରବୁ । ୫ ଏଦାଆଁତାକି, ତାରିକିତି ଦିନା ଝାଆ  
 ନକେଏ ଇତିହିଁ ପ୍ରବୁ ଝାଆ ନକେଏ ମୀରୁ ଆମ୍ବାଆରାଇଁ ନୀହାୟି କିଆରୁ,  
 ଏଞ୍ଚାସି ଆନେରିତା ତୁଗାମାନି ବାରେ ଉଜେଡିତା ତହନେସି, ଅଡେ ହିୟାଁତି  
 ଅଶ୍ୱପୁ ବାରେ ଏଞ୍ଚାସି ଝେହନେସି, ଏତିବେଲା ବାରେଜାଣା ମାହାପୁରୁ ତାଣାଟି  
 ଗାସ୍ତୁରିମି ବେଟାଆଦେରି । ୬ ଏ ତାୟିୟାଁ ଅଡେ ତାଢ଼ିସ୍ତାତେରି, ନାନୁ  
 ମୀରୁ ଜାପାଲି ତାକି ଇ ବାରେ କାତା ନାନୁ ନାଡ୍ରେ ଅଡେ ଆପଲଇଁ ତସାଁ  
 ଝେସିମାଞ୍ଜାଇଁ, “ଇତିହିଁ ଏନାୟି ରାସ୍ତକି ଆହାମାନେ ଏ କାତାଟି ଗାଣ୍ଡାଦୁ,”  
 ଇଦାଆଁ ମୀରୁ ମା ତାଣାଟି ଜାପାଦୁ, ଅଡେ ଏନିକିଁ ମୀ ବିତ୍ରାଟି ଆମ୍ବାଆସି  
 ରଅଣି ଝାକିତି ଅଡେ ରଅଣାଇଁ ଅପାଆନା ବତପଣ ଆଆଦୁ । ୭ ମିଡ୍ରେ  
 ଆମ୍ବାଆସି କାଜାସି କିହାଁ ମାଞ୍ଜାନେସି? ଅଡେ ମୀରୁ ଏନାଆଁ ଦାନା ଲେହେଁ  
 ବେଟାଆହା ହିଲଅତେରି, ଇଲେକିଁ ମାଦି ଏନାୟି ମାନେ? ସାମା ମୀରୁ  
 ଏଦାଆଁ ଦାନା ଲେହେଁ ବେଟାଆହାମାଞ୍ଜେରି, ଆତିହିଁ ମୀରୁ ଦାନା ଆଏ ଇନି

ଲେହେଁ ଏନାଆଁତାକି ବତପଣ ଆହିମାଞ୍ଜେରି? ୮ ମୀ ବାରେ ଲଡ଼ାମାନାଣି  
 ବେଟାଆଡେରିଏ କି? ଇଚେକାଟିଏ ମୀରୁ ବାଡ଼କା ହାଚେରିଏ କି? ମା ପିସ୍‌ପେ  
 ମୀରୁ ରାଜା ଆହାମାଞ୍ଜେରି? ହାଅ, ମୀରୁ ରାଜା ଆହାମାଟିହିଁ ନେହିଁ ଆଚେମା,  
 ଏନିକିଁ ମାମୁ ଜିକେଏ ମୀ ତଲେ ସାଲଖି କିହାଲି ଆଡିତମିମା । ୯ ଏନାଆଁତାକି  
 ଇଚିହିଁ ନା ଅଣ୍‌ପୁତା ମାର ପାଣ୍ଡୁଝି ଆହାମାନାତାୟି, ମାର ମାହାପୁରୁତି ତଣ୍ଡୁତା  
 ହେର୍‌ପି ଆହାମାନି ତାୟୁତି ଲକୁ ସମାନା ତସାମାଞ୍ଜାନେସି, ଇଚିହିଁ ମାମୁ  
 ଦାର୍‌ତିତା, ମାହାପୁରୁତି ଦୁରୁୟାଁ ଇଞ୍ଜିଁ ମାଣ୍‌ସିୟାଁ ନକିତା ଲାଜାକିଝି ଆନାତମି  
 ଲେହେଁ ଆହାମାନମି । ୧୦ ମାମୁ କ୍ରୀସ୍ତ ତାକି ବୁଦି ହିଲାଆ ଗାଟାତମି, ସାମା  
 ମୀରୁ କ୍ରୀସ୍ତ ତାକି ବୁଦି ଗାଟାଚେରି; ମାମୁ ବାଡ଼୍‌ୟୁ ହିଲାଆ ଗାଟାତମି,  
 ସାମା ମୀରୁ ବାଡ଼୍‌ୟୁ ଗାଟାଚେରି; ମୀରୁ ଗାଞ୍ଜୁରମି ବେଟା ଆନାଚେରି, ସାମା  
 ମାମୁ ବେଟା ଆଆଗାଟାତମି । ୧୧ ନୀଏଁ ପାଚେକା ମାମୁ ହାକି, ଅଡ଼େ  
 ଏସ୍‌କି ଗାଟାତମି, ଗେଞ୍ଜିତି ହିମ୍‌ପୁରି ହୁଟାମାନମି, ଅଡ଼େ ମାଡା ବେଟାଆହି  
 ମାନମି, ଇଞ୍ଜିଁ ବାସାଟାୟୁ ହିଲାଆନା ରେଜିମାନମି । ୧୨ ମା କେୟୁଟି ଝାହୁତି  
 କାମା କିହିମାନମି, ଆମ୍‌ଆସି ବାକା ଇଟାସାରେ, ମାମୁ ଏଞ୍ଜାରାଇଁ ବର  
 ହାହିମାନମି, ସାସି ହିୟାତିହିଁ ଜିକେଏ ଅର୍‌ହିମାନମି । ୧୩ ମାଢ୍ଢେ ଲାଜା  
 କିୟାତିହିଁ ଜିକେଏ ମାମୁ ଆଣ୍ଡୁଝିଆନି କାତା ଝେସିମାନମି; ନୀଏଁ ପାଚେକା ମାମୁ  
 ଦାର୍‌ତିତି ତୁକିଜାଣୁ ଅଡ଼େ କିଟସି ରୁଡିତି ଲେହେଁ ଆହାମାନମି । ୧୪ ନାନୁ  
 ମିଢ୍ଢେ ଲାଜା ହାହାଲି ଇ ବାରେ କାତା ରାଟିମାଞ୍ଜୁଅଁ, ସାମା ନା ଜୀଞ୍ଜୁତି ମୀର୍କା  
 ଇଞ୍ଜିଁ ଅଣ୍‌ପାଦା ମିଢ୍ଢେ ସେଡନା ହାହାଲିତାକି ଇ ବାରେ କାତା ରାଟିମାଞ୍ଜୁଇଁ  
 । ୧୫ ଇଚିହିଁ କ୍ରୀସ୍ତ ତାକି ମିଢ୍ଢେ ଜାପ୍‌ନାରି ଦସ ମାଣା ଲକୁ ଡୟିନେରି,  
 ଆଡିଜିକେଏ ହାରେକା ତାଞ୍ଜିୟାଁ ହିଲଅରି; ଇଚିହିଁ କ୍ରୀସ୍ତ ଜୀସୁ ତାଣା ନାନୁ  
 ମିଢ୍ଢେ ନେହିଁ କାବୁତଲେ ମୀ ତାଞ୍ଜି ଲେହେଁ ଆହାମାଇଁ । ୧୬ ଏନାଆଁତାକି ନାନୁ  
 ମିଢ୍ଢେ ବାଟିମାଲିମାଞ୍ଜୁଇଁ ନାନୁ କିହିମାନି ଲେହେଁ କିଦୁ । ୧୭ ଏନାଆଁତାକି  
 ନାନୁ ତିମତିଇଁ ମୀ ତାଣା ପାଣ୍ଡିମାଞ୍ଜୁଇଁ, ଏଞ୍ଜାସି ମାହାପୁରୁ ତାଣା ନା ଜୀଞ୍ଜୁତି  
 ନାମୁତି ମୀରୁଏସି; ଏନିକିଁ ନାନୁ ବାରେଞ୍ଜାକି ବାରେ କୁଲମିକାଣା ଜାପ୍‌ହି ମାଇଁ,  
 ଏଲେକିଁ ଏଞ୍ଜାସି ମିଢ୍ଢେ ନା କ୍ରୀସ୍ତ ଲେମ୍‌ମିନାଣି ଅଣ୍‌ପି କିୟାନେସି । ୧୮ ନାନୁ  
 ମୀ ତାଣା ଝାହି ହିଲଅଁ ଇଞ୍ଜିଁ ଅଣ୍‌ପାଦା ଏଚରଜାଣା ବତପଣ ଆହିମାଞ୍ଜେରି  
 । ୧୯ ସାମା ମାହାପୁରୁ ମନ କିଚିହିଁ, ନାନୁ ମୀ ତାଣା ତବେ ଝାଇଁ; ଅଡ଼େ  
 ଆମ୍‌ଆରି ବତପଣ ଆହିମାନେରି, ଏଞ୍ଜାରି କାତାତଲେ ଆଏ, ସାମା ବାଡ଼୍‌ୟୁତି

ସିନିକିଇଁ । ୨୦ ଇତିହାସ ମାହାପୁରୁଷ ରାଜି ଖାରୁଇ ଜଳିନି କାତାତଲେ ଆଏ, ସାମା ବାଡ଼ୟୁ ତଲେ ଡଞ୍ଜାଆନେ । ୨୧ ମୀ ଅଶ୍ଵୁ ଏନାୟି? ନାନୁ ବାଡ଼ଗା ଆସାଁ ମୀ ଡାଣା ଖାଇଁ କି ଜୀଞ୍ଜୁ ନନାଣି ଆସାନା ଇଞ୍ଜାଁ ସୁନୁ ସୁଖାଲା ଗାଟି ଜୀଞ୍ଜୁ ଆସାଁ ଖାଇଁ?

**୫** ସାତେଏ ଡଞ୍ଜାମାନେ କି ମୀ ବିତ୍ରା ଦାରିକାମା ମାନେ, ଅଡ଼େ ମୀ ଡାଣା ଇଲେତି ଦାରିକାମା ମାନେ, ଅଡ଼େ ଇଲେତାୟି ଜୀହୁଦିଆଆତାରି ଡାଣା ଜିକେଏ ଆଏ, ଇଲେକିଁ ରଅସି ତାମି ଆବା ତକ୍ରିନି ଇଟାମାନେସି । ୨ ଅଡ଼େ, ଆମ୍ବାଆସି ଇଲେତି କାମା କିହାମାନେସି, ଏଞ୍ଜାସି ଏନିକିଁ ମୀ ଡାଣାଟି ହେକ କିଞ୍ଜିଆନେସି, ଏଦାଆଁତାକି ଦୁକୁଆହିଁ ଡୀଆନା ବତପଣ ଆହିମାଞ୍ଜେରି? ୩ ସାମା ନାନୁ ଆଡ଼୍ଠା ତଲେ ହିଲାଆତି ଜିକେଏ ଏମ୍ବାଆଁ ମାନିଲେହେଁ ମାଇଁ, ଆମ୍ବାଆସି ଇଲେତି କାମା କିହାମାନେସି, ନାନୁ ମାନି ଲେହେଁ ପ୍ରବୁ ଜୀସୁ ଦରୁତଲେ ଏଞ୍ଜାଣି ବିଚାରା କିହା ରାହାମାଇଁ, ୪ ଇତିହାସ ମୀରୁ ଅଡ଼େ ନା ପ୍ରବୁ ଜୀସୁ ବାଡ଼ୟୁ ତଲେ କ୍ରୁଡା ଆନାଟି ନା ଜୀଞ୍ଜୁ ଜିକେଏ ଏମ୍ବାଆଁ ଡୟିନେ ଇଞ୍ଜାଁ ପୁଞ୍ଜାମାଇଁ, ୫ ଇଞ୍ଜାଁ ଇଲେତି ଲକୁଇଁ ଆଡ଼୍ଠା ତଲେ ନାସା ଆହାଲି ସୟତାନ କେୟୁତା ହେରୁପିନାୟି ମାନେ, ଏନିକିଁ ପ୍ରବୁ ଜୀସୁତି ଦିନାତା ଏଞ୍ଜାଣି ଜୀଞ୍ଜୁ ଗେଲ୍ପି ଆହାଲି ଆଡ଼ିନେ । ୬ ମୀରୁ ଇଲେଆହିଁ ବତପଣ ଆନାୟି ନେହେଁ ଆଏ । ମୀରୁ ପୁଞ୍ଜାହିଲଅତେରି, “ଇଚରା ପୁଲାଏୟୁ ବିତିତା ମାନି ଗୁଣ୍ଡାତି ପୁଲା କିନେ ।” ୭ ମୀରୁ ପୁଲା ତିନାଆ ଲକୁତେରି, ଏଦାଆଁତାକି ଏନିକିଁ ମୀରୁ ପୁଞ୍ଜା ଡକା ଆହାଲି ଆଡ଼ିଦେରି, ଏଦାଆଁତାକି ପୁଞ୍ଜା ପୁଲା ଏୟୁତି ହୁପହା ତୁହୁଦୁ: ଏନାଆଁତାକି ଇତିହାସ ମୀ ପିସ୍ପିଆନି ପାରୁତି ମେଣ୍ଡା ଡାଲୁ, ଇତିହାସ କ୍ରୀସ୍ତ, ଜିକେଏ ପୂଜା କିଞ୍ଜିଆହାମାନେସି । ୮ ଏଦାଆଁତାକି ଖାଦୁ, ମୀର ପାପୁ ଅଡ଼େ ଲାଗେଏତି ପୁଞ୍ଜା କାମାଟି ରୁଟି ପଢ଼ିକିନି ଗୁଣ୍ଡା ତଲେ ପାରୁଁ କିଆନା ତୀରି ଅଡ଼େ ସାତା ତଲେ ପୁଲାଏୟୁ ହିଲାଆ ରୁଟିତି ପାରୁଁ କିନ । ୯ ଦାରି କାମାକିନାରି ତଲେ ଆଣ୍ଡାଆଦୁ ଇଞ୍ଜାଁ ନାନୁ ନା ଆକୁତା ରାତାମାଚେଏଁ; ୧୦ ଇ ଦାରୁତିତି ଦାରିକାମା କି ଦନ ଜୁପକା, ଏଟକାତାରି ଦିଶ୍ଵ ସରୁ ଆନାରି, ପେଟକା ବମାୟାଁ ପୂଜା କିନାରି ତଲେ ଆମ୍ବାଆସି ଏଚେଲା ଆଣ୍ଡାଆସି, ଏଦି ଆଏ, ଏଲେଆଡ଼ିହିଁ ଦାରୁତିତି ହୁଚା ହାନାୟିମାନେ; ୧୧ ଇତିହାସ ନା ରାତିନି ଅଶ୍ଵୁ ଇଦି ମାଚେ, ଇତିହାସ ଆମିନି ଲକୁତି ତାୟି ଇଞ୍ଜାଁ ଡଞ୍ଜାମାନା, ଦାରିକାମା, ଦନ ଜୁପକା, ପେଟକା ବମାୟାଁ ପୂଜା, ନିନ୍ଦା ଗାଟାରି,



କାହୁଁ ବୁଝୁ, ଏବଂକାତାରି ଦିଶସୁତି ସରୁ ଆନେରି, ଆତିହିଁ ଏଲେତାରି ତଲେ କୁଡ଼ାଆଦୁ, ଅଡ଼େ ଏଞ୍ଜାରିତଲେ ରାନ୍ତା ଜିକେଏ ତିନାଆଦୁ । ୧୨ ପାଞ୍ଜୁତି ଲକ୍ଷୁତି ନୀହାୟି କିହାଲି ନାନୁ ଆମ୍ବାଆଡେଏ? ସାମା କୁଲମି ବିତ୍ରା ଆମ୍ବାଆରି ମାନେରି ଏଞ୍ଜାରି ବିଚାରା ମୀରୁ କିଅଡେରି କି? ୧୩ ସାମା ଆମ୍ବାଆରି ପାଞ୍ଜୁତା ମାନେରି ମାହାପୁରୁ ଏଞ୍ଜାରି ବିଚାରା କିନେସି । ଦାମ୍ବୁ ସାସ୍ତେରିତା ରାସ୍କି ଅହାମାନେ, “ମୀ ତାଣାଟି ଲାଗେଏତି ଲକ୍ଷୁଣି ଏବଂକା କିଦୁ ।”

୨ ମୀ ବିତ୍ରାଟି ଆମ୍ବାଆରି କପାଟି କାତା ମାତିସାରେ ଏଞ୍ଜାସି ନୀହାୟି କିହାଲି ମାହାପୁରୁ ଲକ୍ଷୁତାଣା ହାଲୀଆନା ଦାମ୍ବୁ ହିଲୀଆଗାଟି ନୀହାୟି କିନାଣି ତାଣା ଅହାଲି ଏନିକି ସାସା ମାନେ? ୨ ମାହାପୁରୁ ଲକ୍ଷୁ ଇ ଦାର୍ତତି ନୀହାୟି କିନେରି, ଇ କାତା କି ମୀରୁ ପୁଞ୍ଜୁହିଲଅଡେରି? ଇଞ୍ଜା ଦାର୍ତତି ମୀ ତାଣା ନୀହାୟି କିଞ୍ଜିଆନେ, ଆତିହିଁ ଇ ଇତି ଇତି କାତାଟି ନୀହାୟି କିୟାଲି ଆଡଅଡେରି କି? ୩ ମୀର ଲାକପୁରୁତି ଦୁରୁୟାଈ ଜିକେଏ ବିଚାରା କିନାୟି ଇ କାତା ମୀରୁ ପୁଞ୍ଜୁହିଲଅଡେରି କି? ଆତିହିଁ ଦାର୍ତତି ଜାମ୍ଲିତି ଜିକେଏ ନୀହାୟି କିନାୟି ମାଢ୍ଢେତାକି ଉସାସା ଆୟେଏ କି? ୪ ମୀ ଜୀଞ୍ଜୁତି କାତା ଏନାୟି, ସାମା ନୀହାୟି କିୟାଲି ଏନି ଦାର୍ତତି କାତା ମାତିହିଁ, ଏଦାଆଁ ନୀହାୟି କିୟାଲି କୁଲମିତି ପୁନାଆ ଗାଟାରାଈ ନୀହାୟି କିୟାଲି ହାଟିଦେରି କି? ୫ ନାନୁ ମିଢ୍ଢେ ଲାଜା ହାହାଲିତାକି ଇଦାଆଁ ଖେସିମାଞ୍ଜାଈ । କ୍ରୀସୁଈ ନାମାମାନି ତାୟିୟାଁ ବିତ୍ରା ଆହିମାନି ଗଡ଼ହାଟି ତୁକ୍ତହାଲି, ଇଲେତି ର ବୁଦିଗାଟାସି ଜିକେଏ କୁଲମିତା ଆମ୍ବାଆସି ହିଲଅସି କି? ୬ ସାମା ନାମୁଗାଟି ତାୟି ଅର ତାୟି କପାଟି ନୀହାୟି ଇଲୁତା ଦାଞ୍ଜା କିନେସି, ଏଦି ଜିକେଏ ନାମାଆଗାଟାରି ତାଣା! ୭ ସାମା ମୀ ମୀ ବିତ୍ରାଟି କାତାତାକି କର୍ତତା ଦାଞ୍ଜା କିହିମାଞ୍ଜେରି, ଏମ୍ବାଆଁ ସାଡେଏ ଦହ ଗାଟାଡେରି, ଏନାଆଁତାକି ଲାଗେଏତାଣି ଅରୁହି ହିଲଅଡେରି? ଏନାଆଁତାକି ନାସଞ୍ଜି ଆନାଣି ଅପିହିଲଅଡେରି? ୮ ସାମା ମୀରୁ ମୀରୁଏ ଲାଗେଏ ଅଡ଼େ ନାସା କିହିମାଞ୍ଜେରି, ଅଡ଼େ ଏଦାଆଁ ତାୟିୟାଁଣି କିହିମାଞ୍ଜେରି । ୯ ଅଡ଼େ ଦାମ୍ବୁ ହିଲୀଆ ଗାଟାରି ମାହାପୁରୁ ରାଜିତି ଅଦିକାରା ଆଅରି, ଇଦାଆଁ କି ମୀରୁ ପୁଞ୍ଜୁହିଲଅଡେରି? ନାଡ଼ିକିଞ୍ଜି ଆଆଦୁ, ଦାରିକାମା, କି ପେଶକା ବମାୟାଁ ପୁଜା କିନାରି, ଲାଗେଏତି କାମାକିନାରି, ଆବା ଆବାୟାଁ ଦହ କିଞ୍ଜିଆନାରି, ୧୦ ସରୁ କିନାରି, ଦନ ଜୁପକା, କାହୁଁ ବୁଝୁ, ଲକ୍ଷୁଣି ନିନ୍ଦା କିନାରି, ଏବଂକାତାରି ଦିଶସୁ ମୀଞ୍ଜିନାରି, ଇଞ୍ଜାରି ମାହାପୁରୁ ରାଜିତା ଅଦିକାରା କିହାଲି ଆଡଅରି । ୧୧

ଅଡ଼େ, ମୀ ବିତ୍ତା ଆମ୍ବା ଆମ୍ବାଆରି ଇଲେକି ମାରେରି; ସାମା ପ୍ରଭୁ ଜୀସୁ କ୍ରୀସ୍ତ  
ଦରୁତଲେ ଇଞ୍ଜି ମାହାପୁରୁତି ସୁଦୁଜୀସୁ ତଲେ ମୀରୁ ନରୁଝି ଆହାମାଞ୍ଜେରି,  
ଇଞ୍ଜି ସୁଦୁଗାଟାରେରି ଆହାନା ତୀରିଗାଟାରେରି ଇଞ୍ଜି ଝେଞ୍ଜା ମାଞ୍ଜେରି । ୧୨  
ଆମ୍ବାଆସି ଏଲେଇନେସି “ନାଢ଼େ ବାରେ କାମା କିହାଲି ଅଦିକାରା ହୀପକି  
ଆହାମାଞ୍ଜାନେ,” ସାତା କାତା, ସାମା ବାରେ କାମା ନିଢ଼େଟାକି ନେହାୟି  
ଆଏ, ନାଢ଼େ ବାରେ କାମା କିହାଲି ହେଲ ମାନେ ସାମା ନାଢ଼େ ଲକ୍‌ହାଲି  
ଆମ୍ବାଆରାକି ଏରେଲା ପାରୁ ହୀଅଁ । ୧୩ ଏଚରଜାଣା ଏଲେଇନେରି “ରାନ୍ଧୁ  
ବାଣ୍ଡି ତାକି ଇଞ୍ଜି ବାଣ୍ଡି ରାନ୍ଧୁ ତାକି ।” ସାମା ମାହାପୁରୁ ଇ ରିଶ୍ଟାଆଁତି ଜିକେଏ  
ମ୍ଲେକ୍‌ନେସି । ଆଢ଼ା ଦାରି କାମାତାକି ଆଏ, ସାମା ପ୍ରଭୁତି ସେବାତାକି, ଅଡ଼େ  
ପ୍ରଭୁ ଆଢ଼ା ତାକି । ୧୪ ମାହାପୁରୁ ପ୍ରଭୁ ଜୀସୁଇଁ ହାକିଟି ନିକ୍‌ହେସି, ଇଞ୍ଜି  
ତାନି ବାଡ଼୍‌ୟୁ ତଲେ ମାଢ଼େ ଜିକେଏ ନିକ୍‌ହାନେସି । ୧୫ ମୀ ଆଢ଼ା କ୍ରୀସ୍ତତି  
ଆଢ଼ା ଲେହେଁ, ଇଦାଆଁ ପୁଞ୍ଜାହିଲଅତେରି କି? ଆତିହିଁ ନାନ୍ଧୁ କ୍ରୀସ୍ତତି ର ଆଢ଼ା  
ଆହାନା ଦାରେଣି ଆଢ଼ା କିଇଁ? ଏଦି ଏରେଲା ଜିକେଏ ଆଆପେ । ୧୬ ଅଡ଼େ  
ଆମ୍ବାଆସି ଦାରେଣି ତଲେ ଆଣ୍ଡିନେସି ଏଝାସି ଏଦାନିତଲେ ରଣ୍ଡିଏ ଆଢ଼ା  
ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି? ଏଦାଆଁତାକି ଦାମ୍ବୁପତିତା ରାସ୍‌କି  
ଆହାମାନେ “ଏ ତକ୍‌କି ତକ୍‌କା ରଣ୍ଡିଏ ଆଢ଼ା ଆନ୍ଧୁ ।” ୧୭ ସାମା ଆମ୍ବାଆସି  
ପ୍ରଭୁ ତଲେ ଆଣ୍ଡିନେସି, ଏଝାସି ଏଝାଣିତଲେ ରଣ୍ଡିଏ ଜୀସୁ ଆନେସି । ୧୮  
ଦାରିକାମାଟି ହେକ ଆରୁ, ମାଣ୍‌ସି ଏନି ପାପୁ କିନେସି, ଏଦି ଆଢ଼ାତି ଲାଗେଏ  
କିନେସି, ସାମା ଆମ୍ବାଆସି ଦାରିକାମା କିନେସି, ଏଝାସି ତାନି ଆଢ଼ା କ୍‌ପାଟି  
ପାପୁ କିହିମାନେସି । ୧୯ ମୀ ଆଢ଼ା ମାହାପୁରୁ ତାଣାଟି ବେଟାଆହାମାନି ମୀ  
ହିୟାଁ ବିତ୍ତା ସୁଦୁଜୀସୁ ବାସାଆନି ଦେସୁଡ଼ି, ଇଦାଆଁ ମୀରୁ ପୁଞ୍ଜାହିଲଅତେରି  
କି? ଅଡ଼େ ମୀରୁ ମୀରୁଏ ମିଆତେରି ଆଏ; ସାମା ମାହାପୁରୁତି ଲକ୍‌ତେରି ।  
୨୦ ଇତିହିଁ ମୀରୁ ଗାଡି ଦାରାତଲେ କଡ଼୍‌ଝି ଆହାମାଞ୍ଜେରି; ଏଦାଆଁତାକି ମୀ  
ଆଢ଼ା ତଲେ ମାହାପୁରୁତି ଗାଝୁରମି କିଦୁ ।

୨ ମୀରୁ ମୀ ଆକ୍‌ତା ଆମିନି କାତା ରାତା ମାଞ୍ଜେରି, ଏ ବାରେତାକି ନାନ୍ଧୁ  
ଝେସ୍‌ଦାନାୟି ଇଦି, “ଇୟାନି ତୀଗାଆ ଗାଟାୟି ଆବାକି ନେହେଁ;” ୨ ସାମା  
ଦାରି କାମାଟି ଆଜିତାକି ବାରେ ଆବାୟାକି ଜାହାରା ତକ୍‌କି ମାଣ୍‌ମ୍ଲେ, ଅଡ଼େ  
ଇୟାସିକାକି ଜାହାରା ତକ୍‌କା ମାଣ୍‌ମ୍ଲେସି । ୩ ତକ୍‌କା, ତକ୍‌କିନାକି ଏନାୟି ଲଡ଼ା  
ଏଦାଆଁ ହୀପାସି, ଇଞ୍ଜି ଏଲେକିହିଁଏ ତକ୍‌କି ତକ୍‌କାକି ତାନି ଲଡ଼ାମାନାଣି ହୀପେ,

ଅଡ଼େ ତାମ୍ବୁଲେ ଏନାୟି ଲତାମାନାଣି ପୁରା କିନାୟିମାନେ । ୪ ତକ୍ତି ତାନି  
 ଆଡ଼୍ଠାତି ମୁହେଁ ଅଦିକାରା ହିଲେଏ, ସାମା ତକ୍ତାକି ମାନେ । ଏଲେକିହିଁଏ  
 ତକ୍ତାକି ତାନି ଆଡ଼୍ଠାତି ମୁହେଁ ଅଦିକାରା ହିଲେଏ, ସାମା ତକ୍ତିନାକି ମାନେ ।  
 ୫ ତାମ୍ବୁ ତାମି ତାଣାଟି ଏଟ୍ଟକା ଆହାନା ଡ଼ୟାଆପୁ: ସାମା ପ୍ରାତାନା କିହାଲି  
 ଏଚରଦିନା ପାତେକା ରିଆତେରି ରଣ୍ଡିଏ ମନ ଆହାନା ଏଟ୍ଟକା ଡ଼ୟାଲି  
 ଆଡ଼ିଦେରି; ଅଡ଼େ ମୀ ଆଡ଼୍ଠାତି ଜୁପ୍ଟକାତାକି ଡ଼ୟାଲି ଆଡ଼ାଆକି ସୟତାନ  
 ଏନିକିଁ ମିଡ଼୍ଠେ ତାୟିପାରି କିୟେଏ, ଏଦାଆଁତାକି ଝେଣ୍ଡେ ଆଣ୍ଡ଼ିଆଦୁ । ୬  
 ସାମା ନାନୁ ହୁକୁମି ହାନି ଲେହେଁ ଝେହ୍‌ଆନାହାଁ ଜାପ୍‌ନି ଲେହେଁ ଝେସିମାଲ୍ ।  
 ୭ ଆତିହିଁ ଜିକେଏ ଏନିକିଁ ବାରେ ଲୁକୁ ନାଲେହେଁକିଁ ଆନେରି, ଇଦି ନା ଅଣ୍ଡ଼ପୁ  
 । ସାମା ଆମ୍ବାଆରି ଇଲେତି ଦାନା, ଅଡ଼େ ଆମ୍ବାଆରି ଏଲେତି ଦାନା ମାହାପୁରୁ  
 ତାଣାଟି ବେଟାଆହାମାନେରି । ୮ ସାମା ନାନୁ ବୀହା ଆଆତି ଲୁକୁଇଁ ଇଞ୍ଜି  
 ରାଣ୍ଡେଣିସିକାଣି ଝେସିମାଲ୍, ଏଞ୍ଜି ନାଲେହେଁକିଁ ଡ଼ୟିତିହିଁ ଏଞ୍ଜିସିକାକି ନେହେଁ ।  
 ୯ ସାମା ଏଞ୍ଜି ଆଡ଼୍ଠାତି ଲକ୍‌ହାଲି ଆଡ଼ିହିଲାର ଇତିହିଁ ଏଞ୍ଜି ବୀହା ଆପୁ: ଇତିହିଁ  
 ଆଡ଼୍ଠା ଲାଗେଏତି କାମାତା ଝେନିକିହିଁ, ବୀହା ଆନାୟି ନେହେଁ । ୧୦ ସାମା  
 ବୀହା ଆତି ଲୁକୁଇଁ ନାନୁ ହୁକୁମି ହାହିମାଲ୍, ନାନୁ ଆଏ ସାମା ପ୍ରବୁ ହୁକୁମି  
 ହାହିମାନେସି, ତକ୍ତି ତାନି ତକ୍ତା ତାଣାଟି ଏଟ୍ଟକା ଆଆପେ । ୧୧ ସାମା ଏଦି  
 ରଣ୍ଡିଏ ଏଟ୍ଟକା ଆନେ, ଆତିହିଁ ଏଦି ବୀହା ଆଆପେ, ଇଞ୍ଜି ତାନି ତକ୍ତାତଲେ  
 ଅଡ଼େ ଆଣ୍ଡ଼ାପେ; ଅଡ଼େ ତକ୍ତା ତାନି ତକ୍ତିନି ହେଲ ହାଆପେସି । ୧୨ ଏଟ୍ଟକା  
 ତାରାଇଁ ନାନୁ ଝେସିମାଲ୍, ମା ବିତ୍ରା ଆମ୍ବାଆରି ତକ୍ତି କ୍ରୀସୁଇଁ ନାମାହିଲାଆତି  
 ଜିକେଏ ତକ୍ତାତଲେ ଡ଼ୟାଲି ମନ କିତିସାରେ, ଆତିହିଁ ଏ ତାୟି ଏ ତାଡ଼୍ଠିନି  
 ହେଲ ହାଆପେସି । ୧୩ ଏଲେକିହିଁ ଆମିନି ତକ୍ତି ମାହାପୁରୁଇଁ ନାମାଆତି  
 ତକ୍ତାକି ବୀହା ଆହାମାନେ, ଇଞ୍ଜି ଏଦି ଏଞ୍ଜିଣିତଲେ ଡ଼ୟାଲି ମନ କିନେ, ଏଦି  
 ତାନି ତକ୍ତାଲ୍ ପିହ୍‌ଆପେ । ୧୪ ଇତିହିଁ ନାମାଆତି ତକ୍ତା ନାମିତି ତକ୍ତି ତାକି  
 ମାହାପୁରୁ ତାଣାଟି ସୁଦୁ ଆହାମାନେସି, ଅଡ଼େ ନାମାଆତି ତକ୍ତି ନାମିତି ତକ୍ତା  
 ତାକି ମାହାପୁରୁ ତାଣାଟି ସୁଦୁ ଆହାମାନେ; ଆଆତିହିଁ ମୀ ମୀର୍କକା ମାୟକା  
 ଲାଗେଏ ଆତେରିମା, ସାମା ନୀଏଁ ଏଞ୍ଜିରି ସୁଦୁଗାଟାରି । ୧୫ ସାମା ନାମାଆ  
 ଗାଟାସି କି ନାମାଆ ଗାଟାୟି ଏଟ୍ଟକା ଆହାଲି ମନ କିତିହିଁ ତାମି ମନଲେହେଁ  
 ଏଟ୍ଟକା ଆପାରି; ଇଲେତି ତାଣା ତାୟି କି ତାଡ଼୍ଠି ଦସ୍‌ପି ଆହାହିଲାର; ମାହାପୁରୁ  
 ମିଡ଼୍ଠେ ହିଡ଼ି ତଲେ ମାଞ୍ଜାଲି ଆତାମାଞ୍ଜାନେସି । ୧୬ ନାନୁ ନାମିତି ତକ୍ତି

ଆହାନା ନୀ ତକ୍ରାକି ଗେଲ୍‌ପିନାତି ଆଦି, ଇଦାଆଁ ପୁଞ୍ଜାହିଲଅତିକି? ଇଞ୍ଜି  
 ନୀନୁ ନାମିତି ତକ୍ରା ଆହାନା ନୀ ତକ୍ରାକି ଗେଲ୍‌ପିନାତି ଆଦି, ଇଦାଆଁ  
 ପୁଞ୍ଜାହିଲଅତିକି? ୧୭ ଇତିହ୍ ପ୍ରବୁ ଆମ୍ବାଆରାକି ଏନିକିଁ ଦାନା ହାହାମାନେସି,  
 ମାହାପୁରୁ ଆମ୍ବାଆରାଇଁ ଏନିକିଁ ହାଟାମାନେସି, ଏଞ୍ଜାସି ଏଲେକିଁ ଡାକାପେସି,  
 ନାନୁ ବାରେ କୁଲମିତି ଏଲେକିହିଁଏ ହୁକୁମି ହାହିମାଇଁ । ୧୮ ଆମ୍ବାଆସି  
 ତଲୁ ଦାପିଆହାଁ ହାଟ୍‌କି ଆହାମାନେସି? ଏଞ୍ଜାସି ତଲୁ ଦାପି ଆତି ସିନାତି  
 ତୁକ୍‌ଆପେସି; ଆମ୍ବାଆସି ତଲୁ ଦାପି ଆଆନା ହାଟ୍‌କି ଆହାମାନେସି? ଏଞ୍ଜାସି  
 ତଲୁ ଦାପି ଆଆପେସି । ୧୯ ତଲୁ ଦାପି ଆନାୟି କି ଆଆଗାଟାୟି କାଜା  
 କାତା ଆଏ, ସାମା ମାହାପୁରୁ ହୁକୁମି ମାନଞ୍ଜି ଆନାୟି କାଜା କାତା । ୨୦  
 ବାରେ ଜାଣାଇଁ ଏନିକିଁ ମାହାପୁରୁ ହାଟାମାନେସି ଏଲେକିଁ ମାଣ୍ଡେସି ।  
 ୨୧ ମୀରୁ ହୁଲିୟାଙ୍ଗୁ ଆହାମାଟାଟି ହାଟ୍‌କି ଆହାମାଞ୍ଜେରି? ଅଶ୍‌ପାଆଦୁ;  
 ସାମା ଗେଲ୍‌ପିଆୟିଲି ଆଡିଦେରି ଆତିହିଁ ଗେଲ୍‌ପି ଆୟିଲି ପାରୁ ପାରାଦୁ ।  
 ୨୨ ଆମ୍ବାଆସି ହୁଲେଏସି ଆହାଁ ପ୍ରବୁ ତାଣା ହାଟ୍‌କି ଆହାମାନେସି, ଏଞ୍ଜାସି  
 ପ୍ରବୁତି ଗେଲ୍‌ପି ଆତାସି; ଏଲେକିହିଁଏ ଆମ୍ବାଆସି ଗେଲ୍‌ପିଆହାଁ ହାଟ୍‌କି  
 ଆହାମାନେସି ଏଞ୍ଜାସି କ୍ରୀସୁତି ହୁଲେଏସି । ୨୩ ମୀରୁ ହାରେକା ଦାରାତଲେ  
 କଡ଼ଞ୍ଜି ଆହାମାଞ୍ଜେରି; ମାଣ୍ଡିୟାତି ହୁଲିୟାଙ୍ଗୁତେରି ଆଆଦୁ । ୨୪ ତାୟିୟା  
 ଅଡେ ତାଢ଼ିସ୍ନାତେରି, ମାହାପୁରୁ ମିଢ୍ଜେ ହାଟାଟାଟି ମୀରୁ ଏନିକିଁ ମାତେରି  
 ଏଲେଆହିଁଏ ମାହାପୁରୁ ତଲେ ଡୟିନାୟି ମାନେ । ୨୫ ଡାଆସିକା କାତା,  
 ନାନୁ ପ୍ରବୁ ତାଣାଟି ଏନି ହୁକୁମି ବେଟା ଆହାହିଲଅଁ; ସାମା ପ୍ରବୁତି କାର୍ମାଟି  
 ନାମୁଗାଟାସି ଆହାନା ନା ଅଶ୍‌ପୁତା ଝେସିମାଞ୍ଜାଇଁ । ୨୬ ନାନୁ ଅଶ୍‌ପିମାଇଁ,  
 ମାଣ୍ଡି ଏନିକିଁ ମାନେସି, ନୀଏତି କସୁ ବାଦା ତାକି ଏଲେକିହିଁଏ ମାନାୟି  
 ନେହେଁ । ୨୭ ନାନୁ ତକ୍ରା ତଲେ ଦସ୍‌ପି ଆହାମାଞ୍ଜି? ଆତିହିଁ ପିସ୍‌ପି ଆହାଲି  
 ଅଶ୍‌ପାଆନି, ଇଞ୍ଜି ନାନୁ ତକ୍ରା ତାଣାଟି ପିସ୍‌ପି ଆହାମାଞ୍ଜି? ଆତିହିଁ ତକ୍ରା  
 ଇଟାଲି ଅଶ୍‌ପାଆନି । ୨୮ ସାମା ନାନୁ ବାହା ଆହାମାଞ୍ଜି, ଆତିଜିକେଏ  
 ପାପୁ କିହାହିଲଅତି; ଅଡେ ଡାଆପଦା ବାହା ଆହାମାନେ, ଆତିଜିକେଏ  
 ଏଡି ପାପୁ କିହାହିଲେଏ, ଆତିଜିକେଏ ଇଲେତି ଲକୁ ଆଢ୍ଗାତା ହାରେକା  
 କସୁ ବେଟାଆନୁ, ଅଡେ ମୀରୁ ଏମ୍ବାଟି ଏନିକିଁ ଗେଲ୍‌ପି ଆଦେରି ଇଦି ନା  
 ଅଶ୍‌ପୁ । ୨୯ ସାମା ଏ ତାୟିୟା ଅଡେ ତାଢ଼ିସ୍ନାତେରି ନା ଅଶ୍‌ପୁ ଇଦି, ଦିନା  
 ତାଗେ ଏଦାତେୟିଏ, ଏଦାଆଁତାକି ଆମ୍ବାଆରାକି ତକ୍ରା ମାନେ, ଏଞ୍ଜାସି ତକ୍ରା

ହିଲାଆଲେହେଁ ମାଣ୍ଡେସି । ୩୦ ଅଡ଼େ ଆମ୍ବାଆରି ଡ଼ାହି ମାନେରି, ଏଞ୍ଜାରି  
 ଡ଼ାହି ହିଲାଆ ଲକୁ ଲେହେଁ ଆପେରି; ଅଡ଼େ ଆମ୍ବାଆରି ରାହାଁ କିହିମାନେରି,  
 ଏଞ୍ଜାରି ରାହାଁ କିହି ହିଲାଆ ଲକୁ ଲେହେଁ ଆପେରି; ଇଞ୍ଜାଁ ଆମ୍ବାଆରି କଡ଼ିନେରି  
 ଏଞ୍ଜାରି ଅଦିକାରା ବେଟାଆଆତି ଲେହେଁ ଆପେରି; ୩୧ ଅଡ଼େ ଆମ୍ବାଆରି  
 ଦାର୍ତ୍ତିତି ଦିଶ୍ଵୁ ଲେମ୍ବିମାନେରି ଏଞ୍ଜାରି ଚ୍ଚେମ୍ବାଆଗାଟି ଲକୁ ଲେହେଁ ଆପେରି;  
 ଏନାଆଁତାକି ଇତିହିଁ ଇ ଦାର୍ତ୍ତିତି ଖାଣା ଚିରିମ୍ବୁହି ମାନେ । ୩୨ ସାମା ମୀରୁ  
 ଏନିକିଁ ଅଶ୍ଵଅତେରି ଏଦି ନା ଅଶ୍ଵୁ, ଆମ୍ବାଆସି ବୀହା ଆଆତାସି ଏଞ୍ଜାସି  
 ଏନିକିଁ ପ୍ରବୁଇଁ ରାହାଁ କିଞ୍ଜିକିହାଲି ଖାରଇ ପ୍ରବୁତି କାମା ଅଶ୍ଵିନେସି; ୩୩  
 ସାମା ଆମ୍ବାଆସି ବୀହା ଆହାମାନେସି ଏଞ୍ଜାସି ଏନିକିଁ ତାନି ତକ୍ତିନି ରାହାଁ  
 ଗାଟାସି ଆନେସି, ଏଦାଆଁତାକି ଦାର୍ତ୍ତିତି କାତା ଅଶ୍ଵିନେସି ଇଞ୍ଜାଁ ତାନି ମନ  
 ବାଗା ଆନେ । ୩୪ ବୀହା ଆଆତି ଇୟାସିକା ଅଡ଼େ ଡ଼ାଆସିକା ଆଞ୍ଜୁ ଇଞ୍ଜାଁ  
 ଜୀଞ୍ଜୁତା ସୁଦୁ ଆହାଲି ପ୍ରବୁତି କାତା ଆସାନା ଅଶ୍ଵିନି: ସାମା ଆମ୍ବାଆୟି  
 ବୀହା ଆହାମାନେ ଏଦି ଏନିକିଁ ଜାହାରା ତକ୍ତାଇଁ ରାହାଁ କିୟାଲି ଆତିନେ,  
 ଏଦାଆଁତାକି ଦାର୍ତ୍ତିତି କାତା ଅଶ୍ଵିନେ । ୩୫ ଇ କାତା ନାନୁ ମୀ ନେହେଁତାକି  
 ଝେସିମାଞ୍ଜାଇଁ, ମିଢ୍ଢେ କସ୍ତୁ ହାନି ଚେରା ତଲେ ଦସ୍ପି ଆହାଲି ଝେସିମାଞ୍ଜାଅଁ,  
 ସାମା ମୀରୁ ଏନିକିଁ ମାନି କିହାଁ ରଣ୍ଡିଏ ମନତଲେ ପ୍ରବୁ ଡ଼ାଣା ଡ଼ୟିଦେରି,  
 ଏଦାଆଁତାକି ଝେସିମାଞ୍ଜାଇଁ । ୩୬ ସାମା, ଆମ୍ବାଆସି ତାଢ୍ଢେତାକି ରୀସ୍ପଆତି  
 ମାଢ୍ଢୁନି ଡ଼ାଆବେଲା ରାତେୟିଏ ଇଞ୍ଜାଁ ଅଶ୍ଵିନେସି, ଅଡ଼େ ଏଞ୍ଜାସି ମୁସ୍ଵୀନା  
 ମାଞ୍ଜାଲି ଆତାଆସାରେ ଅଡ଼େ ତାଢ୍ଢେ ଲଡ଼ାଆନେ ଆତିହିଁ ତାନି ମନତା ଏନାୟି  
 ମାନେ ଏଲେଆହିଁ ବୀହା ଆନାୟି ମାନେ, ଏମ୍ବାଆଁ ପାପୁ ହିଲେଏ, ଏଦାଆଁତାକି  
 ଏଞ୍ଜି ବୀହା ଆପୁ । ୩୭ ସାମା ଆମ୍ବାଆସି ହିୟାଁତା ତୀରି ମାନେସି, ଅଡ଼େ  
 ବୀହା ଆହାଲି ମନ କିଅସି ଇଞ୍ଜାଁ ଆମ୍ବାଆସି ତାନି ମନତି ଲକ୍ତହାଲି ଆତିନେସି  
 ଅଡ଼େ ଏଞ୍ଜାସି ତାନି ମନତା ଏନାଆଁ କିହାଲି ଅଶ୍ଵାମାନେସି ଆତିହିଁ ଏଞ୍ଜାସି  
 ତାଢ୍ଢେ ରୀସାମାନି ଡ଼ାଆ ପଦାଇଁ ବୀହା ଆଆତି ନେହେଁ । ୩୮ ଏଦାଆଁତାକି  
 ଆମ୍ବାଆସି ତାଢ୍ଢେ ରୀସାମାନି ଡ଼ାଆ ମାଢ୍ଢୁନି ବୀହା କିନେସି ଏଞ୍ଜାସି ନେହିଁ  
 କିନେସି, ଅଡ଼େ ଆମ୍ବାଆସି ବୀହା ଆଅସି ଏଞ୍ଜାସି ଏଦାଆଁ କିହାଁ ହାରେକା  
 ନେହିଁ କିନେସି । ୩୯ ବୀହା ଆତି ତକ୍ତି ତାନି ତକ୍ତା ଜୀଞ୍ଜୁ ମାନି ପାତେକା  
 ଦସ୍ପି ଆହା ଡ଼ୟିନେ; ସାମା ତକ୍ତା ହାତିସାରେ ଏ ତକ୍ତି କ୍ରୀସ୍ତ ଡ଼ାଣା ନାମାମାନି  
 ଆମ୍ବାଆରାଇଁ ମନ ଏଞ୍ଜାଶାକି ବୀହା ଆୟାଲି ଆତିନେ । ୪୦ ସାମା ନା

ଅଶ୍ୱପୁତ୍ରା, ଏଦି ଏନିକି ମାନେ ଏଲେକିହିଁଏ ଡୟିତିହିଁ ହାରେକା ରାହାତଲେ  
ଡୟିନେ, ଇଦି ମାହାପୁରୁ ଜୀଝୁତି ହେଲ ଇଞ୍ଜି ନାନୁ ଅଶ୍ୱପିମାଈ ।

୮ ପେଶକା ବମାୟିକି ଡାକାମାନି ବଗୁତି କାତା ନାନୁ ଖେହନାୟି ଇଦି,  
“ବାରେତାକି ବୁଦି ମାନେ” ଇଞ୍ଜି ମୀରୁ ଖେସିମାଞ୍ଜେରି, ଏଦାଆଁ ମୀମୁ ପୁଞ୍ଜାମାନମି  
। ବୁଦି ଡାହାରା କିଞ୍ଜିକିୟାନେ, ସାମା ଜୀଝୁନନାୟି କାଲ୍‌ଞ୍ଜି କିୟାନେ । ୨  
ଆମ୍ବାଆସି ଏନି କାତାତା ଜିକେଏ ନାନୁ ପୁଞ୍ଜାମାଈ ଇଞ୍ଜି ଅଶ୍ୱପିନେସି, ଆତିହିଁ  
ଏଞ୍ଜାଣାକି ଏନିକି ପୁନାୟିମାନେ, ଏଞ୍ଜାସି ନୀଏଁ ପାତେକା ଏଲେକି ପୁଞ୍ଜାହିଲଅସି  
। ୩ ସାମା ଆମ୍ବାଆସି ମାହାପୁରୁଈ ଜୀଝୁ ନନେସି, ଏଞ୍ଜାଣାଈ ମାହାପୁରୁ  
ପୁଞ୍ଜାମାନେସି । ୪ ଏଦାଆଁତାକି ପେଶକା ବମାୟିକି ଡାକାମାନି ବଗୁତି ତିନି  
କାତା ମୀର ପୁଞ୍ଜାମାନାୟି, ଦାର୍‌ତିତା ପେଶକା ଇଞ୍ଜିହିଁ ଏନାଲ ହିଲାଡ, ଅଡେ  
ରଣ୍ଡିଏ ମାହାପୁରୁ ପିସ୍‌ପେ ଅଡେ ରଅସି ହିଲଅସି । ୫ ଇତିହିଁ ଲାକପୁରୁ ଆପେ  
କି ଦାର୍‌ତିତା ଆପେ, ଆମ୍ବାଆରାଈ ମାହାପୁରୁ ଇନେରି, ପେଶକା ମାତିହିଁ  
ଜିକେଏ ସାତେଏ ହାରେକା “ପେଶକା” ଅଡେ ହାରେକା “ପୁବୁୟା” ମାନୁ, ୬  
ଆତିଜିକେଏ ମାଢ୍ଜେତାକି ରଣ୍ଡିଏ ମାହାପୁରୁ ଇତିହିଁ ଏ ଆବା ଡାଶାଟି ବାରେ  
ଗାଡ଼ି ଆହାମାନେ, ଇଞ୍ଜି ମୀର ଏଞ୍ଜାଣି ତାକି ନୀଡାମାନାୟି; ଇଞ୍ଜି ରଣ୍ଡିଏ  
ପୁରୁ ଇତିହିଁ ଜୀସୁ କ୍ରୀସ୍ତ, ଏଞ୍ଜାଣି ଡାଶାଟି ବାରେ ଗାଡ଼ି ଆହାମାନେ, ଅଡେ  
ମୀର ଏଞ୍ଜାଣି ଡାଶାଟି ନୀଡାମାନାୟି । ୭ ଆତିଜିକେଏ ବାରେତାକି ଇ ବୁଦି  
ହିଲେଏ; ସାମା ଏତେକା ଲକ୍ଷୁ ନୀଏଁ ପାତେକା ପେଶକା ମାନୁ ଇଞ୍ଜି ଅଶ୍ୱପାନା  
ପେଶକା ବମାୟିକି ଡାକାମାନି ବଗୁତି ନେରି, ଇଞ୍ଜି ଏଞ୍ଜାରି ଅଶ୍ୱପୁତି ବାଡ଼୍‌ୟୁ  
ଊଣା ମାନାକି ଦହଗାଟାରି ଆନେରି । ୮ ସାମା ତୀନି ରାନୁ ମାଢ୍ଜେ ମାହାପୁରୁ  
ନକିତା ନେହିଁ କି ଲାଗେଏ କିୟେଏ; ତିନାଆତିହିଁ ମା ଏନାୟି ନସ୍ତୁ ଆଏ  
ଅଡେ ତିତି ସାରେ ମାଢ୍ଜେ ଏନି ଲାବା ଆଏ । ୯ ସାମା ଜାଗ୍ରାତା, ନଲେ  
ମୀ ଡାଶା ମାନି ଅଦିକାରା ନାମୁତା ବାଡ଼୍‌ୟୁ ହିଲାଆ ଗାଟାରାକି କସ୍ତୁ ବାଦା  
ହୀନାୟି ଆନେ । ୧୦ ବୁଦି ଗାଟାତେରି ମୀରୁ ମିଢ୍ଜେ ଆମ୍ବାଆସି ପେନୁତି  
ଦେଝୁଡ଼ି ବଜିତା କୁଗାମାନାଣି ମେସ୍ତାତିହିଁ, ଏଞ୍ଜାସି ନାମୁତା ଊଣା ମାତିହିଁ, ତାନି  
ଅଶ୍ୱପୁତି ବାଡ଼୍‌ୟୁ ଊଣା ମାନାକି ପେଶକା ବମାୟିକି ଡାକାମାନି ବଗୁତି ଚିଞ୍ଜାଲି  
ସାସା ଆଅସି କି? ୧୧ ଇଞ୍ଜି ଆମିନି ବାଡ଼୍‌ୟୁ ହିଲାଆ ନାମିତି ତାୟି କି ତାଡ଼୍‌ୟୁ  
ତାକି କ୍ରୀସ୍ତ ହାତେସି, ଏଞ୍ଜାସି ନୀ ଏ “ବୁଦି” ତଲେ ନାସା ଆହିମାନେସି ।  
୧୨ ଇଲେକିହିଁ ମୀ ଡାଶା ମାନି ନାମିତି ତାୟିୟାଁ କପାଟି ପାପୁ କିହାଁ ଇଞ୍ଜି

ଏଞ୍ଜରି ବାଢ଼ି ଉଲିଆ ଅଣ୍ଟପୁଟି କସ୍ତୁ ହାହାନା ମୀ କ୍ରୀସ୍ତୁଟି କପାଟି ପାପୁ  
 କିହିମାଞ୍ଜେରି । ୧୩ ଇଦାଆଁତାକି ତିନି କାଦି ନା ତାୟିକି କସ୍ତୁ ହନେ, ଆତିହିଁ  
 ନା ତାୟି ଏନିକି ନା ତାଣାଟି କସ୍ତୁ ଆଅସି, ଏଦାଆଁତାକି ନାନୁ ଏଚେଲା ଉଠ୍ଟା  
 ତିନଅଁ । (aiōn g165)

୯ ନାନୁ ନା ମନତଲେ ମାଞ୍ଜାଲି ଆତଅଁ? ନାନୁ ର ପାଣ୍ଡୁଞ୍ଜି ଆତାତେଏଁ ଆଏ? ନାନୁ ଏନାଆଁ ମା ପ୍ରବୁ ଜୀସୁଇଁ ମେସାହିଲଅଁ? ମୀରୁ କି ମାହାପୁରୁ ତାଣା ନା କିତି କାମାଟି ପାଡ଼େୟି ଆଏ? ୨ ନାନୁ ଏଚକାତାରି ତାଣା ପାଣ୍ଡୁଞ୍ଜି ଆହାହିଲାଆତି ଜିକେଏ, ମିଢ୍ଢେତାକି ନାନୁ ସାତେଏ ପାଣ୍ଡୁଞ୍ଜି ଆହାମାନାତେଏଁ, ଇତିହିଁ ପ୍ରବୁ ତାଣା ମୀରୁ ନା ପାଣ୍ଡୁଞ୍ଜିଆହାମାନି ପାଣାତା ଝେତାମାନି ବୁଟୁ ମୁଦ୍ରା ଲେହେଁ ଆହାମାଞ୍ଜେରି । ୩ ନାଡ୍ଢେ ନୀହାୟି କିୟାନାରିକି ନାନୁ ଝେଣ୍ଡେ ଝେସୁାନି କାତା ଇଦି । ୪ ନା କାମାତାକି ତିଞ୍ଜା ଉଣ୍ଡାଲି ମାଡ୍ଢେ ଅଦିକାରା ହିଲେଏ? ୫ ଅର ପାଣ୍ଡୁଞ୍ଜି ଆହାମାନାରି ପ୍ରବୁଟି ତାୟିୟାଁ ଅଡ଼େ କେପା ଲେହେଁ କ୍ରୀସ୍ତୁନା ତାଡ୍ଡିନି ବୀହା ଆହାଁ ଏ ଇୟାନି ତଲେ ରେଜାଲି ମାଡ୍ଢେ ଅଦିକାରା ହିଲେଏ କି? ୬ ଅଡ଼େ ଜୀଞ୍ଜୁତା ନୀତାଲିତାକି କାମାଟି ପିସାଲି ନାଡ୍ଢେ ଅଡ଼େ ବର୍ନବାତି ଅଦିକାରା ହିଲେଏ କି? ୭ ର ଉଜୁ କିନାସି ଉଜୁତା ମାନି ବେଲା ତାନୁଏ ତାଡ୍ଡେତାକି କାରୁ କିନେସିକି? ଇଞ୍ଜି ଆମ୍ବାଆସି ଅଡ୍ଡୁରି ବାଡ଼ା କିହାଁ ଏମ୍ବାଟି ପାଡ଼େୟି ତିନଅସି କି? ଇଞ୍ଜି ର ଗଡୁ ତାନି ମାନୁଟି ପାଲୁ ଗହଅସି କି? ୮ ନାନୁ ମାଣ୍ଡସି ଆହାଁ ଇ ବାରେ କାତା ଝେସିମାଞ୍ଜାଇଁ? ଇଞ୍ଜି ସାସ୍ତେରି ଜିକେଏ ଇ ବାରେ କାତା ଝେସିମାଞ୍ଜେଏ କି? ୯ ଇତିହିଁ ମସାତି ମେରାତା ଇଲେଇଞ୍ଜି ରାସ୍କି ଆହାମାନେ, “ନର୍ପିମାନି କଡିତି ଗୁଡିତା କତ୍ରା ଦହଆଦୁ,” ମାହାପୁରୁ ଖାରଇ ଏ କଡିତି ଅଣ୍ଟପିମାନେସି କି? ୧୦ ଏଞ୍ଜସି ଇଦାଆଁ ମାଡ୍ଡେତାକି ଝେସା ମାଞ୍ଜୁଅସି? ହାଅ, ମାଡ୍ଡେତାକି ଇଦି ରାସ୍କି ଆହାମାନେ, ଏନାଆଁତାକି ଇତିହିଁ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡ଼େ ନର୍ପିନାସି ଗାଡି ବାଗା ବେଟାଆହାଲି କତ୍ରା ଦହନେସି । ୧୧ ମାମୁ ମିଢ୍ଢେତାକି ନେହିଁ ଜୀଞ୍ଜୁଟି ବିତା ମାଟା ମାଟାମାନମି, ଅଡ଼େ ମୀ ତାଣାଟି ଇ ଦାରୁଡିତି ତାସା ଦାଡିହିଁ ଏଦି ଏନି କାଜା କାତା ଆଏକି? ୧୨ ଏଚକା ଲକୁ ମୀ ତାଣାଟି ବାଗା ବେଟାଆହାଲି ଅଦିକାରା ମାଡିହିଁ, ଏଦାଆଁ କିହାଁ ଆଗାଡ଼ା ବେଟାଆହାଲି ମା ଅଦିକାରା ହିଲେଏ କି? ଆଡିଜିକେଏ ମାମୁ ଏ ଅଦିକାରା ଲେମ୍ବା ହିଲଅମି । ସାମା ଏନିକି ମାମୁ କ୍ରୀସ୍ତୁଟି ନେହିଁ କାରୁ ଝେଢ୍ଢେ କିନି କାମାତା ଏନି ବାଦା

ଝାଆପେ ଇଚ୍ଛା ବାରେ ଅରହିମାନମି ୧୩ ଆତ୍ମାଆରି ଦେଖୁଡ଼ିତା ପୂଜା କିନାରି  
 ଏଝାରି ଦେଖୁଡ଼ିତ ରାନ୍ତା ବେଟାଆନେରି, ଇଚ୍ଛା ଆତ୍ମାଆରି ପୂଜା କିନାରି  
 ପୂଜା କିହାଲି ପୂଜା ପିଣ୍ଡାତା ଇଚ୍ଚିତ ବଗୁଡ଼ି ବାଗା ବେଟାଆନେରି, ଇଚ୍ଛା ମୀରୁ  
 ପୁଞ୍ଜାହିଲଅତେରି କି? ୧୪ ଏଲେକିହିଏ ଆତ୍ମାଆରି ନେହିଁ କାରୁଡ଼ି ଝେକ୍‌ହି  
 ମାନେରି, ଏଝାରି ନେହିଁ କାରୁ ଝେକ୍‌ନି ତାଣାଟିଏ ନୀତିନେରି, ଇ କାତା ପ୍ରଭୁ  
 ହୁକୁମି ହୀହାମାନେସି । ୧୫ ସାମା ନାନୁ ଇ ବାରେ ଏନାଆଁଝା ଲେମ୍ବାହିଲଅଁ,  
 ଅଡ଼େ ନାଢ୍ଢେତାକି ଏଲେ କିଝିଆପେ, ଏଦାଆଁତାକି ରାତିମାଞ୍ଜୁଅଁ; ଇଚ୍ଚିହିଁ  
 ଆତ୍ମାଆରି ନା ନେହିଁ ବତପଣତି ଉଜେଏ କିନି କିହାଁ ନାନୁ ହାହାହାନାୟି  
 ନେହିଁ । ୧୬ ଇଚ୍ଚିହିଁ ନାନୁ ନେହିଁ କାରୁ ଝେକ୍‌ଇଁ, ଏମ୍ବାଆଁ ନା ବତପଣ ଆନାୟି  
 ହିଲେଏ, ଏନାଆଁତାକି ଇଚ୍ଚିହିଁ ଏଦାଆଁ କିହାଲି ହୁକୁମି ବେଟାଆହାମାଇଁ, ଇଚ୍ଛା  
 ନାନୁ ନେହିଁ କାରୁ ଝେକ୍‌ଆତେଏଁ ଇଚ୍ଚିହିଁ ନାନୁ ଏତେକା ତଣ୍ଡ ବେଟାଆନାତେଏଁ  
 । ୧୭ ଇଚ୍ଚିହିଁ ନାନୁ ଜାହାରା ମନତଲେ ଇ କାମା କିଇଁ, ଆତିହିଁ ନାଢ୍ଢେତାକି  
 ଦାନା ମାନେ; ସାମା ନାନୁ ନା ମନତଲେ କାମା କିଆତିହିଁ ଜିକେଏ ମାହାପୁରୁ  
 ନାଢ୍ଢେ ସେବାକିନି କାମାତି ବଜୁ ହେରପା ମାଞ୍ଜୁନେସି । ୧୮ ଆତିହିଁ ନା ଦାନା  
 ଏନାୟି? ଏଦି ଇଦି ନାନୁ ନା ନେହିଁ କାରୁତା ମାନି ଅଦିକାରା ଲେମ୍ବାଆନା  
 ନେହିଁ କାରୁ ଝେସି ଝେସି ଏ ନେହିଁ କାରୁଡ଼ି ଉଜେଏ ଝେକ୍‌ଇଁ । ୧୯ ନାନୁ  
 ଆତ୍ମାଆରି ହଲେଏଣା ଆଆତି ଜିକେଏ, ଏନିକିଁ ନାନୁ ହାରେକା ଗାତି ଲକୁଣି  
 ବେଟାଆହାଲି ଆତିଇଁ, ଏଦାଆଁତାକି ନାନୁ ଜାହାରାଇଁ ବାରେତି ହଲେଏସି  
 କିତେଏଁ । ୨୦ ଏନିକିଁ ନାନୁ ଜୀହୁଦିୟାଣି କ୍ରୀସ୍ତ ତାକି ଜୀଣା ଆହାଲି ଆତିଇଁ,  
 ଏଦାଆଁତାକି ଜୀହୁଦି ଲକୁ ନକିତା ନାନୁ ଜୀହୁଦି ଲେହେଁ ଆହିମାଇଁ; ଏନିକିଁ  
 ମସାତି ମେରାତା ଦସ୍‌ପି ଆହାମାନାରାଇଁ ଜୀଣା ଆହାଲି ଆତିଇଁ, ଏଦାଆଁତାକି  
 ନାନୁ ମେରାତା ଦସ୍‌ପି ଆଆତି ଜିକେଏ ମେରାତା ଦସ୍‌ପି ଆତି ଲକୁଲେହେଁ  
 ଆତେଏଁ । ୨୧ ଏନିକିଁ ନାନୁ ମସାତି ମେରା ପୁନାଆତି ଏଟ୍‌କା କୁଡ଼ାତି  
 ଲକୁଣି ବେଟାଆହାଲି ଆତିଇଁ, ଇଦାଆଁତାକି ନାନୁ ମାହାପୁରୁଡ଼ି ମେରାତା  
 ହିଲାଆ ଲକୁ ଆଆନା କ୍ରୀସ୍ତତି ମେରା ମାନଝି ଆତିଜିକେଏ ମସାତି ମେରାତା  
 ହିଲାଆ ଲକୁ ନକିତା ମସାତି ମେରାତା ହିଲାଆ ଲକୁଲେହେଁ ଆତେଏଁ । ୨୨  
 ଏନିକିଁ ନାନୁ ବାଡ଼୍‌ୟୁ ହିଲାଆଗାଟାରାଇଁ ଜୀଣା ଆହାଲି ଆତିଇଁ, ଏଦାଆଁତାକି  
 ବାଡ଼୍‌ୟୁ ହିଲାଆ ଗାଟାରି ନକିତା ବାଡ଼୍‌ୟୁ ହିଲାଆଲେହେଁ ଆତେଏଁ; ଏନିକିହିଁ  
 ଜିକେଏ ନାନୁ ଏତର ଜାଣାଇଁ ଗେଲ୍‌ପାଲି ଆତିଇଁ, ଇଦାଆଁତାକି ବାରେ



ଲକ୍ଷ୍ମୀ ଏନିଲେହେଁତାରି ନାନୁ ଏଞ୍ଜାରିଲେହେଁ ଆଡେଏଁ । ୨୩ ନାନୁ ଏନିକି  
 ନେହଁ କାବୁଡି ବରତା ଆଣ୍ଡାଲି ଆଡିଲ୍, ଏଦାଆଁତାକି ନାନୁ ନେହଁ କାବୁଡାକି  
 ବାରେ କିଲ୍ । ୨୪ ଆମ୍ବାଆରି କାହିନି ତାଣା ହଣ୍ଡନେରି ଏଞ୍ଜାରି ବାରେଜାଣା  
 ହଣ୍ଡନେରି ସାତା, ସାମା ରଅସିଏ ଜାଣା ଆହଁ ଦାନା ବେଟା ଆନେସି, ଇଦାଆଁ  
 ମୀରୁ ପୁଞ୍ଜାହିଲଅଡେରି? ମୀରୁ ଏନିକି ଦାନା ବେଟାଆଦେରି ଏଦାଆଁତାକି  
 ଏଲେକି ହଣ୍ଡୁ । ୨୫ ଆମ୍ବାଆସି ବାଦ୍‌ହାରା ତଲେ କାହିନି ତାଣା ଆଣ୍ଡିନେସି  
 ଏଞ୍ଜାସି ବାରେ ନେହଁକି ଜାପିନେସି; ଏଞ୍ଜାରି ଗାଡ଼େକେଏ ନାସି ଆନି ଟପେରି  
 ବେଟାଆହାଲି କାହିମାନେରି; ସାମା ମାର ଏଚେଲାଞ୍ଜା ନାସା ଆଆଗାଟି  
 ଟପେରି ବେଟାଆହାଲି ଏଲେ କିନ । ୨୬ ଏଦାଆଁତାକି ନାନୁ ହଟିମାଲ୍, ସାମା  
 ଗୁରି ହିଲାଆ ତାଣା ଆଏ, ନାନୁ ମୁଟିତଲେ କୁଡ଼କି ଆନି ଉଜୁ କିହିମାଲ୍, ସାମା  
 ଖାରୁଇ ଗାଲିତି ଟ୍ରେନି ଲକ୍ଷ୍ମୀଲେହେଁ ଆଏ । ୨୭ ଏଟକା ଲକ୍ଷ୍ମୀତାଣା ନେହଁ କାବୁ  
 ଖେସିହଁ ନାନୁ ଏନିକି ଅପାଆ ଗାଟାଡେଏଁ ଆଅଁ ଏଦାଆଁତାକି ନା ଆଡ୍ଡାତି କସୁ  
 ବାଦା ହାହାନା ଲକ୍ଷ୍ମିମାଲ୍ ।

**୧୦** ଇତିହଁ ଏ ତାୟିୟାଁ ଅଡେ ତାଡ଼ିସ୍ଥାତେରି ମା ଆକୁ ଆବାୟାଁ ବାରେ ଦୁନ୍ଧା  
 ଡ଼କକା ମାଚେରି । ୧ ଅଡେ ବାରେଜାଣା ସାମ୍ବୁରି ବିତ୍ରାଟି ହାଚେରି, ଇଞ୍ଜାଁ  
 ବାରେଜାଣା ଦୁନ୍ଧା ଅଡେ ସାମ୍ବୁରିତା ମାସା ତାଣାଟି ବାପ୍ତିସ୍ଥ ଅଡେରି । ୩ ଅଡେ  
 ଏଞ୍ଜାରି ବାରେଜାଣା ରଣ୍ଡିଏ ଜୀଞ୍ଜୁତି ରାନ୍ଧା ତିଚେରି । ୪ ଅଡେ ବାରେଜାଣା  
 ରଣ୍ଡିଏ ମାହାପୁରୁ ହାଟି ଜୀଞ୍ଜୁତି ଏୟୁ ଗସ୍ତେରି, ଇତିହଁ ଏଞ୍ଜାରିତଲେ ହାଜିମାଟି  
 ମାହାପୁରୁ ହାଟି ଜୀଞ୍ଜୁତି ପାକା ଖାଲିତି ଏୟୁ ଗସ୍ତେରି ଏ ପାକା ଖାଲି କ୍ରୀସୁ,  
 ୫ ଆଡିଜିକେଏ ଏଞ୍ଜାରି ବିତ୍ରାଟି ହାରେକା ଲକ୍ଷ୍ମୀତାଣା ମାହାପୁରୁତି ରାହଁ  
 ହିଲାଆଡେ, ଇଞ୍ଜାଁ ଏଞ୍ଜାରି ଲକ୍ଷ୍ମୀ ହିଲାଆ ଟାୟୁତା ହାହାହାଚେରି, ଇ ବାରେ  
 କାତା ମୀରୁ ପୁନାଆନା ମାଞ୍ଜୁ ଇଞ୍ଜାଁ ନା ମନ ହିଲେଏ । ୬ ଏଞ୍ଜାରି ଏନିକି  
 ଲାଗେଏ ପଲେଏତାଣି ତାକି ଜୁପକା ଆହାମାଚେରି, ଏଲେକି ମାର ଏଲେତି  
 ଜୁପକା ଆଆୟି, ଏଦାଣିତାକି ଇ ବାରେ କାତା ମାଡ୍ଡେତାକି ପୁଣ୍ଡିକିନାୟି  
 ଆହାମାନେ । ୭ ଏନିକି ଏଞ୍ଜାରି ବିତ୍ରାଟି ଏଚରଜାଣା ପେଶ୍‌କା ପୁଜା କିନାରି  
 ଆଡେରି, ଏଲେକି ମୀରୁ ପେଶ୍‌କା ପୁଜା କିନାଚେରି ଆଆଦୁ: ଏନିକି ରାସ୍‌କି  
 ଆହାମାନେ, “ଲକ୍ଷ୍ମୀ ତିଞ୍ଜା ଉଣ୍ଡାଲି କୁଟିଚେରି, ଅଡେ ଏନିହଁ ରାହଁ କିହାଲି  
 ନିଞ୍ଜିଚେରି ।” ୮ ଏନିକି ଏଞ୍ଜାରିତାଣା ଏଚରଜାଣା ଦାରିକାମା କିହାନା ରଣ୍ଡିଏ  
 ନେରୁ କଡେ ତାନି ମାଣା ଲକ୍ଷ୍ମୀ ହାଚେରି, ଏଲେକି ମାର ଦାରିକାମା କିଆପ ।

୯ ଏନିକି ଏଞ୍ଜରି ବିଦ୍ରାଟି ଏଚରଜାଣା ପ୍ରବୁଈଁ ତାୟିପାରି କିହାଁ ରାରୁ ତଲେ  
ହାତେରି, ଏଲେକିଁ ମାର ପ୍ରବୁଈଁ ତାୟିପାରି କିଆପ । ୧୦ ଏନିକିଁ ଏଞ୍ଜରି  
ବିଦ୍ରାଟି ଏଚରଜାଣା ବାତା କିହାଲିଏ ନାସାକିନି ଦୁରୁ କେୟୁଟି ହାତେରି,  
ଏଲେକିଁ ମାରୁ ବାତା କିଆଦୁ । ୧୧ ଇ ବାରେ ପୁଣ୍ଡିକିନିଲେହେଁ ଏଞ୍ଜରାକି  
ଆଡେ, ଅଡେ ଆମ୍ବାଆରି ବେଲତା ଜୁଗୁରାନି ଦିନା ଏଜିମାଞ୍ଜାନେ, ଏଲେକିହଁ  
ମାର ମା ସେଦନା ତାକି ଏ ବାରେ ରାସ୍‌କି ଆହାମାନେ । (aiōn g165) ୧୨  
ଏଦାଆଁତାକି ଆମ୍ବାଆସି ନାନୁ ତାରି ଗାଟାତେଏଁ ଇଞ୍ଜିହଁ ଅଣ୍ଡି ମାନାସି,  
ଏଞ୍ଜାସି ଏନିକିଁ ତରଗଅସି, ଏଦାଆଁତାକି ଏଞ୍ଜାସି ଜାଗ୍ରାତା ଆପାସି । ୧୩  
ମାଣ୍ଡିତାକି ଏନିଲେହେଁଟି ତାୟିପାରି କିନାୟି କସ୍ତାଗାୟି ଆଏ, ଏଦାଆଁ  
ପିସ୍‌ପେ ମିଞ୍ଜେତାକି ଏଟ୍‌କାତି ତାୟିପାରି କିନାୟି ଆହା ହିଲେଏ, ସାମା  
ମାହାପୁରୁ ଟିକାଣାତାସି, ଏଞ୍ଜାସି ମିଞ୍ଜେ ଏନି ଆଡାଆଗାଟି ତାୟିପାରି କିହାଲି  
ହିୟଅସି, ସାମା ମାରୁ ଏନିକିଁ ଅରହାଲି ଆଡିଦେରି, ଏଦାଆଁତାକି ତାୟିପାରି  
କିଞ୍ଜନିଏ ଏଞ୍ଜାସି ଗେଲ୍‌ପିନି ଜିରୁ ଜିକେଏ ଟେପିନେସି । ୧୪ ଏ ନା ଜୀଞ୍ଜୁତି  
ତାୟିୟାଁ ଅଡେ ତାଞ୍ଜିସ୍ତାତେରି ଡେଟ୍‌କା ବମାୟାଁ ପୂଜା କିନି ତାଣାଟି ଏଟ୍‌କା  
ଆଦୁ । ୧୫ ନାନୁ ବୁଦିଗାଟି ଲକ୍ଷ୍ମଣି ଖେହ୍‌ନିଲେହେଁ ଖେସିମାଞ୍ଜାଈଁ, ନାନୁ  
ଏନାଆଁ ଖେସିମାଈଁ ଏଦାଆଁ ମାରୁ ମାରୁଏ ଅଣ୍ଡିପାଦୁ । ୧୬ ଆମିନି ପ୍ରବୁତି  
ବଜି ସଲା ତାକି ଜହରା କିନାୟି, ଏଦି କ୍ରୀସ୍ତୁତି ନେତେରିତା ଆଣ୍ଡିହିଲେଏ?  
ଆମିନି ରୁଟି ମାର ଡିକ୍‌ହି ମାନାୟି ଏଦି କି କ୍ରୀସ୍ତୁତି ଆଞ୍ଜୁତା ଆଣ୍ଡିହିଲେଏ?  
୧୭ ଇତିହଁ ରୁଟି ରଣ୍ଡିଏ ଆତାକି ମାର ହାରେକା ଆଡିଜିକେଏ ରଣ୍ଡିଏ ଆଞ୍ଜୁ  
ଲେହେଁ, ଏଦାଆଁତାକି ମାର ବାରେଜାଣା ରଣ୍ଡିଏ ରୁଟିଟି ବାଗା । ୧୮ ଆଞ୍ଜୁତି  
ଜାର୍ନା ତଲେ ଆମ୍ବାଆରି ଇସ୍ତାୟେଲ ଲକ୍ଷ୍ମଣ୍ଡି, ଏଞ୍ଜରାଈଁ ସିନିକିଦୁ ଆମ୍ବାଆରି  
ପୂଜା କିତି ଉଞ୍ଜୁ ତିନେରି, ଏଞ୍ଜାରି ପୂଜା ପିଶ୍ତାତି ପୂଜାତା ଆଣ୍ଡିହିଲଅରି?  
୧୯ ଆଡିହିଁ ଡେଟ୍‌କା ବମାୟାଁ ବଗୁ ଇଞ୍ଜିହଁ ଏନାୟି ମାନେ, ଅଡେ ଡେଟ୍‌କା  
ବମାୟାଁ ଇଞ୍ଜି ଏନାଇ ମାନୁ, ଏଦାଆଁ କି ନାନୁ ଖେସିମାଞ୍ଜାଈଁ? ୨୦ ଆଏ,  
ସାମା ନାନୁ ଖେସିମାଞ୍ଜାଈଁ, ଏନାଆଁ ଜୀହୁଦିଆଆତାରି ପୂଜା କିନେରି ଏ ବାରେ  
ଏଞ୍ଜାରି ମାହାପୁରୁ ତାକି ପୂଜା କିଆନା ବୁଡୁୟାଁକି କିନେରି, ଅଡେ ମାରୁ ବୁଡୁୟାଁ  
ତଲେ ଆଣ୍ଡାଦୁ, ଇଦି ନା ମନ ଅଣ୍ଡିପାଦୁ ଆଏ । ୨୧ ମାରୁ ପ୍ରବୁ ବଜିତା ରାସା  
ଗହ୍‌ନିତାଣା ଅଡେ ବୁଡୁୟାଁ ଗହ୍‌ନିତାଣା ଗସାଲି ଆଡଅତେରି; ମାରୁ ପ୍ରବୁତି  
ବଜି ଅଡେ ବୁଡୁ ବଜିତା ଆଣ୍ଡାଲି ଆଡଅତେରି । ୨୨ ମାର ଏନାଆଁ ପ୍ରବୁଈଁ

କାର୍ବି କିନାୟି? ମାର କି ଏଝାଣି କିହାଁ ଗାଡ଼ି ବାଡ଼ୁୟୁ ଗାଟାଟାୟି? ୨୩  
 ବାରେ କିହାଲି ମାର ଆଡ଼ିନାୟି, ସାମା ବାରେ ମା ତାକି ନେହାୟି ଆଏ,  
 ବାରେ କିହାଲି ଆଡ଼ିନାୟି, ସାମା ବାରେ ମା ତାକି ଲାବାଗାଟାୟି ଆଏ । ୨୪  
 ଆମ୍ବାଆସି ଜାହାରାତାକି ଅଶ୍ଵାଆପେସି, ସାମା ବାରେଜାଣା ତାକି ନେହାଁଣି  
 ଅଶ୍ଵାପେସି । ୨୫ ମନତି ନେହୁଁକିଁ ଇଟାଲି ହାଟା ବାଜାରାତା ପାର୍ପି  
 ଆହିମାନି ଉଡ଼ୁ, ଆମ୍ବାଆରାଇଁ ଝେନାଆନା ଅଡ଼େ ଇଟାଣି ଅଶ୍ଵାଆନା ତିଜୁ ।  
 ୨୬ ଦାମ୍ବୁପତିତା ରାସ୍‌କି ଆହାମାନେ; “ଇତିହୁଁ ଦାର୍ତ୍ତି ଅଡ଼େ ଏମ୍ବାଆଁ ମାନାୟି  
 ବାରେ ମାହାପୁରୁଷାୟି ।” ୨୭ ନାମାଆତାରି ମିଡ଼େ ତିଜୁଲି ହାଟାତିହୁଁ, ଇଜୁଁ  
 ମୀରୁ ହାଜାଲି ମନ କିତିସାରେ, ଅଡ଼େ ଏମ୍ବାଆଁ ଏନାଆଁ ତିଜୁଲି ହୀପକିଆନେ,  
 ମୀ ଅଶ୍ଵୁ ତାକି ଇଟାଣି ଝେନାଆନା ତିଜୁ । ୨୮ ସାମା ଆମ୍ବାଆସି ମିଡ଼େ  
 ଏଲେଇଜୁନେସି, ଇଦି ପେଶକା ବମାୟିକି ତାକି କିଝିଆହାମାନେ, ଆତିହୁଁ  
 ଏଝାଣି ତାକି ଇଜୁଁ ମୀ ଅଶ୍ଵୁ ତାକି ତିନାଆଦୁ: ୨୯ ମୀ ଅଶ୍ଵୁ ତାକି ଇଜୁଁ  
 ଝେସିମାଜୁଅଁ, ସାମା ଏଝାଣି ଅଶ୍ଵୁ ତାକି । ଏନାଆଁତାକି ନା ମନତଲେ ମାନାୟି  
 ଏଟକା ଲକ୍ଷୁତି ନେହାଁଣି ଲାଗେଏତାଣି ପୁନାଣି ତଲେ ବିଚାରା ଆନେ? ୩୦  
 “ନାନୁ ମାହାପୁରୁଇଁ ଜହରା କିହାନା ଆମିନି ରାନ୍ତୁ ତିଜୁମାଇଁ, ଏ ରାନ୍ତୁ ତାକି  
 ନାଡ଼େ ଏନାଆଁତାକି ରଅସି ଲାଜାକିହୁଁ ଜଲାନେସି?” ୩୧ ଏଦାଆଁତାକି ମୀରୁ  
 ତିଜୁ ଉଣୁ କି ଏନାଆଁ କିଦୁ, ଏଦାଆଁ ମାହାପୁରୁତି ଗାଝୁରମି ତାକି କିଦୁ ।  
 ୩୨ ଜୀହୁଡ଼ି ଆପେ, ଜୀହୁଡ଼ିଆଆତାରି, ଇଜୁଁ ମାହାପୁରୁତି କୁଲମିତି ଲକ୍ଷୁ  
 ଆପାରି, ଆମ୍ବାଆରାକି କସୁ ହୀନାତେରି ଆଆଦୁ । ୩୩ ଏନିକିଁ ନାନୁ ଜିକେଏ  
 ଜାହାରାତାକି ଅଶ୍ଵାଆନା ହାରେକା ଲକ୍ଷୁତି ଗେଲ୍‌ପି ଆୟାଲିତାକି ଏଝାରି  
 ନେହାଁଣି ଅଶ୍ଵିମାଇଁ, ଅଡ଼େ ବାରେ କାତାତା ବାରେ ଜାଣାଇଁ ରାହାଁ କିୟାଲି  
 ଅଶ୍ଵିମାଇଁ ।

**୧୧** ନାନୁ ଏନିକିଁ କ୍ରୀସୁ କିତିଲେହେଁ କାମା କିହିମାଇଁ, ମୀରୁ ଜିକେଏ ନାନୁ  
 କିହିମାନି ଲେହେଁ କିଦୁ । ୧ ନାନୁ ମିଡ଼େ ଗାଝୁରମି କିହିମାଜୁଇଁ ଏନାଆଁତାକି  
 ଇତିହୁଁ ମୀରୁ ନାଡ଼େ ବାରେବେଲା ଅଶ୍ଵିମାଜୁଦେରି ଅଡ଼େ ନାନୁ ଆମିନି  
 ମେରା ହୀହାମାଜୁଇଁ, ଏଦାଆଁ ବାରେ ମାନଝି ଆହିମାଜୁରେ । ୩ ସାମା କ୍ରୀସୁ  
 ବାରେ ଆବାୟାଁ ତାୟୁଁ ଲେହେଁ ଅଡ଼େ ଆବା ଇୟାନି ତାୟୁଁ ଲେହେଁ ଇଜୁଁ  
 ମାହାପୁରୁ କ୍ରୀସୁତି ତାୟୁଁ ଲେହେଁ, ଇଦାଆଁ ମୀରୁ ପୁଜୁ ଇଜୁଁ ନା ଅଶ୍ଵୁ । ୪  
 ଆମିନି ଆବା ତାନି ତାୟୁଁ ପୁକ୍‌ହାନା ପ୍ରାତାନା କିନେସି, ତାୟୁ ଆନି କାତା

ଖେଦନେସି, ଏଞ୍ଜସି ତାନି ଚାୟୁତି ହୀଣି ପାଣ୍ଡି କିନେସି । ୫ ସାମା ଆମିନି  
 ଆୟାତି ତାନି ଚାୟୁ ପୁଗାଆନା ପ୍ରାତାନା କିନେ ଅଡ଼େ ମାହାପୁରୁ ଅଣ୍ଡପୁତି  
 ବଲୁ ଚେକ୍‌କନେ ଏଦି ତାନି ଚାୟୁତି ଲାଜା ପାଣ୍ଡି କିନେ ଇତିହିଁ ତାନି ଚାୟୁ  
 ହିଣ୍ଡି ଆତି ଇୟା ସମାନା । ୬ ଇତିହିଁ ଚାୟୁ ପୁଗାଆଗାଟି ଆୟାତି ତାନି  
 ଚାୟୁ ବାଣାୟା ରାତ୍‌ହା କତାପେ; ଇତିହିଁ ଇୟାନାକି ଚାୟୁ ରାତ୍‌ନାୟି କି  
 ହିଣ୍ଡିନାୟି ଲାଜାଟି କାତା ଆତିହିଁ ଏଦି ଚାୟୁ ପୁଗାପେ । ୭ ଆବା ମାହାପୁରୁତି  
 ଖାଣା ଇଞ୍ଜା ଗାଞ୍ଜୁରମି ଲେହେଁ ଆତାକି ତାନି ଚାୟୁତି ପୁକ୍‌ନାୟି ଲଡ଼ା ହିଲେଏ,  
 ସାମା ଇୟା ଆବାତି ଗାଞ୍ଜୁରମି ଲେହେଁ । ୮ ଇତିହିଁ ଆବା ଇୟାନି ଚାଣାଟି  
 ଗାଡ଼ି ଆହାହିଲଅସି ସାମା ଇୟା ଆବା ଚାଣାଟି ଗାଡ଼ି ଆହାମାନେ । ୯ ଅଡ଼େ  
 ଇୟା କି ଆବା ଗାଡ଼ି ଆହାହିଲଅସି ସାମା ଆବାକି ଇୟା ଗାଡ଼ି ଆହାମାନେ ।  
 ୧୦ ଏଦାଆଁତାକି ଦୁରୁୟା ତାକି ତକ୍‌କି ତାନି ତକ୍‌କାତି ଅଦିକାରାତି ସିନାଲେହେଁ  
 ଚାୟୁତି ପୁକ୍‌ହା କତାପେ । ୧୧ ଆତିଜିକେଏ ପ୍ରୁ ଚାଣା ଆବା ଚାଣାଟି  
 ଆୟାତି କାଜାୟି ଆଏ, ସାମା ଇୟା ଚାଣାଟି ଆବା କାଜାସି ଆଏ, ୧୨ ଇତିହିଁ  
 ଆୟାତି ଏନିକିଁ ଆବା ଚାଣାଟି ଗାଡ଼ି ଆହାମାନେ । ଏଲେକିହିଁଏ ଆବା ଜିକେଏ  
 ଇୟା ଚାଣାଟି ଗାଡ଼ି ଆହାମାନେସି, ସାମା ବାରେ ମାହାପୁରୁ ଚାଣାଟି ଗାଡ଼ି  
 ଆହାମାନେ । ୧୩ ମୀରୁ ମୀରୁଏ ବିଚାରା କିହାଁ କତାଦୁ ଚାୟୁ ପୁଗାଆନା  
 ମାହାପୁରୁ ନକିତା ପ୍ରାତାନା କିନାୟି ଇୟାନାକି ନେହେଁ କି? ୧୪ ମାଣ୍ଡକି  
 ମାଡ଼େ ଖେସିମାଞ୍ଜାନେ ଆବା ଲାମ୍ବା ଚାୟୁବାଣାଁ ପିହ୍‌ନାୟି ତାଡ଼େତାକି ଲାଜାଟି  
 କାତା । ୧୫ ସାମା ଆୟାତି ଲାମ୍ବା ଚାୟୁ ବାଣାୟା ପିସ୍ତି ସାରେ ତାଡ଼େତାକି  
 ଗାଞ୍ଜୁରମି ସମାନା, ଇତିହିଁ ଚାୟୁ ପୁକ୍‌କି ଆୟାଲି ଇୟାନାକି ଲାମ୍ବା ଚାୟୁ  
 ବାଣାୟା ହୀପ୍‌କି ଆହାମାନେ । ୧୬ ସାମା ଆମ୍ବାଆସି ଏ କାତାତାକି ବାଦିବାଦା  
 କିହାଲି ଅଣ୍ଡପିତିହିଁ ଏଞ୍ଜସି ପୁନାପେସି, ମାଡ଼େ ଇଲେତି ମେରା ହିଲେଏ,  
 ଇଞ୍ଜା ମାହାପୁରୁ କୁଲମିତା ଜିକେଏ ହିଲେଏ । ୧୭ ସାମା ମୀ ଆଣ୍ଡି ଆନାୟି  
 ନେହାୟି ଆଆନା ସାମା ଲାଗେଏ ପଲେଏତାୟି ଆହିମାନେ, ଏଦାଆଁତାକି  
 ମିଡ଼େ ନେହାଁତେରି ଇଞ୍ଜାଲି ଆତାଆନା ଇ ହୁକୁମି ହୀହାମାଞ୍ଜାଲି । ୧୮  
 ଏନାଆଁତାକି ଇତିହିଁ ନାନୁ ତଲିଏ ଖେଞ୍ଜିମାଲି, କୁଲମି ଲେହେଁ ରୁଣ୍ଡା ଆନାଟି,  
 ମୀ ବିତ୍ରା ଗତି ଗତି ଆହିମାଞ୍ଜେରି, ଇଞ୍ଜା ଇ କାତା ବିତ୍ରା ଏତେକା ସାତା ଇଞ୍ଜା  
 ନାନୁ ନାମିମାଲି । ୧୯ ଏନିକିଁ ମୀ ବିତ୍ରାଟି ଆମ୍ବାଆରି ସାତା ତାୟିପାରିତା  
 ଜୀଣା ଆତାରି ଏ ଚଞ୍ଜାଆନେରି, ଏଦାଣିତାକି ମୀ ବିତ୍ରା ଗତି ଗତି ଆନାୟି

ପିତୃ ଥାଏ । ୨୦ ଏବେତା ମୀରୁ କୁଲମିତା ରୁଣ୍ଡା ଆଦେରି, “ଏଦି ପ୍ରବୃତ୍ତି ବଢ଼ି ଥାଏ,” ୨୧ ଏନାଆଁତାକି ଇତିହାସ ବଢ଼ି ତିନାଟି, ରଥସି ଅଡ଼େ ରଥଶାଢ଼ି କାଆନା ତାମି ରାନ୍ତା ତିନେରି, ଏଦାଆଁତାକି ରଥସି ହାକିଟି ମାନାଟି ଅଡ଼େ ରଥସି ହ୍ରାହାଁ ଡ଼ୟିମାନେସି । ୨୨ ଏନାଆଁ ମିଡ଼େ ତିଜ୍ଜା ଉଣ୍ଡାଲି ଇଲକା ହିଲାଉ? ମୀରୁ ଏନାଆଁ ମାହାପୁରୁ କୁଲମିତା ମାନଞ୍ଜି ଆହି ହିଲଅତେରି, ଅଡ଼େ ଆମ୍ବାଆରାକି ହିଲାଉ ଏଞ୍ଜାରାଢ଼ି ଲାଜା କିହିମାଜ୍ଜେରି, ନାନୁ ମିଡ଼େ ଏନାଆଁ ଖେସୁଇଁ? ମିଡ଼େ ଏନିକିଁ ଗାଞ୍ଜୁରମି କିୟାଢ଼ି? ଇଦାଆଁତାକି ମିଡ଼େ ଗାଞ୍ଜୁରମି କିହିମାଜ୍ଜୁଅଁ । ୨୩ ଇତିହାସ ନାନୁ ପ୍ରବୁ ତାଶାଟି ବେଟାଆହାମାନି ଜାପନାଶି ମିଡ଼େ ଜାପହି ମାଜ୍ଜୁଇଁ, ଏଦି ଇଦି ପ୍ରବୁ ଜାସୁ ସାରୁୟାଁ କେୟୁତା ହେରପିଆତି ଲାଆଁୟାଁ ରୁଟି ଅହାନା, ମାହାପୁରୁଇଁ ଜହରା କିହାନା, ଏଦାଆଁ ଡ଼ିକହାନା ଏଲେଇରେସି, ୨୪ ଇଦି ମିଡ଼େତାକି ନା ଆଡ଼୍ଡା; ନାଡ଼େ ଅଶ୍ଵାଲିତାକି ଇଦାଆଁ କିଦୁ । ୨୫ ଏଲେକିହିଁଏ ତିଟି ଡ଼ାୟୁ ଗହନି ସଲା ଅହାନା ଏଲେଇରେସି, ଇ ସଲା ନା ନେତେରିତା ତାରିକିଟି ପୁଞ୍ଜି ରାଜିମାନା; ମୀରୁ ଇ ସଲାଟି ଏତର ଦେବା ଗହଦେରି ଏତର ଦେବା ନାଡ଼େ ଅଶ୍ଵାଲିତାକି କିଦୁ । ୨୬ ଇତିହାସ ଏତର ଦେବା ମୀରୁ ଇ ରୁଟି ତିଜ୍ଜେରି ଅଡ଼େ ଇ ସଲାଟି ଗହଦେରି, ଏତର ଦେବା ମୀରୁ ପ୍ରବୃତ୍ତି ଖାନି ଦିନା ପାତେକା ତାନି ହାକିଟି କାରୁ ଖେକ୍ଦେରି । ୨୭ ଇତିହାସ ଆମ୍ବାଆସି ଜଗେ ଆଆନା ପ୍ରବୁ ବଞ୍ଜିଟି ରୁଟି ତିନେସି ଅଡ଼େ ଇ ସଲାଟି ଗହନେସି, ଏଞ୍ଜାସି ପ୍ରବୃତ୍ତି ଆଡ଼୍ଡା ଅଡ଼େ ନେତେରିଟି ଦାୟି ଆନେସି । ୨୮ ଏଦାଆଁତାକି ମାଶ୍ଵି ତଲିଏ ତାନୁଏ ତାଡ଼େ ତାୟିପାରି କିହାଁ କଡ଼ାହାଁ ଇ ରୁଟି ତିଶ୍ଵେସି ଅଡ଼େ ଇ ଗହନି ସଲାଟି ଗସ୍ପେସି । ୨୯ ଇତିହାସ ଆମ୍ବାଆସି ପ୍ରବୃତ୍ତି ଆଡ଼୍ଡାଟି ଏନାୟି ଇଜ୍ଜି ଅଶ୍ଵାଆନା ତିନେସି ଅଡ଼େ ଗହନେସି ଏଞ୍ଜାସି ତାନି ମୁହେଁ ତଣ୍ଡୁ ବେଟାଆହାଲି ତିନେସି ଅଡ଼େ ଗହନେସି । ୩୦ ଏଦାଆଁତାକି ମୀ ବିତ୍ରାଟି ହାରେକା ଲକୁ ବାଡ଼୍ଡୁ ହିଲାଆଗାଟାତେରି ଇଜ୍ଜି ହାରେକା ଲକୁ ନମେରି ଗାଟାରି ଅଡ଼େ ହାରେକା ଜାଶା ହାହା ହାଜାମାନେରି । ୩୧ ସାମା ମାର ତଲିଏ ଜାହା ଜାହାରାଢ଼ି ତାୟିପାରି କିତିହାଁମା ମାହାପୁରୁ ମାଡ଼େ ବିଚାରା କିୟାଆତେସିମା । ୩୨ ଅଡ଼େ ବାର୍ଡ଼ି ତଲେ ଏନିକିଁ ମାର ତଣ୍ଡୁ ପୁଞ୍ଜିଆୟି, ଏଦାଆଁତାକି ପ୍ରବୃତ୍ତି ତାଶା ବିଚାରା କିଞ୍ଜି ଆହାଁ ସାସ୍ତି ବେଟାଆହି ମାନାୟି । ୩୩ ଏଦାଆଁତାକି ନା ତାୟିୟାଁ, ମୀରୁ ପ୍ରବୃତ୍ତି ବଞ୍ଜି ତିଜ୍ଜାଲି ତାକି ରୁଣ୍ଡା ଆନାଟି ମୀରୁ ରଥତେରି ରଥଶାଢ଼ି କାଦୁ । ୩୪ ମୀରୁ ରୁଣ୍ଡା ଆନାୟି ଏନିକିଁ ମାହାପୁରୁଟି ତଣ୍ଡୁ

ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି ଆହାମାନେସି ଏଞ୍ଜାସି ତାନି ଇଜ ତିନାପେସି, ଅଡେ ଆଗାଡ଼ା ଝେସ୍ତାନି କାତା ନାନୁ ଝାତିସାରେ ତେଲ୍‌ହି କିୟାଲ୍ ।

**୧୨** ତାୟିୟାଁ ଅଡେ ତାଢ଼ିସ୍ତାତେରି ସୁଦୁଜୀଝୁ ଦାନାତି କାତା ମୀରୁ ନେହିଁକିଁ ପୁଞ୍ଜୁ ଇଞ୍ଜିଁ ନାନୁ ଅଶ୍‌ପିମାଲ୍ । ୨ ମୀରୁ ପୁଞ୍ଜାମାଞ୍ଜେରି, ଏତିବେଲା ମୀରୁ ଜୀହୁଦିଆଆତାତେରି ମାଚେରି, ଏଚେତା ଏନିକିଁ ସାଲଝି ଆହିମାଚେରି, ଏଲେକିହିଁଏ ନାଡ଼ିକିଝି ଆହାନା ଜୀଝୁ ହିଲାଆଗାଟି ଯେଶ୍‌କା ବମାୟାଁତି ଜେଚ ହାଜିମାଚେରି । ୩ ଏଦାଆଁତାକି ନାନୁ ମିଢ଼ୁ ଝେସିମାଞ୍ଜାଲ୍, ମାହାପୁରୁତି ସୁଦୁଜୀଝୁ ତଲେ ସାଲଝି ଆହାନା ଆମ୍ବାଆସି ଜିକେଏ ଜୀସୁଲ୍ ବାକା ଇଟାଲି ଆଡଅସି, ଅଡେ ଆମ୍ବାଆସି ସୁଦୁଜୀଝୁ ପୁଞ୍ଜାଆତାସି ଜୀସୁଲ୍ ପ୍ରବୁ ଇଞ୍ଜିଁ ଝେସାଲି ଆଡଅସି । ୪ ସୁଦୁଜୀଝୁ ହାନି ଦାନା ଏଚ୍‌କା ଏଚ୍‌କାତାୟି ସାମା ଏ ରଣ୍ଡିଏ ସୁଦୁଜୀଝୁ । ୫ ସେବା ଏଚ୍‌କା ଏଚ୍‌କାତାୟି ସାମା ପ୍ରବୁ ରଅସିଏ । ୬ କାମା କିନି ବାଡ଼୍‌ୟୁ ଏଚ୍‌କା ଏଚ୍‌କାତାୟି ସାମା ମାହାପୁରୁ ରଅସିଏ, ଏଞ୍ଜାସି ବାରେ ତାଶା ବାରେ କାମା କିନେସି । ୭ ସାମା ବାରେ ଜାଶାତାତି ସୁଦୁଜୀଝୁତି ଗୁଣ୍ଡୁ ଡ଼ହନି ଦାନା ବାରେ ଲକ୍‌କୁତି ନେହେଁତାକି ହୀପ୍‌କିଆନେ । ୮ ରଅଶାକି ସୁଦୁଜୀଝୁ ତଲେ ବୁଦିତି କାବୁ ଝେସାଲି ହୀନେ, ଅଡେ ରଅଶାକି ଏ ସୁଦୁଜୀଝୁ ତଲେ ବୁଦିତିକାତା ଜାପ୍‌ହାଲି ହୀନେ, ୯ ଅଡେ ରଅଶାକି ଏ ସୁଦୁଜୀଝୁ ତଲେ ନାମାଲି, ଅଡେ ରଅଶାକି ଏ ରଣ୍ଡିଏ ଜୀଝୁତି ଦାନା ତଲେ ରଗଟି ନେହିଁ କିୟାଲି ବାଡ଼୍‌ୟୁ ହୀନେ, ୧୦ ରଅଶାକି କାବାଆନି ବାଡ଼୍‌ୟୁତି କାମାୟାଁ କିୟାଲି, ଅଡେ ରଅଶାକି ମାହାପୁରୁ ଅଶ୍‌ପୁତି କାତା ଝେକ୍‌ହାଲି, ଅଡେ ରଅଶାକି ଏଚ୍‌କା ଏଚ୍‌କାତି ଜୀଝୁୟାଁଲ୍ ପୁଞ୍ଜାଲି ଆଡିନି ବାଡ଼୍‌ୟୁ ଅଡେ ରଅଶାକି ପୁନାଆତି ପୁଞ୍ଜି ହାଡା ଜଲାଲି, ଅଡେ ଏଚ୍‌କାତାରାକି ପୁନାଆତି ହାଡାତି ଅର୍ଡ ପୁଶ୍‌ମିକିନି ବାଡ଼୍‌ୟୁତି ଦାନା ହୀପ୍‌କିଆନେ । ୧୧ ସାମା ଏ ରଣ୍ଡିଏ ଜୀଝୁ ତାନି ମନ କିତିଲେହେଁ ବାରେଜାଶାତି ଏଚ୍‌କା ଏଚ୍‌କାତି ଦାନା ହୀହାନା ଇ ବାରେ କାମା କିହିମାନେ । ୧୨ ଇତିହିଁ ଏନିକିଁ ଆଢ଼ୁ ରଣ୍ଡିଏ, ଅଡେ ଆଢ଼ୁତି ଏଚ୍‌କା ଏଚ୍‌କା ବାଗାୟାଁ ମାନୁ, ସାମା ଆଢ଼ୁତି ବାଗାୟାଁ ହାରେକା ଆଡିଜିକେଏ ରଣ୍ଡିଏ ଆଢ଼ୁ ଆନେ, ଏଲେକିହିଁଏ କ୍ରୀସ୍ତ । ୧୩ ଇତିହିଁ ମୀର ଜୀହୁଦି କି ଜୀହୁଦିଆଆତି ଜିକେଏ, ହଲେଏସି ଆପେସି ହଲେଏସି ଆଆପେସି, ବାରେତାୟି ରଣ୍ଡିଏ ଜୀଝୁତଲେ ରଣ୍ଡିଏ ଆଢ଼ୁ ଆହାଲି ବାପ୍‌ସ୍ତୁ ଆହାମାନାୟି; ଅଡେ ବାରେତାୟି

ରଣିଏ ଜୀବୁତଲେ ଗସି ମାନାୟି । ୧୪ ଏଦାଆଁତାକି ଆଢ଼୍ଠା ରଣିଏ ବାଗା  
 ଥାଏ, ସାମା ଆଢ଼୍ଠାତି ଏଟ୍‌କା ଏଟ୍‌କା ବାଗାୟାଁ ଆଣ୍ଠାନା ର ଆଢ଼୍ଠା ଅହାମାନେ  
 । ୧୫ କତା ଏଲେଇନେ ନାନୁ କେୟୁତେଏଁ ଥାଏ, ଏଦି ଆଢ଼୍ଠାତି ବାଗା ଥାଏ,  
 ଏଦାଆଁତାକି ଏଦି ଆଢ଼୍ଠାତି ବାଗା ଥାଏ ଏଲେକିଁ ଥାଏ । ୧୬ ଅଡ଼େ କିୟୁଁ  
 ଏଲେଇନେ ନାନୁ କାନୁ ଥାଏ, ଏଦି ଆଢ଼୍ଠାତି ବାଗା ଥାଏ, ଏଦାଆଁତାକି ଏଦି  
 ଆଢ଼୍ଠାତି ବାଗା ଥାଏ ଏଲେକିଁ ଥାଏ । ୧୭ ବାରେ ଆଢ଼୍ଠା କାଣ୍‌କା ଆନୁ ଆତିହିଁ  
 ଏନିକିଁ ଖେନାୟି? ବାରେ ଆଢ଼୍ଠା କୀର୍‌କା ଆନୁ ଆତିହିଁ ଆମ୍ବିଟି ମୁଞ୍ଚିନାୟି?  
 ୧୮ ସାମା ମାହାପୁରୁ ଆଢ଼୍ଠା ଉଡ଼େଲିଇଁ ରଣ୍ଡା ରଣ୍ଡାଆଁ କିହିଁ ତାନି ମନତଲେ  
 ଆଢ଼୍ଠାତା ଆହାମାନେସି । ୧୯ ଅଡ଼େ ଏ ବାରେ ଆଢ଼୍ଠାତି ରଣିଏ ବାଗା  
 ଆତିହିଁମା ଆତିହିଁ ଆଢ଼୍ଠା ଆମ୍ବିୟା? ୨୦ ସାମା ସାତେଏ ଆଢ଼୍ଠାତି ବାଗାୟାଁ  
 ହାରେକା, ସାମା ଆଢ଼୍ଠା ରଣିଏ । ୨୧ ନୀ ତାଣା ନାଡ଼େ ଲଡ଼ା ହିଲେଏ ଇଞ୍ଚି  
 କାନୁ କେୟୁତି ଏଲେଇଞ୍ଚାଲି ଆଡେଏ, ଇଞ୍ଚି ନୀ ତାଣା ନା ଲଡ଼ା ହିଲେଏ ଇଞ୍ଚି  
 ତାୟୁଁ କତାତି ଏଲେଇଞ୍ଚାଲି ଆଡେଏ । ୨୨ ଅରଖାକି ଆଢ଼୍ଠାତି ଆମିନି ଆଢ଼୍ଠା  
 ଉଡ଼େଲି ବାଡ଼୍‌ୟୁ ହିଲିଆଗାଟାଇ ଇଞ୍ଚି ପୁତିହିଁ ଜିକେଏ ଏଢ଼ି ବାରେ ଲଡ଼ାତା  
 ମାନୁ; ୨୩ ଅଡ଼େ ଆଢ଼୍ଠାତି ଆମିନି ଆଢ଼୍ଠା ଉଡ଼େଲି ଲଡ଼ାହିଲିଆ ଗାଟାଇ ଇଞ୍ଚି  
 ଅଶ୍‌ପିନାୟି, ଏ ବାରେ ଆଢ଼୍ଠାତି ଆଢ଼୍ଠା ଉଡ଼େଲିକାଇଁ ମାର ହାରେକା ଜାଡ଼୍‌ନୁ  
 କିନାୟି; ଅଡ଼େ ମା ଲଡ଼ାହିଲିଆ ଆଢ଼୍ଠା ଉଡ଼େଲି ହାରେକା ନେହିଁ ଡ଼ଞ୍ଚିକିୟାନୁ,  
 ୨୪ ସାମା ମା ଅଜିତି ଆଢ଼୍ଠା ଉଡ଼େଲି ନେହିଁକିଁ ଡ଼ଞ୍ଚା ଆନାୟି ଲଡ଼ା ଥାଏ, ୨୫  
 ସାମା ଏନିକିଁ ଆଢ଼୍ଠାତି ବିତ୍ରା ଗଡ଼୍‌ହା ଥାଏ, ଇଞ୍ଚି ଆଢ଼୍ଠାତି ବାଗାୟାଁ ସମାନା  
 ତଲେ ବାରେଜାଣାତି ନେହିଁଣି ଅଶ୍‌ପିନୁ । ଏଦାଆଁତାକି ଲଡ଼ାହିଲିଆ ଆଢ଼୍ଠାତି  
 ହାରେକା ଅଜି କିହାନା ମାହାପୁରୁ ଜାଟୁ କିହାମାନେସି । ୨୬ ଏଦାଆଁତାକି ର  
 ଆଢ଼୍ଠା କସ୍ତୁ ବେଟାଆତିସାରେ ବାରେ ଆଢ଼୍ଠା ତାନିତଲେ ଦୁକୁ କିନୁ, ସାମା ର  
 ଆଢ଼୍ଠା ଗାସ୍ତୁରମି ବେଟାଆତିସାରେ ବାରେ ଆଢ଼୍ଠା ତାନିତଲେ ରାହାଁ କିନୁ ।  
 ୨୭ ଏଲେକିହିଁଏ ମୀରୁ କ୍ରୀସ୍ତୁତି ଆଢ଼୍ଠାତି ବାଗାୟାଁତେରି, ଅଡ଼େ ର ର ଲକୁ  
 ର ର ଆଢ଼୍ଠାତି ବାଗାୟାଁ ଲେହେଁ । ୨୮ ଅଡ଼େ ମାହାପୁରୁ କୁଲମିତା ତଲିଏ  
 ପାଣ୍ଡୁଢ଼ି ଆତାରାଇଁ, ଇଞ୍ଚି ତାୟୁ ମାହାପୁରୁ ଅଶ୍‌ପୁତି ବଲୁ ଖେହ୍‌ନାରାଇଁ, ତାୟୁ  
 ଜାପ୍‌ନାରାଇଁ, ଏଲେକିହିଁ ହାରେକା ଲକୁଣି ନିପ୍‌ହାମାନେସି; ଅଡ଼େ କାବାଆନି  
 କାମା କିନାରାଇଁ, ତାୟୁ ରଗଟି ନେହିଁ କିନାରାଇଁ, ଇଞ୍ଚି ଲକୁଇଁ ସାୟେମି  
 କିନାୟି, ସାଲଢ଼ି କିନାରି ବାଡ଼୍‌ୟୁ ଅଡ଼େ ଏଟ୍‌କାତି ପୁନାଆତି ହାତା ଜଲିନି ଦାନା

ହୀହାମାନେସି । ୨୯ ବାରେଜାଣା କି ପାଣ୍ଡୁଞ୍ଚି ଆହାମାନାରି? ବାରେଜାଣା କି ମାହାପୁରୁ ଅଶ୍ଵପୁତି ବଲୁ ଝେହ୍ନାରି? ବାରେଜାଣା କି ଜାପୁନାରି? ବାରେଜାଣା କି କାବାଆନି କାମାକିନାରି? ୩୦ ବାରେଜାଣା କି ନେହୁଁକିନି ବାଡ଼ୁୟୁତି ଦାନା ବେଟା ଆହାମାନାରି? ବାରେ ଜାଣାକି ଏଟ୍ଟକା ହାତାତଲେ ଜଲିନେରି? ବାରେଜାଣା କି ଏଟ୍ଟକା ହାତାତି ଅର୍ତ୍ତ ଝେହ୍ନେରି? ୩୧ ସାମା ବାରେତେରି ନେହୁଁ ଦାନା ବେଟାଆହାଲି ଅଶ୍ଵପାଦୁ, ସାମା ଏ ବାରେକିହୁଁ ଅଡ଼େ ହାରେକା ଆଗାଡ଼ା ମାନି ର ନେହୁଁ ଜିରୁ ତସିମାଞ୍ଜୁଇଁ ।

**୧୩** ଇଚିହୁଁ ନାନୁ ମାଶ୍ଵିୟାଁ ଅଡ଼େ ଦୂତୁୟାଁ ହାତାତଲେ ଜଲିଇଁ, ସାମା ନା ଜୀଞ୍ଜୁନନାୟି ହିଲେଏ, ଆତିହୁଁ ନାନୁ ଟିଶି ଟିଶି ଆନି ଜିଶ୍ଵା ଅଡ଼େ ଟାପୁଡ଼ି ଝେନି ହାତାଲେହେଁ ତାତେଏଁ । ୨ ଇଚିହୁଁ ନାନୁ ମାହାପୁରୁ ଅଶ୍ଵପୁତି ବଲୁ ଝେହ୍ନି ବାଡ଼ୁୟୁ ମାନେ, ଅଡ଼େ ବାରେ ଦୁଗାମାନାଣି ଇଞ୍ଜୁଁ ବୁଦିତିକାତା ପୁନାତେଏଁ, ଅଡ଼େ ହରୁଇଁ ଏଟ୍ଟକା ଗୁଚି କିହାଲି ନାଢ଼େ ହାରେକା ନାମୁ ମାଚି ଜିକେଏ, ସାମା ନା ଡାଣା ଜୀଞ୍ଜୁନନାୟି ହିଲେଏ, ଆତିହୁଁ ନାନୁ ଏନାତେଏଁ ଆଏ । ୩ ଇଚିହୁଁ ନାନୁ ହିଲାଆଗାଚି ଲକୁତାକି ଚିଞ୍ଜାଲି ବାରେ ଦନ ହାଇଁ, ଅଡ଼େ ନାନୁ ନା ଆଞ୍ଜୁତି ଝେହାଲି ତାକି ହେରପିଇଁ, ସାମା ନା ଡାଣା ଜୀଞ୍ଜୁନନାୟି ହିଲେଏ ଇଚିହୁଁ ନାଦି ଏନି ଲାବା ଆଏ । ୪ ଜୀଞ୍ଜୁନନାୟି ଅରୁହିନାୟି, ଜୀଞ୍ଜୁନନାୟି ନେହୁଁଣି ଅଶ୍ଵିନାୟି, ଡାହାରା କିଆଗାଟାୟି, ବତପଣ ଆଆଗାଟାୟି, ଆଞ୍ଜୁରା କିଆଗାଟାୟି । ୫ ଲାଗେଏ କିହିଁ ଲେମ୍ଫେଏ, ଜାହାରା ତାକି ଅଶ୍ଵେଏ, ବିରିବିରା ଆଏ, ଲାଗେଏ କିହାଲି ଅଶ୍ଵପୁତା ଇଚେଏ । ୬ ଲାଗେଏତି କାମାତାକି ରାହୁଁ ଆଆଗାଟାୟି, ସାମା ସାତାତା ରାହୁଁ କିନାୟି; ୭ ଜୀଞ୍ଜୁ ନନିଡାଣା ବାରେ ଅରୁହିନାୟି, ବାରେ ଡାଣା ନାମିନାୟି, ବାରେ ଡାଣା ବାସୁଁ ହୀନାୟି, ବାରେ କାତାତା ସାସା ଆହ୍ନାୟି । ୮ ଜୀଞ୍ଜୁନନାୟି ଏତେଲା ରାଏ; ସାମା ମାହାପୁରୁ ଅଶ୍ଵପୁତି ବଲୁ ଝେକ୍ଵା ମାନାୟି, ଦିନା ଝାତିସାରେ ମିଚି ଜିକେଏ ଆନେ; ଏଟ୍ଟକା ଏଟ୍ଟକା ଜଲିନି ହାତା ମାଚି ଜିକେଏ ଏଦି ର ଦିନା ସାପି ଆନେ; ବୁଦିତିକାତା ମାଚି ଜିକେଏ ଏଦି ମେଶ୍ଵାହାନେ । ୯ ଇଚିହୁଁ ମାର ରଚାଣିଏ ପୁନାୟି ଅଡ଼େ ମାହାପୁରୁ ଅଶ୍ଵପୁତି ବଲୁ ଇଚେକେଏ ଝେକ୍ଵାଲି ଆତିନାୟି । ୧୦ ସାମା ପୁରା ଆନାୟି ଝାତିହୁଁ ଉଜେଏତାୟି ମେଶ୍ଵାହାନେ । ୧୧ ନାନୁ ଉଣା ମାଚିବେଲା ଉଣା କକାରି ଲେହେଁ ଜଲି ମାତେଏଁ, ଉଣା କକାରି ଲେହେଁ ଅଶ୍ଵପିମାତେଏଁ, ଉଣା କକାରି ଲେହେଁ ପୁଞ୍ଜିମାତେଏଁ; ନାନୁ ପାତାଆତି



ମାଣ୍ଡି ଆୟାଲିଏ ନାନୁ ଉଣା କକାରି କାତା ପିସାରୁସ୍ତେଏ । ୧୨ ଇତିହା  
 ନୀଏ ମାର ତୁଗାମାନି କାତା ଲେହେତି ଦାପେଣିତା ମେସିମାନାୟି, ସାମା  
 ଏତିବେଲା ମୁମୁ ମୁମୁତା ମେସପି ଆନାୟି; ନୀଏ ନାନୁ ଏନିକି ପୁଞ୍ଜାମାଇ, ସାମା  
 ଏତିବେଲା ନାଡ୍ରେ ଏନିକି ପୁଞ୍ଜାମାଞ୍ଜାନେସି, ନାନୁ ଜିକେଏ ଏଲେକି ଡାୟୁ ପୁଇ  
 । ୧୩ ଏଦାଆଁତାକି ନାମିନାୟି, ଆସା କିନାୟି, ଜୀଞ୍ଜୁନନାୟି, ଇ ତାନିଗଟା  
 କାଲେଏତାଇ, ସାମା ଇ ବିତ୍ରାଟି ଜୀଞ୍ଜୁନନାୟି ବାରେକିହାଁ କାଜାୟି ।

**୧୪** ଜୀଞ୍ଜୁ ନନାଣି ପାରାଦୁ, ଅଡେ ସୁଦୁଜୀଞ୍ଜୁତି ଦାନା ବେଟାଆହାଲି  
 ବାରେତି କିହାଁ ଏନିକି ମାହାପୁରୁ ଅଶ୍ପୁତି ବଲୁ ଝେକହାଲି ଆଡିଦେରି,  
 ଇଦାଆଁତାକି ହାରେକା ଅଶ୍ପାଦୁ । ୨ ଇତିହା ଆମ୍ବାଆସି ଏଟ୍‌କା ଏଟ୍‌କାତି  
 ହାତାତଲେ ଜଲିନେସି, ଏଞ୍ଜାସି ମାଣ୍ଡିୟାଈ ଜଲଅସି, ସାମା ମାହାପୁରୁଈ  
 ଜଲିନେସି, ଆମ୍ବାଆସି ଏଦାଆଁ ତେଲହଅସି, ସାମା ଏଞ୍ଜାସି ସୁଦୁଜୀଞ୍ଜୁ ବାଡ୍‌ପୁଟି  
 ତୁଗାମାନାଣି ଝେହନେସି । ୩ ସାମା ଆମ୍ବାଆସି ମାହାପୁରୁ ଅଶ୍ପୁତି ବଲୁ  
 ଝେହନେସି, ଏଞ୍ଜାସି ଲୁକୁଇଁ ସାୟେମି କିହାନା, ସାସା ଅଡେ ବାସୁତି କାତା  
 ଝେହନେସି । ୪ ଆମ୍ବାଆସି ଏଟ୍‌କାତି ହାତାତଲେ ଜଲିନେସି ଏଞ୍ଜାସି ଜାହାରା  
 ନାମୁତା ପାତିକିହାଁ କତିନେସି, ସାମା ଆମ୍ବାଆସି ମାହାପୁରୁ ଅଶ୍ପୁତି ବଲୁ  
 ଝେକନେସି ଏଞ୍ଜାସି କୁଲମିଈ ନାମୁତା ପାତିକିନେସି । ୫ ମୀରୁ ବାରେତେରି  
 ଏଟ୍‌କା ହାତାତଲେ ଜଲାଦୁ ଇଞ୍ଜି ନା ଅଶ୍ପୁ, ସାମା ମୀରୁ ମାହାପୁରୁ ଅଶ୍ପୁତି  
 ବଲୁ ଝେହଦୁ ଇଦି ହାରେକା ନା ଅଶ୍ପୁ; ଆମ୍ବାଆସି ଏଟ୍‌କା ଏଟ୍‌କାତି  
 ହାତାତଲେ ଜଲିନେସି ଏଞ୍ଜାସି କୁଲମିତି ପାତିକିହାଲି ଏ କାତାତି ଅର୍ଡ ଝେହଅସି  
 ଇତିହା ଏଦାଣିକିହାଁ ଆମ୍ବାଆସି ମାହାପୁରୁ ଅଶ୍ପୁତି ବଲୁ ଝେକନେସି ଏଞ୍ଜାସି  
 କାଜାସି । ୬ ଏଦାଆଁତାକି ତାୟିୟାତେରି ନାନୁ ମୀ ତାଣା ଝାହାନା ମାହାପୁରୁତି  
 ଝେକହ ବଲୁ, ବୁଦିତିକାତା, ମାହାପୁରୁ ଅଶ୍ପୁତି କାତା ଝେକନାଣି କି ଜାପ୍‌ନି  
 କାତା ଝେହଆନା, ଏଟ୍‌କା ଏଟ୍‌କାତି ହାତାତଲେ ଜଲିଈ, ଆତିହାଁ ଏମ୍ବାଆଁ  
 ନାନୁ ମୀ ଏନି ଲାବା କିତେଏ । ୭ ପୀରୁଡି ଅଡେ ସେର୍ଡ୍ରେ ଲେହେତି ଜୀଞ୍ଜୁ  
 ହିଲାଆଗାଟି ବାଜାୟାଁ ଉକିତିହାଁ ଜିକେଏ ଏମ୍ବାଆଁ ତାନି ତିସା ହଏ ଇତିହାଁ  
 ପୀରୁଡି ଏନିକି ଡାହିମାନେ ସେର୍ଡ୍ରେ ଏନିକି ଡାହିମାନେ ଏଦାନି ତିସା ଏନିକି  
 ପୁନେରି? ୮ ଇଞ୍ଜି ତାଡି ଉକିନାସି ନେହିକି ଉକଅସି ଆତିହାଁ ଆମ୍ବାଆସି ଜୁଜୁ  
 ତାକି ତିୟାରା ଆନେସି । ୯ ଏଲେକିହାଁଏ ମୀରୁ ଜିକେଏ ଏଟ୍‌କା ହାତାତଲେ  
 ନେହି ତାରିତଲେ ଜଲଅତେରି, ମୀରୁ ଏନାଆଁ ଜଲିତେରି ଏନିକି ପୁନେରି,

ଇତିହାସ ମୀରୁ ଜଳିନାୟି ଗାଲିତି ଜଳିନିଲେହେଁ ଆନେ । ୧୦ ଦାର୍ତ୍ତିତା  
 ହାରେକା ତିସା ମାନେ, ଅଡ଼େ ଆମିନି ତିସାତି ଅର୍ତ୍ତ ହିଲାଆଗାଟାଇ ଆଏ ।  
 ୧୧ ସାମା ନାନୁ ଏ ଜଳିନି ହାତା ଚେଲ୍‌ହଅଁ ଆତିହୁଁ ଆମ୍ବାଆସି ଜଳିନେସି  
 ନାନୁ ଏଞ୍ଜାଣାକି ପୁନାଆତାତେଏଁ ଲେହେଁ ଆଇଁ, ଅଡ଼େ ଏଞ୍ଜାସି ନା ଡାଣାଟି  
 ପୁନାଆତାସି ଲେହେଁ ଆନେସି । ୧୨ ଏଲେକିହୁଁଏ ମୀରୁ ଜିକେଏ ଜୀଞ୍ଜୁତି ଦାନା  
 ବେଟାଆହାଲି ଅଶ୍‌ପି ମାନାକି କୁଲମିତି ପାଡିକିହାଲି ଗାଡି ବେଟାଆହାଲି  
 ଅଶ୍‌ପାଦୁ । ୧୩ ଆମ୍ବାଆସି ଏଟ୍‌କାତି ହାତାତଲେ ଜଳିନେସି, ଏଞ୍ଜାସି ଏନିକିଁ  
 ଏମ୍ବାତି ଅର୍ତ୍ତ ଖେସାଲି ଆଡିନେସି, ଏଦାଆଁତାକି ପ୍ରାତାନା କିପେସି । ୧୪ ଇତିହାସ  
 ନାନୁ ଏଟ୍‌କା ହାତାତଲେ ପ୍ରାତାନା କିଇଁ, ଇତିହାସ ନା ଜୀଞ୍ଜୁ ପ୍ରାତାନା କିନେ,  
 ସାମା ନା ଅଶ୍‌ପୁ ଏମ୍ବାତି ଏନି ଲାବା ହିଲେଏ । ୧୫ ଆତିହୁଁ ନାନୁ ଏନାଆଁ  
 କିନାୟିମାନେ, ନାନୁ ସୁଦୁଜୀଞ୍ଜୁ ତଲେ ପ୍ରାତାନା କିଇଁ; ଇଞ୍ଜାଁ ବୁଦିତଲେ ଜିକେଏ  
 ପ୍ରାତାନା କିଇଁ; ସୁଦୁଜୀଞ୍ଜୁ ତଲେ ଜହରା ପାରୁ ପାଡିଇଁ, ଅଡ଼େ ବୁଦିତଲେ  
 ଜିକେଏ ଜହରା ପାରୁ ପାଡିଇଁ । ୧୬ ନାନୁ ଖାର୍‌ଇ ସୁଦୁଜୀଞ୍ଜୁ ତଲେ ମାହାପୁରୁଇଁ  
 ଜହରା କିଦି, ଏମ୍ବାଆଁ କୁଗାମାନାସି ପୁନାଆନା ଏନିକିଁ ନୀ ପ୍ରାତାନାତା ଡାୟୁ  
 ଆମେନ୍ ଇନେସି । ୧୭ ଇତିହାସ ନାନୁ ନେହୁଁକିଁ ମାହାପୁରୁଇଁ ଜହରା କିହିମାଞ୍ଜି  
 ସାତା, ସାମା ଏଟ୍‌କାତାସି ପାତାଆଅସି । ୧୮ ନାନୁ ମୀ ବାରେକିହୁଁ ହାରେକା  
 ଗାଡି ଏଟ୍‌କାତି ହାତାତଲେ ଜଳିଇଁ ଇଞ୍ଜାଁ ନାନୁ ମାହାପୁରୁଇଁ ଜହରା କିହିମାଞ୍ଜି;  
 ୧୯ ଆଡିଜିକେଏ ନାନୁ ଏନିକିଁ ଏଟ୍‌କାତାରାଇଁ ଜାପ୍‌ହାଲି ଆଡିଇଁ, ଏଦାଆଁତାକି  
 କୁଲମିତା ଦସ ମାଣା ଏଟ୍‌କାତି କାତାୟାଁ ଜଳିନି କିହୁଁ ବୁଦିତଲେ ପାସାଗଟା  
 କାତା ଖେହ୍‌ନାୟି ନେହେଁ । ୨୦ ଏ ତାୟିୟାତେରି ବୁଦିତା ଉଣା କକାରି  
 ଲେହେଁ ଆଆଦୁ, ସାମା ଲାଗେଏ ପଲେଏ କାତାତାକି ଉଣା କକାରି ଲେହେଁ  
 ଆଦୁ, ସାମା ବୁଦିତା ଅଡ଼େ ଅଶ୍‌ପୁତା ପାତାଆତି ଲକୁଲେହେଁ ଆଦୁ । ୨୧  
 ମସା ମେରାତା ରାସ୍‌କି ଆହାମାନେ, “ପ୍ରବୁ ଏଲେ ଇଞ୍ଜାମାନେସି, ଏଟ୍‌କା  
 ଦେସାତି ଜଳିମାନି ହାତାତଲେ, ଏଟ୍‌କା ଲକୁଡି ଗୁଡି ତଲେ ନାନୁ ଇ ଲକୁଣି  
 ଜଳିଇଁ, ଆଡିଜିକେଏ ଏଞ୍ଜାରି ନା କାତା ଖେନଅରି ।” ୨୨ ଏଦାଆଁତାକି  
 ଏଟ୍‌କା ହାତାତଲେ ଜଳିନାୟି ନାମୁ ଗାଟାରାକି ର ସିନାଲେହେଁ ଆଏ, ସାମା  
 ନାମାଆ ଗାଟାରାକି ସିନା ସମାନା; ଅଡ଼େ ଅରଞ୍ଜାକି ମାହାପୁରୁ ଅଶ୍‌ପୁଡି ବଲୁ  
 ଖେକ୍‌ନାୟି ନାମାଆ ଗାଟାରାକି ସିନାଲେହେଁ ଆଏ, ସାମା ନାମିନାରାକି ସିନା  
 ସମାନା । ୨୩ ଅଡ଼େ ଜିକେଏ ବାରେ କୁଲମିତି ଲକୁ ରୁଣ୍ଡା ଆତିହୁଁ, ଇଞ୍ଜାଁ

ବାରେଜାଣା ଏବଂ ଏବଂ ହାତାତଲେ ଜଳିନେରି, ଅଡ଼େ ପୁନାଆତାରି କି  
 ନାମାଆତାରି ଏମ୍ପାଆଁ ଖାନେରି, ଆତିହିଁ ମିଢ଼େ ବାୟୁ ଆତାରି ଇଞ୍ଜି ଇନଅରି  
 କି? ୨୪ ସାମା ବାରେଜାଣା ମାହାପୁରୁ ଅଣ୍ଟପୁତି ବଲୁ ଝେକ୍‌ନେରି, ରଅସି  
 ପୁନାଆତାସି କି ନାମାଆତାସି ଖାନେସି, ଆତିହିଁ ଏଞ୍ଜାସି ନାନୁ ପାପୁ ଗାଟାତେଏଁ  
 ଇଞ୍ଜି ପୁଞ୍ଜା କତିନେସି ଅଡ଼େ ଏଞ୍ଜାସି ବାରେ ଲକୁଡାଣା ଦହଗାଟାସି ଇଞ୍ଜି  
 ବିଚାରା ଆନେସି । ୨୫ ଅଡ଼େ ତାନି ହିୟାଁତା ତୁଗାମାନି ପାପୁତି ଅଣ୍ଟପୁ ବାରେ  
 ଚଞ୍ଜାଆନେ; ଇଞ୍ଜି ଏଞ୍ଜାସି ମୁନୁ କୁଡାହାଁ ମାହାପୁରୁଇଁ ଜହରା କିନେସି, ଇଞ୍ଜି  
 “ସାତେଏ ମାହାପୁରୁ ମୀ ତାଣା ମାନେସି ଇଞ୍ଜି ଇନେସି ।” ୨୬ ଏଦାଆଁତାକି ଏ  
 ତାୟିୟାଁ ଅଡ଼େ ତାଢ଼ିସ୍ଥାତେରି, ଏନାଆଁ କିନାୟିମାନେ? ମୀରୁ ରୁଣ୍ଡା ଆନାଟି  
 ଆମ୍ପାଆରି ର ପାରୁ, ଆମ୍ପାଆରି ର କାତା ଜାପ୍‌ନାୟି, ଆମ୍ପାଆରି ମାହାପୁରୁ  
 ଚସାମାନି ବଲୁ ଝେକ୍‌ନାୟି, ଆମ୍ପାଆରି ଏବଂ ଏବଂକାତି ହାତା ଜଳିନାୟି,  
 ଆମ୍ପାଆରି ହାତାତି ଅର୍ତ୍ତ ପୁଣ୍ଡିକିନାୟି, ଇଲେକି ବାରେତାକି ଏନାୟି ଆଆତି  
 ଏନାୟି ମାନେ, ଇ ବାରେ କୁଲମିତି ପାତିକିହାଲି କିଞ୍ଜିଆପେ । ୨୭ ଆମ୍ପାଆରି  
 ଏବଂ ହାତାତଲେ ଜଳିନେରି ଇତିହିଁ ରିଆରି ଆଆତି ତାନିଜାଣା ପାଲି କିହିଁ  
 ଜଲାପେରି ଅଡ଼େ ରଅସି ତାନି ଅର୍ତ୍ତ ଝେସ୍‌ପାସି । ୨୮ ସାମା ଆମ୍ପାଆସି ଅର୍ତ୍ତ  
 ତେଲ୍‌ହି କିନାସି ହିଲଅସି ଇତିହିଁ ଏଞ୍ଜାସି କୁଲମିତା ପାଲେଏ ମାଣ୍ଡମେସି, ଇଞ୍ଜି  
 ତାନୁ ତାନି ହିୟାଁତା ମାହାପୁରୁଇଁ ଝେସ୍‌ପାସି । ୨୯ ଅଡ଼େ ରିଆରି କି ତାନି  
 ଜାଣା ମାହାପୁରୁ ଅଣ୍ଟପୁତି ବଲୁ ଝେସ୍‌ପେରି, ଅଡ଼େ ଏବଂକାତାରି ଝେସିମାନାଣି  
 ନେହିଁକି ଝେଣ୍ଡମ୍ପାରି । ୩୦ ସାମା ଏମ୍ପାଆଁ କୁଗାମାନାରି ବିତ୍ରା ଆମ୍ପାଆରାକି  
 ମାହାପୁରୁତି ଏନି ବଲୁ ଖାତିସାରେ ନକେଏ ଝେସିମାନାସି ପାଲେଏ ମାଣ୍ଡମେସି  
 । ୩୧ ଇତିହିଁ ଏନିକି ବାରେଜାଣା ଜାପିନେରି, ଇଞ୍ଜି ବାରେଜାଣା ସେତ୍‌ନା  
 ଆନେରି, ଏଦାଆଁତାକି ରଅ ରଅତେରି ମାହାପୁରୁ ଅଣ୍ଟପୁତି ବଲୁ ଝେସାଲି  
 ଆତିଦେରି । ୩୨ ସାମା ମାହାପୁରୁତି ବଲୁ ଝେହ୍‌ନି ବାଡ଼୍‌ୟୁ ଝେହ୍‌ନାଣି ତାଣାଟି  
 ଲପ୍‌କି ଆନାୟି ମାନେ । ୩୩ ଏନାଆଁତାକି ଇତିହିଁ ମାହାପୁରୁ ଗଡ଼୍‌ହା କିନି  
 ମାହାପୁରୁ ଆଏ, ସାମା ହିଡ଼ିତି ମାହାପୁରୁ । ଏନିକି ମାହାପୁରୁ ସୁନୁ ଲକୁତି  
 କୁଲମିତା ଆନେ । ୩୪ ଏଲେକି ଇୟାସିକା କୁଲମିତା ପାଲେଏ ମାଣ୍ଡମ୍ପୁ,  
 ଇତିହିଁ କାତା ଜଲାଲି ଏଞ୍ଜି ହେଲ ବେଟା ଆହାହିଲାଡ, ମସା ମେରାତା ରାସ୍‌କି  
 ଆହାମାନି ଲେହେଁ ଏଞ୍ଜି ମାନି ତଲେ ମାନାପୁ । ୩୫ ସାମା ଇୟାସିକା ଏନାଆଁ  
 ପୁଞ୍ଜାଲି ଅଣ୍ଟପିତିହିଁ, ତାନି ଇଜ ତାନି ତକ୍‌ୟାଁଣି ଝେଣ୍ଡମ୍ପୁ, ଇତିହିଁ କୁଲମିତା

କାତା ଜଳିନାୟି ଇୟାନାକି ଲାଜାତି କାତା । ୩୬ ମାହାପୁରୁତି ବଲୁ ମୀ  
 ଡାଣାଟି ହରାମାନେ କି? ଇଞ୍ଜି ଖାର୍‌ଇ ମିଢ୍ଢେଟାକି ଖାହାମାନେ କି? ୩୭  
 ଆମ୍ବାଆସି ନାନୁ ମାହାପୁରୁ ଅଣ୍ଟପୁତି ବଲୁ ଝେହ୍‌ନାତେଏଁ, ଇଞ୍ଜି ନେହିଁ ଜୀଝୁତି  
 ଦାନା ବେଟାଆହାମାଇଁ ଇଞ୍ଜି ଅଣ୍ଟିନେସି, ଆତିହିଁ ନାନୁ ମିଢ୍ଢୁ ଏନା ଏନାଆଁ  
 ରାତିମାଞ୍ଜାଇଁ, ଏଦି ବାରେ ମାହାପୁରୁତି ହୁକୁମି ଏଦାଆଁ ଏଝାସି ପୁନାପେସି ।  
 ୩୮ ସାମା ଆମ୍ବାଆସି ତେଲ୍‌ହଅସି ଆତିହିଁ ଏଝାସି ଏନାଆଁ ତେଲ୍‌ହଆନା  
 ମାନାପେସି । ୩୯ ଏଦାଆଁତାକି ତାୟିୟାଁ, ମାହାପୁରୁ ଅଣ୍ଟପୁତି ବଲୁ ଝେକ୍‌ହାଲି  
 ଅଣ୍ଟପେମାଞ୍ଜୁ: ଇଞ୍ଜି ଏଟ୍‌କାତି ହାତା ଜଲଲି କାହିକିଆଦୁ । ୪୦ ସାମା ବାରେ  
 କାମା ନେହିଁତଲେ ସୁସ୍ତି ତଲେ କିନାୟିମାନେ ।

**୧୫** ନା ତାୟିୟାଁ ଅଡେ ତାଢ୍ଢିସ୍ତାତେରି, ନାନୁ ମୀ ଡାଣା ଆମିନି ନେହିଁ କାବୁ  
 ଝେକ୍‌ହାମାତେଏଁ, ଆମିନି କାବୁ ମୀରୁ ତାରିତଲେ ଆସାମାତେରି ଆମିନି  
 ଡାଣା ତାରିତଲେ ମାଞ୍ଜୁମାଞ୍ଜେରି, ନାନୁ ଏନିକିଁ ମୀ ଡାଣା ଝେକ୍‌ହାମାତେଏଁ,  
 ଏଦାଆଁ ମିଢ୍ଢେ ଅଣ୍ଟି କିହିମାଞ୍ଜାଇଁ । ୨ ମିଢ୍ଢେ ଝେକ୍‌ହା ମାଞ୍ଜୁନି ନେହିଁ  
 କାବୁ ମୀରୁ ଜାଣେ ଆସା ମାତିହିଁ, ଇ ନେହିଁ ବଲୁ ତାକି ମୀରୁ ଗେଲ୍‌ପି  
 ଆହାମାଞ୍ଜେରି, ଆଆତିଁ ମୀରୁ ଉଜେଏ ନାମୁ ଗାଟାତେରି ଆହାମାତେରି । ୩  
 ଇତିହିଁ ନାନୁ ଆମିନି ଜାପ୍‌ନାଣି ବେଟା ଆହାମାତେଏଁ, ଏ ବିତ୍ରାଟି ଇ କାଜା  
 କାତା ମିଢ୍ଢେ ହାହାମାଞ୍ଜାତେଏଁ, ଇତିହିଁ କ୍ରାସୁ ଦାମ୍‌ନୁ ପତିତା ରାସ୍‌କି ଆହାମାନି  
 ଲେହେଁ ମା ପାପୁ ତାକି ହାତେସି । ୪ ମୁସ୍‌ପି ଆତେସି, ଇଞ୍ଜି ଦାମ୍‌ନୁ ପତିତା  
 ରାସ୍‌କି ଆହାମାନି ଲେହେଁ; ତାନିଦିନା ଡାୟୁ ହାକିଟି ଝେଣ୍ଢେ ନିଢ୍ଢିତେସି । ୫  
 ଏଝାସି କେପା ଅଡେ ବାରଜାଣା ସୀସୁୟାଣି ତଞ୍ଜୁଆତେସି । ୬ ଡାୟୁ ରଣ୍ଡିଏ  
 ଦେବା ପାସା ଝାଞ୍ଜାଟିଏ ଆଗାଡ଼ା ତାନି ଜେଟ ହାନି ତାୟିୟାଁଇଁ ତଞ୍ଜୁଆତେସି;  
 ଏଝାରି ବିତ୍ରାଟି ହାରେକା ଲକୁ ନୀଞ୍ଜୁପାତେକା ନୀଡାମାନେରି, ସାମା ଏରେକା  
 ଲକୁ ହାହାମାନେରି । ୭ ଏରେଟିଏ ଏଝାସି ଜାକୁବଇଁ ଇଞ୍ଜି ଡାୟୁ ବାରେ  
 ପାଣ୍ଡୁଝି ଆତାରାଇଁ ତଞ୍ଜୁଆତେସି । ୮ ବାରେତି ଡାୟୁ ଲେଞ୍ଜୁ ପୁରାଆଆନା  
 ଜାର୍‌ଆତି ଲେହେଁ ତାତେଏଁ ନାଢ୍ଢେ ଜିକେଏ ତଞ୍ଜୁ ଆୟାତେସି । ୯ ଇତିହିଁ  
 ମାହାପୁରୁତି କୁଲମିତି ଲକୁଇଁ ସାସ୍ତି ହାହିମାତାକି ପାଣ୍ଡୁଝି ଆହାମାନାରି ଡାଣା  
 ବାରେକିହାଁ ନାନୁ ଉଣାତେଏଁ, ଇଞ୍ଜି ପାଣ୍ଡୁଝିଆହାମାନି ଦରୁ ବେଟାଆହାଲି  
 ପାଡ଼ା ଆଆଗାଟାତେଏଁ । ୧୦ ସାମା ନାନୁ ଏନି ଆହାମାଇଁ, ଏଦି ମାହାପୁରୁ  
 କାର୍‌ମାମେହ୍‌ନି ଡାଣାଟି ଆହାମାନେ, ଇଞ୍ଜି ନା ତାକି ତାନି କାର୍‌ମାମେହ୍‌ନାୟି

ଉଦ୍ଦେଶ୍ୟ ଆହା ହିଲେଏ, ସାମା ନାନୁ ଏ ବାରେଜାଣା କିହାଁ ହାରେକା କାମା  
 କିହାମାଲ୍, ଆତିଜିକେଏ ନାନୁ ଆଏ, ସାମା ମାହାପୁରୁତି କାର୍ମାମେହନାୟି  
 ଏଦାଆଁ କିହାମାନେ । ୧୧ ଏଦାଆଁତାକି ନାନୁ ଆପେ କି ଏଞ୍ଜାରି ଆପେରି  
 ଏଲେକିହିଁ ମାମୁ ଖେସିମାନମି ଅଡେ ମୀରୁ ଜିକେଏ ଏଲେକିହିଁ ନାମାମାଞ୍ଜେରି  
 । ୧୨ କ୍ରୀସୁ ହାକିଟି ନିଢ୍ଫାମାନେସି ଇଞ୍ଜି ଇ କାରୁ ଖେସିପି ଆହିମାନେ, ଆତିହିଁ  
 ହାତାରି ଖେଣ୍ଡେ ନିଢ୍ଫାମାୟି ହିଲେଏ ଇଞ୍ଜି ଏନିକିଁ ମୀ ବିତ୍ରାଟି ଏଚରଜାଣା  
 ଏଲେ ଇଞ୍ଜିମାନେରି? ୧୩ ହାତାରି ଖେଣ୍ଡେ ନିଢ୍ଫାମାୟି ହିଲେଏ, ଇତିହିଁ କ୍ରୀସୁ  
 ଜିକେଏ ଖେଣ୍ଡେ ନିଢ୍ଫା ହିଲଅସି । ୧୪ ଇଞ୍ଜି କ୍ରୀସୁ ହାକିଟି ଖେଣ୍ଡେ ନିଢ୍ଫା  
 ହିଲଅସି, ମାମୁ ଖେକ୍‌ହମାନାୟି ବାରେ ଉଦ୍ଦେଶ୍ୟତାୟି, ଅଡେ ମୀ ନାମୁ ଜିକେଏ  
 ଉଦ୍ଦେଶ୍ୟତାୟି । ୧୫ ଅଡେ ମାମୁ ମାହାପୁରୁତି ମିତି ଖେହନିଲେହେଁ ଡଞ୍ଜାଆନେ,  
 ଏନାଆଁତାକି ଇତିହିଁ ମାମୁ ମାହାପୁରୁ କପାଟି ଇ କାତା ସାକି ହୀତମିମା କି  
 କ୍ରୀସୁଲ୍ ନିକ୍‌ହାମାନେସି, ସାମା ହାତାରି ନିଢ୍ଫାଅରି, ଆତିହିଁ ଏଞ୍ଜାସି କ୍ରୀସୁଲ୍  
 ଜିକେଏ ନିକ୍‌ହା ହିଲଅସି । ୧୬ ଏଲେଆହିଁ ହାତାରି ନିଢ୍ଫାହିଲଅରି, ଆତିହିଁ  
 କ୍ରୀସୁ ଜିକେଏ ନିଢ୍ଫା ହିଲଅସି । ୧୭ ଇଞ୍ଜି କ୍ରୀସୁ ନିଢ୍ଫା ହିଲଅସି ଇତିହିଁ ମୀ  
 ନାମୁ ଜିକେଏ ଉଦ୍ଦେଶ୍ୟତାୟି ଆନେ, ଇଞ୍ଜି ମୀରୁ ନୀଏଁ ପାଡେକା ମୀ ପାପୁ  
 ତଲେ ମାଞ୍ଜାମାଞ୍ଜେରି । ୧୮ ଆତିହିଁ ଆମ୍ବାଆରି କ୍ରୀସୁ ଡାଣା ନାମାମାଞ୍ଜାନା  
 ହାହାମାନେରି, ଏଞ୍ଜାରି ଜିକେଏ ନାସା ଆହାମାନେରି । ୧୯ ମୀର ଖାର୍‌ଇ  
 ଇ ଜୀଝୁତାକି କ୍ରୀସୁଲ୍ ଆସା କିହିମାନାୟି, ଆତିହିଁ ମୀର ବାରେ ମାଣ୍‌ସିୟାଁ  
 କିହାଁ କାର୍ମା ହିଲଆଗାଟାତାୟି । ୨୦ ସାମା ସାତାତଲେ କ୍ରୀସୁ ହାତି ଲକ୍‌କୃତି  
 ମୂଲୁତି ପାଡେୟି ଲେହେଁ ହାତାରି ବିତ୍ରାଟି ଖେଣ୍ଡେ ନିଢ୍ଫାମାନେସି । ୨୧ ଇତିହିଁ  
 ମାଣ୍‌ସି ଡାଣାଟି ହାନାୟି ଖାହାମାନାକି ଅଡେ ମାଣ୍‌ସି ଡାଣାଟିଏ ହାତାରି  
 ବିତ୍ରାଟି ଖେଣ୍ଡେ ନିଢ୍ଫାମାୟି ଜିକେଏ ଖାହାମାନେ । ୨୨ ଇତିହିଁ ଆଦମ ଡାଣାଟି  
 ବାରେ ମାଣ୍‌ସିକି ହାକି ଖାଡେ, ଏଲେକିହିଁଏ କ୍ରୀସୁ ଡାଣାଟି ବାରେଜାଣା ଜୀଝୁ  
 ବେଟାଆନେରି । ୨୩ ସାମା ବାରେଜାଣା ତାମି ପାଲି ଏତିସାରେ ତଲିତି  
 ପାଡେୟି କ୍ରୀସୁ, ଡାୟୁ କ୍ରୀସୁତି ଖାନିଦିନାତି କାତାମାନାରି ଖେଣ୍ଡେ ନିଢ୍ଫାନେରି ।  
 ୨୪ ଏଚେଟିଏ ଜୁଗୁ ରାନି ଦିନା ଖାନେ, ଏତିବେଲାତା କ୍ରୀସୁ ବାରେ କାଜାପାଣା,  
 ବାରେ ଅଦିକାରା, ବାଡ଼ୟୁ ମ୍ଲେକ୍‌ହି ଡାୟୁ ଆବା ମାହାପୁରୁକି ସାଲଖି କିନି  
 ପାଣା ହେର୍‌ପିନେସି । ୨୫ ମାହାପୁରୁ ବାରେ ସାଡୁୟାଁଲ୍ ହାରଖି କିହାଁ କ୍ରୀସୁତି  
 କଡାୟାଁ ଡ଼ଇ ଇଟାଆ ପାଡେକା ଏଞ୍ଜାସି ସାଲଖି କିନାୟିମାନେ । ୨୬ ଡାୟୁତି

ସାରୁ ସମାନା ହାକିତି ଜିକେଏ ମ୍ଲେକ୍ନାୟି ମାନେ; ୨୭ ଏନାଆଁତାକି ଇତିହିଁ  
 ଦାମ୍ଭୁପତିତା ରାସ୍ତକି ଆହାମାନେ, “ମାହାପୁରୁ ବାରେତି ତାନି କର୍ତ୍ତା ଡ଼ଇ  
 ଲକ୍ନେସି,” ଇଞ୍ଜି ଏରେତା ଏଞ୍ଜାସି ଏଲେଇନେସି, “ବାରେ ଲକ୍ନାମାନେସି,”  
 ଏଦି ସାତା କ୍ରୀସ୍ତ ବାରେ ତାନୁ ଲକ୍ନେସି, ଏ ବାରେ ତାଣା ତାନୁ ଆଣ୍ଡା  
 ହାଲଅସି । ୨୮ ଅଡ଼େ ବାରେତି କ୍ରୀସ୍ତ କତାୟି ଡ଼ଇ ଲକ୍ନି ଚେତ, ଆମ୍ବାଆସି  
 ବାରେତି ତାନି ତାଣା ଲକ୍ନେସି, ମୀରୁଏସି ଜିକେଏ ତାନି ଆବା ମାହାପୁରୁ  
 ଡ଼ଇ ଡ଼ୟିନେସି; ଅଡ଼େ ମାହାପୁରୁ ବାରେତି ଲାକ ସାଲଖି କିନେସି । ୨୯  
 ହାତାରି ନିଢ୍ଫୁଆସାରେ, ଆମ୍ବାଆରି ହାତାରି ତାକି ବାପ୍ତିସ୍ତ ଅନେରି, ଏଞ୍ଜାରି  
 ଏନାଆଁ କିନେରି? ଆତିହିଁ ହାତାରି ନିଢ୍ଫୁଆସାରେ, ଏଞ୍ଜାରି ତାକି ଏନାଆଁତାକି  
 ବାପ୍ତିସ୍ତ ଆନେରି । ୩୦ ଅଡ଼େ ମୀର ଜିକେଏ ଏନାଆଁତାକି ବାରେବେଲା ଡ଼ଣ୍ଡ  
 ତଲେ ନାସା ଆନି ତାଣା ହାନାୟି? ୩୧ ତାୟିୟି ଅଡ଼େ ତାଢ୍ଫିସ୍ତାତେରି, ମା  
 ପୁରୁ କ୍ରୀସ୍ତ ତାଣା ମିଢ୍ଫେତାକି ନାନୁ ଆମିନି ବଡ଼ପଣ ଆହିମାଇଁ, ଏମ୍ବାତି ମାନି  
 କିହାଁ ଏଲେ ଇଞ୍ଜିମାଇଁ, ନାନୁ ବାରେଦିନା ହାନିଲେହେତି କସ୍ତ ବେଟାଆହିମାଇଁ  
 । ୩୨ ଇତିହିଁ ମାଣ୍ଡସିଇଁ ଅଣ୍ଡପିନି ଲେହେଁ ଏପିସିୟ ଗାଡ଼ାତା ନାନୁ ଝାରୁଇ  
 “ଜାଡ଼ା ଜନ୍ତୁୟି” ତଲେ ଜୁଜୁ କିହାମାଇଁ, ଆତିହିଁ ଏମ୍ବାଆଁ ନାଢ୍ଫେ “ଏନି ଲାବା?”  
 ସାମା ହାତାରି ନିଢ୍ଫୁଆରି, “ଆତିହିଁ ଝାଡୁ ମୀର ତିନ ଉନ ଇତିହିଁ ଝିଏ ମୀର  
 ହାନାୟି ।” ୩୩ ମୀରୁ ନାଡ଼ି ଆଆଡୁ, “ଇତିହିଁ ପଲ୍‌ଆ ଗାଟାରି ଡ଼ୁ ନେହିଁ  
 ଲକ୍ନୁତି ଗୁଣ୍ଡ ନସ୍ତ କିନେ ।” ୩୪ ମୀରୁ ନେହିଁକି ଜାଗ୍ରାତା ଆଡୁ, ପାପୁ କିଆଡୁ,  
 ଇତିହିଁ ଆମ୍ବା ଆମ୍ବାଆରାକି ମାହାପୁରୁଇଁ ପୁନି ବୁଦି ହିଲେଏ; ନାନୁ ମୀ ଲାଜା  
 ତାକି ଇ କାତା ଝେସିମାଞ୍ଜାଇଁ । ୩୫ ସାମା ଆମ୍ବାଆରି ଏଲେଇନେରି, “ହାତାରି  
 ଏନିକି ନିଢ୍ଫୁନେରି? ଏନିଲେହେତି ଆଢ୍ଫା ତଲେ ଏଞ୍ଜାରି ଝାନେରି?” ୩୬  
 ବୁଦି ହିଲାଆ ଗାଟାତେରି, ମୀରୁ ଏନାଆଁ ମାଟିମାଞ୍ଜେରି ଏଦି ହାଆସାରେ  
 ଝେଣ୍ଡେ ଜୀଝୁଆହାଁ ଗଜା ଆଏ । ୩୭ ଅଡ଼େ ଏମିନି ଆଢ୍ଫା ଆନେ ଏଦାଆଁ  
 ମୀରୁ ମାଟିହିଲଅତେରି, ସାମା ଗହଁୟି ଆପୁ କି ଏନି ଆନାଁ ଆପେ, ଏଦି  
 ପାଡ଼େୟି ଲେହେଁ । ୩୮ ସାମା ମାହାପୁରୁ ତାନି ଅଣ୍ଡପୁ ଲେହେଁ ଏଞ୍ଜାରାକି  
 ଆଢ୍ଫା ହାନେସି, ଅଡ଼େ ବାରେ ପାଡ଼େୟି ତାକି ତାନି ଆଢ୍ଫା ହାନେସି । ୩୯  
 ବାରେ ଆଢ୍ଫା ରଣ୍ଡିଏ ରଲେଏତି ଆଢ୍ଫା ଆଏ, ସାମା ମାଣ୍ଡସିୟିକି ରଲେତି  
 ଆଢ୍ଫା, ଜନ୍ତୁୟିକି ରଲେତି ଆଢ୍ଫା, ଅଡ଼େ ପଟାୟିକି ଅର ରଲେତି ଆଢ୍ଫା,  
 ଅଡ଼େ ମୀଣ୍ଡାକି ତାକି ଅର ରଲେତି ଆଢ୍ଫା । ୪୦ ଲାକପୁରୁକି ଆଢ୍ଫା ମାନେ,

ଅଡ଼େ ଦାର୍ତ୍ତିକ ଆତ୍ମା ଜିକେଏ ମାନେ, ଲାକପୁରୁତି ଆତ୍ମା ରଲେତି ଅଳ୍ପ  
 ଅଡ଼େ ଦାର୍ତ୍ତିକ ଆତ୍ମା ଅଳ୍ପ ଅର ରଲେତାୟି । ୪୧ ଖେଡ଼ାତି ଉଜେଡ଼ି  
 ରଲେତାୟି, ଅଡ଼େ ଚଳେଷୁତି ଉଜେଡ଼ି ଅର ରଲେତାୟି, ଅଡ଼େ ହୁକାୟିତି  
 ଉଜେଡ଼ି ରଲେତାୟି, ଇଚ୍ଛା ର ହୁକା ଚିଏ ଅର ହୁକାତି ଉଜେଡ଼ି ଅର ରଲେତାୟି  
 । ୪୨ ହାତାରି ନିଢ଼ିନାୟି ଜିକେଏ ଏଲେତାୟିଏ, ନାସା ଆନିଲେହେଁ ମାଟ୍ଟକି  
 ଆନେ, ସାମା ନାସା ଆଆଗାଟାୟି ଲେହେଁ ନିଢ଼ିନେ; ୪୩ ଲଡ଼ାହିଲାଆ ଗାଟାୟି  
 ଲେହେଁ ମାଟ୍ଟକି ଆନେ ଏଦି ଗାଞ୍ଜରମି ତଲେ ନିଢ଼ିନେ; ବାଡ଼୍ଯୁ ହିଲାଆଗାଟାୟି  
 ଲେହେଁ ମାଟ୍ଟକି ଆନେ, ବାଡ଼୍ଯୁ ଗାଟାୟି ଆହାଁ ନିଢ଼ିନେ । ୪୪ ଇର୍ଆତି  
 ଆତ୍ମା ତଲେ ମୁସ୍ତାଆନେ ଜୀଞ୍ଜୁତି ଆତ୍ମା ତଲେ ନିଢ଼ିନେ; ସାମା ଇର୍ଆତି  
 ଆତ୍ମା ମାନେ ଇତିହିଁ ଜୀଞ୍ଜୁତି ଆତ୍ମା ଜିକେଏ ମାନେ । ୪୫ ଦାମ୍ଭୁପତିତା ରାସ୍ତିକି  
 ଆହାମାନେ, ତଲିତି ମାଣ୍ଡି ଆଦମ ଜୀଞ୍ଜୁତି ମାଣ୍ଡି କିହିଁ ଗାଡ଼ି ଆଡେସି; ସାମା  
 ଡାୟୁତି ଆଦମ ପୁଣ୍ଡା ହାନି ଜୀଞ୍ଜୁ ଆଡେସି । ୪୬ ସାମା ଜୀଞ୍ଜୁ ଗାଟାସି ନକେଏ  
 ଆଏ, ଆତ୍ମା ତଲେତାସି ନକେଏ, ଅଡ଼େ ଡାୟୁ ଜୀଞ୍ଜୁ ଗାଟାସି ଆଡେସି । ୪୭  
 ନକେଏତି ମାଣ୍ଡି ଆଦମ ଦାର୍ତ୍ତିକ ମାନି ଇର୍ଆ ତଲେ ଗାଡ଼ି ଆହାମାଡେସି,  
 ଅଡ଼େ ଡାୟୁତି ମାଣ୍ଡି ଲାକପୁରୁତି ଖାହାମାଡେସି । ୪୮ ଆମ୍ବାଆରି ଇର୍ଆ  
 ତଲେ ଗାଡ଼ି ଆହାମାନେରି, ଏଞ୍ଜାରି ଇର୍ଆତି ଗାଡ଼ି ଆତି ଏ ମାଣ୍ଡିଲେହେଁ,  
 ଇଚ୍ଛା ଆମ୍ବାଆରି ଲାକପୁରୁତାରି ଏଞ୍ଜାରି ଲାକପୁରୁତି ଖାହାମାନି ଏ ମାଣ୍ଡି  
 ଲେହେଁତାରି । ୪୯ ଅଡ଼େ ମାର ଇର୍ଆତି ଗାଡ଼ି ଆହାମାନି ଏ ମାଣ୍ଡିତି  
 ଖାଣା ଆସାମାନାୟି, ଏଲେକିହିଁଏ ଏ ଲାକପୁରୁତି ମାଣ୍ଡିତି ଖାଣା ଜିକେଏ  
 ଆହ୍ନାୟି । ୫୦ ତାୟିୟାଁ ଅଡ଼େ ତାଢ଼ିସ୍ଥାତେରି ନାନୁ ଖେସିମାଞ୍ଜାଲ୍, ନେତେରି  
 ଅଡ଼େ ଉତ୍ତୁ ମାହାପୁରୁତି ରାଜିତି ଅଦିକାରା କିହାଲି ଆଡେଏ, ସାମା ହାନାୟି  
 ହାଆଗାଟାଣି ଅଦିକାରା କିହାଲି ଆଡେଏ । ୫୧ ମେହଦୁ ନାନୁ ମିଢ଼େ ର  
 ତୁଗାମାନି କାତା ଖେସିମାଞ୍ଜାଲ୍, ମାର ବାରେ ଜାଣାତାୟି ହାଆୟି, ସାମା  
 ମାର ବାଦ୍ଲଖି ଆନାୟି, ୫୨ ଦେବୁଣିଏ, କାନୁ ମିଟି କିନିଲେହେଁ, ଡାୟୁତି  
 ତାଡ଼ି ମହ୍ରି କାଜା ହାତା ଖେତିସାରେ ମାର ବାରେତାୟି ଅର ଖାଣା ଆନାୟି;  
 ଇତିହିଁ କମ୍ପୁ ତାନେ ଅଡ଼େ ହାତାରି ନାସା ଆଆନା ନିଢ଼ିନେରି, ଅଡ଼େ ମାର  
 ବାଦ୍ଲଖି ଆନାୟି । ୫୩ ଇତିହିଁ ଇ ମେଣ୍ଡିନି ଆତ୍ମାତି ମେଣ୍ଡିଆଗାଟି ହିମ୍ପୁରି  
 ପରନାୟି ମାନେ, ଅଡ଼େ ଇ ହାନି ଆତ୍ମାତି ହାଆଗାଟି ହିମ୍ପୁରି ପରନାୟି ମାନେ  
 । ୫୪ ସାମା ଇ ମେଣ୍ଡିନି ଆତ୍ମାତି ମେଣ୍ଡିଆଗାଟି ହିମ୍ପୁରି ଅଡ଼େ ହାନି

ଆତ୍ମାତ୍ତ ହାଆଗାଟି ହିମ୍ବରି ହୁଟିଟି ଚେଟ, ଇ ରାତାମାନି ବଲ୍ଲୁ ସାତା ଆନେ;  
 “ହାକି ନାସା ଆହାମାନେ; ଜୀଣା ଆନାୟି ଆହାମାନେ ।” ୫୫ “ଏ ହାକି ନୀ  
 ଜୀଣା ଆନାୟି ଆମ୍ବିୟା? ଏ ହାକି ନୀ ନାସାକିନି ବାଡ଼୍‌ୟୁ ଆମ୍ବିୟା?” (Hadēs  
 ୨୫୬) ୫୬ ହାକିଟି ସାତୁ ପାପୁ, ଅଡେ ପାପୁଟି ବାଡ଼୍‌ୟୁ ମସାତି ମେରା; ୫୭  
 ସାମା ଏମିନି ମାହାପୁରୁ ମା ପ୍ରବୁ ଜୀସୁ କ୍ରୀସ୍ତୁଟି ତାକି ମାଡ୍ରେ ଜୀଣି କିୟାନେସି  
 ଏଞ୍ଜାଣାକି ଜହରା ଆପେ । ୫୮ ଏଦାଆଁତାକି ଏ ନା ଜୀସୁଟି ତାୟିୟାଁ ଅଡେ  
 ତାଡ଼୍‌ୟୁଗାଡେରି, ପ୍ରବୁଟି ସେବାତା ମୀ କସ୍ତୁତଲେ କାମା କିନାୟି ଉଜେଏ ଆଏ,  
 ଇଦାଆଁ ପୁଞ୍ଜାନା ପ୍ରବୁଟି କାମାତା ତାରିଆହାଁ ବାଡ଼୍‌ୟୁ ତଲେ ସେବାତା ହାରେ  
 ହାରେକା ଜାତ୍‌ନୁ ଆତୁ ।

୧୭ ମାହାପୁରୁ ଲକୁ ତାକି ତାବୁୟାଁ କୃଡ଼ିକିନି କାତା ନାନୁ ଏନିକିଁ ଗାଲାତିୟା  
 କ୍ରୀସ୍ତାନା କୁଲମିତା ଝେସାମାଚେଏଁ, ମୀରୁ ଜିକେଏ ଏଲେକିଁ କିଦୁ । ୨ ମୀରୁ  
 ବେଟାଆହିମାନି ଲେହେଁ ବାରେ ଝାରାତି ମୂଲୁ ଦିନା ମୀରୁ ବାରେଡେରି ମୀ  
 ଆଡିନି ଲେହେଁ ମୀ ବିତ୍ରା ଏଚେକା ତାବୁୟାଁ କୃଡ଼ିକିହାଁ ଇଟାଦୁ, ଆତିହଁ ନାନୁ  
 ଝାଡିସାରେ ମିଡ୍ରେ ଅଡେ ତାବୁୟାଁ ରୀସାଲି ଲଡା ଆଏ । ୩ ଅଡେ ନାନୁ  
 ଝାଡିଜେଟ, ମୀରୁ ଆମ୍ବାଆରାଇଁ ଜଗେ ଇଞ୍ଜି ଆଚାମାଞ୍ଜେରି ନାନୁ ଏଞ୍ଜାରାକି  
 ଆକୁ ରାତାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଇଁ; ୪ ସାମା ନାଡ୍ରେ  
 ଜିକେଏ ହାଜାଲି ଲଡାଆନେ ଇତିହଁ ଏଞ୍ଜାରି ନା ତଲେ ଝାପେରି । ୫ ସାମା  
 ନାନୁ ମାକିଦନିୟା ହାତି ତାୟୁ ମୀ ତାଣା ଝାଇଁ, ଏନାଆଁତାକି ଇତିହଁ ନାଡ୍ରେ  
 ମାକିଦନିୟାଟି ହାନାୟି ମାନେ । ୬ ଆଆଡିଁ ନାନୁ ଝାଡିସାରେ ଏଚରଦିନା ମୀ  
 ତାଣା ଡୟିଇଁ, ଇତିହଁ ପେନିବେଲା ହାଲ୍‌ଝେ ମାଞ୍ଜାଲି ଅଶ୍‌ପିମାଇଁ, ଏଚେତା  
 ନାନୁ ଆମିନି ଟାୟୁତା ହାଇଁ, ଏମ୍ବାଆଁ ହାନାଟି ମୀରୁ ନାଡ୍ରେ ଇତିଝାୟାଦେରି  
 । ୭ ଇତିହଁ ନାଏଁ ନାନୁ ହାନାଟି ମୀ ତାଣା ଗାଡେକା ତାକି ତଞ୍ଜାଆହାଲି  
 ଅଶ୍‌ପି ହିଲଅଁ, ଇତିହଁ ପ୍ରବୁ ନାଡ୍ରେ ହେଲ ହିୟାଟିହଁ, ନାନୁ ମୀ ତଲେ  
 ଏଚରଦିନା ମାଞ୍ଜାଲି ଆସା କିହିମାଇଁ । ୮ ସାମା ନାନୁ ପେନିକସ୍ତୁ ଦିନା  
 ପାଚେକା ଏପିସିୟୁ ଗାଡାତା ଡୟିଇଁ; ୯ ଇତିହଁ ପ୍ରବୁଟି କାମା କିହାଲି ଅସାରା  
 ଦାରା ଦେପିଆହାମାନେ, ଆଆଡିଁ ଜିକେଏ ନାଡ୍ରେ ଅପାଆଗାଟାରି ହାରେକା  
 ମାନେରି । ୧୦ ତିମତି ମୀ ତାଣା ଝାଡିସାରେ ଏଞ୍ଜାସି ଏନିକିଁ ଆଜାଆନା ମୀ  
 ତାଣା ଡୟିନେସି, ଏଦାଆଁତାକି ମୀରୁ ଅଶ୍‌ପାଦୁ, ଇତିହଁ ନାନୁ ଏନିକିଁ ଏଞ୍ଜାସି  
 ଜିକେଏ ଏଲେକିହିଁଏ ପ୍ରବୁଟି କାମାକିନାସି । ୧୧ ଏଦାଆଁତାକି ଆମ୍ବାଆଡେରି



ଏଖଣ୍ଡାକ୍ ହାଣି କିଆରୁ, ସାମା ଏଖାସି ଏନିକ୍ ନା ତାଣା ଖାହାଲି ଆଡ଼ିମାନେସି,  
 ଏଦାଆଁତାକି ଏଖଣ୍ଡାକ୍ ହିତ୍ତ ଜୀଝୁତଲେ ଜିରୁ ତସା ପାଣ୍ଡାଦୁ: ଏନାଆଁତାକି  
 ଇତିହିଁ ଏଖାସି ତାୟିୟିଁ ତଲେ ଖାନେସି ଇଞ୍ଜି ନାନୁ କାତିମାଇଁ । ୧୭ ସାମା ତାୟି  
 ଆପଲ ତାକି ଖେସିମାଞ୍ଜାଇଁ, ନାନୁ ଏବ୍‌କାତି ତାୟିୟିଁ ତଲେ ମୀ ତାଣା ହାଜାଲି  
 ଏଚେକା ବାତିମାଲିତେସି, ସାମା ନୀଏଁ ଖାହାଲି ମନ କିଆତେସି, ସାମା ପାରୁ  
 ସିନିକିହାନା ଏଖାସି ଖାନେସି । ୧୮ ମୀରୁ ଜାଗ୍ରାତା ଆହାଁ ନାମୁତା ତୀରିତଲେ  
 ମାଞ୍ଜୁ, ଅଡେ ସାସା ଗାଟାତେରି ଆହାନା ବାଡ଼ୟୁ ଆହୁଦୁ । ୧୯ ମୀ ବାରେ  
 କାମା ଜୀଝୁ ନନାଣି ତଲେ ଆପେ । ୧୫ ଏ ତାୟିୟିଁ ଅଡେ ତାଢ଼ିସ୍ନାତେରି  
 ସ୍ତ୍ରୀପାନ ଇଲୁ କୁଟମି ଆକାୟାତି ମୁଲୁଏ ନାମିତାରି; ଅଡେ ମାହାପୁରୁ ଲକୁଣି  
 ସେବା କିନି କାମାତାକି ହେରୁପା କତାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି  
 । ୧୬ ମୀରୁ ଏଲେତି ଲକୁତି ଅଡେ ତାମିତଲେ ଆଣ୍ଡାନା ଖାହୁତଲେ କାମା  
 କିହିମାନାରାଇଁ ମାନି କିଦୁ, ଏଦାଆଁତାକି ନାନୁ ମିଢ଼ୁ ବାତିମାଲିମାଞ୍ଜାଇଁ । ୧୭  
 ସ୍ତ୍ରୀପାନ, ପର୍ତ୍ତନାତ, ଅଡେ ଆକାୟିକ ଖାତାକି ନାନୁ ହାରେକା ରାହାଁ ଆହିମାଇଁ,  
 ଇତିହିଁ ମୀରୁ ହିଲାଆତାକି ନାଡ଼େ ଏନାୟି ଲଡ଼ା ମାତେ, ଏଖାରି ଏଦାଆଁ  
 ହାହାମାଞ୍ଜାନେରି । ୧୮ ଇତିହିଁ ଏଖାରି ମୀ ଜୀଝୁତି ଅଡେ ନା ଜୀଝୁତି ରାହାଁ  
 କିହାଁ ମାଞ୍ଜାନେରି; ଏଲେତି ଲକୁଇଁ ଜଗେ ଇଞ୍ଜି ପୁଞ୍ଜାନା ମାନି କିଦୁ । ୧୯  
 ଆସିୟା ଦେସାତା ମାନି କୁଲମିକା ମିଢ଼େ ଜହରା କିହିମାଞ୍ଜାନେରି, ଆକ୍‌ଞ୍ଜିଲା  
 ଅଡେ ପ୍ରିସ୍ନିଲା ତାମି ଇଜ ରୁଣ୍ଡା ଆନି କୁଲମି ତଲେ ପ୍ରବୁ ତାଣା ମିଢ଼େ ହାରେକା  
 ଜହରା କିହିମାଞ୍ଜାନେରି । ୨୦ ଇମ୍‌ଆଁ ମାନି ବାରେ ତାୟିୟିଁ ଅଡେ ତାଢ଼ିସ୍ନା  
 ମିଢ଼େ ଜହରା କିହିମାଞ୍ଜାନେରି । ମୀରୁ ରଅତେରି ରଅଣାଇଁ ତାୟି ତାୟିୟିଁ  
 ଲେହେଁ କ୍ରୀସ୍ତିତି ଜୀଝୁନହିଁ ସୁଦୁ ତଲେ ନଶୁଞ୍ଜି ଆହାନା ଜହରା କିଞ୍ଜିଆଦୁ । ୨୧  
 ନାନୁ ପାଝୁଲତେସି ନା କେୟୁଟି ରାତାହାଁ ରାହାଁ ତଲେ ଜହରା କିହିମାଞ୍ଜାଇଁ  
 । ୨୨ ଆମ୍‌ଆସି ମାହାପୁରୁଇଁ ଜୀଝୁ ନଅସି ଏଖାସି ବାକା ବେଟାଆପେସି!  
 ମାରାନାତା ମା ପ୍ରବୁ ତବେ ଖାମ୍‌! ୨୩ ପ୍ରବୁ ଜୀସୁତି କାର୍ମାମେହ୍‌ନାୟି ମିଢ଼େତାକି  
 ଆୟାପେ; ୨୪ କ୍ରୀସ୍ତ ଜୀସୁ ତାଣାଟି ନା ଜୀଝୁନନାୟି ମୀ ବାରେଜାଣା ତାକି  
 ଆୟାପେ । ଆମେନ୍ ।

## ୨କର

୧ ପାଞ୍ଚଲ ମାହାପୁରୁତି ଅଶ୍ଵ ତଲେ କ୍ରୀସୁ ଜୀସୁ ଡାଶାଟି ପାଣ୍ଡୁଞ୍ଜି  
ଆହାମାନାତେଏଁ ଇଞ୍ଜି ମା ତାୟି ତିମତି କରନ୍ତି ଗାଡ଼ାତା ମାନି ମାହାପୁରୁତି  
କୁଲମି ଅଡେ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ  
ରାତିମାନମି । ୨ ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସୁ ଡାଶାଟି  
କାର୍ମାମେହନାୟି ଇଞ୍ଜି ହିଡ଼ି ମିଡ୍ଢେତାକି ଆୟାପେ । ୩ ମା ପ୍ରବୁ ଜୀସୁ  
କ୍ରୀସୁତି ଆବା ମାହାପୁରୁକି ଜହରା, ଏଞ୍ଜାସି କାର୍ମାମେହନି ଆବା ଅଡେ ଦୁକୁ  
ଡୁକ୍ନି ମାହାପୁରୁ । ୪ ମାହାପୁରୁ ଡାଶାଟି ଆମିନି ଦୁକୁ ଡୁକ୍ନି ଡାଶା ମାର ଦୁକୁ  
ଡୁପ୍କି ଆହିମାନାୟି, ଏ ଦୁକୁ ଡୁକ୍ନାଣି ତଲେ ଏନିକିହିଁ ବାରେ ଲେହେଁତି  
ଦୁକୁ ବେଟାଆହିମାନି ଲକୁଣି ଦୁକୁ ଡୁକ୍ହାଲି ଆଡିନାୟି, ଇଦାଆଁତାକି ଏଞ୍ଜାସି  
ବାରେ ଦୁକୁତା ମାଡ୍ଢେ ଦୁକୁ ଡୁକ୍ନାଣି ହୀହାମାଞ୍ଜାନେସି ୫ ଇତିହିଁ କ୍ରୀସୁତି  
ତାକି ମାର ଏନିକିଁ ହାରେକା ଦୁକୁ କସୁ ହାରେକା ବେଟାଆନାୟି, ଏଲେକିହିଁଏ  
କ୍ରୀସୁ ଡାଶାଟି ମାହାପୁରୁତି ଦୁକୁ ଡୁକ୍ନାୟି ହାରେକା । ୬ ସାମା ମାମୁ  
ଦୁକୁ କସୁ ବେଟାଆଡିସାରେ ଏଡି ମୀ ତାକି ଦୁକୁ ଡୁକ୍ନାୟି, ଅଡେ ଗେଲ୍ପି  
ଆହାଲିତାକି; ଇଞ୍ଜି ମାମୁ ଦୁକୁ ଡୁପ୍କି ଆଡିହିଁ, ଏଡି ମୀ ଦୁକୁ ଡୁକ୍ହାଲି ତାକି;  
ମାମୁ ଏନିଲେହେଁତି ଦୁକୁ କସୁ ବେଟାଆନମି ମୀରୁ ଏନିକିହିଁ ସାସା ଅଡେ  
କସୁତଲେ ଦୁକୁ ବେଟାଆହି ମାଞ୍ଜେରି ମାମୁ ଜିକେଏ ଏଲେକିହିଁଏ ଦୁକୁ ଡୁକ୍ନି  
କାମା କିହିମାନମି । ୭ ଅଡେ ମୀ ଡାଶା ମା ବାସୁଁ ହାରେକା ମାନେ । ମୀରୁ ମା  
ଦୁକୁ କସୁ ପାଣ୍ଡିଡାଶା ଏନିକିଁ ଆଣ୍ଡାମାଞ୍ଜେରି, ଏଲେକିହିଁଏ ମାମୁ ଦୁକୁ ଡୁକ୍ନି  
ଡାଶା ଆଣ୍ଡିଦେରି, ଇଞ୍ଜି ମାମୁ ପୁଞ୍ଜାମାନମି । ୮ ଇତିହିଁ ଏ ତାୟିୟାଁ ଅଡେ  
ତାଡ୍ଢିସ୍ନାତେରି, ଆସିୟା ରାଜିତା ମାଡ୍ଢେତାକି ଆହାମାନି ସାସୁ ମୀରୁ ପୁନାଆନା  
ମାଞ୍ଜୁ ଇଞ୍ଜିହିଁ ମାମୁ ଅଶ୍ଵି ହିଲଅମି; ମାମୁ ମା ବାଡ୍ଢିୟୁଟି ବେଟାଆହାମାନି ସାସୁ  
ସହଞ୍ଜି ଆହାଲି ଆଡାଆରେଟୁ ଆହାମାତମି, ଇଞ୍ଜି ମାମୁ ନୀତାମାଞ୍ଜାଲି ଜିକେଏ  
ଆସା ପିସାମାତମି; ୯ ହାଅ, ମାଡ୍ଢେ ପାୟାଲି ହୁକୁମି ହୀପ୍କି ଆହାମାନେ ଇଞ୍ଜି  
ଅଶ୍ଵିମାତମି, ଏନିକିଁ ମାମୁ ମା ମୁହେଁ ବାସୁଁ କିହାକତାଆନା ଏମିନି ମାହାପୁରୁ  
ହାକିଟି ନିକ୍ନେସି ଏଞ୍ଜାଣି ଡାଶା ବାସୁଁ କିନମି; ୧୦ ଏଞ୍ଜାସି ଆଜିହପେତି  
ହାକିଟି ମାଡ୍ଢେ ଗେଲ୍ପାତେସି ଅଡେ ଗେଲ୍ପାନେସି, ଅଡେ ତାୟୁ ଜିକେଏ  
ଗେଲ୍ପାନେସି ଇଞ୍ଜି ତାନିଡାଶା ମା ଆସା ମାନେ; ୧୧ ମୀରୁ ଜିକେଏ ମା  
ତାକି ପ୍ରାତାନା କିହାଁ ମାଡ୍ଢେ ସାୟେମି କିହାମାଞ୍ଜାଦେରି, ଏନିକିଁ ମାଡ୍ଢେ ଏମିନି

କାର୍ମାତି ଦାନା ହୀପ୍ତି ଆହାମାଞ୍ଜନେ, ଏଦାଆଁତାକି ହାରେକା ଲକ୍ଷ୍ମି ଗୃତିତି  
 ମା ତାକି ହାରେକା ଜହରା କିଞ୍ଚିଆହିମାନେ । ୧୨ ବାରେକିହାଁ ଦାର୍ତ୍ତିତା ମୀ  
 ତାକି ମାମୁ ମାଣ୍ଡିତି ବୁଦିତଲେ ତାକାଆନା ମାହାପୁରୁତି କାର୍ମାତି ତାନି ସୁଦୁ  
 ଅଡ଼େ ନାମୁତଲେ ତାକିମାତମି ଇଞ୍ଚି ମା ଅଶ୍ଵୁ ସାକି ହୀହିମାଞ୍ଜନେ, ଇଦି ମା  
 ବତପଣତି କାତା । ୧୩ ଖରୁଇ ମୀରୁ ଏନାଆଁ ପଡ଼ଞ୍ଚି ଆହାନା ଚେଲ୍‌ହିଦେରି,  
 ଏ ବାରେ ପିସ୍‌ପେ ମାମୁ ମିଢ୍ଢେ ଅଡ଼େ ଏନାଆଁ ରାତିମାଞ୍ଜିଅମି, ୧୪ ଅଡ଼େ  
 ମା ପ୍ରୁ ଜୀସୁ କ୍ରୀସ୍ତୁତି ଦିନାତା ମାମୁ ମୀ ତାକି ବତପଣ ଡ଼ସାଲି ଆଡିନମି,  
 ଅଡ଼େ ମୀରୁ ଜିକେଏ ମା ତାକି ବତପଣ ଡ଼ସାଲି ଆଡିଦେରି, ମୀରୁ ନୀଏଁ  
 ଇଚେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମୀରୁ ବାରେ ତାୟୁ  
 ପାତେକା ପୁଞ୍ଜେରି ଇଞ୍ଚି ନା ଆସା । ୧୫ ଇ କାତା ନେହିଁକି ପୁଞ୍ଜାମାନାକି  
 ମୁଲୁଏ ମୀ ତାଣା ଖାହାଲି ତାକି ନାଢ୍ଢେ ଅଶ୍ଵୁ ମାତେ, ଆତିହିଁ ମୀରୁ ରୀ  
 ଦେବା ରାହାଁ ବେଟାଆତେରିମା ୧୬ ମୀ ତାଣାଟି ମାକିଦନିୟାତା ହାଜାନା  
 ଅଡ଼େ ଷେଣ୍ଠେ ମାକିଦନିୟାତି ମୀ ତାଣା ଖାହାନା ମୀ ସାୟେମି ତଲେ ଜୀହୁଦା  
 ଦେସାତା ହାଜାଲି ଆଡିଇଁ, ଏଦାଆଁତାକି ଏ ନାମୁତି ତଲିଏ ମୀ ତାଣା ହାଜାଲି  
 ମନ କିହାମାଚେଏଁ । ୧୭ ଆତିହିଁ ଇଲେତି ଅଶ୍ଵୁ ଅଶ୍ଵପିନାୟି ନାନୁ ଏନାଆଁ  
 ଆନାମାନା ଆହାନା କିହାମାଚେଏଁ? ଇଞ୍ଚି ନାନୁ ଏନାଆଁ ତାରିକିହା ଡ଼ୟିଇଁ,  
 ଏଦି ଏନାଆଁ ଏଦାଆଁ ଦାର୍ତ୍ତିତି ଅଶ୍ଵୁ ତଲେ କିହିମାଇଁ, ଇଞ୍ଚି ନା କାତା “ହାଅ  
 କି ଆଏ” ଇ ରୀ କାତା ରଣ୍ଡିଏ ଦେବା ହୁପ୍‌ଇଁ କି? ୧୮ ମାହାପୁରୁ ଟିକାଣାତାସି,  
 ଏଦାଆଁତାକି ନା କାତା ମିଢ୍ଢେତାକି “ହାଅ କି ଆଏ” ଇନି ରୀ କାତା ଆଏ ।  
 ୧୯ ଇତିହିଁ କ୍ରୀସ୍ତୁ ଜୀସୁ ମାହାପୁରୁ ମୀରୁଏସି, ଆମ୍ବାଆସି ମା ତାଣାଟି ଇତିହିଁ  
 ସିଲା, ତିମତି ଅଡ଼େ ନାନୁ ମୀ ତାଣା ଡ଼େକ୍‌ହା ମାତମି, ଏଞ୍ଚିସି “ହାଅ” ଅଡ଼େ  
 “ଆଏ” ଇନାସି ଆହାହିଲଅସି, ଇତିହିଁ ଏଞ୍ଚି ତାଣା ହାଅ ଆହାମାନେ । ୨୦  
 ଏନାଆଁତାକି ଇତିହିଁ ମାହାପୁରୁତି ବାରେ ଆଞ୍ଜାମାନାୟି ଏଞ୍ଚି ତାଣା “ହାଅ”  
 ମାନେ; ଇଦାଆଁତାକି ଜୀସୁ କ୍ରୀସ୍ତୁ ତାଣାଟି ମାହାପୁରୁଇଁ ଗାଞ୍ଜୁରିମି କିହାଲି ମାର  
 “ଆମେନ୍, ଏଲେଆହିଁ ଆପେ” ଇନାୟି । ୨୧ ତାନୁଏ ମାଢ୍ଢେ ଅଡ଼େ ମିଢ୍ଢେ  
 କ୍ରୀସ୍ତୁ ତାଣା ତାରି କିହାମାଞ୍ଜନେସି, ଇଞ୍ଚି ମାଢ୍ଢେ ବର ହୀହାମାଞ୍ଜନେସି,  
 ଏଞ୍ଚିସି ମାହାପୁରୁ; ୨୨ ଏଞ୍ଚିସି ତାନି ବୁରୁ ମୁଦ୍ରା ମାଢ୍ଢେ ଡ଼େତା ମାଞ୍ଜନେସି,  
 ଇଞ୍ଚି ଏଞ୍ଚିସି ମା ହିୟାଁ ବିତ୍ରା ସୁଦୁଜୀସୁ ସିନାଲେହେଁ ହୀହାମାଞ୍ଜନେସି । ୨୩  
 ସାମା ନାନୁ ମାହାପୁରୁଇଁ ସାକି କିହାନା ନା ଜୀସୁତି ମାନି କିହିମାଇଁ, ନାନୁ

ମିତ୍ରେ କାର୍ମୀ ଆହାନା କରନ୍ତିତା ଖେଣ୍ଡେ ହାଜାହିଲଅଁ । ୨୪ ମୀ ନାମୁତି ମୁହେଁ  
ମା ଅତିକାରା ମାନେ, ଏଲେକିଁ ଆଏ, ସାମା ମୀ ରାହାଁତାକି ମୀ ସାୟେମି  
କିନାତମି ଆହାମାନମି, ଏଦାଆଁତାକି ନାମୁତା ତାରିଆହାନା ମାଞ୍ଜୁ ।

୨ ନାନୁ ମୀ ତାଣା ହାନାୟି ମିତ୍ରେତାକି ଅଡେ ଖେଣ୍ଡେ କସ୍ତୁ ଆୟେଏ,  
ଇଦାଆଁ ମନତା ତାରି କିତେଏଁ । ୨ ନାନୁ ମିତ୍ରେ ଦୁକୁ ହିୟାଲ୍, ଆତିହିଁ  
ନାନୁ ଆମ୍ବାଆରାଲ୍ ଦୁକୁ ହାଲ୍, ଏଖାଣି ପିସ୍ପେ ନାଡେ ଆମ୍ବାଆସି ରାହାଁ  
ହିୟାନେସି? ୩ ଇଞ୍ଜିଁ ନାନୁ ଆମ୍ବାଆରି ତାଣାଟି ରାହାଁ ପାଣ୍ଡନାୟି ମାନେ,  
ଏଖାରିତାଣା ନାନୁ ଖାହାନା ଏନିକିଁ ଦୁକୁ ବେଟାଆଅଁ, ଏଦାଆଁତାକି ନାନୁ ଇ  
କାତା ରାତାମାତେଏଁ, ଏନାଆଁତାକି ଇତିହିଁ ନା ରାହାଁତା ମୀ ରାହାଁ ଆନେ,  
ଏଡି ମୀ ବାରେତାକି ନା ଅଶ୍ପୁ । ୪ ଇତିହିଁ ହାରେକା କସ୍ତୁ ଅଡେ ହିୟାଁ  
କାତାତାକି ହାରେକା ଦୁକୁ ତଲେ କାଣୁ ତ୍ରକ୍‌ହିହିଁ ମିତ୍ରେ ରାତାମାଞ୍ଜୁତେଏଁ;  
ଏନିକିଁ ମୀରୁ ଦୁକୁ ଆଦେରି, ଏଲେକିଁ ଆଏ, ସାମା ମିତ୍ରେତାକି ନା ଜୀଞ୍ଜୁନାୟି  
ହାରେକା ମାନେ, ଇ କାତା ମୀରୁ ଏନିକିଁ ପୁଞ୍ଜେରି । ୫ ସାମା ଆମ୍ବାଆସି ଦୁକୁ  
ହାହାମାନେସି, ଏଖାସି ନାଡେ ଦୁକୁ ହାହାମାଞ୍ଜୁଆସି, ସାମା ବାରେତେରି ମିତ୍ରେ  
ଦୁକୁ ହାହାମାଞ୍ଜୁନେସି ନାନୁ ହାରେକା ଗାତିକିହିଁ ଖେହ୍‌ଅଁ । ୬ ମୀ ବିତ୍ରାଟି  
ହାରେକା ଲକୁ ତାଣାଟି ଏଖାସି ଏନି ତଣୁ ବେଟା ଆହାମାନେସି ଏଖାଣାକି  
ଏଚେକେଏ ସାରି । ୭ ଏଦାଣିତାକି ଏଲେତି ଲକୁ ଏଚେତା ହାରେକା ଦୁକୁତା  
ମେଦା ହାନେସି, ଏଦାଆଁତାକି ମୀରୁ ନାଏଁ ଏଖାଣାଲ୍ ପାପୁ ମ୍ଲେକ୍‌ହାନା ବାସୁଁ  
ହୀଦୁ । ୮ ଇତିହିଁ ଏଖାଣାଲ୍ ଜୀଞ୍ଜୁ ନନାଣି ତହ୍‌ଦୁ ଇଞ୍ଜିଁ ବାତିମାଲିମାଞ୍ଜୁଲ୍ । ୯  
ଇତିହିଁ ମୀରୁ ବାରେ କାତାଟି ମାନଞ୍ଜି ଆହିମାଞ୍ଜେରି, ଇଞ୍ଜିଁ ମିତ୍ରେତାକି ଏମ୍ବାତି  
ପାର୍‌ମାଣା ଏନିକିଁ ନାନୁ ବେଟାଆଲ୍, ଇ ବାରେତାକି ରାତାମାତେଏଁ । ୧୦  
ଇଞ୍ଜିଁ ମୀରୁ ଆମ୍ବାଆରି ଦହ ପିହ୍‌ଦେରି, ନାନୁ ଜିକେଏ ଏଖାଣି ଦହ ପିହ୍‌ଲ୍;  
ଇତିହିଁ ନାନୁ ଏନାଆଁ ଦହ ପିସାମାଲ୍, ଇଞ୍ଜିଁ ଏନିନି ଦହ ପିସାମାଲ୍, ଏଦାଆଁ  
କ୍ରୀସୁତି ନକିତା ମୀ ତାକି ପିସାମାଲ୍ । ୧୧ ଏନିକିଁ ସୟତାନ ମାଡେ ଲାଗେଏ  
କିହାଲି ପାରୁ ବେଟାଆଏ, ଇତିହିଁ ମାର ବାରେ ତାନି ଅଶ୍ପୁତି ପୁଞ୍ଜାମାନାୟି ।  
୧୨ ଅଡେ କ୍ରୀସୁତି ନେହିଁ କାରୁ ଖେକ୍‌ହାଲି ତାକି ନାନୁ ତ୍ରୟାତା ଖାତି ତାୟୁ  
ପ୍ରବୁତି କାମା କିହାଲି ଦାରା ଦେପି ଆହାମାଟି ଜିକେଏ, ୧୩ ନାନୁ ନା ତାୟି  
ତିତସଲ୍ ଏମ୍ବାଆଁ ମେହ୍‌ଆଲିଏ ନା ଜୀଞ୍ଜୁ ହିତ୍‌ଡି ଆଆତାକି ଏଖାରି ତାଣାଟି  
ହେଲ ବେଟାଆହାନା ମାକିଦନିୟାଁତା ହାଚେଏଁ । ୧୪ ସାମା ମାହାପୁରୁଲ୍

ଜହରା ଆପେ, ଏଞ୍ଜି ସି ବାରେବେଲା ମାଡ୍ରେ ଅହାନା କ୍ରୀସ୍ତ ଡାଣା ଜୀଣାଆତି  
 ଲେହେଁ ହାଜାମାନେସି, ଇଞ୍ଜି ବାରେ ଟାୟୁତା ତାନି ବୁଦି ଲେହେଁତି ଗାନ୍ତା ମା  
 ଡାଣାଟି ଡେକ୍‌ହିମାନେସି । ୧୫ ଇତିହିଁ ଗେଲ୍‌ପି ଆହିମାନି ଲକ୍ଷ୍ମୀଡାଣା ଇଞ୍ଜି  
 ନାସା ଆହିମାନି ଲକ୍ଷ୍ମୀଡାଣା ମାର ମାହାପୁରୁ ନକିତା କ୍ରୀସ୍ତତି ହାରେକା ନେହିଁ  
 ଗାନ୍ତା ଲେହେଁ ଆହାମାନାୟି । ୧୬ ରକଖାକି ଲକ୍ଷ୍ମୀଡାକି ହାକି ହୀନାୟି ଅଡେ  
 ରକଖାକି ଲକ୍ଷ୍ମୀଡାକି ଜୀସୁହାନି ଲେହେଁତି ନେହିଁ ଗାନ୍ତା ଲେହେଁ । ସାମା ଇ  
 ବାରେ କାମା କିହାଲି ଆମ୍ବାଆସି ଆଡିନେସି? ୧୭ ହାରେକା ଲକ୍ଷ୍ମୀ ବାଡକାଲି  
 ତାକି ମାହାପୁରୁତି କାବୁ ଡେକ୍‌ହି ମାନେରି, ମାମୁ ଏଞ୍ଜିରିଲେହେଁ କିହିହିଲଅମି,  
 ସାମା ତୀରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମୁ କ୍ରୀସ୍ତ ଡାଣା  
 ମାଞ୍ଜାନା କାତା ଜଲିମାନମି ।

**୩** ମାର କି ଜାହାରାଇଁ ବଡପଣ କିହାଲି ମାଡ୍‌ହା ମାନାୟି? ଆମ୍ବା ଆମ୍ବାଆରି  
 ଲେହେଁ ଏନାଆଁ ମୀ ଡାଣା ଆଆତି ମୀ ଡାଣାଟି ମା ଡସ୍‌ପି ଆନାୟି ଲଡାମାନେ?  
 ୨ ମୀରୁତ ମା ହିୟାଁତା ରାସ୍‌କି ଆହାମାନାତେରି ଇଞ୍ଜି ବାରେଜାଣା ପୁଞ୍ଜାମାନାୟି  
 ଅଡେ ପଡ଼ି ଆହାମାନି ମା ଆକୁ ଲେହେଁ; ୩ ଅଡେ, ମୀରୁ ମା ସେବା କାମାତା  
 ରାସ୍‌କି ଆହାମାନି କ୍ରୀସ୍ତତି ଆକୁ ଲେହେଁ, ଇଦି ଡଞ୍ଜା ଆହିମାନେ; ଏଦି ସୀରା  
 ତଲେ ରାସ୍‌କି ଆହାହିଲେଏ, ସାମା ଜୀସୁତି ମାହାପୁରୁତି ସୁଦୁଜୀସୁ ତଲେ  
 ରାସ୍‌କି ଆହାମାନେ, ଖାଲି ପାଟାତା ଆଏ, ସାମା ଉୟୁଗାଟି ହିୟାଁ ପାଟାତା ।  
 ୪ କ୍ରୀସ୍ତ ଡାଣାଟି, ମାହାପୁରୁ ନକିତା ବାସୁଁ ଇଟାନା ମାଦି ଇଲେତି ଆଡ଼ଞ୍ଜା ନାମୁ  
 ମାନେ । ୫ ମାର ମା ଡାଣାଟି ଏନାଆଁ କିହାଲି ଆତାଆୟି, ଏଲେକି ଆଏ,  
 ସାମା ମାହାପୁରୁ ଡାଣାଟି ଆଡିନି ବାଡ଼୍‌ୟୁ ମାନେ; ୬ ଏଞ୍ଜିସି ମାଡ୍ରେ ରାସ୍‌କି  
 ଆହାମାନି ମେରାତି ସେବା କିନାରି କିହାମାଞ୍ଜାଅସି, ସାମା ନେହିଁ ଜୀସୁତି ଇତିହିଁ  
 ପୁଞ୍ଜି ମେରାତି ସେବା କାମା କିହାଲି ବାଡ଼୍‌ୟୁ ହୀହାମାଞ୍ଜାନେସି; ଇତିହିଁ ରାସ୍‌କି  
 ଆହାମାନି ରାଜିମାନା ହାଞ୍ଜିକିନେ ସାମା ନେହିଁ ଜୀସୁ ନୀତିକିନାୟି । ୭ ଅଡେ  
 ତୀସିତି ଖାଲି ପାଟାତା ରାସ୍‌କି ଆହାମାନି ହାଞ୍ଜି କିନି ମସା ମେରାତି ସେବା  
 କାମା ଇଲେତି ଗାଞ୍ଜୁରମି ଡଞ୍ଜାଆହାମାତେ, ଇତିହିଁ ଇସାୟେଲ ଲକ୍ଷ୍ମୀ ମସା  
 ମୁମୁତି ନାସା ଆନି ଉଜେଡ଼ି ତାକି ଏଞ୍ଜାଣି ମୁମୁ ମେସାଲି ଆତାଆତେରି, ୮  
 ଆତିହିଁ ନେହିଁ ଜୀସୁତି ସେବା କାମା ଏତେକା ଗାଡି ଗାଞ୍ଜୁରମି ଆଏକି? ୯  
 ତଣ୍ଡୁ ଆଞ୍ଜିକିନି ସେବା କାମା ଗାଞ୍ଜୁରମି ଗାଟାୟି, ଆତି ଦାମୁତି ସେବା କାମା  
 ଏଦାଆଁ କିହାଁ ଆଗାଡା ଗାଞ୍ଜୁରମି ଗାଟାୟି ଆନେ । ୧୦ ଇତିହିଁ ଆମିନି ଗାଟାୟି

ଗାଞ୍ଜୁରମି ଗାଟାୟି ମାତେ, ଏଦି ଏଦାନି କିହାଁ ଆଗାଡ଼ା ଗାଞ୍ଜୁରମି ଆନି କିହାଁ ଗାଞ୍ଜୁରମି ହିଲାଆଗାଟାୟି ଆତେ । ୧୧ ଗାଡ଼େକା ତାକି ନାସା ଆନାୟି ଗାଞ୍ଜୁରମି ବେଟାଆହିଁ, କାଲାକାଲା ତାକି ମାନାୟି ଏତେକା ଆଗାଡ଼ା ଗାଞ୍ଜୁରମି ତଞ୍ଜାଆନେ । ୧୨ ଇତିହିଁ ମାଡ଼େ ଏଲେତି ବାସୁଁ ମାନାକି ହାରେକା ସାସା ଆହାମାନମି । ୧୩ ଅଡ଼େ ଇସାୟେଲ ଲକୁ ଏନିକିଁ ଗାଡ଼େକା ତାକି ନାସାଆନି ଗାଞ୍ଜୁରମିଟି ସିନିକିଅରି, ଏଦାଆଁତାକି ମସା ଏନିକିଁ ତାନି ମୁମୁତି ହିମ୍ପରି ପୁକ୍‌ହା କଡ଼ିମାତେସି, ମାମୁ ଏଲେକିଁ କିହିହିଲଅମି । ୧୪ ସାମା ଏଞ୍ଜାରି ବୁଦିତି କାଶକା ପଞ୍ଜି ଆହାମାନୁ, ଇତିହିଁ ନୀଞ୍ଜୁପାତେକା ପୁଃଇ ରାଜିମାନା ପତି ପଡ଼ଞ୍ଜି ଆନାଟି ଏ ହିମ୍ପରି ପିଡ଼ିନାୟି ନୀଏଁ ପାତେକା ତୟମାନେ, ଇଞ୍ଜାଁ କ୍ରୀସ୍ତ ତାଣାଟି ଏ ହିମ୍ପରି ଗୁଟା ଆହାମାନେ, ଏଦି ତଞ୍ଜା ଆହିହିଲେଏ । ୧୫ ସାମା ନୀଏଁ ପାତେକା ମସାଟି ମେରା ପଡ଼ଞ୍ଜି ଆନାଟି ଏଞ୍ଜାରି ହିୟାଁ ହିମ୍ପରି ପୁକ୍‌କି ଆହାଁ ତୟିନେ । ୧୬ “ସାମା ଆମ୍ବାଆସି ଆପେସି ପ୍ରବୁ ଖାକି ଖେଣ୍ଡାଞ୍ଜାତିହିଁ ଏଞ୍ଜାଣି ପୁକ୍‌କି ଆହାମାନି ହିମ୍ପରି ଗୁଟାଆନେ ।” ୧୭ “ପ୍ରବୁ” ଏ ଜୀଞ୍ଜୁ, ଇଞ୍ଜାଁ ଏମ୍ପିୟା “ପ୍ରବୁତି ଜୀଞ୍ଜୁ” ମାନେ ଏମ୍ବାଆଁ ବାରେ ମେଲା ଆନାୟି ମାନେ । ୧୮ ସାମା ମାର ବାରେତାୟି ମୁମୁ ପୁକ୍‌ଆନା ଦାପେଣିତା ମେହ୍‌ନି ଲେହେଁ ପ୍ରବୁତି ଗାଞ୍ଜୁରମି ମେସି ମେସିହିଁ ଗାଞ୍ଜୁରମିଟି ହାରେକା ଗାଞ୍ଜୁରମି ଆହାନା ତାନି ଏ ଖାଣା ତଲେ ବାଦ୍‌ଲି ଆହିମାନାୟି; ଇଞ୍ଜାଁ ପ୍ରବୁ ଆମ୍ବାଆସିକି ଜୀଞ୍ଜୁ ଏଞ୍ଜାଣି ତାଣାଟି ଇ ବାରେ ଆହିମାନେ ।

**୪** ମାର ମାହାପୁରୁତି କାର୍ମା ବେଟାଆହାନା ଇ ସେବାକିନି ପାଣା ବେଟାଆହାମାନାକି ସାସା ହିଲାଆ ଲକୁଲେହେଁ ଆହାହିଲାଆୟି, ୨ ସାମା ମାମୁ ଲାଜା ଗାଟି ତଞ୍ଜା ଆଆଗାଟି ଲାଗେଏତି କାମା ପିସାମାନମି; ଇଞ୍ଜାଁ ମାମୁ ନାଡ଼ି କିଅମି ଅଡ଼େ ମାହାପୁରୁ କାତାତି ମିତି କାଲ୍‌ହାନା ଖେସିହିଲଅମି, ମାହାପୁରୁ କାନୁତା ନେହିଁ କାରୁତି ସାତା କିହିଁ ଖେକ୍‌ହାନା ବାରେଜାଣାତି ନେହିଁ ଅଶ୍‌ପୁ ତାକି ନେହାଁତମି ତଞ୍ଜା ଆହିମାନମି । ୩ ଏନାଆଁତାକି ଇତିହିଁ ମାର ଖେକ୍‌ହାନା ନେହିଁ କାରୁ ତୁଗା ମାଟିହିଁ, ଏଦି ଖାର୍‌ଇ ଜାଞ୍ଜୁ ମାନାରାକି ତୁଗାମାନେ । ୪ ମାହାପୁରୁ ଖାଣା ଲେହେଁତି କ୍ରୀସ୍ତ ତାନି ଗାଞ୍ଜୁରମିଗାଟି ନେହିଁ କାରୁତି ଉଜେଡ଼ି ଏନିକିଁ ଇଲେତି ଲକୁକି ତଞ୍ଜା ଆଏ, ଏଦାଆଁତାକି ନାମାଆଗାଟାରି ବୁଦି ଦାର୍‌ତିତି ପଲ୍‌ଆ ପେନୁ କାଣାୟାଁ କିହାମାନେ ।

(aiōn g165) ୫ ମାମୁ ମାଡ଼େତାକି ଖେସାକତିହିଲଅମି, ସାମା କ୍ରୀସ୍ତଇଁ ପ୍ରବୁ

ଇଚ୍ଛୁଁ ଅଡ଼େ ଜୀସୁ କ୍ରୀସୁ ତାକି ଜାହାରାଇଁ ମୀ ହଲିୟାଡ୍ଫାଟମି ଇଚ୍ଛୁଁ ଖେକ୍‌ହି  
 ମାନମି, ୭ ଏନାଆଁତାକି ଇଚିହିଁ ଆମିନି ମାହାପୁରୁ ଏଲେଇଚ୍ଛୁମାଚେସି,  
 “ଆନେରିତି ଉଜେଡ଼ି ତୁଚ୍ଛୁ ଆପେ,” ଏସ୍‌ସି କ୍ରୀସୁତି ମୁମୁତା ତୁଚ୍ଛୁ ଆହିମାନି  
 ମାହାପୁରୁତି ଗାସ୍ତରମିଗାଟି ବୁଦିତି ଉଜେଡ଼ି ତସାଲି ତାକି ମା ହିୟାଁତି ଉଜେଡ଼ି  
 କିହାମାନେସି । ୭ ସାମା ମାର ଖାର୍‌ଇ ଇର୍‌ଆ ତୁକାତା ଇ ଲାକପୁରୁତି  
 ଦନ ବେଟାଆହାମାନାୟି । ଇମ୍‌ଆଁ ପୁଣ୍ଡି ଆହିମାନେ ଇଲେତି ଲାକପୁରୁତି  
 ବାଡ଼ୁମୁ ମାଦି ଆଏ ସାମା ମାହାପୁରୁଖାୟି । ୮ ମାମୁ ବାରେଲେହେଁତି ତୁକୁ କସୁ  
 ବେଟାଆହାମାନମି, ସାମା ମାମୁ ସୁଣୁକି ଆହି ହିଲଅମି । ଏଚେ ଏଚେଲା  
 ଆତାଜାକା ଆତି ଜିକେଏ ନୀରାସା ଆହାହିଲଅମି । ୯ ମାମୁ ସାସୁ ବେଟା  
 ଆହିମାନମି ସାମା ମାହାପୁରୁ ମାଡ୍ଫେ ଏଚେଲା ପିସାମାଚ୍ଛୁଅସି । ଏଚେ ଏଚେକା  
 ମାତା ବେଟାଆହି ମାନମି ସାମା ନାସା ଆହାହିଲଅମି । ୧୦ ଜୀସୁତି ଜୀସୁ  
 ଏନିକିଁ ମା ତାଣା ତୁଚ୍ଛୁଆନେ, ଏଦାଆଁତାକି ମାର ବାରେ ବେଲା ମା ଆଡ୍ଫାତା  
 ଜୀସୁତି ହାକି ଡେକା ମାନାୟି । ୧୧ ଇଚିହିଁ ଜୀସୁତି ଜୀସୁ ଏନିକିଁ ମା ହାନି  
 ଆଡ୍ଫାତା ତୁଚ୍ଛୁଆନେ, ଏଦାଆଁତାକି ମାର ନୀତାମାଟି ଜିକେଏ ବାରେବେଲା  
 ଜୀସୁତି କସମି ହାକିତା ହେର୍‌ପି ଆହିମାନାୟି । ୧୨ ଇଲାଆହିଁ ମା ତାଣା  
 ହାକି, ଅଡ଼େ ମୀ ତାଣା ଜୀସୁ କାମା କିହିମାନେ । ୧୩ ରାସ୍‌କି ଆହାମାନେ,  
 “ନାନୁ ନାମିତାକି ଜଲିତେଏଁ ।” ମାର ଏ ନାମୁତି ଜୀସୁ ବେଟାଆହାମାନାୟି,  
 ଇଚ୍ଛୁଁ ମାର ନାମାମାନାୟି ଏଦାଆଁତାକି ଖେକ୍‌ହି ଜିକେଏ ମାନାୟି । ୧୪  
 ମାମୁ ପୁଚ୍ଛୁମାନମି, ମାହାପୁରୁ ପ୍ରୁ ଜୀସୁଇଁ ହାକିତି ଖେଣ୍ଡେ ନିକ୍‌ହାମାନେସି ।  
 ଏ ମାହାପୁରୁ, ଜୀସୁତଲେ ମାଡ୍ଫେ ଜିକେଏ ନିକ୍‌ହାନେସି ଅଡ଼େ ମୀ ତଲେ  
 ମାଡ୍ଫେ ତାନି ତାଗେ ଅୟାନେସି । ୧୫ ମୀ ନେହେଁତାକି ଇ ବାରେ ଆହିମାନେ  
 । ମାହାପୁରୁତି କାର୍‌ମାମେହ୍‌ନାୟି ଅଡ଼େ ହାରେ ଗାଡ଼ି ପାତାଆହାନା ଲକୁଣି  
 ତୀଗିତେ, ଅଡ଼େ ହାରେକା ଲକୁ ରାହାଁ ଅଣ୍‌ପୁ ତଲେ ମାହାପୁରୁଇଁ ଗାସ୍ତରମି  
 କିନେରି । ୧୬ ଏଦାଆଁତାକି ମାମୁ ଖାହା ହିଲଅମି, ସାମା ମା ଦାର୍‌ତିତି ଆଡ୍ଫା  
 ମେଣ୍ଡୁତି ଜିକେଏ ମା ହିୟାଁ ବିତ୍ରାତି ଜୀସୁ ପୁଃନାୟି ଆହିମାନେ । ୧୭ ଇଚିହିଁ  
 ଇ ଗାଡ଼େକାତି କସୁ ହାରେକା ଗାଡ଼ି ମାଡ୍ଫେ ତାକି କାଲାକାଲା ରାଆଗାଟି  
 ଗାସ୍ତରମି ତାନେ; (aiōnios g166) ୧୮ ମାର ତୁଚ୍ଛୁ ଆହିମାନାଣି ଗୁରି କିଆନା  
 ତୁଚ୍ଛୁ ଆଆଗାଟାଣି ଗୁରି କିହିମାନାୟି; ଇଚିହିଁ ତୁଚ୍ଛୁ ଆହିମାନାୟି ଗାଡ଼େକା  
 ତାକି, ସାମା ତୁଚ୍ଛୁ ଆଆଗାଟାୟି କାଲାକାଲାତାୟି । (aiōnios g166)

୫ ମାର ପୁଞ୍ଜାମାନାୟି, ଆମିନି ଦାର୍ତ୍ତିତ ଚୁମ୍ବୁ ଲେହେଁତି ଇଲୁତା ନୀଏଁ ମାର ବାସା କିହାମାନାୟି, ଏଦି ନସ୍ତୁ ଆତିସାରେ ମାହାପୁରୁ ମାଡ୍ରେ ଲାକପୁରୁ ର କାଲାକାଲାତି ଇଲୁ ମେଡ଼ି କିୟାନେସି । ଏଦି ମାଣ୍ଡସି କେୟୁଟି କେପିତାୟି ଆଏ, ମାହାପୁରୁ ଡାନ୍ଦୁଏ ଏଦାନି ଗାଡ଼ିକିତାସି । (aiōnios g166) ୬ ଇ ଦାର୍ତ୍ତିତ ଇଲୁତା ମାଞ୍ଜାନା ମାର ଲାକପୁରୁ ଇଲୁତି ହିମ୍ବୁରି ହୁତାଲି ମନ କିହାନା ଡ଼ାହି ମାନାୟି । ୭ ସାମା ଲାକପୁରୁତି ବାସା ଚାୟୁତା ହୁଟିସାରେ ମାର ଆଡ୍ଡା ହିଲାଆଗାଟାତାୟି ଆଆନା ନାଗଡ଼ା ଚଞ୍ଜା ଆଆୟି । ୫ ଇତିହିଁ ମାର ଇ ଦାର୍ତ୍ତିତ ଚୁମ୍ବୁତା ବାସା ଆହାନା ବଜୁଗାଟି ହିୟାଁ ତଲେ ଡ଼ାହି ମାନାୟି; ଇତିହିଁ ମାର ଦାର୍ତ୍ତିତ ଆଡ୍ଡା ପିସାଲି ଅଣ୍ଡିପାନାୟି ଏଦି ଆଏ, ସାମା ଜୀଞ୍ଜୁ ଏନିକି ଦାର୍ତ୍ତିତ ନାସାକିନେ, ଇଦାଆଁତାକି ଇ ହାନି ଆଡ୍ଡାତି ମୁହେଁ ଲାକପୁରୁତି ହିମ୍ବୁରି ହୁତାଲି ମାର ମନ କିହିମାନାୟି । ୫ ମାହାପୁରୁ ମାଡ୍ରେ ଇ ବାଦ୍ଲଖି ଆନାଣି ତାକି ତିୟାରା କିହାଁ ମାଞ୍ଜାନେସି । ଅଡ଼େ ଇଦାଣି ତୀର୍ପୁକିନାଣି ଲେହେଁ ତାନି ସୁଦୁଜୀଞ୍ଜୁ ଏଞ୍ଜାସି ମାଡ୍ରେ ହାହାମାଞ୍ଜାନେସି । ୭ ଏଦାଆଁତାକି ମାମୁ ବାରେବେଲା ସାସା ଆସାମାନମି । ମାମୁ ପୁଞ୍ଜାମାନମି, ଏତରଦିନା ପାତେକା ଇ ଆଡ୍ଡାତା ବାସା କିହାମାନମି, ଏତରଦିନା ପାତେକା ପ୍ରବୁତି ଇଲୁଟି ହେକ ମାଞ୍ଜାନା ନୀତା ବାଡ଼କିମାନମି, ୭ ଏଦାଆଁତାକି ଇତିହିଁ ମାର ଚଞ୍ଜାଆହିମାନି ଦିଶ୍ଟୁ ଲାକ ଆଏ ସାମା ନାମୁ ଲାକ ନୀତା ବାଡ଼କି ମାନାୟି । ୮ ଏଦାଆଁକି ଇତିହିଁ ମାମୁ ସାସା ଗାଟାତମି, ଇଞ୍ଜାଁ ଇ ଆଡ୍ଡା ପିସାନା ପ୍ରବୁ ତଲେ ବାସା କିହାଲି ମାମୁ ହାରେକା ରାହାଁ । ୯ ଏଦାଆଁତାକି ଇମ୍ପାଆଁ ଜାହାରା ଇଲୁତା ମାଟିହିଁ କି ହେକ ରାଜି ମାଟିହିଁ ଜିକେଏ, ମାହାପୁରୁଇଁ ରାହାଁ କିନାୟି ଏ ମା ରଣ୍ଡିଏ ଅଣ୍ଡପୁ । ୧୦ ଇତିହିଁ ନେହେଁ ଆପେ କି ଲାଗେଏ ଆପେ, ବାରେଜାଣା ଜାହାରା ଆଡ୍ଡା ତଲେ କିତି କାମାତି ଲେକାତଲେ ପାଡ଼େୟି ବେଟାଆହାଲି ତାକି କ୍ରୀସ୍ତୁତି ନୀହାଁୟି କିନି ଚାୟୁ ନକିତା ବାରେତାୟି ମାଡ୍ରେ ନିକା ହାଜାଲି ଆନେ । ୧୧ ପ୍ରବୁଇଁ ଆଜିନାଣି ପୁଞ୍ଜାମାନାକି ମାମୁ ମାଣ୍ଡସିୟାଁଇଁ ମାଡ଼ଞ୍ଜିକିହିଁ ମାନମି, ସାମା ମାମୁ ମାହାପୁରୁ ନକିତା ଚଞ୍ଜା ଆହାମାନମି ଇଞ୍ଜାଁ ମୀ ଅଣ୍ଡପୁତା ଜିକେଏ ଚଞ୍ଜା ଆହାମାନମି, ଇ କାତା ନାନୁ ଆସା କିହିମାଇଁ । ୧୨ ମାମୁ ମୀ ତାଣା ଅଡ଼େ ବତପଣ ଡ଼ସାଲି କିହିଲିଅମି, ସାମା ଲୁକୁତି ନେହିଁ ଅଣ୍ଡପୁ ତାକି ବତପଣ ଡ଼ହୁଆନା ଖାର୍ଇ ଏଞ୍ଜାରି ଆଡ୍ଡାତି ରାହାଁତାକି ବତପଣ ଡ଼ହୁନାରାଇଁ ମୀରୁ ଖେଣ୍ଡେ ଖେସାଲି ଆଡିଦେରି, ଏଦାଆଁତାକି ମୀରୁ



ମା ତାକି ବଡ଼ପଣ ଚପାଲି ଆଡ଼ିଦେରି ଇଚ୍ଛୁଁ ଖେସିମାଜ୍ଜାନମି । ୧୩ ମାମୁ କି ବୁଦି ହିଲାଆ ଗାଟାତମି? ଏଦି ମାହାପୁରୁ ତାକି ଆହାମାନେ ମାମୁ କି ବୁଦିଗାଟାତମି ଆହାମାନମି? ମା ନେହେଁ ମାଟିସାରେ, ମୀ ତାକି ଏଲେଆହିଁ ମାନମି । ୧୪ ଇଚିହିଁ କ୍ରୀସ୍ତତି ଜୀଝୁ ନିନି ତାଣାଟି ସାଲଖି ଆହିମାନାୟି, ଏଦାଆଁତାକି ମାର ଇ କାତା ଅଣ୍ଠିମାନାୟି, ରଅସି ବାରେଜାଣା ତାକି ହାହାମାନାକି ବାରେଜାଣା ଏ ହାକିତା ଆଣ୍ଟାମାନେରି । ୧୫ ଏଝାସି ବାରେଜାଣା ତାକି ହାହାମାନାକି ଆମିନି ଗାଟାରି ନୀତାମାନେରି, ଏଝାରି ଅଡ଼େ ଜାହାରାତାକି ନୀତାଆନା ଏଝାଣି ତାକି ନୀତିନେରି, ଏନାଆଁତାକି ଇଚିହିଁ ଏଝାରି ତାକି ଏଝାସି ହାହାନା ଖେଣ୍ଟେ ନୀତାମାନେସି । ୧୬ ଇଦାଆଁତାକି ମାମୁ ଆମ୍ବାଆରାଇଁ ମାଣ୍ଡସି ଅଣ୍ଟୁ ତଲେ ବିଚାରା କିହିଲଅମି । ଦିନା ମାତେ ଏଚିବେଲା ମାମୁ କ୍ରୀସ୍ତଇଁ ଜିକେଏ ମାଣ୍ଡସି ଅଣ୍ଟୁ ତଲେ ଅଣ୍ଠିମାତମି, ସାମା ନୀଏଁ ମାମୁ ଅଡ଼େ ଏଲେ କିହିହିଲଅମି । ୧୭ ଇଦାଆଁତାକି ଆମ୍ବାଆସି କ୍ରୀସ୍ତ ତାଣା ମାଟିସାରେ ଆଡ଼ିହିଁ ଏଝାସି ପୁଝନାସି ଆନେସି । ପାଣ୍ଡାଆୟି ବାରେ ମେଣ୍ଡ଼ାମାନେ, ମେହୁଦୁ ପୁଝନାୟି ଆହା ଆନେ । ୧୮ ଇ ବାରେ ମାହାପୁରୁ ତାଣାଟି ଆହାମାନେ, ଏଝାସି କ୍ରୀସ୍ତ ତାଣାଟି ମାଡ଼େ ତାନିତଲେ ଅଡ଼େ ଆହୁହା ମାଜ୍ଜାନେସି ଇଚ୍ଛୁଁ ତାନିତଲେ ସେବାକିନି ପାଣା ଆହୁହାଲି ଏଝାସି ମାଡ଼େ ଦାୟିପତି ହାହାମାଜ୍ଜାନେସି । ୧୯ ଏ ଆଣ୍ଟିନି ବଲୁ ଇଦି, ମାହାପୁରୁ କ୍ରୀସ୍ତ ତାଣା ଦାର୍ତତି ତାନିତଲେ ଆହୁହାମାତେସି; ଏଝାସି ଦାର୍ତତି ଲକୁତି ଦହ ଆହୁଆନା ଏ ଆଣ୍ଟିନି ବଲୁତି ମା ତାଣା ହେରପା ମାଜ୍ଜାନେସି । ୨୦ ଏଦାଆଁତାକି ମାହାପୁରୁ ମା ଖାକିଟି ହାଟିମାଜ୍ଜାନାକି ମାର କ୍ରୀସ୍ତତି ଖାକିଟି ରାଜାତି କାରୁ ଖେହନାତାୟି ଆହାମାନାୟି; କ୍ରୀସ୍ତ ତଲେ ମାର ବାତିମାଲି ମାଜ୍ଜାନମି, ମାହାପୁରୁ ତଲେ ଅଡ଼େ ଆଣ୍ଟାଦୁ । ୨୧ ଇଚିହିଁ କ୍ରୀସ୍ତକି ଇଚାୟି ପାପୁ ହିଲାଆତି ଜିକେଏ, ମାହାପୁରୁ ତାଡ଼େ ମା ତାକି ପାପୁ ଗାଟାଣିଲେହେଁ କିତେସି, ମାର ଏନିକିଁ ତାନିତଲେ ଆଣ୍ଟାନା ମାହାପୁରୁତି ଦାମୁତା ଆଣ୍ଟାଲି ଆଡିନାୟି ।

୨ ମାହାପୁରୁ ତଲେ ଆଣ୍ଟୁଆହାନା କାମା କିହିମାନାକି ମାମୁ ମିଡ଼େ ବାତିମାଲି ମାଜ୍ଜାନମି, ମୀ ଜୀଝୁତା ମାହାପୁରୁତି କାର୍ମାମେହନାଣି ଉଜେଏ କିଆଦୁ । ୨ ମାହାପୁରୁ ଏଲେଇଚ୍ଛୁ ମାନେସି, “ମିଡ଼େତାକି କାର୍ମା ମେସ୍ତାନି ଦିନା ଖାହାଲିଏ ନାନୁ ମୀ ଗହାରା ଖେତେଏଁ, ଗେଲ୍ପିନି ଦିନା ନାନୁ ମୀ ସାୟେମି ଆୟାତେଏଁ” ମେହୁଦୁ ଇଦି ଆହିମାନେ ମାହାପୁରୁତି କାର୍ମାମେହନାଣି ବେଟାଆନି ବେଲା ।

ନୀଞ୍ଜୁ ଆହିମାନେ ଗେଲ୍‌ପିଆନି ଦିନା । ୩ ଏନିକିଁ ମା ସେବା କାମା ନିନ୍ତୁ ଆଏ,  
 ଏଦାଆଁତାକି ମାମୁ ଆମ୍ବାଆରି କାମାତା ବାଦା ହାଆପ ଇଞ୍ଜି ଅଣ୍ଡିମାନମି  
 । ୪ ଏଦାଆଁତାକି ମାମୁ ବାରେବେଲା ମାହାପୁରୁତି ସେବା କିନାରା ଲେହେଁ  
 ଡସାକଡିମାନମି, ସାମା ଆବ୍‌ଝା ତଲେ ବାରେଲେହେଁତି ବାଦାତା, ହିଲାଆ  
 ବେଲାତା କସ୍ତୁ ଅର୍ହିମାନମି, ୫ ମାମୁ ମାତା ବେଟାଆହାନା, କାୟିଦିତା,  
 ଲକୁ ନକିତା ନିନ୍ତୁ ବେଟାଆହାନା, ଇଞ୍ଜି ଝାହୁ କାମାତା, ଇଦା କିଆନା, ରାନ୍ତୁ  
 ତିନାଆନା ମାତମି, ୬ ସୁଦୁତି, ବୁଦିତି, ଅର୍ହିନି ଡାଣାଟି, କାର୍ମାମେହ୍ନି  
 ଡାଣାଟି, ସୁଦୁଜୀଝୁତା, କୁଚୁ ହିଲାଆନା ଜୀଝୁନନାୟି, ୭ ଅଡେ ସାତା ନେହ୍  
 ବଲୁତା, ମାହାପୁରୁତି ବାଡ଼୍‌ୟୁ ତଲେ, ଟିଝନି ଟେବୁ କେୟୁତି ଦାମ୍ବୁତି ସାକୁ  
 ତଲେ, ୮ ଗାଝୁରମି ଅଡେ ଅପାଆ ଡାଣା, ମାମୁ ମାନି ବେଟାଆହି ମାନମି ଇଞ୍ଜି  
 ଲାଜା ବେଟାଆହି ମାନମି; ଇଞ୍ଜି ନାଡ଼ିକିଝି ଆହିମାନମି, ଆତିଜିକେଏ ସାତା  
 ଗାଟାତମି । ୯ ପୁଣ୍ଡି ଆଆତି ଲକୁ ଲେହେଁ, ଆତି ଜିକେଏ ନେହ୍ ପୁଣ୍ଡିଆତି  
 ଲକୁ, ହାତାରି ଲେହେଁ ଆତି ଜିକେଏ ମେହ୍‌ଦୁ ମାମୁ ନୀତାମାନମି, ମାମୁ ଡଣ୍ଡ  
 ବେଟାଆହାମାନମି ସାମା ହାହା ହିଲଅମି, ୧୦ ମାମୁ ଦୁକୁ ତଲେ ମାତିହ୍  
 ଜିକେଏ ବାରେବେଲା ରାହ୍ଁ ତଲେ ମାନମି, ମାମୁ କାକୁଲି ଗାଟାତମି ଲେହେଁ,  
 ସାମା ହାରେକା ଲକୁତାକି ବାଡ଼କା ମାନମି, ମାଡେ ଏନାୟି ହିଲାଆଲେହେଁ  
 ସାମା ମାମୁ ସାତାତଲେ ବାରେତି ଅଦିକାରା ଗାଟାତମି; ଇ ବାରେଡାଣା ମାମୁ  
 ମାହାପୁରୁତି ସେବା କିନାତମି ଲେହେଁ ଜାହାରାଇଁ ଜଗେ ଗାଟାତମି ଇଞ୍ଜି  
 ଡସାକଡି ମାନମି । ୧୧ କରନ୍ତିତା ମାନ ଜୀଝୁତି ଡାୟିୟାଁ ଅଡେ ଡାଢ଼ିସ୍ତାତେରି,  
 କୁଚୁ ହିଲାଆଲେହେଁ ମିଡେ ବାରେ ଝେସା ମାଞ୍ଜାନମି । ମୀ ଡାଣା ମା ହିୟାଁ  
 ଦେତାମାନମି । ୧୨ ମିଡେଡାକି ମା ଜୀଝୁନନାୟି ଉଣା ଆହା ହିଲେଏ ସାମା  
 ମା ତାକି ମୀ ଜୀଝୁନନାୟି ଉଣା ଆହାମାନେ । ୧୩ ମିଡେ ନା ମୀରକା ମାସକା  
 ଇଞ୍ଜି ଅଣ୍ଡିମାନା ଇ ବାରେ ଝେସିମାଞ୍ଜାଇଁ, ମାମୁ ଜୀଝୁନହ୍ ମାଞ୍ଜାନାକି ମୀ ହିୟାଁ  
 ଦେପି ଆପେ । ୧୪ ମୀରୁ ନାମାଆଗାଟାରି ତଲେ ରଲେଏତାତେରି ଆତି  
 ଲେହେଁ କାମା କିଆଦୁ, ଦାମ୍ବୁ କାମାତା ଲାଗେଏତି କାମା ଏନିକିଁ ଆଣ୍ଡିନେ?  
 ଅଡେ ଆନେରି ତଲେ ଉଜେଡି ଏନିକିଁ ଆଣ୍ଡିନେ? ୧୫ କ୍ରୀସ୍ତ ଇଞ୍ଜି ବିଲିୟାର୍  
 ଏନିକିଁ ଜାଦୁ ଆନେରି? ନାମିତାରି ଇଞ୍ଜି ନାମାଆତାରି ଆମିନି କାତାତା ରଣ୍ଡିଏ  
 ଆନେରି? ୧୬ ମାହାପୁରୁତି ଇଲୁତା, ଏନିକିଁ ପେଣ୍‌କାତି ପୂଜା ଆନେ? ସାମା  
 ମାର ନୀତାମାନି ମାହାପୁରୁତି ଇଲୁତାୟି, ଇତିହ୍ ମାହାପୁରୁ ଡାନ୍ତୁଏ ଏଲେଇଞ୍ଜି

ମାନେସି, “ନା ଲକ୍ଷ୍ମଣେ ନାନୁ ବାସା କିଇଁ, ଅଡ଼େ ଏଞ୍ଜାରିତଲେ ମାଇଁ, ନାନୁ ଏଞ୍ଜାରି ମାହାପୁରୁ ଆଇଁ, ଅଡ଼େ ଏଞ୍ଜାରି ନା ଲକ୍ଷ୍ମଣେ ନାନେରି ।” ୧୭ ଏଦାଆଁତାକି ପ୍ରବୁ ଏଲେଇଞ୍ଜି ମାନେସି, “ମୀରୁ ଏଞ୍ଜାରି ତାଣାଟି ହତା ଖାନ୍ତୁ, ଏଞ୍ଜାରି ତାଣାଟି ଏଟ୍‌କା ଆଦୁ, ଏନି ଲାଗେଏତି ଦିଶ୍‌ସୁ ତୀଗାଆଦୁ, ଆତିହିଁ ନାନୁ ମିଢ୍ଢେ ଆବାଇଁ, ୧୮ ନାନୁ ମୀ ଆବା ଆଇଁ, ଅଡ଼େ ମୀରୁ ନା ମୀର୍କା ମାସ୍କାତେରି ଆଦେରି, ବାରେକିହାଁ ବାଡ଼୍‌ୟୁଗାଟି ପ୍ରବୁ ଇଦାଆଁ ଝେସିମାଞ୍ଜାମାନେସି ।”

୨ ଇତିହିଁ, ଏ ତାୟିୟାଁ ଅଡ଼େ ତାଢ଼ିୟାତେରି, ଇ ବାରେ ଆଞ୍ଜାମାତାଣି ମେଡ଼ା ଆହାମାନାକି ଖାନ୍ତୁ, ମାର ମା ଆଢ଼ା ଅଡ଼େ ଜୀଞ୍ଜୁତି ଲାଗେଏ ତାଣାଟି ଆଟ୍‌ହା କତିନ, ଇଞ୍ଜାଁ ମାହାପୁରୁଇଁ ଆଜାନା ସୁଦୁ ମାଣ୍‌କିତା ନେହିଁ ଆନ । ୨ ମୀ ହିୟାତା ମାଢ୍ଢେ ଗାୟୁ ହିୟାଦୁ, ମାମୁ ଆମ୍ବାଆରାଇଁ ଲାଗେଏ କିହାହିଲଅମି, ଆମ୍ବାଆରାଇଁ ନାସା କିହାହିଲଅମି କି ଆମ୍ବାଆରାଇଁ ବୁଡ଼ି କିହାହିଲଅମି । ୩ ନାନୁ ମିଢ୍ଢେ ଦହ ଦସାଲି ଇଦାଆଁ ଝେସିମାଞ୍ଜାଆଁ; ଇତିହିଁ ନାନୁ ତଲିଏ ଝେସାମାଞ୍ଜାଇଁ, ମୀରୁ ମା ହିୟାତା ଏଚେକା ଗାୟୁ ବେଟାଆହାମାନାକି ମାର ହାତିହିଁ ରଣ୍ଡିଏ ତାଣା ହାନ, ନୀତିତିହିଁ ରଣ୍ଡିଏ ତାଣା ନୀତିନ । ୪ ମୀ ତାଣା ନାଢ୍ଢେ ହାରେକା ନାମୁ ମାନେ, ମିଢ୍ଢେତାକି ନାଢ୍ଢେ ହାରେକା ବତପଣ ହତି ମାଞ୍ଜାନେ; ନାନୁ ଦୁକୁ ଦୁକ୍‌ହା ମାଇଁ, ମା ବାରେ କସୁତା ନାନୁ ସାସା ଆହାମାଇଁ, ଅଡ଼େ ନା ହିୟାତା ରାହାଁ ହତିମାଞ୍ଜାନେ । ୫ ମାକିଦନିୟାତା ଏଜାଲିଏ ଜିକେଏ ପାଢ଼ାତା ଗଡ଼୍‌ହା ବିତ୍ରା ଆଜି, ଇଲେତି କସୁ ବେଟାଆହାଲିଏ ମା ଆଢ଼ା ଜିକେଏ ଜମାଲି ପୁଞ୍ଜାଆତେ । ୬ ସାମା ହେଲା ଗାଟାରାଇଁ ସାସା ହାନି ତିତସଇଁ ମାହାପୁରୁ ପାଣ୍ଡାମା ମାଢ୍ଢେ ସାସା ହିୟାତେସି । ୭ ଖାର୍‌ଇ ତାନି ଖାତାକି ରାହାଁ ଆଏ, ସାମା ଏଞ୍ଜାସି ମୀ ତାଣା ହାଜାନା ଏମିନି ସାସା ବେଟାଆହାମାନେସି । ଏମ୍ବାଟି ମାଢ୍ଢେ ସାସା ହିୟାତେସି, ଏଚେକା ନାଢ୍ଢେ ମେସାଲି ମୀରୁ ଅଶ୍‌ପିମାଞ୍ଜେରି, ଏଚେକା ମୀରୁ ଦୁକୁ କିହିମାଞ୍ଜେରି, ମୀରୁ ନା ତାଣା ବାସୁଁ ଇଟାଲି ଏଚେକା ତିୟାରା ଆହାମାଞ୍ଜେରି, ଏଦାଆଁତାକି ନାନୁ ନୀଏଁ ହାରେକା ରାହାଁ ଆହିମାଇଁ । ୮ ନାନୁ ନା ତଲିତି ଆକୁତା ମିଢ୍ଢେ ଦୁକୁ ହାହାମାଞ୍ଜାତିହିଁ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ ଗାଡ଼େକା ତାକି ମିଢ୍ଢେ ଦୁକୁ ହାହା ମାଞ୍ଜାନାଣି ମେସାମା ନାନୁ ଦୁକୁ ଆତିଜିକେଏ ୯ ନୀଏଁ ରାହାଁ ଆହିମାଇଁ, ମୀରୁ ନୀଏଁ ଦୁକୁ ଆଦେରି ଏଦାଆଁତାକି ଆଏ, ସାମା ମୀ ଦୁକୁ ମିଢ୍ଢେ ମନ ଝେଟ୍‌ପି କିତାକି ରାହାଁ ଆହାମାଇଁ; ଇତିହିଁ ମା ତାଣାଟି ମୀଦି

ଏନାୟିଞ୍ଜା ବୁଡ଼ଞ୍ଜି ଆଆପେ, ଏଦାଆଁତାକି ମୀରୁ ମାହାପୁରୁ ତାଣାଟି ଦୁକୁ  
 ବେଟା ଆହାମାଞ୍ଜେରି । ୧୦ ମାହାପୁରୁ ତାଣାଟି ଝାନି ଦୁକୁ ଗେଲ୍‌ପାଲିତାକି  
 ମନ ଝେଟ୍‌ପି କିଞ୍ଜିକିନେ, ଏଦାଆଁତାକି ଅଣ୍‌ପିନାୟି ଲଡ଼ା ହିଲେଏ; ସାମା ଇ  
 ଦାର୍‌ତିତି ଦୁକୁ ହାଞ୍ଜିକିନେ । ୧୧ ମେହ୍‌ଦୁ ମାହାପୁରୁତି ମନତଲେ ଆମିନି  
 ଦୁକୁ ବେଟାଆଡେରି, ଏଦି ମୀ ତାଣା ଏରେକା ରାହାଁଗାଟାୟି, ହାଅ, ମୀ ଦହ  
 ହିଲାଆଗାଟାଣି ତସାମାନେ, ହାଅ ଏରେକା ଅଣ୍‌ପୁ, ଏରେକା ଆଜି, ଏରେକା  
 ମନ, ଏରେକା ଯେବା, ଲାଗେଏତାଣି ତଣ୍ଡୁ ହାହାଲି ଏରେକା ଅଣ୍‌ପୁ, ଏ ବାରେ  
 ତାଣାଟି ମୀରୁ ଅଟ୍‌ହାଡେରି ଇଞ୍ଜି ତଞ୍ଜା ଆହିମାଞ୍ଜେରି । ୧୨ ଇଦାଆଁତାକି  
 ନାନୁ ମୀ ତାଣା ଏ ଆକୁ ରାତିଡେଏଁ, ଆତିହିଁ ଜିକେଏ ଆମ୍ବାଆସି ଲାଗେଏ  
 କିହାମାନେସି, କି ଆମ୍ବାଆସି ଲାଗେଏତାଣି ଅର୍‌ହା ମାନେସି, ଏଞ୍ଜାଣାକି  
 ରାତିଡେଏଁ, ଏଦି ଆଏ, ସାମା ମାଢ୍ଢେ ତାକି ମୀ ରାହାଁ ଏନିକିଁ ମାହାପୁରୁ ନକିତା  
 ମୀ ତାଣା ସାଡେଏ ଇଞ୍ଜି ତଞ୍ଜାଆନେ, ଏଦାଆଁତାକି ରାତିଡେଏଁ । ଇତିହିଁ, ମାମୁ  
 ସାସା ବେଟାଆହାମାନମି । ୧୩ ଅଡେ ମା ବାସୁତା ମାମୁ ତିତସ ରାହାଁତାକି  
 ହାରେକା ରାହାଁ ଆଡମି, ଇତିହିଁ ଏଞ୍ଜାଣି ଜୀଝୁ ମୀ ବାରେ ଜାଣା ତାଣାଟି  
 ରାହାଁ କିହାମାଞ୍ଜେରି । ୧୪ ଆତିହିଁ ଏନି କାତା ତିତସ ତାଣା ମୀ ତାକି ନାନୁ  
 ବଡପଣ କିହାମାଞ୍ଜେରି, ଆତି ଲାଜା ଆହାହିଲଅଁ, ସାମା ଏନିକିଁ ମାର ବାରେ  
 କାତାତା ମିଢ୍ଢେ ସାତା ଝେସାମାଞ୍ଜାତମି, ଏଲେକିହିଁ ତିତସ ନକିତା ମା ବଡପଣ  
 ଆନାୟି ଜିକେଏ ସାତା ଇଞ୍ଜି ପୁଣ୍ଡିଆହାମାନେ । ୧୫ ଇଞ୍ଜି ମୀରୁ ଏନିକିଁ  
 ଆଜି ଅଡେ ତାର୍‌ଗିହିଁ ଏଞ୍ଜାଣାଲ୍ ଆବାହାଁ ଏଞ୍ଜାଣି ତାଣା ବାରେଜାଣା ଡେରି  
 ମାନଞ୍ଜି ଆଡେରି, ଏ ବାରେ ଅଣ୍‌ପାନା ମିଢ୍ଢେତାକି ତାନି ହିୟାଁତା ଜୀଝୁନାୟି  
 ହାରେକା ପାତା ଆଡେ । ୧୬ ନାନୁ ବାରେ ତାଣାଟି ମିଢ୍ଢେ ହାରେକା ନାମାଲି  
 ଆତାଲ୍ ଏଦାଆଁତାକି ନାଢ୍ଢେ ହାରେକା ରାହାଁ ହୁଡିମାଞ୍ଜାନେ ।

୮ ଏ ମା ତାୟିୟାଁ ଅଡେ ତାଢ୍ଢିୟାଡେରି, ମାକିଦନିୟା କୁଲମିକାଣା ମାହାପୁରୁ  
 ହାହାମାନି କାର୍ମାମେହ୍‌ନାଣି ବେଟାଆହାମାନେ, ଏଦାଆଁ ମାମୁ ମିଢ୍ଢେ  
 ଝେସିମାଞ୍ଜାନମି; ୨ ଏଞ୍ଜାରି ବେଟାଆହାମାନି ହାରେକା କସ୍ତୁତଲେ ତାୟିପାରି  
 କିଞ୍ଜି ଆହାମାନେରି; ଏଞ୍ଜାରି ହାରେକା ହାକି କାକୁଲି ଗାଟାରି ଇତିହିଁ ଜିକେଏ;  
 ଜାହାରା ଅଣ୍‌ପୁ ତଲେ ତାମି ଦାନା ହାନି ତାଣା ଏଞ୍ଜାରି ରାହାଁ ହାରେକା  
 ମାଡେ । ୩ ଏନାଆଁତାକି ଇତିହିଁ ନାନୁ ସାକି ହାହିମାଞ୍ଜେରି, ଏଞ୍ଜାରି ଆଡିନି  
 ପାଡେକା, ସାମା ଏଞ୍ଜାରି ଆଡିନି ବାଡ଼ୁୟୁ କିହାଁ ଜିକେଏ ହାରେକା ଗାଡି ଦାନା

ହାହାମାନେରି । ୪ ଜୀହୁଦାତା ମାନି ମାହାପୁରୁ ଲକ୍ଷ୍ମି ଯେବା କାମାତା  
 ଆଶୁଝିଆନି କାର୍ମାମେହନାଣି ମେଡ଼ା ଅହାଲିତାକି ଏଝାରି ଜାହାରା ଅଶ୍ଵୁ  
 ତଲେ ବାତିମାଲିହିଁ ମାଢ଼େ ହେଲ ରାସ୍ତାତେରି; ୫ ଏଝାରି ଝାର୍ଝ ମା  
 ଆସା କିହାମାନିଲେହେଁ କିହାହିଲିଆତେରି, ସାମା ମାହାପୁରୁ ମନତଲେ  
 ସାଲଝି ଆହାନା ତଲିଏ ଜାହା ଜାହାରାଇଁ ପ୍ରବୁ ଡ଼ାଣା ଇଞ୍ଜିଁ ମା ଡ଼ାଣା  
 ହେର୍ପାତେରି । ୬ ତିତସ ମୀ ଡ଼ାଣା ଏ କାର୍ମାମେହନି କାମା ଏନିକିଁ ମାଟ୍‌ହା  
 ମାତେସି, ଏଲେକିହିଁଏ ଏଦାଆଁ ରାପ୍‌ହାଲି ଏଝାଣାଇଁ ସାସା ହାତମି । ୭  
 ମୀରୁ ବାରେ ଡ଼ାଣାଟି ନକିତା ଅହାମାଞ୍ଜେରି, ଇତିହିଁ ନାମ୍, କହୁଗାଟାରି,  
 ବୁଦି ଇଞ୍ଜିଁ ବାରେଲେହେଁତି ରାହାଁ, ମିଢ଼େଟାକି ମା ଜୀହୁନନାୟି, ଏଲେକିହିଁ  
 ବାରେ କାତା ଏନିକିଁ ମୀ ଡ଼ାଣା ହାରେକା ଡ଼ଞ୍ଜା ଆହିମାନେ, ଏଲେକିହିଁଏ ଇ  
 କାର୍ମାମେହନି କାମା ଜିକେଏ ମୀ ଡ଼ାଣା ହାରେକା ଡ଼ଞ୍ଜାଆପେ । ୮ ନାନ୍  
 ହୁକୁମି ହୀନି ଲେହେଁ ଝେସିମାଞ୍ଜୁଅଁ, ସାମା ଅର ଲକ୍ଷ୍ମି ରାହାଁ ଆହାଲି ଡ଼ସାନା  
 ମୀ ଜୀହୁନନାୟି ସାତା କି ଆଏ ତାୟିପାରି କିହାଲି ଝେସିମାଞ୍ଜୁଇଁ । ୯  
 ଇତିହିଁ ମା ପ୍ରବୁ ଜୀସୁ କ୍ରୀସ୍ତୁତି କାର୍ମାମେହନାଣି ମୀରୁ ପୁଞ୍ଜାମାଞ୍ଜେରି, ମୀରୁ  
 ଏନିକିଁ ଏଝାଣି ହିଲିଆଗାଟି ଡ଼ାଣାଟି ଦନ ଗାଟାତେରି ଆଦେରି, ଏଦାଆଁତାକି  
 ଏଝାସି ଦନଗାଟାସି ଆତିଜିକେଏ ମୀ ତାକି ହିଲିଆଗାଟାସି ଆତେସି ।  
 ୧୦ ଏଦାଆଁତାକି ନା ଅଶ୍ଵୁ ଇଦି, ଏ ବାରେ ମିଢ଼େଟାକି ନେହେଁ, ଏନିକିହିଁ  
 ଡ଼ାଣୁଟିଏ ମୀରୁ ମୂଲୁଏ କାମା ମାଟ୍‌ହେରି, ଏଦି ଆଏ, ସାମା ଏ କାମା କିୟାଲି  
 ନକେଏ ଜିକେଏ ଅଶ୍ଵାମାତେରି । ୧୧ ନୀଏଁ ଏ କାମା ଜିକେଏ ରାପ୍‌ରୁ,  
 ମୀରୁ ଏ କାମା କିହାଲି ଏନିକିଁ ଅଶ୍ଵାମାତେରି, ଏଲେକିହିଁ ରାହାଁତି ଅଶ୍ଵୁ  
 ତଲେ ଏ କାମା ରାନେ । ୧୨ ଇତିହିଁ ହାହାଲିତାକି ରାହାଁ ମାତିହିଁ ମାଶ୍ଵି ତାନି  
 ଆଡ଼ିନିଲେହେଁ ଏନାଆଁ ହୀନେସି, ମାହାପୁରୁ ନକିତା ନେହାୟି ଆନେ । ୧୩  
 ଇତିହିଁ ଏଟ୍‌କାତାରି ଏନିକିଁ ସୁକୁ ବେଟାଆନେରି, ଇଞ୍ଜିଁ ମୀରୁ କସୁ ବେଟାଆରୁ,  
 ଏଦାଆଁତାକି ନାନ୍ ଇଦାଆଁ ଝେସିମାଞ୍ଜୁଅଁ; ୧୪ ସାମା ସମାନା ଅହାଲିତାକି ନୀଏଁ  
 ମୀ ବାଟ୍‌କୁ ତଲେ ଏଝାରି ଲଡ଼ା ମାନାଣି କିଝି ଆହିମାନେ, ଏନିକିହିଁ ଏଝାରି  
 ବାଟ୍‌କୁ ତଲେ ମୀ ହିଲିଆଗାଟାଣି ପୁରା କିଝିଆନେ, ଇଞ୍ଜିଁ ଇଲେଆହିଁ ସମାନା  
 ଡ଼ଞ୍ଜାଆନେ, ୧୫ ଦାମ୍‌ପୁପତିତା ଏନିକିହିଁ ରାସ୍‌କି ଆହାମାନେ, “ଆମ୍ବାଆସି  
 ହାରେକା କୁଡ଼ି କିତେସି, ଏଝାଣିଝାୟି ହାରେଆତେ, ଇଞ୍ଜିଁ ଆମ୍ବାଆସି ଉଣା  
 କୁଡ଼ି କିତେସି, ଏଝାଣାକି ଉଣା ଆଆତେ ।” ୧୬ ମାହାପୁରୁକି ଜହରା ଆପେ,

ଏଞ୍ଜିନିୟରମାନଙ୍କ ଚିତ୍ରଣ କ୍ଷମତା ରାହା କିଛି ସମୟ ଅର୍ପଣ ନିମନ୍ତେ ହୋଇପାରେ । ୧୭ ଇତିହାସ ଏଞ୍ଜିନିୟରମାନଙ୍କୁ ନିଜର କାର୍ଯ୍ୟକ୍ରମରେ ଅନ୍ତର୍ଭୁକ୍ତ କରିବାକୁ ଅନୁମତି ଦେଇଥାଏ, ଯାହା ଏଞ୍ଜିନିୟରମାନଙ୍କୁ ହାରେକା ରାହା ଆହା ମଧ୍ୟ ତାହା ଖାଲି ଏଞ୍ଜିନିୟରମାନଙ୍କୁ ନିମନ୍ତେ । ୧୮ ଏଞ୍ଜିନିୟରମାନଙ୍କୁ ଅନ୍ତର୍ଭୁକ୍ତ କରିବାକୁ ପାରିବାକୁ ନିମନ୍ତେ; ଏଞ୍ଜିନିୟରମାନଙ୍କୁ କାର୍ଯ୍ୟକ୍ରମରେ ନିଜର ଗାହାଣୀ ବାରେ କ୍ରମାନ୍ୱୟ କୁଳମିତା ଖେଳାମାନେ, ୧୯ ଖାଲି ଏହି ଆମ୍ଭ, ଯାହା ଏଞ୍ଜିନିୟରମାନଙ୍କୁ ଯେବା ତଳେ ଆହୁମାନି ଇ କାର୍ଯ୍ୟକ୍ରମରେ କାର୍ଯ୍ୟକ୍ରମ ପ୍ରଭୃତି ଗାହାଣୀ ଇଞ୍ଜି ରାହା ଅର୍ପଣ ତାକି ମା ତଳେ ତାକିନାସି ଆହାଲିତାକି କୁଳମିତା ତଳେ ଆର୍ତ୍ତ ଆହାମାନେ । ୨୦ ମା ତଳେ କିହିମାନି ଇ ଯେବା କାର୍ଯ୍ୟକ୍ରମରେ ହାରେକା ଦାନାତି କାତାତା ଆମ୍ଭାସି ଏନିକିହି ମାତ୍ରେ ଦହ ଦସ୍ତାଆପେସି, ଏଦାଆଁତାକି ଜାଗ୍ରାତା ଆହିମାନମି; ୨୧ ଇତିହାସ ଖାଲି ପ୍ରଭୁ କାନୁତାକି ଆମ୍ଭ, ଯାହା ଲକୁ କାନୁତାକି ଜିକେଏ ଏନାୟି ନେହାୟି, ଏଦାଆଁ ବାରେ କିହିଲି ଅର୍ପଣମାନମି । ୨୨ ଅତ୍ରେ, ମାମ୍ଭ ମା ଅନ୍ତର୍ଭୁକ୍ତ ଜିକେଏ ଏଞ୍ଜିନିୟରମାନଙ୍କୁ ପାରିବାକୁ ନିମନ୍ତେ, ଏଞ୍ଜିନିୟରମାନଙ୍କୁ ହାରେକା କାତାତା ହାରେକା ଦେବା ତାୟିପାରି କିହି ରାହାତଳେ କାର୍ଯ୍ୟକ୍ରମରେ ଇଞ୍ଜି ନେହିକି ପୁଞ୍ଜାମାନମି, ଇଞ୍ଜି ମଧ୍ୟ ତାହା ଆର୍ତ୍ତ ନାମୁ କିହି ମାନାକି ଏଞ୍ଜିନିୟରମାନଙ୍କୁ ହାରେକା ରାହା ଆହାମାନେ । ୨୩ ଚିତ୍ରଣ କାତା ଆମ୍ଭାସି ଖେଳାତହିଁ, ଏଞ୍ଜିନିୟରମାନଙ୍କୁ ନିଜର ଆର୍ତ୍ତତାସି ଇଞ୍ଜି ମଧ୍ୟ ତାକି ନା ତଳେ କାର୍ଯ୍ୟକ୍ରମରେ; ଇଞ୍ଜି ମା ତାୟିୟା କାତା ଖେଳାତହିଁ, ଏଞ୍ଜିନିୟରମାନଙ୍କୁ କୁଳମିତା ତାହାଟି ପାଣ୍ଡି ଆହାମାନାରି, ଅତ୍ରେ କ୍ରମାନ୍ୱୟ ଗାହାଣୀ ଖେଳି କିହି ମାନାରି । ୨୪ ଇତିହାସ ମଧ୍ୟ ଜୀବନନାୟି ଇଞ୍ଜି ମଧ୍ୟ କାତାତା ମା ବତପଣତି ପାରମାଣା କୁଳମିତା ନିକିତା ଏଞ୍ଜିନିୟରମାନଙ୍କୁ ।

କିନ୍ତୁ କାହା ମାନି ମାହାପୁରୁ ଲକୁଇଁ ସାୟେମି କିନି କାତା ଅତ୍ରେ ମିତ୍ରେ ରାତାଲି ଲଡ଼ା ଆମ୍ଭ; ୨ ନାମୁ ପୁଞ୍ଜାମାନଙ୍କୁ ମଧ୍ୟ ବାରେବେଲା ସାୟେମି କିହିଲି ତିୟାସା ଆହାମାଞ୍ଜେରି ଇଞ୍ଜି ମାକିଦନିୟାତି ଲକୁ ତାହା ମଧ୍ୟ ତାକି ନାମୁ ବତପଣ ଆହିମାଇଁ । ନାମୁ ଖେସାମାତେଏଁ, “ଆକାୟାତି ତାୟିୟା ସାୟେମି କିହିଲି ହାତି ବାସାଟିଏ ତିୟାସା ଆହାମାନେରି ।” ମଧ୍ୟ ଏଲେକି ସାୟେମି କିନାୟି ଏଞ୍ଜିନିୟରମାନଙ୍କୁ ହାରେକା ଲକୁଣି ଜାଗ୍ରାତା କିହିମାନେ । ୩ ଆତିଜିକେଏ ନାମୁ ତାୟିୟାଙ୍କୁ ପାରିବାକୁ, ମଧ୍ୟ ତାକି ବତପଣ ତହନାୟି ଏନିକି ଉଜେଏ ଆମ୍ଭ, ଯାହା ନା କାତାଲେହେଁ ହାହାଲିତାକି ଜାଗ୍ରାତା ଆମ୍ଭ, ୪

ଏତେତା ଆପେ ନା ତଲେ ଆମିନି ଲକ୍ଷ୍ମୀ ପାଟେ ମାକିଦନିୟାଟି ଝାହାଁ ମୀ ଦାନା କୃତି କିହା ହିଲାଆ ଗାଟାଣି ମେସ୍ତିହିଁ ମୀରୁ ପାଣ୍ଡି ଲାଜା ପିସାନା ମାମୁ ଇ ଆବ୍ଝା ନାମୁତି କାତାତାକି ଲାଜା ବେଟାଆନମି ୫ ମୀରୁ ତଲିଏ ଆଞ୍ଜାମାତି ଦାନା ଏନିକିଁ ଗୁରୁମୁରୁ ଆହିଁ ହାନାୟି ଆଆନା ଜାହାରା ଅଶ୍ଵୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୃତିକିହାଲି ତିୟାରା କିହାଲି ନକେଏ ମୀ ତାଣା ହାଜାଲିତାକି ନାମୁ ଏ ତାୟିୟାଣି ବାତିମାଲାଇ ଅଶ୍ଵାମାତେଏଁ । ୬ ସାମା ଇ କାତା ସାତା, ଆମ୍ବାଆସି ରଚାଣି ବିଚା ମାଟିନେସି, ଏଞ୍ଝାସି ଇଚାଣି ତାସା ବେଟା ଆନେସି; ଅଡ଼େ ଆମ୍ବାଆସି ଗାତି ବିଚା ମାଟିନେସି, ଏଞ୍ଝାସି ଗାତି ତାସା ବେଟାଆନେସି । ୭ ବାରେଜାଣା ଜାହାରା ହିୟାଁ ଏନିକିଁ ଅଶ୍ଵା ମାନେ, ଏଲେକିଁ କିପେରି, ମୁସ୍ତି କି ବାଲାମାତମି ତଲେ ଆଏ; ଏନାଆଁତାକି ଇତିହିଁ ମାହାପୁରୁ ଜାହାରା ଅଶ୍ଵୁ ତଲେ ଦାନାହାନି ଲକ୍ଷ୍ମୀ ଜୀଝୁ ନନେସି । ୮ ଅଡ଼େ, ବାରେ ଦିଶ୍ଵୁ ବାରେବେଲା ହାରେପୁରେ ବେଟାଆହାଁ ମୀରୁ ଏନିକିଁ ବାରେ ନେହିଁ କାମାତାକି ହାରେକା ଇଞ୍ଜାଁ ହାରେକା ଦାନା କିହାଲି ଆଡ଼ିଦେରି, ଏଦାଆଁତାକି ମାହାପୁରୁ ମିଢ୍ଢେ ବାରେଲେହେଁଟି କାର୍ମା ହାରେପୁରେ ହାହାଲି ଆତାନେସି । ୯ ଦାର୍ମୁପତିତା ରାସ୍ଵକି ଆହାମାନେ, “ଏଞ୍ଝାସି କେୟୁ ଦେଚାନା ଦାନା ହାହାମାନେସି, ଏଞ୍ଝାସି ହିଲାଆ ଗାଟାରାକି ହାରେପୁରେ ହାହାମାନେସି; ଏଞ୍ଝାଣି ଦାର୍ମୁ ଏତେଲାଞ୍ଝା ରାଏ ।” (aiōn g165) ୧୦ ମାହାପୁରୁ ମାଟିନାଶାକି ବିଚା ଅଡ଼େ ତିଞ୍ଜାଲି ରାନ୍ଦୁ ହାନେସି, ଏଞ୍ଝାସି ମାଟାଲିତାକି ମିଢ୍ଢେ ବିଚା ହିୟାନେସି ଇଞ୍ଜାଁ ଏଦାଆଁ ପାତିକିନେସି, ଅଡ଼େ ମୀ ଦାର୍ମୁତି ପାଡ଼େୟି ଗାତି କିନେସି । ୧୧ ଏଲେକିଁ ମୀରୁ ବାରେ ଦିଶ୍ଵୁତା ବାଡ଼କାନା ଜାହାରା ଅଶ୍ଵୁ ତଲେ ଦାନା କିହାଲି ଆଡ଼ିଦେରି, ଇଞ୍ଜାଁ ଏଦି ମା ତାଣାଟି ମାହାପୁରୁଇଁ ଜହରା କିନାୟି ଆନେ । ୧୨ ଇତିହିଁ ଇ ଦାନା ହାନି ସେବା କାମା ମାହାପୁରୁ ଲକ୍ଷ୍ମୀ ଲଡ଼ାମାନାଣି ପୁରା କିହିମାନେ, ଏଦି ଆଏ, ସାମା ଏଦାଆଁ ତଲେ ଜିକେଏ ମାହାପୁରୁତି କାମାତା ହାରେକା ଲକ୍ଷ୍ମୀ ରାହାଁତଲେ ଜହରା କିହିମାନେରି । ୧୩ ଇତିହିଁ ଇ ସେବା କାମାଟି ପାର୍ମାଣା ତାକି ଲକ୍ଷ୍ମୀ ମିଢ୍ଢେ ଆବିମାଞ୍ଜାନି କ୍ରୀସ୍ତୁତି ନେହିଁ କାବୁତି ନାମୁ, ଇଞ୍ଜାଁ ମାହାପୁରୁତି ଲକ୍ଷ୍ମୀ ଅଡ଼େ ବାରେତାକି ମୀ ଆଣ୍ଡିନାୟି ତୀରୁପୁ ତାକି ମାହାପୁରୁତି ଗାଝୁରମି କିହିମାନେରି । ୧୪ ମିଢ୍ଢେ ମାହାପୁରୁତି ହାରେପୁରେ କାର୍ମାମେହନାଣି ତାକି ଏଞ୍ଝାରି ଜିକେଏ ହାରେକା ରାହାଁତଲେ

ପ୍ରାତାନାତା ମିତ୍ରେ ଅଶ୍ଵିମାଞ୍ଜାନେରି । ୧୫ ମାହାପୁରୁତି ହାରେପୁରେ ଦାନା  
ତାକି ତାଙ୍ଗେ ଜହରା ଆପେ ।

୧୦ ନାନୁ ପାଞ୍ଜୁଲତେଏଁ ମୀ ନକିତା ସାପି ଆହା ମାନାତେଏଁ ସାମା ହେକ  
ମାନାଟି ବାଡ଼ୟୁ ଡହନାତେଏଁ, ନାନୁଏ କ୍ରୀସ୍ତୁତି ସୁଦୁଗାଟି ଅଶ୍ଵୁ ତଲେ ମିତ୍ରେ  
ବାତିମାଲିହିଁ ରୀସିମାଞ୍ଜୁଇଁ, ୨ ହାଅ ନାନୁ ପ୍ରାତାନା କିହିମାଇଁ, ମାର ମାଶ୍ଵିତି  
ଅଶ୍ଵୁ ତଲେ ତାକିମାନାୟି ଇଞ୍ଜିଁ ଅଶ୍ଵିମାନାରି କପାଟି ବାଡ଼ୟୁ ଡହାଲି  
ଅଶ୍ଵାମାଇଁ, ଇଞ୍ଜିଁ ନାନୁ ଖାତିସାରେ ଏଲେତି ବାଡ଼ୟୁ ଡହାଲି ଆଏ; ୩  
ମାର ଇ ଦାର୍ତତି ଆଞ୍ଜୁ ତଲେ ନୀତାମାନାୟି ସାତା, ସାମା ମାର ଦାର୍ତତି  
ଅଶ୍ଵୁ ତଲେ ଜୁଜୁ କିହି ହିଲାଆୟି, ୪ ଇତିହିଁ ମା ଜୁଜୁତି ସାଜୁ ଆଞ୍ଜୁତି  
ଜୁତି ତଲେ ଆଏ, ସାମା କାଜା କଟା ଇଲୁ ମେକ୍‌ହାଲି ମାହାପୁରୁ ନକିତା ଏ  
ବାରେ ବାଡ଼ୟୁ ଆନେ; ୫ ମାମୁ ମିତି ଅଶ୍ଵୁ କାତା ବାରେ ଅଡ଼େ ମାହାପୁରୁତି  
ବୁଦି କପାଟି ନିଞ୍ଜିନି ବଡପଣ ଡହନି କାଜା କାତାଟି ବାରେ ମେକ୍‌ନମି;  
ଅଡ଼େ ବାରେଲେହେଁତି ଅଶ୍ଵିନାଶି ଆସାନା କ୍ରୀସ୍ତୁତି ମାନି ଆୟାଲି ଦସ୍ଵି  
କିହିମାନମି । ୬ ଏତିବେଲା ମାରୁ ବାରେ ଖାକିଟି ମାନଞ୍ଜି ଆଦେରି, ଏତିବେଲା  
ମାମୁ ମାନଞ୍ଜି ଆଆଗାଟାଶି ବାରେ ତଣ୍ଡୁ ହାନମି । ୭ ମାରୁ ସାରିସୁଚୁ ପାଞ୍ଜୁତା  
ଡଞ୍ଜୁ ଆହିମାନାଶି ମେସିମାଞ୍ଜେରି । ଆମ୍ବାଆସି ଜାହାରାଇଁ କ୍ରୀସ୍ତୁତି ଲକ୍ଷ୍ମତେଏଁ  
ଇଞ୍ଜିଁ ନାମିନେସି, ଆତିହିଁ ଏଞ୍ଜାସି ଏନିକିଁ କ୍ରୀସ୍ତୁତି ଲକ୍ଷ୍ମ, ମାମୁ ଜିକେଏ ଏଲେକିଁ  
କ୍ରୀସ୍ତୁତି ଲକ୍ଷ୍ମ, ଇଦାଆଁ ତାନୁଏ ଅଶ୍ଵାପେସି । ୮ ଇତିହିଁ ମା ଅଦିକାରା ତାକି  
ନାନୁ ଅଲ୍ପ ଗାତି ବଡପଣ ଡହୁ ଜିକେଏ ଲାଜା ଆଅଁ; ମିତ୍ରେ ନାସଞ୍ଜି କିହାଲି  
ପ୍ରୁ ମାଡ଼େ ଅଦିକାରା ହାଆନା ମିତ୍ରେ ତିୟାରା କିହାଲି ହାହାମାଞ୍ଜାନେସି । ୯  
ନା ରାତିତି ଆକୁୟିଁ ତଲେ ନାନୁ ମିତ୍ରେ ଆଜିକିହି ମାଞ୍ଜାନେସି ଇଞ୍ଜିଁ ଅଶ୍ଵାଆଦୁ  
। ୧୦ “ଏତରଜାଣା ଏଲେଇନେରି, ପାଞ୍ଜୁଲ ତାନି ଆକୁ ରାତିନାଟି ଅଦିକାରା  
ଅଡ଼େ କାଜା ବାଡ଼ୟୁ ଗାଟାଇ, ସାମା ମା ତଲେ ଆଞ୍ଜୁତା ମାନାଟି ଏଞ୍ଜାସି  
ବାଡ଼ୟୁ ହିଲାଆଗାଟାସି ଅଡ଼େ ତାନି କାତା ବାରେ ଉଜେଏତାୟି ।” ୧୧  
ମାମୁ ହେକ ମାଞ୍ଜାନା ଆକୁତା ରାତିନି କାତା ଏନିଲେହେଁତାୟି, ମୀ ତଲେ  
ମାଞ୍ଜାନା କିନି କାମା ଜିକେଏ ଏଲେତାୟିଏ ଇଞ୍ଜିଁ ଲକ୍ଷ୍ମ ଅଶ୍ଵାପେରି । ୧୨  
ଇତିହିଁ ଆମ୍ବାଆରି ଜାହାରାଇଁ ବଡପଣ ଡହା କଡିନେରି, ଏଞ୍ଜାରି ତଲେ ମାଡ଼େ  
ଲେକା କିହାଲି ଜିକେଏ ମା ସାସା ହିଲେଏ; ସାମା ଏଞ୍ଜାରି ତାମୁ ତାନି ତାଶାଟି  
ଜାହାରାଇଁ ଲେକା କିହାନା ବୁଦି ହିଲାଆଗାଟାରି ଡଞ୍ଜୁ ଆନେରି । ୧୩ ସାମା



ମାମୁ ହାନ୍ତି ଗାଣ୍ଡା ହାଜାନା ବତପଣ ଚହୁଅମି; ମୀରୁ ଜିକେଏ ମାହାପୁରୁ  
ମାଡ୍ଡେ ହେରପା ମାଞ୍ଜାନି କାମାତି ହାନ୍ତି ବିତ୍ରା ତାତେରି, ଏ ଲେକା ତଲେ  
ବତପଣ କିଦେରି । ୧୪ ଇତିହାସ ମୀରୁ ମା ହାନ୍ତି ବିତ୍ରା ହିଲାଆତି ଲେହେଁ ମାମୁ  
ହାନ୍ତି ଗାଣ୍ଡା ମାନମି, ଏଦି ଆଏ; ଏନିଇତିହାସ କ୍ରୀସ୍ତତି ନେହେଁ କାରୁ ଝେକ୍‌ହେଁ  
ମାମୁ ମୀ ଡାଣା ଜିକେଏ ତଲିଏ ଝାହାମାତମି; ୧୫ ମାହାପୁରୁ କିହାମାନି ମା  
କାମାତି ପାଢ୍ମାତା ଏଟ୍‌କା ଲକୁତି କାମାତା ବତପଣ କିହିଲିଲଅମି, ସାମା  
ମାମୁ ଆସା କିହିମାନମି ମୀରୁ ନାମୁତା ପାତା ଆନାଣିତଲେ ମୀ ଡାଣାଟି  
ମା କାମା ଅଡେ ହାରେକା ପାତା ଆନେ । ୧୬ ମାମୁ ଅର ରଅଣି ହାନ୍ତି  
ବିତ୍ରା ଏଝାସି ତଲିଏ କିହାମାନି କାମାତାକି ବତପଣ ଚହୁଆନା, ମାମୁ ମୀ  
ଡାଣାଟି ଅର ଦେସାତା ହାଜାନା ନେହେଁ କାରୁ ଝେକ୍‌ହାଲି ଆଡିନମି ଇଞ୍ଜି ଆସା  
କିହିମାନମି । ୧୭ ସାମା ଦାମୁପତିତା ରାସ୍‌କି ଆହାମାନେ, “ବତପଣ ଚହୁନସି  
ପ୍ରବୁ କିତି କାମାତାକି ବତପଣ ଚହୁପେସି ।” ୧୮ ଜାହାରାଇଁ ନେହାଁତେଏଁ  
ଇଞ୍ଜି ଅଶ୍‌ପିନାସି ଏଝାସି ତାୟିପାରିତା ଜୀଣା ଆତାସି ଆଏ, ସାମା ପ୍ରବୁ  
ଆମ୍ବାଆରାଇଁ ସାତା ନେହାଁସି ଇଞ୍ଜି ଇନେସି ଏଝାସି ତାୟିପାରିତା ଜୀଣା  
ଆତାସି ।

**୧୧** ନାନୁ ବୁଦି ହିଲାଆ ଗାଟାତେଏଁ ଲେହେଁ ଇଚେକା ଝେସାଲି ନାଡ୍ଡେ  
ହେଲ ହିୟାତିହାସ ନେହେଁ ଇଞ୍ଜି ଅଶ୍‌ପିନାଇଁ, ମୀରୁ ନାଡ୍ଡେ ହେଲ ହିୟାଦେରି  
। ୧ ମାହାପୁରୁ ତାକି ହାରେକା ରାହାଁତା ନାନୁ ମିଡ୍ଡେତାକି ହାରେକା ରାହାଁ,  
ଇତିହାସ ନାନୁ ମିଡ୍ଡେ ସୁଦୁ ଡାଆ ମାଡ୍ଡାଲେହେଁ ର ତକ୍‌କା ଡାଣା ଇତିହାସ କ୍ରୀସ୍ତଇଁ  
ବୀହା ଆୟାଲି କାତା ହାହାମାଇଁ । ୩ ସାମା ରାରୁ ତାନି ସୁତ୍ରମି ତଲେ  
ହବାଇଁ ନାଡି କିଡେ, ଏଲେକିହେଁ ଏଡେତା ଆପେ ମୀ ମନ କ୍ରୀସ୍ତ ଡାଣା ମାନି  
ତୀରୁପୁତାୟି ଇଞ୍ଜି ସୁଦୁତା ମାନାୟି ନାସା ଆନେ, ଇଦାଆଁ ନାଡ୍ଡେ ଆଜି  
ହଚିମାଞ୍ଜାନେ । ୪ ଇତିହାସ ଆମିନି ଜୀସୁଇଁ ମାମୁ ଝେକ୍‌ଆତମି, ଇଲେକିହେଁ  
ଏଟ୍‌କା ଜୀସୁଇଁ ଆମ୍ବାଆସି ଆପେ ଝାହାଁ ଝେକ୍‌ନେସି, କି ଆମିନି ସୁଦୁଜୀସୁ  
ମୀରୁ ବେଟାଆଆତେରି, ଇଲେକି ଏଟ୍‌କାତି ର ସୁଦୁଜୀସୁ ବେଟାଆଦେରି, କି  
ଆମିନି ନେହେଁ ବଲୁ ମୀରୁ ଆବାଆତେରି, ଇଲେକି ଏଟ୍‌କାତି ର ନେହେଁ ବଲୁ  
ବେଟାଆଦେରି, ଏଲେଆତିହାସ ମୀରୁ ଗାତି ଅରହିନାତେରି । ୫ ଇତିହାସ ଏ  
କାକାପାଣା ଗାଟି “ପାଣ୍ଡୁଝି ଆତାରି” ଡାଣାଟି ନାନୁ ଏନିକିହେଁ ଜିକେଏ ଉଣା  
ତାତେଏଁ ଆଏ ଇଞ୍ଜି ଅଶ୍‌ପିନାଇଁ । ୬ ସାମା ନାନୁ କାତା ଜଲଲି ପୁନାଆତି

ଜିକେଏ ବୁଦିତା ଉଣାତେଏଁ ଆଏ; ସାତାତଲେ ମାନୁ ବାରେଲେହେଁତି ବାରେ  
 କାତାତା ମିଢ୍ଢେତାକି ଇଦାଆଁ ଖେସ୍ତାତମି । ୭ ମୀରୁ ଏନିକିଁ କାଜାତେରି  
 ଆଦେରି, ଏଦାଆଁତାକି ନାନୁ ଜାହାରାଇଁ ଉଣା କିହାକତାନା ମୀ ଚାଣା  
 ଉଜେଏନେଏ ମାହାପୁରୁତି ନେହିଁ କାରୁ ଖେକହାତେଏଁ; ଏଲେକିୟାଲିଏ ନାନୁ  
 ଏନି ପାପୁ କିତେଏଁ । ୮ ମୀ ଚାଣା କାମା କିହିଁ ମିଢ୍ଢେ ସେବା କିୟାଲି ଏବୁକା  
 କୁଲମିଟି ବର୍ତନ ବେଟାଆହାଁ ଏଝାରି ଚାଣାଟି ମୀଞ୍ଜା ଅହିମାତେଏଁ । ୯ ମୀ  
 ଚାଣା ମାଟିବେଲ୍ଲା ନାଢ୍ଢେ ଏନାଆଁ ହିଲାଆତି ଜିକେଏ ଆମ୍ବାଆରାକି ବାଦା  
 ହାହାହିଲଅଁ; ମାକିଦନିୟାଟି ଝାଡି ତାୟିୟାଁ ନାଢ୍ଢେ ଲଡ଼ା ଆନାଣି ବାରେ  
 ହିୟାତେରି, ମିଢ୍ଢେ ବଜୁ ହାଆରେଟୁ ନାନୁ ଜାଗ୍ରାତା ଆହାମାତେଏଁ, ଅଡ଼େ  
 ଜାଗ୍ରାତା ଆହାଁ ଡ଼ୟିଲ୍ । ୧୦ ନା ଚାଣା ମାନି କ୍ରୀସ୍ତୁତି ସାତାଇଁ ସାକି ଇଟାନା  
 ଖେସିମାଇଁ, ଆକାୟା ଗାଡ଼ାୟିତି ନା ଇ ବତପଣତି ଆମ୍ବାଆସି ଜିକେଏ ସାପି  
 କିହାଲି ଆଡଅରି ଏନାଆଁକି? ୧୧ ନାନୁ ମିଢ୍ଢେ ଜୀଝୁନହିଁ ମୀଞ୍ଜାଆକି କି?  
 ମାହାପୁରୁ ପୁଞ୍ଜାମାନେସି ନାନୁ ମିଢ୍ଢେ ଜୀଝୁ ନହିଁ ମୀଞ୍ଜାଇଁ! ୧୨ ସାମା ବତପଣ  
 ଆନିତାଣା ମା ଲେହେଁ ଚଞ୍ଜାଆହାଲି ଆମିନି “ଉଜେଏତି ପାଣୁଝିଆଡାରି” ପାରୁ  
 ପାରିମାନେରି ନାନୁ ଏନିକିଁ ଏଝାରାକି ପାରୁ ହାଅଁ, ଇଦାଆଁତାକି ନାନୁ ଏନାଆଁ  
 କିହିମାଇଁ, ଏଦାଆଁ କିହେମାଇଁ । ୧୩ ଇତିହିଁ ଏଲେତି ଲକୁ ନାଡ଼ିକିନି ପାଣୁଝି  
 ଆଡାରି, ଇଞ୍ଜାଁ ଝାଣା ବାଦଲଝିକିହାଁ କାମାକିନାରି, ଏଝାରି କ୍ରୀସ୍ତୁତି ପାଣୁଝି  
 ଆଡାରି ଝାଣା ଆହନେରି । ୧୪ ଇତିହିଁ ଏଦି କାବାଆନି କାତା ଆଏ, ଇତିହିଁ  
 ସୟତାନ ଚାନୁଏ ଉଜେଡ଼ିତି ଦୂରୁତି ଝାଣା ଆହନେ! ୧୫ ଏଚେଟିଏ ତାନି  
 ହଲିୟାଢ୍ଢା ଜିକେଏ ଦାମ୍ବୁଗାଟାରି ଝାଣା ଆହନେରି, ଆଡିହିଁ ଏଦି କାଜା କାତା  
 ଆଏ; ରାନି ଦିନାତା ଏଝାରି ତାମି କିତି କାମା ତଲେ ତଣ୍ଡୁ ବେଟାଆନେରି  
 । ୧୬ ନାନୁ ଅଡ଼େ ଖେସିମୀଞ୍ଜାଇଁ, ଆମ୍ବାଆସି ନାଢ୍ଢେ ବୁଦି ହିଲାଆଗାଟାସି  
 ଇଞ୍ଜାଁ ଅଣ୍ଠପାଆପେସି; ସାମା ମୀରୁ ଏଲେକିଁ ଅଣ୍ଠପଦେରି, ଆଡିଜିକେଏ  
 ବୁଦିହିଲାଆଗାଟାସି ଲେହେଁ ନାଢ୍ଢେ ଆବାବୁ ଏନିଇତିହିଁ ନାନୁ ଜିକେଏ ଅଲପ  
 ବତପଣ ଡ଼ସାଲି ଆଡିଲ୍ । ୧୭ ନାଏଁ ନାନୁ ଏନାଆଁ ଖେସିମାଇଁ ପ୍ରବୁତି  
 ଅଣ୍ଠପୁ ତଲେ ଖେସିମୀଞ୍ଜାଅଁ, ସାମା ବୁଦି ହିଲାଆ ଗାଟାତେଏଁ ଲେହେଁ ହାରେକା  
 ସାସାତଲେ ବତପଣ ଡ଼ସାନା ଖେସିମୀଞ୍ଜାଇଁ । ୧୮ ହାରେକା ଲକୁ ଦାର୍ଡିତି  
 ଲେହେଁ ବତପଣ ଆହିମାନାକି ନାନୁ ଜିକେଏ ବତପଣ ଡ଼ହଲ୍ । ୧୯ ଇତିହିଁ  
 ମୀରୁ ହାରେକା ବୁଦି ଗାଟାତେରି ଇଞ୍ଜାହିଁ, ରାହାଁ ତଲେ ବୁଦି ହିଲାଆଗାଟାରିଲ୍

ଅର୍ହଣି ମାଞ୍ଜୁରି । ୨୦ ଆତ୍ମାଆସି ମିଢ଼େ ହୁଲିୟାଢ଼ା କିହାନା ଇଟାନେସି,  
 ମୀ ଦନ ମୀଞ୍ଜା ଅୟାନେସି; ମିଢ଼େ ପାନୁତା ମେଡ଼ୁଆ ଆସ୍ତାନେସି, ଡାହାରା  
 ଆୟାନେସି କି ମୀ ଗେଏଲତା ସାପଡ଼ା ଚୁଡ଼ାଟାନେସି ଏ ବାରେ ଅର୍ହଣି ମାଞ୍ଜୁରି  
 । ୨୧ ନାନୁ ଲାଜାତଲେ ଖେସିମାଞ୍ଜୁଇଁ, ମାର ବାଡ଼ୁୟୁ ହିଲାଆ ଗାଟାତାୟି  
 ଆହାମାନାୟି । ଆତି ଜିକେଏ ଏନି କାତାତା ଆତ୍ମାଆସି ସାସା ଗାଟାସି, (ନାନୁ  
 ବୁଦି ହିଲାଆନା ଖେସିମାଞ୍ଜୁ) ନାନୁ ଜିକେଏ ସାସା ଗାଟାତେଏ । ୨୨ ଏଞ୍ଜାରି କି  
 ଏବୁ ଲକୁ? ଇତିହିଁ ନାନୁ ଜିକେଏ ଏବୁ ଲକୁତେଏ । ଏଞ୍ଜାରି ଇସ୍ତାୟେଲ ଲକୁ?  
 ଇତିହିଁ ନାନୁ ଜିକେଏ ଇସ୍ତାୟେଲ ଲକୁତେଏ । ଏଞ୍ଜାରି ଅବ୍ରାହାମତି କୁଡ଼ାତାରି?  
 ଇତିହିଁ ନାନୁ ଜିକେଏ ଅବ୍ରାହାମ କୁଡ଼ାତାତେଏ । ୨୩ ଏଞ୍ଜାରି କି କ୍ରୀସ୍ତୁଟି ସେବା  
 କିନାରି? ଇତିହିଁ; (ନାନୁ ବାୟା ଆତିଲେହେଁ ଏଲେଇଞ୍ଜିମାଞ୍ଜୁ), ନାନୁ ଏଞ୍ଜାରି  
 କିହାଁ ଆଗାଡ଼ା ନେହେଁ ସେବା କିନାତେଏ, ନାନୁ ଏଞ୍ଜାରି କିହାଁ ଗାତି ଖାହୁ  
 କାମା କିହାମାଞ୍ଜୁ, ହାରେକା କାୟିଦି ଇଲୁତା ମାତେଏ, ହାରେକା ଇର୍ନି ମାତା  
 ବେଟାଆହା ମାତେଏ, ଅଲେ ଅଲେ ହାକିତା ହେର୍ଖା ମାତେଏ । ୨୪ ନାନୁ  
 ଜୀହୁଦି ଲକୁ ଡାଣାଟି ପାସା ଦେବା ତାରିସି ନ ଗଟା ବେତି ବାଡ଼ୁଗା ମାତା  
 ବେଟାଆହାମାଞ୍ଜୁ; ୨୫ ରମତି ଲକୁ ଡାଣାଟି ତୀନି ପାଲି ସାବୁଣି ଡରିତଲେ  
 ନାଢ଼େ ଇର୍ହାତେରି, ର ପାଲି ନାଢ଼େ ଖାଲକାତଲେ ଇର୍ହାତେରି, ତୀନି  
 ପାଲି ଜାଜା ତୀତି ଡାଣାଟି ଗେଲହା ମାଞ୍ଜୁ, ର ଲାଆଁ ର ମାଦେନା ସାମୁରିତି  
 ଏୟୁତା ମୁଞ୍ଜା ମାତେଏ, ୨୬ ନାନୁ ହାରେକା ଦେବା ଜିରୁ ଡାକିନାଟି, କାତା  
 ଆଢ଼ିନିତାଣା, ସରକା ଡାଣାଟି, ନା କୁଡ଼ାତି ଜୀହୁଦି ଲକୁ ଡାଣାଟି, ଏବୁକା  
 କୁଡ଼ାତି ଲକୁ ଡାଣାଟି, କାଜା ନାସକାତି ଆଜିଟି, ଲକୁ ହିଲାଆ ଜାଡ଼ାଟି, କାଜା  
 ସାମୁରି ଆଜିଟି, ଅଡ଼େ ନାଡ଼ିକିନି ଡ଼େସିଢ଼ା ଆଜିଟି । ୨୭ ନାନୁ ହାରେକା  
 କାମା କିହାନା କସ୍ତୁ ବେଟାଆହାମାଞ୍ଜୁ, ଏତର ପାଲି ଲାଆଁୟାଁ ଇଦା କିଆନା  
 ହାକି ଅଡ଼େ ଏସକିଟି ମାତେଏ, ଏତର ପାଲି ଉପାସା ତଲେ, ପେନି ଇଞ୍ଜା  
 ନାଗଡ଼ାଟି ମାତେଏ । ୨୮ ଏଲେତି ବାରେ ବାଦା ପିସ୍ପେ ନାଢ଼େ ଅଡ଼େ ର  
 କାଜା ବଲୁମାନେ, ଇତିହିଁ ବାରେଦିନା କୁଲମିକା ତାକି ନାନୁ ଅଣ୍ପିମାଞ୍ଜୁ ।  
 ୨୯ ଆତ୍ମାଆସି ବାଡ଼ୁୟୁ ହିଲାଆଗାଟାସି ଆତିସାରେ ନାନୁ ଜିକେଏ ବାଡ଼ୁୟୁ  
 ହିଲାଆ ଗାଟାତେଏ ଆଏକି? ଆତ୍ମାଆସି ପାପୁ କିତିହିଁ ନାନୁ ହିୟାତା ବୁକୁ ଆଅଁ  
 କି? ୩୦ ନା ବତପଣ ଡ଼ସାଲି ଲଡ଼ା ଆତିହିଁ, ନାନୁ ନା ଆଡ଼ାଆଗାଟାଣି ତାକି  
 ବତପଣ ଡ଼ହଇଁ । ୩୧ ନାନୁ ମିତି ଜିଲି ହିଲଅଁ, ଏଦାଆଁ ପ୍ରବୁ ଜୀସୁ କ୍ରୀସ୍ତୁଟି

ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଝାସି କାଲାକାଲା ତାକି ଜହରା ।

(aiōn g165) ୩୨ ଦମେସକତା ହାରେତା ରାଜାତି ସାଲଝି କିନାସି ନାଢ଼େ  
ଆସାଲି ଏ ଗାଡ଼ାତି ତାନି କାପୁ କାଠନି କସକାଣି ପାଣ୍ଡାନା କାପି କିହିମାରେସି ।  
୩୩ ଇଞ୍ଜିଁ ର ତାଲିତା କିଡ଼କିତି କାତି ଲାକଟି ନାଢ଼େ ରେପହାଲିଏ ନାନୁ ଏଝାଣି  
କେୟୁଟି ଗେଲ୍ପିଆଡେସି ।

**୧୨** ବତପଣ କିନାୟି ନେହାୟି ଆଆତି ଜିକେଏ ନାଢ଼େ ବତପଣ  
କିନାୟିମାନେ, ନାନୁ ପ୍ରବୁତି ମେହନାଣି ଅଡ଼େ ଡ଼ଞ୍ଜାଆନାଣି ମିଢ଼େ ଝେସୁଇଁ ।  
୨ ନାନୁ ର କ୍ରୀସ୍ତାନା ଲକ୍ଷୁଇଁ ପୁଞ୍ଜାମାଇଁ, ଏଝାସି ସଦ ବାସୀ ନକେଏ ଲାକପୁରୁତି  
ତାନି ପୁରୁ ପାତେକା ଅଢ଼ିଆଡେସି ଏଝାସି ଆଢ଼୍ଠା ତଲେ ମାରେସି କି ଆଢ଼୍ଠା  
ହିଲାଆନା ମାରେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୩ ହାଅ  
ନାନୁ ଏଲେତି ର ଲକ୍ଷୁଇଁ ପୁଞ୍ଜାମାଇଁ, ଏଝାସି ପାରାଦିସତା ଅଢ଼ିଆଡେସି ଏଝାସି  
ଆଢ଼୍ଠା ତଲେ ମାନେସି କି ଆଢ଼୍ଠା ହିଲାଆନା ମାରେସି ନାନୁ ପୁଞ୍ଜାହିଲଅଁ;  
ମାହାପୁରୁ ପୁଞ୍ଜାମାନେସି । ୪ ଏଝାସି ଲାକପୁରୁ ଅଢ଼ିଆଡେସି, ଅଡ଼େ ଇଲେତି  
ହାତା ଝେରେସି, ଏଦାଆଁ ମାଣ୍ଠସି ଜଲାଇଁ ଆତାଆଗାଟାୟି ଅଡ଼େ ଗୁଡିତା  
ଅହାଲି ଆତାଆଗାଟାୟି । ୫ ଇଲେତି ର ଲକ୍ଷୁତାକି ନାନୁ ବତପଣ କିଇଁ, ସାମା  
ନା ତାକି ନାନୁ ନା ବାଡ଼୍ଠୁ ହିଲାଆଗାଟାଣି ପିସ୍ପେ ଅଡ଼େ ଏନାଆଁତାକିଝ  
ବତପଣ କିଅଁ । ୬ ବତପଣ ତସାଲି ଅଣ୍ଠପିତିହିଁ ଜିକେଏ, ନାନୁ ବୁଡି ହିଲାଆ  
ଗାଟାଡେସି ଆଅଁ, ଇତିହିଁ ନାନୁ ସାତା କାତା ଝେହ୍ଲଇଁ, ସାମା ଲକ୍ଷୁ ନାଢ଼େ  
ଏନିକିଁ ମେସ୍ତାନେରି ଇଞ୍ଜିଁ ନା ତାଣାଟି ଏନିକିଁ କାତା ଝେନେରି, ନାଢ଼େ ଡ଼ଞ୍ଜା  
ଆହାମାନି କାତାତା ହାରେକା କାଜାୟି ଆହାମାନାକି ଏନିକିଁ ନା କାତାତା  
ହାରେକା ଅଣ୍ଠପଅସି ଇଞ୍ଜିଁ, ଇଦାଆଁତାକି ନାନୁ ସାପି ଆହାମାଇଁ । ୭ ନାନୁ  
ଏନିକିଁ ଗାତି ବତପଣ କିଅଁ, ଇଦାଆଁତାକି ନା ଆଢ଼୍ଠାତା ର ସାସ୍ତି ହୀପ୍ଠକି  
ଆୟାତେ, ନାଢ଼େ ସାସ୍ତି ହୀହାଲି ସୟତାନତି ଦୁତୁଇଁ ପାଣ୍ଡୁଆଡେ, ଏନିକିଁ  
ନାନୁ ଗାତି ବତପଣ ଆଅଁ । ୮ ଏ କସ୍ତୁ ନା ତାଣାଟି ହେକ ଆୟାଲି ତାନି ପାଲି  
ପ୍ରବୁଇଁ ବାଡ଼ିମାଲିହିଁ ରାସ୍ତେସି । ୯ ଅଡ଼େ ଏଝାସି ନାଢ଼େ ଏଲେଇଞ୍ଜାନେସି, “ନା  
କାର୍ମାମେହନାୟି ନିଢ଼େତାକି ହାରେପୁରେ,” ଇତିହିଁ ନା ବାଡ଼୍ଠୁ ହିଲାଆତାଣା  
ନା ବାଡ଼୍ଠୁ ହାରେ ଗାଡ଼ିଆହିଁ ଡ଼ଞ୍ଜାଆନେ, ଇତିହିଁ ଏନିକିଁ କ୍ରୀସ୍ତତି ବାଡ଼୍ଠୁ  
ନା ତାଣା ଡ଼ୟିନେ, ଏଦାଆଁତାକି ନା ବାଡ଼୍ଠୁ ହିଲାଆ ବେଲାତା ହାରେକା  
ରାହାଁ ତଲେ ବତପଣ ଡ଼ହଇଁ । ୧୦ ଏଦାଆଁତାକି କ୍ରୀସ୍ତତି ତାକି ବାଡ଼୍ଠୁ

ହିଲାଆଟି, ଲାଜା ପାଣନାଟି, ହାକି ବେଲତା, ସାସ୍ତି ଖାନି ବେଲା, କସ୍ତୁରୀ  
 ନାନୁ ରାହାଆଇଁ, ଇତିହିଁ ଏତିବେଲା ବାଡ଼ୁୟୁ ହିଲାଆ ଗାଟାତେଏଁ ଏତିବେଲା  
 ବାଡ଼ୁୟୁ ଗାଟାତେଏଁ । ୧୧ ନାନୁ ବୁଦି ହିଲାଆ ଗାଟାତେଏଁ ଲେହେଁ ଆହାମାଇଁ,  
 ମୀରୁ ନାଡ଼େ ଏଲେକିଞ୍ଜି କିୟାତେରି, ମୀରୁ ନାଡ଼େ ନେହାଁସି ଇଞ୍ଜାନାୟି ମାତେ;  
 ନାନୁ ଏନାତେଏଁ ଆଏ, ଆତି ଜିକେଏ ଏ “କାଜା ପାଣୁଞ୍ଜି ଆହାମାନାରି” କିହାଁ  
 ଉଣାତେଏଁ ଆଏ । ୧୨ ଆମ୍ବାଆସି ହାରେକା ସିନାୟିଁ, କାବାଆନି କାମା,  
 ଅଡ଼େ ବାଡ଼ୁୟୁତି କାମା ପାଣୁଞ୍ଜି ଆହାମାନାରି ସିନାୟିଁଲେହେଁ, ଏ ବାରେ  
 ସାତେଏ ମୀ ତାଣା ସାସାତଲେ କିଞ୍ଜିଆହାମାନେ । ୧୩ ଇତିହିଁ ନାନୁ ମୀ ବଜୁ  
 ଲେହେଁ ଆହାହିଲଅଁ, ଇ ରଣ୍ଡିଏ କାତା ପିସ୍ପେ ଅର କୁଲମିତି ଲୁକୁ କିହାଁ  
 ମିଡ଼େ ଅଡ଼େ ଏନିକିଁ ଉଣା ମେସାମାଞ୍ଜାଇଁ, ଏ ନା ଦହ ଆସ୍ତାଆଦୁ । ୧୪  
 ମେହୁଦୁ ମୀ ତାଣା ଖାହାଲି ନୀଏଁ ତଲେ ତାନି ପାଲି ତିୟରା ଆହିମାଇଁ,  
 ଅଡ଼େ ନାନୁ ମିଡ଼େ ଏନି ବଜୁ ହିୟଅଁ, ଇତିହିଁ ନାନୁ ମୀ ଦନ ପାରାଆନା ମିଡ଼େ  
 ପାରିମାଞ୍ଜାଇଁ, ମୀରୁକା ମାସକା ତାମି ଇୟା ଆବାକି କୁଡ଼ିକିଉ ସାମା ଇୟା  
 ଆବା ଦେଁ ତାମି ମୀରୁକା ମାସକାକି କୁଡ଼ିକିନାୟି ମାନେ । ୧୫ ନାନୁ ମୀ  
 ଜୀଞ୍ଜୁତାକି ହାରେକା ରାହାତଲେ ହାଇଁ, ହାଅ ନା ଜୀଞ୍ଜୁ ଜିକେଏ ହାଇଁ, ନାନୁ  
 ମିଡ଼େ ହାରେକା ଜୀଞ୍ଜୁନହିଁ ମାଞ୍ଜାତିହିଁ ଏନାଆଁ ମୀରୁ ନାଡ଼େ ଉଣା ଜୀଞ୍ଜୁନହିଁ  
 ମାଞ୍ଜାଦେରି? ୧୬ ସାମା ନାନୁ ଜାହାରାଇଁ ମିଡ଼େ ବଜୁ କିୟାଆତେଏଁ, ସାମା  
 ମୀ ବିତ୍ରାଟି ଆମ୍ବାଆରି ଏଲେଇଞ୍ଜାନେରି ନା ସୁତରି ମାନାକି ମିଡ଼େ ମିତି ତଲେ  
 ଆସ୍ତାତେଏଁ । ୧୭ ନାନୁ ମୀ ତାଣା ଆମ୍ବାଆରାଇଁ ପାଣୁମାଞ୍ଜାଇଁ, ଏଖାରି ବିତ୍ରାଟି  
 ରଅଣି ତଲେ ମୀ ତାଣାଟି ଏନି ଲାବା ବେଟାଆତେଏଁ କି? ୧୮ ନାନୁ ତିତସଇଁ  
 ହାଜାଲି ବାତିମାଲା ମାତେଏଁ, ଇଞ୍ଜାଁ ଏଖାଣିତଲେ ଅର ତାୟିଇଁ ମୀ ତାଣା  
 ପାଣୁତେଏଁ । ତିତସ ମୀ ତାଣାଟି ଏନାଆଁ ଲାବା କିତେସି? ମାମୁ କି ରଣ୍ଡିଏ  
 ଜୀଞ୍ଜୁତଲେ ଡାକିହିଲଅମି? ମାମୁ ଏନାଆଁ ରଣ୍ଡିଏ ପାଞ୍ଜୁଲିତା ଡାକିହିଲଅମି?  
 ୧୯ ନୀଏଁ ପାତେକା ମୀରୁ ଅଶ୍ପିମାଞ୍ଜେରି, ମାମୁ ମୀ ନକିତା ଜାହାରାଇଁ  
 ନେହିଁ କିହିମାନମି? ମାହାପୁରୁ ନକିତା କ୍ରୀସ୍ତୁତି ସେବା କିନାତମି ଲେହେଁ ମାମୁ  
 କାତା ଜଲିମାନମି, ଇଞ୍ଜାଁ ଏ ଜୀଞ୍ଜୁତି ତାୟିୟାଁ ବାରେ କାତା ମୀ ନେହେଁତାକି  
 ଖେସିମାନମି । ୨୦ ଇତିହିଁ ଏତେତା ନାନୁ ମୀ ତାଣା ଖାତିସାରେ, ମିଡ଼େ ଏନିକିଁ  
 ମେସାଲି ମନ କିହିମାଇଁ ଏଲେକିହିଁ ମିଡ଼େ ମେସ୍ତାଆସାରେ, ଅଡ଼େ ମୀରୁ ନାଡ଼େ  
 ଏନିକିଁ ମେସାଲି ମନ କିହାଁ ହିଲଅତେରି ଏଲେକିଁ ମେସ୍ତାଦେରି, ଏଦାଆଁତାକି

ନାନୁ ଆଜିମାଙ୍କ; ଇତିହାସ ମା ବିଦ୍ରା ବାଦିବାଦୀ, ଡାହାରା, କପା ଅଡ଼େ ଗତି ଗତି  
 ଆନାୟି, ରଥସି ରଥାଣାଙ୍କ ନିନ୍ଦା କିନାୟି, ସାକ୍ତି କାତା ଜଳିନାୟି, ବଡ଼ପଣ  
 ଚପ୍ପି ଆହାଁ ଗଡ଼ହା ଆନେ; ୨୧ ଇଚ୍ଛା ନାନୁ ଅଡ଼େ ଖେଣ୍ଡେ ଖାତିସାରେ ନା  
 ମାହାପୁରୁ ମୀ ତାକି ନାଡ଼େ ଅଡ଼େ ଲାଜା କିଞ୍ଜିକିୟାନେସି, ଇଚ୍ଛା ମୀ ବିଦ୍ରା  
 ତଲିଏ ପାପୁ କିହାମାନାରି ତାମି ଲାଗେଏତି କାମା, ଦାରିକାମା ଅଡ଼େ ଦାରି  
 କାମାତାକି ଜୁପ୍‌କା ଆନାଣି ତାକି ନାଏଁ ପାତେକା ମନ ଖେଟ୍‌ହା ହିଲଅରି  
 ଏଞ୍ଜାରି ତାକି ନାନୁ ଦୁକୁଆହିଁ ଡ଼ାହାଲିଆନେ ।

**୧୩** ନାଏଁ ତଲେ ତାନି ପାଲି ନାନୁ ମୀ ଡ଼ାଣା ଖାହିମାଙ୍କ, ଦାମ୍‌ପତିତା ରାସ୍‌କି  
 ଆହାମାନେ, “ଆମିନି ଦହତି କାତା ନାହିଁୟି କିନାୟି ରିଆରି କି ତାନି ଜାଣା  
 ସାକିୟାଁ ତଲେ ତାରି କିଞ୍ଜିଆନେ” ୨ ଆମ୍‌ଆରି ନକେଏ ପାପୁ କିହାମାତେରି  
 ଏଞ୍ଜାରାଙ୍କ ଇଚ୍ଛା ବାରେତି ଏନିକିଁ ତଲି ରୀ ପାଲି ଖେସାମାଞ୍ଜାତେଏଁ, ନାଏଁ ହେକ  
 ମାଞ୍ଜାନା ଏଲେକିହିଁଏ ନକେଏ ଖେସିମାଞ୍ଜାଙ୍କ, ନାନୁ ଅଡ଼େ ଖାତିହିଁ ଏଞ୍ଜାରାଙ୍କ  
 ତଣ୍ଡୁ ହୀଆନା ପିହିଅଁ । ୩ ଏନିକିଁ କ୍ରୀସୁ ନା ଡ଼ାଣା ଜଳିମାଞ୍ଜାନେସି ମୀରୁ  
 ଏଞ୍ଜାଣି ପାର୍‌ମାଣା ପାରିମାଞ୍ଜେରି; ଏଞ୍ଜାସି ମିଡ଼େତାକି ବାଡ଼୍‌ୟୁ ହିଲାଆଗାଟାସି  
 ଆଏ, ସାମା ମୀ ଡ଼ାଣା ବାଡ଼୍‌ୟୁ ଗାଟାସି ଆନେସି, ୪ ଏଞ୍ଜାସି ବାଡ଼୍‌ୟୁ  
 ହିଲାଆତାକି ପାସି ମୁଣ୍ଡାତା ଏପ୍‌କି ଆତେସି, ଆତିଜିକେଏ ମାହାପୁରୁ ବାଡ଼୍‌ୟୁଟି  
 ଏଞ୍ଜାସି ନୀତାମାନେସି । ମାମୁ ଜିକେଏ ଏଲେକିଁ ତାନି ଡ଼ାଣା ବାଡ଼୍‌ୟୁ ହିଲାଆ  
 ଗାଟାତମି, ସାମା ମାହାପୁରୁଟି ବାଡ଼୍‌ୟୁ ତାକି ମାମୁ ମୀ ଡ଼ାଣା ଏଞ୍ଜାଣିତଲେ  
 ନୀତାମାନମି । ୫ ମୀରୁ ନାମୁତଲେ ମାଞ୍ଜେରିକି ଆଏ, ଏ କାତାତା ଜାହା  
 ଜାହାରାଙ୍କ ତାୟିପାରି କିହାକତାଦୁ ଇଚ୍ଛା ଅଣ୍‌ପାଦୁ, କି ଜୀସୁ କ୍ରୀସୁ ମୀ ଡ଼ାଣା  
 ମାନେସି, ଇଦାଆଁ କି ମୀରୁ ଜାହା ଜାହାରା କାତାତା ପୁଞ୍ଜାହିଲଅତେରି?  
 ଏଲେଆହିଁ ଆତିହିଁ ମୀରୁ ତାୟିପାରି କିନି ଡ଼ାଣା ଜୀଣା ଆହା ହିଲଅତେରି । ୬  
 ସାମା ନାନୁ ବାସୁଁ ଇଟାମାଙ୍କ, ମାର ତାୟିପାରି କିଞ୍ଜିଆହା ଜୀଣା ଆହାମାନାୟି,  
 ଇଦାଆଁ ମୀରୁ ପୁଞ୍ଜେରି । ୭ ମୀରୁ ଏନିକିଁ ଏନି ଲାଗେଏତି କାମା କିଅତେରି,  
 ଇଦାଆଁତାକି ମାହାପୁରୁ ଡ଼ାଣା ମାମୁ ପ୍ରାତାନା କିହିମାନମି; ମାମୁ ଏନିକିଁ  
 ତାୟିପାରି କିଞ୍ଜି ଆହାଁ ଜୀଣା ଆହାମାନି ଲେହେଁ ଡ଼ଞ୍ଜାଆନମି, ଇଦାଆଁତାକି  
 ପ୍ରାତାନା କିହିଲଅମି, ସାମା ମାମୁ ତାୟିପାରି କିଞ୍ଜି ଆହାଁ ଜୀଣା ଆଆତିଲେହେଁ  
 ଡ଼ଞ୍ଜା ଆଆତି ଜିକେଏ ଏନିକିଁ ମୀରୁ ନେହିଁ କାମା କିଦେରି, ଇଦାଆଁତାକି  
 ପ୍ରାତାନା କିହିମାନମି । ୮ ଇତିହିଁ ମାମୁ ସାତା କପାଟି ଏନାଆଁ କିହାଲି

ଆଡିହିଲଅମି, ସାମା ସାତା ଝାକିଟି ଦେହେଁ ବାରେ କିହାଲି ଆଡିନମି । ୯  
 ଏଚିବେଲା ମାମୁ ବାଡ଼୍‌ୟୁ ହିଲାଆ ଗାଟାତମି ଆନମି ସାମା ମୀରୁ ବାଡ଼୍‌ୟୁ  
 ଗାଟାତେରି ଆଦେରି, ଏତେତା ମାଡ଼୍‌ୟୁ ରାହାଁ ହୁତାନେ; ମୀରୁ ଏନିକିଁ ବାରେ  
 ଝାକିଟି ନେହାଁତେରି ଆଦେରି ଏଦାଆଁତାକି ଜିକେଏ ପ୍ରାତାନା କିହେମାନମି ।  
 ୧୦ ଏଦାଆଁତାକି ମୀ ଚାଣାଟି ହେକ ମାଞ୍ଜାନା ନାନୁ ଇ ବାରେ ରାତିମାଞ୍ଜାଇଁ,  
 ଏନିକିଁ ମୀ ଚାଣା ଝାହାନା ପ୍ରୁ ନାଡ଼୍‌ୟୁ ମ୍ଲେକ୍‌ହାଲି ହୀଆନା, ପାଡିକିହାଲି  
 ହୀହାମାଞ୍ଜାନେସି, ଏ ଅଦିକାରା ଲେହେଁ ମୀ କପାଟି ନିଢ଼୍‌ୟୁନା ବାଡ଼୍‌ୟୁ ଡ଼ସାଲି  
 ମିଡ଼୍‌ୟୁ ଲଡ଼ା ଆଏ । ୧୧ ତାୟିୟାଁ ଅଡ଼େ ତାଡ଼୍‌ୟୁଗାତେରି, ରାହାଁ କିଡ଼ୁ,  
 ନେହାଁତେରି ଆଦୁ, ରଅତେରି ରଅଶାଇଁ ବାସୁଁ ହୀଝିଆଦୁ, ରଣ୍ଡିଏ ମନ ଆଦୁ,  
 ହିଡ଼ି ତଲେ ବାସା ଆଦୁ, ଅଡ଼େ ହିଡ଼ି ଇଞ୍ଜାଁ ଜୀଝୁ ନି ମାହାପୁରୁ ମୀ ତଲେ  
 ଡ଼ୟିନେସି । ୧୨ କ୍ରୀସ୍ତାନା ତାୟିୟାଁ ଲେହେଁ ସୁଦୁଜୀଝୁ ନଝୁ ତଲେ ଜୀଝୁ  
 ନଝିଆହାନା ମୀରୁ ମୀରୁଏ ରଅତେରି ରଅଶାଇଁ ନଶ୍ତାନା ଜହରା କିଝିଆଦୁ ।  
 ୧୩ ଇମ୍‌ଆଁ ମାନି ମାହାପୁରୁ ଲକୁ ମିଡ଼୍‌ୟୁ ଜହରା ଝେସିମାଞ୍ଜାନେରି । ୧୪ ପ୍ରୁ  
 ଜୀସୁ କ୍ରୀସ୍ତତି କାର୍ମାମେହନାୟି ମାହାପୁରୁତି ଜୀଝୁନାୟି ଅଡ଼େ ସୁଦୁଜୀଝୁ  
 ତଲେ ଆଣ୍ଡିନାୟି ମୀ ବାରେତାକି ଆୟାପେ ।

# ଗାଳା

୧ ନାନୁ, ପାଣ୍ଡୁଞ୍ଚିଆତି ସୀସୁ ପାଞ୍ଚୁଲତେଏଁ, ପାଣ୍ଡୁଞ୍ଚି ଆହାଲିତାକି ନାନୁ ମାଣ୍ଡି ଚାଣାଟି ଆଏ, ସାମା ଜୀସୁ କ୍ରୀସୁ ଚାଣାଟି ଇଞ୍ଚି ଆମିନି ଆବା ମାହାପୁରୁ ଏଞ୍ଚାଣାଲ୍ ହାତାରି ଚାଣାଟି ନିକହାମାନେସି ଏଞ୍ଚାଣି ଚାଣାଟି ବେଟାଆହାମାଲ୍, ୨ ନା ତଲେ ମାନି ନାମୁତି ବାରେ ତାୟି ତାଞ୍ଜିସ୍ତା ଗାଲାତିୟା କୁଲମିତି ଜହରା କିହିମାଞ୍ଚାନେରି । ୩ ମା ଆବା ମାହାପୁରୁ ଇଞ୍ଚି ପ୍ରବୁ ଜୀସୁ କ୍ରୀସୁ କାର୍ମାମେହନାଣି ଅଡେ ହିଡ଼ି ଜୀସୁ ମିଡ୍ରେ ହୀୟାପେସି । ୪ ନୀଏଁତି ଇ ପାପୁତି ଦାର୍ତତା ମାଡ୍ରେ ଶେଲ୍ପାଲିତାକି, ମା ଆବା ମାହାପୁରୁତି ଅଣ୍ପୁତି ମାନି କିହାନା, କ୍ରୀସୁ ମା ପାପୁ ତାକି ଜାହାରାଲ୍ ହେର୍ପାକତିତେସି; (aiōn g165) ୫ କାଲାକାଲାତାକି ମାହାପୁରୁଲ୍ ଗାଞ୍ଚୁରମି ଆପେ । ଆମେନ୍ । (aiōn g165) ୬ କ୍ରୀସୁତି କାର୍ମାତଲେ ଆମ୍ବାଆସି ମିଡ୍ରେ ହାଟା ମାଞ୍ଚାତେସି, ଏଞ୍ଚାଣାଲ୍ ମୀରୁ ଗାଡେକେଏ ପିସାନା ଏଟ୍‌କାତି ନେହିଁ କାରୁତି ଆସାମାଞ୍ଚେରି, ଏଦାଣିତାକି ନାନୁ କାବା ଆହିମାଲ୍ । ୭ ସାତାତଲେ, “ଏଟ୍‌କାତି ନେହିଁ କାରୁ” ଆଏ, ସାମା ଏତରଜାଣା ମିଡ୍ରେ ତୀରି ମାଞ୍ଚାଲି ହୀଆନା, କ୍ରୀସୁତି ନେହିଁ କାରୁତି କିଲିବିଲି କିହାଲି ଅଣ୍ପିମାନେରି । ୮ ସାମା ଆମିନି ନେହିଁ କାରୁ ମାମୁ ମୀ ଚାଣା ଡେକହା ମାଚମି, ଇଞ୍ଚି ମାମୁ କି ଲାକପୁରୁତି ଦୂରୁୟା ଜିକେଏ ଏଦାଣି ପିସ୍‌ପେ ଏଟ୍‌କାତି ନେହିଁ କାରୁ ଡେକନେସି, ଆତିହିଁ ଏଞ୍ଚାସି ବାକା ବେଟାଆପେସି । ୯ ଏନିକିଁ ମାମୁ ତଲିଏ ଡେସାମାନମି, ନୀଏଁ ଜିକେଏ ନାନୁ ଏଲେକିହିଁଏ ଅଡେ ଡେଶ୍ଟେ ଡେସିମାଞ୍ଚାଲ୍, ଆମିନି ନେହିଁ କାରୁଲ୍ ମୀରୁ ଆସାମାଚେରି, ଏଦାଣି ପିସ୍‌ପେ ଆମିନି ଲକୁ ଏଟ୍‌କାତି ନେହିଁ କାରୁ ମୀ ଚାଣା ଡେକହାନେସି ଏଞ୍ଚାସି ବାକା ବେଟାଆପେସି । ୧୦ ନୀଏଁ ନାନୁ ମାଣ୍ଡିୟା ନକିତା କି ମାହାପୁରୁ ନକିତା ନେହିଁ ଡଞ୍ଚାଆୟାଲି ଅଣ୍ପିମାଲ୍, ଏଦି ଏଚେଲା ଜିକେଏ ଆଏ । ଇତିହିଁ ମାଣ୍ଡିୟାଲ୍ ରାହାଁ କିହିଲି ଅଣ୍ପିମାଲ୍, ନାନୁ ନୀଏଁ ପାତେକା ମାଣ୍ଡିୟାଲ୍ ରାହାଁ କିଞ୍ଚିକିହାଲି ଅଣ୍ପି ମାଚିହିଁମା ନାନୁ କ୍ରୀସୁତି ହୁଲେଏଣାତେଏଁ ଆଆତେଏଁମା । ୧୧ ତାୟି ତାଞ୍ଜିସ୍ତାତେରି ଆମିନି ନେହିଁ କାରୁ ନା ଚାଣାଟି ଡେସ୍‌ପି ଆହାମାନେ, ଏଦାଣି ମିଡ୍ରେ ନାନୁ ଡେସିମାଞ୍ଚାଲ୍ ଏଦି ମାଣ୍ଡିୟା ଚାଣାଟି ଆଏ; ୧୨ ନାନୁ ଏଦାଆଁ ମାଣ୍ଡି ଚାଣାଟି ବେଟାଆହା ହିଲଅଁ କି ଜାପାହିଲଅଁ, ସାମା ଜୀସୁ କ୍ରୀସୁ ଚସାମାଞ୍ଚାନି ଚାଣାଟି ବେଟାଆହାମାଲ୍ । ୧୩ ନାନୁ ତଲି ଜୀହୁଦି ଦାର୍ମୁତା ମାଚିବେଲା



ଏନି ମାଣ୍ଡକିତା ମାରେଏ ମୀରୁ ଖେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହାହିମାରେଏ, ଅଡ଼େ ଏଦାଆଁ ମ୍ଳେକ୍‌ହାଲି ଅଣ୍ଡିମାରେଏ । ୧୪ ଅଡ଼େ ମା ଆକୁ ଆବାୟ୍ ପାଣାପାଗୁ ମେରା ତାକି ରାହାଁଟି ମାନି କିହାଁ ନା ତଲେତି ହାରେକା ଲକୁ ବିତ୍ରାଟି ଜୀହୁଦି ଦାମ୍ପୁତି ହାରେକା ମାନି କିହିମାରେଏ । ୧୫ ସାମା ମାହାପୁରୁ ନାନୁ ଜାର୍ନା ଆଆ ନକେଏ ତାନି କାର୍ମାମେହ୍‌ନାଣି ତଲେ ଆଚାନା ତାନି ସେବା କିହାଲି ହାଟାତେସି, ୧୬ ଅଡ଼େ ଜୀହୁଦିଆଆତି ଲକୁଡାଣା ନେହିଁ କାରୁ ଖେକ୍‌ହାଲି ତାକି ଏତିବେଲା ନାଢ୍ଢେ ଏଝାସି ତାନି ମୀରୁଏଣାଈଁ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏଟ୍‌କା ମାଣ୍ଡି ଡାଣା ହାଜା ହିଲାଆତେଏ । ୧୭ ଇଲେକିହିଁ ନା ନକେଏ ଆମିନି ଗାଟାରି ପାଣ୍ଡୁଝିଆତି ସୀସୁ ଆହାମାରେରି, ଏଝାରାଇଁ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆତେଏ । ସାମା ନାନୁ ଦେବୁଣିଏ ଆରବ ଦେସାତା ହାଜାମାରେଏ; ଅଡ଼େ ଡାୟୁ ଦମେସକତା ଖେଣ୍ଡା ଝାତେଏ । ୧୮ ତାନି ବାର୍ସା ହାତି ଡାୟୁ ନାନୁ ପିତରଇଁ ଆଣ୍ଡାଲି ତାକି ଜିରୁସାଲମତା ହାରେଏ, ଇଞ୍ଜାଁ ଏଝାଣିତଲେ ପନୁର ଦିନା ଏମ୍ପାଆଁ ମାରେଏ । ୧୯ ସାମା ପ୍ରବୁତି ତାୟି ଜାକୁବ ପିସ୍‌ପେ ପାଣ୍ଡୁଝି ଆହାମାନାରି ବିତ୍ରା ଆମ୍ପାଆରାଇଁ ମେହ୍‌ଆତେଏ । ୨୦ ନାନୁ ମିଢ୍ଢେ ଏନାଆଁ ରାତିମାଞ୍ଜାଇଁ, ମାହାପୁରୁ ନକିତା ସାତା ଖେସିମାଞ୍ଜାଇଁ, ମିତି ଖେସିମାଞ୍ଜାଆଁ । ୨୧ ଡାୟୁ ନାନୁ ସିରିୟା ଅଡ଼େ କିଲିକିୟାତି ହାରେକା ଟାସ୍ତାଣା ହାରେଏ । ୨୨ ଜୀହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଢ୍ଢେ ନେହିଁକି ପୁଞ୍ଜାମାଞ୍ଜାଆତେରି । ୨୩ ଏଝାରି ଏଟ୍‌କା ଲକୁ ଡାଣାଟି ଖେଞ୍ଜାମାରେରି, “ଆମିନି ମାଣ୍ଡି ତଲି ମାଢ୍ଢେ ସାସ୍ତି ହାହି ମାଞ୍ଜାତେସି, ଇଞ୍ଜାଁ ମା ନାମୁତି ମ୍ଳେକ୍‌ହାଲି ଅଣ୍ଡିମାରେସି, ଏଝାସି ନାଏଁ ନାମୁତି କାତା ଖେକ୍‌ହି ମାନେସି ।” ୨୪ ଇଞ୍ଜାଁ ଏଝାରି ନା ତାକି ମାହାପୁରୁଇଁ ଗାଝୁରମି କିହିମାରେରି ।

**୨** ସଦ ବାର୍ସା ଡାୟୁ ନାନୁ ବର୍ନବା ତଲେ ଜିରୁସାଲମତା ଅଡ଼େ ଖେଣ୍ଡେ ହାରେଏ, ଇଞ୍ଜାଁ ତିତସଇଁ ଜିକେଏ ନା ତଲେ ଅହାମାରେଏ । ୨ ନାନୁ ଏମ୍ପାଆଁ ହାନାୟିମାନେ ଇଞ୍ଜାଁ ମାହାପୁରୁ ଡାଣାଟି ହୁକୁମି ବେଟାଆହାନା ହାରେଏ; ଅଡ଼େ ନାନୁ ଏଟ୍‌କା କୁଡାତି ଲକୁଡାଣା ଆମିନି ନେହିଁ କାରୁ ଖେକ୍‌ହିମାଇଁ, ଏଦାଆଁ ଏଝାରାଇଁ ଖେସ୍‌ସେଏ, ସାମା ନା ତଲିତି ଅଡ଼େ ନାଏଁତି କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଟାଆହାଲି ଜଗେ ନାନୁ ଏଝାରାଇଁ ଏଟ୍‌କା କିହାନା ଖେସ୍‌ସେଏ । ୩ ସାମା ନା ତୁଡୁ ତିତସ ଗ୍ରିକ୍ ଲକୁ ମାତି ଜିକେଏ

ଏଖାଣାଇଁ ଡଲୁ ଦାପି କିହାଲି ବାଲାମାତମି କିଞ୍ଚିଆହା ହିଲାଆଡେ, ୪ ଆଡିହିଁ  
 ଜିକେଏ ଏଚରଜାଣା ଲକୁ ଏଖାଣାଇଁ ଡଲୁ ଦାପି କିହାଲି ଅଣ୍ଡିମାଚେରି ।  
 ଏଖାରି ନାମିତି ତାୟିୟାଁ ଇଞ୍ଜି ଡ଼ସା କତାନା ମେଣେଏ ପାରୁ ପାରିନି ଲେହେଁ  
 ଜାରୁତା ଆଣ୍ଡାମାଚେରି । କ୍ରୀସ୍ତ ଜୀସୁତାଣା ଆଣ୍ଡିତାକି ମାର ଆମିନି ମେଲା  
 ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଖାରି ଅଣ୍ଡି ମାଚେ, ମାଡ୍ରେ  
 ଏଖାରି ଅଡେ ଖେଣ୍ଡେ ମେରାତି ହଲିୟାଡ୍ଡା କିହାଲି ଅଣ୍ଡିମାଚେରି । ୫ ସାମା  
 ନେହିଁ କାରୁତି ସାତା ଏନିକିଁ ମୀ ତାଣା ତାରିଆହାନା ଡ଼ୟିନେ, ଏଦାଆଁତାକି  
 ମାମୁ ଗାଡେକା ତାକି ଜିକେଏ ଏଖାରିକି ପାରୁ ହାହାହିଲାଆତମି । ୬  
 ଆମ୍ବାଆରି ମାନିଗାଟାରି ଇଞ୍ଜି ଡ଼େଞ୍ଜା ମାଚେରି, ଏଖାରି ଏନିଲେହେଁତି ଲକୁ  
 ମାଚେରି, ଏମ୍ବାଆଁ ନାଦି ଏନାୟି ହିଲେଏ; ମାହାପୁରୁ ଆମ୍ବାଆରି ପାର୍ଡା ବାତି  
 କିଅସି, ଏ ମାନିଗାଟାରି ନାଡ୍ରେ ଏନି ପୁଞ୍ଜି ବଲୁ ଖେସାମାଞ୍ଜୁଅରି । ୭ ଏବ୍‌କା  
 ଖାକି ଏଖାରି ପୁଞ୍ଜାଲି ଆଡିତେରି, ପିତରଇଁ ଏନିକିଁ ଜୀହୁଦି ଲକୁତାଣା ନେହିଁ  
 କାରୁ ଡ଼େକ୍‌ନି କାମା ହେରପିତେସି ଏଲେକିହିଁଏ ନାଡ୍ରେ ଜିକେଏ ଜୀହୁଦିଆଆତି  
 ଲକୁତାଣା ନେହିଁ କାରୁ ଡ଼େକ୍‌ନି ବଲୁ ହେରପା ମାଞ୍ଜାନେସି । ୮ ଏନାଆଁତାକି  
 ଇତିହିଁ ଜୀହୁଦି ଲକୁତାଣା ପାଣ୍ଡି ଆହାମାନାରି କାମା କିହାଲି ଏନିକିହିଁ  
 ପିତରକି ମାହାପୁରୁ ବାଡ଼୍‌ୟୁ ହାହାମାନେସି, ଏଲେକିହିଁଏ ଜୀହୁଦିଆଆତି  
 ଲକୁତାଣା ଏ କାମା କିହାଲି ନାଡ୍ରେ ମାହାପୁରୁ ବାଡ଼୍‌ୟୁ ହାହାମାଞ୍ଜାନେସି । ୯  
 ଅଡେ ଏଚିବେଲାତା ଏଖାରି ମାହାପୁରୁ ନାଡ୍ରେ ହାହାମାଞ୍ଜାନି କାର୍ମାତି କାତା  
 ପୁଚେରି, ଏଚିବେଲା କୁଲମିତି ମୁଣ୍ଡା ଲେହେଁତି କାଜାରି ଇଞ୍ଜି ଡ଼େଞ୍ଜାମାନେରି,  
 ଜାକୁବ, ପିତର, ଅଡେ ଜହନ ନାଡ୍ରେ ଇଞ୍ଜି ବର୍ନବାଇଁ କାମାତା ଆଣ୍ଡାତମି ଇଞ୍ଜି  
 ଚିଞ୍ଚି କେୟୁ ଆସାନା ଆବାଚେରି, ଏନିକିହିଁ ନାନୁ ଅଡେ ବର୍ନବା ଜୀହୁଦିଆଆତି  
 ଲକୁତାଣା କାମା କିନମି ଅଡେ ଏଖାରି ଜୀହୁଦି ଲକୁତାଣା କାମା କିନେରି । ୧୦  
 ଏଖାରି ଖାରୁଇ ଇଚେକା ବାତିମାଲା ମାଞ୍ଜାଚେରି ମାମୁ ଏଖାରି ଜାରୁତା ମାନି  
 ହିଲାଆଗାଟାରାଇଁ ଅଣ୍ଡିମାଚି; ଏ କାତାତା ନାନୁ ରାହାଁ ଆହାମାଚେଏ । ୧୧  
 ସାମା ଚକପାଏଚିବେଲା ଆନ୍ତିୟକିୟାତା ଖାହାମାଚେସି, ନାନୁ ଏଖାଣାଇଁ ବାରେ  
 ଲକୁ ନକିତା ଲାଗିତେଏଁ, ଇତିହିଁ ଏଖାସି ଦହ କିହିମାଚେସି । ୧୨ ଜାକୁବ  
 ତାଣାତି ଏଚରଜାଣା ଖାଆ ନକେଏ ପିତର ଜୀହୁଦିଆଆତି ତାୟି ତାଢ଼ିସ୍ତା  
 ତଲେ ଚିଞ୍ଜିମାଚେସି, ସାମା ଏଖାରି ଖାହାଲିଏ, ଏଖାସି ଏ ତାୟି ତାଢ଼ିସ୍ତାଇଁ  
 ଆଜାନା ଜୀହୁଦିଆଆତି ତାୟି ତାଢ଼ିସ୍ତାଇଁ ପିସାନା ଏବ୍‌କା ଆଚେସି । ୧୩ ଇଞ୍ଜି

ଏଚରଜାଣା ଜୀହୁଦି ତାୟିୟା ଜିକେଏ ପିତର ତଲେ ଆଣ୍ଟାନା ପୁଞ୍ଜି ପୁଞ୍ଜିହିଁ  
ପୁନାଆତାରି ଲେହେଁ ନାଡ଼ିକିଞ୍ଜି ଆତେରି, ଏଲେଆହିଁ ବର୍ନବା ଜିକେଏ ଏଞ୍ଜାରି  
କାତା ଆସ୍ତେସି । ୧୪ ଏଚିବେଲା ନାନୁ ମେସ୍ତେସି, ଏଞ୍ଜାରି ନେହିଁ କାବୁତି  
ସାତା ତଲେ ଡାକିହିଲଅରି, ଏଚିବେଲାତା ନାନୁ ବାରେ ଲକୁ ନକିତା କେପାଇଁ  
ଏଲେଇଚେସି, “ନାନୁ ଜୀହୁଦି ଆହାନା ଜୀହୁଦି ଲକୁ ଲେହେଁ ଚେମ୍ପାଆନାହାଁ  
ଜୀହୁଦିଆଆତି ଲକୁଲେହେଁ ନାଡ଼ିମାଞ୍ଜି, ଆତିହିଁ ନାନୁ ଏନିକିହିଁ ଜୀହୁଦିଆଆତି  
ଲକୁଣି ଜୀହୁଦି ଲକୁଲେହେଁ ଚେମ୍ପାଲି ବାଲାମାତମି କିହିମାଞ୍ଜି ।” ୧୫  
ସାତେଏ ମାମୁ ଜାର୍ନାଟିଏ ଜୀହୁଦି ଲକୁତମି, “ଜୀହୁଦିଆଆତି ଲକୁ ଲେହେଁ  
ପାପୁ ଗାଟାତମି ଆଏ ।” ୧୬ ଆତିଜିକେଏ ମେରାତି କାମା ତଲେ ମାଣ୍ଡିସି  
ତାରିଗାଟାସି ଆଆନା, ଜୀସୁ କ୍ରୀସ୍ତ ଡାଣା ନାମାନା ତାରିଗାଟାସି ଆନେସି,  
ଇଦାଆଁ ପୁଞ୍ଜାନା ମାମୁ ଜୀସୁ କ୍ରୀସ୍ତ ଡାଣା ନାମା ମାନମି, ଏନିକିଁ ମେରାତି କାମା  
ତଲେ ତାରିଗାଟାତମି ଆଆନା କ୍ରୀସ୍ତ ଡାଣା ନାମାନା ତାରିଗାଟାତମି ଆନମି;  
ଇଚିହିଁ ମସାତି ମେରାତି କାମା ତଲେ ଆମିନି ମାଣ୍ଡିସି ତାରିଗାଟାସି ଆଅସି ।  
୧୭ ସାମା କ୍ରୀସ୍ତ ଡାଣାଟି ତାରି ଗାଟାତାୟି ଆୟାଲି ଅଣ୍ଡାମାମା ମାମୁ ଜିକେଏ  
ପାପୁ ଗାଟାତମି ଇଞ୍ଜିହିଁ ଡଞ୍ଜା ଆତମି, କ୍ରୀସ୍ତ ପାପୁତି ସେବା କିନାସି କି?  
ଏଦି ଏଚେଲାଞ୍ଜା ଆଆପେ । ୧୮ ଇଚିହିଁ ନାନୁ ଏନି ମେରାତି ମ୍ଲେକ୍‌ହାମାଇଁ  
ଏ ବାରେତି ଅଡେ ଖେଣ୍ଡେ ଗାଡ଼ି କିଇଁ, ଆତିହିଁ ନାନୁଏ ଜାହାରାଇଁ ଦହ  
ଗାଟାତେସି ଇଞ୍ଜି ଡ଼ସାକଡ଼ିମାଇଁ । ୧୯ ମାହାପୁରୁ ତାକି ନୀତାଲି ନାନୁ ମେରାତି  
ମେରାତାକି ପାସି ମୁଣ୍ଡାତା ହାହାମାଇଁ, ୨୦ ନାନୁ କ୍ରୀସ୍ତ ତଲେ ପାସି ମୁଣ୍ଡାତା  
ହାହାମାଇଁ; ନାନୁ ଅଡେ ନୀତା ହିଲଅଁ, ସାମା କ୍ରୀସ୍ତ ନା ଡାଣା ନୀତାମାନେସି;  
ଅଡେ ନାନୁ ନୀସି ଏମିନି ଆଢ୍ଫା ତଲେ ନୀତାମାଇଁ, ଏଦି ନାମୁତଲେ, ଇଚିହିଁ  
ମାହାପୁରୁତି ଏମିନି ମୀର୍‌ଏସି ନାଢ୍ଫେ ଜୀହୁନହାଁନା ନା ତାକି ତାନି ଜୀହୁ  
ହାହାମାନେସି, ଏଞ୍ଜାଣି ଡାଣା ନାମାନା ନୀତାମାଇଁ । ୨୧ ନାନୁ ମାହାପୁରୁ  
କାର୍ମାମେହନାଣି ଉଜେଏ କିହିହିଲଅଁ; ଇଚିହିଁ ମେରା ତଲେ ମାଣ୍ଡିସି ମାହାପୁରୁ  
ନକିତା ତାରିଗାଟାସି ଆନେସି, ଆତିହିଁ କ୍ରୀସ୍ତ ହାତାୟି ଉଜେଏତାୟି ।

**୩** ଏ ବୁଦି ହିଲାଆଗାଟି ଗାଲାତିୟୁତି ଲକୁତେରି! ଆମ୍ବାଆସି ମିଢ୍ଫେ ମାତଞ୍ଜି  
କିହାମାଞ୍ଜାନେସି? ମୀ କାଣ୍ଡାକା ନକିତା ଜୀସୁ କ୍ରୀସ୍ତ ପାସି ମୁଣ୍ଡାତା ହାତି  
କାତା ନେହିଁକିଁ ଡଞ୍ଜାଆହିମାଞ୍ଜାତେ । ୨ ନାନୁ ମୀ ଡାଣାଟି ଇଚେକା ପୁଞ୍ଜାଲି  
ଅଣ୍ଡିମାଇଁ; ମୀରୁ ମସା ମେରା ତଲେ କାମା କିତାକି କି ନେହିଁ କାବୁ ଖେଞ୍ଜାନା

ନାମିତାକି ସୁଦୁଜୀଞ୍ଜୁ ବେଟାଆହାମାଚେରି? ୩ ମୀରୁ ଏନିଲେହେଁତି ବୁଦି ହିଲାଆଗାଟାଚେରି? ମାହାପୁରୁତି ଜୀଞ୍ଜୁତଲେ ମାଟ୍‌ହାନା; ଆଢ୍ମାତି ବାଡ଼୍‌ୟୁ ତଲେ ରାପ୍‌ହାଲି ଅଣ୍ଡିମାଞ୍ଜେରି? ୪ ମୀରୁ କି ଉଜେଏ ଇଚେକା କସ୍ତୁ ବେଟାଆହାମାଞ୍ଜେରି? ଏଦି ଏନାଆଁ ଉଜେଏତାୟି? ୫ ଇଚିହିଁ ଆମ୍ବାଆସି ମିଢ୍ଢେ ଜୀଞ୍ଜୁ ହୀହାମାଞ୍ଜାନେସି, ଅଡ଼େ ମୀ ଡାଣା କାବାଆନି କାମା କିନେସି, ଏଞ୍ଜାସି ମେରାତାକି କିନେସି କି ନାମୁତାକି ଷେଞ୍ଜାହିଁ କିନେସି? ୬ ଅବ୍ରାହାମ କାତା ଅଣ୍ଡିପାଦୁ, ସାସ୍ତେରିତା ରାସ୍‌କି ଆହାମାନେ, “ଏଞ୍ଜାସି ମାହାପୁରୁ ଡାଣା ନାମିତେସି, ଇଞ୍ଜା ନାମାଲିଏ ତୀରିଗାଟାସି ଆତେସି ।” ୭ ଇଦାଆଁତାକି ଆମ୍ବାଆରି ନାମିନେରି ଏଞ୍ଜାରିଦେଁ ଅବ୍ରାହାମତି ମୀରୁକା ମାସ୍‌କା, ଇଦାଆଁ ମୀରୁ ପୁନାୟିମାନେ । ୮ ଅଡ଼େ ମାହାପୁରୁ ଜୀହୁଦିଆଆତାରାଇଁ ନାମୁତି ତୀରିଗାଟାରି କିନେସି, ଏଦାଆଁ ଦାମ୍ବୁ ପତିତା ନକେଏ ମେସାନା ଅବ୍ରାହାମ ଡାଣା ନେହିଁ କାରୁ ଷେସାନା ଏଲେଇଚେସି; “ନୀ ଡାଣାଟି ଦାର୍‌ତିତି ବାରେ କୁଲୁତି ଲକୁ ବର ବେଟାଆନେରି ।” ୯ ଅବ୍ରାହାମ ନାମିତେସି ଇଞ୍ଜା ବର ବେଟାଆତେସି, ଏଲେକିହିଁଏ ଆମ୍ବାଆରି ନାମିନାରି ବାରେଡାଣା ଏଞ୍ଜାଣିଲେହେଁ ବର ବେଟାଆନେରି । ୧୦ ଇଚିହିଁ ଏଚେକା ଲକୁ ମସାତି ମେରା ଆସାନା କାମା କିନେରି, ଏଞ୍ଜାରି ବାକା ବେଟାଆନେରି, ଦାମ୍ବୁପତିତା ରାସ୍‌କି ଆହାମାନେ, “ଆମ୍ବାଆସି ମେରା ପତିତା ରାସ୍‌କି ଆହାମାନି ବାରେ କାତାତି ମାନଞ୍ଜି ଆଅସି ଏଞ୍ଜାସି ମାହାପୁରୁ ଡାଣାଟି ବାକା ବେଟା ଆନେସି ।” ୧୧ ମେରା ମାନଞ୍ଜି ଆହାନା ଆମ୍ବାଆସି ମାହାପୁରୁ ନକିତା ତୀରିଗାଟାସି ଆଅସି, ନେହିଁକି ପୁଞ୍ଜାମାନାୟି, ରାସ୍‌କି ଆହାମାନେ, “ଇଚିହିଁ ତୀରିଗାଟାସି ନାମୁତି ନୀତିନେସି ।” ୧୨ ଅଡ଼େ ନାମୁ ମେରାତି ମୁଲୁ କାତା ଆଏ; ମେରାତି ମୁଲୁ ଆହାମାନେ “ଆମ୍ବାଆସି ବାରେ ହୁକୁମି ମାନଞ୍ଜି ଆନେସି, ଏମ୍ବାଟି ଏଞ୍ଜାସି ନୀତିନେସି ।” ୧୩ କ୍ରୀସ୍ତୁ ମା ତାକି ବାକା ବେଟାଆହାନା ମେରାଟି ମାଢ୍ଢେ ଖାନି ବାକାଟି ପିସ୍‌ପି କିହାମାଞ୍ଜାନେସି; ଇଚିହିଁ ରାସ୍‌କି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପ୍‌କି ଆନେସି ଏଞ୍ଜାସି ବାକା ଗାଟାସି ।” ୧୪ ମାହାପୁରୁ ଅବ୍ରାହାମଇଁ ଆମିନି ବର ହୀହାଲିତାକି ଆଞ୍ଜାମାଚେସି, ଜୀହୁଦିଆଆତି ଲକୁ ଜିକେଏ ଏନିକିଁ ଏଦାଆଁ ବେଟାଆହାଲି ଆତିନେରି, ଏଦାଆଁତାକି କ୍ରୀସ୍ତୁ ଇ କାମା କିହାମାନେସି, ଏଦାଆଁତାକି ମାର ଜିକେଏ ମାହାପୁରୁ ଷେସାମାନି ଲେହେଁ ନାମୁତଲେ ସୁଦୁଜୀଞ୍ଜୁ ବେଟାଆହାଲି ଆତିନାୟି । ୧୫ ଏ ତାୟି ତାଢ୍ଢିସ୍ତା, ନାନୁ ମାଣ୍ଡିୟାଁ ଲେହେଁ ଷେସିମାଞ୍ଜାଇଁ;

ରାଜିମାନା ମାଣ୍ଡି ଚାଣାଟି କିଟି ଜିକେଏ, ରିଆରି ସନ୍ତୁକି କିହାନା ଏଦାଆଁ  
 ତୀରି କିନେରି, ଏଚେତା ଏଦାନି ଆମ୍ବାଆସି ଏଚ୍ଚକା କିହାଲି ଆଡଅସି କି  
 ଏମ୍ବାଆଁ ଏନାଆଁ କାଲହାଲି ଆଡଅସି । ୧୭ ମାହାପୁରୁ ଆଞ୍ଜାମାନାୟି ଅବ୍ରାହାମ  
 ଇଞ୍ଜାଁ ତାନି କୂଡ଼ା ତାକି ହୀପ୍ଚକି ଆହାମାଚେ; ଏଞ୍ଜାସି ଏଲେଇଞ୍ଜା ହିଲଅସି,  
 “କୂଡ଼ା ତାରାକି” ଏନିକିଁ ହାରେକା ଲକୂତାକି ସାସ୍ତେରିତା ଝେସ୍ତୁଲେହେଁ ଆଏ,  
 ଇଚିହିଁ ଏନିକିଁ ରଅଣି କାତା ଝେସ୍ତେସି, ନୀ “କୂଡ଼ା ତାକି” ଏଞ୍ଜାସି କ୍ରୀସ୍ତ ଜୀସୁ ।  
 ୧୭ ନା ଅଣ୍ଡପୁ ଇଦି, ମାହାପୁରୁ ଅବ୍ରାହାମ ତଲେ ର ରାଜିମାନା କିହାମାଚେସି,  
 ଅଡେ ଏଦାଆଁ ତୀରିକିହାଁ ଇଟାଲି ଆଞ୍ଜାମାଚେସି, ଆମିନି ମେରା ସାରି ଝାଞ୍ଜା  
 କଡେଦସ ବାସୀ ଡାୟୁ ହୀପ୍ଚକିଆଚେ, ଏଦି ଏ ରାଜିମାନାଟି ମାନି କିଆନା  
 ମାହାପୁରୁଟି ଆଞ୍ଜାମାନାଣି ଆଢ୍ଫାଲି ଆଡେଏ । ୧୮ ମାହାପୁରୁଟି ଆଞ୍ଜାମାନି  
 ବର. ମେରା ମାନିକିନି ଚାଣା ବାସୁଁ କିନେ, ଆତିହିଁ ଏଦି ଅଡେ ଆଞ୍ଜାମାନାୟି  
 ଆଏ; ସାମା ମାହାପୁରୁ ଆଞ୍ଜାନା ଅବ୍ରାହାମକି ଏଦାଆଁ ହୀହାମାନେସି । ୧୯  
 ଆତିହିଁ ମେରା ଏନାଆଁତାକି ହୀପ୍ଚକିଆଚେ? ମାଣ୍ଡିତି ଲାଗେଏତି କାମା  
 ତସାଲି ତାକି ହୀପ୍ଚକିଆଚେ, ଇଞ୍ଜାଁ ଅବ୍ରାହାମକି ଏମିନି କୂଡ଼ାଟି ମେସାନା  
 ମାହାପୁରୁ ଆଞ୍ଜାମାଚେସି, ଏଞ୍ଜାସି ଝାନି ପାଚେକା ମେରା ଲଡ଼ା ମାଚେ,  
 ର ମାଣ୍ଡିତି ମାଦି ତଲେ ଲାକପୁରୁଟି ଦୂରୁୟାଁ ସାୟେମିଟି ମେରା ହୀପ୍ଚକି  
 ଆହାମାଚେ । ୨୦ ସାମା ନୀଏଁ ମାଦିତି ମାଣ୍ଡି ରଅସିଏ; ଅର ରଅସି ଆଏ,  
 ସାମା ମାହାପୁରୁ ରଅସିଏ । ୨୧ ଇଚିହିଁ ମେରା ମାହାପୁରୁ ଆଞ୍ଜାମାନାଣି କପାଟି  
 କାତା ଝେକ୍ଚନେ? ଏଦି ଏଚେଲାଝା ଆଆପେ; ଇଚିହିଁ ଲକୂତାକି ଜୀସୁ ହୀହାଲି  
 ଆଡିନି ଇଲେତି ମେରା ହୀପ୍ଚକି ଆହାମାଚିହିଁମା, ଆତିହିଁ ମେରା ସାଚେଏ  
 ତୀରି ଗାଟାୟି ଆଚେମା । ୨୨ ସାମା ଦାମ୍ବୁ ସାସ୍ତେରିତା ରାସ୍ଚକି ଆହାମାନେ,  
 “ବାରେ ମାଣ୍ଡି କୂଡ଼ା ପାପୁଟି ବାଡ଼୍‌ୟୁତା ମାନେରି, ଏଦାଆଁତାକି ଏନିକିଁ ଜୀସୁ  
 କ୍ରୀସ୍ତ ଚାଣା ନାମିତି ପାଡେୟି ଲେହେଁ ଆଞ୍ଜାମାନି ବର କ୍ରୀସ୍ତୁଇଁ ନାମିତି ଲକୂ  
 ବେଟାଆନେରି ।” ୨୩ ସାମା ଏ ନାମୁ ଝାନି ନକେଏ, ତଞ୍ଜାଆହାଲି ହାଜିମାନି  
 ଏ ନାମୁଟି ମେଡ଼ା ଆହାଲି, ମାର ମସା ମେରାତା ଦସ୍‌ପି ଆହିମାଚାୟି ।  
 ୨୪ ଇଲେତି ନାମୁ ତାକି ମାର ଦାମ୍ବୁ ଗାଟାଚାୟି ଆହାଲିତାକି କ୍ରୀସ୍ତୁ ଝାନି  
 ଦିନା ପାଚେକା ମେରା ମାଢ୍ଫେ ଜାପ୍‌ହାନାୟି ଲେହେଁ ମାଚେ । ୨୫ ସାମା  
 ନୀଏଁ ଏ ନାମୁ ଝାହାଲିଏ, ମାର ଅଡେ ମେରାଟି ବାଡ଼୍‌ୟୁତା ହିଲାଆୟି ।  
 ୨୬ ଇଚିହିଁ ମାରୁ ବାରେଜାଣା ଜୀସୁ କ୍ରୀସ୍ତୁଇଁ ନାମିନି ଚାଣାଟି ମାହାପୁରୁଟି

ମୀରକା ମାସକା ଆହାମାଞ୍ଜେରି । ୨୭ ଇଞ୍ଜି ମୀରୁ ଏଚେକା ଲକୁ କ୍ରୀସୁ ଦରୁଟି ବାପ୍ତିସ୍ମ ବେଟାଆହାମାଞ୍ଜେରି, ନୀର୍ବ ମୀରୁ ବାରେତେରି କ୍ରୀସୁଇଁ ହିମ୍ବିଲେହେଁ ପର୍ତ୍ତାମାଞ୍ଜେରି । ୨୮ ଜୀହୁତି ଆପେସି କି ଜୀହୁତିଆଆତି ଲକୁ ଆପେସି, ହଲେଏସି ଆପେସି କି ହଲେଏସି ଆଆତାସି ଆପେସି, ଆବା ଆପେସି କି ଇୟା ଆପେ; ମୀ ବିତ୍ରା ଏନି ପାର୍ଡା ହିଲେଏ, ମୀରୁ ବାରେ କ୍ରୀସୁ ଜୀସୁ ତାଣା ଆଣ୍ଟାନା ରଣ୍ଡିଏ ଆହାମାଞ୍ଜେରି । ୨୯ ଅଡେ ମୀରୁ କ୍ରୀସୁତି ଲକୁ, ଆତିହିଁ ମୀରୁ ଅବାହାମତି କୁଡାତେରି, ଆଞ୍ଜାମାନି ଲେହେଁ ଅଦିକାରା ଗାଟାତେରି ଆହାମାଞ୍ଜେରି ।

**୪** ନାନୁ ଖେସିମାଞ୍ଜାଇଁ, ମୀରୁଏସି ଆବାତି ବାରେ ଦନତି ଅଦିକାରା ଗାଟାସି, ସାମା ବାରେତି ଅଦିକାରା ଗାଟାସି ଆତିଜିକେଏ, ପାତାଆନି ପାତେକା ହଲେଏସି ଲେହେଁ ଆନେସି । ୨ ସାମା ଆବାତି ତାରି କିହାମାନି ଦିନା ପାତେକା ଏଞ୍ଜାସି ତାଲି ତାଞ୍ଜି ଅଡେ ଗୁମୁସୁତି କାତାତା ଡୟିନେସି । ୩ ଏଲେକିହିଁଏ ମାର ଜିକେଏ ଏତିବେଲା ଦାମ୍ବୁତା ପାତାଆହା ହିଲଆତାୟି, ଏତିବେଲା ଦାର୍ଡତି ବାରେ ସାଲଖି କିନି ବାଡ୍‌ୟୁତା ହଲିୟା ମାତାୟି । ୪ ସାମା ଦିନା ପୁରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରୁଏଶାଇଁ ପାଣ୍ଟାତେସି; ଏଞ୍ଜାସି ଇୟାନି ବାଣ୍ଡିଟି ଜାର୍ନା ଆହାନା ଜୀହୁତିୟା ମେରା ତଲେ ନୀତିତେସି, ୫ ଏନିକିହିଁ ଏଞ୍ଜାସି ମେରାତା ମାନି ଲକୁଣି ମୁଲୁ ହାହାନା ପିସ୍‌ପି କିନେସି, ଅଡେ ମାର ମାହାପୁରୁତି ମୀରକା ମାସକାତି ଅଦିକାରା ବେଟାଆନାୟି । ୬ ଇଞ୍ଜି ମୀରୁ ମୀରକା ମାସକାତେରି, ଅଡେ ମାହାପୁରୁ ମୀ ହିୟାତା ଡୟାଲି ତାକି ତାନି ମୀରୁଏଶାତି ସୁଦୁଜୀଞ୍ଜୁ ପାଣ୍ଟାତେସି, ଏ ଜୀଞ୍ଜୁ ମୀ ତାଣା ମାଞ୍ଜାନା କାଜା ଗିୟାତଲେ “ଆବା ତାଞ୍ଜି ଇଞ୍ଜି” ହାଟିମାନେ । ୭ ଏଦାଆଁତାକି ମୀରୁ ଅଡେ ହଲିୟାଞ୍ଜୁ ଆଏ, ସାମା ମୀରକା ମାସକାତେରି, ମୀରୁ ତାନି ମୀରକା ମାସକାତେରି ଆହାମାନାକି ମାହାପୁରୁ ତାନି ମୀରକା ମାସକାକି ଏନାଆଁ ଇଟାମାନେସି ଏ ବାରେ ମିଢ୍ଢେ ହିୟାନେସି । ୮ ସାମା ମୀରୁ ନକେଏ ମାହାପୁରୁଇଁ ପୁଞ୍ଜାହିଲଆତେରି, ଅଡେ ଏମିନି ଗାଟାଇ ସାତା ମାହାପୁରୁ ଆଏ, ଏଞ୍ଜାଆଁତି ହଲିୟାଞ୍ଜୁ ମାତେରି । ୯ ସାମା ମୀରୁ ନୀର୍ବ ମାହାପୁରୁଇଁ ପୁରେରି; ଇଞ୍ଜି ମାହାପୁରୁ ମିଢ୍ଢେ ପୁଞ୍ଜାତେସି, ଆତିହିଁ ମୀରୁ ଏନିକି ଏ ବାଡ୍‌ୟୁ ହିଲଆଗାଟାଇ ଅଡେ ଏନାଆଁ ହିୟାଲି ଆତାଆଗାଟି ଦାର୍ଡତି ଖାକି ଖେଣ୍ଡେ ହାଜାଲି ଅଣ୍ଡିମାଞ୍ଜେରି, ମୀରୁ ଏନାଆଁତାକି ଖେଣ୍ଡେ ଏ ବାରେତି ହଲିୟାଞ୍ଜୁ

ଆୟାଳି ଅଶ୍ୱିମାଞ୍ଜେରି । ୧୦ ଦୁକୁତି କାତା, ମୀରୁ ତୀରି କିହାମାନି ଦିନା,  
 ଲେଞ୍ଜୁ ପାର୍ବୁ ଅଡ଼େ ବାର୍ଯ୍ୟା ମାନଞ୍ଜି ଆହିମାଞ୍ଜେରି । ୧୧ ମିଢ୍ଢେତାକି ନାନୁ  
 କିହାମାନି କାମା ଏଚେତା ଉଜେଏ ଆନେ, ମୀ ତାକି ନାଢ୍ଢେ ହାରେକା ଆଜି  
 ହରିମାଞ୍ଜାନେ । ୧୨ ଏ ତାୟି ତାଢ୍ଢିସ୍ତାତେରି, ନାନୁ ମିଢ୍ଢୁ ବାତିମାଲିମାଞ୍ଜାଇଁ,  
 ମୀରୁ ନାଲେହେଁ ଆଦୁ, ଇତିହଁ ନାନୁ ଜିକେଏ ମୀ ଲେହେଁ ଆହାମାଇଁ, ମୀରୁ  
 ନାଢ୍ଢେତାକି ଏନାଆଁ ଲାଗେଏ ପଲେଏ କିହାମାଞ୍ଜୁଅତେରି । ୧୩ ନାନୁ ତଲିଏ  
 ମୀ ତାଣା ନେହଁ କାରୁ ଝେକ୍‌ହାମାଚେଏଁ ମୀରୁ ପୁଞ୍ଜାମାଞ୍ଜେରି ଏଚେତା ନା  
 ଆଢ୍ଢାତି ବାଦା ମାଞ୍ଜାନା ଝେକ୍‌ହାମାଚେଏଁ; ୧୪ ଅଡ଼େ ନା ଆଢ୍ଢାତି ବାଦା  
 ମିଢ୍ଢେତାକି କସ୍ତାଗାୟି ଆହିମାଚିହଁ ଜିକେଏ ମୀରୁ ନାଢ୍ଢେ ହୀଣି ତଲେ  
 ଅପଅମି ଇଞ୍ଜି ମାଞ୍ଜୁଅତେରି, ସାମା ମୀରୁ ମାହାପୁରୁତି ର ଦୁରୁ ଲେହେଁ ଇତିହଁ  
 କ୍ରୀସ୍ତ ଜୀସୁଇଁ ଆବିନି ଲେହେଁ ନାଢ୍ଢେ ଆବାତେରି । ୧୫ ମୀରୁ ଏଚେକା ରାହଁ  
 ମାଚେରି, ମୀ ଏ ରାହଁ ଆମ୍ବିୟା ହାଚେ? ଇତିହଁ ନାନୁ ମୀ କାତା ଆର୍‌ଝା  
 ତଲେ ଝେସାଲି ଆତିଇଁ, ଏ ବେଲାତା ମୀରୁ ଜାହାରା କାନୁ ପିତ୍‌ହାନା ନାଢ୍ଢେ  
 ହିୟାତେରିମା । ୧୬ ସାମା ନୀଏଁ ନାନୁ ମିଢ୍ଢେ ସାତା ଝେସାଲିଏ, ମୀ ସାତୁ  
 ଆହାମାଇଁ କି? ୧୭ ଏଞ୍ଜାରି ମୀ ନେହେଁ ତାକି ହାରେକା ରାହଁ ଗାଟାରି ଇଞ୍ଜି  
 ଡଞ୍ଜୁଆହାଲି ଅଶ୍ୱିମାନେରି, ସାମା ତାମି ସାତା ଅଶ୍ୱପୁ ତଲେ ଆଏ, ଏଞ୍ଜାରି  
 ରଣ୍ଡିଏ ଅଶ୍ୱପୁ, ଏନିକିଁ ମୀରୁ ନା ତାଣାଟି ଏଚ୍‌କା ଆହାନା ଏଞ୍ଜାରି ଝାକି ରାହଁ  
 ଆଦେରି । ୧୮ ଇତିହଁ ନାନୁ ମୀ ତାଣା ମାନି ବେଲାତା ଆଏ, ସାମା ବାରେ  
 ବେଲାତା ନେହଁ କାମାତାକି ଅଶ୍ୱିନାୟି ନେହେଁ । ୧୯ ଏ ନା ଜୀଞ୍ଜୁତି ମୀରୁକା  
 ମାସ୍‌କାଚେରି, ଏଚେ ପାଚେକା କ୍ରୀସ୍ତ ଲେହେଁ ଆଅତେରି, ଏଚେ ପାଚେକା  
 ନାନୁ ମୀ ତାକି ଜାନି କିନାଟି ଲୁଞ୍ଜିନି ବୀସା ଲେହେଁତି କସ୍ତ ବେଟାଆହିମାଇଁ  
 । ୨୦ ନାନୁ ଏନିକିଁ ନୀଏଁ ମୀ ତାଣା ଝାହାନା ଅର ରଲେତି ହାତା ଝେସାଲି  
 ଆତିଚେଏଁମା, ଇଦି ନା ଅଶ୍ୱପୁ ମାଚେ; ଏନାଆଁତାକି ଇତିହଁ ନାନୁ ମୀ ତାକି  
 ହାରେଏ ଅଶ୍ୱିମାଇଁ । ୨୧ ମସାତି ମେରାତା ମାଞ୍ଜାଲି ମନ କିହିମାଞ୍ଜେରି  
 ମୀରୁ, ନାଢ୍ଢେ ଝେସ୍ତାଦୁ, ମେରାତା ଏନାଆଁ ରାସ୍‌କି ଆହାମାନେ, ଏଦାଆଁ  
 ମୀରୁ ଝେଞ୍ଜୁ ହିଲଅତେରି? ୨୨ ଇତିହଁ ରାସ୍‌କି ଆହାମାନେ, ଅବ୍ରାହାମତି ରୀ  
 ମୀରୁକା ମାଚେରି ରଅସି ହଲେଣି ତାଣାଟି ଅଡ଼େ ରଅସି ତାନି ତକ୍‌କିନି ତାଣାଟି  
 ଜାନିଆଁ ଆହାମାଚେସି, ୨୩ ହଲେଣି ମୀରୁଏସି ଆଢ୍ଢାତି ଗୁଣୁତଲେ ଜାନିଆଁ  
 ଆଚେସି, ସାମା ଆମିନିଗାଟାସି ତାନି ତକ୍‌କିନି ମୀରୁଏସି ମାହାପୁରୁ ଆଞ୍ଜାମାଚି

ବାଉଁଶୁଟି ଜାଣି ଆଡେସି । ୨୪ ଇଦାଆଁ ର ପୁଣ୍ଡି କିନି କାତାଲେହେଁ  
 ଖେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାଇ; ଆମିନି ଗାଟାନି  
 ମୀର୍କା ହୁଲିୟାଡ୍ଡା ଆୟାଲି ଜାଣି ଆଡେରି, ଏ ହାଗାର୍ ସିନୟ ହୁରୁଟି  
 ଖାହାମାନି ରାଜିମାନା ଲେହେଁ । ୨୫ ହାଗାର୍ ଆରବ ଦେସାତା ମାନି ସିନୟ  
 ହୁରୁ ଲେହେଁ, ଏଦି ନୀର୍ବିତି ଜିରୁସାଲମ ଗାଡ଼ା ଲେହେଁ । ହାଗାର୍ ଲେହେଁ  
 ଜିରୁସାଲମ ଅଡ଼େ ଏଦାନି ସାଲଖି କିନାରି ନୀର୍ବି ହୁଲିୟାଡ୍ଡା ଆହାମାନେରି  
 । ୨୬ ସାମା ଲାକପୁରୁ ମାନି ଜିରୁସାଲମ ହୁଲେଣି ଆଆଗାଟାୟି, ଏଦି ମା  
 ତାଲି ୨୭ ଏନାଆଁତାକି ଇଚିହିଁ ସାସ୍ତେରିତା ରାସକି ଆହାମାନେ, “ଆକେ  
 ବାଞ୍ଜେଣି, ଏଚେଲା ପଦି ପଦା ଜାଣି କିଆଗାଟି ଇୟା, ରାହାଁ କିମ୍ପୁ, ଜାଣି  
 କିନି ବେଲାତି ଲୁଞ୍ଜିନି ବାସା ଏଚେଲା ପୁଞ୍ଜା ହିଲାଆତି ଜିକେଏ ନୀରୁ କାଜା  
 ଗିୟାତଲେ ରାହାଁ କିମ୍ପୁ; ଇଚିହିଁ ତକ୍ତା ତଲେ ବାସା କିହିମାନି ଇୟାନି କିହାଁ ର  
 ପିସ୍ତି ଇୟାନି କକାରି ପଦାୟାଁ ହାରେକା ଜାଣି ଆନେରି ଆନୁ ।” ୨୮ “ଏ ନା  
 ତାୟି ତାଡ୍ଡିସ୍ତାତେରି, ମୀରୁ ଇସାହାକ ଲେହେଁ ଆଞ୍ଜାମାନି ମାହାପୁରୁଟି ମୀର୍କା  
 ମାସକାତେରି । ୨୯ ସାମା ଆମ୍ପାଆସି ଆଡ୍ଡାତି ଗୁଣୁ ତଲେ ଜାଣି ଆଡେସି,  
 ଏଖାସି ଏନିକିଁ ଏଚିବେଲାତା ମାହାପୁରୁଟି ସୁରୁଜୀଞ୍ଜୁଟି ଆଞ୍ଜାମାନି ତାଣାଟି  
 ଆମ୍ପାଆସି ଜାଣି ଆହାମାନେସି, ଏଖାଣାଲ୍ ସାସ୍ତି ହାହାମାତେସି ଏଲେକିହିଁଏ  
 ନୀର୍ବି ଜିକେଏ ଆହିମାନେ । ୩୦ ଦାମ୍ପୁ ପତି ଏନାଆଁ ଖେସିମାନେ? ହୁଲେଣି  
 ଇୟା ଅଡ଼େ ଏଦାଣି ମୀର୍କାଣାଲ୍ ପିହ୍ମୁ; ଇଚିହିଁ ହୁଲେଣି ମୀର୍କାସି ତାନି  
 ବାହା ତକ୍ତିନି ମୀର୍କାଣା ତଲେ ଅଦିକାରା ଗାଟାସି ଆୟାଲି ଆଡଅସି ।” ୩୧  
 ଏଦାଆଁତାକି ଏ ନା ତାୟି ତାଡ୍ଡିସ୍ତାତେରି, ମୀରୁ ହୁଲେଣି ମୀର୍କା ମାସକା  
 ଆଏ, ସାମା ବାହା ତକ୍ତିନି ମୀର୍କା ମାସକାତାୟି ।

**୫** ମୀର ମେଲା ଆହାମାନାୟି, କ୍ରୀସ୍ତୁ ମାଡ୍ଡେ ମେଲା କିହାମାଞ୍ଜାନେସି ।  
 ଇଦାଆଁତାକି ମୀରୁ ମେଲା ଆତିତାଣା ତାରିଆହାଁ ମାଞ୍ଜୁ । ଅଡ଼େ ଖେଣ୍ଟେ  
 ହୁଲିୟାଡ୍ଡା ଜୁଖେଡ଼ିତା ମୀରୁ ଜାହାରାଲ୍ ହେର୍ପାକତାଆଦୁ । ୨ ନୀନୁ ପାଞ୍ଜୁଲ  
 ମିଡ୍ଡେ ଖେସିମାଞ୍ଜାଲ୍, ମୀରୁ ମୀ ତଲୁ ଦାପିଆନାଣି ମାନି କିତିସାରେ, କ୍ରୀସ୍ତୁ  
 ତାଣାଟି ମୀଦି ଏନି ଲାବା ହିଲେଏ । ୩ ନୀନୁ ତଲୁ ଦାପି ଆହିମାନି ବାରେ  
 ଜାଣାଲ୍ ଖେଣ୍ଟେ ଖେସିମାଲ୍, ଇଚିହିଁ ଏଖାସି ବାରେ ମସାତି ମେରା ମାନଖି  
 ଆନାୟି ମାନେ । ୪ ମୀରୁ ଏଚେକା ଲକ୍ତୁ ମେରାଟି ମାହାପୁରୁ କାନୁତା  
 ତାରିଗାଟାତେରି ଆୟାଲି ଅଶ୍ପିମାଞ୍ଜେରି, ମୀରୁ କ୍ରୀସ୍ତୁ ତାଣାଟି ଏଚକା



ଆହାମାଞ୍ଜେରି, ଇଞ୍ଜି ମାହାପୁରୁ କାର୍ମାମେହନି ଚାଣାଟି ଗୁଡା ଆହାମାଞ୍ଜେରି  
 । ୫ ଇତିହାସ ମାହାପୁରୁଟି ଜୀଞ୍ଜୁତଲେ ନାମୁ ତାକି ଦାର୍ମୁଗାଟି ଲକୁ  
 ଆନି ଆସାଇ କାଟିମାନାୟି । ୬ ଇଦାଆଁତାକି ଜୀସୁ କ୍ରୀସୁ ଚାଣା ଆଶ୍ୱାନା  
 ନୀତାମାଟିସାରେ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ,  
 ସାମା ନାମୁତା ଅଜିକିହିଁ ମାଞ୍ଜାନା ଜୀଞ୍ଜୁ ନନାଣି ତଲେ କାମା କିନାୟି । ୭  
 ମୀରୁତ ନେହିଁକି ନକିତା ହାଜିମାରେରି; ଆମ୍ବାଆସି, ମିଢ୍ଢେ ସାତାତି ମାନଞ୍ଜି  
 ଆଆଦୁ ଇଞ୍ଜି ଆଞ୍ଜୁତେସି? ୮ ମିଢ୍ଢେ ହାଟାମାଞ୍ଜାନି ମାହାପୁରୁ ଚାଣାଟି ଇଦି  
 ଆହା ହିଲେଏ । ୯ କାତାତା ମାନେ, ଇଚାୟି ପୁଲା ତକାତି ଗୁଣ୍ଡା ବାରେ ପୁଲା  
 କିନେ । ୧୦ ମୀରୁ ଏଟକାତି ଅଶ୍ୱପୁ ଅଶ୍ୱପଅତେରି, ଇଦାଆଁ ନାନୁ ମିଢ୍ଢେ ତାକି  
 ପ୍ରବୁ ଚାଣା ହାରେକା ନାମିମାଇଁ; ସାମା ମିଢ୍ଢେ ଆମ୍ବାଆସି ନାଡ଼ି କିହାମାଞ୍ଜାନାସି  
 ଏଞ୍ଜାସି ଆମ୍ବାଆସି ଆପେସି ମାହାପୁରୁ ଏଞ୍ଜାଣାକି ତଣ୍ଡୁ ହୀନେସି । ୧୧ ନା  
 ତାୟି ତାଢ଼ିସ୍ତାତେରି, ନାନୁ ନୀଏଁ ପାତେକା ତଲୁ ଦାଃନି ମେରା ଝେକ୍‌ହିମାଇଁ,  
 ଆତିହିଁ ଏନାଆଁତାକି ନୀଏଁ ପାତେକା ସାସ୍ତି ବେଟାଆହିମାଇଁ? ନାନୁ ସାତେଏ  
 ଏଲେକି ଝେକ୍‌ହିହିଁ, କୁସତା ହାତି କ୍ରୀସୁତି କାତା ଝେକ୍‌ନି ଚାଣାଟି ନାଢ୍ଢେ ଏନି  
 ବାଦା ଆଆତେମା । ୧୨ ନାନୁ ଅଶ୍ୱପିମାଇଁ, ତଲୁ ଦାନାଣି ଏମିନିଗାଟାରି  
 ମିଢ୍ଢେ ଏଲେକି କିଲିବିଲି କିହିମାଞ୍ଜାନେରି ଏଞ୍ଜାରି ପେଜୁୟାଁ ଲେହେଁ ଆତିହିଁ  
 ନେହିଁ ଆତେମା । ୧୩ ଏ ତାୟି ତାଢ଼ିସ୍ତା, ମୀରୁ ମେଲା ଆହାଲିତାକି ହାଟ୍‌କି  
 ଆହାମାଞ୍ଜେରି; ସାମା ଜାଗ୍ରାତା, ଆଞ୍ଜୁତି ଜୁପ୍‌କା କାମା କିହାଲି ମୀ ଆଞ୍ଜୁତି  
 ପାରୁ ବେଟାଆତିସାରେ ଏ ମେଲାତି ଲେମ୍ବାଆଦୁ, ସାମା ରଅତେରି ରଅଣାଇଁ  
 ଜୀଞ୍ଜୁ ନଞ୍ଜିଆହାନା ସେବା କିଦୁ । ୧୪ ଇତିହିଁ ବାରେ ମେରା ଇ ରଣ୍ଡିଏ  
 ହୁକୁମିତା ତୀରି ଆନେ, “ନୀନୁ ନୀ ଆଟ୍‌ହିତାଣାଇଁ ନୀ ଜୀଞ୍ଜୁତି ଜୀଞ୍ଜୁନି  
 ଲେହେଁ ଜୀଞ୍ଜୁନୁ ।” ୧୫ ମୀରୁ ରଅତେରି ରଅଣାଇଁ ବାଦା ହୀହାନା ନସୁ କିଞ୍ଜି  
 ଆହିମାଞ୍ଜେରି, ଆତିହିଁ ଜାଗ୍ରାତା ଆଦୁ, ଏନିକି ମୀରୁ ରଅତେରି ରଅଣି ଚାଣାଟି  
 ନାସା ଆଅତେରି । ୧୬ ନା ଅଶ୍ୱପୁ ଇଦି, ମୀରୁ ସୁଦୁଜୀଞ୍ଜୁ ତଲେ ତାକାଦୁ,  
 ଆତିହିଁ ମୀରୁ ଆଞ୍ଜୁତି ଜୁପ୍‌କା ତଲେ କାମା କିଅତେରି । ୧୭ ମାଶ୍ୱିତି ମାଶ୍ୱକି  
 ସୁଦୁଜୀଞ୍ଜୁ ଅପେଏ । ଏଲେକିହିଁଏ ସୁଦୁଜୀଞ୍ଜୁ ମାଶ୍ୱିତି ମାଶ୍ୱକିତି ଅପେଏ  
 । ଏଞ୍ଜି ରିଣ୍ଡି ସାଦୁ ଲେହେଁ । ଇତିହିଁ ମୀରୁ ଏନାଆଁ କିୟାଲି ଅଶ୍ୱପିଦେରି  
 ଏଦାଆଁ କିୟାଲି ଆଡଅତେରି । ୧୮ ସୁଦୁଜୀଞ୍ଜୁ ମିଢ୍ଢେ ସାଲଞ୍ଜି କିୟାନେ,  
 ଆତିହିଁ ମୀରୁ ଅଡେ ମସାତି ମେରା ତଲ ହିଲଅତେରି । ୧୯ ଆଞ୍ଜୁତି ଅଶ୍ୱପୁ

ତଳେ କିମି କାମା ବାରେ ନେହିଁକି ପୁଞ୍ଜାମାଞ୍ଜେରି, ଏଞ୍ଜି ଦାରିକାମା, ଲାଗେଏ ପଲେଏ କାମା । ୨୦ ଅଡ଼େ ଅପାଆଗାଟି କାମା, ପେଶକା ପୂଜା, ଲକ୍ଷୁଣି ପାୟିନାୟି, ଗୁଣି ଗାର୍ଡ଼ି, ସାରୁ ଆନାୟି, ଗଡ଼ହା କିନାୟି, ଆଞ୍ଜାରା ଆନାୟି, କାର୍ବି ଆନାୟି, ଜାହାରାତାକି ଅଶ୍ପିନାୟି, ଗତି ଆହିଁ ବାଗା ଆନାୟି, ନାଡ଼ିକିହାଁ ବାଗା କିନାୟି, ଡାହାରା ଆନାୟି, ୨୧ କାଡୁ ଗହ୍ନାରି ତଳେ ଆଶ୍ଟାନା ରାହାଁ କିନାୟି ଇଲେତି ବାରେ କାମା କିନାୟି; ନାନୁ ତଲି ମିଢ୍ଢେ ଏନିକିଁ ଖେସାମାଞ୍ଜାତେଏଁ, ଏଲେକିହିଁ ନକେଏ ଜାଗ୍ରାତା କିହାଁ ଖେସିମାଞ୍ଜାକି, ଆମ୍ବାଆରି ଇଲେତି କାମା କିନେରି, ଏଞ୍ଜାରାକି ମାହାପୂରୁ ରାଜିତା ଅଦିକାରା ହିଲେଏ । ୨୨ ସାମା ସୁଦୁଜୀଞ୍ଜୁତି ପାଡ଼େୟି, ଜୀଞ୍ଜୁନନାୟି, ରାହାଁ ଆନାୟି, ହିଡ଼ି ଜୀଞ୍ଜୁତଲେ ମାନାୟି, ଅର୍ହନାୟି, ଲକ୍ଷୁକି ସାୟେମି କିନାୟି, ସାତା ଗୁଣୁ ମାନିଗାଟି ଲକ୍ଷୁ ନାମୁତଲେ ମାନାୟି, ୨୩ ଅଡ଼େ ଜାହାରାକି ଲକ୍ଷୁନାୟି, ଇ ବାରେ ନକିତା ମସାତି ଏନି ମେରା ହିଲେଏ । ୨୪ ଆମ୍ବାଆରି ଜୀସୁ କ୍ରୀସୁ ତାଶା ମାନେରି, ଏଞ୍ଜାରି ତାନି ଆଞ୍ଜାତି ଅଶ୍ପୁ ଅଡ଼େ ଜୁପକା ବାରେ ମାଶ୍ପି ମାଶ୍ପିକିତି ପାସି ମୁଣ୍ଡାତା ଏକହାନା ହାଞ୍ଜି କିହାମାନେରି । ୨୫ ମାର ସୁଦୁଜୀଞ୍ଜୁ ତଳେ ଜୀଞ୍ଜୁ ବେଟାଆହାମାନାୟି, ଆତିହିଁ ସୁଦୁଜୀଞ୍ଜୁ ତଳେ ନାଡ଼ିନ । ୨୬ ମାର ବଡ଼ପଣ ଆହାନା ରଅତଞ୍ଜି ରଅଶାକି ବିତିବିତା କିଆପ ଅଡ଼େ ମାର ରଅତାୟି ରଅଶାକି ଡାହାରା ଆଆପ ।

୨ ଏ ତାୟି ତାଞ୍ଜିସ୍ତା, ଆମ୍ବାଆସି ଏନି ଦହ କିହାମାନାଣି ପୁଡ଼ିହିଁ, ସୁଦୁଜୀଞ୍ଜୁ ବେଟାଆହାମାଞ୍ଜେରି ମୀରୁ, ମୀରୁ ଟିକାଶା ତଳେ ଏଲେତି ଲକ୍ଷୁଣି ଏଲେତି କାମା ପିସାଲି ଜାପଦୁ, ଏଡେତା ମୀରୁ ଜିକେଏ ପାନ୍ତାତା ହେରଞ୍ଜିଦେରି, ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ । ୨ ରଅତେରି ରଅଣି ବଜୁ ଡେକାଲି ସାୟେମି କିଞ୍ଜିଆଡୁ: ଏଲେକିତିହିଁ ମୀରୁ କ୍ରୀସୁତି ମେରା ମାନଞ୍ଜି ଆଦେରି । ୩ ଆମ୍ବାଆସି ଲାଗେଏ ଆହାନା ଜାହାରାକି ନାନୁ କାଜାତେଏଁ ଇଞ୍ଜି ଅଶ୍ପା କତିନେସି ଏଞ୍ଜାସି ତାନୁଏ ତାଞ୍ଜେ ନାଡ଼ି କିହାକତିମାନେସି । ୪ ସାମା ବାରେଜାଶା ଜାହାରା କିତି କାମାତି ତାୟିପାରି କିପାସି, ଆତିହିଁ ଏଞ୍ଜାସି ଅର ଲକ୍ଷୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବଡ଼ପଣ କିଆପେସି । ୫ ଏନିଇତିହିଁ ବାରେଜାଶା ଜାହାରା ବଜୁ ଜାହାରାଏ ଡେକିନାୟି ମାନେ । ୬ ସାମା ଆମ୍ବାଆସି ମାହାପୂରୁତି ବଜୁ ଜାପିନେସି, ଏଞ୍ଜାସି ତାଞ୍ଜେ ଜାପନାଶାକି ତାନି ତାଶା ମାନି ବାରେକିହାଁ ନେହିଁ ବାଗା

ହୀପେସି । ୭ ମୀରୁ ମିଢ଼େ ନାଡ଼ିକିହା କତାଆରୁ: ଆମ୍ବାଆସି ମାହାପୁରୁଇଁ ନାଡ଼ି  
 କିହାଲି ଆଡଅସି, ଇତିହିଁ ମାଣ୍ଠି ଏନାଆଁ ମାଟିନେସି ଏଦାଆଁ ଦାଃଆନେସି ।  
 ୮ ଆମ୍ବାଆସି ଆଢ଼ୁତି ଅଣ୍ଠୁ ତାକି ମାଟିନେସି, ଏଞ୍ଜାସି ଆଢ଼ୁତି ହାଞ୍ଜିକିନି  
 ପାଡ଼େୟି ଦାଃଆନେସି; ସାମା ଆମ୍ବାଆସି ଜୀଞ୍ଜୁତାକି ମାଟିନେସି ଜୀଞ୍ଜୁତି  
 ଗାଡ଼ିଆତି କାଲାକାଲାତି ଜୀଞ୍ଜୁହାନି ପାଡ଼େୟି ଦାଃଆନେସି । (aiōnios g166)  
 ୯ ମୀର ନେହିଁ କାମା କିହାଲି ଖାହାଆପ; ଇତିହିଁ ଖାହୁ ଆଆନା କାମା କିତିହିଁ  
 ସମାନା ବେଲାତା ତାସା ଦାଃନାୟି । ୧୦ ଏନିଇତିହିଁ ମୀର ପାରୁ ସିନିକିହାନା  
 ବାରେତାକି ଇତିହିଁ ବାରେକିହାଁ ରଣ୍ଡିଏ କୁଟମିତା ଆଣ୍ଡାମାନି ନାମୁ ଗାଟାରାଇଁ  
 ନେହିଁ କିନାୟିମାନେ । ୧୧ ମେହୁଦୁ ନୀନୁ ଏନିକିଁ କାଜା କାଜା ଅଢ଼ୁରି ତଲେ  
 ନା କେୟୁତଲେ ମୀ ତାଣା ରାତାମାଞ୍ଜାଇଁ । ୧୨ ଆମ୍ବାଆରି ଆଢ଼ୁତି କାମା  
 ତଲେ ଡ଼େଢ଼ୁଲି ମନ କିନେରି, ଏଞ୍ଜାରି ମିଢ଼େ ତଲୁ ଦାଃଆନାୟିମାନେ ଇଞ୍ଜି  
 ବାଲାମାତମି କିୟାନେରି, କ୍ରୀସୁତି ପାସିମୁଣ୍ଡା ତାକି ଏନିକିଁ ନିନ୍ଦା ବେଟାଆଅରି  
 ଖାରଇ ଏଦାଣିତାକି ଏଲେକିନେରି । ୧୩ ଇତିହିଁ ଆମ୍ବାଆରି ତଲୁ ଦାଃନି ମେରା  
 ତଲେ ମାନେରି, ଏଞ୍ଜାରି ତାମୁ ଜିକେଏ ମସାତି ମେରା ମାନଞ୍ଜି ଆଅରି, ଇଞ୍ଜି  
 ଏଞ୍ଜାରି ଏନିକିଁ ମୀ ଆଢ଼ୁ ତାକି ବତପଣ କିହାଲି ଆତିନେରି, ଏଦାଆଁତାକି  
 ଏଞ୍ଜାରି ମିଢ଼େ ତଲୁ ଦାପି କିଞ୍ଜିକିହାଲି ଅଣ୍ଠପିନେରି । ୧୪ ସାମା ନୀନୁ ଖାରଇ  
 ମା ଜୀସୁ କ୍ରୀସୁତି କୁସ ତାକି ବତପଣ ଆହିମାଇଁ; ଇତିହିଁ ଏଞ୍ଜାଣି କୁସ ତାକି  
 ଦାର୍ତ୍ତି ନାଢ଼େତାକି ହାହାମାନେ ଇଞ୍ଜି ନୀନୁ ଦାର୍ତ୍ତି ତାକି ହାହାମାଇଁ । ୧୫  
 ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ପୁଃନି ଗାଡ଼ି  
 ଆନାୟି ଏଦି ବାରେ କିହାଁ ମୂଲୁତାୟି । ୧୬ ଏତେକା ଲକ୍ଷୁ ଇ ମେରା ତଲେ  
 ତାକିନେରି, ଏଞ୍ଜାରି ଲାକ ଅଡ଼େ ମାହାପୁରୁତି ଇସ୍ତାୟେଲ ଲକ୍ଷୁ ଲାକ ହିଡ଼ି  
 ଅଡ଼େ କାର୍ମା ଆପେ । ୧୭ ନୀଞ୍ଜୁଟିଏ ଆମ୍ବାଆସି ନାଢ଼େ କସୁ ହିୟାଆପେସି,  
 ଇତିହିଁ କ୍ରୀସୁ ତାକି ବେଟାଆହାମାନି ଗାହାଁ ଗାରିୟାଁ ନା ଆଢ଼ୁତା ମାନୁ ।  
 ୧୮ ଏ ତାୟି ତାଢ଼ିସ୍ତା, ମା ପ୍ରବୁ ଜୀସୁ କ୍ରୀସୁତି କାର୍ମାମେହନାୟି ମୀ ଜୀଞ୍ଜୁତା  
 ତୟାପେ । ଆମେନ୍ ।

## ଏପିସ

୧ ପାଖୁଲ, ମାହାପୁରୁତି ଅଶ୍ଵୁ ତଲେ କ୍ରୀସ୍ତ ଜୀସ୍ତୁତି ପାଣ୍ଡୁଞ୍ଜି ଆହାମାନାତେଏଁ, ଏପିସିୟତା ମାନି ମାହାପୁରୁ ଲକ୍ଷ୍ମି କ୍ରୀସ୍ତ ଜୀସ୍ତୁ ତାଣା ନାମୁତା ମାନି ଲକ୍ଷ୍ମିତାକି ଇ ଆକୁ ରାତିମାଇଁ । ୨ ମା ଆବା ମାହାପୁରୁ ଲକ୍ଷ୍ମି ପ୍ରଭୁ ଜୀସ୍ତୁ କ୍ରୀସ୍ତ ତାଣାଟି କାର୍ମାମେହନାୟି ଅଡେ ହିଡ଼ି ଜୀସ୍ତୁ ମିଡ୍ରେତାକି ଆୟାପେ । ୩ ମା ପ୍ରଭୁ ଜୀସ୍ତୁ କ୍ରୀସ୍ତୁତି ମାହାପୁରୁ ଅଡେ ଆବାଇଁ ଜହରା ଆପେ । ଏଞ୍ଜାସି କ୍ରୀସ୍ତ ତାଣା ମାଡ୍ରେ ବାରେ ଜୀସ୍ତୁତି ବର ତଲେ ଲାକପୁରୁ ବର ହୀହାମାଞ୍ଜାନେସି । ୪ ମାର ଏନିକିଁ ମାହାପୁରୁ ନକିତା ସୁଦୁ ଅଡେ ଦହ ହିଲାଆଗାଟାତାୟି ଆନାୟି ଏଦାଆଁତାକି ଏଞ୍ଜାସି ଦାର୍ତ୍ତି ଗାଡ଼ି ଆଆ ନକେଏ ତାନି ତାଣା ମାଡ୍ରେ ଆତାମାଞ୍ଜାତେସି । ୫ ଅଡେ ଏଞ୍ଜାସି ମାଡ୍ରେ କ୍ରୀସ୍ତ ଜୀସ୍ତୁ ତାଣାଟି ତାଡ୍ରେତାକି ମୀରକା ମାସକା କିୟାଲି ତାନୁଏ ତଲିଏ ତୀରି କିତେସି; ଇଦି ଏଞ୍ଜାଣି ରାହାଁ ଅଡେ ଅଶ୍ଵୁ । ୬ ମାହାପୁରୁତି କାର୍ମାମେହନାଣି ତାକି ଲକ୍ଷ୍ମି ତାନି ମୀରଏଣାଇଁ ଉଜେଏ ବେଟାଆନି ଦାନା ଲେହେଁ ବେଟାଆହାମାନାକି, ମାର ମାହାପୁରୁଇଁ ଜହରା କିହିମାନାୟି । ୭ କ୍ରୀସ୍ତ ହାଡ଼ି ତାଣାଟି ମାର ଗେଲ୍ପି ଆହାମାନାୟି, ଇତିହିଁ ମା ବାରେ ପାପୁ ମେଣ୍ଡୁମାନେ, ମାହାପୁରୁତି କାର୍ମା ଏତେକା କାଜାୟି । ୮ ଏଞ୍ଜାସି ଏ କାର୍ମାମେହନାଣି ବାରେ ବୁଦି ଅଡେ ଅଶ୍ଵୁ ମାଡ୍ରେ ହାରେକା ହୀହାମାଞ୍ଜାନେସି । ୯ ନକେଏ ଅଶ୍ଵାମାନି ତାନି କାର୍ମାତଲେ ଏଞ୍ଜାସି ମାଡ୍ରେ ତାନି ଅଶ୍ଵୁ ତଲେ ତୁଗାମାନି ଅଶ୍ଵୁତି ତସାମାଞ୍ଜାନେସି । ୧୦ ଏନିକିଁ କାଲାତି ତାନି ଅଶ୍ଵୁ ତଲେ ଲାକପୁରୁ କି ଦାର୍ତ୍ତିତା ମାନାଣି ବାରେ ଏଞ୍ଜାସି ତାଡ୍ରେତାକି କ୍ରୀସ୍ତ ତାଣା ରଣ୍ଡେଏ କିନେସି । ୧୧ ମାର ଜିକେଏ ଏଞ୍ଜାଣି ତାଣା ଅଦିକାରା ଲେହେଁ ଆହାମାନାୟି, ଇତିହିଁ ଏମିନି ମାହାପୁରୁ ତାନି ମନତି ଅଶ୍ଵୁ ତଲେ ବାରେ କାତା ତୀରି କିନେସି, ଲକ୍ଷ୍ମି ଏଞ୍ଜାସି ତଲିଟିଏ ମନତା ତୀରି କିହାମାତିଲେହେଁ ମାର ନକେଏ ଆର୍ଡ଼ି ଆତାୟି ୧୨ ମାର ଏନିକିଁ କ୍ରୀସ୍ତ ତାଣା ନକେଏ ବାସୁଁ କିହା ମାତାୟି, ମାର ବାରେତାୟି ମାହାପୁରୁ ଗାସୁରମିତି ଜହରା କିନାତାୟି ଆନ । ୧୩ ଏଞ୍ଜାଣି ତାଣାଟି ମୀରୁ ଜିକେଏ ସାତା ବଲୁ ଇତିହିଁ ମିଡ୍ରେ ଗେଲ୍ପାନି ନେହିଁ କାବୁ ଷେଞ୍ଜାନା ନାମାହାଁ ଆଞ୍ଜାମାନି ସୁଦୁଜୀସ୍ତୁ ତଲେ ବୁଦୁ ମୁହା ଆହାମାଞ୍ଜେରି; ୧୪ ମାହାପୁରୁ ତାନି ଲକ୍ଷ୍ମିତାକି ଏନାଆଁ ହୀହାଲି ଆଞ୍ଜାମାନେସି ଏ ବାରେ ମାର ବେଟାଆନାୟି ସୁଦୁଜୀସ୍ତୁ ତାନି ବାୟିଦା ଲେହେଁ । ମାହାପୁରୁ ତାନି ଲକ୍ଷ୍ମିତାକି ଗେଲ୍ପି ଆନାଣି ହୀନେସି ଇ ବାରେତାକି

ମାହାପୁରୁତି ଗାଧୁରମି କିନ । ୧୫ ଇଦାଆଁତାକି, ପ୍ରଭୁ ଜୀସୁ ତାଣା ମୀ ନାମୁ  
 ଇଞ୍ଚି ବାରେ ମାହାପୁରୁ ଲକ୍ଷ୍ମୀତାକି ଜୀସୁନାୟି ମାନେ, ୧୬ ଏ କାତା ଖେଞ୍ଜାନା  
 ମିଢ୍ଢେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଇଁ । ୧୭ ମା ପ୍ରଭୁ  
 ଜୀସୁ କ୍ରୀସ୍ତତି ମାହାପୁରୁ, ଗାଧୁରମିଗାଟି ଆବା, ଏଖାସି ମିଢ୍ଢେ ସୁଦୁଜୀସୁତି  
 ହିୟାନେସି ଏ ଜୀସୁ ମିଢ୍ଢେ ବୁଦି ହିୟାନେ, ଅଡେ ମାହାପୁରୁଇଁ ମୀ ତାଣା ତଞ୍ଜି  
 କିୟାନେ, ଆତିହିଁ ମୀରୁ ଏଖାଣାଇଁ ପୁଞ୍ଜେରି । ୧୮ ଏମ୍ପାଟିଏ ମୀ ହିୟାଁତି  
 କାଣ୍ଟା ଦେପି ଆତିସାରେ, ତାନୁ ହାଟାମାଞ୍ଜାନି ବାସୁଁ ଏନାୟି, ମାହାପୁରୁ  
 ଲକ୍ଷ୍ମୀତାଣା ତାନି ଅଦିକାରାତି ଗାଧୁରମିଗାଟି ଦନ ଏନାୟି, ୧୯ ତାନି ଲକ୍ଷ୍ମୀତାକି  
 ତାନି ଆଞ୍ଜାମାନାୟି ହାରେକା କାଜା ବର ଅଡେ ନାମିମାନାତାୟି ମାର, ତାନି  
 ବାଡ଼ୁୟୁତି କାମା କିନାତାୟି, ଇଞ୍ଚି ମାଢ୍ଢେତାକି ତାନି ବାଡ଼ୁୟୁ ଏତେକା କାଜାୟି  
 ଇ ବାରେ ପୁଞ୍ଜାଲି ଆତିଦେରି; ୨୦ ଏ ବାଡ଼ୁୟୁ କ୍ରୀସୁ ତାଣା ତସାନା ଏଖାଣାଇଁ  
 ହାତାରି ତାଣାଟି ନିକ୍ହାନା ଲାକପୁରୁ ତାନି ଚିଃନି ଟଟତା କୁରି କିହାମାନେସି ।  
 ୨୧ କ୍ରୀସୁ ଲାକପୁରୁ ବାରେ ସାଲଖି କିନାସି, କାଜାପାଣା, ବାଡ଼ୁୟୁ ମୁସ୍ତାବାରିୟା  
 ଲାକ ସାଲଖି କିନାସି, ଇ ଜୁଗୁତା ଅଡେ ଏ ଜୁଗୁତା ଏତେକା ଦରକା ଖେଞ୍ଜା  
 ମାନୁ, ଏ ବାରେତି ମୁହେଁ ଏଖାଣି ପାଣା କାଜାୟି । (aiōn g165) ୨୨ ମାହାପୁରୁ  
 ବାରେ କ୍ରୀସ୍ତତି କତାୟାଁ ତଞ୍ଜ ଇଟିତେସି, ଇଞ୍ଚି ଏଖାଣାଇଁ ବାରେତି କିହାଁ  
 କାଜାସି କିହାନା କ୍ରୀସ୍ତାନା କୁଲମିକା ହେରପା ମାନେସି । ୨୩ ଏ କୁଲମିକା  
 କ୍ରୀସ୍ତତି ଆଞ୍ଜା ଲେହେଁ, ଇତିହିଁ ଆମ୍ପାଆସି ବାରେ କାମାତି ବାରେ ତାଣା ପୁରା  
 କିନେସି ।

**୨** ମୀ ଦହ ଅଡେ ପାପୁ ତାକି ତଲି ଜୀସୁତା ହାହାମାତେରି, ୨ ଇତିହିଁ ଏମିନି  
 ଜୀସୁ ନାଏଁ ଜିକେଏ କାତା ମାନଖି ଆଆଗାଟି ମୀରକା ତାଣା ଅଦିକାରା  
 କିହାମାନେ, ଏ ଦାର୍ତତି ମନତଲେ ମୀରୁ ଜିକେଏ ତଲି କାଲା ଏ ଜିରୁତା  
 ତାକିହିଁ ଦହ କିହାନା ପାପୁତାକି ହାହାମାତେରି । (aiōn g165) ୩ ଏ କାତା  
 ମାନଖି ଆଆଗାଟି ମୀରକା ତଲେ ମାର ବାରେ ଏ ବେଲାତା ମା ଆଞ୍ଜାତି  
 ମାଣ୍ଟି ତଲେ ନୀତାନା ଆଞ୍ଜା ଅଡେ ମନତି କାମା କିହିମାତାୟି, ଇଞ୍ଚି  
 ଏଚକାତାରି ଲେହେଁ ମାର ଜିକେଏ ମାହାପୁରୁ କପାତି ଲକ୍ଷ୍ମୀ ମାତାୟି । ୪ ସାମା  
 ମାହାପୁରୁ ହାରେକା କାର୍ମା ମେହନାସି; ଏଖାସି ମାଢ୍ଢେ ହାରେକା ଜୀସୁ ନୁସୁତା  
 ଜୀସୁ ନୟାତେସି, ୫ ଏତେତା ମାର ପାପୁ ତାକି ହାହା ମାତାୟି, ଇଞ୍ଚି ମାଢ୍ଢେ  
 କ୍ରୀସୁ ଜୀସୁ ତଲେ ନିକ୍ହାତେସି, ଅଡେ ମାହାପୁରୁତି କାର୍ମାଟି ମୀରୁ ଗେଲ୍ପି

ଆହାମାଞ୍ଜେରି । ୬ ଇଞ୍ଜି ତାନି ତଲେ ମାଢ୍ଫେ ହାକିଟି ନିକହାନା କ୍ରୀସ୍ତ ଜୀସ୍ତ  
 ତାଣା ଲାକପୁରୁ କୁଟି କିହାମାଞ୍ଜାନେସି । ୭ କ୍ରୀସ୍ତ ଜୀସ୍ତ ତାଣା ମାଢ୍ଫେତାକି  
 ଜୀସ୍ତନହାନା ଖାହିମାନି କୁଗୁତା ତାନି କାର୍ମାଟି ହାରେକା ଦନ ତସାଲି ମାହାପୁରୁ  
 ଇଦାଆଁ କିତେସି । (aiōn g165) ୮ ଏନାଆଁତାକି ଇଚିହିଁ ମୀରୁ ନାମିତାକି  
 ମାହାପୁରୁଟି କାର୍ମାଟି ଗେଲ୍ପି ଆହାମାଞ୍ଜେରି; ଏଦି ମୀ ତାଣାଟି ଆହା ହିଲେଏ,  
 ଏଦି ମାହାପୁରୁଟି ଦାନା, ୯ ଏଦି ମୀରୁ କାମା କିତାକି ଆଏ, ଏଦାଆଁତାକି  
 ଆମ୍ବାଆସି ବତପଣ କିଆପେସି । ୧୦ ଇଚିହିଁ ମୀର ତାନି ତାଣାଟି ଗାଡ଼ି  
 ଆହାମାନାୟି; ଆମିନି ନେହିଁ କାମା କିଇଁ ଇଞ୍ଜି ମାହାପୁରୁ ତଲିଏ କିହାଲି  
 ତାକି ତିୟାରା କିହାମାରେସି ଏ ବାରେ ମାନସି ଆହାଲି କ୍ରୀସ୍ତ ଜୀସ୍ତ ତାଣାଟି  
 ଗାଡ଼ି ଆହାମାନେ । ୧୧ ମୀରୁ ଏଚିବେଲା ତଲି ଆଢ୍ଫା ତଲେ ଜୀହୁଦିଆଆନା  
 ମାରେରି ଅଡ଼େ ଆଢ୍ଫାଟି ଅଶ୍ପୁତା କେୟୁତଲେ ତଲୁ ଦାପି ଆତି ଲକୁ ତାଣାଟି  
 ତଲୁ ଦାପି ଆଆତାରି ଇଞ୍ଜି ଝେଢ଼ିମାରେରି । ୧୨ ଏଚିବେଲା ମୀରୁ କ୍ରୀସ୍ତ  
 ତାଣାଟି ହେକ ମାରେରି, ମୀରୁ ଏଚ୍ଚକା ଦେସାତାରେରି ମାରେରି, ଅଡ଼େ  
 ମାହାପୁରୁଟି ଆଚିତି ଇସ୍ତାୟେଲ କୁଡ଼ାତା ଆଶ୍ଵାହିଲାଆତେରି, ମାହାପୁରୁ ତାନି  
 ଲକୁତାକି କିହାମାନି ରାଜିମାନାତା ମୀ ଏନି ବାଗା ହିଲାଆତେ, ମାହାପୁରୁ  
 ଅଡ଼େ ବାସୁଁ ହିଲାଆ ଲକୁ ଲେହେଁ ଦାର୍ତତିତା ବାସା କିହାମାରେରି । ୧୩  
 ନକେଏ ମୀରୁ ହେକ ମାରେରି, ସାମା ନୀଏଁ ମୀରୁ କ୍ରୀସ୍ତ ଜୀସ୍ତ ତାଣାଟି ତାନି  
 ନେତେରି ତଲେ ତାଗେ ଆହାମାଞ୍ଜେରି । ୧୪ ଏନାଆଁତାକି ଇଚିହିଁ ଏଖାସି  
 ମା ହିଚ୍ଚି, ଏଖାସି ସାତୁ ଲେହେଁ ପାଡ଼ି କାଚିନି କାଚିତି ତିକହାନା ବାରେତି  
 କାଲହା ମାନେସି, ୧୫ ଜୀହୁଦି ଲକୁଡ଼ି ପାଣାପାଗୁ ହୁକୁମିତି ମେରାତି ତାନି  
 ଆଢ୍ଫାଟି ହେକ କିହାମାନେସି, ଏନିକିଁ ଏଖାସି ହିଚ୍ଚି ହାହାନା ଜୀହୁଦି ଅଡ଼େ  
 ଜୀହୁଦିଆଆତି କୁଡ଼ାତାରାଇଁ ତାନି ତାଣା ର ପୁଃନି ଲକୁଲେହେଁ ଗାଡ଼ି କିନେସି  
 । ୧୬ ଅଡ଼େ କୁସତା ହାହାନା ଜୀହୁଦି ଅଡ଼େ ଜୀହୁଦିଆଆତାରି ସାତୁତି ନାସା  
 କିହାନା ଏଦାଣି ତଲେ ରିଆରାଇଁ ରଣ୍ଡିଏ ଆଢ୍ଫା ଲେହେଁ ଗାଡ଼ିକିହାନା ମାହାପୁରୁ  
 ତଲେ ଆଣ୍ଡିକିୟାନେସି । ୧୭ ଅଡ଼େ ହେକ ମାଟି ଜୀହୁଦିଆଆତି ଲକୁଣି ଅଡ଼େ  
 ତାନି ତାଗେ ମାନି ଜୀହୁଦି ଲକୁ ଇ ରିଆରି ତାଣା ଏଖାସି ଖାହାନା ହିଚ୍ଚିତି  
 ନେହିଁ କାରୁ ଝେକହେସି; ୧୮ ଏନାଆଁତାକି ଇଚିହିଁ କ୍ରୀସ୍ତ ତାକି ବାରେ  
 ଜୀହୁଦିୟାଁ ଅଡ଼େ ଜୀହୁଦିଆଆତି ଲକୁ ରଣ୍ଡିଏ ସୁଦୁଜୀସ୍ତ ଲାକପୁରୁ ଆବା  
 ତାଣା ହାଜାଲି ଜିରୁ ବେଟାଆହାମାନାୟି । ୧୯ ଏଦାଆଁତାକି ମୀରୁ ଏଚ୍ଚକା

ଦେସାତାତେରି ଇ ଦେସାତାତେରି ଆଏ, ସାମା ମାହାପୁରୁ ଲକ୍ଷ୍ମଣେ ଆଶ୍ରାମା  
 ଏଞ୍ଜାରି ଦେସାତି ଲକ୍ଷ୍ମଣେ ଅଡ଼େ ମାହାପୁରୁ ଇଲୁ କୁଟମିତେରି । ୨୦ ମୀରୁ ପାଶୁଞ୍ଜି  
 ଆହାମାନାରି ଅଡ଼େ ମାହାପୁରୁ ଅଶ୍ୱପୁତି ବଲୁ ଶ୍ରେହ୍ନାରି ଇଟାମାନି ପୁନାଦି  
 ମୁହେଁ ଇଟକି ଆହାମାଞ୍ଜେରି, କ୍ରୀସ୍ତ ଜୀସୁ ତାନୁଏ, ଏ କନତି ମୂଲୁ ଖାଲି । ୨୧  
 ଏଞ୍ଜାଣି ତାଣା ବାରେ ଇଲୁତି ବାରେ କାତିୟାଁ ଦୂର୍ଯ୍ୟାମା ପ୍ରବୁ ତାଣା ର ସୁଦୁ  
 ଆଞ୍ଜାମାନି ମାହାପୁରୁ ଇଲୁ ଲେହେଁ ପାତାଆହିମାନେ । ୨୨ ଏଞ୍ଜାଣି ତାଣା  
 ମୀରୁ ଜିକେଏ ମା ତଲେ ଆଶ୍ରାମା ସୁଦୁଜୀଞ୍ଜୁତି ମାହାପୁରୁ ବାସାଆନି ଇଲୁ  
 ଲେହେଁ ଦସ୍ପି ଆହାମାଞ୍ଜେରି ।

**୩** ଇଦାଆଁତାକି ମୀ ଲେହେଁତି ଜୀହୁଦିଆଆତି ଲକ୍ଷ୍ମଣାକି କ୍ରୀସ୍ତ ଜୀସୁ ତାକି  
 ଦସ୍ପି ଆହାମାନି ପାଞ୍ଜୁଲତେଏ । ୨ ମିଡ଼େଟାକି ନାଡ଼େ ହାହାମାଞ୍ଜାନି  
 ମାହାପୁରୁତି କାର୍ମାତି ସେବାକିନି କାମାତି କାତା ମୀରୁ ଶ୍ରେଞ୍ଜାମାଞ୍ଜେରି, ୩ ଅଡ଼େ  
 ତୁଗାମାନି କାତା ମାହାପୁରୁ ତାନୁଏ ତସାନା ପୁଶ୍ମି କିୟାତେସି, ଏନିକିଁ ନାନୁ  
 ତଲି ଏ ବାରେ କାତା ଇଟାଣି ରାତାମାଇଁ; ୪ ମୀରୁ ଏଦାଆଁ ପଡ଼ଞ୍ଜି ଆହାମା  
 କ୍ରୀସ୍ତୁତି ତୁଗାମାନି କାତା ନାନୁ ଏନାଆଁ ତେଲହାମାଇଁ ଏଦାଆଁ ମୀରୁ ତେଲହାଲି  
 ଆଡ଼ିଦେରି, ୫ ତଲି କାଲାତା ମାଶ୍ୱିୟାଁ ତାଣା ତଞ୍ଜା ଆହାହିଲିଆତେ, ଏ  
 ତୁଗାମାନାୟି ନୀଏଁ ସୁଦୁଜୀଞ୍ଜୁତି ତାନି ସୁଦୁତି ପାଶୁଞ୍ଜି ଆହାମାନାରି ଅଡ଼େ  
 ମାହାପୁରୁ ଅଶ୍ୱପୁତି ବଲୁ ଶ୍ରେହ୍ନାରି ତାଣା ଏନିକିଁ ତଞ୍ଜା ଆହାମାନେ, ୬  
 ଏ ତୁଗାମାନି କାତା ଇଦି ନେହିଁ କାରୁ ତାଣାଟି ଜୀହୁଦିୟାଁ ମାହାପୁରୁତି ବର  
 ବେଟାଆନି ଲେହେଁ, ଏଟକା କୁଡ଼ାତାରି ଜିକେଏ ବାରେଜାଣା ଆଶ୍ରାମା ର  
 ଆଞ୍ଜା ଲେହେଁ ଆହାମା କ୍ରୀସ୍ତ ଜୀସୁ ତାଣାଟି ମାହାପୁରୁ ଆଞ୍ଜାମାନାଣି ବାରେ  
 ବେଟାଆନେରି । ୭ ମାହାପୁରୁତି କାମା କିନି ବାଡ଼୍ମୁ ତଲେ ନାଡ଼େ ଏମିନି  
 କାର୍ମାତି ଦାନା ହାହାମାଞ୍ଜାନେସି ଏଦାଆଁତାକି ଏ ନେହିଁ କାରୁତି ଶ୍ରେକ୍ନାତେଏଁ  
 ଆହାମାଇଁ । ୮ ମାହାପୁରୁ ଲକ୍ଷ୍ମଣେ ବିତ୍ରାଟି ନାନୁ ବାରେତି କିହାଁ ଉଶାତେଏଁ ମାତି  
 ଜିକେଏ ଏଟକା କୁଡ଼ାତି ଲକ୍ଷ୍ମଣାଣା ଏଜିକିହାଲି ଆତାଆଗାଟି କ୍ରୀସ୍ତୁତି କାର୍ମାତି  
 ନେହିଁ କାରୁ ଶ୍ରେକ୍ନାଲି ମାହାପୁରୁ ପାରୁ ହାହାମାଞ୍ଜାନେସି, ୯ ଅଡ଼େ ବାରେ  
 ଗାଡ଼ିକିତି ମାହାପୁରୁ ତାଣା ତଲି କାଲାଟିଏ ତୁଗାମାନି କାତାତାକି ଏଞ୍ଜାଣି  
 ଅଶ୍ୱପୁ ଏନାୟି ଏଦାଆଁ ଉଜେଡ଼ିତା ତସାଲି ତାକି ମାହାପୁରୁତି କାର୍ମା ମେଡ଼ା  
 ଆହାମାଞ୍ଜାନେ, (aiōn g165) ୧୦ ଏନିକିହିଁ ନୀଏଁ କ୍ରୀସ୍ତାନା କୁଲମିତି କାମାତି  
 ଲାକପୁରୁତି ସାଲଞ୍ଜି କିନାରି ବାଡ଼୍ମୁ ଗାଟି ମାହାପୁରୁତି ବୁଦି ନେହିଁକିଁ ପୁଞ୍ଜାଲି

ଆତିନେରି, **୧୧** ମାହାପୁରୁ ତାନି କାଲାକାଲାତି ଅଶ୍ୱପୁ ଲେହେଁ ମା ପ୍ରବୁ  
 କ୍ରୀସ୍ତୁ ଜୀସୁ ଡାଣାଟି ବାରେ କିହାମାନେସି । (aiōn g165) **୧୨** ଏ ପ୍ରବୁ ଡାଣା  
 ନାମାମାନକି ମାର ଏଞ୍ଜାଣି ଡାଣା ସାସାଟି ଆଜାଆନା ମାହାପୁରୁ ଡାଣା ହାଜାଲି  
 ସାସା ବେଟାଆହାମାନାୟି । **୧୩** ଏଦାଆଁତାକି ନାନୁ ମିଡ୍ରେ ବାତିମାଲିମାଞ୍ଜାଲି,  
 ମିଡ୍ରେତାକି ନାନୁ ବେଟାଆହିମାନି ଦୁକୁ କସ୍ତୁ ତାକି ସାସା ପିହୁଆଦୁ, ସାତେଏ  
 ଏଦି ମୀ ଗାଞ୍ଜୁରମି ତାକି ଆହାମାନେ । **୧୪** ଏଦାଆଁତାକି ଆମିନି ଆବା  
 ଡାଣାଟି ଲାକପୁରୁ ଅଡେ ଦାର୍ତତି ବାରେ କୁଟମି, ତାନି କୁଡାତି ଦରୁ  
 ବେଟାଆହାମାନେ, **୧୫** ଏ ମାହାପୁରୁ ଆବା ନକିତା ମେଶ୍ଟାକୁତାନା ପ୍ରାତାନା  
 କିହିମାଇଁ । **୧୬** ଏନିକି ଏଞ୍ଜାସି ତାନି ଗାଞ୍ଜୁରମିଗାଟି ଦନ ତାନି ସୁଦୁଜୀଞ୍ଜୁ  
 ତଲେ ମିଡ୍ରେ ମୀ ଅଶ୍ୱପୁତା ତୀରି ମାଶ୍ୱସି ଆହାଲି ବାଡ୍‌ୟୁ ହିୟାନେସି, **୧୭**  
 ମୀ ନାମୁତଲେ କ୍ରୀସ୍ତୁ ମୀ ହିୟାଁତା ବାସା କିନେସି, ଏନିକି ମୀ ଜୀଞ୍ଜୁ ନଞ୍ଜୁତା  
 ପୁନାଦି ଅଡେ ଆର୍‌ଞ୍ଜା ତଲେ ତୀରିଆହାନା ଏଜିକିହାଲି ଆଡାଆଗାଟି କ୍ରୀସ୍ତୁତି  
 ଜୀଞ୍ଜୁ ନଞ୍ଜୁ, **୧୮** ଏଦାଆଁ ପୁଞ୍ଜୁ ଇଞ୍ଜା ବାରେ ମାହାପୁରୁ ଲକୁତଲେ ଏମ୍ପାତି  
 ଅସାରା ଅଡେ ଲାମ୍ପା ପାଡ୍‌ଶି ଅଡେ ଗାଡ୍‌ୟୁତି ପୁଞ୍ଜାଲି ବାଡ୍‌ୟୁ ବେଟାଆଦି  
 । **୧୯** ହାଅ ମୀରୁ ଏନିକି କ୍ରୀସ୍ତୁତି ଜୀଞ୍ଜୁ ନନାଣି ପୁଞ୍ଜେରି ଆତିହିଁ ଜିକେଏ  
 ଏଦାଆଁ ନେହିଁକି ପୁଞ୍ଜାଲି ଆଏ, ଅଡେ ଏଲେକିହିଁ ମାହାପୁରୁତି ଗୁଣୁତଲେ  
 ପାଡାଆଦୁ । **୨୦** ଆମିନି ମାହାପୁରୁ ମା ହିୟାଁତା କାମା କିହିମାନି ତାନି ବାଡ୍‌ୟୁ  
 ତଲେ ମାର ରୀହନାଣି ଅଡେ ଅଶ୍ୱପିନାଣି କିହାଁ ହାରେକା ଆଗାଡା ହିୟାଲି  
 ଆଡାନେସି, **୨୧** କୁଲମିଟି ଅଡେ କ୍ରୀସ୍ତୁ ଜୀସୁ ଡାଣାଟି ଏ ମାହାପୁରୁତି ଗାଞ୍ଜୁରମି  
 କାଲାକାଲାତାକି ମାଶ୍ୱମେ । ଆମେନ୍ । (aiōn g165)

**୪** ପ୍ରବୁତି ସେବାତାକି ନାନୁ କାୟିଦିତା ମାଇଁ, ମିଡ୍ରେ ବାତିମାଲିମାଞ୍ଜାଲି,  
 ଏନିକି ନୀଡାବାଡକାଲି ତାକି ମାହାପୁରୁ ମିଡ୍ରେ ହାଟାମାଞ୍ଜାନେସି, ଏଲେତି  
 ମାଶ୍ୱକି ତଲେ ମାଞ୍ଜୁ । **୨** ଇତିହିଁ ବାରେଲେହେଁତି ଉଶା ଗାଟାତେରି, ସୁଦୁ  
 ସୁଞ୍ଜାଲା, ହାରେକା ଅର୍‌ହିନାତେରି ଅଡେ ଜୀଞ୍ଜୁନହାଁନା ରଅତେରି ରଅଶାଇଁ  
 ଅର୍‌ହିନାତେରି ଆଦୁ; **୩** ମୀରୁ ବାରେଜାଣା ତେରି ହିଡ୍‌ଡିତି ଦ୍ୱରିତଲେ ଦସ୍‌ପି  
 ଆହାନା ସୁଦୁଜୀଞ୍ଜୁ ବାଡ୍‌ୟୁତି ରଣ୍ଡିଏ ଲେହେଁ ଆହାଲିତାକି ଜାଡ୍‌ନୁ ଆଦୁ । **୪**  
 ଆଡ୍ଡା ରଣ୍ଡିଏ, ସୁଦୁଜୀଞ୍ଜୁ ଜିକେଏ ରଣ୍ଡିଏ, ଏନିକି ମୀରୁ ମୀ ହାଟାମାନି ରଣ୍ଡିଏ  
 ବାସୁଁ ତଲେ ହାଡକି ଆହାମାଞ୍ଜେରି; **୫** ପ୍ରବୁ ରଅସିଏ, ନାମୁ ରଣ୍ଡିଏ ଅଡେ  
 ବାପ୍ତିସ୍ତୁ ଜିକେଏ ରଣ୍ଡିଏ, **୬** ବାରେ ମାଶ୍ୱସିୟାଁତି ରଣ୍ଡିଏ ମାହାପୁରୁ ଅଡେ ତାଞ୍ଜି;



ଏଖାସି ବାରେତି ମୁହେଁ, ବାରେତି ବିତ୍ରା ଇଞ୍ଜି ବାରେତି ହିୟାତା ମାନେସି  
 । ୭ ସାମା କ୍ରୀସ୍ତତି ଦାନା ଏରେକା ବେଟାଆନାୟି ମାନେ ଏରେକା ମାଢ୍ଫେ  
 ବାରେଜାଣା ତାକି ମାହାପୁରୁତି କାର୍ମାମେହନାୟି ହାପକି ଆହାମାଞ୍ଜାନେ । ୮  
 ଦାର୍ମୁ ସାସ୍ତେରିତା ରାସକି ଆହାମାନେ, “ଏଖାସି ଲାକ ହାଜାନା, ହାରେକା  
 ଦସ୍ପି ଆହାମାନାରାଇଁ ତାନିତଲେ ଅତେସି; ଅଡେ ମାଣ୍ଠିୟାକି ଏଟ୍‌କା  
 ଏଟ୍‌କାତି ବର ହାତେସି ।” ୯ “ଏଖାସି ଲାକ ହାରେସି” ଇତିସାରେ ଏନାୟି?  
 ଏଲେଇତିସାରେ ମୁଲୁଏ ଏଖାସି ଦାର୍ତତି ତୁଇ ପାତେକା ରେତା ଖାହାମାତେସି  
 । ୧୦ ଆମ୍ବାଆସି ତୁଇପୁରୁ ଖାହାମାତେସି, ବାରେ ଦାର୍ତଇଁ ତାନୁ ମାଞ୍ଜାନା  
 ବାରେ ପୁରା କିହାଲିତାକି ଏଖାସି ଅଡେ ଖେଣ୍ଠେ ଲାକପୁରୁ ହାତେସି, ୧୧ ଏଖାସି  
 ଲକ୍ଷୁତାକି ହାରେକା ଦାନା ହାତେସି; ଆମ୍ବାଆରାଇଁ ପାଣ୍ଡୁଝି ଆତାରି ଆହାଲି,  
 ଆମ୍ବାଆରାଇଁ ମାହାପୁରୁ ଅଣ୍ଠପୁତି ବଲୁ ଖେକ୍‌ନାରି ଆହାଲି, ଆମ୍ବାଆରାଇଁ  
 ନେହିଁ କାବୁ ଖେକ୍‌ନାରି ଆହାଲି, ଅଡେ ଏତର ଜାଣାଇଁ କୁଲମି ଜାତ୍‌ନୁ କିନାରି  
 ଅଡେ ଜାପ୍‌ନାରି ଆହାଲି ଦାନା ହାହାମାନେସି, ୧୨ ଏନିକି ମାହାପୁରୁ ଲକ୍ଷୁତି  
 ସେବା କାମାତାକି ତାରି ଆହାଲି ଆଡିନେ ଇଞ୍ଜି କ୍ରୀସ୍ତତି ଆଢ୍ଫା ପାତାଆହାଲି  
 ଆଡିନେ ୧୩ ଏନିକି ମାର ବାରେଜାଣା ନାମୁତା ଅଡେ ମାହାପୁରୁତି ମାର୍‌ଏଣା  
 କାତାତି ବୁଦିତା ରଣ୍ଡିଏ ଆହାଲି ଆଡିନାୟି, ଇତିହିଁ କ୍ରୀସ୍ତ ଲେହେଁ ଆହାନା  
 ପାତାଆଡି ଲକ୍ଷୁ ଲେହେଁ ଆନାୟି, ୧୪ ଗାଲି ଖାନତି ଅଡେ ଏୟୁ ଉଣ୍ଡାତା  
 ଦାଢ୍ଫିମାନି କକାରି ପଦାୟି ଲେହେଁ ମାର ଇତାଲା ଆତାଲା ଆଆପ ।  
 ଏଟ୍‌କା ଲକ୍ଷୁଣି ଜିରୁ ବାଣି କିହିମାନି ନାଡିକିନି ଅଣ୍ଠପୁତି ଜାପ୍‌ନି ତାଣା ମାର  
 ତରୁଣାଆପ । ୧୫ ସାମା ସାତାତି ଆସାନା ତାୟି ଲେହେଁତି କ୍ରୀସ୍ତ ଏଖାଣି  
 ତାକି ବାରେ ଜୀଞ୍ଜୁ ନଞ୍ଜୁତା ପାତାଆନ । ୧୬ ଏଖାଣି ତାଣାଟି ବାରେ ଆଢ୍ଫା  
 ବାରେ ହାନ୍ଦୁଲିକା ସାୟେମି ତଲେ ଅଡେ ବାରେ ଆଢ୍ଫାତି କାମା କିନି ବାଡ୍‌ୟୁ  
 ତଲେ ଦୁରୁଞ୍ଜି ଆହାନା ଜୀଞ୍ଜୁ ନଞ୍ଜୁତା ତାମି ନେହେଁତାକି ଜାହାରାଇଁ ପାତି  
 କିହିମାନୁ । ୧୭ ପ୍ରବୁ ଦରୁତଲେ, ନାନୁ ମିଢ୍ଫେ ଜାଗ୍ରାତା କିହିଁ ଖେସିମାଞ୍ଜାଇଁ,  
 ନାମାଆତାରି ଏନିକି ତାମି ମନତା ଉଜେଏତି ଅଣ୍ଠପୁ ତଲେ ନାତିନେରି ମୀରୁ  
 ଏଲେକି ନୀତାଆଦୁ, ୧୮ ଏଖାରି ତାମି ତାଣା ମାନି ମୁର୍କୁ ତାକି ଜାହା ଜାହାରା  
 ମନ ଆଟ୍‌ଖା ମାନାକି ଏଖାରି ମାହାପୁରୁ ହାହାମାନି ଜୀଞ୍ଜୁତି ବୁଦି ଆନେରି  
 ଆହାମାନେ, ଅଡେ ମାହାପୁରୁ ତାଣାଟି ଏଟ୍‌କା ଆହାମାନେରି; ୧୯ ଏଖାରି  
 ଆଟ୍‌ଖା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି

ଜାହାରାଉଁ ହେରପା କତାମାନେରି । ୨୦ ସାମା ମୀରୁ କ୍ରୀସୁଇଁ ଏଲେକିହିଁ  
 ଜାପାହିଲଅତେରି । ୨୧ ମୀରୁ ତାନି କାତା ସାତାତଲେ ଖେଞ୍ଜାମାଞ୍ଜେରି, ଅଡ଼େ  
 ଜୀସୁ ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି, ୨୨ ଇତିହିଁ,  
 ମୀରୁ ମୀ ନକେଏତି ମାଣ୍ଡକିତା ନାଡ଼ିକିନି ରାହାଁତା ହାରେ ହାରେକା ଲାଗେଏ  
 ଆହିମାତେ । ୨୩ ମୀ ମନତା ପୁଃନି ଗୁଣୁ ଆହାନା । ୨୪ ଏମିନି ପୁଃନି ଗୁଣୁ  
 ମାହାପୁରୁତି ଖାଣା ତଲେ ଦାମ୍ବୁ ଅଡ଼େ ସାତାତି ସୁଦୁତା ଗାଡ଼ି ଆହାମାଞ୍ଜେରି,  
 ଏଦାଆଁ ପରହାଲି ଜାପାମାଞ୍ଜେରି । ୨୫ ଇଦାଆଁତାକି ମିତିତି ପିସାନା ମୀରୁ  
 ବାରେଜାଣା ତେରି ନାମିତି ତାୟିୟାଁ ତଲେ ସାତା କାତା ଖେସ୍ପି ଆଦୁ, ଇତିହିଁ  
 ମାର ରଣ୍ଡିଏ ଆଞ୍ଜୁତାୟି । ୨୬ କାର୍ବି ଆଦୁ, ସାମା ପାପୁ କିଆଦୁ: ଖେଡ଼ା  
 ହାଲାଆ ନକେଏ କାର୍ବି ପିହ୍ଦୁ: ୨୭ ଅଡ଼େ ସୟତାନକି ଚାୟୁ ହୀଆଦୁ । ୨୮  
 ସରୁ ଅଡ଼େ ସରୁ କିଆପେସି, ଇତିହିଁ ହିଲାଆ ଗାଟାରାକି ହୀହାଲିତାକି ଏନିକିହିଁ  
 ତାନି ତାଣା ଏନାୟି ଡ଼ୟିନେ, ଇଦାଆଁତାକି ତାନି କେୟୁତଲେ ନେହିଁ କାମା  
 କିହାନା କସୁ କିପେସି । ୨୯ ମୀ ଗୁଡ଼ିତି ଏନି ଲାଗେଏତି କାତା ହୁଆପେ, ମୀ  
 ଲଡ଼ାମାନି ଲେହେଁ ନେହିଁ କାତା ହୁପେ ଏନିକିଁ ଏଦି ଖେନାରାକି ନେହାୟି ଆନେ  
 । ୩୦ ମାହାପୁରୁତି ସୁଦୁଜୀସୁ ତଲେ ମିଡ଼େ ଗେଲ୍ପିନି ଦିନାତାକି ରୁଗୁ ମୁଦା  
 କିଞ୍ଜି ଆହାମାଞ୍ଜେରି ଏଦାଣି ଦୁକୁ ହୀଆଦୁ । ୩୧ ବାରେଲେହେଁତି କୁଗୁ ଅଶ୍ପୁ,  
 କାର୍ବି, କପା, ଗଡ଼ହା ଅଡ଼େ ନିନ୍ଦା, ଇଞ୍ଜାଁ ବାରେଲେହେଁତି ଅପାଆଗାଟାୟି ମୀ  
 ତାଣାଟି ହେକ ଆପେ । ୩୨ ଅଡ଼େ, ରଅତେରି ରଅଣାଲ୍ କାର୍ମା ଅଶ୍ପାଦୁ,  
 ହିଡ଼ି ହିୟାଁ, ଅଡ଼େ ମାହାପୁରୁ କ୍ରୀସୁ ତାଣା ମିଡ଼େ ଏନିକିହିଁ ଦହ ପିସୁନେସି,  
 ଏଲେକିହିଁ ରଅତେରି ରଅଣି ଦହ ପିହ୍ଦୁ ।

**୫** ମୀରୁ ମାହାପୁରୁତି ଜୀସୁତି ମୀରକା ମାସକାତେରି ଆହାମାନାକି, ମାହାପୁରୁ  
 ଲେହେଁ ଆଦୁ: ୨ କ୍ରୀସୁ ଏନିକିଁ ମିଡ଼େ ଜୀସୁ ନୟାଁତେସି, ଅଡ଼େ ମା ତାକି  
 ମାହାପୁରୁ ତାକି ଗାନ୍ଧାଗାଟି ନେହିଁ ପୁଜାଲେହେଁ ଜାହାରାଉଁ ହେରପାକତିତେସି,  
 ମୀ ଜୀସୁତା ଜିକେଏ ଏଲେକିହିଁ ଜୀସୁ ନଞ୍ଜିଆହାନା ନୀତାଦୁ । ୩ ସାମା  
 ଦାରିକାମା, ବାରେଲେହେଁତି ଲାଗେଏତି କାମା କି ଜୁପ୍କା, ଇ ବାରେ ମୀ  
 ତାଣା ଚାୟୁ ବେଟା ଆଆପେ; ଏଦି ମାହାପୁରୁ ଲକୁଡ଼ାଣା ନେହାୟି ଆଏ; ୪  
 ଅଡ଼େ ଏନାୟି ଆଆଗାଟାୟି, ଅଜାଆତି କାତା, ଲାଗେଏତି କାତା, ଲକୁଣି  
 ଲାଜା କିହାଁ କାକ୍ନାୟି ମୀ ବିତ୍ରା ଡ଼ଞ୍ଜା ଆଆପେ, ସାମା ବାରେ କାତାତାକି  
 ମାହାପୁରୁଇଁ ଜହରା କିଦୁ । ୫ ଇତିହିଁ ମୀରୁ ସାତେଏ ପୁଞ୍ଜାମାଞ୍ଜେରି, ଏମିନି

ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁଫୁକା ଆନାସି  
 ଏଞ୍ଜାସି ଯେଣକା ବମାୟୁତି ପୂଜା କିନାସି, ଏଲେତି ଲକ୍ଷୁକି କ୍ରୀସ୍ତୁ ଅଡେ  
 ମାହାପୁରୁତି ରାଜିତା ଅଦିକାରା ହିଲେଏ । ୭ ଆମ୍ବାଆସି ମିଢ୍ଢେ ଉଜେଏତି  
 କାତା ଝେସାନା ନାଡ଼ି କିୟାଆପେସି, ଏନାଆଁତାକି ଇତିହିଁ ଇ ବାରେ ଲାଗେଏତି  
 କାମାତାକି କାତା ମାନଞ୍ଜି ଆଆଗାଟି ମୀରୁକା ମୁହେଁ ମାହାପୁରୁତି କାର୍ବି  
 ଝାନେ । ୭ ଇଦାଆଁତାକି, ମୀରୁ ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ: ୮  
 ଏନାଆଁତାକି ଇତିହିଁ ମୀରୁ ତଲି ଆନେରି ଲେହେଁ ମାତେରି, ସାମା ନୀଏଁ ପ୍ରବୁତି  
 ଲକ୍ଷୁ ଆତାକି ଉଜେଡ଼ି ଲେହେଁ ଆହାମାଞ୍ଜେରି; ଉଜେଡ଼ିତି ମୀରୁକା ଲେହେଁ  
 ତାକାଦୁ, ୯ ଇତିହିଁ ବାରେଲେହେଁତି ନେହାୟି, ଦାମ୍ବୁଗାଟାୟି ଅଡେ ସାତା  
 ଉଜେଡ଼ିତି ପାଡେୟି ଲେହେଁ, ୧୦ ପ୍ରବୁକି ଏନାୟି ନେହେଁ, ଏଲେତି କାମା  
 କିହାଲି ଜାପାଦୁ: ୧୧ ଲକ୍ଷୁ ଆନେରିତା ଆମିନି ବାରେ ଲାଗେଏତି କାମା  
 କିହିମାନେରି, ଏ ବାରେ କାମାତା ଆଣ୍ଡାଆଦୁ, ଇଞ୍ଜା ଏଞ୍ଜାରି ବାରେ କାମାତି  
 ଦହ ଚହୁଦୁ । ୧୨ ଏନାଆଁତାକି ଇତିହିଁ ଏଞ୍ଜାରି ଏନାଆଁ ତୁଗାନା କିନେରି, ଏ  
 ବାରେ କାତା ଝେହ୍ନାୟି ଜିକେଏ ଲାଜାତି କାତା, ୧୩ ସାମା ବାରେ ଲାଗେଏତି  
 କାମା ଉଜେଡ଼ି ତଲେ ଚସ୍ପିଆନେ, ଏନାୟି ବାରେ ଚଞ୍ଜାଆନେ ଏଦି ବାରେ  
 ଉଜେଡ଼ି । ୧୪ ଏଦାଆଁତାକି ରାସ୍କି ଆହାମାନେ, “ଇଦା କିହାମାନାତେରି,  
 ନିଞ୍ଜାଦୁ, ହାତାରି ତାଣାଟି ନିଞ୍ଜାଦୁ, ଅଡେ କ୍ରୀସ୍ତୁ ମିଢ୍ଢେ ଉଜେଡ଼ି ହିୟାନେସି ।”  
 ୧୫ ଇତିହିଁ ବୁଦି ହିଲାଆ ଗାଟାରିଲେହେଁ ଆଆନା ବୁଦି ମାନାରି ଲେହେଁ ମୀ  
 ନୀତିନାଣି ତାକି ଜାଗ୍ରାତା ଆଦୁ, ବୁଦି ହିଲାଆଗାଟାତେରି ଲେହେଁ ଆଆନା  
 ବୁଦି ଗାଟାତେରି ଲେହେଁ ଆଦୁ । ୧୬ ପାଗାତି ନେହିଁକି ଲେମ୍ବାଦୁ, ଏନାଆଁତାକି  
 ଇତିହିଁ କାଲା ଲାଗେଏତାୟି । ୧୭ ଏଦାଆଁତାକି, ବୁଦି ହିଲାଆ ଗାଟାରିଲେହେଁ  
 ଆଆନା ପ୍ରବୁତି ଅଶ୍ପୁ ଏନାୟି ଏଦାଆଁ ତେଲହାଦୁ । ୧୮ ଅଡେ କାତୁ ଗସାନା  
 ହୁଚାଆଦୁ, ଏନାଆଁତାକି ଇତିହିଁ ଏଞ୍ଜି ମିଢ୍ଢେ ନାସା କିୟାନ୍ତୁ; ସାମା ପାରୁ,  
 ସୁଦୁଜୀଞ୍ଜୁଟି ଜହରା କିହିଁ ରଅତେରି ରଅଣାଇଁ ବାସୁ ହାଦୁ, ୧୯ ଅଡେ ମୀ ହିୟାଁ  
 ମାହାପୁରୁ ତାକି ସୁଦୁଜୀଞ୍ଜୁ ତଲେ ଜହରା ପାରୁ ପାତାଦୁ । ୨୦ ବାରେବେଲା  
 ବାରେ କାତାତାକି ପ୍ରବୁ ଜୀସୁ କ୍ରୀସ୍ତୁତି ଦରୁତଲେ ଆବା ମାହାପୁରୁଇଁ ଜହରା  
 କିଦୁ । ୨୧ ଅଡେ କ୍ରୀସ୍ତୁଇଁ ଆଜାନା ରଅତେରି ରଅଣାଇଁ ମାନି କିଦୁ । ୨୨ ଏ  
 ଆୟାସିକା ମୀରୁ ଏନିକି କ୍ରୀସ୍ତୁଇଁ ମାନି କିହିମାନି ଲେହେଁ ମୀରୁ ମୀ ତକ୍ରାୟାଣି  
 ମାନି କିଦୁ, ୨୩ ଇତିହିଁ କ୍ରୀସ୍ତୁ ଏନିକି କୁଲମିତି ତାୟୁଁ ଲେହେଁ, ତକ୍ରା ଜିକେଏ

ଏଲେକ୍ଟ୍ରିକିଟି ଚାଲୁ ଲେହେତାଏ, ଇଞ୍ଜି କ୍ରୀସ୍ତ ତାନି ଆଢ଼ୁ ଲେହେତି କୁଲମିତି ଗେଲ୍ପିନେସି । ୨୪ ହାଅ, କୁଲମି ଏନିକିହିଁ କ୍ରୀସ୍ତୁଇଁ ମାନି କିନେ, ଏଲେକ୍ଟ୍ରିକିଟି ତକ୍ରିସିକା ଜିକେଏ ବାରେ କାତାତା ତାନି ତକ୍ରାୟାଣି ମାନି କିପୁ । ୨୫ ଏ ତକ୍ରାୟାତେରି, କ୍ରୀସ୍ତ ଏନିକି କୁଲମିତି ଜୀସୁ ନତେସି, ମୀରୁ ଜିକେଏ ଏଲେକ୍ଟ୍ରିକିଟି ମୀ ତକ୍ରିସିକାଣି ଜୀସୁନଦୁ: ଇତିହିଁ ଏଞ୍ଜାସି ଏଦାନାକି ତାନି ଜୀସୁ ହୀତେସି, ୨୬ ଏଞ୍ଜାସି କୁଲମିତି ବଲୁ ଅଡେ ଏୟୁତଲେ ନରହାନା ମାହାପୁରୁ ତାକି ସୁଦୁ କିହାନା ହେର୍ପିତେସି, ୨୭ ଏନିକି କୁଲମି ଗାହାଁଗାରି, ଅଡେ ଦହ ହିଲଆଗାଟାୟି ଆହାନା ସୁଦୁ ଗାଟାୟି ଆନେ, ଅଡେ ଏଲେକ୍ଟ୍ରିକିଟି ଗାସୁରମି ତଲେ ମାହାପୁରୁ ତାନି ତାଣା ଅନେସି । ୨୮ ଏଲେକ୍ଟ୍ରିକିଟି ତକ୍ରାୟା ଜିକେଏ ତାନି ତକ୍ରିସିକାଣି ଜାହାରା ଆଢ଼ୁ ଲେହେଁ ଜୀସୁନଦାୟି ମାନେ, ଆମ୍ବାଆସି ଜାହାରା ତକ୍ରିନି ଜୀସୁ ନନେସି, ଏଞ୍ଜାସି ଜାହାରାଇଁ ଜୀସୁ ନନେସି; ୨୯ ଆମ୍ବାଆସି ଜିକେଏ ଜାହାରା ଆଢ଼ୁତି ନାନୁ ଅପଅଁ ଇଞ୍ଜି ଇନଅସି, ସାମା ତାନି ଆଢ଼ୁ ତାକି ତିନେସି ଉନେସି ଅଡେ ଜାତ୍ନୁ ଇତିନେସି, କ୍ରୀସ୍ତ ଜିକେଏ କୁଲମିତାକି ଏଲେକ୍ଟ୍ରିକିଟି କିନେସି, ୩୦ ଏନାଆଁତାକି ଇତିହିଁ ମାର ତାନି ଆଢ଼ୁତି ଆଢ଼ୁ ଉଡେଲି ତାୟି । ୩୧ ଦାର୍ମପତିତା ରାସକି ଆହାମାନେ, “ଇଦାଣି ତାକି ଆବାଟି ତାଲି ତାଞ୍ଜିଇଁ ପିସାନା ଜାହାରା ତକ୍ରି ତାଣା ଆଶ୍ଟିନେସି, ଅଡେ ଏ ରିଆରି ରଣ୍ଡିଏ ଆଢ଼ୁ ଆନେରି ।” ୩୨ ଇ ଦାର୍ମ ସାସ୍ତେରିତା ରାସକି ଆହାମାନି ତାଣା ହାରେକା ତୁଗାମାନି କାତା ମାନେ, ସାମା ନାନୁ କ୍ରୀସ୍ତ ଅଡେ କୁଲମିତି କାତା ଝେସିମାଞ୍ଜାଇଁ । ୩୩ ଏନାୟି ଆପେ, ମୀରୁ ବାରେଜାଣା ଜାହାରା ତକ୍ରିଇଁ ଜାହାରା ଜୀସୁ ଲେହେଁ ଜୀସୁନଦୁ, ଇଞ୍ଜି ତକ୍ରି ଜିକେଏ ଜାହାରା ତକ୍ରାୟା ମାନି କିନାୟିମାନେ ।

୨ କକାରି ପଦାୟାତେରି, ପ୍ରବୁତି ତାକି ମୀ ତାଲି ତାଞ୍ଜି କାତା ମାନଞ୍ଜି ଆଦୁ: ଇତିହିଁ ଏଡି ମିଡ୍ରେ ତାକି ନେହାୟି । ୨ “ମୀ ତାଲି ତାଞ୍ଜିଇଁ ମାନି କିପୁ, ଇଦି ମାହାପୁରୁ ଆଞ୍ଜାମାନି ର କାଜା ହୁକୁମି, ୩ ଏନିକିହିଁ ମିଡ୍ରେ ନେହିଁ ଆନେ, ଇଞ୍ଜି ମୀରୁ ଦାର୍ତତିତା ହାରେକା ଦିନା ନୀତିଦେରି ।” ୪ ତାଲି ତାଞ୍ଜି ତେରି, ମୀ କକାରି ପଦାୟା କିପା କିଆଦୁ, ସାମା ଏଞ୍ଜାରିଇଁ ପ୍ରବୁତି କାତା ଜାପଦୁ ଅଡେ ସେତନା ତଲେ ପହିକିଦୁ । ୫ ଏ ହଲିୟାଢ଼ୁତେରି, ମୀରୁ ଏନିକି କ୍ରୀସ୍ତୁଇଁ ମାନଞ୍ଜି ଆହିମାଞ୍ଜେରି, ଏଲେକ୍ଟ୍ରିକିଟି ଆଜି ଅଡେ ତୀରଗିହିଁ ତୀରି ହିୟାଁ ତଲେ ମୀ ଦାର୍ତତିତା ସାସୁକାରିୟାଁ କାତା ଆହୁଦୁ: ୬ ମାଣ୍ଡିଇଁ ରାହାଁ କିନିଲେହେଁ

ତାମି ନକିତା ଏଦାଆଁ କିଆରୁ, ସାମା କ୍ରୀସ୍ତତି ହଲିୟା ଲେହେଁ ହିୟାଁ ତଲେ  
 ମାହାପୁରୁତି ଅଶ୍ୱପୁ ତାରିକିଦୁ । ୭ ଖାରଲ ମାଶ୍ୱୟାଁତି ସେବା କିହିମାନମି  
 ଇଞ୍ଜି ଅଶ୍ୱପାନା ପ୍ରବୁତି ସେବା କିନିଲେହେଁ ରାହାଁତଲେ ଏଦାଆଁ କିଦୁ, ୮  
 ଇଦାଆଁ ପୁଞ୍ଜାନା, ଏଖାସି କଡିତି ହଲେଏସି ଆପେସି କି ହଲେଏସି ଆଆପେସି  
 ପ୍ରବୁ ବାରେ ଲକ୍ଷୁକି ଏଖାରି ନେହଁ କାମାତାକି ଏଖାରି ଏନାଆଁ ବେଟାଆନାୟି  
 ମାନେ ଏଦାଆଁ ହାନେସି । ୯ ଏ ସାଞ୍ଜୁକାରିୟାଁତେରି, ହଲିୟାଞ୍ଜାଣି ଲାଗେଏ  
 ତଲେ ଲେମ୍ପାଆଦୁ କି ଏଖାରାଇଁ ଆଜିକିଆଦୁ: ମୀରୁ ଅଡେ ମୀ ହଲିୟାଞ୍ଜା  
 ବାରେଜାଣା ତେରି ଲାକପୁରୁତି ପ୍ରବୁତି ହଲିୟାଞ୍ଜାତେରି; ଏଖାସି ବାରେଜାଣାତି  
 ପାରଡ଼ା ବାତି କିଆନା ବିଚାରା କିନେସି । ୧୦ ଡାୟୁତି କାତା ଇଦି, ପ୍ରବୁ  
 ଡାଣାଟି ବାଡ଼ୟୁ ବେଟାଆହାନା ଏଖାଣି ବାଡ଼ୟୁଟି ବାଡ଼ୟୁ ଗାଟାତେରି ଆଦୁ  
 । ୧୧ ମୀରୁ ଏନିକିଁ ସୟତାନତି ବାରେ ପଲ୍ଲଆ କାମାଟି ଜୀଣା ଆୟାଲି  
 ଆଡିଦେରି, ଏଦାଆଁତାକି ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତି ବାରେ  
 ତୁରୁଦୁ । ୧୨ ଇତିହଁ ମା ଜୁଜୁ ଦାର୍ତ୍ତତାରି କପାଟି ଆଏ, ସାମା ଲାକପୁରୁତି  
 କାଜାପାଣା କପାଟି, ସାଲଖି କିନାରି କପାଟି ଇ ଆନେରିତି ପାଣାଗାଟାରି  
 କପାଟି ଅଡେ ହାଗୁ ପାକାତି ପଲ୍ଲଆ ଜୀଞ୍ଜୁୟାଁ କପାଟି ଜୁଜୁ କିହିମାନାୟି  
 । (aiōn g165) ୧୩ ଏଦାଆଁତାକି ନୀଏଁ ମାହାପୁରୁ ହୀହାମାଞ୍ଜାନି ଜୁଜୁକିନି  
 ଜୁତିତି ତୁରୁଦୁ, ଆତିହଁ ଲାଗେଏତି ବେଲାତା ମୀରୁ ସାଦୁ ନକିତା ନିଚାଲି  
 ଆଡିଦେରି ଇଞ୍ଜି ରାନି ପାତେକା ଜୁଜୁକିହଁ ତୀରିଆହାଁ ଡୟାଲି ଆଡିଦେରି ।  
 ୧୪ ଇତିହଁ, ସାତାତି ଜାଟି ଟେଡେଲିତା ରୁପାକତାହାଁ, ଦାମୁତି ବକ ପାଟା  
 ଲେହେଁ ତୁରୁଦୁ, ୧୫ ହିଡ଼ି ହୀନି ନେହଁ କାବୁତାକି ଅଜିକିଖି ଆହାମାନି  
 ସେପୁୟାଁ କତାଣା ତୁରୁହାନା ଡାଂଟା ଆହାମାଞ୍ଜୁ: ୧୬ ବାରେବେଲା ନାମୁତି  
 ଆଦୁ ପାଟା ଆସାମାଞ୍ଜୁ, ଏଦାଣି ତଲେ ମୀରୁ ସୟତାନତି ବାରେ ଡାଞ୍ଜିମାନି  
 ଆପକାତି ହିରୁ ବାରେ ତୁପହାଲି ଆଡିଦେରି । ୧୭ ଅଡେ, ଗେଲ୍ପିନି ଟପେରି  
 ଡାୟୁତା ତୁରୁଦୁ ଅଡେ ସୁଦୁଜୀଞ୍ଜୁତି ହିୟାଁତି ମାହାପୁରୁତି ବଲୁତି କାଣ୍ଡା ଆହ୍ୱଦୁ:  
 ୧୮ ବାରେଲେହେଁତି ପ୍ରାତାନା ଅଡେ ବାତିମାଲିନି ଡାଣା ବାରେବେଲା ସୁଦୁଜୀଞ୍ଜୁ  
 ସାୟେମି ତଲେ ପ୍ରାତାନା କିଦୁ, ଇଞ୍ଜି ବାରେ ମାହାପୁରୁ ଲକ୍ଷୁତାକି କାପୁ  
 କାତାନା ପ୍ରାତାନା କିହେମାଞ୍ଜୁ । ୧୯ ଅଡେ, ନାଞ୍ଜେତାକି ଜିକେଏ ପ୍ରାତାନା  
 କିଦୁ, ଏନିକିଁ ନେହଁ କାବୁତାକି ଦୁତୁ ସମାନା ନାନୁ, ନାଞ୍ଜେ ଏ ତୁଗାମାନାଣି  
 ପୁଶ୍ୱାଁ କିହାଲି ସାସାତଲେ ବଲୁ ଖେସାଲି ମାହାପୁରୁ ନା ଗୁଡିତା ନେହଁ କାବୁ

ହିୟାନେସି । ୨୦ ଅଡ଼େ ନାନୁ ଏନିକିଁ ଏମ୍ବାତି ସାତା କାତା ସାସାତଲେ ଖେସାଲି  
 ଆଡ଼ିଇଁ । ୨୧ ନା କାତା, ଇଡ଼ିହିଁ ନାନୁ ଏନିକିଁ ମାଇଁ, ଇଦାଆଁ ମୀରୁ ଜିକେଏ  
 ଏନିକିଁ ପୁଞ୍ଜାଲି ଆଡ଼ିଦେରି, ଇଦାଣି ତାକି ନା ଜୀଞ୍ଜୁତି ତାୟି ଅଡ଼େ କ୍ରୀସ୍ତୁତି  
 କାମାତା ନାମୁତି ହଲେଏସି ତୁକିକ, ନା ବାରେ କାତା ଏଞ୍ଜାସି ଖେସ୍ତାନେସି;  
 ୨୨ ଏ ବାରେ କାତା ଖେସାଲି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେଏଁ, ଏନିକିଁ  
 ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି ଅଡ଼େ ମୀ ହିୟାଁ ଏଞ୍ଜାଣି ତାଣାଟି  
 ରାହାଁ ଆନେ । ୨୩ ଆବା ମାହାପୁରୁ ଅଡ଼େ ପ୍ରୁ ଜୀସୁ କ୍ରୀସ୍ତୁଇଁ ନାମିତି ତାୟି  
 ତାଢ଼ିସ୍ନାକି ହିଡ଼ି, ଜୀଞ୍ଜୁନାୟି ଅଡ଼େ ନାମୁ ହିୟାପେସି । ୨୪ ଏଚେକା ଲକୁ  
 ମା ପ୍ରୁ ଜୀସୁ କ୍ରୀସ୍ତୁଇଁ କାଲେଏ ଜୀଞ୍ଜୁ ନନେରି, ମାହାପୁରୁତି କାର୍ମାମେହ୍ନାୟି  
 ଏ ବାରେତାକି ଆପେ ।

# ପଲିପ

୧ ପାଖୁଲ ଅଡ଼େ ତିମତି, କ୍ରୀସୁ ଜୀସୁତି ରୀ ହଲିୟାଞ୍ଜା, ପିଲିପି ଗାଡ଼ାତା ମାନି କ୍ରୀସୁ ଜୀସୁ ଚାଣା ଡ଼ୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜି କୁଲମିତି ସେବା କିନାରାକି ଇ ଆକୁ ରାସ୍‌କି ଆହାମାନେ । ୨ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସୁ ଚାଣାଟି କାର୍ମାମେହନାୟି ଇଞ୍ଜି ହିଡ଼ି ଜୀସୁ ମିଡ୍ରେଟାକି ଆୟାପେ । ୩ ନାନୁ ମିଡ୍ରେ ଏଚର ଦେବା ଅଣ୍‌ପି ମାଞ୍ଜାଇଁ, ଏଚର ଦେବା ନା ମାହାପୁରୁଇଁ ଜହରା କିହିମାଇଁ । ୪ ନାନୁ ବାରେଦିନା ମିଡ୍ରେଟାକି ପ୍ରାତାନା କିନାଟି ନାନୁ ହାରେକା ରାହାତଲେ ପ୍ରାତାନା କିହିମାଇଁ, ୫ ଏନାଆଁତାକି ଇତିହିଁ ମୀ ମୁଲୁ ଦିନାଟିଏ ନୀଏଁ ପାତେକା ନେହିଁ କାରୁ ଝେକ୍‌ହାଲି ମୀରୁ ନାଡ୍ରେ ସାୟେମି କିହିମାଞ୍ଜାଦେରି, ୬ ଏନାଆଁତାକି ନାନୁ ଇ କାତାତି ସାତା ଇଞ୍ଜି ଅଣ୍‌ପିମାଇଁ, ଆମିନି ପ୍ରବୁ ମୀ ଚାଣା ଇ ନେହିଁ କାମା ମାଟ୍‌ହାମାନେସି, କ୍ରୀସୁ ଜୀସୁତି ଝେଣ୍ଡାଞ୍ଜାନି ଦିନା ରାନି ପାତେକା ଏଞ୍ଜାସି ଏନାଆଁ କିନେସି । ୭ ଅଡ଼େ ମୀ ବାରେଟାକି ନା ଇଲେତି ଅଣ୍‌ପିନାୟି ମାନେ, ମୀରୁ ବାରେ ଏନିକିଁ ନା ତଲେ ନେହିଁ କାରୁ ଝେକ୍‌ନି କାୟିଦିତା ଆଣ୍ଡିମାଞ୍ଜାଦେରି, ଅଡ଼େ ଏମ୍ପାତି ସାତା ପାର୍‌ମାଣା ଡ଼ସାଲି ନା ତଲେ ଆଣ୍ଡାମାଞ୍ଜାଦେରି, ଏନାଆଁତାକି ନାନୁ ନା ହିୟାତା ମିଡ୍ରେ ଆବାମାଞ୍ଜାଇଁ । ୮ ମୀ ବାରେଜାଣା ତାକି ହାରେକା ଜୀସୁ ନନାଣି କ୍ରୀସୁ ଜୀସୁ ଚାଣାଟି ବେଟାଆହାମାଇଁ ଇଞ୍ଜି ଏତିବେଲାତା ନାନୁ ଝେହ୍‌ଇଁ, ଏଦି ସାତା, ଏନାଆଁତାକି ମାହାପୁରୁ ନା ସାକି । ୯ ଅଡ଼େ, ନା ପ୍ରାତାନା କିନାୟି ଇଦି, ମୀ ଜୀସୁନନାୟି, ନେହିଁ ବୁଦି ପୁନାୟି, ଅଡ଼େ ବାରେ ନେହିଁ ଅଣ୍‌ପୁ ହାରେ ହାରେକା ପାତା ଆପେ, ୧୦ ଏନିକିହିଁ ମୀରୁ ଏନାୟି ନେହାୟି ଏନାଆଁ ଆଗାଲି ଆତିଦେରି, ଆତିହିଁ ମୀରୁ କ୍ରୀସୁତି ଞ୍ଜାନି ଦିନାତା ସୁଦୁ ଗାଟାତେରି ଆଦେରି, ଅଡ଼େ ନିନ୍ଦା ଗାଟାତେରି ଆଅତେରି, ୧୧ ମାହାପୁରୁଟି ଗାଞ୍ଜୁରମି ଇଞ୍ଜି ନେହିଁ ଝେହ୍‌ନାଣି ତାକି ମୀ ଜୀସୁ ଜୀସୁ କ୍ରୀସୁ ହାହାମାନି ବାରେ ନେହିଁ ଗୁଣୁ ବେଟାଆନେ । ୧୨ ତାୟି ତାଢ଼ିସ୍ଲାତେରି, ନାଡ୍ରେଟାକି ଏନା ଏନାୟି ଆହାମାଞ୍ଜାନେ, ଏ ବାରେ ନେହିଁ କାରୁ ପାତାଆହାଲି ତାକି ଆହାମାନେ, ଇନାଆଁ ନାନୁ ମିଡ୍ରେ ପୁଣ୍‌ମି କିହାଲି ଅଣ୍‌ପିମାଇଁ; ୧୩ ଇତିହିଁ ନାନୁ କାୟିଦିତା ମାଚାୟି କ୍ରୀସୁ ତାକି, ଏଦି ରାଜା ଇଲୁତା କାଃଆନି ବାରେ କସକା ଇଞ୍ଜି ଏଚ୍‌କାତି ବାରେଜାଣା ନକିତା ଡ଼ଞ୍ଜାଆଡ଼େ; ୧୪ ଅଡ଼େ ଜିକେଏ ହାରେକା ତାୟି ତାଢ଼ିସ୍ଲା ନାନୁ କାୟିଦିତା ମାନାକି, ମାହାପୁରୁ ଚାଣା ବାସୁଁ ଇଟାନା ଆଜାଆନା

ମାହାପୁରୁଷ କାବୁ ଝେକ୍‌ହାଲି ହାରେକା ସାସା ଗାଟାରି ଆହାମାନେରି । ୧୫  
 ଆମ୍ବା ଆମ୍ବାଆରି ଡାହାରା ଅଡେ ଗଡ଼ହା ତାକି କ୍ରୀସ୍ତତି କାତା ଝେକ୍‌ହି ମାନେରି  
 ସାତା, ସାମା ଆମ୍ବା ଆମ୍ବାଆରି ସାତା ତଲେ କିହିମାନେରି; ୧୬ ନାଢ୍ଢେ ନେହିଁ  
 କାବୁତି ସାକି ଆହାଲିତାକି ମାହାପୁରୁ ଆତାମାଞ୍ଜାତେସି, ଏଦାଆଁ ପୁଞ୍ଜାନା ସାତା  
 ଜୀଝୁ ନନାଣି ତାକି ଏଦାଆଁ କିନେରି, ୧୭ ଏବଂକାତାରି ମାନି ତଲେ କ୍ରୀସ୍ତତି  
 ବଲୁ ଝେହ୍‌ଆନା ଜାହାରା ଲାବା ତାକି କିହିମାନେରି । ନାନୁ କାୟିଦିତା ମାନାଟି  
 ନା ହିୟାଁତା ହାରେକା କସ୍ତ ହାହାଲି ଏଝାରି ଏଦାଆଁ କିହିମାନେରି । ୧୮ ବାଦା  
 ହିଲେଏ? ଡାହାରା ତଲେ ଆପେ କି ନେହେଁ ତଲେ ଆପେ କ୍ରୀସ୍ତ ସାତେଏ  
 ଝେଢ଼ିମାନେସି, ଏଦାଆଁତାକି ନାନୁ ରାହାଁ କିହିମାଢ଼, ଅଡେ ଜିକେଏ ରାହାଁ  
 କିହିମାଢ଼ । ୧୯ ଇତିହିଁ ନାନୁ ପୁଞ୍ଜାମାଢ଼, ମୀ ପ୍ରାତାନା ଇଞ୍ଜାଁ ଜୀସୁ କ୍ରୀସ୍ତତି  
 ସୁଦୁଜୀଝୁତି ସାୟେମି ତଲେ ନା ଗେଲ୍‌ପିନାୟି ଆନେ, ୨୦ ଏଦାଆଁତାକି  
 ନା ରଣ୍ଡିଏ ଆସା ଅଡେ ବାସୁଁ ମାନେ, ନାନୁ ଏନି କାତାତା ଜିକେଏ ଲାଜା  
 ଆଅଁ, ସାମା କାଲେଏ ଏନିକିଁ ଆହିମାତେଏଁ, ନୀଏଁ ଜିକେଏ ଏଲେକିଁ ହାରେକା  
 ବାଡ଼ୟୁ ତଲେ ହାତିହିଁ କି ଜୀଝୁ ମାତିହିଁ, କ୍ରୀସ୍ତୁଢ଼ ନା ଆଢ଼୍ଠା ତଲେ ଗାଝୁରମି  
 କିଢ଼ି । ୨୧ ଇତିହିଁ ନା ନୀତାମାନାୟି ଝାରୁଇ କ୍ରୀସ୍ତ, ଏଦାଆଁତାକି ନାନୁ ହାନାୟି  
 ନାଢ୍ଢେତାକି ଲାବା । ୨୨ ସାମା ନାନୁ ଆଢ଼୍ଠା ତଲେ ନୀତା ମାଞ୍ଜାନା ହାରେକା  
 ପାଡେୟି ଆୟାଲି ଆଡିଢ଼, ଆଡିହିଁ ନୀତାମାନାଣି କି ହାନାଣି ବାତି କିଢ଼ି ନାନୁ  
 ପୁଞ୍ଜାଲି ଆଡିହିଲଅଁ । ୨୩ ନାନୁ ରୀ ଝାକି ରେସ୍‌କି ଆହିମାଢ଼; ଇ ଜୀଝୁତି  
 ପିସାନା କ୍ରୀସ୍ତ ତଲେ ମାଞ୍ଜାଲି ଅଣ୍ଡିମାଢ଼, ଏଦି ହାରେକା ନେହାୟି; ୨୪ ସାମା  
 ନାନୁ ଆଢ଼୍ଠା ତଲେ ମାନାୟି ମିଢ୍ଢେତାକି ହାରେକା ଲଡ଼ାମାନେ । ୨୫ ନାନୁ  
 ନେହିଁକିଁ ପୁଞ୍ଜାମାଢ଼, ନାନୁ ଡ଼ୟିଢ଼, ହାଅ ମୀ ନାମୁ ଅଡେ ରାହାଁତି ପାଡିକିହାଲି  
 ମୀ ବାରେ ତଲେ ଡ଼ୟିଢ଼, ୨୬ ଏନିକିଁ ମୀ ବିତ୍ରା ନା ଝେଣ୍ଡା ଝାତାକି ନା ତାଣାଟି  
 କ୍ରୀସ୍ତ ଜୀସୁ ତାଣା ମୀ ବଡପଣ ଗାଡିଆନେ । ୨୭ ନା ଅଣ୍ଡପୁ ଇଦି, କ୍ରୀସ୍ତତି  
 ନେହିଁ କାବୁତି ଜଗେତି ଲକ୍ଷୁ ଲେହେଁ ନୀତାଦୁ, ଏନିକିଁ ନାନୁ ମୀ ତାଣା ଝାହାନା  
 କି ହେକ ମାଞ୍ଜାନା ମୀ କାତା ଝେଞ୍ଜାହାଁ ପୁଞ୍ଜାଲି ଆଡିଢ଼, ମୀରୁ ବାରେତେରି  
 ରଣ୍ଡିଏ ଜୀଝୁ ରଣ୍ଡିଏ ଅଣ୍ଡପୁ ତଲେ ତାରିଆହାନା ନେହିଁ କାବୁତି ନାମୁ ତାକି ଜୁଜୁ  
 କିହିମାଞ୍ଜେରି, ୨୮ ଇଞ୍ଜାଁ ମିଢ୍ଢେ କସ୍ତ ନିନ୍ଦା ହାହିମାଞ୍ଜାନି ସାଦୁୟାଢ଼ ଏତେଲାଝା  
 ଆଜାଆଦୁ: ଏଦି ଏଝାରି ନାସା ଆନାୟି, ସାମା ମିଢ୍ଢେତାକି ଗେଲ୍‌ପିନାୟି  
 ମାହାପୁରୁ ହାହାମାନି ର ସିନା; ୨୯ ଇତିହିଁ କ୍ରୀସ୍ତ ତାଣା ଝାରୁଇ ନାମାଲି



ତାକି ମୀରୁ ପାରୁ ମେଡ଼ା ଆହାମାଞ୍ଜେରି, ଏଦି ଆଏ, ସାମା ଏଝାଣି ତାକି ଦୁକୁ  
 ବେଟାଆହାଲି ଜିକେଏ କାର୍ମା ମେଡ଼ା ଆହାମାଞ୍ଜେନେ; ୩୦ ଅଡ଼େ ନାନୁ ଏନିକି  
 ଉଜୁ କିହିମାଚାଣି ମେସାମାଞ୍ଜେତେରି, ଇଞ୍ଜି ନୀଏଁ ଜିକେଏ କିହିମାନେସି ଇଞ୍ଜି  
 ଝେଞ୍ଜିମାଞ୍ଜେରି, ଏଲେକିହିଁ ମୀରୁ ଜିକେଏ ଉଜୁ କିଦୁ ।

**୨** କ୍ରୀସ୍ତ ତଲେ ମାନାକି ମୀରୁ ଜୀଝୁତା ବାସୁଁ ବେଟାଆହାମାଞ୍ଜେରି, ଅଡ଼େ  
 ତାନି ଜୀଝୁନନାୟି ମିଡ୍ରେ ସାସା ହାହିମାଞ୍ଜେନେ । ମୀରୁ ସୁଦୁଜୀଝୁତା  
 ଆଣ୍ଟିମାଞ୍ଜେରି ପୁଞ୍ଜିମାଞ୍ଜେରି ଅଡ଼େ ରଅତେରି ରଅଣାକି ମୀ ଜୀଝୁନନାୟି ଅଡ଼େ  
 କାର୍ମାମେହନାୟି ମାନେ, ୨ ନାନୁ ମିଡ୍ରେ ବାତିମାଲିମାଞ୍ଜେଇଁ ମୀରୁ ରଣ୍ଡିଏ ଅଣ୍ଡୁ  
 ତଲେ, ରଣ୍ଡିଏ ଜୀଝୁ ନନାଣି ତଲେ, ରଣ୍ଡିଏ ହିୟାଁ, ରଣ୍ଡିଏ ଅଣ୍ଡୁ ଆହାନା  
 ନାଡ୍ରେ ରାହାଁ କିୟାଦୁ, ୩ ମୀରୁ ମିଡ୍ରେତାକି ନେହାଁଣି ଉପ୍‌କା ଇଞ୍ଜି ହାରେକା  
 ବତପଣ ଡ଼ସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାତେରି ଆହାନା  
 ଏଟ୍‌କା ଲକୁଇଁ ନା କିହାଁ କାଜାସି ଇଞ୍ଜି ଅଣ୍ଡୁପାଦୁ: ୪ ମୀରୁ ବାରେତେରି ଝାର୍‌ଇ  
 ମିଡ୍ରେତାକି ନେହିଁ ଆନାଣି ଅଣ୍ଡୁପାଆନା ଏଟ୍‌କା ଲକୁତି ନେହାଁଣି ଜିକେଏ  
 ଅଣ୍ଡୁପାଦୁ । ୫ କ୍ରୀସ୍ତ ଜୀସୁତି ଏନିଲେହେଁତି ଅଣ୍ଡୁ ମାଟେ ମୀ ଅଣ୍ଡୁ ଜିକେଏ  
 ଏଲେତାୟିଏ ଆପେ; ୬ ଏଝାସି ମାହାପୁରୁ ଆତିହିଁ ଜିକେଏ, ମାହାପୁରୁ ତଲେ  
 ସମାନା ଆହିଁ ମାଞ୍ଜାଲି ଅଣ୍ଡୁପାଆନା ତାନି ଏ ଅଦିକାରା ପିସ୍ତେସି, ୭ ସାମା  
 ଏଝାସି ମାଣ୍ଡି ଝାଣା ଆହାନା ହଲେଏସି ଲେହେଁ ଆଡେସି । ମାଣ୍ଡିଲେହେଁ  
 ଆହାନା ମାଣ୍ଡି ଝାଣା ତଲେ ଡ଼ଞ୍ଜାଆଡେସି; ୮ ଏଝାସି ମାଣ୍ଡିଲେହେଁ  
 ଡ଼ଞ୍ଜାଆହାନା ହାନି ପାଡେକା, ହାଅ, ପାସି ମୁଣ୍ଡାତା ଲେପିଆହାଁ ହାନି ପାଡେକା  
 ହୁକୁମି ମାନଝି ଆଡେସି ଇଞ୍ଜି ତାନୁଏ ତାଡ୍ରେ ଉଣା କିହା କଡିଡେସି । ୯  
 ଏଦାଆଁତାକି ମାହାପୁରୁ ଏଝାଣାଇଁ ବାରେକିହାଁ କାଜାସି କିହାମାନେସି, ଇଞ୍ଜି  
 ବାରେ ଡ଼ର୍କା କିହାଁ କାଜା ଡ଼ରୁ ଏଝାଣାକି ହାହାମାନେସି, ୧୦ ଏନିକି  
 ଲାକପୁରୁ ଅଡ଼େ ଦାର୍‌ତିତା ଅଡ଼େ ଦାର୍‌ତିତି ଡ଼ଇ ମାନାଇ; ଏ ବାରେ ଜୀସୁ  
 ଡ଼ରୁତା ମେଣ୍ଡାକୁତାନା ଜହରା କିନୁ, ୧୧ ଅଡ଼େ ଆବା ମାହାପୁରୁତି ଗାଝୁରମି  
 ତାକି ବାରେଜାଣା ତାମି ଗୁତି ତଲେ ଜୀସୁ କ୍ରୀସ୍ତ ପ୍ରୁ ଇଞ୍ଜି ଜଲିନେରି । ୧୨  
 ନା ଜୀଝୁତି ଡ଼ଶେସିଡ୍ଡା, ମୀରୁ ବାରେବେଲା ନାଡ୍ରେ ମାନଝି ଆହିମାଞ୍ଜେଦେରି,  
 ଇତିହିଁ ନା ନକିତା କିନିଲେହେଁ ଆଏ, ସାମା ନୀଏଁ ନା ହିଲାଆ ବେଲାତା  
 ହାରେକା ଆଜିତଲେ ତୀର୍‌ଗିହିଁ ମୀରୁ ଗେଲ୍‌ପି ଆହାଲି ତାଲି କାମା କିଦୁ  
 ୧୩ ଇତିହିଁ ମିଡ୍ରେ ତାନି କାମା କିହାଲିତାକି ଇତା ଅଡ଼େ ବାଡ଼୍‌ୟୁ କିହାଲିତାକି

ମାହାପୁରୁ ତାନ୍ତ୍ରୀ ମୀ ତାଣା କାଲେଏ କାମା କିହିମାନେସି । ୧୪ ମୁରୁ ମୁରୁ  
 ଅଡ଼େ ବାଦିବାଦା ଆଆନା ମୀ ବାରେ କାମା କିଦୁ, ୧୫ ଏଲେକିତିହିଁ ମୀରୁ ଦହ  
 ହିଲାଆଗାଟାତେରି ଅଡ଼େ ସୁଦୁ ଗାଟାତେରି ଆହାନା, ଇ ଲାଗେଏତାଣି ତଲେ  
 ନାଡ଼ିକିନି ଲକୁ ବିତ୍ରା ମାହାପୁରୁତି ଦହ ହିଲାଆଗାଟି ମୀରୁକା ମାସକାତେରି  
 ଆଦେରି; ଏଞ୍ଜାରିତାଣା ମୀରୁ ଜୀସୁତି ବଲୁ ଆସାନା ଦାରୁତି ଉଜେଡ଼ି ଲେହେଁ  
 ମୀରୁ ଚଞ୍ଚୁ ଆହିମାଞ୍ଚେରି; ୧୬ ଏମ୍ପାଟି ନାନୁ ଉଜେଏ ହଟି ହିଲଅଁ କି ଉଜେଏ  
 କାମା କିହିହିଲଅଁ, ଏ ବାରେତାକି କ୍ରୀସୁତି ଦିନାତା ବଡ଼ପଣ କିହାଲି ଆଡ଼ିଇଁ ।  
 ୧୭ ନା ନେତେରି ମୀ ନାମୁ ତାକି ସେବାତା ଗସାଲି ପୂଜା ହୀନି ନେତେରିଲେହେଁ  
 ଡ଼ାଞ୍ଚୁଲି ଆହିମାନେ, ଆଡ଼ିହିଁ ନାନୁ ରାହାଁ ଆହିମାଇଁ, ଅଡ଼େ ମୀ ତଲେ ଆଶ୍ୱାନା  
 ରାହାଁ କିହିମାଇଁ, ୧୮ ଅଡ଼େ ଏଲେକିହିଁ ମୀରୁ ରାହାଁ କିଦୁ ଇଞ୍ଚି ନା ତଲେ  
 ରାହାଁ କିଦୁ । ୧୯ ସାମା ନାନୁ ତିମତିଇଁ ତବେ ପାଶ୍ୱାଇଁ ଇଞ୍ଚି ପ୍ରୁ ଜୀସୁ ତାଣା  
 ଆସା କିହାମାଇଁ, ଏନିକିଁ ମୀ କାତା ଖେଞ୍ଚାନା ନାନୁ ଜିକେଏ ରାହାଁ ଆଇଁ ।  
 ୨୦ ଏଞ୍ଜାସି ରଅସିଏ ନା ଲେହେଁତି ଅଶ୍ୱପୁ ଗାଟାସି ଇଞ୍ଚି ଏଞ୍ଜାସି ସାତେଏ  
 ମିଡ଼େତାକି ଅଶ୍ୱପି ମାଞ୍ଚାନେସି । ୨୧ ଇତିହିଁ ବାରେଜାଣା ଜୀସୁ କ୍ରୀସୁତି ସେବା  
 କିହାଲି ଅଶ୍ୱପାଆନା, ଖାରୁଇ ତାମି ନେହାଁଣି ପାରାଲି ଅଶ୍ୱପିନେରି । ୨୨  
 ତିମତି ତାୟିପାରି କିନିତାଣା ଜାଣା ଆହାମାନାସି ଏଦାଆଁ ମୀରୁ ପୁଞ୍ଚୁମାଞ୍ଚେରି;  
 ମୀରୁଏସି ଆବାତି ସେବା କିନିଲେହେଁ, ଏଞ୍ଜାସି ନେହିଁ କାରୁ ଝେକିନି କାମାତା  
 ନା ତଲେ ସେବା କିହାମାରେସି । ୨୩ ଇତିହିଁ ନାଡ଼େତାକି ଏନାୟି ଆନେ,  
 ଏଦାଆଁ ପୁତିସାରେ ଏଞ୍ଜାଣାଇଁ ମୀ ତାଣା ପାଶ୍ୱାଇଁ ଇଞ୍ଚି ଆସା କିହିମାଇଁ; ୨୪  
 ପ୍ରୁ ତାଣା ବାସୁଁ କିହିମାଇଁ ନାନୁ ଜିକେଏ ମୀ ତାଣା ତବେ ଖାଇଁ । ୨୫ ସାମା  
 ନାନୁ ନା ତାୟି, ନା ତଲେ କାମାକିନାସି, ନା ଖାକିଟି ଜୁକୁ କିନାସି, ଇଞ୍ଚି ନା  
 ଲଡ଼ାମାନାଣି ସାୟେମି କିହାଲି ମୀ ତାଣାଟି ପାଶ୍ୱୁଞ୍ଚିଆହାମାନି ସେବାକିନି  
 ଏପାପ୍ରତିତାଇଁ ମୀ ତାଣା ପାଶ୍ୱାଲି ଅଶ୍ୱପିମାଇଁ; ୨୬ ଇତିହିଁ ଏଞ୍ଜାସି ବାରେତେରି  
 ମିଡ଼େ ମେସାଲି ହାରେକା ଅଶ୍ୱପିମାନେସି, ଅଡ଼େ ଏଞ୍ଜାସି ଆଡ଼ିହିଲଅସି ଇଞ୍ଚି  
 ଝେତାକି ହାରେକା କିଲିବିଲି ଆହିମାନେସି; ୨୭ ହାଅ, ଏଞ୍ଜାସି ହାନିଲେହେଁ  
 ଆହାମାରେସି, ସାମା ମାହାପୁରୁ ଏଞ୍ଜାଣାଇଁ କାର୍ମା ମେସେସି, ଏଞ୍ଜାଣାଇଁଦେହେଁ  
 ଆଏ ସାମା ଏନିକିଁ ନାଡ଼େ ଦୁକୁ ଲାକ ଦୁକୁ ଖାଏ ଏଦାଆଁତାକି ନାଡ଼େ ଜିକେଏ  
 କାର୍ମା ଆୟାତେସି । ୨୮ ଏଦାଆଁତାକି ମୀରୁ ଏଞ୍ଜାଣାଇଁ ଝେଶ୍ୱେ ମେସାନା ରାହାଁ  
 ଆଦେରି ଇଞ୍ଚି ନା ଦୁକୁ ଏନିକିଁ ଉଶା ଆନେ, ଏଦାଆଁତାକି ନାନୁ ଏଞ୍ଜାଣାଇଁ

ପାଣ୍ଡାଲି ହାରେକା ଜାତୀୟ ଆଦେଶ । ୨୯ ଏକାଅଟାକି ମୀରୁ ଏଞ୍ଜାଣାଲ୍ ପ୍ରଭୃତି ଦରୁତଲେ ହାରେକା ରାହାତଲେ ଆବାଦୁ, ଇଞ୍ଜା ଇଲେତି ଗୁଣୁଗାଟି ଲକ୍ଷଣି ମାନି କିଦୁ: ୩୦ ଏକାଅଟାକି ଇତିହିଁ ମୀରୁ ନାଢ଼େ ଏମିନି ସାୟେମି କିହାଲି ଅତାଆତାଣି, ଏକାଅଟା କିହାଲି ଏଞ୍ଜାସି କ୍ରୀସ୍ତତି କାମାତା ତାନି ଜୀସ୍ତତି ବାଦା ହୀହାନା ହାନିଲେହେଁ ଆହାମାଚେସି ।

**୩** ନା ତାୟି ଅଡ଼େ ତାଢ଼ିସ୍ତାତେରି, ବାରେତି ତାୟୁ ପ୍ରଭୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାଚାଲି ନାଢ଼େତାକି ଝାନ୍ତୁ ହୁତିମାଞ୍ଜେଏ, ସାମା ଏ ବାରେ ମୀ ନେହେଁତାକି ଲଡ଼ାମାନେ । ୨ ଲାଗେଏ ପଲେଏ କାମାକିନାରି ତାଣାଟି, ନେସକାଟି ଜାଗ୍ରାତା, ଏ ତଲୁ ଦାଃଆନାରି ତାଣାଟି ଜାଗ୍ରାତା; ୩ ଏକାଅଟାକି ଇତିହିଁ ମୀର ସାତେଏ ତଲୁ ଦାପି ଆହାମାନାତାୟି, ଇତିହିଁ ମୀର ସୁଦୁଜୀସ୍ତତି ସାୟେମି ବେଟାଆହାନା ମାହାପୁରୁଇଁ ସେବା କିହିମାନାୟି, ଇଞ୍ଜା ଆଢ଼ୁତି ଲଡ଼ା ଆନି ମେରା ବାସୁଁ କିଆନା କ୍ରୀସ୍ତ ଜୀସୁ ତାଣା ବତପଣ ଆନ । ୪ ନାନୁ ଆଢ଼ୁତି ପାଣାପାରୁତା ଜିକେଏ ବାସୁଁ ଇଚାଲି ଆଡିତେଏମା; ଅଡ଼େ ଆମ୍ବାସାସି ଆଢ଼ୁତି ମେରାତା ବାସୁଁ ଇଚାଲି ଆଡିତେଏମା ଇଞ୍ଜା ଅଶ୍ୱିନେସି, ଆଡିହିଁ ନାନୁ ଏଞ୍ଜାଣି ଆଗାଡ଼ା ଆଡିଇଁ; ୫ ନାନୁ ଜାନାଁ ଆହାଁ ଆଟାଦିନା ଆହାଲିଏ ତଲୁ ଦାପି ଆତାତେଏ, ଇଞ୍ଜା ଇସାୟେଲ ଲକ୍ଷଣି ବିନ୍ୟାମିନ୍ କୁଡ଼ାତା ଜାନାଁ ଆତାତେଏ, ମା ଆକୁ ଆବାୟାଁ ର ଏବ୍ରିୟ ଲକ୍ଷଣି ମାଚେରି, ମେରା ମାନଞ୍ଜି ଆନି ତାଣାଟି ନାନୁ ର ପାରୁସି ଲକ୍ଷଣିତେଏ, ୬ ହାରେକା ରାହାତଲେ ନାନୁ କ୍ରୀସ୍ତାନା କୁଲମିତି ସାସି ହୀନାତେଏ, ଇଞ୍ଜା ମସାତି ମେରାତି ଦାମୁତା ନାନୁ ଦହ ହିଲାଆଗାଟତେଏ ତଞ୍ଜା ଆହିମାଚେଏ । ୭ ସାମା ଏନାୟି ନାଢ଼େତାକି ଲାବା ମାଚେ, ଏ ବାରେତି ନାନୁ କ୍ରୀସ୍ତତି କସମି ଉଜେଏତାୟି ଇଞ୍ଜା ଅଶ୍ୱାମାଲ୍ । ୮ ନାନୁ ନା ପ୍ରଭୁ ଜୀସୁ କ୍ରୀସ୍ତତି ବୁଦି ହାରେକା ଦାରାଗାଟାୟି ଇଞ୍ଜା ପୁଞ୍ଜାନା ଏଚକାତାଣି ଉଜେଏତାୟି ଇଞ୍ଜା ପିସାତୁସ୍ତେଏ; ଏଞ୍ଜାଣି କସମି ବାରେ ହିଲାଆଗାଟାଣି ଅର୍ହତେଏ ଅଡ଼େ ଏ ବାରେ ତୁର୍କିଗମୁ ଲେହେଁ ଆତେଏ, ଏନିକିଁ ନାନୁ କ୍ରୀସ୍ତଇଁ ମେଡ଼ାଆଇଁ, ଇଞ୍ଜା ତାନି ଲକ୍ଷଣି ଇଞ୍ଜା ତଞ୍ଜା ଆଇଁ । ୯ ଅଡ଼େ ମସାତି ମେରା ମାନଞ୍ଜି ଆହାଁ ତାରିଗାଟାଣି ମେଡ଼ା ଆଆନା, ଏନିକିଁ ନାନୁ କ୍ରୀସ୍ତ ତାଣା ନାମିନି ତାଣାଟି ମାହାପୁରୁ ହୀହାମାଞ୍ଜାନି ନାମୁତି ତାରିଗାଟାଣି ମେଡ଼ାଆଇଁ, ୧୦ ଏନିକିଁ ନାନୁ ଏଞ୍ଜାଣାଲ୍ ତାନି ଝେଣ୍ଡେ ନିଢ଼ୁତି ବାଦୁୟ ଇଞ୍ଜା ଏଞ୍ଜାଣି ହାକିତା ଏଞ୍ଜାଣିଲେହେଁ ଦୁକୁ କସୁତା ଆଣ୍ଡିନାଣି ପୁଞ୍ଜାଲି

ଆଡିଇଁ, ୧୧ ଏଦାଣିତାକି ହାତାରି ତାଣାଟି ନାଡ଼େ ନିକହାନେସି ଇଞ୍ଜି ଆସା କିହିମାଇଁ । ୧୨ ନାନୁ ନୀଏଁ ଏ ବାରେ ବେଟାଆହାମାଇଁ ଇଞ୍ଜି ନେହାଁତେଏଁ ଆହାମାଇଁ, ଏଦି ଆଏ, ସାମା କ୍ରୀସୁ ଜୀସୁ ତାଣାଟି ଆର୍ଡ଼ି ଆହାମାନାକି ଏଦାଆଁ ଆସାଲି ହଟିମାଇଁ । ୧୩ ନା ତାୟି ଅଡ଼େ ତାଡ଼ିସ୍ତା ନାନୁ ନୀଏଁ ପାତେକା ଆସାମାଇଁ ଇଞ୍ଜି ଅଣ୍ଡିପି ହିଲଅଁ, ସାମା ନାନୁ ର କାମା କିହିମାଇଁ, ଇଚିହିଁ ତାୟୁ ମାନି ବାରେ କାତା ହେକ କିହାନା ନକିତା ମାନାଣି ମେସାନା ହଟିମାଇଁ, ୧୪ କ୍ରୀସୁ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଡ଼େ ହାଟାମାଞ୍ଜାନେସି ଏ ଦାନା ବେଟାଆହାଲି ତାକି ଗୁରି କିହାମାନି ଚାୟୁ ଖାକି ଜୀସୁ ରୁସାନା ହଟିମାଇଁ । ୧୫ ଏଦାଆଁତାକି ଖାୟୁ ମାର ଏତେକା ଲକୁ ଟିକାଣା ଗାଟାତାୟି, ଇଲେତି ମନତଲେ ଅଣ୍ଡିପିନ, ସାମା ଏ ବାରେ କାତାତାକି ମୀ ଏଟକାତି ଅଣ୍ଡିପୁ ମାଟିହିଁ, ଆଡିହିଁ ଇଦାଆଁ ଜିକେଏ ମାହାପୁରୁ ମୀ ନକିତା ପୁଣ୍ଡି କିୟାନେସି; ୧୬ ନୀଞ୍ଜୁପାତେକା ମାର ଏମିନି ମେରା ମାନଡ଼ି ଆହାନା ଖାହାମାନାୟି, ଏଲେକିହିଁଏ ନକିତା ହାଜାଅନ । ୧୭ ତାୟି ତାଡ଼ିସ୍ତା ମୀରୁ ବାରେ ଆଣ୍ଡି ଆହାନା ନା ଲେହେକି ତାକାୟୁ, ଇଞ୍ଜି ମା ତାଣା ଏମିନି ତାରିଗାଟାଣି ମେସିମାଞ୍ଜେରି ଇଞ୍ଜି ଆମିନି ଗାଟାରି ଏଲେକିହିଁ ତାକିନେରି ଏଞ୍ଜାରାଇଁ ସିନିକିଦୁ । ୧୮ ଇଚିହିଁ ହାରେକା ଇଲେକିଁ ମାନେରି, ଆମ୍ବାଆରି ମାଣ୍ଡକିତି କାତା ଅଲେ ଅଲେ ମିଡ଼େ ଖେସାମାଞ୍ଜାଇଁ, ଇଞ୍ଜି ନୀଏଁ ଜିକେଏ ମିଡ଼େ ତାହି ତାହି ଖେସିମାଞ୍ଜାଇଁ, ଏଞ୍ଜାରି ବାରେ କ୍ରୀସୁତି ପାସି ମୁଣ୍ଡାତି ସାତୁ ଆହାମାନେରି; ୧୯ ଏଞ୍ଜାରି ବାରେ ନକିତା ନାସା ଆନାରି, ଆଡ଼ୁତି ଅଣ୍ଡିପୁ ଏଞ୍ଜାରି ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି ଏଞ୍ଜାରି ବତପଣ କିନେରି, ଇଞ୍ଜି ଦାର୍ଡି ତାଣି ବାରେ ଅଣ୍ଡିପେ ମାନେରି । ୨୦ ମାର ବାରେ ଲାକପୁରୁତି ଲକୁତାୟି, ଇଞ୍ଜି ଏମ୍ବାଟି ଜିକେଏ ମାଡ଼େ ଗେଲ୍ପାନି ପ୍ରୁ ଜୀସୁ କ୍ରୀସୁତି ଖେଣ୍ଡେ ଖାନାଣି କାଟିମାନମି; ୨୧ ଏଞ୍ଜାସି ତାନି ଏମିନି କାମା କିନି ବାଡ଼ୟୁଟି ବାରେତି ତାନି ତାଣା ଇଟାଲି ଆଡିମାନେସି, ଏମ୍ବାଟି ମା ବାଡ଼ୟୁ ହିଲାଆଗାଟି ଆଡ଼ୁତି ତାରି ମୁଠହାନା ତାନି ଗାଞ୍ଜୁରମିଗାଟି ଆଡ଼ୁ ଲେହେଁ କିୟାନେସି ।

**୪** ଏଦାଆଁତାକି ଏ ନା ଜୀସୁତି ତାୟି ତାଡ଼ିସ୍ତା । ମିଡ଼େତାକି ନାଡ଼େ ଏତେକା ରାହାଁତି ଟପେରି ଲେହେଁ । ନାନୁ ଜୀସୁହାତି ଲେହେଁ ପ୍ରୁ ତାଣା ତୀରିଆହାଁ ନୀତାବାଡ଼କାଦୁ । ୨ ପ୍ରୁ ତାଣା ରଣ୍ଡିଏ ଅଣ୍ଡିପୁ ତଲେ ମାଞ୍ଜାଲି ଇୟଦିୟା

ଅଡ଼େ ସୁନ୍ଦୁକି ରିଶ୍ରୀସିକାଣି ବାଡ଼ିମାଲିମାଈ । ୩ ନା କାମାତା ଆଶ୍ରାନା ମାନି  
ତଲେ କାମା କିନାତି, ନିଢ଼େ ଜିକେଏ ବାଡ଼ିମାଲିମାଞ୍ଜୁଈଈ ଈ ରୀ ତାଢ଼ିସ୍ନାଣି  
ସାୟେମି କିମ୍ପୁ, ଏନାଆଁତାକି ଇତିହିଁ କ୍ଲେମେନସ୍ ଅଡ଼େ ନା ତଲେ କାମାକିନାରି  
ତଲେ ନେହିଁ କାରୁ ଖେକ୍‌ହାଲି ନା ତଲେ କାମା କିହାମାନୁ: ଇଞ୍ଜିଁ ନା ତଲେ  
କାମା କିହାମାନାରି ଦରକା ଜୀହ୍ୱତି ପତିତା ରାସ୍‌କି ଆହାମାନୁ । ୪ ପ୍ରବୁ  
ଡ଼ାଣା ଆଶ୍ରାନା କାଲେଏ ରାହିଁ କିଦୁ, ଅଡ଼େ ଖେଣ୍ଡେ ଖେସିମାଞ୍ଜୁଈଈ ରାହିଁ  
କିଦୁ । ୫ ବାରେ ଲକୁ ନକିତା ମୀ ସୁଦୁ ସୁଞ୍ଜାଲ୍ଲୀ ଅଶ୍‌ପୁ ଡ଼ଞ୍ଜା ଆପେ । ପ୍ରବୁ  
ଝାନାୟି ଡ଼ାଣେ ଝାଡ଼େୟିଏ । ୬ ଏନାଆଁତାକି ଜିକେଏ ଅଶ୍‌ପାଆଦୁ, ସାମା  
ବାରେତାକି ପ୍ରାତାମା ଇଞ୍ଜିଁ ଜହରା ତଲେ ମୀ ଲଡ଼ାମାନାଣି ମାହାପୁରୁ ନକିତା  
ଖେହ୍‌ଦୁ । ୭ ଏଚେଟିଏ ତେଲ୍‌ହାଲି ଆଡ଼ାଆଗାଟି ମାହାପୁରୁତି ହିଡ଼ି଼ି ମୀ  
ହିୟିଁ ଅଡ଼େ ଅଶ୍‌ପୁତା କ୍ରୀସୁ ଜୀସୁ ସାୟେମି ତଲେ ଗେଲ୍‌ପାନା ଇଟାନେସି ।  
୮ ଏ ଡ଼ାୟି ତାଢ଼ିସ୍ନା, ଏନାୟି ନେହାୟି, ଏନାୟି ସାଡ଼ା, ଏନାୟି ଲଡ଼ା ମାନାୟି,  
ଏନାୟି ଟିକାଣାତାୟି, ଏନା ଏନାୟି ଅତିତାୟି, ଏନାୟି ଜୀହ୍ୱନନାୟି, ଏନାୟି  
ମନ କିତି ରାନୁ, ଏନାୟି ଜୀହ୍ୱତା ନେହାୟି, ଏନାୟି ସାଡ଼ା ଗୁଣୁ ମାନେ ଏ  
ବାରେ କାତା ଅଶ୍‌ପେମାଞ୍ଜୁ । ୯ ମୀରୁ ନା ଡ଼ାଣାଟି ଏନାଆଁ ଜାପାମାଞ୍ଜେରି,  
ଖେଞ୍ଜାମାଞ୍ଜେରି, ଇଞ୍ଜିଁ ନା ଡ଼ାଣାଟି ମେସାମାଞ୍ଜେରି ଏ ବାରେ କିଦୁ: ଏମ୍‌ପାଆଁ  
ହିଡ଼ି଼ି ହିୟାନି ମାହାପୁରୁ ମୀ ତଲେ ସାୟେମି ଆୟାନେସି । ୧୦ ବାରେଡ଼ି  
ଡ଼ାୟୁ ନା ତାକି ମୀ ଅଶ୍‌ପୁ ଡ଼ଞ୍ଜା ଆହାମାନେ, ଏନାଆଁତାକି ପ୍ରବୁ ଡ଼ାଣା  
ରାହିଁ କିହିମାଈ; ସାଡ଼େଏ ନା ତାକି ମୀ ଅଶ୍‌ପୁ ମାଡ଼େ, ସାମା ପାରୁ ଡ଼େଡ଼ା  
ଆହି ହିଲ୍ଲୀଆଡ଼େରି । ୧୧ ନାଡ଼େ ଏନାୟି ଉଣା ମାନାକି ଖେସିମାଞ୍ଜୁଆଁ,  
ଏନାଆଁତାକି ଇତିହିଁ ନାନୁ ଏନିଆହିଁ ମାଡ଼ିହିଁ ଜିକେଏ ରାହିଁତଲେ ମାଞ୍ଜୁଲି  
ଜାପାମାଈ । ୧୨ ନାନୁ ହିଲ୍ଲୀଆ ଡ଼େଲୀତା ବାଡ଼କାଲି ଇଞ୍ଜିଁ ହାରେପୁରେ  
ମାନି ଡ଼େଲୀତା ଜିକେଏ ବାଡ଼କାଲି ପୁଞ୍ଜାମାଈ, ବାରେଡ଼େଲୀ ବାରେଝାକି  
ରାହିଁତଲେ ମାଞ୍ଜୁଲି, ବାଣ୍ଡି ପାଞ୍ଜେ ଡ଼ିଞ୍ଜାନା ଅଡ଼େ ହାକିଟି ଜିକେଏ ମାଞ୍ଜୁଲି,  
ଈଞ୍ଜିଁ ହାରେକା ବେଟାଆହାମାନାଣି ଡ଼େମ୍‌ମାଲି ଈଞ୍ଜିଁ ହିଲ୍ଲୀଆ ଡ଼େଲୀତା ନୀତାଲି  
ଜିକେଏ ଜାପାମାଈ । ୧୩ ନାଡ଼େ ବାଡ଼ୟୁ ହିୟାନି କ୍ରୀସୁ ଡ଼ାଣାଟି ବାରେ  
କିହାଲି ଆଡ଼ିଈ । ୧୪ ଆତିଜିକେଏ ମୀରୁ ନା କସ୍ତା ଆଶ୍ରାନାମାନାକି ନେହିଁ  
କାମା କିହାମାଞ୍ଜେରି । ୧୫ ପିଲିପିୟ ଲକୁଡ଼େରି, ମୀରୁ ଜିକେଏ ପୁଞ୍ଜାମାଞ୍ଜେରି,  
ନେହିଁ କାରୁ ଖେକ୍‌ହାଲି ମାଡ଼ିହିଁ ଡ଼େଲୀତା ଏଡ଼େତା ନାନୁ ମାକିଦନିୟାଟି

ହାତୀଟି ଏତିବେଲା ମୀ ପିସ୍‌ପେ ଏମିନି କୁଲମି ନା ତଲେ ଆଣ୍ଡାନା ନା ଡାଣାଟି  
 ହୀନାଣି ଅନାଣି ଲେକା ଇଟାହିଲାଆଡେରି । ୧୭ ଇତିହିଁ ନାନୁ ତେସଲନିକିତା  
 ମାତିବେଲାତା ଜିକେଏ ମୀରୁ ନା ଲଡ଼ା ମାତାଣି ମେସାନା ହାରେକା ଦେବା  
 ଦାନା ପାଣ୍ଡାତେରି । ୧୭ ନାନୁ ମୀ ଡାଣାଟି ଦାନା ଅହାଲି ଅଶ୍‌ପି ହିଲଅଁ, ସାମା  
 ଏମିନି ପାଡ଼େୟିଟି ମୀ ଲେକା ହାରେ ହାରେକା ପାତାଆହିମାନେ, ଏଦାଆଁତି  
 ନାନୁ ମେସାଲି ଅଶ୍‌ପିମାଲ୍ । ୧୮ ନାନୁ ବାରେ ବେଟାଆହାମାଲ୍, ଇଞ୍ଜି  
 ନାଡ଼େ ହାରେପୁରେ ମାନେ; ମୀ ଡାଣାଟି ପାଣ୍ଡାମାଞ୍ଜାନାଣି ବାରେ ଏପାପୁଦିତ  
 ଡାଣାଟି ବେଟାଆହାମାଲ୍, ଏ ବାରେ ନାଡ଼େଡାକି ସାରି; ଏ ବାରେ ମାହାପୁରୁ  
 ନିକିତା ହେରପାନା ହୁଡ଼ିମାନି ଗାନ୍ଧାଗାଟି ଦୁପ୍‌ଣି ଲେହେଁତାୟି । ୧୯ ଅଡ଼େ  
 ନା ମାହାପୁରୁ କ୍ରୀସ୍ତ ଜୀସ୍ତ ଡାଣା ତାନି ଗାଞ୍ଜୁରମି ଦନଟି ମୀ ଲଡ଼ାମାନାଣି  
 ହିୟାନେସି । ୨୦ ମା ଆବା ମାହାପୁରୁକି କାଲାକାଲାତାକି ଗାଞ୍ଜୁରମି ଆପେ ।  
 ଆମେନ୍ । (aiōn g165) ୨୧ କ୍ରୀସ୍ତ ଜୀସ୍ତ ଦରୁତଲେ ବାରେ ମାହାପୁରୁ ଲକୁଇଁ  
 ଜହରା ଖେହ୍‌ଦୁ, ନା ତଲେ ଇ ଟାୟୁତା ମାନି ତାୟି ତାଢ଼ିସ୍ତା ମିଡ଼େ ଜହରା  
 ପାଣ୍ଡିମାଞ୍ଜାନେରି । ୨୨ ବାରେ ମାହାପୁରୁ ଲକୁ ଇତିହିଁ ବାରେକିହାଁ କାୟିସର  
 ଇଲୁତା ମାନାରି ଏଞ୍ଜାରି ମିଡ଼େ ଜହରା ପାଣ୍ଡିମାଞ୍ଜାନେରି । ୨୩ ପ୍ରୁ ଜୀସ୍ତ  
 କ୍ରୀସ୍ତୁଟି କାର୍ମାମେହ୍‌ନାୟି ମୀ ବାରେ ଜୀଞ୍ଜୁତା ମାଣ୍ଡେ ।

## କଲସି

୧ ପାଖୁଲ, ମାହାପୁରୁତି ଅଶ୍ଵ ତଲେ କ୍ରୀସୁ ଜୀସୁତି ପାଣ୍ଡୁଆହାମାନି ସୀସୁ  
ଅଡ଼େ ମା ତାୟି ତିମତି । ୨ କଲସିୟତା ମାନି ମାହାପୁରୁତି ଲକୁ ଇଞ୍ଜି କ୍ରୀସୁ  
ଡାଣା ନାମାମାନି ତାୟି ତାଢ଼ିସ୍ଥାକି ଆକୁ ରାତିମାନମି; ମା ଆବା ମାହାପୁରୁ  
ଡାଣାଟି କାର୍ମାମେହନାୟି ଅଡ଼େ ହିଡ଼ି ଜୀସୁ ମିଢ଼େତାକି ଆୟାପେ । ୩ ମାମୁ  
ମିଢ଼େ ତାକି ପ୍ରାତାନା କିହାନା ମା ପ୍ରବୁ ଜୀସୁ କ୍ରୀସୁତି ଆବା ମାହାପୁରୁଇଁ  
କାଲେଏ ଜହରା କିହିମାନମି; ୪ ଏନାଆଁତାକି ଇତିହିଁ ମାମୁ କ୍ରୀସୁ ଜୀସୁ ଡାଣା  
ମୀ ନାମୁ ଅଡ଼େ ମାହାପୁରୁ ଲକୁଣି ଜୀସୁନହାଁ ମାନାଣି ଖେଞ୍ଜାମାନମି । ୫  
ଏତିବେଲା ନେହିଁ କାରୁତି ସାତା ବଲୁ ମୀ ଡାଣା ମୁଲୁଏ ଝାତେ, ମୀରୁ ଏଦାନି  
ଡାଣାଟି ହାପ୍‌କିଆତି ବାସୁତି କାତା ଖେଚେରି । ମୀରୁ ଏନାଆଁ ବାସୁ କିଦେରି,  
ଏନାୟି ମୀ ତାକି ଲାକପୁରୁ ଇଟ୍‌କି ଆହାମାନେ, ଏମାଆଁ ମୀ ନାମୁ ଅଡ଼େ  
ଜୀସୁନନାୟି ଡ଼ୟାମାନେ । ୬ ଏ ନେହିଁ କାରୁ ମୀ ଡାଣା ଝାହାମାନେ, ଇଞ୍ଜି,  
ଏଦି ଏନିକିଁ ବାରେ ଦାର୍‌ତିତା ପାଡ଼େୟି କାମ୍‌ନା ଅଡ଼େ ପାତାଆହିମାନେ,  
ମୀରୁ ଆମିନି ଦିନା ଏଦାଆଁ ଖେଞ୍ଜାନା ସାତା ତଲେ ମାହାପୁରୁତି କାର୍ମା  
ମେଡ଼ାଆଡ଼େରି, ଏ ଦିନାଟିଏ ମୀ ଡାଣା ଜିକେଏ ଏଲେ ଆହିମାନେ । ୭ ମା  
ତଲେ କାମା କିନି ଜୀସୁତି ତାୟି ଏପାପ୍ରା ଡାଣାଟି ମାହାପୁରୁତି କାର୍ମାମେହନି  
କାତା ଜାପାମାଞ୍ଜେରି; ଏଝାସି ମିଢ଼େ ତାକି କ୍ରୀସୁତି ର ମାନି ତଲେ ସେବା  
କାମାକିନାସି; ୮ ଏଝାସି ସୁଦୁଜୀସୁ ତଲେ ମିଢ଼େ ହାହାମାଞ୍ଜାନି ଜୀସୁ ନଝିଆନି  
କାତା ମାଢ଼େ ଖେସାମାଞ୍ଜାନେସି । ୯ ଇଦାଆଁତାକି ମୀ କାତା ଖେଚି ଦିନାଟିଏ  
ମାମୁ କାଲେଏ ମୀ ତାକି ପ୍ରାତାନା କିହିମାନମି । ମୀରୁ ବାରେ ସୁଦୁଜୀସୁତି ବୁଦି  
ଅଡ଼େ ତେଲ୍‌ହିନି ବାଡ଼ୟୁ ତଲେ ମାହାପୁରୁତି ବାରେ ଅଶ୍ଵ ଏନିକିହିଁ ମୀରୁ  
ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ତାକି ପ୍ରାତାନା କିହିମାନମି । ୧୦ ବାରେ  
ଜୀସୁତି ବୁଦିତା ପ୍ରବୁଇଁ ବାରେ ଡାଣା ରାହାଁ କିୟାଲି ତାନି ଜଗେତି ମାଣ୍‌କି  
ତଲେ ତାକାଦୁ, ଇତିହିଁ ମାହାପୁରୁତି ବୁଦିତା ପାତାଆହାନା ନେହିଁ କାମାତି  
ପାଡ଼େୟି ଆୟାଦୁ । ୧୧ ଇଞ୍ଜି ବାରେ କାମାତା ସାସାତଲେ ଅରହାଲି ତାକି  
ତାନି ଗାଝୁରମି ଇଞ୍ଜି କାଜାପାଣା ତଲେ ବାରେ ବାଡ଼ୟୁଟି ବାଡ଼ୟୁ ଗାଟାଡ଼େରି  
ଆଦୁ, ୧୨ ଇଞ୍ଜି ଆମିନି ଆବା ମାହାପୁରୁ ଲକୁଣି ଉଜେଡ଼ି ରାଜିତା ଆଣ୍ଡାଲି  
ତାକି ଜଗେ କିହାନା ଅଦିକାରା ହାହାମାଞ୍ଜାନେସି, ଏଦାଆଁତାକି ଏଝାଣାଇଁ  
ରାହାଁତଲେ ଜହରା କିଦୁ । ୧୩ ଏଝାସି ମାଢ଼େ ଆନେରିତି ବାଡ଼ୟୁଟି ପିସ୍‌ପି

କିୟାତେସି ଅଡ଼େ ତାନି ଜୀଞ୍ଜୁତି ମୀରୁଏଣାତି ରାଜିତା ମାଢ଼େ ତାତାତେସି ।  
 ୧୪ ଏ ମୀରୁଏଣି ତାଣାଟି ମାର ଗେଲ୍‌ପି ଆହାମାନାୟି ଇତିହିଁ ମା ପାପୁ ବାରେ  
 ମ୍ନେପୁକି ଆହାମାନେ । ୧୫ କ୍ରୀସ୍ତୁ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନି  
 ଖାଣା ଗାଟାସି, ଏଞ୍ଜାସି ନକେଏ ଜାନୀଆତି ମୀରୁଏସି, ଇଞ୍ଜା ବାରେ ଗାଡ଼ି ଆତି  
 କିହାଁ କାଜାସି, ୧୬ ତଞ୍ଜା ଆନାୟି ଅଡ଼େ ତଞ୍ଜା ଆଆଗାଟାୟି ଲାକପୁରୁ ଅଡ଼େ  
 ଦାର୍ତ୍ତିତା ବାରେ ଏଞ୍ଜାଣି ତାଣାଟି ଗାଡ଼ି ଆହାମାନେ, ସିଂଗାସାଣି କି କାଜାପାଣା  
 କି ଅଦିକାରା କି ସାଲ୍‌ଖି କିନାୟି ବାରେ ଏଞ୍ଜାଣି ତାଣାଟି ଇଞ୍ଜା ଏଞ୍ଜାଣି ତାକି  
 ଗାଡ଼ି ଆହାମାନେ; ୧୭ ବାରେ ଗାଡ଼ି ଆତି ନକେଏ କ୍ରୀସ୍ତୁ ମାତେସି, ଇଞ୍ଜା  
 ଏଞ୍ଜାଣି ତାଣା ଆଣ୍ଟାମାନାକି ବାରେ ଗାଡ଼ିଆତାଇ ତାମୁ ମାନି ଚାୟୁତା ମାନୁ  
 । ୧୮ କ୍ରୀସ୍ତୁ କୁଲମି ଲେହେଟି ଆଞ୍ଜୁତି ତାୟି ଲେହେଟାସି, ଏ ଆଞ୍ଜୁତି  
 ଜୀଞ୍ଜୁ ବାଡ଼ୁୟୁ । ବାରେ ତାଣା ନକିତା ଆହାଲି ତାକି ଏଞ୍ଜାସି ହାତାରି ତାଣାଟି  
 ନକେଏ ନିଞ୍ଜୁମାନେସି । ୧୯ ଏନାଆଁତାକି ଇତିହିଁ ମାହାପୁରୁତି ଅଣ୍ଟୁ ଲେହେ  
 ମୀରୁଏସି ତାନ୍ତୁଏ ମାହାପୁରୁତି ବାରେ ମାଣ୍ଡକି ଆସା କତାମାନେସି, ୨୦ ଅଡ଼େ  
 ତାନି ମୀରୁଏଣା କୁସତି ନେତେରି ତଲେ ଏଞ୍ଜାସି ହିଡ଼ି ତାରି କିହାନା ଏଞ୍ଜାଣି  
 ତାଣାଟି ତାନିତଲେ ବାରେ ଲକୁଣି କାଲ୍‌ନେସି, ହାଅ ଏଞ୍ଜାଣି ତାଣାଟି ଦାର୍ତ୍ତିତା  
 ଅଡ଼େ ଲାକପୁରୁ ମାନାଣି ବାରେ କାଲ୍‌ଖି କିନେସି । ୨୧ ଅଡ଼େ ନକେଏ  
 ର ବେଲାତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି  
 ଏଟ୍‌କା ଅଡ଼େ ହେକ ମାତେରି ଇଞ୍ଜା ମନତା ତାନି ସାତୁ ମାତେରି, ୨୨ ସାମା  
 ନୀଏଁ ମାହାପୁରୁ ମିଢ଼େ ଜିକେଏ ତାନି ନକିତା ସୁତୁ ଗାଟାତେରି, ନିନ୍ତା ଅଡ଼େ  
 ଦହ ହିଲାଆଗାଟାତେରି କିହାଲି ତାନି ମୀରୁଏଣା ଆଞ୍ଜୁତି ହାକି ତଲେ ମିଢ଼ୁ  
 ତାନିତଲେ କାଲ୍‌ହା ମାଞ୍ଜାନେସି; ୨୩ ମୀରୁ ର ତୀରୁପୁ ଆଟ୍‌ଖା ପୁନାଦି ଲାକ  
 ତୟାଦୁ ଅଡ଼େ ନେହିଁ କାରୁ ଖେନି ବେଲାତା ଏମିନି ବାସୁ ଇଟାମାତେରି ଏମ୍ପାତି  
 ଇତାଲା ଆତାଲା ଆଆଦୁ, ଆତିହିଁ ସାତେଏ ଏମ୍ପାତି ପାଡ଼େୟି ବେଟାଆଦେରି;  
 ଏ ନେହିଁ କାରୁ ମୀରୁତ ଖେଞ୍ଜାମାଞ୍ଜେରି; ଏଦି ହାଗୁପାକା ତଇ ମାନି ବାରେ  
 ଗାଡ଼ି ଆତିତାଣା ଏ ନେହିଁ କାରୁ ଖେଞ୍ଜାମାନେ ଅଡ଼େ ନାନୁ ପାଞ୍ଜୁଲ ଏମ୍ପାତି  
 ନାମୁତି ହଲେଏଣାତେଏଁ । ୨୪ ନାନୁ ମିଢ଼େତାକି ଆମିନି ଦୁକୁ କସ୍ତୁ ବେଟାଆହି  
 ମାଇଁ, ଏମ୍ପାଆଁ ନାନୁ ନୀଏଁ ରାହାଁ କିହିମାଇଁ, ଇଞ୍ଜା କ୍ରୀସ୍ତୁତି ଦୁକୁ କସ୍ତୁ ଏନାୟି  
 ତୟାମାନେ ଏଦାଆଁ ନାନୁ କୁଲମିତାକି ଆଞ୍ଜୁ ତଲେ ଦୁକୁ କସ୍ତୁ ଅର୍‌ହାନା  
 ରାପ୍‌ହାଲି ସାୟେମି କିହିମାଇଁ । ୨୫ ମାହାପୁରୁ ନାଢ଼େ ସେବାକିନି କାମା



ହେଉପା ମାଞ୍ଜୁନେସି, ଏଲେଆହିଏ ଏ କୁଲମିତି ନାନୁ ର ସେବା କିନାତେଏ  
 ଆହାମାଇଁ, ଏନିକି ନାନୁ ମାହାପୁରୁତି ବଲୁ ତୀରିତଲେ ଝେକ୍‌ଇଁ, ୨୭ ଏ  
 ନେହିଁ କାରୁ ର ତୁଗାମାନି କାତା ତଲି କାଲା ଅଡେ ଆକୁ ଆବାୟାଁ ତାଣାଟି  
 ତୁଗାମାତେ, ସାମା ନୀଏଁ ତାନି ଲକୁଡାଣା ତସାମାନେସି । (aiōn g165) ୨୭  
 ଜୀହୁଦିଆଆତି ଲକୁଡାଣା ଏ ତୁଗାମାନି ଗାଞ୍ଜୁରମିଗାଟି ଦନ ଏନାୟି ଏଦାଆଁ  
 ମାହାପୁରୁ ତାନି ଲକୁଡାଣା ତସାଲି ଅଶ୍‌ପିତେସି; ଏ ତୁଗାମାନାୟି ଇଦି,  
 ମୀ ତାଣା କ୍ରୀସ୍ତୁ ଏଞ୍ଜାସି ଗାଞ୍ଜୁରମି ଅଡେ ବାସ୍‌ଲି ଲେହେଁତାସି; ୨୮ ମାମୁ ଏ  
 କ୍ରୀସ୍ତୁଇଁ ଝେକ୍‌ହି ମାନମି, ଇଞ୍ଜି ବାରେଜାଣାଟି ସେଦନା ଇଞ୍ଜି ବାରେ ବୁଦିତଲେ  
 ଜାପୁହି ମାନମି, ମାମୁ ଏନିକି ମାହାପୁରୁ ନକିତା ତୀରୁପୁତି ଲକୁ ଲେହେଁ  
 ତାତାଲି ଆଡିନମି; ୨୯ ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତୁ  
 ହାହିମାଞ୍ଜୁନି କାଜା ବାଡ଼୍‌ୟୁତି ଲେମ୍‌ମାନା ନାନୁ ଜୀଞ୍ଜୁ ତୁସାନା କାମା କିହିମାଇଁ ।

**୨** ମୀ ତାକି ଲାଞ୍ଜୁଦିକିୟାତି ଲକୁ ଅଡେ ନାଡ଼େ ସାତେଏ ପୁଞ୍ଜାମାଞ୍ଜୁଅରି, ଏ  
 ବାରେଜାଣା ତାକି ନାନୁ ଏଚେକା ଜୀଞ୍ଜୁ ତୁସାନା କାମା କିହିମାଇଁ, ଇ ବାରେ  
 ମୀରୁ ପୁଞ୍ଜୁ ଇଞ୍ଜି ନାନୁ ଅଶ୍‌ପିମାଇଁ; ୨ ନା ଅଶ୍‌ପୁ ଇଦି, ଏନିକି ଏଞ୍ଜାରି ହିୟାଁ  
 ରାହାଁ ଆନେ, ଇଞ୍ଜି ଏଞ୍ଜାରି ସାତା ବୁଦିତି ବାରେ ଦନ ବେଟାଆହାଲି ତାକି,  
 ଇତିହିଁ ମାହାପୁରୁତି ତୁଗାମାନାୟି କ୍ରୀସ୍ତୁ, ଏଞ୍ଜାଣାଇଁ ପୁଞ୍ଜାଲିତାକି ରଅସି ରଅଣି  
 ତଲେ ଜୀଞ୍ଜୁ ନଞ୍ଜି ଆନେରି । ୩ ଜୀସ୍ତୁ କ୍ରୀସ୍ତୁ କୁଚିକାଡି ଏନାୟି ମାହାପୁରୁତି  
 ବୁଦି ଅଡେ ପୁନାଣି ତୁଗାମାନି ବାରେ ଦନ ଦେନେସି । ୪ ମିଡ଼େ ଆମ୍ବାଆସି  
 ନାଡ଼ିକିନି ଲେହେଁତି ମିତି କାତା ଝେସାନା ନାଡ଼ି କିୟାଆପେସି, ଏଦାଆଁତାକି  
 ନାନୁ ଇଦାଆଁ ଝେସିମାଞ୍ଜୁଇଁ । ୫ ଇତିହିଁ ନାନୁ ଆଞ୍ଜୁ ତଲେ ହିଲାଆତି ଜିକେଏ  
 ନା ଜୀଞ୍ଜୁତଲେ ମୀ ତାଣା ମାଞ୍ଜୁମାଇଁ, ଇଞ୍ଜି ମୀ ନେହିଁକି ଜାଗୁ ଆନାଣି ଅଡେ  
 କ୍ରୀସ୍ତୁ ତାଣା ତୀରୁପୁତଲେ ନାମାମାନାଣି ମେସାନା ରାହାଁ ଆହିମାଇଁ । ୬  
 ଇତିହିଁ ମୀରୁ କ୍ରୀସ୍ତୁ ଜୀସ୍ତୁଇଁ ପ୍ରବୁ ଇଞ୍ଜି ଏନିକି ନାମାମାଞ୍ଜୁରି, ଏଲେକିହିଁଏ  
 ଏଞ୍ଜାଣି ତାଣା ମାଞ୍ଜୁନା ନୀତାଦୁ; ୭ ଏଞ୍ଜାଣି ତାଣା ଜାଣ୍ଟେ ଡ଼ୟାଦୁ, ମୀ ଜୀଞ୍ଜୁତି  
 ତୀରିକିଦୁ ଇଞ୍ଜି ମୀରୁ ଜାପାମାନି ନାମୁତା ଏଞ୍ଜାଣି ତାଣା ବାଡ଼୍‌ୟୁ ବେଟାଆଦୁ ।  
 ମୀ ହିୟାଁ ଜହରା କିନାୟି ଆପେ । ୮ ସିନିକିଦୁ, ଏଚେତା ଆମ୍ବାଆସି କ୍ରୀସ୍ତୁତି  
 ଜାପୁନାୟି ଲାଗେଏତି ମାଶ୍‌ସିତି ପାଶାପାଗୁ ଅଡେ ଦାର୍‌ତିତି ମୁଲୁ ଜାପୁନି ପାଞ୍ଜୁ  
 ସିନି କିନାୟି ଅଡେ ଉଜେଏତି ନାଡ଼ିକିନି ତାଣାଟି ମିଡ଼େ କାୟିଦି କିହା ଅୟାନେ;  
 ୯ ଇତିହିଁ କ୍ରୀସ୍ତୁ ତାଣା ମାହାପୁରୁତି ଗୁଣୁ ମାଶ୍‌ସି ଝାଣା ଆହାନା ବାସା ଆନେ

। ୧୦ ଏଞ୍ଜେଲ୍ ବାରେ ସାଲ୍‌ଝି କିନାରି ଇଞ୍ଜି ଅଦିକାରା ବେଟାଆତାରି ତାୟ୍  
 ଲେହେଁ, ଇଞ୍ଜି ଏଞ୍ଜାଣି ତାଣା ମାଞ୍ଜାନା ମୀରୁ ବାଡ଼୍‌ୟୁ ବେଟାଆହା ମାଞ୍ଜେରି  
 । ୧୧ କ୍ରୀସ୍ତ ତଲେ ଆଣ୍ଟିତି ଜୀଞ୍ଜୁଏ ମୀ ତଲୁ ଦାପି ଆତି ଲେହେଁତାୟି । ଏ  
 ତଲୁ ଦାପି ଆତାୟି ମାଣ୍‌ସି କିତାୟି ଆଏ, ଏଦି କ୍ରୀସ୍ତ ତାଣାଟି ଆହାମାନେ ।  
 ଏଦି ମାଣ୍‌ସିଇଁ ଦାପୁ ଆଞ୍ଜୁଟି ଗେଲ୍‌ପି କିନେ । ୧୨ ମୀରୁ ଏତିବେଲା ବାପୁସ୍ତ  
 ବେଟାଆତେରି ଏତିବେଲା ମୀରୁ କ୍ରୀସ୍ତ ତଲେ ମୁସ୍‌ପିଆତେରି, ଇଞ୍ଜି ଆମିନି  
 ମାହାପୁରୁ କ୍ରୀସ୍ତଇଁ ହାତାରି ତାଣାଟି ନିକ୍‌ହେସି, ଏଞ୍ଜାଣି କାମା କିନି ବାଡ଼୍‌ୟୁଟି  
 ନାମାଲିଏ ଏ ବେଲାତା ଏଞ୍ଜାସି ମିଢ୍ଢେ କ୍ରୀସ୍ତ ତଲେ ନିକ୍‌ହାତେସି । ୧୩  
 ମୀରୁ ଆଞ୍ଜୁତା ଦାପୁ ଗାଟାତେରି ଜୀହୁଦି ଆଆମାଟାଟି ହାହାମାତେରି, ମିଢ୍ଢେ  
 ଜିକେଏ ମାହାପୁରୁ ତାନିତଲେ ମିଢ୍ଢେ ଜୀଞ୍ଜୁ କିହାଁ ମାଞ୍ଜାନେସି, ମାହାପୁରୁ  
 ମା ବାରେତି ଦାପୁ ମ୍ଳେକ୍‌ହା ମାଞ୍ଜାନେସି; ୧୪ ଏଞ୍ଜାସି ଚେରାତା ମା କପାଟି  
 ଆମିନି ଦହ ଦହନି ଆକୁ ମାତେ, ଏଦାଆଁ ଏଞ୍ଜାସି ମ୍ଳେକ୍‌ହାନା ଦାସି ମୁଣ୍ଡାତା  
 କୁଟିୟାଁ ଝେତାନା ମା ତାଣାଟି ହେକ କିହାମାନେସି; ୧୫ ଅଡେ ଏ ଦାସିମୁଣ୍ଡା  
 ଲାକ କ୍ରୀସ୍ତ ବାରେଲେହେଁତି ବାଡ଼୍‌ୟୁ ଇଞ୍ଜି ସାଲ୍‌ଝି କିନାଆଁ ତାଣାଟି ଜାହାରାଇଁ  
 ପିସ୍‌ପି କିହାକତାମାନେସି ଇଞ୍ଜି ଏଞ୍ଜାଆଁତି ଦସ୍‌ପାନା ତାନୁ ଜୀଣାଆହାନା  
 ହାନିବେଲାତା ବାରେ ଲକ୍‌କୁ ନକିତା ଏଞ୍ଜାଆଁତି ଲାଜା ବେଟାଆଞ୍ଜି କିହାମାନେସି  
 । ୧୬ ଏଦାଆଁତାକି ମୀ ତିନାୟି, ଉନାୟି, ଦାର୍‌ତାକି କୁଟି ଲେଞ୍ଜୁ ଦାର୍‌ତୁ କି  
 ଜମିନି ଦିନାତି ଆମ୍ବାଆସି ମିଢ୍ଢେ ବିତାରା କିୟାଆପେସି । ୧୭ ଏ ବାରେ  
 ଝିହମାନି ଦିନାତା ଆହାଲି ହାଜିମାନି ସାୟ୍ ଲେହେଁ; ସାମା ଏମ୍ବାତି ସାତା  
 କାତା କ୍ରୀସ୍ତ । ୧୮ ଇଞ୍ଜି ଆମ୍ବାଆସି ଜାହାରା ଉଣା ଆହାନା ଦୂରୁୟାଁ ସେବାତା  
 ରାହାଁ ଆହାନା ସେୟାଁଣା ହାପାନା ମେସାମାନାଆଁ ପାରାନା ଅଡେ ଦାର୍‌ତିତି  
 ଅଶ୍‌ପୁ ତଲେ ଉଜେଏ ବଡପଣ ଆହାନା ଆମ୍ବାଆସି ତାୟ୍ ଲେହେଁତି କ୍ରୀସ୍ତ,  
 ଏଞ୍ଜାଣାଇଁ ଆହ୍‌ଆନା ମାହାପୁରୁ ବରତି ଏଟ୍‌କା କିୟାଆପେସି । ୧୯ ଏଞ୍ଜାଣି  
 ତାଣାଟି ବାରେ ଆଞ୍ଜୁ ହାନ୍‌ଲିକା ଅଡେ ଇଣାୟାଁଟି ନେହଁ ଆହାନା ରଣ୍ଡି ରଣ୍ଡାଣି  
 ତଲେ କାଲ୍‌ଝି ଆହାନା ମାହାପୁରୁ ହାତି ପାଡ଼ଣିତା ପାତାଆହିମାନୁ । ୨୦  
 ମୀରୁ କ୍ରୀସ୍ତ ତଲେ ହାହାମାଞ୍ଜେରି ଅଡେ ଇ ଦାର୍‌ତିତା ସାଲ୍‌ଝି କିହିମାନି  
 ବାଡ଼୍‌ୟୁଟି ଗେଲ୍‌ପି ଆହାମାଞ୍ଜେରି । ଆତିହଁ ମୀରୁ ଏନାଆଁତାକି ଦାର୍‌ତିତି ଲକ୍‌କୁ  
 ଅଶ୍‌ପୁ ତଲେ ନାଡିମାଞ୍ଜେରି? ଏନାଆଁତାକି ମୀରୁ ଇଲେତି ମେରା ବାରେ ମାନି  
 କିହିମାଞ୍ଜେରି, ୨୧ ଆତିହଁ “ମାଣ୍‌ସି ଜାପ୍‌ହିମାନି ମେରା ଆହ୍‌ଆଦୁ, ଏଦାଆଁ

ତିନାଆରୁ ଏଦାଆଁ ତୀଗାଆରୁ ଦାର୍ତ୍ତିତ ଲକ୍ଷ୍ମ ଲେହେଁ ଇଲେତି ପାଣାପାଟୁ  
 ଏନାଆଁତାକି ମାନଖି ଆହିମାଞ୍ଜେରି?" ୨୨ ଏ ବାରେ ଆସ୍ତି ଗାଡ଼େକା ତାଇ ।  
 ଇଞ୍ଜି ଲେମ୍ବିସାରେ ଉଜେଏତାଇ ଆନୁ । ୨୩ ଏଲେତି ଜାପ୍ନାୟି ଜାହାରା  
 ଅଶ୍ପୁତି ସେବା କିନାୟି, ଜାହାରାଇଁ ଉଣା କିନାୟି ଇଞ୍ଜି ଆଞ୍ଜାତି ହାରେକା  
 କସ୍ତୁ ହାହାନା ବୁଦିତି ଦରୁ ବେଟାଆହାମାଇଁ ସାମା ଏଦି ଉଜେଏତାୟି ଏଦାଆଁ  
 ତଲେ ଆଞ୍ଜାତି ଅଶ୍ପୁ ରାହାଁ ଆନେ ।

**୩** ମୀରୁ କ୍ରୀସ୍ତ ତଲେ ହାକିତି ନିଞ୍ଜା ମାଞ୍ଜେରି, ଆତିହଁ ମାହାପୁରୁତି ଚିଃନି  
 ଚେତା କୁଗାମାନି କ୍ରୀସ୍ତତି ଆମିନି ବାସାଟାୟୁ, ଏ ଲାକପୁରୁ ମାନାଣି ପାରାଦୁ ।  
 ୨ ଦାର୍ତ୍ତିତା ମାନି ବାରେ କାତାତି ଅଶ୍ପାଆନା, ଲାକପୁରୁ ମାନାଣି ବାରେ  
 ଅଶ୍ପାଦୁ । ୩ ଏନାଆଁତାକି ଇତିହଁ ମୀରୁ ହାହାମାଞ୍ଜେରି, ଅଡ଼େ ମୀ ଜୀଞ୍ଜୁ  
 ମାହାପୁରୁ ତାଣା କ୍ରୀସ୍ତ ତଲେ ତୁଗାମାନେ । ୪ ମା ଜୀଞ୍ଜୁ ଲେହେଁତାସି କ୍ରୀସ୍ତ,  
 ଏଚିବେଲା ଏଝାସି ତଞ୍ଜାଆନେସି, ଏଚିବେଲା ମୀରୁ ଜିକେଏ ଗାଞ୍ଜୁରମିତି  
 ଏଝାଣିତଲେ ଆଣ୍ଡାନା ତଞ୍ଜା ଆଦେରି । ୫ ଏଦାଆଁତାକି ମୀ ଦାର୍ତ୍ତିତି  
 ଲାଗେଏ ପଲେଏ ତାଣାଟି ଇତିହଁ ଦାରିକାମା, ସୁଦୁ ଆଆତି କାମା, ଲାଗେଏତି  
 ଜୁପ୍କା, ପେଶ୍କା ପୂଜା କିନାୟି, ଜୁପ୍କା ଆନାୟି, ଇ ବାରେତାକି ହାଞ୍ଜି  
 କିହାଁ କତାଦୁ: ୬ ଇ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଇଁ  
 ମାନି କିଅରି, ଏଝାରାକି ମାହାପୁରୁତି କପା ଝାନେ; ୭ ତଲି ମୀରୁ ଜିକେଏ  
 ଇଲେତି ପାପୁ କାମାତା ମାଞ୍ଜାନା ଏଲେକିହଁ ନୀତିମାଚେରି । ୮ ସାମା ନୀଏଁ  
 ମୀରୁ ଜିକେଏ ଇ ବାରେ କାତା ଇତିହଁ, କପା, କାର୍ବି, ଇର୍ସା ଇଞ୍ଜି ମୀ  
 ଗୁଡିତି ନିନ୍ଦା କାତା ଅଡ଼େ ଅପାଆଗାଟି ହାତା ଜଲଆଦୁ । ୯ ମୀ ବିତ୍ରା  
 ମିତି କାତା ଝେସ୍ପି ଆଆରୁ: ଏନାଆଁତାକି ଇତିହଁ ମୀରୁ ବାରେ ପ୍ଲାଞ୍ଜ ଗୁଣ୍ଡୁ  
 ମାଣ୍ଡକି ପିସାମାଞ୍ଜେରି, ୧୦ ଅଡ଼େ ଏଲେତି ବାରେ କାମା ପିସାନା ପୁଞ୍ଜି ଗୁଣ୍ଡୁ  
 ପର୍ହାମାଞ୍ଜେରି; ଏ ପୁଞ୍ଜି ଗୁଣ୍ଡୁ ମାଞ୍ଜେ ଗାଡ଼ିକିତାଣି ଝାଣା ତଲେ ବାରେ ବୁଦି  
 ବେଟାଆହାଲି ତାକି ପୁଞ୍ଜି ଗାଡ଼ି ଆହାମାଞ୍ଜେରି । ୧୧ ଏଚେଟିଏ ଜୀହୁଦି ଲକ୍ଷ୍ମ  
 ଅଡ଼େ ଜୀହୁଦିଆଆତି ଲକ୍ଷ୍ମ, ତଲୁ ଦାପିଆତାରି କି ଦାପି ଆଆତାରି, ଏଚ୍କା  
 ରାଜିତାରି, ସୁତିୟାତାରି, ହଲେଏସି, ହଲେଏସି ଆଆତାସି, ଇ ବାରେତି ବିତ୍ରା  
 ଏନି ପାର୍ଡ଼ା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜି ଏଝାସି ବାରେ  
 ତାଣା ବାସା କିନେସି । ୧୨ ମୀରୁ ମାହାପୁରୁତି ଲକ୍ଷ୍ମଚେରି; ଏଝାସି ମିଞ୍ଜେ  
 ଜୀଞ୍ଜୁହାଁନା ତାଞ୍ଜେତାକି ଆଚାମାଞ୍ଜାନେସି । ଏଦାଆଁତାକି ମୀରୁ ହିତ୍ତି ହିୟାଁ,

କାର୍ମାମେହନାଶି, ଉଣା ଆନାୟି, ସୁଦୁ ସୁଖାଲା ମାଣ୍ଡକି ଅଡ଼େ ଅରୁହିନାଶି  
 ପରୁଦୁ । ୧୩ ମୀ ବିତ୍ରା କସ୍ତୁ ଅରୁହି ଆଦୁ, ରଅସି ରଅଶି କପାଟି ଏନି କାତା  
 ଜଲିନାୟି ମାଟିସାରେ ମୀରୁ ରଅତେରି ରଅଶି ଦହ ମ୍ଲୋକ୍ତୁ: ପ୍ରବୁ ଏନିକି ମୀ  
 ଦହ ମ୍ଲୋକ୍ତୁହା ମାଞ୍ଜାନେସି, ମୀରୁ ଜିକେଏ ଏଲେକିହିଏ କିଦୁ । ୧୪ ଅଡ଼େ ଇ  
 ବାରେ ଗୁଣ୍ଡତଲେ ଜୀଞ୍ଜନନାୟି ମୀ ବିତ୍ରା ମାଣ୍ଡମ୍, ଇତିହିଁ ଜୀଞ୍ଜନନାୟି ବାରେ  
 ଗୁଣ୍ଡତି ରୁଣ୍ଡି କିନେ । ୧୫ କ୍ରୀସ୍ତୁ ହିୟାତି ହିଡ଼ଡ଼ି ମୀ ହିୟାତି ସାଲଖି କିପେ  
 । ଇତିହିଁ ଇ ହିଡ଼ଡ଼ି ତାକି ମାହାପୁରୁ ମିଢ୍ଢେ ରହେଏ ରଣ୍ଡିଏ ଆଢ୍ଢା ଆହାଲି  
 ହାଟାମାଞ୍ଜାନେସି ଅଡ଼େ ବାରେବେଲା ମୀରୁ ମାହାପୁରୁଇଁ ଜହରା କିଦୁ ୧୬  
 କ୍ରୀସ୍ତୁତି ବଲୁ ହାରେକା ମୀ ହିୟାତା ଡ଼ୟାପେ; ବୁଦିତଲେ ମୀରୁ ରଅତେରି  
 ରଅଶାଈଁ ହାରେପୁରେ ଜାପହାନା ସେଡନା ହୀପକିଆଦୁ, ଇଞ୍ଜିଁ ମୀ ସୁଦୁଜୀଞ୍ଜୁ  
 ତଲେ ମାହାପୁରୁଇଁ ଜହରା କିହିଁ ହିୟାଁ ତଲେ ପାରୁ ପାତାଦୁ । ୧୭ ଅଡ଼େ  
 ମୀରୁ କାତାତାକି କାମାତା ଏନାଆଁ କିଦେରି, ଇତିହିଁ ଏ ବାରେ ପ୍ରବୁ ଜୀସୁ  
 ଦରୁତଲେ କିହାନା ଏଞ୍ଜାଶି ଦରୁତଲେ ଆବା ମାହାପୁରୁଇଁ ଜହରା କିଦୁ । ୧୮  
 ଏ ତକ୍ତିସିକାତେରି, ମୀରୁ ମୀ ତକ୍ରାୟାଶି ମାନି କିଦୁ, ଏନାଆଁତାକି ଇତିହିଁ  
 ମୀରୁ ପ୍ରବୁ ତାଣା ଆଣ୍ଡାମାନାକି ଏଲେ କିନାୟିମାନେ । ୧୯ ଏ ତକ୍ରାୟାତେରି,  
 ମୀରୁ ମୀ ତକ୍ତିସିକାଶି ଜୀଞ୍ଜନଦୁ, ଏଞ୍ଜାସିକାଶି ହଲେଶିସିକା ଲେହେଁ ଲେମ୍ପାନା  
 ଦୁକୁ ହୀଆଦୁ । ୨୦ ଆଡ଼େ କକାରି ପଦାୟାତେରି, ବାରେ କାତାତା ତାଲି  
 ତାଞ୍ଜିତି କାତା ମାନଖି ଆଦୁ, ଏନାଆଁତାକି ଇତିହିଁ ଇଦି ମାହାପୁରୁ ନକିତା  
 ରାହାଁତି ଲେମ୍ପିନାୟି । ୨୧ ଏ ତାଲି ତାଞ୍ଜିତେରି, ମୀ କକାରି ପଦାଶି କାରୁବି  
 କିଆଦୁ, ଏନିକି ଏଞ୍ଜାରି ନୀରାସା ଆଅରି । ୨୨ ଏ ହଲିୟାଢ୍ଢାତେରି, ମାଣ୍ଡସିଇଁ  
 ରାହାଁ କିନିଲେହେଁ ଦାରୁତିତି ସାଞ୍ଜୁକାରିୟାଁ ନକିତା ଏ କାମା କିଆଦୁ, ସାମା  
 ମାହାପୁରୁଇଁ ଆଜାନା ହିୟାତି ସୁଦୁ ମାଣ୍ଡକି ତଲେ ବାରେ କାମାତା ଏଞ୍ଜାରାଈଁ  
 ମାନଖି ଆଦୁ । ୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ  
 ହିୟାଁ ତଲେ କିଦୁ, ମାଣ୍ଡସିୟାଁ ତାକି କିନିଲେହେଁ କିଆଦୁ: ୨୪ ପ୍ରବୁ ତାନି  
 ଲକୁତାକି ଇଟାମାନି ଦାନା ମିଢ୍ଢେ ହିୟାନେସି ଇଞ୍ଜିଁ ପୁଞ୍ଜାମାଞ୍ଜୁ, ଏନାଆଁତାକି  
 ଇତିହିଁ କ୍ରୀସ୍ତୁଏ ମୀ ସାତା ପ୍ରବୁ ଆମ୍ପାଆରି ସେବା କିହିମାଞ୍ଜେରି । ୨୫ ଇତିହିଁ  
 ଆମ୍ପାଆସି ଲାଗେଏ କାମା କିନେସି ଏଞ୍ଜାସି ଲାଗେଏ କାମାତି ପାଡ଼େୟି  
 ବେଟାଆନେସି, ଇତିହିଁ ମାହାପୁରୁ ଲକୁତି ପାରୁଡ଼ା ବାଟି କିଆନା ନୀହାୟି  
 କିନେସି ।

୪ ଏ ସାଧୁକାରିୟାତେରି ଲାକପୁରୁ ମୀ ସାଧୁକାରି ମାନେସି ଇଚ୍ଛୁ ପୁଞ୍ଜାନା ମୀ ହଲିୟାଢ଼ାଈ ଜୀଞ୍ଜନହୀନା ନେହିଁକି ଲେମ୍ବାଦୁ । ୨ କାଲେଏ ପ୍ରାତାନାତା ରଣ୍ଡିଏ ଅଶ୍ୱପୁ ତଲେ ମାଞ୍ଜୁ ଅଡ଼େ ମାହାପୁରୁଈ ଜହରା କିହି ଏମ୍ବାଆଁ ଜାଗ୍ରାତା ମାଞ୍ଜୁ; ୩ ମାଢ଼େତାକି ଜିକେଏ ପ୍ରାତାନା କିଦୁ, ଏନିକି ନେହିଁ କାବୁତି କାତା ଝେକ୍‌ହାଲି ମାହାପୁରୁ ମାଢ଼େତାକି ଦାରା ଦେତାନେସି । କ୍ରୀସୁତି ଆମିନି ତୁଗାମାନି କାତାତାକି ନାନୁ ନୀଏଁ କାୟିଦି ଇଲୁତା ମାଈ । ୪ ନାନୁ ଝେକ୍‌ନାଟି ନେହିଁକି ପୁଣ୍ଡିକିନିଲେହେଁ ଝେକ୍‌ହାଲି ଆଡ଼ିଈ ଇଚ୍ଛୁ ନାଢ଼େତାକି ପ୍ରାତାନା କିଦୁ । ୫ ପାଗାତି ନେହିଁକି ଲେମ୍ବାନା ନାମାଆତି ଲକୁ ଡ଼ାଣା ବୁଦିତି ମାଣ୍ଡକି ତଲେ ଲେମ୍ବାଦୁ । ୬ ମୀ ବଲୁ କାଲେଏ ନେହାୟି, ଅଡ଼େ, ଅଶ୍ୱପିନାୟି, ଅଡ଼େ ହାରୁ ଲେହେଁ ମୀରୁ ଏନିକି ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ । ୭ ପ୍ରବୁତି କାମାତା ନା ତଲେ ନାମୁଟି ସେବା କାମା କିନି ଜୀଞ୍ଜୁତି ତାୟି ତୁକିକ, ନା ବାରେ କାତା ମିଢ଼େ ଝେସୁନେସି; ୮ ଏଦାଆଁତାକି ନାନୁ ଏଞ୍ଜାଣାଈ ମୀ ଡ଼ାଣା ପାଣ୍ଡାତେଏଁ, ଏନିକି ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଚ୍ଛୁ ମୀ ବାରେତି ହିୟାଁ ଏଞ୍ଜାଣି ଡ଼ାଣାଟି ରାହାଁ ବେଟାଆନେ । ୯ ଏଞ୍ଜାଣିତଲେ ନାନୁ ନାମୁତା ଜୀଞ୍ଜୁତି ତାୟି ଅନିସିମଈ ପାଣ୍ଡାତେଏଁ, ଏଞ୍ଜାସି ମୀ ବିତ୍ରାଟି ରଅସି, ଏଞ୍ଜାରି ଇମ୍ବାଆଁ ଆହିମାନି ବାରେ କାତା ମିଢ଼େ ଝେସୁନେରି । ୧୦ ନା ତଲେ କାୟିଦିତା ମାନି ଆରିସ୍ତାକି ଅଡ଼େ ବର୍ନବା କୁଟମିତି ତାୟି ମାର୍କ ଏଞ୍ଜାରି କାତା ମୀରୁ ହୁକୁମି ବେଟାଆହାମାଞ୍ଜେରି; ମାର୍କ ମୀ ଡ଼ାଣା ଝାଡ଼ିସାରେ, ଏଞ୍ଜାଣାଈ ଆବାଦୁ, ଏଞ୍ଜାରି ମିଢ଼େ ଜହରା ଝେସି ମାଞ୍ଜୁନେରି, ୧୧ ଅଡ଼େ ଜୁସୁ ଦରୁଟି ଝେଡ଼ିତି ଜୀସୁ ମିଢ଼େ ଜହରା ଝେସିମାଞ୍ଜୁନେସି, କ୍ରୀସୁ ଦାମୁତି ଆବାମାନି ଇ ତାନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା ତଲେ କାମାକିନାରି, ଏଞ୍ଜାରି ନାଢ଼େ ହାରେକା ସାୟେମି କିହାମାଞ୍ଜୁନେରି । ୧୨ ଏପାପ୍ରା ମୀ ବିତ୍ରାଟି ରଅସି, ଏଞ୍ଜାସି ମିଢ଼େ ଜହରା କିହିମାଞ୍ଜୁନେସି, ଏଞ୍ଜାସି କ୍ରୀସୁ ଜୀସୁତି ର ହଲେଏସି ଇଚ୍ଛୁ ଡ଼ାନୁ ପ୍ରାତାନା କିନାଟି ବାରେବେଲା ମିଢ଼େ ତାକି ପ୍ରାତାନା କିହିମାନେସି, ଏନିକି ମୀରୁ ନାମୁତା ନେହାଁତେରି ଆହାନା ମାହାପୁରୁତି ବୁଦି ଅଡ଼େ ଅଶ୍ୱପୁତି ତୀରେ ପୁଞ୍ଜାନା ଝୀତାଆନା ମାଞ୍ଜେରି । ୧୩ ଇତିହିଁ ଏଞ୍ଜାସି ମିଢ଼େତାକି ଇଚ୍ଛୁ, ଲାଞ୍ଜୁଦିକିୟା ଅଡ଼େ ହିଏରାପଲିତା ମାନାରି ତାକି ହାରେକା କସୁ ବେଟାଆହିଁ କାମା କିହାମାନେସି, ଏଞ୍ଜାଣି ତାକି ନାନୁ ଇ ସାକି ହାହିମାଞ୍ଜୁଈ । ୧୪ ମା ଜୀଞ୍ଜୁତି ତାଢ଼ାଦର ଲୁକ ଅଡ଼େ ଦିମା, ମିଢ଼େ

ଜହରା ଖେସିମାଞ୍ଜାନେରି । ୧୫ ଲାଞ୍ଜୁଦିକିୟାତା ମାନି ତାୟି ତାଢ଼ିୟା, ତାଢ଼ି  
ନୁମ୍ପା ଅଡ଼େ ତାମି ଇଲୁତା ମାନି କୁଲମିତି ମା ଜହରା ଖେହ୍ଦୁ । ୧୬ ଅଡ଼େ  
ମୀ ତାଣା ଇ ଆକୁ ପଡ଼଼ି ଆତି ଡାୟୁ ଲାଞ୍ଜୁଦିକିୟା କୁଲମିତା ଜିକେଏ ଏନିକି  
ପଡ଼଼ି ଆନେରି, ଇଞ୍ଜି ଲାଞ୍ଜୁଦିକିୟାଟି ଆମିନି ଆକୁ ଖାନେ ଏଦାଆଁ ମୀରୁ  
ଜିକେଏ ପଡ଼଼ି ଆଦେରି ଏଦାଆଁତାକି ଜାଗ୍ରାତା ଆଦୁ । ୧୭ ଆକିପ୍ପଇ  
ଖେହ୍ଦୁ, “ନୀନୁ ଆମିନି ପ୍ରବୁତି ସେବା କିନି ପାଣା ବେଟାଆହାମାଞ୍ଜି ଏଦାଆଁ  
ରାପ୍ତାଲି ଜାଗ୍ରାତା ମାନାମୁ ।” ୧୮ ନୀନୁ ପାଞ୍ଜୁଲ, ନା କେୟୁତଲେ ଇ ଜହରା  
ରାତିମାଇଁ, ନା କାୟିଦିତା ମାନାଣି ଅଣ୍ପାଦୁ! ମାହାପୁରୁତି କାର୍ମାମେହ୍ନାୟି  
ମୀ ବାରେତାକି ଆୟାପେ ।

## ୨ତେସ

୧ ପାଖୁଲ, ସିଲ୍ଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ଡାଣା ମାନି ତେସଲନିକିତି କୁଲମିକି ଆକୁ ରାତିମାନମି । ୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ଡାଣାଟି କାର୍ମାମେହନାୟି ଅଡ଼େ ହିଡ଼ଡ଼ି ଜୀସୁ ମିଡ୍ରେଡାକି ଆୟାପେ । ୩ ଏ ମା ତାୟିୟାଁ ଅଡ଼େ ତାଡ୍ଡିସ୍ତାତେରି ମୀ ତାକି ମାମୁ ବାରେଦିନା ମାହାପୁରୁଇଁ ଜହରା କିନାୟି ଲଡ଼ାମାନେ, ଏଲେଆନାୟି ନେହେଁ, ମୀ ନାମୁ ଅଡ଼େ ରଅତେରି ରଅଣାଇଁ ଜୀସୁନନାୟି ଦିନମି ତାକି ଦିନମି ପାତାଆହିମାନେ । ୪ ଏତେଟିଏ ମୀରୁ ଆମିନି ବାରେ ସାସ୍ତି ଇଞ୍ଜିଁ କସ୍ତ ବେଟା ଆହାମାଞ୍ଜେରି, ଏମ୍ପାଟି ମୀରୁ ଅର୍ହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମୁ ମାହାପୁରୁ କୁଲମିକାଣା ମିଡ୍ରେ ତାକି ବଡ଼ପଣ ଆହିମାନମି । ୫ ମାହାପୁରୁଟି ଆମିନି ରାଜିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମ୍ପାଆଁ ଜଗେ ଇଞ୍ଜିଁ ଡଞ୍ଜାଆହାଲି ଇଦିଏ ମାହାପୁରୁଟି ନେହେଁ ନାହାଁୟିତି ପାର୍ମାଣା । ୬ ଏତିବେଲା ମିଡ୍ରେ କସ୍ତ ହାହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହାନାୟି ଇଞ୍ଜିଁ କସ୍ତ ବେଟାଆହି ମାଞ୍ଜେରି ମୀରୁ, ମିଡ୍ରେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହେଁ କାତା; ୭ ଇତିହେଁ ପ୍ରବୁ ଜୀସୁ ଏତିବେଲା ଜାହାରା ବାଡ଼୍ଯୁ ଗାଟି ଦୁରୁୟାଁ ତଲେ ଡାଞ୍ଜି ମାନି ହିରୁ ଗୁଦ୍‌ଖା ତଲେ ଲାକପୁରୁଟି ଡଞ୍ଜାଆନେସି । ୮ ଆମ୍ପାଆରି ମାହାପୁରୁଇଁ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତଟି ନେହେଁ କାବୁ ମାନଞ୍ଜି ଆଅରି, ଏଞ୍ଜାରାଇଁ ଏଞ୍ଜାସି ଏତିବେଲା ତଣ୍ଡୁ ହାନେସି । ୯ ଇତିହେଁ, ଆମିନି ଦିନା ଏଞ୍ଜାସି ଜାହାରା ଦାର୍ମୁଗାଟାରି ତଲେ ଗାଞ୍ଜୁରମି ବେଟାଆହାଲି ଇଞ୍ଜିଁ ନାମାମାନି ମାହାପୁରୁ ଲକୁ ଡାଣାଟି କାବାଆନି ସିନାଲେହେଁ ଆହାଲି ଖାନେସି । ଇତିହେଁ ମୀରୁ ମାମୁ ହାହାମାଞ୍ଜାନି ସାକିତି ନାମାମାଞ୍ଜେରି । (aiōnios g166) ୧୦ ଏ ଦିନା ଏଞ୍ଜାରି ତଣ୍ଡୁ ବେଟାଆନେରି, ଇତିହେଁ ପ୍ରବୁଟି ତାଗେଟି ଇଞ୍ଜିଁ ତାନି ବାଡ଼୍ଯୁଗାଟି ଗାଞ୍ଜୁରମିଟି ହେକ ହାଜାନା କାଲାକାଲା ତାକି ନାସା ଆନେରି । ୧୧ ଏଦାଆଁତାକି ମା ମାହାପୁରୁ ଏନିକିଁ ମିଡ୍ରେ ହାଟାମାଞ୍ଜାନି ଜଗେ ଇଞ୍ଜାନେସି, ଏଦାଆଁତାକି ମାମୁ ଜିକେଏ ବାରେବେଲା ମିଡ୍ରେଡାକି ପ୍ରାତାନା କିହିମାନମି; ଏନିକିଁ ନାମୁଟି ବାରେ କାମା ନେହେଁକିଁ କିହାଲି ଆଡିଦେରି । ୧୨ ଏଲେଆଡିହେଁ ମା ମାହାପୁରୁ ଇଞ୍ଜିଁ ପ୍ରବୁ ଜୀସୁ କ୍ରୀସ୍ତଟି କାର୍ମାମେହନାଣି ଲେହେଁ ପ୍ରବୁ ଜୀସୁଟି ଦରୁ ମୀ ଡାଣା ଗାଞ୍ଜୁରମି ଆନେ, ଅଡ଼େ ମୀରୁ ତାନିଡାଣାଟି ଗାଞ୍ଜୁରମି ବେଟାଆଦେରି ।

**୨** ତାୟିୟାଁ ଅଡ଼େ ତାଡ଼ିସ୍ମାତେରି, ପ୍ରବୁ ଜୀସୁ କ୍ରୀସୁ ଖେଣ୍ଟେ ଝାନାଣି ଅଡ଼େ  
 ମାର ତାନିତଲେ କୁଡ଼ା ଆନାଣି ତାକି ମିଡ଼େ ବାତିମାଲି ମାଞ୍ଜାନମି । **୨**  
 ପ୍ରବୁତି ଦିନା ଏଗାଝାତେୟିଏ ଇଞ୍ଜିହଁ ମୀ ଏନି ଜୀସୁ କି ବଲୁ କି ମା ତାଣାଟି  
 ରାସକି ଆହାମାନେ ଇଞ୍ଜି ଅଣ୍ଠାପାନା ଆମିନି ଆକୁ ତଲେ ଗାଡ଼େକେଏ ଗୁଡ଼ା  
 ଆଆଦୁ କି କିଲିବିଲି ଆଆଦୁ । **୩** ଆମ୍ବାଆସି ଏନିକିହଁ ଜିକେଏ ମିଡ଼େ ନାଡ଼ି  
 କିୟାଆପେସି, ଏନାଆଁତାକି ଇତିହଁ ମୂଲୁଏ ଦାମ୍ବୁ ବିଡ଼ା ଗଡ଼ହା ଆନେ, ଅଡ଼େ  
 ନାସାକିନି ଦାମ୍ବୁ ହିଲାଆ ମାଣ୍ଠି ଚଞ୍ଜା ଆନାୟି ମାନେ, ଆଆଟି ପ୍ରବୁତି ଦିନା  
 ଝାଏ । **୪** ଇଝାସି ଏ ଦାମ୍ବୁ ହିଲାଆଗାଟି ମାଣ୍ଠି ପୁଜା ବେଟାଆହିମାନି ପେଣ୍ଟକା  
 କି ମାହାପୁରୁ କପାଟି ନିଡ଼ିନେସି ଅଡ଼େ ବାରେତି କିହଁ ଜାହାରାଇଁ ହାରେକା  
 ଗାଝୁରମି କିହାକଡ଼ିନେସି, ଇଲେକିହଁ ମାହାପୁରୁତି ଇଲୁଡ଼ା ଜିକେଏ କୁଗାନା  
 ଏଝାସି ନାନୁ ମାହାପୁରୁତେଏଁ ଇନେସି । **୫** ମୀରୁ ଏଦାଆଁ ଅଣ୍ଠି ହିଲଅଡ଼େରି  
 କି? ନାନୁ ମୀ ତଲେ ମାଟିବେଲା ମିଡ଼େ ଇ ବାରେ କାତା ଝେସାମାଞ୍ଜାତେଏଁ ।  
**୬** ତାରିକିହା ମାନି ଦିନା ଏଝାସି ଚଞ୍ଜାଆନେସି, ଆତିଜିକେଏ ତାନୁ ଝାନାଣି  
 ଏନାୟି ଆଡ଼ିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି । **୭** ଏ ପାପୁଡ଼ା ତୁଗାମାନି  
 ବାଡ଼୍‌ୟୁ ନୀଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ  
 ଏ ଆଡ଼ା ମାନାସି ଗୁଡ଼ା ଆଆପାତେକା ଝାଏ । **୮** ଏତିବେଲା ଲାଗେଏତି  
 ଜୀସୁଗାଟି ମାଣ୍ଠି ଚଞ୍ଜାଆନେସି, ଏଝାଣାଇଁ ପ୍ରବୁ ଜୀସୁ ଗୁତିଟି ହୁନି ଉକ୍‌ଅଡ଼ି  
 ତଲେ ପାୟିନେସି ଇଞ୍ଜି ତାନୁ ଖେଣ୍ଟେ ଝାନାଟି ଚଞ୍ଜାଆନି ଉଜେଡ଼ି ତଲେ ନାସା  
 କିନେସି । **୯** ସୟତାନତି ବାଡ଼୍‌ୟୁ ହାପକି ଆହାମାନି ଲେହେଁ ବାରେଲେହେଁତି  
 ମିଚିତି ବାଡ଼୍‌ୟୁ, ସିନା ଇଞ୍ଜି କାବାଆନି କାମା, ଅଡ଼େ ନାସା ଆହିମାନି  
 ଲୁକୁଡ଼ାଣା ବାରେଲେହେଁତି ଦାମ୍ବୁ ନାଡ଼ି କିନାଆଁ ତଲେ ଲାଗେଏତି ମାଣ୍ଠି  
 ଝାନେସି, **୧୦** ଇଞ୍ଜି ନାସା ଆନାରାଇଁ ବାରେଲେହେଁତି ଲାଗେଏ ଗାଟି  
 ନାଡ଼ିକିନି କାମା କିନେସି, ଏନାଆଁତାକି ଇତିହଁ ଗେଲ୍‌ପିଆୟାଲି ସାତାତି  
 ଜୀସୁ ନୁଆନା ଅପାଆଗାଟାରି ନାସା ଆନେରି । **୧୧** ଇଦାଆଁତାକି ଏଝାରି  
 ଏନିକି ମିଚିତାଣି ନାମିନେରି, ଏଦାଆଁତାକି ମାହାପୁରୁ ଏଝାରିଡ଼ାଣା ନାଡ଼ିକିନି  
 ବାଡ଼୍‌ୟୁ ପାଣ୍ଡାମାଞ୍ଜାନେସି । **୧୨** ଏନିକିହଁ ଆମ୍ବାଆରି ସାତାତି ନାମାଆନା  
 ଦାମ୍ବୁ ହିଲାଆଗାଟି ତାଣା ରାହଁ ଆହାମାନେରି, ଏଝାରି ବାରେଜାଣା ତଣ୍ଡୁ  
 ବେଟାଆନେରି । **୧୩** ମା ପ୍ରବୁତି ଜୀସୁତି ତାୟିୟାଁ ଅଡ଼େ ତାଡ଼ିସ୍ମାତେରି,  
 ମିଡ଼େତାକି ବାରେଦିନା ମାହାପୁରୁଇଁ ଜହରା କିନାୟି ମା କାମା, ଏନାଆଁତାକି



ଇତିହିଁ ମାହାପୁରୁ ଜୀବୁତି ସୁଦୁ ଇଞ୍ଜିଁ ସାତାତି ନାମୁତଲେ ଗେଲ୍‌ପି ଆହାଲି ମିଢ୍ଢେ ମୁଲୁତି ପାଡ଼େୟିଲେଁ ବାତି କିହାମାଞ୍ଜାନେସି । ୧୪ ଏଦାଆଁତାକି ଜିକେଏ ଏଝାସି, ମାମୁ ଖେକହାମାନି ନେହିଁ କାରୁତଲେ ମା ପ୍ରବୁ ଜୀସୁ କ୍ରୀସ୍ତୁତି ଗାଞ୍ଜୁରମି ବେଟାଆହାଲି ମିଢ୍ଢେ ହାଟାମାଞ୍ଜାନେସି । ୧୫ ଏଲେଆହିଁଏ ଏ ମା ତାୟିୟାଁ ଅଡ଼େ ତାଢ୍ଢିସ୍ତାତେରି ତୀରିଆହାଁ ମାଞ୍ଜୁ ଅଡ଼େ ମାମୁ ଖେସ୍ତାତି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣେ ଆସାଁ ମାଞ୍ଜୁ । ୧୬ ମା ପ୍ରବୁ ଜୀସୁ କ୍ରୀସ୍ତୁ ତାନୁଏ ଅଡ଼େ ମା ଆବା ମାହାପୁରୁ ଅଡ଼େ ମାଢ୍ଢେ ଜୀଞ୍ଜୁନହାଁନା ତାନି କାର୍ମାଟି କାଲାକାଲାତି ସାସା ଅଡ଼େ ନେହିଁ ବାସୁଁ ହାହାମାଞ୍ଜାନେସି । (aiōnios g166) ୧୭ ଏଝାସି ତାନୁଏ ମୀ ହିୟାଁ ସୁସୁ ହାହାଁ ମିଢ୍ଢେ ବାରେଲେହେଁତି ନେହିଁ କାମା ଇଞ୍ଜିଁ ବଲୁତା ତୀରିକିୟାପେସି ।

**୩** ବାରେତି ତାୟୁ ଏ ମା ତାୟିୟାଁ ଅଡ଼େ ତାଢ୍ଢିସ୍ତାତେରି ମାଢ୍ଢେ ତାକି ପ୍ରାତାନା କିଦୁ ଏନିକିଁ ପ୍ରବୁତି ନେହିଁ ବଲୁ ମୀ ତାଣା ଆତି ଲେହେଁ ବାରେଝାକି ଖେଢ୍ଢା ହାଜାନା ଗାଞ୍ଜୁରମି ପାଣ୍ଡନେ, ୨ ଅଡ଼େ ଏନିକିଁ ମାମୁ ବୁଦି ହିଲାଆ ଗାଟାରି ଅଡ଼େ ଦହଗାଟାରି ତାଣାଟି ଗେଲ୍‌ପି ଆନମି, ଏନାଆଁତାକି ଇତିହିଁ ବାରେ ତାଣା ନେହିଁ ବଲୁ ନାମା ହିଲଅରି । ୩ ସାମା ପ୍ରବୁ ଟିକାଣାତାସି, ଏଝାସି ମିଢ୍ଢେ ତୀରି କିହାନା ଲାଗେଏ ପଲେଏ ତାଣାଟି ଗେଲ୍‌ପାନେସି । ୪ ମାମୁ ମିଢ୍ଢେ ଏନିକିଁ ହୁକୁମି ହାହିମାଞ୍ଜାନମି, ଏ ବାରେ ମୀରୁ କିହିମାଞ୍ଜେରି, ଅଡ଼େ କିଦେରି, ଇଦି ମୀ ତାକି ପ୍ରବୁ ତାଣା ମା ଆର୍‌ଝା ନାମୁ ମାନେ । ୫ ଅଡ଼େ ପ୍ରବୁ ମୀ ହିୟାଁତି ମାହାପୁରୁତି ଜୀଞ୍ଜୁ ନନାଣି ଇଞ୍ଜିଁ କ୍ରୀସ୍ତୁତି ସାସା ବେଟାଆହାଲି ସାୟେମି କିୟାପେସି । ୬ ଏ ମା ତାୟିୟାଁ ଅଡ଼େ ତାଢ୍ଢିସ୍ତାତେରି, ମାମୁ ପ୍ରବୁ ଜୀସୁ କ୍ରୀସ୍ତୁତି ବରୁତଲେ ମାମୁ ମିଢ୍ଢେ ଇ ହୁକୁମି ହାହିମାଞ୍ଜାନମି, ଆମିନି ତାୟି ମା ତାଣାଟି ଜାପାମାନିଲେହେଁ ମାଣ୍ଡକିତା ମାନାଆନା ନିସ୍ତା ତଲେ ନୀଡିନେସି, ଏଝାଣି ତାଣାଟି ଜାହା ଜାହାରାଇଁ ଏବ୍‌କା କିଦୁ । ୭ ଇତିହିଁ ମାମୁ ଏନିକିଁ କିହି ମାତମି ଏଲେକିଁ ମୀରୁଝା କିନାୟିମାନେ, ଏଦାଆଁ ମୀରୁ ମୀରୁଏ ନେହିଁକିଁ ପୁଞ୍ଜାମାଞ୍ଜେରି, ଏନିକିଁ ମାମୁ ମୀ ତାଣା ନିସ୍ତା ତଲେ ନୀଡି ହିଲାଆତମି । ୮ ମାମୁ ଉଜେଏ ଆମ୍ବାଆରି ରାନ୍ତା ଡିଞ୍ଜି ହିଲାଆତମି, ସାମା ମିଢ୍ଢେ ବଜୁ ଆଆପେଝା ଇଞ୍ଜିଁ ଲାଆଁ ମାଦେନା ଝାହୁରାତା ଅଡ଼େ କସ୍ତତଲେ କାମା କିହି ମାତମି; ୯ ମୀ ତାଣାଟି ଏନାଆଁ ବେଟାଆହାଲି ମା ଅଦିକାରା ହିଲେଏ, ଏଦି ଆଏ, ସାମା ଏନିକିଁ ମୀରୁ, ମାମୁ କିହିମାତିଲେହେଁ କିଦେରି; ଇଦାଆଁତାକି

ମାମୁ ମୀ ନକିତା ଜାହାରାଇଁ ନେହଁ ମାଣକି ଚପାଲି ତାକି ଏଲେକିତମି । ୧୦  
 ଇଚିହଁ ମୀ ତଲେ ମାମୁ ମାତାଟି ମିଢ୍ଢେ ଇ ହୁକୁମି ହିୟାତମି, “ଆମ୍ବାଆସି  
 କାମା କିହାଲି ମନ କିଅସି, ଏଝାସି ରାନ୍ତା ଜିକେଏ ତିନାଆପେସି ।” ୧୧  
 ଇଚିହଁ ମୀ ତାଣା ଏଚେକା ଲକୁ ନିସ୍ତା ତଲେ ନୀତିମାଞ୍ଜେରି ଇଞ୍ଜି ଏଝାରି  
 ଏନି କାମା କିଆନା ଉଜେ ଉଜେଏ ଏଚକା ଲକୁତି କାତା ଅଣ୍ଡିମାନେରି,  
 ଇଞ୍ଜି ମାମୁ ଖେଞ୍ଜାମାନମି । ୧୨ ଇଲେତାରାଇଁ ନେହଁ ଆହଁ ନୀତାଲି ଅଡେ  
 ତାମି ରାନ୍ତା ତାମୁ ନେହଁ ଅଣ୍ଡି ତଲେ କାମା କିହାଲି, ମାମୁ ଜୀସୁ କ୍ରୀସ୍ତ  
 ଦରୁତଲେ ସେତନା ଅଡେ ହୁକୁମି ହାହିମାଞ୍ଜାନମି । ୧୩ ସାମା ଏ ମା ତାୟିୟା  
 ଅଡେ ତାଢ଼ିସ୍ତାତେରି ମୀରୁ ନେହଁ କାମା କିୟାଲି ଏଚେଲାଝା ଝାହାଆଦୁ । ୧୪  
 ଇ ଆକୁତା ମାମୁ ରାତାମାନାଣି ଆମ୍ବାଆସି ମାନଝି ଆଅସି, ଏଝାଣାଇଁ ଗୁରି  
 କିଦୁ ଅଡେ ଏଝାସି ଏନିକି ଲାଜା ବେଟା ଆନେସି, ଏଦାଣିତାକି ଏଝାଣିତଲେ  
 ଆଣ୍ଡାଆଦୁ: ୧୫ ଆତିଜିକେଏ ଏଝାଣାଇଁ ସାତୁ ଲେହେଁ ମେହ୍‌ଆଦୁ, ସାମା  
 ଏଝାଣାଇଁ ତାୟିଲେହେଁ ମେସାନା ସେତନା ହୀଦୁ । ୧୬ ହିଡ଼ି ଜୀଝୁହାନି ପ୍ରବୁ  
 ତାନ୍ଦୁଏ, ବାରେବେଲା ଅଡେ ବାରେ ଝାକିଟି ମିଢ୍ଢେ ହିଡ଼ି ହିୟାପେସି । ପ୍ରବୁ  
 ମୀ ବାରେଜାଣା ତଲେ ମାନାପେସି । ୧୭ ନାନୁ ପାଝୁଲତେଏଁ, ନା କେୟୁତଲେ  
 ରାତାନା ଜୀଝୁତି ଜହରା କିହିମାଞ୍ଜାଇଁ; ନା ବାରେ ଆକୁତା ନା ସିନା ହୀନି  
 ଲେହେଁ ରାତିମାଞ୍ଜାଇଁ, ନା ରାତିନାୟି ଏଲେତାୟି । ୧୮ ମା ପ୍ରବୁ ଜୀସୁ କ୍ରୀସ୍ତ  
 ତାଣାଟି କାର୍ମାମେହ୍‌ନାୟି ବାରେତେରି ମିଢ୍ଢେ ଆୟାପେ ।

# ୧୮୩

୧ ନାନୁ ପାଞ୍ଜୁଲ, ମା ଗେଲ୍‌ପାନି ମାହାପୁରୁ ଅଡ଼େ ବାର୍ଣ୍ଣ ହୀନି କ୍ରୀସ୍ତ ଜୀସୁ ହୁକୁମି ତଲେ ପାଣ୍ଡୁଞ୍ଜି ଆହାମାନାତେଏ । ୨ ନାମୁତା ନା ଦାମୁତି ଜୀସୁତି ମୀର୍‌ଏଣାତି ତିମତି; ଆବା ମାହାପୁରୁ ମା ପ୍ରବୁ ଜୀସୁ କ୍ରୀସ୍ତ ତାଣାଟି ଜୀସୁନନାୟି କାର୍ମାମେହନାୟି ଅଡ଼େ ହିଡ଼ି ନିଢ୍ଢେତାକି ଆୟାପେ । ୩ ନାନୁ ମାକିଦନିୟାତା ହାଜିମାଟାଟି ମିଢ୍ଢେ ଝେସାମାଞ୍ଜାତି ଲେହେଁ, ନାନୁ ଏପିସିୟ ଗାଡ଼ାତା ଡ଼ୟାମୁ ଏମ୍ପାଆଁ ଏତରଜାଣା ଲାଗେଏତି କାତା ଜାପୁହିମାନେରି ଏମ୍ପାଟି ଏଞ୍ଜରାଇଁ କାହି କିମ୍ପ, ୪ କହୁୟାଁ ଇଞ୍ଜି ରାଆଗାଟି ଆକୁ ଆବାୟାଁ ଦରକାଣି ଆହୁଆପେରି ଇଞ୍ଜି ଏଞ୍ଜରାଇଁ ଝେହମ୍ପ, ଏ ବାରେ ନାମୁ ତାକି ମାହାପୁରୁତି କାମାତାକି ଆଆନା ସାମା ବାଦିବାଦା କିଞ୍ଜିକିନେ । ୫ ସୁବୁ ହିୟାଁ, ନେହିଁ ଅଶ୍‌ପୁ ଅଡ଼େ କୁଟୁ ହିଲାଆ ନାମୁତି ହିତିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନୁ ଇ ହୁକୁମି ହାହିମାଞ୍ଜାଇଁ । ୬ ଏତରଜାଣା ଇ ବାରେ କାତାଟି ବାଣା ଆହାନା ଉଜେଏତି କାତା ଆସାନା ଏଟ୍‌କା ଜିରୁ ହାଜିମାନେରି; ୭ ଏଞ୍ଜାରି ଫେରା ଜାପୁନାତମି ଇଞ୍ଜି ଅଶ୍‌ପିନେରି, ସାମା ଏଞ୍ଜାରି ଏନାଆଁ ଝେହନେରି, ଅଡ଼େ ଏନାଆଁ ଜାଣ୍ଡେନାଞ୍ଜା ଜାପୁନେରି, ଏଦାଆଁ ତାମୁଏ ତେଲ୍‌ହଅରି । ୮ ମାମୁ ପୁଞ୍ଜାମାନମି; ମେରାତି ନେହିଁକି ଲେମ୍ପିସାରେ, ଏଦି ନେହେଁ । ୯ ସାମା ମେରା ଦାମୁଗାଟି ଲକୁତାକି କିଞ୍ଜିଆଆନା, ଜାହାରା ମନ, ଅଡ଼େ ମାନଞ୍ଜି ଆଆଗାଟାରି, ଦାମୁ ହିଲାଆ ଗାଟାରି, ଅଡ଼େ ପାପୁ ଗାଟାରି, ଲାଗେଏତାରି, ଦାମୁତି ନାମାଆଗାଟାରି, ତାଲି ତାଞ୍ଜିଇଁ ପାୟିନାରି, ଲକୁଣି ପାୟିନାରି, ୧୦ ଦାରି କିନାରି, ଆବା ଆବାୟାଁ ଦହ କିଞ୍ଜିଆନାରି, ଲକୁଣି ପାର୍‌ନାରି, ମିତି ସାକି ହୀନାରି, ଅଡ଼େ ମିତି କାତାତାକି ପାର୍‌ମାଣା କିନାରାକି, ଅଡ଼େ ଆମ୍ପାଆରି ନେହିଁ ଜାପୁନାଣି, ତାକି ନିଢ୍ଢିନେରି, ଏଦାଆଁତାକି ମେରା ମାନଞ୍ଜି ଆଆଗାଟାରାକି ହୀପୁକି ଆହାମାନେ, ୧୧ ଇଦି ନା ତାଣା ହେର୍‌ପି ଆହାମାନାୟି ହାରେକା ନେହେଁ ମାହାପୁରୁତି ଗାଞ୍ଜୁରମିଗାଟି ନେହିଁ କାରୁତି ଜାପୁନି ଲେହେଁ ଆନେ । ୧୨ ନାଢ୍ଢେ କାମାତା ବାଡ଼୍‌ୟୁ ହାହାମାଞ୍ଜାନି ମା ପ୍ରବୁ କ୍ରୀସ୍ତ ଜୀସୁଇଁ ଜହରା କିହିମାଇଁ, ଏନାଆଁତାକି ଇତିହିଁ ନାଢ୍ଢେ ଏଞ୍ଜାସି ମାନିଗାଟାଟି ଇଞ୍ଜି ଅଶ୍‌ପାନା ସେବା କାମା ହେର୍‌ପା ମାଞ୍ଜାନେସି । ୧୩ ଆତିଜିକେଏ ତଲି ନାନୁ ଜୀସୁଇଁ ନିନ୍ତୁ କିନାତେଏଁ, ତଣ୍ଡୁ ହୀନାତେଏଁ, ଅଡ଼େ ଲାଗେଏ କିନାତେଏଁ ମାତେଏଁ; ସାମା ନାନୁ ନାମା ହିଲାଆତାକି ବୁଦି ହିଲାଆଲେହେଁ ଏଦାଆଁ କିହିମାତେଏଁ

ଇଞ୍ଜି କାର୍ମା ବେଟାଆଡେଏଁ; **e୪** ଅଡେ ମା ପ୍ରଭୁତି କାର୍ମା କ୍ରୀସ୍ତୁ ଜୀସ୍ତୁ ଡାଣାଟି ନାମୁ ଅଡେ ଜୀସ୍ତୁ ନନି ଡାଣାଟି ନାଢ୍ଢେଟାକି ହାରେକା ଆୟାଡେ । **e୫** ପାପୁ ଗାଟାରାଇଁ ଗେଲ୍‌ପାଲିତାକି କ୍ରୀସ୍ତୁ ଜୀସ୍ତୁ ଦାର୍‌ଡିତା ଝାଡେସି, ଇ ବଲ୍ଲୁ ସାତା ଅଡେ ବାରେଖାକି ଆବିନାୟି ଅଡେ ନାମିନାୟି; ଏ ପାପୁ ଗାଟାରି ବିତ୍ରାଟି ନାନୁ ବାରେକିହାଁ କାଜା ପାପୁ ଗାଟାଡେଏଁ **e୬** ଆଡିଜିକେଏ ଆମିନି ଗାଟାରି ଝାହିମାନି ଦିନାତା କାଲାକାଲାତି ଜୀସ୍ତୁ ବେଟାଆହାଲି ଜୀସ୍ତୁ କ୍ରୀସ୍ତୁ ଡାଣା ନାମିନେରି, ଏଝାରି ନକିତା ଡସ୍‌ପି ଆହାଲି ନାନୁ ର କାଜା ପାପୁ ଗାଟାଡେଏଁ, ନା ଡାଣା ଏଝାସି ଏନିକିଁ ତାନି କାଲେଏଡି ଅର୍‌ହିନାଣି ଡହ୍‌ନେସି ଏଦାଆଁତାକି ନାନୁ କାର୍ମା ବେଟା ଆଡେଏଁ । (**aiōnios g166**) **e୭** ଏଡେଲାଝା ନାସା ଆଆଗାଟାୟି ଇଞ୍ଜି ଡଞ୍ଜାଆଆଗାଟି ରଣ୍ଡିଏ ମାହାପୁରୁ ଆମ୍ବାଆସି କାଲାକାଲାତି ରାଜା ଏଝାଣାକି ମାନି ଅଡେ ଗାଝୁରମି କାଲାକାଲା ତାକି ଆପେ । ଆମେନ୍ । (**aiōn g165**) **e୮** ତିମତି, ନା ମାର୍‌ଏଶାଡି, ନିଢ୍ଢେଟାକି ତଲି ଝେସିମାଞ୍ଜାତି ଲେହେଁ ନାନୁ ନିଢ୍ଢେ ଇ ହୁକୁମି ହାହିମାଞ୍ଜାଲ୍, ଏନିକିଁ ନାନୁ ଇ ବାରେ କାତାତଲେ ନେହଁ ଜୁଜୁ କିହାଲି ଆଡିଦି । **e୯** ଦାର୍ମୁ ଅଡେ ନାମୁ ନେହଁ ଅଶ୍‌ପୁ ଆହ୍‌ମୁ; ଏଦାଆଁ ପିସା ମାନାକି ଏତରଜାଣାତି ନାମୁ ଲେହେଁଡି ଜାଜା ତାହା ହାଜାମାନେ, **୧୦** ଏଝାରି ବିତ୍ରାଟି ହୁମନାୟି, ଅଡେ ଆଲେକ୍‌ଜାଣ୍ଡାର ମାନେରି, ଏଦାଆଁତାକି ନାନୁ ଏଝାରାଇଁ ସୟତାନ କେୟୁତା ହେର୍‌ପିଡେଏଁ, ଏନିକିଁ ଇ ରିଆରି ପାଣା ବେଟାଆହାନା ମାହାପୁରୁଇଁ ନିନ୍ତୁ କିଅରି ।

**୨** ଇଦାଆଁତାକି ନା ବାତିମାଲିନାୟି ମାହାପୁରୁଇଁ ଜହରା କିନି ବେଲାତା, ଦେସାତି ପାଣାଗାଟାରି, **୨** ଏଦାଆଁତାକି ବାରେ ଲକୁତାକି ରାଜାୟି ସାଲଝି କିନାରି, ବାରେତାକି ପ୍ରାତାନା, ଗହାରା ଅଡେ ଜହରା କିଦୁ, ମାର ଏନିକିଁ ମାହାପୁରୁ ଆଜିତଲେ କିଲିବିଲି ଆଆନା ଡୟିନାୟି ଅଡେ ଏଟ୍‌କା ଲକୁ ଡାଣା ନେହଁ ମାଶ୍‌କି ମାଞ୍ଜାନା ସୁକୁ ଅଡେ ହିଡ୍‌ଡି ତଲେ ନୀତାଲି ଆଡିନାୟି । **୩** ଇଲେତି ପ୍ରାତାନା ମା ଗେଲ୍‌ପାନି ମାହାପୁରୁ ନକିତା ଲଡା ଆନାୟି ଅଡେ ଅପିନାୟି ଆନେ । **୪** ବାରେଜାଣା ଏନିକିଁ ଗେଲ୍‌ପିଆନାଣି ଅଡେ ସାତାତି ବୁଦି ବେଟାଆନେରି ଇଞ୍ଜି ଏଝାସି ଅଶ୍‌ପି ମାନେସି । **୫** ଇତିହଁ ରଣ୍ଡିଏ ମାହାପୁରୁ ମାନେସି, ଅଡେ ମାହାପୁରୁ ଇଞ୍ଜି ମାଶ୍‌ସିୟାଁ, ମାଦିତି ମାଶ୍‌ସି ରଅସିଏ ମାନେସି, ଏଝାସି ଜୀସ୍ତୁ କ୍ରୀସ୍ତୁ, ର ମାଶ୍‌ସି । **୬** ଏଝାସି ମାଶ୍‌ସିଇଁ ଗେଲ୍‌ପାଲିତାକି ଡାନୁଏ ହେର୍‌ପି ଆଡେସି, ଇଦାଆଁତାକି ସମାନା ବେଲାତା ଡଞ୍ଜାଆହାନା,

ମାହାପୁରୁ ବାରେ ମାଣ୍ଡିୟାଁଇଁ ଗେଲ୍‌ପାଲି ଅଣ୍ଡି ମାନେସି ଇଦାଆଁ ସାକି ହାହାମାନେସି । ୭ ଏଦାଆଁତାକି ନାନୁ ର ନେହିଁ କାବୁ ଖେକ୍‌ନାତେସି, ପାଣ୍ଡୁଝି ଆହାମାନାତେସି, ଇଞ୍ଜି ନାମୁ ଅଡେ ସାତାତା ଏଟ୍‌କା କୁଡାତି ଲକୁ ଡାଣା ଜାପ୍‌ନାତେସି ଆୟାଲି ମାହାପୁରୁ ନାଡ୍‌ଜେ ଆଚାମାଞ୍ଜାତେସି, ନାନୁ ସାତା ଖେସିମାଞ୍ଜାଁ ନାନୁ ମିତି ଖେସିମାଞ୍ଜାଅଁ । ୮ ଏଦାଆଁତାକି ନା ଅଣ୍ଡୁ ବାରେଜାଣା ଆବାୟାଁ କୁଡା ଆନାଟି, ସୁଦୁ ଅଣ୍ଡୁ ତଲେ କେସ୍‌ଲା ପେରହାନା, କପା ଇଞ୍ଜି ଡାହାରା ଆଆନା, ପ୍ରାତାନା କିପାରି । ୯ ଏଲେକିହିଁ ଏ ଇୟାସିକା ଜିକେଏ ଡାୟାଁ ଅଜି କିହାନା, ଅଡେ ବାଂଗାରା ସାଜୁ ତୁରଆନା, କି ଦାରାଗାଟି ହିମ୍‌ପୁରିକା ତଲେ ଡାମୁ ତାମ୍‌ଜେ ଅଜି କିହାକତାଆନା, ମାନି ଅଡେ ନେହିଁ ବୁଦିତଲେ ଉଣା ଦାରାଟି ହିମ୍‌ପୁରିକା ହୁତାନା, ୧୦ ଦାମ୍‌ଗାଟି ଇୟାସିକା ରାହାଁ ଅଣ୍ଡୁଟି ନେହିଁ କାମାତି ଅଜୁତା ଡାମୁ ତାମ୍‌ଜେ ଅଜି କିହା କତାପୁ । ୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍ଡୁ ତଲେ ଜାପାପୁ । ୧୨ ନାନୁ ଇୟାସିକାଣି ଜାପ୍‌ହାଲି କି ଆବାୟାଁ ମୁହେଁ ସାଲଝି କିହାଲି ହେଲ ହାହି ହିଲଅଁ, ସାମା ଏଝି ପାଲେଏ ମାନାପୁ । ୧୩ ଏନିଇଟିହିଁ ମାହାପୁରୁ ନକେଏ ଆଦମଇଁ ଗାଡ଼ିକିତେସି ଅଡେ ଡାୟାଁ ହବାଇଁ ୧୪ ଅଡେ ଆଦମ ନାଡ଼ିକିଝି ଆହା ହିଲାଆତେସି, ସାମା ଇୟା ନାଡ଼ିକିଝି ଆହାନା ମାହାପୁରୁଟି ମେରାଟି ଦହ ଗାଟାୟି ଆଡେ; ୧୫ ସାମା ଇୟାସିକା ତାମ୍‌ଜେ ଉଣା କିହାଁ କତାନା ନାମୁତଲେ ଜୀଝୁ ନଝିଆହାନା, ସୁଦୁଜୀଝୁ ତଲେ ମାଞ୍ଜାନା କକାରି ପଦାଁ ଜାନି କିହାନା ଗେଲ୍‌ପି ଆନୁ ।

**୩** ଇ କାତା ସାତା, ଆମ୍‌ଆସି କ୍‌ସ୍‌ସ୍‌ନା କୁଲମିତା ଜାଡ଼ୁ କିନି ପାଣା ବେଟାଆହାଲି ଅଣ୍ଡିମାତିସାରେ, ଏଝାସି ନେହିଁ କାମା କିଇଁ ଇଞ୍ଜି ଅଣ୍ଡିନେସି । ୨ ଇଦାଆଁତାକି କୁଲମିତି କାଜାସି ଦହ ହିଲାଆଗାଟାସି ଆନାୟି ମାନେ, ରଣ୍ଡିଏ ତକ୍‌ନି ତକ୍‌ନା, ଟିକାଣାତାସି, ନେହିଁ ଅଣ୍ଡୁ ଗାଟାସି, ପୁନାଆତି ଗତାୟାଁଣି ସେବା କିନାସି, ଅଡେ ନେହିଁକିଁ ଜାପ୍‌ନାସି ଆନାୟି ମାନେ । ୩ ଅଡେ କାଡୁ ଗହ୍‌ନାସି କି ଗଡ଼ହା କିନାସି ଆଆନା, ସୁଦୁ ସୁଝାଲା, କପା ଇଟାଆଗାଟାସି, ଅଡେ ଦନ ଜୁପ୍‌କା ଗାଟାସି ଆଆୟି ମାନେ, ୪ ଏଝାସି ତାନି ଇଲୁ କୁଟମିତି ନେହିଁକିଁ ସାଲଝି କିନାସି, ଅଡେ କକାରି ପଦାଁଣି ଡାୟାପୁତଲେ ଜାଡ଼ୁ କିନାୟିମାନେ । ୫ ଆମ୍‌ଆସି ତାନି ଇଲୁ କୁଟମିତି ନେହିଁକିଁ ଜାଡ଼ୁ କିହାଲି ଆଡଅସି, ଏଝାସି ଏନିକିଁ ମାହାପୁରୁ କୁଲମିତି ଜାଡ଼ୁ କିନେସି? ୬ ଏଝାସି ପୁଝନି ନାମିତାସି ଆଆୟି ମାନେ, ଇତିହିଁ ଏଚେତା ପାଟେ ନାନୁ କାଜାତେସି ଇଞ୍ଜି ବଡପଣ

ଆହାନା, ସୟତାନ ତଣ୍ଡ ପାଣ୍ଡିଲେହେଁ ତଣ୍ଡ ବେଟା ଆନେସି । ୭ ଅଡ଼େ  
 ଏଞ୍ଜାସି ନାମାଆଗାଟାରି ତାଣାଟି ଜିକେଏ ମାନି ବେଟାଆନାୟି ମାନେ, ଆଆଟି  
 ଲାଜା ବେଟାଆହାନା ସୟତାନ ପାନୁତା ହେରନେସି । ୮ ଏଲେକିହିଁଏ  
 କୁଲମିତି ସେବା କିନାରି ନେହିଁ ଅଣ୍ଡୁ ତଲେ ନାମୁତା ତୁଗାମାନାଣି ଆସାନା  
 ତୀରିତଲେ ମାଞ୍ଜାନା ନାଡ଼ି କିନାସି ଆଆପେସି, ୯ କାଡୁ ଗସିହିଁ ଡ଼ୟିନାସି,  
 ଉଜେଏତି ଦନତି ଜୁପ୍‌କା ଆଆୟି ମାନେ ୧୦ ଏଞ୍ଜାରି ସେବା ପାଣା ପୁଞ୍ଜାଆ  
 ନକେଏ ଏଞ୍ଜାରି ତାୟିପାରି କିଞ୍ଜିଆପାରି, ଅଡ଼େ ଏଞ୍ଜାରିତାଣା ଏନି ଦହ  
 ତଞ୍ଜା ଆଆତିହିଁ, କୁଲମିତି ସାୟେମି କିନାରି ଆପେରି । ୧୧ ଏଲେକିହିଁଏ  
 ଏଞ୍ଜାରି ତକ୍ତିସିକା ଜିକେଏ ନେହିଁ ଗୁଣ୍ଡୁ ଗାଟାଲ ଆହାନା ସାକ୍ତି ହିଲାଆଗାଟାଲ  
 ଆହାନା ତୀରପୁ, ପାଲେଏ ମାଞ୍ଜାନା ବାରେ କାମା ଟିକାଣା ତଲେ କିପୁ  
 । ୧୨ ସେବା କିନାରି ରଣ୍ଡିଏ ତକ୍ତି ତକ୍ତା ଆପେରି, ଅଡ଼େ ଏଞ୍ଜାସି ତାମି  
 କକାରି ପଦାୟିଣି ଅଡ଼େ ତାମି ଇଲୁ କୁଟମିତି ନେହିଁକିଁ ସାଲଞ୍ଜି କିପେରି ।  
 ୧୩ ଇତିହିଁ ଆମିନି ଗାଟାରି ନେହିଁକିଁ ସେବା କାମା କିହାମାନେରି, ଏଞ୍ଜାରି  
 କୁଲମିତା ମାନିଗାଟାରି ଇଞ୍ଜି ଖେଡ଼ିନେରି ଅଡ଼େ କ୍ରୀସ୍ତ ଜୀସୁ ତାଣା ନାମୁତା  
 ହାରେକା ସାସା ବେଟାଆନେରି । ୧୪ ଇ ଆକୁ ରାତିନି ବେଲାତା, ନାନୁ  
 ନୀ ତାଣା ତବେ ଖାହାଲି ଆସା କିହିମାଲ୍; ୧୫ ସାମା ନା ଖାନାୟି ଖେଡ଼ା  
 ଆତିହିଁ, ମାହାପୁରୁ ଇଲୁ କୁଟମିତା ଇତିହିଁ ସାତାତି ମୁଣ୍ଡା ଅଡ଼େ ପୁନାଦି ଲେହେଁ  
 ଜୀଞ୍ଜୁତି ମାହାପୁରୁ କୁଲମିତା, ଏନି ମାଣ୍ଡକିତା ମାନାୟି ମାନେ, ଏଦାଆଁ ନାନୁ  
 ଏନିକିଁ ପୁଞ୍ଜାଲି ଆଡିଦି, ଇଦାଆଁତାକି ଇ ବାରେ କାତା ନାନୁ ରାତିମାଞ୍ଜାଲ୍ ।  
 ୧୬ ମାହାପୁରୁତି ଦାମ୍‌ଫୁତି ବାରେ କାତା ହାରେକା କାଜାୟି, ଇଦାଆଁ ବାରେ  
 ଲକୁ ଖେକ୍‌ନେରି । ଏଦି ଇଦି, କ୍ରୀସ୍ତ ମାଣ୍ଡସି ଖାଣା ଆହାନା ତଞ୍ଜାଆପେସି,  
 ସୁଦୁଜୀଞ୍ଜୁତା ଦାମ୍‌ଫୁଗାଟାସି ଇଞ୍ଜି ଖେଡ଼ିତେସି, ଦୁଡୁୟି ତଲେ ତଞ୍ଜାଆପେସି,  
 ଏବ୍‌କା ଲକୁତାଣା ଖେଡ଼ିତେସି, ଦାର୍‌ତିତା ନାମୁଗାଟାସି ଆପେସି, ଇଞ୍ଜି  
 ମାହାପୁରୁ ଗାଞ୍ଜୁରି ତଲେ ଲାକପୁରୁ ଅଞ୍ଜିଆପେସି ।

**୪** ସୁଦୁଜୀଞ୍ଜୁ ତୀରିତଲେ ଖେସିମାଞ୍ଜାନେ, ଜୁଗୁ ରାନି ବେଲାତା ଏତେକା ଲକୁ  
 ଲାଗେଏତି ନାଡ଼ିକିନି ଜାପ୍‌ନି ତାଣାଟି କୁଲମିତି ନାମୁଟି ହେକ ଆନେରି, ୨  
 ଏଞ୍ଜାରି ଏତରଜାଣା ନାଡ଼ିକିନାରି, ଏଞ୍ଜାରି ଅଣ୍ଡୁ ହାତାୟି, ୩ ଏଞ୍ଜାରି ବୀହା  
 କିନାୟି ଅଡ଼େ ଏନି ଏନି କାଦି ତିନାୟି ଇଞ୍ଜି ନେହେଁ ଆଏ ଇଞ୍ଜିମାନେରି ।  
 ସାମା ଆମିନି କ୍ରୀସ୍ତୁଲ୍ ନାମିତି ଲକୁ ସାତାତି ପୁଞ୍ଜାମାନେରି, ଏଞ୍ଜାରି ମାହାପୁରୁ

ଗାଡ଼ିକିଟି ବାରେ କାଦି ତାକି ଏଝାଣାଇଁ ଜହରା କିହାନା ଏଦି ନେହାୟି ଇଞ୍ଜି  
 ତିଞ୍ଜାଲି ଆଡିନେରି । ୪ ଇତିହିଁ ମାହାପୁରୁ ଗାଡ଼ିକିଟି ଆସ୍ତି ବାରେ ନେହାୟି,  
 ଇଞ୍ଜି ମାହାପୁରୁଇଁ ଜହରା କିଟିସାରେ ଏନାୟି ଜିକେଏ ତିନାଆଗାଟାୟି ଆଏ ।  
 ୫ ଏନାଆଁତାକି ଇତିହିଁ ମାହାପୁରୁଟି ବଲୁ ଅଡେ ପ୍ରାତାନା ତଲେ ଏଦାଆଁ ସୁଦୁ  
 କିଞ୍ଜିଆନେ । ୬ ଇ ବାରେ କାତା ମୀରୁ ତାୟି ତାଢ଼ିଇଁ ଜାପୁହିସାରେ କ୍ରୀସ୍ତ  
 ଜୀସୁଟି ର ନେହିଁ ସେବା କିନାତି ଆଦେରି, ଇଞ୍ଜି ମୀରୁ ଆମିନି ନାମୁ ଅଡେ  
 ନେହିଁ କାତା ଆସାମାଞ୍ଜେରି, ଏଲେତି ବଲୁ ତଲେ ପାତା ଆଦେରି; ୭ ସାମା  
 ଉଜେଏ ଖେହ୍ନି କାତାୟିଁ ଖେନାଆନି, ମାହାପୁରୁଇଁ ଆଜାନା ନୀତାମାଞ୍ଜାଲି  
 ଜାପାମୁ, ୮ ଇତିହିଁ ଆଢ଼ୁପି ପାତି କିନାୟି ଗାଡେକା ତାକି ଲାବା ଆନେ,  
 ସାମା ମାହାପୁରୁଇଁ ଆଜିନାୟି ଇ କାଲାତା ଅଡେ ଖାହିମାନି କାଲାତି ଜୀଝୁତାକି  
 ମାହାପୁରୁ ଆଞ୍ଜାମାନି ଲାବାଗାଟାୟି ଆନେ । ୯ ଇ କାତା ନାମିନାୟି ଅଡେ  
 ବାରେ ଲକୁ ଅପିନାୟି । ୧୦ ଇଦାଆଁ ତାକି ମାର ମନ ହାହାନା ଖାହୁ ତଲେ  
 ଜୀଝୁ ତୁସାନା କାମା କିହିମାନାୟି, ଏନାଆଁତାକି ଇତିହିଁ ଆମିନି ଜୀଝୁଗାଟି  
 ମାହାପୁରୁ ବାରେ ମାଣ୍ଠିଇଁ ଇତିହିଁ ନାମିନାରାଇଁ ଗେଲ୍ପିନାସି, ତାନି ତାଣା ମା  
 ବାସୁଁ ମାନେ । ୧୧ ନୀନୁ ଇ ବାରେ କାତା ହୁକୁମି ହାହାନା ଜାପୁମୁ । ୧୨  
 ନୀ ଦାଂଗ୍‌ଣା ବେଲାତି ଆମ୍ବାଆସି ହୀଣି କିୟାଆପେସି, ସାମା ନୀ କାତାତା,  
 ନୀ ଚେମ୍ପିନି ତାଣା, ନୀ ଜୀଝୁ ନି ତାଣା, ନୀ ନାମୁତା, ଇଞ୍ଜି ନୀ ସୁଦୁତା,  
 ନାମିନାରାକି ନୀନୁ ନେହିଁ ତହ୍ନାତି ଆମୁ । ୧୩ ନୀନୁ ନୀ ତାଣା ଖାଆ ପାତେକା  
 ନୀନୁ ଦାମ୍ପୁ ପତିଇଁ ପଡ଼ି ଆହାନା, ମାହାପୁରୁ କାତା ଝେକ୍‌ମୁ, ଇଞ୍ଜି ଜାପୁନି  
 ତାଣା ମନ ହାହାନା ମାନାମୁ । ୧୪ ମାହାପୁରୁ ବଲୁ ଝେକ୍‌ହା ମାଞ୍ଜାନି କୁଲମିତି  
 କାଜାରି ନୀ ତାୟିଁତା କେସ୍ତା ଇଟାନା ନିଢେ କାର୍ମାତି ଦାନା ହାହାମାଞ୍ଜାନେରି,  
 ଏଦାଆଁ ହେଲା କିଆନି । ୧୫ ନୀ ପାତା ଆହିମାନାୟି ଏନିକିଁ ବାରେ ଲକୁ  
 ନକିତା ତଞ୍ଜାଆନେ, ଏଦାଆଁତାକି ଇ ବାରେ କାତାତା ମନ ହାହାନା ଏ ବାରେ  
 କିହିମାନାମୁ । ୧୬ ନିଢେ ତାକି ଅଡେ ନୀ ଜାପୁନାଣି ତାକି ଜାଗ୍ରାତା ଆମୁ, ଇ  
 ବାରେ କାମା କିହିଁ ମାନାମୁ, ଇତିହିଁ ଏଦାଆଁ କିଟିସାରେ ନୀନୁ ନୀ ଗେଲ୍ପିନାଣି  
 ଅଡେ ନୀ କାତା ଝେଞ୍ଜି ମାନାରାଇଁ ଜିକେଏ ଗେଲ୍ପିଦି ।

**୫** ବୁଡ଼ୁହା ଲକୁଣି ଲାଗାଆନି, ସାମା ଏଝାଣାଇଁ ଆବା ଇଞ୍ଜି ଅଶ୍ଵାନା ଚେମ୍ପାମୁ;  
 ଅଡେ ଦାଂଗ୍‌ଣା କକାରାଇଁ ତାୟିଲେହେଁ ମେହ୍‌ମୁ, ୬ ବୁଡ଼ୁହିଁ ଇୟାସିକାଣି  
 ତାଲି ଇଞ୍ଜିହିଁ ଅଡେ ତାଆସିକାଣି ସୁଦୁ ମନତଲେ ତାଢ଼ିସ୍ତା ଇଞ୍ଜିହିଁ ଅଶ୍ଵାନା

ଏଲେକ୍ଟ୍ରିସିଟି । ୩ ଏନାଆଁ ହିଲିଆଗାଟି ରାଣ୍ଡେଣି ଇୟାସିକାଣି ମାନି କିମ୍ପୁ । ୪ ସାମା ଆମିନି ରାଣ୍ଡେଣି ଇୟା କି ମୀର୍କା ମାସ୍କାକି ତାଞ୍ଜୁ ମୀର୍କା ମାସ୍କା ମାଟିହିଁ, ଏଞ୍ଜି ନକେଏ ତାମି ଇଲୁ କୁଟମି ତାରାଇଁ ମାନି କିହାଲି ଲକ୍ନାୟି ମାନେ, ତାଲି ତାଞ୍ଜୁଇଁ ନେହିଁ କିହାଲି ଜାପାପୁ; ଏନିଇଟିହିଁ ଇଦି ମାହାପୁରୁ ନକିତା ନେହାୟି । ୫ ଆମିନି ରାଣ୍ଡେଣି ଇୟା ରଣ୍ଡିଏ ମାନେ ଅଡ଼େ ଆମ୍ବାଆରି ଜାତନ୍ନୁ ଅନାରି ହିଲଅରି ଏଞ୍ଜି ମାହାପୁରୁ ତାଣା ବାସୁଁ ଇତାନା ଲାଆଁ ମାଦେନା ବାଟିମାଲିହିଁ କାଲେଏ ପ୍ରାତାନା କିପୁ; ୬ ସାମା ଆମ୍ବାଆୟି ଆଞ୍ଜୁଟି ରାହାଁତା ମୁଞ୍ଜାନା ଡ଼ୟିନି ରାଣ୍ଡେଣିସିକା ଏଞ୍ଜି ଜୀଞ୍ଜୁତଲେ ମାଟିହିଁ ଜିକେଏ ହାଟି ଲେହେଁତାଇ । ୭ ଏଞ୍ଜି ଏନିକିଁ ଦହ ହିଲିଆଗାଟାଇ ଆନୁ, ଇଦାଆଁତାକି ଇ ବାରେ କାତା ଜିକେଏ ଜାପୁମ୍ । ୮ ସାମା ଆମ୍ବାଆସି ତାନି ପାଡ଼ିତି ଲକୁ ଅଡ଼େ ତାମି ଇଲୁ କୁଟମିତି ଲକୁଣି କେରୁଅସି, ଏଞ୍ଜାସି ନାମୁତି କାତାଇଁ ଆବାହିଲଅସି, ଇଞ୍ଜି ଏଞ୍ଜାସି ନାମାଆଗାଟାଣି କିହାଁ ହାରେକା ଲାଗେଏ ଆନେସି । ୯ ଆମିନି ରାଣ୍ଡେଣି ତାନିକଡ଼ି ବାସାଟିଏ ଉଣା ଆଏ, ଅଡ଼େ ରଣ୍ଡିଏ ତକାଇଁ ବାହା ଆହାମାନେ, ଏଞ୍ଜାସିକା ଦରୁ ରାତାମୁ, ୧୦ ଅଡ଼େ ନେହିଁ କାମାତାକି ଝେଞ୍ଜୁମାନେ, ଅଡ଼େ ଏଦି ମୀର୍କା ମାସ୍କାଣି ପହିପାଡ଼ି କିହାନା, ପାଡ଼ିତି ଗତାୟିଣି ସେବା କିହିମାନେ, ମାହାପୁରୁ ଲକୁତି କତାୟିଁ ନରହା ମାନେ, ଦୁକୁ ଗାଟାରାଇଁ ଦୁକୁ ଡୁକ୍‌ହିମାନେ, ଅଡ଼େ ବାରେ ନେହିଁ କାମା କିହାଲି ରାହାଁ ଆହିମାନେ, ଆତିହିଁ ଏଦାନି ଦରୁ ରାଣ୍ଡେଣିସିକା ଆକୁତା ରାସ୍କି ଆପେ । ୧୧ ସାମା ଡ଼ାଆ ରାଣ୍ଡେଣିସିକା ଦରୁ ରାତାଆନି, ଇତିହିଁ ଏଞ୍ଜି ଆଞ୍ଜୁଟି ରାହାଁତା ଜୁପ୍କା ଆହାନା କ୍ରୀସୁ ତାଣାଟି ଏଟ୍କା ଆହାନା ବାହା ଆୟାଲି ମନ କିମ୍ପୁ; ୧୨ ଏଞ୍ଜି ତାମି ତଲିତି ଆଞ୍ଜୁମାତାଣି ମାନି କିହାହିଲିଆକି, ତଣ୍ଡୁ ଗାଟାଇ ଆନୁ, ୧୩ ଅଡ଼େ ଜିକେଏ ଏଞ୍ଜି ଇଲୁତାକି ଇଲୁ ରେଜିହିଁ ନିସ୍ତା ଆହାଲି ଜାପୁନୁ, ଅଡ଼େ ଝାରଇ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍‌ପନିକା, ଅଡ଼େ ସାକ୍ତି ଜଲାଇଁ ଜାପାନା ଉଜେ ଉଜେଏତି ଲଡ଼ାହିଲିଆ କାତାୟିଁ ବାସିଁ ଆନୁ । ୧୪ ଇଦାଆଁତାକି ନା ଅଶ୍‌ପୁ ଡ଼ାଆ ରାଣ୍ଡେଣିସିକା ବାହା ଆପୁ, କକାରି ପଦାଁ ଆପୁ, ଇଲୁ କୁଟମିତି ଲେମ୍ବାପୁ, ଇଞ୍ଜି ନିନ୍ଦା କିହାଲି ସାତୁୟିକି ଏନି ପାରୁ ହାଆପୁ; ୧୫ ଇତିହିଁ ନାଏଁ ଜିକେଏ ଆମ୍ବା ଆମ୍ବାଆୟି କ୍ରୀସୁ ତାଣାଟି ହେକ ଆହାନା ସୟତାନତି ଜେତ ହାଜାମାନୁ । ୧୬ ଅଡ଼େ ଆମିନି ନାମାମାନି ଇୟାସିକା ଇଜ ରାଣ୍ଡେଣିସିକା ମାଟିହିଁ, ଆତିହିଁ ଏଞ୍ଜି ଏଞ୍ଜାସିକା ଜାତନ୍ନୁ ଆପୁ, ଅଡ଼େ



କୁଲମିତାକି ବନ୍ଧୁ କିଆପୁ, ଏନିକି କୁଲମି ଏନାଆଁ ହିଲିଆଗାଟି ରାଣ୍ଡେଣିସିକାଣି  
 ଜାତନ୍ନୁ ଅନେ । ୧୭ ଆମିନି ପ୍ରାତିନାଢ଼୍ଠା କୁଲମିତି ନେହିଁକି ଜାତନ୍ନୁ କିନେରି,  
 ବାରେକିହାଁ ଆମିନି ଗାଟାରି ବନ୍ଧୁ ଝେକ୍‌ହାଲି, ଅଡ଼େ ଜାପ୍‌ହାଲି ଝାହୁ ତଲେ  
 କାମା କିନେରି, ଏଝାରି ରା ଗୁଣୁ ମାନି ବେଟାଆନି ଜଗେ । ୧୮ ଦାମ୍‌ନୁ  
 ପତିତା ରାସ୍‌କି ଆହାମାନେ, “ନର୍ପିନି କଡ଼ି ମୁତିତା କଡ଼ା ଦହ୍‌ଆନି” ଅଡ଼େ  
 “କାମାକିନାସି ତାନି କାମାତି ପାଡ଼େୟି ବେଟାଆନାୟି ମାନେ ।” ୧୯ ରିଆରି କି  
 ତାନି ଜାଣା ସାକିୟାଁ ହିଲିଆନା ଆମିନି ପ୍ରାତିନା କପାଟି ଏନି କାତା ଝେସ୍ତାତିହିଁ  
 ଆହ୍‌ଆନି । ୨୦ ଆମିନି ଗାଟାରି ଦହ୍‌ କିନେରି, ଏଝାରାଇଁ ବାରେ ଲକୁ ନକିତା  
 ଲାଗାମୁ, ଏନିକି ଏଦାଆଁ ମେସାନା ଏଟ୍‌କାତି ଲକୁ ଆଜିନେରି । ୨୧ ନାନ୍ନୁ  
 ମାହାପୁରୁ ନକିତା ଅଡ଼େ କ୍ରୀସ୍ତ ଜୀସୁ ନକିତା ଅଡ଼େ ମାହାପୁରୁ ଆଚିତି ଦୂରୁୟାଁ  
 ନକିତା ଜାଣ୍ଡେ ହୁକୁମି ହାହିମାଞ୍ଜାଇଁ ନୀନ୍ନୁ ତଲିତିଲେହେଁ ଆଆନା ଇ ବାରେ  
 ମାନଝି ଆମୁ, ଅଡ଼େ ଆମ୍‌ଆରାଇଁ ପାର୍‌ଡ଼ା କିଆନା ଇ ବାରେ କାମା କିମୁ ।  
 ୨୨ ଦାଗା ଆହାନା କେୟୁ ଇଟାହାଁ ମାହାପୁରୁତି ସେବା କାମାତାକି ଆମ୍‌ଆରାଇଁ  
 ଜିକେଏ ଆଟ୍‌ଆନି । ଏଟ୍‌କା ଲକୁତି ପାପୁତା ଜାହାରାଇଁ ଆଟ୍‌ଆନି । ନୀନ୍ନୁ  
 ଜାହାରାଇଁ ସୁଦୁ କିହାକତାମୁ । ୨୩ ନୀ ବାଣ୍ଡି ଆଗି ହିଲିଆକି ଅଡ଼େ ନୀ  
 ଆଢ଼୍ଠାତା ଅଲେ ଅଲେ ରଗ ଆହିମାନାକି ଝାରୁଇ ଏୟୁ ଗହ୍‌ଆନି ଅଡ଼୍ଠୁରି ରାସା  
 ଇଚରା ଲାକା ଗହ୍‌ମୁ । ୨୪ ଏଚରଜାଣାତି ପାପୁ ନୀହାଁୟି କିଆ ନକେଏ,  
 ଚଞ୍ଚୁଆନେ, ଅଡ଼େ ଏଚରଜାଣାତି ପାପୁ ଡାୟୁ ଚଞ୍ଚୁଆନେ । ୨୫ ଏଲେକିହିଁଏ  
 ସାତା କାମା ତଲିଏ ଚଞ୍ଚୁଆନେ, ଅଡ଼େ ଏନା ଏନାୟି ଚଞ୍ଚୁ ଆଏ, ଏଦି ଦୁଗାନା  
 ଡୟାଲି ଆଡେଏ ।

୨ ଏମିନି ଲକୁ ହଲିୟାଢ଼୍ଠା ଜୁଝେଡ଼ିତା ହେର୍‌ଝାମାନେରି, ଏଝାରି ତାନି  
 ସାଢ଼ୁକାରିୟାଁକି ନେହିଁକି ମାନି ବେଟାଆନାରି ଇଞ୍ଜି ଅଶ୍‌ପାପେରି, ଏନିକି  
 ମାହାପୁରୁ ଦରୁ ଅଡ଼େ ଜାପ୍‌ନି ତାଣାଟି ନିନ୍ନୁ ଆଏ । ୨ ଅଡ଼େ ଆମିନି ଗାଟାରି  
 ସାଢ଼ୁକାରିୟାଁ କ୍ରୀସ୍ତାନା ଆହାମାନେରି, ଏଝାରି ଏଝାରାଇଁ ମା ତାୟି ଇଞ୍ଜି  
 ଅଶ୍‌ପାନା ହାଣି କିଆପେରି, ସାମା ହାରେକା ଜାତନ୍ନୁ ତଲେ ଏଝାରି ସେବା  
 କିପାରି, ଇତିହିଁ ଆମିନି ଗାଟାରି କାମା ତଲେ ଲାବା ବେଟାଆନେରି, ଏଝାରି  
 ନାମିନାରି ଅଡ଼େ ମା ଜୀଝୁ ନନାରି, ଇ ବାରେ କାତା ଜାପ୍‌ହାନା ଝେହ୍‌ମୁ । ୩  
 ଆମ୍‌ଆସି ଅରଲେତି କାତା ଜାପ୍‌ହାନା ମା ପ୍ରୁ ଜୀସୁ କ୍ରୀସ୍ତତି ନେହିଁ ବନ୍ଧୁ  
 ଅଡ଼େ ମାହାପୁରୁ ଆଜିନି କାତାତି ଜାପ୍‌ନାଣି ଆହ୍‌ଅସି, ୪ ଆତିହିଁ ଏଝାସି

ଲାଗେଏତି ବଡ଼ପଣ ଗାଟାସି, ବୁଦ୍ଧି ହିଲାଆଗାଟାସି, ବାଦିବାଦା, ଅଡ଼େ ଗଡ଼ହା  
 କିନିଡ଼ାଣା ମୁଞ୍ଚାମାନେସି; ଏମ୍ପାଟିଏ ଡ଼ାହାରା, ଗଡ଼ହା, ରଅଣାଲ୍ ଉଜେଏ  
 ନିନ୍ତା କିନାୟି, ଲାଗେଏ ଆନାମାନା ଆନାୟି ହୁନେ, ୫ ଇଞ୍ଚି ବୁଦ୍ଧି ହିଲାଆ  
 ଗାଟାରି ଅଡ଼େ ସାତାତି ପିସା ମାନାରି ବିତ୍ରା କାଲେଏ ବାଦିବାଦା ହୁନେ, ଇତିହିଁ  
 ମାହାପୁରୁଇଁ ଆଜିନାୟି ଏଦି ଲାବା ବେଟାଆନି ଜିରୁ ଇଞ୍ଚି ଏଞ୍ଜାରି ଅଣ୍ପିନେରି  
 । ୬ ମାହାପୁରୁଇଁ ଆଜାନା, ନୀତିନାୟି ନେହେଁ ଆତିସାରେ ସାତେଏ ଏଦି  
 ଲାବାଗାଟାୟି; ୭ ଏନାଆଁତାକି ଇତିହିଁ ମାର ଦାର୍ତତିତା ଏନାଆଁ ତାତା  
 ହିଲାଆୟି, ଅଡ଼େ ଇ ଦାର୍ତତିତା ଏନାଆଁ ଅହାଲି ଆତାଆୟି; ୮ ଇଦାଆଁତାକି  
 ବାଣ୍ଡିତି କାଦି ଆଢ଼ା ତାକି ହିମ୍ପୁରିକା ମାତିହିଁ ଇଚେକେଏ ସାରି । ୯ ସାମା  
 ଆମ୍ପାଆରି ଗାତି ବାଡ଼କାଲି ଅଣ୍ପିନେରି, ଏଞ୍ଜାରି ତାୟିପାରି କିନି ଡ଼ାଣା ଅଡ଼େ  
 ପାନ୍ତାତା ହେରୁଞ୍ଜନା, ଅଡ଼େ ବୁଦ୍ଧି ହିଲାଆଗାଟି ନାସାକିନି ଅଣ୍ପୁତି ପାନ୍ତାତା  
 ହେରୁନେରି, ଇ ବାରେ ମାଣ୍ଡିଇଁ ବୁଡ଼ଞ୍ଜି ଆନିଞ୍ଜାକି ଅଡ଼େ ନାସା ଆନିଞ୍ଜାକି  
 ଅନେ । ୧୦ ଏନାଆଁତାକି ଇତିହିଁ ଦନତି ଜୁପକା ବାରେ ଲାଗେଏତି ମୁଲ୍;  
 ଆମ୍ପା ଆମ୍ପାଆରି ଏମ୍ପାଆଁ ଜୁପକା ଆହାନା ଦାମ୍ପୁତି ନାମ୍ପୁ ପିସାନା ଜିରୁ ବାଣା  
 ଆହାମାନେରି, ଇଞ୍ଚି ହାରେକା ଦୁକୁ ତଲେ ତାମି ହିୟାତା ଦୁକୁ କିହାମାନେରି ।  
 ୧୧ ସାମା ଏ ତିମତି ନୀନୁ ର ମାହାପୁରୁ ଲକୁତି, ନୀନୁ ଇ ବାରେ ଡ଼ାଣାଟି ହେକ  
 ଆହାନା ଦାମ୍ପୁ ଗାଟାଟି, ମାହାପୁରୁଇଁ ଆଜିନାୟି, ନାମିନାୟି, ଜୀଞ୍ଜୁନାୟି,  
 ସାସା, ଅର୍ହନାୟି, ଇ ବାରେ ନେହିଁ ଗୁଣ୍ଡୁତା ଡ଼ାକାମ୍ପୁ । ୧୨ ନାମ୍ପୁତି ନେହିଁ  
 ଜୁଜୁତା ଜୀଞ୍ଜୁ ତୁସାନା ଜୁଜୁ କିମ୍ପୁ, କାଲାକାଲାତି ଜୀଞ୍ଜୁ ଆସାନା ଇଟାମ୍ପୁ;  
 ଏଦାଆଁତାକି ନୀନୁ ହାଟ୍‌କି ଆହାମାଞ୍ଜି ଅଡ଼େ ହାରେକା ସାକିୟା ନକିତା ନେହିଁ  
 ସାକି ହାହାମାଞ୍ଜି । (aiōnios g166) ୧୩ ବାରେତି ଜୀଞ୍ଜୁହାନି ମାହାପୁରୁ ନକିତା,  
 ଅଡ଼େ ପନ୍ତିୟ ପିଲାତ ନକିତା ନେହିଁ ସାକି ହାନି କ୍ରୀସ୍ତ ଜୀସ୍ତ ନକିତା ନୀନୁ ନିଢ଼େ  
 ହୁକୁମି ହାହିମାଞ୍ଜିଲ୍, ୧୪ ନୀନୁ ମା ପ୍ରୁ ଜୀସ୍ତ କ୍ରୀସ୍ତୁତି ଞାନି ଦିନା ପାତେକା  
 ଦାମ୍ପୁତି ମେରା ମାନଞ୍ଜି ଆହାନା ଏନି ପାପୁ ଅଡ଼େ ନିନ୍ତା ହିଲାଆଗାଟାଟି ଆହାଁ  
 ଡ଼ୟାମ୍ପୁ । ୧୫ ଏଞ୍ଜାସି ହାରେକା ନେହାସି, ରଅସିଏ ବାରେକିହାଁ କାଜା ସାଲଞ୍ଜି  
 କିନାସି, ଏଞ୍ଜାସିଏ ରାଜା କିହାଁ ରାଜା ଅଡ଼େ ପ୍ରୁ କିହାଁ ପ୍ରୁ, ୧୬ ଏଞ୍ଜାସିଏ  
 ରଅସି ହାଆଗାଟାସି ଅଡ଼େ ମେସାଲି ଆତାଆଗାଟି ଉଜେଡ଼ିତା ମାନେସି,  
 ଏଚେଲାଞ୍ଜା ଏଞ୍ଜାଣାଲ୍ ଆମ୍ପାଆସି ମେସାହିଲଅସି କି ମେସାଲି ଆଡ଼ଅସି,  
 ଏଞ୍ଜାସି ତୀରିକିତି ଦିନାତା ଏଦାଆଁ ଡ଼ହନେସି; କାଲାକାଲାତାକି ତାନି ସାମ୍ପୁମି

ଅଡ଼େ କାଜାପାଣା ଚଞ୍ଚୁ ଆପେ । ଆମେନ୍ । (aiōnios g166) ୧୭ ଆମିନି  
 ଗାଟାରି ଇ ଜୁଗୁତା ବାଡ଼କିତାରି, ଏଞ୍ଜାରି ଏନିକି ଆଞ୍ଜାରା ଆଅରି ଅଡ଼େ  
 କାଲେଏ ଡ଼ୟାଆ ଦନ ଲାକ ବାସୁଁ ଇଟଅରି, ସାମା ଆମିନି ମାହାପୁରୁ ଏ  
 ବାରେ ଲେମ୍ବାଲି ତାକି ମାଡ଼େ ଲଡ଼ାମାନାଣି ହିୟାନେସି, ଏଞ୍ଜାଣି ଡ଼ାଣା ବାସୁଁ  
 ଇଟିନେରି, (aiōn g165) ୧୮ ଅଡ଼େ ଏଡ଼କା ଲକ୍ଷୁତି ସାୟେମି କିହାନା ନେହିଁ  
 କାମା ତଲେ ବାଡ଼କୁ ଗାଟାରି ଆନେରି ଅଡ଼େ କେୟୁ ଦେତାନା ଅଡ଼େ ରାହାଟି  
 ଦାନା ହାହାଲି ଅଶ୍ଵିନେରି, ଏଦାଆଁତାକି ଏଞ୍ଜାରାଇଁ ହୁକୁମି ହୀମ୍ବୁ: ୧୯ ଇଲେ  
 କିତିସାରେ ଏଞ୍ଜାରି ତାମି ଖାହିମାନି ଜୀଞ୍ଜୁତାକି ନେହିଁ ପୁନାଦି କିହାମାନେରି,  
 ଏନିକି ଏଞ୍ଜାରି ସାତା ଜୀଞ୍ଜୁ ବେଟାଆନେରି । ୨୦ ଏ ତିମତି, ନିଞ୍ଜେ ଏନା  
 ଏନାୟି ହୀପ୍ଵକି ଆହାମାଞ୍ଜାନେ, ଏଦାଆଁ ଜାଡ଼ନୁ କିହାଁ ଇଟାମ୍ବୁ: ଉଜେଏତି  
 କାତାୟି ଅଡ଼େ ସାତା କାତାତି ବୁଦିତାଣି ବାସିଁ ଆନାରି ଡ଼ାଣାଟି ହେକ ଆମ୍ବୁ:  
 ୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା ମାନଞ୍ଜି ଆଆନା ନାମୁତି ଜିରୁ ବାଣା  
 ଆହାମାନେରି । କାର୍ମାମେହ୍ନାୟି ନୀ ତଲେ ମାଣ୍ଡେ ।

# ୨ତମ

୧ ନାନୁ ପାଞ୍ଜଲ, କ୍ରୀସ୍ତ ଜୀସ୍ତ ଡାଣା ମାନି ଜୀସ୍ତୁତି ଆଞ୍ଜମାନି ଲେହେଁ, ମାହାପୁରୁ ଅଶ୍ୱପୁ ତଲେ କ୍ରୀସ୍ତ ଜୀସ୍ତୁତି ର ପାଣ୍ଡୁଞ୍ଜି ଆହାମାନାତେଏ । ୨ ତମତି, ନା ଜୀସ୍ତୁତି ମାର୍ବଣାତି ଆବା ମାହାପୁରୁ କ୍ରୀସ୍ତ ଜୀସ୍ତୁ ଡାଣାଟି କାର୍ମାମେହ୍ନାୟି ଅଡେ ହିଡ଼ି ଜୀସ୍ତୁ ନିଢ୍ଢେତାକି ଆୟାପେ । ୩ ମା ତଲିତି ଆକୁ ଆବାୟାଁ ଲେହେଁ ନାନୁ ସୁଦୁ ଅଶ୍ୱପୁ ତଲେ ମାହାପୁରୁଇଁ ସେବା କିହିମାଇଁ, ନାନୁ ଏ ମାହାପୁରୁ ଡାଣା ଲାଆଁ ମାଦେନା ପ୍ରାତାନାତା ନୀ ଦରୁ ରାତାହାଁ ମାହାପୁରୁଇଁ ଜହରା କିହିମାଇଁ; ୪ ଏନିକିଁ ନା ରାହାଁ ଗାଡ଼ିଆନେ, ଇଦାଆଁତାକି ନୀ କାଣ୍ଡୁ ଅଶ୍ୱପାନା ନିଢ୍ଢେ ମେସାଲି ତାକି ହାରେକା ମନ କିହିମାଇଁ; ୫ ଇତିହିଁ ଆମିନି କୁରୁ ହିଲିଆଗାଟି ନାମ୍ନୁ ମୀ ବାୟି ଲୟି ଅଡେ ମୀ ଲୟା ଇଞ୍ଜୁନିକି ଡାଣା ମାତେ, ଅଡେ ନୀ ଡାଣା ଜିକେଏ ମାନେ ଇଞ୍ଜିହିଁ ନା ହାରେକା ନାମ୍ନୁ ନୀ କୁରୁ ହିଲିଆ ନାମ୍ନୁତି କାତା ନାନୁ କାରୁ ବେଟାଆହାମାଇଁ । ୬ ନାନୁ ନୀ ଲାକ କେୟୁ ଇଟାଟି ବେଲାତା ନାନୁ ମାହାପୁରୁ ଡାଣାଟି ଆମିନି ବର ବେଟାଆତି ଏଦାଆଁ ଜାଡ଼ନୁ କିହାଁ ଇଟାଲି ନାନୁ ନିଢ୍ଢେ ଅଶ୍ୱପି କିହିମାଞ୍ଜାଇଁ । ୭ ଇତିହିଁ ମାହାପୁରୁ ମାଢ୍ଢେ ଆଜିନି ଜୀସ୍ତୁ ହୀହାମାଞ୍ଜୁଅସି, ସାମା ବାଡ଼ୟୁ ଜୀସ୍ତୁ ନନାଣି, ଅଡେ ନେହିଁ ଅଶ୍ୱପି କିନି ଜୀସ୍ତୁ ହୀହାମାଞ୍ଜୁନେସି । ୮ ଏଦାଆଁତାକି ମାର ପ୍ରବୁ କାତାତା ସାକି ହୀହାଲି ଅଡେ ନାନୁ ପ୍ରବୁତି ତାକି କାୟିଦି ଇଲୁତା ଦସ୍ୱପି ଆହାମାଇଁ ନା ତାକି ଲାଜା ଆଆନି, ସାମା ମାହାପୁରୁ ହୀହାମାଞ୍ଜୁନି ବାଡ଼ୟୁ ତଲେ ନେହିଁ କାରୁ ଝେକ୍‌ହାଲି ବେଟାଆହାମାନି କସ୍ତୁତି ସହଞ୍ଜି ଆମ୍ନୁ । ୯ ଏଞ୍ଜାସି ମାଢ୍ଢେ ଗେଲ୍‌ପା ମାଞ୍ଜୁନେସି, ଅଡେ ନା ନେହିଁ ଲକ୍ଷ୍ମତେରି ଇଞ୍ଜିହିଁ ହାଟାମାଞ୍ଜୁନେସି; ଅଡେ ମା କିହାମାନି କାମା ଲେହେଁ କିହାଁ ମାଞ୍ଜୁଅସି, ସାମା ତାନି ଅଶ୍ୱପୁ ତଲେ ଡାନୁ କାର୍ମା ମେସ୍ତାନି ଲେହେଁ କିହାଁ ମାଞ୍ଜୁନେସି; ଏ କାର୍ମା ତଲି କାଲା ନକେଏ କ୍ରୀସ୍ତ ଜୀସ୍ତୁ ଡାଣାଟି ମାଢ୍ଢେ ହୀଞ୍ଜି ଆହାମାତେ, (aiōnios g166) ୧୦ ସାମା ନୀଏଁ ମା ଗେଲ୍‌ପାନି କ୍ରୀସ୍ତ ଜୀସ୍ତୁ ଦାର୍ଡିତା ଞ୍ଜାହାମାନାକି ମାଢ୍ଢେ ତ୍ୱସାମାଞ୍ଜୁନେସି; ଏଞ୍ଜାସି ହାକିତି ମ୍ଳେକ୍‌ହା ମାନେସି; ଅଡେ ତାନି ନେହିଁ କାରୁତଲେ ଜୀସ୍ତୁ ଅଡେ ହାଆଗାଟାଣି ଉଜେଡ଼ିତା ତ୍ୱସାମାନେସି । ୧୧ ଇ ନେହିଁ କାରୁ ଝେକ୍‌ହାନା ତେଲ୍‌ହିକିହାଲି ମାହାପୁରୁ ନାଢ୍ଢେ ର ପାଣ୍ଡୁଞ୍ଜିଆତି ସୀସୁ ଇଞ୍ଜି ଜାପ୍‌ନାସି ଲେହେଁ ହେର୍‌ପା ମାଞ୍ଜୁନେସି । ୧୨ ଏଦାଆଁତାକି ନାନୁ ଇ ବାରେ ଦୁକୁ ବେଟା ଆହିମାଇଁ; ଆତିଜିକେଏ ନାନୁ ଆଜା ହିଲଅଁ,

ଇତିହାସ ନାନୁ ଆତ୍ମାଆରି ତାଣା ନାମାମାଈ, ଏଞ୍ଜାଣାଈ ପୁଞ୍ଜାମାଈ, ଅଡ଼େ ନାନୁ  
 ତାନି କେୟୁତା ଏନାଆଁ ହେରୁପାମାଈ, ବିଚାରା ଦିନା ଖାନି ପାତେକା ଏଦାଆଁ  
 ଏଞ୍ଜାସି ଜାତୁନୁ ତଲେ ଇଟାଲି ଆଡ଼ିମାନେସି, ଇଦାଆଁ ନାନୁ ତୀରୁପୁତଲେ  
 ନାମିମାଈ । ୧୩ ନା ତାଣାଟି ଆମିନି ନେହିଁ ବଲୁ ଖେଞ୍ଜାମାଞ୍ଜି, କ୍ରୀସୁ ଜୀସୁ  
 ତାଣାଟି ନାନୁ ଇଞ୍ଜାଁ ଜୀସୁ ନନାଣି ଏଦାଆଁ ନେହିଁକି ଆସା ମାନାମୁ । ୧୪  
 ଆମିନି ନେହିଁ କାତାଟି ଦାୟିପତି ମିଡ଼େ ହୀପ୍‌କି ଆହାମାଞ୍ଜାନେ, ମା ତାଣା  
 ବାସା କିହିମାନି ସୁଦୁଜୀସୁତି ବାଡ଼ୁୟୁ ତଲେ ଏ ବାରେତି ଜାତୁନୁ କିହା ଇଟାମୁ ।  
 ୧୫ ନାନୁ ପୁଞ୍ଜାମାଞ୍ଜି: ପୁଗେଲ ଅଡ଼େ ହର୍ମଗେନା ତଲେ ଆସିୟୁତି ବାରେ ଲକୁ  
 ନାଡ଼େ ପିସା ମାଞ୍ଜାନେରି । ୧୬ ଅନିସିପର କୁଟମିତି ପ୍ରବୁ କାର୍ମା ମେସ୍‌ପେସି,  
 ଏନାଆଁତାକି ଇତିହିଁ ଏଞ୍ଜାରି ଅଲେ ଅଲେ ଖାହାନା ନା ଦୁକୁ ଡୁକ୍‌ହାତେରି,  
 ଇତିହିଁ ନାନୁ କାୟିଦି ଲକୁତା ମାତିହିଁ ଜିକେଏ ଲାଜା ଆହାହିଲଅରି, ୧୭ ରମ୍  
 ଗାଡ଼ାତା ଏଜାଲିଏ ଏଞ୍ଜାସି ନାଡ଼େ ପାରାନା ନା ତାଣା ଖାତେସି, ୧୮ ରାନି  
 ଦିନାତା ଏନିକି ମାହାପୁରୁ ତାଣାଟି କାର୍ମା ବେଟାଆନେସି, ଏଲେକି ମାହାପୁରୁ  
 ଏଞ୍ଜାଣାକି କାର୍ମା ଆପେସି, ଅଡ଼େ ଏଞ୍ଜାସି ଏପିସିୟୁ ଗାଡ଼ାତା ନାଡ଼େ ଏନିକି  
 ସେବା କିହାମାଞ୍ଜାନେସି, ଏଦାଆଁ ନାନୁ ନେହିଁକି ପୁଞ୍ଜାମାଞ୍ଜି ।

**୨** ଏଦାଆଁତାକି ଏ ନା ଜୀସୁତି ମାରୁଏଣାଟି, କ୍ରୀସୁ ଜୀସୁତଲେ ଆଣ୍ଡିତାକି ତାନି  
 କାର୍ମାମେହ୍‌ନି ତାଣାଟି ଆମିନି ବାଡ଼ୁୟୁ ମେଡ଼ା ଆନେ ଏମ୍‌ଆଁ ମୀରୁ ବାଡ଼ୁୟୁ  
 ଗାଟାତେରି ଆବୁ, ୨ ଅଡ଼େ ହାରେକା ସାକିୟାଁ ନକିତା ଆମିନି ବାରେ କାତା  
 ନା ତାଣାଟି ନାନୁ ଖେଞ୍ଜାମାଞ୍ଜି, ଅଡ଼େ ଏମିନିଗାଟାରି ଏଟ୍‌କା ଲକୁଣି ଜିକେଏ  
 ଜାପ୍‌ହାଲି ଆଡ଼ିନାରି, ଏଲେତି ନାମୁଗାଟି ଲକୁ ନକିତା ଇ ବାରେ ହେରୁପାମୁ  
 । ୩ ନାନୁ କ୍ରୀସୁ ଜୀସୁତି ର ନେହିଁ ଜୁକୁ କିନାତି ଲେହେଁ ଏଞ୍ଜାଣି ତାକି କସୁ  
 ଅର୍‌ହାମୁ । ୪ ଆତ୍ମାଆସି ଜୁକୁକିନି କାମାତା ମାଞ୍ଜାନା, ଦାର୍‌ତିତି ଏଟ୍‌କା  
 କାମାତା ହେରୁପି ଆଅସି, ଏନିକି ଏଞ୍ଜାସି ତାନି ମୁହେଁତି କାଜାଣାଈ ରାହାଁ  
 କିନେସି । ୫ ଅଡ଼େ ଆତ୍ମାଆସି କାହୁ ତାକି ବାଦ୍‌ହାରା ଆନେସି, ଏଞ୍ଜାସି ମେରା  
 ତଲେ କାହାଆସାରେ ଜୀଣା ଆଅସି । ୬ ଆମିନି ତାସା କାମାକିନାସି ଖାହୁ  
 ତଲେ କିନାସି, ଏଞ୍ଜାସି କାମାତି ମୁଲୁତି ବାଗା ବେଟାଆନାୟି ମାନେ । ୭ ନାନୁ  
 ଏନାଆଁ ଖେସିମାଞ୍ଜାଈ, ଏଦାଆଁ ଅଣ୍‌ପାମୁ: ଇତିହିଁ ପ୍ରବୁ ନିଡ଼େ ବାରେ ପୁଞ୍ଜାଲି  
 ବୁଡ଼ି ହିୟାନେସି । ୮ ନା ତାଣାଟି ଖେସିଆହାମାନି ନେହିଁ କାରୁ ଲେହେଁ  
 ହାତାରି ତାଣାଟି ନିଡ଼ିତାଣି ଅଡ଼େ ବାସୁଦ କୁଡ଼ାତା ଜାର୍‌ନା ଆହାମାନି ଜୀସୁ

କ୍ରୀଷ୍ଣ ଅର୍ଥପାମ୍ । ୯ ଇ ନେହିଁ କାବୁତାକି ନାନୁ ଦହଗାଟି ଲକୁ ଲେହେଁ କାୟିଦି  
 ଇଲୁତା ଦସ୍ପିଆନି ପାତେକା କସ୍ତ ବେଟା ଅହିମାଇଁ; ସାମା ମାହାପୁରୁତି ବଲୁ  
 ଦସ୍ପି ଆହା ହିଲେଏ । ୧୦ ଇଦାଆଁତାକି ମାହାପୁରୁ ଆଚାମାନି ଲକୁ ଜିକେଏ  
 ଏନିକିଁ କାଲାକାଲାତି ଗାଝୁରମି ତଲେ କ୍ରୀସ୍ତ ଜୀସୁ ହାହାମାନି ଗେଲ୍ପି ଆନାଣି  
 ବେଟାଆନେରି, ଏଦାଆଁତାକି ନାନୁ ଏଝାରି ତାକି ଇ ବାରେ ସାସାତଲେ  
 କସ୍ତ ଅର୍ହିମାଇଁ । (aiōnios g166) ୧୧ ଇ କାତା ସାତା “ମାର କ୍ରୀସ୍ତ ତଲେ  
 ହାହାମାନାୟି, ଅଡେ ଏଝାଣିତଲେ ଜିକେଏ ନୀତିନାୟି; ୧୨ ଅଡେ ମାର  
 ସାସାଆସାଁ କସ୍ତ ଅର୍ହିନାୟି, ଆତିହିଁ ଏଝାଣିତଲେ ଜିକେଏ ସାଲଝି କିନାୟି;  
 ମାର ଏଝାଣାଇଁ ପୁଞ୍ଜାହିଲଅମି ଇନାୟି, ଆତିହିଁ ଏଝାସି ଜିକେଏ ମାଢ୍ଫେ  
 ପୁଞ୍ଜାହିଲଅଁ ଇଞ୍ଜାନେସି; ୧୩ ଏଡେତା ମାର ନାମାଆ ଗାଟାତାୟି ଆନାୟି,  
 ଆତିଜିକେଏ ଏଝାସି ବାରେବେଲା ଟିକାଣାତାସି, ଇତିହିଁ ଏଝାସି ଜାହାରାଇଁ  
 ଆଏ ଇଞ୍ଜାଲି ଆଡଅସି ।” ୧୪ ନାନୁ ବାରେ ନାମୁ ଗାଟାରାଇଁ ଇ ବାରେ  
 କାତା ମାହାପୁରୁ ଅର୍ଥପି କିମ୍ପୁ, ସାସ୍ତେରିତି କାତା ଉଜେଏ ବାଦିବାଦା ଆନି  
 ତାଣାଟି ଜାଗ୍ରାତା କିମ୍ପୁ, ଇଲେତି ବାଦିବାଦା ଆମ୍ପାଆରାଇଁ ନେହିଁ କିଏ, ସାମା  
 ଆମ୍ପାଆରି ଏମ୍ପାଆଁ ମନ ହାନେରି ଏଝାରି ନାସା ଆନେରି । ୧୫ ସାତା ବଲୁ  
 ଟିକାଣା ତଲେ ଲେମ୍ପାନା, ଆମିନି କାମାକିନାସି କାମାତା ଏନିକିଁ ଲାଜା ଆଅସି,  
 ଏଝାଣିଲେହେଁ ମାହାପୁରୁ ନକିତା ଜାହାରାଇଁ ତାୟିପାରିତା ଜୀଣା ଆହାମାନି  
 ଲେହେଁ ତସାଲି ଜାତ୍ନୁ କିମ୍ପୁ । ୧୬ ସାମା ଲାଗେଏତି ଉଜେଏତି କାତାୟି  
 ବାସିଁ ଆନି ତାଣାଟି ହେକ ଡୟାନ୍ତୁ: ଇତିହିଁ ଆମ୍ପାଆରି ଏଲେତି କାମା କିନେରି,  
 ଏଝାରି ଲାଗେଏତି କାମାତା ହାରେକା ପାତା ଆନେରି, ୧୭ ଅଡେ ଏଝାରି  
 କାତା ସୀର୍ନି ଗାହାଁ ଲେହେଁତାୟି; ଏଝାରି ବିତ୍ରାଟି ହୁମନାୟ, ଅଡେ ପିଲିତ,  
 ଇ ରିଆରି ମାନେରି । ୧୮ ଏଝାରି ହାହାନା ଖେଣ୍ଟେ ନିଢ୍ଫିତାୟିଏ ଇଞ୍ଜି ସାତାତି  
 ପିସାମାନେରି, ଅଡେ ଏତରଜାଣାତି ତାମି ନାମୁତି ତାରି ମୁଁପୁହି ମାନେରି । ୧୯  
 ଆତିଜିକେଏ, ମାହାପୁରୁ କେପିତି ପୁନାଦି ଆର୍ଝା ଆହାନା ଡୟାମାନେ, ଅଡେ  
 ଏ ଝାଲିତା ଇ ବୁଟୁ ମୁଦ୍ରା ଆହାମାନେ, “ପ୍ରୁ ତାନି ଲକୁଣି ପୁଞ୍ଜାମାନେସି”  
 ଅଡେ, “ଆମ୍ପାଆସି ପ୍ରୁତି ଦରୁ ଆହନାସି, ଏଝାସି ଲାଗେଏ ତାଣାଟି ହେକ  
 ମାଣ୍ଡେସି ।” ୨୦ ର କାଜା ଇଜ ଝାରୁଇ ବାଂଗାରା ଖେଣ୍ଟିତି ଡକା ମାଣ୍ଡି ମାନୁ,  
 ଏଚେକା ଆଏ, ଅଡେ ମାର୍କା ଇଞ୍ଜି ଇର୍ଆତି ଡକା ମାଣ୍ଡି ଜିକେଏ ମାନୁ:  
 କଚେକା ଡକା ମାଣ୍ଡି କାଜା କାଜା କାମାତାକି ମାନୁ, ଅଡେ କଚେକା ଉଜେଏ

ଦିନା ଚଳେମାଲି ତାକି ମାନୁ । ୨୧ ଇଦାଆଁତାକି ଆମ୍ବାଆସି ଏ ବାରେ ଡାଣାଟି  
 ଜାହାରାଇଁ ଅର୍ହା କଡିନେସି, ଏଞ୍ଜାସି ହେର୍ପି ଆହାନା, ସାଞ୍ଜୁକାରି କାମାତା  
 ପାଡାଆନେସି, ଏଞ୍ଜାସି ବାରେ ନେହିଁ କାମାତାକି ଆତା ଇଟାମାନି ମାନିଗାଟି  
 ଡକା ମାଣ୍ଡି ଲେହେଁ ଆନେସି । ୨୨ ସାମା ନାନୁ ଦାଂଗଣା ବେଲା ଲାଗେଏତି  
 ଜୁପକାଟି ହେକ ଆମ୍ବା ଆମ୍ବାଆରି ସୁଦୁ ହିୟାଁ ତଲେ ପ୍ରବୁ ଡାଣା ପ୍ରାତାନା  
 କିନେରି, ଏଞ୍ଜାରିତଲେ ଦାମ୍ବୁ ନାମ୍ବୁ ଜୀଞ୍ଜୁ ନନାଣି, ଅଡେ ହିଡ଼ି ଜୀଞ୍ଜୁ ଜେତ  
 ହାଲାମ୍ବୁ । ୨୩ ବୁଦି ହିଲାଆ ମୁର୍କୁ ଗାଟାରି ବାଦିବାଦା ଗଡ଼ହା କିନେ, ଇଦାଆଁ  
 ପୁଞ୍ଜାମା ଏ ବାରେ ଡାଣାଟି ହେକ ଆମ୍ବା । ୨୪ ମାହାପୁରୁତି ହଲେଏସି ଗଡ଼ହା  
 କିନାୟି ନେହେଁ ଆଏ, ସାମା ବାରେଜାଣାଟି ହିଡ଼ି ହାତା ଜାପ୍ନାସି, ଅଡେ  
 ଅର୍ହାନାସି ଇଞ୍ଜାଁ ମା କପାଟି ନିଡ଼ିନି ଲକୁଣି ହିଡ଼ି ହାତାତଲେ ଜାପ୍ନାସି  
 ଆନାୟି ମାନେ, ୨୫ ଅଡେ ଗଡ଼ହା ଗାଟାରାଇଁ ସୁଦୁ ସୁଞ୍ଜାଲା ତଲେ ଚଳେମିନାସି  
 ଆନାୟି ମାନେ, ଆତିହିଁ ଏଞ୍ଜାରି ସାତାଟି ବୁଦି ପୁଞ୍ଜାଲି, ମାହାପୁରୁ ଏଞ୍ଜାରାଇଁ  
 ମନ ଖେଟ୍ଟିନି ଅଶ୍ପୁ ହାନେସି, ୨୬ ଅଡେ, ଆମିନି ସୟତାନ ଏଞ୍ଜାରାଇଁ ତାନି  
 ଅଶ୍ପୁ ତଲେ କିହାଲି ଦସ୍ପାମାନେ, ଏମ୍ବାଟି ଏଞ୍ଜାରି ସେଟ୍ଟନା ଆହାନା ଏ  
 ପାନ୍ତାଟି ଗେଲ୍ପି ଆନେରି ।

**୩** ସାମା ଇଦାଆଁ ପୁଞ୍ଜାମାଞ୍ଜୁ ରାନି ଦିନାତା ନାସା ଆନି ଦିନା ଝାନେ; ୧  
 ଇତିହିଁ ଲକୁ ଡାମ୍ବୁ ଜାହାରାଇଁ ଅଶ୍ପା କଡିନେରି, ଦନ ଜୁପକା, ଜୀଞ୍ଜୁତା  
 ବଡପଣ, ଆଙ୍ଗାରା, ନିନ୍ଦା କିନେରି, ତାଲି ତାଞ୍ଜି କାତା ଆହଅରି, ୩ ରାହାଁ  
 ଆଆଗାଟାରି, ଦାମ୍ବୁ ହିଲାଆ ଗାଟାରି, ଜୀଞ୍ଜୁ ନଆଗାଟାରି, ଆଣ୍ଡୁଞ୍ଜି ଆନାୟି  
 ହିଲାଆ ଗାଟାରି, ଲାଗେଏ କାତା ଖେସାନା ଲକୁଣି ନାଡ଼ିକିନାରି, ଦେବୁଣିଏ  
 କପା ଆନାରି, ବାଡ଼୍ପୁ ଡ଼ସାନା ଆଜି କିନାରି, ନେହିଁ କାତାଟି ଅପାଆଗାଟାରି  
 ଆନେରି; ୪ ଅଡେ ଏଞ୍ଜାରି ହୀରୁ ଦାଃଆନାରି, ଡାୟୁ ଏସକି ଅଶ୍ପାଆ  
 ଗାଟାରି, ବଡପଣ ଗାଟାରି ଆନେରି, ଅଡେ ମାହାପୁରୁ ଜୀଞ୍ଜୁ ନନାରି ଆଆନା  
 ଦାର୍ଡିତି ରାହାଁତି ଜୀଞ୍ଜୁ ନନାରି ଆନେରି; ୫ ଏଞ୍ଜାରି ମାହାପୁରୁତି ଆଜିନି  
 ମେରା ଆହନେରି ସାମା ଏମ୍ବାଟି ବାଡ଼୍ପୁତି ଆସାଲି କୁନେରି; ଇଲେତି ଲକୁ  
 ଡାଣାଟି ହେକ ମାନାମ୍ବୁ । ୬ ଇତିହିଁ ଇଞ୍ଜାରି ଡାଣା ଇଲେତି ଲକୁ ମାନେରି,  
 ଏମିନିଗାଟାରି ଇଲ୍ଲକା ତାକି ଇଲ୍ଲକା ହିଡ଼ିହିଁ ପାପୁତି ବଜୁତା ଅଡେ ତାମି ମନତି  
 ଜୁପକା ଗାଟି ଅଶ୍ପୁ ତଲେ ଡାକିନି ବୁଦି ହିଲାଆଗାଟି ଇୟାସିକାଣି ତାମି  
 ଡାଣା ଇତିନେରି; ୭ ଇ ଇୟାସିକା କାଲେଏ ଜାପିମାଟି ଜିକେଏ, ଏଚେଲା

ସାତାତି ପୁଞ୍ଜାଲି ଆତାଉ । ୮ ଏନିକି ଜନସି ଅଡ଼େ ଜାମ୍ବିସ୍ ମସା କପାଟି  
 ନିଢ଼ୁମାରେରି, ଏଲେକିହିଁ ଏଞ୍ଜାରି ଜିକେଏ ସାତାତି ଆଡ଼ିନେରି, ଏଞ୍ଜାରି ଡାୟୁ  
 ଲାଗେଏ ଆହାମାନେ ଅଡ଼େ ଏଞ୍ଜାରି ଦାମ୍ବୁତି ନାମୁ ଉଜେଏ ଆହାମାନେ । ୯  
 ସାମା ଏଞ୍ଜାରି ଅଡ଼େ ହାରେକା ଆଗାଡ଼ା ହାଲଅରି; ଇତିହିଁ ଏ ରିଆରି ଏଞ୍ଜାରି  
 ବୁଦି ହିଲାଆଗାଟାରି ଇଞ୍ଜି ର ଦିନା ବାରେଜାଣା ପୁନେରି, ଜନସି ଅଡ଼େ ଜାମ୍ବିସ୍  
 ଜୀଞ୍ଜୁତା ଏନାୟି ଗଟଞ୍ଜି ଆହାମାରେ, ଏଞ୍ଜାରି ଜୀଞ୍ଜୁତା ଏଦିଏ ଆନେ । ୧୦  
 ସାମା ନାନୁ ନା ଜାପନାଣି, ମାଣ୍ଡକି, ନା ଅଣ୍ଡୁ, ନା ନାମୁ, କସ୍ତୁ ଅରୁହିନାଣି,  
 ଜୀଞ୍ଜୁ ନନାଣି, ଅରୁହିନାୟି, ୧୧ ସାସ୍ତି ବେଟା ଆତାଣି, ଦୁକୁ କସ୍ତୁ ବେଟା  
 ଆତାଣି, ଇ ବାରେ ଆସାମାଞ୍ଜି; ଆନିୟକିୟା, ଇକନିୟ, ଅଡ଼େ ଲୁସ୍ତାତା, ନା  
 ତାକି ଏଲେକିହିଁଏ ନିନ୍ଦା କସ୍ତୁ ଆହାମାରେ; ଏଦାଆଁ ନାନୁ ଅରୁହା ମାରେଏଁ,  
 ଅଡ଼େ ପ୍ରୁ ନାଞ୍ଜେ ଏ ବାରେଟି ଗେଲ୍ପା ମାଞ୍ଜାତେସି । ୧୨ ସାତେଏ ଆମିନି  
 ଗାଟାରି କ୍ରୀସ୍ତ ଜୀସ୍ତ ଡାଣାଟି ଦାମ୍ବୁ ଜୀଞ୍ଜୁ ନୀତାଲି ଅଣ୍ଡିନେରି, ଏଞ୍ଜାରି ନିନ୍ଦା  
 ବେଟାଆନେରି । ୧୩ ସାମା ଲାଗେଏତି କାମାକିନାରି ଅଡ଼େ ନାଡ଼ିକିନାରି  
 ନାଡ଼ି ଆହାନା ହାରେକା ଲାଗେଏତି କାମା କିନେରି । ୧୪ ସାମା ନାନୁ ଏନା  
 ଏନାଆଁ ଜାପାମାଞ୍ଜି, ଅଡ଼େ ଆମିନି କାତା ବାରେ ସାତେଏ ନାମାମାଞ୍ଜି, ଏ  
 ବାରେ ଡାଣା ଡାରିତଲେ ମାନାମୁ, ଇତିହିଁ ନାନୁ ପୁଞ୍ଜାମାଞ୍ଜି, ଆମିନି ଗାଟାରି  
 ଡାଣାଟି ଏ ବାରେ ଜାପାମାଞ୍ଜି; ୧୫ ଅଡ଼େ ଆମିନି ଦାମ୍ବୁ ସାସ୍ତେରି କ୍ରୀସ୍ତ ଜୀସ୍ତ  
 ଡାଣା ନାମୁଟି ନିଢ଼େ ଗେଲ୍ପିକିନି ବୁଦି ହିୟାଲି ଆତାନେ, ଏଦାଆଁ ନାନୁ ଉଣା  
 ଝେଡ଼ାଟିଏ ପୁଞ୍ଜାମାଞ୍ଜି । ୧୬ ବାରେ ଦାମ୍ବୁ ସାସ୍ତେରିତା ରାସ୍ତକି ଆହାମାନି  
 ବାରେ ବଲୁ ମାହାପୁରୁ ଜଲିତାୟି, ଅଡ଼େ ଜାପନାୟି, ଲାଗିନାୟି, ଡାରିକିନାୟି,  
 ଅଡ଼େ ଦାମ୍ବୁତା ନୀତାଲି ସାୟେମି କିନାୟି, ୧୭ ଏନିକି ମାହାପୁରୁଟି ଲକୁ  
 ଡାରିପୁ ଆହାନା ବାରେ ନେହିଁ କାମାତା ଜଗେ ଗାଟାରି ଆନେରି ।

**୪** ନାନୁ ମାହାପୁରୁ ନକିତା, ଅଡ଼େ ଆମିନି କ୍ରୀସ୍ତ ହାତାରାଇଁ ଇଞ୍ଜି  
 ନୀତାମାନାରାଇଁ ନାହାୟି କିହାଲି ହାଜିମାନେସି, ତାନି ଝେଣ୍ଡେ ଝାନାଣି ଅଡ଼େ  
 ରାଜିତି ମାନି କିହାନା ହୁକୁମି ହାହିମାଞ୍ଜାଇଁ, ୨ ମାହାପୁରୁ ବଲୁ ଝେକମୁ, ନେହିଁ  
 ବେଲାତା କି ଲାଗେଏତି ବେଲାତା ବଲୁ ଝେକହାଲି ତିୟାରା ଆହା ମାନାମୁ,  
 ନାନୁ ବାରେ କସ୍ତୁ ଅରୁହାନା ଜାପହିଁ ଲାଗାମୁ, ଅଡ଼େ ଦାକା ହାହାନା ସାସା  
 ବାସ୍ତୁ ହାମୁ । ୩ ଇତିହିଁ ଦିନା ଝାନେ, ଏତିବେଲା ଲକୁ ନେହିଁ ଜାପନାଣି  
 ଝେଞ୍ଜାଲି ଅପଅରି, ସାମା ତାମି କୀର୍କା ତାକି ସୁଦୁ ସୁଞ୍ଜାଲା ହାତା ଝେଞ୍ଜାଲି ମନ



ହୀନେରି ଇଞ୍ଜି କାତା ଜୁପକାତାକି ଲାଗେଏତାଣି ଜାପନାରାଇଁ କୁଡ଼ି କିନେରି ।  
 ୪ ଅଡ଼େ ସାତା କାତାତି ଖେଞ୍ଜାଲି କୁହାନା ଅଶ୍ଵାନା ଖେହ୍ନି ପୁସ୍ଵନିକାଣି  
 ମନ ହୀନେରି । ୫ ସାମା ନୀନୁ ବାରେ ତାଣା ସେତ୍ତନା ଆମ୍ବୁ କସ୍ତୁତି ଅର୍ହାମ୍ବୁ  
 ମାହାପୁରୁତି ନେହିଁ କାରୁ ଖେକ୍ମୁ କାମା ପୁରା କିମ୍ବୁ ଅଡ଼େ ନୀ ସେବା କାମା  
 ରାପ୍ମୁ । ୬ ଇତିହିଁ ନୀଏଁ ଜିକେଏ ନା ଜୀଞ୍ଜୁ ଗସାଲି ତାକି ଖାକ୍ହିମାନି  
 ଲେହେଁ ହେର୍ପି ଆହିମାନେ, ନା ହାନି ଦିନା ଏଗାଞ୍ଜାତେୟିଏ । ୭ ନୀନୁ ନେହିଁ  
 ଜୁଜୁତା ଜୀଞ୍ଜୁ ତୁସାନା ଜୁଜୁ କିହିମାଇଁ, ନାଡ଼େତାକି ଚେପାମାନି ପାହେରି  
 ରାଖେତାକି ହଟାମାଇଁ, ନୀନୁ ନାମୁତି ଜାଣେ ଆସାମାଇଁ, ୮ ନାଡ଼େତାକି ଦାମ୍ବୁତି  
 ଚପେରି ଇଟ୍ଟି ଆହାମାନେ, ଏଦାଆଁ ଏ କାଜା ନୀହାୟି ଦିନାତା ନୀହାୟି  
 କିନି ପ୍ରବୁ ନାଡ଼େ ହିୟାନେସି, ଖାର୍ଲ ନାଡ଼େ ଆଏ, ତାନି ଖେଣ୍ଡା ଖାନାଣି  
 ନେହିଁ ମନତଲେ କାତାମାନି ବାରେଜାଣା ତାକି ଜୀଞ୍ଜୁନହାଁନା ହୀନେସି । ୯  
 ତବେ ନା ତାଣା ଖାହାଲି ଜାଗ୍ରାତା ଆମ୍ବୁ: ୧୦ ଇତିହିଁ ଦିମା ନାଡ଼େ ପିସାହାଁ  
 ନୀଏଁତି ଦାର୍ତ୍ତିତ ଜୀଞ୍ଜୁନହାଁନା ତେସଲନିକିତା ହାଜାମାନେସି, କ୍ଲେସ୍‌କେନସ୍  
 ଗାଲାତିୟାତା ଅଡ଼େ ତିତସ ଦଲମତିୟାତା ହାଜାମାନେରି । (aiōn g165)  
 ୧୧ ଅଡ଼େ ଲୁକ ରଅସିଏ ନା ତଲେ ମାନେସି । ମାର୍କଇଁ ନୀ ତଲେ ତାତିହିଁ  
 ଖାମ୍ବୁ ଇତିହିଁ ନା ସେବା କାମାତା ସାୟେମି କିୟାନେସି । ୧୨ ନୀନୁ ତୁକିକଇଁ  
 ଏପିସିୟାତା ପାଣ୍ଡା ମାଇଁ । ୧୩ ତୁୟାତା କାର୍ପ ତାଣା ଆମିନି ଉସମି ସକା  
 ପିସା ଖାହାମାଇଁ, ନୀନୁ ଖାନାଟି ସକା ଅଡ଼େ ପତିୟାଁ ବାରେକିହାଁ ତଲୁ ପତିୟାଁ  
 ତାତିହିଁ ଖାମ୍ବୁ । ୧୪ ପିତାତା ବେବାରାଗାଟି ଆଲେକ୍‌ଜାଣ୍ଡାର ନାଡ଼େ ହାରେକା  
 କସ୍ତୁ ହୀହାମାଞ୍ଜାନେସି; ପ୍ରବୁ ଏଖାଣାଇଁ ତାନୁ କିତି କାମା ଲେହେଁ ପାଡ଼େୟି  
 ହୀନେସି; ୧୫ ନୀନୁ ଜିକେଏ ଏଖାଣି ତାଣାଟି ଜାଗ୍ରାତା ଆହା ମାନାମ୍ବୁ ଇତିହିଁ  
 ଏଖାସି ମାର ଖେକ୍ନି କାତା କପାଟି ନିଜ୍ଞାନା କାହିଁ କିହିମାଞ୍ଜାତେସି । ୧୬  
 ତଲି ମୁଲୁ ନାଡ଼େ ନୀହାୟି କିୟାତାଟି ଆମ୍ବାଆରି ନା ଖାକିଟି ଆଆତେରି,  
 ସାମା ବାରେଜାଣା ନାଡ଼େ ପିସ୍ତାତେରି, ଏଦାଆଁ ମାହାପୁରୁ ଏଖାରି କପାଟି ଦହ  
 କିଆପେସି । ୧୭ ସାମା ପ୍ରବୁ ନା ତଲେ ମାଞ୍ଜାନା ନାଡ଼େ ବାଡ଼୍‌ୟୁ କିୟାତେସି,  
 ଅଡ଼େ ନୀନୁ ସିହ୍‌କ୍‌୪ନି ଗୁତିଟି ଗେଲ୍‌ପିଆତେଏଁ, ଏନିକିଁ ନା ତାଣାଟି ନେହିଁ  
 କାରୁ ବାରେ ତାଣା ଖେଞ୍ଜିନେ ଅଡ଼େ ଜୀହୁଦିଆଆତି ଲୁକ୍ ବାରେଜାଣା ଏଦାଆଁ  
 ଖେଞ୍ଜାଲି ଆଡିନେରି; ୧୮ ପ୍ରବୁ ନାଡ଼େ ବାରେ ଲାଗେଏ କାମାଟି ଗେଲ୍‌ପାନେସି,  
 ଅଡ଼େ ନାଡ଼େ ଗେଲ୍‌ପାନା ତାନି ଲାକପୁରୁ ରାଜିତା ଅୟାନେସି; ଏଖାଣି

ଗାଝୁରମି କାଳାକାଳା ତାକି ଆପେ! ଆମେନ୍ । (aiōn g165) ୧୯ ପ୍ରିସ୍ନିଲା ଅଡ଼େ  
ଆକ୍ଷିଲା ଇଞ୍ଜି ଅନିସିପର ଇଲୁ କୁଟମିକି ନା ଜହରା ଖେହ୍ମୁ । ୨୦ ଏରାସ୍ତ  
କରନ୍ତି ଗାଡ଼ାତା ଡୟା ମାନେସି, ସାମା ତୁପିମ ଆଡ଼ିହିଲାଆକି ନାନୁ ଏଖାଣାଙ୍ଗ  
ମିଲିତତା ପିସା ଖାତେଏଁ । ୨୧ ନାନୁ ପେନିବେଲା ଖାଆ ନକେଏ ଖାଡ଼ିହିଁ ନେହିଁ  
ଆତେମା । ଇୟୁରୁଲ, ପୁଦେନସ୍, ଲିନ, କ୍ଲୁସ୍ତୁଦିୟା, ଅଡ଼େ ବାରେ କ୍ରୀସ୍ତାନା  
ତାୟିୟାଁ ନିଡ଼େ ଜହରା ଖେସିମାଞ୍ଜାନେରି । ୨୨ ପ୍ରବୁ ନୀ ଜୀଝୁତା ମାଣ୍ଡେସି,  
ମାହାପୁରୁତି କାର୍ମାମେହ୍ନାୟି ମୀ ବାରେତାକି ଆୟାପେ ।

# ତିତସ

୧ ପାହୁଲ, ମାହାପୁରୁତି ହଲେଏଣାତେଏଁ ଇଞ୍ଜି ଜୀସୁ କ୍ରୀସ୍ତ ତାଣାଟି ପାଣୁଝି ଆହାମାନାତେଏଁ । ମାହାପୁରୁ ଆତାମାନି ଲକ୍ଷୁତି ନାମୁ ପାଡକିହାଲି ଅଡେ କାଲକାଲାତି ଜୀସୁ ମେଡାଆନି ଆସାତି ଦାମ୍ବୁତି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣୁଝି ଆହାମାଇଁ । ୨ କାଲକାଲାତି ଜୀସୁତି ଆସା ହାହାଲିତାକି, ଏମିନି ମାହାପୁରୁ ଆଞ୍ଜାମାରେସି, ଏଝାସି ଏଚେଲା ମିତି ଜିଲିଆଗାଟାସି । (aiōnios g166) ୩ ଏ କାଲକାଲାତି ଜୀସୁ ସାତା ମାହାପୁରୁ, ହାରେକା କାଲ ନକେଏ ଆଞ୍ଜାନା ସମାନା ବେଲାତା ତାନି ବଲୁ ଝେକ୍ନି ତାଣାଟି ତସାମାନେସି; ଏ ବଲୁ ଝେକ୍ନି ବଲୁ ମା ଗେଲ୍ପାନି ମାହାପୁରୁ ହୁକୁମି ତଲେ ନା ତାଣା ହେର୍ପି ଆହାମାଞ୍ଜାନେ । ୪ ନା ସମାନା ନାମିତାସି ଅଡେ ନାମୁତା ନା ଜୀସୁତି ମୀର୍ଏସି ତିତସ ତାଣା ଇ ଆକୁ ରାତିମାଇଁ । ଆବା ମାହାପୁରୁ ଅଡେ ମାଡ୍ଡେ ଗେଲ୍ପାନି କ୍ରୀସ୍ତ ଜୀସୁ ମିଡ୍ଡେ କାର୍ମା ଅଡେ ହିଡ଼ି ହିୟାପେସି । ୫ ନାମୁ ଝେସ୍ତାତିଲେହେଁ ରାଆତି କାମାତି ରାପ୍ତହାଲି ତାକି, ଅଡେ ବାରେ ଗାଡାତା ପ୍ରାତିନାଢ୍ଠାଣି କାମା ହେର୍ପାଲି ତାକି ନାମୁ କ୍ରିତିତା ନିଡ୍ଡେ ପିସା ଝାୟାତେଏଁ; ୬ ଆମ୍ବାଆସି ଦହ ହିଲିଆଗାଟାସି, ରଣ୍ଡିଏ ତକ୍ତିନି ତକ୍ତା, ଆମ୍ବାଆରି ମୀର୍କା ମାସ୍କା ନାମିତାରି, ଅଡେ ଲାଗେଏ ପଲେଏତି କାମା କିଅରିକି ମାନଝି ଆଆଗାଟି କାମା କିଅରି ଏଝାରାଇଁ ଆତାହାଁ ପ୍ରାତିନା କିମୁ । ୭ ଇତିହିଁ କାଜାସି, ମାହାପୁରୁତି ଗୁମୁସ୍ତା ଆହାଁ ଦହ ହିଲିଆଗାଟାସି ଆନାୟି ମାନେ; ଏଝାସି ଜାହାରା ମନତଲେ କିନାସି କି ଦେବୁଣିଏ କାର୍ବି ଆନାସି କି କାଡୁ ଗହନାସି କି ଗଡ଼ହା କିନାସି କି ଦନ ଜୁପ୍କା ଗାଟାସି ଆଆନା, ୮ ଏଝାସି ଗତାୟାଣି ଆକ୍ତା କିନାସି, ଏନାୟି ନେହାୟି ଏଦାଆଁ ଜୀସୁ ନନାସି, ଜାହାରାଇଁ ଲକ୍ନାସି, ଦାମ୍ବୁଗାଟାସି, ସୁଦୁଗାଟାସି, ଇଞ୍ଜି ମେରା ମାନଝି ଆନାସି ଆପେସି । ୯ ଅଡେ ଏନିକ୍ ଏଝାସି ଲକ୍ଷୁତାକି ନେହାଁଣି ଜାପ୍ତହାନା ରାହାଁ ହାହାଲି ଇଞ୍ଜି ମାହାପୁରୁ କାତା କପାଟି ଝେହନାରାଇଁ ଲାଗାଲି ଆଡିନେସି, ଇଦାଆଁତାକି ଜାପାମାନି ନାମିନି ବଲୁ ଜାଣ୍ଡେ ଆସାଁ ମାଞ୍ଜୁ । ୧୦ ଇତିହିଁ ହାରେକା ନାମାଆଗାଟି ଲକ୍ଷୁ, ଉଜେଏତି କାତାତଲେ ନାଡ଼ିକିନାରି ମାନେରି, ହାରେକା ଜୀହୁଡି କ୍ରୀସ୍ତାନା ଲକ୍ଷୁ ବିତ୍ରାଟି ମାନେରି । ୧୧ ଲାଗେଏତି କାତାଟି ଏଝାରି ଗୁଡି ମୁଦା କିନାୟିମାନେ, ଏନାଆଁତାକି ଇତିହିଁ ଏଝାରି ଦନ ଜୁପ୍କାତାକି ଲାଗେଏତି କାତା ଜାପ୍ତହିଁ ର ର ଇଲୁ କୁଟମିତି ମାହାପୁରୁ ଜିରୁ ବାଣି କିନେରି

। ୧୭ ଏଞ୍ଜର ବିଦ୍ରାଫି ରଅସି ଏଞ୍ଜର ମାହାପୁରୁ ଅଶ୍ୱପୁତି ବଲୁ ଝେହନାସି ଏଲେ  
 ଇଞ୍ଜମାନେସି, କ୍ରିତତା ବାସା ଆହାମାନାରି ବାରେବେଲା ମିତି ଝେହନାରି, ଜନ୍ମ  
 ସମାନା ଅଡେ ନିସ୍ତା ଇଞ୍ଜି ଟିଣ୍ଡିକାସ୍ତୁୟା । ୧୩ ଇ କାତା ସାତା । ଏଦାଆଁତାକି  
 ଏଞ୍ଜରାଇଁ ଗାଡି ଦାକା ହାହାଁ ଲାଗାମୁ, ଏନିକିଁ ଏଞ୍ଜରି ନାମୁତା ପାତା ଆନେରି  
 । ୧୪ ସାତାତି ପିସାମାନି ଲକ୍ଷୁତି ଫେରା, ଜୀହୁଦି ଲକ୍ଷୁତି କହୁୟାଁ, ମନ  
 ହୀଅରି ଏଦାଆଁତାକି ଏଞ୍ଜରାଇଁ ଜାପୁ । ୧୫ ଅର୍ତ୍ତ୍ତ ଆତି ଲକ୍ଷୁତାକି ବାରେଏ  
 ଅତିନେ, ସାମା ପଲ୍ଲଆ ଗାଟାରାକି, ମାହାପୁରୁଇଁ ନାମାଆ ଗାଟାରାକି ଏନାୟି  
 ଜିକେଏ ଅଡେଏ, ଇତିହିଁ ଏଞ୍ଜରି ମନ ଅଡେ ଅଶ୍ୱପୁ ବାରେ ପଲ୍ଲଆଗାଟାୟି ।  
 ୧୬ ଏଞ୍ଜର ମାହାପୁରୁଇଁ ପୁଞ୍ଜାମାନମି ଇଞ୍ଜି ଜଲିନେରି, ସାମା ଏଞ୍ଜରି କାମା  
 ତଲେ ମାହାପୁରୁଇଁ ପୁନାଆତି ଲେହେଁ ଆନେରି, ଏଞ୍ଜରି ଅପାଆଗାଟାରି,  
 ଅଡେ କାତା ଆହୁଆଗାଟାରି ବାରେ ନେହିଁ କାମାତା ପାଡ଼ାଆଅରି ।

**୨** ମା ଦାମୁତି କାତାୟାଁ ନେହିଁକିଁ ଜାପୁମୁ । ୨ ବୁଡ଼ହା ଆବାୟାଁକିଁ ଡ଼େ  
 ଆୟାଲି, ନେହିଁ ଅଶ୍ୱପୁ, ନେହିଁ ବୁଦି, ଅଡେ ନାମୁ, ଜୀହୁନନାୟି, ଇଞ୍ଜି ଅର୍ତ୍ତ୍ତନି  
 ଡ଼ାଶା ବାଡ଼ୟୁ ଆୟାଲି; ୩ ଅଡେ ବୁଡ଼ହି ଇୟାସିକାଣି ଜିକେଏ ଏଲେକିହିଁଏ  
 ସାକି ଗାଟାଇ ଇଞ୍ଜି କାଡୁ ଗହନାଇ ଆଆନା ସୁଦୁଜୀସୁ ତଲେ ନୀତାନା ନେହିଁ  
 କାତା ଜାପୁହାଲି ବାତିମାଲିହିଁ ଝେହମୁ; ୪ ଏଦାଆଁତାକି ଡ଼ାଆ ଆୟାସିକା ତାମି  
 ତକ୍ରାୟାଁଣି, ମୀରକା ମାସକାଣି ଜୀସୁ ନହାଁ, ୫ ଜାହାରାଇଁ ସାପି ଆୟାଲି,  
 ଅର୍ତ୍ତ୍ତହା କତାନା, ଇଲୁତି ନେହିଁକିଁ ଲେମ୍ପାଲି, ନେହିଁ ଗୁଣ୍ଡ, ଇଞ୍ଜି ଜାହାରା  
 ତକ୍ରାୟାଁ କାତା ମାନଖି ଆୟାଲି, ଜାପୁମୁ, ଏନିକିଁ ମାହାପୁରୁତି ବଲୁ ନିନ୍ଦୁଆଏ  
 । ୬ ଏଲେକିହିଁଏ ଦାଂଗଣାୟାଁଣି ବାରେ କାତାତା ନେହିଁ ବୁଦି ଆହାଲି ରାହାଁ  
 କିଖି କିମୁ: ୭ ନୀ ବାରେ ମାଶକିତା ସାତା କାମାତି ନେହିଁ ଗୁଣ୍ଡ ଡ଼ହମୁ, ଜାପୁନି  
 ଡ଼ାଶା ଆର୍ତ୍ତ୍ତ ଅଡେ ମାନିଗାଟି ମାଶସି ଆହାନା ନେହିଁ ହାତା ତଲେ ଝେହମୁ ।  
 ୮ ଏନିକିଁ ମିଡ୍ରେ ଲାଗେଏ କିହାଲି ଅଶ୍ୱପିମାନି ଲକ୍ଷୁ ମିଡ୍ରେ ଝେଣ୍ଡେ ଝେସାଲି  
 ଆଡ଼ାଆନା ଲାଜା ବେଟାଆନେରି । ୯ ହଲିୟାଞ୍ଜୁ ତାମି ସାସୁକାରି କାତା  
 ମାନଖି ଆହା ଡ଼ୟାପେରି, ଅଡେ ବାରେ କାମାତା ସାସୁକାରିଇଁ ରାହାଁ କିନାରି  
 ଆପେରି, ଏଞ୍ଜରି ଝେଣ୍ଡେ ଜଳାଆପେରି, ୧୦ ଏନାଆଁ ସରୁ କିଆନା ନେହିଁ  
 ନାମୁତଲେ ଟିକାଶା କାମା ଡ଼ସପାରି, ଆତିହିଁ ମାଡ୍ରେ ଗେଲ୍ପାନି ମାହାପୁରୁତି  
 ଦାମୁଁ ଜାପୁନାଣି ନେହାୟି ଇଞ୍ଜି ଝେଡ୍ଡେ କିନେରି । ୧୧ ଇତିହିଁ ବାରେ ମାଶସି  
 କୁଡ଼ାଇଁ ଗେଲ୍ପାଲି ମାହାପୁରୁତି କାର୍ମାମେହନାଣି ଡ଼ସାମାନେସି, ୧୨ ଅଡେ

ମାର ଏନିକିଁ ଲାଗେଏତି ଦାମ୍ବୁ, ଦାର୍ତତି ଜୁପ୍‌କା ପିସାନା ଇ ନୀର୍ବତି ଜୁଗୁତା  
 ନେହିଁ ବୁଦି, ଦାମ୍ବୁ ଅଡ଼େ ମାହାପୁରୁତି ଆଜିତଲେ ନୀଡିନ, (aiōn g165) ୧୩  
 ଅଡ଼େ ଏ ରାହାତି ଦାମ୍ବୁ ମା କାଜା ମାହାପୁରୁ ଗେଲ୍‌ପାନି କ୍ରୀସ୍ତ ଜୀସୁତି ଗାଝୁରମି  
 ଡଞ୍ଜିଆନାଣି କାଚିହିଁ ଡ଼ୟିନ, ଇଦାଆଁତାକି ମାଡ୍ରେ ଜାପ୍‌ହି ମାଞ୍ଜାନେ । ୧୪ ଏ  
 କ୍ରୀସ୍ତ ଜୀସୁ ମା ବାରେ ଲାଗେଏ ପଲେଏ ଡାଶାଟି ଗେଲ୍‌ପି କିୟାଲି ଅଡ଼େ  
 ତାଡ୍ରେତାକି ସାତା କାମାତାକି ରାହାଟି ତାନି ଲକ୍ଷୁ ଲେହେଁ ଅଟ୍‌ହାଲି ଡାନ୍‌ଏ  
 ମା ତାକି ହେରୁପି ଆତେସି । ୧୫ ଇ ବାରେ କାତା ଜଲିହିଁ ବାରେ ଅଦିକାରା  
 ତଲେ ସାସା ହୀମ୍ବୁ, ଅଡ଼େ ଦାକା ହୀମ୍ବୁ । ଏନିକିଁ ଆମ୍ବାଆରି ନିଡ୍ରେ ହୀଣି  
 କିୟାଆପେରି ।

**୩** ଦେସାତି ସାଲଖି କିନାରି ଅଦିକାରା ବେଟାଆହା ମାନାରି ଡ଼ଇ ମାଞ୍ଜାନା,  
 ଏଞ୍ଜାରାଇଁ ମାନି କିହାନା, ଅଡ଼େ ବାରେ ନେହିଁ କାମା କିହାଲି ଜାଗ୍ରାତା ଆଦୁ, ୨  
 ଆମ୍ବାଆରାଇଁ ନିନ୍ଦୁ କିଆନା, ଆମ୍ବାଆରି କପାଟି କାମା କିଆନା, ବାରେ ଲକ୍ଷୁ  
 ନକିତା ଉଣା ଆହାଲି, ସୁଦୁ ସୁଖାଲା ଡ଼ସାଲି ବାରେ ଲକ୍ଷୁ ନକିତା ଅଶ୍‌ପି କିମ୍ବୁ  
 । ୩ ଇଚିହିଁ ମାର ଜିକେଏ ନକେଏ ବୁଦିହିଲିଆ ଗାଟାତାୟି, କାତା ଆହୁଆ  
 ଗାଟାତାୟି, ଲାଗେଏତି ଜିରୁଟି ହାଜିମାତାୟି, ଏନି ଏନି ଜୁପ୍‌କା ଅଡ଼େ ସୁକୁ  
 ଦୁକୁତି ହୁଲିୟା ମାତାୟି, ଡାହାରା ଅଡ଼େ ଡାହାରା ତଲେ ମାତାୟି ଇଞ୍ଜି ଅପ୍‌ଖି  
 ଆଆଗାଟି ଲକ୍ଷୁ ଆହା ଅପ୍‌ଖି ଆହି ହିଲିଆତାୟି । ୪ ସାମା ଏଚିବେଲା ମାଡ୍ରେ  
 ଗେଲ୍‌ପାନି ମାହାପୁରୁତି କାର୍ମା ଅଡ଼େ ମାଶ୍‌ସି ଜାତି ତାକି ତାନି ଜୀଝୁନନାୟି  
 ଡଞ୍ଜିଆତେ, ୫ ଏଚିବେଲା ଏଞ୍ଜାସି ମା କିତି ଦାମ୍ବୁ କାମାତାକି ଆଏ, ସାମା  
 ତାନି କାର୍ମାତଲେ ପୁଃନି ଜାର୍ନାତି ଏୟୁତଲେ ନର୍‌ହାନା, ତାନି ସୁଦୁଜୀଝୁ ତଲେ  
 ପୁଃନି ଗାଡ଼ିକିହାଁ ଗେଲ୍‌ପାମାଞ୍ଜାନେସି, ୬ ଏ ନେହିଁ ଜୀଝୁତି ମାଡ୍ରେ ଗେଲ୍‌ପାନି  
 ଜୀସୁ କ୍ରୀସ୍ତ ଡାଶାଟି ହାରେପୁରେ ମା ଲାକ ହୀୟାତେସି, ୭ ଏନିକିଁ ମାର ତାନି  
 କାର୍ମାମେହନାଣି ତଲେ ଦାମ୍ବୁ ଗାଟାତାୟି ଆହାନା ବାସ୍‌ ତଲେ କାଲାକାଲାତି  
 ଜୀଝୁତି ଅଦିକାରା ଆନାୟି । (aiōnios g166) ୮ ଇ କାତା ସାତା ଆନେ ।  
 ଅଡ଼େ ଏନିକିଁ ମାହାପୁରୁଇଁ ନାମିନାରି ବାରେ ନେହିଁ କାମାତି ଅଶ୍‌ପିହିଁ କିନେରି,  
 ଏଦାଆଁତାକି ଇ ବାରେ ଜାଣ୍ଡେତଲେ ଜାପ୍‌ମ୍ବୁ ଇଞ୍ଜି ନା ଅଶ୍‌ପୁ, ଇ ବାରେ  
 ଲକ୍ଷୁତାକି ନେହାୟି ଇଞ୍ଜି ଅଜିତାୟି । ୯ ସାମା ଲେନିପନିଏ ବାଦିବାଦା କାତା  
 ଜଲିନି ଡାଶାଟି, ଆକୁ ଆବାୟା ଦର୍‌କା ତାକି, ଗଡ଼ହା ଅଡ଼େ ମେରାତାକି  
 ଗଡ଼ହାଟି ହେକ ମାନାମ୍ବୁ, ଇଚିହିଁ ଏ ବାରେ ଲାବା ହିଲିଆ ଉଜେଏତାଇ ।

୧୦ ଜିରୁ ବାଣି କିମି ଲକ୍ଷ୍ମୀ, ର ଦେବା ରୀ ଦେବା ଦାକା ହୀହାଁ ଜାଗ୍ରାତା  
 କିଦୁ, ଅଡ଼େ ଡାୟୁ ଏଞ୍ଜାଣି ଡାଣାଟି ହେକ ଆଦୁ: ୧୧ ଇଲେତି ଲକ୍ଷ୍ମୀ ତାମି ଜିରୁ  
 ବାଣାଆହା ମାନେରି, ଇଞ୍ଜାଁ ପାପୁ କିହାଁ ଜାହାରାତି ଦହ କିନେରି, ଇଦାଆଁ ମୀରୁ  
 ପୁଞ୍ଜାମାଞ୍ଜେରି । ୧୨ ଏତିବେଲା ନାନୁ ମୀ ଡାଣା ଆଡ଼ିମା କି ତୁକିକଇଁ ପାଣ୍ଡାଈ,  
 ଏତିବେଲା ନିକପଲିତା ନା ଡାଣା ଖାହାଲି ଜାଡ଼ୁ ଆମ୍ବ, ଇତିହଁ ପେନିଝେଡ଼ା  
 ରାଞ୍ଜେ ଏମ୍ବାଆଁ ମାଞ୍ଜାଲି ଅଶ୍ପାମାଈ । ୧୩ ଅକିଲା ଜିନା, ଅଡ଼େ ଆପଲକି  
 ଏନାୟି ଲଡ଼ାମାନେ ଏଦାଆଁ ହୀହାନା ଜିରୁ ଡ଼ହ୍ମୁ, ଏନିକିଁ ଏଞ୍ଜାରି ଜିରୁତା  
 ଏଞ୍ଜାରାକି ଏନାୟି ଲଡ଼ା ଆଆପେ । ୧୪ ମା ଲକ୍ଷ୍ମୀ ଜିକେଏ ଲଡ଼ାମାନି ତୀରପୁ  
 କାମାତା ଲେମ୍ବୁଞ୍ଜି ଆହାଲି ଜାପିନାୟି ମାନେ, ଏନିକିଁ ଏଞ୍ଜାରି ପାଡ଼େୟି ହିଲାଆ  
 ଗାଟାରିଲେହେଁ ଆଅରି । ୧୫ ନା ତଲେ ମାନି ବାରେଜାଣା ନିଡ଼ୁ ଜହରା  
 କିହିମାଞ୍ଜାନେରି । ନାମୁତା ଆମ୍ବାଆରି ମାଡ଼େ ଜୀଞ୍ଜୁ ନହିମାଞ୍ଜାନେରି ଏଞ୍ଜାରାଈ  
 ଜହରା କିଦୁ, ଅଡ଼େ ମାହାପୁରୁତି କାର୍ମାମେହ୍ନାୟି ମୀ ବାରେତାକି ଆପେ ।

# ପିଲିମ

୧ ନାନୁ ପାଖୁଲ, ଜୀସୁ କ୍ରୀସ୍ତ ତାକି ଦସ୍‌ପି ଆହାମାନାତେସ୍, ତାୟି ତିମତି, ମା ତଲେ କାମା କିହିମାନି ଜୀସୁତି ପିଲିମନ, ୨ ଅଡ଼େ ତାଡ୍ଡୁ ଅପ୍‌ପିୟା ଇଞ୍ଜି ମା ତଲେ ଜୁଜୁକିନି ଆର୍କିପ୍‌ପ ଇଞ୍ଜି ମୀ ଇଜ ମାନି କୁଲମିତାକି ଆକୁ ରାଚାମାଇଁ; ୩ ମା ଆବା ମାହାପୁରୁ ଅଡ଼େ ପ୍ରୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍‌ନାୟି ଅଡ଼େ ହିଡ଼ି ମିଡ୍ରେତାକି ଆୟାପେ । ୪ ନାନୁ ନା ପ୍ରାତାନାତା ମୀ ଦରୁ ଆସାନା କାଲେଏ ନା ମାହାପୁରୁଇଁ ଜହରା କିହିମାଇଁ, ୫ ପ୍ରୁ ଜୀସୁ କ୍ରୀସ୍ତ ଇଞ୍ଜି ବାରେ ମାହାପୁରୁ ଲକୁତାକି ମୀ ଜୀସୁନନାୟି ଅଡ଼େ ନାମୁତି କାତା ଖେଞ୍ଜାନା ୬ ଏଲେକିହିଏ ମୀ ନାମୁତଲେ ଆଣୁଞ୍ଜି ଆନାୟି, ମାଡ୍ରେ ହୀପ୍‌କିଆତି ବାରେ ନେହିଁ କାତାତି ପୁନାଣି ତଲେ କ୍ରୀସ୍ତ ତାଣା କାମା ଆନେ । ୭ ଏନାଆଁତାକି ଇତିହିଁ, ଏ ନା ତାୟି, ମାହାପୁରୁ ଲକୁତି ହିୟାଁ ମୀ ତାଣା ସୁସ୍ତି ମେଡ଼ା ଆହାମାନାକି ନାନୁ ମୀ ଜୀସୁ ନନି ତାଣା ରାହାଁ ଅଡ଼େ ସାସା ବେଟା ଆହିମାଇଁ । ୮ ଆତିହିଁ ଏନାୟି ନେହାୟି, ଏ କାରୁତାକି ନିଡ୍ରେ ହୁକୁମି ହୀହାଲି କ୍ରୀସ୍ତତି ହ୍‌ଲେଏଣା ଲେହେଁ ଆଡିଜିକେଏ ନାଡ୍ରେ ହାରେ ପୁରେ ସାସା ମାନେ, ୯ ଆଡିଜିକେଏ ନାନୁ ରୁଡ଼ହା ପାଖୁଲ ଜୀସୁ ନନାଣି ତାକି ମିଡ୍ରେ ବାତିମାଲିମାଞ୍ଜାଇଁ, କ୍ରୀସ୍ତ ଜୀସୁ ତାକି ନୀଏଁ ନାନୁ ଦସ୍‌ପି ଆହାମାଇଁ, ୧୦ ନାନୁ ଇଲେକିଁ ଦସ୍‌ପି ଆହାମାନାଟି ନା ମୀରୁଏସି ଅନିସିମ ତାକି ନିଡ୍ରେ ବାତିମାଲିମାଞ୍ଜାଇଁ; ୧୧ ଏଞ୍ଜାସି ନକେଏ ନିଡ୍ରେ ଅଡ଼େ ନାଡ୍ରେତାକି ଲଡ଼ା ହୀଆଗାଟାସି ମାଚେସି, ସାମା ନୀଏଁ ନିଡ୍ରେତାକି ଅଡ଼େ ନାଡ୍ରେତାକି ଜିକେଏ ଲଡ଼ା ଗାଟାସି ଆହାମାନେସି । ୧୨ ନାନୁ ଏଞ୍ଜାଣାଇଁ ନୀ ତାଣା ଖେଣ୍ଡେ ପାଣ୍ଡିମାଞ୍ଜାଇଁ, ଏଞ୍ଜାସି ନା ହିୟାଁ ମାନେ । ୧୩ ନେହିଁ କାରୁତାକି ନାନୁ କାୟିଦିତା ମାଞ୍ଜାନା ଏଞ୍ଜାଣାଇଁ ନୀ କିନି ଜାଡ଼ନୁ ନାଡ୍ରେ କିହାଲି ତାକି ତାଗେ ଇଟାଲି ଅଶ୍‌ପିମାଚେସ୍, ୧୪ ସାମା ନୀନୁ ରାଜି ଆଆପାଚେକା ନାନୁ ଏନାଆଁ କିହାଲି ଅଶ୍‌ପାଆଚେସ୍, ଏନିକିଁ ନୀ ନେହିଁ କାମା ନୀ ମନତଲେ କିନିଲେହେଁ ଆଆନା ନେହିଁ ଅଶ୍‌ପୁ ତଲେ ଆନେ । ୧୫ ଆତିହିଁ ଇଦି ଆହାଲି ଆଡିନେ, ଏନିକିଁ ନୀନୁ ଏଞ୍ଜାଣାଇଁ ହ୍‌ଲେଏଣା ଲେହେଁ ମେହ୍‌ଆନା ସାମା ହ୍‌ଲେଏଣା କିହାଁ କାଜାସି ଲେହେଁ, ଇତିହିଁ ଜୀସୁତି ତାୟିଲେହେଁ କାଲେଏତାକି ବେଟାଆଦି, ଏନାଆଁତାକି ଏଞ୍ଜାସି ଏଚରଦିନା ତାକି ଏଟ୍‌କା ଆହାମାଚେସି; (aiōnios g166) ୧୬ ସାମା ଏଞ୍ଜାସି ଖାରୁଇ ହ୍‌ଲେଏସି ଆଏ, ନୀଏଁ ଏଞ୍ଜାସି ଜୀସୁତି ତାୟି, ଇତିହିଁ ଆଞ୍ଜା ତଲେ ଅଡ଼େ ମାହାପୁରୁ ତାଣା ନିଡ୍ରେତାକି

ଏଚେକା ଜୀଝୁ ନନାସି ଆଅସି । ୧୭ ଏଦାଆଁତାକି, ନୀନୁ ନାଢ଼େ ନା ଡ଼ୁଡ଼ାସି  
 ଇଞ୍ଚି ଅଶ୍ଵି ମାଞ୍ଜାସାରେ, ଆତିହିଁ ନାଢ଼େ ଆବାତି ଲେହେଁ ଏଝାଣାଇଁ ଆବାମୁ  
 । ୧୮ ଇତିହିଁ ନିଢ଼େତାକି ଏନି ଲାଗେଏ କିହାମାଞ୍ଜାତି କି ନୀ ଡ଼ାଣା ରୀଣା  
 ଆହା ମାଞ୍ଜାତିହିଁ, ଏଦାଆଁ ନା ଡ଼ୁଡ଼ା ରାତାମୁ । ୧୯ ନୀନୁ ପାଝୁଲତେଏଁ,  
 ନା କେୟୁତଲେ ଇଦାଆଁ ରାତିମାଇଁ, ନୀନୁ ଏଦାଆଁ ଝେଟ୍‌ହାଇଁ । ନୀନୁଏ ନା  
 ଡ଼ାଣା ରୀଣା ମାଞ୍ଜି, ଇ କାତା ଅଡ଼େ ନୀନୁ ଝେସାଲି ଅଶ୍ଵି ହିଲଅଁ । ୨୦ ହାଅ,  
 ତାୟି, ପୁରୁ ଡ଼ାଣା ଆଣ୍ଡିତି ନୀ ଡ଼ାଣାତି ନା ଲାବା ଆୟାନେ, କ୍ରୀସ୍ତୁତି ଡ଼ାଣା  
 ନା ଜୀଝୁତା ବାସୁଁ ହିୟାମୁ । ୨୧ ନୀନୁ ନା ଝେସ୍ତାତିଲେହେଁ କିଦି ଇଞ୍ଚି ନାମୁ  
 ମାନାକି ନୀନୁ ଇ ଆକୁ ରାତିମାଇଁ; ସାତେଏ ନୀନୁ ପୁଞ୍ଜାମାଇଁ, ନୀନୁ ଏଚେକା  
 ଝେସିମାଞ୍ଜାଇଁ, ନୀନୁ ଏଦାଣିକିହାଁ ଆଗାଡ଼ା ଜିକେଏ କିଦି । ୨୨ ଇଦାଆଁ ତଲେ  
 ନା ଡ଼ୟିନି ଇଲୁ ଜିକେଏ କିହାନା ଇଟାମୁ, ଇତିହିଁ ମୀ ପ୍ରାତାନା ତଲେ ମୀରୁ  
 ନାଢ଼େ ଝେଣ୍ଡେ ବେଟା ଆୟାଦେରି, ଇଦାଆଁ ନୀନୁ ଆସା କିହିମାଇଁ । ୨୩ କ୍ରୀସ୍ତୁ  
 ଜୀସ୍ତୁ ତାକି ନା ତଲେ କାୟିଦି ଇଲୁତା ମାନି ଏପାପ୍ରା ୨୪ ଇଞ୍ଚି ନା ତଲେ କାମା  
 କିହିମାନି ମାର୍କ, ଆରିସ୍ତାର୍କ, ଦିମା ଅଡ଼େ ଲୁକ ନିଢ଼େ ଜହରା କିହିମାଞ୍ଜାନେରି ।  
 ୨୫ ମା ପୁରୁ ଜୀସ୍ତୁ କ୍ରୀସ୍ତୁତି କାର୍ମାମେହ୍‌ନାୟି ନେହିଁ ଜୀଝୁ ମୀ ତଲେ ମାଣ୍ଡେ ।



# ଏକ

୧ ମାହାପୁରୁ ତଲି କାଲାତା ଏକ୍‌କା ଏକ୍‌କା ଚାୟୁତା ଅଡ଼େ ଏକ୍‌କା ଏକ୍‌କାତି ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାରି ତାଣାଟି ମା ଆକୁ ଆବାୟାଣି କାତା ଝେସାମାଚେସି, ୨ ସାମା ଇ ରାନି ବେଲାତା ମାର୍‌ଏଶା ତାଣାଟି ମାଢ୍ଫେ କାତା ଝେସାମାଞ୍ଜାନେସି । ଏଞ୍ଜାଣାଈ ଏଞ୍ଜାସି ବାରେତି ମୁହେଁ କାଜାସି କିହାଁ ଆତାମାନେସି, ଏଞ୍ଜାଣି ତାଣାଟି ହାଗୁପାକା ଦାର୍‌ତି ବାରେ ଗାଡ଼ିକିତେସି; (aiōn g165) ୩ ଏ ମାର୍‌ଏସି ତାନି ତାଞ୍ଜିମାନି ଗାଞ୍ଜୁରମିତି ଉଜେଡ଼ି ଅଡ଼େ ଏଞ୍ଜାଣି ଞ୍ଜାଣା ମାନେ, ଏଞ୍ଜାସି ତାନି ବାଡ଼୍‌ୟୁ ଗାଟି ବଲ୍ଲୁ ତଲେ ବାରେ ଦାର୍‌ତିତି ସାଲଞ୍ଜି କିନେସି, ଇଞ୍ଜାଁ ମା ପାପୁ ବାରେ ମେକ୍‌ହୁ ତାୟୁ ଲାକପୁରୁତି ବାଡ଼୍‌ୟୁ ଗାଟି ମାହାପୁରୁତି ଚିଃନି ଟଟତା କୁଗାମାନେସି । ୪ ମାର୍‌ଏସି ଏନିକିଁ ଲାକପୁରୁତି ଦୁରୁୟାଁ କିହାଁ ହାରେକା କାଜା ଦରୁତି ଅଦିକାରା ବେଟାଆହା ମାନେସି, ଏଲେକିହୁଏ ଏଞ୍ଜାସି ଏଞ୍ଜାସିକା କିହାଁ ହାରେକା କାଜାସି ଆହାମାନେସି । ୫ ଇତିହୁଁ ମାହାପୁରୁ ଦୁରୁୟାଁ ବିତାଟି ଆମ୍ବାଆରାଈ ଏଚେଲା ଏଲେଇଞ୍ଜା ହିଲଅସି, “ନାନୁ ନା ମାର୍‌ଏଶାଟି, ନାଞ୍ଜୁଟିଏ ନାନୁ ନୀ ତାଞ୍ଜିତେଏ” ଅଡ଼େ ଜିକେଏ ମାହାପୁରୁ ଏଲେଇଚେସି, “ନାନୁ ମୀ ଆବାତେଏଁ ଆହାମାଈ, ଅଡ଼େ ନାନୁ ନା ମାର୍‌ଏଶାଟି ଆଦି ।” ୬ ଅଡ଼େ ମାହାପୁରୁ ତାନି ପାଣ୍‌ଏ ମାର୍‌ଏଶାଈ ଅଡ଼େ ଝେଶ୍ଫେ ଦାର୍‌ତିତା ପାଣ୍ଡାଚେସି, ଏ ବେଲାତି ସିନିକିହାନା ଏଲେଇନେସି, “ମାହାପୁରୁତି ବାରେ ଦୁରୁୟାଁ ଏଞ୍ଜାଣାଈ ଜହରା କିପେରି ।” ୭ ରୁ ଞ୍ଜାକିଟି ମାହାପୁରୁ ଦୁରୁୟାଁ କାତା ଏଲେଇଞ୍ଜା ମାନେସି, “ମାହାପୁରୁ ତାନି ଦୁରୁୟାଁଈ ଗାଲି ଲେହେଁତି ଜୀଞ୍ଜୁ ହାନେସି, ଅଡ଼େ ତାନି ସେବା କିନାରାଈ ହିରୁ ଗୁଦ୍‌ଏ ଲେହେଁ କିନେସି ।” ୮ ଅରଞ୍ଜାକି ମାହାପୁରୁ ତାନି ମାର୍‌ଏଶା ତାକି ଏଲେଇଞ୍ଜା ମାନେସି, “ଏ ମାହାପୁରୁ ନୀ ସିଂଗାସାଣି କାଲାକାଲା ତାକି ଡ଼ୟିନେ, ଅଡ଼େ ନାନୁ ସାଲଞ୍ଜି କିନାୟି ନାହାୟି ତଲେ ଆନେ । (aiōn g165) ୯ ନାନୁ ଦାମ୍ବୁ ଗାଟାଣାଈ ଜୀଞ୍ଜୁ ନହିଁମାଞ୍ଜି ଅଡ଼େ ଦାମ୍ବୁ ହିଲାଆଗାଟାରାଈ ଅପାହିଲଅତି, ଏଦାଆଁତାକି ମାହାପୁରୁ ନୀ ମାହାପୁରୁ ନିଢ୍ଫେ ଆଗାନେସି, ମୀ ଡ଼ଶେସିଢ୍ଫା କିହାଁ ନିଢ୍ଫେ ହାରେକା ରାହାଁତି ନିୟୁଁ ଞ୍ଜାକ୍‌ହାନା ନିଢ୍ଫେ ଆଗାନେସି ।” ୧୦ ଏଞ୍ଜାସି ଅଡ଼େ ଝେସିମାନେସି, “ଏ ପ୍ରୁ, ନାନୁ ମୁଲୁଏ ଦାର୍‌ତିତି ପୁନାଦି ଗାଡ଼ିକିତି, ଅଡ଼େ ହାଗୁପାକା ବାରେ ନୀ କେୟୁତଲେ କେପିତି ।” ୧୧ “ଏ ବାରେ ରୁ ଦିନା ମେଶ୍ଫାହାନେ, ସାମା ନାନୁ କାଲେଏ ଡ଼ୟିଦି; ଅଡ଼େ ଏ

ବାରେ ପୁଣି ଛାଡ଼ି ହିମ୍ବରୀକା ଲେହେଁ ଗୋଷ୍ଠୀ ହାନୁ ୧୨ ଥରେ, ନୀନୁ ହିମ୍ବରୀ ଲେହେଁ,  
 ହାଅ, ହିମ୍ବରୀ ଲେହେଁ ମୁଦାକିଦି ଥରେ ଏଞ୍ଜି ବାରେ ହିମ୍ବରୀକା ଲେହେଁ ବାଦଲି  
 ଆନୁ: ସାମା ନୀନୁ ବାରେବେଲା ଏଞ୍ଜିତିଏ, ଥରେ ନୀ ଜୀଞ୍ଜୁ ଏଚେଲାଞ୍ଜା  
 ରାଏ ।” ୧୩ ମାହାପୁରୁ ତାନି ଦୂରୁୟାଁଇଁ ଏଚେଲାଞ୍ଜା ଏଲେଇଞ୍ଜା ହିଲଅସି,  
 “ନୀନୁ ନୀ ସାତୁୟାଁଣି ନୀ କଡାୟାଁ ଡ଼ଇ ଇଟାଆ ପାତେକା ନୀନୁ ନା ଟିଞ୍ଜି  
 ଟଟୋ କୁଟାମାନାମୁ ।” ୧୪ ଆତିହିଁ ଲାକପୁରୁତି ଦୂରୁୟାଁ ଆମ୍ବାଆରି? ଏଞ୍ଜାରି  
 ଆହିମାନେରି ମାହାପୁରୁତି ସେବା କିନାରି ମାଣ୍ଡିୟାଁଇଁ ସାୟେମି କିହାନା  
 ଗେଲ୍ପାଲିତାକି ମାହାପୁରୁ ତାଣାଟି ପାଣ୍ଡୁଆତି ଜୀଞ୍ଜୁୟାଁ ।

**୨** ଏଦାଆଁତାକି, ମାର ଖେଞ୍ଜାମାନି କାତାତି ହାରେକା ଖେଞ୍ଜାଲି ମନ ହୀନାୟି  
 ମାନେ, ଆଆତିଁ ମାର ଏଚେତା ଜିରୁ ବାଣ୍ଡି ଆଆୟି । ୨ ଇତିହିଁ ନକେଏ  
 ଲାକପୁରୁତି ଦୂରୁୟାଁ ତାଣାଟି ଏଲେଇଞ୍ଜା ମାନେସି, ଏଦି ସାତା ଇଞ୍ଜି ତୀରିଆହାଁ  
 ମାନେ, ଥରେ ଆମ୍ବାଆରି କାତା ଆହୁଆନା ମାନଞ୍ଜି ଆହାହିଲଅରି, ଏଞ୍ଜାରି ତାମୁ  
 ବେଟାଆନି ତଣ୍ଡୁ ବେଟାଆହାମାନେରି । ୩ ଆତିହିଁ ଇଲେତି ଗେଲ୍ପିନାଣିଇଁ  
 ହେଲା କିତିହିଁ ମାର ଏନିକିଁ ଗେଲ୍ପିନାୟି? ଏଦି ନକେଏ ପ୍ରୁ ତାଣାଟି  
 ଖେସ୍ପି ଆହାଁ ଖେଞ୍ଜାମାନି ଲକୁ ତାଣାଟି ମା ତାଣା ଖେସ୍ପିଆହାମାନାୟି  
 ସାତା ଆହାମାନେ; ୪ ଏଦାଆଁତାକି ମାହାପୁରୁ ଜିକେଏ ତାନି ମନତଲେ  
 ହାରେକା ସିନାୟାଁ ଥରେ କାବାଆନି କାମାୟାଁ ଇଞ୍ଜା, ବାଡ଼ୁୟାଁଗାଟି କାମାୟାଁ  
 ଥରେ ସୁଦୁଜୀଞ୍ଜୁତି ଏଚକା ଏଚକାତି ଦାନା ହୀହାନା ସାକି ହୀହାମାନେସି  
 । ୫ ମାହାପୁରୁ ଆମିନି ପୁଞ୍ଜି ଦାର୍ତତି ଗାଡ଼ି କିନେସି, ଥରେ ଆମିନି  
 ଦାର୍ତତି କାତା ମାମୁ ଖେସିମାଞ୍ଜାନମି, ଏଦାନି ଅଦିକାରା କିହାଲି ଏଞ୍ଜାସି  
 ଲାକପୁରୁତି ଦୂରୁୟାଁ କେୟୁତା ହେରୁପା ହିଲଅସି । ୬ ସାମା ରଅସି ର ଟାୟୁତା  
 ସାକି ହୀହାମାନେସି; “ଏ ମାହାପୁରୁ ମାଣ୍ଡି ଆମ୍ବାଆସି, ନୀନୁ ଏଞ୍ଜାଣାଇଁ  
 ଅଣ୍ଡିମାଞ୍ଜୁ? ମାଣ୍ଡି ମୀରୁଏସି ଆମ୍ବାଆସି ନୀନୁ ଏଞ୍ଜାଣି ଜାଡ଼ୁ ଅହିମାଞ୍ଜୁ?  
 ୭ ନୀନୁ ଏଞ୍ଜାଣାଇଁ ଲାକପୁରୁତି ଦୂରୁୟାଁ କିହାଁ ରଚାଣି ଉଣା କିହାମାଞ୍ଜୁ; ନୀନୁ  
 ଏଞ୍ଜାଣାଇଁ ଗାଞ୍ଜୁରମି ଥରେ ମାନିତି ଟପେରି ତୁରୁଞ୍ଜି କିହାମାଞ୍ଜୁ, ୮ ନୀନୁ ବାରେ  
 ଏଞ୍ଜାଣି କଡାୟାଁ ଡ଼ଇ ଇଟାମାଞ୍ଜୁ ।” ସାତେଏ ମାହାପୁରୁ “ବାରେତି” ଇତିହିଁ  
 ଏନାଆଁଞ୍ଜା ପିହୁଆନା ବାରେତି ତାନି କଡ଼ାଁ ଡ଼ଇ ଇଟାମାନେସି; ଆତିଜିକେଏ  
 ମାର ନୀଏଁ ପାତେକା ବାରେ ତାନି ଡ଼ଇ ଆହାମାନାଣି ମେସି ହିଲାଆୟି ସାତା  
 । ୯ ମାର ମେସିମାନାୟି ଲାକପୁରୁତି ଦୂରୁୟାଁ କିହାଁ “ଇଚାନି ଉଣା” କିଞ୍ଜିଆହା

ମାତେସି, ଏଞ୍ଜେଲ୍ ଇତିହାସ ଜୀସୁଇଁ ହାକିତି ଦୁକୁ ବେଟା ଆହାମାନାକି ଗାଞ୍ଜୁରମି  
 ଅଡେ ମାନିତି ଚପେରି ତୁରହା ମାନାଣି ମେସିମାନାୟି, ଏନିକିଁ ମାହାପୁରୁତି  
 କାର୍ମାଟି ବାରେ ମାଣ୍ଡିୟାଁ ତାକି ଏଞ୍ଜେସି ହାକିତି ଖାଣ୍ଡା ମାନେସି । ୧୦ ଇତିହାସ  
 ଆମ୍ବାଆରି ତାକି ଇଞ୍ଜିଆମିନି ଗାଟାଣା ଡାଣାଟି ବାରେ ଗାଡ଼ି ଆହାମାନେ,  
 ହାରେକା ମୀର୍କାଣି ଜୀସୁତି ଗାଞ୍ଜୁରମି ପାଣ୍ଡି କିହାଲି, ଜୀସୁ ଦୁକୁ କସ୍ତ  
 ବେଟାଆହାମା ଏଞ୍ଜେରାଲ୍ ଗେଲ୍ପିନି ଜିରୁତା ଅନେସି । ୧୧ ଆମ୍ବାଆସି ପାପୁତି  
 ସୁଦୁ କିନେସି ଅଡେ ଆମ୍ବାଆରି ସୁଦୁ ଆନେରି, ଏଞ୍ଜେରି ବାରେ ରଣ୍ଡିଏ ତାଞ୍ଜିତି  
 ମୀର୍କା; ଏଦାଆଁତାକି ଏଞ୍ଜେରାଲ୍ ଜୀସୁ ତାୟି ତାଞ୍ଜି ଇଞ୍ଜାଲି ଲାଜା ଆଅସି,  
 ୧୨ ଏଞ୍ଜେସି ମାହାପୁରୁଇଁ ଏଲେଇଞ୍ଜି ମାନେସି, “ନାନୁ ନା ତାୟି ତାଞ୍ଜିସ୍ତା ନକିତା  
 ନୀ ବାରେ କାମା ଡେକ୍‌ଇଁ, ବାରେ କୁଲମି ନକିତା ନୀ ଜହରା ପାରୁ ପାଡ଼ିଇଁ  
 ।” ୧୩ ଅଡେ ଖେଣ୍ଡେ ଏଲେଇଞ୍ଜି ମାନେସି, “ନାନୁ ଏଞ୍ଜେଣି ଡାଣା ନା ନାମୁ  
 ତୀରି କିଇଁ ।” ଅଡେ ସିନିକିଦୁ “ମାହାପୁରୁ ନାଞ୍ଜେ ହୀହାମାଞ୍ଜାନି ମୀର୍କା  
 ମାସ୍କା ନା ତଲେ ମାନେରି ।” ୧୪ ଏଦାଆଁତାକି ଇତିହାସ ମୀର୍କା ଉଞ୍ଜୁ ଅଡେ  
 ନେତେରିତି ଆଞ୍ଜୁତା ଆଣ୍ଡାମାନାକି କ୍ରୀସ୍ତ ଜିକେଏ ଏଲେକିହିଁଏ ମାଣ୍ଡି ଖାଣା  
 ଆତେସି, ଏନିକିଁ ତାନି ହାକିତି ସୟତାନଇଁ ନାସା କିନେସି; ଇତିହାସ ହାକି  
 ସୟତାନତି ଅଦିକାରାତା ମାତେ । ୧୫ ଇଞ୍ଜି ହାକିତି ଆଜିତଲେ ଆମ୍ବାଆରି  
 କାଲେଏତାକି ହୁଲିୟାଞ୍ଜୁ ଆହାମା ଦସ୍‌ପି ଆହାମାତେରି, ଏଞ୍ଜେସି ଏଞ୍ଜେରାଲ୍  
 ଗେଲ୍ପିନେସି । ୧୬ ଇତିହାସ ଏଞ୍ଜେସି ସାତେଏ ଲାକପୁରୁତି ଦୁରୁୟାଣି ସାୟେମି  
 କିଆନା ଅବ୍ରାହାମତି ମୀର୍କାଣି ସାୟେମି କିହିମାନେସି । ୧୭ ଏଦାଆଁତାକି  
 ଏଞ୍ଜେସି ବାରେ ଖାକିତି ତାମି ତାୟିୟାଁ ଲେହେଁ ଆନାୟି ମାତେ, ଏନିକିଁ ଏଞ୍ଜେସି  
 ବାରେ ଲକ୍ଷୁତି ପାପୁତି ବାଦୁଲି ପୁଜା ହୀହାଲିତାକି ମାହାପୁରୁତି ସେବା କାମାତା  
 ର କାର୍ମାମେହ୍‌ନି ଅଡେ ନାମୁତି କାଜା ପୂଜେରା ଆନେସି । ୧୮ ଇତିହାସ  
 ଏଞ୍ଜେସି ତାନୁ ତାୟିପାରି କିଞ୍ଜି ଆହାଁ ଦୁକୁ ବେଟାଆହା ମାନାକି ତାୟିପାରି କିଞ୍ଜି  
 ଆହିମାନି ଲକ୍ଷୁଣି ସାୟେମି ଆହାଲି ଆଡ଼ିମାନେସି ।

**୧୯** ଏଦାଆଁତାକି ଏ ନା ସୁଦୁଗାଟି ତାୟିୟାଁ ଅଡେ ତାଞ୍ଜିସ୍ତା ମୀରୁ ଆମିନି  
 ମାହାପୁରୁତି ହାବ୍‌କି ଆହାମାନି ଡାଣା ଆଣ୍ଡାମାନାତେରି ମା ନାମୁତଲେ  
 ପାଣ୍ଡିଆହାମାନି କାଜା ପୂଜେରା ଜୀସୁତି କାତା ଅଣ୍ଡାପାଦୁ: ୨ ମସା ଏନିକିଁ  
 ମାହାପୁରୁ ଇଲୁତା ମାନିତଲେ କାମା କିହାମାତେସି, ଜୀସୁ ଜିକେଏ ଏଲେକିହିଁ  
 ତାଞ୍ଜେ ଆତାମାନି ମାହାପୁରୁ ନକିତା ମାନି ଗାଟାସି ଆତେସି । ୩ ଇଲୁ

କିଛି ଇଲୁ କେପିତାସି ଏନିକ୍ ମାନି ବେଟା ଆନେସି, ଏଲେକିହିଁଏ ମସା  
 କିଛି ଜୀସୁ ହାରେକା ଗାଝୁରମିତି ଜଗେ ଆହାମାନେସି । ୪ ଇତିହିଁ ବାରେ  
 ଇଲୁକା ଆମ୍ବାଆରି ଆଆର୍ଟି ଆମ୍ବାଆରି ଡାଣାଟି କେପୁଝି ଆନୁ, ସାମା ମାହାପୁରୁ  
 ବାରେତି ଗାଡ଼ି କିନାସି । ୫ ମସା ମାହାପୁରୁ ଇଲୁତା ହୁଲେଏସି ଲେହେଁ  
 ନାମୁତଲେ ଯେବା କାମା କିହାମାରେସି, ଇଞ୍ଜି ଏମିନି କାତା ମାହାପୁରୁ ଡାୟୁ  
 ଝେସାଲି ମନ କିହାମାରେସି ଏ କାତେଏ ଇଦି । ୬ ସାମା ଜୀସୁ କ୍ରୀସ୍ତ  
 ତାନି ଆବା ଇଲୁତି ମୁହେଁ ମୀରୁଏଣା ଲେହେଁ ମାନି ଗାଟାସି; ଇଞ୍ଜି ମାର ମା  
 ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜି ମା ବାସୁତି ଡାୟୁ ପାତେକା  
 ଜାଣ୍ଟେ ଆସା ଡୟିନ, ଆତିହିଁ ମାର ଜିକେଏ ଏଞ୍ଜାଣି ଇଲୁ ଲେହେଁ ଆନାୟି  
 । ୭ ଏଦାଆଁତାକି ସୁଦୁଜୀଝୁ ଝେସିମାନିଲେହେଁ, “ନୀଞ୍ଜୁ ମୀରୁ ଏଞ୍ଜାଣି ହାତା  
 ଝେଞ୍ଜେରି, ୮ ଆତିହିଁ ମୀ ଆକୁ ଆବାୟି ଲେହେଁ ମୀ ହିୟିତି ଆର୍ଝା କିଆଦୁ,  
 ଲକୁ ହିଲାଆ ବାଟାତା ଏ ଦିନା ଏଞ୍ଜାରି ମାହାପୁରୁଇଁ ତାୟିପାରି କିହାନା  
 ଏଞ୍ଜାଣି କପାଟି ନିଞ୍ଜାମାରେରି, ୯ ଏ ବାଟାତା ମୀ ଆକୁ ଆବାୟି ନାଢ୍ଢେ  
 ତାୟିପାରି କିଛି ନାଢ୍ଢେ ମେସ୍ତାତେରି, ଅଡ଼େ ରୀ କଡ଼ି ବାସା ପାତେକା ମା  
 କାମା ସିନିକିତେରି । ୧୦ ଇଦାଆଁତାକି ନାନୁ ଇ କୁଡ଼ାତି ଲକୁଇଁ କାର୍ବି  
 ଆହାନା ଏଲେଇଚେଏ, ‘ଏଞ୍ଜାରି ବାରେବେଲା ହିୟିତା ମାନି ହିଲାଆ ଗାଟାରି,  
 ଏଞ୍ଜାରି ନା ଜିରୁ ପୁଞ୍ଜୁହିଲଅରି ।’ ୧୧ ଇଦାଆଁତାକି ନାନୁ ନା କପାଟି  
 ପାର୍ମାଣା କିତେଏ, ନାନୁ ଆମିନି ଦେସାତା ଏଞ୍ଜାରାଇଁ ଜମାଲି ହୀତେଏମା ଏ  
 ଦେସାତା ଏଞ୍ଜାରି ଏରେଲାଞ୍ଜା ହୁତାଲି ଆଡ଼ଅରି ।” ୧୨ ଏ ତାୟି ତାଢ୍ଢିମ୍ପା,  
 ଜାଗ୍ରାତା, ପାପୁ ଅଡ଼େ ନାମାଆଗାଟି ହିୟି ମୀ ଆମ୍ବାଆରି ଡାଣା ହିଲେଏ,  
 ଏନିକ୍ ମୀରୁ ଜୀଝୁଗାଟି ମାହାପୁରୁ ଡାଣାଟି ହେକ ଆଅତେରି । ୧୩ ସାମା  
 ଏରେତା ପାପୁ ତଲେ ନାଡ଼ିକିଝି ଆହାନା ମୀ ବିତ୍ରାଟି ଆମ୍ବାଆରି ହିୟି ଆର୍ଝା  
 ଆଏ, ଇଦାଆଁତାକି ନୀଞ୍ଜୁ ଦିନା ମାନାଟିଏ ବାରେଦିନା ରଅତେରି ରଅଣାଇଁ  
 ବାସୁତି କାତା ଜଲାନା ସାୟେମି କିପୁ: ୧୪ ଇତିହିଁ ନକେଏ ମା ଆମିନି ନାମୁ  
 ମାରେ, ଏଦାଆଁ ଡାୟୁ ପାତେକା ଜାଣ୍ଟେ ଆସା ଡୟିନାୟି ଆତିହିଁ କ୍ରୀସ୍ତ ଡାଣା  
 ଆଣ୍ଟାନା ଡୟିନାୟି । ୧୫ ବାମ୍ବୁ ସାସ୍ତେରିତା ରାସ୍କି ଆହାମାନେ, “ନୀଞ୍ଜୁ  
 ମାହାପୁରୁତି ହାତା ଝେଟିସାରେ, ଏନିକ୍ କାର୍ବି କିଝିକିନି ଚାୟୁତା ଆହାମାରେ,  
 ଏଲେକିହିଁ ମୀ ଆକୁ ଆବାୟି ଲେହେଁ ହିୟିତି ଆର୍ଝା କିଆଦୁ!” ୧୬ ଆତିହିଁ  
 ଆମ୍ବାଆରି ମାହାପୁରୁତି ହାତା ଝେଞ୍ଜାଣା ଏଞ୍ଜାଣାଇଁ କାକ୍ରି କିହାମାରେରି,

ମସା ତାଣାଟି ଆମିନି ଗାଟାରି ମିସର ଦେସାଟି ହୁତା ଝାହାମାରେରି, ଏଝାରି ବାରେ ଆଏକି? ୧୭ ଅଡେ ଆମ୍ବାଆରି ମୁହେଁ ରା କଡ଼ି ବାର୍ସା ପାତେକା ଏଝାସି କାର୍ବି ଆହାମାରେସି, ଆମ୍ବାଆରି ପାପୁ କିହାମାରେରି, ଆମ୍ବାଆରି ମଡ଼ା ଲକୁ ଡ଼ୟାଆ ବାଟାତା ରିହାମାରେ, ଏଝାରି ଆଏକି? ୧୮ ମାହାପୁରୁ ଏତିବେଲା ପାର୍ମାଣା କିହାନା ଏଲେଇଞ୍ଜାମାରେସି, ଏଝାରି ଏରେଲାଝା ମାହାପୁରୁଟି ଜମିନି ତାଣା ହୁଡ଼ଅରି, ଏତିବେଲା ଏଝାସି ଆମ୍ବାଆରି କାତା ଏଲେଇଞ୍ଜାମାରେସି? ଆମ୍ବାଆରି କାତା ମାନଝି ଆହା ହିଲାଆତେରି, ଏଝାରି ତାକି ଏ କାତା ଏଲେଇଞ୍ଜାମାରେସି । ୧୯ ଇଲେକିହିଁ ନାନୁ ମେସିମାଲ୍, ଏଝାରି ନାମାଆତାକି ଏ ଆଞ୍ଜାମାନି କିଶାନ ଦେସାତା ହୁଡ଼ାଲି ଆତାଆତେରି ।

**୪** ଏଦାଆଁତାକି ଝାବୁ ମାର ଜାଗ୍ରାତା ଆନ, ଏରେତା ତାନି ଜମିନି ତାଣା ହୁଡ଼ାଲି ଆଞ୍ଜାମାଟି ଜିକେଏ ମୀ ତାଣାଟି ଆମ୍ବା ଆମ୍ବାଆରି ଏମ୍ବାଟି ଏଚ୍‌କା ଆନିଲେହେଁ ତଞ୍ଜା ଆହିମାନେରି । ୨ ଇତିହିଁ ଏଝାରି ନକିତା ଏନିକିଁ, ମା ନକିତା ଜିକେଏ ଏଲେକିହିଁଏ ନେହିଁ କାରୁ ଝେପ୍‌କି ଆହାମାରେ, ସାମା ଝେନାରି ନାମୁଟି ଝେଞ୍ଜାମାନି କାତା ଆହୁଆଲିଏ, ଏଦି ଏଝାରି ତାକି ଲାବା ଆଆତେ । ୩ ଅଡେ ମା ବିତ୍ରାଟି ଆମ୍ବାଆରି ନାମିନେରି, ଝାରୁଇ ଏଝାରି ମାହାପୁରୁ ଆଞ୍ଜାମାନି ଜମିନି ଦେସାତା ହାଜାଲି ଆଡିନେରି, ଏନିକିଁ ଏଝାସି ଝେସାମାନେସି, “ଏଦାଆଁତାକି ନାନୁ ନା କପା ତାକି ପାର୍ମାଣା କିତେଏଁ, ଏଝାରି ମା ଜମିନି ଝାରାତା ହୁଡ଼ଅରି ।” ଦାର୍ତ ଗାଡ଼ିକିତି ବେଲାଟିଏ ବାରେ କାମା ରାହାମାରେ । ୪ ଇତିହିଁ ଜମିନି ଦିନାଟି କାତାଟି ଏଝାସି ର ଗାୟୁତା ଇଲେକିହିଁ ଝେସାମାନେସି; “ମାହାପୁରୁ ସାତା ଦିନାତା ତାନି ବାରେ କାମା ରାପ୍‌ହାନା ଜମିତେସି;” ୫ ଅଡେ ଇ ବାରେ କାତା ମାହାପୁରୁ ଝେଣ୍ଡେ ଏଲେଇଞ୍ଜା ମାନେସି, “ଏଝାରି ମା ଜମିନି ତାଣା ହୁଡ଼ାଲି ଆଡ଼ଅରି ।” ୬ ଆମିନି ଗାଟାରି ମୁଲୁଏ ନେହିଁ କାରୁ ଝେଞ୍ଜାମାରେରି, ଏଝାରି ମାହାପୁରୁ କାତା ମାନଝି ଆଆତାକି ଏ ଜମିନି ତାଣା ହାଜାଲି ଆତାଆତେରି, ନୀଏଁ ଏ ଜମିନାଣି ଏଚ୍‌କାତାରି ବେଟାଆହାମାନେରି । ୭ ଅଡେ ର ଦିନା, ଇତିହିଁ “ନୀଞ୍ଜୁ ଦିନା” ଆତାନା, ଇରେକା କାଲା ତାୟୁ ଦାଝୁଦତି ସାସ୍ତେରିତା ଏଲେଇଞ୍ଜା ମାନେସି, ଏନିକିଁ ନକେଏ ଝେସ୍‌ପି ଆହାମାନେ, “ନୀଞ୍ଜୁ ମୀରୁ ଏଝାଣି ହାତା ଝେଞ୍ଜେରି, ଜାହାରା ହିୟାଁ ଆଟ୍‌ଝା କିଆଦୁ ।” ୮ ଇତିହିଁ ଜିହସୁୟୁ ଏଝାରାକି ଜମାଲି ହାଡ଼ିହିଁମା, ଆଡ଼ିହିଁ ମାହାପୁରୁ ଅର ଜମିନି ଦିନାଟି କାତା ଜଳାଆତେସିମା । ୯ ଏଲେକିହିଁ

ଈ କାତା ସାତା ମାହାପୁରୁ ତାନି ବାରେ କାମାଟି ଜମିତି ଲେହେଁ ତାନି ଲୁକୁତାକି  
 ଜମିନି ଦିନା ତାରି କିଞ୍ଚିଆହାମାନେ । ୧୦ ଇଦାଆଁତାକି ମାହାପୁରୁ ତାନି କାମାଟି  
 ଏନିକିଁ ଜମିତେସି, ଆମ୍ବାଆସି ମାହାପୁରୁତି ଜମିନି ଦେସାତା ହତା ମାନେସି,  
 ଏଲେକିହିଁଏ ଏଞ୍ଚାସି ଜିକେଏ ତାନି କାମାଟି ଜମିନାଣି ମେଡ଼ା ଆହାମାନେସି ।  
 ୧୧ ଇଦାଆଁତାକି ମା ବିତ୍ରାଟି ଆମ୍ବାଆସି ଏନିକିଁ ନାମାଆତାକି ଏ ଲୁକୁତି ଲେହେଁ  
 ଏ ଜମିନି ତାଣା ହତାନା ଡୟଅସି, ଇଦାଆଁତାକି ଆଡିନି ପାତେକା ଜାଡ଼ନୁ  
 ଆନ । ୧୨ ଇତିହିଁ ମାହାପୁରୁତି ବଲୁ ଜୀଞ୍ଜୁଗାଟାୟି ଅଡେ କାମା କିନାୟି ଇଞ୍ଜି  
 ରିକଖାକି ଦାରାଗାଟି ଖାହନି କାଣ୍ଡା କିହାଁ ହାରେକା ଖାସ୍ତାୟି, ଅଡେ ହିୟାଁ ଅଡେ  
 ଜୀଞ୍ଜୁ ଇଞ୍ଜି ହାନ୍ତୁଲି ଅଡେ ତୁମ୍ବାକାତି ନିଜେଡ଼ି ପାତେକା ହତାଲି ଆଡିନେ । ଏ  
 ବଲୁ ମାଣ୍ଡସିତି ତୁଗାମାନି ଅଣ୍ଡପୁତି ବାରେ ନାହାଁୟି କିନାୟି । ୧୩ ମାହାପୁରୁ  
 ନକିତା ଏନାୟିଖା ତୁଞ୍ଜୁ ଆଆଗାଟାୟି ଆଏ, ସାମା ଗାଡ଼ି କିହାମାନି ମାହାପୁରୁ  
 ନକିତା ମାଡେଁ ଲେକା ହାନାୟି ମାନେ, ଏଞ୍ଚାଣି ନକିତା ବାରେ ଦେପି ଆତାୟି  
 ଅଡେ ପୁକିଆତାୟି । ୧୪ ଏଦାଆଁତାକି ଲାକପୁରୁତି ହାଜାମାନେସି, ଆମ୍ବାଆସି  
 ମାହାପୁରୁ ମୀର୍ଏସି ଜୀସୁ ଏଞ୍ଚାସି ମା କାଜା ପୁଜେରା ଆହାମାନାକି, ଖାଦୁ  
 ମାର ମା ନାମୁତି ଜାଣ୍ଡେତଲେ ଆହନ । ୧୫ ଆମ୍ବାଆସି ମା ଦହ ପୁଞ୍ଜାଲି  
 ଆଡିନେସି, ଏଲେତି କାଜା ପୁଜେରା ଏଞ୍ଚାସି ଆଏ । ସାମା ମା କାଜା ପୁଜେରା,  
 ମା ଲେହେଁ ବାରେଖାକି ତାୟିପାରି ଆହାମାଚେସି, ଆତିଜିକେଏ ଏଞ୍ଚାସି ପାପୁ  
 କିହାହିଲାଆତେସି ୧୬ ଏଦାଆଁତାକି ଖାଦୁ କାର୍ମା ମେଡ଼ା ଆହାଲିତାକି ଅଡେ,  
 ଏ ବେଲାତେଏ ସାୟେମି କିନାଣି କାର୍ମାମେହନାଣି ବେଟାଆହାଲି ତାକି ମାର  
 ସାସାତଲେ କାର୍ମାମେହନି ସିଂଗାସାଣି ନକିତା ହାନ ।

**୫** ଇତିହିଁ ବାରେ କାଜା ପୁଜେରାତୁ ଜାହାରା ଲୁକୁ ତାଣାଟି ଆର୍ଡ଼ି ଆନେରି,  
 ଏଞ୍ଚାସି ଏଞ୍ଚାରି ଖାକିଟି ପାପୁ ମ୍ବେକ୍‌ହାଲି ପୁଜା ଅଡେ ଦାନା ହେର୍ପାନା  
 ମାହାପୁରୁତି ସେବା କିନେସି । ୨ ଏଞ୍ଚାସି ବୁଦି ହିଲାଆ ଗାଟାରି ଅଡେ ନାଡ଼ିକିଞ୍ଚି  
 ଆହିମାନି ଲୁକୁଣି ଅର୍ହନାଣି ତସାଲି ଆଡିନାସି, ଇତିହିଁ ଏଞ୍ଚାସି ତାନୁଏ  
 ଜିକେଏ ବାଡ଼ୟୁ ହିଲାଆଗାଟାସି; ୩ ଅଡେ ଖାରଇ ଏବକା ଲୁକୁତି ପାପୁ  
 ତାକି ଏଞ୍ଚାସି ପୁଜା କିହାଲି ଆନେ ଏଦି ଆଏ ସାମା ତାନି ପାପୁ ତାକି ଜିକେଏ  
 ତାନୁ ପୁଜା କିହାଲି ଆନେ । ୪ ଅଡେ ଆମ୍ବାଆରି ଈ କାଜା ପୁଜେରା ପାଣାଟି  
 ତାନୁଏ ଅହାକତାଲି ଆଡଅରି, ସାମା ହାରଣ ଏନିକିଁ ଆର୍ଡ଼ି ଆହାମାଚେସି,  
 ଏଲେକିହିଁଏ ମାହାପୁରୁ ତାଣାଟି ଏଞ୍ଚାସି ଆର୍ଡ଼ି ଆନାୟି ମାନେ । ୫

ଏଲେକିହିଁଏ କ୍ରୀସ୍ତ ଜିକେଏ କାଜା ପୂଜେରା ପାଣାତି ଗାଞ୍ଜୁରମି ଡାନ୍ଧୁଏ ପାରା ହିଲାଆତେସି, ସାମା ମାହାପୁରୁ ଏଞ୍ଜାଣାକି ଏ ଗାଞ୍ଜୁରମି ପାଣା ହାହାମାରେସି, ଇତିହିଁ ଏଞ୍ଜାସି ଏଞ୍ଜାଣାକି ଏଲେଇଞ୍ଜାମାରେସି, “ନୀନ୍ଦୁ ନା ମାର୍ଏଣାତି; ନୀଞ୍ଜୁ ନୀନ୍ଦୁ ନୀ ତାଞ୍ଜି ଆହାମାକି ।” ୭ ଏଲେକିହିଁଏ ଅଡେ ର ଡାଣା ଜିକେଏ ଏଲେଇଞ୍ଜି ମାନେସି, “ନୀନ୍ଦୁ ମଲ୍‌କିସେଦକ ଲେହେଁ କାଲେଏତି ପୂଜେରା ଆଦି ।” (aiōn g165) ୭ ଆମ୍ବାଆସି ଏଞ୍ଜାଣାକି ହାକିଟି ନୀର୍ହାଲି ଆଡିମାନେସି, ଏଞ୍ଜାସି ତାନି ଆଞ୍ଜୁ ତଲେ ନୀତା ମାଚାତି, ମାହାପୁରୁ ନକିତା ହାରେକା ଡାହି ଡାହି ଅଡେ କାଣ୍ଡୁତଲେ ପ୍ରାତାନା ଅଡେ ବାଡିମାଲିହିଁ ହେର୍ପା ମାରେସି, ଇଞ୍ଜି ଡାନ୍ଧୁଏ ଜାହାରାକି ଉଣା କିହାକତିନାସି ଅଡେ ତାରିତାସି ମାଚାକି ମାହାପୁରୁ ଏଞ୍ଜାଣି ରାସ୍ତାଣି ଖେରେସି, ୮ ଏଞ୍ଜାସି ମାହାପୁରୁ ମାର୍ଏସି ଆଡିଜିକେଏ ଦୁକୁଡି ଅର୍ହାନା ମାନଞ୍ଜି ଆହାଲି ଜାପିତେସି । ୯ ଇଲେଆହିଁ ତାରିଆହାନା ତାନି ହୁକୁମି ମାନଞ୍ଜି ଆନାରାକି କାଲେଏ ଗେଲ୍‌ପିନାସି ଆନେସି; (aiōnios g166) ୧୦ ଏଦାଆଁତାକି ଏଞ୍ଜାସି ମାହାପୁରୁ ଡାଣାତି ମଲ୍‌କିସେଦକତି ମେରାଲେହେଁ କାଜା ପୂଜେରା ଇଞ୍ଜି ଅଦିକାରା ବେଟା ଆତେସି । ୧୧ ଜୀସ୍ତ କ୍ରୀସ୍ତୁତି କାତା ମାଢ୍ଢେ ହାରେକା ଖେହ୍‌ନାୟି ମାନେ, ସାମା ମିଢ୍ଢେ ତେଲ୍‌ହି କିୟାଲି ହାରେକା କସ୍ତ, ଇତିହିଁ ମୀ ଜୀଞ୍ଜୁତା ଖେନାୟି ହାରେ ଉଣା ବାଡ୍‌ୟୁ ମାନେ । ୧୨ ଇତିହିଁ ଇତର ଦିନା ବିତ୍ରା ମୀରୁ ଜାପ୍‌ନାତେରି ଆନାୟି ମାଚେ, ଆଡିଜିକେଏ ମାହାପୁରୁତି ବଲ୍‌ଲୁ ଏବ୍‌କା ଲକ୍‌ଲୁ ଜାପ୍‌ହାଲି ତାକି ମିଢ୍ଢେ ଲଡା ଆହିମାଞ୍ଜାନେ; ଖାଜିତି ରାନ୍ତା ଲଡା କିଆନା ପାଲୁ ମିଢ୍ଢେତାକି ଲଡା ଆହିମାଞ୍ଜାନେ । ୧୩ ଆମ୍ବାଆସି ପାଲୁ ଗହ୍‌ନାସି ଏଞ୍ଜାସି ନେହାଁଣି ଲାଗେଏତି କାତା ପୁଞ୍ଜାଲି ଆଡଅସି, ଇତିହିଁ ଏଞ୍ଜାସି ଉଣା କକାସି । ୧୪ ସାମା ପାତାଆଡି ଲକ୍‌ଲୁ, ଇତିହିଁ ଆମ୍ବାଆରି ବୁଦିତଲେ ନେହାଁଣି ଲାଗେଏତାଣି ଆତାଲି ଆଡିନେରି, ଏଞ୍ଜାରାକି ଖାଜିତି ରାନ୍ତା ଲଡାମାନେ ।

୨ ଏଦାଆଁତାକି ଖାଦୁ ମାର କ୍ରୀସ୍ତୁତି ମୂଲୁଏ ଜାପିତି କାତା ପିସାନା, ତାରିତଲେ ପାତାଆହାନା, ହାହାମାନି କାମାତି ମ୍‌ନ ଖେର୍ହାନା, ମାହାପୁରୁ ଡାଣା ନାମିନ, ୨ ବାପୁସ୍ତୁତି କାତା ଜାପ୍‌ନାୟି, ଡାୟୁଁତା କେୟୁ ଇତିନାଣି, ହାତାରି ଖେଣ୍ଡେ ନିଢ୍ଢିନାୟି, କାଲେଏତି ତଣ୍ଡୁତି ପୁନାଦି ଖେଣ୍ଡେ କିନାୟିମାନେ । (aiōnios g166) ୩ ନୀର୍‌ଏ ମାର ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡିସାରେ ମାର ଇଦାଆଁ କିନ । ୪ ଆମିନି ଗାଟାରି ନାମୁତି ଉଣା କିହାମାନେରି, ଏଞ୍ଜାରି

ଅଶ୍ୱପାନା ଖେଣ୍ଡା ଖାହାଲି ଆଡିନେରିକି? ଏଝାରି ମାହାପୁରୁ ଉଜେଡ଼ିତା ବାସା  
କିହିମାଚେରି, ଲାକପୁରୁତି ଦାନାତି ଖାଣ୍ଡାନା, ସୁଦୁଜୀଝୁତା ଆଣ୍ଡାମାଚେରି,  
**୫** ମାହାପୁରୁତି ନେହିଁ ବଲୁ ଇଞ୍ଜିଁ ଖାହିମାନି ଛୁଗୁତି ବାଡ଼୍ଫୁତି ଡାକନାଣି  
ଏଝାରି ଖାଣ୍ଡା ମାନେରି, (aiōn g165) **୬** ଏଝାରି ସାତାତି ପିସାନା ଲାଗେଏ  
ଆନେରି, ଆତିହିଁ ମନତି ବାଦଲି କିଝିକିହାଲି ଅଡ଼େ ଖେଣ୍ଡେ ଏଝାରାଇଁ ପୁଃନି  
କିଝିକିହାଲି ଆତାଆୟି, ଏଦାଆଁତାକି ଏଝାରି ତାମି ନାସା ଆହାଲିତାକି  
ମାହାପୁରୁ ମୀରୁଏଣାଇଁ ପାସି ମୁଣ୍ଡାତା ଏକହାନା ଲକୁ ନକିତା ଏଝାଣାଇଁ  
ଲାଜା କିହିମାନେରି । **୭** ଇତିହିଁ ଆମିନି ବୁମି ପିୟୁ ରିନି ଏୟୁ ଗହନେ ଇଞ୍ଜିଁ  
ଆମିନି ତାସା କିନାରାକି ଲଡ଼ା ଆନି ଆନା କାମ୍ପି କିନେ, ଏ ବୁମିତି ମାହାପୁରୁ  
ବର ହାନେସି । **୮** ସାମା ଏମ୍ପାଆଁ ହାପ୍‌କା ଅଡ଼େ ଜାଡ଼ା ନେୟିନେ, ଆତିହିଁ  
ଏଦି ଏନି ଲାବା ଆଏ, ଏଦି ମାହାପୁରୁତି ବାକା ବେଟାଆନେ, ଅଡ଼େ ତାୟୁ  
ହିରୁତା ଡ଼ାଞ୍ଜାହାନେ । **୯** ସାମା ଏ ଜୀଝୁତି ତାୟିୟି, ମାମୁ ଇଲେକି କାତା  
ଖେସ୍ତି ଜିକେଏ ମୀ ଡ଼ାଣା ମା ହାରେକା ନାମୁ ମାନେ; ମୀରୁ ଗେଲ୍‌ପିଆହାଲି  
ମାହାପୁରୁତି ବର ବେଟାଆହାମାଞ୍ଜେରି । **୧୦** ଇତିହିଁ ମାହାପୁରୁ ମୀ କାମା,  
ଅଡ଼େ ମାହାପୁରୁ ଲକୁଣି ସେବା କିହିମାନାଣି ଅଡ଼େ ନାଏଁ ଜିକେଏ କିହିମାନାଣି  
ଅଡ଼େ ତାନି ଦରୁ ତାକି ମୀରୁ ଆମିନି ଜୀଝୁନହିଁ ମାଞ୍ଜେରି, ଏଦାଆଁ ମାହାପୁରୁ  
ବାଣ୍ଡି ଆନେସି ଇଲେତି ଦାମ୍ପି ହିଲାଆଗାଟାସି ଏଝାସି ଆଏ । **୧୧** ସାମା  
ମାଦି ରଣ୍ଡିଏ ଅଶ୍ୱପୁ, ମୀରୁ ତାୟୁ ପାତେକା ମାଢ଼େଟାକି ମୀ ଜୀଝୁନନାୟି  
କାଲେଏ ଡ଼ୟାପେ ଆତିହିଁ ମୀ ବାରେ ଆସା ପୁରା ଆନେ । **୧୨** ଏନିକିଁ ମୀରୁ  
ନିସ୍ତା ଆଆନା ଆମ୍ପାଆରି ନାମୁ ଅଡ଼େ ସାସାତଲେ ଆଞ୍ଜାମାନାଣି ଅଦିକାରା  
କିହିମାନେରି ଏଝାରିଲେହେଁ ଆଦୁ । **୧୩** ଇତିହିଁ ମାହାପୁରୁ ଏତିବେଲା  
ଅବ୍ରାହାମଇଁ ଆଞ୍ଜାମାଚେସି, ଏତିବେଲା ଏଝାସି ତାନି ଆଞ୍ଜାମାନାଣି ମାନଝି  
ଆହାଲି ପାର୍‌ମାଣା କିହାମାଚେସି, ଏଝାଣି କିହାଁ ଆମ୍ପାଆସି କାଜାସି ହିଲାଆକି  
ଏଝାସି ତାନି ଦରୁତଲେ ପାର୍‌ମାଣା କିହାଁ ଏଲେଇଞ୍ଜାମାଚେସି, **୧୪** ଏଝାସି  
ଏଲେଇଚେସି, “ନାନୁ ନିଢ଼େ ସାତେଏ ବର ହିୟାଇଁ ଅଡ଼େ ନୀ କୁଡ଼ାତି ହାରେକା  
ପାଡ଼ିକିଇଁ ।” **୧୫** ଅଡ଼େ ଇଲାଆହିଁ ହାରେକା ଅର୍‌ହାନା ଅବ୍ରାହାମ ଆଞ୍ଜାମାନାଣି  
କାତାମାତାକି ଏଦାଆଁ ମେଡ଼ା ଆହାମାଚେସି । **୧୬** ମାଣ୍ଡିୟିୟି ଏଝାରି କିହାଁ  
କାଜା ଦରୁତଲେ ପାର୍‌ମାଣା କିନେରି, ଅଡ଼େ କାତା ତୀରି କିହାଲି ଏଝାରି  
ବାରେ ଗଡ଼୍‌ହା ପାର୍‌ମାଣା ତଲେ ତୀରି ଆନେ । **୧୭** ମାହାପୁରୁ ଆମ୍ପାଆରାଇଁ



ଇ ବାରେ ହାଇଁ ଇଞ୍ଜି ଆଞ୍ଜାମାତେସି, ଏ ଆଞ୍ଜାମାନାଣି ମାନଞ୍ଜି ଆହାଲି ତାନି  
 ଆଞ୍ଜାମାନାଣି ତାକି ପାର୍ମାଣା କିହାମାତେସି । **er** ଏନିକି ଆମିନି ରା ବାଦଲି  
 ଆଆଗାଟି କାତାତି ମାହାପୁରୁ ମିତି ଖେସାଲି ଆତଅସି, ଏଦାଣି ତଲେ ନକିତି  
 ବାସୁତି ଆସାଲି ତାକି ବାସା ଚାୟୁତା ମାର ହଟି ମାନାୟି, ଇଞ୍ଜି ମାର ବାଦୁୟୁତି  
 ରାହାଁ ବେଟାଆନାୟି । **ec** ଏୟୁ ଜାଜା ଦହନି ଲହ ମୁଣ୍ଡାଲେହେଁ, ଏ ବାସୁ ମା  
 ଜୀଞ୍ଜୁତି ଗେଲ୍ପି କିନାୟି ଅଡେ ଆଢ୍ଫିନାୟି, ଏଦି ମାହାପୁରୁ ଇଲୁତି ଏଟକା  
 କିନି ହିମ୍ପରି ଲେତାମାନି ଚାୟୁତା ହତାନା ଆଟ୍ଝା ଅଡେ ତାରି ଆହାମାନେ,  
**୨୦** ଅଡେ, ଜୀସୁ ଏ ଚାୟୁତା ମଲ୍‌କିସେଦକ ଲେହେଁ କାଲାକାଲାତି କାଜା  
 ପୂଜେରା ଆହାନା ମା ନକିତା ତାକିନି ଲେହେଁ ହତାମାନେସି । (aiōn g165)

**୨** ଇ ମଲ୍‌କିସେଦକ ସାଲେମ ଦେସାତି ରାଜା ଅଡେ ବାରେକିହାଁ କାଜା  
 ମାହାପୁରୁତି ପୂଜେରା ମାତେସି । ଅବ୍ରାହାମ ଅଡେ ତାନି ତଡୁତାରି, ସାରି  
 ଜାଣା ରାଜାୟି ତଲେ ଜୁଜୁତା ଜୀଣା ଆହାଁ ଖେଣ୍ଡେ ଖାହିମାତି ବେଲତା  
 ମଲ୍‌କିସେଦକ ଅବ୍ରାହାମଇଁ ବେଟାଆହାନା ବର ହାତେସି; **୨** ଅବ୍ରାହାମ  
 ଜିକେଏ ଏଞ୍ଜାଣାକି ଜୁଜୁତା ଜୀଣାଆହାମାତି ଆସୁତି ଦସ ବାଗାତି ର ବାଗା  
 ହାହାମାତେସି । ମଲ୍‌କିସେଦକ, ଇତିହିଁ “ଦାମୁତି ରାଜା” ଅଡେ ସାଲେମତି  
 ରାଜା, ଇତିହିଁ “ହିଡ଼ିତି ରାଜା ।” **୩** ଏଞ୍ଜାଣି ତାଲି ତାଞ୍ଜି ଆକୁ ଆବାୟି ଦରକା  
 କି ଏଞ୍ଜାଣି ଜାର୍ନା ଦିନା କି ଜୀଞ୍ଜୁତି ରାତି ଦିନା ଆମ୍ପିୟାଞ୍ଜା ରାସକି ଆହାହିଲେଏ;  
 ଏଞ୍ଜାସି ମାହାପୁରୁ ମାର୍‌ଏସି ଲେହେଁ କାଲା କାଲାକି ପୂଜେରା ଆହାମାତେସି ।  
**୪** ଅଶ୍‌ପାରି କିଦୁ, ମଲ୍‌କିସେଦକ ଏଚେକା କାଜାସି ମାତେସି, ଆକୁ ଅବ୍ରାହାମ  
 ଜୁଜୁତା ଜୀଣାଆହାନା ତାତାମାତି ଆସୁତି ହାରେକା ନେହିଁ ଆସୁତି ଦସ ବାଗାତି  
 ର ବାଗା ଏଞ୍ଜାଣାକି ହାହାମାତେସି । **୫** ଲେବି କୁଡ଼ାତି ମାରକା ବିତ୍ରାତି  
 ଆମିନି ଗାଗାରି ପୂଜେରା ପାଣା ବେଟାଆନେରି, ଏଞ୍ଜାରି ମସାତି ମେରାଲେହେଁ  
 ଇସ୍ରାୟେଲ ଲକୁ ତାଣାତି ଇତିହିଁ ତାମି ତାୟିୟାଁ ତାଣାତି ଦସ ବାଗାତି ର  
 ବାଗା ବେଟାଆହାଲି ହେଲ ବେଟା ଆହାମାନେରି, ଏଞ୍ଜାରି ଅବ୍ରାହାମ ଆଢ୍ଫାତି  
 ଜାର୍ନା ଆତିଜିକେଏ ତାମି ଲକୁ ତାଣାତି ଦସ ବାଗାତି ର ବାଗା ଅନେରି; **୬**  
 ମଲ୍‌କିସେଦକ ଲେବି କୁଡ଼ାତାସି ଆଏ, ଆଆତି ଜିକେଏ ଏଞ୍ଜାସି ଅବ୍ରାହାମ  
 ତାଣାତି ଦସ ବାଗାତି ର ବାଗା ଅତେସି, ଇଞ୍ଜି ମାହାପୁରୁ ଆଞ୍ଜାମାନାଣି  
 ବେଟାଆନାକି ବର ହାତେସି । **୭** ବର ହାନାସି ବର ବେଟାଆନାଣି କିହାଁ  
 କାଜାସି, ବାରେଜାଣା ଇଦାଆଁ ପୁଞ୍ଜାମାଞ୍ଜେରି । **୮** ଇଲେକିହିଁ ହାନି ମାଶ୍‌ସିୟାଁ

ଦସ ବାଗାଟି ର ବାଗା ଅହିମାନେରି ଏଞ୍ଜାରି ଜିକେଏ ର ଦିନା ହାନେରି, ସାମା  
 ଏଚିବେଲାତା ଆମ୍ବାଆସି ଅବ୍ରାହାମତି ଦସ ବାଗାଟି ର ବାଗା ଅହାମାତେସି  
 ଏଞ୍ଜାଣି କାତା ସାକି ହୀପ୍ପକି ଆହିମାନେ, ଏଞ୍ଜାସି ହାହା ହିଲଅସି । ୯ ମାର  
 ଏଲେଇଞ୍ଜାଲି ଆଡିନାୟି, ଦସ ବାଗାଟି ର ବାଗା ଅହିମାନି ଲେବି ତାନୁ ଜିକେଏ  
 ଅବ୍ରାହାମ ଚାଣାଟି ଦସ ବାଗାଟି ର ବାଗା ହୀହାମାନେସି । ୧୦ ଏନାଆଁତାକି  
 ଇଚିହିଁ ଅବ୍ରାହାମଙ୍କ ମଲ୍କିସେଦକ ଆଣ୍ଡିତାଟି ଲେବି ଏଚିବେଲାତା ଜାର୍ନା ଆହା  
 ହିଲାଆତେସି ସାମା ଲେବି ଏଞ୍ଜାଣି ଆଞ୍ଜା ବିତ୍ରା ମାତେସି । ୧୧ ଇ ଲେବିୟ  
 ଲକ୍ଷୁତି ପୂଜେରା ପାଣା ତଲେ ଇସ୍ରାୟେଲ କୁଡ଼ାତି ଲକ୍ଷୁ ତାକି ମସାତି ମେରା  
 ହୀପ୍ପକି ଆହାମାତେ । ଅଡେ ଲେବି ଲକ୍ଷୁତି କାମା ନେହିଁ କିହାଲି ଆଡିତିହିଁମା,  
 ହାରଣତି ଅଦିକାରାଗାଟି ଇ ଲେବି ପୂଜେରାଞ୍ଜା ପିସାନା ମଲ୍କିସେଦକ  
 ଅଦିକାରା ଲେହେଁ ଅର କୁଡ଼ାତି ପୂଜେରା ଲକ୍ଷୁ ହିଲାଆତେ । ୧୨ ଇଚିହିଁ  
 ପୂଜେରା ପାଣା ବାଦ୍ଲି ଆନେ, ଆଡିହିଁ ମସା ମେରା ଜିକେଏ ବାଦ୍ଲି ଆନାୟି  
 ମାନେ । ୧୩ ଇଚିହିଁ ଆମ୍ବାଆରି ତାକି ଇ ବାରେ ଝେସ୍ପି ଆହାମାନେ, ଏଞ୍ଜାସି  
 ଅର କୁଡ଼ାତି ଲକ୍ଷୁ ମାତେସି, ଆମିନି କୁଡ଼ାତାରି ଆମ୍ବାଆସି ଏତେଲାଞ୍ଜା ପୂଜା  
 ପିଶ୍ଟାତି ସେବା କାମା କିହାଲି ଆଣ୍ଡାହିଲଅରି । ୧୪ ଇଚିହିଁ ଇଦି ସାତା ମା  
 ପ୍ରବୁ ଜୀହୁଦା କୁଡ଼ାତି ଜାର୍ନା ଆହାମାନେସି ଇଞ୍ଜା ମସା ଇ କୁଡ଼ାତି ପୂଜେରା  
 ପାଣା ତାକି ଏନାଆଁ ଝେସାହିଲଅସି । ୧୫ ଅଡେ ଇଦି ଇମ୍ବାଟି ଜିକେଏ  
 ନେହିଁକି ପୁନାୟି, ମଲ୍କିସେଦକ ଲେହେଁ ଅଡେ ର ପୂଜେରା ହ୍ରାମାନେସି  
 । ୧୬ ଏଞ୍ଜାସି ଆଞ୍ଜା ତଲେତି ମସା ମେରାଟି ପୂଜେରା ଆହାହିଲଅସି ସାମା  
 ରାଆଗାଟି ଜୀଞ୍ଜୁଟି ବାଡ୍ଲିୟୁଟି ପୂଜେରା ପାଣା ମେଡା ଆହାମାନେସି । ୧୭  
 ଇଚିହିଁ ଦାମ୍ବୁପତିତା ଏଞ୍ଜାଣି ତାକି ଇଲେକି ଦାମ୍ବୁ ସାସ୍ତେରିତା ସାକି ହୀପ୍ପକି  
 ଆହାମାନେ; “ନୀନୁ ମଲ୍କିସେଦକ ଲେହେଁ କାଲାକାଲାତି ପୂଜେରା ଆଦି ।”  
 (aiōn g165) ୧୮ ଇମ୍ବାଆଁ ତଲିତି ହୁକୁମି ବାଡ୍ଲିୟୁ ହିଲାଆଗାଟାୟି, ଉଜେଏତାୟି  
 ଲାକା ଏଦି ମେଶ୍ଟା ହାଜାମାନେ । ୧୯ ଏନାଆଁତାକି ଇଚିହିଁ ମସାତି ମେରା  
 ଏନାଆଁଞ୍ଜା ତାରି କିହାଲି ଆଡାଆତେ । ଅରଞ୍ଜାକି ବାରେକିହିଁ ହାରେକା ନେହିଁ  
 ବାସ୍ତୁ ହ୍ରାମାନେ, ଏ ବାସ୍ତୁଟି ମାର ମାହାପୁରୁ ତାଗେ ହାଜାଲି ଆଡିନାୟି । ୨୦  
 ମା ତାକି ମାହାପୁରୁଟି ପାର୍ମାଣା ହାରେକା ମାନେ । ହାରଣ କୁଡ଼ାତି ପୂଜେରା  
 ପାଣାତା ଆର୍ଞ୍ଜି ଆତାଟି ଇଲେତି ଏନି ପାର୍ମାଣା ହୀପ୍ପକି ଆହାହିଲାଆତେ  
 । ୨୧ ସାମା କ୍ରୀସ୍ତୁ ପୂଜେରା ଆନି ବେଲାତା ମାହାପୁରୁ ପାର୍ମାଣା କିହାନା

ଏଖାଣାଇଁ ଏଲେଇଞ୍ଜିମାତେସି, “ପ୍ରଭୁ ର ପାର୍ମାଣା କିହାମାନେସି, ଏଖାସି ତାନି ଅଶ୍ପୁତି ବାଦ୍ଲି କିଅସି, ନୀନୁ କାଲାକାଲାତି ପୂଜେରା ଆଦି ।”

**(aiōn g165)** ୨୨ ପ୍ରଭୁ ଇଲେକିଁ ପାର୍ମାଣା କିହାମାନାକି ଜୀସୁ ଅଡ଼େ ର ହାରେକା ନେହିଁ ରାଜିମାନା କିନାସି ଆହାମାନେସି । ୨୩ ପୁାଃଇ ତାଣା ଜିକେଏ ଏବ୍‌କା ପୂଜେରାଢ଼୍ଠା ହାନାରି ଆହାମାନାକି ଏଖାରି ହାତି ତାୟୁ ଏବ୍‌କାତାରି ପୂଜେରା ପାଣା ବେଟାଆନେରି ଏଦାଆଁତାକି ଏଖାରି ହାରେକା । ୨୪ ସାମା ଜୀସୁ କାଲାକାଲା ନୀତାମାନାକି, ଏତେଲାଞ୍ଜା ବାଦ୍ଲି ଆଆ ପୂଜେରା ପାଣା ବେଟାଆହାମାନେସି । **(aiōn g165)** ୨୫ ଏଦାଆଁତାକି ଏଖାଣି ତାଣାଟି ଆମିନି ଗାଟାରି ମାହାପୁରୁ ତାଗେ ହାନେରି, ଏଖାରାକି ଏଖାସି ହାରେପୁରେ ନୀଏଁ ଅଡ଼େ କାଲେଏ ଗେଲ୍‌ପାଲି ଆଡ଼ିମାନେସି, ଏନାଆଁତାକି ଇତିହିଁ ଏଖାରି ତାକି ମାହାପୁରୁ ତାଣା ଗହାରା କିହାଲି ଏଖାସି କାଲେଏ ନୀତାମାନେସି । ୨୬ ଏନାଆଁତାକି ଇତିହିଁ ଇଲେତି କାଜା ପୂଜେରା ମା ତାକି ନେହାଁସି, ଆମ୍ବାଆସି ସୁଦୁଗାଟାସି, ଦହ ହିଲାଆଗାଟାସି, ଲାଗେଏତି ସିନା ହିଲାଆଗାଟାସି ପାପୁ ଗାଟାରି ତାଣାଟି ଏବ୍‌କା ଆହାମାନାସି, ଲାକପୁରୁ ଅଞ୍ଜିଆତେସି । ୨୭ ଏ କାଜା ପୂଜେରା ଲେହେଁ ବାରେଦିନା ନକେଏ ତାନି ପାପୁ ତାକି ଅଡ଼େ ତାୟୁ ଲକ୍ଷୁତାକି ବାରେଦିନା ପୂଜା ହାହାଲି ଲଡ଼ା ହିଲେଏ, ଇତିହିଁ ତାଢ଼େ ପୂଜା ହାତାକି ଏଖାସି ରଣ୍ଡିଏ ପାଲି ଇଦାଆଁ କିହାମାନେସି । ୨୮ ଏନାଆଁତାକି ଇତିହିଁ ମସାତି ମେରା ବାଡ଼୍‌ୟୁ ହିଲାଆଗାଟି ମାଶ୍‌ସିଇଁ କାଜା ପୂଜେରା ପାଣାତା ଆଡ଼ିନେ, ସାମା ଆମିନି ପାର୍ମାଣାଟି ବ୍‌ଲୁ ମସାତି ମେରା ଜେଟ ଆହାମାତେ, ଏଦି କାଲାକାଲା ତାକି ତାରିଗାଟି ମାର୍‌ଏଶାଇଁ ଆଡ଼ିମାନେ । **(aiōn g165)**

୮ ମାମ୍ବା ଏନାଆଁ ଖେସିମାଞ୍ଜାନମି ଏମ୍ବାତି କାଜା କାତା ଇଦି, ମାଢ଼େଟାକି ଇଲେତି ର କାଜା ପୂଜେରା ମାନେସି, ଏଖାସି ଲାକପୁରୁ କାଜା ଗାଞ୍ଜୁରମିଗାଟି ମାହାପୁରୁ ସିଂଗାସାଣିତି ଟିଃନି ଟଟତା କୁଗାମାନେସି । ୨ ଏଖାସି ବାରେତି କିହାଁ ସୁଦୁ ଚାୟୁତା ଇଞ୍ଜି ଆମିନି ସାତା ତୁମ୍ଭୁ ଇଲୁ ମାଶ୍‌ସି କେୟୁଟି କେପି ଆଆନା ପ୍ରଭୁ ତାଣାଟି ତାରି ଆହାମାନେ ଏମ୍ବାତି ସେବା କାମା କିନେସି । ୩ ଇତିହିଁ ବାରେ କାଜା ପୂଜେରାଢ଼୍ଠା ଦାନା ଅଡ଼େ ଜନ୍ତୁତି ଡ଼ାକାହାଁ ପୂଜା କିହାଲି ଆବ୍‌ଞ୍ଜି ଆହାମାନେରି, ଇଦାଆଁତାକି ଇ କାଜା ପୂଜେରାକି ଜିକେଏ ପୂଜା ହେର୍‌ପାଲି ତାକି ଲଡ଼ାମାନେ । ୪ ଜୀସୁ କ୍ରୀସ୍ତ ଦାର୍‌ତିତା ମାଡ଼ିହିଁମା, ପୂଜେରା ଜିକେଏ ଆୟାଲି ଆତାଆତେସିମା, ଏନାଆଁତାକି ଇତିହିଁ ଜୀହୁଦି ଲକ୍ଷୁତି ମେରା ଲେହେଁ

ଦାନା ହେଉଥିବାର ଇଲେଟି ପୂଜେରାଜ୍ଞୀ ଏମାଆଁ ମାନେରି; ୫ ପୂଜେରାଜ୍ଞୀ  
 ଆମାଆରି ସେବା କିନେରି, ଏଦି ଲାକପୁରୁତି କାତା ପୁଣ୍ଡିକିନିଲେହେଁ ସାୟି  
 ସମାନା, ମସା ଏତିବେଲା ପୂଜା କିହାଲିତାକି ର ତୁମୁ କେପିନି ବେଲାତା  
 ଏଞ୍ଜାଣାଇଁ ମାହାପୁରୁ ଏଲେଇଞ୍ଜାମାରେସି, “ଜାଗ୍ରାତା, ହରୁତା ନିଢ୍ଢେ ଆମିନି  
 ହୁକୁମି ତ୍ଵପି ଆହାମାଞ୍ଜାତେ, ଏଲେକିହିଁଏ ବାରେ କେପାମୁ ।” ୬ ସାମା  
 ନୀଏଁ ଜୀୟୁକି ଆମିନି ପୂଜେରା କାମା ହାପ୍‌କି ଆହାମାନେ, ଏଦି ଏଟ୍‌କାତି  
 ପୂଜେରାଜ୍ଞୀ କାମା କିହିଁ କାଜାୟି । ଏଲେକିହିଁଏ ମାହାପୁରୁ ଅଡ଼େ ମାଣସିୟା  
 ମାଦି ଏଞ୍ଜାସି ଆମିନି ରାଜିମାନା କିହାମାନେସି ଏଦି କାଜାୟି, ଇତିହିଁ ଇ  
 ମେରାତା ହାରେକା କାଜା କାତା ହାହାଲି ଆଞ୍ଜାମାନାୟି ମାନେ । ୭ ଇତିହିଁ  
 ତଲିତି ରାଜିମାନା ଏନି ଦହ ହିଲାଆତିହିଁମା, ତାୟୁ ଅଡ଼େ ଅର ରାଜିମାନା  
 ଲଡ଼ା ଆଆତେମା । ୮ ସାମା ମାହାପୁରୁ ତାନି ଲକୁଇଁ ଦହ ଦସାନା ଏଞ୍ଜାରାଇଁ  
 ଏଲେଇଞ୍ଜା ମାନେସି, “ପ୍ରବୁ ଏଲେଇଞ୍ଜା ମାନେସି, ମେହୁରୁ ର ଦିନା ଖିହିମାନେ,  
 ଏତିବେଲା ନାନୁ ଇସାୟେଲ କୂଡ଼ା ଅଡ଼େ ଜୀହୁଦା କୂଡ଼ା ତଲେ ର ପୁଃନି  
 ରାଜିମାନା ତୀରି କିଇଁ; ୯ ଆମିନି କାଲାତା ନାନୁ ଏଞ୍ଜାରି ଆକୁୟାଁଣି କେସ୍ତା  
 ଆସାନା ମିସର ଦେସାଟି ହୁପ୍‌ହା ତାତାମାରେଏଁ, ଏ ବେଲାତା ଏଞ୍ଜାରିତଲେ  
 ନାନୁ ଆମିନି ରାଜିମାନା କିହାମାରେଏଁ, ଇ ରାଜିମାନା ଏଲେକିହିଁ ଆଏ; ଇଞ୍ଜା  
 ଏଞ୍ଜାରି ନା ରାଜିମାନାତା ତୀରି ଆହିଁ ମାନାଆତେରି, ଇଞ୍ଜା ନାନୁ ଏଞ୍ଜାରାଇଁ  
 ମନ ହାଆତେଏଁ, ପ୍ରବୁ ଇ କାତା ଏଲେ ଇଞ୍ଜାମାନେସି । ୧୦ ପ୍ରବୁ ଏଲେଇଞ୍ଜା  
 ମାନେସି, ତାୟୁ ନାନୁ ଇସାୟେଲ କୂଡ଼ା ତଲେ ଇ ରାଜିମାନା କିଇଁ, ଏଦି ଇଦି,  
 ନାନୁ ଏଞ୍ଜାରି ମନତା ନା ମେରା ହାଇଁ, ଏଞ୍ଜାରି ହିୟାତା ଏ ବାରେ ରାତିଇଁ,  
 ଅଡ଼େ ଏଞ୍ଜାରି ମାହାପୁରୁ ନାନୁ ଆଇଁ, ଅଡ଼େ ଏଞ୍ଜାରି ନା ଲକୁ ଆନେରି । ୧୧  
 ମାହାପୁରୁଇଁ ପୁଞ୍ଜୁ ଇଞ୍ଜା ଏଞ୍ଜାରି ବିତ୍ରାଟି ରଅସିଖା ତାନି କୂଡ଼ାଟି ଗାଡ଼ାତାରାଇଁ  
 ଖେହୁଅସି, ଇଞ୍ଜା ତାନି ତାୟୁୟାଁଇଁ କି ପାଡ଼ିତାରାଇଁ ଜାପ୍‌ଅରି, ଏନାଆଁତାକି  
 ଇତିହିଁ ଉଶାଟିଏ କାଜାରି ପାତେକା ଏଞ୍ଜାରି ବାରେଜାଣା ନାଢ୍ଢେ ପୁଞ୍ଜାମାନେରି ।  
 ୧୨ ନାନୁ କାର୍ମାମେସାନା ଏଞ୍ଜାରି ବାରେ ପାପୁ ମ୍ଫେକ୍‌ଇଁ, ଅଡ଼େ ଏଞ୍ଜାରି ଲାଗେଏ  
 କିନାଣି ଏତେଲାଞ୍ଜା ଅଣ୍‌ପଅଁ ।” ୧୩ ମାହାପୁରୁ ର ପୁଃନି ରାଜିମାନା କିତାକି  
 ତଲିତି ରାଜିମାନାୟି ପୁଃଇ ରାଜିମାନା କିହାମାନେସି; ଇଞ୍ଜା ଅଡ଼େ ଆମିନି  
 ପୁଃଆୟି ଲଡ଼ା ହାଆଗାଟାୟି ଆହାମାନେ, ଏଦି ଗାଡ଼େକେଏ ମେଣ୍ଡୁକିନେ ।

**୯** ସାତେଏ ଏ ତଲିତି ରାଜିମାନା ଜିକେଏ ପ୍ରାତାନା କିନି ମେରା ଅଡ଼େ ର ଦାର୍ତତି ସୁଦୁ ଚାୟୁ କିଞ୍ଚି ଆହାମାତେ । ୨ ଏଦି ର ତୁମୁ ତଲେ କେପିତି ଇଲୁ ଆହାମାତେ, ଏମ୍ପାତି ତଲିତି ବାକ୍ରା ଇଞ୍ଚି ଇନେରି ଏମ୍ପାଆଁ ର ଦୀଞ୍ ସଡ଼ା, ର ପିଣ୍ଡା ଅଡ଼େ ମାହାପୁରୁକି ହେରପାମାନି ରୁଟି ମାତେ, ଏଦାନି ସୁଦୁ ଚାୟୁ ଇନେରି । ୩ ଏମ୍ପାଆଁ ଲେତାମାତି ଚାଟିନି ରୀ ହିମ୍ପରିକା ଡାୟୁଞ୍ଚାକି ଆମିନି ତୁମୁ ମାତେ, ଏଦାଆଁ ହାରେକା ସୁଦୁ ବାକ୍ରା ଇଞ୍ଚି ଇନେରି; ୪ ଏମ୍ପାଆଁ ବାଂଗାରା ତଲେ ଖାରି କିହାମାତି ଦୁପୁଣି ହୁଡିନି ର ପିଣ୍ଡା ଅଡ଼େ ବାଂଗାରା ତଲେ ଖାରି କିହାମାତି ରାଜିମାନା ପେଡ଼ା ମାତେ । ଏ ରାଜିମାନା ପେଡ଼ାତା ମାନା ଇଚ୍ଚି ଆହାମାତି ର ବାଂଗାରା ମୁତା ଅଡ଼େ ହାରଣାୟି ଆକୁ ଗାଲହାମାତି ବାଡ଼ଗା ଇଞ୍ଚି ରାଜିମାନା ରାସ୍ଚି ଆହାମାତି ରିଣ୍ଡି ଖାଲି ପାଟାୟି ମାରୁ, ୫ ରାଜିମାନା ପେଡ଼ା ଲାକ ମାହାପୁରୁ ନକିତା ନିତାମାନି ଲେହେଁ ଗାଧୁରମିଗାତି ଜଡ଼େକା କିରୁବ ଦୁରୁୟିତି ବମା ମାରୁ, ଏଞ୍ଚି ପାପୁ ମେଣ୍ଡୁ କିନି ଚାୟୁତି ପୁକହାମାରୁ; ଏଞ୍ଚି ପାପୁ ମେଣ୍ଡୁନି ଚାୟୁ ଲାକ ମାରାୟି ପୁକହାମାରୁ, ଏ ବାରେତି କାତା ନୀଏଁ ନେହୁଁକି ଖେପାଲି ଲଡ଼ା ହିଲେଏ । ୬ ଏମ୍ପାଆଁ ଇଲେତି ମେରା ମାନେ; ପୁଜେରାଢ଼ା ଦିନାତାକି ଦିନା ତୁମୁତି ତଲିତି ବାକ୍ରା ବିତ୍ରା ତାମି ସେବା କାମା କିନେରି, ୭ ସାମା ଡାୟୁତି ବିତ୍ରା ବାକ୍ରାତା ଖାରୁଇ କାଜା ପୁଜେରା ବାର୍ଯ୍ୟା ତାକି ରଣ୍ଡିଏ ଦେବା ହୁଡ଼ନେସି, ତାନି ପାପୁ ଇଞ୍ଚି ଲକୁତି ପୁନାଆତି ପାପୁ ତାକି ମାହାପୁରୁକି ପୁଜା ହେରପାଲି ଏଞ୍ଚାସି ନେତେରି ଅହାନା ହାରେକା ସୁଦୁ ଚାୟୁତା ହୁଡ଼ନେସି । ୮ ଇଦାଆଁତାକି ସୁଦୁଜୀଞ୍ଚୁ ମାଟ୍ଟେ ଜାପୁହି ମାଞ୍ଜାନେ, ନକିତି ସୁଦୁ ତୁମୁ ମାନି ପାତେକା ହାରେକା ସୁଦୁ ଚାୟୁତା ହୁଡ଼ାଲି ଜିରୁ ଚଞ୍ଚାଆହାଁ ହିଲେଏ । ୯ ଇ ତଲିତି ବାକ୍ରା ନୀଏଁ କାଲା ତାକି ପୁଣ୍ଡି କିଞ୍ଚିକିନି ସିନା, ଅଡ଼େ ଏଲେକିହିଁଏ ଦାନା ଅଡ଼େ ପୁଜା ଇ ବାରେ ହୀପ୍ଚିଆନେ, ସାମା ଇ ବାରେ ସେବା କିନାରାଇଁ ନେହିଁ ଅଣ୍ପୁତି ଦାନା ହୀହାଲି ଆଡ଼େଏ; ୧୦ ଇତିହିଁ ଏ ବାରେ ଖାରୁଇ ତିନାଣି ଉନାଣି ଅଡ଼େ ଅଚ୍ଚାଲି ତାକି ଆଢ଼ା ତାକି କିନି କାମାୟି ସାମା ମାହାପୁରୁତି ପୁଞ୍ଚି ମେରା ଆନି ପାତେକା ଇଦି ବାରେ ଲଡ଼ାଗାଟାୟି ଆହାମାତେ । ୧୧ ସାମା କ୍ରୀସୁ ନୀଏଁ ନେହିଁ କାମାତି କାଜା ପୁଜେରା ସମାନା ଆହାନା ଖାହାମାନେସି, ଇଞ୍ଚି ଏମିନି ତୁମୁ ଇଲୁତା ଏଞ୍ଚାସି ତାନି ସେବା କାମା କିହାମାନେସି, ଇ ଇଲୁ ଦାର୍ତତି ମାନି ତୁମୁ ଇଲୁ କିହିଁ ହାରେକା କାଜାୟି ଅଡ଼େ ନେହାୟି, ଏଦି ମାଣ୍ଡି କେୟୁତଲେ କେପାଆତି ତୁମୁ ଇଲୁ, ଏଦି ଚଞ୍ଚାଆହାମାନି ଦାର୍ତ ବିତ୍ରା ହିଲାଆତେ ।

**୧୭** କ୍ରୀସ୍ତ ଗରି କି ବାତା କଡ଼ିତି ନେତେରି ତଲେ ଆଏ, ସାମା ଜାହାରା  
 ନେତେରି ତଲେ ରଣ୍ଡିଏ ଦେବା ସୁଦୁ ଚାୟୁତା ହୁଡାନା କାଲାକାଲାତାକି ଗେଲ୍‌ପି  
 ଆନାଣି କିହାମାନେସି । (aiōnios g166) **୧୩** ଆମ୍ବାଆରି ପାଣାପାଟୁ ମାନଞ୍ଜି  
 ଅଥାନା ପାପୁ କିନେରି, ଏଞ୍ଜାରି ପଲ୍‌ଆ ଗାଟାରି ଲାକ ଗରି ଅଡ଼େ ବାତା  
 କଡ଼ିତି ନେତେରି ଡାଞ୍ଜାନା ହୁଡ଼ିତି ଦାର୍‌ମୁ ତଲେ ଏଞ୍ଜାରି ଆଞ୍ଜୁତି ବାରେ ପାପୁ  
 ସୁଦୁ କିହିମାରେରି, **୧୪** ଇଦି ସାତା ଆହାମାନେ, ଇରିହିଁ କ୍ରୀସ୍ତୁତି ନେତେରି  
 ସାତା ଆଏ, କି କାଲେଏତି ଜୀଞ୍ଜୁତି ସାୟେମି ତଲେ ଏଞ୍ଜାସି ଜାହାରାଇଁ  
 ମାହାପୁରୁ ନକିତା ର ଦହ ହିଲାଆ ପୂଜାଲେହେଁ ହେର୍‌ପିତେସି, ତାନି ନେତେରି  
 ଏଚେକା ଗାତି ନୀତାମାନି ମାହାପୁରୁଇଁ ସେବା କିହାଲି, ହାଞ୍ଜି କିନି କାମାଟି  
 ମା ଜୀଞ୍ଜୁତି ଅଶ୍‌ପୁତି ସୁଦୁ କିନେ! (aiōnios g166) **୧୫** ଇଦାଆଁତାକି କ୍ରୀସ୍ତଏ  
 ପୁଞ୍ଜି ରାଜିମାନାତି ମାଦିତାସି ଆହାମାନେସି, ଏନିକ୍ ମୂଲୁତି ରାଜିମାନାତି  
 ପାପୁ ମେକ୍‌ହାଲି ତାକି ହାହାମାନାକି ମାହାପୁରୁ ହାଟାମାନି ଲକୁ କାଲାକାଲାତି  
 ଅଦିକାରା ଆହାଲି ଆଞ୍ଜାମାନି ଗେଲ୍‌ପି ଆନାଣି ବେଟାଆନେରି । (aiōnios  
 g166) **୧୬** ଇରିହିଁ ରାଜିମାନା କିଞ୍ଜି ଆହାମାତି ରାଜିମାନା ଆହାମାନି ମାଶ୍‌ସିତି  
 ହାନି ପାର୍‌ମାଣା ଲଡ଼ାମାନେ । **୧୭** ଇଞ୍ଜାଁ ହାତିସାରେ ରାଜିମାନା କିହାମାନାୟି  
 ବାଡ଼୍‌ୟୁ ଆନେ, ଇରିହିଁ ରାଜିମାନା କିହାମାନାସି ନୀତାମାନି ପାତେକା ଏଦି  
 ଏଚେଲା ଜିକେଏ କାମାତା ଖାଏ । **୧୮** ଏଦାଆଁତାକି ତଲିତି ରାଜିମାନା ଜିକେଏ  
 ନେତେରି ହିଲାଆନା ତାରି ଆହାହିଲାଆତେ । **୧୯** ତଲିଏ ମସା ମେରାତି  
 ହୁକୁମି ଲକୁଡ଼ାଣା ଡ଼େକ୍‌ହେସି, ଡ଼ାୟୁ ଏଞ୍ଜାସି କଡ଼ି ଅଡ଼େ ଗରିତି ନେତେରି  
 ଏୟୁତଲେ ଆବ୍‌ହାନା ଏସବ ଜାଡ଼ାତି ଆକା ଅଡ଼େ ନେତେରି ଖାଣାଗାଟି ମେଣ୍ଡା  
 ବାଣାୟି ତଲେ ମେରା ପତି ଅଡ଼େ ବାରେ ଲକୁ ଲାକ ଡ଼ାଞ୍ଜିତେସି । **୨୦**  
 ଏଞ୍ଜାସି ଏଲେଇତେସି, “ଏମିନି ରାଜିମାନା ମାନଞ୍ଜି ଆହାଲି ମାହାପୁରୁ ମିଢ୍ଢେ  
 ହୁକୁମି ହାହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ ।” **୨୧**  
 ଅଡ଼େ ଜିକେଏ ଏଲେକିହିଁ ଏଞ୍ଜାସି ତୁମ୍ଭୁ ଇଲୁ ଅଡ଼େ ମାହାପୁରୁ ସେବାତାକି  
 ବାରେ ଲଡ଼ାମାନି ଦିଶ୍‌ସୁ ଲାକ ଜିକେଏ ନେତେରି ଡ଼ାଞ୍ଜିତେସି । **୨୨** ସାତେଏ  
 ମସାତି ମେରା ତଲେ ବାରେ ନେତେରି ତଲେ ଅବ୍‌ହି କିଞ୍ଜିଆନେ, ଅଡ଼େ  
 ନେତେରି ଖାକ୍‌ହାନା ପାପୁ ମେଶ୍‌ଢ୍ଢେଏ । **୨୩** ଏଦାଆଁତାକି ଲାକପୁରୁ କେପିତି  
 ବାରେ ଦିଶ୍‌ସୁ ପୁଶ୍‌ମିକିନିଲେହେଁ ପୂଜା ତଲେ ଅବ୍‌ଞ୍ଜି ଆନାୟି ମାତେ; ସାମା  
 ଲାକପୁରୁ କେପିତି ବାରେ ଦିଶ୍‌ସୁ ଇ କାଜା ପୂଜା ତଲେ ଅବ୍‌ନାୟି ମାନେ ।

୨୪ ଏନାୟି ମାଣ୍ଡିୟାଁ କେୟୁଟି କେପାଆତାୟି ଇଲେତି ସୁଦୁ ଚାୟୁତା କ୍ରୀସ୍ତ ହାଜାମାନେସି, ଇଦି ସାତା କାତା, ଏଞ୍ଜାସି ଲାକପୁରୁ ହାଜାମାନେସି, ଏମ୍ପାଆଁ ଏଞ୍ଜାସି ମା ଖାକିଟି ନୀଏଁ ମାହାପୁରୁ ନକିତା ମାନେସି । ୨୫ ଜୀହୁଦିୟାଁ କାଜା ପୁଜେରାଢ୍ଘା ଏନିକିଁ ବାର୍ସା ତାକି ବାର୍ସା ଏଟ୍‌କା ଲକୁ ତାକି ପୂଜା ହାନି ନେତେରି ଅହାନା ସୁଦୁ ଚାୟୁତା ହୁଡ୍‌ନେରି, ଏଲେକିହିଁଏ କ୍ରୀସ୍ତ ଅଲେ ଅଲେ ତାଢ୍ଘେ ପୂଜା କିହାଲି ଏଦି ଏମ୍ପାଆଁ ହାଜାହିଲଅସି । ୨୬ ଆତିହିଁ ଦାର୍ତ ଗାଡ଼ିଆତି ବେଲାଟିଏ ଅଲେ ଅଲେ ତାଢ୍ଘେ ହାହାଲି ଆତେମା; ସାମା ନୀଏଁ ଏଞ୍ଜାସି ଜୁଗୁ ରାନି ବେଲାତା ତାନୁଏ ପୂଜାଲେହେଁ ହେର୍‌ପାକତାମାନାକି ପାପୁ ହେକ କିୟାଲି ତୁଞ୍ଜା ଆହାମାନେସି । (aiōn g165) ୨୭ ବାରେ ଲକୁତାକି ଏନିକିଁ ରଣ୍ଡିଏ ଦେବା ହାନାୟି, ଅଡେ ଏଦାନି ତାୟୁ ନୀହାୟି ମାନେ । ୨୮ ଏଲେକିହିଁଏ କ୍ରୀସ୍ତ ଜିକେଏ ହାରେକା ଲକୁତି ପାପୁ ତେକା ଅହାଲି ରଣ୍ଡିଏ ଦେବା ପୂଜା ଆହାଲି ହେର୍‌ପାକତିତେସି, ଅଡେ ଖେଣ୍ଡେ ପାପୁତି ତାକି ଆଏ, ସାମା ଆମିନି ଗାଟାରି ଏଞ୍ଜାଣାଈଁ କାତାମାନେରି, ଏଞ୍ଜାରାଈଁ ଗେଲ୍‌ପାଲିତାକି ତୁଞ୍ଜାଆନେସି ।

**୧୦** ଇତିହିଁ ମସାତି ମେରା ଖାହିମାନି ଦିନାତି ନେହିଁ ସାୟିଲେହେଁ ଆହାନା ଏ ବାରେତି ଖାଣା ଆଆତାକି ପୁଜେରାଢ୍ଘା ବାର୍ସା ତାକି ବାର୍ସା ଏ ରଣ୍ଡିଏ ରଲେତି ପୂଜା କିହିମାନାକି ପ୍ରାତାନା କିନାରାଈଁ ଏରେଲାଖା ତୀରି କିହାଲି ଆଡଅରି । ୨ ଏଲେକିହିଁ ମାହାପୁରୁତି ସେବା କିନାରି ସାତେଏ ପାପୁତି ନରୁଞ୍ଜି ଆତିହିଁମା, ଆତିହିଁ ଏଞ୍ଜାରି ଅଡେ ଜାହାରା ପାପୁ ଗାଟାତମି ଇଞ୍ଜି ଅଶ୍‌ପାଆତେରିମା, ଅଡେ ବାରେ ପୂଜା କିନାୟି ତୁଢ୍ଘେତେମା । ୩ ସାମା ଏଲେକିଁ ଆଆନା ବାର୍ସା ତାକି ବାର୍ସା ପୂଜା କିହିମାନାକି ମାଣ୍ଡିୟାଁ ତାନି ପାପୁତି ଅଶ୍‌ପି କିଞ୍ଜିଆହିମାନେ । ୪ ଇତିହିଁ ବାଟା କଡିତି ନେତେରି ଆପେ କି ଗରିତି ନେତେରି ଆପେ ଏଦି ଏରେଲାଖା ମା ପାପୁ ମ୍ଲୋକ୍‌ହାଲି ଆଡେଏ । ୫ କ୍ରୀସ୍ତ ଦାର୍ତତା ଖାହାନା ଏଲେଇଞ୍ଜାମାରେସି, “ନୀନୁ ପୂଜା ଅଡେ ଦାନା ହାନାଣି ରାହାଁ ଆଆତି, ସାମା ନୀନୁ ନାଢ୍ଘେତାକି ର ଆଢ୍ଘା କେପିତି; ୬ ପାପୁତି ମ୍ଲୋକ୍‌ହାଲି ନୀନୁ ହିରୁତା ହୁଡିନି ପୂଜା ଅଡେ ଜନ୍ତୁ ଡାକିନାଣି ରାହାଁ ଆଆତି । ୭ ଏତିବେଲା ନୀନୁ ଏଲେଇତେଏଁ, ମାହାପୁରୁ, ନୀନୁ ଇମ୍ପାଆଁ ମାଈଁ, ନୀ ଅଶ୍‌ପୁତି କାମା କିହାଲି, ଏନିକିହିଁ ସାସ୍ତେରିତା ନା କାତା ରାସ୍‌କି ଆହାମାନେ ।” ୮ ଏଞ୍ଜାସି ତଲିଏ ଖେସ୍ତେସି, “ନୀନୁ ମାଣ୍ଡିୟିତି ପାପୁ ମ୍ଲୋକ୍‌ହାଲି ପୂଜା କିନାଣି, ଦାନା ଇଞ୍ଜି ଜନ୍ତୁତି ହିରୁତା ହୁଡିନାଣି ଅପିହିଲଅତି; ଏ ବାରେ ନିଢ୍ଘେ ରାହାଁ କିୟାଲି ଆଡେଏ ।” ଇ

ବାରେ ପୂଜା ଫେରାଲେହେଁ କିଞ୍ଚି ଆହାମାତି ଜିକେଏ, ୯ ଅଡ଼େ ଜିକେଏ ଏଞ୍ଜାସି  
 ଏଲେଇତେସି, “ମାହାପୁରୁ ଫେହ୍ମୁ, ନାନୁ ନୀ ମନଲେହେଁ କାମା କିହାଲି  
 ଖାହାମାଈ” ଏଦାଆଁତାକି ମାହାପୁରୁ ଈ ବାରେ ପୂଜା ଅପାଆନା, ଏଦାଣି ପିସାନା  
 କ୍ରୀସୁତି ପୂଜା ଅପିତେସି । ୧୦ ଜୀସୁ କ୍ରୀସୁ ରଣ୍ଡିଏ ଦେବା କାଲାକାଲାତାକି  
 ତାନି ଆଢ୍ଫାତି ହେର୍ପାନା ମାହାପୁରୁତି ମନତଲେ କାମା କିହାଲିଏ, ତାନି ଏ  
 ପୂଜାଟି, ମାର ବାରେ ଜାଣାତାୟି ପାପୁଟି ଗେଲ୍ପି ଆହାମା ସୁଦୁ ଗାଟାତାୟି  
 ଆହାମାନାୟି । ୧୧ ଅଡ଼େ ଜିକେଏ ବାରେ ଜୀହୁଡି ପୂଜେରାଢ୍ଫା ବାରେଦିନା  
 ସେବା କାମା କିହାଲି ଅଲେ ଅଲେ ରଲେଏତି ପୂଜା ହୀହାଲି ନିନେରି; ଈ  
 ବାରେ ଏଚେଲା ପାପୁ ମ୍ଲୋକ୍‌ହାଲି ଆଡେଏ । ୧୨ ସାମା କ୍ରୀସୁ ପାପୁ ତାକି  
 ରଣ୍ଡିଏ ଦେବା ତାଢ୍ଫେ ପୂଜା ଅହାଲି ହେର୍ପାକଡିତି ଡାୟୁ କାଲେଏତାକି  
 ମାହାପୁରୁ ଟିଝନି ଟଟତା କୁଗିତେସି; ୧୩ ମାହାପୁରୁ ତାନି ସାତୁୟାୟି ଏଞ୍ଜାଣି  
 କଡାୟାଁ ଡ଼ଇ ଇଟାଆ ପାତେକା ଏଞ୍ଜାସି ଏମ୍ପାଆଁ କାଡିମାନେସି । ୧୪ ଇତିହିଁ  
 ଖାରଇ ରଣ୍ଡିଏ ପୂଜା ହୀତି ତାଣାଟି ଏଞ୍ଜାସି ପାପୁଟି ସୁଦୁ ଆହାମାନି ଲକୁଇଁ  
 କାଲେଏ ତାକି ତାରି କିହାମାନେସି । ୧୫ ସୁଦୁଜୀଝୁ ଜିକେଏ ମାଢ୍ଫେ ସାକି  
 ହୀହାମା ଷେସିମାଞ୍ଜାନେ । ୧୬ ଇତିହିଁ ପ୍ରୁ ଈ କାତା ଏଲେଇଞ୍ଜି ମାନେସି, “ଏ  
 ଖାନି ଦିନା ନାନୁ ଏଞ୍ଜାରିତଲେ ଆମିନି ପୁଝନି ରାଜିମାନା କିଇଁ, ଏଦି ଇଦି,  
 ନାନୁ ଏଞ୍ଜାରି ହିୟାତା ମସାତି ଫେରା ହୀଇଁ, ଇଞ୍ଜାଁ ଏଞ୍ଜାରି ମନତା ଏ ବାରେ  
 ରାଡିଇଁ ।” ୧୭ ଅଡ଼େ ଏଞ୍ଜାସି ଏଲେଇଞ୍ଜି ମାନେସି, “ନାନୁ ଏଞ୍ଜାରି ପାପୁ ଅଡ଼େ  
 ଲାଗେଏତି କାମାୟାଁ ଏଚେଲାଞ୍ଜା ଷେଣ୍ଟେ ଅଣ୍ପଅଁ ।” ୧୮ ଇଦାଆଁତାକି ବାରେ  
 ପାପୁ ଡ଼ହ ଫେଣ୍ଟିସାରେ ଅଡ଼େ ଏଚେଲାଞ୍ଜା ପୂଜା ହୀହାଲି ଲଡ଼ା ଆଏ ।  
 ୧୯ ଏଦାଆଁତାକି ଏ ତାୟିୟାଁ ଅଡ଼େ ତାଢ୍ଫିସ୍ତା, ଜୀସୁତି ହାହାମାନାକି ମାର  
 ସୁଦୁ ଚାୟୁତା ହଡାଲି କାଜା ଅଦିକାରା ବେଟା ଆହାମାନାୟି, ୨୦ ଏଞ୍ଜାସି  
 ଲେତାମାନି ତାନି ଆଢ୍ଫା ଲେହେଁତି ଚାଟିନି ହିମ୍ପରି ତଲେ ମାଢ୍ଫେତାକି ର ପୁଝନି  
 ଇଞ୍ଜାଁ ନାଡିନି ଜିରୁ ଦେଚାମାନେସି । ୨୧ ମାହାପୁରୁ ଇଲୁ ନୀଏଁ ମା କାଜା  
 ପୂଜେରା ତାଣା ମାନେ, ୨୨ ଏଦାଆଁତାକି ଖାଦୁ, ମାର ସୁଦୁ ହିୟାଁ ଅଡ଼େ ଆବ୍‌ଞ୍ଜା  
 ନାମୁଟି ମାହାପୁରୁ ନକିତା ହାନ; ଇତିହିଁ ମାର ନୀଏଁ ପାପୁ ଅଣ୍ପପୁଟି ଅବ୍‌ଞ୍ଜି  
 ଆହାମାନାୟି ଅଡ଼େ ମା ଆଢ୍ଫା କ୍ରୀସୁତି ନେତେରି ତଲେ ନରଞ୍ଜି ଆହାମାନେ ।  
 ୨୩ ମାର ଷେକ୍‌ହାମାନି ଆସା ବାସୁଟି ବାଡ଼ୟୁ ତଲେ ଆହନ, ଏନାଆଁତାକି  
 ଇତିହିଁ ମାହାପୁରୁ ଆଞ୍ଜାମାନେସି, ଏଞ୍ଜାସି ଟିକାଣାତାସି; ୨୪ ଅଡ଼େ ଜୀଝୁ ନଞ୍ଜି



ଆହାଲି ଇଚ୍ଛା ନେହିଁ କାମା କିଞ୍ଚି କିହାଲିତାକି ରଥତାୟି ରଥଶାଳ୍ ସାୟେମି  
 କିହାଲି ମନ ହାନ, ୨୫ ଅଡ଼େ ଆମ୍ବା ଆମ୍ବାଆରି ମାହାପୁରୁ କୁଲମି ପ୍ରାତାନାତା  
 ରୁଣ୍ଡା ଆହାଲି ହେଲା ଆନେରି, ମାର ଏଲେକିଁ କିଆପ; ସାମା ରଥତାୟି  
 ରଥଶାଳ୍ ବାସୁଁ ହାଞ୍ଜିଆନ, ଏନାଆଁତାକି ଇଚିହିଁ ପ୍ରବୁ ଖାନି ଦିନା ତାଗେ  
 ଖାହିମାନେ ଇଚ୍ଛା ମେସିମାନାୟି । ୨୬ ମା ନକିତା ସାତା ଚୁଞ୍ଚା ଆତି ଢେର  
 ମାର ପୁଞ୍ଚି ପୁଞ୍ଚିହିଁ ପାପୁ କିହିମାନାୟି, ଆତିହିଁ ଏନି ପୂଜା ପାପୁଟି ଶେଲ୍ପାଲି  
 ଆତେଏ, ୨୭ ଆତିହିଁ ମାର ଖାହିମାନି କାଜା ନାହାଁୟି ନକିତା ମାହାପୁରୁଇଁ  
 ଅପାଆଗାଟି ଲକୁ ତାକି ମାନି ହିରୁତା ନାସା ଆନାଶି ଆଜାନା ଡ଼ୟିନି ପିସ୍ପେ  
 ମାଦି ଅଡ଼େ ଏଟ୍ଟକା ଏନି ତଣ୍ଡୁ ହିଲେଏ । ୨୮ ଆମ୍ବାଆସି ମସା ଚେରାତି  
 ମାନଞ୍ଜି ଆଆସାରେ, ଏଞ୍ଜାସି କାର୍ମା ମେସ୍ପି ଆଆନା ରିଆରି କି ତାନି ଜାଣା  
 ସାକି ତଲେ ଦହଗାଟାସି ଇଚ୍ଛା ପୁଞ୍ଚାମା, ଏଞ୍ଜାଶାଳ୍ କାର୍ମା ମେହୁଆନା ହାନି  
 ତଣ୍ଡୁ ହାଞ୍ଜିଆନେ । ୨୯ ଇଚ୍ଛା ଅଶ୍ପାଦୁ ଆମ୍ବାଆସି ମାହାପୁରୁ ମାର୍ଏଶାଳ୍  
 କର୍ତ୍ତା ଡ଼ଇ ଝିସାମାନେସି, ପୁଞ୍ଚି ରାଜିମାନାତି ଆମିନି ନେତେରି ତଲେ ଏଞ୍ଜାସି  
 ସୁଦୁ ଆହାମାଚେସି, ଏଞ୍ଜାଶାଳ୍ ଉଶା ଇଚ୍ଛା ଅଶ୍ପାମାନେସି ଅଡ଼େ କାର୍ମା ହାନି  
 ଜୀଞ୍ଜୁତି ଅପାହିଲଅସି, ଏଞ୍ଜାସି ଏଚେକା ହାରେଏ ତଣ୍ଡୁ ବେଟାଆଅସି! ୩୦  
 ଇଚିହିଁ ମାର ପୁଞ୍ଚାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାମି କାମାତି  
 ପାଡ଼େୟି ହାଳ୍” ଆମ୍ବାଆସି ଇ କାତା ଏଲେଇଚ୍ଛା ମାନେସି, ଏଞ୍ଜାଶାଳ୍ ନାନୁ  
 ପୁଞ୍ଚାମାଳ୍, ଅଡ଼େ ଜିକେଏ “ପ୍ରବୁ ତାନି ଲକୁଇଁ ନାହାଁୟି କିନେସି ।” ୩୧  
 ନୀତାମାନି ମାହାପୁରୁ କେୟୁତା ହେରୁଞ୍ଜିନାୟି ଏଦି ହାରେକା ଆଜିହୁପେତାୟି  
 । ୩୨ ସାମା ଉଜେଡ଼ି ମେସ୍ପି ଡ଼ାୟୁ ଏଚିବେଲାତା ମାରୁ ହାରେକା ଦୁକୁ କସ୍ତୁ  
 ବେଟାଆହାନା ହାରଞ୍ଜି ଆହାହିଲଅତେରି, ମାରୁ ଏ ତଲି କାଲାତି ଅଶ୍ପାଦୁ;  
 ସାମା ମାରୁ ଏଚେଲାଞ୍ଜା ହାରଞ୍ଜି ଆହା ହୀଲଅତେରି । ୩୩ ରକଞ୍ଜାକି ଅପାଆ  
 ଗାଟାଚେରି ଅଡ଼େ କସ୍ତୁତା ଲାଜା କିଞ୍ଚିଆହିମାଚେରି, ଅରଞ୍ଜାକି ଏଲେକିହିଁଏ  
 ମାହାପୁରୁ ଲେମ୍ପିମାନି ଲକୁତଲେ ଆଣ୍ଡିମାଚେରି । ୩୪ ଇଚିହିଁ ମାରୁ କାୟିଦି  
 ଗାଟାରି ତଲେ ଆଣ୍ଡାମା ଦୁକୁ ବେଟା ଆହାମାଚେରି, ଅଡ଼େ ମିଢ଼େ ମୀ ହାରେକା  
 ନେହିଁ କାଲେଏତି ବାଡ଼କୁ ମାନେ, ଇଦାଆଁ ପୁଞ୍ଚାମା ରାହାଁତଲେ ମୀ ଦନ  
 ମାଣ୍ଡା ଅନାଶି ମାରୁ ଅରୁହିମାଚେରି । ୩୫ ଇଦାଆଁତାକି ମାରୁ, ମୀ ସାସା  
 ପିହୁଆଦୁ ଇଚିହିଁ ଏମ୍ପାଟି ହାରେକା ଦାନା ମାନେ । ୩୬ ମାହାପୁରୁଟି ଅଶ୍ପା  
 ପୁରା କିହାନା ଏଞ୍ଜାସି ଆଞ୍ଚାମାନାଶି ବେଟାଆହାଲି ଆତିଦେରି, ଏଦାଆଁତାକି

ମୀରୁ ସାସା ଆସାନା ଡୟାଦୁ । ୩୭ ଇତିହିଁ ଦାର୍ମ୍ଭପତିତା ରାସ୍‌କି ଆହାମାନେ,  
 “ଇତିହିଁ ହାରେକା ଉଣା ବେଲା ମାନେ, ଆମ୍ବାଆସି ଖାନାୟି ମାନେ, ଏଝାସି  
 ଖାନେସି; ଅଡ଼େ ଏଝାସି ଚ୍ଵେଡ଼ା କିଅସି । ୩୮ ନା ଦାର୍ମ୍ଭତି ମାଣ୍ଠସି ନାମୁତଲେ  
 ନୀତିନାସି, ସାମା ଆମ୍ବାଆସି ନା ଡାଣାଟି ଗୁଡା ଆନେସି, ଆତିହିଁ ଏଝାଣି ଡାଣା  
 ନା ଜୀଝୁ ରାହାଁ ଆଏ ।” ୩୯ ସାମା ଆମ୍ବାଆରି ନାସା ଆହାଲି ଖେଣ୍ଟେ ଗୁଡା  
 ଆନେରି, ମାମୁ ଏଝାରି ଗତିତି ଲକୁ ଆଏ, ସାମା ଆମ୍ବାଆରି ଜୀଝୁଟି ଗେଲ୍‌ପି  
 ଆହାଲି ନାମିନେରି, ମାମୁ ଏଝାରି ଗତିତି ଲକୁତମି ।

**୧୧** ନାମୁ ଇତିହିଁ ଆସା କିହିମାନାଣି ବାରେ ସାତେଏ ବେଟାଆନାୟି, ଇଞ୍ଜି  
 ଡଞ୍ଜାଆଆଗାଟାୟି ସାତେଏ ମାନେ ଇଞ୍ଜି ପୁନାୟିଏ ନାମୁ । ୨ ତଲିତି ମା  
 ଆକୁୟି ମାହାପୁରୁଇଁ ନାମାଲିଏ ମାହାପୁରୁ ଡାଣା ଖେଡ଼ିତେରି । ୩ ମାର ନାମୁଟି  
 ପୁନାୟି, ବାରେ ଦାର୍ତ୍ତି ମାହାପୁରୁଟି ବଲୁ ତଲେ ଗାଡ଼ି ଆଡେ, ଅଡ଼େ ଏନାୟିଖା  
 ଡଞ୍ଜା ଆଆଗାଟି ଡାଣାଟି ଡଞ୍ଜା ଆନାୟି ଗାଡ଼ି ଆହା ହିଲେଏ । (aiōn g165) ୪  
 ନାମୁଟି ହେବଲ ମାହାପୁରୁ ନକିତା କୟିନ କିହାଁ ନେହିଁ ପୁଜା ହେର୍‌ପିତେସି  
 ଇଞ୍ଜି ଏଦାଣି ତଲେ ଏଝାସି ଦାର୍ମ୍ଭଗାଟାସି ଆଡେସି; ମାହାପୁରୁ ଡାନ୍‌ଏ ତାନି  
 ଦାନାତାକି ସାକି ହୀତେସି, ଅଡ଼େ ଏଝାସି ହାତି ଜିକେଏ ନୀଞ୍ଜୁପାତେକା  
 ନାମୁଟି କାତା ଆହିମାନେସି । ୫ ନାମୁଟି ହନକ ହାଆନା ମାହାପୁରୁ ଡାଣା  
 ଅଞ୍ଜିଆଡେସି ଇଞ୍ଜି ମେଣ୍ଡିକିତେସି; ଅଡ଼େ ଏଝାସି ଡଞ୍ଜା ଆଆଡେସି, ଇତିହିଁ  
 ମାହାପୁରୁ ଏଝାଣାଇଁ ଅହାନା ମେଣ୍ଡିକିତେସି, ଏଝାସି ମାହାପୁରୁଟି ରାହାଁ  
 ଗାଟାସି, ମେଣ୍ଡିକି ନକେଏ ଏଝାସି ଏ କାତା ଖେଞ୍ଜୁମାତେସି; ୬ ଅଡ଼େ  
 ନାମୁ ହିଲାଆନା ଆମ୍ବାଆସି ମାହାପୁରୁଇଁ ରାହାଁ କିହାଲି ଆଡଅସି, ଇତିହିଁ  
 ମାହାପୁରୁ ସାତେଏ ମାନେସି ଇଞ୍ଜି, ଅଡ଼େ ଏଝାସି ତାଡ଼େ ପାରିନାରାଇଁ  
 ତାନି କିତି କାମାଟି ପାଡ଼େୟି ହୀନେସି, ଇଦାଆଁ ଏଝାଣି ଡାଣା ଖାନି ଲକୁ  
 ନାମିନାୟିମାନେ । ୭ ନାମୁଟି ନହ ଏ ବେଲା ପାତେକା ଡଞ୍ଜା ଆଆଗାଟି  
 କାତାତାକି ହୁକୁମି ବେଟାଆହାନା ଆଜିତଲେ ତାନି କୁଟମି ଗେଲ୍‌ପାଲିତାକି  
 ର ଜାଜା ଚେପିତେସି, ଇଞ୍ଜି ଏ ନାମୁତଲେ ଏଝାସି ଦାର୍ତ୍ତିତି ଦହ କିହାନା  
 ନାମୁତଲେ ମାହାପୁରୁ ନକିତା ଦାର୍ମ୍ଭଗାଟାସି ଆଡେସି । ୮ ନାମୁଟି ଅବ୍ରାହାମ  
 ମାହାପୁରୁ ଡାଣାଟି ହାସ୍‌କି ଆହାଲିଏ, ଆମିନି ଦେସା ଏଝାସି ବେଟାଆହାଲି  
 ହାଜିମାତେସି, କାତା ମାନଞ୍ଜି ଆହାନା ଏମ୍ବାଆଁ ହାଜାଲି ହତେସି, ଏଝାସି  
 ଏମ୍ବିୟା ହାଜିମାନେସି, ଏଦାଆଁ ଏଝାସି ପୁନାଆନା ଜିକେଏ ହତାହାତେସି

। ୯ ନାମୁଟି ଏଝାସି ଏଟ୍‌କା ଦେସାତାରିଲେହେଁ ଆଞ୍ଜାମାନି ଦେସାତା ବାସା  
 କିତେସି, ଏଝାସି ତୁମୁତା ବାସା କିତେସି ଅଡ଼େ ଏଝାଣିଲେହେଁ ମାହାପୁରୁ  
 ଆଞ୍ଜାଲିଏ ଇସାହାକ ଅଡ଼େ ଜାକୁବ ଜିକେଏ ତୁମୁ ଇଲୁତା ବାସା କିତେରି ।  
 ୧୦ ଇତିହଁ ଆମିନି ଗାଡ଼ା କାଲେଏ ତାକି ପୁନାଦି ଲେହେଁ ଅଡ଼େ ମାହାପୁରୁ  
 ତାନୁଏ ଚେପାମାନେସି, ଅବ୍ରାହାମ ଏ ଗାଡ଼ା ବେଟାଆହାଲି କାତାମାତେସି  
 । ୧୧ ନାମୁତଲେ ସାରା ବାଞ୍ଜେଣି ଆହଁ ତାନୁଏ ଜିକେଏ ଆଞ୍ଜାମାନାଣାଈ  
 ଦୂତି ବୁଡ଼ୁହି ଆହାମାତି ଜିକେଏ ପୁରାମାସା ଆହାଲି ବାଡ଼ୁୟୁ ବେଟାଆତେ;  
 ୧୨ ଅବ୍ରାହାମ ଦୂତି ବୁଡ଼ୁହା ଆହାମାତି ଜିକେଏ ଏଝାଣି ତାଣାଟି ହାଗୁତି  
 ହୁକାୟଁ ଅଡ଼େ ସାମ୍‌ଦୁରିତି ବାଝଲି ଲେହେଁ ଏଜିକିହାଲି ଆତାଆଗାଟି ର  
 ହାରେକା କୁଡ଼ା ଜାନ୍‌ଆତେରି । ୧୩ ଏ ବାରେଜାଣା ମାହାପୁରୁଇଁ ନାମାହଁ  
 ହାତେରି; ଏଝାରି ମାହାପୁରୁ ଆଞ୍ଜାମାତାଣି ପୁଞ୍ଜାଆତି ଜିକେଏ ହେକଟି ଏ  
 ବାରେ ମେସାନା ରାହଁ ଆତେରି ଇଞ୍ଜି ଦାଡ଼ିତା ମାମୁ ବୀଦେସା ଅଡ଼େ ବାସା  
 କିହାମାନମି ଇଞ୍ଜି ଜଲିତେରି । ୧୪ ଇତିହଁ ଆମିନି ଗାଟାରି ଇଲେତି କାତା  
 ଜଲିନେରି, ଏଝାରି ତାନି ଅଡ଼େ ର ଦେସା ପାରିମାନେରି ଇଞ୍ଜି ଝେସିମାନେରି  
 । ୧୫ ଏଝାରି ଆମିନି ଦେସା ପିସା ଝାହାମାତେରି, ଏ ଦେସାତି ଅଡ଼େ  
 ଅଶ୍‌ପି ହିଲାଆତେରି । ଏଝାରି ଅଶ୍‌ପିତିହଁମା ଏ ଦେସାତା ଝେଶ୍‌ଟେ ହାଜାଲି  
 ଆତିତେରିମା । ୧୬ ସାମା ଏଝାରି ର ହାରେକା ନେହଁଣି ଇତିହଁ ଲାକପୁରୁ  
 ଦେସାତି ଅଶ୍‌ପିମାତେରି; ଏଦାଆଁତାକି ମାହାପୁରୁଇଁ ଏଝାରି ମା ମାହାପୁରୁ ଇଞ୍ଜି  
 ଝେଶ୍‌ଟି କିହାଲି ଲାଜା ଆହା ହିଲାଆତେରି, ଇତିହଁ ଏଝାସି ଏଝାରି ତାକି ର  
 ଗାଡ଼ା ତାରି କିହାମାନେସି । ୧୭ ନାମୁତଲେ ଅବ୍ରାହାମ ତାୟିପାରି କିଝିଆହଁ  
 ଇସାହାକଇଁ ପୁଜା କିହାଲି ହେର୍‌ପିତେସି, ଆମିନି ମାଶ୍‌ସି ଆଞ୍ଜାମାତାଣି ମେଡ଼ା  
 ଆହାମାତେସି, ଆମ୍‌ଆରାଇଁ ଏଲେଇଞ୍ଜାମାତେସି, ୧୮ “ଇସାହାକ ତାଣାଟି  
 ନୀ କୁଡ଼ା ଝେଶ୍‌ଟିନେରି, ଏ ମାଶ୍‌ସି ତାନି ରଣ୍ଡିଏ ମୀର୍‌ଏଶାଈଁ ତାକିନି ପୁଜା  
 ହୀହାଲି ହାଜିମାତେସି ।” ୧୯ ଇସାହାକଇଁ ମାହାପୁରୁ ହାତାରି ତାଣାଟି ଜିକେଏ  
 ନିକ୍‌ହାଲି ଆତିମାନେସି ଇଞ୍ଜି ଅଶ୍‌ପାମାତେସି, ଇଞ୍ଜି ଅବ୍ରାହାମ ସାତେଏ  
 ଇସାହାକଇଁ ହାକିଟି ଝେଶ୍‌ଟେ ବେଟାଆତେସି । ୨୦ ନାମୁତଲେ ଇସାହାକ  
 ଝାହିନି ଦିନାତା ନେହଁ ଆପେ ଇଞ୍ଜି ଅଶ୍‌ପାନା ଜାକୁବ ଅଡ଼େ ଏସାଝୁଇଁ ବର  
 ହୀତେସି । ୨୧ ନାମୁତଲେ ଜାକୁବ ହାନି ବେଲାତା ଜସେପତି ରୀ ମୀର୍‌କାଣି  
 ବର ହୀତେସି, ଇଞ୍ଜି ତାନି କୁତା ବାଡ଼ୁଗାତା ଗେଣ୍‌ୟାନା ମାହାପୁରୁଇଁ ଜହରା

କିତେସି । ୨୨ ଜସେପ ହାନି ବେଲୀତା ନାମୁତଲେ ଇସ୍ରାୟେଲ ଲକ୍ଷୁ ମିସର  
 ଦେସାଟି ହତାହାନି କାତା ଖେସ୍ତେସି । ଇଞ୍ଜି ତାନି ପେଡ଼କା ତୁମ୍ବକା ତାକି  
 ହୁକୁମି ହୀତେସି । ୨୩ ନାମୁତଲେ ମସାତି ତାଲି ତାଞ୍ଜି ଏଞ୍ଜାଣି ଜାର୍ନାଆତି  
 ଦିନାଟିଏ ଏଞ୍ଜାଣାଇଁ ର ଅଜିତି କକାସି ଇଞ୍ଜି ମେସାନା ରାଜା ହୁକୁମି ଆଜାଆନା  
 ତାନି ଲେଞ୍ଜୁ ପାତେକା ଏଞ୍ଜାଣାଇଁ ତୁକ୍‌ହାନା ଇଟାମାରୁ । ୨୪ ମସା ନାମୁତଲେ  
 ପାତାଆତି ଡାୟୁ ପାର ରାଜା ମାଡ୍‌ପାତି ମାର୍‌ଏସି ଇଞ୍ଜି ଖେଡ୍‌ଲି କୁତେସି  
 । ୨୫ ଗାଡେକା ତାକି ପାପୁ ତଲେ ରାହାଁ ବେଟାଆନାଣି କିହାଁ ମାହାପୁରୁ  
 ଲକ୍ଷୁତଲେ ତୁକୁ କସ୍ତୁ ଅର୍‌ହନାୟି ନେହାୟି ଇଞ୍ଜି ଅପିତେସି । ୨୬ ମିସର  
 ବାରେ ଦେସାଟି ଦନ କିହାଁ କ୍ରୀସ୍ତୁତି ନିନ୍ନା ବେଟାଆନାୟି ବାରେକିହାଁ କାଜା  
 ଦନ ଇଞ୍ଜି ଅଶ୍‌ପିତେସି, ଇତିହାଁ ଏଞ୍ଜାସି ଖାନି ଦିନାଣା ବେଟାଆନି ଦନତି  
 ସିନିକିତେସି । ୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା  
 ପିସାହାରେସି, ଇଞ୍ଜି ଆମ୍ବାଆସି ମେହ୍‌ଆଗାଟି ମାହାପୁରୁଇଁ ମେସ୍ତିଲେହେଁ  
 ଅର୍‌ହାନା ଡୟିତେସି । ୨୮ ନାମୁତଲେ ଏଞ୍ଜାସି ପିସ୍‌ପିଆନି ପାରୁତି ଅଡେ  
 ନେତେରି ଡାଞ୍ଜିନି ମେରା ମାନଖି ଆତେସି, ଏନିକିଁ ପାଶ୍‌ଖା ମାର୍କାଣି  
 ପାୟିନାସି ଇସ୍ରାୟେଲ ମାର୍କାଣି ତୀଗେଏ । ୨୯ ଇସ୍ରାୟେଲ ଲକ୍ଷୁ ନାମୁତଲେ  
 ଖାୟିତି ବୁମିତା ତାକିନି ଲେହେଁ ସୁପ ସାମ୍‌ଦୁରି ଗାଶ୍‌ତେରି, ସାମା ମିସର  
 ଦେସାତାରି ଏଲେକିଁ ଗାଶ୍‌ତାଲି ଅଶ୍‌ପାନା ସାମ୍‌ଦୁରିତା ମୁଞ୍ଜାନା ହାତେରି  
 । ୩୦ ଇସ୍ରାୟେଲ ଲକ୍ଷୁ ନାମୁତଲେ ସାତା ଦିନା ପାତେକା ଜିରିହ ଗାଡାତି  
 କଟା ସାରିସୁରୁ ରେତିତାୟୁ ବିଡ୍‌ହାହାତେ । ୩୧ ନାମୁତଲେ ରାହାବ୍ ଦାରେଣି  
 ଦେସା ସିନିକିହାଲି ମେଶେଏ ଖାହାମାତାରାଇଁ ଡାୟୁ ହୀତାକି ମାହାପୁରୁଇଁ  
 ମାନଖି ଆଆଗାଟାରି ତଲେ ନାସା ଆଆନା ହିଡ୍‌ଡି ବେଟାଆତେ । ୩୨  
 ଅଡେ ଆଗାଡା ଏନାଆଁ ଖେସ୍ତାଇଁ, ଗିଦିୟନ, ବାରକ୍, ସାମ୍‌ସନ୍, ଜିପ୍ତୁହ,  
 ଦାସ୍ତୁଦ, ସାମ୍‌ୟେଲ ଅଡେ ମାହାପୁରୁ ଅଶ୍‌ପୁତି ବଲୁ ଖେହ୍‌ନାରି କାତା ମିଡ୍‌ଜେ  
 ଖେସାଲି ବେଲୀ ହାଲେଏ । ୩୩ ନାମୁତଲେ ଏଞ୍ଜାରି ହାରେକା ରାଜିୟାଣି  
 ଜୁଜୁ କିହାନା ଜୀଣା ଆତେରି, ଦାର୍‌ମୁକାମା କିତେରି, ମାହାପୁରୁ ଆଞ୍ଜାମାନାଣି  
 ବେଟାଆତେରି, ସିହ୍ କ୍ଷାଣିୟାଁ ଗୁଡି ମୁଦା କିତେରି । ୩୪ ଏଞ୍ଜାରି ଆଜିହ୍‌ପେତି  
 ଡାଞ୍ଜିନି ହିରୁ ତୁପ୍‌ହେରି, ଟୁଣ୍‌ନି ଡାଶାଟି ପିସ୍‌ପିଆତେରି, ଏଞ୍ଜାରି ବାଡ୍‌ୟୁ  
 ହିଲୀଆ ବେଲୀତା ବାଡ୍‌ୟୁ ବେଟାଆତେରି, ଜୁଜୁତା ଜୀଣା ଆତେରି, ଅଡେ  
 ମାହାପୁରୁଇଁ ନାମାଆତାରି ଜୁଜୁକିନି କସ୍‌କାଣି ଜୀଣାଆହାନା ପେର୍‌ହାତୁସ୍ତେରି

। ୩୫ ନାମୁଟି ଆୟାସିକା ତାମି ଲକ୍ଷ୍ମି ବିଦ୍ରାଟି ହାତାରାଇଁ ନିପକି ଆହାନା  
 ଖେଣ୍ଡେ ବେଟାଆଡୁ: ଏତରଜାଣା ଖେଣ୍ଡେ ନିଢ଼ିନାଣି ମେଡ଼ା ଆହାଲିତାକି  
 ଗେଲ୍‌ପି ଆହାଲି ମନ କିଆନା ଆଜିହୁପେତି କସ୍ତୁ ବେଟାଆତେରି । ୩୬  
 ଏତର ଜାଣାଇଁ ନିନ୍ଦା କିହାନା କାକ୍‌ହେରି, ଏତର ଜାଣାଇଁ ସାଟ୍‌ଣି ଡ଼ରି ତଲେ  
 ଖେତେରି, ଏତର ଜାଣାଇଁ ହିକ୍‌ଣିୟାଁ ତଲେ ଦସାନା କାୟିଦି ଇଲ୍ଲୁ ଡ଼ାଣାଟି  
 ତାୟିପାରି କିଞ୍ଚି ଆତେରି । ୩୭ ଆମ୍ବାଆରି ଖାଲ୍‌କାତଲେ ପାୟିଞ୍ଚି ଆତେରି,  
 ଆମ୍ବାଆରି କରତ ତଲେ ରୀ ଗାଣ୍ଡା କିହିଁ ରାଡ୍‌ପିଆତେରି, ଇଞ୍ଚିଁ କାଣ୍ଡାତଲେ  
 ପାୟିଞ୍ଚି ଆତେରି, ଆମ୍ବା ଆମ୍ବାଆରି ମେଣ୍ଡା ଅଡ଼େ ଗରି ଡ଼ଲ୍‌କା, ହୁତାନା  
 ରାନ୍ଦୁକୁତା ବେଟାଆଆନା କସ୍ତୁ, ଲାଗି ବେଟାଆହିଁ ଇତାଲା ଆତାଲା ରେତେରି  
 । ୩୮ ଏଞ୍ଜାରି ଦେସାଟି ଲକ୍ଷ୍ମି ହିଲାଆ ଡ଼ାଣା, ହୁରକାଣା, ପାଞ୍ଜୁୟାଁଣା ଅଡ଼େ  
 ଗାଣ୍ଡୁଣା ବାସା କିତେରି; ଦାର୍‌ତିତି ଏଞ୍ଜାରିକି ନୀତାଲି ଜଗେ ହିଲାଆତେ ।  
 ୩୯ ଏଞ୍ଜାରି ନାମୁତଲେ ଇ ବାରେ ନେହିଁ ଖେଟ୍ଟାମାଟି ଜିକେଏ ଆଞ୍ଜାମାଟାଣି  
 ବେଟାଆଆତେରି, ୪୦ ଇତିହିଁ ମାହାପୁରୁ ମାଢ଼େଟାକି ହାରେକା ନେହାଁଣି  
 କିହାଁ ଇଟାମାନେସି, ଏନିକିଁ ଏଞ୍ଜାରି ମା ତଲେ ଏନିକିଁ ତୀରି ଆନେରି ଇଞ୍ଚିଁ  
 ମାହାପୁରୁତି ଅଣ୍ଡୁ ମାତେ ।

**୧୨** ଇଦାଆଁତାକି ଇଚେକା କାଜା ହାଗୁଲେହେଁ ସାକି ହୀହାମାନାରି ମା  
 ସାରିସୁରୁ ମାନାକି, ଖାଦୁ ମାର ବାରେତି ବଜୁ ଅଡ଼େ ଆଞ୍ଜାମାଞ୍ଜାନି ପାପୁ ପିସାନା  
 ନାମୁତା ନକିନାସି ଅଡ଼େ ତୀରିକିନି ଜୀସୁଇଁ ସିନିକିହାନା ସାସାତଲେ ମା ନକିତା  
 ତୀରିଆହାମାନି ଡ଼ାୟୁତା ହଣ୍ଡନ । ୧ ମା ନାମୁ ତାକି ନକିନାସି ଅଡ଼େ ନାମୁତା  
 ବାସୁକିନି ଜୀସୁଇଁ ମାର ସିନିକିନ । ଏଞ୍ଜାସି ନକିତା ମାନି ରାହାଁ ବେଟାଆହାଲି  
 ପାସି ମୁଣ୍ଡାତା ଲାଜା ବେଟାଆହାନା ହାନି ପାତେକା ଅରୁହିତେସି ଇଞ୍ଚିଁ ଏଞ୍ଜାସି  
 ନୀଏଁ ମାହାପୁରୁ ସିଂଗାସାଣି ଚିଃନି ଟଟତା କୁଗାମାନେସି । ୩ ମୀରୁ ଏନିକିଁ ମୀ  
 ମନତା ଖାଦୁ ଖାହଅତେରି; ଇଦାଆଁତାକି ପାପୁ ଗାଟାରି ଡ଼ାଣାଟି ତାନି କ୍‌ପାଟି  
 ଏଚେକା କସ୍ତୁ ଅରୁହିତେସି, ଏଞ୍ଜାଣି କାତା ମୀରୁ ଅଣ୍ଡୁପାଦୁ । ୪ ମୀରୁ ପାପୁ  
 କ୍‌ପାଟି ଜୁଜୁ କିହାନା ନୀଏଁ ପାତେକା ମୀ ନେତେରି ହାନି ପାତେକା ଆଞ୍ଜା  
 ହିଲଅତେରି । ୫ ମାହାପୁରୁ ମିଢ଼େ ମୀରୁକାତେରି ଲେହେଁ ଖେସାମାଞ୍ଜାନି,  
 ସାସାହାନି କାତା ବାଣାଆତେରି କି? “ଏ ନା ମୀରୁଏଣାଟି, ପ୍ରୁ ସାଲଞ୍ଚି  
 କିୟାନାଣି ଉଜେଏତାୟି ଇଞ୍ଚିଁ ଇନାଆନି, ଆଆଡ଼ିଁ ଏଞ୍ଜାଣି ଡ଼ାଣାଟି ଦାକା  
 ବେଟାଆତିସାରେ ସାସା ପିହୁଆନି; ୬ ଏନାଆଁତାକି ଇତିହିଁ ପ୍ରୁ ଆମ୍ବାଆରାଇଁ

ଜୀଝୁ ନନେସି, ଏଞ୍ଜାଣାଈଁ ଜାଗ୍ରାତା କିହ୍ନାଁ ଜୀଵନେସି ଅଢ଼େ ଆମିନି ମୀରୁଏଣାଈଁ  
 ଆବିନେସି, ଏଞ୍ଜାଣାଈଁ ସାସ୍ତି ହୀନେସି ।” ୭ ନେହ୍ନାଁତେରି ଆହାଲି କସ୍ତୁ ଅରୁହି  
 ମାଞ୍ଜେରି, ମାହାପୁରୁ ମିଢ଼େ ମୀରୁକା ଲେହେଁ ଲେମ୍ବିମାଞ୍ଜୁନେସି, ଇତିହିଁ ଆବା  
 ଆମ୍ବାଆରାଈଁ ତଣ୍ଡୁ ହୀଅସି ଇଲେତି ମୀରୁଏସି ଆମ୍ବାଆସି ମାନେସି? ୮ ସାମା  
 ଆମିନି ତଣ୍ଡୁତା ବାରେ ଆଣ୍ଡିନେରି, ଇଞ୍ଜାଁ ମୀରୁ ଏମ୍ବାଆଁ ଆଣ୍ଡାଆତାତେରି,  
 ଆତିହିଁ ମୀରୁ ମୀରୁକା ଆଆନା ଦାରେଣି ମୀରୁକା ଆଦେରି । ୯ ଅଢ଼େ  
 ଜିକେଏ, ମା ଦାର୍ତ୍ତିତି ତାଞ୍ଜିୟାଁ ମାଢ଼େ ସାସ୍ତି ହୀୟାତି ଜିକେଏ ଏଞ୍ଜାଣାଈଁ  
 ମୀର ମାନି କିତାୟି, ଆତିହିଁ ମା ଲାକପୁରୁତି ଆବାଈଁ ଏଚେ ହାରେକା ମାନଞ୍ଜି  
 ଆହାନା ଜୀଝୁ ବେଟା ଆଆୟି? ୧୦ ମା ଦାର୍ତ୍ତିତି ତାଞ୍ଜିୟାଁ ତାମି ଅଣ୍ଡପୁତା  
 ନେହିଁ ଆନିଲେହେଁ ମାଢ଼େ ଗାଢ଼େକା ଦିନାତାକି ସାସ୍ତି ହିୟାତେରି; ସାମା  
 ମୀର ଏନିକିଁ ମାହାପୁରୁତି ସୁଦୁତା ଆଣ୍ଡାଲି ଆତିନାୟି, ଇଦାଆଁତାକି ମାହାପୁରୁ  
 ମା ନେହିଁ ତାକି ମାଢ଼େ ତଣ୍ଡୁ ହିୟାନେସି । ୧୧ ମୀର ସାସ୍ତି ବେଟାଆନାୟି  
 ରାହାଁଗାଟାୟି ଆଆନା ଦୁକୁ ଗାଟାୟି ଆନେ, ଆତିଜିକେଏ ଆମିନି ଗାଟାରି  
 ଏମ୍ବାତି ଜାପାମାନେରି, ତାୟୁ ଏଞ୍ଜାଣାକି ହିଡ଼ିତି ପାଢ଼େୟି ଲେହେଁ ଦାମ୍ବୁତି  
 ପାଢ଼େୟି ବେଟାଆନେରି । ୧୨ ଇଦାଆଁତାକି ମୀରୁ ବାଡ଼ୟୁ ହିଲାଆ କେସ୍ତା  
 ପେର୍ଦୁ ଅଢ଼େ ବାଡ଼ୟୁ ହିଲାଆ ମେଣ୍ଡାୟାଁ ବାଡ଼ୟୁ କିଦୁ । ୧୩ ସଲକେ ଜିରୁତା  
 ତାକାଦୁ: ଆତିହିଁ, ମୀ ସଟା ଆତି କତା ଆତାଆଗାଟାୟି ଆଆନା ନେହିଁ ଆନେ  
 । ୧୪ ବାରେଜାଣା ତଲେ ହିଡ଼ି ତଲେ ମାଞ୍ଜାଲି ଅଣ୍ଡପାଦୁ, ଅଢ଼େ ସୁଦୁଗାଟାସି  
 ଆଆନା ଆମ୍ବାଆସି ପ୍ରୁଇଁ ମେସାଲି ଆତଅସି, ଏମ୍ବାଆଁ ତୀରେତଲେ ସିନିକିଦୁ  
 । ୧୫ ଏଚେତା ଆମ୍ବାଆସି ମାହାପୁରୁତି କାର୍ମାମେହ୍ନି ତାଣାଟି ନସ୍ତୁ ଆନେସି  
 ଇଞ୍ଜାଁ ଏନି କାମ୍ବେଲି ତାକି ନେୟାଁନା ପାତା ଆହାଁ ମିଢ଼େ ନସ୍ତୁ କିୟାନେ ଅଢ଼େ  
 ଏମ୍ବାତି ହାରେକା ପଲ୍‌ଆ ଗାଟାରି ଆନେରି; ୧୬ ଏସାଝୁ ଲେହେଁ ଆମ୍ବାଆସି  
 ଦାରିଗାଟାସି କି ଦାମ୍ବୁ ହିଲାଆଗାଟାଣି ଲେହେଁ ଆଆପେସି; ଏଞ୍ଜାସି ର ଅଲିତି  
 ରାନ୍ଦୁ ତାକି ତାନି କାଜା ମୀରୁଏଣି ପାଣା ପାର୍‌ତା ମାଚେସି । ୧୭ ମୀରୁ  
 ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଞ୍ଜାସି ଆବା ତାଣାଟି ବର ବେଟାଆହାଲି  
 ଅଣ୍ଡପିତିହିଁ ଜିକେଏ ବେଟାଆହାଲି ଆତାଆତେସି, ଅଢ଼େ ମାନ ଝେଟ୍‌ହାଲି  
 ତାକି କାଣ୍ଡୁ ବକ୍‌ହେଁ ପାରାଲି ଅଣ୍ଡପିତେସି ଆତିଜିକେଏ ଏଦାଆଁ କିହାଲି ପାରୁ  
 ବେଟାଆଆତେସି । ୧୮ ଇସ୍ତାୟେଲତି ଲକୁ ଲେହେଁ ମୀରୁ ସିୟନ ହରୁତା  
 ତାଞ୍ଜିମାତି ହିରୁ, କିଟିକିଟି ଆନେରି, ରୁଞ୍ଜାଗାଲି, ୧୯ ତୀତ୍ରି ଉକିନି ହାତା

ଇଚ୍ଛା କାତା ଝେହ୍ନି ହାତା ତାଗେ ଝାଆତେ, ଝେନାରି ଏ ହାତା ଝେଞ୍ଜାନା  
 ଏନିକି ଏଝାରାକି ଅଡେ ଏନି କାତା ଝେସ୍ପି ଆଏ, ଇଦାଆଁ ବାତିମାଲା  
 ମାରେରି; ୨୦ “ଇଚିହିଁ ଏନି ଜନ୍ତୁ ଜିକେଏ ଏ ହୁରୁତି ତୀଗିନେ, ଆତିହିଁ  
 ଏଦାନି ଝାଲକାତଲେ ଇରହାନା ପାୟିଝିଆନେ ।” ଇ ଆମିନି ହୁକୁମି ହୀପ୍‌କି  
 ଆହାମାରେ, ଏଦାଆଁ ଏଝାରି ଅରହାଲି ଆତାଆତେରି; ୨୧ ଏଦି ଆଜିହ୍‌ପେ  
 ତଞ୍ଜା ଆହିମାତାକି ମସା ଜିକେଏ ଏଲେଇରେସି, “ନାନୁ ଜିକେଏ ଆଜିତାକି  
 ତୀରଗିମାଲ୍ ।” ୨୨ ସାମା ମୀରୁ ସିୟନ ହୁରୁ ଅଡେ ନୀତାମାନି ମାହାପୁରୁତି  
 ଗାଡ଼ା, ଇଚିହିଁ ଲାକପୁରୁତି ଜିରୁସାଲମତା, ହାରେକା ଦୂରୁୟାଁ ଝାହାମାରେରି  
 ଏମ୍‌ଆଁ ଝାହାମାଞ୍ଜେରି । ୨୩ ଅଡେ ଏ ପାଶ୍‌ଝା ମୀରକାତି କୁଲମି ଆମ୍‌ଆରି  
 ଦରୁ ଲାକପୁରୁ ରାସ୍‌କି ଆହାମାନେ ଅଡେ ବାରେତି ନୀହାୟି କିନି ମାହାପୁରୁ  
 ନକିତା ତୀରିକିଝି ଆହାମାନି ଦାମ୍‌ତି ଜୀଝୁୟାଁ । ୨୪ ପୁଷନି ରାଜିମାନା ମାଦିତି  
 ଜୀସୁ, ଇଚ୍ଛା ଆମିନି ତାଞ୍ଜାମାନି ତାନି ନେତେରି, ହେବଲ ନେତେରି କିହାଁ  
 ହାରେକା ନେହିଁ, ଏ ନେତେରି ତାଗେ ଝାହାମାଞ୍ଜେରି । ୨୫ ହେଶୁ ଆମ୍‌ଆସି  
 କାତା ଝେସିମାଞ୍ଜାନେସି ଏଦାଆଁ ଝେନଅମି ଇନାଆଦୁ, ଇଚିହିଁ ଆମ୍‌ଆସି  
 ଦାର୍‌ତିତା ହୁକୁମି ହୀତେସି, ଏଝାଣାଇଁ ତାକି ଗେଲ୍‌ପି ଆଆତେରି, ଆତିହିଁ  
 ଆମ୍‌ଆସି ଲାକପୁରୁତି ହୁକୁମି ହୀହିମାଞ୍ଜାନେସି, ଏଝାଣି ତାଣାଟି ଏଟ୍‌କା  
 ହାତିସାରେ ମାର ଗେଲ୍‌ପିଆଆୟି, ଇଦି ଏଚେକା ସାତା ଆଏ? ୨୬ ଏଚିବେଲା  
 ଏଝାଣି ହାତା ଦାର୍‌ତିଇଁ ଝାଟ୍‌ହେ, ସାମା ନୀଏଁ ଏଝାସି ପାର୍‌ମାଣା କିହାଁ  
 ଝେସାମାଞ୍ଜାନେସି, “ନାନୁ ଅଡେ ଝେଶ୍‌ଟେ ଝାରୁଇ ଦାର୍‌ତିଇଁ ଝାଟ୍‌ଇଁ, ଏଦି ଆଏ  
 ସାମା ହାଗୁ ପାକାଇଁ ଜିକେଏ ଝାଟ୍‌ଇଁ ।” ୨୭ ଅଡେ ଝେଶ୍‌ଟେ ଇଚ୍ଛା ଇନି ତାଣାଟି  
 ଇଦାଆଁ ପୁଞ୍ଜିମାନାୟି, ଆଟ୍‌ଝା ଗାଟାୟି ତୟାଲି ତାକି ଝାତିନାୟି, ଇଚିହିଁ ଗାଡ଼ି  
 ଆହାମାନାୟି ବାରେ ତିରି ମୀଶ୍‌ନେ । ୨୮ ଇଦାଆଁତାକି ଝାଦୁ ଝାତାଆଣାଟି  
 ରାଜିତି ବେଟାଆହାନା ମାର ଏ କାର୍‌ମାତି ପିହ୍‌ଆପ ଇଚ୍ଛା ରାହାଁତଲେ ଆଜି  
 ଅଡେ ମାନିଟି ମାହାପୁରୁ ରାହାଁ ଆନିଲେହେଁ ଜହରା କିନି । ୨୯ ଏନାଆଁତାକି  
 ଇଚିହିଁ ମା ମାହାପୁରୁ ନାସାକିନି ହିରୁ ଲେହେଁତାସି ।

**୧୩** କ୍ରୀସ୍ତାନା ତାୟିୟାଁ ଅଡେ ତାଢ଼ିସ୍ତା ରଅତେରି ରଅଣାଇଁ ଜୀଝୁ ନଝୁ । ୨  
 ପୁନାଆତି ଗତାୟାଁଣି ସେବା କିହାଲି ବାଣା ଆଆଦୁ, ଇଚିହିଁ ଏଲେକିତାକି  
 ଏଚରଜାଣା ପୁନାଆନା ଲାକପୁରୁତି ଦୂରୁୟାଁଣି ସେବା କିହାମାନେରି । ୩  
 କାୟିଦିତା ମାନାରାଇଁ ମୀରୁ ଏଝାରିତଲେ କାୟିଦିତା ମାନି ଲେହେଁ ଅଶ୍‌ପାଦୁ

ଇଚ୍ଛା ଆତ୍ମା ତଳେ ମାନାକି ଦୁକୁ କସ୍ତୁ ବେଟାଆହିମାନାରି ତଳେ ସମାନା  
 ଦୁକୁ କସ୍ତୁ ବେଟାଆହାଲି ଅଶ୍ଵାଦୁ । ୪ ବୀହା ବାରେ ଲକ୍ଷ୍ମ ନକିତା ନେହାୟି  
 ଆପେ, ଇଚ୍ଛା ତକି ଅଡ଼େ ତକ୍ତା ମାନି ତଳେ ତୟାପୁ, ଏନାଆଁତାକି ଇଚିହିଁ  
 ମାହାପୁରୁ ଲାଗେଏତି କାମା ଅଡ଼େ ଦାରିକାମା କିନାରାଇଁ ନାହାଁୟି କିନେସି  
 । ୫ ତାକିନି ତାକୁତା ଦନ ଜୁପକା ଆଆଦୁ, ମିଢ଼େ ଏନାୟି ମାନେ, ଏମ୍ପାଆଁ  
 ରାହାଁତଳେ ମାଞ୍ଜୁ, ଇଚିହିଁ ମାହାପୁରୁ ଏଲେଇଚ୍ଛା ମାନେସି, “ନାନୁ ନିଢ଼େ  
 ଏଚେଲାଖା ପିସୁଅଁ, ନାନୁ ନିଢ଼େ ଏଚେଲାଖା ବାଣାଆୟଅଁ ।” ୬ ଇଦାଆଁତାକି  
 ମାର ସାସାତଳେ ଏଲେଇଚ୍ଛାଲି ଆଡିନାୟି, “ପ୍ରବୁ ନା ସାୟେମି ଆନାସି,  
 ନାନୁ ଇଚାଣି ଆଜଅଁ, ମାଣସି ନାଢ଼େ ଏନାଆଁ କିହାଲି ଆତାନେସି?” ୭  
 ଆମିନି ଗାଟାରି ମିଢ଼େ ମାହାପୁରୁତି ବଲୁ ଝେସାମାଞ୍ଜାତେରି, ମୀରୁ ଏଲେତି  
 କାଜାରାଇଁ ମାନି କିଦୁ: ଏଖାରି ଏନିକିଁ ନୀତାମାଚେରି ଇଚ୍ଛା ହାତେରି, ଏଦାଆଁ  
 ଅଶ୍ଵାଦନା ଏଖାରି ନାମିତି ଲେହେଁ ମୀରୁ ଜିକେଏ ନାମାଦୁ । ୮ ଜୀସୁ କ୍ରୀସ୍ତ  
 ରେଝଏନି, ନୀଞ୍ଜୁ ଅଡ଼େ କାଲେଏ ତାକି ସମାନା ତୟିନେସି । (aiōn g165) ୯  
 ଏଚ୍ଵକା ଅଡ଼େ ଅର ରଲେତି ଜାପ୍ନି ତାଣା କିଲିବିଲି ଆଆଦୁ, ଇଚିହିଁ ତିନି  
 ରାନ୍ତାତା ଆଏ, ସାମା ମାହାପୁରୁ କାର୍ମାଟି ହିୟାଁ ତାରି ଆନାୟି ନେହେଁ; ଆମିନି  
 ଗାଟାରି ତିନି ରାନ୍ତାତି ମେରା ମାନଝି ଆନେରି, ଏଖାରାକି ଏନି ଲାବା ଆଏ ।  
 ୧୦ ମା ଇଲେତି ର ପୂଜାପିଣ୍ଡା ମାନେ, ଆମିନି ପୂଜା ପିଣ୍ଡାତି ଦିଶ୍ଵଇଁ ତୁମ୍ଭ  
 ଇଲୁତା ସେବାକିନି ପୂଜେରାଞ୍ଜା ତିଞ୍ଜାଲି ଅଦିକାରା ହିଲେଏ । ୧୧ ଇଚିହିଁ  
 ଜୀହୁଦିୟାଁତି କାଜା ପୂଜେରା ପାପୁ ତାକି ହେର୍ପାମାନି ଜନ୍ତୁତି ନେତେରି  
 ସୁଦୁ ଚାୟୁତା ଅନେସି; ସାମା ଏ ଜନ୍ତୁତି ଆତ୍ମା ବାରେ ସାମ୍ପଣ୍ଡା ପାଞ୍ଜାତା  
 ତାତାହାଁ ହୁଡ଼ିଆନେ । ୧୨ ଇଦାଆଁତାକି ଜୀସୁ ଜିକେଏ ତାନି ନେତେରି  
 ତଳେ ଏନିକିଁ ଲକ୍ଷ୍ମଣି ସୁଦୁ କିନେସି, ଇଦାଆଁତାକି ଗାଡ଼ା ପାଞ୍ଜାତା ହାତେସି  
 । ୧୩ ଇଦାଆଁତାକି ଖାଦୁ, ମାର ଜିକେଏ ଏଖାଣିଲେହେଁ ନିନ୍ଦା ଅରହାନା  
 ଗାଡ଼ା ପାଞ୍ଜାତା ଏଖାଣି ତାଣା ହାନ । ୧୪ ଏନାଆଁତାକି ଇଚିହିଁ ଇମ୍ପାଆଁ  
 ବାରେ ଦିନାତାକି ମାଢ଼େ ତୟିନି ଗାଡ଼ା ହିଲେଏ, ସାମା ମାର ତାୟୁ ଖାହିମାନି  
 ଗାଡ଼ାତି ବେଟାଆହାଲି ପାରିମାନାୟି । ୧୫ ଇଦାଆଁତାକି ଖାଦୁ, ମାର ଜୀସୁ  
 ତାଣାଟି ମାହାପୁରୁଇଁ ଜହରାତି ପୂଜା କିନ, ଇଚିହିଁ ତାନି ଦରୁ ଜଲିମାନି ଗୁଡିତି  
 ବାରେଦିନା ହେର୍ପିନ । ୧୬ ଏଚ୍ଵକା ତାରାଇଁ ସାୟେମି କିହାଲି ବାଣା ଆଆଦୁ,  
 ଇଚିହିଁ ଇଲେତି ପୂଜା କାମାତା ମାହାପୁରୁ ରାହାଁ ଆନେସି । ୧୭ ମୀ କାଜାରାଇଁ



ମାନସି ଆହାନା ଏଞ୍ଜରାଈଁ ମାନି କିଦୁ, ଇତିହିଁ ଆମିନି ଗାଟାରି ମାହାପୁରୁକି  
 ଲେକା ହାନାୟି ମାନେ, ଏଞ୍ଜରିଲେହେଁ ଏଞ୍ଜରି ମୀ ଜୀଞ୍ଜୁତି କାଟିମାନେରି,  
 ଏନିକିଁ ଏଞ୍ଜରି ଏଦାଆଁ ଦୁକୁ ତଲେ କିଆନା ରାହାଁତଲେ କିହାଲି ଆଡିନେରି;  
 ଦୁକୁ ତଲେ କିତିସାରେ ମିଡ୍ରେ ଏନି ଲାବା ହିଲେଏ । ୧୮ ମାଡ୍ରେଡାକି ପ୍ରାତାନା  
 କିଦୁ, ଇତିହିଁ ମା ନାମୁ ମାନେ, ମା ଅଶ୍ପୁ ନେହାୟି ଆପେ, ଅଡେ ବାରେ  
 କାମାତା ନେହିଁ ମାଶ୍କି ଆହାଲି ମାମୁ ଅଶ୍ପିମାନମି । ୧୯ ଅଡେ ନାନୁ ମୀ  
 ଡାଶା ଏନିକିଁ ତବେ ଖାୟାଲି ଆଡିଇଁ, ଏଦାଆଁତାକି ମାହାପୁରୁ ଡାଶା ପ୍ରାତାନା  
 କିହାଲି ନାନୁ ମିଡ୍ରେ ହାରେକା ବାତିମାଲିମାଞ୍ଜାଇଁ । ୨୦ ଆମିନି ହିଡ଼ି ହିୟାନ୍ତି  
 ମାହାପୁରୁ କାଲାକାଲା ଡିୟିନି ରାଜିମାନାତି ନେତେରି ତାକି, କାଜା ଡେଣ୍ଡା  
 ଚଡୁ, ଇତିହିଁ ମା ପ୍ରବୁ ଜୀସୁଇଁ ହାତାରି ଡାଶାଟି ନାଟ୍‌ହା ମାନେସି; (aiōnios  
 g166) ୨୧ ଏଞ୍ଜାଣି ନକିତା ଏନାୟି ନେହାୟି, ଏଦାଆଁ ଏଞ୍ଜାସି ମା ହିୟାଁତା ଜୀସୁ  
 କ୍ରୀସୁ ଡାଶାଟି ରାପ୍‌ହାନା ତାନି ମନଲେହେଁ କିହାଲି ମିଡ୍ରେ ବାରେ ନେହିଁ କାମା  
 କିୟାପେସି । ଏଞ୍ଜାଣାକି କାଲାକାଲାତି ଗାଞ୍ଜୁରମି ଆପେ! ଆମେନ୍ । (aiōn  
 g165) ୨୨ ଏ ତାୟି ତାଞ୍ଜିସ୍ତା, ନାନୁ ମିଡ୍ରେ ବାତିମାଲିମାଞ୍ଜାଇଁ, ଇ ଜାଗ୍ରାତା  
 କିଞ୍ଜିକିନି କାତା ସାସା ଇଟାନା ମନ ହୀଦୁ, ଇଞ୍ଜାଁ ନାନୁ ରାହାଁ କିହାଲି ଇ ଉଶା  
 ଆକୁ ମିଡ୍ରେ ରାଟାମାଇଁ । ୨୩ ମା ତାୟି ତିମତି କାୟିଦିଟି ତବେ ପିସ୍ପି  
 ଆହାମାନେସି ଇଞ୍ଜାଁ ପୁଞ୍ଜେରି, ଏଞ୍ଜାସି ତବେ ଖାତିସାରେ ଏଞ୍ଜାଣିତଲେ ନାନୁ  
 ମୀ ଡାଶା ବେଟିଞ୍ଜାହାଲି ଖାଇଁ । ୨୪ ମୀ ବାରେ କାଜାରାଇଁ ଅଡେ ମାହାପୁରୁ  
 ଲୁକୁଇଁ ଜହରା ଖେହ୍‌ଦୁ । ଏମିନି ତାୟିୟାଁ ଇଟାଲି ଡେସାଟି ଖାହାମାନେରି,  
 ଏଞ୍ଜାରି ମିଡ୍ରେ ଜହରା ଖେସିମାଞ୍ଜାନେରି । ୨୫ ମାହାପୁରୁତି କାର୍ମାମେହ୍‌ନାୟି  
 ବାରେତେରି ମିଡ୍ରେଡାକି ଆୟାପେ ।

# ଜାକୁବ

୧ ନାନୁ ଜାକୁବ, ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତତି ହଲେଏସି, ଦାର୍ତ୍ତିତା  
ଇତାଲା ଆତାଲା ଆହାମାନି ମାହାପୁରୁ ଲକ୍ଷ୍ମି ଜହରା । ୨ ଏ ନା  
ତାୟିୟା ଅଡ଼େ ତାଡ଼ିସ୍ତା, ମୀରୁ ଏତିବେଲା ତାୟିପାରି କିନି ତାଣା ତାୟିପାରି  
କିଞ୍ଚିଆଦେରି, ଏତିବେଲା ଏଦି ହାରେକା ରାହାତି କାତା ଇଞ୍ଚି ଅଣ୍ଟାପାଦୁ; ୩  
ତାୟିପାରି କିନାଣି ଜୀଣା ଆନି ନାମୁ ଏଦି ଅର୍ହାଲି ହୀୟାନେ, ଇଦାଆଁ  
ପୁଞ୍ଜାମାଞ୍ଜେରି । ୪ ଅଡ଼େ, ମୀରୁ ଏନିକି ଏନି ଗୁଣ୍ଡତା ଉଣା ଆଆନା ନେହିଁ  
ତୀରି ଅଡ଼େ ସୁବୁ ଗାଟାତେରି ଆଦୁ, ଏଦାଆଁତାକି ଅର୍ହାନାୟି ହାରେପୁରେ  
କାମା କିନେ । ୫ ସାମା ମୀ ବିତ୍ରା ଆମ୍ବାଆରାକି ବୁଦି ଉଣା ମାତିସାରି, ଆମିନି  
ମାହାପୁରୁ ଦହ ଆହୁଆନା ବାରେତାକି ହାରେପୁରେ କେୟୁ ଦେତାନା ଦାନା  
କିନେସି, ଏଞ୍ଜାଣି ତାଣା ପ୍ରାତାନା କିପାସି, ଏମ୍ବାଟିଏ ଏଞ୍ଜାଣାକି ହୀପକିଆନେ ।  
୬ ସାମା ଏଞ୍ଜାସି ଇଚାଣି ଆନାମାନା ଆଆନା ନାମୁତଲେ ପ୍ରାତାନା କିପାସି,  
ଇଚିହିଁ ଆମ୍ବାଆସି ଆନାମାନା ଆନେସି, ଏଞ୍ଜାସି ଗାଲି ତଲେ ଇତାଲା ଆତାଲା  
ଆହିମାନି ସାମୁଦୁରିତି ତୀରି ଆଆଗାଟି ଏୟୁ ଉଣ୍ଡା ଲେହେତାସି । ୭ ଏଲେତି  
ଲକ୍ଷ୍ମି ପ୍ରବୁ ତାଣାଟି ଏନାଆଁ ବେଟାଆଇଁ ଇଞ୍ଚି ଆସା କିଆପେସି; ୮ ଏଞ୍ଜାସି  
ରୀ ମନ ଗାଟାସି, ଇଞ୍ଚି ତାନି ବାରେ କାମାତା ତୀରି ଆଆଗାଟାସି । ୯  
ବାଡ଼କୁ ହିଲାଆଗାଟି ତାୟି ତାନି କାଜାପାଣା ତାକି ରାହାଁ କିପାସି, ୧୦ ବାଡ଼କୁ  
ଗାଟାସି ତାନି ଉଣା ଆହିମାନାଣି ତାକି ବଡ଼ପଣ କିପେସି, ଏନାଆଁତାକି  
ଇଚିହିଁ ବାଡ଼କୁ ଗାଟାସି ଜାଡ଼ାତି ପୁୟୁବଣ୍ଡା ଲେହେଁ ତୁଲା ହାନେସି । ୧୧  
ଏନିକି ଖେଡ଼ା ଲାଇ ହତାସାରେ ଜାଡ଼ା ଏନିକି ଖାୟାହାନେ ଅଡ଼େ ଏଦାନି  
ପୁଞ୍ଜା ତୁଲିନୁ ଇଞ୍ଚି ତାନି ଅଛୁତି ଖାଣା ମେଣ୍ଡାହାନେ, ଏଲେକିହିଁଏ ବାଡ଼କୁ  
ଗାଟାସି ଜିକେଏ ତାନି ବାରେ କାମାତା ଖଡ଼ିନେସି । ୧୨ ଆମିନି ଗାଟାସି  
ତାୟିପାରି କିନାଣି ଅର୍ହାନେସି ଏଞ୍ଜାଣାକି ନେହେଁ, ଇଚିହିଁ ମାହାପୁରୁ ତାନୁ  
ଜୀଞ୍ଜୁ ନି ଲକ୍ଷ୍ମି ଆମିନି ଜୀଞ୍ଜୁଗାଟି ଟପେରି ହୀହାଲି ଆଞ୍ଜାମାନେସି,  
ତାୟିପାରି କିତାଣି ଜୀଣାଆତି ଚେଚ ଏ ଲକ୍ଷ୍ମି ଏ ଆଞ୍ଜାମାନି ଟପେରି ବେଟା  
ଆନେସି । ୧୩ ଆମ୍ବାଆସି ତାୟିପାରି କିଞ୍ଚି ଆତିସାରେ, “ନା ଇ ତାୟିପାରି  
କିଞ୍ଚି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଚିହିଁ ଇନାଆପେସି, ଇଚିହିଁ  
ମାହାପୁରୁ ଲାଗେଏତି ପାନ୍ଦାଟି ତାୟିପାରି କିଞ୍ଚି ଆଅସି, ଅଡ଼େ ଏଞ୍ଜାସି ତାନୁଏ  
ଆମ୍ବାଆରାଇଁ ତାୟିପାରି କିଅସି । ୧୪ ସାମା ମାଣ୍ଡସି ତାନି ଲାଗେଏତି କାମା

ତଲେ ଜୁପକା ଅଡ଼େ ନାଡ଼ିକିଞ୍ଚି ଆହାନା ତାୟିପାରି କିଞ୍ଚିଆନେସି; ୧୫ ଅଡ଼େ  
 ଡାୟୁ ଲାଗେଏତି କାମା ପୁରାମାସା ଆହାନା ପାପୁତି ଜାନି କିନେ, ଇଞ୍ଚି ପାପୁ  
 ଗାତି ପାତାଆହାନା ହାକିତି ଜାନି କିନେ । ୧୬ ଏ ନା ଜୀଞ୍ଚୁତି ତାୟିୟା ଅଡ଼େ  
 ତାଢ଼ିସ୍ନା ମୀରୁ ନାଡ଼ି ଆଆଦୁ । ୧୭ ବାରେ ନେହିଁ ଦାନା ଅଡ଼େ ବାରେ ତୀରିତି  
 ବର ଲାକଟି; ଇତିହିଁ ଉଜେଡ଼ି ଗାଡ଼ିକିତି ଆବା ତାଣାଟି ଖାନେ, ଆମ୍ବାଆରି  
 ତାଣା ଏନି ବାଦଲି ଆନାୟି କି ଇତାୟିସା ସାୟି କିହାନା ଆନେରି ଆନାୟି  
 ହିଲେଏ । ୧୮ ମାର ଏନିକି ତାନି ଗାଡ଼ି ଆତି ତାଣାଟି ରଲେଏତି ର ମୁଲୁତି  
 ପାଡ଼େୟି ଲେହେଁ ଆନାୟି, ଏଦାଆଁତାକି ଏଞ୍ଚାସି ତାନି ଅଶ୍ପୁ ତଲେ ସାତା ବଲୁ  
 ତଲେ ମାଢ଼େ ଗାଡ଼ି କିୟାତେସି । ୧୯ ଏ ନା ଜୀଞ୍ଚୁତି ତାୟିୟା ଅଡ଼େ ତାଢ଼ିସ୍ନା,  
 ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେତେରି ଖେଞ୍ଜାଲି ଜାଗ୍ରାତା ଆଦୁ,  
 ଇଞ୍ଚି ଖେସାଲି ଦାଗା ଆଆଦୁ ଅଡ଼େ ଦେବୁଣିଏ କପା ଆଆଦୁ, ୨୦ ଇତିହିଁ  
 ମାଣ୍ଡିତି କପା ମାହାପୁରୁତି ନକିତା ଦାମ୍ବୁ କିହାଲି ଆଡେଏ । ୨୧ ଏଦାଆଁତାକି,  
 ମୀରୁ ବାରେ ପଲ୍‌ଆ ଗାଟାଣି ଅଡ଼େ ବାରେ ଲାଗେଏତି ପିସାତୁହୁଦୁ ଆମିନି  
 ମାହାପୁରୁ ହିୟାତି ବଲୁ, ମୀ ଜୀଞ୍ଚୁତି ଗେଲ୍‌ପାଲିତାକି ଆଡିନେ, ଏଦାଆଁ  
 ସୁଦୁଗାଟି ଅଶ୍ପୁ ତଲେ ଆହୁଦୁ । ୨୨ ସାମା ମୀରୁ ଏଞ୍ଚାଣି ବଲୁ ଖେନାତେରି  
 ଆହାଁ ଜାହାରାଇଁ ନାଡ଼ି କିହାକତାଆନା, ବଲୁତି କାମା କିନାତେରି ଆଦୁ ।  
 ୨୩ ଇତିହିଁ ଆମିନିଗାଟାସି ବଲୁତି କାମା କିନି ଲକୁ ଆଆନା ଖାରୁଇ ଖେନି  
 ଲକୁ ଆନେସି, ଆତିହିଁ ଏଞ୍ଚାସି ଦାପେଣିତା ତାନୁଏ ତାନି ମୁମୁ ସିନିକିହା  
 କତିମାନି ମାଣ୍ଡି ଲେହେଁତାସି, ୨୪ ଏତେତା ଏଞ୍ଚାସି ତାଢ଼େ ସିନିକିତି ଜେତ  
 ହାଜାନା, ଏଞ୍ଚାସି ଏମ୍ବାଟି ହତା ହାତି ଡାୟୁ ଏନିଲେହେଁତି ମାଣ୍ଡି ଦେବୁଣିଏ  
 ବାଣାଆନେସି । ୨୫ ସାମା ଆମ୍ବାଆସି ତୀରୁପୁ ଇତିହିଁ ଗେଲ୍‌ପାଲି ଆଡିନି  
 ନେହିଁ ମେରାତି ସିନିକିହାନା ମେରାତି କାମା କିନେସି, ଅଡ଼େ ଆଜିତାକି ଖେନି  
 ଲକୁ ଆଆନା କାମାକିନାସି ଆନେସି, ଏଞ୍ଚାସି ତାନି କାମାତା ନେହାଁସି । ୨୬  
 ଇତିହିଁ ଆମ୍ବାଆସି ଜାହାରାଇଁ ତୀରି ଗାଟାତେଏଁ ଇଞ୍ଚି ଅଶ୍ପା କତିନେସି, ଇଞ୍ଚି  
 ତାନି ଖେନୁରିତି ଲକ୍‌ଆନା ତାନୁ ତାନି ହିୟାତି ନାଡ଼ି କିନେସି, ଇତିହିଁ ତାନି  
 ଦାମ୍ବୁକାମା କିନାୟି ଉଜେଏତାୟି । ୨୭ ତାଲି ତାଞ୍ଜି ହିଲାଆ କକାରି ପଦାଣି  
 ଅଡ଼େ ରାଣ୍ଡେଣି ଇୟାସିକାଣି ତାମି ଦୁକୁ କାକୁଲି ବେଲାତା ସାୟେମି କିନାୟି  
 ଅଡ଼େ ଦାର୍ଡିତା ମାନି ବାରେ ଲାଗେଏତି କାମାଟି ଗେଲ୍‌ପା କତିନାୟି, ଇଦି  
 ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମ୍ବୁତି କାମା ।

୨ ଏ ନା ତାୟିୟାଁ ଅଡ଼େ ତାଢ଼ିୟା, ମା ଗାଞ୍ଜୁରମିଗାଟି ପ୍ରଭୁ ଜୀସୁ କ୍ରୀସ୍ତ ଡାଣା ନାମା ମାନାତେରି ମାଣ୍ଡିୟାଁତି ମୂମୁ ମେସାନା ଚଲେମ୍ବାଆଦୁ । ୨ ଇତିହିଁ ରଥସି ବାଂଗାରା ମୁଦି ଅଡ଼େ ଦାରାଗାଟି ନେହିଁ ଅଜିତି ହିମ୍ବୁରି ହୁତାନା କୁଟମି କୁଡ଼ା ଆହାମାନି ଡାଣା ଖାନେସି, ଅଡ଼େ ର ହିଲାଆଗାଟାସି ଗେଞ୍ଜାମାନି ମାହିଁତି ହିମ୍ବୁରି ହୁତାନା ଖାନେସି, ୩ ଅଡ଼େ, ମୀରୁ ଦାରାଗାଟି ଅଜିତି ହିମ୍ବୁରି ହୁତି ଲକୁଇଁ ମାନି କିହାଁ ଏଲେଇଞ୍ଜେରି, “ଇମ୍ବାଆଁ ନେହିଁ ଚାୟୁତା କୁଗାମ୍ବୁ” ଅଡ଼େ ହିଲାଆଗାଟାଣାଇଁ ଏଲେଇଞ୍ଜେରି “ଏମ୍ବାଆଁ ନିଚାମାନାମ୍ବୁ, ଆଆତିଁ ନା କଡାୟାଁ ଡ଼ଇକା କୁଗାମ୍ବୁ,” ୪ ଆଆତିଁ ମୀରୁ ମୀ ବିତ୍ରା କାଜା ଲକୁ ଉଣା ଲକୁ ପାର୍ଡ଼ା ବାତି କିଞ୍ଚି ଆହାଁ ଏଟ୍‌କା ଏଟ୍‌କା କିହାଁ ଲାଗେଏତି ନୀହାଁୟି କିହିମାଞ୍ଜେରି । ୫ ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଢ଼ିୟା, ଖେଞ୍ଜୁ ମାହାପୁରୁ ଇ ଦାର୍ଡ଼ିତା ବାଡ଼କୁ ହିଲାଆଗାଟାଣାଇଁ ତାମି ନାମୁତା ଦନ ଗାଟାରି ଆହାଲି, ଅଡ଼େ ତାନି ଜୀଞ୍ଜୁନହିଁ ମାନାରାଇଁ ଆମିନି ରାଜି ହୀହାଲି ଆଞ୍ଜାମାନେସି, ଏମ୍ବାତି ଅଦିକାରା କିହାଲି ଆଚା ହିଲଅସି? ୬ ସାମା ମୀରୁ କାକୁଲି ଗାଟାରାଇଁ ଅପିହିଲଅତେରି । ବାଡ଼କୁ ଗାଟାରି ମୀ ମୁହେଁ ରାଜି କିୟଅରି କି? ଅଡ଼େ ମିଢ୍ଢେ ନୀହାଁୟି ପାଢ଼ାତା ରେଜା ଅୟଅରି କି? ୭ ଆମିନି କାଜା ଦରୁତଲେ ଝେଢ଼ା ମାଞ୍ଜେରି, ଏନାଆଁ ଏଞ୍ଜାରି ଏ ଦରୁତି ନିନ୍ଦା କିଅରି । ୮ ମୀରୁ ମୀ ପାଡ଼ିତି ଲକୁଣି ମୀ ଜୀଞ୍ଜୁତି ଜୀଞ୍ଜୁ ନିନି ଲେହେଁ ଜୀଞ୍ଜୁନଦୁ, ସାସ୍ତେରିତା ରାସ୍‌କି ଆହାମାନି ମାହାପୁରୁ ରାଜିତି ମେରା ସାତେଏ ମାନଞ୍ଚି ଆଦେରି, ଆତିହିଁ ମୀରୁ ନେହିଁ କିହିମାଞ୍ଜେରି, ୯ ସାମା ଲକୁ ମୂମୁତି ମେସାନା ଚଲେମ୍ବାମାଞ୍ଜେରି, ଆତିହିଁ ମୀରୁ ପାପୁ କିହିମାଞ୍ଜେରି, ଅଡ଼େ ଏ ମେରା ତଲେ ଦହ ଗାଟାତେରି ଇଞ୍ଜି ଡ଼ଞ୍ଜା ଆହିମାଞ୍ଜେରି । ୧୦ ଆମ୍ବାଆସି ବାରେ ମସାତି ମେରା ମାନଞ୍ଚି ଆହାଁ ରଣ୍ଡିଏ ମେରାତି ଉରିନେସି, ଇତିହିଁ ଏଞ୍ଜାସି ବାରେ ମେରାତି ଦହ ତଲେ ଡ଼ଣ୍ଡ ବେଟା ଆନେସି । ୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜି ଝେସା ମାତାସି, ଏଞ୍ଜାସି ଲକୁଣି ପାୟାଆଦୁ ଇଞ୍ଜି ଜିକେଏ ଝେସାମାନେସି, ମୀରୁ ଦାରିକାମା କିଆନା ଲକୁଣି ପାୟାଦେରି ଇତିହିଁ ମେରାତି ଉରିନାତେରି ଆଦେରି । ୧୨ ଗେଲ୍‌ପିଆତି ମସାତି ମେରାଟି ମୀରୁ ନୀହାଁୟି କିଞ୍ଚିଆଦେରି, ଇଦାଆଁ ପୁଞ୍ଜାନା ଏଲେତି କାତା ଜଲାଦୁ ଇଞ୍ଜି କାମା କିଦୁ । ୧୩ ଇତିହିଁ ଆମ୍ବାଆସି କାର୍ମା ମେହ୍‌ଅସି ମାହାପୁରୁ ଏଞ୍ଜାଣାଇଁ କାର୍ମା ମେହ୍‌ଆନା ନୀହାଁୟି କିନେସି, ସାମା କାର୍ମାମେହ୍‌ନାୟି ନୀହାଁୟିତା ଜୀଣା ଆନେସି । ୧୪ ଏ ନା ତାୟିୟାଁ ଅଡ଼େ ତାଢ଼ିୟା, ଆମ୍ବାଆସି ନାଢ୍ଢେ ନାମୁ ମାନେ

ଇଚ୍ଛୁ ଇନେସି, ସାମା ଏଞ୍ଜଣି କାମା ହିଲେଏ, ଆର୍ଟି ଏଦି ଏନି ଲାବା? ଇଲେଟି  
 ନାମୁ ଆମ୍ବାଆରାଇଁ ଗେଲ୍‌ପାଲି ଆଡିନେ କି? ୧୫ ଏରିବେଲା ର ତାୟି କି  
 ତାଢ୍ଫିନାକି ହୁତାଲି ହିମ୍ବୁରି କି ତିଞ୍ଜାଲି ରାନ୍ନୁ ହିଲାଆତିହିଁ, ୧୬ ଇଚ୍ଛୁ ମୀ ବିତ୍ରାଟି  
 ଆମ୍ବାଆତେରି ତାନି ଆଢ୍ଫାତି ଲଡ଼ାମାନାଣି ହାଆନା, “ମାହାପୁରୁ ନିଢ୍ଫେ ବର  
 ହିୟାପେସି, ବାଣ୍ଡି ପାଞ୍ଜାହାଁ ହିଡ଼ିଟି ନେହିଁ କି ହାଲାନୁ” ଇଚ୍ଛୁ ଇଚିହିଁ ଏଦି  
 ଏନି ଲାବା? ୧୭ ଏଲେକିହିଁଏ, କାମା ହିଲାଆସାରେ ନାମୁ ହାତାୟି । ୧୮  
 ସାମା ଆମ୍ବାଆସି ଏଲେଇନେସି, “ରଅଣି ନାମୁ ମାନେ ଅଡେ ରଅଣି କାମା  
 ମାନେ;” କାମା ହିଲାଆନା ନୀ ନାମୁ ଡ଼ସ୍ତାମୁ, ଅଡେ ନାନୁ କାମା ତଲେ ନା  
 ନାମୁଟି ଡ଼ସ୍ତାଇଁ । ୧୯ ମାହାପୁରୁ ରଅସିଏ, ଇଦାଆଁ ମୀରୁ ନାମିମାଞ୍ଜେରି;  
 ଏଦି ନେହିଁ କାତା, ବୃତୁୟାଁ ଜିକେଏ ନାମାହାଁ ଆଜିତାକି ତୀର୍‌ଗିମାନୁ । ୨୦  
 ସାମା ଏ ବୁଦି ହିଲାଆଗାଟାତେରି, କାମା ହିଲାଆନା ନାମୁ ଉଜେଏତାୟି,  
 ଇଦାଆଁ ପୁଞ୍ଜି ହିଲାଆତେରି? ୨୧ ମା ଆକୁ ଅବ୍ରାହାମ, ପୂଜାପିଣ୍ଡା ଲାକ ତାନି  
 ମୀର୍‌ଏଣା ଇସାହାକଇଁ ପୂଜା କିହିମାତାଟି କାମା ତଲେ ଦାମ୍ବୁଗାଟାସି ଇଚ୍ଛୁ  
 ଝେଢ୍ଫା ହିଲାଆତେସି? ୨୨ ମୀରୁ ମେସିମାଞ୍ଜେରି, ଅବ୍ରାହାମତି ନାମୁ ତାନି  
 କାମାତା ଡ଼ଞ୍ଜାଆତେ, ଅଡେ କାମା ତଲେ ନାମୁ ପୁରାଆତେ; ୨୩ ଏତେଟିଏ  
 ସାସ୍ତେରିଟି ଇ ବଲୁ ସାତା ଆତେ, ଅବ୍ରାହାମ ମାହାପୁରୁ ତାଣା ନାମିତେସି, ଅଡେ  
 ତାଢ୍ଫେତାକି ଏଦି ଦାମ୍ବୁଗାଟାସି ଇଚ୍ଛୁ ଝେଢ୍ଫେତେସି, ଇଚ୍ଛୁ ଏଞ୍ଜାସି ମାହାପୁରୁଟି  
 ଡ଼ଶେଏସି ଇଚ୍ଛୁ ଝେଢ୍ଫେତେସି । ୨୪ ଇଚିହିଁ ମାଣ୍‌ସି ଖାର୍‌ଇ ନାମୁଟି ଆଏ,  
 ସାମା ତାନି କାମାଟି ଦାମ୍ବୁଗାଟାସି ଆନେସି ଇଚ୍ଛୁ ମୀରୁ ପୁଞ୍ଜିମାଞ୍ଜେରି । ୨୫  
 ଏଲେକିହିଁଏ ଦାରେଣି ରାହାବ୍ ଦାମ୍ବୁଗାଟାୟି ଇଚ୍ଛୁ ଝେଢ୍ଫାମାତେ, ଏଦି ପାରୁ  
 ପାରାଲି ମେଣେଏ ଖାହାମାତାରାଇଁ ତାନି ଇଜ ଅହାନା ଇଚିତେ ଇଚ୍ଛୁ ଏବ୍‌କା  
 ଜିରୁଟି ପାଣ୍ଡାଲି ସାୟେମି କିହାମାତେ । ୨୬ ଇଚିହିଁ ଜୀଝୁ ହିଲାଆସାରେ ଆଢ୍ଫା  
 ହାତି ମାଡ଼ହା, ଏଲେକିହିଁଏ କାମା ହିଲାଆସାରେ ନାମୁ ଜିକେଏ ହାତାୟି ।

**୩** ଏ ନା ତାୟିୟାଁ ଅଡେ ତାଢ୍ଫିସ୍ତା, ମୀରୁ ହାରେକା ଜାପ୍‌ନାତେରି ଆଆଡୁ:  
 ଜାପ୍‌ନାତାୟି ମାର, ମାର ଅର ଲକୁ କିହାଁ ହାରେକା ତଣ୍ଡୁ ପାଣ୍‌ନାୟି ଇଦାଆଁ  
 ପୁଞ୍ଜିମାଞ୍ଜୁ । ୧ ଇଚିହିଁ ମାର ଏନି ଏନି କାମାତା ପୁଟି କିହିମାନାୟି, ସାମା  
 ଆମ୍ବାଆସି ମାହାପୁରୁ ବଲୁତା ପିଟେଞ୍ଜି ଆଅସି, ଆଚିହିଁ ଏଞ୍ଜାସି ନେହିଁ ମାଣ୍‌ସି,  
 ଅଡେ ଏଞ୍ଜାସି ତାନି ବାରେ ଆଢ୍ଫାତି ତାନୁଏ ଲକ୍‌ହାଲି ଆଡିମାନେସି । ୩  
 ମାର ଗଡ଼ାୟାଁଣି ଲକ୍‌ହାଲି ତାକି ତାନି ଗୁଡିତା ବାକେରି କାଚିକିହିମାନାୟି,

ଅଡ଼େ ଏଦାନିତଲେ ମାର ତାମି ବାରେ ଆଢ଼ୁତି ଝେଟ୍‌ହି ମାନାୟି । ୪ ଏୟୁ  
 ଜାଜାତି କାତା ଜିକେଏ ଅଶ୍‌ପାଦୁ, ଏଦି ଏଚେକା କାଜାୟି ଅଡ଼େ କାଜା ଗାଲି  
 ତଲେ ତାକିଟି ଜିକେଏ, ଜାଜାତି ତାୟୁଝାକି ମାନି ର ଉଣା ମାରା ତଲେ  
 ତାକିନେ, ଏ ମାରା ଆହ୍‌ନାସି ଆମ୍ବିୟାଝାକି ମନ କିନେସି ଏନିକା ହାନେ । ୫  
 ଏଲେକିହିଁଏ ଝେନ୍ଦୁରି ଜିକେଏ ଆଢ଼ୁତି ର ଉଣା ବାଗା ଆତିହିଁ ଜିକେଏ, ଏଦି  
 କାଜା ବଡ଼ପଣତି କାତା ଜଲଲି ଆତିନେ । ମେହ୍‌ଦୁ ର ଉଣା ହିରୁ ପୁୟି ତଲେ  
 ଏଚେ କାଜା ଜାଡ଼ା ଝେହାହାନେ । ୬ ଝେନ୍ଦୁରି ଜିକେଏ ହିରୁ ଲେହେଁତାୟି; ଏଦି  
 ମା ଆଢ଼ୁ ବିତ୍ରା ବାରେ ଲାଗେଏ ପଲେଏ ତାଶାଟି ସାଲଝି ଆହିମାନେ, ଏଦି  
 ବାରେ ଆଢ଼ୁତି ଲାଗେଏ କିନେ, ଅଡ଼େ ତାନୁ ନକଟି ହୁତିମାନି ହିରୁତଲେ  
 ତାଞ୍ଜାନା ଗାଡ଼ି ଆହାମାନି ଦାର୍‌ତିତି ହୁତିନେ । (Geenna g1067) ୭ ଇଞ୍ଜି  
 ବାରେ ଲେହେଁତି ଜନ୍ତୁ ଜିଝେଡ଼ି, ପଟା କାଟି, ବାଣ୍ଡିତଲେ ତାକିନାଇ, ଅଡ଼େ  
 ଏୟୁତି ଜନ୍ତୁ, ମାଶ୍‌ସି ଏ ବାରେ ଜନ୍ତୁୟିଣି ଲକ୍‌ହାଲି ଆତିମାନେସି । ୮ ସାମା  
 ଝେନ୍ଦୁରିତି ଆମ୍ବାଆସି ଲକ୍‌ହାନା ସାପି କିହାଲି ଆତଅସି, ଏଦି ପଲଆ ଗାଟାୟି  
 ଇଞ୍ଜି ଲଢ଼ୁଆ ଗାଟାୟି, ଅଡ଼େ ଏଦିଏମ୍ବାଆଁ ହାନିମାନି ବାସା ମାନେ । ୯  
 ଝେନ୍ଦୁରି ତଲେ ପ୍ରୁ ଆବାଇଁ ଜହରା କିହିମାନାୟି, ଇଞ୍ଜି ଏ ଝେନ୍ଦୁରି ତଲେ  
 ମାହାପୁରୁ ଲେହେଁ ଗାଡ଼ି ଆତି ମାଶ୍‌ସିଇଁ ବାକା ଇଟି ମାନାୟି; ୧୦ ଏ ରଣ୍ଡିଏ  
 ରୁତିତି ଜହରା କିନାୟି ଅଡ଼େ ବାକା ହାନି କାତା ହୁତିମାନେ ଏ ନା ତାୟିୟି  
 ଅଡ଼େ ତାଢ଼ିୟା ଏଲେଆନାୟି ନେହେଁ ଆଏ । ୧୧ ର ଜାର୍‌ଶାଟି ଡାକ୍‌ନି ଅଡ଼େ  
 କାମ୍ବେଲି ଏୟୁ ହୁନୁ କି? ୧୨ ଏ ନା ତାୟିୟି ଅଡ଼େ ତାଢ଼ିୟା, ତୟା ମାର୍‌ନୁତା  
 ଜୀତ ପାଡ଼େୟି ଅଡ଼େ ଅଢ଼ୁରି ମାଡ଼ାତା ତୟା ପାଡ଼େୟି ଆୟାଲି ଆତିନେ କି?  
 ଏଲେକିହିଁଏ ହାରୁ ଜାର୍‌ଶା ଡାକ୍‌ନି ଏୟୁହାହାଲି ଆଡେଏ । ୧୩ ମା ବିତ୍ରା  
 ବୁଦିଗାଟାସି ଅଡ଼େ ଡେଲ୍‌ହିନାସି ଆମ୍ବାଆସି ମାନେସି? ଏଝାସି ବୁଦିଗାଟାସି  
 ଲେହେଁ ଉଣା ଆହାନା ଇଞ୍ଜି ସୁଦୁଗାଟାସି ଆହାନା ତାନି ନେହିଁ ମାଶ୍‌କି ତଲେ  
 କାମା ଡସ୍‌ପେସି । ୧୪ ସାମା ମା ହିୟିତା ଗାଡ଼ି ଡାହାରା, କପା ଅଡ଼େ ଝାର୍‌ଇ  
 ଜାହାରାତାକି ଅଶ୍‌ପିନାୟି ମାନେ, ଆତିହିଁ ସାତାତି କପାଟି ବଡ଼ପଣ ଆଆଦୁ  
 ଅଡ଼େ ମିତି ଜଲଆଦୁ । ୧୫ ଇଲେତି ବୁଦି ମାହାପୁରୁ ତାଶାଟି ଝାଏ, ଏଦି ଇ  
 ଦାର୍‌ତିତାୟି, ମାଶ୍‌ସିତି ଅଶ୍‌ପୁ ଗାଟାୟି ଅଡ଼େ ଲାଗେଏ ପଲେଏତି ବୁଦୁୟି  
 ଝାୟି । ୧୬ ଇତିହିଁ ଆମିନି ତାଶା ଡାହାରା ଅଡ଼େ ଜାହାରାତାକି ଅଶ୍‌ପିନାୟି  
 ମାନେ, ଏ ଟାୟୁତା ବାରେଲେହେଁତି ଲାଗେଏତି କାମା ମାନେ । ୧୭ ସାମା

ଲାକଟି ଝାନି ବୁଦି, ତଲିଏ ସୁଦୁଗାଟାୟି, ଡାୟୁ ହିଡ଼ି ଜୀଝୁଗାଟାୟି ଅଡ଼େ ସୁଦୁ ସୁଖଲା, ମାନଝି ଆନାୟି, କାର୍ନାମେହନାୟି ଅଡ଼େ ନେହିଁ ପାଡ଼େୟିକା ତଲେ ନେଞ୍ଜାମାନାୟି, ଆନାମାନା ଆଆଗାଟାୟି ଅଡ଼େ କୁଟୁ ହିଲାଆଗାଟାୟି । er ଅଡ଼େ ହିଡ଼ି ହାନି ଲକୁ ଡାଣାଟି ହିଡ଼ିଟି ବିଚା ମାଡ଼ିଆନେ, ଦାର୍ମୁଗାଟି ପାଡ଼େୟି ଦାପି ଆନେ ।

**୪** ମୀ ଡାଣା ମାଡାଗଡ଼ି ଅଡ଼େ ଗଡ଼ହା ଆମ୍ବିଟି ଝାହିମାନେ? ଏଝି ମୀ ଡାଣା ମାନି ସୁକୁତି ଅଶ୍ପୁଟି ଝାହିମାନୁ ଏଝି ବାରେବେଲା ବାରେ ବେଲା ଗଡ଼ହା କିଝିକିହିମାନୁ । ୨ ମୀରୁ ଏନାଆଁ ବେଟାଆହାଲି ଅଶ୍ପା ମାଞ୍ଜେରି, ଏଦାଆଁ ବେଟା ଆଆସାରେ ଲକୁଣି ପାୟାଲି ଅଶ୍ପା ମାଞ୍ଜେରି, ଏନାଆଁ ବେଟାଆହାଲି ହାରେକା ଜୁପକା ଆନେ ଏଦାଆଁ ବେଟା ଆଆସାରେ ଗଡ଼ହା ଅଡ଼େ ମାଡାଗଡ଼ି କିହିମାଞ୍ଜେରି, ଏନାଆଁତାକି ଇତିହିଁ ମୀରୁ ମାହାପୁରୁଇଁ ରାସି ହିଲଅତେରି; ୩ ମୀରୁ ରାସିମାଞ୍ଜେରି ସାମା ବେଟାଆହି ହିଲଅତେରି, ଏନାଆଁତାକି ଇତିହିଁ ମୀରୁ ମୀ ଆଢ୍ଘାଟି ଜୁପକାଟି ଲେମ୍ବାଲି ତାକି ପାପୁ କାମା କିହାଲି ରାସିମାଞ୍ଜେରି । ୪ ଏ ଦାରେଣିସିକାତେରି, ମୀରୁ ପୁଞ୍ଜାହିଲଅତେରି? ଦାର୍ତତି ତଣେ ଆନାସି ଏଝାସି ମାହାପୁରୁତି ସାତୁ, ଇତିହିଁ ଆମ୍ବାଆସି ଇ ଦାର୍ତତି ତଣେ ଆହାଲି ଅଶ୍ପିନେସି; ଏଝାସି ତାଢ୍ଘେ ମାହାପୁରୁତି ସାତୁ । ୫ ମୀରୁ ଏନାଆଁ ଦାର୍ମୁ ପତିତା ରାସକି ଆହାମାନି ବଲୁ ଉଜେଏ ଇଞ୍ଜି ଅଶ୍ପିମାଞ୍ଜେରି କି, “ମାହାପୁରୁ ଆମିନି ଜୀଝୁତି ମୀ ଡାଣା ବାସା ଆହାଲି ହୀହାମାଞ୍ଜାନେସି, ଏଝାସି ମାଢ୍ଘେ ବାରେ ଝାକିଟି ସାଲଝି କିହାଲି ଅଶ୍ପିମାନେସି ।” ୬ ସାମା ମାହାପୁରୁ ହାରେକା କାର୍ନାମେହନାଣି ହିୟାନେସି; ଏଦାଆଁତାକି ସାସ୍ତେରିତା ରାସକି ଆହାମାନେ, “ମାହାପୁରୁ ଆଢ୍ଘାଆ ଆନାରି କପାଟି ନିଢ୍ଘିନେସି, ସାମା ଜାହାରାଇଁ ଉଣା କିହା କତାମାନାରାଇଁ କାର୍ନା ମେହନେସି, ମାହାପୁରୁତି କାର୍ନା ହାରେକା ବାଡ଼ୟୁ ଗାଟାୟି ।” ୭ ଏଦାଆଁତାକି ମୀରୁ ମାହାପୁରୁ ଡାଣା ହେର୍ପା କତାଦୁ; ଅଡ଼େ ସୟତାନଇଁ ଆବାଆଦୁ, ଆତିହିଁ ଏଦି ମୀ ଡାଣାଟି ହେକ ହାନେ । ୮ ମାହାପୁରୁ ତାଗେ ଝାଦୁ ଆତିହିଁ ଏଝାସି ମୀ ତାଗେ ଝାନେସି, ଏ ପାପୁ ଗାଟାତେରି, ମୀ କେସ୍ତାଣି ନେହିଁକି ନରଦୁ, ଅଡ଼େ ରୀ ଅଶ୍ପୁ ଗାଟାତେରି, ମୀ ହିୟୁତି ଅର୍ହା କତାଦୁ । ୯ ହିୟୁଁ କାଡ଼ି କିହାଁ ଦୁକୁ ତଲେ ଡୀଦୁ; ମୀ କାକନାୟି ଡୀକିତା ଅଡ଼େ ମୀ ରାହାଁ ଦୁକୁତା ତୀରି ମିଁପେ । ୧୦ ପ୍ରବୁ ନକିତା ମୀରୁ ମିଢ୍ଘେ ଉଣା କିହାକତାଦୁ, ଏଚେଟିଏ ଏଝାସି ମିଢ୍ଘେ କାଜା ଲକୁ କିୟାନେସି । ୧୧ ଏ ତାୟି

ତାହାଙ୍କୁ, ମୀରୁ ରଥରେ ରଥଣା କପାଟି ନିନ୍ଦା କାତା ଜଳାଆଦୁ: ଆମ୍ବାଆସି ତାହି କପାଟି ନିନ୍ଦା କାତା ଜଳିନେସି କି ନୀହାଁୟି କିନେସି, ଏଞ୍ଜାସି ମଂସା ମେରା କପାଟି ଜଳିମାନେସି, ଇଞ୍ଜା ଏମ୍ବାତି ନୀହାଁୟି କିହିମାନେସି । ସାମା ମୀରୁ ମଂସା ମେରାତି ନୀହାଁୟି କିଦେରି, ଇତିହିଁ ମୀରୁ ମଂସା ମେରାତି ମାନଞ୍ଜି ଆନାତେରି ଆଆନା ଏମ୍ବାତି ନୀହାଁୟି କିନାତେରି । ୧୭ ମାହାପୁରୁ ରଥସିଏ ମେରା ହୀନାସି ଅଡେ ନୀହାଁୟି କିନାସି, ଏଞ୍ଜାସି ଗେଲ୍‌ପାଲି ଅଡେ ନଂସା କିହାଲି ଆତିମାନେସି; ସାମା ନୀରୁ ଆମ୍ବାଆତି, ନୀ ଆଡ଼ିତାଣାଲ୍ ନୀହାଁୟି କିହିମାଞ୍ଜି? ୧୩ ନୀଏଁ ମେହ୍‌ଦୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଓଁଏ ମାମ୍ବୁ ଏ ଗାଡ଼ାତା ହାନମି ଇଞ୍ଜା ଏମ୍ବାଆଁ ର ବାସୀ ପାତେକା ଡ଼ୟାନା ବେବାରା କିହିଁ ଗାତି ଲାବା କିନମି;” ୧୪ ସାମା ଓଁଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅତେରି, ମୀ ଜୀଞ୍ଜୁ ଏନିକିଁ ଗାଡ଼େକା ଡ଼ୁଞ୍ଜାଆହାନା ଗାଡ଼େକା ମେଣ୍‌ଡ଼ୁହାନି ଉକଅଡ଼ି, ମୀରୁ ଏଲେତାତେରି । ୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରବୁତି ଅଣ୍‌ପୁ ଆତିସାରେ ମାର ଜୀଞ୍ଜୁତଲେ ନୀତା ମାଞ୍ଜାନା ଇଦାଆଁ କିନ ଆଆତି ଏଦାଆଁ କିନ ।” ୧୬ ସାମା ମୀରୁ ନୀଏଁ ମୀ ବତପଣ ଡ଼ସାକତିମାଞ୍ଜେରି; ଇଲେତି ବତପଣ ଲାଗେଏତାୟି । ୧୭ ହିୟିତା ଇଟାଦୁ ଏନାଆଁତାକି ଇତିହିଁ, ଆମ୍ବାଆସି ନେହିଁ କାମା କିହାଲି ପୁଞ୍ଜାନା କିଅସି ଏଞ୍ଜାସି ପାପୁ କିନେସି ।

**୫** ଏ ବାଡ଼କୁ ଗାଟାତେରି ନା କାତା ଖେଞ୍ଜୁ, କସୁତି ଦିନା ଖିହିମାନେ ଏଦାଆଁତାକି ଦୁକୁଆହିଁ ଡ଼ୀରୁ ଇଞ୍ଜା କାନିକାର୍ମା ଆଦୁ । ୨ ମୀ ବାରେ ଦନ ସୀରୁହା ହାଚେୟିଏ, ଅଡେ ମୀ ହିମ୍ପରିକାଲ୍ ଲୀମ୍ବୁ ତିଚେୟିଏ, ୩ ଅଡେ ମୀ ବାଂଗାରା ଇଞ୍ଜା ଖେଣ୍ଡୁ କିରୁଡ଼ୁ ଆଚେୟିଏ; ଏଚେଟିଏ ଏ କିରୁଡ଼ୁ ମୀ କପାଟି ସାକି ହୀହାନା ହିରୁ ଲେହେଁ ମୀ ଆଞ୍ଜା ଜିକେଏ ନଂସା କିୟାନେ, ଇ ରାନି ବେଲାତା ମିଡ଼େତାକି ଦନ କୁଡ଼ି କିହାମାଞ୍ଜେରି । ୪ ହେଣ୍ଡୁ! ମୀ ଗୁଡ଼ିୟାତି ତାସା ଦାଃଆନାରାକି ନାଡ଼ିକିହାନା ଆମିନି କୁଲି ହୀହା ହିଲଅତେରି, ଏଡ଼ି ଗାତି କାଲ୍‌ଓଁ ଆହିମାନେ, ଅଡେ ତାସାତି ଦାଃଆନାରି ଡ଼ୀନାୟି ବାରେ ବାଡ଼୍‌ମୁଟି ପ୍ରବୁତି କିୟିତା ଏଗା ହାଚେୟିଏ । ୫ ମୀରୁ ଦାର୍‌ତିତି ସୁକୁ ଅଡେ ରାହାଁତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାଲ୍ ଆଞ୍ଜା କିହାମାଞ୍ଜେରି । ୬ ମୀରୁ ଦହ ହିଲାଆଗାଟାରାଲ୍ ଦହ କିହାନା ପାୟିମାଞ୍ଜେରି; ଏଞ୍ଜାସି ମିଡ଼େ ଖେଣ୍ଡେ ଏନାଆଁ କିୟଅସି । ୭ ଏଦାଆଁତାକି ଏ ତାୟି ତାହ୍‌ମ୍ବା, ପ୍ରବୁତି ଖାନି



ଦିନା ପାତେକା ସାସାତଲେ କାତାନା ମାଞ୍ଜୁ ର ଡାସା କିନାସି ଏନିକିଁ ତାନି  
 ବୁମିତି ପାତେୟି ବେଟାଆହାଲି ତାକି ମୁଲୁତି ପିୟୁ ଅଡେ ଡାୟୁତି ପିୟୁ ରିନି  
 ଦିନା ପାତେକା ସାସାତଲେ କାପୁ କାତାନା ଡୟିନେସି । ୮ ମୀରୁ ଜିକେଏ  
 ଏଲେକିଁ ସାସାତଲେ ମାଞ୍ଜାନା ମୀ ହିୟୁତି ସୁସ୍ତି କିଦୁ, ଇତିହିଁ ପ୍ରବୁତି ଖାନି  
 ଦିନା ତାଗେ ଖାତେୟିଏ । ୯ ଏ ତାୟି ତାଢ଼ିସ୍ତା, ମୀରୁ ଏନିକିଁ ନୀହାୟି କିଞ୍ଜି  
 ଆଅତେରି, ଏଦାଆଁତାକି ରଅତେରି ରଅଣା କପାଟି ଏନି କାତା ଜଲୀଆଦୁ,  
 ସିନିକିଦୁ, ନୀହାୟି କିନାସି ଦୁଞ୍ଜେରିତା ନିତାମାନେସି । ୧୦ ଏ ତାୟି ତାଢ଼ିସ୍ତା,  
 ଆମିନି ମାହାପୁରୁ ଅଶ୍ପୁତି ବଲୁ ଖେହ୍ନାରି ପ୍ରବୁ ଦରୁଟି କାତା ଖେସାମାତେରି,  
 ଏଖାରାଇଁ ମୀରୁ ଅଶ୍ପାଦୁ, ଦୁକୁ କସ୍ତୁ ବେଟାଆନାଟି ସାସା ଅଡେ ଅର୍ହାଲି  
 ଜିରୁ ଡସାମାଞ୍ଜାନେରି । ୧୧ ମେହ୍ଦୁ ଆମ୍ବାଆରି କସ୍ତୁ ଅର୍ହା ମାତେରି, ମାମୁ  
 ଏଖାରାଇଁ ନେହାଁରି ଇଞ୍ଜି ଇନମି, ମୀରୁ ଆୟୁବତି ଅର୍ହିନାଣି ଖେଞ୍ଜାମାଞ୍ଜେରି,  
 ଅଡେ ପ୍ରବୁ ଡାୟୁତି କାମା ମେସାନା ପୁଞ୍ଜାମାଞ୍ଜେରି, ଏଖାସି କାର୍ମା ମେହ୍ନାସି  
 ଅଡେ ଜୀଞ୍ଜୁ ନନାସି । ୧୨ ଏ ନା ତାୟି ତାଢ଼ିସ୍ତାତେରି, ମୀରୁ ପାର୍ମାଣା କିଞ୍ଜୁଏ  
 କିଆଦୁ, ଲାକପୁରୁତି ଦରୁତଲେ ପାର୍ମାଣା କି ଦାର୍ତତି ଦରୁତି ପାର୍ମାଣା କି  
 ଏବ୍‌କାଟି ଏନି ଦରୁ ଆସାନା ପାର୍ମାଣା କିଆଦୁ, ସାମା ମୀଦି ହାଅ ଇନି କାତା  
 ହାଅ ଆପେ ଇଞ୍ଜି ଆଏ ଇନି କାତା ଆଏ ଆପେ, ଏନିକିଁ ମୀରୁ ନୀହାୟି ଦିନାତା  
 ତଣ୍ଡୁ ଗାଟାତେରି ଆଅତେରି । ୧୩ ମୀ ବିତ୍ରାଟି ଆମ୍ବାଆସି ଦୁକୁ କିହିମାନେସି?  
 ଆତିହିଁ ଏଖାସି ପ୍ରାତାନା କିପାସି, ଆମ୍ବାଆସି ରାହାଁଟି ମାନେସି? ଇତିହିଁ ଏଖାସି  
 ଜହରା ପାରୁ ପାଟାପେସି । ୧୪ ଆମ୍ବାଆସି ମୀ ବିତ୍ରାଟି ଆତାଆ ଗାଟାସି  
 ମାତିହିଁ ଏଖାସି କୁଲମିତି ପ୍ରାତିନାଢ଼ୁଣି ହାଟାପେସି; ଇଞ୍ଜି ଏଖାରି ପ୍ରବୁତି  
 ଦରୁତଲେ ନିୟୁଁ ଖାକ୍‌ହାନା ଏଖାଣି ତାକି ପ୍ରାତାନା କିପାରି । ୧୫ ଏ ନାମୁଗାଟି  
 ପ୍ରାତାନା ରଗ ଗାଟାଣାଇଁ ନେହିଁ କିନେ, ଇଞ୍ଜି ପ୍ରବୁ ଏଖାଣାଇଁ ନିକ୍‌ନେସି, ଇଞ୍ଜି  
 ଏଖାସି ପାପୁ କିହାମାତିହିଁ, ଆତିହିଁ ଏଖାଣି ପାପୁ ମେଶ୍‌ଡ଼ି କିଞ୍ଜିଆନେ । ୧୬  
 ଏଦାଆଁତାକି ମୀରୁ ରଅତେରି ରଅଣା ନକିତା ମୀ ପାପୁ ଖେକ୍‌ଦୁ, ଅଡେ ନେହିଁ  
 ଆହାଲିତାକି ରଅତେରି ରଅଣି ତାକି ପ୍ରାତାନା କିଦୁ, ଆତିହିଁ ମୀରୁ ନେହିଁ  
 ଆତେରି, ଏନାଆଁତାକି ଇତିହିଁ ଦାର୍ମୁ ଗାଟାଣି ପ୍ରାତାନା ହାରେକା କାଜା କାମା  
 କିହାଲି ଆତିନେ । ୧୭ ଏଲିୟ ଜିକେଏ ମା ଲେହେଁତି ଦୁକୁ ସୁକୁ ଗାଟି ମାଶ୍‌ସି;  
 ଏଖାସି ପିୟୁ ଆଆପେ ଇଞ୍ଜି ରଣ୍ଡିଏ ମନତଲେ ପ୍ରାତାନା କିତେସି, ଅଡେ ତାନି  
 ବାର୍ଯ୍ୟା ସ ଲେଞ୍ଜୁ ପାତେକା ଏ ବୁମିତା ପିୟୁ ଆଆତେ । ୧୮ ଇଞ୍ଜି ଏଖାସି ଅଡେ

ଝେଣ୍ଡେ ପ୍ରାଚୀନା କିହାଲିଏ ହାଗୁଟି ପିୟୁ ରୀତେ, ଅଢ଼େ ବୃମିତା ଆର୍ନା କାମ୍ବିତେ  
। ୧୯ ଏ ନା ତାୟିୟା ଅଢ଼େ ତାଢ଼ିୟା, ମୀ ବିତ୍ରାଟି ଆମ୍ବାଆସି ସାତା ଜିରୁଟି  
ବାଣା ଆତିହିଁ ଅଢ଼େ ଆମ୍ବାଆସି ଏଞ୍ଜାଣାଇଁ ଝେଣ୍ଡେ ଝେଟ୍‌ହା ତାନେସି, ୨୦  
ଆତିହିଁ ଆମ୍ବାଆସି ପାପୁ ଗାଟାଣାଇଁ ତାନି ପଲ୍‌ଆ ଜିରୁଟି ଝେଟ୍‌ହା ତାନେସି,  
ଏଞ୍ଜାସି ଏଞ୍ଜାଣି ଜୀଞ୍ଜୁଟି ହାକିଟି ଗେଲ୍‌ପିନେସି, ଇଞ୍ଜା ହାରେକା ପାପୁଟି ମ୍ଲେପ୍‌କି  
କିନେସି, ଇଦାଆଁ ମୀରୁ ପୁଞ୍ଜୁ ।

# ୧୧୧୧

୧ ନାନୁ, ପିତର, କ୍ରୀଷ୍ଣ ଜୀସୁ ଡାଣାଟି ପାଣ୍ଡୁଆହାମାନି ସୀସୁ, ପନୁ, ଗାଲତିୟା, କାପାଦକିୟା, ଆସିୟା ଅଡ଼େ ବେତନିୟା ରାଜିତା ଇତାଲା ଆତାଲା ବାସାଆହାମାନି ମାହାପୁରୁ ଆଚାମାନି ଲକ୍ଷ୍ମୀତାକି ଆକୁ ରାତିମାଲ୍, ୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀସୁ ତଲେ ସୁଦୁ ଆହା ମାନି ଗାଟାତେରି ଅଡ଼େ ଜୀସୁ କ୍ରୀସ୍ତୁତି ନେତେରି ଡାଞ୍ଜିଝି କିହାକତାଲି ଆର୍ଡ଼ି ଆହାମାନେରି । ମିଢ୍ଢେତାକି ମାହାପୁରୁତି କାର୍ମାମେହନାୟି ଇଞ୍ଜି ହିଡ଼ି ଆପେ । ୩ ମା ପ୍ରବୁ ଜୀସୁ କ୍ରୀସ୍ତୁତି ଆବା ଅଡ଼େ ମାହାପୁରୁଲ୍ ଜହରା; ଇତିହ୍ ଏଝାସି ତାନି କାର୍ମାଟି ଜୀସୁ କ୍ରୀସ୍ତୁଲ୍ ହାକିଟି ନିକହାନା ମାଢ୍ଢେ ପୁଠନି ଜୀସୁ ହାହାମାଞ୍ଜାନେସି, ଏଦି ମାଢ୍ଢେତାକି ନୀଡିନି ବାସୁ ହାହାମାଞ୍ଜାନେ, ୪ ଏଦାଆଁତାକି ମାହାପୁରୁ ତାନି ଲକ୍ଷ୍ମୀତାକି ଆମିନି ଦାରାଗାଟି ବର ଇଟାମାନେସି, ଏଦାଆଁ ବେଟାଆହାଲି ମାର କାପୁ କାଟାମାନାୟି, ଏଝାସି ଲାକପୁରୁ ମିଢ୍ଢେତାକି ଏଦାଆଁ ଜାଡ଼ୁ ତଲେ ଇଟାମାନେସି, ଏମ୍ପାଆଁ ଏଦି ନସ୍ତୁ ଆଏ କି ଝାଡ଼େଏ । ୫ ଆମିନି ଗେଲ୍ପିନାୟି ରାନି ଦିନାତା ଡଞ୍ଜାଆହାଲି କିଝିଆହାମାନେ, ଏଦାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୁତା ନାମୁତଲେ ଜାଗ୍ରାତା କିଝି ଆହାମାଞ୍ଜେରି । ୬ ଏଦାଆଁତାକି ମୀରୁ ରାହାଁ କିଦୁ, ଆଡିଜିକେଏ ନୀଏଁ ଗାଡ଼େକା ତାକି ହାରେକା ତାୟିପାରି କିନି ଡାଣାଟି ଦୁକୁ କସ୍ତୁ ବେଟାଆନାୟି ମିଢ୍ଢେତାକି ଲଡ଼ାଆନେ, ୭ ଏନିକିଁ ଗାଡ଼େକା ନସ୍ତୁ ଆନି ବାଂଗାରା ହିରୁତା ହୁଡିନି କିହାଁ ହାରେକା ଦାରା ମୀ ତାୟିପାରି କିଝିଆଡି ନାମୁ, ଏଦି ଜୀସୁ କ୍ରୀସ୍ତୁ ଡଞ୍ଜାଆନି ବେଲାତା ମାନି ତଲେ ଜହରାତି, ଗାଞ୍ଜୁରମି ଅଡ଼େ ମାନି ବେଟାଆନାୟି । ୮ ନୀଏଁ ମୀରୁ ଏଝାଣାଲ୍ ମେସା ହିଲାଆଡି ଜିକେଏ ଜୀସୁନହ୍ ମାଞ୍ଜେରି, ଇଞ୍ଜି ନୀଏଁ ମେହ୍ଆଡିଁ ଜିକେଏ ତାନି ଡାଣା ନାମାହାଁ ଝେସାଲି ଆଡାଆରେରୁ ଗାଞ୍ଜୁରମିତି ରାହାଁତା ୯ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜୀସୁତି ଗେଲ୍ପିନାଣି ବେଟାଆହାମାଞ୍ଜେରି । ୧୦ ଇ ଗେଲ୍ପିନି କାତା ମାହାପୁରୁ ଅଣ୍ଡୁତି ବଲୁ ଝେହ୍ନାରି ମନ ହାହାନା ପାରିହ୍ ସିନିକିତେରି, ଆମ୍ପାଆରି ଏମିନି କାର୍ମାମେହନାୟି ମିଢ୍ଢେ ଆନାୟି ମାଡେ, ଏ ଡାୟୁତି କାତା ଝେସାହାଁ ଡ଼ସାମାରେରି, ୧୧ କ୍ରୀସ୍ତୁତି ଦୁକୁ ବେଟାଆନାଣି ଇଞ୍ଜି ଅଡ଼େ ଡାୟୁତି ଗାଞ୍ଜୁରମି ବେଟାଆନାଣି ନକେଏ ପାର୍ମାଣା ହାନାସି ଇଞ୍ଜି ଏଝାରିଡାଣା ମାନି କ୍ରୀସ୍ତୁତି ଜୀସୁ ଏ ବାରେ ଏଡିବେଲା ଝାନେ ଅଡ଼େ ଏନିକିଁ ଝାନେ ଏଝାରି

ପୁଞ୍ଜାଳି ନକେଏ ଅଶ୍ଵାମାଚେରି । ୧୭ ଏଞ୍ଜାରି ଏ ବାରେ କାତା ତାମି ତାକି  
 ସେବା କିଆନା ମୀ ଲାବା ତାକି ସେବା କିହିମାଚେରି, ଇଦି ଏଞ୍ଜାରିତାଣା ତଞ୍ଜା  
 ଆହାମାଚେ, ଇଞ୍ଜା ଏ ବାରେ କାତା ଲାକପୁରୁଟି ପାଣ୍ଡୁଆହାମାନି ସୁଦୁଜୀଞ୍ଜୁତି  
 ବାଡ଼ୁୟୁ ତଲେ ମୀ ନକିତା ନେହିଁ କାବୁ ଖେହ୍ନାରି ତାଣାଟି ନୀଏଁ ମିଢ୍ଢେ ଖେସ୍ପି  
 ଆହିମାଞ୍ଜାନେ; ଏ ବାରେ କାତା ଦୂରୁୟାଁ ଜିକେଏ ପୁଞ୍ଜାଳି ଅଶ୍ଵାମି ମାନେରି  
 । ୧୮ ନେହିଁ କାମା କିହାଲି ତିୟାରା ଆଦୁ । କାପୁ କାତାନା ଜୀସୁ କ୍ରୀସୁ  
 ତଞ୍ଜା ଆନି ବେଲାତା ଆମିନି ବର ମିଢ୍ଢେ ହୀପ୍ଢକି ଆୟାନେ, ଏଦାଆଁତାକି  
 ତୀରେତଲେ ବାସୁଁ ଇଟାଦୁ । ୧୪ ମାହାପୁରୁଇଁ ମାନି କିଦୁ, ମୀରୁ ତଲି  
 ପୁଞ୍ଜାହିଲାଆତି ବେଲାତା ଆମିନି ଲାଗେଏ ପଲେଏତି ଜୁପ୍ଢକା ତଲେ ମାଚେରି  
 ନୀଏଁ ଏଲେଆଆଦୁ । ୧୫ ସାମା ମିଢ୍ଢେ ହାଟାମାଞ୍ଜାନି ମାହାପୁରୁ ଏନିକିଁ  
 ସୁଦୁଗାଟାସି ମୀରୁ ଜିକେଏ ଏଲେକିଁ ମୀ ବାରେ ମାଣ୍ଡକିତା ସୁଦୁ ଗାଟାଚେରି  
 ଆଦୁ । ୧୬ ଦାମ୍ଢୁପତିତା ରାସ୍ଢକି ଆହାମାନେ, “ମୀରୁ ସୁଦୁ ଗାଟାଚେରି ଆଦୁ,  
 ଏନାଆଁତାକି ଇଚିହିଁ ନାନୁ ସୁଦୁ ଗାଟାଚେଏଁ ।” ୧୭ ଅଡ଼େ ଆମ୍ଢାଆରି ମୁମୁ  
 ମେହ୍ଢାନା ବାରେ ଲକ୍ଢୁତି ଏଞ୍ଜାରି କାମା କିହାମାନିଲେହିଁ ନୀହାଁୟି କିନେସି,  
 ଏଞ୍ଜାଣି ତାଣା ପ୍ରାତାନା କିନାଟି ଆବା ଇଞ୍ଜା ହାଟିତିହିଁ, ମୀରୁ ଇ ଦାର୍ଡତିତା  
 ବାସାଆହାମାନି ପାତେକା ମାନି ତଲେ ଏଞ୍ଜାଣାଇଁ ଆଜାନା ମାଞ୍ଜୁ: ୧୮ ଇଚିହିଁ  
 ମୀରୁ ପୁଞ୍ଜାମାଞ୍ଜେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଉଜେଏତି  
 ମାଣ୍ଡକି ତଲେ ନୀତିନି ତାଣାଟି ମୀରୁ ଖେଣ୍ଡି କି ବାଂଗାରା ଲେହିଁତି ନାସା  
 ଆନି ଆସ୍ଢି ତଲେ ପିସ୍ପି ଆହାହିଲଅଚେରି, ୧୯ ସାମା ଏନି ସିନା ଅଡ଼େ ଦହ  
 ହିଲାଆଗାଟି ମେଣ୍ଡା ତାଲୁ ଲେହିଁତି କ୍ରୀସୁତି ଗାଡି ଦାରାଗାଟି ନେଚେରି ତଲେ  
 ପିସ୍ପି ଆହାମାଞ୍ଜେରି । ୨୦ ଦାର୍ଡତି ଗାଡିଆତି ନକେଏ ମାହାପୁରୁ ଏଞ୍ଜାଣାଇଁ  
 ଆଡିଚେସି ଇଞ୍ଜା ଇ ରାନି ଜୁଗୁତା ଏଞ୍ଜାସି ମିଢ୍ଢେତାକି ତଞ୍ଜା ଆହାମାଞ୍ଜାନେସି;  
 ୨୧ ଆମିନି ମାହାପୁରୁ ଏଞ୍ଜାଣାଇଁ ହାକିଟି ନିକହାନା ଗାଞ୍ଜୁରମି ହାହାମାନେସି,  
 ଏଞ୍ଜାଣି ତାଣାଟି ମୀରୁ ଏ ମାହାପୁରୁଇଁ ନାମିମାଞ୍ଜେରି, ଇଦାଆଁତାକି ମୀ ବାରେ  
 ନାମୁ ଅଡ଼େ ବାସୁଁ ମାହାପୁରୁ ତାଣା ଆଞ୍ଜା ଆହାମାନେ । ୨୨ ନୀଏଁ ମୀରୁ  
 ସାତାତି ମାନଞ୍ଜି ଆହାନା କୁରୁ ହିଲାଆ ତାୟିଇଁ ଜୀଞ୍ଜୁ ନହାଲି ତାକି ମୀ  
 ହିୟାଁତି ଅଢ଼ହା କତାମାନାକି ମୀ ବାରେ ହିୟାଁ ତଲେ ମୀରୁ ରଣ୍ଡିଏ ମନତଲେ  
 ରଅଚେରି ରଅଣାଇଁ ଜୀଞ୍ଜୁନଦୁ । ୨୩ ଇଚିହିଁ ମୀରୁ ନାସା ଆନି ପାଡ଼େୟିଟି  
 ଆଏ, ସାମା ଏଚେଲା ନାସା ଆଆଗାଟି ପାଡ଼େୟିଟି, ଇଚିହିଁ ମାହାପୁରୁତି

ଜୀଝୁ ଅଡ଼େ ବାରେବେଲା ଡ଼ୟିନି ବଲୁ ତଲେ ଖେଣ୍ଡେ ଜାର୍ନା ଆହାମାଞ୍ଜେରି ।  
 (aiōn g165) ୨୪ ଦାର୍ମ୍ବି ସାସ୍ତେରିତା ରାସ୍କି ଆହାମାନେ, “ଇଚିହିଁ ଦାର୍ତତି  
 ବାରେ ଲକୁ ଗାକି ଜାଡ଼ା ଲେହେଁତାରି, ଏଞ୍ଜାରି ଅଲୁ ବାରେ ଜାଡ଼ାତି ପୁଢ଼ା  
 ଲେହେଁତାୟି । ଗାକି ଜାଡ଼ା ଖାୟାହାନେ ଇଞ୍ଜି ପୁଢ଼ା ବାରେ ତୁଲହାନୁ । ୨୫  
 ସାମା ମାହାପୁରୁତି ବଲୁ କାଲାକାଲାତାକି ଡ଼ୟିନେ ।” ଇଦି ଏ ନେହିଁ କାବୁତି  
 ବଲୁ ଆମିନି ଗାଟାୟି ମୀ ତାଣା ଖେପ୍କି ଆହାମାତେ । (aiōn g165)

୨ ଇଚିହିଁ ପ୍ରବୁ କାର୍ମା ମେହ୍ନାସି ଇଞ୍ଜି ମୀରୁ ନୀଏଁ ପୁଞ୍ଜିମାନାକି, ଇଞ୍ଜି ବାରେ  
 ଲାଗେଏ ପଲେଏତାଣି, ନାଡ଼ି କିନାଣି, କୁରୁ, ଲକୁଣି ତାହାରା ଇଞ୍ଜି ଲକୁଣି  
 ନିନ୍ୟା କାତା ଜଲିନାଣି ପିହ୍ଡୁ, ୨ ପୁଞ୍ଜି ଜାର୍ନାଆତି କୁଗି କକାରି ପଦାଲେହେଁ  
 ଏନାଆଁ ଆଣ୍ଡାଆତି ପାଲୁ ଗସାଲି ଅଶ୍ପିଦେରି, ଆତିହିଁ ମୀରୁ ପାତାଆହାନା  
 ଗେଲ୍ପି ଆଦେରି । ୩ ଦାର୍ମ୍ବିପତିତା ରାସ୍କି ଆହାମାନେ, “ମାହାପୁରୁ ଏତେକା  
 କାର୍ମା ମେହ୍ନାସି, ଏଦାଆଁ ମୀରୁ ପୁଞ୍ଜିମାଞ୍ଜେରି ।” ୪ ଜୀଝୁଗାତି ଖାଲି  
 ଲେହେଁତି ପ୍ରବୁ ଏଞ୍ଜାଣାଇଁ ମାଶ୍ପିୟାଁ ତାଣାଟି ଅପାଆତେରି ସାତା, ସାମା  
 ମାହାପୁରୁ ତାଣା ଆର୍ଝି ଆହାନା ଗାତି ଦାରାଗାଟାସି ଆତେସି । ୫ ତାନି ତାଣା  
 ଖାହାନା ମୀରୁ ଜିକେଏ ଜୀସୁ କ୍ରୀସ୍ତ ତାଣାଟି ମାହାପୁରୁ ନକିତା ନେହିଁ ଜୀଝୁତି  
 ପୁଜା ହାହାଲିତାକି ସୁଦୁଗାଟି ପୁଜେରାଞ୍ଜା ଲେହେଁ ଆହାଲିତାକି ଜୀଝୁତି ଖାଲି  
 ଲେହେଁ ଆହାନା ର ପ୍ରାତାନା ଇଲୁ ଲେହେଁ ଆଦୁ । ୬ ଇଚିହିଁ ଦାର୍ମ୍ବି ପତିତା  
 ରାସ୍କି ଆହାମାନେ; “ନାନୁ ସିୟନତା ର ଆର୍ଝି ଆହାମାନି ଅଡ଼େ ଦାରାଗାଟି  
 କନତି ମୁଲୁ ଖାଲି କିହାମାଇଁ ଇଞ୍ଜି ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି  
 ଏତେଲାଞ୍ଜା ଲାଜା ବେଟାଆଆସି ।” ୭ ମୀରୁ ପ୍ରବୁଇଁ ନାମିମାଞ୍ଜେରି, ମୀରୁ ଏ  
 ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି, “ଇଲୁ କେପିନାରି  
 ଆମିନି ଖାଲିତି ଅପାଆତେରି, ଏଦି ଏଞ୍ଜାରାକି ଇଲୁ କନତି ମୁଲୁ ଖାଲି ଆତେ  
 ।” ୮ ଅଡ଼େ ଦାର୍ମ୍ବିପତିତା ରାସ୍କି ଆହାମାନେ, “ଏ ଖାଲିତା ହାରେକା ଲକୁ ପୁଟି  
 କିନେରି, ଏ ପାକା ଖାଲି ଏଞ୍ଜାରାଇଁ ତୁଇ ତରଗି କିନାୟି ଆନେ;” ମାହାପୁରୁ  
 ବଲୁ ଆହାଆତାକି ଏଞ୍ଜାରି ଏମ୍ବାଆଁ ବାଦା ବେଟାଆନେରି ଇଞ୍ଜି ଏଦାଆଁତାକି  
 ଏଞ୍ଜାରି ମାହାପୁରୁ ତାଣାଟି ଆର୍ଝି ଆହାମାତେରି । ୯ ସାମା ଆମ୍ବାଆସି ମିଢ଼େ  
 ଆନେରିଟି ତାନି କାବାଆନି ଉଜେଡ଼ିତା ହାଟାମାଞ୍ଜାନେସି, ମୀରୁ ଏନିକିଁ ଏଞ୍ଜାଣି  
 ଗୁଣୁ ପାତିଦେରି, ଏଦାଆଁତାକି ମୀରୁ ମାହାପୁରୁ ଆତାମାଞ୍ଜାନି କୁଡ଼ାତେରି,  
 ରାଜାତି ସେବାକିନି ପୁଜେରାଞ୍ଜା, ମାହାପୁରୁ ସେବାତାକି ଏଟକା ଆହାମାନି

ସୁଦୁ କୁଡ଼ାତେରି, ଇଞ୍ଜି ମାହାପୁରୁତି ଲକୁତେରି ଆହାମାଞ୍ଜେରି । ୧୦ “ତଲି  
 ମୀରୁ ମାହାପୁରୁତି ଲକୁ ଆହା ହିଲାଆତେରି, ସାମା ନୀଏଁ ମୀରୁ ମାହାପୁରୁତି  
 ଲକୁ ଆହାମାଞ୍ଜେରି, ତଲି ମୀରୁ ମାହାପୁରୁତି କାର୍ମା ବେଟାଆହା ହିଲାଆତେରି,  
 ସାମା ନୀଏଁ ତାନି କାର୍ମାଆନାଣି ବେଟାଆହାମାଞ୍ଜେରି ।” ୧୧ ଏ ଜୀଞ୍ଜୁତି  
 ତାୟି ତାଢ଼ିସ୍ତା, ନାନୁ ମିଢ଼େ ଇ ଦାର୍ତତା ଏଟକା ଦେସାତାତେରି ଇଞ୍ଜି ହେକ  
 ଦେସାଟି ଖାହାମାନାତେରି ଇଞ୍ଜି ଅଶ୍ଵାନା ବାତିମାଲିମାଞ୍ଜାଇଁ, ମୀରୁ ମୀ  
 ଆଢ଼ୁତି ଜୁପକାଟି ହେକ ଆଦୁ ଏଞ୍ଜି ମୀ ଜୀଞ୍ଜୁ କପାଟି ଜୁଜୁ କିହେମାନୁ । ୧୨  
 ମୀରୁ ଜୀହୁଦିଆଆତି ଲକୁଡ଼ାଣା ମୀ ମାଶ୍ଵକି ଦହ ହିଲାଆଗାଟାୟି ଆପେ,  
 ଏନିକି ଏଞ୍ଜାରି ନୀଏଁ ମିଢ଼େ ପାପୁ ଦହ ଗାଟାତେରି ଇଞ୍ଜି ନିନ୍ଦା କିୟାନେରି, ଡାୟୁ  
 କ୍ରୀସ୍ତୁ ଖାନି ଦିନାତା ମୀ ନେହିଁ କାମା ମେସାନା ମାହାପୁରୁଇଁ ଜହରା କିନେରି ।  
 ୧୩ ପ୍ରରୁତି ତାକି ବାତିମାଲିମାଞ୍ଜାଇଁ, ମୀ ମୁହେଁ ସାଲଞ୍ଜି କିନାରାଇଁ ମାନଞ୍ଜି  
 ଆଦୁ । ୧୪ ବାରେତି କିହାଁ କାଜା ରାଜା ଆପେସି, ଲାଗେଏ ପଲେଏତାରାଇଁ  
 ତଣ୍ଡୁ ହାହାଲି ଅଡେ ନେହିଁ କାମା କିନାରାଇଁ ରାହାଁ କିହାଲିତାକି ତାନିଡ଼ାଣାଟି  
 ପାଣ୍ଡୁଆହାମାନି ସାଲଞ୍ଜି କିନାସି ଆପେସି, ଏଞ୍ଜାରାଇଁ ମାନି କିଦୁ । ୧୫ ଇତିହିଁ  
 ମୀରୁ ନେହିଁ କାମା କିହାଁ ବୁଦି ହିଲାଆ ଉଜେଏତି କାତା ଖେହ୍ନାରାଇଁ ସାପି  
 କିଦୁ ଏଦି ମାହାପୁରୁତି ଅଶ୍ଵପୁ । ୧୬ ମୀରୁ ମେଲା ମାନାତେରି ଆତିଜିକେଏ ଏ  
 ମେଲା ଆହାମାନି ତାଣାଟି ଲାଗେଏ ପଲେଏ ଲେମ୍ପାଆଦୁ, ସାମା ମାହାପୁରୁତି  
 ହଲିୟା ଆହାନା ନେହିଁ କାମା କିଦୁ । ୧୭ ବାରେ ଲକୁଇଁ ଆବାଦୁ, କ୍ରୀସ୍ତାନା  
 ତାୟି ତାଢ଼ିଇଁ ଜୀଞ୍ଜୁନୁ, ମାହାପୁରୁଇଁ ଆଜାଦୁ, ରାଜାଇଁ ମାନି କିଦୁ । ୧୮  
 ହଲିୟାଢ଼ୁତେରି ମୀରୁ ଆଜିତଲେ ମୀ ସାଞ୍ଜୁକାରିୟାଁଇଁ ମାନଞ୍ଜି ଆଦୁ, ଖାର୍ଵ  
 ନେହାଁରାଇଁ ଅଡେ କାର୍ମା ମେହ୍ନାରାଇଁ ଆଏ, ସାମା ଲାଗେଏତି ସାଞ୍ଜୁକାରିୟାଁଇଁ  
 ଜିକେଏ ଏଲେକିଁ ମାନଞ୍ଜିଆଦୁ । ୧୯ ଇତିହିଁ ଆମ୍ବାଆସି ମାହାପୁରୁଇଁ ନାମିତାକି  
 ଲାଗେଏତାଣି ତାକି ଦୁକୁ କସ୍ତୁ ବେଟାଆହାନା ଅର୍ହନେସି, ଆତିହିଁ ଏଦି  
 ରାହାଁତି କାତା । ୨୦ ମୀରୁ ମୀ ଦହ ତାକି ତଣ୍ଡୁ ବେଟାଆଦେରି, ଏମ୍ବାଆଁ  
 ଏନି ଲାବା? ସାମା ନେହିଁ କାମାତାକି କସ୍ତୁ ଅର୍ହତିହିଁ, ମାହାପୁରୁ ମିଢ଼େ ବର  
 ହିୟାନେସି । ୨୧ ମାହାପୁରୁ ଡ଼ାଣା ବାରେତାକି ହାଟକିଆହା ମାଞ୍ଜେରି, ଇତିହିଁ  
 ମୀରୁ ଏନିକିଁ କ୍ରୀସ୍ତୁତି ପାଞ୍ଜୁଲି ତଲେ ଡ଼ାକିଦେରି ଏଦାଆଁତାକି ଏଞ୍ଜାସି ଜିକେଏ  
 ମିଢ଼େତାକି ଦୁକୁ କସ୍ତୁ ଅର୍ହହାନା, ମିଢ଼େତାକି ଏଲେଆହାଲି ଡ଼ସାମାଞ୍ଜାନେସି;  
 ୨୨ ଏଞ୍ଜାସି ଏନି ପାପୁ ଦହ କିହାହିଲାଆତେସି କି ଏଞ୍ଜାଣି ଗୁତିଟି ମିତି କାତା

ଏଚେଲାଖା ହୁତାହିଲାଆତେ । ୨୩ ଏଞ୍ଜାସି ନିନ୍ତୁ ବେଟାଆହି ମାତାଟି ଖେଣ୍ଟେ ନିନ୍ତୁ କିଆତେସି; ଦୁକୁ କସ୍ତୁ ବେଟାଆହି ମାତାଟି ଖେଣ୍ଟେ କସ୍ତୁ ହିୟାକ୍ ଇଞ୍ଜି ଆଜି ତସାନା ଖେହୁଆତେସି, ସାମା ସାତା ନାହାୟି କିନି ମାହାପୁରୁ ତାଣା ତାନି ବାରେତି ହେର୍ପିତେସି । ୨୪ ମାର ଏନିକିଁ ପାପୁ ତାକି ହାହାନା, ଦାମ୍ବୁତାକି ଜୀଝୁତଲେ ନୀତିନାୟି, ଏଦାଆଁତାକି ଏଞ୍ଜାସି ପାସି ମୁଣ୍ଡା ଲାକ ତାନି ଆଢ୍ମା ତଲେ ମା ବାରେ ପାପୁ ତେକା ଅତେସି, ଏଞ୍ଜାଣି ରାହାଟି ମୀରୁ ନେହୁଁ ଆହାମାଞ୍ଜେରି । ୨୫ ଇତିହୁଁ ମୀରୁ ଜିରୁ ବାଣାଆହାମାନି ମେଣ୍ଡାୟି ଲେହେଁ ଆହାମାତେରି, ସାମା ନୀସିଁ ମୀରୁ ଜୀଝୁତି ଗଡୁ କୁଲମିତି କାଜାଣା ଜେତ ଜେତ ତାକାଲି ମୀରୁ ଖେଣ୍ଡା ଖାହାମାଞ୍ଜେରି ।

**୩** ଏଲେକିହିଁଏ ଏ ତକ୍ରିସିକାତେରି, ମୀରୁ ମୀ ତକ୍ରିୟାକ୍ ମାନଞ୍ଜିଆଦୁ, ଏନିକିହିଁ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହୁଁ ମାଣ୍ଡକି ମେସାନା, ମୀରୁ ଖେହୁଆନା ଜିକେଏ ମାହାପୁରୁ ତାଣା ନାମାଲି ଆତିନେରି । ୧ ଏନିକିଁ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ବଲୁତି ମାନଞ୍ଜି ଆଆତି ଜିକେଏ ମୀ ମାହାପୁରୁତି ଆଜି ଅଡେ ମାଣ୍ଡକି ମେସାନା କାତା ଖେନାଆନା ଜାହାରା ତକ୍ରିନି ସୁଦୁଗାଟି ମାଣ୍ଡକି ମେସାନା ନାନିନେରି । ୩ ତାୟିଁ ବାଣାୟିଁ ହାରେକା ଅଜିକିହିଁ କିଶ୍ହା କତାନା, ବାଂଗାରା ତୁରହାନା, ଅଜିତି ହିମ୍ବିକା ହୁତିନାୟି, ଖାର୍‌ଇ ଇ ବାରେ ତଲେ ମୀ ଆଢ୍ମାତି ଅଜି କିହାକତାଆଦୁ, ୪ ମୀ ହିୟାତା ଏମିନି ହିଡ଼ି ଜୀଝୁତି ଗୁଣୁ ମାହାପୁରୁ ନକିତା ହାରେକା ଦାରାଗାଟାୟି, ଏଦିଏ ମୀ ନାସା ଆଆଗାଟି ଅଜୁ ଆପେ ୫ ଏନାଆଁତାକି ଇତିହିଁ ତଲି କାଲାତି ସୁଦୁଗାଟି ଇୟାସିକା ଜିକେଏ ମାହାପୁରୁ ତାଣା ବାସୁଁ ଇଚାନା ତାନି ତକ୍ରିୟାକ୍ ମାନିକିହିଁ ଜାହାରାକ୍ ଅଜିକିହା କତିମାତୁ । ୬ ଏଲେକିହିଁଏ ସାରା ଜିକେଏ ଅବ୍ରାହାମକ୍ ମାନଞ୍ଜି ଆହାଁ ଏଞ୍ଜାଣାକ୍ ନା ପ୍ରବୁ ଇଞ୍ଜିମାତେ; ମୀରୁ ଜିକେଏ ନୀସିଁ ଏନାଆଁ ଆଜାଆନା ନେହୁଁ କାମା କିତିହିଁ ଏଦାଣି ମାସକାତେରି ଆଦେରି । ୭ ତକ୍ରିୟାକ୍ତେରି, ଏଲେକିହିଁଏ ମୀ ତକ୍ରିସିକାଣି ମୀ କିହିଁ ବାଡ଼ୟୁତା ଉଶାଗାଟାକ୍ ଇଞ୍ଜି ପୁଞ୍ଜାନା ଏଞ୍ଜାସିକାକ୍ ମାନି କିଦୁ ଇଞ୍ଜିଁ ଏଞ୍ଜାସିକା ତଲେ ଆଣ୍ଡାନା ବୁଦିତଲେ ତୟାଦୁ, ଏଞ୍ଜି ଜିକେଏ ମୀ ତଲେ ମାହାପୁରୁ ତାଣା କାଲାକାଲା ଜୀଝୁତି କାର୍ମାତି ଦାନା ବେଟାଆନ୍ତୁ, ଏନିକିଁ ମୀ ପ୍ରାତାନା କିନିତାଣା ବାଦା ଖାଏ । ୮ ତାୟୁତି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡପୁ ତଲେ ବାରେତି ସୁକୁ ଦୁକୁତା ଆଣ୍ଡୁଞ୍ଜି ଆନାୟି, ତାୟି ତାଡ଼ିକ୍ ଜୀଝୁନନାୟି,

ନେହିଁ ହିଁୟାଁ ଅଡ଼େ ଜାହାରାଇଁ ଉଣା କିହାକତାଦୁ । ୯ ଲକ୍ଷୁ ମିଢ଼େ ଲାଗେଏ  
 କିୟାତିହିଁ ଜିକେଏ ଏଞ୍ଜାରାଇଁ ଖେଣ୍ଡେ ଲାଗେଏ କିଆଦୁ, ନିନ୍ଦୁ କିୟାତିହିଁ ଖେଣ୍ଡେ  
 ନିନ୍ଦୁ କିଆଦୁ, ସାମା ଏଞ୍ଜାରାଇଁ ବର ହୀଦୁ, ଏନାଆଁତାକି ଇତିହିଁ ଏଲେକିହାଲି  
 ମାହାପୁରୁ ମିଢ଼େ ଆଚାନା ହାଟାମାଞ୍ଜାନେସି । ୧୦ ଦାମ୍ବୁ ସାସ୍ତେରିତା ରାସ୍ତକି  
 ଆହାମାନି ଲେହେଁ “ଆମ୍ବାଆସି ଜୀଞ୍ଜୁତା ସୁକୁ ତଲେ ଡୟାଲି ଇଞ୍ଜିଁ ରାହାଁତି  
 ଦିନାୟାଁ ମେସାଲି ଅଶ୍ପିନେସି, ଏଞ୍ଜାସି ଲାଗେଏ ପଲେଏ କାତାୟାଁ ତାନି  
 ଖେନୁରିତି ଜଲମାପେସି, ଅଡ଼େ ମିତି କାତାୟାଁ ତାନି ଗୁଡିତି ଏଚେଲାଞ୍ଜା  
 ହୁଆପୁ । ୧୧ ଏଞ୍ଜାସି ଲାଗେଏ ପଲେଏ ତାଣାଟି ହେକ ଆହାନା ନେହିଁ କାମା  
 କିପେସି, ଇଞ୍ଜିଁ ତାନି ବାରେ ହିଁୟାଁ ତଲେ ହିଡ଼ି ଜୀଞ୍ଜୁ ପାରାନା ଏ ଜିରୁତି  
 ତାକାପେସି । ୧୨ ଏନାଆଁତାକି ଇତିହିଁ ଦାମ୍ବୁ ଗାଟାରାକି ପ୍ରବୁତି କାନୁ ମାନେ,  
 ଇଞ୍ଜିଁ ଏଞ୍ଜାରି ପ୍ରାତାନାତି କାର୍କା ଅତାହାଁ ଖେନେସି, ସାମା ପାପୁ ଗାଟାରି କପାଟି  
 ପ୍ରବୁ ନିଢ଼ିନେସି ।” ୧୩ ମୀରୁ ନେହିଁ କାମାତାକି ରାହାଁ ଗାଟାଚେରି ଆଦେରି,  
 ଆତିହିଁ ଆମ୍ବାଆସି ମିଢ଼େ ଲାଗେଏ କିୟାଲି ଆତାନେସି? ୧୪ ସାମା ନେହିଁ  
 କାମା କିହାନା କସ୍ତୁ ବେଟାଆତି ଜିକେଏ, ଏଦି ମୀ ତାକି ନେହେଁ, ଆମ୍ବାଆସି  
 ମିଢ଼େ ଆଜି କିୟାତିହିଁ ଆଜିତାକି ଆତାଜାକା ଆଆଦୁ; ୧୫ ସାମା କ୍ରୀସୁଇଁ ପ୍ରବୁ  
 ଇଞ୍ଜିଁ ମୀ ହିଁୟାଁତା ସୁଦୁ ତଲେ ମାନି କିଦୁ, ଆମ୍ବାଆସି ଏଚେଲାଞ୍ଜା ମୀ ତାଣା  
 ମାନି ବାସ୍ତୁତି କାତା ପୁଞ୍ଜାଲି ଖେଞ୍ଜାତିହିଁ, ଏଞ୍ଜାଣାଇଁ ଖେଣ୍ଡେ ଖେସାଲି ମୀ ଅଶ୍ପୁ  
 ତଲେ ତିୟାରା ଆହାମାଞ୍ଜୁ, ୧୬ ସାମା ଖେହ୍ନାଟି ସୁଦୁ ଅଡ଼େ ମାନିଗାଟି ଅଶ୍ପୁ  
 ତଲେ ଆଜାଆନା ନେହିଁ ବୁଦିତି ଖେହ୍ନୁ, ମୀରୁ କ୍ରୀସୁ ତାଣା ଆଣ୍ଟାନା ନେହିଁ  
 ମାଣ୍ଡକି ମାନାକି ମିଢ଼େ ନିନ୍ଦୁ କିହାନା ଦହ ଦହନାରି ଏମ୍ପେଏ ଲାଜା ପାଶ୍ପେରି  
 ଇଞ୍ଜିଁ ମୀରୁ ତୀରିତି ଅଶ୍ପୁ ତଲେ ମାଞ୍ଜୁ । ୧୭ ଏନାଆଁତାକି ଇତିହିଁ ଲାଗେଏ  
 ପଲେଏ କାମାତାକି ଦୁକୁ ବେଟାଆନି କିହାଁ ମାହାପୁରୁ ଇତା ଆତିହିଁ, ନେହିଁ  
 କାମାତାକି ଦୁକୁ ବେଟାଆନାୟି ନେହେଁ । ୧୮ କ୍ରୀସୁ ମିଢ଼େ ମାହାପୁରୁ ତାଣା  
 ତାତାଲି ତାକି ଏଞ୍ଜାସି ଦାମ୍ବୁଗାଟାସି ଆହାନା ଦାମ୍ବୁ ହିଲଆ ଗାଟାରି ତାକି ପାପୁ  
 ତାକି ରଣ୍ଡିଏ ଦେବା ହାତେସି, ଏଞ୍ଜାସି ଆଞ୍ଜା ତଲେ ହାତେସି ସାତା, ସାମା  
 ଜୀଞ୍ଜୁତଲେ ନୀତିଦେସି, ୧୯ ଏମ୍ବାଟିଏ ଏଞ୍ଜାସି ସୁଦୁଜୀଞ୍ଜୁ ତଲେ ମାଞ୍ଜାନା ଦସ୍ପି  
 ଆହାମାଟି ଜୀଞ୍ଜୁୟାଁ ତାଣା ହାଜାନା ମାହାପୁରୁ ବଲୁ ଖେକ୍‌ହେସି; ୨୦ ତଲି  
 କାଲାତା ନହ ଜାଜା କେପିତି ବେଲା, ମାହାପୁରୁ ସାସାତଲେ କାତିମାଚେସି,  
 ଆତିଜିକେଏ ଏଞ୍ଜାଣାଇଁ ମାନଞ୍ଜି ଆଆଚେରି, ଏ ଜାଜାତା ହାରେକା ଲକ୍ଷୁ ଆଏ,



ଆତା ଜାଣା ହତାନା ଏୟୁଟି ଗେଲ୍‌ପି ଆତେରି; ୨୧ ଏ ଏୟୁ ଇ କାଲାତି ବାପୁସ୍ତ  
 ଇଚିହିଁ ଏଦି ମା ଆଜ୍ଞାତି ମାତି ନରନାୟି ଆଏ, ସାମା ମାହାପୁରୁ ତାଣା ନେହିଁ  
 ଅଶ୍‌ପୁ ବେଟାଆହାଲି ପ୍ରାତାନା କିନାୟି, ଇଞ୍ଜି ଜୀସୁ କ୍ରୀସ୍ତ ହାକିତି ନିଢ଼ିତାକି  
 ଗେଲ୍‌ପି ଆନାୟି । ୨୨ ଏ ଜୀସୁ କ୍ରୀସ୍ତ ଲାକପୁରୁ ହାଜାନା ମାହାପୁରୁତି ଚିଃନି  
 ଟଟତା କୁଗାମାନେସି, ଏମ୍‌ଆଁ ଦୁରୁୟାଁ, ପାଣା ବେଟାଆଆତାରି ଅଡେ ବାଡ଼୍‌ୟୁ  
 ଗାଟାରି, ଏଞ୍ଜାଣାଲ୍ ମାନଞ୍ଜି ଆହାନା ତାନି ଡ଼ଇ ମାନେରି ।

**୪** କ୍ରୀସ୍ତ ଆଜ୍ଞା ତଲେ ଦୁକୁ କସ୍ତ ବେଟାଆହା ମାନାକି ମୀରୁ ଜିକେଏ  
 ଏଲେକିହିଁଏ ଏଞ୍ଜାଣି ଲେହେଁତି ଅଶ୍‌ପୁ ତଲେ ଜାହାରାଲ୍ ଡିୟାରା କିହାକତାଡୁ,  
 ଏନାଆଁତାକି ଇଚିହିଁ ଆମ୍‌ଆସି କ୍ରୀସ୍ତତି ତାକି ଆଜ୍ଞାତା ଦୁକୁ କସ୍ତ ବେଟା  
 ଆହାମାନେସି, ଏଞ୍ଜାସି ପାପୁତି ହେକ ଆହାମାନେସି, ୨ ଏନିକିଁ ମୀରୁ  
 ଦାର୍‌ତିତା ନୀତାମାନି ପାତେକା ପାପୁଗାଟି ମାଶ୍‌ସିତି ଲାଗେଏ ଜୁପ୍‌କାତି  
 ଅଶ୍‌ପୁ ତଲେ ନୀତାଆନା ମାହାପୁରୁତି ଅଶ୍‌ପୁ ଲେହେଁ ନୀତାଡୁ । ୩ ହାରେକା  
 ଦିନା ମୀରୁ ନାମାଆଗାଟାରି ଇତା ତଲେ କାମା କିହାଁ ମୀରୁ ଏତେ କାଲା  
 ଲାଗେଏ ପଲେଏ କାମାତା, ଲାଗେଏତି ଜୁପ୍‌କା, କାଡୁ ବୁଡୁ ଅନାୟି, କାଡୁ  
 ଗସାନା ରାହାଁ କିନାୟି, କାଡୁ ଗସାନା ହତିନାୟି, ଇଞ୍ଜି ଅପାଆଗାଟି ପେଶ୍‌କା  
 ବମାୟାଁଣି ପୂଜା କିହିମାତେରି, ୪ ମୀରୁ ନୀଏଁ ଏଞ୍ଜାରିତଲେ ଏ ବାରେ  
 ଲାଗେଏ ପଲେଏ କାମାତା ରାହାଁତଲେ ଆଶ୍‌ହିଲିଅତେରି, ଏଦାଆଁତାକି ଏଞ୍ଜାରି  
 ଆତାଜାକା ଆହାନା ମିଡ୍ରେ ହାରେକା ନିନ୍ଦା କିୟାନେରି । ୫ ସାମା ଆମିନି  
 ମାହାପୁରୁ ନୀତାମାନାରାଲ୍ ଅଡେ ହାତାରାଲ୍ ନୀହାୟି କିହାଲି ହାଜିମାନେସି,  
 ଏ ମାହାପୁରୁ ନକିତା ଏଞ୍ଜାରି ତାମି ବାରେ କିତି କାମାତି ଲେକା ହୀନାୟି  
 ମାନେ । ୬ ଏଦାଆଁତାକି ହାତାରି ତାଣା ଜିକେଏ ମାହାପୁରୁତି ନେହିଁ କାବୁ  
 ଝେସ୍‌ପିଆଡେ, ଏନିକିଁ ଏଞ୍ଜାରି ମାଶ୍‌ସିୟାଁ ଲେହେଁ ଆଜ୍ଞା ତଲେ ନୀହାୟି କିଞ୍ଜି  
 ଆତିହିଁ ଜିକେଏ ମାହାପୁରୁ ଲେହେଁ ଜୀଞ୍ଜୁତଲେ ନୀତିନେରି । ୭ ଏ ବାରେତି  
 ରାନି ଦିନା ତାଗେ ଝାଡେୟିଏ, ଏଦାଆଁତାକି ମୀରୁ ନେହିଁ ବୁଦି ଗାଟାତେରି  
 ଆଡୁ, ଇଞ୍ଜି ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ ।  
 ୮ ବାରେତି କିହାଁ ମୀରୁ ରଅତେରି ରଅଣାଲ୍ ହାରେକା ଜୀଞ୍ଜୁନୁ, ଏନାଆଁତାକି  
 ଇଚିହିଁ ଏଲେତି ଜୀଞ୍ଜୁନାୟି ହାରେକା ପାପୁତି ପିକ୍‌ନେ । ୯ ଗୁରୁମୁରୁ ଆଆନା  
 ରଅତେରି ରଅଣାଲ୍ ଗତାୟାଁ ଲେହେଁକି ସେବା କିଡୁ । ୧୦ ବାରେଜାଣା  
 ତେରି ଏନିକିଁ ମାହାପୁରୁ କାର୍ମାତି ଦାନା ବେଟାଆହାମାଞ୍ଜେରି, ଏଲେକିହିଁଏ

ମୀରୁ ମାହାପୁରୁ ମେରାତି ନେହିଁ ଗୁମୁସ୍ତାୟିଁ ଲେହେଁ ଆହାନା ଏ ବାରେ ଦାନା  
 ତଲେ ରଅତେରି ରଅଣାକ୍ ସେବା କିଞ୍ଚିଆଦୁ । **୧୧** ଆମ୍ବାଆସି ଝେକ୍ନେସି  
 ମାହାପୁରୁତି ନେହିଁ କାବୁ ଝେକ୍ନସି ଲେହେଁ ଝେକ୍ନେସି; ଇଞ୍ଜି ଆମ୍ବାଆସି  
 ସେବା କିନେସି ମାହାପୁରୁ ତାଣାଟି ବାଡ଼୍‌ୟୁ ବେଟାଆହାମାନି ଲେହେଁ ସେବା  
 କିପାସି । ଏନିକ୍ ଜୀସୁ କ୍ରୀସ୍ତ ତାଣାଟି ମାହାପୁରୁ ଗାଞ୍ଜୁରମି ବେଟା ଆନେସି;  
 ଇଞ୍ଜି କାଲାକାଲାତି ଗାଞ୍ଜୁରମି ଅଡେ କାଜାପାଣା ଏଞ୍ଜାଣିଝାୟି । ଆମେନ୍  
 । (aiōn g165) **୧୨** ଏ ନା ଜୀଞ୍ଜୁତି ଡ଼େସିଞ୍ଜାତେରି, ନୀର୍ବି ମିଞ୍ଜେ ହିରୁତା  
 ତାୟିପାରି କିନି ଲେହେଁ ହାରେକା ଦୁକୁ କସ୍ତୁ ଝାହାମାନେ, ଏଦି ମାଞ୍ଜେ ଝାହାୟି  
 ହିଲାଆତେ ଇଞ୍ଜି ଅଶ୍‌ପାଆଦୁ । **୧୩** ସାମା କ୍ରୀସ୍ତତି ଦୁକୁ କସ୍ତୁତା ମୀରୁ ଏଚେକା  
 ଆଣ୍ଡାମାଞ୍ଜେରି ଏଚେକେଏ ରାହାଁ ଆଦୁ, ଏନିକ୍ ଏଞ୍ଜାଣି ଗାଞ୍ଜୁରମି ଡ଼ଞ୍ଜାଆନି  
 ବେଲାତା ଜିକେଏ ମୀରୁ କାଜା ରାହାଁତା ରାହାଁ ଆଦେରି । **୧୪** ସାମା ମୀରୁ  
 କ୍ରୀସ୍ତତି ଦରୁ ତାକି ନିନ୍ଦା ବେଟାଆଦେରି ଆତିହିଁ ମୀରୁ ନେହାଁତେରି, ଇତିହିଁ  
 ଗାଞ୍ଜୁରମିଗାଟି ଜୀଞ୍ଜୁ, ଇତିହିଁ ମାହାପୁରୁତି ଜୀଞ୍ଜୁ ମୀ ତାଣା ଡ଼ୟାମାନେ । **୧୫**  
 ଏଦାଆଁତାକି ମୀ ବିତ୍ରାଟି ଲକୁଣି ପାୟିନାରି, ସରୁ କିନାରି, ଦହ କାମା କିହାନା,  
 ଲକୁକ୍ ସାକ୍ତି କାତା ଜଲିନାରି ଆହାନା ସାସ୍ତି ବେଟାଆପେରି । **୧୬** ସାମା  
 ଆମ୍ବାଆସି କ୍ରୀସ୍ତାନା ଲକୁ ଆହାମାନାକି ସାସ୍ତି ବେଟା ଆନେସି, ଆତିହିଁ ଏଞ୍ଜାସି  
 ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁକ୍ ଜହରା କିପେସି ।  
**୧୭** ଇତିହିଁ ମାହାପୁରୁ ଇଲୁଟିଏ ନୀହାୟି କିଞ୍ଚି ଆହାଁ ବିଚାରା କିନି ଦିନା ଝାନେ;  
 ଇତିହିଁ ମାହାପୁରୁ ନକେଏ ମାଞ୍ଜେ ନୀହାୟି କିୟାତିହିଁ, ଆତିହିଁ ତାମି ନେହିଁ  
 କାବୁ ମାନଞ୍ଚି ଆହାହିଲଅରି ଏଞ୍ଜାରି ଡାୟୁତି ତଣ୍ଡୁ ଏଚେକା ଆଜିହ୍‌ପେତାୟି  
 ଆଏ! **୧୮** ସାସ୍ତେରିତା ରାସ୍‌କି ଆହାମାନେ, “ଦାର୍ମିଗାଟାସି କସ୍ତୁତଲେ ଗେଲ୍‌ପି  
 ଆନେସି, ଆତିହିଁ ଦାର୍ମି ହିଲାଆ ଗାଟାରି ଅଡେ ପାପୁଗାଟି ଲକୁ ଏନିକ୍ ମୁମୁ  
 ଡ଼ହ୍‌ନେରି?” **୧୯** ଇତିହିଁ ଆମ୍ବାଆରି ମାହାପୁରୁତି ଅଶ୍‌ପୁ ଲେହେଁ ଦୁକୁ କସ୍ତୁ  
 ବେଟାଆନେରି, ଏଞ୍ଜାରି ନେହିଁ କାମା କିହାନା ଏଞ୍ଜାଣି ତାଣା ହାରେପୁରେ ବାର୍ସୁ  
 କିପାରି, ଆତିହିଁ ଏଞ୍ଜାରାକ୍ ଗାଡ଼ିକିତି ମାହାପୁରୁ ବାରେବେଲା ତାନି ଆଞ୍ଜାମାନି  
 କାମା ଲେହେଁ କିନେସି ।

**୫** ଇତିହିଁ ନାନୁ ମୀ ତଲେତି ର କୁଲମିତି ପ୍ରାଚିନାତେଏଁ, ଅଡେ କ୍ରୀସ୍ତତି ଦୁକୁ  
 ବେଟାଆହାମାନି ତାଣାଟି ସାକି ଇଞ୍ଜି ଝାହିମାନି ଗାଞ୍ଜୁରମିତା ଆଣ୍ଡିନାତେଏଁ  
 ନାନୁ, ମୀ ତାଣା ମାନି ପ୍ରାଚିନାଞ୍ଜାଣି ବାତିମାଲିମାକ୍, **୬** ମୀ ତାଣା ମାନି

ମେଣ୍ଟାୟାଣି ଜାତନ୍ କିଦୁ ମାହାପୁରୁ ମିଢ୍ଢେ ହେର୍ପାମାଞ୍ଜାନି ମାନ୍ତୁତି ପହିକିଦୁ,  
 ଗୁତାଗୁତା କିନାକି ଆଏ, ସାମା ରାହାଁ ଅଶ୍ପୁ ତଲେ ମାହାପୁରୁ ଅଶ୍ପୁତି  
 ଲେହେଁ ଜାତନ୍ କିଦୁ, ଝାରଇ ତାବୁୟାଁ ବେଟାଆନି ଆସା ତାକି ଆଏ, ସାମା  
 ସାତା ସେବାକିନି ଅଶ୍ପୁ ତଲେ କାମା କିଦୁ । ୩ ଅଡେ ଆମ୍ବାଆରି ଦାୟିପତି  
 ମୀ କେୟୁତା ହୀପକି ଆହାମାଞ୍ଜାନେ, ଏଝାରି ମୁହେଁ ସାଲଝି କିନାତେରି  
 ଆଆନା ଏ ମାନ୍ତୁତି ମାନି ଗାଟାତେରି ଆହାନା କିଦୁ । ୪ ଏଚେଟିଏ “କାଜା  
 ଚାଦୁ” ତଞ୍ଜାଆନି ଦିନାତା ମୀରୁ ଗାଝୁରମିତି ଏଚେଲା ଝାଡାଆଗାଟି ଟପେରି  
 ବେଟାଆଦେରି । ତାନି ଉଜେଡ଼ି ଏଚେଲା ଝାଡେଏ । ୫ ଏ ଦାଂଗ୍‌ଶାୟାଁତେରି,  
 ଏଲେକିହିଁଏ ମୀରୁ ଜିକେଏ ମୀ ପ୍ରାତିନାଞ୍ଜାଣି ମାନଝି ଆଦୁ, ମୀରୁ ବାରେଜାଣା  
 ତେରି ରଅତେରି ରଅଣି ନକିତା ସୁଦୁଗାଟି ଅଶ୍ପୁତି ହିମ୍ପରି ଲେହେଁ ପର୍ଦୁ,  
 ଦାମ୍ବୁ ସାସ୍ତେରିତା ରାସକି ଆହାମାନେ, “ଇଚିହିଁ ମାହାପୁରୁ ଡାହାରା ଗାଟାରି  
 କପାଟି ନିଢ୍ଢାନା ସୁଦୁ ଗାଟାରାଇଁ କାର୍ମା ମେହ୍‌ନେସି ।” ୬ ମାହାପୁରୁତି  
 ବାଡ଼ୟୁଗାଟି କେୟୁ ଡଇ ମୀରୁ ମିଢ୍ଢେ ଉଣା କିହାକତାଦୁ, ଏନିକିହିଁ ଏଝାସି  
 ଡାୟୁ ସମାନା ଦିନାତା ମିଢ୍ଢେ କାଜାତେରି କିୟାନେସି; ୭ ମୀ ଅଶ୍ପୁତି ବଜୁ  
 ବାରେ ମାହାପୁରୁ ଡାଣା ହେର୍ପାଦୁ ଇଚିହିଁ ଏଝାସି ମିଢ୍ଢେତାକି ଅଶ୍ପିନେସି ।  
 ୮ ସେଡନା ଆହାନା ଜାଗ୍ରାତା ମାଞ୍ଜୁ, ଏନାଆଁତାକି ଇଚିହିଁ ଆମ୍ବାଆରାଇଁ ଗୁହ୍‌ଇଁ  
 ଇଞ୍ଜି ମୀ ସାଦୁ ସୟତାନ ଡୁକିମାନି ସିହିଁକ୍ଷାନି ଲେହେଁ ପାରିହିଁ ରେଜିମାନେସି ।  
 ୯ ମୀରୁ ନାମୁତା ତୀରି ମାଞ୍ଜାନା ସୟତାନଇଁ ପେର୍ଦୁ, ଏନାଆଁତାକି ଇଚିହିଁ ଇ  
 ଦାର୍‌ତିତା ମାନି ମୀ ନାମିତି ତାୟିୟାଁକି ଇଲେତି ଦୁକୁ କସ୍ତୁ ଆହିମାନେ । ୧୦  
 କ୍ରୀସ୍ତ ତଲେ ଆଣ୍ଟାନା ତାନି କାଲାକାଲାତି ଗାଝୁରମିତା ଆଣ୍ଟାଲି କାର୍ମାମେହ୍‌ନି  
 ମାହାପୁରୁ ମିଢ୍ଢେ ହାଟାମାଞ୍ଜାନେସି, ମୀ ଗାଡେକାଟି ଦୁକୁ କସ୍ତୁ ବେଟାଆତି  
 ଡାୟୁ ଏଝାସି ଡାନ୍‌ଏ ମିଢ୍ଢେ ତୀରି ଆର୍‌ଝା, ବାଡ଼ୟୁ, ଅଡେ ଏଚେଲା ଗୁତା  
 ଆଆଗାଟି ବାସ୍ତୁ ମିଢ୍ଢେ ହିୟାନେସି । (aiōnios g166) ୧୧ ବାରେ ବାଡ଼ୟୁ  
 ଜୁଗୁ ଜୁଗୁତାକି ଏଝାଣିଝାୟି । ଆମେନ୍ । (aiōn g165) ୧୨ ସିଲାଇଁ ନାମୁତି  
 ତାୟିଲେହେଁ ନାନୁ ଜୀଝୁନହାଁନା ତାନିଡାଣାଟି ନାନୁ ଇ ଉଣା ଆକୁ ରାତାମାଇଁ  
 । ମାହାପୁରୁତି ସାତା କାର୍ମାଟି ସାକି ହୀହାନା ମିଢ୍ଢେ ରାହାଁ କିୟାନାୟି ନା  
 କାମା । ଏ କାର୍ମା ମେହ୍‌ନିଡାଣା ଆର୍‌ଝାତଲେ ମାଞ୍ଜୁ । ୧୩ ମାହାପୁରୁ ତାକି  
 ଆର୍‌ଝି ଆହାମାନି ବାବିଲନତା ମାନି କୁଲମି ଅଡେ ନା ଦାମ୍ବୁତି ମୀର୍‌ଏସି

ମାର୍କ ଜିକେଏ ମିଡ୍ରେ ଜହରା କିହିମାଞ୍ଜାନେରି । ୧୪ କ୍ରୀଷ୍ଟୀନା ଲକୁ ଲେହେଁ  
ଜୀଞ୍ଜନହୀନା ଜହରା କିଦୁ । କ୍ରୀଷ୍ଟ ତାଣା ମାନି ଲକୁକି ହିଡ଼ି ଅପେ ।

# ୨୩୩

୧ ସିମନ ପିତର, ର ହଲେଏସି ଅଡ଼େ ପାଣ୍ଡୁଞ୍ଜି ଆହାମାନାସି, ମା ମାହାପୁରୁ  
 ଅଡ଼େ ଗେଲ୍‌ପାନି ଜୀସୁ କ୍ରୀସ୍ତୁତି ଦାମ୍ବୁତାକି ଆମିନି ଗାଟାରି ମା ଲେହେଁ  
 ହାରେକା ଦାରାଗାଟି ନାମୁ ବେଟା ଆହାମାନେରି, ଏଞ୍ଜାରିଡାଣା ଆକୁ ରାତିମାଙ୍ଗ  
 । ୨ ମାହାପୁରୁ ଅଡ଼େ ମା ପ୍ରବୁ ଜୀସୁତି ବୁଦିତଲେ ମିଢ୍ଢେତାକି କାର୍ମାମେହ୍‌ନାୟି  
 ଅଡ଼େ ହିଡ଼ି ଜୀସୁ ହାରେକା ଗାଡି ଆୟାପେ । ୩ ଆମ୍ବାଆସି ତାନି  
 ଗାସୁରମି ଅଡ଼େ ନେହିଁ ଗୁଣ୍ଡୁତଲେ ମାଢ୍ଢେ ହାଟାମାଞ୍ଜାନେସି, ମାହାପୁରୁ ତାନି  
 ବୁଦିତଲେ ଲାକପୁରୁତି ବାଡ଼୍‌ନୁତି ମାଢ୍ଢେ ଜୀସୁ ଅଡ଼େ ଦାମ୍ବୁତି ଜିରୁ ତାକି  
 ବାରେ ଲଡ଼ାମାନାଣି ହୀହାମାଞ୍ଜାନେସି । ୪ ଏଦାଆଁ ତଲେ ଏଞ୍ଜାସି ମାଢ୍ଢେ  
 ଗାଡି ଦାରା ଅଡ଼େ ହାରେକା ଲଡ଼ାଗାଟି ଆଞ୍ଜାମାନି ଦାନା ହୀହାମାଞ୍ଜାନେସି,  
 ଏନିକି ଏ ବାରେ ତଲେ ମୀରୁ ଲାଗେଏତି ଅଣ୍ଡୁତା ଆହିମାନି ଆମିନି ନାସା  
 ଆନି ଦାର୍‌ତିତା ମାଞ୍ଜେରି, ଏମ୍ବାଟି ଗେଲ୍‌ପି ଆହାନା ଲାକପୁରୁତି ଗୁଣ୍ଡୁତଲେ  
 ଆଣ୍ଡାନ୍ତୁ । ୫ ଇଦାଆଁତାକି ମୀରୁ ହାରେକା ଜାଡ଼୍‌ନୁତି ନାମୁତଲେ ନେହିଁ ଗୁଣ୍ଡୁ  
 ଅଡ଼େ ସାତା ଗୁଣ୍ଡୁତଲେ ବୁଦି, ୬ ବୁଦିତଲେ ଆଢ୍ଢାତି ଲକ୍‌ନାୟି, ଆଢ୍ଢାତି  
 ଲକ୍‌ନାଣି ତଲେ ସାସା, ସାସାତଲେ ଦାମ୍ବୁତି କାମା କିନାୟି, ୭ ଦାମ୍ବୁତି  
 କାମାକିନାଣି ତଲେ ତାୟିୟାଙ୍ଗ ଜୀସୁନାୟି, ତାୟିୟାଙ୍ଗ ଜୀସୁ ନନାଣି ତଲେ  
 ବାରେ ଲକ୍‌କୁଙ୍ଗ ଜୀସୁ ନନାଣି ଆଡ଼ୁ । ୮ ଇ ନେହିଁ ଗୁଣ୍ଡୁୟାଁ ମିଢ୍ଢେ ଲଡ଼ାମାନେ;  
 ଇ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତୁତି ବୁଦି ମିଢ୍ଢେ ପାର୍‌ସାଡ଼ା  
 ଅଡ଼େ ବାରେ ମେଡ଼ି କିହାମାଞ୍ଜାନେ । ୯ ସାମା ଇ ବାରେ ଗୁଣ୍ଡୁ ଆମ୍ବାଆରି  
 ଡାଣା ହିଲେଏ, ଏଞ୍ଜାସି ହେକ ମେସାଲି ଆଡାଆ କାଣା ଆହାମାନେସି,  
 ଅଡ଼େ ତାନି ନକେଏ କିତି ବାରେ ପାପୁତି ନରୁଞ୍ଜି ଆଡାଣି ଏଞ୍ଜାସି ବାଣ୍ଡି  
 ଆହାମାନେସି । ୧୦ ଇଦାଆଁତାକି, ଏ ତାୟି ତାଢ୍ଢିସ୍ତା, ମାହାପୁରୁ ମିଢ୍ଢେ  
 ଆତାନା ହାଟାମାଞ୍ଜାନାଣି ଅଡ଼େ ମନତି ଅଣ୍ଡୁ ତୀରି କିହାଲି ହାରେକା ଜାଡ଼୍‌ନୁ  
 ଗାଟାତେରି ଆଡୁ; ଇଲେ କିତିସାରେ ମୀରୁ ଏତେଲା ଜିକେଏ ମୀ ନାମୁତା  
 ଡାଣା ଆଅତେରି । ୧୧ ଇଞ୍ଜା ଇଲେକିହିଏ ମା ପ୍ରବୁ ଅଡ଼େ ଗେଲ୍‌ପାନି ଜୀସୁ  
 କ୍ରୀସ୍ତୁତି କାଲାକାଲାତି ରାଜିତା ରାହାଁତଲେ ହାଜାଲି ମିଢ୍ଢେ ହୀପ୍‌କି ଆୟାନେ  
 । (aiōnios g166) ୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜେରି ଅଡ଼େ  
 ମୀରୁ ବେଟାଆହାମାନି ସାତାତା ନେହିଁକି ତୀରି ଆହାମାଞ୍ଜେରି, ଆଡିଜିକେଏ  
 ନାନ୍ତୁ ଇ ବାରେ କାତା କାଲେଏ ମିଢ୍ଢେ ଅଣ୍ଡପି କିଞ୍ଜିକିହାଲି ଜାଗାତା ଡ଼ୟିଙ୍ଗ ।

୧୩ ନାନୁ ନୀତାମାନି ପାତେକା ଇ ବାରେ କାତା ତାକି ମିଡ୍ରେ ସେତ୍ନା କିହାଲି ନାନୁ କିନାୟି ମାନେ ଇଞ୍ଜି ଅଣ୍ପିମାଲ୍ । ୧୪ ମା ପ୍ରବୁ ଜୀସୁ କ୍ରୀସ୍ତୁ ନାଡ୍ରେ ଏନିକିଁ ଖେସାମାଞ୍ଜାନେସି, ଏଲେକିହିଁ ନାଡ୍ରେ ଦାପେ ଇ ନା ଆଢ୍ଫା ଲେହେଁତି ତୁମୁ ପିସାଲି ଆନେ, ୧୫ ଅଡେ ନା ହାତି ଡାୟୁ ଜିକେଏ ମୀରୁ ଏନିକିଁ ଇ ବାରେ କାତା କାଲେଏ ଅଣ୍ପୁତା ଇଟିଦେରି, ଇଦାଆଁତାକି ନାନୁ ଅଣ୍ପିମାଲ୍ । ୧୬ ଇଚିହିଁ ମାମୁ ଏଚିବେଲା ମା ପ୍ରବୁ ଜୀସୁ କ୍ରୀସ୍ତୁତି ବାଡ୍‌ୟୁ ଅଡେ ଖାହିମାନି କାତା ମିଡ୍ରେ ପୁଣ୍ଡି କିୟତମି, ଏଚିବେଲା ଏନି ପୁତ୍ରମି ତଲେ କେପିତି ପୁସ୍‌ପନିକା ଆସା ହିଲାଆତମି, ସାମା ତାନି ଗାଞ୍ଜୁରମିତି କାଣ୍‌କା ତଲେ ମେସ୍ତି ସାକିୟାଁ ଆହାମାତମି । ୧୭ ଏଚିବେଲା କାଜା ଗାଞ୍ଜୁରମିତି ଏଞ୍ଜାଣାକି ଇ ହାତା ଖାତେ, ଏଚିବେଲା ମାମୁ ଏମ୍ପାଆଁ ମାତମି, “ଇଞ୍ଜାସି ନା ଜୀଞ୍ଜୁତି ମୀର୍‌ଏସି ଇଞ୍ଜାଣି ତାଣେଏ ନା ହାରେକା ରାହାଁ ମାନେ!” ଏଚିବେଲା ଏଞ୍ଜାସି ଆବା ମାହାପୁରୁ ତାଣାଟି ସାମ୍ପମି ଅଡେ ଗାଞ୍ଜୁରମି ବେଟାଆତେସି; ୧୮ ମାମୁ ତାନିତଲେ ଏ ସୁଦୁ ହୁରୁ ଲାକ ମାଚିବେଲାତା ମାମୁଏ ହାଗୁ ଲାକଟି ଚେଞ୍ଜିତି ଇ ହାତା ଖେଞ୍ଜାମାନମି । ୧୯ ଏମ୍ପାଆଁ ମାହାପୁରୁ ଅଣ୍ପୁତି ବଲୁ ଖେକ୍‌ନାରି ଖେକ୍‌ହାମାଚି ମାହାପୁରୁ ଅଣ୍ପୁତି ବଲୁ ମାଡ୍ରେତାକି ହାରେକା ଆବ୍‌ଞ୍ଜା ଆତେ; ମୀରୁ ଏଦାଆଁ ଆନେରିତା ଡାଞ୍ଜାମାନି ଦୀଞ୍ଜି ଲେହେଁ ଅଣ୍ପାଦା ଲାଆଁ ଖେୟାଆ ପାତେକା ମୀ ହିୟାଁତା ଖେୟାଜାରା ହୁକା ହୁଆ ପାତେକା ଏଦାଣି ମନ ହାଚିହିଁ ନେହେଁ ଆନେ । ୨୦ ମୀରୁ ବାରେତି କିହାଁ ତଲିଏ ଇଦାଆଁ ପୁଞ୍ଜୁ ଦାମ୍ପୁ ପତିତା ରାସ୍‌କି ଆହାମାନି ମାହାପୁରୁ ବଲୁଚି ଜାହାରା ବୁଦିତଲେ ତେଲ୍‌ହାଲି ଆତାଆୟି । ୨୧ ଇଚିହିଁ ଆନିନି ମାହାପୁରୁ ଅଣ୍ପୁତି ବଲୁ ଖେକ୍‌ନାରି ଖାର୍‌ଇ ତାମୁ ମାଣ୍‌ସି ଅଣ୍ପୁତି ଆମ୍ପାଆସି ଜିକେଏ ଖେକ୍‌ହା ହିଲଅରି, ସାମା ମାହାପୁରୁ ପାଣ୍ଡିତି ମାଣ୍‌ସିୟାଁ ସୁଦୁଜୀଞ୍ଜୁତି ସାଲଖି ଆହାନା ଏଞ୍ଜାରି ଅଣ୍ପୁତି ବଲୁ ଖେସାମାଚେରି ।

୨ ସାମା ଲକୁ ତାଣାଟି ମିତି ମାହାପୁରୁ ବଲୁ ଖେକ୍‌ନାରି ହୁଚେରି; ଏଲେକିହିଁଏ ମୀ ବିତ୍ରାଟି ମିତି ଜାପ୍‌ନାରି ହୁନେରି; ଏଞ୍ଜାରି ନାସା ଆନିଲେହେଁତି ନାଡ଼ିକିନି ଅଣ୍ପୁ, ତୁଗାନା ଖେକ୍‌ହାନା ଏଞ୍ଜାରାଲ୍ କତାମାନି ପ୍ରବୁଲ୍ ଜିକେଏ ପୁଞ୍ଜାହିଲଅମି ଇନେରି, ଅଡେ ଜାହାରାଲ୍ ଦେବୁଣିଏ ନାସା କିୟାନେରି । ୨ ଅଡେ ହାରେକା ଲକୁ ଏଞ୍ଜାରି ଲାଗେଏ କାମାତି ଚେତ ହାନେରି, ଇଞ୍ଜାଁ ଇଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନେ । ୩ ଏଞ୍ଜାରି ଦନ ଜୁପ୍‌କାତାକି ମିତି ଜାପ୍‌ହାନା ମୀ ତାଣାଟି ତାବୁୟାଁ ଲାବା ବେଟାଆହାଲି ଅଣ୍ପିନେରି, ଏଞ୍ଜାରି ତଣ୍ଡୁ ତଲି

କାଳାଟିଏ ଆହିମାନେ ଅଡ଼େ ହାରେକା ଦିନାଟିଏ ମାହାପୁରୁ ଏଞ୍ଜରାଈ ବିଚାରା  
 କିହାମାନେସି, ଏଞ୍ଜରି ନାସା ଆନାୟି ଝାଡେୟିଏ । ୪ ଇତିହିଁ ମାହାପୁରୁ  
 ପାପୁ କିତି ଦୁରୁୟାଁଇଁ ପିହୁଆନା ହିରୁ ଗାଡ଼୍‌ୟୁଡା ମେଡ଼ହା ମାନେସି, ଏମ୍‌ଆଁ  
 ଏଞ୍ଜାସିକା ନାହାଁୟି ଆନି ଦିନା ପାଡେକା ଆନେରି ଗାଡ଼୍‌ୟୁଡା ଇଟାମାନେସି ।  
**(Tartaroō g5020)** ୫ ମାହାପୁରୁ ପ୍ଲାଃଇ ଦାର୍‌ତିତି ଜିକେଏ ପିସାହିଲଅସି,  
 ସାମା ଦାମ୍‌ କାତା ଝେହ୍‌ନି ନହ ଇଞ୍ଜା ତାନିତଲେ ସାତା ଜାଣାଇଁ ଗେଲ୍‌ପାନା  
 ପାପୁତି ଦାର୍‌ତିତି ଏୟୁତଲେ ବୀଡ଼଼ି କିଡେସି; ୬ ଏଞ୍ଜାସି ସଦମ ଅଡ଼େ  
 ଗମରା ଗାଡ଼ାତି ଦାର୍‌ମ୍‌ ମ୍ଲିପ୍‌ହାନା ନାସା କିହାଲି ତଣ୍ଡୁତି ହୁକୁମି ହୀଡେସି  
 ଅଡ଼େ ଏଞ୍ଜରାଈ ତାୟୁ କାଳାତି ଦାମ୍‌ ହିଲାଆଗାଟାରି ପୁଣ୍ଡିକିନିଲେହେଁ  
 କିଡେସି । ୭ ଅଡ଼େ ପାପୁ ଦହଗାଟି ଲକ୍‌କୃତି ଲାଗେଏ ପଲେଏ କାମାଟି ହେକ  
 ଆହାମାନି ଦାମ୍‌ଗାଟି ଲଟଇଁ ମାହାପୁରୁ ଗେଲ୍‌ପିଡେସି, ୮ ଏ ଦାମ୍‌ଗାଟାସି  
 ଏଞ୍ଜାରିତଲେ ବାସା କିହାଁ ଏଞ୍ଜାରି ଲାଗେଏତି କାମା ମେସା ଅଡ଼େ ଝେଞ୍ଜାନା  
 ଦିନମି ତାକି ଦିନମି ଦାମ୍‌ଗାଟାସି ଆହାନା ହାରେକା ଦୁକୁ ବେଟାଆହିମାଡେସି  
 । ୯ ଇଲେକିହିଁଏ ପ୍ରବୁ ଦାମ୍‌ଗାଟାରାଇଁ ତାୟିପାରି କିନି ତାଣାଟି ଗେଲ୍‌ପାଲି  
 ଇତିହିଁ ଦାମ୍‌ ହିଲାଆଗାଟାରାଇଁ, ଆମ୍‌ଆରି ଆଞ୍ଜୁତି ଲାଗେଏତି କାମାତା  
 ସାଲ଼ି ଆହାନା ପ୍ରବୁଇଁ ମାନି କିଅରି, ଏଞ୍ଜରାଈ ବିଚାରା ଦିନାତି ତଣ୍ଡୁ ତାକି  
 ଇଟାଲି ପୁଞ୍ଜାମାନେସି । ୧୦ ଇତିହିଁ ଆମ୍‌ଆରି ମାହାପୁରୁତି ଅଦିକାରାତି ହୀଣି  
 କିହାନା ଜାହାରା ଆଞ୍ଜୁତି ଜୁପ୍‌କାତା ଡ଼ୟିମାନେରି, ଏଞ୍ଜାରି ଏ କାଜା ନାହାଁୟି  
 ଦିନା ପାଡେକା ଏନିକିଁ ତଣ୍ଡୁ ହୀହାନା ଇଟାଲି ଆନେ । ଏ ମିତି ଜାପ୍‌ନାରି  
 ଆଜାଆ ଗାଟାରି, ଏଞ୍ଜାରି ଲାକପୁରୁ ଗାଞ୍ଜୁରମି ଗାଟାରାଇଁ ମାନି କିଆନା  
 ଏଞ୍ଜରାଈ ଲାଜା କିହିମାଞ୍ଜେରି । ୧୧ ଆତିଜିକେଏ ହାରେକା ବାଡ଼୍‌ୟୁ ଅଡ଼େ  
 କାଜାପାଣା ବେଟାଆହାମାନି ଦୁରୁୟାଁ ପ୍ରବୁ ନକିତା ଏଞ୍ଜାରି କପାଟି ନିଞ୍ଜାନା  
 ନିନ୍ଦୁକିହିଁ ବିଚାରା କିଅରି । ୧୨ ସାମା ଇଞ୍ଜାରି ବୁଦି ହିଲାଆ ଜନ୍ତୁ ଲେହେଁତାରି,  
 ଏଞ୍ଜାରିଲେହେଁ ଇ ମିତି ଜାପ୍‌ନାରି ଜିକେଏ, ଏନାଆଁ ଏଞ୍ଜାରି ପୁଞ୍ଜାଲି ଆଡଅରି  
 ଏଦାଆଁ ଏଞ୍ଜାରି ନିନ୍ଦୁ କିନେରି, ସାମା ଏଞ୍ଜାସି ଜାଡ଼ାତି ଜନ୍ତୁ ଲେହେଁ ନାସା  
 ଆନେରି, ୧୩ ଏଞ୍ଜାରି ଲାଗେଏତି କାମା କିହାମାଟିସାରେ ଲାଗେଏ କମାତି  
 ପାଡେୟି ବେଟାଆନେରି । ଏନାୟି ଏଞ୍ଜାରି ଆଞ୍ଜୁ ତାକି ନେହେଁ ହନେ, ଏଦାଆଁ  
 ଏଞ୍ଜାରି ମାଦେନା କିହାନା ରାହାଁ ବେଟାଆନେରି । ଏଞ୍ଜାରି ଜାହାରା ନାଡ଼ି  
 କିଞ୍ଜିଆନି କାମାତା ରାହାଁ କିହିଁ ମୀ ତଲେ ତିଞ୍ଜାଲି କୃଡ଼ା ଆନେରି । ୧୪ ଏଞ୍ଜାରି

କାଣ୍ଡକା ଦ୍ଵାରା କାମାତା ନେଷ୍ଠା ଡ଼ୟିନେ, ପାପୁ ପିସାଲି ମନ କିଅରି, ଏଝାରି  
 ଚିକିତାକାଗାଟି ହାରେକା ଲକ୍ଷ୍ମୀ ଜୁପ୍‌କା ଡ଼ହ୍‌ନେରି, ଏଝାରି ହିୟାଁ ଦନତି  
 ଜୁପ୍‌କାତା ଡ଼ୟିନେ, ଏଝାରି ବାରେ ବାକା ବେଟାଆନାରି । ୧୫ ଆମ୍ବାଆସି  
 ଲାଗେଏତି ବାଡ଼କୁ ଜୁପ୍‌କାତି ଜୀଝୁ ନନି ବିୟରା ମାର୍‌ଏସି ବିଲିୟମତି ଜେଚ  
 ଜେଚ ହାଚେରି ଅଡ଼େ ସାତା ଜିରୁ ପିସାନା ଲାଗେଏ ଜିରୁ ହାଚେରି । ୧୬  
 ସାମା ଏଝାସି ତାନି କିତି ଦହତାକି ଲାଗି ବେଟାଆତେସି, ଇଞ୍ଜି ର ଜଲଲି  
 ଆଆଗାଟି ଗାଡ଼ଦେ ମାଣ୍‌ସି ହାତାତଲେ ଜଲଲିଆଁ ମାହାପୁରୁ ଅଣ୍‌ପୁତି ବଲୁ  
 ଝେହ୍‌ନି ଡ଼ାଶାଟିଏ ସାପି କିତେ । ୧୭ ଇ ମିତି ଜାପ୍‌ନାରି ଏୟୁ ଝାୟିତି ଜାର୍‌ଶା  
 ଲେହେଁତାରି ଅଡ଼େ କାଜା ଗାଲିତା ଉମ୍‌ନି ହାଗୁ ଲେହେଁତାରି, ମାହାପୁରୁ  
 ଏଝାରାକି ହାରେଏ ଆନେରିଗାଟି ଡ଼ାୟୁ ଇଟାମାନେସି । (questioned) ୧୮  
 ଇତିହିଁ ଏଝାରି ଉଜେଏତି ବଡ଼ପଣତି ଡ଼ାହାରା କାତାୟାଁ ଝେହ୍‌ନେରି ଇଞ୍ଜି  
 ନାଡ଼ିକିନି ମାଣ୍‌କିଗାଟି ଲକ୍ଷ୍ମୀ ଡ଼ାଶାଟି ଗେଲ୍‌ପି ଆହାମାନି ଲକ୍ଷ୍ମୀ, ତାମି  
 ଆଞ୍ଜୁତି ଜୁପ୍‌କାଟି କାମା କିହାନା ପାନ୍ତାତା ମେଡ଼ନେରି; ୧୯ ଏଝାରି ଏଝାରାଇଁ  
 ମେଲା ଆହାନା ମାଞ୍ଜାଲି ଆଡ଼ିଦେରି ଇଞ୍ଜି ଆଞ୍ଜିନେରି, ସାମା ଏଝାରି ଡ଼ାମ୍‌ଏ  
 ନାସା କିଞ୍ଜିକିନି କାମାଟି ହଲିୟାଞ୍ଜୁ ଆନେରି; ଏନାଆଁତାକି ଇତିହିଁ ଆମ୍ବାଆସି  
 ଆମ୍ବାଆରି ଡ଼ାଶା ହାରଞ୍ଜି ଆନେସି ଏଝାସି ଏମ୍ବାତି ହଲେଏସି ଆନେସି । ୨୦  
 ଇତିହିଁ ଏଝାରି ପ୍ରୁ ଅଡ଼େ ଗେଲ୍‌ପିନି ଜୀସୁ କ୍ରୀସ୍ତତି ବୁଦିତଲେ ଦାର୍‌ତିତି  
 ଲାଗେଏତି ଡ଼ାଶାଟି ଗେଲ୍‌ପି ଆହାନା ଝେଶ୍ଟେ ଏମ୍ବାତି ପାନ୍ତାତା ଦସ୍‌ପି ଆହାନା  
 ହାରଞ୍ଜି ଆନେରି, ଆଡ଼ିହିଁ ଏଝାରାକି ତଲିତି ତଣ୍ଡୁ କିହାଁ ଡ଼ାୟୁତି ତଣ୍ଡୁ ହାରେକା  
 କସ୍ତାଗାୟାଁ ଆନେ । ୨୧ ଇତିହିଁ ଦାମ୍‌ତି ଜିରୁ ପୁଞ୍ଜାନା ଏଝାରାକି ହେର୍‌ପି  
 ଆହାମାନି ସୁଦୁ ହୁକୁମି ପିହ୍‌ନି କିହାଁ ଏଦାଆଁ ଏଚେଲାଝା ପୁଞ୍ଜାହିଲାଆଡ଼ିହିଁ  
 ନେହିଁ ଆଡ଼େମା । ୨୨ “ନେହ୍‌ଉଡ଼ି ଡ଼ାନୁ କାକ୍‌ଝାନା ଝେଶ୍ଟେ ଡ଼ିଞ୍ଜାଲି ଇଞ୍ଜି  
 ନରଞ୍ଜି ଆହାମାନି ପାଜି ଅଡ଼େ ଝେଶ୍ଟେ ଲାଦିତା ଡ଼େର୍‌ମାଲି ହାନେ” ଏଝାରାକି  
 ଏ ଝେକ୍‌ହାମାନି ସାତା କାତା ଏଝାରାକି ଆହାମାନେ ।

**୩** ଏ ଜୀଝୁତି ତାୟି ତାଞ୍ଜିସ୍ତା, ନାନୁ ନୀଏଁ ମୀ ଡ଼ାଶା ଇ ରୀ ଲମ୍‌ପୁର ଆକୁ  
 ରାଡ଼ିମାଲ୍, ଇଦାଆଁତାକି ଇ ରୀ ଆକୁତା ନାନୁ ମିଞ୍ଜେ ଏ ବାରେ ଅଣ୍‌ପି କିହାନା  
 ମୀ ସୁଦୁ ମନତି ପାଡ଼ିକିହାଲି ଅଣ୍‌ପିମାଲ୍ । ୨ ମୀରୁ ଏନିକ୍ ସୁଦୁଗାଟି ମାହାପୁରୁ  
 ଅଣ୍‌ପୁତି ବଲୁ ଝେହ୍‌ନାରି ଡ଼ାଶାଟି ତଲି କାଲାତା ଝେସାମାନି ବାରେ ବଲୁ ଇଞ୍ଜି  
 ପାଣ୍ଡି ଆହାମାନାରି ଡ଼ାଶାଟି ଝେସ୍‌ପିଆହାମାନି ପ୍ରୁ ଇଞ୍ଜି ଗେଲ୍‌ପାନାଶା



ହୁକୁମି ଅଣପୁତା ଇଚାନ୍ତି । ୩ ତଳିଏ ମୀରୁ ଇ କାତା ପୁଞ୍ଜୁ ଇ ରାନି ବେଲାତା  
 ଏଚରଜାଣା ତାମି ଲାଗେଏ ପଲେଏ କାମା ତଲେ ଡାକିନେରି; ଏଞ୍ଜାରି ମିଢ୍ଫେ  
 ଲାଜା କିୟାନେରି । ୪ ଏ ଲାଜା କିୟାନାରି ଖାହାନା ଏଞ୍ଜାରି ମିଢ୍ଫେ ଲାଜାକିହିଁ  
 ଏଲେଇଞ୍ଜାନେରି “ଜୀସୁ ଖେଣ୍ଠେ ଖାଇଁ ଇଞ୍ଜିଁ ଖେସାମାଞ୍ଜାତେସି ଆଡିହିଁ ଏଞ୍ଜାସି  
 ଏଚେଲା ଖାନେସି? ଇତିହିଁ ମା ଆକୁ ଆବାୟାଁ ହାତି ଦିନାଟିଏ ନୀଏଁ ପାତେକା  
 ବାରେ ଦାର୍ତ୍ତି ଗାଡ଼ି ଆତି ଦିନାଟିଏ ଏନିକିଁ ମାଚେ, ଏଲେକିହିଁଏ ନୀଏଁ  
 ଜିକେଏ ଡୟାମାନେ!” ୫ ଏଞ୍ଜାରି ପୁଞ୍ଜା ପୁଞ୍ଜାନା ବାଣ୍ଟି ଆନେରି, ତଲି  
 କାଲାତା ମାହାପୁରୁ ହୁକୁମି ହାତେସି ଅଡେ ହାଗୁପାକା ଅଡେ ଦାର୍ତ୍ତି ଗାଡ଼ି  
 ଆତେ ଅଡେ ଦାର୍ତ୍ତି ଏୟୁ ଡାଣାଟି ଏୟୁ ଗୁରତାନା ଗାଡ଼ି ଆତେ । ୬ ଅଡେ,  
 ଏଞ୍ଜାଣି ଡାଣାଟି ଏ ତଲି କାଲାତି ଦାର୍ତ୍ତି ଏୟୁତଲେ ନାସା ଆତେ; ୭ ସାମା  
 ନୀଏଁତି ହାଗୁପାକା ଅଡେ ଦାର୍ତ୍ତି ଏ ମାହାପୁରୁତି ବଲୁ ତଲେ ଲାଗେଏ  
 ପଲେଏତି ଲକୃତି ନୀହାଁୟି ଅଡେ ନାସାତି ଦିନା ପାତେକା କୃଡ଼ି ଆହାନା  
 ହିରୁତା ହୁଡାଲି ଇଟ୍ଟକି ଆହାମାନେ । ୮ ସାମା ଏ ଜୀଞ୍ଜୁତି ତାୟି ତାଢ଼ିମ୍ପା,  
 ମାହାପୁରୁ ନକିତା ର ଦିନା ର ମାଣା ବାର୍ସା ସମାନା ଅଡେ ର ମାଣା ବାର୍ସା  
 ର ଦିନା ସମାନା; ଇ କାତାତି ଏଚେଲା ବାଣା ଆଆନ୍ତି । ୯ ହାରେକା ଲକୁ  
 ପ୍ରବୁ ଖେଣ୍ଠେ ଖାନି ଦିନା ମାନେୟିଏ ଇଞ୍ଜିଁ ଅଣ୍ଟିନେରି, ସାମା ପ୍ରବୁ ତାନୁ  
 ଏଲେଇଞ୍ଜା ମାନାଣି ଏଚେଲାଖା ଡେଡ଼ା କିଅସି; ଏନିକିଁ ଆମ୍ବାଆରି ନାସା  
 ଆଅରି, ସାମା ବାରେଜାଣା ମନ ଖେଟ୍ଟା କଡିନେରି; ଇଦାଆଁ ଅଣ୍ଟିନା  
 ଏଞ୍ଜାସି ମୀ ତାକି କାର୍ମା ମେସି ମାଞ୍ଜାନେସି । ୧୦ ମାହାପୁରୁ ଖାନି ଦିନା ର ସରୁ  
 ଖାନି ଲେହେଁ ଖାନେ, ଏ ଦିନା ହାଗୁପାକା କାଜା ହାତାତଲେ ମେଣ୍ଟାହାନେ,  
 ଅଡେ ଦାର୍ତ୍ତିତା ମାନି ବାରେ ଦିଶ୍ଟୁ ଗାଡ଼ି ଡେସାନା ରୁୟାହାନୁ, ଇଞ୍ଜିଁ  
 ଦାର୍ତ୍ତି ଅଡେ ଏମ୍ବାଆଁ ମାନି ଆସ୍ତି ବାରେ ହିରୁତା ଡାଞ୍ଜାହାନେ । ୧୧ ଇ  
 ବାରେ ଲେଲେଆହିଁ ମେଣ୍ଟାହାନାକି, ମାହାପୁରୁତି ବିଚାରା ଦିନାତା ହାଗୁପାକା  
 ଡାଞ୍ଜାହାଁ ମେଣ୍ଟାହାନେ ଅଡେ ଦାର୍ତ୍ତିତା ବାରେ ଦିଶ୍ଟୁ ହାରେକା ଡେସାନା  
 ରୁୟାହାନେ, ୧୨ ପ୍ରବୁ ଖାନି ଦିନା କାପୁ କାତାଡ଼ୟିନି ଲକୁ, ଏଦି ଏନିକିଁ  
 ତବେ ଖାନେ, ଇଦାଆଁତାକି ମୀରୁ ଜାଗ୍ରାତା ଆଦୁ, ଏ ଦିନା ହାଗୁଲାକ ମାନି  
 ଡେଡ଼ା ଲେଞ୍ଜୁ ହୁକାୟାଁ ଡେସାହାନାକି ଡିରଲାହାନୁ । ୧୩ ମୀର ମାହାପୁରୁ  
 ଆଞ୍ଜାମାନି ଲେହେଁ ର ପୁଞ୍ଜି ହାଗୁପାକା ଅଡେ ପୁଞ୍ଜି ଦାର୍ତ୍ତିକିଁ କାତାମାନାୟି,  
 ଆମିନି ଗାଟାୟି ଦାମ୍ବୁତଲେ ବାସାଆନି ଚାୟୁ ଆନେ । ୧୪ ଇଦାଆଁତାକି ଏ

ଜୀଝୁତି ତାୟି ତାଢ଼ିସ୍ତା, ମୀରୁ ଈ ବାରେ କାତିମାନିକି ମାହାପୁରୁ ନକିତା ଏନିକି  
 ପାପୁ ହିଲିଆଗାଟାତେରି ଅଡ଼େ ଦହ ହିଲିଆଗାଟାତେରି ଆହାଁ ହିଡ଼ି ତଲେ  
 ମାନାତେରି ଆହିଁ ତୁଞ୍ଜା ଆଦେରି, ଏଦାଆଁତାକି ଜାତୁନୁ ତଲେ ମାଞ୍ଜୁ; ୧୫  
 ଅଡ଼େ, ମା ପ୍ରବୁତି ହାରେକା ଅର୍ହିନାୟି ଗେଲ୍‌ପାନାୟି ଇଞ୍ଜି ଅଶ୍‌ପାଦୁ, ମା  
 ଜୀଝୁତି ତାୟି ପାଝୁଲ ଜିକେଏ ମାହାପୁରୁ ହୀହାମାନି ବୁଦିତଲେ ମିଢ଼େତାକି  
 ଏଲେକି ରାତା ମାଞ୍ଜୁନେସି । ୧୬ ଏଞ୍ଜାସି ତାନି ରାତାମାନି ବାରେ ଆକୁତା ଈ  
 ବାରେ କାତା ରାତାନା ଏଲେକି ଝେସାମାନେସି; ଏ ବାରେ ଆକୁତା ଏରେକା  
 କାତା ମାନେ, ଏମିନିଗାଟାଣି ତେଲ୍‌ହାଲି ଆତାଆୟି, ଇଞ୍ଜି ପୁନାଆଗାଟି  
 ଇତାଲା ଆତାଲା ଅଶ୍‌ପୁଗାଟି ଲୁକୁ, ତାମୁ ନାସା ଆୟାଲି ଏଟ୍‌କାତି ସାସ୍ତେରିତା  
 ଏନିକି ରାସ୍‌କି ଆହାମାନେ, ଏ ବାରେ ତାଣା ଜିକେଏ ଏଲେକି ଉଜେଏତି  
 କାତା ଝେହ୍‌ନେରି । ୧୭ ସାମା ଜୀଝୁତି ତାୟି ତାଢ଼ିସ୍ତାତେରି, ମୀରୁ ଇଦାଆଁ  
 ବାରେ ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି ଜାଗ୍ରାତା, ଏନିକି କିଲିବିଲି କିନି  
 ଲୁକୁ ତାଣାଟି ନାଡ଼ି କିଝି ଆଆନା ମୀରୁ ଆଟ୍‌ଝା ନାମୁତା ଉଣା ଆଅତେରି  
 । ୧୮ ସାମା ମା ପ୍ରବୁ ଅଡ଼େ ଗେଲ୍‌ପାନି ଜୀସୁ କ୍ରୀସ୍ତୁତି କାର୍ମା ଅଡ଼େ ବୁଦିତା  
 ପାତାଆଦୁ । ଏଞ୍ଜାଣାକି ନୀଏଁ ଅଡ଼େ କାଲାକାଲାତାକି ଗାଝୁରମି ଆପେ ।  
 ଆମେନ୍ । (aiōn g165)

## ୧୭୫

୧ ମୂଲ୍ୟ ଆତ୍ମାଆସି ମାରେସି, ମାମୁ ଏଞ୍ଜାଣି ବଲ୍ଲୁ ଖେଞ୍ଜାମାନମି, ଆତ୍ମାଆରାଉଁ ମା କାନୁ ତଲେ ମେସାମାନମି, ଆତ୍ମାଆରାଉଁ ନେହିକିଁ ସିନିକିହା ମାନମି ଅଡ଼େ ମା କେସ୍ତାତଲେ ଡାଗାମାନମି, ଏ ଜୀଞ୍ଜୁଲେହେଁତି ବଲ୍ଲୁତି କାତା ଖେସିମାଞ୍ଜାନମି । ୨ ଏ ଜୀଞ୍ଜୁ ଡଞ୍ଜାଆଡେ, ଇଞ୍ଜାଁ ମାମୁ ମେସ୍ତମି ଅଡ଼େ ସାକି ହାହିମାଞ୍ଜାନମି; ଆମିନି କାଲାକାଲାତି ସୁଦୁଜୀଞ୍ଜୁ ଆବା ତଲେ ମାଡେ, ଅଡ଼େ ମା ଡାଗା ଡଞ୍ଜାଆଡେସି ଏଞ୍ଜାଣି କାତା ମିଡ୍ରେ ଖେସିମାଞ୍ଜାନମି । (aiōnios g166) ୩ ମାମୁ ଏନାଆଁ ମେସାମାନମି ଅଡ଼େ ଖେଞ୍ଜାମାନମି, ଏଦାଆଁ ମିଡ୍ରେ ଜିକେଏ ଖେସିମାଞ୍ଜାନମି, ଏନିକିଁ ମାରୁ ଜିକେଏ ମା ତଲେ ଆଣ୍ଡାଲି ଆଡାଦେରି; ଅଡ଼େ ମା ଆଣ୍ଡାମାନାୟି ଆବା ଅଡ଼େ ତାନି ମାର୍ଏଣା ଜୀସୁ କ୍ରୀସ୍ତୁ ତଲେ ମାନେ । ୪ ମା ରାହାଁ ଏନିକିଁ ହାରେ ପୁରେ ଆନେ ଇଦାଣିତାକି ଇ ବାରେ ମାମୁ ରାତିମାଞ୍ଜାନମି । ୫ ମାମୁ ଏଞ୍ଜାଣି ଡାଗାଟି ଆମିନି କାରୁ ଖେଞ୍ଜାମାନମି, ଅଡ଼େ ଖେସିମାଞ୍ଜାନମି, ଏ କାରୁ ଇଦି, ମାହାପୁରୁ ଉଜେଡ଼ି, ତାନି ଡାଗା ଆନେରି ହିଲ୍‌ଖୁଏ ହିଲେଏ । ୬ ମାମୁ ଆନେରିତା ମାଞ୍ଜାନା ମାହାପୁରୁ ତଲେ ଆଣ୍ଡାଆହା ମାନାୟି ଇଞ୍ଜାଁ ଖେସିହିଁ, ମାର ମିତି ଖେହନାତାୟି, ଅଡ଼େ ମାର ସାତା ତଲେ ଡାକିହିଲାଆୟି । ୭ ସାମା ଏଞ୍ଜାସି ଏନିକିଁ ଉଜେଡ଼ିତା ବାସା ଆହାମାନେସି, ମାର ଜିକେଏ ଏଲେକିହିଁଏ ଉଜେଡ଼ିତା ଡାକିନାୟି, ଆତିହିଁ ମାର ରଅସି ରଅଣି ତଲେ ଆଣ୍ଡାଆନାୟି ମାନେ, ଅଡ଼େ ତାନି ମାର୍ଏଣା ଜୀସୁ ନେତେରି ମା ବାରେ ପାପୁତି ନରହାନେ । ୮ ମା ଡାଗା ପାପୁ ହିଲେଏ ଇଞ୍ଜାଁ ଖେହନାୟି, ଆତିହିଁ ମାର ମାଡ୍ରେଏ ନାଡ଼ି କିହାକଡ଼ିମାନାୟି, ଅଡ଼େ ମା ଡାଗା ସାତା ହିଲେଏ । ୯ ସାମା ମାମୁ ପାପୁ କିହାମାନମି ଇଞ୍ଜାଁ ମାହାପୁରୁ ନକିତା ଖେହନାୟି, ଆତିହିଁ ଏଞ୍ଜାସି ମା ପାପୁ ବାରେ ମ୍ଲେକ୍‌ହାଲି ଅଡ଼େ ବାରେ ଲାଗେଏ ପଲେଏ ଡାଗାଟି ଅର୍‌ହାଲି ନାମୁ ଅଡ଼େ ତାରିଗାଟାସି । ୧୦ ମାର ପାପୁ କିହା ହିଲାଆୟି ଇଞ୍ଜାଁ ଇନାୟି, ଆତିହିଁ ମାର ମାହାପୁରୁଇଁ ମିତି ଗାଟାସି କିହିମାନାୟି, ଅଡ଼େ ତାନି ବଲ୍ଲୁ ମା ଡାଗା ହିଲେଏ ।

୨ ଏ ନା ମାର୍‌କା ମାସ୍‌କାତେରି ମାରୁ ଏନିକିଁ ପାପୁ କିଅତେରି, ଇଦାଆଁତାକି ଇ ବାରେ ମା ଡାଗା ରାତିମାଞ୍ଜାଉଁ । ସାମା ଆତ୍ମାଆସି ପାପୁ କିନେସି, ଆତିହିଁ ମା ଖାକି ଆହାନା ଆବା ଡାଗା ବାତିମାଲିନାସି ରଅସି ମାନେସି, ଏଞ୍ଜାସି ଦାମ୍‌ଗାଟି ଜୀସୁ କ୍ରୀସ୍ତୁ । ୩ କ୍ରୀସ୍ତୁ ମା ପାପୁ ତାକି, ଖାର୍‌ଇ ମା ପାପୁ ତାକି ଆଏ,

ସାମା ଦାର୍ତ୍ତିତ ବାରେ ଲକ୍ଷ୍ମି ପାପୁ ତାକି ଡାକି ପୂଜାଲେହେଁ ଆଚେସି । ୩  
 ମାର ମାହାପୁରୁତି ହୁକୁମି ମାନସି ଆନାୟି, ଆତିହଁ ଏମାଟି ପୁଞ୍ଜାଲି ଆଡିନାୟି,  
 ଏଝାଣାଲ୍ ସାତାତଲେ ପୁଞ୍ଜାମାନାୟି । ୪ ତାନି ହୁକୁମି ମାନସି ଆଆନା  
 ଆମ୍ବାଆସି ନାନୁ ଏଝାଣାଲ୍ ପୁଞ୍ଜାମାଲ୍ ଇଞ୍ଜି ଜଲିନେସି, ଏଝାସି ମିଟି ଗାଟାସି  
 ଏଝାଣି ତାଣା ସାତା ହିଲେଏ । ୫ ସାମା ଆମ୍ବାଆସି ତାନି ହୁକୁମି ମାନସି  
 ଆନେସି, ଏଝାଣି ତାଣା ମାହାପୁରୁତି ସାତା ଜୀଝୁନନାୟି ପୁରା ଆହାମାନେ,  
 ଏମ୍ବାଟିଏ ମାର ପୁଞ୍ଜାଲି ଆଡିନାୟି ମାର ମାହାପୁରୁ ତାଣା ମାନାୟି । ୬  
 ଆମ୍ବାଆସି ନାନୁ ମାହାପୁରୁ ତଲେ ଡୟିଲ୍ ଇଞ୍ଜି ଇନେସି, ଏଝାସି ଜୀସୁ କ୍ରୀସୁ  
 ନୀତା ମାଟିଲେହେଁ ନୀଡିନାୟି ମାନେ । ୭ ଏ ନା ଜୀଝୁତି ତଣେସିଢ୍ଢାତେରି  
 ନାନୁ ମୀ ତାଣା ଏନି ପୁଝନି ହୁକୁମି ରାଟିମାଞ୍ଜାଲ୍, ସାମା ତଲିଟିଏ ଆମିନି  
 ପୁଝଇ ହୁକୁମି ବେଟା ଆହାମାଞ୍ଜେରି, ଏଦାଆଁ ରାଟିମାଞ୍ଜାଲ୍; ମୀରୁ ଆମିନି  
 ବଲୁ ଝେଞ୍ଜାମାଞ୍ଜେରି, ଏଦିଏ ପୁଝଇ ହୁକୁମି । ୮ ଅଡେ ନାନୁ ନୀଏଁ ମିଢ୍ଢେ  
 ପୁଝନି ହୁକୁମି ଲେହେଁ ରାଟିମାଞ୍ଜାଲ୍, ଇତିହଁ ଏଦି କ୍ରୀସୁ ତାଣା ଅଡେ ମୀ ତାଣା  
 ଜିକେଏ ସାତା ଇଞ୍ଜି ତଞ୍ଜାଆନେ, ଇତିହଁ ଆନେରି ଗୁଟା ଆହିମାନେ ଅଡେ  
 ସାତା ଉଜେଡି ତଞ୍ଜାଆଚେୟିଏ । ୯ ଆମ୍ବାଆସି ତାନି ତାୟି ତାଢ୍ଢିଲ୍ ଅପାଆନା  
 ନାନୁ ଉଜେଡିତା ମାଲ୍ ଇଞ୍ଜି ଇନେସି ଏଝାସି ନୀଏଁ ପାଚେକା ଆନେରିତା  
 ମାଞ୍ଜାମାନେସି । ୧୦ ଆମ୍ବାଆସି ତାନି ତାୟି ତାଢ୍ଢିଲ୍ ଜୀଝୁ ନନେସି ଏଝାସି  
 ଉଜେଡିତା ମାଞ୍ଜାମାନେସି, ଇଞ୍ଜି ଏଝାଣି ତାଣା ପୁଟି କିନାୟି ଏନାୟି ହିଲେଏ  
 । ୧୧ ସାମା ଆମ୍ବାଆସି ତାନି ତାୟିଲ୍ ଅପିହିଲଅସି ଏଝାସି ଆନେରିତା  
 ମାନେସି, ଅଡେ ଆନେରିତା ତାକି ତାକିହଁ ଆମ୍ବିୟାଝାକି ହାଜିମାନେସି, ଏଦାଆଁ  
 ପୁନଅସି, ଇତିହଁ ଆନେରି ତାନି କାଣ୍ଠାଣି କାଣା କିହାମାନେ । ୧୨ ଜୀଝୁତି  
 କକାରି ପଦାଁତେରି ନାନୁ ମିଢ୍ଢେ ରାଟିମାଞ୍ଜାଲ୍, ଏନାଆଁତାକି ଇତିହଁ କ୍ରୀସୁ  
 ଦରୁତଲେ ମୀ ପାପୁ ବାରେ ମେଣ୍ଢାମାନେ । ୧୩ ତାଞ୍ଜିତେରି ନାନୁ ମିଢ୍ଢେ  
 ରାଟିମାଞ୍ଜାଲ୍, ଏନାଆଁତାକି ଇତିହଁ ଆମ୍ବାଆସି ମୂଲୁଟିଏ ମାନେସି, ଏଝାଣାଲ୍  
 ମୀରୁ ପୁଞ୍ଜାମାଞ୍ଜେରି, ଏ ତାଆ ଦାଂଗାୟାଁତେରି ନାନୁ ମିଢ୍ଢେ ରାଟିମାଞ୍ଜାଲ୍,  
 ଇତିହଁ ମୀରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି । ୧୪  
 କକାରି ପଦାଁତେରି ନାନୁ ମିଢ୍ଢେ ରାଟିମାଞ୍ଜାଲ୍ ଏନାଆଁତାକି ଇତିହଁ ମୀରୁ  
 ଆବା ମାହାପୁରୁଲ୍ ପୁଞ୍ଜାମାଞ୍ଜେରି, ଏ ଆବାୟାଁତେରି ନାନୁ ମିଢ୍ଢେ ରାଟିମାଞ୍ଜାଲ୍  
 ଏନାଆଁତାକି ଇତିହଁ ଆମ୍ବାଆସି ମୂଲୁଟିଏ ମାନେସି ଏ କ୍ରୀସୁଲ୍ ପୁଞ୍ଜାମାଞ୍ଜେରି,

ଏ ଡାଆ ଦାଂଶାୟାଁତେରି ନାନୁ ମିଢ୍ଢେ ରାତିମାଞ୍ଜାଇଁ ଏନାଆଁତାକି ଇତିହିଁ  
ମୀରୁ ବାଡ଼ୟୁ ଗାଟାତେରି, ଅଡ଼େ ମାହାପୁରୁତି ବଲୁ ମୀ ଡାଶା ମାନେ ଅଡ଼େ  
ମୀରୁ ଲାଗେଏ ପଲେଏତାଣି ଜୀଶା ଆହାମାଞ୍ଜେରି । ୧୫ ଦାର୍ତ୍ତିତି ଅଡ଼େ  
ଏମ୍ପାଆଁ ମାନାଣି ବାରେତି ଜୀଝୁ ନଆରୁ, ଆମ୍ପାଆସି ଦାର୍ତ୍ତିତି ଜୀଝୁ ନନେସି,  
ଏଞ୍ଜାଣି ଡାଶା ମାହାପୁରୁ ଆବାତି ଜୀଝୁନନାୟି ହିଲେଏ । ୧୬ ଇତିହିଁ ଆଡ୍ଢୁତି  
ଜୁପକା, କାନୁତି ଜୁପକା, ଅଡ଼େ ଦନତି ବଡପଣ, ଦାର୍ତ୍ତିତା ମାନାୟି ଇ ବାରେ  
ମାହାପୁରୁ ଆବା ଡାଶାଟି ଝାହାହିଲେଏ ସାମା ଦାର୍ତ୍ତିତି ଗାଡ଼ି ଆହାମାନେ ।  
୧୭ ଦାର୍ତ୍ତିତି ଅଡ଼େ ଏମ୍ପାଆଁ ମାନି ଜୁପକା କାଲେଏ ତାକି ଆଏ, ସାମା ଆମ୍ପାଆସି  
ମାହାପୁରୁତି ଇତାତି ମାନଞ୍ଜି ଆନେସି ଏଞ୍ଜାସି କାଲେଏ ତାକି ତୀରି ଆନେସି ।  
(aiōn g165) ୧୮ ଜୀଝୁତି କକାରି ପଦାଁତେରି ରାନି କାଲା ଏଗାଞ୍ଜାତେୟିଏ,  
ନାଡ଼ିକିନି କ୍ରୀସ୍ତୁ ଞାନେସି ଇଞ୍ଜିଁ ମୀରୁ ଏନିକିଁ ଖେଞ୍ଜାମାତେରି, ଏଲେକିହିଁଏ  
ନୀଏଁ ଜିକେଏ ହାରେକା ନାଡ଼ିକିନି କ୍ରୀସ୍ତୁୟାଁ ନିଢ୍ଢେତେରିଏ; ଇଦାଆଁତାକି ମୀର  
ପୁଞ୍ଜିମାନାୟି ଇଗୁ ରାନି କାଲା ଏଦାତେୟିଏ । ୧୯ ଏଞ୍ଜାରି ମା ବିତ୍ରାଟି ହତେରି,  
ସାମା ମା ଗତିତି ଲକୁ ହିଲାଆତେରି; ଏଞ୍ଜାରି ମା ଗତିତି ଲକୁ ଆଡ଼ିହିଁମା,  
ଏଞ୍ଜାରି ମା ତଲେ ଡୟିତେରିମା; ସାମା ବାରେ ମା ଗତିତି ଲକୁ ଆଏ, ଇଦି  
ଏନିକିଁ ଡଞ୍ଜାଆନେ, ଇଦାଆଁତାକି ଏଞ୍ଜାରି ହତାହାତେରି । ୨୦ ସାମା ମୀରୁ  
ଏ ସୁଦୁ ଗାଟାଶା ଡାଶାଟି ବର ବେଟାଆହାମାନାକି ମୀରୁ ବାରେତେରି ବୁଦି  
ବେଟାଆହାମାଞ୍ଜେରି । ୨୧ ମୀରୁ ସାତାତି ପୁଞ୍ଜାହିଲାଆକି ନାନୁ ମିଢ୍ଢେ  
ରାତିମାଞ୍ଜାଇଁ ଏଦି ଆଏ, ସାମା ମୀରୁ ସାତାତି ପୁଞ୍ଜାମାନାକି ଅଡ଼େ ସାତାତି  
ଏଚେଲାଞ୍ଜା ମିତି ହଏ ଇଞ୍ଜିଁ ମୀରୁ ପୁଞ୍ଜାମାନାକି ନାନୁ ମିଢ୍ଢେ ରାତିମାଞ୍ଜାଇଁ  
। ୨୨ ଜୀସୁଇଁ କ୍ରୀସ୍ତୁ ଆଏ ଇଞ୍ଜିଁ ଆମ୍ପାଆସି ଖେହନେସି, ଏଞ୍ଜାଣି ଡାଶାଟିଏ  
ମିତି ଖେହନାସି ଆମ୍ପାଆସି? ଅଡ଼େ ଆମ୍ପାଆସି ଆବା ଅଡ଼େ ମୀରୁଏଶାଇଁ  
ଇ ରିଆରାଇଁ ଜିକେଏ ଅପଅସି ଏଞ୍ଜାସିଏ ନାଡ଼ିକିନି କ୍ରୀସ୍ତୁ । ୨୩ ଆମ୍ପାଆସି  
ମୀରୁଏଶାଇଁ ଅପଅସି ଏଞ୍ଜାସି ଆବାଇଁ ବେଟାଆହାହିଲଅସି, ଆମ୍ପାଆସି  
ମୀରୁଏଶାଇଁ ଆବିନେସି, ଏଞ୍ଜାସି ଆବାଇଁ ଜିକେଏ ବେଟାଆହାମାନେସି ।  
୨୪ ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମୀ ଡାଶା ଡୟାପେ, ମୀରୁ  
ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମୀ ଡାଶା ଡୟିତିହିଁ, ଆଡ଼ିହିଁ ମୀରୁ  
ଜିକେଏ କାଲେଏ ଆବା ଅଡ଼େ ମୀରୁଏଶା ଜୀସୁ ଡାଶା ଡୟିଦେରି । ୨୫ ଅଡ଼େ  
କ୍ରୀସ୍ତୁ ମାଢ୍ଢେ ଏନାଆଁ ଆଞ୍ଜାମାଞ୍ଜାନେସି ଏଦି କାଲାକାଲାତି ଜୀଝୁ । (aiōnios

g166) ୨୭ ଆତ୍ମାଆରି ମିତ୍ତେ ନାଡ଼ି କିୟାଲି ଅଣ୍ଠାପାନେରି, ଏଞ୍ଜାରି ଚାଣାଟି ଜାଗ୍ରାତା ଆହାଲି ନାନୁ ମୀ ଚାଣା ଇ ବାରେ ରାତିମାଞ୍ଜାଇଁ । ୨୭ ସାମା ମୀରୁ ଏଞ୍ଜାଣି ଚାଣାଟି ଆମିନି ସୁଦୁଜୀଞ୍ଜୁତି ବର ବେଟାଆହାମାଞ୍ଜେରି, ଏଦି ମୀ ଚାଣା ଡୟାମାନେ, ଇଞ୍ଜା ଆତ୍ମାଆସି ମିତ୍ତେ ଜାପହାମାନେସି, ଏଦି ମିତ୍ତେତାକି ଲଡ଼ା ହିଲେଏ, ସାମା ଏଞ୍ଜାଣି ଚାଣାଟି ଆମିନି ବର ବେଟାଆହାମାଞ୍ଜେରି ଏଦି ମିତ୍ତେ ଆମିନି କାତା ଜାପହାମାନେ, ଏଦି ସାତା, ମିତି ଆଏ; ଇଦାଆଁତାକି ଏ ଜାପହାଣି ତଲେ ଏଞ୍ଜାଣି ଚାଣା ଡୟାଦୁ । ୨୮ ନା ଜୀଞ୍ଜୁତି ମୀରକା ମାସକାତେରି, କ୍ରୀସୁ ତଲେ ଆଶ୍ରାନା ଡୟାଦୁ, ଏନିକି ଏଞ୍ଜାସି ଏଚିବେଲା ଡଞ୍ଜାଆନେସି, ଏଚିବେଲା ଚାନୁ ଖାନାଟି ତାନି ନକିତା ମାର ଲାଜା ଆଆନା ସାସା ମେଡ଼ାଆନାୟି । ୨୯ କ୍ରୀସୁ ଦାମ୍ବୁଗାଟାସି, ଇଦାଆଁ ପୁନାୟିମାନେ, ଆଚିହିଁ ଆତ୍ମାଆସି ଦାମ୍ବୁକାମା କିନେସି, ଏଞ୍ଜାସି ଏଞ୍ଜାଣି ଚାଣାଟି ଜାର୍ନା ଆହାମାନେସି, ଇଦାଆଁ ଜିକେଏ ପୁଞ୍ଜୁ ।

୩ ମେହ୍‌ଦୁ ଆବା ମାଡ୍ଡେ ଏନିକି ଜୀଞ୍ଜୁ ନନାଣି ହୀହାମାଞ୍ଜାନେସି, ମାର ମାହାପୁରୁତି ମୀରକା ମାସକା ଇଞ୍ଜା ଷ୍ଟେନ୍ନାୟି, ଅଡେ ମାର ଏଲେକିହିଁଏ ଆହାମାନାୟି । ଇଦାଆଁତାକି ଦାର୍ତି ମାଡ୍ଡେ ପୁଞ୍ଜିମାଞ୍ଜେଏ, ଇଚିହିଁ ଏଦି ଏଞ୍ଜାଣାଇଁ ଜିକେଏ ପୁଞ୍ଜା ହିଲାଆତେ । ୨ ଏ ନା ଜୀଞ୍ଜୁତି ଡଶେସିଡ୍ଡା, ନୀଏଁ ମାର ମାହାପୁରୁତି ମୀରକା ମାସକାତାୟି, ଅଡେ ଡାୟୁ ଏନି ଆନାୟି, ଏଦି ନୀଏଁ ପାତେକା ଡଞ୍ଜା ଆହା ହିଲେଏ, ମାର ପୁଞ୍ଜାମାନାୟି, କ୍ରୀସୁ ଏଚିବେଲା ଡଞ୍ଜାଆନେସି, ଏଚିବେଲା ମାର ଜିକେଏ ଏଲେକିହିଁଏ ଆନାୟି, ଇଚିହିଁ ଏଞ୍ଜାସି ଏନିଲେହେଁକି ମାର ଏଲେକିହିଁଏ ଏଞ୍ଜାଣାଇଁ ମେହ୍‌ନାୟି । ୩ ଅଡେ ଆତ୍ମାଆସି ଜିକେଏ କ୍ରୀସୁ ଜୀସୁ ଚାଣା ଇ ବାସୁ ଇଟାମାନାସି, ଏଞ୍ଜାସି ଏନିକି ସୁଦୁଗାଟାସି, ଏଞ୍ଜାସି ଏଲେକିହିଁଏ ତାଡ୍ଡେ ଅଟ୍‌ହା କଡିନେସି । ୪ ଆତ୍ମାଆସି ପାପୁ କିନେସି, ଏଞ୍ଜାସି ମାହାପୁରୁତି ହୁକୁମି ଉରିନାସି, ଏନିଇଚିହିଁ ହୁକୁମି ଉରିନାୟିଏ ପାପୁ । ୫ ମାର ପୁଞ୍ଜାମାନାୟି, କ୍ରୀସୁ ପାପୁ ତେକା ଅହାଲି ଖାତେସି, ଇଞ୍ଜା ଏଞ୍ଜାଣି ଚାଣା ପାପୁ ହିଲେଏ । ୬ ଆତ୍ମାଆସି କ୍ରୀସୁ ଚାଣା ଡୟିନେସି, ଏଞ୍ଜାସି ପାପୁ କିଅସି; ସାମା ଆତ୍ମାଆସି ପାପୁ କିନେସି, ଏଞ୍ଜାସି କ୍ରୀସୁଇଁ ମେସାହିଲଅସି କି ଏଞ୍ଜାଣାଇଁ ପୁଞ୍ଜାହିଲଅସି । ୭ ନା ଜୀଞ୍ଜୁତି କକାରି ପଦାଁତେରି ଆତ୍ମାଆରି ମିତ୍ତେ ନାଡ଼ି କିୟାଆପେରି; ଆତ୍ମାଆସି ଦାମ୍ବୁକାମା କିନେସି, କ୍ରୀସୁ ଏନିକି ଦାମ୍ବୁଗାଟାସି, ଏଞ୍ଜାସି ଜିକେଏ ଏଲେକି ଦାମ୍ବୁଗାଟାସି ଆନେସି; ୮ ଆତ୍ମାଆସି

ପାପୁ କିନେସି, ଏଞ୍ଜସି ସୟତାନଟି ଜାର୍ନା ଆତାସି, ଇଚିହିଁ ସୟତାନ ତଲିଟିଏ  
 ପାପୁ କିହିଁ ଖାହିମାନେ, ସୟତାନଟି କାମା ନାସା କିୟାଲି ମାହାପୁରୁ ମୀରୁଏସି  
 ଖାତେସି । ୯ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜସି  
 ପାପୁ ଅଡେ ଖେଣ୍ଡେ କିଅସି, ଇଚିହିଁ ମାହାପୁରୁଟି ଗୁଣୁ ଏଞ୍ଜାଣି ତାଣା ମାନେ,  
 ଅଡେ ଏଞ୍ଜସି ମାହାପୁରୁ ତାଣାଟି ଜାର୍ନା ଆହାମାନକି ପାପୁ କିହାଲି ଆତଅସି ।  
 ୧୦ ଆମ୍ବାଆରି ମାହାପୁରୁଟି ମୀରୁକା ମାସ୍କା ଅଡେ ଆମ୍ବାଆରି ସୟତାନଟି  
 ମୀରୁକା ମାସ୍କା, ଏଦି ତଞ୍ଜାଆନେ; ଆମ୍ବାଆସି ଦାମ୍ବୁକାମା କିଅସି, ଇଞ୍ଜି  
 ତାୟି ତାଢ଼ିଇଁ ଜୀଞ୍ଜୁ ନଅସି, ଏଞ୍ଜସି ମାହାପୁରୁ ତାଣାଟି ଜାର୍ନା ଆହାହିଲଅସି ।  
 ୧୧ ଇଚିହିଁ ରଅସି ରଅଣାଇଁ ଜୀଞ୍ଜୁନନାୟି ମାନେ ଇ ହାତା ମୁଲୁଟିଏ ଖେଞ୍ଜା  
 ମାଞ୍ଜେରି; ୧୨ ପାପୁଟି ମୀରୁଏସି କୟିନ, ଏଞ୍ଜାଣିଲେହେଁ ଆଆଦୁ, ଏଞ୍ଜସି ତାନି  
 ତାୟି ହେବଲଇଁ ପାୟିତେସି; କୟିନ ଏଞ୍ଜାଣାଇଁ ଏନାଆଁତାକି ପାୟିତେସି?  
 ଇଚିହିଁ ତାନି କାମା ପାପୁ ଗାଟାୟି, ଅଡେ ହେବଲଟି କାମା ଦାମ୍ବୁଗାଟାୟି  
 ମାତେ । ୧୩ ନା ତାୟି ତାଢ଼ିସ୍ତାତେରି ଦାରୁଟି ଲକୁ ମିଢ୍ଢେ ଅପାଆଟି ଜିକେଏ  
 ମୀରୁ କାକା ଆଆଦୁ । ୧୪ ମାର ପୁଞ୍ଜାମାନାୟି, ମାର ହାକିଟି ଜୀଣାଆହାନା  
 ଜୀଞ୍ଜୁ ବେଟାଆହାମାନାୟି, ଇଚିହିଁ ମାର ତାୟି ତାଢ଼ିସ୍ତାଣି ଜୀଞ୍ଜୁନହିଁ ମାନାୟି,  
 ଆମ୍ବାଆସି ଜୀଞ୍ଜୁ ନଅସି, ଏଞ୍ଜସି ହାହାଲି ମାନେସି । ୧୫ ଆମ୍ବାଆସି ଜାହାରା  
 କ୍ରୀସ୍ତାନା ତାୟି ତାଢ଼ିଇଁ ଅପଅସି, ଏଞ୍ଜସି ଲକୁଣି ପାୟିନାସି; ଅଡେ ଲକୁଣି  
 ପାୟିନାରି ତାଣା କାଲାକାଲାଟି ଜୀଞ୍ଜୁ ତୟେଏ, ଇଦାଆଁ ମୀରୁ ପୁଞ୍ଜାମାଞ୍ଜେରି ।  
**(aiōnios g166)** ୧୬ ଜୀସୁ କ୍ରୀସ୍ତ ମା ତାକି ଜୀଞ୍ଜୁ ହାତାକି ମାର ଜୀଞ୍ଜୁନନାୟି  
 ଏନାୟି ଇଞ୍ଜି ପୁଞ୍ଜାମାନାୟି; ଅଡେ ତାୟି ତାଢ଼ି ତାକି ମା ଜୀଞ୍ଜୁ ଜିକେଏ ହାନାୟି  
 ମାନେ । ୧୭ ସାମା ଆମ୍ବାଆସି ଦାରୁଟିତା ଦନ ଗାଟାସି ଆହାନା ତାନି ତାୟିଟି  
 ଲଡ଼ାମାନାଣି ମେସାନା ଜିକେଏ ଏଞ୍ଜାଣାଇଁ କାର୍ମା ମେହ୍‌ଅସି ଇଚିସାରେ, ତାନି  
 ହିୟାଁତା ମାହାପୁରୁଟି ଜୀଞ୍ଜୁନନାୟି ମାନେ ଇଞ୍ଜି ଏନିକିଁ ଏଲେଇନାୟି? ୧୮ ନା  
 ମୀରୁକା ମାସ୍କା ଖାଦୁ, ମାର ଜଲ୍ଲା ଜକଡ଼ି ତଲେ ଜୀଞ୍ଜୁ ନଆନା କାମା ଅଡେ  
 ସାତା ତଲେ ଜୀଞ୍ଜୁ ନନାଣି ତହ୍‌ନାୟି ମାନେ । ୧୯ ଏଲେ କିଚିସାରେ ମାର  
 ସାତାଟି ମୀରୁକା ମାସ୍କାତାୟି ଇଦାଆଁ ପୁଞ୍ଜାମାନାୟି, ଅଡେ ଏନି କାତା ମା  
 ହିୟାଁ ମାଢ୍ଢେ ଦହ କିୟାନେ, ଏ କାତାତା ଏଞ୍ଜାଣି ନକିତା ମା ହିୟାଁ ସୁସ୍ତି କିୟାଲି  
 ଆଡିନାୟି; ୨୦ ଏମିନି କାମାତା ମା ହିୟାଁ ମାଢ୍ଢେ ଦହ ଦସ୍ତାନେ, ଏମ୍ବାଟି  
 ଏଞ୍ଜାଣି ନକିତା ଏ କାତାତାକି ମା ହିୟାଁଟି ସୁସ୍ତି କିହାଲି ଆଡିନାୟି; ଇଚିହିଁ

ମାହାପୁରୁ ମା ହିୟାଁଟିଏ କାଜାସି, ଏଝାସି ବାରେ ପୁନେସି । ୨୧ ନା ଜୀଝୁତି ଡ଼େସିଝୁ ମା ହିୟାଁ ମାଢ୍ଢେ ଦହ ଦସ୍ତାଆତିହିଁ, ଆତିହିଁ ମାର ମାହାପୁରୁ ନକିତା ସାସାତଲେ ନିଚାଲି ଆତିନାୟି । ୨୨ ଅଡ଼େ ମାର ଏନାଆଁ ରୀହନାୟି, ଏ ବାରେ ଏଝାଣି ଡ଼ାଶାଟି ବେଟାଆହି ମାନାୟି, ଇତିହିଁ ମାର ତାନି ହୁକୁମି ମାନଝି ଆହିମାନାୟି, ଅଡ଼େ ତାନି ନକିତା ଏନାୟି ନେହାୟି ଏଦାଆଁ କିହିମାନାୟି । ୨୩ ତାନି ହୁକୁମି ହାହାମାନିଲେହେଁ, ମାର ତାନି ମୀରୁଏସି ଜୀସୁ କ୍ରୀସ୍ତ ଦରୁତଲେ ନାମିନାୟି ଅଡ଼େ ତାନି ହାତି ହୁକୁମି ତଲେ ରଅତାୟି ରଅଣାଇଁ ଜୀଝୁନନାୟି । ୨୪ ଆମ୍ବାଆସି ମାହାପୁରୁତି ହୁକୁମି ମାନଝି ଆନେସି, ଏଝାସି ମାହାପୁରୁ ତଲେ ଡ଼ୟିନେସି, ଅଡ଼େ ମାହାପୁରୁ ଏଝାଣି ଡ଼ାଶା ଡ଼ୟିନେସି; ଇଞ୍ଜାଁ ମାହାପୁରୁ ମା ଡ଼ାଶା ଡ଼ୟିନେସି, ଇଦାଆଁ ମାର ତାନି ହାହାମାଞ୍ଜାନି ଜୀଝୁତଲେ ପୁଞ୍ଜିମାନାୟି ।

**୪** ନା ଜୀଝୁତି ତାୟି ତାଢ୍ଢିସ୍ତା, ବାରେ ଜୀଝୁୟାଁଇଁ ନାମାଆଦୁ, ସାମା ଏଝାରି ବେଟାଆହାମାନି ଜୀଝୁୟାଁ ମାହାପୁରୁ ଡ଼ାଶାଟି ଝାହାମାନୁ କି ଆଏ ଇଦାଆଁ ନେହିଁକିଁ ତାୟିପାରି କିଦୁ, ଏନାଆଁତାକି ଇତିହିଁ ଦାର୍ତତିତା ହାରେକା ମିତି ମାହାପୁରୁ ବଲୁ ଝେହନାରି ହରାମାନେରି । ୧ ଇଲେ କିତିହିଁ ମୀରୁ ମାହାପୁରୁତି ଜୀଝୁତି ପୁଞ୍ଜାଲି ଆତିଦେରି, କ୍ରୀସ୍ତ ଜୀସୁ ମାଣ୍ଢି ଆଢ୍ଢା ଝାଶା ତଲେ ଝାହାମାନେସି, ଇଦାଆଁ ଆମିନି ଜୀଝୁ ଜଲିନେ, ଏଦି ମାହାପୁରୁ ଡ଼ାଶାଟି ଝାହାମାନେ । ୩ ଅଡ଼େ ଆମିନି ଜୀଝୁ ଜୀସୁଇଁ ନାନୁ ପୁଞ୍ଜାହିଲିଆଁ ଇଞ୍ଜାଁ ଜଲିନେ, ଏଦି ମାହାପୁରୁ ଡ଼ାଶାଟି ଝାହାହିଲେଏ; ସାମା ଏଦି ନାଡ଼ିକିନି କ୍ରୀସ୍ତ ଜୀଝୁ, ଆମିନି ଜୀଝୁତି ଝାନି କାତା ମୀରୁ ଝେଞ୍ଜାମାଞ୍ଜେରି, ଇଞ୍ଜାଁ ଏଦି ନୀଏଁ ଜିକେଏ ଦାର୍ତତିତା ଝାଡେୟିଏ । ୪ ଜୀଝୁତି କକାରି ପଦାଁତେରି, ମୀରୁ ମାହାପୁରୁ ଡ଼ାଶାଟି ଜାର୍ନା ଆତାତେରି, ଅଡ଼େ ମୀରୁ ନାଡ଼ିକିନି ବଲୁ ଝେହନାରାଇଁ ଜୀଶା ଆହାମାଞ୍ଜେରି, ଇତିହିଁ ମୀ ଡ଼ାଶା ଆମ୍ବାଆସି ମାନେସି, ଏଝାସି, ଦାର୍ତତିତା ଆମ୍ବାଆସି ମାନେସି ଏଝାଣି କିହାଁ କାଜାସି । ୫ ନାଡ଼ିକିନାରି ଦାର୍ତତି ଝାହାମାନେରି, ଇଦାଆଁତାକି ଏଝାରି ଦାର୍ତତି କାତା ଝେହନେରି, ଅଡ଼େ ଦାର୍ତତିତାରି ଏଝାରି କାତା ଝେନେରି । ୬ ସାମା ମାର ମାହାପୁରୁ ଡ଼ାଶାଟି ଜାର୍ନା ଆହାମାନାୟି; ଆମ୍ବାଆସି ମାହାପୁରୁଇଁ ପୁନେସି, ଏଝାସି ମା କାତା ଝେନେସି; ଆମ୍ବାଆସି ମାହାପୁରୁ ଡ଼ାଶାଟି ଜାର୍ନା ଆହାହିଲଅସି, ଏଝାସି ମା କାତା ଝେନଅସି, ଏମ୍ବାଟି ସାତାତି ଜୀଝୁ ଅଡ଼େ ନାଡ଼ିକିନି ଜୀଝୁ ପୁଞ୍ଜାଲି



ଆଦିନାୟ । ୭ ନା ଜୀଞ୍ଜୁତି ଚଣେସିଞ୍ଜୁ, ରଅତେରି ରଅଣାଇଁ ଜୀଞ୍ଜୁନୁ,  
 ଇଚିହିଁ ଜୀଞ୍ଜୁନନାୟି ମାହାପୁରୁ ଚାଣାଟି ଖାନେ, ଆମ୍ବାଆସି ଜୀଞ୍ଜୁ ନନେସି,  
 ଏଞ୍ଜସି ମାହାପୁରୁ ଚାଣାଟି ଜାର୍ନା ଆହାମାନେସି, ଇଞ୍ଜୁ ଏଞ୍ଜସି ମାହାପୁରୁଇଁ  
 ପୁଞ୍ଜୁମାନେସି । ୮ ଆମ୍ବାଆସି ଜୀଞ୍ଜୁ ନଅସି, ଏଞ୍ଜସି ମାହାପୁରୁଇଁ ପୁନଅସି,  
 ଏନାଆଁତାକି ଇଚିହିଁ ମାହାପୁରୁ ଜୀଞ୍ଜୁ ନନାସି । ୯ ଇମ୍ବାଆଁ ମାହାପୁରୁତି  
 ଜୀଞ୍ଜୁନନାୟି ଚଞ୍ଜୁ ଆହାମାନେ, ଏଞ୍ଜସି ତାନି ରଣ୍ଡିଏ ମାର୍ଏଣାଇଁ ଦାର୍ଚିତା  
 ପାଣ୍ଡାତେସି, ଏନିକିଁ ମାର ଏଞ୍ଜାଣି ଚାଣାଟି କାଲକାଲାତି ଜୀଞ୍ଜୁ ବେଟାଆନାୟି  
 । ୧୦ ମାର, ମାହାପୁରୁଇଁ ଜୀଞ୍ଜୁ ନତାୟି, ଏଦି ଆଏ, ସାମା ଏଞ୍ଜସି ମାଢ୍ଢେ  
 ଜୀଞ୍ଜୁ ନୟାଁତେସି, ଇଞ୍ଜୁ ତାନି ମାର୍ଏଣାଇଁ ମା ପାପୁ ତାକି ପୁଜା ଆହାଲି  
 ପାଣ୍ଡାତେସି; ଏଦି ଏମ୍ବାଟିଏ ଜୀଞ୍ଜୁନନାୟି ଚଞ୍ଜୁ ଆହି ମାନେ । ୧୧ ନା  
 ଜୀଞ୍ଜୁତି ଚଣେସିଞ୍ଜୁ, ମାହାପୁରୁ ମାଢ୍ଢେ ଏନିକିଁ ଜୀଞ୍ଜୁ ନହାଁ ମାଞ୍ଜୁନେସି, ମାର  
 ଜିକେଏ ରଅତାୟି ରଅଣାଇଁ ଜୀଞ୍ଜୁ ନଞ୍ଜିଆନାୟି ମାନେ । ୧୨ ଆମ୍ବାଆସି  
 ଏଚେଲାଖା ମାହାପୁରୁଇଁ ମେସାହିଲଅସି; ସାମା ମାର ରଅତାୟି ରଅଣାଇଁ  
 ଜୀଞ୍ଜୁନଞ୍ଜିଆନ, ଆଚିହିଁ ମାହାପୁରୁ ମା ଚାଣା ମାନେସି, ଅଡେ ତାନି ଜୀଞ୍ଜୁନନାୟି  
 ମା ଚାଣା ମାନେ । ୧୩ ମାର ମାହାପୁରୁ ଚାଣା ମାନାୟି ଅଡେ ଏଞ୍ଜସି ମା  
 ଚାଣା ମାନେସି, ଇଦାଆଁ ମାର ପୁଞ୍ଜୁମାନାୟି, ଇଚିହିଁ ଏଞ୍ଜସି ମାଢ୍ଢେ ତାନି  
 ଜୀଞ୍ଜୁ ହାହାମାଞ୍ଜୁନେସି । ୧୪ ମାହାପୁରୁ ଆବା ତାନି ମାର୍ଏଣାଇଁ ଦାର୍ଚିତି  
 ଲକ୍ଷୁଣି ଚେଲ୍ପିନାସି ଆହାଲିତାକି ପାଣ୍ଡାତେସି, ଇଦାଆଁ ମାର ମେସାମାନାୟି  
 ଅଡେ ସାକି ହାହି ମାନାୟି । ୧୫ ଆମ୍ବାଆସି ଜୀଞ୍ଜୁଇଁ ମାହାପୁରୁତି ମାର୍ଏସି  
 ଇଞ୍ଜୁ ଖେକ୍ନେସି, ମାହାପୁରୁ ଏଞ୍ଜାଣି ଚାଣା ମାନେସି, ଅଡେ ଏଞ୍ଜସି ମାହାପୁରୁ  
 ଚାଣା ମାନେସି । ୧୬ ଅଡେ ମାଢ୍ଢେତାକି ମାହାପୁରୁତି ଆମିନି ଜୀଞ୍ଜୁନନାୟି  
 ମାନେ, ଏଦାଆଁ ମାର ପୁଞ୍ଜୁମାନାୟି ଅଡେ ନାମାମାନାୟି । ମାହାପୁରୁ ଜୀଞ୍ଜୁ  
 ନନାସି; ଆମ୍ବାଆସି ଜୀଞ୍ଜୁ ନହାଁମାନେସି ଏଞ୍ଜସି ମାହାପୁରୁ ଚାଣା ମାନେସି ଅଡେ  
 ମାହାପୁରୁ ଏଞ୍ଜାଣି ଚାଣା ଡୟିନେସି । ୧୭ ଦାର୍ମୁତି ଜୀଞ୍ଜୁତା ନୀତାମାନାକି  
 ମାହାପୁରୁତି ଜୀଞ୍ଜୁନନାୟି ମା ଚାଣା ତୀରି ଆହାମାନେ, ମାର ନୀହାଁୟି ଦିନାତା  
 ସାସା ବେଟାଆନାୟି, ଇଚିହିଁ କ୍ରୀସ୍ତ ଏନିକିଁ ମାନେସି, ମାର ଜିକେଏ ଇ  
 ଦାର୍ଚିତା ଏଲେକିହିଁଏ ମାନାୟି । ୧୮ ଜୀଞ୍ଜୁ ନି ଚାଣା ଆଜି ଡୟେଏ, ସାମା  
 ସାତା ଜୀଞ୍ଜୁନନାୟି ଆଜିତି ହେକ କିନେ, ଇଚିହିଁ ଆଜି ଡଣ୍ଡ ବେଟାଆନାଣି  
 ତଲେ ଆଣ୍ଡାମାନେ, ଇଞ୍ଜୁ ଆମ୍ବାଆସି ଆଜିନେସି ଏଞ୍ଜସି ଜୀଞ୍ଜୁ ନି ଚାଣା

ତୀରିତାସି ଥାଏ । ୧୯ ମାହାପୁରୁ ଚଳିଏ ମାଢ଼େ ଜୀଝୁ ନୟାଁତାକି ମାର ଜୀଝୁ ନହିମାନାୟି । ୨୦ ଆମ୍ବାଆସି ନାନୁ ମାହାପୁରୁଇଁ ଜୀଝୁ ନହିମାଇଁ ଇଞ୍ଜାନା, ଏଝାସି ତାନି ନାମିତି ତାୟି ତାଢ଼ିଇଁ ଅପଅସି, ଆତିହିଁ ଏଝାସି ମିତି ଝେହନାସି, ଇତିହିଁ ଆମିନି ତାୟିଇଁ ମେସାମାନେସି, ଏଝାଣାଇଁ ଜୀଝୁ ନଅସି, ଇତିହିଁ ଆମିନି ମାହାପୁରୁଇଁ ମେସାହିଲଅସି, ଏଝାଣାଇଁ ଜୀଝୁ ନହାଲି ଆଡଅସି । ୨୧ ଆମ୍ବାଆସି ମାହାପୁରୁଇଁ ଜୀଝୁ ନନେସି, ଏଝାସି ତାନି ତାୟିଇଁ ଜିକେଏ ଜୀଝୁ ନପେସି, ଇ ହୁକୁମି ମାମୁ କ୍ରୀସୁ ତାଣାଟି ବେଟା ଆହାମାନମି ।

**୫** ଆମ୍ବାଆସି ଜୀସୁଇଁ କ୍ରୀସୁ ଇଞ୍ଜି ନାମିନେସି, ଏଝାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି ଜାର୍ନାକିତି ଆବାଇଁ ଜୀଝୁ ନନେସି, ଏଝାସି ତାନିତାଣାଟି ଜାର୍ନା ଆହାମାନି ଲକୁଣି ଜିକେଏ ଜୀଝୁ ନନେସି । ୨ ମାର ଏତିବେଲା ମାହାପୁରୁଇଁ ଜୀଝୁନନାୟି ଅଡେ ତାନି ହୁକୁମି ମାନଝି ଆନାୟି, ଏତିବେଲା ଏଦାଆଁ ତଲେ ମାର ମାହାପୁରୁତି ମାର୍କା ମାସ୍କାଇଁ ଜୀଝୁ ନହିମାନାୟି ଇଞ୍ଜି ପୁଞ୍ଜାଲି ଆତିନାୟି । ୩ ମାହାପୁରୁଇଁ ଜୀଝୁନନାୟି ମା ତାଣା ମାନେ, ଇତିହିଁ ମାର ଏଝାଣି ହୁକୁମି ମାନଝି ଆନ, ଏଝାଣି ହୁକୁମି ମାନଝି ଆନାୟି ହାରେକା କସୁ ଥାଏ ୪ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଝାସି ଦାର୍ତତି ଜୀଣାଆନେସି, ଅଡେ ଏନାଆଁ ଦାର୍ତତି ଜୀଣା ଆହାମାନେସି, ଏତି ମା ନାମୁ । ୫ ଜୀସୁ ମାହାପୁରୁ ମାର୍ଏସି, ଇଦାଆଁ ଆମ୍ବାଆସି ନାମିନେସି, ଏଝାଣି ପିସ୍ପେ ଆମ୍ବାଆସି ଦାର୍ତତି ଜୀଣା ଆନେସି? ୬ ଜୀସୁ କ୍ରୀସୁ ଏୟୁ ଅଡେ ନେତେରିଟି ଝାହାମାତେସି, ଝାର୍ଲ ଏୟୁତଲେ ଥାଏ, ସାମା ଏୟୁ ଅଡେ ନେତେରି ଇ ରୀ କୁଡା ତଲେ ଝାହାମାତେସି; ଅଡେ ସୁଦୁଜୀଝୁ ଜିକେଏ ଏମ୍ବାତି ସାକି ହାହିମାନେ, ଇତିହିଁ ଜୀଝୁଏ ସାତା । ୭ ଇ ତାନି ଜାଣା ସାକି ମାନୁ । ୮ ସୁଦୁଜୀଝୁ ଏୟୁ ଅଡେ ନେତେରି ଏଝି ରଣ୍ଡିଏ ସାକି ହାହିମାନୁ । ୯ ମାର ଲକୁ ହାତି ସାକି ନାମିନାୟି, ଆତିହିଁ ମାହାପୁରୁ ହାତି ସାକି ଏଦାଣିକିହିଁ ହାରେକା କାଜାୟି, ଅଡେ ମାହାପୁରୁତି ସାକି ଇତି, ଏଝାସି ତାନି ମାର୍ଏଣା ଝାକିତି ସାକି ହାହାମାନେସି । ୧୦ ଆମ୍ବାଆସି ମାହାପୁରୁ ମାର୍ଏଣା ତାଣା ନାମିନେସି, ଏଝାସି ତାନି ହିୟାତା ଇ ସାକି ବେଟାଆହାମାନେସି; ଅଡେ ଆମ୍ବାଆସି ମାହାପୁରୁତି ସାକି ନାମଅସି, ଏଝାସି ମାହାପୁରୁଇଁ ମିତି ଗାଟାସି କିହାମାନେସି, ଇତିହିଁ ମାହାପୁରୁ ତାନି ମାର୍ଏଣା ଝାକିତି ଆମିନି ସାକି ହାହାମାନେସି, ଏମ୍ବାଆଁ ଏଝାସି ନାମାହିଲଅସି

। **୧୧** ଏ ସାକି ଇଦି, ମାହାପୁରୁ ମାଡ଼େ ରାଆଗାଟି ଜୀଝୁ ହାହାମାଞ୍ଜାନେସି,  
 ଅଡ଼େ, ଏ ଜୀଝୁ ତାନି ମାର୍‌ଏଣା ଡାଣା ମାନେ । (aiōnios g166) **୧୨**  
 ଆମ୍ବାଆସି ମାହାପୁରୁ ମାର୍‌ଏଣାଇଁ ବେଟାଆହାମାନେସି, ଏଝାସି ଜୀଝୁ  
 ବେଟାଆହାମାନେସି; ଆମ୍ବାଆସି ମାହାପୁରୁ ମାର୍‌ଏଣାଇଁ ବେଟାଆହାହିଲଅସି,  
 ଏଝାସି ଜୀଝୁ ଜିକେଏ ବେଟାଆହାହିଲଅସି । **୧୩** ମାରୁ ମାହାପୁରୁ ମାର୍‌ଏଣା  
 ଦରୁ ନାମାମାଞ୍ଜେରି, ମାରୁ ଏନିକି ପୁଞ୍ଜାମାଞ୍ଜେରି, ରାଆଗାଟି ଜୀଝୁ ବେଟା  
 ଆହାମାଞ୍ଜେରି, ଇଦାଆଁତାକି ନାନୁ ମିଡ଼େ ଇ ବାରେ ରାତାମାଞ୍ଜାଇଁ । (aiōnios  
 g166) **୧୪** ଇଞ୍ଜି ମାର ମାହାପୁରୁ ଅଣ୍‌ପୁତି ଲେହେଁ ପ୍ରାତାନା କିନାୟି, ଆତିହିଁ  
 ଏଝାସି ମା ପ୍ରାତାନା ଖେଞ୍ଜାନେସି, ଇଞ୍ଜି ମାହାପୁରୁ ଡାଣା ମା ବାସୁଁ ମାନେ ।  
**୧୫** ଅଡ଼େ ମାର ଏଝାଣି ଡାଣା ଏନାଆଁ ପ୍ରାତାନା କିନାୟି, ଏଦାଆଁ ଏଝାସି  
 ଖେଞ୍ଜାନେସି ଇଞ୍ଜି ମାର ପୁଞ୍ଜାମାନାୟି, ଆତିହିଁ ଏଝାଣି ଡାଣା ମାର ଏନାଆଁ  
 ପ୍ରାତାନା କିହିମାନାୟି, ଏ ବାରେ ବେଟାଆହାମାନାୟି, ଇଦାଆଁ ଜିକେଏ  
 ପୁଞ୍ଜାମାନାୟି । **୧୬** ମା ନାମିତି ତାୟି କି ତାଡ଼ିଇଁ ପାପୁ କିହିମାନାଣି ମେହ୍‌ଦେରି  
 ଇରିସାରେ, ଅଡ଼େ ଏ ପାପୁ ହାଝି କିନାୟି ଆଏ, ଏ ତାୟି ତାଡ଼ି ତାକି ମାହାପୁରୁ  
 ଡାଣା ପ୍ରାତାନା କିଦୁ, ଅଡ଼େ ମାହାପୁରୁ ଏନିକି ହାନିହ୍‌ଗେତି ପାପୁ କିହାହିଲଆ  
 ଲକ୍‌ଶି ଜୀଝୁ ହାନେସି, ଏଲେକିହିଁଏ ଏଝାରାକି ଜିକେଏ ଜୀଝୁ ହାନେସି,  
 ହାନିହ୍‌ଗେତି ପାପୁ ମାନେ ଇଞ୍ଜି ଏଝାରି ତାକି ପ୍ରାତାନା କିହାଲି ଖେସିହିଲଅଁ ।  
**୧୭** ବାରେ ଲାଗେଏତି କାମା ପାପୁ, ସାମା ବାରେ ପାପୁ ହାଝି କିଏ । **୧୮**  
 ଆମ୍ବାଆସି ମାହାପୁରୁ ଡାଣାଟି ଜାର୍‌ନା ଆହାମାନାସି, ଏଝାସି ପାପୁ କିଅସି,  
 ଏନାଆଁତାକି ଇରିହିଁ ଏଝାସି ମାହାପୁରୁ ଡାଣାଟି ଜାର୍‌ନା ଆହାଁ ଜାହାରାଇଁ  
 ଗେଲ୍‌ପା କତିନେସି, ଅଡ଼େ ପାପୁତି ଜୀଝୁ ଏଝାଣାଇଁ ଡାଗେଏ, ଇଦାଆଁ ମାର  
 ପୁଞ୍ଜାମାନାୟି । **୧୯** ମାର ମାହାପୁରୁ ଡାଣାଟି ଜାର୍‌ନା ଆହାମାନାତାୟି ଇଞ୍ଜି  
 ବାରେ ଦାର୍‌ତିଇଁ ସୟତାନ ଲକ୍‌ହାମାନେ, ଇଦାଆଁ ମାର ପୁଞ୍ଜାମାନାୟି । **୨୦**  
 ମାର ପୁଞ୍ଜାମାନାୟି, ମାହାପୁରୁ ମାର୍‌ଏସି ଝାହାମାନେସି, ଇଞ୍ଜି ଏଝାସି ମାଡ଼େ  
 ସାତାତାଣାଇଁ ପୁଞ୍ଜାଲି ବୁଦି ହାହାମାଞ୍ଜାନେସି; ଅଡ଼େ ମାର ଏ ସାତାଗାଟାଣି  
 ଡାଣା, ଇରିହିଁ ତାନି ମାର୍‌ଏସି ଜୀସୁ କ୍ରୀସ୍ତ ଡାଣା ନାତାମାନାୟି, ଏଝାସି ସାତା  
 ମାହାପୁରୁ ଅଡ଼େ ରାଆଗାଟି ଜୀଝୁ ଗାଟାସି । (aiōnios g166) **୨୧** ନା ଜୀଝୁତି  
 ମାର୍କା ମାସ୍କାତେରି ପେଶ୍କା ବମାୟି ଡାଣାଟି ମାରୁ ହେକ ଆହାନା ମାଞ୍ଜୁ  
 ।

## ୨୬୫

୧ ନାନୁ, କୁଲମିତି ପ୍ରାଚିନାତେଏ, ମାହାପୁରୁ ଅଚାମାନି ଇୟା ଅଡେ ତାନି ମୀର୍କା ମାସ୍କାକି ଇ ଆକୁ ରାତିମାଈ, ନାନୁ ଏଞ୍ଜରାଇଁ ସାତା ଜୀଝୁ ନୁହିଁମାଈ, ଅଡେ ଖାରଇ ନାନୁ ଆଏ, ସାମା ସାତାତି ପୁଞ୍ଜାମାନି ବାରେଜାଣା ଜୀଝୁନୁହିଁ ମାଞ୍ଜାନେରି । ୨ ଆମିନି ସାତା ମା ହିୟାତା ଡୟାମାନେ ଅଡେ କାଲାକାଲାତାକି ମା ତାଣା ଡୟିନେ । (aiōn g165) ୩ ଆବା ମାହାପୁରୁ ଅଡେ ତାନି ମୀର୍କାଏଣା ଜୀସୁ କ୍ରୀସ୍ତ ତାଣାଟି କାର୍ମାମେହନାୟି, ହିଡ଼ି ଜୀଝୁ ହୀହାନା, ସାତା ଅଡେ ଜୀଝୁ ନୁଞ୍ଜିଆହାନା ଡୟିଦେରି । ୪ ନୀ ମୀର୍କା ମାସ୍କା ବିତ୍ରାଟି ଏତରଜାଣା ଆବା ତାଣାଟି ମାଞ୍ଜେ ହୀହାମାଞ୍ଜାନି ହୁକୁମି ଲେହେଁ ସାତାତି ତାକିନି ତାକୁ ମେସାନା ନାନୁ ହାରେକା ରାହାଁ ଆହିମାଈ । ୫ ଏ ଜୀଝୁତି ଇୟା ନାନୁ ନୀଏଁ ନିଢ୍ଜେ ର ପୁଞ୍ଜି ହୁକୁମି ରାତିମାଞ୍ଜାଇଁ ଏଦି ଆଏ, ସାମା ତଲିଟିଏ ବେଟାଆହାମାନି ହୁକୁମି ରାତାନା ବାତିମାଲିମାଞ୍ଜାଇଁ, ମାର ରଅତାୟି ରଅଣାଇଁ ଜୀଝୁନନାୟି ମାନେ । ୬ ମାର ତାନି ହୁକୁମି ମାନଞ୍ଜି ଆହାନା ମାଞ୍ଜେ ମାନାୟି, ଇଦିଏ ଜୀଝୁ ନି କାତା, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଲେଆହିଏ ମାଞ୍ଜୁ ଇଦି ଏ ହୁକୁମି । ୭ ନାନୁ ଖେସିମାଈ, ଇଚିହିଁ ଆମିନି ଗାଟାରି ଜୀସୁ କ୍ରୀସ୍ତ ମାଣ୍ଡି ଖାଣା ତଲେ ଖାହାହିଲଅସି ଇଞ୍ଜି ଇନେରି, ଇଲେତି ହାରେକା ନାଡ଼ିକିନାରି ବାଡ଼ିତା ହତା ଖାହାମାନେରି, ଇଲେତି ଲକୁ ନାଡ଼ିକିନାରି ଅଡେ ନାଡ଼ିକିନି କ୍ରୀସ୍ତ । ୮ ସାମା ମୀ ତାକି ମାମୁ କିହାମାନି କାମାତି ପାଡେୟି ବାରେ ଜାକ୍‌ଆନା ଏନିକିଁ ଏମ୍ପାଟି ହାରେ ପୁରେ ବର ବେଟାଆଦେରି ଏଦାଆଁତାକି ଜାଗ୍ରାତା ଆଦୁ । ୯ ଆମ୍ପାଆସି କ୍ରୀସ୍ତ ଜାପ୍‌ହା ମାନାଣି କିହାଁ ଆଗାଡ଼ା ଗାଣ୍‌ନେସି, ଏଞ୍ଜସି ମାହାପୁରୁଇଁ ବେଟାଆହାହିଲଅସି; ଆମ୍ପାଆସି କ୍ରୀସ୍ତ ଜାପ୍‌ହା ମାନାଣି ତଲେ ଡୟିନେସି, ଏଞ୍ଜସି ଆବା ଅଡେ ମୀର୍କାଏ ଇ ରିଆରାଇଁ ଜିକେଏ ବେଟାଆହାମାନେସି । ୧୦ ଆମ୍ପାଆସି ଇଲେକିଁ ଜାପ୍‌ନାଣି ଆସାନା ମୀ ତାଣା ଖାଅସି, ଏଞ୍ଜାଣାଇଁ ମୀ ଇଜ ହାଟାଆଦୁ, ଇଞ୍ଜି ନେହିଁମାଞ୍ଜି କି ଜିକେଏ ଇନାଆଦୁ: ୧୧ ଏନାଆଁତାକି ଇଚିହିଁ ଆମ୍ପାଆସି ଏଞ୍ଜାଣାଇଁ ନେହିଁମାଞ୍ଜି କି ଇନେସି, ଏଞ୍ଜସି ତାନି ଲାଗେଏତି କାମାତା ଆଣ୍ଡିନାସି ଆନେସି । ୧୨ ନାନୁ ମିଢ୍ଜେ ହାରେକା କାତା ରାତିନାୟି ମାନେ, ସାମା ଆକୁତା ଇଞ୍ଜି ସୀରା ତଲେ ରାଚାଲି ଅଣ୍ଡି ହିଲଅଁ; ମୀ ତାଣା ଖାହାନା ମୁମୁ ମେସ୍‌ପି ଆହାନା ଗୁଡ଼ି ତଲେ ଜଲ୍‌କି ଆୟାଲି ଆସା କିହିମାଈ, ଏନିକିଁ ମା ରାହାଁ ହାରେକା ଆନେ

। ୧୩ ମାହାପୁରୁ ଆଚାର୍ଯ୍ୟ ନୀ ତାଙ୍କୁ ମାର୍କା ମାୟା ମିତ୍ରେ ଜହରା  
କହିମାଜ୍ଜାନେରି । ଆମେନ୍ ।

## ୩୬

୧ ନାନୁ କୁଲମିତି ପ୍ରାଚିନା ଜହନତେଏ, ନାନୁ ସାତା ତଲେ ଜୀଝୁ ନହିଁମାନି  
ନା ଜୀଝୁତି ଗାୟସଇଁ ଜହରା ପାଣ୍ଡାନା ଇ ଆକୁ ରାତିମାଇଁ । ୨ ଏ ନା  
ଜୀଝୁତି ତ୍ରେ ନାନୁ ଜୀଝୁତା ଏନିକିଁ ନେହିଁ ଆହିଁମାଞ୍ଜି ଏଲେକିହିଁ ନାନୁ ବାରେ  
ଝାକିତି ନୀ ନେହିଁ ଆପେ ଅଡେ ନୀ ଆଢ୍ଘା ଜିକେଏ ନେହିଁ ମାଣ୍ଡମ୍ବେ ଇଞ୍ଜି  
ନାନୁ ପ୍ରାଚାନା କିହିମାଇଁ । ୩ ନାନୁ ବାରେଦିନା ସାତା ତଲେ ତ୍ରିୟମାଞ୍ଜି,  
ଏଲେକିହିଁଏ ଏତରଜାଣା ନାମିତି ତାୟିୟାଁ ଖାହାନା, ନାନୁ ତାରିତଲେ ସାତାତା  
ନୀତାମାନାଣି ସାକି ହିୟାଲିଏ ନାନୁ ହାରେକା ରାହାଁ ଆତେଏ । ୪ ନା ମୀରକା  
ମାସକା ସାତା ଅଡେ ସାତା ତଲେ ନୀତାମାନାଣି ଖେଞ୍ଜାନା, ଏତେକା ରାହାଁ  
ଆହିମାଇଁ, ଏଦାଣିକିହିଁ ଆଗାଡ଼ା ନାଢ୍ଘେ ଅଡେ ଏନି ରାହାଁ ହିଲେଏ । ୫  
ଏ ନା ଜୀଝୁତି ତ୍ରେ ନାନୁ କ୍ରୀସ୍ତାନା ତାୟିୟାଁ ତାକି ଅଡେ ଏଟ୍ଟକା ଦେସାତି  
କ୍ରୀସ୍ତାନା ତାୟିୟାଁ ତାକି ନାମୁ ଅଡେ ଚିକାଣା ତଲେ ସେବା କାମା କିହିମାଞ୍ଜି ।  
୬ ଏଝାରି ଇମ୍ପାଆଁ ମା କୁଲମିତା ନୀ ଜୀଝୁ ନତି କାତା ଖେସିମାନେରି; ନାନୁ  
ଏଝାରାଇଁ ମାହାପୁରୁତି ରାହାଁ ଆନିଲେହିଁ ତାମି ଜିରୁ ତାକି ଲତାମାନାଣି  
ହାହାନା ସାୟେମି କିମ୍ପୁ । ୭ ଏନାଆଁତାକି ଇତିହିଁ ଏଝାରି ନାମାଆଗାଟାରି  
ତାଣାଟି ଏନାଆଁ ରାହୁଆନା କ୍ରୀସ୍ତୁତି ସେବା କାମାତାକି ହତାମାନେରି । ୮  
ଏଦାଆଁତାକି ମାର ଏନିକିଁ ଏଝାରାଇଁ ସାୟେମି କିହାନା ସାତାତି ତ୍ରିପାଲି ଏଝାରି  
ସେବା କାମାତା ଆଣ୍ଡିନାୟି ମା କାମା । ୯ ନାନୁ କୁଲମିତାକି ର ଇଚାଣି ଆକୁ  
ରାତିତେଏ, ସାମା ଦିୟତ୍ରପା କୁଲମିତି କାଜାସି ଆହାଲି ଅଣ୍ଡପାନା, ନା କାତା  
ଖେଞ୍ଜାହିଲଅସି । ୧୦ ନାନୁ ଝାତିସାରେ ଏଝାସି କିହାମାନି ବାରେ ଲାଗେଏତି  
କାମା ଖେହଇଁ, ଏଝାସି ଏନିକିଁ ମା କପାଟି ଲାଗେଏତି କାତା ଖେସାନା ମାଢ୍ଘେ  
ନିନୁକିହିଁ ମିତି କାତା ଖେସିମାନେସି, ଝାରଇ ଏତେକେଏ ଆଏ, ସାମା କ୍ରୀସ୍ତାନା  
ତାୟିୟାଁ ଝାତିହିଁ ଅପିହିଲଅସି କି ଆମ୍ପାଆରାଇଁ ଅପାଲି ହାହି ହିଲଅସି, ଅଡେ  
ଆମ୍ପାଆରି ଆବିନାରି ଏଝାରାଇଁ କୁଲମିତି ହୁପ୍ହାଲି ଅଣ୍ଡପାନେସି । ୧୧  
ଏ ନା ଜୀଝୁତି ତ୍ରେତି, ନାନୁ ଲାଗେଏ ପଲେଏତାଣି ଆହୁଆନା, ସାମା  
ନେହିଁ କାମାତି ଆହୁମ୍ପୁ, ଆମ୍ପାଆସି ନେହିଁ କାମା କିନେସି ଏଝାସି ମାହାପୁରୁ  
ତାଣାଟି ଜାର୍ନା ଆହାମାନେସି; ଆମ୍ପାଆସି ଲାଗେଏ ପଲେଏ କାମା କିନେସି  
ଏଝାସି ମାହାପୁରୁଇଁ ପୁଞ୍ଜାହିଲଅସି । ୧୨ ବାରେଜାଣା ଦିମିତ୍ରିୟଇଁ ନେହାସି  
ଇନେରି, ଏଝାସି କିହାମାନି ସାତା ନେହିଁ କାମା ଜିକେଏ ଏଦାଆଁ ତ୍ରିସିମାନେ,

ମାମୁ ଜିକେଏ ଏଦାଆଁ ସାକି ହୀହିମାନମି, ଇଞ୍ଜିଁ ମାମୁ ଖେହ୍ନି କାତା ସାତା  
ଇଞ୍ଜିଁ ନୀନୁ ପୁଞ୍ଜାମାଞ୍ଜି । ୧୩ ନାନୁ ନିଢ୍ଢେ ହାରେକା କାତା ଖେସ୍ତାନାୟିମାନେ  
ସାମା ଏଦାଆଁ ଆକୁତା ସୀରା କାଡିତଲେ ରାତାଲି ଅଣ୍ଠି ହିଲଅଁ । ୧୪ ମାର  
ମୂମୁ ମେସ୍‌ପି ଆହାନା ଜଲକି ଆୟାଲି ଆଡିନାୟି ଇଞ୍ଜିଁ ଆସା କିହିମାଞ୍ ।  
ମିଢ୍ଢେତାକି ହିଡ଼ି ଆୟାପେ, ଡ଼ଶେସିଢ୍ଢା ମିଢ୍ଢେତାକି ଜହରା ପାଣ୍ଡିମାଞ୍ଜାନେରି,  
ବାରେଜାଣାତି ଦରୁ ଆସାନା ଜହରା ଖେହ୍ନୁ ।

# ଜୀହ୍ୱଦା

୧ ନାନୁ ଜୀହ୍ୱଦାତେଏଁ, କ୍ରୀସ୍ତୁ ଜୀହ୍ୱତ ହଲେଏସି ଅଡ଼େ ଜାକୁବତି ତାୟି, ଆବା ମାହାପୁରୁ ଆତା ମାନାତେରି ଅଡ଼େ ତାନି ଜୀହ୍ୱ ନନାତେରି ଇଞ୍ଜି ଜୀସ୍ତୁ କ୍ରୀସ୍ତୁ ତାକି ଆର୍ଡ଼ି ଆହାମାନାତେରି ମିଢ଼େତାକି ଇ ଆକୁ ରାତିମାଞ୍ଜାଇଁ । ୨ ମିଢ଼େତାକି ମାହାପୁରୁତି କାର୍ମାମେହନାୟି ଅଡ଼େ ହିଡ଼ି ଜୀହ୍ୱ ଇଞ୍ଜି ଜୀହ୍ୱନନାୟି ହାରେପୁରେ ଆୟାପେ । ୩ ଏ ନା ଜୀହ୍ୱତି ତ୍ରେସିଡ଼୍ଲା ମାର ବାରେ ଜାଣାତାୟି ଏମିନି ଗେଲ୍ପି ଆନି ତାଣା ଆଣ୍ଟାମାନାୟି, ଏ କାତା ମିଢ଼େ ତାକି ରାତାଲି ଅର୍ପିମାତେଏଁ । ସାମା ମାହାପୁରୁ ତାନି ଲକୁଣି କାଲାକାଲାତାକି ହାହାମାନି ନାମୁ ଖାକିଟି ଜୁଜୁ କିହାଲି ମିଢ଼େ ରାହାଁ କିଞ୍ଚି କିୟାଲି ଲଡ଼ାମାନେ ଇଞ୍ଜି ଅର୍ପିତେଏଁ । ୪ ଏନାଆଁତାକି ଇତିହଁ ଏତରଜାଣା ମାହାପୁରୁଇଁ ମାନଞ୍ଚି ଆଆଗାଟାରି ମେଣେଏ ମୀ ବିତ୍ରା ଖାହାମାନେରି, ଏଞ୍ଚାରି ମାହାପୁରୁ କାର୍ମାମେହନି କାତା ତିରିମ୍ବୁପ୍ହାନା ତାମୁ ତାମୁ ଅର୍ପିତି ଲେହେଁ ଲାଗେଏ ପଲେଏତି କାମା କିହିମାନେରି, ଅଡ଼େ ଜୀସ୍ତୁ କ୍ରୀସ୍ତୁ ରଅସିଏ କାଜାସି ଅଡ଼େ ପ୍ରୁ, ଏଞ୍ଚାରି ଏଞ୍ଚାଣାଇଁ ଅପଅରି, ଏଞ୍ଚାରି ବେଟାଆନି ତଣ୍ଡୁତି କାତା ତଲି କାଲାଟିଏ ଦାର୍ମୁପତିତା ରାସକି ଆହାମାନେ । ୫ ପ୍ରୁ ତଲିଏ ଏତରଜାଣା ତାନି ଲକୁଣି ମିସର ଦେସାଟି ପିସ୍ପି କିତେସି, ସାମା ଏଞ୍ଚାରି ବିତ୍ରାଟି ନାମାଆଗାଟାରାଇଁ ନାସା କିତେସି, ଇତିହଁ ବାରେ କାତା ପୁଞ୍ଜାମାଟି ଜିକେଏ ମିଢ଼େ ଅଡ଼େ ଖେଣ୍ଡେ ଅର୍ପି କିଞ୍ଚି କିୟାଲି ଅର୍ପିମାଇଁ । ୬ ଅଡ଼େ ଏମିନି ଦୁରୁୟାଁ ମାହାପୁରୁ ହାହାମାଟି ପାଣା ପିସାନା ତାନି ବାସାଆନି ଟାୟୁ ପିସ୍ତୁ, ମାହାପୁରୁ ଏ ଦୁରୁୟାଁଇଁ ନାହାଁୟି କିନି ଦିନା ପାତେକା ଆନ୍ଦେରି ଟାୟୁତା କାଲାକାଲା ତାକି ହିକ୍ଣିୟାଁ ତଲେ ଦସା ଇଟାମାନେସି । (aidios g126) ୭ ଏଲେକିହିଏ ସଦମ ଅଡ଼େ ଗମରା ଅଡ଼େ ତାନି ସାରିସୁଟୁ ମାଟି ଗାଡ଼ାୟାତାରି, ଦାରିକାମା ଅଡ଼େ ତାନି ବିତ୍ରା ଲାଗେଏ ଅଡ଼େ ଅପାଆଗାଟି ଲାଜା ଆନି କାମା କିତେରି, ଏଦାଆଁତାକି କାଲାକାଲା ତାକି ତାଞ୍ଜିମାନି ହିରୁତା ସାସ୍ତି ବେଟାଆତେରି, ମା ବାରେଜାଣା ତାକି ଜାଗ୍ରାତା କିଞ୍ଚିକିନି କାତା ଲେହେଁତାୟି ଇଞ୍ଜି ମୀରୁ ଅର୍ପାଦୁ । (aiōnios g166) ୮ ଏଲେକିହିଏ ହାପାନା ହେଶ୍ନାରି ଜିକେଏ, ଅପାଆଗାଟି କାମା ତଲେ ତାନି ଆଢ଼ୁତି ଲାଗେଏ କିହିମାନେରି, ଅଡ଼େ ମାହାପୁରୁତି ଅଦିକାରାତି ଅପାଆନା ଲାକପୁରୁତି ଦୁରୁୟାଁଇଁ ନିନ୍ଦା କିହିମାନେରି । ୯ ସାମା ବାରେକିହାଁ କାଜା ଦୁରୁ ମିକାୟେଲ ମସାତି ମାଡ଼ହା



ତାକି ସୟତାନ ତଲେ ବାଦିବାଦା ଆତାଟି ନିନ୍ଦା କିହାନା ଏଦାନି ବିଚାରା କିହାଲି  
 ସାସା କିଆନା, ଝାର୍‌ଇ ଏତେକା ଏଲେଇତେ, “ପ୍ରବୁ ନିଢ୍ଢେ ଦାକା ହିୟାପେସି  
 ।” ୧୦ ସାମା ଇ ଲକୁ ଡାମୁ ପୁନାଆଗାଟାଣି ବାରେ ନିନ୍ଦା କିନେରି, ଇଞ୍ଜି ବୁଦି  
 ହିଲାଆଗାଟି ଜନ୍ତୁ ଲେହେଁ ଡାମୁଏ ତାମି ଆଢ୍ଢାଟି ଅଶ୍‌ପୁ ତଲେ ପୁଞ୍ଜାମାନି  
 ଡାଣାଟି ନାସା ଆନେରି । ୧୧ ଆୟତା, ଏଝାରି ତଣ୍ଡ ବେଟାଆନାରି, ଇତିହଁ  
 ଏଝାରି କୟିନ ଜିରୁତା ହାଜାମାନେରି, ତାରୁୟାଁ ଜୁପକାତାକି ଏଝାରି ବିଲିୟମ  
 ଦହ କିତିଲେହେଁ ଦହ କିହାମାନେରି, ଏଝାରି କରହ ଲେହେଁ ହୁଆଗାଟି ଗଡ଼ହା  
 କିହାନା ଏଝାଣିଲେହେଁ ନାସା ଆନେରି । ୧୨ ଏଝାରି ଲାଜା ଆଆନା ମୀ ତଲେ  
 ତିଞ୍ଜା ଉଣ୍ଡାନା ମୀ ରାହାଁତି ବଜିତା ଆଣ୍ଡାନା ମାହୁଁତି ଗାରି ଲେହେଁତାରି, ଏଝାରି  
 ଝାର୍‌ଇ ଜାହାରା ତାକି ଅଶ୍‌ପିନେରି, ଏଝାରି ଗାଲି ଝେନି ପିୟୁ ରାଆଗାଟି ଦୁନ୍ଦା  
 ଲେହେଁତାରି, ଏଝାରି ତାକି ମେଗାନା ପେନିବେଲା ପାଡେୟି ଆୟାଆଗାଟି  
 ଝାୟିତି ମାର୍‌ନୁ ଲେହେଁତାରି । ୧୩ ଏଝାରି ସାମ୍‌ଦୁରି ଝାଡ଼ିସାରି ହୁନି ମାଟିଗାଟି  
 ପମ୍‌ଲି ଲେହେଁ ଏଝାରି ଲାଜାଗାଟି କାମାୟାଁ ତଞ୍ଜାଆନେ, ଏଝାରି ତାମି ଟାୟୁ  
 ପିସାନା ଇତାଲା ଆତାଲା ରେନି ହୁକାୟାଁ ଲେହେଁତାରି, ଏଝାରାକି ମାହାପୁରୁ  
 କାଲେଏତାକି ଆନେରିଗାଟି ଟାୟୁ ତିୟାରା କିହାଁ ଇଟାମାନେସି । (aiōn g165)  
 ୧୪ ଆଦମ ଟିଏ ସାତା ଲମ୍‌ପର ମାଶ୍‌ସି ହନକ, ଜିକେଏ ଡାୟୁ ଆନି କାତା  
 ଏଝାରି ତାକି ଝେକହା ମାତେସି, “ମେହ୍‌ମୁ ପ୍ରବୁ ତାନି ମାଣା ମାଣା ସୁଦୁଗାଟି  
 ଦୁତୁୟାଁ ତଲେ ଝାନେସି ।” ୧୫ ମେହ୍‌ମୁ ପ୍ରବୁ ନୀହାଁୟି କିୟାଲି ଝାନେସି,  
 ଏଝାସି ଦାମ୍‌ସି ହିଲାଆଗାଟାରାଇଁ ତାମି ପଲ୍‌ଆ କାମାତାକି ଅଡେ ଏଝାରି  
 ମାହାପୁରୁଇଁ ମାନଝି ଆଆନା ଏଝାଣି କପାଟି ଝେସ୍ତି ଅପାଆଗାଟି କାତାତାକି  
 ଏଝାରାଇଁ ଦହଗାଟାରି କିହାନା ତଣ୍ଡ ହାନେସି । ୧୬ ଇ ଲକୁ ବାରେବେଲା  
 ଡାମୁ ଡାମୁଏ ଏତେକା ବେଟାଆଟି ଜିକେଏ ରାହାଁ ଆଅରି । ଏଝାରି ଝାର୍‌ଇ  
 ତାମି ଲାଗେଏ ପୁଲେଏତି ଅଶ୍‌ପୁ ତଲେ ସାଲଝି ଆନେରି; ଏଝାରି ବତପଣ  
 ତସାନା କାଜା କାତା ଝେହ୍‌ନେରି, ଅଡେ ଲାବା ବେଟାଆହାଲି ଜୁପକା ତସାନା  
 ଲକୁ ନକିତା ଅଜିତି କାତା ଝେହ୍‌ନେରି । ୧୭ ସାମା ଏ ନା ଜୀଝୁତି ତଂଶେସିଢ୍ଢା  
 ମା ପ୍ରବୁ ଜୀସୁ କ୍ରୀସ୍ତିତି ପାଣ୍ଡୁଝି ଆହାମାନାରି ତଲିଟିଏ ଏମିନି ବାରେ କାତା  
 ଝେସାମାନାଣି ବାରେ ଅଶ୍‌ପାଦୁ । ୧୮ ଏଝାରି ଏନିକିଁ ମିଢ୍ଢେ ଝେସାମାଞ୍ଜାତେରି  
 ରାନି ବେଲା ମାହାପୁରୁଇଁ ମାନଝି ଆହାନା ତାମି ଅଶ୍‌ପୁ ତଲେ ମାଞ୍ଜାନା ନିନ୍ଦା  
 କାତା ଝେହ୍‌ନାରି ହୁନେରି ଇଞ୍ଜି ଲାଜା କିହାନା ଏଲେଇଞ୍ଜାନେରି । ୧୯ ଏଝାରି

ଗର୍ଭା କିଞ୍ଚି କିହାଁ ଜାରୁ ଡିକ୍‌ନେରି, ଅଡ଼େ ଆଢ଼ୁତି ଅଣ୍ଟୁଟି ସାଲଖି ଆହାନା,  
 ମାହାପୁରୁତି ନେହଁ ଜୀଞ୍ଜୁ ବେଟାଆଆତାରି । ୨୦ ସାମା ଏ ଡ଼ଣେସିଢ଼ୁ ମୀରୁ  
 ମୀ ତୀରିଗାଟି ନାମୁଗାଟି ଦାମୁତି ଇଲୁ ପାତିକିହାଁ କତାଦୁ, ଅଡ଼େ ସୁଦୁଜୀଞ୍ଜୁ  
 ତଲେ ପ୍ରାତାନା କିଦୁ । ୨୧ ମା ପ୍ରବୁ ଜୀସୁ କ୍ରୀସ୍ତୁତି କାର୍ମୀଟି କାଲାକାଲାତି  
 ଜୀଞ୍ଜୁ ହିୟାନେସି, ମୀରୁ ଏଦାଆଁ ବେଟାଆହାଲି କାତାନା ମାହାପୁରୁ ଜୀଞ୍ଜୁନହଁ  
 ମାଞ୍ଜାନି ଡ଼ାଣା ମାଞ୍ଜେମାଞ୍ଜୁ । (aiōnios g166) ୨୨ ଆନାମାନା ଆନି ଲକୁଣି  
 କାର୍ମୀମେସାନା ନାମୁତା ପାତିକିଦୁ । ୨୩ ଏବ୍‌କା ତାରାଇଁ ହିରୁଟି ଡ଼େଞ୍ଜିତି  
 ଲେହେଁ ଗେଲ୍‌ପାଦୁ, ଆଢ଼ୁତି ପାପୁ କାମାତା ମାହାମାନି ହିମ୍‌ରିକା ଅପାଆଦୁ,  
 ଏତର ଲକୁଣି କାର୍ମୀ ମେସୁମି ଜିକେଏ ଏଞ୍ଜାରାଇଁ ଆଜିନାୟି ମାନେ । ୨୪  
 ଆମ୍ବାଆସି ମିଢ଼େ ପୁଟିକିନି ଡ଼ାଣାଟି ଗେଲ୍‌ପାଲି ଆଡ଼ାନେସି, ଅଡ଼େ ତାନି  
 ଗାଞ୍ଜୁରମିତି ହାରେକା ରାହାଁତଲେ ନକିତା ତାତାଲି, ମାଢ଼େ ଦହ ହିଲାଆଗାଟି  
 ଲକୁ ଲେହେଁ କିହାଲି ଆଡ଼ାନେସି । ୨୫ ଏ ମା ପ୍ରବୁ ଜୀସୁ କ୍ରୀସ୍ତୁ ତାକି ମା  
 ଗେଲ୍‌ପାନି ମାହାପୁରୁ ରଅସିଏ, ଗାଞ୍ଜୁରମି, କାଜାପାଣା, ବାଡ଼୍‌ୟୁ ଅଡ଼େ ସାଲଖି  
 କିନାୟି କାଲେଏତାୟି, ନୀଏଁ, ଅଡ଼େ ଜୁଗୁ ଜୁଗୁତାକି ଏଞ୍ଜାଣିଞ୍ଜାୟି । ଆମେନ୍ ।  
 (aiōn g165)

## ଝେ ବଲ୍ଲୁ

୧ ଜୀସୁ କ୍ରୀସ୍ତୁତି ଝେକ୍‌ହି ବଲ୍ଲୁ: ଝେଡ଼ା ଆଆନା ଏନାୟି ଗଟଝି ଆନେ ଏଦାଆଁ ବାରେ ଏଝାସି ଏନିକିଁ ତାନି ହୁଲିୟାଢ୍ଘାଣି ଝେହ୍‌ନେସି, ଏଦାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେର୍‌ପିତେସି, ଅଡ଼େ ଏଝାସି ତାନି ଦୂତୁଇଁ ପାଣ୍ଡାନା ତାନି ହୁଲିୟା ଜହନଇଁ ଏଦାଆଁ ଝେସ୍‌ସେସି । ୨ ଏ ଜହନ ମାହାପୁରୁତି ବଲ୍ଲୁ ଅଡ଼େ ଜୀସୁ କ୍ରୀସ୍ତୁତି ସାକି କାତା ଇତିହିଁ ଏଝାସି ଏନାଆଁ ମେସ୍‌ସେସି ଏ ବାରେ କାତାତି ସାକି ହାହିମାନେସି । ୩ ଆମ୍ବାଆସି ଇ ପତି ପଡ଼ଝି ଆନେସି ଇଞ୍ଝାଁ ମାହାପୁରୁତି ବଲ୍ଲୁ ଝେଞ୍ଝାନା, ଇ ପତିତା ରାସ୍‌କି ଆହାମାନାଣି ବାରେ ମାନଝି ଆନାରି ନେହାଁରି, ଏନାଆଁତାକି ଇତିହିଁ ଇ ବାରେ ଗଟଝି ଆନି କାଲମି ତାଗେ ଝାତେୟିଏ । ୪ ନାନୁ ଜହନତେଏଁ, ଆସିୟାତା ମାନି ସାତାଗଟା କୁଲମିକାଣି ଜହରା ଝେସାନା ରାତିମାଞ୍ଝାଇଁ, ମାହାପୁରୁତି କାର୍ମାମେହ୍‌ନାୟି ଅଡ଼େ ହିଡ଼ି ଜୀଝୁ ମିଢ୍ଢେ ଆୟାପେ, ନାଏଁ ଆମ୍ବାଆସି ମାନେସି ତଲି ମାତାସି ଅଡ଼େ ଜିକେଏ ଡାୟୁ ଦିନା ଝାନେସି, ଅଡ଼େ ତାନି ରାଜିତି ସିଂଗାସାଣି ନକିତା ନିତାମାନି ସାତାଗଟା ଜୀଝୁୟାଁ ତାଣାଟି, ୫ ଜୀସୁ କ୍ରୀସ୍ତୁ ନାମୁତି ସାତା ସାକି ହାନାସି, ହାତାରି ବିତ୍ରାତି ତଲିଏ ନିଢ୍ଢିତାସି, ଜାର୍ନା ଆତାସି, ଅଡ଼େ ଦାର୍‌ତିତି ରାଜାୟାଣି ସାଲଝି କିନାସି । ଏଝାସି ମାଢ୍ଢେ ଜୀଝୁ ନହାଁମାଞ୍ଝାନେସି, ଅଡ଼େ ତାନି ନେତେରିଟି ମାଢ୍ଢେ ପାପୁଟି ଗେଲ୍‌ପାତେସି । ୬ ଅଡ଼େ ମାଢ୍ଢେ ର ରାଜାତି କୁଲୁଲେହେଁ କିହାନା ଆବା ମାହାପୁରୁ ନକିତା ପୂଜେରା ଲେହେଁ ଆତାମାଞ୍ଝାନେସି, ତାନି ଗାଝୁରମି କାଜାପାଣା କାଲକାଲା ତାକି ଆପେ । ଆମେନ୍ । (aiōn g165) ୭ ମେହ୍‌ଦୁ ଏଝାସି ଦୁନ୍ନା ତଲେ ଝାହିମାନେସି, ଏତେଟିଏ ବାରେ କାଶ୍‌କା ଏଝାଣାଇଁ ମେହ୍‌ନୁ, ଅଡ଼େ ଏଝାଣାଇଁ ଗ୍ଲାକ୍‌ହା ମାତାରି ଜିକେଏ ମେହ୍‌ନେରି, ଦାର୍‌ତିତାରି ବାରେ କୂଡ଼ା ଏଝାସି ଝାହିମାନାକି ଡାନେରି ଏଦି ସାତା ଆନେ । ଆମେନ୍ । ୮ ବାରେ ବାଡ଼୍‌ୟୁ ଗାଟି ପ୍ରୁ ମାହାପୁରୁ ଝେସିମାନେସି, ନାନୁ ମାଟ୍‌ନାତେଏଁ ଅଡ଼େ ରାପ୍‌ନାତେଏଁ, ଆମ୍ବାଆସି ନାଏଁ ମାନେସି ତଲିଏ ମାତେସି ଅଡ଼େ ଡାୟୁ ଦିନା ଝାନାସି ନାନୁ ଏଝାତେଏଁ । ୯ ନାନୁ ଜହନତେଏଁ, ମୀ ତାୟିତେଏଁ, ଜୀସୁତି ସୀସୁ ଆହାଁ ତାନି ରାଜି ଲକ୍‌କୁତାକି ଝାହିମାନି କସ୍ତୁ ଅର୍‌ହାଲି ନାନୁ ମୀ ତଲେତି ର ମାଣ୍‌ସିତେଏଁ । ଜୀସୁ ଡ଼ସାମାନି ସାତା ଇଞ୍ଝାଁ ମାହାପୁରୁତି ବଲ୍ଲୁ ଝେସିମାତାକି ନାଢ୍ଢେ ପାଟ୍‌ମସ୍‌ ସାମ୍‌ଦୁରି ମାଦି ମାନି ଚାୟୁତା ପାଣ୍ଡାମାଞ୍ଝାତେରି । ୧୦ ପ୍ରୁତି ଦିନାତା ସୁଦୁଜୀଝୁ ନା ଲାକ ରେତାଝାତେ, ଅଡ଼େ ନାନୁ ଡାୟୁ ଝାକିତି ତୀତ୍ରି

ମହରି ଲେହେଁତି କାଜା ଗିୟାଁତଲେ ଏଲେ ଇଞ୍ଜିମାତି ର ହାତା ଖେଚେଏ ।  
**୧୧** ନୀନୁ ମେସିମାନାଣି ରାତାମୁ ଅଡେ ଇ ପତିତି ଇ ସାତାଗାଟା କ୍ରୀସ୍ତାନା  
କୁଲମି ଇତିହିଁ ଏପିସି, ସ୍ପର୍ନା, ପର୍ଗମ, ତୁୟାତିରା, ସାଦି, ପିଲାଦେଲ୍ପିୟା  
ଅଡେ ଲାସ୍ତୁଦିକିୟାତି କୁଲମିତା ପାଣ୍ଡାମୁ । **୧୨** ଆମ୍ବାଆସି ନା ତଲେ କାତା  
ଆହିମାନେସି, ଇଦାଆଁ ମେସାଲି ଖେଣ୍ଟେ ସିନିକିତେଏ, ଇଞ୍ଜି ସାତାଗାଟା  
ବାଂଗାରା ଦୀଞ୍ଚିୟା, **୧୩** ଇଞ୍ଜି ଏ ଦୀଞ୍ଚିୟା ମାଦିଏ ମାଣ୍ଡିସି ମୀର୍ଏଣା ଲେହେଁ  
ର ମାଣ୍ଡିସି; ଏଞ୍ଜାଣି ପାଃଆନାୟାଁ ପାତେକା ହିମ୍ବୁରି ପୁକ୍ତା ମାତେ ଅଡେ  
ବକତା ବାଂଗାରା ପାଟାତି ଡରି ରୁପାମାତେ; **୧୪** ଏଞ୍ଜାଣି ଡାୟାଁ ବାଣାୟାଁ  
ଅପହି ଲୁଲୁ ଅଡେ ପେଣ୍ଟି ମାରୁ ଲେହେଁ ଦବ୍‌ଲା, ଅଡେ ଏଞ୍ଜାଣି କାଣ୍ଡାକା  
ହିରୁ ଲେହେଁ ଡାଞ୍ଜି ମାରୁ । **୧୫** ତାନି ପାଃଆନାୟାଁ ହଲୁଡା ହୁଡିତି ପିତାଡା  
ମୁସିମାନି ଲେହେଁ ମିଣ୍ଡିସି ମାରୁ, ଅଡେ ତାନି ଗିୟାଁ ଲଦ ଲଦ ଇଞ୍ଜି ରିହିମାନି  
ଏୟୁଡି ହାତା ଲେହେଁତାୟି । **୧୬** ତାନି ଚିଃନି କେୟୁଡା ସାତାଗାଟା ହୁକାୟାଁ  
ମାରୁ, ତାନି ଗୁଡିତି ରିକ୍ଷାକି ଦାରାଗାଟି କାଣ୍ଡା ହୁଡେ, ତାନି ମୁମ୍ବୁ ମାଦେନା  
ବେଲା ଡାଞ୍ଜିମାନି କାରା ଲେହେଁ ଉଜେଡି ଗାଟାୟି । **୧୭** ନୀନୁ ଏଞ୍ଜାଣାଈଁ  
ମେସ୍‌ପିନିଏ ହାତିଲେହେଁ ତାନି କତାୟାଁ ଡଇ ରାତେଏ, ଏମ୍ବାଟିଏ ଏଞ୍ଜାସି  
ନା ଲାକ ତାନି ଚିଃନି କେୟୁ ଇଟାନା ଇଲେ ଇଞ୍ଜାତେସି, ଆଜାଆନି ନୀନୁ  
ମାଟ୍‌ନାତେଏଁ ଅଡେ ରାପ୍‌ନାତେଏଁ । **୧୮** ଆଜାଆନୁ ନୀନୁ ନୀତା ମାନାତେଏଁ  
ହାତାତେଏଁ, ନୀନୁ କାଲା କାଲେଏତାକି ନୀତାମାଈଁ, ହାନାୟି ଅଡେ ହାତାରି  
ରାଜିତି କୁଡିକାଡି ନା କେୟୁଡା ମାନେ । (aiōn g165, Hadēs g86) **୧୯** ଇତିହିଁ  
ନୀନୁ ଏନାଆଁ ମେସାମାଞ୍ଜି, ଅଡେ ଏନାୟି ନୀଏଁ ଆହିମାନେ ଇଞ୍ଜି ଇଦାଣି  
ଜେଚ ଏନାୟି ଆନେ ଇ ବାରେ ରାତା ଇଟାମୁ । **୨୦** ନା ଚିଃନି କେୟୁଡା  
ମେସାମାନି ସାତାଗାଟା ହୁକାୟାଁ ଅଡେ ସାତାଗାଟା ବାଂଗାରା ଦୀଞ୍ଚି ସ୍‌ଡାୟାଁତି  
ଡୁଗାମାନି କାତା ଇଦି, ସାତାଗାଟା ହୁକାୟାଁ ସାତାଗାଟା କୁଲମିତି ଦୁରୁୟାଁ,  
ଅଡେ ସାତାଗାଟା ବାଂଗାରା ଦୀଞ୍ଚି ସ୍‌ଡାୟାଁ ସାତାଗାଟା କୁଲମିକା ।

**୨** “ଏପିସି କୁଲମିତି ଦୁରୁ ଡାଣା ରାତାମୁ, ଆମ୍ବାଆସି ଚିଃନି କେୟୁଡା  
ସାତାଗାଟା ହୁକାୟାଁ ଆସାମାନେସି ଅଡେ ସାତାଗାଟା ବାଂଗାରା ଦୀଞ୍ଚି ସ୍‌ଡାୟାଁ  
ମାଦି ରେଜିମାନେସି, **୨** ଏଞ୍ଜାସି ଏଲେଇଞ୍ଜି ମାନେସି, ନୀନୁ କିହାମାନି କାମା  
ନୀନୁ ପୁଞ୍ଜାମାଈଁ, ନୀନୁ ଏନିକିଁ ଖାହୁତଲେ କାମା କିହିମାଞ୍ଜି, ଅଡେ ଏରେକା  
ଅର୍ହିମାଞ୍ଜି ଏଦାଆଁ ପୁଞ୍ଜାମାଈଁ, ନୀନୁ ଲାଗେଏ ପଲେଏ କାମା କିନାରାଈଁ

ଅପିହିଲଅତି, ଅଡ଼େ ପାଣୁଞ୍ଚି ଆଆନା ମାମୁ ପାଣୁଞ୍ଚି ଆହାମାନମି ଇଞ୍ଚି ଖେସା  
 କଡ଼ିନେରି, ନାନୁ ତାୟିପାରି କିହାଁ ଏଞ୍ଚାରି ମିତି କାତା ଖେହନାରି ଇଞ୍ଚି ପୁଞ୍ଚିମାଞ୍ଚି  
 । ୩ ନା ଦରୁ ତାକି ଦୁକୁ କସ୍ତୁ ଅରହିମାଞ୍ଚି ଇଞ୍ଚି ଖାହାହିଲଅତି ଇଦାଆଁ  
 ଜିକେଏ ନାନୁ ପୁଞ୍ଚିମାଞ୍ଚି । ୪ ଆତିହିଁ ଜିକେଏ ନୀ କପାଟି ନା ଇ କାତା  
 ମାନେ, ତଲି ଜୀଞ୍ଚୁନହିଁ ମାଞ୍ଚିତଲେହେଁ ନୀଏଁ ଜୀଞ୍ଚୁନହିଁ ମାଞ୍ଚିଅତି । ୫ ଅଡ଼େ  
 ନାନୁ ଏନିକିଁ ତଲ ତରଗା ମାଞ୍ଚି ଏଦାଆଁ ଅଶ୍ୱାପାନା ନୀ ପାପୁ ପିସାହାଁ ମନ  
 ଖେଟ୍ମୁ ଅଡ଼େ ତଲିତଲେହେଁ ସାତା କାମା କିମ୍ପୁ ଆଆତି ଏଚେତା ନାନୁ ହିୟାଁ  
 ଖେଟ୍ଅତି, ନାନୁ ନୀ ତାଣା ତବେ ଖାହାନା ନୀ ଦୀଞ୍ଚି ନୀ ତାଣାଟି ଏଟ୍‌କା  
 ରୁତିକିୟାଞ୍ଚି । ୬ ଆତିଜିକେଏ ନୀ ତାଣା ର ନେହିଁ ଗୁଣୁ ମାନେ ନାନୁ ଏନିକିଁ  
 ନିକଲାଇତାରି ବାରେ କାମା ଅପିହିଲଅତି ଏଲେକିଁ ନାନୁଞ୍ଚା ଅପିହିଲଅତି ।” ୭  
 “କୁଲମିକାଣି ସୁଦୁଜୀଞ୍ଚୁ ଏନାଆଁ ଖେସିମାନେ ଆମ୍ବାଆରି କୀର୍କା ମାନୁ ଏଦାଆଁ  
 ଖେଶ୍‌ମ୍ବାସି । ଆମ୍ବାଆସି ଜୀଣା ଆନେସି, ଏଞ୍ଚାଣାଞ୍ଚି ନାନୁ ମାହାପୁରୁ ରାଜିତା  
 ମାନି ଜୀଞ୍ଚୁଗାଟି ମାନ୍‌ରୁତି ପାଡ଼େୟି ତିଞ୍ଚୁଲି ହାଞ୍ଚି ।” ୮ “ସୁର୍ନା କୁଲମିତି  
 ଦୁରୁ ତାଣା ରାତାମ୍ପୁ, ଆମ୍ବାଆସି ତଲିତାସି ଅଡ଼େ ତାୟୁତାସି, ଆମ୍ବାଆସି  
 ହାହାମାଚେସି ଅଡ଼େ ଖେଣ୍ଡେ ନୀତିଚେସି, ଏଞ୍ଚାସି ଏଲେଇଞ୍ଚି ମାନେସି । ୯  
 ନାନୁ ନୀ ବାରେ କସ୍ତୁ ଅଡ଼େ ହାକି କାକୁଲି ପୁଞ୍ଚିମାଞ୍ଚି, ସାମା ନାନୁ ବାଦ୍‌କୁ  
 ଗାଟାଟି ଅଡ଼େ ଆମ୍ବାଆରି ଜୀହୁଦି ଲକୁ ଆଆନା ମାମୁ ଜୀହୁଦି ଲକୁତମି ଇଞ୍ଚି  
 ଇନେରି, ଏଞ୍ଚାରି ସୟତାନ ଗତିତାରି ଏଞ୍ଚାରି ନିନ୍ଦା ଜିକେଏ ନାନୁ ପୁଞ୍ଚିମାଞ୍ଚି ।  
 ୧୦ ମୀରୁ ଏମିନି ଦୁକୁ ବେଟାଆହାଲି ହାଜି ମାଞ୍ଚେରି, ଏ ବାରେ ଆଜାଆଦୁ:  
 ମେହ୍‌ଦୁ ମିଢ୍ଢେ ତାୟିପାରି କିହାଲି ସୟତାନ ମୀ ବିତ୍ରାଟି ଆମ୍ବା ଆମ୍ବାଆରାଞ୍ଚି  
 କାୟିଦିତା ଇତିନେ, ଅଡ଼େ ମୀରୁ ଦସ ଦିନା କସ୍ତୁ ବେଟାଆଦେରି । ମୀରୁ  
 ହାନି ପାଚେକା ନାମୁତଲେ ମାଞ୍ଚି ଆତିହିଁ ନାନୁ ମିଢ୍ଢେ ଜୀଞ୍ଚୁତି ଚପେରି  
 ହିୟାଞ୍ଚି ।” ୧୧ “କୁଲମିତି ସୁଦୁଜୀଞ୍ଚୁ ଏନାଆଁ ଖେସିମାନେ, ଖେଞ୍ଚୁଲି କୀର୍କା  
 ମାତିସାରେ ଖେଶ୍‌ମ୍ବାସି, ଆମ୍ବାଆସି ଜୀଣା ଆନେସି ଏଞ୍ଚାଣାଞ୍ଚି ଅର ଦେବାତି  
 ହାକି ତଲେ ନସ୍ତୁ କିହାଲି ଆଡେଏ ।” ୧୨ “ପର୍ଗମ କୁଲମିତି ଦୁରୁ ତାଣା  
 ରାତାମ୍ପୁ, ଆମିନି ଗାଟାଣି ତାଣା ରିକଞ୍ଚାକି ଦାରା ଗାଟି କାଣ୍ଡା ମାନେ ଏଞ୍ଚାସି  
 ଏଲେଇଞ୍ଚି ମାନେସି । ୧୩ ଆମିନି ତାଣା ସୟତାନତି ସିଂଗାସାଣି, ଏମ୍ବାଆଁ  
 ନାନୁ ବାସା କିହିମାଞ୍ଚି, ଇଦାଆଁ ନାନୁ ପୁଞ୍ଚିମାଞ୍ଚି, ଆତିହିଁ ଜିକେଏ ନାନୁ ନା  
 ଦରୁତି ଆଟ୍‌ଞ୍ଚା ତଲେ ଆସାମାଞ୍ଚି, ଅଡ଼େ ନା ସାକି ଆନ୍ତିପା ଏତିବେଲା ମୀ

ତାଣା ସୟତାନତି ବାସା ଚାୟୁତା ପାୟୁଞ୍ଜି ଆହାମାଚେସି, ମୀରୁ ନା ତାଣା ନାମାମାନାକି ଏଚିବେଲୀତା ଜିକେଏ ନାଢ଼େ ପୁଞ୍ଜାହିଲଅଁ ଇଞ୍ଜାଆତି । ୧୪ ଆତିଜିକେଏ ନୀ କପାଟି ର କାତା ମାନେ, ଇଚିହିଁ ଆମିନି ବିଲିୟମ ଚେଶକା ବମାୟୁକି ଡାକାମାନି ବଗୁ ତିନି ତାଣାଟି ପାପୁ ଅଡ଼େ ଦାରିକାମା କିଞ୍ଜିକିନି ପାନ୍ତୁ ମେଡ଼ହାଲି ଇସ୍ତାୟେଲ ମୀରୁକା ବାଲୀକଇଁ ଜାପୁହା ମାଚେସି, ଏଲେତି କାମା କିନି ଲକୁ ମୀ ବିତ୍ରାଟି ଏଚରଜାଣା ତାକିନାରି ମାନେରି । ୧୫ ଏଲେକିହିଁଏ ନିକଲୀୟ ଜାପୁନାଣି ଆସାମାନି ଲକୁ ମୀ ବିତ୍ରା ମାନେରି । ୧୬ ଏଦାଆଁତାକି ମୀ ପାପୁ ପିସାମା ହିୟାଁ ଖେଟ୍‌ଦୁ ଆଆତିଁ ନାନୁ ମୀ ତାଣା ତବେ ଖାହାନା ନା ରୁତିଟି ହୁନି କାଣ୍ଡାତଲେ ଏଖାରି କପାଟି ଜୁଜୁ କିଇଁ ।” ୧୭ “କୁଲମିକାଣି ସୁଦୁଜୀଞ୍ଜୁ ଏନାଆଁ ଖେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଖେଶ୍‌ମାସି । ଆମ୍ବାଆସି ଜୀଣା ଆନେସି ଏଖାଣାକି ଦୁଗାମାନି ମାନା ତିଞ୍ଜାଲି ହୀଇଁ ଅଡ଼େ ଏଖାରି ବିତ୍ରାଟି ବାରେଜାଣାଟି ପୁଞ୍ଜିନି ଦରୁ ରାସ୍‌କି ଆହାମାନି ର ଦବ୍‌ଲା ଖାଲି ହୀଇଁ, ଏ ପୁଞ୍ଜିନି ଦରୁ ଏନାୟି ଖାଲି ଆନାଣି ପିସ୍‌ପେ ଆମ୍ବାଆସି ପୁନଅସି ।” ୧୮ “ତୁୟାତିରା କୁଲମିତି ଦୁତୁ ତାଣା ଇଲେଇଞ୍ଜି ରାତାମ୍ବା ମାହାପୁରୁ ଆମିନି ମୀରୁଏଣା କାଶକା ଡ଼ାଞ୍ଜିମାନି ହିରୁ ଲେହେଁ ଇଞ୍ଜାଁ ପାଞ୍ଜାଆନା କତାୟାଁ ମୁସିମାନି ପିତାଡ଼ା ଲେହେଁ ଏଖାସି ଏଦାଆଁ ଏଲେଇଞ୍ଜି ମାନେସି । ୧୯ ନାନୁ ନୀ କାମା, ଜୀଞ୍ଜୁ ନନାଣି, ନାମୁତଲେ ସେବା କିନାଣି, ଅରୁହିନାଣି ପୁଞ୍ଜାମାଇଁ, ଅଡ଼େ ନୀ ତଲିତି କାମା କିହାଁ ନୀଏଁ ହାରେକା ଗାତି କାମା କିହିମାଞ୍ଜି, ଇଦାଆଁ ଜିକେଏ ପୁଞ୍ଜାମାଇଁ । ୨୦ ଆତିଜିକେଏ ନୀ କପାଟି ର ଇଚି କାତା ମାନେ, ଜିଜେବଲ୍ ଦରୁଗାଟି ଆମିନି ଇୟା ଜାହାରାଇଁ ମାହାପୁରୁ ଅଶ୍‌ପୁତି ବଲୁ ଖେକ୍‌ନାଚେଏଁ ଇଞ୍ଜିଁ ଖେସାକତାନା, ନା ସେବା କିନାରାଇଁ ଦାରିକାମା ଅଡ଼େ ଚେଶକା ବମାୟୁକି ଡାକାମାନି ବଗୁ ତିଞ୍ଜାଲି ଜାପୁହାନା ଲାଗେଏ କିଞ୍ଜି କିହାମାନେ, ମୀରୁ ଏଦାଣି ଅରୁହି ମାଞ୍ଜେରି । ୨୧ ନାନୁ ଏଦାନାକି ତାନି ପାପୁ କାମା ପିସାମା ମନ ଖେଟ୍‌ହାଲି ହୀତି ଜିକେଏ, ତାନି ଦାରିକାମା ପିସାଲି ମନ କିଆଚେ । ୨୨ ଇଦାଆଁତାକି ନାନୁ ଏଦାନି ମାତୁ ହୁଞ୍ଜିକିଇଁ, ଅଡ଼େ ଆମିନି ଗାଟାରି ଏଦାନିତଲେ ଦାରିକାମା କିନେରି, ଏଖାରି ତାନି ପାପୁ କାମାଟି ହିୟାଁ ଖେଟ୍‌ଆତିଁ ନାନୁ ଏଖାରାଇଁ ଆଜିହୁପେତି ସାସି ହୀଇଁ । ୨୩ ଅଡ଼େ ନାନୁ ତାନି ମୀରୁକା ମାସ୍‌କାଇଁ ହାକି ତଲେ ନାସାକିଇଁ, ଏଚେଟିଏ ନାନୁ ବାରେ ଲକୁତି ହିୟାଁ ଅଡ଼େ ମନତି ଅଶ୍‌ପୁତି ପୁନାଚେଏଁ, ଅଡ଼େ ବାରେଜାଣାକି ତାନି

କାମାତି ପାଦେୟି ହୀନାତେଏଁ ଇଚ୍ଛା ବାରେ କୁଲମିକା ପୁଞ୍ଜାନୁ ।” ୨୪ “ସାମା  
 ମୀରୁ ତୁୟାତିରାତି ଏଚରଜାଣା ମାନାତେରି ଏ ଲାଗେଏତି ଜାପ୍ନାଣି ଆସା  
 ହିଲଅତେରି, ଇଚ୍ଛା ଏଟ୍‌କାତାରି ଏନାଆଁ ସୟତାନତି ତୁଗାମାନି କାତା ଇଚ୍ଛା  
 ଇନେରି, ଏଦାଆଁ ମୀରୁ ଜାପାହିଲଅତେରି, ନାନୁ ଏଞ୍ଜାରି ଲାକ ଏନି ପୁଃନି  
 ବଜୁ ହାଆଁ । ୨୫ ଇତିହଁ ମୀ ତାଣା ଏନାୟି ମାନେ ଏଦାଆଁ ନା ଝାନି ଦିନା  
 ପାତେକା ତୀରିତଲେ ଆସାମାଞ୍ଜୁ ।” ୨୬ ଆମ୍ବାଆସି ଜାଣା ଆନେସି, ଅଡେ  
 ତାୟୁ ପାତେକା ନା କାମା କିନେସି, ନାନୁ ଏନିକିହଁ ନା ଆବା ତାଣାତି ଅଦିକାରା  
 ବେଟାଆହାମାଞ୍ଜୁ, ଏଲେକିହଁଏ ଏଞ୍ଜାଣାକି ଏ ଦେସାତି ଅଦିକାରା ହାଞ୍ଜୁ । ୨୭  
 ଏଞ୍ଜାସି ବାରେ କୃତାତି ଲକୁଣି ଲହ ବାଡ଼୍‌ଗା ତଲେ ସାଲଞ୍ଜି କିନେସି ଅଡେ  
 ଇର୍ଥା ତକାୟାଁ ଲେହେଁ କୁତୁକୁଟା କିନେସି । ୨୮ ଅଡେ ନାନୁ ଏଞ୍ଜାରାକି  
 ଝେୟାଜାରା ହୁକା ଜିକେଏ ହାଞ୍ଜୁ । ୨୯ “କୁଲମିକାଣି ସୁଦୁଜୀଞ୍ଜୁ ଏନାଆଁ  
 ଝେସିମାନେ ଆମ୍ବାଆରାକି କୀର୍କା ମାନୁ ଏଦାଆଁ ଝେଶ୍‌ମ୍ବାସି ।”

**୩** “ସାଦି କୁଲମିତି ଦୁତୁ ତାଣା ରାତାମ୍ବା, ଆମ୍ବାଆସି ମାହାପୁରୁତି ସାତାଗଟା  
 ଜୀଞ୍ଜୁୟାଁ ଅଡେ ସାତାଗଟା ହୁକାୟାଁ ଆସାମାନେସି ଏଞ୍ଜାସି ଏଲେଇଚ୍ଛା ମାନେସି,  
 ନାନୁ ମୀ କାମା ବାରେ ପୁଞ୍ଜାମାଞ୍ଜୁ ମୀରୁ ଦରୁ ତାକି ଜୀଞ୍ଜୁ ଗାଟାତେରି, ସାମା  
 ସାତା ତଲେ ହାତାତେରି । ୧ ଜାଗ୍ରାତା ଆଦୁ ଅଡେ ମୀ ତାଣା ଏନାୟି ମାନେ ଏ  
 ବାରେ ତୁଗିନି ନକେଏ ଏଞ୍ଜାଆଁ ବାଡ଼୍‌ୟୁ କିଦୁ ଇତିହଁ ନାନୁ ମୀ ବାରେ କାମା ନା  
 ମାହାପୁରୁ ନକିତା ଦହ ହିଲାଆଗାଟାୟି ତଞ୍ଜା ଆହା ହିଲେଏ । ୩ ଏଦାଆଁତାକି  
 ମୀରୁ ଏନିକିଁ ଜାପାମାଞ୍ଜେରି ଅଡେ ଝେଞ୍ଜାମାଞ୍ଜୁ ଏଦାଣି ଅଶ୍‌ପାନା ମାନଞ୍ଜି ଆଦୁ  
 ଇଚ୍ଛା ପାପୁଟି ହିୟାଁ ଝେଟ୍‌ଦୁ: ମୀରୁ ଜାଗ୍ରାତା ଆଆତିହଁ ନାନୁ ସରୁଲେହେଁ ମୀ  
 ତାଣା ଝାଞ୍ଜୁ, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆତଅତେରି । ୪ ସାମା  
 ସାଦିତା ମୀ ବିତ୍ରା ଏଚରଜାଣା ମାନେରି, ଏଞ୍ଜାରି ତାମି ହିମ୍ବୁରିକା ମାହିଁ କିହଁ  
 ହିଲଅରି, ଏଞ୍ଜାରି ଅପ୍‌ନି ହିମ୍ବୁରିକା ହୁତାନା ନା ତଲେ ତାକିନେରି, ଏନାଆଁତାକି  
 ଇତିହଁ ଏଞ୍ଜାରି ପାଡ଼ା ଆତାରି । ୫ ଆମ୍ବାଆରି ଜାଣା ଆନେରି ଏଞ୍ଜାରି ଏଲେତି  
 ଅପ୍‌ନି ହିମ୍ବୁରିକା ହୁରିନେରି, ଅଡେ ନାନୁ ଏଞ୍ଜାରି ଦରୁ ଜୀଞ୍ଜୁଗାଟି ପତିତି  
 ଏରେଲାଞ୍ଜା ମ୍ବେକ୍‌ଅଁ, ଇଚ୍ଛା ନାନୁ ନା ଆବା ଅଡେ ତାନି ଦୁତୁୟାଁ ନକିତା  
 ନା ତଲେତାରି ଇଚ୍ଛାହଁ ଏଞ୍ଜାରି ଦରୁ ଝେକ୍‌ଞ୍ଜୁ ।” ୬ “କୁଲମିକାଣି ସୁଦୁଜୀଞ୍ଜୁ  
 ଏନାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଶ୍‌ମ୍ବାସି ।” ୭  
 “ପିଲାଦେଲ୍‌ପିୟା କୁଲମିତି ଦୁତୁ ତାଣା ରାତାମ୍ବା, ଆମ୍ବାଆସି ସୁଦୁଗାଟାସି

ଅଡ଼େ ସାତାତାସି ଆମିନିଗାଟାଣି କେୟୁତା ଦାସୁଦତି କୁଟିକାଡ଼ି ମାନେ, ଏଞ୍ଜାସି  
 ଦାରା ଦେତିସାରେ ଆମ୍ବାଆସି ସୁଣ୍ଡାଲି ଆଡ଼ଅସି, ଅଡ଼େ ଦାରା ସୁଣ୍ଡିସାରେ  
 ଆମ୍ବାଆସି ଦେତାଲି ଆଡ଼ଅସି, ୮ ଏଞ୍ଜାସି ଏଲେଇଞ୍ଜି ମାନେସି ନାନୁ ମୀ  
 କାମା ପୁଞ୍ଜାମାଲ୍, ସିନିକିଦୁ ନାନୁ ମୀ ନକିତା ର ଦାରା ଦେତାମାଲ୍, ଏଦାଆଁ  
 ଆମ୍ବାଆସି ସୁଣ୍ଡାଲି ଆଡ଼ଅସି, ଇତିହ୍ ମୀ ବାଡ଼ୟୁ ଉଣା ମାତି ଜିକେଏ ନା  
 ଜାପ୍ନାଣି ମୀରୁ ମାନଞ୍ଜି ଆହାମାଞ୍ଜେରି, ଇଞ୍ଜି ନା ଦରୁ ଏତେଲା ପୁଞ୍ଜାହିଲଅମି  
 ଇଞ୍ଜି ଇଞ୍ଜାହିଲଅତେରି । ୯ ମେହ୍ଦୁ ଆମ୍ବାଆରି ଜୀହୁଦି ଲକୁ ଆଏ, ସାମା  
 ମିଚି ତଲେ ଜୀହୁଦି ଲକୁତମି ଇଞ୍ଜି ଇଞ୍ଜିମାନେରି ଇଲେତି ସୟତାନ ଗତିତି  
 ଲକୁଣି ନାନୁ ମୀ କତାଣା ଜହରା କିଞ୍ଜି କିୟାଲ୍, ଇଞ୍ଜି ନାନୁ ମିଢ୍ଢେ ଜୀଞ୍ଜୁନହ୍  
 ମାଞ୍ଜାଲ୍ ଇଞ୍ଜି ଏଞ୍ଜାରି ପୁଞ୍ଜାଲି ଆଡ଼ନେରି । ୧୦ ନା ହୁକୁମି ଲେହେଁ ସାସା  
 ଆସାମା ମାଞ୍ଜେରି, ଇଦାଆଁତାକି ଦାରୁତି ଲକୁଣି ତାୟିପାରି କିହାଲି ବାରେ  
 ଦାରୁତିଆମିନି ତାୟିପାରି କିନି ଦିନା ଖାନେ, ଏମ୍ବାଟି ନାନୁ ଜିକେଏ ମିଢ୍ଢେ  
 ଗେଲ୍ପାଲ୍ । ୧୧ ନାନୁ ତବେ ଖାହିମାଲ୍ ମୀ ଜୀଣାଆଡ଼ି ଟପେରି ଏନିକି  
 ଆମ୍ବାଆସି ମାଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ  
 ତାଂଟା ତଲେ ଆସାଁ ଦୟାଦୁ । ୧୨ ଆମ୍ବାଆସି ଜୀଣା ଆନେସି ନାନୁ ଏଞ୍ଜାଣାଲ୍  
 ନା ମାହାପୁରୁ ଇଲୁତି ମୁଣ୍ଡାଲେହେଁ କିଲ୍, ଏଞ୍ଜାସି ଏମ୍ବାଟି ପାଢ୍ଢାତା ହାଲଅସି,  
 ନାନୁ ନା ମାହାପୁରୁତି ଦରୁ ଅଡ଼େ ଲାକପୁରୁତି ଖାହାମାନି ପୁଞ୍ଜି ଜିରୁସାଲମ  
 ମା ମାହାପୁରୁତି ଗାଡ଼ାତି ଦରୁ ଇଞ୍ଜି ନା ପୁଞ୍ଜି ଦରୁ ତାନି ଲାକ ରାତିଲ୍ ।”  
 ୧୩ “କୁଲମିକାଣି ସୁଦୁଜୀଞ୍ଜୁ ଏନାଆଁ ଖେସିମାନେସି, ଆମ୍ବାଆରି କାର୍କା ମାନୁ  
 ଏଦାଆଁ ଖେଶ୍ମାସି ।” ୧୪ “ଲାଞ୍ଜୁଦିକିୟା କୁଲମିତି ଦୁରୁ ତାଣା ରାତାମୁ,  
 ଆମ୍ବାଆସି ସାତା ଇଞ୍ଜି ନାମୁଗାଟାସି ଅଡ଼େ ସାତା ସାକି ହାନେସି, ଅଡ଼େ  
 ଆମ୍ବାଆସି ମାହାପୁରୁ ଗାଡ଼ିକିତାଣି ମୁଲୁଏ ଗାଡ଼ିକିତାସି ଏଞ୍ଜାସି ଏଲେଇଞ୍ଜି  
 ମାନେସି । ୧୫ ନାନୁ ମୀ କାମା ପୁଞ୍ଜାମାଲ୍, ମୀରୁ ହିଡ଼ି ଆଏ କି ଉସମି  
 ଜିକେଏ ଆଏ, ମୀରୁ ହିଡ଼ି କି ଉସମି ଆହାମାଟି ନେହ୍ ଆତେମା । ୧୬ ସାମା  
 ମୀରୁ ହିଡ଼ି କି ଉସମି ଆଆନା କାଞ୍ଜି ଆହାମାନାକି ନାନୁ ମିଢ୍ଢେ ନା ଗୁତିତି  
 ହୁପାଲି ହାଜିମାଲ୍ । ୧୭ ନାନୁ ଏଲେ ଇଞ୍ଜିମାଞ୍ଜି, ‘ନାନୁ ବାଡ଼କୁ ଗାଟାତେଏଁ  
 ନାଢ୍ଢେ ହାରେକା ଦନ ମାନେ; ନାଢ୍ଢେ ଏନାୟି ଲଡ଼ା ହିଲେଏ ।’ ସାମା ନାନୁ  
 କାର୍ମା କାକୁଲି ଗାଟାତି ଅଡ଼େ ସାୟେମି ହିଲାଆଗାଟାତି, ହାକି ଗାଟାତି, କାଣା  
 ଅଡ଼େ ନାଗଡ଼ା ଗାଟାତି, ଇଦାଆଁ ପୁଞ୍ଜାହିଲଅତି; ୧୮ ଇଦାଆଁତାକି ନାନୁ ନିଢ୍ଢେ



ଇ କାତା ଖେସିମାଞ୍ଜୁଇଁ ନୀନୁ ବାଦକୁ ଗାଟାଟି ଆହାଲିତାକି ହିରୁତା ହୁଡିତି ବାଂଗାରା ଅଡେ ନୀ ନାଗଡ଼ାତି ଲାଜା ଏନିକିହିଁ ଡଞ୍ଜୁ ଆଏ ଇଦାଆଁତାକି ହୁଚାଲି ଦବ୍‌ଲା ହିମ୍ବରି ଇଞ୍ଜିଁ କାଶ୍‌କା ମେସାଲି ତାକି କାଶ୍‌କାଣିଁ ରୁବାକଡିନାଣି ନା ତାଣାଟି କତାମୁ । ୧୯ ନାନୁ ଏଚେକା ଲକୁଣି ଜୀଝୁ ନଇଁ ଏଞ୍ଜାରାଇଁ ଦାକା ଅଡେ ତଣ୍ଡୁ ହାଇଁ ଏଦାଣିତାକି ରାହାଁ ଆହାଁ ମନ ଖେଟ୍‌ହା କତାମୁ । ୨୦ ମେହ୍‌ମୁ ନାନୁ ଦୁଖେରି ତାକିତା ନିଚାନା ଦାରା ଖେଚିମାଇଁ ଆମ୍ବାଆସି ନା ଗିୟାଁ ଖେଞ୍ଜାନା ଦାରା ଦେନେସି ଆତିଁ ନାନୁ ବିତ୍ରା ହତାନା ତାନି ତାଣା ହାଇଁ ଅଡେ ନାନୁ ଏଞ୍ଜାଣିତଲେ ରାନ୍ତା ତିଇଁ ଅଡେ ଏଞ୍ଜାସି ନା ତଲେ ରାନ୍ତା ତିନେସି । ୨୧ ନାନୁ ଏନିକିହିଁ ଜୀଣାଆହାନା ନା ଆବା ତଲେ ସିଂଗାସାଣିତା କୁଗାମାଇଁ ଏଲେକିହିଁଏ ଆମ୍ବାଆସି ଜୀଣା ଆନେସି ନାନୁ ଏଞ୍ଜାଣାଇଁ ନା ତଲେ ନା ସିଂଗାସାଣିତା କୁଗାଲି ହାଇଁ ।” ୨୨ “ସୁଦୁଜୀଝୁ କୁଲମିକାଣି ଏନାଆଁ ଖେସିମାନେ, ଆମ୍ବାଆରି କୀର୍କା ମାନୁ ଏଦାଆଁ ଖେଶ୍‌ମ୍ବାସି ।”

**୪** ଏଚେଟିଏ ନାନୁ ମେସ୍‌ସେସ୍, ମେହ୍‌ଦୁ ଲାକପୁରୁଟି ର ଦାରା ଦେପିଆହାମାନେ; ଅଡେ ତୀତ୍ରି ମହ୍‌ରି ହାତାଲେହେଁ ନା ତଲେ ନକେଏ ଜଲିମାଚାଣି ଖେଞ୍ଜା ମାଚେସ୍, ଏଦି ଏଲେଇଞ୍ଜାତେ “ଇମ୍ବାଆଁ ନିଞ୍ଜା ଖାମ୍ବୁ, ଏନାୟି ଇଦାଆଁ ତାୟୁ ଗଚ୍‌ଝି ଆନେ ଏ ବାରେ ନିଞ୍ଜେ ନାନୁ ତସ୍ତାଇଁ ।” ୨ ଏ ଦେବୁଣିଏ ସୁଦୁଜୀଝୁ ନାଞ୍ଜେ ଲକହାତେ, ମେହ୍‌ଦୁ ଲାକପୁରୁ ର ସିଂଗାସାଣି ମାଚେ, ଇଞ୍ଜିଁ ସିଂଗାସାଣି ଲାକ ରଅସି କୁଗାମାନେସି । ୩ କୁଗାମାନାଣି ଖାଣା ହୀରା ଅଡେ ମାଣିକ୍ୟ ଇନି ଦାରାଗାଟି ଖାଲି ଲେହେଁ, ଅଡେ ସିଂଗାସାଣିତି ମରକତ ଇନି ଦାରା ଗାଟି ଖାଲକା ଲେହେଁ ସାରିସୁରୁ ର ଦାର୍‌ଶକି ଗୁରୁତାମାଚେ । ୪ ଅଡେ ସିଂଗାସାଣି ସାରିସୁରୁ କଡେ ସାରିଗଟା ସିଂଗାସାଣି ମାନୁ, ଅଡେ ସିଂଗାସାଣିୟାଁ ଲାକ କଡେ ସାରି ଜାଣା ପ୍ରାତିନାଞ୍ଜା କୁଗାମାନେରି, ଏଞ୍ଜାରି ଦବ୍‌ଲା ହିମ୍ବରିକା ହୁଚାମାନେରି ଇଞ୍ଜିଁ ଏଞ୍ଜାରି ତାୟୁତା ବାଂଗାରା ଟପେରି । ୫ ସିଂଗାସାଣିଟି ବିଲିବାଲା ମୁହ୍‌ନାୟି ଅଡେ ହାଗୁ ଗୁଣ୍‌ନି ହାତା ହତେ, ଅଡେ ସିଂଗାସାଣି ନକିତା ହିରୁଗାଟି ସାତାଗଟା ଦୀଝିୟାଁ ଡୀଞ୍ଜିମାରୁ, ଇ ସାତାଗଟା ହିରୁ ବନ୍ଧାୟାଁ ମାହାପୁରୁଟି ସୁଦୁଜୀଝୁୟାଁ ୬ ସିଂଗାସାଣି ନକିତା ଦାପେଣିଲେହେଁ ର ନେହିଁ ସାମ୍‌ଦୁରି ଡଞ୍ଜୁଆହିମାଚେ, ସିଂଗାସାଣି ସାରିସୁରୁଟି ମାଦିଏ ସାରିଗଟା ଜନ୍ତୁ ଜିଝେଡିକା, ଏଞ୍ଜାସିକା ନକିତା ଅଡେ ଡାୟୁତା କାଶ୍‌କା ମାରୁ । ୭ ନକିତି ଜନ୍ତୁ ସିହିଁ କାଃଆନି ଲେହେଁ, ଅଡେ ରୀ ଲମ୍ବର ଜନ୍ତୁ ବାଚା କଡି ଲେହେଁ, ତାନି ଲମ୍ବର ଜନ୍ତୁଟି

ମୁମ୍ମୁ ମାଣ୍ଡିତି ମୁମ୍ମୁ ଲେହେଁ, ଅଡ଼େ ସାରି ଲମ୍ବର ଜନ୍ତୁ ଲାକ ଉମ୍ବିମାନି ଲେହୁ  
 ଲେହେଁ ଡ଼ଞ୍ଜାଆହିମାତେ । ୮ ବାରେ ଜନ୍ତୁୟ୍‌କି ସ ଗଟା ମାରାୟ୍‌ ଏ ମାରାୟ୍‌  
 ବିତ୍ରା ଅଡ଼େ ପାଞ୍ଜୁତା କାଣ୍‌କା ମାନୁ ଏଞ୍ଜି ଲାଆଁ ମାଦେନା ଜମାଆନା ଏଲେଇଞ୍ଜି  
 ମାନୁ । “ସୁଦୁ ସୁଦୁ ସୁଦୁ, ବାରେ ବାଡ଼୍‌ୟୁଗାଟି ମାହାପୁରୁ ଆମ୍ବାଆସି ତଲିଏ  
 ମାତେସି ନୀଏଁ ମାନେସି ଅଡ଼େ କାଲେଏ ମାନେସି, ଏ ପ୍ରବୁ ।” ୯ ଜନ୍ତୁୟ୍‌  
 ଏଚିବେଲା ଏ ସିଂଗାସାଣିତା କୁଗାମାନି କାଲାକାଲାତି ଜୀଞ୍ଜୁଗାଟି ମାଣ୍ଡିଇଁ  
 ଗାଞ୍ଜୁରମି ସାମ୍ବମି ଅଡ଼େ ଜହରା କିନେରି । (aiōn g165) ୧୦ ଏଚିବେଲା କଡ଼େ  
 ସାରି ଜାଣା ପ୍ରାତିନାଞ୍ଜୁ ସିଂଗାସାଣିତା କୁଗାମାନି ମାଣ୍ଡିଇଁ ମେଣ୍ଡାକୁତାନା  
 କାଲେଏ ନୀତାମାନି ମାଣ୍ଡିଇଁ ଜହରା କିତେରି, ଇଞ୍ଜି ସିଂଗାସାଣି ନକିତା  
 ତାମି ଟପେରିକା ଇଟାନା ଏଲେଇଚେରି । (aiōn g165) ୧୧ ମା ପ୍ରବୁ ଅଡ଼େ  
 ମାହାପୁରୁ । ନାନୁ ଗାଞ୍ଜୁରମି ସାମ୍ବମି ଅଡ଼େ ବାଡ଼୍‌ୟୁ ବେଟାଆହାଲି ଜଗେ  
 ଗାଟାଟି । ଏନାଆଁତାକି ଇଚିହିଁ ନାନୁ ବାରେ ଗାଡ଼ିକିହା ମାଞ୍ଜି । ଅଡ଼େ ନୀ  
 ଅଣ୍ଡୁ ତଲେ ବାରେ ଗାଡ଼ି ଆହାମାନୁ, ଅଡ଼େ ଜୀଞ୍ଜୁତଲେ ନୀତାମାନୁ ।

**୫** ନାନୁ ସିଂଗାସାଣିତା କୁଗାମାନାଣି ଚିଃନି କେୟୁତା ର ପୁଞ୍ଜଇ ପତି ମେସ୍‌ସେସ୍‌,  
 ଏଦି ରିକଞ୍ଜାକି ରାସ୍‌କି ଆହାମାତେ ଇଞ୍ଜି ସାତାଗଟା ସାଲି ଟେସି ଆହାମାତେ  
 । ୨ ଅଡ଼େ ନାନୁ ବାଡ଼୍‌ୟୁ ଗାଟି ର ଲାକପୁରୁତି ଦୁଡୁଇଁ ମେସ୍‌ସେସ୍‌, ଏଞ୍ଜାସି  
 କାଜା ଗିୟ୍‌ତଲେ ଏଲେଇଚେସି, ଆମ୍ବାଆସି ଇ ସାଲି ହୁକ୍‌ହାନା ପତିତି  
 ଦେଚାଲି ପାଡ଼ାଆନେସି । ୩ ସାମା ପତିତି ଦେଚାଲି, ଏମ୍ବାଆଁ ଏନାୟ୍‌ ରାସ୍‌କି  
 ଆହାମାନେ, ସିନିକିହାଲି ଲାକପୁରୁ, ଦାର୍‌ତିତା ଅଡ଼େ ଡାଡ଼େପୁରୁତା ଆମ୍ବାଆସି  
 ସାସା କିଆତେସି । ୪ ଏ ପତିତି ଦେଚାଲି କି ଏଦାଆଁ ସିନିକିହାଲି ଆମ୍ବାଆସି  
 ସାସା କିଆଲିଏ ନାନୁ ହାରେକା ଡାଡ଼େସ୍‌ । ୫ ଏମ୍ବାଟିଏ ପ୍ରାତିନାଞ୍ଜୁ ବିତ୍ରାଟି  
 ରଅସି ନାଞ୍ଜେ ସାସା ହାହାନା ଏଲେଇଞ୍ଜାତେସି, “ଡାଆନି, ସିନିକିମୁ ଜୀହୁଦା  
 ଗତିତି ଦାଞ୍ଜୁଦ କୁଡ଼ାଟି ସିହିଁ ଜୀଣା ଆହାମାନେସି; ଏଞ୍ଜାସି ଇ ପତିତି ସାତାଗଟା  
 ସାଲି ଦେଚାଲି ଅଡ଼େ ଏ ରୁପିତି ପତି ଏକ୍‌ହାଲି ପାଡ଼ା ଆହାମାନେସି ।” ୬  
 ଏଚେଟିଏ ନାନୁ ସିନିକିଚେସ୍‌ ସିଂଗାସାଣି, ଅଡ଼େ ପ୍ରାତିନାଞ୍ଜୁ ମାଦିଏ ସାରିଗଟା  
 ଜନ୍ତୁ ତଲେ ର ମେଣ୍ଡା ଡାଲୁ ନିଚାମାନାଣି ମେସ୍‌ସେସ୍‌, ଏ ମେଣ୍ଡା ଡାଲୁ ପାୟ୍‌ଞ୍ଜି  
 ଆତି ଲେହେଁ ଡ଼ଞ୍ଜାଆହିମାତେ, ଏଦାନାକି ସାତାଗଟା କମ୍‌କା ଅଡ଼େ ସାତାଗଟା  
 କାଣ୍‌କା ମାରୁ, ଏ କାଣ୍‌କା ଦାର୍‌ତିତି ବାରେଞ୍ଜାକି ପାଣ୍ଡୁଞ୍ଜି ଆହାମାଟି ମାହାପୁରୁତି  
 ସାତାଗଟା ସୁଦୁଜୀଞ୍ଜୁୟ୍‌ । ୭ ମେଣ୍ଡା ଡାଲୁ ସିଂଗାସାଣିତା କୁଗାମାନାଣି ତାଗେ

ହାଜାନା ଏଞ୍ଜେଲି ଚିଃନି କେୟୁଟି ଏ ରୁପିତି ପତି ଅତେସି । ୮ ଏ ପତି ଅହାଲିଏ ସାରିଗଟା ଜନ୍ମୁ ଅଡେ କଡେ ସାରି ଜାଣା ପ୍ରାତିନାଡ୍ଡା ଏ ମେଣ୍ଡା ଡାଲୁ ନକିତା ମୁନ୍ନୁ କୁତାହାଁ ଜହରା କିତେରି, ଏ ବାରେଜାଣା ତାକି ର ର ସେରୁଡ୍ଡି ଅଡେ ମାହାପୁରୁ ଲକୁ ପ୍ରାତାନାତି ଦୁପା ଦୁପ୍ପି ନେଞ୍ଜାମାନି ର ବାଂଗାରା ଗିନା ମାତେ । ୯ ଏଞ୍ଜେରି ର ପୁଃନି ପାରୁ ପାତିମାତେରି; “ନୀନୁ ଏ ରୁପିତି ପତି ଅହାଲି ଅଡେ ଏମ୍ପାତି ସୀଲି ଦେଚାଲି ପାଡା ଆନାତି, ନୀନୁ ପାୟିଞ୍ଜିଆହାମାତି, ନୀ ନେତେରିଟି ବାରେ ଗତି, ବାରେ ହାଡା, ଦେସା, ଅଡେ ବାରେ କୁଡାତି ଲକୁଇଁ ମାହାପୁରୁ ତାକି କଡାମାଞ୍ଜି, ୧୦ ନୀନୁ ଏଞ୍ଜେରାଇଁ ରାଜାୟିଁ କୁଡା ଅଡେ ମାହାପୁରୁ ସେବା କିୟାଲି ପୁଜେରାଡ୍ଡା କିହାମାଞ୍ଜି । ଏଞ୍ଜେରି ଦାର୍ତ୍ତିତି ସାଲଞ୍ଜି କିନେରି ।” ୧୧ ଏମ୍ପାତିଏ ନୀନୁ ସିନିକିତେସିଁ, ସିଂଗାସାଣି, ଜନ୍ମୁୟିଁ ଅଡେ ପ୍ରାତିନାଡ୍ଡା ସାରିପୁରୁ ହାରେକା ଦୁଡୁୟିଁତି ହାଡା ଖେଚେସିଁ, ଏଞ୍ଜି ମାଣା ମାଣା ଅଡେ ଲାକେ ଲାକେ ଜାଣା ନିତାମାରୁ । ୧୨ ଏଞ୍ଜି କାଜା ଗିୟିଁତଲେ ପାତିମାରୁ: “ପାୟିଞ୍ଜି ଆହାମାନି ମେଣ୍ଡା ଡାଲୁଦେଁ, କାଜାପାଣା, ଦନ, ରୁଦି, ବପୁ, ସାମ୍ପାମି, ଗାଞ୍ଜୁରମି, ଜହରା ବେଟାଆହାଲି ପାଡାଆନେସି ।” ୧୩ ଅଡେ ନୀନୁ ଲାକପୁରୁ ଦାର୍ତ୍ତି, ତାଡେପୁରୁ ଅଡେ ସାମ୍ପୁରିତା ମାନି ବାରେ ଜୀଞ୍ଜୁ ଗାଟାଇ ଇଞ୍ଜିଁ ଦାର୍ତ୍ତିତା ମାନି ବାରେ ଜୀଞ୍ଜୁ ଗାଟାଇ ପାରୁ ପାତିମାନାଣି ଖେଚେସିଁ । ଏଞ୍ଜି ପାତିମାରୁ: “ସିଂଗାସାଣିତା କୁଗାମାନି ମାଣ୍ଡିଇଁ ଇଞ୍ଜିଁ ତାନି ମେଣ୍ଡା ଡାଲୁଇଁ ଜହରା କିଦୁ: ତାନି ସାମ୍ପାମି, ଗାଞ୍ଜୁରମି ଅଡେ ବାଡ୍ଡୁ କାଲାକାଲାତାୟି ।” (aiton g165) ୧୪ ଏଚେଟିଏ ସାରିଗଟା ଜନ୍ମୁ ପାଲି ଆସାନା ଏଲେଇରୁ, “ଆମେନ୍” ଅଡେ ପ୍ରାତିନାଡ୍ଡା ମୁନ୍ନୁ କୁତାହାଁ ଜହରା କିତେରି ।

୨ ଅଡେ ନୀନୁ ମେଣ୍ଡା ଡାଲୁଇଁ ସାତାଗଟା ସାଲିୟିଁ ବିତ୍ରାଟି ର ଲମ୍ପର ସୀଲି ଦେତାଣି ମେସ୍ତେସିଁ, ଅଡେ ସାରିଗଟା ଜନ୍ମୁ ବିତ୍ରାଟି ର ଜନ୍ମୁ ହାଗୁ ଗୁଣ୍ଡି ହାଡାତଲେ ହାଟିମାଚାଣି ଖେଚେସିଁ “ଞ୍ଜାମୁ!” ୨ ଏମ୍ପାତିଏ ନୀନୁ ସିନିକିତେସିଁ ଅଡେ ର ଦବ୍‌ଲା ଗଡା ଇଞ୍ଜିଁ ତାନି ଲାକ ହଟାମାଚାଣି କେୟୁଡା ର ଆମୁ ଆସାମାତେସି, ଅଡେ ଏଞ୍ଜେଣାକି ର ଟପେରି ହାପ୍‌କିଆତେ, ଅଡେ ଏଞ୍ଜସି ଜାଣା ଆହାଁ ଜାଣା ଆୟାଲି ହଟାହାତେସି । ୩ ମେଣ୍ଡା ଡାଲୁ ଏତିବେଲା ରୀ ଲମ୍ପର ସୀଲି ଦେତେସି, ଏତିବେଲା ଅଡେ ରୀ ଲମ୍ପର ଜନ୍ମୁ ଏଲେଇଚାଣି ଖେଚେସିଁ “ଞ୍ଜାମୁ,” ୪ ଏମ୍ପାତିଏ ଅଡେ ର ଗଡା ହଟା ଖାତେ, ଏଦି ନେତେରି ଖାଣାଗାଟାୟି; ଲକୁ ଏନିକିଁ ତାମୁ ତାମୁ ପାୟିଞ୍ଜି ଆନେରି, ଏଦାଆଁତାକି ଦାର୍ତ୍ତିତି

ହିଡ଼ି ହେକ କିହାଲି ତାନି ଲାକ ହଠାମାନାଣାକି ବାଡ଼୍‌ୟୁ ହୀପ୍‌କିଆତେ ଅଡ଼େ  
 ଏଞ୍ଜାଣାକି କାଜା କାଣ୍ଡା ହୀପ୍‌କିଆତେ । ୫ ମେଣ୍ଡା ଡାଲୁ ଏତିବେଲା ତାନି  
 ଲମ୍ବର ସୀଲି ଦେତେସି, ଏତିବେଲା ତାନି ଲମ୍ବର ଜନ୍ତୁ ଏଲେଇଞ୍ଜିମାନାଣି  
 ଖେଚେଏଁ, “ଝାହାଁ ସିନିକିମୁ” ଏମ୍ପାଟିଏ ନାନୁ ସିନିକିତେଏଁ, ମେହ୍‌ଦୁ ର କାଡ଼ିନି  
 ଗଡ଼ା; ଅଡ଼େ ଏମ୍ପାଆଁ ହଠାମାନାଣି କେୟୁତା ର କେଜି ତୁକ୍‌ନାୟି ମାତେ । ୬  
 ଅଡ଼େ ନାନୁ, ସାରିଗଟା ଜନ୍ତୁଟି ଗୁଡ଼ିଟି ହଡ଼ି ଲେହେଁଟି ର ହାଡ଼ା ଖେଚେଏଁ;  
 “ର ଟାକା ତାକି ର କେଜି ଗହଁ ଅଡ଼େ ତାନି କେଜି କାଞ୍ଜିଆ ଜନାୟି ମେଡ଼ା  
 ଆନୁ ସାମା ମୀରୁ ଜୀତ ମାର୍‌ନୁଡ଼ି ନିୟୁଁ ଅଡ଼େ ଅଢ଼ୁରି ରାସା ନସ୍ତୁ କିଆଦୁ  
 ।” ୭ ମେଣ୍ଡା ଡାଲୁ ଏତିବେଲା ସାରି ଲମ୍ବର ସୀଲି ଦେତେସି, ଇଞ୍ଜି ନାନୁ  
 ସାରି ଲମ୍ବର ଜନ୍ତୁ ଏଲେ ଇଞ୍ଜିମାଚାଣି ଖେଚେଏଁ, “ଝାମ୍ପା!” ୮ ଏମ୍ପାଟିଏ ନାନୁ  
 ସିନିକିତେଏଁ ଦାର୍‌ମୁ ଝାଣାଗାଟି ଗଡ଼ା, ତାନି ଲାକ ହଠାମାଚାଣି ଦରୁ ହାକି,  
 ଏଞ୍ଜାଣି ଜେତ ଜେତ ଦାର୍‌ଡ଼ି ହାଜିମାତେ, ଏଞ୍ଜାରାକି ଦାର୍‌ଡ଼ିଟି ସାରି ବାଗା  
 ବିତ୍ରା ର ବାଗା ମୁହେଁ କାଣ୍ଡା, ହାକି, ରଗ ଅଡ଼େ ଜାଡ଼ାଟି ଜନ୍ତୁ ଜିଞ୍ଜେଡ଼ିକା ତଲେ  
 ପାୟାଲି ବାଡ଼୍‌ୟୁ ହୀପ୍‌କିଆତେ । (Hades ୮86) ୯ ମେଣ୍ଡା ଡାଲୁ ଏତିବେଲା  
 ପାସା ଲମ୍ବର ସୀଲି ଦେତେସି, ଏତିବେଲା ଆମିନି ଲକୁ ମାହାପୁରୁଡ଼ି ବଲୁ  
 ତାକି ଅଡ଼େ ଏଞ୍ଜାରାକି ହୀପ୍‌କି ଆହାମାନି ସାକି ତାକି ହାହାମାଚେରି, ଏଞ୍ଜାରି  
 ଜୀଞ୍ଜୁୟି ନାନୁ ପୂଜାପିଣ୍ଡା ଡ଼ଇ ମେସ୍ତେଏଁ । ୧୦ ଏଞ୍ଜାରି କାଜା ଗିୟିତଲେ  
 ହାଟିହଁ ଏଲେ ଇଞ୍ଜିମାଚେରି, “ସୁଦୁ ଅଡ଼େ ସାତା ପ୍ରବୁ, ନାନୁ ଏତରଦିନା  
 ପାତେକା ଦାର୍‌ଡ଼ିଟି ଲକୁଇଁ ନୀହାୟି କିଆନା ମାଢ଼େ ପାୟାଲି ତାକି ଏଞ୍ଜାରାକି  
 ଡ଼ଣୁ ହୀଆନା ପିହ୍‌ଦି?” ୧୧ ଏତେଟିଏ ଏ ବାରେଜାଣା ତାକି ଦବ୍‌ଲା ହିମ୍ପରିକା  
 ହୀପ୍‌କିଆତେ, ଇଞ୍ଜି ଏଞ୍ଜାରି ତଲେଟି ତାୟିୟି ସେବା କିନାରି ଏତରଜାଣା  
 ପାୟାଡ଼ି ଆନି କାତା ପାୟାଡ଼ି ଆଆପାତେକା ଏଞ୍ଜାରାକି ଅଡ଼େ ଏତରଦିନା  
 ଜମାଲି ଖେସ୍‌ପିଆତେ । ୧୨ ମେଣ୍ଡା ଡାଲୁ ସ ଲମ୍ବର ସୀଲି ଦେତିମାଚାଟି ନାନୁ  
 ମେସ୍ତେଏଁ; ଦେବୁଣିଏ ଆଜିହ୍‌ପେଟି ବୁମି ଝାଡ଼ିତେ । ଝେଡ଼ା କାଡ଼ିନି ଝାଣା  
 ହିମ୍ପରି ଲେହେଁ ଆତେ, ଅଡ଼େ ଲେଞ୍ଜୁ ନେତେରି ଝାଣା ଆତେ । ୧୩ କାଜା  
 ଗାଲି ଏନିକିଁ ମାର୍‌ନୁଇଁ ଝାବ୍‌ହସାରେ ହିଇଲି ତୟା ପାଡ଼େୟିକା ତରଗିନି  
 ଲେହେଁ ହାଗୁଲାକତି ହୁକାୟି ଦାର୍‌ଡ଼ିତା ତରଗା ହାରୁ । ୧୪ ହାଗୁପାକା ତଲୁ  
 ପତି ରୁପ୍‌ଡ଼ି ଆତି ଲେହେଁ ରୁପ୍‌ଡ଼ିଆହାଁ ମେଣ୍ଡାହାତେ । ଅଡ଼େ ହର୍‌କା ଇଞ୍ଜି  
 ସାମ୍‌ଦୁରି ବିତ୍ରାମାନି ଇତି ଇତି ଦେସାୟି ତାନି ଟାୟୁଟି ଗୁଚା ଆହାହାରୁ । ୧୫

ଅଡ଼େ ଦାର୍ତ୍ତିତ ରାଜାୟାଁ, ସାଲଖି କିନାରି, ଲୁକୁକିନି କାଜାରି, ଦନ ଗାଟାରି, ବାଡ଼ୁୟୁ ଗାଟାରି, ହଲିୟାଢ଼ା ଅଡ଼େ ହଲିୟାଢ଼ା ଆଆତାରି ଏଝାରି ବାରେଜାଣା ପାଞ୍ଜୁତା ଇଞ୍ଜିଁ ହରକାତି କାଜା ଖାଲକା ପାରଡ଼ା ଡ଼ଇ ହାଜାନା ଦୁଗିତେରି । ୧୭ ଅଡ଼େ ଏଝାରି ହରକା ଇଞ୍ଜିଁ ଖାଲକାଣି ହାଟିହିଁ ଏଲେଇଚେରି, “ମା ମୁହେଁ ତରଗାନା ସିଂଗାସାଣିତା କୁଗାମାନାଣି ତାଣାଟି ଅଡ଼େ ମେଣ୍ଡା ଡ଼ାଲୁ କପାଟି! ମାଢ଼େ ଡୁକହାମୁ । ୧୭ ଇଟିହିଁ ଏଝାରାକି ଆଜିହପେଟି କପାଟି ଦିନା ଏଦାତେୟିଏ, ଇଞ୍ଜିଁ ଏମାଆଁ ଆମାଆସି ନିଚାଲି ଆଡିନେସି?”

୨ ଏଚେଟିଏ ନାନୁ ଦାର୍ତ୍ତିତ ସାରି କନତା ସାରିଗଟା ଦୁଡୁୟାଁଇଁ ନିଚାମାନାଣି ମେସ୍ତେସିଁ, ଅଡ଼େ ଦାର୍ତ୍ତିତ ସାରିଖାକିତି ଗାଲି ଆଢ଼ାମାନେରି, ଏଚେଟିଏ ଦାର୍ତ୍ତିତ ସାମ୍ବୁରି ଅଡ଼େ ଆମିନି ମାର୍ନୁ ମୁହେଁ ଗାଲି ଖିଆପେଖା ଇଞ୍ଜିଁ ଗାଲିତି ଆଢ଼ାମାନେରି । ୨ ଅଡ଼େ ନାନୁ ର ଦୁଡୁଇଁ ଝେଡ଼ା ହପୁଖାକିତି ହଚାଞ୍ଜାତାଣି ମେସ୍ତେସିଁ, ଏଦାନି କେୟୁତା ଜୀଞ୍ଜୁତି ମାହାପୁରୁତି ବୁଟୁ ମୁଦ୍ରା ମାଚେ, ଏ ଦୁଡୁ ଦାର୍ତ୍ତିତ ଅଡ଼େ ସାମ୍ବୁରି ନସ୍ତୁ କିହାଲିତାକି ସାରିଗଟା ଦୁଡୁକି ଅଦିକାରା ହାହାମାଚେ, ଏଦି କାଜା ଗିୟାଁତଲେ ହାଟାନା ଏଲେଇଚେ, ୩ “ମାମୁ ମାହାପୁରୁତି ସେବା କିନାରି ମୁଞ୍ଜୁତା ବୁଟୁ ମୁଦ୍ରା ନାବଗାଆ ପାଚେକା ମୀରୁ ଦାର୍ତ୍ତି, ସାମ୍ବୁରି, କି ମାର୍କାଣି ନସ୍ତୁ କିଆଦୁ ।” ୪ ଏଚେଟିଏ ମୁଞ୍ଜୁତା ବୁଟୁ ମୁଦ୍ରା ନାବଗାନା କଡିତାରି ୧୪୪,୦୦୦ ଲକ୍ଷୁ ମାଚେରି ଇଞ୍ଜିଁ ନାନୁ ଝେଚେସିଁ ଏଝାରି ଇସ୍ତାୟେଲତି ବାର କୁଡ଼ାଟି ଲକ୍ଷୁ ମାଚେରି । ୫ ଜୀହୁଦା କୁଡ଼ାଟି ବାର ମାଣା ଲକ୍ଷୁଇଁ ବୁଟୁ ମୁଦ୍ରା କିହାମାନେସି, ରୁବେନ୍ କୁଡ଼ାଟି ବାର ମାଣା, ଗାଦ୍ କୁଡ଼ାଟି ବାର ମାଣା, ୬ ଆସେର୍ କୁଡ଼ାଟି ବାର ମାଣା, ନପ୍ତାଲି କୁଡ଼ାଟି ବାର ମାଣା, ମନସି କୁଡ଼ାଟି ବାର ମାଣା, ୭ ସିମିୟନ କୁଡ଼ାଟି ବାର ମାଣା, ଲେବି କୁଡ଼ାଟି ବାର ମାଣା, ଇସାକାର କୁଡ଼ାଟି ବାର ମାଣା, ୮ ସୁବୁଲୁନ୍ କୁଡ଼ାଟି ବାର ମାଣା, ଜସେପ କୁଡ଼ାଟି ବାର ମାଣା, ବିନ୍ୟାମିନ୍ କୁଡ଼ାଟି ବାର ମାଣା ଲକ୍ଷୁଇଁ ବୁଟୁ ମୁଦ୍ରା କିହାମାନେସି । ୯ ଏଚେଟିଏ ନାନୁ ସିନିକିତେସିଁ ମେହୁଦୁ ବାରେ ଜାତି, ବାରେ କୁଡ଼ା, ବାରେ ଡେସା, ବାରେ ହାତା, ଏଜିକିହାଲି ଆଡାଆଗାଟି ର ମାନ୍ତୁ ଲକ୍ଷୁ ଅଜିତି ଦବଲ୍ଲା ହିମ୍ପରିକା ହୁତାନା କାଜୁରି ମାଟାୟାଁ କେୟୁତା ଆସାନା ସିଂଗାସାଣି ଅଡ଼େ ମେଣ୍ଡା ଡ଼ାଲୁ ନକିତା ନିଚାମାନେରି । ୧୦ ଏଝାରି କାଜା ଗିୟାଁତଲେ ଏଲେଇଚେରି, “ଝାର୍ଲ ସିଂଗାସାଣିତା କୁଗାମାନି ମାହାପୁରୁ ଅଡ଼େ ମେଣ୍ଡା ଡ଼ାଲୁ ମାଢ଼େ ଗେଲ୍ପାନାସି ।” ୧୧ ସିଂଗାସାଣି,

ପ୍ରାଚିନାତ୍ମା ଅଡ଼େ ବାରେ ସାରିଗଟା ଜନ୍ତୁ ସାରିସୁଟୁ ଲାକପୁରୁତି ଦୂରୁୟା ନିଚାମାନେରି, ଅଡ଼େ ସିଂଗାସାଣି ନକିତା ମୁନୁ କୁତାନା ମାହାପୁରୁଇଁ ଜହରା କିହାନା, ୧୨ ଏଲେଇଚେରି, “ଆମେନ୍ ନେହାୟି, ଗାଞ୍ଜୁରମି, ବୁଦି, ଜହରା, ସାମ୍ବମି, ଅତିକାରା ଅଡ଼େ ବାଡ଼୍ଯୁ କାଲାକାଲା ତାକି ମା ମାହାପୁରୁଖାୟି ଆମେନ୍ ।” (aiōn g165) ୧୩ ଅଡ଼େ ପ୍ରାଚିନାତ୍ମା ବିତ୍ରାଟି ରଅସି ନାଟ୍ଟେ ଖେଜ୍ଜାଚେସି, “ଦବ୍ଲୀ ହିମ୍ବରିକା ହୁଚାମାନି ଇ ଲକୁ ଆମ୍ବାଆରି? ଅଡ଼େ ଏଞ୍ଜାରି ଏମ୍ବିଟି ଖାହାମାନେରି?” ୧୪ ନାନୁ ଏଞ୍ଜାଣାଇଁ ଏଲେଇଚେସି, “ଏ ନା ପ୍ରବୁ ନାନୁଏ ଏଦାଆଁ ପୁଜ୍ଜାମାଜ୍ଜି” ଏମ୍ବାଟିଏ ଏଞ୍ଜାସି ଏଲେଇଜ୍ଜାଚେସି, “ଇଞ୍ଜାରି ଆଜିହପେତି ସାସ୍ତି ଅରହାନା ହୁଚା ଖାହାମାନେରି, ଇଜ୍ଜାଁ ମେଣ୍ଡା ଡାଲୁତି ନେଚେରି ତଲେ ଏଞ୍ଜାରି ତାମି ହିମ୍ବରିକା ରାଚାନା ଦବ୍ଲୀ କିହାମାନେରି । ୧୫ ଏଦାଆଁତାକି ଏଞ୍ଜାରି ମାହାପୁରୁ ଇଲୁତି ସିଂଗାସାଣି ନକିତା ନିଚାନା ଲାଆଁ ମାଦେନା ଏଞ୍ଜାଣି ଜହରା କିନେରି, ଇଜ୍ଜାଁ ସିଂଗାସାଣିତା କୁଗାମାନାସି ଏଞ୍ଜାରାକି ବାସାଚାୟୁ ହାନେସି । ୧୬ ଏଞ୍ଜାରାକି ଏଚେଲାଖା ହାକି କି ଏସକି ଆଏ; ଇଜ୍ଜାଁ କାରା କି ଏନି ଖେହନାୟି ତାଗାଲି ଆଡେଏ । ୧୭ ଇଚିହିଁ ସିଂଗାସାଣି ମାଦିତି ମେଣ୍ଡା ଡାଲୁ ଏଞ୍ଜାରି ମେଣ୍ଡା ଗୁଡୁ ଆନେସି । ଅଡ଼େ ଜୀଞ୍ଜୁହାନି ଏୟୁ ହୁତିମାନି ତାଣା ଏଞ୍ଜାରାଇଁ ତାକିକିହା ଅନେସି, ଅଡ଼େ ମାହାପୁରୁ ଏଞ୍ଜାରି କାନୁତି ବାରେ କାଣୁ ଜେଜାତୁହନେସି ।”

୮ ମେଣ୍ଡା ଡାଲୁ ଏଚିବେଲା ସାତା ଲମ୍ବର ସାଲି ଦେତି ଦେବୁଣିଏ ଲାକପୁରୁ ଆଦା ଗଂଟା ପାଚେକା ସାପିଆଡେ । ୨ ଏମ୍ବାଟିଏ ନାନୁ ମାହାପୁରୁ ନକିତା ନିଚାମାନି ସାତା ଜାଣା ଦୂରୁୟାଁ ମେସ୍ତେସି, ଏଞ୍ଜାରାକି ସାତାଗଟା ତାତ୍ତି ମହ୍ରି ହୀପକି ଆତୁ । ୩ ଏମ୍ବାଟିଏ ଅଡ଼େ ର ଦୂତୁ ଖାହାଁ ପିଣ୍ଡା ନକିତା ନିଚେ, ଏଦାନି କେୟୁତା ବାଂଗାରା ଦୁପ୍ପି ସାଡ଼୍ଝା ମାଚେ, ଅଡ଼େ ସିଂଗାସାଣି ନକିତି ବାଂଗାରା ପୁଜାପିଣ୍ଡା ଲାକ ବାରେ ମାହାପୁରୁ ଲକୁତି ପ୍ରାଚାନା ତଲେ ହେର୍ପାଲି ତାକି ହାରେକା ଦୁପ୍ପି ହୀପକିଆଡେ । ୪ ଏମ୍ବାଟିଏ ଲାକପୁରୁ ଦୂତୁ କେୟୁତି ଦୁପ୍ପି ବୟି ମାହାପୁରୁ ଲକୁତି ପ୍ରାଚାନା ତଲେ ଆଣ୍ଡାନା ମାହାପୁରୁ ନକିତା ଏଗାଡେ । ୫ ଡାୟୁ ଏ ଦୂତୁ ଦୁପ୍ପି ସାଡ଼୍ଝାତା ପୁଜା ପିଣ୍ଡାତି ହିରୁତଲେ ନେଜ୍ଜିକିହାନା ଦାର୍ତ ଲାକ ଡାଜ୍ଜିଚେ, ଏମ୍ବାଟି ହାଗୁ ଗୁଣ୍ଡେ ବିଜା ରିନି ହାଡା ଖେଟ୍ଟିଚେ ଇଜ୍ଜାଁ ବୁମି ଖାଡିଚେ । ୬ ଏଚିବେଲା ସାତା ଜାଣା ତାତ୍ତି ଆସାମାନି ଦୂରୁୟା ସାତା ଜାଣା ତାତ୍ତି ଉକାଲି ତିୟାରା ଆଡେରି । ୭ ର ଲମ୍ବର ଦୂତୁ ତାନି ତାତ୍ତି

ଉକ୍ତିତେ ଏତେଟିଏ ନେତେରି ତଲେ ଆଜିୟାଁ ଅଡ଼େ ହିରୁ ଆଶୁଞ୍ଜି ଆହାଁ ଦାର୍ତ୍ତି  
 ଲାକ ରିତୁ, ଇଞ୍ଜି ବାରେ ମାର୍ନୁ ମାଡ଼ା, ହିଇଲି ଜାଡ଼ା ତଲେ ଦାର୍ତ୍ତିତ ତାନି  
 ବାଗାଟି ର ବାଗା ବାରେ ଖେହା ହାତେ । ୮ ଏତେଟିଏ ରୀ ଲମ୍ବର ଦୂତୁ ତାନି  
 ତୀତ୍ରି ଉକ୍ତିନି ଦେବୁଣିଏ ଡ଼ାଞ୍ଜିମାନି ର କାଜା ହରୁ ଲେହେଁତାୟି ସାମ୍ବୁରି ଲାକ  
 ରୀତେ ଇଞ୍ଜି ସାମ୍ବୁରିତି ଏୟୁ ତାନି ବାଗାଟି ର ବାଗା ନେତେରି ଆହାହାରୁ ।  
 ୯ ସାମ୍ବୁରିତା ମାନି ତାନି ବାଗାଟି ର ବାଗା ଜାଝୁ ଗାଟାଇ ହାହାହାରୁ, ଅଡ଼େ  
 ସାମ୍ବୁରିତା ମାନି ଜାଜାୟାଁ ତାନି ବାଗାଟି ର ବାଗା ଜାଜାୟାଁ ବିଡ଼ହାହାରୁ ।  
 ୧୦ ତାନି ଲମ୍ବର ଦୂତୁ ତୀତ୍ରି ଉକ୍ତିତେସି, ଇଞ୍ଜି ଦେବୁଣିଏ ହିରୁ ବନ୍ଧୁଲେହେଁ  
 ଡ଼ାଞ୍ଜିମାନି ର କାଜା ହୁକା ହାଗୁଟି ତାନି ବାଗା କାଡ଼ା ଅଡ଼େ ଉସାଣାଁ ରୀତେ ।  
 ୧୧ ଏ ହୁକାଟି ଦରୁ “କାମ୍ବେଲି” ଏତେଟିଏ ତାନି ବାଗାଟିଏ ର ବାଗା ଏୟୁ  
 କାମ୍ବେଲି ଆରୁ, ଇଞ୍ଜି ହାରେକା ଲକୁ ଏୟୁ ଗସାନା ହାତେରି, ଇତିହିଁ ଏଞ୍ଜି  
 କାମ୍ବେଲି କିଞ୍ଜି ଆହାମାରୁ । ୧୨ ସାରି ଲମ୍ବର ଦୂତୁ ତୀତ୍ରି ଉକ୍ତିତେସି ଇଞ୍ଜି  
 ଖେଡ଼ା, ଲେଞ୍ଜୁ, ହୁକାୟାଁତି ବାରେ ତାନି ବାଗାଟି ର ବାଗା ନସ୍ତୁ ଆରୁ, ଇଞ୍ଜି  
 ତାନି ବାଗାଟି ର ବାଗା ଉଜେଡ଼ି ଉଣା ଆତେ, ଇଞ୍ଜି ଲାଆଁୟାଁ ମାଦେନା ତାନି  
 ବାଗାଟି ର ବାଗା ଉଜେଡ଼ି ଉଣା ଆତେ । ୧୩ ଡ଼ାୟୁ ନାନୁ ମେସ୍ତେସ୍, ହାଗୁଟି  
 ମାଦି ଉମ୍ବିମାନି ର ଲେତୁ କାଜା ହାଡ଼ାତଲେ ଏଲେଇଞ୍ଜିମାଚାଣି ଖେଚେସ୍,  
 ଆହା! ଦାର୍ତ୍ତିତା ବାସା ଆହାମାନି ଲକୁ ଆଜିହପେତି ତଣ୍ଡୁ ବେଟାଆନାରି,  
 ଇତିହିଁ ଅଡ଼େ ତାନି ଜାଣା ଦୂତୁୟାଁ ତୀତ୍ରି ଉକାଲି ହାଜିମାନେରି ।

**୯** ଏତେଟିଏ ପାସା ଲମ୍ବର ଦୂତୁ ତୀତ୍ରି ଉକ୍ତିତେସି ନାନୁ ର ହୁକା ହାଗୁଟି  
 ଦାର୍ତ୍ତିତା ରିତାଣି ମେସ୍ତେସ୍, ଏଞ୍ଜାଣାକି ତାଡ଼େପୁରୁତି କୁଚିକାଡ଼ି ହୀପକି  
 ଆହାମାତେ । (Abyssos g12) ୨ ଏଞ୍ଜାସି ଏ ତାଡ଼େପୁରୁ ଗାଡ଼ୟୁ ଦେଚାଲିଏ  
 ଏମ୍ବାଟି କାଜା ହଲୁତା ହନିଲେହେଁ ବୟାଁ ହଚାଞ୍ଜାତେ, ଇଞ୍ଜି ଏ ହିରୁ ଗାଡ଼ୟୁତି  
 ବୟାଁ ତାକି ଖେଡ଼ା ଇଞ୍ଜି ହାଗୁ ଆନ୍ଦେରି ଆତେ । (Abyssos g12) ୩ ଏ ବୟାଁତି  
 ଗପ୍‌ଏରିକା ହଚାନା ଦାର୍ତ୍ତିତା ଖାତୁ, ଏଞ୍ଜାସିକାକି ଦାର୍ତ୍ତିତି କାଚାକୁପିତା ମାନି  
 ବୀସାତି ବାଡ଼ୟୁ ହୀପକିଆତେ । ୪ ଏଞ୍ଜି ଦାର୍ତ୍ତିତି ମାର୍କା ଗଚା ଜାଡ଼ାତି ନସ୍ତୁ  
 କିଆନା, ଆମ୍ବାଆରି ମୁଞ୍ଜୁତା ମାହାପୁରୁତି ବୁରୁ ମୁଦ୍ରା ହିଲାଆତେ ଏଞ୍ଜାରାଇଁ କସ୍ତୁ  
 ହୀହାଲି ଏଲେଇଶ୍‌ମି ଆତେ । ୫ ଏଞ୍ଜାରାଇଁ ପାୟାଆନା ପାସା ଲେଞ୍ଜୁ ତାକି  
 କସ୍ତୁ ହୀହାଲି ଗପ୍‌ଏରିକାକି ଅଦିକାରା ହୀପକିଆତେ, କାଚାକୁପି କାଚିତେ  
 ଇତିସାରେ ଏନିକିଁ ବୀସା ଆନେ ଏ କସ୍ତୁ ଏଲେତାୟି । ୬ ଏତିବେଲା ଲକୁ

ହାହାଲି ଅଶ୍ୱପିନେରି ସାମା ହାଅରି, ଏଞ୍ଜାରି ହାହାଲି ଅଶ୍ୱପିନେରି, ସାମା ହାକି  
 ଏଞ୍ଜାରି ଚାଣାଟି ହଟାତୁହ୍ନେ । ୭ ଏ ଗପ୍‌ଏରିକା ଜୁଜୁତା ହାଜାଲି ତିୟାରା  
 ଆହାମାନି ଗଡ଼ାୟାଁ ଲେହେଁ ଚଞ୍ଚୁଆହିମାରୁ, ଏଞ୍ଜାସିକା ଚାକାଣା ବାଂଗାରା  
 ଚପେରି ଲେହେଁ ପିଡ଼ଗି ଆହାମାଚେ, ଏଞ୍ଜାସିକା ମୁମୁ ମାଶ୍‌ସି ମୁମୁ ଲେହେଁ  
 ମାଚେ । ୮ ଇୟାସିକା ଚାୟାଁ ବାଣାୟାଁ ଲେହେଁ ଏଞ୍ଜାସିକା ବାଣାୟାଁ, ସିହ୍  
 କ୍ଷୁଣିତି ପାଲ୍‌କା ଲେହେଁତି ତାମି ପାଲ୍‌କା ମାରୁ । ୯ ତାମି ବକତା ଲହ  
 ପାଟା ଲେହେଁତି ପାଟା, ତାମି ମାରାୟାଁ ଖାତିମାନି ହାତା ଜୁଜୁ ତାକି ଗଡ଼ାୟାଁ  
 ରାତାୟାଁଶି ରେଜା ଅହିମାନି ଲେହେଁତି ହାତା । ୧୦ କାଚାକୁପିତି ଲେଂଗୁଣି  
 ଇଞ୍ଜାଁ ବୀସା ସୁଜା ଲେହେଁ ଏଞ୍ଜାସିକାକି ଲେଂଗୁଣି ଅଡେ ବୀସା ସୁଜା ମାଚେ,  
 ପାସା ଲେଞ୍ଜୁ ତାକି ମାଶ୍‌ସିୟାଁଇଁ ସାସ୍ତି ହିୟାଲି ଏଞ୍ଜାସିକା ଲେଂଗୁଣିକାଣା ବାଡ଼୍‌ୟୁ  
 ବେଟାଆହାମାରୁ । ୧୧ ଏଞ୍ଜାସିକା ମୁହେଁ ର ରାଜା ସାଲଞ୍ଜି କିହିମାନେସି,  
 ଏଞ୍ଜାସି ଚାଡେପୁରୁ ଗାଡ଼୍‌ୟୁତି ଦୁଡୁ, ଏଦାନି ଦରୁ ଏବି ହାତାତଲେ ଆବାଦନ୍  
 ଅଡେ ଗ୍ରିକ୍ ହାତାତଲେ ଅପ୍‌ଲିୟନ୍ ଇତିସାରେ “ନାସା କିନାଲ ।” (Abyssos  
 g12) ୧୨ ତଲିତି ଆଜିହ୍‌ପେତି ତଶ୍ତୁ ଉଣା ଆତେ ଅଡେ ଜଡେକା ଆଜିହ୍‌ପେତି  
 ତଶ୍ତୁୟାଁ ଖାହିମାନୁ । ୧୩ ସ ଲମ୍‌ର ଦୁରୁ ତୀତ୍ରି ଉକିତେସି, ଇଞ୍ଜାଁ ନାନୁ  
 ମାହାପୁରୁ ନକିତି ବାଂଗାରା ପୁଜା ପିଶ୍ତାତି ସାରିଗଟା କମ୍‌କା ବିତ୍ରାଟି ର ହାତା  
 ଖେଚେଏଁ । ୧୪ ଏଦି ତୀତ୍ରି ଆସାମାନି ସ ଲମ୍‌ର ଦୁରୁଇଁ ଏଲେଇଚେ, “ପରାଡ଼  
 କାଜା କାତାତା ଦସ୍‌ପି ଆହାମାନି ସାରି ଜାଣା ଦୁରୁୟାଁଇଁ ପିସ୍‌ପି କିମୁ ।” ୧୫  
 ଏମ୍‌ାଟିଏ ମାଶ୍‌ସିୟାଁଇଁ ତାନି ବାଗାଟି ର ବାଗା ଲକ୍‌ଇଁ ପାୟାଲି ତାକି ତିୟାରା  
 ଆହାମାନି ଆମିନି ସାରି ଜାଣା ଦୁରୁୟାଁଇଁ ଏ ଦିନା, ଲେଞ୍ଜୁ ଅଡେ ବାର୍‌ସା କିଞ୍ଜି  
 ଆହାମାଚେ ଏଞ୍ଜାରାଇଁ ପିସ୍‌ପି କିଞ୍ଜିଆତେ । ୧୬ ଗଡ଼ାୟାଁ ଲାକ କୁଗାନା ଜୁଜୁ  
 କିନାରି ରୀ କଟି ମାଚେରି ନାନୁ ଖେଚେଏଁ । ୧୭ ଅଡେ ନାନୁ ଗଡ଼ା ଇଞ୍ଜାଁ  
 ଏମ୍‌ାଆଁ ହଟାମାନାରାଇଁ ମେସ୍‌ସେଏଁ, ଏଞ୍ଜାରି ବକ ପାଟା ହିରୁ ଅଡେ ନାଲି,  
 ହୀଞ୍ଜେରି ଖାଣା; ଗଡ଼ାୟାଁତି ଚାକାଁ ସିହ୍‌କ୍ଷୁଣି ଚାକାଁ ଲେହେଁ, ଇଞ୍ଜାଁ ଏଞ୍ଜାସିକା  
 ଗୁତିତି ହିରୁ ବୟାଁ, ଅଡେ ଗାନ୍‌ଗୁଶ୍ତା ହୁତିମାଚେ । ୧୮ ଏଞ୍ଜାସିକା ଗୁତିତି ହିରୁ  
 ବୟାଁ, ଅଡେ ଗାନ୍‌ଗୁଶ୍ତା ଲେହେଁ ଇ ତାନିଗଟା ତଶ୍ତୁୟାଁ ହୁଡୁ, ଇ ତଶ୍ତୁୟାଁତି  
 ମାଶ୍‌ସିୟାଁ ତାନି ବାଗାଟି ର ବାଗା ପାୟାଁଞ୍ଜି ଆଚେରି । ୧୯ ଏନାଆଁତାକି ଇତିହିଁ  
 ଗଡ଼ାୟାଁତି ବାଡ଼୍‌ୟୁ ତାମି ଗୁତି ଅଡେ ଲେଂଗୁଣିତା ମାଚେ, ଇତିହିଁ ଏଞ୍ଜାସିକା  
 ଲେଂଗୁଣିକା ଚାୟାଁ ଗାଟି ରାରୁ ଲେହେଁ ମାଚାକି ତାମି ଲେଂଗୁଣିକା ତଲେ ଲକ୍‌ଶି



ନସ୍ତୁ କିହିମାରୁ । ୨୦ ଆମିନି ଲକ୍ଷ୍ମ ଇ କସ୍ତୁତଲେ ପାୟ୍ଝି ଆହା ହିଲାଆତେରି,  
 ଏଝାରି ତାମି କେୟୁତଲେ କିତି କାମାତାକି ମନ ଝେଟ୍ପି କିଆତେରି, ଇତିହିଁ  
 ବୁରୁୟ୍ଝି ପୂଜା, ଅଡ଼େ ମେସାଲି, ଝେଞ୍ଜାଲି, ତାକାଲି ଆତାଆଗାଟି ବାଂଗାରା,  
 ଝେଣ୍ଡି, ପିତାଡ଼ା, ଝାଲ୍‌କା ଅଡ଼େ ମାର୍‌କା ତଲେ କେପିତି ପେଶ୍‌କା ବମାୟ୍ଝି  
 ପୂଜା କିହାଲି ପିହ୍‌ଆତେରି । ୨୧ ଅଡ଼େ ଏଝାରି ଲକ୍ଷ୍ମି ପାୟ୍‌ନାୟ୍‌, ଗୁଣି  
 ଗାର୍‌ଡ଼ି, ଦାରିକାମା, ଅଡ଼େ ସରୁ କାମା କିନିତାଣାଟି ମନ ଝେଟ୍‌ଆତେରି ।

**୧୦** ଏରେଟିଏ ନାନୁ ର ବାଡ଼୍‌ୟୁଗାଟି ଦୂରୁଇଁ ଲାକପୁରୁଟି ରେତା ଝାହିମାତାଣି  
 ମେସ୍‌ସେଏ, ଏଦାନି ସାରିସୁରୁ ଦୁନ୍ନା ଇଞ୍ଜି ତାନି ତାୟ୍‌ ଲାକ ଦାର୍‌ଶକି ଅଡ଼େ ତାନି  
 ମୁମ୍‌ ଝେଡ଼ା ଲେହେଁ ଅଡ଼େ ତାନି କତାୟ୍‌ ହିରୁ ମୁଣ୍ଡାଲେହେଁ ଡ଼ଞ୍ଜାଆହିମାରୁ:  
 ୨ ତାନି କେୟୁତା ଦେପି ଆହାମାନି ର ଉଣା ତଲୁ ପତି, ଏଦି ତାନି ଚିଝନି  
 କତା ସାମ୍‌ଦୁରିତା ଅଡ଼େ ଚେବି କତା ଦାର୍‌ତିତା ଇଟାମାତେ; ୩ ସିହ୍‌କ୍ଠାଝନି  
 ଗାଜିନିଲେହେଁ କାଜା ହାତାତଲେ ହାଟିତେ, ଏଦି ହାଟାଲିଏ ଏଲେକିହିଁଏ  
 ସାତାଗଟା ହାଗୁ ଗୁଣ୍‌ନାଲ ତାନି ହାତା ଝେଡ଼ି କିତୁ । ୪ ଏ ସାତାଗଟା ହାଗୁ  
 ଗୁଣ୍‌ନାଲ ଝେସାଲିଏ ନାନୁ ରାତିଇଁ ଇଞ୍ଜି ତିୟାରା ଆତେଏ, ଏରେଟିଏ ନା  
 ତାକି ହାଗୁଟି ଇ ହାତା ଝେଚେଏ, “ଏ ସାତାଗଟା ହାଗୁ ଗୁଣ୍‌ନିତାଣାଟି ଏନାଆଁ  
 ଝେଞ୍ଜାମାଞ୍ଜି ଏଦାଆଁ ରାତାଆନା ତୁକ୍‌ହା ଇଟାମୁ ।” ୫ ଏରେଟିଏ ଆମିନି ଦୂରୁଇଁ  
 ସାମ୍‌ଦୁରି ଅଡ଼େ ଦାର୍‌ତି ଲାକ ନିତାମାତାଣି ନାନୁ ମେସାମାତେଏ, ଏଝାସି  
 ତାନି ଚିଝନି କେୟୁ ଲାକପୁରୁ ଝାକି ଦାସାନା ୬ ଆମ୍‌ଆସି ଲାକପୁରୁ, ଦାର୍‌ତି,  
 ସାମ୍‌ଦୁରି, ଅଡ଼େ ଏମ୍‌ଆଁ ମାନାଣି ବାରେ ଗାଡ଼ି କିହାମାନେସି, ଏ କାଲେଏ  
 ତାକି ନୀତାମାନାଣି ଦରୁଟି ପାର୍‌ମାଣା କିହାନା ଏଲେଇରେସି, “ଅଡ଼େ ଝେଡ଼ା  
 ଆଏଦେଁ” (aiōn g165) ୭ ଏତିବେଲାତା ସାତା ଲମ୍‌ପୁର ଦୂରୁ ତାଡ଼ି ଉକିନେ,  
 ମାହାପୁରୁ ଅଶ୍‌ପୁତି ବଲୁ ଝେକ୍‌ନାରି ଅଡ଼େ ତାନି ସେବା କିନାରାଇଁ ନେହିଁ  
 କାରୁ ଝେସାମାତେସି, ଏତିବେଲା ମାହାପୁରୁ ତାନି ତୁଗାମାନି ଅଶ୍‌ପୁ ପୁରା  
 କିନେସି । ୮ ଇଞ୍ଜି ନାନୁ ଲାକପୁରୁଟି ଆମିନି ହାତା ଝେଞ୍ଜା ମାତେଏ, ଅଡ଼େ  
 ଝେଣ୍ଡେ ନା ତାକି ଏଲେଇଞ୍ଜି ଝେଡ଼ିତେ, “ହାଲାମ୍‌, ସାମ୍‌ଦୁରି ଅଡ଼େ ଦାର୍‌ତି  
 ଲାକ ନିତାମାନି ଦୂରୁ କେୟୁତା ଆମିନି ତଲୁ ପତି ଦେପିଆହାମାନେ ଏଦାଆଁ  
 ଅମ୍‌ ।” ୯ ଏରେଟିଏ ନାନୁ ଏ ଦୂରୁ ତାଗେ ହାଜାହାଁ ଏ ଉଣା ତଲୁ ପତିତି  
 ରୀସ୍‌ସେଏ, ଏଝାସି ନାଡ଼େ ଏଲେଇଞ୍ଜାତେସି, “ଇଦାଆଁ ଅହାଁ ତିନାମ୍‌; ଇଦି  
 ନୀ ବାଣ୍ଡିତି କାମ୍‌ଲି କିୟାନେ ସାମା ନୀ ଗୁଡ଼ି ତାକି କିୟାଁ ଲେହେଁ ଆନେ

।” ୧୦ ଏତେଟିଏ ନାନୁ ଦୁରୁ କେୟୁଟି ଏ ଉଣା ଡଳୁ ପତି ଅହାଁ ତିତେଏଁ,  
ଏଦି ନା ଗୁତି ତାକି କିରୁୟାଁ ଲେହେଁ ଆତେ, ସାମା ଏଦାଆଁ ତିତି ଡାୟୁ ନା  
ବାଣ୍ଡି କାମ୍ବେଲି ଆହାହାତେ । ୧୧ ଏତେଟିଏ ନାଡ଼େ ଏଲେଇଞ୍ଜି ଖେସ୍ତାତେସି  
ହାରେକା ଗତି, କୂଡ଼ା, ହାଡ଼ା ଗାଟାରି ଅଡ଼େ ରାଜାୟାଁ କପାଟି ଡାୟୁ ଏନାୟି  
ଗଟି ଆନେ ଏଦାଆଁ ନାନୁ ଅଡ଼େ ଖେଣ୍ଡେ ଖେହ୍ନାୟି ମାନେ ।

**୧୧** ଏତେଟିଏ ନାଡ଼େ ଲାଟିନି ଲେହେଁତି ର ବାଡ଼ଗା ହୀପ୍‌କିଆତେ, ରଅସି  
ନାଡ଼େ ଏଲେଇଞ୍ଜାତେସି, “ହାଲାମ୍, ମାହାପୁରୁ ଦେଖୁଡ଼ି, ପୂଜାପିଣ୍ଡା ଲାଟାମ୍  
ଅଡ଼େ ଆମ୍ବାଆରି ଏମ୍ବାଆଁ ପ୍ରାତାନା କିନେରି ଏଞ୍ଜାରାଇଁ ଏଜିକିମ୍ । ୨  
ସାମା ଦେଖୁଡ଼ି ପାଟ୍ଟାତି ଆଂଗେଣିତି ପିହ୍‌ମ୍ ଏଦାଆଁ ଲାଟାଆନି, ଇତିହଁ  
ଏଦି ଜୀହୁଦିଆଆତାରାକି ହୀପ୍‌କି ଆହାମାନେ, ଏଞ୍ଜାରି ରୀ କଡ଼ି ରୀ ଲେଞ୍ଜୁ  
ପାତେକା ମାହାପୁରୁ ସୁଦୁ ଗାଡ଼ାତି କଡ଼ାତଲେ ଝିସାନା ଦୁଡ଼ି କିନେରି । ୩ ଅଡ଼େ  
ନାନୁ ନା ରୀ ସାକିୟାଁଇଁ ପାଣ୍ଡିଇଁ ଏଞ୍ଜାରି ବାସ୍ତାୟାଁ ପର୍‌ହାନା ୧,୨୬୦ ଦିନା  
ପାତେକା ମାହାପୁରୁ ଅଶ୍‌ପୁତି ବଲୁ ଝେକ୍‌ନେରି ।” ୪ ଏଞ୍ଜାରି ଦାର୍‌ତିତି ପ୍ରବୁତି  
ନକିତା ନିତାମାନି ରୀ ଜୀତ ମାର୍କା ଅଡ଼େ ରୀ ଦୀଞ୍ ସଡ଼ାୟାଁ ଲେହେଁତାରି ।  
୫ ଆମ୍ବାଆସି ଏଞ୍ଜାରାଇଁ ନସ୍ତୁ କିହାଲି ଅଶ୍‌ପିନେସି, ଆତିହଁ ଏଞ୍ଜାରି ଗୁତିତି  
ହିରୁ ହଚାହାଁ ଏଞ୍ଜାରି ସାଡ଼ୁୟାଁଇଁ ନାସାକିନେ, ଆମ୍ବାଆସି ଏଞ୍ଜାରାଇଁ ନସ୍ତୁ  
କିହାଲି ଅଶ୍‌ପିତିହଁ, ଏଞ୍ଜାସି ନାସା ଆନେସି । ୬ ଏଞ୍ଜାରି ମାହାପୁରୁ ବଲୁ  
ଝେକ୍‌ନାଟି ଏନିକିଁ ପିୟୁ ଆଏ ଏଦାଆଁତାକି ହାଗୁତି ସୁଣ୍ଡାଲି ଅଦିକାରା ହୀପ୍‌କି  
ଆହାମାନେ, ଏତର ଦେବା ଏଞ୍ଜାରି ମନ ଆନେ ଏତର ଦେବା ଏଞ୍ଜାରି ଏୟୁଣି  
ନେତେରି ମ୍ବୁପ୍‌ହାଲି ଅଡ଼େ ଦାର୍‌ତିତି ଏନି ଇତି ଏଲେତି ମର୍‌ଡ଼ି ତଲେ ଡ଼ଣ୍ଡୁ  
ହୀହାଲି ଏଞ୍ଜାରାକି ଅଦିକାରା ମାନେ । ୭ ଏଞ୍ଜାରି ସାକି ହୀହାଲି ରାତି ଡାୟୁ  
ଡାଡ଼େପୁରୁ ଗାଡ଼ୁୟୁତି ର ଜନ୍ତୁ ହଚାଞ୍ଜାହାନା, ଏଞ୍ଜାରିତଲେ ଡୁଞ୍ଜୁ କିନେ ।  
**(Abyssos g12)** ୮ ଏମ୍ବାତି ଏମିନି କାଜା ଗାଡ଼ା ସୁଦୁଜୀଞ୍ଜୁ ତଲେ ସଦମ ଅଡ଼େ  
ମିସର ଇଞ୍ଜି ଇନେରି, ଏମିନିଡାଣା ତାମି ପ୍ରବୁ ଜିକେଏ ପାସିତା ହାହାମାତେସି,  
ଏ କାଜା ଗାଡ଼ାତି ଆଂଗେଣିତା ଏଞ୍ଜାରି ମାଡ଼ହାୟାଁ ଡ଼ୟିନ୍ତୁ । ୯ ଅଡ଼େ ବାରେ  
ଦେସା ଗତି, ହାଡ଼ା, ଇଞ୍ଜି କୁଲୁତି ଲକୁ ତାନିଦିନା ଆଦା ପାତେକା ଏଞ୍ଜାରି  
ମାଡ଼ହାୟାଁଇଁ ମେହ୍‌ନେରି ଅଡ଼େ ଏ ମାଡ଼ହାୟାଁଇଁ ମୁସାଲି ହେଲ ହୀଅରି । ୧୦  
ଏତେଟିଏ ଦାର୍‌ତିତା ବାସା ଆହାମାନାରି ଏଞ୍ଜାରି ହାତି କାରୁ ଝେଞ୍ଜାନା ତିଞ୍ଜି  
ଊଣ୍ଡିହଁ ରାହାଁ କିନେରି, ଅଡ଼େ ରଅସି ରଅଣାକି ରାହାଁତଲେ ବେରୁ ହୀପ୍‌କି

ଆନେରି, ଇତିହାସ ଇ ରୀ ମାହାପୁରୁ ଅଶ୍ୱପୁତି ବଲ୍ଲୁ ଖେହ୍ନାରି ଦାର୍ତ୍ତିତି ଲକ୍ଷଣି କସ୍ତୁ ହାହିମାରେରି । **୧୧** ତାନିଦିନା ଆଦା ଡାୟୁ ମାହାପୁରୁ ଡାଶାଟି ଜୀଞ୍ଜୁତି ଗାଲି ଖାହାଁ ଏଞ୍ଜାରି ଆଢ୍ଘାତା ହଟେ, ଏଚେଟିଏ ଏଞ୍ଜାରି କର୍ତ୍ତାଣି ବାଡ଼ୟୁ କିହାନା ନିଚେରି, ଅଡ଼େ ଆମ୍ବାଆରି ଇ କାମାତି ମେସ୍ତେରି ଏଞ୍ଜାରି ଆଜାହାଚେରି । **୧୨** ଏଚେଟିଏ ଏଞ୍ଜାରି ଲାକପୁରୁତି ର କାଜା ହାତାତଲେ ଏ ରିଆରାକି ଏଲେ ଇଞ୍ଜିମାଚାଣି ଖେଚେରି, “ଇମ୍ବାଆଁ ଖାଦୁ” ଏଚେଟିଏ ଏଞ୍ଜାରି ତାନି ସାତୁୟାଁ ଏଞ୍ଜାରାଇଁ ମେସ୍ତପନିଏ ଦୁନ୍ନା ତଲେ ଲାକପୁରୁ ହାଚେରି । **୧୩** ଏ ଦେବୁଣିଏ ବୃମି ହାରେକା ଖାଡିଚେ ଅଡ଼େ ଗାଡାତି ଦସ ବାଗାଟି ର ବାଗା ନାସା ଆଡେ, ଅଡ଼େ ୭,୦୦୦ ଲକ୍ଷ ହାଚେରି, ଇଞ୍ଜାଁ ଏଚେକା ଲକ୍ଷ ନୀତାମାଚେରି ଆଜିତାକି ଲାକପୁରୁତି ମାହାପୁରୁଇଁ ଗାଞ୍ଜୁରମି କିଚେରି । **୧୪** ରୀ ଲମ୍ବର ଆଜିହପେତି ତଣ୍ଡୁ ରାଚେ, ସାମା ତାନି ଲମ୍ବର ଆଜିହପେତି ତଣ୍ଡୁ ତବେ ଖାହିମାନେ । **୧୫** ଡାୟୁ ସାତା ଲମ୍ବର ଦୂତୁ ତୀତି ଉକିଚେସି ଇଞ୍ଜାଁ ଲାକପୁରୁ କାଜା ହାତାତଲେ ଇ ହାତା ଡେଞ୍ଜିଚେ, “ମା ପ୍ରବୁ ଅଡ଼େ ଏଞ୍ଜାଣି ମସିହା ଦାର୍ତ୍ତିତି ସାଲଖି କିନି ଅଦିକାରା ନୀଏଁ ତାନି କେୟୁତା ଅହାମାନେସି, ଏଞ୍ଜାସି କାଲେଏ ତାକି ରାଜି କିନେସି ।” (aiōn g165) **୧୬** ଏଚେଟିଏ ମାହାପୁରୁ ନକିତା ଜାହା ଜାହାରା ସିଂଗାସାଣିତା କୁଗାମାନି କଡ଼େ ସାରି ଜାଣା ପ୍ରାତିନାଢ୍ଘା ମୁନୁ କୁତାହାଁ ମାହାପୁରୁଇଁ ଜହରା କିହାଁ, **୧୭** ଏଲେଇଚେରି, “ପ୍ରବୁ ବାରେକିହାଁ ବାଡ଼ୟୁଗାଟି ମାହାପୁରୁ, ନୀନୁ ନୀଏଁ ଅଡ଼େ ତଲିତାତି, ମାମୁ ନିଢ୍ଘେ ଜହରା କିହିମାଞ୍ଜାନମି; ଏନାଆଁତାକି ଇତିହାଁ ନୀନୁ ନୀ କାଜା ବାଡ଼ୟୁ ତଲେ ସାଲଖି କିୟାଲି ଅଦିକାରା ନୀଞ୍ଜୁଟିଏ ଅହାମାଞ୍ଜି । **୧୮** ଜୀହୁଦିଆଆତାରି କାର୍ବି ଆହାମାଚେରି, ସାମା ନୀଏଁ ନୀ କପା ଆନି ଦିନା ଖାଚେ, ଇଞ୍ଜାଁ ହାତାରି ନୀଏଁ ନୀହାୟି କିଞ୍ଜିଆନେରି, ଇଞ୍ଜାଁ ନୀ ହଲିୟାଢ୍ଘା ମାହାପୁରୁ ଅଶ୍ୱପୁତି ବଲ୍ଲୁ ଖେହ୍ନାରି, ମାହାପୁରୁ ଲକ୍ଷ ଅଡ଼େ ନୀ ଦରୁତି ଆଜିନି କାଜାରି ଇଚାରି ବାରେ ଲକ୍ଷ ଦାନା ବେଟାଆନେରି, ଅଡ଼େ ଆମ୍ବାଆରି ଦାର୍ତ୍ତିତି ନାସା କିନେରି ଏଞ୍ଜାରି ଜିକେଏ ନାସା ଆନେରି ।” **୧୯** ଏଚେଟିଏ ଲାକପୁରୁ ମାନି ମାହାପୁରୁତି ଇଲୁତି ଦାରା ଦେପିଆଚେ, ଅଡ଼େ ତାନି ଇଲୁତା ମାନି ରାଜିମାନାତି ପେଡା ତଞ୍ଜାଆଚେ, ଅଡ଼େ ବିଲିବାଲା ମିହ୍ନାୟି, ହାରେକା ଗିୟାଁ, ହାଗୁ ଗୁଣିନି ହାତା, ଇଞ୍ଜାଁ ବୃମି ଖାଡିଚେ ଅଡ଼େ ହାରେକା ଆଜିୟାଁ ରିତୁ ।

୧୨ ଚାୟୁ କାବାଆନି ଲେହେଁତି ସିନା ହାଗୁତା ଚଞ୍ଚାଆତେ, ର ଆୟାଟି ଲେଞ୍ଚୁ ଲାକ ନିତାମାତେ ଅଡ଼େ ଝେଡ଼ାତି ଉଜେଡ଼ି ପରହାମାତେ । ଏଦାଣି ଚାୟୁତା ବାରଗଟା ହୁକାୟୁଗାଟି ଟପେରି ମାତେ । ୨ ଏଦି ପୁରା ମାସା ଆହାନା ଜାନିକିନି ବେଲାତା ଲୁଞ୍ଜିନି ବାସା ତାକି କସ୍ତୁ ବେଟାଆହିମାତେ । ୩ ଏଚିବେଲା ହାଗୁ ଲାକ କାବାଆନି ର ସିନା ଚଞ୍ଚାଆତେ, ଏମ୍ପାଆଁ ପାରୁ ଖାଣାଗାଟି କାଜା ରାରୁ ଏ ରାରୁକି ସାତାଗଟା ତାକା, ଇଞ୍ଜା ଦସଗଟା କମ୍‌କା, ଅଡ଼େ ତାକା ଲାକ ସାତାଗଟା ଟପେରିକା ମାରୁ । ୪ ତାନି ଲେଂଗୁଣି ତଲେ ହାଗୁତି ତାନି ବାଗା ହୁକାୟୁଣି ଦାର୍ତ୍ତି ଲାକ ମେଡ଼ହେ, ଇଞ୍ଜା ଏ ରାରୁ ଜାନିକିନି ଦେବୁଣିଏ ଇୟାନି ଡାଲୁତି ଗୁସାଲି ଏଦାନି ନକିତା ନିତେ । ୫ ଆମ୍ପାଆସି ବାରେ କୁଡ଼ାତି ଲକ୍ଷୁଣି ଲହ ବାଡ଼ଗା ତଲେ ସାଲଞ୍ଜି କିନେସି ଇଲେତି ର କକାଣି ଡାଲୁଇଁ ଏ ଇୟା ଜାନିକିତେ, ଅଡ଼େ କକାଣି ଡାଲୁଇଁ ମାହାପୁରୁ ଇଞ୍ଜା ତାନି ସିଂଗାସାଣି ନକିତା ପେରହା ଅଞ୍ଜିଆତେ । ୬ ଅଡ଼େ ଏ ଇୟା ଲକ୍ଷୁ ହିଲାଆ ବାଟାତା ହଟେ, ଏମ୍ପାଆଁ ୧,୨୬୦ ଦିନା ପାତେକା ପୁହିକିଞ୍ଜି ଆୟାଲି ମାହାପୁରୁ ଡାଣାଟି ଏମ୍ପାଆଁ ଏଦାନାକି ର ଚାୟୁ କେପି ଆହାମାତେ । ୭ ଏମ୍ପାଟିଏ ଲାକପୁରୁ ଜୁଜୁ ଆତେ, ମିକାୟେଲ ଅଡ଼େ ତାନି ଦୁରୁୟାଁ ଏ ରାରୁ ତଲେ ଜୁଜୁ କିତୁ, ଏଚେଟିଏ ଏ ରାରୁ ଅଡ଼େ ତାନି ଦୁରୁୟାଁ ଜିକେଏ ଜୁଜୁ କିତୁ । ୮ ସାମା ରାରୁ ଇଞ୍ଜା ତାନି ଦୁରୁୟାଁ ଜାଣା ଆହାଲି ଆତାଆରୁ, ଇଞ୍ଜା ଲାକପୁରୁ ଏଞ୍ଜି ଚାୟୁ ବେଟାଆଆରୁ । ୯ ଏଚିବେଲା ଦାର୍ତ୍ତିତି ନାଡ଼ିକିନି ପଲ୍‌ଆ ପେନୁ ଇଞ୍ଜା ସୟତାନ ଦରୁତି ଝେଢ଼ିତି କାଜା ରାରୁ ଏ ପୁଃଇ ନାଗା, ଏଦି ତାନି ଦୁରୁୟାଁ ତଲେ ଦାର୍ତ୍ତିତା ମେଡ଼ପି ଆତେ । ୧୦ ଏଚେଟିଏ ଲାକପୁରୁଟି ଏଲେଇଞ୍ଜି ର କାଜା ହାତା ଝେଚେଏଁ, ନୀଏଁ ମାହାପୁରୁ ଡାଣାଟି ଗେଲ୍‌ପିନାୟି ଏଗାଞ୍ଜାତେ, ତାନି ରାଜି ଅଡ଼େ ବାଡ଼ୟୁ ଇଞ୍ଜା କ୍ରୀସ୍ତୁତି ଅଦିକାରା ଖାହାମାନେ, ଇଚିହିଁ ଆମିନି ସାରୁ ମା ତାୟି ତାଢ଼ିସ୍ତା କପାଟି ନିଢ଼ୁନା ଲାଆଁ ମାଦେନା ମାହାପୁରୁ ନକିତା ଦାଞ୍ଜା କିହିମାତେ, ଏଦି ଲାକପୁରୁଟି ଦାର୍ତ୍ତିତା ମେଡ଼ପି ଆହାମାନେ । ୧୧ ଏଞ୍ଜାରି ମେଣ୍ଡା ଡାଲୁତି ନେତେରି ତଲେ ଅଡ଼େ ଝେକ୍‌ହାମାନି ସାତା କାତାତଲେ ଜାଣା ଆହାମାନେରି ଇଞ୍ଜା ଏଞ୍ଜାରି ହାହାଲିତାକି ଜିକେଏ ତାନି ଜୀଞ୍ଜୁଇଁ ଜୀଞ୍ଜୁ ନହାଁ ହିଲାଆତେରି । ୧୨ ଏଦାଆଁତାକି ଏ ଲାକପୁରୁ ଅଡ଼େ ଏମ୍ପାଆଁ ବାସା ଆହାମାନାତେରି ରାହାଁ ଆଦୁ, ସାମା ଦାର୍ତ୍ତି ଅଡ଼େ ସାମ୍‌ଦୁରି ମୀରୁ ତଣ୍ଡୁ ବେଟା ଆନାତେରି ଏନାଆଁତାକି ଇଚିହିଁ ତାନି ବେଲା ହାରେକା ଉଣା ମାନେ

ଇଞ୍ଜି ପୁଞ୍ଜାନା ପଲ୍ଲୀ ଯେନୁ ସୟତାନ ହାରେକା କପାତଲେ ମୀ ତାଣା ରେତା  
 ଖହାମାନେ । ୧୩ ରାତୁ ଜାହାରାଇଁ ଦାର୍ତ୍ତିତା ମେତ୍ତପି ଆହାମାନାଣି ମେସାନା  
 ଏ କକାଣି ତାଲୁଇଁ ଜାନି କିତି ଇୟାନି ଜେତ ଜେତ ପେରହା ଅତେ । ୧୪  
 ଏଚେଟିଏ ଏ ଇୟା ରାତୁ ଗୁଡିଟି ଏନିକିଁ ଗେଲ୍ପିଆହାଁ ତାନି ବାସୀ ସ ଲେଞ୍ଜୁ  
 ପାତେକା ପହକିଞ୍ଜି ଆନେ, ଏଦାଆଁତାକି ଲକୁ ହିଲାଆ ବାଟାତି ତାନି ଟାୟୁତା  
 ଉମ୍ପାହାଜାଲି ଲେତୁତି ରୀ ମାରାୟାଁ ହାପ୍‌କି ଆତୁ । ୧୫ ଏଚେଟିଏ ଏ ଇୟାନି  
 ଅଞ୍ଜି କିୟାଲି ରାତୁ ତାନି ଗୁଡିଟି ର କାଜା କାତା ଏୟୁ ହୁପ୍‌ହେ । ୧୬ ସାମା ଏ  
 ଇୟାନି ସାୟେମି କିହାଲି ଦାର୍ତ୍ତି ତାନି ଗୁଡିଟି ଦେତାନା ରାତୁ ଗୁଡିଟି ହୁତି  
 କାତା ଏୟୁଣି ଗୁସ୍ତେ । ୧୭ ଏଚେଟିଏ ରାତୁ ଏ ଇୟାନି ହାରେକା କପା ଆହାଁ  
 ତାନି କୁଡାତାରି ଏଚେକା ଲକୁ ମାହାପୁରୁତି ହୁକୁମି ମାନଞ୍ଜି ଆହାଁ ଜୀସୁତି  
 କାତା ଖେସିମାନେରି, ଏଞ୍ଜାରିତଲେ ଜୁଜୁ କିହାଲି ହାଚେ ।

**୧୩** ଇଞ୍ଜି ରାତୁ ସାମ୍‌ଦୁରି ଗାରୁତି ବାଞ୍ଜିତା ନିତେ । ଏଚେଟିଏ ନାନୁ  
 ସାମ୍‌ଦୁରି ମାଦିଟି ହୁଚାଞ୍ଜିମାନି ର ଜନ୍ତୁ ମେସ୍ତେସିଁ, ଏଦାନାକି ଦସଗଟା  
 କମ୍‌କା ଅଡେ ସାତାଗଟା ତାକା, ତାନି କମ୍‌କାଣା ଦସଗଟା ଚପେରିକା ଇଞ୍ଜି  
 ତାକା ଲାକ ମାହାପୁରୁ ନିନ୍ତୁକିନି ର ର ଦରକା ମାତୁ । ୨ ଏ ଜନ୍ତୁ ତାରିରେଞ୍ଜୁଣା  
 କୁଞ୍ଜି ଲେହେଁ ତଞ୍ଜୁଆହିମାଚେ, ତାନି କତାୟାଁ ଅଞ୍ଜିକି କତାୟାଁ ଲେହେଁ ଇଞ୍ଜି  
 ଗୁଡି ସିହଁକ୍ୱାଞ୍ଜି ଗୁଡି ଲେହେଁ ଏ କାଜା ରାତୁ ଜନ୍ତୁକି ତାନି ବାଡ଼ୟୁ ସିଂଗାସାଣି,  
 ଅଡେ ବାରେ ଅଦିକାରା ହାଚେ । ୩ ଏ ଜନ୍ତୁଟି ତାୟୁତା ଆମିନି ହାନିଲେହେଁତି  
 ଗାହାଁ ତଞ୍ଜୁଆହିମାଚେ, ସାମା ଏ ଗାହାଁ ନେହିଁ ଆଚେ, ଅଡେ ଦାର୍ତ୍ତିତା ମାନାରି  
 ବାରେ କାବା ଆହାଁ ତାନି ଜେତ ହାଚେରି । ୪ ଅଡେ କାଜା ରାତୁ ଜନ୍ତୁକି ତାନି  
 ଅଦିକାରା ହାତାକି ଏଞ୍ଜାରି ରାତୁଇଁ ଜହରା କିଚେରି, ଏଞ୍ଜାରି ଏ ଜନ୍ତୁଇଁ ଜିକେଏ  
 ଜହରା କିହାଁ ଏଲେଇଚେରି, “ଆମ୍ପାଆସି ଇ ଜନ୍ତୁ ଲେହେଁ ଆନେସି ଅଡେ  
 ଆମ୍ପାଆସି ଏଦାଣି ତଲେ ଜୁଜୁ କିହାଁ ଜୀଣା ଆନେସି ।” ୫ ଏଦାନାକି ଆଞ୍ଜାରା  
 ଅଡେ ମାହାପୁରୁ ନିନ୍ତୁତି କାତା ଖେସାଲି ଗୁଡି ହାଞ୍ଜିଆଚେ, ଅଡେ ରୀ କଡି ରୀ  
 ଲେଞ୍ଜୁ ପାତେକା ସାଲଞ୍ଜି କିୟାଲି ଅଦିକାରା ହାପ୍‌କିଆଚେ । ୬ ଏମ୍ପାଟିଏ  
 ଏଦି ତାନି ଗୁଡି ଏକ୍‌ହାନା ମାହାପୁରୁ ନିନ୍ତୁ କାତା ଜଲାନା, ମାହାପୁରୁ ଦରୁ  
 ମାହାପୁରୁ ବାସାଆନି ଟାୟୁ ଅଡେ ଲାକପୁରୁ ବାସା ଆହାମାନାରାଇଁ, ବାରେତି  
 ନିନ୍ତୁ କିଚେ । ୭ ବାରେ ମାହାପୁରୁ ଲକୁଇଁ ଜୁଜୁ କିହାଁ ଜୀଣା ଆହାଲି ଅଦିକାରା  
 ହାଞ୍ଜିଆହାମାଚେ, ଅଡେ ବାରେ ଗତି, କୁଡା, ହାତା, ଦେସା, ଲାକ ଅଦିକାରା

ହାଞ୍ଜିଆହାମାରେ । ୮ ଆମ୍ବାଆରି ଦରୁ ଦାର୍ତ୍ତିତ ଗାଡ଼ି ଆଆ ନକେଏ ପୂଜା  
 ମେଣ୍ଡା ଡାଲୁତି ଜୀଞ୍ଜୁଗାଟି ପତିତା ରାସ୍‌କି ଆହାହିଲେଏ, ଦାର୍ତ୍ତିତା ବାସା  
 କିହାମାନି ଏ ବାରେ ଲକୁ ଏ ଜନ୍ତୁଇଁ ଜହରା କିନେରି । ୯ “ଆମ୍ବାଆରାକି  
 କୀର୍କା ମାନୁ ଏଞ୍ଜାସି ଖେଣ୍‌ମାସି! ୧୦ ଆମ୍ବାଆସି ଦସାହାଁ ଅନେସି, ଏଞ୍ଜାସି  
 ଏଲେକିହିଁଏ ଦସପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆତିହିଁ  
 ଏଞ୍ଜାସି ଏଲେଆହିଁଏ କାଣ୍ଡାତଲେ ପାୟିଞ୍ଜି ଆନେସି, ଏତିବେଲତା ମାହାପୁରୁ  
 ଲକୁଡାକି ନାମୁ ଅଡେ ଅର୍‌ହିନାୟି ଲଡାମାନେ ।” ୧୧ ଏତେଟିଏ ନାନୁ ର  
 ଜନ୍ତୁଇଁ ବୁମି ବିତ୍ରାଟି ହତାଞ୍ଜାତାଣି ମେସ୍ତେସ୍, ମେଣ୍ଡା ଡାଲୁ ଲେହେଁ ଜଡେକା  
 କମକା, ଅଡେ ଏଦି ରାରୁ ଲେହେଁ କାତା ଆହିମାରେ । ୧୨ ଏ ଜନ୍ତୁ ନକେଏତି  
 ଜନ୍ତୁ ନକିତା ତାନି ବାଡ଼ୟୁ ତସାନା ଏମିନି ନକେଏତି ଜନ୍ତୁକି ହାନିଲେହେଁତି  
 ଗାହାଁ ମାଡାମାରେ, ଏଦାନି ଜହରା କିହାଲି ଦାର୍ତ୍ତି ଅଡେ ଏମ୍ବାଆଁ ବାସା  
 ଆହାମାନାରାଇଁ ବାଲାମାତମି କିନେ । ୧୩ ଏ ଜନ୍ତୁ କାବାଆନି କାମାୟି  
 କିନେ, ଏଦି ବାରେ ଲକୁ ନକିତା ହାଗୁଟି ଦାର୍ତ୍ତିତା ହିରୁ ରିଞ୍ଜିକିନେ । ୧୪  
 ଇଞ୍ଜାଁ ଏ ତଲିତି ଜନ୍ତୁ ନକିତା ଆମିନି କାବାଆନି କାମା କିହାଲି ଅଦିକାରା  
 ବେଟାଆହାମାରେ, ଏମ୍ବାଟି ଦାର୍ତ୍ତିତା ବାସାଆହାମାନି ଲକୁଣି ନାଡ଼ିକିହାଁ,  
 ଆମିନି ଜନ୍ତୁ କାଣ୍ଡାତଲେ ଗାହାଁ ଆହାମାଟି ଜିକେଏ ନୀଡିତେ, ଏଦାନି ର  
 ବମା କିହାଲି ଏଞ୍ଜାରାଇଁ ଏଲେଇନେ । ୧୫ ଏ ଜନ୍ତୁତି ବମା ଏନିକିଁ ଜଲାଇ  
 ଆଡିନେ ଅଡେ ଏତେକା ଲକୁ ଜନ୍ତୁତି ବମାତି ଜହରା କିଅରି, ଏଞ୍ଜାରି ଏନିକିଁ  
 ପାୟିଞ୍ଜି ଆନେରି, ଏଦାଆଁତାକି ଡାୟୁତି ଜନ୍ତୁକି ତଲିତି ଜନ୍ତୁତି ବମାକି ଜୀଞ୍ଜୁ  
 ହାହାଲି ଅଦିକାରା ହାପ୍‌କିଆଡେ । ୧୬ ଅଡେ ଏ ଜନ୍ତୁ ଉଣା, କାଜାରି,  
 ବାଡ଼କୁ ଗାଟାରାଇଁ, ହାକି ଗାଟାରାଇଁ, ହଲିୟାଡ୍ଡା, ହଲିୟାଡ୍ଡା ଆଆତାରାଇଁ,  
 ବାରେଜାଣାଟି ତାନି ଟିଞ୍ଜିନି କେୟୁତା ଆଆଟିଁ ମୁଞ୍ଜୁତା ର ସିନା ଇଟା କଡାଲି  
 ବାଲାମାତମି କିନେ । ୧୭ ଅଡେ ଏ ସିନା ଇତିହିଁ ଜନ୍ତୁତି ଦରୁ ଆଆଟିଁ ତାନି  
 ଦରୁତି ଲମ୍ବର ଇଟା କଡାଆତି ଲକୁଣି ଏନାଆଁ କଡାଲି କି ପାର୍‌ଚାଲି ହୀଏ ।  
 ୧୮ ଏ ବାରେଟାକି ବୁଦି ଲଡାମାନେ, ଆମ୍ବାଆରାକି ବୁଦି ମାନେ ଏଞ୍ଜାସି ଏ  
 ଜନ୍ତୁତି ଲମ୍ବର ଏଜିକିପାସି, ଏନାଆଁତାକି ଇତିହିଁ ଏଦି ର ମାଣ୍‌ସିତି ଲମ୍ବର  
 ଅଡେ ଏ ଲମ୍ବର ଆହିମାନେ ସ୍ତ ଖାଞ୍ଜା ତାନିକଡ଼ି ସ୍ତ ।

**୧୪** ଏତେଟିଏ ନାନୁ ସିନିକିହାଁ ମେସ୍ତେସ୍, ଅଡେ ମେଣ୍ଡା ଡାଲୁ ସିୟନ ହରୁତା  
 ନିତାମାନେ, ଅଡେ ଆମ୍ବାଆରି ମୁଞ୍ଜୁତା ମେଣ୍ଡା ଡାଲୁ ଇଞ୍ଜାଁ ତାନି ଆବାତି ଦରୁ

ରାସ୍ତା ଆହାମାତେ ଇଲେତି ଲକ୍ଷ୍ମୀ ସାତାକଡ଼ି ସାରି ମାଣା ଲକ୍ଷ୍ମୀ ତାନିତଲେ ନିରାମାତାଣି ମେସ୍ତେସ୍ତୁ । ୨ ଅଡ଼େ ଲାକପୁରୁତି ଲଦ ଲଦ ଆହି ରିନି ଏୟୁ ଇଞ୍ଜି ହାଗୁ ଗୁଣ୍ଡିଲେହେତି ର କାଜା ହାତା ଖେଚେସ୍, ଆମିନି ହାତା ନାନୁ ଖେଚେସ୍ ଏଦି ସେର୍ଡ଼ି ଡ଼ିହମାନାରି ହାତାଲେହେ ଡ଼ିହମାନାତେ । ୩ ସିଂଗାସାଣି ସାରିଗଟା ଜନ୍ତୁ ଅଡ଼େ ପ୍ରାତିନାଞ୍ଜୁ ନକିତା ର ପୁଃନି ପାରୁ ପାତିମାତେରି, ଅଡ଼େ ଦାର୍ଡ଼ିଟି କଡ଼ି ଆହାମାନି ସାତାକଡ଼ି ସାରି ମାଣା ଲକ୍ଷ୍ମୀ ପିସ୍ତେ ଆମ୍ବାଆରି ଏ ପାରୁ ପାଗାଲି ଆତାଆତେରି । ବାରେ ମାଣ୍ଡି କୁଡ଼ା ବିତ୍ରାଟି ଖାରୁଇ ଏଞ୍ଜାରିଦେଁ ଗେଲ୍ପି ଆହାମାତେରି । ୪ ଏଞ୍ଜାରି ଇୟାସିକା ତଲେ କାଲ୍ହାନା ତାମ୍ବୁ ଜାହାରାଇଁ ଦହ କିହାଁ କଡ଼ା ହିଲାଆତେରି, ଇତିହ୍ ଏଞ୍ଜାରି ଅଟ୍ହାରି, ଫେଣ୍ଡା ଡ଼ାଲୁ ଆମ୍ବିୟାଞ୍ଜାକି ହାନେ ଏଞ୍ଜାରି ତାନି ଜେତ ହାନେରି, ଏଞ୍ଜାରି ମାହାପୁରୁତି ଫେଣ୍ଡା ଡ଼ାଲୁତି ତଲିତି ପାଡ଼େୟି ସମାନା ମାଣ୍ଡିୟାଁ ବିତ୍ରାଟି ଗେଲ୍ପି ଆହାମା ମେଣ୍ଡା ଡ଼ାଲୁ ନକିତା ହେର୍ପିଆହାମାନେରି । ୫ ଏଞ୍ଜାରି ଗୁଡ଼ିତା ଏନି ମିତି ଜଲିନାୟି ହିଲେଏ, ଏଞ୍ଜାରି ଦହ ହିଲାଆ ଗାଟାରି । ୬ ଏଚେଟିଏ ନାନୁ ହାଗୁତି ମାଦି ଉମ୍ବିମାନି ର ଦୂତୁଇଁ ମେସ୍ତେସ୍, ଏଦି ଦାର୍ଡ଼ିତା ବାସାଆହାମାନି ବାରେ ଗତି, କୁଡ଼ା, ହାତା ଅଡ଼େ ଦେସାତି ଲକ୍ଷ୍ମୀତାଣା ଡ଼ିହକ୍ହାଲି କାଲାକାଲା ତାକି ଡ଼ିୟିନି ନେହିଁ କାତୁ ଡ଼ିହକ୍ହା ମାନେସି । (aiōnios g166) ୭ ଏଦି କାଜା ଗିୟାତଲେ ଏଲେଇଚେ “ମାହାପୁରୁଇଁ ଆଜାତୁ ଅଡ଼େ ଏଞ୍ଜାଣାଇଁ ଗାଞ୍ଜୁରମି ହାଦୁ, ଇତିହ୍ ମାଣ୍ଡିତି ନୀହାୟି କିନି ଦିନା ଏଗାଞ୍ଜାତେ, ଅଡ଼େ ଆମ୍ବାଆସି ହାଗୁ, ଦାର୍ଡ଼ି, ସାମ୍ବୁରି ଇଞ୍ଜି ଜାରଣା ଏୟୁତି ଗାଡ଼ିକିହା ମାନେସି, ଏଞ୍ଜାଣାଇଁ ଜହରା କିଦୁ ।” ୮ ତାନି ଡ଼ାୟୁ ଅଡ଼େ ର ଦୂତୁ ଇତିହ୍ ରୀ ଲମ୍ବର ଦୂତୁ ଞ୍ଜାହାନା ଏଲେଇଚେ, “ଆମିନି କାଜା ଗାଡ଼ା ବାବିଲନ ବାରେ କୁଡ଼ାତି ଲକ୍ଷ୍ମୀ ତାନି ଦାରିକାମା କିଞ୍ଜିକିନି କାତୁ ଉଟ୍ହାନା ହୁଟିକିହାମାତେ, ଏଦି ରିହା ହାଜାମାନେ ।” ୯ ଏଦାଣି ଡ଼ାୟୁ ଅଡ଼େ ର ଦୂତୁ ଇତିହ୍ ତାନି ଲମ୍ବର ଦୂତୁ ଞ୍ଜାହାନା କାଜା ଗିୟାତଲେ ଏଲେଇଚେ, “ଆମ୍ବାଆସି ଏ ଜନ୍ତୁ ଅଡ଼େ ତାନି କିହାମାନି ବମାତି ଜହରା କିନେସି ଅଡ଼େ ମୁଞ୍ଜୁତା କି କେୟୁତା ତାନି ସିନା ଇଟା କଡ଼ିନେସି, ୧୦ ଏଞ୍ଜାସି ମାହାପୁରୁତି କପାଗାଟି ସଲ୍ଲାତା ଞ୍ଜାହାମାନି ହାରେକା କାର୍ବିତି କାତୁ ଗହ୍ନେସି, ଆମ୍ବାଆସି ଇ କାମା କିନେରି ଏଞ୍ଜାରି ବାରେ ଫେଣ୍ଡା ଡ଼ାଲୁ ଅଡ଼େ ସୁଦୁ ଲାକପୁରୁତି ଦୂତୁୟାଁ ନକିତା ହିରୁ ଅଡ଼େ ଗାନ୍ଦାଗାଟି ଗୁଣ୍ଡା ତଲେ କସ୍ତୁ ବେଟା ଆନେସି । ୧୧ ଇଲେତି ଲକ୍ଷ୍ମୀ କସ୍ତୁ ହାନି ହିରୁ ବୟି କାଲାକାଲା ତାକି

ହରେମାନେ, ଆମିନି ଗାଟାରି ଜନ୍ମ ଅଡ଼େ ବମାତି ଜହରା କିନେରି ଅଡ଼େ ତାନି ଦରୁ ଇଞ୍ଜି ସିନା ବେଟା ଆହାମାନେରି, ଏଞ୍ଜାରି ଲାଆଁ ମାଦେନା ଜମାଲି ବେଟାଆଅରି ।” (aiōn g165) ୧୨ ଇମ୍ପାଆଁ ମାହାପୁରୁ ଲକୁ ଇଚିହିଁ ମାହାପୁରୁଟି ହୁକୁମି ମାନଞ୍ଜିଆନେରି, ଇଞ୍ଜି ଜୀସୁଇଁ ନାମିନେରି, ଏଞ୍ଜାରାକି ଅର୍ହନାୟି ଲଡ଼ାମାନେ । ୧୩ ଇଞ୍ଜି ଲାକପୁରୁଟି ଇ ହାଡ଼ା ଖେଚେଏଁ, ଇ କାତା ରାତାମ୍ପୁ, “ନୀଏଁ ଆମ୍ପାଆରି ମାହାପୁରୁ ତାଣା ମାଞ୍ଜାନା ହାନେରି, ଏଞ୍ଜାରି ନେହେଁ ।” ଅଡ଼େ ନାନୁ ଖେଚେଏଁ ସୁଦୁଜୀଞ୍ଜୁ ଖେସିମାଞ୍ଜାନେ, “ଏଞ୍ଜାରି ତାମି କାମାତି ଖାହୁଟି ଜମିନେରି, ଇଚିହିଁ ଏଞ୍ଜାରି କାମାତି ପାଡ଼େୟି ଏଞ୍ଜାରିତଲେ ଡ଼ୟିନେ ।” ୧୪ ଅଡ଼େ ନାନୁ ମେସ୍ତେଏଁ, ଇଚାୟି ଦବ୍‌ଲା ହାଗୁ ଇଞ୍ଜି ଏଦାଣି ଲାକ କୁଗାମାନେସି ର ମାଣ୍ଡିସି ମୀରଏସି ଲେହେଁତାସି; ତାନି ତାୟିତା ବାଂଗାରା ଟପେରି, ଇଞ୍ଜି କେୟୁତା ର ଖାହୁନି କଚାତଖେଲି । ୧୫ ଏମ୍ପାଟିଏ ମାହାପୁରୁଟି ଇଲୁଟି ର ଦୂତୁ ଖାହାନା ହାଗୁତା କୁଗାମାନାଣାଇଁ କାଜା ଗିୟିତଲେ ଏଲେଇଚେ, “ନୀ କଚାତଖେଲି ଆସାନା ତାସା ଦାମ୍ପୁ । ଦାର୍ତତି ତାସା ଦାଃନି କାଗୁ ଏଗାଞ୍ଜାଚେୟି ।” ୧୬ ଇଦାଆଁ ଖେଞ୍ଜାନା ହାଗୁତା କୁଗାମାନି ମାଣ୍ଡିସି ତାନି କଚାତଖେଲି ଅଗିଚେସି ଇଞ୍ଜି ଦାର୍ତତି ତାସା ବାରେ କୁଡ଼ିକିଞ୍ଜିଆଚେ । ୧୭ ଏଦାଆଁ ତାୟି ଲାକପୁରୁଟି ମାହାପୁରୁ ଇଲୁଟି ଅଡ଼େ ର ଦୂତୁ ହଚାଞ୍ଜାଚେସି, ଏ ଦୂତୁକି କେୟୁତା ଜିକେଏ ଖାହୁନି କଚାତଖେଲି ମାଚେ । ୧୮ ଅଡ଼େ ପୁଜା ପିଣ୍ଡାତି ହିରୁ ଅଦିକାରାତା ମାନି ର ଦୂତୁ କଚାତଖେଲି ଆସାମାନି ଅର ଦୂତୁଇଁ କାଜା ଗିୟିତଲେ ଏଲେଇଚେ, “କଚାତଖେଲି ଅଗାନା ଦାର୍ତତି ଅଢ଼ୁରି ବାଡ଼ାଟି ଅଢ଼ୁରିକା ବାରେ ଡ଼ହା ତୁହ୍‌ମ୍ପୁ: ଏଞ୍ଜି ବାରେ କାମ୍ପାମାନୁ ।” ୧୯ ଏମ୍ପାଟିଏ ଦୂତୁ ଦାର୍ତତି ତାନି କଚାତଖେଲି ଅଗାନା ଅଢ଼ୁରି ମାଡ଼ାୟିଟି ଅଢ଼ୁରି ଡ଼ହେ ଇଞ୍ଜି ଏଞ୍ଜି ମାହାପୁରୁ କାର୍ବିଟି ଅଢ଼ୁରି ପୀଡ଼ିକିନି ଦନିତା ମେଡ଼ହେ । ୨୦ ଗାଡ଼ାତି ପାଢ଼ୁତା ମାନି ଏ ଦନିତା ଅଢ଼ୁରି ପୀଡ଼ିକିଞ୍ଜିଆଚେ ଇଞ୍ଜି ଏମ୍ପାଟି ଗଡ଼ାୟି ବାକେରି ପାଚେକା ନିଢ଼ୁନା ତାନି ଖାଞ୍ଜା କିଲମିଟର ହେକ ପାଚେକା ଇଞ୍ଜି ରୀ ମିଟର ଲାକ ପାଚେକା ନେଚେରି ଖାଢ଼ୁଚେ ।

**୧୫** ଏମ୍ପାଟିଏ ନାନୁ ହାଗୁତା ଅଡ଼େ ର କାବାଆନି ଲେହେଁଟି ସିନା ମେସ୍ତେଏଁ, ସାତାଗଟା ଦୂତୁୟି ସାତାଗଟା ରଗୟି ତାମି କେୟୁତା ଆସାନା ଡ଼ଞ୍ଜାଆତୁ, ଏ ରଗୟି ମାହାପୁରୁଟି କପା ଡ଼ହନାୟି ରାନାୟି ମାଚେ । ୨ ଅଡ଼େ ନାନୁ ମେସ୍ତେଏଁ, ହିରୁ କାଲ୍‌ହିତି ଦାପେଣି ଲେହେଁଟି ସାମ୍‌ଦୁରି, ଆମ୍ପାଆରି ଜନ୍ମ,



ଏଦାନି ବମା ଇଚ୍ଛାଁ ଏଦାନି ଦରୁତି ଲମ୍ବରତି ଜୀଣା ଆତାରି, ଏଞ୍ଜାରି ମାହାପୁରୁ  
 ହୀହାମାନି ସେର୍ଡ଼ି ଆସାନା ଗାଜୁ ଲେହେଟି ସାମ୍ବୁରି ଗିରୁତା ନିତାମାତେରି ।  
 ୩ ଏଞ୍ଜାରି ମାହାପୁରୁ ହୀତି ରାମଗଂଗା ଖେଚିହିଁ ମାହାପୁରୁତି ସେବାକିନି ମ୍ମସାତି  
 ପାରୁ ଇଚ୍ଛାଁ ମେଣ୍ଡା ଡାଲୁତି ପାରୁ ପାଟିହିଁ ଏଲେ ଇଚ୍ଛାଁ ମାନେରି, “ବାରେତି କିହିଁ  
 ବାଡ଼୍ମୁ ଗାତି ପ୍ରୁ ମାହାପୁରୁତି, ନୀ କାମା ଏଚେକା କାଜାୟି ଅଡ଼େ କାବା  
 ଆନାୟି, ବାରେ ଲକ୍ଷୁତି ରାଜାତି, ନୀ କାମାତି ଜିରୁ ବାରେ ନୀହାୟି ଗାଟାୟି  
 ଇଚ୍ଛାଁ ସାତାତାୟି । ୪ ପ୍ରୁ! ନିଡ଼େ ଆମ୍ମାଆସି ଆଜାଆ ଗାଟାସି ମାନେସି?  
 ଆମ୍ମାଆସି ନୀ ଗାଞ୍ଜୁରମି ଖେକ୍‌ଆଗାଟାସି ମାନେସି? ଇଚିହିଁ ନୀନୁ ରଅତିଏ  
 ସୁରୁ ଗାଟାତି; ବାରେ କୁଡ଼ାତି ଲକ୍ଷୁ ଖାହାନା ନୀ ପୂଜା କିନେରି, ଏନାଆଁତାକି  
 ଇଚିହିଁ ନୀ ଦାମ୍ମୁଗାଟି ନୀହାୟିତି କାମାୟି ବାରେଜାଣା ମେସାମାନେରି  
 ।” ୫ ଏମ୍ମାଟିଏ ନୀନୁ ମେସେସ୍‌, ଲାକପୁରୁତି ସାକି ହୀନି ତୁମ୍ମୁ ଦେଞ୍ଜୁଡ଼ିତି  
 ଦାରା ଦେପିଆଡେ ୬ ସାତାଗଟା କସ୍ତୁୟି ଆସାମାନି ସାତାଗଟା ଦୁରୁୟି  
 ଲାକପୁରୁତି ଦେଞ୍ଜୁଡ଼ିତି ହତାଞ୍ଜାତୁ; ଏଞ୍ଜି ଅପ୍‌ହି ମିହ୍‌ନି ହିମ୍‌ରିକା ହୁଟାମାରୁ  
 ଇଚ୍ଛାଁ ଏଞ୍ଜାସିକା ବକ ସାରିସୁରୁ ବାଂଗାରା ପାଟା ଦସାମାରୁ । ୭ ସାରିଗଟା  
 ଜନ୍ମୁୟି ବିତ୍ରାଟି ର ଜନ୍ମୁ କାଲେଏତାକି ନୀତାମାନି ମାହାପୁରୁ କପାତଲେ  
 ନେଞ୍ଜାମାନି ସାତାଗଟା ବାଂଗାରା ଗିନାୟି ଏ ସାତାଗଟା ଦୁରୁୟିକି ହୀତେ ।  
**(aiōn g165)** ୮ ମାହାପୁରୁତି ଗାଞ୍ଜୁରମି ଅଡ଼େ ତାନି ବାଡ଼୍ମୁତି ହିତିମାନି ବୟି  
 ଦେଞ୍ଜୁଡ଼ିତା ନେଞ୍ଜାହାରେ; ସାତାଗଟା ଦୁରୁୟି ତାତାମାନି ସାତାଗଟା ରଗୟି  
 ରାଆ ପାଚେକା ଏ ଦେଞ୍ଜୁଡ଼ି ବିତ୍ରା ଆମ୍ମାଆସି ହତାଲି ଆତାଆତେସି ।

**୧୭** ଏଚେଟିଏ ନୀନୁ ଖେଚେସ୍‌, ଦେଞ୍ଜୁଡ଼ିତି ରଅସି କାଜା ଗିୟିତଲେ ଏ  
 ସାତାଗଟା ଦୁରୁୟିକି ଖେସିମାତେସି, “ହାଜୁ, ସାତାଗଟା ଗିନାୟିଣା ନେଞ୍ଜାମାନି  
 ମାହାପୁରୁତି କପାତି ଦାର୍‌ତି ଲାକ ଖାକ୍‌ଦୁ!” ୨ ଏଚେଟିଏ ମୂଲୁତି ଦୁରୁ  
 ହାଜାନା ତାନି ଗିନାତା ଏନାୟି ମାଚେ, ଦାର୍‌ତି ଲାକ ଖାକ୍‌ହେ; ଦେବୁଣିଏ  
 ଆମ୍ମାଆରି ତାଣା ଜନ୍ମୁତି ସିନା ମାଚେ, ଇଚ୍ଛାଁ ତାନି ବମାତି ପୂଜା କିହାମାଚେରି,  
 ଏଞ୍ଜାରି ଆଞ୍ଜୁତା ହାରେକା କସ୍ତୁଗାଟି ବାସା ପଟ୍‌କା ହୁରୁ । ୩ ଏଚେଟିଏ ରୀ  
 ଲମ୍ବର ଦୁରୁ ତାନି ଗିନାତାଣି ସାମ୍ବୁରି ଲାକ ଖାକ୍‌ହେ; ଇଚ୍ଛାଁ ସାମ୍ବୁରିତି  
 ଏୟୁ ହୀତି ଲକ୍ଷୁତି ନେତେରିଲେହେଁ ଆତୁ, ଇଚ୍ଛାଁ ସାମ୍ବୁରିତା ମାତି ବାରେ  
 ଜନ୍ମୁୟି ହାହାହାରୁ । ୪ ତାନି ଲମ୍ବର ଦୁରୁ ତାନି ଗିନାତା ଏନାୟି ମାଚେ,  
 କାତା ଇଚ୍ଛାଁ ଉସା ଏୟୁ ଲାକ ଖାକ୍‌ହେ; ଇଚ୍ଛାଁ ଏ ଏୟୁ ବାରେ ନେତେରି

ମିଶ୍ରା ହାରୁ । ୫ ଏତିବେଲାତା ନାନୁ ଖେଚେଏଁ, ଏୟୁ ଲାକ ଅଦିକାରା  
 ବେଟାଆହାମାନି ଦୁତୁ ଏଲେଇଞ୍ଜିମାରେ, “ନାନୁ ସୁତୁ ଗାଟାତି, ନାଏଁ ମାନାତି  
 ଅଡେ ତଲିଏ ମାଟାତି; ନାନୁ ତୀରୁପୁତଲେ ନାହାଁୟି କିହାମାଞ୍ଜି । ୬ ଏଝାରି  
 ମାହାପୁରୁ ଲକୁଇଁ ଇଞ୍ଜି ମାହାପୁରୁ ଅଶ୍ପୁତି ବଲୁ ଖେହ୍ନାରି ଆମିନି ନେତେରି  
 ବକହାମାରେରି, ଏଦାଆଁ ମୀରୁ ଏଝାରାଇଁ ଉହ୍‌ହାମାଞ୍ଜି । ଏଝାରି ଏନାଆଁ  
 ବେଟାଆନାଣି ବେଟାଆହାମାନେରି ।” ୭ ଏଚେଟିଏ ପୂଜା ପିଶ୍ତାଟି ର ହାତା  
 ଖେଚେଏଁ, ବାରେତି କିହାଁ ବାଡ଼୍‌ୟୁଗାଟି ମାହାପୁରୁ ପ୍ରୁ ନୀ ନାହାଁୟି ବାରେ  
 ସାତା ଅଡେ ଟିକାଣାତାୟି । ୮ ସାରି ଲମ୍ବର ଦୁତୁ ତାନି ଗିନାତା ମାଟାଣି  
 ଖେଡ଼ା ଲାକ ଖାକହେ, ଏଦାଆଁତାକି ଖେଡ଼ା ହାରେକା ଡ଼ାଞ୍ଜାନା ଲକୁଣି ହୁଡ଼ିତେ  
 । ୯ ଏତିବେଲା ଲକୁ କଶ୍‌ତା ହାତି କାରାତା ଖେହାହାରେରି, ଅଡେ ଇ  
 ସାସ୍ତି ଲାକ ଅଦିକାରା ମାନି ମାହାପୁରୁ ଦରୁତି ନିନ୍ଦୁକିତେରି । ସାମା ହିୟାଁ  
 ବାଦଲି କିହାଁ ଏଝାଣି ଗାଝୁରମି କିଆତେରି । ୧୦ ପାସା ଲମ୍ବର ଦୁତୁ ତାନି  
 ଗିନାତା ମାଟାଣି ଜନ୍ଦୁତି ସିଂଗାସାଣି ଲାକ ଖାକହେ । ଜନ୍ଦୁତି ରାଜିତା ଆନେରି  
 ଆହାହାରେ, ଇଞ୍ଜି ଲକୁ କସ୍ତତଲେ ତାନି ଖେନୁରିକା କାଟା କଡିତେରି ।  
 ୧୧ ଅଡେ ଏଝାରି ଆଞ୍ଜୁତି ରାଣାରାକା ତାକି ଇଞ୍ଜି ପକାୟାଁ ବୀସା ତାକି  
 ଲାକପୁରୁତି ମାହାପୁରୁଇଁ ବାକା ଇଟିତେରି । ସାମା ତାନି ଲାଗେଏତି କାମାଟି  
 ମନ ଖେହ୍‌ଆତେରି । ୧୨ ସା ଲମ୍ବର ଦୁତୁ ତାନି ଗିନାତା ମାଟାଣି ପରାଡ଼  
 କାଜା କାଜା ଲାକ ଖାକହେ, ଏ କାତାତି ଏୟୁ ଖାୟାହାରୁ, ଖେଡ଼ା ହୁପୁ ଖାକିଟି  
 ଖାହିମାନି ରାଜାୟାଁକି ଜିରୁ ପାରଲିଆତେ । ୧୩ ଏଚେଟିଏ ନାନୁ ମେସ୍ତେଏଁ,  
 ପାନାୟାଁଲେହେଁ ଡ଼ାଞ୍ଜାଆହିମାନି ତାନିଗଟା ଲାଗେଏତି ଜାଝୁୟାଁ । ଏଝି ରାତୁ  
 ଗୁଡିଟି, ଜନ୍ଦୁତି ଗୁଡିଟି, ମିତି ବଲୁ ଖେହ୍‌ନାରି ଗୁଡିଟି ହୁତାଝାହିମାରୁ । ୧୪ ଏ  
 ଲାଗେଏତି ଜାଝୁଗାଟି ବୁରୁୟାଁ କାବାଆନି କାମା କିହାଲି ଆଡିନୁ, ଏଝି ବାଡ଼୍‌ୟୁ  
 ଗାଟି ମାହାପୁରୁତି ଦିନାତା ଜୁଜୁ କିହାଲିତାକି ଦାରୁଡିତି ରାଜାୟାଁଣି କୁଡିକିହାଲି  
 ହାତାହାରୁ । ୧୫ “ଖେଞ୍ଜୁ ନାନୁ ସରୁଲେହେଁ ଖାଇଁ, ଆମ୍ବାଆସି ଜାଗ୍ରାତା ଆହାଁ  
 ସରୁ ଡ଼ାଣାଟି ଜାହାରା ହିମ୍ବରିକା ତୁକହାଲି ଆଡିମାନେସି, ଏଝାସି ନେହେଁ ।  
 ଏଝାସି ନାଗଡ଼ା ଆହାଁ ରେଅସି, ଅଡେ ଏଝାସି ଲାଜା ବେଟାଆଅସି ।” ୧୬  
 ପଲୁଆ ଜାଝୁୟାଁ ଏ ବେଲାତା ଦାରୁଡିତି ରାଜାୟାଁଣି ଆମିନି ଚାୟୁତା କୁଡିକିରୁ  
 ଏବି ହାତାତଲେ ଏଦାନି ଦରୁ ଆମାଁଗାତେନ । ୧୭ ସାତା ଲମ୍ବର ଦୁତୁ ତାନି  
 ଗିନାତା ମାଟାଣି ଗାଲି ଲାକ ଖାକହେ, ଏଚେଟିଏ ଦେଝୁଡିତି ସିଂଗାସାଣିଟି ର

କାଜା ହାତା ଝେଢ଼ିତେ, “ଇଦାଆଁ କିଞ୍ଚିଆତେ!” ୧୮ ଦେବୁଣିଏ ବିଲିବାଲା ଆହିଁ ମ୍ଲିସ୍ତେ ଇଞ୍ଚିଁ ହାଗୁ ଗୁଣ୍ଡି ହାତା ଆତେ, ଇଞ୍ଚିଁ ହାରେକା ବୁମି ଖୀତିତେ, ଇତିହିଁ ଦାର୍ତ୍ତିତା ମାଣ୍ଡିୟାଁ ଗାଡ଼ିଆତି ଦିନାଟିଏ ଏଚେଲାଖା ଇଲେତି ବୁମି ଖୀତାହିଲାଆତେ, ଇଦି ବାରେକିହାଁ ଆଜିହୁପେତି ବୁମି ଖୀତିନାୟି ମାତେ । ୧୯ ଏମ୍ବାଟିଏ ଏ କାଜା ଗାଡ଼ା ତାନି ବାଗା ତଲେ ବାଗା ଆତେ ଅଡ଼େ ଦାର୍ତ୍ତିତି ବାରେ ଗାଡ଼ାୟାଁ ବିଡ଼ହାହାରୁ, ଅଡ଼େ କାଜା ଗାଡ଼ା ବାବିଲନତି ମାହାପୁରୁ ବାଣା ଆହା ହିଲାଆତେସି, ଏଖାସି ତାନି ଗହ୍ନି ସ୍ତଲାଟି ତାନି ହାରେକା କପାଗାଟି କାତୁ ଏଖାଣାଇଁ ଉଚ୍ଚହେସି । ୨୦ ସାମ୍ବୁରି ମାଦି ମାନି ଦେସାୟାଁ ମେଣ୍ଡୁହାହାରୁ ଇଞ୍ଚିଁ ହୁରକା ବାରେ ତୁଗା ହାରୁ । ୨୧ ରୀ କଡ଼ି ଦସ ଚକଜି ବଜୁଗାଟି ଆଜିୟାଁ ହାଗୁ ଲାକଟି ମାଣ୍ଡିୟାଁ ଲାକ ରିତୁ, ଲକୁ ଇ ମରଡ଼ି ତାକି ମାହାପୁରୁଇଁ ନିନ୍ଦୁକିତେରି ।

**୧୭** ଏମ୍ବାଟିଏ ସାତାଗଟା ଗିନାୟାଁ ଆସାମାନି ଦୂତୁ ବିତ୍ରାଟି ରଣ୍ଡି ନା ତାଗେ ଖାହାନା ଏଲେଇଞ୍ଚାତେ, “ଇଦାଆଁ ଖାମୁ ହାରେକା କାତା ଦାରି ଗାଡ଼ି ଆହାମାନି ଦାରେଣି ଲେହେଁତି କାଜା ଗାଡ଼ା ଏନି ସାସ୍ତି ବେଟାଆନେ ଏଦାଆଁ ତସ୍ତାଇଁ । ୨ ଦାର୍ତ୍ତିତି ରାଜାୟାଁ ଏ ଦାରେଣି ତଲେ ଦାରିକାମା କିହାମାନେରି, ଇଞ୍ଚିଁ ଦାର୍ତ୍ତିତା ବାସା ଆହାମାନାରି ବାରେ ଦାରି କାମାଲେହେଁତି କାତୁ ଗସାହାଁ ହୁଟାମାନେରି ।” ୩ ଏତିବେଲାତା ସୁଦୁଜୀଞ୍ଜୁ ନା ତାଣା ଖାତେ ଇଞ୍ଚିଁ ଏ ଦୂତୁ ନାଢ଼େ ବାଃଲି ବୁମିତା ଅୟାତେ । ଏମ୍ବାଆଁ ନାନୁ ମେସ୍ତେସ୍, ର ପାଟୁ ଖାଣାଗାଟି ଜନ୍ତୁ ଲାକ ର ଇୟା କୁଗାମାତେ । ଏ ଜନ୍ତୁଟି ଆଡ଼ୁଆତା ମାହାପୁରୁ ନିନ୍ଦୁକିନି ଦରକା ରାସକି ଆହାମାତୁ, ଅଡ଼େ ଏଦାନାକି ସାତାଗଟା ତାକାଁ ଇଞ୍ଚିଁ ଦସଗଟା କମ୍ବା ମାରୁ । ୪ ଏ ଇୟା ହେୟାଁ ଲେହେଁତି ଖାଣା ଅଡ଼େ ପାଟୁ ଖାଣାଗାଟି ହିମ୍ବୁରି ହୁଟାମାତେ, ଇଞ୍ଚିଁ ଏଦି ବାଂଗାରା ଅଡ଼େ ଗାଡ଼ି ଦାରାଗାଟି ମଣି, ମୁକୁ ତଲେ ସାଜୁ ଆହାମାତେ, ତାନି ନାଡ଼ିକିନି ପାଡ଼େୟିକା ଲେହେଁ ଅପାଆଗାଟି ଦିଶସୁ ଇଞ୍ଚିଁ ଦାରିକାମା କିନି ଲାଗେଏତି କାମା ତଲେ ନେଞ୍ଜାମାନି ର ବାଂଗାରା ଗିନା ଏଦି ଆସାମାତେ । ୫ ଏଦାନି ମୁଞ୍ଜୁତା ତୁଗାମାନି ର ଦରୁ ରାସକି ଆହାମାତେ, “କାଜା ଗାଡ଼ା ବାବିଲନ ଦାର୍ତ୍ତିତି ବାରେ ଦାରି ଇଞ୍ଚିଁ ଅପାଆଗାଟି କାମାଟି ତାଲି ।” ୬ ନାନୁ ଅଡ଼େ ମେସ୍ତେସ୍, ଏ ଆୟାଟି ମାହାପୁରୁ ଲକୁ ଇଞ୍ଚିଁ ଜୀସୁ ତାଣା ମାନି ତଲେ ମାଞ୍ଜା ସାକି ହାହାନା ହାହାମାନି ଲକୁଟି ନେତେରି ଗସାନା ହୁଟାମାତେ । ନାନୁ ଏଦାନି ମେସାନା ହାରେକା କାବା ଆତେସ୍ । ୭

ଅଡ଼େ ଦୂରୁ ନାଡ଼େ ଏଲେଇଞ୍ଜାତେ, “ଏନାଆଁତାକି କାବା ଆହିମାଞ୍ଜି? ନାନୁ ଏ ଆୟାଚି ଅଡ଼େ ସାତା ଗଟା ଡାକ୍ତା ଇଞ୍ଜା ଦସଗଟା କମ୍‌କା ଗାଟି ଏଦାଣି ଡେକାମାନି ଜନ୍ତୁତି ତୁଗାମାନି କାତା ନାନୁ ନିଡ଼େ ଖେସିମାଞ୍ଜାଇଁ, ଖେନାମୁ । ୮ ଜନ୍ତୁ ର ଦିନା ନୀତାମାତେ; ନୀଏଁ ଅଡ଼େ ନୀତାହିଲେଏ, ସାମା ତବେ ତାଡ଼େପୁରୁଟି ନିଢ଼ୁ ଖାନେ ଇଞ୍ଜା ଅର ଦେବା ନାସା ଆନେ । ଦାର୍ତ୍ତି ଗାଡ଼ି ଆତି ନକେଏ ଆମ୍ବାଆରି ଦରୁ ଜୀଝୁତି ପତିତା ରାସ୍‌କି ଆହାହିଲେଏ, ଦାର୍ତ୍ତିତା ବାସାଆହାମାନି ବାରେ ଲକୁ ଜନ୍ତୁଇଁ ମେସାଁ କାବାଆନେରି । ଏଦି ର ଦିନା ନୀତାମାତେ, ନୀଏଁ ଅଡ଼େ ହିଲେଏ, ସାମା ଅଡ଼େ ର ଦେବା ଡଞ୍ଜାଆନେ ।”

**(Abysos g12) ୯** “ଇ ବାରେ କାତା ତେଲହାଲି ତାକି ବୁଦି ଲଡ଼ାମାନେ । ଜନ୍ତୁତି ସାତାଗଟା ଡାକ୍ତା ସାତେଏ ସାତାଗଟା ହର୍କା, ଆମିନି ଲାକ ଆୟାଚି କୁଗାମାନେ । ଏଞ୍ଜି ଜିକେଏ ସାତା ଜାଣା ରାଜାୟାଁ ଲେହେଁ । ୧୦ ଏଞ୍ଜାରି ବିତ୍ରାଟି ପାସାଜାଣା ମେଶ୍‌ଡ଼ା ହାଜାମାନେରି, ନୀଏଁ ରଅସି ମାନେସି, ଅଡ଼େ ରଅସି ନୀଏଁ ପାତେକା ଖାହାହିଲଅସି, ଏଞ୍ଜାସି ଖାତିସାରେ ଗାଡ଼େକା ତାକିଏ ସାଲଞ୍ଜି କିନେସି । ୧୧ ଅଡ଼େ ଆମିନି ଜନ୍ତୁ ର ଦିନା ନୀତାମାତେ, ଏଦି ଆଟା ଲମ୍ବର ରାଜା, ଏ ବାରେ ରାଜାୟାଁ ବିତ୍ରାଟି ରଅସି ଇଞ୍ଜା ଏଞ୍ଜାସି ଜିକେଏ ତବେ ନାସା ଆନେସି ।” ୧୨ “ମୀରୁ ମେସାମାନି ଦସଗଟା କମ୍‌କା, ଦସ ଜାଣା ରାଜାୟାଁ ଲେହେଁ, ଏଞ୍ଜାରି ନୀଏଁ ପାତେକା ସାଲଞ୍ଜି କିହାହିଲଅରି । ସାମା ଜନ୍ତୁ ତଲେ ସାଲଞ୍ଜି କିହାଲିତାକି ର ଗଂଟା ତାକି ଏଞ୍ଜାରାକି ବାଡ଼୍‌ୟୁ ହୀପ୍‌କିଆନେ । ୧୩ ଏଞ୍ଜାରି ରଣ୍ଡିଏ ଅଶ୍‌ପୁ ତଲେ ମାଞ୍ଜାନା ତାମି ବାଡ଼୍‌ୟୁ ଅଡ଼େ ଅଦିକାରା ଏ ଜନ୍ତୁକି ହୀନେରି । ୧୪ ଏଞ୍ଜାରି ମେଶ୍‌ଟା ଡାଲୁ ତଲେ ଉଜୁ କିନେରି, ଅଡ଼େ ମେଶ୍‌ଟା ଡାଲୁ ଏଞ୍ଜାରାଇଁ ଜୀଣା ଆନେ, ଇତିହିଁ ଏଞ୍ଜାସି ପ୍ରବୁ କିହାଁ ପ୍ରବୁ ଅଡ଼େ ରାଜା କିହାଁ ରାଜା, ଅଡ଼େ ଆମିନି ଗାଟାରି ଏଞ୍ଜାଣିତଲେ ମାନେରି ଏ ହାଟାମାନାରି, ଆତାମାନାରି ଅଡ଼େ ନାମୁଗାଟାରି ଜିକେଏ ଜୀଣା ଆନେରି ।” ୧୫ ଦୂରୁ ନାଡ଼େ ଅଡ଼େ ଏଲେଇଞ୍ଜାତେ, “ନାନୁ ଆମିନି ଏୟୁଣି ମେସ୍ତି, ଆମିନି ଲାକ ଏ ଦାରେଣି କୁଗାମାନେ, ଏଦି ଆହିମାନେ ଏଟ୍‌କା ଏଟ୍‌କାତି ଦେସା, କୁଡ଼ା, ଗତି ଇଞ୍ଜା ହାତାଗାଟି କୁଲମି । ୧୬ ନାନୁ ମେସାମାନି ଦସଗଟା କମ୍‌କା ଇଞ୍ଜା ଏ ଜନ୍ତୁ, ଦାରେଣିନି ଅପାଠ; ଏଞ୍ଜି ଏଦାନି ତାଣାଟି ବାରେ ପିସ୍‌ପିକିହା ଅହାନା ନାଗଡ଼ା କିହାନା ପିହ୍‌ନୁ । ଏଞ୍ଜି ଏଦାନି ଉଡ଼୍‌ପା ତିଞ୍ଜାନା ହିରୁତା ହୁଡାନା ନାସା କିନୁ । ୧୭ ଏନାଆଁତାକି ଇତିହିଁ, ମାହାପୁରୁ ତାନୁ ଅଶ୍‌ପାମାନାଣି କିହାଲିତାକି

ଏହାଆଁତାକି ଇ ଅଣ୍ଟୁ ହାହାମାନେସି । ଏଞ୍ଜି ରଣ୍ଡିଏ ମନ ଆହାନା କାମା କିନ୍ତୁ  
 ଇଞ୍ଜି ମାହାପୁରୁତି ବଲ୍ଲୁ ସାତାତଲେ ଆଆପାତେକା ରାଜିତି ସାଲଞ୍ଜି କିନି ବଜୁ  
 ଏ ଜନ୍ତୁ କେନ୍ଦୁତା ପିସାହାନେସି ।” ୧୮ “ଇଞ୍ଜି ଆମିନି ଆୟାଟି ମେସ୍ତି, ଏଦି  
 ଆହିମାନେ, ଦାର୍ତ୍ତିତି ରାଜାୟାଣି ସାଲଞ୍ଜି କିହିମାନି ଏ କାଜା ଗାଡ଼ା ।”

**୧୮** ଏଚେଟିଏ ନାନୁ ଅଡେ ର ଦୁରୁଇଁ ଲାକପୁରୁଟି ରେଚା ଖାହିମାଚାଣି  
 ମେସ୍ତିଏ; ଏଞ୍ଜି କାଜା ଅଦିକାରା ଗାଟାୟି, ତାନି ଗାଞ୍ଜୁରମି ତାକି ଦାର୍ତ୍ତି  
 ବାରେ ଉଜେଡ଼ି ଆହାହାଚେ । ୨ ଏଦି କାଜା ହାତାତଲେ କାଲଞ୍ଜି ଆହିଁ  
 ଏଲେଇଚେ, “କାଜା ଗାଡ଼ା ବାବିଲନ ମେଶ୍ଟିଚେ! ଏଦି ବାରେ ମେଶ୍ଟିଚେ!  
 ଏଦି ବୁରୁୟା ବାସାଟାୟୁ ଅଡେ ପଲ୍ଲଆ ଜୀଞ୍ଜୁୟା ଅଡେ ପଲ୍ଲଆ କାମାୟା,  
 ଇଞ୍ଜି ଅପାଆଗାଟି ପଟାୟାତି ବାସାଟାୟୁ ଆହାମାନେ । ୩ ଇତିହିଁ ବାରେ  
 ଜାତିଚାରି ତାନି ଦାରି କାମାଲେହେଟି କାତୁ ଗସାମାନେରି, ଦାର୍ତ୍ତିତି ରାଜାୟା  
 ତାନିତଲେ ଦାରିକାମା କିହାମାନେରି, ଅଡେ ଦାର୍ତ୍ତିତି ବେବାରା ଗାଟାରି ତାନି  
 ଜୁପକାଟି ବାଡ଼କୁ ଗାଟାରି ଆହାମାନେରି ।” ୪ ଏଚେଟିଏ ନାନୁ ଲାକପୁରୁଟି  
 ଅଡେ ର ହାତା ଏଲେ ଇଞ୍ଜିମାନାଣି ଖେଚେସି, “ଏ ମା ଲକ୍ଷ୍ମିଚେରି! ଏଦାଆଁତାକି  
 ଏଦାନି ତାଣାଟି ହୁଚା ଖାଦୁ! ମୀରୁ ଏନିକି ଏଦାନି ପାପୁତା ଆଣ୍ଡୁଅଚେରି; ଇଞ୍ଜି  
 ତାନି ତଣ୍ଡୁତି ବାଗା ବେଟାଆଅଚେରି; ୫ ଏନାଆଁତାକି ଇତିହିଁ ଏଦାନି ପାପୁ  
 ବାରେ ଲାକପୁରୁ ପାତେକା ଏଜାମାନେ, ଅଡେ ଏଦି କିହାମାନି ଲାଗେଏତି  
 କାମା ମାହାପୁରୁ ମନତା ଅଣ୍ଟାପାମାନେସି । ୬ ଏଦି ମିଢ୍ଢେ ଏନି କିହାମାଞ୍ଜାନେ  
 ଏଲେକି ମୀରୁ ଏଦାନାକି କିନ୍ତୁ: ତାନି କିହାମାନାଣି କିହିଁ ରୀ ଗୁଣ୍ଡୁ ଖେଟ୍ଟୁ,  
 ଏଦି ଆମିନି ସଲାତା କାତୁ ଆଟ୍ଟହାମାନେ, ଏମ୍ପାଆଁ ରୀ ଗୁଣ୍ଡୁ କାତୁ ତାନି  
 ସଲାତା ଆଟ୍ଟୁ । ୭ ଏଦି ଏଚେକା ତାନି ଗାଞ୍ଜୁରମି କିହାମାନେ ଅଡେ ବଡପଣ  
 ତଲେ ମାଞ୍ଜାମାନେ, ଏଲେକି ଏଦାନାକି ଦୁକୁ କସ୍ତୁ ହାଦୁ: ଏନାଆଁତାକି ଇତିହିଁ  
 ଏଦି ଜାହାରାଇଁ ମନତା ଖେସା କତିମାନେ, ‘ନାନୁ ରାଣି ଆହିଁ କୁଗାମାଇଁ,  
 ନାନୁ ରାଣ୍ଡେଣିଚେସି ଆଏ, ନାଢ୍ଢେ ଏଚେଲାଖା ଦୁକୁ କିହାଲି ଆଏ ।’ ୮  
 ଇଦାଣିତାକି ର ଦିନା ବିତା ତଣ୍ଡୁ ପାଣ୍ଡେ, ଇତିହିଁ ହାକି, ଡାକି, ଅଡେ କାର୍ଞୁ  
 ଆନେ, ଅଡେ ଏଦି ହିରୁତା ଖେହାହାମାନେ, ଇତିହିଁ ଏଦାନି ନାହିଁୟି କିନାସି ପ୍ରବୁ  
 ମାହାପୁରୁ ବାରେ ବାଡ଼ୟୁ ଗାଟାସି ।” ୯ ଦାର୍ତ୍ତିତି ବାରେ ରାଜାୟା ତାନିତଲେ  
 ଦାରିକାମା କିହାନା ରାହିଁଟି ନୀତାମାନେରି, ଏଞ୍ଜାରି ଏଦାନି ହୁଡ଼ିମାନି ହିରୁ  
 ବୟି ମେହ୍ନେରି, ଇଞ୍ଜି ଏଦାନି ତାକି ଦୁକୁ ଆହିଁ ଡୀନେରି; ୧୦ ଏଞ୍ଜାରି ଏଦାନି

କାକୁଲିଟି ଆଜିତାକି ହେକ ନିତାନା ଏଲେଇନେରି, “ଆୟତା, ଆୟତା, କାଜା  
 ଗାଡ଼ା, ବାଡ଼ୟୁ ଗାଟି ଗାଡ଼ା ବାବିଲନ ନୀନୁ ବାକା ପଶ୍ନାତି, ଇତିହିଁ ରଣ୍ଡିଏ  
 ଗଂଟା ବିତ୍ରା ନୀ ତଣ୍ଡୁ ଖାତେ!” ୧୧ ଅଡ଼େ ଦାର୍ତ୍ତିତି ବେବାରା ଗାଟାରି ଏଦାନି  
 ତାକି ଦୁକୁ ଆହାଁ ଡ଼ାନେରି, ଏନାଆଁତାକି ଇତିହିଁ ଆମ୍ବାଆରି ଏଞ୍ଜାରି ପାର୍ନି  
 ଦିଶ୍ପୁ କଡ଼ଅରି, ୧୨ ଇତିହିଁ ବାଂଗାରା, ଖେଣ୍ଡି, ଦାରା ଗାଟି ମଣି ଅଡ଼େ  
 ମୁକ୍ତାୟାଁ, ସିଲ୍‌କୁ ହିମ୍ବରିକା, ହେୟାଁ ଖାଣାଗାଟି ହିମ୍ବରିକା, ପାଟୁ ହିମ୍ବରିକା,  
 ଏଟ୍‌କା ଏଟ୍‌କାତି ଅଜିତି ହିମ୍ବରିକା, ଚନ୍ଦନ ଇଞ୍ଜାଁ ଏଦାନି ଲେହେଁତି ଗାନ୍ଧୁ  
 ଗାଟି ମାର୍‌କା, ହାତି ପାଲ୍‌କା, ଦାରା ଗାଟି ଖେସ୍‌କା, ପିତାଡ଼ା, ଲହ, ଅଜିତି  
 ଦୁସ୍‌ପା ଖାଲ୍‌କାତଲେ ଚେପିତି ବାରେ ଆସ୍ତି । ୧୩ ଡ଼ାକ୍‌ନି ସାଲି, ଗାନ୍ଧୁଗାଟି  
 ଆସ୍ତି, ଦୁପ୍‌ଣି, ଗାନ୍ଧୁଗାଟି ରୁବିନି ନିୟାଁ, ଗାନ୍ଧୁଗାଟି ଦୁପ୍‌ଣି, କାଡୁ, ନିୟାଁ, ଗୁଣ୍ଡା,  
 ଗହଁ, କଡ଼ିୟାଁ, ଫେଣ୍ଡାୟାଁ, ଗଡ଼ାୟାଁ, ରାତାୟାଁ, କଡ଼ାମାନି ହଲିୟାଡ୍ଡା, ଅଡ଼େ  
 ମାଣ୍ଡସିୟାଁତି ଜୀଞ୍ଜୁ । ୧୪ “ନୀ ଜୀଞ୍ଜୁତି ଜୁପ୍‌କା ଗାଟି ଅଶ୍‌ପୁତି ପାଡ଼େୟିକା  
 ନୀ ତାଣାଟି ମେଣ୍ଡା ହାରୁ, ଅଡ଼େ ବାରେ ଡ଼ାକ୍‌ନାୟି, ରାହାଁତି ବାରେ ନୀ  
 ତାଣାଟି ଏଟ୍‌କା କିଞ୍ଜି ଆହାଁ ନାସା ଆହାମାନେ, ଅଡ଼େ ଏଚେଲାଞ୍ଜା ଏ ବାରେ  
 ମେଡ଼ା ଆୟେଏ!” ୧୫ ଇ ବାରେ ଦିଶ୍‌ପୁତି ବେବାରା କିନାରି ଏ କାଜା ଗାଡ଼ା  
 ତଲେ ବାଡ଼କୁ ଗାଟାରି ଆହାମାଚେରି, ଏଞ୍ଜାରି ଏଦାନି କସ୍ତୁତି ଆଜିତାକି ହେକ  
 ନିତାନା ଦୁକୁ ତଲେ ଡ଼ାହିଁ ଏଲେଇନେରି । ୧୬ “ଆୟତା! କାଜା ଗାଡ଼ାତି!  
 ନିଢ୍ଢେତାକି ଏଚେକା ଆଜିହ୍‌ପେତି କସ୍ତୁ ଖାତେ, ନୀନୁ ଅଜିତି ହିମ୍ବରିକା, ହେୟାଁ  
 ଖାଣାଗାଟି ହିମ୍ବରିକା, ପାଟୁ ହିମ୍ବରିକା ହୁଟାମାଟି, ଅଡ଼େ ବାଂଗାରା, ଦାରାଗାଟି  
 ମଣି ଇଞ୍ଜାଁ ମୁକ୍ତାୟାଁ ତଲେ ମିଶ୍‌ସି ମାଟି ସାଜୁୟାଁ ତୁରହାମାଟି! ୧୭ ଇତିହିଁ  
 ରଣ୍ଡିଏ ଗଂଟା ବିତ୍ରା ଏ ବାରେ ଦନ ମେଣ୍ଡାହାଚେ । ଏୟୁ ଜାଜାୟାଁ ସାଲ୍‌ଖି  
 କିନାରି ଏମ୍ବାଆଁ କୁଗାମାନାରି ତଂଗାୟାଁ ସାଲ୍‌ଖି କିନାରି ଇଞ୍ଜାଁ ସାମ୍‌ଦୁରିତା  
 ଇତାଲା ଆତାଲା ରେଜିହିଁ ବେବାରା କିନାରି ହେକ ନିତାନା, ୧୮ ଏ ଗାଡ଼ାତି  
 ହୁଡ଼ିମାନି ହିତୁ ବୟାଁ ମେସାନା କାଜା ଗିୟାଁତଲେ ଏଲେଇନେରି, ଇ କାଜା  
 ଗାଡ଼ା ଲେହେଁ ଆମିନି ଗାଡ଼ାମାନେ । ୧୯ ଏଞ୍ଜାରି ତାମି ଡ଼ାର୍କା ଲାକ ଦୁଡ଼ି ଡ଼ାଞ୍ଜା  
 କଡ଼ାନା ଦୁକୁ ତଲେ ଡ଼ାହିଁ ଡ଼ାହିଁ ଏଲେଇଚେରି, ଆୟତା ଏ କାଜା ଗାଡ଼ାତି,  
 ନିଢ୍ଢେ ଏଚେକା ଆଜିହ୍‌ପେତି ତଣ୍ଡୁ ଆତେ, ନୀ ବାଡ଼କୁ ତଲେ ସାମ୍‌ଦୁରିତି  
 ଜାଜାଣା ରେଜିହିଁ ବାଡ଼କା ମାଚେରି, ନୀଏଁ ରଣ୍ଡିଏ ଗଂଟା ବିତ୍ରା ଏ ବାରେ  
 ମେଣ୍ଡାହାଚେ!” ୨୦ ଲାକପୁରୁ, ମାହାପୁରୁ ଲକୁ, ପାଣ୍ଡୁଖି ଆହାମାନାଚେରି,

ମାହାପୁରୁ ଅଶ୍ୱପୁତ୍ର ବଲ୍ଲୁ ଷ୍ଟେହ୍ନାତେରି! ମୀରୁ ଏଦାନି ନାସା ଆନାଣି ତାକି  
 ରାହାଁ ଆଦୁ, ଏନାଆଁତାକି ଇଚିହ୍ନି ମାହାପୁରୁ ମିଢ୍ଢେ କିହା ମାଞ୍ଜାନାଣି ତାକି  
 ବାଦୁଲି ଅହାମାନେସି । ୨୧ ଏଚେଟିଏ ଡାୟୁ ର କାଜା ଦୂରୁ, ର ଜେତାଖାଲି  
 ଲେହେଁତି ର ଖାଲି ସାମ୍ବୁରି ଲାକ ମେତ୍ତହାନା ଏଲେଇଚେ, “ଇଲେକିଁ କାଜା  
 ଗାଡ଼ା ବାବିଲନ ମେତ୍ତପି ଆନେ, ଅଡ଼େ ଏଦି ଏଚେଲାଖା ତୁଞ୍ଜା ଆଏ । ୨୨  
 ସେର୍ଡ଼ିୟାଁ ଅଡ଼େ ପାଟିନାରି ହାଡା, ପୀରୁଡ଼ି ଉକିନାରି, ତୀଡ଼ି ଉକିନାରି ହାଡା  
 ଏଚେଲାଖା ଏଦାନି ଡାଣା ଡ଼େଢ଼େସ, ନେହିଁ ନେହିଁ ସାଜୁ ଇଞ୍ଜାଁ ଏଟ୍‌କାତି ଆସ୍ତି  
 କେପିନାରି ନୀ ଡାଣା ତୁଞ୍ଜା ଆଅରି, ଅଡ଼େ ଜେତାଖାଲକା ତଲେ ନୁୟିନାୟି  
 ଏଚେଲାଖା ହାଡା ଡ଼େଢ଼େସ । ୨୩ ଦୀଝିୟାଁତି ଉଜେଡ଼ି ନୀ ଡାଣା ଏଚେଲାଖା  
 ଡ଼ାଞ୍ଜେସ, ବୀହା ଆନି ମାସ୍କା ଅଡ଼େ ବୀହା ଆନି କକାରି ହାଡା ନୀ ଡାଣା  
 ଏଚେଲାଖା ଡ଼େଢ଼େସ, ଏନାଆଁତାକି ଇଚିହ୍ନି ନୀ ଡାଣା ଚେବାରା କିନାରି  
 ଦାର୍ତ୍ତିତା କାଜାରି ମାଚେରି, ଅଡ଼େ ନୀ ମାୟାମନୁରତା ବାରେ କୁଡ଼ାତି ଲକୁ  
 ମୁଞ୍ଜା ହାଜାମାଚେରି!” ୨୪ ଗାଡ଼ାତା ମାହାପୁରୁ ଅଶ୍ୱପୁତ୍ର ବଲ୍ଲୁ ଷ୍ଟେହ୍ନାରି,  
 ମାହାପୁରୁ ଲକୁ, ଇଞ୍ଜାଁ ଦାର୍ତ୍ତିତା ପାୟୁଡ଼ିଆହାମାନି ଲକୁତି ନେଚେରି ଏଦାନି  
 ଡାଣା ତୁଞ୍ଜାଆହାମାଚେ ।

**୧୯** ଏଚେଟିଏ ଲାକପୁରୁ ର କାଜା ମାନ୍ତା ଲକୁତି ହାଡାଲେହେଁତି ର କାଜା  
 ହାଡା ଏଲେଇଞ୍ଜିମାଚାଣି ଷ୍ଟେଚେସ୍, “ହାଲେଲୁୟା! ଗେଲ୍‌ପିନି, ଗାଝୁରମି ଅଡ଼େ  
 କାଜାପାଣା ମା ମାହାପୁରୁଖାୟି । ୨ ଇଚିହ୍ନି ଏଖାଣି ନୀହାୟି ସାତା ଅଡ଼େ  
 ନେହାୟି, ଆମିନି କାଜା ଦାରେଣି ତାନି ଦାରିକାମା ତଲେ ଦାର୍ତ୍ତିତି ଲକୁଣି  
 ପଲ୍‌ଆ କିହାମାଚେ, ମାହାପୁରୁ ଏଦାନି ତଣ୍ଡୁ ହୀହାନା ତାନି ହୁଲିୟାଡ଼୍ଝାଣି  
 ପାୟିତି ନେଚେରିତି ବାଦୁଲି ଅଡ଼େସି ।” ୩ ଅଡ଼େ ଏଖାରି ରୀ ପାଲି  
 ଏଲେଇଚେରି “ହାଲେଲୁୟା! ଏ ଗାଡ଼ା ଷ୍ଟେହିମାନି ବୁୟିଁ କାଲାକାଲାତାକି  
 ହୁଚେମାନେ ।” (aiōn g165) ୪ ଏଚେଟିଏ କଡ଼େ ସାରି ଜାଣା ପ୍ରାଟିନାଡ଼୍ଝା ଅଡ଼େ  
 ସାରିଗଟା ଜନ୍ତୁୟାଁ ମୁନୁ କୁତାନା ସିଂଗାସାଣିତା କୁଗାମାନି ମାହାପୁରୁଇଁ ଜହରା  
 କିହାନା ଏଲେଇଚୁ, “ଆମେନ୍ ହାଲେଲୁୟା!” ୫ ଏଚିବେଲା ସିଂଗାସାଣିତି ର  
 ହାଡା ହୁଚାନା ଷ୍ଟେଡ଼ିଚେ, “ଏ ମାହାପୁରୁତି ହୁଲିୟାଡ଼୍ଝାଚେରି, ଏଖାଣାଇଁ ଆଜିନି  
 କାଜାରି ଇଚାରି ବାରେଜାଣା ଚେରି ମୀରୁ ମାହାପୁରୁଇଁ ଜହରା କିଦୁ ।” ୬  
 ଅଡ଼େ ନାନ୍ତୁ କାଜା ମାନ୍ତା ଲକୁ ଲେହେଁତି ହାଡା, ଲଦ ଲଦ ରିହିମାନି ଏୟୁ  
 ଲେହେଁତି ହାଡା, ଅଡ଼େ ହାଗୁ ଗୁଣ୍‌ହିମାନି କାଜା ହାଡାଲେହେଁ ଏଲେଇଞ୍ଜି

ଷ୍ଟେସିମାନାଣି ଷ୍ଟେରେସ୍, “ହାଲେଲୁୟା! ଇତିହାସ ପ୍ରଭୁ ମା ବାଡ଼୍‌ୟୁଗାଟି ମାହାପୁରୁ  
 ରାଜା ଆହାମା ପାଣା ବେଟା ଆହାମାନେସି । ୭ ଖାଦୁ ମାର ରାହାଁ ଆନ, ଇଞ୍ଜି  
 ଏଞ୍ଜାଣି ଗାଞ୍ଜୁରମି ତାକି ଏଞ୍ଜାଣାଇଁ ଜହରା କିନ, ଏନାଆଁତାକି ଇତିହାସ ଫେଣ୍ଡା  
 ଡାଲୁତି ବାହା ଆନି ଦିନା ଏଦାତେୟିଏ, ଇଞ୍ଜି ଏଞ୍ଜାସି ବାହା ଆନି ମାଢ଼ା  
 ତିୟାରା ଆହାମାନେ । ୮ ଏଦାନାକି ମିହୁନି ଅଡେ ଅପନି ହିମ୍ପରି ହୁତାଲି  
 ହାପକି ଆଡୁ.” ଏ ଦବଲା ହିମ୍ପରି ଇତିହାସ ମାହାପୁରୁ ଲକୃତି ଦାମ୍ବି କାମାୟି ।  
 ୯ ଏଚିବେଲା ଦୁରୁ ନାଢ଼େ ଏଲେଇଞ୍ଜାତେ, “ରାତାମ୍ପୁ ଆମିନି ଗାଟାରି ଫେଣ୍ଡା  
 ଡାଲୁତି ବାହା ବଜିତା ହାବକି ଆହାମାନେରି, ଏଞ୍ଜାରାକି ନେହେଁ ।” ଅଡେ ଏଦି  
 ନାଢ଼େ ଏଲେଇଞ୍ଜାତେ, “ଇ ବାରେ ମାହାପୁରୁତି ସାତା ବଲୁ ।” ୧୦ ଏଚେଟିଏ  
 ନାନୁ ଏଦାନି ଜହରା କିହାଲି ତାନି କତାୟି ଡଲ ରାତେସ୍, ଏଚେଟିଏ ଏଦି  
 ନାଢ଼େ ଏଲେଇଞ୍ଜାତେ, ଜାଗ୍ରାତା, ଇଲେ କିଆନି, ନାନୁ ଜୀସୁ ଅଡେ ମୀ  
 ସାକି ଇଞ୍ଜି ମୀ ତାୟିୟାଁ ତଲେ ର ହଲେଏଣା ଲେହେଁ; ନାନୁ ମାହାପୁରୁଇଁ  
 ଜହରା କିମ୍ପୁ, ଜୀସୁତି ସାକି ଏଦି ସାତା, ମାହାପୁରୁ ବଲୁ ଷ୍ଟେହୁନାରି ଜୀସୁ ।  
 ୧୧ ଏଚେଟିଏ ନାନୁ ଲାକପୁରୁତି ଦେପିଆହାମାନାଣି ମେସ୍ତେସ୍, ଏମ୍ପାଆଁ ର  
 ଦବଲା ଖାଣାଗାଟି ଗଡ଼ା ମାତେ, ଏମ୍ପାଆଁ ହୁତାମାନାଣି ଦରୁ ନାମାତାୟି ଅଡେ  
 ସାତାତାୟି; ଏଞ୍ଜାସି ନେହେଁକି ନାହାୟି କିନେସି, ଅଡେ ଜୁଜୁ କିନେସି । ୧୨  
 ଏଞ୍ଜାଣି କାଣ୍ଡାକା ହିରୁ ଗୁଦ୍‌ଞ୍ଜା ଲେହେଁତାଲ, ତାନି ତାୟିୟାଁ ହାରେକା ଟପେରିକା,  
 ଅଡେ ଏଞ୍ଜାଣି ର ଦରୁ ରାସକି ଆହାମାନେ, ଏ ଦରୁ ଏଞ୍ଜାଣି ପିସ୍‌ପେ ଆମ୍ପାଆରି  
 ପୁନଅରି । ୧୩ ଏଞ୍ଜାସି ନେଚେରିତା ଉଡ଼ହା ମାନି ର ହିମ୍ପରି ହୁତାମାନେସି,  
 ଇଞ୍ଜି ଏଞ୍ଜାଣି ଦରୁ “ମାହାପୁରୁତି ବଲୁ ।” ୧୪ ଲାକପୁରୁତି ଜୁଜୁ କିନାରି ଅପନି  
 ଦବଲା ହିମ୍ପରିକା ହୁତାମା ଦବଲା ଖାଣା ଗଡ଼ାୟି ଲାକ କୁଗାନା ତାନି ଜେଚ  
 ହାଚେ । ୧୫ ଏଞ୍ଜାଣି ଗୁଡ଼ିଟି ଖାସ୍ତି କାଣ୍ଡା ହନେ, ଏ କାଣ୍ଡାତଲେ ବାରେ ଦେସାତି  
 ଲକୃତ୍ତି ଗୁଣ୍ଡନେସି; ଏଞ୍ଜାସି ଏଞ୍ଜାରାଇଁ ଲହ ବାଡ଼୍‌ଗା ତଲେ ସାଲଞ୍ଜି କିନେସି,  
 ଅଡେ ଏଞ୍ଜାସି ତାନୁଏ ବାରେ ବାଡ଼୍‌ୟୁଗାଟି ମାହାପୁରୁ କାଜା କପା ଲେହେଁତି  
 ଅଡ଼୍‌ରି ପାଡେୟିକା ପାଟିନି ଗାଡ଼୍‌ୟୁତା ମାନି ପାଡେୟିକା ଷ୍ଟିହୁନେସି । ୧୬  
 ଏଞ୍ଜାଣି ହିମ୍ପରିତା ଅଡେ ଏଞ୍ଜାଣି କୁଦ୍‌ଗୁତା ଇ ଦରୁ ରାସକି ଆହାମାନେ, “ରାଜା  
 କିହାଁ ରାଜା ଅଡେ ପ୍ରଭୁ କିହାଁ ପ୍ରଭୁ ।” ୧୭ ଏଚେଟିଏ ନାନୁ ର ଦୁଡୁଇଁ ଷ୍ଟେଡ଼ା  
 ଲାକ ନିତାମାନାଣି ମେସ୍ତେସ୍; ଏଦି ହାଗୁତି ମାଦି ଉମ୍ପିମାନି ବାରେ ପଟାୟିଣି  
 କାଜା ହାତାତଲେ ହାଟାନା ଏଲେଇଚେ, “ଖାଦୁ ମାହାପୁରୁତି କାଜା ବଜିତା



କୃତା ଆତ୍ମା er ଏନିକିଁ ମୀରୁ ରାଜାୟାଁ, ଜୁଜୁ ଡାକି କାଜାରି, ବାଡ଼୍‌ମୁ ଗାଟାରି,  
 ଗଡ଼ାୟାଁ ଅଡ଼େ ଗଡ଼ା ଲାକ କୁଗାମାନାରି, କଡ଼ାମାନି ହଲିୟାଢ଼ା, ହଲିୟାଢ଼ା  
 ଆଆତାରି, କାଜାରି ଅଡ଼େ ଇଚାରି ବାରେତି ଉଢ଼ା ତିଞ୍ଜେରି!” ec ଡାୟୁ ନାନୁ  
 ଜନ୍ତୁତି ଅଡ଼େ ଦାର୍ତତି ରାଜାୟାଁଣି ଅଡ଼େ ଏଝାରି ଜୁଜୁ କିନାରାଇଁ, ଏଝାରି  
 ଗଡ଼ାୟାଁ ଲାକ କୁଗାମାନାରି ଇଞ୍ଜିଁ ଏଝାରି ଜୁଜୁ କିନାରି କପାତି ଜୁଜୁ କିହାଲି  
 କୃତା ଆହାମାନାଣି ମେସ୍ତେସ୍ । ୨୦ ଏ ଜୁଜୁତା ଜନ୍ତୁ ଅଡ଼େ ଏଦାନି ନକିତା  
 କାବାଆନି କାମା କିହିମାନି ଏ ନାଡ଼ିକିନି କ୍ରୀସୁଇଁ ଆସାନା ଦସ୍‌ପିଆଡେ ।  
 ଆମିନି ଲକୃତାଣା ଏ ଜନ୍ତୁତି ସିନା ମାରେ ଇଞ୍ଜିଁ ଆମ୍ବାଆରି ଏଦାନି ବମାତି  
 ପୂଜା କିହିମାରେରି, ଜନ୍ତୁ ତାନି କାବାଆନି କାମା ତଲେ ଏଝାରାଇଁ ନାଡ଼ି  
 କିହାମାରେ । ଜନ୍ତୁ ଇଞ୍ଜିଁ ନାଡ଼ିକିନି କ୍ରୀସୁଇଁ ଡ଼ାଞ୍ଜିମାନି ହିରୁତା ଜୀଝୁତଲେ  
 ମେଡ଼୍‌ପିଆଡେ । (Limnē Pyr g3041 g4442) ୨୧ ଅଡ଼େ ଏରେକା ଡ଼ୟିତି  
 ଲକୃ ଗଡ଼ା ଲାକ କୁଗାମାନାଣି ଗୁତିଚି ହଚିମାନି କାଣ୍ଡାତଲେ ପାୟୁଝିଆଡେରି;  
 ଏରେଟିଏ ବାରେ ପଟାୟାଁ ଏଝାରି ଉଢ଼ା ତିଞ୍ଜାଣା ବାଣ୍ଡି ପାଞ୍ଜିରୁ ।

**୨୦** ଏରେଟିଏ ନାନୁ ର ଦୁଡୁଇଁ ଲାକପୁରୁଟି ରେଚା ଝାହିମାଚାଣି ମେସ୍ତେସ୍,  
 ଏଦାନି କେୟୁତା ଡାଡ଼େପୁରୁ ଗାଡ଼୍‌ୟୁତି କୁତିକାଡ଼ି ଅଡ଼େ ର କାଜା ହିକ୍‌ଣି  
 ମାରୁ । (Abyssos g12) ୨ ଏଦି କାଜା ରାରୁତି, ଏ ପୁଞ୍ଜଇ ନାଗା, ଇତିହିଁ  
 ଦିୟାବଲ ଅଡ଼େ ସୟତାନତି ଆସାନା ର ମାଣା ବାର୍ଯ୍ୟା ପାଡେକା ଦସ୍‌ପା  
 ଇଚିଡେ । ୩ ଅଡ଼େ ଏଦାନି ଡାଡ଼େପୁରୁ ଗାଡ଼୍‌ୟୁତା ମେଡ଼୍‌ହାନା ଗାଡ଼୍‌ୟୁତି  
 ଦୁଝେରି ସୁଣ୍ଡାନା ଏଦାନି ଲାକ ହାକିତି ସୀଲି ଝେଡେ, ଇଞ୍ଜିଁ ଏନିକିଁ ଏଦି ର  
 ମାଣା ବାର୍ଯ୍ୟା ରାଆ ପାଡେକା ଦେସାତି ଲକୃଣି ନାଡ଼ି କିହାଲି ଆଡେଏ; ଅଡ଼େ  
 ଡାୟୁ ଗାଡ଼େକା ଡାକି ପିସ୍‌ପି କିୟାଲି ଆନେ । (Abyssos g12) ୪ ଏରେଟିଏ  
 ନାନୁ ଏଚରଗଟା ସିଂଗାସାଣିୟାଁ ମେସ୍ତେସ୍, ଏ ବାରେ ଲାକ ଏଚରଜାଣା  
 କୁଚିତେରି, ଏଝାରାକି ନୀହାୟାଁ କିହାଲି ଅଦିକାରା ହୀପ୍‌କିଆଡେ, ଅଡ଼େ  
 ଜୀସୁତି କାତା ଇଞ୍ଜିଁ ମାହାପୁରୁତି ବଲୁ ଡାକି ଆମ୍ବାଆରି ଡାକା ଦାପି ଆହାମାରୁ,  
 ଇଞ୍ଜିଁ ଆମ୍ବାଆରି ଏ ଜନ୍ତୁ ଅଡ଼େ ତାନି ବମାତି ଜହରା କିହାଁ ହିଲାଆଡେରି  
 ଅଡ଼େ ତାନି ସିନାତି ମୁଞ୍ଜୁତା କି କେୟୁତା ବେଟାଆହା ହିଲାଆଡେରି, ଏଝାରି  
 ଜୀଝୁୟାଁ ମେସ୍ତେସ୍; ଏଝାରି ଝେଣ୍ଡେ ନୀତାନା କ୍ରୀସୁ ତଲେ ର ମାଣା ବାର୍ଯ୍ୟା  
 ପାଡେକା ସାଲଝି କିଡେରି । ୫ ଅଡ଼େ ଏରେକା ହାତି ଲକୃ ଏ ର ମାଣା  
 ବାର୍ଯ୍ୟା ରାଆ ପାଡେକା ନୀତାଆଡେରି, ଇଦିଏ ତଲିତି ହାକିତି ନିଢ଼ିନାୟାଁ ।

୭ ଆତ୍ମାଆରି ମୂଲ୍ୟ ଖେଣ୍ଡେ ନିଢ଼ିନି ତାଣା ଆଣ୍ଡିନେରି ଏଞ୍ଜାରି ନେହେଁ, ଅଡ଼େ ଏଞ୍ଜାରି ସୁଦୁଗାଟାରି; ଅଡ଼େ ଏଞ୍ଜାରି ମୁହେଁ ଡାୟୁତି ହାକିତି ଏନି ଅଦିକାରା ହିଲେଏ, ସାମା ଏଞ୍ଜାରି ମାହାପୁରୁ ଅଡ଼େ କ୍ରୀସ୍ତତି ପୂଜେରାଞ୍ଜୁ ଆହାନା ଏଞ୍ଜାଣିତଲେ ର ମାଣା ବାର୍ଯ୍ୟା ପାତେକା ସାଲଞ୍ଜି କିନେରି । ୭ ଏ ର ମାଣା ବାର୍ଯ୍ୟା ରାତିସାରେ ସୟତାନ ଦସ୍ପି ଆହାମାତି ଇଲୁଟି ପିସ୍ପି ଆନେ । ୮ ଏତେଟିଏ ସୟତାନ ଦାର୍ତ୍ତିତି ସାରିସୁରୁ ମାନି ଦେସାତାରାଇଁ ଇତିହିଁ ସାମ୍ବୁରିତି ବାଞ୍ଜି ସମାନା ହାରେକା ଗର୍ ଅଡ଼େ ମେଗର୍ ଏଞ୍ଜାରାଇଁ ନାଡ଼ିକିହାନା ଲୁଲୁ ତାକି କୁଡ଼ିକିହାଲି ହଚାହାନେ । ୯ ଏଞ୍ଜାରି ଦାର୍ତ୍ତିତି ସାରିସୁରୁ ହାଜାନା ମାହାପୁରୁ ଲୁକୁ ବାସାଆନି ତାଣା ଅଡ଼େ ମାହାପୁରୁ ଜୀଞ୍ଜୁ ନହାମାନି କାଜା ଗାଡ଼ାତା ମୁଚିତେରି, ଏଡିବେଲା ଲାକପୁରୁଟି ହିରୁ ରିହାନା ଏଞ୍ଜାରାଇଁ ନାସା କିତେ । ୧୦ ଆମିନି ସୟତାନ ଏଞ୍ଜାରାଇଁ ନାଡ଼ି କିହାମାତେ, ଏଦାନି ହିରୁ ଅଡ଼େ ଗାନ୍ଧାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼୍ଯୁତା ମେଡ଼ପିଆତେ, ଏମ୍ପାଆଁ ଏ ଜନ୍ତୁ ଇଞ୍ଜି ମାହାପୁରୁ ବଲୁ ମିତି ଖେହ୍ନାସି ଜିକେଏ ମାନେସି; ଅଡ଼େ ଏଞ୍ଜାରି ଏମ୍ପାଆଁ ଲାଆଁ ମାଦେନା କାଲାକାଲା ତାକି ତଣ୍ଡୁ ବେଟାଆନେରି । (aiōn g165, Limnē Pyr g3041 g4442) ୧୧ ଏତେଟିଏ ନାନୁ ର କାଜା ଦବ୍ଲା ସିଂଗାସାଣି ଇଞ୍ଜି ଏମ୍ପାଆଁ ରଅସି କୁଗାମାନାଣି ମେସ୍ପେସ୍; ଏଞ୍ଜାଣି ନକିତି ଦାର୍ତ୍ତି ଅଡ଼େ ହାଗୁପାକା ହଟାଡୁସୁ, ଏଞ୍ଜାସିକାକି ଅଡ଼େ ଚାୟୁ ମେଡ଼ା ଆଆତେ । ୧୨ ଅଡ଼େ ନାନୁ ଇଚାରି କାଜାରି ବାରେ ହାତାରାଇଁ ସିଂଗାସାଣି ନକିତା ନିଚାମାନାଣି ମେସ୍ପେସ୍, ଅଡ଼େ ପତିୟା ବାରେ ଦେପିଆତୁ: ଡାୟୁ ଜୀଞ୍ଜୁପତି ଇଞ୍ଜି ଅଡ଼େ ର ପତି ଦେପିଆତେ; ଏ ପତିଣାଁ ରାସ୍କି ଆହାମାନି ଲେହେଁ ହାତାରି ତାମି କିତି କାମା ଲେହେଁ ନାହାୟି କିଞ୍ଜି ଆତେରି । ୧୩ ସାମ୍ବୁରି ତାନିଡ଼ାଣାଟି ହାତାରାଇଁ ହେର୍ପିତେ, ଇଞ୍ଜି ହାକି ଅଡ଼େ ଡାଡ଼େପୁରୁ ତାନି ତାଣା ହାତାରାଇଁ ହେର୍ପିତୁ: ଇଞ୍ଜି ଏଞ୍ଜାରି ବାରେ ତାମି କିତି କାମା ଲେହେଁ ନାହାୟି କିଞ୍ଜି ଆତେରି । (Hadēs g86) ୧୪ ଏତେଟିଏ ହାକି ଅଡ଼େ ଡାଡ଼େପୁରୁଟି ହିରୁତଲେ ଡ଼ାଞ୍ଜିମାନି ଗାଡ଼୍ଯୁତା ମେଡ଼ପିଆତେ, ଇ ଡାୟୁତି ହାକି ଇତିହିଁ ହିରୁ ଗାଡ଼୍ଯୁ । (Hadēs g86, Limnē Pyr g3041 g4442) ୧୫ ଆତ୍ମାଆରି ଦରୁ ଜୀଞ୍ଜୁତି ପତିତା ରାସ୍କି ଆହା ହିଲାଆତେ ଏଞ୍ଜାରାଇଁ ଡ଼ାଞ୍ଜିମାନି ହିରୁ ଗାଡ଼୍ଯୁତା ମେଡ଼ପିଆତେ । (Limnē Pyr g3041 g4442)

**୨୧** ଏମ୍ପାଟିଏ ନାନୁ ର ପୁଞ୍ଜି ହାଗୁପାକା ଅଡ଼େ ପୁଞ୍ଜି ଦାର୍ତ୍ତି ମେସ୍ପେସ୍, ଇତିହିଁ ତଲିତି ହାଗୁପାକା ଅଡ଼େ ତଲିତି ଦାର୍ତ୍ତି ମେଶ୍ଝୁ ହାଜାମାତେ,

ଇଚ୍ଛା ସାମୁଦ୍ରି ଅଡ଼େ ହିଲାଆଡେ । ୭ ଅଡ଼େ ନାନୁ ସୁଦୁ ଗାଡ଼ା ଇଚିହିଁ  
 ପୁଃନି ଜିରୁସାଲମତା ତାନି ବୀହା ଆନି ତକ୍ରାଲ୍ ବେଟାଆୟାଲି ତିୟାରା  
 ଆହାମାନି ତାଆ ମାଙ୍ଗାଲେହେଁ ଲାକପୁରୁତି ମାହାପୁରୁ ତାଣାଟି ରେତାଝାହି  
 ମାତାଣି ମେସ୍ତେସ୍ । ୩ ଅଡ଼େ ନାନୁ ସିଂଗାସାଣିଟି ର କାଜା ହାଡ଼ା ଏଲେ  
 ଇଚ୍ଛାମାତାଣି ଝେରେସ୍, “ମେହ୍ତୁ ମାଣ୍ଟିୟାଁ ତାଣା ମାହାପୁରୁତି ବାସାଟାୟୁ  
 ମାନେ, ଏଝାସି ଏଝାରିତଲେ ବାସା ଆନେସି, ଇଚ୍ଛା ଏଝାରି ଏଝାଣି ଲକୁ  
 ଆନେରି, ୪ ଅଡ଼େ ମାହାପୁରୁ ତାନୁଏ ଏଝାରିତଲେ ତୁୟିନେସି, ଇଚ୍ଛା ଏଝାରି  
 କାନୁତି ବାରେ କାଣ୍ଟୁ ଜେଜାତୁହନେସି; ଏମ୍ପାଆଁ ହାକି ଅଡ଼େ ଝାଏ; ତୁକୁ ତାକି,  
 ଇଚ୍ଛା ବୀସା ଅଡ଼େ ତୁୟେସ; ଇଚିହିଁ ପୁଃଆୟି ବାରେ ମେଣ୍ଟୁ ହାଜାମାନେ ।”  
 ୫ ଏଚେଟିଏ ସିଂଗାସାଣିତା କୁଗାମାନାସି ଏଲେଇଚେସି, “ମେହ୍ତୁ ନାନୁ ବାରେ  
 ପୁଃନି କିହିମାଲ୍” ଅଡ଼େ ଏଝାସି ଏଲେଇଚ୍ଛାତେସି, “ରାତାମୁ, ଏନାଆଁତାକି  
 ଇଚିହିଁ ଇ ବାରେ କାତା ସାତାତାୟି ଅଡ଼େ ନାମୁଗାଟାୟି ।” ୬ ଏଝାସି  
 ନାଡ଼େ ଅଡ଼େ ଏଲେଇଚ୍ଛାତେସି, “ବାରେ ରାତେୟିଏ, ନାନୁ ଆଲ୍ପା ଅଡ଼େ  
 ଅମେଗା, ମାଟ୍ନାତେସ୍ ଅଡ଼େ ରାପ୍ନାତେସ୍, ଆମ୍ପାଆସି ଏସ୍କି ଗାଟାସି  
 ଏଝାଣାକି ଜୀଝୁହାନି ଜାର୍ଣାଟି ତାରୁୟାଁ ହୀଆନା ଏୟୁ ଗସାଲି ହୀଲ୍ । ୭  
 ଆମ୍ପାଆସି ଜାଣା ଆନେସି, ଏଝାସି ଇ ବାରେତି ଅଦିକାରା ଆନେସି; ନାନୁ  
 ଏଝାଣି ମାହାପୁରୁ ଆଲ୍, ଇଚ୍ଛା ଏଝାସି ନା ମାର୍ସସି ଆନେସି । ୮ ସାମା  
 ଆମ୍ପାଆସି ଆଜିନାରି, ନାମୁ ହିଲାଆ ଗାଟାରି, ଅପାଆଗାଟି କାମାକିନାରି,  
 ଲକୁଣି ପାୟିନାରି, ଦାରି କିନାରି, ଗୁଣି ଗାର୍ଡ଼ି କିନାରି, ପେଣ୍ଟାକା ବମାୟାଁ ପୁଜା  
 କିନାରି, ଏଝାରି ଅଡ଼େ ବାରେ ମିତି କାତା ଝେହ୍ନାରି, ହିରୁ ଅଡ଼େ ଗାନ୍ଦୁଗୁଣ୍ଡା  
 ତଲେ ତୀଞ୍ଜିମାନି ଗାଡ଼୍ପୁତା ଟାୟୁ ବେଟାଆନେରି, ଏଦି ତାୟୁତି ହାକି ।”  
 (Limnē Pyr g3041 g4442) ୯ ଏଚେଟିଏ ସାତାଗଟା ଦୂରୁୟାଁ ତାୟୁତି ସାତାଗଟା  
 ତଣ୍ଡୁୟାଁଲ୍ ଆସାମାନି ସାତାଗଟା ଗିନାୟାଁଣା ସାତାଗଟା ଦୂରୁୟାଁ ବିତାଟି ର ଦୂରୁ  
 ନା ତାଣା ଝାହାନା ଏଲେଇଚ୍ଛାତେ, “ଇମ୍ପାଆଁ ଝାମୁ, ବୀହା ଆହିମାନି ତାଆମାଙ୍ଗା  
 ଇଚିହିଁ ମେଣ୍ଟା ତାଲୁତି ତକ୍ରିନି ନିଙ୍ଗୁ ତସ୍ତାଲ୍ ।” ୧୦ ଏଚେଟିଏ ଏ ଦୂରୁ ନାଡ଼େ  
 ସୁଦୁଜୀଝୁ ବାଡ଼୍ପୁତି ର କାଜାୟି ଅଡ଼େ ପାତାଆତି ହରୁତା ଅହାନା ଏ ସୁଦୁ ଗାଡ଼ା  
 ଜିରୁସାଲମତି ତସ୍ତାତେ, ଏଦି ଲାକପୁରୁତି ଇଚିହିଁ ମାହାପୁରୁ ତାଣାଟି ରେତା  
 ଝାହିମାତେ, ୧୧ ଅଡ଼େ ଏଦି ମାହାପୁରୁତି ଗାଝୁରମି ତଲେ ମୁଁସିମାତେ, ଏଦାନି  
 ଉଜେଡ଼ି ହାରେକା ଦାରାଗାଟି ମଣି ଅଡ଼େ ଝେଡ଼ାତି ଅପ୍ନି ଦାପେଣିଲେହେଁ ।


୧୭ ଏଦାନି ସାରିସୁଟୁ ର କାଜାୟି ଅଡ଼େ ପାଡ଼ାଆତି କଟା ମାନେ, ଏମ୍ପାଆଁ  
 ବାରଗଟା ଦୁଖେରିକା, ଏ ଦୁଖେରିକାଣା ବାରଜାଣା ଦୁଡୁୟାଁ ଇଞ୍ଜି ଦୁଖେରିକା  
 ଲାକ ଇସ୍ତାୟେଲ ମୀରକାତି ବାର କୁଡ଼ାତି ଦରକା ରାସକି ଆହାମାନେ । ୧୩  
 ଝେଡ଼ା ହୁପୁଖାକି ତାନିଗଟା ଦୁଖେରିକା, ଚିଃନିଖାକି ତାନିଗଟା ଦୁଖେରିକା,  
 ଚେବୁଖାକି ତାନିଗଟା ଦୁଖେରିକା, ଅଡ଼େ ଝେଡ଼ା କୂଡ଼ନି ଖାକି ତାନିଗଟା  
 ଦୁଖେରିକା । ୧୪ ଏ ଗାଡ଼ାତି କଟା ବାରଗଟା ପୁନାଦିକା ଇଟ୍ଟକି ଆହାମାନୁ,  
 ଏ ଖାଲକା ଲାକ ଫେଣ୍ଡା ଡାଲୁ ଡାଣାଟି ବାରଜାଣା ପାଣୁଖି ଆହାମାନାରି  
 ବାରଗଟା ଦରକା ରାସକି ଆହାମାନୁ ୧୫ ନା ତଲେ କାତା ଆହିମାତି ଦୁଡୁତି  
 କେୟୁଡ଼ା ଗାଡ଼ାତି, ଇଞ୍ଜି ଏମ୍ପାତି ଦୁଖେରିକା ଅଡ଼େ ସାରିସୁଟୁତି କଟା ଲାଟାଲି  
 ର ବାଂଗାରା ବାଡ଼ଗା ମାତେ । ୧୬ ଏ ଗାଡ଼ା ସାରି କନ, ତାନି ଲାମ୍ପା ଅଡ଼େ  
 ଅସାରା ରଣ୍ଡିଏ ସମାନା; ଏଞ୍ଜାସି ଏ ଗାଡ଼ାତି ଏ ବାଡ଼ଗା ତଲେ ଲାଟାଲିଏ ବାର  
 ମାଣା ବାଡ଼ଗା ଆତେ; ଏମ୍ପାତି ଲାମ୍ପା ଅସାରା ଅଡ଼େ ପାଡ଼ଣି ଜିକେଏ ସମାନା  
 ଆତେ । ୧୭ ଅଡ଼େ ଡାୟୁ ଏଦି ଗାଡ଼ାତି ସାରିସୁଟୁ କଟା ଲାଟାଲିଏ ଏଦି  
 ମାଣ୍ଡସିତି ଲେକାତଲେ ସାତାକଡ଼ି ସାରି ହାତା ଆତେ, ଦୁଡୁ ଏ ଲେକାତଲେ  
 ଲାଟି ମାତେ । ୧୮ ଏ ସାରିସୁଟୁତି କଟା ଝେଡ଼ାତି ଅପ୍ତନି ଦାପେଣି ଲେହେଁତି  
 ମଣି ତଲେ କେପି ଆହାମାନେ, ଅଡ଼େ ଗାଡ଼ା ଅପ୍ତନି ଦାପେଣି ଲେହେଁତି  
 ସୁଡୁ ବାଂଗାରା ତଲେ କେପି ଆହାମାନେ । ୧୯ ଗାଡ଼ାତି ସାରିସୁଟୁ କଟାତି  
 ପୁନାଦି ଏଟ୍ଟକା ଏଟ୍ଟକାତି ହାରେ ଦାରାଗାଟି ମଣି ଖାଲକାତଲେ ଅଜିକିଞ୍ଜି  
 ଆହାମାନେ, ତଲିତି ପୁନାଦି ଜାସପର, ରୀ ଲମ୍ପର ପୁନାଦି ନିଲକାନ୍ତମଣି,  
 ତାନି ଲମ୍ପର ପୁନାଦି ବଦୁଜ୍ୟମଣି, ସାରି ଲମ୍ପର ପୁନାଦି ମରକତମଣି, ୨୦  
 ପାସା ଲମ୍ପର ପୁନାଦି ପଲକମଣି, ସା ଲମ୍ପର ପୁନାଦି ମାଣିକ୍ୟ ମଣି, ସାତା  
 ଲମ୍ପର ପୁନାଦି ପୁସ୍ପରାଗମଣି, ଆଟା ଲମ୍ପର ପୁନାଦି ପିରଜମଣି, ନ ଲମ୍ପର  
 ପୁନାଦି ଗମେସଦକ ମଣି, ଦସ ଲମ୍ପର ପୁନାଦି ଇସ୍ତନିୟମଣି, ଏଗାର ଲମ୍ପର  
 ପୁନାଦି ଦାର୍ଶକି ଖାଣାଗାଟି ମଣି, ବାର ଲମ୍ପର ପୁନାଦି ନେହିଁ ଗାନ୍ଧୁଗାଟି ମଣି  
 ମାତେ । ୨୧ ବାର ଗଟା ଦୁଖେରିକାଣାଁ ବାରଗଟା ମୁକ୍ତାୟାଁ, ର ଦୁଖେରିତି ର  
 ମୁକ୍ତା ତଲେ କେପି ଆହାମାନୁ: ଅଡ଼େ ଗାଡ଼ାତି ଆଂଗେଣିକା ନେହିଁ ଦାପେଣି  
 ଲେହେଁତି ସୁଡୁ ବାଂଗାରା ତଲେ ଆହାମାନୁ । ୨୨ ନାନୁ ଏ ଗାଡ଼ାତା ଏନି  
 ଦେଖୁଡ଼ି ଜିକେଏ ମେହ୍ଆତେଏଁ, ଇତିହିଁ ପ୍ରବୁ ବାରେ ବାଡ଼ୟୁ ଗାଟି ମାହାପୁରୁ  
 ଅଡ଼େ ଫେଣ୍ଡା ଡାଲୁଏ ଏମ୍ପାତି ଦେଖୁଡ଼ି ସମାନା । ୨୩ ଉଜେଡ଼ି ତାକି ଏମ୍ପାଆଁ

ଝେଡ଼ା କି ଲେଖୁଛି ଲଡ଼ା ଥାଏ, ଇତିହାସିକ ମାହାପୁରୁଷ ଗାଧୁରମିଏ ଏମ୍ପାଆଁ  
 ଉଜେଡ଼ି କିନେ, ଅଡ଼େ ମେଣ୍ଡା ଡାଲୁ ଏମ୍ପାତି ଦାଝି ସମାନା । ୨୪ ଏମ୍ପାତି  
 ଉଜେଡ଼ି ତଲେ ବାରେ ଦାର୍ତ୍ତିତି ଲକୁ ଡାକିନେରି, ଅଡ଼େ ଦାର୍ତ୍ତିତି ରାଜାୟା  
 ତାମି ହାରେକା ଦନ ଏ ଗାଡ଼ା ବିତ୍ରା ତାନେରି । ୨୫ ଏମ୍ପାତି ଦୁଝେରିକା  
 ମାଦେନା ବେଲା ଦେପି ଆହାଁ ଡ଼ୟିନ୍ତୁ; ଏଝି ଏଚେଲା ଜିକେଏ ସୁଣୁକି ଆଉ,  
 ଇତିହାସି ଏ ଟାୟୁତା ଲାଆଁୟାଁ ଇନାୟି ହିଲେଏ । ୨୬ ବାରେ କୁଡ଼ାତି ଲକୁ ତାମି  
 ଗାଧୁରମି ଅଡ଼େ ହାରେକା ଦନ ଏ ଗାଡ଼ାତା ତାନେରି । ୨୭ ଏନି ପଲୁଆ  
 ଗାଗାରି କି ଅପାଆଗାଟି କାମାକିନାରି, ମିତି ଜଲିନାରି ଆମ୍ପାଆରି ଏମ୍ପାଆଁ  
 ହତାଲି ଆଡ଼ଅରି; ସାମା ଆମ୍ପାଆରି ଦରୁ ମେଣ୍ଡା ଡାଲୁତି ଜୀଝୁତି ପତିତା  
 ରାସକି ଆହାମାନେ, ଏଝାରି ହତାଲି ଆଡ଼ିନେରି ।

**୨୨** ଡାୟୁ ଦୁରୁ ନାଡ଼େ ଜୀଝୁହାନି ଏୟୁତି ର କାଡ଼ା ଡ଼ସ୍ତାଚେସି, ଏଦି ଅପ୍ପନି  
 ଦାପେଣିଲେହେଁ ଉଜେଡ଼ି, ଅଡ଼େ ମାହାପୁରୁ ଇଞ୍ଜାଁ ମେଣ୍ଡା ଡାଲୁତି ସିଂଗାସାଣିଟି  
 ହତାନା ଗାଡ଼ାତି ଜିରୁ ମାଦିତି ହାଜିମାନେ । ୧ ଏ କାଡ଼ାତି ରିକଝାକି ବାର  
 ଦେବା ପାଡ଼େୟି ଆୟିନି ଜୀଝୁତି ମାର୍ନୁ ମାନେ, ଏମ୍ପାଆଁ ଲେଖୁ ତାକି ଲେଖୁ  
 ପାଡ଼େୟି ଆୟିନେ, ଇଞ୍ଜାଁ ଏ ମାର୍ନୁତି ଆକା ବାରେ କୁଡ଼ାତାରାଇଁ ରଗଟି  
 ନେହିଁ କିନାଇ । ୩ ଏମ୍ପାଆଁ ଏନି ବାକା ଡ଼ୟେଏ, ମାହାପୁରୁ ଅଡ଼େ ମେଣ୍ଡା  
 ଡାଲୁତି ସିଂଗାସାଣି ଗାଡ଼ା ମାଦିଏ ଡ଼ୟିନେ, ଇଞ୍ଜାଁ ଏଝାଣି ହଲିୟାଡ଼ୁ ଏଝାଣି  
 ସେବା କିନେରି । ୪ ଏଝାରି ତାନି ମୁମୁ ମେହନେରି, ଇଞ୍ଜାଁ ତାନି ଦରୁ ଏଝାରି  
 ମୁଞ୍ଜୁତା ରାତିନେସି । ୫ ଏମ୍ପାଆଁ ଲାଆଁୟାଁ ଥାଏ, ଏଝାରାକି ଦାଝି କି ଝେଡ଼ାତି  
 ଉଜେଡ଼ି ଲଡ଼ା ଥାଏ, ଇତିହାସି ପ୍ରବୁ ମାହାପୁରୁ ଏଝାରି ମୁହେଁ ଉଜେଡ଼ି ଲେହେଁ  
 ଆନେସି, ଇଞ୍ଜାଁ ଏଝାରି କାଲାକାଲା ତାକି ରାଜି କିନେରି । (aiōn g165) ୬  
 ଏଚେଟିଏ ଦୁରୁ ନାଡ଼େ ଏଲେଇଚେସି, “ଇ ବଲୁ ସାତା ଇଞ୍ଜାଁ ନାମୁଗାଟାୟି;  
 ଏନାୟି ଗାଡ଼େକେଏ ଗଟଝି ଆନେ, ଏ ବାରେ ତାନି ସେବା କିନାରାଇଁ ଡ଼ସାଲି  
 ତାକି, ପ୍ରବୁ ମାହାପୁରୁ ଅଶ୍ପୁତି ବଲୁ ଝେହନାରି ଜୀଝୁୟାଁତି ମାହାପୁରୁ, ତାନି  
 ଦୁରୁଇଁ ପାଣ୍ଡାମାଞ୍ଜନେସି ।” ୭ “ମେହମୁ ନାନୁ ତବେ ଝାହିମାଇଁ; ଆମ୍ପାଆସି ଇ  
 ପତିତି ବଲୁତି ମାନଝି ଆନେସି ଏଝାସି ନେହେଁ ।” ୮ ନାନୁ ଜହନଚେସି, ଇ  
 ବାରେ ଝେଟି ଅଡ଼େ ମେସି ଡାୟୁ ଆମିନି ଦୁରୁ ନାଡ଼େ ଏ ବାରେ ଡ଼ସ୍ତାଚେ, ନାନୁ  
 ଏଦାନି ଜହରା କିହାଲି ତାନି ପାଠଆନା କଡ଼ାଣା ରାଚେସି । ୯ ସାମା ଏଦି  
 ନାଡ଼େ ଏଲେଇଞ୍ଜାଚେ, “ଜାଗ୍ରାତା ଏଲେକିଆନି, ନାନୁ ଜିକେଏ ନୀ ତଲେ

ମାହାପୁରୁ ଅଣ୍ଟୁତି ବଲୁ ଝେହ୍ନି ନୀ ତାୟିୟାଁ ତଲେ, ଅଡ଼େ ଇ ପତିତା  
 ରାସ୍କି ଆହାମାନି ବଲୁତି ବାରେ ମାନଝି ଆନାରି ତଲେ ର ହଲେଏଣା  
 ଲେହେଁ; ମାହାପୁରୁଇଁ ଜହରା କିମ୍ପୁ ।” ୧୦ ଅଡ଼େ ଏଦି ନାଢ଼େ ଏଲେଇଞ୍ଜାତେ,  
 “ନୀନୁ ଇ ପତିତି ଡାୟୁ ଗଟଝି ଆନି ବଲୁତି ସୀଲି କିଆନି, ଏନାଆଁତାକି  
 ଇତିହିଁ କାଲମି ଏଦାତେୟିଏ । ୧୧ ଆମ୍ବାଆସି ଦାମ୍ବୁ ହିଲାଆଗାଟାସି, ଏଞ୍ଜାସି  
 ଅଡ଼େ ଦାମ୍ବୁ ହିଲାଆ କାମା କିପାସି, ଆମ୍ବାଆସି ଲାଗେଏ କାମା କିନେସି,  
 ଏଞ୍ଜାସି ଅଡ଼େ ଲାଗେଏ କାମା କିପାସି, ଆମ୍ବାଆସି ଦାମ୍ବୁଗାଟାସି, ଏଞ୍ଜାସି ଅଡ଼େ  
 ଦାମ୍ବୁଗାଟାସି ଆପେସି, ଆମ୍ବାଆସି ସୁଦୁଗାଟାସି, ଏଞ୍ଜାସି ଅଡ଼େ ସୁଦୁ ଆପେସି  
 ।” ୧୨ “ମେହ୍ମୁ, ନୀନୁ ତବେ ଝାହିମାଇଁ, ବାରେଜାଣା ତାକି ତାମି କାମାତି  
 ଲେକାତଲେ ପାଡ଼େୟି ହୀହାଲି ନା ଦାନା ନା ଡାଣା ମାନେ । ୧୩ ନୀନୁ ଆଲ୍ପା  
 ଅଡ଼େ ଅମେଗାତେଏଁ, ନକିତାତେଏଁ ଇଞ୍ଜା ଡାୟୁତାତେଏଁ, ମୁଲୁତାତେଏଁ ଅଡ଼େ  
 ରାପ୍ନାତେଏଁ ।” ୧୪ ଜୀଝୁତି ମାର୍ନୁତି ଅଦିକାରା ଆୟାଲି ଅଡ଼େ ଦୁଝେରିତି  
 ଗାଡ଼ାତା ହଡ଼ାଲି ତାକି ଆମ୍ବାଆରି ତାମି ହିମ୍ପୁରିକା ରାତାମାନେରି ଏଞ୍ଜାରି  
 ନେହେଁ । ୧୫ ସାମା ରେଜିମାନି ନେସ୍କା ଲେହେଁତାରି, ଗୁଣି ଗାର୍ଡ଼ି କିନାରି,  
 ଦାରିକାମା କିନାରି, ଲକୁଣି ପାୟିନାରି, ପେଣ୍ଟାକା ବମାୟାଣି ପୂଜା କିନାରି,  
 ମିତିକାତାତି ଜୀଝୁ ନନାରି, ମିତି କାମାତି କିହାଲି ରାହାଁ ଆନାରି ବାରେ  
 ପାଢ଼ାତା ଡ଼ୟିନେରି । ୧୬ “ନୀନୁ ଜୀସୁତେଏଁ, ମାହାପୁରୁ କୁଲମିକା ତାକି ମିଢ଼େ  
 ଇ କାତା ଝେସାଲି ନା ଦୂତୁଇଁ ପାଣ୍ଡାମାଞ୍ଜାଇଁ, ନୀନୁଏ ଦାଝୁଦତି ମୁଲୁ ଅଡ଼େ  
 କୁଡ଼ାତାତେଏଁ; ଏ ଉଜେଡ଼ିତି ଝେୟାଜାରା ହୁକାତେଏଁ ।” ୧୭ ସୁଦୁଜୀଝୁ ଅଡ଼େ  
 ବାହା ଆନି ଡାଆ ମାଢ଼ା ଏଲେଇନେ, “ଝାମ୍ବା!” ଆମ୍ବାଆସି ଝେନେସି ଏଞ୍ଜାସି  
 ଏଲେଇଣ୍ଡାସି, “ଝାମ୍ବା!” ଏସ୍କି ଗାଟାସି, ଝାପାସି, ଆମ୍ବାଆସି ମନ କିନେସି;  
 ଏଞ୍ଜାସି ଜୀଝୁହାନି ଏୟୁ ଉଜେଏ ଗସ୍ପେସି । ୧୮ ଆମ୍ବାଆରି ଇ ପତିତା  
 ମାନି ଡାୟୁ ଗଟଝି ଆନି କାତାତି ଝେନେରି, ନୀନୁ ଏଞ୍ଜାରାଇଁ ଜାଗ୍ରାତା କିହିଁ  
 ଝେସିମାଇଁ, ଆମ୍ବାଆସି ଇ ପତିତା ଏନାଆଁ ଆଟ୍ନେସି, ଆତିହିଁ ମାହାପୁରୁ ଇ  
 ପତିତା ରାସ୍କି ଆହାମାନି ତଣ୍ଡୁୟାଁ ଏଞ୍ଜାଣାକି ହୀନେସି; ୧୯ ଅଡ଼େ ଆମ୍ବାଆସି  
 ଇ ପତିତି ବଲୁତି ମ୍ଲେକ୍ନେସି, ଆତିହିଁ ମାହାପୁରୁ ଇ ପତିତା ରାସ୍କି ଆହାମାନି  
 ଜୀଝୁତି ମାର୍ନୁ, ଅଡ଼େ ସୁଦୁ ଗାଡ଼ାତି ତାନି ବାଗା ମ୍ଲେକ୍ନେସି । ୨୦ ଆମ୍ବାଆସି  
 ଇ ବାରେତାକି ସାକି ହୀହିମାନେସି, ଏଞ୍ଜାସି ଏଲେଇଞ୍ଜା ମାନେସି, ସାତା,

“ନାନୁ ତବେ ଝାହିମାଲ୍ ।” ଆମେନ୍ । ପ୍ରଭୁ ଜୀସୁ ଝାମ୍ନା ୨୧ ପ୍ରଭୁ ଜୀସୁତି  
କାର୍ନାମେହ୍ନାୟି ବାରେତାୟି ମାଡ୍ଡେ ଆୟାପେ । ଆମେନ୍ ।



ଅଡ଼େ ନାନୁ ସୁଦୁ ଗାଡ଼ା ଇତିହିଁ ପୁଞ୍ଜନି ଜିରୁଯାଲମତା ତାନି ବାହା ଆନି ତକ୍ରାଇଁ ବେଟାଆୟାଲି ତିୟାରା ଆହାମାନି ଦାଆ ମାଡ଼୍ଫାଲେହେଁ ଲାକପୁରୁତି ମାହାପୁରୁ ତାଣାଟି ରେତାଖାହି ମାତାଣି ମେସ୍ଫେର୍ସି । ଅଡ଼େ ନାନୁ ସିଂଗାସାଣିଟି ର କାଜା ହାଡ଼ା ଏଲେ ଇଞ୍ଜିମାତାଣି ଖେତେର୍ସି, “ମେହୁଦୁ ମାଣ୍ଠିୟିଁ ତାଣା ମାହାପୁରୁତି ବାସାତାୟୁ ମାନେ, ଏଖାସି ଏଖାରିତଲେ ବାସା ଆନେସି, ଇଞ୍ଜିଁ ଏଖାରି ଏଖାଣି ଲୁକୁ ଆନେରି,  
ଝେ ବଲୁ ୨୧:୨-୩



# Reader's Guide

କୃତ୍ତି, କୃଷ୍ଣି at [AionianBible.org/Readers-Guide](http://AionianBible.org/Readers-Guide)

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

# Glossary

କୃତ୍ତି, କୃଷ୍ଣି at [AionianBible.org/Glossary](http://AionianBible.org/Glossary)

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

## **Abyssos** g12

*Greek:* proper noun, place

*Usage:* 9 times in 3 books, 6 chapters, and 9 verses

*Meaning:*

Temporary prison for special fallen angels such as Apollyon, the Beast, and Satan.

## **aīdios** g126

*Greek:* adjective

*Usage:* 2 times in Romans 1:20 and Jude 6

*Meaning:*

Lasting, enduring forever, eternal.

## **aiōn** g165

*Greek:* noun

*Usage:* 127 times in 22 books, 75 chapters, and 102 verses

*Meaning:*

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

## **aiōnios** g166

*Greek:* adjective

*Usage:* 71 times in 19 books, 44 chapters, and 69 verses

*Meaning:*

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

## **eleēsē** g1653

*Greek:* verb, aorist tense, active voice, subjunctive mood, 3rd person singular

*Usage:* 1 time in this conjugation, Romans 11:32

*Meaning:*

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See [ntgreek.org](http://ntgreek.org).

**Geenna** g1067

*Greek:* proper noun, place

*Usage:* 12 times in 4 books, 7 chapters, and 12 verses

*Meaning:*

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

**Hadēs** g86

*Greek:* proper noun, place

*Usage:* 11 times in 5 books, 9 chapters, and 11 verses

*Meaning:*

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

**Limnē Pyr** g3041 g4442

*Greek:* proper noun, place

*Usage:* Phrase 5 times in the New Testament

*Meaning:*

Lake of Fire, final punishment for those not named in the Book of Life, prepared for the Devil and his angels, Matthew 25:41.

**Sheol** h7585

*Hebrew:* proper noun, place

*Usage:* 66 times in 17 books, 50 chapters, and 64 verses

*Meaning:*

The grave or temporal afterlife world of both the righteous and unrighteous, believing and unbelieving, until the general resurrection.

**Tartaroō** g5020

*Greek:* proper noun, place

*Usage:* 1 time in 2 Peter 2:4

*Meaning:*

Temporary prison for particular fallen angels awaiting final judgment.

# Glossary +

[AionianBible.org/Bibles/Kuvi---Kuvi-Bible/Noted](http://AionianBible.org/Bibles/Kuvi---Kuvi-Bible/Noted)

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. \* The note placement is skipped or adjusted for verses with non-standard numbering.

## Abyssos

ଲୁକ ୮:୩୧  
ରମି ୧୦:୭  
ସେବ କଲୁ ୯:୧  
ସେବ କଲୁ ୯:୨  
ସେବ କଲୁ ୯:୧୧  
ସେବ କଲୁ ୧୧:୭  
ସେବ କଲୁ ୧୭:୮  
ସେବ କଲୁ ୨୦:୧  
ସେବ କଲୁ ୨୦:୩

## aidios

ରମି ୧:୨୦  
ଜୀହ୍ୱା ୧:୭

## aiōn

ମାତି ୧୨:୩୨  
ମାତି ୧୩:୨୨  
ମାତି ୧୩:୩୯  
ମାତି ୧୩:୪୦  
ମାତି ୧୩:୪୯  
ମାତି ୨୧:୧୯  
ମାତି ୨୪:୩  
ମାତି ୨୮:୨୦  
ମାର୍କ ୩:୨୯  
ମାର୍କ ୪:୧୯  
ମାର୍କ ୧୦:୩୦  
ମାର୍କ ୧୧:୧୪  
ଲୁକ ୧:୩୩  
ଲୁକ ୧:୫୫  
ଲୁକ ୧:୨୦  
ଲୁକ ୧୭:୮  
ଲୁକ ୧୮:୩୦  
ଲୁକ ୨୦:୩୪  
ଲୁକ ୨୦:୩୫  
ଜହ ୪:୧୪  
ଜହ ୭:୫୧  
ଜହ ୭:୫୮  
ଜହ ୮:୩୫  
ଜହ ୮:୫୧  
ଜହ ୮:୫୨  
ଜହ ୯:୩୨  
ଜହ ୧୦:୨୮  
ଜହ ୧୧:୨୭  
ଜହ ୧୨:୩୪  
ଜହ ୧୩:୮  
ଜହ ୧୪:୧୭

କାମା ୩:୨୧  
କାମା ୧୫:୧୮  
ରମି ୧:୨୫  
ରମି ୯:୫  
ରମି ୧୧:୩୬  
ରମି ୧୨:୨  
ରମି ୧୬:୨୭  
୧କର ୧:୨୦  
୧କର ୨:୭  
୧କର ୨:୭  
୧କର ୨:୮  
୧କର ୩:୧୮  
୧କର ୮:୧୩  
୧କର ୧୦:୧୧  
୨କର ୪:୪  
୨କର ୯:୯  
୨କର ୧୧:୩୧  
ଗାଲା ୧:୪  
ଗାଲା ୧:୫  
ଏପିସି ୧:୨୧  
ଏପିସି ୨:୨  
ଏପିସି ୨:୭  
ଏପିସି ୩:୯  
ଏପିସି ୩:୧୧  
ଏପିସି ୩:୨୧  
ଏପିସି ୭:୧୨  
ପିଲିପି ୪:୨୦  
କଲସି ୧:୨୬  
୧ତିମ ୧:୧୭  
୧ତିମ ୭:୧୭  
୨ତିମ ୪:୧୦  
୨ତିମ ୪:୧୮  
ତିତସ ୨:୧୨  
ଏବ୍ରି ୧:୨  
ଏବ୍ରି ୧:୮  
ଏବ୍ରି ୫:୭  
ଏବ୍ରି ୭:୫  
ଏବ୍ରି ୭:୨୦  
ଏବ୍ରି ୭:୧୭  
ଏବ୍ରି ୭:୨୧  
ଏବ୍ରି ୭:୨୪  
ଏବ୍ରି ୭:୨୮  
ଏବ୍ରି ୯:୨୭  
ଏବ୍ରି ୧୧:୩  
ଏବ୍ରି ୧୩:୮  
ଏବ୍ରି ୧୩:୨୧  
୧ପିତ ୧:୨୩

୧ପିତ ୧:୨୫  
୧ପିତ ୪:୧୧  
୧ପିତ ୫:୧୧  
୨ପିତ ୩:୧୮  
୧କହ ୨:୧୭  
୨କହ ୧:୨  
ଜୀହ୍ୱା ୧:୧୩  
ଜୀହ୍ୱା ୧:୨୫  
ସେବ କଲୁ ୧:୭  
ସେବ କଲୁ ୧:୧୮  
ସେବ କଲୁ ୪:୯  
ସେବ କଲୁ ୪:୧୦  
ସେବ କଲୁ ୫:୧୩  
ସେବ କଲୁ ୭:୧୨  
ସେବ କଲୁ ୧୦:୭  
ସେବ କଲୁ ୧୧:୧୫  
ସେବ କଲୁ ୧୪:୧୧  
ସେବ କଲୁ ୧୫:୭  
ସେବ କଲୁ ୧୯:୩  
ସେବ କଲୁ ୨୦:୧୦  
ସେବ କଲୁ ୨୨:୫

## aiōnios

ମାତି ୧୮:୮  
ମାତି ୧୯:୧୭  
ମାତି ୧୯:୨୯  
ମାତି ୨୫:୪୧  
ମାତି ୨୫:୪୭  
ମାର୍କ ୩:୨୯  
ମାର୍କ ୧୦:୧୭  
ମାର୍କ ୧୦:୩୦  
ଲୁକ ୧୦:୨୫  
ଲୁକ ୧୭:୯  
ଲୁକ ୧୮:୧୮  
ଲୁକ ୧୮:୩୦  
ଜହ ୩:୧୫  
ଜହ ୩:୧୭  
ଜହ ୩:୩୬  
ଜହ ୪:୧୪  
ଜହ ୪:୩୬  
ଜହ ୫:୨୪  
ଜହ ୫:୩୯  
ଜହ ୭:୨୭  
ଜହ ୭:୪୦  
ଜହ ୭:୪୭  
ଜହ ୭:୫୪  
ଜହ ୭:୬୮

ଜହ ୧୦:୨୮  
ଜହ ୧୨:୨୫  
ଜହ ୧୨:୫୦  
ଜହ ୧୭:୨  
ଜହ ୧୭:୩  
କାମା ୧୩:୪୭  
କାମା ୧୩:୪୮  
ରମି ୨:୭  
ରମି ୫:୨୧  
ରମି ୭:୨୨  
ରମି ୭:୨୩  
ରମି ୧୭:୨୫  
ରମି ୧୭:୨୬  
୨କର ୪:୧୭  
୨କର ୪:୧୮  
୨କର ୫:୧  
ଗାଲା ୬:୮  
୨ଚେପ ୧:୯  
୨ଚେପ ୨:୧୭  
୧ଡିମ ୧:୧୭  
୧ଡିମ ୬:୧୨  
୧ଡିମ ୭:୧୭  
୨ଡିମ ୧:୯  
୨ଡିମ ୨:୧୦  
ଡିଡପ ୧:୨  
ଡିଡପ ୩:୭  
ପିଲିମ ୧:୧୫  
ଏବ୍ରି ୫:୯  
ଏବ୍ରି ୬:୨  
ଏବ୍ରି ୯:୧୨  
ଏବ୍ରି ୯:୧୪  
ଏବ୍ରି ୯:୧୫  
ଏବ୍ରି ୧୩:୨୦  
୧ପିଡ ୫:୧୦  
୨ପିଡ ୧:୧୧  
୧କହ ୧:୨  
୧କହ ୨:୨୫  
୧କହ ୩:୧୫  
୧କହ ୫:୧୧  
୧କହ ୫:୧୩  
୧କହ ୫:୨୦  
ଜୀହୁଦା ୧:୭  
ଜୀହୁଦା ୧:୨୧  
ଝେ ବଲ୍ଲୁ ୧୪:୭

### **eleēsē**

ରମି ୧୧:୩୨

### **Geenna**

ମାତି ୫:୨୨  
ମାତି ୫:୨୯  
ମାତି ୫:୩୦  
ମାତି ୧୦:୨୮  
ମାତି ୧୮:୯  
ମାତି ୨୩:୧୫  
ମାତି ୨୩:୩୩  
ମାର୍କ ୯:୪୩

ମାର୍କ ୯:୪୫  
ମାର୍କ ୯:୪୭  
ଲୁକ ୧୨:୫  
ଜାକ୍ୱବ ୩:୭

### **Hadēs**

ମାତି ୧୧:୨୩  
ମାତି ୧୭:୧୮  
ଲୁକ ୧୦:୧୫  
ଲୁକ ୧୭:୨୩  
କାମା ୨:୨୭  
କାମା ୨:୩୧  
୧କର ୧୫:୫୫  
ଝେ ବଲ୍ଲୁ ୧:୧୮  
ଝେ ବଲ୍ଲୁ ୬:୮  
ଝେ ବଲ୍ଲୁ ୨୦:୧୩  
ଝେ ବଲ୍ଲୁ ୨୦:୧୪

### **Limnē Pyr**

ଝେ ବଲ୍ଲୁ ୧୯:୨୦  
ଝେ ବଲ୍ଲୁ ୨୦:୧୦  
ଝେ ବଲ୍ଲୁ ୨୦:୧୪  
ଝେ ବଲ୍ଲୁ ୨୦:୧୫  
ଝେ ବଲ୍ଲୁ ୨୧:୮

### **Sheol**

Genesis ୩୭:୩୫  
Genesis ୪୨:୩୮  
Genesis ୪୪:୨୯  
Genesis ୪୪:୩୧  
Numbers ୧୬:୩୦  
Numbers ୧୬:୩୩  
Deuteronomy ୩୨:୨୨  
1 Samuel ୨:୬  
2 Samuel ୨୨:୬  
1 Kings ୨:୬  
1 Kings ୨:୯  
Job ୭:୯  
Job ୧୧:୮  
Job ୧୪:୧୩  
Job ୧୭:୧୩  
Job ୧୭:୧୭  
Job ୨୧:୧୩  
Job ୨୪:୧୯  
Job ୨୬:୬  
Psalms ୬:୫  
Psalms ୯:୧୭  
Psalms ୧୬:୧୦  
Psalms ୧୮:୫  
Psalms ୩୦:୩  
Psalms ୩୧:୧୭  
Psalms ୪୯:୧୪  
Psalms ୪୯:୧୫  
Psalms ୫୫:୧୫  
Psalms 86:୧୩  
Psalms 88:୩  
Psalms 89:୪୮


Psalms 116:୩  
Psalms 139:୮  
Psalms 141:୭  
Proverbs ୧:୧୨  
Proverbs ୫:୫  
Proverbs ୭:୨୭  
Proverbs ୯:୧୮  
Proverbs ୧୫:୧୧  
Proverbs ୧୫:୨୪  
Proverbs ୨୩:୧୪  
Proverbs ୨୭:୨୦  
Proverbs ୩୦:୧୭  
Ecclesiastes ୯:୧୦  
Song of Solomon ୮:୭  
Isaiah ୫:୧୪  
Isaiah ୭:୧୧  
Isaiah ୧୪:୯  
Isaiah ୧୪:୧୧  
Isaiah ୧୪:୧୫  
Isaiah ୨୮:୧୫  
Isaiah ୨୮:୧୮  
Isaiah ୩୮:୧୦  
Isaiah ୩୮:୧୮  
Isaiah ୫୭:୯  
Ezekiel ୩୧:୧୫  
Ezekiel ୩୧:୧୭  
Ezekiel ୩୨:୨୧  
Ezekiel ୩୨:୨୭  
Hosea ୧୩:୧୪  
Amos ୯:୨  
Jonah ୨:୨  
Habakkuk ୨:୫

### **Tartaroō**

୨ପିଡ ୨:୪


### **Questioned**

୨ପିଡ ୨:୧୭




ନିମ୍ନ ଅନୁସାରେ ମାଧ୍ୟମରେ ଉଲ୍ଲେଖ କରାଯାଇଛି, ଯେଉଁଠି ଉଲ୍ଲେଖ କରାଯାଇଛି, କିମ୍ବା ମାଧ୍ୟମରେ ଉଲ୍ଲେଖ କରାଯାଇଛି, ଯେଉଁଠି ଉଲ୍ଲେଖ କରାଯାଇଛି । - ଏହି ଚିତ୍ରଟି

# Israel's Exodus



*"When Pharaoh had let the people go, God didn't lead them by the way of the land of the Philistines, although that was near, for God said, 'Lest perhaps the people change their minds when they see war, and they return to Egypt'"* Exodus 13:17



କେଉଁ ମାଣ୍ଡି ମାଣ୍ଡି ଲିକ୍ୟ ଯେବା କେତାପ୍ରାଣି ଖାନ୍ତିଲଅସି, ସାମା ଯେବା କିହାଲ ଲକ୍ଷ୍ମି ଯୁକୋ ଲକ୍ଷ୍ମି ପାପୁଟି ଚିପ୍ପି କିହାଲିତାକ ତାନି ଜାଣୁ ହାହାଲି ଖାମାମାନ୍ଦେ । - ମାର୍କ ୧୦:୪୫





କ୍ରୀଷ୍ଟ ଜୀବିତ କଲେକ୍ଟି ଅଫେ ମାହାପୁରୁ ଛାନ୍ଦମାନି ନେଇଁ ଦିଲୁ ଖେଲେଇଲି ପାଣ୍ଡେ ଆହାଁ ଆତମା ହାଲୁକି ଆହାମାନି ସାମୁ ପାଞ୍ଜୁଲଟି ଅଢୁ । - ଗମି ୧:୧

## Creation 4004 B.C.



Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophesies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

## Jesus Christ born 4 B.C.

## New Heavens and Earth



Christ returns for his people	1956
Jim Elliot martyrdom in Ecuador	1830
John Williams reaches Polynesia	1731
Zinzendorf leads Moravian mission	1614
Japanese kill 40,000 Christians	1572
Jesuits reach Mexico	1517
Martin Luther leads Reformation	1455
Gutenberg prints first Bible	1323
Franciscans reach Sumatra	1276
Ramon Llull trains missionaries	1100
Crusades tarnish the church	1054
The Great Schism	997
Adalbert martyrdom in Prussia	864
Bulgarian Prince Boris converts	716
Boniface reaches Germany	635
Alopen reaches China	569
Longinus reaches Alodia / Sudan	432
Saint Patrick reaches Ireland	397
Carthage ratifies Bible Canon	341
Ulfilas reaches Goth / Romania	325
Niceae proclaims God is Trinity	250
Denis reaches Paris, France	197
Tertullian writes Christian literature	70
Titus destroys the Jewish Temple	61
Paul imprisoned in Rome, Italy	52
Thomas reaches Malabar, India	39
Peter reaches Gentile Cornelius	33
Holy Spirit empowers the Church	33

(Wikipedia, Timeline of Christian missions)

## Resurrected 33 A.D.

<b>What are we?</b> ▲	Genesis 1:26 - 2:3						Mankind is created in God's image, male and female He created us					
<b>How are we sinful?</b> ▲	Romans 5:12-19						Sin entered the world through Adam and then death through sin					
<b>When are we?</b> ▼												
<b>Where are we?</b> ▲	God	Father	Eternity Past	Innocence	Fallen			Glory				
		Son	John 10:30	Creation 4004 B.C.	Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth			
		Holy Spirit	God's perfect fellowship	Genesis 1:31	1 Timothy 6:16 Living in unapproachable light	John 1:14 Incarnate	John 14:17 Living in believers	Luke 23:43 Paradise	Acts 3:21 Philippians 2:11 Revelation 20:3			
	Mankind	Living		God's perfect fellowship with Adam in The Garden of Eden	Ephesians 2:1-5 Serving the Savior or Satan on Earth	Luke 16:22 Blessed in Paradise			God's perfectly restored fellowship with all Mankind praising Christ as Lord in the Holy City			
		Deceased believing			Luke 16:23, Revelation 20:5,13 Punished in Hades until the final judgment							
		Deceased unbelieving			Hebrews 1:14 Serving mankind at God's command							
	Angels	Holy	Genesis 1:1									
		Imprisoned	No Creation No people			2 Peter 2:4, Jude 6 Imprisoned in Tartarus		Revelation 20:13 Thalaasa	Matthew 25:41 Revelation 20:10			
		Fugitive		Genesis 1:31					Lake of Fire prepared for the Devil and his Angels			
		First Beast		No Fall No unholy Angels		1 Peter 5:8, Revelation 12:10 Rebelling against Christ Accusing mankind		Revelation 19:20 Lake of Fire				
False Prophet							Revelation 20:2 Abyss					
Satan												
<b>Why are we?</b> ▲	Romans 11:25-36, Ephesian 2:7						For God has bound all over to disobedience in order to show mercy to all					

# Destiny

କୃତ୍ତି, କୃଷ୍ଣି at [AionianBible.org/Destiny](http://AionianBible.org/Destiny)

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, "*the gates of Hades will not prevail*," Matthew 16:18. Paul asks, "*Hades where is your victory?*" 1 Corinthians 15:55. John wrote, "*Hades gives up*," Revelation 20:13.

Jesus comforts us saying, "*Do not be afraid*," because he holds the keys to *unlock* death and Hades, Revelation 1:18. Yet too often our *Good News* sounds like a warning to "*be afraid*" because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, "*out of the frying pan, into the fire?*" Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, "*Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. Jesus said, "*You did not choose me, but I chose you*," John 15:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



## World Nations

ଏକାଧିକ ମାତ୍ର ହଜନା ବାରେ କୁଡ଼ାତ ଲକ୍ଷଣି ଆବା, ମାତ୍ରଏକି ଅଫେ ସୁତୁଲ୍ୟୁ ଚକ୍ଷୁଟି ବାପ୍ତିସ୍ତ ହାତାମା, - ମାତି ୨୮:୧୧